


GERARDI JOAN. VOSSII  
ET  
Clarorum Virorum  
AD EUM  
EPISTOLÆ.

Collectore  
PAULO COLOMESIO

Ecclesiæ Anglicanæ Presbytero.

*Opus omnibus Philologiæ & Ecclesiasticæ Antiquitatis  
Studiosis utilissimum.*



LONDINI:

Prostant apud Sam. Smith, ad Insignia Principis in Cœmeterio  
D. Pauli. 1690.



GERARDUS JOHANNES VOSSE  
E. T. L.

Clasorum Virorum

AD ERM

EPISTOLAE

Colloquium

PAULO COLOMESIO

Epistolae Augustae Praefatio

Epistolae Augustae Praefatio  
Epistolae Augustae Praefatio

Epistolae Augustae Praefatio

LOVDIVII

Epistolae Augustae Praefatio  
Epistolae Augustae Praefatio

Serenissimo & Potentissimo PRINCIPi,

GUILIELMO

D. G.

*Magnæ Britannia, Franciæ, & Hiberniæ*

REGI;

Fidei Defensori;

PRINCIPI Arausionensium, &c.

Serenissime Domine,



ERARDUS-JOHANNES VOSSIUS, insigne Belgicæ Tuae Ornamentum, dum viveret; Vir, siquis alius, Magni Nominis in Rep. Literariâ; in hoc Epistolari Volumine jam Redivivus, ad genua Tua sacratissima provolvitur, supplex & gratulabundus. Te Principem suum agnoscit, Batavus; Te Regem suum salutat, Anglus; utrâque civitate donatus, utriusque gentis nexu obstrictus: ibi in Professoratum ab Illustrissimis Ordinibus adlectus; heic in Canonicatum Ecclesiæ Cantuariensis, beneficio CAROLI Primi, Avi Tui, hæc ætate, adscitus.



*Multæ mihi, eæque gravissimæ rationes (omisso jure gentilitio, cujus modò memini) hancce gloriosam Nuncupationem suadebant, imò persuadebant.*

*Primum, quòd cùm Tu Rei Britannicæ & Religionis Stator atque publicæ Libertatis Vindex, per summam Dei providentiam, extiteris; Tibi in fastigio rerum posito, ex merito, Egregium omne debeatur, Tuo imprimis Nomini consecrandum, quò aternare possit.*

*Deinde, quòd Auctor hic noster tantà animi devotione totam Arausionensium perillustrem Familiam co-luerit, quantà cernere est in ipsà Operis fronte, Epistolà primà ad Patrem Tuum GUILIELMUM f. m. ab ipso perscriptà: unde liquidò paret, Ipsum, si viveret, haud aliter velle decernere; aut, si moriens prævidisset has chartas aliquando juris publici futuras, in extremis tabulis non alteri quàm Tuo Nomini eas destinare voluisse.*

*Alia sunt fortasse non minora; quòd se Vir bonus pacis & concordie studiosum, in illo religionum dissidio, quo tum patria divexabatur, ubique profiteretur; quòd Majestati Tuae, cujus is est sensus, minimè displiciturum confido: Et quòd jus & potestatem civilis Imperii in re Ecclesiasticà probè iueretur; quòd passim videre est in hisce familiaribus scriptis, quò ad Hugonem Grotium popularem suum, quò ad Episcopos aliquot nostrates, quibuscum agitabas commercia literarum.*

*Restat hoc unum, ut vota faciam pro salute Majestatis Vestræ, & quæ eadem est, prosperitate Britanniarum.*

*Faxit*

*Faxit Deus O. M. ut Vobis omnia cadant, cedantque ex voto: Tibi, Invictissime & Clementissime Princeps, qui sic vincere amas, ut devincias; & malis leges accipere quàm dare; & quod Auctor ait, ut pro sis magis quàm præsis; & Heroinæ M A R I Æ, Augustæ Consorti Tuæ, quæ ob præstantiam Formæ & suavitatem Morum Regina, si natales id ei non dedissent juris, & esse & dici merebatur: Atque Vobis stabile Regnum, constantem Victoriæ, perenne in terris Nomen largiatur; & ut, post diutissimam & feliciter deactam vitam præsentem, sempiternâ unâ in cælis fœlicitate perfruarini.*

*Quod ita fore vovet, spondet, & animitus precatur*

Sacratissimæ M A J E S T A T I S Vestræ

Humillimus Cultor,

&

Fidelissimus Servus & Subditus,

A D I E L M I L L S,

A 3

Editor.



The first of these is the fact that the  
 Government has been unable to secure  
 the necessary funds to carry out its  
 policy of non-interference. This is  
 due to the fact that the Government  
 has been unable to secure the necessary  
 funds to carry out its policy of non-  
 interference. This is due to the fact  
 that the Government has been unable  
 to secure the necessary funds to carry  
 out its policy of non-interference.

THE UNIVERSITY OF CHICAGO

THE UNIVERSITY OF CHICAGO

1890

Robertson & Sons

ADRIAN

10111

# P R Æ F A T I O.

**A** Mavi, fateor, ab ineunte ferè etate virorum doctorum Epistolas : cum propter multarum rerum non faciliè alibi occurrentium notitiam, tum ob genuinas clarorum virorum effigies, quas in Epistolis, tanquam in speculo, cernere est. Crevit amor iste cum annis ; & quas antea solum amabam, ea nunc in deliciis mihi esse cœpere. Quid hic eloquar quanto cum fructu Marci Tullii & Plinii Junioris Epistolas sæpius legam ? Quot egregia, quæ incassum alibi quæras, me docuerint Angeli Bassi, à patria Politiani, & Roterodamensium Phœnicis Epistolæ ? reclamante licet Paulo Manutio, viro quidem politissimo, sed in cujus Epistolis, præter verba, nihil habeas. His addantur merito suo Josephi Scaligeri & Isaaci Casauboni Epistolæ ; è quibus historiam literariam plenissimè didicimus ; ut ex Hugonis Grotii, quæ nuperrimè prodire, Philologica, Politica ac Theologica multa. Agmen claudat vir seculorum memoria longè dignissimus Gerardus Joannes Vossius ; cujus Epistolas eximiam probitatem ac ingentem eruditionem redolentes oculis tuis, Lector benigne, nunc subjicimus. Frustrà sum, si in iis depradicandis tempora tua morari vellem. Præterquam enim quòd Vossii nomen nullibi gentium est ignotum, & vino vendibili, ut aiunt, suspensa hedera opus non est ; vereor ne mihi non immeritò succenseas, si Horti hujus ingressu diutius te prohibeam. Bonis igitur avibus ingredi, & areas singulas diligenter perlustra, indeque flores decerpe, tum ad hanc, tum ad futuram vitam utiles. Dabam raptim ex Ædibus Lambethanis 8. die Martii, anni 1689. cum in summo mœrore essem ob immaturum obitum viri ingenio juxta ac eruditione præstantissimi Isaaci Vossii, Gerardi filii. Etsi enim septuagenario major is decesserit, mihi tamen, ut Plinii Junioris verba usurpem, acerbæ semper & immatura videtur mors eorum qui immortale aliquid parant. Benè vale ac aternitatem cogita.

Tuus in Christo Jesu,

PAULUS COLONESIUS.





# V I T A

Viri Incomparabilis,

GERARDI JOANNIS VOSSII

Eloquentiæ & Chronologiæ

In incluta Academia Lugduno-Batava Professoris Celeberrimi,

*Cum ex Athenis Batavis Jo. Meursii, tum scriptis  
aliis, breviter collecta.*

**G**ERARDI nomen à parentibus accepit in memoriam proavi sui, Gerardi Vossii, Ruremondani, Viri in urbe patria, ante hos annos centum & amplius, genere, virtute, fortunisque spectatissimi: qui ex uxore, Gertrude Verhagens, Bartholomæi filia, reliquit filium Antonium Vossium. Huic uxor fuit Juditha Calenia, soror unica Viri Clarissimi, Christophori Calenii, Ruremondani in Crucigerorum Monasterio antistitis (quo in munere jam septuagenarius obiit anno clō 1608) filia vero Johannis Calenii, in publicis muniis quinquaginta pene annos cum honore versati, & Catharinæ Budeliæ, Reineri Budelli, experientissimi Medici filia: amita autem Amplissimi Viri, Reinerii Budelli, Jurisconsulti, cujus de re monetaria uberes atque utiles commentarii Colonia prodierunt. Ex Calenia hac Antonio Vossio liberi fuere, Johannes, Gerardi hujus pater, Arentius, & Isabella, quæ ex marito Dionysio Bylmacero, filiam unicam, Juditham, reliquit, nuptam Amplissimo Viro, Petro Bosmanno, superioris Ducatus Geldrici ordini equestri, ac Ruremondanæ item Civitati à secretis. Natus est Joannes anno clō 1609. Vix quinquennis erat, cum famigeratum illud incendium anni clō 1614, quod vix Ruremondæ parti decimæ pepercit, etiam parentem ejus, & avi utriusque ædes, absumeret. Multum illud & rei & spei parentum incommodavit. Sic tamen etiam fortunis ferentibus, urbe quotidie è favillis pulcrius exsurgente, filium Latinis Græcisque literis, ac Philosophiæ studio, in Schola patria excolendum curare. Postea etsi tumultu belli Belgici, paulum amor studiorum refrinxisset, mox tamen ardor prior rediit: etiam Italicam, Gallicam, & linguas alias superaddidit: occasioneque captæ ab Auriaco Principe Ruremondæ, Concionumque ibi habitatum nova luce accensus, in Academiam profectus est Heidelbergensem, summosque audivit Theologos, ante omnes Hieronymum Zanchium & Zachariam Ursinum, ibidem frequentabat disertas Calparis Oleviani conciones, feliciterque ipse exprimebat. Cumque magistris tantis præclaras animi dotes auxisset, nec levè jam sibi parasset nomen, anno clō 1633 adlectus est in eorum numerum, qui Ecclesiam Dei in diocesi pascere Heidelbergensi. Quo ipso anno, bona cum venia Electoris Palatini, Friderici Pii, Wasseburgum, Juliaci urbem, ubi libertas Religioni Reformatæ erat, profectus fuit, ac genere, pietate, prudentiaque præstantissimi Viri, Matthæi à Biele, Ruremondani, qui Albani Ducis, ac Lindani Episcopi metu, eò se receperat, filiam Corneliam, lectissimam Virginem, uxorem duxit: cujus ille ut mores castissimos



simos multis annis perspexerat, ita propinquos omnes norat, Quæstoria, Senatoria, ac Consulari dignitate Ruremondæ, inque vicinis oppidis, insignes. Reversus ad Ecclesiam suam, quadrienni proximò quaternis augetur liberis. Eorum natu omnium minimus noster fuit Gerardus, qui in lucem editus, ineunte vere anni clò lō LXXVII. semestri circiter post obitum Friderici Pii. Eopse anno, Ludovico Electore Palatino, in locum Pastorum priorum surrogante alios, qui Lutheri de S. Cœna sententiam amplecterentur, parens cum uxore & filiolo Gerardo vix senum mensium, è Palatinatu in Bataviam commigravit, novæque Academiæ, & magnorum ibi Virorum desiderio, doctissimus ipse, pellectus, Lugduni potissimum domicilium elegit, atque à Rectore Petro Tiara V. Maii anni clò lō LXXVIII. inter Academiæ membra adscriptus est hoc nomine: *Joannes Alopecius Ruremondanus*. Nam ex more eorum temporum, & Græcicæ linguæ amore, Græca magis appellatione gaudebat: quam & filius Gerardus ad annum usque ætatis XII. retinuit, auctoreque tum præceptore suo Rekenario mutavit; qui appellatione vulgo haud intellecta honestatem familiæ obscurari dicebatur. Lugduno dum parens degit, ad Lejemundensem Ecclesiam, quæ in Rhinlandico est Leidenium territorio, vocatur. Unde mox, attamen ægrè admodum, Gerardo adhuc tum vix bimulo, avellicur. Sed in istis Belgicæ motibus, ingens eorum in Flandria penuria erat, qui non prudentia atque eruditione minus quam Zelo pollerent. Itaque optimi quique auctores fuere, ut à nobilitate Flandrica, quæ perhonorificam miserat legationem, persuaderi pateretur, ut Ecclesiæ curam susciperet Furnæ, oppido, ut fertilitate soli, & martyrum sanguine, ita natalibus Clarissimi Pauli Leopardi, inclyto. Anno clò lō LXXXIII. cum illud & alia Flandriæ oppida, in potestatem rediissent Hispaniarum Regis, Gerardus, jam sexennis in Bataviam reducitur. Parens Dordrecht, primaria Batavorum urbe, Ecclesiæ præfectus fuit. Hic anno proximo Gerardus dulcissimam Matrem amittit. Pater anno clò lō LXXXV. alteris nuptiis uxorem ducit Annam Wittiam, Francisci filiam, sororem Amplissimorum Virorum, Cornelii & Jacobi Wittiorum, quorum ille Consulari, hic quæstoria apud Dortrechtanos, uterque Senatoria dignitate inter delegatos Hollandiæ ac Westfrisiæ Ordinum conspicuus fuit. Tertio ab eo conjugio mense etiam patre vix octennis orbarur. Utrouque parente destitutus, studia nihilominus literarum excolebat condiscipulo inter alios usus Erycio Pureano, Historiarum, post Justum Lipsium, in Lovaniensi Academia Professore, viro scriptis non intermorituris toto orbe clarissimo. Inferiores classes permensus, à Cornelio quidem Rekenario potissimum instituebatur in elegantia Latini sermonis, Philologia universa, Oratoria item ac Poësi; at Oratores & Poëtas Græcos enarrabat Franciscus Nansius, Francionatium prius in Flandria Decurio perpetuus, tum Græcæ ea in Schola linguæ Professor. Ac nunc Græcum carmen pangendo, nunc Græcè declamando, item in omni pene philosophia exercebat Adrianus Marcellus. Anno clò lō XCV. mense Septembri, Lugdunum Batavorum mittitur: inque literis Græcis porro audit Bonaventuram Vulcanium, in Mathesi Rudolphum Snellium, in Philosophia Peripatetica, cum Petrum Bertium, tum Petrum Molinum; à quo &, cum universam Philosophiæ *ἀνεργησιμὸν* publicè defendisset, ex auctoritate Rectoris Magnifici, ac Senatus Academici, liberalium artium Magister ac Philosophiæ Doctor creatus fuit, quod anno contigit clò lō XCVIII. XIII. Martii. Exinde in Hebræis audivit incomparabilem Virum, Franciscum Junium, in Theologia, tum eundem Junium, tum Lucam Treleatium Seniore, & Franciscum Gomarum, Viros præcellentis doctrinæ. Nec minus lectionibus privatis, ac disputando exercebatur à Johanne Kuchlino, Theologici illustrium Ordinum Collegii Præside; sub quo de summo bono,

iterum

*Vita G. J. Vossii.*

iterum de agnitione miseriæ, hinc de Symbolo, rursum de Trinitate, denique de prædestinatione eas theses defendit, quæ cum Vossii nomine in lucem prodierunt. Interim & occasione Bibliothecæ à patre sibi relictæ, ac ab antiquis etiam Theologis instructissimæ, Patrum lectioni, & Historiæ Ecclesiasticæ, sedulo vacabat: quod studium deinceps, quantum muneris ratio permetteret, cum cæteris studiis semper conjunxit. Anno clō Io XCIX. præcipiti autumnō, ac deinceps aliquot mensibus, Clarissimo Viro, Ælio Everardo Vorstio, (qui Petro Molinæo in Physices professionem ante annum successerat) inter Medicinæ Professores cooptato, publicè cum laude summa in Academia explicuit Aristotelis lib. V. *Φυσικὴ ἀκρόασις*, item ejusdem librum de memoria & reminiscencia. Actumque à nobilissimis Academiæ Curatoribus fuit, de eo in Professorum Philosophiæ numerum legendo. Sed dum in eo sunt toti, fato suo fungitur Dortrechtii Vir doctissimus, Isaacus Corputius, Ecclesiastes, ac cui in Præceptorum Collegio proximus ab Rectore locus esset. Paucis post mensibus etiam obiit Rector ipse Hadrianus Marcellus. Eaque occasione summa gubernatio Scholæ commissa est Gerardo Vossio: desinente tum & professionem suam Joanne Polyandro, doctissimo Theologo, qui Logices & Ethices in illustri eo Gymnasio fuerat Professor. Anno clō Io C II. XII. Februar. uxorem duxit Castissimam Virginem, Elisabetham Corputiam, V. Cl. Henrici à Corput, primarii apud Dortrechtanos Ecclesiastæ, ex conjugè Adriana à Brecht filiam, neptem Jo. Corputii, Actuarii ac Consulis Bredani, ex uxore Antonina Montenia; cujus parentes fuerant, Henricus Montenius Senator, & Quæstor generalis Baronatus Bredani, & Joanna Roveria, Guilielmi Roverii, Senatoris Bredani, filia. Ex uxore hac suscepit liberos ternos. Anno clō Io C VII. VI. Februar. uxorem amisit. Eopse anno in lucem dedit Oratoriarum Institutionum libros VI. quos triennio post auctiores & emendatiores emisit. Eo opere primam sibi nominis claritatem peperit, dum magno applausu exciperetur, etiam ab ipsis eruditionis principibus, Josepho Scaligero, & Isaaco Casaubono: quorum ille cum avide sane perlegisset, profitebatur (verba ejus retinemus) se infinita ex eo didicisse: nec à veteribus quidem esse, qui palmam præripiat summo Viro: Casauboni vero apud V. Cl. Hugonem Grotium aliosque multos, judicium tale fuit, nihil Rhetoricis ejus esse elegantius, nitidiusque, nihil *καλὸν καὶ ὀρθόν*, elucere ubique judicium & *πολυμάθηυσίαι*. Simillima etiam aliorum judicia erant, quæ Vossio ad ea, cæteraque studia, porro excolenda, non mediocriter animum addebant. Anno vero clō Io CVII. XVIII. Augusti, alteris nuptiis uxorem duxit Virginem honestissimam, Elisabetham Juniam, progeneratam nobili & viro & Theologo, Francisco Junio, & Elisabetha Corputia, Joannis Corputi, Consulis Bredani, filia. Anno clō Io C XIV. & proximo, ad professionem S. Theologiæ in illustri Schola Steinfurtenfi vocatus est, à generosis Comitibus Benthemensibus. Sed cum eodem tempore à nobilibus Academiæ Lugdunensis Curatoribus perhonorifice vocaretur ad regimen Collegii Theologici, quod illustres Hollandiæ ac Westfrisiæ ordines Lugduni statuerant: hanc vocationem, urgentibus amicis, prætulit; etsi magis quam dicere posset, terreretur oneris difficultate, præsertim in maximo illo Ecclesiæ Schismate, juventutem etiam contraria in studia scindente, non exiguo sane pietatis ac modestiæ dispendio. Quamdiu tamen id munus gessit (id per quadriennium & amplius fuit) fortiter ea in tempestate clavum tenuit. Postea, ut lassus, sic levatus, regundæ adolescentiæ molestia (quæ annos duraverat viginti, optimamque ætatis partem sibi vindicarat) in Academia Lugdunensi Eloquentiæ, ac simul Chronologiæ Professor factus est ordinarius, stipendioque publico extra ordinem invitatus, quæ ad veteris Ecclesiæ controversias atque historiam pertinerent, fideliter



deliter consignavit. Sub idem ferè tempus, à Serenissimo M. Britanniae Rege Carolo primo, Canonicatu Cantuariensi donatus est; qui honos in Anglia à renato Evangelio in extraneos rarissimè confertur. Anno cl<sup>o</sup> l<sup>re</sup> XXXIII. ad illustre Amstelodamensium Gymnasium migravit, Historiarum professioni deputatus. Is itaque fuit Vossius, qui omnibus omni studio etiam prodesse voluit, atque ita quidem, ut non valetudini curandæ (ita de seipso loquitur in præfatione præmissa lib. III. de Theologia Gentili) vel rei struendæ, studiose daret operam, sed cum prioris haud levi periculo, & certo alterius dispendio, impensius semper publicis studeret commodis: plane ad exemplum prisce Catonis, qui multo surgebat mane, atque imò ipsa etiam nocte, quo vacaret studiis, ac meditaretur quid Reip. foret utile, posthabita etiam rei familiaris ratione: Quinimò cum sciret illud:

Ὁν γὰρ πᾶν ὄντων εὐδὴν βελτίωρον ἀνδρα.

insomnes traducebat noctes & vir, & senex, qua ætate sibi jam parcere potuisset; omne id temporis perdi ratus, quod publico bono non impendisset. Quid quod ne inter ipsas quidem epulas sibi temperaret, quo minus vel lætaretur libros, vel cogitationibus inhæreret. Omne pene, quod hic in terris egit tempus, ita egit Vir summus, ut uniuscujusque momenti ferè rationem reddere vellet, nec posset minus. Loquuntur id, & loquentur tot ejus labores, quos nunquam suo pretio æstimare queat justa posteritas. In his dubiis, quid potissimum mirari conveniat; omnigenamne magis ac solidam eruditionem; an vero piam magis, ac modestam. Pulchra fuit illa Ægyptiorum consuetudo, qua non licebat aliquod præclarum inventum sacrarum ædium columnis inscribere, nisi prius ab aliis ejus artis maxime gnaris id probaretur. Legat hos, ac sanè judicet eruditus orbis, non vidit, aut videbit unquam, quod magis Æternitatis Ædi inscribi mereatur. Ut autem erat ille βιβλιοδότης ἡμετέρος, & φιλομαθὲς μουσικόν, atque omnium artium, & doctrinarum Promuscondus: ita liberis non minus, quam libris ornavit seculum, Francisco nimirum, Gerardo, Matthæo, Dionysio, & Isaaco; ut dubium effecerit, scriberetne accuratius, an gigneret felicius, quemadmodum alicubi loquitur illustris Grotius. Atque si quidem patri simillimi ea etiam edidere scripta, quæ non nisi cum pereunte mundo perire possint. Cum vero numero novem essent filii, filiarque, omnesque pariter linguarum peritia, ac quovis studiorum genere inter se certarent, merito ipsius ædes, quod de Pythagoricis dicebatur, Apollinis, novemque Musarum, vocasses habitaculum. At enim horret animus (scribente Francisco Junio, in Præfatione operis Vossiani de quatuor Artibus Popularibus) dum liberos cogito. Vix viderat illos ad justam vitæ, & gloriæ, maturitatem excrevisse Parens, cum ecce turbato mortalitatis ordine, contra commune Parentum votum, videt alterum alterius quasi premere vestigia, dum ad vocantis Dei nutum se sistunt penè omnes. Quis neget omnem humanitatis sensum exuisse Tiberium, qui felicem vocabat Priamum quod superstes omnium suorum extitisset? Quis sortis suæ, suorumque memor Camillum laudet, qui amisso filio dolori succubuit; adeoquidem, ut non nisi inter ipsos mulierum cœtus muliebre in modum casum filii dolens inveniretur? Summus Vossius, quanquam eos amisisset filios, qui paternis passibus contenderent, quousque gloria eniti potest, quales etiam pro suo in literas amore non filios non lugere non posset, quovis tamen dolore se ostendit potentiorum, cui succumbere tristissimis cladibus ducebat tristius. Enimvero non Periclem, non Xenophontem, non Anaxagoram Clazomenium, constantis in adversis animi exempla, jactet antiquitas, quos nempe erigere poterat pulchra filiorum in bello pro patria Virtus; Vossius lectissimæ, atque cruditi,

Vita G. J. Vossii.

eruditæ filia Cornelie prope inclytam Leidam aquis hyberno frigore concre-  
tis fidem frangentibus miserrimè submersæ iturus exequias, cum corpus hu-  
mandum ostendi sibi peteret, atque ægre ab amicis, quod crudum vulnus sic  
refricari crederent, id obtineret, ubi vidisset, dictavit ipse adstantibus solatia,  
monuitque divinæ acquiescendum esse voluntati, ac nihil fieri *ἀλλ' ὅταν ᾖ τὸ πρὸς  
λόγῳ τῶν ἀμετέων, καὶ ἡμῶν ὅτε θάψῃ*. Ita vixit hic literati orbis Impera-  
tor, & septuagesimum tertium egit annum, cum fatis cederet vir immorta-  
litate dignissimus. Recessit à nobis anno recuperatæ per Christum Salutis  
cło Ioc XLIX. pia placidaque morte; quanquam non recesserit totus. Reli-  
quit enim liberos suos, Eximium nempe Virum, Isaacum Vossium, insigne sui  
ævi decus, ac ex Clarissimo Matthæo nepotem sibi cognominem, Gerardum,  
in quibus eum aliquando agnoscemus, cernemus, tenebimus, ut immutem  
paullo Ambrosii illa in funere Theodosii. Addam ingeniosissimi Poëtæ  
Baravi, Justi Vondelii Epigramma :

IN EFFIGIEM Celeberrimi Viri

GERARDI JOHANNIS VOSSII

*Sex denos nihil est numeret si VOSSIIUS annos,  
Candidior niveis frons erit illa comis;  
Hæc habitat cuncti sub fronte scientia seculi,  
Condita quæque libris condita habet cerebro.  
Quid chartis hominem cingis, Sandrardo, librisque  
Charta, liber, quicquam si capit, ille capit.*

EPI T A P H I U M.

*Hoc tumulo plorat pietas & candida Virtus,  
Et lætæ Padas Saxea dirigit,  
Invida mors ridet, ridet quoque VOSSIIUS illam,  
Dum calamo mortem vincit & ingenio.*



# SCRIPTA.

- O** Ratio Panegyrica de felici expeditione exercitus Fœderatæ Belgicæ,  
 ductu Principis Mauritiï, 1597. 4°  
 Institutiones Oratoriæ, Lugd. Bat. 1643. 4°  
 Partitiones Oratoriæ, Lugd. Bat. 1622. 8°  
 Aristarchus, sive de re Grammatica, Amst. 1662. 4°  
 Castigationes in Vet. Tragicos Latinos, Lugd. Bat. 1620. 8°  
 Grammatica Latina, Amst. 1631. 8°  
 Grammatica Græca Clenardi aucta, Lugd. Bat. 1642. 8°  
 De Logices & Rhetorices natura, Hagæ, 1658. 4°  
 De quatuor Artibus Popularibus, Amst. 1650. 4°  
 De Scientiis Mathematicis, Amst. 1660. 4°  
 Ars Historica, Lugd. Bat. 1653. 4°  
 De Historicis Græcis, Lugd. Bat. 1651. 4°  
 De Historicis Latinis, Lugd. Bat. 1651. 4°  
 De Artis Poëtica natura, Amst. 1647. 4°  
 Institutiones Poëticae, cum aliis Opusculis. Amst. 1647. 4°  
 De Poëtis Græcis & Latinis, Amst. 1654. 4°  
 Etymologicum Latinae Linguae, Amst. 1660. Fol.  
 De Vitiis Sermionis. Amst. 1645. 4°  
 Oratio in Obitum Thomæ Erpenii. Lugd. Bat. 1624. 4°  
 Vita Fabiani à Dbona, Lugd. Bat. 1628. 4°  
 De Philosophia & Philosophorum Sectis, Hagæ, 1658. 4°  
 De Idololatria, Amst. 1668. Fol.  
 Isagoge Chronologica S. Hagæ, 1659. 4°  
 Apologia pro Grotio contra Ravenspergerum, Lugd. Bat. 1618. 4°  
 Responsio ad Consilium Michaelis Lonigi, Lugd. Bat. 1623. 4°  
 Historia Pelagiana, Amst. 1655. 4°  
 Theses Historico-Theologicae, Hagæ, 1658. 4°  
 Theses de Baptismo, Amst. 1648. 4°  
 De Tribus Symbolis, Amst. 1642. 4°  
 Harmonia Evangelica, Amst. 1656. 4°  
 De Christi Genealogia, Amst. 1643. 4°  
 De Cognitione sui ac de Studiorum ratione, Amst. 1655. 12°  
 Commentarius in Plinii Epistolam de Christianis. 12°  
 De Jure Magistratus in rebus Ecclesiasticis, Amst. 1669. 4°  
 Epistola, Lond. 1690. Fol.

INDEX.

# INDEX EPISTOLARUM

Ad VIROS Claros

A Ger. Joanne Vossio missarum.

## A.

<b>A</b> Brabamo vander Merio	III.
Abrahamo vander Mylio	112. 306.
Academiae Cantabrigiensis	119.
— Oxoniensis	382.
Adriano Blyemburgio	103. 120.
Adriano Hoffero	101.
Amstelodamensis Reip. Consulibus	3. 75.
Andreae Colvio	387. 397.
Andreae de Naglowitz	339.
Andreae Riveto	198. 349. 373. 396. 410.
	412. 417. 420.
Antonio Emilio	162. 278. 441.
Antonio Matthæo	448.
Arnoldo Com. à Bentheim	200.
Arnoldo Buchelio	198.
Arnoldo Ticmanno	290.
— Arcerio	377.
Auberto Miræo	333.
Axelio Oxensternio	268.

## B.

Baltazari Willio	299. 237.
Belgica Federatae patribus	19.
Bernardo Damke	199.
Briano Duppa, Principi Wallia à Radius	261.
Eid. Episc. Cestrensis	381.
— Borrio	417.
— Brannerio	205.

## C.

Cantuariensis Ecclesiae Decano & Canonici	381.
Carolo Principi Wallia	13.
Cbatio & Christophero à Dbona	31.
Christiana Sueciae Reginae	8.
Chr. Slupski	293.
Christoph. Wren	109.

Claudio Salmasio	116. 143. 162. 214. 219.
	228. 229. 234. 246. 250. 252. 254. 257.
	266. 295. 315. 316. 326. 342. 343. 346.
	347. 357. 412. 413. 422. 423. 426. 432.
	439. 442. 445. 449.
Clementi Timplero	43.
Conrado Vossio	102. 213.
Constantino Huygenio	110. 216. 284.
Constantino L'Empereur	321.
Cornelio vander Mylio	330.
Cornelio Tollio	454.
— Comburgio Conf. Roterod.	231.

## D.

Danieli Heimio	195. 289. 441.
Danieli Paræo	80. 135. 279. 407.
Davidi Guiljelmo	101.
Davidi Wedderburno	304.
Diderico Vlammugio Dom. ab Ostborn	282.
Diodoro Tuldeno	170.
Dudleio Carletono	90. 91. 92. 96. 97. 102.
	143. 161.

## E.

Eduardo Baroni Herbert de Cherbury	435.
	446.
Edwardo Misselden	166.
Edwardo Pocockio	159. 283.
Electori Palatino	436.
Episc. Nova Casæ	434.
Erico Oxenstierna ad. Axaliu Fil.	26. 457.
Erycio Putzaro	79. 169. 170. 181. 184.
	185. 188. 206. 221. 231. 333.
Eust. Swartio	193.

## F.

Fortunato Plempio	287.
Francisco Gomaro	104. 134. 317. 356. 362.
Francisco Junio FF.	127. 135. 148. 178.
	251. 266. 296. 320. 388. 420.
Friderico	



# I N D E X

*Friderico Spanhemio* 419. 455.  
*Fulconi Greவில்lo Baroni de Brook* 89. 93.  
 108.

## G.

*Gabrielis Benedicto Oxenstiern* 351.  
*Gabrielis Gustavo Oxenstiern* 350.  
*Georgio Abbas, Archiep. Cantuar.* 155.  
*Georgio Calisto* 311. 400. 433. 452.  
*Georgio Charlaton, Ciceftrensis Episc.* 108. 116.  
*Georgio Ratallero Doubletio* 28. 319. 334.  
 347. 348. 352. 365. 366. 390. 397. 398.  
 416. 417. 420. 424. 427. 435.  
*Georgio Slupski Baroni* 304.  
*Georgio Villiers, Buckinghamie Duci* 10.  
*Guilielmo Araufonensium Principis Filio* 1.  
*Guil. Boswello, Equiti, Regis Britannici*  
*apud Belgas Legato* 90. 91. 98. 110.  
 133. 197. 292. 330. 370.  
*Guil. Dell* 160. 273.  
*Guil. Grotio* 358.  
*Guil. Juxon Episc. Londinensi & Anglie*  
*Thefaurario supreme* 261. 286.  
*Guilielmo Laud, Bathoniensi & Wellensi*  
*Episc.* 115. 117.  
*Eid. Episc. Londin. & Archiep. Cantuar.*  
 120. 129. 132. 136. 153. 157. 163. 168.  
 172. 182. 189. 201. 208. 212. 219. 223.  
 249. 259. 271. 273. 288. 289. 290. 298.  
 331. 361. 373. 383.  
*Guilielmo Newportio* 243.  
*G. Blinterfwicio* 429.

## H.

*Henrico Ernftio* 291.  
*Hieronymo Belo, Anle Pembroc. apud Cantab.*  
*Præfecto* 111. 131. 238.  
*Hollandia West-Frislag, Ordinibus* 23.  
*Hugoni Grotio, Regis Suecici apud Gallor*  
*Oratori* 35. 37. 39. 40. 42. 44. 45. 48.  
 70. 81. 84. 95. 97. 113. 114. 121. 122.  
 140. 173. 175. 176. 207. 208. 217. 218.  
 222. 224. 226. 232. 233. 239. 240. 241.  
 245. 264. 269. 270. 276. 281. 297. 299.  
 301. 303. 309. 318. 330. 327. 328. 334.  
 336. 341. 344. 355. 359. 367. 378. 379.  
 401. 404. 406. 408. 409. 410. 421. 424.  
 428. 432. 433. 436.

## J.

*Jacobo Catfio, Equiti* 18.  
*Jacobo Corpufio* 391.  
*Jacobo Crucio* 184.  
*Jacobo Galio* 393. 434. 440. 441.  
*Jacobo Gathofrido* 453.  
*Jacobo Lydio* 443.

*Jacobo Roverio* 100. 146. 217.  
*Jacobo Ufferio, Archiep. Armachano* 186.  
 375. 385.  
*Jacobo Witten* 74. 218. 233. 258. 308. 378.  
*Jano Grutero* 88. 89. 103.  
*Jacobimo Borgelfio* 300. 317.  
*Jo. Adolpho Fabro* 86.  
*Jo. Am. Corvino* 255.  
*Jo. Am. vander Linden* 359. 375. 452.  
*Joan. Berckio, Equiti* 21. 84.  
*Joan. Beverovicio* 164. 242. 285. 294. 341.  
 364. 371. 391.  
*Jo. Bodechero Banningio* 241.  
*Jo. Brumao* 275. 442. 444.  
*Jo. Cabeliarvio* 316.  
*Jo. Chriftenio* 277.  
*Jo. Cloppenbargio* 395.  
*Jo. Cocceio* 376. 430.  
*Jo. Cordelfio* 101.  
*Jo. Elichmanno* 294. 298.  
*Jo. Forbefio D. à Corfe* 459.  
*Jo. Fred. Gronovio* 302. 325. 399. 407.  
 419. 425. 431.  
*Jo. Hulfmanno* 221. 340.  
*Jo. H. Pontano* 135. 275. 315. 338.  
*Jo. Meurfio* 94. 99. 118. 144. 150. 156.  
 178. 180. 211. 220. 224. 236. 246. 248.  
 257. 267. 288. 301. 308. 321. 324. 331.  
 340.  
*Jo. Meurfio, J. F.* 348. 376. 392.  
*Jo. Rave* 399. 427.  
*Jo. Rodolpho Wetstein* 363.  
*Jo. Roufe, Bibliothecario Bodleiano* 109. 165.  
 177. 238. 262. 374. 384.  
*Jo. Sadlero* 438. 450.  
*Jo. Seldeno* 109. 434. 437. 454.  
*Jo. Skytte* 203. 204. 205. 210. 220. 255.  
 256. 301. 305. 335. 365. 400.  
*Jo. Slupskio Baroni* 78.  
*Jo. Thome Bangio* 394.  
*Jo. Voffio, ipfius Fil.* 138. 147. 154. 159.  
 165. 192. 244.  
*Joanni Williams, Episc. Lincolnienfi* 107.  
*Josepbo Laurentio* 428.  
*Isaaco Bargravio* 338. 369.  
*Isaaco Bafirio* 204.  
*Isaaco Grutero* 456.  
*Iusto Cecilio Puteano, Erycii Fil.* 271.  
*Iusto Lyræo* 250.  
*Iusto Reifenbergio* 203.

## L.

*Lancelotto Androsio, Episc. Wintonienfi* 43.  
 74. 85.  
*Levimo Warnero* 345. 351.  
*Ludovico Duci Galria ac Julia, Comiti*  
*Egmonda & Zutphania* 453. 454.  
 Ludovico

# I N D E X.

Ludovico Crocio 85. 87. 285. 291. 237.  
 354. 356. 372. 408. 415. 447. 456.  
 Ludovico de Dieu 393.  
 Lugduno-Batava Academia Curatoribus 24.

## M.

Marco Zuero Boxhornio 251.  
 Martino Pilio 212.  
 Matth. Berneggero 163.  
 Matth. Martinio 149.  
 Matthæo Wren, post Episc. Eliensis 109.  
 Merico Casaubono 155. 158. 194. 195.  
 196. 214. 225. 235. 247. 274. 282. 295.  
 303. 314. 336. 339. 374. 380. 389. 398.  
 418. 451.

Martin, Praef. Col. Reg. Cantabr.

239.

## P.

Patricio Junio, Bibliothecario Regio 385.  
 Paulo Seriere 130.  
 Petro Camæo 167. 213.  
 Petro Staechmans 263.  
 Philippo Paræo 200.

## R.

Richardo Stern, Episc. Dunelmensi 166.  
 Richardo Stewarto 126. 384.

## S.

Samueli Maresio 451.  
 Samueli Sorberio 457.  
 Samueli Wardo 108. 125.  
 Simoni Bellimontio 208. 210. 292. 312.  
 Stephano Goffa 237. 279.  
 Stephano Jammi Stephano 318. 322.  
 323. 377. 392. 446.

## T.

Thoma Farnabio 193. 353. 386.

## V.

Vincentio Fabricio 339.

## W.

Winando Rutgersio 171. 352. 380. 444. 448.

# I N D E X



# INDEX EPISTOLARUM.

AD

*Ger. Jo. Vossium* missarum.

<b>A.</b>		<b>E. Duncomius</b>	277.
<b>Walwick</b>		<b>Edmund. Figrelus S. Gotbus</b>	284.
<b>Abraham Bocstadius</b>	251.	<b>Ernestus Brinck</b>	197.
<b>Academia Cantabrigiensis</b>	80.	<b>Ernestus Joannes Creutz</b>	217.
<b>Oxonienfis</b>	56.	<b>Erycius Puteanus</b>	102, 103, 108, 119, 233.
<b>Andr. Colvius</b>	227.	<b>Eupantus</b>	262.
<b>Andr. Helwigius</b>	66, 252.	<b>Eustathius Swartius</b>	101, 273.
<b>Andr. Rivinius</b>	236.	<b>F.</b>	
219, 226, 229, 243, 246, 248, 262, 266.	95, 172, 194, 200, 206.	<b>Fran. Burgerfidius</b>	106, 116.
280.	13, 14, 19, 34.	<b>Fr. Junius</b>	2, 12, 22, 26, 27, 29, 31, 59.
<b>Andr. Schottus</b>	221.	64, 73, 134, 140, 143, 152, 163.	
<b>Archib. Cassellius</b>	36, 54.	<b>Fran. Mantius</b>	6.
<b>Arn. Boeckellius</b>	156.	<b>Fred. Lindenbrogius</b>	271.
<b>Aubertus Miram</b>		<b>Fred. Spanhemius</b>	258, 281.
<b>B.</b>		<b>G.</b>	
<b>Bartoldus Nibsius</b>	170, 267.	<b>Gaspar Scioppius</b>	224, 241, 259.
<b>Bernhard Danke</b>	91, 96, 97, 98, 222.	<b>Georg. Andr. Richter</b>	201, 205.
<b>Bernhardus Meyerus</b>	78.	<b>Georg. Calixtus</b>	94, 132, 264, 269.
<b>Brius</b>	276.	<b>G. Gentius</b>	270.
<b>C.</b>		<b>G. Henricus Plasbnerus</b>	273.
<b>Carolus Ludovicus Comes Palatinus Rheni</b>	272.	<b>Georg. Horn</b>	285, 287.
<b>Chr. Rave</b>	190, 195, 220.	<b>Georg. Kirstenius</b>	286.
<b>Chr. Sebotanus</b>	218.	<b>G. M. Kingelshemius</b>	17.
<b>Chr. Slupcius</b>	165.	<b>G. R. Doubletius</b>	28, 30, 32, 36, 37.
<b>Claudius Salmafius</b>	284.	82, 88, 89, 112.	
<b>Clemens Timotheus</b>	7, 8, 9, 10, 11.	<b>Georg. Slupeck</b>	164.
<b>Cour. Vossius</b>	9.	<b>Georg. Vechnerus</b>	276.
<b>Const. Hugonius</b>	258.	<b>Geverhart Elmenhorstius</b>	15, 16, 18, 19.
<b>Const. L'Empereur</b>	109, 224, 242, 259.	20, 21, 22, 24.	
<b>Cornelius Tollius</b>	288.	<b>Godefridus Cretschmarus</b>	217, 220.
<b>D.</b>		<b>Guil. Beswel</b>	35, 39, 42, 43.
<b>Daniel Gravins</b>	264.	<b>Guil. Brougb</b>	106.
<b>Daniel Heimius</b>	1, 224, 281.	<b>Guil. Grotius</b>	243.
<b>Dionys. Vossius</b>	79.	<b>Guil. Laud, Ep. Bath. &amp; Wellensf.</b>	49, 57, 58.
<b>Dominicus Bandius</b>	5.	<b>Ep. Lond.</b>	62, 65, 68, 74, 86, 90.
<b>Dudley Carleton</b>	33, 35, 39, 40, 45, 46.	92, 100, 105.	
<b>Com. de Dorchester</b>	63.	<b>Archi-Ep. Cant.</b>	125, 150.
<b>E.</b>		153, 160, 182, 199.	
<b>Edw. Missfelden</b>	48.	<b>H.</b>	
<b>Edw. Pocock</b>	68, 157, 227.	<b>Haraldus Appelboom</b>	207.
		<b>Henricus</b>	

# I N D E X.

<i>Henricus à Dieft</i>	112. 260.	<i>Joan. Schildius J. F.</i>	358.
<i>Henricus Ernstius</i>	76. 118. 127. 131. 235. 286.	<i>Joan. Smith</i>	267.
<i>Herbert Dom. de Cberbury</i>	272. 275.	<i>Joan. Christenius</i>	102. 104. 215.
<i>Herman. Conringius</i>	260. 274.	<i>Josephus Laurentius</i>	244. 261. 265.
<i>Herman. Ravensperg</i>	18.	<i>Isaachs Busirius</i>	81. 131.
<i>Hieron. Beale</i>	58.		
<b>J.</b>		<b>L.</b>	
<i>Jac. Crucius</i>	84. 93.	<i>Laurentius Coccius</i>	179.
<i>Jac. Florianus</i>	2.	<i>Laurentius Skytte</i>	178.
<i>Jac. Golius</i>	37. 49. 229.	<i>L. Casembroot</i>	149.
<i>Jac. Gotthofredus</i>	239. 290.	<i>Ludovicus van Bercken.</i>	17.
<i>Jac. Hemmingius</i>	115.	<i>Ludovicus Crocius</i>	146. 174. 193.
<i>Jac. Lydius</i>	86. 155. 277. 282. 288.		208. 209. 214. 215. 219. 230. 241. 245.
<i>Jac. Usserius Armachanus</i>	188. 300. 301.		249. 253. 264. 280. 283. 285.
<i>J. Becius</i>	10.	<i>Ludovicus de Dieu</i>	228.
<i>J. van Hont</i>	298.		
<i>J. Faucus</i>	34.	<b>M.</b>	
<i>J. Skytte sen.</i>	88. 142.	<i>M. Joan. Michaelis</i>	221.
<i>jun.</i>	120. 244. 294.	<i>Marc. Zucrius Boxbornius</i>	87. 137.
<i>J. Utenbogaert</i>	13.	<i>Martinus Lydius</i>	1.
<i>Janus Gebhardus</i>	41. 45. 46. 48. 53.	<i>Martinus Opitius</i>	76.
<i>Janus Rutgersius</i>	3. 4. 5.	<i>Martinus Ruarus</i>	32. 105.
<i>Janus Vlitius</i>	263.	<i>Matth. Wren</i>	56. 66. 69.
<i>Jerem. Hoelzelin</i>	77. 109. 161.	<i>Maurerius</i>	28.
<i>Joachimms Matt.</i>	245.	<i>Merie. Casaubonus</i>	129. 137. 147.
<i>Joannes Beverovicus</i>	47. 83. 90. 107.		
	111. 219. 228. 254.	<b>N.</b>	
<i>Joannes Bollandus</i>	186. 263.	<i>Nathanael Conopius</i>	145.
<i>Joannes Cabeliarvius</i>	64.		
<i>Joannes Cocceius</i>	214. 216.	<b>O.</b>	
<i>Joannes Elichmannus</i>	162.	<i>Oligerius G. Rosineraus.</i>	118.
<i>Joannes Forbesius à Corfe</i>	268.		
<i>Joan. Fred. Gronovius</i>	111. 134. 155.	<b>P.</b>	
	156. 159. 164. 173. 175. 177. 182. 187.	<i>Pet. Bertius</i>	51.
	232. 255. 256. 261. 268.	<i>Pet. Canavius</i>	118. 148.
<i>Joan. Freinshemius</i>	172. 193.	<i>P. Prataus</i>	110.
<i>Joan. Henricus Boeclerus</i>	242. 271.	<i>P. Turner</i>	119. 102.
<i>Joan. Johnstonus</i>	139.	<i>Phil. Parant</i>	187.
<i>Jo. If. Pontanus</i>	53. 185.	<i>P. Winsenius</i>	270.
<i>Joan. Kirchmannus</i>	49.		
<i>Joan. Loccenius</i>	122. 178.	<b>S.</b>	
<i>Joan. Lydius</i>	12. 13. 61. 149.	<i>Samson Johnson</i>	197.
<i>Joan. Meursius</i>	40. 41. 42. 59. 65. 69. 72.	<i>Samuel Johnson</i>	17.
	74. 79. 81. 85. 95. 100. 101. 102. 108.	<i>Samuel Marefius</i>	281.
	113. 116. 127. 133. 136. 145. 151. 152.	<i>Samuel Petitus</i>	242.
	154. 158. 160. 161. 169. 170. 171. 186.	<i>Samuel Wardus</i>	44.
<i>Joan. Meursius Fil.</i>	189. 193. 194. 196. 209.	<i>Simon Episcopus</i>	64.
<i>Joan. Polyander</i>	27. 257.	<i>Stephanus Goffe.</i>	112. ad 125.
<i>Joan. Pricaus</i>	254.	<i>Stephanus Joan. Stephanus</i>	94. 104. 114.
<i>Joan. Pyraedus</i>	211.		115. 165. 167. 176. 182. 185. 217. 281.
<i>Joan. Ravius</i>	231. 235. 249.		
<i>Joan. Radolph. Wastlein</i>	184. 278.	<b>T.</b>	
<i>Joan. Roufius</i>	240.	<i>Thomas Fernabius</i>	71. 85. 112. 107.
<i>Joan. Sawadski</i>	126.	<i>Tbo. Jo. Rangius</i>	266. 287.
		<b>U.</b>	
		<i>Ubbio Emmius</i>	5.
		<i>Vincensius Fabricius.</i>	104. 114. 141. 166.
			174. 178. 181. 186. 289.
		<b>Z.</b>	
		<i>Zacutus Lestianus</i>	161. 167. 168.



1. K. D. K.

*[The page contains two columns of extremely faint, illegible text, likely bleed-through from the reverse side of the document.]*

# G. J. VOSSII

## EPISTOLÆ.

### I.

*Magno Principi Guilielmo, Celsissimi Frederici Henrici, maximi, invictissimique, Arausionensium Principis Filio; Augustissimi Britanniarum Monarchæ, Caroli, Fidei Defensoris, & Henricæ Mariæ, Christianissimi Regis Galliarum Henrici Magni, Filie, Genero felicissimo,*

*Minutum hoc maximi, ac devotissimi Animi Monumentum, offeri, dicatque*

G. J. Vossius.

Celsissime Princeps,

**L**ÆTÆ, ac diu multumque exoptata affulsit dies, quæ Civitas hæc Amstelodamensis conspicit serenum, placidumque vultum Augustæ socrus, Henricæ Mariæ, Galliarum Regis Henrici Magni Filie, Magnæ Britannie Regi Carolo nuptæ. Eoque lætior hæc dies, quod unâ videamus auream tantæ Reginæ prolem; serenissimam Principem Mariam formâ eximiam, animi dotibus pulchriorem, patris, & avitarum laudum hæredem, pluresque in suo stemmate Reges numerantem, quam altera hodiè Regalis familia possit. Ut hanc sacris Penatibus introducenti Celsitudini tuæ, verè illud conveniat Poetæ Veronensis: *Vidit quis Venerem auspiciorem?* Comitantes etiam cernimus Divûm Liberos; serenissimi heu quondam Bohemorum Regis Frederici, ex maximi Magnæ Britannie Regis Jacobi I. Filia Elizabetha Celsiss. filios: Cordatissimum, & fortissimum Rupertum Palatinum, famâ ad sidera notum; & summæ expectationis fratrem Mauritium, grandi hoc nomine gaudentem, à sponse in sacro Baptismate, invictissimo Arausionensi Principe Mauritio, Avunculo suo magno, quem virtute, ac felicitate Belgica, ut confidimus, aliquando daturus est Orbi. Adest etiam ingentis animi,

ac nominis Arondelius, Comitum Illustrissimorum nulli profapia, antiquitate ac splendore secundus, ab Rege Augusto Augustæ Reginae additus comes. Quid singulos Britannia ex gente memorem majorum imaginibus illustres, nec ingentium Avorum indignos? Atque his foederatæ Belgicæ nomine adjunxit se Ipse Celsissimus Arausionensium Princeps, Fredericus Henricus, Patriæ Parens; qui gestorum magnitudine eò res Belgarum perduxit, ut de fide apud posteros laboratura sit fama: multisque ita videatur, fortasse non tam amplius illud optandum esse, ut tellus hæc pergat fortiter tueri Libertatem, quod sub tanti Principis ductu, haud difficile erit genti ab omni ævo fortissimæ, atque inter arma natæ: quam ut vento tot jam annos aded secundo, ex sapienti Poetæ præcepto, paulisper sua contrahat vela, nec prosperis nimis exultet. Sequeris & ipse Principe hoc procreate, Celsissime Princeps Guilielme Arausionensis: qui nihil æquè speras, aut spiras, quam laudes ingentium Heroum æmulas; Parentis, Patruï, Avi; & ut paucis absolvam, tot majorum, ultra etiam tempora illa, quibus ante annos trecentos, è domo vestra in altissimo Cæsare dignitatis gradu, vel fastigio potius, emittit Adolphus Nasovius. Desideret stylus, si Belgas, Germanos, gentiumque aliarum Comites, Barones, Nobiles, recensere vellem; quos in hoc Augustæ Reginae, & serenissimæ filie comitatu, florentissima hæc civitas nunc cernit, ac miratur. O diem terque, quaterque beatam! quam nulla ex hominum memoria oblivio delebit, nec unquam excellentium ingeniorum monumenta conticescent. De quo fidentius pronunciamus, non obscuram capiendo conjecturam ex iis sincerissimi gaudii signis, quæ nunc in omnium oculos incurrunt. Videmus enim, quanto studio Nobilissimi, & Prudentissimi hujus urbis Consules, & amplissimus, gravissimusque Senatus, unum hoc agant, nequid præteritum videatur quod ad ingentis lætitiæ, & devotissimi animi testationem pertineret.



tineret. Exemplum etiam suorum Procerum universa sequitur Civitas, vestigia eorum legens, ut in sacros Augustæ Reginae, & serenissimæ prolis, sidereos vultus, suos paulisper figere liceat obtutus: ac simul, Celsissime Princeps, in illos etiam verè maximi Parentis, ac tuos. Unde omnis ætas, ac sexus, vicos cunctos, moeniana etiam, ac podia complet: atque adeo ædes singulæ, imprimis curia, templâ, ipsi urbis muri, in hac inusitata omnium lætitiâ, gestire mihi præ gaudio videntur. Quæ cum ego ita fore, facile animo perciperem meo, ac tacitus revolverem; sic continuo cogitare mecum coepi: Ergone in hac publica lætitiâ non amplius agam, quam unus è multis, qui augustæ domui Britannia plus debeo mei ordinis cunctis? Observabatur etiam Diogenes. Cum enim Philippus, Amyntæ filius, Alexandri nomine & re Magni Parens, expeditionem adversus Corinthios moliretur; alii in urbe arma sibi parare, alii muros reficere, nonnulli lapides congerere, vel aliud agere ad præsens negotium utile: Diogenes (altæ mentis Philosophus, sic ut Alexander, nisi fuisset Alexander, Diogenes esset vellet) versare interea dolium suum, nè vivos inter obambulare mortuus diceretur. Quod animo ille quocunque egerit, mihi quidem mente candidâ, devotâque, hætenus exemplum imitari visum fuit, ut ne totâ urbe, undique edente lætitiæ signa, non quidem dolium circumvolverem, attamen nec otiosus viderer; quin potius agerem utile aliquid, quo in hoc adventu Augustæ Reginae, & serenissimæ filia, animæ dimidio tuæ, gratum, devotumque animum, erga Regiam Magnæ Britannia Majestatem, totamque domum Augustam, testarer: saltem quantum vix præmeditato, sed, penè dixerim, in arena consilium capienti, deque paupere penu aliquid deprompturo, in ea temporis angustia liceret. Nam per Deum immortalem, cui iustiores, quàm mihi, hodiernâ se die causæ obtulerunt, testandi officii sui erga domum Regalem, pariterque Celsitudinem tuam, postquam ab Augusto Rege gener es adlectus? scio, quantum debeam invictissimo Principi, Parenti Celsitudinis tuæ, Vindici patriæ libertatis: sine qua vita quid est, nisi cadaver? sed hoc beneficium magnum adeo licet, ut nullius ingenio, vel facundia, satis possit prædicari; si tamen fas sit dicere, commune est mihi cum omni foederata Belgia: est, nisi fallor, nos qui literas, & sapientiæ studia colimus, plurimum rectius aliis nostra intelligimus bona. Sed ego nunc in animo habeo illud in me grande meritum, quod unus è foederata Bel-

gica accepi ab Augusto Rege Carolo, Religiosissimo Principe; quem ut Trajano scimus meliorem, ita ex veteri formula, Augusto Cæsare optamus feliciorum. Divinus ille Rex (justius enim dixero, quàm quem proximè laudavi Augustum, semper Deum dicebat Maro,) Rex, inquam, ille, cui dulcius est prodesse, quàm præesse, unum me, quanquam digniores esse alios non disitear, in Metropolitanæ Cantuariensium Ecclesiæ, Præbendarios allegit. Neque unquam dies illa animo excidet meo, quâ cum gratias quas deberem, pro nobili hoc canonicatus beneficio, Augustæ agerem Majestati; Ille me hoc placidissimi oris responso dignabatur: pariter se gratias divinæ agere Majestati, à qua hoc haberet, quod me de literarum studiis benè merente, meliusque mereri parato, ipse etiam benè mereretur de me, & familia mea. Quæ quàm altè in hoc pectus descenderint; quantoperè etiam mihi stimulos subdiderint ad porro calcandum Virtutis, & Industriæ callem; rectius, quàm maligno hoc seculo fieri amat, Posteritas judicabit; si non quod satis sit, ex iis quæ ab illo tempore publici juris feci, ac vel Celsitudinis tuæ adfini, serenissimo Wallia Principi; vel Doctrinâ, & Fide eminentissimo Ecclesiæ Anglicanæ Clero dedicavi: saltem ex aliis quæ deinceps moliar, dummodò vitam mihi, ac valetudinem concesserit divina bonitas. Sed grande aliquid deproperare nunc tam subito non dabatur. Gnarus igitur ejus, quod vulgo dici solet, tuscule quoque sacra fieri Diis: non dubitari hoc qualecumque de schedis nostris offerre. Selegi verò aliquid sacri argumenti; quia hoc maxime convenire putarem, quem Augustus Socer hoc potissimum sine sacro Cantuariensium ordini inferuisset, ut qui Musas antea dulces ducerem, non tam vulgares illas colerem, quàm sacras. Hujusmodi verò est labor noster, de tribus symbolis, Apostolico, Athanasiano, & Constantinopolitano: in quorum prioribus ostendo, quantoperè multos fugerit ratio, de primis eorum Authoribus; in tertio autem illos præcipuè refello, qui Constantinopolitanos Patres, de spiritus sancti processione à filio, signasse aliquid arbitrantur. Simul hoc de symbolis opere constare volui, non me in publico hoc gaudio conspici penitus Asymbolum; sed istiusmodi contulisse symbolam, quæ simul symbolum foret animi devotissimi erga Augustam Majestatem, Serenissimam Filiam, ac Generum Regium. Scio, quàm mole sit exiguum, quod pro symbola pariter, ac simbolo esse cupio: Sed argumento exiguum non debet haberi, si ab sincera symbolorum illorum fide, dependet Rerum publicarum

publicarum tranquillitas, & æterna populorum salus : quæ duo cordatis Principibus cariora esse suis oculis oportet. Quod si deprimat fortasse laborem hunc scriptoris humilitas, attollet eundem Tua Celsitudo; unde non leve referet decus, ac splendorem; si minus genium & immortalitatem.

## CELSISSIME PRINCEPS,

Senile ac modestum votum accipe, quod facio pro universa domo, tum Augusti Magnæ Britanniae Regis, Caroli; tum Celsissimi Arausionensium Principis Frederici Henrici: Illius, foci Celsitudinis tuæ; hujus, Parentis; Utriusque verè Optimi Maximi. Diutissime salvi, atque incolumes, orbis universi, ac præcipuè Reip. Christianæ bono, rebus intereste humanis. Et quia vita hæc, quantumcumque diuturna, fragilis tamen dicenda est, & caduca; in memoria, atque ore bonorum omnium vivite; donec ista etiam vita cum orbe terrarum finem suum sortiatur. Denique solutâ hac mundi compage, corpore, animoque æternum vivite, cœlestibus choris permixti.

Amstelodami.  
cl. lxx.  
xn. Kal. Jun.

Celsitudini tuæ Devotissimus,

G. J. Vossius.

## II.

*Nobilissimis, Amplissimis, Prudentissimis  
Dominis, Amstelod. Reip. Consulibus.  
Alberto Conrado Burgio, Curatori  
Societatis Indiæ Occidentalis, Illu-  
strissimorum fœderatæ Belgicæ Ordini  
ad Potentissimum Russicæ Impera-  
torem, item ad serenissimum Daniæ Re-  
gem, Ex-legato, in Collegio etiam Illu-  
strium Hollandiæ, & West-Frisiæ Or-  
dinum antehac Delegato, Illustris Am-  
stelodamensium Gymnasii Curatori.  
Cornelio Graef, Domino in Polsbroek,  
Societatis Indiæ Orientalis Curatori.  
Joanni Cornelio Geelvink antehac in  
Collegio, tum Illustrum Hollandiæ,  
& West-Frisiæ Ordinum, tum Præse-  
torum rei Maritimæ Delegato.  
Gerbrando Pancratio Curatori Societa-  
tis Indiæ Orientalis;*

G. J. Vossius, S. P. D.

Nobilissimi, Amplissimi, Spectatissimi viri,

**I**nter tot bona, quæ doctrinæ temporum debemus, facile principem meretur locum, quod absque hac cœca sit rerum vete-

rum memoria: non quasi non & altèrum ejus lumen sit; (quam sibi honorem terrarum, locorumque peritia deposcit:) sed quia citra commemorationem temporum, præcipua rerum gestarum monumenta, quasi tristibus tenebris, spissaque jaceant caligine sepulta. Utcumque enim ex memorabilibus, atque exemplis, de amplo Veterum penu depromptis, non levem, tam pietatis, quàm prudentiæ fructum capere sit, etiam ejus, quando quidque contigerit, ignaris: In totius tamen Orbis historia, vel magni, vel diuturni Imperii, totiusve Ecclesiæ rebus, si ordo gestorum fœdè conturbetur, nã illa quidem, quæ videre nobis videmur, magis certimus, quàm eximiam, & ab omni arte laudatam corporis humani fabricam conspiceremus, solum oculorum aciem defigentes in monstrosam hominis figuram; ubi pectus, capitis; venter pectoris; brachia pedum occuparent locum. E contrario autem, ubi sese extulerit aureum temporum iubar: pulsas tenebris plusquam Cimmeriis clara omnia luce vestiuntur, inque formoso corpore omne membrorum decus apparet. Atque hoc est serenum, ac splendidum illud lumen, quod in historia exigimus; non modò, quò prudentiam magis habeamus ducem, tum in vita privata, tum gerenda Republica; sed etiam ad duo alia longè maxima, quæ Christianam Religionem propius tangunt; nimirum, ad certius cognoscendam Scripturæ veritatem; & ad mentem ejus melius perspicendam; præcipuè in rebus hoc seculo controversis. Quorum utrumque ubi otium fuerit magis otiosum, fufidis diducam. Suffecerit nunc rerum carpere fastigia; ne existimemur, novum magis ordiri laborem, quàm Epistola simplici, quæ Liber fieri nō debet, pauca præfari, tum de minutis duobus opusculis, quæ nunc publici juris facimus; tum præcipuè de nostro, & antehac, & in posterum, instituto; cujus Vobis potissimum, Nobiles & Spectatissimi Viri, rationem me reddere æquum existimavi; quando me hanc ipsam temporum scientiam in Illustri Urbis vestræ Gymnasio docere voluistis; proque vestro, erga literas amore, atque erga literatos munificentia, bellè adeo, comiterque jam annum habetis duodecimum; nec de me præclarè mereri desinitis. Ut igitur à priori fructu, quem Doctrinæ temporum tribuebam, initium faciam; pacè illud omnium, qui tempora non attendunt, vel morantur, exquirere paucis lubet; unde potius codices eos, qui Canonem Scripturæ constituunt, à Prophetis esse, & Apostolis profectos, colligatur, quàm quod sicuti apud Nationes lampada alii aliis dabant, decurrentes in



in Vulcanalibus, Prometheis, Panathenæis : Ita longèque certius, Ecclesia, fidelis Scripturarum cultos, has ipsas, quasi de manu in manus, tradiderit nobis? Nec eo offendi aliquis debet, quod de Scripturis, ut traditionibus, loquar: cum hæc in iis, quæ Apostoli tradidere, familiam ducant. Illud potius dolendum, quod homines Profani etiam quæ scripto tradita sunt, in dubium vocent: Nempe quia, ut aiunt, quæ libris iis traduntur, res sint longè à temporibus nostris remotæ: cuiusmodi traditionibus non minus sepe falli homines soleant, quam nummis adulterinis. Sed qui hunc in modum ratiocinantur, ignorare mihi videntur, veluti Argentariis est Lapis Lydius, quo metalla explorent ita cunctis temporum intelligentibus esse, quo internoscant traditiones veras à falsis, live scriptis, live non scriptis. In quorum utrisque, ita comparatum est, sicuti in catena videmus. Minuti enim artificii est, sic annulorum alios aliis subdere, ut iunctura referant catenarum, licet eorum actus sit nullus. Hic si suspiciosi simus, vel contenti à longinquo inuerti, facile quis oculos frustrabitur nostros. Sin etiam annulos tangere grave non ducamus, mox fraudem loquentur manus. Simile quid in traditionibus usi veniunt. Si quis enim in temporum scientia nihil, vel parum videat, facile persuaseris, ea, quæ, ut Græci loquuntur, hæc & nudius tertius, tradi ceperunt, esse genuina Antiquitatis monumenta; nihilque nisi veritati consentaneum, complecti. Sed in temporum ratione, & eorum scriptoribus subactus, priusquam de rebus, vel Authoribus eorum, sciat aliquid, omnem Ecclesie ætatem, tacitus animo pervolvit; donec vel concatenatio temporum traditionem comprobet veram, vel quipsiam in ea defectus arguat falsum. Video quidem, non cuiusvis esse hanc viam insistere. Sed hoc loco non tam de quovis à populo loquar; quæ illis alicuius in studio hominis, aut protellus; quorum si qui ab hac scientia fuerint hupnati, sibi viam veram; vel quando se quilibet gestit absolvere, per me liceat, ut culpam omnem transferant Magistrorum inertie, vel inertie. Interca illis, quibus volupe fuit, ut sine debet, seculis singulis considerare providentiam Dei in Ecclesia tutanda, servandaque; plane ætatis hic futura est via; modo parum in eam cognitionem, quam dicimus animam intendant. Equidem non dubitabor, quinquam id sine nocere facere non possunt; incidisse me in nonnullos, quibus de veritate Scripturarum non liqueret. Sed fuerit illi parum indolenti penitus, parum aliorum potius studiorum gratia, quam vetustatis.

Vel si quis non penitus hospes in iis, quæ ad seriem temporum pertinerent, nihilominus in tam sancto negotio vix aliud, quàm ollas, & cucurbitas lippiret; ad manum facile erat remedium, quo saniores ad mentem reduceretur. Quantilli enim hoc operis est, apud temporum gnaros, per priora ire secula, donec perveniatur ad Christi Vaticaniam, præcipueque miracula? Quorum si magnitudinem consideremus, omnem exsuperant vim naturæ. Imperium enim exercuit Christus in aquas, ventos, arbores, pisces, morbos, mortem ipsam; ut qui mortuos suscitavit. Nimirum tota illi servit reserum Natura; Eumque Deum, & Dominum suum agnovit. Jam quàm miracula illa multa? quàm varia? Nimirum non hic, illic, patrata; non subinde, sed serie continuâ, præsertim in omnis generis morbis, vel tactu, vel solo etiam verbo, sanandis. Quid præterea iis certius? ut ostendit, quod non in angulis contingere; sed tam multa, tam populosa adiit loca, & undique magno ad eum studio accurrebant. Lustrata ei omnis Judæa, Samaria, Galilæa utraque, & terra cis Jordanem. Vel Hierosolymorum magnitudinem cogitemus, & isthic agentium multitudinem; præsertim Pascuali festo: quo ex Flavio Josepho scimus, non minus istic erat, quàm vices sexies centena virorum millia. De miraculis verò quæ habemus (infinitis autem partibus plura fuere quàm scimus) tunc temporis illa prodiderunt Evangelistæ, eum adhuc superessent multa adeo millia, apud quos miracula patrasset; ut quæ fecisset, præcedente, comitante, sequente plurimorum millium turbâ; quæ & stupore illorum Regem eum voluit creare. Quare neque veritatem miraculorum in dubium vocare ausi fuere hostes Christi. Quid aliud enim dixere Judæi, quàm Jesum ea facere ope Spiritus impuri? Quasi non eò tenderent illa, ut destrueretur Diaboli regnum. Neque Gentiles aliud ei obiectare, quàm Magicas Artes, quas in Ægypto didicisset. Quasi non inde admodum infans cum parentibus sit reversus. Ut mittam, quod Magus nullus possit adferri, qui vel infinita ex parte, ea fecerit, quæ Christus, sine carnium vi, sine herbarum succis, sine ulla observatione sacrorum, libaminum, temporum; ut Celsus Epicureo ab Origene olim responsum fuit. Sed de isto, ut miracula Christi & magnitudine fuerint stupenda, planeque Naturæ vim excedentia; ut eadem essent numero innumera; ut fide etiam longè certissima, sigillatim alibi, & accurate agemus. Atque idem de Apostolorum etiam miraculis, imò & illis, quæ proximis contingere temporibus, dicam vestrum. Nunc

Nunc institutum prosequamur. A primis hisce Christianorum temporibus per antiquiora secula ad Orbis ascendere primordia, longè fuerit pulcherrimum. Sed enim plerique omnes laboris fumus fugientes. Ut sic quoque non leve quiddam me consecuturum arbitrer, si saltem unum hoc impetraro, ut ne illi, quibuscum nunc mihi apud vos, Magni ac Sanctissimi Proceres, negotium est, ante inire temporum rationes desinant, quam illas de Christi Miraculis subduxerint probè. Ubi enim ex hisce clarè iis eluxerit divina Servatoris virtus: eadem hinc constabit, non solum de veritate Instrumenti Novi, sed etiam Veteris: quandoquidem, uti Moyses, & Propheta testantur de Christo; sic etiam Christus ad eos nos remittit, velut testes omni exceptione majores. Utinam verò, sicut nos ex Instrumento Novo, de Veteri sumus certi; sic Judæi ex Veteri perspicerent veritatem Novi? Mutuo enim allucunt faciem; atque ita allucunt, ut Novum Soli, Vetus luna; quæ à Sole lumen accipit, conferrri mereatur. Sed enim Judæis quoque horribilis ea mentis exectas, iusto Dei iudicio, obvenit ex temporum ignorantia. Nam cum hi primum admodum videant in gestis excelsum prioris Templi consecutis; sine quibus LXX. Danielis hebdomades, aliaque tam præclara de Christo vaticinia, intelligi minime possunt: tum verò longè minus conspiciunt in temporibus Christi, & Apostolorum, quæque excelsum templi secundi exceperunt. Ubi non aliud elogium promerentur, quam isthoc quo (ut apud Platonem est) Græcos dignabatur Ægyptius sacerdos, semper eos esse pueros. Atque hæc quoties cogito, non possum non ambabus, quod dicitur, ulnis amplexare grande illud beneficium Dei, in populo suo conservantis historiam temporum, non illorum modò, quæ Christum antecedunt; sed Christi ipsius nascentis, in terris commorantis; adeo digna Deo precipientis, de numine purâ mente colendo, nec in honore, vel opibus, sed Deo, & promissis divinis, fiducia reponendo; coram tot testium oculatorum millibus, tot, tantæque miracula patrantis; tam dura, atque aspera, mortem ipsam cum infamia, spontè etiam subeuntis; tertio die, uti pollicitus erat, resurgentis; inde quadragesimo post diè, in conspectu Apostolorum, quingentorum etiam fratrum, ascendentis in celos; exinde Spiritum S. Hierosolymis mittentis Apostolis: qui homines licet simplices, nullæque honorati vel commodorum spe, potius eam magna ditionum suppliciorum, à quibus Natura usque adeò abhorret, expectatione, Religionem Christianam longè adeo lateque per

totum terrarum Orbem, breviculo temporis spatio, non sine singulari Dei Providentia, & ingentibus miraculis, propagarunt. Quid si jam ulterius persequi velim consecuta quindecim secula, quibus Dominus noster, postquam celos repetiit, ad dextram Patris confidens, Verbo ac Spiritu Ecclesiam suam adversus orne hostium gentis defendit ac conservat? Sed enim suffecerit ista carpsim, ac vellicatim attigisse: quando ea meditantis obscurum esse nequeat, temporum notitiis de Scripturæ veritate fieri peritiores. Proximum igitur est, ut in alterum (de quo præterea me dicturum receperam) considerationem paucis intendam: quomodo nimirum hæc ipsa temporum doctrina præstet, ut Scripturarum mentem facilius, certiusque, litigioso hoc seculo, capiamus. Omnes profecto experientia sua docti, non contumeliosè, sed verissimè dici, Ipsas autò magis aureas Scripturas, quæ omnia ad credendum, sperandum, faciendum necessaria, perspicue satis continent, malè nihilominus posse intelligi. Et quis dissideatur, non id modò habere in aliis locum; sed in sese etiam, ac unoquoque nostri; quando omnes sumus homines, ac errori idcirco obnoxii? In hac verò imbecillitate humanata, non temerè illud à Tertulliano, Latiorum Ecclesie Scriptorum, quos habemus, vetustissimò, dictum fuit, Antiquissimum quodque verissimum. Ecquid igitur ingentis modestis (nam illa Omnisciorum pro desperatis habemus) ad veram Scripturæ intelligentiam, atque adeo etiam ad Ecclesiarum pacem, fructuosius esse possit, quam si ante omnia quidem, animò veritatis percipido; Deum in Scripturis loquentem audiamus, præsertim eâ lingua, quâ divinitus sunt exarata: mox verò, quia nullas sibi uni, vel paucis secum, Spiritum Dei ad Scripturas capiendas vindicare debet, audiat quoque Spiritum in Ecclesia loquentem; eoque homines consulat pios juxta ac eruditos; ac novellis doctoribus superaddat antiquos; ut hoc pacto cognoscat, quid in Scripturarum interpretatione constanter amplexa sit Ecclesia vetus; quando, & ubi fuerit recessum à iudicio vetustatis; quid primò, quid deinde, quid postremò placuerit; atque ubi primis, ubi mediis, ubi ultimis temporibus, vel alii allos tulerint, vel Anathema dixerint dissentientibus? Si aliter nos componamus, quomodo non in hac mentium caligine, eoque amore sui, crebro, quod dicitur, à jama aberramus, dum suo quisque, vel etiam equalium aliquot iudicio, Ecclesie doctrinam, ac gubernationem metitur; præterea verò & meliora illa tempora, eò despiciit, quia ignorat? Quamobrem nihil æquè miserum

statuo,



statuo, quam quod iste Antiquitatis contemptus, sive segnitie juventutis, sive alia de causa, quam dicere nihil attinet, tanta quotidie capiat incrementa. Et tamen ea est temporum malignitas, ut vix liceat ulcus hoc Chironium tangere. Et si liceat, brevis instituti nostri nunc non sinat. Dolor interea expressit, ut quæ dixi, illustri comprobarem exemplo; idque eorum potissimum, apud quos vitium hoc præcipue dominatur. Quales censeo qui Samosatēni, vel Photini dogma orbi recoquunt Christiano. Nam si cuncta Christiani nominis tempora tacite animo percurramus; nullam comperimus Ecclesiam, ab Apostolis, vel iis, quos hi miserant, constitutam; quæ aliquem ejus sententiæ agnovit Doctorem. Equidem non diffiteor, quod obtendunt, extremis Apostolorum temporibus, fuisse Ebionitas. Sed ulla ex iis, quas dixi, Ecclesiis dare poterunt, quæ vel decimo successionis gradu, multoque etiam postea, in defuncti Episcopi, Presbyteri, Diaconi, imo vel Hypodiaconi, Lectoris, Cantoris, vel Exorcistæ locum, prudens sciens Ebionitam advocaret? foris hi coetus suos inibant; extra Ecclesiam erant, quam oppugnabant. Ex hoc genere est censendus Theodotus Byzantius Coriari ille; qui postquam nihil peni habuit novum dogma inducere de Christo mero homine, ob defectionem hanc, à Victore, Urbis Romæ Episcopo, qui anno ducentesimo, & antea, claruit, Christianam meruit communione privari. Ejusdem farinae erant duo ejus Discipuli, Aclepiodotus, & Theodotus Trapezita: à quibus Natolius, auro corruptus, cum antea Confessorum choro accenseretur, Ecclesiam relictam, factus est Theodotianorum Episcopus. Hic postquam divinitus graves in somnis poenas dedisset, vix tandem à Zephyrino, qui Victori successerat, in Ecclesiam est receptus. Quid nunc de Artemone dicam, atque omnibus ab eo profectis? Quid item de Samosatēni Paulo, Antiochenæ Ecclesiæ Præsule? qui nisi ab omnibus audisset Catholicus, nunquam per varios honoris gradus ascendisset, donec in ea Ecclesia teneret primas, ubi primò auditum fuisset Christianorum nomen; quæ etiam Ecclesiarum Orientis prima censeretur. Eo in honore Ordine illum præcesserant, Euodius, Ignatius, Hero, Cornelius, Hero alter, Theophilus, Maximinus, Serapio, Aclepiades, Philetus, Zebennus, Babylas, Fabius, Demetrianus, ut Paulus iste fuerit Præfulum Antiochenorum quintus-decimus. Sed operæ est cognoscere, quid virum tantum impulerit, ut desereret fidei normam, quam observassent tot sui decessores, viri sanctissimi, plerique etiam scriptis, & martyrio incliti.

Vivebat iis temporibus Zenobia, Odenati vidua, Palmyrenorum Regina; quæ in Oriente longè latèque rerum potiebatur; multumque metuebatur à Perlis, Arabibus, Saracenis, Armeniis, Ægyptiis, diu etiam à Romanis. Cumque doctissima foret ipsa, doctos etiam magno in pretio habebat; ante omnes Longinum, ea eruditione virum, ut viva Bibliotheca, & obambulans Musæum diceretur. Atque ille quidem Religione erat Gentilis; Ipsa autem Judæa; unde & doctissimos secum Judæos habebat. Horum commercio tantum profecit Longinus, ut præclaro admodum Elogio Mosem ornaret, aureolo, qui hodieque superest, Libello *de sublimi ditione*. Sed ut ea cum Judæis familiaritas, Longino profuit non mediocriter; ita è contrario perdidit Samosatenum. Nam cum eâ tempestate Antiochia, Syriaque universa, in Zenobiæ forent potestate; sæpius conflictandum erat Paulo, cum Judæorum doctissimis, & disertissimis. Ac magnopere quidem adlaborabat ille, ut & hi, & Regina ante omnes, (quæ cum magni faciebat, & à qua ipse majoris fieri cuperet) deinceps agnoscerent, Jesum esse promissum illum Messiam. Sed offendebantur illi Doctrinæ Ecclesiæ, de uno Deo, Patre, Filio, & Spiritu Sancto. Quod etiam pertinebat, receptissima gratias agendi forma; *Deo Patri, & Filio, Domino nostro Jesu Christo, cum Sancto Spiritu gloria, & Imperium, in Secula Seculorum. Amen.* Siquidem Samosatēni temporibus, utebantur hac norma, cæque à majoribus accepta; ut testis est locuples eorum temporum scriptor, Dionysius Alexandrinus; cujus de eo verba legere est, apud B. Basilium in præclaro de Spiritu Sancto opere ad Amphiloichium Iconiensem Episcopum. Paulus ergo faciliorem hoc pacto sibi victoriam ratus, neglecta priorum doctrinam, in Artemonis castra concessit; Judæisque illud largitus fuit, unam esse *divinam* Divinæ Naturæ, nec Jesum prius fuisse, quam de Spiritu Sancto è Virgine Maria nasceretur. Non tulit tam foedam *evangelicam* Synodus Antiochena; quæ propterea Paulo Dominum suffecit; approbante hoc ipsam Episcopo Alexandrino, Nempe nihil tale hæcenus, vel Antiocheni audierant, jam inde ab Euodii temporibus; vel Alexandrini, ex quo iis præfuisse Marcus Evangelista: quorum uterque Ecclesiis illis, præcipuis totius Orientis, primus ab Apostolis Episcopus datus erat. Patriarchæ Constantinopolitani sententiam nemo hic à me requirat, quando necdum nova erat Roma. At Veteris Romæ, & cum eo totius Occidentis, idem fuisse judicium de Paulo, partim, eo sciopus, quia Scriptores antiqui, ac fidei digni,

digni, ita de hoc prodiderunt; partim quia etiam, dum Gentiles forent Imperatores, nec universalia haberi Concilia possent; ne non Apostolica de duabus in Christo Naturis per omnis orbis Ecclesias decurreret, cum aliter cavebatur, tum præcipue commercio literarum, quas dixere Pacificas, Canonicas, Ecclesiasticas, Communicatorias, vel etiam Formatas. His enim vel maxime, quod multi non satis attendunt, continebatur illa in Christiana fide contestatio hospitalitatis, ut eam vocat Tertullianus. Nulla quippe Ecclesiarum ab Apostolis edocta, primumve ab iis nacta Doctorem, ignara erat doctrinæ, quæ ab Apostolicis in ea sonuisset temporibus; ubi quicquid memoriæ hominum, etiam longævorum, deesset, Ecclesiasticis supplebatur Archivis. Quocirca nec Samosateno, vel ejus affectis, nec omnino cuipiam, qui ab Catholica se Ecclesia separasset, Epistolas dedisset Canonicas. Cujus rei complures laudare testes possum. Sed fuerint omnium instar Optatus Milevitanus, & Hipponensis Augustinus; quorum Ille, cum Lib. II. urbis Episcopos memorasset ad Siricum usque sui temporis Episcopum Romanum, subjungit deinde; *Cum quo nobis totius orbis commercio formatarum, in una communionis Societate concordat.* Alterius est Epist. CLXIII. ad Eleuthum & alios; *Idcirco primò offerere conatus est, ubique verarum esse communionem suam. Querebam, utrum Epistolæ, quas formatas dicimus, possent, quò vellent, dare, & affirmabam, quod manifestum erat omnibus, hoc modo facillimè illam terminari posse questionem.* Ac præcedenti etiam Epistolâ idem dixerat; *Unde factum est, ut etiam ad nonnullos Donatistarum primarios scriberemus, non communicatorias literas, quas jam olim, propter suam perversitatem, ab unitate Catholica, quæ toto Orbe diffusa est, non accipiunt, sed privatas tantum.* Nec horum demum temporibus ea formatarum coepit consuetudo. Nam ut de Laodiceno Concilio taceam, deque ipso Niceno (quorum illud literarum talis commercii meminit Canone CXLV, hoc XVIII.) etiam Eusebius Pamphili in septimo Historia conservavit nobis hujus generis Epistolam; & quidem à Synodo Antiochenâ ad Dionysium Romanum, & Maximum Alexandrinum, in ipsius Samosateni causam exaratam. Quin ab excessu Apostoli Joannis annis quadraginta, vel etiam minus, obtinuisse eas in Ecclesia, vel ex vita Xysti apud Anastasium conspicimus. Vereor, ne promissam brevitatem, modumque Epistolæ, excedere videam, si alterius sermonem producam de duobus illis ingentibus bonis, quæ è temporum doctrina promanare dicebam. Ea parùm ipse attendebam, cum animum ad hoc studium

appellerem, in prima penè adolescentia. Quid mirum? quando non tam judicio ad illud deferrer, quàm occasione Bibliothecæ, bellè adeo instructæ; etiam ab antiquis Ecclesiæ scriptoribus, quam reliquerat mihi doctissimus, idemque vetustatis amantissimus Parens meus. Sed quantò cum ætate altius me postea in hoc studium penetravi; tantò magis ejus necessitatem perpexi. Præcipue verò ex laboribus istis, vidi fructum me percepisse maximum, postquam Theologico Illustrium Hollandiæ, & West-Frisiæ ordinum Collegio Præfectus, cum Scripturis cuncta Ecclesiæ tempora jungerem: atque ita nullâ spe, nisi coelesti, laborem mihi ipse duplicarem. Idem amor, ac studium mansit, cum deinde in Leidensi Academia, præter literas Græcas, omnem omnium temporum Historiam, Sacram, Ecclesiasticam, Civilem, enarrarem. Ac quamvis ut alia omnia, ita animum quoque auferre ætas soleat: nec dum tamen mihi, in illustri Gymnasio vestro idem studium proficenti, ardorem istum ætas extinguit frigidior; quin potius gliscit. Nempe majoris mihi fuit conscientia, quàm res fluxa: còque penè hoc uno metior cuncta, ut in die illa, quæ animo semper obversatur, otii pariter, ac negotii mei, faciliùs Deo rationem reddam. Quomodo animatus, quicquid mihi temporis à publico munere, auctoritate vestra imposito, restat, id omne, quatenus per indigentiarum, ac præcipue exterorum interpellationes licet, in eo infuso, ut literarum etiam monumentis non malè promerear de studiis, præcipue juventutis. Quocirca ut in aliis me artibus, ac scientiis factum; ita in doctrina quoque temporum, multa jam literis mandavi. Sed hæcenus penè omnia in Bibliothecæ foliis delitescunt. Interim tempora labentur, atque ætas affecta autem vellic, ac cogitare jubet de sarcinulis colligendis. Eo igitur animo sum, ut illis demum lucis usuram, in quibus perficiendis, & emendandis, minus operæ desideratur. Solum dubitavi, utrum satius foret, initium ducere, ab orbis, an Christi incunabilis. Verùm enimverò licet temporum doctrina, præstantium virorum industriâ, nunquam majora ceperit incrementa, quàm seculo proximo; multum tamen vereor, ne non unius ætatis negotium sit, priusquam hæc scientia ad id fastigii adsurgat, ad quod alie quædam jamdiu pertigerunt. Nec propterea tam animo, quàm otio, mihi opus sit in exasciandis nostris. Utcumque enim viribus diffidam meis; bona tamen spes est, in hoc etiam studio, ubi toties noctem omnes offerimus, quò plures plura dicent, & conferent, eò citius posse tenebras discedi. Quocirca ab illis



illis Veteris Instrumenti paulisper recedam cum animo revertendi. Nunc verò exorsus à Novo, diatribam geminam; unam de sospitatoris nostri genere; alteram de annis ejus nati, baptizati, mortui, publici juris facio. Utramque; magni magnæ urbis Antistites, columnina Patriæ omni laude majora, amplissimo nomini vestro, L. M. Q. offero, dicoque. Nec ignoro, quanto majora meritis debeantur vestris. Sed cum non possum hoc tempore, quali vellem; volui, quali poteram testimonio, cultum atque officium nostrum testari. Et fidentiore me faciebat, notissima omnibus æquitas judicii vestri; ut iniqui ipse judicii reus fuerim peragendus, si meruissim, ne libellis nostris plus demeret favoris, quod exigui forent; quàm adderet argumenti non præstantia modò, sed etiam difficultas. Et fultè adeo si sapuissim, sapientià tuâ errori nostro, vel in proximo de libellis nostris sermone, longè humanitatis, & affectus plenissimo, mederi potuissim, magnifice, ac amplissime Consul, Alberte Conrade Burgi, tot jam honoribus perfuncte, non in urbe modò partiâ, cum quavis urbe certante; sed in totius etiam Hollandiæ, ac West-Frisiæ Senatu; Legationibus quoque ad Russiæ Imperatorem, & Serenissimum Daniæ Regem, magna prudentiæ laude feliciter obitis, longè latèque celebratissime: tum autem (quod multis partibus minus sit licet, me tamen, & literarum studia, propius spectat) Athenæi nostri jam ab eo tempore Curator, quo sic Deo, & prudentissimæ urbis hujus Proceribus placuit, ut Ego, & ab omni laude cummulatissimus Collega meus, Gasparus Barlaeus, prima illius fundamenta, jaceremus. Ut verò porro etiam structura ejus pulchrior, pulchriorque exsurgat, & voce & calamo pariter aditumur. Ac si vita suppetat, uberioris deinceps animi hujusce testes dabo, non modò publici boni amore, sed etiam vestri: quibus si placebunt nostra, magis placitura sunt aliis, & Authori; quantòque vobis per hæc carior reddat, tantò ipsi etiam mihi carior fiam. Deus Opt. Max. porrò quâ terrâ, quâ mari, urbem hanc secundet; jam nunc licet felicitate, & rerum copiâ, nulli secundam. Atque idem familias vestras cunctis animi ac fortune donis locupletet. Vos ipsos, ex bonorum civium, tot etiam eruditorum votis, Urbi, Ecclesiæ, Gymnasio nostro, imò potius vestro, sospites ac propitios, diutissime conservet.

Amselodami

clo. loc. xiii.

v. Kal. Nov.

### III.

#### *Serenissimæ & Sapientissimæ Christianæ.*

**N**ON dubito, Serenissima Regina, quin plerique, qui prolixum tuum erga me favorem, & beneficentiam norunt, valde mirentur, nullum me hætenus grati animi signum ostendisse, cum tamen innumeri, quos nunquam obstrinxeris, in remotissimis etiam terrarum oris, virtutes tuas uno ore laudent, celebrent, & in cælum certatim evehant. Si vel insita quædam ignavia, vel aliud animi vitium, tam diuturni esset causæ silentii; tantum abest, ut delicti peterem veniam; ut ultrò potius à te poenam criminis efflagitarem. Sed me quàm longissimè ab hac culpa abesse, nemo potest ignorare, cui & mores mei, & ingenii mensura fuerit cognita. Si nunquam præfens essem contemplatus ea, quæ totus de te terrarum Orbis prædicat, miracula; fidentius aliquanto exigente necessitate, sermonem de te instituerem. Nunc verò cum videam ea ipsa, quæ de te jactantur, longè esse infra gloriam tuam, cum omnem prorsus famam virtute exceßeris; còsum redactus, Divina & Incomparabilis Regina, ut neque loqui, neque tacere de te possim. Vetat eximia illa erga me etiam imminente benignitas, ut taceam; alterum verò & magnitudo tua, & ingenii mei prohibet tenuitas: Sed tamen si unquam turpe fuerit aliis siluisse, cum loquendi urgeret necessitas; mihi longè fuerit turpissimum. Ingratus merito, vel malignus habear, si destitutus ea dicendi facultate, quæ tantæ convenit Majestati, non illa saltem proferam, quæ possim. Quod itaque te alloquar, non hoc facio fretus viribus, aut ingenio meo, neque enim me mea fugit imbecillitas, sed saltem, ut, si quod tacens crimen incurrerim, illud omne loquendo diluam, & repellam. Nec tamen idèò silentium rumpo, ut laudes tuas aggrediar; faciunt hoc ii, qui vel sunt, vel sibi videntur facundi, & disertii, à me enim uti virtus illa, ita etiam altera ista procul abest vanitas: hoc saltem peto, & obsecro, ut benigna & serena fronte munus, quod offero, suscipias, nec indignè feras, quod post tam longam moram, aliena pro meis audeam exhibere. Quamvis ut rectius loquar, tuum est, Domina, non alienum, id quod tibi consecro opus: Tibi quippe vivens destinarat Pater meus, tibi etiam moriens ultimis reliquit ceris. Sive tamen tuum sit, sive non, accipiendo id facies tuum, eritque, ut opinor, non minus gratum, quàm si meum esset, imò etiam gratius, quoniam & melius. Argumentum

mentum operis quod attinet, ne hoc spero, adspernabere; continet enim ætatem, & scripta eorum, quos tu libenter à mortalitate una cum suis monumentis, si per fata liceret, adfereres. Vereor autem, Domina, ne plus doloris, quàm voluptatis hic tibi adferat liber; fieri enim non potest, ut non quam gravissimè commovearis, si in tot Veteris Græciæ lumina, tot præclaros, & inæstimabiles Thesaurus, avaros illos tuos & insatiabiles conjeceris oculos. Nudam quippe Scriptorum famam, solos laborum titulos, & quædam quasi humanæ sapientiæ naufragia hic conspicias. Nihil hic Theopompi, nihil Timæi, nihil denique Ephori, præter nomen: periire omnes, & quod maximè dolendum, periire sine posteritate. Neque hoc idèd à me dicitur, quod iniquè de Historicorum hujus seculi sentiam ingenijs, ut non illa etiam ea qua debeam æstimatione prosequar; sunt illi quod voluerint, dummodò sciant, multum se abesse à sublimitate Veterum, & quantum ipsi plebem superant intellectu, tantumdem se ab illis superari. Quamvis autem ejus rei causam reddere, non sit difficile, quid tamen opus eam multis explicare, cum eventus ipse manifestè id docuerit? Quis responderit stulto, quærenti, quare desipiat, nisi qui & ipse, pro stulto velit haberi? falsum verò est, quod quidam opinantur, ex quo desierint esse Heroes, desiisse etiam eos, qui facta eorum memoriæ, & posteritati traderent. Cui non Veterum Heroum comparandus gloriosissimus tuus Parens? Quis non illum Regum, Principumque omnium diceret Maximum, nisi Majorem se genuisset filiam? Nullus tamen quod sciam, facinora ejus toto Orbe, & omnibus seculis memoranda, vel potuit, vel ausus est, literis, & æternitati consecrare. Hinc adparet hodiernis Scriptoris, non deesse argumentum, verum ipsos deesse argumento. Qua quidem in re uti, & in cæteris fermè, planè adversantur prisca, & vetustis Historiæ conditoribus; Illi quippe arte, & industria Heroas ex hominibus faciebant, isti verò culpa ingenii & facundiæ, Heroas, imo ipsos Deos, in homines, & quidem vilissimos, permutant, & transformant. Sed quid ego hic aliorum crimina commemoro, cum pulcherrimam laudum præ manibus habeam materiam? Invitus, Regina, aliena persequeretur vitia, si tuis prædicandis par essem virtutibus: sed eas percensere longè fuerit difficilius, quàm aliorum carpere errores. Labi quidem & errare, res est, ut factu, ita quoque dictu facilis. Tua verò virtus cum nihil habeat humanum, sed sit prorsus Divina & Immortalis, quis eam aggredi, & exprimere possit nisi cui coelestis

quoque contigerit facundia? Nonne ego eundem incurrerem errorem, quem paulo ante in aliis reprehendebam, si heroicæ, & incomparabiles animi tui dotes, tenuitate styli & eloqui deprimere, & tanquam de cœlo in terram deducere conarer? Permitte, Serenissima Regina, si in me ingrati videatur animi indicium, de virtutibus tuis tacuisse, ne ingratus habear. Malim tu hoc videre, quàm prodere malignitatem, cujus ego manifestè reus peragar, si te modicè, & frigidè (neque enim aliter possum) prædicavero. Licet nihil aliud in te magnum, & memorabile occurreret, quàm quod fortunæ, & natalibus debes, esset id tamen majus laude, & præconio nostro: tantum quippe abest, ut sublimia illa, sceptræ & coronas, sermone possim assequi; ut sæpè ne verba quidem succurrant, quibus amicis, & familiaribus meis satisfaciam. Sed verò cum fortuna, licet illa omnia dederit, minora tamen præstiterit tibi, quàm sint ea, quæ ipsa adquisiveris: quum propria te virtus, etiam supra diadema evexerit; vanus essem, & ineptus, si periculum virium facerem, & verbis attenuare mallet, quàm sacro silentio venerari ea quæ in te certatim concurrunt miracula. Huc accedit, Domina, quod laudare nemo te possit, sine gravissimo aliorum Regum, Principumque vituperio. Nam sanè etiam si aliquid prædicatione dignum in his sese offerat, id tua obumbrat gloria, vixque eorum supremæ virtutes ed adsurgunt, ubi tuæ incipiunt. Honorificum est illis trium quatuorve linguarum peritiam sibi comparasse. At verò quota hæc est pars tuæ laudis, cum linguas pleræque (barbaras tamen excipio) exactissimè intelligas, multas etiam sermone exprimas, idque tam eleganter, ut ne ipsas etiam Musas elegantibus, disertisque posse existimem: Et tamen, ut multas edidiceris linguas, plures tamen sunt, quæ te celebrant. Jam verò quàm in aliis regibus gloriosum habetur, si erga literas, & literarum cultores, benigno, & benevolo fuerint animo? Tu verò, incomparabilis Domina, non solum literarum amore teneris, verum etiam tantos in iis progressus fecisti, ut ne doctissimis quidem concedas; Tuæ certè ætatis omnes longè post te reliquisti. Quodnam est enim doctrinæ scientiæque genus, cujus non etiam penitissimos perlustraveris recessus? Poetas quidem & Oratores, quæ Græcos, quæ Latinos, partim legisse, partim memoriæ mandasse, ludus tibi jocusque fuit. Historiarum eam tibi comparasti cognitionem, qua nec majorem illi, qui totam ætatem huic studio consecraverunt. Illud verò mirandum prorsus, & inauditum, quodque non in Juvenem, nedum



in Virginem cadere existimassetus, nisi tu sola exemplo nobis fuisses, evasisse te tam citò ad illa sacra, & abdita Philosophiæ penetrantia, ad quæ alii assiduo labore, continuis vigiliis, vix tandem in extrema cæritate pervenire potuerunt. Nescimus adhuc, Domina, propriâ ne industriâ, an verò singulari Dei beneficio; tantam sis adepta sapientiam. Quamvis enim rápido, concitatoque ingenio, annos & ætatem tuam præcurras: Quamvis etiam ea sis diligentia, ut nullum tibi tempus frustra effluat; & licet te quieti tradas, cum demum major nobilium pars præterierit, nunquam te tamen aurora dormientem deprehenderit; vix tamen patitur imbecillitas humana, ut tantam scientiarum, rerumque usum tam subito, & inter tot regni negotia acquirere, & comparare tibi potueris: Cælo necesse est tam coeleste ad te pervenerit donum; neque enim ex sola Platonis, Plotini, similiumve institutione tanta repente prodisses. Sed quid attinet querere, collatissime insulam, an verò labore partum sit, id quod in te passim colimus, & admiramur, dum coeleste, & immortale id esse fateamur? Cesset itaque curiosa nimium, & inutilis illa inquisitio; cesset etiam omnis laus; cum laudare non possumus, id quod quale sit, & unde habeas, ignoremus; sed tamen cum Divinum id esse agnoscamus, permitte ut te adoremus. Si enim unquam honor, cultusque divinus sine crimine, & errore cuiquam conferri debuerit, debuit tibi, incomparabilis, & adoratione dignissima Regina. Merces hæc est exigua, si virtutes tuas, ingeniaque quæ in me contulisti beneficia respicias: Tanta quippe illa sunt, ut etiam mihi millies vita, quam dego, recuteret; millies me mors opprimeret, prius quam tuorum erga me meritorum partem, vel minimam deponerem. Sed tamen neque tu majus aliquid exoptis, neque ego aliquid majus possim reddere, quam antiquum purum, devotum, & intemeratum, quo te æternum colam, venerer, & adorem.

*Humillimus Servus,*

J. V.

IV.

*Illustrissimo & Celsissimo Heroi, Georgio Villiers, Duci, Marchioni, & Comiti Buckinghamiæ, Comiti Coventriæ, Vice-Comiti Villiers, Baroni Waddonæ, summo Thalassarchæ Angliæ, & Hiberniæ, & Principatus Walliæ, Gubernatori omnium Arcium, & Castellorum Maritimorum, & Classarum Regiarum, Magistro equitum Regis, Domino Wardeni, Custodi sigilli Regii, & Thalassarchæ quinque Portuum & membrorum ejus, Dynastæ arcis Doverensis, Justitiario in Eyre, omniumque Regis Sylvarum & Saltuum cis fluvium Trentensem, Dynastæ Regiæ Arcis Windesoriensis, Primario Cubiculario Regis, Præsidi Syndacario Ordinum & Regnorum Angliæ, Scotiæ & Hiberniæ, Equiti Nobilissimi Regii Ordinis Garterii, Cantabrigiæ Academiæ Cancellario, &c.*

*Illustrissime & Celsissime Dux,*

TENUIS ille ego conditionis, & Academicis spatiis, atque umbris affuctus, affari nunc ausus sum Celsitudinem tuam; virum videlicet, Principem, quem alma Patens natura, non solum generosa adeo domo, prodire in lucem iussit; sed nascentem etiam oculis ita blandis intuita sit, ut cunctas illi corporis, atque animi dotes largiretur. Quem deinde sapientia pariter, ac virtus, quasi ex se natum, à teneris unguiculis educarint. Quem firma jam vigentem ætate, Augustæ memoriæ Rex Jacobus, sagacissimus ingeniorum, & meritorum assinator, in arcana suæ Majestatis consilia adsciverit: Quem idem serenissimus Rex (quod ob fluxam quorundam principum fidem, & aularum suarum incertum, non minoris duci debet) ut prudentissimum, observantissimum, fidelissimum, expertus est semper: Ita, quamdiu rebus ipse præfuit mortalium, amore complexus est incredibili: Imò quem filio, eique unco, quod omnes exsuperat titulos, ancipitis plenum iter sollicitudinis facturo in Hispanias, non tam comitem dederit, quam ducem: Quem multo etiam habuit cariorem, postquam luculente adeo fidei, & prudentis felicitatis conspexit indicia; partim in eo, ut varia eluderentur consilia, aliò spectantia, quam sperabatur; partim ut saluum ac sospes Patri, Patriæque interseretur carissimum utriusque,

que, & naturæ juxta ac factorum lege, tot regnorum imperio destinatum pignus. Quæ quanti singula sint, & summus Rex, & Rege eo dignissima proles, satis intellexit; & abundè testatum fecit sanctissimus Procerum conventus, cum propterea, totius regni nomine, celsitudini tuæ prosperè reduci, verbis honorificentissimis, gratias egit immortales. Nec limitibus eorum temporum continetur inclytum nominis tanti decus. Nam Rege Jacobo in meliora alterius vitæ regna translato, ille tot, & terrarum, & virtutum Patris hæres, Optimus Maximus Rex Carolus, non domesticum solum exemplo, sed suo etiam incitatus judicio (quod in lubrico hoc rerum humanarum palmarium censetur) simili celsitudinem tuam affectu prosequitur, atque ita prosequitur, ut dies amorem eum non imminuat, sed augeat. Adde istis, quod non solum generosæ illius vestræ, ac laudatæ undique Britannicæ gentes; verum multæ etiam præclari nominis exteræ Nationes, præconiis toties in coelum tollant nomen tuum; quoties iis in mentem venit virtutis Heroicæ, è tam arduis relucens negotiis, quæ tot jam annos sustines; atque inter ea è legationibus ad Potentissimos Reges, & federatam etiam hanc Belgicam susceptis. Accedit denique, quod favor cœlestis, ac Regia Majestas tot unum, & tantis ornarint honoribus, ut qui non simul cogitet, ut in uno etiam multorum merita, ac dotes concurrant, is nec judicium duorum Regum, nec Dei ipsius, in cujus manu sunt Regum corda, satis intelligere, atque æstimare posse videatur. Meditantem me ista, majora propè omnia, quam ut mei similes, non dico enarrare illa, sed vel concipere animo satis valeant, qualiscunque coepit obliuio mei; quæ tantum apud me potuit, ut nunc hanc sumpserim fiduciam compellendi Celsitudinem tuam. Facile enim mihi excidi, dum totus extra me summam in admirationem rapior virtutum tuarum. Et cui non earum splendor mentis aciem præstringat, cum tantus is sit, ut, solarium instar radiorum, haut alios sortiatur fines, quam eos ipsos, quos terrarum Orbis agnoscit? Attamen accessit eò alterum quoque: Nam quantum ab alloquio Celsitudinis tuæ arcebat excellens dignitas; tantum revocabat exilium, & quasi privati hominis, in fortunâ eâ publicâ, humanitas; præsertim erga eos omnes, qui feliciter literas nostras colunt. Quis enim obtusi adeo pectoris est, ut ignoret, summum Celsitudinis tuæ ardorem erga doctrinarum studia, ac Musarum Sacerdotes? Uque adeo multa magnaue hujus cœlestis animi argumenta præbuit. Sed ea melius posteris referet Britannia, quæ

uti grande adeo depositum terris exhibuit, ita eò feliciter gaudet. At solum extero mihi attingere liceat, non leve hujus amoris documentum, quod hic vidimus, cum Legationem obires apud Belgas. Periculum erat, ne, Reip. literariæ damno, miserè dispergerentur Linguarum Orientalium codices; quos summus vir, & amicissimus Collega meus Thomas Erpenius à *paracelsi*, ex Oriente, Africa, terris aliis, tot annis, maximis periculis, & impensis congestisset. Vix illud cognōras, cum ecce, Celsitudinis tuæ jussu, ac liberalitate summâ, nobilis Bibliotheca, publico, ac imprimis Cantabrigiensi Academiæ bono, quasi ab orco redimitur. Quamquam verò magnum hoc fuerit; quantum tamen est, præ aliis tam multis, quæ commemorare nunc longum foret? Et miremur quotquot, si ita fas sit loqui, Apollinis, & Pallados delubra frequentant, etiam novum hoc Britannicæ fidus respicere, velut tutelare studiorum numen? Quis igitur satis prædicaverit singularem prudentiam Almæ Cantabrigiensium Academiæ? quæ exuberanti huic erga scientias affectui, cæterisque virtutibus, cultum tributura, quem maximum posset, cumulatissimos illos honores, Cancellarii, ut nunc loquimur, adauxit dignitate; Quæ profectò nihil pulchrius, aut majus uspiam, Orbis habet eruditus. Et quod pretium addit, præclarum hoc amplissimi, ac clarissimi ordinis judicium, quemadmodum à præstantissimis viris accepimus, Regi ipsi Carolo eximiam attulit voluptatem. Tanti Regis exemplo, quem non modò rerum Britannicarum custodem; sed etiam doctrinarum omnium vindicem, ac statorem dicere possumus, mihi quoque ex ima Literatorum cavè, fas, ni fallor, erit, non gaudere modò, sed etiam gratulari, tum Celsitudini tuæ, ob luculenti hujus honoris accessionem; tum celebratissimæ Cantabrigiensium Academiæ, cui exoptatus adeo, obtigerit Tutor, ac Patronus. Atque eo impensius, & illi gratulor, & mihi gaudeo, quia nescio quod astrum usque adeo me Academiæ illi temperat; ut licet terrâ marique disjungar, nec ultra vulgarem scientiæ modum quicquam mihi ausim arrogare; tamen tantillus ego, ante annos pauculos, non inidoneus visus sim, qui eodem arcesseret, ut adderer Doctoribus juventutis, sideribus sanè fulgentissimis, non modò in Britannia sua, sed universo Orbe relucens. Sed enim mihi in hisce Batavis Athenis compedes tum injectæ fuerint partim Procerum nostrorum consilio, quod penè imperii loco ducebam; partim meorum valetudine adversa; partim conjunctissimi cujusque precibus. Attamen non eò minùs debere me



profiteor, & inclyte illi Academiae vestrae, & ante omnes, Illustrissimo Baroni à Broock, viro, seu praeclara ejus erga Britanniam omnem merita, seu erga studia, ac literatos, amorem consideremus, immortalitate longè dignissimo; cujus munificentia summa ea mihi laudis, ac gloriae seges offerebatur. Verùm beneficium Mecenate hujus (quod cum maximum sit, tralatitè profectò dici non debet) alibi à nobis melius celebrabitur. Ad Celsitudinem tuam redeo, Dux inclyte, cujus nunc patrocinio, leta Cantabrigiensis Academia altius caput effert, & quamvis maxima, majora tamen de se promittit, atque, ut reor, jam in monumentis praeclaris, quae feliciter parere nunquam desinit, etiam ea meditatur, quibus excelsum nomen tuum, & memoria tot benefactorum, ad feros nepotes propagetur. O pulcherrimas in amore hoc vices! Honorem Academia detulit, & deferendo accepit. Auctior, ornatioque est tanti Herois praesidio: sed vicissim ea praesidium, ac decus suum exornabit, dum studiis in Orbe constabit honos suus. Tanta Celsitudinis tuae conjunctio, & Cantabrigiensis Academiae, cum animo observaretur meo: Equidem existimavi, eadem me operà consequi utrumque hoc posse; ut aliquo ingenii & industriae monumento ostenderem, tum quanti faciam heroicas virtutes Celsitudinis tuae; tum quanto affectu prosequar, illam à tot seculis florentissimam, quam dixi, Academiam vestram, ac meritis fortasse nulli terrarum secundam. Caterùm ita animato nullum ex iis, quae sub manibus haberem, nobilius occurrebat argumentum, quam hoc de Historicis Latinis. Mitto enim quod historia omnis, & otiosos oblectat, & negotiosos instruit, tum ad vitam privatam, bene beatèque degendam; tum ad eandem in imperio domi, bellicque prudenter componendam. Illud solum dicam, quod, seu ea pars operis nostri spectetur, quae tracto, de Historicis Gentilibus; proderit is labor interiorum amantibus literarum; seu pars consideretur, quae de Historicis ago Ecclesiasticis, non ingrata aut inutilis erit commentatio nostra, Theologiae, & Antiquitatis Ecclesiasticae studiosis. Nempe utrumque laborem conjunxi, ut utrisque prodessem, qui in utroque illo studii genere, majorem aetatis meae partem posuissim. Et si autem juventuti imprimis desudavi; non tamen opus hoc, quod nomini Celsitudinis tuae sacraretur, planè indignum putavi; partim quidem, quia, qui Academiae nobilissimae tutelam geris, etiam optime vis studiis omnium; partim verò, imò imprimis, quia, qui ipse heroicis virtutibus, ad aeterni nominis decus, magnis passibus jam tot an-

nos contendis, non potes non amare scriptores eos, qui bene maleque gesta posteris tradunt, & ea prodendo etiam alios ad immortalitatem nominis parandam accendunt. Aliquid etiam ad commendationem operae facit, quod, quatenus potui, complectar, quotquot intra XVII. secula & ultra, rem historicam scribendo juverunt: in quibus licet aliquot, vel minuti ipsi, vel minutae rei narratores intercurrant (idque propterea quia nihil contemnendum putavi, à cujus notitià, vel temporum series pendèret, vel lucis aliquid historiae accederet) majori tamen ex parte, vel viri eximii, vel mediocres saltem se offerunt: Inque illis Senatores multi, atque etiam Consules Romani: Viri item Principes, atque adeo Reges, & Imperatores: ad hac nobilissimae cujusque Ecclesiae, etiam Britanniae vestrae, antistites, viri saepe sanctimoniam praecellentes, judicioque omnium jam diu caelo adscripta nomina: nonnulli etiam eo commendabiles, quod ut poterant, de rebus praeclaris scripsissent. Atque hi omnes, quatenus in relictis à se monumentis hodieque vivunt, pariter sese dant in Celsitudinis tuae clientelam. Eoque id libentius faciunt, quia in iis comparent multi, quorum vel nomina haecenus aliis prodita non sint, vel opera intercidisse falso sit persuasum. Quales non paucos in Bibliothecis publicis, aut privatis amicorum, vel etiam propria latitantes, partim vidimus, & legimus; partim praestantum virorum judicio cognovimus; quorum singulis symbolam suam, uti mos est meus, candidè ubique refero acceptam. Ab hisce Christianis, externis, magnis, mediocribus, minutis, editis, ineditis, plusquam mille & sexcentis scriptoribus, sperat labor noster, à seculo hoc, & posteris, pretium se illud accepturum, quod alioqui ab ingenio Authoris consequi se posse desperat. Atque eam fiduciam hanc tenuem, ut videtur, operam, sed satis profectò operosam, & cui deinceps etiam, si Deus mihi otium concesserit, limando, augendo, curam sedulo impendere decreverim, ausus sum offerre, ac dicare maximo, & illustrissimo nomini tuo. Quod si eam non ingratam, tum Celsitudini tuae, tum clarissimis Cantabrigiensis Academiae luminibus, fuisse intellexero; erit sanè quod gaudeam; simul ad majora mihi animus magnoperè addetur.

Inclyte Dux,

Deus Opt. max. faxit, ut tardè caelos petas, quò tot Regnorum Regi, regisque tanti regnis, simul florentissimae Academiae Cantabrigiensis, ac universis literis, & literatis,

teratis, diutissime prosis. Id quidem vel-  
le, & orare Deum, quamdiu potero, non  
delistam.

Ludg. Bat. pridie  
Kal. Jun. Anno  
clo lxxvii.

*Illustrissime Celsitudini Tue*

*Humillimè devotus,*

G. J. Vossius.

## V.

Carolo, Dei gratia magnæ Britannię  
Principi, Duci Cornubię, & Rosarię,  
Comiti Cestrię & Carilię; Filio Pri-  
mogenito invictissimi Monarchę, Ca-  
rolli, Magnæ Britannię, Francië &  
Hibernię, Regis, Fidei Defenso-  
ris, &c.

**D**IES nulla, celsissime Princeps, obli-  
vione delebit memoriam eorum, quę  
litteras, maximęque sacras colentibus conferre  
non cessat, Augustissimus Rex Carolus, tuus,  
idemque Patrię Patens, & iis qui studia tra-  
ctant, quasi numen tutelare. Cum enim  
amplissima possideat Regna, ac præstantium  
ingeniorum adeo feracia, ut exteris minime  
indigeat; novi tamen Triptolemi instar, be-  
neficentię femina, non in sua modo Britan-  
nia, sed aliis etiam terris, longè latęque spar-  
git. De se Gallia, & nationum cetera, præ-  
dicabunt. Mihi tacere sit nefas, de fœderata  
hac Belgica; ubi me licet insperantem, uber-  
rimo beneficię naturę suę fructu sic ornavit,  
atque auxit, ut quoties me proprio pede me-  
rior, divinam hanc benignitatem vix cogita-  
tione, nedum verbis assequi possim. Eo ma-  
gis jam diu laboro, ut de sanctiore studio-  
rum penu quępiam depromam, quibus me-  
morem, gratumque, saltem ut possim, ani-  
mum erga dominum, Regemque meum tes-  
tetur. Sed cum ea in tam occupato vitę ge-  
nere necdum ad editionem publicam matu-  
raverint; & nihil ita deproperari debeat,  
ut operę tumultuaria publico minus prosim;  
sensim hinc in cogitationem deveni, aliquid  
interea præstandi, quod tibi, serenissimę Ma-  
jestatis Primogenito, non incongruens vide-  
retur. Etas enim tua, illustrissime Princeps,  
jam literaturę est idonea. Opus autem hoc  
est de literis, syllabis, vocibus, & earum  
nexu; quorum etiam omnium causas, prout  
otium & tempus ferent, hinc poteris haurire.  
Haut equidem diffiteor, multa à nobis diseri,  
quę in regnorum ingentium spem crescenti

delibare suffecerit. Attamen, vel longe me-  
ratio fugit, vel tantulę ætatis tanto Principe  
non indignum erit, si cara Britannię Nobili-  
tatis pignora, atque alii etiam, quibus nostra  
ista, vel iis similia, plenius sint cognoscenda;  
non aliunde ea, quam à principali tuo fasti-  
gio, velut lumen à pharo accipiant. Imo quis  
dubitaret, quin laudi maxime sit futurum, si  
quantum ætate Regio, tantum universis  
etiam literis præcellat; juxta illud Mæonii  
Vatis, magno quoque Pompeio commendatum  
olim à Posidonio:

*Ant. de rebus, & de literis quibusdam*

Siquidem aureum hoc dictum, in doctrina-  
rum quoque studiis locum sibi vindicat;  
maximęque apud Magnę Britannię Princi-  
pem: à quo, si à Regię Prosperę quoquam,  
non Regnum hoc modo, sed verò Orbis  
Christianus, solidam potius, quam umbrati-  
lem, & craticulam doctrinam expectat.  
Quod quas faces, quos stimulos, subdere  
animo oportet? Nec obscura est ratio, cur  
tam pulchram omnes opinionem conceper-  
int; quando si universa terrarum regna  
conferamus, nullum comperiemus, quod  
Principes tot genuerit doctrinā non minus,  
quam sceptro insignes. Quis in eo videmus,  
ratio prorsus exemplo, in Societatem hujus  
glorię etiam venire Reginas. Non jam ab  
ovo, quod dicitur, rem arcessam; ut olim  
Antimachus Olacius, sive alius potius, qui  
rem Trojanam scripturus, ab Jove est auspi-  
catus, in oborem converso, Ledaque ovo,  
Helenam unde natam fabulantur. Et tamen  
nostra se quoque offert nobis Helena; sed  
Christiana, eaque Augusta; Flavii Constantii  
Cæsaris conjux, unica Colli, apud Britannos  
Regis, Filię, Regni que hæres, & artibus illis,  
quę liberales dicuntur, assatim exculta, nec  
Latinis solum literis, sed Græcis etiam versi-  
bus pangendis excellens: eaque omnia, si  
Pontico Virumio fides, à Parente ipso edocta,  
quod, eo vitę functo, dignis succederet.  
Nec in laudes excurrat Edithę, Comitris  
Cantiani Filię, Edvardi Confessoris, Regis  
optimi, & pro temporibus iis, eruditissimi,  
Conjugis dignissima; quam incredibilis fu-  
isse doctrinę, Gervasius Dorobernensis au-  
thor est. Prætereo quoque Mathildam cog-  
nomento Bonam, Milcolumbi Scotię Regis  
filiam, triumque in ea Regum, Edgari,  
Alexandri, & Davidis sororem, Henrico I.  
Anglorum Regi nuptam; quę & ipsa non  
eruditionis minus, quam pietatis laudem me-  
ruit. Omittam quoque ceteras, quas alter-  
utrum vetusto ævo Regnum dedit; meque  
intra Henrici VIII. proteam continebo. Quanti-  
quam



quam nec immorari hic animus Mariæ, literis Latinis ac Græcis, optimisque scientiis imbuta, magnamque id partem de consilio Ludovici Vivis, viri ut variz doctrinæ, ita sapientiæ prope incomparabilis. Nimirum, pro instituto nostro, una suffecerit Elizabetha, literarum, linguarumque scientiâ ad miraculum instructissima. Necdum ea annum implerat septimum decimum, cum tersè loqueretur, non Gallico solum, vel Italo sermone, sed etiam Romano; Græcè quoque lectitaret, primum novi fœderis codicem, hinc alios atque alios, imprimis Sophoclem; imò Iſocratis illam ad Nicoclem, & alteram, quæ Nicocles inscribitur, Latinè redderet. Et quod majorem habet admirationem, non resedit ardor ille studiorum, ubi regium tenuit sceptrum; sed tum quoque, nisi per regni negotia staret, versare illa præstantissimos Latii, ac Græciæ Scriptores, inde linguam expolire, animum salubribus pascere præceptis, & exemplis. Imò hucusque ejus progressam esse industriam accepimus, ut de consolatione Philosophiæ Boëtium, de arte Horatium, de Jugurtha Sallustium, de curiositate Plutarchum, & alios qui me fugiant, Anglicè verteret, suâque manu transcriberet. Quid quod tum etiam ingenii sui aliqua condidit monumenta; in quibus non infimum locum merebantur tot orationes, non minus illæ Romani sermonis puritate, quàm sententiarum pondere, commendabiles. Earum habuit alias ad exterarum gentium Legatos, alias ad Angliæ suæ Academicos; quorum studia quantoperè foverit, grandi illud argumento erit, quòd curâ quotannis sibi commentariolis perscribi, qui potissimum, & qua parte excellerent, ut ita virtuti cuiusque melius pretium rependeret. Atque hæc eo potissimum animo, illustrissime Princeps, à me dicuntur ne sublimem erectamque mentem, cujus semina jam exerere sese cupiunt, sic unquam demittas, ut alter sexus, etli & ipse laudatissimus, doctrinæ nomine prævertat. Sed de sobole hac optimi maximique Regis Caroli, Jacobi sapientissimi nepote, longè alia omnes auguramur, certoque nobis promittimus. Quin igitur, quod tam generosâ indole dignius, Heroum potius, quàm Heroinarum exempla ob oculos ponimus? Ante omnes Constantini Magni, qui Britanniam tuam, quamvis aptea, & rebus gestis nobilem, & eo nobiliorem, quòd prima Provinciarum fidem recepiſſet Christianam, partim nascendo in illa, nobilissimam fecit, partim eò quod imperator, hic salutatus, & illam, & quicquid terrarum Christum recepit, immortalis sibi beneficio obstrinxit. Felicitas enim illa Arviragi esto, quòd eo potissimum

Rege, in Britannia primò sonuerit Evangelii tuba, occinente sive Apostolorum aliquo, sive Josepho Arimathæo. Laus quoque ea fuerit Lucii, quòd primus Regum, quos quidem legerim, palàm professus sit fidem Christianam, & illa Britannia parte, quam tenuit, publicè jussit doceri. At quanto major hæc gloria Constantini; qui non in Britannia solum Religionem instauravit, Diocletiani persecutione atrocissima propemodum extinctam; sed primus etiam imperatorum per orbem Romanum templa aperuerit Christianis. Vestratem verò hunc, ac Romanorum juxtâ, Principem, literarum studiis fuisse deditum, nec legere contentum, animum etiam appulisse ad scribendum; præter nobiles Britannia Scriptores, testes habemus locupletes, Eutropium sophistam, & Aurelium Victorem. Addit illud Cæsariensis Eusebius, quando per otium liceret, Orationes meditatum, quandoque etiam habuisse, confluyente innumerâ multitudine, ut Philosophantem audiret Imperatorem. Nec inficiâ ivero, studiorum decus & gratiam non mediocriter jacuisse, ex quo, fractis Romanorum rebus, Vortigernus Rex à Saxonibus majore Regni parte exutus fuit; & Christi ac literarum cultoribus non alio ferè, quàm in loca ob montes ac paludes prope inaccessa, maximèque in Walliam, tutus patuit receptus. Quam tristis Britannia tum facies fuerit, non meliori alius fide dicet Gilda sapiente; ut qui ipse fuerit Britannus, & annis non amplius quatuor & quadraginta ab Saxonum in eas terras adventu, frui cœperit hujus lucis usurâ. Sed rediisse videntur tempora aliquanto lætiora paulo ante annum à nato servatore sexcentelimum, cum Gregorii Magni discipulus Augustinus, primus Dorobernensium, sive ut nunc dicimus, Cantuariensium Archiepiscopus (à quo Reverendissimum D. Guilielmum, grande Ecclesiæ totius præsidium ac columnen, tertium jam supra septuagesimum numeramus) publicam Religionis nostræ professionem, quibus in locis à Saxonibus pago deditis propè fuerat deleta, restituit, sed ita restituit, ut omnia juxta Romanæ Ecclesiæ faciem conformaret. Hic enim ille est, qui, cum pauci adeo ut pietate, sic doctrinâ conspicui forent, eo minore negotio Angliæ Ecclesias, Orientis antea sive Græcis Ecclesiis magis convenientes, ad Romani Pontificis obedientiam, Romanæque Ecclesiæ constitutiones, primum quantum potuit, adstrinxit. Ac paucis post annis in aliis Britannia partibus idem Paulini, & Felicis studium fuit; Illius apud Northumbros, hujus in Norfolkia. Nec longo inde temporis intervallo, idem præstitum Wilfrido apud Saxones

ones Australes. Ita plurimis per Angliam locis Religione, & literis unâ redditis, difficile dictu est, quantus subito doctrinarum ardor habuerit Reges. In his Sigebertum, Orientalium Anglorum ab Uffa quintum; qui ditione suâ scholas instituit passim. Utrum verò inclyta illa, nec satis unquam laudata Cantabrigienſium Academia, ac ob privata etiam merita, multo mihi carior, Sigeberto huic sit obſtrictior, an Lucio Regi, vel alii priorum, aut è posterioribus Alfredo, vel primo secundove Eduardo; nec nostri ingenii est decidere; nec, opinor, tale illud, ut vehementem animi concertationem mereatur. Eo igitur superſeſſo, ad Inam potius venio, Occidentum Saxonum Regem, Kenethi Regis filium, qui anno sexcentesimo octogesimo nono Cedwallæ succellit, atque ut bello, ita etiam doctrinâ, multum sibi gloriæ peperit. Quid jam de Oetwolfo dicam, Northumbriæ Regem? quem ab literarum peritiâ valde laudat Malmesburienſis, præunte etiam venerabili Bedâ, qui, Anglorum Historia à se condita, tanti potissimum Regis iudicio standum putavit. Quid item de Oſſa, magnâ Meritorum Regem? à quo Bedâ non degener Discipulus, Albumus Flaccus, Legatus ad Carolum magnū missus, postea quæ ejus, ut vocabant, deliciosus Magister, author tanto Regi fuit, Parisienſium in Galliis, Ticinensium in Italia Academia condenda. Nec indigne mihi abibit Etelwulfus, fortissimi Regis Egberti Filius, Wentanus prius Episcopus, postea Occidentum Saxonum Rex, Caroli Calvi æqualis; qui doctrinâ suâ decus, magnam partem acceptum retulit Helmestano, Wintonienſi Episcopo, & Suthuno Monacho eruditissimo. Quibus præterea laudibus, prosequar Ethelwoldi hujus Filium Alfredum Regem? Quis, quamvis Parentum incuria, ab anno demum duodecimo, literis Latinis serio incubuit; quæ de infelicitate suâ grandiori ætate sæpius querebatur: Incredibili tamen amore doctrinæ postea semper exarsit, eruditos multum æstimavit, & ad dignitates exivit. Ipse etiam, ut de Veteris Novique fœderis Libris taceam, Bedâ Historiam Anglicanam, Boethium de Philosophia, Orosii Orchestram, Gregorii Magni Pastoralia aliæque hanc pauca, Saxonice reddidit: quod Guili. Malmesburienſis, & Ranulphus non sinunt nos ignorare. Illud verò prope fidem exsuperat, quod tantus Rex, ut ei per familiaris Aſſer Menevenſis refert, Filios eorum, qui in Regali familia maritabantur, non minus propriis diligens, omnibus bonis moribus instituit, & literis imbuit, solus noctu dormire non desinebat. Ac credo, admiratione tantum, Martinus Pape Anglorum scholam, quæ Romæ erat, ab

omni tributo immunem esse jussit. Et quantum gloriæ idem Rex peperit, extremis vitæ temporibus, præclare adeo merendo, de Oxoniensium studiis! Quorum florentissima Academia nunc caput cœlo infert: Eoque majori à me cum voluptate memoratur, quia excidere animo meo nunquam poterit, quantum mihi honoris, cum ante quinquennium pedem in ea primum posuissim, habitum iverit immerenti. Utinam modò summis, & hujus, & illius Academia in Angliâ viris, uti apud animum memorem fiat beneficii gratia, ita possim officiis respondere. Et una cum his, triga ut Charitum fiat, venerando, sanctissimoque Cantuariensium Ordini; cui quod indignus licet, dignatione tamen Augustissimi Regis Caroli additus, sub Reverendissimo, & Illustrissimo Antistite D. Guilielmo, loci hoc teneam, non plurimas solum molestias, quibus nunquam piorum caret vita, deterget; sed etiam ad melius meliusque, de Ecclesiâ, ac Rep. literaria merendum, plusquam dicere possum animi addit. Sed longius jam ab eo ab Alfredo Magno; qui anno Christi nongentesimo excessit. Post eum Edvardus Senior, qui feliciter toties adversus Danos rem gessit, Alfredo patre erat, ut Monasterienſis ait, *potentia pariter, & dignitate gloriosior, sed literarum cultu inferior*. Quæ parte longè præstitit frater hujus Ethelwardus; quippe qui, ut Aſſerius Author est, *divino consilio, & admirabili Regis providentiâ, cum penè totius regionis Nobilibus Pueris, & multis Ignobilibus, diligentem Magistrorum curâ tradidit, utriusque lingue Libros, Latine & Saxonice, assidue legere, ac scripturæ quoque vacare*. Sane literis ita fuit imbutus, ut iis temporibus inter Literatorum Principes censeretur. Eruditione hinc avo Alfredo, Patruoque Ethelwardo, similior erat Ethelstanus Rex, Eduardi Filius; is qui Danis, è Northumbriâ ejectis, primus totius Angliæ imperium tenuit. Post illum studii clarior, illustriusque nomen suum reddidit Edgarus, ex Eadmundo Rege, qui Ethelstano fratri in regno successerat prognatus; & ne hac solum parte laudetur, *flos & decus Regum, gloria & decus Anglorum, cujus largitas, & munificentia totam Europam impleverat*; ut de eo scribit Westmonasterienſis. Metuo ne longior æquo videar, si quodcumque Regum, in Anglica, ac Saxonica domo ab eruditione commendatur, intra angustos unius Epistolæ cancellos complecti velim. Ac magis etiam, si in Northmannica stirpe idem tentavero. Non prætereundus tamen Guilielmi Conqueritoris Filius, Guilielmi Rufi frater, Henricus Primus; quem Thomas Rodburnus, sic Cantabrigiæ ait studiis operam navasse, ut propterea

Henricus



Henricus Bellocerius diceretur. Et quod è genere Nortmannico Reges in Academiis alterutrâ postea ceperunt ingenii, doctrinæque cultum? Ut Oxoniensem nunc solum tangam, de Edvardo secundo indicant Archiva; de tertio, Rytmica Joannis Anglici: de Henrico V. Gymnasii Cadomenis in Nortmannia Conditor, Rossus Warwicensis Libro de Regibus; de Edvardo V. Oxonienses ipsi literis gratulatoriis ad Edvardum Quartum. Richardus etiam Tertius, et illaudatus Princeps, ubi tamen nefariis artibus regnum erat consecutus, eadem in Academia, raro prorsus exemplo, Philosophos audiit disceptantes; quod ex Academia ejus Epistola ad illum cognoscitur. Propiora afferam. Ac primum de Henrico VII. Tritavo tuo; dubium meliusne de Britannia merito, dissidia tollendo, quæ in Lancastria, & Eboracensi, Regii sanguinis familiis, tot Regum temporibus durassent; an nuptui collocando Filiam Margaritam Jacobo, Quarto ejus nominis Scotiae Regi, Proavo Jacobi Sexti, qui jure hæreditario Angliæ, Regnum primum cum Scotico conjunxit, ac utrumque augustissimo parenti tuo Carolo feliciter transmissit. Porro Henricum hunc Polydorus Urbinas contentus est dicere, fuisse ingenio magno sagacique, & à literis non alieno. Sed enim magnum ejus erga literas amorem multa arguunt. Illud inter alia, quod qui Gallicè scirent, potius tamen Latine ei scriberent. In quibus etiam Hadrianus Castellanus Cardinalis, Herefordensis prius, Wellensis postea Episcopus. Et quis exigua esse doctrinæ existimet, quod à fide devium differendo ipse Cantuariæ ad fidem converterit Christianam? Quantum præterea ad gloriam illius facit, quod ejus in Anglia, uti in Scotia Jacobi IV. Aravi tui temporibus, literæ Romanæ elegantius excoli coeperint. Græcæ etiam, ut Constantinopoli antea in Italiam, ita inde tum traductæ sint in Britanniam universam. Atque in hisce humanitatis studiis, eo Rege diffundendis, maxime eluxit opera, cum Nobilis Itali, Cornelii Vitellii, qui primus Oxonii bonas literas docuit; tum indigenarum; Thomæ Linacri, quem filii Arturi studii Rex præfecerat; & trium Guilielmorum, Grocinni, Lilli, & Latemerii; ac præterea Joannis Coleti, B. Pauli, ut nunc dicimus, Decani. Sed ad altius doctrinæ fastigium est assurrectum, regnante ejus Filio Henrico VIII. excelsi planè animi Principe; qui quanto studiorum amore fuerit inflammatus, indicio erit, quod ternas ædes regias Bibliothecis totidem mirè luculentis, instruxerit. Ab eodem illud amore est profectum, quod & ipse, & una Regina Catharina, pene eo

solum consilio Oxonium sunt profecti, ut Ludovicum Vivem in collegio Corporis Christi audirent differentem. Quin idem in Academia Cantabrigienfi, pro singulari affectu, erga viros ejus doctissimos, locumque illum ubi literis navasse operam perhibetur, Collegium studiosorum, totius prope dixerim Europæ amplissimum, sacra & individua Trinitati dicatum, munificentissimè extruxit, & latifundiis, ac proventibus uberrimis ditavit. Quantoperè etiam elegantiorum hominum monumentis perpetuo celebrandum, quod publico sanxerit Edicto, ut barbariei, cujus reliquæ aliquæ honorem utriusque Academiae, alioqui florentissimæ, non leviter offuscabant, summo studio obviam iretur ab omnibus; ac quia sermonis illa rusticitas, & striligo in Philosophorum Scholis, potissimum regnaret, eò Aristoteles & Plato, publicè non aliâ quam græcâ prælegerentur linguâ. Quam digna hæc Rege illo, qui omnes ætatis suæ Principes, doctrinâ facillè anteiret; quo etiam non alius hac parte magis admirationi esset; præsertim quando privatim, sermone etiam Latino, de rebus gravissimis dissertaret; vel publicè quoque de sacris controversias nunc constitueret, nunc tolleret. Tanto jucundior nunc quoque eorum est conspectus, quæ ad B. Augustini codicem de Civitate Dei, manus sua annotavit. Uti & horum, quæ eadem Regiâ manu exarata supersunt, de reformanda Angliæ Ecclesia cujus proximam à Deo potestatem, non akeri in terris attribui est passus. Idem antequam scriberet, Christiani hominis institutionem, deque bello in Scotos, item de Concilio Mantuano, & Vicentino, aliæque compluria, jam assertionem illam ediderat de Sacramentis: quâ non solum inter illustres obtinuit scriptores nomen; sed illud etiam, ut non quidem ignotum antea, desitum tamen, regis reponeret titulis pulcherrimum hunc, justiusque exinde posidendum, Fidei Defensoris. Ac de Filio ejus Edvardo VI. planè obstupesco, cogitans mecum, cum ante annum ætatis sextum decimum, exactè locutum Gallicè, commodè etiam Italicè, Hispanicè, atque adeo Græcè: Romano autem sermone, sæpius bene longas habuisse Orationes tam purè & eleganter, etiam promptè aded, ut utroque hoc illos quoque, qui temporibus iis inter doctissimos referrentur, non provocaret modò, sed vinceret. Quod si non verborum tantum delectus, sed in omni sermone, rerum pondus attendere; non suæ dico ætata, sed tantula in ætate, humani penè ingenii fastigium excessisse videbatur. Præsertim animo suo reputantibus, cum ea linguarum cognitione conjunctam in artibus liberalibus, & Divinarum humanarumque

manarumque rerum scientiis subtilitatem. Quam cum Hieronymus Cardanus, homo Italus, totius naturæ intelligentissimus, atque idem πολιτικός, è pluribus liquido perpexisset, pro naturæ cum miraculo habuit semper, eoque Elogio non privatim modò, sed publicis etiam scriptis decoravit. Qui talis tantusque esset, verè Angliæ, vel Orbis potiùs delictum, ereptus est terris anno imperii sexto, ætatis decimo septimo; atque ut meliorem sui partem cœlo reddidit, ita præter corpusculum, terris debitum, & tristissimam sui memoriam, commentarios reliquit gravissima quæque negotia, quæ imperante se obvenerant, continentes, ac manu sua, non ad publicandum quidem, sed proprium in usum, in tantula ætate prudentissimè signatos. Post tam multa de Anglia, nec Scotiam tacitus pertransibò. Hujus Regibus amor ille studiorum fuisse dicitur multo etiam ante tempora Donaldi, Regis, ut creditur, non indocti; sed gemino magis nomine inclyti; ut qui Scotticorum Regum primus, Christianam Religionem sit professus, & tantæ fuerit fortitudinis, ut ejus imprimis metu Severus, maximus sine dubio, imperator, muro per transversam Britanniam, ducto utriusque ad Oceanum, quicquid Romanarum erat partium muniret. Hæc ducentis fuere post Christum annis. At longè ante Reutha Regum septimus, historiam suæ gentis consignasse, & de re medicæ opus reliquisse dicitur. Annis enim circiter centum & quinquaginta vixit, ante Christi Natalem; ac pari temporis intervallo post Fregusium, primum Regni Scottici conditorem, Alexandri Magni, ut fertur, æqualem. Josina quoque Regum Novus, cui Reutha Patrius fuerat, eo nomine prædicatur, quod naturæ arcana sedulò sit scrutatus, atque adedò, Regis Salomonis exemplo, de viribus scripserit herbarum. Sed incertiora isthæc, nec testibus exceptione majoribus esse subnixæ, non absurdè aliquis dixerit. Liquidiora verò omnia post Fregusium secundum; qui Honorii, & Arcadii Cæsarium temporibus, ut rei Romanæ Camillus, ita Imperii Scottici conditor alter fuit. Maximè quæ post annum septingentesimum, quando ardor studiorum egregie effulsit in Eugenio septimo. Hujus illud inter cætera institutum, ut in Monasteriis res à Regibus gestæ literis proderentur. Mox idem animus in Morcaco & Etfino; posteaque in hujus Filio Achaio; à quo, ut traditum, eruditissimi homines magno numero, submissi Carolo Magno, quò Germaniæ, Galliæque Academiis, aut Monasteriis, præessent. Quod si propiora, eaque de Stuartis tuis magis aves cognoscere, quid, pro temporibus illis, cultius Jacobo, ejus

nominis primo? qui ante annos ducentos Regnum tenuit. Literarum enim, ac Eloquentiæ studiis, variâ quoque Linguarum peritiâ pollebat; nec vulgaribus solum, sed Latinâ etiam linguâ versus composuit. Ut nihil mirandum sit, si eâ Rex doctrinâ, Scholæ instituerit publicas. Doctores earum foret liberaliter, aliunde etiam præmiis elegerit in Scotiam. Proditum quoque, disputationibus plerumque interfuisse, ac quandoque per Regni negotia liceret, tempus traduxisse sermonibus literatis. Omni autem studio hoc agebat, ut Nobilium, non floridico, sed, si sic loqui liceat, vulgo, nescio quo pestilenti sidere afflato, opinionem illam eximeret, quasi literarum doctrina animos frangeret generosos, solumque Ecclesiæ, vel Scholarum Doctoribus, non item terrarum Dominis, conveniret. Sed propero ad sapientissimum avum tuum Jacobum; in quo tot res propriæ, & singulares. Unus enim Regum Europæorum, continuâ bis mille annorum serie, centum & octo Reges numerabat. Primus etiam Britannicorum Principum Angliæ, Scotiæque Regna tenuit; & ita tenuit, ut quæ tot dissiderent seculis, concordibus postea animis conspirarent. Sed non tam de genere, vel imperio, nunc sermo est nobis, quàm doctrinâ; cujus partium alii singulas, unus ille hauserat universas. Peritiâ dico linguarum, profam versamque facundiam, naturæ, prudentiæque Disciplinas, Historiam Ecclesiæ, & Civilem, cæterasque literas divinas, & humanas. Quare sic statuere non verear, tam variâ maximarum rerum scientiâ surpassasse, quicquid Regum à mille annis, mille vero? imò, absit dicto invidia, quodcumque à Regis Salomonis temporibus fuit. Ubi nihil auribus dari, nulli melius sciunt, quàm interioris admissionis Proceres, atque Antistites; abundèque ipse Orbi id universo testatum fecit, divinis suis ingenii, doctrinæque tot monumentis. Tanti Regis imaginem vivam vides, & audis, in Parente tuo, serenissimo Rege Carolo; qui à teneris, ductu excellentissimorum virorum, sed sapientissimi Patris consilio formatus, posteaque tot annos sermone ejus firmatus, & exemplo, dubium nunc relinquit, utrum Regii fastigii amplitudine, an celsissimâ mente, variæque doctrinâ sit eminentior. Sed non insulam ejus laudibus, quamque præcipuam fore Epistolæ hujus partem aliquis putasset, una penè decrit; neque tam id ne soli videar lucem scenerare, quando divinæ ejus virtutes, satis orbi cognitæ sunt: quàm quia alibi, spero, commodior de iis dabitur dicendi locus: & nunc de his solum, qui beatum in cœlis ævum degunt, loqui animus est, quo adulatio omnis abesse



abesse magis videatur. Omnis verò hæc eò spectat Oratio, cellissime Princeps, ut animum tuum, majoribus maximeque Regni negotiis necdum occupatum, literarum studiis excolas; eumque fuscites Parentis, Avi, & tot Britannia tuæ Regum exemplis, qui præclare præverunt ad illa, ut Poeta ait;

*Edita doctrina sapientum templa serena.*

Hæc nunquam non animo obversentur, quod facilius virtutes eorum æques, vel etiam, si fieri possit (hoc Augustissimus ipse Parens tuus vovet) exsuperes. Scio, ad ista nunquam defore hortatores, qui plus me valeant autoritate & doctrinâ. Attamen non propterea vel nunc, vel ubi etiam ætas adoleverit magis, ingratum fore confido, si inter alios, quem sic Regia obstrinxit bonitas, quia corpore, aut vivâ voce minus possim, pennâ saltem, ad studia nunc incitem, votumque exhibeam meum, hoc devotissimi animi symbolo; atque eadem ostendero, ut illustrissimum nomen tuum, non tacite solum intra cordis adytum colam ac venerer; sed ipsum hoc coram orbe erudito, comprobare gestiam commentationibus nostris. Quas velut tabulam quampiam, in regalis gloriæ templo, eâ mente suspendo, ut dummodo mihi vita, ac valetudo suppetat, eadem ad majora me obligem. Accipe igitur, Illustrissime Princeps, hos labores meos; qui fortasse argumenti causa minores aliquibus videbuntur; si tamen irradiantur quibusdam splendoris tui stricturis, nihil quidem de maximo tuo nomine deterent; nec enim sol eo minor est, quia loca lustret humilia, ac res exiguas; ipsi verò de lumine tuo lumen accipiunt; eoque latius se diffundent, vivent diutius, frequentius legentur. Nec enim facile futurum, ut non existimentur bona, quæ in spem tot Regnorum nato offerantur. Vale felicissime, cellissime Princeps, & juxta vota, ac spes omnium, virtute, & doctrinâ, quæ in aliis annos consequi solent, ætatem etiam præverte.

Kal. Mart.  
A. clō Ioc  
xxxv.

*Celsissimi Principatus tui*

*Submississime Devotionis Servus,*

G. J. Vossius.

# VI.

*Nobilissimo, Amplissimo, & Clarissimo Viro, Jacobo Catfio, Equiti, Præp-  
tentium Hollandiæ, ac West-Frisiæ  
Ordinum Syndico Supremo, Magni Sigilli Custodi,*

G. J. Vossius S. P. D.

**O**ffero munusculum vile, si vires considerem donantis; majus si illud animo ejus metiar, ac promptissima voluntate; penè maximum dixerò, si attendam erga hujusmodi illius adfectum, cui mitto. Quid enim summo Poetæ, vel gratius, vel convenientius, dare poteram, quàm de re poetica? Non quasi nunc pandam Artem ipsam; quod alio in opere, tribus à me libris factum est; attamen eò, quia scripsi de arte. Propositum enim mihi fuit, agere de Poeticæ nomine, definitione, fine, inventione, & distributione. Quæ Præcognita solent nuncupari; ac licet vix aliud, quàm gustum exhibeant disciplinæ; nec nisi confusam artis notitiam præsent, doctrinæ tamen ordine præeunt; quia viam muniunt ad scientiam ipsam. Fortasse satis erat, hanc solam attulisse causam instituti mei. Sed enim præterea compulsus sum, justissimâ admiratione nominis tui. Si ingenium cogitem, Venus & Charites illud omnium elegantiarum flore imbuerunt. Si doctrinam, quas non artes, ac scientias, capacissimâ illâ mente complexus es? quò sic laudibus pariter abundares, tum excelsis illis hominis *μανη*, quo in ordine tot jam annos præclarum nomen sustines: tum clarissimi Poetæ, cujus est animum diffundere per omne disciplinarum genus. Jam si virtutem considerem, undique ea è mentis sacrario, ubi habitat, elucet. Si dignitatem, quàm illustris est locus, in quem te prudentiæ, & eloquentiæ genius extulerunt; & ita extulerunt, ut non abducerent tamen à studiis nostris? Si humanitatem, posse hanc etiam eximiam esse, & tamen cum ingenio, doctrina, virtute, ac dignitate, concurrere, exemplo tuo comprobasti. Denique si benefacta hominis *πολιτεία* æstimemus, quàm tibi quotidie bene consulendo, in Amplissimo Illustrum, & West-Frisiæ Ordinum confessu, universam obstringis Rempublicam nostram. Sin merita eximii Poetæ cogitemus; cui non ordini prodes poetando de civili, ac morali vita? Quod est non unius ditionis, sed tot terrarum (rem arduam) mores emendare. Jam mitto, quòd privatim etiam omnibus, imprimis literatis, benefacere non cessas. In quibus

bus etiam nomen profiteor meum. Itaque (quod præficipi dixerim,) immortale jam nomen obtines; quò magis fruaris, postquam vixeris. Scio, quæ modestia est tua, hæc laudes potiùs dices tribuendas esse amoris meo, quàm virtutibus tuis. Sed quæso, patere, ut quæ bonorum jam omnium sermone celebrantur, eadem meo quoque suffragio confirmem. Et si molestus is sermo noster fuit, cogita mea quoque interfuisse, ut omnes cognoscerent, non degenerasse me ab antiquis; quibus tantoperè placuit *μεγαλειότην τιλαυδῆς προσελθόντων ἡ λόγῳ*, Persona præfulgida sermonis, vel Libri initio constituta, ut Dionysii Halicarnassensis in præceptis de Oratione panegyricâ, verbis utar. Ac visum quoque idem fuit Aristidi Sophistæ; qui aiebat, *τὸς δὲ τοῖς θεοῖς μεγαλὴ τιλαυδῆς τὸς δὲ ἀνθρώποις ἐλλογιμένη τῇ ἡμῶν βιβλίῳ ἀναδιδόται πρῶτον*. Templa consecrare diis; viros vero eximios decet librorum dedicatione honorare. Nimirum iudicabant, splendore pulcherrimi nominis alieni hoc se consequi, ut pulchrior labor suus videretur; haut secus ac ager videbitur melior, si sole splendente Favonium spectemus. Similiter igitur & ipse volui; ut, quia laus non sufficeret ex illis, quæ scripsi; accederet altera ex eo, cui inscripsi. Quo pacto erit, ut quantum hæc nostra deprimuntur Authoris sui ingenio; tantum adsurgant splendidi tui nominis fama.

Deus Opt. Max. te, Nobilissime ac Clarissime vir, Reipublicæ, familiæ, ac amicis, diutissime saluum ac sospitem conservet.

*Amstelodami  
cdo loc xlvii.  
Prid. Kal.  
Sextiles.*

## VII.

*Augustis Belgicæ federatæ Patribus,  
Gerardus Joannes Vossius dicat, consecratque.*

Illustrissimi, ac Præpotentes Domini,

**A**NNI sunt quadraginta, & amplius, ex quo primum ea, quæ in penitioribus literis, ac universo disciplinarum Orbe, facris etiam studiis observassem, publici juris facere cœpi; eaque veterum monitu, & exemplo, plurimùm inscripsi prælustri loco constitutis. Nec tamen ad vos, terrarum Rectores, unquam affurrexit anirius. Sæpe interim, fiduciam inter & verecundiam constitutus, dubitavi, utrum publico non simulata devotionis alloquio, an silentio porro etiam,

venerari vellem Orbe toto clarissimum nomen vestrum. Perfecta quidem erat rara in tanta dignitate humanitas. Videbam fulgere non superbi, fasces vestros. Ut facile appareret, semper esse illud vobis in animo situm, non vos Reip. sed Remp. vobis incumbere: cuius onus, ut Cælum Atlas, sic vos benignâ fatis Providentiâ, rectis & salubribus consiliis, sustinetis. Sed ea licet conspicerem, nihilominus me, frontis tam imbecillis homulum, assidue terrebant excelsa magnitudo vestra. Terrebant præterea, non aliis ferende humeris, occupationes; quibus turbida componitis, ardua exsuperatis, & utcumque res sese dederit, pari omnia ingenio, atque animo suffertis. Hactenus ita fluctuanti lætæ affulsere dies, quibus terræ tam vestræ, quàm hactenus hostiles, ingenti spe completerentur pacis æternæ, post diuturnum adeo bellum, incundæ, inter potentissimum Hispaniarum Regem, & Belgicam hanc federatam. Equidem, cum fatear lubens, multis partibus me inferiorem esse aliis multis; boni tamen civilis officio, alteri cesserò invitus. Quamobrem sermonibus publicis, etiam eorum, qui Remp. administrarent, excitatus, ante omnia Deum rogavi, ut secundare utrumque pacis consilia vellet: Et quia tot prudentissimi homines non vanam mihi spem concepissem animo viderentur, gratias eidem agere cœpi, quòd nato mihi anno, à funesti adeo belli primordiis quarto, ac multa interim in me ipso, pluraque in Parentibus, vi hostili perperlo, quodammodo dederit, jam septuagenario, prævidere finem ante-malorum. Præcipue verò gratulatus sum vobis, totius federatæ Belgicæ proceribus, quòd cum Potentissimo Europæi orbis Rege tot annis eâ prudentiâ, ac fortitudine bellum gesseritis, donec tandem eò deduceretis, ut ab Hoste ipso offerrentur conditiones pacis, omnibus triumphis vestris longè, ut arbitror, potioris. Facile horum cogitatio expressit mihi, ut, posita verecundiâ, consilium caperem, eâ, quæ nunc dixi, publicè etiam testandi apud vos, præpotentes federatæ Belgicæ Antistites. Cum tamen sine donario nollem ad vestra venire templa; commodè accidit, ut hoc tempore ad umbilicum properarent tres nostri Institutionum Poeticarum libri. Ut non diu mihi querendum videretur, cuiusmodi in musculo literario alloqui, ac venerari vellem prælustre nomen vestrum. Fortasse dicent aliqui majus quid convenisse tantis Heroibus. Equidem non repugno. Sed mola litat, qui nequit hecatomba. Neque tam exiguus est Poeticæ honos, quàm multis videtur. Qui non cogitant Deum ipsum, bonam partem Sacræ Scripturæ, libris esse Poeticis complexum?



plexum : unde, eas partiens Christus, de se scriptum ait in Mose, Prophetis & Psalmis. Imò hymnus in ore Servatoris nostri fuit. Etiam Ezechiel Poeta Judæus, tragœdiam Græcè reliquit, de educatione Israelitarum ex Ægypto. Ex Plinio, qui Apostolico ævo, ac deinceps vixit, cognoscimus, sui ævi Christianos, hymnis Christum celebrasse. Ad hæc quantum Veteris Ecclesiæ Doctores, Poematis suis, & sibi decus pararunt, & Ecclesiæ fructum pepererunt? Illi verò qui Gentilium poësin contemnunt, ipsam habere Philosophiam dispertui videntur. Veterum enim Poetarum alii, vitæ præcepta dederunt; ut Solon, Tyrtaeus, & similes: alii naturæ arcana referebant, ut Empedocles, Melissus, Parmenides, cæterique. Atque, ut ad antiquiora veniam tempora, ita ab antiquis accepimus, illa quoque, quæ Orphei, ac Musæi, dicebantur, vel ad mores pertinuisse universa, vel ad rerum naturam; quod etiam referebant, quæ de Deorum amoribus, conubiis, præliis, & similibus, traderentur. nec raro sub unius fabulæ involucri, utramque Philosophiam occultabant. Quomodo, quod terrigenæ dicuntur Deos aggressi cœlo expellere, non solum de ventis intelligebant, qui è terra originem ducunt: sed etiam de hominibus impiis, templa Deorum populantibus: sicut interpretatur Apollonius apud Philostratum. Hanc carminum laudem, Maximus Tyrius pulcherrimè expressit Oratione; quæ docet, Poeticen esse Philosophiæ vetustiorē; re verò eandem, soloque nomine diversam. Quæ non aliter capere oportet, quam quod antiquissimis temporibus, iidem fuerint Philosophi, & Poetæ; sed Philosophiam sœtis velarint fabulis; quas carmine sunt complexi. Nec aliud voluit Plutarchus, libro de Musica, & eo, qui inscribitur, Quomodo à junioribus audiendi sunt Poetæ; ubi ostendit Poësin, initium fuisse Philosophiæ. Nec enim, nisi prius Philosophi fuissent, vel fabulis occultare, vel carmine posteris prodere, sapientiæ ac prudentiæ doctrinam. Idcirco etiam traditum fuit à Poetis, fuisse sylvas cantu attractas, atque extructas civitates, Nimirum quia à sapientibus, iisque eloquentibus, & Musicis præterea, sic versibus suavissimis, ac delensificis, permulsi fuere homines agrestes; ut relictis rupibus, ac sylvis, in unum concesserint locum; domos conjunxerint; leges ac jura receperint; humanitatisque amplexerint vitæ genus. Quare de Homero etiam sic statuimus, nomen ejus non magis Poetæ esse, quam Philosophi: neque fallere, vel falli, Veterum illos, \* qui memorant, Homerum fuisse Magistrum Platonis; licet

quatuor circiter seculis postea consecuti. A Veteribus sic accepimus, ex Oceano posuisse Mæotidem (sed de Mæotide sunt decepti, verius iidem de cæteris) ex Mæotide originem capere Pontum, ex eo Hellepontum; hinc fluere mare Ægeum; ex hoc porro vastum illud Pelagus, quod hinc Europam, Asiæque partem; inde Africam ingenti separat intervallo. Haud aliter cogitandum de Homero; ex quo Platonis, (Homeri, dubito, an Socratis similioris) tum verba fluunt omnia, dictioque tota, prope adeo recedens à carmine, tum quoque omnigena illa rerum doctrina. Nimirum, sive cogitemus siderum motus, aliasque observationes cœlestes; sive naturæ totius scientiam, sive gubernationem rei familiaris, vel Reip. sive rei bellicæ disciplinam; ac quicquid in rebus humanis expetere, vel fugere oportet; omnium illorum in eo non minus semina comperiet Philosophus; quam artis suæ exempla inveniet, tum Poeta, tum Orator. Nec sanè Alexandro, tam sublimis spei Adolescentulo, alium æque ac Homerum, proposuit Aristoteles. Videbat, non solum ex eo posse hauriri gubernationem sui, vel domus; sed etiam civitatis, ac regni, & scientiæ militaris, & eloquentiæ. Nec moveor eo, quod ipse Plato Poetas, ex sua exturbet Republica. Quis enim ignorat, offensum fuisse commentis istis, de pugnis Deorum, vel concubitu; de vinculis Junoni à Jove injectis; Saturno à Jove castrato, uti prius ille fecerat Cœlo; & trecentis hujusmodi? Naturæ quidem vim istis adumbrarunt Poetæ; multumque ea res admirationis attulit, intelligentibus. Sed quid hoc ad vulgus? quod propriè omnia capiebat. Unde fiebat, ut vel nullum esse numen crederet; vel ejus exemplo, improba multa sibi licere arbitraretur. Itaque Dionysius Halicarnassæus Romulum laudat, quod Græcorum Fabulas hujusmodi minimè admiserit. Cujus judicii sui tam Dionysius, quam Romulus, multos habet approbatores. Inter cæteros fuit Hieronymus Philosophus; ut de eo apud Laertium legas. Is aiebat, Pythagoram apud inferos vidisse animam Hesiodi, alligatam columnæ æneæ, multumque stridentem; illam verò Homeri de arbore dependentem, ac diris circumdatam serpentibus; propterea quod tam foeda uterque de divinâ prodidisset naturâ. Quæ cum minimè fugerent sapientiam Platonis; ipse quidem, studiosè legendo Poetas, sapientibus eos, ut legerent, suo præibat exemplo: sed ab iis arcebat imperitum vulgus; quod, cum solum exteriorem lamberet corticem fabularum, ad interiorem fructum neutiquam penetrabat. Optabat igitur Plato, ut Poetæ symbolis, non adeo

\* Maxim.  
Tyr.

adeo periculi plenis, rerum naturam adumbrassent. Postquam verò res aliter cecidisset; fecit quod potuit, & debuit; solos ut sapientes ad eorum lectionem admitteret. Vellem ista magis perpendisset, magnus omninò vir, Cæsar Scaliger; qui, cum ipse fateatur Homerum de Diis suis loqui, tanquam Suius, (quo quid noxium magis simplicioribus?) Platonem tamen culpabat, quod Homerum removeat à civibus suis; cum cogitar edebuerit, & quos arceat, & quomodo Homerum dimittat; videlicet non indignè, sed coronâ redimitum, unguentis delibutum, & omninò ut virum magnum; sed sublimiorem quàm ut captui Plebis suæ conveniret. Periculum igitur ille extimescebat, ne vulgus stupidum non distingueret inter Rosas & Spinas, inter aurum & lutum. Sed nihil hoc periculum ad sapientes, longèque minus ad nostra tempora. Postquam enim Evangelium Domini toto terrarum Orbe illuxit; fabellæ istæ fidem omnem paulatim perdiderunt; ut lutosæ non contaminent, spinosæ non pungant; & proclive sit omnibus aurum tollere, luto relicto; ac evitatis spinis, carpere rosas. Non ulterius uni insistam Homero; universè de Poetis videamus. De his sic

\* Epinomis ait Cæsar Scaliger\*: Poeta finem esse, docere cum delectatione;

Poesin verò esse politice partem; quæ sub Legislatore, quamquam alia facie, atque colore continetur. Nam quæ jussa sunt in legibus, quæ sunt apud concionatorem, moderatoremque populi suasiones; hæc, Poetices operâ certâ, atque separatâ, comparabuntur quibusdam amenitatibus ad institutionem Civitatis. Neque hoc in dubium vocarit, qui cogitet, ab affectibus proficisci actiones; ac propterea Poetam, civitatis doctorem, jucundè docere affectus, tum bonos; quò cives, per affectus bonos, bonas agitent vitæ actiones; tum malos, quò malorum affectuum odio, evitent actiones malas. Ut verissimum sit, hoc differre civem, doctoremque: quod hic referat actiones propter affectus; ille componat affectus suos propter actiones. Quorum utrumque beatam facit vitam; & privatam, & civitatis, sive Reipublicæ.

Sed quid ego tam latum ingredior mare? ubi porro si provehar,

*Aute diem clauso componat vesper Olympo,*

Quàm cæteras etiam Poeticæ laudes complectar. Vela igitur contraham, & quia ab æternæ pacis spe, sermo coepit nollit, in voto simili definam.

DEUS OPT. MAX:  
VOS, AUGUSTI FOEDERATÆ  
BELGICÆ PATRES,

Diutissimè salvos, ac sospites conservet; perque vos aureum seculum Belgis reducat; Europâ totâ pacis tranquillitas, cælo demissa, furores compescat Martiales. Imprimis pietas caput ubique exerat. Ardeant cuncti tanto veritatis amore, ut magis eam ament, quam seipsos. Et ne in tot votis, oblivio me capiat ordinis mei, flagret in animis sincerus amor literarum, tum humanarum, tum divinarum, præmiæque sint studiorum laboribus: quæ multis in terris, vel odio, vel contemptui esse coeperant, non minori damno, quàm dedecore publico.

*Amstelodami. An. cld*

*Id. cld. Prid. Id.*

*Sextiles.*

VIII.

*Illustrissimo, & Amplissimo, Johanni Berckio, Equiti Torquato, Supremi in Hollandia Consilii Senatori, Potentissimorum Federatæ Belgicæ Ordinum ad Serenissimam Venetorum Remp. Legato.*

CUM multum interfit humani generis, ne pereat illa, quæ viri eruditione, & sapientiâ præstantes monumentis prodiderunt; tum in historia hoc imprimis locum habet. Nam, ut universæ interciderent literæ, doctrinaque omnis ipsis ex hominum mentibus deleteretur: non propterea posteritas fraudaretur pulcherrimâ eorum cognitione, quæ ad rationis disciplinam, vel rerum naturam, vel morum scientiam pertinerent. Quippe superesset nihilominus miranda mundi compages, & mortalium societas, & utriusque contemplator animus hominis; qui, ex rebus sese in vita offerentibus, sensim deveniret ad notitiam artium, & scientiarum, quas Magistri Veteres tradiderunt. Longè verò aliter cum historia est comparatum. Nam si omnis ea semel oblitteraretur; non magis humanâ instaurari posset industria, quàm studio cujusquam redire nunc ipsa scit hominis vita. Quare suus licet honos constare semper Socraticis debet chartis; præcipuè tamen vota ejusmodi fieri convenit, ut, qui res gestas literis signarunt, æternum vi-  
geant,



geant, florentque. Iccirco arbitrabar, non male à me iri publico consultum, si hoc tempore ad illustrandam historiam animum appellerem. Et hæcenus quidem, in eo præcipue opera consumpta est mea; ut non modo tractarem de Historicis, Græcis pariter ac Latinis: sed præterea res gestas, digererem omnis ævi. At quia nondum ea ad umbilicum perduxî; libellum hunc de natura historiarum, & ejus scribendæ præceptis, in antecessum dare visum fuit. Quamvis enim, ut verissimè Plinius ait, *Historia quoquomodo scripta deletat*: tamen quia non tam voluptate omnia metiri decet, quàm publicis commodis; neque exiguo emolumento contenti esse possumus, ubi frui datur ingenti: profecto nec diffiteri illud licebit, plurimum referre, utrum negligenter tractentur res gestæ, an eadem cum fide optima, tum prudenter ornateque memorentur. Nec temerè à me factum puto, quod minutum hoc emitte sum ausus, sub præstantissimi nominis tui auspiciis. Cui enim hæc à me offerri æquid erat, quam illi, qui & studia hæc, & ror ipsum amaret, & aberrantem in viam reducere non minus vellet, quàm posset? Nam quamvis ætatem universam, quod minimè te fugit, in honestarum artium studiis exegi; non tamen sum ita suffensus, ut ignorem, hæc ipsa, quæ commentabar de viâ, ac ratione scribendæ historiæ, multò ab iis melius intelligi, qui juxta mecum evolverunt Scriptores Veteres, & aliquanto id majori, quàm ego, judicio egere; partim ob eximias animi dotes, quibus ab iis longissimè vincor; partim quia rerum civilium (quod in legendâ, condendâ, quæ historiâ præcipue conducit) longè sunt peritiores; utpote in Rep. semper versati, & ita versati, ut ipsi etiam res egregias in ea gesserint. At cui laudes justius deferamus, quam eximio nomini tuo? Postquam enim, vernanti ætate, quemadmodum antiquâ ac nobili domo tuâ, & præcellenti ingenio, dignum erat, multijugâ eruditione, præcipue autem æqui justique scientiâ, & doctrinâ civili, pectus imbuisses: fieri haut aliter poterat, quin Princeps, ac cordatissima Bataviæ civitas, cui vitalem hanc auram debes, excelas animi tui dotes, statim perspiceret, ac vix adolescentiâ egressum, idoneum censeret, cujus oraculum consultum iret, in obscuris involutisque Reip. ac Civium rebus. Nec hujus eam poenuisse judicii unquam, luculentè illud docet, quod annis triginta, & quod excurrit, usque adèd feliciter usa sit consiliis tuis. Neque urbe in patria duntaxat sese exeruit splendor iste virtutis tuæ; sed in amplissimis quoque Illustrum Ordinum concessibus; quoties nempe inclytæ civitatis

nomine, in augusto hoc loco de pace, bello, induciis, foederibus, aliisque negotiis maximis, decerni oporteret. Ingenii verò, prudentiæ, ac fidei tuæ hunc fructum retulisti, quod oculos omnium coniectos in te vidimus: neque quicquam tam arduum creditum est, quod non rectè tibi committi posse videretur. Itaque & in supremi consilii Senatores es adlectus, & foederatæ Belgicæ Ordinibus, patriæ patribus, præcipue es electus, qui de rebus gravissimis legationes tor obires. Nam semel iterumque sublimis hic honos obtigit, ad magnum magnæ Britannicæ Regem, Jacobum I. cui tantoperè placuisti, ut te virtutis ergo, dignitate equestri decoraret. Iterum amplissima legatione functus es ad potentissimum Danicæ, & Norwegicæ Regem, Christianum IV. Atque (ut de magnifica opera tua, præpotentium Belgicæ Ordinum auspiciis suscepta, ad illustrissimos Clivæ Duces, nihil nunc dicam) quid splendidius hac ipsa legatione, ad serenissimam Venetorum Rempubicam? Invisitissimam illam, & beatissimam, & si formam spectes imperii benè constituti, nihilo inferiorem veterum ulla. Cujus grande, ac mansurum decus, celebrarem hoc loco non invitus; sed periculum extimesco, ne, ut nubes solis radios interceptit, ita ego, ob infantiam meam, subducam facilis, quàm addam lucem. Itaque laudibus ejus non insisto; nec magis tuis, Illustrissime Legate, quas melius posteris Annales Belgici loquentur. Mihi satis sit, devotissimo pectore, gratulari eximium hunc honorem virtuti tuæ. Cujus animi mei, quem tibi penitus obstrinxisti beneficiis tuis, libellum hunc obsidem mitto. Multum verò gaudeo, quod ille in ea potissimum deventurus est loca, ubi literas, & literatos pretio suo æstimare sciant viri nobilissimi, & præstantissimi; quos inter honoris causâ nomino, illustrissimum, & amplissimum Dominicum Molinum, virum majorum meritis inclytum, sed magis virtute suâ; de qua quicquid dixeris, minus erit. Tu verò, maxime, & illustrissime Domine Legate, placida & serena illa fronte, qua me ipsum soles, suscipe nunc hoc quaecumque ingenii mei monumentum; parum illud dignum quidem, limato, politoque judicio tuo; sed quod eo pretiosius apud omnes, censebitur, quia clarissimi nominis tui sacrario fuerit appensum.

*Exordium Bataviæ.  
vi. Kal. Mart.  
An. cl. lxxiiij.*

*Præfatus nominis tui cultor,*

G. J. Vossius.

## IX.

*Illustrissimis Hollandiæ, West-Frisiæque  
Ordinibus, Dominis Potentissimis, G. J.  
Vossius Dedicat, Consecratque.*

**T**anta est laus, ac gloria vestra, Maximi, ac Sapientissimi Proceres, ut nulla penè Orbis regio sit, quò non pervaserit fama eorum, quæ, præfentiore dubium Virtute, an secundiore Fortunâ, tot jam annos pro libertate gessistis. Sed nihil tamen videtur illis majus esse, atque excellentius, quæ recenti imprimis memoriæ omnium inhærent. Quid enim novum est magis, atque inauditum, quàm Classe vos Mexicanâ potitos esse, & prope incredibili gazâ Hispaniarum Regis? Quod ut nunquam antea vobis, ita vicinorum adhuc Principum contigit nulli. Regi verò, atque hostibus, eò luctuosius visum, quò indignius putarent, jam de suo vos adversus se armari. Quis etiam satis prædicarit, quòd, sine prope ullo sanguine vestro, Vefaliam cepistis, illam viribus suis inclutam, & hostili sic præsidio firmatam; illam annorum aliquot manubiis, ac prædâ divitem; illam belli delectam contra vos sedem? Eoque clarius hac parte divinus erga vos favor eluxit, quòd hostis illo tempore, in fœderatorum visceribus grassaretur, & cùm magna daret damna, multo tamen majora anheleret. Ita ut cepisse hanc urbem, non modò sit, sitisse hostilis victoriæ cursum; sed sua etiam recepisse, hostes finibus ejecisse, complurique oppida, quæ ab eo tempore in vestra, & sociorum sunt clientelâ, addidisse fœderatorum terris. Denique quàm amplum illud, atque Augustum, quàm Arausionensium Principi, quàm vobis, quàm fœderatis gloriosum, quòd in vestram, sociorumque potestatem, redegistis Sylvam Ducis, urbem antea semper infestam, ac sic naturâ loci, & veterano milite munitum, ut opinio esset prope omnium, viribus eam humanis expugnari non posse. At vos hanc quintum intra mensem vicistis, & quidem hostium duce obsessis cum ingenti exercitu suppetias incassum ferentis. Atque horum singula, cùm per se magna sint, eo tamen majorem admirationem cient, quòd quæcumque adhuc diximus, intra annum vertentem peregistis. Neque se nominis tanti decus, cancellis gloriæ militaris; uti in nationibus quibuscumque videmus, quæ belli laudibus contentæ, literas studiaque despiciatui habent. Vos enim non armis modo, sed doctrinâ etiam excellere, pulcherrimum semper dux-

istis. Imo ægrè admodum fuerit vobis, si mystica illa Gentium Pallas, terrarum ulli posthabuisse Bataviam vestram videretur. Ut nihil mirandum sit, si sic animati multos adeò à libertate partâ numeretis, qui cùm summos in Rep. gesserint honores, non eo minùs ingenii, doctrinæque monumentis clarissimi fuerint. Sed de illis celebris eruditionis viris, qui, ut dixi, præfuerint Reip. vel præfint, aliàs fortasse commodior sese offeret agendi locus. De Academiæ vero, quæ propius me tangit, unum illud, & si non citra invidiam dixerò, in mediis eam bellorum tempestatibus, ac procellis, ita caput extulisse, ut, si annos numeremus, qui non multo plures sunt quinquagenis, Virorum excellentium, & magnitudine, & numero, qualvis provocare Orbis Academiis possit. Hæc cùm animum subeunt meum, Illustrissimi Proceres, verè vos felices prædico, quorum meritis voluerit Deus tantopere Academiæ hanc, & Universam debere Rempublicam: Neque cives modo, sed exteros etiam, qui auxilia vestra exposcunt; adhuc quicquid uspiam elegantiorum est hominum, & amantium studia literarum. Quo nomine, ut vobis ex animo gratulor, ita mihi gaudeo, cui sub imperio vestro in terrâ, ut belli artibus, ita doctrinâ omni florentissimâ, à puero scientiis imbui, & securè hæcenus vitam degere, contigerit; Imo qui jam ab annis xv. mistum me videam fulgentissimis Academiæ hujus luminibus, atque id favore vestro; cùm pròbe mihi conscius sim, splendorem me ex ea accepisse potius, quàm eo attulisse. Ut igitur pro affectu illo, erga me tam benévolo, quem aliis etiam beneficiis declaratis, gratum animum tester, offero nunc, quo nihil habeo majus, memet ipsum, ac mecum animi nostri sortum, quem genui adolescens; atque ubi triennio lucem viderat, corpore, & viribus auctiorem produxi, in conspectum omnium; nunc vero post viginti Annorum intervallum, talem vobis sisto, ut dubium relinquat, magisne idem, an alius videatur. Quamquam vero, sobolem hanc nostram laudare, non est meum; eo minus, quia, quo plus ausus fuero promittere, hoc plus necesse habeam præstare: Nisi tamen industria saltem mihi conscius essem, minime ausus fuisset eam dicare; partim vobis, quos Deus, vice sua in Batavia fungi iussit; partim iis, quos nomine vestro præfesse Academiæ vultis. Nec parum me ad hoc animavit, quod propositum mihi fuisset, ut Institutiones hæ, Partitionibus nostris, auctoritate vestra, in Scholas omnes Bataviæ inductis, Commentarii loco forent. Simul speravi, me, hoc labore suscepto, modis satis-



tisfacturum muneri, quod mihi abhinc septennio à Nobilissimis Academiae Curatoribus injunctum fuit. Placuit iis tum, ut non modo temporum omnium gesta tractarem; sed illa etiam exponerem, quæ ad bene dicendi artem pertinerent. Quomodo futurum videbant, ut, quia historia est fons prudentiæ universæ, Rhetoricæ autem viam ad Eloquentiam munit: juvenis operâ quoque nostrâ, perduceretur ad connubium illud Palladis, & Mercurii, quod Antiquitas Hermathenam vocabat. Morem igitur iis gessi, quibus æquum erat; propensaque adeo iis obtemperandi voluntas, vobis ingrata esse non poterit; præsertim cum summo studio conjuncta, bene de publico merendi, ac potissimum de Bataviæ Scholis, & Academiâ vestrâ. Quamobrem planè ita fore confido, ut quemadmodum ante sexennium Historiam meam de Historicis Græcis, si non pretio sui, at vobis placendi studio, æstimastis: ita aliquo nunc loco finatis apud vos esse, Commentarios nostros de Rhetorica facultate. Ex quibus nihil, fateor, honoris, Vobis accesserit; sed vestra præcessere beneficia, quæ gratuita erant; nostrum sequitur officium, quod debetur; & quo magis debetur, eo minus poterit displicere.

Deus Opt. Max. vestrum erga studia amorem foveat, & conservet; Imprimis vero prudentiam, & fortitudinem largiatur, quo & domi quietè, & salubriter diu regatis, Bataviæque & foederatorum proferatis Imperium, non in terris modo vicinis, sed etiam longè difficis, imo ut facitis, etiam extra Europam. Nisi, post grave hoc, & diuturnum bellum, longa nos pax manet. Cujus spem toto sinu admifero lubens. Sed publica vincat utilitas; quæ curæ erit, & Patri Supremo, & Vobis, Patriæ Patres.

Lugduni Bat. Anno  
cło lxxix. IV. Kal.  
April.

## X.

*Nobilissimis, & Amplissimis Dominis Curatoribus Academiae Lugduno-Batavæ, Francisco ab Aerffen Equiti, Domino Sömmelsdicensi, & Platenfi, Status Consiliario.*

Nicolao Cromhoutio, Domino in Urihoven, Curiae Hollandiæ & Zelandiæ Præsidi.

Ægidio de Glarges, Domino in Elefmes, Reipublicæ Harlemensis Syndico.

*Et Amplissimis, ac Prudentissimis Viris, Gerardo Leonartio, Hugoni Coedicio;*

Danieli ab Alphen Illust. Ord. Quæstorî in Urbe Leidensi, & agro Rhinlandico.

Gerardo Lanschot M. D. Consiliario in Collegio Rebus Maritimis Præsecto; Reip. Lugdunensis Consilibus, Curatorum Collegii. Item,

Joanni Wevelinchovio, J. C. Reipubl. ejusdem Syndico, & Curatoribus à Secretis, Gerardus Joannes Vossius, Dedicat Consecratque.

Nobilissimi, Amplissimi Viri.

Cum à mundi incunabulis, hanc naturæ legem fixerit Opifex ejus sapientissimus, ut qui homo fuerit, idem animal sit; quod vero animal est, carere affectu non possit; hominem Ipsum exuere non postulat, qui cum Zenone, & porticu, excindi affectus jubet. Sed cum cæteris quidem animantibus, communes sunt affectus nobis; ratione autem, & sermone, secernimur, quorum illa imperium obtinet, cum bene vivimus; hic cum bene dicimus: Illa dominatur affectui proprio; hic etiam alieno. Utroque horum nihil melius esse, ac præstantius constat. At non æquè convenit, quâ viâ ad bene dicendi vim facilius ac certius ducat. Plurimi enim contendunt, ad parandam Eloquentiam, sufficere ingenium non infelix, modò dicendi usu roboretur. Quorum judicio operam luserimus, signandis istis de arte Oratoriâ. Sed damnari ab iis non possumus, nisi prius ejusdem culpæ ream peragant totam penè Antiquitatem; præ cæteris Aristotelem, & Tullium; acris ingenii, exacti judicii, summæque authoritatis viros; qui de facultate hac, pulcherrima ingenii monumenta posteris reliquerunt. Nec verisimile est, infirmis quoque artibus sua esse præcepta; sublimi vero

vero Eloquentiæ proprias esse observationes nullas. Si qua etiam facultas, solius naturæ beneficio nixa, nullo artis auxilio vigeret: Poësis sibi illud suo quasi jure depolceret. Atqui, ut taceam de Vetusis; quantis ingenii, doctrinæque viribus, quàm copiosè etiam, Parentum nostrorum ævo, de re Poëtica, egit Casar Scaliger, vir veteribus par, major fortasse novis? Quare si non de nihilo dici solet, Poëtas nasci, fieri Oratores: multo sanè justius hic labor apud Rhetorem insinuitur. Solum cauto opus est, ut ne puteriles tantum præceptiunculae coarctentur; sed ea afferantur imprimis, quæ placere etiam nec stupidis, nec indoctis possint. Utrum hoc, quod ab aliis nunc requiro, præstiterim ipse in institutionibus nostris; penes vos, Nobilissimi, & amplissimi viri, judicium erit.

\* Novum pariter & verum.

Opus ipsum est *republicæ*, ac in sex Libros, jam olim à me distributum; quorum tres agunt de Inventionè, & Dispositione; ac totidem de Elocutione, & Pronunciatione tractant. Priores illos L. M. Q. consecravi Illustribus Hollandiæ, & West-Frisiæ Ordinibus; hos posteriores Votivum animi mei Specimen, jure vobis inscribo, qui eorundem nomine Lugdunensi Academia præstis. Nimirum sudeo eos imitari, qui ædes extruunt magnificas. Solent hi columnis Tuscanici, Dorici, Ionici, aut Corinthii Operis exornate earum fores, ut continuè aliquid occurrat, quod oculos in se convertat; non eorum duplaxat modo, qui domum subire parant; sed illorum quoque, qui transeunt. Similiter volui ego, in frontispicio utroque tanta comparere nomina, ut decus illa adferant, commentariis nostris; etiam apud eos, qui obiter adspicere contenti, fortasse legent nunquam. Et sanè si Eloquentia viris principibus, maximè Ornamentum

\* Lib. 4. de Aristot. Cic. Fab.

to est, ut ait Tullius\*, imo Rhetorice, pars sit scientiæ civilis, ut ab antiquis† accepimus; ad quos potius itura oportuit, quàm eos, qui tot jam annos præstis Reipublicæ, atque iis honoribus fungamini, ubi potissimum regnare Eloquentia solet; siquidem partim in magnis Bataviæ civitatibus, vel senatui estis à consiliis, consiliorumque Interpretes; vel summum etiam tenetis consularis dignitatis gradum; partim in supremis Bataviæ Upiveris Collegiis consiliarii estis, vel præsidendo Inelytæ Curie, vel confidendo inter splendidissimos, Ordinis Equestris Viros, ac Senatus Consiliarios: ut taceam (si tacere liceat, quod imprimis hæc facere videtur) de obitis toties legationibus, ad Respublicas, Principes, Reges; tot etiam

annis, ad Henricum, Galliarum Regem, nomine, & re magnum. Ita ut, cum multum debeatis prudentiæ; grande tamen aliquid sibi flexanima illa vindicet Regina. Atque hanc quidem laudem vestrarum nunc solam exercepsi; quia eam cum celebri, non minus prædicem artem nostram, quàm vos ipsos. Et Homerus quoque Deos, ac Heroes suos, extollere solet à parte aliquâ; quomodo Junonem ab ulnis, Auroram à digitis, Thetidem à pedibus, Achillem ab eorum celeritate commendat. Nec solam tamen Operis me argumentum compulit, ut hæc vobis dicarem; sed eodem me hortabatur vitæ meæ conditio, ac munus quod obirem. Quemadmodum enim Eloquentia, nec non tutela artis Oratoriæ, maximè convenit iis, qui civibus præstunt: Ita qui sustinet, aliquas in Academia partes, optimè Curatoribus ejus, non publicæ modò, sed privatæ etiam, industriæ suæ rationem reddit. Id nunc tacitus quodammodo præsto, loquente pro me Operâ hæc meâ: ac verbis etiam idem hoc loco facerem lubens, nisi satis vobis constare arbitrarer, quomodo triginta hos annos decurrerim, publicè docendo, scribendo, privatim plurimos juvando, idque in muneribus variis, & difficillimis, & quæ singula totum penè hominem requirerent. Quamquam verò satis videam, paulatim sic attenti vires, ac fortasse fraudi etiam fuerim meis; cum non magis operosum sit pariter sobbere, & stare, quàm totum se Musis darei. & privata sedari commoda: me tamen vitæ sic ætæ per tot annos, nondum permittet. Quippe præterquam quòd anima sic magis satisfeci meo; cui nihil unquam jucundius fuit, quàm in studiis proficere, & ore, calamo, operâ prodesse quamplurimis: Deo etiam, qui per Reip. & Academiæ Præfectos tam variam mihi provinciam mandarat, conscientiam meam melius probavi. Præterea tot bonorum mihi copulavi amorem, etiam illorum, quos Deus in Illustri loco collocasset; aut omnes ipsius, quem debita venerationis causâ nomino, Magni Magnæ Britannici Regis KAROLI; à quo imperato mihi, homini extero, collatum tam grande beneficiū, per quod Reverendo Cantuariensi Canonico Collegio, sum insertus, quiescere me neutiquam sinit; sed assidue stimulat, ad porro etiam de doctrinarum studiis bene merendum; ne unquam grati hæc Scenissimi Regis, & Inelytæ Britannorum Gentis, videar indignus. Vester etiam affectus tam benevolus erga me, Nobilissimi, & Amplissimi viri, facies ad hoc ipsum animi meo mirifice subdit; eoque dulcius mihi fuerit, placere vobis hæc parte, quo dulcius est



est vobis, bene mereri de Academia Universa. Quod ut nunc ferè hominum sunt mores, verè est seculum corrigere. Neque deerunt, qui animum hunc vestrum, seris pandant Nepotibus: quæ post conscientiam optima est benefactorum merces. Laudi dabitur Ordini nostro, scripsisse quæ legerentur. Sed magis erit laudi Vobis, egisse, quæ scribebantur. Quantoque majora erga literas, & Academiam, merita erunt vestra; tanto etiam magis in secula vestrum ibit nomen: suumque ei decus constabit, quamdiu uspiam studiis honos erit. Votum superest, Nobilissimi, & Amplissimi Viri, ut vos Deus Reip. pariter atque Academiæ incolumes, diutissime præstet, ac melius meliusque de utràque merendi, & animum vobis suppeditet, & vires.

Ligd. Baro. Anno clo lxxxv.  
Prid. Kal. April.

## XI.

*Illustri & Generosissimo Juveni, Erico Oxenstierna, Magni Axelii filio, L. B. in Kirmitho, Domino in Fiholm, & Tideun, &c.*

**E**O jam potentie provecta est, Regni Suedici magnitudo, Illustris Baro Oxenstierni, ut ad pristinam illam Gothorum majestatem, pleno, rapidoque gradu ferri iterum videatur. Nec aliter esse potest, quin Excellentissimus, & Illustrissimus Tuus Pater, Axelius Oxenstiernius, Regni Senator, ac Cancellarius toto Orbe Inclutus, Deo gratias agat immortales, quoties cogitat labores, & consilia sua, & domi, & per Germaniam, & terris aliis, ita prosperè cessisse, ut nihil non bene verterit Suedis: Regnumque licet antea metuendum, nunc ed pervenerit fastigii, ut horrorem pepererit inimicis, pluribus invidiam, toti' verò mundo stuporem & admirationem. Gloriosum certè nasci in tali populo; sed quantò gloriosius, nasci ex illo, ejus divina in Regnum merita, honores merentur, (absit invidia dicto) iis proximos, quos vetustissimi illi Getæ Zamolxi, Legislatori suo, decreverunt; felix es itaque, quòd alterum Gothorum Zamolxin habeas Parentem. Sed si ob hoc solum fortunatum Te censerem, quam ego propriis tuis laudibus essem injurius? Neque enim sublimitas generis tui, quam Majorum potius laudem censeres, tantum tibi conferre possit, quantum ipse virtute tuâ adquiris. A te igitur incipiat, qui animi tui dotes enumerare velit; ac sic etiam habebit, quod perficere vix possit. Mihi animus non est, tale quid adgredi: Et

etiam si ea mens foret, neque locus, neque tempus, neque ille cui hæc scribo, istud patiat. Sufficit illa dicere, quæ ipsemet, dum hic viveres, coram perspexi; quæque omnes norunt. Perspexi ipse insignem tuam comitatem, ac humanitatem: qua etiam minimis te æquasti; quæque me admonet, ut gratias quomodocumque rependam. Alterum verò nulli non cognitam, est illud, quòd cum pauci admodum sint, qui de generis sublimitate Tecum certare, aut possint, aut velint: difficilius tamen sit invenire, qui valeat Tecum contendere amore, quo literas, & literatos prosequeris. Atque hæc duo tanti ego censeo, ut quamvis de cæteris virtutibus Tuis maximis, paulisper vellem cogitationem deponere: vel sola tamen potuerint me impellere ad illustri nomini tuo inscribendum literarias hæc commentationes nostras. Sunt illæ de duplici Sermone: Uno Veterum Romanorum; altero postea confectio, earum Gentium, quæ quicquid pene in Occidente possederant Romani, in suam rede gere potestatem; cumque Imperio magna ex parte linguam ipsam transfuderunt. Nemo autem ignorat in iis, quas dicebam, Nationibus, facile primas ferre Gothos vestros. Eoque jucundius futurum, ubi in parte operis nostri conspicias tot vestigia Vocabulorum, quibus usi Gothi, & finitimæ Gentes, non tam linguâ, quàm sola dialecto, diversæ. Accedit quod non parùm hinc lucis accesserit legibus, quas Gothi variis in terris tulerunt. Ut ante annos amplius centum supra milles in Hispaniis, ac Galliis (cujus pars Sidonio Apollinari Gothia vocatur) Euricus Rex, ut ex Isidoro cognoscimus. Item centum annis post Leuvigildus; posteaque alii, atque alii. In ipsa quoque Italia Theodericus, Wisigothorum Rex: à quo Leges Theodericianæ, ad instar codicis Theodosiani, sic vocati à Theodosio Juniore, qui non multo præcesserat. Ejus Theoderici est Edictum Capitulum CLIV. quod ipse se dedisse ait, *devictis tam Barbaris, quàm Romanis*. Nempe, Dominus Romæ factus, loqui voluit pro more Romanorum; qui ut Græci antea præter se cunctos vocarant Barbaros; ita ipsi, præter se, & Græcos, omnes Barbaros dixere. Nec in Barbari nomine convitium fuerit, si, ut propriè sonat, Extraneum intelligamus; quomodo tam Romanus fuerit Barbarus, si in lingua peccet Gothica, quàm Gothus in Romana. Totum enim hoc est ex genere eorum quæ relata, Græcis ἑτερογενῆς, nominantur. Itaque videmus ab Arabibus, in Asia quidem Barbaros nominari Græcos, Syros, Persas, & Ægyptios; in Africa contra sic dici Hispanicæ, vel Latine loquentes. Porro

Porro partim ex illa loquendi consuetudine Romana; partim quoque (sic sanè Veterum more, toto etiam opere loqui liceat) barbarà illà, conflata est hæc commentatio nostra; quâ operam dedimus, ut tum eorum inserviremus commodis, quibus nihil in sermone gratum est, nisi auribus cognitum Romanis; tum illorum etiam qui intelligere cupiunt Scriptores, linguâ usos confusaneâ, ac miscella ex Veteri Romana, & illa imprimis nationum, quæ subegerunt Romanos. Dixerit aliquis, si non in alio defudâro, in re tenui hanc operam, ac tenuis quoque gloriæ fore; quia circa verba solum, non res ipsas, versetur. Sed qui sic sapiunt, parùm intelligunt, quantopere ad Romanam facundiam, ac prudentiam universam, verborum conferat scientia, ac delectus. Nec enim absque delectu, quem eloquentiæ originem esse Cæsar censebat, vel olim elegantiam consequi Romanam fuit; vel nunc, in sermone Romano, ipsam effugere barbariem conceditur. Unde hæc sic dominatur, temporibus nostris in monumentis virorum non è vulgo; inque publicis personat pulpitis, etiam eorum, qui se profitentur Doctrinarum duces. Non dubium igitur, quin majus quiddam sit multorum opinione, cum ea pedem comminus conferre; etsi nimium sibi promittat, qui propterea speret, profligare se eam penitus posse. Sufficit, si illis saltem utilis navetur opera, quibus de luto meliore præcordia finxerit Prometheus; quales nunquam literis dêrunt. Alia interip est ratio incunda seculo nostro; quàm olim Cæsaris Julii, & Augusti temporibus. Tum (quicquid alii contrà arbitrentur) melius loquebatur vulgus rude, & indoctum, quàm nunc, (nisi duos tres excipere è numero non magno lubet) fortassè ipsi literarum Principes solent. Cui felicitati Veterum, accedebat diligens exercitatio apud Magistrum. Ad variæ etiam eruditionis laudem addiscebant elegantiores præscum ac desitum sermonem, non ad usum, sed ad intelligentiam Scriptorum, qui uno altero seculo præcessissent. Nam puerorum instar sapere judicabant, nisi qui priorum etiam temporum memorias complecterentur. Utcunque verò ex notitia obsoletorum, aliquis etiam ad nos fructus redundet; videlicet ad cognoscendam vocabulorum proprietatem, quæ ab iis originem ducunt: minutum tamen est hoc præ illis temporibus, quibus rancidi illius sermonis scriptores extarent. Nunc postquam nihil nisi laceras eorum reliquias, velut è magno naufragio, habemus; pro illo desita dicendi, aliud est subeundus labor, in cognoscendo sermonis, qualis multis seculis fuit, postquam à tot gentibus exteris, dis-

cerptum est Imperium Romanum. Nec tamen ab iis hoc exigo, qui nondum è barbariei cœno pedem posuere; sed iis sedulò lectis, qui dictionem formant. Scio, delicatulos multos hanc doctrinarum partem, pejus odisse, quàm ululam fullones solent; sed defraudent illi animum, ut lubet, suavissimo tot rerum utilissimarum pastu. Cordatiores satis vident, quantum studiis decedat universis, si ob solam dictionem dispretui sit, quicquid penè scriptorum tempora nobis non inviderunt; jam inde ab Antoninis, vel Severi, filiorumque imperio, usque ad Atavos, vel Tritavos nostros. Itaque sic statuo, etsi multò augustius sit sapere, quàm dicere: esse tamen dignum sapiente, intelligere omnes, etiam Barbaros; ac interim convenienter loqui auribus Romanis. Nec ita malè agitur cum studiis, ut non multi hac in re, nobiscum sapiant. His igitur consultum ivimus gemino isthoc labore nostro. Quem, tibi, illustris Baro, comitem do reliqui itineris, ac opto, cupioque, esse pignus, ac monumentum devotissimi affectus. Eò gratum, acceptumque fore confido. Quid enim non mihi spondeam ab illo, cujus acre acri ingenio, judicium junctum mirabamur, priusquam Bataviâ discederes? Quid igitur nunc non promittamus nobis, post aditas, & lustratas Gallias, Italiam, terrasque alias; post cognitatas tot nationum leges, ac mores; post Principum, summorumque virorum, amicitias; imò cum divum propagine, de orbis negotiis sermones? Nec minus probatum iri confido exactissimo illi iudicio fratris tui, D. Baronis Johannis Oxenstiern, Regni Suedici Senatoris, ac Legati ad conventum Monasteriensium; ubi nunc permistus est, tot magnorum Regum, ac rerum publicarum caduceatoribus magnis, de hoc uno consultantibus, ut Orbis Christianus, armis positus, tranquillitate fruatur longâ, omnibus victoriis potiore: vel si tantus est bellandi amor, arma convertat in communem nominis Christiani hostem. Et cur non persuadeam mihi, per inclytum hoc fratrum par, nec sine laude nominandum, posse etiam laborem nostrum, impensius probari Parenti vestro illustrissimo, incomparabili viro: qui nunquam defuit, aut desinet animo meo obversari, ex quo præsentem in hac urbe vidimus, loquentem audivimus, omni ab eo comitate excepti sumus. Relucebat in vultu blanda severitas, & facilis majestas. In sermone certabant verborum dignitas, & animus nihil humile cogitans. Ubique ingenium, & eloquium, gratiæ, ac eloquentia se exferebant. Imprimis in stuporem omnes trahebat cogitatio rerum maximarum, quas



ab excessu invicti Regis Gustavi, per universam Germaniam gessisset. Sed ista melius dicent variarum gentium annales, quibus sic præterita narrabuntur, ut iterum, imò semper videantur geri; terminari nunquam. Mihi verò, cui non ea est facundia, ut rerum magnitudine vinci nesciat, propositum est, ne culpâ ingenii tantas deterere laudes pergam, eas potius cum silentio venerari; ac desinere hunc sermonem, simul ac non ficto officio, sed voto, ab imo pectore proficiscente, tibi, illustris Baro, totique familiæ Oxenstierniæ, omnia fuero felicia comprecatus. Magno quidem parenti, ut vegetâ & diuturnâ fruatur senectâ, dique consiliis suis adjuvet Serenissimam Reginam, Phœben illam septentrionis, illam invictam, & nunquam vincendam Amazona. Illustrissimo, & excellentissimo Fratri, ut in tam illustri, & Orbi tam diu exoptato coetu, ejus quoque ope, tandem aliquando, Jani claudatur Templum, & Musarum illud aperiatur. Tibi vero, illustris Domine, ut id itineris, quod restat in Patriam (quæ quasi emindis conspiciata, jam brachia protendit, gnara quantum sibi de virtute tua possit promittere) pari absolvas fortuna; quamque de te universo Orbi spem fecisti, feliciter impleas.

Amstelredami.  
cl. lxx. xlv.  
Kalend. Sextil.

*Illustris & generosissimi nominis tui*

*Culcor Devotissimus,*

G. J. Vossius.

## XII.

*Viro Nobili Clarissimoque, Georgio Rattallero Doubletio, in suprema Hollandiæ, & Zelandiæ Curia, Senatori Amplissimo, Gerardus Joannes Vossius, S. P. D.*

*Nobilissime Amplissimeque vir,*

**O**ffero tibi librum; ambigo ipse, novumne dicere debeam, an antiquum, an utrumque eorum. Atque huc magis inclinat animus; unde novantiquum nobis liceat nuncupare. Longè maximâ ex parte antiquum esse, facile ipse cognosces; ut qui jam ante annos XXX. cùm primò hæc consignâsem, non legeris ea solùm; sed juventutem quoque sacris initiatam studiis, sub præsidio meo publicè, ut Scholarum est mos, audieris eadem defensiontem. Nec rationes tamen deficiunt, cur, ut tibi gratior sit

opera hæc nostra, ausim eam ab aliqua etiam novitate commendare. Antea enim disputationes singulæ prodierunt seorsim, iustisque temporis intervallis. Nunc universas, quæ ad Baptismum quidem pertinerent, uno quasi fasce complexus fui. Nec necesse putavi, ea ubique verba appendere. Spontè enim illud prædico, siquid rectius, vel clarius, posse dici putarem, minimè veritum me esse, illud vel immutare, vel addere. Jam verò quod caput est rei, aliquas hîc dissertationes comperies, antea ineditas: scriptas quidem quadriennio, quo ab illustribus Hollandiæ, & West-Frisiæ Ordinibus commissum mihi regimen fuit, Theologici, quod Leidæ habent, Collegii: sed postquam in Academia ibidem corpi profiteri Sacræ, Ecclesiasticæ, externæque historiæ tempora (ut de eloquentiæ studiis, curisque aliis, nihil nunc dicam) propter multiplicis oneris, ac muneris, quod susceperam, difficultatem, propè habitas proderelictis; ac nunc demum anno ætatis secundo & septuagesimo, quo magis magisque lethi memor, mea convalesco, publici juris factas. Variæ autem & graves me causæ compulerunt, cur ista, potissimum sub præclari nominis tui auspiciis, in lucem prodire vellem. Primum quidem, quod beneficia à tot jam annis mihi præstata, ac meis, jam diu, me commonefecerint, ut si paria referre non possem, qualecumque saltem grati pignus animi reponerem. Doluit enim sapè, fateor, quòd cùm pro aliorum in me beneficiis gratiam, quo potui pacto, studuerim rependere: tibi uni, etiam neminem sciam, cui videar mihi devinctior, nullo hæctenus argumento, testatus fuërim animum, atque affectum meum: tanquam per te solùm, mihi esse ingrato liceret. Accessit, quod minimè animus mihi foret, hæc cuiquam offerre, nisi in hujusmodi versato. Rarum in aliis quidem, si uno in studii genere emineant. Tua verò laus est, quòd, qui te jus audiant dicentem, omni ætate putent operam dedisse jurisprudentiæ. Quique aures, atque animos, adhibent differenti de divinis, nihil aliud nisi sacra tractasse arbitrentur. Atque idem in politionibus literis existimant, ac Philosophiâ universâ. Et sanè, de omni hoc fieri vix aliter potuit, qui Parente tanto, Philippo Doubletio, nasceretur. Vir sanè is, luculentâ erat natus familiâ, cui decus etiam addebât, stemma maternum è Batavâ stirpe Dammiâ; in qua, ante annos penè ducentos quinquaginta; tres Damnios fratres, cum Dammio cognato, raro exemplo, Sigismundus Imperator, rogante Guiljelmo, Comite Hollandiæ, equestri ornârat dignitate. Sed genus & proavos, alienas censet laudes: ac per

per te esset, nec tangere huiusmodi liceret, quamvis jam ante annos quasi quinquaginta mihi cognitissima. Sed mos hæcenus geratur. Illud igitur potius dicam, virtutibus suis fuisse longè nobiliorem. Quas cum propagari in liberis, ac nepotibus vellet; nihil æquè studuit, quàm ut tibi sic nato, à primâ etiam pueritiâ, præficeret optimos pietatis pariter, ac doctrinarum magistros. Gnarus videlicet, quantum cæteris antistarent veta animi bona; cuius rei ex se ipso capere poterat documentum: ut qui, postquam Parentem suum, quem honestissimo sciret semper loco, in avitâ Mechliniensium urbe habitum esse; perque fluctus illos decumanos decumis suis ab Albano Duce excitatos, cum multis summis viris in Hollandiam vidisset ejectionem: eam mox his terris virtutibus suis conciverit admirationem sui, ut oculis omnium in se coniectis, comitatus Hollandici rationibus, atque insuper fœderatæ totius Belgicæ præficeretur ærario. Nec leviter ejus fidem, ac merita declarat, quòd in posteriori illa dignitate, defuncto successus sit filius natu maximus, Joannes Doubletius, Sanctæ Annæ Landiæ Dominus, vir summæ virtutis, atque existimationis: mox filius alter Philippus, vir benefactis florens; qui cum tanto omnium applausu nunc munus hoc sustinet. Sed de eximiis horum laudibus dabitur fortasse aliàs melior dicendi locus. Ne propterea tamen in patre, vel fratribus, sistam, facit *marceim* mater tua, cordatissima matrona, cui multum sapienti supra sexum suum, cum antea semper, tum præcipuè post mariti excessum, nihil æquè curæ fuit, quàm ut simillimus evaderes Parentis sui, Georgii Ratalleri; quod nomen non sine numine, in sacri baptismatis fonte, imposuerunt Parentes, multum tam auspicato vocabulo favente Avia Lota, Georgii Ratalleri viduâ; quicumque quoties sermo mihi fuit, non aliter judicavi, quàm conspiceri me, atque audire, reliquias aurei sæculi. Nempe hoc ipso nomine excitare te à puero studuerunt, ad ejus viri vestigia premenda. In quo nec prudentia illos destituit, nec felicitas. Nam ut more Homérico, à posteriori initium capiam, vivam in te magni avi imaginem nunc omnes intuentur: Ut qui in dignitate illa senatoriâ, verè sis, quod gentilium Ratalleri cognomen sonat, *consilio omnibus*. Quàm latus, ac lætus, mihi se offerret campus de laudibus tuis differere volenti? sed jam dudum metuo, ne ut aliis qui te norunt, jejune dicar, atque aride de te locutus; ita uni tibi videar fuisse nimius. Quare alteri capiti insistam, quod in hac etiam, ut Græci vocant, *ὁρμηδονία*, quam magnus Plato sapientis propri-

am ducebat, prudentiam non minus aperit, quàm affectum. Nam is avus tuus Ratallensis fuit, ut sapientiâ & fide, nulli esset secundus. Hoc jam omnes fore augurabantur, simul ac à Gallicæ, & Italicæ Academicis, redux Patriæ se iterum sitisset. Sed magis postea in multiplici aded dignitate, se exeruit virtus ejus incredibilis, ac propè divina. Primum cum in supremum Artelicæ Concilium est adlectus. Exinde ubi à Cæsare Carolo V. in magno Belgicæ Consistorio, quod est Mechliniæ, senator est creatus, & libellorum supplicum Magister. Postea etiam cum in ditione Provinciæ Ultrajectinæ, supremi senatus præses fuit. Quando item Belgarum suorum nomine, tanta cum gloria legationem obiit, ad serenissimum Daniæ Regem. Magna hæc, imò ingentia esse, inficias iverit nemo. Longè tamen hisce majus existimari debet, quod difficillimis temporibus istis, animum semper æquissimum, consiliaque moderatissima, attulerit rebus turbatis. Quod sub Margaritæ, Ducis Parmensis, gubernatione inter alias præcipuè Valencenarum urbs; sub Matthiæ Archiduce, tum Groningana, tum Campensis civitas, suo & totius Belgicæ bono, ubertim fuere expertæ. Sed facili mei Ordinis hominibus persuasero, quantacunque hæc sint, magnam tamen his accessionem exinde fieri, tum quod in tanta dignitate, singularis esset comitas, ut Gratiæ eum, quasi digitis suis, fixisse viderentur: tum quod ob variam, & elegantem eruditionem, à summis etiam viris, inter sæculi sui decora reponeretur. Quo loco is fuisse, mirabitur nemo; qui viderit pulcherrima ingenii, doctrinæque ejus monumenta. In quibus (ut taceam de metrica, quam adfervas, Psalmorum paraphrasi) non postremus debetur locus Sophoclis, quotquot extant, tragoediis, Latino ab eo camine tam fide bonâ redditus; quàm postea malâ ex prima tragoediarum trium editione, suam in versionem multa adeo transulit Johannes Lalemantius Heduns; vir cæteroqui pereruditus; ut ostendunt quædam Hippocratis opuscula, donata ab eo latinâ togâ, & doctis illustrata commentariis. Neque ignoro, quid in Sophocle Latino requisierit vetus amicus noster, liberi satis oris, ac calami. Nobis verò arduum illud semper visum fuit, quod Nobilis Adolescens, Latine Græcæque doctissimus, purè adeo expresserat genuinam grandis Poetæ mentem. Et scimus, vix hominis esse in omnibus omne punctum ferre: quando etiam in dimidiato illo Menandro, quem vixitum terit, textæque usus publicus, vim comicam desideravit, (at quantus vir!) Julius Cæsar. Nempe nulli Deus omnia dat magna; quale etiam est adsequi Sophoclis cothur-



cothurnum : quo si sublimiorem novisset Poetarum Princeps, non hunc potissimum nominasset ; cum laudare vellet tragoedias, sive Varii sui, sive Afanii Pollionis. Præterea mirum, non venire istis in mentem, translationem illam suo verius esse Authori extortam, quam sponte emissam in lucem. Itaque ipse maluisset per intervalla superaddere *πρὸς τὸ*, quod unum (quo jure id faciant in interprete, ipsi viderint) *ἢ μὴ μὲν* requirere se aiunt. Quasi non hanc etiam laudem adimpleverit in Elegiacis, Epigrammatis, atque aliis, quantum quidem fineret argumentum, curareque istiusmodi permetterent, Magni Regis & Reipublicæ negotia, quæ vellem homines umbratici (citra convicium hoc dico) magis attenderent. Utinam verò adhuc superessent commentarii ejus cedro dignissimi, quibus partim jam maturâ ætate, partim etiam fenex, complexus fuit rerum se, quâ senatore, quâ senatus Præside, judicatarum observationes exactissimas. Nunc (triste) eâ parte nihil, nisi plorare nepotibus reliquerunt obsecrante illæ Harpyiæ, quæ in thesaurum hunc involarunt : credo ut grandia inde, atque arcana, venditantes pro suis, majori essent admirationi cæteris. Verùm his ulterius insistere si parem, metuam prorsus, ne, contrâ quàm præcipi solet à dicendi Magistris, fiat *μὴ δὲ βαρύνει τὸν ἀνγὸν*. Redeo igitur eò, unde abieram ; ac quia initio omnis in eo fui, ut exponerem, cur inscripserim hunc laborem nomini tuo : deque causâ principe satis mihi videor dixisse, pauca addam de altera hac ; quod si putârim aliis me testari melius posse amorem tibi debitum. Ac ceptus, quidem ille erga admodum adolescentulum, cum omnes caperentur indole, præclara quæque promittente ; multum verò idem firmatus fuit suavissimo annorum prope XII. convictu, partim in principe Baravorum urbe, partim in Academia eorundem. Postquam verò lustratis Academiis Britannicis, Gallicis, Italicis, restitutus es tuis, cum Ulysse Homericis, mores edoctus, & urbes ; tanta idem incrementa cepit, ut ad fastigium pervenisse amorem hunc putarem. Crevisse tamen video, dum pro beneficâ illâ naturâ obstringere me, meosque non cessas. Pro quo nihil occurrit, quod reponam præter affectum tibi, tuisque devotissimum, & hujus apud posteros, testandi ergo (ut mei ordinis homines solent) chartaceum munusculum ; quod tamen gratissimum fore confido, vel argumenti causâ. Quid enim magis nos meditari assidue decet, quàm sacramentum illum, unde, inter alia, duo illa magna ad nos redeunt bona ? Primum quod eo inserimur Ecclesiæ, ac reddimur membra Christi ; cujus spiritu vivimus,

quotquot eum induimus. Deinde quod in hac vita, perpetuis tentationibus obnoxia, suavissimum inde solatium percipimus adversus omnes mali spiritus insultus. Quorum utrumque accuratius, in opere ipso exponimus. Faxit Deus Opt. Max. Nobilissime, & Amplissime vir, ut labor hic noster aliquid adferat fructus veræ pietatis, & Antiquitatis Ecclesiasticæ, studiosis. Atque ab eodem numine precor, ut conservet tibi amorem nostri, ac diutinam largiatur valetudinem, & vitam ; non modò Reip. causâ ; sed etiam propter suavissimos liberos ; imprimis filiorum trigam, tenerâ hac ætate nihil, nisi optatissimum, in studiis, & moribus, spirantem ; Philippum, Joannem, Florentium : quorum si me precibus ad Deum commendem non minùs, quàm tanti Parentis, nihil abs re fecero. Scio, quàm illa innocens ætas grata sit Deo ; cui ex ore etiam puerulorum nascitur robur, & gloria, ut divinus Psalter ait. Illis ego pro suo erga me adfectu, vicissim opto, ut parentum insistant vestigiis, avi etiam utriusque, & majorum deinceps longâ ferie.

Amstelodami, Anno æræ Dionysianæ cō Ioc XLVIII. III. Idus Martias. Quo die (ut unum hoc de nostro, Scholastici hominis, quasi jubilæo, addam, quando scis, quàm ægrè apud te sermonem definam) annus expletur quinquagesimus ; ex quo post primum ætatis septennium balbutiei, & Grammaticæ datum, alterosque annos septenos Latinis, & Græcis literis impensos, ac totidem in Philosophorum præcipuè spatiis transactos ; ex Senatus Academici autoritate apud Leidenfes ( & fortasse hoc eo est commendabilius quòd honos ille, quantum memoriâ omnes tenerent, à Lycei primordiis ante me illic contigerat nemini ) summam studii Philosophici lauream mihi conferebat Theologus, ac Philosophus clarissimus, quo præceptore jure glorior, Petrus Molinæus. Hoc jam quia de me est, existimabis fortasse, melius potuisse præteriri. Nec repugno, sed facilem mihi scio apud te veniam fore ; quia quâ prudentiâ es, nosti mores senum ; quibus adolescentiæ, primorumque studiorum duleis esse solet, ac jucunda recordatio.

## XIII.

*Illustribus, ac Generosissimis D. D. Chatio, & Christophoro, Achatii filijs Burgravijs & Baronibus à Dhona.*

*Illustres & generosissimi Domini,*

**S**I res universas non iudicio insanientis vulgi, sed suo ponderemus momento, ut sapientes decet; primas pietati dabimus, prudentiæ alteras, tertias eruditioni: cui & ipsi locus in hac triga debetur, quia ad priores duas munit viam, ac fomenta iisdem, & alimentum præbet. Ac quanto hoc disciplinæ singulæ felicius præstant; tanto propius absumt à laudibus pietatis, & prudentiæ; quibus principem locum nemo unquam denegavit. Unde illud effici puto, in doctrinarum Orbe, nihil esse commendabilius Virorum Præstantium Vitis. Ab hoc enim fonte haurimus, quorum Exemplo, earundem virtutum æmuli sumus, atque imitatores. Propterea nullus satis eorum laudavit industriad, qui præclare gesta posteris prodiderunt. Atque in eo quidem non temerè aliquem mihi adversaturum existimem. Sed alterum est, in quo iudicium multorum minime congruat cum iudicio nostro. Vident plerique, si memoriæ omnium temporum consulantur, nihil esse difficilius, quàm ut ita literarum monumentis consecremus res superstitum; ut non aliquid benevolentiae, vel odio, spei, vel metui detrus. Hujus igitur periculi fugâ declinantes in contrarium, de iis scribendum contendunt, quos avorum potius, aut Proavorum, quàm nostræ, vel Parentum ætas conspexerit. Quales non satis expendere videntur, quàm sit operosum in rebus toto seculo remotis vera falsis internoscere. Ac ne illud quidem cogitant, quàm multorum suspecta sit fides, quia miris aliquem laudibus extollant, post unius alteriusque ætatis silentium, extinctis jam omnibus, quorum testimonium adversus illos pondus habuisset. Ut ab hoc etiam periculo immunes simus, expedit, ut mediam insistamus viam, atque eorum potius gesta, publici juris faciamus, qui non amplius rebus intersint humanis, ac ætate tamen, tum Parentum floruerint, tum nostrâ. Id nunc fecimus in Illustri, ac generosissimo Patruo vestro, Fabiano Burgravio à Dhona, Domino in Karwinden. Cujus eximie laudes, adhuc in omnium memoria versantur: cum septennium solum effluxerit ab ejus excessu. Virum hunc cum dico, non tam hominis nomen, quàm Virtutum plurimarum, mihi videoor dicere.

Genere enim erat Nobilissimus; sed genus Nobilior animus exornabat: Quem ille à puero imbuerat doctrinâ, non tantum seriâ illâ, quæ prudentiam adfert; sed etiam amœniori, quæ ex Musarum, & Charitum commercio nascitur. Atque idem cum Doctrina, Eloquentiam feliciter sociarat, planè ad veterum mentem, qui cum statuerent, Palladem, & Mercurium coalescere oportere, Hermathenam nobis effinxerunt. Nec satis fore putavit, si omnia sciret, imò nec si graviter & copiosè, de omnibus diceret; nisi idem optima faceret: Ut cum multum acceptum ferret eruditioni, & facundiæ; plus tamen cultui divino, & probitati deberet. Quibus etiam inservire voluit, quicquid studii posuerat in cognitione Naturæ: quod multum sane erat. Dicere autem solet, agnoscere se ex Operibus Dei, omnipotentiam ejus; ex horum ordine sapientiam; ex usu eorumdem, bonitatem & misericordiam ejus. Ita ille omnia referebat ad pietatem; quæ undique relucebat è dictis, factis. Cujus rei testes dare possumus, tot genere, dignitateque, tot eruditione Clarissimos viros, qui sermones ejus avidis hausere animis. Imò præclaræ hujus mentis imaginem quandam adhuc videre est, in Epistolis ejus ad summos viros exaratis: Imprimis iis, quas ad vos, Illustres D. D. Barones, & generosissimos fratres vestros, utpote sanguine proximos, imò affectu liberos, frequentes admodum dabat, interdum Germanicè, sæpius Latine, Gallicè, Italicè, idque etiam cum septuagenario jam major foret. Hæ superstites literæ, ut Sermones nunc mittam, abundè documento fuerint, eum non, multorum instar, hæere solitum in causis, uti vocant, secundis: at nec contemnere eas; sed easque ascendere, donec requiescat, in potenti Dei dexterâ, ac promissis ejus. Unde etiam, cum retulisset, scitum illud Imperatoris Caroli V. ad filium Philippum, Brabantiam esse consilium suum, Hannoniam nobilitatem suam, Hollandiam robur suum: altius hoc Batavico robore assurgens, At inquit, fortitudo nostra Deus est. Per fidem enim sancti vicerunt regna: ut divinus ad Hebræos scriptor ait. Atque eo ille animo, in omni vita erat. Ubique etiam se exserit patientia ejus in adversis. Amat enim affligi à Domino, seque solatur illo Apostoli; ad bonum simul adjutare omnia diligentibus Deum. Nec cum de statu mentis deiecit, piorum infelicitas in hac vitâ: sed cogitat assidue, iudicium Domini incipere à domo sua; Eum castigare quos amat, partim ut peccata corrigat, partim etiam ut eos patientia imbuat, & filio suo reddat conformes. Negat quoque in hac vita imaginandum nobis aureum seculum;

cum



cum Davidi in summa etiam felicitate obversentur Valles mortis. Si diutius cessent auxilia divina, ita colligit secum, vel peccatis nostris quasi compedes inspicit divine bonitati; vel propterea opem differri paulisper, ut postea tanto majori cum gloria liberemur. Ubi res in extrema quasi tegula consistunt, pejus quam inter sacrum, & laxum, ut dici solet; non hastas propterea abjicit; sed sic se, sic alios affatur (quid enim prohibet, quo minus hic etiam aureola ejus verba adscribam?) *Rationes Tecum, mi homulle, inest, quoties Deum te languentem receperit, errantem reduxerit, periclitantem defenderit; quoties benignus hic hospes intraverit tibi mensam, unxerit caput oleo, implevit calicem vina. Nemo hoc Pastore & hospite benignior, nemo liberalior. Dominus Te pascit; non exebis. Eris Ovis Dei benedicta; Conspice Dei acceptum. Vives in morte; lucebis in tenebris. Bressus es hoc mundo, ingrederis in domum celestem, & cum Jesu gaudebis eternum.* Hujusmodi animum omnia illius spirant. Nimirum quolibet metiebatur consolatione illa propria filiorum Dei. Unde nec poterat adduci, ut miseris accenseret, vel Jobum ulceribus scindentem, vel Lazarum de petigine squalidum, vel Paulum in carcerem coniectum. Contendebat autem tales, in calamitatibus suis vincere palmæ instar nivibus pressæ. Quod si civiles etiam virtutes, attingi placet; in his quoque, ex Socratis consilio, operam semper dabat, ut is foret, quem haberi se vellet; quo uno non alia est melior, & expeditior ad solidam gloriam via. Ac talis ille, omnium bonorum judicio censebatur. Imò quanto nosceretur penitus, tanto majora in eo virtutum prædia conspiciabantur. Quemadmodum enim in celo stellæ sunt, quas non videas, nisi adhibeas inventum nuper Telescopum: Ita & in eo fuisse laudabilia multa, quæ nescirent, nisi qui curiosius observarent. Inque tot virtutibus imprimis relucebat modestia singularis; quæ sebat ut cum summis ipse animi dotibus polleteret; maxime tamen eas in aliis veneraretur. Tantus tamen vir effugere non poterat, quo minus cum ventis suis circumflarent malevoli. Quorum omni tempore tanta esse copia solet, ut eorum numerum, nec inire possit Archytas Tarentinus.

*Quem, maris & terre, numeroque carentis arena  
Mensorem.*

perhibet Vates Venusinus. Sed utcumque sevirant invidiæ turbines, non ideo tam herosi animi vir animum despondebat. Sciebat, nullum esse Euripum adeo instabilem, neque Agamæidis fluctus tam turbidos esse,

sub Arcturi occasu, quam plebis esse voluntates solent. Videbat, uti non semper sunt Alcedonia, nec terrarum uspiam, veris amoenitas semper obtinet: Ita & vices esse rerum humanarum, ac maxima quæque esse obnoxia calumniæ procellis. Videbat, si fortiter clavum occupet, suffecturam undis navem: sin propterea à gubernaculis recedat, periculum naufragii fore. Quare hominibus improbis medium ostendebat unguem: Imò lucri hoc ex iis faciebat, quod tanto navigaret circumspicius, quasi inter Scyllam & Charybdim. Ita ille invidiam vincebat, virtute alumnus suum facile vindicante. Et profecto qui vivere velit, ubi non sit irrequietum, & nequissimum obsecratorum genus, non ei in Orbe hoc quærendæ sint terræ, sed magnis itineribus eundem sit ad Lunam ubi terram novam jam olim somniabat Xenophanes; qui & suos sectatores invenit. Neque cum laudes hæc in unum congero, morem sequor multorum, qui veluti Zeuxis, Venerem picturus Crotoniatis, pulchritudinem multarum Virginum, in unam transfunderat imaginem: Ita ornatu aliquem laudibus, quæ in singulis commendatione digna invenerant, hæc uni tribuunt universa. Nihil enim hoc adulantium artificio opus in Fabiano fuit. In quo si quis dissideat à nobis, diffundat animum per singula, ac in eo consideret nobiscum, tum summam generis vetustatem, tum liberalis educationis elegantiam, tum peritiam in Nobilissimis Disciplinis, atque Artibus, tum fecunditatem Ingenii incredibilem, tum masculam, & vividam virtutem, qua cum præce etiam ætatis viris contenderet, tum nova decora magnitudine gestorum in penates, ac familiam illata: & tot alia quibus non insistam, ne videar actum agere, repetendo ea, quæ toto sparsa sunt Panegyrico, quem nunc edimus; eoque cum Comico dicar, in Prologis scribundis operam abuti. Sed quid sunt res mortalium sine literarum monumentis? Nam absque historia foret, tantæ virtutes, ac cuncta ejus benefacta, futura olim essent, quæ nunquam fuissent. Sola enim historia, sive hanc Orator, seu Poeta, seu alius expresserit, omnes nobis ætates, ac secula conservat. Per unam hanc supersunt hæcenus, quotquot fuisse quondam cognoscimus. Non jam Ninus, vel Cyrus, non Hamilcar, vel Hannibal forent, nisi historia eos servasset. Nusquam essent Miltiades, & Themistocles; nusquam Agamæus vel Epaminondas; nusquam Alexander, aut Pyrrhus; nisi historia eos consecrasset. Non viverent in hominum memoria, duo belli fulmina Scipiones; non Pompeius, ac Cæsar; nisi perpetui hoc nominis

minis decus, ab historiâ essent consecuti. Perriissent etiam Carolus Magnus, & Fredericus Barbarossa, alique Immortalitate dignissimi viri, nisi, sicut olim Jupiter, si Romanis fides, fugientes novæ urbis cives; Ita historia nobis fugitivi temporis memoriam stitisset. Ut solus sanè Historicus dici mereatur, stator Temporis, Perennitatis sacerdos. Neque ignoro, plurimos eandem laudis perpetuitatem sperare è statuis, columnis, sepulchris, aliisque id genus monumentis. Sed eventus comprobavit, omnia ejusmodi, esse invidiæ ac fortunæ casibus obnoxia, ac sæpe brevi admodum temporis spatio, dissipari, aut consumi. Quid mirum autem, si quæ manuum sunt opera, naturam sequantur corporis, quod mortale nobis datum est? Historia verò est animi opus, qui morte caret; cujus instar & ipsa Historia, nec Libitinam, nec Orcum extimescit. Hæc igitur una generosissimo Patruo vestro præstiterit, ut quemadmodum corpus ejus Morungæ & Saxo habet monumentum; Ita etiam animus, ac tot benefacta ejus, ubique terrarum monumentum obtineant literarium: ac qui perpetua apud Deum gloria fruatur in-coelis, idem perpetua hominum fama fruatur in terris. Sed hæc quæ velut largo è penu, in historiæ laudem depromimus, non alteri convenire putandum, quam illi, quæ verè historiæ nomen possidet; hoc est quæ principem ejus legem servat, ne quid falsi dicere audeat, ne quid veri non audeat. Quorum neutrum in signandis Inelyti Patruî vestri gestis, neglexi sciens. Nihil enim, vel eorum dissimulo, quæ objectarent Malevoli. Cumque laudantium vulgus, benevolentia studio, utrum ficta, an facta referat, sæpe nihil penſi habeat: sedulo hic operam dedi, ne ulterius verborum flumine ab ripa solverem, aut liberius, ac rapidius deferrem, quam veritas pateretur. Interim Editorem me Panegyrici hujus profiteri malui, quam Authorem. Nam prævit, ut potuit, alter, qui historiæ penè totius seriem, atque maxima ex parte argumentum hujus commentarii complexus erat. Hujus ego vestigiis cum plurimum insistam; cuncta uni nomini meo, sine nominis ac candoris defectu, tribuere non potui: Ne quidem si tueri me utcumque parem illo Ausonii ad Symmachum suum, *Quodam pacto societatem laudis affectare, qui aliena benedicta primus enunciat*. Sed ut alterius opera operam mihi parte ex una levavit; ita parte ex altera, multo amplius laboris reliquit. Nam & spissi se offerebant errores non pauci: plurima erant omiſſa, quæ magnoperè ad rem pertinerent: multa non Davum requirebant, sed Oedipum: Limam exigebant universa,

iis exceptis, quæ non tam limam poscerent, quam spongiam. Alia igitur reseculi; alia supplevi; disjecta ordinavi; denique Mone-tam (nequid gravius dicam) parum Latia-lem incude magis Romanâ refinxî: Eò ju-stius, quia cum multa adeo à nobis forent, nisi cætera simili dictione exponerentur, Ora-tio futura erat hybrida, siquæ ipsius diffi-millima; non sine Lectoris fastidio. Quæ non à me dicuntur, alium sugillandi causâ, qui, ut dixi, quod potuit, fecit: sed quia ignosci mihi volo in nonnullis, quæ pressius & melius à me dici potuissent. Longe enim molestius, per alia ipsarum vestigia, quam cum libero gressu proceditur. Quod si cui ista non satisfaciunt, cogitet hæc in antecessum dari, ac fortasse quod desidero ipse, aliquando so-luturum in probo & aspero; vel si mihi oti-um defuerit, non defore tamen alios, atque eos ætate, doctrinaque florentes, otio etiam abundantes; qui ex hisce nostris, monumen-tum aliquod condant, dignum, quod tan-quam Phidiæ Pallas in arte reponatur. Nobis nunc satis visum fuit, si Panegyricum vel (ut amicis, ad alliciendos magis historiæ a-matores, inscribi placuit) Commentarium hunc ederemus, qui præcipua quæque suppe-ditaret. Nam omnia dicere qui ausim? cum certus sim, in Argumento adeo fecundo superesse non pauca, quæ partim ejus, cui bona ex parte debeo ligna, lapides, cemen-tum; partim etiam nostram effugerint indu-striam. Sed, nisi opinio me fallit, ferè ista minoris erunt momenti præ iis, quæ diximus. Qui autem strictim aliquando, exponerem meliorem, gravioraque (præsertim in iis, ubi aliena non premo vestigia) leviora his anxie nimis sectari non debui. Si qua tamen mi-nora etiam nunc intercurrent: cogitare oportet quod Damis respondit, cum reprehende-retur, quia de Apollonio Tyaneo minutias quasdam retulisset. Aiebat, de mensis Deo-rum Analecta etiam colligi oportere, ne Am-brosiæ ejus periret quicquam. Atque idem Xenophontis judicium fuit, qui dicebat, Viro-rum virtute præstantium, non seria modo, sed etiam joca, literis mandari oportere. Et sanè, si Lucerna Epicteti tanti fiebat, ut esset, qui mille eam drachmis emeret: si fuit, qui Protei Stoici baculum emereret talento; quanto magis dicta, factaque omnia Virorum Ex-cellentium in pretio habere convenit. Prop-terea rectè etiam, atque ordine, facturum putem, qui temporis aliquid tribuere volet, colligendis Illustris Patruî vestri dictis. Multa enim præclarè ex ore ejus proficiscebantur quotidie. Quod si quis ex ampla segete, spicas exigit paucillas, hujus generis erant. Non minoris impietatis est Deum fingere, quam negare.



negare. Cor hominis poenitens, frangit cor Dei irascens. Cum viri principes timere Deum nolunt, timere homines coguntur. Regnantibus Tyrannis, multiplicantur Adulatores. Optime nascitur calumniantes, qui innocentiam Deo commendat. Ubi magna regnant vitia, ibi propinqua est poena. Divinam nescit naturam, qui eam diu parcere putat sceleris. Non punitur cum malis qui se sociat bonis. Et fuere id genus plurima, aliqua fortasse etiam luculenta his magis, ac edecumata; eoque commendatiora, quod non quaereret ea Heros, sed pro rebus sponte se offerrent. Quod si non levis ejus dictis honos debeat, quanto minus permittendum foret, ut interirent preces, ac suspiria, quae Illustris Vir, manu ipse sua consignaverat. Spirant enim magnum Dei amorem, ac pectus verè devotum numini coelesti: Imò vix arbitror, ex iis, quibus Religio mediocriter cordi est, ullum esse ingenium adeo segne, ac frigidum, quin iis legendis possit, non calefieri modò, sed etiam inflammari. Atqui si ulla, haec sane tempora, in fatali Orbis Christiani motu, tantoque & animorum aestu, & armorum postulant, vel flagitant veritas, ut dum quotidie Dei, atque hominum amor frigescit, inque pectus abeunt seculi mores, expellant omnes omnia, quae pietati, ac virtuti debent. Quamobrem, etsi Illustris Patruus vester, preces eas suspiriaque, sive affatus, proprium duntaxat in usum, atque id Teutonica lingua concepisset, publici tamen boni interesse existimavi, si ea in aliorum quoque usum Latine exhiberem. Idque liberior paulò versa, interdum fere ad Paraphraseos modum. Nam ut linguae ceterae, ita Teutonica suum habet genium: eoque si anxie nimis de verbis laborassem singulis, non de perspicuitate modò, sed de vi etiam, atque efficacia, plurimum decessisset. Verborum lenociniis hic studendum minime putavi. Bene enim preces istae olent, quae pectoris magis sanctimoniam, quam Rhetorum pyxides redolent pigmentarias. Simul quoque videbam, à praestantia, tum argumenti, tum etiam auctoris, pretium illud ac pondus accedere Orationi quod ab Interprete non haberet. Itaque mihi certum potius, quam arbitrium est, gratissimum fore utrumque hunc Laborem meum Illustri nomini vestro. Quod ut aliunde nescirem, tamen non aliud credere permetteret ferventissimus ille amor vester, erga Patrum optime meritum; atque ut de hoc etiam taceam, facile illud mihi persuaderet singularis vestra probitas, ingenium excellens, acre judicium, prudentia eximia, humanitas incomparabilis, ac tot aliae in vulgus etiam

notissimae, ac vetusto adeò, & Illustri genere vestro longè dignissimae virtutes: de quibus filere apud vos malo, partim quia ipse ad earum splendorem connivere cogor, quem admodum adulterini Aquilae pulli ad radios solis; partim etiam, quia jucundius vobis est laudabilia facere, quam laudari; in os verò laudari molestum est. Ceterum quando utilitas utriusque hujus Argumenti animum meum subit; minime despero, non vobis modò, ac generosissimis fratribus, & Universae Dignorum familiae; sed etiam aliis, saltem optimo cuique, probari posse operam nostram. Nam cum, ut initio dixi, nihil majus, atque augustius, habeamus pietate, atque prudentia; est hic, quod ad utramque conducatur. Sive enim Panegyricum spectemus; tum ad civilem, tum ad militarem vitam conferret notitia eorum, quae variis in terris, ab Illustri Patruo vestro prudenter, & fortiter gesta sunt. Sive oculos conijciamus in preces, ac suspiria; quid ad alendam pietatem magis prodest, quam si alieno in precibus ardore ipsi etiam accendamus ad invocandum Deum? Quod nemo, puto, inficias iverit, qui sanctum hoc studium, suo norit pretio aestimare. Nam etsi Deus non longè à nobis abest, ut in quo sumus, vivamus, & moveamur, tamen ob pravam indolem, longè ab eo absumus; eoque opus est preces, ac supplices imploremus gratiam Dei, sine qua tantumdem possumus, quam qui nunquam fuerunt. Hujusmodi igitur adminicula qui respuunt; sanè ut parvi aestimant pietatem, aut de viribus propriis multa praesumunt, ignari ejus, quod Illustri Patruo vestro in ore esse solet, rite precari esse artem artium, & scientiam scientiarum: cui affine est, quod idem crebro dictitat, fiduciam defensionis divinae reddere nos de exitu securos; at non segnes ad precandum.

Cur autem, Generosissimi D. D. Barones, vestro potissimum Nomini Opuscula haec offeram; neque ignorare vos potestis, neque aliis fore arbitror obscurum. Neminem enim caligare hic finit eximius nominis vestri splendor; qui partim ex inclytis natalibus vestris relucet, partim ex summis laudibus, quas ingenium vobis peperit, atque induxit. Cujusmodi mixtura occurrit in perpauis. Quemadmodum enim rara res est, lux absque umbra, ignis absque fumo: Ita perpauis etiam invenire est, qui non sui generis claritati, vel morum vitis, vel inscitia, tenebras offundant. At vos pariter haec tria illustant, Nobilitas vetusta, Virtus memorabilis, & insignis Eruditio: ut de dignitatibus, velut adscitis Ornamentis, nihil nunc

hunc dicam. Duobus igitur libellis, quorum alter ab optimo, prudentissimo, fortissimo Heroe, Fabiano à Dhona, alter autem de eo scriptus foret; totidem Patronos dare volui, eosque non indecores, sed tergemina, quæ dixi antea, luce illustres. Præterea putavi, recedendum mihi esse, ab more vulgi sua dicantis iis, qui, ea, quæ scribantur, non intelligant: & si intelligant, nihilo magis illa, ad se pertinere arbitrentur, quàm alium quemvis: ut non tam patrociniū operi exposci, quàm illud quæri, quod dicere nolo, res ipsa non loquatur, sed clamet. Volui igitur hæc iis offerre, quos constaret melius ista novisse, quàm scriptorem ipsum; quos etiam, unà cum generosissimis fratribus, magis hæc tangerent, quàm quicquid est hominum ubique: quos denique patrociniū scirem defugere, nec velle, nec posse. Quæ omnia me video consecutum; quis is, quem descripsimus, & cujus preces damus, naturā Patruus vobis fuit, affectu Pater: ac vos ut bonorum & opulentia, ita gloriæ estis hæredes; atque omnibus quidem, sed potissimum vobis exemplo fuit: nec minus exemplo erit, præclaris, atque ad maxima natis liberis vestris, atque adeo nepotibus quoque & omnibus, qui seculis futuris, longo ab iis ordine (ita voveo) felicissime nascentur.

Illustres & Generosissimi DD. Burggravii & Barones à Dhona, stirpe quidem maximi, sed animo majores, vivite & valete: ac vel in ima cera inter candidos inclyti nominis vestri cultores, referte etiam nomen meum.

Lugduni Batavorum Anno clc lxxviii. Pridie nonas Junias: quo ipso die, ante septennium excessit inclytus Heros, Patruus vester, cui nunc parento; & ante annos amplius octingentos defuncta est Luitgarda, conjux Caroli verè magni, imperatoris eo magis à præclara stirpe vestra celebrandi, quia ab illo, & filio Ludovico Pio, ad pristina generis decora, Dhonani nominis, ac Burggraviatus dignitas, jam ante tot secula accessit.

*Eternitati Illustris ac generosissime familie Dhonane, devotissimus,*

G. J. Vossius.

#### XIV.

Hugoni Grotio, Gerardus Vossius  
S. P. D.

**I**T A me amari à te cupio, vir Amplissime, quàm verè illud nunc ad te scribo; nihil mihi videri scripto tuo; non dico elegantius

tersiusque (quomodo tua laudate fit vituperare) sed doctius, nervosius, temporibus nostris accomodatius. Planèque persuasum habeo, juxta mecum sentire, quotquot animum habent affectibus minimè mancipatum. Sed heu! quotus quisque est, quem non epidemicus provincie nostræ morbus, tantquam pestilenti aliquo sidere afflari? præsertim ex eo ordine, qui sub Prophetici Spiritus prætextu soli sibi omne controversiarum judicium deposcit. Equidem non sine gravi dolore coactus sum, audire maligna adeo judicia hosce homines ferentes. Non te in atramento, sed felle calamus tinxisse aiunt. Tantoperè à te contemni Sibrandum, ut non Doctoris usquam elogio ornēs, nisi cum umbraticum Doctorem appellas: Nec Theologum nomine digneris, nisi cum negas cum eo, & similibus Theologis sapientiam morituram. At Sibrandum visum esse optimè de Ecclesia & meritum, & merentem; atque ut fortè alicubi exorbitavit, non tamen malitia peccasse, sed puræ Religionis Zelo; tum autem minimè dubitandum, quin totum hoc egerit magnatum (aliquorum saltem) seu instinctu, seu permissu. Nec enim bene adeo Frisios Hollandis unquam voluisse; & nunc recentes accessisse rixarum causas ab exactionibus, aut vectigalibus, nescio quibus, planèque metuendum, ne scriptio hæc animos eorum magis exacerbet. Negant quoque magis te potuisse causam agere Remonstrantium, uno hoc excepto, quod non aperte Zelotarum opinionem erroneam dicas. Sed longe omnium indignissimum se putare, quod Ecclesiastas dicas expostulare, quod non interfint conventibus publicis; *Anglicanos* eos multis in locis obliquas per artes in se trahere, & ubi invaluerunt vindicare etiam sibi audere: *Anglicanos* sæpè ad negotia civilia extendere; Flandriam turbulentis suis concionibus perdidisse: tempore Licestri hoc egisse, ut Ordines redderent contemptissimos; Ordines necesse habuisse, eos publicitus monere, ut perdenda Hollandia abisterent: periculosissimo tempore ordinum detrectasse imperium, ivisseque oblatum externis. Neque quicquam te horum aliquo *populi* *causam* edulcare, tantum dicere, bonos te minimè horum criminum infimulare, ac mox *Anglicanos* hujuscemodi succinere, talia in Ecclesiastico ordine esse ingenia, ut plus iis, quàm necesse sit, haud tuto committas. Subjicere te quidem mox, dolori tibi esse, quod causa hæc aliter se tractari passa non sit. Verùm hæc occinenda iis, qui necdum are lavantur; viris enim quotquot non omnino naris sunt obesse, luce ipsa clarius esse, longè aliter causam à te tractari potuisse. Multa enim à te mihi



potuisse, & si asperiori esse necesse erat, nil tamen opus fuisse te omnia *de magisterio* agere; scriptum tuum esse, *magisterium* tui *magisterii*, ab *magistro* *magisterii* *magisterii*. Si Religionis hostis esses infensissimus, non tamen potuisse te tunc in Batavia indignius excipere eum Ordinem, quem velle te dicis, ut à populo quam sanctissimus habeatur. Non aliud se persuadere sibi posse, quin cum apud Frisios esses, ante biennium aut præterpropter, quoties item apud urbis nostre Magistratum, & quosdam Zelotas Ecclesiasticos, de Religionis es negotio locutus, quasi mansuetissimi esses pectoris neutrarumque partium, totum hoc animo feceris simulato; aut saltem mirandum esse, quod tantum tam cito sis mutatus ab illo, qui fuisti prior. Nominis tui autoritate, Jesuitas publice privatimque, sese tuituros, ad exprobandum ordini huic animum malitiosum, rebellem, & quibus non vitis infectum. Primum te esse, saltem eruditorem qui huiusmodi posteritati dicas scriptis tuis, quæ eternatura nec ipsi dissentiant. Nec fuisse, ut hæc lingua Latina legerentur ab eruditis; debuisset Ecclesiasticas fabulam fieri cordonibus ac tonsoribus, dum ea vulgarem in linguam transferri curas; si quid à paucis aliquando fuerit peccatum, non posse ceteros præstare hanc culpam. Deinde non minus peccatum esse tum temporis à Rerump. Rectoribus, ut sit srenue hic Ecclesiasticæ maffare cogantur. Denique cum anni tot ex eo tempore sint elapsi, maligne admodum vulnus hoc toties refricari. Ex his facile intelligere potes, quantopere exacerbatus sit, erga te quorundam animus. Sanè nec defant, qui bello sibi schemate videntur librum tuum nuncupare, *impium peccatum*. Interea melle dulcor is circa cor gliscit iracundia, quando animo tempus illud incipit, quo, ut inquit, Sibrando, & forte aliis, (etiam Pontificis, si eos spes fallit) poenas dabis. Quanti autem Sibrandum suum faciant, quo item te loco in Theologica palestra habeant, hinc asstimare potes; quod quemdam audierim, aptantem tibi illud Poetæ;

*Infelix puer, atque impar congressus debili.*

Nempe difficillimè sibi persuaderi patiuntur, tantam Theologiæ notitiam cadere in quemquam, qui Minister non sit, ut de controversiis nostri sæculi iudicium ferre, audeat adversus Theologos suos; quod à te factum credunt. Tum autem, quia in Patrum lectione plane sunt peregrini, ne hac in parte te videantur indoctores, etiam tibi loca quæ citas, aliunde suggesta apud indoctos calumniantur, nempe ab Utenbogarzio, ut sus-

picantur. Hæc ego uti cum dolore aliquo, ita nec absque risu scribo. Et te quoque risum vix tenere planè habeo persuasum. Sanè ex sermonibus tam insulsis facile iudicare est; quam haud iudicii sint ullius; vel eruditionis, utut unus alterque multijuga sibi placeat lectione. Tales profecto hostes minus tibi metuendi, quam Sibrando Vortius; quem tantopere contemnit. Si tamen etiam scripto maledicere tibi non dubitabunt, (quo de via levem susurrum hæcenus audivi) tuum erit animum firmare his, quæ ipse scripsisti. Regium enim esse iis cum benè feceris audire malè: neque quemquam debere ad rem tam utilem, atque tam odiosam accedere, nisi qui ad ferendas calumnias benè se munierit, ut honesti consilii conscientia possit dicere;

*Omnia præcepta, atque animo mecum ante revolvit.*

Et de his hæcenus.

Pag. 36. vers. ult. in Augustini verbis, *Cælestiani aut Pelagiani*. Etiam apud interpretem tuum est, *Cælestinianum*. Ac video etiam ab aliis interdum ita nuncupari. Sed planè duabus literis inductis, scribendum *Cælestiani*. Quippe, uti scis, nomen id à Cælestio Pelagii Discipulo, non à Cælestino qui Cælestianis adversatus. Id cum fugeret Vallam, scripsit Cælestinum Papam Romanum fuisse Pelagianis. Nempe Cælestium & Cælestinum confudit: quo nomine merito vapulat ab Annalium Scriptore.

Pag. 50. In verbis Ammiani Marcellini, vel universa ejus verba adduci debent, vel vox *gravis* planè tollenda. Sic enim ille extremo Libro XXI. *Errasque super his adinere facili quæ donabas, Christianam Religionem absolutam, & simplicem anili superstitione confundens, in qua servanda perplexitas, quam componenda gravis, excitavit dissidia plurima, &c.* Sententiam esse vides; non tam graviter componebat dissidia, quam perplexe Religionem ruspabatur. Omnino igitur *ut gravis* pertinet ad *componendas* non ad *excitandas*.

Aliud quod moneam non habeo, ac fateor ne hæc quidem seripione ullo modo digna esse. Sed cum opus non possem, operam saltem meam tibi probare volui. Superfuit tamen paucula, de quibus si præsens essem, iudicium tuum exquirerem, uti cum pag. 52. als, Augustanam Confessionem esse mutatam. Nescio enim an id magnopere ad rem faciat, cum privato quidem consilio Melanchthonis mutata sit, at publica, ni fallor, autoritate nunquam. Hoc saltem scio, Melanchthonem à Luthero hoc nomine oburgatum, quod fecisset id omnibus inconsultis. Scio & Germaniæ Principes, qui Confessionem sequun-

tur Augustanam, non aliam agnoscere quam eam, quæ Carolo quinto exhibita anno clxxx. scio denique Lutheranos hoc pacto se purgare, cum à Pontificiis accusantur immutatae torques confessionis. Quod pag. 36. ais, Chrysostomum ubi necesse est, gratia nesci sitatem non obscure inculcare. Memini me dum hic esses, tribus verbis de Chrysostomi sententia colloqui. Velim autem, si integrum, adeas *videtur*, Hom. XII. ad Hebr. Nihil clarius quam tolli ab eo gratiam prævenientem. Et quid mirum? Cum idem in prioribus scriptis fecerit Augustinus, quem errorem retractat, Lib. II. Retract. cap. 23. Quare cogitandum satiusne solidum sit argumentum, quod urges pag. 34. ubi ais, aut Remonstrantes Pelagianos vel Semi-pelagianos minimè esse, aut & Chrysostomum talem habendum, ne finis *argumentum*. Nam dispar fortasse ratio temporis ejus, quod ante Pelagium fuit, quo, ut Augustinus alicubi scribit, securius omnino de gratia loquebatur. Interim Remonstrantes minimè ejus erroris reos esse agnosco: tantum ambigo, an non jure Semi-pelagianus sit dicendus, qui gratiam neget prævenientem: quamquam Chrysostomus, Augustinus, multique alii ante Pelagium, eam minimè agnoverint. Quod si est, non parum de vi argumenti tui decesserit: ut res in se vera sit. Posthuc argumentum hoc si sapit, urgere adversus te Sibrandus.

Pag. 118. Ratio frequitur, quia alii aliorum calamitates ferre debemus. Videndum annon aliovorsum torqueas Sibrandi verba. Nec enim id, puto, voluit Sibrandus, velle se Anglorum ferre infirmitatem: verum potius ut Archiepiscopus nostrarum, siquæ sunt, Ecclesiarum ferat infirmitates.

Pag. 42. Inquis, in crepusculo elucescentis veritatis. Similiter loqui scio Jul. Scaligerum in Historiam Theophrasti. Sed discere aucto, an & crepusculum liquido pro diaculo ponatur. Aliud judicare videtur Plin. Lib. XVIII. cap. 25. ac imprimis Censorinus de die natali, cap. ult.

Verum somnolentum me (nam media jam nox est) ad meras nugas delabi sentio. Quare ne molestus tibi ultra sim, manum de tabula tollo. Ignosces, quod nihil attulerim, quale expetisti. Nec enim id mearum virium est. Et toties integro hoc triduo de die partim à discipulis, partim ab alijs sum interpellatus, ut ipsas historias, quod optassem, diligentius examinare non licuerit: ac ne has quidem literas, nisi sera nocte, potuerim exarare. Sub vespere responsum tuum accepi, de quo nihil addo, quia demum crastino mane de eo sum cum Corputio acturus. Vale,

vir Amplissime, Belgice Phoenix, cui (cum cætera largè sis consecutus) unum hoc tantummodo à Domino exopto, ut valetudinem largiatur in hisce laboribus firmam, animum adversus injurias fortem.

Dordrecht, clxxxiii. Post. Calend. Novembris. Velim, vir Amplissime, apud neminem de literis, aut judicio meo facias mentionem. Minus enim, si suspectus esse coeperim, prodero bonæ causæ. Quamquam profecto te hoc monere, nihil necesse fuisse intelligo, qui per te isthac longè melius vides. Iterum vale.

## XV.

Gerardus Vossius Hugoni Grotio, S. P.

**A**ccepi, Lucanum tuum, Amplissime Groti, verè inquam tuum, quem feliciter adeo restitutionis integritati. Quo nomine maximas tibi gratias debet orbis eruditus: Hispania tamen imprimis, cujus nobilem adeo civem fordis tabescentem vulneribus sanasti: sed puto, ut superba est natio, nec Batavorum laudibus satis æqua, aut nulla hoc beneficium agnosceret, aut invita. Nobis satis est, quod Lucanus ipse quantum Batavo debeat, neminem sivit ignorare. Quod si cum ob ingenuam adeo confessionem patria sua minoris facere volet, à Batavis poterit donari civitate, civis sumus nobis acceptissimus. Me quidem (quem Batavia jam diu meritis suum fecit) mire semper delectavit, maxime sententiarum acumine. Deinceps verò tanto etiam futurus grator, quanto posthac minus erit, quod in eo legendo remoretur ingenii nostri tenuitatem. Quantumvis verò merito suo placuerit vates tuus, tamen dissimulare non debeo, maximam eadem gratiam conciliasse donantis affectum: de quo tantopere gratulor mihi, ut cum ponam in parte non exigua felicitatis mee. Ut verò etiam quomodocumque gratum reapse animum tesser, quod unum possum, mitto ad te *Oratorias* nostras: impar quidem donum sapientum judicio atque etiam meo, sed minime futurum impar, si putare libeat rationes, cum secunda gente Menesni. At extra omne periculum fuero, si titulum legisse contentus, mox librum in angulum aliquem abbas. Quamquam profecto gravissimæ occupationes tuæ facile metum hunc omnem mihi eximere possint. Et tamen quasi etiam tibi otii quicquam superest à rebus tuis, qua publicis, qua privatis, mittere ad te, judicique tui facere non dubitavi minutam



minutam quandam commentatiunculam nostram, quam ante menses paucos, occasione certa, subito calore, ac soloci stylo effudi. Ea describenda prope triduo à redditis mihi literis tuis Amanuensis occupatus fuit: quæ ratio fuit, cur non statim rescripserim, ne forte id incuria factum putes. Non est autem quod chartas hæc remittas; quia servari poterunt in adventum meum. Quamquam enim propter affinium ~~rescriptum~~ adventum, & amicorum aliquot expectationem, his fortasse duabus, aut tribus hebdomadibus extra urbem pedem ponere non licebit, omnino tamen ad vos excurrere animus simulac potero; ut verò possim, planè adnitar. Quid enim exoptatus mihi contingat, quam ut cum eo colloqui liceat, quem unum præ omnibus mortalibus æstimo, cujus singularis prudentia; atque apud illos autoritas, qui plurimam in Rep. possunt, eam in me spem excitaverunt; ut brevi & pacatiorem Remp. & Ecclesiam, nec horum licentia, nec illorum tyrannide aequè periclitantem, nos habituros putem? Adjeci quoque exemplar earum literarum, in quas ex Anglia ad Ecclesiastem quemdam transmissas nuper judicium feci. Tuum erit vel totum hoc de literis istis, vel illud saltem dissimulare, ex urbe nostra exemplar earum ad te transmissum esse; neque id tam mea causa peto, quam illius qui id exemplar mecum communicavit. Nec enim aliqui ei ad quem perscriptæ literæ (cujus nomen coram retuli) difficile fuerit odorari, unde earum ad te ~~transmissum~~ manarit. In urbe nostra magis magisque refidet animorum fervor; quo nomine non mediocriter gaudeo. Non tamen Zelotæ sic sese comprimere possunt, quin interdum excidant quedam etiam publicitus. Nempe difficulter, ut Poeta ait, ignem celaveris.

*Lumine qui semper proditur ipse suo.*

Ita in concione hesternæ audire erat Valerium Poplicolam, tonantem graviter adversus eos, qui perstringunt Ecclesias (ita enim is loquebatur) quasi ereptum ire velint Magistratibus jus suum. Duplicem, inquit, potestatem facimus; unam autoritatis, ministerii alteram, si modo ea quoque potestas dicenda est. Huic addebat; solis Magistratibus datam à Deo autoritatis potestatem; ministerii non aliam convenire quam illam ministerii. Provocabat idem Stentorea voce ad omnes Doctores nostros, ex quorum monumentis aliud negabat evinci posse, quam penes ministros esse illam ministerii potestatem. Qui sic loquitur, ut suum faciat imperitioribus, quid tamen aliud quam paratus est ab-

stinere vocabulo autoritativæ, ut loquuntur, potestatis, dummodo rem ipsam à Magistratibus obtinere possit? Nam certum mihi non arbitrarium est, haud aliud eum sentire, quam Christum sibi autoritatis potestatem, in Ecclesiasticis reservasse, ministris vero executionem totam delegasse: qui idcirco in talibus ex Magistratus voluntate minime pendeant. Scilicet qui sic animatus est, gravem habuit causam, reos calumniarum agendi omnes eos, qui censent in vocatione ministrorum ~~in~~ actionum Synodaliū, atque aliis Ecclesiæ rebus, quæ ea publica est, penes Magistratum supremum supremam esse potestatem. Similis monetæ erat, quod idem easle concione invehatur, in illos, qui, ut aiebat, non omne Dei verbum Ecclesiæ Dei putent proponi oportere. Quomodo, inquit, fundamenta Religionis sufficere aiunt, cum nemo in terrenis tam sulte sapiat, ut fundamentum jecisse contentus, non insuper necessarium planè arbitretur ut domum superedificet? Quasi vero qui fundamentum salutis doctrinæ firmiter jecerit, non ipse sit Templum Spiritus sancti superedificatum super fundamento Prophetarum & Apostolorum. Nec tamen id ab illustribus ordinibus agi puto, ut, quemadmodum ille videri volebat, sola doceantur principia Religionis nostræ, etsi sola faciant Christianum: verum illud potius, ut cum conclusionum (quarum habitus Theologum facit) aliæ aliis clarius certiusque ex principiis consequantur, multæ etiam multorum judicio inde eliciantur, quas alii, nec pietate, nec eruditione his inferiores, consequi inde inficientur, imo verò noxias censeant homini Christiano; non omnes conclusiones alba signentur linea, sed earum fiat delectus, apud plebem præsertim; quæ minime ea decidere vel etiam capere idonea est, de quibus mille & amplius annis summus in Christiana Ecclesia dissensus fuit. Sed si hos audimus, qui de conclusionibus ad usque seculum nostrum damnatis, aut Græcis saltem Ecclesiis plane ignotis, in Latina demum post quadringentesimum annum controversis ~~in~~ licere arbitretur, nec eas tanquam certas, & cognitu necessarias apud plebem urgendas censeat, is (quod non semel audire me commemini) ex Christiana Religione Pyrrhoniæ cedere velit ~~etiam~~ quod hæcenus ego persuadere mihi non possum: nec tu, scio, tibi, vir amplissime, quem cum conjuge salvere jubeo. Neque enim ultra morari te visum. 14 April. 1614.

*Tui observantissimus,*  
Gerardus Vossius,

## XVI.

*Hugoni Grotio, Gerardus Vossius S. P. D.*

**E**DICTUM Illustrum D. D. Ordinum, Amplissime Magnificeque D. Groti, mire hic vapulat à Zelotis, à plerisque etiam scurriliter impetitur. Qui mollissime loquuntur, mirari se aiunt, pro Edicto Illustrum Ordinum publicari, in quod non consenserint Civitates. Nec fatentur tale *ignis* esse, quale exposcebant Dordrechtani: quandoquidem, præter horum sententiam, haud clare exprimitur, de cæteris doctrinæ capitibus standum esse receptæ Ecclesiarum sententiæ: juxta decretum hac de re ante annum unum alterumve ab Ordinibus factum. Sugillant etiam, quod, Edictum si sit, non transmittatur ad Civitatum Præcæres: sed his ipsis à Bibliopolis sit emendum. Æque admiratio eos subit, quod nulla in eo poenæ fiat mentio, manentis eos, qui fuerint transgressi. Unde boni viri colligunt, tuto se id transilire posse. Denique homines illi, quibus mire scilicet Ordinum honos curæ est, mirari se aiunt, Ordines adeo decoquere honorem suum, edicendis illis, quæ non servatum iri prævideant omnes. Talia non solum blaterant recentes de Schola pueri, Ministri tridui, sed etiam quidam de Veteranis. Quos inter immodestiam suam desiderari minime patitur Lydius, qui etiam cæteros Ordinis sui concitat, ut adversus hoc Edictum, ad Magistratum suum scribere veñt, Amstelodamensium scilicet Exemplo, qui, uti scis, scripsere adversus priorem Edicti formam. Quia vero de oppugnatione Edicti jam inter fratres consultatur, quidam ejus ordinis, sed cæteris modestior, magnopere à me exposcit, ut scriptum illud Amstelodamensium diem unum habere liceat, quo videat æquid in Edicto hoc relictum sit, quod reprehensionem mereatur. Gratum itaque feceris, si prima occasione ad me mitas. Si voles, intra triduum remittam. Hactenus quidem is, quem dico, nihil in Edicto culpatur: sed ex Amstelodamensi istoc scripto discere avet, quid in eo alii culpent, idque illo potissimum sine, ut si nihil videat reprehensione magnopere dignum, Collegas ab instituto melius possit dehortari. Sunt qui testimonia Edicto addita, à Vossio congesta dicant. Nescio quis homulus Gouda eum huc nuntium apportavit. Ego hanc opinionem iis haud evello: neque enim video, quorsum id facere debeam, quando tu, vir Amplissime, non honorem hinc tibi, sed Pa-

triae solum tuæ emolumentum quaris. Superiori hebdomade usus sum valetudine haud satis prospera: quæ ratio est, cur ex quodam redii, parum promoverim in scribendo. Sed nunc Dei gratia melius valeo, totusque sum in detextenda tela mea, vel potius nostra, quando non solum te suafore impulforeque aggressus sum, sed etiam te Aristarchum emendandi curam suscipiente perfici debet. Sanè & superiores literæ, & nuperus sermo tuus, multorum me monuit, quæ nunquam venissent in mentem. Quamquam autem utcumque didicerim indoctorum judicia aspernari, tamen (fatendum est) nonnihil me in scribendo moratur morosa cogitatio de quorundam, quibuscum mihi post scripti editionem negotium erit, summa in strenuè mentiendo calumniandoque audacia. Quæ sane res me subinde incertum facit, annon satius sit opusculum hoc primum edi nomine meo haud expresso, atque adeo lingua Belgica, ne stylo prodar. Sane nihil videtur obstarè, nisi Patrum testimonia, quæ in alienam transfusa linguam, vinorum instar, plurimum de gratia amittunt. Alioqui hoc pacto possim melius cognoscere hominum judicia, nempe qui similis sim futurus Apellis, post tabellam lstantis. Tum autem, si fortassis imparem me videro hominum improbitati, poterò latina editione supersedere, aut alteri hunc laborem resignare, qui tutiori loco vivat. Nam quod tu, Amplissime Domine, credas è modestis adeo tractatibus, ac solius veritatis & concordie causa scriptis, periculi nihil, saltem post Ordinum hoc Edictum, metui amplius posse: Equidem veni te opinari magno optem; sed nemo id dicat, qui mores nostrorum experiundo didicit. Nudius quartus locutus sum cum fido, & modesto sacri ordinis viro. Nisi inquebat is, omnia nostrorum hominum approbaris, nihil te tantopere purgabit, ut non unus & alter Collegarum meorum sic nomen tuum per urbem differant, ut omnium sis futurus fabula. Diceris nunc quidem modestus voluisse agere: sed Eleusin sacra sua non simul pandere; latere in pectore tuo longe alia, quæ tempori sis prompturus. O Mentis viperinas? sed de his melius coram, feriis proximis, si Deus volet. Johannem Arnoldi strenuè adeo progredi, plurimum gaudeo. Si uti te facturum scribis, responsum ejus, antequam edatur, legendum transmissis, candide judicium perscribam: quod tamen cum scire nihil attinet. Non possum quin de Steinfurtenis vocatione aliquid scribam. Ante biduum venere huc duo Ecclesiastæ Batavi, Borrii Lugdunensis frater, & alter cujus nomen excidit. Hi pro Zelo suo erga



erga domum Dei, muneris sui esse existimarent, ut de certo nuntio Ecclesiastas nostros facerent certiores. Retulere iis, ut ante dies paucos inciderint in Mercatorem quemdam, qui studiōse inquireret, ecquem Gerardum Vossium nossent, & quomodo audiret? Eum à D. Vorstio commendatum esse Comiti Bentheimensi, sed matrem Illustris Comitis non passuram, ut quisquam ad Professionem Theologiæ Steinfurtum vocatur, nisi qui undiquaque sit Orthodoxus, hoc est, Contra-Remonstrantium partibus addictus. Addebant dixisse Mercatorem, sibi id à Comitibus Matre in mandatis datum esse, ut Dordrechtum quoque irēt, atque ibi ex Ecclesiasticis, atque aliis de doctrina vitæque mea conquireret. Ubi nostri illi audire isthæc, varia illorum animos subiit cogitatio: nescire enim se dixerunt, quid sibi de me sentiendum sit: nihil quidem se audisse ex me unquam, quod *incederet* ullius argumentum esse posset: sed tamen mirari à Vorstio me commendatum; nec enim sibi verisimile fieri, commendaturum eum quemquam, nisi suæ farinae hominem: eoque sibi gravissimam causam esse deponendi tam bonam opinionem, quam de me hæcenus habuerunt. Aut enim magnam mihi cum Vorstio familiaritatem clanculum intercedere, ac Socinianum virum in pectore occulte gestare: aut vasserrimum Vorstium hoc agere, ut me apud bonos, ac urbem imprimis nostram, decoloret. Ego in utroque eos falli longissimè scio. Nam neque Vorstium vidi unquam, neque vel ipse ad eum scripsi, vel literas ab eo unquam accepi. Neque etiam opinionem ejus sequor, quatenus quidem, aut Omnipresenciam, aut Omniscentiam Dei convellere putatur. Sed neque Vorstius, uti audio, aliquam nominis nostri deprecationem proposuit sibi: Verum cum ex Remonstrantium causæ aperte additis neminem commendare liceret per junioris Comitibus Matrem, proximum putavit, ut eum commendaret, quem concordie ac pacis, inter eos studiosum audiret, qui se à Contra-Remonstrantium causa nequiquam separassent. Hebdomade proxima affore dicitur is Mercator. Si hinc calumniandi causam ceperint Zelotæ, feram ut Christianum decet. Non potero tamen sic contemnere, ut non aliquid doloris sit allaturum, quod monstrosarum insimulæ opinionum. Sed fortasse hæc res melius abibit, quam spero: præsertim quando semper paratus sum, ingenua confessione testari, me alienissimum esse ab iis opinionibus de Deo, quarum Vorstius (verè an secus haud disputo) à plurimis insimulatur. Cujus tu rei testis mihi esse potes; quando aperte sæpius apud te id factum Vor-

stii improbavi, quod is sic in libris de Deo aliquando disputet, ut videri possit monstrosas, & in Ecclesia Dei inauditas opiniones voluisse hominum animis inferere. Sanè si aliud ei propositum fuit, imprudentissime egit, sequendo de tanti momenti rebus tale disputandi genus. Et tamen ut imprudentia potius quàm malitia peccarit, magnopere opto. Recte omninò facturus est, si tandem sic sententiam suam de istis capitibus publice perscribat, ut nullus sinistra de eo suspitioni posthac, saltem apud bonos, relinquatur locus. Mitto ad te Hamelmanni libellum de jure Principis in rebus Ecclesiasticis. Uteris eo quamdiu lubet. Arnobium tuum, & locos Augustini cum Synodo Diospolitana nondum remitto, quia necdum Lugduno Exemplaria recepi: sed tamen curabo, ut primo tempore restituere possim. Chartas meas si post occiduum per Tabellarium, aut fidum Nautam miseris, haut sero miseris. Tantum enim temporis minimum requiro ad perficiendum ea quæ primam constituent Libelli nostri partem: qua nempe de peccato originali, ac necessitate gratiæ, cum prævenientis, tum subsequenti, item gratiæ sufficientiæ, & arbitrii libertate tractandum erit. In Anglicano illo scripto describendo strenuè progreditur Amanuensis: sed tamen ob ductus incommodos, & plurima vitia Orthographica nondum dimidium Libri absolvit. Vale, Magnifice Amplissimeque Domine Groti.

Tuus omni Officio,

11. Aug. 1614.

Gerardus Vossius.

## XVII.

Gerardus Vossius, Hugoni Grotio S.P.

Magnifice Domine, postquam Sibrandianum responsum in lucem prodit, tam vane multa pro eo adversus Illustris Ordines, ac dignitatem tuam, à Malevolis jactabantur, ut non posuerit quidquam bonæ causæ, siue qua publicum, siue qua privatum te tangit, vel conducibilis vel opportunius accidere hoc tempore, quam Edictum Ordinum, & bona Sibrandii fides. Itaque me quidem tantopere delectarunt, ut quamquam quo tempore fasciculus mihi reddebatur, ob morosas quasdam Scholæ nugas animo essem minus defæcato, tamen literis tuis, cæterisque lectis, sic fuerim recreatus, ut totum exinde diem tam lætum hilaremque duxerim,

rim, quam si Hilaria fuissent. Quantum verò ea res gaudii mihi attulit, tantum inde doloris Malevoli ceperunt. Cum autem alia eos in Edicto male habuerunt, tum quod aperte in illo dicatur, operam tuam Illustribus Ordinibus gratam fuisse, ac Sibrandum mala tecum fide egisse. Quod quidem non minus eos urit, quam quod venditioni Libri Sibrandiani interdicatur. Eoque magis hæc res eos coquit, quod disertim addatur, hoc pleno in conventu constitutum esse. Nempe vident & dolent, minus sic deinceps fidei calumniis suis habitum iri. His vero omnibus aliud nihil opponere possunt, quam quod nec defuere ex Civitatibus, quæ Sibrandianam magis causam probarint: quasi unquam ferè sic agatur in rebus, vel publicis, vel privatis, ut idem sentiant omnes. Ecclesiastes quidam nostras retulit mihi atque aliis, ut filius suus Amstelodami viderit Edictum hoc Portæ (urbis ac Templi) affixum ab Illustrium Ordinum Viatore. Hoc quidam non factum credere malunt. Sed qui tantum scilicet seculus credere sustinent, mirari ac ringi, quod hoc perpeti voluerint ejus civitatis Proceres, in cujus constantia proram ac puppim causæ suæ constitutam sapius sunt confessi. Bona fides tua effecit, ut nonnullis tandem scrupulus sit injectus, quibus antea persuaderi non poterat, Sibrandum mala fide agere. Imo aliqui aperte eum jam culpæ non verentur. Sane hesternæ die, cum rogasset quidam ejus ordinis, quid mihi de bona fide videretur? atque ego respondissem, metuere me, ne multum Sibrando sudandum sit, priusquam omnibus iis respondeat: confessus est quod antea nunquam, multa eo in scripto esse, quibus à Sibrando responderi non possit: ac se quoque antequam Libellus hic prodiret, quædam istiusmodi observasse: sed Libello hoc tuo (cujus tamen non te, sed Bertium, ac Joannem Arnoldi Authores suspicantur) & plura, & tam clarè probari, ut negare sit neminis, nisi qui frontem perdidit. Addebat, se quid multo eruditius ab tanti nominis viro expectasse: Plurimos esse in Batavia, etiam recentes de Scholâ, qui Sibrando melius illam causam potuerunt tractare. Postea in alios incidi, qui similiter judicarent. Paucissimos reperi, qui non fateantur, graviter, & Sibrandum peccasse & omnes eos, qui absque ordinum infestatione de religionis controversiis agere non possunt. Utinam verò simul emisisses Scriptum tuum, de summi Magistratus jure circa Ecclesiastica: fortasse enim si Edicti tempore prodisset, hinc tacitè aliquid autoritatis ei accessisset. Sed quia id factum non est, proximum puto, ut quam celerrimè subsequatur. Quid enim at-

tinet Crabronibus illis toties per intervalla bilem moveri? Recens nunc ira est. Si statim Liber edatur, poterunt simul bilem omnem despumare. Quod amicè me adeo Roterodamum invitas, gratias habeo maximas. Velim quidem, sed detinet me lectio tertii Georgicon Virgilii, cum aliis rei rusticæ Scriptoribus; ex quibus bonum delectum cogar discere. Cras verò à prandio progressus mei periculum faciam. Quam tibi aliisque, vir Amplissimè, grave est Rempub. gubernare; tam mihi in annum integrum ab Homericorum Heroum cibo, quinquaginta capitibus, vel stomachis potius prospicere. Imo multo quidem hoc difficilior mihi, quia semel jam iterumque pensavi, post omnes veteres consultos, ubi ad forum boarium deventum, tantumdem me sapere quam prius. Itaque post oleum & operam consumptam, aliena tandem opera uti cogor. Nec eo magis domo abesse licet, quando alieni nihil hac in re audent absque præsentia ac nutu meo. Adde quod juvenus Scholæ nostræ (cujus bona pars, pro sapientia sua, non minus desiderant bonum nostratum conspectus, ac mactationem, quam olim in Circo populus Romanus gaudebat Lucarum boum spectaculo ac pugna) nunquam magis custode eget, quam hoc tempore; quo & difficillime domi continetur, & periculosissime excurrit. Quod verò, ni fallor, significas, fortasse, Dordrechtum te venturum, Utinam, Utinam fiat: Imo utinam ut amplitudo, ac dignitas tua ferat, ut pro diversorio publico subire possis pauperis hoc tugurii nostri, sed non congestum cespitem culmen. Nobis quidem ea res non voluptati minus esset quam honori. Amplius adderem, sed metuo, ne inani spe mihi blandiens alienam ex verbis tuis sententiam expresserim. Utrum sit, brevi spero, vel ex Epistola tua, vel quod malo, ex adventu tuo longè exoptatissimo recognoscami. Etiam adventum tuum expetit Lydius: ut qui & multis retro mensibus, significavit, magno se loquendi tecum desiderio teneri, & hesternò vespere dixerit, optare se ut paucis agere tecum liceat de Libello eo, cujus gratia ab Afello illo, (sic enim loquitur) Corvino Princeps, inter eos reponitur, qui *no deperit* *Brasconiën*. Persuadere mihi conabatur, scripsisse se Libellum eum in Laudem Magistratum, ejusque probandi, verba nescio quæ ex opusculo citabat. Ego cum nec tam fatuus essem ut crederem, nec irritare vellem eum quem ad coenam invitaram, consolatus sum illo, quod scriptum hoc Corvini perennaturum non putem; tum maxime quod pauci sciant, Lydium dialogi illius esse Authorem, pauciores item, per *Agrippianum* Lydium designari.



signari. Gaudebat eo sermone, sed tamen addebat, pati se non posse, ut tu de eo tam atrocem habeas opinionem: eoque prima occasione, vel Roterodami si eo proficisci contingat, vel Dordrecht, si tu prior huc veneris de Libello eo purgare se apud te velle. Vale. Amplissime Domine, uxoriue lectissimæ tuæ à me salutem dicito.

A. T. *Observantissimus*

27. Octob. 1614.

G. J. Vossius.

### XVIII.

Hugoni Grotio, Gerardus Vossius S. P.

**H**esterno die, Magnifice, & Amplissime Domine, literas accepi Steinfurto, quas jussu generosi Comitissæ, suo & Collegarum nomine, ad me scripserat Timplerus. His offertur mihi professio S. Theologiæ in illustri Schola Steinfurtensi. Significavi statim rem totam Prætori Musio, & Syndico Berkio, quorum utrumque optimè mihi velle non dubitandis indiciis jam multos annos comperio. Dixi eis, nihil mihi in eo, quo fungor, munere displicere, quam quod videam optimum ætatis meæ florem abire, nec multum me in studiis promovere. Sæpius me comperisse, si quando die Dominico à meridie, discipulis in Templum abeuntibus, studiis domi vacem, plus me paucissimis istis horis proficere, quam alias integris aliquot diebus. Præterea nonnihil dolere, quod nonnulli Ecclesiæ præter meritum meum, nomen meum apud plebem obstrigissent, haud alio argumento, quam quod subinde, conscientia dictante, modeste eos muneris commoneam, qui quocumque convivii genere illustres Ordines impetunt. Tum autem quod aliquando dicam, non controversiarum naturam, sed hominum, culpam esse, quod hoc Ecclesiæ dissidium componi non possit. Si etiam aliquam multos Melancthonius, & totidem Calvinos haberemus, omnino me confidere, addo eos amicè hoc negotium transacturos, ut nihil inde Ecclesiæ capiat detrimenti. Neutquam me à contra-Remonstrantibus segreget factum: sed neque in omnia eorum dicta jurare velle. Tantum ex animo dolere fortem Ecclesiæ, quæ ita factionibus scindatur. Multa quoque alia in hanc sententiam attuli, quæ quoque in re calculum mihi adjecerunt. Tantum visus sum eis minus constanti animo, quod obrectatorum sinistros ser-

mones devorare haud satis possem. Sæpius enim talia ab æmulatione aliqua, aut animi impotentia proficisci. At ea quoque, non minus in Academiis ipsis habitura locum. Quod verò dicerem vix quicquam temporis à me studiis dari, id aliquamdiu adhuc concoquendum putabant. Nec enim dubitare sese quin haud perpetuo sim isthoc Sisyphi saxum voluturus. Et tamen inquiebant, habendam mihi vel maximè rationem Liberorum meorum, quibus in functione hac, si ulla alia, honestè satis prospicere possim. Nec tamen hoc sic à me accipi debere, quasi me perpetuo hoc in munere consensere velint. Quin verò sese ipsos mei memores esse velle, si quid fortean possint in vocatione aliqua Lugdunensi. Et hoc eo se magis dicere, quia jam aliquid ea de re inaudissent. Possè etiam huic rei Steinfurtensem istam vocationem inservire. Interea Authores erant, nec acciperem conditionem, nec recusarem; sed potius scriberem, velle me de re tota cum amicis consilium capere. Parui consilio. Ac literarum etiam mearum ad Timplerum exemplum mitto. Hæc scire te volui, Amplissime Domine, ne si fortè Hagæ, quod uterque proficiscetur, ejus rei mentio incidat, tu omnium sis ignarus. Interea non est quod de me tantoperè sollicitus sis. Non possum quidem non maximas tibi pro affectu erga me tanto gratias agere: sed quædam interdum sunt, quæ moram aliquam exigunt. Sane intelligo aliquibus nihil magis in me displicere, quam quod etiam Amplitudinis tuæ nitar commendatione. Aliquis etiam nescio quid objecit de Literis quibusdam, quas ad te scripsissem. Sane metuo, ne D. Berlius (quem ego alioqui ut Præceptorem optimè meritum, & virum summæ eruditionis plurimum & veneror & æstimo) nonnihil rebus meis incommodet. Scio illum literas meas, quas ad A. T. de aliquot Erasmi locis scripsi, & habere, & aliis commonstrare. Inter alios est Rutgerfius noster, cui bonam earum partem legit. Audio etiam ambire professionem historiæ Ecclesiasticæ; & quia nonnihil à me prius hac in re metuebat, uti prius à Vossio (nam & cum is Lugdunum vocaretur Theologiæ professionem ambuisse dicitur) & magis quædam dictat, semper sibi aliquid remeliginis injici, vel ab aliquo Vossio, vel ab aliquo Vossio. Sed ab illo ad A. T. redeo, vel potius ad me ipsum. Equidem multa mihi ad arduam historiæ Ecclesiasticæ professionem deesse video. Accepturi quidem essemus vocationem, si vocaremur, sed non tam quod non malimus nos paucillum adhuc in hoc pulvere hære, quam quia metus esse possit, ne cum maximè molestissimo hoc onere liberari velim, minimè possim.

possim. Nam & interdum, vir amplissime, in animum venit, te quoque mortalem natum. Alioqui, uti dixi, temporis mihi aliquid concedi malim, quo muneri me isti præparare possim. Quod si ubi me propemodum parem isti muneri putabo, non subsequatur aliqua vocatio, & *perinde in modis* sic quoque scribendo saltem prodesse Ecclesiæ Dei poterimus. Sunt alia multa, de quibus colloqui tecum a-veo, eo magis, quia me literis tuis, quas ante horam accepi, amicè ad te invitas: sed id nunc fieri non potest, quia metuo ne, absente me, discipuli in glaciem currant, aut fortean pedem, aut brachium frangant. Tutius id potero, ubi glacies erit soluta. Quamquam si & antè se occasio offeret, minimè eam negligam. Hæc raptissimè, ob festinationem Tabellarii. Deus ter Opt. Max. diu te Reip. Ecclesiæ, familiæ ac nobis servet incolumem.

3. Non. Martii, 1615.

Misit D. Vorstius ad me per amicum varias literas, ad se de vocatione Steinfurtensi scriptas, uti exemplar literarum, quas Ill. Comites de me vocando ad Curatores Academiæ Leidenis scribunt. Ego statim singula describi curavi. Si tanti putabis, percurres, & vel in adventum meum adservabis, vel ubi voles transmittes ad me. *Epistola.*

## XIX.

Clementi Timplero.

**E**GO verò, clarissime, doctissimeque Dom. Timplere, non possum, non & plurimum mihi gaudere, & tum illustribus, & generosissimis Comitibus Bentheimensibus, Dominis meis clementissimis, tum ornatissimo ordini vestro professorio, ingentes agere gratias, pro tam honestâ de me existimatione, & luculentis adeo, erga me affectus notis. Mihi quoque partim, ne adversus adeo munificos, ac benevolos ingratus essem, partim publici boni causâ, unâ cum Tabellario hoc ad vos, excurrere animus erat; ac vobiscum super omnibus sermonem ferere: sed incommodissima anni tempestas, à professione deterruit; nec muneris conditio, quod nunc oboeo, diutinam mei absentiam ferat; & quod familiam ducit, ea nunc rerum meorum conditio est, ut nisi desultoriæ mihi levitatis notam, merito impingi velim; cum uno alteroque amplissimo viro, mei, & publici commodi amantissimo, super re tanti ponderis, serio mihi deliberandum intelligam. Id quidem, quin neque illustres Comites, neque clarissimus Professorum ordo, vitio sit versurus, nullus dubito. Interea quia in eo

loco, illustris Scholæ vestræ res sunt, ut moram vix patiantur ullam, recipio me aut intra brevissimum tempus, excursurum ad vos, aut literis de animo meo facturum te certiorerem. Nihil enim mihi gravius sit, quam ut benè de me, & publico, mereri volentibus, sim injurius, & simul cessatione meâ, illustri Scholæ vestræ sim intertrimento. Vale, Doctissime, & merito mihi charissime Domine; & si grave non est, tum illustres, ac generosissimos comites, Dominos meos clementissimos, tum clarissimos, ac præstantissimos Collegas tuos, plurima, meo nomine, salute imperti.

III. Non. Mart.  
Ann. cl. lxxv.  
Stylo Gregori-  
ano.

*Dignitatis tue observantissimus,*

Ger. Vossius.

## XX.

*Reverendo in Christo Patri, D. Lancelotto Androsio, Episcopo Wintoniensi, Regi Britanniarum à Sacris & Secretis Consiliis.*

*Reverendo in Christo Pater,*

**Q**UOD coram me posse, pro magno optâsem, id absens nunc agam: ac quia aliter non licet, per literas saltem fiduciam sumam compellandi tui. Jam aliquot menses sunt, quod facere id animus fuit. Sed gravis & diutinus uxoris morbus & hoc, & alia multa, quæ vel ad studia, vel ad humanitatis officia pertinerent, disturbavit. Nunc quia sextus est dies, quod paulatim convalescit, & ego quoque sensum meus esse incipio: nolo diutius illud omittere, quod tamdiu distulisse jam pudet. Ex quo Franciscus Junius, affinis meus, in Angliam venit, sæpius ab eo literas accepi, nullas vero, quin iis magnificè prædicet felicitatem hanc suam, quod tibi innotuerit, tot eximiis dotibus prædito, & ejusce dignitatis viro, à quo etiam tantopere ametur, & cui se suæque ita curæ esse videat, ut non aliter affectum hunc, quàm verè paternum possit nuncupare.

Equidem non facile dixerim, quantâ res hæc voluptate animum meum perfuderit. Et quid me unum dico? imò quantopere exhilaravit omnem Junii & *meæ* familiam. Quæ satis etiam intelligit, plus se eo nomine debere tibi, quàm exolvere possit. Etli verò hoc per se magnum, imò maximum erat; tamen alterum etiam accessit, ut genuinâ omnino lætitiâ afficerer. Nam eadem adfinis



literæ, tum etiam, quas nobilis & mei amantissimus juvenis Georgius Dubletius ad me dedit, testificantur mihi, non solum tibi notum esse nomen meum, sed etiam amantissimum te mei & cupidissimum esse. Quem ego affectum multo auro potiorum duco: sed in hoc statu non aliter remunerari possum, quam solo amore, & propensissimâ in me colendo voluntate. Hanc quidem, si non dignitati amplissimæ, saltem summæ bonitati tue probaturum me confido. Interim mihi quidem gaudeo, potissimum verò gratulor affini meo: quem deinceps etiam commendatissimum tibi fore spero. Neque enim favore tuo plane indignum putabis, cuius ea est eruditio, & quod caput est, illa vitæ integritas, propter quam imprimis charissimus hic omnibus esse solet: si solos excepero, qui virtuti & doctrinæ, addo & Ecclesiæ paci bellum indixerunt. Sed neque iniquum videtur, ut ex segete ea beneficiorum, quæ in uberi Ecclesiæ solo maximus ei parens obsevit, horum optimus filius aliquid frugis metat: atque id potissimum per te, cui consuetudo benefacere in naturam venit: cuique etiam excellentem pietatem, doctrinam, prudentiam, humanitatem eruditissima scripta undique spirant, ac fama etiam celebrat, & doctissimorum hominum sermones. Eò verò impensius hoc desidero, quia & affinem hunc meum juxta ac meipsum amo, & eam de virtute ejus spem concepi, ut si quid mihi humanitus conringat, hunc præcipue fore putem, in quem dum vita ei superfit, cura liberorum meorum recumbat. Hæc sunt, quæ nunc ad te scribenda existimavi. De rebus verò meis nihil addo, partim quia nihil magnopere est quod scribam, partim quia siquid fuerit, id alteris malo literis reservare.

Reverende in Christo Pater, Deum ex animo oro, ut illum erga nos affectum: te verò ad fidei & pacis Christianæ bonum, diu Ecclesiæ suæ incolumem servet.

viii. Kal. Nov.  
cdo loc. rca.

Reverendi & illustris nominis  
tui cultor,

G. Vossius.

## XXI.

Hugoni Grotio, Gerardus Vossius S. P.

**M**agnifice amplissimeque Domine Groti, posteaquam D. Van der Myle, & DD. Consul Syndicusque Leidensis domum re confecta abierant, mirè cum coram tibi gratias

agere, tum de variis tecum colloqui gestibam: sed adhuc ob summam tempestatem frustra fui. Biduum quidem, imo triduum prope jam ex eo tempore exspiravit: sed venti validius etiam spirant, quam ante: Nec ego duntaxat, qui meticulosior videri possim, quam virum decet, sed, ut audio, plerique etiam nautæ, audax & desperans hominum genus, oram hinc solvere verentur. Ita abiit mihi initium feriarum nostrarum: quo tempore commodissimè domo abesse poteram. Vereor autem ne adhuc plusculis hic diebus detinear, partim quia hac hebdomade pro affinis infante in baptismo spondendum erit; partim quia Rutgersius noster impense cupit, ut interim solemniori convivio, quo die Jovis proximo serenissimi Suecorum Regis Legatum accipere cogitat: post Paschalem verò diem animus sit uxorem Bredam ad sororem deducere: ubi fortasse diem unum aut alterum hærendum erit. Omnino tamen decretum, antequam feriæ nostræ desinant, hoc est intra quatuordecim hosce dies excurrere ad A. T. nisi interea te in Zelandia potius, quam vel Roterodami, vel Hagæ etiam fore cognoro. Una tunc mecum feram commentationem tuam de Christi satisfactione, cujus descriptio spissè procedit, ob nimis festinatos literarum ductus: sed tamen intra hos sex septemve dies scriptionem ejus absoluturum se sperat Amanuensis. Mitto interea Thomsoni librum præstantissimum; unà cum Augustiniana confessione, Synodi Palæstinæ gestis, & Arnobio: quibus cum diu adeo, fortasse incommode aliquo amplitudinis tue, usus sum, sanè cum maximo fructu meo. Carere quod nunc is possim, facit, quod tandem ipse eos Antverpiæ nactus sim. De Thomsono non tantum suadeo, sed etiam rogo, quam primum edatur. Nihil ea diatriba hoc in genere, vel doctius extat, vel elegantius. Me quidem valde in vera sententia confirmavit. Nihil tamen hoc judicium nostrum Bertiadem Heroem, nisi secus putabis, scire attinet: quippe qui, ut etiam amici mihi narrant, hoc cum magno eloquentiæ Romanæ parente habeat commune, quod silere difficulter ea possit, in quibus tacto opus erat. Quamquam vero liber iste Thomsoni multis partibus sit emendatius descriptus, quam exemplar ipsum, tamen supersunt in eo non pauca, in Græcis imprimis quæ corrigi debeant. Ut emendanda putaram, de quibusdam ante trimestre in chartula annotaram; sed hanc licet quæsitam, nunc invenire non possum. Nec multum puto refert, quia nullo negotio corriget isthæc inter legendum Bertiæ noster. Infante (filio an filia?) amplitudinem tuam auctam gaudeo: eoque nomine tibi gratulor; ac Puerperæ

pure foelicia omnia opto. Vale, & prædium  
& dulce decus meum.

14. Aprilis  
ea vespere  
1615.

T. A. Obftrictiffimus,

G. J. Vossius.

Hugoni Grotio, Gerardus Vossius

S. P. D.

**S**cripseram tibi ante aliquot dies, Magnifice & Amplissime Domine, malè me mere Ecclesiæ Bredanzæ à Musenholio, qui cum reprobationis absolute, gratiæque infestibilis & indeficibilis dogma tanquam filiolam suam amet, atque amplectetur, tamen nec ejus quam tueri vult, opinionis satis est intelligens, nec partis adversæ sententiam (quam ubicumque & quodcumque occasionem levem videt, lineamenti distortissimis foedissimisque coloribus depingit) cognoscere vel minimum laborat. Jam ab aliquot retro annis novimus hominem per affinitatem qualemcumque. Semper uti aliis ita mihi quoque visus est nullus, vel judicii, vel industriæ: mirè ad hæc tractandus & pertinax: ceteroquin inis pariter ac summis, quamdiu nullæ irarum aut similitatis causæ intercedunt, comis ac affabilis; etiam Latine non paulo melius sciens, quam sui plerique ordinis solent. Is ergo cum antea semper nescio quas non monstrosas Opinionones, quas vel ipse, per febrem credo, somniasset, vel à malegeniatis quibusdam pessima fide confictas avidè arripuisset, spargere per vulgus solebat: tamen ex quo Amstelodamensium, & famosi Zelotarum Ducis, perperis pravisque consiliis dare se totum cepit, multo seipso sævior factus est; sic ut non aliud nunc speret aut speret, quam factiones, & triste Ecclesiæ vixdum florentis, dissidium. Ad quod facinus tantum uritur, vel abutitur potius, plerisque hominibus Adolescentulis. Eorum unus est Amstelodamensium Alumnus, ac nisi me multum fallit conjectura, & complurum emissarius, nomine Spiliardus, qui subinde Lugduno Bredam, inque ejus urbis pagos venit; ac paucas ante hebdomadas domum meam venit, multum Musenholiarum pacis studium extollens, ac Boxhornium & Affinem, quasi non recto tulo in obortis controversiis publicitè proponendis incederent, censoria graviter virgula notans, etiam obnixè rogans, Adfinem primis literis muneris sui commonefacerem: neque enim per Musenholium statutum, quo minus es in Ecclesia

sarta testæ concordia conservetur. Quæ cum apud me audeat hominem penè sibi ignotum, & Diamantio affinitate junctum, quid non apud alios spargere ausit, cogitatu haud difficile est. Alter congeneronum est Radæus, Ecclesiæ Veteraquinatis Lydii Collegæ filius, discipulus ante pauculos annos meus, sed qui immaturus adhuc disciplina se nostræ subduxerit, Dordrechtque Franckeram, indeque Leidam ablegatus, Sibrandiana prius institutione, hinc Polyandri auditione, mox audiendis Homiliis parentis (qui vir nec prima Latini sermonis elementa scit, sed admodum non multis partes reperit) tantum & sibi & Parenti maximo intra biennium & trimestre profecisse visus, ut idoneus crederetur, qui Pastor fieret Ecclesiæ Ooster-Goudensis: quod & ambitu paterno facile est consecutus, segnescente indies cleri disciplina, & mutuum multis scabentibus, ridensibus & xingentibus interim veteribus condiscipulis, qui cum se ei suppare fuisse scirent cum à nobis discederet, nondum tamen eo jam Pastore ferula manus in schola nostrâ subduxerunt. Sed neque segnem Musenholio navavit operam Pollio, qui jam sic sese illi civitatibus commendabilem facere studebat, ad quas se si maxime Polyandri opera brevi vocando non falso sperabat. Atque hi illi ipsi sunt, qui in Bredana classe ultima, atque aliis in conviviis & circulis absolutam Catecheseos subscriptionem importunius ceteris urgebant. Quam ob causam literas ad adfinem dedi, quibus subscriptionem istiusmodi, à qua jam ante abhorrebat, penitus dissuadebam. Ostendebam Synodis aliquot confessionis exigi subscriptionem, nulla verò Catecheseos, ac synodica fortassis, minime verò classicalis esse auctoritatis, novum in Ecclesia morem inducere; tantoque hoc ferendum minus, quod nisi quam in Hollandia ipsa, non in ipsa Classe Dordrechtana, cujus tot annos pars fuisset, consuetudo illa obtineret. Sed & Synodo Gorchomienfi, & edito illustrium ordinum potestatem omnibus factam Pastoribus, tam Confessionem quam Catechesin examinandi, ad scripturarum trutinam; quo si quid alterutrus Authores humanitus passi viderentur, ejus indicium & judicium heret in synodo consecutura: dubitandum autem minime esse, quin aliqua contineantur catechesi, de quibus dissensus sit inter præstantes Ecclesiæ reformatæ doctores, ut de descensu ad inferos, de justitia activa, & similibus: proindeque non debere quonquam ad absolutam ejus scripti subscriptionem compelli, priusquam Synodicum judicium factum esset. Quamquam verò assensu subscriptionem nunquam detrectavit, sed dixerit semper, nolle



nolle tamen Scripturis Canonice subscribere, sed ut praestanti Theologiae compendio, in quo si quid fortasse Scripturis ac rationi recte consentaneum magis dici potuerit, saltem necessaria omnia Religionis Christianae capita salutariter explicarentur; tamen nec hoc modo aliud profecit, quam ut diceretur, nisi ~~ad~~ subscribere paratus esset, redditurum sese novitatis suspectum. Nempe casta hac terricula percelli, & à proposito dimoveri posse arbitrabantur. Postea per urbem dispersum, proclinare, uti Boxhornium jam diu, ita jam nunc Diamantium quoque in Remonstrantium partes; ut qui Catechesin subscribere formidaret, quam tamen ipse ad populum interpretaretur. Suspicionem auxere, quod duo vel tres Musenholii familiares, qui libellos nuperos ~~iesu~~ legisset (ceteri enim nihil insolens in Affinis concionibus animadvertentibus) dicerent Affinem aliter quaedam Scripturae loca enarrare, quam à Calvino factum esset; quem super iis consulissent; tum autem, quod cum à gratiae divinae contemptu neglectoque populum dehortaretur, hoc aliquanto fervidius fecisset, nec addidisset, ut Electi hautquaquam vel resistere Spiritui Sancto, vel cum excutere possent: quorum utrumque sacro verbo doceremur. Sed & de concione dixerat Affinis, gentes non omni veri Dei cognitione fuisse destitutas, sed eam in mendacio detinuisse; planeque videri, nisi id ab iis factum esset, divinam bonitatem, ac misericordiam majori eas gratia fuisse dignaturam: nunc culpa sua perisse, quia citra gratiosum fidei donum nemo Deo placere ad justificationem, ac salutem dandam posset. Ob quem sermonem Affinem in Consistorio remanere non dubitavit Musenholius; sed peragere non potuit. Nempe dixisse dicebat, posse gentes salvari sine fide in Christum: contrariam autem seniores, quos vocant, se audisse profitebantur. Ad haec contigit, ut Lansbergius, Hillerus, alii, Amstelodamensibus aperto schismati studentibus, formulam concordiae, aut quocumque nomine appellare lubet, ad vicinas Ecclesias miserint, easque inter Bredanam; in qua cum Boxhornius, & affinis nihil nisi pacem Ecclesiae spectari viderent, nec abluere ab nuptero Illi. Ordinum edicto judicarent, non gravate manu sua adfensum sunt testati. Non factum mallem, haut quidem quia mali hic videam quicquam; sed quia per quos istaec procurantur minus tacituros putarem. Sanè vix subscripserat uterque, primo, ni fallor, alibi, mox Bredae res ad Musenholium indeque in vulgus dimanavit. Jamque dictorio hoc notatur affinis, quod qui gravatus sit subscribere Catechismo, hic Illustratum Ordinum Edicto (sic formulam

nuncupant) subscriptione sua dignetur: quasi dicant, divinis humana possidere. Dixi ante, qui de Ecclesiastarum, aut Candidatorum etiam grege Musenholio maxime studeant; sed & in urbe habet is duos, tres, qui operam ei suam commodent; homines tanti typhi, ut cum literaturae omnis penitus sint rudes, melius cunctis Ecclesiasticis, sese controversiarum obortarum gnaros esse jactitent. Hos inter quis familiam ducat, me non movente scies, si scias esse unum ex iis ægrorum consolatorem, quo hominum genere jam ab aliquot retro annis, nihil reperi nasutius, nihil ad turbandas Ecclesias, vel aptius, vel proclivius; Imprimis si factionis suae ducem aliquem Ecclesiastarum nanciscatur. Ita, ut alios mittam, memini Dordrecht, Ecclesiasticas nullum magis metuere, & concionum, & vitae apud vulgus censorem, quam ejus ordinis hominem: qui & cum Lydius de reprobationis dogmate mollius sentiret, & cuidam separatistae Roterodamensi non in cunctis assentire posset, cum passim traducere coepit apud suos, quasi in Remonstrantium castra descivisset. Sed Lydius, cum tam atrocem, ut ipse interpretabatur, calumniam dissipare vellet, proximis hominibus graviter in Remonstrantes detonuit, multumque ea arte hominis labefecit fidem. Verum ad Bredanum illum minime sanctum ~~musenholium~~ redeamus, qui similiter apud suos, ut Remonstrantem passim tradit adfinem. Quemadmodum verò olim nihil Christiani ipso nomine erat invisus, abundeque illud criminis, imò crimina omnia completi credebatur: Idem Musenholius, ~~musenholius~~ iste, & pauculi ejus facinorosi alii, sic Remonstrantis nomen apud non paucos exosum reddiderunt, ut qui Remonstrantem dixerit, haereticum omnium sentiant, & aliquem qui per schisma ad Patrie prodicionem muniat viam dixisse videatur. Sanè Musenholius his diebus in mensa Amstelodami nostri, aperte ac sine circuitione dixit, Remonstrantium hoc propositum esse, ut paulatim Papatum invehant. Hoc qui apud eos facit qui sunt nobis affinitate conjunctissimi, nec ob prudentiam facile admodum calumniis istiusmodi fidem habent, quid non effutiat apud imperitum vulgus? sanè jam tantum per se suosque effecit, ut dicantur ducenti, aut circiter hac una de causa à sacra synaxi abstinere velle. Hæc malè aded adfinem habent, ut jam menses aliquot, sed per intervalla, cum morbo graviter conficeretur, quem non aliunde quam animi ægritudine contraxisse putamus: planeque metumimus, ne si (quod Deus avertat) res in apertum schisma prorumpat, affinis sit ferendo. Sanè meror multis ~~judicibus~~ arcessere solet, ut non temere

temerè sit, quod ex etymo hoc mœrorem à dolore distinguant Grammaticorum filii. Per adfinem non stabit uti neque per Boxhornium quo minus Ecclesiæ ejus conservetur concordia; tantum neuter adigatur ad Manichaica illa publicitus vel docenda, vel audienda. Miseret profecto Ecclesiæ, quæ vix dum papatus jugum excussit; ac jam nunc per concionatorem istum (Tulliana, non vulgari tantum consuetudine nunc vocem eam usurpo) suspicionibus ac calumniis à fidei Pastoribus avocatur, absterreturque. Mihi quidem omnimodo laborandum videtur, ut concordia retineatur. Quæ autem ratione id confieri possit, tu, Amplissime vir, pro aequilina illa ingenii tui perspicacitate longè citrà dubium melius me vides. Dicam tamen quod in mentem venit. Non dubium mihi quin Hagæ, noris optimè Amplissimum D. Martinium, Senatorem Curie Brabanticæ, & Bredani Senatus aliquando partem, eoque qui indolem atque animos Magistratus Bredani optimè nosse possit. Quid? si is quempiam Procerum, cui maxime fidat, literis moneat, ne patiantur civitatem suam schismate distrahi miserè, sed Ecclesiasticis suis præcipiant, ut concordie studeant, nec in controversiis obortis prudentissimum Illustrium Ordinum Edictum transgrediantur, seu Manichaica seu Pelagiana docendo. Imprimis verò, quid? Si Magistratus illum ægrotum consolatorem, & unum alterum illius *amicum* monete ad se arcescat, graviterque commonefaciat, ne ultra crepidam sapere velint, multo minus piis & doctis Pastoribus Ecclesiæ suæ hæreseos notam inurere, ac vulgus à sacra synaxi absterreere velint. Equidem magni referre puto, ne ea civitas schismate turbetur, quæ & Ecclesiam habet novellam, & à Principe gubernatur Pontificio, & magna sui parte principis sequitur religionem, & quod caput, quæ hostili adeo solo est propinqua. Non dubito, quin si quid istiusmodi vel Illustres Ordines, vel Ill. Princeps Mauritius resciscat, principis tanti mali sint obstituri. Cum ante menses duos tres adesset nobis adfinis, author ei fui, ut quod facile poterat, Hagam excurreret ad reverendum & summum virum D. Uytenbogartium, ei que statum omnem Ecclesiæ suæ exponeret. Nec à consilio eo multum abhorrebat adfinis; tantum metuebat, ne si cum eo communicasse consilia sua innotesceret, plus Ecclesiæ suæ res ea damni daret, ut nunc quidem sunt tempora. Cogitabat etiam qui Mulsenholii mos est, facile si vel levem suspicionem concepisset, hoc sibi exprobraturum: nolle autem hoc committere, quod negare non posset. Hæc ego cum scirem, putavi non

malè me facturum, si vel ipse ad clarissimum Uytenbogartium scriberem, vel, quod postea prætuli, tuæ rem omnem prudentiæ committerem, qui, si consultum putabis, cum eo rem communicabis, feci autem omne hoc nullo istius rei gnaro: Affine vero tam ignaro quam qui ignarissimus. Pese hoc significare exciderat, (quamquam exigui videatur momenti) ante hebdomades duas Mulsenholium fuisse in urbe nostra non tam, puto, ob nuptias Pollionis quibus interfuit, multa cum Festo (ejus latus dextrum clauderat) mussans diutissime; quam ut cum, quem dixi, viro nova turbanda civitatis consilia caperet. Sanè ratiocinari possum, uti de Clodio in Miloniana Tullius, nisi magnum aliquod fuisset, cujus causa urbe exiret, non tum potissimum se ad iter fuisse accincturum; sciebat enim utrumque Collegam suum valere malè. Sed absente eo famula (quicum consilia sua homo prudens communicare videtur) dixit, non posse in urbe durare, in qua videre cogatur tam multa præter animi sui sententiam. Intellego ex quodam, qui Festo utitur familiariter, eundem cum domum reversus esset Ecclesiæ Ter Heiden (cui ante inserviverat Pollio) commendasse illum, qui sub cruce Rotterdam (sic loquebatur) concionatus hæcenus fuit. Nempe existimatur ille suæ constantis *adversarius* aliquid dedisse experimentum in urbe vestra, eoque dignus putatur qui jam perpetuus certi loci Pastor fiat. Ego ab istiusmodi hominibus, in Bredana diocesi nihil boni spero, qui prius fratribus separationis, seu Separatistis, ut in Anglia vocantur, seu Donatistis novellis, ut veteri eos vocabulo insigniamus, sese factionis præbuerunt duces. Quamobrem hoc quoque ad adfinem primo tempore, perscribere animus est, quo cum Collega Boxhornio videat, ne sua pusillanimitate Ecclesiæ aliquid adferat detrimenti. Vale, Magnifice, Amplissimeque Domine; Et si occasio dabitur, ne quæso gravare salutem meo nomine dicere Clarissimo Uytenbogartio; cujus ego salutandi causa superioribus feriis Hagam excurrebam; sed cum Principe prandere dicebatur, mihi autem, ob necessaria quædam negotia, diutius Hagæ hæere non licebat: ita factum ut ex quo tempore una tecum ei aderam, præstantissimum virum non viderim. Iterum Vale.

*Amplissimi Tui Observantissimus;*

3. Decemb.

1613.

Gerardus Vossius.



## XXIII.

Gerardus Vossius, Hugoni Grotio S. P.

Quoties cum animo meo reputo, prima reformationis tempora, eaque cum proximis, & illa item cum nostris compono; toties, Magnifice, Amplissimeque Domine, se maximum mihi offert argumentum infirmitatis humanæ: neque dubito, quin idem tibi usu veniat sapissimè. Quid enim magis Luthero, aliisque piis Doctoribus, primitus objici solet, quam Papæ, & Ecclesiarum multarum dissentientium autoritas? sed Doctores nostri ab Ecclesiis ad Scripturæ judicium, à Papa ad Magistratus judicium provocabant. Bona causa multis locis triumphavit. Sed cum Lutherus homo quoque esset, à quo idcirco humani nihil alienum putari debet, factum, ut cum bono semine zizania allucubi seminaret. Videre hoc alii, fortasse nec pietate, nec eruditione inferiores; qui idcirco sedulo sibi adlaborandum judicaverunt, ut à bono semine zizania distinguerentur. Hic qui in sententiam Lutheri jurassent, quasi quæ de Scripturarum unico, ac perfectissimo Canone dicta essent, adversus Pontificios solum valerent; ecce iidem, vel geminis planè armis, aggredi eos ausi sunt, qui zizania in Ecclesiis suis recens orta eruncare vellent. Nam ut Pontificii Pontificem, ita hi Lutheri Sectatores, Lutherum; ut illi Ecclesiam Romanam, ita hi Ecclesias Saxonicas, & alias; ut illi mediæ fere, aut infimæ Antiquitatis consilia aliquot, ita hi, tanquam quod Conciliorum sibi multorum instar esset, Confessionem Augustanam urgere adversus dissentientes coeperunt. Habuit hoc alios pessimè, imprimis eos qui in re Sacramentaria ab iis dissentientes, hac parte Zuinglium, & Calvinum sequi se profiterentur. Aurem igitur istis vellere, memoriæque priorum temporum refricare, quibus armis istiusmodi pugnandum fuisset, causa fuissent longè inferiores. Sed surdo cane batur fabula. Nam qui quasi rerum dominarentur, hi, ut Pontificii olim, ita jam ipsi quoque in omnes à se dissentientes de umbone, tanquam de plausro omnis generis convitia jactare coeperunt: communitari etiam omni in posterum renuntiarent. Atque in his tuebantur se Lutheri ipsius (quanti alioquin viri!) exemplo: qui ut multa istius farina omittam, (commemorare enim tædet) paulò ante excessum suum, ad Jacobum Probst, Pastorem Bremensem, virum, quod nec qui Lutherum tantopere sectantur, diffiteri poterant, eximie pietatis, scribere hunc in modum non dubitavit: *Be-*

*tu vir, qui non abiit in consilio Sacramentarium, & in via Zuinglianorum non stetit, & in Cathedra Tigurinorum non sedit. Quod cum illis aureolum, & bracteatum quoddam dictum videretur, omnes qui non habent animum affectibus impeditum, vident esse, non dico bullatas nugas, aut ineptam, ac puerilem allusionem: sed impiam & horribilem Psalmi perversionem. Nec intra convitia, aut Anathemata res stetit: ad carceres, ad exilia deventum: uti vel sola indicium faciet Peuceriana carcerum historia, quam optimus, & doctissimus Pezelius scripsit. Tantum non quidem religio, sed perperus affectus potuit suadere malorum. Tandem divina misericordia, in Britannia, in Germania, in Gallia, in Belgica, efflorescere etiam Ecclesiæ coeperunt, quæ Papæ sic jugum excuterent, ut à Luthero simul in *curvas* dogmate dissentirent. Ac aliquantisper quidem hæc memores pristinae conficiationis, & cum Papistis & cum Lutheranis, nihil urere, quam Prophetica, & Apostolica scripta, summumque in Ecclesiasticis judicium Magistratibus sponte detulerunt. Sed postquam plerique earum Doctores rem omnem in vado esse viderunt, inque Veterum multorum locum, jam successerant Oratores novi, Adolescentuli, quam in Papistis prius, ac mox Lutheranis tantopere damnarant, hanc ipsi, cum alibi, tum imprimis in Belgica hac, calcare viam coeperunt. Si quod enim dogmatum suorum in dubium vocaretur, non jam ad Scripturas solas, imò nec ad primævam Antiquitatem, provocari se patiebantur: sed ut Lutherani illi Lutherum, ita hi Calvinum, aut Bezam: ut illi Augustanam Confessionem, ita hi Confessionem Belgicam, vel Catechesin Palatinam: ut illi Saxonicarum, ita hi Reformatarum, in Provinciis hæc jactabant consensum. Et quod dolendum imprimis erat, non minus quam priores, omnes, à se sententiis discrepantes, tanquam hæreticos differebant, & quos possent sedibus, suis deturbabant. Quæ quoties cogito, propè animum meum subit, & ne & illi qui nunc, ob aliquem in Prædestinationis dogmate dissensum, tanquam *residua* traducuntur, si superiores aliquando hant, (liberè cur non apud te loquar!) similiter excepturi sint eos, qui dissentire ab ipsis audebunt. Quippe & illi homines sunt, non minus quam priores: Et semper sic, ut alios mittam, cum ipso eruditorum vulgo ita comparatum fuit, ut contemptis iis qui moderata suggerent consilia, iis qui extrema sequerentur, se potius applicarent. Sed huic spero malo providebunt temporis viri aliquot præstantes, qui inter ipsos plurimum possunt: ac imprimis Magistratus*

stratus summus, quem hæc antecedentium exempla possunt reddere cautiorem. Quod autem nunc illi, qui receptiorem sententiam tuerentur impensè negant, vel transversum se unguem deflectere ab illa dissertandi ratione, quam sequebantur, qui primi Ecclesias Belgicas, vel domi, vel in exilio, docuerunt, hoc istiusmodi est, ut meritò dubites, utrum magis imprudentiæ, an impudentiæ tribui debeat. Hoc curdicam, cum alia multa, etiam in vulgus notissima, testatissimum faciunt, tum imprimis historia isthæc quam nomine Nobilissimi Johannis à Lasco, Belgicæ Ecclesiæ in Angliâ Episcopi; item Martini Micronii, eruditissimi, & fidelissimi Pastoris, & omnium Belgarum, aliorumque peregrinorum Londino profugorum, scripsit, divulgavitque, nobilis & insignis vir Johannes Utenhovijs, Ecclesiæ Belgicæ senior. Quanto profecto aliter, quam hodie hic fit, disputabant illi cum Lutheranis Coldingæ, Wismariæ, Hamburgi, atque alibi. Non visum hic universam istorum temporum historiam percurrere; sed contentus ero, ex multis aliqua delibasse, ex quibus de cæteris non obscura fiat conjectatio. Coldingenses quidam Pastores erant, nomine Paulus Noviomagus, & Henricus Sylvæduccensis. Cum his nostris pijs aliquod colloquium poscebant. Negabant contra illi, eo quicquam opus esse, cum nec Rex, nec ipsi minimùm de Regni Danici doctrina dubitarent. Nempe similiter ac (lubet enim isthæc cum nostris temporibus conferre) dicentes audivimus quosdam, posse Pyrrhonios istos, ut vocabant, inter sese Catechesim examinare ad scripturarum statum: sibi hoc factu nihil opus esse, qui nec de particula ejus minima dubitarent. Sed quid hic à Lasco, Micronius, Utenhovijs? Nempe tales præjudicio peccare arbitrabantur, planèque statuebant, non tantùm cum Zizania spontè, aut fortuitò oculis sese offerunt, de evellendis iis consilium capi oportere, sed sollicitè etiam inquirendum, nihil ne Zizaniarum uspiam reperiamus, cum inimicus homo ea solet spargere, dormientibus iis quibus cura agri Domini incumbit. Sed pergamus. Dicebant Lutherani, negari à nostris, clara Scripturæ verba, Hoc est Corpus meum. Nempe simili ratione, ac Ecclesiastæ illi, qui cum de Electionis & Reprobationis absolute dogmate disputant, clara esse aiunt verba Apostoli, Rom. IX. ac Reprobationem aliquam conditionatam inducentibus priusquam quod volunt persuadeant, totum illud caput è sacris literis furellandum esse. Sed quid in simili controversia à Lasco, & alii, quos diximus? *Ipsam Noviomagum superiori concione docuisse, & quidem rectè: veritatem*

*cujusque doctrinæ, probandam non esse, unius alicujus loci in Scripturis testimonio, sed unanimi totius Scripturæ consensu.* Objiciebant deinde nostris, quod omnia carnis judicio metirentur. Quis nescit hodie oggeri illis, qui absolutam reprobationem negant? sed audiamus à Lasco, & alios. *Multa sunt alia in religione nostra capita, magis multo rationis nostra judicio repugnantia, quæ tamen nos omnia per Dei gratiam indubitata fide amplectimur, abnegato omni rationis nostra judicio, eo quod illa certis divini verbi testimoniis niti, atque insistere videamus; idem & hic multò libentissime facituri, si idem videamus.* Objiciebant item, quod per Danicæ Regnum, jam alia de cena sententia obtineret: nempe ut nunc quidam in Prædestinationis dogmate Ecclesiarum (quam vere non disputo) auctoritate se tuerentur. Responderunt nostri Lutheranis istis; *Doctrinæ sanæ veritatem petendam nobis esse, non sanè è Regnorum, sed ex verbi divini certa ac solida auctoritate.* Criminabantur item nostros, quod dissentirent à Luthero, ac Saxonis Ecclesiis; quod Augustana Confessione damnarentur. Nempe haut aliter, ac nunc quidam semper crepant Calvinum, Ecclesias Belgicas, Confessionem, aut Catechesim: quis fortassè tamen non usque adeò illis patrocinantur. Sed quid hic iidem illi laudatissimi viri? Dominus, inquebant, *Lutherum, ac Saxonis Ecclesias, denique & Augustanam Confessionem non esse Catholicam Ecclesiam: nos Lutherum pro insigni Dei organo habere, sed illi nibilominus, Spiritum Sanctum juxta mensuram datum fuisse: hunc honorem solis nos Prophetis & Apostolicis scriptis deferre, ut nihil continent quod non certa fide sit amplectendum: ceterum in scriptis Lutheri, (de Calvino idem dicere possumus) luculenta extare testimonia, illum sibi non perpetuo, neque per omnia constare. Quare & Lutheri scripta, & ipsam adeò Confessionem Augustanam, ad Scripturæ regulam, & legitimam Ecclesiarum judicium revocanda esse: neque ex Lutheri dogmatibus, aut etiam ex Augustana Confessionis auctoritate, ita præjudicandum esse, ut scindantur Ecclesie, utre sanctiorum communio in Catholica Dei Ecclesia (contra fidei nostre confessionem) videtur.* Verba profecto aurea. Porro quia Paulus Noviomagus hæresios accusarat nostros publicè in concione; respondere ad illud in hunc modum: *Contra doctrinam Evangelii factum dicimus; quandoquidem nemo de alterius condemnatione, pronunciare aut potest, aut debet in Ecclesia, quem non constat publicè à fundamento Apostolicæ Confessionis, Petri ore prodire, excidisse.* Et aliquanto post addunt: *Nos hujus controversiæ nomine, neminem unquam adversati sumus, sed in fraterna charitate tulimus; & ferendos esse putavimus omnes, qui modo nos vicissim ferre volent, donec Dominus controversiam hanc, per gratiam*



tiam suam componat, eo quod omnes fundamentum Confessionis Apostolicæ pariter retineamus. Quod ipsum in Prædeterminationis controversiam multo etiam iustius dici possit. Alia quoque huius generis in isthoc Coldingensi colloquio legi possunt. Sed nihil nostros ulla iuvit defensio sui: Verum extrema in afflictione, mediæ hyemis tempestatibus, sexaginta circiter familie (quos inter decrepiti, pueri, matronæ gravide) summo cum vitæ periculo regno ejecti sunt. Sed operæ etiam fuerit delibare dissertationem, quam Hamburgi, Micronius habuit cum Joachimo Westphalo, eo adversus quem, & Calvinii exstant quædam. Is tanquam Achilleum argumentum objiciebat Micronio: *De veritate doctrine nostræ Sacramentaria* nihil est ambigendum, cum ea in omnibus Saxonici & Orientalibus Ecclesiis, ut à sanctissimis viris, & Præceptoribus suis eam acceperunt, unanimi consensu tradatur. Falsa igitur, & repudianda est, contraria Zuinglii sententia, quæ in prædictis Ecclesiis est damnata. Præclare respondet Micronius: *De controversia aliqua doctrina, non ex unanimi Ecclesiarum multarum consensu, sed tantum ex concentu Prophetice & Apostolicæ statui debet. Alioquin triumpharet Papa.* Tum Westfalus: *Ecclesiæ nostræ Saxonice sunt Ecclesiæ Dei.* Hic Micronius: *Ecclesiæ Dei ex loco æstimari non debet. Usque Londinum non facit Ecclesiam Dei, ita nec Hamburgum, aut Lubeca.* Nulla præterea est Ecclesiæ, præter Propheticeam, & Apostolicam, quæ non in quibusdam hallucinari quandoque possit, quod ipsum quoque Lutherus docuit. Addimus Et Calvinus. Sed quid Westfalus hic? Quod Lutherus scribit, Ecclesiam errare posse, de Papistica, non de Christi sensu Ecclesiæ. Respondet Micronius: Imò de vera Christi Ecclesiâ loquitur Lutherus, qui ex humana quædam imbecillitate, in quibusdam nonnunquam impingit. Ex parte enim Prophetæ. Et fit aliquando, ut eximius aliquis doctor alicubi turpiter hallucinetur, quem mox deinde alii, præpostero quodam Zelo incitati, temerè, & pertinaciter imitantur. Hinc etiam sæpe errores in Ecclesiâ abruuntur. Verissimè, Verissimè. Quare optime ibidem sic colligit Micronius: Proinde approbanda venit doctrina Ecclesiæ omnis, non Ecclesiarum aliquot consensu, sed verbi divini auctoritate. Objiciebat Westfalo Micronius; quod in libello suo, cui titulum fecisset, de recta fide, doctrinam suam sacramentariam Ecclesiæ iudicio subiecisset, eoque examen ejus subterfugere non deberet. Respondet Westfalus: Ego doctrinam meam Sacramentariam, non Londinensim, sed Ecclesiæ Dei Hamburgensim iudicandam proposui. Similiter hodie multi in Prædeterminationis dogmate, nullis se Ecclesiis subicere volunt, nisi quas idem secum sentire habeant persuasum. Air idem Westfalus: Si dubio

adhuc esset nostra doctrina, graviter peccasset senatus noster, & serenissimus Dania Rex, qui adversam vos decreta tulerunt. Optime respondet Micronius: *similibus argumentis facile omnes viceris Papa.* Air Westfalus: *Contra vestram doctrinam Comitibus Augustanis pronuntiaturum est.* Micronium hic audiamus: *Non video vos justam habere causam tantoperè gloriandi, de Augustanis Comitibus, cum ea in eum finem instituta non sint, ut ibi audita prius utraque parte certi aliquid de re Sacramentaria statueretur: Sed fuit tantum nuda fidei confessio, quæ nullo modo Concilii legitime congregati auctoritatem obtinere potest.* Quod ipsum de Belgica confessione dicere possumus. Quemadmodum, & quod continuè subdit: *Siquidem Concilia omnia adhuc subjacent Scripturarum Auctoritati, quantum magis Confessio Augustana?* Alibi quoque recensetur in eadem historia colloquium, à Micronio habitum Wismarie cum Doct. Smetenstedio. Hic, cum Micronius dixisset, *Magistratus possit colloqui testis esse, ac iudex:* respondet Doctor ille, *Magistratus? quid ille de religione intelligit? Petamus Rostochium, & ad Doctores, aut superintendentes proficiscamur, qui de colloquio judicare poterunt.* Nempe non alios iudices admittit, nisi à quibus certam sibi victoriam videt. Quid Micronius autem ad hæc? *Sicine, inquit, Magistratum contemnitis, Doctor? Quo iudice precor Papam principio vicit Lutherus, ab omnibus tunc Doctoribus Scholasticis passim damnatus?* Sed exscribillandi modus tandem esto. Abundè sanè ea, quæ adduximus, ostendunt quod superius dicebam, illos qui primi Ecclesias Belgicas collegerunt, repurgantque, semper à Doctorum quorundam sensu, Ecclesiarumque quarundam consensu, ad scripturarum iudicium, & Magistratus iudicium provocasse contra eos, quibus cum illis Doctoribus nostris negotium fuit; haud secus ac hodie quidam occipiunt è nostris. Nam ovum ovo similis non est, quàm illa quæ vidimus Lutheranorum Argumenta, & ista nostrorum, qui absolutam tuentur prædeterminationem, nec Magistratus iudicium in Ecclesiæ rebus admittunt. Nec tamen par omnium hoc immodestia: sed quo imperitior quisque, hic minus rationi locum præbet. *Αλλ' è ἀπορρητόν τούτο ἀποφάναι Δόξαντες, ὅτι δὲ δὲ αὐτὴν ἡμεῖς ἀποφάνομεν, ut optime olim Oppianus.* Atque ut ingeniosissimus Poeta alicubi air,

*Non plus his cordis, sed minus oris adest.*

Plus modestiæ (quemadmodum & eruditione plerosque ordinis sui vincit) retinuit Antonius Wakeus, cuius scriptum de jure Magistratus in Ecclesiasticis dicere possum, *ἀλλ' ἔτι ἕνα ἄλλο ἄνθρωπον ἀντὶ τούτου, addere non possum, ne merito*

rito audiam illud quod desertori Juliano responderebat Basiliius, ἀνέγνως ἀλλ' ἢ ἐγγύς, εἰ δὲ ἐγγύς, ἢ ἀπὸ τοῦ ἐγγύς. Ita multa in eo scripto reperi, quæ meliorem mentem, majoremque modestiam spirent. Sanè si quis ea ex opere excerpta in unum congerat, simulque oculis subjiciat, vix amplius aliquid requiriturus videatur. Sed tamen duobus nominibus peccat gravissimè. Nam adversarii sui mentem, quam non capit, carpit; eumque se oppugnare credi vult, cum suum oppugnat somnium. Ad hæc quæ scribit minime videntur ἀλλήλου καὶ ἐναντία. Nam cum summum in Ecclesiasticis imperium, neget esse penes αὐτοκρατοράς, ea tamen passim dicit, ex quibus colligere hoc potuisset, si mens non læva fuisset. Omnis erroris fons, & caput, quod confusè, indistinctèque singula consideret, & tractet, cum hic vel maximè habeat locum, illud Stagiritæ, οὐκ ὁκνήσας εἰς διαίρεσιν. Id quo pareat, prius quidem, universè ac generatim ostendam, Magistratui summo etiam in Ecclesiasticis jus competere summum: deinde verò aliquam multa, imò præcipua ferè, Wallæani operis ad trutinam scripturæ, & rectæ rationis expendam. Nec ignoro, quam tu hæc melius me intelligas, sed non ingratum tunc facturum spero, si meum quoque hac de re iudicium perscribam.

Ac penes Principem quidem, seu Magistratum summum esse imperium supremum rerum Ecclesiasticarum, quatenus quidem penes mortalium quemquam potestas earum esse potest, solidè comprobatur, partim Dei ipsius mandato, annexaque promissione, & comminatione: partim exemplis piorum Principum, quæ nobis in S. Scriptura proponuntur, & commendantur: partim rationibus, quibus, Magistratus circa religionem, tum indirectum, tum directum, habere imperium ostenditur: partim exemplis Christianorum Principum, quæ Scriptoribus Ecclesiasticis continentur: partim auctoritate Veterum, recentiorumque Patrum, qui potestatem hanc tribuunt Magistratui summo: partim iudicio, ac confessione Scriptorum externorum, qui & ipsi, velut rationis quodam ductu, imperium circa impiam Religionem suam, tribuant Principi suo: ac Principum ipsorum, qui in impia Religione sua jus illud usurparunt. Hæc omnia quidem cum cura tractare velle, scio res fuerit ingentis commentarii. Verùm nos ex immensa sylva tantummodò paululam struem congeremus. Ut igitur ordiamur, jubet Christus, *Matth. VI. 33.* ut primum queramus Regnum Dei, ac fore spondet, ut cætera omnia adjiciantur nobis. Quod mandatum, cum privatum quemque tangat, tum eos imprimis, quibus non

sui tantum, sed publici etiam cura incumbit: quibus regnum Dei in Remp. inducendum, promovendum, curandum, conservandum. Itaque & *Psal. XI. 10, 11, 12.* Sic eos per Davidem compellat: *Nunc ergo, Reges, advertite, eruditionem percipite, o iudices terræ: Colite Jehovah cum reverentia, & exultate cum tremore. Osculamini filium, ut non irascatur, & pereatis in via, cum exarserit vel minimum ira ejus. Beati omnes, qui recipiunt ad eum.* Ubi Reges compellat Deus, non velut aliquos ex societate humana, sed tanquam Reges; quos non sibi tantum colere pietatem velit, sed cunctos, ut eandem subditi exerceant, quemadmodum optimè ea verba declarat Augustinus, ut infra videbimus. Huc quoque pertineat, si recta interpretatio, locus ille *Psal. XXIV. 7. Attollite portas, Principes, vestras, & elevamini porte infernales, & introibit Rex glorie. Psal. LXXV. 4.* ait David, *solatas columnas terre aptabo.* Ubi Spiritus S. (ut quidam satis aptè eum locum exposuit) columnas terræ vocat, statum secularem, & Ecclesiasticum, sive imperium in rebus civilibus, & Ecclesiasticis: quæ duo imperii statumina, & firmamenta, per diuturnas Saulis clades attrita, ac penè contracta, instaurare se velle ait David. Huc pertinent quoque illustria Magistratus elogia, ut quod *Es. XLIX. 23.* dicuntur *nutrii Ecclesie*; quodque *Psal. LXXXII. audiunt, Dii estis, & filii altissimi.* Nam ideo Deus hoc eos titulo dignatur, quia munus gerant divinum, præcipuaque imperii pars versetur circa ea, quæ ad Dei gloriam, & animarum salutem pertineant. Quod si exempla petuntur, suppetunt ea, in Davide, Salomone, Asa, Josaphata, Ezechia, Josia, Jehu, aliis. Non inhærebo illis commemorandis, partim quia omnia inculcantur libris, partim quia selectissima illa testimonia sufficiunt, quæ ad edictum Illustrium Ordinum adscripta sunt, ex *2 Chron. VIII. 2. XVII. 6, 7. XXIV. 4. XXIX. 4. XXX. 1. XXXIV. 3. XXXV. 2.* Nec pœnarum exempla, quibus Deus punivit, ejus mandati neglectum, quicquam arbitror requirat, qui vel solum cogitet: propter Salomonis idololatriam regnum ejus fuisse divisum, multosque Samaritæ Reges, ob religionis neglectum, periisse, ipsasque tandem decem tribus hac propter funditis prope fuisse deletas.

Scripturarum auctoritati succedat pondus rationis. Nam si vel temporalia solum curare Reges seridè velint, ne sic quidem religionis cultum negligere debeant, cum cultus divini contemptus, ac negligentia, fons sit infelicitatis, ac multorum malorum: uti contra fincerus Dei cultus in temporalibus quoque magnam adfert felicitatem. Qua de re vidè





tinere, permitterentur: cuius rei meminit Augustinus Epist. CLXVIII. ad Januarium, & contra Parmenianum, Lib. I. cap. ult. & contra Petil. Lib. II. cap. 92. Etiam editum contra Arrium tulit, in quo hæc inter alia; Si quid compositum ab Arrio reperitur, ut igni id tradatur volumus. Illud etiam mandatum, ut si quis librum ab Arria compositum occulasse deprehensus sit, & eum non statim in medium adductum igne combusserit, morte muldetur. Vide Socrat. Lib. I. cap. 6. Sozom. Lib. I. cap. 20. & Nicephor. Lib. IIX. cap. 25. Etiam apud Eusebium de vita Constant. Lib. III. cap. 62, & 63. Lex ejusdem extat adversus hæreses omnes. In cuius fine, hæc legere est: Nostra enim prospera, ac beate vite ratione, qua Dei beneficio fruimur, est admodum consentaneum, ut qui eam bona spe sustentant degant, ab omni vago, & cæco errore, ad rectam viam, & tenebris ad lucem, ab incerta ad veritatem, a morte denique ad salutem traducantur. Ac qua provisio hæc in evadendis erroribus robur, & firmitatem sibi necessariam, assequatur; mandavimus, ut supra dictum est, ut omnia superstitionis vestra loca, in quibus convenire soletis, omnia dico hereticorum templa, (si modo templa appellare convenit) sine recusatione, aut controversia diruantur, & diruta, absque mora Catholice tradantur Ecclesiæ, reliqua loca publico Resp. usui addicantur, ne ulla vobis in posterum conventus celebrandi relinquatur facultas. Sic igitur hoc ratum statuimusque, ut post hunc diem in nullo loco, vel publico, vel privato, nefarii vestri conventus in unum coire audeant. Huius legis occasione, hæreticos, ac schismaticos, paulatim ad Ecclesiam rediisse, præter Eusebium, eo ipse & sequi, capite, authores sunt, Sozom. Lib. II. cap. 30. & Nicephor. Lib. VIII. cap. 52. Etiam filius huius Constantius, priusquam Arrianus heret. Epistola ad Tyri Episcopum, hæc inter alia scripsit: Certe scitis, me omni ope adniscum, ut ea quæ sunt legis Dei, quam maxime inoffensa, illabefactaque, serventur, profigatis scilicet, & contritis semel inimicis legis, qui sub specie sancti nominis, multiplices & diversas blasphemias efferunt. Vide Athanas. Apol. II. Idem adversus Donatistas, Macarium præfectum suum misit: qua de re Optatus, Lib. III. adversus Parmenianum. Constantio successit Julianus defector: huic Jovinianus, de quo sic Gregorius Nazianzenus, Orat. XXI.

\* Pag. 394. quæ est in laudem Athanasii. Edit. Morell. \* In ira delectus iussit censurari. Quod Basilianus ignoravit, &c. Qui Jovinianus, ut pulcherrimum imperii sui fundamentum jaceret, rectamque legum sanctionem, unde conveniebat, aspicerebatur, cum omnes alios Episcopos, tum eum ante omnes, qui omnibus virtutibus præstaret, ac ci-

tra dubitationem ullam pietatis causa oppugnatus fuerat, ab exilio revocat. Quin etiam fidei nostræ veritatem, à multis laceratam, & perturbatam, atque in sexcentas opiniones, partesque distractam, sibi tradi postulavit; ut maxime quidem universus Orbis, si fieri posset, in fidei negotio consentiret, spiritusque auxilio in unum coiret: sin minus, ipse certe optime parti sese adungeret, simulque & vi robur asferret, & ab ea vicissim acciperet, excelsè simul, & magnificè de rebus maximis cogitant. Valentinianum etiam contra Donatistas legem tulisse scribit Augustinus, Epist. CLXVI. Gratiani, Valentiniani Junioris, & Theodosii senioris lex est, apud Theodoretum Ecclesiast. Histor. Lib. V. cap. 2. & Sozom. Lib. VII. cap. 4. Cunctos populos, quos clementia nostra regit imperium, in tali volumus religione manere, quam divinum Petrum Apostolum tradidisse Romanis, religio hucusque ab ipso instaurata declarat, quamque Pontificem Damasum sequi claret, &c. Item ista, Episcopis tradi omnes Ecclesias more iubemus, quos constabit communionem Nelliarii Episcopi Constantinopolitane Ecclesiæ esse sociatos, &c. Aliam quoque vide Cod. de summa Trinit. Lib. II. De Donatistis etiam quædam à Gratiano, & Theodosio constituta esse docet Augustinus, Epist. CLXVI. Idem Gratianus Edictum emisit, quo universi hæretici, non Ecclesiis tantum, aut urbibus excedere iuberentur; sed etiam extra terras omnes propellerentur: qua de re vide Sulpitium Severum Hist. Sacra, Lib. II. numero 69. Idem Theodosius Magnus Demophilum Arrianorum Episcopum, Ecclesiis Constantinopolitanae urbis iussit excedere: eaque ratione factum, ut reliquas etiam Ecclesias recuperarent Catholici, quas sexaginta jam annis Arriani occuparant. Vide Sozom. Lib. VII. cap. 5. & Nicephor. Lib. X. cap. 8. Idem Sozom. cap. 12. Lib. VII. Et Nicephor. cap. 10. Lib. XV. testantur ab Theodosio Magno legem latam, ut scismatici, neque conventus agerent, neque doctrinam fidei profiterentur, neque Episcopos, aut alios ordinarent. Quæ lex exstat in Cod. Theodos. uti & alia multa ad Religionem pertinentes: unde Hieronymus Epist. ad Paulinum, panegyrici pro Theodosio mentionem faciens his verbis: Et utilitatem legum futuris seculis consecrasti. Illustre etiam est, quod Socrates de eo narrat, Lib. V. Histor. Ecclesiast. cap. 16. Determinata, inquit, die cuiusque religionis Episcopi, ad aulam vocati conveniunt. Aderant igitur Nestorius, & Agellius Homosianæ fidei Antistites; Arriane vero Demophilus; Eutomianæ ipse Eutomius; Macedoniane Eneas Cyprianus. Ubi convenissent, excepit eos Imperator, & accepto cuiusque dogmatis scripto, seorsim Deum impensè orat, ut se ad eligendam veritatem adjuvet. De-



inde lecti cuiusque dogmatis scripto; reliqua omnia, tanquam separationem sanctæ Triadis inducentia, reprehendit, ac carpit, solum verò, quod Homusianam fidem continebat, laudat, & complectitur. Hic verò videmus, ut etiam solus Imperator, Religionis controversiam decidit. Finem de Theodosio faciam, ubi adjecero hæc verba Ambrosii, de ejus obitu: *Theodosium Imperatorem dilexi: Virum, qui cum jam corpore solveretur, magis de statu Ecclesiarum, quam de suis periculis angebatur.*

Ejus verò Zelum hac parte imitati quoque filii ejus Arcadius, & Honorius, quorum hic etiam inter duos Episcopos judicans, falso Episcopo deposito, verum restituit, ut ait Turrecremata, Lib. IV. summæ, Part. I. cap. 9. Ac quemadmodum Theodosium Arcadius, & Honorius, ita Arcadium quoque, suus sequutus filius Theodosius junior, hunc item Marcianus: quorum de Religione leges, & plures sunt, quam ut huc congeri possint, & obviæ magis, quam ut nunc referri debeant. Non possum tamen prætereire hæc Theodosii, & Valentiniani verba, ad Hormisdam Papam: *decere arbitramur, nostrum imperium, subditos nostros de Religione commonefacere, &c.* Et illa imprimis: *Inquisitio veræ Religionis, præcipua est sollicitudo Majestatis Imperialis.* Item hæc eorundem, Epist. XVII. eorum quæ vel Cyilli, vel inter Cyrellianas leguntur: *A pietate quæ in Deum est, Reip. nostra constitutio pendet, &c.* Sed nihil illustrius verbis eorundem, quæ ad Illust. Ordinum Edicta citantur, ex Lib. II. Novellarum Theodosii, tit. 2. De Marciano verò tantum dicam, Evagrium, Eccl. Hist. Lib. II. cap. 1. & Niceph. XV. cap. 1. testari, imprimis hoc eum studuisse, ut sublati hæretibus vera Religio, & rectus Dei cultus doceretur. Ejus quoque successor Leo, constitutiones priorum Cæsarum, pro Orthodoxa Religione confirmavit: ut scribunt Episcopi Ægyptii, Epist. Lib. I. ad Leonem Imper. Eadem mens Justinii senioris: cujus legum pro Religione meminit, Niceph. Lib. XVII. cap. 2. Justinianus quoque Epiphania Archiepiscopo scribens: *Nos, inquit, maximam habemus sollicitudinem, circa veræ Dei dogmata, & circa sacerdotum bonitatem.* Et constitutione Novella XLII. de Episcopis, & Clericis, præstituta ab Antonio Augustino: *Sed nos omni providentia curam Ecclesiarum gerimus, per quas, & imperium nostrum sustineri, & publicas res per clementiam Dei, ac gratiam muniri credimus.* Extat etiam, ut cætera mittam, Justiniani Edictum, de summa Trinitate, & fide Catholica: quo, ut in argumento ejus merito scribit Ant. Contius; *vix quisquam Patrum, aut Episcoporum, plenior ac luculentior fidei ex-*

positionem emisit. Procopius verò minime audiendi debet, cum Imperatorem summum, eo nomine fugillat, quod intra palatii secreta, de mysteriis fidei, cum sacerdotibus, quam de re bellica cum senatoribus colloqui mallet. Mitto Justinii junioris, Constantini Pogonata, aliorumque constitutiones, de quibus ex Novellis, Nicephoro, & cæteris constat, Nempe Socrates, Lib. V. scribit in præm. *Ἀρ' ὅτι οἱ βασιλεῖς χριστιανίζον ἡρώδης, καὶ τὰ ἐκκλησιαστικά ἀφ' ἑνὸς ἕως αὐτῶν, καὶ αἱ μέγισται συνέδοι, τῶν αὐτῶν χρόνων, καὶ νῦν τοῦ καὶ νῦν.* Similiterque postea animati fuerunt, Theodoricus Italiae Rex, qui secundum Symmachum judicans schisma sustulit: ut agnoscit Turrecremata loco ante citato. Item Carolus, Ludovicus, Lotharius, uti Ecclesiasticæ leges ostendunt, ab Aufegiso collectæ. Nec putandum vel eos quos diximus hæcenus, vel Principes Christianos (quos omnes recensere sit longum) hoc sibi juris vindicasse Episcopis invitis. Imò verò illud suscepisse volentibus Episcopis, ostendunt ea SS. Patrum loca, quibus Cæsares, ad illud capefferdum adhortantur, & gnæviter eo fungentes, summis laudibus extollunt. Hujusmodi jam adduximus aliquamulta: Addam verò & alia, quo res fiat manifestior. Justinus sanè Martyr, Apologia ad Antonium Imperatorem, \* cum paratum se \* Pag. 37. dixisset denuò, de Christiana Edit. Com. Religione cum Imperatore colloqui, addit hujusmodi, *καὶ νῦν οἱ βασιλεῖς τοῦ καὶ νῦν.* Clarius etiam Gregorius Nazianzenus. † Cum consum- † Pag. 39. masset Jesus hos Sermones, &c. Edit. Morell. *Ταῦτα καὶ λαοὶς νομοθεσῶ. Ταῦτα καὶ πρεσβυτέρους ἐκκλησιαστικῶν, ταῦτα καὶ τῆς ἁγίας πνευματικῆς βοήθειας τῶν λόγων πάντες, ὅπως τὸ δυνάμει συνδύω ἐκ δεῦ. ὁ πούτῃ ὁ ἴδιος λόγος ἀνέστηται πλεονῶντες ὁ δὲ ἁγίας πνεύματος, ὅσον τὸ πνεῦμα.* Augustinus contra literas Petiliani, cap. 92. *Habent ergo Reges, excepta generis humani societate, eo ipso quo Reges sunt, unde sic Domino servant, quomodo non possunt, qui Reges non sunt.* Et Lib. II. contra Cresconium Grammaticum, cap. 51. *Reges enim in errore sunt, pro ipso leges contra veritatem ferunt; cum in veritate sunt, similiter contra errorem, pro ipsa veritate decernunt: Ita & legibus malis probantur boni, & legibus bonis emendantur mali.* Rex Nabucodonosor per-versus legem sevam dedit, ut simulacrum adoraretur: Idem correctus, veram, ne Deus verus blasphemaretur. In hoc enim Reges, sicut eis divinitus præcipitur, Deo servant, in quantum Reges sunt, si in suo regno bona jubeant, mala prohibeant, non solum quæ pertinent ad humanam societatem, verum etiam quæ ad divinam Religionem. Quibus gemina habet de correctione Donatistarum,

tistarum, ad Bonifacium, cap. 6. Idem eopse, hoc est, de Donatistarum correctione libro, cap. XIII. Nondum autem agebatur, quod paulo post in eodem Psalmo dicitur; *Es nunc Reges intelligite, erudimini, qui iudicatis terram. Servite Domino in timore, & exultate ei cum tremore. Quomodo ergo Reges Domino servant in timore, nisi ea que contra iussa Domini sunt, religiosa severitate prohibendo, atque pleñendo? Aliter enim servit quia homo est, aliter etiam quia & Rex est. Quia homo est, ei servit vivendo fideliter; quia vero etiam Rex est, servit leges iusta precipientes, & contraria prohibentes, convenienti vigore sanciendo. Sicut servivit Ezechias, lucos & templa Idolorum, & illa excessa, quæ contra Dei præcepta fuerant constructa, destruendo: sicut servivit Josias, talia & ipse faciendo: sicut servivit Rex Niniutarum, universam civitatem, ad placandum Dominum compellendo: sicut servivit Darius, idolum frangendum in potestatem Danieli dando, & inimicos ejus Leonibus ingerendo: sicut servivit Nabuchodonosor, de quo jam diximus, omnes in regno suo positos, à blasphemando Deo, lege terribili prohibendo. In hoc ergo servant Domino Reges, in quantum sunt Reges, quæm ea faciunt ad serviendum illi, quæ non possunt facere nisi Reges. Cum itaque nondum Reges Domino servirent temporibus Apostolorum, sed adhuc meditentur inania adversum eum, & adversum Christum ejus, uti Prophetarum prædicta omnia complerentur, non utique tunc possent impietates legibus prohiberi, sed potius exerceri; hic enim ordo temporum volebatur, ut & Judei occiderent prædicatores Christi, putantes se officium Deo facere, sicut prædixerat Christus, & gentes fremerent adversus Christianos, ut omnis patientia Martyrum vinceret. Postea vero cum capis impleri, quod scriptum est, & adorabunt eum omnes Reges terræ, omnes gentes servient illi: quis mente sobrius regibus dicat, Nolite curare in regno vestro, à quo timentur, vel oppugnetur Ecclesia Domini vestri, non ad vos pertineat in regno vestro, quis velit esse religiosus, sive sacrilegus? Quibus dici non potest, non ad vos pertineat in regno vestro, quis velit pudicus esse, quis impudicus?*

Hæc Augustinus, aptid quem, & alia ejus generis non pauca legas. Leo Magnus ad Theodosium Augustum, Epist. XI. Pro integritate fidei, Christianissimum Principem convenit esse sollicitum. Vide & Epist. XXV. ad eundem. Idem Epist. LXXV. ad Leonem Augustum: Cum enim Clementiam tuam Dominus tanta sacramenti sui illuminatione diraverit, debes incunctanter advertere, regiam potestatem tibi non solum ad mundi regimen, sed maxime ad Ecclesie præsidium esse collatam, &c. Gregorius Magnus quoque Mauritium Augustum laudat; quod conservande sacerdotali cbaritati, & custodiæ fidei, rectitudine studii spiritalis, præcipua sollici-

tudine invigilet. Vide Lib. IV. Epist. LXXVI. & CLXIII. quarum utraque ad Mauritium scripta. Isidorus Hispalensis, Lib. III. Sentent. cap. 51. \* Cognoscant Principes seculi, Deo debere se rationem reddere, propter Ecclesiam, quam à Christo tuendam suscipiunt. Nam sive augeretur pax, & disciplina Ecclesie, per fideles Principes, sive solvantur; illi ab eis rationem exiget, qui eorum potestati summo Ecclesiam credit. Bernardus, Serm. XLVI. super cantica. † Quomodo namque stabunt Ordines Clericorum, & administrationes eorum, si non Principes tanquam signorum beneficio & munificentia sustententur, & potentia protegentur? Arnulphus Episcopus Lexoviensis, Sermone in Synodo habito. || Justitia regie Majestatis, per discretiorem scientiam dirigit, & informat. Informis ad virtutem, dirigit ad salutem. Et quid multis opus? cum Christiani Episcopi etiam ad Gentilem Cæsarem provocarent. Nam, uti Eusebius scribit, Lib. VII. 24. & Niceph. Lib. VI. 17. & seqq. Cum Paulus Samosatensis, à Synodo Antiochena damnatus, Episcopi ædes relinquere successori nollet, non dubitarunt Christiani Episcopi provocare ad Imperatorem Aurelium, qui decrevit, ut illis Ecclesie domus tribueretur, quibus eam urbis & cæteri Italæ Episcopi adjudicassent.

Nec recentiores Ecclesie Reformatæ Doctores, hac parte à Veteribus dissentiant. Ostendunt hoc ea loca Musculi, Martyris, Bucerii, Joëlli, Witacherii, Bilsoni, & Episcopi Cilestrensis. Item Confessiones Belgicæ, Helveticæ, Basileensis, quæ citantur ad Illust. Ordinum Edicta. Addam locum M. Bucerii, ex defensione Christianæ Reformationis Hermani Archiepiscopi Colonienensis. \* Ad unumquemque Magistratum præcipue pertinet, ante omnia providere, diligentissimeque, & efficacissime constituere, ut populo Christi, quoad curam animarum, recte consulatur. Eadem mens est H. Zanchii Miscell. T. 2. † Primum, inquit, Magistratus munus, ordinare tam illa, quæ ad Religionem, & cultum Dei attinent, quam quæ ad publicam pacem, honestatem & justitiam. Sexcenta hujusmodi sunt, in Germanorum, & Helvetiorum locis communibus, uti Posani, & aliorum cap. de Magistratu. Nec misceat aliquot, sed libros integros describere oportet, si adferre vellem, quæ hæc de se, Buttrillius, Tookerus, aliique Angli Theologi scribunt adversus Jesuitas. Unius tantum ex multis pauca ponam.



L. Ciceſtrienſis ad M. Torti librum reſponſione, pag. 364. *In Iſraële autem, nondum os reperi tam durum, quod negare etiam auderet, præcipuas in Religione partes, penes Regem exiſtiſſe: vel uno hoc argumento, quod per ſacræ hiſtorie ſeriem totam, mutato novi Regis animo, mutata ſemper eſt facies Religionis. Eaque in Religione mutatio Regi ſemper adſcribitur, quaſi factum ejus. Nec Pontifices unquam, vel præſtare poterant, ut fieret mutatio in melius, vel ne fieret in pejus, impedire. Penes eos autem, ſi Religio- nis tum ſumma fuiſſet, aliquis aliquando Pontifex, etiam Rege ſecus affecto, præſtiſſet hoc tamen, ut cultum Dei ilibatum, pars aliqua populi ſaltem, retineret. Et pag. ſequ. Regi id ſemper, Eccleſie nunquam, vitio datum legimus, quod Excellſa ſteterint. Regi ergo, ſive declares hoc, ſive non declares, etiam ante Eccleſie declarationem, id ex officio minus incumbit, deque eo neglecto, Deo rationem redditurus eſt. Et pag. 373. Conveniunt illa Regi, dare Judices in cauſis Eccleſie; dare Judicium Præſidentes; abuſus in Religione, & corruptelas tollere; Arcam reportare, & præire reportanda; Tempſa dedicare, & ad eam rem ce- tus indicare; libro legi recitare, præcipere Pontifici de repurgando Dei cultu; ſedus renovare de Reli- gione reformanda; Templum ingredi, & æneum ſerpentem confringere; Miſſiones ſacerdotum face- re; Pontificem ipſum ejicere, atque exanthorare, ne ſit Pontifex: Hæc ſi Regi omnia ſic conveniant, convenit & regimen Eccleſiaſticum. Et pag. 380. Religionis cura, res Regia eſt, non modo Pontificia, & in Regis prima, quamque ille non ſolam, foris ab externa vi, ſed & domi ab incuria hominum aſ- ſerere teneatur. Vos quidem ipſi, ſi vi inſit illa, rem Regiam clamatis: Ille verò ſi collapſa ſit diſci- plina, non minus Regiam. Quod ſi etiam non eſſet audire lubet, hi quoque Religionis curam, potiſſimam faciunt Imperii curam. Ita Plato II. de Rep. ait, Præcipue eum, qui publico præſidet, Religionis curam ſuſcipere debere: & eandem IV. de Rep. propugna- culum vocat Magiſtratus: & Lib. VII. de LL. nominat vinculum legum, & honeſtæ diſcipline. Cicer. II. de Natura Deorum ap- pellat eam, humanæ ſocietatis fundamentum. Quæ omnia, ut de Religione falſa falſo, ita de vera veriſſimè dicuntur. Quemadmodum & Oraculis ſacris, una Deorum voce excepta, planè conſentaneum eſt illud Venuſini Poetæ, Lib. III. Od. 6. *Dii multa neglecti dederunt, Heſperie mala luſuſe.* Quod ſi quis exem- pla deſiderat, quibus Principes gentiles præ- cipuam Religionis curam habuiſſe demonſtre- tur, adeat Greg. Tholozanum, Lib. XII. de Rep. cap. 4. Danæum, Lib. I. Polit. & alios.*

Atque hæc ſatis oſtendunt, Principem præ- aliis, tam perſonis, quam rebus, de Reli-

gione & Eccleſia, qua publica utraque eſt, ſollicitum eſſe debere.

Eſtque ejus doctrinæ cognitio neceſſaria planè his temporibus, partim ob Magiſtratus ipſos, ne ſe putent *ad ſe ſe invicem*, ſi Eccle- ſiaſtica curent; quin verò graviffimam ſibi neglecti muneris rationem Deo reddendam ſciant, ſi non curent: partim ob Eccleſiaſtas, ne hujus rei ignorantia, ſe Magiſtratus imperio, in Eccleſiaſticis eximentes, tranſiliant mandatum Chriſti, jubentis ut Cæſari demu- ſus, quæ ſunt Cæſaris, *Matth. XXII. 21.* Et Apoſtoli Petri, monentis, ut ſubjecti ſi- mus cuius humanæ Ordinationi, propter Dominum, *1 Epist. II. 13.* Item illud Paull dictum, docentis omnem animam poteſtati- bus ſupereminentibus eſſe ſubjectam, *Rom. XIII. 1.* quem locum interpretans Chryſo- ſtomus, diſertim ſcribit: *Poteſtatibus ex debito obedire jubet; oſtendens, quod iſta imperentur omnibus, & ſacerdotibus, & Monachis, non ſo- lam ſecularibus, id quod ſtatim in ipſo exordio di- clarat; cum dicit Omnis anima poteſtatibus ſup- ereminentibus ſubjecta ſit, etiamſi Apoſtolus ſit, ſi Evangeliſta, ſi Prophetæ, ſive quiſquis tandem fu- eris. Neque enim pietatem ſubvertit iſta ſubjectio.* Quæ verba etiam bonam partem exſcripſit Theophylaſtus. Idem ibidem: *Deus ita ex- igit, ut creatus à ſe Principi vires ſuas habeat. Neque extenuatio ex eo eſt, quod Principi honorem ſuum reddis, ſed magis ex eo, quod cum negligen- do contemnis.* Eodémque reſpiciens Bernar- dus, *Epist. XLII.* quæ ad Archiepiſcopum Senonenſem; *Omnis, inquit, anima poteſta- tibus ſublimioribus ſubjecta ſit. Si omnis, & veſtra: quis vos excepit ab univerſitate? Reddite Cæſari, quæ ſunt Cæſaris.* Scio ad ſecularia tantummodò referre hoc Pontificios: ſed planè iis reſelluntur, quæ antea de jure Magiſtratus in Eccleſiaſticis diximus: Do- lendum verò, hodie iſthoc Papale *unusquodque*, etiam ab aliquibus ſtudioſe arripi, quos alio- qui amore ſincere Religionis, ac pietatis er- ga Deum ſerid duci judicamus. Sed ſic ſere omnes ſumus; ut quaſi veritas Leſbia quæ- dam regula eſſet, plurimùm ſeramus ſenten- tiam, prout quiſque putamus rebus noſtris maxime expedire. Itaque qui alias judicium in Eccleſiaſticis utraque manu Magiſtratui de- ferimus, & ipſam ſeveritatem principalem erga adverſarios noſtros, Zelum ſolemum ap- pellare; hi ſi nobis delinquentibus, non om- nia Magiſtratus ex animi noſtri agat ſenten- tia, judicium retractamus: & quod non mi- nus quam antea Zelus dici debuerat, nec con- ſcientia bona, ac citra magnum Eccleſie diſ- pendium poterat omitti; hoc, quia nunc ſic nobis affectis videtur, partim *ad ſe ſe invicem*, partim etiam ſervitiam appellemus. Quam- bene

benè aptari nobis possit, quod Gregor. Nazianzenus scribit Orat. XVII. quæ

\* Pag. 270. ad cives Nazianzenos : \* Nos Edit. Morell.

*fratres, dum officium ipsi deferentes, Magistratus potestatem iniquo animo ferimus, perinde utique facimus, ac si quis certaminis Præsidem, ut improbum accuset, cum ipse in palestra leges peccet; aut medicum, ut indoctum, & audacem, quod sectionibus & cauteriis utatur, cum ipse gravi morbo laboret, asperioribusque remediis indigeat.* Sed Græcè quin potius ipsum audimus: *Ἡμεῖς τοῦτο π ἀλλήλων, ἀλλήλοι, καὶ τὰ ἑαυτῶν κατεδύσαμεν, ἀλλὰ οὐκ ἐν τῷ ἑξῆς διὰ τὸ ἀποφύγετον, ἀλλὰ ἐν τῷ αἰνῷ τῷ ἀγαθῷ καὶ μακάριον, αὐτὸς ἐκπαλαίων, ὃ δ' ἐκτερεῖν ἀμείδι καὶ δεξιῶν τῷ τοιαῦτος, καὶ τῷ καλοῦ καὶ χρηστοῦ, αὐτὸς ποιεῖς διακρίσειν καὶ τῷ αὐτοῦ ἐκτερεῖν δόξαν καὶ παρὰ τὸν αὐτόν.* Tandem verò sapere discamus, & ut (hortatione Nazianzeni ex eadem Oratione

† Pag. 269. hanc partem claudam:) † *Submittamus nos, tum Deo, tum alii aliis; tum*

*illis qui imperium in terra gerunt: Deo quidem omnibus de causis; alii autem aliis, propter charitatis fœdus; Principibus denique, propter ordinem, publicæque discipline rationem: idque tanto etiam magis, quanto facilioribus illis, ac benignioribus utimur.*

Atque hæc generatim de jure summi Magistratus in Ecclesiasticis præmittere visum fuit. Porro nec abhorreat animus à speciali ejusdem juris consideratione: nempe quæ illud, circa Synodos, vel Pastorum vocationem vel legum lationem, vel jurisdictionem occupatur: sed cum accurate adeo hoc omne persequaris gemino scripto tuo, ut nihil (nisi forte quis mole ac numero insaniens, exemplorum, testimoniorumque strues ampliores requirat) desiderare ultra possit: atque ad hæc quæ superius diximus, pro instituto quidem nostro, sufficere nunc temporis possint: speciali illa consideratione vel omissa, vel in aliud tempus rejecta, accedam deinceps ad ipsum scriptum Walæi, ac si qua ejus mereri nobis videbuntur, & recensebo, & censebo paucis. In ipso operis ingressu multus est in probando, re ipsa distingui Magistratus munus à munere Ecclesiastico: idque ut ostendat (quemadmodum passim indicat) Ministros verbi, non esse sui Magistratus, sed Dei Legatos, & ἀμύλους à Deo vocari, non ut Magistratuum obeant vicem, sed ut tam Magistratus, quam cæteros, imo Magistratus præ cæteris Dei verbo pascant. Atqui hæc vera falsa ne dicam incertus hæreo, an potius utrumque horum. Quam in sententiam magis animus inclinat, quia pro discrimine potestatis, ac judicii diversimodè hæc se habent. Potestas enim eorum qui publica sunt vocatione instructi, vel Civilis est, vel Ecclesiastica. Civilis procurat

humanum bonum, uti *ἐκκλησιαστικὴν πολιτείαν*. Atque hoc respectu societas hominum, non Ecclesia, sed Respub. vocatur. Potestas verò Ecclesiastica procurat spirituale bonum, uti beatitudinem cœlestem. Atque eo respectu hæc ipsa societas non jam Reip. sed Ecclesiæ nomen obtinet. Potestas verò Ecclesiastica est duplex: una interior, altera exterior. Interior versatur in his quatuor, verbi prædicatione, Sacramentorum administratione, Ordinatione Pastorum per impositionem manuum, & usu clavium. Exterior potestas in externa gubernatione consistit, qua Religio publicè sancitur, omniaque procurantur quæ ad bonum Religionis, quæ publica est, pertinent. Prior illa potestas propria est Ecclesiastarum: posterior primò & per se competit Magistratui. Quod optimè intellexit Constantinus Magnus. Is enim in sermonibus super mensam, cui accumbent plurimi Episcopi, & in his Eusebius Pamphili, dixisse fertur, *ὅτι καὶ ἡμεῖς ἐσμὲν τῷ Θεῷ ἐκκλησιαστικῶν, ὡς καὶ ὁ Θεὸς ἐστὶν ἡμῶν ἐκκλησιαστικῶν*. Ubi τὰ εἰρημικά, sive res interiores ab Constantino vocantur, verbi divini annunciatio, Baptismi & Eucharistiæ exhibitio, impositio manuum, sive Ministrorum Ordinatio, & usus clavium, uti antea dicebam. Τὰ ἑξῆς vero sive res exteriores, vocat Constantinus, (ut optimè ejus verba interpretatur vir Cæsarei juris intelligentissimus Melchior Goldastus) defensionem Ecclesiæ, custodiam Disciplinæ Ecclesiasticæ, rectè atque Ordine gerendæ, Conciliorum, seu Synodorum indicationem, Legum Ecclesiasticarum sanctionem, emendationem cultus divini, abrogationem superstitionum, & idololatriæ, observationem Ceremoniarum Ecclesiasticarum, notationem vitæ & honestatis Clericorum, punitionem impiè & flagitiosè viventium, Ministrorum bonorum procuracionem, & malorum depositionem: & si qua id genus alia. Hanc Constantiniani dicti interpretationem confirmat illud, quod ipse dixerit *ὅτι τὰ κατὰ ἐκκλησίαν ἐν τοῖς ἐκκλησιαστικοῖς*. Quo clare indicat, se Episcopis etiam in Ecclesiasticis præesse, nempe non interioris (directè quidem) sed exterioris jurisdictionis ratione. Cujus etiam ratione (non tantum ratione Civilium Legum) se ministrum Dei esse dicebat, seque habere potestatem Episcopos improbos coercendi, ut est apud Theodoretum etiam, Lib. I. cap. 19. Quomodo etiam capiendum calcatum illud, *Rex est Persona mixta cum sacerdote*. Neque aliud voluit illi, qui dicunt Magistratum, etsi primò cura ei competat rerum Ecclesiasticarum, non semper tamen per se exercere, sed ferè hanc aliis committere. Quod de sola exteriori jurisdictione intelligunt. Ut omninò immeritò hos fugillet Walæus.



Hoc ut ita esse pateat, adferam aliquot recentiorum loca, superius à nobis omissa; quibus interiore jurisdictionem Christo, ejus Ministerium ac functionem Pastoribus, exteriorem verò in Ecclesiasticis jurisdictionem, & principalem Ministerii curam, supremo Magistratui committunt. Hier. Zanchius, Tom. 2. Miscellan. Illud, quo regnum hoc Christi instauratur, conservatur, propagatur, est sacram, seu, ut vocant, Ecclesiasticum Ministerium, cujus Ministerii quidem totius, non functio, sed cura penes Principes esse debet, ut in exemplis piorum Regum Juda, imò ante hoc in ipso Mose, videre est. Is ut Princeps & Dux totius populi, curam imprimis, ex mandato Dei, suscepit Religionis, & totius sacri ministerii: ipsam verò ministerii sacri functionem à politica separavit, & unam sibi reavit, alteram Aaron Pontifici, ejus liberis Levitis, injunxit. Muscul. locor. comm. de Magistratu: Quid igitur Minister Ecclesiarum, Episcopis, ac Presbyteris relinquatur, inquit, si Magistratui committitur, ut curam gerat Ecclesiarum, Ministerium, Doctrina, Sacramentorum, rituum, ac ceremoniarum, consistorii, scholarum, ac honorum Ecclesiasticorum? Respondeo, relinquuntur illis ministeria, ad quae obeunda eliguntur, atque constituuntur. Neque docet Magistratus, neque administrat Sacramenta, sed faciunt haec Ministri. In schola non docet Magistratus, sed docet Ludi-Magister. In Consistorio non judicat Magistratus, sed qui ad id officii ab illo sunt constituti. Et tamen superior honor omnium ambobus, & potestas ad Patrefamilias, labores verò & ministeria ad Oeconomum & familiam pertinent. Haec distinctione satis multum relinquuntur Ecclesiarum Ministris. Utinam officio sua fideliter, militet, & prudenter obeant.

L. Cicesteriensis responsione ad Matthaeum Tortum, pag. 370. In gubernando primatum ponimus, non doctile, & Regem non doctorem summum, sed gubernatorem dicimus; ut jam dirimi possit lis, in docendi munere, quod proprie pertinet ad primatum suum; in gubernandi Rex, quod ille sibi solum vendicat ut Rex: nec illum alterum pontificatum docendi invades unquam. Idem copse libro (quem locum & Walaeus citat.) \* Docendi munus, vel dubia legis explicandi, Rex non assumit, vel conciones habendi, vel rei sacra praecundi, vel Sacramenti administrandi, non vel Personas sacrandi, vel res, non vel clavium jus, vel censura; quae ad sacerdotale munus spectant, seu potestatem ordinis consequuntur. At in iis quae exterioris sunt politiae, ut precipiat, suo sibi jure vendicat, nosque adeo illi libenter merito deferimus. Religionis enim curam rem regiam esse, non modo pontificiam, & in regis primam, quamque ille non solum foris, ab externa vi, sed & domi ab incuria hominum asserere tenetur. Nam cum lege ipsa Dei, custos su, ac vindex, non secunda modo to-

bula, sed & prima, prima quoque curam ad se pertinere putat, & primam primam. Clare etiam Guillelmus Theolog. Prof. & Decanus Leichtenfeldensis, duello contra Becanum Jesuitam pro primatu Regis. † Tota controversia & lis nostra, versatur de ea † Pag. 59. potestate, quae fori exterioris est. Quod idem sic explicat. ‖ Rex non est supra Sacramenta, & verbum; nec super Ecclesiae spiritualia charismata, & tamen est supremus Ecclesiae gubernator; quia primaria Regis cura, agenda est pro rebus, ac causis Ecclesiasticis, primatusque Regis in eo munere persurgendo potissimum consistit. Et pag. 15, 16. Regia sublimitas constituenda est super omnes Personas, licet sint Apostoli, sint Prophetae, sint Doctores, Evangelistae, sint denique Pastores. Non quidem supra Res, utpote verbum Dei, Sacramenta, fidem, poenitentiam, quae sunt spiritualia: per haec enim spirituale regimen animarum Christi est proprium, nisi exerceatur per sacerdotale ministerium. Ita quae Ministrorum functio, & dispensatio, quae conceditur est illis, Regum ac Principum minori antecellit perfectione & solatio: non tamen potestatis eminentia, quae omnia bona, & salutaria jubet pro Christo & Ecclesia, & prohibet contraria.

Atque ex his testimoniis constare arbitror, quid iudicii ferri debeat de iis, quae de discrimine Civilis, & Ecclesiasticae potestatis, disputat Walaeus usque ad pag. 12. Imò ex iisdem facile etiam diluuntur, quae deinceps usque ad pag. 18. disserit, ut ostendat iudicium de rebus Ecclesiasticis competere Ecclesiasticis. Nam confundit iudicium quod simplex sententiae dictio est, & illud quod cum imperio est conjunctum. Optime idem Guillelmus Tooker adversus Becanum Jesuitam, pag. 50, & 51. Est quiddam quasi perpetuo Regis Corona adnexum, quod directivam cum aliis, coactivam solus habeat potestatem. Atque addit, hoc esse quod dicit; cum primatum Christianum Christiani Principis in Ecclesia Christi sub Christo habere. Quare quod objicit Walaeus, sacerdotum fuisse judicare de lepra tam interna, quam externa, de priori illo iudicio, quod directivum seu suativum optime vocatur, verissimum est: sed hoc non prohibet, quominus solis Magistratibus, primo & per se competat iudicium imperativum, seu coactivum; quandoquidem eorum est sacerdotes, si vel munus suum non intelligant, vel negligant, officii commonescere, in locum immorigerorum, vel non idoneorum alios surrogare, leges pro Religione ferre. Quae omnia cum non caeco impetu ad nutum alienum, sed post disquisitionem certam fieri debeant, omnino praevidendum iudicium requirunt.

Respon-

Respondent aliqui, iudicium quidem Magistratibus competere, cum quævis actio consequatur iudicium intellectus: nec quod iudicium privatis conceditur, magistratibus eripi possit: verum Magistratus hoc iudicium, rectè sentientium Pastorum iudicio conforme esse debere. Sed non cogitant hi, illud ipsum esse, de quo iudicare oportet Magistratum, qui illi sint rectè sentientes Pastores. Nec enim ideo *ἐπισκοποι* sunt, quia tales se esse profitentur, cum idem faciant *ἐπισκοποι*. Nec ideo tales habendi, quia numero vincunt: cum sæpe hæreticorum numerus sit major: ut olim cum ingemisceret mundus, seque Arrianum factum esse miraretur, ut Hieronymus scripsit. Initio item Reformationis, & omni eo tempore, quo Waldenses se, totis nempe trecentis annis & quinquaginta, ante Lutherum Synagogæ Pontificiæ opposuerunt. Nihil igitur manifestius, quam Magistratum ponderare, non numerare sententias debere. Unde colligere est, quoties Pastorum suorum potius quam aliorum, aut plurium, quam pauciorum iudicium sequitur Magistratus, non ideo sequi, quia Pastores illud dicunt, sed quia persuadent, quod dicunt.

Pag. 22. Quadrifariam probare occipit duo distincta collegia ordinari, *Denter*. XVII. unum Ecclesiasticum, alterum Civile. Verum ut duo distincta collegia fuisse concedamus, (sanè utramque in partem, non adspicienda video argumenta) non tamen rite evincat, quod vult. Nec enim hoc impediret, quominus & prius iudices, & post hos Reges, utrique præfuerunt collegio, nec res duntaxat Civiles, sed etiam Ecclesiasticas gubernarint, cultum divinum fovendo, collapsum instaurando. Quam piorum fuisse Principum curam, argumentum illud validissimum est, quod pro iudicio ac Regum, vel pietate, vel impietate, semper Religio, aut floruit, aut jacuit, ut & ante dictum est.

Inter alia verò ait, nisi fateamur, fatendum esse, quod apud Evangelistam dicuntur, non minus sacerdotes, quam populi seniores, convenisse ad iudicandum Christum; consecuturum etiam sacerdotes, ac Levitas habuisse jus necis. Verum duplici ratione id absurdum non est. Uno nomine, quia, *erant quidam* (verbis utar Burchilli è cap. 28. pag. 294.) *privilegia sacerdotum Veteris Testamenti, quorum erat & in rebus civilibus de iure respondere: etiam Deum consulebant in dubiis, tam civilibus, quam Ecclesiasticis.* Altero verò nomine, quia dici potest, non habuisse jus necis, quia sacerdotes (nec enim omnes jus hoc habuere) sed qua pars erat summi synedrii, cuius solius erat, *iudicare, tribum,*

*sceptrum, Pseudo-prophetam, & sacerdotem magnum*: ut ex Talmudistis refert Petrus Galatinus. Iosephus etiam adversus Appionem, Lib. 2. disertim scribit, sacerdotes inspectores omnium, iudices controversiarum, punitores damnatorum fuisse à Mose constitutos.

Pag. 25. Argumentum inde pro sententia sua dicit, quod Ecclesiasticis solis jus clavium committatur. Sed distinctione hic opus, ad quam nobis præit Marcellus Patavinus, secundæ partis, cap. 6. uno tamen hoc labens, quod satisfactionem Ecclesiasticam, errorem sui seculi secutus, convertit in satisfactionem pro poenis purgatorii. Ipsum audiamus. *In peccatore, inquit, verè penitente aliquis solus Deus operatur etiam absque sacerdotis aliquo proveniente Ministerio, mentis videlicet illuminationem, culpe seu macule peccati purgationem, & eterne damnationis remissionem. Alia verò sunt quæ Deus, in eodem peccatore non secundum se solum operatur, sed per ministerium sacerdotis: sicut ostendere in Ecclesiæ factis, quæ solvuntur, vel ligantur, à peccatis habeantur in hoc seculo, ligandus aut solvendus in alio, id est cuius peccata Deus retinuerit, aut dimiserit. Amplius, est & aliud quod Deus operatur circa peccatorem per ministerium sacerdotis, &c.* Alterum, hoc est satisfactio, seu quorundam pietatis operum à sacerdote impositorum præstatio, quibus se poenitentia peccatorum verè duci declararent. Tertium ut ibidem Marcellus ait, est, quod à Sacramentorum communione per sacerdotem excludantur contumaces, & resipiscant admittuntur. De tribus quæ à Deo dantur præstantur, nulla est controversia: sed tantum de illis tribus posterioribus. Quod ad primum, quæ sacerdos non quidem peccata remittit, aut retinet, sed ut optime Marcellus dicit, remissa aut retenta esse ostendit, sive annunciat. De hoc item non movemus. Nam jam antea hoc respectu facti sumus, administrationem clavium esse jurisdictionis interioris, non exterioris, quam solam Pastoribus tribuimus. Quid mirum? cum prædicatio Evangelii his solis conveniat: administratio verò clavium, respectu hujus primæ partis, nihil aliud sit, quam singularis Evangelicæ predicationis applicatio, qua alii intromittuntur in Ecclesiam, alii ex ea ejiciuntur: intromittuntur poenitentes & fideles: ejiciuntur impenitentes, & Apostatæ. Unde & idem Marcellus Patavinus, secundæ partis, cap. 6. hanc clavium auctoritatem vocat, iudicariam potestatem: eamque esse ex Hieronymo, & Augustino definit, discernendi scientiam, & poenitentiam quæ (sacerdos) dignos recipere, & indignos excludere debet à regno. Nempe ex pronuntiato generali scripturis contento, quod in syllogismo majus est pronuntiatum, & ex cuiusque Personæ quali-



qualitate, qua vel fidelis, vel infidelis est, (hæc res minus constituit pronunciatum) concludit, qua quisque conditione sit apud Deum, num Regni particeps an exfors; sive num damnatione peccato solutus, an restrictus. Unde ministerii usus, sive jus hoc singularis applicationis, non modò clavis, quibus claudimus & aperimus, sed etiam vinculo comparatur, quod vel stringitur, vel solvitur. Ad priorem translationem pertinet, quod Christus ait, *Tibi dabo claves Regni celorum*. Ad alteram referendum quod dicit; *Quodcumque ligaveritis super terram, erit ligatum in caelis*. Utrumque igitur singulari Evangelicæ predicationis applicatione fit, ut tum aperiamus, vel claudamus: tum ligemus, vel solvamus: sed aperimus & claudimus ratione personarum: ligamus, & solvimus ratione rerum, hoc est peccatorum. Quomodo optime, iudicio meo, Christi verba explicat Junius, in analysi ad hunc locum: ubi sic scribit: *Ministerio servorum Dei, tum persona in Ecclesiam intramittuntur, aut ejiciuntur: tum rei ligantur, solvanturque, id est peccata remittuntur, aut condonantur*. Secundum erat satisfactio, qua poenitentia quædam signa, in delictis gravioribus prescribentur: de cujusmodi satisfactio agit Cyprianus, Ep. XII. & LIV. & alibi. Hæc signa suadere sacerdos potest, *vel* verò loquendo imperare non potest: cum penes eum solum, qui imperium habet, sit vis coactiva. Tertium est absentia à cœna, sive non exhibitio signi Sacramentalis: qua minister non de aliena actione judicat, sed de sua; peccet enim contra charitatem, si ei præbeat signa, ad quem scit non pertinere. Eoque nec ullum hic imperium, sed tantummodò Ministerium est. Atque hinc liquet, quatenus clavium usus solis conveniat Pastoribus; & tamen horum quoque ratione, ad Magistratus indirectè pertinet, hoc est non quoad usum ipsum, sed quoad curam circa eum quæ publicus est. Nam vere Religionis cura cum primis pertinet ad curam, & potestatem Magistratus, ut Musculus ait.

\* Loc. com.  
pag. 1369.  
† Pag. 1363.

antea dixerat, *¶ Cura Religionis publicæ, ad Magistratum non simpliciter, & atque, sed circumscriptè pertinet*. Quo loco pñ hæc Musculi mens est, magis Magistratum Religionem, quam res civiles curare debere; sed verò curam Religionis, quæ publicæ, ad Magistratum magis, quam Ministros pertinere. Unde idem

\* Pag. 1371. ait, *¶ penes Magistratum esse, superiorem Religionis potestatem, & curam*. Atque ex his quoque liquet, nihil efficere Walæum, seu vulgarem, seu illam Billsoni, & aliis aliquot eruditissimis proha-

tam sequamur interpretationem loci istius, *Mett. XVIII. de qua Walæus agit, pag. 25. usque ad pag. 29.*

Illud verò invidiosè, & prope dixeram malignè quod pag. 28. ait, eos qui disciplinæ Ecclesiasticæ exercitium, Magistratus primò dicunt convenire, novum eudere Christianissimum, novam planè Ecclesiæ faciem inducere: qualis nec apud ipsos obtineat hæreticos. Nam Disciplina Ecclesiastica, & qualis in primitiva obtinuit Ecclesia, & qualis nunc nonnullis locis est, partim divinæ est institutionis, partim humane. Divinæ est, quod Pastor impenitenti, & incredulo regnum cœlorum claudit, hoc est, quod tanquam Legatus Christi, regnum cœlorum ei clausum esse denuntiat. Item quod palam hæretico, aut facinoroso, non exhibet signa Sacramentalia. At humane institutionis est, quod qui peccarit, licet poenitentia facti ducatur, præfinito tempore seorsum à cæteris inter poenitentes jubeatur consistere: atque alia id genus omnia habentia potestativam. Posteriora hæc non conveniunt Ecclesiasticis, quæ tales, sed ubi Magistratus est Christianus, jus omne circa ea habent à Magistratibus, quibus solis convenit jurisdictio propriè dicta. At priora competunt quidem Ecclesiasticis, ut tales sunt: sed hoc non impedit, quo minus Magistratus sit procurare, ne Pastores in munere suo sint negligentes, vel etiam seu odio, seu alio affectu, consolatione debita, vel Sacramentalis signi exhibitione fraudent, quos non oportebat. Nam (ut verbis utar Gregorii Magni in *Johan. cap. XX. Homil. XXVI.*) *Sepè agitur in indignis Episcopis, vel damnis innumeratis, vel aliis ipse ligatus solvatur. Sepè in solvendis ac ligandis subditis sue voluntatis movent, non eorum causam, verita sequitur. Unde fit ut ipsa hæc ligandi, ac solvendi potestate, se prius, qui hæc pro sua voluntatibus, & non pro subditorum moribus exercet.*

Peccat igitur Walæus cum disciplinam Ecclesiasticam posteriori tantum modo considerat; cum jus ejus Magistratus priorum ratione imprimis tribuatur: nempe quia hæc propriè imperii sunt, solus autem Magistratus vim habet cogendi. Interim illud bene est, quamquam satis non est, quod paulo post, pag. nempe 30. agnoscit ipse, satis parere à verbo Dei, Magistratus esse officium curam gerere, ut rectè exerceatur, universum ministerium Ecclesiasticum, ac proinde etiam Disciplina Ecclesiastica. Quamquam fallitur, cum existimat, sic Magistratus esse curare, ne quid hic peccent Presbyteri, quomodo Presbyterorum videre est, ne quid delinquant Magistratus. Nam Magistratus cura est principalis, quia imperii est, directi quidem circa priora

priora illa, quæ humani sunt instituti: indirecti verò circa posteriora, quatenus procurat, ut fiant, quæ instituti sunt divini. Quod ait, non consequi ex iis quæ confessus erat, si jure suo abutantur Presbyteri, posse ad Magistratum *velut* loquendo appellari: in eo illi minime adstipulamur. Nam omnino Magistratus cura superior est, ut bene Musculum dicentem videmus. Quid verò appellare aliud est, quam ab inferiori, ad superiorem provocare, seu voce illud fieret, seu libello? ut est L. XIV. de Appellationibus. Quomodo & in Veteri glossario legere est: *Appellatio est proclamatio ab inferiori, ad superius tribunal, vel gravaminis relevatio, per clamorionem ex minori ad majorem judicem factam, præterea iniqui gravaminis, vel injuste sententiæ.* Et quid infirmius isthac argumentatione cum sic colligit: Ad Magistratum summum non appellari nisi in iis, quæ per se subire possit Magistratus: non posse autem Magistratum prædicare Evangelium, aut Sacramenta administrare; eoque in his ad eum appellari minime posse. Nam & multa sunt ministeria civilia, quæ per se obire Magistratus summus minime debeat; in quibus tamen ad eum licet appellare: cujusmodi sunt ea, quæ sui utilitate obscurant, vel etiam ludibrio prostituerent summi imperii Majestatem. Verum esto sanè, ut appellationis vox apta satis non sit; saltem concedat, si Presbyteri disciplinam injustè exerceant, posse unumquemque de injuria conqueri apud Magistratum: ac quamquam hujus non sit facile querimonis istis habere fidem, tamen nec facile debere illis aurem obstruere; imò nec magis perpeti debere injustum clavium usum in Consistorio, quam hæreticam institutionem in Templo. Quæ diffiteri non potest: ut qui ipse, p. 30. scribat, si tempora incidant, quibus Disciplina corrigi debeat, Magistratus esse facti rationem exigere à Presbyterio, excommunicationem innocentium sui autoritate imperii impedire: quomodo Athanasio à Synodo condemnato, Constantinus (ut Socrates testatur, Lib. II.) alios instituit conventus, quorum opera, uti & virorum aliquot doctorum, res denuò cognosceretur: quomodo item Magistratus pii, nostro seculo Ecclesias Reformatas, adversus excommunicationem Pontificis, & Concilii Tridentini defenderunt; hodieque per Dei gratiam tuentur. Atque hoc etiam (pag. 33.) Th. Beza cognovisse ait, ubi hæc ejus citat verba adversus Estium: *Cum etiam à rectè constituto consistorio, possit reis delatis injuria fieri, in angustibus terroris, citra ullem Ordinis Ecclesiastici violationem, Christianus Magistratus, ut tabula arvensque, & Ecclesiastica immixta cunctis & vir-*

*dex, prospicere potest conquerentibus.* Mox etiam (pag. capite & seq. 34.) ait, Magistratum tantumdem juris, in Synodos, ac Concilia quæcumque obtinere, cum usu non raro venerit, ut his quoque decernerentur, quæ verbo Dei repugnarent. Eoque id si fiat, talibus constitutionibus obviam ire, & posse, & debere. Quæ omnia præclare ab eo dicuntur, ac istiusmodi sunt, ut principalem Ecclesiæ curam, penes Magistratum summum esse evincant. Præsertim cum (verf. 10. & 11. pag. hujus 34.) dicat se semper loqui de iis quæ ad *verbum* Religionis pertinent, quæque verbo Dei disertim præcipiuntur. Nam si circa hæc Magistratui tribuit imperium indirectum, quod jubeat, quæ Deus jubet, eo quod Deus jubet: non dubitandum videtur, quin directum etiam imperium, Magistratui concessurus sit in iis, quæ ad ædificationem quidem Ecclesiæ pertinent, sed speciatim verbo Dei non præcipiuntur. Et sanè propter hæc, & alia istiusmodi factum credo, ut vir quidam præstans, (quemadmodum præfente D. Heinio mihi retulit Colonius) judicium hoc tulit de scripto Walæi; tam multa eum adversaria largiri, ut propè non videat, quid in controversia relinquatur. Ac etiam clarissimus P. Bertius præfente Collega meo dixit mihi, se ex iis quæ hæcenus, eo in scripto legisset, judicare aliud non posse, quam cum Utenbogartio, in re ipsa consentire. Quod pag. capite ait Musculum, & aliquot alios ejus populares, ab unanimi Christiani orbis sententia patrilium deflexisse, idque odio Anabaptisticae Discipline factum videri: mihi quidem verisimile non sit, sed potius censeo, impugnatum ab iis eam discipline rationem, quæ Geneva obtinet, quam & alii alibi inductum ire voluerunt. Ac sic ut sentiam, magis faciunt verba, cap. 18. Confessionis Helveticae, quæ ipse citat, pag. 35. sunt verò istiusmodi: *Cumque omnino oporteat in Ecclesiis esse disciplinam, & apud veteres quondam usitata fuerit excommunicatio, fuerintque judicia Ecclesiastica in populo Dei, in quibus per viros prudentes, & pios exercebatur hæc disciplina, Ministerium quoque fuerit, ad ædificationem, disciplinam bene moderari, pro conditione temporum, statum publicum, ac necessitate, ubi semper tenenda est regula, curam fieri dantes ad ædificationem, decorem, honestatem, finem tyrannide, & seditione.* Et sanè nihil Musculus dicit, quod non aliis quoque Reformatæ Ecclesiæ doctoribus videatur; ut omnino non dubitemus: qualem Walæus videt, vult, nempe hanc mercedem reportant qui diligentibus veritati indagandæ incumbunt) sed *non debet dici debeat.* Quod verò pag. 42. ait, magis Utenbogartium adversariis suis impingere studium collateralis imperii; utinam verum





perio præest, etiam universam Religionis curam, qua publica est, summam Magistratui subiectam esse necesse est. Eoque respectu satendum, Ecclesiastas secundum interiora illa, nempe prædicationem Evangelii, administrationem Sacramentorum, impositionem manuum, & jus clavium à Magistratu summo dependere. Quod cum dico, non tantum Ecclesiastas Magistratui subijcio, quatenus in horum arbitrio est, quæ Religio publicè debeat obtinere; sed etiam quatenus eorumdem est procurare, quæ ad Religionis puræ primitus institutæ conservationem, aut collapsæ institutionem pertinent. Arque hinc planissimum fit, non in eo tantum discrimen esse, inter Magistratus & Ecclesiastas; quod illorum munus in imperio, horum in solo directione, ac ministerio situm sit: sed etiam quod Ecclesiastæ, in Ecclesiasticis immediate non Deo, sed Magistratibus subsint, nempe qua Religio publica est: directe quidem ratione exteriorum, in quibus propriè dictum imperium habent: indirectè verò in cæteris, in quibus improprium habent imperium, ut quod solum consistat in procurando ea, quæ Deus imperavit. Illustremus hæc exemplo, de Coena Dominica: in qua tum essentialia spectantur, tum quæ extrinsecus accedunt. In prioribus jus Ecclesia non habet, aliquid omittendi, vel mutandi: eoque nec Magistratus, qui supremus est Ecclesiæ gubernator, potestatem habet hic aliam, quam procurandi, ut à Presbyteris observetur Dominicum institutum. Si igitur Presbyteri vel solum calicem populo præbere velint, quod nusquam fieri arbitror, vel solum panem, uti in Pontificia Ecclesia obtinet consuetudo: est pii Magistratus (quidquid contra disparent Presbyteri, quæcumque etiam in rebus Ecclesiasticis, & scientiam, & potestatem sibi arrogent, Magistratibus derogent) istiusmodi dissimulati Sacramenti abusum omnimodis impedire. Sed de externis & accessoriis, habet Ecclesia, eoque & qui Ecclesiæ moderatur Magistratus, potestatem instituendi quæ vel ad locum, vel tempus, vel numerum, vel modum pertinent. Ratione loci, ut in quibus ea templis debeat celebrari. Ratione temporis, uti, quod licet Christus Coenam Dominicam vespere celebrarit, tamen cum jubeat Scriptura omnia facere *ut in eadem* satius sit administrari eam, quo tempore homines etiamnum jejuni esse solent: ut quod ad Religionem, piamque devotionem longè sit accommodatius. Ratione numeri, ut quoties in anno ea debeat celebrari: num Dominicis diebus, an etiam aliis, (in quo vetus Ecclesia variavit) & si Dominicis tantum, num singulis, an quibusdam, & quibusnam. Ra-

tione denique modi; ut cuiusmodi adhibenda sint preces, gratiarum actiones, hymni, ceremoniæ: quæ quia in potestate sunt Ecclesiæ, nostro quoque seculo, in ipsis quoque Ecclesiis Reformatis, non parum varietatis cernere est. In huiusmodi igitur omnibus, Ecclesiæ jus concedunt definiendi, ac canones constituendi: Magistratui directum, ac propriè dictum imperium conceditur. Arque hac essentialium, atque accidentalium directi, & indirecti imperii distinctione, in fumos abir, quod Utenbogartio ejus pag. vers. antep. objicit Wallæus, tantam veritatis vim esse, ut ei subinde veritas excidat invito; ut qui interdum agnoscat Pastores, *quibus*, muneris sui mandatum habere à Deo; & tamen aliàs contendat, eos ab & sub Magistratibus consequi exercendi muneris sui potestatem.

Pag. 45. Agnoscere non posse Magistratum  
 summum renuntiare summo in civilibus im-  
 perio, nisi simul desinat esse Magistratus.  
 Optimè. Sed idem in Ecclesiasticis locum  
 habet. Imo in his tantò magis, quantò tem-  
 poralibus præstant æterna. Nec enim civilis  
 tantummodo beatitudo, sed etiam cælestis  
 ac hæc quidem imprimis, finis est reglæ po-  
 testatis: ut antea ostendimus, ac rectè ag-  
 noscit Ilidorus Pelusiora, L. III. Ep. 249.  
 quæ ad Ilidorum Diaconum: *ἡ βασιλεία ἡ  
 ἐκκλησία τὴ ἀρχιερατικὴν ἐντέτακται* et *ἡ  
 ἀρχιερατικὴ διακονεῖ*, (i. e. *ἡ βασιλεία ἡ ἐκ-  
 κλησία*) *ἀπὸ αὐτῆς ἐστὶν ἡ ἀρχὴ*, *ἡ δὲ ἐκ-  
 κλησία ἀπὸ αὐτῆς ἐστὶν ἡ διακονία*. Cui consona scribit Thomas Aquinas,  
 Lib. I. cap. 14. & cap. 3. Lib. III. de  
 Regimine Principum. Quamquam is Liber,  
 etsi in Romana quoque editione legatur,  
 Thomæ tamen falso tribuatur, ut in quo Ro-  
 dolpho Adolphus, Adolpho Albettus successisse  
 dicatur, quorum hoc contigit, annis post  
 Thomæ obitum 25. sed istoc utitur est, opti-  
 mè eo quo dixi libro legere est: *Finis ad quem  
 principaliter Rex intendere debet, in seipso, & in  
 subditis, est æterna beatitudo, quæ in visione Dei  
 consistit: & quia ista visio est perfectissimum bonum,  
 maxime movere debet Regem, & quæcumque Do-  
 minum, ut hunc finem subditi consequantur*. Quod  
 si beatitudo supernaturalis, sit principalis Re-  
 gis ac Regni finis, sanè cum regnum non sit  
 ob Regem, sed Rex propter regnum, (quo-  
 modo non oves ob pastorem, sed pastor est  
 propter oves) liquet Regis esse omnes subdi-  
 tos suos regere, tam in Ecclesiasticis, quàm  
 Civilibus; nec posse hoc imperium summum  
 in Ecclesiasticis in alterum transferre, quin  
 alienet principalem imperii sui partem, ad  
 proinde Magistratus summus esse desinat,  
 ut qui se abdicet eo, quod, non dico im-  
 perii summi quarto modo proprium sit,  
 sed quod de essentia est imperii, & qui-



dem ut dicebamus, principalis imperii summa pars.

Quod hoc loco, & alibi Walrus ait, posse Magistratum in civilibus exequi ea munera, quæ alteri mandat: sed non posse per se obire prædicationem Evangelii, & Sacramentorum administrationem: eoque nequam Magistratui id juris competere in Ecclesiasticis, quod obtinet in civilibus. Hoc quamquam imperitum aliquem movere possit, revera tamen nihil officit iis, quæ hæcenus diximus. Nam jam antea confessi sumus, Ministros jus docendi, aliaque ei necessario connexa agenda, non minus *autum* adeo obtinere, quam Magistratus summum imperium immediatè habet à Deo. Sed non de essentialibus ministerii, verum de imperio disceptatio est, hoc est, quæritur, an non Ecclesiasticæ directio Magistratus imperio subsint in rebus exterioribus, sive in actionibus ordinem, ac *modum* Ecclesiæ spectantibus: indirectè verò in interioribus, quatenus ejus est procurare, ut à Pastoribus fiant, quæ Deus iussit: atque ad hoc habet vim coactivam. Nec quidquam ad rem facit, quod Magistratus per se non potest exequi munus Presbyterorum: quia nec Magistratus multa munia, ob vilitatem sui obire per se possit; nec tamen id impedit, quominus supremum circa ea habeat imperium. Hinc Burtrillius, cap. 21. pro Tortura Torti: *Supremi*, inquit, in *quovis* genere gubernatoris non est, exequi singularum officia, sed curare, ut suum quisque officium exequatur. *Utque* in supremo gubernatore, in rebus conjugalibus non requiritur, ut potestatem habeat conjugalem: ita nec in supremo gubernatore, in rebus sacerdotalibus requiritur, ut habeat potestatem sacerdotalem.

Pag. 46. ait, Si Magistratus jure suo abutens, seu falsis Pastoribus, seu aliter Ecclesiam Dei perditum ire velit, Ecclesiam hoc juris habere, ut vel invito Magistratu, novos ac sanos sibi eligat Pastores. Sed confundit Ecclesiam quæ talis, & quæ publica. Nam jus hoc quidem Ecclesiæ concedimus; ut si Imperator hæreticus lupum Christiano ovili præficere velit, sibi cavere à lupo, deque vero animarum Pastore prospicere possit. Sed Minister iste, Ecclesiæ quidem Minister erit, publicæ verò Ecclesiæ Minister non erit. Ut efficeret, quod vellet, probare debuit, Ministros Ecclesiæ, quæ publica est, non à Magistratu solo jus consequi publicè docendi, aliaque exercitia Religionis publicè obeundi.

Quod sine ejusdem pag. ait, sic novum invehi papatum, imo tot Papas novos statui, quot sint supremi Magistratus; id à Jesuitis quoque obijci scimus Theologis Anglis; à quibus id semper negatum fuit. Audiamus

Guilielmum Tookerum, S. Theologiæ Professorum, & Decanum Ecclesiæ Lichfeldensis, in duello suo cum Becano Jesuita, pag. 13. *Cum*, inquit, *Regem Ecclesiæ præponimus, primumve & regimen in Ecclesia supponimus; nec Pontificatum veterem, nec Papatum novum invehimus in Ecclesiam.* Quod plenius declarant verba serenissimi Jacobi Magnæ Britannię Regis à Tookero, pag. 5. adducta. *Regibus*, inquit, *Christianis Ecclesiam intra fines suos, non minus quam reliquum populum esse gubernandum, ut qui custodes sint utriusque tabule; non quidem novos articulos fidei condendo, (id enim Pape munus est) sed efficiendo, ut Dei verbo publicè obtemperetur, Religionem repurgando, juxta divinam voluntatem, in sacris patefaciam, & temporalem gladium in beneficium spiritualis potestatis distringendo, abolendo corruptelas, Ecclesiasticam auctoritatem sanciendo, quæstiones frivolas, & schismaticum licentiam, vel componendo, vel coercendo, tollendoque, quod Constantinus fecerat; denique decorum quoddam tuendo, & leges, ac jura præscribendo de adiaphoris rebus omnibus, ordinis gratia: ad quem solum scopum collimat hoc jamentum primatus.* Hæcenus Rex, qui & paulò ante dixerat: *Reges Veteris Testamenti cuncta moderatos esse, quæ ad Ecclesiasticum regimen quoquo modo pertinerent.* Atque uti nec plus, nec minus, quam serenissimo Regi, debetur supremo nostro Magistratui: ita neque minus, vel amplius ei tribuimus, nec ipse plus sibi vindicat.

Nec enim sibi infallibile tribuit iudicium in rebus Religionis, quod facit Papa: nec potestatem condendi capita fidei, quæ conscientias obligent: sed tantum jus sanciendo, quæ Religio publicè debeat obtinere, procurandique ea quæ ad *edificationem*, & *edificationem* Ecclesiæ judicat pertinere. Non se facit spirituale caput Ecclesiæ, quod scit solius esse Christi; non ipse obire vult Ministerium Ecclesiasticum, quia scit se ad hoc non vocatum à Deo: verum quia scit officium summi Magistratus, præcipuè versari circa Religionem, & cultum divinum, (ut qui imprimis debeat procurare, ut subditi consequantur beatitudinem æternam) eo conscientiam suam, sic arbitrio eorum, quos falli scit posse & solere, alligare non vult, ut ad nutum alienum omnia in Ecclesiæ rebus exequatur. Scit sibi à Deo commissum esse, officium dirigendi regimen suum, in finem verum, qui est beatitudo coelestis: scit hoc principale officium suum esse: hoc igitur se munere abdicare non vult, nec aliis resignare, salva conscientia, potest, qui ad istud vocati non sunt, plurimum etiam ut ad illud vocentur, idonei non sunt. Non novum Papatum invehant, qui hoc Magistratui tribuunt, sed qui

qui adimant. Nam inter elogia, quibus Anti-Christum insignit Scriptura, illud est, quod se offerat supra omne id quod dicitur Deus. Ac eundem hæc jubent esse custodem, & vindicem utriusque tabulæ. Hoc igitur, qui vel sermone, vel facto eripit Magistratui, mores induit Anti-Christi. Facit verò illud, qui potiozem imperii summi partem sibi vindicat. Summa autem imperii pars est, quæ circa Ecclesiastica versatur. Hanc igitur qui Magistratui aufert, Anti-Christo ac Papæ, hac saltem parte quin similis sit dubitandum non est.

Pag. 48. *ἀνίστατο* esse ait, velle alicui, quem fatearis posse errare, tribuere summam in Religione potestatem: atque hoc cum probè assequerentur Pontificii, eorum plerisque, quia Papam errare posse faterentur, Concilio eum subiecisse. Sed horum longè deteriore esse opinionem, qui insimul & Magistratui tribuant iudicium fallibile, & ei tribuant supremum jus, in negotio Religionis. Mira sanè argumentatio, cum negare non possit, etiàm Synodos sæpenumero falli: eoque si quid ponderis huic insit argumento, fateri ipse cogatur, nec penes Synodum supremum illud jus fore. Sanè si Synodi falli possint, quis non videt Magistratum, non debere credere propter se, sed quia consentiant cum Scripturis, & canonibus Antiquis? In quacumque igitur nos partes versemus, effugere illud non possumus, quin de Synodis *ἀνίστατο* competat Magistratui. Si enim unicuique etiàm privato, ex Theologorum sententia iudicium convenit in causa Religionis, quomodo hoc Magistratui non competet? Ac si nec privatus quisquam adstringitur iudicio Synodico, quomodo non dissentire ab eo licebit summo Magistratui? Pater-familias non tantum potest, sed etiàm debet examinare Synodica decreta ad Lydium lapidem Scripturarum; ne humanis decretis facillè nimis fidem habens, & se errori involvat, & in eundem familiam compellat: Et Magistratui, Parenti Patriæ, non idem faciendum erit, ne ejus segnitie, nimiae credulitate, errores noxii in Ecclesiam spargantur universam? Utrumque igitur verum est, & penes Synodum *νέστιν*, & penes Magistratum summum *ἀνίστατο* esse; item & hunc, & illam errori esse obnoxiam: sed hoc non impedit, quominus tum Synodi officium sit, dirigere intellectum in cognitione veri, tum Magistratus sit, imperare, quod rectum est & salutare. Quod si illa diriget male, non ideo hic imperabit malum: Et si hic imperet malum, non ideo subditi parere debent in malo: Sed & Magistratus, & subditi unusquisque aget, quod sui esse officii, & Scriptura, &

Ecclesiæ Catholicæ consensu, & recta ratio  
persuaserint.

Eapfe pag. 48. adverfus illud quod dixerat, non bene convenire, nec in una fede morari, ἀναμεινῶν non esse in judicando, & tamen supremam habere judicandi potestatem : objicit sibi ipsi quod solvere pottea non potest. Fatetur enim & in civilibus posse Magistratum decipi, nec impedire hoc quominus summum in his habeat imperium. Respondet autem disparem hic rationem esse, quia utut subditi in his damnum faciant, Magistratus sui errore, muffle tamen hoc, & concoquere cogantur : verum si Magistratus hæreses introductum, defensumque eat, si deles Pastores silentium tenere, minime debere : quia hic agatur de re omnium pretiosissima, animarum nempe salute. Discrimen hoc, & ipsi agnoscimus, sed ὁ δὲ θεὸς ἰσχύει. Nec enim si Deus imperium habet supra Reges, cō Reges in Ecclesiasticis imperium non habere consequitur ; sed illud tantum evincitur, non ἀλλοίως summum imperium habere : quod à nemine in controversiam vocatur. Fatemur igitur si aliud Rex jubeat terrenus, quàm cœlestis, hunc, non illum audiendum esse ; posseque tum nos dicere, cum B. Polycarpo, ἡ ἀρχὴ τοῦ κόσμου οὐκ ἐστὶν ὡς ἡ ἀρχὴ τοῦ θεοῦ, sed hoc non impedit, quominus nullum in Ecclesiasticis imperium sit penes mortalem quemquam, quam solum Regem, vel eum quem Rex (summo semper sibi imperio reservato, cui renuntiare non potest, nisi Rex simul esse desinat) sub sese jusserit imperare. Quamobrem hic & imperare illud debet, quod in verbo jussit Deus, ac poenatum etiam comminatione obstringere ad illud subditos potest : & imperandi etiam ea jus habet, quibus repugnans nihil in verbo jubet Deus. Nec vel in his, vel in illis imperium detrectare cuiquam licet. Ollas lip-pit, qui hinc consequi non videt, tam in Ecclesiasticis, quàm in Civilibus, omne imperium esse, penes solum Regem, hoc est, summum quemque Magistratum.

Cūm negat pro Synodis haberi, quæ non congregantur jussu, aut consensu Magistratus: addere debuerat, cujusmodi de Magistratu loquatur, num de eo qui Christianam Religionem probet, aut toletet; an qui eam persequatur. Nec enim quisquam in dubium unquam vocavit, an Concilia ante Constantini tempora (uti Hierosolymitanum primum, cujus *Act.* XV. mentio fit, Carthaginense de re-baptizandis, de quo Euseb. VII. 2. quod tamen ab Ecclesia improbatum; Eliberitanum item, atque alia) Conciliorum nomen mererentur; verum duo hæc





pturis : eoque & hoc & hujusmodi alia vim legis habere nequeunt, nisi sanciente summo Magistratu, qui & legem istiusmodi antiquare potest cum visum.

Improbat postea, quod Utenbogartius dixerit, Ambrosianum exemplum, viam munisse ad tyrannidem Papalem. Ac putat se illud abunde refutasse, si tergeminum aperiat discrimen, inter Ambrosii factum, & Papæ excommunicationem. Sed fallitur. Nec enim vitia intra prima consistunt initia : verum ut scriptor Romanus ait, ubi semel à virtute descitum, non gradu, sed præcipiti cursu, ad vitia transcurritur, vetus disciplina deseritur, nova inducitur. Et sanè quisquis Romanæ sedis typhum habet perspectum ; ignorare non potest, ut Episcopi ejus loci, postquam tantum facinus, Ambrosium videre ausum, & foeliciter quidem ausum, majores conceperint spiritus, ad efferendum magis, & magis, se supra omne id quod dicitur Deus. Nec ideo Ambrosii factum damnamus. Tantum dicimus id nec penitus approbatum : neque id ulli imitandum Episcopo, saltem non alii nisi qui & spiritum habeat Ambrosianum, & cui negotium sit, cum eo Principe, qui spiritum habeat Theodosianum. Sanè si vel à schismate, vel persecutione, vel etiam à scandalo metus sit ; omnino in persona Regis, indulgentiâ opus est : quæ de re vide, quæ Burhillus scribit adversus Becanum, cap. 13. pag. 127, 128, 129.

Pag. 67, & 68. repetit quod antea etiam dixerat, non Pastores minus quam Reges, à Deo vocari. Sed ex iis quæ antea diximus, cognoscere fuit, quatenus hoc admitti possit. Interim expendamus duo argumenta, quæ obiter firmandæ sententiæ infercit. Unum est, quod Prophetæ ac Sacerdotes, itidem ac Reges soleant inungi in V. T. alterum quod æque illi ac hi typi fuerint Servatoris nostri. Sed præstantiam muneris pastoralis non malè hinc adstruas, quam quivis bonus agnoscit. Immediatam verò vocationem non item. Nec enim inunctio aliud signabat, vel obsignabat, quam quod, uti oleum externum reficit corporis membra, atque ad exequendas res multas vegeta reddidit atque idonea ; identidem is qui Rex, Propheta, aut Sacerdos ordinaretur, licet naturâ tanto muneri nequitiam par esset, tamen à Spiritu Sancto vires consequeretur, ad administrationem muneris sibi divinitus commissi. Nihil magis à *divina* vocationem inde evincas, quod typi fuerint Christi. Nam & Isaac puer typus fuit Christi, quo tempore nec Rex, nec Propheta, nec Sacerdos fuit, & æneus quoque serpens in deserto, aliaque gesserant typum Christi. Imò contra si horumce

munerum naturam consideremus, clarè conspiciemus, summum in Ecclesiasticis imperium, Episcopis ac Presbyteris tribui non posse. Nam sacerdotum tum docere erat, quod cum Prophetis eis fuit commune, tum sacrificare, tum intercedere pro populo apud Deum. At Regum erat gubernare Ecclesiam, summoque cum imperio versari, circa ea quæ ad animalem, aut spiritualem vitam pertineant. At qui Presbyteri, & Episcopi non regibus V. T. succedere, sed sacerdotibus : ut qui & ipsi doceant, & *universis* sacrificii Christi signa administrent, & pro Ecclesia, singulisque ejus membris, in precibus, & gratiarum actionibus, intercedant apud Deum : Unde & *ipsi* ac Sacerdotes ab omni antiquitate appellantur. Gubernatio igitur principalis, non his, sed Magistratui competit. Neque obstat, quod à Paulo, inter Ecclesiasticas functiones *regni* mentio fiat. Nam est Episcoporum, & Presbyterorum quidem regere, verum Ministerio, non Imperio, quod solius est Magistratus : Unde illud Poetæ :

*Tu regere imperio populos, Romane, memento :*

Aut si quod etiam imperium habeat, id sub hostili Magistratu est, ubi eorum qui Ecclesiæ præsident, est ea resistere quantum licet, quæ alioquin erant Magistratus. Sub Christiano autem Magistratu, si quod imperium, vel jus in rebus externis habet, à Magistratu habet, quod idcirco non summum erit, sed subordinatum. Quam rem his verbis expressit Guilielmus Tooker, duello cum Becano Jesuita, pag. 63, & 64. *Mixtum jus & resultans ex utroque jure, & Regio, & Episcopali est legum sanctio, & Synodorum indicio, & præsidendi in iis prærogativa, & controversiarum decisio, & benefactorum collatio, & Clericorum investitura, & Episcoporum constitutio, & depositio, aliorumque actuum, qui his finitimi sunt, exercitium, quæ fere ab origine primatus regii descendunt, & communicantur sacerdotibus, & ex favorabilium legum indulgentia, bona cum venia Principum maxime derivantur.*

Hactenus vidimus primam & potiore partem Walæani scripti partem. Accedit deinde *secundus* libri Utenbogartii. Sed non videtur quid multum attineat illi immorari, cum ex iis quæ hactenus diximus, nullo negotio pleraque omnia solvantur. Ad exemplum Moïsi respondet, fuisse non tantum summum Magistratum, sed & Prophetam Aaron majorem ; quod probat ex Num. XII. 6, 7, 8. sed *ipsi* *verbi* *scripti*. Nam quæ Propheta major, judicium habuit directivum : quæ Magistratus, imperativum. Quæ Propheta scientiam habuit : quæ Princeps, pote-



Rateo. Audiamus quod Becano, cum similiter occurrisset Episcopo Eliensi, respondeatur à Burhillio, cap. 27. pro Tortura Torti, pag. 278. Propter ut Mossem probes fuisse, rectius locum longiusculum ex Num. XII. 6. Quasi vero nobis verum aliquid, aut negaretur, aut nesciretur. Summam quoque sacerdotem fuisse probus. Sed hic oblitus es turpiter, in exemplo Mosi ad primatum regium, non tam queri utrum summus sacerdos fuerit, quam utrum post consecrationem Aaronem fuerit. Scimus enim Mosi in Ecclesiasticis, post consecrationem Aaronem, obeditum ac supremo gubernatori: nec ut Legislatori, aut Prophece, credo, dixeris. Restat ergo ut obeditum illi Mosi, in hoc negotiorum genere, vel tanquam Principi seculari, vel tanquam summo sacerdoti. Nec tamen post consecrationem Aaronem, facile persuasuris Mossem permansisse summum sacerdotem; ut illius summus, quasi Antipapas faciens, incipiens facit Ecclesiam sub Mosi.

Ad Josue exemplum respondet Walrus, Mossem, Num. XXVII. 18. voluisse Josua omnia faceret ad verbum Eleazari; quem iccirco, si quid agendum, consulere deberet. Quo etiam argumento pugnat Becanus, adversus Episcopum Eliensem. Sed cum ibidem addatur, Eleazarum debuisse consulere Deum, liquet Josuam à Deo accepisse responsum per sacerdotem, gestantem Urim & Thumim. Quare hoc quoque indicat, certitudinem directivi iudicii in Eleazaro: imperium non item. Egregie vero hoc loco, adversus Becanum scripsit Robertus Burhillus, cap. 27. pag. 286. & 287. ubi hæc inter alia, quæ Wallæanum responsum plane infringunt: Si (ut videris velle) ex eo quod dicitur, Num. XXVII. 18. ad verbum ejus (id est, ut exponit, Eleazari) egredietur, & ingrediatur Josua: id modo officio capiti, non quidem, ut in gubernatione civili, sed tantum ut in Ecclesiasticarum rerum gubernatione, subsit Josua Eleazaro: reclamantibus verbis contextus: quæ non modo de Ecclesiasticis negotiis loquuntur; sed etiam de omnibus, de quibus Deus consulendus per sacerdotem fuerat. Nec tamen ita de his omnibus, ut in iis omnibus Josuam imperio Eleazari subiciant; sed oraculo divino: cujus tum certus interpret Eleazarius, & post eum dñi successores ejus fuerant. Si Papa (idem de Pastoribus Ecclesiarum dici potest) itidem certus interpret esset voluntatis divini, sacerdotis, ad verbum Papæ, Principibus & egrediendum, & ingrediendum. Nec tamen ideo diceremus, Principibus omnia facienda ex consilio Papæ: nec enim de omnibus Deum consulere per sacerdotem: nec etiam per eos sacerdotis divinum responsum deciperent, sacerdotis imperio paruisse dicimus. Ut nec fecialis, sed Regis imperio pareat, quod fecialis, Regis mandatum deferent, pareat. Nec tamen damus, quod

in more, sine probatione sumis, illud ad verbum ejus, exponendum positis, ad verbum Eleazari, quam ad verbum Domini. Certe enim in Hebræo hoc antecedens proprius, & interpret etiam vestri stant ab hac interpretatione, &c. Et post aliqua: Aut non omnino jubetur ad verbum sacerdotis egredi, & ingredi, sed ad verbum Dei: quod probabilius videtur: aut saltem non absolute, sed ad verbum ejus pendens à consultatione Domini, id est, quatenus internum est voluntatis divine.

Deinceps respondet quoque ad exempla Davidis, Salomonis, Josaphati, Ezechias, Josia: quibus non Utenbogartius tantum, sed etiam Rex serenissimus Jacobus, & Theologi Angli, supremam in Ecclesiasticis curam Regi competere, variis scriptis adversus Pontificios ostenderunt. Itaque qui sciat, ut Theologi illi, exempla ea, à Pontificiorum responsis vindicarint: is simul norit, quid ad exceptiones illas Wallæanas debeat responderi. Quare non visum huic argumento ultra insistere: sed remittere malo ad Guilielmum Tookerum, qui in duello suo cum Becano Jesuita, non tantum regium in Ecclesiasticis regimen, ac primatum exemplis his fuisse probat, sed etiam ad ea omnia, quæ oggesserat Jesuita, solide respondet. Vide cum à pag. 113. usque ad pag. 175. Ac eo libentius hanc partem prætereo, quia idem video à Burhillio factum, libro pro Tortura Torti, ut qui & ipse cap. 28. pag. 292. nos remittere malis ad responsum Doctissimi Decani Leichfeldensis, qui non alius est, ac Guilielmus Tookerus. Adde quod etiam Walrus evinceret, singula exempla per se non satis valide probare, quod Utenbogartius volebat; tamen alia attulerat, quæ nec argumentorum subtilitate eludat, nec robore elidat. De cæteris cogitandum illud Poetæ veteris,

*Est quæ non proficit singula, multa juvant.*

Quod verò ad illam testimoniorum sylvam, quam Utenbogartius testimoniis obducit, mihi quidem magnam partem videntur ea sententiam nostram confirmare. Itaque quamquam jam scribendo lassus, strigare malim, quam protelo ducere: tamen adferre visum aliquot istorum testimoniorum, ut pateat quam is non cum adversa sententia, sed quemadmodum Romani tyrones, Vegetio teste, solent, adversus palum plurimum pugnet.

Pag. 119. agnoscit Helveticam confessionem, Magistratui imprimis Religionis curam demandare. Respondit, hanc mentem Confessionis esse, non quidem Magistratui modo excellentiori, hanc curam demandari, quam Pastoribus, sed potius Magistratui Ecclesiasticorum,

affectorum, quam civilium, curam habendam esse. Sed quem meliorem Confessionis Helvetice interpretem habere possumus, quam Wolfgangum Musculum, qui superiorem Magistratus subordinatam Pastorum in Ecclesiasticis curam facit? ut antea vidimus. Nec alia Bullingeri, aliorumque Helveticorum sententia est.

Pag. 115, & 117. Agnoscit Regem, ab Anglicana Ecclesia habitum, pro capite Ecclesie. Verum his verbis supremam Ecclesie gubernationem ei tribuisse. At neque nos Magistratum spirituale Ecclesie caput facimus: sed hoc ipsum quod Anglicana voluit Ecclesia, quodque à L. Cuscesbriensi tribui Regi docet ipse, pag. 118. Item ex Burhillio, pag. 121. uti hæc verba inter alia citat. *Regem postquam ab Ecclesiasticis consiliis, aut (si hæc non satisfecerint) ab autoribus ob fidem, & horum rerum peritiam idoneis, quorum os consilium tenetur, (aut edocui fuerit, præcipuum esse Dei servum, & exequenda voluntatis divine supremum gubernatorem.* Et ex eodem aliquanto post, cum plurima enumerasset: *Hæc fere omnia, certe maxima, in primatu Regio quod ad spiritualia agnoscimus.* Item pag. 122, 123, & 124. quibus locis, exteriorem Ecclesie curam Regi tribuit, licet verbo limitatam: item ait, & Pastores, & Regem habere spiritualium curam, sed huius curam, etsi spiritualium sit, non esse spirituales. Optime item pag. 125. Burhillum inducit declarantem, verba Augustini in questionibus, Veteris & Novi Testamenti. *Rex habet imaginem Dei, regnantis in coelis: Episcopus Christi, sed ministrantis in teris.* Nempe quia sacerdos, legatione fungens nomine Christi, precibus, & hortatibus agit, non imperio regit; ut Paulus ostendit, 2 Cor. V. 20. Dicendum & aliquid de testimoniis Veterum quæ à Walæo adducuntur.

Pag. 154. vers. antepen. Cypriani locum citat, ad probandum plebem ab Episcopis consuli solere, antequam aliquem ordinarent. Sed ipse locus hic indicat, non fuisse id perpetuum, cum dicat hac in causa se facere id noluisse.

Pag. 157, & 158. insignia duo loca, adducit e concilio Nicæno, & Constantinopolitano, quibus decernitur ne ulli constituentur Episcopi, nisi de voluntate Episcoporum Provincia. At nihilominus Nectarium, à Theodosio Juniore electum, constat ex Sozomeno, Lib. VII. cap. 8. pluraque istiusmodi adducis, Magnifice Domine, in pietate tua, à pag. 19. usque ad 97. Quæ exempla ostendunt, hoc tantum voluisse Patres præscribere, quid maxime expediret, non item quod liceret. Sanè cum Canones Ecclesiastici, non

nisi à summo Magistratu vim legis accipiant, obstringere eum nisi volentem minime possunt. Et si canon iste observandus fuisset, in Ecclesiarum nostrarum reformatione, quales nunc Episcopos, & Presbyteros haberemus? Quin igitur extra ordinem aliter possit Magistratus, minime dubium videtur.

Pag. 165, & 166. Illustria duo Magni Leonis loca adfert, Calvino quoque probata, quibus ostendit, in Pastorum electione, nec honoratorum, ac Imperiali Magistratus iudicium negligendum esse. Sed distincte de quatuor his sententiam suam promovere debuit. 1. Quid summo Magistratui conveniat, ut membro Ecclesie; in quo nihil à fidei cerdone differat. 2. Quid ei tribui possit, ut membro honorato; quod ei commune esse possit cum viro antiquæ nobilitatis, aut claræ eruditionis, aut eximie virtutis, aliove nomine præter ceteros conspicuo, non tamen Remp. capessenti. 3. Quid præterea ei competat, ut membro habenti imperium, hoc est ut Magistratui ejus loci ubi Pastor eligendus: Sed tamen istiusmodi Magistratui, qui superiorem agnoscat. 4. Denique quid illi debeatur, ut Magistratui summum imperium habenti. Ad hæc distinguere debuit, quid illi competat ordinariè, quid item extra ordinem. Nam plus ei schismatis tempore tantum pacis & concordie custodi tribui debere, agnoscit ipse, pag. 171. sub finem.

Non satis autem intelligo, quid sibi velit, cum pag. 183. ait, etiam magno loco habenda esse iudicia, non Pastorum seu Politicorum, seu aliorum, qui donum habeant Prophetie; eo quod Pastorum iudicio, plurimum ab his roboris accedat. Nam videri possit hoc velle, tantum sententiam eos rogari debere, cum non obscuris indicis constet in Pastorum sententiam ituros. Verum quid si Prophetæ illi Pastorum sententiam probare non possint? jam futurum ut potius deterant aliquid de authoritate iudicii pastoralis. Ait Prophetas Prophetis subjectos esse debere. Sed queritur, an Prophetæ quisque Prophetas suæ ditionis præferre debeat alienæ Provincia Pastoribus ac Prophetis? Item an nostri seculi Prophetæ, præferendi sint Prophetis Ecclesiarum antiquarum? Hæc quidem consideratio ad electionem Pastorum, de qua nunc sermo, non pertinet primò & per se; sed tamen valde cum ea est conjuncta. Nec solum in Ministrorum vocatione, sed etiam controversiarum dijudicatione, ad Paulinum illam locum provocari solet. Merito igitur querimus, an negari debeat cum Prophetarum iudicio se subicere, qui cum Prophetis consentit Ecclesiarum non ignobiliorum nostrarum: Imò quicum faciunt Prophetæ omnes Ecclesie antiquæ?



tique? Atque ut ad externos, aut veteres non abeatur, quaritur, an Prophetarum iudicio se non subiciat, qui facere secum videt, minorem quidem numerum, ex iis qui vel nullius, vel exiguae sint eruditionis: sed maiorem ex eruditorum flore, eorumque qui animum habent in Scripturis subactum; idque non iudicio solum suo, sed etiam adversariorum ipsorum, qui iccirco calcatum illud in eos vibrent, quo doctrina quisque instructior, hoc esse impuriorem; perverbioremque in dogmatis fidei? Sed perpetuus est hic, & scriptoris huius & aliorum innumerorum error, ut suae tantum sententiae homines aestiment, ceteros loco habeant nullo, aut parvo. Atque inde est, quod si quis dissentiat in re ulla, à maiore Pastorum parte ejus, in quo ipse vivat: licet hunc, loci & suae provinciae doctiores, & exterorum plures, & veterum omnes sibi habeat consentientes, nihilominus ab Ecclesia dicant dissentire, in quo Donatistarum eos similes esse, quis non videt? Sed redeo ad Veterum testimonia, à quibus me occasione ejus quod de subiciendo se Prophetis, dixerat, paulum video deflexisse. Citat pro se Concilium Nicaenum II. pag. 177. sanè qui ab Constantii exemplo argumento peti nolunt, non debent provocare ad Pseudo-Nicanam, quae idolorum cultum stabilivit. Pag. 190. commemorat obiter Synodos quinque, Nicanam adversus Arium, Constantinopolitanam adversus Macedonium, Ephesinam adversus Nestorium, Carthaginensem adversus Pelagium, Chalcedonensem adversus Eutychem. Sed praeterquam quod Ephesine postponit Carthaginensem, cum haec antiquior sit, causae nihil video, quid inter quatuor illas Oecumenicas, quas tanquam quatuor Evangelia venerari se dicebat Gregorius Magnus, & ex eo Isidorus, mediam interferat Carthaginensem, quam adversus Pelagium celebratam rectè dicit. Num quia apud imperitos Antiquitatis Ecclesiasticae, si qui Remonstrantes nunc dicuntur, male audiunt tanquam inter mortuam Pelagii, aut Semi-pelagianorum sententiam in Ecclesiis Reformatis ab Orco revocantes, eo credemus tacite insinuare voluisse, eosdem ferè, qui nunc supremam Magistratus Autoritatem, in Ecclesiasticis agnoscunt, ac quibuscum sibi nunc negotium est, olim jam SS. Patrum Conciliis fuisse condemnatos? Sed ego divinus, aut veterator non sum; ariolentur illi qui *quassula* didicerunt.

Atque hic tandem pausam faciamus, ego scribendi, tu legendi. Occurrebant quidem & alia multa; eaque duum generum: alia momenti nullius, uti illud; (ex plusculis exemplis unicum adferam) quod pag. 103.

uti Oecolampadium, ita Bucerum inter Helvetios numerat; cum hic fuerit Scleradiensis; Scleradium verò quis nescit, civitatem fuisse Alsatie, unde & nomen ei quasi Elisfede, ut docuit ipse Scleradiensis Beatus Rhenanus? Verum hujuscemodi si consector, nec causam juverò multum, nec rationem habeam occupationum utriusque nostri. Alia etiam erant quaedam momenti majoris, sed praeterquam, quod ex iis, quae dixi, eorum parere invalentiam arbitrabar; sciebam ea omnia & eruditè, & nervosè te refutasse, aureo hac de controversia libello tuo, quem lucem, quam primum adspicere, & Ecclesiae, & Reip. interest. Non deerunt fortasse qui ausint Anticatoriem aliquem scribere; nam quid intentatum relinquit humana ambitio? sed spondeo me velle defensionem ejus quovis tempore suscipere, & ore, & calamo: modo tu, vir Amplissime, me idoneum huic rei, nec Collegio hoc, aut Ecclesiae damnosum judicabis. Vale.

x. Febr.

cl. Ioc xvi.

#### XXIV.

Gerardus Vossius, Hugoni Grotio S. P.

**S**umme virorum atque item amicorum; Quod amoenissimo Sylvarum vireto animum oculosque meos pascere suaviter volueris, quantas possum gratias ago. Equidem multum in ea me delectavi. Cujusmodi si primum calorem atque impetum secutus facis (quod Sylva nomen ostendit) quid fuisset, si lenta Maronis cura placuisset? Neque enim quid nunc desiderari possit, video. Statim sanè longè post te relinquere mihi videris. Itaque toties me legere juvit, ut bonam jam partem memoria teneam. Et ne uni mihi id contingere putes: scias illustrem Legatum Maurerium, cum ei ante paucos dies in prandio adessem, complures carminis tui versus memoriter recitasse. Cui etiam optime interpretabatur illam Olivarii & Hospitalii *metaphora*; ubi frustra fuerat Scriverii nostri acumen. Quamquam profectò non adeo mirandum, si amplissimo Legato, gentis suae nobiles adeo Senatores magis obversarentur. Non possum verò dissimulare apud te, ut cum primum inscriptionem longi adeo carminis conspicerem, corperim subvereri, ne acerba adeo, ac diuturna mala fecissent, ut in veteri regno tuo minus posses, quam olim. Sanè agere animo meo fuisset, si qui primas tulisti quondam carminis maiestate, nunc secundis contentus

tentus esse deberes. Sed ut paucos tantum versus delibavi, facile inanem hunc timorem deposui. Cum verò omnia impensè me delectarint, tum multum ex eo voluptatis cepi, quod tanta voluptate classicos quosdam Scriptores, & disciplinas omnes describas. Et tamen plus etiam me afficit, nobilis illa digressio qua celebras ornamentum sui sexus, ac verè Heroinam, conjugem tuam. Quam ego carminis tui partem licet oculis legere non potui. Nempe etiam affectus absque dubio disertior te fecit. Quam præclarum etiam iudicium tuum, cum in religionis negotio hæc te oculos jubes ad antiquos, nec graviter minus, quam iustè, queris de moribus seculi nostri. Metuo nihilominus ne fardis canas. Etsi aliquas esse aurei generis reliquias in Britannia, quibus antiquitas sapiat, ex pluribus intelligo. Ac de Gallia etiam spem aliquam facit, quod scribis summos illos viros, quorum elogia extremo tuo carmine, mellitissimis verbis es complexus, optime de laboribus meis sentire. Sanè hæc res non mediocriter mihi fiduciam, atque animum adderet ad audendum aliquid in aliis etiam Religionis controversiis. Sed alia sustinuant. Unum eorum dico. Nosse te arbitror, ut cum de Religione Christiana præclarum illud opus numeris Belgicis meditatus esses: plerumque hoc iudicium fuerit, etsi nihil inesset, quod reprehensionem mereretur, tamen quanto præclariora essent, quæ scripsisses, tanto magis præcipi illa debere. Idque ne aliorum de te iudicia incommodaret, si & rectè de Religione sentire, atque in ea supra mystarum vulgus sapere videreris. Simile mihi aliquid usu venit. Neque enim satis videtur multis, si mea à facultate Theologica approbentur prius, quam edantur: sed malunt in totum me scriptiōne ejusmodi abstinere, idque ne plus auctoritatis accedat Operi historię meæ, quod æterna oblivione sepultum vellent. Itaque nunc nihil possum, nisi in studiis literarum, vel eloquentiæ, vel historiæ externæ aut Philosophiæ. Qui campus satis quidem est amplius: sed quanto propius ad senectutem accedo, tanto impensius flagro amore eorum, quæ Christianæ Ecclesiæ pacem, atque concordiam possint asferre. Sed dum facere hæc non licet, quod velim: facio quod licet. Quare duos nunc libellos emitto, ad oratoriam facultatem pertinentes. Altero eorum artis hujus *simulacrum* suum complexus. Nec est quod vereare, ne ea res vitam eripere posset commentariis istis Oratoriarum institutionum, quas ante annos quindecim in lucem emisi, & quadriennio post auctiores recondi iussi. Nam non adeo durus Pater esse volui, ut à novella prole paterer interimi,

quam prius genuissem: præsertim quæ multorum iudicio, & publico emolumento, & mihi gloriæ ac nominis aliquid attulissent. Quare ne contingeret quod dixi, potius in novo hoc opere viam istam institui, ut eorum, quæ ad artem necessariò pertinerent, nihil omitterem: sed aliis ferè uterèr verbis; exemplis item novis, magisque illustribus. Ad hæc curavi ut multa utiliter adderem passim; priori opere mihi indicta: ea verò omitterem quæ *istius* artis non spectarent, & opere altero fusè à me essent tractata. Puto me consilium hoc meum facile tibi probaturum. Scripsi verò hoc opus potissimum in usum Scholarum, postulato eorum qui his præfessent. Commentarii mei de lingua latina adhuc domi latent. In causa est illud, quod antehac etiam scripsi. Nempe quod Germania necdum pacata, Bibliopolarum ac Typographorum etiam frigeant. Sed tamen meliorem jam spem concipere incipiunt. Rumor enim est, Magnæ Britanniæ Regem pro Exrege Bohemico intercessurum: quo effici posse putant, ut hic (dummodo renunciet juri in regnum Bohemicum) Palatinatus suus restitatur. Dum hoc agitur, ego prela Typographica libellis aliis fatigare non cessabo. Synodus Roterodamensis jam desit. \* Etsi verò Synodo Gaudana ante annum fuerat statutum, utne ad Eucharistiæ Sacramentum admitterer, nisi sententiam retractarem; tamen nunc mollius agendum mecum putarunt. Nam decretum ut admittar ad eam, dummodò spondeam, nihil me adversus Synodum Dordrechtanam velle moliri palam, vel occultè. Ita nihil me editurum, quod non prius approbarit facultas Theologica. Hæc si præstem, toleratum me iri, sed extra functionem Theologicam, & Ecclesiasticam. Tamen intelligo esse nonnullos, quibus nimis hæc mollis agendi ratio mecum videatur. Nam existimant, si non compellar ad subscribendum Synodo, saltem esse retractanda quædam, quæ in historia mea, ac thesibus quibusdam scripserim. Ego video hoc agi, ut opera mea inutilis in posterum Ecclesiæ reddatur. Tamen si errorem videro ullum, non pudebit retractare. Sed jam biennium est, cum errorum insimulor, neque ostenditur ubi exorbitarim. Novi quemdam qui obnixè hoc agit, ut vel unum locum in opere historiæ incommodè videar adduxisse. Scit facilitatem meam. Quare arte hac circumvenendum me putat, ut agnoscam saltem quædam minus appositè citari. Hoc ego ubi fuero confessus, jam spargetur fama, me errorem in historia mea esse confessum, nec esse, quod alius eo opere moveatur, quod author ipse non ubique putet litare veritati, quæ pri-



ma historiae lex & quasi anima est. Video mihi circumspicere esse agendum, atque inter spinas, quod dicitur, calceatum me esse debere. Interea seu malos vincat constans bonitas, seu Deus misericors aliter rebus nostris providebit: servabimus animum bonum ad spes bonas. Quamquam profecto videre vix possum, quid si me potius, quam publicum spectem meliora attineat sperare. Non jam ad alienum cogor somnum dormire, nec ad alios passus eundum est. Scis ut inter ea, quae beatiorem faciunt hanc vitam esse, olim scripseris, nulli solvere temporis tributum. Hoc nunc otio fruor. Utinam saltem molesti esse definant, per quos hactenus quieto esse non licuit. Sed fortasse, & hoc propediem erit. Nam facultas Theologica satis benignè mecum agere videtur; uti & amplissimi Curatores. Si quid in causa mea agitur statim perferbam. Valde desidero, ut tuorum quamplurima lucem videant. Uti commentarii in tres Evangelistas: vel si eos paulum premere adhuc voles, saltem Stobaeus, aut *Στοβαῖος*, & rhythmicum pro Religione Christiana, opus. De quo quia mentio incidit, praeterire illud non possum, versum antepeultimum, vel illi proximum, minus probari amicis quibusdam tuis. Ais sicubi minus satisfacias, ob aetatem excusari debere, & paratum esse dicere veriora. Propterea hoc illis videtur, & illis etiam usitatum, quibus imperant *ἡ μὲν γὰρ γὰρ*. At minime convenire viro celestis ingenii, & eximia adeo eruditionis. Dixi ego primam hanc Christiani laudem esse, humilitatem: & summi Magistri hanc esse voluntatem, ut pueri similes simus. Sed satisfacere eo non potui. Tu cogitabis. Quod ad illa quae de religionis controversiis, & iudicio antiquitatis scripseras; quam dissidentes sint amicorum sententiae, arbitror jam satis te sive ex parente, sive aliunde, cognovisse. Sanè perutile est, constare vulgo quod iudicium fuerit veterum. Sed num putas, eo me inscripto, posse commendari, quo fortasse vel urbanatim, vel rusticatim, tangam, sive Agamemnona, sive Achillem, sive Chalcantis profapiam? Quare perstat animus, vel recoqui paulum oportere hoc opus, vel editionem melius differri, saltem in hebdomades paucas. Fortasse interim (ita video aliquos sperare) evenierit aliquid boni. Sin minus, exigua sanè mora est, quae postulatur, nec quae publico, ut putò, incommodare possit. Saepe posthac ad te scribere statutum: fortasse autem non semper tabellarius erit satis fidus. Propterea, ubi opus putabo, aliena manu addam, ac ne nomen quidem consueto more addam. Tu verò, summe vir, vel ex argumento facile

quis scripserit cognosces, vel ex *ἰσχυρὰ μὲν*, ut si pro Gerardo Joanne Vossio scribam Vulturium Gratianum Bassarium. Nam illa Desiderii Alopecii metuo ne aperta sint nimis. Quandoque etiam initiales V. G. B. satis scriptorem testabuntur. De te si quid dicendum erit, vocabo Celsum: id enim praenomen tuum sonat. Gadolii cognomen nimis evidens videtur. Quare & hic suffecerint una alteraque initii Litera. Hæc non eo agam, quasi de aliis, quam innocentibus Musis loqui sit animus (nam scis ut alia captum meum superent) verum quia non desunt, qui omni sub lapide metuant serpentem. In mentem venit non inutile fore, si libri Augustini adversum secundam Juliani responsionem, cum castigationibus tuis prodeant. Multa enim felici conjecturâ emendasti. Posses & notas addere sæculo nostro profuturas. Quod si quid etiam dicendum adversus dissentientes putabis, occasio de plerisque spontè se offeret. Tantum ita instituenda ratio, ut undique relucent mitis sapientia, non Leli ut ille ait, sed Grotii, quam in te virtutem mirari soleo. Nec puto ea quae perpeffus es, hanc tibi virtutem excussisse. Scis cognomentum tuum, quod semper tibi obversari debet: & simul occurrat, quod à sapienti Seneca in libris de ira scriptum fuit. Non est magnus animus quem incurvat injuria. Scis Athenodorum id Augusto consilii dedisse, nequid iratus committeret, priusquam Alphabeti literas cum animo suo percurrisset. Soleo quid simile facere, atque aliis suadere: Nempe ut si res exigat, ut adversus alterum calamus stringendus sit; id quidem fiat dum fervet animus: nam affectus disertiores facit: sed quia periculum est, ne aliquid caninae facundiae admisceat (homines sumus omnes) eo placet ut ad limam opus revocemus; ubi animus resederit, atque alienis malis occupatus. Multa absque dubio vel tollemus, vel mitigabimus. Ita futurum, ut si etiam post annos multos in nos ipsos descendamus, minus nos urat scriptio vetus, quasi non satis simus functi officio hominis Christiani. Adde quod si undique in scriptis relucent patientia, facilius in veris inveniemus fidem. Sed ista longè melius me nosti. Maximi Thuani historiam posthumam vidi. Editam gaudeo, nisi qua parte, atque id immeritissimè, socerum Junium desultoria fuisse scientiae dicit. Mirum hoc mihi de eo visum, qui etiam mediocris eruditionis homines, & pacis longè minus amantes, in opere suo tantoperè extollat. Quid Amplissimum virum ita egit transversum, ut ista Gallus de Gallo, vir tantus de tanto, posteris traderet? Scio ego multa fugisse

gisse focerum. Video in scriptis, præsertim criticis, quæ indicta mallet. Sed tamen hac parte non modo Palmerium, sed alios etiam non infimi nominis post se relinquit. Non assurgit fateror, ad gloriam Scaligeri, Lipsii, & aliorum, qui in hoc studio primas sibi vendicant: Verum tamen multa præclare observavit; quod cum Scaliger in suis ad Manilium notis dissimulat, candorem in eo requiro. Verum isthoc studium mitto. Quem Theologum Romanam, quem Reformatæ Ecclesiæ dabunt, in quo vasta adeo tum Linguarum, tum Philosophiæ, Historiæ externæ, Philologiæque cognitio fuerit? Quam ille sedulo Scholasticos, Thomam cum primis; quanta industria antiquos Theologos legebat? Cujus ego rei non tantum ex scriptis indicium capio, sed etiam illis, quæ ad Theologos veteres manu sua adscriptæ. Sed neque hic subsistit error maximi Thuani. Addit, in Bavaria studuisse rebus novis, ac propterea ab illustribus Ordinibus esse hinc ejectum: tum Noribergam abiisse, atque ibi esse defunctum. Quid horum verum est? Sane aliqui Authores fuere, ut pagellas aliquot adversus Thuani historiam ederem, quibus gloriam fœceri vindicaret. Posse cum argui testimonio Academicæ, ac Illustris Ordinum, imo & Noribergensium, atque adeo totius Orbis reformati. Verum nihil agendum putavi te inconsulto. Ad hæc videbar mihi hoc pacto tantummodo fluctus in simpulo excitaturus. Præterea cogitabam hominem etiam Thuanum fuisse, & facile potuisse contingere, ut duos Gallos, quorum uterque Lugduni sit professus, confunderet. Scis enim ut Donellus Leicestrianis partibus impense faveret, ac propterea à Batavia ab Ordinibus exire sit jussus, Saravia quoque illdem temporibus, fuga in Angliam sibi consulente. Scis quoque Donellum concessisse Noribergam, atque ibi docuisse jus Civile. Et potuit justior causa esse, cur Thuanus minus bene vellet Donello, quam Junio. Nam Cujacium, Amplissimus ille, à *maximo* Thuanus faciebat maximi. Et, ni valde fallor, Præceptor fuerat. At Donellus nec causam sæpè habuit, nec modum invenit exagitandi Cujacium, quem, ut audio, ita in prælectionibus suis solet *maximè* *homo nescio Cujas*. Quid igitur evidentius, quam Donellum animo Thuanum obversatum, dum ista scriberet? Calami interim lapsus non esse, indicat, quod ista annotavit, ad illud tempus, quo Junius è vivis excessit. Vellem scire an eadem in *maximè* habeantur. Nam fuere qui suspicaretur, à Genevensibus factum esse su-

cum Lectori, vel Italis potius, quorum in manibus liber fuit, priusquam ederetur. Mihi id minus verisimile sit, ob ea quæ dixi. Interim cogitabis, quia ratione & Thuanus & Junii Norbini optime consulti possit. Quid si filius ejus, vel alius, ad Calcem libri moneat *maximè* planè *quædam* esse, quod de Junio scriptum fuit, quem nihil minus quam desultoria fuisse scientiæ constet, quique in gratia apud Ordines semper fuerit, Lugduniquæ Batavorum magno bonorum omnium dolore, decesserit, tibi etiam versibus et a Scaligero, te, Hemio, & aliis summis viris sit parentatum? Cogitabis, & quid facti opus putes, perscribes. Sed loquaci adeo Epistola ulterius molestinus esse desinam. Neque enim me fugit, recenti adeo uxoris adventu, & rebus vestris nondum compositis, alla majoraque esse, de quibus sic cogitandum. Rogarem te, ut me, quamvis nunc tanto disjungamur intervallo, non minus propterea ames. Sed scio te amicum animo pollidere, qui, ut Seneca ait, nunquam abest, ac quemcumque vult quotidie videt. Vale, vir, idemque Amice incomparabilis. Salutem plurimam dices maximo Tilenio; sed & Clarissimo Rigaltio: cui ante annos multos miseram Onofandrum locis pluribus à Scaligero feliciter emendatum. Accepisse mihi Iose rescripsit. Sed tamen hoc jam anni sunt, cum nihil intelligo de editione nova, quam tum moliri dixerat Rutgersius. Et quia Rutgersius incidit mentio, scito eum loco Dyckii Legatum fore Regis Suecici ad illustres Ordines. Ita enim retulit ipse Regis commissarius, quem satis nam rem nolle arbitror. Imo & Dyckium ipsum hoc perscripsisse audio. Et jam in via Rutgersius esse dicitur. Amicus ejus D. Heinrius carmine Venetias celebravit: quapropter, (ut ipse amicis compluribus retulit) brevi legatur in Ordinem Equitum B. Marci. Verum finis tandem erit. Uxor, Diamantiaque plurimum te salutant. Etiam Scriverius, itemque Jacchæus, qui & plurimam mihi salutem tuo nomine dixit. Cæteris, quos adscripseras, ausus non fuit idem significare, ne suspicionem iis injiceret, quasi de rebus aliis quam Musarum, tecum sibi commercium esset. Timori huic ignosces.

Lugd. Bar.  
MDCXXI.

Tuus dum vivam,

G. J. Vossius.



XXV.

Jacobo Corn. F. Wittens. L. C.

Dordrechtum.

Vir Amplissime, &amp; affinitate conjunctissime,

**T**andem uti receperam, libellum mitto beneficii Marthæo collati: scio jamdiu factum id oportuit, sed nosti negligentiam meam in iis, quæ res domesticas spectant. Ut de me verè dici possit, quod proverbio fertur, *Fluvius quæ procul sunt irrigat*: Libellum ubi Quæstor viderit, remittes.

Minus alterum exemplum (scis enim in rebus hujusmodi, geminum esse solere) non reperi in chartis tuis. Sed fortè id est in chartis foceri, vel Beverii Consularis. De beneficio gratum erit, si non alibi verba fiant, quam apud eos, quos gnaros esse rei opus. Ita enim cum offerretur, convenerat: Et causas rei, coram melius exponam. Quanquam tu eas per te satis vides.

Accepi heri Venetiis Aphorismos undetriginta, quibus Cardinales colligunt, Saxonicum etiam, & Brandeburgicum, Electorem dignitate sua, à Pontifice spoliari debere. Nec enim fas esse, ut sacrum Romani Imperii corpus, dehonestetur Electoribus hæreticis. De Palatino solo ante sermo erat. Id ubi successit, etiam utroque cornu, irrumpit in Electores alios, Pontificiæ Religionis minus faventes. Ita cum fortuna Clero Romano gliscit impudentia. Operæ visum, ut Aphorismi isti, hebdomade hac in urbe nostra excudantur. Ubi prodierint, exemplum mittam: eo lubentius, quia si otium erit, præfatiunculam, aut censuram, paucis adnectam.

Vale, Ampliss. vir, & affinitate æcta mihi juncte, sed multo conjunctior, eo quod, præter morem mortalium, ames mecum bonam mentem. Uxor, & Te, & Conjugem, sororesq; ejus, cognatas suas, plurimum salutat. Etiam sororem tuam Hogeverriam utroq; salutamus.

Læd. Jan. Post.

Kal. Sept. clx

Joc. xxi.

Additissimus Tib.

G. J. Vossius.

XXVI.

Reverendo in Christo Patri, D. Lancetotto Androsio, Episcopo Wintoniensi, Regi magnæ Britannia & Sacra, & Secretis Consiliis.

Reverende in Christo Pater,

**A**nus propemodum est quod pollicitus sum, velle me proximis ad te literis perscribere, quis rerum mearum status foret. Multa aded tum erant, cur putarem, intra breve spatium effici illa posse, quorum sponte mihi fecerant spem nobiles atq; amplissimi Academiæ nostræ curatores. Sed propensissima illorum voluntati erga me, vel potius Academiæ suam, mora hæcenus injecta est, per quosdam publici boni minds amantes, vel, quod credere malo, non satis ejus intelligentes: quibus utinam meliorem Deus mentem largiatur. Neq; hoc iis tam mei opto causâ, qui patientiâ Christianâ (ita enim, quam Spartanâ, dicere malo) & quicquid ista injuria, & istâ etiam majores, per gratiam divinam concoquere utunq; didici: quàm propter illos ipsos, qui quia nunc verè, quod volunt, possunt, eo cœlum sibi digito attingere videntur: quos ed ego infeliciores puto, quia dum leviculis quibusdam suam beatitudinem metiuntur, se verè infelices esse non intelligant: imprimis autem id iis opto, propter Ecclesiâ Christi, quam istorum imperitiâ atq; imprudentiâ ita lacerari, magis etiam animo meo dolet, quàm dicere possum. Hæc ed ad te scribo, non quia conqueri de illis visum sit, quod facere minime soleo: sed ut videas in me culpam non esse, quod, contra quam me facturum receperam, scribere usq; aded diu distulerim. Pudebat enim ineptire, ac inanes ad virum aded gravem ac serium, in ea dignitate constitutum, literas dare. Interim verò, dum ego fileo, sæpiusculè mihi literæ ab optimo & dulcissimo affine meo, Francisco Junio, quibus summas virtutes tuas prædicare non cessat: ac sibi maximopere gratulatur de egregio, ac verè patrio erga se amore, ac prolixa humanitate tuâ. Imò eas inter literas unæ quoq; erant, quibus illud continebatur, non modò te ab affectu pristino nihil recessisse: sed verò novi etiam nominis auctario cumulare voluisse. Quippe qui minime se gravatus sis, de meliori notâ commendare illustri ac nunquam sine laude nominando inclytæ Angliæ vestræ Marechallo. Quid ego hic primum; quid postremum eloquar? Profectò naturæ tuæ aded beneficæ

ad.

admiratione: tum autem gaudio, quod per te affini meo ita bene sit, majori quasi cestro me sentio concitari. Quare si huic loco conveniret, quod oratoribus conceditur, neque inulitatum planè est Theologis antiquis: equidem animo huic morem gererem lubens, ut magnam illam animam fieri mei Junii (cujus mihi memoria magis etiam ob pietatem excellentem, & eximium pacis studium, quam ob variam & exquisitam eruditionem sancta semper erit) verbis meis quasi coelo deductam sisterem tibi velut præsentem, orationeq; forsitan non indigna se, & meritis tuis, gratias agentem tibi, quod tantopere amore & curâ tuâ digneris carissimum illud pignus suum, cui unico ex liberis suum imposuit nomen, & à cuius ingenio ac moribus, eò ardentius, ut puto, optima semper expectavit. Et quidem quod facias isthæc eo potissimum tempore, quo liberi & affines sui, ab iis, quibus dum nobiscum versaretur, ipse contulit beneficia, negliguntur, usq; adeò etiam penè spernuntur, neq; id alio ullo merito, quam quia & ipsi patris fociq; exemplo ad eruditionem qualemcumq; contendunt, & paci Ecclesiæ etiam cum dispendio suo, optimè consultum velint. Sed non adeò ineptus sum, ut non videam huiusmodi orationem à simplici illo & familiari epistolarum stylo penitus abhorrere. Quare ne dum undiq; erumpente lætitiâ, quod multis evenire solet, planè ridiculus siem, illud potius agam, quod non solum sponte facere gestio, sed etiam universi his in locis Junii *et Margelri* liberi, generi, nepotes, requirunt, quod etiam tot Juniani nominis amantes velle scio, quod deniq; & facile possum, & sine scelere præmittere non possum: omnium, inquam, nostri nomine epistolâ hac testabor, quantum gaudeamus de hoc iudicio, & affectu tuo, quantum gratulemur Francisco Junio nostro, quantum nos tibi obstrictos fateamur universi, ob eximiam hanc benevolentiam, tantaq; merita tua. Sane gratiam quidem ut mereris, referemus nunquam, sed habebimus, quamdiu vitam nobis Deus concedet. Hoc affectu nostro, Optime maxime præsul, cuncti rogamus ut contentus esse velis. Nec enim re aliâ ulla consequi possumus merita tua, quam agnitione debiti istius, cui solvendo impares sumus. Sed quod nos humilis loci homulli non possumus, id largè rependet sublimis ille ac beneficus Deus.

Ad hujus me thronum devolve, hunc supplicibus votis rogo, ut propter Christum & Ecclesiam suam, cuius commodis hætenus metiris tempora tua, spiritus sui robore te porro confirmet, favoreq; hoc terras dignetur, ut

*Serus in celum venias, diuq;*

*Lætus intersis populo Britanno.*

Vale, Reverende in Christo pater, & affinem ac me amare persevera.

Lugd. Bar.  
cl. loc. xxii.  
Idib. Sept.

*Illustri homini tuo Obstrictissimè,*

G. J. Vossius.

## XXVII.

### Proceribus Amstelodamenfibus.

Amplissimi & præstantissimi viri,

Jam octiduum & paulo amplius est, quod me Lugduni domi meæ frustra quærebatis: sed Hage tamen reperistis. Judicium tum faciebatis pulcherrimæ cogitationis vestræ, de constituenda apud vos illustri schola, ne habeatis necesse rudes & improvidos adolescentulos tam cito ablegare in Academiam, quod quanto sæpe cum periculo fiat, tristibus etiam documentis cognovistis. Et sane quamquam hoc ipsi non addebatis, tamen facile illud per me video, curâ id etiam vobis esse, ut urbs vestra, undique propè beata, literarum etiam gloria magis caput attollat. Quod autem, in tanto negotio meam quoque operam conducibilem fore existimastis: equidem gaudeo. Nec aliena mihi mens ad morem eâ parte gerendum vobis, atque adeò magno etiam animo capeffendum, quod expolcitis. Sic enim semper fui, ut in eo quod semel susceperim, non sinam claudicare diligentiam meam. Sed tamen non levia etiam sunt, quæ scrupulum injiciunt. Primum illud cogito, vivere me in Academia toto terrarum orbe inclyta. Ac fruor in eâ emolumentis, quantis mei ordinis quisquam. Nempe à his millibus ea propè absunt, si etiam immunitates accenseam. Quæ cum cogito, nescio an satis ex re sit vestra, si ad me potissimum eatur. Nec enim ab hoc loco avelli possum, nisi laboris sit non multò amplius, emolumentum non paulo majus. In quo mihi non videor peccare, cum alloqui periculum sit, ne fabula multorum fiam, malignis adeò temporibus, si Academiam Schola illustri commutem levibus de causis. Sane non hic modo male audiam sed vicinis etiam locis, ad quos vel viva voce docendo, vel industrie monumentis nomen pervenit meum. Itaque sic existimo, nihil me posse in re tam gravis momenti statuere, nisi prius constiterit, quibus conditionibus sim avocandus, sive laborem, quem susceperem, sive



præmium respiciam. Terret etiam (ingenue ut dicam) offensa amplissimorum Academicæ literatorum. Nam poscebatis, ut iis ignarîs, transigi omnis hoc negotium inter nos possit. At hæc si fiat, Eolum extimesco, & Septentrionis filios: sed enim vos, velut humani Joves, si prius compellari non possint, saltem sedare queatis tempestatem istam, quam nunc formido. Quid multis opus? In tam arduo negotio, nec abnuere tantæ urbis proceribus pulcherrimum postulatam fas putavi: Et tamen graves etiam causas video, cur arbitrer, penitus aliquantò mihi explorandum esse de tota hac re animum & sententiam vestram. Deus & vobis, Amplissimi proceres, & mihi mentem illam inspexit, quæ & glorioso ejus nomini inserviet, & inclytæ urbi vestræ, atque adeo Bataviæ universæ, tum etiam mihi ac familiæ meæ sit maxime salutaris.

Lugd. Bat.  
Kal. Jan.

Nonni vestro & inclytæ vestræ  
Resp. additissimus,

G. J. Vossius.

### XXVIII.

N. N.

S. P.

**J**Am ex amplissimo affine tuo Reigersbergio intellexeris, vir maxime, ut Amstelodamenses causis compulsi gravissimis constituere in urbe sua cogitent Gymnasium illustre: atque ut eam ad rem utilem existiment operam tum meam tum Collegæ & amici veteris Casparis Barlaei. Sed Leidenenses plane habent persuasum, detrachere eam rem multum posse nomini & existimationi Academicæ suæ: eoque omnem movent lapidem, ut hoc negotium disturbent. Primum negant, juris hoc esse ulli civitatum, præterquam suæ, cui pro tolerata fortiter obsidione, præmii loco sit attributum, ut Academicam habeat, ad quam Hollandiæ & Zelandiæ ablegetur juvenus. Amstelodamenses autem arbitrantur, aliud esse Academicam statuere, quam ob rem opus sit privilegiis & immunitatibus à suprema potestate concessis: aliud autem Gymnasium erigere, in quo juvenus, & ulli Musarum amantes, absque ejusmodi privilegiis, liberali imbuantur doctrinâ: quales penes singulas esse civitates. Existimem quoque, eam rem plurimum commodare posse Leidenensibus, quia si annum unum alerum diutius apud se detineatur juvenus, &

eruditione auctor ventura sit ad Academicam, quod ex honore loci futurum: eo judicio firmior quod efficiar, ut deinceps hic minus sit turbarum. Urgent iterum Lugdunenses, si habere Amstelodamenses velint Professores aliquos, saltem non alibi iis docendum fore, quam in scholis classicis: uti apud Dordrechtanos fecere Professores Nansius, Polyander, Marcellus. Amstelodamenses aiunt non esse laborandum Leidenensibus, utrum in Auditorio aliquo Scholæ classicæ doceant Professores, an loco aliquantum dissiro, qui magis deceat non modo doctores ipsos, sed etiam adolescentes jam rude à ludi moderatore donatos, ac pariter tot præstantissimos cives, qui studia colant, ac de rerum natura, vel imperiis, aliisque rebus præclarissimis, publicè alios differentes audire exoptent. Denique objectant, ut hæc essent, non tamen debuissè Amstelodamenses ex Academia hac vocare: sed potiorẽ iis habendam fuisse rationem Scholæ quæ totius sit Hollandiæ & Zelandiæ, quam quæ unius sit urbis futura: Præsertim cum ipsi nobile sint membrum in procerum conventu à quo Curatores Academicæ statuuntur, ut quos hi statuerint Academicæ Professores, iidem ab Amstelodamensibus ipsis præfossi fuisse Academicæ sint dicendi. Neque negant Amstelodamenses hæc alicujus esse ponderis: ac propterea delegati eorum in Ordinum conventu ante menses duos cum à Leidenensibus super hoc compellati essent, eò inclinabant, ut si rogarentur, ne quemquam vocare ex Academia sua vellent, morem ea in re gerent, dummodo mihi satisfaceret, quo invito pacta conventa non possent reddere irrita. Leidenenses vero passi sunt optimam occasionem effluere, quamquam dies dicta esset conventu, & ea de causa semel iterumque Lugdunum Hagam excursissim. Nimirum honestius urbi suæ putant Leidenenses, si non tam rogent Amstelodamenses ut à proposito desistant, quin si in proximo ordinum conventu, qui mense Martio futurus, Interdicatur Amstelodamensibus, ne illustrem Scholam erigere, aut saltem ne quemquam ex Academia ad Scholam urbis suæ vocare professorem possint. Amstelodamenses negant se quidquam facere velle, quod privilegiis Leidenensium adversetur. Sed si iis repugnet consilium de Gymnasio in quo doceant professores publici, solum opus esse, ut privilegium hoc tibi monstretur, eo viso, velle se ab instituto desistere. Ad me autem quod attinet, eò se potissimum de me aiunt cogitasse, quia non solum opera mea in publicè docendo Historiam pergratum toti urbi argumentum, utilis sit futura, sed etiam in dirigendis scholis durabus

abus classicis (quarum non melior facies sit, quam in cæteris Bataviæ urbibus) juvare consilio Amplissimos Consules possem: quippe qui non sine fructu annis totis xv. Dordrechtanæ Scholæ ante hos xv. annos præfuissem. Negant præterea cum in Academia professores locantur, stipulationem intercedere, qua obstricti professores non aliò ire possint, si res eorum sic ferant. Si jus est Leidenlibus abrogandi munus professoribus, cujus rei exempla nuper vidimus (ut de socero Junio taceam, cui professio linguæ Hebrææ crepta invito) sane etiam professoribus jus esse abdicandi se munere quando vellent. Ac hujus rei exempla multa suppetere: ut in Danæo, se conferente in illustrem scholam Gandavensem; Gomaro Middleburgum eunte: Meursio proficiscente Soram; & compluribus aliis: si professione fungens non possit à se vocari, tantum requiri, ut professor muneri renunciet: nec dubitari posse quin eum tum vocari sibi liceat. Hæc sunt de quibus Leideneses in proximo Ordinum conventu, controversiam Amstelodamensibus moturi videntur. Quod si sic etiam se nihil efficere posse animadvertant, puto, contenti erunt à proceribus nostris xx. aut circiter, millia expetere, ut deinceps liberalius habeant professores alicujus nominis, atque alios etiam consequantur, qui vel docendo publice, vel scribendo illustrare hanc Academiam possint. Hujus rei indicium non unus mihi eorum fecit, qui Leidenlibus familiaris utuntur. Nec obscure innunt diæcessum meum causaturum, ut, luculentiori conditione Salmasius iterum advocetur: ut paululum illud damni quod in me faciet Academia, magnitudine ejus viri abundè compensetur. Equidem si venerit gratulabor, eò magis, quia ei docendum publice non erit; eoque desecatori animo torus erit in scribendo. Mihi tam felici esse non liquit, cui bis de die docendum fuit, ut ignosci mihi debeat, si scriptorum præstantia ab aliis vincat. Laus hæc publica est: nec omnia omnes possumus. Ac de isto hæcenus. Ad aliud nunc venio, in quo consilio atque operâ mihi opus tuâ. Ante dies tres quatuor redditæ literæ filio meo Dionysio, à generosissimo barone Christophoro Stupeskio, quibus significat, fortasse iturum se Constantinopolim & ad alios orientis tractus: ac quia meminerit, quanto ardore filius soleat expetere, ut terras eas lustraret, & quæ desessent in Arabicis, ab Arabice loquentibus posset addiscere, voluisse se nunc occasionem offerre, quia sine parentum molestia voto suo posset satisfacere. Comitum enim itineris hujus assumpturum. Non abhorret filius, quin nihil æque desiderat, quam

ut hoc fiat. Sed quiddam scrupulum mihi injicit atque uxori. Nam quia illustrissimus hic Baro in Religione sequitur opiniones Ecclesie Romanæ; ac filius meus ob ætulatam (necdum annorum xx. est) judicio non adeo est firmato, ut inescari promissis nequeat, aut argumentis decipi speciosis: parum tutum arbitror, eum committere itineri tam longinquo cum iis, qui rem Deo se gratam faciuros putarent, si ad gremium Ecclesie Romanæ filium abducerent. Suspicio mihi injecta ab aliquo à rege Christiano legatum ire aliquem Constantinopolim, inque hujus comitatu Baronem Stupeskium fore. At rex non mittet alium, ut puto, quam sit in religione sententiæ. Eum Presbyter comitabitur, & alii *apostoli*. Quare tanto plus periculi filio sit, in tanto eorum numero, qui diversum sentiant à nobis, ut mittam, quod fortasse in iis futuri homines malis moribus, quos affricare meo possent. Ille quidem se satis firmo ad ea pectore arbitratur. Sed ego multis edoctus exemplis tuta etiam timere didici. Nec propterea consultationem omnem de hac re abjeci. Fortasse enim illustris hic Baro minus Romanæ Ecclesie placitis adhaeret, quam cum viveret nobiscum. Fortasse etiam comitabitur Ephorus Pâschalis medicus Gallus, qui tantum non juravit in verba Zelotarum nostrorum. Fortasse & uniturus frater generosorum tertius, qui, ut intelligo, in religione plane noster est. Et si legatus mittendus, fortasse erit aliquis, qui in religionis controversiis non male sentiat de Ecclesiis nostris. Quales è politicis Gallia habet multos, qui distinguere æra possint lupinis. Hæc si essent, facilem me postulatis filii præberem. Est enim is Baro Christophorus Stupeskius, ut, si unum illud de Religione excepero, nihil in eo possit desiderari. Pius est ac numinis metuens, gravis est, modestus, & cordatus. Ingenio excellit, & pro ingenio rara ei creditio, & mei filique est amantissimus. Quare si pulchra fuerit occasio filio visendi orientem, nullis, vel exiguis impensis meis: nec causa sit satis gravis, cur in Religione ei ab *inimicis* metuere debeam, sane fore puto, ut morem ei geramus; verum haut animus annuere, antequam de eo quod dixi, penitus aliquid cognoro. Quare remi feceris longe mihi gratissimam & amicitia nostra dignam, si ea quæ vel jam scias de itinere hoc, vel ex illustribus Baronibus aut aliis possis cognoscere, ad me iis Ignaris perscripseris. Ego quidem & filius generoso Baroni restitissimus, sed de metu eo, qui Religionem spectet, ne quid quidem. Id enim magis abalienare, quam conciliare posse videbatur. Si inconsultum plane erit, ut

filii



filius se in viam det, aliæ à nobis causæ, & veræ poterant adferri, cur id minus fiat. Accepi his diebus literas ab ornatissimo Omfio nostro, quibus significat, impense se desiderare responsum ad literas, quibus significat, quas ad te misit, postquam mihi sententiam tuam de Equestri S. Michaelis dignitate perscripseras, nihil illi acceptius fuit humanitate ea, qua morem nobis gefferis. Atque optat, ut de cætero etiam certior à te fiat. Salutant te, uxorem, liberos, omnes mei, atque una filius tuus, qui in studiis probare se pergit.

Lug. Bat.

Tuus omni officio,

G. J. Vossius.

# XXIX.

Baroni Jo. Stupeski,  
S. P.

JAM quasi annus est illustrissime & amicissime Stupeski, quod generosissimi fratris tui, Nicolai Stupeski, alloquio suavissimo iterum frui dabatur, nec quidquam ad perfectionem gaudii mei requirebatur, nisi quod qui antea nobili illo fratrum pari beabar, tunc dimidium ejus non viderem, nec si nunciaretur, subinde baronem Stupeskium velle me compellatum, è famulatio aut liberis quærere, — possem. Illud vero etiam dolorem non mediocrem adferebat, quod intelligerem te, cum jam unà in viam dedisses, valetudine adversâ coactum patriam repetere. Nam, ut amor sollicitus est, tristiora etiam metuebam. Mirabatur tum frater, me nullas à te literas accepisse, quas à te scriptas probe constaret. Ægrè erat, eas intercidisse. Ita enim suspicabar cum Paschali medico jam in Gallias profectus esset. Nec multo post altere mihi à te literæ, atque illæ à te Lutetia Parisiorum perscriptæ. Sanè utrisque literis nihil mihi carius esse potuisset: partim quia caperer mirâ sermonis elegantiam, partim quia reluceret ubique summa humanitas atque amor mei. Sed Parisinæ tamen illæ non paulo acceptiores, quia hæc metu me illo liberabant, quem valetudo incusserat. Quippe ex his cognovi, te redditum tibi, & jam cœnensis itineris spatiis, cum florentissimo fratrum pari, feliciter Lutetiæ agere. Hoc mihi eo jucundius fuit, quia ibidem haberetis virum illum, quo ego nihil undique consummatius novi, ac quo quanto familiarius uti licebit, tanto vos beatiores putabo. Nihil,

puto, opus addere illud, me Hugonem Grotium dicere, quod intelligerent etiam nominis Grotiani hostes. Illud potius dicam, quamquam valde gaudeo vos adeo esse felices, tamen, cum Batavicè bona confero cum vestris, & aliorum extra has terras, non vobis quidem quos sic amo, & colo, sed tamen aliis quibuldam hanc felicitatem, pœne dixerim, me invideo. Scio enim quantum damni in eo faciam, quod tot annos hoc viro careo. Neque aliud æquè opto, quam illam mentem proceribus nostris, ut eum restituant patriæ & suis. Ex epistola quam ante quadriduum ad Dionysium meum scripsisti, video te cogitare Constantinopolim & orientis tractus: nec abnuere, imo potius exposcere filium tanti itineris socium & comitem. Equidem cum illustre genus vestrum & cæteras laudes tuas cogito, non possum non summas tibi gratias agere, quod tantus tanto honore atque affectu pariter me meosque prosequaris. Nec tamen tam subito ego & uxor statuere quicquam potuimus, partim quia itineris totius rationem ac quas vocant *desideria* aliquanto saltem penitius nosse antea oporteret: partim quia animus meus nunc alio negotio planè distinetur. Quod cujuscumque sit, non defugiam exponere. Amstelodamenses decreverunt illustrem erigere Scholam in urbe sua. Atque hoc ut faciant, duo imprimis impellunt. Primum movet liberorum cura, quos, tot tristibus edocti exemplis, tam cito in Academiis licentia corruptas ablegare metuunt. Nec enim idem moribus obtinet Belgarum, quod gentis vestræ: Sed apud nos ætas ea, quæ in vitia omnia maxime ebullit, maxime sine custode relinquitur. Sufficere existimant, si aliquis mores inspiciat, cum ætatis beneficio, vitia ignorant. Præterea impellit civium amor, quibus studia sunt cordi. Magnus enim eorum est numerus in hac urbe, qui & nostram & Academiis alias his proximis viginti, vel triginta annis lustrarint: neque nunc minus, quoties licet, audire aliquem cupiant de rerum natura, vel rebus gestis, aliisque rebus gravibus publice differentem: Advenarum etiam non pauci ibidem degunt, quibus idem est ardor. Nempe præter illos, qui solas sectantur Musas, cum Apolline suo, habet ea urbs viros Mercuriales, quibus doctrina pariter curæ sit ac opes, Mercurii sui exemplo, non mercium modo, sed eloquentiæ etiam præsidis. Desiderium est igitur civitatis, ut quemadmodum longe supra alias urbes caput extulit divitiis, ita etiam literarum laudibus magis & magis fiat inclyta. Tanti ut voti compos existat, existimavit, eos sibi advocandos Professores, qui tum scriptis jam inclaruissent, ut nomen nascenti Scholæ dare

dare possint : tum etiam Venere aliquâ ac facundia pollent in docendo, ut facilius allicere & detinere auditores valeant. Qui ea in urbe me aliquando audire, quales etiam è proceribus sunt, persuadere cætero senatui (quam verè ipsi viderint) non esse me ab his laudibus destitutum. Itaque missi ad me è Senatu, qui postularent, ut huic Reip. operam meam addicere vellem in iis publice docendis, quæ apud Leidenfes narro. Item præterea ad Casparem Barlaam : qui cum aliis scriptis, tum præcipue poematis magni sibi nomen non in patria modo, sed vicinis etiam regnis parasset. Quam disertè autem tetrica logices præcepta idem ante annos duodecim solitus sit in hac ipsa Academia tractare, testes plurimi supersunt, qui florentissimo auditorio docentem audierunt. Quare hunc Philosophiæ Professore designant? Luculentam domum habebit, ac præterea annos florenfos nostrates mille & quingentos. Mihi præter domum, quæ octingentis conducitur, annuerabuntur quotannis bis mille & quingenti. Spes etiam aliorum facta, quæ commemorare singula nihil attinet. Et jam affectum suum erga liberos testari coeperunt, Franciscum meum referendo in numerum advocatorum urbis suæ, qui Hagæ degunt. Huic Amstelodamensium instituto non satis æquos se præbent Leidenfes : quibus illud unice in votis, ut disturbare consilia eorum possint. Sed procerum sapientiores negant eos quicquam effecturos, Quæ de re certiora proximis ad te scribam literis. Simul etiam plenius significabo, quid nobis videatur de postulato filii, rogantis, ut comitari te in orientem possit. Quamquam profecto vix nos extricare possimus, nisi, ut dixi, re omni, de qua consulendum, melius perspecta. Sperat igitur filius se alteris literis tui melius de omnibus posse edoceri. Quicquid autem futurum, æternum tibi debeo, quod luculentè adeo testari volueris, erga me & meos, quanti nos facias. Deus hanc tibi mentem perpetuo conservet, mihi autem & meis vires largiatur ad ea præstanda officia quæ animum gratum in nostri ordinis hominibus deceant. Generosissimis fratribus tuis, atque etiam doctissimo viro Paschali, plurimam meo nomine salutem dicito.

*Lygd. Bat.*

*Generosi nominis tui, ac totius illustriæ domus tuæ cultor,*

*G. J. Vossius.*

XXX.

*Erycio Puteano, S. P.*

Jam diu est, summe & vir & amice, quod Oratoriæ meæ & auctiores, & limatiores venire gestiunt in manus tuas. Sed occasio eas mittendi nunc demum obtulit per tabellarium, qui monitu tuo me compellavit, nec literas solum, sed commentarium etiam nostrum se procuraturum recepit. Quamquam fortasse jam à me acceperis. Nam ante quadrimestre vel præterpropter, cuidam professione medico, qui se per Brabantiam in Galliam iturum diceret, illud pro jure quodam meo in mandatis dedit, ut ne sine meis ad te literis abire vellet, atque ut à typographo geminum posceret Oratoriarum mearum exemplum, quarum unum retineret, alterum tibi daret. Is dum ego ab urbe absum, discessit, nec nisi unum exemplar rationibus meis apud Typographum addi iussit. Itaque hæreo, utrum, quia nihil ad te scripserim, sui tantummodo rationem habendam putarit : an contra humanitatis suæ esse exultavit, ut alterius potius rationem haberet, quam sui. Præsertim cum eo pacto commodior esset occasio compellendi tui, cujus conspectum & alloquium ambiret. In re incerta id facere malui, quod fecisse me vides. Si medicus ille fecerit, quod optarem : Pro filiorum aliquo hic index fuerit. Reperies in eo semel iterumque mentiunculam tui : sed non pro meritis tuis in rem literariam. Quorum major ratio habebitur in commentariis nostris de lingua latina, ac imprimis Originum libris, quos circa proximum Christi natalem prelo subicere Elsevirius decrevit. Si fallit, non moror. Nam mihi ipsi horret animus, cum cogito quantum laboris exantlandum erit. Si quid enim difficile est, id profecto est eruere è tenebris causas vocum omnium : ubi ille togatorum omnium doctissimus effugere non potuit, quin crebro nugaretur. Scio ab eo tempore multa in apertum producta esse, quæ tum in obscuro latebant. Sed nec pauca sunt, quæ reliquerit, quæ pulchrum sit revocare ad natales suos, siue illi in antiqua Latii lingua, aut Æolum Dialecto : siue in Linguis Orientis, imprimis Syra, unde Cadmus genus duxit : cui etiam literas ipsas debet Græcia. Adde quod non leve iudicium requiritur, si, ut animus est, in tanto Philologorum dissensu rationes plurimum addere velim, cur illud potius sequamur, quam istud. Neque hoc eo dico, quali multa mihi de me promittam : sed ut videas, non de nihilo esse, quod re jam etiam ante multos annos per-

*penſa,*



penſa, nihilominus adhuc horret animus ad illud laboris, quod ſuperest. Quia ſpiſſe ejus operis editio procedet ob voluminis magnitudinem, decretum tibi, ſi per Typographum licebit, per partes illud tranſmittere. Nempe minus tædio fuerit, ſi ſic legatur, præſertim ab homine occupatiſſimo: modo noſtra tanti putabis. Sed ſaluatim hoc ut facias, facile ſpero, impetrabo. Magnas vero tibi gratias ago, quod toties me beas perennibus illis, ingenii, doctrinæ, induſtriæ tuæ monumentis. Quam me, ut mittam alia, tua delectavit Flavia Domitilla. O ſi multa eo in genere, ut poſſis, ita velis! Quid de hiſtoria Inſubrica dicam! magiſve doctrinæ, an ſermonis elegantiam & ſacundiam mirer? Nec poteras opera alia magis tibi, & hoc ſeculum, & poſteros obſtringere. Nam in rebus Græcis ac Romanis multum jam ſumma ingenia deſudarunt. Jacent pene diſpreta tempora quæ Imperium Romanum proxime exceperunt. In his Hyſpæo caciôr ſit, qui ignoret irruptiones Barbarorum in orbem Romanum: Ab illis origo tot ſtorentiſſimis regnis ac principatibus in Europa noſtra. Ubi vero incidiſſim loca ea, quibus tam amice commendas nos, operamque in hiſtoricis noſtram, quiddam melle dulcius mihi circa cor glîſcere perſenſi. Quid enim jucundius quam laudari me ſit, uſque adeo laudata laudatiſſimi viri opera, & qui me à pueritia norit? ſane hoc boni feciſti, quod ſtimulos etiam addidiſti ad porro bene merendum de literis noſtris. Volupe etiam fuit juſſare ſtirpem Puteanæ: quam ego perhoneſtam eſſe, nec ante annos neſcivi XL, cum una Dordrechtî viberemus. Sed non paulo id nunc accuratius perſpexi, cuiſque liberis eo nomine gratulor, quod tam bene nati ſint. Quamquam proſecto ſatis haberent, quo ſe præſtant, ſi prima honoris fundamenta ſeciſſes. Utrum Calenti mei Puteani ſtirpi fuerint innoxæ, non ſciſco. Neque enim qui tanto Venſiovia abſum intervallo, occaſionem habui in omnia inquirendi. Sed ſi ita eſt, jucundum mihi eſt ſciſe, ac familiaritatem etiam meæ id gloriæ ducam. Nec indecetes Puteanis ſimul, cum multi hodieque ex cognatis meis non his modo in terris egregio loco ſunt; ſed Ruramondæ etiam & vicinis locis, partim conſulares, partim aliis dignitatibus functi vel etiam fungentes, ſuperſint. Hæc ego in. Nov. raptim exarabam, diæ dominico, quod eo ipſo ante meridiem tabellarius abiri pararet. Sic quoque ſacro diæ ſacra tractavimus, cum ſacra res ſit amicitia inter bonos & Dei metuentes: qualem te comperi à prima ætate, optime, doctiſſime, amiciſſime Puteanc. Cujus idcirco amor ac cultus erit, dum terras colam.

Tui,

G. J. Vossius.

XXXI.

G. J. Vossius Danieli Paræo S. P.

T Arde admodum mihi reddita litera tua, nempe tertio menſe, ex quo ſcripſeras; interim & alius menſis effluxit, non tam reſcribendi negligentia, quam quidam aliquem expectarem, per quem meæ ad te tuto mitterentur. Super quo etiam ornatiffimum juvenem Billetium compellendum exiſtimavi, ſimulac eum pedem in urbe noſtra poſuiſſe intellexi. Sed nunc demum occaſio indicatur, quam arripiendam putavi. Nec interea à me ceſſatum in illis, quæ ad te pertinerent. Nam tua potiſſimum cauſa Hagam excurri, ut colloquerer cum Domino Camerario, Illuſtri Suecorum regis ad Ordines noſtros legato, viro amantiſſimo ut mei, ita tui, & totius domus avitæ veſtræ. Satis video, quam ille propendeat, ut ſatiſfaciam poſtulo tuo. Sed necdum potuit, quod vult. Nec minus ipſe laboro, inque curæ hujus partem adſumo præſantiſſimos collegas, qui te amant & æſtimant, cum ob proprias virtutes, tum etiam propter clariſſimum parentem, & maximum virum, avum tuum. Sed difficilius aliquid te dignum poſſunt, quia de pluribus popularibus laborandum iis hætenus fuit. Et in non paucis quidem effecimus, quod volumus. Quid deinceps poſſimus, non ſciſco. Sed illud ſciſco affectum te & operam non deſideraturum meam. Venio nunc ad illud, quod Lucretium mihi tuum dicandum putatis, poetam eum, quem plurimi facio, non ſolum ob lectiſſimam dictionem, ſed etiam quia multa adeo in illo ad naturam rerum intelligendam. Adoleſcens in unius Ariſtotelis verba jurabam, ætate provecior ſæpe excedere coepi & Lyceo, meque contuli vel in Academiam, vel in porticum, vel etiam hortos Gargetti ſeniſ. Nempe & hætenus factus ſum. Nullius addictus jurare in verba Magiſtri: De Philoſophia dico. Nam in ſacris unicus Magiſter Chriſtus, qui & antea per Prophetas, & poſtea per Apoſtolos viros doctiſſimos, locutus nobis. Cæterum non video, amiciſſime Paræe, quas tibi pro tanto adfectu, ſummoque hoc honore gratias rependam. Sed in elogio noſtri, ingenue dico, large nimis peccas, meque non tam honoras, quam operas. Ego honoris illud quod mihi tribuiſ, ſemper aliis religno, uti debeo. Verum credo, dediſti illud non tam mihi, quam dulciſſimæ ſed miſeræ nunc patriæ noſtræ: cujus gloria tanto fuerit major, quanto illuſtriores fuerint, quos produxit. Sed de iſtoc & aliis, brevi ad te pluribus ſcribam. Sunt enim

enim apud nos, ut intelligo ex popularibus, Hanovienſes qui intra hebdomadam unam alteram redituri ad vos. Per eos mittam Oratoriarum exemplar, quæ hoc anno prodire, non donum profecto aut pretium, quo me tibi ſatisfacere poſſe exiſtimem, ſed affectus ſponſorem tabellam, quo me ad majora potius obſtringam. Filii mei, quos ſenos habeo, Muſarum aſſiduos cultores plurimam tibi ſalutem adſcribi juſſerunt: Quod ſane facio lubens. Præterea vero meo nomine plurima ſalute impertias rogo præſantiſſimum parentem tuum, quem ego virum ob præclarum ingenium, & doctrinæ elegantiam, tot monumentis teſtatam multos jam annos amo & æſtimô, majoriſque deinceps faciam ſemper, poſtquam Paræa domus primo de me optimè voluit mereri.

Lug. Bat. Kal. Januarii, Quibus, more veteri, atque ex intimo animo, exopto, ut annus ſic Parææ familiæ & lætus inchoet, & lætior procedat, & exeat lætiſſimus, *παραγα*

*Tibi tuæque merito tuo addiſſimus,*

G. J. Voſſius.

### XXXII.

Gerardus Johannes Voſſius, Hugoni Grotio, S. P. D.

**I**N rebus meis, Vir Ampliſſime, nihil actum; eo quod Curatores ſtato die non advenierint; ſed menſem diſtulerint adventum ſuum, quod nunquam antehac fieri meminî. De Wicelio uti & Stobæi eclogis, jam frater ad te ſcripſerit. Quare actum agere nolo. Nonnunquam dubitavi, annon uſui tibi eſſe poſſent Comicorum Græcorum ſententiæ, quibus tam multa bona ad oram alleviſſes. Hoc ſi eſt, ſcis tantùm ſignificato opus eſſe. Gaudeo ſex tuos de vera Religione libros in lucem prodiſſe. Sunt illæ unicæ delitiæ multorum, & eos inter conjugiſ meæ, cui eo impenſius placent, quod domi ſuæ habet interpretem eorum, quæ circumlocutione quadam dicuntur à te, vel etiam ubi alludis ad hiſtoriam minus in vulgus notam. Dubitavi interdum, an non in gratiam imperitorum utile foret, declarationem talium ad oram verbo annotari, vel ad calcem adjungi: quod jam alios ſcis in hymnis ſuis præſtiſſe. Nec tamen minutum adeo laborem ſubiri à te velim, ſed fratre, vel alio. Vellem cum his de Religione libris Latino-Belgica vel potius Belgico-Lati-

na tua *καταρχή* exiſſet. Parentes multi occaſionem haberent, egregia multa & diſcendi, & docendi ſuos. Loquor de hominibus bonarum literarum non ignaris, qui Latinis magis delectantur. Nam cæteris editione Belgica, toties jam repetita, ſatis jam conſultum puto. Tum autem ob oculos verſantur ſtudioſi adoleſcentes; quorum multi (dicere horret animus) vix elementa Religionis Chriſtianæ ſciunt. Imo quid illo *νικ* opus mihi? Etiam abſque illo nihil dixerô *καταρχή*. Paucos adeo ex iis invenio, qui & Chriſti beneficium, & ſuum officium intelligant. Hæc Hogerbetio ſubito ad vos abitum parante, ſcribenda mihi exiſtimavi. De cæteris brevi per ſtudioſum quempiam, qui Lutetiam cogitat, faciam te certiorẽ. Salutem uxori lætiſſimæ à me & mea. Item ſummis viris, Tileno, Salmaſio, aliis.

Kal. Jun. clâ  
16xxii.

*Tuus omni officio,*

G. J. Voſſius.

### XXXIII.

Gerardus Voſſius, Hugoni Grotio, S. P.

**A**Mpliſſime, Clariſſime vir, jam diu expecto, ut de rebus meis aliquid ſtatuantur, quo, cum aliud non habeam, ſaltem hinc capere ſcribendi argumentum poſſim; ſed adhuc fruſtra fui. Nam etſi jam diu Curatoribus is animus fuiſſe videtur, ut vel Eloquentiæ, vel Hiſtoriæ univerſalis docendæ provinciam mihi decernerent: tamen ab aliquibus, partim apertè inimicis, partim *αἰσχρο* *αἰσχρο*, ſemper aliquid obſectum, quod hoc eorum propoſitum impediret. Attamen tam multa in hoc tempore concurrunt, ut aliud vix perſuadere mihi poſſim, quam proximo eorum conventu habitum iri rationem mei, vel potius Academiæ hujus: In qua humanitatis ſtudia magis magisque ſordere incipiunt juvenuti: ut niſi plurimum induſtria glaiſcenti malo obviam eatur, omnino futurum prævideam, ut brevi barbaries omnia occupet. Nec cauſa obſcura eſt, cum nulla elegantioris literaturæ, humaniorumque ſtudioſorum præmia ſint; imo hæc ipſa invidiæ obnoxia ſint, apud eos, qui perſuaſum omnibus cupiunt, Neminem eſſe Theologum, vel Juriconſultum poſſe, niſi qui unum hoc per omnem egerit vitam: nec ætatis partem triverit in iis, per quæ gradus fieri debebant ad ſublimiora. Hæc ego ad te non ſcriberem, niſi nunc magis quam antehac unquam, veriſſimum eſſe comperirem illud, quod in Petro-

M

niano



niano Satyrico legere est, id quo nihil est majus, pueris indui adhuc nascentibus. Quamquam vero pestilens istoc sidus prope omnium animos inflavit: tamen non desperem posse nonnullis, quibus de luto meliore Phœbus finxit præcordia, noxiam adeo opinionem ex animo evelli, dummodo ne homines partim imperiti, partim invidi, tantum bonum impedire pergant. Interim de me utcunque erit, gaudebo, quod mihi sit mens sana in corpore sano: si insipientibus non visum uti opera nostra, dum possunt, illi, non ego infelicior fuero. Quin fortasse eo beator ero. Quod tu quidem, magne Vates, facile arbitror mihi concesseris: quippe qui alicubi cecineris, inter ea esse *Vitam que facit beatorem, Nulli pendere temporis tributum*. Sanè quamdiu ab hoc tributo immunis sum, sedulo id operam do, ut ne minus sum negotiosus quàm soleo. Et nunc sub prelo est commentatio mea, de Historiæ natura, & scribendæ Historiæ præceptis. Quam arbitror intra hebdomadas duas lucem adspicere posse. Nisi fortasse moræ aliquid injecerint, libelli alii non absimilis planè argumenti, quos cum priori emitte propemodum stat sententia. Sed profectò quantò mallet hac ætate insumere operam meam studiis istis, quæ ad pietatem Christianam, Scripturarum illustrationem, vel Ecclesiæ historiam pertinent. Non malè, nec infelicitè puto, ornare hanc Spartam cœperamus. Sed temporum infelicitas, torrentis instar nos abripuit, ac levibus hisce literariis curis adfixit. Interim blandiorem auram exspectabo, qua provecti ad graviores curas, appellere iterum studiorum nostrorum navem, possimus. Tu verò, Amplissime vir, nunc, ut arbitror, omnia potes quæ vis. Nisi fortean excipere ea debeam, quæ ad nominis tui defensionem pertineant. Nam ex plerisque, sed minus amantibus tui, intelligo, Ordinum nostrorum Legatis, priusquam Luteria, ante annum, vel circiter discederent, illud fuisse promissum, nihil istic editum iri, quod Procerum nostrorum quicquam cum injuria sua conjunctum esse arbitretur. Sed longè alius animus eorum, qui in honore antea fuerunt, & illorum qui illis favent: quibus nihil adeò in voto esse videtur, quàm ut aliquid videant tui, quo mundus intelligat, quàm benè & patriæ voluerint semper & adhuc velint. Utis potius gratificari debeas; vel quid rebus tuis, aut publico magis expediat, scio à me minime requisiti, quem scis non multum sapere ultra ea, quæ ad molles Musarum Labores, ac Socraticos libellos pertinent. Adderem etiam sacros, si per eos liceret, qui, uti dixi, nihil illio sapere quæquam putant, qui non illo-

tis manibus, eos sit aggressus. Satè video esse, qui summum Virum Tilenum Theologum esse negent; quem tantoperè Palatinorum Theologorum elogiis celebratum, ante annos aliquot vidimus. Nempe nunc minima de plebe homines persuasum id aliis volunt, sedulo eum humanitatis studiis vacasse: atque inde esse quod sua tot bracteatis dictis, & vermiculatis emblematis ornet: cæterum quicquid istis operæ infumfit, id decidisse arduo Theologiæ studio: quippe quod totum hominem requirat. Equidem nec ego quemquam velim meliorem ætatem istis unis tere, quæ tantum gradus esse ad Theologiam debent; sed quàm putidum est, non posse de Religionis controversiis judicare, nisi qui linguarum trium genium ignoret, nisi qui historiam externam, & locorum situs nesciat, nisi qui differendi artem solum degustarit, tanquam canis Nilum; at animæ doctrinam, moralem scientiam, ea quæ de universalibus principiis, & affectionibus à Philosopho disputantur, ne attigerit quidem. Et quod omnium foedissimum est, non posse idoneum esse Scripturarum interpretem, nisi qui junioribus Magistris contentus, superfederit discere ex Antiquis, quid & alii senserint, & cur ita maluerint sentire. Quæ etsi profiteri minimè audent homines imperiti & malevoli: tamen quid aliud agunt, qui authores sunt juventuti, ut studia istec, quæ dixi, negligant; quippe inutilia, & sæpè etiam noxia: qui item undique produnt, nullos à se viliori loco haberi, quàm qui studiis istis adjuti ad graviora se contulerint? Sed istos missos faciamus. Ad te, maxime vir, revertor: cuius, ex quo in Galliis fuisti, nihil videre contigit, præter ea, quæ de Pelagianismo didicisti: De quibus te judicium meum jam ex aliis cognovisse scio. Sed ut illa non uno nomine magna cum voluptate legi: ita impensè desidero, ut simulac ab iis, quæ publicas curas spectant, otii aliquid nactus fueris, seriò cogites de emittendo Stobæo tuo. Exple, exple tandem augurium illud doctissimi, & de literis optime meriti, Andrea Schotti, quod est in scholio addito Photii Bibliothecæ timentate seu cap. 167. *Presagit, inquit, animus, (quid enim vetat ominari?) fore ut ope Photiana Bibliotheca, que latent, eruantur non pauci: & quemadmodum nunc exiverunt Hadrianus, Gelasius, Theophylactus, Simocatta, ac quedam etiam Diodori Siculi, sic quoque spes est, Stobæi Eclogas omnes capite truncas, alibi vitiosas, turbatas, mutilas, primo maxime & secundo libro, Philosophi alicujus opera, atque Philologi in integrum restitutum iri, ut apto illo colligentis ordine servato, majore cum Reip. commodo appareant. Es tibi, quod omnium primus* accono-

teconitiam Librorum, ac singulorum cuiusque capitulum seriem, & Argumentum Plotius acurate designet: dein Augustana Bibliotheca (cujus multa jam essent in rem literariam beneficia) codex calamo exaratus: ut & nostra neque pauca, neque contemnenda fragmenta que ex Anton. Augustini V. C. gerimus, adferunt adjumenta. Nunc quoniam in medio palma est, huc Græce ce polita Philosophia studiosos invito. Hunc ego locum adscripsi, quia contineret, unde peti possent, quæ novam Stobæi editionem ornam. Gratulor vero Stobæo quod à longè illustriori manu medelam, ac decus suum accipiet, quam Schottus præfagire, vel sperare unquam ausus fuisset. Non dubito, quin scire aveas, quid sit de Seneca Tragico, quem ante annum atque amplius notis se suis illustrare velle receperat Scriverius noster. Ille verò lento adco pede, & verè testudineum in modum procedit, ut multum videatur timere, ne, si alius esse occipiat, quàm solet, cognomen Lentuli amittat, per quod à te patriciis Romanorum familiis sibi insertus videretur. Hæc res facit, cur neque quæ ipse in fragmenta Tragicorum meditabar, lucem adspexerint: neque item illorum quicquam, quæ transmisseras ad utrumque nostri. Non ignoras, me à multis retro annis Originum libros moliri. Idcirco impensè avelo nosse, num brevi sint proditura, quæ de eodem Argumento scripsit clarissimus Salmasius, ut cognosco ex notis ejus ad Historiæ Augustæ scriptores. Multum metuo, ne si vix tantus suos edat labores, ego meos æternum premere cogar. Et tamen nihil magis desidero, quàm ut nobile ejus viri opus quam primum adspiciat lucem. Potero meas copias in arctum cogere eaque solum adferre, quæ Salmasius vel dicere neglexerit, vel contempserit. Ita non planè mihi peribit labor meus, qui multis mihi vigiliis stetit. Et interim hoc lucrabor, quod si Salmasiana prius prodierint, ego iis visis meliora, certioraque edocebor in multis ubi nunc hæreo; Nec enim vulgare quicquam ab eo expecto, ejus ego *evangelium* in corrigendis Scriptoribus Antiquis satis mirari non possum, nec prædicare unquam definam. Quod verò ad Romanorum Antiquitatum intelligentiam, quem cum eo componere possimus planè non video. Alias ejus viri laudes prætereo, tibi magis cognitæ. Mihi quidem, quoties aliquid mei lucem videbit, prope decretum, quoties ad illud mitto, etiam exemplum addere ad summum illum virum; non quia tanti mea esse putem; sed quia committere non possum, quin ostendam quanti à me fiat. Et quod caput est, opto ei innoscere. Quod ea occasione per te commodè fiet. Nam tu, vir

Amplissime, qui me meaque amare soles, commendatione nugarum mearum pretium illis addes, quod à se sperare non audent. Utinam verò prodesse tibi in aliquo possem vicissim? sed jam diu est, quod affectu meo contentus esse soles. Quare verbum non addam, nisi quiddam de affine mea, & eo qui illius ambir nuptias, Equidem optassem; & ille ut tristibus his temporibus, de conjugio minime cogitasset, & nostra, ut magis à secundis nuptiis abhorruisset, hoc saltem tempore. Virum quidem novi ab annis triginta & amplius, etiam his annis circiter quindecim familiares fuimus, quantum loci intervallum quo plurimum distinguebamur, item temporum ratio sinebat. Indole optima semper mihi visus fuit, moribus etiam honestis, & politiori literatūra, quod rarum est in ejus professionis homine, eleganter est excultas sed cogito semper mecum, quantis, munus, quod sustinet, sit periculis involutum: tum autem si terras cogitent, alio sub sole jacentes, metuo ne ea nostra sit corporis imbecillitas, ut longiori itineri minime par sit futura: adhuc longè aberit à sanguine, & affinitate junctis. Propter ista & quædam alia, author conjugii esse non potui: nec tamen in dissuadendo libertate ea ausus fui uti, quæ fortasse requirebatur. Videbam enim alios hic esse qui impensius suaderent. Tum autem minime tam obesse eram naris, ut ex colloquiis & aliis non animadverterem, quanti faceret conjugii bona. Adhuc metuebam, ne si hic alteram duxisset, non inferioris sortis, nostram verò peteret nemo nisi inferioris conditionis quàm iste est, illa fieret *sanctus nuptiarum*, quod pulchram illam, ut tum videretur, conditionem diffuere passa esset. Dixi igitur interdum, mihi sic videri, seu abnueret, seu annueret, fore ut postea poeniteret. Sed cur poenitudine duceretur si annuisset, vix aliam adferre causam poteram, quæ alicujus momenti ei videretur, nisi quod aut longissimè abeundum foret à suis, aut si maritus iis in locis, in quibus esset, remaneret, illa in perpetuo verlatura sit metu, ne is experiri eandem cogatur fortunam, quam aliquot eorum, qui ejus sunt conditionis, nunc discere coguntur. Illa ad hæc; meliora se tempora sperare: & si quid adversi Dominus immittat, confidere eundem etiam spiritu suo roboraturum. Habes, Amplissime vir, quæ nunc occurrebant. Deo immortalis primum gratias ago, quod tibi & familiæ toti bene adeo sit: deinde cum supplicibus votis oro, ut hoc bonum diuturnum esse velit, quo diu Reipublicæ, & Ecclesiæ utilis esse possis. Uxor multum te salutat. Etiam utriusque nostri nomine salutem dicito rari



exempli femine, conjugii tuæ, quam ego post tot adversa ex marito suo solidum capere gaudium non minus lætor, quam propria si res ageretur; si bene memet novi. Nec præterire possum Clarissimum, & *Suorum* Tilenum. Penè est ut addam magna quædam nomina, quorum extrema tua Sylva meministi. Sed metuo ne meum hic delitescentis nomen fortasse nec fando unquam acceperint.

Lugd. Bat.  
cib. loc. xlii.  
Idib. April.

*O m. & huius & regis,*

*Tuus ex toto corde,*

Fig. 3. *Amicus,*

G. J. Vossius.

#### XXXIV.

Hugoni Grotio, Gerardus Vossius S. P.

**V**IR Clarissime, Amplissimeque, vellem diem unum alterumque scribendi officium differre licuisset. Potuissim fortasse cærius aliquid ad te perscribere de rebus meis. Est enim hodie octavus Augusti, quo, uti nosti, convenire Academiæ hujus Curatores solent. Sed nefas putavi, ut sine literis meis Lutetiam iret Vir Illustrissimus Anth. Maurerius. Interim planè arbitror fore, ut intra triduum de professione, si non ipse multum gaudeam mihi, saltem plurimum gratulentur mihi amici: qui causas non planè leves adferant, cur malint, me in publico munere versari, quam privatim mihi canere, & Musis. Tamen fuit qui insisteret, vereri se, ne aliquid incommodet rebus meis, quod inter literas interceptas quædam ad me scriptæ forent. Id mihi parum credibile videbatur, quia de nullis rebus Epistolæ nostræ loqui solent, nisi privatis, aut innocentibus Musis. Quicquid erit brevi resciscam. Simul illud cognoscam, quid ad me libri miseris. Fuit qui putaret esse aliquid Clarissimi Salmasii. Alius intellexisse se dicebat, esse librum à Cl. Rigaltio missum. Quod si est, credo fuerit Onosander meus. Id si est, perierit fortasse mihi. Nam etli librum amo, tot locis manu Scaligeri correctum: tamen non tanti duco, ut temporibus his, quibus suspicionum plena sunt omnia, reposcere eum digner à Procerum nostrorum conventu. Dissimulabo potius rem omnem. Hæc nunc paucis: sed intra octiduum alteras à me literas expecta: præsertim si quid actum erit in rebus meis.

Salutem Conjugi, Tileno, Salmasio, Rigaltio. V. V. C. C.

viii. August.  
cib. loc. xxi.

*Tuus totus,*

G. J. Vossius.

#### XXXV.

Johanni Berkio, *Belgicae federatæ*  
*Ordinum Legato, ad Serenissimam*  
*Reip. Venetam.*

Illustrissime Domine,

**C**UM eximias animi tui dotes, maximè semper fecerim, & ejusce rei argumentum aliquod extare publicè cuperem; neque me fugeret, quantoperè me obstrictum teneres: Ita judicavi pusillum hoc, de arte Rhetorica, quia aliud ad manum non erat, præclaro nomini tuo, inscribendum esse; non quidem ut paria tecum facerem, quod fieri omnino non potest; imo ne quidem ut vincula, quibus sum tibi devinctissimus, paulum saltem videar laxasse: sed potius ut morem animo gererem meo, quem & tibi obligatissimum esse, & in nexu adhuc manere, ingenuè agnosco. Unice igitur rogo, ut nihil aliud hic spectes, quam mentem devotam, libensque à cultore id tuo accipias, quod nunc est tuum. Hæc fiducia tantillum minusculum viro tanto mittere non metui. Et quomodo aliter mihi persuadeam de eo, cuius, & humanitatem erga omnes, & summam erga me benevolentiam, semper sum expertus. Utinam modo mihi, de nonnullis aliis, in Batavia similia possem polliceri. Quod non temerè opto: Quemadmodum enim vitis, non sine ulmo adsurgit; ita ut optimè nosti, nec eruditio, nec virtus, se facile attollit sine summorum virorum præsidio, aut tutela. Interea gaudeo non mediocriter, de favore Amplissimorum Academiæ Curatorum erga me. Sanè quam non omnino immemores sint mei, vel hinc vide, quod nunc quartum mensem, eloquentiæ studium, & omnis ævi historiam, vel verius *geographiam*, publicè profiteor. Ipse etiam, ne consilii hujus perire eos possit, sedulè Spartam meam orno. Itaque & frequentia auditorum à nemine vincor. Quamvis non ignorem hoc potius tribuendum esse gratissimo argumento, quod tracto, quam doctrinæ meæ. Utinam enim non quantum minuto isto, quod dixi, fortasse exupero alios, tantum à cæteris, & ingenio vincerem, & eruditione. Sed ut Poeta ait,

*Non*

— Non omnia possumus omnes.

Noli autem putare, quia nunc publicè docendo, tempus infumo, eò me sollicitum non esse, de iis scripto consignandis, quæ labore multo observavi. Nam quanto aliter sim animatus, argumento erunt libri mei, tum quibus de Historicis tracto, tum quibus tempora omnia digero. Volui, ut tibi, otii mei ratio constaret. Ac propterea duos priores operis, de Historicis Græcis, (qui soli excusi) ad te mitto, ut inde de cæteris conjectes. Eosdem mihi ad Illustrissimum Dominicum Molinum, quem mea alicujus facere intelligo. At Libellum dicatum tibi, tum eidem seorsim cum literis transmissi; tum Clarissimo Balchazari Bonifacio; aliorum nemini; quando cum his solis literarum mihi commercium intercedit. Tertius accessisset Paulus Servita, quem virum ob virtutem, plurimum semper æstimavi. Sed non multo postquam amicissimæ salutem mihi adscribi iusserat, per Illustrissimum Dominicum Molinum; Coelestis Pater, ex misero hoc orbe eum in meliores sedes transtulit. Aliud nunc nihil habeo, quod scribam; nisi dum tanto tu intervallo à Patriâ, sed Patriæ causâ, abes; assidue vota me facere pro salute tua, & uxoris, veræ herpina, ac totius familie tuæ, multumque me desiderare diem illum, quo in Bataviam reveris, felicem gratulari adventum licebit. Plurima salute uxorem tuam, cognatam suam, imperit conjux. Sed etiam meo nomine salutes rogo: Uti & amicissimum Colvium; quicum utinam, priusquam in oras istas abiret, loqui paucis licuisset. Fuiſſet hoc ex re utriusque nostri. Vale, Illustrissime Domine Legate, & nos amare perge.

Lugd. Bat.  
v. Kal. Apr.  
1639.

Illustris nominis tui Celsæ,

G. J. Vossius.

### XXXVI.

Ludovico Crocio.

**G**AUDEO, Clarissime Croci, usque adeo tibi probari Amstelodamensium institutum. Et profecto, si rem suo momento, non invidorum iudicio, ponderemus, nihil conducibilius fuerit, hisce præsertim temporibus, quibus literarum contemptus apud nos etiam indices gliscit. Ad eum sistendum non leve pondus asseret, si civitates illæ, quæ inter Europæas caput extulere, ostendere coperint,

se vere esse Mercuriales, non dimidium colere Mercurium, illum nempe mercium dominum, non item eloquentiæ præsidem, quæ sine sapientiæ studiis est nulla. Sanè Amstelodamo ad perfectum laudum cumulum nihil mihi unquam deesse visum fuit præter unam literarum gloriam, ut ea quoque augeri possit, uti ei, ut non neminis alius, de quo jam quædam mustant nonnulli, sic & Willii nostri opera esse possit. At faveo ei utroque, quod dicitur, pollice. Sed utrum iis in studiis, quæ ille profiteretur, cuiusquam opera uti velit, præterquam eorum, quos jam vocarint, tum demum scire potero, cum eo pedem tulerò. Quod si *non*, futurum est post mensem. Sed sive id succedet nobis, sive secus erit, non patiar ulla in re affectum meum desiderari. Plane enim virum amo, non jam amplius ob commendationem tuam, sed ob egregias animi dotes, quas ex sermonibus ejus sæpius perspexi, sed imprimis ex disputatione in sacris publicè suscepta, ejus ille præmium, magno totius Academici senatus consensu, retulit, quam doctoralem lauream nuncupamus. Gratulor eo nomine & illi, & clarissimo ejus parenti, & urbi vestræ, quæ eum dedit, planeque sic auguror, hæc jam semina esse lætissimæ segetis, quam Ecclesia dei universa quandoque ex eo metet, imprimis vestris, vel, quod non minus opto, nostris terris. Vale, vir summe & amare nos perge.

Post. Kal.  
April.

Tuus,

G. J. Vossius.

### XXXVII.

Reverendo in Christo Patri D. Lancetotto Androsio, Episcopo Wintoniensi, Regi Magnæ Britannię à Sacris, & Secretis Conciliis.

Reverende in Christo Pater,

**N**ON possum non magnopere dolere propter immaturum obitum Cluverii nostri. Nam & amicum amisi, quicum multos annos conjunctissime vixeram: & cogito, quantum damnum morte ejus fecerat Respublica literaria. Accedit quod reliquit liberos parvulos, utroque parente orbatos, & in re angusta aded, ut quo pacto honestè possint educari, equidem non videam. Paululum tamen me recreat, ac reficit, quod puerorum avia superest, bona femina, gente Britanica,



tanna, atque, ut intelligo, honesto admodum genere orta. Ea nunc in patriam redire parat, eo animo ut periculum faciat, num recipere bona valeat, in quæ alios iniquè involasse conqueritur. Utinam per te, vel per amicorum tuorum aliquem, uni alteri eorum, quorum est de talibus iudicium ferre, serid commendetur, ut, si causa æqua est, facilius, quod cupit, obtineat. Sanè nihil melius. Deoque gratus, quàm viduas & pupillos tutari, ac juvare. Et omnium, quotquot liberalia studia non tralatitè tractamus, hoc votum est, ut ne carissima summi viri pignora, penitus abjecta desertaque relinquuntur. Tuam verò hac in re benevolentiam ac favorem propemodum spondemus nobis, quia præter raram eruditionem ac eximiam prudentiam, hoc etiam divinâ bonitate habes, quod ad alteri benefaciendum paratiorem noverimus neminem. Cujus ego animi tui domesticum habeo exemplum in affine meo Junio. Nam benefacta erga eum tua, cum per se magna sint, tum eò gratiora sunt nobis, quod serè id temporis benefaciebas ignoto, quo notî, sed virtutis inimici injuriis afficiebant. Ac ne nunc quidem erga eum minuitur paternus affectus: Sed tantò amas ardentius, quantum illi cum ætate virtutis & eruditionis amor crescit. Sed his nunc non insistam. Duntaxat orabo, ut affectum hunc porro conserves. Ad res meas, quod attinet, profiteor in Academia hac, tum Eloquentiam, tum Historiam, tum potius Chronologiam Universalem. Munus est luculentum ac videor etiam hanc Spartam non segniter ornare. Sanè & Academiæ Curatoribus, & Collegis, & juventuti satis probatur opera mea. Interim hoc studium multum abest à sacrorum studiorum dignitate. Profectò si verum dicere licet, post Pessinuntium asellum Diaria summa. Sed Spartana hoc patientiâ concogendum. Quod eò facio libentius, quia si minus ex me commodi redundet ad Ecclesiâ Dei, quàm vellem: nulla tamen hic culpa est mea, sed temporum quibus veneranda antiquitas vix ullos sui invenit amatores: atque adeò solida eruditio non modo despiciatui, sed etiam odio est. Sed fortasse erit aliquando, cum hæc corrigantur. Hac spe nos solabimur. Quæ si nos destituat, bonâ tamen conscientia subnixi, meliora expectabimus post hanc vitam. Deus, Reverende in Christo pater, diu te Eccl. Anglicanæ, & bonis omnibus servet incoluntem.

Lugd. Batav. v. Id.  
Jun. A. c1510æxiii.

## XXXVIII.

Gerardus Joannes Vossius, Joanni Adolpho Fabro, S. P. D.

**P**Ergratæ quidem fuerunt mihi literæ tuæ, sed ita assidue distringor, ut penè, quo me vortam, nesciam, & tamen diutius tibi debere responsum incivile videatur. Præsertim cum te ob doctrinam & summam humanitatem diligam ut debeo. Atque augeat non mediocriter hunc affectum, quod Spartam illam, quam nactus es, sedulo ornare studes: ut ex literis tuis facile perspexi. Perge hoc pede, mi Faber, & ominis hoc inesse crede nomini tuo, quod affabre debeas fabricare ac formare animos juventutis. Sane melius mereri non possis de Rep. Neque ignoro, per plurimos de Ordine Scholasticos sentire & loqui. Non nemo etiam ideo lubentius facit, ut mihi ægre sit, quem scit in illud incumbere, ut melius sit studiis adolescentiæ. Sed contemnere nobis liceat contemptores muneris honestissimi: qui ne illud quidem essent, quod sunt, nisi bene iis esset ab illis, quos carpunt, cantharidum instar rosas arrodentium, è quibus nascantur. Quæris, quod Logicæ compendium maximè probem. Rarum laudas, quem non contemno, imo Adolescentulus valde capiebar. Non æque aliquanto adultior. Nam quantum mihi ætas crevit, tantum & amor Aristotelis, & Græcorum interpretum. Quare nunc quoque difficulter ab iis me avelli sino. Sed non hi ad captum pueritiæ: cui accommodatior, Hunneus & Crellius, quos puer didici: item Molinaus, Præceptor meus & Burgerfdicius Collega, nec tamen alieno hac in re iudicio præscribam. Meum promo, quia petis. Quod eo lubentius facio, quia quandoque indignor, cum jacere sic video, qui Veteres sequuntur. Itaque jam videas ab hominibus non indoctis recentiores advocari ad partes, si quid dicant, quod millies dixerint veteres. Ut si Erasmus cites in Apophthegmate, quod apud Plutarchum, Laertium, atque alios legatur. Hoc qui faciunt (qui magno sunt numero) ostendunt profecto, quam hospites sint in antiquitate. Sed improbare ineptias istas possum, corrigere non possum. Nec omittere tamen potui, quia non injucundum est tecum colloqui, qui mihi visus es amare bonam mentem, quod pauci admodum faciunt. Video etiam te laborare de ratione brevissimo tempore docendi elementa Linguae Græcæ. Sane multi hic peccant: qui non distinguunt inter ea, quæ præceptis cognosci, quæque usui addisci

addisci oportet. Si aliquando excurreris, de eo primus nobis sermo esto. Nec graver nunc pluribus eam rem exponere per literas, nisi aliis distinerer. Quamquam quid ego ista ad te, quem scire illa scio? & in vicinis etiam locis (fortasse & in urbe tua) homines habes eruditissimos, qui nec ista, ut arbitror, neglexerint. Dicas, te meum quoque iudicium cognoscere avere, fortasse ita est. Sed ego censeo, te magis ista exquirere, ut argumento aliquo scribendo aperias affectum erga me tuum. Quem ego sane amo & amabo semper, mi Faber. Nec propterea, si omnino etiam de eo iudicium requiras nostrum, gravabor illud perscribere, & tamen, si verum dicere amemus, fateri oportet, facilius illud pauxillo sermone explicari posse, quam longâ etiam Epistolâ. Pro munusculo gratias ago: sed cave deinceps idem agas, nisi remunerari me voles luculentius quam præstisti.

Lugd. Batav.  
Post. Kal. Sept.

## XXXIX.

Ludovico Crocio S. P.

**M**Agnum mihi dolorem attulit obitus summi, & viri & amici Matthiæ Martinii, Collegæ tui. Nec tamen tam meam doleo conditionem, quam Ecclesiæ, quæ magnam in hoc viro jacturam fecit. Sane quotidie mihi decrescere eorum numerus videtur, qui aliquid in studiis vident supra vulgus. Atque hoc eo pejus me habet, quod tam paucos esse video, qui bono Ecclesiæ potius, quam affectui suo ducantur. At in eo, quem amisimus, ambo hæc erant, omnigenâ eruditione nulli in Germania cedebat, & sciebat, quantum omnes paci & concordie Ecclesiæ debeamus. Scio quosdam aliter de hoc viro loqui, sed quales profecto? nempe, ut puto, qui foris sint lyncei, domi fortasse talpæ. Qui Cantharidum instar in rosis latitant, atque hoc agunt, ut, quod nec literatos, nec Christianos decet, venenum aculeo suo affundant: sed & tales ferre animus. Nam si non laborent ipsi, cuiusmodi dicant cur laborem ego, quid dicant? Quare surdis ea auribus transmittito. Apud bonos tamen & cordatos viros famam ejus & honorem tueor, uti convenit. In quo ipso aliquâ opus prudentiâ propter quosdam majoris zeli, quam scientiæ. Scripsi hæc non sine dolore. Quamquam enim jam aliquamdiu est, quod à te tanti amici obitum intellexi, quoties tamen de turbatis

adeo Ecclesiæ rebus cogito, dolor omnino recrudescit. Sperabat summus ille vir Funtianæ se familiæ quodammodo jungi posse, eam ducendo, quam affinis meus viduam reliquit. Neque per me unquam stetit, quo minus voti hujus compos fieret. Sed atas ingravescentis scrupulum injiciebat. Et præterea minuta quædam, quæ nihil attinet referre, cum ea per te videas. Et fortasse non idem erga virum affectus omnium fuit, qui meus. Nunc tamen non successisse negotium gaudeo: partim propter liberos Martinii, quibus secundæ hæ parentis nuptiæ damnosæ fuissent: partim etiam propter fratrem, & nos ipsos, qui non tantum gaudii ex ea conjunctione cepissemus, quantum doloris ad nos, ex brevitate connubii rediisset. Desidero scire, ecquis defunctum laudavit, & an ea oratio jam viderit lucem? Nemo quidem ad hanc rem magis fuerit idoneus, quam tu, Præstantissime Croci, qui animum & virtutes viri plane perspexeras. Quare, si quid operæ in hoc à te insumptum, publicum videat. Pulchrum sit Martinio laudari à tam laudato viro. Nec periculum facile est persuasum virum fuisse majorem quibusdam, qui primas nunc ferre creduntur, opinione non sua modo, sed etiam aliena. Quia de re plura dicerem, nisi hoc alienam quodammodo reprehensionem habere videretur.

Vale, doctissime & amicissime Croci, tanto quo semper amicior futuro, quanto sanctionem apud te Martinii nostri memoriam semper fore intellexerim. Salutem meo dic nomine optimo & eruditissimo Cochio, cujus operam in edendo Sanhedrin & Maccoth valde probo, & surgenti ejus gloriæ ex animo faveo atque applaudo.

Lugduni Bat.  
Kal. Octobr.

Tuis,

G. J. Vossius.

## XL.

Ludovico Crocio, S. P.

**V**Alde me delectavit, quod literæ tuæ sic amorem spirent erga & desiderium amicū Martinium. Nimirum talis esse bonorum amor solet. Non ille cum vita amici exstinguitur, sed etiam ubi eum frigida mors sustulit, vivit tamen flamma, quam ejus virtus in pectore nostro accendit. Willius tuus imo nunc etiam meus, non solum mihi commendatione tua & patetno decore, sed & suis virtutibus carissimus est. Subinde me invisit,

ac



ac mirifice colloquiis ejus, & suavissimis moribus capior. Hyeme hac subsistere hic decrevit. Si qua in re utilis ei esse poterit opera mea, nusquam deero. Cochium Hebraeus apud vos literas enarraturum intelligo. Eo nomine gaudeo, ac tum ipsi, tum illustri Scholae vestrae gratulor; res Ecclesiae nostrae hec dum in liquido sunt. Metuoque ne Auster aliquis turbidiores reddat, quam nunc sunt. O utinam medium tenere cursum semper liceat inter Symplegadas, hinc effrenis licentiae, inde jugi humani. Sed tum nimia curiositas, tum odium ac metus nesciunt modum. Nec ista corrigere est opus humanae. Hoc ut cum poeta loquar *Dei & hominum iura*. Cui te post breve adeo colloquium commendo. Neque enim nunc multis te distindendum putavi: cum Vander-Bekius tibi futurus sit viva Epistolae loco. Ex eo igitur tum Reip. tum Ecclesiae statum abunde, ni fallor, cognosces.

Lugd. Batav.  
Kal. Decemb.

*Tuus sine fisco ac fallacius.*

G. J. Vossius.

XLL

*Clarissimo & undecumque Doctissimo viro,  
Jano Grutero, J. C. & Historico  
Electorali.*

**C**UM Historiarum notitia, vir Cl. comparatum est, quemadmodum tum cum Sole, Luna, & Astris, quibus Lucis nihil encomiis accedit, aut convitiis deoedit: tum cum Marco illo Catone, cujus gloriae, ut ex Livio scribit Hieronymus; neque M. Tullius laudando profuit, neque C. Caesar vituperando obsuit. Quare opera haud exultimo, de praestantia ejus, ac necessitate laudum collam plectere. Illud mihi potius faciendum videtur, ut consilii mei rationem aperiam; sed paucis. Nam quisquis te novit (& quis non novit in Europa?) Is scit quantum historia alios antistes. Et haec nostra commentatio de historia, quae ad scribendam historiam viam sternit. Hui, inquit, Quis paucas istas pagellas ad virum non nili lacte gallinaceo, certe magnis quibusque dignum? Quo colore factum hoc purgem? Num minutim quippiam me affectasse dicam, quia id quod de Poematis dicebat Aristoteles, de quibusque libris verum est, nempe quae insane sunt magnitudinis, non magis esse pulchra, quam supra modum magnum Animal. *Οὐδ' αὖτις ἵστανται τῶν μεγάλων τῶν ζῴων, ἀλλὰ τῶν μικρῶν.*

*ἢ τὸ δῶν ἢ τὸ δυνάμει.* Neque enim simul inspectio eorum fieri potest, sed subterlabitur ex intuitum contemplatione, illud unum & totum. Atqui ut idem mihi inquit, nec quicquam admodum exiguum fuerit venustum: *οὐκ ἔστιν οὐδ' ἡ δυνάμει ἰσχυρὸς τὸ ἀνέκδοτον ἡλεῖν τὸ πρῶτον.* Confunditur statim inspectio, quae brevissimo sit temporis momento. Sed & in rebus modus servari potest, aureaque mediocritas. An potius, quoniam multa hodie ingentia scribi volumina videmus in quibus, ut facetus Cornicus ait,

*Gerre Germane, atque edepol lire lire,*

Idcirco dicam mihi placuisse semper, placitumque aeternum Lucretianum illud,

*Parvus est Cygni melior canor ille Gruum quam  
Glangor in etheris, dispersus nubibus Austris?*

At non quia *καλλιῶν ἢ τῶν ἀνέκδοτων τὸ πρῶτον* Cicero *τοῦ ἡλεῖν τὸ πρῶτον* ut scribit Eclogarius Athenaei: Ideo liber quilibet pusillus magnum bonum, sed saepe pusillum, imò magnum interdum malum: ut interim omittam, illum ipsum Cyrenensem Callimachum, tandem malevolorum calumniis adductum, ingens Hecates poema edidisse. U-num occurrit quo spero culpam hanc, siqua est, eluam. Humanitatem summam esse nativo, in peritissimo totius humanitatis; eamque in me opinionem alit, tum relictis in tot monumentis tuis summa humanitas, tum eorum de humanitate tua iudicium, qui non verunt familiaris. Itaque et si,

*Non tam aversus equos nostra sol iungat ab urbe.*

Ut ignorem acre tuum ingenium, & excellentem eruditionem: tamen si id peccare est, audendo peccare satius fuit, contra magnitudinem, quam non audendo contra humanitatem. Aliis satisfactum spero, tibi scio: si minus, una superest via, ut Libellus sit tibi Ajax Augusti, tuamque in spongiam incumbat. Atque hoc eo leniori animo feram, quod haud magnum ei laborem impensum agnoscam. Certe si vel minimum laudis induleris, ut Afranius in Thaide, *maiorē laudem, quā laborē invenio*. Verum metuo, ne nimis hanc laboris, & operae parvitatem, parvitas, levitasque operis augeat, dum minute quid, ac subfrigide, ut nihil observate, curiosèque scripsisse iudicabor. Quod si est, nihil superest aliud, quam ut Soricis instar, suo libellus pereat iudicio: Et quia ad te emendandum mitto, una emendetur litura, quomodo Plutarchus scribit

\* Lib. 2. de  
Alexandri  
fortuna.

\* scribit Philoxenum, cum sibi  
Liber ad emendandum esset tra-  
ditus, *εὐδὸς ἀνὸς ἔργος θανὸς μῆξις* &  
*καρὸς ἐμὲς ἐμεγέλας*. Vale, Vir Gl.

Et si mereor, imo immerentem quoque amo-  
re complectere.

## XLII.

Clarissimo viro, Jano Gruterō.

Vir Clarissime, Conjunctissimeque Affinis,

**D**olorem meum quem cepi, ex tristissi-  
mo Palatinatus casu, non mediocriter  
auxit, quod Te quoque, cujus merita, erga  
Orbem Universum, nemo unquam satis  
predicaverit, incendium hoc adflarit. Vo-  
luptas interea fuit, quod ex literis tuis intel-  
ligo, rectè Te valere, animoque esse constanti  
in his malis. Multum etiam me recreat,  
quod, ut complures mihi retulerunt, Fran-  
keram es vocatus; ut Academiam hanc luce  
tua illustres. Atque adeo etiam, ab serenissi-  
mo Danie Rege, honestissimo stipendio in-  
vitari diceris, ad ornandam Academiam  
Hafniensem. Quantum mallet, nobis ad-  
esses? Utinam hæc res iis cura foret, qui  
consilio valent apud eos, quorum in manu ea  
res est. Sed mihi non est animus, querimoni-  
am de his temporibus instituire, quibus  
propè omnes omnia metiuntur commodo  
suo, nec alios, quàm foelices colunt. Quin  
Spartana potius patientia hæc contoquermur.  
Interim impense scire desidero, utram vo-  
cationem, si vera intellexi, cogites amplecti.  
Mallet si non nobiscum, saltem proximus  
nobis fore. Sed tamen magis consultum  
volo commodo tuo, quàm desiderio meo.  
Eloquentiam hic ego, simulque Chronologi-  
am profiteor. Honestum fateor munus, sed  
sacra malim hac ætate, præsertim quando, ni  
me nimis amo, haud impares sumus, sanè ut  
ita semper literas, & Philosophiam tractavi-  
mus, ut is potissimum nobis scopus foret.  
Interim solatiolo est, quod sic quoque profu-  
mus publico. Florentissimo quidem Audito-  
rio fruimur, si hic quisquam alius nunc, vel  
antehac etiam. Lis Corputiana, ante Pa-  
schales ferias decidetur, nisi fallunt penes  
quos ejus dijudicanda est potestas. Occasi-  
onem nactus, per Commelinum Francofur-  
tum cuntem, mittere ad te volui Libellos  
duos; Unum quo historię naturam, ac præ-  
cepta complexus fui; Alterum de Historicis  
Græcis, Tertius qui est de Historicis La-  
tinis brevi, & ipse, lucem videbit. Spero  
eos haud tibi ingratos fore, non eo tantum

nomine, quia à me proficiuntur, quàm à te  
amari scio: Sed etiam quoniam fieri aliter  
non potest, quin qui tamdiu ea cum gloria  
illustri loco, historiam sis professus, atque in-  
ter tot Scriptores, etiam Historicos, usque  
adeo multos foelicissima curiositate restitueris,  
& illustraris; eorum & ipse approbes cona-  
tum, qui quomodocunque, de Historia, &  
Historicis, benè student mereri. Salutem  
plurimam Uxor Tibi dicit: Item Amplis-  
simus Rutgersius, & Collegæ mei, Heinhus,  
Meursiusque; adhæc Scrivierius, & quos ali-  
os salutari iusseras.

vi. Eid. Mart.  
clō Ibc xxiv.

Tuus omni officio,

G. J. Vossius.

## XLIII.

D. Fulconi Grevillo, Equiti aurato,  
Baroni de Brook, Serenissimo Regi  
Magne Britannię à Secretioribus  
Consiliis; S. P.

**I**ncredibili voluptate perfusus fui, cum in-  
telligerem te, generose Domine, in quo  
cum illustri Natalitium splendore, & summa  
dignitate non excellens modò virtus, sed ex-  
imia etiam eruditio, suaviter conspirant; &  
me natum scire, & præterea amare, & tantū  
quoque facere, ut dignum existimes, cui inter  
florentissima Cantabrigienſis Academia lumi-  
na, te auspice, tribuatur locus. Equidem  
non tam habeo, quàm Poeta appellat, carne-  
am fibram, ut non sentiam, quantæ, & glo-  
riæ, & utilitatī, ea res mihi, & liberis meis,  
esse possit. Tum autem quid jucundius fue-  
rit Ecclesiasticæ Antiquitatis amantissimo,  
quàm in ea vivere Ecclesia, quæ, seu doctri-  
nam salutarem, seu exteriorem Ecclesiæ fa-  
ciem attendas, Apostolico ævo, & proximis  
seculis, simillima videatur? Quamobrem non  
possum non beatum me putare, quod Deus  
animo tuo honestam ad eò de me opinionem  
inspirarit. Sunt interea pauca quedam, de  
quibus aliquanto certior fieri desidero. Ut  
super lectionum de hebdomade numero, &  
imprimis de habitaculo, quod, ut arbitror,  
uxorem liberosque habenti non nisi extra Col-  
legium esse possit. Atque hæc, licet in voca-  
tionem tam præclaram magnopere propende-  
rem, scribenda nihilominus putavi. Simul  
ut quomodocunque gratum animum testari in-  
ciperem, literis meis comites addere volui li-  
bellos hæcenus à me editos: quos vel eo no-  
mine haut ingratos fore confido, quod à  
sum-



summo excellentissimarum tuarum virtutum admiratore proficiscantur. Quod si Deus valetudinem & otium concesserit, consequentur & plura & meliora, quorum partem jam habeo consecram. Deus te, Illustris Domine, diu Magnæ Britanniae Regno, summo literarum & literatorum bono conservet.

Londini Bar.  
cl. lxxiv.  
Idib. Sept.

Illustri Nomini tuo  
devotissimus,

G. J. Vossius.

## XLIV.

Amplissime Doctissimeq; Domine Boswelle,  
Intellexi ex nobilissimo Dom. Carletono, quam præclare de me sentias, strenuèq; operam des, ut in florentissima Cantabrigienſium Academia perhonestum teneam locum, seu Historiam profitens, seu scientiam Civilem. Equidem fore hoc pacto video, non tantum ut illustriori loco constitutus, majori nominis luce circumvestiar: sed etiam, ut amicitia & colloquiis fruens summorum Academicæ ejus vironum, maxima & plenè doctrinæ capere possim incrementa: tum autem, ut ad plures industria mea, & qualiscunq; eruditionis fructus redundet: ut interea de rei familiaris incremento nihil dicam. Metuo sanè, ne pro tali ac tanto beneficio pares unquam gratias referre possim. Sed velle tamen non desistam. Interea hoc promittere habeo, nunquam fore, ut te consilii istius possit poenitere. Is enim mihi animus semper fuit, ut pro viribus & publicè & privatim quâ voce, quâ scribendo, consultum irem publico bono. Quamvis autem planè ed propendeo, ut ad honestam adeo conditionem si vocer, sequar: tamen quædam ante operæ fuerit scire. Super quibus scripsi ad Generosum Dominum Baronem de Brook. Literarum earum exemplum Epistolæ huic addendum putavi. Vale Amplissime & Præstantissime Boswelle, atq; amare nos perge.

Lond. Bar. Idib.  
Septembr. cl.  
lxx. xlv.

Tibi merito tuo Obligatissimus,

G. J. Vossius.

## XLV.

Nobilissimo & Amplissimo Dom. Dudleio Carletono, à Secretis Concilii Regiæ Magnæ Britanniae.

Nobilissime Domine Carlone,

EN tibi literas, quas exaravi tum ad Generosum Dominum Baronem de Brooke, tum ad Amplissimum Dom. Boswellum. Etiam exemplum utriusq; epistolæ vides. Sicuti peccatum putes, jucundum erit à te moneri, ut corrigatur, priusquam literæ meæ tantis viris exhibeantur. Similiter exemplum Epistolæ ad Dom. Baronem de Brook literis ad Dom. Boswellum inclusi. Mitto & quicquid hæcenus edidi, ut Dom. Baroni de Brook offeratur, minutum quidem donum, sed magni affectus. Plurimæ Epistolæ cum Catanæi commentario tandem hæcui fui. At librum Vossii de Deo, quem nunquam editum mallet, nusquam amplius in Bibliopoliis proflare scias. Arminii quæ quidem reperire potui, uti petieras, mitto. Sed fore intelligo, ut cuncta ejus viri uno volumine intra paucos menses in Germania recadantur. Quod si expectare malueris usq; dum id fiat, solum opus erit ut nunc missa remittas.

Vale Nobilissime Domine, & quo cœpisti favore, porro me prosequere.

Lond. Bar. Id. Sept.  
cl. lxx. xlv.

Tuus Tuo merito,

G. J. Vossius.

## XLVI.

Dudleio Carleton. Londinum.

Nobilissime & Ampliss. Dom.

Reddite mihi sunt literæ doctissimi Boswelli, quibus ab illustri Barone de Brook, ad Professore in Cantabrigienſi Academia honorificentius vocor, quam homo tantilli ingentis atq; eruditionis merear. Reddite item tuæ, quibus non amanter minus, quam prudenter mones, ut ne cum uxore ac liberis me in viam dem, priusquam peracta quædam sint, de quibus ob incerta Rerum Humanarum, constare antea satius sit, quam stabilem cum meis sedem in florentissima Britannia vestra figam. Equidem, quantas possum, pro singulari hoc affectu, gratias ago, uti debeo. Sed scrupulus tamen

tamen non exiguus injectus est mihi quem dissimulare non possum apud tam amantem mei. Auctor enim es ut quam primum veniam; sed solus, & ignaris iis quibus Academia cura incumbit. Neque non video, id tibi propositum esse, ut si minus omnia ex voto reperiam, citra honoris dispendium, sineque Academiae nostrae Curatorum offensa, facilis mihi reditus pateat ad meos. Sed Nobilissime Domine, quid si per utrumque manus quod sustinui, & illud quod nunc oboeo, ita politionibus propè omnibus innotuerim apud nos, ut pedem vix extra urbem, nedum extra Bataviam ponere liceat, quin profectio mea dimanatura sit ad plures? Atque ut de nocte iter conficiendo, vel alium dolum nectendo, fallere omnes ad dies paucos possim: quia tamen per unum alterumque ex Anglia reducem jam rumor hic est diffusus de vocatione ad vos mea: de itinere in Angliam etiam suscepto, suspicio oboriatur multis, simulac hebdomadas totas desiderabor ab Academiae hujus juventute, Senatu, foroque ipso. Quater enim de hebdomade docendum mihi: nec pars modò Senatus sum Academicus; sed unus ex quatuor viris, qui rectori Academiae adsident in tribunali nostro. Illud etiam reticere nequeo, litteras ab ornatiss. Boswello scriptas, quarum mihi exemplum miserat Hagâ, non parùm variari in stipendii modo ab Epistola, quam ipse ab eo accepi. Hoc unde contingat, non satis conjecturâ assequi possum; nisi forte quispiam tuis è terris sponte se minoris offert, neque desint qui nunc deprecient, ut fieri solet. Quid enim ego umbraticus sciam, quid in Angliâ, quis rerum agat, sive per se, sive per suos? Quamobrem per amorem erga me tuum, etiam atque etiam rogo, ut hac in re me quamprimum pro singulari tua prudentia, consilio juves. Vale decus meum, & eum, qui beneficia tua animo inscribit, patentiſſimo, nec eorum esse ignarum posteritatem finet, amore tuo porro dignare. Salutem quoque plurimam, si occasio dabitur, meis verbis dicito Reverendissimo Wintoniensi Episcopo, Viro incomparabili, cujus erga me affectui, utinam gratias referre dignas valerem. Iterum Vale.

Lugdun. Bar. c. 10. loc. xxv. 11. Id. Feb. Nobilitatum Virtutumque tuarum Cultor atque Observator,

G. J. Vossius.

## XLVII.

Nobilissimo & Amplissimo Dom. Dudleio Carletono, à Secretis Consiliis Regi Magnae Britanniae.

Nobilissime Domine,

DE vocatione in Angliam mea rem omnem quia longiorem moram non pateretur, communicavi cum uno altero ex Nob. & Amp. D. D. Curatoribus Academiae nostrae. Equum autem imò planè necessarium arbitrabantur, ut quicquid hujus est etiam à me in Collegio eorum exponatur. Ego ne hac parte postulato eorum refrager; partim adducor amore & gratà recordatione beneficiorum quae præstiterunt: partim quia si dicendum, quod res est, plane pusillum est, quod exigunt. Nam post dies decem, h. e. ad octavum Maii, eorum hic conventus erit. Postquam Hagâ redii uxor in vehementem incidit febrem: quae res effecit, ut dies aliquot scribendi ad te officium distulerim. Interim, ex modici etiam sententia, carere morbus periculo videtur. Sed Poetae illud nosti, quando sit, amorem rem solliciti plenam timoris esse. Quod si per lectiones publicas, ac imprimis valetudinem conjugis liceat, etiam ante Nobilium Curatorum adventum operam dabo, ut de nonnullis tecum loquar. Nec enim tam ignarus sum rerum humanarum, ut non, quemadmodum video undique amorem erga me tuum; ita etiam perspiciam, quantum juvare me consilio possis, non per te modo, sed etiam per illustrissimum patrem tuum, aeternum Britanniae suae ornamentum. Deus utrique vestri, & hic, & in coelis praemia rependat, amoremque istum erga me conservet.

Lugd. Bar. c. 10. loc. xxv. xxviii. April.

Nobilissimo nomini tuo obstrictissimus,

G. J. Vossius.

## XLVIII.

Gulielmo Boswello.

Amplissime Doctissimeque Domine Boswelle,

QUIS rerum mearum ignarus, aliud sibi persuadere possit, quam diutinam hanc in respondendo cessationem inde duntaxat, aut potissimum saltem, promanare, ut Vocatione Anglicanâ aliquid mihi apud Batavos



tavos lucelli acquiram? Scimus id plerisque moris esse. Nec notam hanc effugit summus Jurisconsultus, Andreas Alciatus, cum Biturigibus Patavium vocaretur. Et ille quidem callide hoc egerat ipse, ut vocaretur. Mihi, ut scis, ne per somnium tale quid cogitanti sponte apud vos professio oblata est. Ille item, immae quantum aucto stipendio, apud Biturigas remansit. Ego, uti hoc nunquam egi, ita nec quicquam accessionis (quam quidem scio mihi minime invideres) consequar remanendo, nisi simul accessio fiat fortè novi laboris. Queris quid igitur in causa sit, cur tardius literis tuis respondeam, tam amanter, tam benevole scriptis? Dicam apertè & sine circutione. Scrupulus aliquis animo meo injectus erat, quod putarem posteriores literas minus cum illis, quæ ad nobilissimum D. Carletonum missæ erant, convenire. Nec is, nisi adventu Domini Carletoni, & imprimis alteris à te literis ad eum exemptus fuit. Alia etiam causa accessit, ita enim officii ac muneris mei ratio ferebat, ut de vocatione mea, quicquid erat, referrem in conventu nobilissimorum Academiae hujus Curatorum. Is conventus, præter ipsorum & meam imprimis spem, diutius dilatus est quam putabamus. Etiam etiam causam accipe. Inciderat uxor carissima in morbum gravem, quo fiebat, ut nec in hanc, nec in illam partem, de vocatione ea certi quicquam statuere auderem. Sed ubi ea convaluit, vel convalescente saltem visa fuit, serio de re tota & mecum, & cum amicis, & cum Academiae Curatoribus cogitare coepi. Adhortari alii, dehortari alii, ut fieri solet. Sed non tam stupidus eram, ut non viderem, quæ suaderent, ut quamprimum vocationem meam amplecterer. Nam & in florentissima Academia inter summos tot viros victurus eram, & iis in terris, ubi Ecclesiæ ea facies foret, qua non alia hodie in terris veterem illam magis referret. Sperabam etiam eò me gratiorem fore, quod antiquitatis Ecclesiasticæ studio à puero me dedissem: ejus autem studii apud vos plurimi essent non intelligentes minus quam amantes, cum quibus per jucundum fuisset, colloqui ac conversari. Sed dum hæc oculis quasi obversantur, ita Deo volente, dulcissima conjux, singularis sanè exempli femina, iterum in morbum incidit; ac in longè vehementiorem, quam ante. Nec enim aliud nunc (quantum futura prospicere sibi infirmitas humana) conjectura assequi possumus, quam eam vel hoc morbo terris ereptum iri: vel saltem, diuturnum morbum fore; diuturniorem etiam longiorem, qui morbum consequi solet. Proinde judicavi, non diutius spem meam

cere me oportere generoso Domino Baroni de Brook: sed quamprimum eum de statu rerum mearum faciendum esse certiorum: Te verò, doctissime & amicissime Domine Boswelle, quam amo, quam æstimo, propter plurimas maximasque virtutes, ac potissimum propter eam quæ tantopere excellis, humanitatem, cujus abundè erga me indicia dedisti. Sed laudibus tuis non insistam: ne non tam judicium videar promere, quam pro ingenti beneficio verbis gratias velle referre. Atqui gratias referre opis non est nostræ: qui nihil nisi devotum tibi animum offerre possumus. Atque eo scio, quæ humanitas est tua, contentus nunc eris. Plura jam scribere domesticus dolor impedit. Sed aliàs id compensabitur. Cum enim obscurum non sit quantopere me complectaris: literis posthac meis subinde te, si grave id tibi non erit, compellabo. Amorem etiam erga te meum ubi potero, & publicè, & privatim testari non desistam. Vale.

Lugd. Bat.  
cl. lxxxv.  
Kal. Junii.

Tuus votus,

G. J. Vossius

## XLIX.

### Dudlæo Carletono.

Nobilissime D. Carlone,

**D**UM ego hesterno die tecum colloquor, aliud hic agitur. Quid illud? inquires. Dicam. Superiori die Sabbathi, cum literis tuis ad me venit juvenis nobilis, mihi ignotus, sed, ut ipse postea retulit, ex aula principis serenissimi, qui in urbe hac vivit. Exposuit quorsum accepisset. Literas à te accepisse aiebat. Rogavit amice quid de negotio Anglicano decrevissem? Exposui mille Angliæ bona, quæ iter suaderent. Sed adjeeci quædam quæ scrupulum injicerent. Nempe ea ipsa, quæ apud te retuli. Et quia nihil ad illa magnopere reponabatur: iterum rogatus serio dixi, dum hi forent scrupuli vix hinc avulsam iri. Ille, etsi Angliam suaderet, tamen petiit, ut si iter illud minus caperem, saltem veterem in Angliam affectum retinerem. Hæc à te reverius, intelligo non solum constare jam pluribus in urbe, quæ huic nobili dixissem: sed aperte promi, me apud eum penitus detrectasse provinciam. Et illud jam in Angliam esse perscriptum. Quod si est, sanè pugnabunt nonnihil literæ tuæ cum iis, quæ Lugduno missæ. Non tum cum

eum scrupulum eximi posse putabas. Atque ego offendi, non me alienum esse, si & uxori & liberis uti dicebam consuli posset. Quare arbitror satius fore, ut nihil in Angliam perscribatur priusquam tecum loquar. Fiet autem id aut cras aut summum perendie. Nam & alia sunt quæ satius sit à te sciri, utpote mei amantissimo. Salve à me. Postridie quàm à te abii, horis circiter xx. postquam tecum egi, idque ob festinationem manu filii cui hæc dictabam. Nam moræ locum nullum relinquendum putabam, ne differendo negotium corrumpere. Cras igitur, aut ad summum perendie Haggæ adero.

L.

*Ad Illustrem & Generosum Dominum,  
Baronem de Brook, Fulconem Gren-  
villum.*

**E**GO verò, Illustris ac Generose Domine, amorem erga me tuum magis magisque cognosco: ut qui stipendio honesto non contentus, de libera habitatione etiam addendum putaris. Sed quanto excelsa illa mens tua mihi perspectior est: tanto magis vereor, ne affectui huic, ac amoris mihi habito, satis videar respondere. Equidem (dissimulare non debeo quod officii mei erat) communicavi rem omnem cum Nobilissimis & Ampliss. Academiæ hujus Curatoribus. Petiere illi ut in conventu suo proximo, proponere rem vellem. Videbatur mora duntaxat fore hebdomadam duarum. Facta sunt plures. Interim uxor in gravem incidit morbum: Conveniunt Curatores, & urbis Consules, qui illis à consilio sunt. Auctores esse omnes, ut hanc ne Academiæ relinquam, prolixèque affectum suum testari. Potuit ea res scrupulum injicere mihi, homini minime, ut arbitror, malo. Sed nec deerant amantes mei, qui maximopere adhortarentur, ut terras hæc florētissimo Angliæ regno commutarem: atque hujusce rei causas affererent sanè graves. Et jam uxor convalescere videbatur. Verum enimvero, ut nihil certi est in rebus humanis, ecce sæva tempestas. Incidit uxor in recidivam. Ad morbum accedebant symptomata gravia, ac vehementia. Quo res evasura sit, necdum scio. Periculum quidem summum omnes videmus. Atque ut Dei beneficio optime res cadat: tamen (quantum humanus animus ex præsentibus conjectare potest) morbus hic diuturnus planè erit. Mihi interim qui mi-

seram video uxorem, illam animæ dimidium meæ; culque in hoc statu vix horam ab ea abesse licet, dum nihil præter cruciatus specto, nec præter gemitus tristiæque suspiria audio quicquam, cor prope finditur, ac sapientia, si qua in me unquam fuit, penè tota (pudet dicere) expectoratur. Sanè studiis operam dare nec vacat, quia absentem uxor requirit, nec lubet quod absens etiam macerer. Quid enim mirum, si plurimum ei metuo, quam plurimum amo? Præsertim cum amorem augeat amittendi metus. Do quidem operam, & sedulo do, ut animum ad omnes casus, & divinis & humanis præceptis, obfirmem. Sed tamen diffiteri non possum, me tantâ curâ doloreque circumseptum esse, ut subinde ad id, quod timeo, penè invitus revolvar. Quare haud aliud statuere possum, quàm Deo Opt. Max. visum esse, ut in his terris, quod vitæ reliquum est, absumam. Id autem quantum futurum sit, præsertim annis hæc pestilentibus, novit idem ille qui solus scit omnia, vitæque qui nostræ modum præhivuit. Interim non possum non immortales tibi gratias habere, quod illustre adeo beneficium, tam humaniter, tam liberaliter in me conferre fueris paratus. Sanè quanti me facias, ista amoris ac benevolentiae significatione satis indicasti. Mihi quidem merita hæc tua nunquam animo excident. Nec tam arduum, aut magnum, dici quicquam poterit; quod non debere me tibi profitear. Utinam aliquando sit, ut ostendere erga te possem cultus & observantiæ erga te meæ propensissimam voluntatem. Nunc pro illa, & honestandi mei, & augendi fortunas meas tam munifica voluntate, non aliud quàm maximas gratias ago. Nec enim pro tantis meritis, reddere vicem possum: redderem autem, si possem. Si quid tamen ab otii mei fructibus expectari possit, obnixè hoc agam, non quidem ut illustrando nomini tuo inserviat (nec enim ego soli lucem addere possum) sed tamen ne posteris pro tanto beneficio videar fuisse ingratus. Te verò, Illustris Domine, unum illud præterea majorem in modum rogo, ut ne harum literarum ergo, quicquam apud te nomini meo decedere patiaris: sed potius excusationem meam æqui bonique consulas: atque ita statuas, Providentiæ Divinæ, quæ cuncta dispensat, vocationi huic meæ injectum esse impedimentum. Plura in eam sententiam scriberem, nisi videret diffidere præstantissimo iudicio tuo, ac jam dudum mens avocaretur domestici mali cogitatione.

Deus



Deus te Illust. Dom. diu inclyto Britannie regno incolumem servet, amorem etiam tuum mihi semper conservet. Vale.

Lugd. Bat.  
Kal. Junii.  
c1610cxxxv.

*Illustris tui nominis cultor,*

G. J. Vossius.

# LI.

Gerardus Vossius Jo. Meursio Viro  
*Clariss. S. P.*

**D**uplex nomine gaudeo, maxime vir atque amice eximie, primum quod ut florentissimum Danie Regnum majori luce vesties atque eruditionem Nobilissimæ Juventutis augebis, futurum video, ut ipse etiam majora & honoris, & emolumentorum, capias incrementa. Deinde autem illud plurimum me recreat ac reficit, quod, si bene animum tuum novi, quanto magis in pretio eris, tanto magis amare studia literarum, deque hoc seculo & posteritate insimul, præclare perges mereri. Unum illud doleo quod à te tanto, & viro, & amico, tam longè separer intervallo. Sed nunquam tam mei fuerò studiosus atque amans, ut non gloriæ, ac commodis tuis, ut tuis vero? imo Reip. Literariæ longissime posthabeam utilitatem, licet multo maximam quam ex suavissima conversatione tuâ capiebam. Quod ad rerum mearum statum attinet, magna quidem mei expectatio apud serenissimum Angliæ Regem, & Regni proceres, concitata erat; ut his diebus ex nobilibus Britannis intellexi: sed non multo post abitam tuam, uxor in gravissimum iterum incidit morbum: qui tres pene menses duravit; Ac nunc quidem corpore est satis firmo. Ea res efficit, ut mihi divinitus compedes injectas arbitrarer: plane enim vitæ ejus metuebam: nec ut viduus eò me conferrem ex re fuisset mea aut meorum. Præsertim cum rei familiaris parum sim intelligens quemadmodum nosti. Nec propterea hilo per abitum tuum auctor sum nisi quod Ampliss. Acad. hujus curatores, à me petierunt ut, ne penitus jaceret studium Linguae Græcæ, diebus Mercurii ac Sabbati extra ordinem illud horam unam profiteri vellem: uti à me serio fit; sed stipendio plane incerto. Propterea auctores nonnulli fuerunt, ut ne ea conditione provinciam susciiperem; sed nosti, quam solem non videri, ac tanto minus id Curatoribus dene-gandum putavi quod benevolentia mei du-

ctos, utcumque causam non satis perspicerem hoc consilii cepisse eos arbitrarer. In opere meo de Historicis Latinis jam ad Justiniani tempora perveni. Video fore, ut non multo ante natalem Domini absolvatur. Usque adeo lentæ sunt operæ. Superiori hebdomade in senatu Academico Rector magnificus, Polyander, Sualenburgius & ego homullus, missi fuimus Hagam ad Illustrissimum Principem Henricum quo ei gratularemur novam dignitatem, atque Academiæ nostræ statum eidem commendarem. Respondit humanissime, etsi valde infirmus, usque adeo ut eo die neminem præter nos admiserit. Pridiè misere fuere conflictatus cum morbo colico, quem esu mororum, melonum, fungorumque contraxisse ferebatur. At talium tragematum, potius sanè quàm per ea male sit optimo Principi, cui vel de meis Deus annos superaddat. Sane improborum aliquod gaudium tum erat, sed bene est quod nunc valetudini restitutus videtur. Goli-us Arabice docet. Sed poposcit à curatoribus ut sibi potestas daretur cum Wetfio designato Consuli Aleppensi in Syriam suis sumptibus proficiscendi, atque impetravit. Post triemestrem aut circiter se itineri accinget. Quæres quis Deus hanc illi mentem inspirarit. Nempe non alio compellitur quam quod multa adeo in Arabica Lingua supersint, quæ nec illi nec cuiquam in Orbe Christiano cognita sint. Quæcumque Arabica Lexica suppetunt, mutila videntur. Quid dico, videntur? Imo si de iis quidem loquamur quæ scripta sunt ab hominibus Christianis, desunt verba pene infinita. Ita qui interpretari quid velit, sæpe ad fallaces conjecturas recurrere cogatur. Ea autem quæ Lingua sua Arabes condiderunt, multo quidem sunt perfectiora; sed quia gentis suæ hominibus scribere, ita breviter succinctæque cuncta interpretantur ut à Christianis hominibus non intelligantur. Præsertim ubi ritus Arabum attinguntur nostris ignoti, aut ubi ad Poetarum Arabum loca alluditur quos iidem sæpe ne per transennam quidem videre. Sperat itaque Goli-us noster si annum unum Damasci & vicinis locis, cum doctissimis Arabum atque aliarum Asiæ gentium colloqui familiaris detur, posse se plus uno proficere die quam vicenis, si suo omnia labore hic ruspetur. Certe Juvenis est præclarus magnumque aliquando virum dabit, si Deus ei valetudinem & vitam, quod ex animo voveo, cum Batavia, tum præcipue studiorum causa. Multa enim ex Arabum monumentis erui possunt, quæ à nostris sciuntur, juxta ac ab ignarissimis. Schrevelius quo hactenus Haga medico usæ fuit, honore eo à Curatoribus auctus est ut inter Professores Medicos fami-liam

liam duceret. Et jam Orationem habuit inauguralē. Sed de principe loco sponte maluit cedere affini suo Heurnio qui tot annos, jam Medicinam in Academia hac fuerit professus. Hac tamen conditione loci gratiam fecit, ut ne Affinis primarii medici titulum sibi arrogaret. Spero eam rem aliquid ponderis habituram ad concordiam. Sanè modestiam prudentiamque Screvelii hac parte omnes commendant. Multorum sententia erat ut Screvelio etiam botanica functio mandaretur. Et maluisset ipse atque etiam amici ejus, cum ob alia, tum horti Academici amoenitatem. Sed Vossius noster in ea opinione erat, fore eam rem sibi ignominiz, si cedere illa domo nunc ipsa mater familiaque cogerentur, ubi hæcenus à *vanhelms* Vossius egisset. Utcumque hoc est, amicus ille noster Vossius Curatoribus persuasit adjuvante imprimis Cunæo. Itaque & Ordinarius is Medicinæ nunc Professor est, & idem Doctor botanicus: quæ felicitas nescio an cuiquam ea ætate in Acad. hac contigerit. Screvelio cum in totum Parenti Vossii succedere non posset, loco Botanice professionis trecenti vel amplius floreni annui decreti sunt. Amplissimus Rutgerius menses multos lecto affixus fuit: deque valetudine ejus prope conclamatum esse Screvelius Medicus judicabat. Sed hesternæ die cognovi ex Heinio, Valentium medicum Delphensem, pro certo habere, laborare eum scheloturbe: ac se eum intra octiduum vel præterpropter valetudini restituere posse. Quod Deus faxit. Sin, quod Deus avertat, naturæ concesserit, sedulo apud sereniss. Regem opera dabitur ut in locum ejus Heinio possit succedere. Et multi fore arbitrantur, ut compos ejus voti fiat. Nec tamen in Bataviæ proceribus desunt, qui suorum alicui decus hoc conferri præoptent, atque etiam in hoc sint elaboraturi. Vides mi amice, hominum certamina. Nos vero interim dulcia Musarum studia colamus, atque amore potius inter nos, imo & cum aliis bene merendo de bonis literis certemus. Hesternæ die à Screvelio Gymnasiarcha, vocatus fui ad nuptiale convivium (mercatori cuidam Harlemensi filiarum ejus una nupsit) Ei intererant præter alios, Cunæus & Barkus, qui impense postularunt ut suo te nomine saluarem. Uxor quoque mea plurima te salute impertit. Utriusque etiam nostri nomine multam salutem dico lectissimæ atque optimæ uxori tuæ.

Lugd. Bat.  
cl. lxx.  
Kal. Octob.

O. N. A. M. G.

LII.

Hugoni Grotio, Gerardus Vossius  
S. P. D.

**L**Egi responsum tuum, Amplissime Domine, in quo non dico permulta, sed omnia planè ita subtiliter, nervoseque à te dicuntur, ut quamquam sciam quàm plerique omnes docere quam discere finis paratior, tamen bona me spes habeat, posse his Clarissimum Molinæum ab anticipata opinione dimoveri. Sed cum omnia mirè fuerint ad palatum meum, tum imprimis ea me delectant, quæ de salutis certitudine scripsisti. Omnino enim in hoc dogmate plus mihi lucis adduxisti, quàm vel alius antea quisquam, vel tute antea ipse; quamquam sædè iterumque tecum de eo sim locutus, & communicaris mecum quæ de conciliatione disidentium sententiarum scripseras nuper. Nec tamen abeunt ab iis, quæ interea temporis jam animo conceperam. Sed gavisus sum ea calculo tuo comprobari: & quod magni duco, distinctius ea proposuisti, quàm ego ea mente etiam complexus. Itaque usus mihi eorundem fuit hodierno die, quo dicendum aliquid fuit de verbis istis Christi, Cap. XXIV. *Matth. 24. 14. Quia scriptum est, et signum erit illi, ut non deperdat.* Nam hæc usque me in eo Evangelista series ipsa perduxerat. Nec arbitror nos, plus quam à te factum, largiri cuiquam posse, nisi simul à clara scripturarum luce, inque ea ambulantis pie antiquitatis vestigiis, visum sit, desistere. Quod verò prohibes, ne Nobil. Langeracensis literas tuas ostendat viro doctissimo, equidem istiusmodi puto, ut nec tu imprudenter illud scribas, & Langeracensem tamen prudenter facturum putem, si nullus hæc parte tibi morem gerat. Nam & Reip. & Ecclesiæ plurimum interest, ut magni nominis Theologi, pie antiquitatis sententiam cognoscant, super prædestinatione & dogmatibus annexis: tum verò imprimis, ut jus summi Magistratus in rebus Ecclesiasticis rectius addiscant. Quod si tamen Legatus sibi illum thesaurum servet; post illa scribi oportebit, rem omnem te ipsius permittere potestati. Nec puto hoc consilium quemquam ut candidum minus interpretari posse, nisi forte qui niger sit ipse. Qualis fortè etiam in scripto tuo minus verisimile dices; quod ais pag. 2. vers. 9. non aliud te spectasse, quàm ut Molinæi consilio, & ipse & alii adjuvari possetis ad pacem promovendam. Obducatur enim quod, pag. 17. (cujus initium ad conclusionem) ais non scripsisse te in eum finem, quod Molinæum inspecturum putaras, sed ut sententiam tuam apud



apud Nobilem Legatum deponeres. Quae tamen licet *infirmum*, non tamen *inertia* esse patet, cum, ut ego arbitror, volueris, non scriptum Molinæo offendi, sed dissimulato scripto, Molinæo exponi debere, quæ scripto esses complexus, quæque Legatus ad consilium ejus de procuranda pace eliciendum, significanda ei arbitraretur. Porro cum ejusdem pag. 17. vers. 2. nomen conciliationem, cui subscripturi sint Angli, Belgæ, Helvetii, Germani, dubitavi certone consilio an festinatione omittantur Galli, præsertim cum in Gallias scribas. Quemadmodum nec sat scio, an quod pag. 6. vers. 7. à fine, ais, simplex donum esse non potest, quod pluribus conceditur, priori gratia abutentibus, quam utentibus, an *ad id* intelligi possit; cum certum sit, si princeps tam iis qui hastam abjecerint, quam qui bene rem gesserint, armillas donet, minime horum ratione simplex donum dici posse. Hæc sic ego non mulinabar, sed muginabar. Nam aliquid in chartam conjiciendum erat, non quale Tu scriperas, cujusmodi nihil erat, (scio Te sic ingende scribenti fidem habiturum) sed tamen quod chartæ spatium implere posset. Bis me legisse dicere possum, etiam tertiatum, nisi metuissem, ne in remittendo festinato opus esset. Superest, vir Amplissime, & supra mortales omnes mei amantissime, ut maximas Tibi gratias agam, quod priusquam responsum hoc tuum mitteres ad Langeracensem, ejus mihi legendi feceris potestatem. Nec enim majori cum voluptate, addo etiam cum fructu, meum in re alia tempus collocare potuissem. Plaque rogo simili adfectu, & honore in posterum me prosequi velis. Est & quiddam aliud, de quo ad Te scribere augeo, quod Brethanam Ecclesiam spectet. Sed nunc serum est, eoque isthac occasione potius utar, cum frater ad te Hagam iturus, quod futurum die Jovis, uti intelligo. Salutabis, Magnifice Domine, Nomine meo lectissimam foeminam conjugem tuam, quam Clemangis editor ante unam aut alteram hebdomadam præconio isthoc serid apud me decoravit, quod suaviter se risisset versiculis rhythmicis, quia rei familiaris aliquo dispendio curasset, ut sic compellere suos posset (sic loqui liceat) confratres, Ecce hic stant, Augustinus, Hieronymus, ceterique Patres. Vale decus meum.

Prid. Kal. Decemb.  
cic loc xv.

A. T. Observantissimus,

G. J. Vossius.

LIII.

Dudleio Carletono.

Nobilissime Domine,

**O** Pere meo tandem excuso, haut superest aliud, quam ut cogitetur, qua ratione optime Illustrissimo Domino Duci possit offerri. Primum videndum, quot exemplaria ad Illustrissimum illum heroem debeant transmitti, & quo potissimum ornatu id fieri conveniat. Scio melioris notæ chartam assumi oportere: nec minus posse præstari, quam ut membrana & margines inaurantur, vincula item sint byssina. Sed, ni fallor, codices destinati principibus viris vestiri solent holoserico rubri, viridis, vel alterius coloris. Vel præter illum etiam alter, qui alteri ab Celsitudine sua possit donari. Hoc si placet, jubebo mihi codices adornari eos ad modum illum, quo libri sunt plerisque Veneribus, aut Junonibus Batavis: præsertim isti quos in sacras aedes secum deferunt. Vides minutam curam, & quæ infra Vossium sit, ac longè magis infra te ejusce nobilitatis virtutisque virum. Sed postquam hætenus infinita opera, reliquo etiam videndum ut commodè defungamur. Porro etiam dispendiendum, à quo vel quibus felicitatis tantum sperare Vossius tuus ausit, ut non graventur siliolam hanc suam Illustrissimo Duci fisterè, ac benignè commendare, quò gratior esse possit. Quot item codices, & quo ad eos Schemate exornata debeant procurari. Accesseram hesternâ die anam junioris principis Boemici, idque eo animo, ut super illis elloquerer cum nobilissimo eo, quod ego non minoris facio, doctissimo D. Donglio. Sed ex Doctore Altingio cognovi Hagam isse, nec reversum ante diem Lunæ. Fortasse igitur, Nobilissime Carletone, occasio se offerret tibi de hæc re colloquendi cum præstantissimo illo viro. Is præ amore erga me suo, tibi redierit, facile mihi exponet, quid utriusque vestri in re mea optimum factu videatur. Si tamen satius existimetis, ut Hagam ipse excurram, non defugiam id laboris diebus feriatis, qualis nobis ille Mercurii ac Saturni. Vides quantum in amore vestro fiduciæ reponam, qui nugis istis rebus maximis obstrictos viros obtundam. Sed quia felici adeo fidere natum me video, ut me non indignum amore vestro existimetis, nihil non aulus sum exquirere è vobis, quod mea scire interesset.

Tuus,

Lugd. Bat. clō  
loc xxvi. xiii.  
Junii Raptim.

G. J. Vossius.  
LIV.

LIV. Hugoni Grotio, Gerardus Vossius

**M**agnifice Amplissimeque Domine, hodierno mane nunciavit mihi ornatissimus Collega meus, advenisse in Urbem Uytenbogartium, ac quod antea factum nunquam velle me invadere: collaturum autem de jure summi Magistratus in Ecclesiasticis. Statim in mentem venit, non id colloqui aut dissertatiuncula ergo fieri, cum ignorare non possit, quam mihi curta sit suppellex: sed potius quia postulare statuisset, quæ hac de re nuper ad A. T. scripsissem. Nec ea me suspicio fefellit. Nam vix de valetudine mea, & statu Collegii nostri exquirit, cum sermonem iniecit istiusmodi, ecquid sub manibus haberem, quod brevi lucem adspicere posset. Et cum negarem me ob difficultatem muneris in hisce quasi primordiis aliquid edecuratum, & seculo dignum elucubrare posse: porro institit, nihilne de principali jure in Ecclesiasticis essem commentatus. Sciebam quo tenderet, & mentiri non erat meum. Respondi igitur, ante crines aut amplius, sententiam me meam, ad aliquem chartæ illevisse, sed statuisse, simul ac paulum otii nactus ero, quatuor, aut quinque disputationibus eam rem in Collegio accuratius pertractare. Non improbat consilium: sed tamen optare se interim dixit, ut sibi inspiciendi eorum quæ scripsissem, qualiacumque ea essent, facerem potestatem. Addebat, jam à tribus retro mensibus, vel amplius scisse se me aliquid tentasse. Dicebam mirari me unde hoc haberet, cum præter eum ad quem scripsissem, nemini mortalium rem communicarem, uno excepta Collega, qui fidem dedisset se cum nemine hac de re verba facturum. Respondit se ex A. T. rem cognosse. Idem dicebat D. Episcopus, qui aderat: Non tam naris obesse, ut non odorarer, cur hoc mihi persuasum vellent, sed tamen dissimulabam. Optarim interim magis Collegam hac parte litasse Sigaloni. Imo recipsum. Quando iniquè ab altero silentium exigit, qui ipse illud præstare non potuit. Addebat, D. Uytenbogartius, si bona mea venia fieret, velle se ab A. T. scriptum istoc exposcere. Dixi non displicere, ut prius videam, quid scripserim: putare enim alia etiam familiaria eis literis esse admitta. Velle itaque quamprimum ad te scribere. Rogavit igitur, ut hoc quamprimum facere vellem: Rem me

sibi gratissimam facturum. Nunc oratum te velim, ut si otium horula detur, oculo volanti percurras, & ad oram Epistolæ lineam transversam ducas, ubi quid à me prætereundum arbitreris. Si tamen id per occupationes non potes, ipse agam, priusquam alteri chartas istas exscribendas dederò, quo Uytenbogartio mittam. Illud quoque candidè scribere illi statui, siquid hic boni sit, tuæ hoc A. tribut debere, cujus hac de re sententiam, non ita pridem antea legissem. Quod si illud ipsum Exemplar, quod A. T. habet, mitti posset, opus foret simul addere, ne cui illud alteri innotesceret, quando ad te familiariter scriptum esset more Romano, non seculi nostri, quo Inferiores non sic ad tui Ordinis ac dignitatis viros scribere solent. Vale, Magnifice Amplissimeque Domine, & Uxorem saluta. *Ad A. T. Vossius.*

xiii. Jun. elo

loc xvi.

*T. A. Devotissimus.*

G. J. Vossius.

LIV.

Dudleio Carletono, Hagam Comitum.

Nobilissime D. Carlone,

**D**ixeram, me postredie missurum literas, quas ad D. Boswellum scripsissem. Simul in me receperam negotium comparandi tibi prælectiones Theologicas astuti illius, sed mali Theologi, quas ab amico tuo expecti dixeras. Quæ cum dicerem, non satis cogitabam proximè diem Dominicum consequi: quo minus, convenisset disquirendi molestiam facessere Bibliopoli. Quare postredie demum eam rem curavi. Sed cum plurima Socini Bibliopole nostri habeant, eo tamen opere, quia id maxime omnium expetitur, penitus destituuntur. Itaque cogitandum mihi erit de via alia, quæ satisfieri amico tuo possit. Mitto interim literas quas dixi, sed apertas, ut prius legas, quam mittas. Si placuerit, mittes obsignatas, sin aliquid mutandum putes, prius mone, idque liberrime, vel etiam Hagam evoca. Plus enim tribuo prudentiæ tuæ, quam meæ, partim quia in propriis serè excurimus: partim quia tibi, utpote Anglo, Anglicana omnia perspectiora sunt quam mihi: partim quia in luce prudentissimorum hominum semper versatus, cæque in dignitate constitutus, experientiam majorem rerum omnium sis consecutus, quam mei ordinis quisquam: memorem te etiam esse velim sermonis ejus, quem

O

obiter



obiter de operis mei dedicatione (quod est de Historicis Latinis) una habebamus. Sed quid ego, ut minor sis, rogo, qui prior etiam de me compellaris? Equidem, ut appere dicam, magnam in te ejus rei, & asperitatem tangunt, fiduciam colloco. Ac simul in praestantissimo Boswello. Mihi unum hoc erit laborandum; imò & liberis meis, ut grati erga vos simus. Vale.

vi Sept. cis  
1672.

*Tue dignitati cultum sumus.*

G. J. Vossius.

*LVI.*  
Guillelmo Boswello, Westmonast.

Clarissime Doctissimeque Boswelle,

**V**alde mihi gratulor de constantia amoris erga me tui: ac tantò id facio impensius, quanto minus in me, quo id merear, reperio. Equidem magna cum voluptate rumino subinde hanc felicitatem meam: & tacitus mecum cogito, equando visurus sum diem illum, quo coram gratias agere possim, tum Illustrissimo Baroni Brookio: tum etiam tibi, aliisque amantibus mei. At enim dixeris, ut id quamprimum fiat, in manu esse mea: hoc enim ex libris meis tuis non obscurè perspicere potuisse. Non dissimulo: at tamen non levis obstat, qua minus huc parate morem animo peram vestro, imò & meo. Quid ut verissimè à me dici videat, non abs re erit, si aliquid rem ordiam. Jam plusquam septennium est, quod in procerum & Ecclesiarum dissidia, me quoque, qui ab omni dissidio animum generam alienissimum, incendium calamitosi temporis afflavit, ac penè ambussit. Mirabile & mirabiliter jure mecum illi. Interim patienter non perferrebam, quia non nulli consilium esse modo: quantopere Reip. & Ecclesie paci studerem: sed idem mecum agnoscerent, quoscunque non nimis abriperet assensus. Paucatim defavebat tempestas, meque inde in innocens testator fiebat. Itaque nimis benignitate, Caratorum Academiae auctoritate, aliorumque virorum praestantium opera factum est, ut qui stipendi quidem parte bona fruerer, & docendo, tamen abstinere: & Eloquentia & Historiam insinui in Academiae hac doctor publicus & ordinarius constitueret. Quae res & emolumentum nominis secum ferebat. Anno, aut circiter post, commissa est mihi provincia consignandi ea, quae ad veteris Ecclesiae tempora pertinerent. Paucis post

mensibus felicitas ea obtigit mihi, ut in Cantabrigiensem Academiam vocarer. Sed detinuit partim gravissimus uxoris morbus, partim voluntas Curatorum, qui prolixè optima spondebant. Exinde abeunte in Dania clarissimo Collega meo, Joanne Meurniam, demandata etiam mihi est professio linguae Graecae. His auctor pristina mihi seu fortunam seu dignitatem, videor recuperare. Nec ignoro, quantacunque haec sint, tamen Anglicanam vocationem plus habere splendoris: inque partim ob antiquitatem & claritatem Academiae in nobilissimo Angliae regno constituta: partim quia magnum est verum in luce doctissimorum hominum, quorum ea est Anglia copia, ut nulla est tellus hac parte possit comparari: partim quoque, quia profectò non levis est gloria, primum altius cathedra, ac potissimum talis, profectorem fuisse designatum. Equidem magna esse haec singula confiteor. Attamen ut omnia suo momento ponderemus, illud quoque in rationem venire debet, quod hic mihi non male sit: imò stipendio hic majori fruar (praeterim si commoda quadam accensam) quam apud vos mihi offerantur. Fator carior apud nos annona. Sed minimum quantum excedit, quod hic percipio, ut illic facile compenseetur, quod minori apud vos pretio omnia veneant. At illud fateor magni, quod frequentes in Anglia sint ex dominatione Regis, Episcoporum aliorumque praebende, canonatus, dignitates Ecclesiasticae, quae mihi, licet extero, ac potissimum etiam liberis parent. Verum cum memet considero, non leviter mihi displiceo: planeque meo, ne ego hominibus tantorum virorum expectationi satisfaciam: atque ita, nulla mei amantium culpa, sed solo defectu mei, vel etiam amicorum illorum obitu loculente illae spes evanescent. Eoque potissimum, cum cano & sapio, jure à nostratibus rideat. Nec desunt, qui hac uxoris auribus saepe insusurrant, siue id sincere faciant, siue ut per eam facilius me detineant. Cogitare etiam me jubent, mortalem me esse, & fieri posse, ut non multo postquam in Angliam pedem posuerim, mortem oppetam: illa autem sola se, cum otonis liberis, plerisque etiamnum parvulis, reperiat domi in solo eo, ejus necdum linguam didicerit. Haec, si non sufficiant, cogitare etiam uxorem jubent, an quae adhuc lenis & jecoris malis obnoxia est, par futura sit molestis infirmitatibus: an expedire ubi valetudinarie poterit mutationem aeris: & an, quaedam profectò minuta, & non aliunde profecta, quam quod bonitatem, & soli, & incolarum Angliae vel ignorent, vel retinendi mei causa dissimulent. Interim tamen

tamen nonnulla ex his, & imprimis quæ superius commemoravi, tanti sunt, ut animum distrahant, diversosque in me cieant affectus, nunc eundi, nunc remanendi: nec multò aliter affecta uxor, nequid dissimulem. Sed si vel sexennium animus in dubio foret, annos, ut scis, totidem hic hæreretur. Proinde, ita planè statuo. Illustrissimo D. Baroni Brookio de altero omnino cogitandum esse, atque id, nisi aliter ei videatur, quamprimum. Serà illud ætate si fiat, non fraudabitur quidem vel benefactorum mercede in cœlis: vel gratà memorià posteritatis; verum nihil prohibet, quominus superstes etiamnum diutissime fruatur glorià honorèque Cathedræ à se in illustri adeò Academia erectæ; quæ, ut cum poeta dicam,

*Canescat seclis innumerabilibus.*

Sed quid ego hæc ad te, cum melius, quid ex re sua sit, ipse pervideat Illustrissimus Baro? Quare loquacitati ignosces. Interim, quantas possum, gratias ago Illustrissimo D. Baroni; cujus ego beneficio ita me obstrictum censeo, ut si ille ingratus dici debeat, qui cum omnia alterius causa velit, dignas tamen gratias referre non possit, omnino moriturus sum ingratus. Tibi quoque doctissime & amicissime D. Boswelle, ago gratias pro hoc erga me affectu. Equidem me magnopere video devinctum nomini tuo: quod ego ob præclara merita tua, & linguâ, & calamo prædicare non desinam. Sanè jam amoris mei publica indicia prodissent, nisi ab excudendis aliquot ingenii mei monumentis sextum jam mensem operæ Typographicæ cessarent. Cujus rei causa est, quòd nonnullis Academiæ nostræ professoribus publicâ auctoritate illustrium D. D. Ordinum demandatum sit, ut partim conscribant, partim corrigant libros eos, qui deinceps per omnes Hollandiæ Scholas pueritiæ prælegerentur. Ea in re non minimam ego molestiam cogor devorare. Sed bene est, quòd diuturnus admodum hic labor posthac esse non possit. Nam eousque jam perductus, ut intra tres hebdomadas perfici possit. Quibus exactis, redire postliminio licebit ad jucundiorē mihi, & doctis gratiorem operam de Historicis Latinis: cujus voluminis (sane operosi admodum, & in quo plurima sint aliis indicta, partim ad Philologos, partim ad Ecclesiasticos Scriptores pertinentia) jam multò maxima pars excusa est, ac quòd residuum est, intra bimestre spatium ad umbilicum poterit perducī. Hoc opus alia atque alia, partim literas sacras, partim externas spectantia consequentur, modò mihi Deus viram, & valetudinem concesserit. Nec

enim cessare animus est. Nihil quippe meum puto; præter tempus divinitus concessum, & quæ cudo ingenii monumenta. Itaque in hoc potissimum adlaborō, ut ne supremo judici rationem temporis reddere cogar. Atque insimul docendo juventutem, & aliqua literis mandando, quæ profutura nostris hominibus & posteris videantur, opes mihi congreco, non illas (et si eas non penitus aspernor) quæ me defuncto alium atque alium dominum consequentur; sed quæ, ut Plinius aiebat, ubi semel nostræ esse ceperint, nunquam desinant esse nostræ. Interea, quæ lucem propediem videbunt, erunt quoque Theses meæ Theologicæ, quarum ad te exemplar transmitti petis. Nec enim ulla hic amplius exemplaria prostant, quia pauca admodum excusa fuere, & quamprimum per juventutem dispersa. Itaque jam apud nos multorum manibus describuntur, imò & apud exteros. Hæc res facit, ut necesse sit de nova editione cogitare. Præsertim cum hæc non Typographi solum, sed & multi præstantes Theologi requirant. Mitto postremum exemplar quod habeo: Sed quo carere tamen possum, partim quia filius aliud habet: partim quia sex septemve alii sunt in urbe nostra, à quibus petere possum, ubi de recudendo cogitabitur. Video nimis excrevere Epistolam. Quare manum tandem de tabula tollo. Salve præstantissime Boswelle, & nomen nostrum porro ama, atque auge etiam in Angliā tuā, imprimis Illustrissimum apud Baronem Brookium, cui ut salutem plurimam meo nomine dicas, etiam atque etiam rogo. Adderem & alios quosdam clarissimi nominis viros, nisi vererer, ne molestus tibi essem.

Lugd. Bar. clō  
Id. xxvi. Nonis  
Sept.

*Tue dignitati devinctissimus,*

G. J. Vossius.

## LVI.

Joanni Meursio.

Clariss. Vir atq; amicissime,

ET si aliter fieri non possit, quin permolesum sit, quòd carere te cogar, tamen facilius absentiam tuā ferrem, nisi mortes quorundam, quos valde amavi, non mediocriter augerent desiderium tuū. De consanguineis & affinibus, quos hoc sesquianno amisi, nihil nunc dicam. Ecce superiori hebdomade creptus Academiæ nostræ, egregium ejus lumen, Willebrordus Snellius, Vir



utriusque nostri amantissimus, dum fata Deusque lincebant. Parentavit ei ex ordine nostro GIL. JACHAUS. Ab Golio jam ante hebdomades complures Literæ in Bataviam perlatæ, ex quibus saluum in Syriam advenisse cognoscimus. Intra octo menses, aut circiter, redibit ad Profess. Arabicam & penè est ut suspicer modo sospes in patriam pertingat, etiam Hebraicæ L. professorem fore. Nam hanc ei professionem à D. Curatoribus destinatam esse ex eo conjecto, quod hæcenus nullus est constitutus. Nec verisimile est, Goliu post tam longinqui itineris molestias linguarum Orientalium causa susceptas, pusillo unius Professionis Arabicæ stipendio contentum fore. Deditus inter Ordinarios Jur. Profess. nunc agit. Corrector Dorellaer affectat professionem Poeseos in hac Academiâ: quid futurum sit, melius sciemus proximo conventu D. Curatorum Academiæ. Qui nunc sunt exlegatus Arsenius, Preses Curia Cromhoutius & Syndicus Pavius. Vorstius uxorem duxit filiam D. vander Meulen magnificis adibus è regione aulae hic habitantibus. Semel iterumque Literas accepi à Jano Grutero, quibus petit, ut plurimam tibi salutem dicam suo nomine. Video ei necdum constare de decessu tuo. Gener ejus Brettz dejectus est de munere, quod Romanæ Eccl. nomen dare nollit. Itaque penè ausimus ei Groeningam se conferre ubi amicos habet & aer non displicet. Fervet praelum notis Heinsianis in Nonnum. Theologi Acad. nostræ edidere opus adversus confessionem Remonst. uti & Waleus (qui etiamnum Rector est magnificus) volumen quoddam emisit adversus Joannem Arnoldi Corvinum. Rivetus Genevæ Criticum suum sacrum recudi curavit. Aliquanto is auctor est editione prima. Burgerdicius edidit institutiones Logicas quæ non displicent. Prodiit apud nos Theo. & Aphthonius. Utriusque translationem Heinsius recensuit & interpolavit. Utinam hic fuisses qui nobis Græcum textum meliorem dare potuisses ex opt. codice, de quo aliquando te mihi quædam referre memini. Sed nihil impedit quo minus, tum editionem nobis aliam procures. Quod impense velim. Nec minus desidero alia ingenii & eximia tuæ eruditionis monumenta quæ hic habebas, partim confecta, partim affecta. Omnino & literarum & literatorum interest, ut tam præclaræ observationes tuæ, quas frustra ab alio quopiam expectemus, quamprimum videant lucem. Scio tamen te nequitiam odari, sed serio elaborare in Historia Danicâ, eoque impensius opto ut Academiæ vestræ brevi ab Typographo prospici possit, ne cum tum extra omnem sis culpam de-

posuisse videaris Reip. Literariæ & posteritatis amorem. Hoc ne Deus sinat, quod tantopere inimici tui optent. Opus meum de Historicis Lat. ad menses aliquot intermittere sum coactus, propterea quod auctoritate Ill. D. Ordinum commissum mihi fuit, ut novam adornarem Grammaticam Lat. & Græcam, sed ita ut in illa Lithocenis, & in hac Clewardi imprimis præceptis atque exemplis insisteretur. Videbam esse inglorium laborem & difficilem satis. Detrectare tamen nolui amore scholarum. Gaudeo intra quadriduum me operam eam ad finem perducere posse. Quod ubi erit, quæ in Historicis Latinis supersunt pertexam. Nosse te arbitror ante mensem pronunciatam à iudicibus delegatis sententiam esse, in præfectos rei maritimæ peculatus reos. Ex quibus Berkius fiscalis damnatus est floren. nostratum 74800. Idem perpetuo mancipatus carceri. Ac jam in arcem Lovesteiniam deportatus. Vander Maft Delphenis triennio carceris incola futurus multatus flor. 26667. Nicolaus Zelandus triennium exulabit. Solvet flor. 24182. Seguaert Dordracenus totidem annis exul erit. Multatus flor. 19842. Vander Heul Brielanus perpetuo carceri destinatus. Solvet flor. 13669. Duythusen multatus flor. 1476. Nobilis D. à Cronenburg ut intellexit se multatum octo mill. fl. in morbum incidit ac paucis post diebus expiravit. D. à Ralphost ejusdem criminis reus, jure contendet. Cateros mitto. Ultra nunc nihil occurrit. Plurimam salutem dico lectissimæ Conjugi nomine meo. Uxor etiam mea utrique vestrum salutem ascribi jussit. Vale.

Non. Novemb.  
clp lxxvii.

Tuus totus,

G. J. Vossius.

# LVIII.

Nob. viro Jacobo Roverio cognato.

Cognate Præstantissime,

**S**uperiori hebdomade Amstelodami fui. Unde reduci traditæ ab uxore literæ tuæ oppido quam grate. Mitto igitur, ut petis, ~~duodecim~~ epistolatum, quas Socer ad Musenholium nostrum dedit ut, quod res est dicam, præter unas vix ullæ tanti videntur, ut prælo committantur. Non quia noti omnia ejus viri amem, uti debeo: sed quia nihil est in iis, quod scire alios intersit; jussi nihilominus, ut filius sex septem ex iis describeret, quia meminissent

minissent vocationis ejus in Gallias, item in Frisiam, & quorundam aliorum quæ nonnihil ad vitæ historiam facerent. Has apud me videbis, cum voles. Quod ad illud in epistola Sapphus:

*Molle meum levibus cor est violabile telis.*

(Quomodo & Aldina habet, & hac antiquior Veneta Bernardini Novariensis) quidam metricæ artis scriptores reponunt *levibusque*. Idque propterea, quia Ovidius ubique corripit; ut Lib. V. Trist. Eleg. VIII. Lib. I. de Ponto Eleg. IV. ad Rufinum. Et Lib. V. Met. Fab. VI. uti & Martialis. Lib. X. Epigr. XV. de Apro, item Ausonius Epigr. XLVIII. Nec qui aliter usurpet, quisquam occurrit. Vale Musarum amice atque etiam noster, meoque nomine tuos omnes saluta. Uxor etiam te *admiratur*.

*Tuus,*

G. J. Vossius.

### LIX.

Davidi Guilielmo S. P.

**V**IX dicere possum, quam ægre mihi sit, quod ille ego, qui claudi instar futoris domi fere confideo, meque in bibliothecam abdo, tum potissimum ab urbe abfuerim, cum tu, vir præstantissime, ac una amicissimus Goliis ad me salutandum domum meam venissetis. Jamdiu enim est, quod te aveo videre & amicitiam tecum contesterrare. Addo etiam, aliqua eorum ex te discere, quæ tu variis in terris à summis viris hausisti, vel longâ & diuturnâ peregrinatione ipsè observasti. At nunc, quod mearum erat partium, peragis, & ubi te frustra hic fuisse vides, prior etiam literis compellas, atque ejusmodi literis, quæ comites haberent, Themistoclis epistolas, magni sanè viri, & qui ingenium semper habuerit in numero, ut de eo prædixit antiquitas. Sane gratum mihi hoc donum tuum, uti & alterius opusculi, in quo suffragia Romanorum Procerum, quæ tulere cum in Sanctorum numerum Andreas Corfinus referretur. Quid ego tibi pro istis rependam? sane animum, atque affectum. Tuus enim sum, eroque, non illa vulgari ac sublesta, sed antiqua Romana, vel si malis Germana aut Batava fide. Gratias etiam ago quod ignorare me non siveris, quam benigne de monumentis nostris sentiant, Querengus, Alexander, Mascardus, alii summi viri Romæ, atque alibi. Nec tamen ea res efficere un-

quam potuit, ut tantâ me laude dignum putem; melius me novi: sed ea animum addunt, ut porro etiam non pessime de nostris hominibus ac fortasse etiam posteris mereri velim, & credo eo fine hoc ad me perpersististi, ut talium judicis judicii malignorum opponam, meque soler, qui exulcerato hoc tempore oneri propemodum succumbam. Nihil verò mihi illis magis ridiculum videtur, qui ob laudes alienas longe tibi majores videntur quàm sunt, illi umbris similes sunt, hæc nunc majores, nunc minores, sed corpuscula nostra manent eadem. Cum Illustrissimo legato Britannico Thoma Roe nulla mihi hætenus notitia est. Absque illo esset, non paterer te absque literis meis in Daniam ire, sed si in Bataviam venerit, mei muneris erit, summum virum accedere, omnemque affectum testari coram, uti hætenus in aliis à me factum, qui huc missi ab Illustrissimo rege Carolo, præclare adeo de me merito, nec me solum, sed etiam meis: superest non aliud, quam ut te, longe adeo iterum euntem à nobis, voris meis prosequar. Quod sanè facio & faciam, ac plane fore confido, ut propediem te salvum venisse in Daniam, intelligamus, imò ut, feliciter cunctis expeditis, brevi iterum te tuis in Belgica nostra listas. Vale, vir præstantissime, meque amare perge, usque adeo redamantem tul.

*Ergd. Bat.*

*Tuus,*

G. J. Vossius.

### LX.

Adriano Hofferio S. P.

**U**tcunque me, Amplissime Hoffere, calamus apud te excuset, quod non scripserim, animus memet accuset, quod multa adeo in me recipiam, ut ne illis quidem amicorum, quos jure maximi facio, præstare ea possim, quæ debeo, vides ut non petam excusationem, unde ordiri plerique solent; verum dicam, quod res est: Nempe amicitiam colam sine pompa, eoque raro admodum, nisi necessario, in hisce occupationibus scribo. Aliam fuge causam suspicari silentii mei. Quod tamen non tam fuisset diuturnum, si fratris tui filius ab eo tempore, quo primum vidi, vel verbo unquam me compellasset. Bimestri etiam moratum me fuit iter in Britanniam. A quo ut redii, ita undique obruebar negotiis, ut nihil minus, quam meus forem. Paulatim nunc meus esse incipio, & meus dum erò, tuus quoque facio,



fuero, amplissime vir; qui magnopere me obstrinxisti Amandi Chronico, & versibus de urbis vestrae situ & obsidione. Amo Amandum: amo versus historiae causa: sed magis tu amandus mihi.

*Machere nam plus est, & carmine gratius ipso  
Officium docti, iudiciumque viri:*

Ut paulum immutem versiculos Hispani vatis. Nec temere id dico, quid enim iucundius mihi esse possit, quam amari à te, viro ejusce & eruditionis & dignitatis? Quid turpius mihi quam non contendere tecum amore. Qui & invisere me prior, literisque compellere, eo munere etiam, ac versibus superioris aevi mihi antea invisitis, ditare volueris Bibliothecam nostram! Quare multum tibi debeo. Semper gavisus fui plurimum amicitia nostri Isaaci Pontani: amavi etiam illius griphum septenarium, tum auctoris, tum argumenti causa. Sed non parum hunc in me affectum auget, quod cum tibi potissimum dicavit, cujus ego sic nomini faveo, quam qui maximè. Equidem gratulor urbi vestrae de tali consule & senatore. Cujus si similes multos haberemus, melius his terris cum studiis ageretur. Nunc metuo, ne paulatim redeamus ad barbariem, ob eorum imperitiam, qui Rempublicam capeffunt. Sed hæc Deo curæ erunt: Cui te, mi Hoffere, commendo. Simul rogo, veniam mihi des per te salutandi egregiam animam Amplissimi Moermonti, uxoris meæ cognati, atque eo nomine cari, sed multo carioris, quod nobiscum Musarum sit cultor & Gratiarum. Quod si occasio se offerat, salutem etiam dices ornatissimo Belonio, & aliis eidem mecum familiaribus implexis.

*Lugd. Bat.*

*Tuus,*

G. J. Vossius.

## LXI.

Gerardus Vossius Conrado Yorstio  
S. P. D.

Clarissime & eximie vir, literæ tuæ multum me recrearunt, propter summum erga me affectum quem spirant. Nec potui non multum gaudere, quo eo dignatus sis honore, ut ad me quoque partem Antipiscatoris tui mittendam putaris. Necdum tamen totum per occupationes legere licuit: sed quæ legi (legi autem plurima) non minori cum

voluptate legi, quam fructu. Adeo multa utiliter à te observata. Quæ quamquam ita sint, spero tamen te *versibus* istis, licet hæc *versibus* à te tractentur, defungi propediem posse, extremamque tandem manum admove velle notationibus in N. T. quas ab non uno prædicari tantoperè audio. De Camerario non est quod festines. Simul ac carere eo ultra non licebit, monebo ipse. Quod si quid aliud etiam in Bibliotheca mea usui esse tibi possit, tantum significa. Ego hoc sic interpretabor, quasi beneficium à te accipiam. Molanum & Cuperdingium, Adolescentes longè optimos (quorum utinam omnes similes essent) multum amo, partim merito suo, partim propter commendationem tuam. Pelagianam & Semi-pelagianam Historiam orsus sum: certisque eam disputationibus complectar. Primam destinavi Molano, quæ jam absoluta: sed antequam prælo traderetur, consiliū tecum capere volui, utrum diutius apud nos sibi vivere expediat, ubi multorum adeo displiceant mores, & perpaucos habeat sui amantes. Ego in Molano nihil nisi animi firmitudinem requiro. Vale, vir maxime, & te donaque tua æstimantem porro amare perge.

xxvii. Febr.

clō loc xvii.

*T. R. additissimus,*

G. J. Vossius.

## LXII.

Dudl. Carleton Haga.

Nobilissime Domine,

Mitto exemplar præfationis meæ, et si occupationes extremam ea necdum manum acceperit. Sed quid superest, facile horulā præstabitur, dummodò prius de re tota iudicium tuum cognéro. Scis, quam parum mihi tribuam in iis, quæ ad viros principes pertinent: quippe qui contentus esse soleam Spartā meā, rebus nempe istis, quæ non transcendunt captum hominum in umbra Academica degentium vitam suam. Quare te oro, ut de singulis moneas fidenter. Addam, demam, mutabo, prout tibi videbitur, atque ad eò omnibus, quos mei amantes, & talium intelligentes judicabis. Coram si fuisset, rogasset ubi loci inter tot dignitates reponi debeat titulus Cancellarii Academici, cui postremus à me tributus. Item, utrum initio pro *heroe* rectius dicturus sim *principi*. Fortasse enim consuetudo fert, ut solus eo elogio

elogio insigniatur primogenitus regis. Sed de his, & aliis quæ facile per te videbis, negotium tibi serio committo. De me verò certò tibi persuade, gratum me semper fore, quibus aliquam mei meorumque curam esse intellexero.

Lugd. Batav.

clo. loc. xxvii.

Pr. Cal. Mili.

rapin.

Nobilissimus tunc,

tuusque domus Caletondæ

Observantissimus cultor,

G. J. Vossius

LXIII.

**Amplissimo Viro Adriano Blyemburgio.  
Dordrechtum.**

**Amplissime Blyemburgi,**

**P**ropemodum pudet, tardè adeo quod tuis respondēam. Nec tamen tam ipse in culpa sum, quàm omne hoc tribuendum necessitati; quàm, ut ait ille, ne dii quidem vincere poterunt. Planè enim meus esse desil, extremis hinc mensibus iv. eoque quicquid literarum, sive ex finitimi civitatibus acceperam, sive etiam, ex Britannia, Gallia, Italia, Germania, terris aliis, id unum in locum recondere sum coactus; responsurus singulis, simulac pulchrum omni nactus essent. Malui nempe paulum abuti amicorum patientiâ, quàm ut in Opere, quo præsum sciret, temporis angustia exclusus lapsus ineptirem. Sanè metuo ne nunc quoque, quando feci quod potui, sæpiusculè quàm vellem, humilitus aliquid passus sim. Quid scitur futurum erat, si de paucillo isto, quod à publicis muneris cura superfluit, subfecare placulum voluissē? Nec enim Vossius tunc, est divo adeo ingenio præditus, ut laudabile opus, publico labore condere possit: sed de se quæque verum esse scit, quod Aristides Gruter olim aiebat, esse se ex scribentium numero, non vomentium. Quod imprimis dictum velim de Historia nostra, quàm nunc de Latinis Historicis, penè ad umbilicem perduximus. Nempe quod in Lucius Potius Ornatius, & eo non paulo doctior Lilius Gyrardus fecit: Id ego in Historicis præstare sum conatus. Poteram, more quorundam, argumentum sumere, sexcentis ante me tractatum: arque inde in triclina nostra convulsando supellectilem alienam, multas opes ostentare. Mihi alia mens fuit, eoque argumentum mihi delegi, in quo eruditio pariter

atque industria haberet locum. Utrum affectus sim, quod volui, alii iudicabunt. Saltem pro viribus pusillis oppidulo nostro moenia fecimus. Hæc ad te nunc scripsi, non quia quicquam in iis sit, quod seire tua interest, quàm longè graviores cure distinent; verum ut videres, me simul ac mentis esse cœpi, mei quoque Blyemburgi esse, iterum cœpisse; cœpi & æreum ero, quantus quantus sum, dummodò sim meus. Salutem plurimam, ubi occasio erit, dices meo nomine Amplissimo Viris, Assinibus tuis, Consuli Beverio, ac Quæstori Rusio, item Wittio urbis vestræ Quæstori, & aliis nostri amantibus, quorum catalogum non texam. Nam pauperis est numerare sua, ut aiunt. Vale.

Lugd. Batav.

clo. loc. xxvii.

iii. Nonas

Mili.

Tuus sine furo, ac fallaci,

G. J. Vossius

LXIV.

**Maximo Viro, Jano Grutero. Brettan.**

**Maxime, & Consuecissime Grutere,**

**I**ncredibili me voluptate perstudie. Clarissimus vir Altingius, cum certior me fecit, de vocatione tua, ad Academiam Groningam: Equidem spero fore, ut bellam adeo occasionem, bonè merendi de studiis amplectaris; præsertim cum tam multa sint, quæ id suadent. Nam habet ea provincia Proceres literarum, & literatorum mirè amantes: ut certè tibi persuadere possis, carum se, atque in prætio illic fore; Et vilior ibi annona, quàm aliis plerisque moderatè Belgicæ locis. Scis etiam quanti intelis habere Collegas, non eruditissimos tantum, verum etiam humanissimos; Imprimis, ut si sis aliquando delectatus, quibus, quando boni, nihil est melius; acceptusque, quando mali, ac crabronum similes, nihil est deterius, ac magis invisum. At Collegis utris, ut eruditione ac doctrinâ, ita virtute ornatissimis: ex sacro verò ordine, habebis duos eximios viros, quorum unus, affinitate tibi junctus, ac elegantiorum literarum non generis modò, sed etiam in hac ætate auctor seditissus: Alter item vetus amicus, quicum tot annos in Hædelbergensi Academia vixisti. Uterque ea præditus humanitate, ut proprio quodam naturæ munere, ad eam virtutem facti videantur. Quare non tibi negotium erit, cum hominibus, qui præsentibus laudent: absentes, ut tuus Plantus loquitur, frigidam subdole suffundant: quales ego nimis multos novi, quosdam



quosdam etiam non sine dolore experior. Accedit ad ista, quod juvenis ibi, ut audio, satis sit modesta, beneque composita. Nec duram suscipies provinciam. Leges Florum, Justinum, Livium, Tacitum, alios, quos volles, scriptores, studiosè adeo, contentèque tibi lectitatos, sæpiusque, ut arbitror, prælectos. Interim occasio tibi erit limandi cetera, rursusque nova, quæ Reip. literarum bono, tuique cum nominis honore, partim in Academia illa, partim etiam in nostra, si ita tibi videatur, lucem mox videre possint. Equidem si quid huc transieris, non defugiam laborem corrigendi, in quibus Typothetæ aberrant. Quare ne te hominem Belgam Belgis diutius invidet. Nec etatem objecta, quæ necdum efficit, sed ad molles Musarum labores satis est vegeta. Cogita Imperatorem itantem mori oportere. Sanè longè quidem mallet, ut una nobiscum Lugdunum, in studiis esset vivendi potestas. Sed nunc quidem non licet mihi esse tam beato. Gaudeo interim, quod iisdem Federatis Provinciis agemus, nec longo adeo diffidi intervallo, ut non aliquando excurrere liceat, ac literarum commercia crebra esse possint. Sanè non mihi modò id jucundissimum futurum, sed etiam uxori meæ, quæ sæpè tui meminit, & Cognatarum Smeritarum, etsi nonnisi puella admodum vos omnes viderit, ac plerosque ejus jam familiæ, transfulerit Deus, in meliores sedes. Edidi hoc anno libros tres de Historicis Latinis, eorum historiam penduxi usque ad Carolum V. Exemplar non mitto, ne librariam suppellectilem tuam magis onerem. Sed videbis simulac pedem in Belgica nostra posueris. Felicem diem, quando te, liberosque, ac generum, amplecti licebit! Deum Opt. Max. oro, ut veniendi vobis mentem inspiret, atque etiam in itinere Angelum suum det vobis comitem, qui vos salvos in Belgicis sistat hospitibus. Vale, vir eximie, literarum columen, amor omnium eruditorum, ac cum tuis letus, quam primùm venis, letior iterum hæc terras vide; Latissimus nidem quam diutissime vive.

*Lugdunum Bat.* *Tuus sine fæco ac fallacia, more*  
elo hoc scribit: *majorum; nec tuus modo, sed*  
ill. Non. Malt. *non & tuorum omnium, totus,*  
*Toga more*  
meo, *totus, non per aliquid, sed*

G. J. Vossius.  
amborum quorumque, similitudinem non ita  
solv. & non ita non ha. potius non  
mox, non autem non non non  
autem, non autem non non non  
aliquid non non non non non  
non non non non non non non  
non non non non non non non

LXV.

*Clarissimo viro, Francisco Gomaro,*  
*Groningam.*

*Clarissime vir, ac Conjunctissime Affinis,*

**V**erissima sunt omnia, quæ ante menses quatuor de Thuano mihi scripseras; Planèque tibi assentior, non abire ita oportere. Atque adeo si cessare ii vellent, qui sanguine, vel affinitate non parvè Junio devinctiores sunt; non tamen tam duro stomacho esse deberent quibus Ecclesiarum nostrarum honos cordi est, ut hominem tam bene de iis meritum, postquam illum coelo dignatus est Deus, ab eo viro, qui ob summam auctoritatem, apud posteros fidem fortasse inveniret, apertissimis, & iniquissimis calumniis onerari paterentur. De me quidem ita habe, nequitiam me quieturum. Sed cur hæcenus nihil in hoc negotio egerim, causa est non una. Nam usque adeo obrutus fui mole curarum, ut ne respirandi quidem otium concederetur. Ad professionem historicam accesserat altera Linguae Græcæ. Præterea munere Assessoris sæpius occupabar, quam gratum esset; morte Patris novi mihi cura accesserat. Auctoritate publica corripere utriusque linguae præcepta, ac alia quedam conscribere, quæ deinceps in universis Bataviae Scholis prælegerentur. Ante omnia me noctes, diesque, fatigabat opus de Historicis Latinis, cuius quia jam bona pars excusa erat, non sine damno Typographi, differri diutius poterat. Quam autem operosa ea mihi opera fuerit, tum inde cognoscas, quod in ea agam de scriptoribus amplius, quam mille & sexcentis: Tum exinde quod plerumque tertiam ejus partem, fervente prælo, exarare sum coactus. Itaque sæpè primâ, alterâque hora nocturnâ, non æstivâ modo, sed etiam hybernâ, occupabar miser, probris, ut vocant, emaculandis. Nec propterea ullam unquam lectionem publicam neglexi. Imo nec intermisi Collegium Oratorium, aut Historicum in quo Nobilissimis juvenibus XXX. vel circiter, magna ex parte Sarmatis, Cimbris, aut Germanis, vel viam ad Eloquentiam pandebam, vel Antiquitates Romanas enarrabam, & ita enarrabam, ut historiz non solum è *paravolæ* penu allucerem faciem, sed etiam aptarem singula ad civilis prudentiæ præcepta, quod potissimum à me exegerant; quippe non tam Scholis destinari, quam Principum Aulis, vel gubernationi Rerum-publicarum. Nec eo segnibus alii subinde, qui vel docentem aliquamdiu audissent in Academia, aut recentes huc advenissent,

sent, frequentare domum meam, sive ut exquirere aliquid, quod minus percepisse viderentur, sive ut consilium meum de tota studiorum suorum ratione cognoscerent. Ac plerisque eò minus officii id potui denegare, quia à præstantissimis viris, etsi sæpe mihi ignotis, per literas magnopere commendarentur. Tam multis districtus, non solum distuli respondere Thuanò; sed etiam coactus sum, quicquid literarum acciperem sive à Belgia nostra, sive ex Anglia, Gallia, Italia, Germania, Dania, terrisque aliis, id omne unum in locum recondere, responsurus singulis, aliquanto quidem post intervallo; sed tamen simulac liceret, hoc est, ubi parte oneris levatus essem, nempe Collegiis domesticis desinentibus, & Operibus meis, quæ excuderentur, ad finem perductis. Antehac sanè pugilicè, atque athleticè valueram: verum hoc anno, qui ætatis fuit quinquagesimus, minus firmus esse coepi ac retro euntis valetudinis indicia manifesta persenti; imprimis in brachio sinistro: sive id ab immo-dico labore, sive à natura fatiscente, post annos septies septenos exactos. Profectò si longè diutius exantlare tot & tantos labores coactus forem, haud diu vitalis esse potuissem. Sed de isto. Venio nunc ad alteram causam dilati in tuendo socero officii. Sciebam edi in hac urbe Epistolæ Scaligeri, quas antequam vidissem, putabam nihil hac in re fieri oportere. Quid, inquires, ea res ad Junianam causam? Imò plurimum, scis quale fuerit illud maximi Scaligeri ingenium. Non ferebat dissentientem. Itaque semper eo nomine offensior Junio fuit, quod in quibusdam ad sacram *Agoniam* pertinentibus, ac credo in aliis etiam nonnullis à se discreparet. Offensam eam unus & alter Discipulorum alebant, malignè interpretantes apud Scaligerum, quæ vel publice docuisset Junius, vel privatim dixisset. Scaliger ut iræ impotens erat, accusare Junium literis suis, apud doctissimos Gallorum, eosque inter Casaubonum, Thuanum usque adeo familiarem, atque adeo, ut arbitror, Thuanum ipsum. Itaque non committendum putavi, ut, quia alterum accusationis caput erat de Junii desultorio ingenio, multa conante, nec assequente quod moliretur, hisce verbis responderem, priusquam vidissem, quid Scaliger ad Casaubonum scripisset. Prodiit nunc Epistolarum opus. Præfatio est ab Heinio, sed sub Elzevirianorum nomine. Magnifice extollit Scaligeros. Ait naturam quotidie homines parere, non miracula. Sed quid tota posset, voluisse in utroque Scaligero experiri, inque iis duobus bis omnes vires suas esse periclitatam. Quibus ego laudibus non invidéo:

Etsi non arbitrer Erasmus fuisse iis minorem, præsertim quando cogito tempora, in quæ hujus pueritia incidit; tum etiam quàm præclare de Novo Testamento, à tot SS. Patribus meritis sit. Nec enim persuadere mihi possum, minoris momenti, aut fructus, esse Operam istam, quàm quæ subtilius sæpe, quàm verius adversus Cardanum Julius disputat; aut quæ de re poetica, vel causis LL. idem nos docet: præsertim cum ne filius quidem in iis, quæ de Poetis judicarat, Parentis judicium sequendum putarit: Et opus de causis LL. quærat sæpe quod non est, Alchymistarum instar, ut ipse ejus author agnovit, quemadmodum ex Bordonis fabule consutatione accepimus. Quodque ad Josephum attinet, ut nec invidia negare possit, ad temporum cognitionem, plurimum eum contulisse in libris de emendatione temporum, & animadversionibus Eusebians; ita Religio quoque sit fateri, plus inde utilitatis ad Ecclesiam redundasse, quàm accuratà illa opus, quàm Erasmus antiquis Ecclesiæ Doctoribus vertendis, corrigendis, censendis, impendit. Longèque illud minus fatebor, plus profuisse Scaligerum, ingeniosis quidem, & doctis in Varronem conjectaneis; verum sæpe nimis audaci conjectura nixis, usque adeo ut, Petrus Victorius (quemadmodum ipse Scaliger conqueritur) cum id opus vidisset, nunquam conqueri destiterit, quasi is in perniciem literarum esset natus, ac quia ingenio abuteretur, nimia sui fiducia, corrupturus verius esset Scriptores veteres, quàm correcturus. Equidem longè mitius de Scaligero censeo: Sed tamen tantam licentiam probare non possum, non magis, quàm candorem, cum dissimulat quæ in Antiquis Varronis Codd. invenisset. Et cui persuaserit, se in Festo corrigendo, non usum esse schedis Læti, dum ita supplet quæ defunt, prout in iis sæpe schedis legebatur? Non hæc candidi animi fuere. De notis ad Priapeia, ad Antonium, ad amorum Triumviros dicere nolo. De Manilio illud dicere contentus ero, compluribus Junium ita in eo scriptore correxisse, prout Scaliger in editione postrema emendavit. Scio, ait Scaliger, se ita reperisse in codice Gemblacensi. Sed quid si is obliisset, ante repertum eum codicem? Eòne peccasset, qui ex Palatino codice, genuinam lectionem Respublica literarum indicaret? Vaticinari Junius potuit fore, ut Scaliger eadem posset, & meliora, in Gemblacensi Cod. reperiret? Verum hæc ad Junium potius pertinere videantur, quàm Erasmus, de quo institutus erat sermo. Ut igitur ad eum redeam, mihi utroque ille Hæc, Erasmus non minor videtur, præsertim si seculum infelix attendam, quo Eras-



mus, inter indoctos Monachos, in tanta tot librorum bonorum penuria, qui necdum, vel corruptissime prodierant, ad illud eruditionis fastigium potui aspirare. Verum ut hoc quoque concedamus, solum Italum Cæsar. Scaligerum, & Gallum Josephum filium, palmam præripuisse iis qui & ante, & post fuerunt: Non tamen quicquam laudaverit eam malignitatem animi, qua in Epistolis suis utitur. Recte interim, ac laudabiliter quod omnibus in locis, loco Juniani nominis, Asteriscum posuere, uti & cum Manilius Junii, vel Tertullianus, vel Epistola ejus ad Atticum taxarentur. Mallet tamen totas periodos quinissent. Nunc sic quoque intelligent non pauci, quid dicatur, idque ex illis, quæ vel præcedunt, vel consequuntur. Ac imprimis illi sagaces satis erant, qui Junii, & Scaligeri temporibus vixere. Nam quomodo hi non intelligant, de quo sermo sit, ubi vident, loqui de eo, qui in Academia doceat Lugdunensi, qui Epistolam aliquam ex Arabico transferendo, jam Arabicæ se Lingux peritiam sibi vindicasse posse arbitratur, atque alia id genus? Quam autem maligne egerit Scaliger, vel hinc vide, quod non semel dicat, usque adeo imperitum esse Junium, ut non dico Hebraicè (quamquam & illud scribat) sed ne Latine quidem sciverit. Cujusmodi cum literis istis video contineri, dubitare non possum, quin iis Thuanus compulsi, sinistram adeo judicium de Junio tulerit. Imo plane persuasum habeo, haud leviora esse, quæ de eo ad Thuanum perperscripserit. Quamobrem si calamum adversus Thuanum iungam, periculum video, ne filius Thuani, juvenis eruditus, & ut genere, atque opibus pollens, ita multis in Galliis caris, & maximè honoribus destinatus, quæ de imperitia Junii modestè Patres scripserit, ea aperte, & sine circumsione prodita, ostendat à magno Scaligero, Reip. literariæ dictatori, cui doctior omnis lubens eruditionis fasces submittit. Hinc mihi nova cura, etiam tunc cum adversus Scaligeri calumnias, incumbet. Quem ego virum laudavi semper, ac porro laudare decevi: Non quia ejus impotentiam animi, aut malevolentiam ignorem; aut quia nesciam, quid multis in locis aliquid humanitus patiatur: sed quia ejus tante virtutes, præclaræque adeo merita sunt, erga Historiam, ac bonas literas, ut propterea, quæ peccavit, censam ei condonari, & eterna oblivione sepeliri oportere. Nec tamen impediunt ista, quominus accurate rellantur, quæ de fuga Junii, ex supplicii metu committitur. Imo nec impedit quicquam quominus, saltem modestè, aliquid dicatur adversus illud de ingenio de-

sultorio. Nec enim desultorio is ingenio, qui à prima penè ætate Theologiæ se dedit, inque eo studio consensuit. Linguarum scio studio, & Philosophiæ ingabuit: sed propter Theologiam imprimis, ut in Criticis aliquis voluit videri: Hæc ille subcivis horis, quas alæ aut computationi, aliqui impendunt. Sed sapis deceptus est. At nihil opus metiri Junium ex Criticis, nihilo sanè magis, quam Scaligerum ex Cyclometricis, puerilium errorum plenissimis. Nec tamen infelix est conjector, quàm livor ait. Aliquid accusatio ea ex vero, at nec minus est, quod ex mendacio, invidia, atque odio trahit. Quare nec detrecto provinciam, isti parti quoque occurrendi: Nedium diffugiam laborem diluendi scdunt errorem, quo seditionis aut complicationis, adversus summos Magistratus rem agit, ac turpis fuga infirmat. Quæ tantò turpiora, quantò probitas eruditioni antistat. Tantummodò mihi ita agendum video, ut quàm minimà eorum offensâ, qui Thuanus, & Scaliger impensius favent, fortissimè Junii causam agam. Utrum autem scotum, an in præfatione operis alicujus id acturus sim, adhuc delibero. Atque ubi, ex amicorum consilio, aliquid statuerò, faciam te quamprimum scirtorem. Nec displicet, ut in Academiæ Lugdunensis Professoribus, quorum vix ante biennium hic cum celata coram imagine recessu fuerant, idem error paucis resellatur. Hæc nunc in mentem venerunt. Poteram fortasse paucioribus hæc præposuisse. Sed non possum in scribendis anxius esse de brevitate, nihilo sanè magis, quam de dictione. Quare si loquacior visus sim, pro amicitia nostra, facit eam rem condonabis. Plurimum salutem lectissime uxori, ac tuis, tum autem sorori nostræ Junie, ac præstantissimo D. Makowski.

Lugd. Batav. die 11. Julii 1651. Tuis sine fado,  
G. J. Vossius.  
v. Id. Mail.

LXVI.

Reverendo in Christo Patri, Richardo  
Episcopo Dunelmensi.

Reverendissime in Christo Pater,

Offero tamen & meriti & nominis præfati aliquid de paupere pena nostro, exiguum, sed magni tamen affectus, & devotissimi animi monumentum, commentarios nostros de Historicis Latinis: quos spero non ingratos

gratos fore, partim propter autorem, qui nihil æquè exoptat, quàm ut placere possit iis, quos Deus ad tantum decus in Ecclesiâ suâ evexit: partim etiam propter argumentum literarum amantibus perutile, iis imprimis, qui eo loco habent antiquitatem Ecclesiasticam quo meretur. Sanè dicere illud possum, studiosè me operam dedisse, ut facilius & legi, & refelli possint, quæ de contrariis variis ab celeberrimo Annalium Ecclesiasticorum conditore adversus nostros scripta sint. Plurimum enim refert nosse, quæ genuina, quæ supposititia sint, quâ ætate scriptor quisque vixerit, utrum Pontificias an Cæsareas secutus sit partes, & id genus compluria: quorum usus magis apparebit, ubi, quæ nunc de scriptoribus prodidi, accomodata verò rebus ipsis, quas memoratus annalium autor, ex iis vel probare vel refellere se posse arbitratur. Deum rogo, ut ad institutum hoc nobile, & vitam, & valetudinem, imò & otium largiatur. Simul numen ejus oro, ut incolumem Reverentiam tuam diu Ecclesiæ suæ præstet & conservet.

Lugd. Batav.  
c. 10. loc. xxvii.  
vii. Id. Sext.

Reverendissimi nominis tui

Cultor ad obsequia paratissimus,

G. J. Vossius.

# LXVII.

Reverendo in Christo Patri Joanni,  
Episcopo Lincolnensi.

Reverende in Christo Pater,

**E**TSI non ignoro, quæ modestia, quantæque animi submissio deceat, primum hoc alloquium, quo affari ausus sum eum, quem Deus illustri ad eum loco in Ecclesia sua collocavit: arbitror me tamen illud dicere de me posse, à prima me adolescentia summo amore captum fuisse Historiæ omnis, ac præcipuè Ecclesiasticæ Antiquitatis. Quid verò labore atque industriâ promoverim, judicium penes alios esto. Saltem, spero, nemo bonus improbabit propensissimam hanc voluntatem bene merendi de studiis literarum. Atque ego animo pergo quotidie colligere vindemiolas meas, quas & publici juris facio. Cæterum, cum in omni historia duo spectare conveniat, quis dicat, & quid dicat; scorsim de utroque melius me acturum existimavi. Atque istud in causa est, cur hoc tempore de Historiarum scriptoribus egerim.

Ac ante triennium quidem commentarios meos emisi de Historicis Græcis. Hos nunc consequuntur alii de Historicis Latinis. Priores dicavi Illustribus Bataviæ nostræ Ordinibus, patriæ patribus. Alteros hosce sacravi florentissimæ genti vestræ, potissimum Illustrissimo Duci Buckinghamiæ, imo si non tam inscriptionem, quàm argumentum præfationis nostræ ponderemus, toti insimul Academici Cantabrigiensi. Nempe animo terras omnes lustranti non efferebat se natio illustrior vestra, seu arma spectarem, seu literas etiam, tum sacras, tum istas de quibus hoc opere tractamus. Adhuc beneficium illud, quo me per Illustrissimum Baronem à Broock, affecit laudatissima gens vestra, jamdiu aliud mihi testimonium grati animi imperare visum fuit. Quanquam autem non adeo Sufenus sim, ut existimem proficisci à me quicquam posse quod satisfacere possit exactissimo Reverendissimi nominis tui iudicio (cujus ad limam si revocare omnia velimus, fore prospicio, ut pauciora hic reperias quæ placeant, quàm quæ displiceant) tamen nihil causæ videbam, cur idem minus haberem tam multis prædicantibus summam humanitatem tuam, ac facilitatem in cognoscendis & ignoscendis erroribus eorum, qui de publico bene mereri studuerunt. Bonæ hujus spei plenus, tantæ & dignitatis & doctrinæ præfati offero nunc monumentum hoc laboris nostri, minutum quidem si autorem consideres: sed non aspemandum tamen, seu respicias paratissimum ad cultum omnem, & obsequium tui voluntatem nostram: seu etiam species, quod hæc opera munient viam nobis ad majora: puta ad refellenda ea, quæ ex scriptoribus à nobis opere hoc memoratis ab Ecclesiasticorum Annalium conditore, atque aliis adversus Religionem nostram depromuntur. Deis Optimus Maximus longam tibi, Reverendissime Præfati, felicemque vitam largiatur, quod diu Ecclesiæ suæ præstis & profis.

Lugd. Batav.  
c. 10. loc. xxvii.  
vii. Id. Sext.

Reverendissimi nominis tui cultor  
ad obsequia omnia paratissimus,

G. J. Vossius.



## LXVIII.

*Reverendissimo in Christo Patri Georgio,  
Chichestrensi Episcopo.*

*Reverendissime in Christo Pater,*

**S**æpe recorder honoris mihi habiti tem-  
post Synodū Dordrechtanā, ac postea,  
priusquam pedem ē terris nostris poneretis.  
Nam & Dordrechtī mensā me tuā, & quod  
longe maioris dūco, sanctis juxta ac eruditis  
colloquiis tuis, & eorum quos tecum in Ba-  
taviam Ecclesia miserat Anglicana, dignari  
voluisti: Nec Lugdunī manus perferenti eximi-  
am humanitatem tuam, & collegarum, quos  
dixi, virorum non præcellentis minus præ-  
tatis, quam doctrinæ. Beneficium hoc ve-  
strum pluribus extollerem, nisi satius dūce-  
rem, ut ista silentiū hinc sibi recondam,  
virtutisque vestras apud alios potius quam  
apud te prædicem. Hinc amorem erga te  
meum immane quantum auxit benevolentia  
illustrissimi legati, viri immortalitate dignis-  
simi, & cognati ejus regii Consilii Magni  
Britanniæ à Secretis: qui & præclare de me  
meriti, & potius mereri non cessant. Quam-  
obrem cum nobilissime genti vestræ Carle-  
toni multo sibi obnoxiius, nefas putavi,  
si non operis novi de Historiis Latinis exem-  
plar ad te mitterem, præsertim cum illud  
consecrarim nunquam satis laudare Britan-  
niæ nationi. Quæro, Reverendissime Præ-  
sul, minutum donum non aspernare. Pro-  
ficiscitur enim ab animo devotissimo, & ad  
obsequia tua paratissimo. Et demum mihi  
viam sterneret, ad ea diuenda, quæ ex supe-  
riorum seculorum scriptoribus adversus Reli-  
gionem nostram à Barrolo, atque aliis, ad-  
feruntur. Ultimam mihi Deus & vitam &  
otium concedat ad eam rem, ut exopto, su-  
as planiusque comprobandas. Nunc quod  
olim Augustus Cæsar aiebat, contentus eris  
hoc Catone. Reverendissime domine, con-  
sule hæc igitur æqui bonique. Deus te fa-  
vum ac sospitem servet Ecclesiæ suæ boni.

*Leg. Baro. Reverendissimi nominis tui cultor, imo  
clō loc xxvii. illustrissima domus Carletonæ  
vii. Id. Sextil. cliens eternam debitorus,*

G. J. Vossius.

## LXIX.

*Illustrissimo D. Falconi, Baroni d Broock,  
Serenissimæ Regiæ Majestati à Consi-  
liis interioribus, Mæcenati suo Optimo.*

*Illustrissime D. Broocki,*

**P**ostquam me beneficio summo planè fa-  
cisti tuum, rectè me atque ordine fa-  
cturum putavi, si tam oñi quàm negotii mei,  
etsi nihil tale poscenti, redderem rationem.  
Eoque animo mitto nunc novum ingenii, ad  
industriæ nostræ forum. Idque ed habentius,  
quia sacratus is stentissime genti vestræ, cui  
propter meritum tuum debebatur. Nec ed  
minus adhuc maneo in nexu tuo, unde me  
exolvere nunquam poterō. Sed, spero, tam-  
diu saltem mihi vita suppetet, donec gratum  
etiam posteris testari liceat affectum: de quo  
serio nunquam cogitare desistam. Multum  
gaudeo, quod herociæ liberalitate ac munifi-  
centiā tuā nobile adeo munus obtigerit præ-  
stantissimo nostro Dorellario J. C. Deumque  
oro, ut optime hoc, cum ei, tum Academiæ  
Cantabrigiensi vertat. Et profectō ex viri  
ejus præclara doctrina ac virtutibus, quibus  
ex animo faveo, ita fore auguror. Vale Il-  
lustrissime Domine, nec noster modo, sed  
planè literarum ac literatorum Mæcenas.

*Leg. Baro.  
clō loc xxvii.  
vii. Id. Sextil.*

*Illustrissimo nomini tuo eter-  
nam obligatissimus,*

G. J. Vossius.

## LXX.

*Clarissimo & esimio Viro D. Samueli  
Wardo S. T. Doctori & Professori in  
alma Academia Cantabrigiensi.*

*Clarissime Domine Wardo,*

**N**OLI propter diutinum silentium pu-  
tare, oblitum me suavissimi, ac do-  
cissimi Colloqui tui, tum Dordrechtī me-  
cum habiti, tum etiam Lugdunī. Atque  
utnam occasio mihi antehac fuisset testandi  
gratum animum pro benevolentia tua, atque  
adeo omnium eorum, quos ad Synodum  
Dordrechtanam Magna Britannia miserat,  
Equidem meminero.

*Dum memini esse me, dum speravi hos regē artus.  
Itaque & nunc mitto ad te amoris nostri  
pignus minutum, commentarios nostros de  
Historiis*

Historicis Latinis. Atque eò id facio luben-  
tius, quia fore spero, ut non ils modò operâ  
hac profuerimus, qui in *Hæc* tractant assi-  
dud, sed etiam, quibus curâ est cognoscere  
Ecclesiæ Historiam. Nam probè scis, quanti  
referat nosse, qui res scripserint Ecclesiasti-  
cas, & quando, & quâ fide, atque alia quæ  
ad auctores ejusmodi pertineant. Itaque  
planè fore confido, ut li minùs tibi videar  
assecutus, quod conabar, saltem probes vo-  
luntatem commodandi ejusmodi studiis ju-  
ventutis.

Vale præstantissime Vir, & ne amicitia nos  
tâ indignos censè, qui te propter egregias  
dotes maximi facimus.

Lugd. Bat. elo

Id. Sept. VII.

Id. Sept.

Tuus ex animo,

G. J. Vossius.

# LXXI.

Generoso & eximia eruditionis Viro D.  
Joanni Seldeno, J. C. Londinum.

S. P.

Quod olim fecit Cornelius Nepos, vir  
tantopere à Catullo laudatus, ut  
scriberet de Historicis Latinis: idem nunc  
ego tentavi, viribus quidem ingenii ac do-  
ctrinæ Nepotè longè inferior. Sed tamen  
alio nomine magis profuturus, quia licet  
præclarus ille Nepotès labor superesset, non  
tamen ultra sua tempora, hoc est, Augusti  
ævum, pertingere potuerit: ego verò histo-  
riam perduxerim usque ad tempora Caroli  
quinti. Quod ut facerem, evicit, non qui-  
dem laudum immensa cupido, ut ait ille, sed  
potius boni publici amor, qui me nunquam  
patitur cessare. Nec magnopere laboro de  
eo, quod commentationis nostræ lapides vi-  
debuntur minus poliri, quod sponte agnosco:  
sed satis fore putavi, si etiam rudè usui esse  
possent, quare non ista modò qualiacunque  
in lucem dare, sed etiam ad te mittere ausus  
sum, Vir eximie. Cujus ego simulac aure-  
um opus de diis Syris vidi, legere non con-  
tentus, etiam iteravi, atque tertavi, sem-  
perque ex eo me inter tuos debitores sum  
professus. Atque hoc ipsum in causa est,  
cur nunc aliquod affectus mei testimonium  
mittam: quod eò, spero, gratus erit, quia  
id dicatum eximie nationi vestræ, cui me  
æternam fateor obstrictum. Ulterius quo-  
me, vel hanc etiam operam meam tibi com-  
mendam, nihil, præter argumentum ipsum,  
occurrit: quia tu quoque, scio, cultorem no-

minis tui minimè contemnes. Vale, Claris-  
sime Seldene: nosque redamare ne grave  
duxeris.

Lugd. Bat. elo

Id. Sept. VII.

Id. Sept.

G. J. Vossius.

# LXXII.

Reverendis, Clarissimis, & multisque  
eruditionu Viris, D. D. Matthæo &  
Christophoro Wrennis, Sacratissima  
Regiæ Majestati Magnæ Britannicæ &  
Sacris.

Reverendi, & Clarissimi Viri, Nobilio fratrum pat,

Quotidie pene novum capio experimen-  
tum veteris dicti, quo amorem pigri-  
tunt similitudine studiorum. Quantopere  
quidem captamini amore Ecclesiasticæ anti-  
quitatis, ex Nobilissimo Dubletto nostro ab-  
undè intellexi. Qui & me, ut studiorum  
eorundem cultorem, propterea amari à vobis,  
non semel predicavit. Ego verò vos, sum-  
mi viri, non jam uno sed gemino nomine  
redamo, ut eorundem studiorum sectatores,  
atque ut amantes mei. Rogo, ut ne in af-  
fectu eo, etsi id minimè mentar, perillere  
gravemini. Mitto ad vos geminum exem-  
plar operis novi de Historicis Latinis: quod  
si non ingratum fore intellexero, beneficio  
etiam me affectum plane arbitrabor. Addi-  
di & exemplaria altera duos, quorum si  
unum Doctori Hieronymo Belo, alterum con-  
junctissimo amico meo Francisco Janio, trans-  
mittere non gravemini, magis etiam me ob-  
strinxeritis vobis. Valete Reverendi & sum-  
mi Viri.

Lugd. Bat.

Id. Sept. VII.

Utinamq; Vestri cultor atq;  
amicus,

G. J. Vossius.

# LXXIII.

Clarissimo atque eximie eruditionis Viro,  
D. Jodoco Rous Bibliothecæ Bodlei-  
anae præfecto. Ononii.

Vir Clarissime,

Nec summa doctrina tua, nec manus præ-  
clarum quod sustines, paduntur te ig-  
norant nostratum illis, qui Musas colunt se-  
veriores.



veriores. Atque ea me res impulit, ut munusculo literario animum testarer erga te meum. Mitto enim commentarios nostros de Historicis Latinis: quo in opere non mediocri mihi exhaustus est labor, nec minus fortasse superest. Multa enim limam tuam, tuique similitum requirunt: nec operâ tuâ, aliorumque magnorum virorum, exigua ei accessio fieri possit à Bibliothecis gentis vestrae, Bodleianâ imprimis, cui præs. Utinam ita res meae tulissent, ut tot præclaros Scriptores, quos ineditos hæcenus servat Britannia magna, coram ipse manu versare, & curiosis oculis lustrare potuissem. Equidem coelum mihi digito attingere visus fuisset. Sed quia non potui, quod optabam, optare non desinam, quod fieri possit. Hoc est, ut è summis viris vestratibus intelligam, ubi opera mea claudicarit, quod quin sæpius contigerit, quam vellem, nullus dubito. Verum spero ex te, Vir eximie, atque aliis præstantissimis Viris cognoscere licebit, vel indicta mihi, vel perperam dicta. Ipse editione alterâ non linam posteritatem nescire per quos profecerim. Id enim candore nostro præcipue dignum arbitror: quippe qui non tam scriptis nostris velissemur honori nostro, ut ambitiosi solent, quam omnia publico metiamur commodo. Imo, ut arbitror, sic sponte nos gloria, longèque eâ solidior consequetur. Quid enim pulchrius nobis, quam si posteritas videat, quantis viris innotuerimus & quam studiose eorum amicitiam ambierimus, nec id sine alio, quam amore virtutis doctrinaeque. Vale, præstantissime Rousi, nec grave dixeris iis me accensere, qui te ob eximias animi dotes maximi faciunt.

Plurimâ te salute impetit Dubletius noster.

Legimus Bar.  
c. 10. loc. xxvii.  
vii. Id. Sextil.

Tuus totus sine fuce,

G. J. Vossius.

#### LXXIV.

Constantino Huygenio.

Nobilissime, Amplissimeque Vir,

EX Athenæo nostro, vel si mavis, Musarum castris, mitto opus nostrum, non Musivum quidem, ac tessellatum, sed Apollinare tamen; vel si hoc quoque nimium est, saltem exaratum, de illo genere, Apollinari virorum; quod panxerit res gestas,

magnaque ex parte Martialium virorum. Quod addo, ne importunè illud transmittere videar, ad Mavortia Castra vestra. Quamquam altero etiam nomine, tueri factum meum possim. Etsi enim apud paludatum Imperatorem nostrum, & tot sagatos Heroas, nihil nisi Mavortium audiat: tamen simulac tuus paulum esse coeperis, scio, te illas de Marte cogitationes, Musarum studiis, quasi fortem Falemum, Castaliis aquis temperare. Cujus ego rei conjecturam, non obscure cepi, ex iis quæ mihi retulit, deliciae nostræ Barlaeus. Quamobrem nec rogare jam sustineo, ut me ames, cum id sedulo facias, longè etiam, supra meritum meum. Potius illud oro, ut optimi consulas munusculum meum, minutum quidem, sed magni tamen affectus symbolon. Non meretur, quod verissime, Veronensis Poeta, de Nepotis sui chartis scribebat, doctis, Jupiter! & laboriosis. Nec enim ita infansio, ut apud tui similes, de doctrina jactare me, vel commendare nostra, velim; scio quam mihi curta sit supellex. Attamen propemodum censeo, competere commendationi nostræ, posterius illud Laboriosæ Elogium. Quod ne Asinis quidem invidetur, sin nobis, ne illud quidem relinquatur, iussero ego malignos adeo æstimatores, ætatem agere in simili senticeto, quo sentire tandem discant.

Vale, Nobilissime, doctissimeque vir; nisi jam nunc fortissime potius dicere debui; sed scio te, amantissimi tui verba non exigere ad libellam.

Legimus Bar.  
c. 10. loc. xxvii.  
Post. Eid.  
Sextil.

Tuus sine fuce,

G. J. Vossius

#### LXXV.

Generoso Doctissimoque D. Gulielmo Boswello, amico optime de se merito.

Præstantissime D. Boswelle,

SÆpe obversatur animo meo Illustrissimus Baro à Broock, Vir genere quidem & dignitate summus: sed in quo tamen virtus longè exsuperet fortunam, ut reverà in eo minimum sit, quod vulgo putatur maximum. Hujus erga me affectum, & iudicium de me præclarum, tute longe melius me nosti. Quare scio, neutiquam miraberis, si dixerò, serid me sæpius cogitare quo pacto Viro huic dignissimo sanè, qui nunquam ignoretur, publicum grati animi testimonium offerre

offerre possim. Sed quia hactenus in tanta occupationum mole prestare non potui, eos imitari proposui, qui creditoribus syngrapha, quod debeant, obligant. Nam & quid beneficii acceperim, ingenuè, uti decuit, agnosco: & quid ulterius cogitem, non obscure indico. Utrumque hoc tribus, ut ita dicam, verbis, testatur prefatio operis ad Illustrissimum Buckinghami Ducem. Commentarii ejusce exemplar quadruplex transmittito: unum Reverendissimo in Christo Patri Joanni Episcopo Lincolnienfi, alterum Illustrissimo Baroni à Broock, tibi verò tertium, quantum clarissimo Seldeno. Fore autem spero, ut quod paulo ante me Illustrissimo Baroni recepissem aiebam, id primà occasione exsolvam, non tam summi ejus viri causà, cujus honori nihil à me scriptione ulla accedere potest, quam ut animo meo quomodocumque satisfaciam. Hæc familiariter ad te scribenda exultavi, doctissime Boswelle, Tu nos porro ama, & Illustrissimi Baronis amorem erga nos deinceps etiam, quantum in te est, fove. Nihil mihi gratius facere possis. Vale.

clo lxxvii. xvi.  
Jul. Kal. Sextil.

## LXXVI

Clarissimo & summe eruditionis viro, D.  
Hieronymo Belo, S. T. Doctori, &  
aulæ Pembrochianæ Prefecto. Cantabrig.

Clarissime Domine Bele,

O mnes quidem eos maximo prosequor amore, qui literarum studis excellunt, nullos tamen aequè æstimare soleo, quam qui Ecclesiasticæ etiam antiquitatis sunt callentes: quales in tristi hoc religionis dissidio impensius paci concordieque Ecclesiæ consulere de possunt, & solent. Quo sanè quid utilius hoc tempore præsertim in tanto eorum numero, qui antiquitatis contentu nova dogmata vel fingunt vel foveant. Tibi verò, ut ex Nobilissimo & utriusque nostri amantissimo Georgio Dubletio intellexi, antiquitatis studio semper ac cordi fuit, ac me quoque, quia ejus capias incredibili amore, majoris propterea facere soles. Utrumque hoc tui etiam in me amorem longe maximum accendit: quem nunc cum aliter non possem, leviculo industriae nostræ monumento tradendum putavi. Tu, vir Clarissime, quicquid hoc

est opellæ boni consule, nec tam manus spectra, quam animum donantis. Vale.

Lxxvii. Kal. clo  
lxxvii. vii  
Id. Sextil.

Tuus sine fide ac fallacia,  
more majorum,

G. J. Vossius

## LXXVII

Abrahamo Vander Merio, Senatori,  
Hagani.

Amplissime vir, Cognate Ornatiissime,

Quæ synodo ante triennium promiseram, ea jam ante menses xx. atque ultra sum executus, sed opus in quo id egi, (dico autem commentarios meos de Historicis Latinis) usque adeo spisse processit, ut deinde, post mensem, in lucem prodire possit. Quid mirum, cum in eo agam, de Historicis amplius, quam mille sexcentis? Proderit is labor meus, non solum Literarum bonarum, aut prudentiæ civilis studiosis, sed omnibus etiam, qui cum Theologia conjungunt Antiquitatem Ecclesiasticam. Locus de quo dicebam, est operis hujus pag. 213. Ubi multa brevissime sum complexus. Nam clarè rejicio sententiam Cassiani, qui Semi-Pelagianorum Princeps habitus. Clarè subscribo Augustino, Prosperoque, qui & Pelagianis, & Semi-Pelagianis fortissime resistunt. Et ne videar eorum sententiam aliter capere, quam oportet, clarè addo, merita eos intelligere, ut dicant, prædestinationem esse, fide & perseverantia priorem, h. e. ut Prædeterminatione sit causa, fides & perseverantia sint prædestinationis fructus. Et quia mihi sæpè obiectum de Historia à me edita super controversiis, quæ Ecclesiæ cum Pelagio, & Semi-Pelagianis fuerunt, eo non dubitavi addere, haud allequi sententiam meam, si qui putent illa quæ opere eo attuli, de quatuor primorum seculorum sententia, adversari Augustini sententiæ, ante memoratæ: quippe plus eum dicere quam priores, non contrarium. Denique promitto ibidem, me per occasionem aliquando fuisse de istis tractaturum. Priusquam hunc locum prælo subicerem, monstravi cum singulis facultatis Theologicæ Professoribus: Quibus abundè satisfeci. Unus Walaus putabat, ubi scripseram, *Langue impia vel falsa, rectius scripturum, Vel etiam falsa.* Itaque eo Authore, cum adjeci, scio me satisfecisse omnibus bonis. Nam & Ecclesiasticis compluribus domi meæ verba illa prælegi. Siquis tamen ita animatus sit, ut

nunc



nunc quoque nodum in scirpo quærat, non tam ille mihi crucem figet, quam animi sui ulcus prodet. Cæterum perhilito in sententia, non satis ex honore meo fore, si cogar, priusquam opus meum in omnium manus venerit, offendere pagellas, quibus præfeto, quod receperam. Is enim sum, cui fides dicenti debeat haberi. Et ex facultate Theologica ponere rem omnem cognoscere, si quibus adhuc scrupulus ulcus foret. Verumtamen si omnino ita necesse erit, non impedio quominus iis pagellæ illæ monstrentur, quibus videbitur. Locutus sum de re tota, cum D. Henrico Fabricio, viro præstantissimo, & integerrimo, quem Classis Leidenfis ad Synodum mittit. Is nec ipse existimabat, temerè eas esse promendas. Sed permisi, ut si omnino opus sit, eas à te pagellæ petat. Committito negotium omne, prudenter utriusque vestri. Plura vellem, sed ne sacram concionem negligam, malo abrumpere. Scripsi celerimè. Nec relegendi otium erat. Tu pro benignitate animi tui, si quid hic culpe fuerit, facile condonabis. Salutem optimæ Conjugi tuæ, & ubi Dordrechtum vineris, affini præstantissimo Jac. Wittio quæstori, simulque uxori ejus.

iv. Tol.

*Tamus totius.*

G. J. Voffius.

## LXXVIII.

Abrahamo Vander Merio, *Senatori.*  
Hagam.

**Vir Amplissime, cognate Optime, & Amicissime.**

**D**E Hadriano Imp. legimus, quoties à Poetis versus afferrentur, eos versiculis suis remunerari solitum. Ac placuit exemplum, Pio II. qui antea vocatus Æneas Sylvius Piccolominus. Ejus illud circum-

*Discite pro numeris, numeros sperare Poetae.*

Mutare est animus carmina, non emere.

Quoniam Vossius tuus, nec est Caesar, nec Papa, tamen (vide quos spiritus gerat) decretum ei, utriusque vestigiis insinere. Itaque pro versibus, versiculos mittit, ut sit hostimentum par pari. Dices non tam versus te expectasse, quam iudicium meum, de dubiis, ut Grammaticorum filiis ea visum nuncupare. Age igitur, si ita placuit, sit hoc opella nostrae poeticae Mantissa, vel Corollarium. Ego interim Cathedram Gramma-

ticam ascendo, & te Auditore, vel Lectore uno, contentus (etiam Antimacho unus auditor Plato sufficit, qui erat ei instar omnium) de dubiis istis; non dubiam feram sententiam. Faciamque id (si ita cum Lovanienfibus Magistris loqui fas sit) magistraliter. Quidni enim mihi id per te liceat, qui longè etiam majora mihi permittis? Quare in rem ipsam venio. Tu Amplissime Senator, togam compone, & Grammaticum hominem audi contendentem, non in vestro illo, sed foro suo. Primum igitur aio, fuscillis quædam ex dubiis istis proculdubio expelli debere. Nec ignoro, quo ribicini vulgus fulciat opinionem suam. Sed ribicen iste est ficulus, ut non possit non labare, quicquid imponas. Nam de *Natrix* fefellit Grammatico, Lucani locus. In *Aleyon* decepit Servius. In *ficus* pro fructu imposuit Martialis locus male intellectus. Muliebri enim genere usurpant Celsus, Plinius, rei rustice scriptores, & quicquid Classicorum est aspiciam Authorum. *Camelus* Græcis quidem femininum est, Latinis nunquam. De *Pharus* etiam sine dubium, planè dubium est, atque incertum. Tutius saltem in muliebri genere usurpes. *Pulvis* vix inter dubia reponi meretur. Sed hoc tamen non acriter ducere velim feram cum quoquam. Hui, inquires, si tam multa ex versibus hisce expellantur in *Morbioniam*, in arctas admodum copias cogentur dubia. Mane vir præstantissimè, nos in eorum locum quos fugavimus, novos succenturiabimus. Erunt autem isti *Varix*, *Sandix*, *Onyx*, *Sardonyx*, *Canalis*, *Volucris*, *Alex*, *Palumbus*, *Arrabo*, *Bubo*. Vides quàm multi, ut periculum non sit, ne armis expellantur inde, quò à me deducti. Multoque minus laborabunt, si jure vestro contendatur. Quamquam profecto ita aperta est hæc causa, iudicio meo, ut minimè metuendum sit, ne priores isti, quos expulimus ex interdicto, unde vi, restitui postulent. Causa ita perorata, ut ego quidem censeo, venio ad iudicium quod poscis. De *Steuchio* Eugubino equidem ita iudico, malè cum mereri de Religione Christiana, quando mysteria ejus cognita fuisse docet, Antiquis Gentium Philosophis, imprimis Platoni: atque hoc ut persuasum est, planè aliovorsum torquet verba ejus, quàm Philosophus ille senserat. Nec magis probò, quod ea stabilire conatur, ex *Trismegisto*, ac *Sibyllinis Oraculis*: ubi multò apertius ætæna Religiosis proponuntur, quàm in Prophetarum Vaticiniis. Atqui quis nescit ea tempora, quæ *diapylus* sopitatoris nostri præcedunt, ab Apostolo ipso nominari, *xelus ayrolus*; aut quem fugit *diapylus*, eidem dici *mythos* *diapylus* *ayrolus*.

*Sed si aliam te res dicit;* Quibus gemina & alia in scripturis leguntur. Nec ignoro, quæ ab Hieronymo Floravatio, Lib. III. de beatissima Trinitate, cap. 1. adferantur, ut doceat Trinitatis mysterium, aliquo modo gentibus fuisse cognitum. Sed ille eadem ac Eugubinus chorda oberrat. Hoc est vel genuinis Gentilium scriptis, falsam affingit sententiam, vel scripta *supposititia* ac supposititia habet pro genuinis. Mihi neutrum placet. Nec enim veritas coelestis, quæ est à Christo, & Spiritu ejus, indiget mendacio, quod Patrem habet Diabolum. At Platonicos non id voluisse, quod Eugubinus putavit, nemo negabit, qui in Platone cum judicio fuerit versatus. Trismegistum autem, & Sibyllina, ut vocant Oracula, esse supposititia, & res clamat, & dictio ipsa arguit. Quod ego pluribus commonstrarem hoc loco, nisi inter alios, luculenter id fecisset Casaubonus, exercitatione prima ad apparatus Annalium Baronii. Nec nescivit hoc Magnus Civis tuus, qui brevissimè nuper pro veritate Religionis Christianæ commentariolum edidit, sanè hoc seculo potissimum, quo omnia ad *idola* vergunt, perutilem eoque utiliorem, quod quantum hactenus potui videre, scopulos effugerit, in quos priores impigere: Nam segregavit ille argumenta ista, quibus mysteria nostra Religionis, non sine aperto mendacio probarentur. Præterea Religio est ei, quod debemus Spiritui Sancto, & Prophetis ac Apostolis, id acceptum ferre lumini Naturæ, & cæcarum gentium lacunis. Quod parùm religiose fecit Stenchus, & cum eo alii nonnulli. Ad duo tantum capita Epistolæ tuæ respondi: Et vides jam in tantum literas hæc excrevisse. Quid futurum est, si de cæteris, etiam quid sentiam, attexam? Sed de iis, vel coram, vel literis alteris video. Tu, Amplissime vir, loquacitatem meam boni consule. Salutem conjugii tuæ. Desidero scire, an planè jam valetudini suæ restituta sit forcrus tua *δια γυναικός*. Quare quando otium est rescribendi, velim verbum de hoc attexas. Multam etiam salutem Senatus vestri Præsidi, ac Curatori Academiæ nostro Cromhoutio.

Lugd. Batav.  
clō loc xxvii.  
xiii. Kal. De-  
cembriæ.

Tuus sine fuco,

G. J. Vossius.

## LXXIX.

Gerardus Vossius Hugoni Grotio S. P.

**T**Andem, maxime, & amicissime vir, prodit in lucem historia mea, de Historicis Latinis; cujus exemplar nunc mitto: quod licet nihil elucubrari subtili tuo judicio dignum, tamen, quia metum est, placitum confido. Si ausus fuisset ulterius onerare conjugem tuam, addidisset codicem alterum ad Salmasium. Sed fiet id per Lamerium, qui Gallias cogitat. Simul aliquid ad eum literularum addam. Dicere vix possum, quantopere sim sermone, & literis multorum fatigatus, ut tuerer honoris socii adversus Thuanum. Et diatribam super eo seorsim postularunt. Mihi etsi impense honori Juniano studuerim semper, res tamen ea tanti visa non est. Quare satis fore putavi, si id fieret præfatione altera operis nostri, quæ est ad Lectorem. Ita autem respondeo, ut salvo socii honore, modestius potuerit nemo: idem scio judicabis ipse ubi videris. Movere me non solum magna Thuanus merita, sed etiam quod filium ejus viderem tantopere à te amari: quem scirem nihil immeritè magni facere, præter me unum. Sanè hic erga nobilissimum juvenem, amor tuus tanti apud me fuit, ut vel acerbius aliquid tam multorum assiduo impulsu cogitantem, facillè posset sufflaminare. Acrius paulo insurrexi adversus Scaligerum, quia edoctus essem ab eo fonte esse, quod plerumque de Junio Thuanus hausisset: Ut fidem faciebant multa. Memor eram, qualia superstes evomuerit adversus Junium, cum totus in fermento jaceret. Et meminisse ipse potes. Adhuc in nostris, & aliorum manibus versantur codices Juniani, Scaligeri manu oppleri bellis illis elogiis, simia, asinus, cojone, & aliis id genus convitiis, *καυλίζω*, non Scaligero dignis. Et hocce anno Heinsius noster in lucem edidit Epistolas Scaligeri, in quibus non urbanatim, sed rusticatim Junium tanquam Cumanum asinum tangit, homo cætera magnus, sed nimis malignus, nec ita animatus, ut se etiam hominem esse cogitaret. Vellem Heinsius periodos eas, in quibus de Junio Scaliger loqueretur, imò totas Epistolas omisisset. Nunc Asteriscum ponere fuit contentus: interim relinquit, ubi dicatur edidisse notas in Cypriani Magistrum, contulisse Manilium cum MSS. codicibus Palatinis, aliæque id genus: quasi multum intersit, utrum dicam Sophronisci filium, an Socratem, Trojani belli Scriptorem, an Homerum. Equidem vellem hanc mihi necessitatem respondendi

Q

spondendi



spondendi non imposuisset Heinſius. Et tamen ita reſpondeo, ut qui neſciat hocce anno editas apud nos eſſe Scaligeri Episto-  
las, neſcire etiam poſſit per eum, cujus me no-  
mini dico parcere velle, intelligi Scalige-  
rum. Nempe tum demum nomino, cum  
ejus de Junio epicedium reſero: Iccirco tan-  
dem ſubjungo *aliqui de Epistolis preſtantes viri,  
ſive dicti ſive adhuc innominati vobis.* Nempe  
innominati, ubi calumnie reum ago. At  
nominati honorifice, ubi ejus de Junio elo-  
gium commemoro. Summa autem defen-  
ſionis noſtræ eò reddit, dicere potuiſſe Junium  
de Criticis ſuis, & aliis ſimilis monere, illud  
Arellii Fulci, ne quis me ex his cenſeat. Dicavi  
opus meum Illuſtriſſimo Buckinghami Duci;  
nempe ut Cancellario Academia Cantabri-  
gienſis, ad quam honorifice vocatus eſſem;  
ſimul ut reſtaret affectum meum erga gentem  
eam, in qua tot mei amantes haberem. Dis-  
plicebit fortaiſe nonnullis apud vos lauda-  
tio ducis: ſed ſcripta hæc à nobis, priuſquam  
ſama increbuiſſet belli Anglicani adverſus  
Gallos. Nec ad ſimiles mei, innocuus Mu-  
ſarum Cultores, judicium pertinet, utrius  
regni cauſa hoc in bello potior ſit. Equidem  
opto, ut genti utrique bene vortat, etſi id  
fieri quo pacto poſſet, minime videam. Ex-  
cuſus jam liber tuus de Religionis Chriſtiane  
Veritate. Quem cum lego in coeleſti coena-  
culo cum Dis mihi epulari videor. Ut quam  
correctiſſimè ederetur curavi, ut potui &  
debui. Sed cum ſemel Ultrajectum, iterum  
mihi Hagam excurrendum eſſet, nec perſua-  
dere poſſem Typothetis, ut abſente me, alia  
prelo ſubjicerent, filiis curam committere  
ſum coactus. Ita factum ut tribus quatuorve  
pagellis, quædam compareant negligentibus  
edita, ea imprimis, unde errorem ipſum  
ad calcem annotavi. Fragmenta illa, quæ  
in rutis caſis tragicorum comparent, ſperavi  
propediem poſſe recudi. Sed nihil hætenus  
reque obſtitit, quam quod talia à paucis le-  
gantur: quippe, ſi *modice* paucas excepe-  
ris, ejuſmodi ſunt omnia, ut nihil inde com-  
modi referant alii, quam penitioris literature  
amantes, quos Grammaticos vocamus. Sed  
tamen quia jam finem ſuum Hiſtoria noſtra  
habet, hanc etiam curam ſuſcipere animus  
eſt; nec urgere Lamerium deſinam qui moras  
ſemper neſcit, neque id alia de cauſa, quam  
quia non facile Seneca cum fragmentis inve-  
niat emptorem, ob molem tot Criticorum,  
qui nihil annotant, quod ſit ad vulgi gu-  
ſtum. Quod ſed ſuos tres, ut cum Varro-  
nem dicam, phœnœticos Septentrionis filios, qui-  
bus moris magnas ciente tempeſtates, ſi quis  
non per omnia eorum ſequatur opinionem  
velut *videtur* mihi quidem nunc aliquan-

to pacis amplius, atque opto, ut æternam  
eos Æolus compeſcat. Vir Clar. Janus Gru-  
terus in Academiam Groningæ, & Omlan-  
diæ vocatus eſt, ut ibi ſuccedat Ulboni Em-  
mio. Venturum ſpero, non tantum quis is  
vir eſt, qui, ut de Mario M. Ciceronis,  
*Scævola veſter dicebat, Caneſcit ſeculis innume-  
rabilibus*: verum etiam quia aſſinitate eſt  
uxori meæ junctiſſimus, & mei amantiſſi-  
mus. Filius meus Franciſcus præclarum  
opus tuum de jure Belli propè ad unguitum  
callet. Et quid ei, quem juris ſtudio deſti-  
navi, melius commendaviſſem? Memini enim  
me apud Tullium legere in primo de Legg-  
ex intima Philoſophia diſciplinam juris hau-  
riri oportere. Id quidem comprobaviſſe mihi  
primus videris. Scire deſidero, quid poſt  
hunc laborem, & gnoriarum opus gemi-  
num, verum ſapientie Theſaurum, publici  
juris facere cogites. Vale, & à me, uxore,  
& familia omni ſalve plurimum.

Lugd. Batav.  
elo loc xxvii.  
x. Kal. Sept.

Tuus æternum,

G. J. Voſſius.

LXXX.

Gerardus Voſſius Hugoni Grotio S. P.

**M**agnifice, Clariffimeq; domine; Abbo-  
tus in Apocalypſin nec in officina-  
rum pergulis, nec in amicorum Bibliothecis  
comparet. Si ſcriptis, Angliæ ſcripſerit cre-  
do, de quo certiora dicere poſſet affinis Ju-  
nius. Habeo Abbotium de Antichriſto:  
quem an volueris non ſat ſcio: ſed tamen  
mittere volui. De reformatione Colonienſis  
Archiepiſcopi ſæpius à me Berthus eſt com-  
pellatus: ſed habere negat, ac vel ad Ho-  
gerbetium vel Utenbogartium remittit. Quo-  
rum illum, ſimul ac Haga eedicit, compel-  
labo. Reſponſum Junii ad quæſtionem, num  
arma ad Religionis deſenſionem à ſubditis  
ſuſcipi poſſit, inter ea ſuit, quæ ex ore ex  
tempore diſtantis domi ſunt excepta. Habui  
ea prope univerſa, ſed una cum pulviſculo  
omnia in Friſiam abſtulit affinis Catimirus,  
hoc ſine, ut aiebat, ut cum ſuis conferret, &  
ſi non inconſultum Juniani nominis amanti-  
bus videretur, ederet in lucem. Sed ante-  
quam tu, Ampliffime vir, ejus reſponſi apud  
me mentionem feciſſes, cognoveram ex Cod-  
dæo, hoc reſponſum in ſchedis ſuis habere.  
Ergo quamprimum conveni: cui ut po-  
ſtulatam tuam expoſui, lubentiſſimè ſe com-  
municaturum reſpondit. Sed poſt horas  
duas

duas rediens, invenire posse negat, & cum inter chartas deesse aliquas cognoscat, metuere ne jam diu sit, quod alteri dederit legendas, atque in iis etiam sit hoc responsum. Corvinus non arbitratur exstare apud suorum quemquam: Ita vides, ut non defuerit animus morem gerendi tibi, sed nihil effecerim, quo nomine doleo. Quod in Anglicanis tardè adeò procedatur, partim Bertijs in causa fuit, qui hesternæ demum die, triplicis Ordinum decreti translationem ad me tulit, partim Amanuensis, industrius quidem Adolefcens, sed qui ab excipiendis, & cum schedis commilitonum conferendis Episcopi Lectionibus, quas auro contra caras non putat, agrè avelatur. Jam tamen unum exemplar habemus. Et his feriis natalitijs, totum se his describendis dabit, nihil orsurus priusquam telam istam pertexerit. Corvini librum, quia occasio erat, mitto. Scio tamen carere eo potuisse, usque dum Anglicana sint scripta. Id intra triduum aut quatrimum fore spero. Simul tum mittam Historiæ nostræ Pelagianæ Librum quintum, qui est de prædestinatione. Nam penè jam descriptus est. Sextus erit de reprobatione: cujus appendicula est de causa Godescalci. Eam licet necdum relectam, ad te mitto. Spero non ingratum fore, quando hæcenus rectè tractata est à nemine. Si non displicet tibi Liber primus operis, qui est *de origines*, statim à Kal. Januarijs poterit prælo committi. Scis lentas esse operas. Ego quia jam opus omne absolvi, minus temporis in excubendo requiram, quam illi in excudendo. Vale, Amplissime Domine. Uxori salutem maximam.

xxii. Decemb.  
elo loc xvii.

Tuus totus,

G. J. Vossius.

# LXXXI.

*Reverendissimo in Christo Patri Gulielmo Bathonensi & Wellensi Episcopo.*

Reverendissime in Christo Pater,

**S**I in equis, generosioribus quidem illis, at mutistamen animantibus, ita usu venit, ut in certaminibus applausu, & quasi gratulatione adstantium ad velocius currendum incitentur: quid fieri hominibus putemus, iis præsertim, qui in studio virtutis industriaque pro viribus bene mereri contendunt de literis studiisque. Ecquid de me illud dicere habeo, geminis Reverendissimæ dignitatis tuæ literis amorem favoremque summum

spirantibus, posterioribus etiam indicium facientibus de præclaro Illustrissimi Ducis affectu erga me, licet immerentem, stimulos mihi subditos esse acerrimos, ad porro gnæviter insistendam, quam calco hæcenus, honestissimi laboris viam. Hoc cum per se magnum esset: non tamen hic felicitas mea stetit: Sed cum summi beneficii loco habendum ab alio, ac meipso etiam, foret, si Illustrissimus Dux supplicanti solum benignas præberet aures: nunc quod tanto majus est, sponte etiam per Reverendissimam dignitatem tuam, exquirere non est dedignatus, quo pacto Celsitudinem suam hoc tempore bene mereri de me posse arbitraret. Quo nomine nunc digitis mihi coelum videor attingere. Ut qui nihil post virtutem ipsam majus unquam putarim, quam placere posse Principibus viris, & summis Ecclesiarum antistitibus: quos virtus ipsa constituisse, quasi agonothetas suos, videtur. Quare, ut dixi, hoc nomine plurimum gaudeo, aut verius triumpho. Non tantum factum à me quicquam puto, quo affectum ejusmodi sim promeritus, cum heroicæ Illustrissimi Ducis virtutes, quicquid ab umbraticorum hominum studiis proficisci potest, albis, quod dicitur, quadrigis, vel amplius etiam, excedant. Quin potius metuendum mihi fuit, ne id, quale quale est, negligendo, iratam prope virtutem habiturus mihi viderer. Quamobrem etsi hanc adeò cornea mihi fibra est, ut non sentiam, quantum heroicis Illustrissimi Ducis animus possit: neque fortunæ mei, aut meorum hujusmodi sunt, ut optatissimam hanc occasionem sine summa imprudentiæ nota negligere debeam: tamen ita existimo, nec esse modestiæ meæ eligere quasi præmii genus, ubi nullum mihi deberi putem, sed nudo tanti Ducis affectu abundè sim remuneratus: nec siquid excelsa mens ulterius velit, usque adeò cæcutio, ut non videam, ipsum Illustrissimum Ducem pro benigna Celsitudinis suæ prudentiæ, & benevolis Reverentiæ tuæ consilijs quid in rem meam & meorum sit, longè melius perspicere & posse & velle, quam mei ordinis ulli etiam in rebus suis cernere valeant. Nihil igitur mihi superesse video, quam ut quam maxime me commendem Reverentiæ tuæ, Deumque votis supplicibus orem, ut perpetuum esse velit hunc erga me affectum Illustrissimi Ducis: cujus honori & obsequio, simulque etiam tuo, Reverendissime Pater, quicquid vitæ largietur Deus, deinceps decurret. Idem supremum illud numen rogo, quantum possum, ut & Illustrissimum Ducem, & Reverendissimam dignitatem tuam, non modò Britanniæ suæ, sed etiam devotissimo huic cultori



diu conservet insolubles: ac mihi quoque eas conservet vires, ut ne tam præclare pro meritis unquam videar ingratus.

Legd. Bar. clo Ioe  
xxviii. x Kal. Febr.  
postidie nempe,  
quam reddite  
mihi essent ac-  
ceptissime illæ  
Reverentis tue  
litteræ.

Reverendissimi Nominis tui  
cultor devotissimus,

G. J. Vossius.

### LXXXII.

Reverendissimo in Christo Patri, Geo-  
gio Cicestriensi, Episcopo.

Reverendissime in Christo Pater,

**I**Nter felicissimos vitæ meæ dies, quales la-  
pillo signare albo antiquitas consuevit,  
non postremum tribuere iis locum soleo,  
quibus Reverentiam tuam, & præstantes  
gentis vestræ Theologos, unâ tecum ad Sy-  
nodum legatos, videre & affari mihi datum  
fuit; Dordrechtî primùm, mox iterum Lug-  
dunî. Exinde mihi sæpe in animo, sæpe in  
ore, crudelissimi illi sermones, quibus me,  
mensâ dignati, beare voluistis; nec doctissi-  
mi illi modò, sed non minori etiam huma-  
nitate conditi: quippe quam tunc expertus  
erga me sum plane singularem. Horum me-  
moria mihi litteras Reverentis tue, longè  
acceptissimas per se, multò etiam gratiores  
reddidit jucundioresque. Equidem avidè  
eas hauri, nec legisse eas sufficere, iterum ite-  
rùmque relegi. Et animadverto, tanti viri  
affectu erga me, magis etiam me inflammari  
ad bene merendum de studiis literarum.  
Nempe, quod vulgò aiunt, laudatam crescere  
virtutem, id in me quoque locum habere  
sentio; atque hoc etiam nomine plurimum  
tibi debeo, & deinceps etiam debebant studia  
nostra. Nam quem non apprime delectet,  
si, & amari se, & alicujus fieri intelligat ab  
viro in summa dignitate constituto, & maxi-  
mis animi dotibus dignitatem istiusmodi  
multum exsuperanti? Quæ quanto magis  
cogito, tanto magis mihi operam dandam  
judico, ut affectum hunc mihi semper con-  
servem, atque adeo etiam, si fieri possit, au-  
geam: quod scio non aliter me consequi  
posse, quam si memet vincere coner, in hoc  
vitæ instituto. Hunc animum non potui,  
quin tribus nunc verbis perscriberem. Nu-  
dus tertius demum Reverentis tue litteras

accepti. Interea Hagæ, partim ab occupa-  
tionibus, partim ab amicis detentus sum.  
Nunc autem Lugdunum subito vocor. Nec  
ventus minus in Angliam vocat nobilissimum  
Dudleium Carletonum, quem sine meis lite-  
ris ad Reverentiam tuam venire nefas puta-  
vi. De Baronio, & Pelagii patria, nunc  
nihil addo: quia volo, ut simulac Lugdu-  
num rediero, inde alterum mihi surgat  
literarum argumentum. Deus Opt. Max.  
Reverendissimam dignitatem tuam diutissimè  
Ecclesiæ suæ salvam ac hospitem servet: nec  
Ecclesiæ modò, sed etiam mihi, qui, quan-  
tum possum, elaborabo, ut ne nunquam af-  
fectu & obsequio cuiquam eorum videar cef-  
fisse, qui inter devotos cultores Reverendissi-  
mi tui nominis, nomen profiteantur suum.

Hagæ Comitis  
M D CXXXVIII  
vii Kal. Febr.

Reverendissimi nominis tui  
cultor obsequiosissimus,

G. J. Vossius.

### LXXXIII.

Clarissime Salmasi,

**I**AM quadriennium est, quod me donasti  
Commentario tuo in Tertullianum de  
Pallio, nobili & victuaro, ut omnia tua,  
opere: pro quo gratias habeo, quantas pos-  
sum. Nunc vero longo adeo post intervallo  
ausus sum mittere *arbitror*, historiam no-  
strum de Historicis Latinis; opus tanto, ut  
ego censeo, minus bonitate, si cum tuo com-  
paretur, quanto mole exsuperat. Sed si pa-  
ginarum numero vincimus, jam non omni  
ex parte superamur. Vide, & ride, Vir  
summe, quod mea sic, & scribò, commen-  
dem. Sed utriusque hanc insistam viam  
apud te, & paucos alios, qui ad summa evo-  
lūstis; plus tamen animi ac spiritus scito  
mihi esse apud homines mediocres, ac præ-  
cipue nidem juventutem: cui de longe me-  
liori nota mea videor posse commendare.  
Nam profecto est aliquid ei digirum inter-  
disse ad fontes, unde hauritur notitia omnis  
ævi. Quocirca nondum permittet instituti:  
præsertim quando video quotidie in hoc ar-  
gumento etiam eos Saturnias lippire lemas,  
qui sibi, & pene sui ordinis cunctis quantivis  
pretii videntur. Quælis, inter sexcentos, est  
nuperus Editor Opusculi, quod Auctorem  
habet Gennadium Scholarium, Patriarcham  
Constantinopolitanum, atque inscribitur,  
& hanc & illam *disponitur*. Academiæ is Julia  
Theo-

Theologus, agnoscit Scriptorem eum vixisse temporibus Joannis Palæologi, idque anno CCCCXXX. variasque ad Turcam Legationes obisse: atque inde esse, quod dissertationem hanc de Trinitate cum Amurathe Turca habitam, in Literas retulerit. Sed idem (en cor hominis!) vitam ejus nobis describit à Gennadio Massiliensi, qui Libro de Scriptoris Ecclesiasticis agit de quodam Gennadio Constantinopolitano, qui Leonis Imperatoris temporibus claruerit. Quid fortius in erudito Theologo hac *aviso*; Gennadius Massiliensis, ut nos opere hoc statuiamus, & omnes mediocriter docti sciunt, circa annum vixerit quingentesimum? Quomodo igitur Gennadius, de quo ille tractat, idem sit ac is, quem Theologus ille intra ducentos hosce annos claruisse ipse agnoscit. Non erant tales digni, quorum ratio haberetur, nisi tam multi horum similes invenirentur, qui alios omnes ad palatum ac genium suum sapere jubent. Quod equidem malo meo non semel sum expertus. Sed fortasse, qui alios culpo, culpa ipse non vaco, seu ea quæ de ætate Historicorum prodidi, seu alia ad eos pertinentia consideremus. Sane hominem esse me, non diffiteor; & quia ex aliena infirmitate de mea facio conjecturam, Opus hoc meum ad te, Vir summe, & alios aliquot eximii nominis viros mitto. Nimirum fore spero, ut ita multa, quæ me fugere, edocear; à te inter primos, qui tot bona me docuisti, cum aliis scriptis tuis auris, tum maxime Commentario in Historiæ Augustæ scriptores non semel mihi in Historia nostra laudato, nec unquam satis laudando, quippe omni laude majori: ac in quo verè locum habuerit, quod de Ludis olim secularibus dictum, eo quidem in genere simile nec vidisse, nec visurum quæmpiam. Ex iis verbò quæ ad Tertullianum adnotasti, video difficile esse dispicere, utrum in gentium Scriptoris plus possis, an Sacris. Quare utinam in hoc Ecclesiæ ductore, quo pede coepisti, pergas. Ad quem emaculandum atque illustrandum mihi natus videris. Quod de nemine homine præter te dixerò. Unus enim præstare illud potes, quod verius conati adhuc alii, quam assecuti. Iterum igitur opto & rogo, ut huc potissimum ingenium intendas. Habent quidem gentium Scriptores, atque universa Musarum studia, quiddam. Neque insignem esse eorum utilitatem negare possum. Sed tamen quis bonus non malit, ut tale ingenium, & illa Eruditione, in Ecclesiasticis potius Scriptoris, usque antiquissimis, & corrigendis & illustrandis operam infumat suam? Non quasi adhorter, ut *in* Musas desetas, sed ut

deinceps illas remissius, hæc meliores hostias impensius colas, uti facere jam serio aggressus es. Tibi inde Lux major, amicis summa lætitia, omnibus fructus oberrimus. Vive, & vale literarum peregrinum Vindex præstantissime, cui si mea utcumque probare potero, felicem me putabo. Nihil enim malo, quam diligi à Salmasio, hoc est interiorum Literarum nostri sæculi Principe. Cujus si præsentia frui liceret, multum me adjutum iri posse confido. Habent quidem & aliæ terræ viros eruditos atque eximios; sed de interioribus nostris literis loquor. Quare lucente sole cur quærescens stellas. Iterum vale.

Lugduni Bat.  
cl. lxxviii.

Tuus sine fædo,

G. J. Vossius

#### LXXXIV.

Gulielmo Episcopo Bathoniensi & Wellensi.

Reverendissime in Christo Pater, Domine reverentissimè mihi omni Officio colende.

**S**imulac literas Reverendissimi nominis tui legi, totius ob infortunium tuum expalliti atque exhorui. Nec casus ille tantum animum meum perculit, quam si meus foret. Debebam dicere, & verè poteram, magis assecuisse. Sed semper exultavi operam dandam esse, non modò ne quid auribus deipus, sed etiam nequid dare videamur. Et tamen, quis dubitat, quin qui boni viri & prudentis, qualium profectò non est larga nimis seges, jurè nomen possidere velit, in alienam salutem præponere suæ debeat, quando in alterius salute salus publica magis laborat. Quid ergò mihi facere æquum erat, qui & te colerem ut communem Ecclesiæ parentem, & me inter eos meritò reponentem, quos singulari amore, ut pater filium, passim quæris? Quare assidue Deo vota facere non cessò, ut pristinas Reverentiæ tuæ vires reddat: tamen difficile dixerim quantum in hoc ipso dolore ceperim voluptatem ex tam manifestis certissimi erga me amoris signis. O felicia scripta mea, quæ sic beent autorem! Nam quid bonum aut magnum æquè censere in hac vita possum, ac si à bonis & magnis viris & laudari & amari contingat? Laudari jucundum est, sed jucundius amari. Quæ scriptam, etsi nihil ejusmodi mererentur, tamen utrumque mihi contulerunt. Neque vis studiis honorem esse, quod verè est seculum corrigere. Nunc illa me iuvat cura, ne



ne videar ingratus. Etti autem quod rependam non habeo, imo nec verba reperiam, quibus me satis gratum ostendam: tamen si placere potuit prior labor noster, non despero me & alia non minora offerre posse. Fama ac Aeternitati nominis tui propriis virtutibus in omnia secula ituri. Atque ut ex parte videas, quid rerum agam, mitto Syllogem veterum disputationum mearum, mutilam quidem illam & imperfectam (nam maior pars adhuc inedita est) sed decretum & quæ vides auctiora, & addere ea, quæ adhuc in Schedis nostris latitant. Nempe volumine uno complectar, quæ ad Sacramentarium negotium pertinent. Alio quæ spectant statum animæ post mortem. Et ita porro in aliis. De Baronio quid moliar seorsim alteris exponam, idque ut non tantum consilii mei rationem explicem; sed etiam, quid Reverendissimo nomini tuo videatur, intelligere possim. Nunc hoc solum dicam, non tam visum esse minutias consuetari, quam illa, ubi cardo rei potissimum vertitur. Uti illa imprimis, in quibus longius à primitiva Ecclesia recessit Romana. Etiam evolare gestiant commentarii mei de Lingua Latina, cujus pars posterior origines ejusce linguae ex Grecia & Oriente repetit, multaq; ex veteribus Scriptoribus, aut corrigit aut illustrat. Sed de his, & aliis quibusdam, pluribus alias agam. Interim me meaque Reverendissimo nomini tuo in cultum & obsequium perenne offero & transcribo. Deumq; Optimum Max. supplex precibus oro, tum ut Dominum meum Illustriss. Ducem Buckinghamiæ spiritu suo roboret, consiliaque ejus prosperet, Britanniae totius bono, tum ut Reverendissimo tuo nomini celesti sua gratia magis magisque adsit, corporique non pristinas modò vires instauret, sed diuturnam quoque valetudinem largiatur, ad Anglicanæ atque aded Universæ Ecclesiæ emolumentum.

Lugd. Bat. elo  
Dec. xlviii. viii.  
Kal. Maias.

Reverendissimi nominis tui cultor  
obstrictissimus, & qui nunquam  
tunc esse desinet,

G. J. Vossius.

LXXXV.

Joanni Meursio,

Vir Clarissime & Amicissime,

**N**on exiguum mihi dolorem attulit, quod tanto temporis intervallo, nihil

à te acceperim Literarum. Nam solatiū hoc amicitia habet, quod eorum legere literas possumus, quos videre non possumus. Tantoque magis dolebam quod, metuerem ne silentium hoc proficisceretur ab mœrore aliquo quem privatim etiam vobis afflicta res Dania attulissent. Nunc & valere vos intelligo & meliora in posterum de regno vestro augurari. Equidem prædicabo ac ambitiose, quam mihi gratum fuerit ea cognoscere præsertim ex teipso. Facile enim hoc cogitare potes: ut cui non ignotus sit amor erga te meus. Neque de eo quicquam detrahare debet quod rarius & ipse scribam. Vere enim dicere possum hæcenus me non satis scisse quo pacto Literas optime possum procurare. Atque aliter ut foret non eo minus arserit amoris nostri ignis. Silere enim diutissime possum. Sed non amare Meursium non possum, nisi simul & virtutis amorem & doctrinæ deponam. Ante amorem non exuam sed tuus semper ero, tuus plane, præstantissime & charissime Meursi. Tanto impensius frui etiam cupio præsentī, cujus quod spero facis, beas profecto. Sed tamen beator mihi videbor ubi coram complectar. Nunc ut amantes meticulosi esse solent, male formido ne ita æstate proxima infestet vias Cæsareus miles ut spes nostra decollet, nec nisi anno post atque utram vel tum, conspiciere vos liceat. Ubi veneris post Snellium (cujus & conjux decessit) desiderabis quoque communem amicum Jacehausum, qui Paralysi obiit die eo Martis, qui Paschales ferias proxime antecessit. Defunctum laudavit Vorstius. Hujus in scribendo ad te incuriam serio increpui. Et culpam fatetur: sed emendatarum recepit. Mitto ad te opus nostrum de Historicis Latinis. Sed (si ita placet) conditione ea, ut rescire possim, quid probes, quid improbes. Nec enim nosse id minus laboro, quam si editum id nondum foret. Quippe recudi poterit ut in Partitionibus Oratoriis factum ante paucos menses. Barlaeus carmine sibi multum gloriæ parat. Prodiere ejus poemata mense superiori. Cum prima hæc editio sit tamen non video quem præferat præsertim in carmine epico. At quorundam etiam benignius est judicium. Quid futurum si sæpius sæpiusque limata prodierint. Uxor mea ternis mensibus gravissime ægrotavit. Nunc pene convaluisse videtur. Salutat vos plurimum. Plura volebam, sed Haga jam tantum redux hæc pauca potui quod festinato opus esset si cum cæterorum Literis, meas quoque hoc tempore deferri ad te vellem. Quæ & causa est, cur opus nostrum præter morem meum miserim incompactum.

Vir

Vir amicissime, vive, vale cum familia tota,  
ut valere ipse melius possim, & quod caput  
est, ut diuissime Recip. Literariz possis.

Lugd. Bar. cfo  
Idc xviii. Id.  
Mails.

Tuus totus,

G. J. Vossius.

LXXXVI.

*Clarissimis & Celeberrimis D. D. Vice-  
cancellario, & Univerſo Senatui Aca-  
demie Cantabrigienſis.*

Eximie D. Vicecancellarie, & Senatui univere alme  
Academice Cantabrigienſis,

**V**etus est verbum, facile esse Athenis  
Atheniensem laudare. Mihi verò Can-  
tabrigienſem Academiam laudibus extollere  
apud Cantabrigienſes perdifficile videtur;  
quia tanta earum copia est, ut non arduum  
minus sit initium quam exitum invenire:  
partim etiam quia neq; ingenium illud, nec  
ea mihi sit eruditio, ut alia possim adferre,  
quàm quæ à vestratibus ipse scriptoribus ac-  
ceperim: qualia si Britannicis Athenis ve-  
stris reponere nunc velim, meritò audire co-  
gar, sus Minervam, vel Nocturnam Athenas.  
Quare veterem vestram gloriam, recentiaq;  
etiam merita erga Britanniam, & terras ali-  
as, non tam orationis penicillo dopingam  
hoc loco, quàm animo ea mecum tacitus co-  
lam. Quod à prima etiam adolescentia ha-  
genuis facio sedulo. Nihil enim auribus de-  
dero, si candide profitear, ex quo versare  
cepi veteris Ecclesie Doctores, didicisse me  
imprimis venerari statum Ecclesie Anglicane,  
ut quem ad primævum illum proximè acce-  
dere viderem. Quique eam insisterem stu-  
diorum viam, non potui non etiam capi le-  
ctione Theologorum, quotquot ab alme  
Cantabrigienſis vel Oxoniensis Academia  
uberibus pependissent, suisque postea monu-  
mentis, eas illustrassent. Facile enim appa-  
rebat, non aliunde maiorem me capere posse  
ingenii cultum, quàm iis, quorum aureis è  
scriptis undique reluceret, quâ industria, ac  
iudicio quanto versassent sanctos patres. At-  
que hæc quidem in adolescentia, ac deinceps  
etiam incredibilem in me excitarunt amorem  
Academice utriusque. Nec tamen sperare au-  
sus fuisset fore unquam, ut ulterius obstrin-  
geret Britannie vestre quàm propter ea, qui-  
bus obligassetis vobis universum orbem Chri-  
stianum. Sed longè benignius agere mecum  
voluit supremi numinis favor. Nec enim  
mihi cornea ita fibra est, ut non sentiam,

tiam, quantum honoris inde accesserit mihi:  
quod non indignus visis sim, qui auspiciis  
ac liberalitate Illustrissimi Baronis Broock in  
Academia vestra inter præclaros Ingeniorum  
humani operam & ipse meam docendo pub-  
lice impenderem. Deum immortalē! qui  
paulo ante proficebam tantopere studia mea  
debere multis Britannie magistris, scriptori-  
bus florentissimis, quantum emolumenti ca-  
pere potuissem, si provocationi tante hæc ser-  
mone eorum credere licuisset eum tot summis  
Britannie, ac vestre imprimis Academiae  
viris. Quod si gloria etiam in censum venit,  
sanè cum multi homines clarissimi locis ob-  
scuris conciliarint egregii nominis decus: ego  
contra qui mihi videbar tantum unus *W. Vi-  
puz*, longè celeberrimæ Academiae ve-  
stre alis in sublime evectus claritatem ipse no-  
minis acceperim. Neque eam sollicitudinem  
minus attendi antehac. Sed multa quæ re-  
petere nunc nihil attinet fecere, ut præclari  
adeo muneris gratiam pene facerem ingratis.  
Nec eò minus me benevolentie atque amoris  
Britannie vestre cenſeo obstrictum. Imò  
nihilò secius quod præterea debeo tantum  
esse arbitror, ut si satisfacere maximè velim  
nunquam tamen possim. Quapropter & hoc  
de Historicis Latinis opus meum, imò jam  
vestrum, velut *W. Vi-  
puz* creditoribus offero:  
unde sciat posteritas, saltem gratæ mentis  
conatum mihi nequaquam defuisse. Argu-  
mentum quidem, quod tracto, nulli scio  
ingratum erit, nisi is forte, qui literas nun-  
quam didicere: quales sufficere etiam pu-  
tant, si eas aspernentur. At Britannice gen-  
tis longè aliud semper iudicium fuit: quæ  
præ terris aliis, cum literis sacris inter alia,  
omnis ævi, Ecclesieque imprimis historiam  
invidenda felicitate conjunxit. Atque eò lu-  
bentius hoc quicquid est laboris suscepi, quia  
nobis muniet viam ad reſcenda ea quæ  
ex scriptoribus opere nostro memoratis, cum  
ab aliis Religionis nostræ adversariis, tum  
imprimis à celeberrimo Annalium Ecclesiasti-  
corum conditore adseruntur; quemadmo-  
dum planius fiet, ubi, (ut decrevimus)  
scriptorem eum candide ad veritatis obrul-  
sam expendemus. Quam ad rem utinam  
Deus & vitam nobis & otium concedat.  
Quare non tam illud verendum est mihi, ne  
materies, de qua ago, vilior obscuriorque  
videatur: quàm ne nobili adeo argumento  
fuerim impar, sive iccirco quia ingenii mihi  
vel doctrine non esset satis: sive quia oc-  
cupationum esset pluriquam satis. Quorum  
utrumque de me fatebor haut invitus. Vo-  
rum quemadmodum in liberis, quos vel na-  
tura, vel adoptio fecerit nostros, non dotes  
modo amamus, quas possident in præſentia:  
sed



sed etiam quas egregia indoles in posterum promittit; similiter fortis hic, qui natura quidem est meus, adoptione autem semper erit gentis vestrae, non solum, spero, gratus erit, ob bona aliqua, quae novellus etiam continere videbitur, sed propterea quoque, quia, modò Deus mihi diuturniorem vitam concesserit, ab annis & labore nostro paulatim sumet incrementa.

*Excimie Vicecancellarie, ac univ[er]se Senat[us] almae ac florentissime Cantabrigien[si]s Academi[ae],*

Diu feliciter vivite, & æqui bonique consilite, quicquid hoc est, opellæ nostræ.

*Lugd. Bat. An.  
c[irca] loc[um] xxviii.  
vii. Id. Sextil.*

*Univ[er]se Academi[ae] Cantabrigien[si]s hactenus obstinissimus, & in nexu adhuc permanens,*

G. J. Vossius.

#### LXXXVII.

*Amplissimo Viro Adriano Blyemburgio,  
Gerardus Vossius, S. P.*

**S**CIS mihi bis de die differendum esse in Lycæo; Et cum illic taceo domi loquor, calamo, & manu. Nam quotidie urgeor, ut Vindemicolas meas colligere pergam. Itaque paulisper apud te filii; sed ea spe, ut pluribus alias confabularer tecum. Nunc ne longâ quidem Epistolâ, opus esse video, si, ut spero, hebdomade proximâ, excurrere ad vos licebit, nuptiarum ergo. Quod si fiet, occasionem inveniam uberius tecum colloquendi; scrupulum tamen injicit, quod hesternâ die catarrho corpori laborare, qui in finistrum pedem incidit, sed seu citius, seu serius veniendi ad vos potestas fuerit; in antecessum hæc tribus ad te verbis scribenda existimavi. Non quia non omnia coram melius possim; sed quoniam turpe putarem prodire in conspectum tuum, latæ admodum culpæ reum, ut qui binas à te literas acceperim, neutris responderim. Imo nec pro munere gratias egerim. Ac longè quidem gratissimum est, quod veteris contubernii, & institutionis memorem te scribas, sed, Præclare Vir, utrumque etiam, te tacente, apud me, satis sciebam: Usque adeo multa, & dicere, & facere, apud amicos soles, quæ Vossii tui amorem testentur singularem. Nunc quasi hæc satis non essent, bellum mittis calicem, indicem profusissime voluntatis tuæ.

Ego vero, satis scio minimè istac testificatione fuisse opus. Nam quod de versiculis nostris dicas; Authori eorum crede: Ipse eos tanti esse negat. Sed amor tuus iis pretium addit: Et postquam id fecerit, pretioso eos dono remuneratur. Tanto magis Tibi obstringor; amoremque hunc tuum scribendo quasi scintillis quibusdam fovendum mihi putavi. Ubi enim amoris tui ignem quotidie se clarius exerere video; nefas sit non acrius etiam amare: Amorque hic noster, in cordis nostri foco vivet, dum vivam ipse. Si cineribus fortassis tegi poterit, dum animus aliis distentus, à scribendo paulisper abstinet; extingui tamen non poterit. Imo hoc quoque nobis curæ erit, ut ne eum cineres tegant; sed flammâ suâ semper se prodar. Quod optimè, ni fallor, crebro literarum commercio consequar. Vale, Amplissime Vir, & plurimum salve cum lectissimâ Coniuge, & à me, & à mea, tua Cognata.

*Lugd. Bat. c[irca] loc[um] xxviii.  
xii. Kal. Jul.*

#### LXXXVIII.

*Gulielmo, Episcopo Londinensi.*

*Reverendissime in Christo Pater, ac Domine,*

**Q**UOD proverbio dici solet ἀγαθὸν ἀγασθῆναι, id mihi fuere literæ tuæ. Primum illud incredibile mihi gaudium attulit, quod valerudini etiam nondum prout optarem, haut paulò tamen melius sit, & deinceps optima liceat sperare. Deinde etiam maximâ me lætitiâ perfudere tot bona, quæ de me & meis intelligo. Sane cum Poeta dicere solebam, Dulces esse ante omnia Musas. Non tamen antea erant mel merum: sed absinthio temperatum, præsertim ob temporum infelicitatem. Sed postquam placere corpori inclyto Britannicæ regno: etiam absinthii amaror edulcari coepit. Qui nunc penitus recessit, ex quo respicere me dignati sunt Serenissimus Rex vester, & Illustrissimus Buckinghamiæ Dux. At cui tantum debeo? O Pater, ô Domine,

*Tu mihi quodcumq[ue] hoc sortis, tu sceptrâ ducentq[ue]  
Concilias*

Eoque mihi dulcius est tantopere debere Reverendissimæ dignitati tuæ, quod cum subductâ ratione nihil videam cur me vel tralatitiè amares: tamen affectu me prosequare paterno, vir is, quem ipse rex serenissimus nunc præfulem esse Londinensem voluit, quo,

si aulæ regię deinceps propior fores, prudentissimis consiliis tuis in maximis ac difficillimis negotiis facilis & felix uteretur. Quid me beatius, quam qui tanto præfui potuerim placere? Itaque memor Pliniani illius, vitam esse vigiliam, longè etiam alacrius studiis nunc invigilabo, non tam inanis gloriæ, quam boni publici amore. Inque hoc gloriæ dispectu nihilominus fore prævideo, ut quantæ nunc voluptati est vivere, dum possum studiis prodesse, tantæ aliquando gloriæ sit, prodesse etiam postquam vixero. Nihil præterea æquè mihi cordi futurum, quàm ut erga eos, qui tam præclare de me merentur, pro modulo meo gratum possim animum exhibere. Ante cæteros autem tum Reverendissimo nomini tuo, tum etiam Illustrissimo Vicecomiti Dorcestriensi, cuius ego erga me affectum, & persensu hic curam, & abundè iterum; imò liquidius ex literis tuis ad nobilissimum & mei amantissimum Dudleium Carletonum intellexi. Nunc igitur nihil superest aliud, quàm partim ut noctes diesque gratus esse laborem: partim etiam, ut filium bonis meis monitis onustum dimittam, quo unà cum felici Magnæ Britanniæ vestræ aere hauriat succum illum bonæ mentis, quo altus & enutritus, pertingat aliquando ad illa.

*Edita doctrinæ sapientum templa serena.*

Honestè satis annum totum in Collegio, cum sumptibus propriis alere grave non ducam: quippe qui liberum causâ omnia & velim & debeam. Quin, si opus omnino erit, ulterius etiam facere paratus sum. Quamquam, quanto celerius, imminui saltem coeperint impensæ, tanto magis consultum ibitur familiæ meæ sat numerosæ. Ergo ut orsus eram dicere, mittam filium, idque, si Deus volet, intra hebdomadas tres. Ac simul tum de aliis, ac inter cæteros de Theobus Oxonii reculis perscribam. Quod præproperus nautarum discessus, vocante vento, nunc minime permittit.

Reverendissime Pater, ac Domine, Deus te magis magisque salutaribus Spiritus sui donis augeat, ac locupletet: diutissimeque te & Ecclesiæ suæ, & etiam mihi meisque incolumentem conservet.

Lugd. Batav.  
clō lxxviii.  
iv. Kal. Sept.

*Reverendissime dignitati, ac dominationi tue, eternam devotissimus, totique Britannicæ Magnæ Regno,*

G. J. Vossius.

LXXXIX.

Gerardus Vossius Hugoni Grotio  
S. P.

**A**mplissime Vir, redeo tandem ad scribendi officium, nimis enim turpe fuerit, si tam bellam scribendi occasionem negligam penitus, Lamerio ad vos eunte. Et tamen, quod difficulter persuadebo, cum minime scribo, maxime amo. Nempe occupationes quidem, quo minus scribam, morantur: at interim animus te cogitat, & incrementum amoris est ex dolore, quod officium facere non possim. Quod etsi verè dicam, nihilominus aut valde fallor, aut hoc argumentum non erit tibi tanti, ut, quo sic amor meus sumat incrementum, propterea rariis etiam, quàm facio, mihi scribendum putes. Quare hoc excusationis genere non utar: sed potius, quod te malle scio, paulum tecum confabulabor. Maxime mihi voluptati est, quod uti partim ex literis ad me, partim ex fratre tuo intelligo, non cesses de studiis benè mereri: sed aut vetera tua des meliora, aut omnino proferas nova. Lætor autem tum publici causâ, cui per te melius est; tum tui, quia volo, ut indies cultus nominis tui gliscat; tum etiam mei, quia non cochleæ libentius rore celesti, quàm ego succo scriptorum tuorum pascor. Multum etiam gaudeo, quod benignè adeo sentias de laboribus meis. Quod dum facis, verè dico, hoc inter alia boni facis, quod non mediocriter erigis me, quem unus & alter depressum lubentes eant. Atque eo magis erigis, quod aliorum etiam iudicium recenses. Non quasi opus sit, ut ex consensu alieno, auctoritatis quicquam sententiæ accedat tuæ; verum quia mihi persuadeo, eo minus aliquid gratiæ datum esse, quia idem propè sentiant & alii apud vos. Quamquam nec multum habeo quod conquerar, de literatis apud nos hominibus, si unum alterumque excepero, quos etiam elogio non aspernando ornavi. Nempe ex spiculis eorum, ac unius imprimis, neutrius nostrum amantis, satis video, mihi subinde colluctandum fore cum hominibus fide sublesta, & falsis falsimoniis, nec Batavis patria, nec moribus. Benè interim, quod minus possint, quam quibuscum superiori hebdomade negotium mihi tandem esse desiit. De quo, ut gaudeo, (scis enim quàm difficulter sacro ordini fatisciat) ita nonnihil animum mordet, quod non possim me, meaque probare illi, quem antea dicebam. Scio enim non mereri me livorem. Quare multum

R



tum metuo, ne hæc fugillatio nostri nominis profiscatur, non tam ab aliena invidia, quam culpa mea, sua vitia nescientis, atque interea per imprudentiam offendentis alios, exigua sermonis libertate, dum non satis didici parasitari iis, qui nihil nisi immodicas laudes sui audire sustinent. Sed quid mihi cum talibus? Probenz improbenz bene faciendi voluntatem, liveant vel plorent, nihil curæ Hippoclidæ. Nam utcumque verear, ne qua hic culpa sit mea, tamen cum attentius mecum, malignitatem eorum cogito, non possum non contemnere censores istos, penè ut cum Cornico dicam, censione bubula dignos. Ego illis relictis, me severioribus Muis delectabo domi: atque ita vitæ innocentia & silentio me ulciscar probè. Atque eo id faciam impensius, quod non desint amantes mei in terra Britannia, quique serio cogitent de ratione ac modo, quo in his etiam terris, mihi & meis melius esse possit. Jam super eo literas accepi, à Reverendissimo Domino, ante quidem Bathoniensi, & Wellensi, nunc verd Londinensi Episcopo. Simulatarque res effectum suum penitus sortita erit, faciam te de te tota certior, ut una gaudeamus. Scio enim quam tibi curæ sim. Prodiit ante menses paucos, nova Partitionum mearum editio; quæ jam publicæ autoritate, in Britannia scholis præleguntur. Authores erant amici, ut, quo mihi consulerem, & familie mee, illustribus Ordinibus eas dicarem, qui quodammodo id opus fecissent suum, dum in terris suis prælegi pueritæ mandant. Sed quia jam olim dicasset Maurerio, non placuit prætextu alicuius emendationis, aut augmenti repetere id, quod donasset semel. Etenim fortasse jam omnis veteris facti gratia periisse apud eum videatur. Nam saltem liberi, & qui studiis eorum præest, cui ego tam bene feci, salutatiuncula aliqua debeant dignari, siue dum egere in Italia, unde à tot honoratissimis viris crebro ad eod literas accipio: siue postquam reduces in patriam facti: Etiam nunc recudi incipiunt Oratorie Institutiones, longè & correctiores, & auctiores iis, quæ ante tot annos Dordrecht prodierant. Spero fore, ut similiter aliquando limatiores, melioresque lucem videant commentarii nostri de Historicis cum Græcis, tum Latinis. Quam ad rem non mediocriter mihi prodesset, si Catalogus exstaret, Bibliothecæ Medicæ, vel alterius apud vos. Sed magis tamen adjutum eas, si monere non desugas, quæ operibus nostris addi, demi, vel etiam immutari in iis oporteat: cuiusmodi quin longè plurima sint, dubitare mihi nefas, cum jam non pauca id genus ipse observarim. Vale, vive, incomparabilis vir, atque amice;

cumque uxore præstantissima, & liberis, salve à me, uxore, & liberis meis.

*Legd. Batav.  
elo loc xxviii.  
v. Kal. Sept.*

*Tuus totus*

G. J. Vossius.

Salutem Rigaltio, Tileno; Salmasio enim scripsi. Iussi ut Lamerius filio istic tuo Partitionum exemplar compactum tradat. Posces, si negligat. *Eppov.*

### XC.

Gerardus Vossius Hugoni Grotio,  
S. P. D.

**M**agnifice Amplissimeque Domine: Quamquam, ut apud Varronem est, bonus est honos qui sustinet Remp. tamen te novo hoc, seu onere honoratum, seu honore oneratum, multis profecto nominibus est quod gaudeam. Nam verum si dicere licet, quamquam tu externos honores non magni æstimas; tamen nefas fuerit, in hac præstantium virorum inopia, inclytum virtutis tuæ splendorem in patrio solo intra unius honestissimum licet, syndici titulum constringi. Et lectissima uxor tua, animæ dimidium tuæ, habet tota quod mente petivit; domicilium nacta in medio consanguineorum, & familiarium, quod illi melius, quam omnis Batavia & Zelandia capparis lienem deducet. Nec minus consilio auxilioque hic poteris prodesse tuis, quos inter me etiam repono, cum maxima mihi abs te ornamenta profiscantur, nec patiaris ullum mihi in te commodum claudere. Denique quod palmarium credi debet, talem senatorem hæc Reip. tempora postulant. Te quidem destina ei destinato, frustra omnes fore auguror, qui eam labefactare consiliis suis conantur: atque ne vanus inquam competar, Deum Opt. Max. votis supplicibus oro. Libello Lucii (penè Lucidi dixeram, prope ad eod ut nominibus, in doctrina conveniunt) horas sex septem impendi. Quid dicam? Doleo populari meo (uterque enim Palatini sumus) non plus inesse satis. Non de publico tantum, sed ipso etiam benè mereatur, qui tam insulsum sale candido defricare volet, ne putifcat totus. Verissimè Lingesthemius ad te quos ille reos agit Semi-pelagianismi justius arguere ipsum posse sesqui-afinismi. Sed tamen cogitato opus, num si pedem

si pedem cum eo struere lubeat, cominus semper congregiendum, ejusque vestigiis insistendum semper putes: quod si fiat, necesse habemus respondere ad quinque illa Hagana collationis capita, & ea quibus adversum te pugnat S. Scripturæ loca. An verò satis putes, si quæ Pelagii, Semi-pelagianorum, Catholicorum communiter, Augustini singulariter, & Prædestinationum fuerit sententia distinctè proponam, & non uno tibicine solidè ex vetustate fulciam: simul sicubi opus, argumentis alienis occurrat. Quidquid præscripseris, parebitur. Nam seu hanc seu alteram insistere viam lubeat, facile mihi victoriam hinc spondeam: nec meum est ferre, Palatinum produxisse, qui nomen cum tum tum Illustrissimorum ordinum decolorare cogitet, nec produxisse, cui illud curæ sit vindicare. Quocirca simulac præfuerit disputationi de creatione, quam his diebus scripsi (exemplar thesium ad te mitto) bonis avibus ordiatur recoquere historiam de Semi-pelagianismo, & vicinis contrariisque erroribus. Futurum hoc intra triduum spero. Hoc magis autem cogitandum erit, ut aliquid novi adferam post Corvinum, quando ille meliorem laborum nostrorum partem nobis non invitis in Antibogermanno suo excrispsit. Nam præter ea quæ Dordrecht illi per te miseram, Lugduni hic utendum dedi, quidquid testimoniorum ex antiquitate de singulis Hagensibus controversiis, non sine labore longo congefferam. Quod cum sciret ipse, ante semestre & amplius in familiari sermone subvereri se dixit, ne dum magnam laboris nostri partem in suas cameras conveyit, non tantum honoris qualemcumque fructum interceperit nobis, qui tanti non est mihi, sed etiam reliquum quod fecit, depreciauerit planè, cum eadem à me reponi minime sit ex honore utriusque nostri. Ego securum esse iussi, quandoquidem restarent alia multa, quibus locum eorum quæ excrispsisset, supplere abundè possem. Quod verissimum est, sola temporis angustia premoet, quo minus ea curâ hæc tractare possim, quâ optem. Augustini adversus Julianum Libros hæcenus ineditos jam mensis circiter est quod vidi, sed otium legendi non fuit. Aliquam multa tamen folia delibavi, nec dubito, quin genuinus sit fortis. Statim igitur codicem tuum remittere debuisses dicēs. Ego verò cum tam multas præclaras emendationes ad oram Codicis tui adscriptas viderem, gaudio prope exsilui, nec committendum putavi, ut me fraudarem ejus libri usu, priusquam omnia ad Codicem meum adscripsissem. Quod bona me cum venia tua facere spero. Ne tamen diutius quam par est, te libro tuo de-

fraudem, promitto non plus quam bidui hanc moram fore. In illis ad Augustinum notis Menardi, solam culpam breviter. Tamen spero nunc aliquam quoque utilitatem nobis adferre posse. At quæ de Pelagio, & Semi-pelagianis narrat, jam ante observata nobis. Nec quantum meminisse possum, aliud quam Baronianam Epitomen contineri. Quod cum nec ipse dissimulet, candorem sane laudamus. Mercurius cum secundo ad me scriberes, Haga fuit, ac reversus demum die Mercurii circa vespertum. Die Jovis mittere Balsamonem neglexit, fecit id die Veneris. Quem quin eo ipso die, quo tertio scripsisti ad me, hoc est, die Sabbathi acceperis, nullus dubito. Mirari satis non possum quod nihil ab Utenbogartio responsi accipio. Nam nisi memoria fallor, jam sextus est dies quod ad eum scripsi. Rogaram autem ut quamprimum Epistolarem dissertatiunculam meam remitteret: si tanti putaret, curaturum me, ut intra paucos dies reciperet. In mentem venit fortasse rectà ad te mittere mallo. Nisi forte aut domo jam abest, aut aliquem describendi cura interim fatigat. Herpenius super quæstionibus à te consultus, indiculum earum Amstelodamum præmisit, ad præceptorem suum Judeorum quotquot hodie vivunt eruditissimum. Ac se diem unum alterum hic substitutum dixit, simulque de iis cogitaturum: inde cum sua etiam causa Amstelodamum ire cogatur, rectà eo profecturum, ut cum Magistro suo de iis conferre possit. Velim apographa illa duo, in quibus tam foedum hiatus esse significas, simulac poteris remittas. Curabo ut quam ocyssimè, quicquid omissem esse suppleatur. Simul ut alia quæ voles vel adjiciantur, vel corrigantur. Episcopo ante dies paucos adfui. Dixit se, magna cum voluptate diatribam tuam ~~et de Augustinis~~ legisse: & judicare, nihil ingeniosius, eruditius, solidius, ea in controversia à quoquam scriptum esse. Cum idem mihi videri dixissem, sed tamen hominem neminem esse, qui non aliquid interdum humanitus patiat, eoque impensè rogare me, ut sicubi desideraret quicquam, libere apud te sententiam suam exponere vellet: ille in priori iudicio persistit, nec habere dixit quod requirat; nisi fortè, inquietabat, quod passionem Christi consideres ut poenam propriè dictam: Nam dispiciendum esse, an non satius multo sit, cum scripturis vocare Sacrificium, idque imperatum à Patre, & voluntarie à Christo susceptum. Nempe ut dicatur, Deum, quo foeditatem peccati & sui erga nos amoris magnitudinem demonstraret, decentius omnium judicasse, neutriquam peccata remittere, nisi interveniente



carissimi filii sui sacrificio, quod tante *duellus* fuerit apud Deum, ut ejus causa omnibus in filium credentibus peccata remittere velit. Memini etiam ante trimestre & amplius, Samuellem Naranum, Ecclesiastem Amersfurtensem, hanc ipsam sententiam apud me defendisse, tanquam quæ magis fugiamus incommoda, quæ Socinus objectat, & quæ tamen minime infringat *amantissimæ* veritatem, vel dignitatem. Petii ab Episcopo, ut de hoc ipso, & si qua alia essent, per literas sententiam suam communicare tecum vellet. Respondit, minime satis gravaturum se hoc facere, cum omnia tua causa velit & debeat; sed non usque adeo magnam sibi familiaritatem, vel noticiam tecum intercedere, eoque malle ut ipse judicium suum perferberem: præterea, si quid talium literis committat, minime satis videri ut sententiam suam quasi de tabella pronunciet, verum enimverò rationibus solidis eam firmandam fore: quod quominus facere nunc possit, obstare occupationes, quibus *distine* retur. De solitudine tua pro affine *genio*, & illi gratulor, & mihi gaudeo, & tibi gratias maximas utriusque nostri nomine ago. Sanè consilium impensè placet. Quare & cum ipso, & cum Diamantio quamprimum rem omnem communicare decretum: Mox, quid cum mihi tum ipsis videatur, te faciam certiorum. De Walachiano scripto est, quod scire tua intersit. Vix octiduum erat, quod apographum nacti eramus, jam subluerat Zelandis. Scire te arbitror, Utenboghartium describi curasse, exemplar hoc suum ad Episcopium misisse, hinc & Corvinum & Barleum, illum ut brevibus ad oram notis castigaret, hunc ut oratione sua refelleret: sed & per aliorum manus volitavit: nihil igitur mirum, si ad plures, atque ipsos etiam Contra-Remonstrantes res emanant, præsertim Barleto, & ex hoc Osconomo nostro, rei totius gnaris: de quibus hoc amicissimorum ipsis judicium est, nihil vel sub silentii fide committi illis debere, nisi quod utile existimemus omnibus innotescere, vel saltem non damnosum. Cæteram vix Walachiani literas ex Hollandia acceperant, quibus de apographo, quod hic jam haberemus, facti erant certiores: statim ad se Amanuensem unus cæterorum nomine vocavit. Miser Amanuensis, inter sacrum & saxum hærens, & magis de fortuna sua (quam à Zelandis Ecclesiastis, Burso imprimis, pendere videbat) quam de gloria Dei sollicitus, negavit se cum illo exemplar quopiam communicasse; atque hoc eo fidentius faciebat, quod persuadere sibi non posset, adfinem meum secum exemplar suum in Hollandiam por-

tasse, & hoc ut fecisset, Remonstrantibus fuisse communicatum. Perstabat Bursius apud eum ut verum diceret: Sed ille item in mendacio perstabat: Unum tantummodo hoc fateri voluit, adfuisse sibi adfinem exemplaria describenti, & legendo partem bonam percurrisse. Quod simulac audiit Bursius, ille impensè adventum adfinis ex Hollandia desiderare: vix cognorat rediisse, querit an cuiquam in Batavia de classis Walachianæ consilio aperuisset quicquam. Bene secum affinis agi putavit, quod non aliud rogaretur: confessus est, & putare dixit, nihil in eo peccatum esse. Bursius verò dicere, graviter peccasse, multumque in Remonstrantes debacchari, & culpæ adfinem, quod tam bonum classis consilium sua lingua disturbasset. Porro arbitratu adfinis, quantum ex Burzii sermone colligere posuit, dubitare nunc Ecclesiastas Walachianos, utrum ex re sit, judicia exterorum à se exquisi, posteaquam ad Remonstrantium hoc aures pervenit: facile enim alios ad se metientes, cogitare possunt, minime eos hic cessaturos. Omnino utile sit certò constare, quid consilii coeperint Walachiani. Nam Barleana Gratio, & Corvini breves castigationes jam confectæ sunt, vel adfectæ. Et si ad externos mitti debeant, jam prelo tradi tempus sit. Locutus hac de re sum cum Episcopo: ille recepit se acturum de eo cum Utenboghartio. Hactenus in scribendo perveneram, cum ecce adest Episcopus; narrat ut Hagam post horas aliquot sit iturus: venisse ad me ut diatribam tuam restitueret. Iterum in priorem sermonem incidimus: paulòque nunc fufus de satisfactione differtabat. Hoc unum inter nos & Socinum in controversia relinqui putabat, nimirum Christus patiendò solùm apud homines aliquid egerit, an item apud Deum: posterius negare Socinum, sed mirè & misè scripturas torquere, atque id solidè à te demonstrari. Verum porro queri, quid illud sit quod apud Deum egerit. Vulgarem esse opinionem, poenas, quæ nobis debebantur, pertulisse. Unde & eo sit devenum, ut desperasse, & tartareos sensisse cruciatus putaretur: quæ sententia ut impia, rectè refellitur à Loensi Anglo in sua Sabbathi effigiatione. Verùm ut non eousque cum vulgo procedamus, si tamen Christum pro nobis poenas subiisse dicamus, ne hoc ipsum quidem satis convenire cum eo, quod peccata nobis remitterentur. Nec enim gratuitam esse remissionem, si alius solvat. Dicere quidem te, hoc ipsum gratiæ esse ingentis, quod peccata nostra imposuerit filio: sed tamen non satis hoc esse, vel saltem non videri satis, ut sit vera & propriè dicta remissio.

Quare

Quare nec videri satisfactionem esse illiusmodi, qualem vulgo opinentur: sed quemdammodum in Vet. Test. sacrificio oblato peccata remittebantur nemine penas subeunte: sic in Nov. Test. remitti peccata interveniente Sacrificio Christi; quæ melior victima ita accepta fuerit Deo, ut propter eam peccatis cunctis ignoscat. Quocirca in eo proprie Socini errorem consistere, quod negarit Sacrificium Christi esse propriè propitiatorium; quod multis Scripturæ locis adversus eum rectè à te demonstretur: Seque aliis qui in Socini sententiam proniores videbantur, subinde idem dixisse & demonstrasse. Dicebat præterea, duo tria esse, in quibus nesciret, an tuam sententiam sis probaturus Theologorum vulgo. Unum est pag. iv. ubi de materia satisfactionis tractans, eam esse dicis, tum cruciatus mortem antecedentes, tum præcipuè mortem ipsam. Adscribere quidem ad oram, non solum corporales à te cruciatus intelligi, sed vel imprimis illas animæ perpeffiones, quas voce *passio*, & similibus significet scriptura. Verùm nihil dicere te, quo cognoscamus alios te animæ dolores intelligere, quàm è corporis cruciatibus provenientes. Alterum est pag. 16. ubi qualitatè primitus creati ac deinde resuscitati corporis inter se ab Apostolo conferri vis, quorum illud habuerit cum naturali moriendi possibilitate, conjunctam ex divino beneficio vivendi quoque possibilitatem; hoc verò vitam ita in se habiturum sit, ut *nullo vi* *aditu moriendi possibilitas*. Eandem dicebat Socini esse sententiam, ut qui corpora nos etiam *spiritualia* habituros putaret. Ceterum juniores omnes, atque suo judicio veteres item ad unum omnes moriendi possibilitatem concedere, solum actualem mortem negare. Tertium est pag. 51. ubi ais, posteris Davidis peccata esse remissa, non tantum ob promissiones Davidi factas, verum etiam quia Davidis actiones Deo placuerant. Hoc quoque insolens visum iri putabat. Nihil tamen horum non probari sibi dicebat: imprimis tertium isthoc. Nempe quæcumque illuc dicis, ut ostendas solere etiam sæpe actionem gratam adhiberi velut in pœne compensationem, hoc ipsum pro ea sententia facere dicebat, qua Christus placasse Patrem creditur, non poenarum pro nobis persolutione, sed oblatione victimæ summæ *Christi*. Denique monstrabat manifestum animi minus presentis *opulus*, pag. 54. ubi ais, dicere Socinum, nusquam scriptum esse Deum nobis, sed semper nos Deo conciliatos esse. Mox subjicis verum non esse, quod dicat nusquam esse scriptum nos Deo esse reconciliatos. Assers deinde locum, Eph. XI. 16. ubi Apostolus

ait, hominem *in* *Christo* *reconciliatum*. Atqui receperas, te probaturum Deum nobis reconciliatum: nunc te adversus Socinum probare ais, nos Deo reconciliatos (neque aliud evincunt verba Apostoli) quasi non hoc ipsum sit, quod agnoscit Socinus. Alia quonum mone-  
ret, non erant. Tamen abintum parans, verbo indicabat, putare etiam alia à se adferri potuisse, nisi tantoperè negotiis fuisset districhus, ut Læctioni lectissimi libri tui, non eam potuerit curam impendere, quam optebat. Hoc vix eo fine ab illo dictum arbitrer, ut ad te perscriberem. Tamen nihil te celandum putavi. Atque eo fidentius id addidi, quia scire te scio, nihil vel à te, vel mortalium quoquam tam benè scribi posse, ut non alicubi sit, quod melius dici possit. Sic nempe cum humana infirmitate comparatum est. Sed hoc ab editione detertere non debet. Si enim nihil scribi debet, quod non undique perfectionis contigerit metam, nihil profectò scribi debet. Et peccarunt omnes Catholici Doctores, quonum tot aurea monumenta ad nos pervenerunt. Nosque Hæretici in hac vita notios errores spargentibus, sic studia scilicet nostra componemus, quasi post hanc vitam cum iis disputare cogitemus. Quocirca te, Amplissime vir, rogo, ut nontiquam iccirco tua pœnere diutius velis; sed brevi nobis aut Corvino diatribam hanc tuam remittas, quò lucem quamprimum adspicere possit. In Junio negotio voto nostro Delegati D. D. Ordinum assument. Maximas tibi meo, & adfœnis nomine gratias ago pro commendatione apud Nobil. Banneveltium. Vale vir omnibus annuum clogis major, præsidium deculque nostrum. ix Jan. cl. lxxvii. quem annum vicissim tibi, con-  
jugi, liberis, totique Grotianæ familie famulum & felicem ex animo opto.

Emendationes meas  
jam exscripsi. Itaq;  
Augustinum tuum  
una mitto, & pro  
tusu gratias ago.

Tuus totus,

G. J. Vossius.

# XCI.

Samueli Wardo.

Clarissime Vir, propemodum pudore suffundor, quòd tardè aded respondeam. Sed tamen respondeo. Tempè enim putabam, si filio Joanne studium causi ad vos cante, bellam aded scribendi occasionem prætermitterem, præsertim luculentè aded à te dono remuneratus. Cujus ego jam ho-  
nam



nam partem legi, non fructu minori, quam voluptate. Quamobrem munere hoc multum me tibi obstrinxisti: nec tu modo, sed etiam Reverendissimus Episcopus Sarisburiensis, tam præclari operis auctor; quem etsi antea facerem maximi, non parum tamen nunc ad admirationem viri accessit. Quod verò & mea ac frivola tam grata tibi sint, plurimum gaudeo. Eaque res stimulos mihi subdit, ut quod in cæteris meis scriptis facio, nec facere cessabo, dum vivam idem agam in commentariis meis de Historicis Græcis, Latinis: hoc est serio ut cogitem, de iis, quæ indicta mihi, addendis, & si qua perperam dicta, corrigendis, & quæ bene dicta, firmandis magis. Domitius Piso dicebat, Thesaurus esse scribendos, non Libros. Libros dedi, non Thesaurum, sed siquid in me ingenii, & eruditionis, quæ scio quam sint exigua, sed tamen quantalacunque sint, operam dabo jugi curâ, & meditatione, ut aliquando libri isti, non dico magnis viris, at tamen mei similibus, hominibus non omnino indoctis, thesauris penè aliquis, in tali quidem argumento, esse videantur. In hoc omnino desinere: nisi unum istoc superesset, ut filium meum tibi commendem. Longè aberit à parentibus. Sed spero, quemadmodum mei Reverentissimus semper fuit, ita etiam operam daturum, ne mihi dolori sit absenti. Ad pietatem, modestiam, industriam, quod coram facere soleo, literis eum adhortari non desinam. Atque ut, cum occasio erit, idem facias apud præsentem, etiam atque etiam rogo. Ego tibi vicissim omnia amici hominis officia promitto spondeoque.

Lugd. Bat. els  
16c xxviii. ix.  
Kal. Octob.

Tuus ex animo,

G. J. Vossius.

XCH.

Richardo Stuardo S. Theol. Doctori,  
Capellano Regio S. P.

Noli querere, Præstantissime Stuarde, quam mihi jucunda fuerint literæ Reverendissimi Domini mei, Episcopi Londinensis: ex quibus luce clarius perspexi, quantopere ei curæ sum, ut per quem tantum mihi honoris obtigerit ab Scenissimo Rege, & Illustrissimo Buckinghamia Duce, ut, simulac locus vacaret, Cantuariensis futurus Canonicus sim, quo nomine ita gaudeo, ut prope mihi digito coelum videar contin-

gere. Tanto me beneficio obstrictum tenet, tum Reverendissimus Dominus meus, tum Illustrissimus Vicecomes Dorcestrensis, quorum uterque & magno Regi, & inclito Duci fuit quasi *pater* *id est*. Atque idem Reverendissimus Dominus, ut filium quamprimum ad vos mittam, auctor est: seque ei patris loco fore pollicetur. Ex quo ipso tuam etiam benevolentiam non obscure intelligo. Video equidem te esse, qualem hinc abiens promissisti. De me quoque ita habe, fore me eum, quem recepi, nec unquam futurum, ut fallam opinionem tuam. Et sanè, si maxime vellem, hæc ætate vix alius esse erga præstantes & bene meritos possim, quam debeo. Quippe cui jam in naturam verterit consuetudo colendi & observandi tales, tanquam reliquias quasdam aurei generis. Cum verò tanta inter nos animorum conjunctio sit, vix necesse habeam tibi commendare filium meum. Quippe mei officii esse scio non cessare, nisi re perfectâ. Atque etiam ubi jam honestus in Collegio Cantabrigienfi locus erit tributus, non semel fortasse consilio tuo egebit, sed de isto tum viderimus. Nunc, quod instat, agamus. Quæso igitur meâ causâ etiam atque etiam filium commenda Reverendissimo Mæcanati, Domino Londinensi Episcopo. Non melius me devincire tibi atque obstringere possis, quam in tam charo pignore. *Id est* non addo, quia non intelligo. Sed singula curæ ac fidei tuæ committo. In quâ ob excellentem humanitatem tuam tantum fiduciæ pono, ut videar tibi injurius fore, si nimis eum anxie ac sollicitè commendem. Et tamen, quod sponte etiam te facturum scio, id peto, quam maxime possum, ut amare eum velis, Joannem potissimum misi, natu omnium maximum. Minoribus ob lubricum ætatis magis metui, præsertim tam longè remotis ab oculis parentum. Hic jam usu, ni fallor, modum norit vitæ suæ. Aliquid etiam est, quod hic vegetâ magis ac firmâ est valetudine, quam Franciscus, qui proximum ab eo locum tenet. Octennium jam est, quod in Academia versatur. Sed initio (ut familiariter tecum loquar) cum imprimis venustati sermonis operam dari oporteret, industria ejus claudicabat. In quo ut aliqua ejus culpa erat, ita & aliqua temporum fuit, quibus apud nos factione omnia arderent: fortasse & aliqua erat culpa nostra, quia importunitate quorundam, ac zelo præpostero vexatus, penè etiam adhiectus, non eam potui præstare liberam curam, quam vellem. Sed illi cum ætate postea etiam judicium & studiorum amor gliscebant: sic tamen ut præcipue rerum momenta sectaretur, itaque & sub Clarissimo Snellio,

Suellio, *in pueris* in Mathesi se non negligeret exercebat. Magnopere etiam rapiebatur amore Scientiæ Naturalis. Cui etiam Botanica, & præcipue Anatomicæ adiecit. Ulterius etiam iis vacaturus, nisi potius Juris utriusque studium quam Medicinam sibi proposuisset. Et jam in Jure Baccalaureus est creatus. Ac bona spes erat, posse intra menses non ita multos Licentiatus consequi honorem merito suo. Sed ubi cognovit de occasione familiæ meæ in Angliâ oblatæ, aliquem eorum filiorum mittendi, qui in Collegio Cantabrigiensi uberiorem capere possit ingenii sui cultum; serio de eo mecum egit, & quanto per se S. Theologiæ amore teneretur, exposuit. Adjecit etiam, ne & postea claudicaret eruditio sua, velle paululum studiorum cursum retro legere, supplendo ea, quæ in Philosophia sibi deesse animadverteret, privatim etiam se bonas literas culturum, & quicquid viam scerneret ad arces solidæ eruditionis. Ingenio valet, nec minus judicio. Solum industriæ opus erit, atque ut studia ex prudentum judicio componat. Quales etiam attendere solent, quo unumquemque ingenii genique ardor trahat. Multi enim præclaros nobis viros dedissent, nisi ea potissimum studia sectati essent, ad quæ minus idonei forent. Tanti est nihil facere invitâ Minervâ. De sumptibus quos honeste faciet filius, præstabo quicquid in me erit. Quin malo paullo majores facere impensas, ut inter eruditiores honestioresque cibum capere, & versari possit, quam ut minori sumtu inter minores proficiat minus. Fore spero, ut in eo, & ætatis, & longi temporis, quo in Academia egit, & honoris quem adeptus, ratio etiam aliqua habeatur. Quicquid filio dabitur, id in me beneficium collatum putabo. Interim quanto celerius sumtum ratio minui coeperit, tanto magis mihi gratulabor. Quid mirum? qui in re sum non nisi mediocri, fortasse etiam infra mediocritatem, præsertim si quis attendat, ut conjugem habeam plurimum valetudinariam, & quam numerosam in studiis prolem alam domi. Animus interim est proluxus, & dummodo liberi non abutantur patris lenitate, pro sorte meâ liberaliter omnia præbebo. De ratione studiorum meorum nihil nunc addam. Volo enim inde mihi novum nascatur literarum argumentum, ubi filium in Angliam salvum venisse cognovero. Nam crebro deinceps literas meas videbis. Juvabit tecum colloqui, à quo me ita amari video. Nempe ex te colligo, ut quisque est amore dignissimus, ita ad alios amandos esse maxime propensum. Eo magis operam dabo, ut præclaram quam de me opinionem concepisti, semper conservem.

Adhuc curabo, ut nos amicitia fuisse junctissimos, non æquales modò, sed etiam posteri intelligant. Vale Clarissime & Doctissime Stewarte, filiumque (facies scio) salutaribus monitis instruas, ne si vel apud Reverendissimum Episcopum, vel in Cantabrigiensi Collegio, vel alibi, in ipso Angliæ ingressu præ imperitiâ peccet; fiat, quod proverbio dici solet, Cantherius in porta: eaq; res non illius modò honori derogat, sed etiam depretiet parentem. *Idem Vossius.*

*Lond. Bat. An.  
cl. Id. xxviii.  
ix Kal. Octob.*

*Tuam meo merito,*

G. J. Vossius.

### XCH.

Francisco Junio, F. F. Londini.  
S. P.

CUM Cantabrigiam ante annos paucos vocarer, si Taurosthenis columbam habuissem, omnino consuluissem, quid facto opus foret. Nunc ob loci intervallum, & quia certò satis procurare literas non possem, coactus sum absque te omnia agere mei unius arbitrio. Venissem facilius, si & uxori valetudo melior fuisset, & Anglicæ linguæ intelligens forem, & ad mores externos mihi visus essem habilis magis ac paratus. Scis enim in omni vita placuisse hactenus mores Batavos, planèque simplices, utpote homini Scholastico, & Musei umbræ assueto convenientiores. Sed quia venire ipse non potui, filium nunc Cantabrigiam mitto, ut in Collegio aliquo, ex D. Episcopi Londinensis sententia, studiis operam navet, virtutèque suâ & ejusce Reverendissimi Domini, aliorumque amicorum favore, fortunam aliquam sibi paret: vel si canina aliqua scæva has intercipiat, saltem postquam, quantum profecerit, non poenitebit, tum pietate, tum doctrinâ, ad suos redeat instructor. Atque eò fidentius mitto, quia tu, carissime Adfinis, in Angliâ vivas, ejus sapientissimo consilio, vel præsentis auxilio, si ita res ferat, juvari adolescens possit. Scio enim te, tam omnia nostri causâ velle, quam parati nos sumus ad præstandum tibi debita officia arctissima conjunctionis nostræ. Quare etsi Reverendissimus Episcopus se patrem ei fore promiserit: etsi Doctor Stewartus, Ecclesiastes Regius, vir mei amantissimus, (quo hic familiariter usus sum, dum menses aliquot cum legato Carletono in Batavia egit) magno me amore complectatur: etsi etiam aliquid fidu-



ciz pono in Doctore Beale, Pembrochianæ Aulæ in Academia Cantabrigiensi, præfecto, qui & ipse nos nostraque alicujus facere solet: tamen desipiam, si affectum cujusquam cum tuo comparandum putem, qui arctissimo sanguinis vinculo liberis meis, per matrem sororem tuam, junctus sis. Eum igitur tibi de optima nota commendo; sic age cum eo, quasi naturâ pater fores. Eum de manu tibi in manum trado. Et coram & per literas illum mone, objurga, juva. Nihil mihi gratius facere possis, præsertim hac ingravescente ætate, quâ interdum de colligendis sarcinulis, & migratione in patriam, aurem mihi mors vellit. Annum unum parentum erit sumtibus alendus. Exinde vel non multo post, socium Collegii fieri posse, sperat Reverendissimus Episcopus. Equidem grave non ducam, hoc quicquid est sumtuum facere, dummodò filius nihil inutiliter profundat, sed memor sit esse me *modeste*, nec opimam parentibus hæreditatem relictam, quin nec me, nec uxorem, anxie unquam de congerendis opibus laborasse: imò mutationem Reipublicæ ante octennium aliquot millibus mihi stetit, & quid singula persequar, quæ tibi ignota non sunt? Et in hac tamen fortuna mea malo aliquanto majores facere impensas, ut inter doctiores & honoratiores vivat filius; quàm ut cibum capiens inter rudes adolescentes erudiat minus. Audio mensam in Collegio non stare amplius quàm ducentis. Et tamen, si aliter est, vel trecentos persolvam. Et ingenii & judicii filio abunde est. Vellem in utraque lingua progressus fecisset majores. Magis id foret ex re ejus, & familiæ honore. Et capropter non parùm hæsi, num eum mitti oporteret. Verùm miro Angliæ amore rapiebatur. Et metus erat, ne mater suorum, quàm privigni studiosior videretur, si juniorum aliquis prælatus primogenito foret. Accessit, quod hic usu aliquo rerum pollet, atque ad unguem factus videtur in rebus, quæ conversationem spectant civilem. Et defectum in *polle* compensat peritia rerum aliarum, præsertim earum, quæ partes aliquas Mathematicos spectant, etiam *rudem* item scientiam naturalem, botanicen, anatomicen, in qua parte sanè progressus fecit egregios. Et propter ista, ad Medicinæ studium idoneus maxime videbatur. Sed nescio, quæ caussas, vel Theologiæ vel Juris utriusque studium præoptabat. Et jam in jure utroque Baccalauræi gradum est consecutus. Ac professorum judicium erat, intra semestre, vel circiter, modò parenti industriam adhiberet, Licentiatus honorem consequi posse. Et factum esset, nisi oblata hæc occasio foret visen-

di Angliam, linguam ejus moresque ad discendi, tentandi ecquæ & sibi istic spes foret emergendi: sin spe excideret, saltem cum majori & prudentia & doctrina post aliquod tempus redeundi ad suos. Videtur annum ultra Philosophiæ velle impendere, intra quem se Magisterii gradum consequi posse sperat. Nec obstat ratio annorum quos numerant Angli. Ut qui octennium egerit in Academia nostra, & puto in exteris non omnia ad vivum refecari. Post illa ad S. Theologiam appellat animum: sed sic, ut non negligat Juris noticiam, quantulumcunque sibi paravit, sed potius eam adaugeat, quantum licet. Seu ad sacras literas, seu ad Juris studium potissimum collimet (de quo post menses aliquot statuere melius poterit) annum sacris operam dedisse non inutile erit. Quin turpe sit Christianum, & tot annos in studiis versatum, in hoc certamine animorum quod per orbem obtinet Christianum, non mediocriter intelligere Religionis controversias, sed in omnibus omnino ab alieno pendere judicio, ut nervis alienis mobile lignum. A filio ad alia venio. Rarè admodum mihi à te literæ, atque utinam saltem raritatem earum longitudine compensares. Scis, quod olim Symmachus aiebat, odisse se parsimoniam bonorum verborum; & scribendi brevitatem, fastidio, quàm officio, propiorem esse. Non tamen id in te locum habet: qui quàm mei & meorum amans sis, abunde semper comprobasti. Quare illam literarum & raritatem & brevitatem occupationibus tribuere malo: saltem cuivis rei potius quàm fastidio, vel affectus frigusculo. Opus nostrum de Historicis Græcis an videaris haut sat scio. Reperies in eo & amicam tui mentionem, lib. 2. cap. 21. ubi sermo nobis de Gelazio Cyziceno quem à focero translatus tuâ habeo munificentia. At commentarios de Historicis Latinis, quos ante annum misi, quin acceperis non dubito. In ejus operis præfatione ad lectorem focerum defendo, quem ita depinxerat Thuanus, quasi defultorius ac vagus fuisset magis quovis Scythâ. Atque hoc acerbum adeo judicium tulerat ille ob critica quædam: ad quæ focer lassus gravioribus studiis demittere se solet, instar caballi in clivo, cui sudor extricandus. Potuit itaque Junius dicere, quod olim Arellius Fuscus, nemo me ex his censet. Simul occurrendum fuit ibidem calumniis quibusdam Josephi Scaligeri, quas Epistolis nuper hic cum Heinii præfatione editis inspersit. Asterisci quidem aliquot locis apparent indices rei alicujus præteritæ. Sed ex antecedentibus & sequentibus non est obscurum, quid dicatur: iis præsertim, quibus non

non incognita profus est Historia eorum, quæ postremis aliquot annis inter Junium & Scaligerum intercesserunt. Aut qui Paulinas aliquot Epistolas ex Arabico à Junio translata, ac Tertullianum, Manilium & alia quædam ab eo edita, non ignorant. Eò verò impudentior prorumpit, ut Junium nē Latine quidem scisse calumnietur. Valde me recreavit, quòd spem facis adventus tui in has terras, idque intra annum vel paulò amplius. Opto enim tempus videre, quo te fruam. Sæpe mihi conspectum tuum ante oculos pono. Sed non dubito, quin jam multum facies mutata sit ab ea, quæ erat cum abires in Angliam. Tanto impensius videre aveo: quanquam non tam ut dextras jungere, colloquium amplecti, quàm ut sermonem liceat de variis rebus sociare, multaque ex te discere mihi penitus incognita. Habes Epistolam bene longam. Aliquanto parcius esse potuissim: & per te id licuisset: scio enim te verba mea non tam exiguè ad libellam: Sed committere nolui, ut cum ego juxta, ac uxor mea, breviter tuam culpam soleamus; tu meum mihi exemplum objectares. Plurimum te salutat conjux, quæ male ex casu aliquo valuit ante dies pauculos sed nunc cum Hygieia prope in gratiam rediit. Liberi etiam plurimum jubent te salvere. Vale affinis conjunctissime, & longè charissime.

Lugd. Batav.  
c. loc. xxviii.  
x. Kal. Octob.

Tuus totus,

G. J. Vossius.

#### XCIV.

Guil. Londinenſi Episcopo.

**O** Multis nominibus felicem nuntium, quem mihi Reverendissime in Christo Pater, ac Domine, literæ tuæ apportarunt! Iterum me, imò ter & quater beatum, quem amore tuo & curâ seriò digneris, vir, imò heros illâ pietate, illis ingenii dotibus, illâ doctrinâ, illâ dignitate refulgens, & ut verbo dicam, verè Dei Opt. Max. æmulus. Nam ut magnitudinem præter cetera ostendit, quòd illustrem ejus legatum agis in Angliâ vestra, ita non nisi eximie est bonitatis, quod tanto tibi beneficio obstringas hominem tantillum, quodque magis mirandum, longo adeò distans intervallo. Equidem primum quantas possum, Deo gratias habeo, uti & Illustrissimo Comiti Dorcestrenſi, quorum operâ Deus & Serenissimi Regis, & Il-

lustrissimi Ducis animos tantoperè mihi conciliavit. Tanti Mecænatis fiducia innixus, non dubitavi in Angliam mittere carissimum pignus, Joannem meum, filiorum natu maximum. Quem, ut potissimum eligerem, non unâ ratione adductus fui. Primum illud movit, quòd hic ob ætatem magis videretur nōsse vitæ suæ modum. Accessit, quòd valetudine uteretur aliquantò firmior, quàm unus & alter eorum, qui proximi forent. Præterea illud spectavi, quod profiteretur se capi admodum S. Theologiæ studio: nec alibi ejus cultum æquè capere optare, quàm in florentissima Britannia vestra. Denique grave videbatur, si juniorum aliquis primogenito præferretur; imò is amor & cultus erga eum est juniorum, ut si id fieret, injurios se fore ei arbitrentur. Jam circiter octennium est, quòd publicas audire lectiones cepit. Ac cum ætate magis & magis Historiæ & Philosophiæ incubuit, imprimis Mathesi, & scientiæ naturali, sub qua nunc etiam herbariam notitiam comprehendendo, uti & anatomicen, in qua progressus fecit minime aspermandos. Ab istis animum appulit ad juris scientiam in qua jam Baccalaurei gradum consecutus, imò paucis mensibus posse Licentiatum gratum adipisci, plerorumque professorum judicium erat. Sed ubi intellexit de occasione hac continuandi in Angliâ studia sua, planèque pertexendi, præoptavit paulò cursum retrò legere, ac quod sibi in Philosophia & aliis deesse animadvertet, id novâ curâ supplere: exinde autem velis remisque contendere ad studium S. Theologiæ, sic tamen, ut quod jam in Juris scientia hausit, non ventis tradat, sed horis subficivis adaugeat, modò ingenium, occasio, & res ferant. Saltem Canonicum jus haud multum à Theologia avocabit, quia quicquid illud boni habet, è Scripturarum fonte & S. S. Patrum rivis petiturum est. Sed de isto viderimus suo tempore. Imò, non tam ego, quàm Collegii præfecti. Tuique etiam consilii res hæc futura, Reverendissime Præsul, ac Domine; cui ut commendatissimus sit filius meus, usque adeò exopto; ut effari id non possim, nec mihi Lingua si essent complures. Et tantam tamen rem neutiquam rogo timidè quasi assem porrigerem elephantò; sed magna cum spe consequendi, quod voveo & opto. Tanta mihi est fiducia eximie, ac propè divine humanitatis tuæ. Itaque etsi non ignorem magnitudinem tuam, meque etiam pede meo didicerim metiri, tamen nixus meritis tuis, & literis postremis, atus sum filio polliceri paternum affectum tuum, sed conditione eâ, quâ Augustus suos commendabat, si merebitur. De sumptibus quos



quos primo potissimum anno fieri opus erit, curæ mihi res futura. Quin si satius id videatur, vel in antecessu solvam. Sin id necesse non est, collybo curabitur ne in cuiusquam ære sim. Ad Theses meas Theologicas quod attinet, vellem earum editione abstinuissent Oxonienses. Sed gravius tamen id mihi futurum, si negligenter fecerint. Sin bonâ fide, & cum cura exemplar editum expresserint, speram, quando infectum nunc fieri id non possit, & ut spero amore id fecerint, cum publici boni, tum mei. Nec ed minus adlaborabo, ut nova prodant editio, in qua suppleam, quæ nunc desunt. Fore arbitror, ut primum lucem videant controversiæ de baptismo, unâ cum Historia rituum, quibus veteres in sacramento uti solent. Pars ea à me jam prope ad umbilicum perducta. Et nisi, ut simiarum catuli, ita me fallunt ingenii industrieque meæ fetus, non infelicer haftenus sub manu negotium hoc successit. Ad huiusmodi magis magisque elaboranda, non mediocres mihi stimulos subdit, quod tu quoque, Reverendissime Domine, tantum de gravissimis remiseris negotiis, ut placido illo vultu tuo adspiceres imperfectum disputationum istarum opus. Adspiceres vero? imò legeres quoque, & quid legeres dico? quinetiam laudares. Quod cum cogito, tacite mihi gaudium circa cor gliscit, majoresque animos fumo, deinceps etiam ea scribendi, quæ tantum Præsulem probaturum confidam. Simul etiam mihi cogitatio obversatur illud agendi, ut omnes videant mihi ad referendas gratias voluntatem non defuisse, sed facultatem. Scio, cum omnia egero, minimè vel dimidiam meritorum tuorum partem expungam. Sed tamen hoc effecero, ut quantopere tantum Præsulem colere debeam, omnes intelligant. Non est mei similitum debita reponere præmia. Quod si leviter caner, humeri mox fatiscunt. Attamen bene merentes laudare licuit, semperque licebit. Nam & à mortaliibus laudes reddentur Deo immortalis. Hanc devotam mentem, si scripta mea ætatem ferent, omnis laudabit posteritas. Sia (sed omen verbis abest) quod effugere coner animi ingrati, ingratum tam præclare de me meisque merito nequam esse possit.

Reverendissime in Christo Pater ac Domine, mei pariterque filii mei, Mæcenæ Optime, supplex oro omnipotentem Deum, & benignum Patrem, ut quemadmodum hæcenus fecit, ita porro etiam te spiritu suo gubernet, & qui tanto gaudio nostro valetudinis jam melioris initia largitus est, idem pristinam penitus restituat, & diutissime conservet,

ad gloriam sui nominis, & bonum tum Ecclesiæ tum etiam nostrum.

Lugd. Baro.  
clo. loc. xxviii.  
Kal. Octob.

Reverendissimo nomini ac dignitati tuæ pro voluntate tam præclaris erga me meritis testata æternum devotissimus,

G. J. Vossius.

# CXV.

Nobilissimo Viro, Paulo Seriere.  
Metas Mediomatricum.

Nobilissime & Coniunctissime Seriere,

SI vales, cum tota familia, plurimum gaudeo: Ego, uxor, & octoni Liberi, Dei gratia, valemus. Diuturnum jam utrinque silentium fuit. Interim amor noster, non perit, sed latuit. Unum doleo, quod silentium nostrum exceßerit modum Pythagoricæ *ἡσυχίας*; sed ut post longum hyemis rigorem, gravior est Zephyrus, & verna tempestas: Ita spero, post cessationem hanc, acceptiores erunt literæ nostræ. Quomodo enim aliter censeam, cum arctissimo, & indissolubili vinculo, junctus sis uxori meæ: Et ego amicitiam, quæ cum tam propinquo colitur, sanctam existimem? Pudet quidem diuturnæ adeo cessationis in scribendo: sed non tota hæc nostra, verum magna ex parte temporum, culpa fuit, quibus hic viximus. Et si quid peccarum hæcenus, id crebrioribus deinceps literis compensabitur; non à me modo, sed etiam à Liberis meis, quos superstitione propemodum amare soles: Nec illi minus jucundam tui memoriam servarunt. Non dubito, quin tibi quoque volupe sit futurum, arare nobiscum literarum officio, illum amicitie campum. Ita crescit amor noster, qui æternus esse debet. Nihil autem æque nosse ex te aveo, quam an vivas, & valeas, an supersit sanctissima Mater tua, Matertera nostra, an bene sit uxori sanctissime, quot liberis te auxerit, & cujus sint ætatis, ac sexus, & quibus vocentur nominibus; utrum adhuc apud Metenses agas, & quâ apud eos, vel alios, dignitate sis, & si quæ alia te, vel tuos spectent. Quæ si ex te cognoro, etsi te semper amavi plurimum, non exiguus tamen tanto affectui cumulus accesserit. Jam sextus est annus, quod Historiam Universalem, hoc est, tam sacram, quam externam, profiteor in Academia nostra. Huic muneri ante triennium, & alterum accessit. Nam

Meurisio

Mensio nostro successi, in professione Linguae Græcæ. Nec sine gloria, utramque professionem sustineo. Sanè frequentissimo doceo auditorio, eoque nomine à Curatoribus Academiæ amor, & honestè habeor. Qui nec abire in Angliam siverunt, cum in Academiam Cantabrigiensem vocarer perhonorifice, ut in ea Politicam, & Historias profiterer. Nec solum viva voce docendo, sed pariter scribendo, nomen procudere, beneque de publico mereri non cesso. Sanè ex quo à nobis abiisti, multa publici juris feci. Ex quibus commentarii nostri, de Historicis Latinis, ita grati fuere Britannis, ut serenissimus Rex, jam manu sua mihi promiserit Canonicatum Cantuariensem, simulatque ulus vacarit. Quæ munificentia tanti Regis eo gravior est, quod hic, & ubivis terrarum, ejus emolumentis, quæ sanè magna, frui licebit. Filiorum meorum jam quatuor, in studiis egregios fecere progressus. Quorum natu maximus, intra paucos dies in Angliam abit, ut Cantabrigiæ, ubi plurimos habeo amantes mei, uberiores capiat ingenii cultum. Uxor, atque Liberi jubent mecum salvere, cum optimam Matrem tuam (nam superstitem adhuc esse speramus) tum lectissimam Conjugem, & familiam universam. Vale, Cognate præstantissimo, & nos ama, ut soles.

Lugd. Batav.  
clō loc xxviii.  
x. Kal. Octob.

Tuus, totus,

G. J. Vossius.

# XCVI.

Hieronymo Beale.

Clarissime Doctissimeque Beale, cuncte Cantabrigiam Joanne filio, nefas putavi, si eò absque meis ad te literis veniret. Sanè longè aliud jussit tuus erga me amor, quem ego non minori affectu remunerero. Quanquam autem & antea te plurimi feci, ut debeo; tamen literis ad me tuis non parvus benevolentis huic cumulus accessit. Satis enim ex iis perspicio, etsi mihi adhuc videar inter cygnos anser strepere, multò tamen præclaris te de me sentire. Qui error, uti vulgus non pressio, gignit non minus. Ita seriò gaudeo, vel potius triumpho amicitia hominum doctorum. Eorum imprimis, qui in studiis sacris, novellis doctoribus sociarunt antiquos. Quos inter constans fama, te, vir doctissime, reponit, & ita reponit, ut inter paucos illos referat, qui hac in re familiam

ducunt. Ego quoque hanc Spartam pro viribus ornare studeo. Sed tamen amicorum postulato, cogor interdum ad ea relabi, quæ humanitatis vel eloquentis studia spectant. Itaque prælo jam subjecti Commentarios Institutionum Oratoriarum, sed longè auctiores melioresque quàm lucem videre ante annos viginti duos, atque iterum sexennio post. Similiter Commentarios meos de Historicis Græcis Latinisque, subscivis horis, augeo, emendo, orno. Hoc animo veteres & novos lego, ut non modò ditare possim labores meos, sed etiam, meliora edoctus, propria cadam vineta. Imò ut Apelles judicis omnium, post tabellam latitans observabat, ita ego ubique sedulo operam do, ut intelligam, quæ ab doctissimis hominibus in scriptis meis requirantur. Nec tamen solum limandis & corrigendis veteribus operam infuso, sed etiam nova parturio: atque inter alia Commentarios de L. L. grande de erudita literatura opus. Nempe amicissime Beale, cessare non possum. Placet egregius Atheniensium mos, ubi, ut Valerii verbis utar, inertia è latebris suis languore marcescens, in forum perinde atque delectum promahebat, nebatque, ut facinorose, ita erubescende rei culpa. Fore spero, ut in studiis suis filius apud vos paternam æmuletur industriam. Quod si fecerit, & sibi optimè consulerit, & gaudio mihi futurus est. Proficiendi non alibi terrarum melior ei occasio esse possit, quàm in tanta luce clarissimorum hominum. Quanquam autem, quo in Collegio potissimum victurus sit filius, necdum sciam; sed de eo demùm statuet Reverendissimus Episcopus Londinensis, à quo, qui parentis ei loco se fore, quæ humanitate est, recepit: tamen cum omnino id Cantabrigiæ futurum sit, non possum non plurimum te rogare, ut pro amore tam propenso erga me, studio etiam tuo complectare filium meum. Quæ ratione plurimum me tibi obstringes & devincies. Scio quidem, vel tacente me, commendatum tibi fore, sed tamen orare id te literis meis malui, qui putarem iis aliquam commendationis accessionem fieri posse. Quare iterum iterumque id rogo. Vicissim etiam omnia à me expecta officia, quæ ab homine amicissimo possint proficisci. Vale, & mutuo amare perge hominem studiosissimum tui, quique te non modò mirabiliter amet, sed etiam colat & observet.

Lugd. Batav.  
clō loc xxviii.  
x. Kal. Octob.

Tuus,

G. J. Vossius.



## XCVII

Guilielmo Laud Episcopo Londinenfi.

Reverende in Christo Pater ac Domine,

**I**llud Tartaro profectum facinus etiam ad lauses Lycei nostri pervolarat: sed aliquamultis diebus postquam priores literas exarsissem. Nec primum fidem inveniebat, nisi apud paucos. In causa erat, tum quod nuncii ejus mirum in modum variarent, tum quia toto ante trimestri publice pacis hostes similia istis longè latèque sparsissent. Nunc enim Illustrissimus Dux mensis affidens, nunc curui infidens, simili scelere sublatu ferebatur; quæ quia vana esse docuerat eventus, eo sperabant boni tum quoque famam mentiri, et, ut ingenuè dicam, formidarem subinde, ne hæc ab hominibus malis spargerentur, ut inde aliquis conciperet cogitationem verè ea patrandi, quæ falsò tum diffunderentur. Sed quocunque animo hæc facta sint, nimis verum fuisse hunc rumorem docuit nos dies: maxime postquam jam filius in Zelandiam abierat, ubi hebdomadas aliquot ventos & commodam navigationem expectare coactus fuit. Quantum inde doloris perceperim, nullis literis testatum facere possum. Non jam sufficebam expediendis negotiis meis vel publicis vel privatis. Indignabar ereptum orbi illustrissimum ducem, annis florentem, magni adeo ac præstantis animi, à quo expectarentur præclara omnia, dignaque tabulis æternitatis. Cogitabam quantum in eo amisisset Britannia, quantum illustris ejus familia, quantum tot boni: quantum & ego, quod tantò sepius in mentem veniebat, quantò apertiora erga me erant merita ejus. Spem etiam muneris fecerant literæ tuæ: atque ex aliis etiam cognoram, quàm munificus esset, planè præter mores & tempora hæc. Sed quemadmodum ventis cessantibus mare detumescit: ita voluit Deus gaudii mei redundantiam hoc infortunio reducere. Interim sic quoque Illustrissimi ducis merita erga me majora sunt, quàm sperare unquam ausus fuisset. Nam quid mihi beneficio eo, quo cooptus in Canonicorum illud nobile Collegium, vel honestius vel clarius, vel ad bene merendum de Ecclesia & Republica literaria accommodatius esse possit? Quare & nunc Illustrissimo Duci *te ualeat* gratias habeo, quas possum, & habeo dum vixero: semper etiam operam dabo, ut ne illustrissimi ejus nominis amantes, ac præcipuè liberos, & sanguine, affinitate, vel amicitia junctos, vel talis de me

judicii, vel collata dignitatis, possit pomitère. Animum autem hunc meum eo ostendere modo conabor, quo possum; imò quo illustres animæ imprimis affici solent: nempe illo, qui ad æternam laudem & gloriam confert; quæ optima maximeque omnium in hac vita semper judicavi.

De afflictâ valetudine tua mihi peracerrimum fuit cognoscere. Nam, si quis alius, is sum, cui & res tuæ secundæ incredibilem adferant voluptatem, & adversa omnia maximum dolorem pariant. Et, si vir bonus esse velim, qui aliter affectus esse possem erga eum qui me illustris adeo amoris significatione sis prosecutus, ac porro in clientelam tuam filium, carissimum meum pignus, recipias, ita ut uterque non alio, quàm parentis loco, colere te debeamus ac venerari. Atque in hanc mentem plura dicerem, nisi vel proximis literis eam in tanta dignitate tantisque meritis vidissem esse humanitatem tuam, eamque modestiam, ut laudanda facere, quàm laudari in os malis. De Collegio quod scrupulum injicere posse videatur, gradus honoris filio collatus, sanè doleo. Sed non dubito, quin pro sapientia tua facile sis perspecturus, quid nunc facto potissimum opus videatur. Cum voluptate autem in literis filii legi de eo potissimum loqui te velle, cum Clarissimo Wrenno, viro non summâ modò doctrinâ sed singulari etiam humanitate prædito, ac præterea, quod non uno indicio cognovi, amantissimo meo. Thesum mearum syllogen accepi, proque munere quo me mihi donas, gratias habeo summas. Nam mirum in modum desiderio tenebar, jam dudum videndi novam hanc editionem dissertationum nostrarum. Gaudeo typis satis venustis, & quod caput est, non incmendatè, quantum adhuc cognoscere potui, prodiiisse. Sed disputationes illas, quæ postremum locum obtinent, nempe illas de virtutibus gentilium, deque peccato originali, & gratiæ necessitate, satius fuerat omitti, cum in Historiæ Pelagianæ opere legantur, eò quidem emendatis paulò. In controversia de Baptismo Johannis mallem licuisset paulò apertius sententiam exponere vetustatis. Sed ita tum videbatur, & ne sic quidem efugî satis eorum offensas, quibus non satis antiquitas sapit. Sanè quod candidè exposuim veterum judicium de Prædestinationis controversia, & aliis, quæ Pelagius & Massilienses movere, id quidem, (ut apud te dicam quod res est, & mustare cogor apud multos) majori mihi pretio sterit, quàm sex nostrarum florentium millibus. Sed quod in terris decessit, id Deus rependet in coelis. Ex iis, quæ de Josephi Vicecomitis opera tam amanter

amanter moneas, clare satis perspicio, quanto-  
pere me diligas, & quam curæ tibi sit nomen  
meum. Verum plane confido me neutiquam  
post eum operam lufurum. Ita multa bona  
observavi ei indicta. Et ubi concurrimus,  
brevius sem complectar, quia ejus operam  
excutere de manibus non est animus. Ple-  
raque etiam digeram melius, & auctoribus  
aliis firmabo. Sed de me nimis multa. In-  
terim, qui hæc promitto, necessitatem mihi  
impono hoc agendi, ut nec expectationem  
fallam. Neque de eo tam sollicitus sum  
quam doleo, quod labores mei spissius pro-  
cedant, quam vellem. Nimirum nunc pub-  
lica advocant munia vel privata mea, vel eti-  
am amicorum: nunc affatus abstrahunt ju-  
venum, qui ex variis adeo terris in Lyceum  
nostrium contulere; nunc valetudo uxoris  
moratur vel etiam mea, sane nudiustertius  
lumbagine infestatus sum, quod malum ne-  
que nunc plane cessat, multum tamen remit-  
tit. Ommino, ut medici, & amici suadent,  
paulum deinceps corporis exercitio dare co-  
gar, si diu & publico, & meis, utilis esse ve-  
lim. Spero hæc etiam parte me Deo meo ca-  
re fore. A valetudine mea ad tuam venio.  
Reverendissime in Christo Pater ac Domine.  
Deum oro, ut ad summam tuam prudenti-  
am, doctrinam, dignitatem summa etiam a  
corporis vigore & robore pristino, felicitas  
accedat: atque id imprimis, ut diutissime  
Ecclesijs Britannicis præsit & prosit; deinde  
etiam mei filique mei causa quorum utrum-  
que ut in clientelam tuam recepisti ita porro  
amore atque curâ paternâ ut foveas majorem  
in modum rogo.

Lugd. Bat. Pr. Nat.  
Dom. an. cdo lcc.  
xxviii. St. N.

Reverendissimi nominis &  
dominationis tue devoti-  
ssimus cliens,

G. J. Vossius.

# XCVIII.

Gulielmo Boswello

S. P.

Quamquam, generose vir, atque idem  
amice amicissime, à corpore languo,  
ab animo vetizo, ut illa Augusti voce utar:  
tamen ea erga me sunt merita tua, is erga te  
amor meus, ut propemodum mihi piacu-  
lare aliquid videatur, si tuorum quemquam  
sine meis ad te literis dimittam: Sed, o quanto  
optatius fuisset, si, uti spem feceras, Lug-  
dunum revisisses, atque ita mihi desideratis-

simo tui colloquio frui paulisper licuisset!  
Sed privatos, fateor, affectus regni vestri  
negotiis posthaberi æquum est; imo plu-  
quam æquissimum. Libellos quos ante sa-  
culum Gravius, homo Pontificus, Ecclesie  
bono concessit, ad te mitto; spero mani-  
festum non fore ingratum, quia fructu om-  
nia potius quam pretio metiri didicisti. Mul-  
tum tibi debeo, quod me donaris Clave  
Apocalypica ejus viri, qui etiam nomen dissi-  
mulet, tamen abunde prodit ingenium, do-  
ctrinam, industriam. Jam decennium est,  
quod in Collegio Theologico Illustrum Or-  
dinum hunc librum Auditoribus enarravi.  
Compluribus in locis ubi hærebam, nebulas  
mihi vir ille discussit. Atque utinam mihi  
tam lymphido & defæcato esse animo licuisset,  
ut non seorsim Capita, vel Capitum inter-  
dum partes considerare licuisset; sed quod  
in hoc argumento palmarium est, à capite  
ad calcem, interpellante nemine, pensicula-  
re omnia potuissim. Interim ex iis quæ tan-  
topere probantur, plane persuasum habeo,  
idem de iis judicium fieri oportere, de qui-  
bus nondum satis liqueret. Sed ista expe-  
dam accuratius ubi meus esse magis cõperio.  
Simul etiam unius alterius egregii apud nos  
viri judicium exquiram & pericribam. Hæc  
nunc paucis pericribi. Sed, o vir præstan-  
tissime, quanto uberiores à me Literas acci-  
pies (atque ego mihi item à te promitto)  
ubi saluum ac hospitem advenisse in Britanni-  
am vestram cognoro! Quorsum hoc à me  
dicatur, scio te intelligere. Nihil enim mihi  
magis volupe erit, quam commercium si  
literarium tecum intercesserit. Scio, quanto-  
pere mihi ea res esse subsidio in studiis meis  
possit. Et, quod probe cognovi cum proxi-  
me adestes, nec id te non invito: quid in-  
vito dico? Imo prope æque, ac à me sit, ex-  
petenti. Eo nunc facilius Epistolam abrum-  
pam. Quamquam nec plura si velim, possum,  
dum assidue ab aliis interpellor, & quomo-  
documque quam nihil scribere malo. Quare,  
mi Boswello, commenda me Illustrissimo  
Domino Legato, Comiti Carilensi, cuius  
ego affectum erga me jam bis perspexi, quod  
homullum hunc tanto sit honore dignatus.  
Nunquam mihi excidet beneficium hoc ejus  
Herois. Cui nunc aliud optare non possum,  
quam ut rebus ex sententia confectis, lætus  
ac solpes se Regi Serenissimo & Britannie  
sue iustat. Quod idem tibi, generose Do-  
mine, exopto. Si valetudo & alia concef-  
serint, literas exarabo etiam ad aliquos in  
Britannia amantes mei. Sed si id minus  
nunc erit, fiet intra dies paucos. Rogo ut  
me commendare digneris, ac simul filium,  
Reverendissimo Domino Episcopo Lond-  
nensi,



nenſi, Viro, cui plus uterque debëamus, quam dicere poſſim. Quod & ipſe antea expertus ſum, & ex literis filii mei ſaris didici. Quid de CLL. & ſummis Theologis Wrenno, Beſo, aliis dicam? Ego verò non auſum à te poſcere, ut hoc oneris ſalutandi eos ſuſcipias; alioqui de eximio Viro Seldeno non tacerem, & uno item alteroq; alio. Sed de iſto videro proximis Literis. Raptiſſime.

Lugd. Bat. clò  
De xxix. Jan.

Tuus ex animo,

G. J. Voſſius.

### XCIX.

Clariffimo viro, Francisco Gomaro.  
Groningam.

Vir Claſſiſſime, & Coniunctiſſime,

Qui has tibi literas reddit, cum primum in Academiam venit noſtram, de meliore mihi nota commendatus eſt, à Theologis Bremeniſibus; Eoque uti nomine, mihi gratus ſemper fuerit, ita non leve amori pondus acceſſit, ubi non eruditionem modò, ſed quod longè majoris duco, pietatem etiam, & ſingularem modèſtiam perſpexi. Parentem habuit egregium virum, D. Streſonem (ut nunc, quàm Episcopum dicere malunt) in Eccleſia principatus Anhaltini. Quo in munere, is ſucceſſorem habuit Claſſiſſimum virum, Angelocratorem, eum, quem in Synodo Dordrechtana, non minus ab eruditione, quàm de facie noſſe potuiſti. Ut ad juvenem hunc redeam, Is partim caritate annonæ, quæ hic eſt, compulſus, partim famâ præſtantium Academiarum veſtræ virorum illeſtus, iter ad vos inſtituit: ſed vix æquè aliud in votis habet, quàm ut publicæ ſtudioſorum menſæ particeps eſſe poſſit. Quod ut conſequi liceat, commendari à me tibi voluit, & Collegis tuis. Rogo igitur, ut huius voti ſui particeps per vos fiat, vel ſi locus nondum vacet, ſaltem conſilio juvetis, ut ne diu admodum ſpe fluctuet in certâ. Erit id mihi longè gratiſſimum; nec mihi modò, ſed etiam ſummis viris, Scholæ Bremeniſis Theologis, qui cum mihi, ut dixi, commendarunt. Neque dubito, quin juvenis ipſe ſemper grato animo ſit conſervaturus memoriam beneficii veſtri. Pro doctiſſimo opere de Sabbatho (quod tamen non ad omnium guſtum fuit, ut nunc tempora ſunt) gratias quas multò ante debui, nunc demum ago. Planè mihi ſuccenſeo, quod ab tam

amico viro, tam præclaro munere ornatus, (nihil auribus do, non pauca me bona docuit) tardè adeo reſcribam quicquam. Nempe jam penè in naturam abiit conſuetudo tardè reſcribendi. Primum tantummodo in craſtinum, aut perendinum diem rejicio, aut diem eum, quo Academico more feriamur. Hoc non facile aliquis improbaret in eo, cui bis de die publicè docendum. Sed dies unus, alter, ſit hebdomas, hebdomas menſis, menſis trimeſtre: Niſi puderet dicerem ſemeſtre, annus ultra; Imò quod quorundam literis nunquam preſentem: Non proſectò contemptu cuiuſquam, nedum præſtantium virorum: ſed quia non par ſim omnibus, quæ ſuſcepi in humeros meos. Ad quæ nunc acceſſit moleſtiſſimum Aſſeſſoris Academici munus, & nova lima Oratoriarum Inſtitutionum, quibus jam prælum fervet. Hæc eo pluribus ſcripſi, ut facilius ignoſcas, quod nihil reſcripſerim hætenus, de negotio illo ignoſcas. Quamquam & alia ſunt, quæ tardiorẽ fecere. Primum iſtud, quod illa quam me ſcis dicere, ſignificaret ſtatutum ſibi eſſe abſtinere conditionem. Deinde hoc, quod ipſe hærerem. Πότῃ ἴδῃ, πῶς μὲν ἔμελλεν, ἀλλὰ πῶς ὅτε ἔλθῃς ἰδῇς & ἔμελλεν. Si non magis ex compaſſione Teutones noſtri, nec prudentioribus conſiliis, rem curabunt publicam, tantum poterunt tela eorum adverſum, & cum Poetis dicam, Jovis alitem, quantum Chaonias, vel ſi mavis, Teutonicas dicunt, Aquilâ veniente columbas. Sed Omen abſit. Neque planè de Teutonum rebus deſperare poſſum; præſertim ob nonnulla, quæ viri talium intelligentiores communicarunt mecum. Quod ſi optima ſperare deinceps deſertur, de Germaniæ ſtatu: Et quæ poſcitur, noluit viduis noctibus floridam perire ætatem, equidem non indecorum hunc ἀμύλητον duxerim noſtræ familiæ. Sed porro tunc cogitandum erit, nequid liberis inde diſpendii oriatur: Hanc curabit nobiſcum ille, qui nunc, ut ſcis, Britanniam petiit, ac menſe proximo aſſuturus denuo putatur. Salutabis meo nomine plurimum conjugem, & liberos; Imò Collegas tuos, imprimis D. Altingium, & D. Ghebartum. Uxor etiam ſalvere te juſſit, & tuos.

Kal. April. clò.

Ioc xxix.

Tuus totus,

G. J. Voſſius.

C.

Danieli Paræo S. P.

**I**S amor est noster, Præstantissime Paræe, ut peccatus mihi videar nisi quamprimum te facerem certiorum eorum, quæ pertinent ad statum rerum mearum. Amstelodamenses nostri decrevere scholam erigere illustrem: ac me Historiarum ad professionem & Possesses vocarunt, nempe (verbo ut dicam) ut quod oneris hic sustineo, idem suscipere in Rep. sita velim. Quæ eos consilia impulserint, longum esset adscribere. Sed tamen facile cogitare possis, non nisi suavissimis de causis tantos sumptus facere velle. Quippe ut de uno me dicam, si domum accenseam, stipendium futurum centenis aliquot supra ter mille stotenos nostrates. Et amici præterea pollicendo commodorum mihi meisque spem egregiam fecere. Illi quibus oculi dolent, quando literis & literatis bene est, hunc animum Amstelodamensium in calumniam rapiunt. Mihi vero certissimum est, solo studiorum, & publici boni amore hæc eos suscepisse, neque ego eorum postulato acquiescerem, nisi viderem, sic melius posse me Reipub. literariæ inservire. Quanto enim fuero animo defecatori, tanto pulchrius mereri licebit de studiis, docendo pariter, scribendoque, fortasse & sic magis prodesse potero amicis meis: quos inter te etiam, mihi Paræe, merito tuo expono. Utinam urbis ejus exemplum imitentur Haerlemenses. Id forte quondam in ea republica opinio est. Quin jam ferio de eo actum fuit. Quin & Delphenses tale quid promittente videntur. Quæ si accidunt, facilius deinceps ratio haberi poterit virorum præstantium. Nunc enim id fieri nequit, quia functiones vacant nullæ. Sed de istis propediem scribam pluribus, aut saltem post mensem. Tum enim Amstelodamum ibo: Atque eo ut venero, non definam dispicere, eoque fructum capere possis ex amicitia nostra. Nec eo minus idem hic, & Haga facient amantes Paræani nominis & nostri, scire tamen vellem quò maxime animus feratur, & in quò vel me vel amicos alios, posse aliquid existimes. Si possumus, volupe erit; sin minus, affectum tamen testabimur. Oratoriarum mearum exemplum recipies à vestratibus Bibliopolis. His enim uti & Denarium Meursii nostri, se daturum eas recepit typographi nostratis filius, qui nunc est Francofurti. Vale egregie vir,

ac deinceps etiam nos semper mutuo amemus.

Lugd. Bar.

Tuis totus,

Prid. Kal. Aprilis.

G. J. Vossius.

C.

Jo. If. Pontano S. P.

**V**ir clarissime, Jamdiu est quod de multis tecum colloqui aveo. Prope semestre est, cum spem feceras Hagâ Lugdunum repetendi & invisendi me. Exemplar Oratoriarum decreveram offerre præsentî. Sed occupationes credo impedierunt, quò minus secundo me accederes. Quod gratularis mihi de professione apud Amstelodamenses pergratum est. Intellego ex amicis, te crebro huc excurrere. Tanto mihi jucundius erit hic vivere, quia sapientiâ esse licebit, deque communibus literarum studiis confabulari tecum, quem multum quidem amo, sed nec minus æstimo, sanè non aliter utro cuiquam lubens cesserò. Quare simulac pedem in urbe hac posueris, vel primam nos vides, vel si res tuæ illud non siniant, saltem in primis. Alnothum, quem petieras, mitto. Destinatum diu Oratoriarum exemplar dono tandem. Uti & denarium Pythagoricum Meursii nostri, qui cum mihi dicavit. Habet hoc commune amicus noster, cum viris principibus & Rebusp. quod pecuniam cadat, sane periculi nihil est ne ei quisquam ob denarium cūsum literam intendat. Quin potius ei grâtiâ agit Resp. literatâ. Plura vellem, nisi vereretur ei molestus esse, qui hæc perfert & scribentem expectat. Salutem clarissimis Collegis Bronchorstio & Zevectio.

Tuis,

G. J. Vossius.

C.

Doctissimo Viro, Francisco Junio.

In Aulam Arundelianam.

**P**utinam me Tibi obstrinxisti, Optime, & Coniunctissime Affinis, quod tantum laboris susceperis filii mei causa, ut cum deduceres ad cognatam Bulliam. Neque id tam gratum mihi est eo nomine, quod hoc



hoc Duce, & Comite, tutius potuerit conficere isthoc iter; quàm quod tali diebus aliquot monitore fruens, magna potuerit incrementa capere, & pietatis, & prudentiæ, & doctrinæ. Utinam huiusmodi illi felicitas sæpius obtingat. Verum quia novi, id non ferre institutum vitæ tuæ, cùm vix magis tuus sis, quàm ego meus: saltem illud precibus consequi à te licebit, ut crebrò eum literis tuis, sui officii commoneas, scis enim quàm proclivis sit adolescentia ad otium, & vitia. Sanè vero illud dico, eò me animo esse tranquilliori, quod illic talem affinem, vel potius fratrem, hoc est, ut Grammatici dicere solent, ferè alterum me habeam, qui propemodum sic amet liberos meos, quàm si ex se nati sint. Præsentia Clarissimi Petri multùm me delectavit. Juvit pendere ab ore narrantis, tam multa pulchra, & præclara de peregrinatione suâ. Egregiè meritis est de Rep. Literariâ, quod multò magis patebit, cùm ea quæ observavit, in publicum emisserit. Gratulor tibi quod, cum tantò ejus Mæcenate, Illustrissimo dieo Comite Arundelio, vivere tibi contingat; cujus auspiciis, & sumptibus, hoc iter susceptum est. Sed quod Petrus aiebat, sperare se, te quoque iturum in Græciam, id tale fuit, ut Lapidem mihi loqui videretur. Eò magis, quia retulit mihi, ut sæpius in carcerem, tanquam explorator fuerit conjectus; semel etiam naufragium fecerit. Cùm hanc peregrinationem suadere tibi D. Petrus coeperit, velim ex deserto fiat infantissimus. Græcos ne tibi lustrandi veniat tam dira cupido: præsertim postquam maximè memorabilia iis è terris abstulit Petrus. Tun' spicilegii ergo, hac ætate tantùm capessas laboris? tot te periculis exponas? Malim te ire ad Gallos, Italos, at Belgas ante omnes, ubi Nos vises, qui tanto tenemur desiderio Tui. Et facies id spero propediem, fortasse tamen antea extare voles aliquod monumentum ingenii, & diligentie tuæ. Nam partim ex literis tuis, partim filii, intelligo te moliri aliqua, de statuaria arte, ac picturis veterum. Sanè aliqui hoc Argumentum tractarunt. Ut præter Gauricum, Cæsar Bulengerus, qui ante biennium emisit in Galliis libros duos, de picturâ, & plastice statuariâ. Nec dubito quin videris Joannis Molani Lovaniensis Theologi libros de historia S. S. Imaginum, & picturarum. Verùm & hi & alii, quibus argumentum hoc expositum fuit, non exiguum tibi reliquere spicilegium. Tantò impensius desidero ea videre, quibus non modò te Illustrissimo Conssiti, Literarum, & Literatorum Patrono, Opt. Max. commendare possis, sed etiam Reip. toti literariæ, &

sæculis futuris. Sanè, mi Affinis, præter tempus, & benefacta, nihil est nostrum. Opes post obitum nostrum, alium atque alium Dominum nanciscuntur; sed ingenii, & industriæ monumenta, non mutant dominum. Quare perge in præclaro Instituto, & brevi nos bea factu aliquo, qui parente suo dignus sit. De liberis meis nihil addo, præter hoc unum, eos se mihi magis magisque probare: quod tibi quoque jucundissimum esse cognitu scio. Hæc raptim, atque festinantius quàm vellem; eò quod Joannes Brunæus, cum Coniuge, ad me divertisset, nec illum diutius sine colloquio mei relinquendum putarem. Jussit ut te plurimùm suo nomine salutarem. Sororis tuæ Johannæ res meliori loco, his proximis mensibus esse coeperunt: quo nomine, valdè Ego & Uxor gaudemus. Non paulo nunc sereniori animo est, quàm esse solet. Juvit tua liberalitas, sed imprimis quod quingentos, vel amplius, ex negotiatione Americana percepit; spero eam, & universam Parentis tui familiam, Deo curæ fore.

Lugd. Batav. els  
Ioe xxx. Prid.  
Kal. Quint.

Tuus totus,

G. J. Vossius.

### CIII.

*Reverendo Dom. Guilielmo Episcopo  
Londinensi.*

Reverendissime in Christo Pater ac Domine,

**M**ultiplici me gaudio perfuderunt literæ, decimo Maii exaratae, ac mense eo paulò amplius post, redditæ mihi unâ cum epistola filii mei, quæ & ipsa altero me gaudio implevit. Primum enim non mediocriter lætabar, quod viveret filius Cantabrigiæ in collegio. Eò impensius lætabar, quod locus ei datus esset inter eos, qui ætate, doctrinâ, honore, aliis antestarent: quæ res & posset, & deberet, ardorem addere studiis ejus, & occasionem præbere ex tam pulchro sodalizio majora quotidie capiendi incrementa, pietatis, prudentiæ, doctrineque. Maxima verò lætitiâ afficiebar, quod haberet præsidem Collegii doctissimum Theologum Matthæum Vrennum, à quo amari me, & alicujus fieri scirem, ut ex voto meo non alteri filius meus meliùs certiusque potuerit committi. Ad tanta hæc nunc illud accessit, quod filius perscribit, se à serenissimo & beneficentissimo Rege Carolo (cui Deus prospera omnia, ac de annis etiam meis, liqui super

superfuerint, largiatur) eo honore esse affectum, ut deinceps sit accensendus sociis Collegii Jesu. Quod beneficium quantum, imprimis erga hominem exterum, nisi intelligam, tum verè fuero lapis. At omne hoc post Deum ac Regem, vel tui unius, vel imprimis saltem, Reverendissime Præsul ac Domine, affectui tuo ac curæ debeo singulari. Magna, vel potius ingentia erga me & meos priora erant merita tua: utcumque in iis, quæ Magnæ Britannia deberemus, multum adeo sibi vindicaret illustrissimus & magnus Buckinghamiæ Dux, æternum mihi animo, sermone, ac scriptis celebrandus. Sed, sic quoque, ut dixi, magnopere etiam obstrictus nomini tuo, qui, ut mittam cætera, tanti mihi herois gratiam conciliasses. Nunc priora beneficia accumulare hoc novo voluisti. Hoc verè est patrem se præbere, & filio, & mihi. Quare cum benefacere non cesses, nec nobis cessandum est in gratiis agendis, & omnibus grati animi officiis spondendis, qualia quidem à meæ conditionis homine proficisci possint. Hæc me aliàs etiam scribere commemini. Sed facile mihi veniam dabis, ut, quemadmodum idem facere pergis, ita idem ego scribam, verbis fortasse aliis, sed in eandem sententiam: in quo recordor similiter se S. Sulpitio olim M. Tullium excusasse. Unum illud in literis tuis dolori erat, quod, cruris vitio, ne nunc quidem planè sis tuus: multum tamen gaudeo, res ita procedere, ut sperare liceat, si non penitus recuperes vires antiquas, at illas saltem adepturum, quæ ab iis proximè absint. Optime observasti, quod ego non dolo quidem, sed studio tamen, non oblivione aliquâ egeram, ut de nostris in Baronium animadversionibus, deque veteris Ecclesiæ strenuè tacerem in literis meis. Nempe non ignorabam, quæ tua & aliorum virorum præstantium expectatio foret. Ego autem, ut apertè, quod res est, nunc dicam, auctoritate Illustrum Bataviæ ac Westfrisiæ procerum compulsus, partitiones meas oratorias iterum divulgavi: quæ nunc in Scholis omnibus Hollandicis docentur. Sed quia in his brevior aliquantò fuisset, operæ multis videbatur, ut etiam commentarios oratorios, grande opus, quod ante annos xxiii. atque iterum triennio post divulgaram, tanto post intervallo ad incudem revocarem: atque ita & rem præstarem Illustribus Ordinibus nostris longè gratissimam; & magis etiam, quàm fecissem antehac, scholarum mihi præfectos obstringerem: ac bene insimul mereretur de multis qui aliis etiam in terris studium hoc Oratorium colunt: ac si hoc quoque in censum venire meretur, eadem nonnihil honori confu-

lerem, cum non mediocriter mea intersit, ut non tam multa quam optima, victuraque posteris relinquam. Quod si primogenitorum cura nos plurimum tangat, aiebant, æquum mihi videri, ut nunc præbita mihi à proceribus nostris occasione optimâ, denuo in manus sumerem primum illum nostrum ingenii ~~suavissimum~~ fortum, atque operam darem, ut quæ tantoperè Scaliger, Casaubonus, atque alii summi viri tum comprobarunt, eadem nunc emendatius, & auctius, & felicius videant lucem. Atque hoc quidem futurum est, summum, ni fallor, intra trimēstre, aut circiter. Vix enim tertia pars superest excudenda. Equidem mihi telam istam olim, ita postulante tunc muneris ratione, orsus fuisset, atque etiam ut tum vires ingenii ferebant, pertexuisset (idem autem de L. Latinæ commentariis dictum velim) nunquam profectò ita nunc desiperem, ut levioribus potius illis, quàm sacrorum meditationi, & antiquitati Ecclesiasticæ tempus impenderem. Et tamen sic quoque operam do, partim ut nec illa me nunc detineant totum: partim ut iis, quàm citissimè liceat, desungi, quo totus majoribus & melioribus vacem. Accepi his diebus ab iis, quibus res Britannicæ non ignotæ viderentur, adhuc metus esse aliquid, ne improvido quorundam zelo, etiam in inclyto regno vestro, schisma fortasse oriatur, ob dissensum aliquem doctissimorum hominum, in controversia de prædestinatione, & dogmatis annexis: proptereaquæ aiebant etiam pietatem ac prudentiam tuam sese Parlamenti postremi tempore occupasse, ut pestilenti adeo malo salubribus & moderatis consiliis obviam iri posset: sed omnigò pertinacius fuisse malum, quàm ut discuti tum potuerit: ed fortasse minus, quia inter illos, qui Religionem, ut fieri solet, prætexerent, forent non pauci, qui alienæ inhiarent dignitati, ac rebus studerent novis. Non ego tam curiosus esse soleo, ut anxie inquiram in negotia publica regni vestri: sed tamen, nequid dissimulem, non leviter me ea res conturbavit. Opto enim res Britannicæ esse florentissimas, non tantum, quia & ipse quodammodo nunc in Britannorum numerum transcriptus mihi videar favore vestro; sed vel maximè, quia salus Ecclesiæ Reformatæ post Deum, à Britannicæ regno, & hisce terris dependeat. Itaque assidue Deum oro, ut benedicere dignetur Serenissimo Regi, ac felicem largiatur successum tuo, & aliorum tui similibus, sancto proposito; quod utroque, ut dici solet, pollice hic probatur ab omnibus pacis & concordie studiosis. Sanè, si non aliud quam humanas vires spectemus, arduam suscipiunt provinciam, qui in Religionis dif-



diffidio sequestri esse student. Imò plurimum, quod quodammodo edoctus sum malo etiam meo, præda esse victoris solent. Sed tamen, ut spero, nondum sic iratus est Deus peccatis nostris, ut etiam apud vos passurus sit in nervum erumpere triste adeò diffidii malum. Cui omnes, si ipsis de se credimus, consultum volunt: sed utut pacem utrimque crepent, tamen remedia adferunt admodum disparia. Multi enim non aliam viam sciunt, quam ut iis, qui dissentiant, male mulctatis atque oppressis, Regnum obtineant soli. Alii contra in omnibus, qui fundamentum Religionis retinent, longè præferunt moderationem & animorum & scientiarum: quam non desperant posse obtineri, dummodo veneranda antiquitati, & magnis etiam viris, quos Deus serius nasci voluit, honos debitus constet. Utique enim inter veteres & iuniores, in aliquibus fortasse dissensus aliquis appareat, tamen facile negotium componatur, dummodo abfuerint, hinc quidem temere innovandi libido, inde autem amor domini in conscientias alienas. Sed hoc non agnoscunt qui celestem veritatem postponunt ambitioni suæ: ac charitatem Christianam possident odio & malevolentia propria. Verùm dum hi, quarumcunque tandem partium fuerint, disputare acutè malunt, quam Christianè vivere, non quidem capitur Saguntus, sed quiddam vincitur longè majus & excellentius Sagunto. Quippe fraternæ dilectio, sine qua esse Christiani non possumus, animis & doctorum, & populi expellitur; contra, vires capit Regnum Antichristi. Tantò magis oro Deum, ut te, Reverendissime Domine, optimeque Mecenas, deinceps etiam spiritu veritatis & constantia firmet, ac longam tibi vitam & valetudinem prosperam in hoc proposito largiatur, atque aliis quoque eam gratiam tribuat, quò præclaris monitis ac consiliis tuis aures præbeant vacivas, neque sua quarant, sed quæ sunt Christi.

*Lugduni Bar.  
eod. loc. xxix.  
xx. Junii.*

*Reverendissime dominationis tue  
cultor devotissimus,*

*G. J. Vossius.*

## CIV.

*Joanni Filia.*

*Dilecte Fili,*

**M**ultum gaudeo te, hominem exterum, & qui cum à nobis abires nihil ultra vulgarem eruditionem tibi posses vindicare, tanto honore tam citò à serenissimo Carolo Rege esse affectum, ut te cooptarit in numerum sociorum pulcherrimi Collegii, quod à suavissimo nomine Sospitatoris nostri Jesu nomen suum accepit. Quantum propterea magno Regi, quantum Reverendissimo Domino Episcopo Londinensi, quantum Academicæ Cantabrigiensi summis viris debeam, tute melius vides, quam ego, satis in dicendo infans, verbis possum explicare. Nunc, si unquam ante, magnâ opus erit curâ, atque industria, ut ne summi Regis & beneficentissimæ gentis gratiâ hâc te indignum geras. Equidem non desinam cogitare, quomodo optime animum testari gratum possim. Sed nihil æquè dolet, quam quòd undique ita distingor, ut non tam citò possim omnia quam velim. Ad pecunias quod attinet, iussi, ut mercator ille qui proximè centenos tibi florenos annumeravit, idem nunc ducentos daret. Vix tanto opus esse tibi putabam. Sed malui modum excedere, quam me intra eum continere. Tuum est curare, ut parè expendas. De avunculo quod scribis, frustra es. Facilius Herculi extorqueamus clavam, quam illi teruncium. Necdum ab eo accepi, quod mihi debet ratione domus, cui insigne Dodrechtii ruber pannus est. At scis multos jam annos esse, ex quo debetur mihi ea summa. Videtur tantum hoc agere, ut mihi incommodet, & domui Junianæ. Deus illi ignoscat; sed & nobis, si forte in culpa ipsi sumus, et si id nobis minime videatur. Nempe ut scis, non solemus videre mantica quid in tergo est. Balthazar Lydius jam ante semestris fato suo functus est. Vix dici possit, quantum optima ejus conjux Anna Mylia, quantum liberi ejus in hoc viro amiserint. Scis enim sortem eorum esse angustam satis. Ferè quicquid habent consistit in Bibliotheca sola, luculenta illa quidem, sed quæ alendæ illi familiæ, ut vel maximo pretio distrahatur, nullo modo suffecerit. Abrahamus Beverius noster ante trimestre uxorem duxit. Velartiam, filiam natæ maximam viduæ Panthufiæ, non ejus quæ ex adverso ædium nostrarum, sed quæ è regione ædium Knotterianarum degit. Nuptiali convivio ego, mater, Franciscus, & Cornelia interfui-

fulmus. Franciscus nuptias eas versibus non inelegantibus partim Latinis, partim Belgicis celebravit. Misissim exemplar, sed ipse careo. Imò ne sibi quidem frater exemplum ullum reservavit, quæ in talibus simplicitas est adolescentis. In oratoriis meis institutionibus jam quintus excudi liber cœpit. Vix absolvi possint ante mensem quartum. Forma est folii in quaterna complicati. Fasciculus ille literarum, quem Borrius ad Dubletium curandum susceperat, nondum comparet: quo nomine doleo. Theodorus Grafwinkeilius uxorem ducit maximam natu, sororem convictoris quondam nostri Loëi, puellam & benè natam, & educatam, & egregiè cordatam. Barones nostri ante bimestre ière in Brabantiam: inde per Gallias patriam repetent. Itaque onere nunc convictorum liberati tandem sumus. Absentes postulaverunt, ut suo nomine te juberem plurimum salvere. Dionysius in collo laboravit ingenti tubere. Jam mensis est, quodd Chirurgi operâ curatur. Nec puto sanitati pristinae ante mensem restitui posse. Primum valde metuebamus illi, penè etiam vitæ. Nunc non modo extra periculum est, sed studiis etiam vacat, propemodum ut solet, etiam cum optime valet. Nec dum surrogatus quisquam in locum Jacchæ. Expectant cum M. Reinerius, Pauwii liberorum præfectus, Sinapius sabregens, & M. Bodecherius. Reinerio favet Curator Arsenius: Sinapio Curator Cromhautius, Bodecherio consul Brotchovius. Academia Rectorem magnificum habet Burgerjdicium. Cognata Berthia, legati vidua, nunc Hagæ degit. Sipeleinia hac demum hebdomade nupsit Bommo. Amant prolem jam diu ex marito habuisse, eamque vivere. Sed quid ad nos veræ hæc sparsa sint, an per calumniam? Posterius tamen credere malo, eoque nonnihil dubitabam an etiam hoc scripturus essem, præsertim cum nostra nihil, ut dixi, intersit. Vicinas sedes, quæ Hardewinii sunt, inhabitat nunc Schrevelius medicus: quod nec mihi injucundum, nec conjugii, sæpe, ut scis, infirma ac valedudinariz. Et nosti quam is suavis sit ac lepidus, pene dixeram congerro. Arnoldus Beaumontius hesterno die publicè pro Licentiatu gradu magna cum laude disputavit. Publicè etiam opposuit Franciscus noster: aded alacriter & pulchrè, ut ceteros opposcentes, professorum consensu facile vicerit. Nec dubitat jam quisquam, quin dignissimus sit gradu vel Licentiatu vel Doctoratu. Sed ille differre mavult, quia non jam citam ambit gloriam, quæ umbratilis esse consuevit, quam solidam. Golius ex Syria rediit, ante mensem. Quo nomine valde gaudeo,

ob filium Dionysiam, cui ille arcana omnia linguæ Arabicæ se referare velle promissit. Et faciet scio, quæ viri est humanitas. Nec operosum hoc illi erit, vel inglorium: postquam filius jam in ea lingua, uti & aliis orientalis tantum promovit. Ubi planè sine cortice poterit natate, aliquos libellos ex Arabico vertet: ut sibi & toti familiæ nostræ inde gloriæ aliquid pariat. In tralatione historiarum Reidani pervenit jam ad librum XIV. sperat quod superest intra bimestre posse absolvi. Sed ubi id erit de limando opere cogitabit. Assiduus est in Cæsare, deliciis suis, cujus dictionem ut assequi possit, impensè elaborat. Magna promittit de se, dummodo vitalis sit, & ut nunc, ita deinceps semper Dei sit reverens, qualem fore spero, imò confido. Matthæus industriâ magis se mihi probat, quàm solet. Ardor omnigenæ cum historiæ adhuc tenet. Sed Philosophiam jungere cœpit. Nunc etiam, me auctore, valde se in lectione clarissimorum Scriptorum, & imitatione eorum exercet. Diu suasi, tandem Dei benignitate persuasi. Tu quoque ut agas idem, adhortari non desinam. Scio te jam gravioribus studiis detineri: sed tamen necesse est omnino, ut quotidie aliquid stylo tribuas, qui dicendi est magister. Et consequeris, quod volo, si industrius etiam hac in te esse voles. Jubeo igitur ut paternum imiteris exemplum, qui temporis unius avarus, cæterorum liberalis esse solet. Sed de priori placet: de altero memor eris fortunæ nostræ: hoc est, etiam si liberaliter suppetant pecuniæ, tu tamen parèe iis utere. Quod ego libentius scribo, quia (si fides habenda Belgæ cuidam, qui cum altero Belgæ locutus in Britannia fuit) omnino hac in parte peccas. Nam ita loquebatur, quasi supra sortem nostram faceres impensas. Aiebat te alieubi ita flore Liberi patris exceptum ut propè redditus foreis madulsi. Ego ei hoc minus fidei habebam, quia à quo hæc profecta sunt, etiam hic cum foret, dicitur nomini meo detrahere solet. Vides nec te effugere posse calumniarum spicula. Ita voco. Nam quæ retulere, credere non suffinet paternus animus. Utinam ne decipiar; si quid tamen peccatum, corrige, & cautior esse discas, quantum me, te, & totam nostram domum ames. Qualem te haberi voles, talis semper esto. Ita futurum aliquando ut ne sisat se fortuna in honore quo nunc es ornatus, sed altiora pertingas, ut mihi animus prælagit, dummodò is fueris, qui debes Muscheronio literas debeo: sed nec mater ejus scire se aiebat, an adhuc ageret Cantabrigiæ. Scribes de eo aliquid, ut sciam, quo literas mitti oporteat. Scripsi ad Re-



verendissimum Dominum Episcopum, quo gratias ei haberem pro affectu erga te & me. Eas literas mercatoris, qui tibi annuerat pecunias, Reverendissimo Episcopo vel traderet ipse, vel per suorum aliquem offerri curabit. Quid enim opus fuit eas ad te Cantabrigiam mitti, ut inde denuò Londinum referrentur: Matertera Brunsa quingentos plus minus florenos accepit ex negotiatione Indica. Hac pecunia opportuno ei admodum tempore obtigit: ut facile intelligis. Matertera Junia, Casimiri vidua, vicit causam. Itaque bis mille quingentos florenos ei debitor solvet. Imo jam mille quingentos accepit. Quo nomine quantopere omnes gaudeamus, non opus est exponam. Si scissem nomen ejus Theologi, qui praeest Collegio Jesu, commendassem te ei per literas. Proximis igitur literis fac me de eo certiores, ut ne hac parte claudicat opera nostra. Gratias egi D. Procancelario pro honore amoris erga te, literas ei trades, quas tuis addidi. Staueram primò & aliis scribere. Sed non occurrebat aliud quicquam quod scriberem, præterquam ut gratias haberem pro eo, quod tantopere te amore prosequuntur. Quamquam profectò hoc satis idoneum sit argumentum, & quod per se sufficiat. Verum occupatio erat, ut tam multis scribere non possem, & habebam si unum eligerem, quem esse cum conveniret, cum omnes, ni fallor, pariter te diligant. Quando ad me scribes, significata quid maxime facto sit opus. Adde & prænomena, & dignitatem, ne peccem inscriptione. Isaac & Gerarduli studiis præest filius Joannis Viterarii discipulus cæci illius Pontani, auditoris mei. Pulchre erudit parvulos meos. Itaque ei victum omnem largior, sed eà conditione, ut comedat cum famulid, ut Petrus, baronum famulus, solet. Mater valitudine est satis infirma, sed tamen curat eam diligenter. Ne nunc quidem omnia mihi ex voto, sed malignitate aliena & temporum. Verum fractis etiam rebus inflectio esse animo oporteat: nedum nunc, cum omnia mediocriter sese habeant, & quod magno mihi solatio est, liberi omnes virtutis insistant viam. Video me quantum jam paginam implisse. Quare longior esse nolo. Scripsi raptim omnia, & prout in buccam, nullâ ordinis ratione habita: qua negligentia fortasse non dedecet Epistolam familiarum. Sed ego, ut scis, vix aliter possum scribere, etsi velim, ob tam varias occupationes. Salutem dices V. V. Cl. D. Procancelario Wrenno, item regi Collegii in quo vivis, & D. Doct. Belo, Doct. Collino, Doct. Porter, Doct. Charterton, Mag. Critoni. Quos summos nunc vide ut

observantissimè semper colas & venereris. Vale.

Legd. Bædæ  
cl. loc. xxix.  
xxx Jun.

Tuus Pater,

G. J. Vossius

CV.

Hugoni Grotio Gerardus Vossius,  
S. P. D.

Quam valde optarem aliquem mihi dari, per quem tuæ literæ ad te mitti possint: ecce à Sarmatis suis ad nos mediis nobilissimus Stapesius; una cum Ephoro suo Paschali, Doctore medico, Natione Gallo, domo, & placitis Gensvensi, homine docto, & perhonesto. Alebat uterque se prope diem, saltem post hebdomadas paucas, Lutetiam ituros. Sed prope jam bimestre est, quod culpa eorum, qui ab utroque partibus compeatus literas procurant, discedere illa denum licet. Alioqui non paulo celerius ex me ipso cognovisses ista, quæ de itinere meo Britannico, ex fratris, vel aliorum literis, jamdudum te arbitror percipisse. Nihil tamen prohibet, puto, quo minus nunc quod quæ pauca de eo perscribam. Nempe à Rege Serenissimo, Archiepiscopo, Comitibus, Baronibus, Episcopis, utriusque Academiae summis viris, aliis etiam vel dignitate, vel doctrina claris, eo sum honore, favoreque exceptus, qui non tam Vossio, quam longè majori conveniret: nec recessi, nisi auctus dignitate Canonicatus Cantuariensis, idque eà conditione, ut emolumentis ejus frui liceret etiam in partibus transmarinis. Quæ res, nescio, utrum plus mihi hic peperit honoris, an invidia; apud nonnullos; eos imprimis, quibus moderatio animi nostri est ingrata. Sed ut Dircus ille Vates ait, *revera iura sunt*. Hujus meæ fortunæ recordatio cogitationem mihi injicit ejus, quod hic inter Academicos Curatores deliberatur de Salmasio huc vocando. Inter illos, qui maxime negotium urgent, est Dominus Someldicensis. Ex ordine verò nostro, Ritus vetus. Occuliorque, at non minor, opera est nostra. Impensè enim viro favco, ob multijugam, ac recorditam eruditionem. Nec parum erga cum amor addit amor erga eum tuus, quem literæ omnes tuæ spirant. Quæ res fortasse, cur non aperte cōfideamus. Nempe, ne ei magis incommodum, quam profum. Scis enim negotium hoc transigi non posse, nisi tum iis volentibus, qui ex tremo

trama orula, quam qui moderatione consilia  
sequuntur. At principibus illis pleraque mea  
sunt suspecta; nisi forte ipse nimis sum suspicax,  
qui hæc de iis scribam. Adde quod nec  
omnes, in Salmasio illo negotio consecuti  
sunt, qui nosse virtutes viri debent. Licet  
paulum tecum joculari per literas, quod pre-  
sens facere mallet. At Blarachus, picto-  
rem fuisse, qui cum Gallos depinxisset, ius-  
sit, ut puer tabule adfideret, qui veros abi-  
geret Gallos, ne, quam ineptus esset pictor,  
deprehenderetur. Similiter hic sunt, qui ma-  
nibus, pedibusque disturbare eorum consilio  
nitantur, qui eruditissimum illum Gallum  
huc advocandum censent. Metuunt, ne ta-  
bula sue sint minoris, si omnes ex hoc  
Gallo videant, quantum ipsis ad Romana-  
rum, Gallicarum, Ecclesiasticarum Antiqui-  
tatum peritiam desit. Alterum etiam est,  
quod obstat Salmasio videatur. Nec enim  
ad docendum arcesseretur (quam conditio-  
nem amplecti si velit, neminem inveniet,  
qui obstat, ut ego quidem censeo) sed  
ut eo & loco esset, & stipendio frueretur, qui  
olim & puerum Scaliger. Facile autem co-  
gitare potes, in ea profectum turba uni-  
cum esse minimam, qui sibi honoris hoc de-  
ferendum potius arbitretur. Utinam au-  
tem non de Salmasio modo hic vocando,  
sed de te etiam revocando cogitaretur. O  
quam uberem ex te messim metret patria-  
tua! Quantos & ipse perciperem benevolen-  
tie tue fructus? sed non omnium dierum  
soles occiderunt. Interea me oblectabo dul-  
ci recordatione veterum meritorum tuorum.  
Nam quod aliquando de fructibus amicitie  
nostre literis tuis scribebas in eo meas mihi  
exipulisti partes, qui nunquam tuorum debeo  
meritorum oblivisci. Tanto iustius filio tuo  
faveo. Quamquam non tui modò causa, sed  
etiam quia ingeniù elegantia, ac bonitate in-  
dolis, sic meretur. Dolet de illo corporis  
vitio, quod cum Agesilao, Tyrtao, aliis ha-  
bet commune. Sed gaudeo, quod corrupto  
hoc seculo, quo omnium penè animi claudu-  
cant, filio hætenus mens est recta & erecta.  
Petierat uxor, ut diebus dominicis semper  
præderet nobiscum. Sed non facit. Sub-  
inde tamen adest, & lustrat cum nostris.  
Nec occasionem eam negligo videndi, quan-  
tum in studiis, & moribus profecerit. Vel-  
lem tui filii causa, ut paulò felicidus cum Ba-  
tavæ Scholis ageretur. Sed raro alii, quam  
fungi, præfici inferioribus classibus solent.  
Imo multis è fungino genere hoc ipsum vi-  
tæ genus sordet; maluit aliquid ogganire  
popelli auribus de ambone, & imperare im-  
perantibus. Et profectò, quanto tales ma-  
gis sapiunt, quam qui in pedido illo grege

paetorum à me ad vesperum eramben repe-  
runt tribus conducti nummis. Melius socie-  
tas Jesuitica ac prudentius facit; in cujus  
Scholis, pueris classem mutantibus, mutant &  
ipsi Doctores, atque ad classes superiores eve-  
cti, & successorem nacti, præficiuntur sacris.  
Hæc si Proctores nostri imitarentur, & do-  
ctiores haberentus Ecclesiarum Præfectos, &  
pueritæ Reip. seminario, melius consolare-  
tur. De Lugdunensi tamen Schola minus,  
quam de plerisque aliis conqueri possumus,  
ob probitatem ac virtutem præfecti, qui sic  
satis hypodidascalorum suorum rationem ha-  
bet. Libros tuos de Religionis Christianæ  
veritate, altera hac editione tot mendis ob-  
stos prodiisse, sanè doleo; simulac cogno-  
ram, Lamerium novam editionem cogitare,  
obtuleram spontè ei operam meam, ad corri-  
genda Typothetæ opuscula. Sed negavit ea  
sibi nunc opus esse, quia non manuscriptum  
quicquam excuderet, quod molestius proce-  
dere solet; sed jam semel excusum. Cum  
ne sic quidem satisfaceret, iterum institi, us-  
que dum significaret, se in isto usurum opera  
Clarissimi Barlei. Tum demum mihi ac-  
quiescendum putavi, sed postmodò cognovi,  
contentum fuisse perfunctoria Opella merce-  
narii cuiusdam, scis autem quam parùm hoc  
hominum genus sollicitum esse soleat, utrum  
emendare, an inemendare libri prodigant.  
De Tragœdia Euripidea, & translatione tua,  
omnia spero meliora. Corrigendi ipse la-  
borem suscepit. Quamquam semel, iterum-  
que, postremam revidendi curam, commise-  
rim nostro Coracino; qui tum forte hic erat.  
Ille si non peccarit, bene erit, sed postquam  
Coracinus abire coactus (historiam jamdiu  
invidieris, puta) terroris aliquid injectum  
uxori. Ita dormitavit tragœdia aliquot men-  
sibus. Jam dies est quartus, quod domum  
reperire chartas tuas; idque eo animo, ut  
reliqua perficiant, filius meus Franciscus ante  
biensem, publicè disputavit de gravibus in-  
jure controversiis; nec parùm laudis retulit.  
Laurea etiam doctorali, cum honorum favo-  
re, ornatus est; superintis anni gesta jam pe-  
nè absolvit Heinichus, sperat se intra menses  
duos, vel tres, prælo subicere posse. Utinam  
nam quoque tibi mens fuisset, obsidionem  
Sylvæduensem describendi. Mitto ad te  
oratorium nostrarum editionem novam.  
Quam cum dimitterem, sic munusculum  
meum tacitus affabat, cum vate Hispano;

*Tu qui longa potes dispendia ferre viarum,  
& liber, absens pignus amicitie.*

Si modò nobis pignore ullo opus, sed utrum-  
que est, affabitur ille, cum voles, quod ipse  
utinam possem. Nihil enim æquè in votis,  
quam



quàm ut ne æternum te fruatur externi.  
Iterùm occurrit illud Biblici poetæ:

*Sed reddere tuis iterum visitare Sabinis*

(*Batavis ego dixero*)

*Teque tuas numeres inter amicitias.*

At desino tandem effundere, quicquid in  
buccam venit. Salve, Amicorum doctissime,  
Doctorum amicissime; imo Doctorum do-  
ctissime, Amicorum Amicissime, diuque cum  
Uxore præstantissima & liberis, Vale. Uxor  
salutem vobis omnibus officiosissime dicit.

*Lugd. Batav.*

*elo lxx.*

*Postrid. Non.*

*April.*

## CVI.

Matthæo Wrenno Procancellario Aca-  
demie Cantabrigiensi, nunc Magi-  
stro Collegii S. Petri, & Decano Win-  
toniensi.

Reverende ac Clarissime Domine Wrenne.

Multum equidem letabar, cum salvum  
advenisse filium in Britanniam cog-  
noscerem. Gliscebatur letitia, cum viderem  
Reverendissimum Dominum Episcopum Lon-  
dinensem, meum juxta ac filii Meczenatem,  
tanto cum affectu curam ejus rei ac sollicitu-  
dinem suscepisse, ut filius in Collegio aliquo  
Cantabrigie vivere impensis suis ad tempus  
posset. Sed maxime læticia delibatus fui,  
cum eo esset res perducta, ut in eo viveret  
Collegio, cui tu, vir idem, atque amice  
summe, tanta cum laude præesses, & quod  
ipsum etiam jure magni admodum ducebam,  
ubi mensa & conversatione iis jungeretur,  
qui ut profectu, ita honore etiam primas  
ferrent. Quid istis majus eo quidem tempore  
vovete potuissim. At nunc tamen aliud  
luculentum adeo accessit, cum idem à se-  
renissimo Rege curâ ac intercessione Reveren-  
dissimi Domini Episcopi, & commendatione  
vestra, tanto auctus est honore, ut in nume-  
rum Sociorum Jesu Collegii referretur. Fe-  
licem me, qui tales habeam in Britannia ami-  
cos, felicem etiam filium, qui & ipse uberes  
adeo fructus percipiat ex vestro erga me amo-  
re. Quamquam autem nunc Collegium  
mutabit, fore tamen spero, atque adeo con-  
fido, ut qui hæcenus pulchre adeo de filio  
ac meipso meritis es, eundem erga nos ani-  
mum conserves. Opto etiam ut Collegii Jesu

præfectum talem erga se filius experiatur,  
qualem te expertus est semper. Utinam modò  
filius non indecorum se præstet, nec indig-  
num meritis vestris. Votis ille meis satisfa-  
ciet, si idem est absens, quem præsentem se  
hic gessit. Mea interea partes erunt, ut qui  
tantum mihi amoris ac favoris exhibetis, af-  
fide illud cum animo cogitem, quomodo po-  
tissimum gratum testari affectum erga eos  
possim, à quibus tanto affectus sum beneficio,  
ac qui neque nunc bene de me cessant mere-  
ri. Quos inter te, vir clarissime, optimo jure,  
censeo, imo in iis repono, qui familiam du-  
cunt. Cæterum nunc liceat etiam bonas  
hasce precari te preces, ut deinceps quoque  
filium si ita usu veniat, consilio aut ope tua  
juves; ac si forte (quod ne Deus sinit) vel  
suapte instinctu, vel suasu alieno, alius alibi  
fieret, me quam primum facias certiorum,  
quo principiis obstemus. Nihil quidem metuo  
istiusmodi. Sed tamen jamdiu didici, hu-  
mana omnia incerta; eoque etiam tutissima  
metuere soleo, tantò sanè magis, quantò  
quisque mihi conjunctior & acceptior est.  
Hæc tanti mihi visa, ut vel sola (ita paternus  
est animus) ad te, vir maxime, scriberen-  
tur. Sed deinceps de aliis etiam, quoties al-  
quid non indignum scriptione se offerret, li-  
teras à me expecta. Sed simplices, & quales  
hæc sunt, ut sine animi furo, ita absque ver-  
borum calamistris. Nempe omnia prout in  
buccam venerint. Ita inter amicos puto fieri  
oportere. Nec vel occupationes sinunt, ut  
lenocinia ulla, more quorundam confecti;  
neque ego illis capior, scio neque tu, vir exi-  
mie. Salutem à me plurimam dicis clarissi-  
mis ac doctissimis viris, Doct. Belo, Doct.  
Collino, Doct. Wardo, Doct. Porter, Doct.  
Charterton, Mag. Critoni, aliisque omnibus  
amantibus nostri; quorum ego utinam af-  
fectui erga me & filium meum possim officio  
ullo respondere.

*Lugd. Batav.*

*elo lxxix.*

*Kal. Jul.*

*Virtutum tuarum admirator,*

*ac dignitatis eximia cultor*

*Devotissimus,*

G. J. Vossius.

## CVII.

Ger. Jo. Vossius. Claudio Salmasio  
S. P.

**Q**uod tarde adeo responderim Literis tuis, maxime Salmasi, prius quidem in causa fuit iter à me in Britanniam susceptum unde dignitate Canonatus Cantuariensis à Serenissimo Rege collata, auctior redii domum. Postea autem cum viderem Oratorias nostras vergere ad finem, paulisper volui expectare usque dum eas una cum Literis meis per hominem fidum mittere possem. Qui nunc obtigit, Illustris Baro Stupeskius Polonus una cum Ephoro suo Paschali, domo Genevensi professione Medico. Utinam vero placere tibi possit hic foetus meus. Sed placebit spero, si non merito suo at saltem ob pulcherrimum conatum. Nam & veterum imprimis vestigiis insitimus, & multa tamen accuratius excussimus, quodque facile videbis, plane alia nobis ratio inita; quam qua vulgo tetrica artium præcepta tractari solent. De tuis in Plinium ac Solinum commentariis, qui vere *de deo, de deo, de deo*, gratiam sane promissi facio. Quid enim amicitia nostra recens adeo inita tam cito tibi sit fraudi. Sed siquid postmodo emisseris exigui sumptus, cuiusmodi fuit ante *de deo* missi, quale item quod nunc vides; sane si omnino liberalis esse voles gratum mihi erit donum & suo nomine & auctoris: quem ego cum Grotio nostro coniungere soleo, quoties duos nominare volo omnigenæ doctrinæ Principes, sane orbis nostri doctissimos. Quod elogium non perscriberem ad te, (metuerem enim ne quid videam auribus dare) sed idem non semel his diebus testatus sum apud Academiæ nostræ Curatores. Ex quibus Somelsdicensis Dominus seriò hoc agit, ut Scaligeri locum tueri apud nos possis. O me beatum, si hoc contingat! Rivetus etiam, optimus sane ac doctissimus Theologus, negotium hoc urget, quam qui maximè. Faveo ego utroque, quod dicitur, pollice, & eos incito, qui plus me autoritate valent. Nihil tamen certi promittere habeo: partim quia multi apud nos ad clavum Respub. sedent, studiorum minime intelligentes: partim etiam aliis de causis de quibus fortasse aliquid scribam Post. Non. Maii. Eum enim in diem Indictus Curatorum Academiæ Conventus. Vale, summe idem vir atque amice, ac deinceps crebras à me literas expecta.

Lugd. Batav.  
cl. lxx.

## CVIII.

Dudlazo Carleton.

Illustrissime Domine.

**I**ndignus sum tantis in me meritis tuis, si à longo tempore intermissa scriptione, etiam hanc occasionem dimitterem, redeunte in Britanniam filio meo. Fateor, diu scriptum à me oportuisse, sed sublimem adeo virum interpellare sapius verebar; ut cui tanta negotia, & regias incumbere curas nossem. Nihilominus, cum prolixam cogito humanitatem tuam, qua me humilem adeo hominem prosecutus es, vicissim magnè videbatur inhumanitatis, non facere te certiorum de rebus meis, qui satis ostenderas, quam bene mihi, & omni familiæ meæ velles. Ea itaque res, ut scriberem, induxit; nec materia deesse videbatur. Nam præterquam quod mei muneris duxi transnittere Oratorias meas (quas rogo animo potius donantis æstimes quam pretio sui) etiam ex meipso cognoscere te volui, quod fortasse jam ex aliis intellexeris; nempe ut mensibus abhinc propemodum quinque sedem meam Amstelodamum transfulerim, vocatus ab urbis ejus Proceribus. Nuper quippe à Consilium cepere de erigendo in urbe ea Illustri Gymnasio, ne Civitas omnium totius Belgicæ florentissima & opibus virisque valida, sola Studiorum cultura aliis plerisque cederet. Itaque eo me vocarunt ad eandem Professionem sustinendam, quam oblii Lugduni. Causæ, quæ me impulere, ad suscipiendam conditionem, variæ fuere; ut enim stipendium mittam, quod fere alterâ parte majus est, liberorum hic longè magis rationem habendam, satis luculentis indiciis perspexi. Nonnullis credo mirum videbitur me ex florentissima Academia commigrare in Illustrè Gymnasium, de quo vix dicere illud possumus, adhuc messum ejus in herba esse. Necdum enim herbescit, imo ne quidem sementis facta. Veruntamen non mei unius hoc consilio egi; sed multum cum aliis summa & prudentia & auctoritate viris deliberavi, qui hujus mihi rei auctores fuerunt. Nempe omnes prope judicant, eam esse hujus urbis potentiam, illud nomen per orbem omnem: ut si aliunde splendorem petam, quam à propriis ingenti ac industria monumentis, eum non minus à clarissima hac maximeque Urbe, quam vicina Academia, consequi possim. Quantoque illustrius deinceps futurum urbis hujus Atheneum, tanto ubique gloriosius mihi erit, prima ejus jecisse fundamenta. Multum me etiam pet-

lexit



lexit Magistratum hujus urbis cum summa prudentia, tum etiam excellens doctrina; ita ut verissimum hic Platonis dictum comperiar, qui tum foelices fore Respub. aiebat; quando, aut qui Philosophi essent, regerent, aut qui regerent, Philosopharentur. Nec ignoro esse, qui nomini Procerum plurimum detrahant, quasi iniquiores sint Ordini Ecclesiastico. Verum video, abunde huic eos favere, dummodo se ille contineat intra effata, ac pomeria sua. Nec ea ad Gymnasium nostrum controversia pertinet. Neque me deinceps ei immiscere animus, sed pacem semper & concordiam sectabor. Liticula adhuc aliqua est Lugdunensibus cum Amstelodamensibus de Jure erigendi hic Illustri Gymnasii. Sed intra dies paucos ea Controversia ab utraque Curia decidetur. Nec tantillum dubito, quin sententiam lata sunt pro Amstelodamensibus. Ita saltem censent, quicunque rerum Batavicarum sunt gnari, atque animum habent affectibus minime mancipatum. Sed de isto fortassis nimis multa. Quod superest, Illustrissime Domine, optimeque Mecenas, Deum oro, ut Nestoreos annos felix & fortunatus vivas, cum Illustrissima Heroïna uxore tua. Ex qua quam simillimam vestri prolem, vobis exopto, Regni Britanniae bono, simul gaudio vestro. Atque hoc Deum rogo. Te autem unum illud, ut quem hactenus tanto es favore complexus, cum porro habere velis in Clientium numero. Hoc equidem affectu erga me tuo subnixus semper ero.

*Illustrissimo nomini tuo totique Domini Carletonae devotissimus simul & devotus Cultor;*

G. J. Vossius.

## CIX.

Johanni Meurfio S. P.

**O**B diuturnum adeo silentium difficilis mihi causae dictio apud eos foret, qui me novo potius aliquo norint, quam integrum, uti tu facis, vir clarissime. Cui, ut puto, facile persuadebo, tandem me nihil scripsisse, non quia minus amem te absentem, quam soleo praesentem: sed partim ob occupationes *hyemales*, & in valetudinem meorum, ex quibus maximus natus filius, Collegii Jesu Socius apud Cantabrigienfes, plus minus mense oculis captus fuit: partim etiam quia te ipsum expectaremus, uti spem tui feceras

nobis ante sesquiannum, vel praeterpropter. Primis quidem mensibus, ex quo eas literas acceperam, irritum fore hoc promissum facile praevidebam. Sed federe inito inter Caesarem, & Serenissimum Regem vestrum, omnia visa liquidiora. Itaque proximo quidem autumno avide te expectavi. Nunc nihil sperare ausim ante ver medium, vel etiam aduſtum. O beatum illum diem quo te amplectar! Quam de multis tum loqui licebit *supra verba supra*, quae non tuto satis literis committantur. Sed dum te caremus, nefas sit non arripere occasionem scribendi bellam, eunte ad vos optimo doctissimo amicissimo Stephano Stephanio. Jucundum quidem mihi est te salutare; sed multo jucundius erit id agere per amicum hoc caput, ex quo ea etiam cognosces, quae non scribo. Jam mensis est, ex quo me Lugdunum iterum habet. Bimestre impensum itineri Britannico. Sane non facile dixerim quantum mihi honoris habitum sit à viris, genere, dignitate, doctrina, insignibus: ipso etiam Serenissimo Rege, nulli nostri temporis regum secundo: cui coram gratias egi pro collata mihi dignitate Canonatus Cantuariensis, & ita collata, ut frui ejus emolumentis etiam in transmarinis partibus possim. Equidem nescio, nec valde scire laboro, utrum oculi propterea doleant amicorum meorum fucatifimo, de cujus fucosissima amicitia scio etiam te non semel apud me graviter conquestum. Nempe tales sic omnia componunt, quasi sibi non esset bene, nisi aliis sit male, praesertim illis, qui studia tractant non adeo diversa. Ut facile comprobent illud vetus quo solent *quorundam* *disertorum* vocitare. Sed meliora tamen de illis speremus, ne videamur amorem omnem exuisse, cum aliud sane ob egregias quasdam virtutes mereantur. Praesertim cum tales saepe cum obesse volunt, magis prosint. Ut non de nihilo dixerit Gregorius Theologus, multa esse in quibus *et admodum aduersus et aduersus, et aduersus, et aduersus aduersus*. Curator Academiae Arsenius, Somelsdicensis Dominus, in eo strenue adlaborat, ut in Academia hac clarissimus Salmasius eo esse loco possit, quo Scalger olim fuit. Est qui manibus pedibusque obnixè agat omnia, ut huic incommodum proposito. Parum id fore ex honore suo aratur. De quo ego non disputo; qui multum honoris huic loco ex viri ejus praesentia Academiae nostrae accedere posse existimo. Utinam tantum etiam Amplissimus Grotius, tuque, clarissime Meurfii, eodem vel non dissimili apud nos loco essetis. Sane ubicunque nunc vel Cimmericae esse tenebrae videntur, vobis lucentibus facile haec pellerentur, nec praeter vestri ingenii ac doctrinae fa-

cem

eum nocturna ulla lumina quæretemus, imo  
 Titania ingenii vestri lampadē, alius in hoc,  
 alius alio in studii genere, diem ipsam redu-  
 ceretis. Sed multum metuo, ne unquam no-  
 bis tam beatis esse liceat. Interēa pro te mihi  
 erunt scripta tua, quæ omnes amant præter  
*admodum notis* animique livore tinctos. Sane  
 apud Britannos, qui quidem Græcarum An-  
 tiquitatum studio tenentur, tuos labores mirè  
 prædicant. Inter eos doctissimus Crito, Græ-  
 cæ Linguae apud Cantabrigienſes Professor;  
 ex cuius ore lubentissimè audiui, quæ & illo  
 & te digna erant, ac eo solum nomine à me  
 reticentur, quia moris mihi magis est ista a-  
 pud alios, etiam in amulorum præſentia, re-  
 ferre, quàm quempiam in os laudare. Ut  
 videas quantopere scripta tua peregrinentur,  
 superioribus annis etiam Athenæ tuæ Athe-  
 nis ipsis fuerint. Eò secum detulerat illas  
 Pitteus, Anglus longè doctissimus, quem Il-  
 lustrissimus Arundelice Comes, vir natus ju-  
 vandis literis, in orientem miserat, ut inde  
 antiquos lapides, aliaque monumenta in Bri-  
 tanniam referret. Vix dici possit quam mul-  
 ta præclara inde reportarit. Quæ paulatim  
 juris fuerit publici. Atque idem inter alia  
 etiam Athenas, ubi diutissime vixit, descri-  
 bere parat: credo ad formam eam, quæ By-  
 zantium Gyllius descripsit. Vir est ut huma-  
 nissimus, ita mihi amicissimus, ac tuo etiam  
 dignissimus amore. Nam quod dicebam antea  
*admodum notis* esse solere, id in neutro no-  
 strum locum habere debet: qui cum studiis  
 semper conjungimus animi candorem. Puto  
 fore ut propediem hic edantur literæ Casau-  
 boni ad Scaligerum, Heinsium, Rütgerium,  
 alios. In iis non tam multa quàm vellem,  
 sed nec rara tamen hic mentio tui. *Admodum notis*  
 enim vidi: nec dubito quin futurum sit, ut  
 omnia fide bona edantur: quippe prærit edi-  
 tioni doctissimas ac tui etiam amantissimus  
 Rivetus. Itaque nec displiceat, si eas huc  
 mittas, quas magnus ille vir ad te olim  
 scripsit. Fuerit, puto, id ex honore tuo,  
 cui impense faveo. Quod si quid in iis sit  
 quod divulgari non debeat, poterit à te de-  
 beri. In Scaligeri Epistolis, quæ, ut scis, ante  
 triennium hic excusse, quedam relicta sunt,  
 quæ refecari longè satius fuisset. In iis quid-  
 dam etiam est acerbe ac nequiter de te di-  
 ctum, sed pro nomine tuo Asteriscus posi-  
 tus, ut te signari pauci intelligant, præter  
 eos qui Scaligero fuere familiares. Socerum  
 quoque meum Junium non uno loco fugillat.  
 Eaque res mihi præfationem magna ex parte  
 expressit, quam historiarum mearum de Historicis  
 Latinis præmisi. Seldeni opus de Diis Syris  
 hac ætate, vel paulo ante, longè auctius hic  
 recusum, & Heinsio nostro dicatum est. Au-

dor ipse, cum esset inter patronos Minoris  
 domus Britannicæ, atque se vehementius ge-  
 reret adversus Regem Serenissimum (seditio-  
 nōse multa locutus dicitur, de quo ego judi-  
 cium ferre non possum, quia & patronos suos  
 habet) in turri custodiæ traditus est. De  
 vita tamen periclitari negant illi, qui norunt  
 clementiam Regis, atque amorem erga lite-  
 ras & literatos. Imo jam dies sunt pauci,  
 ex quo aliquis mihi significavit, cunctos qui  
 se Regi tantopere opposuissent, ab Rege esse  
 è custodia liberè dimissos. Sed de isto cer-  
 tiora propediem intelligam. Si verà narra-  
 runt, quamprimum Seldeno literis meis gra-  
 tulabor. Nam inter nos non ita magnum,  
 culpa mea, sed aliquod tamen commercium  
 est literarum. In Alardo, quem mihi penul-  
 timis literis commendaras, feci quod potui:  
 nec inutilis illi fuit opera hæc mea. Quo-  
 quid feci, feci adolescentis causâ, feci &  
 tuâ; feci etiam ob parentem ejus, qui &  
 mihi per literas gratias egit. Video virum  
 esse bene eruditum. Si quid in eo amplius  
 possum, vel quocunque alio, faciam id luben-  
 tissimo animo, uti amicitiam nostram decet.  
 Sum quidem satis negligens in scribendo,  
 præsertim ubi nihil est quod urgeat. Sed  
 nunquam patior operam meam desiderari iis  
 in rebus, unde boni aliquid ad alterum re-  
 dundet. Tertium ante tres menses obiisse,  
 jam, ut puto, intellexeris. Golius ante  
 4 menses rediit Syria, vir sanè ut doctissi-  
 mus, ita longè optimus, & candidissimus,  
 ut verum Batavum decet. Is geminam obit  
 professionem: inque Mathesi Snellianas, in  
 Arabicis Herpenianas partes suscipit, non sine  
 gloria. Grotius Grollæ obsidionem descripsit,  
 quæ jam excussa. Heinsius Ordinem est Hi-  
 storiographus. Hoc nomine ei tributum sti-  
 pendium annuum flor. 700. Occupatur in  
 scribendis iis, quæ hoc anno feliciter Batavis  
 succedere: imo putat intra mensem unum al-  
 terum se Historiam hanc prelo subijcere posse.  
 Non abhorrebat ab iis pangendis Grotius:  
 Sed videtur eum sufflaminasse, quo duo vel  
 tres hanc sibi provinciam elegissent, qui ceti-  
 tus omnia nosse possent, ut qui Obsidionem  
 Sylvaducensis interfuerant. Ex his esse  
 creditur Huygenius. Principi nostro à Secre-  
 tis. Barleus victoriam hanc carmine victuro  
 celebravit. Etiam nomine Illustrissimæ Ame-  
 liæ ingeniosam & elegantem Elegiam fecit  
 ad Maritum suum Principem nostrum, ad  
 modum earum, quas sub heroidum nomini-  
 bus Ovidius ac Sabinus condiderunt. Eam  
 Epistolam non ineganter Belgicis verbis  
 in gratiam Domini Principis Scriverius ex-  
 pressit. Institutiones meæ Oratorie intra bi-  
 mille erunt regulæ, multo limatiorēs, & al-  
 tera



terâ parte auctiores illis, quæ secundo prodire anno cō loc ix. Vale, vir maxime & amicissime, & plurimum meo nomine saluta optimam uxorem, Clarissimum Laurebergium & Collegarum alios. Uxor etiam plurimam tibi atque uxori salutem adscribi iussit: & filia filia. Nempe æquum est etiam liberos paternæ esse amicitiaē participes ac hæredes.

Lugd. Batav.  
cō loc xxx.  
Id. Januar.

Totus totus,

G. J. Vossius.

### CX.

Clarissimo Viro, Jacobo Roverio, S. P.  
Dordrechtum.

NON studiis modò, ut putares mi Roveri, sed occupationum etiam undis (nisi hoc grave nimis est verbum) ita immergor, ut vix animus unquam emergat. Ad negotia seria accedunt Interpellationes amicorum, vel coram, vel per Epistolam. Scio nihil utilius, nihil etiam esse sanctius amicitia; sed si ea in nimis multos diffunditur, fit illud, ut quia scribendo non licet bene mereri de publico, tempus omni auro potius, non quidem ratione omnium, sed tamen ratione plurimum, pereat studiis ac posteritati. Illud dicere malo, quàm bono famæ. Nam quid illa est nisi inane nomen? Et habet aliquid, quod magis noceat, quàm profit. Quid illud? inquires. Nempe eo ferè omnes animo sumus, ut non libenter aliquid deperdi sinamus, quod nominis ad honorem pertineat. At qui ita fuerit animatus; ille famæ jam magis, quàm sibi, quàm bono etiam publico, vivere incipit. Mihi verò longè semper alia mens fuit. Subinde tamen metuo, ne non satis me nôrim, & dum non dico famæ servio, quod omnino non facio, sed tamen paulò fortasse majoris eam æstimo, quàm debebam, minus etiam placeam amicis illis, qui omnia publico metiuntur. Quos inter, conjunctissime & amicissime Roveri, lubens meritò te repono. Amo enim te ut affinem, Liberorumque meorum Consanguineum, amo ut quodammodo discipulum, cumque amantem mei, eoque, prout quidem res utriusque nostri tulere, satis familiarem. Sed majus est, quod amo, ut præclaræ adeo indolis, præclaræque eruditionis virum, & si voles, pulchrè de Rep. literaria meriturum. Itaque dolet, quod ex Britannia redux diculâ citiùs, quàm statueram, abieram Dor-

drechto. Dechreram enim aliquot horas dare amico non uni, atque in his, quos fraternus tibi sanguis, aut proxima adfinitas conjunxit. Quod si potuisssem, fuisssem felicior, quàm putàram. Nam in te quoque, quem ob peritiorem literaturam; urbis tuæ posthabeo nemini, simul incidisssem. Non te Dordrecht, sed Hagæ unà cum Parente, vivere arbitrabar. Eoque simul ac Hagam excurri, rectè cam in domum, ubi me apud te divertisssem meministi, contendi. Quid responsi acceperim, nihil attinet dicere. Dolui interim ob errorem hunc meum, & ita dolui, ut cum per alterum excusare hoc apud te possem, ipse ad te literas dare maluerim, tardius fortasse quàm expectasses, sed ex more meo, qui usque adeo tardus in scribendo esse soleam; ut interdum nec tertio respondeam mense, interdum nunquam: quippe qui rarò, nisi necessariò scribam. Quod vitio nemo vertet, qui vitam, & occupationes meas nôrit. Absque his esset, non alter lubentius, vel frequentius ad me literas admitteret, quàm ego remitterem. De multis etiam scriberem, quæ ne nunc quidem scribo. Sed de quibus non scribo, loquar tecum cum voles. Quando autem illud erit, Optime, & Optatissime Roveri; Audies tum inter alia, de toto meo itinere Britannico. Filium meum Franciscum non sine gloria publice, pro doctoratus, ut vocant, Laureâ disputasse v. Non. Febr. credo, jam ex aliis intellexeris. Oratoriarum mearum vix ante mensem videbunt lucem. Parte alterâ erunt auctiores, longèque emendatiores: ut novum opus haberi, vel saltem videri possint.

Vale, Doctiss. Cognate, ut nunc loquimur, vel potius Adhins; sed tamen non minus care, quàm si sanguine tam esses conjunctus, quàm es non modò uxori, ac liberis meis; sed etiam qui paulo propius attingunt. Plurimam per te salutem dico, Amplissimo Parenti, ac conjugii optimæ; item fratribus egregiis, ac Affinium Pari Blyemburgio, Berckioque; quorum illi, tergemino antea honore inclyto, accessionem equestris dignitatis, gratulatus sum coram, ac nunc quoque feliciter ipsi, familiaeque toti vertere cupio, speroque.

Lugd. Batav.  
cō loc xxx.  
vi. Id. Febr.

Tuus,

G. J. Vossius.

## CXI.

Joanni Vossio.

**J**AM quarto ad te scribo ex quo veni domum. Interim una Litera mihi à te ; non Litera ; nec enim Literarum nomine censei digna, quibus non aliud ais, quam te Hungari Literas ad me mittere, ut domestici mei eas melius procurent, quam à tabellariorum vulgo fieri solet. Nisi hoc alicujus putas, quod adjeceris, te non multò antè ad me de pluribus scripsisse, atque in his etiam consilium te poscere, utrum Theologiæ an Juris studium debeas amplecti. Ego verò eas Literas non accepi, ut quæ ambiguum reddunt animum tuum, scire non possim. Quanto satius erat, te mecum de eo egisse, cum in Britannia forem, atque ipse cum Reverendissimo Episcopo, & aliis summis viris consultare de re tota possem? Nunc illud dixerò, Theologicum studium palmam præripere omnibus, & esse ei suos quoque, imo maximos, in Anglia honores. Quod de aliis terris non possis dicere. Quamquam ut nulli honores ei magis quam apud nos forent, tanta est excellentia ejus studii, ut omnes pios in amore & admirationem illud sui rapere debeat. Quare te ipsum in consilium adhibe, vide quo animus maxime feratur, consulta cum summis viris, & utriusque nostri amantibus. Ante omnia Deum ora, ut te prudentia spiritu regat. Mihi seu hoc, seu alterum studium amplecti volueris, satisfacies abundè, dummodo duo ista præstes. Prius est, ut pius sis, atque ita te geras, ut videam te regi Spiritu Domini. Alterum ut nihil vulgare in studiis præstes, neque indecorum te familiaris nostræ ostendas, sed gloriæ esse & immortalitatis candidatum. Quam ad rem industria opus. Magnam in Liberiorum singulis spem reposui; Unus tu mihi, natu omnium maximus, scrupuli aliquid injicere soles: non quia non tibi ingenii abunde sit, sed quia diligentiam desiderarem. Sed cum postremò alter alteri vale diximus, ita me plenum magnæ spei dimisisti, ut non possem non pulchra quædam de te augurari. Credimus nos Parentes facile liberis nostris. Sed tamen tibi, ea jam ætate, puto me tutò credere posse. Si decipis, te potius quam me deceperis. Adolescens, ut Poeta ait, *Cereus in virum flecti*. Tu potius cereus esto in eo, ut facile animo imprimas monita mea; Ab his dinovere si quisquam te volet, ferreus vel adamanti similis sis. Apage igitur istos qui ad inertiam te vocant, filiamque ejus luxuriam, quæ te in Barathrum aliquod

præcipitem daret, unde cum lachrymis eximi postea optares, sed frustra. O quam mihi gratus eris, si (ut Nazianzenus ad Vitalianum scribit) *ὡς τὸν Σαλῶντα οὐκ ἔστιν ἄλλο*, *ἢ ὡς τὸν Λέωντα οὐκ ἔστιν ἄλλο*. Fac, fac, mi fili, sic eris senectutis meæ solamen, domus nostræ fulcrum. Quid tibi cum illis negotiis, non tam pedibus valgis, quam mente distortis? Similem te sui volunt. Renuntia eorum amicitia. Quid boni ex iis discis? Nihil sanè. Omnis eorum eruditio, quod manum habeant eruditam. Sciunt ut cum Poeta dicam,

*Quo gestu Lepores, aut quo Gallina secetur.*

Ventustum in illis nihil. Quippe qui nullam sermonis Venerem nisi de Venere agnoscunt. Tuum est amare non illam vulgarem Venerem, sed alteram, *Ὀυραν*, quæ celestes inspirat amores. O quanto jucundior amor ille! Me quidem ita sacra studia afficiunt, ut omnia præ iis pudeant. Nempe tantum studium Theologiæ præstat cæteris studiis, quantum hæc voluptatibus istis adolescentiæ. Sed si Naturæ, Historiæ, Juris te magis delectat, non repugno quò minus totum te iis des. Hæc quoque ut usum necessarium, ita incredibilem habent voluptatem. Itaque Plinius ex studiorum voluptate tenebatur, ut & somno & cibo detraheretur, quemadmodum ipse in præfatione naturalis Historiæ testis est nobis. Scis etiam ut Archimedes & cibi & potus oblivisceretur studiorum amore. Sed quid ego te ad Externa voco? Quæ non sufficiat domesticum exemplum? Egone tantum laboris & in istis exhaustissem, nisi illi mihi labor fuisset jucundior, quam ista quæ alii consecrari solent? Et voluptas illa manet. Juvat nunc recordari quoque ætatis retroactæ. Quod tu de te non dixeris. Sed ut deinceps dicere possis, de eo quidem, quod divina bonitas vitæ amplius largietur, id quidem in manu est tua, mi Fili. Quare hoc age, nec patere domum, quam ego virtute mea paullum crexi, tam cito vitio tuo collabi. In stylo omnino velim te exerceas. Neutiquam enim mihi satisfacis hac parte. Nosse desidero, quantum in Græcam tuopte Marte valeas. Item equos instituas Adolescentes. Optimus proficiendi modus docere alios, quæ didicimus. Et tum demum aliquid scimus, cum docere id alios possumus. Aves, credo, scire ecquid apud nos rerum sit novarum. Sed nihil sane est quod magnopere scribi mereatur. De induciis deliberatur, in Ordinum Conventu; verum plures eam adveniantur, præsertim qui in mari vivunt, vel ut scire Græci eos vocant *ἐλκεῖς* (nautas me vides dicere) vel qui ex eo vivunt, ut



Negotiatores multi Magnarii, imo & quos liberos Piratas nuncupamus. Ultrajectini cogitant de Academia exigenda. Si Amstelodamenses in proposito persistunt, vocabunt in urbem suam Barlaam, ut ibi Philosophiam & Historiam profiteatur. Colvius uxorem ducit filiam Abrahami vander Mylen. Wicfordus qui pro gradu Doctoratus in Academia nostra ante paucos annos disputavit, in Galliis dicitur coniectus in carcerem ob as alienum, quod ~~am~~ ille conflagavit, nec Patrensolvere curat, nec etiam debet ne foveat ejus luxuriam, & ceteros perdat liberos. Mater tua aegrotavit iterum aliquot hebdomades. Cura eam valde macerant. Scis quales dicere velim. Audio te ante menses duos vel paullo minus, Londini, adfuisse Strusio. Ego utrum Strusius ille albus an ater si nescio. Sed tamen ajunt eum convivii magis gaudere quam nostram decessat sortem. Quare malim tibi commercium esse cum hominibus literatis, & ad rem attentis. Pupam unam filiole Domini Wrenni jamdiu acceperis. Alteram non potuimus tam cito nobis comparare. Amstelodamo enim apportari necesse sit. Sed si & alteram voles, perscribe, atque adde cujus magnitudinis eam esse cupias. Quanquam hoc quoque scito opus, quomodo transmitti quam tutissime possit. Prodiit Londini Libellus cum hac Descriptione, Alter Eccebolius, M. Antonij de Dominis Archiepiscopus Spalatensis. Excudebat Billius, An. 1624. Ibidem prodiit Concio ad Clerum, habita Cantabrigie per Sam. Wardum, Excudebat Milo Fleisher 1627. si commoda se offerat eos Libellos mittendi occasio, transmittes. Sin minus, ne laboro. Habui utrumque Libellum commodatum à Nouwio. Sed cum in Gallias iret, per fratrem utrumque repetiit. Retinere maluissim. Et dixerat, posse me utrumque reservare. Sed sententiam videtur postea mutasse; Nolim tamen de iis te valde esse sollicitum. Possim enim utroque carere. Video chartam monere, ut definam scribere qui non definam te amare, dum tu virtutem amabis, quod ut æternum sit, Deum oro. Salutem dices iis quos toties jam literis signavi, ut repetere nihil attineat.

Lugd. Batav.  
cl. loc. xxx.  
Post. Id.  
Mart.

Tuus Pater,

G. J. Vossius.

Qui has ad te Literas defert, mihi quidem hæcenus ignotus fuit, sed cum eum cognoscerem, esse filium Castellani, Gallicæ Ecclesiæ quondam Ministri, Senioris autem Trelocatii, Præceptoris mei, ex filia Nepotem,

nolui eum dimittere sine Literis meis; præsertim cum & honestus & non ineruditus videretur.

## CXII.

Francisco Junio, Fr. Fil. Londinum.  
S. P.

**R**anis illis Seriphiis, mi Affinis, taciturnior mihi videris. Citius illis vocem, quam tibi verbum aliquod expressero. Quippe jam bimestre est, quod à nobis abiisti, ac ne illud quidem significas an salvus in Britanniam adveneris. Profecto, nisi mihi satis perspectum foret, quam tardus sis in scribendo, plane aliquod suspicarer, quod dicere nolo. Interea ut mihi, optime sorori, & liberis etiam meis, omnem eximas scrupulum, silentium rumpe, & nos quamprimum Literis compella. Si non ob aliud, saltem, ut ne ultra ignorem, quod me maxime tangit. Quare nunc tibi rescribam, & quædam tibi scribam. Nam quid magnopere juvet, si nos mutuo amemus, & ne literis quidem alter alterius finiamur. Nempe sic Tantalo, jure comparemur, cui & jam decessat, quod habebat. Franciscus meus pro gradu, ut loquimur, Doctorali, publice disputavit, ac strenue rem gessit. Smontius ab Amstelodamentibus, urbe exarchus est. Itaque apud nos domum conduxit. Oratoris meæ domum, post hebdomades duas, aut tres, erunt absolute. Filius Dionysius orfus est, ex Arabico transferre gentis ejus proverbialia. Nonnihil tamen ab hac opera revocabit versio historie Reidani. Heinsius propædic in editorum est historiæ omnium, quæ superiori anno contigerunt. Vehementibus studiis agitur, in conventu illustrium Ordinum, an de induciis sit cum Hispano agendum. Major pars hæcenus abhorrebat ab eo consilio videtur. Desidero scire, quando sperare liceat quæ affecta habeas, de Pictura, Sculpturaque. Martinius Brentanius videtur deposuisse cogitationes, de Affine Junia. Nolle aveo, verene hic sparsum sit, Seldenum carcere liberatum. Adde quoque, quando visurum sumus Clarissimi Pitrei Athenas, aliaque. Quæso urge virum. Metuo enim ne ei calcare opus sit. Sorori Brunæ agere est, quod ei migrandum erit ex ædibus in quibus hæcenus commode vixit. Ipse Dominus etiam in iis habitare statuit. Literas à te Roterodamo ad se perscriptas, toto mense post accepit. Quod male eam habuit. Colvius noster uxorem ducit, filiam Abrahami Mylii, puellam egregiam, nec male dotatam. Amstelodamenses cogi-

cogitant, de uno alteroque Professore, aliunde advocando, ne Parentes necesse habeant, tam cito ablegare liberos ad Academiam, ubi major pars corrumpitur, licentiâ, & malo exemplo. Jam de Barlaeo super hac re actum, nondum tamen transactum. Nec dubito tamen, quin si negotium procedat, ceteris sit præferendus. Dicuntur Ultrajectini cogitare de Academiâ apud se erigenda. Quæ res incommodare Leidenſibus poſſit. Scis enim loquum eſſe ad eam rem ſatis idoneum. Nec obſtare Hollandi poſſint, cum æquæ Provinciam conſtituant, ac illi, ſi quid ultra hic rei novæ ſit, cognoscere poſſis ex eo, qui hæc literas deſert. Eſt is ſenioris Treſcati, ex filia Nepos, Caſtellani, Gallici ante annos aliquot Eccleſiaſticæ filius. Hactenus mihi ignotus fuit. Sed cum ſtudioſorum cauſa, ſe in Britanniam velle in diceret, & perthoneſtus juvenis videretur, ſine meis cum literis diſmittere nolui. Speraveram fore, ut prior ſcriberes. Poteram ſanè te compellare illo Homærico, *ἔργον δ' ἔγωγε νύ κεν*. Sed mihi magis eſt literarum tuarum deſiderium quam tibi mearum. Scis enim quàm aveam noſſe omnia, quæ ad filium pertinent. Quare prævertere te ſcribendo malui. Nec deinceps deſtreſto ſimilem Provinciam; dummodo tantum ſpondeas, te propemodum paria mecum ſacere velle. Ultra non exigam, eſti minus me ſis occupatus; niſi valde me ratio fugit. Pergratum erit ſi plurimam meo nomine ſalutem dixeris Nobiliſſimo Equiti D. Guilielmo Houardo, cui à ſtudiis es magnæ Illuſtris Arundeliæ domus ſpei. Omnia ei à me ſervitia offerre, ne grave ſit. Pitteum etiam ſalutabis, in quo candor & eruditio certare mihi videntur. Vale, Conjunctiſſime Afſinis.

Lugd. Bat.  
cl. loc xxx.  
Poſtr. Id.  
Mart.

Tuus Afſinis,

G. J. Voſſius.

### CXIII.

Matthiæ Martinio. S. P. Bremam.

**L**ongo tempore filii ad literas tuas; ſed jamdiu quoque cauſam ejus rei intellexeris, ſcio, ex Herdenio noſtro. Nam id non obſcure perſpexi ex Epiſtolâ tuâ ad Joſtonum. Quare non tam me in Britannia fuiſſe dicam, quam illud dicam, ita me illic fuiſſe, ut qui prius eo negotii cauſa ſim proſectus, videar mihi aliquando, vel ſolo ex amore, eam poſſe repetere. Humaniffime

enim ſum exceptus à Rege Sereniſſimo; Archi-Epiſcopo, Comitibus, Baronibus, Epiſcopis, & quid ſingulos enumerem, ſumma & dignitatis, & authoritatis viros? Nec parum mihi honoris exhibuit, utraque Academia: uti & Cantuaria, ubi Canoniconum ejus loci ordini ſum inſertus, regia dignatione: Et quidem conditione ea, ut in partibus etiam tranſmarinis emolumentis fruâr. Scis illud Bilbilici Poetæ:

*Dicitur & noſtros cantare Britannia verſus.  
Quid prodeſt? neſcis ſacculus iſta meus.*

Video me ſœliciorem hoc Poetâ; ut qui labores ſui apud Britannos, non modo, ut illi, nomen aliquod, ſed etiam rem parent. Quamquam ut ſacculus iſta neſcirit meus: nihilominus (verè dico) affectus hujus gentis animum adderet ad majora; quippe qui publico potius bono, quàm privato, metiri omnia ſoleam. Reperi in Britannia etiam magnâ cum voluptate mea, complures nominis tuamatores; Et cum ſermo de te inſiſſet, interdum ab alio, interdum à me inſectus fuit, dignum virtute tuâ, doctrinaque illa ſingulari, præconium à nobis acceſſit. Qui fieri aliter poterat? Egyptios fuiſſe incantatores, facile credo Homero. Nec enim omnia mentiuntur Poetæ. Te ſcio non Egyptium eſſe, ſed Germanum. Sed tamen quali Egyptius eſſes, neſcio quo veneſcio, uſque adeo imbuſti animum meum, ut eum plane illexeris, tibiſque devinxeris. Et eo magis ſavi amoribus tuis; utcumque in hoc rerum incerto, non poſſem ſic me, *ἰσχυρῶς*, huic negotio miſcere, ut vellem: præſertim qui ſcirem, quid animi aliquibus foret, qui propius viverent, & plus poſſent. Quamquam de eo quidem, non eſt quod multis loquar, poſtquam tu, ſive quia præſens Germaniæ ſtatus non ſatis ardeat, ſive alla de cauſa, ſatius putas, ut miſſa hæc facias, ſalve amore noſtro, qui erit dum erimus. De Arnolſo Vorſtio, non ſine dolore, intellexi, quod ita æs, tibi ſublino paſſus ſis. Miſeret me Matris quæ commendari à probitate multum ſolet. Metuo ne liberorum mores omnem ei prudentiam expectarent. Quid dicam? Animam debet. Nec amplius ei credam, quam donare quantum velim. Uno peccare ſolet, Indulgentia erga liberos. Sed metuo ne Vara Vibiam ſequatur. Scis quid non tentare ſoleant qui conſtituti ſunt pejor, quam inter ſacrum & ſaxum. Non leve eſt, quod & debet ſoceri mei filie natu maxima. Ego illud nomen vix textivilitio empticem. Crebro domum ejus tua cauſa filius meus acceſſit. Acceſſi & ego. Sed notiores omnes è familia mea ſunt, quam ut admittantur. Quare ſit illud Poetæ; Non-





detriverit: imo simulac Literas meas acceperas, ne conquerendum quidem de diuturno hoc silentio putaris. Nempe ut Symmachus ait, Amicitia cito sanatur officio. Sed quæ divina hæc bonitas tua, ut hunc cessatorem, seu triconem aut bovinatorem (imponere nominis quicquid vis) literario munere, eoque auro magis aureo, mactes, cum Naufistrata dixerò, Vir viro quid præstat! Alterum urit si aliquid credamur; tu nomen nostrum prædicare non cessas, & seculo huic & posteris. Quas tibi ego, quas Liberi mei pro beneficio hoc grates rependant? Sane omnes plurimum nos debere tibi fatemur: ac si, quid mihi opinione amicorum celerius contigerit, quod animum testari, ut vellem, non sinat; id compensabit pietas Liberorum. Ex quibus jam quartus Dionysius meus totus est in Reidani. Historia Latine vertenda, & quibusdam Arabum monumentis itidem Latiali Lingua transferendis. Natu secundus, Franciscus, in humanitatis ac sapientie studiis perseverat: et si ex quo supremam in Jure lauream apud nos adeptus, Hæc simul vacet, si non tricus, ac tetricis saltem advocatorum contentione audientis. Nempe scis vix aliam esse ad honores hic viam, nili forte aliquem favor amicorum magis, vel opum gratia, extollat, quam rerum peritia, aut virtus. Tertius eorum Matthæus, satis se mihi in omnigena historia probat. Natu omnium maximus Joannes, Collegii Jesu socius est, apud Cantabrigienses. Qui, quod visum receperit, & mihi gaudeo, & illi gratulor, & Deo quantas possum gratias ago. In filiis duobus natu minimis, Isaaco & Gerardo, sumptibus non parco. Itaque domi iis præfeci Adolescentem; sed quem quia non admodum eruditus est, ex præscripto meo omnia agere velim; ne mihi deosceda discant. Quippe malim ego nihil eos à Magistro haurire, quam male imbui: quandoquidem sic gemino mihi esset labore opus, in eluendo vitio & instillando vero rectoque. Ut non possim reprehendere Timotheum Musicum, duplicem qui mercedem exigebat, alio siqui Magistro usi forent. Quid multis epus? Hactenus non infeliciter mihi in liberis negotium successit. Quo nomine Deo gratias debeo si quisquam. Utinam misericors ille Pater beneficium hoc suum mihi diuturnum esse patiatur. Quod equidem eo magis exopto, quia video quam hæc rara sit res in multitudine liberorum. Vel summum Virum & tui amantissimum Rivetum vide. Nôras duos ejus filios natu maximos, cum apud nos viverent. Eorum alter, Vir optimus, Ecclesiastico munere apud Gallos fungens, vita sua functus est. Urit hic dolor Parentem, ut co-

gitare potes. At magis macerat, quod alter, qui Duci Tremulio à secretis erat, Domini sui exemplo ad Pontificios defecit. De meis in hoc vite humanæ incerto meliora non possum mihi spondere; sed tamen sperare optima licet. In quo si non eludar, habebis semper summos homines tui cultores, ut amicitiam nostram decet, cujus liberos hæredes esse convenit. Quod eo dico, ut videas non meum modo, sed meorum etiam me affectum spondere. Mitto ad te Oratorias institutiones meas tertium editas, usque adeo castigatas & auctas, ut mihi ipsi licet parenti hujus foetus subinde novum potius opus dedisse quam prius illud videar reddidisse. In quo committere non potui quin solemne meum obtinerem ut debeo: nempe ut testatum facerem posteris quid de tuis sentirem. Primo uti libro ubi de Atheniensium foris loquor. Et tamen omnia sunt infra merita tua. Verum quod hic desideret quisquam, alibi compensabitur. Proxime quid editurus sim nequeo dicere. Sed puto illud aut commentarios fore Linguae Latinæ, aut opuscula quædam è miscellaneis nostris. Nam de iis quæ ad Ecclesiæ historiam veterem pertinent, spissius ni fallor negotium procedet. De libris quos ex Rutgeriana petieras Bibliotheca, semel iterumque compellavi hæredem. Prius ille nec annuere, nec omnino negare, sed poscere, ut postridie vel ubi occasio daretur iterum de eo loqueremur. At cum denuo compellarem; dicere ut cum Benaventura hac de re locutus esset, qui negaret id sine certo auctionis dispendio fieri posse. Fore enim ut multi ob rariores libros huc constarent, qui si ea jam divendita cognovissent quamprimum; semel iterumque elusos, eò ituros, unde venerant. Potuisse hoc fieri si Catalogus necdum editus foret; nec serum nimis esset. Et cum oggererem, vix auctionem esse ullam, in qua non pauculi saltem libri prius sint divenditi, quam publica illa venditio instituatur, respondere ille, complures etiam alios esse, qui similiter sibi quædam poposcerint, ut aut nulli, aut pluribus, magno cum dispendio suo gratificari cogeretur. Et sane ipse (quod plane illud verisimile facit) ex Anglia literas accepi, quibus simile quid poscunt. Quod tamen nostro significandum minimè putavi; ne quem satis aversum viderem, redderem difficiliorem. Multa interim oggessi de amicitia veteri, occasione mittendi, quæ nulla deinceps melior se esset oblatura, & similibus. Sed tandem intelligo ex eo, sic libros (quod facile credo) disiectos esse, ut intra paucos dies reperiri non possint, quos postulares. At is per quem mitti hos oporteret, intra biduum parabit abicum.



abitu. Cum nec plane deesset, quo his occurrerem, dixit quiddam, ut Collegam veterem deceret: puta, non aliam, quam te, hos libros habiturum. Si quis alius in auctione pretium promitteret, se aucturum, & me idem facere oportere. Quod si eo pacto pretium nimis excreveret, velle se illud in tui gratiam postmodo remittere; ac si liber sex folium florenorum sit, & XV. aut XX. sit dividendum, te tamen non amplius quam denos soluturum. Petii, ut sententiam suam de eo perscriberet. Facturum se promisit; sed nunc occupationem esse. Denarium Pythagoricum tuum Lamerius est editurus: sed quia preluum multis distinetur, negat id ante sex hebdomadas fieri posse. Curabitur, ut emendate prodeat. Forma erit folii in quaterna complicati. Significabis per quem exemplaria, & quam multa transmitti voles. Minimum tibi XXIV. cedent. Sed quæ hic amicis donari voles, ea tuo nomine donabuntur. Imo & exteris, si ita visum: uti Patcano, atque aliis. Scotum adderem: nisi ille ad superos jam concessisset, ut se scire arbitror. Puto non displiceat de Critone & Pitte in Anglia, Grotio & Salmasio in Gallia. Tu quos præterea voles, significabis. Operam dabo, ut supra numerum, quem dixi, aliqua accedant exemplaria, ut liberalioribus esse liceat. Quod mea etiam interesse, facile intelligis. Scire aves, qua occasione contigerit, ut Serenissimo Magnæ Britannie Regi innotescerem, atque ab eo luculenta adeo Cantuariensis Canonatus dignitate ornaret. Nempe jam ante annos decem in florentissimo hoc Regno aliquot magni viri æstimare coeperunt scripta mea: præsertim historiam nostram de Controversiis Pelagianis. Scis autem, si usquam terrarum, in Britannia sane esse longe plurimos Ecclesiasticæ Antiquitatis amantes. Itaque & Oxonienses, me ignaro, recudere disputationes eas, quas in Collegio habui. Jam octennium est, cum Houterus, ad Carolum Hornes, Baronem Suecicum, scriberet, se ex uno Regiorum Secretariorum audisse, ita in Aula ferri, si ab illustribus Ordinibus obfationem illorum temporum, quæ multos perdebat, porro negligeret, fore ut mei Serenissimus Rex haberet rationem. Nec multo adeo post, actum mecum de professione Historiæ & prudentiæ Civilis in Academia Cantabrigiensi. Postmodo etiam majoribus promissis tentatus fuit animus meus. Sed uxoris valetudo, & alia quædam hic detinebant. Amici Angli dicere, sic quoque mei rationem habitum iri, & si affectum præstare non possunt præfenti quem vellent, præstitutos absenti. Ego hæc habere pro affectus magni in-

dicis. Sed cum me pede meo metirer, fore non putabam, ut præter laudem & honestum de nobis iudicium perciperem quicquam. Sed hæc ipsa tanti mihi visa, ut cogitarem de opere aliquando dicando Academia Cantabrigiensi, ad quam vocatus essem. Amici auctores esse, potius inscriberem Illustrissimo Duci Buckinghamiæ, Academiae hujus Cancellario. Ita enim me, Illustrissimo Duci, magno Mæcenati litterarum, & simul Academiae cui ille præset, rem facturum gratissimam. Placuit consilium. Exemplar ut ad Ducem, ita ad Serenissimum Regem Carolum transmissi. Quemadmodum & tertium dedi Serenissimo Bohemæ Regi. Etiam misi ad Archiepiscopum Cantuariensem, & quosdam alios ex Ecclesiastico ordine. Ita auctores erant amici; nec videbam, quorsum hæc tenderent. Aliquanto post inopinato huiusmodi accipio de Canonatu ab Serenissimo Rege Carolo mihi inter Cantuarienses collato. Multum debeo Britannie, & plus quam exolvere possum. Ante omnes Serenissimo Regi; hinc Illustrissimo Duci; item Episcopo tum Bathoniensi & Wellensi, nunc Londinensi. Etiam Legato tum Carletono, nunc Secretario Regis, & Vicecomiti Dorcestrensi. Sed omnes commemorare non attinet. Meum erit publicis etiam scriptis erga eos gratum animum testari. Si hebdomadibus paucis Illustrissimus Dux supersufflet; etiam de suo mihi liberalis fuisset. Jam per amicum suum, virum magnum, id mihi scribi jusserat. Audio decrevisse tria florentiorum nostratum millia. Jam de eo collocutus erat cum suis. Sed immani scelere nefarii parricidæ fortuna hæc excidit. Et sane sic quoque æternum obstrictus ero Duci, & Magnatum tot aliis in præclara hæc gente. Venio ad alia. Heinricus Ordinum Generalium Historicus est. Putat se intra mensem unum & alterum posse divulgare Acta superioris anni, in quibus præcipue est oblidio ac victoria Sylva-ducentis. In Epistolis Scalgeri ab eo editis p. 670. locus, qui te spectat, est Epistola var. 2. CCCLV. ad Car. Labbeum. Ubi nomen tuum discrete in *admy* exprimitur. Exteri, quis signetur, nescient, quia hunc pro nomine tuo posuit asteriscus. Sed de Civibus tuis nescio an idem promittere liceat. Quippe nuper quidam qui *admy* non viderat, referre mihi hunc locum, nec dubitare se, quin tu potissimum signaretis. Causam, unde conjecturam hanc caperet, addebat. Sane dolet, quod quidam tam stultas opiniones, aut viro maximo inseverint, aut saltem aluerint. Nihil tamen hæc malignitas nocere tibi poterit, qui jam diu supra

supra invidiam es. Multa adhuc alia, quæ scribam, occurrunt. Sed inter scribendum decies sum avocatus; & jam tertio sororis tuæ filius Lælius literas urget: quia tempus instat, quo nautæ Amstelodamum solvunt. Scribam de cæteris brevi: etiam de quibusdam, quæ Statum publicum pertinent.

Uxorē tuam mea salutar, filia filiam, filii vos omnes. Rivetus etiam, Bartheus, Vorstius, alii, plurimam salutem adscribi jusserunt.

Rapin' clo 16c xxx. Post. *Tuis æternum,*  
Kal. Maias. Salutabis & Vo-  
clar. Laurenbergium & a-  
lios Collegas. *Idem sp-*  
*juvo.*

G. J. Vossius.

## CXV.

*Reverende in Christo Pater, Domine Illustrissime.*

Quamquam non mediocrem ceperam dolorem ex obitu illustrissimi Comitæ Pembrochiæ, cujus summam erga me humanitatem persenseram coram, magnūque ad promovenda studia ardorem facile perspexeram, ex tot MSS. thesauro, quo Bodleianam Oxoniæ tui Bibliothecam liberalissimè adauxit verèque immortalī beneficio obstrinxit: in hoc dolore tamen meo non mediocriter illud me recreavit ac refecit, quod cum & nobilissimæ Academiæ Cancellarius idoneus & tanto heroi dignus successor quæreretur, ad te potissimum itum sit: quod his temporibus exulceratis non alter ei numerari aptior videretur: qui etiam pro boni publici amore summo humeros gravissimo huic oneri supponere (ut sperabatur) velles. Deum oro, ut hæc honoris accessio & tibi & imprimis Oxoniensibus tuis perutilis sit ac salutaris. Eodem pene tempore gratissimum hunc nuntium intellexi, ex amicis, serenissimum Dominum nostrum Regem Carolum prole, eaque mascula auctum esse, quam Deus hæredem tot Regnorum & Patri & Britannię vestræ conservet, seroque succedere velit sceptris paternis. Optabamus hic itidem felicem partum illustrissimæ Principis Arausienensis, sed illa postquam diu cum tertiana conflictata est, abortum fecit, ac mirè adhuc languet. Auctores sunt medici, ut ad discutiendas morbi reliquias se ad balnea conferat Aquigranensia & aquas Spadanæ. Et jam ab illustrissimis Principibus itineri destinatus erat proximus dies Martis. De Comitatu & totā itineris ratione decreta

omnia. Pro Ecclesiastæ in viā futurus erat collega meus conjunctissimus Andreas Rivetus Gallus Theologiæ Professor. Cum ecce triduo superiori iterum infirmior est reddita: ita ut plerique metuere incipiant, ne ea res omne hoc negotium diutius differre cogat. Nescio quā verè, non absurde tamen eos sentire arbitror, qui dicunt coqui ac mæerari eo Domini Principis animum, quod videat tantum illorum dissensum pene quos est Recipi potestas Ecclesiæque administratio. Unde illud quoque consequitur quod videt mariti sui, quem sic amat, aures oppleti variorum querimoniis, ut nihil gravius dicam. Ille nihilominus aures utriusque parti præbere, concordie utrobique studere, omnia potius bono publico metiri, quàm lubitu paucorum. Hæc adhuc est Dux Neoburgicus. Is hereditaria Chvæ & vicini soli oppida reposit, quæ in nostrā sunt potestate. Nostri se paratos reddere profitentur, simulac de hereditate hereditanda inter eum & Electorem Brandeburgicum convenerit. Quamquam profecto utrumque nulla inter eos lis amplius foret, prius necesse esset restitui graves impensas quas is in locis Ordines nostri fecere. Itaque, ut puto, spisse illa redditio procedet: præsertim quamdiu nobis à Cæsare metuimus. Matthiam Martinium Bremensem Theologum nosti, ut arbitror, vel ex tot Scriptis, vel ex eo quod Synodo interfuerit Dordrechtanæ. Is ante sesqui mensem decessit non levi dolore meo. Erat Vir enim undecumque doctissimus: in Germania quidem majorem virum non nōram: & in hoc Ecclesiæ dissidio multum de facienda concordia cogitabat: omnino plus æquitatis in eo reperi, quàm multis aliis, cujus rei testes habeo. Literas non unas, quas ad me scriperat. Et quæ viri erat ingenuitas, ad hoc studium proferebatur sibi plurimum profuisse nostram de Pelagio & Massiliensibus Historiam. Institutiones oratorias meas jam acceperis spero, sed sine Literis ullis. Tam subito enim portitor abitare parabat, ut vix sermonem cum eo mutandi tempus daretur. Spero operam quam illi studio impendimus, non displicituram ullis qui Literarum & Eloquentiæ sint amantes. Quod verò in mea ad Lectorem præfatione dico, idem hic dico, gaudere me quod opera illa sint persunctus, ac reverti liceat ad Historiam Ecclesiæ veteris diutius quàm par erat intermissam. Nec enim ultra video quid morati possit: nisi quod Linguae Latine Commentarios quidam pene cum convitiis exposcunt. De quo nihil hoc biestri proximo statuere possim: sed potero Typographis reversis à mandinis Francofurtensibus. Interea nos in-



tiquitates Ecclesie detinebunt, ad quas jam diu anhelavi: non quasi à Literis unquam alienus sim futurus, sed adhibere eas volo non ut opus, sed ut operis accessorium. Non diutius te, illustrissime Domine, morabor, si unum hoc addidero, me hac hebdomade fuisse in Aula illustrissimorum Bohemiarum Principum: atque ibi locutum mecum ex Anglia reducem illustrissimum Britanniae Legatum, qui prolixè mihi exposuit summum erga me amorem tuum. De quo quidem persuasissimus & antea fui: sed tamen perjurandum fuit ea quoque cognoscere ex ore tanti Herois, & quidem qui ista diceret tuo nomine: ut cum tam nobile per cogitarem, & quis ego homullus forem, tacitus mecum admirarer bonitatem Dei, qui mihi conciliasset hos amatores mei.

Quamobrem Deum Opt. Max. rogo ut te illustrissime & Reverendissime Domine diutissime Ecclesie Britannicae, & simul etiam mihi amorem hunc tuum conservet.

Legd. Ber. cl. loc  
xxx. Non. Sextil.  
St. vet.

Reverendissimi & Illustris-  
simi nominis tui devotissi-  
mus & obsequiosissimus  
Cultor,

G. J. Vossius.

### CXVI.

Joanni Vossio.

Charissime Fili,

TAndem accepi aliquid à te Literarum. Haec minutis illis exceptis, quibus Ungari Literas incluseras, primæ earum sunt, quas acceperim ex quo Britanniam corpore magis quam animo reliqui. Utrum plures scripseris, tu melius scies. Sed omnino diligentior te in hoc Epistolari officio esse velim. Fuit interim Epistola tua eò gratior, quod eam comitarentur Literæ præstantissimi Halli, quem ego virum si non amarem & æstimarem, ob egregias animi dotes, at saltem diligerem ob affectum egregium erga utrumque nostrum. Respondissem ei jam nunc. Sed quædam impedire. Erit id post dies paucos: simul tum ad te copiosius, ut spero, de nonnullis perscribam. Insinul aliquod exemplar transmittam Oratoriarum nostrarum, quæ tandem (beneficio Dei) ad finem perducæ. Nunc vix alia scribendi ad te causa est, quam ut scias, quid ex primo trimestri proventus annui ex Præbenda Cantuariensi, qui quidem hoc anno expiravit, fieri velim.

Nempe octonæ Libræ Sterlingiæ cum dimidia tibi annumerabuntur: undecim verò cum dimidia dabantur Joanni Nabradi Ungaro, qui Sacris Literis Oxoni operam navat. Populares ejus mihi annumerarunt hic Imperiales, siye Joachimicos Daleros quinquaginta. Id Britannicæ monetæ tantum esse, ac dixi, cognovi ex præfecto negotiationis Anglicanæ qui Delphis in aulâ agit. Atque idem mihi Dubletinis & alii affirmarunt. Nam ut aliis, sine damno meo gratificari sum paratissimus, ita iniquum est, ut beneficentia mea sit fraudi mihi. Scripsi de re tota ad Clarissimum Casaubonum. Literas eas inclusi iis quas nunc mitto. Tu postquam eas legeris obsignabis, & amicissimo viro mittes, nec ubi pecuniolæ hoc acceperis, propterea te in Libris emendis insumere universam velim, aut partem meliorem. Satis sit si istis sacri studii initiis Anglicana evolvas Biblia, assidueque rumines tum Linguae causâ, tum imprimis ob argumentum divinum. Quamquam non impedio si unum, alterum, tertium scriptorem addas eadem Lingua. Sed per nimiam copiam diffundere te non debes. Scis illud Senecæ, Qui ubique est, nusquam est. Habes ornatissimum & amicissimum Hallum, habes alios, quorum ex consilio studia hæc possis componere. Nec penitus lecirco ventis tradi velim, quæ in Medicinâ vel Juris studio hauseris. Multis & miris casibus obnoxia est vita humana. Forte ab alterutro eorum quandoque tibi vel honos surget, vel erit unde tueri vitam cogaris. Scis optime quomodo ego postquam sædâ illa tempestas nostram concussit Belgicam, nunc sacra nunc externa studia sim professus. Male mihi fuisset nisi fuisset, quod ait ille, in utrumque paratus. Interim sacra potissimum cordi sunt. Studiis ceteris nihil si sacra exceperis, dulcius est: sacris verò nihil etiam augustius. Non sunt beati qui super aurum & gemmas calcant: sed sunt beati qui mente piâ ac devotâ Verbum Dei legunt ac relegend, unde & religiosos vocari arbitrantur nonnulli. Nihil illo melius habet orbis, quippe auxo magis aureum est, gemmis magis gemmeum. Sed frustra in eo evolvendo eris, nisi Spiritus Domini te dirigat. Hunc exerce à Deo & impetrabis. Nos etiam assidue pro te vota faciemus. Vale, Charissime fili, & quos hactenus salutare Literis meis jussi, illo iterum meo nomine plurimam salutem dicito.

Legd. Ber. cl. loc  
xxx. Non. Sextil.  
Non. Malas.

Tuus natura & of-  
ficio Pater,

G. J. Vossius.

CXVII.

## CXVII.

Merico Casaubono S. P.

**M**aximæ mihi voluptati fuit, præstantissime Casaubone, quod proximis mihi diebus retulit hic amicus Anglus, Mecenatem nostrum, Illustrissimum & Reverendissimum Dominum Episcopum Londinensem factum esse Oxoniensis Academiae Cancellarium. Outinam vera audierim! Decresum ea-propter Hagam excurrere cras vel perendie, ut certiora cognoscam. Quod si vera nunciant, mihi quidem gaudebo, & summo viro gratulabor, cui hæc honoris accessio facta sit; sed magis gratulabor publico & Oxoniensibus; quibus hæc turbida tempestate, quæ Reformatas Ecclesias usq; adeo concutit, tam cordatus atque idoneus obtigerit gubernator. Oratoriæ tandem sunt absolutæ. Misissim nunc & Venerabili domino Decano, & tibi exemplar: sed occasio deerat: quæ simulac se obtulerit, non patiar eam effluere. Jam ejus mihi spem fecit quidam, qui vel ipse in Britanniam proficisci parat; vel saltem mercimonia sua in Angliam transmittit. Academiae nostræ Curatores cogitant de advocando huc Clarissimo Salmasio; idque ut eo hic loco sit quo magnus olim Scaliger fuit. Faveo viro utroque quod dicitur pollice: etsi non ignorem, aliud optare amicum nostrum qui eum sibi honorem potius deberi arbitratur. Ecquid effecturus sit apud nostros difficile sit dicere. Sed post unam alteram hebdomadem (ni fallor) exploratius aliquid perscribam. De Pharnabuka, Brasiliæ metropoli à Batavis capta, jam sine dubio rem omnem intellexeris. Quare operæ in ea narranda parcam. Deus faxit, ut victoria hæc illis in terris plures alias secum trahat. Certè magna ejus rei fiducia tenet nostros. Nec alius est modus, quo magis Hispano incommodare possimus. Sanè, maximus ille Paulus Servita apud Venetos ita semper dictabat, Non esse meliorem viam ac rationem infringendi vires Hispanorum, quam si Batavi Americam infestent. Parum illud hosti nocere, si in Belgica pauca ei eripiamus oppida. Palmarium fore, si eum ejiciamus terris istis unde illi opes, nervus belli. Vellem idem animus fortissimæ Britannorum genti foret. Jure enim non Rebuspublicis modò, sed etiam Regnis omnibus suspecta esse debet nimia Austriacæ domus potentia. Necdum perscripti quid fieri velim pecuniâ, quæ Regiâ benignitate mihi è Cantuariensi Præbenda cedit, primo hujus anni trimestri. Velim

autem inde filio Joanni annumerari Libras Sterlingicas octo & dimidiam: undecim vero & dimidiam Nabradio Ungaro, Theologia apud Oxonienses studio: Uterque ea de re ad te perscribet. Residuas Libras quinque asservari à te velim, usque dum alteras literas misero. Rogo præterea, certior me facias, quo tempore expiravit primum trimestre, ut deinceps in apochis eum addam. Quod si non bene concepero formulam apochæ, per literas monie. Video quàm tibi molestus esse cogar. Utinam gratum testari aliquando animum possim. Operam quidem dabo. Vale vir atque amice summe, meoque nomine plurimum saluta venerabilem Dominum Decanum, & Universum Collegium nostrum. Reverendus Dominus Rivetus plurimam salutem tibi adscribi petiit; uti & Clarissimus Heinsius, cui me scripturum ad te dixeram. Idem se notat suas in Horatium ad te missurum recepit.

Lugd. Bat. cl. lxx.

Fridie Nonas Maias,

Nocte intempesta.

## CXVIII.

Georgio Archiepiscopo Cantuariensi.

Reverendissime Pater, Domine Illustrissime,

**C**rebro ejus temporis in mentem venit quo coram licuit ut Poeta ait

—audire &amp; reddere voces:

quo etiam tanto à te adiciēbar honore, quem non alteri post serenissimum Regem debere malim. His non mediocriter animatus, magis & magis operam do, ut bene mereri possim de Ecclesia Dei & Republ. Literariâ. Ac partim quidem omnis sum in scribendis novis, partim in iis, quæ jam ante in lucem emisi, augendis & limandis. Ex quibus sunt Commentarii nostri Rhetorici, opus jam ante annos amplius xxiv. publici à me juris factum. Batavis jam tum illud dicāram, ut non debuerim nunc aliis quamvis nihilo secius de me meritis consecrare. Exemplar ejus operis transmittito, atque ut à cultore tui devotissimo serenâ fronte suscipias, etiam & etiam rogo. Is qui de manu, (ni fallor) in manum tradet, est nobilissimus adolescens, Adamus Jerislaus à Berg, Moravus, Joannis Christophori de Berg filius. Quo loco pater ante novennium hoc fuerit apud suos, vel unum illud indicio erit, quod serenissimus Bohemiarum Rex eum potissimum ex nobilitate, præfesse voluerit



noluerit cunctis Moraviae terris, quas quidem hereditarias acceperat. Earum enim penes nobilissimum hunc virum gubernatio fuit, cum titulo supremi praefecti. Sed majus est quod sincere Religionis assertor, ac meliorum partium defensor acris fuit. Tantis vir nunc patriæ extorris, bonisque patriis & avitis exuius, operam eorum implorat, qui bonis & bonæ causæ, semper optime voluntant. Sexcentium apud nos cum Uxore & Liberis ita vixit, ut bonis semper charissimus foret. Nihil quoque uxore ejus (ut intelligo) vel melius vel conditius, neque item Liberis suavius quicquam. Ex quibus motus mihi natu maximus adolescens exerce mentis, & qui omnino præclari aliquid promittat. Annos habet prope sexdecim, & pro tempore quo studiis operam dedit bene profecit. Ultimam ejus in Britannia haberi ratio possit, imo & fratrum atque adeo & parentum. Quos ego vehementius commendarem, partim quia sic eorum virtus meretur, partim quia sic postularunt aliqui ex Collegis. Sed cum intelligam & à Serenissimo Bohemæ Rege, & aliis qui auctoritate plurimum possunt, id sedulo factum esse, non operam arbitror meam vel cuiusque mei ordinis magnopere eam ad rem requiri. Committere tamen non potui quin hinc proficiscentes, saltem votis meis prosequeretur, ac quomodocumque etiam apud te affectum testarer meum. Deus te, Reverendissime Domine atque Illustrissime, diu Ecclesiæ suæ totique Britannicæ sospitem conservet.

Lugd. Bat. Illustrissimi ac Reverendissimi nominis  
eius loc. xxx.  
Id. Sextil. tui cultor devotissimus & obsequi-  
osissimus,

G. J. Vossius.

### CXIX.

Johanni Meursio S. P.

**N**ON soli vivunt Gomarus & Meursius, qui Danici aliorumque exemplo, Lugdunensem Scholam alia commutarint. Nam is ille ego Vossius tuus accessi, qui Amstelodamum commigravi, atque ibi hæc nunc scribo. Miraris scio. Nec sane id ego unquam fore antehac credidissem. Nimirum multa homini inopinato obtingere videmus. Occasionem, scio, & causam consilii ejus aves cognoscere. Jamdix est, quod Amstelodamenses vident, quassio cum periculo se liberosque suos exponant, dum carissima pigno-

ra, priusquam vitæ modum sciant, mittunt Lugdunum, ubi licentia indices gliscit. Sanè paucis abhinc annis plures commissæ cædes, quam multo plurimis antehac. Ulceri huic Chironio non aliter medicinam se facere posse, judicant, quam si Professores aliquot alevant publicè. Atque ego, & Barlaeus, idonei vili sumus, à quibus professionis primordia ducerentur. Idem labor ac honos mihi in illustri hac Schola futurus, ac Lugduni: Sed stipendium prope altera parte majus. Præterquam enim, quod luculentam domum assignant, annuos numerabunt bis mille florenos, & quingentos. Ad hæc me meosque spe non unâ implerunt. Nec fallent, scio, qui jam affectum exercere coeperunt erga filiam meam Franciscam, urbis suæ Advocatum. Sed Leidenes magnopere huic instituto refragantur. Contendunt hoc adversari urbis suæ Privilegiis. Quin & illustrium Ordinum consensu comminari fuisse, si Amstelodamenses persistant in proposito, nolle se quicquam in posterum ad bellum conferre. Tandem inter Proceres harum urbium convenit, ut Curia utraque Hagenfis, rebus expensis, intra mensem statuatur de mente verborum, quibus Leidenis Privilegium concipitur. Interea Amstelodami à publicis Lectionibus abstinebitur. Nihil periculi est, ne adversus eos sententia feratur, qui hæcenus vocati. De Jurisprudentia verò & Medicina, ac imprimis Theologia, operosior fuerit disquisitio. Sed negant Amstelodamenses de eo disputari debere, priusquam aliquos ad eas profitendas vocarint: Prodiit tandem Denarius tuus Pythagoricus. Ac decem ejus Exemplaria mitto, idque ex xxv. quot ægerime exculpere potuit ab Euclione illo, qui edidit. Ex residuis duo mihi reservavi. Unum Venetias misi ad Molinum: alterum Lovanium ad Puteanum. Præterea exemplar, uti jufferas, dedi Mylio, Riveto, Curnæo, Vorstio, Heinsio, Barlaeo, Scriverio, Buchelio, & præterea tribus aut quatuor aliis in dignitate constitutis. Sed tamen plura si exposces, non sinam ea à te requiri. Mitto & Epistolas quatuor Canonicas Syriacæ ab Elzevirio excusas venustissimis typis, una cum interpretatione & Notis doctissimi Pocockii Angli, qui hocce anno in Syriam profectus. Cur noluerim te hoc opusculo carere, nihil æque in causa est, quam quod mihi fuerit dicatum. Pro Historia tua Danica gratias ago summas: uti & pro Ælnotho Monacho. Scis, quam mihi illa omnia sint accepta, quæ ad Historiam novissimæ etiam antiquitatis pertinent. Quanto magis jucunda sint, si tuo prodeunt beneficio & cura? Attamen magis Historiam me Danicæ oblectavit; tanto nempe magis, quanto

quanto illa plus tibi debet. Dictio mirè placet; candida est & tersa, penitusque Romana. Adhuc perspicua planè, quod ego in magna laude pono. Vilem ab hac parte tam felix esset Heinſius in sua Sylva Ducis. Opus est quidem elaboratum, & in quo multa sunt ingenii lumina, ac doctrinæ: sed dum Tacitum se æmulum putat, ac *Fastidius* nomen affectat, dictio ejus sæpe nativum illud perdit, inque obscuritatem tantam incidit, ut crebro nec à sagacissimis & prudentissimis viris intelligatur. Quibus tamen Tacitus & veterum alii, satis sunt plani & aperti. Hac non mei unius sententia est, sed pene omnium, qui non palpum ei obtrudunt. Quod familiariter ad te scribere non dubitavi, pro necessitudine amicitiarum nostrarum. Idque eo lubentius, ut scias, occasione hac à multis prædicari, quæ de Auriaco Principe, atque induciis scripsisti. Et scio magis esse prædicaturos, ubi Danicam tuam Historiam legerint, quæ paucissimis adhuc visa est. In Heinſiano illo Commentario, quem dixi, quædam etiam Generales Ordines & alios in dignitate constitutos, offenderunt. Itaque absque Beaumontio fuisset, vix etiam cum quædam fuisset recudi, privilegium ab Ordinibus fuisset consecutus. Omnino multum & sudandum fuit, & tamen ne sic quidem satisfecit: jure ne an injuria non disputo. Tu vero hanc partem literarum cum legeris, litura una obduces: vel totam Epistolam conscindes. Nihil enim attinet alios posthæc scire, quæ scriptitamus liberè inter nos. Nondum dicere possum, quando futurum sit, ut Rugerſii *vi pænestre* Bibliotheca auctione distrahatur. Promiserat Heinſius id fore ante Paschales serias. Sed illæ jam elapsæ, nec certi ex eo quicquam potui adhuc cognoscere. Interim spondidit, non alteri cessuros libros, quos petisti, ne quidem si justo majus pretium offeratur. Suaneburgio nemo hæcenus in professione surrogatus. Ambiant id mutus Hupertius advocatus, Bronchortius, Vossius junior, Vinnius & Cavellarius. Jurisconsultus vestras, quem mihi per literas commendâras, longe mihi tua causa, & ob eximiam probitatem gratissimus fuit. Ultimam verò etiam affectum ostendere liceret erga filium incomparabilis Herois Oliveri Rosenkrantzii: Sed de ejus adventu nihil hæcenus intellexi. Nec eas videre literas contigit, quas per eum misisse te scribis. Suspicio in aliam prius Academiam conferre se voluisse, priusquam ad Batavos proficisceretur. Ubi venerit, non sinam te quicquam in me desiderare. Omnino propter magnitudinem Herois omnia officia ejus filio præstabo. Simul etiam propter commendationem tuam. Al-

terutrum horum sufficeret; nunc ea concurrunt, quorum singula per se satis ponderis haberent. Solonem tuum videre avelo. Quæso quomodocunque potius tua ede, quam ut diutius ea cum blatis & tinea sumentur. Nihil æque mihi dolet, quam quod non te solum carere cogar, sed tandem etiam carere tot aureis monumentis tuis. Cognoscere desidero, annon brevi, vel anno saltem hoc, decrèris invisere tuos in Batavia. Jam biennium est quod sic receperas. Sed hæcenus spe vana læstasti. Ubi Amstelodamum accesseris, apud quem divertere cum tuis debeas, frustra scribam. Ea enim est amicitia nostra, ut liquido illa tibi satis præscribat. Salutat tuam uxorem uxor mea, filiam filia, imò omnes nos vos omnes. Etiam clarissimis Collegis tuis, præcipue Laurenbergio & Stephanio, plurimam meo nomine salutem dico.

Amstelodami  
cl. 16c xxx.  
iv. Id. Maias.

Tuus ex affe,

G. J. Vossius.

### CXX.

Guilielmo Episcopo Londinensi, Gerardus Vossius S. P.

**T**ARDIUS quam speraram literas meas vides, Reverendissime Pater, Domineque dignitate illustris, sed pietate, doctrina & meritis longè major. Nonis Decembribus, ut fortasse ex Nobilissimo Carletono intellexeris salvus ac sospes Lugdunum veni: octiduo nempe ex quo è Britannia excessi. Divina gratia eodem hic omnia reperi loco, quo fuere cum abirem. Vix dicere possum quantus salutantium numerus me primis exceperit diebus: sermo prope omnis de Serenissimo Rege Carolo, vel iis qui sacræ ejus Majestati à consiliis forent. Judicia disparia, prout quisque regit, vel popularis status, veteris, vel recentis Ecclesiæ amantior foret. Equidem neutiquam mihi eorum tribuo intelligentiam, quæ ad regni negotia pertineant. Probè scio quantopere hæc captum excedant meum, quem Deus in statione longè inferiore collocavit. Sed tamen pietas non sinit, ut non quorundam immodestè modestè, atque amice occurrerem. Eos intelligo qui digito cælum sibi attingere videntur, si quomodocunque nocere eorum nomini, atque existimationi possint, quibus stantibus & integris, præsens regni atque Ecclesiæ status convelli neutiquam



neutiquam possit. Quanquam verò apud eos parùm profecerim, quibus nihil nisi popolare, ac novellum sapit; cordatiores tamen scrupulum sibi eximi gaudebant, quem quidam tribunitij spiritus suis calumniis injecerant. Interea totum hoc quod à me factum, pietatis causa factum, quippe qui tantùm Britannis, ac summis ejus viris (ut de Serenissimo Rege taceam) etiam deberem, si nihil deberem. Nunc quantum est quod debeo, verba non reperio *ἰσχύοντα*, quibus satis hoc imprimam, &c. De induciis cum Hispano incundis, vehementibus studiis in conventu Ordinum certatur. Ad bellum inclinant non pauci, qui metuunt, ne si induciæ fiant, domesticis magis dissidiis laboremus: alii tamen vel maximè, iis occurri posse arbitrantur. Amstelodamenses ante hebdomadas paucas sua urbe exegere Ecclesiastem quendam: qui licet sæpius à Magistratu moneretur, à tribunitiis ad Populum concionibus, desistere noluisse perhibetur. Est hic ille qui ante plus minus duodecimum annos edidit Heautontimorumenon. In quo ex scriptoribus Latinis Græcisque (est enim vir multijugæ lectionis, sed exigui judicii) convitia usque aded congestit, ut ex plaustro maledicere videatur. Sanè hoc piguisset adscribere, nisi optimis quisque ringeretur, in Reformatæ Religionis hominibus inventum esse, qui Gretzeros Scioppios, & similes vinceret maledicendo. Sed illum mitto, cui ea parte saniores opto mentem, &c. Deus faxit ut longa ætate, Iliacos æquare senes, aut vincere possis. Ita ex animo voveo, meque iterùm tibi devoveo, Reverendissime Pater, Domine Illustis.

Reverendissimi, & Illustrissimi

Nominis tui cultor, ac  
 cliens fidus addictusque,

Idibus Jan. An.  
 cio dcc xxx.

G. J. Vossius.

### CXXI.

Merico Casaubono.

Quanquam, mi Casaubone, coram abundè perspexi summum erga me amorem tuum, jucundissimum nihilominus fuit videre eundem tantopere spirantem in literis tuis. Solùm dolui ob dolorem quem conceperas ex diutina in scribendo cessatione mea. Nec possum me ab omni omnino culpa immunem dicere. Sed quædam tamen non leviter eam imminuunt. Illud maxime, quod affinis

Junius, quem sine literis meis dimittere nefas putassem, occasione quadam subitâ præter opinionem & suam & nostram recessit. Vix abierat ille, cùm valetudo uxoris pejor pejorque esse cepit. Erat tum quidam apud nos, qui se propediem in Angliam iturum diceret. Sed totum mensem & ultra me elusit. Sed hæc fuere; quodque peccatum Lethæo poculo mergere debebis. Mihi perstat animus quantæcunque deinceps fuerint occupationes, non illis tantum in me imperii permittere, ut non crebras ad te literas dem. Id non modo exposcant præclaræ illæ animi dotes tuæ, sed etiam conjunctio studiorum, ac quod collegæ & fratres sumus dignatione Dei & Regis atque opera communis Mecænatis. Quod ipsum etiam (ni fallor) aliquanto nos arctius conjunxit. Serenissimum Regem prole auctum gaudeo, & mascula quidem, quæ vere *ἡγεµνα δίκυαν*, ut Euripides dicebat de liberis Regiis. Non legiones, non classes æque firma imperii munimenta, ut Tacitus monet. Quare spero fore ut siqui forte nova anhela- rint, nunc ad officium redeant. Literæ incomparabilis viri Parentis tui necdum prælo subjectæ. Videtur Typographus tricarî. Meursius è Sorana Danorum Academia misit aliquot Epistolas ad se exaratas, quas addi petit. Jam mensis est quod Oratoriæ meæ recusæ sint. Eadem quædam Exemplaria ante tres hebdomadas misi in Angliam ad affinem Junium, qui in ædibus illustis Comitum Arondelii agit. Horum unum Reverendo Domino Decano, alterum ut tibi detur, mandavi postremis Literis. Vellem non ejusmodi munusculo, sed aliâ ratione, affectum erga collegas meos testari potuissem. Sed id, ut fiat, operam dabo. Tempus solum requiro. Scis enim non esse me, non ausim dicere *ἐν ᾧ ἀνεύχην*, attamen neque *ἐν ᾧ ἰσχύον*. Heinſius totus est in scribenda Historia eorum, quæ superiori anno Batavi terrâ marique gesserunt: præsertim iis quæ ad obsidionem Sylvæ-Ducis pertinent. Obiit ex professoribus Juris Swaneburgius, vir suarum rerum intelligentissimus, sed qui scribendo nullum sibi nomen parârit. Eò magis penes Cl. Cunæum deinceps Juridicæ facultatis honos stabit. Scire aveo quo loco sint res Seldeni, num eodem an meliori. Jam prope trimestre est, quod per literas petii ut Nabradio Ungaro annumerarentur libræ sterlingicæ undecim cum dimidia. Quas si necdum accepit, quæso ne diutius ea res differatur. Scrupulum illud injicit quod, ut ex popularibus ejus intelligo, domicilium pelti- lentiae causâ mutavit. Quare fieri possit ut aberrarint Literæ, quæ ejus negotii causâ missæ ad illum fuerant. Postularam etiam  
 ut

ut filio Joanni de meo dentur libræ Sterlingicæ octo cum dimidia: quamquam nec repugnem, si inde fiant libræ decem. Puto enim ob Pestilentiam grassantem pluribus egere. Quia verò tardè adeo literæ procurantur, pleræque etiam intercidunt, scribendum putavi, si tribus ad te verbis perscriberem quid in rebus ejus fieri vellem. Cum in Angliā essam ex pluribus cognovi, sufficere si ei quotannis annumerentur de meo libræ Sterlingicæ quindecim vel summum viginti. Quare placet ut trimestri quolibet de meo detrahantur libræ Sterlingicæ quatuor vel summum quinque, nisi *scilicet* obvenierit, quod in hoc morbo epidemico paulo aliam linere rationem cogat. Quod ad residuas libras xx. eas trimestri quoque accipiet Ackerius mercator Belga qui Londini agit. Temporis angustia non sinebat, ut ad eum nunc literas darem, sed fiet illud post paucos dies. Eas postquam ad te miserit, queso effice ut pecunie illi numerentur. Ego cum damno non ita magno ab eo recipiam qui hic negotia ejus procurat. Quod si meliorem viam scias, fac me certior. Vale, amice Casaubone, & à me, uxore, & meis salve, una cum lectissima Uxore, ac plurimum etiam saluta Reverendum Dom. Decanum ac venerabile fratrum nostrorum Collegium.

*Leg. Baro.*  
cl. loc. xxx.  
xx. Julii, Seilo  
novo.  
T. J. Vossius  
intermissa.

*Tuus tuo merito,*

G. J. Vossius.

## CXXII.

*Doctissime & Amicissime Pococki.*

Mitto ad te viginti exemplaria utilissimi laboris tui, quem iv. Apostolicis Epistolis impendisti. Spissius aliquanto processit editio quam vellem. Sed leve illud, dum emendatè satis prodeunt, uti spero. Saltem operam id dedit filius Dionysius quem coram vidisti: & imprimis de Dieu qui postremam relegendi curam in se suscepit. Non jam repetam quantopere me affectu atque honore hoc obstrinxeris. Feci alias, & tu id me scribere non pateris, quæ tua est humanitas. Quatè priora non repetam. Non definam tamen cogitare, quâ ratione affectum erga te testari optime possim. Mitto Oratoriarum ad te Institutionum mearum exemplar geminum. Quarum unum tibi reserves, alterum ornatissimo & amicissimo M. Rouse dabis.

Et tertium quantumque atricis aliis addidissim nisi hominem amicum ad vos euntem, ulterius gravare molestum fuisset. Accedit quod ne illud quidem scirem, an Oxoniæ uterque sitis, an minus: audio enim totâ pene Angliâ vehementer grassare pestilentiam, eoque quibus id integrum est, penè omnes & in agros recipere longius distans. Non dubium quin ea potissimum causa sit, cur vix quisquam mihi ex Angliâ hoc trimestri proximo responderit. Pluribus rescribam, simulac cognoro non frustra me scribere. Simul tum ad D. Rouse, quem merito maximi facio, & faciam semper, de nonnullis extarabo. Salutabis plurimum amplissimum D. Cancellarium, atque omnes summos viros, à quibus tum humaniter supra merita mea me exceptum apud vos esse tute nosti, ut Catalogum hic texere non habeam necesse. Raptim,

*Leg. Baro.*  
cl. loc. xxx.  
vi. Id. Sept.

*Tuus est animo,*  
G. J. Vossius.

## CXXIII.

*Joanni Vossio.*

*Christiane Fili,*

Quas per ornatissimum Maderazi Ungarum literas miseras, accepi xix. Julii: renos xxi. quos ab eo mutuo sumpteras restitui. Valere te gaudeo, præsertim hoc tempore, quo ut ex aliis etiam intelligo Pestilentia usque adeo apud vos grassatur. Tuum erit sedulo habere rationem valetudinis tuæ, ac quibusdam etiam amuletis uti, quemadmodum hic facere solemus cum morbus idem dominatur. Hæc plurimæ illo domus sunt infectæ; nec pauci jam decessere ex eo, sed sæpe ex face vulgi. Quod si contagio hæc latius ibi serpsit, revocabo huc Franciscum nostrum. Quanquam neque hæc in urbe plane ab ea immunes sumus. Sed hæcenus malum illud intra paucillas ades consistit. Ubi que sumus in manu Domini: qui dabit quod erit salutare. Interea lætor Collegium vestrum longius abesse ab Urbe; adeoque illud spaciosum esse ac loco situm salubri. Non mediocriter me excruciat, quod te videam tam parum tuæ sorte esse contentum, planeque etiam metuere ne omnem vitam hic consumere cogaris. Mihi longè alia spes, atque adeo fiducia, dummodo omnes nervos contendas, uti recepisti. De studiosum genere tui rem omnem arbitrii feci. Non quasi desultorium

vires



vitz genus amem, sed propter Poete illud,

*Tu nihil invita dices faciesve Minerva.*

Hæc sola res fecit, ut Medicinæ te paterer valedicere: etsi rationes essent parum validae quibus ut ei renunciare, compelli te aiebas; idque eo tempore cum intra menses paucos summam te lauream consequi posse existimarem. Sæpe damnavi hanc facilitatem meam: Sed quid facerem, cum quanto ego magis adhortarer, tanto tu magis abhorreres? Postquam permisi ut vel ad Jurisprudentiam, vel ad Theologiam animum appelleres; tamen nunc quoque mihi videris animo fluctuare, cum tamen brevi temporis spatio, & hoc & illud absolvi possit; dum ne tu laborem ullum metuas, sine quo nihil præclari unquam consequeris. Non deerunt tibi in Britannia fautores, dummodo ne indignum favore te præstes. Est si cessaret Britannia, haberent tui rationem amici in Batavia, qui te aliquod ad munus revocarent, in quo te patriæ & tuis ornamento fore putarent. Nunc quid faciamus, num idoneus sis ut in Academia, vel Schola quapiam illustri profitearis vel Linguam, vel Mathesin, vel Philosophiam, vel facultatem Juridicam, aut Medicam aut Sacram? Prope omnium gustum habes: sed in uno animum desigi opus fuit: quod quia factum non est, fieri deinceps oportet, ut videamus ecquid hic pro te possumus. Fortasse malis tui rationem haberi extra Academiam. At in quo, ut urbis sis Medicus, an ut ejus Advocatus? ad neutrum satis es paratus. Longeque minus (ni fallor) ad Sacrum Ministerium. Quæcumque sint, excitare pectus tuum debes, ut ne indignus sis cujus vel in Britannia, vel apud nos ratio habeatur. Facilius mihi erit sacra mea omnia, ut loquuntur, commovere, ad te per amicos juvandum, quam tibi præstare aliquid egregio favore dignum. Tantum animum intende. Dimidium facti, qui cepit, habet. Sapere aude, ut bene monet Horatius. Aude, aude, mi Fili, contemnere voluptatem, amareque laborem, quem tu si amabis, non diu querulis Literis erit opus; præsertim me vivo, cujus causa multi aliquid velint. Non dubito quin jam à Clarissimo Casaubono acceperis eam pecuniam de qua scripseram. Neque tu modò, sed etiam Nabradius Ungarus. Quamquam is jam non amplius Oxonii, sed (ut puto) Londini vivit. Crebras ille Literas ad populares suos huc misit, quibus conqueritur quod jam tertius sit mensis, quo à me pecunias expectat, sed frustra, quia meas necdum Literas viderit. Itaque iterum ad præstantissimum Casaubonum scripsi. Nec enim

satis est ut tibi anumeret eam summam, quam jussi, sed Nabradio etiam satisfieri æquum est. Quippe hic populares ejus mihi CXXV. florenos ammuterant, qui Anglicana pecunia valeant Libras Sterlingicas undecim cum dimidia, modo quamprimum persolvantur. Sin necdum accepit, iniquum haud erit, si hic Ungaris refundam unum alterumque florenum; propter damnum quod Nabradius ex mora hac accepit. Atque ita quidem facere perstat animus. Addam rationem quæ existimem tibi in posterum consuli posse. Nempe jubebo ut Clarissimus Casaubonus, vel is qui in Anglia ab eo accipiet, proventum nostrum singulis trimestribus, quando voles, modo justum tempus expiravit, tibi annumeret Libras IV. Sterlingicas. Quod si te parcum & industrium ostendas, non dubitabo pro quaternis assignare quintas, ita ut quotannis sis habiturus tum Libras Sterlingicas viginti. Quod sit supra ducentos florenos nostrates. At tu centenos poposcetas. Ego sponte centenos & quinquaginta addideram. Nunc etiam ut tibi animos addam, pretium augeo sed conditione quæ dixi. Quam sum tibi lenis pater in re angusta! Ultra si poscas, frangi non sis, nec ea liberalitate dignus. Florenos illos XXI. quos hic residui non detraham tibi; sed iis tu emes mihi & aliis, eos Libros de quibus scripsi nuper. Sed facies illud quum maxime opportunum erit. Nolim enim te propterea Londinum excurrere, ne inutiles sumptus facias, & tempore adeò contagioso, periculo te exponas. Tu crebro ad nos Literas da: præsertim si quis erit qui ex vobis ad nos veniat. Causam non adscribo: quæ non solum est quod sumptibus parcur, sed & quia tutius scribitur. Sed si talis non occurrat, tu quomodocumque scribe; siquidem deesse materies tibi nequit: si non aliunde, saltem argumentum fuerit idoneum ex studiis. Dehdero enim scire quomodo jam studia componas tua, & an eos tibi fructus capere videaris, quorum minime perniteat. Ex cognatis (ut aliquid de aliis rebus hisce Literis appingam) nupsit superiori hebdomade Antonina Corpusia. Viviano nomen est novo marito. Vir est ut non inenuditus, ita & nobilis & honestus & prædices. Eoque hæc felicior sororibus licet natu minima, videatur. Conviviali festo etiam interfuit frater tuus Franciscus: si non ob arctam sanguinis conjunctionem, at quia illi sponseque eadem mater, non quæ illos pepererat, sed ut cum Plauto dicam, quæ mammam dabat. Surandyburgii defuncti locum in Cathedra ambiunt Vinnius rector Scholæ Hagienfis, Cabellavius Epistolarum editor,

editor, quas tamen an videris nescio, Bronchorstius Hubertius, is qui novam Psalmodum Paraphrasin vel Metaphrasin potius producit, & Vorstius junior. O utinam eos fecisses progressus, ut inter eos nomen numeretur tuum, aut pro te liceret ambire. Non deerat animus fratri Francisco ad eum profandandum. Sed dissuasi; neque hoc alia de causa quam quia ob ætatem immaturus videretur. Absque ea esset, calcar addidissem. Nec fortasse deessent fautores. Utinam paria de te liceat dicere. Sed spero brevi id licebit. Volo enim vos in studio virtutis pariter decurrere, sive eodem illud sive diversis generis studio fiat. Vos certe inter vos; ego applaudam victori. Similiter committere Matthæum cum Dionysio velim: & Gerardum cum Isaaco: — *Καλὸν τοῖς ἡδὲ Βεγγρίαι* ut est apud vatem Ascræum. Commissa est non longè à Vesalia pugna, inter nostros & hostis militem. Utrumque cecidere non pauci, sed penes nostros victoria fuit. Qui & captivum & triplici vulnere saucium adduxere Vesaliam Joannem Nassorium copiarum præfectum. Rumor hic est ex Mercatorum Literis ortus, Mexicanam Urbem undis esse absumptam. Urbs ea in paludibus sita: ut multa aggerum cura opus fuerit adversus aquarum periculum; In quo dum qui pro Rege erat negligentior est, pecuniæque eo sine erogatas in proprium transferre commodum non veretur, atrox hoc infortunium Hispano evenit, si vera est fama: de qua certiora propediem sciemus. Obiit ante sesqui-mensem Dordrechtii Anna Mylia Balthazaris Lydii vidua: obiit & Bremæ ante duas vel tres hebdomadas amicus meus summus, Matthias Martinus, is qui uxorem depoposcerat uxoris meæ fratrem: sed voti compos factus non est, dissuadente Fr. Gomaro qui eum dicebat ἀπυρρανίσεν, imo in eorum castra planè abiisse. Verène an secus non disputo. Cum quotidie tot mortes intelligamus, semper cogitare nos oportet de novissimis: ut quando hora extrema supervenerit, fatalem illum ictum forti accipiamus animo, memores vitam nobis non mancupo, sed usum datam esse, *χρησέμεν, ὡς χρὴ*, ut dicunt Græci. Quare non diutius velle vivere debemus, quam visum erit Deo & Christo. In hoc fiducia firmâ recumbamus, mi fili. Dabit ille nobis quod expedit nobis. Salutem tibi dicunt mater, fratres, sorores.

Lugduni Bat.  
clō loc xxx.  
xxi. Julii.

Tuus natura & affectu  
Pater,

G. J. Vossius.

CXXIV.

Doctori Carletono.

Nobilissime, & amicissime Vir,

Non facile dixerim, quantæ mihi fuerit voluptati nuper quod tot laudibus egregium, etiam Græcis viderem Literis capi. Sermo tunc inter alia injectus de numerum notis. Paucis rem dixi. Remisi de cæteris ad Institutiones Græcas in quibus pag. XLVIII. liquido totum hoc exposui. Mihi earum exemplar per Filium: tardius aliquanto, quam vellem. Nimirum operam dedi, ut melioris chartæ aliquot mitterem. Sed nec Typographus ipse ulla habebat. Mihi igitur non quale optabam, jure debebam: sed cujusmodi poteram. Sed nescio quid factum, utrum, quod domi non esses, an quia aliud impedierit, filius te non convenierit. Dederam enim in mandatis ut ea tibi exponeret coram, quæ animum meum tibi obstrictissimum testarentur. Facilius autem illi ignosco, non modo quia filius sit (scis, quam leves parentum esse animi soleant) sed etiam quia adeo adolescens, erat enim Dionysius meus, quartus ætate ex meis, sed qui eruditione fortasse prioribus non cedat. Nunc cum Golio nostro hisce feriis autumnalibus vivit, non longe ab Haga, ut ab hominum consortio remotissimus strenuè magis perficiat, quod in Arabicis ei Literis deest. Simul operam non malam Magistro suo præstabit, in concinnando Lexico Arabico, quod à tanto viro Christianus Orbis expectat. Nec enim sine uno altero, qui à manu sint summo viro, facile fiat, ut voti nostri compotes fiamus. Oratoriarum mearum exemplar debeo illustrissimo Mecænati meo, patruo tuo Vicecomiti. Sed nescio an tanti sint Mercuriales hi labores, ut in transmarinas partes mitti mereantur. Tamen simulac Hagam venero, colloquar de eo, tuoque ex consilio omnia faciam. Superiori Hebdomade in aulâ Principum Bohemæ locutus sum cum Illustrissimo Serenissimi Britanniarum Regis legato, Cujus ego virtutes heroicas semper sum admiratus: sed mirificam humanitatem satis extollere non possum. Locutus est mecum de liberis suis, sed ego consilio hac parte juvare non poteram; quia profectum eorum penitus ignoro. Quare vel cum ipsis, vel eo qui studiis horum præest, velim sermonem serere, ne quid consilii dem, cujus postea possit poenitere. Si huc mittantur, operam dabo, ut meum sentiant affectum. Nam cum omnia debeam nobilissimæ genti vestræ, tum maxime illustribus



stribus familiis, & tam mei amantibus me obstrictum sentio. Intellexi ex illustrissimo heroe affectum erga me reverendissimi Londinensis Episcopi, cui nunc scribo. Tu quæso heroi Literas ne has tradere graveris. Nam se missurum illas in Angliam recepit ad proximum Lunæ diem. Debeo & Literas illustrissimo tuo patruo. Sed has inter paucos dies mittam; nisi occasio se obtulerit excurrendi Hagam, ut feram ipse. Vale, nobilissime Carlestone, & in amore nostri persevera: quod scio facies & faceres non rogatus.

*Lugd. Bat. clō*  
*Ioc xxx. xviii.*  
*Aug. raptim.*

*Tibi & illustri familie*  
*me obstrictissimus,*

G. J. Vossius.

### CXXV.

Ger. Jo. Vossius Claudio Salmasio  
S. P.

**J**am ante trimestre à me rescriptum oportuit. Nec officio defuissim si satis vidissem quomodo aut quid potissimum scribere deberem. Ancipitem me reddebat, quod diversa adeo studia viderem in illo Scaligeranae negotio. Cujus illum exitum expectabam, quem virtus tua meretur. Dolebam interea livorem tantum posse. Sed de eo nihil scribere ausus eram: Imo sic semper fui ut potius vitia ferrem aliena, ac graves etiam injurias conicerem, quam illis divulgandis operam darem. Simul cernebam, quantum tua scire ea interesset, aliunde etiam te posse cognoscere. Interim gaudeo, saltem consueque rem esse perductam, ut omnes intelligant, solum obsticisse livorem, quo minus fierent ea quæ nominis tui amantiores optabamus. Nec tamen penitus spe excidimus: postquam oblatis mille quingenti annui, tantum ut præsentia tua & scribendo Academicam hanc ornēs. Sane stipendio isto majus habet docentium nemo. Et puto paulatim incrementa capere posse. Imo vero de eo non dubito. Et honesta in re es ut de minuto non necesse habeas laborare. Quare si alla non moventur, hoc quidem non tanti putabis, ut propterea te carere cogamur. O utinam nos sic bees, ut Literarum istud oraculum consulere hic nobis coram liceat! Quod tanto magis opto, quanto me penitus penetro in Plinianas exercitationes tuas. O Thesaurum interioris doctrinæ! Jam tertia est hebdomas, quod à Drovartio ex-

emplar accepi. Pro quo gratias ago, si non quas debeo, at quantas possum. Quotquot Literas amamus valde desideramus tertium quoque volumen quod promittis. Nemo tamen sic festinare te velit, ut valetudini incommodus; quartana illa quæ tamdiu detinuit te satis indicat, nec ferreum tibi corpus esse. Sed tamen quantum valetudo ferat matures, rogamus. Et quid dissimulem? cum magnopere me illius voluminis desiderium teneat, tamen in majori apud me expectatione est commentarius tuus in Concilium Iliberitanum. In quod legi Libros tres Ferdinandi de Mendoza Madriti editos. Sed quam multa & verius & plenius dici possint facile video. At non item video à quo id melius quam à te fieri possit. Fortasse autem tutius talia apud nos edantur. Eoque impensius opto ut si sine tuo tuorumque incommodo possis ad nos venire, non detrectes. Habebis hic non paucos nominis tui & Admiratores & Cultores, in quibus nomen profiteor meum. Quis sit animus in hac re tuus brevi spero sciemus, vel ex te ipso, vel si longius Lutetia absis, ex Literis iis quas Clarissimus Justellus ea de re nobilissimum Somersdici Dominum aut Rivetum Theologum dabit. Si veneris, mihi quidem gaudebo, Academicæ vero gratulabor: sin iis conditionibus, quæ nunc Colæ ad unum vel alterum offeruntur venire recusabis, non desinam tamen gratulari & mihi te amico, & Literis te patrono, & tibi cui hoc Deus concesserit, ut præclare adeo de studiis mereri & possis, & velis.

*Lugd. Bat. clō*  
*Ioc xxx. IV.*  
*Kal. Sept.*

### CXXVI.

Antonio Emilio, Gerardus Jo. Vossius  
S. P. D.

**C**larissime & amice Emili, haud facile dixerō, quoties & quam amica mentio fiat tui, me uxoreque confabulantibus. Quid mirum, cum utrique nostri usque adeo jurecunda sit tui memoria? Eo mirandum minus, si non sine parvissima (ita mihi scio cum Varonne apud te hominem φιλαλογότατον, loqui licere) penè dixerim querimonia, mi-retur subinde, tantoperè te à frigido Saturni sydere afflari potuisse, ut nullos amplius igniculos cernat veteris affectus. Absque eo esset, inquit, illone paucarum horarum intervallo dissidens à nobis, nunquam faceret potesta-

potestatem videndi sui? Vides non à me solum te diligi, sed etiam uxore: vel potius (quando hoc jam vetus) quam constanti amore te prosequamur uterque, etiam postquam aliquis metus esse coepit, ne minor esset ardor tuus, quam olim. Sed si quis fortassis hujusmodi metus se insinuet, fucillis longissime fugandus; facile enim sic in animum inducimus omne hoc, quod nobis ægre est, non aliunde provenire, quam ex immensa quæ premeris negotiorum mole. De me quidem id dicere possum, qui nihil nunc minus sum, quam meus. Et qui vix sum meus, volo tamen esse tuus, tuorumque. Et hæc fiduciâ etiam meos commendare tibi sustineo. Ac hoc quidem tempore, ex uxoris meæ fratrem natum, Franciscum Junium, Franc. Nep. Is postquam biennio in Academiâ Groeningana Jurisprudentiæ operam dedit, etiam Ultrajectinos sibi adeundos putavit, ut majora caperet studiorum incrementa. Propterea eum per literas commendavi, nobili urbis vestræ Jurisconsulto, paternum decus vel æquanti, vel Vincenti. Quod utrique nostri pro nomine erit. Volui tamen ut tibi quoque innotesceret. Nec enim mihi satis est, si Jurisconsultum audiat: sed volo ut literarum ac imprimis historiæ studium adjungat: scio enim, imo scit Belgica nostra, quisquis sacrum ejus accedere volet, tuas imprimis fores pulsare oportere. Multi enim Thyrsigeri, pauci Bacchi. Uxor plurimam tibi salutem adscribi petiit.

*Amstelodami, clb  
loc xxx. vi. Id.  
Septembris.*

## CXXVII.

Gerardus Joannes Vossius, Matthiæ Berneggero, S. P.

**R**escripsissem jam diu, Præstantissime Berneggere; sed jam à longo tempore, in neminem incidi, qui ad vos se iturum diceret. Quanquam vero nihil mihi jucundius esse soleat, quam per literas colloqui cum hominibus eruditissimis; fateor tamen mirè me segnem esse, si metuam, ne frustra scribam; quod crebro nunc fit, milite vias passim obfidente. Absque eo esset, ne laborem quidem defugissem, commentarium quem in Justinam, aliquot abhinc annis scripsi, cum cura telegendi, eaque excerptendi, quæ imprimis placitura arbitrarer, sed ut dixi defuit, per quem tuto ea mitterem. Et præterea mirè distringebar, edendis commen-

tariis nostris Oratoriis: quæ tandem ad finem perducta esse lætor. Nunc verbò labor puto iste, supervacuum fuisset, quia credo, jam lucem viderit Editio, quam adornasti. Impensè faveo studio, quod in hunc scriptorem insumpsisti: Bene de historia externa mereris, & Latinis. Nec facile alius, ad eam rem magis fuisset idoneus, quam qui ut tot Disciplinas, ita Historiam omnem animo est complexus. Nec opéra nostra (de qua limanda cogitationem abjecimus) perierit nobis; sed utilis erit ad ea, quæ de Temporum ratione aliquando, si Deus volet, juris publici faciemus. Volupe fuit cognoscere, Proceres vestros, non infra se putasse, curam Grammaticam; quæ nunc apud *Amstelodami* ita sordet, ut minor iis videar, quia studium hoc non neglexi. At quanto aliter sapuerint apud Romanos, etiam viri Principes, non ignoras. Quod verbò scribis, in repastinanda Gymnasii vestri Grammatica, adjumento fuisse nostram; id mihi longè gratissimum fuit. Nam in talibus scis, non honorem spectavi, sed publicum commodum. Valdè me beasti Grammatica Græco-Barbara Metrophonis Critobuli. Multum lucis adferet ad intelligendum linguam vulgarem. Planè lucem videre debet. Quod fiet hyeme proxima; sic enim recepit Elzevirius; qui nisi operam suam addidisset, vel ad alium issem, vel nunc remissem. Idem ubi ad nos redierit, excudet commentarios nostros de lingua Latina. Mallein hac ætate, ea in lucem dare, quæ ad Ecclesiæ antiquitates pertinent. Quod studium me à prima tenuit adolescentia, sed etsi non pauca in eo elaboravi, tamen vix quicquam prodiit post Historiam de Pelagio, & Massiliensibus. Nempe alia me tenere: non illa mala quidem:

*Sed fugit interea breve, & irreparabile tempus,  
Omnia dum capiti circumvolvamus amore.*

Vale longe doctissime Vir, & quod facimus, id porro etiam faciamus, ut nos mutuo amemus.

*Lugd. Batav. clb  
loc xxx. Post.  
Kal. Sept.*

## CXXVIII.

Guilielmo Archiepiscopo Cantuar.

Reverendissime in Christo Pater, Dom. Illustriss.

**I**n diuturno Conjugis meæ morbo, jam tertium enim is mensem excessit, ne medicore solatium affudit Literarum tuarum



Joanni Beverovicio, S. P.

quas merito magno mihi semper honori duco, conspectus: magis etiam ubi ex iis vidi, ut quo antehac affectu eo prosequi me pergas, quanto minus merentem, tanto magis illustrissimo nomini tuo obnoxium ac devotum. De globo utroque procuratum sedulo: probe enim scio non alios usquam esse qui melius vel sydera nobis, vel terras marique expresse-  
runt. Aurò tamen & scitamentis aliis, commemini ornatioribus missos ad aliquos viros principes qui istis caperentur: Sed tales nunc parati erant nulli; nec Britannia destituitur viris rerum hujusmodi intelligentibus, qui istoc suppleant; atque ut alios transmitti malis, non deerunt quos jam missis demerearis. Mitto Maimonidei Librum jam diu excusum. Sed hæcenus hæsi vellemne comitem ei dare, excercitationem de Rabbiorum temporibus, ita præfatio dilata: interim strenue pro occupationibus quæ sic distinent, progressus sum opere, in eo quo omnis Gentilis Idololatricæ causas ex quo ex historia veteri vel rerum natura, hæcenus tentatum nemini. Nam quanto allam insisterit viam Lilius Giraldu Italus, vir eruditus, nemo possit ignorare, nisi qui non legerit. Atque hæc quidem non externis modo scriptoribus, sed etiam Theologis antiquis allucens faciem; subinde etiam Scripturis Sacris. Quod magis fieri omnibus iis quæ deinde consequentur, modo Deus mihi valetudinem & vitam, uti spero.

Filius meus Joannes in India Orientali factis concessit. Præclare rem gerebat, paulo tamen sumptuosius quam vellem. Manebant cum magni honores & unde intra annos tres quatuor in re apertissima redire domum possit. Sed aliter visum supremo Deo. Interim solatur tum affectus procerum nostrorum, qui summa ei destinant: tum imprimis quod pie admodum esse defunctum intelligam.

Deum Opt. Max. oro, ut saluus & sospes annos permultos sis Ecclesie Anglicæ, vel potius Catholicæ, cujus Episcopus omnes summa post Deum & Christum manet cura.

*Amsled. clb  
1<sup>o</sup> cxxxvii.  
Prid. Kal. O.  
St. Vet.*

*Illustrissimi & Reverendissimi  
viri nominis Gloriosi devotissimus,*

G. J. Vossius.

**U**T ex Anglia reduci volupe erat Dordrecht videre te sospitem ac valentem, ita ingratum illud fuit, quod tam cito aveleret. Anno enim te, mi Beverovici, atque id non modo ob egregiam doctrinam & virtutem tuam singularem, & mellissimam indolis suavitatem; sed etiam quia me amas, neque id modo; ut bene de studiis multorum merentem, sed etiam ut olim meritum de tuis. Id enim nec tuæ ad me literæ diffimularunt, & aperte, quoties res tulit, promere apud alios soles. Nempe sic animati esse solent, quibus cor magnus ille Prometheus de meliori finxit luto. Nec ultro optare doctores debent, quam affectum. Quo amplius neque parentes a liberis, neque Deus ipse exigit a nobis. Sed & tempora! quam multos, imprimis dum faules istæ controversiæ Bataviam turbant, reperi, qui insipientem ex eo laudem sperarent, quod pro beneficio maleficium rependerent nobis! Quanto magis a salubri moribus abulisti, tanto impensius te amari a me æquum est, & sane, absque paucis foret tui similibus (quos inter merito tuo Amplissimum Bilenburgium refero) peniteret propemodum opera totis annis quindæcim urbis vestræ Gymnasio impensæ. Quotidie enim video sentioque, quantum ea res incommodarit studiis nostris. Sed eo me solor, quod ut in cæteris, ita in his etiam, cuique statutum sit, quæ via sit eundem, & quousque pertingat. Quare ulterius alii famæ quadrigis decurrant, non si eo viamur, propterea apud Deum perierit opera nostra. Isti famæ aucupes exprobrent nobis vilem, atque ut vocare ipsi solent, asinariam operam. At ego non propterea desinam putare, insipientis esse suo potius, quam publico omnia bono metiri, & paullum aliquid honoris majoris, facere in terris, quam ut Deo obedias luculente omnia compendaturo in cælis. Sed istos mitto; atque ad te redeo, cujus me versiculi valde delectarunt. Et animus erat iis ornare frontispicia oratoriarum nostrarum, quæ antè paucos menses iterum in lucem prodire. Sed non poteram id facere, nisi apponerem quoque quos scripserat affinis Nazarius & Bonifacius Italus, & Collega Heinsius, atque alii complures. Malui igitur præterire universos, quam delectu quempiam offendere. Interim scias nihil mihi gratius fuisse vel literis vel versibus tuis.

*Lond. Batav.  
clb 1<sup>o</sup> cxxx.  
Non. Octob.*

Tuis,

G. J. Vossius.

CXXX.

EPISTOLÆ

CXXX

Ger. Io. Vossius, Johanni Rouse, S. P. D.

Vr Clarissime & Amicissime

**V**enit ad vos Jostionus, juvenis probus  
& doctus, Natione Scotus, qui in va-  
riis Societ. Germaniæ, Belgicæ Academiis  
Scholisque illustribus vixit. Hunc ante an-  
num mihi commendavit Matthias Martinus,  
Theologus Bremensis Germanique Theolo-  
gorum maximus ut ego censeo *enay 70*  
*24 1807 9*; nec tamen in studiis sacris ulla  
sue gentis inferior. Ob hujusce Viri com-  
mendationem, quia arcta mihi amicitia fuit  
Juvenem, dum huc fuit, amavi, præsertim  
ubi ita se gerere vidi, ut nihil in ejus vita  
culpandum videretur. Nec obscurus erga  
cum affectus meus fuit. Quâ fiducia non  
dubitavit à me poscere, ut eum uni vel alteri  
florentissimæ Academiæ vestræ commenda-  
rem. Id verò facio libens. Rogo igitur ut  
si qua in re utilis ei opera tua esse possit, vel  
etiam ornatiissimi & amicissimi Pococki no-  
stri, hanc ei ne denegitis. Nullus dubito  
quin gratus semper sit futurus. Oratoria-  
rum mearum, quæ ante semestrem hic sunt  
recusæ exemplaria pauca in Angliam misi ad  
Nob. Virum Franciscum Junium afficere me-  
um, qui in ædibus degit illustrissimi Comitæ  
Arundellii: Plura mittere animus erat, sed  
juvenis ille, qui ea secum in Angliam defere-  
bat, pluribus onerari non debuit, nisi hu-  
manitate ejus abuti vellem. Petii autem ab  
affine, ut ex iis, quæ misi, exemplar unum  
ad te, alterum ad amicum communem Po-  
cockum transmitteret. Id quin fecerit non  
ambigo; nisi forte Literas meas non acce-  
perat, quod non puto. Necdum tamen iis  
respondit. Postea etiam nobilissimus Vir Jo-  
hannes Christophorus à Berg, hæreditariorum  
bonorum Serenissimi Bohemiæ Regis in Mo-  
ravia antea præfectus, nunc autem metu Cæ-  
saris exulans, à me accepit XX. exemplaria  
operæ ejus, quam Dom. Pocockus Catho-  
licis è Syriaco transferendis imprædit.  
Ea exemplaria jam Pocockus acceperit  
spero. Satis eleganter Liber est excusus, nec  
emendatè minus, ut arbitror. Sed de eo judi-  
cium vestrum hic expectamus. Dialecticus  
noster tui memor vivit, impenseque te salu-  
tari jussit. Plurimam etiam salutem meo no-  
mine dices Amplissimo Dom. Procancellario,  
quem nunc Doctorem esse Juxonem intelligo  
Collegii Jo. Baptistæ præfectum. Quod si est,  
gaudeo. Item saluta eum qui cum adestem  
vobis, Procancellarius erat, Doct. dico Frien,  
præfectum Collegii Magdal. Quid de Duppa,

Prideaux, Felio, Claytono, aliisque dicam  
summis sane Viris? Quid de doctissimis &  
humanissimis Harrilono, Pococko, Chilling-  
wortho? Quæso, ubi occasio erit, affectum illi  
meum testare. Vale.

Lund. Borsy. clō lōc xxx:  
viii. Kal. Nov. Sr. Novo.

# CHYMI

Joanni Vessio: obscurus

## Charifane Filik

**J**AM prope mensis est, quod nullas à te li-  
teras viderim : ut plane ignorem, utrum  
ternas meas acceperis, quibus ternis tuis anxie  
latis de valetudine, ac penuria perscriptis re-  
spondebam. Volui igitur exemplar literarum  
quas iterum ad amicum Calaubonum  
mihi ad te transmittere, ut facilius percipias  
quid tibi in rebus tuis factu sit opus. Sed  
dubitare vix possum, quin vel à D. Calau-  
bono, vel mercatore illo Londinensi, qui  
Hondii nostri res procurat, voto tuo sit sa-  
tisfactum. Volui huius tamen operis etiam  
te reddere certior, quia scitus duxi, quic-  
quam in me lapsurum quodammodo vi-  
deri, quam iure à te quicquam requiri. Oc-  
cupatissimus quidem semper sum, ut nosti, &  
indies crevit curarum spes, quæ meum me  
esse non sinit. Sed vincit omnia affectus erga  
te meus, ac porro etiam vincet, dum tu eris  
qui debes, ac quem te esse plane condo.  
Permihi superioribus literis, ut si cum bonâ  
superiorum venia possis, & ita valetudini ac  
studiis expedire tui amantibus videatur, &  
nihil periculi à mari vel hoste timeant pruden-  
tiores, quamprimum ad nos excurras. Por-  
tasse tamen expediat, ut aliquantum hoc iter  
differas, usque dum eruditione sis auctor.  
Sic iis, quos hic tui amantes habes, facilius  
satisfacies : & hominibus malignis obtre-  
dandi occasionem adimes. Nosti hominum  
mores. Simul sumptibus parceretur : nec pe-  
riculum erit ab hoste. Sed tamen tui rem  
arbitrii facio. Tantum prudenter dispice,  
quid facere sit opus, & cum iis qui magis  
hec intelligent, consilium cape. Salutant te  
Mater, Frater, Sorores. Tu quoque salute  
plurimâ imperties egregijs Academicæ vestre  
viros, quos quidem lues à vobis non fugarit.  
In his esse significas optimum & doctissimum  
Ma. Hallum, cui te cure hoc tristi esse tem-  
pore significas. Sane, vir tot laudibus or-  
natissimus, vel hoc nomine dignus est amari  
à nobis omnibus. Peterem etiam ut saluta-



tes Magistrum Dod; suavem sane animam. Sed cum jam quoque aliud concessisse ex literis tuis intelligo.

Lugd. Batav.  
clo 15e xxx.  
iii. Kal. Nov.  
St. N.

Tuus Parens,

G. J. Vossius.

CXXXII.

Edwardo Misseldeno Anglo. S. P.

**V**ellem, vir amplissime, priusquam in Angliam redires paucis tecum de studiis filii colloqui liquisset. Pleraque enim melius tribus verbis coram quam longo sermone per Epistolam expressero. Nec propterea deo petitioni tuae, cum omnia tui causa velim, cujus prudentia, virtus, candor (ut ceteras nunc dotes praetermittam) à tot annis mihi non incognitae fuerunt. Dum filius mihi adfuit tuus, alternis fere diebus exercui, nunc prosa condendo aliquid, nunc carmen pangendo. Praeterea potissima eorum exigere soleo, quae me publice docentem audiisset, ac si qua minus fideliter percepta, ea aliquanto fufius diducere, aut apertius enarrare. Nec inutillis ei fuit manu ductio nostra in istis, quae pertinerent ad terrarum situm, ac imprimis Imperii Romani: sine cujus notitia nihil aut parum in Historia videmus. Ac sibi ipsi nisi adolescens defuisset pauculis hebdomadis quibus sive Harlemi, sive in urbe nostra fuit (putabam ego aut Hagam ille aut morbo decumbere) plenius satisfecisset expectationi tuae. Et tamen ne nunc quidem est quod poeniteat profectus: praesertim ab eo tempore quo sermonem inter nos sevimus; ego & is, quem ad me miserar. Tenuia quidem isthaec initia sunt eorum quae animo conceperam, inque tuae spem gratiae & filii amore acturus eram, modo diutius subsistisset apud nos. Sed scis istoc vetus: Dimidium, qui coepit, habet. Imo secundum Aescraam vatem, Dimidium plus toto. Tanti interest ut ne in studiis quoque male incipiamus. Quia igitur non male apud nos coepit, velim in patriam redux pede eodem pergat: ac cum Cicerone Livium jungat. In Historico hoc primum attendat quae ad elegantiam sermonis pertinent. Codicem habeat in quo annotet verba, & formulas, ex Livio à se excerptas, ac subiciat singulis quomodo ea hoc tempore transferre possit in usum suum. Altera cura esto Historiae. Quemcumque Livianum leget Librum, ejus sibi compendium continet, minimum duplo

auctius epitome veteri, quae culque Libro praemitti solet. Tertium esto, ut ea confideret quae mores majorum virorum vel prudentiam tangunt civilem. Praeceptaque & exempla singula ad locum referat communem. Hoc sine codicem habeat in quo chartae distinguantur titulis virtutum moralium & capitum prudentiae tum togatae, tum militaris. In ordine istorum titulorum, utrum Aristotelem an alium sequatur, non multum arbitror referre. Velim etiam quia passim & in hoc scriptore & in aliis occurrunt quae tangant mores usque Romanos, ad manum ei semper sint collectanea Rosini, quibus complectitur gentis ejus antiquitates, de urbis situ, diis, sacerdotiis, Comitibus, Magistratibus, legibus, & alias. Nunc si quis in istis plane fuerit hospes, is exiguo fructu veteres leget. Ac haec quidem aetate Rosinus ad ista suffecerit. Postea satius fuerit ipsos legere ex quibus sua Rosinus collegit, & alios quos Rosinus videre non potuit. Postremum haec cura esto ut luculentae orationes illae, quae apud Livium extant, Dialecticorum more resolvantur ut compareat, in quo cardo rei consistat, quibus argumentis causa nitatur, quomodo occurratur adversario, quae adferantur ad conciliandos auditores, quae ad affectus commovendos. Nec enim facile dixerim quantum ea res conferat ad eloquentiam: praesertim si quis ad exemplum istorum argumentum eligat nostris aptum temporibus, in quo quantum licet insistant antiquis. Haec tam multa considerare operosi videtur operis, praesertim pro ea aetate qua nunc est filius tuus. Sed non aliam praescribo viam quam ipse insisterim bono meo: ac longe optimam esse in variis sim compertus, qui recta via grassari vellent, ad solidam potius doctrinarum arcem, quam umbratilis gloriae. Et haec quidem sufficere arbitror pro ratione privatim Livium legendi, quam publice haecenus enarrantem audivit. Sed nolim in Romana consistere Historia. Sacram & Patriam praemisisse oportuit. Subungere etiam opus Graecam Orientalem & omnium gentium quae irrupere in Romanum Imperium. Quo pacto autem ex istis universalis Historiae notitia optime comparetur, charta altera expono. Spero operam hanc meam boni consulere. Idem facturus eram in studio Philosophiae, nisi satius putassem, ut filius plusculum Linguae utriusque Historiarum & prosaice ac poeticae eloquentiae studiis insisteret. Et sub manibus habeo, imo jam olim habui, & aliquandiu intermissum simulac potero ad incudem opus revocabo, quod partim erit de Philosophorum sectis, partim de Artium ac Scientiarum omnium utilitate ac nexu. Eo fuse dissero, quomodo sit Philosophandum. Summa

ma eo redit auspicandum esse à secta peripatetica, postea diffundi oportere per sectarum alias imprimis Platonicam, & Zenoniam, sive Stoicam; denique sistendum esse non in Pyrrhonia, quæ etiam ambiget in certissimis, sed Polemonis Alexandrini, quæ Electrix sive Græce malis ἐλεγκτική dicitur, nec in ullius Magistri verba jurat, sed singulas singulorum suo æstimat momento. Verum hoc iudicium non nisi post Sectarum omnium notitiam in iis oritur qui veritatem prope majoris faciunt quam seiplos. Ea virtus necdum cadere potest in ætatem filii tui. Quare suffecerit hoc tempore ut Philosophia sit Peripatetica contentus. Non fatigabo te meque ulterius. Deum rogo, ut filio tuo adolescenti optimi ingenii bonam mentem conservet. Omnino enim si volet præclarum quid, indoles ejus promittit: velle autem spero vel potius confido. Vale, vir amplissime, & nos tui amantes porro eo loco habe qua hæcenus facis.

*Amstelodami* cto loc xxxviii.  
iii. Kal. Decemb. St. Gregor.

## CXXXIII.

Petro Cunæo.

Vir atque amice summe,

**G**Raviter in amicitiam nostram peccarem, si in eo, quod serio adeo petis, morem minus gererem. Equidem jamdudum id fecissem, nisi, ut primo adventu domesticis negotiis, ita nunc aliis obtinerem. Otium hic est, quamdiu nondum docere publice aggressus sum, cæterum id minus fegné. Nam ut de eo nihil dicam, quod totus sum in schedis meis digerendis, quæ res plus molestiæ habet, quam primo putarem; etiam exteri, qui vel à vicinis civitatibus, vel terris etiam longinquis, huc veniunt, item indigenæ ut inicitis fieri solet, non paululum mihi temporis eripiunt: pene non minus, quam Lugduni unquam factum. Nec tamen dicere possum, mihi non esse otium ad literas exarandas: Sed, sic animatus sum, ut mirifice soleam procrastinare hoc officii genus: quod ubi diebus, atque adeo Hebdomadis totis factum, tandem etiam (pudet dicere) in oblivionem venit. Idem ne mihi in hac recula vicio amplius verti possit; cum literas tuas sub noctem accepissem, confestim ad Bazirium has, quas vides, exaravi. Mirabitur, scio, ille: nec enim puto, meas, post tantum silentii intervallum literas expectat. Interim

ex his me non oblitum sui facile videbit, atque idem deinceps comperiet, quoad à virtute non descisset. Gaudeo me hic quoque reperisse, qui præclare de eo sentiant. Est sane egregio ingenio, & si, ad magna animum adjecerit, non videtur impar futurus, verum quid ego hæc ad te? qui melius me ejus indolem introspexeris. Gratias tibi ago, quod filium meum in his, quibus Lugdunenses offendit, defendis. Teneri ex officio id facere, vellem omnes scirent. Nam cum id negotium procures hujus urbis suis commiserint advocatis, atque eos inter & filius teneat locum: honestè satis se oneri subducere non possit. Et tamen non illæ ejus sunt partes, quæ forent, si hæc res non me, & Lugdunenses spectaret. Omnino enim primas etiam in iis, quæ filio, ut natu minimo competeret, alius tenet. Non quia meus impar, sed quia paternum agitur negotium. Quod si sic quoque non satisfacit Lugdunensibus, videbo, an expediat, plane hæc cum controversia abstinere. Quod gratissima tibi fuerit commendatio Roserantzii, plurimum gaudeo. Apud Hubertum non degere eam ob causam cognovi, quod in longum tempus se obstringere noluerit: quippe qui propositum habeat, ubi hic doceri publicè ceperit, quandoque hebdomadam unam alteram apud nos studiis suis dare. Tibi interea, vir amicissime, quod laborem tantum sumere volueris, gratias ago summas: invenies me promptum semper, sicubi vicissim operam meam tibi utilem existimabis. De uxore mea, penè exciderat. Quod aiunt eam aerem hunc minus posse perferre, vanissimum est. Valet illa non deterius quam antehæc. Quin spem concepì, prospera hic magis valetudine usuram. Vale, vir amicissime, & cum tua, à me meaque salve.

*Amstelodami.*

*Tuus omni officio,*

G. J. Vossius.

## CXXXIV.

Petro Cunæo.

**V**IR clarissime, qui has tibi literas tradit, is est filius generosi viri, Oligeri Roserantzii, regii in Dania Senatoris, Herois, ut genere ac dignitate sublimis, ita undecunque doctissimi, & eruditorum omnium mirè amantis. Tanti viri prolem, eamque quantum per ætatem licet, paterna prementem vestigia, de meliori nota mihi commendavit utrique



utrique nostri amicissimus Joannes Meursius. Equidem si Lugduni perstitissem, nihil mihi jucundius fuisset, quam bene de adolescentis hujus studiis mereri. Idque non modo, quia sic Meursius petisisset, sed ipsius etiam adolescentis causa, ac imprimis parentis ergo, viri, vel herois potius incomparabilis. Nunc quod præstare ibi loci, nequeo, id ab iis præstari exopto, quos Collegas & amicos conjunctissimos tot annis habui: à te potissimum, quia prodesse ei potissimum potes. Atque utinam etiam in domum tuam recipias unà cum Ephoro ejus Mullenio, juvene ut perhonesto, ita egregie docto. Sane valde demereberis parentem, qui nunquam immemor hujus affectus erit. Scio enim quantopere sibi gratulatus sit Meursius, quod ante annos aliquot convictorem habuerit filium natu majorem. Quod si res domesticæ id hoc tempore minime sinunt, proxima apud parentem gratia erit, si consilio juves. Mihi nunc præter Hupertium advocatum, ubi degant, nemo occurrit. Si apud civem, vivendum sit, Bibliopolam Ephorus prætulit. Sed præter Jacobum Marci, apud quem aliquandiu vixere Barones Strupeski, Bibliopolarum qui convictores habent novi neminem. Ejus vero uxorem aiunt attentorem esse ad rem, quam oporteat. Nec video cur tanti sit apud Bibliopolam potius agere, quam alium civem honestum. Nec dubito, quin, cum tibi notiores sint cives, quam mihi, facile suggerere alium possis magis idoneum. Quod ad res meas, initia hic non displicent. Nam perhumaniter habeor. Sed non arbitror fore, ut publice doceamus primis quatuor aut quinque hebdomadis. Vel saltem non antequam sententiam tulerit utraque Curia Hagensis. Cujus judicium avide expectamus. Nec dubitant proceres hic, quin accepturi sint ex voto responsum. Tantum in causa fiduciæ habent. Scripseram ad Syndicum Wevelinchovium me simulac cognoro conventuros DD. Curatores, Leidam velle excurrere. Rescripsit ille, necdum certam diem præstitutam: Sed ubi de ea intellexerit, facturum me certiorum. Quare propediem fortassis te videbo. Salutem plurimam dices uxori, & Collegis amicissimis.

*Amstelodami.*

*Tuus totus,*

G. J. Vossius.

CXXXV.

Guilielmo Archiepiscopo Cantuariensi.

Illustrissime Domine ac Reverendissime Pater,

JAM tertius est dies, quod de gravi convenior negotio, cuius te quamprimum certorem faciendum putavi. Hoc, quod dixi, istiusmodi est. Atque utinam præsens potius consilium capere tecum possim. Jam ab aliquot annis ex vicinis Bataviæ urbibus, ad Academiam nostram & ætate minores & doctrina inferiores, quam antehac solent, mitti Adolescentulos videmus. Mores quoque eorum quotidie sunt deteriores. Itaque non Baccho modò ac Veneri perpetuo litat pleraque omnis Adolescentia, sed crebriores etiam cædes proximo hic sexennio commissæ, quam antea totis triginta annis atque amplius. Hæc res male habet parentes urbiumque proceres; imprimis Amstelodamensis Civitatis, quæ hæc unâ parte infelicem se dolet, quod liberos, cum necdum modum vitæ sciunt, Studiorum causa in Academiam hanc, ubi dissolutè à magna parte vivitur, mittere cogatur. Atque illud eo magis ad animum revocat, quia hoc ipso anno primarii Civis sui inque dignitate constituti filius, Civem necavit Lugdunensem. Magis etiam sua interesse hoc Amstelodamum putat, quia tam multi ad nos ex urbe sua, studiorum causa, confluunt, quam ex septem Bataviæ civitatibus, aut plerisque etiam provinciis totis. Jure igitur optimo occurrendum huic malo arbitratur. Convenere ergo urbis ejus proceres universi, omniumque consensu statutum est, non melius sibi se & liberis consilium posse, quam si in urbe sua erigat illustre Gymnasium, ubi professores duo aut tres doceant Historiam, Philosophiam, aut alia quibus juvenus imbuî debet. Atque hoc decretum eo majori favore atque applausu à Civibus exceptum est, quia in tam populosa urbe, seu indigenas spectemus, seu advenas, ex cunctis ferè Christiani orbis regionibus; magna eorum ceopia est, qui vel ægregiæ ipsi eruditionis sint, vel saltem doctrinæ peramantes. Horum igitur omnium votum fuit, ut & ipsi audire quotidie aliquem possint, qui vel antiquitates gentium, aut naturæ arcana pandat. Itum hoc animo ad me, ac rogatum ut hac in re addicere operam florentissimæ Reipub. vellem. Itum quoque ad Casparum Barlaam Philosophum ac Poetam insignem. Stipendium mihi obtulere altera parte majus, quam apud nos Professores habent. Nec abhorret animus: Nam & pulchrè mereri hic de

de publico mihi licebit; & gloriosum erit primum me jecisse fundamenta Illustris Gymnasii, quod fortasse aliquando cum inclytis Academicis fama nominis contendet. Uxor etiam valde proclivis est, quia si quid mihi humanitus contingat, malit ea in urbe esse, ubi viduis bene-meritorum optime consuli à proceribus solet. Liberi etiam adhortantur, quia longe facilius illic assurgendi sibi occasio erit, in tanta dignitatum ac munerum multitudine. Eo magis quia jam Proceres ipsi & mihi & meis spem pollicitando fecere, futurum ut occasiones non dimittant, quibus familiaris mea consuli possit. Consanguinei & amici suadent ne hanc conditionem abnuam, variasque etiam rationes adjungunt, quas longum esset exponere. Oravi Deum animum mihi ut illum inspiret, ut eligam quod Reipublicæ atque Ecclesiæ imprimis utile erit, ac mihi meisque salutare. Fortasse aliqui partium studio nimis laborantes, & quibus insitum à natura est alienam felicitatem invidis intueri oculis, mihi id vitio vertent. Sed consolor me in eo quòd sapientis atque probi sit potius sequi Conscientiam ducem, & bonorum consilia, quam vanas quorundam voces. Talium imprimis, qui capropter quod Magistratus jus suum tueri satagat, adversus unius aut alterius tribunitias Conciones seditiosæque Consilia clamitant, cum partium studio in præsentibus Religionis Controversiis teneri, & ex suo ingenio proborum dimetiuntur animos, in longe melioribus ea reprehendentes vitia quibus ipsi laborant. Equidem si eò venero, ostendam me non alteri Ecclesiæ adherere, quam hæcenus feci, omniaque in tristi hac discordia ad pacem & concordiam dirigam, eà prudentiâ quâ Dominus mihi servo suo conferre dignabitur, ut ita tandem quantum in me est, nostram Rempubl. (navi quæ fluctibus ac ventis agitur similis) tranquillum in portum appellari sese valeat.

Hæc raptim nunc exaravi. Post paucos dies certiora perscribam. Nunc plura non licet; quia hodie mittendæ sunt hæc Literæ Hagam, ad illustrissimum meique amantissimum Dom. Vainæ, Serenissimi Regis Magnæ Britanniæ Legatum, qui crastino mane iter suscepturus in Britanniam, eum sine meis redire Literis nefas fuisset.

Illustrissime Domine, Pater in Christo Reverendissime, Deus Opt. Max. diu te incolu- mem Ecclesiæ ac Britanniæ, imò & mihi meisque conservet.

Lugd. Bat. cło  
Idc xxii. xii. Jan.  
Stylo novo.

*Illustrissimi & Reverendissimi  
Nominis tui Cultor obstrictis-  
simus & Devotissimus,*

G. J. Vossius.

## CXXXVI.

Erycio Puteano. S. P.

**F**atum quodammodo meum videtur, perpetuis occupationibus ab officio literarum impediri. Sapius scribere cupidum gravissima retinuerunt negotia, quæ si unquam, nunc certe in me obruunt. Petis ut de statu meo faciam te certiores, ego quoque non petenti purgandi causâ significassem, ut non voluntatem æque officij præstandi, quam potestatem decesse mihi intelligeres: res ita habet. Annus fere integer elapsus est, quod partim corrupti adolescentium mores, partim aliæ causæ Amstelodamenses magistratus per- pulere, ut consilia de erigendo illustri Gymnasio inirent. Id & sibi jucundum & liberis utile fore prævidebant: quippe qui nullo ob- tentu ad Academiam festinare Lugdunensem possent, atque in parentum conspectu ac me- tu essent, quoad firmatâ ætate, & studiorum propemodum spatio decurso ad graviora se transferrent, ac supremum honoris gradum peterent. Ad hoc illud accedit, quòd in civitate ea qua incolamus, magnitudine, non alteri, ut puto, tota Belgicâ cedit, ingens Doctorum & Semidoctorum copia est, qui vel quotidie vel quoties res sinunt aliquem de egregio argumento disputantem audire ex- optent. Diu itaque re deliberatâ inter proceres utilem omnes censuere. Inde discipulis quos potissimum ad docendum vocarent, pri- mas honoris ejus mihi tribuendas putarunt. Et ne transire ad se dubitarem, stipendii magnitudinem aliæque proposuerunt, multò quam hic fruor, ampliora. Illud bis mille & quingentorum in annos singulos florenor- um est, additæ & ædes publico sumptu con- ductæ florenis nongentis. Liberos se ra- tionem habituros adjecere. Sen enim præ- ter filias liberos, quorum unus & alter civilis nunc honoris capaces videntur. Vides ipse quanta hæc sint. Illud imprimis quòd postremo dixi, ego nunc huc nunc illuc inclino. Et modo cum propinquis, modo cum amicis rem communico. Plerique conditionem ut accipiam suadent. Ita mihi dies itineribus & consultando, pene dixerim, pereunt; dum Haga ultro citroque commeo. Exitum bre- vi res habitura est. Simulatque constitiero, nequitiam postrema tanto amico significatio. Opusculum tuum de Begginarum instituto accepi. Quæ vidi, perplacent; sed, ne quid dissimulem, perlegendi otium occupationes, quas retuli, non concessere. Ceterum & non lecta Puteano digna facile præfatio, quæ



ex fonte, præter limpidas aquas, quis expectet quicquam? Audes tamen monere, ut censere tua scripta velim. Summo modestiæ argumento, ut cui eruditio censurae jus deferat, sua ipse aliorum subijcere iudicio velit. Nimirum est hæc Puteano digna modestia, in quo ceteræ virtutes omnes videntur, quæ ut aliorum in se amorem attrahunt, ita ab animis xl. & amplius ita meum illexerunt animum, ut nunquam nisi fato indissolubile amicitia vinculum solvi possit. Cetera proximis literis persequar. Nam nunc, quod volo, non possum. Cum *deinde* non habeam mitto translationem iv. Apostolicarum Epistolarum à Syriaco; ea scio argumenti causa grata erit, & quia meo nomini dicata est ab eruditissimo interprete. Vale, summa vir idem atque amice.

*Lugd. Batav. elo. lxxviii.*

*vi. Kal. Feb.*

Salutem Præstantissimus Tuldene, cui prima occasione referibam, nunc etiam non possum ob intempestam noctem & animi curas lassatum.

#### CXXXVII.

Diodoro Tuldene S. P.

**A**liquando est, Clarissime Tuldene, quod tuum de sui cognitione commentarium, & dono quidem tuo, accepi. Ac licet, si unquam variis interim distringerer curis, quandoque etiam ab urbe abessem (causam fortasse jam aliunde cognovis) impetrare tamen à me non potui, quin per intervalla nunc hanc, nunc illam partem, in manus sumerem; quod majori dubito voluptate fecerim, quam fructu: unum doleo, occupationibus me iis implicitum fuisse, ut insignem adeo librum non quæ curâ oporteret, evolverem. Sed sic quoque præstantiam facile cepi, quæ allectus ad eum sæpius recurrat. Duo potissimum sunt, quæ commendare scriptionem valeant, argumentum & tractandi modus. Hoc si spectemus, omnes impleri numeros. Argumentum, cuius sit pretii facile prudentes intelligant, imprimis corruptis hæc temporibus. Quam sapiens ille Chilon, aut quicumque is si resurgeret, Dicti sui utilitatem, vel potius necessitatem conspiceret: quibus te, Doctissime Tuldene, laudibus dignaretur, qui sic sustine seculi vitia nitaris, nunquam non laudando proposito? Videret & in Belgis (utut Barbara ei nominassent) nati viros, qui Græcorum & imitarentur, & æquarent sapientiam. Quamquam patrum

hic sit æquasse; qui, Christiana Religione perfusus, quicquid hic gentilis est sapientiæ, longius opere hoc exsuperes, quam luna sidera minora. Equidem, qui sæpius calamitosa hæc tempora deploro, tanto majores tibi gratias ago, quanto magis, senescente hac ætate, eorum mihi vitia videor intelligere. Atque utinam dignas referre gratias possim; sed qui vix libri pretium capio, quæ ratione, iusta æstimatione metiri possim? Attamen simulatque meus esse cospere, ac Musas serenioris animo invisere licebit, (quod propèdilem fore arbitror) plurimam curam otio meo seposui, tum accuratius lustrandi atque evolvendi opus. Ex quo sane nihil, ac aliis cunctis discere semper licebit. Nunc aliud non possum quam pro munere gratias agere, quod data opportunitate, compensare nequam differam. Plurimam salutem dices summo & viro & amico Erycio Puteano. Imo & illis, quos mei amantes iudicabis. Vale, Præstantissime Tuldene, & diligere nos perge.

*Lugd. Batav.*

*elo. lxxviii.*

*iii. Non. Mart.*

*nocte intem-*

*pesta, ut plu-*

*rimum meum*

*est meum scri-*

*bendi literas.*

*Tuus,*

G. J. Vossius.

#### CXXXVIII.

G. J. Vossius, Erycio Puteano, v. cl. S. P. D.

**M**agnam capio voluptatem, quoties cogito, mi ab istis magnis literis docebamur adolescentuli; ita utrumque postea idem eloquentiæ studium adamasse, atque etiam iis adjutum; me quidem præceptis ejus pro viribus in literas referendo, te vero, quod non paulo majoris spiritus, bene dicendo: quo illud es contentus, ut quos veterum potissimum tibi imitandos proposuisti, eos non provocare modo, sed suis erant eedere in castris videris. Quamquam vero ex parte longissime vincat: tamen illud me solatur, quod studium non plane diffinit, eisdem fere nobis amicis plurimis in terris pepitit: uti variis eorum exemplis compertum quæ in Germania, Italia, Gallia, Britannia, Sarmatia, aut vicinis imperiis degunt. Putidum fortasse fuerit, diu ejusmodi sermoni immorari: cum me ipsum etiam spectet: sed Sueonum regno tacere non sinit præteris occasio. Nam ut ceteros flectam, qui

qui quotidie vel huc veniant, vel me literis suis compellant. Hisce proximis diebus non semel de tuis laudibus sermo apud me fuit generoso adolescenti Jacobo Skyttee, quem video non solum legisse omnia pene, quæ divulgasti, sed tanta eorum admiratione teneri, ut unus ei Puteanus sit instar omnium, qui triverint hunc eloquentiæ callem. Ac magnopere ille gaudebat cum ex me cognosceret, quæ inter nos animorum conjunctio foret, meque maximopere rogavit, ut simul ac ad te scriberem, suas literas adderem meis. Omnino enim se velle tibi innotescere aiebat. Hunc honestum ejus ardorem scio tibi non ingratum fore: partim quia optime semper volueris studiis adolescentiæ: partim quia publici interest, ut illustri loco nati, quando literarum ac eloquentiæ amore flagrant, in præclaro hoc proposito magis magisque amentur. Est vero adolescens is minimus natu filiorum præillustri ac generosi viri, Joannis Skyte senioris, L. Baronis in Duderoff, Domini in Groufoo, & Stronszorum, Equitis aurati. Qui quantus sit in regno Suecorum ex eo cognosces, quod idem sit ex summis regni senatoribus: idem universæ Livoniæ, Careliæ & Ingriz gubernator: idem Academiæ Upsaliensis Cancellarius. Idem Finlandiæ septentrionalis judex provincialis, nec facile dixerim, quanta indies incrementa apud Suecos ac populos vicinos literæ ac eloquentiæ capiant hujus Viri operâ: Ut vere Mæcenatis nomen mereatur. Quin ejus maximè instinctu serenissimus Rex Gustavus Dorpathi in Livonia illustre Gymnasium erexit in quo Baro Skyttius orationem inauguralem ipse habuit anno superiori iii. Id. Octob. Imo suis etiam sumptibus in Academia Upsaliensi professorem Eloquentiæ extra ordinem alit. Ut jam ea Academia non regis modo professoribus, sed Skyttiano etiam se jactet. Nec minora sunt, quæ molitur: imprimis vero totus est in eo, ut regem non fortissimum modo sed etiam eruditissimum inflammet ad Academiæ, Collegia, ac Scholæ excitandas in cunctis ditionis suæ terris; Etiam (quis credat?) in Lapponia illa, dubium fabulis an historiis magis decantata. Gaudeamus, mi Puteane, quod etiam sub frigido illo axe Musarum ardent amore, nec Musarum modo, sed etiam nostri utriusque. Multi enim, ut dixi initio, nostri istic amatores, tui etiam admiratores. Quare, ut puto, nec grave tibi erit, tribus verbis respondere illustri Baroni Skyttio. Quod non ipsi modo, sed & mihi atque adeo illustrissimo parenti ejus longe erit gratissimum. Literas Amstelodamum procurabis, ibi enim alterum jam men-

sem vivo. Necdum tamen Historias ac Politicæ profiteri sum publice aggressus. Interim stipendium nobis liberaliter fuit: ac fruimur otio beato, sed minime segni. Nam non minus interim scribendo prodeto, quam si ingens corona à dicentis ore penderet. Plurimam salutem dices V. Cl. Tuldeno, Castellano, & si qui præterea ament studia nostra.

Amstelodami.

CXXXIX.

Winando Rutgerio Sa. Theol. Doct.  
S. P. D.

Multis occupatus, Vir Clarissime & Amicissime, nolui tamen deesse postulatis tuis. Amstelodamum ante quinque menses commigraui. Ubi loco habeor perhonesto. Stipendium, cæteraque emolumenta, quæ ex publico percipio, exsuperant tria florenorum millia. Spes adhuc aliorum, pro liberis. Quem mihi commendas, vir mihi videtur apprimè probus. Nec opificium ei apud Batavos vel Westphalos oblatum debet. Nam itidem sarcinator Batavus ille erat, qui apud Westphalos ab acu ad sceptrum pervenit. Nosti Monasteriensium fabulam? Sed extra jocum. Optime ei volo, idque imprimis tui causa. Necdum tamen video, quomodo ei valde utilis esse possit opera mea. Nam pedellatus, quem vocant, & ut sic dicam, subpræfectura bibliothecæ, & similia quæ illustrem hanc scholam spectant, iis potius concedi solent, qui vel literati sint vel saltem non *lazzi*. At hic humanitatis studia non degustavit. Cæterum alia sunt, ad quæ magis sit idoneus. Tantum vacare aliquid ejusmodi velim; etsi jam alii sint, qui similia à me petierint, & quidem quibus negare nihil possum: Nec hoc prohibet quo minus pari cum iis loco sit hinc tuus. Plura velim, quam possum. Sed faciam quicquid potero. Sic amicissime vir merentur virtus & amicitia tua, postulat autem mutuus amor, qui jam ab annis est triginta vel circiter, ut non recurram ad vetera: nempe affectum qui inter parentes utriusque nostri fuit; de quo multa prædicare mihi parens tuus solet. Intellego te circa Paschales ferias excursurum. Advenies gratissimus. Credo optimam etiam adduces uxorem, quam non conspexi ab eo tempore, quo cum vitrica utebatur Dordrecht hospitio meo. Sane tempus sit, ut videat has terras, quas puto, ab longo adeo intervallo non adspexit. Uxor eam salvere jubet. Multa etiam salute impertias



Collegas doctissimos & omnes mei amantes.  
Vale optime & ornatisime Rutgerfi.

Tuus totus,

G. J. Vossius.

CXL:

Guilielmo Episcopo Londinensi.

Reverendissime in Christo Pater, Domine Illustris.

**M**irari te longum adeo silentium meum non solum arbitror, verum & certe scio. Quippe qui eorum, quæ in causa sunt, cur scribendi hoc officium diutius distulerim, minime, ut puto, gnarus esse possis. Itaque rem omnem in paucis conferam. Postquam Lugdunenses viderunt, te me propendere ut Amstelodamum commigrarem, id unum petierunt, ut saltem rem in integro relinquere, usque dum locuti essent cum Amstelodamensium illis, qui Hagam ad illustrium ordinum conventum missi ab urbe sua forent. Interea diem illi ex die ducere, & nescio quas ob causas moras necesse. Jam mensis unus & alter expirat, cum frustra responsum expecto. Tandem cum Academicis Curatores Lugdunum venissent, idem à me postulant quod ante. Molestum mihi erat sic animi pendere. Sed quid facerem, nisi Lugdunenses mihi aperte inimicos vellem? Aliquanto post in Hagensi Ordinum conventu magnis studiis certatum inter Amstelodamenses & Lugdunenses Delegatos, utrum Amstelodamensibus liceret illustre erigere Gymnasium cum in propinquo sit Academia, cujus id solius jus videatur, ut in ea publice doceant professores. Non obstiterunt Amstelodamenses, quo minus omnis tum controversia ab ipsis proceribus decideretur. Quod si contigisset, sine dubio pronuntiatum pro Amstelodamensibus foret. Parvi enim momenti sunt, quæ Lugdunenses pro se adferunt. Nec facile Civitates adversus seipsas sententiam tulissent. Quippe si Amstelodamensibus id non licet, nec alteri vel Hollandiæ, vel Zeelandiæ Civitati licebit, cum utriusque Provinciæ sit Academia Leidensis. Id verò nunquam dixerint vel hujus vel illius Provinciæ Civitates. Presertim cum non una alteraque sit ex majoribus, quæ idem ac Amstelodamenses affectet. Solum eas impedit, quod sumptus essent faciendi maximi, quibus vix pares nunc videantur. Attamen meliora sperant tempora. In quorum præjudicium nihil nunc fieri velint. Adde quod Dordrecht in Batavia professi publice sint

Polyander, Nansius, Marcellus: Middelburgi verò in Zeelandia, Gomarus, Mordisius, alii; nec unquam se Lugdunenses opposuere: ut fatislিকেat, quod nunc animati aliter sint, id totum esse ab invidia profectum erga Urbem tantæ potentia: Nisi credere malimus ex eo id esse, quia metuant ne vehementius Lugdunensibus Amstelodamenses incommodent, partim ob loci propinquitatem, partim ob opes immensas, ut si velint, facile in Urbem suam possint summos quosque viros ex Academia Lugdunensi magnis promissis allicere. Utcumque illud est, in eo quem dixi ordinum conventu posulatum ab Amstelodamensibus & Lugdunensibus, ut utrique judicium hujus controversiæ committerent curi tum Hollandiæ tum superæ. Itaque & Amstelodamenses, ne quicquam præter leges tentare viderentur, Senatorum judicio rem permittunt. Quæ cum ad te perferri vellem, intelligo paucis hebdomadis vel potius diebus negotium consummandum. Quare officium scribendi paulisper disticebam. Verum tres, aut quatuor effluebant hebdomades, priusquam parati essent Lugdunenses. Paratis illis novæ iterum spes quæstionis una atque altera hebdomada definiendis. Sed adhuc sub judice lis est. Quamobrem cum iteratè me spe frustratum viderem, ulterius differendam scriptionem non putabam. Aiunt quidem fore ut intra dies paucos decidatur. Sed hoc alteris tum literis malim significare, quam diutius nunc silere, ne penitus immemor videar officii mei. Priusquam Amstelodamenses Haga domum redirent, convenit inter eos & Lugdunenses, ut Amstelodamum commigrarem, sed conditione hac, ne publice docere aggredieremur, dum lis ea pendere. Etiam Academicæ curatores, cum Hagam excurrissent, idem à me postularunt. Quare hic otio nunc fruor, sed negotioso. Nam præterquam quod nonnihil mihi molestum est tam diu à publico docendi munere abstinere, etiam sollicitus sum de Legibus atque aliis, quæ ad constitutionem novi Gymnasii pertinent. De his enim ut nunc cogitarem petiere Urbis hujus proceres. De controversiæ verò exitu minime sum sollicitus. Nam nulli penè is dubius est. Nec multum cause sue confidunt Lugdunenses. Sed aiunt plerique eo se litem movere Amstelodamensibus, ne si forte Gymnasii illius gloria quandoque vel incommoder Lugdunensi, vel etiam luminibus obstruat, à posteris accusentur, quod initio non obstiterint, cum ista ab Amstelodamensibus tentarentur. Quidquid verò de Academia est Lugdunensi, in eo prope omnes conveniunt prudenter agere Amstelodamenses,

ses, ac rectè consulere, non modò Civibus suis, & Juventuti, sed etiam oppidis vicinis; cum periculo non careat si adolescentes, priusquam vitæ modum sciant, mittantur eam in Academiam, ubi non in Collegiis vivunt, sed in ædibus apud cerdones in quos imperium exercent ipsi: unde fit, ut noctu bene poti per plateas grassentur, non sine periculo & suo & alieno. Invitus quicquam exaro, quod nomini Academia ejus obesse possit, quam non amare modò debeo sed etiam venerari. Attamen & id verissimum est, etiam ab eo tempore quo postremò ad te scripsi, complures gravissimè vulneratos, ac nunc etiam Zelandum bono genere prognatum ex vulnere decumbere, de ejus vita planè conclamatum videatur. Reus verò, ut fieri istic solet, fugà sibi consuluit. Quod suggerebas ne proceres patriæ offenderem, id quamquam antea fixum mihi erat, tamen monitu tuo incitatus, serio magis attendi. Sed neminem reperi qui agere ferret, vel factum improbare meum. Imo plerique ex Lugdunensibus apertè ita dicunt, tam me prudenter facere, qui meliorem Amstelodamensium conditionem sum amplexus (nam & idem se facturos meo si loco fuissent) quàm Amstelodamenses peccant subducendo eum Academiæ qui bonam juventuti operam navet: nec enim conquirere id se posse Amstelodamenses ex Academia ejus Provincie, cujus ipsi sint pars illustris, vocare quemquam in urbem suam, cum magis rationem habere debuerint Provincie quàm suæ Civitatis. Et sane speciosè admodum ista dicuntur. Sed obtendunt Amstelodamenses jus esse professoribus quovis commigrandi, quo velint: ad hæc se prius rem omnem communicasse cum Lugdunensibus; nec obscure iis significasse, si nequam parati me essent dimittere, posse de eo conveniri, dummodo mihi satisfaceret, cui se obstructos faterentur. Quod si cum à Lugdunensibus, & aliquot etiam mensibus post fuerit cessatum, non esse profectò quod nunc Amstelodamenses accusent, sed se ipsos qui in me retinendo fuerint negligentiores. Alia etiam non levis momenti pro se adducunt. Sed video me jam alteram paginam explevisse. Quare ne longior sim, abrumpam, si unum illud adjecerò, plus omnino mihi hic otii fore, ad ea limanda ac perficienda, quæ sum exorsus. Imprimis autem quod toties tibi, Illustrissime Domine, postulatum, me ad Ecclesiasticam Historiam accingam, quantum per munus publicum licebit. Magnus est animi mei ardor ad præstandum aliquid quo Spartam illam ornem. Ac quamquam male me habet, quod sex septem homines (quorum magna ante

annos duodecim in Ecclesia erat auctoritas) propterea quod inter extremas sententias cum antiquitate aliquid medium probarem, sic assilerint rem familiarem, ut longe opulentior Lugdunum venerim, quàm nunc recedo: tamen magis agere est animo meo, quod relicto propemodum studiis sacris coactus sum docere bis de die in studiis humanitatis. Nam manè quidam Xenophontem, Aristophanem, aut alium ejus generis errare soleo: post prandium autem Plautum, Justinum, aut similem. Nisi quod postremo biennio dum expono Sulpicii Severi Historiam Sacram, occasio fuit expendendi universam Historiam veteris Testamenti. Mallem eadem occasio fuisset in rebus Christianorum, propter provinciam illam quam suscepi. In qua lento admodum pede sum progressus. Absque eo fuisset his annis duodecim, si bene me novi, nihilum in Historia Ecclesiastica sex ejusmodi volumina ac est Historia Pelagiana, nec minoris bonitatis edidissim. Sed hoc fere illi non poterant, qui quod honoris mihi accederet, sibi decedere arbitrabantur. Ego verò et si optimi casusque aliquo etiam magnatum favore subnixus, temporibus tamen cedendum potavi. Nec aliter poteram, si conjugi ac liberis consultum vellem. Nam auctoritas eorum de quibus conquerer, multum refraxit. Planeque omnia sua magis momento pensantur. Maxime è cordatissimo hujus urbis Senatu. Verum oblitus non tam mei, quam negotiorum tuorum iterum materiam ingredior de qua priusquam omnia dixerò, diem clauso componat vesper Olympo.

Deus Opt. Max. te, Illustrissime Domine optimeque Mecenas, Serenissimo Regi Carolo, Regno Britannie magnæ, Ecclesie universæ ac amicis & cultoribus tuis, familie in his mæ, quæ assidue pro te vota facit, diuturnam ac incolumem vitam largiatur.

Amstel. cl. 16. xxi.  
Prid. Id. Quinctes.  
St. Ver.

Devotissimus & obsequiosissimus, Reverendissimus & Illustrissimus  
domini tui,

G. J. Vossius.

CXLI.

Gerardus Vossius-Hugoni Grøtius  
S. P.

J Am ex amplissimo affine tuo Reigersbergio intellexeris, vir maxime, ut Amstelodamenses



Iodamenses causis compulsi gravissimis, constituere in urbe sua cogitent Gymnasium illustre: atque ut eam ad rem utilem existiment, operam tum meam, tum College, & amici veteris Gasparis Barlei. Sed Leidenenses planè habent persuasum, detrahère eam rem multum posse nomini, & existimationi Academiae suae: eoque omnem movent lapidem, ut hoc negotium disturbent. Primum negant juris hoc esse ulli civitatum, præterquam suae: cui pro tolerata fortiter obsidione, præmii loco sit attributum, ut Academiam habeat, ad quam Hollandiae, & Zelandiae ablegetur juvenis. Amstelodamenses autem arbitrantur, aliud esse Academiam statuere, quam ad rem opus sit privilegiis, & immunitatibus à suprema potestate concessis: aliud autem Gymnasium erigere; in quo juvenis, & alii Musarum amantes, absque ejusmodi privilegiis, liberali imbuantur doctrina: quale jus penes singulas esse civitates. Existimant quoque, eam rem plurimum commodare posse Leidenensibus; quia si annum unum alterum diutius apud se detineatur juvenis, & eruditione auctior ventura sit ad Academiam, quod ex honore loci futurum, & judicio firmatior, quod efficiet, ut deinceps hic minus sit turbarum. Urgent iterum Leidenenses, si habere Amstelodamenses velint professores aliquos, saltem non alibi iis docendum fore, quam in Scholis classicis: uti apud Dordrechtanos fecere professores, Nansius, Polyander, Marcellus. Amstelodamenses aiunt, non esse laborandum Leidenensibus, utrum in auditorio aliquo Scholae Classicae doceant professores: an loco aliquantulum disito, qui magis deceat non magis Doctores ipsos, sed etiam adolescentes, jam rude à ludi moderatore donatos, ac pariter tot præstantissimos cives, qui studia colant, ac de rerum natura, vel imperiis, aliisque rebus præclarissimis, publicè alios differentes audire exoptent. Denique objectant, ut hæc essent, non tamen debuisse Amstelodamenses ullum ex Academia hac vocare: sed potior rem iis habendam fuisse rationem Scholae, quæ totius sit Hollandiae, ac Zelandiae, quam quæ unius sit urbis futura: præsertim cum ipsi nobile sint membrum in Procerum conventu, à quo curatores Academiae statuuntur, ut quos hi statuerint Academiae professores, iidem ab Amstelodamensibus ipsis præfecti fuisse Academiae sint dicendi. Neque negant Amstelodamenses, hæc alicujus esse ponderis; ac propterea delegati eorum, in Ordinum conventu ante menses duos, cum à Leidenensibus super hoc compellati essent, eò inclinabant, ut si rogarentur, ne quemquam vocare ex Academia sua vellent,

morem ea in re gerent, dummodò mihi satisfaceret, quo invito pacta conventa non possent reddere irrita. Leidenenses verò passi sunt optimam occasionem effluere, quamquam dies dicta esset conventus, & ea de causa semel iterumque Lugduno Hagam excurrissim. Nimirum honestius urbi suae putant Leidenenses, si non tam rogent Amstelodamenses, ut à proposito desistant, quam si in proximo Ordinum conventu, qui mense Martio futurus, interdicatur Amstelodamensibus, ne Illustrè Scholam erigere, aut saltem ne quemquam ex Academia, ad Scholam Urbis suae vocare Professore possint. Amstelodamenses autem negant, se quicquid facere velle, quod privilegiis Leidenensium adversetur, sed si iis repugnet consilium de gymnasio; in quo doceant professores publici, solum opus esse, ut privilegium hoc sibi monstretur: eo viso, velle se ab instituto desistere. Ad me autem quod attinet, eo se potissimum aiunt de me cogitasse, quia non solum opera mea in publicè docendo Historiam, pergratum toti urbi argumentum, utilis sit futura; sed etiam in dirigendis Scholis duabus classicis (quarum non melior facies sit, quam in cæteris Bataviae urbibus) juvare consilio Amplissimos Consules possem: quippe qui non sine fructu annis totis xv. Dordrechtanae Scholae, ante hos annos xv. præfuissem. Negant præterea, cum in Academiam professores vocantur, stipulationem intercedere, qua obstricti professores, non alio ire possint, si res eorum sic ferant. Si jus est Leidenensibus, abrogandi munus professoribus, cujus rei exempla nuper vidimus (ut de locero Junio taceam, cui professio linguae Hebrae erepta invito:) sane etiam professoribus jus esse abdicandi se munere quando vellent. Ac hujus rei exempla multa suppetere: ut in Danæo se conferente in illustrem Scholam Gandavensem: Gomaro, Middelburgum eunte; Meursio proficiscente Soram, & compluribus aliis. Si professione fungens non possit à se vocari, tantum requiri, ut professor muneri renunciet: nec dubitari posse, quin saltem eum tum vocari sibi liceat. Hæc sunt, de quibus Leidenenses in proximo Ordinum conventu, controversiam Amstelodamensibus moturi videntur. Quod si sic etiam se nihil efficere posse animadvertant, puto, contenti erunt, à Proceribus nostris xx. aut circiter, millia expetere, ut deinceps liberalius habeant professores alicujus nominis, atque alios etiam consequantur, qui vel docendo publicè, vel scribendo illustrare hanc Academiam possint. Hujus rei indicium non unus mihi eorum fecit, qui Leidenensibus familiaris utuntur. Nec obscure innuunt,

nuunt, discessum meum causaturum, ut  
culentiori conditione Salsmatis iterum advo-  
cetur: ut paulum illud damni, quod in me  
faciet Academia, magnitudine ejus viri ab-  
unde compensetur. Equidem si venerit, gra-  
tialabor, eo magis, quam ei docendum publice  
non erit, eoque defecationi animo totus erit  
in scribendo. Mihi tam felix esse non licuit,  
cui bis de die docendum fuit, ut ignosci  
mihi debeat, si scriptorum praesentia ab aliis  
vincar. Latet haec publica est; nec omnia  
omnes possumus. Ac de isto haecenus. Ad  
aliud nunc venio, in quo consilio atque opera  
mihi opus tua. Ante dies tres quatuor, red-  
ditae literae filio meo Dionysio à Generosissi-  
mo Barone Christophoro Stupeskio, quibus  
significat fortasse iturum se Constantinopo-  
lin, & ad alios orientis tractus: ac quia me-  
minerit, quanto ardore filius soleat expectare,  
ut terras eas lustraret, ut quae decissent in  
Arabicis, ab Arabicè loquentibus posset ad-  
discere, voluisse se nunc occasionem offerre,  
qua sine Parentum molestia, voto suo posset  
satisfacere: Comitum enim hujus itineris  
assumiturum. Non abhorret filius, qui ni-  
hil aequè desiderat, quam ut hoc fiat. Sed  
quiddam scrupulum mihi iniecit atque uxori.  
Nam quia illustrissimus hic Baro, in Reli-  
gione sequitur Opiniones Ecclesiae Romanae,  
ut filius meus ad etatulam (necdum anno-  
rum xx. est) iudicio non adeo est firmato,  
ut insecari promissis nequeat, aut argumen-  
tis decipi speciosis; paulum tutum arbitror,  
cum committere itineri tam longinquo cum  
illis, qui rem Deo se gratam facturos putarent,  
si ad gremium Ecclesiae Romanae filium abdu-  
cerent. Suspicio mihi injecta ab aliquo, à  
Rege Christiano legatum iri aliquem Con-  
stantinopolim; inque hujus comitatu Baro-  
nem Stupeskium fore. At Rex non misert  
alium, ut puto, quam suae in Religione sen-  
tentiae. Eum Presbyter comitabitur, & alii  
*episcopi*. Quare tanto plus periculi filio sit,  
in tanto eorum numero, qui diversum sen-  
tiant à nobis. Ut mittam, quod fortasse in  
his futuri homines malis moribus, quos as-  
fricare meo possent. Ille quidem se satis  
firmo ad ea pectore arbitratur: sed ego mul-  
tis edoctus exemplis, tuta etiam timere di-  
dici. Nec propterea consultationem omnem  
de hac re abjeci. Fortasse enim illustris hic  
Baro, minus etiam Romanae Ecclesiae placitis  
adhaeret, quam cum viveret nobiscum. For-  
tasse etiam comitabitur Ephorus, Paschalis  
Medicus, Gallus, qui tantum non juravit  
in verba Zelotarum nostrorum. Fortasse &  
una iturus, fratrum generosorum tertius, qui  
ut intelligo, in Religione plane noster est.  
Et si Legatus mittendus, fortasse erit aliquis,



gere possint Academiam. Aperta enim esse Privilegii verba, quibus cavetur, ne ulla Hollandiæ aut Zelandiæ urbs talem Scholam erigat. Amstelodamenses jubent attendere ad ea quæ antecedant vocem hanc *talem*, nempe privilegiatam, five quæ honores graduum conferat, immunis sit à tot oneribus, suam habeat jurisdictionem. Quæ sint forma Academiæ: non illud, quod publicè doceatur, cum hoc multa habeant Gymnasia, quæ vocant Trivialia; omnia verò illa, quæ vocantur Illustria: ut Schola Bremensis, Sigonensis, Steinfurtensis, Danstiscana aliæque. Imo idem Dordrechtanos juris sibi vindicasse, atque Middelburgenses: nec Leidenses se unquam opposuisse. Primum hoc agebatur in Ordinum conventu, ut Civitatum Deputati sententiam ferrent de mente privilegii Leidensibus à Philippo, hoc est Principe Guilielmo sub nomine Philippi concessio. Sed ubi videre plerasque civitates eò propendere, ut pro Amstelodamensibus sententiam ferrent (quæque enim graviter ferret, jus sibi eripi deinceps in urbe sua alendi Professore publicum) maluerunt eam controversiam ad Curiam utramque devolvi. Utrum passuri id sint Amstelodamenses, necdum scio. Sed si sint, non dubito, quin Amstelodamenses sint futuri superiores. Uscque adeo apertum mihi videtur, singulas civitates id juris habere. Hæc ego subito in chartam conjiciebam: quod nollem Nobilissimum illum Polonum, qui has literas perferret, & multa de laudibus tuis diceret, sine meis ad te literis venire. Propediem cætera perscribam. Hæc enim ego, quod dicitur, stans pede in uno, sane raptim adeo, ut metum ne legere ea possis. Sed nimis festinationes ignoscas. Proxima hebdomade, hoc est postrid. Kal. Maias Amstelodamum migro. Quod Deus bene vertat. Ibi iudicium expectabo Curie, si ad eam causa deferatur. Sin minus, cum Amstelodamensibus quid faciendum sit consultabo. Ita enim petiere, cum per hanc urbem Haga se domum conferrent. Vale Amplissime vir & amicissime.

Leid. Batav.  
elo loc. xxi.  
xix, April.

Tuus eternum.

G. J. Vossius.

# CXLIII.

Gerardus Vossius Hugoni Grotio S. P.

**A**NTE omnia, Incomparabilis vir, Deo immortali gratias ago, quod diutinas horum temporum calamitates, temperant dulcissimo beneficio liberationis tuæ. Quod eo majoris duco, quia ne aliud quidem sperare audebam, quam ut intercessione Principis exteri cum certis conditionibus dimittereris. Sed subinde labascebat animus, cum minimè viderem, quibus conditionibus & conscientia tuæ, & Procerum simul voluntati posses satisfacere. Nunc Deus voluit, ut planè tuus esses, neque ulli præterquam uni tibi, beneficium tantum deberes. Quanto magis propterea Divinæ sis bonitati obstrictus, satis intelligis. Sed quia vita hæc terrestris, nihil aliud esse videtur, quam perpetua tentatio quædam, faciliè vides, quanta nunc opera danda tibi sit, ne qui à Deo corporis es custodia liberatus, à communi generis humani hoste, in carcerem longè sordidior, animi nempe, ullis ullorum blanditiis pelliciaris. Quod eò ad te scribo, quia inimici tui spem eam conceperunt, propediem huc nuncium allatum iri, quod Bertii exemplo abjuratis quæcunque à Reformatis Ecclesiis docentur, eosque omnes pronunciaris hæreticos, qui non per omnia cum Romana Ecclesia sentiunt. Equidem nihil tale de te metuo. Novi enim pietatem, animique constantiam. Sed tamen quid homuli fumus, si Salomon ipse scedè adeo sit prolapsus? Quare Deum oro, ut nec spe, nec metu, à recta te via, & conscientia integra, abstrahi patiat. Tu verò, vir Maxime, me vicissim in precibus tuis apud Deum habe commendatum, ne vel pellacia horum, vel illorum blanditiis, agere id unquam velim, quod salva conscientia facere minimè possum. Sed de me quidem propediem fortasse plura. Nam expecto, quid vel Synodus decretura sit, quæ Roterodami nunc haberi incipit; vel quid Nobiles Academiæ Curatores viii. Augusti facturi sint in rebus meis. Ad te redeo. Legi cum optimo Parente tuo, scriptum de questione ea, an Melancthoniana sententia rectè Pelagiana esse dicatur. Scis quid hæc de re sentiam. Sed aliud nunc in questione est. Nempe an expediat ea, quæ scripsisti, quamprimum in lucem exire. Video de hoc ne inter tuos quidem satis convenire. Et utrumque argumenta asferuntur. Quibus id probatur, aiunt Dei, & veritatis causam agi, hæc ab omnibus causæ satis intelligentibus defendi viribus omnibus debere: à te verò imprimis,

imprimis, partim quia perpauca, quid vetus Ecclesia senserit, æque sciunt: partim quia tutius istic ubi nunc es, potes: partim quia hoc sine liberasse te Deus videatur, ut veritatis sis Patronus fortis. Accedere aiunt, quod multorum millium de te spem eludere non debeas. Item quod aliter mundo testatam facere innocentiam tuam vix possis. Sed quibus secus videtur, hi satis fore putant, si ea defendas quæ egisti ipse dum Reip. habenas moderareris. Ea quæ à Synodo decreta sunt, malunt oppugnari ab illis, qui populum docent, ut quos ea res propius tangat: si tibi opera eorum claudicet, posse à te iuvari. Sed ut ipse rectis quasi cornibus in Synodum incurras partim tutum putant, eo quod in Britannia, Belgica, Germania, ipsaque Gallia tot habeat defensores; quorum impetum metuunt ne solus possis sustinere. Scis quam duram suscipiat provinciam, cui cum Theologis negotium est. Adhæc negant res tuas ita firmo loco esse, ut non vel obitu Regis, vel alio infortunio inde ejici possis: nec debere te in totum tibi aditum præcludere in loca illa, ubi Calvinii dogma regnat. Præterea aiunt magnis passibus, ed nunc omnia tendere, ut brevi planè moderatis hominibus futurum sit opus, à quibus triste Patrie dissidium sopiatur. Utilem verò tunc nobis operam tuam fore, si non tam Remonstrantium causam susceperis defendendam, quam unius tui; quod necessarium esse minime dissentitur. Accedit, quod aliter si agas, minus etiam, quam nunc sunt, in gratia erunt; qui vel sanguine vel affinitate tibi juncti sunt. Utrum majoris hæc argumenta sint, an priora, satis per te vides. Quamquam vero consultore non egēs, tamen non possum, quin addam, minime mihi improbari, ut paululum saltem hoc negotium differatur. Præsertim quando conjux tua, itemque affines planè habent persuasum, tibi, liberis, sibi, plurimum posse hanc rem incommodare, nec usque adeo necessariam esse. Hæc sunt quæ Delphis scribebam. Nunc rectè Lugdunum peto, unde de aliis alteras ad te literas dabo. Neque enim plura nunc possum, ob festinationem. Deus tibi, vir Clarissime, amicorum maxime, eum animum inspiret, qui faciendæ Ecclesiæ concordie plurimum adferat emolumentum. Summo Theologo Tileno salutem si dixeris, gratum feceris. Nec enim obstar arbitror, quod de facie minus notum, cum animi virtute hominem æstimemus: quam qui hinc, is verè mihi nosse virum videtur. Vale.

xxii. Jul.

cl. loc xxxi.

Tuis eternum,

G. J. Vossius.

## CXLIV.

Johanni Rouse, *Bibliothecario, S. P.*

Quas literas vides non Lugduni Batavorum scripsi, sed in Amstelodamensi urbe, emporio per orbem totum inclyto, & Belgicæ foederate, ut sic dixerim, Venetiis. Ea civitas viris & opibus potens hoc uno nomine visa sibi infelicio, quod præter vulgarium Scholarum præfectos non haberet publicos juventutis doctores. Eoque erigere statuit, Gymnasium, ut vocant, illustre, cujus fundamenta, ut jacere vellem, petierunt, nec à me modo id obtinere, sed etiam Casparo Barleæ, Poeta & Philosopho egregio. Ille Philosophiæ Professor futurus, ego Historiarum ac Politices. Labor idem mihi qui Lugduni: stipendium pene altera parte majus. Nec tamen tam illud ut migrarem persuasit, quam quod non paulò melius liberis hic meis possem consulere, & plus otii sum habiturus ad ea conficienda, quæ animo confeci. Verè enim id dicere possum, meliorem aliquam, majorem liberorum, maximam autem posteritatis rationem ea in re habuisse. Accepi à Reverendò viro Ludovico de Dieu Marianum Scotum calamo exaratum. Non dubito quin sit exemplar illud de quo inecum Oxonii verba faciebas. Nam aiebat de Dieu id sibi transmissum à Reverendissimo & Illustr. Archiepiscopo Hiberniæ: ac quamquam Literæ nullæ essent additæ, tamen quia Historici esset argumenti, mihi transmissum colligebat. Simulatque vero in manus sumsi, vidi nomen meum frontispicio ascriptum, quod omnem utrique scrupulum solvebat. Itaque primâ occasione ad Reverendissimum Dom. Archiepiscopum scribam. Quod eo hoc tempore non facio, quia ob transmigrationem, & curas alias, non potui hoc volumen Mariani sic versare, uti vellem, atque uti eum oporteat, qui apud heroem illum nolit crudum promere judicium. Nam ingenue ut dicam, quod res est, tantum carptim complura legi: quod facile mihi omnes ignoscent qui norint vitam meam, præsertim hoc tempore. Qui has tibi literas tradunt, sunt tres Fratres Adamus, Guilielmus, & Carolus, Filii Nobilissimi Viri Leonardi Neyenburgii, qui dum viveret, primum Imperatori Rodolpho, postea Matthiæ qui in Imperio successit, à consiliis fuit. Ephorus eorum est Joannes Addon natione Bohemus: cujus & gentis sunt Juvenes illi quorum studiis præst. Rogarunt obnixè me, ut ne in Britanniam ituros sine commendatitiis meis dimittere se vellem. Lubens iis morem gessi: quippe qui probita-

A a

tem



tem illorum ac modestiam haberem perspetam. Quo nomine non mihi solum sed collegis etiam meis fuisse accepti. Quare si fortasse in solo extero, consilio egeant tuo, ejus participes illos facias. Doctissimum & amicissimum Pocockum in Syriam esse profectum, ut majora ibi Orientalium Linguarum incrementa caperet, intellexi ex Britanno, qui Oxonio veniret; & Hamburgum ad Britannum legatum proficisceretur. Negabat se quicquam Literarum apportare, quod subito decedere sit coactus. Attramen securum me reddebat de exemplaribus Pococko transmissis. Unde & colligo accepisse vos duo Oratoriarum Institutionum exemplaria quae adjunxeram. Diu ea res me valde sollicitum habuit; propterea quod nihil de illis intelligerem. Heri me convenit Molenius Danus, Ephorus Nobilissimi Juvenis Roscraantzii. Is mihi Arontii exemplar inauratum ex dono typographi obtulit, ex quo etiam cognovi cum de nova thesaurum mearum editione cogitare. Itaque de isto etiam proximis vel ad ipsum vel ad te Literis scribam.

Vale, Vir Clarissime & Amicissime, meoque nomine plurimum saluta summos viros, Acc. Fruen. Gu. Juxon, Br. Duppari, D. Friedeaux, Sam. Fell, Thomam Claytonum; Sed & optimum & doctissimum Harrisonum & omnes quos nostri scis amantes.

*Amstelredam.  
clo loc xxxi.  
III. Id. Maias.  
St. Vet.*

*Tuus totus,*

G. J. Vossius.

#### CXLV.

Joanni Meursio S. P.

**Q**uod moras tantas vir atque amice summe necat Blauwius noster, id non tibi tam molestum est quam mihi. Eo magis quia idem facit in Maimonide mei Dionysii & puerulo. Simulac literas tuas a vestrate mercatore accepi, recta me consuli domum ejus. Sed aberat ab urbe. Rediturus postmodum dicebatur. Distuli igitur scribendi ad te officium, ut perscriberem certiora. Nunc ultra deferre non licet, quia jamjam abiturus is a quo Literae mihi tunc redditae sunt. Et necdum Blauwius reversus. Compellavi interea fratrem ejus nata minorem ante menses sex septem ex Italia reversum. Exposui illi quae sententia tua foret. Ille petere ne quid agerem ante reditum fratris. Hoc causa cur

non remittam scripta tua. Simul ille quid diceret certo te visurum specimen editionis, antequam ad vos redierit Danus hic Mercator. Facilem se & citam scire ad te id procurandi viam. Negabam me credere nisi quod viderem tot annis elusus. Omnia meliora spondebat, & hac ipsa hebdomade orsurum, vel saltem simulac fratrem compellare dabitur. Quid facerem? Urgebo opus filii & tuae: & tua magis quam illud filii locutus sum, & ante annum circiter & hesternum iterum die Noomsium Arlanderveniz dominum de Cretenesium editione ejus honori dicanda, & opus ipsum lustrandum dedi. Qui valde eo capiebatur. Sed aegre ferebat triconem Blauwium sic nos omnes frustrari. Nec ultra ego quicquam commonere, vel innuere potius (etiam nec id opus fore apud honestam animam arbitrer) quamdiu necdum videret lucem. Pestilentia quae superiori anno ex una Leideni urbe sexdecim hominum millia abstulit, videtur nobis nunc comminari. Sed speramus meliora. Obeunt de hebdomade nunc trecenti nunc quadringenti. Nihil id tam magna in urbe praeter Leideni ubi quaque hebdomade cum lucis illa maxime grassaretur, etiam mille quingenti & ultra moriebantur. Grotii mari Libero responsum a Seldeno J. C. Anglo, cujus de Syris diis & marmora Arondeana & alia extant. Illustres Ordines nostri in mandatis dedere Grafwinkelio J. C. meo ante annos viginti discipulo & convictori ut opus hoc rescellat. Mitto ad te primam partem Annalium Batavicoz filii Matthaei. Scio quam scrum nostrarum sis intelligens, & tanto facilius probaturum se tibi confido. Clarissimis viris Laurenbergio, Stephano Joannide, aliis salutem plurimam, imprimis letissimam coniugi & optatissimis liberis. Cui & conjux mea ac filius filiaque salutem adscribi petiere.

*Amstelredam.  
clo loc xxxi.  
III. Non. Jul.*

*Tuus eximius,*

G. J. Vossius.

#### CXLVI.

Francisco Junio, F. F.

**L**iteras tuas, Conjunctissime Affinis, ante unam, atque alteram hebdomadam accepi: atque ex iis de tuo in Gallias discessu, certior factus sum; simul etiam de causa hujus itineris. Equidem verebar jamdudum aliquid ejusmodi, cum cogitarem, non alio loco

loco habitum Pettræum, cuius labores noscam. Nihilominus cum mente revolverem, tot à Comite promissa, vix poteram à me impetrare, ut suspicioni ulterius indulgerem. Interea gaudeo, tibi gratulor, quod omnia viri boni, & fidi Doctoris, munia expleveris. Si erunt, qui te hic mercede iusta fraudabunt, at non deerit is, qui venturo seculo, cum fœnore omnia rependat. Quod quaeris, an probem abitum; mihi certe videris recte, atque ordine fecisse. Si enim eo compensare operam tuam, Illustris Comes distulit, quod in Liberorum aliis ea indigeret: fortassis, ubi viderit, nolle te amplius animi pendere, gratus esse maturabit pro beneficiis tuis. Quam ad rem plus absentia valet. Præsentia enim plurimum vilescunt. Ac magis, quid habuerimus, videmus; ubi & nobis cendum. Sin is semper ei animus fuit, vanis tantummodò promissis lactare, longè etiam magis consilium tuum probem. Nam quid æquè miserum, quàm inani spe animum sustinere, ac tempus tetere? Ut omnino præstet, maturè rebus suis consulere: Scis Poetæ illud;

— *Noctis differre paratis.*

Utinam autem occasionem hic viderem utilem tibi operam navandi: fortasse id aliquando erit. Sed nunc tamen nihil occurrit. Fortè tui ratio hic haberi posset, si Professorum numerum augere Proceres Amstelodamenses vellent. Putarem te maximè idoneum, qui Mathesin publice tractares. Sed nec Amstelodamensium mihi animus est cognitus, nec tuus. \*Ac ne ipsi quidem docere aggressi sumus. In causa est, is, quam Lugdunenses Amstelodamensibus intentant. Nec ea tamen in rebus meis sollicitum te habere debet. Ita enim prudentes omnes censent, non posse aliter fieri, quin pro Amstelodamensibus Curia utraque pronunciet. Interea occupor in digerendis iis, quæ superioribus annis scripsi; præsertim quæ ad literas, & Historiam externam pertinent. Volo enim semel iis defungi, ut reliquam ætatem sacris literis, Historiæque Ecclesiasticæ liceat impendere. Ad te redeo, mi affinis, valdè optem, ut in Galliis, commoda affulgeat occasio, qua tui, studiorumque tuorum rationem honestè, ac commodè habere possis. Gaudeo quod ea nunc sis in urbe, ubi degit summus vir, & amicus Hugo Grotius. Is enim consilio juvare possit. Sed si deinceps illustris aliqua domus in simili, ac ante negotio, opera tua uti volet; nihil monito opus, cautius tibi agendum esse, cum id abundè malo tuo sis edoctus. Nimirum paciscendum est cum iis, qui longè sortem nostram excedunt;

quia si non adstringantur; simulatque opera est præstita, amor flaccescit, spes verbis factæ in vanum abeunt: durumque cum his certamen est inferioribus. Interdum suspicio oboritur, te fortasse, quia tam malè tibi nunc cecidit, aulas odisse, sublimiaque illa vitare. Non tamen ab uno omnes discere licet. In quibus non minus peccaretur, quàm si alba omnes linea signaremus. Tu pro iudicio, quo plurimum vales, facile discrimen facies. Ego quod hæc perscribo, non alia de causa facio, quàm ut postulato tuo morem geram. Si nulla est occasio in Galliis, qua consulere tibi possis, malim te duos, tres menses, apud nos degere, ut interea aliquid dispiciatur boni. Nec metuere debes, ne interea oneri nobis sis. Nam affectum metum nosti. Et ut mittam alia, possis consilio meos juvare: præsertim in Mathesi. Nec mihi quicquam eruditus, ac piis colloquiis tuis suavius esse possit. Et tamen nolim te propterea, ullam prætermittere occasionem, qua pro sis tibi. Nam sic simul erit, quo afflictam Geritiam domum juves. Ea nunc biestri cum tribus liberis mecum fuit. Quartana laboravit, quæ ante triduum remisit. Etiam soror Maria, cum Filiola Cazimiri fratris Dantisco venit, ac nobiscum vivit. Fecimus viduam affinis certiorum de adventu filiols, quæ jam decennis. Ac quia prævidebat uxor, eam continuo ad nos advolaturam, coacti sumus adicere, ut differre hoc iter velit, usque dum soror Joanna Middelburgum repetierit. Nam quia jam viginti numero sumus, nullum cubiculum vacat. Id spero fore, ut optimè interpretetur. Aliter si saperet, atroci me, & meam, injuria afficeret; qui omnia Junianæ domus, honore ac commodis metiamur, quod satis est insolens, sæculi nostri moribus, ubi nemo aliud spectat quam se, & liberos suos. Nærantus Dantisco remansit, ut expediat negotia quadam, quæ conjugis bona spectant. Nam homo simplex (veniam dabit, quod sic loquar) homini oberato quinque florenorum millia credidit: Neque nunc videt, quomodo ultra mille florenos recipere possit. Dubitat Maria utrum velit nobiscum degere, an Delphis. Conjux postestius malit. Nam quia valetudinaria est, non posset mea, ejus habere rationem, quam vellet. Et tertia esset famula opus, quæ res in tam numerosa familia, plus incommodi adferret. Quare satius sit, si seorsim cum marito, & famula degat, & subinde nos diebus plusculis inviset. Id neutrius fiet incommodo, & magis erit alendi amore sororio. Vides quàm familiariter, ac liberè omnia perscribam; haud aliter ac si præsens adesses. Hæc postquam scripisssem, intellexi quiddam ex sorore Maria, quæ id se ac-



cepisse aiebat, ex Barthio cognato prioris Mariti sui. Id istiusmodi est. Illustrum Comitum Arundelium, postquam literas tuas accepisset, confestim rescripisse, nihil æquè sibi gratum fore, quàm ut ad se redeas, ac deinceps, cum discipulo veteri, Italiam lustrares, vellesque se Tibi supra victum, ac vestes, annumerare quotannis centum libras sterlingas. Id si est gaudeo. Verum filius meus Joannes putat, vanum esse id planè. Et causam addebat, quia discipulus tuus sponsus sit, si vera est fama: ut de Italico itinere nihil esse possit. Barthius tamen pertendebat nihil esse certius: atque ita se ex duobus Anglis fide dignis accepisse. Tu quid rei sit, quæso nos quamprimum fac certiores. Ut vel tecum gaudeamus, vel porro quod facto opus sit cogitemus. Vale, Optime, & Charissime Affinis.

Amstelodami  
clo. loc. xxi.  
viii. Kal. Sex-  
til.

Tuus totus,

G. J. Vossius.

### CXLVII.

Johanni Meursio S. P.

**C**ertior factus in Daniam ire præstantissimum virum Davidem Guilielmum, nefas putavi negligere talem adeo ad te scribendi occasionem. Et tamen nihil magnopere erat quod literis committerem. Attamen ubi semel calamus in charta posuero, facile amor aliquid dictabit. Quare illud primo, jam diem esse tertium quod apud nos Erastius agit. Semel iterumque adfuit mihi etiam in coena. Quo minus semper mecum fuerit, nescio utrum modestia ejus in causa sit, an quod nobiles quidam Dani id non permiserint. Sed quod hæcenus feci ut ostenderem quanti apud me esset commendatio tua, id deinceps etiam faciam: eo lubentius, quia vir est longe optimus & candidissimus, & qui te sui instar colat atque observet, sæpe etiam non alio quam patris nomine compellat. Magnæ mihi voluptati fuit cuncta ex eo cognoscere quæ ad te pertinerent. Gaudeo etiam ex eo me intellexisse, quidquid illud erat de Bibliopola vestro, nam cum paulo aliter hic res narrabat, melius ora malevolis obstruam. Te præterea Codæci libri superiori hebdomade sunt divenditi. Hæc auctio erat fatum librorum Rutgersii, sed Heinsius consilium mutavit. Formidat ne sui vilius vendant, si tam cito auctio una alteram excipiat. Et sanè non temerè ita existimat: utrum intra hebdomadas paucas, an demum post ferias longas

auctio ea futura sit, nihil ipse certi habet; sed dixit ipse ante triduum velle se tecum de re tota consultare; atque id decreturum quod maxime mihi probabitur. Unde colligo eum propendere ut ne diu admodum ea res differatur. Quando erit ut te, uxorem, liberos hic videamus? Male sit militibus illis qui sic vias infestant, ut bonis sit male, neque nos te frui possimus. Sed quæso simul ac occasio sese obtulerit, eam ne negligas; rectaque te domum nostram confer cum tuis. Nam cur alibi potius diverras quam cum homine qui tuas virtutes scit æstimare, & fratris te instar amat? In Batavia gliscit dissensus inter proceres. Disputatur de induciis. Pleræque Civitates eo inclinant. A quibus dissentiant Harlemenses & Leidenenses. Etiam pleræque Civitates aiunt in ordine cogi debere Amstelodamenses; quippe qui Smantium Ecclesiam ex urbe exire jusserint, & è suis unum alterum velint interesse synedrion. Ut apud Leidenenses & Delphenenses sit. Item qui non minus Remonstrantibus jus concionandi facere coperint quam Lutherani, Memnonistis, Judæis. Sane male esset Magistratui nisi militum se præsidio adversus factiones Cives tueretur. Vorstium ut aliquid tandem scriberet commoni, qui sponte eo inclinabat; sed pudebat diuturni silentii. Paruit tamen. Est Vir utriusque nostri amantissimus. Quod addo, ne propter silentium hoc, amorem ejus putes imminutum. Denarius tuus post duas hebdomadas prælo subijciatur. Uxor uxorem tuam, liberi omnes mei, filia potissimum filiam salutat.

Leid. Batav.  
clo. loc. xxx.  
vi. Id. Jun.

### CXLVIII.

Joanni Meursio S. P.

**E**unt in Daniam Federatæ Belgicæ legati, in quibus è Frisia præstantiss. Scæfferus, è Batavia vero nostra Amplissimi Viri Beverius & Oetgens: hic Consul Amstelodamensis, ille consularis Reip. Dordrechtanæ, filius Clarissimi illius Beverii, qui ante bimestre septuagenario, ut puto, major decessit. Nefas fuisset eos sine meis ad vos literas venire: præsertim cum etiam petieris, ut tibi quamprimum rescribere vellem, ecquid de docendis apud nos Græcis Literis sit constitutum. Equidem vocatus huc sum ea conditione, ut illos subirem labores, subibam quos Leidæ. Eoque Græcas Literas cum Historia universa conjungi

opor-

oportebit. Quo in consilio nonnihil aliqui mutant: qui me totum partim in rebus Hebræorum, partim Romana Græcæque Historia esse mallent. Ecquid tamen in eo sint mutaturi, non possum dicere, propterea quod de tota hac re proceres nostri sileant. Videntur nolle hæc ad animum revocare priusquam lis Hagensis sit decisa. Nullus dubito quin curia utraque sententiam sit lata pro Amstelodamentibus. Saltem hoc scio, plebsque quibuscum locutus sum cum, Amstelodamentibus sentire. Sententiam feretur post duas tres hebdomades, ut ex iisdem senatoribus cognovi. Interea ut dixi neque nos docemus publice, neque Amstelodamentibus quicquam de pluribus advocandis statuere, ne Lugdunensibus, eo intellecto magis ira gliscat circa præcordia. Nam si iis diu invidia fuit urbis huius potentia, & ad invidiam odium accessit, postquam Amstelodamentibus convivendum putant in Remonstrantium concionibus, maximeque ubi seditiosos Cives urbe eiecerunt, qui honorifice à Lugdunensibus excepti: quid futurum iis deinceps animi putas quando nostri illustre erigunt gymnasium, & Doctores Lugduno arcessunt? Præsertim si audierint eos de pluribus advocandis serio cogitare. Valde autem habent Lugdunenses professores quod sibi de discessu meo gratulentur. Nam Curatores Consulesque non alii tam facile alio pelliciantur, singulis Professoribus auxere stipendium, aliis quidem ducentis, aliis vero trecentis Florenis. Itaque, Theologi item Cunæus & Schrevelius jam habent mille septingentos, unde de cæteris possis conjectare. De Editione Epistolarum Casauboni adhuc deliberatur. Petunt Elzevirii ut cura Heinssii vel Riveti Epistolæ exscribantur committenda manu, iis deletis quæ præteriri satius sit. Sed nec Heinssius nec Rivetus laborem cum suscipere volunt, vel etiam sumptus in eam rem facere ullos. Quare fortassis tarde hæc editio procedet, si modo unquam successura. Videntur Elzevirii ex Scaligeranis non multum fecisse lucrì. Id nunc minus promptos facit ad edendas Casaubonianas. Hugonis Grotii libri de Jure Belli, opus nunquam satis laudatum, hac in urbe excusi multo auctiores. Arbitror fore ut ubi Mercatores rediere à mundinis Francosurtenibus excudantur à Guilhelmo Cælio commentarii mei de L. L. Leidenenses Professionem Linguae Græcæ obtulere Antonio Emilio qui Rector fuit Gymnasii Ultrajectini, sponteque se munere eo laboris tædio abdicavit. Sed Antonius Professionem abnuit. Mavult deinceps vivere extra munia publica. Vir est doctus, dives, & qui splendorem illum Academicum non mul-

tum moleatur. Arbitror Professionem eam deinceps offerendam Mag. Jeremie Hoellus, quondam correctori Ambergenis Gymnasii Electoralis Collegæ Beckmanni: nunc Brilanzæ est Scholæ Rector. Vir est moribus simplex, sed trium Linguarum & Philosophiæ admodum gnarus. Salmasius putatur Leide affuturus proximo Octobri aut initio Novembris. Stipendium est bis mille florenorum. Etiam per Literas ei spes facta libertæ habitationis. De qua tamen nihil statutum postremo Conventu curatorum, quod egre viderentur assensuri consules. Nempe ubi coram aderit, facile se id quoque affecturum censet Somersdicius. Valde totum hoc agere fert Heinssius, ut facile potes cogitare. Unum est quod facere possit, ut abnueret vocationem. Nam solum Thyssii & Walæi filii qui studiorum causa in Galliam abeunt, Literas curatorum deferent. Scis autem solere aliquem magni nominis mitti. Tuningius Scalligeri causa in Galliam missus: Herpenius ob Rivetum. Ego minutus homo cum vocandus esset Lugdunum, missi ad me ex Curatoribus Nobilissimus Vandermilium, ex Leidenensibus, Consul Henhautius cum Syndico Zeillio. Est vero Salmasius ingentis spiritus. Quare nisi Rivetus, Justellus, & amicorum alii moneant, ut hoc diminutum contemnat, plane futurum ut Provinciam quam quodammodo recepit detrectet. Brevi rem omnem sciemus. Salutem mei omnes tux tuisque, ex animo quantum possint adscribi, petiere. Etiam doctissimis Collegis, imprimis Laurenbergio & Stephanio salutem dices.

*Amstel. iii. Kal. Jul. Tibi fraterno amore  
Sept. 1631. cum curabam eam junctissimus,*

G. J. Vossius,

# CXLIX.

Erycio Puteano Ger. Jo. Vossius  
S. P. D.

Quot Epistolas à te, tot amicitie veteris nova accipio pignora, vir atque amice exime. Tu & sepe, & raro absque munere, ego & rarius, & cum munere non nisi quandoque, & post longa temporis spatia ad te scribo. Certe natum te non literis modo, sed & amicis demerendis jam dudum experior. Vellem & ipse non tot aliis distringerer, quo referre paria liceret. Sed facile novi humanitatem tuam, quæ nihil ultra requirit, quam animus & occupationes private ac publicæ sinunt. Quam illi exculationem haberem, jam dudum pervenisset, quod, ut aliis,



aliis, sic benevoli etiam affectus indicis me  
hactenus viceris. Non vacat jam cuncta ex-  
sequi: novissimum duntaxat munus tuum  
dicam: Circulum hunc, quo quid elegantius,  
venustiusque, quid ingeniosius? Superasti  
priorum industriam: imo pene dixerim in-  
genii humani modum: ut qui hoc pacto  
non de mortalibus solum bene merearis, sed  
de illo *invictissimo* sole: cui hactenus nul-  
lam requiem speranti metam laborum posu-  
isti. Certe nequeo, amicorum, qui quidem  
superfuit, vetustissime, quin gratuler tibi su-  
per novo hoc invento: quod mihi non ob  
autorem minus, quam ob rem ipsam pla-  
cuit. Etiam, quas possum gratias, habeo:  
non quasi hic primus accepti beneficii dies  
sit: sed quia novum prioribus cumulum ad-  
didisti. Itaque jam nunc, quem olim quo-  
que dicaveram, animum & operam offero.  
Tu sicuti tenues vires nostras utiles tibi fore  
judicabis, prompte utere. Scis mutasse jam  
dominum urbes, quibus & ego: & tu origi-  
nem debemus. Proinde si forte vel hic, vel  
alibi praestari pro te quicquam posse existi-  
mas, sive id apud Proceres nostros, sive a-  
pud illustrissimum etiam Principem Arausio-  
nensem erit, tantum indica. Efficiam ne  
voluntatem meam aut studium requiras. Jam  
menses sunt duo, quod praeter morem, bene-  
longas ad te literas scripseram. Eas dede-  
ram perferendas necessario hac propinquo  
meo Joanni Corputio, cujus patris ante in  
Senatum Dordrechtanum electus, nunc Ro-  
terodami est rei maritimae praefectus. Sed is  
cum prius per Brabantiam iter in Gallias co-  
gitaret, post ubi de Arausionensis Principis  
in Geldriam expeditione intellexit, consili-  
um mutavit, ac quas dederam literas, sexta  
mihi, ex quo scripseram, hebdomade remi-  
sit. In iis praeter ea quae ad adolescentis com-  
mendationem pertinerent, alia nonnulla,  
etiam illud erat, ut opus nostrum Gramma-  
ticarum Institutionum, quod ante annos xxx.  
& amplius, scribere orsi eramus, tandem  
praesto subjici cepisset. Jamque in secundo  
libro occupamur. Filius meus Dionysius cui  
nihil ab longo tempore jucundius & exop-  
tatiùs contigit, literis tuis & iis, quas eodem  
tempore ab doctissimo Tuldeno accepit, La-  
tine reddit Annales Belgicos Reidani. Quae  
translatio cum à magnatum multis expetere-  
tur, jam ante menses tres excudi coepit. At-  
que ex libris duodeviginti octo jam absoluti,  
atque arbitror intra menses sex septem ejus-  
te operis exemplar visurum. Eidem decre-  
tum est, Caesarem, sibi per familiarem scrip-  
torem, plurimisque à se locis castigatum, &  
notis illustratum, edere in lucem. Eam ad-  
rem usus est uno alteroque meo, & editioni-

bus vetustis; ut de variantibus Fulvii, & ali-  
orum lectionibus nihil dicam. Sed enim im-  
pense desiderat plurium Manuscriptorum co-  
piam. Et jam aliquorum ei spes facta. Non du-  
bito quin apud vos, qua publicis, qua privatis  
Bibliothecis inveniantur. Quocirca si unum  
alterum calamo exaratum exemplar Caesaris  
nancisci ac transmittere ad nos possis, sanctè  
spondeo, optima fide redditum iri. Sin  
mittere hac non sinatur, proximum est, ut  
per adolescentem quempiam conferri cures.  
Modo tanti codices illi videantur, sumptus  
ut aequum, refundam. Horum alterum si  
consequi filius possit, obstringes non illum  
modo, sed me quoque, qui quidquid liberis  
meis fit, mihi praestitum exititmo. Vale  
summe vir.

*Amstelodami* Prid.

Noni Septemb.

CL.

Reverendissime in Christo Pater & Domine Illu-  
strissime,

**R**edit tandem ad Cantabrigienſes ſuos  
Filius meus. Diutius quidem pro opi-  
nionē apud nos hæſit. Sed ſcis quā aggrē  
Liberi à Parentibus divellantur, præſertim  
ubi aliquamdiu extra eorum fuerint conſpe-  
ctum. Infirmior etiam valetudo filii ſuaſit,  
ne citò nimis dimitterem. At nunc poſt-  
quam ſibi penitus reſtitutus videtur, nolim  
eum diutius abeſſe ab Academia Cantabrigi-  
enſi: ubi præclaram adeo occaſionem habet  
maximos faciendi progreſſus apud tot præ-  
ſtantes viros, quos demum æſtimare didici,  
cū præſens doctos eorum ſermones audi-  
rem: eoque nec uſpiam certe lubentius ver-  
ſari filium meum velim. Et tamen parum  
abſuit, quin ei hic unius & alterius hebdo-  
madis moram necerem: ſed metuebam ne  
peccarem in Collegii Leges. Alioqui pau-  
lum retinuiſſem, idque ſine eo duntaxat ut  
per eum ſignificarem ſententiam utriuſque  
Hagenſis curiæ, ſuper lite inter Lugdunenſes  
& Amſtelodamenſes. Siquidem utrumque  
jam à partibus producta omnia quæ potue-  
runt, nec ſupereſt aliud, quàm ut à Senatu  
judicium feratur: quod intra dies XII. vel  
præterpropter, fore, ex compluribus Sena-  
toribus cognovi, cum ante dies paucos Ha-  
gam procerum noſtrorum poſtulado excurriſ-  
ſem. Cæterum vel omnia me humana fal-  
lunt, vel pro Amſtelodamenſibus pronuntia-  
bitur. Hactenus quidem vix in inum alte-  
rumque, atque eos partibus obnoxios inci-  
dere

dere datum, qui non rem satis liquidam putarent. Obstat consules Lugdunenses, nihil miror; partim quia damni inde aliquid civibus, si tardius eò concedant Adoleſcentes: partim quia si alibi etiam publice doceatur, majora professoribus suis stipendia persolvere cogantur, ne alio se pellici patiantur. Quod quam verum sit, experimentum vidimus ante sesquimensem; quia professoribus singulis ducentis, aut trecentis florēis nostratibus auxere stipendium. Sane tantam tantque subitam liberalitatem erga singulos non pensavit Academia, dum stetit. Hoc jam boni se mihi, vel Amstelodamensibus potius, debere ipsi prædicant professores. Nempe quia decessus meus & Amstelodamensium liberalitas ejus rei causa sint *ἡ ἀντιπαράστασις*. Et sperant iidem, præcipue qui magis excellunt, his non paulo majora. Quæ res ut gratissima hominibus doctissimis, ita male habet eos, qui Lugduni minus liberaliter habere publicos doctores mallent. Interea hic à publicis (ut vocant) lectionibus abstinetur. Sed otio fruor negotioso, dum de ordine ac statutu Athenæi nostri laboro, quam possum maxime. Nec tamen in variis illis curis quibus distineor, non aliquid quotidie penè refeco, quod Ecclesiasticis detur. Hæc enim summa votorum mihi uti & studiorum potissima. Eoque operam do ut cætera seponam, quæ priori potius, quam ætati huic videntur convenire. Et tamen quotidie urgeor, ut saltem ea promam in studiis aliis, quæ jam habeo parata. Quod vix video ut effugere possim. Affinem meum Franciscum Junium in Gallias profectum Literis ipsius certior factus fui. Postea etiam Epistola amplissimi Hugonis Grotii edoctus sum in Britanniam rediisse. Sed quo animo reversus sit, non addit. Neque de eo quicquam ad me affinis. Unde colligo eum à scribendo abstinuisse, quia nihil adhuc certi quod scriberet, haberet. Rogo te, Reverendissime, & Illustrissime Domine, ut commendatum eum habere velis. Non est indignus tanto Patre filius. Probitas, eruditio, & quæcumque bonos commendare viros solent, in eo non vulgaria sunt sed eximia. Fides etiam, quæ in Illustrissimi Comitæ Arundelii domum fuit, insignis eluxit: & exerciti labores graves per novennium integrum. Addit tribus verbis Hugo Grotius, sese amore Junii de eo ad te scribere ausum esse. Id mihi gratum accidit. Selo quanti sit ab eo commendari, qui Belgicæ miraculum sit. Rogo quod mei causa, & Junii nostri gratia velle scio, id tanto facias libentius ob magnum patrem, magnum etiam hunc familiæ Juniane amicum. Mihi licet cætera ignotus Junius foret, tamen si festo

commendatum à Grotio scirem, tanti id esset, quam si omnem ejus vitam introspexissem, ac per omnia probassem. Tantum ego illi tribuo viro quem à prima novi adoleſcentia, quem suspexere etiam hic omnes ante triste illud terræ nostræ diffidium; quem denique soll non æstimant, qui virtutis patiter ac doctrinæ sunt hostes. Mihi quoque videor scire quo apud te loco sit, Reverendissime Pater, eoque liberis ea promere ausus sum. Filium etiam quid, optime Mecenas, commendem tibi? Affectus hæcenus ita eluxit, ut non ultra rogem, quam cum ut conſerves. Ipsum verò hortari non desinam, ut magis magisque tanto tui favore dignum se præstet. De victoria nostri Principis nihil, puto, addere opus: quia absque dubio omnia etiam apud vos jam pervulgata. Multi hostium & in his nobiles quamplures cæsi sunt; multi submersi: ac plus quam quater mille capti. Non adeo imprudens hostile consilium fuit: Sed nebula subito coorta valde classi incommodavit. Ea enim factum ut à laterna Admirali aberraretur, navesque singulas telis nostrorum paterentur, unde locorum non satis gnari dedere se quam confici à nostris maluerunt. Si verum dicere licet, non exiguum est, quod & principis prudentia, & virtuti militum nostrorum debetur; tamen absque illa nebula, quam Deus immisit, difficillis nobis nec incruenta victoria fuisset.

Deum Opt. Max. oro

Reverendissime Pater, Domine  
Illustrissime, Mecenas optime,

Ut deinceps quoque terris nostris faveat adversus hostem potentissimum, magnam vero Britanniam in longa pace conservet, tibi multos in annos valetudinem prosperam largiatur, bono publico omniumque devotorum nominis tui cultorum, quos inter æternum.

Amstelæd. 16 Oct. 1604.  
xxxi. Prid. Kal.  
8 Oct. Stil. Nov.

Obſtrectissimus clientis tuus,

G. J. Vossius

CLII



## CLII.

Erycio Puteano v. Cl. Gerardus Jo.  
Vossius S. P. D.

**L**iteras tuas avidè expectatas avidius legi. Es, & semper eris Puteanus: hoc est, totus candidus, maximusque & amicorum, & eorum, quæ faciunt, æstimator; ita ut multum ambigam, æquis vel minima in re gratificati tibi possis, cui non magnopere propterea te devinctum putes. Talis mihi visus es semper, & quo longior tecum mihi consuetudo est, eo magis crescere humanitas tua videtur. Nec dubito, quin licet istiusmodi sis quadam naturæ bonitate, tamen non parum etiam sibi vindicent studia, quibus te addixisti. Ea tu verè scribis nulli esse noxia: at ego etiam toti ea orbi utilissima esse prædico. Næ barbarum ego illum censeam, cui tantus studiorum antistes non sit cordi: nedum ut lædere, aut iniquior saltem esse audeat quisquam. Quare quod significas pro confecto jam esse puta. Est vir, inter ceteros mei amantissimus Simo Beaumontius, sive Bellimontium malis, qui in Collegio Patrum foederatæ Belgicæ jam annis aliquot magno cum honore fuit. Doctissimus ipse doctissimum quemque in pretio habet, & vicissim in pretio habetur. Is hæcenus in castris nostris, vel Leodici fuit. Nunc ab illustrissimo Principe Arausionensi Hagam missus, ut cum Patrum ceteris de pacis conditionibus, si conveniri forte possit, consultet. Sed intra diem unum alterum iterum Trajectum cogitat & castra. Huc vero te posse ignotum esse arbitraris? Præsertim Dordrechtano: ubi tot non amatores modo, sed admiratores tui habes. Ubi etiam progenies tua nobili & Patriciæ familiaris implicita. Ubi ipse cum optimo parente tot annos vixisti. Hic saltem tanto viro neciri non potes, qui nominis tui fama Belgicam & vestram & nostram (utinam communem dicere liceat) jampridem implet. Sed faxo ego, ut qui te ob egregias animi dotes & merita erga Remp. literariam, hæcenus plurimi facit, etiam ut amicum complectatur. Nec eo minus, quoties occasio se offeret, apud procerum alios conabor, quicquid potero: imprimis urbis nostræ, cujus ob summam potentiam non levis est auctoritas. Certe etsi nulla tecum amicitia fuisset (cujus diuturnitatem quoties cogito, gliscit in pectore occultum aliquod gaudium) tamen eximie eruditioni tuæ, & hoc, & majora multa, deberem. Tu vero, si quid etiam, quod ab tanto ingenio profectum est, laudaverim, id læ-

taris? Debeo & volo. Itaque si nostrum tantum tibi testimonium sit, ut ingeniosissimo operi tuo præmittere, publicèque legi velis, nequeo, quod tibi placuerit, non probare. Nam verissime dixi: neque eò quisquam impudentiæ unquam procedet, ut adulationis hic aliquod vestigium esse dicat. Quod filii mei causa laborem susceperis perlustrandi Bibliothecas quæ apud vos sunt, & me obstringis, & illum. Ego certe lætor, etiam vinculis tuis illigatam esse sobolem meam: sic perennatura est amicitia nostra. Gratias me agere, & plurimam salutem adscribere petiit.

*Amstelodami, Prid. Id.  
Octobr.*

## CLIII.

Gerardus Joan. Vossius Jacobo Crucio  
S. P. D.

**E**t si quas mihi tribuis laudes, agnoscere nec debeam, nec velim, irrepit tamen animo, nescio quæ voluptas, quod ab erudito doctum, à probò bonum, haberi me videam; quorum illud ut assequer, ætatem meam studiis omnem impendi, spe non tam tumida famæ, quàm de publico benè merendi: hoc ex æquo omnibus expetendum, ut pii, & sint ipsi, & aliis videantur. Itaque non disiteor jampridem, Debitorem me tibi, qui immerentem me, saltem de te tale meritum nihil, cumulare laudibus, & tanta prosequi humanitate volueris. Atque eo magis dolet, tardè adeo me tibi respondere. Et utinam solus hic aliquid in me desiderares? simili modo vapulo propè ab omnibus amicis meis. Sed ita est, mi Crucio, neque ego in me tantum juris habeo, ut quæ velim, possim; neque illæ vires humanæ, ut animus eodem tempore, omnibus sufficiat. Me tum propinqui, tum exteri distinent quotidie, satis alioqui occupatum, tum publico munere, quod ceteris antehabui semper; tum iis quæ vulgare paro, aut jam emitto. Sic nunc quoque calefacimus prælongum commentariis nostris de arte Grammatica, in quibus ~~xxx~~ veterum, & nobiliorum nostræ ætatis Grammaticorum labores, ad examen revoco; plurimæque optimorum Scriptorum loca, vel mendosa corrigo, vel obscura illustro. Hoc opus mox consequentur Originum libri; tum ii quos de re Poetica fecimus. Scio non defore, qui omnè hoc argumentum humile, & inferius ætate mea arbitrentur. Et ego idem sentio. Sed nolui

nolui labores tantos, quos maximam partem, ante annos propè xxx. exhausti, æternum timentis gratificari. Nolebam etiam multorum fallere expectationem, qui jam pridem promissa mea impleri postulabant. At his defunctis, majore animo, si vitam summum numen concesserit, aggrediar, quæ jam pridem de Historia Ecclesiæ, & quæ huc pertinent mecum agitavi. Igitur tot tantisque semper penè obrutum, dixerim, occupationibus, miretur quispiam in rescribendo amicis esse aliquanto negligentior? Ingenue & verè dico, si subinde literas ad amicos dare cupiam, plurimum adeo præcipitari scriptionem opus est, ut aliud pensè agentis, eas excidisse, quisque judicaturus sit. Nec id me malè habet, quia satis profectum ad laudem arbitror, si quæ molior, utilia, quæ dico, non barbara habeantur. Quo modo animatur aliter scribere non possum, quam occupatum decet. Sed novi candorem, & prudentiam tuam. Non desistas à me literas, aut quod huic sæculo potius videtur, affecto acumine ornatas desideres. Habe igitur simplices hæc, quas solus tui amor dictavit. Habe simul animum meum, quem si non alia re, at certe eruditione tua, ne humanitatem dicam, abundè tibi conciliafli. Vale.

*Amstelodami* Post, Kal.  
Octob. An. clō lxxxi.

## CLIV.

Erycio Puteano, *Historiographo Regio,*  
S. P. Lovanium.

**I**PSE credideram, vir Clarissime, primis, quas ad te daturus eram literis, scripturum me quando initium facturi essemus publicè docendi. Sed ut multa Opinione citius cadunt, alia in multum spatium trahuntur ita, quoque Scholæ nostræ questio, diu agitata, necdum conquievit. Propinqui tamen jam summæ spei sumus. Quippe Proceres nostri, aliquot abhinc diebus, Hagam sunt profecti, ut Curie utriusque sententiam audiant; Et tantum non decisa lis est. Triduo, aut quadriduo, nisi plurimum me, & plerisque alios, opinio fallit, ipse scire, & quod sciam, significare tibi potero. Quid de tota censeam controversia, nihili repetere opus. Nam ante scripsisse memini; nec mutata in ullo aut spes, aut sententia est nostra, ut stabilis plurimum illis opinio, qui pro causa nituntur bona. Ceterum quod tantas mihi grâtiâs agendas putes, pro mu-

niculo agnosco, & præter meritum fieri, & simul humanitatem tuam. Sed jamdudum ita assuevisi me, ut cum Puteanum nomen video, ipsam me humanitatem adspicere cogitem. Profecto Musas humaniores sine causâ appellari, fere hodie dicere liceat, si earum cultores hodie lubeat æstimare. Tu unus, si alius quisquam, iis nomen asseris suum. Eoque injuriam tibi faciamus, nisi, quomodo me vocas, immerentem, te potius Musarum vindicem appellemus. Et tamen gaudeo, non minus promptam mihi esse ad hoc voluntatem, utcumque successus dispar sit. Ex eodem humanitatis fonte proficiscitur, quod laborare te scribis, ut Grammatica nostra in quibusdam Scholis apud vos recipiatur. Existimo tamen, frustra te fore, ob partes eas quibus nunc domus Dei distrahitur. Etsi nihil in Libellis iis sit, quod ea quibus nunc dissident, tangant. De Inscriptione ea quam proponis. GUSTAPHUS ADOLPHUS D. G. GOTHORUM, VANDALORUM, REX, MAG. P. FINLAND. DUX ET HONICARELS NEC NON INGRÏ; temerè arbitror confusa postrema verba; nam Gustavi inter titulos est, *Magnus Princeps Finlandiæ, Dux Estoniæ, Careliæ & Ingriz.* Hoc inter cætera ostendunt, variz Rutgerii, quas huic Regi dicavit. Et ex iis qui regnum hoc describere, satis est res aperta. Quare aut peccatum in numismate, aut perperam lectum. Suspico omissa postrema litera, sic scriptum esse, DUX ESTONI. CARELI. NEC NON INGRÏ. Saltem sic inscribi debuit, aut aliquid aliud est, quod me fugit. Barleum nomine tuo salutavi, cui id longe gratissimum fuit. Ac prima occasione, ad te scripturum promisit. Nunc resalutari iussit. Vale summe, & vir, & amice.

*Amstelodami.*  
clō lxxxi.  
Non. Decemb.

Totus totus,

G. J. Vossius.

## CLV.

Summo viro & amico Erycio Puteano  
Ger. Jo. Vossius S. P.

Maxime & Amicissime Puteane,

**E**Adem hora, qua literas tuas accepi, operam dedi, ut Plurimum nostrum convenirem, ex quo intelligo (quod alioqui apud cæteros premit) Brabantiz vestrz aliquos, civili alios dignitate, alios doctrina insignes, atque in his etiam præstantissimum Fromondum, sedulo operam dare, ut profes-

B b

sione



sione Medica apud vos Lovanienſes fungatur. Horum ille literas quotidie exſpectat. Atque illud in cauſa eſt, cur negaret, cum de Bononiienſi Lyceo animum ejus tentarem, reſponſum præcipitare adeo ſe poſſe. Sed tamen non obſcura indicia perſpexi, facile intelligere, quam honorifica ſit futura Bononiienſis illa Profeſſio, ac quantum etiam emolumentum adferre poſſit. Profecto minime abhorret. Verum, antequam de ea aliquid audiſſet, animum ſuum de Lovanio quodammodo aperuit amicis. Et negari non poteſt, propiorum ſic Batavis ſuis fore. Quod longe etiam jucundius, ſi inter veſtre & foderatæ hujus Belgicæ Proceres pacis negotium procedat: uti optamus & confidimus. Equidem gaudeo, ſic Italos, ſic Belgas de Plempio cogitare, vir eſt ut optimus & humaniſſimus, ita ingenuſ elegantis, Philoſophus acutus, medicæque artis callentiſſimus. Si me, ſi urbem hanc ſpectarem, mallet non aliò pedem referret. Verum enimvero ſic doctrinæ atque virtuti Plempii faveo, ut quam optime ei eſſe velim. Quod de Circulo tuo augendo cogitas, ſane gaudeo. Nam eſti nihil in eo quiſquam deſiderat, non tamen ignoro, ab eo ingenio, eaque doctrina, deinceps etiam poſſe exſpectari, quæ doctiſſimos doceant. Et placeat, ſi Ampliſſimo Simoni Bellimontio exemplat transmittas. Non deſinam præſtantiſſimum & optimum virum amore tui magis & magis accendere. Ac tacente etiam te apud procerum alios id facere non ceſſabo. Id enim vere amici munus eſſe ſatis intelligo. Plura nunc ſcribere non poſſum, quia tabellarius Lovanienſis, qui hodie demum me convenit, cras ſummo mane abitu parat ſolito celerius, quia, ut inceſſus fidem faciebat, arthritide ceperat laborare, & ne glifceret hic malum extimeſcebat. Sed intra paucos dies, ut ſpero, de Plempiano negotio certiora perſcribam. Occaſio erit per tabellarium Antwerpienſem. Tu, amiciſſime, operam dabis, ne ambiguar hæc literæ meæ fraudi eſſe Plempio poſſint, forteſſe ſatius ſit nihil hac de re ad Ampliſſimum Chryſogonum Flaccium ſcribere. Bruxellas, uſque dum literas à me aut Plempio acceperis, aut iſtic, quid de Lovanienſi cathedra Medica ſtatutum ſit, cognoviſ. Quamquam quid ego de iſto ad te? Qui, per te melius quid facto opus ſit intelligis. Et quod nunc in mentem venit, credo nec præſtantiſſimus Flaccius ignarus eſt, quid Lovanii in Plempii cauſa agatur.

*Amſterdam, Frid.*

*Non. Decemb.*

## CLVI.

Jacobo Uſſerio, *Archiepiſcopo, Armachano, Hiberniæ Primari.*

Reverendiſſime in Chriſto Pater, Dom. Illuſtriſſime,

**O**Mnino me in ruborem dedit eximia illa humanitas tua, quâ hiftoriam Godſchalci, & Prædeſtinatiæ controverſiæ, tanta à te cura elaboratam non modò tranſmittere, ſed mihi etiam dicare volueris. Quid enim ejus non pietatis ac eruditionis modò, ſed etiam dignitatis virum, hoc honore Voſſium dignari? Equidem maxime Præſul, æternum tibi hoc nomine obſtriſtus ero, ac una mecum tot Adoleſcentes, ſtudioſorum amantiſſimi Liberi mei. Omnibus nobis atque adeo cunctis, qui vel ex Juniana familia, vel eidem innexi ſumus, eadem eſt mens, pro hoc beneficio gratum (ut poſterimus) animum & ore & ſcriptis teſtari. Nimirum ſinguli prope exiſtunt ſibi hoc habitum honoris, quod mihi præſtituſti. Plurimum te ſemper, præſtantiſſime Domine ac illuſtriſſime, æſtimavi jam ab eo tempore quo publici juris feciſti aureum illum commentarium tuum de Chriſtianarum Eccleſiarum ſucceſſione ac ſtatu, ab Apoſtolicis temporibus ad noſtra uſque tempora perduſtum. Ex quo multa me bona didiciſſe profiteor. Atque id prædicare apud omnes ſoleo, eos præſertim, qui cum Sacri Literis omnem conjungere Eccleſiæ hiftoriam amarent. Nec reperi quemquam, qui non ubi commendatione noſtra avidè eorum opus perlegiſſet, debere ſe mihi ob judicium hoc ſateretur. Sedenim nunquam putaſſem me aliquando à ſætus hujus parente, honore tanto maſtatum iri. Eſti autem in Godſchalci hiftoria non per omnia eandem inſtitutus viam (& quis facile doſos dabit quibus in cunctis conveniat) plurimum tamen gaudeo in eo quod rei, ni fallor, caput eſt, probe nos conſentire. Uterque enim B. Auguſtini ſententiam amplectimur. Sed in quæſtione relinquimur an illam quoque Godſchalci, & ſiqui Godſchalci ſequantur, ſatis aſſequantur? Metuo ego ne eam Godſchalci exceſſerit. Nec enim doctiſſimo ſui ſæculi Rabano & tot Moguntinæ Synodi patribus in Auguſtini Lectione verſatiſſimis, facile fidem detrudere auſum: qui ea dixiſſe aiunt quæ nunquam dixiſſet Auguſtinus. Nec Remigius defendere omnia Godſchalci audeo: ſed contentus eſt dicere, ſiqua ſtulte & abſurde eſſent ſua Lingua eſſetierit homo inſtabilis ac inconfans, non propterea etiam damnari oportere, in quibus illi cum B. Auguſtino ſatis

con-

conveniret, quemadmodum optime observasti operis tui capite 6. Nec, ut ingenue dicam, confessiones ejus dimovere me adhuc de sententiâ istâc potuerunt. Siquidem ex *de hominibus* intelligo in Bibliothecis Gallicis extare cætera de Godschalco quæ sententiam meam mirifice confirmant. Ea ubi accepero (bonam illorum spem mihi amicus fecit) faciam te, uti debeo, de re tota certior. Atque ut nihil haberemus, præter illa quæ jam lucem viderunt: nonne potuit Godschalcus, & confessionibus suis ea sola complecti, quæ Augustino archid. hærentibus probarentur, & alia aliâs superaddere, quæ Augustini itidem amantibus displicerent. Quod eo mihi credibilis Godschalcus evenisse; quia video in eadem controversia nostra ætate viris etiam cruditis quædam excidisse, ac deinde disputando ulterius quoque protractos, dum consentanea placitis dicere allaborant. Atque in his non verear reponere optimam illam & candidam Joannis Piscatoris Theologi Herbornensis animam, cujus auctoritatem memini aliquando in disputatione publica objectari clarissimo focero meo Francisco Junio: illum autem suaviter respondere nolle se omnia Piscatoris dicta præstare. Novi & his in terris quamplures etiam *de deo lib. 2. cap. 1. & 2.* qui non solum in regeneratione, sed in omnibus actibus piorum irresistibilem esse Dei gratiam contendunt, eoque non posse quemquam plus boni facere quam facit. Soleo illis oggerere, poenitentia sic vim infringi. Nam si quicquid boni à nobis negligitur, id defectu gratiæ negligitur, eoque aliquid nos facere nolimus, quia Deus illud operari à nobis noluit: sane quoties cubitum ituri, acta diurna cum animo nostro revolvimus, vix serio dolebimus ob officium neglectum. Sint Preces, sint Eleemosynæ, sit Admonitio aliorum, sit Exemplum quo præire debuimus. Ubicumque cessatum, cogitabimus non fuisse placitum Deo vires nobis conferre ad agendum bonum. At quanto vividior erit poenitudo, si consuetudinem officii non esse ex gratiâ sed voluntatis defectu; sæpe pios aliter per gratiam Dei posse: sed non semper ex potestate gratiosè collata agere. Quanto hæc consentanea magis non scripturis modo sed etiam B. Augustino & antiquitati universæ! Ac poteram id genus etiam alia adferre, nisi rosas mallem consecrari quam spinas, ac prope id consuetudine mihi in naturam vertisset proprias potius papalas observare quam alienas. Quare ne illa quidem attulissem, quæ cum reprehensione aliquorum conjuncta esse video, nisi necessarium putassem, ex nostris temporibus colligere de antiquis. Si enim ætate nostrâ

sic prædestinationis controversia tractatur à nonnullis, ut non ea modo dicant, quæ dixit Augustinus; sed superaddant quæ non dixit, imo iis contraria quæ dixit, sane nec difficile creditum, fuisse olim nonnullos qui similiter exorbitarent, & in his fuisse monachum non omni ex parte laudatum, ut qui contra præscriptum monasterio suo exierit, nulloque vocante nomen prædicatoris assumpserit; qui etiam prædestinationis dogma proponendo hoc egerit, ut (quod Remigius non diffitetur) velut novus atque admirandus prædicator existimaretur: qui præterea vulgari errore implicitus ad veritatem dogmatis sui adstruendam se sponte examini aquæ, picis, & olei offerret. Quibus consideratis, statuere malo, dixisse quidem Godschalcum quæ dixerat Augustinus, sed plus dixisse quàm dixerat Augustinus, eoquæ & rectè illum damnatum à Rabano & Synodo Moguntina propter illa quæ non dixerat Augustinus, vel alia is mente dixerat; ac rectè quædam Godschalci capita defensa esse ab Remigio quæ etiam dixerat Augustinus, & eâ mente dixerat quæ capiebat Remigius, Valde autem placet quod idem Remigius ait, partim de illis qui Augustini sententiam amplecterentur, partim illis qui scripturas sic interpretarentur, ut priores patres & ipse ante Pelagianam controversiam Augustinus solebat. Utrorumque sententia honoranda, quia & illa ex Divina Auctoritate vera esse monstratur, & ista quædam piâ ratione non abhorre à veritate fideliter creditur. Fiduciam sumpti, Amplissime Præsul, pluribus hac de re tecum differendi; quia id mihi per te licere existimarem, partim quia in Britannia cum essem, sic prædicari à pluribus audiavi eximiam non modo doctrinam, sed etiam humanitatem tuam: partim quia excellenti adeo beneficio à te nullo meo merito affectus persuadere mihi aliud non poteram, quàm amari me à te plurimum; & majoris etiam fieri quàm viderer non mihi modo, sed, ut arbitror, aliis quoque qui penitus me novissent. Quod si occasio dabitur, denuo in lucem edendi historiam meam de Pelagii & Massilienum controversiis; non dissimulabo quantum tibi debeam tum privato nomine, qui sic nomen ornaris meum, tum communi, quia Ecclesiasticæ Historiæ amantibus tantopere alluxeris ad illam de Godschalco quæstionem majori cura perpendendum. Sin illud de historia nostra spiritus procedet aliter dispiciam si non ut merito me tuo exsolvam, saltem ne vivam ingratus. Venio ad alia. Jam biennium est quod Oxoni cum essem, doctissimo ornatissimoque Joanni Rousio, Bodleianæ Bibliothecæ præ-



facto, referrem cogitare me de nova editione  
Mariani Scoti: cujus Librum tertium cum  
M. Scripto Gemblacensi, & altero collatum  
haberem, nec paucæ me in meis de temporibus  
commentariis annotasse, quæ scriptori  
illi faciem allucent. Tum ille prædicare  
nobis operam quam, illustissime Præful,  
auctori huic impendisses. Subjiciebam ego,  
Lubentem me, codicem meum in Hiberniam  
transmissurum. Ille, si recte memini, og-  
gerere, velle se hæc de re ad te scribere, ac  
fortasse ejus te sententiæ fore, ut non grava-  
te ipse communicaturus sis mecum labores  
tuos. Jam annus propè abiit, cum Lug-  
duni domum meam venit Clarissimus Vir  
Ludovicus de Diet; ac præfatus quedam de  
illustri dono, quo à te affectus esset, subjun-  
geret, ut sibi quoque missus esset Marianus  
Scotus: Cæterum, cum is non faciat ad stu-  
dia sua, planè se existimare, cum mihi trans-  
missum esse, utcumque nihil de eo perscrip-  
tum esset. Mox ego firmare illius suspicio-  
nem sermonibus inter me & amicissimum  
Roussum habitis. Ergo ille mihi in manus  
dare Marianum: cujus ut primorem pagi-  
nam conspexi, monstro adscriptum ei nomen  
meum. Subrisit ille, quod antea istoc non  
animadvertisset. Multis eo tempore occupa-  
tionibus distringebat. Et semel iterumque  
domo proficiscendum erat. Post hebdoma-  
des aliquot, ubi meus esse coepi, Marianum  
(quem cursum antea inspexeram) accuratius  
cum edito conferre coepi. Vidi præsertim  
Mariano quedam ad temporum rationem  
pertinentia: quæ cujus sint neque nunc scio.  
Sequebatur deinde primus Mariani Liber,  
ubi, ut conspexi, octo prima capita, quæ in  
editis desiderantur, valde sum exultans.  
At duplicatum gaudium postquam animad-  
verti hic verè esse Librum secundum: cum  
autem, qui vulgo habetur secundus, tertium  
esse. Multum etiam letatus sum conspectis  
paginis aliquot Libri tertii, ad quarum oram  
variantes lectiones magna curâ annotasses.  
Dolebam cætera desiderari. Sed quia in  
quaternionem incidissem, ubi tempora con-  
tinerentur ex Mariano ab an. 1600 usque ad  
1637. animadverti ex inscriptione ea  
quæ desiderarentur ex Wigornienſi exscribi  
debere. Quemadmodum & quæ Libro pri-  
mo desunt post annum Jacobi xlii. ex ea-  
dem peti debent: si recte capio quod post  
eam annum adscribitur. Scriptum quidem  
reliqua Libri tertii eodem modo haberi in  
Chroniciſ Florentii Wigornienſis. Verum  
arbitror *tertii* errore calami pro *primi* scrip-  
tum esse. Nam charta in qua id notatum,  
proximè Librum secundum Mariani præce-  
dit. Nunc Reverendissime Domine, certior

fieri exopto de Mariano tuo (verè enim tuo  
qui tibi potissimum vitam sit debiturus) quid  
fieri à me velis. Etsi nihil de eo mihi à quo-  
quam perscriptum, nec ornatissimus de Dieu,  
à quo accepi vel tantillum ejus nosset; ex  
sermone tamen ab Rousso nostro Oxonii  
habito ita plane colligo id te voluisse, ut be-  
neficio tuo integer nunc demum Marianus  
prodiret: quem antea & capite habuimus &  
membris aliquot truncatum. Eoque nisi  
aliud tibi placitum cognoro, editurus hic sum  
scriptorem illum: quod jam ante fecissem,  
sed præesse volui editioni. Id Lugduni non  
potui, quia pauculis mensibus post codicem  
acceptum, commorandum mihi istæ erat.  
Deinceps melior Amstelodami occasio erat:  
quo commigravi ingentibus præmiis invi-  
tatus. Nempe potentissima hæc Respublica  
illustre erexit Gymnasium, in quo publice  
frequentissimo non adolescentium modo, sed  
doctorum virorum, primariorum civium au-  
ditorio omnis ævi historiam, ac civilem do-  
ctrinam profiteor. Sed etsi non obscure mi-  
hi videor mentem tuam perspexisse: velim  
tamen me sive à teipso, reverendissime Do-  
mine, sive ab aliquo tuorum, paulo pen-  
tius de ea edoceri. Interea ego quæ asserere  
ipse, ad ornandam hanc editionem potero,  
procurabo. Valde quidem distineor, &  
tantum non obruor negotiis. Sed (ut se-  
ro) quod dies non sunt, noctes dabunt.  
Divinum numen tibi undecumque, maxime  
Domine, diu prosperet ætatem, bono tuo &  
cultorum nominis tui, præcipue Ecclesiæ us-  
tias, Britannique ac Hiberniæ tuæ.

Reverendissimi & Illustrissimi  
nomine tui Cultor, ac Cl-  
ens devotissimus.

## CLVM.

Erycio Puteano, V. CL. Gerardus Joannes Vossius, S. P. D.

**I**N mediis occupationibus gratissimæ literæ  
mihi tuæ advenērunt. Quibus licet re-  
spondere vix res sinebant, nefas tamen pu-  
tavi munum sine meis ad te literis remeare.  
Quam tu legem propè mihi imposuisti as-  
siduis officiis, atque exemplo. Pulcherrimum  
animi tui fortium, ut vidi, exosculatus sum as-  
fectu quo debeo, & is meretur. Et tamen  
needum ea cura, qua velim, lustravi. Est  
id simulacra cura, quæ nunc premit, paulum  
abscesserit: hoc est intra biduum. Nihilominus sic quoque spondere ausim, omnia pa-  
xente

teute suo esse dignissima. Sed isti non insistant, nequid videar aurius dare. Exemplaribus fieri, quod petieras, jam cepit. Etiam Plempio dedi: qui lectulo jam quartum, vel quintum, ni fallor, diem æger attinetur. Hoc immoderata ei studia attulere, dum in Avicenna suo ex Arabica transferendo est perditus & pernox. Monui sedulo studia non esse inventa ad crucem. Et sic prodesse debere, ut dhu prosit. Nec culpam diffiteretur. Sed negat ab animo suo impetrare posse, ut corrigat. Is studiorum est ardor. Qui si modum excesserit, profecto dulcis est infamia. Vix aedes etiam ingressus, cum prius ipse, mox seorsim patris ejus verbo inquit, quid sit de Medica apud Lovanienses vestros professione. Et ecquid de eo certi sit statutum. Negavi hoc: & tamen nolui ejus ignarum esse, alterum esse, qui commendetur Serenissimo Archiduci, à quo etiam animo sit neutiquam alieno. Ex eo cognoscere possis quo propendat. Quid mirum? Minus abesset à suis. Et jure aliquid putat, esse ubi degat, ea cum gloria candida Puteani anima, & doctor suus Fromondus, ut de aliis taceam. Panegyricum & carmen filii Dionysii dubitavi an mittere ad te deberem. Postea etiam geminum offerre exemplar ausus sum. Quorum alterum dabis illi, quem inoffensum ea legere posse existimabis, omnino enim liberius aliquibus in locis est loentus. Sed, qua prudentia es, facile id dabis Patris amori. Scis Batavis suis scribere. Et ego sic scribentibus in partibus adversis ignoscere semper soleo. Mitto quod quiddam & calamo emendasset, si domi fuisset. Audio generum cum silla esse Dordrecht. Si Amstelodamum venerint queso hospitem me ne dedignentur. Beneficium mihi præstari à familia tua credam. Et volupe erit videre & audire tuam progeniem; generum etiam amplecti. Vale vetus & magne amice. Salutat te filius Dionysius, qui ipse scripserit, nisi, ut dixi, foris fuisset, dissentus: sed antequam exiret, hoc à me adscribi postularat.

Amstelodami, Prid. Kal.  
Febr. huius nocte inter-  
posita, ut fere soleo.

## CLVIII.

Guilielmo Episcopo Londinensi  
Ger. Jo. Vossius S. P.

Reverende in Christo Pater, Dom. Illustrissime,

**T**Andem decisa est lis duarum civitatum, atque ab utraque Hollandiæ curia pro Amstelodamensibus est pronunciatum. Quare

Deo propitio vi. Id. Jan. inauguralem habui orationem: ubi & postredie Caspar Barlaeus. Magnoq; doceo auditorum confluxu non adulescentum modo sed virorum gravium doctorumque, in quibus & complures qui ad clavum Reip. sedent. Ut quamvis frequens mihi auditorium esse soleat Lugduni, Amstelodamense tamen hoc & numero aliquanto & præstantia longissime vincat. Atque id (ut ingenue dicam) magis animum meum juvat, quam quod hæcenus hic paucis doceam horis, & stipendium prope altera parte excedat. Amicissimi Casauboni Optatum accepi qui & gratus mihi fuit, quia Ecclesiæ rem adeo salutare concordiam commendat; & eo gratior, quia à magni Parentis egregio ut filio, ita vindice longè exit castigatior: & hoc nomine gratissimus, quod non alterius potius quam tuo sit dicatus nomine, qui in ea dignitate quâ olim Optatus Ecclesiæ præfuit & schismatico hoc ævo Optati instar sic adlabores, ut qui necessariis fidei capitibus conveniunt, Ecclesiæ etiam concordiam factam teclam conservent. Ceterum hoc Casauboni exemplum aurem mihi vellit, officique me admonet mei: qui non minus eo, ac fortasse etiam multo amplius obstrictus sim patrocínio ac favori tuo. Equidem facio quod possum sedulo; sed mihi magis quam cuiquam dolet, quod tot occupationibus dissentus non iis passibus progrediar quibus vellem. Sed tamen promoveo. Atque unam hanc moram bonitate compensem. Nec despero. Reverendissimus Episcopus Armachanus dicavit nomini nostro Laborem suum de controversia quæ ante annos prope octingentos de prædestinatione cum Godschalco fuit. Sane pro honore tuo habito mihi plurimum summo viro debeo, operamque dabo, quoad vivam, ut gratum me præstem. Nec tamen per omnia nobis convenit in hoc argumento. Primus sane Reverendissimus Usserus talem Godschalci defensionem suscepit qualem non ausus olim fuit Remigius ipse, vel Ecclesiæ Lugdunensis. Esto, ut Hincmarus non tenuerit modum in eo premendo: non idcirco non Godschalcus modum excesserit in Dogmate suo, quem jam ante litem cum Hincmaro damnarat doctissimus sui seculi Rabanus Maurus, & una cum eo universa Synodus Moguntina, in qua tot viri simplicis antiquitatis gnari & Augustiniane sententiæ non amantes minus, quam intelligentes? Quanto igitur satius sit existimare monachum unum exorbitasse quam tot viros eximios: Et quam grave tot Historicis veteribus fidem derogare! Augustini sententiam amplector & ipse: sed non ut eam capiebant monachi Andrumentani, & sæculis tot postea Godschal-



cus : verum ut eam interpretabatur Prosper, atque is cujus de vocatione gentium Liber sub Prosperi extat nomine : hoc est, sic Augustinum capere soleo, ut non pugnet secum, ac simul cum antiquioribus quos adversus Pelagium ipse advocare in partes solet. Amplissimus vir, Hugo Grotius, suasu multorum præstantium virorum, eorum etiam, qui in dignitate sunt constituti, in Patriam rediit : sed illis ignavis, qui ante annos duodecim, perpetuo illum carceri addixerant ; item istis qui factiosis illis temporibus, dejectis cæteris, ad honores summos pervenerunt. Omnes isti paucis exceptis suâ interesse existimant, ne tantus vir (nec enim magnitudinem ejus ipsi ignorant) in luce hominum versetur apud suos. Quare adversus eum in illustrium Ordinum conventu magno ab iis studio, ac contentione certatum est. Nec Grotio luculentum defuit patrocinium vel Ordinis equestris vel trium magnarum Civitatum, Rotterodamensis ubi Syndicus fuit, Delphensis ubi natus, & Amstelodamensis, quæ non prudentia minus quam opibus & potentia valet. Attamen tanto impensius obniti Lugdunenses, quorum primarius Consularis unus è judicibus fuit ; item Harlemensis, ubi non multum dissimilis causa. Civitatum aliarum quædam se medias gerunt ; plures se aggregant Lugdunensibus, sed ex minoribus, quæ ex placito Ecclesiastiarum pendere imprimis existimantur. Proinde, quem res ea habitura sit exitum, hunc facile dixerò. Faventem quidem habet florem Bataviæ ; sed ita sæpe apud nos usu venit, ut Zelotæ, quales apud vos rigidiores Puritani, minis & clamoribus modestiam melioris partis expugnent. Quod si sic pertendant, metuo ne maximus vir, molestiarum pertæsus, sponte etiam ingrata patria excedat. Atque eo magis hoc formido, quia probe habeo perspectum quantopere eum & Reges, ac complures desiderant Principes, qui magnis honorum & commodorum promissis suas in terras pellere conantur ; sed si extra patriam ei vivendum sit, cunctis eum terris, pene dixerim, invideam, præterquam magnæ Britannia : ubi prævideo, quantopere & Serenissimo Regi Carolo, Domino nostro, & regno universo utilis esse possit. Academia Lugdunensis, cum videret se quotidie pejus pejusque audire ob crebras pugnas ac cædes, tandem exemplo memorabili, effrahem hanc Licentiam compescendam putavit. Nam quod in ea contigit nunquam, capitis supplicium de eo qui alterum interemisset, sumptum est. Fuit is ex famulatio principis Razevilii, ejus cujus parens ob potentiam Regi prope ipsi Sigismundo formidabilis esse solet, atque à Re-

formatis Ecclesiis maximi fit, ob summum studium erga Ecclesias nostras. Tanti principis filius Lugdunum se studiorum causa ante annum circiter contulit ; nec levem adventu suo Academiae honorem attulit. Servum habuit, qui uno altero comitante ex eadem familia vesperi exiens, incidit in hominem nequam, qui prius, ut aiunt, & litem intentavit, & pugna adortus fuit. Hunc vulneribus aliquot confodit servus is : sed cum & vulnus ipse accepisset, non potuit sat cito sibi fuga consulere. Captus itaque vitæque multatus, etsi multum pro eo intercederat princeps Razevilii. Hoc supplicium graviter admodum Razevilii tulit. Itaque live proprio instinctu, live facellani & nobilium, quos habet, solenni die, quo Rector Magnificus novus toti denunciatur Academiae, surgens de latere Principum Bohemicorum (nam inter eos & Academiae Curatores medius conlidebat) non impetrata ex more venia, suggestum ascendit, atque ad Professorum Collegium orationem habuit, ac vehementer cum eis expostulavit, quod (ut verba ejus retineam) post triginta nocentium impunitatem, sanguine innocentis servi, togas suas conspurcassent : unde fieret, ut ipse qui honorem præsentia sua Academiae attulisset, nihil inde præter ignominiam reportaret, proptereaque sibi animum quamprimum Academiam hanc relinquere. Quibus dictis non priorem locum repetit, sed cœtum continuo excessit. Hoc ejus factum indigne valde tulere Curatores ac Professores Academici, & Leidenfes Proceres. Postulatum igitur ut Senatui se sisteret. Respondit, se Principem esse : eoque, si quid dicere haberent, se accederent. Petiit ut scripto traderet quæ dixisset. Negavit se de scripto recitasse ; eoque frustra illud exposci. Vix honos Academiae permittit, ut nihil hac in re agatur. Et tamen, ut censeo, concoquet hoc factum ob illustrem ejus dignitatem, quicum illi negotium est. Et videtur non tam peccatum à Principe, qui adolescens est annorum duodeviginti, vel circiter ; quam ab iis, quos in comitatu habet, ac quorum curæ est commissus. Grave etiam ducent, offendere parentem ejus, Lithuaniae ac Imperii etiam principem, maximæ in universa Polonia auctoritatis virum, si quis alius iis terris, præclare de Ecclesia merentem. Superest, ut gratias agam pro affectu erga filium, quem Literæ tuæ, Reverendissime Domine, testantur. Porro eum quoque nomini tuo commendo ; quod & ipse, ut facerem, postulavit : ego verò rescribo, me non alia ratione meos commendare solere, quam qua olim suos Cæsar Augustus, *Si merebuntur*. Volo enim magis magisque se suscitare, ut rueri & ipse familiae decus possit. Deus

Deus Opt. Max. diutissime te incolumem præstet, bono Ecclesiæ universæ, ac totius Regni Britannicæ; ac tuorum quoque Reverendissime Domine, Clientum.

*Amstelodami  
clxxcxxxii.  
Id. Februarii.*

*Reverendissimi & Illustrissimi  
nominis tui Cultor ac Client  
devotissimus,*

G. J. Vossius.

# CLIX.

Gerardus Vossius Joanni Filio, S. P. D.

**T**Andem, mi Fili, decisa est lis, quæ de schola illustri à Lugdunensibus huic urbi mota fuit. Exitus est qualem optabamus. Itaque jam duabus hebdomadibus publice docuimus. Ac succedunt initia ex animi sententia. Magnus enim est auditorum numerus, non de Juventute tantummodo, sed etiam ex viris primariis, & hominibus eruditissimis. De negotio quod abiens mihi commendaras, abunde sollicitus fui. Sed metuo ne spisse procedat, quod uterque optaremus. Nam si qua functio se offerat non indigna te, tantus continuo est numerus ambientium ut eorum quidem qui multis & magnis fautoribus sunt subnixi; ut non ego solum facile desperem, sed alii etiam, qui causam agerent nostram. Nec propterea curam hujus rei agere desinam, verumtamen facile video non posse te melius tui rationem habere, quam si nihil fiduciæ in fautoribus, plurimum post Deum in virtute doctrinaque reponas. Quare non dubito quin sedulo vel Sacris literis, vel arti Medicæ incumbas. Utrumque studium in Britannia aliquem te efficere possit: in Batavia nostra (ut nunc sunt tempora) solum posterius. Reverendissimus Dom. Episcopus nuper ad me scripsit literas humanitatis plenas: ex quibus facile perspicio, simulatque idoneus sacræ functioni eris, fore ut tui habeat rationem. Attamen si Medicina magis arridet, non impedio quo minus hoc vitæ genus amplectaris. Ac seu apud Britannos seu apud Batavos tuos exercere illud velis, non deerit tibi favor & noster & amicorum. Solum curandum ne incertus semper fluctes: tum etiam opus (ut apud Tullium in oratione quadam fuit) Labore & Constantia. Quod scis postea Plantini Symbolum fuisse. Vellem te frequentorem esse in literis scribendis. Te denas misisse ais. Quid dicam? vix tertia est hebdomas, quod secundæ allatæ, nec ex eo tem-

pore alias accepi. Scripsi ad Casaubonum; ut quemadmodum ante annum fecit, ita etiam deinceps tibi trimestri quoque annumeret de meo libras Sterlingicas quinque. Si acceperis eas ex trimestri, quod Decembri Mense expiravit, bene est. Sin necdum acceperis, scio quamprimum id facturum, nisi forte jam Masio dederit summam integram, quæ mihi debebatur. Quod si est, proximo Martio dabit tibi duplum, hoc est Libras Sterlingicas decem. Ita enim fieri iussi. Frater Dionysius vocatus est in Academiam Dorpatensem, quæ in Livonia, & ad professionem publicam. Sane magnus est Rex cui se addiceret. Verumtamen filii ætas facit ut malim adhuc retinere. Et amici etiam auctores sunt, ut prius apud nos juris & politices studia absolvat, quam in exteris terris tigeat domicilium. Pergratum mihi interea, quod nomen ejus magis & magis inclarescit. Hugo Grotius in Bataviam venit amicorum suorum: ea res multos habet pessime, & turbas etiam in conventu Ordinum dedit. Præsertim Lugdunenses, & Harlemenses infestos habet. Quem res ea exitum sic habitura dicere necdum possim. Sed nondum despero. Præsertim cum Delphenses, Roterodamenses & Amstelodamenses valde ei faveant, omnemque moveant lapidem, ne tantus vir alibi potius, quam in Batavia sua vivat. Velim ad me perscribas, quid rerum agat Affinis Junius, & ubi vivat. Nihil enim hæcenus de eo intellexi, præterquam quod unis literis tuis continebatur, ac tu ex Petteio te accepisse scribebas. Jam hebdomas est quod Aurelium Londinensem Ecclesiastem obiisse cognovi, de quo tu nihil perscripseras. Dolet quod Britannia tot alios Viros egregios amiserit. Id enim Literæ tuæ testantur. Gratum facies si deinceps quoque significes, qui iis successerint. Valde laboro pro Vandenbrukio ut præsit vendendis rebus præfecturæ maritimæ: unde ad eum quotannis luculentum salarium rediret. Sed obstant nobis alii; in his Realius præfectus, iis à secretis, qui pro filio suo id munus petit. Nec desunt alii qui ambiant. Atque etiam traducunt nostrum illum quasi poculis sit addictior, nec suæ rei satis gesserit curam. Dolet quod non magis habuerit rationem nominis sui. Cum his diebus quempiam ex præfectis rei maritimæ ejus causa compellatam, benignè quidem respondit: sed addebat deinceps qui munus hoc sustinere velit, eum cavere oportere pro xx. aut triginta Florenorum millibus: ne iterum publicum defraudetur. At ego neminem amicorum scio, qui Vandenbrukii causa tanto se periculo velit exponere. Fortasse facilius negotium succederet, si quosdam

in



in quorum manu ea res, muneribus ac promissis faceremus nostros. Sed ego artes istas non didici. Interim ex his facile colliges difficilem esse provinciam, quam suscepi, & ut nonnulli aiunt, non satis mihi honorificam. O utinam deinceps in huiusmodi negotiis non amplius utatur operâ meâ! Non possum facile aliquid amicis negare. Interea audire illa cogor, de eo quem commendo, quæ magnum mihi dolorem adferant. Etsi verum dicere licet, ex parte in causa est socrus, quæ vitia ejus patefacere aliis solet, atque etiam exaggerare ultra modum; sic pleræque foeminae sunt: nec interea cogitat se sibi & suis abesse. Archiepiscopo Armachano gratias pro honore mihi habito maximas egi. Scio in causa Godschalci nonnihil dissentire: sed facit id perhumanè. Quod cur tanto viro non æquè liceat ac mihi licet in sententia persistere, postquam ejus opus legi? Sanè vir est summus & lectionis admodum variæ; mihi quæ planè decretum scripto aliquo testari, quanti eum faciam. In eo tamen falli arbitror, quodd existimat Godschalcum per omnia eadem ac B. Augustinum sentiisse. Omnino enim exorbitavit ea Augustiniana appingens sententiæ, quæ beatus ille antistes nunquam dixisset. Aliter si esset, non eum damnasset Rabanus Maurus omnium ætatis suæ doctissimus, & una cum Rabano Synodus Moguntina, in qua tot viri Augustiniani dogmatis non intelligentes modo sed etiam retinentes. Nec Remigius aut Lugdunenses ausi unquam fuere Godschalci per omnia patrbcinium suscipere. Ut multo minus id nunc fieri conveniat, post annos prope octingentos. Ut mittam quod pro me stat tot historicorum cohors: quos non ausim omnes falli arguere. Non tanti mihi monachus unus, præsertim qui sine consensu præfecti cœnobio excessisset, ad prædicandum istic quo nemo miserat. Serenissimus Bohemiæ Rex in Palatinatum est profectus. Pleraque oppida jam occupavit Sueciæ Rex potentissimus, Superfunt Heidelbergia, Frankendalia, & quædam alia quæ veteris domini amore, ut spes est omnium, facile se dedit, nisi validissima sint præsidia Cæsarea vel Hispanica. Reverendissimo Londinensi Episcopo (ut magnopere te probes) valde & tuâ & meâ causâ exopto. Optime nobis vult. Sed opera tibi danda, ut omnes in dignum contulisse beneficium existiment. Vellem aliquid mihi temporis esset ea perficiendi, quæ jam diu molior. Affectum meum erga tam bene meritum monumento aliquo testarer. Et tibi ea res utilis foret. Sed scis, quam premar, & tantum non opprimar curis variis, quæ me urgent. In quibus non

minimum illa locum tenet, ut præclare omnes boni de te judicent. Hoc erit, si cum industria junxeris quam *ἀρετήν* Græci vocant, quia ut Aristotelis ait *ἀρετὴ καὶ πόνησις*. De affine Junio desidero scire ubi & quâ conditione vivat. Post eas literas, quas Lutetia ante annum prope scripserat, nullas ab eo accepi. Professor Bodacherus agere hoc videtur, ut & gener meus & simul collega fiat. Sed soror tua hæctenus animo ab eo est satis alieno. Habet alioqui, ut scis, inter procures hujus Urbis non paucos sanguine tibi junctos. Lugduni Batavorum ante duas tres hebdomadas capitale sumptum est supplicium de quodam ex famulitio principis Razevillii, qui vespertinis exiens horis, inque hominem nequam incidens, & ab eo malè habitus, eam interemit. Vulnere ipse tardus effugere non potuit. Hoc primum est supplicium capitale, quod Academia vidit. Razevilius graviter adeo id tulit, ut oratione publicâ sit conquestus de injuria quam servo suo fecisset Academia. Nec exprobrare dubitavit quodd post xxx. nocentium impunitatem innocentis sui servi sanguine togæ conspurcasset. Tam liberæ voces in cœtu procerum, professorum, studiosorum non impunè alteri abirent. Sed ut pato hic connivebitur. Est enim adolescens quidam qui ista dixit: Sed Lithuanie Princeps, & filius magni illius Razevillii qui Regi ipso Sigismundo prope formidabilis esse solet, qui etiam amore eo dignior, quia præclare adeo in Polonia de Reformatis Ecclesiis meretur. Barlæo nostro non bene est; & nescio quorsum hoc evasurum sit malum. Valde opto ne tam bono frauder collega. Res ea male cederet & mihi & imprimis novo Gymnasio. Oratio inauguralis quam idibus Januarii habui, typis est divulgata. Eam primâ occasione mittam. Id nunc facerem; sed tanti non erat ut propterea sumptibus & te & amicos onerarem. Quare meliorem captabo occasionem. Dionysii Reidanus propediem (ut arbitror) excuderetur. Matthæus in Comicum historia magis magisque se probat. Isaacus in Græcis pulchre progreditur: & jam Evangelistas cum Actis scitè interpretatur. Præceptore utitur Brenio, erudito juvene, quem in collegio (ni fallor) nosti. Nec male Gerardus procedet aliquanto. Lusibus, ut illa ætas solet, addictior est, sed ingenio id quo plurimum valet, compensat. Vale, mi fili, ac sæpe me de studiis tuis & cæteris fac certiores.

*Amstelodami*  
clō Idc xxxii.  
Kal. Feb.

*Tui Amantissimus Pater*  
*tantoque amantior fu-*  
*turus quanto pulchriora*  
*de te intellexero.*

G. J. Vossius.  
Lite-

Literas hæc non uno die exaravi : quod occupationibus & interpellatione non una avocarer. Sed antequam eas absolvissem pene eodem tempore, binæ aut ternæ mihi Literæ tuæ redditæ, prope ejusdem argumenti : nempe quæreris quod nullas à nobis literas acceperis. In causa autem fuit, partim quod tuas expectaremus, partim quia initia professionis difficiliora essent, nec cæteris aliquid temporis relinquerent. Nunc postquam de pecunia ad Casaubonum scripsi, animo scio eris magis defæcato. Literas eas tuis inclusi, quia non alium putem eas melius procuraturum. Literæ sunt grandiusculæ, quia inclusi iis, quaternionem Oratoriarum, quem desiderabat. Clarissimis professoribus & amicis cæteris, in his optimo & amicissimo Hallo, plurimam salutem dices.

## CLX.

Eust. Swartio S. P.

SÆpe doluit, mi Swarti, quod tot annorum intervallo nihil de te cognoscerem. Solum hoc retulit cognatus uxoris meæ Roverius, visum te sibi Hagæ. Et aliquanto post Bostadius retulit, in Batavia te degere, nec id se unquam fugisse. Tanto jucundius nunc est ex teipso intelligere vivere te, & valere, & memorem esse nostri. Voluptatem etiam attulit, quod præfecturam Scholæ Sylvæducentis sis consecutus. Utinam non ea esset Civium pervicacia : quæ etsi ipsis damnosior est, quam tibi, nihilominus molestè tibi accidit. Sed etsi lautior dignior es fortuna, honestior tamen hæc Provincia, quam ut deserere eam debeas, priusquam unctior conditio obtigerit. Equidem ut antea semper, ita nunc etiam optime tibi volo : imo nunc magis, quia ex Literis tuis didici generum te esse cordatissimi Civis & optimi Viri Vanderlachnii, affinem Cornelii & Nicolai Vanderlachnii, quorum hunc veterem erga me affectum retinere satis ex eo colligo, quod rarius quidem quam vellem, subinde tamen Lugduni me invisere, & suavissimis sermonibus pascere soleat. Tanto magis exoptem, ut utilis tibi esse posset opera nostra in eo munere, quod desideras in Lycæo nostro. Veruntamen necdum video, quo pacto persuaderi possit proceribus nostris, ut cogitent de advocando Politices professore, qui ut Historiam, sic civilis etiam Doctrinæ, me Professore designarint : meque unum huic oneri sufficere existiment. Paulo facilius impetremus de humanioribus Literis. Sed tamen

vir est clari nominis qui eodem adspirat. Equidem utrumque vestri mihi Collegam optem. Sed certum est prius cogitatum in se Mathematico. Quid mirum ? in Mercuriali Civitate : cujus commercia sine numerandi scientia non constant, nec navigationes in omnes orbis plagas ac terras etiam ignotas sine scientia fiderali. Si quid tamen cognoro, quod tua tuorumque scire intersit ; vel te, vel Vanderlanios faciam certiores : Seduloque exquiram, quæ ad hoc negotium pertinent ; ne veterem in me amorem retrixisse credas. Longe tamen facilius effici posset, quod speras ; si perrexisses in illustrandis Scriptoribus antiquis, uti cœperas. Nunc tot annis siluerunt Musæ tuæ. Sed bene est, quod pristinus redit vigor, curamque suscipis castigandi & illustrandi Curtii. Multa enim post Raderi labores restant. Arbitror Janum Gebhardum popularem nostrum, idem animi habere. Sed pulchrum est in nobili hoc circo plures decurrere. De Plauto edendo, quantum ex silentio tuo colligere possum, jam cogitationem depofuisti. Quod si est, non incommode, ut arbitror, domuitionem cogitet vetus editio nostra, quæ cum variorum prodiit olim Commentariis. Sapius mihi molestum fuit ea carere : Uti & Dutia, cui adscriptæ Scaligeri castigationes. Nam Camerariana, ad cujus oram exscripsisti illas Scaligeri, non parum abijt à Dutia, ut sæpe hæserim incertus. Nec si remiseris, potius remittendi minus potestas erit. Sunt enim *tuæ sibi sibi sibi*. Quare, quæ mancipio nostra sunt, ex usu tua esse volo. Id enim meretur egregia eruditio tua ; atque item præclarus erga me affectus tuus. Vale, præstantissime Swarti, ac deinceps etiam amore certemus.

*Amstelodami. c. idc xxxii. Kal. Martiis, quibus scis olim munuscula mitti solere.*  
Mitto idcirco orationem inauguralem hic à me habitam nuper. Quæ etsi tanti non est, tamen amare eam poteris propter Autorem. Vale.

*Tuus sine fūco,*  
G. J. Voßius.

## CLXI.

Thomæ Farnabio S. P.

ET gratæ & jucundæ mihi fuerunt literæ tuæ, optime & doctissime Farnabi. Eo molestius mihi est quod tarde adeo responderem. Nempe jam diu scribere cupientem temporis angustia, & negotiorum moles excludere : quæ ita me distinent, ut pæne con-



jurasse videantur ad eripiendum tempus, quo amicos salutare, aut eorum satisfacere potu-  
latis possim. Tibi certe jamdudum respon-  
sum oportuit. Quare licet nunc quoque oc-  
cupatissimus, malui cætera meo in te officio  
posthabere. Etenim injurium me fore vide-  
bam in tuam erga me humanitatem, nisi  
aliquando, post multam cunctationem, non  
pertinax silentium, sed penè necessarium ab-  
rumperem. Imprimis vero novissimæ tuæ  
Literæ stimulos addiderunt; itaque dum re-  
cens tui memoria, & simul occasio opportu-  
na erat, vel hanc, vel illam, elabi nolui.  
Et quia postrema maxime animo hærent,  
succurrit primum Martialis, quem edere co-  
gitas. Ego Scriptorem illum, non semel à  
me lectum, amavi semper, ob venustatem  
ingenii; quod tamen odi quoties in spurci-  
tiam degenerat. Sed illa tanquam non dicta  
prætermitto; sunt alia divina certe Epigram-  
mata. Itaque optabam ipse nonnulla olim  
observata communicare: sed volentem re-  
tinent imperiosæ occupationes. Accedit,  
quod omnes meos vetustos Codices, & eos  
quibus multa manu sua annotarat Scaliger,  
jam ab annis quindecim retinet amicissimus  
Scriverius. Cujus penè unius nunc Editio-  
nem habeo, egregiam illam (nec hoc in-  
vidia puto negarit) sed quam tamen melio-  
rem possit reddere, si etiam ei obtingat. Sa-  
ne lib. II. Epigram. frustra sollicitat hunc  
versum, *Si totus tibi triduo legatur*; mavult,  
*Si totus triduo tibi legatur*: Atqui prior in  
triduum est porrecta: uti & in biduum; un-  
de Terent. Eunuch. *Eus ibo, ibi hoc me mace-  
rabo biduum*. Qui senarius est, Lib. III. E-  
pigr. LXVI. displicet, *Abscidit vultus ensis u-  
terque sacros*. Atqui Lucani est in primo,  
*Ille comam laevo morienti abscidit ephebo*. Nempe  
est ex *abs* & *cado*, ut *abscondo* ex *abs* & *condo*.  
Hæc ad artem pedariam pertinent; Illud ad  
*ἀνατολῆς*, quod ad Epigram. XCIV. Lib. VII.  
ait, Onychem imo solum isto loco muliebri  
genere usurpari; Malim dixisset, non alibi  
accipi eo genere pro lapide alabastrite, vel am-  
pulla inde facta: nam pro gemma foemini-  
num plane est. Itaque Plinius, Lib. XXXVII.  
cap. 6. octie continuo jungit foeminino. Sed  
quid minuta adeo pergam sectari: præser-  
tim tam occupatus? Illud tamen omittere  
non possum, esse hic Typographum, qui  
jam diu aveat excudere Martialem tuum.  
Typos habet venustissimos, quod, vel me ta-  
cente, judicare possis, ex Juvénali ac Persio-  
tis, & Horatio Bondii, quos ad te mittit,  
ut ipse dispicias, utrum committere ei labo-  
res tuos velis, an ipse Editioni in patrio solo  
præesse malis. Sane non facile, his quidem  
terris, reperias, qui venustius, & fortasse e-

tiam accuratius tua edat. Ego etiam Scripta  
tua malim eleganter excudi. Nam & hic di-  
cere liceat, gratiora esse quæ non bonitate  
modo, sed etiam venustate sui commendan-  
tur. Et omnino mihi placet, quod utilissi-  
mam operam & antiquis Scriptoribus & Ju-  
ventuti impendis: quum iniquum est prolixis  
illos Commentariis onerari. Melius tu qui su-  
pervacua omittis, ut eo magis assidua Ju-  
ventus sit in fontibus ipsis hauriendis. Sed  
video me immemorem temporis; & nolo  
Londinensem illum Mercatorem, qui tuas  
mihi literas tradidit, & hac ipsa hora abi-  
tum parat, sine meo ad te responso venire.  
Itaque te, clarissime & amicissime Farnabi,  
optime valere opto, & nostri amorem refer-  
vare.

Amstelodami.  
clō lōc xxxii.

Nomini tuo addictissimus,

G. J. Vossius.

## CLXII.

Merico Casaubono.

Vir Clarissime,

Cujus causa sæpius scribere distuli, quod-  
que semper primarum mihi literarum  
argumentum fore existimaveram, id tandem  
accidisse & ego lætor, & tu ubi cognoveris ga-  
viturum nullus dubito. Est autem de Schola  
illustri quo eventu nescire non potes si priores  
meas Literas legisti: nam quod credidi ipse,  
& mecum plures alii, ex voto omnia cecide-  
runt. Judicium confessus, quorum arbitrio  
permessa res erat, nihil præter leges aut æ-  
quum Amstelodamenses exorfos, & falso li-  
tem à Lugdunensibus motam. Ita hæc com-  
posita; nescio tamen an id dicere liceat,  
nam audio Lugdunenses nondum quiescere,  
sed si possint (multi enim posse negant) pro-  
vocare ad Urbes Hollandiæ velle. Sed fa-  
ciant quodcunque videatur; nos jam solen-  
nia Illustris Gymnasii peregrinus, & quo-  
tidie docemus, Auditorio non infrequen-  
tiori, quam Lugduni solebamur, vel, si nu-  
merus paulò minor, quicquid hic jacturæ,  
Auditorum præstantia compensat, quos inter  
multi sunt grandævi, & venerabiles Viri.  
Sed hæc quidem hætenus; Optatum Mile-  
vitanum, à te illustratum pro diis lætor. Et  
multum videre delidero. Necdum enim mihi  
allatus est, neque Junium aut compellavi ip-  
se, aut ubi sit intellexi. Credo aliis distineri.  
Sed quamvis nondum perlégere labores tuos  
licuerit,

licuerit, jam tamen prælagit mihi animus, dignissimos fore tanti parentis tanto filio. Certè, utvis multum occupatus, nequeo quin tenear desiderio Animadversionum tuarum. Fateor eas esse occupationes meas, ut quamvis nihil ultra accedat, minime tamèn otiosus sim futurus. Verum nunquam tantum mea negotia poterunt, ut seponam, aut differam saltem percurrere tanti amici scripta. Ne dicam eruditi adeo viri, quod verè dicere possum, ex quo præsens tuam existimare doctrinam didici. Ut mittam etiam eruditionem, minus an facere quidquam possim, cum nostra quoque Lectione tua dignatus sis. Ingratus sim, mi Casaubone, nisi te amem, æstimem, colam; inhumanus, nisi saltem par pari referrem. Itaque ego quidem ut dixi aveo tuum Optatum habere: & ne tuum quoque desiderium morer, mitto Quaternionem quem desiderari in Oratoriis nostris scripsisti. Jam redeo ad curas quibus sæpius te oneravi; vel potius ut priorem tibi sollicitudinem eximam. Etenim de stipendio quicquid debebatur mihi accepi, excepto semestri postremo cuius dies Decembri mense exspiravit. Illud expecto, & nescio quid Masium moretur; quando uti ex literis tuis cognovi, jamdudum pecunias habuerit. De Peystero quod scribis, nondum perpendere potui; quamobrem semel placita retineo. Cæterum monitum te rursus velim, amicissime Casaubone, ut filio meo Johanni, singulis trimestribus Libras quinque mittas. Credo quoque reservasse te ei summam illam de postremo trimestri, quod Decembri finitum. Si id factum non est, necessum erit de hoc trimestri, quod Martio mense exspirabit, demi altera parte plus, libras videlicet X. Dolet sæpe adeo molestum esse tibi; Cæterum multum in humanitate tua reponere me facile ipse animadvertisti. Vale.

## CLXIII.

Danieli Heinio S. P. Leidam.

**P**RO Herode tuo, & poematis annexis, quæ ab Collega Barlæo accepi, gratias habeo summas. Valdè me eorum lectio delectavit, ut omnium tuorum solet, præsertim in hoc scribendi genere, ubi certas cum Antiquis. *Artis* quod mittam habeo nullum. Sed vices nunc meas supplebit præstantissimus Mericus Casaubonus: qui Optatum Milevitanum, notis suis auctiorem edit, & exemplar quod mitto, tibi dari iussit. Non dubito, quin gratissimum tibi futurum

sit, tum editoris causâ, cuius cum maximo parente, tanta tibi amicitia fuit; tum ipsius Optati, qui utinam exulceratis hisce temporibus, magis in deliciis foret? Salve summe vir, & à Veteri Collega, cum optima conjugè plurimum salve.

viii. Kal. Mart.  
c15 loc xxxii.

Tuus,

G. J. Vossius.

## CLXIV.

S. P.

**Q**uanto magis desidero tecum, amicissime Casaubone, confabulari, quantoque negligentius pleræque meas literas ad te video perferri, tanto avidius animus est omnes arripere scribendi occasiones. Eam nunc attulit Mercator Londinensis per quem Farnabii mihi literæ traditæ erant. Vellem tamen discessus ejus non tam subitus fuisset. Pluribus colloqui licuisset: Feriæ enim nunc sunt, quibus spatium datur cum amicis colloquendi. Nam cum docendum est publice, otii adeo parum relinquitur, ut sæpe vix domestica curare liceat. Aded, ut plerumque literarum scriptionem in serias differam: quarum bonam semper partem amicis do, maxime consanguineis vel affinibus, qui invisere tum imprimis solent. Literas tuas & simul pecunias accepi: Libras videlicet vestrates quinque & triginta. Postrema quam scripsi Epistola, quia cognoram commodius te per Peysterum procurare pecunias posse, rem totam tuo arbitrio permisi, & addidi eo consilio Chirographum. Cæterum monitum te volo, prænomen Peysteri, quod tunc non occurrebat, perperam me scripsisse, & pro Jona (nam id nomen illi esse nunc cognovi) Franciscum appellasse. Quod hic adjicere visum, ne putares alium me quam illum quem aiebas, Peysterum designasse. Itaque deinceps à Peystero, nisi Masium præferas, pecunias expectabo. Si de Peystero commodius erit, quæso ut Masio satisfacias, de impensis quas fecisse mei causa sese ait: & detrahe id de summa quæ proxime mihi cesserit. Nec tamen scio quos sumptus Masius signet: crederem aliquos fecisse in itinere Cantuariam faciendo. Utcunque est, nolim me ei debitorum. Optati tui exemplaria nonnulla Bibliopolæ Lugdunensi tradidi, qui postea indicabit quo pretio vendere ea possit. Negabam minoris venundari oportere, quam nostrati Floren: Caroleo: quod paulo minus est



est quam solidis duobus sive Schellingis Anglicanis. Quod si consequi hoc liceat, viginti Carolcos nostrates, pro viginti Exemplaribus, sive triginta octo Schellingios Anglicanos, demes de pecunia mea. Sed metuebatur Bibliopola ne tam care posset vendere, quia paucorum ad palatum sint Antiqui: præsertim qui argumentum tractent, quale Optatus tuus. Mi Casaubone, valde sordent hic Veteres. Quod si quid antiquorum legere velint, id vix aliud sit, quam de Prædestinatione, ut quædam Augustini, Prosperi, Fulgentii: Theologiæ Doctorem novi, qui nullum veterum in Bibliothecâ haberet: nec diffitebatur, sed dubitare tamen aiebat, an non unum cuiusdam opusculum haberet, seu Bernardi, seu Anselmi. Quod si periculum videro, ne optimus scriptor annos totos, in Bibliopolarum serulis jaceat dispretus, aliter hoc negotium perficiam: Nampe cum Bibliopolarum variis de permutatione aliqua transigam. Faciliores hac in re esse solent. Nec ea res obesse mihi admodum possit, quoniam subinde ego, vel liberi, emere scriptores aliquos necesse habeamus. Quare nihil impedio, quo minus de proximo hujus anni quadrante, vel eo ipso qui mensis hoc Martio expiravit, rescies illos XXXVIII. solidos, sive Schellingios vestratos. Deceveram aliquid addere, de studiis & laboribus nostris, sed id proximarum esto literarum argumentum. Multam salutem à me & mea, optime uxori, dices, item Rev. Dom. Decano, & toti Collegiarum & Fratrum præstantissimorum Collegio.

*Amstelodami clo. loc. xxi.*

*Præd. Kal. April. St. Vet.*

#### CLXV.

Merico Casaubono S. P.

**E**N tandem tibi Exercitationes meas Grammaticas, præstantissime Casaubone. Addidi & alterum exemplar quod dandum Reverendo D. Decano. Plura misissem, nisi scirem argumentum hoc non facere ad multorum palatum. Sed munificus magis ero, ubi edidero quæ sequentur argumenti gravioris ac sanctioris. Literis proximè misis nihil mihi gratius fuit. Satisfactum mihi jam à te usq; ad Septembrem anni superioris, qui fuit quartus & trigessimus supra clo. loc. Expecto igitur semestrem Præbendæ meæ, quod expiravit in Martio hujus anni quinti & trigessim. Jam intellexeris confido, Hu-

gonem Grotium Legatum agere Regni Suecici Lutheræ Parisiorum. Sophompaneas ejus (tragedia est de Josepho Israelis filio) hic excuditur. Eam eo justius mittam propediem, quia nomini meo inscripsit. Scio placituram. In mentem venit hoc ipso die, quo ista scribimus (is est vi. Id. April.) ab Henrico octavo, ejectis monachis in Ecclesiâ Cantuariensi constitutum esse Decanum cum xii Præbendaris ante annos xciv. Contigit semel iterumque, & sæpius fortasse, ut non nemo, me & aliis presentibus ea referret, quæ ostenderent ordinem hunc Canonicorum seu Præbendariorum eo in Angliâ loco esse, quo pauci his terris existiment. Sed ego, est super eo aliqua me audire memini coram, tamen non habebam, quæ de aliis certo responderem objectantibus quibusdam, non satis me decora, & dignitatem ordinis nostri scire. Si grave non erit, velim per otium tribus verbis significes, quo loco in regno Anglico Collegium sit nostrum. Video Monachos olim & Cantuariensem statuisse Archiepiscopum, dummodo Regi placeret. Sed scire malim, quæ penes eos fuerit, ex quo Præbendarii substituti. Uti equem locum obtineant in Parlamento. Quibus Secularium (ut vocant) pares censeantur. Et si qua id genus. Neque id fastu scire aveam. Alium id à moribus meis, præsertim qui longè adeo distans vivam. Sed ne imperitior videar illis, qui diu quidem in Angliâ vixere, sed nunquam eo assurrexerint, quo nos regia exerit dignitas, ut nostri ideo hic mirentur eos exactius me scire, quæ ordinem nostrum spectant. Vale Reverende & Amicissime D. Casaubone, meoque nomine plurimum Reverendum D. Decanum & universum D. D. fratrum Collegium saluta. Nec minus sanctissimam uxorem tuam, quam & mea salute plurimâ impertit & Filius Matheus, quem coram vidisti. Is nunc totus est in Annalibus Hollandicis, quorum libri quinque primi exciduntur. Ut spero & istos intra menses duos videbis.

*Tuus omni officio,*

G. J. Vossius.

CLXVI.

## CLXVI.

Guil. Boswello, *Oratori Regis Britanniae.*

Nobilissime &amp; Amplissime Domine,

**R**edditæ mihi sunt literæ tuæ, & illas quas scripseras paulò antequam Bateria excederes, & altere ex Anglia transmissæ. Utrisque lectis non potui fati exosculari perpetuum erga me amorem tuum, & humanitatem tam prolixam. Tantoque mihi impensius curandum video, ut affectui tuo possem respondere. De Hortensio nostro ita est, ut scribis. Sed de altero ei surrogando necdum cura suscipitur urbis nostræ proceribus. Ejus rei causam accipe. Quo tempore Hortensium & *magistrum* cura tenebat proficiscendi in Italiam, sæpe ab urbe aberat, nunc Hagam excurrens, nunc Leydam vel Delphos. Hæc res fecit, ut non ille solum longè alia ac juventutis bonum curaret, sed auditoribus quoque ejus amor Mathesios refrigeret: vel si quibus ardor ille duraret, in alia Lycea deflueret. Ubi deposuit noster animum illius itineris destinari, redire quidem voluit ad labores & auditiones publicas: Sed sæpe *duorum* erat nullus, interdum unus & alter, ut locum haberet illud Persianum à Græco expressum, *vel duo, vel unus*. Et duorum interdum (miserum) alter erat minister Lycei, quem Pedellum dicimus. Hoc vidit & indoluit: idque eo magis, quia spem majoris stipendii habere non possit, nisi opera ejus necessaria publico magis videretur. Natura propensior erat ad tabem, quàm parentes oblectant. Accessere varia, quæ animum ejus forte suâ multo celsiorem disruciarent: in his illud quod dixi. Eo absumpso consultus Urbis nostræ magistratui videretur, paulùm deponere curam Professoris Mathematici, primoque circumspicere de uno altero idoneo vel ad Professionem Historiæ Romanæ, vel similis studii, cujus amore juvenus vel omnis potius flagret ætas. Nec diffiteor priusquam tuas accepissem literas, id me consilii proceribus dedisse. Spectavi tum me ipsum, tum præcipue bonum publicum. Nam nisi vel Romana Historia vel ejusmodi quid eo tempore doceatur, quo ego in sacra vel Ecclesiastica sum Historia publicè enarranda, periculum sit, ne ille quoque defectus imminuat eorum numerum; qui huc se tanquam ad studiorum mercatum receperunt. Scis enim his terris non usque adeo multos esse Ecclesiasticæ antiquitatis amantes. Homines fuisse ajunt, qui ab Apostolorum temporibus ad nostrum usque seculum scripturam enarra-

runt: eoque non dispiciendum quæ dogmata obtinuerint, primis etiam seculis, vel quale fuerit regimen Ecclesiæ, sed quid Deus dicat in verbo suo, hoc est, quomodo ipsi novè putent scripturas intelligi oportere. Hic novellitatis ardor, is antiquitatis contemptus, nisi pestilentis instar Sideris multorum animos afflisset, beatus in rebus ageretur humanis; & si Britannica certamina satis capio, non tantas Scotia turbas daret. Scio innumera animarum millia esse extra omnem culpam. Sed quid faciamus istis *Amstelredamensibus*, qui soli sibi sapere videntur, proque talibus se venditant simplicioribus: illos vero qui antiquitati suam deferunt honorem, tanquam umbras putant circumvolitare. Imo, ut intelligo, calumniis suis pudore nullo, in odium gravissimum adducere apud suos non cessant tum Regem suum, cordata animi bonitate suorumque amore, nullo Regum inferiorem, tum omnes eos quibus Deus præcipuum Ecclesiæ suæ regimen commisit. Sed quia jam in hunc sermonem incidi, literas Cantuariæ accepi, quibus certior redditus sum; quia serenissimo Regi ad motus Scoticos compescendos milite fuerit opus, cuique Canonicorum Cantuariensium de Præbenda annua portionem decidendam: me qui percipere solem quotannis libras centum sterlingicas, non posse percipere ultra octoginta. Equidem non is sum qui non omnia Regis causa velim, quin quicquid habeo non modo Regi liberalitate, vel à parentibus relictum vel labore partum proprio, atque adeo vitam ipsam pro Regia dignitate impendere sim paratus. Sed tamen ambigo, cum ignorem quantum conferant fratrum meorum alii, num ego qui solum centum percipio, privandus sim libris vicenis. Arithmetici enim in hoc negotio proportionem agendum non sit: sed Geometrica, ut nosti. Utinam igitur grave non sit de isto consulere vel Illustrissimum & Reverendissimum Dom. Archiepiscopum, vel Reverendissimum Dom. Episcopum Londinensem. Non hoc peterem, nisi jam novem prope menses forent, quibus nihil percepi. Ab clarissimo quidem fratre Casaubono literis certior factus sum, mercatori meo se pro trimestri annuere voluisse viginti libras, sed cum nisi viginti quinque (ut antea) daret, accipere quod offerebatur noluisse. Verum ego ad Mercatorem scribi curavi, ut potius trimestri quoque viginti acciperet, quàm nihil. Respondit ille (nisi ab eo qui Amstelodami habitat eludor) nec viginti illos se posse accipere. Nemo, ni fallor, æque idoneus fuerit ad consilio juvandum quam Rev. Dom. Londinensis, de cujus affectu etiam omnia mihi merito polliceor. Nam ipse abundè mihi



mihi cum coram comprobavit, nec alter eo intelligentior, qui ipse in Collegio Canoniorum Cantuariensium fuerit. Hæc scripti raptissime in ædibus nob. & amplissimi Dubletii, qui officiosissimam tibi salutem adscribi iussit. Scripsissem ad magnos illos Ecclesiæ memoratos Antistites, quorum laudes nulla ætas conticescet. Sed, ut vides, vix nunc potui hæc ista. Festinationi ignosces & simulac occasio sit, vel potius cum voles, omnia officia cum salute devotissima offeres Reverendis & Illustribus Dom. Archiepiscopo & D. Episcopo Londinensi. Vale.

*Tuus totus,*

G. J. Vossius.

### CLXVII

Arnoldo Buchelio S. P.

**A**micitia quæ jam ab aliquot annis, tecum mihi fuit, Amplissime Bucheli, omnino postulare videbatur, ut contendente Amersfurtum, filio meo, simul & adiuturo civitatem vestram visendi studio, te, & ipse per literas, & filii verbis salutarem. Quippe qui existimem boni viri esse, etiam sollicitum agere de amicorum rebus, & valetudine. Itaque non facile dixerim, quam gratum mihi acciderit, quod his diebus ex ornatissimo K. Marteno intellexi, valere te, bellæque pro ætate portare. Eo autem id mihi jucundius erat, qui non modò, ut tam amicum decet, optimè tibi optare, sed etiam quod publico, te plurimum benefacere posse cogitarem. Et jampridem cupide expecto, ut patriam, ut nos omnes, tot annorum laboribus tuis bees. Sanè id si ob attenuatas corporis vires, tam citò non possis, quam vellemus, aut alia etiam de causa, adhuc premere labores tuos malis; saltem curaturum te spero, ut per propinquos, ac necessarios tuos, aut quibus aliis dare id negotii volueris, lucem quondam adspiciant. Nam dolendum profectò sit, si quæ viri, suis in studiis præstantissimi, multo studio conquisivere, publica luce careant. Accedit quod raro scripta, nisi ab Authore ipso, emendatè edantur. Ideoque, & ego his temporibus, quæ ante annos xxx. & ultra commentatus sum, protrahere in lucem molior. Hic quem vides, filius meus Matthæus Vossius, scribere ante annum aggressus est, Comitum Hollandiæ Historiam; cujus majorem jam partem absolvit, & ut arbitror post menses paucos

edet. Quare si qua tibi sint, quibus juvare eum, in egregio hoc instituto, sine incommodo tuo possis, is non dissimulabit publicè, ejus beneficio profecerit, aut fuerit adjutus. Quod eo dico, quia video hodie, adeo invaluisse morbum illum, ut homines addiscere quidem velint, sed à quibus hauserint, non agnoscant. Sed à talibus longè diversus mihi, etiam filio meo animus. Itaque si habeas, vel Manuscripta, vel olim edita, ac propè jam sepulta, quibus putes lucem addi Patriæ Historiæ posse, honor tuus erit, publici autoritas. Et paucis diebus recepturum te, quæcumque commodaveris, fide quam optima spondeo. Vale.

*Amstelodami  
clō lœc xxxii:  
xi. Kal. Jun.*

*Tuus,*

G. J. Vossius.

### CLXVIII

Andræ Riveto. Lugdunum Bat.

Reverende vir, Doctissime Collega.

**E**unte ad vos ornatissimo juvene Rigaltio, non potui occasionem hanc prætermittere, mittendi ad te Optati Milevitani, quem à se castigatum, notisque auctum, ex Angliâ transmisit Mericus Casaubonus, ut tibi traderem. Frustrà vero, aut scriptorem ipsum, aut Casaubonum nomen commendaverim; cum utrumque in veneratione tibi esse sciam. Dignus quoque tanto Parente Mericus. Quare ut lubenti animo donum accipias, pro me, & eruditio, & Parentis magnitudo, & ipse Optatus postulat, cujus Episcopi utinam omnes hodie similes forent. Si enim tam hi amantes essent pacis, ac concordie, non ita Ecclesia Dei scinderetur; magno hostium gaudio, & imbecillium scandalo. Verùm non tam querimoniâ nunc opus, quam remedio; ad quod tibi, & paucis tui similibus, salutaria, ut spero, consilia, inspirabit Deus, magis magisque. Salutem plurimam honorandæ Matronæ conjugii tuæ, & Collegis universis, ubi vacabit, aut oportunitas erit, meo ut nomine dicas rogo.

*viii Kal. April.  
clō lœc xxxii.*

*Tuus totus,*

G. J. Vossius.

### CLXIX

## CLXIX.

Bernardo Damke S. P.

Quod hæcenus, Ornatissime Damke, literis tuis non responderim, propter occupationes meas fuit; quibus quotidie sic premor, ut si otioso, vel paucillum esse liceat, vix me Vossium esse credam. Verumtamen quia commoda adeo occasio est, per honestæ admodum domus adolescentem, literas ad te mittendi, non patiar hanc mihi diffuere. Major erga te amor meus. Sed sic tamen, ut paucis defungar. Quæris de loco Basilii Imp. ubi ait in suis *παρρησιαῖς*, summos juxta, ac infimos, *ἡ πλεονεχία γῆς καὶ θανάτου κληρονομία*. Puto non meliorem fabulam adducere posse, quam à magno Marone, qui similiter ait, de Coelli Mantuani sepulchro, tres patere non amplius ulnas. Scio ut crucem fixisse se Grammaticis, magnus ille vates dixerit. Sed enim sufficere debet, quod Cornificius, & Alconius, ex ipso audierint Marone, per cœli spatium, significari Coelli illius, quem dixi, sepulchrum. Quem enim meliorem interpretem queramus ipso Poëta? Nec in dubium vocare licet sententiam hanc, quæ non ipsi hoc Cornificius, & Alconius scribant. Sufficere debet, quod hæc subfixa sint, non solum honorato tibicine, sed etiam Junio, Phialgrio. Mens igitur Basilii ista erit, utrumque Imperatores, non solum magna habitent palatia, sed etiam, vel totius orbis Domini fiant, non tamen domum eam, quam obitu incolunt, plusquam tricubitali fore. Parva certe hæc domus, ut merito dixerit Horatius,

*Et domus exilis Plutonia.*

Valdè enim falluntur, qui vel *exilii*, pro *exilis* legunt, contra omnium codicum fidem; vel qui existimant, significari amplum illud animarum receptaculum, quod Poëta Erebum dicunt: nempe ut domus illa dicatur exilis, non quia ipsa exilis, sed quia ut nugantur, animæ, vel umbræ sint exiles. Quanto illud verisimilius, quod jam ab aliquot annis perfuncti multis, Plutoniæ domum, esse sepulchrum. Nam Pluto, terra, quia è terra effoditur *πλάτων*, sive quicquid metallorum, juxta illud Poëta,

*Effodiantur opes, intrantemque malorum.*

Et Græcis Idcirco *Ἰδύρι* ab Hebræo *יָדִיר* h. e. Terra: non uti Græculi putarunt, ab *ἰδύρι*. Nec ineleganter idem Basilus ait,

*ὡς περ ἰατρῆς, περὶ συµμάτων φιλοσοφεῖν, ὅτε καὶ φιλοσοφῆς ψυχῆς ἰατρῆς ἐστίν.* Scio quod objectas *ἰατρῆς*, proprie *ἰατρῆς*, φιλοσοφῆς φιλοσοφεῖν. Sed placuit Basilio *ἰατρῆς* illa, quam veteres vocant *ἀντιφάσις*, sive reciprocā. Qualis est, quod altum pro profundo dicimus, profundum pro alto, Gubernatorem pro Auriga, Aurigam pro Gubernatore, æquor pro campo, campum pro æquore, flores pro stellis, & stellas pro floribus, aliæque id genus. Venio ad Agapetum. *Παρίφρασις* non magis morari debet, quam *παρρησιαῖς*; quod apud Nazianzenum. Hoc à *συμπάν*, illud ab *ἑστῶ*, quæ *ἰσχυρὰ καὶ ὑψηλὰ*. Ut derivata *ἑστῶς*, & *ὀπίσθοις*, *παρρησιαῖς*, & *πλήρης*, venisset de Romano imperio: Interim vulgaria Lexica, præsertim ex posterioris ævi scriptoribus, compositis id genus verbis dictabit, qui volent. Eidem Agapeto, *Οἱ δὲ διὰ δόξα καὶ σεσηµειωμένοι* sunt excubitores. Nam comparationem facit Agapetus inter utramque fortunam, summam illam Imperatorum, & alteram vigilum, sive corporis custodum. Superest quod quæris de *ἐρυθρίᾳ πύλῳ*; qualibus Imperatores utebantur, etiam Occidentis. Nam uti calceis Mulleis, & soli quidem jam à tempore Aureliani. Mullei autem Calcei, qui Dioni *ἐρυθροῦ χροῦς*. Sed quia Agapetus, ad Justinianum Imperatorem scribit, de Constantinopolitanis solum videamus. Nihil enim certius, quam eos rubris usos calceis. Hinc Paulus Diaconus, Lib. XVI. *Ut agnosceretur ex rubris calceis.* Georgius Phronza Protovestiaris, Lib. I. cap. 17. *Suffragante Nobilitate Manuelem Imperatorem creat, cuncta calceamenta doncedit, successorque ab omnibus agnoscitur.* Hinc Gregorius, Lib. III. ait Alexium *ἐρυθρίᾳ καὶ ἰσχυρῶς χρῶματι*. Et Nicetas in Joanne Comneno, Lib. III. *ὡς πύλῳ καὶ ἰσχυρῶς χρῶματι*. Etiam Joannes Curpalates narrat Isaacum Comnenum fuisse Patriarchatu dejectum, quia gettasset *καυκάριον πύλῳ*, quippe quæ solius essent Imperatoris. Possum & alios adducere; in his Procopium, & Zonaram. Sed quia video te esse totum in Basilio Imp. illum potius advocabo. Ille in *παρρησιαῖς* ad Leonem filium, cap. 63. *Τὸν ποδῶν αὐτοῦ ἐρυθρίᾳ καὶ ἰσχυρῶς χρῶματι*. Hæc ut ad describerem, affectus compulit. Impensè enim faveo omnibus, qui bonam mentem amant, & ea jam ætate quæ tu es, benè de Rep. literaria mereri cogitant. Nihil tamen his meis magnopere fuisset opus, postquam ad vos, uti spero, jam salvus, ac solpes pervenit, ille æuli nostri Phoenix: quod cum dico, nihil puto addere opus, Hugonem me Grotium dicere, virum magnæ in patriam fidei, & quicquid est usquam mortaliū, multijuga doctrina supergressum. (Et tamen



tamen temporum hoc diffidio, habet Batavia, qui alibi, quam apud se vivere Heroem malint. Scilicet caligant eorum oculi, ad lumen hoc, cuius radiis perstringuntur. Non committes, quin eum meo nomine salutes. Quod eò addo, quia volo te perducere in notitiam tanti viri: Oraculum hic habebis majus illo Delphico. Non tam facile, tu difficultatis quicquam reperiēs, quam ille exsolvet. Foelix Hamburgum, cui nunc sol ille illuxit, foelicus si foelicitatem intelligat! Saltem capere debent, qui literarum studiis capiuntur. Sed ego nimirum, dum nonnihil me effundo in laudes ejus viri, arrogantiae crimen subeo, quasi existimem, fatis cuiquam virium esse, ad tollendum illum, qui supra omnem laudem est. Parenti optimo, & doctissimo Mag. Joachimo Damke, item Clarissimo Frederico Tiliobrogæ salutem plurimam dices.

*Amstelodami*  
clō Idc xxxii.  
vii. Id. Maias.

G. J. Vossius.

#### CLXX.

Arnoldo Comiti à Benthem.  
Steinfurtum.

Illustris & Generosissime D. Comes,

**E**T sublime fastigium domus vestræ, & humilitas mea, prohibent me morem non gerere postulato ulli, quod in vestræ spem gratiæ possim: Nedium tam æquum, tam facile liceat detrectare. Etenim magnum semper fructum studiorum meorum esse existimavi, favorem virorum Principum consequi, imprimis talium, quos non cæcus amor, sed iudicium, & intellectus scientiarum, ad æstimandos Musarum cultores duceret. Itaq; vel sola hac de me opinione, necessitas mihi imponeretur, quicquid præstare in tanti Herois gratiâ possim, promptè suscipiendi. Accedit meritum quoque, cuius sæpè mihi memoria obversatur, quod ante annos duodeviginti, ab illustri, & generosissimâ domo vestrâ, ut Theologiam profiterer publicè, ad Steinfurtense Gymnasium sum vocatus. Tanto magis elaborandum mihi intelligo, ut ne promptius commendasse ipse quemquam alumnorum tuorum videaris, quam ego ab Illustri adeo nomine, commendatos mihi suscepisse. Incitat etiam doctissimi Parentis, sed infœlicis, memoria, cuius causa adolescenti, quamdiu sibi ipsi curæ erit, non deero. Quamobrem sic existima, vel sponte me, &

hoc, & amplius velle. Solum rogo, sic persuasum habeas, non in minuto hoc solum; sed ubicumque tenues vires meæ navare utilem, Illustri nomini tuo, ac generosissimæ familiæ universæ, operam poterunt, fore me semper

*Amstelodami*  
clō Idc xxxii.  
Idib. Junius.

*Devotissimum Illustri nomini vestro, & ad quodvis obsequium paratissimum,*

G. J. Vossium.

#### CLXXI.

Philippo Paræo P. S.

**J**AM menses sunt duo, Cl. Paræe, cùm nostratium Typographorum uni dicerem, velle me, ubi nundinarum tempus instabit, quædam per eum ad te transmittere. Quod ego imprimis propter Ennium Columnæ dicebam, de quo amicum compellaram. Hodie jam eum, ante unam alteram hebdomadem discessisse intelligo, me penitus ignaro. Atque eo minus me convenisse, quia ad mercatum Francofurtensem, plenum sit periculis iter, ut nec sarcinas, nec res ulla, eò hinc advenire ausing. Etiam vereri, ne quid librorum ex Germania, aut saltem nonnisi maxima cum difficultate referre possint. Atque addebat Typographus, Amstelodamensis Janssonius Blau, absque eo fuisset, seipsum eo iturum fuisse, ut melius distraherentur libri, quos magno numero hac hyeme excudit. Quod si scribere ad te velim, id ipsa hac hora fieri oportere, quia ante vesperum nuntius esset abiturus; nec deinceps durantibus nundinis, scribendi occasionem fore. Ne igitur oblitus videar amicissimi viri, pauca hæc raptim malui exarare, quam penitus tacere. Ac primum de Columna meliorem esse occasionem expectandam. De Nonio certior fieri cupio; quando eum filius prælo subjicere cogitet. Velim enim priusquam ad notarum editionem sit devenit, quædam transmittere, quæ lucis aliquid, vel etiam medelæ, locis plusculis adferant. Et fortasse amicorum unum alterum, ad idem excitabo. Quod quæris de vocis Tropici significatione in sacramentis, cur eam non annotarim, in Oratoriis meis, causam accipe. Cum primum eas ederem, obtuli edendas Raphaelengio. Sed is, quod ante nesciebam, Romanæ Ecclesiæ placita sequebatur. Eoque cùm dissertationem super hac contineri Oratoris nostris intelligeret, gravatus fuit, opus hoc excudere,

excedere, quia negabat fore, ut in Brabantia, atque inter Pontificios, divendi liber posset. Resecui igitur, quæ ejusmodi forent, inque Commentationes transtuli Theologicas, in quibus fuscè de hoc argumento tracto. Tuam vero de hac re opinionem probo, quam satis clarè, in Rhetoricis proponis, solidèque adstruis. Quamvis & Pontificii in hac locutione Tropum adnoscant, sed non signi, verùm materiæ. Cum enim nos dicamus Panem, vocari Corpus, quia signum est Corporis; illum Panem vocari aiunt, quod sit Corpus, quia ex Pane est conversum. Plura velim: sed ecce jam interpellor. Quare absumpo, ne morer Tabellarium. Plurimam salutem eruditissimo à me filio dices. Vale egregie, ac Reverende Patre.

Amstelodami.  
clō Ioc xxxii.  
Post. Non.  
April.

Tuus totus, & tuorum,

G. J. Vossius.

## CLXXII.

Gerardus Vossius Jo. Cordesio S. P.

**P**Ecaturus eram, Clarissime vir, in humanitatem tuam, si diutius retinerem schedas tuas. Sanè nisi subitè sæpius occupationes ingruissent; non tam diu frustratus fuisset expectationem tuam, qui nostram prævenisti, in suppeditandis promptè adeo, quæ pro mea opinione, in Goteschalci causâ, faciebant. Equidem simulac negotia mea paulum expediero, decretum mihi (modo bona id tua venia fiat) in lucem dare, quæ in iis Epistolis, ad Heretici illius historiam pertinent. Nec parum enim lucis adferent iis, quæ ante annos quatuordecim, de hac re scripsi, in septimo operis mei, de controversiis à Pelagio, & Massiliensibus motis. Tuum autem publicè beneficium profitebor, non quod ita, merito me tuo parem rependere gratiam existumem, sed ne videar ingratus. Vellem tibi, aliqua in re, utilis esse posset opera nostra: quod si posse existimes, ostendam, ne promptius te petisse, quam ego præstare videar.

Amstelodami.  
clō Ioc xxxii.  
Kal. Sextilib.

## CLXXIII.

Guilielmo, Episcopo Londinensi.

Reverendissime in Christo Pater, Dom. Illustriss.

**N**Olui hanc qualemcumq; occasionem ad te scribendi omittere, quia & iniquum erat, quemquam certæ fidei sine meis Londinum literis vehire, & raro eorum, quos norim, proficiscitur quisquam. Et tamen nihil magnopere quod scribam occurrit: nisi valere me, ac familiam universam: ac res Hebræorum florentissimo publice auditorio docere: quod non modo frequentent adolescentes ad magna nati, sed plurimi etiam viri Amplissimi, ac ut ætate & dignitate, ita virtute doctrinaq; insignes. Ea res ut animos addit, juxta Poetæ illud, Excitat auditor studium: ita aliquid etiam incommodi secum trahit. Quanto enim plus in rebus Hebræorum, & temporibus iis, quæ Christum antecedunt, elaboro; tanto spissius ea procedunt, quæ ad Christianas Antiquitates pertinent. Si Deus mihi valetudinem & vitam diuturnam concefferit, spero me in utrique operæ pretium facturum. Et jam distineor utrique: Sed non ut prælo adhuc subjecerim, quod longe minoribus fervet. Puta Commentarii Linguae Latine: pars eorum est vel Historia rei Grammaticæ, vel excellentium Grammaticorum Censura: pars vero, origines complexa, fontes totius Linguae referat & recludit. Et comites erunt libri de Re Poetica. In quibus aliquid ausus sum post magnum Cæsarem Scaligerum. Sed utcumque in his, & aliis, non plane mihi, longeque minus mei amantibus displiceam: dicere tamen non possum, quàm mihi hoc doleat, quod inimici mei superioribus annis me ista magis tractare compulerint, quam unde longe amplius fructus ad Ecclesiam redundaret. Ut illa sunt quæ de Hebræorum & Christianorum rebus meditor quotidie. Nunc orationem inauguralem, ante aliquot menses à me habitam mitto: Non quasi dignam lectione tua existimem, sed quia nihil tam magnum, tam minutum à Vossio proficisci debet, quin tu Illustrissime Domine ejus particeps sis. Et hoc tantum vadimonium me obstringo, majora me tibi in posterum oblaturum. Vale.

Amsteloda. clō  
Ioc xxxii. Prid.  
Id. Majæ.

Reverendissimi & Illustrissimi  
Nominis tui cultor devotissimus,

G. J. Vossius.



## CLXXIV.

S. P.

Quid hoc, summe vir, summe idem amice? Serione ambigere te, ecquid ejus nominis ac doctrinæ Scriptorum tuorum mittere mihi ausis? O quam mihi mens alia! nihil mei tam minutum, quod non ausim communicare. Quam vore id dicam, vel hinc vide. En tibi *ἀντίδοτον*, sed quale Diomedes Glauco: puta horæ unius dissertationum pro dissertationibus tot dierum: commune argumentum pro sacro: paucas pagellas pro pulchro volumine; ut alia ejus generis mittam. Sed tamen ne depudiisse me dicas, conditione ea mitto, ut ignoscas quod tanto inferiora tuis ausus sim mittere. Atque ut facilius hoc impetrem, non vereor addere, majora me destinare propediem divulganda: quæ nominarem nisi hærerem ambiguus unde potissimum velim auspiciari. Quod si excurrere ad vos dabitur, de eo jucundum fuerit tecum consultare, disputationes tuas, quos miseris avidè legi, et si occupator quam vellem. Argumentum pro temporibus nostris pene vetus. Sed video te sedulo observare illud antiquorum, *τὸ μὲν καὶ ἀντιπαραστήσειν, τὸ δὲ καὶ ἀντιπαραστήσειν*. Nam & cautius multa ponis & solidius firmas. Ut de genio taceam, quo hæc tractes. Præsertim ubi res cum pontificiis, qua in Palæstra hodie dominaris. Testis tuus Catholicus orthodoxus, quem quoties in manus sumo, toties, quod discam, reperio. Hæc ut possis, multum quidem post Deum naturæ dotibus debes: sed enim non minor illa felicitas, quod, præter temporis nostri morem, sic veteres legeris Ecclesiæ doctores: quibus, quantopere ipse ab adolescentia capiat, coram aliquando me dicere commemini. Accedit, quod sic evolvas doctores eos, quibus se Romana tantopere jactat Ecclesia. Et hos, & priores illos multum è nostris ad partes advocant frequentes, qui, si verum dicere licet, satis in iis legendis sunt infrequentes. Nimirum neque adeo fungos putant se cæteros, ut non animadvertant, eosne, quorum labores adducunt, ipsi legerint, an ab aliis lectos memorent. Atqui ut eundem si arcum tendant Hercules & Iolaus, vel, si lubet puer hujus, utcumque neutrum cernas, eos ex telo misso discernas: ita cum eadem à duobus scribuntur, non operosum est dignoscere, ecquid ab scriptore dicatur, an exscriptore. Quanto autem magis in iis, quæ habemus, placuisti præ aliis multis, tanto avidius cætera, de quibus dicis, expectabo, ac præsertim illa in Genesin: unde auspicandum mihi, qui vestigiis Sul-

pitii Severi velim insistere, nempe novum munus à rebus ordior vetustissimis. Scis enim ut cum Civili doctrina mihi omne ævum sit emanandum. Quæ provincia cum latissime pateat, maxime insistam rebus Hebræis, Græcis, ac Romanis. Nec dubito quin in eo facile tibi probaturus sum consilium meum, nam sola Hebræorum Historia incipit à mundi incunabulis: sola Prophetas auctores habet: sola, præter novi fœderis historiam, pietatem veræ Religionis docet. Sola etiam quater mille annos, vel, si ab Abrahamo ordiri visum, bis mille annos complectitur. Tantum enim est ad captam à Tito Hierosolymam: Hebræis, uti aiebam, proxime, quem admodum apud vos soleo, subdam res Græcas & Romanas. Nec enim extra res Hebræas, ulla est Historiarum, quæ meliora, vel uberiora, prudentiæ, justitiæ, fortitudinis, aliarumque virtutum exempla præbeat, quàm Græca & Romana. Græcaque tanto fructuosior, quanto imperium Græciæ similis est nostro. Romanæ autem hæc gloria est, quod ea gens arma circumtulit per totum pene orbem, & dominata sit annis amplius mille & ducentis, ac tot nostri temporis imperia enata sint è Romano. Ut vides, totius orbis historiam enarraturo in tribus hisce imperiis maxime pes erit figendus. Neque hæc opera nostra vobis Lugdunensibus incommodabit, sed commodabit magis. Nam deinceps ut ætate majores, ita majori etiam doctrina ac prudentia Academiam tum vestram tum exteras accedent. Et quid melius his terris, quam cum neutiquam invidæ sint Musarum fores, si non unis deinceps mœnibus sapientiæ studia concludantur, sed alibi etiam vigeant florentque. Me quidem consilii mei necdum poenitet, præsertim qui, hæctenus saltem, tam frequenti præstantium virorum doceam auditorio. Archiepiscopi Usserii labores vidi ac legi, & jam per literas ei gratias egi, quod tantæ dignitatis vir eruditos suos labores nomini dicavit nostro. Nam quod de Godschalco nonnihil dissentit, id minime me movet. Sunt illi summo viro causæ suæ, sunt item mihi meæ. Sufficit, quod uterque amplectamur Augustini sententiam. Nec tanti est, utrum eam sit affectus Godschalcus. Mihi sic secutus videtur, ut aliquantum excesserit. Atque hoc vidit Rabanus Maurus, magnus sane vir, vidit quoque Synodus Moguntina, quæ Godschalcum damnavit. At fuere in ea complures Augustinianæ sententiæ & intelligentes & retinentes. Nec unquam per omnia eum tueri ausus Remigius, vel qui Lugdunensis Ecclesiæ nomine scripserunt. Tantum conqueruntur, quod, ut exorbitavit Godschalcus, non

eo debuerit damnari sententia aliorum, qui se intra effata pomœriaque veritatis continent cum Hipponensi illo antistite. Quid multis? puto quæ de Godscalcio inedita in bibliothecis quibusdam asservantur, fidem faciant, me verissima dixisse: ea ubi accepero, faciam te certiores. Magnopere de eo gaudeo, quod de Salmasio scribis. Scis optime quanti eum virum semper fecerim. Sane non alius est in Belgica, qui toties scriptis suis eum celebravit, jam ab annis aliquot, præsertim opere de Historicis tum Græcis tum Latinis: optarim tantum doctrinæ communi illi amico nostro, qui scdè adeo eum depresso. Mihi simulac pedem his in terris posuerit, animus est uti illo amico ac familiari. Quod communi, ut spero, bono fiet, saltem meo & publico. De Aurelii excessu nihil hætenus inaudieram. Valde de eo doleo, ob veterem studiorum conjunctionem, de transmissio ejus Jobo maximas gratias ago. Exemplar alterum ad Senatorem Casimbrotium mittam. Nec enim in Batavia quemquam illo ac me habuit conjunctionem. Ac jam ab annis prope XL. triga quasi amicorum fuimus. Si viduæ vel ipse, vel conjux tua rescripserit, gratias ei meo ages nomine, atque adeo & Casimbrotii. Id enim eum scio velle. Qui, nisi celerius, quam optasset, Jobum Lugduno remisissimus, suis cum sumptibus hic edere decrêrat. Facile cogitare potes quàm id gratum accidisset Aurelio nostro. Sed id ego demum cognovi, postquam jam in itinere erat Molinæus per quem exemplar remisimus. Sane ut cætera mittam, typi, si hic editus foret, non paulo essent venustiores. Vale vir præstantissime, tuarumque virtutum cultorem perpetuum in posterum quoque ama. Uxori salutem.

*Amstelodami. Tuus sine fūco more majorum,*

G. J. Vossius.

#### CLXXV.

Vir Illustrissime,

**N**ihil mihi gratum æque accidere potuit, quam quod cognovi tanti me ab illustrissimo Skytio fieri, ut ex parte mei quoque causa filium suum in Bataviam dimitteret. Certe non injuria de tanti viri opinione triumphari mihi posse videor, cujus æstimatio eo apud me major, quod non cæco amore studia, aut eorum cultores prosequatur, sed ipse non levem quoque hic gloriam vindicare

sibi possit. Equidem inhumanitatis merito damner, si obsequi viro summo recusẽm. Nihilominus duram necessitatis legem esse ipse nosti: obstant hinc ædium angustia, inde conjugis gravis semper valetudo, & numerosa familia: ea tamen omnia pensare & studia generosi juvenis, ubicunque potero, juvare decretum, movet me non parentis solum, non tua tantum (quam semper feci maximi) commendatio, sed & desiderium operam utilem navandi illi, qui quondam Sueciæ regno, qua opera, qua consiliis professe poterit. Faveo genti illi, & si quicquam, certe ego addictus fui, cui nihil magis in votis, quam ut magni Gustavi grandia molimina secundare supremum numen velit: ipse humilibus Deum precibus, pro eo rogare nunquam desinam. Tibi interea vir illustris, omnem animi cultum & ubi servire tuis commodis potero, obsequium, & nunc, & in perpetuum offerre non supersebo. Vale.

*Amstelodami.*

*Illustris nominis tui devotus  
cultor,*

G. J. Vossius.

#### CLXXVI.

Justo Reifenbergio. S. P.

**A**MO te, mi Reifenbergi, ob communem patriam: magis tamen ob niveum pectus, & egregiam eruditionem ac facundiam, quæ abunde elucet ex orationibus nuper editis, quarum ad me specimen transmisseras. Respondere tum neglexi, partim adversa meorum valetudine detentus, partim occupationibus multis. Postea etiam iter meum in Angliam accessit. Redux jam orationes omnes editas comperi. Ac priori specimen alleetus etiam cæteras legi. Profecto non est quod judicium virorum præstantium reformides, nugatorculos vero contemnes. Scis illos qui divulgant aliquid, non intelligentes solum habere censores, sed etiam fungos, instar eorum qui ædificant in totius populi conspectu. Nostri interea nihil prodiit, præter Oratorias longe auctiores & limatiores. Nempe subsecivis temporibus, lubens in omnibus meis hoc facere soleo, ut quæ prius fugerant corrigam, quæ deerant suppleam. Qui has literas tradit, est Guilhelmus Simonius J. C. ac Regii apud Suecos judicii in Livonia, Carelia, & Ingria adfessor, vir optimus ac doctissimus, ac filius ejus Simonii qui



qui Eloquentiæ professor magna cum laude fuit, prius in Rostochiensis, posteaque in Upsalienti Academia. Hoc nomine etiam tibi gratiorem fore arbitror, qui ipse Eloquentiæ studio egregium jam nomen parasti. Amstelodamum me commigrasse, fortasse jam aliunde intellexeris. Consilii hujus causas perscriberem: sed vix ista subito in chartam licuit conjicere. Nam Simonius noster uti hodie Lugduno venit, ita confestim Frisiam cogitat, ut præstantes Franckeranæ ac Groningenensis Academiæ animas videat coram. Et in his te, mi Reisenbergi, spero alias fufius tecum per literas colloquar, interim me amare perge, peramantem tui: five salve ab eo qui perseverabit esse amicus, imo & cultor nominis tui.

*Amstelodami.*

#### CLXXVII.

*Præillustri ac generosissimo, D. Joanni Skytte, Ger. Jo. Vossius S. P. D.*

Illustrissime Domine,

**S**I gratulor mihi ipsi, quod tanta studiorum meorum apud te æstimatio sit, merito certè faciam. Ut enim mittam honorem summum, qui ea re mihi tenuis conditionis homini à tam illustri viro contingit: Quanti me facere existimas vel solam opinionem ejus qui de eruditione omni accuratè aded judicium ferre possit? Nec satis visum fuit si tuis ostenderes literis, quam benignè de me censes, hoc est, ut ego interpretor, plane supra meritum meum: documentum etiam addere voluisti, quo non certius aliud optare unquam potuissim: quippe qui filium mihi commendes tuum. Equidem qui parentum in liberos affectum ex meo facile metiri valeo, planè nefas duxerim dubitare, quin & tibi supra omnes gazas carissima tua pignora sunt. Præsertim qui non ad propagandam solum familiam ea genueris: sed in spem etiam publicas Sueciæ res administrandi. Unde duplex meritò tibi cura, ut & tanto parente, & dignitatibus summis digna sint. Mittis autem filium ea ætate, quæ maxime idonea est, ut sapiendi dicendique scientiis imbuatur. Atque ego quidem jam brevi hac consuetudine satis perspexi, animum ejus nihil minus esse quam degenerem, sed potius ad honestissima quæque mirificè accensum: ita ut nihil mediocre deinceps ab eo expectare debeamus. De affectu vero erga illum meo atque opera, vir illustrissime, quid ad-

dam? Sueciæ regnum florentissimum, cui votis meis semper favi, hortatur me, ut, quam optime possim, mereri de illo velim, qui quondam perutilem patriæ sit operam navaturus. Movet tua, vir illustrissime, commendatio, cui non obsequi nefas duxerim. Admonet denique ad maxima quæque erectus generosus adolescentis animus: quales ut magni semper feci, ita in illustri adeo loci natis admirari etiam soleo. Itaque nihil plane est, quod de studio hic meo dubitare possis. Ego ubicunque illum discendi invenierim cupidum, instruendi labore non fatigabor. Ut saltem hac ratione, quando alia necdum datum est, servire Sueciæ, & tuis, vir illustrissime, commodis possim, cui obstrictum me & nunc, & deinceps semper, pro humanitate hac fatebor.

*Amstelodami.*

#### CLXXVIII.

*Isaaco Basirio.*

Ornatissime Basiri,

**S**I oblivione tui longo adeo tempore scribere me distulisse existimas, injuriam facis constantiæ meæ; si negligentia, occupationes meas ignoras. Quæ certè majores sunt quam verbis exprimere ullis possum, & sæpe quo me veritam nescio, à mane ad vespertinum modo amici, modo exteri interpellant, modo eorum literis obruor, ut cui respondeam, quem differam, vix ipse certus sim. Et sic mihi sæpe non dies, non hebdomadæ, sed integri quoque menses abeunt, ita ut destinata perficere, licet invitus, prohibear. Jamdudum quippe rescribere tibi decreveram: affectus siquidem in te meus nunquam minor est, atque antehac fuit. Quemadmodum enim non facile amore prosequi soleo, nisi quos dignos existimo, ita quoque ubi semel amare quemquam coepi, non desultorius meus affectus est. Te ut dignum amore complexus fui non perfunctorio, ob ingenii tui felicitatem, neque minorem ingenio eruditionem: Unde nihil vulgare expectabam. Publicè quoque ea opinione dignissimum te satis ostendisti, quæ disputationibus, quæ aliis in Academia nostra exercitiis; eoque ego, cum rarè egregia ingenia ad virtutem animum adpellere videamus, te quod supra vulgum sapieres, semper feci maximi. Qua in sententia si perseveraveris, ut summis viris te commendabis, ita magnis quoque passibus amorem meum augmentum ibis. Nec dubi-

dubitare possum, quin & talis persistas, qualem te ante cognovi: vix enim mihi persuadere possum, eum qui in adolescentia sua ad magna summis viribus contendit, nunc firmato quoque cum ætate iudicio, degenerem fore. Si itaque vera auguror, est quod gratulari & tibi possum & mihi: tibi quod collatis à natura dotibus, bene utaris; mihi quod non temere te æstimavi. Perge modo & nullis parce laboribus. Sic tandem sæculi nostri lumen evades. Sine illis consequi ægrè datur, & ubi affectus fueris, gloriosum est. Audi ingentem illum Demosthenem. Καλὸν μὲρ, inquit, ἡ διὰ πῶτε ἐν τοῖς ἀνδραγαθῶν δαμνέσθαι, πολλὸν δὲ ἄλλων διὰ τὴν ἐπιμέλειαν τῶν αὐτῶν μέρους οὐδὲν ἀμείων γινέσθαι. Tu si velis, potes: at velle & posse, satis ante ostendisti: itaque adhortari diutius nolo, ne de studio tuo diffidere videar. Quod minime facere me patitur ardor summus ad honestissima quæque quem ante in te perspexi. Quin & non vana me sperasse, ex compluribus intelligo, qui egregiam mihi virtutem tuam prædicant. Me nunc Amstelodami vivere, aliunde credo cognoveris. Nimirum urbis ejus procures luculento me stipendio vocarunt, ad Historiam ac Politicam publice profitendam, in illustri Gymnasio. Cujus mihi pulchrum erit fundamenta jacere, uti & Collegarum aliis, quos partim jam vocarunt, partim vocare decreverunt. Plus quoque hic otii spero ad consignanda ea, quibus & de hoc & venturis seculis bene mereri possim. Nec minus interea amicis in tam potenti urbe utilis fuero. Quod si qua in re prodesse etiam tibi, mi Basiri, possum, nusquam operam desiderabis meam. Tu tantum quid exoptes, significa. Imo ut nihil istiusmodi occurrat, literis tamen compellare ne intermitte, quas mihi gratissimas semper futuras spondeo. Vale.

Amstelodami, vii.  
Kal. Quintil.

Tibi addidissimus,

G. J. Vossius.

#### CLXXIX.

Ornatissime Brouneri,

NE diutius eludam expectationem tuam, etsi occupatissimus, mitto tandem, quem petieras, Indicem omnium eorum, quæ continentur Politicis Justi Lipsii. Summi sanè viri, cujus de civili prudentia libros initiis istius studii tui Civilis maxime accommodatos existimavi, idque non solum ob brevitatem atque ordinem, sed etiam ob tot

laudabilia dicta, ex quibus, sedula instar apis, suum hoc mellificium confecit. Tuum nunc erit sapius eos lectitare, quò tot aureæ sententiæ penitus animo inhæreant. Illustriores etiam γράμματα & exempla præclara, quæ legendo deinceps observabis, vel ad oram, vel charta inserta, è regione suo quoque loco annotabis. Ità deinceps suâ sponte oculis se offeret tuis, quicquid variè adeo dispersum repereris. Simul dum quæque memorabilia chartæ inscribes, etiam animo inscribes. De cæteris coram colloquemur à feriis nostris. Vale, & sapiendi dicendique studia sociare perge. Ità tuis eris voluptati, & uberes aliquando ex te fructus capiet Res publica.

Tuus,

G. J. Vossius.

#### CLXXX.

Jo. Skyttio, Seniori.

Illustris Domine,

ÆGrè me à filio tuo divelli nullus mirabitur, cui ita atque mihi ejus mores atque indoles introspectæ sint. Quippe dignissimum eum illustri adeò parente, dignissimum tua commendatione comperi. Est in eo erectus ad honestissima quæque animus: est doctrina, iudiciumque supra ætatem; uti & cætera omnia longe supra hominum vulgus. Accedit, quam in eo summam animadverti, doctorum virorum æstimatio. Equidem felicem, illustris domine, qui non modo ad tantum virtutum, tantum dignitatis fastigium perveneris; verum & liberos expectationis non minoris genueris. Felicem, dum te, illustrissime Domine, fruitur, Sueciam; felicem expectatione liberorum tuorum. Ego quidem haud secus quam aquileges ex vapore ascendente aquas latere conjectant, ita ex generosi filii tui indole maxima quæque prælagio. Et qui alius esse possit? Illo parente natus, & inspectorem ejusmodi habens, qualis est D. Simonius, in quo si magna est eruditio, majus atque acre iudicium reluet; si iudicium exactum est, probitas morum, vitæque integritas multò maxima est. Verissimè dico, plus in recessu habere eum, quam in fronte promittit: & paucis ut absolvam, est, quicum lucere in tenebris, ut vulgò dicunt, possit. Quò magis tuam, illustris domine, prudentiam admiremur, qui cautè ac circumspicè adeò hac in



re procefferis. Nihil enim æquè in lubrico quam adolescentia est. Et quæ semel hausit, firmiter retinet. Quamobrem nulli prudentius agunt, quàm qui viris indubitata ut probitatis, ita prudentiæ ac eruditionis liberos suos commendant. Te, illustrissime vir, cuncta hæc in Simonio habere, etiamsi negare vellem, tamen tacitè mecum crederem. Itaque dignus ille filio tuo, dignusque illo filiis tuis. Qui si tales porro duces habeat, erit quondam quò se jactare Suecorum universum regnum possit. Ego pro viribus meis, pro exiguo adeo tempore quo apud nos moratus est, quod potui feci, majora si occasio tulisset præstiturus. Quæ si unquam detur, ostendam ille paratum ubique navare operam illustri familiæ Skyttianæ, illi nimirum dico, quæ Sueciæ regno ceu felix aliquod astrum, illuxit. Te interea, illustris domine, ut diu supremum numen servare sospitem velit, unice rogo. Quo non regni tantum publica commoda, sed etiam studia, (quamvis & illa non levem regnis utilitatem adferant) quæ passim jam aliis in gentibus vilescent, in Sueciæ Regno, tuo beneficio asurgere, uti cœperunt, possint. Et Te, uti Suecorum gentes ob impensam Regno operam mirabuntur ac colent, ita perpetuis & nunquam intermorituris monumentis universa literaria Respublica posteritati commendatum eat. Ita sane voveo atque auguror. Vale.

*Amstelodami.*

*Illustrissimi nominis tui cultor  
devotus,*

G. J. Vossius.

CLXXXI.

Erycio Puteano, S. P.

**V**ellem, Amplissime Puteane, quoties aut res meæ ferunt, scribendi ad te occasio daretur, aut quoties occasio datur, res meæ ferrent. Sed sæpe contingit, ut, me occupato, nuntii veniant, sæpe ut otiosus nuntios desiderem. Hinc fit, ut rarius, quam pro voluntate mea, ad te scribam. Nam quoties ad animum occurrit antiqua illa, & ætate nostri utriusque coalita amicitia, dicere nequeo, quam te alloqui desiderem, cujus amorem erga me semper sum exosculatus, ac cujus eruditionem & dotes alias quo magis considero, impensus miror. Hinc sæpe fit, ut etiam materia atque argumento destitutus, tamen confabulari tecum & jucundam veteris

nostræ consuetudinis memoriam recolere cupiam. Ita igitur prompto, commodum scribendi occasio offertur, eunte ad vos necessario ac propinquo meo Joanne Corputio, filio affinis mei, Amplissimi viri Jacobi Corputi, ante in Procerum Dordrechtanorum ac nuper in præfectorum rei maritimæ Collegium Rotterodami adlecti, olim sub Orydrio ac Rekenario condiscipuli utriusque nostri. Putarunt cordatissimus is parens & ornatissimus ejus filius (qui per Brabantiam in Gallias tendit, eaque occasione Lovanium vestrum & excellentes ejus viros conspiceret exoptat, aliaque quæ urbs habet imprimis memorabilia) non aliunde posse melius de omnibus cognosci, quam ex te, neque te consilio solum, sed si opus sit, etiam commendatione posse adjuvare: itaque licet, propemodum nihil scriptione dignum haberem, nedum satis grave interpellandis occupationibus tuis committere tamen nolui, quin & tu memorem me amicitiae nostræ, & illi, quibus optime velle debeo, facilem me amicis viderent. Sed, quod penè omiseram, ut nostram quoque rem gnarus sis, opus nostrum Grammaticarum exercitationum, quod ante annos xxx. & amplius scribere offi eramus, tandem prælo subijci coepit. Filius meus Dionysius, cui nihil ab longo tempore jucundius & exoptatius contigit literis tuis, & iis, quas eodem tempore ab doctissimo Tuldeno acceperat, Latine reddidit annales Belgicas Reidani. Quæ tractatio cum à magnatum multis admodum expeteretur, hac ipsa hebdomade excudi coepit Lugduni. Atque eidem decretum, Cæsarem, scriptorem sibi persfamiliarem, plurimis locis à se castigatum, ac notis illustratum, edere in lucem. Eam ad rem usus est uno alteroque Manuscripto, & editionibus vetustis, ut de variantibus Fulvii & aliorum lectionibus nihil dicam. Sed enim impensè desiderat plurium Manuscriptorum copiam, & jam aliquorum ei spes facta. Non dubito, quin apud vos qua publicis, qua privatis Bibliothecis inveniantur. Quocirca si unum alterum calamo exaratum exemplar Cæsaris nancisci, ac transmittere ad nos possis, sanctè spondeo, optimâ fide redditum iri. Sin mittere huc non sinatur, proximum est, ut per Adolescentem quempiam conferri cures: modo tanti codices illi videantur Sumptus. uti æquum, refundam. Horum alterum si consequi filius possit, obstringes non illum modo, sed me quoque, qui quicquid liberis meis sit, mihi præstitum existimo. Vale Amplissime vir.

*Amstelodami.*

*Tuus,*

G. J. Vossius.

LCXXXII.

## CLXXXII.

Hugoni Grotio S. P. Hamburgum.

**H**æc qui literas tradit, est Joannes Ludovicus Wolzogen, liber Baro in Nieuhäusen, Austriacus, qui septennio exulavit, priori quinquennio in Polonia, cætero biennio Amersforti. Vir & virtute doctrinaque egregius, eoque nomine bonis omnibus carus. Mathesi se totum pene dederat; sed nusquam solacium præterquam in sacris literis invenit. Cum familia in Germaniam nunc revertitur. Nec ei quicquam volupe adeo, quam si Hamburgum transiens, occasionem habeat compellendi tui, quem facile intelligit doctrinarum Principatum tenere, & documentum esse virtutis constantis licet infelicis, nunc tamen ut speramus, malaciam post tantas tempestates promittentis. Spem eam præbent Suecorum Regis virtus, & felicitas, & magnus erga te affectus, ut si Principi extero addicere operam debeas tuam, sanè non alteri illam melius in Germania præstare possis. Sed fiet hoc non sine multorum dolore, qui & tibi, & patriæ optimè volunt, his, & nonnullis qui si non optimè, saltem nec malè velint, cre... mihi dissertatio, de postremo hoc discessu tuo: quem apertè improbare non verentur. Plerique etiam, quod cum is sit Reipublicæ nostræ status, credideris hic posse te sedem figere, absque illorum comprobatione qui ad clavum federent. Negare soleo eos intelligere, quo animo veneris aut abieris. Jam annos effluxisse tam multos, optimam ætatis partem, quò Patria careas: Effluxisse simul, tot bonas occasiones quibus optimè potueris consulere, & tibi, & familiæ tuæ. Iniquum poscerent, ut ulterius differri eas velint. Nam quousque tandem? An in effectam senectutem, idque in hoc vitæ incerto? Venisse igitur te, ut Patria, si vellet, opera tua uteretur, potius quam exteri Principes. Hanc illa... ac deinceps damnum quod inde sentiat, non tibi, sed sibi imputetur qui hac etiam parte fungi volueris officio optimi civis. Tantum opus est salutari *divinitus*. Si non ferat præsens status, ut publico fanciatur decreto, saltem ferre, ut conniveatur in iis, quæ cum dispendio Reipublicæ, & libertatis constituta: Vel si nec illud quidem ferat, alibi quam hic te malle vivere. Nec vi... verti oportere, si ita credideris, cum id longè à Patria agenti perscripserint, qui hic agerent. Si quid igitur temerè speratum, culpam esse eorum, qui aliter statum hujus Reipublicæ tibi depinxerunt. Sed ut ista, & multa illiusmodi, quæ longum sit adscribere, bellè dicantur à me, tum etiam vere:

tamen & mea, & aliorum me prudentiorum in eo perstat opinio, antequam operam extero Principi promittas, cognoscendum, an non bona cum venia vivere apud nos possis. Nihil volunt posci, quod sapiat... nem culpæ quæ cares; Imo ne quidem tentari aliquid, antequam satis sit perspectum fore, ut impetretur quod petitur. Eoque ante cæteros, nos certissimos esse debere, de propensissima voluntate *te proinde laudare*. Quæro mihi veniam da, mea anima, si exposcam, ne ullis injuriis te abripi finas, ab eo quod tibi, Patriæque & utile, & honorificum imprimis fuerit; interea utrumque hoc facere non desinam, & causam tuebor quod virtuti debeo tuæ, & amoris nostro: Et Deum simul precabor, ut salubria tibi consilia inspiret, pristinamque animi lenitatem, quam propriam hæctenus, tot injuriis pressus, possedisti, deinceps etiam conservas. Ex ædibus Georgii Doubletii, tui valde ut debet æstimantis, qui & salutem adscribi jussit. Salutem uxori ac filio.

xxv. Augusti,  
clb lcc xxxii.

Tuis,

*Dum spiritus hos regit artus.*

## CLXXXIII.

Hugoni Grotio S. P. Hamburgum.

**M**E nec filere æquum puto, nec longas dare literas opus, eunte ad te Heroïna dimidio tui; quæ curatius cognoscenda cuncta expediet, quam per literas ego facturus essem. De rebus tuis nihil æquè scripto opus, quam summos, & viros, & amicos eandem retinere sententiam: nimirum rectè facturum te, si Proceres scripto compelles, sedem ut tibi in Batavia dent. Sed facillè assentiunt; id antequam fiat, videndum, an Princeps fidem dare velit, effectum se daturum, quantum in se sit, ne repulsum feramus. Alioqui ille si impromptior, o quanto satius fiderit, ut opera utatur tua magnus Suecorum Rex, vel alius Principum Europæ: dummodo ne unus ille quem dicere non sustineo. De quo quid fieret, valde metuo, ne unus ille dies magnorum esset malorum causa. Non possum plura scribere, quia ad hoc usque tempus me Isaacius Pontanus distinuit, vir tui amantissimus, & jam ex famula mea intelligo, tuum ab initio parare, quam & salutare, & has literulas tradere coram volo.

*Amstelædemi.*

clb lcc xxxii.

LXXXIV.



## CLXXXIV.

Hugoni Grotio S. P. Hamburgum.

**J**ucundissimum fuit de prospera valetudine tua cognoscere, ex optima, & cordatissima tua uxore: quæ salva, ac sospes huc venit; & hinc Hagam abiit nudiustertius, pridie nempe non. Octobr. Die uno altero ante eodem ierant, Vlamingius, Bickerus, & hujus urbis Procerum alii, audituri Legatos hostilis Belgicæ de Pacis conditionibus. Accepi his diebus literas Merici Casauboni tibi inscriptas, quas mitto. Lamerius jam dudum à me habet tuum pro veritate Christiana codicem, in quo plucula, & correxeras, & addideras, & jam majusculis excudere literis cepit. Commentariorum meorum de arte Grammatica, primus jam liber est excusus, & penè secundus. In Reidano vero, quem Latine reddidit filius Dionysius, nono nunc libro fervet prælum. Hæc paucula nunc scribenda putavi, eunte ad vos optimo, & ornatissimo viro, Matthiæ Ecclesiæ inter Remonstrantes; qui Hamburgum proficiscitur, ducturus ibi uxorem, cum maximis opibus.

*Amstelodami.*  
clō Ioc xxxii.  
Postr. Non.  
Octobr.

Tuus totus,

G. J. Vossius.

## CLXXXV.

Simoni Bellimontio.

**E**TSI non nescirem, Amplissime Bellimonti, quantæ occupationes te, cum alias semper, tum hoc imprimis tempore, distineant: Non eas tamen veritus sum, interpellare. Novit me hic, quem vides, Manasses Ben-Israel, vir doctus, & probus, utinam Christianus. Sed quamvis Judæorum nobis plerumque infestius genus est; hic tamen non paulò nobis benevolentior; Imo ut multum commodare Christianis potest, sic etiam cupit: Itaque hoc nomine nonnulla etiam invidia laborat apud suos. At tanto mihi gratior, qui eo utor penè familiariter; magis etiam filius Dionysius, non sine emolumento literarum Hebræarum, quamvis jam ab sexennio, ut nostis, studiosus fuit. Porro cum Vir is intellexisset, mihi quoque aliquem in amicitia tua locum; rogare non dubitavit, ut significare tibi vellem, quid de se

mihi videretur. Id solum scire te volui; nec ultra distinebo. Salutem uxori, & familiæ plurimam.

*Amstelodami.*  
clō Ioc xxxii.  
Postr. Id.  
Novembr.

Tuus totus,

G. J. Vossius.

## CLXXXVI.

Guilielmo Episcopo Londinensi.

Reverendissime in Christo Pater, Domine Illustrissime,

**Q**UAS ad me dederas literas, duobus post mensibus accepi, & jam prope tantundem temporis effluxit, ex quo mihi redditæ fuerunt. Nimirum quia petieras; ut plenius aliquanto sententiam meam de Godschalciana Controversiâ exponerem: expectandum putavi, usque dum quædam hæcenus inedita ad hoc negotium pertinentia ex Gallicæ Bibliothecis accepissem, & cum curâ legissem. Utrumque nunc feci sedulo: sed sic quoque perstat animus in iis, quæ ea de re ante annos xiv. complexus sum Historia de Pelagio & aliis, qui litem de gratia & libero arbitrio moverunt. Qui verò hac parte à nobis dissentiant, quod pace summorum virorum dixerim, non satis mihi attendere videntur, quinuplicem, olim de Gratia ac Prædestinatione sententiam fuisse. Media in his communis illa Patrum priorum, ipsiusque etiam Augustini, priusquam cum Pelagio certamen susciperet. Hæc ut res docet, & Augustinus passim contendit, non comitantis modo in subsequenti, sed prævenientis etiam Gratia necessitatem fatebatur. Circum hæc sententiam quatuor sunt diversæ: duæ extreme, & totidem inter extremam medianque interjectæ. Extrema una Pelagii fuit, qui sic arbitrium hominis extollebat, ut necessitatem Gratia negaret. Altera erat Prædestinationariorum, qui sic Gratiam prædicarent, ut non esset libero arbitrio, eoque nec monitis aut poenis locus. Inter extremam Pelagii, & median Catholicorum veterum interjecta fuit opinio Genuensium, & Gallorum quorundam, præcipue Massiliensium: qui putabant non posse nos sine gratia salutis negotium perficere; posse tamen illud absque gratia incipere. A Pelagio igitur hæcenus abstant, quod gratiam esse necessariam agnoscerent; at in eo conveniebant, quod non necesse sit nos à gratia præveniri: unde hi reliquæ Pelagii, vel etiam Sempipelagiani sunt vocati. Inter extremam Prædestinationariorum &

& mediam veterum Catholicorum erat illa B. Augustini, qui cum Patrum prioribus agnoscebat gratiæ prævenientis necessitatem: sed ut eam fortius tueretur, illud super addebat, fluere hanc ab absoluto salvandi decreto. Hac de Augustini lacinia quadruplex fuisse olim iudicium invenio. Nam ut de Pelagianis & Semipelagianis nihil dicam, etiam Catholicorum nonnulli, qui in cæteris assentirent Augustino, hoc caput, ut novum, falsum, periculosum respuebant; ut liquet ex Epistolis Prosperi & Hilarii ad Augustinum. Alii damnare non audebant, sed tamen putabant vel plane incertum, ac potius reticendum, quia multi adeo eo offendeantur: vel saltem non planè certum, de quo idcirco modeste inter eruditos posset disquiri. De priori liquet, ex iisdem Epistolis. Ad posterius fortasse referre illud liceat, quod Cælestinus Papa scribit extremo capite eorum quæ ad Galliæ Episcopos de Dei Gratia misit: *Profundiores difficultatesque partes incurrentium questionum, quas latius pertractarunt, qui Hereticis restiterunt, SICUT NON AUDEMUS CONTEMNERE, ITA NON NECESSE HABEMUS ADSTRUERE.* Quia ad consistendam gratiam Dei SATIS SUFFICERE CREDIMUS, quicquid secundum prædictas regulas Apostolicæ sedis nos scripta docuerunt. Tertium genus, caput illud Augustini strenuè assererat: sed ita assererat, ut arbitrii libertas, Monitorumque & Correctionis utilitas non everteretur; nec cum priorum Patrum doctrina pugnaret. In his B. Prosperum Principem reponimus, præclaraque etiam opera Scriptoris de Vocatione Gentium. Denique aliqui solum attendere, quæ B. Augustinus de Gratia è Scripturis attulisset, & quomodo ea esset interpretatus, ac durissima quæque optuma putare, nec laborare quicquam, quid ex iisdem Scripturis pro libertate Arbitrii doceret, aut quid de Gratia priores statuissent: unde aliud consequi non poterat, quam ut sic Augustinum intelligerent, ut secum & cum Antiquis pugnaret, nec gratia libertatem arbitrii perficeret, sed tolleretur, nec correctionum ulla esset utilitas, sed inane nomen. Ex hisce, qui ut Scripturas, ita Augustinum perperam interpretarentur, proque errore suo eorum abuterentur verbis, Godschalcum Monachum fuisse, Rabani Mauri, totiusque Moguntinæ Synodi, iudicium fuit. Cui nos ante annos plures, in Historia nostra de gratiæ & liberi arbitrii controversia subscripsimus: multoque nunc minus sententiam nostram mutare possumus, postquam nacti sumus ea, quæ hac de re ipse scripsit Rabanus. Sic igitur statuimus, Godschalcum hunc non per calumniam dici Prædestinatio-

num, uti illi qui Augustini sententiam amplecterentur, eoque nomine à Pelagianis & Semipelagianis vocabantur: sed jure meritoque sic appellari: ut qui verbis Scripturæ & B. Augustini male intellectis, male etiam senserit, & docuerit de Gratia & Prædestinatione. Dissidet tamen hac parte à nobis vir summæ Pietatis, Doctrinæ ac Dignitatis; qui nullos censet fuisse Prædestinatianos. Quotquot enim sic vocati, per calumniam ita nominatos, ab iis qui Augustini sententiam rejicerent: Mihi vero graves causæ, cur dissentiam. Quas, quia fufius paulo hanc rem tractare malim, dissertatiuncula complectar, quam proximis literis transmittam. Idem maximus Vir improbat quod scripserim, jam Augustini ævo fuisse, qui verbis ejus male intellectis in spissum adeo inciderint errorem. Sed neque hic video, cur resilire debeam ab opinione ea. Quæ me moveant consignavi, eaque ad te nunc mitto, ut tui, Reverendissime Pater, iudicii faciam. Cui quod displiceat, id nec placere possit Auctori suo. Vellem alteram, de qua dixi, dissertatiunculam, & majoris illam, quam hæc, momenti, comitem ei nunc addere potuissim. Sed quandoquidem ea nunc est anni pars, qua munere publico maxime distringar, & in disquisitione illa quædam occurrerunt, ubi necesse sit plures è mediis ævi scriptoribus ad partes advocari, quo solidius singula firmentur: facile veniam dabis, si id hoc tempore non fecerim. Exercitationes nostræ Grammaticæ, opus novantiquum, jam ab aliquot mensibus excudi coepit. Et strenuè proceditur, me admodum lubente, qui majora scio exposci. Et quantum possum, animum ad Ecclesiæ veteris Historiam, ab istis non dico difficilibus nugis, attamen levioribus, ac vere pedissequis revoco. Filius meus Dionysius, alter eorum, quos in Anglicano itinere comites adsumseram, ante hebdomadas aliquot transferre ex Hebræo coepit Rabbi Moseh Maimonidis dissertationem de Idololatriæ exordiis, & progressu. Auctor ille est, de quo Hebræi vulgatum illud dicere solent, à Mose usque ad Mosen non fuisse similem Mose. Argumentum fecundum, & in quo Notas plusculas addendo, varia ostendi eruditio possit. Laborem suum hunc, si gratum erit, Illustrissimo inscribere nomini tuo filius decrevit. Ut eum non tanquam signum gratiæ erga te, Reverendissime Pater, animi habeas; sed obsidem & vadem eorum, quæ ego tibi debeo, & si Deus vitam concesserit, perfectum me spero. Existimat intra quantum aut circiter mensem se consummaturum, & duobus aut circiter mensibus editum iri. Citius posset, nisi jam prælum servaret excudendo translationem



ejus Annalium Belgicorum Reidani, quos pure, & ad veterum formam Latine reddidit. Jamque ex Libris XVIII. priores duodecim exculi. Hac etiam Hebdomade prælo subiciet geminum Panegyricum dicatum Arausionensium Principi, post luculentas adeo Victorias Haghæ Comitis reverso. Unus Prosâ scriptus, alter Carmine. Nec ego hæc omnia, in lucem ea ætate (vix annum egressus vigesimum) edere cum permitterem, nisi istiusmodi fore considerem, ut etiam literarum principibus probarentur. Hæc ego aliquanto apertius non gloriæ aut jactationis studio, vel nimio meorum amore; sed quia scirem, ea jucundum esse tibi cognoscere, Illustrissime Pater, qui tanto & me amore complecteris, & meos. Sed ego, Illustrissime Domine, videar mihi oblitus mihi, cui scribam, & quam occupato. Quamobrem finio, more meo, cum voto ut diu te Opt. Max. Magno Carolo, diu Britannia Regno, diu Ecclesiæ suæ, diu denique mihi incolumem servet, qui si privati apud te in censum veniam, debitorum tibi omnium maximum me esse, & fateri debeo, & lætor.

*Amstelodami.*  
cło Ibc xxxii.  
vi. Kal. Dec.

*Reverendissimo & Illustrissimo*  
*nomini tuo obstrictissimus,*

G. J. Vossius.

#### CLXXXVII.

*Simoni Bellimontio. P. Cl. Ger. Jo.*  
*Vossius S. P. D.*

**A**UT ego nimium amicis abundo, Amplissime Vir, aut alii iisdem egent. Sane eò me jam pervenisse video, ut Commendator jure appellari possim: Tu fortasse Importuni addes vocabulum. Certe si sic vocare volēs, injuriam mihi fieri ne ipse quidem dixerim; quippe gnarus, quæ occupationes distingere te etiam ante soleant, quanto nunc magis, postquam arduum pacis negotium, distingere cepit Belgicæ Proceres, in quibus tam illustri es loco. Sed audeo nihilominus curis, quibus ista nunc libras, inferere me; qua fiducia scis, & sæpius dixi; nimirum amoris tui. Nunc iterum commendo, quodammodo quidem rogatu alieno, sed magis sponte mea. Non dicerem id, nisi dignum tua gratia putarem, pro quo loquor, Erycium Putcanum, Virum Doctissimum, disertum etiam, & elegantis Ingenii; ut ipse non ignoret: probum & candidum, ego imprimis scio, qui novi eum ab annis xlv. Una enim

in patria urbe tua, ab Orydrio, & Rhekenario, liberalibus disciplinis, in pueritia excultus. Mireris fortasse illum tibi commendari; sed faciunt hoc tempora Reipublicæ, & spes pacis incerta. Quare unum illud, uterque petimus ut amare velis. Putat enim ipse, ut ex Literis ejus intelligo, sua non parum interesse, ut postquam Venloa, Urbs Patria ejus, nobis accessit, aliquos in his partibus amantes sui habeat; quos inter te imprimis esse cupiat. Utrum vero agris suis à milite metuat, an aliud sit, dicere non possum. Sed scribet propediem ipse ad te; & fortasse jam fecit. Itaque non longius curas tuas interpello. Plurimum saluta lectissimam Uxorē, & Liberos optimos.

*Amstelodami Prid. Id. Decembris cło Ibc xxxii.*

#### CLXXXVIII.

*Illust. Joanni Skyttio Baroni, &c.*

**N**ili singularis humanitas tua, Generose Domine, nostras quoque terras personaret, & favor erga studiorum cultores mihi cognitus foret, nequaquam ea essem fiducia, ut ultima prope hora, qua filius abijt, & ego à multis interpellor, quasi in mediis negotiis, literis aliquid committere auderem ad virum sublimis adeo fastigii. Nunc quia famam de te scio non mentiri, & ex generosis quoque liberis tuis viva tui imagine, certum indicium capio: Non dubitavi per literas hæc officia ac venerationem tibi meam deferre. Non quasi tua id magnopere intersit; sed quia obstrictum me tibi sentiebam in liberis tuis. Vix equidem dixerim, quanta cum voluptate conspexerim remeantem, post sexennii peregrinationem generosum filium tuum: in quo prudentia, eruditio, & quæ alia tantæ dignitatis juvenem ornare queant, undique elucet. Certe gratulor Tibi, Illustris Domine, de sobole tam eximia, & te digna. Et eo magis gratulor, quia in sublimi positos multæ illecebræ à virtute sæpe avocant: quo impensius miratus sum egregium & excelsum adeo animum filii tui per vestigia paterna incedentis. Certe si qua in re opera nostra illi utilis esse potuisset, non alius me promptius eam collocasset. Nunc quia occasio illud non permittit, saltem in altero filiorum tuorum ostendam, quam devoto erga te sim animo. Juvī ejus studia quantum possit, qui diversa, vicina tamen urbe habitet. Ac deinceps animus idem futurus: partim quia hoc pacto bene mereri me de publico intelligo, cui aliquando is præfuturus; partim

partim etiam in tuæ spem gratiæ, cui placere posse pulcherrimum, & non levem studiorum meorum fructum puto. Vale.

*Amstelodami a. d. x.  
Januarii anni hujus  
cło Ioc xxxiii. quem  
illustri familiæ tuæ  
felicem & prospe-  
rum exopto.*

*Illustris & generosi nomi-  
nis tui cultor;*

G. J. Vossius.

CLXXXIX.

Joanni Meurfio S. P.

**V**ellem, Vir summe & amice, ante horam unam atque alteram scrivissem, generosum Roscraentium quamprimum in Daniam abire. Uberiores à me literas haberes. Non committendum tamen ut abeat sine literis meis. Dicam quæ potissimum in mentem veniunt tuas scire maxime interest. Scripseram superioribus literis, Guillelmum Janfonium Blauwium cogitare de edendis Danicis, tum tuis, tum Pontani. Idem ad te perscripserat vicinus ejus Joannes Janfonius: sed ita perscripserat ut aliquid caliginis adspergeret. Nec enim animus illi uno volumine complecti opera vestra: quod nec Pontano gratum foret, necdum tibi, sed utraque seorsim edere parat, forma tamen eadem, typis iisdem; ita ab eo qui vult, simul compingi possint, seorsim item ab eo, cui mens alia. Quare ne quidem in unius inscriptione mentio alterius fiet. Sane puto te scire venustiores esse Blauwii typos atque eundem emendatius aliquanto sua excudere: Nec aliud me movit, cur hoc scire te vellem. Tamen & alter Vir bonus, & rerum suarum non indiligens. Quare de hoc fruaris judicio tuo. Solum ne facile nimis fidem habe quæ alter de altero perscribat. Cogitat idem Blauwius, ut tui est amantissimus, & filium habet Jurisconsultum qui prælo præest, omnia tua eleganter & emendate uno volumine complecti. Idem si tibi videatur possis perscribere quo ordine velis ea concinnari. Opus etiam sit significari quæ addi in singulis libris vel etiam mutari voles. Si voles, ipse utinam in partem veniam curæ, quo magis honori & desiderio satisfiat tuo. Aureum laborem tuum de Atticæ regibus Jo. Janfonii tradidi, non prius tamen quam recepisset se quamprimum prælo velle committere. Hæret adhuc, utrum hic an Harderwici id agere velit: si hic, meâ; si Harderwici, Pontani interdum opera uti decrevit.

Mitto ad te exemplar Orationis nostræ de laudibus Historiæ, quam non fore ingratam spero tum argumenti causâ tum auctoris. Excudit nunc Blauwius exercitationes meas Grammaticas; Jamque in tertio libro occupatur. Utinam opera istac ad umbilicum perducta foret. Scio enim majora à me expectari. Cætera literis proximis intelliges. Id propediem erit. Nunc ob festinationem generosi Juvenis cogor manum tollere de tabula. Uxori salutem plurimam dices & liberis optimis non à me modo sed conjugis quoque & grandioribus liberis, filiæ imprimis filia mea.

*Raptim Amstelodami  
vi. Id. Jan. Anni hujus  
cło Ioc xxxiii. Qui  
ut familiæ tuæ pari-  
ter ac nostræ felix sit,  
Deum suppliciter rogo.*

*Tuus totus,*

G. J. Vossius.

CXC.

Georgio Calixto Theologo S. P.  
Helmstadium.

**S**I amici mihi essent deligendi, Præstantissime Calixte, profecto eos, vel maxime inter eruditos quærerem. Et inter eruditos non alii se mihi commendant, quam quos pietas: Et inter pios, vel maxime mihi probantur, quorum integra in sacris judicia esse video. Unde nihil præter morem meum faciam, si te, vir Clarissime, in amicorum potissimis habeam. Imo nisi habeam, degenerem à natura mea. Etenim siue pietatem cupio, siue doctrinam, siue judicium acre, non aliis opus mihi est documentis, quam præclaris monumentis tuis; quæ cum voluptate, cum fructu, cum admiratione legi: Et gratulatus mihi sum quam maxime, reperisse me in Germania virum, qui non multorum, in damnandis dissentientibus impetum sequeretur: sed verè nosset, quid sit Catholica illa Ecclesia, quam in symbolo profitemur. Multum hoc schismatico sæculo, profecisse mihi videtur, qui illud didicerit. Sed de isto pluribus alias, si sic videbitur, per literas colloquemur. Ad illud nunc revertar, quod orsus eram dicere, ex quo tempore, novisse te ex scriptis tuis corpi, simul ingentem mihi amorem tui ortum. Ita ut nihil mihi gratius accidere potuerit salutationibus tuis, quibus per ornatissimum Overbequium, sæpius me, cum Lugduni agerem, es dignatus. Adeoque mirarer ipse, non citius me literas ad te dedisse, nisi amicorum quoque in-



timos mihi, super talibus sæpe queri scirem. Distentus occupationibus, crebrò tantum meminisse amicorum possum; & cum maximè scribere velim, prohibent non modò solita curæ, sed & subita, quæ mihi non raro ingruunt, tanta turba, ut assiduus quorundam curis comparari possint. Huc usque egeram, & amans, & æstimator, & memor tui, cum non uno literario à te munere provocatus, & monitus à præstantissimo Wickevortio (quo non alius amicitia inter nos dignior usurpari conciliator poterat) abrupti non tam pertinax silentium, quam occupationes, quas inhumanus sim, nisi vel ad tempus, tuo in me posthabeam amor. Crede, eruditissime Calixte, si aliorum colui amicitias, tanto magis me tuam expetivisse, quanto aliis dignior tu, & mihi honorem magis ac fructuosum erat, familiaritatem exercere, cum viro, veteris Ecclesiæ amantissimo, & ut veritatis, ita pacis sic studioso. Debeo ego tibi, cum ob munera, quæ auro omni præpono, tum imprimis ob affectus indicium, quod à te coepit. Debent tibi, quotquot verè Christiani sunt, & esse volunt, hoc est, tota Ecclesia. Perge tantum benè de illa mereri, & commoto huic sæculo tranquillitatem reddere, quo nihil salutaris nobis, nihil Deo gratius præstari potest. Habebis certe optimum quemque laboribus tuis faventissimum. Ego quidem nunquam desinam te amare, cui me obstrictum esse fateor, & letor. Nam si verè olim dictum est, firmissimam esse inter Pares amicitiam, nostra perpetua erit; quando & mihi nihil aliud unquam in votis fuit, quàm pro tenuibus, quas habebam, viribus, occurrere Christiani Orbis dissidiis. Vale, & Deum expecta laborum tuorum remuneratorem.

*Amstelodami x. Kal. Febr.*

An. cl<sup>o</sup> loc<sup>o</sup> xxxiii.

### CXCI.

*Gulielmo Episcopo Londinensi.*

*Reverende in Christo Pater, Domine Illustrissime,*

**M**Agis magisq; comperio, quam verè non semel, & imprimis coram promiseris, paterno te affectu fore in me & meos. Quod enim evidentius affectus, vel *supra* potius, habere poteram argumentum, quam postremas literas tuas? Quas non gratias tibi debeo, pro tam eximia cura, pro moritis tam fidis! Sed enim de amoribus illis non possum

non referre, quod comperisse mihi videor. Cum ante triennium in Britannia ipse essem, hæc ipsa de filio vulgabatur. Cum verò iter totam inquirerem, atque adeo ipsum ferio monuissem, negavit id per somnium sibi unquam venisse. Atque addebat extremæ fore dementiæ si is, qui virgines in Batavia, & loco egregio, & opibus non spernendis, habere in matrimonio potuisset, nunc se projiceret infra sortem suam, infra honorem familiæ. Non abnuebat, sermones identidem cum ea habuisse; sed nunquam animum ducendi. Atque adeo omnibus penè Epistolis suis, quas ab aliquot mensibus ad me & meos scripsit, rogat, ut cogitare velinus de civili aliquo munere, præsertim apud Ruremondanos; quorum urbem, natalem ac sedem parentum, ac majorum meorum, Arausionensis Princeps in fœderatarum Belgarum potestatem redegit. Quæ prorsus aliena à cogitationibus ejusmodi videntur. Nam si honores ullos in Belgica cogitat, quos profecto non ita facile est apisci, ducenda ei potius uxor sit ejusdem soli, ut matrimonii vinculo novos sibi amicos & favorem paret. Nec tamen ex istis certi quicquam mihi audeo polliceri. Novi quam varius & mutabilis esse animus Adolescentiæ soleat. Et facile cogitare possum, nihil temere tam ejus, tam mei amantes, tibi, Illustrissime Domine, scripturos fuisse. Quare ab affine meo Junio, qui nunc cum Illustrissimo Principe Arundelio, in Britanniam reditum parat, petii ut simulac pedem Londini posuerit, consulare tecum velit, atque illud exsequi, quod optimum vobis videbitur. Nec solum, si nuptias ejusmodi cogitet, revocari eum quamprimum expediat; sed etiam si vita sit dissoluta, vel æs alienum contrahat; ac utroque alterove horum, periculum sibi arceat. Itaque illud etiam affinem meum Junium rogavi, ut Cantabrigiam ipse eat, deque omni re cognoscat. Atque utinam eò cum venerit, intelligat, jam omnia melius aliquanto se habere. Omnino enim exopto, ut si absque sui, vel Collegii, in quo vivit, honoris dispendio, atque etiam familiæ nostræ, vivere annum minimum unum istic possit, id potius faciat; ac si non est Theologiæ amor, quem optarem, saltem in Medicinæ studio, in quo jam ante triennium egregie profecerat, seribò desudet, quo brevi, sive in Britannia, ubi suus est Medicis honos, sive apud nos, ubi non eo quidem loco, nec tamen discreti sunt, suo succo discat vivere. Nam præter eum duæ mihi filiæ (& altera jam nubilis) quidni etiam filii, qui omnes studiis vacent. Quanti hic mihi sumtus sint faciendi, facile vides. Interea gratias ago Deo immortalis, quod omnes quos

quos hic habeo, & mihi & probis omnibus se probent, maximamque etiam spem sui concitarint. Tanto turpius fuerit natu maximo, si vincatur ab iis quibus preire oportebat. Macerat hæc me cura magis quam dicere possum. Sed culpam ejus præstare non possum. Si periculum in mora est, quamprimum potius veniat ad nos, quam aliquid vel ipse faciat poenitendum, vel ei contingat inhonori. Ei vero? imo vero mihi, & omnibus meis. Deus illi meliorem mentem: mihi vero & conjugii animum fortem. Interea tibi, Illustrissime Domine, & exoptatissime Mœccenas, gratias immortales pro cura & optimo consilio habeo, ac de cætero etiam hoc negotium commendo. Quem hic mitto Panegyricum, & Carmen, nuper filius meus Dionysius composuit, & quia omnia mea, vel meorum grata tibi esse jampridem didici, volui & hujus qualiscunque laboris te participem facere. Deus te, Reverendissime Pater, diu Ecclesiæ Catholicæ & nobis incolumem servet.

*Amstelodami,  
iv. Kal. Febr.  
Ann. 1633.*

*Illustrissimi & Reverendissimi  
nominis tui cultor devotissi-  
mus & obstrictissimus,*

G. J. Vossius.

## CXCII.

Petro Cunæo, V. Cl. Ger. Jo. Vossius  
S. P.

Quanto rarius ad te scribo, maxime idem vir atque amice, tanto ad te sæpius scribere desidero. Sed video sic ferè usu venire, ut nisi quid necessarium ingruat; occupationes ante officium putem: Quas apud te commemorare opus non arbitror, qui vitam meam nosti. Neque ego, si vel maxime otium mihi fuerit, adeo ignarus sum rerum tuarum, ut literis scribendis multum vacare te posse arbitrer. Alioqui merebatur id amor noster, ut talibus etiam officiis certaremus. Sed quem admodum ego, facile te excusatum habeo; ita nec ambigo, quin nullius me admodum culpæ accuset: quem præter publicum munus, nunc quoque distinet Editio Grammatici Operis, ante annos scripti xxx. sed cui inter edendum, lima pluribus in locis, quid mirum? accedat. At ne scriptiois causam diutius differam, sermones his diebus mihi fuerunt, cum Amplissimo Bickero, Consulari viro. Quare-

bat, an spem haberem efficiendi, ut cognatus suus, (Helmondio nomen est) in tuis viveret ædibus. Ego quia putarem id te non facturum, negavi. Jam quaerit, an apud Vinnium, quem ab eruditione egregia semel iterumque hoc sine ei commendavi, habitare juvenis possit? Quin cum fructu studiorum suorum id facere possit, nullus dubito. Sed scito præterea opus, an locus in ædibus suppetat. Quare rogo, ut certiore me ejus facere velis. Obstringes, non me solum, sed & Consulare Bickero, qui plurimum te salutatur. Multam etiam salutem meo nomine dicet, præter eos quorum antehac in literis meminisse soleo, Clarissimo Salmasio, quem in Academia vestra lætor vivere. Non dubito, quin præclaris monumentis, per se aliqui Clarissimæ Academiæ, majorem etiam claritatem sit allaturus. Etiam Ornatissimum Vinnium, si eum compellandum putabis, meo nomine salutabis; de lectissima Coniuge, & Collegis taceo, quia, ut dixi, non alios nominare nunc animus, quam quos scirem urbi vestræ accessisse. Nec tamen præterire fas, præter uxorem, salutare vos omnes Dionysium meum, qui Panegyricum & carmen suum ad te mittit. Scio non ingratum tibi munusculum fore, quia sic familiam nostram amas.

*Amstelodami,  
clo loc xxxiii.  
ix. Kal. Febr.*

## CXCIII.

Conrado Vorstio.

Clarissime & Amicissime Vorsti,

Avidem de Haro, juvenem egregium, Discipulum tuum, à me tibi commendari, fortassis miraberis; cum studia illius, non tibi minus, quam mihi, postrema magis etiam nota sint. Sed rogabat hoc pro veteri notitia, ac cum liberis etiam amicitia, commendare ut se vellem, dum Medicinæ supremum cogitat gradum. Honestæ erant postulata, ac placuit mihi ingenium, ac mores. Religionem ejus, quatenus à Christiana abit, si amare nequeo, modestiam tamen ejus probò, eoque abnuendum id non putabam. Et non dubito, studia quoque ejus mereri hunc honorem; aut si quidquam in iis requiritur, eo ingenio est atque industria, ut brevi tempore supplere hos



hoc, & efficere possit ne gradum hunc honoris indigno collatum dicturus sit quisquam. Itaque rogatum te velim, ut favore tuo, si opus habeat, juvare eum non graveris. Compositum à filio Panegyricum mitto, quem pro amore erga me, meosque gratissimum fore confido. Plurimum is te salutari jubet. Uxori etiam tuæ, plurimam salutem adscribi petiit. Quam & dices affini optimo Backerio, & Conjugi. Et si molestum non est, tum maximo, & amicissimo, Cunæo, tum ingenti, licet novo Academicæ ornamento, Salmasio. Quod præteream candidas animas Tyssii, Constantini, Golii, ut collegarum alios taceam, id fieri, quia nolim te onerare, tute facile vides. Tamen si maximus Academicæ vestræ honos Dom. Tyssio obtigerit, optima quæque ei, meo nomine precaberis. Volo enim ut omnes sciatis, memorem me esse vestri, optimæque velle cunctis, iis imprimis, quorum exploratus mihi amor, atque affectus. Vale doctissime, & amicissime vir, & amicitiam avitam, paternam nostram, ad liberos etiam propagemus.

*Amstelodami*  
clō Idc xxxiii.  
ix. Febr.

*Tuus,*

G. J. Vossius.

#### CXCIV.

Claudio Salmasio.

Vir maxime,

**L**iteras tuas jam ante hebdomadam certè accepisse me, jam tibi arbitror Lamerius indicaverit. Quod tum non rescripti, occupationibus meis imputabis. Alioqui animus illuc inclinabat. Nam nihil æquè volupe mihi, quàm desiderium, quod videndi habeo tui, scripture crebra sublevare, donec per anni tempus, & munus meum, excurrere Lugdunum licebit. Certè parum his proximis diebus ab itinere absui, sed tempestates & inclemens cœlum vetuere. Unde quod unum supererat, per literas te invisere malui: quia iniquum ut tu recte putas, est amicitiam nostram locorum propinquitate deteri, cum illa tanto arctius constringere eam debeat. Quæris quid agam? edere ante menses complures cœpi opus Grammaticum quod annis abhinc xxx. & amplius magna ex parte scripsi. Possis dicere censuram eorum quæ veteres, ac plerique etiam juniorum de artis præceptis tradidere. Tædiosum negotium:

sed operam do, ut quantum possum ejus fastidium levein: Si non aliis saltem scholis proderimus. Et necesse fuit, ut aliquis hoc laboris devoraret. Tentavi ego, dum alii majora. Libri septem erunt, quorum tertius jam ad finem vergit. His absolutis ut puto, Origines LL. consequentur. Opus utrumque fortasse leve multis videbitur. Non levis tamen labor, quo mihi conficit; illud interea diffiteri non possum, vix esse hæc pro ætate mea. Quare animus jamdudum gravioribus incumbere ardet. Cæterum nolui mihi complurium annorum labores perire. Si Deus illos absolvere dederit, spero me ad utiliora, nempe Antiquitates Ecclesiæ transiturum. Quod te facere etiam velle scio. Quas mihi literas commendasti, ne dubita recte Hughonem nostrum accepturum. Atque utinam ipse de manu in manum tradere ei illas potuissim. Interim tanto & viro & amico amoto, nihil æque lætor, quam te successisse. Velim Batavi omnes agnoscant felicitatem suam: Lugdunenses imprimis. In quibus non dubito quin familiariter utaris V. Cl. Petro Cunæo, viro non modo longe doctissimo & disertissimo, ac Batavici status intelligentissimo, sed præterea gravi & candido. Habui illum ego, cum istuc viverem, inter amicorum primos. Te quoque, ut idem facias, hortor. Dignissimus est ille amicitia tua. Vale, maxime Salmasi, ac nunc Bataviæ etiam nostræ ingens decus: quod spondeo magis & magis ipsa deinceps agnoscet, malevolis omnibus invitis.

*Amstelodami,*  
clō Idc xxxiii.  
vi. Id. Febr.

*Tuus,*

G. J. Vossius.

#### CXCV.

Merico Casaubono S. P.

**J**AM ab occupationibus meis tandem ad te redeo, mi Casaubone. Quam vellem id prius factum! Sed qui vitam meam sciat, misereatur potius mei quam succenseat; Usque adeo occupationibus & molestiis premor. Et quasi non abundè id esset, novum prioribus laborem sponte accudi. Nimirum exercitationes meas Grammaticas, quarum jam tertius liber ad finem properat. Opus futurum ejusdem molis ac, quas proxime dedi, Oratoriæ institutiones. Scio alia à me expectare, cum alios, tum excellentes Britannicæ viros. Sed semel mihi defungendum commentationibus istis, quas majorem partem ante annos

nos xxx. elaboravis, atque ante annos xii. cum factiosi quidam sibi solis sacrorum tractationem vindicarent, iterum in manus summi, & aliquot mensium spatio, partim limavi, partim observationibus novis adauxi. Sanè ad faciem eam artem Grammaticam scripsit hætenus nemo. Planeque Aristarchum ago in Grammaticos veteres, & novorum illos, qui nomen aliquod merentur. Multa scriptorum veterum loca illustro, multa emendo. Equidem mællem ipse nunquam aggressus essem hoc laboris. Poteram interim longe majora & acceptiora conscribere. Sed cum hæc orsus sum, Gymnasi Dordrechtani præfectus eram : eoque nihil alienum à munere meo faciebam, talia consignando. Postquam vero regimen cepi Collegii Theologici ab illustribus Ordinibus constituti apud Lugdunenses, non sivere antiquitatis Ecclesiasticæ hofes, qui plurimum poterant, ut aliis quam secularibus (ut vocant) studiis me darem. Illis igitur regnum tenentibus, non passus sum perire labores meos, quos nunc publici juris facio, ut totus deinde in majoribus esse, & Britannæ atque alibi gravioribus possum. Sed quid ego hæc tam multis? Spero ubi videris operam, non usquequaque improbabis. Et qui possis tam amans mei? Verum scire hæc te volui, ut apud iudices iniquiores operam & studium defendas nostrum. Solum hæreo, quid facto opus sit, de vasto pene Originum opere : quid de rei Poeticæ libris. Nam utrumque opus jam ad umbilicum perduxi. Et tamen inter excudendum, ut scis, aliquid novæ exquiritur curæ : Quod autem iis accedit, id sacris meditationibus aufertur. Quid ergo? Missane hæc faciam? Etiamne quæ de omnibus veterum disciplinis exaravi, & tantum non ad finem perduxerim? Si fas esset homini Christiano, propemodum male illis optarem qui hæc potius tractandi necessitatem mihi imposuerunt, quam porro exolvendi magnos veteris Ecclesiæ doctores : quod studium sic cum altero, à prima pene Adolescentia conjunxi, ut longe illud præferrem. Itaque alterum quoque nunc sic tracto, ut melius majusque non intermittam. Utinam tantum foret tantum otii, ut ne sæpe adeo ab eo avellerer invitus. Mane publica distineor auditione, vel ut nunc loqui amant nostri, prælectione. A prandio consulor à multis, quibus non possum operam denegare. Etiam Saluatorum peregre advenientium nimium quantum est. Quid omnia referam? Videor mihi labori fatis assuetus. Et tamen fateor, interdum sub sarcina ingemisco, ut iniquæ mentis æsellus. Tu vero, amicissime Vir, ne propterea, quæso, minus me ama. Sed si quando tardius officium vel scribendi, vel

aliud exsolvo, ita tibi persuade, non esse me meum; magisque id mihi egre esse, quam amantibus mei. Et ista hætenus. Pecuniam, quæ ex Cantuariensi Canonatu, regio mihi beneficio cedit, accepi usque ad proximum Septembrem. Ut primum trimestre, quod debetur, sit mensis Decembris. Multum tibi debeo, optime virorum, qui fide ea atque industria procures res meas. Verum quid tandem pro beneficio rependam, ne videar, vel potius sim ingratus? Sanè cogitatio hæc me sollicitum habet, magisque anxium haberet, nisi perspectus esset erga me amor tuus. Nec tamen deinnam cogitare de testatione aliqua animi non ingrati.

Venio ad hortense negotium, de quo fecim literulas ad te scriptas hisce inclusi, & eas quando expedire putabis, Reverendis Fratribus ostendas. Nunc hic plerumque paulo apertiusque animum meum aperire mihi visum fuit. Equidem, mihi Casaubone, tametsi, ut ingenue loquar, offendere neminem velim, nihilominus non posso offensas alienas, præsertim injustas, ante jus non meum modo, sed & collegarum & fratrum meorum. Nam quod merito intulit, si ego eripi mihi meum patiar, fortasse etiam illi, qui mihi successerit, cavendum erit. Saltem id contentionem non mediocrem possit excitare. Quare prævertendum omnino huic rei videtur. Sed quia mihi tam longe remoto statuerè difficilius est, malo rem omnem arbitrio tuo committere. Quicquid feceris, id ne dubita me probaturum esse. Neque id de horto solum, sed etiam de pecunia annua, ut hæc, quemadmodum ceteris, uno Molino excepto, pro ratione proventus, vel accrescat vel decreseat mihi.

Dicere non possum, quantopere amplissimo Hughoni Grotio placuerint literæ, quæ & quanti te faciat. Is nunc Hamburgi non dubito, quin illi tristissimus fuerit nuntius, de excessu fortissimi Suecorum Regis. Nam ab eo amabat & estimabatur. Immo Rex jam in mandatis non uni dederat, qui cum eo colloqueretur, ut operam & consilium suum tibi addiceret. Pretium offerbat, quale Legatis dari solet, ut ex his hominibus accepi. Etiam Honoris Dux & alii Principes vix hæc agunt, ut ad se veniat. Simulac certi aliquid statuisse intellexeris, perscribam ad te. Bis vel tertio ab eo literas accepi. Respondum adhuc debes. Quæ causa, credo, intra sequimensem nihil ad me scripserit. Sed facile mihi veniam spondeo, quia vitam meam novit. Nusquam cum vivere malim, quam apud nos; ut coram potius quam per literas colloqui liceret. Et facile hoc ei concederetur, si modo vivendi

his



his terris potestatem libello posceret. Verum metuit, ne id sic interpretentur aliqui, quasi culpam ullam agnoscat, cum contra se præmio potius dignum ob ea existimet quæ egit solo patriæ libertatis amore ductus. Legati hostilis Belgicæ Hagham reversi, colloquuntur cum proceribus nostris de conditionibus pacis. Plerique metuunt, ne convenire possint. Usque adeo grandia sunt quæ utrinque postulantur. Sed, credo, iniquum petitur, ut æquum impetretur. Plerique Sacri Ordinis bellum præoptant. Nec obscura est ratio: Nam belli tempore plus tribunitiis conditionibus valent; quia multa Proceres tolerant, ne quid turbarum domi oriatur. Sed longe aliam ipsi causam prætendunt. Negant enim honestam esse pacem cum Idololâtris, quos Deus exscindi in verbo jubet. Negant tutam, quia Artes Pontificiæ & Austriacæ Domus plurimum se occultent specioso pacis titulo. Quod sane aliquid est. Sed neque talia Proceres nesciunt, qui providebunt semper ne quid detrimenti capiat Respublica. Filius meus Dionysius, quem vidisti mecum, Panegyricum & Poematium scripsit honori Principis Arausionensis. Id fortasse jam acceperis. Nam exemplar affini Junio misi Hagham, qui simulac in Angliam rediisset, curaturum recepit. Jam liber decimus quartus Reicidani Belgici Historiographi, ab eodem Latine redditus, sub prælo est. Spero infra menses tres universum opus posse absolvi. Et puto, nec Historici prudentia, nec Interpretis dictio displicebit. Plurimam salutem tum lectissimo uxori, tum Reverendo D. Decano, tum charissimis fratribus & Collegis meo nomine dicito.

*Amstelodami  
xiv. Kal. Mart.  
Stylo Gregor.  
Raptim.*

*Tuus non uno nomine,*

G. J. Vossius.

Agnosco quicquid dignatione & beneficentia Regia ex Præbenda Cantuariensi mihi ab ejus exordio debebatur usque ad mensem Septembrem anni Millesimi sexcentissimi trigecimi secundi, esse persolutum, à Reverendo & doctissimo Merico Casaubono: ita primum trimestre quod annumerandum sit, incidat in anni ejusdem mensem Decembrem. Scripsi & subscripsi Amstelodami manu propria, mense Februario anni proximi qui est cl. lxx. trigessimus tertius.

G. J. Vossius.

CXCVI.

Constantino Huygenio S. P.

Quod, Nobilissime, Amplissimeque Huygeni, tu quoque sic obitum carissimi pignoris, meumque hunc dolorem doles: amicè facis, & liquido ostendis, neutiquam me in eo falli, quod te semper amantissimum mei, familiarique meæ judicavi. Nimirum pro affectu hoc tuo, non potes, non peracribum hunc mihi casum judicare. Sanè periculum fortasse esset, ne animus de gradu totus dejiceretur, nisi partim tui, & aliorum præstantium virorum alloquio Epistolari, paulatim spiritum, & vires reciperem: partim sponte mihi etiam, ob oculos sæpius ponerem, incertum vitæ humanæ, & alia, quibus ægras mentes, in casibus hujuscemodi, solari ipse antea soleo. In his familiam ducit voluntas Dei, quæ Christianis nobis, omnem penè paginam facere debet. Nam ut quanto nebula, ac caligo magis attollitur, tanto aer proximus fit purior, clariorque: sic comperio mentem etiam nostram eo reddi serenior, quo amplius elevatur ad Dei Providentiam, quæ nihil non providè immittit, aut permittit. Illustrissimo, & Invictissimo Arausionensi Principi, æternum pro ea liberalitate, debitor sum futurus. Sed si cogitem, per quem mihi conciliatus sit maximus Heros, ingratisissimus sum, nisi hoc ita illi tribuam, ut non & tibi beneficii partem transcribam. Nec nunc præter hujusmodi verba habeo, quod rependam. Enitar tamen sedulo, ne vel munificentia Arausionensium Principem; vel te, Nobilissime, & Amicissime Huygeni, commendationis tuæ possit poenitere. Hunc animum nostrum, qui prima occasione se exeret, magnum censebis, si cum æstimes, non pro viribus ejus, quæ exiguæ, sed pro humanitate tua, quæ summa est.

Amplissimum, Optimumque Affinem tuum, David D' Willem, salvere si jusseris, gratissimum erit.

*Amstelodami  
cl. lxx. xxiii.  
Prid. Non.  
Mart.*

*Tuus merito tuo,*

G. J. Vossius.

CXCVII.

## CXC VII.

Hugoni Grotio S. P.

**N**ON facile dixerim, quantum mihi solatio fuerint geminæ literæ tuæ. Nam licet pro acerbo hoc casu, videor mihi satis fortis; tamen mentiar, nisi agnoscam subinde etiam non magna occasione malum recurrere animo. Quid mirum? quando quem amisi, is erat, in quo post Deum, ingravescente hac ætate mea, plurimum fiduciæ mihi, meisque reposueram; ut non potuerint non acceptissimæ esse literæ, cum Salmasii, & Cunæi, tum imprimis tuæ, quibus erigere animum moerentis voluisti. Nescio autem, num ab luctu sit, an foeda anni tempestate, an immodico labore, ac vigiliis, quod tribus mensibus male habuerim. Sex prioribus hebdomadis, pedem domo non extuli, sex proximis unum illud potui, ut publici muneris causâ, ingrederer Lycæum, quod vix lapidis iactum ab ædibus nostris abest; sed videor mihi quotidie virium capere incrementa, & appropinquat blandior adolescentis veris aura, quæ meliora, melioraque sperare jubet: atque hæc eo etiam lubentius commemoro, ut causam videas cur plurimis literis tuis non responderim. Quarum postremis partim mihi Tragœdiam misisti tuam, partim significas, ut locum quendam corrigi velis. Simulac eas accepi, quia ipse exire non poteram, per filium arcessivi Blawium: Qui velle se excudere dixit, sed negabat id ullo modo ante proximas nundinas Francofurtenses fieri posse. Addebat, nec se, nec alium habere literas qualibus Auriacus excusatus, sed visurum quæ proximè accederent. Juro, nisi festinato opus putares, Francofurti tales procuraturum, quales petis. Video ejus prælum fervere plurimis, pluraque sub manibus habere; quare vix puto, ante duas hebdomades orsurum editionem: nempe ubi ea absoluta, quæ Francofurtum mittere cogitat. Sed ulterius si moram nectat, non patiar. Nec sanè is est qui calcaribus egeat, præsertim in tuis; unde certum lucrum: nisi vicinus Janssonius, ut solet, minoribus excudat typis, quo minori pretio divendat. Credo tandem acceperis filii *de margine* Reidanum; uti & de Terminis Vitæ variorum responsa ad Beverovicium. Epistolam ejus nunc tantum mitto, quia decretum erat includere literis meis Illustri Schitio tradendis, ubi ad vos iturus. Sed ille jam mensem, & ultra, præter expectationem suam hic cogitur hære. Video Beverovicium hoc agere, ut judicium quoque tuum perscribas, ipse au-

tem tomo secundo inferat. Id quidem an placeat satis nescio, sed scio illud Rivetum antehac Theologiæ apud Leydenenses Professore, ubi legit judicium Episcopi, dixisse se adversus illud scripturum. Et jam in eo totus esse dicitur. Salmasius, qui & ipse sententiam rogatus erat, & sic satis prolixum opus composuit, negat se passurum ut divulgetur; nempe maligno adeo sæculo metuit, ne & ipse vapulet. Et si & alteram causam habet. Seorsim legi sua malit, quam ut in turba compareant. Credo, si Grotii vel Salmasii essent, quorum judicia promuntur, non invitus se quoque Principibus permistum agnoscat Achivis. Nunc minuti quidem Heroes, & ut sic dicam Dii Patellarii, si modo Dei intercurrunt. Putavi tua interesse, ut hoc scires, & si ea sis prudentia, ut istorum etiam nescius, non sis scripturus quorum possit penitere. Filius tuus jam ante hebdomades duas Amstelodamo discessit. Causam nescio, sed maluissimè mensem unum alterum remansisset, vel propter Blawium qui eum in Mathesi instituere jam cœperat. Sed nihil fecisse arbitror, nisi ex parentis voluntate, quibus absque dubio sua ratio constat. Uxori lectissimæ, & filio Cornelio salutem dicito. Sed & Lindembrochio, si occasio erit.

Amstelodami,

clō loc xxxiii.

x. Kal. April.

Tuis totis,

G. J. Vossius.

## CXC VIII.

Jacobobo Roverio S. P.

**T**U verò, Cognate Roverii, ut libertatem tuam rectè accipiam, rogare etiam sustines? quasi aut hæc studia non ab humanitate acceperint nomen; aut illius sit excusare semet, qui utilem amicis operam navare studet. Mihi potius id reliquisses, qui ob dilatum (ex more scilicet meo) responsum, purgare me debeam, vel occupationes, vel aliud memorando, quò tibi satisfiat. Nec propterea in eo operam infusam, quam perdere nolo. Abundè enim nosti me publicè docere, privatim scribere, & quasi neutrum esset, vacare domesticis, amicis; ad hæc tot indigenis, & exteris, qui quotidie ex Germania, Gallia, Britannia, terris aliis, cum veniunt, compellere nefas putant. Quid reliquum literis? Ipse hoc tempore impeditissimus scribo. Quid mirum? Nox est, quæ plerumque curarum esse levamentum creditur. Vix est mihi qui tam multa in noctem

F f

rejicere



rejicere cogar; præsertim quæ hoc Epistolare hoc officium spectant. Quamquam sic quoque, illa mihi nunc levamentum; quia haut noctem esse sentio, quod te quomodocumque colloqui habeam pro curarum cessatione. Quæras fortasse, si ita animatus sim, cur tam tardè à nocte subsidium petierim? Plurcula enim abiere, ex quo non respondi. Nimirum illud est commodi, in absentium amicitias, quod vacare iis tantum opus sit, ubi opportunum est; præsentibus sæpè, cum minime est integrum. Et tamen paucos ex amicis etiam absentibus habeo, quibus non partem aliquam temporis mei, utcumque illud pusillum sit, gratificari velim. Tibi verò, præstantissime Cognate, non volo modò, sed etiam debeo; Ut qui non passus sis studia tua, sine fructu meo procedere: Quod propter Epistolam tuam bonæ frugis plenam dico. Equidem ingratus sim, nisi hanc agnoscam humanitatem: Quæ si paulò maturius se exeruisset, etiam publicè fuisset utilis. Nunc quæ observasti, pleraque artem metricam spectant. De hac operis nostri Grammatici liber secundus tractat; qui jam dudum absolutus, ad quintum enim deventum, de Pronomine agit. Tamen si omnisforum copia ita crescat, ut Appendicem concinnare operæ videatur; erit quod publicè me tibi debere profitear. Utcumque enim non pauca mihi jam dicta ex iis quæ mones, tamen & reperi quod addere maluissem. Nunc de veribus tuis quid dicam? Planè venusti sunt, sic ut Romani hominis videantur, & argumento, quod tractas, nihil convenientius. Sponsum haut dubiè, etsi haut dubiè, sua jam felicitate contentum, nova voluptate Musa afficiet, tam suavis, & tam cari capitis. Equidem velim meo nomine, & illi, & sponse illius, optimæ virgini, omnia fausta appreceris: Sed & Amplissimo Parenti tuo, & fratrum alteri Joanni, atque adeo toti domui vestræ. Præterire verò nefas sit Amicissimum Beverium, Inclytæ urbis vestræ Prætorum. Quibus omnibus, & uxor ac liberi salutem adscribi petierunt.

*Amstelodami  
xiv. Kal. Maias.  
cib. loc. xxviii.*

*Amantissimus & studiosissimus tui,*

G. J. Vossius.

CXCIX.

Hugoni Grotio.

*Vir Amplissime, amicorum Optime Maxime,*

**E**unte ad vos Matthiæ, haud aliud scribere habui, quam quod his diebus haut letus accepi, optimum, & disertissimum virum Erycium Puteanum, in periculum, aut certè molestias aliquas incidisse. Scripsit statim Belli, & Pacis, quo nonnullis de partium suarum impotentia prolatis, complures offendit. Nosti factum Hispanorum, & Principum aures, quorum nec hæ, neque illi veritatem accipere sustinent. Itaque nisi nossem multos ei in aula Bruxellensi, quò vocatus est, amicos esse: nisi quoque ingenium, & eruditionem illius æstimari scirem, sinistri aliquid vererer. Nunc optima non omnino despero. Utinam non aliud audire cogantur, quam quod olim in simili ferè negotio, à Phalaride aiunt fuisse dictum Simonidi? *Mélonis eni Mucor éantheos névov.* Rerum hic novarum nihil. De Pace adhuc ambigunt opinionones. Haud dubiè, priusquam conveniat, de nostris, aut hostium armis aliquid audiemus. Opus nostrum Grammaticum quotidie procedit. Jam libro quinto prælium fervet. Reidanus filii mei Dionysii intra hebdomadam unam & alteram finem accipiet. Simulac editus erit, tibi mittet, qui jure tuo non illum modò, sed quicquid etiam à me, aut meis proficiscitur exigere potes. De filio tuo subinde Rectorem Ostorpium conveni, cujus literas accipies cum meis. Absque eo esset, fufidus scriberem. Ingenium semper laudat. Visus tamen paulo plus diligentie requirere. Quod celare non debui, quatenus tuis, non minus quam meis benè volo. Quia una alteraque hebdomade domi cum meæ non videram, ipse accessi domum illius, & commonui, ut frequentius me, meosque inviseret. Simul aurem vellebam de Oratione quadam è Tacito, quam promiserat se carmine redditurum. Non desinam eum mone-re, & hortari, omniaque illa facere, quæ te velle scio. Vale Amplissime vir.

*Amstelodami,  
cib. loc. xxviii.  
v. Kal. Sextil.*

*Tuus tuo merito,*

G. J. Vossius.

CC.

Guilielmo *Archiepiscopo Cantuariensi.*

Reverendissime in Christo Pater, Domine Illustrissime,

**N**escio felicem me an infortunatum appellare debeam. Quippe hinc ingens ille favor, & affectus tuus, me tantopere evehit, & singulari gaudio implet, quod tum magni, tum eruditi Præfulis cum mihi amorem obtigisse videam: inde rursus angor, quod in tanto affectu tuo quem par est animum testari nequeam. Semper occupationibus obrutus nunquam meus sum. Et si forte aliquod respirandi spatium, simul & otium spero colloquendi cum iis, quorum aut favore obstrictus sum, aut amicitia, subito plerumque nova moles ingruet, ut jam dediscam sperare vacuum à laboribus tempus, qui semper negotia nova habeam dum adhuc veteribus quam maxime distineor. Equidem non ignoro ad labores hominem natum, & quietem hic solidam habere nequire. Sed-enim cum cogito ingratum me videre posse in optimè de me meritis, quorum inter primos te, Illustrissime Domine, pono, parum abest, quin importunis adeo occupationibus indignor. Pudet dicere quod menses elapsi sint ex quo tibi, Reverendissime Pater, debeo literas & gratias pro eo quod benevole adeo cætera etiam ad Marianum pertinentia transmiseris. Ita ut si moram compensare gratiarum magnitudine æquum sit, nulla verba inveniam, quibus satisfacere possim. Animum solum tot & tam variis impeditum nihilominus semper veneratione tui plenum retineo: & quia ille bonus est, facile veniam spero apud te, Illustrissime Præful, qui humanitatem tuam prolixè adeo in me effudisti. Nunc tandem quas diu volui literas celerare libuit ob occasionem, quā non aliam habere meliorem potui dum apud nos est Præstantissimus Boswellus: cujus si eruditionem æstimem, non minus miror ingentem, quā te prosequitur venerationem. Volupe fuit mihi sermones conferre cum eo, quem pro summis virtutibus tuis tantum esse cultorem tui viderem: cumque eo pro cuius pietate, doctrina, industria, magna in Hiberniā incrementa additum iri spero melioribus studiis. Cæterum ad Marianum ut veniam, cum in lucem mittere per diversa hætenus nequivi. Nam & cura operum quæ sub prælo habeo obstabat, & Typographus tam multa & varia receperat ut culpæ non possem, si moræ aliquid postularet. Non committam tamen, quin primā, quam Deus

dederit, occasione, præstem, quod & tibi & mihi in votis est. Tantum breve spatium rogo, quo in ordine redigam mea, & expedire animum liceat ab iis quibus nunc distinetur. Te interea, Illustrissime Domine, supremo numini, me & illi & tibi commendo: atque oro ita habeas persuasum, neminem te inter Belgas habere, qui Illustris ac Reverendum nomen tuum devotius veneretur.

*Amstelodami*  
clō loc xxxiii.  
vi. Kal. Sextil.

*Reverendissimi & Illustrissimi*  
*nominis tui Cultor,*

G. J. Vossius.

CCI.

Claudio Salmasio S. P.

**C**ommittere, maxime Vir, nolui ut communis amici nostri Hugonis literæ ad te sine meis irent; si non ob aliam causam, certè ut hoc saltem modo tres amici simul ut possumus essemus; quorum illum iniquitas temporum, te valetudo, & cœli inclementia, & credo domesticæ etiam curæ, me publicum docendi munus congregi nondum patitur. Sed spero vigorem tibi jam pristinum rediisse, & ut homines satis æqui non sint, aëra saltem esse. Hujus duritiem adfuetudine, illorum invidiam animi magnitudine facile superabis, præsertim si cogites Sophocleum illud,

*Πείρ & ἔργον ὁ πόθος ἵππων.* Optasses fortasse alio documento tuas virtutes intelligere: sed certiori non poteras. Scio quæ mihi evenerint, quamvis infra invidiam me esse debere putem. Et sic hoc inter arctiora amicitie vincula, quod quamvis bene meriti præmia parum digna pariter retulerithus. Sanè abundè solatii mihi est quando tot bonorum, & his & aliis in terris, & posteritatis simul judicia cogito. Quæ tibi, optime maxime Salmasi, excellentiora longe & jam obtigere, & deinceps erunt. Reputeinus etiam mercedem hic creptam à supremo & beneficentissimo mortalium rectore cum scenore rependi. Salutem plurimam Uxori tuæ meo, & meæ nomine dices, quam, licet ignotam, æstimo ob egregium parentem & majorem conjugem. Summis etiam viris Cunæo; Scriverioque cum occasio dabitur, salutem impertias rogo.

*Amstelodami*  
clō loc xxxiii.  
Kal. Maia.

*Tuus sine fūco & more majorum,*

G. J. Vossius.

F f 2

CCII.



## CCII.

Joanni Skytte.

**V**IR Illustrissime, quamvis inexpectato generosi filii tui discessu prævntus, malui tamen tumultuarias prope ad te literas dare, quam nullas. Adstringebant me huc nupera promissa, & ipsius filii tui rogatio. Cui ego quomodo hoc negare possim, cui majora longe sponte etiam obtuli? Accedit quod non alias à me gratiores fore literas scio, quam ejus manibus perlatas, quem non possis non carissimum habere, sive naturam spectes, cum nullum reperiatur arctius vinculum, quod parentes liberis adstringit; sive indolem generosi filii tui, quæ virtutis via ad excellentia grassatur. Videor jam omnino videre mihi illum in summis regni vestri honoribus, quibus si tales multi fungantur, qualem hunc futurum confido, dubium non est, quin gloria gentis vestræ auctura etiam sit gloriæ gradum, quem virtutis suæ merito, & magni Gustavi affectu obtinet. Etenim & ingenio filius hic tuus est acris, & ætatem cum confidero, pro ea sane judicio excellenti, & pro iisdem annis studiis non leviter tinctus, præsertim quæ fortunam ejus decent. Ac nequid auribus tuis dare videar, ipse egregium hujus rei argumentum videbis, vel Panegyricum ejus. Multa adeo bonæ erectæque mentis indicia apertissima in eo se exerunt passim. Ob subitum discessum non potui legere, qua cura vellem. Sed carptim id facere cogebar. Verum ex ungue, quod dicitur, leonem. Ut monumentum etiam sit futurum, quod posteris placere possit. Satis etiam laudare non possum generosum filium tuum Joannem. Tantis in eo est ardor studiorum: Nec præter eum retinuit illum apud nos quicquam. Existimabat enim inanes fore labores, quos apud nos hæctenus studiis impendit, si ea in medio cursu desereret. Alioqui postquam eum à te, Illustrissime Domine, arcessitum intellexi, serio hortatus sum, ut paternæ voluntati obsequeretur. Meum non fuit inquirere, cur scripsisses; sed ille arbitrabatur, nihil tibi gratius esse posse, quam ut hac ætate, qua sementis studiorum fieri debet, non destituat parentum de se & illustris familiæ spem. Itaque cum optime illi perspectum animum tuum putarem, nolui nimium urgere, ut iret, ne vel ignarus tuæ voluntati contraria consulerem, vel illo, quem sic amo, carere viderer velle. Imo vero cupio in omnibus illi prodesse; eoque nulli parcere labori animus est. Priusquam finio, debeo quoque gratias tibi agere, Illustrissime Domine,

filii mei Dionysii nomine, quod cum ad te cum liberis venire tuis iterum volueris. Nunc id opera ejus, quibus præsum fervebat, non patiebantur, sine offensâ multorum, & ingenti damno Typographi. Interea tanto acrius generosi filii tui studia juvare conatur, ut se gratum ostendat pro eximia hac humanitate tua.

Deus Opt. Max. rogo, ut diutissime te saluum præstet regno Suecico, familiæ tuæ & cultoribus, quos inter ego, & mei omnes nomen præ aliis profitemur nostrum.

*Amstelodami*  
Kal. Jun.  
Syl. Greg.

*Eternam illi tui nomini devotissimus,*

G. J. Vossius.

## CCIII.

Joanni Meurfio.

Vir summe & nulli amicorum secunde;

**Q**uod non semel scripsi, & ut metuo, sapius conquerar deinceps, non finit hoc vitæ genus, quod nunc dego, ut amicitias colam, quemadmodum oportebat. Unde est, quod raro quisquam literas à me accipit, nisi jam multis ante mensibus expectatas. Sed cum hoc male me habeat, in plurimis, tum nihil magis indignor, quam non licere mihi colloqui cum duobus tribus quos supra cæteros æstimo mortales. Satis nostri in his te esse uti & ~~et~~ Grotium nostrum. Fateor sane jure te tuo, uti illos suo crebriores à me literas exigere. Sed quid agam, qui quo longius ætas provehitur, eo minus mei sum juris, contra veterum Romanorum mores qui ab Augusti ævo, missionem dabant vicena stipendia meritis: eos vero, qui senadena fecissent, sacramento solvebant, ac sub vexillo retinebant donec agros & præmia tribuissent. At ego jam bis senadena stipendia feci, nec labor minuitur, sed gravatur. Etsi negare non possum jus mihi esse recusandi. Sed si quid componatur, negare non sustineo, ut mihi ipsi culpam tribuere magna ex parte cogar. Nimirum sic cogito, Musarum castra non facere militiæ finem, nec certos habere stipendiorum annos, sed vel maxime hic habere locum, quod dici solet, Imperatorem stantem mori oportere. Quantum ad opera tua attinet, ea brevi aggredietur Blauwius. Sed optat, ut si qua in adhuc editis addideris aut mutâris (& fieri vix aliter potest) quamprimum ea chartæ committas, & ad nos transmittas. Adscribam deinde operibus

bus tuis, quæ hic habeo, ut auctiora & si fieri possit, meliora etiam prodeant. Jo. Janſonius ante menses jam aliquot excudere cœpit, quæ miseris. Et puto jam prope absoluisse. Scorsim etiam excudet Blauwius, quæ postremo accepta. Nihil tuorum in via utcumque silentio prætereirim in Literis meis. Nempe tam occupatus scribere soleo, ut non possim non aliquorum oblivisse, eoque Literæ meæ magis animum meum quam seipsas probare tibi debeant. Dionysius meus brevi tibi Historiam Reidani Latine à se redditam transmittet. Opus egregium est. Versionem commendare ipse nolo: illud tamen dicere audeo plurimi laboris fuisse. Mittit nunc Panegyricum & Carmen ad principem ante V. menses editum. Nunc etiam Commentarios parat in Rabbi Maimonidis libellum de Idololatria quem tranſtulit ex Hebræo. Mittit filia mea tuæ, quæ postulatum comparare potuit. De corallinis operam dedit nec succellit. Nunc quoque dum hæc scribo in eo occupatur. Nos adhuc de pace disceptamus & eventus, in ambiguo est. Princeps Rhenoberkam obsedit. Nec Hostes segnes sunt qui jam xx millium exercitu Mosam transierunt. Vale optime maxime vir & amice, plurimumque saluta Uxorem, Filiam, Filiumque. Sed & Laurenbergium ac Stephanium nostros. Quorum alteri orationem nostram, alteri filii Panegyricum dabis. Hoc enim fieri geminum exemplar misimus.

Amstelodami, c. 10 Ioc xxxiii.  
Post. Kal. Jul. Styl. Gregoriano.

*Tuus totus,*

G. J. Vossius.

## CCIV.

Ger. Jo. Vossius *V. Cl. Erycio Puteano*  
*S. P. D.*

**E**TSI valde faveo novo honori præstantissimi viri & amici Plempii, tamen vere dico, cum dolore ab eo avellor. Plane maluissimè ut patrium hoc Lyceum ingenii doctrinæque suæ laudibus decorasset. Præsens ejus properus abitus hæc mihi literas, vel potius tumultuarias literulas extorsit; uberores dari nunc oportebat, quia raro iis procurandis tam boni offerantur amici: sed nunc facere quod possum, cogor, non quod volo. Intellexi his diebus editam à te stateram pacis & belli, multis quidem ingenii & doctrinæ indicibus reluctantem, sed *φιλανθρωπικὴν*, quam tempora hæc ferunt. Quare & Bruxellas vocatus dicebare: non possum dicere quam id male me habue-

rit, sed tamen solatur eximia eruditio, & pius animus, & magni quos habes amici. Nec enim illi patientur tristius te propterea haberi. Tu quæso, si consultum putas, fac me quamprimum de rebus tuis certiores. Scis illud poetæ,

*Res est solliciti plena timoris amor.*

Summi numinis custodiæ te meque commendando. Scribebam præcipiti si unquam calamo.

Amstelodami, vi. Cal. Sextil.  
Anno c. 10 Ioc xxxiii.

## CCIV.

Joannis Hulsmanno *S. P.*

**C**UM nihil, Clarissime Hulsmanne, lubentius legam, quam Præstantium virorum Literas, tamen adeo tardus sæpius sum in rescribendo, ut videri possim metuere, ne si diligentior hac parte sim, nimis multas ab iis accipiam. Quod non aliunde est, quam à negotiorum mole. Atque hæc in causa etiam fuere, cur prioribus tuis literis, tanto scriptis affectu, non responderim. Accessit fiducia facilitatis tuæ: sed nunc alteris etiam prævenito, ulterius in scribendo esse remisso non licet, ne injurius videar in amicitiam nostram nuper initam. Quomodo enim, præterquam Epistolari hac via, colere eam liceat, quandoquidem tanto disjungimur intervallo? Itaque non facile committam, ut hac in re industriam nostram desideres. Multum enim, mi Hulsmanne, amo te, ac æstimo; ac crebro in mentem venit, jucundæ illius dici, quo unà de rebus divinis colloqui dabatur: sæpèque mihi optem tales recurrere, facile enim tum perspexi egregias animi dotes. Atque opinionem de te meam postea auxere duæ & viginti dissertationes tuæ eruditissimæ, quas muneri reliqueras. Deum oro, ut in hac statione diurnare contingat, quo deinceps similibus monumentis Ecclesiam bees. Nihil verò æque me in sermonibus tuis delectavit, quam quod studium pacis ac concordie junxisses amoris veritatis strenuè tuendæ adversus omnes, *πᾶσι καὶ πανταχῶς τὸ ἀπὸ τοῦ χριστοῦ ἀργυραστικαὶ καὶ ἀδελφικαί*. Nam quod de Ebionitis veteribus Eusebius scripsit, id nobis accomodare liceat, Novis illis, quos sequebionitas possis dicere. Rerum novarum, post Rhenoberkam captam nihil hic habemus. Etsi vero aliquot ab annis omnia fluxerint ex voto, nihil tamen æque exopto, quam ut bellum hoc pax excipiat. Cujus spem vel totò sinu admitto.

*Non*



*Non semper imbres nubibus hispidos  
Manant in agros.*

ut monte Flaccus. Quare & nobis, his locis, & Germaniæ etiam vestræ, imo & nostræ, quandoquidem in ea vitalem primo auram hausi, sperare liceat serenitatem post nubila & turbida. Quo in voto desino, idque eo lubentius, ne longior sim præter morem, qui verborum parvus esse soleo: solum rogo, ita tibi persuadeas, sicubi usui hic tibi ulla in re esse possim, vel aliis etiam, quos commendare nobis voles, operam me daturum, ut intellegas quanti te faciam.

*Amstelodami, vii. Kal.  
Septembr. An. 1633.*

*Te æternam amaturus,*

G. J. Vossius.

## CCVI.

Hugoni Grotio S. P. Hamburgum.

**E**orum quos vides, unus est nobilissimus juvenis Guldensternius Danus, cui Patrens superstes, Eques auratus, vir ut antiqui stemmatis, ita magnæ in Regno authoritatis. Alter est ornatissimus, doctissimusque Ernstius Helmstadiensis, qui in Academia Sorana juris Professor Meursiique nostri Collega fuit. Hi lustrata Gallia, Italia, ac Sicilia, nunc domum redeunt, magnæque felicitatis censent, quod Hamburgi sibi compellendi tui occasio erit. Perjucundum mihi fuit cognoscere judicium tuum de optima ratione instituendæ pueritiæ, neque mihi alius unquam animus fuit: sed proximis duodecim annis, & quod excurrit, vix ulla in Bataviæ civitate, potiri ea Doctoris, ac cætus quem describis felicitate liquit; ut omnino aut privatim domi alendus fuerit pædagogus, aut puer in scholas publicas ablegandus. Cum enim tota Reip. facies immutaretur, illud etiam cautum facit, nequis extra scholas publicas pueritiam institueret. Quo pacto fiebat, ut nec Ecclesiastico, nec Scholastico munere dejectis studia sua prodesse, ad se suosque sustentandos: nec Parentibus qui Remonstrantibus addictiores forent, potestas esset liberos suos aliis committendi Præceptoribus, quam qui Synodalibus se decretis adstrinxissent: sed Decretum hoc paulatim in urbe hac, biennio proximo, aut triennio, coepit negligi. Ita ut nunc, tres quatuorve sint, qui seorsim honestiorum Civium liberos instituunt, aliqui etiam in convictum recipiant: ringente admodum Gymnasiarcharum altero, nomine Stado, ejusquem de no-

mine nosti, filio, qui Patri in scholastica hac Palæstra successit. Is postquam Proceres me utriusque scholæ suæ curam gerere voluerunt, sæpe apud me conqueritur, quod Ordinum, Urbisque Decretum sic negligatur, eamque causam esse ait, quod tam paucos habeat discipulos, paucioresque convictores. Nec minus fatigat Scholarcharum alios, ut quicquid est scholarum hujusmodi disturbetur; sed surdis canit, quia plerisque ex ipsis Proceribus, altera magis via placet. Et sanè audio, eos gratulari sibi, de liberorum in privatis scholis profectu: sed quot numero distinctos, quam multos item in convictum habeant, nondum possum dicere, pleniusque de eo exquiram die crastino. Nunc fieri id non potuit; nec nisi hesternæ die literas de hoc tuas accepi. Intelligo ex filio tuo, uxorem tuam intra octiduum vel circiter hic fore, eamque Hamburgum cogitare. Id si est, de isto, & aliis, optima scribendi occasio erit. Habitat Lugduni Batavorum, Vir egregius & Cordatus, Matthias Overbekius, literatus ipse, ac literatorum amans; nec paucorum adolescentum, qui sacra studia excoluere Nutricius ac Mecænas. Hic nihil æque exoptat, ac studet, quam ut ex amplissima hæreditate, quam cum Cohæredibus adiit, decidatur portio, quæ sufficiat sex septem alendis, Philosophiæ, ac Theologiæ studiosis. Ac partim eo movetur, quod utile sit futurum Ecclesiæ Dei, his maxime temporibus, quibus omnes, prope in partes eunt; paucique adeo rectam insistant viam: partim illo etiam, quod certo sciat, nec ignorare Cohæredes possint, eam fuisse defuncti sententiam; cui grave est refragari, utcumque civili jure constringi fortasse non possint. Videor mihi ex Overbekio non obscure intelligere, Cohæredum esse unum (cognatum arbitror) quibus hæc non satis placeant, eoque à me mirum in modum petiit, ut ad te transmitterem, quem ipse hac de re consignarat, quo plenus mentem suam intelligas; simul rogavit, ut hoc negotium commendarem tibi, quem consilio & auctoritate aiebat plurimum apud Cohæredes posse. Hæc ea sunt, de quibus nunc ad te scribere volui. Vale, vir incomparabilis, & valetudinem tuam, pro qua innumeri vota faciunt, cura diligenter: salutatur te familia universa; simul filium tuum, de quo non dubito, quin magnis passibus, in studiis pergat; præsertim ex quo tecum affiduè est, & te *Ερζοφώρτω* omnium habet.

*Amstelodami, cIdocxxxiii.  
post. Kal. Octobr.*

*Tuus suo merito,*

G. J. Vossius.

Gulielmo

CCVII.

Gulielmo Archiepiscopo Cantuariensi.

Reverendissime in Christo Pater, Dom. Illustriss.

**T**Ristem nuncium huc allatum de morte Reverendissimi Domini Archiepiscopi Cantuariensis, lenivit mox fama, quæ adferebat, plurimorum eo vota, ac, ut addebant, Regis sapientissimi eo consilia tendere, ut tu in summo hoc pulcherrimoque Ecclesiastica dignitatis gradu locareris. Quæ mihi eo magis volupe fuit audire, quia & quo statu Ecclesia Christiana nunc sit, & quantum tibi pietatis ac prudentiæ ad eam dirigendam, quodammodo videor intelligere. Unde spem maximam concipiebam, fore, ut Dominus Deus, cujus in manu corda hominum sunt, magis magisque huc animos flecteret. Eo dum flagro desiderio, ecce Hagha mihi ab amico Litteræ, quibus perscriptum, jam eam te in sedem ascendisse. Ac paucis post diebus idem disperfit fama, qua non aliam lætiorem longo tempore ad aures nostras advolasse possum dicere. Nec tamen tam bene in Batavia hac, nec puto in Britannia agitur, ut malevoli desint, vel etiam male creduli, quibus quia primæva sordet Antiquitas, exosque est Ecclesiæ Disciplina, eo alteri hoc honoris collatum præoptent, nec lingue id virulentia diffimulent. Sed istis moribus jam à multis annis in Ecclesia Dei vivitur: beneque agitur cum bonis si tales maledicere solum possint, malefacere non possint. Nec interim non magnus numerus eorum, qui rectius sapiant, ac mecum divinam venerantur Majestatem, cujus providentia huc fastigii perductus es, & supplices eandem rogent, ut diu te gravissimis hinc temporibus regere Ecclesiam permittat. Quæ quanto diutius prudentia tua dirigetur, tanto haud dubie felicius erit. Quantum ad filium meum Johannem attinet, cum ex tuo potissimum, Reverendissime Pater, consilio, & quorundam hic amicorum, revocavi: & agit nunc in ædibus meis. Quid facto mihi opus sit, & an remittere eum in Britanniam consultum sit, adhuc hæreo: Fortassis tempus me in hanc aut illam partem trahet. Filiorum alter Dionysius historiam patriam è Belgico sermone Latine transtulit, & vulgavit; quam hic mitto. Auctor Via fuit doctus, gravis, prudens, & quod in Historico primum, Reipub. ejus quam describit, apprimè intelligens. Sed quorundam judicio, quia Gulielmo Nassovio, Frisie Gubernatori, à Consiliis esset, Nassoviz domui in hoc opere addictior, quam Historico conveniret.

Ab hoc fonte & capite esse arbitrantur, quod Vir, alioqui laudatissimus & Belgicorum Historicorum facile Princeps, sic Arausionensium Principibus, & maxime Comiti Wilhelmo Nassovio bene gestorum gloriam adscribat, ut justum decus vix tribuat Federatæ Belgicæ Patribus: de quibus libertatem tandem judicio occurrunt. Ut mirandum non sit, si minus quandoque populi, vel Senatus Regiæ Elizabethæ, vel Gallorum Regi, vel Cæsari, vel cæteris Principibus, aut Rebus publicis. Addidi huic operi alteram quidam ex Lingua Hispanica proxime venit de conciliandis Sacre Scripturæ Locis, quæ in Pentateucho pugnare inter se videntur. Etenim utile visum est Christianis omnibus, quæ ad Questiones divini operis commentati essent Rabbinorum doctissimi: quorum scire omnes opinionones hic liber completitur. Utique hic labor in causa fuit, quo minus Maimonides dissertationem de idololatris consummaret. Nunc tamen ad eam rediit, totiusque incumbit, ac vix sexta pars operis supersedit, ut intra quintum hebdomadam vel citius Typographo tradi possit. Nec segnius ego desudo in Ecclesiæ Historia. Sed quotidie deplorō, quod non in Villam aliquam me possim ad menses aliquot abdere. Nunc quibus horis non publico munere distringor, his dicere non possum, quam multi interpellent, partim Belgæ, partim Exteri, plerique aut gentre illustres, aut doctrina clari, quorum ego affectum non possum non excolari: sed dum me illis do, dormiant opera tot quæ habeo affecta. Quamobrem, adventante hyeme, gaudeo, quia tum magis meis esse incipio. Sed peccare me video, Illustrissime Domine, qui in his difficillimi muneris initiis, tam longis Literis tempus majoribus & melioribus eripiam curis tuis.

Deum optimi maximum iterum oro, ut quemadmodum te Gratia ac Providentia sua in summi Præfulis sede collocavit: ita etiam prudentia ac fortitudine roboraret, & cunctis Spiritus sui donis cumulet: ut improborum consilia & conatus irrita reddat, ad Serenissimi Domini Regis, & floridissimi Regni Britannici, totiusque Ecclesiæ Catholicæ bonum.

Amstelædami, cl. 1662. xliii.

post. Kal. Octobr.

CCVIII.



## CCVIII.

Hugoni Grotio. Hamburgum.

Amplissime Vir,

**Q**UI has defert, nomine Johannes Fredericus Sliffer, Halafaxo, Lugduni aliquamdiu studiis operam dedit: unde per urbem nostram Helmsadium cogitans, aiebat, desiderio se maximo teneri videndi ac salutandi tui: quod quo honestius posset (utrum mori proprio, an consilio alieno non sat scio) obnixè rogabat, aliquid sibi literarum ad te dare vellem. Primum tergiversabar non tam quia hæcenus non vidissem juvenem, quam quia occupatissimus essem hoc tempore, & uxorem tuam quotidie hic expectamus, per quam quicquid scribendum esset, optime curaretur: sed enim ille instare, & visus perhonestus, literarumque, ac literatorum amans. Quare tantillum nolui denegare. Prorsus vero erat, ut una mitterem Reidanum à filio Latine redditum. Quippe jam mensis est quod lucem vidit, sed nolui ignotum onerare. Fortasse jam aliunde intellexeris de obitu Archiepiscopi Cantuariensis. Ei suffectus, ut audio, Episcopus Londinensis, vir ut mei tuique amantissimus, ita veritatis, & pacis admodum studiosus, & eapropter non aequè carus illis, quibus novellitas, & dissidia placent. Deus diuturnam ei vitam diut. Aliquid hic cognovi de colloquio tuo cum serenissimo Danie Rege. Aliunde etiam percepi, ut Rex Polonie de te cogitet. Mihi hæc per jucunda, qui optime, ut debeo, tibi tuique volui semper, nec velle desinam: scio tamen quid magis exoptarim; sed si Tardipede illo Deo, Dii Batavi tardiores esse pergunt, equidem infelicitatis nostræ causa illis magis tribuenda erit, quam tibi, cui miserum est semper pendere. Quod cum dolore scribo. Vale, Vir, & amice incomparabilis.

Amstelodami, clxxxviii.

x. Kal. Octobris.

Tuis tuo merito,

G. J. Vossius.

Postquam has literas exararam, pluribus cum Sliffero sum collocutus, & intelligo esse eundem, qui ante annum locutus mecum de recta studiorum ratione. Sæpius etiam me docentem audivit, imò & sermonem tecum habuit Hamburgi. Calixto Germaniæ, ut ego quidem censeo, Theologo Principi, est familiaris. Hæc quia me fugerant, cum superiora scriberem, adtexere volui, quia ad commendationem ornatissimi, & doctissimi juvenis facere videbantur. Iterum vale.

## CCIX.

Cl. Joanni Meurfio S. P.

**Q**UAM tardus sit Joannes Janfonius in excudendis tuis Regibus Atticis, argumento est, quod nunc demum ad Indicem devenit. Ipse ad Nundinas Francofurtenses abiit. Petebam ab uxore & Typotheta primario, ut, quantum excusum esset, occasione hac ad te mittere liceret. Sed absente & nescio Janfonio, negabant se hoc audere. Nempe durantibus his inimiciis inter ipsum & Blauwium, sub quolibet lapide metuunt serpentem. Fortè quia Blauwio, non minus quam ipso, utor familiariter, merere, ne Blauwio ea traderem; is verò quam celerime recuderet, quo utraque editio simul prodiret, non levi hujus Janfonii damno. Hoc ne vererentur, jussi, ut chartas ipsi ad te mitterent obsignatas; sed furdis canebam. Quæ ad primum operum tuorum totum pertinerent, rectè accepi, inque ineditis juxta oculos & animum pascere tot bonis, quæ videre erat in latis & latis illis tuæ Græciæ campis. Ringantur duo tres malevoli: justum virtuti doctrinaeque tuæ semper pretium erit: invidi autem quid nisi pastoritia fistula excipiuntur à cunctis, qui studia hæc sciunt suo pretio æstimare. Ad editionem quod attineret, super eo ipse ad te Blauwius scribit. Metuo ne tibi longior mora videatur, quod demum post trimestre editionem auspiciabitur. Sed, mihi crede, ita prælum ejus variis fervet, ut ante vix possit. Et præterea propemodum omni charta destituitur; nec ille modo, sed etiam Typographorum alii: idque quia Mercatores chartæ quod Bataviæ destinatum putabatur, id omne in Moscoviam, & loca alia, avexere. Itaque jam tertium mensem in Exercitationibus meis Grammaticis cessare operæ cogantur, me plane illibente. Nam exonerari tandem minutis illis exoptem, quo totum me dem istis, unde & plus mihi honoris, & quod caput, publicæ gloriæ. Mitto tibi Reidanum à filio Dionysio translatum: de quo judicium tuum non anxius exquiro, gnarus ab amicis plurimum, qualiacunque etiam laudari. Hic tamen, ne quid dissimulem, satis magnis studiis labores ejus excepti sunt. Adeo & Conciliationes locorum *ivastioquon* in Pentateucho scriptas ab docto Judæo, hæc in urbe inter suos Ecclesiastæ; à filio verò meo in Christianorum gratiam, ex Hispanico translata, sed stylo qui argumento isti magis convenire videbatur, ne flosculos hic ullos expectes. Si minus ex hoc opere quicquam haurire

haurire sit, quod studia tua juvare possit, poteris donare Academiæ nostræ Theologo, vel alii amicorum, omnino invenient Theologi quod discant. Pauci enim Rabbinos legunt, vel intelligunt; At noster ille Manasses Ben-Israel (id enim Conciliatori nomen est) omnem prope ætatem in hujusmodi scriptoribus trivit. Maimonides, quem ex Hebræo filius idem vertit, & notis illustravit, properat ad finem. Rerum novarum publice vix quicquam habemus. Princeps quid agat, ambigitur; exercitum habet numerosissimum. Sed & hostium majores, quam antea, vires sunt, ut non aliud tempus, plus ei gloriæ addere possit, siquid præclari geratur. Quod si privata etiam notorum nosse cupis, Lugduni Festus suam Johannam Cuchlinam, suam Rutgersiam Daniel Heinsius, Johannes etiam Latius suam Balduiniam amisere. Fessi Hommii uxor graves & diuturnos dolores, & cancro excruciatum corpus habuit. Testamentum una fecerant ambo ejusmodi, ut qui diutius viveret, meliori aliquanto loco esset, quam defuncti hæredes. Sed hæc ubi certam se mortem manere brevi videt, callide, marito ignaro, aliud fecit Testamentum. Itaque dimidia bonorum omnium parte quamprimum cedendum Hommio. Non Bibliotheca, non aliud quicquam, quin justo sit pretio æstimatum. Sed Hommii non tam male ferre videtur, quam alii qui illi optime volunt. Cuchlina ex Bertii liberis non alios hæreditatem adire voluit quam duos illos, qui in patriam huc remearunt. Id Bertium pessimè habet, equidem doleo propter minimum natu, omni à culpa immunem, quem Bertius in memoriam socii mei Franciscum vocarat, spondente pro eo in Baptismo uxore meâ. Heinssii uxor hydropica erat ex malo lienis, quod & alios morbos pariebat; nec multum à delirio aberat. Multum ei morbum adauxit infortunium fratris, Mercatoris Amstelodamensis, qui foro cessit. Ille verò conqueri solet de sorore, quod propemodum ex asse esset hæres Jani Rutgersii. Quasi, si qua hic culpa est, ea non omnis in Jano potius Rutgersio, quam Heinssia resederit. Salmasius Lugduni vivit, sed impetigine ita foede laborat, ut hæcenus invisere nos ausus non sit. Quanta simultas Heinssii erga eum nemo Lugduni ignorat. Et quod pejus est, traxit ille non paucos in partes, qui solo Heinssii amore, pessime de Salmasio loquantur. Foedum hoc malum obtreactionis, quo eruditi tantopere laborant. Prorsus satius erat nescire literas, quam eas foedare sic invidiæ & loliginis succo. Hugo Grotius Hamburgi adhuc degit; sed vitio stomachi mala vale-

tudine agit, ut hesternâ die ex filio natu secundo, qui studiorum causa in Urbe nostra agit, intelleximus. Equidem Deum non intermittam precari, pro incolumitate ejus viri, qui, si totum æstimemus, parem non habet, superiorem saltem neminem. In Britannia fato nuper functus est Abbotus, Archiepiscopus Cantuariensis. Successit ei Guilelmus, Londinensis Episcopus, vir pietate, prudentia, eruditione nemini secundus, mei quoque amantissimus; idem pacis publicæ summe studiosus, denique laudibus dignus majoribus, quam ego aut alius quisquam tribuere ei possit. Cætera cognosces ex nobilissimo Gulternio, & optimo doctissimoque Ernstio, qui lustrata Belgia, Germania, Gallia, Italia, Sicilia, hodie ad suos remeant. Petebant ut ad te literarum aliquid scriberem. Sed satius putavi ut Epistolam hanc Crucio tuo darem, ne fasciculo librario simul egregium illud par onerarem. Dico salutem plurimam uxori tuæ, à meâ, quam utinam meliori valetudine aliquando videam. Liberi etiam mei tuos impense salutant. Sed Collegas etiam optimos, maxime Laurenbergium & Stephanium VV. CLL. impertias salute. Vale.

Amstelodami,  
Pr. Non.  
Octobris  
c16 l6c xxxiii.

Tuus æternum,

G. J. Vossius.

CCX.

Merico Casaubono S. P.

**S**imulac intellexi, Clarissime Casaubonè, Reverendissimum Patrem, ac utriusque nostri Mecænatem, Guilielmum Londinensem hæcenus Episcopum, ad Archiepiscopalem esse dignitatem evectum, equidem præ voluptate mihi abripi extra me videbar, non tantum quod Præsulem utrique nostrum adeò faventem, summum in Ecclesia Britannica tenere dignitatis & auctoritatis locum cognoscerem; sed vel maxime ipsius Ecclesiæ causa; cujus statum indies in melius iturum non dubito, postquam nacta est Antistitem ejus pietatis, tam raræ prudentiæ, & eximiæ adeo doctrinæ. Non debeo apud te laudare eum, cujus mirandas dotes melius me novisti: tantum felicem prædicare libet Britanniam universam, maximeque Ecclesiam Cantuariensem, fortunatos nos, qui Præsulem hujusmodi nacti simus. Det modo ei numen vitam longævam, & quotidie spiritu suo impleat

G g



pleat ad bonum Ecclesiæ suæ, & totius Regni Britannici; cuius prosperis ita faveo, ut patriæ alteri oportet. Hic rerum novarum non aliud est, quam quod noster & hostium exercitus iisdem in campis confederunt. Vires utrimque pares esse feruntur; nisi quod equitatu nos superemus, ex quo auxilia Suecorum (quinque millia equitum sunt) accessere. Plerique ad manus eventum iam antea arbitrabantur. Sed nunc plerorumque opinio hostem non facile se prælio commissurum, solumque hoc acturum, ut se castris suis tueatur. Magnus Hugo Hamburgi adhuc agit, & à Danicæ Rege vocatus est magni stipendii spe. An oblata sit accepturus, nondum mihi constat. Die hesternæ hinc uxor ejus ad illum profecta est, credo, ut simul de re tota consulant. Eo anxia magis deliberatio, quia & Illustrissimus Oxensternius, Suecici Regni Cancellarius amicis eum literis invitat. Quod ex conjugē ipsa accipi. Et scio in Poloniæ regno quoque de eo cogitari. Et jamdiu alicui se regno, addixissent, nisi Batavorum Procerum aliqui in causa essent, cur moras neccerent. Mallent illi in patria eum vivere. Sed ita scissa studiis Reipubl. efficere non possunt, quod volunt. Meus quidem animus eo magis inclinatur, non diu recusaturum occasiones oblatas, quando tam aversam à se patriam experitur. Mitto tibi Historiam Belgarum, quam nuper transtulit Dionysius filius meus. Rogamus uterque gratum habeas hunc ejus laborem. Sententiam fide optima expressit; & existimatur scripsisse ea dictione, quæ historiæ conveniat. Cæsarem imprimis ac Tacitum imitatur; quos prope in sanguinem & succum vertit. Sed quid ego in iudicio tibi præeo, qui tuum potius iudicium expecto? Solum igitur de Auctore ipso addam, fuisse virum Consularem, aliisque dignitatibus perfunctum, etiam Delegatum in Generalium Ordinum confectum, & à Consiliis Guilielmo Comiti Nassovio, Frisiæ Gubernatori: ut non alter melius penetrare potuerit arcana hujus Reipublicæ. Magna scripsit libertate, non solum quæ exteros Principes spectarent, sed etiam quæ ad Fœderatæ Belgicæ Patres pertinerent. Eoque noluit sua prodire, nisi duodecim annis ab obitu suo exactis. Nempe metuebat offensas Potentium quas prævidebat. Alterum quod Reverendo Decano Exemplar daretur, non habebat filius: sed nè idem sit, mittit ei librum Manassis Ben-Israelis, quo conciliat ex Rabbiniis in Pentateuchi loca, ex Hispanico à se translatus. Nec operam ea versione filius perdidit, cum nihil prope operosius sit, quam ostendere convenientiam locorum Scripturæ quæ pugnare videantur.

Non inutilem profecto laborem iis navarit, qui scribere posthæc in Libros Mosæicos volent. Non omnia in illo volumine probamus. Judæi est opus, in hac urbe exaratum inter suos. Sed tamen videbimus, ut qui posthac commentari in Mosæica volent, ex Rabbiniis sibi non lectis hinc depromturi sint, quibus gratiam ac venerem suis concilient, & multijugæ lectionis honorem ab imperitis consequantur: Nimirum sic hodie vivitur. Alii vere eruditi, alii videntur. Pecunias meas quod attinet, rogo, amicissime Casaubone, per Peysterum mihi dimidii quantum anni est mittras. Tantum enim debitum jam à superiori mense, qui September fuit: Tamen tam te amo, nolim incommodo tuo facias. Etiam negotium horti mei, & quicquid me spectat, tibi quantum possum, commendo. Spero & favorem Reverendissimi & Illustrissimi Domini Archiepiscopi prodesse mihi posse in re longè æquissima. Salve cum conjugē lectissima à me meaque & liberis.

Amstelodami  
clo Ioc xxxiii.  
Id. Octobr.  
St. N.

Nomini tuo devotissimus;

G. J. Vossius.

CCXI.

Hugoni Grotio S. P. Hamburgum.

Quam afflixerit me casus hic tristissimus, amisso filio carissimo Dionysio, me etiam tacente, facile per te æstimabis; ut qui & illum non male, & me cognitum habueris: eoque perspicias, quantum in eo præsidii fuerit, ingravescenti, & continuis laboribus ac vigiliis paulatim defetiscenti ætati meæ. Nec possum non cogitare, quantum amiserint natu minores liberi mei, quorum ille studia, ac mores, paternò potius, quam fraterno affectu moderabatur. De uxore quid dicam? cujus unus ille molestiam, & ægritudinem idoneus erat detergere. Quid multis opus? omnes ejus obitum vehementer dolemus; non quidem ipsius causa, qui ut vitam duxit, pietatis, ac devotionis plenam; ita sanctè in Domino obdormivit: sed nostri ipsorum gratia: qui in recenti adeo dolore, fortasse paulo essemus infelices minus, si infelicitatem nostram minus intelligeremus. Et tamen cum cogito, quanto nunc meliori conditione sit filius, Deumque esse, qui & dederit, & abstulerit; cum optimè perpexisse quid filio, quid mihi ceteris-

que

que expediret: Illam quoque esse virtutem aliorum liberorum, ut pœnitere eorum non possit; quin de plerisque, vel potius omnibus, optima maxima liceat sperare: planè, inquam, quoties hæc cogito, ingratus quidem erga Deum fuero prorsus, nisi sic quoque mihi videar admodum felix, dummodo grata mente sciam, divina agnoscere beneficia, erga me, & meos. Dabit spero Deus, ut magis & magis hæc animo obversentur. Et credo à tristibus istis cogitationibus avertent occupationes; quæ utinam non nimis forent; Nunc unde subsidium in tali negotio foret, inde velius obrui. Non de studiis queror, quæ moderari ipse possum: sed de tam multis, qui quotidie nunc consilium, nunc operam requirunt meam. Nam vix à Lyceo nostro pedem extuli, cum interpellandi initium video, non finem, nisi quum ad coram vocor. Quare interdum cogito mecum de Veteribus Romanis, qui in Tusculanum, aut Pompeianum aliquod se abdebant. Ego id non possum, qui quotidie publico munere distineor. Sed ut possum, quando non ut volo; vel potius deinceps debeo, quod possum. Sic enim Deo visum. In Grammaticis exercitationibus jam tribus mensibus cessatum, quia charta Typographo deesset. Verum videtur jam redire velle ad ea quæ supersunt absolvenda. Multo diutius si differat, non ante nundinas proximas lucem videant. Est mihi hæc mora ed molestior; quia etiam huic alia conveniunt. Scies me jam Juris Canonici Doctorem factum. Publicè enim cum ex Eusebio, & veterum aliis enarrasse Historiam Ecclesiæ, usque ad Concilium Nicænum; cepti de Conciliis ipsis tractare, & jam enarravi Canonibus Concilii Nicæni, Ancyran, Neocæsariensis: sed & Illiberitani, quod in codice Græco, à Justiniano confirmato desideratur. Vident nostri homines, non paulo aliam fuisse faciem Ecclesiæ Veteris quam nostræ. Vident & Pontificii, nec suas Ecclesias ex amussim antiquis temporibus respondere: Imo multa esse maximi momenti, ubi à veteribus sit recessum. Insolens & argumentum nostris terris, eoque in magna hac urbe, numerosior conventus auditur hominum honestissimorum. Candidius & modestius hæc tractare non poterant. Atque hanc laudem mihi omnes concedunt, etiam qui quædam mallent præteriri; quod facilius aliis eant persuasum. Antiquos Patres, in maximis, mediis, minimis, à partibus suis stare. Ego vero, ne Crabrones irriterem, quod verum est, subijcere soleo, assignatum Historici munus esse: Historiæ autem animam esse veritatem, eoque non videndum, quid horum,

vel illorum opinioni, ac consuetudini sit congruentius; sed sine partium studio exponendum, quid antiquis temporibus placuerit: Num vero ubique, an alicubi, an nusquam, ubi recessum, profectum quoque sit, id non esse hujus loci expendere: sed tamen rem utilem facturos, qui vetera tempora cum novis, novaque antiquis componere volent, & causas utrorumque expendere: ut ubi nos melius, gratulemur nobis; ubi veteres rectius, non nimirum deinceps . . . . . nobis; Videor autem mihi hoc modo, apud non paucos, non illud modo consequi, ut minus iis sordeat antiquitas; sed etiam veritatem fidei, & pacis, ac charitatis studium, promoveri non parum. Adfuit mihi ante paucos dies, utriusque nostri amantissimus civis tuus Verhoevius urbis nostre Medicus; retulit autem, ut Ludovico Houwen Mercatori Amstelodamensi, cum Johanne Gualtheri Mercatore Hamburgensi, controversia sit, ex societate quadam oborta. Hic Ludovicus Houwen nihil æque desiderat, quam ut propter rerum humanarum incertum, tandem ratio utrinque pletur: nisi enim id utroque superstire fiat, difficilius illud postea fore, magnaque fortasse secum tracturum incommoda. Hamburgensis quem dixi, est Affinis D. Assueri Matthiæ, qui uxorem apud vos duxit: Et constat omnibus Hamburgensem eum, magno te loco, ut debet, habere. Quare cum sanctissimum sit, inter Christianos paci studere, & Ludovicus Houwenus, & ejus nomine Medicus Verhoevius, obnixè me rogarunt, ut hoc negotium commendare tibi vellem. Putant enim, si paucis eum movernis, feliciter hoc negotium censei posse.

Cum hæc usque pervenissem, Medicus Verhoevius intervenit. Quare destinam, ubi unum hoc adjecero, me sedulo inquisisse, de Pædagogio quale desiderabas. Sed nescio, an satis omnia hic voto possint responderi. Scio qui decem, aut duodecim feliciter instruat, sed in uno convictu habet neminem. Quare necesse esset, ut apud Patrum, vel alium Adolescentuli viverent. Alius est qui in victu octones, aut plures habet; qui & ipse ab institutione commendatur. Palatius est aliquanto addidit Zelotus, quæ res efficit, ut paulo hærerem; prima occasione Patrum conveniam. Nunc demum intellectum mihi ubi degat.

Vale Amplissime vir, & mei in sanctissimis precibus memor esto coram Domino; ac Conjugi dic salutem.

Amstelodami.  
xii. Novembr.  
c10 Idc xxxiii.

Tuus totus

G. J. Vossius.



## CCXII.

Ger. Jo. Vossius, Cl. Salmasio *V. Cl.*  
*S. P.*

**Q**uas ante aliquot hebdomadas literas mihi, eas jam puto accepisti. Alebar tum spe adventus tui, non tanta quidem ac fuerat, cum primum de te agebatur: sed non omnis tamen decollarat. Interea ex curatoribus Academicæ nostræ accepi, quomodo conditionem hanc abnueres, atque honestas etiam cur ita faceres, causas adferres. Itaque ut video nunc spe mea penitus excidi, neque ego modo sed quotquot te hic tantopere præstolabamur. Neque consilium tuum hoc improbare ausim; præsertim cum ex literis tuis facile perspexerim, nunquam fugisse te quid animi alteri foret, qui omnem moveret lapidem, ut ne iis animis res ageretur, quibus oportebat. Intellego nunc prælum fervere tertio exercitationum tuarum opere, quod si est gaudeo. Quid de me mirum? qui tot bona me docueris, seu linguam utramque spectem, seu scientiam naturalem, situm locorum & prope disciplinas universas. Vere hoc quoque Exercitationum ad Solinum opus est thesaurus, non liber. Nec inferiora scio erunt, quæ consequentur. Quin tanto fortasse potiora, quanto præstat Solino Plinius, cui ni fallor nunc uni defudas. Ringantur omnes malevoli atque invidi. In eo studiorum genere nihil simile ætas nostra vidit: utinam conspiciat posteritas simile. Sed hoc voti est. Nunc quidem unus es qui ista possis. Spero brevi fore, ut non solum de Rep. literaria bene merearis: sed etiam de Ecclesiastica antiquitate, & Catholica illa Ecclesia quam Symbolo nos credere profiteamur: sed plures jactant quam noverunt. Et jam quidem præclara hoc de argumento exorsus es. Ea ad pertexenda Deus confido valetudinem suggeret & vires. Etsi te occupatissimum scirem & ipse etiam satis multis distringerer; committere tamen non potui, quin affectum hunc meum literis iterum apud te testarer. Vale maxime & amicissime Salmasi.

*Lugduni Batav.*  
*clō lōc xxxiii.*  
*Id. Novembr.*

## CCXIII.

*Amplissimo viro Jacobo Wittens Quaestori Dordrechtano S. P.*

**F**eriis nostris autumnalibus, Amplissime, & Conjunctissime Witte, excurrebam Hagam-Comitis, unā cum filia natu majore: At eo id animo à me factum fuit, ut inde eam abducerem Dordrechtum, quo visendis amicis, tuæ ante cæteras familiæ, biduum, vel triduum daremus. Sed enim vix pedem posueram Hagæ, cum intelligo de gravissimo lectissimæ uxoris tuæ morbo: quæ res, & mihi & filiæ maximum attulit dolorem. Quare importunissimum tempus ad vos proficiscendi ratus, consilium de itinere hoc mutavi. Amstelodamum redux, & quidem non una postea hebdomade, cognovi ex affine tuo Viviano, viro sanè ex reliquis aurei generis, necdum quidem optimè esse conjugii, sed indies tamen convalescere; quod mihi non mediocri voluptati, nec mihi solum, sed universæ familiæ meæ fuit. Nam ut liberi nostri, non sanguine juncti essent; cui me familiæ benè velle æquius esset, quam cui hinc parens, inde socer, ante annos propemodum quinquaginta fuerint innexi? Sed solidum ac diuturnum hoc esse gaudium, non fivit tristissima calamitas, quæ me domumque meam adfixit. Puto enim jamdudum ad aures tuas pervenerit, ut amiserim suavissimum Dionysium meum; quo superstiti, omnia adversa facilius ferebam. Deum immortalem! quantum ille de se, imo, prope dixerim, quid non spondebat? Quis ejus ætatis Classicos Scriptores, Latinos, & Græcos, diligentius evolverat? quam feliciter, etiam ubi magni viri sæpe hærent, enucleabat? quanto cum genio imitabatur? Quis plurium linguarum notitiam complexus? Non ego illas vulgares dicam, in his Gallicam, Italicam, Hispanicam; solum nomina bo eruditas illas, ut Hebræam, tum antiquiorem illam, tum Rabbinicam; Item Syriam, Chaldæam, Arabicam, Armenicæ etiam, ac Æthiopice dare sese coeperat: Vix anni spatium requirebatur, quin multa, magnæque habuisset Resp. literaria, studio, operaque ejus perfecta: Nec illa Linguarum modo variarum, & multijugarum, eruditionem testantia, sed acre etiam ingenium, limatissimum judicium, & quod ante omnia puto, eximiam pietatem. Nunc immatura mors spes omnes abscidit. Nisi quod dispiciam, quid facto optimum de Maimonidæ opusculo, ex Hebræo Latine ab eo reddito, & notis

tis illustrato : Item de Julio Cæsare quem post Scaligerum ipsum, feliciter innumeris pænè locis, castigavit, & notis eruditis fecit planiorem. De cæteris consilium sequar Plinii, qui non perfecta haberi jubet pro non inchoatis. Sed feralibus illis missis, (in quibus Christianum pectus, voluntatem divinam, pro lege habere debet) ad aliud venio, de quo jam diu ad te scribere in animo habui. Credo, meministi, me cum hic esses, tecum loqui de eo, quomodo Brunæus, ex conjugis sorore natus, ex canonicalibus bonis, urbis vestræ beneficio frui posset, quod Francisco meo socer tuus, piæ memoriæ procurarat sponte. Sed serò me tum locutum cognovi, quia jam alteri facta esset promissio. Putavi nunc mihi temporis te conveniendum in re simili. Matthæus meus post Kalendas, proximus triennio toto fructurus sit hoc beneficio; quemadmodum literæ super eo datæ testantur. At ego paratus sum, beneficio illi renuntiare, ab eo tempore, quo dixi, dummodò proximis Kalendis Januariis succedere contingat Francisco Junio, ex uxoris fratre, Joanne Cazimiro, nato: atque is deinceps fruatur usque ad annum ætatis vigesimum quintum; qua lege conferri id beneficium solet. Sic prope quadringenti floreni mihi decedant, quibus honeste fruar, partim quia liberis id beneficii collatum, ex bonis Canonicalibus, quorum honesta semper fruitio fuit, dummodò dignis conferatur; partim quia datum non male merito de urbis juventute per tot annos: partim etiam quia accepi, in solatium plusquam decuplo majoris summæ mihi immerenti, turbidis illis tempestatibus adeptæ. Sed enim cogito mecum non tam me indignum esse hujus pecuniæ, quam domum affinis defuncti. Vidua enim cum liberis relictis parva in re est, ut nosse te arbitror. Est genere ipsa nata perhonesto. Filius Franciscus, de quo nunc ago, ut cognomine, sic & nomine avum refert: Et avi institutum vestigiis, magna spes est. Nec debet videri alienus plane ab urbe vestra: cujus Parens studia in urbe vestra hausit, avunculus magnus Henricus Corputius, tot annos benè de Ecclesiæ vestrae meritis. Sed quod caput est, avus illius, maximis meritis, omnes toto orbe terrarum Ecclesias reformatas sibi vehementer obstrinxit. Vir undecumque doctissimus, nec ullo Theologorum quot sunt, vel fuere, inferior. Hæc ego pluribus sum persecutus, ut mihi curæ esse videas. Puer ipse optimi est ingenii, educatio optima. Nihil requiritur nisi ut studiis subsidium sit. Decretum mihi habere pueri rationem, ne avo, vel nobis, sit indecorus. Verùm si quid

nunc serius loquar, & licet triennio toto anticipem, tamen jam alicui ex magnatum cognatis facta sit promissio. Ecce igitur conditionem aliam. Si hoc ita est, & intra annum unum alterumve expirabit alicujus annus vigesimus quintus, qui hoc beneficio fructus sit hætenus: Non repugno, quominus alius, quisquis ille, proximis Kalendis Januariis, sibi Matthæo succedat, dummodo Franciscus Junius, Joannis Filius, Francisci Nepos, post annum vel biennium, frui eo beneficio contingat, & jam ei certa promissio fiat. Pluribus, mi cognate amplissime, non morabor te, quem occupatissimum scio. Et certè si occupationes meas scias, mireris me, præter morem, tam prolixè scribere potuisse. Sed quia non mihi me natum scirem, sed aliis etiam, imprimis cognatis meis, vel liberorum meorum conscientia non sivit, ut hac in re essem negligentior. Salutem plurimam dices optimæ uxori, & liberis, item præstantissimis viris, Consuli Beaumontio, & Syndico Catfio. Item M. Berkio, Colvio, Bewerio, Becmanno, cæterisque amantibus nostri. Sed cum occasio erit, ne me operæ tuæ, in salutationibus ullis, abuti velle censeas. Vale.

Amstelædami,  
cl. 16c xxxiii.  
x. Decembris.

Tuus, ut & tuorum,

G. J. Vossius.

#### CCXIV.

Claudio Salmasio.

**N**ON facile dixerim quanto in læta fuerim; imo quo in dolore nunc quoque sim. Semper enim recurrit memoria tam cari pignoris. Diès scio insipientibus quoque paulatim minuit mororem; nec in nostri ordinis hominibus ratio minus valere debet; quin potius prævertere in nobis tempus illud continet. Sed enim carendo eo filio, cujus virtutes rarissimas mecum optime intelligis, quotidie magis & magis intelligo, non quantum publicum modo, sed quantum ipse etiam amiserim. Omnino immaturus ejus decessus, meas quoque, non meorum solum rationes in studiis conturbavit. Minores vero nati, & Doctorem suum, & vitæ omnis ducem amiserunt. In ea calamitate nulla in re æque nunc solatium invenio, atque illis quæ Deus & Pietas suadent. Jubet Apostolus ne eorum instar lugeamus qui spem Resurrectionis non habent. Alter ait, beatos esse qui in Domino obdormierunt. Præterea doce-

mur



mur bonis omnia in bonum cedere. Pater ille coelestis optime norat quid filio, quid mihi, quid meis expediret. Quare si subinde me recolligo, & cogito mecum quam turpe sit futurum, si qui istiusmodi praeceptis praerire alijs ad constantiam soleo, nunc dolori ipse, eique inuili succumbam. Magnasque Deo gratias ago quod me spiritui suo firmet, & profecto quam ingratus fuerim erga Deum, si solum cogitem quid abstulerit, non item quantum reliquerit immerenti in liberorum ceteris. Multum vero tibi debeo, amicissime Salmasi, quod ipse non bona valetudine, dignatus tamen his me allocutione per literas, quae & propter argumentum, & quia à te venirent, non parum doloris absterferunt. Solatio etiam fuisse literarum quas Triumviri illi eo in casu perscribere; Clarissimi dico viri, Cunaus, Burgersdicius & Constantinus: quos licet antea amicissimos, propterea tamen magis deinceps amari debeo. Nam alloquium eorum tam opportunum pro grandi habeo argumento amoris erga me. Et si occasio dabitur, non refugies verbo hoc iis significare. Rescripsissem id ipse singulis: sed uti haecenus respondere tibi neglexi, itidem illis, nempe ne literas tristes huius argumenti multas scribendo, dolorem mihi refricem sapius, quem sepulchrum magis expedit valetudini & studiis meis. In tuis vero illis tam amicis scriptis, mi Salmasi, unum illud valde dolorem attulit quod, de invaletudine uxoris exarasti: tum autem quod medicorum iudicium esset, ab hydrope tibi metuendum. Cohorui cum legerem, & mei aliorumque tui amantissimorum, & magis uxoris lectissimorum & dulcissimorum liberorum tuorum, & maxime boni publici causa; de quo non alius melius hoc tempore meretur. Sed tamen in mentem venit, eo haec medicos dixisse, ut valetudinem tuam tam caram bonis, sedulo magis curares: Omniaque coelo huic nostro aliquanto inclementiori, convenienter agas: ac imprimis ne ad animum revoces, duorum fortassis aut trium sinistra iudicia, ac laudationes malignas, sed potius grato in Deum animo, saepe illud cogites, quo in loco coeleste nunc te constituerit, quasi in Theatro omnium Doctrinarum, in quo quicquid candorem cum praecleara eruditione conjunxit, tibi ac praeterea uni alteri (in his seis me dicere, tuum & Groetium) pariter adsurgit. Et cum tam benigna bonorum omnium iudicia experiaris, ut qui non eo te loco habet, si non doctrinae probitati, saltem bellum indixisse videatur: tamen non dubito, quin praecleariora etiam futura sint posterorum iudicia, praesertim si dederit Deus, ut ea quae ad Ecclesiasticas An-

tiquitates pertinentia jam affecta habes, vel confecta in lucem ac manus hominum evenire contingat. Utinam mihi Deus tam longam vitam concefferit, ut laboribus illis tuis frui detur. Verè enim dixero, nullum esse studium, quod me à plurimis annis magis ceperit; nec malevolis aequè cenfeo, quod superiorum temporum tempestate non leveim bonorum meorum iacturam facere sim coactus, quam illud quod ab his studiis sim abstractus, quibus eo magis animo meo morem gessissem, & magis consuluissem publico. Aphrodisium de Fato, quem petieras ex Bibliotheca mea, mitto. Nec citius remitti postulo, quam tibi videbitur. Vel tota enim hyeme eo, & additis Scriptoribus carere possim, propterea quod etiam compareant in Bibliotheca huius urbis publica, cui filius meus Matthaeus est Praefectus; hunc enim honorem ei proceres nostri habuere, ut *angelus* fratri surrogarent. Quare si quid vel in ea, vel in nostra usui esse possit, scias non magis te promptum esse posse in petendo, quam nos faciles in mittendo. Vel quinquagenos si ex mea eodem poscas tempore, gaudebo, quod aliquo pacto liceat ostendere, quanti te faciam; & quam omnia tui causa velim. Uxor tuam salute plurima impertit, quam doluit de adversa ejus valetudine, tam gavisa est de secunda; Quam utrique vestri, & familiae universae diuturnam optamus.

*Amstelodami* iii. Non. Decembris. clxxiii.

Postquam, Maxime Salmasi, superiores literas scripsissem, intelligo ex meis ob intensius gelu nautas non audere se itineri committere, metu ne non sine maximo periculo congelantur in via. Nempe dies hesternus, quo tuas accepi, postremus fuit, quo hinc solverent. Superest ut terrestri itinere liber mittatur. Sed id non satis tuto fieri solet, praesertim quia ut committam librum aurigae, tamen is non ulterius contendit quam Harlemum, ubi alio opus qui Leydam deferat. Sed operam dabo ut fidum hominem nanciscar, ex iis quibus abundum Lugdunum. Sane dolet, quod non statim tuae satisfaciam voluntati, sed nunquam importunitis, toto penè anno, posci liber ponerat, quam hoc tempore. Credo si praescisses, bido vel triduo ante scripsisses. Nimirum, mi Salmasi, discendam adhuc coelum Batavum, & quomodo hic vivatur. *Téxte*

*Tuus totus,*

G. J. Vossius.

CCXV.

Erycio Puteano S. P.

**M**agnus me luctus tenet, mi Puteane, amisso Dionysio meo, quem ego filium amare solum poteram, ob excellens ingenium, & raram hoc seculo, ea præsertim ætate, modestiam & probitatem. Nunc tam varia accesserat eruditio, nec illa in Latinis modo Græcisque literis, quæ solæ totam hominis ætatem occupare possint, sed etiam Hebræis, Syris, Chaldeis, Arabicis. Ut de Æthiopum Lingua, & aliarum Orientis gentium taceam, quia objectari possit, istarum non multo plus quam gustum habuisse. Ut quoque præteream Gallicam, Italianam, Hispanicam, quibus loquebatur. Sed istas in vulgaribus haberi scio dici posse. Et jam Cæsaris editionem novam moliebatur. Jam Maimonidem de Idololatria ex Hebræo fonte in Latinam Linguam à se derivatum, & commentario redditum illustriorem, communicare Reip. literariæ gestiebat. Jam quoque animo conceperat ex Rabbinis omnibus, quorum volumina avide devorabat, ingens volumen, quod præcipue complecteretur quæ ad Judæorum conversionem pertinerent. Nunc, si Maimonidem & Cæsarem excepero, quæ non multum desiderant (ita prope absunt à perfectione) omnia jacent plane imperfecta, ut etiam pro non inchoatis debeant haberi. Quid in Reidani Annalibus transferendis præstiterit, nondum potes vidisse, & hibernâ hac tempestate majusculum volumen commodè satis transmitti non potuit. Sed enim curabo meliori occasione, nequid dignum amicitia nostra in me requiras. Volo enim te omnium esse participem, quæ à me, aut meis proficiantur. Sed præter eam, quam dixi causam, altera etiam cur nunc non mitterem, accessit ratio, quæ à temporibus his erat. Utcunque enim nihil nisi innocentes curem Musas, tamen non ignoras, quibus temporibus vivatur, sane suspicionum, atque utinam suspicionum modo, ac non etiam malevolentia, & pestilentia plenis. Contemnamus hos uterque, mi Puteane, utcumque id durum videatur, præsertim ab iis si perferendum, qui ex literis nostris humanitatem hausisse debebant. Ego vero te ob amorem pacis amo impensius. Scio te ista & amore magni regis vestri, & simul universæ Belgicæ scripsisse. Valeant sanguinarii illi, quibus nihil dulce præter bellum & opes quas inde ingentes expectant. Equidem non tam rerum sumstrarum ignarus, ut non videam innumeris opes bello accrescere. Sed

ego pro pecuniæ ac diaboli mancipiis habeo, qui bellum præoptent, si inter partes honestis transigi conditionibus possit. Nec aliud mihi persuadere possum, quam Belgicæ vestrae proceres belli, ac tot calamitatum pertasos candidè nobiscum negotium hoc tractare. Deum Opt. Max. uterque, optime & amicissime Puteane, oremus, ut illis quibus negotium hoc incumbit, magis magisque animum illum inspiret, eorumque consilia ad exitum, utrisque partibus felicem, perducatur. Barlaeo nostro literas tuas præbui legendas, cui jucundissimum fuit videre, quanti se facias. Voluit ut suo nomine plurimum salutarem.

*Amstelodami.* Anno clc lxxiv. iiii. Non. Jan. Novusque hic annus, ut tibi, conjugii, liberis, felicissimus sit, voveo atque exopto, ut debeo.

Tuis totus,

G. J. Vossius.

CCXVI.

Conemburgio Consuli Roterodamensi S. P. Roterodamum.

**Q**uod, Amplissime Conemburgi, ab idoneo Scholæ præfecto, jam prospectum sit florentissimæ urbi vestrae; sane gaudeo, pro amore erga Remp. literariam meo, & affectu etiam erga eam civitatem, quæ non tam meum dixerim, quam communem Orbis doctorem dedit. Nunc verò intelligo, quam laboretis de aliquo, qui proximum à primo, in Gymnasio vestro teneat locum. Est autem apud nos, Justus Rieuard, quem si sollicitetis, facile assensurum video. Est juvenis, à pietate & moribus laudatissimus. Latine idem Græceque doctissimus. Poësi etiam Græcanica egregius: ut omnino sapiat supra conditionem eorum, qui munus hujusmodi solent sustinere. Equidem si quid in talibus possum videre, (& experientia videor aliquid mihi consecutus) non utilitati modò, sed ornamento etiam, sit futurus urbi vestrae. Tanto magis de istoc mihi certiorum te faciendum putavi, quod magnæ urbis nostræ proceribus visum fuerit, Operâ uti meâ, in exposcendo Junio vestro. Successisse negotium gaudeo. Sed non eo deterius urbi vestrae volo. Imo nihil æque exopto, quàm ut sæpe se mihi occasio offerat, quâ affectum erga urbem vestram meum possum comprobare. Vale, vir amplissime, & bene de urbis



bis vestrae gymnasio, atque adeo civitate universa, mereri perge.

*Amstelodami*  
cl<sup>o</sup> Id<sup>o</sup> xxxiv.  
14 Nov.

*Amplitudini tuae ad-*  
*dictissimus,*

G. J. Vossius.

CCXVII.

Hugoni Grotio S. P.

**D**UÆ propemodum, Vir Amplissime, hebdomades sunt, cum ad te literas exaravi. Etsi autem sciam, ut non Philosophi solum, sed prope omnes scholastici ambulant: tamen jam eas spero à Cassio acceperis. Paucis post eas scriptas diebus, Blauwius J.C. me convenit, seque omnia dixit comparare malle: ex animi tui sententia: eoque animo jam scripsisse Francofurtum, ut illius notæ mittant typos ac expetiisti; sed dubitare continuo coepi, utrum tanti tam leve characterum discrimen putares, ut Blauwium propterea paulo minoribus edere jam paratum, differre negotium velles. Interea respondi me super ea exquirere velle sententiam tuam. Et sic quoque scribendo, ac rescribendo, una altera hebdomas abiit. Quod molestiæ devorandum tibi erit, vel potius illi, cui acceleranda editionis spes fecisti. Nescio, an ut debui jam ante trimestre de Zorziis adolescentulis ad te scripserim, an hoc ut metuo, morbo meo, in oblivionem venerit. Summa eorum, quæ vel scripsi, vel scripsisse oportuit, ista erat. Patruum eorum, qui hic habitat, paratum esse, in domum suam eos recipere, pariterque animatam esse Conjugem, quæ attendere possit omnia munditiam spectantia; sese aiebat Patruus curaturum cætera, studiis exceptis, quæ haurient à Præceptore, non longè ita ab ædibus Zorgianis habitante. Huic toto prope die aderunt, cum decem, vel circiter adolescentulis aliis: quibus instituendis fidelem operam navat. Mihi id consilii non improbat. Hac hebdomade jam longius aliquanto ab ædibus meis procedere coepi, cum ante pedem non ulterius domo efferrem, quam in propinquum Lyceum nostrum. Nempe augent indies vires. Putabam ego ea mente, Petrum tuum Amstelodamo migrasse, ut intra mensem Hamburgum se reciperet. Videor enim tale aliquid audisse; sed cognatus tuus Hartigfeldius retulit mihi, ante diem unum alterum literas se accepisse à fratre tuo: ex quibus cognoscat, malle, ut Amstelodamum

redeat, ac uti coepit, porro utatur seniori Blauwio in Matheli Doctore. Hoc si est, satius fuerat remanisse. Nam Blauwio scio id commodius esse hyeme, quam æstate ob turbam, quæ de die domum ejus frequentat. Si redeat filius, nusquam melius puto vivat, quam in ædibus Corvini. Is Kalendis Maii huc migrabit, ac domicilium habebit, ut Lyceo nostro, sic ædibus meis vicinum; scio Corvinum omnia tua causa velle. Quare facile spero, hæc in re ad paucos menses gratificabitur, dum idem tibi videatur. Nam ut ad Ostorpium Rectorem redeat filius, vix fieri potest: quia id nimium ei incommodat. Causas exposuit, quibus mihi fidem faceret. Nec obrudi ei potest invito. Caput querimonie erat, quod colloquiis ejus cum famulitio, operæ domesticæ impedirentur: familiaritate item cum Classicæ scholæ pueris disciplina sibi difficilior redderetur. Non ibo per omnia excusatum filium; sed tamen, quid mirum? si filius adolescentulus more ejus ætatis, colloquia, & lusus, cum domesticis quærat? præsertim cum vivat apud hospitem, optimum illum virum, & tui amantem, sed gravem, & exigui sermonis, ac fere valetudinarium. Lætiora ei omnia apud Corvinum erunt, & in propinquo domus nostra, tam benevola, quam si arcto ei sanguine juncta foret. Plura, hoc est domo mea, offerrem, nisi arctè, ob liberorum multitudinem, habitarem, & filio etiam tuo alterum magis expedire arbitrarer: sed si de Corvino non cadet ex animi sententia, tamen opera dabitur à nobis, ut aliter ei consulatur.

*Amstelodami*  
cl<sup>o</sup> Id<sup>o</sup> xxxiv.  
Nonis Aprilibus.

*Tuus totus,*

G. J. Vossius.

Qui hæc literas tradit, est Illustris Johannes Skitte, L. Baro in Duderof, &c. maximus natu trium fratrum, quorum minimus ante mensem, & quod excurrit, Hamburgo, ad nos profectus studiorum causâ. Juvenis est eximie probitatis, literarumque cultor, literatorumque omnium amantissimus, tui imprimis nominis, & cultor, & admirator. Eique sic poscenti literas has sic deferendas, dedi, quas alioqui traditurus essem Tabellario. Nempe arbitrabatur, meliorem sibi occasionem fore compellendi tui, si literis meis tibi commendaretur. Quod facio libens; nimirum nihil aliud ei in votis, quam ut conspiceret te detur; simul, semel, iterumque, dum Hamburgi pauculis diebus subsistit, compellare te possit: quod tam minutum negare nulli

nulli soles: nedum huic grave sit hoc præstare, & generose nato, inque summis spes educato, & mihi longè carissimo. Uxori ab uxore salutem dicito, & omnibus tuis. Iterum vale.

## CCXVIII.

Jacobo Wittio, *Quæstori Dordraceno*,  
S. P.

**N**on pauci, dilecte Cognate, per se, vel amicos, suos transmittere labores, meumque judicium exposcere solent. Nec facile dixerò, quantopere sapius hæream. Nam si laudem, intelligentioribus videar ineptus; si vituperem, amicis eorum, & ipsis magis videar malevolus. Nunc in nulla Charybdi laborandum. Verè enim, & ex animo dico, simulac aureolos versus tuos accepi, ferreolum me Zelotæ cujusdam scriptum deposuisse: hisque quicquid molestiæ senseram prius, penitus fuisse detersum. Sed dic, O bone, quod alterius etiam versus, tuis esse comites volueris, Batavane simplicitate factum? An callidè potius, ut purpuræ tuæ splendor magis conspicuus foret? Sanè non soleo ego cuiquam detrudere, neque nunc faciam quia utrumque vestri æstimo; sed tamen injurius tibi sim, nisi dicam in perpauca me videre illam ingenii elegantiam, illum etiam Romani sermonis candorem, qui tuis in versibus relucet. O utinam sæpe nobis tales dares, & quod dicere liceat, digniori te argumento. Nam & illud non parum conferre ad hoc solet, ut nos in istis animi fortibus vivamus; & poematis quidem, non solis tamen, te inclarescere velim: secundum quippe ingenium, quàm ut inde solum tibi laudem pares. Emaculandus, illustrandus, unus alter tibi veterum scriptorum. Abundè tibi gloriæ à prioribus relictum. Mox etiam alia, & alius generis sequantur; de quibus coram melius colloquemur. Equidem non possum non Beverwicum meum amare, quod utrumque hoc studeat, ut benè de publico mereatur, & se quoque tollat humo. Tunc, mi Wittio, te vinci fines? Profecto si tam caro capiti irasci possem, facerem illud, & facerem vehementius. Quo nomine? inquires: eo sanè quod illo ingenio, & doctrina, illo ætatis flore, illo otio, illis fortunæ bonis, præter duo tria poemata nihil elaboraris: Et quantum vel ex te ipso, vel aliis intellexerim, necdum aliquid sub manibus serio habeas, quo nomen tuum à rubigine vindices; quo familiæ nobili, & ante in Galliis, & jam sesquifeculo in

hac Belgica, novum decus addas; quo denique non exiguo sis ornamento urbi patriæ: de cujus honore ac gloria, bene multis annis, istic habitus, & tot liberorum ibi parens factus, plus multis indigenis; etsi id minime sciant, soleo cogitare. Vellem illam urbem, copia excellentium virorum cum quavis Bataviæ, vel Belgicæ certare. Si assurgere nondum potest ad Roterodami, vel Delphorum gloriam, (quantas animas duæ illæ urbes dederint, non capiunt miselli, qui carpunt) at saltem opera danda ut habeat qui proxime absint. Cætera curæ erunt Orbis Rectori. Hic tibi, conjunctissime Wittio, illam mentem inspirent, ad quam nunc te adhortor. Idem te, & universam familiam tuam diutissime sospites conservet. Salutabis in ea omnes; ac præterea & Colvium, & Beverwicum, & quoscumque fucato hoc sæculo, vere scias amantes nostri.

*Amstelodami,*  
clō Idc xxxiv.  
post Kal. Apr.

*Tuus sine fūco,*

G. J. Voßius.

## CCXIX.

Hugoni Grotio S. P.

**R**edit, Illustrissime Domine, ad te generosus filius Johannes: cui, quod potui, hætenus præstiti; partim juvenis causâ, cujus id virtus, & amor doctrinarum merebatur; partim tuæ in spem gratiæ, quem boni omnes, ac prudentes, suo jure maximi faciunt; non modo ob sublimem locum, in quo es constitutus, sed etiam ob singularem doctrinam, & humanitatem summam: quæ virtus cum in omnibus, in Heroibus propè est divina. Atque ista etiam prædicant, qui his degunt terris; quia statim in oculis incurrunt; qui verò propius adsunt, laudant virtutes alias oculiores, non minus Heroem decentes; de quibus nihil à me expectas, qui non de te mihi ad te scribendum, sed de literis tuis, quas mei causâ, in Bataviam misisti. Sanè illustris filius Johannes honestam admodum memoriam sui apud Batavos relinquit. Præclare de eo censent urbis hujus procures: nec dubitant, quin patriæ sit futurus præsidium, atque ornamentum. De studiis quid attinet me scribere, quandoquidem viva ipse Epistola erit? Solum igitur illud dicam, exoptare me, ut ad suos reversus, unum alterum scriptorem nobilem, & eum potissimum quo genius maxime traxerit, assidue verset, & quotidie non nihil scribendo, magis, & magis, eum exprimere conetur. Cœperat aliquid feliciter tentare,

H h

de



de gestis maximi Regis Gustavi. Videre est in illis bonæ dictionis lineamenta, maxime ex Cæsare, & Tacito. Nec interea diffiteor, nondum stylum satis firmasse; eoque opus ut legendo, & imitando pergat; illo pede, quo coepit gressum, dies formabit, haud aliter ac in pueritia videmus: nam & eloquentiæ studium habet pueritiam, habet juventutem, ac vigorem suum. Pro victu utriusque filii mihi planè satisfactum. De luculento etiam honorario pro institutione gratias ago maximas. Accepi autem in universum imperiales octingentos, & quinquaginta. Minori contentus partem recusavi: sed urgente filio recepi; & sanè care vivitur apud nos, ob maximos census, quia nobis cum potenti hoste negotium est; sed consultius videtur, ut filius generosus Jacobus, potius aliis in ædibus, quam apud me degat. Melius extra domum meam cognosceret, quid ubique rerum geratur. Nihil me occupatius, ut vix sciam quid foris geratur; studiorum verò ejus nihilominus mihi cura erit, quin & potius major. Inque partem curæ, assumam filium meum Matthæum, cum aliorum, tum maxime omnis historiæ intelligentem admodum; & jam orsi eramus uterque, quæ deesse filio potissimum videbantur; & simul quibus imprimis caperetur: cum ecce narrat, sibi in animo esse Gallias, præcipueque Italiâ visere: velle autem ante hyemem proximam reverti, ad ulterius capiendum ingenii cultum. Primitus mirabar plurimum; sed ratione consilii hujus non aspernandas adferebat; satius enim esse, ut ætate peregrinetur: hyeme apud nos degat. Præterea nunc habiturum Ducem, & Comitem Skyttium, virum & doctrina egregium, & quod huc potissimum spectat, in probitate & prudentia pariter insignem. Quo alioqui sit frustrandus, quia eum illustris frater suus Benedictus impensè desideret. Insuper malle recentem à studiis reverti in Patriam, quam ubi quædam, peregrinationis diuturnitate in oblivionem venerint. Denique aiebat, animadvertere se, me editione operis Philosophici, quo in veteres, & recentes Grammaticæ artis scriptores, Aristarchum ago, multaque antiquorum illustrô, vel emendo, esse aliquanto occupationem, quam ut æque sibi vacare possim, quam futurum esset hyeme, opere interim absoluto; & similia de filio afferbat qui distineretur Annalibus Batavis concinnandis: Eaque opera intra paucos menses absolvi posse cognorat. Mirabar filii ætate in ea prudentiam; sed filium tuum esse cogitare mox coepi; occurrebat Poetæ illud, Est in juvenis, est in equis, patrum virtus; sanè animi est excelsi, magnaue spondet. Nempe totus est in eo,

ut nobile genus, nobiliori animo illustret, in quo multum abit à Nobilium, si sic loqui liceat, vulgo, quod quia vera non intelligit bona, umbris capitur. Tuum verò hunc, imo omnes tuos, vix opus ad virtutes, ac studia adhortari, ne fiat illud vetus, Equis ad campum. Deum Opt. Max. rogo, ut hanc in liberis felicitatem tibi perpetuam esse velit, teque, Illustrissime Domine, diutissime incolumem servet, non tibi modo, & tuis, sed potissimum Suevico Regno; cujus etsi nomen inclytum semper fuit, tamen sub Gustavo nulli Regum inferiore, maxima honoris sui, per universum orbem, incrementa cepisse, nos exteri judicamus: & puto gens Suevica agnoscit non invita.

*Amstelodami,  
iii Id. April.  
∞ Idc xxxiv.*

*Illustrissimi nominis tui  
cultor, ad officia omnia  
paratissimus, tibi,  
& generosis liberis,*

G. J. Vossius.

CCXX.

Gl. Salmasio, Ger. Jo. Vossius S. P.

**M**agnæ mihi voluptati fuit conspectus optimi adolescentis Merceri tui. Juvit enim videre eum qui & affinitate tibi esset junctissimus, tantoque & parente & avo prognatus. Solum vellem ut apud me divertisset & aliquot hic hæssisset diebus. Si quando ipse occupator fuisset, colloqui cum filio potuisset, eoque Duce & Comite urbem hanc & quicquid in ea memorabile lustrare; sed negabat id ullo pacto nunc fieri posse. Quæso si necdum valetudo tua & anni tempus ferant ut nos cum uxore, liberis, affine invisas, veniat is affinis tuus. Cura ejus habebitur tanta ut sollicitum te esse nihil sit opus. De botanicis scire aveo an propediem visura sint lucem: Memini te coram de iis loqui cum essem Lugduni. Ab eo tempore nihil intellexi, nisi quod Epistola quadam Lugduno perscripta Hardervicum spes quoque eorum fiat. Vellem autem Literæ illæ paulo aliter meminissent ejus operis, in quo ut in cæteris fecisti tam multa, doctissimos etiam docebis, præclareque de medicorum filiis, ut alios taceam, mereberis vetera nomina explicando: quod non potest, nisi qui naturam & vires Plantarum exacte calleat. Ecquis maligne laudet, nihil ad te quia infra te, præsertim cum perversissimè sit fieri istæ non tam quadam animi

animi malitia quam in gratiam alicujus qui ferre illud non possit, ut in istis & tot aliis sapere etiam judicaris ubi is plane videat nihil. Intellexi te aliquid, imo librum justum edolasse de viræ termino, quem lucem videre exoptem, modò nihil in eo adversus receptam sententiam his terris *ἀπὸ τοῦ αἰσίου* nec eam arriperent. Damno hoc magno meo didici, atque istoc absque dubio aperte etiam satis vides. Pluribus nunc colloqui tecum velim. Sed affinis ait sibi abeundum, ut morari non liceat eum. Et mihi nunc eundum ad Gymnasium urbis, quia est solennis examini dies, unde mihi in curatorum numerum adlecto abesse non licet. Vale, Salmati, decus nunc Batiavæ quoque hujus & seculi deliciæ. *Τέχνη*.

clb Idc xxxiv.  
v. Idus Aprilis.

## CCXXI.

Merico Casaubono S. P.

**C**Ogor me ipsum ridere, mi Casaubone, quod ad aliquem scripturus, fere tanquam à solenni formula ordiar literas meas ab excusatione diuturni silentii. Sed tamen nunc scio facile veniam à te & aliis impetrabo cessationis meæ, postquam ad veteres tarditatis causas longè gravior ex morore accessit, ob amissum optimum & suavissimum Dionysium meum, de quo sæpè ad te scribere cogitavi; sed cum calamum in manus cepissem, dolor recrudescere, quem cogitationibus aliis amoliri satius erat. Mollitiem hanc animi accusabis, meque ad Philosophorum veterum præcepta deduces, & imprimis ea quæ nobis solatia sacra suggerit fortuna. Istis verè munio pectus sedulo, qui fortasse succumberem, nisi attenderem ad illa quæ nec gentium Philosophi ignorarunt; ac præcipue nisi oculos attollerem ad divinam Providentiam, quæ suaviter sic omnia dispensat, ut ea quoque quæ molestissima sunt carni, salutaria sint spiritui. Hæc mihi propono, his me solor, quoties occurrit qualem & quantum amiserim; Quot enim ille vulgares Linguas erat complexus, in his Hispanicam & Italicam, ut de Gallica taceam? quot etiam Linguas eruditæ non modò Latinam Græcamque, sed Hebræam, Syriacam, Chaldaicam, Arabicam, ut de cæteris nihil dicam? Quos etiam Poetas, Oratores, Historicos, Philosophos non legerat? & ita legerat, ut non magis memoriam mirarer in retinendo, quam judicium in ea ad usum transferendo. Sed nihil

æquè exosculabar, quam indolis bonitatem studiumque pietatis, & contemptum voluptatum, & aliorum quibus Ætas ista capi ac decipi solet. Nec virtutes hæ occultæ esse poterant. Itaque jam à proceribus nonnullis Regni Suecici agebatur ut in Sueciam profectus, ibi sex septem mensibus linguam Gentis addisceret, atque ad Archiva admissus ex sermone etiam præstantissimorum hominum, antiquas ac recentes res Suevorum cognosceret; inde ad nos reversus Regni ejus Historiographus, mercede non exigua cuncta literarum monumentis traderet. Quod si porro etiam operam suam regno vellet addicere, longè majorum ei in regno bonorum promissa tiebant. Itaque proceribus iis flebilis occidit: nulli tamen magis quàm mihi, quia si quid affectum habeam, imo quicquid aliquousque à me scribendo perductum, id si quid humanitus contigisset, optime unus pertextere potuisset: Sed quid hæc tam multis? gratias Deo ago, quòd talem mihi filium dederat: nomen quoque ejus sit benedictum, qui eum fortasse, ne à mundo corrumpere, illa in ætate ad se recepit. Gratias quoque ei, quòd tot alios mihi liberos reliquerit, qui omnes (nisi quod in Johanne meo, majorem studiorum amorem exoptarem) industria vitæque exemplo planè mihi satisfaciunt. Quid Domino pro tot beneficiis rependam? Ista cum scriberem, ecce mihi tabellarius qui tradat geminum exemplar M. Antonini Imperatoris de vita sua Anglicè à te de Græco fonte redditi, notisque illustrati. Atque utinam linguæ, quæ scripsisti, intelligentior essem; interea Græca cum Britannicis, ut poteram, conferenti, maximè libro primo, & iis de quibus differis in notis, visum sic fuit non pauca te melius Xylandro percepisse, viro aliqui doctissimo, beneque de studiis merito. Vellem Johannes meus in duobus tribus locis explicare, hærenti mihi, (linguæ quippe Anglicæ multis partibus intelligentior) sententiam tuam potuisset. Præsertim verbis de Sexto; ubi in laudibus ejus ponit, *τὸ ἀδελφικὸν τὸ οἰκουμενικόν*, nisi *οἰκουμενικόν* rescribendum. Tales enim instar simplices, nec attendunt ad multa amicorum minus laudabilia: quod ad conservandam amicitiam plurimum facit. Sed nihil pronuncio, quia incertum linguæ nihil certo mihi de mente tua ausim promittere, utcumque eam adsequi viderer. Sed ubi redierit filius juvabit plenius cognoscere. Aliquantò ante ubi Antoninus ait, *τὸ δὲ ἐνεργὲς ἵκον ἀνδρῶν ἀπὸ δόξανδρος*, nonne præstaret, *ἐνεργῆς*; præsertim quando *ἀσκητικὸν* antecessit? Ac post aliqua, ubi Severi nomen retines, nonne rescribendum hoc pacto, *ἀπὸ τοῦ ἀδελφικοῦ μὴ οὐκ ἀπὸ τοῦ φιλοσοφικοῦ, καὶ φιλόλογου, καὶ φιλοπονοῦ*.



αἰσίων, ὃ τὸ δὲ αὐτῷ γράφει Θεοτόκον, Εὐαγγέλιον, &c.  
Sed de istis tu melius judicabis, qui scripto-  
rem eum totum nunc, quod dicitur, in san-  
guinem & succum verteris. Præclare meri-  
tus es de Britannis, quibus ex tanto Principe  
haurire præcepta sapientiæ licebit. Quam vi-  
am si, exemplo tuo, plures infisterent, multi  
Patriæ solum Linguae gnari, frugibus potius  
quàm quisquiliis, pascerentur. Sed amicissi-  
me mi Casaubone, non possum te celare  
imbecillitatem meam quantumcunque mihi  
(fortasse & aliis) fortis videat. Cum ego  
hunc præclarum laborem tuum in manus su-  
merem; mox sese obtulit pagina à titulo  
proxima, qua laborem tuum inscriberes di-  
vino Viro, magno illi Mecænati nostro. Vide  
pugnantissimos nostros affectus. Gaudio in-  
genti erat, quod & illud illustre nomen de-  
corares, & nomen illud non minus decoraret  
opus tuum. Et tamen dolor ingens me in-  
vasit, ob amissum filium Dionysium, quicum  
ego omnia communicaram de officiis, quæ  
Herói illi familia mea deberet; qui etiam  
prope nihil non ejus auspiciis edere decrêrat.  
O spes hominum incertas! Nunc ego, nunc  
mei, tanto post te unum intervallo relictus,  
ut gemino jam monumento hoc egeris, ne  
ingratus videaris. Et sæpe metuo, ne qui  
merita Illustrissimi & Reverendissimi Do-  
mini sciant, & quomodo in Batavia hic vi-  
vam, nesciant, vel socordiae me reum agant,  
vel ejus vitii, quo infestis terra nihil pejus sa-  
stinet aut creat. Utinam opus meum Gram-  
maticum (quod tanto mihi labore stetit, quo  
etiam præclare me puto meritum de Repub-  
lica literaria) liberis potius post meum obitum  
reliquissem divulgandum, quam ut nunc vi-  
dear tam lentum nomen, atque ut veteres  
dixere, vere trico & bovinator. Sed facta  
nequeunt reddi infecta. Non deinceps curæ  
huic aliud prævorri sinam. Desinam, nec  
sine dolore, unum si addidero, quod scire  
debes, jam ante menses aliquos, me accepisse  
à Peistero pecuniam, quæ provenit mense  
Septembri anni superioris. Itaque mense  
Martio hujus anni, totius semestris proven-  
tus mihi debitus, quem te paratum mihi re-  
fundere, simulac literas meas videris, jam ex  
Peistero intellexi. Multam salutem dicito  
Reverendo Dom. Decano, & universo fra-  
trum Collegio, quod colo, & colam semper,  
uti debeo. Optimam verbò uxorem tuam non  
meo solum sed conjugis etiam nomine pluri-  
mâ salute impertias rogo. Vale.

*Amstelodami.*  
elo. Loc. xxxiv.  
Kal. Maii 64.  
Voss.

*Tuis, mi debeo,*

G. J. Vossius.

## CCXXII.

Joanni Meursio S. P.

Careo, Amicissime Meursi, tantopere di-  
lecto filio meo Dionysio; eoque careo  
(cur reticeam?) magno cum mœrore; sed  
quem leniat dies, & imprimis divinæ volun-  
tatis cogitatio. Post excessum ejus lentior  
fui in scribendo. Quod non miraberis, si  
scias quantum amiserim. Equidem sæpe co-  
gito mecum, quis ille ea ætate; quantillus  
ego hac grandæva. Sed superanda omnis  
fortuna ferendo est. Atque hæc non aliqua  
animi mollitie, sed maximo jure à me scribi,  
facile videbis, ubi in lucem ejus Maimonides  
& Cæsar prodierit. Reidanus jam excusus  
fuit eo vivente, quem mittam ubi occasionem  
suggereris, vel ipse reperero. Scio, judica-  
bis sic interpretem egisse, ut, si viveret au-  
ctor, non alium votis debuerit expetere.  
Tua de Regno Attico credo jam acceperis.  
In qua editione siquid peccatum, nulli minus  
quam mihi vitio vertas; quandoquidem  
Janfonio (ita intelligo) visum, ut Harder-  
vici potius excuderetur, utcunque aliud in-  
scriptio præ se ferat. Aderam his diebus Ar-  
landerveniæ Domino Guiljelmo Noomsio,  
viro & literarum, & literatorum amantissi-  
mo, tui præ aliis prope omnibus. Cui cum  
exposuissim, quàm præclare hoc ipso anno  
meriturus esses, editione multorum de Re-  
publica literaria: in his etiam Bibliotheca Ar-  
tica, & quæ de aliis scriptoribus consignasses;  
pro familiaritate, quæ ei mecum est, dicere  
cepit, paulo alter convenisse, & periisse sibi  
sic laborem, quem in hoc argumentum in-  
sumpsit. Attamen, ut ingenuè agam, inter  
eos qui tam mihi amici, satius existimo à te  
id fieri quam alio quoquam. Non diffiteor  
post abitum tuum multum ei argumento esse  
insudatum his locis. Sed enim quis orbe to-  
to intelligentior talium Meursio meo? Et ta-  
men non plane frustrandus voto suo Noom-  
sius noster. Puto, recte te facturum, si ex  
opere eo partem aliquam ipsi dedices. Satis  
animadverto sic satisfactum ei iri. Vel si dis-  
cerpi id opus non placet, dicetur opus aliud  
non plane dissimilis argumenti. Et ausim  
dicere, si bene virum novi (nosse autem de-  
beo) non ingratum eum fore. Nec enim  
sordidus est. Blauwius necdum opera tua  
excudere est exorsus: Duas suspicor causas.  
Una, quod opere nostro Grammatico disti-  
neatur; quod & duos tres menses morari  
eum poterit. Altera, quod ei lis sit cum vi-  
cino Johanne Janfonio, quam prius componi  
velit. Siquidem vix aliquid ullius momenti  
excudit

excudit Blauwius, quin recudat Janfonius; vix quicquam Janfonius, quin par pari Blauwius det hostimentum. Semel iterum uterque (sed frustra) opera usi meâ ad controversiam hanc dirimendam; nec tamen sopiri posse diffido, ac brevi quidem spatio, damno suo uterque discet sapere; sed si bene rem capio, aliquanto iniquior Janfonii causa. Quod si animus iste pertinax, vel, si malis, pervicax, utrumque gravaturus diutius, non desinam propterea Blauwium urgere ut quamprimum satisfaciât promisso suo, & expectationi tuâ. Nec enim nescio, quo affectu homines eruditi non illos solum corporis, sed vel maximè animi foetus, ament. Scripsi hæc subito cum Lugduno huc venisset noster Mullerius, seque ad Dom. Roscraantium post horam literas diceret missurum. Nolui enim tam bellam scribendi occasionem omittere. Intelligo ante dies paucos Elzevirium profectum in Daniam. Quod si scissem, fortasse occasio fuisset per eum mittendi Reidani; sed hominem non vidi, nec domi meâ fuit. Uxorem tuam uxor mea, & liberos tuos liberi mei salutant.

*Amstelodami,*  
clō Ioc xxxiv.  
Pr. Kal. Maias.

*Tuus, si alius*  
*quisquam,*

G. J. Vossius.

## CCXXXIII.

Stephano Goffe S. P.

**E**Rgone, doctissime Stephane Goffe, non satis nuper munificentiam tuam exeruiſti, donando me nobilissimi Viri opere de Veritate, & longè desideratissima Clementis ad Corinthios Epistola: denuoque Bibliothecam amici immerentis augere voluisti præstantissimi Seldeni ad Hebræorum leges commentario? Quas pro multiplici dicam tibi munere grates? Nunc enim quo paria faciam nihil occurrit; sed spero, occasionem datum iri magis testandi affectus. Popularis ille tuus (scis quem dicere velim) recusat se subicere Statutis Ecclesiæ Belgicæ. Rogatur ab amantibus, ut morem gerere velit. Quod & Ecclesiæ & ipsius causa facere se aiunt; sed ille immotus perstat veluti Marpesia cautes. Ac ministris etiam Belgicis stat animus, non admittere in ordinem Ecclesiasticum, nisi sententiam mutet. Aliàs si fiat perſcribam: nec officio in eo, vel aliis, unquam deero; non amore vel odio cuiusquam: sed quia bono Ecclesiæ omnia metior, quam doleo sic

ſcindi, hinc ab iis, quibus tanti est Papalis auctoritas, inde ab istis, quibus præ novellitate tota sordet Antiquitas. Abbatis Nihufiani dissertationes mittere non possum, quia jam diu repetiit, & quod unicum i; se hoc habeat exemplar, extra urbem gravatè missurus sit. Sed Eirenici geminum tibi accepi exemplar ut alterius amicum participem facias, quem voles. Nemo hætenus se offert ad pugnam: quod illi gloriosum, nostris satis indignum. Malunt dissertare de umbone, ubi adversarius dicat, non quæ ipse, sed quæ ipsi volunt, & bene, male, respondeant, nemo contradicat. Hoc animo meo dolet, & scio grave esse nonnullis, quos quo minus in arenam descendant, & publici muneris, & privatarum occupationum grave onus impedit. Unustamen Ordinis tui se paratum decertare retulit mihi. Et fortasse alii sunt etiam, quos ego ignorem. Sed optime, amicissime Goffe, num indignam hanc te provinciam putes? non impari te jamdudum perspexi. Animis opus; vel si sic videatur, offer te eminus cominus populari tuo, qui in Patria non admodum dissimilem insisit viam. Scio te non indigere consilio, vel auxilio meo; sed tamen quia, ut aiunt, plures oculi plus vident, noli putare uspiam claudicare tibi posse operam meam. Volo omnia tua causa & magis publica: & mihi quoque jucundum erit, tam amicum usque adeo nobilem curam suscipere, tamque dignam cogitationis suæ. Quid enim hac causa æquius: quomodo non iuste ab iis recedatur, qui te ferro & flamma persequantur, & ideo persequantur quia ab ipsis dissentias amore simplicis veri in scripturis re-lucentis, confirmatus etiam consensu sanctorum Patrum, similiter ac tu primis Seculis Scripturas interpretantium; denique, quia credere non possis quæ credi non possunt, ut quæ contradictionem involvunt: Cujus rei manifestum exemplum, cdm proximè unà effemus in *usu* dogmate, ex-pendebamus. Sunt alia etiam multa quæ adversus Romanæ Ecclesiæ errores ac tyrannidem possunt in medium adferri; sed vel hoc unum quod dixi quantivis mihi pretii videtur! Quæ horem, mi Goffe, cogita, quæſo, an non putridam illam clavam Nihufio qui sibi Hercules *videtur*, vel si malis alteri illi in Anglia similia spiranti, debeas de manibus extorquere. Favebo & applaudam victori quem te fore spondere auiſim, & bonitate causæ nixus & ingenio doctrinaque tuâ. Vale, optime doctissimeque Goffe.

*Amstelodami,*  
clō Ioc xxxiv.  
post Kal. Mai.

*Tuus,*

G. J. Vossius.

CCXXXIV.



## CCXXIV.

Hieronymo Beale S.P.

**D**ignum scribendi argumentum eximie Beale obtulit mihi Illustrissimus Comes de Leshno: qui visere Britanniam nostram ardet, & compellare in ea doctrinâ atque aliis animi dotibus excellentes viros. Non dubito quin vel eo nomine gratissimus sit futurus, utcumque non accederet familiæ splendor, tot imaginibus illustris hodieque inter alias præfulgens inclyto heroe, hujusce Comititis parente, Regni Polonici Palatino, viro doctrinâ, eminenti prudentiâ celebratissimo, pietate nullo inferiori: cujus merita cum universum celebret Regnum, tum præcipue illi qui Ecclesiarum nostrarum potius sententiam, quam Pontificiam sequuntur. Est enim his magno & præsidio & ornamento planèque illud Polonis suis, quod Lithuanis maximus est Razevilus. Adde quod idem ille heros serenissimo Regi nostro Carolo sit non de nomine solum, sed literis quoque cognitus, & ob rarâ animi dotes, summamque apud suos auctoritatem carissimus. Ut tanti herois soboles, quæ in gloriam magni Parentis feliciter ad eum procrevit, non possit non gratissima esse, & tibi & aliis Academiae vestrae luminibus, quibus conspectis clarius se quoque visurum arbitratur. Sanè non inglorium futurum . . . . inclytæ Academiae viris si alloquio suo (quod non poterit non domino Comiti esse utilissimum) eum dignentur, ac sic demereantur, ut deinceps apud Sarmatas quoque talem suæ virtutis ac doctrinæ præconem nanciscantur. Qui ei à studiis est Joannes Jonstonus, juvenis est admodum doctus & probus, & ante diem Lugduni supremo in Medicinâ titulo ornatus. Quo nomine & ille vobis, præcipueque Medicinam profitentibus, gravior esse poterit.

*Amstelodami,  
post. Id. Maias,  
An. 1690. cccxxiv.*

*Tue dignitati ad-  
ditiſſimus,*

G. J. Vossius.

## XCCXXV.

Johanni Rouſio, *Bibliothecæ Bodleianæ Præſecto*, S. P.

**J**amdiu est, præstantissime Rouſi, quod mille inter nos literæ comitantur, non sine dolore meo, credo & tuo. Sed si silentium

hoc meum quod solis occupationibus adscribere debes, rupit illustrissimus Comes de Leshno, qui cum desiderio arderet visendi Regnum Britannicum, & inclytas ejus Academias, ac conveniendi excellentes ejus Viros; aliquid etiam à me literarum ad amicos poposcit, quod eo pacto facilius se voti compotem fore arbitraretur. Mihi tam perspecta gentis Britannicæ humanitas, ut sciam, nec humili loco natos aspernari solere; nedum vile iis sit genus, ut sic dicam, deorum. Quamobrem nihil sanè Literis meis fuit opus; & si opus fuisset, etiam tacente illustrissimo Juvene, sponte debueram hoc officii offerre. Quid enim non meretur tantus studiorum ardor, is amor doctorum, in eo qui tantam in Poloniæ spem succreſcit? Parens ejus toto Poloniæ regno in pretio est maximo, præclareque meretur de eo, præsertim de iis qui nostrarum Ecclesiarum sententiam potius, quam Pontificiam sequuntur. Vereque illud in Polonia sua est, nostris hominibus, quod in Lithuania magnus ille Razevilus. Nota etiam caraque parentis virtus magno magnæ Britannicæ nostræ Regi Carolo; quod & Literis testatum fecit non unis. Quare cum sic Rex serenissimus æstimet parentem Polonici Regni Palatinum, non poterit non acceptissimus esse præclaris Oxoniensis Academiae Viris tanti Herois tam charum pignus. Comitatur eum, qui ipsi à studiis, vir doctissimus Johannes Jonstonus, Scotus, qui recens Lugduni in numerum Doctorum Medicinæ magno cum honore est receptus. Eoque cariorem fore arbitror doctissimo & experientissimo Thomæ Clayton, Magistro Collegii Pembrochiani, & Regio Medicinæ Professori, cujus humanitatem satis ipse coram perspexi. Avidè desidero nosse, num jam è Syriâ salvus ac sospes redierit ornatissimus & amicissimus Edwardus Pococke; quem ego juvenem æternum summo prosequor affectu; partim quia sic virtus ejus ac eruditio meretur, partim ob summum honorem, quem laboris utilissimi dicatione mihi habuit. Clarissimis Viris, Juxono, Duppæ, Fell, Prideaux, aliis, nostri amantissimis, salutem dicto plurimam. Non addo ambiciosos titulos, quia virtutem eorum supra eos esse censeo. Etiam Harrisonum & Chillingwortium salute impertias, & quos præterea nostri memores nostri.

*Amstelodami,  
prid. Id. Maii,  
an. 1690. cccxxiv.*

*Tuo nomini ad-  
ditiſſimus,*

G. J. Vossius.

CCXXIV.

## CCXXVI.

*Doff. Martin, Præfetto Collegii Reginalis, S. P. Cantabrigiam.*

**D**icere non possum, Doctissime Martine, quanto fuerim gaudio affectus, cum primum intelligerem Reverendissimum & Illustrissimum Dom. Episcopum Londinensem ad Archiepiscopalem esse dignitatem evectum. Equidem maximum ex eo amorem Dei colligebam erga Ecclesiam suam regnumque Britanniae universum: Quantas enim dotes in eum divina contulerit bonitas! quas qui non vident, si tales inveniantur, cæci sunt: Si non suo pretio æstimare norint, valde invidiæ, ac loliginis succo laborent, necesse est. Quanquam quid ego hæc apud te, qui tot annis longe me rectius herois ejus virtutes perspicere potuisti? Ac memini adhuc Sermonum, quos de iis una Londini habuimus. Quemadmodum & tanti Mæcenatis erga te affectum non obscure cognovi. Atque ut istorum, ita & sæpe eorum in mentem venit, quæ de Religionis controversiis, ac ratione eas sopiendi, non injucunde vel inutiliter differebamus. Tanto molestius est, quod tam longo tempore nullum inter nos literarum sit commercium. Hoc silentium mihi abruptum putavi, pulcherrimam mihi scribendi occasionem præbentibus Illustrissimo Comite de Leshno, & qui ei à studiis, erudito viro Joanne Jonstono Doctore Medico. Noluere enim sine literis meis visere Academiam Cantabrigiensem: atque ego minutum hoc scribendi officium non debui Illustrissimo Comiti denegare. Nam præterquam quod turpissimum esset leviculum aded detrectare, poscente id tam sublimis profapia juvene, tamque erudito, tam doctorum omnium amanti & æstimanti, etiam alia ratio debendi illud accessit: quia cognati ejus Illustrissimi Barones Stupeskii diu mecum Lugduni vixere, juvenes excellentis spei: etiam postea fratres eorum, mei unius causa, Amstelodamum venire; ac totis sex mensibus sunt commorati. Mitto alia. Unum reticere non debeo. Illustrissimi Domini Comitum parentem esse maximæ autoritatis virum per universam Poloniam, regni ejus Palatinum: quem cum æstimant omnes, tum imprimis illi qui in religionis negotio nostras potius Ecclesias quam Pontificias sequuntur. Quippe quod magnus ille Razevillius est apud Lituanos, id Palatinus ille de Leshno inclytus heros est Polonis suis. Hæc ego pluribus sum profecutus;

quia nollem eum à te, vel aliis Academiæ Cantabrigiensis summis viris ignorari. Unde futurum videbam, ut nec ipse satis cognosceret, si uspiam terrarum, sane in Britanniis simul conspirare eximiam doctrinam summamque humanitatem. Nunc pulcrum erit si eâ natum profapia, in eam spem educatum, in terris etiam longè diffitis, vestri præconem habeatis. Hæc intempesta nocte scribebam. Plurima salute impertias excellentes Academiæ vestræ viros; præsertim quos amantiores nostri existimabis.

*Amstelodami Postridie  
Id. Maii, clō loc xxxiv.  
Tēssa.*

*Tuus ex animo,*

G. J. Vossius.

## CCXXVII.

*Hugoni Grotio S. P. Hamburgum.*

**S**IC primò promiserat Blauwius, summum abhinc duabus Hebdomadis accepturum se Francofurto, Typos novos, & elegantes, quibus ex animi sententia excudantur sacra tua poemata. Sed nunc significat, haberi eos demum posse intra quatuor Hebdomadas; propterea quod quæcumque ad nundinas mississet, tardius eò pervenerint: In causa esse, quod Dux Nieuburgicus, novum, ac grande vestigal imposuerit mercibus, quæ Dufeldorpio Coloniam, inde Francofurtum devehī soleant. Eapropter Hebdomades aliquas fuisse famulo suo Coloniae subsistendum, priusquam libri, aliaque eo deferrentur. Certò autem addixit, intra quintam Hebdomadem se auspicatorum editionem. Id ego significandum putavi, eunte ad vos docto, ac prudenti viro, Ephoro liberorum Illustris familiæ Scytteanæ. Alia etiam adderem, si die uno præscissem de ejus discessu. Sed hac hora ei abscondum intelligo. Quare desinam, ubi adjecero, mediocriter nos omnes hic valere, eademque sperare de te, uxore, filioque; quos omnes mei salvere jubent.

*Amstelodami  
Postridie Idus  
Maias. Anno  
clō loc xxxiv.*

G. J. Vossius.

## CCXXVIII.



CCXXVIII.

Hugoni Grotio, *V. Cl.* G. J. Vossius  
S. P. D.

Vir Clarissime,

**M**itto ad te Guilhelmi Schikarti literas, & si non fallor, ejus פוריס, sive de Judæorum Bacchanalibus opusculum. Quam inde capio conjecturam, quia ad me miserit, quicum non ea illi amicitia, vel illud literarum commercium, hactenus fuit. Simul literas accipies Hortensii, civis tui, quem puto aliquando non inglorium patriæ urbi fore. Est & illi familiaritas, sed literaria, cum Schikarto: uti & cum Gassendo, & aliis in Mathesi claris viris. Ipse nunc disciplinas Mathematicas, in urbe hac, sed extra ordinem proficitur. Attamen is est confluxus audientium; is quoque genius docentis, ut non dubitem, quin propediem cum Collegam simus habituri. Ptolemæum sic sequitur, ut Tychonianam, & Copernicanam sententiam simul proponat, & explicet. Nec obscurum nobis in Copernicanam magis inclinare: utcumque ea Romæ sit damnata à Cardinalibus, Anno clō lōc xvi. atque iterum anno superiori: Imo Galilæus Galilæi Florentinus, quia hanc sententiam, & viva voce, & scribendo defenderet, in carcerem sit conjectus, nec inde emittendus, priusquam poenitentia satis egerit. Quam rem à Nuntio Apostolico Bruxellis Lovanium per-scriptam esse mihi constat, ex Fromondo: qui his diebus Antartarchum suum hoc de argumento ad me misit. Hesternæ die iterum legi Sophompaneam tuam; sed non sine multis lachrymis. Nec enim mihi cornea fibra est. Movebar argumento ipso, de certissimis scripturarum fontibus hausto, & à te tam graphicè nobis expresso. Movebar quoque recordatione Authoris, magni fanè totius orbis eruditi, præcipui item, si non unici, Belgicæ ornamentum: cui ubivis potius, quam in Patria, maximis à se beneficiis affecta esse licet. Vellem magno civi tuo voluntas, vel potius otium esset, de eo cogitandi serio. Sed recessus animorum unus scit, quem Καρδονορίστω, in scripturis vocari propterea videmus. Amstelodamensium affectus non deseruit. Sed quicquid sine illo tibicine struitur, corrui. Et metuo, ne rigoris illud, in tuendo civitatum, suæ imprimis, jure, magis possit abalienare eum, qui plurimum potest. Omnino enim pecuniis ad bellum opus est. Nec sufficit hæc civitas una, vel etiam Batavia universa. Tandem tempus putatur, ut foederatæ quædam Provinciæ in commune solvant quod debent. In

hoc si Batavi persistant, spisse procedet Castrense negotium. Intelligo & eos, qui Provinciarum omnium nomine magnum illud Collegium constituunt, cogitasse, de Guilhelmo Comite in Germaniam mittendō, majori etiam stipendio promisso. Sed Batavi in illo dicuntur conspirare, quod pecunias nolint eam ad rem contribuere: quia se nesciis, non potuerit, vel debuerit, istius momenti constitui quicquam. Cætera cognosces ex Fabricio, Juvene elegante, & erudito, atque ex poematis tibi jam noto, qui Hamburgum, ob morbum matris est arcessitus. Eunte illo, paulo liberius de rebus Batavis scripsi: quæ me sæpè habent sollicitum, sed spero aderit ὁ Θεὸς quasi ἀπὸ μακρόθεν. Cui te, conjugem, filium commendo.

Amstelodami clō lōc xxxiv.

v. Kal. Junias.

Amplissime summeque vir, superioribus ad te literis raptim, sicut nunc meus est mos, exaratis, aliud quiddam in mentem venit. Jam annus, & credo, ultra est, quod in urbe hac degit Bartholdus Nihuysius, vir doctus, & subtilis, Lutheranus quondam, & Calixto Theologo perfamiliaris, postea Pontificius, atque ad Abbatis dignitatem evectus; sed ea, bello hoc Suevico exutus, & nunc extorris. Is in Germania, priusquam huc concederet, multum, diuque cum Lutheranis solitus dissertare, super Religionis controversiis: sed non ad morem vulgarem. Poscit ἀνδραγῆν, invictumque aliquid, quodque animum possit, aut debeat reddere, ἀνδραγῆν, ὡς ἀνδραγῆν. Negat opus de singulis disputare. Eligere suos Lutheranos, vel etiam Calvinianos, & quosvis alios, posse, ubi maximè existiment suæ Ecclesiæ causam triumphare. Si unum viderit argumentum, velle redire ad eos, unde malum pedem extulerit. Sin disputando intelligant, nihil solidi crepare, quicquid hactenus obtenditur, æquum videri, ut redeamus ad Romanæ Ecclesiæ sinum. Edidit novo anno, ut vocat ipse, Ἐκκλησιολογίαν; quo Lutheranos in hanc formam provocat. Crebrò & me invisit. Et quamvis de aliis quoque rebus colloquamur, tamen jam iterum, tertioque, eò nos sermo provexit. Illo igitur poscentē causam justam, cur parens meus à Romana abierit Ecclesia, respondi multa, de veteris, præsentis Romanæ Ecclesiæ discrimine. Sed tandem in eo pedem figebamus; Romanæ Ecclesiæ Doctoribus, ita scripturas interpretantibus, ut manifesta iis vis fiat, planèque abeant à primorum seculorum Doctoribus, imo interdum (ut in transubstantiationis dogmate) sensus interpretationi reclamet,

met, manifesta sit contradictio : Nec solum sic interpretantibus, sed etiam, nisi simpliciter interpreteris, ferro te, & flamma perdere paratis : jure ab ejusmodi Doctoribus receditur, ac seorsim cultus Dei, celebratur, partim conscientiae studio, partim vitae conservandae, quam Patriae, Ecclesiae, familiae, & amicis conducibilem existimamus. Si valetudo, si otium tibi, si res etiam tuae sic ferant, ut hujusmodi tractes, quod arbitror : quæso paucis saltem perscribere, quid tibi de hac re videatur, & quam potissimum viam, cum istiusmodi hominibus insistendam putes. Vale.

## CCXXXIX.

Hugoni Grotio.

Maxime &amp; Amicissime virorum,

**N**ON excusabo, apud te diurnam silentium, quamvis te prope solitarium sciam vivere, eoque gratiores amicorum literas credam. Etenim satis occupationes meas nosti ; & quod scriberem, nihil magnoperè erat. Nunc scriptionem differre diutius nec volui, nec potui : Quippe mihi videbatur, Salmasii ad te literas à me, sed sine meis literis venire. Vir ille nihil æquè, quam tuam absentiam dolet. Nec multum miror, cum vivat Lugduni. Scis quid velim dicere. Ante dies non ita multos, adfuit mihi quispian ex amicis Aristarchi, qui in tantum, moribus, & doctrinæ Salmasianæ detractum ibat, ut non multum supra semidoctos ponere videretur. Cui cum non mediocriter adversarer, ille quodammodo mihi postea accedere, sed dicere, hæc nemo Lugduni promere auderet. Nemo credo ex Parastastis Aristarchi parvulis : Nam alia mens paulo cordatioribus, qui & Salmasio, & Aristarcho, suas tribuere laudes sciunt. Cæterum præterquam quod nonnulli Salmasio non satis sint æqui, etiam aer est molestior, ut ambigat, an ætatem illic vivere possit. Hoc spero : nolim enim Batavia, postquam sole suo caret, citò adeo fraudari sydere, quod nuper accessit. Utinam hoc effici possit, ut brevi fruamur utroque. Hoc in voto optimo cuique. Procerum quidem hujus urbis animus est in te qui fuit, & debet : sed opinio est, nihil effici posse, priusquam aliquid certi de pace, vel induciis, aut bello confiterit. Gallus sedulo operam dat, ne Belgica coalescat ; multaque ad bellum promittit. Sed verendum, ne si auscultemus, facile aliquid impediat postea, cur pollicitis stare non possit.

Operis mei Grammatici jam dimidia pars excusa est. In quarto enim Libro occupantur Operæ. Intra sex septem menses puto cætera consummanda. Mitto tibi Panegyricum, & Poematium, filii Dionysii. Gratum utrumque fore scio ego, & sperat filius : quamvis se probare tibi rudem Musam vix arbitretur. Vale, & cum filio salve. Etiam Teliobrogæ salutem dices, si occasio erit.

Amstelodami.

## CCXXX.

Joanni Bodechero Banningio S. P.

**S**Imulac, Præstantissime Bodechere, paulum licuit respirare, tuis me poematis delectavi. Non leve existimo, quod tibi proposueris omne carminis genus. Multos enim qui in genere uno laudem merebantur, in alio sua vena destituit. Quod de te non dixero ; Etsi maxime capiar Elegiis, & Hendecasyllabis : Idque ob *cupiendū*, quam ego principem Orationis virtutem censeo : Ita ut si elegantiam sociare ei nequeam, malim *ἀμασίστην* dicere, modò *cupίστην*. Adolescenti mihi mens alia ; sed ætas animum jamdiu mutavit. Quod verò meum etiam judicium exquisieris, de affectu sanè gratias ago. Sed alio potius itum oportuit, si velles aliquid, quod scribere opere videretur. Et tamen ut fidem facerem, lecta mihi tua, volui quædam annotare, quæ tui facerem iudicii.

In paneg. pag. 3. Tygresque, ] Tygresque Græcè *Τυγρὸς*. Celtiberum ] Penultima Catullo, Martiali ; porrecta. Et Græcè *Ἰσθμὸς*. Belgadum, ] video, qui non refugiant. *Ἀναλογία* tamen aliud postulet. A *Belgium* deduxeris ; sed longè aliud Belgium, ac Belgica, etsi doctissimi etiam confundant. Cur non Belgarumque ?

Pag. 9. Illa dies ad d. f. quod atrox. ] Video versum *quod* exigere. Et fortasse habes, qui prævit. Alioqui malim, *que atrox* : ut Seneca ; *Veniens annis secula seris, Quibus oceanus vincula rerum laxet.*

P. 10. Carbasa Celtiberum ] de quantitate penultimæ jam dictum. Panopæa ] Panopea, Græcè *πανοπεία*, non *πανοπία*. *Alta voce.* ] Nihil vulgatius trivio. Sed veteres puto semper, *clara*, vel simile.

Sylv. III. p. 1. Scævior, non memini in comparativo legere. Simile tamen sit *sinisterior*, quod apud Nasonem. Et convenit significatio, quia *σκαῖος*, sive scævus idem ac sinister. P. 2. Medæa ] Medea Græcè, *μυδία*, per ei non ai. P. 3. Iaspide ] Non memini me *τεσσνάζω*, legere.



Sylv. VI. — *Redux Professor, & omnem*] Prima in Professor, necesse, ut eundem habeat modulum quem *profiteor*. At prima est semper correpta. Eleg. IV. *Questibus*] *Questibus* quia non à *quero* hic, sed à *queror*. Eleg. V. *Nec Polydectes ego*] Postrema in *Polydectes*, quia *græce πολυδέκτις*, ut *πρωτεύς*. Eleg. XIV. *Hesper aquas*] ab *ἑσπερ*, vel est vesper, vel Hesperus, non Hesper. Eleg. XVIII. *functas Azone*] Dicunt Latini *Azoni*, vel cum *Azone*. Serm. IV. *Id licet ipse negarim, in limine scribens.*] Festinatione in scribendo, vox præterita, quia pes deest. Carm. IV. *Hos pauculos versus habes obsides mei.* Nulla hic Triemimeris, quam Horatius, nec in epodon libro, nec alibi neglexit. Saltem nolim vox aliqua, totum pedem tertium constituat in Jambico senario. Poteras *Paucos habeto hos obsides versus mei.* Eam legem veterum, saltem elegantiorum, nec video in illo, *Ille belluo celebris, ut hic nepotulus*, Cæsura fit hoc pacto, *Celebris belluo ille, ut hic nepotulus*. Vix etiam Triemimeris in isto, *Pæana vocem addis suam Ripperfius*. Carm. V. ad Tulpinum. *Largus percipere vocibus undique*] prima in *creber* longa, ideo & in increbesco. Nec aliter Virgilius, vel alius quicumque veterum. Carm. VI. *Divium voluptas, & convivia diceris*] Placetne pari, quarta quippe sede, spondeus? Car. VII. *Præcoci sapientia*] scio in Glyconio à Catullo, prima sede poni Trochæum: sed ubi id deinceps observet? Id Horatius non facit: nec ipse facis. At secunda in *præcoci* est brevis. Nam est à *præcoquo*, *præcoquis*, & contractè *præcox*: In gignendi casu *præcoquis*, secundâ correptâ. Ita omnes antiqui juxta naturam ejus unde descendit. Hendecasyllabo 1. Epicurus dicitur Pater ipse veri, *καὶ γὰρ νῦν*, dixerit, quem me scis dicere. Sed quid de illo viro rigidiores? Pater veri, qui Providentiam negat divinam? Mittam alia. Hendecaf. II. *Dum nullo peregre pudore tacta.* Peregre non venit ab adjectivo, ut *doctus*: Eoque si Grammaticorum canonibus standum, corripere ultimam. Hend. IV. *Estne hoc postridie redire Leuui.* Secundo in *postridie* est longa. Phalæcio, Phalæcium oppono, eumque Martialis, Lib. II. Epig. VI. *Si totus tibi triduo legatur.* Obijcies amicum nostrum ibi annotare, leviculâ traiectione legendum servasse, si *totus tibi triduo legatur*. At refellitur hoc senario, Terentii Eunuch. *Rus ibo, ibi hoc me macerabo biduum.* Idem in Andria: *Venit Chremes postridie ad me clamitans.* Et par ratio in aliis è die compositis. Catullus; *Jube ad te veniam meridianum.* Solum quodidie excipitur. Hend. IV. *Nec profecto facis.*] Non improbo, quia non occurrit Poeta, qui ultimam in *profecto* corripiat, vel producat. Tamen ratio posterius suadet,

quia *profecto* est, *profecto*, *Προφύτο*. Ergo quasi ablativus. Sed non tanti hoc. *Irarum ratio modo liberat.*] Deest aliquid. Hend. VI. *Nummulisque apisci*] Puto à Typographis operis esse, quod prima in *apisci* notatur circumflexo; sanè est brevis; ut indicat compositum *adipisci*. Item *indipisci* ex *indū* & *apisci*. *Hugeno, & Chelys amulo campo*, si Chelys hic gignendi casus, chelyos dici oportuit. Hendecaf. VII. *Venusta pixis.*] *pyxis* Græce *πυξίς*.

Hæc ego duntaxat amore tui, & scio te non aliter accepturum, qui & me nosti, & occupationes meas. Siquid in iis fuerit, quod monuisse non erit ingratum tibi, sanè non dico operæ, sed opellæ pretium fuit, hæc exarare. Sin minus volupe erit, me studium saltem probasse. Erant alia de quibus quæsissem, si unâ fuissēmus. Sed id quia fieri non potuit, sic mihi persuadeo, tibi rationem omnium constare: vel ecquid melius dici possit, per te satis visurum, ubi animum intenderis, non in universa poemata, sed singulatim in hoc vel illud; ut sit cum Typographus tantum poscit Autographi, quantum philura excudenda capiet. Mihi quidem sic usu venit, ut nunquam mihi videar perspicacior, quam cum eo animo mea lego, quasi deinceptus, nihil amplius juris in ea sim habiturus, ubi facta erunt publici judicii. Atque utinam mos Veterum hodieque obtineret, ut amici fideles convocarentur, coram quibus nostra recitarem. Nunc optima illa consuetudo negligitur, quia is fastus recitatoris, ut non sustineat moneri: ea vanitas, & jactatio monitoris, ut neminem, quorum monuerit amicum, sinat ignorare. Plurimam salutem optimis parentibus dico.

Amstelodami  
clō Ioc xxxiv.  
Postrid. Kal.  
Jun.

Tuus,

G. J. Vossius.

CCXXXI.

Joanni Beverovicio, Senatori, & Medico Dordrechtano, S. P.

QUAM vellem, suavissime Beverovici, alter alterum sæpè videremus! Videremus? imo audiremus, ut ait ille, Multum oculi, sed plus aures, debere fatentur. Attamen si non licet tam scelicibus esse, saltem liceret Literarum commercio frequentiori, audire, & reddere voces. Bellè, inquires, qui, toties provocatus scribendo, Deo illo, quem Tardipedem vocant, in rescribendo tardior videaris. Quem colorem me hic quæsiturum

rum putas? aliquid adferendum ex Rhetorum meorum ἀνέδοις. Didici ex illis, & porro alios docui, incidere, & controversiam, οἱ μὴ αἰὲν ἢ μὴ οὐκ. Crede mihi siquid in me culpæ, sanè perexiguum est. Et nunc lentior me fecit, quod literas Hamburgo expectarem, ab eo, cui miseram tuas, & unum librum de Vitæ Terminis. Tardius scio accepisse, quia, cui commiseram, non habuit tam citò occasionem mittendi commodam, quam uterque optamus. Reidanum filii mei ἡ μαχαίρην, quem superstes promiserat, comitem dederam. Tanto magis cupiebam, ut tuto omnia perferrentur. Nullas tamen ab incomparabili viro literas recepi. Et credo in causa esse, quod non amplius sit Hamburgi, ut edoctus sum literis, inde ab Illustri Barone Skittio ad me perscriptis. Aliunde etiam accepi, Francofurti esse. Nec de eo dubito. Tantum spero, opto, voveoque, ut quia ingrata eum patria respuit, alibi sic habeatur, ut doctrina ejus, & virtus merentur. Mihi quidem, nihil hic magis, quam alteri feritur, aut metitur; sed sic sum ab teneris unguiculis educatus, ut alius esse non possim, nisi Bataviam amare definam, & simul quicquid eruditum, & honestum. Valdè desidero scire, an jam Salmasii dissertatio de fatali Fine, lucem viderit. Video te hoc agere, ut me quoque producas in arenam. Nec reformido Retiarios, aut Myrmillones, quibus candor ineest. Sed quid, si pro candidis, inciderem in nigros? Equidem semel nullo meo merito, habitus pessimè, nunc propè sub omni lapide metuo serpentem. Quare fiat sententia, extra teli jactum speculari, ut abiturum hoc sit uni alteri, qui suum judicium perscribere; & simul animus avidè expetit Salmasiana: qui fortasse sic, quicquid præclari exhauiet, ut nihil mei desiderare quicquam velit. Saluta plurimum amantes nostri; in his Colvium, & Roverium; quos monere debes, ut aliquod ingenii, doctrinæque suæ monumentum posteris procudant. Possunt. Et magnam in tribus vobis fiduciam habeo: quos Patriæ Civitati ornameto esse maximo exoptem. Adderem ἡ μαχαίρην filium, non levi literariæ Reip. damno denatum. Sed aliter visum magno Imperatori, qui è sua statione eum evocavit, cum prodesse publico inciperet. Tamen Maimonidem ejus, ac Cæsarem, lucem visuros spero, & quidem intra hunc annum. Nunc nihil moratur, nisi quod Editione Commentariorum de arte Grammatica ipse distineat.

Amstelodami  
clo. loc. xxxiv.  
Jun.

Tuus.

## CCXXXII.

Guilielmo Nieuportio *Consuli Ultra-*  
*jectino. S. P.*

CUM ante paucos dies, Amplissime Vir, tuque & duo præstantissimi viri, qui tecum venerant, me compellaretis, atque inter alia, de idoneo Philosophiæ Professore sermo esset nobis; nihil occurrebat præterea, quæ tum afferebam. Sed post abitum vestrum, altero die venit ad me vir insignis Franciscus Diuban Augustodunensis: Quem simul ac conspexi, ac quædam de urbis vestræ consilio exposui; animum quoque ejus tentare corpi, quo cognoscerem, num ad hujusmodi vitæ genus magnopere propenderet. Ac facillè cognovi, minimè ab eo alienum; quin potius eo maximè proclivem. Quamobrem, cum iterum convenissetis, non leviter vobis eruditissimum virum commendavi. Ab eo tempore rursus mihi cum eo loquendi occasio fuit. Non destiti igitur monere, & hortari, ut partim publici boni, partem rei familiaris gratia, hoc de animo suo, ipse etiam vos velit facere certiores. Putavi autem pro meo, erga urbem vestram, & Rempublicam Literariam, amore rectè ordineque me facturum, si per Epistolam etiam, eorum quæ coram dixeram, memoriam refricarem: sed imprimis quædam apponerem, quæ vel tum in mentem non venerant, vel postea demum cognovissem. Est ornatissimus vir, de quo nunc sermo nobis; annorum circiter xxxviii. studuit Mussipunti, Parisiis, & aliis in locis. Annis prope xx. docuit. Ac publicè quidem in Academia Mussipuntina, variisque Collegiis; uti Flexiæ, Rothomagi, Molinis; quibus in locis professus nunc literas humaniores, vel Eloquentiam, vel Philosophiam, nunc Theologiam, & casus Conscientiæ, quos Rothomagi, in aula Archiepiscopali, præsentè etiam Archiepiscopo exposuit. Sed maximè opera ejus publica, Philosophiæ est impensa, idque circiter decennio. Nec pauci ex ejus Auditoribus, ac Discipulis, nunc in Galliis, ipsis in Academiis, vel Collegiis, publici Doctoris munus, cum laude sustinent. Vidi disputationes ab eo, publicè Molinis susceptas, & Regiæ Matri dicatas. Sanè vel illæ fidem fecerint, quantum in Philosophia valeat; ut mittam quæ in Logicis, Physicis, Ethicis, ac Metaphysicis elaboravit, atque ubi extrema manus accesserit, in lucem edere cogitat; & si sua vobis opera probaturus, inclytæ potissimum urbi vestræ dicabit. Religionem reformatam primum Lutetiæ Parisiorum est professus. Cum



in Hollandiam veniret, ab Illustrissimo Duce Lanspergenſi, & Heroina ejus conjuge, ſorore Illustriſſimi Principis Arauſſonenſis commendatus admodum per literas, huic principi noſtro fuit; uti & ſeneriſſimo Bohemiæ Regi, & Reginæ. Atque hi quidem operam ejus Lugdun Batavorum ſunt experti, in inſtituendis Liberis ſuis. Etiam Rex promiſerat, ſi in Electorales Terras ſuas à Deo reduceretur, velle ſe publicæ ejus operæ uti, in Academia ſua Heidelbergenſi. Uxorem ex aula Bohemice præſtiti, patriâ Namurcenſem, Reginæque præ cæteris acceptam, duxit. Sed metuo, ne dum fuſe adeo omnia proſequor, propemodum videar velle, hiftoriam contexere. Quare aliis ejus generis miſſis, illud nunc ſolum dicam, Doctiſſimum hunc virum paratum eſſe, ſuam vobis operam addicere. Nec certum ſtipendium expoſcit. Poſſitis, menſibus aliquot, vel anno etiam periculum facere, & vitæ, morumque, & doctrinæ, inque docendo dexteritatis. Non recuſat, quo minus miſſum faciatis, ſi parum ſatiſfaciat expectationi veſtræ. Verum arbitror, iis & doctrinæ, & facundie doctibus pollere, ut nihil ultra requiratis. Sanè locutus cum iis ſum, quorum liberos inſtituit Lugduni. Hi magnopere ſibi de opera ejus gratulabantur. Cumque Philoſophia admodum late pateat, ut vix unus explere omnia poſſit; quid ſi hora una altera de Hebdomade ea ſuppleat, quibus Philoſophus alter non ſufficiat? Reliquum Hebdomadis impendat ſtudio Eloquentiæ; nec ſolum publicè eam doceat, ſed privatim quoque in declamando exerceat, tum ſtylum, & rationem formando, quod & Lugduni à præſantiſſimo Cunæo, & Amſtelodami à me hi, non exiguo juventutis bono, etiam Linguam Gallicam docendo, & ejus, & uxoris operâ, conducere poſſit civium veſtrorum Liberis. Nec ſi vobis videatur, diſſugiet concionandi Gallicè munus, ut ex ipſo accepi. Hæc raptim, idque nocte intempeſta exaravi, partim quidem, ut Doctiſſimo Duban prodeſſem, ſi poſſem: partim vero ac imprimis, amore publici boni, inque veſtram ſpero gratiam. Vale Ampliſſime Nicuporti, & cum omni familia, ornatiffimo filio imprimis, ſalve.

Amſtelodami  
clo. lxxiv.

Addiſſimus tuo nomini, & Ul-  
trajeſtine rei Republicæ,

G. J. Voſſius.

Iſ que à Clariffimo D. Voſſio Collega  
meo, in commendationem Doctiſſimi viri  
ſcripta ſunt, libens ſubſcribo, amplitudini  
tue addiſſimus,

Caspar Barleus.

CCXXXIII.

Gerardus Voſſius, Joanni Filio S. P.

CUM à te divellerer, ut in triſtibus Poeta loquitur,

*Vix illud poſui dicere triſte Vale.*

Decrèram ea dicere, quæ ſi quid, te abſente, humanitus paterer, maxime vellem inherere animo tuo. Sed eo me ſolor, quod illa ætate ſis, quæ ſatis per ſe intelligit, quid facto ſit opus. Potius igitur vota nunc facienda, ut Deus Spiritu te ſuo ſic regat, ut nihil agas, aut velis, quod non ſcientia, & honeſtas jubeat. Beatus Auguſtinus dicebat, bonâ ſibi ſcientiâ opus eſſe, propter Deum; bonâ famâ, propter homines. Ita planè conſido, & hujus, & illius, te rationem habere velle. Nam mille mortibus triſtior eſt vita, ſi diſpliceamus Deo, & probis. Non Jupiter, ſed Deus, Amſelodami, vel ſi Latipè malis, averruncus, hoc unquam ſiverit, ut vel levis ſuſpicio de alterutro neglecto animo meo oboriat; dum vaſtum hoc iter, Deo Duce, Angelo ejus comite, capeſſis. Maluiſſem antea te, paterno & avito exemplo, ſtudiis vitam tueri. Sed video aliter placere Deo, qui noſtra dirigit, aliamque tibi voluntatem partim permiſit, partim immiſit. Feram etiam quod adverſatur animo magno. Tu tantò magis. Tantundem ubi ubi ſumus, à coelo abſumus. Non operoſum negotium hoc ſeculo, ire ad Garamantas & Indos, & revocare gradus. Verum ſuperas evadere ad arces, Hoc opus, hic labor eſt. Senſiſti his terris impedimenta bonæ mentis. Nec deerunt quoque pedem feres. Quare ſemper eſto, quod dicitur, inter ſpinas calceatus. O ſi diem illum videam, quò quali geminis alis, per ora virum voles, hinc inſigni pietate, inde pulcherrimi nominis famâ nixus! Sed ſi breve duntaxat ætatis mihi ſpatium ſuperest, etiam poſtquam ad meliores ſedes penetrâro, eam tibi felicitatem à Deo precor. Sed precibus meis, tuas quoque te addere oportet, eaſque ardentes, quò facilius à Deo exaudiamur. Hoc age, mi fili, Quicquid offenſe adverſus nûmen, hoc reſtinguent lacrymæ, à poenitentia proſectæ. Adulari non eſt Patris, præſertim ſenis, idque in eo negotio, ubi agitur, tum de ſalute æternâ, tum de nominis honeſtate. Addere etiam poſſis, de valetudine, & vita tui amantiſſimi Parentis. Nam ſi ſiniſter nûntius perculerit porrò aures meas, quid niſi mœrore brevi conturbem? Sed meliora Deus dabit, & tu quoque ſcio, cogitabis tecum Poetæ illud:

*Uſque*

*Utque ego majores, sic me coluere minores.*

Et isthoc,

*Ab alio expectes, alteri quod feceris.*

Eoque majori tibi cura erit, omnem sic vitam tuam componere, ut senile hoc cor, toturis prope consumptum, recrees, & reficias. Hoc post Deum in manu tua est; nec divina bonitas claudicabit. Tu cum bono Deo manum move. Inter alia, illud non minimum referes, quod bonis artibus rem parabis. Tanto magis obstringes tibi, si quos reduci, ut spero, Deus liberos dabit. Miserum enim gignere ad spem famis, & asuritionis. Sed quàm in multis mihi obstitit res arcta? Quam multa enim meorum bene voluissim, si potuissim? Attamen fortasse, non si male nunc, & olim sic erit. Non desinam enim familiam curare, memor Paulinæ ad Timotheum sententiæ; *Si quis suorum, & maxime domesticorum curam non habeat, fidem abnegasse, & infideli esse deteriorem.* Idem tibi obversari debet. Fortasse enim deinceps, non se offeret tam commoda rei faciendæ ratio. Sed de opibus quod dixi, ita capias velim; ut imprimeis commendem pietatem, & bonum nomen: sine quibus nullæ mihi opes placeant. Miserum est serere Liberos ad egestatem; sed multis partibus miserius est, gignere tales, quos sui pudeat Parentis: & porro seminaturi sunt, qui non æquis auri-bus, avi nomen audiant. Hoc ego cavi sedulo, hoc item cavit uterque avus; cavere & Proavi; eoque indignius fuerit, te degenerare. Quare confido, oculis ita omnium in te coniectis, nunquam committes, ut non honori sis, & tibi, & tuis, tum qui sunt, tum post futuris. Pluribus si monere, & hortari velim, metuo ne videar diffidere. Quamobrem finem faciam scribendi: sed non Deum rogandi, ut te salvum, ac sospitem, & ad Indos ducat, & nobis reducat. Hoc orant quoque mecum, mater, fratres, sorores; nec desistent orare; usquedum, vel te nobis iterum literis, vel meliores in sedes erimus relati. Vale, dilecte fili, atque iterum vale, & tertio vale.

*Amstelodami*

*cl. lxxiv.*

CCXXXIV.

Hugoni Grotio S. P. Francofurtum.

**D**avid Lommelius, qui has literas desert, ante biennium mihi, cum Hardervico se huc conferret, ab Isaaco Pontano de meliore nota commendatus fuit: ac comperi, favore nequitiam indignum. Parentem habuit honestum virum, cujus opera serenissimus Sueciæ Rex, sæpius in rebus suis, apud Hamburgenses, locisque in aliis usus fuit. Erat is Latine, Græcæque eruditus, versumque nunc Belgicum, nunc Latinum scite pangebatur. *Πολύγλωττος* adeo, ut duodecim fuisse complexus Linguas dicatur. Uxorem habuisse audio, germanam illius sororem, priorque conjugis nostri Prætoris Grotenhufii. Adolescens ipse commendatione Pauli Pelsii, à secretis erit Cornelio Pauwio, multumque literas amat, & literatos, te ante omnes, estimat ut debet. Eo minus, sic poscenti literas denegare ad te potui; simul quia semper ingenium comperi. Blauwius, quod nunquam alias, tardum nomen factus, in excudendo Sophompaneo tuo. Diu novos, & elegantes Typos, Francofurto expectavit. Sperabat autem posse excidere, tribus Hebdomadibus, quæ proximè antecederent tempus professionis ad nundinas Francofurtenses, sed ubi id tempus advenit, errorem suum animadvertit. De Sophompanea solo cogitavit: exciderat autem de recudendis simul piis poematis, quæ non paulo plus spaciū requirunt; itaque dolet ob hanc culpam, ac quia inanem nunc fore conatum videt, si al-laboret, ut in nundinis compareant, satius judicat differre Hebdomadam unam alteram: simul ne aliis incommodetur, quibus præsum ferveat. Equidem non patiar deinde moras necesse, nec sanè ille acturus, potius singulari cura, quod nunc deliquit, corrigere conabitur. Quas vero tibi gratias, & quantas debeo, amplissime vir, quod divinum opus meo nomini hujus homulli dicatu meas? Equidem quibus verbis, gaudium meum, vel quantopere me obstrinxeris eloquar, non invenio. Sanè si duo tria mihi omni contigerint vita, quæ ad honorem meum putarim, plurimum conferre ih. tis reponi debet honos, quem habitum mihi iussisti. Quare gratias quidem ago, & quantum possum ago, non quas debeo. Solumque spondeo fore me, qui fuissemper, vel si fieri possit, operam daturum, ut meipsum vincam. Filius tuus sedulo audit Blauwium in Mathesi; ac in Jure etiam à Corvino institui coepit. Quotidie incrementa capit, non virtutis modo, sed doctrinae



nae etiam ac modestiae. Id non alia de causa, quam quia sic res habet, scribo. Quotidie est domi meae, nec ullius utitur commercio, à quo corrumpi possit. Commentarii mei Grammatici, ut spero, ante nundinas absolventur. Sumperunt Indices, & pauca alia. Gandebo me onere molestissimo defunctum. Dum hæc scribo, advenit Baro Jacobus Skyttius, juvenis optimus, & sititor doctrinae, imprimis ejus, quæ nobilitati esse usus maximo solet. Orationem molitur, de laudibus sui Regis; ait se de eo ad te scripsisse, rogasseque pauculis versibus, vel ornamentis causa ornare editionem velis. Simul postulavit plurimum te salutarem, & verbulo hoc attingerem quod dixi; scio molestum esse, sic ad placitum alienum, à gravioribus avelli. Sed tamen juvenis non est indignus, qui elogio tuo ad majora exciterar. Et Parentem demereberis, quem non injuria, magnus Rex magni fecit, dum in terris egit. Et multum est quod in Suecico regno; magnus est studiorum Patronus. O quam gaudeo, magne vir, & amice, quod post iniquitatem, non illam Patriæ quidem, sed quorundam tamen, qui nimium in Patria possunt, virtutes tuas æstimare sciat frenua hæc Suecorum Gens: ante omnes magnus Cancellarius, vir immortalitate dignissimus, cui longam, ac foelicem vitam exopto, non solum Suecici regni, & Germaniæ libertatis ergo, sed etiam tui causâ; cui quod nunc bene est gaudeo, & ut melius meliusque sit exopto, ringentibus quantum lubet invidis, ac virtutis tuæ inimicis. Uxori, liberisque multam salutem meo, conjugis, & liberorum nomine dicito.

*Amstelodami*  
xii. Kal. Sept.  
St. N.

*Tibi devotissimus,*

G. J. Vossius.

CCXXXV.

Cl. V. Claudio Salmasio G. J. Vossius  
S. P.

**N**onne tibi, maxime Salmasi, à moribus meis alienum videtur, quod tuis ejus viri tam amicis literis tanto tempore non responderim? adversa quædam, quæ privatim domum meam spectarent, obstituerint: & partim inde, partim aliunde animus tristior, valetudo infirmior, non mihi solum, sed uxori etiam meae. Et trahebant ista secum non parum curarum, quæ nos esse nostros non sinebant. Quamobrem etsi de meliori valetu-

dine vestra nos omnes, magis quam dici possit, gauderemus; tamen satius fore putavi, si non ante rogarem te, ut excurrere ad nos velletis, quam & corpore essem firmior & curarum aliquid animus exonerasset. Nimirum domi primum lætiora mihi omnia optabam, ut vultu animoque hilarior essem optima dierum quæ vos exciperemus. Nunc quia melius undique mihi, venio ad veteres preces, obnixque te tuamque rogo, ut dum valetudo utrinque, dum etiam anni tempestas finit, amplectamini occasionem invisendi hominem amicissimum & urbem hanc florentissimam. Albo diem lapillo notabo, quæ primum vos hic conspexero. Et quid impedit quo minus cum tuis, filio meo duce, qui nunc Lugduni est, quamprimum voto nostro satisfacias? Sin id res vestrae nunc non sinant, ac ne proximâ quidem Hebdomade, saltem ne juvet differre ultra tres Hebdomades. Sane aliqua etiam gratia magnæ est hujus urbis nundinis, quibus initium erit xii. abhinc diebus ac durare Hebdomadem vel ultra solent. Ut tu minus istis delecteris, fortasse uxor caperetur. De opere rei vestiarie multum gaudeo. Sed de eo & cunctis quæ studia spectant, colloquimur potius otiosi, cum urbem & nos bearis adventu tuo, quam avidè expectabimus. Mea te tuamque plurimum salutat.

*Amstelodami* iii. Non.  
Sept. clxxxiv.

CCXXXVI.

Joanni Meursio S. P.

**M**itto ad te, chare Meursi, Reidanum <sup>7</sup> *pa-*  
*gelru* filii mei, quem placitum confido & filii & argumenti, & dictionis etiam causa. De quo judicium tuum quoque ubi acceperis expectabo. Jamdiu missum oportuit; quippe inter primos esse te conveniebat cui mitteretur: neque id solum ob amicitiam nostram, sed etiam quia tanta cum laude ipse in Historia Patriæ sis versatus. Nunc Danica non minori tractas gloria. Mallem ego Batava, etsi valde faveam Danicæ genti, vel ob tot eximios proceres, quos scriptis tuis decorare jamdiu orsus es. Sed enim nulla hic culpa tua, verum Patrii soli, exteros magis quam suos æstimantes. Aliter si esset, non alibi potius quam his terris ageret bonis omnibus laudatissimus nec ullis tacendus feculis Hugo Grotius. Qui quanti te faciat scio

scio ex sermonibus, quos de te habuimus hac in urbe ante sesquiannum circiter. Quam autem ejus erga me amor perseveret, luculentum brevi argumentum videbis. Suum enim Sophompaneam nomini dicavit meo. De Josepho se aperiente fratribus in Ægypto Tragedia est. Qua nihil omni hoc seculo eo in genere divinius scriptum puto. Editionem ejus proximo mense ordietur Blauwius: Et tuorum simul operum quæ dilata quidem hæcenus: sed testis ego esse possim, quodd nihil hic segnitie vel discordia sit peccatum, sed solum ob nimium vicinum, qui omne commodum incommodo non Blauwii solum sed etiam publico intercipere conatur, recudendis confestim quæ maxime placent. Noomius Arlanderveniæ Dominus sæpius cum laude meminit tui. Et vellem ostendere ei si licuisset partem illam litterarum quæ ipsum tangit. Sed utrum nunc in prædiis suis an Harlæmi vel Haghæ agat, satis dicere non possum. Intra Hebdomades duas reversurum ex famulitio intelligo. Certus sum gratissima ei fore, quæ scripsisti. Aristarchus meus sive de re Grammatica Libri VII. necdum prodierunt. Intra mensem tamen vel circiter absolventur. Salmafius prope convaluit. Itaque non dubito quin Arnobium suum & alia brevi sit daturus nobis. Non est ea apud Lugdunenses gratia, qua meretur. Imprimis ei obstat Menapisci invidia, qui non desinit erga eum esse qui esse solet erga non Batavos solum sed prope omnes eruditos. Vale singularis amice & uxorem ac liberos saluta meo, conjugis, ac liberorum nomine. Nec Stephanium vel Laurenbergium præteritos velim. Valdeque aveo scire an non tandem nobis Stephanium Saxonem Grammaticum sit daturus. Quæso de hoc quoque aliquid proximis literis scribe. Et si cessat ille, calcaria subde. Dignissimus est scriptor cui tam bonum ingenium operam impendat suam.

Amstelodami.  
Non. Sept.  
cdo loc xxxiv.

Tuus eternum,

G. J. Vossius.

CCXXXVII.

Merico Casaubono S. P.

QUÆ ad Antonini loca à me producta respondes, præstantissime Casaubone, ea planè fuere ad gustum meum; nec ab alio quoquam verisimiliora iis adferri posse arbi-

tror. Quodd verò alteram jam editionem Typographus cogitet, satis arguit, quam grata fuerit Britannis opera tua, quæ vertendo, quæ illustrando. Ac quanto sunt majora, quæ nunc sub manibus habes (hoc enim non obscurè significant literæ tuæ) tantò, ut auguror voveoque, majus te ex iis decus manet. Et tamen non dubito tibi aurem quoque vellere de *diversis* illis parentis tui *ris* *ris*, quorum Cantuariæ cum essem Indicem apud te vidi. Tuum & tam candidi erit, non invidere lucem jam perfectis, & tam cruditi, extremam affectis manum admove-re. Scio idem optare etiam Salmafium nostrum, quicum de te, deque parente tuo honorificus sermo fuit. Triduo cum conjugè domi meæ hisce Amstelodamensibus fuit nundinis. Multusque nobis de interioribus literis sermo, quos meminisse juvat, si scire aves, quid nunc sub manibus habeat, primum Arnobius commentario luculento illustrior lucem conspiciet. Mox sequentur de vitæ termino Liber, & grande opus de re Vestiarie. Nōsse te arbitror, ut Grotius operam suam regno addiderit Suecico. Vellem tempore feliciori. Nunc, ut literæ consentiunt è Germania perlata, res retro eunt, Germaniæ quidem Suevorumque malo; non item Gallie tuæ. Cujus Rex cum Cancellario suo, seridè advigilat, ut iidem fines regni sint ac quondam, cum Rhenus terminaret. Arque eo spectat, quod Sueoni suppetias mittat, sed conditione ea, ut urbes nunc has, nunc illas, quas in ditionem redegit, oppignoret Gallo. Cancellarius Oxenslernius, ut Casareum Hispanique exercitum Francosurto audivit imminere, Moguntiam se recepit. Utrum & Grotius Moguntiam sit Cancellarium secutus, à quo maximi sit, an in Galliam ad Regem missus sit, non possum certo dicere. Sed non dubito quin inter paucos dies futurus sim certior. Opus nostrum Grammaticum post mensem, spero, videbis. Gaudebo me molestissimo labore defunctum. Oratori Regio Boswello misi Antoninum tuum. Cum acciperem exemplar geminum, nullæ additæ literæ erant. Cumque exemplar mittere vellem (id fuit post acceptas literas) jam is Britanniam profectus dicebatur. Filius meus diutius hic hæret, cum alias ob causas, tum illam, ut de maternis bonis cognosceret. Intra paucissimos dies liquida fient omnia. Apocham triennii, ut petieras, misito. Reverendissimo Domino Archiepiscopo, Mecrenati nostro optimo maximo, res meas curæ fore confido. Sed & tibi commendatissimas esse scio: Quare nihil de iis addo. Nos omnes plurimum te uxoremque salutamus. Reverendum etiam

D. De-



D. Decanum totumque fratrum collegium plurima salute impertias velim.

*Amstelodami* Pr. Kal.  
Octobris anno 1634.

*Tuus tuo merito,*

G. J. Vossius.

CCXXXVIII.

Joanni Meurfio S. P.

**S**I, amice optime maxime, amicitia nostra ab Epistolis dependeret, jam pridem eam extinctam credere deberem. Sed & firmior tu es, quam ut mercenariorum in hominum manu esse velis arbitria amoris nostri, & ego scio multos intervenire casus quo minus aut scribatur aut scripta cum fide perferantur. Annus jam integer est quod literas ad te dedi bene longas euntibus in Daniam legatis nostris. Sed illas, quia in oris Regni Danici subsisterant legati, per nuncium ad te missas ex famulo cognovi. Nunc vero periisse eas satis animadverto: quod eo indignius fero, quia una miseram ingentem fasciculum literarum ab aliis exaratarum, quem ab affine tuo Hebrando Ecclesiaste acceperam. Ex eo tempore epistolam ego ab te unam alteram, Conjux ab uxore tua accepit. Et scio mirari vos quid prohibuerit tuis satisfacere postulatis. Cæterum ne hæreas, scito, cum primum ad cõmenda ea, quæ petieras, conjux mea exisset, non repertam esse mensam ejus magnitudinis ac uxor tua scripserat. Itaque distulit curam hanc ad dies aliquot. Nam relatum mihi erat Hebdomadem unam alteram substitutum hac in urbe eum qui literas tuas attulerat. Sed postea cum advenisset tempus morem tibi gerendi, cognovimus jam abscessisse hominem cui tradenda erant suppellectilia tua: Ita uterque spe excidimus, ego obsequii, tu suppellectilium. Eam ob rem quia Muldenius generosi Adolescentis Rozekrantii ephorus agebat se literas meas ad te optime procuraturum, & otii aliquid dabant à publicis occupationibus nundinæ Amstelodamenses, non putavi diutius scriptionem in illud tempus rejiciendum. Collegam adhuc præter Barlæum habeo nullum. Causæ me latent: sive consules properare nolint: sive eo id fit quia bello omnium intentæ mentes & fuerunt hæcenus & adhuc sunt. Etenim à multis annis non alium videmus celebriorem victoriis nostris. Subactæ sunt Venlona, Ruremonda, Strala, Trajectum ad Mosam: quin & omnis ducatus Limburgensis. In potestate Mosam habuerimus, si Mamurco totia-

mur. Etiam ad Antwerpiam castella complura & validissima expugnâvimus, in his magnum illud Antwerpiæ momentum aggerem Rouwenstenianum. Nec jam arma quiescunt. Princeps ipse ad Trajectum manet curandis munitionibus. Interea aliis locis sunt copiæ ubi cum rei gerendæ opportunitas detur intentæ. Sed publicum gaudium longius produxit me: ad nostra redeo. Ab aliquot mensibus fervere cœpit prelum libris nostris de Arte Grammatica. Est ea pars prior commentariorum de LL. Altera consequitur quæ origines comprehendit. Habeo & paratos libros tres de arte Poetica: qui absoluto majori opere, si Deus vitam dederit, edentur. Tu quibus jam occuperis scire aveo: idque eo magis quia novi indefessum illud ingenium tuum quod otio nunquam nisi doctis omnibus fructuoso indulget. Solonis duo exemplaria accepi. Sed alterum ἀνέπαλον. Nam à capite quidem primo incipit: sed folium illud desideratur ubi inscriptio & præfatio. Credo in mensa tua vel apud Bibliopolam relictum. Gratum feceris li occasione nactus scribendi tuis literis includeris, quo plus pro eruditissimo & utilissimo opere debeam. Integrum exemplar Barlæo tradere malui, qui gratias impense agit. Nuper is valido afflictus fuit morbo & periculoso: sed placuit Numini reddere ei valetudinem. Itaque jam mensem unum alterum publica iterum munia functus est. Tuorum vero ægritudo an animum penetraverit meum dicere si velim, frustra faciam. Nam & amorem nostri meum: & novi ego soli in externa gente habitanti (etsi amicos tibi optimum quemque sciam esse) omnes casus graviores accidere. Ideo optavisset & ipse tibi tuisque solatio esse & auxilio. Agnosceres non dubito quamvis multis hodie fides vacillet, Vossio plus constantiæ & amoris adversum te esse. Cæterum quod præterire nolim, sæpius appellatus sum à Guilhelmo Jansonio Cæsio sive Blauwio Typographo & Bibliopola urbis hujus principe, ut exquirerem ex te utrum ea, quæ ad Historiam Danicam pertinentia edidisti, postea vel emendâris vel saltem auxeris. Vel ecquæ habeas ejus argumenti inedita. Quippe ei decretum omnia tua & aliena quæ ejus lint argumenti in lucem dare. Quod faciendum sibi non putavit nisi prius mentem tuam perspexisset. Adhæc ut respondeas etiam & etiam rogat. Corrigendi curam deposco mihi, quamvis adeo curiosus suorum operum Blauwius sit ut nulli cedat. Filius meus Dionysius animadversiones in Cæsarem & qui adjunguntur ei auctores molitur. Manuscriptos complures nactus est. Itaque rogavit me ut exquirerem ex te ecquid in iis scriptoribus

bus tibi observatum vel emendatum esset. Si habes aliqua, nihil sibi præter curam edendi petit; gloria omnis tua publici utilitas erit. Sed cesso. Video enim excrescere epistolam & simul quoque studium scribendi. Quod ne adeo gliscat ut abruptare nequeam, te, vir clarissime & amicissime, & tuos omnes supremo humani generis Rectori commendo. Uxor quoque mea tuam, liberi mei tuos salutant. Plurimam etiam salutem Viris Cll. Laurenbergio & Stephanio. Cujus postulo hoc ipse die satisfecissem, si præcissem crastino die Domino Mullenio literas esse tradendas, modo quamprimum curatas & quam optime velim. Nec enim erat qui tam cito vitam quam exposcit Stephanus, exscribere posset. Verum intra paucos dies id præstabitur. Decretum iterum tum Mullenii opera uti, qui literas vitamque eam suis & ad illustrissimum & generosum Herpo Rozekrantzium includet.

*Amslodani,*  
cl. loc. xxii.  
vii. Kal. Octob.

*Tuus antiqua fide,*

G. J. Vossius.

## CCXXXIX.

Guilielmo Archiepiscopo Cantuariensi.

Reverendissime Pater, Domine Illustrissime,

**G**AUDEO me tandem ad finem perduxisse labores meos Grammaticos, quibus censuram exerceo in omnes hujus Artis Scriptores, causas eruo Sermonis Romani, optimosque ejus auctores vel corrigo vel illustro. Utinam pro labore maximo, quo mihi steterunt, fructus etiam ex iis redeat ad Rempubl. literariam. Jam anni sunt triginta & amplius, quod in hocce Commentarios congesti, quicquid penè ad hanc artem pertinet ex infinitis scriptoribus observassem. Ea ne ulterius luci inviderem, flagitarunt à me homines eruditissimi, tum hinc, tum terris etiam longe diffitis. Quemadmodum & valde urgent de rei Poeticæ libris; in quibus, præteritis rei metricæ minutiis, Aristotele imprimis duce in penetralia ejus Artis duco juventutem plane æreantissimam, sane alia facie, quam factum hæcenus à quoquam. Nec minus, qui videre exposcunt vastum Originum opus, prælo & ipsum diu paratum. Sed gravioribus distentus, & his, & aliis id genus sepositis, de solis Artis Grammaticæ libris septem, persuaderi mihi passus sum: non quod ignorarem, quantopere jaceat hoc studium temporibus nostris; verum tanto magis necesse putabam, exurgere ali-

quem qui hoc labore serio fungeretur, partim ne tenera ætas diutius tot laboribus imbuatur, partim ut homines doctissimi, sed aliis studiis occupati, intereaque in hisce minutiis sapius hærentes, haberent hic, qui labore suo eorum levasset laborem; quo sine quatuor luculentos indices adjeci. Nempe quibus perlegendi non est otium, fortasse consulendi subinde voluntas non deerit. Cum autem conatus sim prodesse toti Reipub. literariæ, tum imprimis cogitavi in Editione hac de Magnæ Britannicæ Gymnasiis: quibus si utilis fuerit opera hæc nostra, cœlum mihi digito attingere videbor. Sapius etiam in mentem venit illustrissimi Principis Walliæ, uti & illustrissimi Principis Eboracensis. Nam etsi non ignoro, coelestes illas animas haud esse diu detinendas in Grammaticorum spinetis; fortasse tamen, ubi paululum ætatis accesserit, non ingratum erit hæc quoque inspicere, ac aliquantum rosarum decerpere, præsertim si præturgida sua nomina, aut alterutrius, in librorum frontispicio conspexerint. Arque hoc est, Reverendissime Pater, de quo nunc consultum per Epistolam venio. Sane labores hujusmodi non absurde, nisi fallor, à tam excelsis nominibus humilitati suæ aliquid prælidii petunt. Scio Commentarios hosce magis convenire Artis Doctoribus, multumque jam in literarum studio provectis. Attamen fatendum, totum opus esse de literis, syllabis & vocalis earumque structura; à quibus ætate illustrissimorum Principum auspicandum erit. Quod possim igitur hoc tempore iis accommodatius offerre? Spero etiam tanti hoc munusculo utamque comprobaturum me humillimum obsequium, quod debeo Domino meo serenissimo Regi CAROLO: Cujus quoties ego ingens beneficium, quod conciliante te, illustrissime Domine, accepi, mecum cogito, cogito autem quotidie, toties Deum rogo quoque, ut mihi largiatur, servo esse non ingrato, nec indecori magnæ Britannicæ regno. Vires quidem mihi exigua, vel potius nulla; sed in alio si quoquam prolixissimus, in me omnis obsequii affectus. Atque ex eo aliquid capio voluptatis, quando his terris occasio se offert, rotundendi malevolorum calumnias, quibus Anglicanam Ecclesiam, maximeque ejus Antistites traducunt. Facio autem id ea modestia, qua possum; neque id tam contradicendi studio, quam amore veri rectique, & quia egre fero tam facile iis aures præberi ab imperitis. Procerumque.... studium hoc meum, quia idem sunt homines, à quibus dicta factaque sua vident in deteriore partem rapi. Quasi non liceat adhærescere Do-



stringe & Ordini veteris Ecclesiæ, cum occulte foveas in pectore Papam, cum Hispano. Nempe istiusmodi sunt maledicta, quibus novarum rerum cupidi se ulciscuntur, postquam turbare omnia volunt, nec possunt. Maimonidem filii mei <sup>et</sup> proxima demum hebdomade prælo subjiciet. Typographus antea negat se potuisse, quod typis destitueretur Hebræis. Deinceps opera dabitur, ut tandiu promissus non minus emendate quam eleganter exeat. Eamque ad rem mihi operam sedulo pollicetur Typographus; qui illustrissimo nomini tuo plurimum se debere fatetur, pro opera & affectu, eo in negotio quod ante aliquot menses per literas commendaram. Petiit à me ut tibi, Reverendissime Pater, gratias suo nomine agerem, quod quo minus ipse faceret, pudore impediretur. De Johanne meo quid scribam? non possum in eo excitare illum studiorum amorem, quem requiro; & jam alia mecum agitare animo incipio, sed ante sesquimenssem nihil certi perscribere potero. Ita non tam meus quam filii fluctuat animus. Cætera de rebus meis cognosces ex doctissimo & optimo Gossio, quem ego vere amo, quia bonam mentem amat, teque, illustrissime Domine, supra omnes reveretur ac colit.

Deus Opt. Max. te, Reverendissime Pater, Domineque illustrissime, diutissime Ecclesiæ totique Regno Anglicano sospitem conservet.

Amstelodami,  
clō Ioc xxxiv.  
vii. Kal. Nov.  
St. Vet.

Reverendissimi & Illustrissimi  
nominis tui Client,

G. J. Vossius.

CCXL

Cl. Salmasio Ger. Jo. Vossius S. P.

**I**N gratulantium ingenti numero qui te haud dubie totos jam dies, maxime Salmasii, circumfistit, nec ego quo in te amore sum, temperare potui à descriptione. Felicem judico Bataviam, quæ te fruitur; sapientes quorum beneficio fruor. Etsi vero nunc ab Lugdunensi absum Academia, nihilominus sic quoque gaudium magnum capio, quatenus & in propinquo agitantem invisere & frequentius literis compellare erit. Adeoque nec præcipitis autumnus frigus, etsi paulo languidiorem, nunc prohibuisset excurrere, ni publici, quod sustineo, muneris vinculum retinuisset. Sed dabit spero Deus & vitam

mihi & occasionem compellendi ejus, quem absentem etiam tantopere veneratus sum semper. Nunc Lugdunensi in Academia tot nominibus beata, literæ etiam, varique omnis eruditio, atque adeo ut Romana & Græca, sic Ecclesiastica etiam antiquitas, non paulo sublimius quam adhuc caput efferent. Ac si Scaligero, Lipsio, aliis illa magnis viris se jactat, non minore deinceps incola poterit superbire. Utinam quæ tam justa æstimatione metiri eruditionem tuam novit Batavia, alia aliquanto in magnum Hugonem fuisset. Doleo quotiescunque cogito eripi publico nostro virum eximiis adeo virtutibus quas posteritas melius æstimabit; doleo quoties avulsus à me amicum & te quoque eodem tam tui amante caritutum reputo. Sed varæ rerum vices sunt, & ego uti ardentissimis votis semper optavi iterum jungi Hugoni nostro, etiam impendio diem illum videre desideravi, qui te sospitem Bataviæ fisteret, magnasque summo Deo gratias ago, cui incolumitatem tuam debemus. Vale, vir idem atque amice maxime, & si quando magnam in qua vivo urbem visere (sic meretur) animus erit, quæso cum Coniuge & tuis, ne alibi potius quam domi divertas meæ. Id vero honori mihi ducam maxime, pleneque dignum erit amicitia nostrâ.

Amstelodami v. Id. Novemb.

Nocte intempesta.

CCXLI

Cl. Salmasio Ger. Vossius S. P.

**N**ON facile dixerim, quam mecum gaudeat uxor, quod tua te prole iterum bearit, salva ipsa ac sospes: eoque nomine, & ego & conjux Deo gratias agimus, nobis gaudemus, utrique vestrum ex animo gratulamur. Vix indicium feceram meæ, cum illa rogaret (& quid curiosula prius exquirent?) marem an femellam enixa esset tua? Ego hic ignorantiam meam profiteor. Nec enim adscripseras: sed aiebam, quia de eo silerent literæ tuæ, putare me esse semellam. Conjectorum artem non didici, à parentibus vel magistris. Facilem igitur veniam mihi fore spero, si fallor. Sed amice, aliud etiam habe. Ut significavi meæ, quod dixi, illud etiam addere ea; O si præcissem cum Domina Salmasia hic esset, tanto post tempore demum parituram, quam urissem ut plurculos dies manere nobiscum voluisset; nec sic abiret, cum vix venisset. Sed eo se sola-

solabatur, quod aliquando una esse poterimus, cum partus propinquus non meruitur. Deus tantum nobis valetudinem: Quæ neque nunc bona conjugii, vix etiam mihi. Et præterea etiam me detinet hic munus publicum. Absque eo fuisset alteruter nostri expositurus erat coram, quod per literas nunc facio. Nempe precibus te oro, & obsecro, ut si res adhuc integra est, alterutri honos ille exhibeatur, ut pro infante spondeat in Baptismo. Utrumque atque adeo familiam vestri studiosissimam totam obligabis. Ut aliquid ego humanitus patiar, liberi studebunt implere sponsonem paternam. Scripsissem de isto literas ad quempiam de veteribus Collegis, si scivissem annon alii jam priores tulissent, sive absentia, sive cessatione mea. Attamen verbulo si rem aperias vel Clarissimo Polyandro, sive præstantissimo Cunæo, sive optimo tuique studiosissimo Constantino, vel alicui ex eorum uxoribus, sane nemo eorum, scio, ubi de voluntate mea referas, detrectabit meo loco polliceri: Quod memini me promississe, non semel alieno nomine. Nihil enim apud nos usitatius: Sed tui tamen arbitrii esto, quem substituere velis, dummodo se meo sistat nomine. Perge sic, optime maxime Salmasi, bene de nobis mereri. Nam quod literis mihi gratias agis, quasi multum humanitate mea obstrinxerim, meas mihi præripis partes; ut qui probe sciam multum me capropter vobis debere; quippe qui beneficium acceperim non dederim. Utinam tempus videam, ut denuo sic beer. Quod ubi erit, magis cognosces, quanti ab hac urbe fias: Multis ægre admodum fuit, quod prius difficilissimum, quam de adventu cognoscerent. Grotius adhuc Moguntia est cum uxore & filiabus. Nempe iter Gallicanum paulisper dilatatum. Scio illud magni esse momenti, negotia, in quibus Proceres Suevici opera ejus uti decrèrunt. Sed literis omnia committi non possunt. De submersione Lymphatici somnium est. Ut videas non Sabinos solos, quod volunt somnare, sed gentem etiam tam vicinam. Equidem literas vidi Moguntia ab Grotio & uxore ad filium, qui hic studiorum causa vivit, Kal. scriptas Novembr. Neque tum constabat eis de die, qua in Galliam iretur. Ac fortasse aliud non minoris ponderis negotium prævertet aliquantum. Ex Anglia necdum recepi responsum. O quam molestum est animo meo, quod nihil illorum habeam de quibus scribis. Sed tamen crastino die inquiram, an aliunde possim nancisci. Verum metuo ne frustra sim. Nihilominus duos tres accedam, in quibus aliquid spei habeo. Quod si non confestim

rescribam, scias me operam luisse. Vale, maxime vir & amice, atque cum lectissima uxore, à me & mea plurimum salve.

*Amstelodami* clō 15c xxxiv. ix. Kal. Decembr. xii. Nocturna, Sic die toto fui à variis impeditus, ut rescribere prius non potuerim.

## CCLXII.

Marco Zuerio Boxhornio S. P.

**G**Ratias tibi ago, ornatissime Zueri, pro munere: & magis quia scriptorem illum non uno semper nomine amavi. Quare placet, quod non tibi solum familiarem eum reddideris, sed notis etiam ornandum putaris. Sed quid sibi vult quod in Claudio scribas Baustum Syllam? vidi an in erratis ejus nos moneres. Nunc contra in indice priorum nominum in litera B. Baustum reponis nobis. Pene suspicor, ab alio eum esse indicem concinnatum. Nam scio te scire, etiam Filio Syllæ Dictatoris Prænomen fuisse Fausto, uti Filia Fausta. Fidem inter alios fecerint. Asconius argumento Orar. pro M. Scauro, & Plutarchus in vita Syllæ. Puto & non à te, sed librario esse, quod ais, ut Diogenes scripsit *βίος φιλοστόφαν*, ita Plutarchum reliquisse *βίος περυσσάλλων*, nec enim sunt *βίος περυσσάλλων* verum *περυσσάλλων*, h. e. vitæ comparatæ. Sed de istiusmodi minutiis fortasse aliquando coram colloquemur. Placet quod fragmenta Tranquilli apposueris. Utinam cætera dedisses, quæ quidem extant, id enim omnino & Suetonii intererat, & tua. Nunc in iis meministi librorum de Grammaticis & Rhetoribus, qui extant: non meministi libri de Poetis qui non extat. At B. Hieronymus loco eo quem adducis, non minus hunc respexit, quam priores. Et mox opponis ipse verba Scaligeri ex vita Lucani. Quæ tum inedita quidem, sed postea prodit beneficio Scriverii nostri. Quare ea non debuit omitti. Uti nec vita Persii vel Juvenalis, utcumque huic aliquid aliunde asserum. At illud maxime mirandum, quod omittis luculentam Terentii vitam: quam certum est non Donati esse sed Suetonii. Horatii vitæ, quæ corruptissime edita, vellem castigationes Rutgersii addidisses ex editione Parisina. Non ingratum est, quod præmiseris Tranquillo, quæ de vita & scriptis ejus habemus in Historicorum historia nostra. Sed non inseruisti quæ in appendice interponenda monui, cum ea non sit aspernanda accessio.



Voluiffem & librarii errorem fublaturum, ubi Tranquillum fi Suidæ codicibus ftandum, feciffe de Cæfaribus, Libros VIII. fed ad minima iterum relabor. Laudo quod etiam cogites de aliis Hiftoriæ Auguftæ fcriptoribus: etfi difficile fit poft Homerum Iliada fcribere. Verum *χαλεπὸν τὸ γὰρ*. Nec tu ut cenfeo tam mellefem uberem quam fpicilegium promittis. Atque id colligo ex parte ea quam miferas. Legi in iis quæ fatiſ ardeant, fed cogitare de fingulis non licuit, quia alia quadam magis urgerent, & Lamerius fignificaret proxima Hebdomade editionem inchoatam, tum autem noram quantorum virorum confilio uti Lugduni poſſis. Quod Salmafii te amicitie inlinuare velis, bonum factum. Quid enim non ab ſummo illo viro diſcere poteris, ſi eo amico utaris, facile hoc videre potuiſti vel ex iis, quæ ſcripſit in eos Hiftoricos, quos nunc habes ſub manibus. Quem enim exiſtimas eo in genere tam multa bona doctiſſimum quemque docere poſſe? Quare eo viro laudando non facile peccabis, potius metuendum, ne cum omnia, quæ cenſes dixeris, infra veras ejus laudes ſubſiſtas. Plurimam ſalutem dicito tuis, imprimis optimo doctiſſimoque ſerui avo tuo.

Amſtelodami,

Tui,

Kal. Decemb.

G. J. Voſſius.

## CCXLIII.

Clariffimo Salmaſio Gerardus Voſſius  
S. P.

NON dubito quin Columna Trajani plurimum commodare poſſit operi, quod de Re Veſtiaria bono publico ſub manibus habes. Prope apud omnes Bibliopolas, & eos, qui tabulas chartasque divendunt inquiri juſſi: ſed omnem operam luſi. Blauwius ſuam offerebat ad eam Romæ petendam. Id tardum videatur negotium, hyeme imprimis. Tandem in mentem venit Joachimi Wickefortii, ejus apud quem nummos Velleſerianos hic uterque vidimus. Ex ejus igitur Bibliotheca nunc mitto. Atque utinam de Antonina idem facere potuiſſem. Aiebat Wickefortius, necdum eam æri inciſam, attamen manu cujuſdam Presbyteri in Charta expreſſam Romæ exiſtare, proque ea ſe obtuliſſe Florenos ducentos: ſed non potuiſſe eo pretio nanciſci. Arauſicæ urbis Arcus Marianus nec ipſe in lucem prodiit. Pluribus ſum locutus, qui Arauſicæ viderint, mireque

commendent. Ac Pontanus noſter qui his diebus mihi aſſuit, ut optimam habuerim occaſionem tuas de manu in manum tradendi, aiebat ſe ante biennium locutum de eo cum Hugenio Arauſionenſium Principi à ſecretis, eum dixiſſe curaturum ſe ut ne diutius tam nobili monumento careant homines literati: ſed nihil poſtea intellexiſſe: nec id ab eo vel alio præſtitum in animum poſſe inducere. In electis Rubenii eſt Icon unius alteriusque ſtatue togatæ ac tunicatæ. Volui ideirco mittere. Cancellario Friſio in hunc fere modum inſcribi literæ ſolent;

*Nobiliffimo, Ampliffimo ac Magnifico Viro Domino Chriſtiano Frys Toparche in Cragerup, Sereniſſimi Danorum Regi Cancellario ac Regni Senatori.*

Quod ubi prole iterum augebere, me vel uxorem fidei ſponſorem fore promittis, id ſane pergratum utrique, eoque ardentius pro ſalute veſtra vota faciemus.

Amſtelodami iv. Id. Decembris. clb lxc xxxiv.

## CCXLIV.

Ger. Jo. Voſſius, Franciſco Junio, F. F.  
S. P. D.

SPERO jam acceperis fasciculum, quem de rebus Joannis mei, ad te ante duas Hebdomadas, miſit Filius Matthæus. Sed incuriâ famulæ factum, ut tum reperiri non potuerint literæ Filii Joannis tibi inſcriptæ, quas nunc mitto. Neceſſe ſit negotium ejus Cantabrigiæ expediri ante Kalendas Martias. Nam tum expiravit tempus emanandi à Collegio conceſſum. Rogo agas, in hoc ejus negotio, quantum honeſtas ſinit. Quod vitæ genus deinceps initurus ſit filius, fortaiſe jam perſcripſerit. Sin reticuit, quod credere malo, proximis ex literis meis cognosces. Petierat Joannes, ut ex uſenſilibus, pluſcula darentur illi, de qua jam ante ſeſquiannum, ad me ſcripſeras. Si modo eadem eſt: quod mihi negat. Verùm toties deceptus, neſcio quid credere debeam. Quæ autem ei tribui velit, charta quadam complexus fuit: ſed non poſſum nunc invenire. Sunt lectus, menſa, & ſimilia; libros, chartas, picturam meam, & id genus, voluit huc tranſmitti. Sed nihil adhuc certi poſſum ſcribere. Opera dabitur, ut reperiatuſ ipſius filii manus. Quam malè ſibi iſtis amoribus

ribus consuluit filius? Hæc mihi devoranda; qui post quinquaginta annorum in studiis labores; aliquam mihi in liberis requiem sperabam. Nunc non minus diu, noctaque laborandum, quam adolescenti olim fuit. Quàm illas veteres delicias, Dionysium meum desidero, qui ingenio divino, probitate eximia, assiduus in omni propè doctrinarum genere studiis, moribus ad hæc suavissimis, quicquid molestiæ obtingebat, unus facile detergebat. Nunc & eo careo, & ex altero nihil nisi molestias percipio. Sic Deus castigat suos: Cui interea gratias ago, ob tot alia beneficia; & interea quod non Franciscus modò, & Matthæus, se valde mihi probant: Verùm Isaacus etiam cum Gerardo sic vitam & studia componunt, ut propè spem conceperim, quod damni, & familia mea, & Resp. literaria, in Dionysio fecit; per eos aliquando posse refarciri. Matthæus intra Hebdomadam, unam, alteram, Typographo excudendam dabit Historiam Comitum Hollandiæ, non dubito, quin placitura sit. Tandem ab Amplissimo D. Boswello, regia negotia apud nos curante, certi aliquid de inscriptione, sive principalibus titulis accipi. Quare nunc nihil superest, quàm ut præfatio excudatur. Maturabo, quantum possum. Scire te arbitror, ut jam tertium annum Lugduni vivat, vir summus Claudius Salmasius; qui eo invitatus pretio, quo olim Joseph Scaliger. Atque id non mediocrem ei invidiam peperit, apud unum, alterum Professorum, imprimis Gaudensem. Mihi verò qui gaudeo, tantum virum his terris agere, non mediocris cum eo amicitia intercedit; nec per literas modo, sed sic etiam, ut subinde, alter alterius præsentia fruamur. Sanè triduo toto ante menses duos, cum uxore, apud me divorit. Qua occasione à me petiit, ut meo suoque nomine, à te peterem exemplar statutz palliatæ, ex monumentis Arundellianis. Habet sub manibus grande opus, de Re Vestitaria; ubi ad amissum exprimendæ formæ Togæ, Pallii, Sagi, Paludamenti, & similia. Pollicitus est quod pictori tribueris, id quam primum se velle refundere. Conatus est aliquid, in argumento hoc, Baysius, sed tantum conatus. Adeo nihil est præ illis, quæ Salmasius præstabit. Eò minus patieris hic curam tuam desiderari. Scis cujus magnitudinis esse soleant imaguncule quæ in libris exprimentur: Quamquam quacunque tibi mittere visum erit, ipse facile imitabitur, sive sculptor potius pro libr. .... qua Salmasiana excudentur.

Egregium opus tuum de Pictura excudi non potest ante Kalendas Maias. Præcipuè in causa est, quod Blauwius Typographus,

uxorem duxerit Goudensem; quæ non ante à parentibus poterit divelli, ut tribus hisce mensibus proximis *ni vordien*, ultro citroque sit com meatum, hinc Goudam, inde Amstelodamum. Quod non exiguo fiet *verrycapien* incommodo. Ipse autem editioni præesse malit, & quod tam multa alioqui peccare soleant Typothetæ, & alii.

De cæteris scribam, cum Exercitationes meas transmittam. Id fore arbitror post tres Hebdomadas; nam & aliquid temporis absumetur, in exemplaribus compingendis; præsertim bellulo aliquo, quod Celsissimo Principi Carolo offeratur.

Dum in his scribendis sum, ecce mihi literæ ab Illustrissimo Suecici regni Legato, Hugone Grotio, tui, nostrique amantissimo. In his hæc de te leguntur. "Quærenti mihi aliquem, vir præstantissimè, qui me in Epistolis scribendis, aut describendis adjuvet, & quicum, de literis, præsertim illis sanctioribus, sermones conferre possim, cujusque opera simul usui esse possit, in paranda editione eorum, quæ ad Evangelia notavimus, ante omnes mihi in mentem venit, Francisci nostri Junii. Sed primum abs te scire cupiam, quæ commoda apud Comitem Arundelium habeat, ne ei offeram, quo conditio ejus deterior fiat; deinde an putes eum, & velle, & sine quo non est ut velit, honestè posse mutare Britannicam Gallica sede.

Ego ad ista quod respondeam, non habeo, priusquam te consulero. Is quicum viveres, est magnus planè vir, doctrinarum facile Princeps. Si idem nunc tibi ardor esset, arcana studiorum penetrandi, quæ Adolescenti fuit, aliquanto alia ratio foret. Nunc venationes, & alia Aulae studia, fortasse invitum etiam paulatim diversis moribus imbueret. Adde quod rei Suecicæ sortum, in Germania quidem admodum fluctuat; tuæque conditio à Grotiana, illa à Suecica dependeret. Eo excusso, fortasse operosum esset, Arundelianæ similem invenire. Spero etiam tam luculentum tibi esse nunc annum stipendium, ut Domino Legato difficile fuerit cum Illustris adeo Comitibus familia certare liberalitate. Verùm quid ego tam operosè de eo ad te, qui in rebus suis (in quibus ego proorsus cæcutio, quia de iis tam parci esse sermonis soleas) decuplo, & amplius videre possis quid facto sit opus, me etiam tacente? Attamen rogo, quamprimum mihi perscribas, quid rescribere debeam. Iniquum enim sit, si mora nostra impediamus, quominus, tempori sibi consulat vir, & amicus summus. Edidit is his Hebdomadis Sophompancam, quod Josepho Israelis Filio, nomen



nomen in Ægypto. Tragoedia est, magna arte scripta, quæ eo tibi gravior erit, quia nomini illam inscripsit meo. Prope diem eam ad te, & amicos transmittam. Memini ante exemplarium, de re Grammatica, quæ ad te misi. Præter ista misi Reverendis. & Illustris. D. Archiepiscopi Secretario, duo holoserico vestita: Unum spero ab ipso, Dom. Archiepiscopo tradetur, de manu in manum, Illustrissimo Walliæ Principi: Alterum ipsi Dom. Archiepiscopo cedit, nisi aliter ipsi videatur: addidi enim & aliud solum inauratum, & hoc Chartæ Regiæ, quod cui videbitur Procerum tradere possit. Secretarius verò habet exemplar unum, inauratum, tradendum Reverendissimo D. Episcopo Londinensi. Simile item offerendum Bibliothecæ Bodleianæ, apud Oxonienfes. Tria non inaurata addidi: unum Ephoro Illustrissimi Principis; alterum Bibliothecario apud Oxonienfes, Rouse; tertium ipsi Secretario. Plura non misi, sed si mitti satius videatur, significa. Nolo illiberalius agendo, gratiam perdere. Sanè si sacri fuisset argumenti, non hic munificentia mea stetit. Sed scio, materiem ejus operis, non facere ad omnium palatum, præsertim in Magna Britannia, cui Theologica magis, & fortasse sola ardeat. Literas ad præpositum Collegii Jesu, relinquere apertas, visum fuit, quo ubi legeris, sub sigillo cere aliquid subdas, atque inde, si sic videatur, tradas. Sin existimes, iis de filio contineri, quæ satius sit ignorare, retineri à te poterunt. Omnino enim, qui istic es, facilius me dispicies, quid factò sit opus. Tandem tempus abrumpenda Epistolæ, ne loquacitate obtundam. Vale, Charissime Adfinis, & ab uxore & liberis salve.

Amstelodami  
cl. 16c xxxv.  
Non. Jan.  
Stylo Veteri.

Tuus omni officio,

G. J. Vossius.

## CCLXV.

Claudio Salmasio.

**D**Ausqueii doctrinam atque industriam jam ab annis novi pluribus vel ex commentario in Silium. Orthographica demum vidi mensibus abhinc duobus: nempe excuso jam opere Grammatico, appendicibus exceptis, ubi semel iterumque ejus memini, & ad eum remitto Lectorem. Video operæ fore, ut labores ejus conferam cum nostris Originum libris. Nam & ipse in ori-

ginibus de Orthographia tracto: & quantum paruit, secundum Ausqueii Tomum obiter lustranti, crebrò concurrimus. Et qui aliter potuimus, cum uterque nostrum astruamus sententiam, ex lapidibus Vett. Grammaticis & Manuscriptis? Carmen quod honori urbis hujus fecisti; non mihi solum, sed aliis quoque mirum in modum placet. Gaudeo in iis quoque esse Barlaam nostrum: Genium plane probabat. Equidem non dubito quin nisi Camœnarum delubro conspiceris parvus & infrequens, quàm propitiâ habes Minervam. Tam divæ ille futuræ sint faventes; eorumque qui temporibus nostris Poetarum habentur Principes, alios se æquaturus, alios superaturus. Scis quantum usus polleat. Bene interim sit insomnia isti, quæ causa est tot bonorum versuum, ac si valetudini non incommodet, sæpe redeat. Præstabit tibi, quod *μυσσιν δαδεις* illis, in bicipiti somniasse Parnasso. Quantumcumque autem versiculi tui placuerint, si tamen mihi credis, filebis de iis apud Leidenfes tuos. Novi ego & meo & alieno experimento, ut levicula de causa plumbeas iras gerant. Non sine gravi plurium offensa abiret, sic laudasse Amstelodamum. Scis quod olim à Platone scriptum *Πάντα πόλις πειρὰ πόνου γύσσει πολέμου, ἄλλαι τε κἄν ὁμοῦν χρεὼν ἔχουσιν*, sed imprimis graviter ferrent distichon postremum. Ac nostri quoque proceres uti gaudent de affectu & augurio tuo, ita invitis illis fiat si Leidenfes ut nihil non ante triennium movere in ordinum conventu cum de Gymnasio Illustri hic constituendo ageretur, ita occasione inde arrepta, quod Batavis de Athenis scribis pressum eos ire dicerent nobilem Academiam. Quod nostris & molestius forent, quoniam optimè Academicæ volunt. Quid mirum, quando non ea Leidenfium propria, sed totius Bataviæ communis est. Nisi novissem candorem tuum, non ista sine circuitione ulla scriberem. Nempe amorem tui gliscere his tertis etiam apud Leidenfes volo, non vero malevolentissimo omnium apud vos materiem dari, quasi aversiori sis animo ab urbe. Sic enim (novi cum intus & cute) interpretaretur. Et habet niger ille duos tres eodem in ludo edoctos per quos nihil non audet. Sed de isto satis vel potius plusquam satis. Apud te tamen facilis mihi hujus loquacitatis venia fuerit. Hugonem Grotium jam Lutetiæ esse confido: Tres enim jam hebdomades sunt & amplius, quod uxor Moguntiâ huc perscripsit postero se die cum tota familia comitaturam maritum, nec iter hoc ulterius posse differri. Quod jam bene vertisse spero. Exercitationes nostræ Grammaticales non absolventur, nisi post duas hebdomades. In causa est quod è Britan-

Britanniâ expectare debuerim, quibus titulis ornandus esset Serenissimi Regis primogenitus. Ei enim opus nostrum inscribemus.

Letissimæ uxori à me meaque salutem.

*Amstelodami cl. Id. xxxv.*

Pr. Nonas Febr.

## CCXLVI.

N. N.

Illustris Domine,

Multum tibi debeo, quod ea cum humanitate, idque geminis literis, non gravatus sis me facere certiores de victoriis serenissimi maximique regis vestri; ita arbitrator sic esse perpaucos, qui non capropter & sibi gaudeant & magno vestro regno gratulentur: maximas etiam gratias ago, quod nolueris me celare de oratore, quem foederatæ Belgicæ ordines Constantinopoli habent. Conquestus sum super eo apud aliquos qui in Rep. nostra plurimum possunt. Sed facile cognovi nihil iis de isto negotio constare. Aliqui existimare malle hanc de eo suspensionem conceptam. Alii dicere si quid ejusmodi exisset, fortasse privata nonnullorum auctoritate compulsum, & nihil tale unquam in procerum conventu decretum. Illud quidem pro certo habere, summatus urbis nostræ viros & Regno & Regi vestro maxime favere, ac quantum in se nunquam perpeffuros, ut quisquam concitet Musulmannos adversus Regem Christianum, & ita Christianus, ut is tristi hoc Religionis Christianæ dissidio imperium in conscientias uni sciat Deo convenire. Quare siquid ejusmodi factum ab oratore nostro, necesse est aliquid monstrare, qui ad hoc eum virum non communicato cum aliis consilio impulerint. Nova hic, quæ nostrum spectant Remp. pene nulla, aut parvi illa momenti. Nisi quoddam ab Americana Societate nostra Paraibam in Brasilia expugnatum naves postremo inde appulsæ referant. Is locus situ non longe Olinda civitate, quam nomine regionis desperam Pernambucam vocant, tribus constat castellis, non magno distitis intervallo. Eo magis mirandum, quod exiguo adeo temporis spatio in nostrorum venit potestatem. Nec inutilem in eo capiendo operam præstitit nobilis vestras Artissimi. Quem me aliquando sic compellare memini. Eo autem major hæc victoria habetur, quod molæ aliaque purificando saccharo idonea nostris integra sint relicta. Accedit,

quod qui ante in talibus operam Hispanis locabant, eam nobis addixerint. Unde tantum animi Americanæ nostræ societati accessit, ut ante diem unum alterum liberum in eos tractus commercium mercatoribus concesserint, modo decimas rerum inde allatarum penderent. Fervere hic jam incipit armorum apparatus ad proximam ætatem. Vix enim dubitandum, quin grave imminet bellum ab Cardinale Hispano, qui illustram victoriam ad Norlingam adeptus, non minores hic successus imaginatur, cæterum diversitatem belli nonnihil impedimenti allaturam confidimus. Germanis Mars apertus placet semper, raro Batavis qui multo maximam spem in propugnaculis sitam habent. Nec ratio belli, quod jam sexaginta per annos adversus potentem adeo hostem geritur, conferere semper manus permittit. Victi enim Batavi difficulter cum victoribus instaurant certamen. Nec æquum uni discrimini salutem patriæ maxima ex parte committi. Pro documento nobis sit ad quantam spem erecti nuper Germanorum principes subita clade una quasi è summo fastigio deciderint. Et hætenus quidem senserunt & adhuc sentiunt, quam futile sit, nisi necessitate summa urgente, unico prælio de summa rerum decernere. Imprimis Udenhemum à Cæsarianis interceptum, quem in locum Galli, tanquam munitissimum, aurum, argentum, annonam, cæteraque bello necessaria comportarant. Quicquid anni labore & impensis acquiritum unicâ pene horâ rapuit. Hinc plerique ominari impropros Gallorum successus. Filius is nobis, qui antea fuit, sic est commendatissimus. Nec paritur ille in vita aut studiis quicquid desiderari. Quæ de re plura proximis literis scribas. Vale.

*Amstelodami,  
Prid. Kal. Mart.  
An. cl. Id. xxxv.*

*Illustri tuo nomini addictissimus,*

G. J. Vossius.

## CCXLVII.

Jo. Arn. Corvino.

Hætenus, præstantissime Corvine, non respondi literis tuis, partim quia cognatum tuum Zeistium expectarem, in quo me fecellit opinio mea; partim quod plane haberem ipse, ita ut semel iterumque, manum calamo admoverim, sed mox eundem deposuerim, quia ab animo impetrare non possum, ut ullum animo scrupulum injicerem, quo



quo minus ad nos quamprimum venires. Nihil enim æque desiderabam. Et tamen metuebam, ne aliquid eorum deficiat in iis, quæ scribis, si domicilium hic fixeris. Simul videbam, de isto melius te ex avunculo tuo Persinio posse edoceri. Quem super eo, si Hagam issem, consuluissem ipse. Illud interrim scio, tuto admodum te hic victurum. Ea enim est Magistratus prudentia ac vigilantia, ut malevoli nihil erga tui similes possint. Quam vellem, ne tantopere abjecisses voluntatem procudendi typis optima quæque. Quam bene pariter de studiis & familia tua mereris: Si vir ea doctrina ac judicio curæ illi incumberes, ut antiquorum tot monumenta aurea, quæ pene interciderunt, per te quasi ab Orco revocarentur: vel quæ passim corruptæ leguntur, tuâ operâ integrius, castigatius, ornatiùs prodirent. Sed eo ab consilio semper mihi visa abhorreere conjux tua, postquam Lugduno abeundum sibi alio statuerat. Vi. Id. Januarii inauguralem habui orationem in Illustri Gymnasio nostro. Postridie item Barleus. Ac uterque frequenti admodum auditorio diximus non adolescentulorum modo, sed etiam virorum eruditiorum graviumque. Literas tuas *πρὸς μὲν* inscriptas, simulac mihi ab amico traditæ sunt, procuravi sedulo. Nunc mitto responsum ejus, ex quo facile perspicias, quanti te faciat. Itaque admodum tibi illud gratum fore scio. Uno excepto, quod addit ob odium quorundam Vatinianum, nondum adeo liquidas esse res suas, quam vellent, qui viri ejus virtutes norant, nec doctrinæ pariter & concordie publicæ bellum indicunt. Veruntamen magna me spes tenet, propediem omnia fore loco meliori. In quo si nos opinio faller, non diem in patria morabitur. Nam opus? præsertim cum certo familie suæ dispendio. Si quid tuto ad eum curatum velis, ad me mitte. Ac si quid aliud etiam exposcas, solum impera, omnia siquidem tui causa volo ac debeo. Uxori optime à me & mea salutem dices plurimam.

Amstelodami.

IIV. IXCOO

Tuus,

G. J. Vossius.

## CCXLVIII.

Generose Domine Baro,

**V**alde animo meo ægre fuit, quod nec pridie quam discederetis, Illustrissimum Dominum Legatum, vel te, quem sic amo, sic æstimo, domi reperissem. Foris coenare quispiam è famulatio dicebat, neque postero mane minus operam luserim, quia sic maximi herois, parentis vestri, vel regni potius negotia tulere, ut jam currum ascenderetis priusquam, etsi non multis passibus ab ædibus vestris, eo venissem, & extremum vale dixissem, optima quæque & tam bonæ legationi, & itineri vestro comprecando. Sed quod facere tum non licuit, id vero nunc per literas facio, verbis quidem parcius, sed affectu non minus uberi ac devoto. Illud quoque non parum mihi dolet quod non satis perceperim mentem tuam de chartis hic relictis. Siquidem sic opinabar, non eas te legi à me vel te, sed alias, quas ipse scripseras. Has autem, quæ non amplius, ut arbitror, quam dimidiam negotii partem complectebantur, tecum ipse domi retuleras. Alteras illas dic repertas primis aliquot diebus hic relictas ignoravi. Sed tamen fortuna bona in eas incidi, sponteque cras aut perendie eram remissurus. Opera dari coepit, ut tumultuarie saltem à me legerentur, & aliqua castigatè magis dictionis indiga notarentur. Sed multa adeo se obtulère, ubi prorsus hærerem, quod res Suecicis, mentemque scriptoris haud satis perspicerem, ut statuerim non posse eam rem hac nocte confieri. Nam post septimam demum vespertinam reddidit mihi ab eo cui dederas literæ tuæ: atque idem ait se cras sexta matutina Hagam repetere; utinam horis sex septem una nobis duobus esse licuisset. Plus promoverem, quam vel triduo nunc toto valeam. Nam quis mortalium rei minus intelligens, sæpius turpiter me darem. Si tamen tanti putaveris, Patrueli tuo possis Suevicum transmittere exemplar, ut is Germanicè exprimat mihi? Equidem non patiar ulla in re operam meam desiderari. Uttere, fruere, me, meis, in hoc, in cæteris. Non alius vel hic, vel alibi reperiat, quam

Amstelodami,

clō loc xxxv.

xxi. Mart. xii.

Nocturna.

Vestra Illustrissima Familia

æternum devotus,

G. J. Vossius.

Gratum

Gratum fuerit si illustrissimo parenti (quem equidem deinceps, non ob prudentiam, vel doctrinam maximam devotius quam ob eximiam humanitatem colam) obsequium meum sedulo in cunctis offeras. Te illustrissime Barro, & tecum pariter fratrem D. Jacobum, nobile adeo par juvenum, uxor, ac liberi plurimum jubent salvere, proque vobis mecum non desinent assidua facere vota ad Deum. Raptim.

## CCXLIX.

Claudio Salmasio, *V. Cl.* Ger. Jo. Voffius *S. P.*

Papyri iconas remitto, qui Stapelio longe gratissimæ fuerunt, multumque debere se fatetur. Nec minus mihi jucundus fuit conspectus literarum, quibus olim socer meus ad sacram professionem Leidam vocatus Heidelbergæ. Eoque gratius donum, quod nondum videram. Præterea occasione id perscribam ipse; sed dum quod mei scis non esse insolens, officium hoc scribendi differo, quæso hujus affectus mei ne penitus Puteanos fratres siveris expectes. Quod justius eo facies, quia eos amavi & colui semper ob præclara erga literas merita. Uxor mea jam mensē secundum agrotat, non sic tamen ut perpetuo sit lectulo affixa. Et jam convalescere videtur; spero vere adulto, omnia meliora. Interea partim hæc in valetudo ejus in causa, quod longiusculo tempore non scripserim; partim etiam quod eadem mallem una cum literis meis mittere de Re Grammaticæ libros. Quod ne nunc quidem facio: sed fiet intra octiduum. Jam Bibliothegæ exemplaria aliquot tradidi compingenda. Ex quibus prævertere necessum est, ea quæ in Britanniam mittentur. Id faciam die crastini, vel perendini. Simulque exposculabo cum affine Junio de non missis statuarum iconibus. Equidem planè nescio quid in causa sit. Nec enim suspicari possim, illustrissimum Comitē nolle exterorum quenkūq; aliquid è suis monumentis primum publici juris facere. An forte fasciculus literarius, quo & literæ hujus argumenti continebantur, minus in affinis manus pervenerit? Id eo minus velim, quia addita erant quædam de rebus non parvi momenti, eaque publica auctoritate firmata. Sed quicquid erit, utrum acceperit exemplaria primo-genito Serenissimi Regis Caroli, & aliis tradenda. Scio, jam cognoveris, amplissimum Grotium Lutetiæ agere, ac ut Legato Regni Suecici honoris ei officia esse præstita, ut post-

quam in conventu Regis ac procerum exposuisset quæ in mandatis habebat, privatim cum Rege sermones de toto negotio Suecico ac Germanico habuisse. Equidem ob hæc & alia non minus gaudeo, quam dolere illum scio, qui in castris non humanitatis quidem sed inhumanitatis & malevolentia facile principem locum tuetur. Utinam tantum non eo loco res Suecica viderentur, ut Gallorum etiam Regi satis sit difficile futurum, instaurare eas, si vel maxime velit. Sed isthoc *si & videretur*. Nil desperandum; dum in Galliis est Grotius, filiarum juniorem amisit. Credo frigore hyberno, & molestiis itineris morbum contraxerit. Intellego parentem, etsi valde amaret constantissimè hunc casum ferre, nec illum doloris indicium domesticis in vultu ejus relucere. Non eadem constantia filio ejus Petro apud nos agenti. Quid mirum, adolescens est; & ab nemine fratrum vel sororum sic se dilectum atque ab illa arbitrat. Quare sic primis aliquot diebus lachrymis indulsit, ut vix cibum caperet. Sane & ipse vocatione & alloquio conatus, sed non semel, dolorem hunc abstergere. Nunc meliuscule omnia, nisi quod ubi mentio ejus, dolor recrudescit. Sed alio potius sermonem derivamus. Vale, optime maxime Salmasi, & cum uxore lectissima ab omnibus nobis salve.

*Amstelodami, cl. Mccxxxv.*

Pr. Kal. April.

## CCL.

Joanni Meurfio, *V. Cl.* Gerardus Voffius *S. P. D.*

Quamquam de tot ingenii, doctrinae, industriae tuae monumentis, plurimum mihi gaudeam tibi gratuler: cogor tamen fieri, hanc eo lætitiā imminui, quod sic Blauwius in edendis iis eluserit expectationem utriusque nostri. Quod quidem facilius ferrem, si tui & aliquot tui amantium, ac non totius interfuisset resp. literariae, tam avide omnia tua expectantis, prodire tandem quibus orbem doceas universum: si item non coqueret animum meum damnum, quod privatim familiae tuae dedit, dum te fraudat tot annis, tum honore apud bonos doctosque, tum etiam emolumento illo quod percepisses ab illis, quorum gratum erga te animum persensisses quod chartis perennaturis nomen eorum posteris propagares. Equidem non facile dixerim, quoties & quantopere super istoc exposculaverim; ipsumque rationem inire Blauwium



wium iusserim quam grave tibi damni dedisset. Nec verissima ille me dicere negare vel voluit vel valuit. Non facile tamen dixerim, quam gavissus sit Historiam tuam Danicam ubi vidit. Nunc, inquebat, ostendam, non mihi voluntatem defuisse, sed facultatem in iis promulgandis, quâ elaboraffes: Nempe quia hic non deficerent eum typi quibus ex animi tui sententia opus hoc prodiret. Itaque continuo typothetarum præcipuo negotium dedit ut ordiretur eam, nec nisi absoluta desisteret. Sic præter ipsum retulit typotheta quicum ignaro eo sum de tota hac re locutus. At cur in prioribus cessatum? Bis coepit; sed primis typis tam minutis quali pulverem vellet ob oculos legentium spargere. Et progressus fuisset nisi obsticissem. Postea urgente me maioribus exorsus. Placuit coeptum; sed desistere coactus quia tot Græcis intercurrentibus typis destitueretur. Hisce nundinis instantibus famulus ibit Francofurtum qui secum afferet quantum deest. Interea nullo opere præsum ejus fervebit quam Historia tua Danica. Mense Maio, hoc est, typis Græcicis acceptis, etiam alter typotheta in aliis occupabitur. Mihi amice optime maxime, nihil hic vel scribitur vel metitur, nisi quatenus amicorum commune esse negotium solet; sed tamen tam diu tam turpiter elusus, puto verum dicere. Excudetur ab eo opus meum de Idololatriæ origine & progressu; non permittam ut in istoc pergat nili pari pedè progrediatur in tuis. Amplius vis? si non valebit utrumque præstare, iussero ut mea ad tempus cessent. Omnia tui causa volo eo magis quia pudet me non antea subodoratum quid ageretur, nimique simplicitate pene dixerim fovisse hunc triconem dum de mense in mensem sino hoc negotium tuum protrudi, nec omnia tua ut scripseras remitto. Sed crede mihi hic si fuisses nec ipse aliter egisses. Tam verisimilia semper attulit ut cuivis bono fucum facere potuerit. Cæteroquin non is sum qui tam facile eludar; sed quid opus tam multis? ipse ait Literis suis sese sic purgare ut satisfactum confidam. Salmasius ante hebdomadas pauculas à Galliis est reversus, ubi biennium vel circiter fuit, cum ob alias causas tam propter pestilentiam Lugduni grassantem. Nihil hæcenus terris Batavis in lucem dedit; sed non arbitror ulterius cessaturum. Heinssii notæ in N. T. excudi tandem coeperunt, quæ quales sint futura postea uterque & alii judicabimus. Nunc non idem omnium iudicium est. Filii mei *ἡ μακαρία* Maimonides excusus, excepta præfatione, alioqui nunc misissem. Salutant te uxorem & liberos uxorem & omnes mei. Multa etiam salute imperties V. Cl. Laurenbergium, Ernestium ac Stephanium. Ernestio proxime re-

scribam. Nunc quia tertia est nocturna, cubitum me confero. Nempe sic de die ab innumeris pene avocor, ut nihil fere nisi de nocte possim.

*Amstelodami Td. xxi.*  
vii. Idus Aprilis.

# CCLI.

Jacobo Wittio *Quæstori* Dordraceno  
S. P.

**C**Hartam mitto beneficii ab urbis vestræ Proceribus collati, Francisco Fr. F. Junio, spero hoc viduæ dabit Quæstor, ut tanto nunc promptior sit in exsolvendo, quanto ego tardior fui in negotio urgendo. Negabis fortasse tam me lentum esse debuisse, cum non possim ignorare, quam id viduæ sit molestum. Sed sic sum, nulla tamen culpa mea; quando quotidie minus, minusque meus esse incipio; si hoc ita processit, quid amicorum negotiis, imo quid tandem studiis meis fiet? Et tamen manet ardor, quod ante biennium cogitaram, excurrendi ad vos cum aliquo meorum; idque si Deus vitam, & valetudinem, feriis Autumnalibus. Juvabit videre veteres amicos, eos imprimis, quos veteris sui Doctoris necdum poenitet: In quibus jure repo-  
no, ut de Te taceam, Colvium, Beverovicium, J. Roverium. Grammaticum nostrum opus grande, & arduum jam excusum; & habet Biblioepa aliquot Exemplaria, quæ compingat. Propediem ad Te transmittam. Difficiles nugas, dicent malevoli. Quid mea? quando jam diu talium voces didici contemnere. Et certe si necdum sciam, quando futurum tandem, ut norim? Quippe jam annum ago undecsexagesimum. Deo gratias ago, quod ætas sic satis vegeta, utinam de conjugæ idem possim dicere. Sed illa in dies defertur; ut multum metuum, ne vita illa sit vitalis. Jam excudi coeperunt Annales Hollandiæ, & Zelandiæ, quos filius Matthæus conscripsit; scio non displiciturum opus, ubi videris. Sanè priores non parvo post se relinquet intervallo. Domesticum quidem hoc testimonium meum; sed tanto religiosius hæc scribo, qui vanus nolim deprehendi, vel domi cæcus. Excusa propemodum Tragoedia Grotii, Sophompanæ, sive Josephus, qui altero illo nomine Ægyptiis vocatur. Placebit argumentum, nec minus Romana veredictio: credo & eo nomine, quia meo nomini inscripsit. Et illam, unâ cum nostris transmittam. Authorem, non ut distitant aliqui, ab illustrissimo

strissimo Oxensternio solum, sed à Regina, & Regni Suecici Proceribus, legatum ad Gallos missum, credo jamdiu intellexeris. Uti & illud, quod Regi fuerit longè acceptissimum; qui gaudet non modo reversum in Gallias, sed honore auctiorem redire. Spero vir ille, quo affectu erga patriam est, non Suecicis modo, sed Belgicis etiam rebus, multum in Galliis commodabit. Quod non scriberem, nisi melius nosses, quam multi, qui solis sibi iudicium vindicant, cum nulli magis ignorent. Confido illum Deo, curæ fore, utcumque res Suecorum, in Germania quidem, in extrema stare tegula videantur; sed jam ad argumentum venio, quod non ita cursim possit referri. Quare abrumpo, teque multum, & uxorem optimam, & familiam totam iubeo salvere: idemq; facit conjux, cum liberis. Vale, amplissime & integerrime Cognate.

*Amstelodami,*  
c15 Ioc xxxv.  
10 Non. April.

*Tuus omni officio,*

G. J. Vossius.

## OCLII.

Guilhelmo *Archiepiscopo* Cantuariensi.

Reverendissime in Christo Pater, Domine Illustrissime,

**T**Andem finem suam implent exercitationes nostræ Grammaticæ: quarum geminum mitto exemplar, unum cellissimo Walliæ Principi, alterum tibi Mecænati meo optimo maximoque; qui nunc iterum bonas mihi precandus es præces: Nempe ut tantus Princeps, non aliunde potius quam ab illustri manu tua accipiat commentationes nostras: atque ab ore sacro tuo etiam cognoscat submississimam devotionem pectoris mei. Atque hæc quidem eâ conditione oro rogoque, si sic res ac tempora ferant. Quid enim fieri possit, vel debeat, infinitis partibus melius me perspicies. De exemplarium cæteris quid faciendum censeam, ex ornatissimo Dello cognosces. Nihil tamen acturus nisi ex consilio tuo.

Opere hoc copiosissimo, sed juventuti & φιλολόγῳ, quam sacra tractantibus utiliori, ad finem perducto, aliquandiu seponenda video, quæ bonas literas, vel humanas scientias spectant. Et si permulta jam prælo parata sint ut præter Originum libros, vastum en opus! etiam tres de re poetica libri diu expectiti, quia hæc ætenuis eam disciplinam, ratione illâ, tractarit nemo. Item liber περὶ τῶν κυκλωπιδῶν, sive de scientiarum artiumque omnium naturâ, nexu, & usu. Item Græcorum Olympiades. Ad hæc

rerum Romanarum Annales. Pluraque id genus, quibus non insistam. Nempe totum me accingo ad ea, quæ Thesibus Lugduni editis, Bellofiti recufis, ante annos multos complexus sum: castigatius auctiusque multo, idque librorum forma, divulganda; videlicet ut duo sint Libri de Baptismo, & ejus ritibus; totidem de Eucharistiâ libri, uti & de statu Animæ post mortem; Alius de creatione & fine mundi; Alius de lege, & bonis & malis operibus. Et porro ita in aliis non editis modo sed & hæcenus *inæditi*. In cunctis iis nihil æque mihi propiorum est, quam studere paci ac concordie Ecclesiæ; simul ut sacræ scientiæ candidatis notitiam atque amorem veteris Ecclesiæ instillem.

Vix ea lucem viderint quin, *ὅτι θεῶν*, secuturum est opus nostrum de mundi Antiquitatibus, usque ad vocationem Abrahamæ, & inde de rebus Hebræorum usque ad Christi natalen, vel Hierosolyma à Tito deleta. In his ad duo ista imprimis collimo. Primum ut sacram Chronologiam accuratius tractem, quàm à Scaligero magno alioqui viro, & aliis aliquot, factum. Deinde ut difficilia multa veteris Instrumenti loca, præsertim *ἐκκλησιολογικὰ* enarrem: ac sententiam nostram, tum rationibus solidis, vel saltem verisimilibus, tum item auctoritate sanctorum Patrum, & Rabinorum aliorumque confirmem.

Tertia nobis cura erit de Christianorum rebus; quod opus bipartitum. Prius exponetur Historia Ecclesiæ, ut candidè ita succinctè: rationes etiam verbo uno altero inspergentur, quibus diversa sentientibus responderi queat. Posterius ea omnia seligentur, super quibus nunc controversia est. Hic modeltè cum Baronio & aliis, manus conferimus. Sic utrisque consulimus, & illis quibus sufficit scire rem gestam: & istis, quibus opus est adversariis occurrere. Hanc curarum partem optarem, vel primam lucem conspicerem, nisi multa adeo adhuc cruda intercurrerent; partim quia toties, imo quando non, ab indigenis & exteris inturbor, partim quoniam in his consignandis in illo Ecclesiæ Catholice schismate, ac tantis partium studiis veritatis studium nequiquam sufficit, sed prudentia etiam opus est singulari. Eoque ubi paulum priora processerint, nihil æque exoptem, quam ut cum uno altero Magnæ Britanniae, antiquitatis intelligenti & prudentia conspicuo, per literas subinde de talibus conferendi felicitas obtingat.

Nondum in scribendo huc usque perveneram, cum mihi à Dom. Goffio literæ tuæ exoptatissimæ. Quid primum hic, quid postremum eloquar? Tene illo dignitatis loco Dei gratia constitutum, tantis ac tam densis ne-



gotiis obrutum, hoc me honore dignari indignum, ut ea cura, eo affectu respondeas singulis literis meis? O affectum eximium! quem nisi videam nihil me fuerit arrogantius stultiusque; nisi profitear, nihil me terra proferat ingratus.

De posthumis filii mei Dionysii, similiter actu, cenfeo, nihil nempe ejus divulgari oportere, nisi perfectum. Quippe imperfecta, ut recte olim Plinius, censenda pro non inchoatis. Dissertationem tamen Maimonidis ab eo versam, judico propè adeo abesse ab ultimâ manu quam edendo solet adhibere, ut haberi id opus possit pro absoluto. Et jam editum foret, nisi Blauwius J. C. uxore ducta in vicina ageret urbe, ac demum circa Kal. Jun. domumtionem cogitaret. Parenti optimo, parum erudito extra Mathesin, non ausus fuit absens committere curam operis.

Filius Joannes operam suam addixit perfectis Indicæ negotiationis. Fiscis iis fuerit advocatus. Spero idoneum magis fore seculi rebus quam eum expertus sum in humanitatis studiis vel sacris. Nihiligitur superest, quam ut honestè alteri loco cedat in Collegio. Interim multum me Regiæ beneficentiæ tuæque sollicitudini debere profiteor; quod hæcenus ei bene in Anglia fuerit, saltem bene esse porceat, nisi per ipsum steterit. Quicquid superest, spero exequetur conjunctissimus affinis meus Franciscus Junius; ad quem fusè scripsi. Si qua in re opus ei fuerit consilio vel auctoritate tua, confido illam non defore. Reverendissime. Illustrissime Dom. Deum rogo, ut diutissime te saluum ac sospitem esse velit, quo Ecclesia Anglicana, illa omnium hodie Ecclesiarum Helice & Cynosura, deinceps etiam recto cursu ac secunda navigatione feratur.

*Illustrissime vnae Reverentia  
humillimus ac devotissimus  
Client,*  
G. J. Vossius.

CCLIII.

D. Dell, Reverendissimo Archiepiscopo  
Cantuariensi & Sacris, S. P.

**F**iducia, optime Delli, quam mihi amicissimus Gossius fecit, non dubito aliquid à te exigere, in quo mihi utilis esse possit opera tua. Est hæc futura in exercitationibus Grammaticis quas mitto. Duorum exemplarium, quæ amictu holoserico eminent,

unum cellissimo Walliæ Principi destinatum, alterum Reverendissimo & Illustrissimo D. Archiepiscopo, communi Mecænati ac Patrono nostro. Si ludere nonnihil in re seria licet, cui viridi vestitum convenientius erit, quam virescenti D. Principis ætati? cui caruleo contectum magis competat, quam D. Archiepiscopo, cœlestia curanti? Addidi his duo in membranis compacta, & marginibus paginarum inauratis, unum Reverendissimo Domino Episcopo Londinensi, alterum Bodleianæ Oxoniensium Bibliothecæ. Quorum ille Reverendissimo Mecænati meo D. Archiepiscopo in priori dignitate successit; hæc verò, ut præclarum Oxoniensis Academiæ ornamentum, ad curam ejusdem tanquam Cancellarii pertinet. At, inquit, textum primis duobus chartæ par reperio. Ita est, sed hoc superpondium est. Nempe metui, ne ex proceribus cuiquam exemplar satius esset offerri, quem equidem ignorarem, tam longè à Britannia degens. De illo igitur plane agendum fuerit, ex consilio Reverendissimi Dom. Archiepiscopi. Sant & tria chartæ secundo tertioque non disparis, sed solo hoc inferiora, quod oræ paginarum non renitent auro. Horum unum esto ejus qui studiis præest cellissimi Walliæ Principis. Intelligo esse D. Brian Duppa, antea Decanum Ædis Christi apud Oxonienses; cujus viri doctrinam pariter ac humanitatem, cum ante quinquennium & amplius Oxonii essem, abundè sum expertus. Tanto minus dubitavi ad eum scribere, & hunc novum ei honorem onerosum, five onus malis, longè honestissimum, gratulari. Nempe & hic locum non minus habere cenfeo, quam in regunda Republica, quod olim à doctissimo Varrone dictum fuit, Honor est Honor qui sustinet Rempublicam. Alterum exemplar Rousii esto Bibliothecæ ejus præfecti, quam ante dixi. De tertio facile vides non posse te præteriri, quem antea incognitum ausus sum onere hoc onerare, verus quàm honestare. Sed simul putavi aliquod mittendum Symbolum amicitie, deinceps contrahendæ. Sæpius enim mihi per literas compellendus posthac eris, occasione earum rerum, de quibus aveam cognoscere sententiam Reverendissimi Domini Archiepiscopi. Non est minuitis interturbandus, qui tot tantaque negotia sustineat. Quare sic ad heros scribam, ut quædam tibi committam qui in districissimo commoda noris fandi tempora. Mittere etiam animus exemplar Academiæ Cantabrigiensi, & Decano Cantuariensi, ac amicissimo Casaubono. Sed existimavi non tibi hoc curæ committendum, cum exequi liceret per ornatissimum affinem meum Franciscum Junium, qui in

adibus

edibus agit Illustrissimi Comitis Arondelii. Multis amicorum non mitto, quia argumentum non est ejusmodi, ut faciat ad genium omnium. Sed ubi quæ sacram Historiam, vel Ecclesiæ dogmata spectant, edidero, non ero parcipromus, verum munificus & liberalis. Si tamen nunc quoque peccatum, merito opus. Mittam quamprimum iis, quibus oportebat. Vale.

*Amstelodami cl. l. c. xxxv.*

7. Idus April. Stil. Vet.

G. J. Vossius.

Hiscæ literis scriptis, in mentem venit, ut amicus putavit, perperam à me Reverendissimum & Illustrissimum D. Guilhelmu in præfatione ad celsissimum Walliæ Principem, statui ab primo Archiepiscopo Augustino tertium super septuagesimum. Nam inquit, est Archiepiscopus LXXV. Occurrebam hoc pacto, sequi me Landavensem Episcopum Godwinum, cui si à *maxime* Reverendissimus D. Georgius Abbotus est LXXIII. sane Reverendissimus D. Guilhelmus erit LXXIV. ab Augustino autem omnium primo LXXIII. Nam si ab eo numerem, primus non veniet in numero. Ut in Ovidiano illo

*Alter ab undecimo jam tum me ceperat annus.*

Ubi non duodecim sed tertius decimus annus signatur.

Novum eidem visum quod & Augustissimi Regis & celsissimi Principis nomen scriberem per K. Sed Latinis C. & K. non literæ sunt diversæ, sed ejusdem literæ ductus diversi. Nec judicio tam Karolus posui, quam consuetudine; quia meminisse, sic me in membranis optimis & vetustissimis exaratam hanc vocem invenisse. Atque ita quoque Petrus Pitheus, vir optime de antiquitate meritis, in Francis Annalibus crebro admodum Karolus, vel Karolus expressit. Etsi nec Carolus refugit. Nempe scribendi modus hic est arbitrarius, nec in eo versantur vechigalia Populi, vel salus Regni, ut dici solet. Sed quid minutis insisto? Utinam ne graviora sint, in quibus aliquid me fugerit. Nempe homo sum, nec humani quicquam à me alienum puto.

Iterum vale, optime D. Delli.

CCLIV.

*Episcopo Londinensi.*

Reverendissime in Christo Pater, Domine Illustrissime,

GRatias Deo ago, quod cum decrevisset grande illud Ecclesiæ columnen D. Guilhelmu in Archiepiscopali sede constituere, te potissimum voluerit in Londinensis Ecclesiæ Cathedra tanto succedere heroi. Hinc enim omnes pietatis juxta & antiquitatis amantes ita fore augurantur, ut archiepiscopatu vestri duorum conjunctione, magis & magis sordet novellitas, splendet vetustas. Quem affectum meum cum optimo quoque communem perscribendi nunc occasionem arripui avide, quod exercitationes meas Grammaticas ad celsissimum Magnæ Britannie Principem mitterem. Putavi enim recte, & ex officio me facturum, si eadem eminentissimo nomini tuo exemplar offerrem, quod ut boni consulat rogo. Equidem ignorare non possum, quanto gratus munus foret, si in sacro argumento industriam posuisset. Sed alterum illud ætate celsissimi Principis magis conveniebat. Nec in graviore te deinceps opera nostra claudicabit, modo Deus mihi concesserit valetudinem & vires. Quem ipsum rogo ut te, Reverendissime & Illustrissime Domine, diutissime saluum ac sospitem conservet.

*Amstelodami,  
cl. l. c. xxxv.  
12. Kal. Maias  
St. Vet.*

Reverendissimi & Illustrissimi  
nomini tui cultor devotus,

G. J. Vossius.

CCLV.

Rev. & Doctiss. D. Brian Duppa, Illustrissimo Magnæ Britannie Principi & Studiis.

Reverende Doctissimeque Vir,

SÆpe animum meum subit recordatio, qua me humanitate exceperis Oxonium venientem, ubi tum Decanum te esse Ædis Christi commemini. Nunc vero intelligo; admotum te studiis illius, à quo post augustissimum Regem, (cui de nostri utriusque temporibus liquet superant, amos Deus largiatur) spes Magnæ Britannie potissimum dependet. Bene internum sit optimis & sapientissimis viris, per quos Deus hanc mentem



tem insinuavit serenissimo Regi, ut ex summorum virorum abundantanti tapere Britannia unum te omnibus praeferret, cui cara aded pignora committeret. Coelesti etiam numini supplicamus, tui quoque, sed magis Regni causâ, imo tot Regnorum, ut magis magisque te spiritu sapientiae firmet. Quid enim homulli absque divinâ gratiâ possumus? Faxit illa ut te tanti Principis Ephoro, aetas gaudeat praesens, & cunctis posteritas, pro tam nobili opera, praemia debita rependat. Quamvis verò non ea vis animo, nec illa foelicitas, ut in huiusmodi sortem nascerer, nunquam definam erga inclytam serenissimi Regis stirpem, animum testari devotissimum. Cujus primum argumentum sunt Exercitationes Grammaticae, quas si Illustrissimo Walliae Principi dicarentur, illustriores fore existimavi, & simul hoc me consequi posse, ut opere tantula aetati non prorsus inconveniente, obstringerem me ad graviora sanctioraque. Exemplar confido illustrissimi Princeps, jam ante has tibi redditas, ab Reverendissimo D. Archiepiscopo Cantuariensi acceperit. Sed nefas erat, si non tam bellam occasionem amplecterer, aliquo ingenii nostri monumento, ut possem comprobandi erga te animum & officium meum. Nempe isto potissimum, ut eumpe fortum ad te quoque transmitterem: non quasi commentatione hac usque adeo mihi placeam, sed quia leve, quam multi censent, putent artem Grammaticam, artium & scientiarum omnium janitricem, eo usque perducere, ut non multum adeo nunc, à fastigio, ac perfectione sua abesse videatur. Cessatum hac parte à viris magnis. Subii ipse onus fortasse aliquo honoris nostri, publici dispendio non item. Idem spero iudicabis, ubi operosam adeo operam nostram intropexeris. Vale, vir summe, & amicissime, animoque tuo ita persuade dum vivam, tui me nominis cultorem fore.

*Amstelodami,  
clō lbc xxxv.  
14. Kal. Mail.*

*Tuus omni officio.*

G. J. Vossius.

OCLVI.

Joanni Rouse, Bibliothecario Bodleiano

S. P.

**C**Audeo, praestantissime Rouse, tam bel-  
lam mihi occasionem oblatam abrum-  
pendi diuturnum hoc silentium, quod non  
ab ulla tui oblivione est (melius de me meri-

tus es) sed ab occupatissimo vitae genere, quod meum me esse neutiquam sinit. Quam vero occasionem dixi, ei mihi praebita est ab nostris de re Grammatica libris, cellissimo Magnae Britanniae Principi inscriptis, quorum exemplar melioris chartae & inauratum mitto, ut instructissima Bodleiana Bibliotheca illatum, aliquid inde honoris accipiat, & ad auctorem suum id transfundat. Alterum etiam codicem comitem esse iussi; sed hoc animo, ut ubi hoc officio persunctus erit, in privata tua Bibliotheca aliquid reperiat loci. Affectum hunc erga te consules boni. Non diffiteor argumentum operis nostri vile haberi à multis. Sed aliis cessantibus, suscipiendum id nihilominus existimavi. Turpe enim cum tanta seges sit eorum, qui quotidie bene mereri student de disciplinarum aliis, non inveniri, qui idem contentur Grammatica in arte, cum priusquam ad majora mysteria admittamur, minoribus illis initiari opus sit. Ab hac doctissimorum virorum circa eam disciplinam incuria provenit, ut nusquam fere crebrius peccetur quam à doctoribus ejus, dum vulgatis insunt sententiis, nec quā eundum, sed quā itur, gressum dirigunt. Porro (quod multis minus fiat verisimile) satis operosa nobis hac opera fuit, dum (ut cum Terentiano Mauro dicam) recondita quaeque

*Dumos inter & aspera  
Scrupulis sequimur viis,  
Fronte exale negotium  
Et dignum pueris putes.  
Aggressus labor arduus.*

Sed de opera nostra nihil addam, maloque te remittere ad praefationem, quam praemisi ad Lectorem. In priori Epistola, quae est ad serenissimum Magnae Britanniae principem, mentionem facio Oxoniensium inclytae Academiae, & eximiae humanitatis, quā me summi ejus viri exceperunt. Nempe occupationes tam densae, quibus penè obrutus sum, necdum si vere, ut aliter affectum erga bene meritos testarer, quam debiti mei professione. Sed spero aliquando melius erit: quod opto, ne videar ingratus. Desidero scire, vivatne & valeat ornatissimus Edwardus Pococke, & utrum è Syria, ut confido, sit reversus, ubi item degat. Volupe erit cum eo deinceps colere amicitiam, ante quinquennium inchoatam. Salutabis plurimum meo nomine, excellentissimos viros Academiae vestrae, imo & nostrae, quando & me in Academicorum vestrorum numerum adsciscere non dubitastis, xii. Nov. Ann. clō lbc xxxix. ut bene noster Pocockius, in opere nobis dicato annotavit. Sed, ut puto, non occasio jam salutandi

lutandi Doct. Juxon, quem ad Episcopalem dignitatem electum audio, uti & Doct. Brian Duppar studiis admotum celsissimi Walliæ Principis. Verum arbitror agere adhuc Oxonii, D. Acceptum Fruen, item D. Prideaux, ac D. Samuel. Fell: Sed & D. Claytonum, & ornatissimos viros, Harrisonum ac Chillingworth, atq; alios. Quare eos, quæso, ut dixi, salute plurima imperti; imo si grave non erit, perscribere ut valeant, & an eadem quæ, cum istic forem, munia apud vos obtineant. Mihi per jucundum erit aliquid de illis ex te cognoscere. Vale, doctissime & amicissime Rouse.

Raptim scribebam  
Amstelodami  
clo 16cxxxv. xii Kal.  
Maia St. Vet.

Tuo nomini merito tuo  
additissimus,

G. J. Vossius.

## CCLVII.

Petro Staeckmans, in Coll. Gener. Ord  
Deputato, S. P. Hagam Comititis.

**A** Liquid molestiæ mihi attulit, vir amplissime, quod tam avidè expectanti redditum tuum, occupationes inviderint hanc sceleratam: nam absque his fuisset, scio, quæ humanitas tua, cum urbem hanc transires, non expertem me sivisses jucundissimi alloqui tui; siquidem, non ignoras, ut cibo corpus, ita animum sermonibus all, illis imprimis, qui promuntur, non ab uno è multis, sed illo quem sua virtus, ac doctrina, in sublimi loco collocarunt. Bene interim quod publicis mihi occupationibus tuis ereptum, compensari literis longè humanissimis: in quibus videre, visus sum imaginem tui. Eò magis volupe foret satisfacere illi, quod postulas; sed enim quos filius Matthæus, Bataviæ, Zelandiæque Annales condidit, nunc penes Typographum sunt: qui jam editionem auspiciatus, inque iis promittit se passibus tantum progressurum, ut intra menses duos, vel circiter, lucem videant, libri quinque priores, quibus ducentorum quidem annorum tempora, non fusè quidem, nec confuse tamen perstringit: accuratè verò persequitur proximos trecentos, qui in anno desinunt trecentesimo post millesimum. Priusquam verò partem alteram publici juris faciat, decretum ei edere, quæ observata illi, de Batavorum libertate: Quæ sanè ante Burgundorum, & Austrianorum, in has terras imperium, maxima semper fuit. Quod nec semper dissimulant scriptores, satis Austriae addicti. Longum esset omnes recensere; sed multorum instar, fuerit Pontus Heuterus Delphius, qui in secundo Burgundicorum non veritus

fit scribere, Brabant, Namurcenses, ac Hannones Principibus suis in Pag. 36. gratiam Comititis obtemperarunt. Leodienfes, Hollandi, ac Zelandi, minime; quantumvis Comes Albertus, omni ratione, Comitum Ludovico gratum facere studeret. Precario enim ferme Reguli hujus temporis Liberis populis imperabant. Si dicendum quod res est, vir amplissime, longè alia facies hujus Republicæ fuit, sub Comitibus Hollandis, atque etiam Hannoniis, & Batavis: alia sub Burgundis, & Austriacis, qui cum vellent, quod quâ jure, quâ injuriâ, possent, libertatem pene omnem pessum iiverunt, partim dolo, partim vi. Nihil liquidius erit, ubi filii liber, super hoc argumento, prodierit in lucem. Quod si ea, non dico, extremam manum accepissent, sed non multa adeo, solum memoriæ ergo rudius, concepta intercurrerent, qualia qualia forent, jam nunc transmitterentur. Atque id coram etiam me dicere commemini. Porro opere eo, non solum Belgicæ, sub Burgundis statum expendit, sed ab ipsis incunabulis ejus libertatem est probaturus. Vis, vir amplissime, ut Pictorum more, lineis quibusdam, picturaque purior, ac ut veteres dixere, sublesta fastigia carpat operis universi? Erit id quadripartitum. Primum quidem Bataviam, à Romanorum; deinde à Saxonum, Francorum, & Wiltorum servitute vindicabit. Tertius liber in eo totus versabitur, ut societatem inter Frisios Batavosque initam probet, & quo pacto illi tandem communibus votis Principem elegerint. Postremus Ordinum Comitumque collatam potestatem habet; ubi imprimis ostenduntur Principum artes, in obtinendâ Belgarum libertate maximèque Burgundicæ domus & Austriacæ: & in illâ quidem Philippum Bonum occulte, Carolum Audacem palam, in hac simulando Carolum V. Philippum vi, Republicæ libertatem evertere conatus. Istis comprobandis prope ei prora, & puppis, Leges, Privilegia, Statuta Ordinum Comitumque. Partim tamen etiam ad partes advocantur Meieri annales Flandricæ, Haræi Brabantica, Flandrica Marckantii, Burgundica Heuteri, ejusdemque Austriacæ, Annales Hollandici, Belgicâ olim linguâ conscripti, Trajectina Hedæ, & Frisica Ubbonis Emmii historie, atque alii nonnulli; sed super istis fulius differemus, ubi vel tibi Amstelodami pauxillum hærendi, vel mihi Hagam excurrendi occasio erit. Vale, vir amplissime, diuque federatæ hujus Belgicæ bono, sospes age, & incolumis,

Amstelodami.  
clo 16cxxxv.  
iv Id. Maias.

Amplissimo nomini tuo  
additissimus,  
G. J. Vossius.

## CCLVIII.



## COLVIII.

Hugoni Grotio, *Regni Sueciæ Legato*.  
Parisiis.

Illustrissime vir,

**D**E honore legationis, quo longè eo dignissimum Sueciæ te regnum extulit, ex animo gaudeo, eumque, & tibi tuisque & Sueciæ universæ, atque adeo Christiano Orbi, fortunare cupio. Atque idem votum omnium, qui virtutem amant. Equidem semper rebus Suecicis optimè volui: nunc tamen impensius id facio; quia video eam intelligere & æstimare posse virtutes, laudesque tuas. Optimè diu sit Illustrissimo Heroi Oxensierni, cujus prudentia tam Sueciæ, quam tibi, consultum nunc, & porro consuletur, si in maximis expensis, quas tanti honoris exigis fastidium, malignius solvatur: ut aliqui amantes tui verentur (amor res est meticulosa) si hinc Cæsar, inde Polonus oppugnent, nec Christianissimo Regi res satis erit cordi; sed hæc curabit ille, qui Regum corda habet in manu: & ea est ingenii tui sagacitas, ut tempori scias omnibus providere. Ac prope modum metuo, ne ista legens, fortasse rideas, tam anxiam sollicitudinem eorum qui hic sumus: præsertim cum à Vossio profisciscantur, qui ab animo suo potuit impetrare, ut tam sero tantum tibi honorem gratularetur. Ut in me etiam conveniat, quod Ciceroni olim aiebat Augustus, Postremum accedere amicorum; sed illi ambigua voce ludere visum, quia similiter Tullius, cum laudandum diceret Octavianum, tollendumque. Meus verò animus tam perspectus tibi, ut cessationem istam nunquam sis crediturus ab immunitate amoris provenire. Et verò cum multa varique meum hoc officium sint morata, nihil æquè tamen ac illud, quod de Sophompaneæ, ac cæteris poematis sacris, certi aliquid respondendum putarem, ac de hebdomade in hebdomadem, à Blauwio rejiceret. Nihil æquè mihi grave in talium genere fuit, quàm quod sic eluderet, ut nequiquam satisfacere postulatis tuis possem. Bene interim, quod tandem se exsolvit, nec inelegantibus Typis excudit, & ut emendate excuderetur, mecum providit: si quid tamen oculos fugerit, vel melius nunc occurrerit tibi, quàm prius, velim perscribas, ut saltem editione ea, quæ minoribus Typis sequetur, corrigatur. Non dubium enim quin vicinus Janssonius, uti in opere tuo de Jure Belli fecit, ita hæc etiam poemata minori forma divulgare cogitet. Huic malo non aliter occurrere Blauwius posset, quam Typis itidem exiguis, sed

elegantioribus recudendo. Valdè hic animi hominum suspensi de Classe quam serenissimus Britanniarum Rex parat. Plerique metunt, ne quia multimodis offendimus, in nos cudatur faba. Cæterum, quod aiunt, Regem, vel Proceres ad Papismum vergere (ita his quoque terris prædicant vulgo) id ab animis proficiscitur exulceratis, nec quicquam probantibus, nisi quod Gallicis Ecclesiis conforme. Hoc habent optimi & doctissimi quique Britanniarum, quod magni faciant Ecclesiam veterem, nec in dogmate solum libenter sapiant cum primis seculis, sed etiam ritus, qui tum obtinere, lubentes sequantur. Hac propter Cathari, qui id Papismum vocant, non desunt traducere sic sentientes, & simpliciores, quorum maximus numerus, magno Zelo abalienare ab Regum Optimo, & Episcoporum illis, quibus Orbis Christianus genuinæ antiquitatis reverentiores non habet. Quam noxium, ac periculosum id Regno sit, si quis non intelligit, ex Zelotis plerique in Batavia capere possit experimentum. Quare Rex studet, ut qui fide conveniunt, ritibus etiam similes sint; sed audio Puritanos Anglos dicere non debere Indigenis minorem esse in istis libertatem, quam exteris; Regem, intellecto hoc, egisse, ut Gallis etiam, ac Belgis nati, sed in Britannia, ac Anglicè à pueris edocti, Anglicis se Ecclesiis jungerent, ut ita facilius Ecclesiæ istæ coalescerent. Hos propterea vehementer conquestos; regique indicium factum, ut Britannia excedere cogitent. Dixisse ad illud Regem; puerorum eos similes esse plorantium priusquam vapulent. Nec videri Regem illos diutius usurum, dummodo tandem pausa fiat odiosæ adeo traducendi Proceres optimos, & in contemptum adducendi præsentem Ecclesiæ Anglicanæ formam. Horrescit animus referre, quibus maledictis, & mendaciis, Zelotæ (me etiam præsentem, nequid iis affingi putes) Antistites optimos, mihi que notissimos profciderint. Quanto hic tutius, tanto id quoque hic vehementius, & frequentius fit. Quales cum in Angliam veniunt, indigenarum etiam animos magis turbant: ut ista Zelotarum utriusque gentis commercia concordiam Ecclesiæ Anglicanæ reddant difficiliorem. Quam falsum autem sit, quod Reverendissimum D. Archiepiscopum Cantuariensem aiunt cogitare de Papatu reducendo, si non aliunde mihi satis constaret, vel inde conjecturam planissimam caperem, quod me tum per alios, tum literis etiam suis, hortari non desinit, ut breviter Baronianos Annales refellam, Regique operam hanc nostram dicem. Vix etiam semestris est, quod Sacellanus Regius, coram Rege, & Archiepiscopo, in concione dixerit,

dixerit, eo anno, ac mense, ac propemodum die, centesimum annum expirare, ex quo Henricus VIII. Papatum omnem ex Anglia penitus ejecerit: ac votum idem Sacellanus addebat, ut ne unquam, vel sub Rege Carolo, vel prole ejus reduceretur. Quod apertis favoris indicibus Rex, & Archiepiscopus mox approbarint, universa Ecclesia acclamante, Amen. De Affine Junio multum gaudeo, quod tanti eum facias, ut operam ejus potissimum exoptes: scio quantum hoc ei incrementum in sacris, & civilibus studiis afferre possit. Sed qua conditione apud Illustrissimum Arundelium vivat, dicere non habeo, uti nec illud, an ad certum annorum spatium, se familiæ illi obstrinxerit. Existimo me citius super eo aliquid rescripturum, quam exiltimes. Est apud nos juvenis annorum XXVIII. nomine Justus Ruewaert, filius optimi doctissimique Theophili Ruewaert, Ecclesiæ Remonstrantium, & ante schisma, & nunc quoque apud Britannos. Is Gallias cogitat, spe illa, quod nobilis alicujus liberis præfici honesta conditione possit. Latine non modo, sed Græcè etiam doctissimus est, ac ea lingua versus etiam edidit complures. Intellego & moliri editionem Epigrammatum Græcorum, quæ fecit. Valdè ob hanc peritiam, æstimari à Cunæo, & Heinio solet; ut de aliis taceam. Non dubitarem cum tibi commendare, si mores mihi perspectiores forent. Disparis de eo Remonstrantium ipsorum opiniones sunt. Corvinus, & moderatiorum alii amant, ac à judicio, & probitate laudant. Alii culpant, tanquam non satis siccum. Excusant amantes, eo quod nihil mirum in juvene sit, si lassus diurno labore (nam apud Wytirium, egregium mercatorem, & liberis ejus à studiis fuit, & præfuit codici accepti, & expensi) circa vespertim horula interdum cum amico frontem exporrigat: quod cum domi suæ facere non possit, in diversorio fieri necessum esse. Raros Lugduni, etiam melioris notæ, aliter vivere. Quodammodo amasse etiam ex Catonis magis, quam B. Pauli præscripto aiebat ei inimicissimus secta Contraremonstrans. Sed constanter id pernegant amiciores: vel saltem rident nugas, quod in ingenio optimo, ita minutatim omnia ad vivum refecentur. Quorsum ista, inquires, ad me tam multis? nempe ne quem sic commendem, ut non vera, falsaue scias. Tum autem ut videas, an privatim etiam utilis esse possit. Credo; homo est, & adolescens, sed excitato ingenio, & qui si volet, (ut velle puto) altius assurgere possit, quam vulgares animæ solent. Si forte ad te literæ per ipsum dandæ, non apertè omnia scribere li-

ceat, quia experientia comperi, literas ab adolescentibus in suo negotio referari solere, priusquam tradant. Et hæc cum scribam, tamen amo juvenem ob dotes egregias. Tantum nescio, in ambiguis illis, vel discrepantibus amicorum pariter ac inimicorum judiciis, quid credere debeam. Mei interim officii erat, nihil te celare. Jam nunc enim de eo compellari incipio, ut commendem tibi, non quo utaris ipse opera ejus, (nihil enim illis de eo cogitationis) sed ut, si possis, commendes alteri, quandoquidem hic exigua spes emergendi. Nec paternæ facultates illæ, ut succo suo vivere possit. Sophompanæ xx. Exemplaria fratri tuo tradidit Blauwius, decem melioris, totidem vulgaris chartæ. Cætera ad te utriusque chartæ mittit; sed plura missis, si voles, à Bibliopola accipies. Nam si benè Blauwium novi, non is est, qui ad exemplaria paucula attendat. Ipse ex duodecim exemplaribus, quæ mihi pro opera debet, in Angliam aliqua mittam: uti Junio, Casaubono, aliis; ante omnes Reverendissimo & Illustrissimo D. Archiepiscopo. Quod tantus egregium animi sortum nomini meo dicaris, & antea multum solatii attulit filium lugenti, & nunc magnitudinem beneficii hujus cogitanti, summam adfert voluptatem. Quare quod antea etiam feci, iterum, iterumque meo, & meorum nomine nunc facio; gratiasque agimus, quas possumus, quia debere plurimum omnes profitemur. Mitto melioris chartæ exemplaria duo librorum de arte Grammatica: unum tibi, vel filio potius; alterum ei cui voles, hoc est alicui non planè tetricum hoc, & quodammodo puerile studium aspernanti, seu is Rigaltius, seu Puteanus, seu alius erit. Si tertium, affectus testandi, cuicumque dandum putes, quamprimum mittam: vel à Bibliopola Parisiensi, cui exemplaria Blauwius mittit, per famulorum aliquem petendum. Facile inter me & Blauwium conveniet. Miserat fratrum Puteanorum alter ad Salmasium literas Lugdunensium, quibus focer meus Junius Heidelbergæ, in Lugdunensium Academiam vocabatur; miserat autem ut mihi darentur. Pro quo affectu summi viri, & per Salmasium gratias egi, & nunc quoque id facio, & occasionem opto grati animi comprobandi. Claudam eo literas hæc, quod filius Petrus, probitate vitæ, mihi, Corvino, & aliis satisfaciatur, nec industriam, quandoquidem mediocris ea, magnopere desideremus. Ut sic pergat, vel potius se vincat, fortasse etiam hortatus nostri, sed paterni præcipue efficient. In me, quod curam ejus respiciat, non patiar aliquid requiri. Ego, uxor, liberi, te, Conjugem, & tuos plurimum



mum salutamus, Deumque rogamus, ut te, Illustrissime Domine, Sueciæ, & orbis Christiani bono, diutissime incolumem conservet.

*Amstelodami*  
cło loc xxxv.  
Idibus Maiis.

*Illustrissimi nominis tui cultor,*

G. J. Vossius.

CCLIX.

Francisco Junio, Ger. Jo. Vossius S. P.

**T**Andem, mi Affinis, silentium rumpo, atque ad officium redeo. Occasionem scribendi præbet Illustrissimus Comes de Leshno, juvenis eruditus, & Doctorum æstimator. Qui cum aliquid literarum à me posceret, ad amicos meos in Angliam, scribendum putavi Cantabrigiam ad Doct. Beale Præfectum Collegii Joannis; & Doctorem Martiæ, Collegii Reginalis præsidem: Oxonium autem ad Doctorem Fruen, Collegii Magdalenensis caput, & Joannem Rouse, Bibliothecæ Bodleianæ Præfectum. Nempe sic Illustrissimus Comes arbitrabatur, facilius se innotescere posse summis his, & per eos, aliis egregiis Angliæ viris, si mea quoque commendatio accessisset. Quare si qua in re, ei opera quoque tua utilis esse possit, defugere non debes. Juvenis est in magnam spem natus. Parentem habet Illustrissimum, Polonii regni Palatinum, magnum Columnen Ecclesiarum reformatarum ius teris: fanè non minoris à nostris sit in Polonia, quam magnus ille Razevilius in Lithuania. Horum enim erga Ecclesiam merita præ omnibus prædicantur. Etiam idem ille Heros Serenissimo Regi nostro Carolo per literas est notus, ac vicissim literis quoque Rex suum erga eum affectum, abundè testatum fecit. Hæc eo lubentius perscripsi qui Barones Stupeskii de Conari, quos scis sesquiannum mecum vixisse Lugduni, ex eadem familia sunt; ut decus tantæ domus non possit non mihi perspectissimum esse. Qui ei à studiis est, Joannes Jonstonus, juvenis est pederuditus, ac admodum probus, & his diebus in Doctorum Medicinæ numerum cooptatus à Lugdunensibus nostris. De filii mei Dionysii discessu ad superiores, nihil possum scribere. Tantus me dolor premit, quoties cogito; amissi plusquam dicere possum. Deum immortalē! quanto ille intervallo Patrem post se relicturns erat! quippe qui jam nunc in non uno longè superat. Accodebat tanta probitas, ut ego hac ætate, non ausim mihi

eam tribuere. Sed sic visum Deo, qui unus novit, quid illi, quid mihi, quid familiæ toti, maximè expedierit. Hoc me solor, optime Adfinis, teque salvere jubeo. Quod & facit conjux, & tota domus nostra.

*Amstelodami raptim,*  
Post. Id. Maias  
cło cło xxxv.

CCLX.

Claudio Salmafio S. P.

**T**Andem, maxime vir, ad te mitto, quæ, paucis exceptis, olim observavi in antiquis ac recentibus artis Grammaticæ scriptoribus. Gaudeo me equidem defunctum molestissimo labore in argumento adeo tetrico & in speciem puerili. In quali me omnem deinceps quoque ætatem consumere optent malevoli. Me vero solatur quod qualis qualis materies sit, non inamene vel incuriose eam tractarim, modo formam operis cum priorum opera lubeat conferre. Et nisi pertæsum fuisset diuturnioris moræ in hujusmodi, ut creditur, minutiis, longe pulchriora essent interspersa. Sed Catone hoc nunc contenta sit adolescentia, & quod est scholarum, quarum præfectis consulere volumus. Grotii eximii Sophompaneam credo, vel jam acceperis, vel paucissimis diebus accipies à fratre ejus Guilhelmo Grotio Hagensi Jurisconsulto. Sin is cessarit, non committam ipse ut diutius frauderis. Maxima mihi voluptati fuit, quod intelligerem bonis omnibus laudatissimum virum non ab Illustrissimo Oxensternio modo sed à Regno Suecico missum ad Regem Christianissimum, ac ab eo & Regni proceribus honorifice adeo exceptum. Deus tantummodo faxit ut perpetuum gaudium gaudeamus. Quod erit, si Galliæ satis cordi erit Germaniæ status, & Deus consilia Regis fortunavit. Ab Affine Junio tandem literas accepi Kalendis Aprilis exaratas. Vellem transmisisset, quæ petieramus. Verba ejus ex Epistolâ excipere jussi, ut quid rei sit, certius intelligas. Sed fortasse interea, vel Patricius Junius vel Seldenus promissis steterint. Si quid cognoro ex literis proximis, statim perscribam. Scire aveo quando speres commentarios tuos rei vestiariæ posse Typographo tradi, item quid de Arnobio statueris. Blauwius noster post menses duos auspicabitur editionem operum omnium Meursii quorum magna pars hæcenus *avixit* cætera meliora erunt vel auctiora. Salve plurimum à me

à me, uxor ab uxore, imo uterque salvet à nobis omnibus, & una vobiscum D. Elichmannus.

*Amstelodami,  
cło łoc xxxv.  
viii. Kal. Jun.*

*Tuus omni officio,*

G. J. Vossius.

CCLXI.

Joanni Meursio S. P.

**C**Retensia tua, optime maximeque Meursi, accepi, mihi quidem per iucundum fuit videre, opus longe eruditissimum amicissimi viri multoque etiam gratius credo futurum Arlanderveniæ Domino. Nunc ab urbe abest: sed simulac redierit faciam quod mei muneris est. Jam video, quid me scribere porro velis. Nempe quid promoverint in editione tuarum Amstelodamenses nostri. Referre piget pudetque. Dic ingenue inquires. Quid dicam, amicissime vir? Nondum auspicati. Et si mansuetum & lenem animum tuum jam à multis annis perspexi, tamen scio commoveris. Et profecto mihi idem usu veniret. Causam quæris. Dicam ego non unam. Primum est illa, quod Joannes Blauwius J. C. in quem unum hætenus onus omne recubuit, uxorem Goudæ duxit, honestam, opulentam. Eapropter plusculis mensibus omnia frigide satis hic acta. Nunc demum is pedem hic figere statuit. Cur dicēs non quamprimum saltem inchoant? Alius diceret solatioli causa id fieri. Sed eludere aliquem à moribus meis nimium quantum abhorret. Quare sic habe. Parens Guilhelmus est senex, qui derivare statuit Typographii laborem in liberos iustæ ætatis. Qualis Jurisconsultus ille quem dixi, & alter, qui exterarum terras hætenus lustrat, & jam ex Italia redux in Britanniam venit, unde ad nos rediturus, non quidem intra duos, tres dies, ne te fallam, sed menses circiter duos. Credo horum partiaria omnis deinceps, ut impensa, ita cura erit. Cernis, ut illa prævideri non potuerint, cum primum ad te scriberetur. Eo facilius condonabis. Ac summum hoc sit ex infortuniis tuis. Ex animo meo tuum æstimo: itaque scire vales intra quod temporis spatium absolvi cuncta possint. Nondum potui certi aliquid resciscere, quia ne Blauwii satis magnitudo & multitudo operum tuorum perspecta. Sed hoc pro certo mihi asseveratum ab iis, velle eos, binis uti typothetis, binis prælis, ut omnia opinione celerius peragantur, & quod ne-

glectum mora diuturna, id eo pacto compensetur. Mihi quidem qui eos viros bonos novi, plane persuaserunt. Sed occasione primā ex me plenius certiusque de singulis cognosces. Urgebo haut aliter ac si mea res ageretur. Ac ne censeas quas causas commemoravi uni tibi obfuisse, scias easdem obfuisse cur Filii mei Dionysii Maimonides non viderit lucem. Nam non ante eum aggrederentur quam ubi Frater Jurisconsulti sederit. Multum autem assidua duorum typothetarum opera promoveri, & tu satis scis, & nos hic experimur in Historia Comitum Hollandiæ quam Filius meus Matthæus non sine genio, & quod majus, summa fide conscripsit. Mittam simulac opus erat absolutum. Nunc habeo meos de Grammatica libros de quibus me aliquando, cum Collegæ essemus colloqui memini. Tandem lucem vident nescio quo honore meo, scio adolescentiæ & scholarum bono. Addo & Sophompaneam maximi & tui amantissimi Hugonis Grotii. Quod eo facio libentius, quia mihi operam hanc suam consecravit. Certus sum multum voluptatis tibi attulisse, quod homo Batavus suis ante neglectus, nullo merito suo, nunc Deo propitio ad illud fastigii decus sit erectus, ut legatus sit Regni Suecici ad Christianissimum Regem, à quo etiam honorifice admodum est exceptus. Filiam juniorem magni ingenii Puellam amisit simulac Lutetiam venit. Morbum ex hiberno itinere contraxerat. Audio nec alteram satis commodè valere. Quis Reip. nostræ status deinceps sit futurus difficile est dicere. Fœdus initum cum Gallo, quod Deus utinam fortunet. Multorum enim metus, ne minus sit salutare futurum his terris. Causas quid dicam? Non omnia literis committi possunt. Sane non dubium quin eo offenderimus Britannum. Quamquam de eo & aliæ offensæ sint causæ. Strenue rem gestimus in Flandriā, unde magna cum clade à Philippino propugnaculo rejectus Hispanus. Galli quoque ab eodem juxta Hujam insignem victoriam reportarunt. Omnino Cardinali ut vocant Instanti infelicitè initia hæc procedunt. Sed an ut gaudendum nobis quod prælo superior sit Gallus, ita optandum sit eundem bello vincere difficile dictu esset. Plane verendum ne tam potentis vicini aliquando poeniteat. Nam quid æque nobis adversum Hispanum commodavit quam ejus longinquitas? Sed hæc curæ erunt numini supremo. Burgerdicius post longum morbum Lugduni excessit. Uti & aliquanto ante Socer ejus Verbomius. Etiam Heinsius uxorem amisit, de quo, absque dubio, jam aliunde intellexeris, & fortasse ex me ipso, nec enim satis memini. Nam annus & amplius multo est quod excess-



fit. Salmafius nequid in lucem divulgavit : sed meliori utitur valetudine quam antehac. Barbat uxor graviter egrotat, nec extra periculum est. Mea infirma ut solet, sic tamen ut par videatur rei familiaris. Honoratus Senator & Consul urbis nostrae Bickerus, legati in Poloniam missi, cum Friso Senatore, qui Franckeræ quondam juris professor fuit. Nempe hoc sine ut dispiciant nam inter Suecum est Polonum pacis negotium transigi possit. Adrianus Pauwius advocatus Hollandiæ & legatus foederatæ Belgicæ in Galliam heret istic hæcenus sed invitus, quia ut scribit, negotium totum, cuius causa missus erat, conficit. Multum sollicitus per literas ut redire liceat. Sed nihil hæcenus efficere tot literis vel precibus potuit. Causam melius illustrissimus Princeps quam procerum multi intelligat. Simon Beaumontius qui ante in generalium Ordinum confecta locum suum ruebatur, nunc Syndicus est urbis Roterdamensis. Tandem cessant Roterdamenses novum Syndicum in Hug. Grotii locum creare, quamdiu is operam suam extero Principi nondum addidisset. In causa est quod conditione istac Grotius Syndici munus hoc susceperat, ut ne illi possent repudiare cum vellent. Itaque existimat stipendium sibi vetus deberi usque dum legatus à Suecicæ Regno constitutus. Et multorum ea opinio (si dicendum quod res est) plane hoc deberi, præsertim cum nihil egisse, nisi ex senatus præscripto fateantur. Sed tempus abruptum tandem hanc scriptionem. Uxor uxorem, Filla Filiam, imo omnis familia mea omnem tuam salutat. Saltem etiam Cll. Viris Stephano & Laurenbergio dices.

*Amstelredam.*

*clo 16c xxxv.*

*vii. Kal. Jan.*

*St. Nov.*

## OCLXII.

Axello Oxensternio Cancellario Regni  
Suecici S. P. Hamburgum.

**A**B discessu tuo, Illustrissime Dom. Cancellarie, plurimus inter urbis hujus Proceres sermo fuit, de maximis virtutibus tuis, quibus præcipue attribuunt omnes, quicquid post Serenissimi Regis excessum, pro libertate Germaniæ, feliciter gestum fuit. Ac licet priusquam pedem in foedera hac Belgica posuisses, jam omnia laudibus tuis

felicissimè personarunt; tantum tamen abest, ut quod multis usu venit, præsentia quicquam de iis detriverit, ut decus ejus multis partibus auxeris. Quod non scriberem, nisi Amplissimos Consules, aliosque hujus, & aliarum urbium Proceres, uno id ore, dicentes, ipse audiissem. Quodque præsens facile animadvertisti, id postmodo, uberius vidi, quam gratam rem feceris, & ipsis, & cunctis bonæ mentis amantibus, eximium illud beneficium conferendo, in summum virum Hugonem Grotium: in quo nescio plus ne amem eximiam pietatem, atque ut erectam, ita suavissimam indolem; an verò magis valter divinum ingenium, & incomparabilem doctrinam. Non equidem diffiteor, superesse aliquos, qui aliud malint, sed ferè, qui vel vehementer læserint, vel metuant, ne tantus suis obstruat luminibus. Hæc coram etiam me attingere commemini. Nunc ea, argumentum literarum esse volui, cuncte ad te, Illustrissime Domine, generoso Barone, Jo. Skytte juniore, juvene ob egregias animi dotes, mihi percaro, & quem, tanto majoris scio facies, quod excellentiæ tuæ, ut alterius parentis, observantissimus sit cultor. Pluraque de eo dicerem, nisi id purius fortasse videretur, ipso literas deferente. Equid etiam addam de opere nostro Grammatico, quo censuram exerceo in veteres ac recentes ejus artis scriptores? Misi hoc in Texeliam, & credo, jam acceperis. Non fultè adeo sapio, ut existimem, cum, ut cælum Atlas dicitur sustinere, sic res Suecicas, & Germanicas, si non unus, at longè tamen præ cæteris sustineas; illis sepositis debere tantum Heroa pauxillum temporis puerili studio impendere. Longè aliò spectavi. Nempe ut opus hoc à manu tanti literarum Patroni, tantique literatorum Mecenatis, facilius, & feliciter deveniat ad eos, qui pueritiæ, & adolescentiæ studiis in Suecia præsumunt. Spero, cum aliquando omnia magis erunt liquida, ac serena, quæ ad regni salutem pertinent, hanc quoque, nec ipsis regibus indignam curam suscipi à te posse, ut ne diutius tot supervacanea, tot falsa, vel incerta, prima illa, & optima ætas discere cogatur. Equidem hoc nomine, sæpe non doctoribus minus succenseo, quam discendum miseret me. Paulò ista familiarius scripsi, quam fortasse meæ sortis homini, ad tantum Heroa conveniret. Sed divina, quam præsens comperi, in tanto fastigio humanitas aliquanto me audaciorem fecit. De publicis nihil addo, quæ spero ex aliis, & in his à Blomartio nostro cognosces.

Deum Opt. Max. oro, ut prudentiæ ac fortitudinis spiritu, porro excellens nomen tuum

tuum omnes, Suecis, Germanique, ac nostræ etiam Belgicæ, bono publico.

*Amstelredami c. 10. Id. Jun. xxxv.*  
Prid. Id. Jun. Festinanti  
aliquantulum quam vellem, sed  
properatus Domini Baro-  
nis abitus ita coegit.

*Illustrissimi, & Ex-  
cellentissimi nominis  
tui cultor eternum  
devotissimus;*

G. J. Vossius.

CCLXIII.

Hugoni Grotio S. P. Lutetiam Paris.

**Q**UO tempore, illustrissime Domine, li-  
teræ meæ Affini Junio reddebantur,  
jam jineri cum Dom. Comite accinctus, vix  
paucæ ad me unum potuit exarare. Profi-  
tetur multum se tibi debere pro tanto affectu,  
nec si ante annos aliquos, ea conditio esset  
oblata, alteram fuisse prelaturam. Nunc  
ita se Arundelianæ domui obstructum, ut  
bona cum gratia nequeat discere. Præte-  
rea jam isti se vitæ generi adsuevisse: fore  
etiam ut interrumpatur utile propositum,  
de picturis Veterum, sepulturisque explican-  
dis: quod in gratiam serenissimi Regis, &  
Illustrissimi Comitis sui jamdiu suscepit.  
Jam tres ad me libros transmisit, eruditos  
sanè, plurimæque lectionis; quos Blauwius  
noster edere cogitat. Sequentur postea alii,  
non tam de arte, quam de artificibus ipsis.  
Credo pictorum, sculptorumque illustrium, ab  
omni ævo indicem velle texere: sed cum ad  
modum, quo actum mihi de Historicis Græ-  
cis, ac Latinis, Giraldo de Poetis. In  
hoc opere adhuc distinetur. Vellem filius  
tibi, aut gener, vel cognatione junctus ali-  
quis, tam pulchra in opera posset commo-  
dare: Quomodo Hagæ Ill. Camerarius ge-  
nerum à secretis habet. Sed ejus, qualem  
deposcis, non paulò latius se cura diffunde-  
ret, quia non Regni solum Suecici negotia,  
vel etiam privata, respicis; sed etiam quo-  
modo studiis, sacris pariter humanisque,  
quam optime merearis de orbe Christiano  
atque erudito. Sed dum idoneus tibi ad ista  
queritur, fortassis non aspernanda sit opera  
Ricwaertii, de quo superioribus literis scri-  
bebam. Sagaci ingenio est, ac Latinis, Græ-  
cisque literis instructus. Ætas etiam quæ ju-  
diciū adferat: namque duodetrigesimum  
excessit. Considerem si sub tuis agat oculis,  
remissurum de vitæ genere laxiori paulo,  
quam ædibus tuis conveniret. Sed super eo  
cum nemine hic loqui volui. Solum à Cor-  
vino, & aliis deposcitur, ut ne eum in Gal-

lias ire patiar, sine commendatitiis ad te meis.  
In quo me amico homini difficilem non præ-  
stabo. Utcumque enim fortasse aliquid sic,  
quod in hoc juvene culpam mereatur, si ta-  
men is esse deinceps velit, quem speramus;  
magnum sibi, & pulchrum nomen parare  
possit. Nescio an superioribus ad te literis  
scripserim, de Amplissimo Guilhelmo Noom-  
sio Arlandervenise Domino, persistere cum  
in proposito, de acquirenda in Galliis eque-  
stri dignitate. Jam ante annos aliquos, pri-  
usquam in patriam redires, egi de eo tecum  
per literas. Nunc poscit, ut negotium hoc,  
iterum commendem. Malle tibi, quam al-  
teri se debere. De pretio memini jam annis  
superioribus, dedisse alteri in mandatis, ne  
quid moram adferret. Forte erit, quod  
paulo aversior te, vel uxorem reddiderit.  
Scio, quid dicatur. Sed mihi Historia omnis  
notior, quam alteri: quippe qui utrumque  
utilem sanando malo operam navarim. Sed  
parum tutum est omnia literis committere.  
Solum dixerō, multis partibus minus in hoc  
culpæ esse, quam aliquis rei gestæ totius ne-  
scius existimaret. Sed de isto satis. Tu, scio,  
& illi, & familie tue amantissimæ, hanc ope-  
ram non denegabis. De filii tui Petri Grotii  
animo, super professione in Indias, jam diu  
mihi constitit, ex liberis meis, & iis apud  
quos habitat. Ante sesquialtimum quidem  
non abhorrebat; eoque diligentius studiis  
operam dabat, quæ ad illud vitæ genus con-  
ducunt. Nutare autem visus, ex quo hic  
sparsa quædam, de meliori forte, quæ fami-  
liam maneret. Ubi autem certus nuntius  
de summa retulit dignitate tuæ, planè cogi-  
tationem istam abjicere visus est. Nec leviter  
eum firmavit, quod cum in urbe hac Illu-  
strissimus Dominus Cancellarius pedem po-  
suisset, benigno admodum sermone sit ex-  
ceptus; in tantum ut quo magis ad studia,  
virtutemque accenderet, sponte filio promi-  
serit, velle se cogitationem quoque suscipere  
ejus promovendi. Volui & ipse filii tui ani-  
mum tentare, atque adeo, si non proptus es-  
set alienus, magis ad iter accendere. Sed  
frustra me fore statim perspexi, & jam du-  
dum sese aiebat, ad parentem perscripsisse.  
Imo si candide me velis scribere, quod cen-  
seo, (velle te scio) prope omnium qui hic  
sumus, judicium est, si nimium à Matre, vel  
maternis amicis urgatur, sic interpretatu-  
rum, quasi ob corporis viciū minoris cen-  
seatur, longèque relegatur ad Garamantas,  
vel Indos. Novi ego commodo filii maxime  
studeret. Sed non hoc ætas statim capit: nec  
desunt, qui ubi intelligant parentum pro-  
positum, longe aliter apud eum interpreten-  
tur; præsertim ex adolescentibus. Scismatibus



ribus Batavis satis esse insoletus, ut quis committatur, nisi qui minus se vita probet. In tuo negant quicquam requiri, quod præstare ipse possit. Invisit hac Hebdomade me Realius, is qui præfuit nostris in India. Cumque de filio tuo mentio incidisset, dubitare se multum aiebat, annon eadem quæ hic, magis etiam ob stare filio in Indiis possent, quæ itinerum mari terraque difficultatem spectemus, quæ autoritatem apud inconditos illos homines, vix homines. Spero jam ante mensent, & amplius, acceperis Sophompaneam, uti & opus nostrum Grammaticum. Intelligo hic ex Amstelodamensibus nostris esse, qui ignari idem esse propositum filio tuo Petro, toti sunt in Sophompanea, Belgicis Rythmis reddendo. Ita mihi retulit Moltardus Reip. huic à secretis. Realio, quem his diebus adfuisse dixi, valde commendavi negotium Galilæi de Galilæis. Nec facile dixerim, quantopere optet, ut non alibi pedem figat. Aiebat se manibus pedibusque operam daturum: Et idem ut agerem volebat. Tamen de successu nihil audebat spondere. Hortensius mirè exoptat hoc ipsum, atque unà senior Blauwius, ut alios taceam. Facilius esset negotium, nisi tam multi ex iis, qui clavum tenent, pecunias majoris faterent, quam doctrinam, & urbis gloriam. Quod ipsum mihi etiam visus sum cognoscere, ex consulis Flaminii relatu. Nam & eum conveni: nec deero deinceps aliis compellendis, qui aliquid, & possint, & velint. Leonis Allatii de Pfellis, & eorum scriptis diatribam vidi, & legi, & doctrinam viri æstimo, ac jam locutus sum cum Blauwio seniore, de ejus scriptis hic divulgandis. Nec abnuitt: sed expectat reditum filii Jurisconsulti, qui jam duos prope menses Goudæ est, cum uxore. Absque ejus amoribus fuisset, non Sophompaneam tuam, tam spissum fuisset negotium, ut eo tardius scriberem, quia alieno me nomine pueret. Nihil in Blauwiis ita displicet, quam quod tam multa recipiant in se, & adeo tarde promissa exsolvant. Corvino cujus mensa fruitor filius, si vel tribus verbis responderis, vel saltem literis meis salutem adscripseris, ut ostendere valeam, de affectu veteri, nihil decessisse ex eo, quod filium tuum juris scientia imbuiere studuerit, rem facies, & illi, & conjugii ejus pergratum. Facile omnes suspicioni indulgemus. Mihi quidem nec feritur, nec metitur. Sed scis quid velim. Et facile vides, sic vel hoc, vel illud agendum, ut sponte istud à te profectum esse videatur. Alia quoque veniunt in mentem, sed tertiam cum paginam implem, cætera literis alteris refero. Deus Opt. Max. te, Illustrissime Domine, cum familia

tota, diu Christiani orbis bono, & Reip. literariæ conservet.

Amstelodami,  
clō lōc xxxv.  
Kal Quintil.

Illustrissimi nominis tui  
Cultor,

G. J. Vossius.

#### CCLXIV.

Illustrissimo viro Hugoni Grotio, Gerardus Vossius S. P.

**A**NTE dies paucos accessit me Optimus, & Doctissimus vir Theophilus Ricwaert, partim, ut de more inviseret, partim etiam rogatum, ut aliquid ad te literularum, in gratiam filii sui Justii, qui has ad te desert, exarare vellem. Facio vero id, ac lubens, præsertim quando idem à me possunt Barlaeus, Corvinus, Hasius, quem jam ante annos viginti, ex Eglißemiano certamine cognitum tibi arbitror. Est Justus hic juvenis, ingenio valens, ac eruditus, quemque tres isti, quos proxime dixi, etiam à vita & moribus mihi commendant, & adversus obrectatores, quibus nunquam humana caret vita, magno affectu tucantur. Laudat quoque hac parte filius meus Matthæus, cui non ita magna, aliqua tamen cum eo familiaritas fuit: uti & filio tuo Petro, occasione ea quod uterque juris scientia à Corvino imbueretur. Sanè dignissimum arbitror, cujus ratio habeatur, sive ejus opera utilis tibi esse potuerit, sive alium istic noris, cujus liberis erudiendis præfici possit. Volupe fuit ex Lomelio, Pavoni à secretis, nudiustertius cognoscere de valetudine tua tuorumque, præsertim post vulnus nuper familie inflictum tuæ, quod primo animum valde perculit, ut omnium tui amantium, ita maxime Petri tui, sic ut aliquot diebus, nunc cibo abstineret, nunc vix tangeret: mentionem verò carissimæ Mariæ etiam postea non nisi lacrymans audiret. Omnino amore magno hi duo se mutuo complectebantur. Advocando, & alloquio, deterisimus mororem, ut potuimus, memores quæ nobis præstitisses literis non unis, nec solis, sed Sophompanea comitatis, in maximo luctu nostro. Sed dicere etiam non possum, quantum solatii attulerint filio tuo, quas literas scripseras ad parentem, fortes profecto: partem enim earum à se exscriptam, mihi quoque filius ostendit. Hactenus filius tuus usus Corvini convictu; sed conqueritur hospes ejus, se angustius

angustius habitare, alia etiam præterdit, præfertim de valetudine majoris filię. Si ibi minus bene possit, ut aliis in ædibus bene filio sit, à Patruo curabitur, ac lubens in societatem hujus curæ veniam. Bina operis nostri Grammatici exemplaria, jam diu spero acceperis, uti & à Blauwio Sophompaneam, & geminas exinde à nobis literas, quibus inter alia de Junio nostro, Galilæo de Galilæis, & Leone Allatio, respondi: de duobus his plenius aliquid, brevi ut spero scripturus. De publicis rebus nihil addo, quia non dubito, quin aliunde, melius certiusque ea intelligas. Salutant te plurimum uxor, ac liberi, ac mecum etiam Heroinam conjugem, ac familiam universam.

*Amstelodami* xvi. Kal. Sextiles,  
Anni cło lxxv.

## CCLXV.

Justo Cæciliano Puteano Erycii F. S. P.  
Lovanium.

**M**agna voluptati mihi filioque est, semperque erit, recordatio tui, Amplissime Doctissimeque Puteane; uxori item, filięque meæ, non minus jucunda est memoria suavissimæ & cordatissimæ sororis tuæ, in quam, si ita fas loqui, Dii singuli videntur contulisse quod pulcherrimum haberent. Utinam vero, sic res vestræ tulissent, ut utriusque præsentia diutius frui licuisset. Gaudeo interea quod Parentes, & omnes vestros reperitis salvos. Scis quam me, & meos, cura hæc coxerit, quandocunque pericula cogitarem, quæ nunc læti evasis. Medicæ Historiæ valde capior, tum doni causâ, tum argumenti & scriptoris. Dignus sanè fortis Parente tuo, suoque, nec Medicæ solum Heroibus gratus, sed orbi universo. Nec venio à me, qui *ami deo* mitto, impar magis autore; quam dissimile argumento. Historiam pro historia, sed Vossianam pro Puteana. Spero tamen non displicituram, vel propter Batavos Veteres, quorum virtutem hi nostri æmulentur velim. Et faciunt profectò, utcumque hujus anni gesta placere non possint. Sanè Tenensium cladem dolemus. Crudelitatem in urbe exercitam, non Brabantii magis detestantur, quam Batavi. Utinam Præfectus urbis tempori impotentes Gallorum mores cogitasset. Nec tamen istud fati, vel Gallos excusat, vel si qui è Belgis Federatis, foedum exemplum sint secuti. Scio quàm Deus talia soleat vindicare.

Unde statuere potes, quid de edito Epigrammate Parentis tui censeam. Imperatori tamen nostro, qui furorem militum sistere non potuit, optimè & volo, & velle semper debeo, tum ipsius causâ, tum quia in eadem navi navigo. Alterius Epigrammatis, quis Author sit, non adscriperas. Sed quisquis ille, & venustate sua, & novitate rei, quam refert, me delectavit. Salutem plurimam summo Parenti tuo dicito, meo nomine. Etiam te, sororemque salute impertiant omnes mei.

*Amstelodami*  
cło lxxv.  
ix. Kal. Aug.

*Tuæ universæ familie amicis summus,*

G. J. Vossius.

## CCLXVI.

Guilielmo Archiepiscopo Cantuariensi.

Reverendissime in Christo Pater, Dom. Illustr.

**Q**uanto plura majoraque esse negotia tua omnes agnoscimus, tanto majori me gaudio implevit conspectus literarum tuarum, quibus humanissime, ac pro occupationum mole, qua premeris & tantum non opprimeris, ubertim etiam, ac singulis quidem Epistolis meis respondes: unis exceptis, quas famulitii incuria interciderunt prædicant mihi illi ipsi quibus dederam; Sunt li Barones Seytii, liberi Illustrissimi Legati Suecici, quorum unus ante sexennium, duo superioribus mensibus à serenissimo Magnæ Britannię Rege equestri dignitate ornati sunt. Sed si perditæ Epistola nostra, bene est quod nihil continuerit, nisi quæ ab omnibus legi possent. Ex ornatissimi Delli, qui dignitati tuæ illustrissimæ à Secretis, literis intelligo, opus nostrum Grammaticum tam felix fuisse, ut de manu tanta in tanti Principis manum traderetur: quod sine dubio grati animi testificationem nostram, gratiorem reddidit in tot Regnorum spem crescendi. Præterea ex Epistola Clarissimi Richardi Sterne certior factus sum, ut inter gravissima Ecclesiæ, Regniq; negotia, res Cantabrigienses hominibus, filii dico mei, curæ tibi serio fuerit, & quantum hoc mihi commodarit. Quid aliud faciam, quam ut quas possum gratias agam ingenueque agnoscam in me immerentem tot indices pene beneficia cura tua paterna conferri, ut post Deum immortalem plus debeam nemini. Tanto justius sic cuncta mea studia compono, ut imprimis sic de merito probentur. Ac hoc tempore quidem bonam



bonam sibi partem ejus vindicat Chronologia sacra, in qua dicere vix possum quantopere à summis etiam viris sit aberratum. Operæ ejus non multum adeo restat: quam deinde alia consequentur. Filius Joannes Indias petiit, advocati fiscalis dignitate ornatus. Spero se hoc munere dignum, dignum etiam familiâ geret. Non alia facilius ratio est rem faciendi honestè: sed sub terris vix alia quoque corporibus umbræ adsuētis periculi plenior. Domino confidam, cujus est terra & plenitudo ejus. Si scisset filius uti affectu illustrissimi nominis tui, & tot Magnæ Britannæ bonis; longè melius consulisset sibi, & minus damni familiæ dedisset. Sed si frugi porro erit, facile vetera ista condonabuntur. Huc usque literas perduxeram, nec ultra scribendo avocare fas putabam, cum ad me veniunt homines honestissimi; unus etiam, ut opibus florentissimus, sic literis ornatissimus. Hi mecum sermonem ferere hujuscemodi: Nossemne Scipionem Gentilem Norimbergensis Reip. apud Altorfinos ante aliquot annos professorem Juris: nossemne item fratrem ejus Albericum Gentilem, qui Oxonii Professor fuit, filium etiam in Collegio Joannis ibidem habuit. Annui, meque sedulo scripta utriusque legisse dixi, nec sine fructu. Illi tum subjicere, esse quidam, quod me postularent pro Scipionis filio; nempe scire me quæ facies esset Palatinatus patriæ meæ. Hic Scipionis viduam ingentia à Cæsariis damna perpeffam, itaque quæ fillam præterea haberet, non esse idoneam filio in studiis porro educando. Optare se ut in Angliæ Collegio aliquo apud Cantabrigienfes, vel Oxonienfes, ubi patruus fuisset Professor, vivere daretur. Adolescentem esse boni ingenii, indolis optimæ, & eos in studiis progressus fecisse, ut Scholas Classicas, quas triviales vocant, emensus, jam aptus publicis Academiæ auditionibus videatur. Obnixè igitur rogarunt, ut hoc votum suum ad te, Illustrissime Domine, perscribere, & negotium verbis tribus commendare velim. Dixi non audere me toties literis in ea rerum mole distento obstrepere. Sed cum mirificè urgerent, modestiæ meæ non fuit diutius adversari in te tam honesta. Pulchrum ac prope divinum est benefacere afflictis, præsertim qui opem postulant. Et facile commoveor erga eorum liberos, qui bene meriti de studiis: Quales Scipio & Albericus Gentiles. Quam multa enim partim ad bonas literas, partim ad Jus Civile ac Canonicum pertinentia bono publico divulgant, satis testatur facit Bibliotheca Bodleiana, in cujus Catalogo eorum libri non indiligenter recensentur. Scio in his Ger-

maniæ rebus magnam esse ejusmodi petitorum copiam. Sed fortasse huic adolescenti proderit habuisse patrum professorem apud Oxonienfes tuos. Præsertim quandoquidem is videatur non tanti fecisse Zelotas hujus temporis, quam amasse cum veteribus bonam mentem. Hoc enim mihi ex plerisque ejus scriptis videor non obscure intelligere. Illustrissimus Regina ac Regni Suecici Legatus ad Galliarum Regem Hugo Grotius, paulo antequam dignitate ea auctus, tragediam scripsit de Josepho Fratres agnoscente. Speramus eum Josephi sui instar pro magnis malis, quibus affectus à suis, in dignitate hac prælustri multa beneficia iis collaturum. Tragedia ea inscribitur Sophompaneas, nomine Ægyptio, quod Pharaon dederat, ad Græcam consuetudinem inflexo. Alioqui pro eo apud Mosem est juxta Masoretica puncta Saphnath-Pahaneach, apud Josephum Pfontomphanecus, corruptius apud Rufinum Pfontonfanicos. Exemplar mitto, propterea quia nomini inscripserit nostro. Addidi & alterum, domesticorum cui voles, ornatus missurus, si ad manum fuisset aliquod. Expeditio à nostris una cum Gallo suscepta non admodum feliciter procedit. Spe devoraveramus Brabantiam & Flandriam. Nunc non male nobiscum agi putabimus, si munitissimum illud propugnaculum Scemgkianum, quod negligentia unius, quem dicere nolo, tam foede amissum, recipere valeamus. Utinam ne Deus vindex graviter nos puniat, propter barbaram & prope his terris inauditam crudelitatem, quam in capta Tinenfium urbe exercuere Galli, admittis etiam (ut aiunt) aliquibus è Belgis, qui tamen paulo minus exuisse hominem visi sunt. Super eo varii in Brabantia circumvolitant libelli, qui non leviter iis terris depreciant nomina Ducum nostrorum. Ne vero huc etiam deferantur, publica cavetur auctoritate. O quando erit illa dies, ut nos aurea pax reviset. Deum. Opt. Max. oro, ut hanc ipsam Magnæ Britannæ perpetuam esse velit: teque, Reverendissime in Christo Pater, in tantis Ecclesiæ ac regni negotiis, animi ac corporis viribus magis & magis augeat.

elo loc xxxv.  
iv. Kal. Aug.  
St. V.

Reverendissimi & Illustrissimi nominis tui devotissimus Cultor,

G. J. Vossius.

## CCLXVII.

Guilielmo Dell, Domino Archiepiscopo  
Cantuariensi, & Secretis S. P.

**A**usus eram, optime & amicissime Delli, opere meo Grammatico sive Aristarcho malis (vix aliud convenientius nomen dare potuissem) non paulum tibi imponere oneris: sed excrevit illud multo amplius quam putarem, nullâ quidem culpâ meâ, sed infortunio; dum aliqui (nec culpâre aulim, quia forte sic muneris ratio tulit) involant in commentationes nostras prope dixerim harpyarum instar. Sed bene sit tibi, mi Delli, qui eas tam benigno affectu ac labore ab unguibus eorum viscosis reglutinasti, si modò viscosi dici debent, quando plerique saltem sponte erant facturi officium, modo scissem quibus & à quo exemplaria istæ mitterentur.

Quas miseras ad præstantissimum Goffium literas, ex curaram, ut Hagam, inde in castra mitterentur. Sed post aliquod tempus eas recepi. In Angliam profectum prædicant. Simulac redierit reddentur.

Mitto ad te exemplar Tragediæ quam nuper edidit illustrissimus Regni Suecici ad Galliarum Regem Legatus Hugo Grotius. Hæc per se grata scio erit (nihil enim illa eo in genere elegantius) sed illo gratiorem fore confido, quod nomini meo inscripserit. Argumentum est de Josepho fratres suos agnoscere. Sophompaneam inscripsit, quod nomen Josepho à Pharaone impositum.

Scripti ad illustrissimum Dominum Archiepiscopum. Nihil est in literis quod moram non patiat. Trades igitur cum commodum tempus existimabis. Præcipuum fere argumentum est, rogari me hic à quibusdam, ut quia decrêrint Reverendissimum & Illustrissimum Dominum nostrum orare, ut Scipio Gentilis adolescens annorum circiter viginti, recipi possit in Collegium aliquod Oxoniense aut Cantabrigiense, hoc postulat suum literis meis ad Patronum nostrum Opt. Max. velim complecti. Sperant aliquantum id sibi proficere. Non lubens pro aliis sollicito, qui propriis sic, per se satis superque occupatum, distineo. Tamen misericordia erga ignotum prorsus vicit. Est is adolescens filius clarissimi Scipionis Gentilis juris dum viveret Professoris apud Altorfinos in Germania: Defuncto patre studuit Ambergæ, civitatis superioris Palatinatus. Quo amisso, vidua mater non est alendo in studiis filio. Maxima enim à Cæsare damna accepit. Sperant amici posse admitti in Collegio ali-

quo Oxoniensi: nam patruus adolescentis, Albericus Gentilis juris istius Professor fuit. Quamquam seu Cantabrigiæ seu Oxoniæ recipiatur, parum refert, dum in studiis progredi, ac patris patruisque exemplum possit æmulari. Aiant enim ingenio valere & vir esse probat. Mihi est ignorissimus; sed fide hæc eorum scribo, qui nosse possunt & debent. Fortasse locus nusquam vacat, aut indigent alicui addictus exteris non patet. Sum rei omnis ignarus. Tamen quia memini exteros etiam admissos, passus sum mihi persuaderi, ut illustrissimum Dominum & Patronum compellarem. Tu rem ita diriges, ut ne molestus ei sim: qui satis, ut dixi, meis occupo, tantâ tanti herois gratiâ prorsus indignus, quâ abuti profecto non debeo; præsertim ubi mihi nec feritur, nec metitur. Totum quod feci, feci non mei causâ, sed Deli, qui nobis viduas ac pupillos commendat. Et scis homines eruditos facilius misericordia tangi erga prolem eorum qui studiis excelluerunt. Vale, optime Delli, & nos amare perge.

Amstelædami,  
iii. Kal. Aug.  
Syl. Vet.  
cło 16c xxxv.

Additissimus tibi  
G. J. Vossius.

## CCLXVIII.

Guilielmo Archiepiscopo Cantuariensi.

Reverendissime in Christo Pater, Dom. Illustriss.

**C**UM doleam multa adeo esse, quæ studia remorentur, tum non leviter molestiam hanc auget, quod Typographi sic moras nechtant, in edendis tum Dionysianis, tum etiam meis, præsertim quæ sacram Chronologiam tangant. Gaudeo interea saltem exaudisse alterius filii Matthæi (quem & ipse participem mensæ tuæ facere dignatus fuisti) quinque libros Antiquitatum Hollandicarum ab anno circiter nongentesimo, quando Comitatus dignitas in Repub. hac eminere inter optimates cepit, usque ad annum millesimum trecentelimum; ubi primo hoc volumine desinere visum, quia exinde is honos, deficiente mascula stirpe, penes Comites non Batavos, sed domo Hannonios fuit. Ut postea penes Bavaros, hinc Burgundos, ac denique Austriacos. Universa hæc persequi filio animus est, modò vitam Deus, & valetudinem concesserit. Exemplar nunc mitto, partim quia tibi omnia mea, ac meorum grata esset scio, partim quod quæ tradit, magnam partem,

N n



tem, minime saltem Latino sermone tradita sint. Proceribus quidem nostris mire opus gratum fuit, usque adeo ut ad strenue peragendum, largo honorario sint prosecuti, non sine spe, cum nova pars prodierit. Historiographi sui titulo cum stipendio publico ornandi. Etiam alterum addidi exemplar Chartæ itidem Augustæ, cujusmodi quatuor sunt tantummodo excusa, duo hominibus Batavis ubi scripta dicataque, duo autem quæ nunc in Britanniam transmitto. Alterum hoc cui debeatur, multis partibus melius me, Illustrissime Domine, perspicies. Tui igitur iudicii hoc totum esto. Spero operam non displicituram, non modo quia & iudicium & fides & dictio se probent; sed etiam quia maiorem partem nunc demum Latino prodeant sermone, plurima etiam nec indigenis sint observata. Si quid forte intercurreret, ut fortassis in operis ipsius initio, quod non conveniat Regum Imperio, cogitandum hæc scripta esse in Optimatum Republica, non regno, quæ regendi forma, si *divis* loquamur, longè sine dubio optima; sed ut Alcibiades & Augustus dixeret, boni est civis præsentem Imperii statum mutatum nolle. Deus Opt. Maximus, te, Reverendissime Pater, & Illustrissime Domine, diu sospitem conservet.

*Amstelodami*  
clō 10c xxxv.  
Id. Oct. & S. No.

Reverendissime & Illustrissime Dominationis tue Clienti longe devotissimi.

G. J. Vossius.

# CCLXIX.

Merico Casaubono S. P.

Clarissime & amicissime Casaubone,

**R**ecepi à Peisteto quantum mihi è Cantuariensi Præbenda anni huius clō 10c trigessimū quintimense Martio debebatur. Expectabo igitur ab eodem, ubi tibi integrum erit (id brevi fore spero) quod sexto post mense Septembri puta expiravit. Mitto nunc non quidem de meo quicquam, sed de cari capitis filii mei Matthæi (quem cum *ms. p. u. x. p. r.* vidisti Dionysio) labore. Sunt quinque libri Antiquitatum Batavarum: nempe annorum cccc Historia, quæ anno clō ccc terminatur: quando Comitatus honos mascula stirpe desira, à domo Batavis ad Hannoniam transiit. De fide optima scriptoris tibi sponso rem me do.

Confido autem sese etiam & iudicio, & dictione probaturum tibi, nec minus Reverendo Domino Decano; cui alterum mitto exemplar. Siquid vel initio erit, vel alibi, quod non satis conveniat genio Imperii Britannici, observandum: hæc scripta esse imprimis Batavis, quos Optimatum imperio usos, etiam sub Comitibus satis constat. De rebus publicis quid scribam? Amico Gallo libere significo societatem hanc Gallicanam pessime nobis successisse. Sed plerique qui eam initio avide adeo amplexi, nunc vetera Britannicæ gentis merita, magis ad animum revocant. Prope diem puto Legatos mittendos: quod & Britannicæ & fœderatæ Belgicæ bono fore confido. Uxor & omnes mei, te unacum lectissima conjuge plurimum salutant. Multa etiam salute imperties Reverendum Dominum Decanum, cum universo venerabilium fratrum Collegio.

*Amstelodami*  
clō 10c xxxv.  
Id. Octobr.

Tuus tuo merito,

G. J. Vossius.

En literarum exemplar ante mensem, vel propè sesquimensem scriptam & traditam, ut amicissimo mihi, ira optimo & doctissimo Stephano Goffio, castrensi apud nos Anglorum Ecclesiastæ. Is tum ituro in Angliam illustrissimo Electore Palatino comes erat futurus. Ac fortasse jamdiu in Anglia sunt. Hosterna tamen die ex quopiam intellexi adhuc in Zelandia hæere ob ventum adversum, vel saltem non ante hebdomadam abiisse. Existimavi igitur, tutius fore, si juberem literas priores rescribi, ne reus immerito agar pertinacis adeo silentii. De legatis quod scripseram, necdum processit; sed hoc nunc agi utrinque videtur, ut induciæ fiant. Spissum sane negotium, cui tamen opinione celerius accelerando haud mediocriter momentum attulerit non illaudatus urbis Episcopus Urbanus. Quem ex viris minime vanis & talium gnaris accepi seriò hoc moliri, ut Orbi Christiano pax reddatur, Marte qui ubique hic sævis relegato ad Mehamedanos, cujus res nostris discordiis gliscunt. Pestilentia vehementer grassatur totà propè Belgica fœderata; Lugduni Batavorum imprimis; ubi quandoque una hebdomade rapiuntur mille ac quingenti. Nostris Amstelodamensibus optime fuit diu. Nunc Lues hic quoque incrementum capit. Hactenus tamen toti familiæ nostræ optime est. Sed quid porro futurum sit, quis dixerit? Tanto ardentioribus votis opus ad Deum; cujus me meosque ac pariter totam familiam

familiam tuam, sed & universum venerabilium Fratrum Collegium commendo.

*Amstelodami*  
c1o loc xxxv.  
12 Kal. Dec.

*Tuus tuo merito,*

G. J. Vossius.

## CCLXX.

Joanni Isaacio Pontano S. P.

Hardervicum.

DE Catulliani loci emendatione, Optime & Doctissime Pontane, ampliandum cenfeo. Legis apud Poetam hoc pacto :

*Ego inuber, Ego Adolefcens, Ego Ephebus,*  
*Ego Puer.*

Sane metrum non refragatur, quod Galliam-bicum est. Prima enim sede fuerit Anapaestus, hinc Tribrachus, quod interdum fit hinc Iambus, tum Dactyli duo, inde Anapaestus. Quæres, quid ergo assensum moretur? Nimirum illud, quod non cenfeam *inuberem* poni, pro ablactato, sed notare macilentum; ut quod veniat, ab *uber* adjectivo. Quare *uber* & *macer* pugnancia sunt. *Inuber* igitur idem ac *macer*; sed *inuberis* vox insolens. More suo ideo Gellius interpretationem subjecit; cum *Ostrea*, inquit, *Inuberes macraque essent*. Est hoc ab *uber* adjectivo. Ab *uber* autem substantivo, pro mamma non videtur *inuber* dici, sed solum *sububer*, pro *συνμαστιν*, quod apud Ilidorum, & fortasse etiam *exuber*, ut hoc Scaligero demus, qui ita putavit, nec authorem laudare possit suæ opinionis. Ad hæc si *abuber* substantivo veniret, *inuber* non significaret ablactatum, sed *sububerem*, & quasi uberibus incumbentem. Quomodo *inuber* & *exuber* contraria forent, illud significaret, *σπομυζιον*, hoc *σπομυζαντιον*. Denique ut *inuber* aliquis, post *σπομυζαντιστον*, diceretur, fortasse ne sic quidem, Catulliano illi loco satis conveniret. Neque enim Atyr erat recenter ablactatus; sed Puer, Ephebus, Adolefcens, dici poterat. Imo cum in illis, *Adolefcens, Ephebus, Puer*, quo ordine ponit Catullus, decrescat Oratio, elegantia Catullianæ fuisset, extremum locum tribuere voci, quæ recens ablactatum signasset. Non ausim igitur, *mulier* damnare, quod est in antiquis Codd. etiam editione, quæ Regii Lepidi anno prodit c1cccc lxxx. sed *Mulier* *σπουδαίως* efferendum, ne claudicat metrum. Sententia fuerit, Mene nunc Mulierem, & Viratum esse, qui ante Adolefcens, Ephebus, & Puer fui? Nec hoc scribo, quasi ve-

hementer tuæ sententiæ refrager. Velim enim omnes conjecturas tuas esse certas, quod nulli tamen mortalium evenit. Eo facilius veniam dabis paulum dissentienti. Quamquam ne ista quidem scripsi, quasi multum abeam, sed ut videas ad statuminandam opinionem, eam firmiori tibicine opus esse. Locus de quo scripseras est, in primo de Art. pag. xvii. uti alter libro de Constructione, pag. ccxlv. Uterque infra virtutes tuas, quod alibi foelicius præstabitur. Salutem multam imperties Consuli Amplissimo Brinkio, Collegæ item Theologo Distio, de Zeveceptio adderem, nisi pauci adeo dies essent, quod nobis adfuisset.

*Amstelodami,*  
c1o loc xxxv.  
7 Kal. Nov.

*Tuus eternum,*

G. J. Vossius.

## CCLXXI.

Joanni Brunæo, V. Cl. *Quæstor* Middleburgensi, S. P.

Quam vellem, amplissime Vir, atque idem non animorum minus similitudine quam affinitate conjunctissime, ut si non tam diu, quam optabamus, paulo saltem diutius, frui licuisset, tui quidem mihi, uxori autem meæ, conjugis tuæ, imo & liberis meis, præsentia utriusque vestri. Omnes enim pariter vos colimus & æstimamus: & si verum scire cupis, permolestum est, quod tam longo spatio divellimur, nec sæpius una esse liceat: mihi imprimis, qui ex sermone tuo ut mirificam voluptatem, ita fructum etiam capere soleo: hac veteris nostri amoris fiducia nunc ad te scribo. Scio probe te memorem esse sermonis habiti inter nos, cum hic fores, de Annalibus Hollandiæ & Zelandiæ à filio Matthæo exaratis, dicatisque illustrissimis Hollandiæ, Zelandiæ, Westfrisiæque Ordinibus. Quam grata hæc fuerit opera Proceribus Hollandiæ, quid dicam? putidius id fuerit perscribere; sed ut cætera taceam, vel inde conjecturam, vir sagacissime, poteris capere, quod sint honorario prosecuti (apud te non dissimulabo) florenorum cccl, ex quibus quadringenti quidem illi pro opera assignati, quinquaginta vero pro exemplaribus. Majus illud, quod, ut ex non uno nobilissimi confessus accepi, nihil æque hoc tempore obtiterit, quo minus terræ suæ Historiographum constituerent, quam quod metus foret, ne alius, qui res nostri ævi describendas suscepit, hanc qualem-



qualemunque societatem ad infringendum honoris sui decus facere arbitraretur. Nihil vero hoc obstitit Zelandiæ vestræ, quæ, ut arbitror, nullum hoc tempore istoc honore prosequitur. Et spes à multis hic facta filio mihi, quod nunc non fecere Proceres, facit occasio alia, præsertim ubi alia pars operis prodierit in lucem. Plura hic addere de filii laboribus non est meum, nec tu ipse, quæ modestia es, id probes. Sed te ipsum, & intelligentissimum quemque operis iudicem capio. Mitto nunc exemplaria novem: tot enim in illustri illo confessu proceres esse intelligo, sed superaddidi tria. Unum scorsim antea dandum nobilissimo Knutio, quem interest nostra in tantis negotiis, quæ sustinet, prius vel fugitivo oculo lustrasse hunc laborem, quo facilius statuat, quid facto sit opus. Scio præstantissimum virum per se satis favitorem fore operæ publico bono infudatæ. Sed nec inutilis propterea erit commendatio tua, præsertim quando, nisi valde fallor, aliqua etiam ejus est conjunctio cum uxore tua. Parum absuit quin ad ipsum scriberem. Sed nolui tibi diffidere. Eo minus quia & negotium commendavi (nihil horum ignorare debes) amplissimo senatori Cromen; cum in urbem hanc nostram his diebus ad nuptiale festum se contulisset. Is ineunte Novembri in urbe vestra futurus ad aliquam juris controversiam decidendam cum jurisconsultis & arbitris. Præterea & hic & Hagæ locutus sum, cum urbis vestræ secretario amplissimo Vanderburgio Illustris Berkii *ss. pangeren* genero. Et is bonam addixit in hac re operam. Huic alterum ex tribus residuis exemplar dandum. Tertium cedat illustrium ordinum Zelandiæ à secretis; sive scorsim, sive cum novena illa proceribus exhibendum. Quid expediat facile perspicies: si scissem quando conventuri fuissent illustrissimi Ordines vestri, filio auctor fuisset ut ipse excurreret. Nunc plane de eo incerti sumus. Accedit, quod non finit ejus pudor ut Curio & Buccinator sit laudis suæ; melius ista per amicos peragantur; mitto quod lue per foederatam hanc Belgicam grassante non secure satis in turba aliquis se navi committat. Quamobrem omne tibi commendo negotium, & illis simul quos ante memoravi; spero autem pro gratia pulchre navata gratias me vobis acturum prope diem.

*Amstelædemi*  
cl. loc. xxxv.  
4. Kal. Nov.

*Amplitudini tue*  
addidissimus,

G. J. Vossius.

CCLXXII.

Hugoni Grotio.

Lutetiam Paris.

Illustrissime Domine,

Quod de negotio summi viri Galilæi Galilæi tardè adeo rescribam, diutina fecit ab urbe absentia syndici nostri Guil. Borelli; qui rem omnem apud Dominos Ordines fideliter procuraturum se recepit. Nec sanè ad eam rem, alter magis idoneus eligi poterat. Sed non puto eum affore ante Christi Natalem. Magnus est affectus Procerum urbis nostræ erga Galilæum, eorum saltem, quibus scientia in pretio est. Ante omnes, prædicare debeo Nob. Realium; qui nihil æque exoptaret, quam ut Galilæus, prætextu offerendi Ordinibus nostris, suas de re maxima cogitationes, has ipse in terras veniret. Poterat, inquit, opera hinc dari, ut fingere hic domicilium vellet. Sed votum hoc viri, de suo etiam largiri ad detinendum parati, metuo ne provecta in istac Galilæi ætate, planè frustrà sit. Joannes Narfius, quia videretur, ne ulla sui deinceps à proceribus Succis ratio habeatur; operam suam præfectis negotiationis Indiæ addixit. Ac intra triduum, si ventus faverit, navem ascendet. Octoginta mentruos, Florenos assignarunt. Obtinebit in itinere locum quem vulgus supremi Mercatoris vocant. Hinc inter præfectos justitiæ facturus. Medicam simul artem exercebit; & majoris honoris spes facta. Nec tamen hujusmodi filium tuum Petrum, magnopere commovent ad simile iter suscipiendum. Domi, vel apud externos etiam Principes, dignitatem quampiam præferret. Sed quia non ignorat, quam miserum sit, ab incerta spe pendere: Ita decrevit studia sua componere, ut vel solis illis tueri decus suum possit. Juris prudentia imprimis placet, sed sic ut, ex consilio tuo, ea sociare velit, quæ ad mercaturæ intelligentiam pertinent. Litteras ad Illustris juvenes Stypeskium, & Skyttium sedulo procuravi. Leonis Allatii labores, etiam vetera illa *Arta*, quæ habet, excudere qui paratus sit, non unum hic habemus. In iis & Blauwius est. Sed dum totus est in Atlante suo adornando, non facile dixerò, quam tardè promissa exsolvat. De Tacito quod cogitas gaudeo. Metuo alioqui, ne alius quispiam in tuam involet purpuram, suisque inferciat pannis, dissimulato nomine tuo. Scis jam dudum esse, quod quæ meditatus es, non sint in tua potestate. Mihi quidem quicquid eorum vidi, ac legi, impensè, ut omnia tua, placuit. Berneggerum, & doctrinæ, & virtutis nomine, merito

rito æstimo, & amo. Nec officio deero si quis locus patuerit in ulla Illustrum Scholarum, his & vicinis terris. Vale Illustrissime Domine, & cum Heroïna conjuge, & familia, à me & meis salve. Salutem etiam plurimam mei amantibus dicito: Imprimis Rever. & Amplif. Bignonio, & Cordeſio, à quibus quod amer, tui, ut alia, beneficii est.

*Amſtelodami* cl. loc xxxv.  
Non. Decembris.

S. P.

Dum literas, quibus hæc inclusi, pluſculum detineo, quia deſſet commoda mittendi occaſio, ecce nobis Hagha hoc reſcriptum DD. Ordinum. Partem primam Annalium Hollandicorum, quos Matthæus miſit, ſpero, jam acceperis: Nili forte futurum, ut unâ cum hac Epiſtola recipias. Spero operam non fore ingratam. Quæſo commune, ſicubi erratum putabis. Editione altera corrigi poterit. Filius tuus indies ſe magis, & magis inſignem reddit, non ſtudiorum modo proſectu, ſed modèſtia etiam, judicioque, quo pro ætate illa, plurimum valet. Itaque honori, etiam tibi, atque familiæ fore conſido.

Idibus Decembris. *Illustrissimi nominis tui*  
cl. loc xxxv. *Cultor,*

G. J. Voſſius.

Geminæ literæ D. Deodato inſcriptæ, ab Collega meo Hortenſio ſunt: Rogat is te plurimum, per famulorum quempiam deſſeri jubeas. Vale.

CCLXXIII.

Joanni Chriſtenio.

Præclare, & Conſultiff. Chriſteni,

**P**lurimum ſemper à prima etiam adoleſcentia amavi Urbem veſtram, vel eo nomine, quod pueritiæ ſuæ ſtudia ei barbaro illo ſeculo debuerit magnus Deſiderius, vir nec ſua ætate quoquam minor, nec noſtra fortaffe nec intermedia, ſaltem ſi totum conſideremus Eraſmum; non ſtadium hoc vel illud, quando non ita feliciter agitur cum ingenio cujuſquam, ut ei ſe doctrina totam indulſerit, ſed felicitis eſt (ut minimum dicam) vel in decuplam ejus partem recipi. Multum vero gaudeo, quod proceres veſtri

cedere nolint proavorum gloriæ, ſed nunc quoque omnibus nervis contendant, ut augeant decus literarum, quibus magnus ille ſtudiorum in urbe veſtra alumnus orbi illuxit, divinarum nempe, ac præterea, non dico profanarum, ut quidam *μὴν ἀνθρώπων* loqui amant, ſed humanarum, quia humanæ inſerviunt vitæ; ut ſileam de ſacris literis ad quarum intelligentiam ex iis plus redundat commodi, quam capiunt illi, qui eas nonnili tanquam canis è Nilo deguſtarint. Quæ eo à me ſine ſcribuntur, ut videas, quanti faciam propenſiſſimam voluntatem tuam, claris doctoribus, etiam extra ſtudia ſacra, augendi gloriam, illuſtris jamdiu, ſed quæ illuſtrior fieri poſſit, Academicæ Scholæ veſtræ. Ac ſcio eandem eſſe mentem Collegarum præſtantiffimorum, præ cæteris optimi & viri & Theologi D. Dyſtii. Cæterum de Gronovio ſic habet: Non alium nunc occurrere mihi, cujus & doctrinam, & induſtriam magis commendare ſum paratus, ſi certo Pariſiis adhuc agere conſtaret. Metuo enim ne viſendæ Italiæ & tot veterum in ea monumentorum amore ſagrans, jamdudum eò conceſſerit. Si recte atque ordine me facturum putes, per literas Lutetiam miſſas exquiram, utrum Pariſiis etiamnum degat, vel ut diſceſſerit, quando iſte exſpectetur ab amicis, quos ille, ob ſingularem in literis doctrinam habet complures. Memini mihi valde à ſummis viris per literas commendari Matthiam Barneggerum, Profeſſorem Argentoracenſem ingentis & doctrinæ & nominis. Nempe rebus Germaniæ uſque adeo turbatis, tertium tum annum nihil perceperat ſtipendii, eoque maluiſſet veteres ſedes mutare Academia vel Schola aliqua Illuſt. Belgicæ Foederatæ. Sed is ſuperiore Februario ſatis conceſſit, multis relictis ingenii & eruditionis monumentis, in his ut Hiſtorica ſolum dicam, Juſtino à ſe reſenſito. Generum habet, vel habuit potius (quando ipſe ad ſuperos ut dixi conceſſit) Joannem Freinſheimium, ſatis clarum notis ſuis in Florum, ac Tacitum, & amplis in Curtium commentariis inſcriptis Nobiliſſimo Equiti Joachimo Wickeſfortio urbe hæc degenti, ſibi que ut arbitror cognito. Idemque parat Suetonium, Salluſtium, Ammianum, Thucydidem, Pachymerium, Livium, & alios. Sed enim non ſat ſcio, utrum is tam paratus ſit Germania ſua excedere, ac ſocer fuit. Et arbitror Auguſtina Confeſſioni addiſtum, ut iſtis locis ſolent. Quod ut exiſtimo, ſuſtaminaret procerum veſtrorum annum erga virum ſummum. Hannoviæ adhuc agit Joannes Philippus Paræus, magni Theologi Davidis Paræi Filius, viſi multis ſcriptis celebris. Hic facile pertrahi poſſit in has terras,



ras, quia misero Germaniæ statu res ejus ad incitas sunt redactæ. Posset claritas ejus nominis ac paterni simul aliquod decus addere Gymnasio. Notus est mihi, tum aliter tum etiam per literas. Notior item Jacobo Laurentio urbis nostræ optimo & doctissimo Ecclesiastæ: quem super eo compellasse, nisi valetudo obstitisset, quæ nec scivit, ut statim literis tuis responderem. Sane si afflictam Germaniam cogitemus, non dubitandum quin plurimos habeat viros insignes probitate ac doctrina, quorum opera Reip. literariæ bono in Gymnasiis suis hæc uti provinciarum possent. Nec dubito quin complures suggeri possint, ab iis, qui terras eas lustrant, & urbe in vestra ac vicinis vivunt. Quamquam nec Belgica hæc foederata pulchris caret ingeniis & huic aptis provinciæ. Solum dolet, quod cruda sic studia propellantur in ambonem, & forum. Quæ res nobis barbariem pristinam minantur. Verum nolo in tristi omine delinere. Malim optima sperare, vel eo nomine, quod videam amplissimos urbis vestræ proceres tum literarum esse & literatorum studiosos.

Raptissime *Amstelodami* scribebam.  
cl̄c̄ xi. Kal. Jan. St. Vet.

Rev. Dom. Dyte, viro summo & aliis Collegis præstantissimis salutem plurimam, ubi otium erit, meo nomine, quæso dicito. Volo enim sciant utcumque tardus sim in scribendo, probe tamen eorum me esse memorem.  
*Epistola.*

G. J. Vossius.

#### CCLXXIV.

Gerardus Vossius V. Cl. Antonio Æmilio S. P. D.

**N**ihil lubentius facio, quam ut amicis prosum, præsertim, si eadem publico commodum. Tale hoc negotium est, de quo nunc agam tecum. Est inter uxoris meæ propinquos, optimus, & doctissimus juvenis, Gorssius, qui annos multos, non literis modo, & Philosophiæ, sed sacris etiam studiis, operam Lugduni dedit. Jam ante quinquennium, cum ibidem historias profiterer, aliquo inter studiosos loco fuisse memini. Atque interea longe maxima cepit incrementa, ut ex pluribus intelligo. Sed nescio quo infortunio fiat, ut ejus non habeatur illa ratio ab Ecclesiasticis, quæ debebat. Id ipsum, id nos,

& alios amicos male habet; est enim benè natus. Matrem an aliquando apud nos videris, nescio; fuit ea Davidis Ruteri, Amplissimi nunc senatus Brabantici, Hagæ senatoris soror germana. Avunculi fuere Wereftenius, & Martinus, ibidem senatores. Avia erat Montenea. Nosti familiam perveterem. Quid consanguineos omnes recenscam, plebrosque Nobiles, vel saltem Patricios: suspicantur aliqui, obistere juveni, quod moderatius paulo se gerat, quam Zelotis placeat; scio ego tibi Zelotarum mores non probari; hominum natorum, ad perdendas, non Ecclesias modo, sed totas etiam Respublicas. Quod igitur minus gratum reddit talibus, id eum commendabit, non tibi modo, sed Ticmanno, quem ego virum amavi semper, non modo doctrinæ nomine, sed etiam moderationis; quæ si unquam, his temporibus requiritur; sed aliud etiam obesse ei suspicantur, puta quod suis studuerit impensis. Aiunt tantam esse eorum copiam, qui studiis suis absolutis, ut aliorum, quibus paulo auctior fors, haberi ratio non possit, aliquid dicerent, si tales annum unum, aut alterum expectare cogentur. Nunc semper negliguntur. Hoc pede si pergatur, quotusquisque tandem, qui aliqua in re sit, liberos suos studiis sacris destinavit? sed quid his insisto? Ad rem ipsam potius venio. Intelligo Ecclesiam Liffæ (is pagus est inter Harlemum & Leidam) carere verbi Ministro. Gorssius autem, quem dixi, non veretur operam suam offerre, ad sacrum hoc munus; scio aliquos quoque esse, qui Ecclesiæ illi præfici exoptent; sed ubi singuli sint auditi, cogitari poterit, quis dignissimus sit. Et non solum hic Synedrii, vel Classialis voluntas spectanda, sed etiam ejus qui jus Patronatus habet auctoritas. Eum esse scio Nobilissimum virum, Duickemburgium urbis vestræ Prætozem, quicum, ut arbitror, aliqua tibi noticia intercedit. Huic Gorssium commendari exoptem. Et si operæ putas, assumes quoque Ticmannum nostrum. Neutrum commendationis poenitebit. Perspecta enim mihi juvenis, & modestia, & doctrina. Dubitabam an ipse, ad Dom. à Duickemburg, scribere vellem. Animum audendi præbebant summæ viri virtutes, quas ab omnibus commendari video; sed tandem putavi melius, id vos coram facturos, apud Nobilissimum hunc virum. Pluribus non morabor te tam occupatum, ipse adeo usque occupatus, ut vix hæc subito potuerim conjicere in chartam.

*Amstelodami,*  
cl̄c̄ xxxvi.  
Jan.

CCLXXV.

CCLXXV.

Stephano Goffio, *Ecclesiæ Castrensis*  
Colonelli *Verii*, S. P.

**C**Redo jamdudum tibi, optime & doctissime Goffi, mirum videtur quod tardè adeo ac tertius demum literis provocatus respondeam. Tantène iniques occupationes tuæ? sanè majores illæ, quam facile me cuiquam persuadere possè existimem. Sed tamen alia concurrerunt. Tardè enim cognovi, super quibus certior fieri desiderabas; nec erat cui tuto literas committerem. Nam filius, ad quem illas Hagam mitti petieras, is Amstelodami erat. Dampotus sapius hic concionatus est, & gratus est non paucis, maximèque iis qui maxime faciem Ecclesiæ Britannicæ damnant. Sed necdum de eo advocando actum cum Ministris Ecclesiæ Belgicæ, multoque minus cum proceribus urbis. Videntur pastores non alieni ab eo; dummodo subicere se velit classicis decretis. Id utrum facturus sit, dicere non habeo. Sed quorundam opinio est facturum, ne Hokeri instar, spe excidat. Apud proceres nihil æque ei commodare possit, quam quod multi illis persuasum eunt, hoc agere Episcopos Angliæ, ut imperium in Ecclesiis Belgicas exerceant; vanissimum hoc commentum animis eorum evellendum, inque eo adlaboro, ut debeo. Utunque autem fautoribus non destituatur Dampotus, nihil tamen efficiet, nisi ostenderit hic literas, quibus ab sua Ecclesiâ sit honestè dimissus: tum item nisi comprobabit liquidò, sibi in Angliâ solum quæstionem fuisse, de ceremoniis vel hierarchiâ; non item aliquid intercessisse, quod regem, aut regnum, spectaret. Hæc nunc sola perferbere potui. Plura ubi cognoro, faciam te quamprimum certiozem. Jucundissimum mihi fuit ex te cognoscere, de literis Clementis in Britannia editis. Nondum eas conspexi. Alioqui judicium meum perferberem de locis inde à te excerptis. Nec propterea eas transmitti opus. Nam tuto satis id facere vix possis durante hoc gelu. Sed si quando huc excurreris, vel fidum hominem habebis, cui committas, non ingratum erit conspiciere. Nihil vero in istoc festinato opus. Vale, vir præstantissime & amicissime. Postr. Kal. Jan. Anni clò lcc. xxxvi. quem tibi ac familiæ meæ, Britannicæ Magnæ, ac foederatæ huic Belgicæ salutarem exopto.

*Tibi addictissimus,*

G. J. Vossius.

CCLXXVI.

Danieli Paræo S. P.

**V**ellem, vir clarissime, Reverendus & ornatissimus vir, Jacobus Hintzerus, prius quam alias adiret Bataviæ urbes, pedem posuisset in Amstelodamensi, nosque compellasset: vel enim valde fallor, vel juvare eum consilio, in accedendis quibusdam Ecclesiis, vel etiam magistratibus, potuissim: nunc quia postremo in urbem hanc venit, vix quicquam potui præterquam apud Ultrajectinos. Et tamen id minutum fuit; interea præstici quicquid potui. Nec quicquam lubentius feci. Usque adeo gratus mihi acceptusque erat, partim ob virtutem & doctrinam, partim quia à tuo filio commendaretur, jucundumque esset ex eo cognoscere, quæ ad te & Paræanam domum pertinerent. Amstelodami jam vivo commodeque habeo à proceribus civitatis. Itaque Deo gratias ago, qui eam mihi mentem inspiravit, ut non abnuerem conditionem, cum huc vocarer; scio Gymnasium hoc novum fore: sed ante annos etiam quinquaginta novum fuit Lugdunense, cujus nunc tantum decus per orbem universum. Fortasse & non exigua quandoque erit gloria Gymnasii Amstelodamensis. Ita fore confido atque auguror. Mihi vero pulchrum tunc erit, jecisse ejus Gymnasii fundamenta. At interea, dices, deteret ea res aliquid de nomine qui inclytam Academiam Gymnasio demum constituendo commutat. Quid dicam; vir amicissime? non ignoro, quantillus sim. Sed tamen cum plurimum tota hac de re judicium hujusmodi est: nunquam me à nomine & gloria ejus Academicæ pependisse. Si doli-um Diogenis incola suo celebratum, posse & me oppidulo aliquid decoris dare. Atque extra illud de Academia, quanto urbs hæc alteri præstat! Quid ea opulentius! quid potentius! Quæ una ad bellum cum hoste potentissimo plus confert, quam—; sed reprimam me, ne tot magnis Bataviæ civitatibus, tot Belgicæ foederatæ provinciis, quicquam detrachere velle videar. De procerum vero & prudentia singulari & summa eruditione, penitus tacere non possum; siquidem illa res inter cætera me compulit, ut sedes hic ponerem. Sane complures novi, hic non minoris doctrinæ quam qui Collegæ mihi in Lugdunensi Academia fuerunt. Certò eam talium copiam, frustra in aliis & urbibus & provinciis quæras. Nec ignoro, vulgare eos à nonnullis, quasi non satis sint *opulentissimæ* amantes. Sed hoc non aliunde est, quam quia permittant conciones eorum, qui in Prædestinationis dogmate dissentiant à doctrina publice recepta. Tum



Tum aptem quia aliquos urbe jusserint exire, qui seditiose multa agebant; non accusabo quemquam, tamen sanguinaria quorundam consilia non ignoro. Horret animus meminisse sermonum, quos ipse, ex ore quorundam audiui; non loquor de iis, qui ab urbe iussi abesse, antio uno altero. Alios tango, quos dicere nolo. Ita enim semper animatus fui, ut de talibus non facile loquerer, nedum scriberem; sed apud te, familiarius paulo mihi agendum putavi. Sic tamen ut nulli periculum creem: postquam ab iis urbi esse periculum amplius non potest. De patria quia perferibi petis, paucis expediam. Patrens mihi fuit Joannes Alopecius, sive Vossius, Ruremundanus. Is temporibus Friderici Pii in Heidelbergensi Academia, Zanchium, Urinum, & alios audivit; atque anno 1573. in agro Heidelbergensi ecclesiasticus factus. Post excessum ejus electoris anno 1627. quaternis auctus liberis, sed ex quibus solus superesset, in Bataviam venit cum ecclesiasticis ceteris qui Lutheri de coena domini sententia subscribere noluerunt. Itaque jam anni sunt quasi LIV. quod Palatinatum non viderim. Multis familiariter usus sum, quibuscum amicitia in Palatinatu parenti intercesserat; sed post tantum annorum intervallum prope omnes defuncti: Joannes Mylius Neostadiensis Ecclesiastes, puer eum ibi saepe in paternis aedibus vidit: ut mihi his etiam diebus retulit. Nam in extrema Batavia prope Gorcomium ac Sylvam-Ducis pastorem agit. Apud hujus matrem vel novercam potius Barbaram Myliam ab octavo aetatis anno vixi, usque ad XVIII. quae multa mihi referre solet de laudibus parentis quem octennis an. Norat ea parentem optime, quia arcta fuerat amicitia parenti meo cum marito ejus Jacobo Mylio, viro perdocto, & fido Dei servo in eodem Dioecesi. Horum memini quia soror Joannis Mylii, Jacobi filia nupta fuit Balthasari Lydio, quicum tibi, ni fallor, amicitia, aut saltem commercium literarum fuit. Et anno uno me natu grandior erat, superiori vero anno decessit paucis post maritum hebdomadis. Omnino pauci eorum supersumus, qui in Palatinatu temporibus Friderici pii, aut initii Ludovici nati sumus. Me vero semper illud habuit pessime, quod ab anno aetatis XXIII. priusquam dulcem patriam revivissem, scholastica fuerim functione distentus, primum in Academia paucis mensibus, mox in Gymnasio Dordrechtano annis XV. & ultra, inde Lugduni iterum, partim in Collegio Theologico, cui quadriennio praefui, partim in Academia ipsa, in qua docui circiter novennium; sed ad alia jam delabor, de quibus non rogaras, nempe mihi jucundum tecum est

per literas confabulari. Itaque calente calamo scribo, quicquid in mentem venit; neque enim gloriolae aliquid ex epistolis quaero, qui eas saepe ne relegere quidem soleo; nedum id otium sit cum cura aliqua eas exarandi. Abunde est, si raptim adeo scribentis manum assequi possis. Pro Christianae institutionis elementis gratias ago, mihi opera valde probatur; nunc quod mitterem *arriben* erat nullum, sed fore propediem spero; nec enim inutiliter tempus abire patiar, quo necdum publice docemus: verum omne illud impendam digerendis schedis meis. Puto, mox à nundinis Francofurtensibus edendos commentarios meos de L. L. grande opus & in quo non parum operae posuerim, & tamen nec parum restat, quod nonnihil terret, cum ceteras cogito occupationes meas: sanus subinde infelici mihi videor natus fidere, quod nunquam liceat esse otioso, ac dulcibus Musarum studiis frui ex sententia. Aiunt hoc solatio esse posse, quod ipsa illa sidera ut luceant hominibus perpetuo moveantur. Mentibus nostris, quas coelitus habemus, aliquid esse cum coelestibus illis corporibus commune: verum ut mihi quidem videtur, non tam fideribus, quam candelis nos comparari oportet: sidera lucent ac eadem permanent: nos lucemus aliis atque interim consumimur. Sed uterque clarissime & amicissime Parae, hoc cogitemus ut consumantur corpuscula, manere animum, manere honorem in terris, longaque angustius praemium in coelis. Quare me quidem laboris adhuc non poenitet: scio nec te, qui bene de studiis ac pietate mereri non desines. Vale.

Amstelodami.

Tuis totus,

G. J. Vossius.

## CCLXXVII.

Abrahamo Vander-Mylio S. P.

**S**Cis, conjunctissime Vander-Myli, ab annis tot, ut aliquanto amplius sit, quam tertiae aetatis meae pars, te amari à me plurimum, & aestimari. Nec eo minus formido, ne propterea quod tot literis tuis, tam humanis, tam eruditis, non responderim. Nisi jam à doctissimo Genero tuo Colvio, & aliis (ut reliquos mittam) in urbe vestra degentibus, cognoris, quam pene mihi ex consuetudine in naturam verterit, etiam amicissimis, etiam doctrina, vel dignitate clarissimis, raro respondere, nempe vix aliter, nisi gravis, ac pene fontica causa urgeat. Nec uspiam magis hoc vitium meum dominatur, quam iis ubi mea res agitur, vel liberorum.

In quo

In quo immane quanto differo à Mercuriali urbis hujus Populo. Nulli autem tam grave, quam optimæ uxori meæ: quæ si verum dicit, prorsus valetudinem perditum eo. Quid agam? Vix ab auditorio publico revenio, cum ex urbe nostra, ex aliis Bataviæ urbibus, ex foederatis terris, ex Britannia, Gallia, Germania, tractibus aliis compellor, idque ad nonam Vespertinam. Quare vix temporis aliquid superest vel studiis propriis, vel literis ad amicos, nisi illud inter & secundam nocturnam. Tum duntaxat interpellatorem habeo neminem, interpellatricem subinde unicam, conjugem dico, sæpius tamen interpellaturam, nisi ut ipsa ait, surdo caneret. Metuo interea ne immutandum mihi sit istiusmodi vivendi genus, modo vitalem mihi diu hanc vitam velim. Cogito seriò, & cogitabo porro, partim ut amantibus mei (quos inter illustrem scis te locum obtinere) satisfaciam magis, partim etiam, ut paulum temporis obtingat limandis illis, quæ annis pene XL. non inutiliter mihi videor observasse. Tu vero mi cognate, beatus mihi videris, non quidem undique (quis enim omni ex parte felix?) attamen multis nominibus, inter cætera eo, quod plus otii suppetat præclare, & cogitandis, & signandis rebus, animum omni alimonia dulcius pasturis. Atque hoc imprimis dictum velim, propter auro contra non caros labores tuos, de Ecclesiæ concordia, quæ satis diu in propria sæviit viscera: ut tandem tempus sit desinere, si publici cura tangat ulla. Quod vero nec in hac sæculi iniquitate, tam pulchram deposueris cogitationem, mihi quidem gaudeo, tibi vero, & magis Ecclesiæ gaudeo; quam vel hoc argumento, colligo amari à Deo, etsi istis odiis, ac rixis multum degenerarit. Deus tibi hanc bonam mentem esse perpetuam velit: Et simul pro pietate hac tua, non potest hanc vitam modo, sed etiam dum his terris, teque tuosque remuneretur. Quod tempus utinam liceat videre? ut tandem pacis amantes suos etiam maneat honos. Satis autem mirari non possum, ea ætate, ac in tam gravi negotio Ecclesiæ districtissimo, etiam otium esse cogitandi ea, quæ ad Arcana pertineant Naturæ. Atque ego quidem nihil magnopere adversus ea habeo, præterquam quæ coram afferre memini: sed denuò doctissimum Collegam Hortensium collegi: Atque ut paucis, quid sibi videretur, perscriberet rogavi. Parvi quidem, sed quàm tardè hinc æstimes licet, quod nondum quartus est dies, ex quo responsum accepi. Atque hanc quoque causam esse scito, cur tardius acceperis meas. Nolebam enim scribere, quin per me, vel alium, ex parte saltem, æquissimo tuo postu-

lato satisfacerem. Accessit valetudo incommodior ex catharro: quæ nec publicam accendere Cathedram hodiè sivit. Eoque justius veniam dabis, filium hoc scriptiõis abruptum: Etsi alia erant, de quibus, quia aliter non licet, saltem per literas colloqui liceret. Vale, clarissime Cognate, & cum Uxore lectissima, à me, mea, & liberis salve.

*Amstelodami,*  
clō 16c xxxv.  
pr. Kal. Febr.

*Tuus totus,*

G. J. Vossius.

### CCLXXVIII.

Hugoni Grotio S. P.

Quod tam honorificis literis, filium Matthæum compellare, hoc est, (quod tibi propositum fuisse non dubito) ad reliqua studiorum accendere volueris; ut aliis nominibus, ita illo etiam, uterque plurimum debere nos fatemur. De *ambrosio*, tardius respondeo. In causa est quod filius Petrus Grotius jamdiu, ut mihi ante menses duos retulit, hoc munere sit perfunctus; sed addebat, suis se ad te literis addidisse, videri sibi conducibilis, ut in Galliis hoc opus edatur; quia in talibus, Triconem, & Bovinatorem, ut cum Lucilio sic dicam, Blauwio hoc majorem ex Typographis norit neminem. Qui sic ante conjugium erat, nunc *Nobis* se, (ex quo solus omne onus cum fratrum uno sustinet) justius censet lentè, ut ipse appellat, festinare. Et verè festinat, ubi semel sit exorsus; sed ad ordiendum, nihil lentius videre memini. Itaque omnes ferè eludit, non animo quidem malo, sed quia nihil recuset unde spes lucri affulgeat, & aliqua etiam honoris: postea verb ubi singuli admonent promissi, imparem se tam multis intelligit. Atque ille quidem, cum primum de *Ambrosio* convenirem, confestim annuit, & transmitti eam postulabat: sed ego hic objectare, quod jam biennium haberet filii Maimonidem, nec satisfaceret. Quod non minoris temporis spatii detineret opus Affinis mei Francisci Junii, de *Pictura Veterum*. Quod aliquanto diutius, tam multa Meursii hæcenus inedita, quæ poscenti benignè transmississet, magno cum viri dolore conservaret: Id eo virum hunc magis urere, quod Nobilissimis Dantiæ, & aliorum locorum viris hisce dicasset. Nec eos hoc fingeret, qui assidue pollicita exigant: tarditate hac levioerem apud eos fore gratiam. Blautwius humeros attollere; addere deinceps, se alium fore, hæcenus fratrem à

Oo

Galliis



Gallias expectasse. Et jam quidem tres Junianos de pictura libros orsus. Maimonidem filii <sup>fratris</sup> ~~fratris~~, post octiduum certò auspabitur. Opera Meursii intra sex hebdomades ut sperat. Nostros de poetica libros vertente hoc anno. Sed grande Originum opus, non nisi post annum exactum posse. De tuis verò valde se invito fore, ad alterum si eatur. Ne tamen statim responderem, poscebat. Velle aiebat, cum fratre dispicere de certo editionis tempore. Eam esse magnitudinem, ac dignitatem tuam, ut etiam apud cessatorem hunc, eximius esse debeas. Multa igitur aliorum dilaturum, partim in tuæ spem gratiæ, partim ne sibi minus, quam publico incommodet: sed nimis hæc verbosè apud tam occupatum. Ad Tacitum venio, quem & ipsum cum tuis castigationibus, ac notis edere paratissimum se ait: sed pro multitudine harum, vel paucitate statuere debere de forma operis; utrum ea angusta esse debeat, an ejusmodi, quæ circumferri possit, vel media aliqua. Adfuit mihi his diebus, frater germanus, Optimus, & Clarissimus Skickardi: literas ejus prælegit, de misero, & suo, & Germaniæ statu. Utinam Ultrajectini de eo cogitent? Horum Illustris Schola in Academiam convertetur: cujus inauguratio erit triduo à Paschate. Non delinam commendare. Sed raro eorum ratio habetur, qui tam longè absunt, nec nisi aliena commendatione innotescunt. De Berneggero idem & feci, & faciam porro. In Centuriones Nauticos, qui tribus circiter mensibus, Hagæ in carcere fuerint detenti; quia tam bellam occasionem perdendi Classem Dynkerkanam neglexissent, hesternæ demum die, qui decimus quintus erat Martii, à delegatis iudicibus lata est sententia. Wander-Apt qui Thalassiarcha erat, ut fertur, carceri annorum viginti quinque est addictus. Habet tamen non paucos, qui famam ejus tueantur. Codde totidem annos exulaturus. Crachtius, & Sterkius, sexennio erunt ex-torres. Quod ex publico iis debebatur fisco adjudicatum. Quaskius, & alii absoluti. Filius Petrus Grotius, vita, & industria se nobis, & aliis probat. Quas literas his meis adjunxi hesternæ vespere accepi. Quo in genere non soleo procrastinare, quod esse possint de re maximi momenti. Salutem plurimam lectissimæ uxori, & liberis, à me, & meis. *Tuorum.*

*Amstelodami,  
clō 13c xxxvi.  
xvii. Mart.*

*Cultor nominis tui,*

G. J. Vossius.

CCLXXIX.

Merico Casaubono.

Reverende Clarissimeque Casaubone,

**L**iteræ tuæ mihi redditæ ineunte Februario, pauloque post à Peisteri procuratore pecunias recepi, quæ ex beneficio Regio mense Septembri superioris anni mihi cessarant. Has multo tu ante annumeraras, ut ex literis tuis video. Sed nisi spisse admodum ab hominibus illis peccetur, non soleo cum iis verba commutare. Nunc amice rogandus es, ut quantum in te est, pro veteri affectu erga me, procures, ut prima occasione percipiam pecunias semestris ejus, quod expiravit mense Martio anni hujus post millesimum sexcentissimum trigessimū sexti; id mihi erit gratissimum. Quod acceptus tibi fuerit labor meus Grammaticus, gaudeo equidem. Uti & quod probes Annales Batavos Filii mei Matthæi. Et sane itidem cordatis & eruditis omnibus impense hic placent. De studiis nostris scribam literis proximis: nam nunc nihil eorum sub prælo; sed excunduntur hic de veterum pictura libri tres affinis mei Francisci Junii, ejus qui in ædibus agit Illustrissimi Comitissæ Arundelii. Rerum novarum jam hic aut nihil, aut parvi ea momenti, eo excepto quod Scenckianum propugnaculum, inter Rheni & Vahalii fluentia situm, priori æstate insidiis ab hostibus interceptum, undique à nostro sit cinctum milite. Quippe Illustrissimus Princeps Auriacus, ut fama per-ceperat, nova hostem opera Oliviano in agro qui ultra Vahalim ex adverso jacet, moliri, illico Wilhelmo Nassovia, exercitus, ut vulgo vocant, Marefchalco, in mandatis dedit, ut quotquot militum occulto contrahere posset, quamprimum ad ea hostium conamina impedienda illuc perduceret. Quod gravi-ter adeo ab eo factum, ut inopinantibus super-veniret, & prius plures eorum fugam quam arma cogitarent. Qui locorum munimentis, quæ Infans, ut appellant, Hispaniæ, ad retinendum Scenckianum propugnaculum fieri curarat, fidebant, post aliquot oppugnationes cessere, non exigua ante clade accepta. Solum Ferdinandi propugnaculum, in honorem Cardinalis Ferdinandi sic vocitatum, cæteris opera & natura loci validius hostes retinere, quia ad Tormentorum jactus, qui crebrò ab obsessis fierent, nostri paterent. Hoc tamen simul inclusum nunc cum ipso propugnaculo nostrorum operibus, ita ut brevi urgente rerum penuria potituri illo loco videamur, quo Hollandi, Geldri, ac Ultra-jectini

trajectini carere nequeunt. Quippe com-  
mode adeo inde incurfus in hæc ditiones  
patet, ut nisi mature satis, cum interciperetur,  
alia fuissent opposita propugnacula,  
magnam fuerint universi cladem accepturi.  
Subvenire nunc suis cogitant hostes. Sed  
tota adeo militum furore vastata est Clivia,  
ut pabulum equi, victum homines delide-  
rent, quos jam in Gueldra Civitate equinis  
non abstinere carnibus nunciatur. Hocque  
adeo ex eo evenit, quod Illustrissimi Ordines  
qualecunque annonæ genus ex hostico in ho-  
sticum prohiberi vetuerint. Imo & interdi-  
ctum ipsis agricolis, ne cibaria nisi unum in  
diem coemant, nec amplius quam sustentan-  
dæ propriæ familiæ sit opus. Reperiuntur  
tamen hic, qui auri fame insatiabiles, adver-  
sum ea nitantur, & occulto quicquid possunt  
avehant. Sed illorum jam sex septemve sus-  
pensis, cæteris haud dubie illorum casus me-  
rum incutiet. Ita nunc hic ad cuncta adversa  
fortunæ edocti, animadvertere incipiunt. Et-  
iam rei maritimæ cura ex parte resumpta,  
& navium præsectorum aliqui, qui oblata oc-  
casione priori ætate Dunkerkanos non inva-  
serant, aut carceri ad viginti quinque annos  
addicti, aut exilio ad certum tempus pro de-  
lictis gravitate mulctati. Omne verò æs quod  
ipsis debebatur ærario inlatum. Quamvis  
autem ita hic cuncta armorum strepitu reso-  
nant, non tamen apud multos promovendo-  
rum literarum amor cessat. Dordrechtani  
exemplo Amstelodamensium, Illustræ Gym-  
nasium instituere, non quidem cum magni-  
ficis stipendiis, sed prout potuit urbs hono-  
rator quam ditior. Idem & factum ab Ul-  
trajectinis, sed illi consensu ejus loci Ordi-  
num sexto & vicesimo Martii die ad Acade-  
miæ dignitatem locum suum evexere: facta  
Professoribus Doctorum creandorum pote-  
state. Attamen in eo maximum à cæteris  
Academiis differt, quod non suo Rectori,  
sed ipsis urbis consulis studiosi obedire co-  
gantur; imo & illis immunitates negentur,  
quas plerumque aliis in locis habent. De his  
satis. Salutem plurimam optimæ uxori à me  
& meis omnibus. Item à me Reverendo  
D. Decano & optimorum doctissimorumque  
Fratrum cæteris.

Amstelodami,  
An. c. d. lxxvi.  
Kal. Apr. St. No.

Tuus tuo merito,

G. J. Vossius.

CCLXXX.

Diderico Vlamingio, Dom. ab Osthorn,  
S. P. Hagam Corn.

Molestè me habuit, Nob. Amplissimeq;  
vir, quod filiorum, natu. majoris,  
profectus in studiis malignè adeo responde-  
rit votis nostris. Sine circuitione, & am-  
bagibus, apud virum tam cordatum loquar.  
Non minus ille, anno primo, promovisse  
debuerat, quam quarto, nunc exacto, con-  
tigisse video, doleoque. Sed factum nequit  
reddi infectum. Avolavit irreparabile tem-  
pus, optima optimæ ad studia isthæc ætatis  
pars. De cætero igitur, quod instat, aga-  
mus, ne itidem dispereat, quod puero tem-  
poris divinâ superest bonitate. A voto or-  
diar. Utinam suppeteret bonus docendi pue-  
ritiam artifex, qui sex septem paræ ætate,  
ac profectu, honestè etiam eductos, imbue-  
ret Latinæ Linguae atque liberalium artium  
primordiis. Huic, citra dubium, etiam ag-  
gregandi erant bini liberi tui. Nam in illa  
quadragenorum, aut plurium, una in Classe  
curba, & eorum quidem tam ingenio, pro-  
fectu, moribus, etiam differentium, vix credi  
potest, quam minutum sit illud, quod pro-  
pter sic divisam Magistrî curam, ad puerorum  
singulos redit quotidie. Nec propterea con-  
tendero, unum uni committi oportere, quod  
nonnulli tentant, sed sepe infelicititer. Nam  
præterquam, quod res ea magnorum est  
sumptuum, abest æmulatio, quæ studia om-  
nis ætatis, multum alit, & fovet. Et Linguae  
præterea melius addiscuntur allocutione mul-  
torum. Mediam igitur viam insisti velim.  
Sed si paucorum adeo bonum sub bono Do-  
ctore consortium nequeat obtineri, (quippe  
in quo negotio plurium parentum constan-  
tis sententiæ conspiratio requiratur) eun-  
dum nobis erit, quo ivere Patens, Avus, Pro-  
avus, & ita porro Majores nostri; hoc est ad  
Scholas Classicas quales habemus, si non  
quales optamus. Quamquam urbem vè-  
stram, non est quod sicutum poeniteat, si  
cum scholarum aliis conferantur. Sanè lo-  
cum etiam hic habet illud Augusti, Con-  
tenti sumus hoc Catone: vel si sic malis,  
duobus his Catonibus. Quare si in alter-  
utram mitti tuos placet, equidem, quod  
me quidem iudice, non leve adeo putan-  
dum, Vossius hic, liberique ejus, in partem  
aliquam curæ istius venire sunt paratissimi,  
in vestra spem gratiæ, quos adeo erga me  
benevolos, hætenus pensavi. Sed ut video,  
metus est multorum, ne si liberi sui propè  
adeo



adeo absint à Parentibus suis, partim corruptantur indulgentia Matrum, partim etiam confortio consanguineo, aliorumque æqualium familiari usu: qui multos avocat, in urbe hac usque adeo (quæ scilicet civitatum infelicitas esse solet) luxui dedita. De Heroïna conjuge tua, aliud me sperare suadent prudentes ejus sermones. De iis qui puero noti, ac usu conjuncti, nihil, quia mihi ignoti, dicere habeo. Sed si aliud mittere perstat animus, non displicent Harlemum, ac Hardervicum. Illud quia propinquum, & eadem habet artis Grammaticæ præcepta, & ludi moderator, ab eruditione, & industria commendatur: Hoc vero, quia Gymnasium ejus urbis, jam à multis annis, optimè audit, ac hesternæ etiam die intellexi, ex Isacio Pontano, viro utriusque nostri amantissimo, qui per hanc urbem Ultrajectum, ad genus tendebat, non incumbere istis præceptores partæ olim gloriæ, sed id potius agere, ut augeant hujus nominis decus. Unum morari hoc consilium possit, quod mutare ex parte Grammaticen cogeretur; sed enim non usque adeo variant, Batavica, & Hardervicensia præcepta. Utraque enim Grammatica ex Lithocomo profuxit, et si emendatores non eandem ubique insistant viam. Præterea parum adeo est, quod in Grammaticis didicit filius, ut non multum necesse habeat dediscere. Sanè examini intererant Cognati tui, Arlanderveniæ Dominus, & Bronchorstius. Non præteritorum, & supinorum, doctrinam norat: quin nec satis callebat primam Grammatices pagellam. Utrum autem magis expediat, eum vivere, cum Diesthio Theologo, an Acronio Ludimagistro, difficile dixerim. Utrumque commendabat noster Pontanus; de Diesthio addebat, solere eum habere, in convictu, qui illustrem scholam frequentarent. In his negotium ei non optimè successisse. Præferre igitur ætate ac profectu minores, qui facilius illi morem gerant. Fufius ista scripsi, ut eo facilius certi aliquid statuere possis. Nec enim leve est negotium carissimorum pignorum, ubi de paranda agitur virtute, & doctrina. Moram diuturnam in deliberando non finit ætas puero procedens. Non minutum est, sic, culpa Magistri, nequequam periisse tibi aurum, & impensas; sed longè majus periisse sic puero, auro magis aureum tempus. Tanto magis curandum, ut damni, quod factum, industria refarciatur; scribebam ista occupatissimus, ad occupatissimum: sed loquaciorem fecit amor tui, tuorumque.

Amstelodami,  
clō Jac xxxvi.  
12 Aprilis.

Additissimus tibi  
tuo merito,

G. J. Vossius.

CCLXXXI.

Constantino Huygenio.

CUM nulli eorum, Nobilissime Huygeni, tuas qui virtutes singulares suo sciunt pretio æstimare, cedere hac parte sim paratus: plurimum tamen (cur diffitear?) vereor, ne interdum sic de me cogites: O hominem rusticum, qui nec geminis literis meis tam amicis, ab tam longo tempore scriptis, responderit hæcenus? Hic si inter homines elegantiores vivere sciret, non ne minutum quid ab studiis, vel occupationibus, subsecaret, quo non avaris ejus temporis, leviter saltem satisfaceret? Equidem si alius sic mecum ageret, vir præstantissime, facile in has cogitationes venirem. Eo justius suspiciones tuas formido: quas minimè extimefcerem, si satis me tibi notum arbitrarer. Nosses enim vitæ hoc meæ genus, quod me invitum licet, in hos quasi scopulos crebro illidit, adeo ut mihi prope solemne sit peccare adversus omnes, in epistolari hoc officio. Tam multi mihi hæcenus veniam dedere, ut facilem etiam mihi, apud hominem tam intelligentem, veniam fore sperem. Neque alia nunc excusatione utar. Quod labores nostros sic prædicas, rem magis te dignam, quam meritis nostris facis. Habent commentationes meæ, quod se jactent laudibus tuis. Non quidem eas scripserim rudis ab eruditione; sed vix sperare ausus eram, ejus doctrinæ, ac loci hominem, se dimissurum in hæc Grammatices senticeta. Et propterea diligentior fueram, in annotandis rerum fastigiis, quo doctiores ista saltem lustrarint, oculo fugitivo. Cogitabam mecum illud Bilbilici vatis;

*Lemmata qui queris, cur sint adscripta, docebo.*

*Ut si malueris, Lemmata sola legas.*

Sed ut video, opinione melius mihi apud te labor hic processit. Atque idem de quibusdam aliis summis viris dissimulare non possum. Utinam de omnibus etiam amantibus nostri, dicere idem liceat. Nempe argumentum his displicet. Nec dissententur, magnum illum Hipponensem Præfulem olim Grammaticen scripisse: sciunt & togatorum doctissimum, & ipsum Julium Cæsarem, virum bellica laude tam illustrem, de Analogia libros reliquisse; & quidquid de Augusto, Claudio, cæterisque afferro, sibi quoque probè perspectum aiunt. At negant me ingravescente hac ætate, eaque de me hominum expectatione, ad minutias hæc, et si non incuriosè tractatas, descendere debuisse. Rem magis me dignam, fore magis etiam utilem Ecclesiæ

Ecclesiæ, si animo nulli affectui mancipato, eruiere adlaborem antiquitates Ecclesiasticas, multis adhuc tenebris involutas. Et sanè hoc studium fuit à prima adolescentia. Nec quidquam præter temporum iniquitatem paulum inde abstraxit. Multa quoque in hoc genere, vel confecta jam habeo, vel affecta. Eo majori voluptate redeo nunc ad studia meliora, quæ magis placitura confido, & tibi, & aliis itidem bonis. Gravioribus istis lassus fortasse iterum revertar ad eruditionis sementim, ad nuces. Non tamen ex cicure reddar avis fera, ut domum redire obliviscar. Nisi fortasse, ante me longus corripiat somnus. Quippe jam annum pulso sexagesimum, ut vitæ non ita multum superesse videatur; sed hæc curæ erunt Imperatori summo, qui ubi è statione hac nostra avocabit, læti ad meliores sedes avolabimus. Pertæsi etiam ineptiarum, quibus sese, & alios discruciant, erudituli nostri nihilo sæpè amantiores bonæ mentis, quam infrunitum vulgus, cui facilius ignoscas. Pereant studia universa, si nos duntaxat gloriæ præstant animalia, nec ad solidam pietatem, ac prudentiam ducunt. Scio te juxta mecum sapere, Vir Nobilissime, eoque lubentius hanc querimoniam apud te deposui, non quasi mihi hic quidquam feratur, aut metatur, sed quia me miserefeat Ordinis nostri. Sed de isto satis, ne in Epistola hac videar velle rhetoricari. Vale, Nobilissime Huygeni, una cum Heroïna Coniuge, ac familia universa.

Amstelodami,  
clō loc xxxvi.  
Id. April.

Addiſſimus nomi-  
ni tuo,

G. J. Vossius.

CCLXXXII.

Ger. Jo. Vossius Joanni Beverovicio,  
V. Cl. S. P. D.

**I**Nvitus à Colvio (meo an tuo dicam?) divellor, si in candore hoc meo, locum inveniret livor, non possem tamen Dordrechtanīs boni quicquam invidere. Attamen si possem, puto, & injurato credes, è sacro Ordine neminem me præoptaturum, Amstelæ urbi præ Colvio hoc: Jure dixerim, Quicum vivere amem; prope etiam porro *μπαρδαζω*, quicum obeam lubens. De honesta illa, & erudita Beverovicij anima, idem censeo. Atque hoc par cum sic diligem, merito lætor de amore, quo mutuo vos, & me pariter complectimini, eumque affectum, peren-

nare vobis volo. Pro novo veteris hujus amoris indicio, capio etiam, quod domo transmiseris operis de vitæ termino editionem iteratam cum accessione luculenta, quæ me valdè oblectavit. Debebit tibi posteritas quod tot bona ingenia excitâris ad disquirendum de hac re. Num placet, qui portum Eridis, à te jactum prædicant, siquidem est hæc controversia, ex iis, in quibus liceat dissentire; dummodo nec Deo adimatur futurorum contingentium præscientia: nec homini, arbitrii sui libertas: quorum prius qui facit, Dei, qui alterum, hominis destruit naturam. Quomodo tamen hæc duo, & in isto, quod sub manibus habes, & in cæteris negotiis conspirent, non cuivis promptum est dicere. Quare istoc sanè ventilent homines acuti. Nos interea laboribus eorum suaviter fruamur, eoque avidius iis pascemus animum, quia tuo, hoc est amicissimi hominis, epulo excipimur. Scias vero, nulla à te ferula apponi, quæ magis sint ad gustum meum, quam ubi video minimum recedi à sancto vetustatis choro, *αὐδὲν δὲ τοῦ ἱεροῦ* jubeo sibi habere res suas. Mihi quibus antiquitas desipit, parum ipsi sapere videntur. Responsum debeo consanguineo meo Somerio, Collegæ tuo optimo & doctissimo; sed dabo operam propediem, ut me exolvem. Salutabis meo nomine, plurimum, ante omnes vero, lectissimam uxorem tuam.

Amstelodami,  
clō loc xxxvi.  
7. Kal. Maias.

CCLXXXIII.

Ludovico Crocio S. P. Bremam.

**D**IC bona fide, doctissime, & quod majoris ego facio, mi optime Croci, utrum miraris magis, quod tuis, & præstantissimi Willii literis compluribus, vir ego haud malus, & vestri utriusque amicus non è multis, non unius anni spatio neglexerim respondere: an quod nunc post cessationem vestram spontè, nullo etiam oblato scribendi argumento, Epistolam hanc mittam? Quid impulerit quæres; nempe non aliud, quam, quod cogitarem, non (venia sit verbo) matulæ solum, ut in veteri dicto est, sed incuriæ etiam modum esse oportere. Nec enim amicitie fiduciâ, semper licet esse negligentem. Vides, ut negligentiam ipse hoc appellem, sed hoc cum facio, nulli injurius sum præterquam mihi. Utcumque enim alius, incuriam



curiam hoc duxerit, probè tamen mihi conscius sum, nullius minus me fuisse (eorum dico, qui aliquid apud me possunt) quàm mei ipsius, idque jam à biennio, aut triennio. A mane ad vesperam salutor, compellor, distineor, ab nonnullis, commodo, & meo, & publico, à pluribus dispendio, & meo, & Reipublicæ Literariæ, cui non possum præstare, quod volo, & à multis annis pollicitus sum; sed utcumque videar incuriosus in amicorum rebus, quia non facile rescribam, nihil tamen me industrium magis, in iis exequendis quæ postulo. Spero neuter vestri conqueretur usquam, claudicasse affectum meum, in illis promovendis, quos commendassetis. Non tamen foelicius unquam successit, quàm in Heilersichio. Eum confestim deduxi in ædes amplissimi Michaelis Pauwii, quem virum noris scio, partim ex Parente Consule, magni nominis, temporibus Synodi Dordrechtanæ; partim ex fratre Legato nunc, ab illustrissimis, foederatæ Belgicæ Ordinibus, ad Christianissimum Regem. Multum profecto vestri ambonum literis commendatitiis debet. Nam absque illis esset, non in eam dixi domum venisset; unde auspicio præfectus curæ, & institutioni filii, quem unicum habet illustrissimus Araftionensium Princeps. Spero majores eum honores manere paulatim, quam ipse existimet; dummodo is porro erit, qui fuit, & fortuna semper sua rectè uti sciat. Nunc eo, quo Heilersichius ante, munere fungitur Gronovius, non sacris quidem, sed literarum tamen studiis, Heilersichio superior: nam bono judicio, ut de industria taceam, in optimis quibusque Latii, ac Græciæ scriptoribus est versatus. Quod propediem fortasse testabuntur Criticarum Observationum Libri, quorum partem vidi pariter ac probavi. Magna omnino, & pulchra nobis, ab hoc ingenio speramus; sed ecce jam Bibliopola vester adest, cui has literas tradi oportet. Quare abruptam; salutem dices plurimam Doctori Willio, quem talem hic comperi, ut non possim non amare; sed & eruditissimo Cochio, cujus monumenta sic salivam mihi movent, ut in iis illum reponam, qui magnum ab eruditis, ac imprimis à posteris, pretium sint relaturi, nec æquè aliquod desiderem, quam ut pergat sic de studiis mereri. Et quid impedit quo minus salutem etiam adscribam Clarissimo Bergio? Viro raris virtutibus; sed mihi illum, quàm maxime commendat, quod intelligo, antiquitatis eum esse admodum amantem, nec tristibus hisce temporibus, affectu, sed pretio sui omnia æstimare. Te quoque sic animatum scio; planèque confido, nunquam te in hoc Ecclesiæ Schismate,

pacis, & concordie studium velle deponere. Vale.

*Amstelodami,*  
vi. Id. Jun.

*Tuus & Collegarum tuorum ex animo amicus,*  
G. J. Vossius.

## CCLXXXIV.

*Ad honoratissimum & reverendissimum in Christo Patrem Guilielmum Episc. London. & Magnum Angliæ Thesaurarium.*

Reverendissime in Christo Pater, honoratissime Domine,

Quod Thesauris te suis præfectum voluerit Serenissimus Dominus optimus Regum Carolus, id ingenti me gaudio perfudit. Solum dolet tarde adeo id pervenisse ad aures meas. Absque doctissimo & amicissimo Goffio esset, nunc etiam nescirem. Sed aiunt post longiusculum etiam intervallum gratulandi officium non solere esse ingratum. Quod ante igitur fecisse mallet, id nunc demum serius, quidem nec tamen serio minus facio, tantamque honoris accessionem fortunare volo non tibi modo tuisque, sed cum Ecclesiæ tum Regno Angliæ universo. Atque ita fore auguror, sive spectem tum tuam pietatem, tum prudentiam, industriam, fidem, quibus in tractandis pecuniis Regiis opus est: sive etiam cogitem cujus rei ex quo primo in Britannia pedem posui, ignarus esse non potui, quanta tibi conjunctio animorum sit cum heroe illo Reverendissimo & Illustrissimo Domino Guilielmo Archiepiscopo Cantuariensi. Hæc spem faciunt optimam, si minus ferrea hac ætate prorsus aureum redire Ecclesiæ seculum possit, habituros nos tamen tale, quod ab aureo propius absit. Quocirca non desinam una cum meis assidue preces funditare ad Deum boni omnis fontem, ut tum serenissimo & augustissimo Regi meo Carolo, tum toti familiæ Regiæ, tum utrique etiam vestri, tam nobili pari, ac porro aliis Ecclesiæ ac Regni antistitibus ad res Britannicas feliciter moderandas longam & prosperam vitam conservet.

*Amstelodami,*  
clo Id. xxxvi.  
v. Kal. Sextil.  
St. Ver.

Reverendissimi & Honoratissimi  
nominis tui cultor devotus,

G. J. Vossius.

CCLXXXV.

CCLXXXV.

Fortunato Plempio.

Lovanium.

**N**escio, Clarissime Plempi, utrum magis meis debeam occupationibus succensere, an potius moribus meis, hominis, (nec diffiteor) tardissimi in officio Epistolari. Absque utroque horum esset, egone nihil hactenus respondissem Plempio? Viro tam suavis indolis, tam raræ doctrinæ, ejus etiam in Rep. literaria dignitatis? Quod si magnam aliis in humanitate tua, mihi & perspectissima, fiduciam haberem, post tantam cessationem, deinceps quoque à scribendo abstinere, tantum, quia putarem, serum esse officium hoc, teque aliorum esse similem, qui contemptum hoc sui interpretantes, plumbeas idcirco iras gererent. Sed mihi negotium cum Batavo, qui nunquam exuet simplices ac candidos suæ gentis mores. Ac talem se semper, mihi, & amicis, quos hic magno numero habes, exoptem. Videor mihi belle satis negotium meum egisse, sic me excusando. Sed solusne Plempius candidus, in Vossio candor desideretur? Ne Deus sinit. Quare, ne, non dico alius in me, sed ipse candorem desiderem meum, cogor aliud apud te aperte promere, cur alteris literis tuis non responderim. Verbo dicam, puduit. Cur verò inquires? Meministi argumenti? Erat id de furore nostrorum in Thenensi oppido. Vix de eo scribere nunc sustinet animus. Ubi horribilis ille nuntius aures meas perculit primo, nihil fortunatum nobis speravi, usque dum supplicibus votis, & seria delicti poenitudine, Deum nobis propitium reddidissimus. Nec sanè vel me, vel alios similiter animatos, opinio fefellit. Scis ipse, quæ sint consecuta, & melius longè nobis. Nec tibi, vel ullis, in Brabantia, magis ægre est, tam crudeliter (Scapham dixero Scapham) actum esse Tinnis, quam Vossio, & amicorum aliis. Nobis, nobis, ea res maximè detrimenti fuit. Nec tam Batavorum morum hic culpa, quam Gallorum. Scio ut plerumque, quando res secius cadit, alter alteri impingere soleat culpam. Attamen exploratum mihi, prope omnem hic Gallis culpam tribui debere. Et tu, credo, nunc in eadem es sententia. Non quasi diffiteri velim fortasse, & gentis tuæ sex septem, vel plures, etiam, si sic velis, Gallis fuisse immixtos. Etiam Bataviam scio habere, qui facile alieno, etsi pessimo, rapiantur exemplo. Ad Principem quod attinet, si pietas non absteruisset, saltem gloriæ studium, principibus omnibus innatum, non fivisse, sic licentiam Gallicam

grassari, modò in furore illo, ullus fuisset, vel rationi, vel authoritati, relictus locus, locumque non potius habuisset Poetæ illud;

*Fertur equis auriga, neque audit curvus habenas.*

Necdum placere arbitror, ut filum abrumparam, sed velle, ut aliquid addam de opere Cl. Fromondi, quo me, quo amicorum alios, summus vir donavit. Nisi mihi tecum homine tam candido, & cui tamen candore nolim cedere, sermo foret, silentii tam longi, quam tamen nunc dicam, reticerem causam. Ipse non abhorreo ab Origani opinione; quam satis probabilem, etiam judicavi; priusquam aliquid Origani vidissem. Non tamen, ut alteram, Ptolemaicam dico, opinionem respuam. Scis quam difficulter à me impetrem, ut aliquid improbem, quod majorum comprobavit autoritas. In sacris sanè nunquam ab iis recedam, quæ consensu Ecclesiæ Veteris comprobantur. Hic aliquanto alia ratio: Accedit quod tot Antiquis, ante Aristotelem, longè alia mens fuit. Et tamen Ptolemaei opinionem haudquaquam damno: solum existimo esse hoc, inter Naturæ occulta, ac posse inter homines eruditos, de negotio illo disquiri. Vis, & aliam silentii mei causam? Is qui adversus doctrinam Fromondum sentiat, Hortensius est, Collega mihi in urbe tua patria conjunctissimus. Scis quæ hac de re scripserit: quædam scio affectu juvenili, sed magis magisque judicium crescet; ut si res integra foret, eadem fortasse, aliter tamen fuerit dicturus. Interea multum pro dono debeo Fromondo: Legi lubenter, & legisse juvit, & perstat animus, quem sæpius apud te aperui; virum esse qui inter sæculi nostri Principes doctrinarum debeat reponi: planèque animo meo ægre est, quod desinat vos beatè, tam multis, quorum spem, in prioribus Reip. literariæ fecit. Hæc ego recens à funere veniens, chartæ subito mandabam, metu, ne si ultra differrem scribendi munus, tandem obrepere, etiam amicissimo homini, posset opinio, quasi non idem absens forem, qui coram eram. Tu verò contra sic habes, clarissime, & amicissime Plempi, me præclaras animi tui dotes, non amare solum & æstimare; sed etiam venerari, ac porto veneraturum semper, dum memor ipse mei, dum spiritus hos reget artus. Salutem, si occasio erit, clarissimo Puteano dices; de filio cujus nosse aveo, an jam è Sarmatia fuerit reversus: Nam nihil à sex septem mensibus de eo cognovi; ita ut interdum metuiam, ne quid ei in itinere humanitus evenerit. Si molestum non erit, vel ad me, vel ad Stapelium, tribus de eo verbis, perscribes. Eximio etiam



tiam sæculi hujus ornameto Tuldeno, salutem meo nemine impertias; sed & summo viro Fromondo.

*Amstelodami,*  
clō Ioc xxxvi,  
jñ. Eid. Sext.

*Tuus totus,*

G. J. Vossius.

# CCLXXXVI.

Joanni Meursio S. P.

**N**unc demum forte territus Literis tuis, excudere omnia tua Blauwius coepit. Mavult enim cuncta, quam solum hæcenus inedita. Et sic expedit literarum studiis, ut uno & altero volumine, vel tertio etiam, contineantur, quæ Vir illo ingenio, doctrina, industria bono elaborasti publico. Nihil inquit fraudis latet? Nam quid si cessit, ubi meus ille qui has literas desert, decesserit? Non hoc scriberem nisi tam scæva cogitatio mihi quocumque in mentem venisset. Certo tamen habere jam orlos tua. Uti & filii Maimonidem toto itidem triennio post ambitus & promissa neglectum. Grotiana itidem promissa necdum coepit: & non minus + *ms* Grotium morum istiusmodi quam te pernitet. Quibus sim moribus, nisi satis haberes perspectum, hinc videres, quod magis amicorum res urgeam quam meas. Nam cum tam multa habeam parata, quid mei suscepit? sed ubi hinc in Grotianis, inde, quæ prævertent tuis & filii paulum promoverit, de meis loquar, vel alteri Janssonio, vel Henrico Laurentio, negotium committam. Noli putare te si coram adesses plus in hoc negotio, quam me posse, qui te fratris loco diligo, & si haud nimium, plus tamen aliis apud Blauwium valeo. Sed non obscure video cur primitus plus receperit, quam possit. Videor mihi videre post damnum ex æmulo vicino, post sumptus ex nupero filii conjugio, post tot annis coarctatas tot codicum editiones quarum pleræque non satis vendibiles, paulo ad rem factum attentiores, & ut sic dixerim sub omni lapide scorpionum, hoc est damnum, meruere. Magna pars Librorum ejus his duabus hebdomadis publica auctione est distracta. Multi libri minoris venditi quam ipse excuderat: & non hoc meticulosum hominem reddere possit? De tuis tamen Viri Orbe universo celeberrimi meliorem majoremque spem semper habere jussi. Nec mag-nopere hic mihi Suada opus qui id satis per se videt. Solum terret malus vicinus; sed jam persuasi nihil in tanti moliminis opere ausum. Fore ut revereatur utrumque nostrum.

Spero itaque paucissimas intra hebdomadas te aliqua visurum tui. Nec magis decipi possum toties deceptus quam si nunc decipiar. Salmasius necdum è Galliis reversus. Grandes ei honores offeruntur in Galliis; sed videt non semper præstari, quidquid promittitur: nec tanti sunt æmuli ut eo non redeat ad nos. Scripsit adversus Grotium Seldenus de mari libero. Rescribit illustrium Ordinum mandato Grafwinckelius J. C. Hagensis, quondum meus Leidæ convictor, natus, si forte sic magis noris, ex Basia sorore Basii rationalis cameræ præfecti. Comes Mauritius ad Indos Orientales abiturus gubernator futurus eorum locorum. Vides quam illustres heroes nunc eum locum sint obtenturi quam antea: nolo addere cætera. Scis me dicere, non quidem terræ filio, attamen nihil qui forent ad tantam prosapiam. Deus faxit ut bono sit Reip. nostræ. Pauwius Hollandiæ Syndicus & in Gallias ante biennium circiter legatus quotidie expectatur; sed in Syndici munere ei suffectus Catzius Dordrechtanus Syndicus. Ipse fungetur munere, quod in rationali camera obtinuit prius. Fortasse Syndicus hujus urbis Borelius Venetias iturus legatus revocato Domino de Lier; saltem honos is ei oblati, sed an uxor assensura sit, non satis constat. Nec enim aliquid invita hac velit. Deus Opt. Max. diutissime te tuis, nobis, imprimis publico conservet. Optimæ tuæ Uxori Conjux mea salutem, filiæ filia, omnes nos omnibus vobis. Etiam CLL. VV. Laurembergio & Stephanio & cæteris porro Collegis plurimam dicito salutem. Raptim, ut soleo.

*Amstelodami,*  
clō Ioc xxxvi.  
Postr. Idus  
Sext. St. Nov.

*Tuus æternum,*

G. J. Vossius.

# CCLXXXVII.

Guilielmo Archiepiscopo Cantuariensi.

Reverendissime in Christo Pater, Domine Illustrissime,

**U**Sum opera mea, an abusum Calandrianum dicam, propè hæreo incertus. Saltem facile mihi persuadere sinam, egisse illum magis negotium suum, quam serenissimi Regis. Negat ille quidem suum abs Regio posse divelli, de quo quid sit nescio: sed vellem, cum operam meam postularet, candide magis aperuisset, quorsum istæ tenderent. Sed ipsi porro viderint; nec enim mihi feritur, qui Calandrinis nec teruncium acceptum unquam

unquam tuli. Sed illos potius ob summam facilitatem in commendando, habeo debendi reos. Interea dolet, quod in rebus nihil ad me pertinentibus molestiam tibi, illustrissime Domine, pepererim: quod fateor, verè est in Ecclesiæ imò & Regni negotia peccare.

Tandem Typographus aggressus est filii Maimonidem de Idololatria. Deinceps omnia spero liquidiora. Ne solitarius prodatur, addam ei comitem de eodem argumento Dissertationem nostram. Qua ex opera nostra spero lucis non parum capere posse veteres cum *non* *hæder*, tum imprimis Ecclesiæ Scriptores. Dum cætera majoris operæ molior, si sic illustrissimo nomini etiam tuo videatur, publici juris faciam, duos de Baptismo Libros: de quibus memini me ante aliquot annos scribere. Prior majori ex parte antea editus, alter de Ritibus nunc demum proditurus. Absolvi & tripartitum opus de Symbolo Apostolico, Athanasiano & Constantinopolitano. In quo præter alia, de eorum Auctoribus, & additione Constantinopolitano facta. Operosior labor de temporibus Hebræorum usque ad capta à Tito Hierosolyma. Hic ut de cæteris, ita & de LXX. Danielis Hebdomadis differo. Quem & ipsum spero intra annum hunc lucem videre posse. Nisi prævertat labor alius, & sæculo hoc utilis de Controversiis inter Latinam Græcamque Ecclesiam. Atque in his propè omnibus crebra mihi sed modesta cum Baronio Dissertatio; ut grandioris operis sint quædam quasi *summa* ac segmenta.

Cætera me spectantia, ubi otii tantum erit, cognosces ex optimo doctissimoque Goffio: cujus ego eandem ac pietatem magis magisque amo & æstimo. Nec facile satis prædicavero in eo, ut antiquitatis, ita rerum omnium præclaram cognoscendi ardorem. Quæ ejus modestia est, sperabat hac etiam parte ex conversatione nobiscum aliquid suis studiis incrementum. Eoque et si perhonestè adeo à nobilibus & summatibus viris hic haberetur, ægrè tamen divellebatur; sed qui suus non esset, alienis posthabere propria debuit commoda.

Propitium numen Reverendissime & Illustrissime Domine, longævam tibi & prosperam vitam largiatur.

*Amstelodami,*  
c10 Ioc xxxvi.  
Kal. Sextil.  
St. Vet.

*Reverendissimi Illustrissimique nominis tui Clientis devotissimus,*

*Ignoscendum, Amico Lector, exscriptoris incuria, qua sit ut sequens Epistola (sc. in tempore prior) loco cedat superiori.*

## CCLXXXVIII.

Guilielmo Archiepiscopo Cantuariensi.

Reverendissime in Christo Pater, Dom. Illustriss.

**A**Dfuit mihi hesternâ die vir honestus, nec dignitati tuæ ignotus, Philippus Calandrinus; quem tum patruelis suis comitabatur, tum aliter vir ut virtute, ita literis cultissimus, mihi que per familiaris. Eorum uterque Calandrininaum mihi negotium esse commendatissimum exoptabat. Referebat vero Calandrinus, ut valdè cupiat suas literas in manus Augustissimi Regis Caroli pervenire: eo que id desiderare impensius, quia ignarus sit, utrum priores, quas magnatibus aliquibus misit, reddite sint. Ex eodem intelligo, hoc in mandatis habere, ut monilia Regia quæ terris hisce sunt, majestati Augustæ restituantur. Sed incassum se ait laborare, frustra que etiam operam de hinc infumpturum, dum sic sunt Burlamachii res, nec eas hic pecunias recipit, de quibus ad Augustissimum Regem scribit. Necessum igitur est, ut ea summa de illa Burlamachiana detrahatur, postea que cedat in solutionem vel imminutionem pecuniæ quæ Burlamachio numeranda sit à serenissimo Rege. Agitur res non Calandrini modò, quem auxilio dignissimum omnes arbitrantur; sed etiam ornatissimi adfines ejus, viri à multis annis mihi cogniti, quem ob virtutem ab omnibus prædicari & æstimari semper intellexi. Imo agitur negotium Regiæ ipsius Majestatis, cujus monilia se restituere posse Calandrinus desperat, nisi precibus suis apud serenissimum Regem relictus sit locus. Intelligo Calandrinum, non ignaro te, Reverendissime & Illustrissime Domine, in Bataviam ad expediendum, Regium negotium profectum esse. Ac video eo plus præsidii collocare in bonitate & prudentia tua heroica, ne pariter mala gratia sit apud optimum omnium Regum; simulque in sui ac familiæ in gravem incidat probrosamque ruinam. Equidem fateor me his argumentis compulsus esse, ut has ad te, illustrissime Domine, literas darem, measque etiam preces sociarem, quo facilius Calandrinus, voti sui apud serenissimum Regem compos fiat. Res est Deo acceptissima, erigere afflictos, tuæque id eximie dignitati consuetudine diu jam in naturam vertit: quod tot beneficiis maximis ipse obstrictissimus facilius certiusque possum prædicare. Neque in hoc negotio Calandrino solum auxiliares præbebis manus, vel etiam affini ejus: sed multos quoque sanguine ipso, vel affinitate iis junctos (in quibus & aliqui studiis & scriptis clarissimi) æternum inclyto Regi Regnoque ac illustrissimo nomini



nomini tuo obstringes. Omnes pariter oramus, ut Deus Opt. Max. serenissimam Majestatem Regiam, ac pariter te, Reverendissime atque Illustrissime Domine, Magnæ Britannię Regis ac Ecclesię suę permultos in annos conservet, salvos & incolumes.

*Amstelodami,*  
clō 16c xxxvi.  
viii Kal. Jun.  
St. Vet.

*Illustrissimi & Reverendissimi nominis tui devotissimus pariter ac devotissimus Cultor,*

G. J. Vossius.

Iustum quia hæc literas argumentum complecti putarem, nihil nunc quidem, quod proximis fiet, de rebus meis particulatim perscribo; præterquam Reverendissimę dignitatis tuę literas probe mihi redditas, & infinitum debere quod ea cura, in ea dignitate, in illis occupationibus, mihi tantillo rescribere non fueris gravatus.

#### CCLXXXIX.

Guilhelmo Archiepiscopo Cantuariensi.

Reverendissime in Christo Pater, Dom. Illustriss. MIHI gaudeo, Britannię gratulor, Deo gratias ago, de immissa animo tuo cogitatione sanctissima revocandi juris ejus, quo Reverendissimi Cantuariensis Præsules jam ab antiquis temporibus in lustrandis Regni Anglici Academijs uti frui solent. Sane non corpora solum nostra fluxa ac fragilia sunt, sed humana etiam instituta, licet optima, facile per incuriam in pejus vergunt. Eoque ad retinendum grande illud disciplinę bonum nihil exoptatius a Deo & Rege potuit evenire, quam ut priscum jus tanto præsuli restitueretur, per eum potissimum labantibus moribus obviam eatur, cui ut sacrorum sic morum bonorum præcipue cura incumbit, quique sic sanctimoniam ab illis exigere sciat, ut eadem præcedat ceteros. Sunt quidem florentissimę Academię ambæ: sed cura tua deinceps se vincit, ac pulchriores pulchrioresque semper exurgunt. Quod bonum suum sapientissimi quique per se sine dubio vident, ac magis & magis intelligent, nec solum nostra eras, sed posteritas etiam, ut sui temporis emendatori gratias propterea semper agat. Primus qui me jucundissimo hoc negotio lætissimus ipse perfudit, optimus & doctissimus Gossius noster fuit. Is aliquamdiu studiorum ergo hac in urbe egit, ac me usus per familiariter; quia, quæ viri modestia est, arbitraretur, studia etiam sua ex nobis aliquid posse capere incrementi. Gaudeo me incidisse in amicum tam amantem bonę mentis, & de quo non possum non optima quæq; mihi augurari.

*Amstelodami clō 16c xxxv.*  
Pr. Non. Sext. St. Vet.

CCXC.

Ger. Jo. Vossius, Arnoldo Ticmanno  
suo S. P.

QUI has literas defert, optime & Doctissime Ticmanne, is est D. Jacobus Hintzerus exul Palatinus; sed dum patrię res florebant, in Heidelbergensi dioecesi Ecclesiastes: cum mihi, postulato patris, commendavit, vir eruditus & scriptis magis magisque inclarescens Daniel Paræus. Quem si non ob eruditionem & probitatem insignem multum amarem, amarem tamen ob summum erga me affectum. Nam suum mihi Lucretium, quem egregiis notis ornatum ivit, consecravit. Filius est Philippi Paræi, cujus tot scripta in humanitatis studiis habemus. Ejus Terentium ac Plautum, ut cetera taceam, visos tibi arbitror. Hic eundem magnopere commendavit nonnullis in urbe nostra. Avus est magnus ille Germaniæ Theologus David Paræus, de quo satius tacere quam pauca dicere. Hæc de Paræis, ut scias, a qua familia compluribus in urbe hac Hintzerus noster commendari meruerit. Equidem comperi ipse, virum esse ut integrum & probum, ita egregie doctum; accedit quod honeste natus, honestis etiam familiis per uxorem innexus. Uti illa Antoniorum, quæ tot egregii nominis Jurisconsultos habet. Illum Franckerę juris doctorem ac professorem, tota Germania inclytum (is Patruus est uxoris Hintzerianę) ejus filium Collegam D. Gomari: item alium Professore Cassellensem. Adhuc Doct. Reichenbergium, qui & ipse juris Professor Franckerę. Etiam Sohnius, magni nominis, ut scis Theologus, hanc familiam attigit. Sed quid exuli profapia prodest? Quid eruditio? Quid virtus? Quamdiu cessant omnes ejus curam habere. Quod scio non sit malevolentia: sed ob exulum copiam. Tamen hic melioris notæ. Qui saltem sine aliquo liberalitatis indicio, ab Ecclesia dimitti non debet. Præsit Amstelodamensis, dirior fortasse illa quam vestra: sed neque vestra, ut puto, exhausta. Non soleo ego sic alios commendare. Sed viri amor, & Paræanę domus postulatam, hoc ut facerem, fecerunt. Scito, siquid feceritis benigne, optime id iri locatum. Diu est, quod te non vidi. Videre autem desidero. Amo enim virtutem & integritatem tuam, quam a puero perspexi. Amo etiam eruditionem non vulgarem. Tanto Deum impensius rogo, ut tibi tuęque familię bene faxit. Salutem dices Collegis, iis imprimis, quibus

quibus me notum carumque scies. Sed & Emilio nostro, viro longe majoris doctrinæ, quam vulgo putant.

*Amstelodami, iii. Kal.  
Sept. raptim.*

## CCXCI.

Ludovico Crocio *Theologo S. P.*  
Bremam.

**S**IC hæcenus in animum induxi meum, Clarissime Croci, etsi Epistolari officio fortasse ab aliis vincerer his terris; non tamen à quoquam superari amore tui. Nam si quis alius videbar, eo te pretio æstimare, quo dignum erat summis virtutibus tuis. At postquam, quos proximè de Theologia labores, juris fecisti publici, versare per otium coepi; etsi maximi semper fecerim, cogor tamen non paulo te sublimiori loco collocare. Itaque me ipsum culpo, qui dum animus meus tam multis distrahitur, amicum non coluerim uti debui. Nisi fortasse nunc te ipsum hic superaris. Quod si est, non video quomodo culpari merito possim. Utcumque est, gratulor Ecclesiæ Dei, ac Germaniæ imprimis vestræ, quod te habeat. Deumque oro, ut diu te sospitem conservet. Atque id quidem eo iustius facio, quia magno dolore conspicio, tam in arctas copias cogi, qui bene de Ecclesia, non possint minus quam velint. Cum gemitu sæpè mecum considerans statum Ecclesiarum nostrarum, dico, *fuimus Troes*. Tu & pauci similes tui, quos ut aurei sæculi reliquias colo, sistere debetis exitium, quod minatur nobis, soldioris doctrinæ odium, aut contemptus. De me quidem ita habe, posse me concoquere malignitatem sæculi, eorum imprimis, qui esse malunt imperiti, quam videri: paulo minus istorum, qui non eruditioni modo, sed virtuti etiam bellum indixerunt. Etsi verò perjucundum mihi fuit, per se legere, doctum, & laboriosum opus tuum; tamen aliquid voluptatis inde etiam accessit, quod Vossius tuus inter summos viros, quos celebras,

*Se quoque Principibus permistum agnovit Achivis.*

Excuditur nunc Dionysii mei *de magister*, Maimonides, de Idololatria, Latine redditus, & notis illustratus. Comitum dabo dissertationem nostram luculentam de eodem argumento; maxime de gentium cultu. Mittam *amici*, ubi prodierint: uti & Cl.

Cochio. Quem virum intelligo Franckeram, à vobis avocari. Credo non dimitteretis, si fortunæ essent Reip. vestræ, quæ olim. Aureo esset inescandus hamo; quod fortasse tempora hæc non sinunt. Virum amo, ac eadem mens erat filii, quod Maimonides ejus luculentis indicis ostendet. Sum ejus munificentiæ obstrictus. Sed operam dabo, ut me exolvam. Collocutus sum cum Bibliopolis nostris, de summi, & amicissimi Martini, heu quondam nostri, Originum libris. Arridet argumentum. Sed prela aliis distinentur, & status Germaniæ, ubi id genus librorum distrahi solet, tardiores nunc facit. Magnam pacis spem faciunt aliqui. Majori commodo hærendum excudatur, si ea affulserit. Sed tamen ulterius etiam tentabo, quid possim. Nihil enim laboris reculem, propter liberos ejus viri, quem mortuum etiam amare nunquam desinam. Vale. Plurimam salutem V. V. Cl. dicito, Bergio, Willisio, Cochio, Cabeliawio.

*Amstelodami, cl. Id. xxxvi.  
xi. Kal. Octobris.*

## CCXCII.

Henrico Ernstio *S. P.*  
Soram Danorum.

**V**IR eruditissime, & quod non paulo majoris facio, integerrime, credidne me ignorare, mirari te, planèque evenisse, præter opinionem; quod compluribus Epistolis tuis hæcenus non responderim? Sed sine dubio, id in optimam partem interpretaberis; si scias, me hoc in vitæ genere non posse, quæ vellem, & propterea in Epistolari officio mirè esse tardum. Egone absque illo esset, non scripsissem, ad Illustrissimum Herroa Roscrantium? Ne Deus sinit, ut ejusmodi moribus essem. Sed undecunque ad me querela; quas innocentissimus cogor concoquere, idque Spartana patientia. Nam crede mihi, durum mihi, quod nec aliis, nec mihi ipsi satisfaciam. Tanto tamen majoris te facio, quod nullæ in literis tuis querela. Tuæ profecto fuissent iustiores, quam aliorum quorundam qui occupationes meas melius nosse debebant. Nisi istæ obstitissent, multa ingenii, & industriæ nostræ monumenta, saltem pro modulo nostro, exarata intra hoc triennium, amici, & literatus orbis vidisset. Schedæ P. Syri tui, sedulo adeo cum Manuscriptis collati à te, pudicè hæcenus adservata nobis. Urinam quod abiturum paranti aiebam,



aiebam, triduum hic perflittere licuisset. Confectum habuisses negotium. Tardiozem postea fecit carissimi Dionysii excessus, qui negotium receperat, & ejus iter in Hispaniam, cui dicandum opus videbatur, & moles occupationum, quā ipse urgebar. Tandem negotii hoc dedi filio Gerardo, qui & binos, ex Bibliotheca mea, codices Manuscriptos, & aliunde alios nactus, aliquot etiam editiones veteres, tibi invisas, strenuē in eo scriptore operam impendit. Planē confido fore, ut intra hanc instantem hyemem, lucem videat, tuā, & filii gloriā. Salve eruditissime, & candidissime amice, ac amare nos perge.

*Amstelodami,*  
cl<sup>o</sup> Id<sup>o</sup> xxxvi.  
Prid. Non.  
Octobris.

Tuus,

G. J. Vossius.

### CCXCIII.

Guilielmo Boswello.

Nobilissime Boswelle,

**S**cripsit affinis meus Franciscus Junius de Pictura veterum Libros tres sanē eruditos & laboriosos. Eos probantibus illis quorum auctoritas merito apud eum plurimum valet, sacrare cogitat serenissimo Regi ac Domino nostro Carolo. Opere jam excuso sola superest praefatio: quam, priusquam prelo committatur, communicari tecum voluit, ne in sermone ad tantum Monarcham forte verbo offenderit ignarus. Tuo stare & cadere iudicio est paratissimus. Scit enim te ut aliarum rerum multarum, ita earum, quae ad Regum aures pertineant, longe utroque nostri intelligentiorem. Manum ipsam Junii misi, eoque ubi legeris remitti opus erit. Quod si molestum erit perscribere, quid potissimum mutandum existimes, saltem filio meo Francisco, qui Hagae est advocatus, indicium eorum facere ne refugas. Is facile ad me perscribet. Nuper in proprio, nunc in simili affinis negotio molestiam facesso. Tanta mihi fiducia est humanitatis & amoris erga me tui. Maimonides de Idololatria jam bonam partem excusus cum translatione & notis filii mei Dionysii *in margine*. Eo absoluto compluria nostra consequentur: sed gravioris argumenti quam illud illustrissimo Wallae Principi sacratum. Necdum tamen laboris ejus poenitet. Sed aetas haec & vitæ etiam genus quod profiteor, nunc postulat majora.

Vale, Nobilissime & Amicissime Boswelle, & cum uxore, quam jamdiu redu-

cem ex Anglia spero, item cum prole suavissima. Salve.

*Amstelodami* cl<sup>o</sup> Id<sup>o</sup> xxxvi.  
iv. Id. Octobris.

### CCXCIV.

Simoni Beaumontio *V. Cl.* Gerardus  
Jo. Vossius *S. P. D.*

**Q**uod si viduas pertæsus noctes, si potius curas domesticas, & alia incommoda, quæ solitaria secum vita trahit, ad alteras, vir amplissime, nuptias animum adpuleris, id & jucundum mihi cognitu fuit, & planē ejusmodi, ut tibi, tuis, & quod caput est, Patriæ, foelix, faustumque fore confidam. Hinc rei familiaris sollicitudine levatus, inde & vinulis alloquiis, & melleis amplexibus recreatus, novis viribus exsurgens ad patriam, de qua tot annos præclare adeo mereris, melius meliusque merendum. Sed & amicos tuos..... quod te velle scio, non uno edoctus experimento, quod ex fructu amicitiae tuæ percepi. Hac fiducia, partim sponte mea, partim poscente ita Francisco Filio J. C. non dubitavi has literas exarare, quibus animum tentarem tuum, ut cognoscerem ecquo urbi vestra, magni Alumnae Erasmi, nec minoris Grotii consiliis nuper nixæ, nunc prudentia nihil minus, quam degeneris Batavi suffulta, utilis Hagæ esse possit opera forensis filii mei, cujus me antea scis nomen dicere. Equidem velim: quod si est, spero, imo persuasissimum habeo, opera id nos tua posse consequi. Nec enim existimo, ita intra centum Advocatorum numerum, liberum oppidum constringi, ut eum excedere nefas putet. Neque is sum, qui tantoperè commendare illum vellem, nisi perspectam haberem fidem ejus, atque industriam. Quippe scio, non fore, ut te poeniteat unquam operæ impensæ. Et in grata segete beneficium obsetur, si me, si meos benè novi. De meis studiis si quid petis; nunc de Idololatriæ origine, & progressu libros edo. Quos comites do filio, à meo Dionysio *in margine*, de fonte Hebræo, Latine reddito, ac notis illustrato. Ubi uterque prodierit, ex primis videbis.

*Amstelodami* cl<sup>o</sup> Id<sup>o</sup> xxxvi.  
v. Idus Novembris.

### CCXCV.

CCXCV.

*Illustrissimo* Chris. Stupesky.

**P**ostquam, Illustrissime Domine, coeleste numen eripuit terris, quem mihi dulcissimum dederat Dionysium, sæpius quidem propositum fuit, literis apud te testari dolorem, quem conceperam: sed mox idem dolor retrahebat, quem sic mihi refricaturus magis videbar. Nec potui facile à me impetrare, ut tibi quoque molestiam afferrem, ut coram affatim persectimus, posteaque perspeximus ex luculentis literis tuis, quibus eum decreti in orientem itineris comitem expetebas. Præterea neque his terris tam commoda scribendi Romam occasio fuit. Adeo ut ne illud quidem sciam an postremas nostras acceperis, quas dederam ad Amplissimum Senatorem Venetum Dominicum Molinum. Nunc patriæ te redditum magnopere gaudeo: atque ut post longi temporis peregrinationem ei consilio atque opera plurimum prosis, Deum, patrem luminum quaeso rogoque. Judæorum de quibus scribis, miseret me prorsus: Quanto mallem sedulo ut operam darent Christiani iis convertendis. Hoc sine jam Thalmudicis & Rabbinicis totum se dare coeperat à *euangelis* Dionysius meus. Nunc plerisque omnibus terris mira eorum est paucitas, qui sua tueri adversus hanc gentem sciunt: pauciores etiam qui idonei videantur iis expugnandis: merito accusamus Judæos pertinaciæ, sed nec ipsi sumus exsortes, quando apud nostros propemodum jacent Orientis literæ, sæpeque optimam causam lusoriis magis armis tutamur quam decretoriis: quali hoc aliud sit quam prodere veritatem. Non hoc scriberem nisi sæpius observassem, quam levi amictu Judæi exeant tela nostra: atque id hac in urbe Amstelodamensi magis etiam cognovi quam ante. Quamobrem valde opto, ut quia multum metuo, ne & in florentissima alioqui gente Polonica, non multum absimilis ratio sit, ea pro autoritate qua magis & magis valebis apud tuos, in hoc prorsus incumbas, ut homines Christiani armis sint instructiores adversus Judaicam perviciam. Spiritus Dei & Scripturæ sunt pro nobis. Hævolvendæ diu, noctuque ille exorandus. Apagemaux causa tela, ignes, ferrum. Solus Dominus conscientis præstet. Nihil hic imperatorem posse, rectè olim Cæsar Maximilianus. Hæc eo lubentius scribo, quia hoc à vitio immunis est laudatissima natio vestra. Spero & ab illo, quod nec falsis criminibus circumvenire velit, opum gratia quas sæpe possident, subinde nec artibus bonis partas. O quam

multa exempla nobis omnis suggerit historia calamitatum Judaicarum, quas perpeffi nunc zelo sacerdotum, sed qui non esset secundum scientiam, nunc protervia vulgi, vel incitantibus vel conniventibus, quos minime oportebat; nunc avaricia principum & aulicorum, ubi res eorum prodigalitate sunt absumptæ: unde habeant, non queritur: sed habere oportet. Ne videar querimoniam vel accusationem instituere falso, compluria transmissi ex magni nominis scriptoribus exscripta. Abunde illa arguunt quid fere impulerit live Christianos live qui Christianæ saltem religioni nomen dedissent, ut ita in Judæorum bona involeretur. Mea nihil interest quid in Polonia vel alibi rerum geratur. Sed horrescit animus quoties cogito quam parum solliciti omnes sumus de salute proximi; quem malis artibus nostris magis avertemus a nobis, & simul ab æterna salute sua, saltem quantum in nobis. O pulchra & nobilis anima mei Stupeskii, quam te aversum à talibus exopto! imo prorsus confido. Nota enim mihi tum prudentia, tum pietas etiam tua quibus, dum hisce ageres terris, poteram dicere, familiam ducebas: contentus ero illo, quod æqualium inferior esses nemine. Itaque nihil mihi mediocre de te spondeo, dum valetudinis neutiquam ferreæ majorem habeas rationem, quam cum apud nos eras. Alii Baccho & Venere eam perdebant, tu nimio studiorum amore & ardore: sic ut medicorum & intelligentium judicio, plane esses sustaminandus. Nunc ætas, ut non dubito judicium per se acre, magis firmavit: Quare de isto verbum non addam. Potius illud dicam, non solum sic quia natura hoc fert mea, sed etiam in tuæ spem gratiæ, nullum defore officii genus à me optimo & illustrissimo fratri tuo Floriano Stupeskyo, quamdiu his terris agit. Atque usulam amplius possim. Hæc scripsi bella adeo occasione oblata per illustrissimum Regis Poloni legatum, qui filium suum studiorum ergo in urbe hac est relicturus. Vides ut perseveret inclytæ vestræ gentis judicium de Vossio tuo. Nec dubito quin multum de nobis judicium auxerit tua & inclytæ familiæ tuæ æstimatio. Tanto æternum devinctior ero. Uxor mea & liberi mei sex (quippe & natu maximum fatum abfuit) dum artus regit spiritus, tui semper memores erunt. Impensè etiam salutant. Prope-rante calamo in tantis occupationibus scribebam,

*Amstelodami*, Anno  
Sospitatoris nostri  
cdo lxxvii.  
xiii. Kal. Jan.

*Illustrissimi nominis tui*  
Cultor,

G. J. Vossius.

CCXCVI.



## CCXLVI.

Joanni Beverovicio S. P.

U<sup>T</sup> grata mihi literæ fuerunt tuæ, amplissime & amicissime Beverovici, ita haut sane libens cognovi, quod de nonnullis scribis, pleniusque ex aliis intellexi. Adeone illos transversos agi, ut ingens illud Bataviæ decus, atque ævi nostri miraculum, vivere patria in terra noluit? Hunc scilicet fructum maximus ille vir, non jam dico eruditionis, quæ sola etiam potuit detertere, sed virtutis & meritorum in patriam reportabit? Indignor profecto, mi Beverovici, multumque indignor, quoties degenerum illorum Batavorum in mentem venit: facilius externis ignoscant, qui virum ignorare possunt. Sed externos habet æquissimos, quia non est illis ignorabilis doctrina ejus ac virtus. Peregrinis minus ignosco, quibus tam bene est in Batavia: sed eo se fore minoris existimant, si suus honos tanto constet viro, quicum comparari minime possunt. Attamen his quoque ignoscamus, quia suo, non Bataviæ velificantur honori. At Batavos etiam sic affici, ut sua bona ignorent? Certe ut amantes sunt meticulosi, subinde videre mihi videor turbines pene eosdem, qui innocentem Africanum naturali solo expulerunt: sed illud apud gentes erat. Christianosne homines eo abripi? Hæcine illa proximi charitas est, quam ab ipsis prope incunabulis docemur? Tantum parentum nostrorum ævo libertatis simul ac purioris religionis amor his in terris cepit. Citone adeo res nostras in pejus labi? Te, optime Beverovici, te laudo, qui pro viribus corruptos mores sistere, ac ruentis sæculi vitis occurrere conaris; fortiter tantum perge. Incita cupidos, accende languentes, dehortare adversos: noli, quantum est in te, permittere, ut principem urbium Bataviæ suâ se exuisse gloriâ feri quoque Annales testentur, habeatque posteritas, cur ingratos adeo cives damnet. Crede mihi, ut non Africani exilium nostra tempora latet; ita ibit quoque in ævum, quomodo se Batavi adversus magnum hunc virum gesserint. Vides pravos homines nihil non movere, ut partes suas tueantur. Quanto æquius illum diligenter incumbere; qui bonam causam fovet. Dignissima profecto est, ubi omnes nervos intendas. Arrecta est in expectationem omnis Batavia, quid Batavia? arrecta est Gallia, Germania, Britannia; arrectæ sunt nationes alie, magnâ animi cura opperientes fatissime animi ac fidei sit amicis pro tanto viro. Et si

labascere illos videant, expetent sibi quisque tantum decus. Ne patere, ut aliis invidemus eum, quem habere ipsi possumus. Præceps occasio est: hoc tempus est, quo tu, quo similes tui probare virtutem suam possint. Cogitandum vobis, quotquot ad clavum Reip. in urbe ea sedetis, quotquot etiam alias Bataviæ urbes gubernant, spectare omnem Europam, quam fortiter pro iustitia nitamini adversus eos, qui tantâ perviciâ heroem illum oppressum ire conantur. Mihi sanè, si quid in hac re virium esset, ostenderem non modo, quanti amicum (nam patriæ utilitas privatis est amicitis antehabenda) sed quanti iustum & æquum fratrem. Tu Beverovici, pro viribus tuis, per te in urbe vestra, per alios quoque, urbibus aliis, depellere conare adversantium turbines, demereberis non me tantum, vel etiam maximum illum, & utriusque nostri amantissimum virum: sed quoque quidquid ubique est eorum, qui doctrinam virtutemque ament. Salutem tuo nomine seu dixi, seu scripsi, summo illi viro, cui ea longè gratissime fuit, ac vicissim salutari te ex animo iussit.

Amstelodami.

Tuis,

G. J. Vossius.

## CCXCVII.

Joanni Elichmanno, Ger. Jo. Vossius  
S. P.

S<sup>I</sup> tam meus essem, quam vellem, optime, & præstantissime Elichmanne, non sivilsem profecto, ut tu quoque accessio illis amicorum fieres, qui experimento suo didicere, quam tardus, nulla licet culpa mea, sim in respondendo literis amicorum, longè licet gratissimis semper, sæpe etiam caris adeo, ut auro contra caras non putarim. Hoc si persuaserim (& non vano homini fidem habere te confido) diuturnum hoc silentium meum in optimam capies partem. Magnum mihi dolorem attulit, obitus Stapelii nostri, tum quia me fideli amico privatum, tum Theophrasti causa; cujus editio ut video, non ea erit, quæ illo superstiti fuisset; sed ne infeliciter tamen exeat, curæ imprimis erit Clarissimo Corvino. A me hac parte, non ita multum præsidii erit, qui si cum Stapelio ~~mi parum~~ & tecum vestrisque similibus comparer, tantummodo, ut in veteri est proverbio, inter Apia verfer. Nempe non omnia

omnia possumus omnes. Te verò etiam & etiam rogo, ut ea ex Arabico, & aliunde perficias, quæ ornandæ editioni novæ facere possint. Ad libros quod attinet, quos commodato à te habuit *à maxaetis*, præstabo, ne quid tui distrahatur auctione publica, quæ futura circa ferias Paschales. Ut nunc reposcam, nescio an consultum putes. Intra hoc semestre, quantum jam extulere, qui pestilentia decesserit. Postremus intra hanc hebdomodem excessit. Vides ut nihil Podalirius, aut Machaon, nihil Hippocrates aut Gæmus, adversus *τὸ δέσιν* valeant. Si quid Salmasianum habuerit Stapelius, quod restitui oporteat, quæso tempori mone. Mihi res cordi erit, ne damno sit humanitas viri summa. Quem ego Leydæ redditum, sic gaudeo, ut non facile dixerim: sed scire avelo, quibus propediem, ingenii, doctrinaque fortibus, Illustram eam urbem, imo totam Bataviam potius, reddere cogitet illustriorem, indignantibus iis, qui virtutis viri, & doctrinae se hostes, utrumque aliud videri volunt, abunde comprobant quotidie. Te quoque velim, tandem juris ea publici facere, quæ scio diu, ex Arabico, & aliis Orientis Linguis observasse, eruditissimis etiam hæcenus ignota: salutem plurimam dic viro, vel Heroi incomparabili Salmasio, ac familiæ ejus universæ. Utinam tempus videam, quo iterum Amstelodamum præsentia sua decoret: sed de isto, ipse occasione prima, ad eum scribam. Nunc propter frigus non ausim poscere, ut excurrat, cum conjuge: sed verna instat tempestas.

Amstelodami, cl<sup>o</sup> Id<sup>o</sup> xxxvii.  
xviii. Martii.

CCXCVIII.

Merico Casaubono, Ger. Jo. Vossius.  
S. P. D.

**S**I tu, uxor, liberi valetis, gaudeo; ego & tota familia mea valeamus. Jam menses sunt quatuor quod recepi pecunias, quarum debitio in Septembrem superioris anni inciderat. Martio igitur anni hujus cl<sup>o</sup> Id<sup>o</sup> xxx. septimi deberi ceperunt proventus sex mensium. Has spero jam à reverendo & amplissimo Quæstore acceperis. Feceris igitur rem gratissimam, si per Peisterum pro humanitate pristina ad nos procures. Rerum novarum quas operæ sit perscribere nihil hic habemus. Multorum urit animos ingens damnum, quod ab Dunkerkanis singulis prope hebdomadibus accipitur. Non difficile adeo sit huic malo indies

gliscenti obviam iri, nec tamen occurritur. Facilius ferretur, si merum esset infortunium: nunc latissima subest culpa: quæ penes quos resideat non est hujus loci disputare. Animi omnium hic valde sunt suspensi, expectatione Classis quam serenissimus Rex Carolus parat. Votumque prope omnium, ut ea Rex utatur ad reducendos in paternam ditiorum Principes Palatinos serenissima Bohemæ Regina prognatos. Atque eo magis id optatur, quia ut novo etiam bello involvantur Austriaci magnopere Federatæ Belgicæ expediret. Solum metuitur ne cessetur, quia pace magis & magis florescant res Britannicæ. Claudius Salmasius, post biennii & ulterius in Galliis, moram, rediit Leydam equestri dignitate & consilarii titulo à Christianissimo Rege decoratus. Maimonides Dionysii mei *τὸ maxaetis* excusus est, solâ præstatione exceptâ. Etiam liber primus operis mei de origine & progressu Idololatriæ jam est absolutus: proximaque hebdomada alterum auspicabitur Typographus. Intellexi jam præsum fervere Epistolis à Clarissimo Parente tuo exaratis. Excuditur hic Historia Danica Meursii. Cujus & opera cætera voluminibus certis distincta ejusdem Typographi industria prodibunt. Plurimum uxorem lectissimam salutat uxor mea, imo potius omnes me tibi & tuis salutem adscribi jusserunt. Meo verò nomine præterea multa salutē imperties Reverendum D. Decanum totumque nostrum fratrum Collegium.

Amstelodami, xii. Kal.  
Maii, S. N. Anni hujus cl<sup>o</sup> Id<sup>o</sup> xxxvii.

CCXCIX.

Claudio Salmasio S. P.

**C**UI has ad te literas dedi, is est Henricus Ernstius, vir optimus & candidissimus, Canonicus Widburgensis, juris antehac in Sorana Academia professor, ac ibidem clarissimi Johannis Meursii Collega. Is nunc in Gallias abit, Ephorus illustris & generosi Comitæ Woldemari filii Regis Daniæ ex nobilissima matre, ac quasi uxore Regis, quippe consentientibus regni proceribus adscita, præviis etiam Sacerdotis solemnibus, non tamen in regni spem liberos datura, sed honoris Comitatenfis, vel similis. Nimum impar obstabat genus, quo minus legitime prorsus uxoris loco haberetur; etsi hoc contubernium proxime ad justum connubium accederet.



ret. Hoc igitur Ernstio cum filio regio ad vos eunte non potui committere, quin litterarum aliquid exararem, si non ob aliud, saltem ut reditum à Galliis gratularer, meumque testarer gaudium, quod cum lectissima conjuge ac liberis saluus ac sospes sis reversus. Id jamdiu à me factum oportuit; sed hebdomas aut amplius abierat, antequam de adventu cognoscerem; posteaque quia aliud magnopere quod scriberem nihil erat, malo meo more de die in diem differre coepi, donec hæc se occasio offerret. In edendo opere meo de origine & progressu Idololatriæ pervenit Typographus jam ad librum secundum. Filius Gerardus notas & castigationes scripsit in Publici Syri sententias. Eas cum variantibus Ernstii ante memorati Lectionibus in lucem dabit propediem. Antequam tamen exaudantur, ad te mittet, quia ut intelligere ex te memini, cum MSS. sedulo contuleris, variaque observaris. Ea jam ante biennium liberaliter offerebas; sed puto satis, ut prius videas, quid sine Theſeo filius potuerit. Aveo scire quid potissimum nunc habeas sub manibus; sed hoc scribes cum ab aliis curis eris lassus. Nulli ergo scribendi laborem imposuero, qui tantus sum ipse in scribendo cessator. Salutem à me & meis conjugii dicit.

*Amstelodami, clō lōc xxxvii.  
xiii. Kal. Maias.*

Per occupationes prope exciderat addere, quod solum poterat justum esse scribendi ad te argumentum, lætari me plurimum, quod à Christianissimo Rege decoratus sis pro meritis tuis Equestri dignitate, & Consiliarii titulo. Ringantur invidi magis etiam solito, dum tibi tantus honos totique familiæ tuæ perpetuus bene vertat; quod Deum oro rogoque. Vale.

CCC.

Ger. Jo. Vossius, Francisco Jusio, Fr.  
F. S. P. D.

**T**Andem produisse in lucem vides, quæ de veterum pictura elaborasti; tardè profectò, sed pro more Blawiano, sat citò, si sat benè. Urgentibus nobis prælatus es, & meis, & Meursianis, & tot aliis. Non facile dixerim, quàm multis ejus Typographi prælum ferveat, Cosmographicis, vel Mathematicis imprimis. Adde quod nobis hoc datum, ut liber ille, etsi his quidem terris, paucorum

videretur hominum, tamen nullo tuo, vel periculo, vel sumptu excuderetur. Quocirca nihil pretii annumerabis, nisi pro exemplaribus, quæ deinceps voles transmitti. Hoc non dari solet alteri, nisi jam magnum sibi nomen in studiis compararit, & argumentum ad omnium sit palatum. At tuum tantum ad elegantiores pertinet; cæteri ferè spectant illa *αὐτῶν τὰ ἀλφισα*, nisi quod aliquis cuivis historiæ sit locus. Omnes enim narratiunculis capiuntur. Utinam autem singulorum capitum argumenta concinnasses, ut inde Index conficeret? Author sim ut deinceps, id fiat in iis, quæ sub manibus habes. Imo quid si chartæ, duo, tres, adjiciantur residuis, quæ hic sunt exemplaribus? In iis, & argumenta sint, & Index. Erit opera tua hoc pacto, & commendabilior, & utilior, simul addentur iis errata, quæ in posteriori parte observaris: sola prioris excudere non erat ex re. Nec fieri potuit, quia demùm ea accipi, exemplaribus quæ mihi compactis. Cum erudito juvene, (eo nempe cujus opera usus sum, in operis nostri Grammatici Indicibus conficiendis) multis egi, ut eandem operam præstare vellet in tuis; sed nihil effeci, etsi pretium liberaliter offerrem pro labore. Negabat se veteris picturæ intelligentem: nec qui argumentum operis non caperet, sufficere periochis, vel syllabis scribendis. Tum autem Theologicis, se magis capi, nec Grammatica, quia saltem caperet, fastidisse. De pictura autem, nec capere se, nec capi. Quæ scribo ut videas, hoc in te opus devolvi. Nam nec filii in se recipere audébant, cùm tua causa maximè vellet cuius gratia omnia debent; sed humeris diffidebant; ac satius visum, si absque iis opus prodiret, quàm aliena inficitia opus corrumpere. Præfationem, priusquam ederetur, ostendi oratori Boswello. Longiorem ille aiebat, quàm ut unquam Rex esset lecturus. Itaque se authorem esse, ut inde duæ fierent, ad serenissimum Regem una; ad lectorem altera; sed argumentum erat istiusmodi, ut commodo id præstari non posset. Tentatum enim à me. Remittere autem longioris res moræ fuisset. Facile menses duo abiissent. Quamobrem edita propemodum est, uti miseris. Deinceps cautiore in hac re esse licebit. Non dubito, quin brevi, cæteros de picturæ labores tuos cogites divulgare. Præstabitur à me, & meis, (hic si edi visum) quidquid possimus. Nulla hætenus editi operis tui exemplaria sunt distracta; nec dividendur priusquam te exemplar serenissimo Regi tradidisse cognôro. Tui verò officii erit simulac acceperis exemplaria, me commonefacere, ne nimia morâ, damno simus Typographo. Misere me Prudentiæ; sed

sed magis dolet, propter eum, qui ducendo illam, sic se, suosque afflixit. Adhuc sudandum hic in exsolvendo ære alieno quod contraxit. Unum solatur, quod qui ex Indiis veniunt, aiunt benè rem gerere, & spem esse summam maximi honoris, quem si consequatur, rem facere possit honestè, & ex voto suo, nostroque. Prudentia scio, exoptat, eum quamprimum reverti. Sed stultè profectò, nec nomini suo convenienter. Quid aliud enim exspectaremus, quàm ut liberos gignerent, in spem esuritionis? ut nihil gravius dicam. Scis quippe quanta mala, penuriam sæpe consequantur. Itaque valdè me perculit, quod nec *Æraus* seipsam possit alere. Egestas sæpe malefuada sexui isti, imo & firmitiori esse solet. Prudentia interim in hac prudentia adjutanda opus. Iniquè enim uni omnia infumam, quasi obesse fratribus debeat, quod recta ad virtutem via grassentur. Tum quid de filiabus dicam? Nunquamne illarum mihi curam suscipere licebit? Semperne comedar sic, ut nequeam frugaliter aliquid comparcere, quod eas pro dote si desur, magis reddat commendabiles? Quid si brevi Deus evoget me ex hac vita? Quid matri fieret viduæ, si magnopere oneri meo sit Britannia, & quod præstaret relinqui meæ, hoc profundatur alio? Quamobrem multum esse non debet, quod eroges, si quid omnino erogandum, urgente necessitate, judicabis. Sed de isto scribam diligentius, simulac literas à marito accepero, ex quibus intelligam, rem augere, ac solum mutuo dari, quod annumerandum, sed tuo quasi nomine putabit. Interea exiguo sit contenta, deque cætero, corpusculum animo, animum hac spe sustentet, brevi fore melius, ubi fortuna (si loqui sic licet) maritum planè inauraverit. Plurimum à me, & sorore tua, optima mea conjuge, Francisco item meo, non exigui nominis inter Hagenses Advocato, cæterisque liberis meis salve.

*Amstelodami, cl. lxxvii.*  
xiii. Kal. Mai. S. N.

CCCI.

*Illustri viro, Hugoni Grotio, Ger. Jo. Vossius S. P. D.*

**Q**UI hæc ad te literas defert, is Henricus Ernstius est, multum mihi amicus, ob eruditionem, & amorem illum quo doctos omnes prosequitur, longèque acceptior, ob eximiam animi integritatem, summumque

candorem. Fuit is in Academia Sorana, ubi jus est professus, Meursii nostri Collega. Sed serenissimus Daniæ Rex, maxima probitate viri intellecta, voluit eum esse Ephorum filii sui, Illustris Comitum Woldemari. Est is natus ex matre admodum nobili, quamque Rex prope uxoris habuerit loco. Nam, & consentientibus eam Regni proceribus adscivit, & sacerdotali interventu, conditioneque illa, ut nascituri, Comitum essent titulo insignes; cum ex legitima uxore prognati, in spem Regni educuntur, & mox ducum titulo gaudeant. Sed de istis, si voles, plenius omnia cognosces, ex Ephoro, qui gratissimum fore aiebat, si per ipsum potissimum aliquid ad te mitterem literarum. Hanc ego scribendi occasionem eo avidius sum amplexus, quia jamdiu officium neglexi, & Arlanderveniæ Dominus Guilielmus Noomsius, interpellare non cessat, de alteris ad te literis exarandis, quibus nomine ejus rogem, ut ne gravate onus illud procurandæ ei equestris dignitatis decus, suscipere in te digneris. Multos ego id menses facere neglexi, tantum quia putarem, non admodum te capi negotiis hujuscemodi, & probè meminissim jam antea te authorem fuisse, ut potius hoc exposceret à federatæ Belgicæ Legato, necessario, ac propinquo suo. Aiebat noster, nec sibi ista excidisse: sed non libenter ei in ulla re obnoxium fore: eo ad te itasse, & quia superioribus literis scripisses, si opera illius propinqui sui uteretur, & tua quoque commendatione opus videretur, non illi à te amici hominis officium defore: eo affectum se tum sibi ulterius etiam polliceri, in tantum, ut citra illius operam, quam nolit, haud gravatè id honori ejus sis præstiturus. Addebat quoque rem te facturum, non ipsi modo longè acceptissimam; sed etiam amicis cæteris, præcipue avunculis duobus, Domino ab Osthoom, & Consulari Geeloinckio, nunc urbis Quæstori. Et verum dicere scio; cum singulari eum amore complectantur. Nec sanè ulli gravis vivit, comis, & humanus omnibus, etiam Graviæ familiæ peramicus; sic ut mutue etiam sint vocationes. Eo facilius confido, si absque incommodo tuo possis, hanc suscipies cogitationem; sin aliis item denegaris, vel aliud sit quod impediatur, tribus id verbis perscribes; si non ob aliud, saltem ne hoc scribendi officium, vel amicissimo homini, vel familiæ ejus videar negligentius egisse. Cætera ex alteris literis cognosces, quas Hagam misi, ut per Tabellarium citius perferantur. Nam de Ernstio metui, ne in via moram trahat. Iis inter alia, hoc quoque Noomsianum negotium complector; ut celerius habeam, aliquid de mente tua polliceri,



ceri, vel si id fieri commode non possit, aliam insistat viam, ad quam scio non defore ei consilium tuum. Illustri Conjugi tuæ & familiæ universæ, ego, uxor liberi, plurimam dicimus salutem.

*Amstelodami* cl. Idc xxxvii.  
Prid. Kal. Maias, St. N.

CCCCII.

Joanni Elichmanno.

Clarissime, & Amicissime Elichmanne,

**P**AULUM hæsi, utrum hoc tempore, filium ad te mittere expediret. Et, me dubio, magis animi anceps uxor erat. Credo aliquid inaudieris, de infesto unius, & alterius animo, erga me, meosque. Mihi propterea animus non est, deferere virtutem. Ero qui fui, utcumque illi sint, qui fuere semper. Bene merendo de publico, simul etiam de ipsis, modo occasio sit, nos ulciscemur. Nec alia animus vindicta uti. Majora exuperavi. Nec ut spero nimia istæ semper lenitas abalienabit à me viros bonos; quales non paucos habet Academia vestra. Atque ut ego aliter fuisset animatus, Isaacus meus sic ardet Arabicæ Linguae amore, ut difficile esset diutius detinere. Hunc igitur quasi de manu, in manum trado. Poterit is uno alteroque mense, opera tua uti, & præstantissimi Golii, cujus ego, ut doctrinam, sic virtutem, tot jam annos sum expertus. Omnia mihi de illo polliceor. Atque ut ille fortassis, diebus Canicularibus domo, tu, qui abesse æque ab urbe nequis, filio multorum instar eris. Pluribus nihil nunc opus, quia pro literis uberioribus, ipse filius erit viva Epistola. Magno Salmasio, quem nemo unquam satis existimaverit, plurimam salutem dices. Optimo item, doctissimoque Golio nostro. Hoc tempore non onerabo pluribus, quia filio id negotii dedi.

*Amstelodami,*  
cl. Idc xxxvii.  
xvi. Kal. Quin-  
ctiles:

Tuus totus,

Ger. Jo. Vossius.

Quibus Athenis olim *perorata*; in memoriam, quod cives tum sedes suas mutassent. Nempe ut vides, eopse die, quo & meus domicilium mutat. Sed ut spero, ad breve tempus, ne oneri simus, quanquam parati pariter omnia agere, in tuæ spem gratia.

CCCCIII.

Guilielmo Archiepiscopo Cantuariensi.

Reverende in Christo Pater, Domine illustrissime,

**E**Xegi jam annum tertium supra sexagesimum, quem climactera antiquitas dixit, ac facile negavit abire sine animi & corporis offensione. Mihi quidem cœpit à febris per-molesta; mox consequebantur morbus Colicus & Nephritis; à quibus hætenus semper fueram immunis. Aliquantisper hisce malis liberatus, amitto filiam unicam, & naturæ dotibus egregiam, & linguarum artiumque studiis exultantem. Nec multo post Deus ad se vocat Filium meum Gerardum, quem ego tanquam oculos, vel si quid his carius, amabam. Ingenium doctrinaque elucet ex castigatibus in Velleium jam editis. Ac propediem ejus Emendationes in Valerium Flaccum & Censorinum videbunt lucem. Extremo quem dixi anno morbus me invasit articularis, & quem magis metuo, magnus corporis languor. Nec is in totum remittit; videor tamen paulatim mihi vires recuperare. In opere de Religione Gentili & Physice Christiana pauca solum folia supersunt. In priori argumento Deos omnes, qui vel homines fuerint, vel pars aliqua hujus compagis naturalis. In posteriori, excussi omnia de Coelo, Elementis, Meteoris, Homine, Quadrupedibus, Avibus, Piscibus, Serpentibus, Insectis. Visum hic sistere; jam enim libri sunt quatuor satis grandes, qui duos Tomos constituent. Nec tamen jam ante menses duos juris publici fieri poterint, quia indices erunt concinnandi, & Typographus meus aliis distinetur. Opera inserim à me dabitur, ut quam citissime possim, tam diu promissa debitaque exolvam. Multa antea de me retuli quæ non mediocriter me retardarunt, tum in Opere dicto ad umbilicum producendo, tum sæpius ut officium meum erat, Reverendissimam Dignitatem tuam literis meis compellando. Sed ad mala alia accessit perpetua anxique sollicitudo de rebus Scoticis. Novi ego mores & animos eorum, & ut quicquid possint, aulint, quibus in Sententiis & Ritibus Ecclesiæ novella omnia magis quam antiqua placent. Tum autem justus mihi metus est, ne in Anglia etiam, quos simile Sydus afflavit, nunc rebus suis desint hac occasione, nec vel his, vel istis, flabella in oris decurrunt exteris: Alii quidem solius sectæ amore, alii vero, quia interesse sua existimant distrahi & infringi vires Regni tam potentis florentisque. Eo impetrans Deum Opt. Maximum oro quotidie,

tidie, ut Serenissimum Regem Carolum Regum, qui hodie vivunt, optimum, prudentiæ & fortitudinis spiritu firmet, omniaque A-chitopheli consilia dissipet. Te quoque Illustrissime Domine, & quod majus duco, Ecclesiæ Catholicæ Antistes Reverendissime, precibus meis supremo numini commendo; quo porro vitam diutissime sospitem ducas, præclareque de Ecclesia Dei, ut paratissimus es, in posterum etiam annis plurimis mereare.

*Amstelodami,*  
cl<sup>o</sup> Id<sup>o</sup> xxxvii.  
Id. Maías.

*Reverendissime & Illustris-*  
*sime dignitatis tuæ Cultor*  
*devotissimus,*

G. J. Vossius.

Amplissimus Miffelden, qui ante annum vel ultra, Regii negotii ergò huc missus fuit, de Reverendissimo nomine tuo hic semper est locutus, & omni ubique sermone melioribus se addictum partibus ostendit. Id autem volupe mihi admodum fuit, & perscribere antè volui, sed impedièrunt morbi & tot adversa. Iterum vale, magnum Ecclesiæ columen, Præful eminentissime.

CCCIV.

*Baltazari Willio, S. Theol. & Philos.*  
*Doctori S. P. Bremam.*

**Q**Uamquam quod scriberem nihil erat, non ingratum tamen fore putavi; si vel hoc ipsum potius scriberem, quam in silentio persisterem. Non semel à te literas accepi; sed existimavi, bellè me satisfacturum amicis, qui vitam, & occupationes meas nossent, si eorum gratia facerem, quidquid possem. Itaque quem commendatum isti, juvi qua parte potui, plura etiam facturus, in tuæ, Collegarumque spem gratiæ. De literis verò non diffitear, si scribendæ illæ solum sint, affectus testandi ergò, non item, quod grave aliquod negotium urgeat, tardior em ea parte quam ego sum, me nosse neminem. Atque hoc facillè concedunt, qui sciunt, quam à mane ad vespèrum distringar. Nec aliud in causa est, cur tam multa, quæ in lucem exire amici expetant (quippe quæ confecta jam sint, vel affecta) nihilominus cum blattis, & tineis rixari sinam. Spero interim summum, intra menses quatuor, opus meum, de cultu Gentium Idololatriæ prodire posse. Eo multa etiam complectar, quæ scripturis faciant illustrandis. Vale optime, doctissimeque Willi, ac sic tibi persuade, nunquam

fore, ut candidum illud Willii mei pectus, pectore excidat meo. Salutem plurimam, meo nomine, dicito clarissimis & præstantissimis Theologis, Crocio, Bergioque: quos amare, & æstimare, nemo satis possit, nisi qui nesciat, quanti reformatarum hodie Ecclesiarum interfit, ut controversiæ, quibus scindimur, mansuetò potius Christi spiritu dirimantur, quam illo, qui nunc sic in plurimis dominatur. Etiam salute imperties doctissimum Parentem tuum, si vitali, ut spero, aura fruatur. Transit hanc urbem, ante mensem, vel amplius, Doctor Cabelianus, ac compellatum me voluit: sed domi non eram. Nunc utrum in Batavia sit, an ad vos reversus fuerit, juxta cum ignarissimis scio. Iterum vale.

*Amstelodami,*  
cl<sup>o</sup> Id<sup>o</sup> xxxvii.  
xiv. Kal. Quin-

*Tuus,*

G. J. Vossius.

CCCV.

*Hugoni Grotio. Lutetiam Paris.*

*Illustrissime Domine,*

**Q**UI has ad te defert, est Joannes Mullenius, natione Danus; vir si alius, integræ, & inculpatæ vitæ, eoque proceribus suæ gentis gravior, & acceptior; in his Illustrissimo Roskranzio, cujus non degenerem filium, cura sua dum Lugduni ageret, quod antè biennium, vel ultra fuit, doctrina longè reddidit auctiorem. Notus mihi, atque adeo amicus, pene est à septennio, ut eo fidentius de illo judicium feram. Nunc aliorum adolescentum studiis præest, sed itidem è primaria nobilitate Dànica. Is impensè ardebat desiderio videndi, & compellendi tui; atque ad eam rem, putabat utiles sibi fore literas ad te meas. Morem gessi libens; quia gaudebam mihi sic satis in scribendo, sed nulla mea culpa, negligenti quodammodo necessitatem imponi aliquid exarandi. Et interea quid scripturus sim vix scio. Nam publica tibi in ea dignitate constituto, aliunde melius, certiusque innotescunt. Quale inter alia, utres nostræ maritimæ propemodum pessum eant: non sine magna indignatione multorum, non eorum modo, qui hunc fructum putant mutatæ ante annos quasi duodeviginti Reipublicæ; sed aliorum etiam, qui quotidiana propè damna sua deplorant, & in facili remedio dolent negligi illud, ac mirabiliter, in cessationis

Qq 2



tionis ejus causas inquirunt. Nova officina Typographica Blauwii, quam sumptibus maximis adornat jamdiu, videtur intra sel-quimenfem, vel circiter ad finem posse per-  
 duci. Etiam Græcos characteres, quorum penuria hætenus laboravit, indies Franco-  
 furto expectat. Emisse constat. Atque ait, quod hætenus in Meurfianis cessarit, uni isti Græcanicorum Typorum defectui debere ad-  
 scribi. Quod non excuderit historiam ejus Danicam, jam ante annum transmissam, eo excusat, quod bello hoc Germanico Suecico, non habuerit chartas, ex animi sui sententia. Interim ringit Meurfius, sic se quinquen-  
 nio habitum ludibrio. Ubi Francofurtenses typi advenerint, specimen transmittam, ac de excudendis tuis porro exquiram. Nunc si quid certi in re spondeam incerta, metuo ne toties deceptus, falsus fallam te, & alios qui tantoperè tua flagitant. Heinſius in fa-  
 cris exercitationibus, jam ad Lucam devenit. Ac quo operi huic melius vacet, impetravit ab Amplissimis Curatoribus, ut aliquandiu non doceat publicè. Nobis non licet esse tam beatis; quibus quina de hebdomade Acroasēs incumbunt. Utrum vero elabo-  
 ratione daturus sit, non nisi post menses sex septem judicium fieri poterit. Nam severa adeo lege interdixit, ne excusorum cuiquam videndi fiat potestas, ut hætenus, non nisi Philyram, adjutante amico, viderim. Sed alius est, & alius, qui plura conspexit. Is ne-  
 gat, tanti esse quam jactitat. Utcunque est, hoc unum scio, eum in hoc sacro studio planè & *in hoc*, nec satis ab aliis quibusdam studiis instructum, nequitiam daturum, quæ tuis possint comparari. Quamobrem nihil æque desidero, quam ut divini, in divino hoc ar-  
 gumento labores tui, aliquando, vel apud nos, vel ubicunque videant lucem. Opus nostrum de Idololatria Gentium, vix intra menses quatuor poterit absolvi. Ita dies to-  
 tos distrahor. Et simul aliqua hic culpa est nostra, dum manum nescimus de tabula tol-  
 lere. Heroinae conjugii tuæ salutem à nobis omnibus: Etiam liberis, inque iis, ornatif-  
 simo juveni Petro tuo, modo is jam ad vos redierit.

*Amstelodami,*  
 cl<sup>o</sup> l<sup>o</sup>c xxxvii.  
 vi. Idus Quin-  
 tiles.

*Tuus totus,*

G. J. Vossius.

CCCVI.

Joachimo Borgeſio, Ger. Jo. Vossius  
 S. P.

ET SI variè ut soleo distringerer, Doctif-  
 ſime Borgeſi, minimè tamen commit-  
 tendum putavi, ut Junia mea, sine meis ad  
 vos, literis rediret. Præſertim cum tuis tan-  
 to ante tempore ſcriptis, necdum responde-  
 rim. Et tu interea de ſoceri mei nepote,  
 uxore, & liberis meis, arcè adeo ſanguine  
 conjuncto, benè mereri non ceſſes; majora-  
 que etiam deinceps expectemus, poſtquam  
 primam ille in claſſem adſciſus, ab tui unius  
 ore pendeſcit. Puer agilis eſt, & amœni in-  
 genii. Sed ætatem noſtri ceream proſus in  
 vitium ſecti. Tanto ſtudioſius adlaboran-  
 dum nobis, ne corruptis adeo temporibus  
 alius fiat quam vellemus. Quod quidem non  
 modo illi, matri, familiæ toti, etiam *nūc ma-  
 xaelius*, patri, avoque: ſed univerſæ Eccle-  
 ſiæ Dei, contumelioſum foret, in qua mag-  
 nus avus, longè latèque, adeo virtutis, do-  
 ctrinæque ſuæ radios ſparſit. In partibus ad-  
 verſis, hoc Ithacus velit, & magni mercen-  
 tur Atridæ. Quod cum juxta mecum per-  
 videas, nihil neceſſe puto, pluribus tibi eum  
 commendare. Malim ego, ſi meus magis  
 forem, nec ſi momentis penè ſingulis avo-  
 carer, paulùm adtexere de ſtudiis noſtris,  
 quæ pertinent vel ad ſacram, vel externam  
 hiftoriam. Nam & te omnigena ſic hiftoria  
 capit à multis retro annis, ut qui propius no-  
 rint, digniſſimum cenſeant, qui in Academi-  
 cis ſpatiis, de lumine tuo lumen accendas ju-  
 ventuti. Eoque cogitandum tibi, quomodo  
 optimè aliquo ingenii doctrinæque monu-  
 mento, conceptam de te opinionem foveas,  
 atque augeas. In Baronianis ſpiſſè mihi ne-  
 gotium procedit. Sed jam excuſa dimidia  
 pars operis noſtri, de Gentilis Idololatriæ ori-  
 gine & progreſſu. Quo in opere multa e-  
 tiam ſacris illuſtrandis intercurrent: Fran-  
 ciſci Junii, Fra. F. Diſcipuli tui Patruſ, opuſ-  
 culum de pictura bene eruditum, ad te mit-  
 to. Gratum fore conſido. Vale.

*Amſtelodami,*  
 cl<sup>o</sup> l<sup>o</sup>c xxxvii.  
 Non. Jun.

CCCVII.

CCCVII.

*Illustrissimo Jo. Skytte.*

**I**llustrissime Domine, post excessum optimi & eruditissimi Dionysii mei, qui totum se tum Deo, & studiis, tum inclytæ familiaræ vestræ, atque adeo universæ Sueciæ regno devoverat, nihil æque mihi triste accidit, ac nuncius de obitu generosissimi Filii tui Joannis Skyttii, à cujus præclaris virtutibus cum maxima quæque expectaremus, diuturna etiam optaremus. In flore eum ætatis eripuit terris summus imperator, qui cuique stationis suæ tempus adsignavit. In hoc tamen dolore non mediocri solatio mihi fuit, quod pulchram animam (nec melius poterat) patriæ & causæ quam Deus probaret, impendit. Eoque nomine ab nostris etiam hominibus, ubi occasio se obtulerit (sit autem hoc sæpius) maxima cum laude memorari solet. Quod si Filium Matthæum, uti nunc totus est in temporibus Bataviæ antiquis, etiam, uti propositum habet, recentia describere tempora Deus permittet, ne utquam ejus historia eximias nobilissimi juvenis laudes conticescet. Quod enim majus historiæ decus, quam quod si promeritum cuique decus rependat? Ac vel me auctore idem his & aliis locis, facient alii, quibus pariter animus est res hujus temporis ad posterum propagare. Res nostræ mari non optime procedunt, culpa planè nostra: qui vero in vicio sint, varii varie dissentant. Mihi non animus est movere hanc odii plenissimam Camarinam. Illustrissimus Arausionensium Princeps sic militem Breda cinxit, ut solvenda impar videatur hostilis exercitus. Galli in eo esse dicuntur, ut obsidione cingant Grevelingam in Flandria, quod si feliciter successerit, multum terris hisce commodabit. Ad privata quod attinet, uxor carissima, lectulo adfixa plane de valetudine etiam medici judicio periclitatur. Absque quo esset, juvaret pluribus colloqui. Pauca tamen ista non potui non scribere, redeunte ad vos nobilissimo juvene Joan. Skytte. Quem ego sic amo ut paucos. Itaque avellor invitus. Sic sane apud nos se gessit ut exemplo esse possit. Nihil ejus moribus amabilius, nec sinistra quicquam de eo ad me meorumve aures pervenit. Plane etiam confidore, ut sese probet abunde & variarum linguarum & historiæ omnigenæ & aliorum notitia, quæ sic natum ornet juventque. Salve Illustrissime Domine, cum Heroïna conjuge, & ad maxima natis liberis optimis ac dulcissimis, quorum mihi amor durabit,

dum memor ipse mei, dum spiritus hos regit artus.

*Amstelodami, cl<sup>o</sup> Ibc xxxvii.  
Prid. Kal. Sextil.*

CCCVIII.

*Hugoni Grotio S. P.*

**R**edit ad vos, Illustrissime Domine, Filius Petrus Grotius juvenis, magnis animi dotibus, & quod ego in illo ingenio, illaque pro ætate doctrina palmarium censeo, moribus modestis, optimèque compositis. Quos quia paterno haustos exemplo, 'altos vero, à noverca tua injusta, necdum tamen viris bonis penitus exhausta, in Galliam secum adferet; nihil æque tecum optabo, quam ut ne illos eâ terrâ, bonis malisque fecunda, adolescentiæ, satis per se lubrica, insidiatrice, uti in discipulorum non paucis comperi, immutari, ac corrumpi contingat. A quo tamen nihil verendam; quamdiu filius maiorum fugere consortium, & animum rebus agendis, vel studiis occupare perget. Hactenus quidem in urbe nostrâ, & aliis, optimè apud optimum quemque audit. Ipso hoc cuncte ad vos, de rebus meis pauciora scribam. Futurus ille pro viva Epistola; unde etiam ut plenius, ita jucundius omnia cognosces. Salmasii uxor auxit maritum prole femella. Excuditur ejus liber de re funebri. De Noomio curæ fore spero, eo magis, quia gratus, acceptusque non suis modò, sed illis etiam, quibus minimè existimes. *Alia & alia dantur & erunt & impetru & iudicabitur* ut mittam cetera. Sin invitus illiusmodi rebus impliceris, vel majoribus intentus, in tantillis debere ulli Gallorum nobis: proximum est, ut consilio juves. Malit ille per te fieri, nec causam ejus rei video. De Legato nostro quod ante biennium monueras; afferebat causas cur ei debere noller. Hæc ego urgente Arlanderveniæ Domino gnaris avunculis iterum perscripsi. Sed si id nonnisi in commodo aliquo tuo consieri possit, ubi ego resciero, ita rem tractabo, ut nulla offensa occasio sit. Mensibus proximis, libelli aliquot famosi sparsi fuerunt, imò palam dvenditi; Alii adversus Consularem Oetgens Dominum à Waveren; ob affectatum Dominium Æmelandiæ: alii autem contra Collegam meum Barlaam, quod Manassis Judæi opusculo de creatione carmen præposuisset, quo pietatem etiam agnosceret in homine Judæo, Deoque etiam servire fateretur. Nec libellis tra-

duxisse



duxisse horribiliter suffecit. Editus nunc adversus eum, à Vedelio Theologiæ apud Daventrienses Professore, liber cum hac inscriptione, de Deo Synagogæ: summa ut intelligo eo redit, Deum negari ab illis, qui Christum nesciunt, imo blasphemant. Uxori à mea, liberis item à me is salutem.

Amstelodami,  
cl<sup>o</sup> Id<sup>o</sup> xxxvii.  
13. Jul.

Tuus ut suus,  
G. J. Vossius.

## CCCIX.

Joanni Meurfio.

**M**ensis & ultra quod Mercator Danus tuas mihi literas attulit longe, ut semper, gratissimas. Receperat ille se ante abiturum suum ad me reversurum, ne sine responso abiret. Sed neglexit non sine aliquo dolore meo. Decebam affectu testari, horulam cum eo comburendo, luculentiori id prandio facturum tui causa, nisi obstitisset valetudo uxoris quæ jam sextam hebdomadem vix cubiculo egreditur. Sed Daventriensi hoc an Zwolano juvene ad vos abeunte meque sponte compellante, nefas erat tam commodam negligere scribendi occasionem. Unde autem potius ordiar quam à monumentis tuis? de quibus quid factum sit scio aves nosse. Equidem Blauwium domi meæ intra tres menses non nisi hac hebdomade vidi. Aiebat se pudore solo deterritum, quo minus me inviseret. Et credo quod me visente illum domi esse negaretur, non aliunde esse quam ab eadem causa. Non posses actius cum eo exponere quam decies à me factum. Recensebam illi seriem scriptorum *avenditorum*, unde colligere jussi cum multa à te adeo jam habeat viris magnis dicata, & ista si edidisset longe plura fuerit habiturus, an non vel bis mille Carolæorum damno te multarit. Attonitus ad hæc confistit ut iniquæ mentis asellus, nec habet quod opponat. Fatetur rem ingenue. Solum ait large primitus se promississe, sed postea multa intercessisse quæ hoc quod receperat redderent *adjuvantur*. Se uxorem duxisse. Patrem cujus solius quodammodo res agebatur transegiſſe interim cum liberis. Diu expectatum fratrem tandem ex Italiâ reducem factum. Hac demum hebdomade Typographiam cum operis omnibus in alteram urbis partem translata, pluresque operas, & quod caput est, toto de quibus laboratum est triennio, typos operibus tuis accommodatos Francofurto esse advectos. Nihil in his mentitur.

Sed largiter peccatum, quod tam facile promiserit, quæ præstare non posset. Dolet quod non aliqua saltem in Dania tam longo temporis spatio anticiparis. Sed quis adeo spiritum hoc fore negotium existimasset? Tuo edoctus malo indicium feci illustrissimo Grotio. Sed idem cum sua ab eo excudi, quam alio malit, negat tamen transmissurum aliquid nisi prius fide data de certo temporis spatio intra quod singula lucem sint visura, convenit. Itaque nihil Grotianum habet, sed translatis jam omnibus in domum longe majorem, & operis magis affluentem, decretum ad eum quamprimum scribere de tempore quo absolvere omnia ejus possit. Est in his *orthodoxia* ex Pall. codd. auctior Latinis versibus reddita, & notis & castigationibus commendatior. Opus nostrum de Idololatria gentium tardius processit quam vellem. Deinceps omnia meliora non spero: sed confido. Nec tamen ante quartum mensem lucem videbit, nempe sub manibus præter opinionem mirum in modum crescit. Mitto ad te, quia meum nihil possum, opus affinis mei Junii de Pictura veterum. Brevi Scylacem videbis Filii Isaaci, ut & alteri Filii mei Gerardi Velleium Paternulum. Forte & Matthæi mei partem alteram annalium Batavico-rum. Dum Arausio-nensium princeps Bredam obsidet, Vinloniam & Ruremondam amissimus. Nec existimatur ante menses duos potiri nos Breda posse. Scis quam urbs sit natura & arte munita. Atque utinam ne interea tertio oppido excidamus. Neque enim Cardinalem Hispanum cessare existimandum. Vale optime max. amice, & cum uxore ac liberis à me & meis omnibus salve. Collegis item doctissimis salutem impertias.

Amstelodami,  
cl<sup>o</sup> Id<sup>o</sup> xxxvii.  
x. Septemb.

Tuus æternum,  
G. J. Vossius.

## CCCX.

Joanni Friderico Gronovio S. P.

**S**cire desidero, Doctissime Gronovi, an, quos Nonis Quincilibus, Sall. cod. Manuscriptos, cum editione Coleri transmisseram, acceperis. Tum autem an *δ' παύ* Salmasius jam sese in viam dederit, vel quando tantopere expectatum affore speretur. Equidem etsi valde lentus in scribendo sim, siue naturæ vitio, siue obrutus nimis multis, quibus ferendo non sim; tamen nisi hæc mea opinio semper fuisset affore propediem, non distulissim

stuliffem tamdiu scribere. Quod verò ad te scribam, credo non mediocriter miraris. Sed in causa est juvenis quispiam, Condiscipulus Bremæ tuus, Berchemius, ex Anglia redux. Non dubito quin te, ac ornatissimum Heilderfichium Hagæ compellarit. Is quò parentem, ut ait, sumptibus levet, desiderat, ut ab aliquo in ædes receptus, studiis liberorum prælit. Scis quam gravatè id fieri soleat, nisi de moribus juvenis benè constiterit, imò & de parentibus, ut si quid peccetur, sit compellendi eos jus, vel saltem ex parentum virtute, qualecumque de juvene fiat judicium. At ille sine utriusque vestri literis, ad me venit. Rogo igitur vel uterque, vel alteruter, altero subscribente, certior me faciaris, de parente, & juvene ipso: ut melius dispiciam, an commendatione etiam mea dignus sit. Dubito num parens sit Ludimagister, an Pastor, an utroque munere fungatur. Vestrum judicium, quorum mihi ut doctrina, ita virtus est perspectissima, multum ponderis addet præfenti negotio. Sed festinato paulum opus erit, ne aliena alius commendatione prævertat. Quid variis tuis sit? Quid iis quæ tam foeliciter ad Sylvas Papinianas meditatus es? Mihi quidem hæc cessatio est permolesta: vel eo nomine, quia nomini incommodat tuo. Plurimum salutatum virum Rivetum, & insignem Grafwinkellii animam, cum amico coramuni Heilderfichio.

*Amstelodami,*  
iv. Kal. Sept.

*Tuus,*

G. J. Vossius.

### CCCXI.

Merico Casaubono.

Reverende & Clarissime Casaubone,

**A**ccepi quinquaginta libras sterlingas, quæ debitæ extremo Martio Anni hujus Millesimi sexcentissimi trigessimi septimi, itaque nunc desidero id quod expiravit Septembri septimo, eo magis quia ut ex tuis literis intelligo, nulla in te mora erit, simulac meas receperis. Cæterum amici talium intelligentes, auctores mihi sunt, ut ne viam insistam, quam soleo Leydæ, sed potius utar Angli opera, quod in Emporio hoc inclyto facile est. Eum simulac Præbendæ id quod debetur annumerari posse cognovit, hic mihi, imò vel ante, dummodo de voluntate D. Quæstoris constiterit, numerare velle. Atque ita

jam actum. Quamobrem rogo ut ubi literas meas acceperis, Mercatori fatishat. Sic nihil opus erit deinceps, quam ut per Mercatorem ad te vel Rev. D. Quæstorem, vel utrumque literas dem, quibus vos, tum de vita mea, tum de priori pecunia accepta, faciam certiores. Cui numeranda sit pecunia, liquebit ex subscriptione libelli Anglici: ea subscriptio paulo ambitiosior præter morem meum, ut magis fidem facerem, dum muneris mentionem facio, quod quod sustineo nihil mercatoris fraudis latere. Filius meus Johannes fato excessit apud Indos, ubi magnas dignitates, & unde præclare rem facere posset, non modo sibi ipse promittebat, sed etiam Magnates nostri illi addicebant. Sed tam beato esse non licuit, si in talibus etiam beatitas ponenda homini Christiano. Magnæ erant filii laudes, excepto quod sumptuosius viveret, ac fortunam ejus deceret. Itaque hoc non parum mihi dolori fuit. Solatur interea, quod piè ut intelligo excesserit. Ex opere nostro de Idololatria excusæ jam ut loquuntur quaterniones septuaginta. Spero propediem typis mandatam iri alteram Annalium Batavicornum partem, quam scripsit Filius Matthæus. Isaacus meus dabit Scylacem & alios Geographos Græcos serjò à se castigatos. Velleium autem innumeris locis emendatum filiorum minimus mihi cognominis. Nihil verò tam cito prodierit, quin transmittam. De Breda ab Arausionensium principe capta, scio jamdudum esse quod intellexeris. Non parum inde securitatis Batavis, & Zelandis accessit. Salutem uxori lectissimæ, tum autem Reverendissimis Dominis Decano, quæstori & universis fratribus meis, à quibus me amari maxime cupio, operamque dabo, ut ne affectus mei ignara sit posteritas.

*Amstelodami,*  
clō lōc xxxvii.  
xxi. Octob.

### CCCXII.

Hugoni Grotio. Lutetiam Paris.

Illustrissime Domine,

**Q**uas nono Julii scripseras, eas demum ix. Octobris accepi à Wander-Burgio. Tantæ moræ causa est, quod eas literas, cum erudito Philolai opere cistæ suæ incluserat: Nauta autem Rhotomagensis, cui hanc commiserat, tam sero appulerit. Hesternò die Hortensio legendum Philolaum dedi: qui valde



valde eo capitur. Ac Blauwius excudere est paratissimus. Idem excudere avertit *Arboris* tuam, sed conditione hac, si placeant Typi, quibus usus in tuo de Jure Belli: majores enim non habet. Maimonides filii *et* *maxime*, post mensem ut spero editus erit. Excudentur & nostra, de origine ac progressu Idololatriæ. Ringitur Meursius, quod post triennij moram, necdum sua orsus sit Blauwius. Prorsus ei injurius est: si non alio nomine, saltem inedita tot retinet, eumque frustratur pretio, quod à magnatibus in Dania ex dedicatione rediret. Salmasius necdum reversus; sed ex Riveto intelligo propediem affore. Aliud metueram; sed gaudeo, quod nolit illis gratificari, qui in Galliis remansurum sperarant. In filio tuo, nihil, vel nos, vel alius, hic desiderat quicquam. Lues quæ superiori anno, plus minus duodeviginti millibus Leidæ absumpsit, vehementer satis Harlemi hoc anno grassata; minus urbe nostra; sic tamen, ut ante mensem unum alterum de hebdomade tolleretur supra sexcentos: nunc longè remisit, siquidem intra idem spatium, intra trecentos amittimus. Heinsius, ut specimen ostenderet observationum suarum in Novi Instrumenti libros, phillyram excudi curavit: sed nondum contigit videre; nec super eo laboro. Subinde fallor: sed vix arbitror illud hic fore. Jam sexennium est, quod paratum sese diceret ad editionem; si est qui fuit, non intra alterum sexennium id erit. Præclarum est ingenium, sed à majoribus studiis, ad tantam rem non satis paratum; sed ipse viderit. Nihil mihi hic scribitur, aut metitur. Minus malignus esset; amor esset dignissimus utriusque nostri. De iis, quæ ad Rempub. hanc pertinent, quid scribam? Aliunde illa melius, potissimum ex Affine Reigersbergio cognosces. Illustrissima Domina conjugi tuæ, salutem à me, & meis, uti & optimis liberis.

*Amstelodami,*  
Prid. Kal.  
Novemb.

*Illustri nomini tuo*  
*addictissimus,*

G. J. Vossius.

CCCXVI.

Georgio Slupeschio Baroni.

Illustris Domine,

**M**agnam mihi voluptatem attulerunt literæ tuæ, quas cum legerem, visus sum mihi coram loquentem audire. Et pondus etiam attulit quod de manu in manum traderentur ab lectissimo juvene fratre tuo Floriano: qui quod cum cæteris virtutibus conjungere cupit scientiam militarem, rem facit & se & genere suo condignam. Quod autem cum apud externos morari vellet, castra prætulit Arausionensium Principis, facile non Batavis modo, sed cordatis omnibus suum est judicium probaturus. Utinam vero ulla in re, quam petis, utilis esse illi possit opera nostra; id egregia virtus ejus promeretur, imo etiam debetur eximie humanitati atque amoris tum tuo erga me, tum duorum majorum natu fratrum: sic enim me devinxistis, ut omnia velim illustris vestræ domus causa. Quod nobilissimus & excellentissimus Dominus de Naglorice, illustrissimus serenissimi Regis Polonici ad Britannos, Belgas, Danos legatus, præstantis spei juvenem filium suum, una cum Ephoro optimo & doctissimo, apud nos potissimum studiorum causa relinquere velit, id vero mihi accidit per jucunde: ac quemadmodum gaudeo perennare præclarum nobilitatis Polonice judicium de me, sic opera quoque in posterum à me dabitur, ut nec heroem illum nec alium vestræ gentis quemquam conceptæ de nobis opinionis possit pœnitere. Vale, Illustrissime Domine, tuique sic ac familiæ vestræ amantem, porro amare perge.

*Amstelodami,*  
clo Id. xxxvii.  
13 Kal. Dec.

*Illustrissimi nominis*  
*tui cultor,*

G. J. Vossius.

CCCXVII.

Davidi Wederburno, *Scholæ Aberdonensis Moderatori.*

**P**ergratæ mihi fuere quas miseras literæ, testes locupletes egregii erga me affectus tui, eoque gratiores quod non solum mitterentur ab homine eruditissimo, beneque promerenti de studiis juventutis, sed etiam ea

ex

ex urbe, quæ ferris pariterque Reipub. literariæ dedit & *maximè* Jacchæum, Philosophum ac Medicum insignem, conjunctissimum, dum fata sinerent, Collegam meum, & Compatrem acceptissimum. Bibliopola, quem commendasti, utinam in ulla re utilis esse potuissim; sed ille nullo in negotio nobis ului est. Monui, ut si revererit has in oras, liberius operam exposcat nostram, quam ego bono, nulli negare soleo; nedum repulsam ferret qui ab homine commendaretur doctissimo & nostri etiam amanti. De originibus nostris sic res habet. Jam anni sunt XXII. quod ad umbilicum perduxeram, vel saltem id fecisse videbar. Ac tempore Synodi Dordrechtanæ, hoc est ante annos XX. monstraram labores hosce præstantissimo viro & amico Martinio. Anno uno altero post eum Typographis jam transegeram, ut in lucem ederentur; cum ecce literas Brema ab eodem Martinio accipio, prelum jam fervere Etymologico ejus edendo: itaque nomine Typographi rogare hoc impense ut Editionem operis nostri differre eoque vellem, donec bonam partem distractum suum opus foret. Dedi hoc amici postulato lubens. Proximis verò annis ita aliis semper distentus fui, ut vacare editioni non potuerim. Nunc excuduntur libri nostri de Diis Gentium sive Origine & Progressu Idololatriæ: ac spero intra trimestre posse absolvi. Hinc aliqua sequentur quæ sacri sunt argumenti; dummodo mihi Deus valetudinem largiatur, quam tibi optimam exopto, ut publico diu utilis esse possis.

Amstelodami,  
cl. loc xxxvii.  
4. Kal. Dec.  
Styl. Nov.

Tui studiosis-  
simus,

G. J. Vossius.

CCCXV.

Joanni Skyttio, *Gubernatori* Livoniæ,  
S. P.

**T**amet si & tuas, illustrissime Domine, interpellare curas minime oporteat, nec meæ occupationes patiantur supervacuam scriptionem, generoso tamen filio tuo Joanne scribente, occasionem hanc negligere non potui, sed operæ pretium putavi non salutare modo, verum & gratulari tibi de cunctis filiis tuis, plane ad decus paternum adfurgentibus. Etenim cum plurimum ipse liberorum parens conscius mihi sim, quo amore & universos &

singulos complectar: non possum mihi aliud persuadere, quam longe tibi jucundissimum accidere, quicquid de progenie tua boni teque & se dignum cognoris; scio enim te ita credere, me quod scribo non cæco adfectu, ac longe minus ut aliquid auribus tuis dem, quorum utrumque procul à senectâ mea esse decet; sed judicio & experiendo edoctum ita scribere. Ac ut prius dicam de primogenito tuo, is jam sex mensibus, & quod excurrit, mecum prandet, & coenat, imo ante dies paucos plane in ædes meas receptus, ut totis diebus sit nobiscum. Nimirum id, Illustrissime Domine, dandum judicavi tum sublimi dignitati tuæ, tum indoli egregiæ filii tui, & tamen longe plurimis jam primariis viris, & foederatæ nostræ Belgicæ rectoribus, idem negavi; sed videbatur mihi filius ille tuus longè dignissimus, quem præ aliis omnibus amore complecterer. Quippe si pietatem & modestiam dicam, reliquos non sui tantum ordinis, cui indulgere plusculum solemus, sed plurimos humilioris etiam sortis antecessit. Imprimis vero incredibilem ejus ardorem in studiis amo & miror. Occurrit animo, rarum esse ut qui post Minervæ castra, secutus sit illa Martia, iterum se totum det Musis, cum duo hæc adversari maxime videantur. Ille tamen tantam ex iis voluptatem capit, ut nisi scirem, nunquam illum castra ulla vidisse crederem: imo prioris temporis recordatio etiam facies illi ac calcaria ad studia subdere videatur, tantò lubentius, etsi ob numerosam prolem, angustius habitem, in ædes recepi meas. Ubi occasionem deinceps longe meliorem habiturus, quoties vel quandocunque libuerit me, aut filiorum quem voluerit, consulendi in studiis suis; vix patiuntur occupationes ut tempora à Deo quieti destinata, reficiendo corpori impendam: nihilominus supra colloquia, quæ ultra prandium & coenam sæpe extendimus, horam quotidie, sæpe & ultra impendo, ut quibuscunque modis possim, desiderio tuo atque illius satisfaciam. Cætera, quæ per occupationes ipse nequeo, egregie filius meus Dionysius supplet, qui tanto incensus est amore promovendi studia filii tui, ut magis non possit. Adeo ut non dubitem, quin si ardor ille filium tuum diu teneat, uti planè confido, ubi is ad te redierit, & tu in illo habiturus sis ornamentum illustriss. familiæ tuæ, & Sueciæ ingens præsidium. Atque ista de primogenito. Nefas verò mihi aliud sit dicere de filio tuo Benedicto, cujus ardens ingenium & maximarum rerum capacem animum, ut par est, æstimo. Quare uti ille nusquam sibi deest, ita neque nos sinimus vel adfectum vel industriam nostram

R r

stram



grammaticis vocatur ὁ ἄρ, dicatur ne lis? Causam reddit Horatius, quo iudice,

Natis in usum Letitiæ scyphis  
Pugnare Thracum est.

Deum oro, ut te, illustrissime heros, diu-  
tissime & Sueciæ Regno, & generosæ familiæ,  
addo, & nobis, quibus omni cultu te tu-  
osque prosequi animus est, incolumem præstet.

*Amstelodami.*

G. J. Vossius.

### CCCXVI.

Abrahamo Vander-Merio, *Senatori*  
*Curie Hollandiæ.*

**T**Andem aliquid respondeo, vir amplissi-  
me atque conjunctissime, tardene ad-  
eo? inquires. Quid dicam? sic sum: præser-  
tim ubi publica magis urgent, uti contigit  
his muneris primordiis. Et sciebam mihi ne-  
gotium esse cum facili creditore, ut prope  
periculum fuerit, ne mensibus aliquot perge-  
rem tricare. Verum id minime passus es, ut  
ex filii sermone nuper, ac proximè etiam ex  
litteris intelligo. Nempe credo observabatur  
tibi illud feceratoris Alphi, vel optima no-  
mina non appellando fieri mala. Quia igitur  
ulterius morasnectere non sinis, paucis  
ad ea quæ quæris respondebo. Ac primum  
de illo, ubi Coelius causam adferat delectati-  
onis illius, quam nolo dicere. Est locus ille  
non in Epistolis Calcagnini, sed alterius Cee-  
lii patria Rhodigini Lib. XV. var. Lect.  
C. X. Alterum fuit, An Porphyrius ad Chri-  
stianam fuerat conversus religionem? Ita vi-  
sum tum aliis plurimis, tum Annasium Ec-  
clesiasticorum conditori, Cæsari dico Baro-  
nio, cui illud imposuit, quod hodieque extat  
panegyricus hominis Christiani, qui nomen  
præfert Porphyrii. Hujus auctor creditur esse  
Tyrius ille, qui Phœnicia sua lingua primo  
Malchus, postea Græcica Porphyrius no-  
minatus; sed enim auctor longe alius est,  
puta Publius Opatianus Porphyrius. Ut  
cætera mittam argumenta, non pertigit Mal-  
chus ad tempora Constantini Augusti: cui  
panegyricus ille perscriptus. Nec Malchus  
latine scribebat; nec in isto carmine genius  
Tyrii illius spirat, impij, sed magni omnino  
viri. Quæstiunculas annectis convivales cur  
facietis hominibus figura ea, quæ

Cur vinum generosum vocetur Theologi-  
cum? credo miraris, quia nihilo deterius  
palatum sit Jurisconsultis, Medicis, Philoso-  
phis, quam Theologis, & fortasse etiam pu-  
tabis hoc ad injuriam aliquam eorum perti-  
nere, qui sacris præstant. Equidem nolim  
quemquam ejus ordinis irritare, ne forte  
excitem erabronem. Quare tantum dicam, eo  
jure dici vinum Theologicum, quo Horatius  
Pontificum dicit cœnas & dapes Saliarum, quod  
item Cicero epulas Saliarum, Apuleius Saliarum  
cœnas. Ut nihil dicam de adjicialibus  
Augurum cœnis, de quibus Varro, Seneca,  
Plinius, Macrobius. I nunc & dic Pontifi-  
ces, Salios, Augures, palato multum valu-  
isse; hac sapientiæ parte caruisse Prætores,  
Consules, Proconsules; cave tamen existi-  
mes, hæc pertinere quicquam ad τὸ δὲν λόγῳ  
χίρῳ, qui nostris in terris degant. Apud nos  
omnes sicci, ut scis. Ad Germanos ito, vel  
potius accommoda hæc illis, qui in pontificiis  
militant castris, de quibus securius sæpe men-  
tiri licet, quam de nonnullis nostrorum ve-  
rum dicere. Pergis rogare, cur melioris no-  
tæ vinum, non solum dicatur Cof. sed & Co-  
sta. Nimirum in Cof. quidem ad vi-  
num Coum, de quo Plinius in quarto deci-  
mo, verum singula magis literæ spectantur,  
quæ Colorem, Odorem, & Saporem signant,  
objecta trium sensuum, Visus, Odoratus,  
Gustus: ita hæc ipsa priori syllaba in Costa  
denotantur; sed altera hic syllaba accessit, ne  
solum tribus sensibus in hauriendo flore liberi  
patris opus esse videatur, sed vero universis,  
hoc est præter tres istos tactum etiam & au-  
ditum, quorum initiales literæ T. A. sylla-  
bam efficiunt, nam & calor præsertim æsta-  
te, demit vino gratiam, & nimius frigus  
hyeme, calor autem & frigus tactus sunt ob-  
jecta. Nec auditum excludere licet, quan-  
doquidem vina generosa hoc habent, quod  
ob spiritus copiam tum in vase sic æstuent, ut  
audiri possit, tum etiam calici infusa, ac mox  
auribus admota. Cujus rei non semel peri-  
culum apud Dordrechtanos meos in cellis feci  
vinariis, sic jubentibus iis qui sua mihi vina  
commendatum irent. Aut valde fallor, aut  
una alteraque superest quæstio: verum minor  
Schedularum cui ea inscripta frustra nunc  
me quæritur. Ni fallor erant et de Periplo  
orbis, & scriptoribus, quorum lectio nego-  
tioso homini, sed quædam, maxime conve-  
niret; ubi se schedula ea obrulerit, respon-  
debo de priori. De altero agam fortasse in  
opere

opere meo de orbe disciplinarum & universis disciplinis. Salutabis plurimum optimam conjugem & heroinam focum, item affines Verium & Vivianum cum uxoribus. Etiam ubi occasio erit, Amplissimum Præsidem Crom . . . . Mea etiam vos omnes salutari jussit.

Amstelodami.

Tuus totus,

G. J. Vossius.

CCCXVII.

Da. Paræo. S. P.

JAM quartus est mensis, doctissime & amicissime Paræe, quod Amstelodamum veni. Ubi dum sum, redditus est mihi Lucretius Carus tuus, verè carus omnibus merito suo, nunc carior merito tuo mihi ante alios, quem, eo dicando, feceris tibi debitorem. Quare ut antea etiam scripsi, solum dispicio, quomodo me utcumque possim exsolvere, de quo cam nunc cogitarem aliquid scribere, occasione nundinarum Francofurtensium, commodior priori oblata est occasio adventu optimi & doctissimi Jacobi Hintzeri: Qui longe mihi gratissimus fuit, partim quidem ob egregias animi dotes, partim vero ob pulcherrimam operam, quam Ecclesiæ Dei & Reip. literariæ navat describendis apparandis iis, quæ magnus avus tuus in Schedis reliquit. Quantulum enim est, quod heros ille tot bona chartis commisit, si ea jaceant propemodum dispreta, vel saltem nunquam videant lucem? Ex eodem cognovi, præfere te studiis liberorum illustrissimi comitis Illemburgensis. Quod non improbo. Etsi enim is est afflictissimæ Germaniæ status, ut nec principes viri tantum possint erga bene merentes, quantum vel ipsi vel nos optaremus: ac fortasse etiam lucrosius transigi possit cum opulento ac liberali mercatore: nihilominus tanto illud magis ex honore tuo erit ac publico bono, quanto liberi excelsius nati, & ubi adoleverint, amplius etiam terris profunt. Interea non desinent amici hic tui (in quibus præcunctis nomen profiteor meum) meminisse tui, quoties vel professio in Academia, vel illustri Gymnasio, vel regimen Scholæ, in celebri quapiam urbe vacarit. Non quasi omnia possimus in tantâ Candidatorum & presantium copia: sed quia aliquid poterit affectus erga te noster, multoque amplius virtus & rara doctrina, tum tua, tum imprimis parentis tui, maximeque in-

clyti illius avi. Necdum enim ita male agitur cum Batavia, ut magna ejus merita exciderint animis hominum, utcumque atro carbone multi procures nostros apud externos depingant, quasi nescio quid monstri in religione alant: Quod hæcenus videre non possum. Utcumque illud non inficior, plerisque in urbibus ita esse animatos, ut solis iis, qui Dordrechtanæ Synodi decretis subscribunt, publica loca & stipendia tribuunt. Iis qui in prædestinationis dogmate Melanethoni vel Lutheranis accedant, permittant, ut Ecclesiarum suarum sumptibus, privatis in locis doceant: dummodo constet alienos esse ab iis dogmatis, quæ repugnant harmoniæ Ecclesiarum, quale imprimis est Photini ac Samosatani, quod Socinus de novo paxillo suspendit. Medulla tua Historiæ universalis valde me delectat. Quam non paucis è juventute de meliori nota commendavi. Quid enim turpius quam si ea particula Historiæ veteris contenta sit? Diffundendus est animus per omne ævum, quod pauci hodie faciunt. Tanto majorem fructum ac gloriam ex opera hac reportabis. De historia tua Ecclesiæ La-Merium conveni ipse, ac postea idem filius fecit. Sed nihil promittere voluit, qui nesciret de magnitudine libri. Solet ille magis capi iis, quæ minoris sunt molis. Addebat jam prælum fervere multis & variis. Respondi nec festinato opus esse, sufficere, si post menses sex septem editionem ordiatur. Quod si is difficillem se præbeat, non deerunt, ut spero, alii, qui lubenter id facient. Dissimulare tamen non possum, nusquam difficilius esse typographum reperire, quam apud nos, nisi quis suis sumptibus librâ edat. Fit hoc ob rerum omnium summam caritatem, quam causat grave & diuturnum bellum, quod nobis est cum hoste potentissimo. Sola excipio *iesuæ*, & nugalia quibus nihil vendibilius, ut ipsi non dissimulant typographi. De Nonio Marcello quod scribis, pergratum mihi est. Perge tantum, & quemadmodum Lucretium tibi devinxisti, ita de hoc etiam scriptore optime mereri. Non quia tantopere æstimem ejus eruditionem, sed quia tam multa ex veteribus adducit, quæ frustra apud alios quæramus. Dispiciam etiam annon juvare te hac parte possum: sive iis, quæ *deus* habeo ab aliis observata, sive etiam nostris. Omnino enim saveo instituto tuo: quia satis jam perspexi, quantum in posterum à te expectare debeamus. Columna olim sum usus amici beneficio, cum in tragicarum fragmenta notas ederem meas: sed ipse non habeo, & amicus ille à quo habui, nescio, an usque adeo paratus sit in exteras oras mittere, sed tamen, si ille tantillum mea



causa recusaverit, aliunde poscam ab iis, qui faciliores sint. Saltem non cessabo, usque dum misero. Crastino die Lugdunum tendo, aut summum perendie, ubi hanc curam curabo. Magnopere etiam lator, quod Palatinorum principum ac Bavarorum vitas edere decrevis. Valde favo huic proposito, partim quia Palatinatus mihi natale solum; partim quia illa portio est historiarum universarum, quam urgere semper soleo. Sed de isto & aliis tecum pluribus loquar proximis literis. Interim, amicissime Patre, egregia, & parentis & avi proles, mutuo nos amemus inter nos.

*Amstelodami.*

*Tuus sine dolo, moreque  
majorum,*

G. J. Vossius.

CCCXVIII.

Jacobo Wittio S. P.

**U**T dies non sine nocte, ita nec amicorum scriptiones sine silentio. Cavendum modo ne nox longa fiat, qua ad Lethen itur. Quod ne nobis contingat, post anni huius silentium has ad te literas mitto. Superiores tradideram Polyandro, qui se ad urbis vestrae Ecclesiasten dixerat scripturum. Verum nec ille ab Ecclesiaste, nec ego à te responsum accepi. Unde prope est ut mala fide curas suspicer. Fortasse jam aliunde intellexeris, ut Amstelodamum à proceribus ejus urbis vocatus sim, quo in illustri Gymnasio, quod magno Bataviae bono erigunt, Historiarum sum ac Politices professor. Stipendium annuum erit bis mille sexcentorum Florenorum. Accedit pulchra habitatio, quam hic vix octingentis aut etiam nongentis conducere: magnae etiam factae spes liberis meis; quorum mihi potissimum ratio habenda fuit. Jam enim plerique idonei esse incipiunt, qui munia publica capebant. Joannes Cantabrigiae Socius est Collegii Jesu. Franciscus est advocatus Curiae Hollandiae, strenueque pro aetate saepius jam causas egit. Matthaeus paucis mensibus cogitat edere historiam comitum Hollandiae. Dionysius quid possit, propediem ostendet, partim in Latinis & Graecis, partim in Hebraeis, Arabicis & aliis Orientis Linguis. Nec malignam de sese praebent spem Isaacus, & Gerardus, omnium ille minimus, qui jam annum explet undecimum, & Latinis, Graecisque literis, historia etiam sacra, Romana, Graeca, non

tinctus quidem, sed tamen pro aetate non leviter est adpersus. Filium natu major Cornelia jam nubilis, quippe quae annum exegit duodevigesimum. Nec pro sexu minus se probat quam fratres. Soror ejus Joanna jam novennis est, & ipsa ingenii satis amoeni. Utinam sic res tuae ferrent, ut me cum omni cognatorum tuorum familia, ac imprimis uxorem meam & sororem ejus Mariam, quarum utraque te saepe habet in ore, semper in corde, invisere cum praestantissima tua uxore ac liberis possis. An nunquam illa dies adveniet? mihi vero juvenescere viderer, si tam beatus forem, qui saltem vel ad paucas vos hebdomadas hic conspicerem. De nobilissima matertera, heroina matre tua, tacere cogor, quia aetatem ejus id scio minime ferre. Sed tamen volupe est, quod vivat & valeat. Quod ut diuturnum esse possit, Deum rogo. Cui te, vir amplissime ac nobilissime, & dilectissime cognate, etiam & etiam commendo. Salutem dices meo nomine & omnium nostri, conjugii lectissimae, liberis, & dominae matri. Sed & clarissimo Ferrio, cujus ego vindicias pro Scholastico Orthodoxo, cum fructu & voluptate legi. Tuum erit, quando occasio dabitur, praestantissimum virum monere atque adhortari, ut porro bene mereri de Ecclesia Dei pergat. Vale.

*Tui amantissimus, non minus  
virtutum tuarum causa,  
quam ob arctissimam con-  
junctionem ac necessitudinem  
nostram,*

G. J. Vossius.

Imperiales xxxviii. quos miseras affinis mei Cazimiri Junii viduae, accepi; deque eo per affinem meam, Mariam Juniam, certiorum ipsam feci. Aveo nosse ecqua dignitate in patria tua fungaris. Amicus retulit te vel urbis esse senatorem vel Principis Lotharingici Consiliarium. Quae ne patere me hoc diutius ignorare. Iterum vale & ama nos: scis votum amantium, Amari volunt qui amant.

CCCXIX.

Joanni Meurfio.

**U**Tinam, clarissime & amicissime vir, de me & meis perscribere possem jucundiora. v. Kal. Februarias ipsa Gerardi mei natali amisi suavissimam majorem natu filiam Corneliā, virginem ea pietate, moribus

bus illis, ac rei domesticæ intelligentia & cura, illa, ut de Latina taceam, Gallicæ, Hispanicæ, Italicæ Linguae peritia, illa notitia tum omnis generis Musices, tum & calamo, & penicillo pingendi; ut tot bonis boni numinis gratia concurrentibus, omnibus fuerit admirationi qui nossent, fatendumque sit non eam profecto minus sui sexus laudibus excelsuisse, quam suis filiorum quos habui vel habeo quemquam. Quodque dolorem auget, ea mihi momento erepta, dum per glaciem rheda cum fratre Matthæo & sorore Joanna Illustrissimique Polonici Legati Filio fidei meæ commendato, nec non Ephoro ejus traha Leidam fertur. Non quidem quicquam imprudenter existimo hic factum à meis. (si quidem ea crassities glaciei erat ut centenæ eodem tempore trahæ veherentur sine periculi formidine) sed non impudens minus quam imprudens traharius, dum invitis sessoribus prævertere vult antecedentes, ad latus ubi piscati antea fuerant, tenuique glacie aqua erat obducta, deflebens, omnes præcipitavit in aquas: unde prima quidem extracta Cornelia (heu nuper mea!) sed jam terrore & casu plane exanimata: Ceteri vivi educti virtute potissimum, post Dei gratiam, Matthæi mei qui ter in aquas insiliit non sine magno sui periculo, ut succurreret alieno. Prope ista Leidam contigere, qua occasione filia est avito inlata sepulchro. A tristibus veniam ad lætiora, ea nempe quæ te & tuos spectent labores. Tandem persuasum Typographo est, ut serio staret diuturnis promissis. Nec dubita quin intra mensem unum vel alterum Danica tua sit absoluturus & exorsurus ea quæ ad *πολυεργίαν* pertinent. Opus nostrum de Idololatria Lentulum experitur non Celestem quales Metelli. Sed & minus urgeo ut tuis incumbat magis. Nec urgeo illa filiorum de quibus scripseram; facturus tamen simulæ sex septem folia excuderit in Philologicis tuis. Si tum esse trico volet, cum vicino Janfonio transigam. Malim à Blauwio non uno nomine. Sed quomodocunque malim quam me eludi. Maimonides Dionysii mei jam ante annum & ultra absolutus, sed adhuc deest præfatio. Salmasius de usuris scripsit. Quod opus se transmittere tibi hesternæ die Elzevirius aiebat. Heinsiana in Nov. Testament. opera credo jam in medio Paulinarum occupatur Epistolarum. Fortasse subsequenter Salmasianæ Notæ; quod fierit, plurima in Heinsiana animadvertet. Imo & in hoc de usuris videre possis, adversum Aristotelis Politicorum paraphrastem (nec ignorare virum potes) accurate differentem. Hottomanni Alconium ex Filii mei Isaaci Bibliotheca ad te mitto. Is, imo & Conjux

& omnes mei plurimum salvere te & uxorem optimam & liberos jubent. Estque is affectus eorum mihi longe jucundissimus. Nam profecto quid pulchrius quam quod junior ille ait Isocrates, *πὸ πάλαι ὁ νόμος ἔσται ὅτι οἱ φίλοι καὶ πρὸς τοὺς ἀνεγγονοῦν*. Vale magna Meursii anima & æternum mihi meisque anima.

Amstelodami,  
clō lxxviii.  
Tēχτα

Tuus tuorumque totus,

G. J. Vossius.

COCXX.

Hugoni Grotio S. P.

JAM tertia est hebdomas, Illustrissime Domine, quod postremas tuas accepi. Iis saltem post longiusculam in scribendo cessationem, quam primum oportuit responsum dedisse; sed more suo moratus me est Blauwius J. C. cum semel, iterum, tertio, conveni domi suæ de Editione *ὑπολογιστῶν*, idque tui quidem gratia, sed magis, & mei, & communium studiorum. Distulit rem semper his verbis, conveniendum sibi prius esse Parentem, quia nihil nisi ex ejus sententia, statuere auderet. Velle me postea domi meæ, de omnibus facere certiorum. Ubi video me eludi, denuo accedo, casuque illius in ædibus, Parentem, & alterum etiam filium deprehendo. Prius senex dubia uti oratione; sed cum dicerem aperte agendum esse; absque eo nihil certi posse tibi respondere: in hanc sententiam absque circuitione aliqua est locutus. Nec suæ esse consuetudinis, nec sententiæ, scriptoribus addicere exemplaria compacta; imo ne incompacta quidem ad centenorum numerum: planè id sibi fore damnosum: præsertim in hoc opere; quod aliunde esset edoctus, hominum fore elegantiorum; non eorum solum, qui *οὐκ ἐν τῇ ἀλαφρίᾳ* attenderent. Longè magis se rem facere ex scriptis, quæ puerorum, aut vulgi, & semidoctorum manibus tererentur, quam quæ amarent, ac mirarentur pauci, de meliore luto à Prometheo efficti. Præterea terri se malo vicino: qui simul ac à se aliquid viderit editum, recusat confestim. Aureum esse volumen, quod de Jure Belli scriptum à te fuit. Vicino tamen recudente, coactum se suam editionem, longè minori pretio divendere, quam impensa sinerent. Ita damnum fecisse Opere eo, emolumenti nihil. Nec referte, si nulla hic culpa fuerit tua, dum tuo factum sit damno. Velle te *ὑπολογιστῶν* tuam eleganter prodire;



re; vicinum mox expressurum Typis minoribus, charta viliori: Id fore satis majori emptorum parti, dum Opus hoc quomodocumque habeant. Tandem ita obliquare longos logos: paratum se esse excudere hoc opus, dummodo intra plus minus LX Exemplaria incompacta consistatur: neque id facturum tum se esse spe tantilli lucri, quippe damnum se magis presentire; sed spe ista, ut excudere postea possit historiam tuam, & in Novum Testamentum notas. Hæc ego apud Atticum Asiatico sermone diffudi, ut melius certiusque mentem hominis aperirem. Omnino is ingravescente hac ætate, præsertim post Uxorē amissam (id ante tres menses factum) attentior ad rem evasit. Præterea, vir aliqui optimus, *μυνησθησάντων* est, ac imaginatur, sibi non multum vitæ superesse; fortasse & terrent impensæ, post tantos sumptus, quos fecit in Atlante: Nec enim minores esse possunt, quam L. aut LX. millium Carolinorum. Et tamen non abhorret ab editione *αὐτονομίας*: sed valde inhiat gemino operi jam memorato: scit historias ab omnibus expeti, ac legi: Et in tanto per Orbem, qui Theologi sint, aut videri velint, numero, non de fore uspiam emptores sacro argumento, quod tam illustri se auctore tueatur. Opus nostrum de Idololatriæ origine, ac progressu, spisse procedit; partim ob occupationes, quibus vix par sum, partim etiam, quia sub manibus crescit. Itaque jam excuti quaterniones, ut vocant, LXXX. Nec video, ut ante tertium abhinc mensem exire in lucem possit.

Credo jam intellexeris de Excessu Noomfii Arlander veniæ Domini. Amabam virum, quis tam amicum se gessisset erga me, & meos; & ea pietate esset erga Deum, quam in paucis istius fortunæ hominibus deprehendas. Unum semper ejus animum cruciabat, quod stulte ante connubium egisset. Et per est verisimile hoc fatum ei accelerasse: adeo illud ad animum revocabat; etsi nihil ab eo peccatum deliberato; sed si probè ab eo sum edoctus, ebrius insidias evitare non valuerit, quas sobrius non semel effugisset. Credo & eam fuisse causam, cur equestri dignitate ornatum se cuperet, ut quia videret, uno altero obstante, in Magistratu legendi, sui rationem haberi nullam; titulis aliis, non inferior æqualibus videretur. Non tamen S. Michaelis ordinem expetebat (negabat se pro tempore eo, tantos spiritus gerere) sed sufficisset honos, quo quomodocumque nobilitatis nomen referret.

Convenit me his diebus, Thylius antea Hardervicenus, sed ab annis jam XVII. Leidensis Theologus. Is decrevit edere in lucem ea quæ pertinent ad scriptores Ecclesiæ, qui primo vixerint seculo. Quales eti-

am Ignatius, & Polycarpus, etiam ætatem ulterius continuarint: scis Latine extare Polycarpi Epistolam ad Philippenfes: Eam Græcè dicitur habere Sirmondus. Habet & Salmasius beneficio Sirmondi; à quo excipit nactus quoque Thylius; sed ait, si ex Latinis judicium sit faciendum, partem desiderari in illis quæ Salmasius, & ipse habent Græcè. Metuere igitur, ne fucus sit Salmasio factus à Sirmondo, partem Epistolæ Græcè sibi reservante; ne honos iste, editæ Epistolæ ejus, sit penes quemquam à Romanæ Ecclesiæ sententia alienum. Quæ desiderantur, quantum recordor, incipiunt ab illis verbis. *In his ergo statu, & Domini exemplar sequimini*, &c. Petiit igitur Thylius, hoc ad te scriberem, plurimumque te rogarem, ut Operam des, quo Græcum Sirmondi Exemplar, ipse videas, & per Amanuensem, quæ desiderantur excipere cures; vel si Sirmondus non passurus sit codicem suum extra limen deferri, saltem per alium, tantum efficias ut etiam extrema à quocumque, sed fido tamen homine, de codice ejus excipere habeamus. Multum metuo, ne sua Thylius de Sirmondo fallat suspicio; sed ut verum esset, parum est verisimile, quod facere noluit, ingratiæ eruditi Galli, id Belgæ ergo facturum. Et si in hoc aut simili negotio, frustra antehac fuisti, ut mihi relatum, merito verearis, secundo te repulsam laturum. Volui nihilominus hoc veteri dare Collegæ, nec tibi ignoto, ut perscriberem quod à me petiisset.

Meursii opera, hebdomade proxima, incipiet excudere is, qui optimum virum jam quinquennium elusit. De Philolao, quem ut petieras, tradidi Hortensio, & Blauwio, quid futurum tandem sit, juxta sclo cum ignarissimo. Blauwio editionem commendavi sedulo. Postea negotium omne commisi Hortensio; qui ad se Philolaum, non me missum aiebat: ostendi igitur partem literarum tuarum, qua mihi mitteres, sed eo fine, ut judicio Hortensii, & Blauwii, vel ederetur, vel remitteretur. Mox causatus me tribus mensibus detinuisse; Id pernegavi, qui pridie domum post vespertinam octavam accepissem. At inquebat literis subscriptum, ante trimestre esse exaratas. Narravi ergo, ut juvenis is cui Philolaum ad me dederas deferendum, cum cum literis ad Hortensium, arce sue inclusisset, Hanc ut ipse mihi juvenis exposuit, trimestri fuisse Rothomagi detentam. In istoc & similibus, *supra* Hortensii molestior mihi foret, præsertim merita mea cogitanti; nisi virtutibus hanc compensari putarem, & ad istiusmodi penè obdurussem jam ab adolescentia. Impe se ab eo actum, ut publicis impensis, id auctoritate Ordinarum Generalium,

neralium, ad Galilæum de Galilæis mitteretur. Perhonorificum hoc foret, & ex colloquio cum viro reconditæ doctrinæ, multa addiscere daretur. Ac forte in Gallia, vel Italia, luculentior obtingeret dignitas, quam apud nos habet; sed enim metuo, ne tam facile id nunc sit consecuturus; postquam urbicus senator Realius, Indicus antea Præfectus, vitæ huic est creptus, qui valdè hoc negotium urgebat, ut nosse te arbitror. Quamquam vero non leviter incommodare possit illustris urbis hujus Gymnasio, si compluribus mensibus, nullæ habeantur auditiones Mathematicæ: nihilominus decretum, si auxilio nostro ei opus erit, adjuvare eum apud urbis hujus Proceres: Idque ea fiducia, quod publico nomine, & stipendio missus, futurus sit devinctior ad se sistendum postea Batavis; & quodcumque fructus ex professione perceperit, suis potius impertiendum quam alienis.

Hæc cum scripisssem intervenit Constantinus l'Empereur, Hebræarum apud Leidenses literarum Professor, vir tui amans, & æstimans, supra sui ordinis complures. Is se misisse ad te aiebat, quod proximè de Hebræis Legibus opus edidit; sed cum adderet, vix esse tres quatuorve hebdomadas, quod misisset; negavi mirum esse, si responsum haberet nullum, quandoquidem magna sæpè incuria esse eorum soleat, quibus libros damus deferendos. Non pessime actum iri, si vel tertio post mense acceperis, vel quarto. Id tibi in meis, mihi semel iterumque in tuis, (ut illo quem miseras Philolao) contigisse. Recepi tamen sic poscente hujus me rei mentionem facturum iis quas jam literas exararem. Idem Constantinus revidere postremo solet paginas excusas exercitationum sacrarum Heinii in Novum Testamentum. Credo partim, ob Hebræa quæ intercurrunt; partim ne quid aspergatur, quod rerum sacrarum, præsertim de quibus controversantur in scholis, minus probet intelligentem. Is retulit mihi jam deventum esse à Typographo ad notas in Epistolam ad Romanos. Transit hanc per urbem Illustrissimus Regis Polonici Legatus, vir doctus, & perhumanus, tuoque affini in Galliis, juventutis tempore, perfamiliaris. Jam credo ex eo cognoris, ut legatio hæc successerit in Britannia. Nam ad affinem tuum scripturum se aiebat. Apud nos filium, cum Ephoro relinquere maluit, quam apud Leidenses, ob tot foeda quæ proximo mense illic peracta erga mulieres, imò & adolescentes. Referre ea pudet. Heu quantum locus ille immutatus ab eo qui in utriusque nostri erat adolescentia.

Jam aliquot menses præteriere, quod in

lucem prodiit affinis mei Francisci Junii Opus, de Pictura Veterum: quod alia de Pictoribus Antiquis subsequenter. Is mihi commisit, ut Exemplar ad te transmitterem; sed non video, ut commode hinc fieri possit, hyberna tempestate: filio igitur exemplar dedi, quod fratri tuo optimo Guiljelmo daret. Is occasionem aliquam melius intelliget.

Amstelium Vondellii, quam illustri tuo nomini inscripsit, jam ut puto videris. Diu quominus ageretur, obstitere aliqui Presbyterii, ut arbitror nomine. Tandem id Consuli Gravio commissum ut perlegere cum cura veller. Dixit se nihil invenire, quod jure offenderet. Nam quod dicerent, *maxor* totum drama, uti & Authorem, id sibi parvi ponderis videri; eo quod personæ debuerunt introduci, non ad tempora reformationis, sed temporibus suis accommodatæ. Nudius tertius primo actum id drama, idque majore tanto cum applausu, quanto diutius elusa fuerat populi expectatio. Cum in eo essem, ut literæ obsignarentur, domum meam venit Blauwius J. C. Querit utrum jam ad te scripisssem. Dixi literas necdum missas. Petiit in hunc modum scribere vellem. Ita jam occupata esse prela sua omnia, ut intra tempus longiusculum nihil novi tentare ausit. Nam hac ipsa hebdomadæ, bina, ternæve prela occupaturum solis operibus Meursianis. Quæsi utrum prudenter satis rejiceret editionem tui operis, cum & *Arctologia*, per se opus sit gratissimum, & tanti interpretis translatione, & nobis longe futurum sit commendabilius. Causatus tum ille, & malum vicinum, & quod non posset ex animi tui sententia excudi, nisi gravioribus impensis, & alia ante memorata, ut reponere nihil attineat. Nimirum hæc verè *arctus*, quod renunciatum venerat, solum *arctus*.

Deus Opt. Max. diutissime te & Heroinam conjugem, & filiorum utrumque, cum filia optima (quos omnes ego, & omnes mei impensè salutari jusserunt) salvos, & sospites conservet. Scribebam festo Epiphaniæ anni hujus clb lxxviii. quem prosperum ac foelicem, ut inchoantis anni tempore fieri amat, comprecarer, nisi superiori voto, & hoc, & alia, mihi complexus viderer.

Tuus attonum Cultor,

G. J. Vossius.



## CCCXXI.

Simoni Beaumontio Syndico Rotero-  
damensi S. P.

**V**IR amplissime, atque eximie, tertio jam & plusculo intervallo, manum admoveo calamo ad rescribendum; & quod de die non erat, nocturni temporis beneficio (O beatas noctes non studentium minus quam amantium!) impedit nullus. Seu *juridicina*, seu *causidicina*, tuo voles in versu, fautores habes non malæ ætatis scriptores, atque eos quos maxime voles, vel Jurisconsultos, vel verborum juris retinentissimos. De Tertulliano qui virum norit, nemo inficias ierit. Is opere Scholastico, de Pallio, quod exaravit ubi Presbyter erat factus Carthaginensis, occasione ea quod velut, *ἀνέκδοτος*, pro toga, Pallium assumpisset, hunc in modum scribit capite tertio: *Cato juridicine sue in tempore humerum exertus, batid minus palliato habitu Græci favit. Juridicinam dicit pro tempore eo, quo jus diceret Prætor. Prætores enim cinctu Gabino, hoc est nudo humero dextro, (hoc enim est quod Tertullianus ait humerum exertus,) jus civibus dicebant. Hoc cognoscere est ex veteri interprete Persii in illud, satyra quinta.*

*Bullaque succinctis laribus donata pendit.*

Atque item Isidoro Originum, Lib. XIX. cap. 24. Ut autem à *juridicus*, *juridicina*, ita à *Causidicus* formarunt jurisconsulti vestri, *causidicina*. Qua voce usus Ammi-  
Pag. 452. Edit. anus Marcellinus, Lib. XXX.  
Hamburg. Ad ultimum id habet *causidicina* cum ceteris memendum & grave, quod hoc penè ingenitum est penè litigantibus cunctis, ut cum jurgis, mille casibus cadant, accidentia secus in potestate esse existiment Patronorum, &c. Dixit aliquis hunc & hominem fuisse Græcum, & Militem, uti ipse de se refert, extremo Historiæ suæ. Dabo igitur Aurelium Symmachum, Oratorem eumque Consularem. Is tribus in locis hoc usus est vocabulo. Ut Lib. V. Epist. XV. quæ ad Theodorum Sancto Lampadio, germano tuo, & ad spem processus, & ad bonam viam morum, *Causidicinam credidi profuturam*. Item, Epist. LXXIII. quæ ad Licinium: *Modestiori causidicine dare nomen afficiat*. Alibi idem, *Qui Magisterio tuo Causidicine infirmo candidas*. Sed quid his infisto? Præclarum quidem Symmachi nomen, quem in florido dicendi genere, nullo Veterum minorem ait Macrobius, Saturnalium Lib. V. cap. 1. Malis tamen scio Imperatores, qui

stante Roma, & eadem qua Symmachus vixerint ætate, sunt hi Theodosius, & Valentinianus. Codicis Theodosiani Lib. VIII. Tit. 4. A. A. Si qui verò cohortales, vel subiecti cohorti, ullam ante hanc legem gessit militiam, aut ceptam dudum etiam nunc gerit, aut *causidicinam* in foro amplissime prædicat, atque Illyrici, vel urbano proficitur iudicio, in eodem latuerunt pridem constitutionum sanctio observetur. Vides illustrem locum eo ex opere, quod mecum scio miraris, vir amplissime, non magis esse, in manibus eorum, qui se Themidi vestræ sacrarunt. Et sanè quid *ἀνατολή* utroque, quæ diximus, vocabuli. Nam ut à *Causidicus*, *Causidicina*, à *juridicus*, *juridicina*; sic à *carisificus* *carisificina*, à *vestificus*, *vestificina*, apud Tertullianum de Pallio, ab *Indice* *Indicina*, Apuleio VIII. Milethiarum, & aliis alia id genus. Vale, vir maxime, & porro nos amare, ac de Republica Batava benè mereri perge.

Amstelodami  
cl. lxxcxxxviii.  
Kal. Febr.

Tuus æternum,  
G. J. Vossius.

## CCCXXII.

Martino Pilio S. P.

**I**TA est, ut scribis, Ornatissime Pili. Planè ego, & præstantissimus Patruus tuus, iisdem in pueritia præceptoribus, Oxydrio, & Rekenario, viris doctissimis, usi sumus. Sed quod in vita ejus, de viro Cl. Francisco Nansio, lego, longè aliter est. Quippe is demum post excessum Oxydrii, Latinas Græcasque literas docere Dordrechtii coepit: At superstitè Oxydrio, jam Leidam se contulerat Pilius, ut vel ex Rekenarii Epistolis à te editis cognoscere licet. Imo quo tempore docere Nansius coepit, (id anno fuit cl. lxxci) jam juris studio se Pilius addixerat. Primum ego Nansium, postremumque audiui; sed nunquam ego, & Patruus classe fuimus juncti. Quid mirum? quando ille ut ætate, (septennio enim natu grandior erat) ita etiam eruditione longè superior foret. Itaque postquam ille Gymnasium Dordrechtanum reliquit, præter dulcem sui memoriam, etiam exemplum reliquit, quod imitaremur. Sanè laudibus ejus ego, & æquales mei non leviter ad studiorum amorem accendebamur. Præsertim cum Academicarum feriarum tempore, excurreret Dordrechtum, & veterem suum Præceptorem Rekenarium, in Gymnasio docentem, honoris, & amoris ergò, au-  
dire

lire dignaretur. Ac licet vix egressi essemus pueritia, tamen quotquot necdum subduxeramus manum ferulæ, facile videbamus, nihil gratius Rekenario esse ista discipuli comitate. Nunquam sane eruditius, ac disertius docebat, quam honorario hoc auctus auditore. Postea etiam multa magni erga Rekenarium affectus indicia dedit; præsertim ubi præterito Rekenario, quasi Græcè non satis gnaro, Reçtori Oxydrio Hadrianum Marcellum susceptum vidit. Quam graviter id tulerit, argumento erit, quod cum audiisset à Marcello, ejusque discipulis, aliquot sic spargi, Rekenarium Græcæ vix delibasse; Gymnasium sit ingressus, ac nobis audientibus, in hanc sententiam, Marcellum sit affarus. Intellego optimum, & doctissimum Præceptorem meum à te, tuis traduci, ut Græcis literis minus excultum. Accessi igitur, ut ex discipulo æstimare discas magistrum. Hominum cedo, vel Ilocratem, vel quemque Græcum scriptorem voles. Experiamur, quid uterque extempore interpretando possit. De peritia utriusque penes Franciscum Nansium, & alios judicium esto. Carmine & politiori literatura præstabat Rekenarius: Sed longo eum intervallo superabat Marcellus, ut Artium, & Philosophiæ scientia, quam Lovanii hauserat, ita & peritia sermonis Græci. Nec exiguum eo honorem reportarat aliquot ante annis, Antverpiæ, quo tempore & privatam ibi scholam aperuerat Bonaventura Vulcanius. Sanè ita vulgo ferebatur, plures Græcè eruditos è Gymnasio suo emittere Marcellum, quam Vulcanium. Equidem multum metuo, ne id magis incuriæ Vulcanii fuerit tribuendum. Nam quantus in Græcis fuerit is vir, optimè præter Academiam Lugdunensem, in qua biennio quasi docentem audiui, testantur ejus tot monumenta per universam diffusa Europam. Sed enim ista tum nos fugiebant admodum Adolescentes. Nec aliud æquè mirabamur, quam sic à Patruo tuo, vix annos nato duo & viginti, provocari ad certamen, senem, qui annos xxx. & quod excurrit in literis Græcis insumpisset. Sed hanc Pilio fiduciam gignebat, quod priusquam iret Leidam, ab Oxydrio Græcè doctissimo, præclare ea lingua esset imbutus, & cum Leidæ degeret assidue, manu tam Græcos verfasset, quam Romanos. Unum tamen in se Leidæ culpabat, quod Rami, potius quam Aristotelis præceptis, à Præceptoribus esset imbutus; Primus enim Philosophiam peripateticam, in Gymnasium Dordrechtanum introduxit Marcellus. Nec dubium, quin ad amorem Aristotelis, multum eum accenderit tum Justus Lipsius, qui in Epistola quadam scrip-

serat, non fore magnum, cui magnus esset Ramus: tum etiam Petrus Molinaus, vir omnino Peripateticus, quo utebatur familiariter. Sic igitur claudicaret hac parte doctrina, & ipse frequentare Peripateticos coepit: Ac initium fecit ab initiis Crellii, qui eo tempore palmam in hac arte præcipuisse cæteris videbatur. Meminit ipse ejusce rei, in literis suis, ad Nob. & Cl. Joannem Polyandrum seniore: quicum & magna illi notitia erat. Cumque per varia animum diffunderet, nunquam tamen deponebat amorem Poeseos. In quo quantum præstiterit, conjecturam capere licet ex iis quæ jam editione nova ab Orco vindicasti. Sic ille Latinis Græcisque literis, & cum liberalibus artibus, tum prosa, vorsaue facundia instructus, animum ad juris scientiam appulit; cujus exemplum si imitarentur adolescentēs, non tot in publicum cruda propellerent studia, meliusque & sibi & publico consultum irent. Sed hæc emendare non est nostrarum virium. Tuam pietatem erga Patrum non possum satis laudare. Quid enim iniquius fuisset, quam ut laudatissimus undecumque Patrus tuus, à quo nihil non magni Patria expectabat, paucos intra annos intercideret totus? Id permittendum nulli bono, & studiorum amanti erat. Minimè omnium tibi, fratris filio: quem, ut video, Typographus tuus in ipsa inscriptione nepotem vocat; quasi Nepos non sic se habeat, ratione avi, uti filius ratione Parentis. Sed perminutum hoc, & à quo minimè pendeant, vel salus Patriæ, vel honos Patru. Et fecit ille non sine exemplo doctissimorum nostræ ætatis hominum; non tamen eorum, ut arbitror, qui Romanis temporibus purè loquebantur. Nam locus unus alter quem objectant è digestis, vel malè lectus, vel malè intellectus. Quod in jure sic subactus, facile videbis; ubi tam ad pusilla etiam te dimittere voles. Illustri Dom. Exlegato Beverio, affini tuo, magno Patriæ columini, ubi occasio feret, plurimam meo nomine salutem dicito.

Amstelodami  
cl. loc. xxxviii.  
xv. Kal. Febr.

Tuus omni studio,

G. J. Vossius.



## CCCXXIII.

Merico Casaubono, Isaaci F. Ger. Jo.  
Vossius S. P. D.

Reverende Clarissimeque Vir,

**S**I Gregorianam temporum seu emendationem, seu depravationem sequimur, decurrit hodie annus vetus: cras inibit novus, quem fortunare cupio tibi ac familiæ toti & venerando fratrum Collegio. Nos hic post mortes Dionysii, Joannis, Cornelie; postque morbos graves Matthæi, Isaaci, Gerardi, & corpore interdum languemus, & animo subinde, ut Augusti utar voce, betizamus. Accedunt molestiæ aliæ pene quotidie. Sed in universis voluntati divinæ acquiescimus. Interea spissius procedunt Musarum Labores. Adde quod Typographus noster ipse moras plurimum nectat, ac sæpius habet quod existimet prævertere oportere, uti nunc Barlaamam descriptionem pompæ quam hic conspiceret fuit, ingrediente urbem Regina Matre Medicæ: ea intra mensem aut circiter cum picturis elegantissimis prodibit. Hoc magis sepositis paulisper nostris in iis festinatur, ne diuturniori mora gratiam deperdant, si quæ cum Italorum pompis collata tantum fuere mediocria, hæc nimis magno molimine tarde admodum videantur lucem. Rerum hic novarum nihil habemus, nisi de capto Brisaco nomine Galliarum Regis. Eo difficilius succedet pacis negotium in Germania. Neque enim adduci se finet Rex Christianissimus, ut reddat locum tanti momenti. Absque eo autem Cæsar omnes conditiones pacis respuit. Interea hoc inde boni proveniet foederatæ Belgicæ, quod Cæsar non poterit æstare proximâ exercitum adversum nos mittere, uti decrevisse fama undique percrebuerat. Abunde enim nunc milite suo opus ei erit tuendis regionibus iis, in quas è Brisaco fieri possit irruptio. In urbe hac intra menses duos tres non minus XL. è viris Mercurialibus foro cesserunt. At qui etiam aiunt plures esse quinquagenis. Et complures in iis qui debeant ultra trecenta florenorum nostratum millia. Hæc res perdet plurimos qui illis crediderant, nec leve hinc damnum toti mercaturæ, quod & magnopere incommodavit publico: præsertim si verum est quod aiunt, moribus antiquis verisque rem stetisse Romanam: pecuniis adversus tam potentem hostem stare cadereque Batavam. Interea hoc solatii nobis, quod hinc æstimare discimus animi bona præ illis fragilibus ac fluxilibus. De præbenda Cantuariensi quæ bono meo

expiravit hoc mense Decembri, curæ tibi fore confido, ut ea pecunia annumeretur Mercatori Amstelodamensi Custenio, sive quem ille in Anglia huic rei præfecerit. Uxor uxorem optimam, imo nos omnes salutamus vos omnes.

Amstelodami c. l. l. c. xxxviii.  
Pr. Kal. Februarias.

## CCCXXIV.

V. Cl. Merico Casaubono Ger. Jo.  
Vossius S. P. D.

**I**N summo mœrore meo pauxillum hoc literarum scribo, præstantissime & amicissime Casaubone, siquidem Dominus Deus quam mihi dederat abstulit filiam natu maiorem optimam Virginem, & multis nominibus laudatissimam, quam rem ex aliis qui norint malim te intelligere. Quodque dolorem mihi auget, erepta mihi tristi infortunio. Dum enim his ut terris, credo & Britannicis, obtinet hyeme, per glaciem rheda, sive traha malis, una cum fratre, sorore, cognato & duobus aliis fertur; nec impudens pariter & imprudens auscultare vult meorum & alicrum monitis, universi rupta glacie in aquas præcipitati. Tenella illa mea, partim casu, partim metu exterrita, mox obrigit: ceteri, sed non absque maximo periculo, evasere. Sed plerique eorum salutem post Deum debent filio Matthæo, qui non semel in aquas insiliit sponte, ut salvaret ceteros. Sic Deus, mi Casaubone, me exercet in hac vita, qui & hæcenus dat illud, & ut confido, porro dabit, ut in sanctissima ejus voluntate conquiescam. Jam ut scis viginti quinque debentur mihi libræ Sterlingicæ ex Canoniciatus Præbenda, quam vocant. Nempe expirarunt Decembri mense anni superioris c. l. l. c. xxxvii. Tantumdem hic mihi hodierno die annumeravit honestissimus & ornatissimus Kustenius ea fiducia, ut quamprimum refundatur ei Cantuariæ sibi, vel illi, qui nomine illius ostenderit schedulam à me subscriptam, spero nullam fore moram vel in te, vel fratrum charissimorum quoquam. Plurimum salutem à me & meis dicito lectissimæ uxori, sed & Reverendo D. Decano & toti Collegio venerabilium fratrum.

Amstelodami c. l. l. c. xxxviii.  
xviii. Febr.

## CCCXXV.

CCCXXV.

Joanni Isaacio Pontano.  
Hardervicum.

**J**AM credo intellexeris, Præstantissime Pontane, de excessu Corneliæ filiæ meæ, natu majoris. Ea cum fratre Matthæo, sorore minore, cognato item Junii Nepote, sed & Illustrissimi Poloniæ Legati Filio, & Ephoro ejus, Leidam per glaciem, ferebatur rheda, ut nostrates ea tempestate solent. Et erat Meis ea in urbe negotii quiddam. Sed Rhedarius, nisi Traharium malis dicere, minimè obsequens assiduis eorum quos veneret monitis, dum prævertere alios conatur, non impudens minus, quam imprudens, universos in glaciis fracturam, ubi piscaretur antea, sed tum leviter glacie erat obducta, conjecit. Unica illa Cornelia confestim obriguit. Cæteri sed non sine magno periculo, virtute Matthæi evaserunt: cui in hoc tristi infortunio, favore divino robur erat triplex, & pectus adamantinum. Ita ut tertio etiam ad alios liberandos, se in aquas præcipientem dederit. Ferreus sim, vel siquid ferro durius, nisi hic casus me admodum maceret, & coquat. Tamen me non medicriter solor divina Providentia, sine qua nec capillus nobis excidat, ut Sospitator prædicat. Hic interim mœror me paulo fecit tardiorē ad rescribendum. Præterea quod cum tuæ huc literæ ferrentur, Lugduni essem, quo me receperam exequiarum ergo. Nam avita Junii sepulchro est illata. Simul illud ut deferrem fecit, quod Papiam ipse non haberem. Nam quod ad opus Grammaticum nostrum, ubi subinde memini, amici sum usus codice: qui dicit sibi ejus usum esse necessarium in Isidori glossis, quas cum commentario edere decrevit. Dolet quod non possim Stephanio gratificari, cuius ego, & virtutem amavi semper, & æstimavi doctrinam. Aveo scire ut valeas. Nam literæ tuæ ad me, injecerunt sollicitudinem non levem: Sed spero jam planè convalueris. Id Deus faxit, non tui modo, & tuorum causa; sed vel maximè propter Remp. Literariam, quæ & Geldricam tuam historiam, & alia à te avidè expectat. Omnes mei te salutant, foeliciusque hunc annum decurrere tuæ familiæ cupiunt, quam meæ cepit.

Amstelodami,  
clō Ibc xxxviii.  
xvii. Febr.

Tuius,

G. J. Vossius.

CCCXXVI.

Claudio Salmasio Ger. Vossius. S. P.

**N**ON absq; periculo, salvus interim ac fospes, cum filio filiaq; nunc unica Amstelodamum perveni, & capropter gratias Deo nostro ago, quas possum. Contra dum Pauli Brunfwicensē (male Heresbachium putāram) mitto quidem; sed vix video ut juvare aliquid possit. Hottomanum de Usuris nec habeo, nec hic ex amicis queo nancisci. Scio tamen Lugduni in Galliis excusum anno clō Ibc xlix. cum aliis aliquot ejus viri opusculis. Mirum præteritum esse in Oceano Juris, cujus tomo septimo (septem & viginti voluminibus constat) habentur septem de Usura Scriptores. Hoc volumen transmisissim, nisi scissem certo esse etiam in Bibliotheca Leidensi. Sed ex Bibliotheca nostra habeo nunc domi meæ, ac transmittam si verbo indices. In indice tot voluminum video & aliis tomis multa de hoc argumento interspersa esse. Sed quandoquidem Leidæ hæc habetis, quæ si ulli, tibi sane patere debent, nihil de eo addendum putavi. Sin à nobis malis, universa in arca conclusam ac mittam. De honore habendo nobis in baptismatis sponione uxor gratias agit, ut convenit, rogatq; obnixè, ut utaris vicaria ejus opera, cujus maxime velis. Sic enim apud Batavos, & credo aliis etiam terris usus est, si loci intervallum vel valetudo vel aliud obstiterit quo minus, quis coram adesse perq; se obire sponionis munus possit. O si suavissima mea Cornelia, quam sic ob virtutes dileximus ego & uxor, imo innumeri nobiscum, hoc potuisset pro nobis. Sed facta est voluntas Domini, cujus nomen sit benedictum. Conjugi tuæ lectissimæ sed & affini tuæ optimæ salutem adscribi jussit uxor mea; simul obstrictissimū tibi Isaacus meus & qui plura tamen debere exoptat, quo mancupio totus sit tuus, saltem non minus quam parentis, plurimum te & conjugem salutat.

Amstelodami, clō Ibc xxxviii.

Non. Feb.

S f 2

CCCXXVI.



## CCCXXVII.

Claudio Salmasio, V. Cl. G. J. Vossius,  
S. P. D.

**I**N moerore quem conceperam ex obitu optimæ & suavissimæ Corneliæ meæ, dolorem illum Leida abeunti non mediocriter auxit, quod partim ex Elichmanno, partim etiam ex Epistolio tuo, intelligerem de nephritide, adversaque valetudine, quâ impeditus, non uti ante, ita à funere etiam invisisses. Atque eo pejus me hoc habet, quod ex eo nihil intellexerim. Scis autem quam amor sit suspiciosus. Simul nonnihil molestiæ animo attulit meo desiderium cognoscendi, quid proximo Curatorum conventu factum esset de rebus tuis, & an manserint promissis. Sed si valetudo est prospera, minus laboro de cæteris: quanquam si ullus mortalium, is sim, qui magnum inde dolorem caperem, si tantum posset improbitas, ut te illud seculi decus, ac Bataviæ etiam Academiæ præsidium, à terris avelleret nostris. Quod ne Deus finat, ut unquam videam. Credo, jam filiam tuam Mariam sacro stiteris baptismati. Sed sive id jam factum, sive futurum propediem, ex more Batavo, arbitror & Gallico, munusculum mitto, quo adultior tua meminerit optimæ conjugis meæ: cuius utinam valetudo sisisset, ut ipsa de sacro fonte levaret; sed quia nec ipsa potest ad vos venire, nec de Cornelia dulcissima, Deo sic visum fuit, vicaria opera opus vel fuit vel erit, dum ipsa susceprix, & sacre initiationis arbitra censeatur. Tantum Junia mea Merceram tuam rogat, ne vili metallo, splendido luto, munusculum minutum, sed solo æstimet affectu. De Hottomanno nihil mirum, si Haga nihil receperis; nam quo ad te scripseram die, eo ad nos filius Haga venit. Ac necdum ad Hagenenses reversus, & ut arbitror jam serum est ex advocatorum elegantioribus exquirere de hoc opere. Quare nisi aliter videatur, operæ parceretur; sin aliter placitum, fac ut ex Maaco meo intelligam. Nihil enim mihi vel meis jucundius esse possit, quàm ulla in re tibi, hoc est reipublicæ Literariæ, utilis esse possit opera nostra. Salutem plurimam tibi, Conjugi, affini tuæ, Uxor, imo omnes nos dicimus.

Amstelodami, cl. Id. xxxviii.  
Non. Kal. Martias.

## CCCXXVIII.

Joanni Cabeliavio. J. C. S. P.  
*Ultrajectum.*

**D**icere non possum, mi Cabeliavi, quam grata mihi fuerit utraque Epistola tua: posterior imprimis, qua mihi carum adeo pignus, lugenti, omni solationum genere mederi voluisti. Hunc animum tuum nisi habeant pergratum, prorsus fuero ingratus. Quamobrem, etsi semper te dilexerim, non leve tamen est, quod amor accessit nostro. Nec propterea opinari te velim, molliter adeo me ferre tristissimum hunc casum, cuius gratia, tantum assumendum tibi laboris putasti. Scis ætatem senilem, & ut teneris ab unguiculis, studiis sim innutritus, sacris imprimis: quæ tractare soleo, non, ut alios solum reddam meliores, sed ut prior sim Ipse, quales esse alios velim. Sed de isto pluribus colloquemur, ubi Amstelodamum veneris. Nam spem eam mihi fecit alloquio suo optimus Affinis tuus. Advenies exoptatissimus; Neque id modo, ob eruditionem insignem; sed etiam ob pietatem, & candorem, quibus omnem doctrinam, in summis etiam viris posthabeo, sæculo enim vivimus facato, & maligno: adeo ut qui raram doctrinam cum excellenti probitate, animique candorem conjunxerunt, sint vix totidem, quot Thebarum Portæ, vel divitis ostia Nili. Sed mihi ut videtur, ad carceres prope decursum hoc vitæ spatium. Tibi, ut arbitror, longa restat via; in qua conficiunda multum metuo ne graviora etiam subeunda sint, quam illa, de quibus scribis prioribus literis. Non omnia, hominibus eruditis præsertim, Dei metuentibus, evenire solent ex animi sententia. Nimirum melius novit Deus, quid cuique expediat. Literas tui amici remitto, ut volueras. De tuis fiet ut scripseras. Barlaeus tui amantissimus plurimum te salvere jubet.

Amstelodami,  
cl. Id. xxxviii.  
Post. Non. Mart.

Tuus omni studio,  
G. J. Vossius.

## CCCXXIX.

Francisco Gomaro, V. Cl. *Præceptor*  
*Veteri, affinitate conjunctissimo*, Ger.  
 Jo. Vossius S. P. D.

Quod M. Tullius ait de Phidæ signo, simul id adspectum, & probatum; id intelligentissimi cujusque judicium est, de opera tua, in Hebrææ poesios notitia quasi ab Orco revocanda. Nam & eruditissimus hic labor tuus novitate argumenti facile in oculos incurrit omnium, & quanto gratiora esse debent, quæ sacras attingunt literas, tanto magis vel prima facie se commendat, & tamen majorem allaturus fructum, quo magis inspicatur. Sanè apud nos video extolli hanc commendationem, non ab iis modò, qui nomen nobiscum Christo dederunt; sed iis quoque qui, se aiunt, Mosaicis contentos sacris; laudarentque iidem impensius, si cum Hebræis literas conjunxissent Græcas. Magnas igitur gratias habeo pro Opere, quod & nostra ætas, & postera æstimabit semper. Altero etiam nomine, & ego & conjux hoc tempore, post tot merita vetera tibi obstringimur, quod ea ætate illis occupationibus non gravatus fueris, nos in hoc tristissimo dilectæ filiæ obitu, solatii plenissimis literis alloqui. Valdè illæ grææ nobis, acceptæque, imprimis mœstissimæ conjugii, quam non mediocriter refecerunt. Spero Deum porro daturum, ut ea quæ scribis, ad animum revocet magis & magis. Nec illa segniter id hætenus fecit, sed recursat vel minima occasione dolor. Nec leviter excruciat, quod erepta filia nunc ætate hac gravescente, & valetudine adeo infirma, sibi conflictandum videt cum ancillari vecordia, segnitie, ac moribus improbis. Nam antea longè maxima pars oneris in filiam recumbebat, quæ ad regundam familiam nata videbatur; non sine parentum, & fratrum admiratione. Ita circumspectè, nec moribus gravibus minus quàm placidis moderabatur, ea quæ ad rem familiarem pertinerent. Nisi hoc non minus foret, quod dixi, majus etiam de pietate, & sacrorum intelligentia, adderem de peritia sermonis Gallici, Italici, Hispanici. Nec Latine nesciebat. Adderem de Musice universa, arteque tum calamo, tum penicillo, & coloribus pingendi. Sed dolorem talia meum quoque, qui virum, quodque caput est, Philosophum me Christianum commemini, refricant magis, quàm mitigant. Ergo his missis, ad studia nostra venio. Excuditur opus nostrum, de origine & progressu Idolo-

latræ Gentilis, & humanæ mentis ascensu ad Deum: quo ipso cum Nationum Theologia triplicem refero conflictum; historiæ præcæ unum, scientiæ naturalis alterum, ac tertium Scripturæ Sacræ. Sed opus tam varium, ac difficile, in spissis adeo occupationibus non potest non spisse procedere. Salutem plurimam dicito, non uxori modò, generoque; sed clarissimo etiam Altingio; item Nobilissimo Magduello. De affine Junia, & Matertera ejus Manieria nihil addo, quia hoc negotium uxoris soleo literis committere.

*Amstelodami*  
 cl. Idc xxxviii.  
 vi. Id. Mart.

## CCCXXX.

Joachimo Borgesio *Gymnasiarchæ*  
 Groningano S. P.  
 Groningam.

Peramice à te factum, Doctissime Borgesi, quod mœstum me, propter excessum optimæ carissimæque filiæ, consolandum per literas putaris. Omnino enim valdè me hic casus affecit; sic tamen, ut solidi plurimum solatii percipiam; quod jam à teneris sum edoctus, nihil nobis secundi vel adversi contingere, citra Dei voluntatem. Unus ille melius, quid filiæ, quid Parentibus expedit, novit, quam Orbis universus. Dei sunt cuncta, dat ille, & adimit, cum visum. Nec sanè illis temporibus vivimus, ut homini prudenti ac pio valdè adblandiri hic mundus possit. De me quidem illud dixero ingenuè, longè injucundissimam mihi hanc vitam fore, absque duobus illis foret, quod voluptatem magnam capio, partim quidem in senectute hac addiscendo, porro quæ me reddere possint meliorem, partim vero, voce, scriptis, factis, benè merendi de omnibus, pro modulo gratiæ, quam mihi admenus est Dominus. Pergratum quoque fuit *Archiepiscopo* tuo; quod cave, ut facis, posthac depreties. Omnino contra censeo, te mihi pro scrutis & frivolis reposuisse; non contentus sum dicere aurea, malo dicere auro magis aurea. Nam quis homulus ego, pro duobus maximis Rēgibus, Davide, & Salomone? quid scripta nostra, imo humana omnia, præ *Strenuissimis*; Præ istis aurum non est aurum, sed lutum, etsi quid illis vilius. Valdè etiam mihi probatur opera



opera tua, in pietate sic à teneris instillanda iungiculis. Hoc enim præfatione operis abundè testatum facis. Nimirum quanto corruptiora sunt secula, tanto magis glifcenti malo obviam eundum est, præsertim Scholarum Præfectis. Equidem cum te sic animatum esse videam, non possum non & mihi gaudere, & Juniolo nostro gratulari, quod talem nactus sit Doctorem. Quare quod alioqui facerem, & vehementer facerem, ut puerum de meliori nota commendarem tibi, id nunc necessarium non arbitror. Nam cum affecta etiam hac ætate omnia metiaris juventutis bono; eo imprimis quod ad viam perducit æternam, quo pacto persuadere mihi possum, cessaturam unam operam tuam in eo adolescentulo, quem cum ingenii causa ames, tum propter avi summi viri merita erga Ecclesiam Dei. Cujus etiam tralationem in iis, quæ nunc à te edita, præ cæteris omnibus, versandam pueritæ manibus putaveris. Vale, vir præstans & amice.

Amstelodami  
cl. Id. xxxviii.  
vi. Id. Mart.

Tuus,

G. J. Vossius.

CCCXXXI.

Stephanio V. Cl. Gerardus Joannes  
Vossius S. P.

Sæpè animo meo, Clarissime Stephani, jucundissima subit recordatio ejus temporis, quo studiorum gratia vixisti Lugduni, proque ea ætate non inglorius, præsertim editis in Saxonem Grammaticum castigatioribus, non acutis minus quam eruditis, ac mihi meique amantibus, eò gratis magis acceptisque, quod ut Heimiano, sic nostro etiam nomini dicandas putaris. Nec absens defuisti, literis testari, singularem erga me affectum tuum. Non dubito autem, quin sæpius sis miratus, fortasse & dolueris, quod Epistolari hoc officio non paria fecerim. Sed enim, amicissime Stephani, si nosces quam à mane distinear ad vespertinum, sic ut non nisi interpesta nocte vacare à studiis possem, credo, qui amor est tuus, peteres ipse, ne subirem qualemcumque respondendi laborem. Nec tamen hoc à me scribi puta, ut te quoque in scribendo faciam negligentior. Nihil mihi, mi Stephani, tuis literis gratius fuit, vel erit. Tantum te in optimam capere partem velim, cessationem nostram. Neque enim provenit ex eo quod imminutus sit amor no-

ster, sed quia magis & magis definam esse meus. Absque hoc foret, crebris, non te modo, sed præstantissimum etiam Collegam tuum Laurembergium literis compellasiem. Interea fore spero, ut & tibi & tot aliis amantibus mei, magis satisfaciam; jamque seriò dispicere coepi, quomodo me exolvam hisce vinculis, quæ injici totos dies video. Interca amemus pos inter nos: Eo impetius quo ætas mea hæc magis aggravescit, luctu etiam accedente domestico, de quo ex summo viro, (olim meo, nunc tuo, atque utinam nunc quoque meo Collèga possem dicere) Joanne Meursio, poteris cognoscere. Neque enim quæ ad eum scripsi, iterare dolor finit. De Saxone tuo, curæ mihi antehac etiam fuit. Sed nihil certi datum responsi. Desperabat Elzevirius excudi apud nos posse: Nondum ego. Propediem certiora, vel ex Elzevirio, vel meipso cognosces. Clarissimum Laurenbergium plurimum meo nomine saluta.

Amstelodami cl. Id. xxxviii.

Kal. Aprilis, Sr. N.

CCCXXXII.

Hugoni Grotio S. P.

Lutet. Paris.

D Olet, Illustris Domine, quod tardè adeo ex conjunctissimo Collega meo Barlæo resciverim de itinere Cl. viri Joachimi Wichwortii; si præscissem, non passus eum forem sine meis Lutetiam literis proficisci. Nunc abierat priusquam cognoscerem eum de habitu certi aliquid statuisse. Itaque nec valedicendi potestas fuit. Molestè etiam tuli, quod Epistola mea, tot ante menses exarata ad te, diu adeo delituerit apud præstantissimum fratrem tuum Guilhelmu. Vel me non satis intellexerat Filius meus Franciscus, vel Francisci mentem non satis sit affectus frater tuus. Nam volueram, ut literas per Tabellarium mitteret. Affinis de pictura opus, per amicum mittam, ubi occasio obrulisset. Gratissima mihi fuerunt literæ tuæ, quibus molestum erigere studes. Nec tamen mihi videor, molliter ferre tam durum casum: nec id censent amici: mirantur magis, quando cogitant, cujus ipsi animi forent in simili negotio. Nempe mecum assidue revolve, ut curæ semper fuerim Deo meo, qui unus melius me, & omnibus mortalibus novit, quid mihi, quid meis expediat. Nec infelices censeo, qui in flore ætatis discedunt. Non

corrumpentur à seculo hoc, quo ab annis xx. ita improbitas, & *adversitas*, coepit incrementa, ut animus vehementer exhorrescat; quando mecum reputo, quæ tempora videantur imminere, si sic porro procedetur. Eadem aliquid solatii afferunt conjugii optimæ, nec tamen in hoc dolore suo satis cordatæ. Me quidem sæpe ejus gemitus & lacrymæ somnum capere non sinunt. Nam & mihi refricant causas doloris. Recurro igitur ad vetera solatia millies ei dicta, & quod plus sæpe valet arte, ad alias cogitationes abducere ægram ejus mentem annitor. In opere nostro excusa sunt, ut vulgo numeramus Alphabeta quatuor. Quintum quantum conjecto superest. Miraberis, scio, me non posse manum tollere de tabula. Sed primo satis visum ex prisca historia, adducere quæ ad Religionis gentilis primordia, & progressum pertinerent. Postea non sum visus mihi sat utilem operam publico navaturus, nisi mentem humanam adducere quoque ad veri numinis cultum. Itaque juvat per omnia me naturæ opera diffundere; inque iis considerare, Dei bonitatem, potentiam, ac sapientiam. Valdè enim ab iis dissentio, qui inanem naturæ speculationem arbitrantur. Collegæ Hortensii iter ægrè procedit. Delegati Provinciarum in generalium Ordinum consessu assignarunt in itineris impensas, bis mille Caroleos: quos petere jussunt, ab rei maritimæ Præfectis, vel simili Collegio, quod Amstelodami sit. Displicet id huic urbi. Si idem fecissent Ordines Hollandiæ, negotium jam confectum haberemus. Metuitur nunc ne, si in minuto hoc foederatarum Provinciarum Delegatis gratificetur, res sit exempli non optimi, ac assuescant imperare quantum volent: immensam autem pecuniam volent semper, si urbem hanc opibus, ut aiunt affluentem, habere coeperint in talibus obsequente. Scripsi nuper cur noluerim me immiscere editioni Crisotolai, totumque hoc commiserim Hortensianæ industriæ. Ita factum, ut nihil ejus hætenus sit editum. Sed paucis abhinc diebus, Salmasius ad Isaacum metum scripsit, ut cognosceret, quid de hoc opere fieret. Occasione ea compellatus Blauwius, qui retulit jam figuras, quas vocant, incisas: ac propediem opus ipsum velle excudere. Nihil homine illo tardius, in exsolvendis promissis. Commonebo Hortensium ut magis urgeat. Sed vix illi quoque sat curæ fore arbitror, quam diu incertus itineris, sic animo fluctuat. Hoc si videro post longam cessationem, curam ipse hanc lubens suscipiam. Isaac mei Scylax Caryandensis, Geographus vetus serio ab eo castigatus, excudi abhinc mense coepit. Etiam Mæotidis

periplum *Arindor* addet. Conjug & liberi uxorem præstantissimam, ac filios, filiamque plurimum salutant.

Amstelodami  
cId. loc. xxxviii.  
Postrid. Kal.  
Maias. St. N.

*Illustris tui nominis cultor,*

G. J. Vossius.

### CCCXXXIII.

*Viro Amplissimo Georgio Ratalero  
Doubletio, G. J. Vossius S. P. D.*

Intelligo apud vos, vacare Prorektoris ut vocant locum. Cogitare proinde mecum coepi, de Scholis Bataviæ; quarum plerisque succrescere video, non ausim satis dicere fungorum segetem, (nam quæ hæc Latinitas?) attamen copiam talium, qui priusquam didicerint, docere alios præsumant. Hujus mali fons caputque est præpostera quædam misericordia Procerum erga imperitos, fame fortasse, nisi sui ratio habeatur, perituros; quos dum curant, immisericordes fiunt erga innocentem illam ætatem, quæ eo magis erat curanda, quia curare se nescit. Existimavi igitur, cum tot annos instituendæ impenderim adolescentiæ, nihil me facturum à moribus meis alienum, si & publici boni ergo, & in eorum spem gratiæ, qui scholæ apud vos bonum curant, commendarem tibi Joannem Varanum, Samuelis Filium, spe illa, ut tua opera, commendetur iis quibus Scholæ cura incumbit. Juvenis hic, (nam cur dissimulem) in illo quidem capite, quod sic hodie est controversum, Melanchtonianæ est addictior sententiæ; sed quod comperi, alienus planè ab illis, qui monstri aliquid alentes, *Θυμωδύοι*, sive mavis *Σαυωδύοι*. Quales à me neutiquam sperent, ut pueritiæ apud nos, censeam præfici oportere. Hac fiducia, literas istas exaravi, nec aliqui in gratiam meorum acturus. Tu quoque si eum Scholæ curatoribus commendare non graveris, facies, & rem mihi gratissimam, & pulchrè mereberis, de Parentibus, pariter ac Pueris, & eadem Curatoribus, qui digna tibi postea gratias agent. Est enim pius, sobrius, modestus. Quam raræ sunt laudes istæ temporibus nostris! Jam præterea quod in isto munere spectatur, Latine est scientissimus, Græcè gnarus, carmen etiam paugit sceleriter. Dexter est in instituendo, & industrius. Novi juvenem familiariter, norunt & liberi, ut fidentius ista scribam.

De



De rebus meis nihil habeo addere, nisi jam maiorem partem esse absolutam operis mei, de Idololatriæ origine, & progressu. Optimæ conjugii tuæ à me, & meis, salutem plurimam dicito.

*Amstelodami,*  
cl<sup>o</sup> Iac xxxviii.  
v. Idus Maias.

CCCXXXIV.

Hugoni Grotio.

Lutet. Par.

Illustrissime Domine,

**E**unte ad te Petro Peltio, & aliquid à me literarum poscente, etsi hoc tempore valdè distrabar; tamen ornatissimo id juveni, & amplissimo ejus tui amantissimo Parenti, dandum putavi, ut aliis hoc officium præverteret. Valdè jucundus mihi filii tui Petri J. C. adventus fuit, qui & aliquot nobiscum dies Amstelodami egit. Post eas literas quas veniens exhibuit, alteras tuas benè longas, ac tanto gratiores accepi. Sed nunc respondere, nec his, nec aliis licet. Fiet hoc autem Epistola proxima. Solum mitto quæ Hispanicè Manasses exaravit. Sed censeo non satisfacere ista quæsis tuis. Agam ipse cum eo accuratius. Philolaus me urgente excudi coepit. Hactenus opera mea ab Hortensio, in promovendo itineris instituto, postulata non est. Aliunde quicquid eo pertineret, resciscendum fuit. Nunc quia meam sibi operam, apud procures utilem fore arbitrabatur, non deero amicissimo Collegæ. Sed utinam id antea fecisset! Non debuit hoc negotium, eo pede quo coeptum transigi. Monstravi illi in literis tuis quæ ad laudem ejus, & hujus instituti commendationem pertinerent. Petiit, ut ea sibi à Filio meo exscripta traderem. Tum item ut Consulem Conradum Verburch, & Consularem Bicherium accederem, tuamque de tota hac re sententiam prælegerem. Feci id lubens, & video non leve apud eos pondus habere judicium tuum, uti sanè debet. Facturi sunt omnia quæ salva Hollandiæ Ordinum auctoritate possunt. Verum & de hoc, & de aliis, literis proximis. Jam enim adest Peltius, & tempus abitus instat. Illustri Domine conjugii, & familiæ toti salutem à me meisque.

xiv. Jul.  
St. N. Anno  
cl<sup>o</sup> Iac xxxviii.

Tui nominis Cultor,

G. J. Vossius.

CCCXXXV.

Francisco Junio, Fr. F. Ger. Jo. Vossius  
S. P. D.

**Q**UI has ad te literas defert, conjunctissime affinis, is est ornatissimus juvenis Joannes Roue, Professoris Eloquentiæ, in inclyta Rostochiensium Academia frater. Octennium jam in Witebergenfi, Lipsienfi, Rostochiensfi Academia vixit: Ac linguis, præcipuè Orientalibus, sedulam dedit operam, sub egregii nominis viris Buchnero, Smidio, Trostio eo qui & Syriaci Testamenti, & Lexici editione, non leve sibi nomen paravit. Exinde anno integro, lustrata illi Suecia, Daniaque. Sed egregius animus nequit his se spatiis continere, sed nosse avet quicquid in orbe est præclari. Itaque in Bataviam venit, ac Leidæ sub Golio Professore, in Arabicis se exercuit: Inque ædibus vixit Elichmanni, Medici experientissimi, & quod magis huc facit, Arabicæ, Persicæ, Ægyptiacæ, & aliarum Linguarum periti. Nunc Magnam cogitat Britanniam, magnis (ita censeo) fœtam viris. Commendatitias eo, ut intelligo, obtinuit à præstantissimo Boswello, Gentis Britannicæ ad Belgicæ fœderatæ Procures Oratore. Sed quem dixi Elichmannus hospes ejus, petiit ut meas quoque adderem. Quod eo lubentius feci, quia & Cornelius Grotius, Magni Hugonis Filius, cum filio meo Matthæo per literas commendarat. Postea etiam in prandio, quo cum Collega Hortensio, & Hasio Medico exceperam; sic tribus nobis se probavit, ut amore nostri dignum, imo bonorum omnium putaremus. Non animus quidem tam occupato faceffere quicquam negotii; sed facies quod possis, quod mihi gratissimum erit, meque ad similia in tuæ spem gratiæ præstanda paratissimum scito. Ab Nobili D. Boswello spes ei facta est, posse cum Britanno natalium splendore inclyto, proficisci ad illustrissimum serenissimi Regis Caroli Oratorem, qui Constantinopoli agit. Quare quoque in istoc, si quid valeas, non patieris, scio, operam tuam desiderari. De excessu filii mei Joannis in India Orientali jam diu existimo aliunde cognôris: Scripsi de eo ad Reverendissimum, & Illustrissimum Dom. Archiepiscopum, nequid ignoraret, cujus maxime scire interesset. Sic sunt spes humanæ. Post tantas impensas, benè tandem fore sperabam: Et ille meus magnam sui expectationem suscitavit. Jamque Procures hic nostri, cogitationem susceperant, de ornando eo dignitate luculenta,

lenta, quæ eum potuisset, ut sic dicam, totum inaurare: sed Deo aliter visum. Ex Bibliotheca ejus desidero, nimum quantum librorum, quos donâram. Et in his aliquos quos ut recuperare his terris possim, minime videam. Intelligo de nova Vitruvii editione te cogitare; sanè placet animus: Et in nostris, sive *¶ paxnellus* filii malis, vetus erat editio Florentina, quam usui Tibi futuram arbitrarer. Habeo aliqui & alteram, ibidem excusam, non multo post curante Jocundo Veronense: si usui esse possit, transmittam. Clarissimus Salmasius, Vir nunquam satis laudatus, magnas Tibi gratias agit, pro Opere tuo de pictura: & *'Arvidgey'* mittit, quæ de usuris scripsit. Unum est volumen sed ejusdem Argumenti; jam alterum sub prelo est. De excessu Cornelie meæ suavissimæ, & eruditissimæ virginis scio, jam cognoris, ex sorore Brunæa. Eo magis tristitia illa refricare, mihi animus non est. Quæso, mi affinis, ne tam segnis sis in scribendo. Tueberis te exemplo meo: sed si vitam meam tam molestam, & occupatam nösses, facile excusaveris. Uxor nunc Amersforti est, apud Neranam sororem: Idque Authore Medico, qui arbitrabatur usque adeo valetudinariam recreari posse, tum aere ejus loci meliore, tum colloquio sororis, & amicorum, quos alios in his Thinsum Affinem habet. Excuditur opus nostrum gemini Argumenti, de Theologia Gentium, & Physiologia Christiana: jamque perventum ad philyram centesimam, sive id clarius, ad Alphabetum quintum. Excuditur & Scylax Caryandenus filii mei Isaaci, qui & de Ptolemæi Geographorum nova editione consilium suscepit. Vide ecquibus Codd. ex Anglia MSS. juvare possis. Multa enim in eo corruptissimè nunc leguntur. Quæso meo nomine salutes, quos mei in Britannia scis amantes. Catalogum nunc texere non est animus. Vale, optime Affinis, & à nobis omnibus salve; etiam Cognato tuo Brunæo, qui post suum ex Anglia reditum, nobiscum Amstelodami vivit.

clb Idc xxxviii. iii.

Kal. Jul. St. N.

CCCXXXVI.

Constantino L'Empereur, G. J. Vossius  
S. P. D.

Nobilis, & Magnifice vir,

**A** Ccepi hodie literas à viro Cl. Ludovico Crocio, Theologo Bremenfi, quibus mihi commendat Georgium Gentium, Dhama-Saxonem, eum qui has ad te literas desert: Ac porro à me petit, ut ne eum dimittam Leidam, sine literis meis *ovallindis*, vel ad te, vel Golium nostrum, vel Ludovicum de Dieu; viros famâ nominis egregios, sed eorum judicio, qui penitus mecum norint, longè hac majores. Ac vos potissimum nominat, quia juvenis hic hæcenus Orientis linguis sedulam dedit operam: atque ut uberiorem ex iis capiat ingenii fructum, ad vos potissimum, tot Orbis Academiis insuper habitis, capessit gradum: Horam vel amplius, cum eo sum collocutus. Video esse eruditum, & quod scis, majoris me facere, modestum. Augustanæ confessioni est additus: quod & Crocius scribit, & ipse agnoscit. Laudavi ejus propositum, quod ex fonte Hebræo, Scripturarum peteret intelligentiam; Et simul addere vellet, quæ ex translationibus, & Paraphrasibus, Orientis possent hauriri. Subjeci interim sicut soleo, ut, Historia Ecclesiastica, & sanctorum Patrum commentariis legendis, partem aliquam temporis dare vellet: multaque in eam rem attuli, quæ incitare ad hoc possent. Devenimus occasione hac, eum in sermonem, ut aliquid dicendum esset, qui juniorum, de antiquis Ecclesiæ temporibus, sui quoque memoriam, apud posteros reliquissent. Apud eum quem scirem, Augustanæ esse confessionis, & præterea in dicecesi natum esse Magdeburgensi, mentionem injeci de Centuriatoribus Magdeburgensibus: quos ut multa fugisse, non est dubitandum, ita quin plurima præclare viderint, nemo sanus ambigit. At eruditus juvenis in hoc doctrinarum genere, statim inscitiam suam prodidit. Nec nomen istius operis nosse aiebat, nec vidisse unquam. Deduxi igitur in Museum meum, & opus demonstravi universum. Cogitavi ego mecum, quod olim dicebat Tullius, O tempora, O mores? Sic jacere antiquitatis studium, pariter apud vos, & eos quos dixi? Irascebar non optimo juveni, & qui hac parte, penè extra omnem foret culpam: sed Doctoribus Theologis, quos audiisset tam diu. Nempe scripturarum interpretationem, ex junioribus solum petere jubent: Veteres autem Ec-

T t

clesia



clesiæ Doctores, uti Megarenſes olim *ἐν τῇ τοῦ*  
*ἐν τῇ τοῦ*. Tanto magis te amo, Nobiliſſi-  
me, & amiciffime vir, qui eximia Lingua-  
rum Orientalium peritia minime contentus,  
jam ab annis pluribus in eo operam infumas  
tuam, ut veteres Eccleſiæ Doctores, ſocios  
novis, & novos item antiquis. Quod ſi ab  
omnibus fieret, melius cum Eccleſia Dei age-  
retur. Optima Conjugi, ac Clariffimis vi-  
ris, Golio ac de Dietu (quibus per otium hunc  
juvenem commendabis) plurimam meo no-  
mine ſalutem dico: ſed & Collegis aliis, ac  
amicis; verum ut dixi, ubi ſpontè ſe occaſio  
feret. Non is ſum qui ex magno pariter vi-  
ro, ac amico, & munus nunc ſuſtinenti, ſub  
quo tam corruptis temporibus, propemodum  
Alceides ſuccumbat, ſalutigerulum facere  
ſulte adlaborem. Tamen committere non  
poſſum, quin extra ordinem, unum memo-  
rem: ſcilicet avunculum tuum, eumque con-  
junctiorem; mihi quoque alio nomine,  
quod Belgam, in federatis hiſce terris, An-  
tiquitatis Eccleſiaſticae, (qua ſic me capi ſcis,  
jam ab adoleſcentia) nec amantiorem, nec  
intelligentiorem ſciam aliquem. Ni grave  
eſt, aliud quoque eſt, quod ſummo illi viro  
ſignifices: accepiſſe me reſponſum, ab Illu-  
ſtriſſimo Suecorum Legato, Hugone Grotio;  
in cujus literis, hæc iſdem verbis legere eſt,  
*Polycarpi Epistolæ Græcæ, non puto plus habere*  
*Simondum, quam habeat Salmaſius. Ultima*  
*ſunt, Addit & Epistolæ duo Davidis, & de ipſius Car-*  
*...* Ex Græcia quin id damnum ſarciri poſſit,  
ſiquis allaboret, vix dubio. Danda opera eſt ut  
queratur & Hermas græcus, qua de re Anglos  
quoſdam monui. Vale vir, amiceque eximio.

Anno cdo loc xxxviii.

Poſtr. Kal. Julias.

Tuus æternum,

G. J. Voſſius.

## CCCCXXVII.

Stephano Stephanio viro Cl. & ami-  
ciſſimo, Ger. Jo. Voſſius S. P. D.

DE Saxone Grammatico jam uni alteri  
Typographorum ſum locutus, ſed ni-  
hil certi reſponderunt. Negant ſe quicquam  
ſtatuerè poſſe, priuſquam conſtiterit quantum  
id ſit, quod præſtiteris in nobiliſſimo gen-  
tis veſtræ ſcriptore. Dixi ego, quicquid  
molitus ſis, ſine dubio non deterius fore  
egregiis notis, quas elucubraviſti jam ante  
annos pluſculos. Aiunt ad iſtos, non diſ-  
ſugere ſe iudicium meum de tuis: ſed tamen  
neceſſum eſſe, ut videant, quæ futura ſit

moles operis, ut ſtatuerè queant, quæ impen-  
ſarum futura ſit ratio, & quantum chartæ  
unius generis ſit comparandum. Non potui  
iſis hac parte ſatiſfacere, quia nescirem Mer-  
catorem, cui ſuperiori Autumno theſaurum  
illum commiſeras. De Papiæ Pontanus  
ſcripſit ad Jo. Lydium. Sed nihil ab eo re-  
ſponſi accepiſimus. Florilegium Fabianum  
meretur, ut excudatur, & manibus teratur  
elegantioris adoleſcentiæ. Sed vidi non eſſe  
ad palatum craſſi Typographi, quicum ſer-  
monem de eo habui. Videbo, an alius ſit  
futurus paratior. Omnino præla noſtratia  
ſic bonis malis fervent, ut difficulter aliquid  
novi recipiant: atque hæc etiam cauſa eſt,  
cur & in meis & illis filiorum, de quibus  
ſcribis, Tricones ſint maximi: quod in ſuis  
quoque expertus eſt, ille tuo meus, & meo  
tuus clariffimus, atque maximus Meurſius.  
Ut de Illuſtriſſimo Grotio, atque aliis tace-  
am. Vale præſtantiffime, atque Amiciffime  
Stephani, noſque amare perge. Adderem,  
ut ſalutem Clariffimo Collegæ tuo Lauren-  
bergio diceret; ſed intelligo Hamburgi eſſe,  
relictæque illic uxore, propediem in Batavi-  
am venturum.

Amſtelodami, cdo loc xxxviii.

Prid. Id. Junias.

## CCCCXXXVIII.

Joanni Meurſio V. Cl. Ger. Jo. Voſſius  
S. P. D.

POſt ſuperiores literas de optima ac erudi-  
tiſſimæ filiæ meæ exceſſu diu alia nos  
tenuit ſollicitudo. Filius Matthæus (is cujus  
de primis Hollandiæ Comitibus commenta-  
rios habes) duos tres menſes nunc am-  
biguas nunc adverſa valetudine uſus eſt:  
credo ex nimia animi conſternatione, & aquæ  
injuria, quando pene impos mentis, ubi ſic  
omnes periclitantes in glacie vidit, ea rupta  
in aquas ſæpius inſiliit; nunc hunc nunc illum  
liberandi gratia, quod feliciter ei ſucceſſit in  
omnibus, præterquam ſore Cornelia: addo  
& ſeiſpo; quando tandem in morbum hæc  
erupere gravem, adeo ut Medici quini (binos  
advocaram, ſed tres amore familiæ, & ut  
aiebant officii ergo ſponte acceſſerant) de  
vita ejus vel plane, vel pene deſperarent.  
Nunc ille magis magisque per Dei gratiam  
convaleſcit. Sed Uxoris morbus illum filii  
excepit. Quid mirum ſi muliebris animus  
non ſufficiat omnibus ferendis? etiam prope  
constantiam meam tot adverſa expugnave-  
rant, præ-

præsertim accedentibus aliis, in his nonnullis, quæ tu scio tantum pro pulicum moribus habes; illorum uti nequitia qui sibi omniscii (omnisciioli potius) videntur, & tanquam ab alio te meque sic ingentes Grotii & Salmasii animos despiciere ac deprecari non cessant. Hac hora venio à Blauwio qui certo addixit tres intra Hebdomades Historica tua & Danica & Belgica ad finem perductum iri. Bina quidem præla tuis quotide fervent, ut mihi significat filius. Isaacus cuius Scylax & nostra item de Idololatria Gentili & Philosophia Christiana eo tardius procedunt, qui unus alter ex operis Typographicis alio se recipere, & nolim ego qui in tuis distinentur inde avocari, præsertim qui semper dixerim paratum me esse ad menses aliquot differre: dummodo non in aliis sed tuis alacrius progredieretur. Cur demum postquam à te Literas acceperit missurus sit quæ petis, ex ejus Epistolâ cognoscet. Aliquid subest pigritiæ. Utunque enim nescias, quas miserit chartas, poterat omnium mittere nunc exemplar, & ubi tuas acceperit chartas supplere in iis quæ recepisti. Sed prætexebat gravem in tantis occupationibus fore laborem ex fascibus singulis folium sive Philyram unam eximendi. Non laudo, sed cum domus ejus vitam attendo utunque excusaro. Heinſius vetus Collega nostra in excudendis ad N. T. notis jam pervenit ad Epistolam philippensibus scriptam. Vale optime & summe vir, & cum Uxorē, filio & filia à me, Coniuge & Liberis universis salve plurimum.

*Amstelodami, clō Ibc xxxviii.*

*Prid. Id. Junias.*

CCCXXXIX.

Stephano Stephanio, V. Cl. Ger. Jo.  
Vossius S. P. D.

**N**Olui ulterius differre scribendi munus, præsertim reditum parante Severino vestro. Nam nunc quoque si negligam, metuo ne etiam differam in illud tempus, quo absolutum erit opus nostrum, de Gentium Theologia, & Christianorum Physiologia. Atqui ut ex voto meo acceleret Typographus, non ante tres menses ad finem poterit perducī. Ita grande futurum, non quia mole delecter, sed quia illud poscat diffusum adeo argumentum. Cæterum ubi edidero, non patiar te aliunde id habere quam à nobis. Scio ut antehac etiam id facerem, postulasse amicitiam nostram, sed multa sepe quæ volumus, non possumus. Nec tu ut minutatim causas

addam exposcis, sanè proximi operis ne exemplar quidem dedi ullum, vel Consulibus urbis hujus, quibus sum obnoxius; vel ulli ex affnibus meis conjunctissimis. Tam multa sibi Britannia magna vindicabat. Deinceps tamen ære meo etiam potius, quam te expectem sinam. Excerpta tua ex Fabio, optimo dicendi Magistro, mirifice placent, & bono juventutis videbunt lucem, sed pusilli temporis mora poscitur à Typographis, quia præla sic fervent aliis, in quibus, ut aiunt, festinato opus sit: si diu eludere volent, non sinam, sed quamprimum remittam. De Saxone Grammatico edendo, nondum hic cuipiam potui persuadere. De præstantia scriptoris, non vocant in dubium, quæ dixi: sed aiunt opus fore perpaucorum hominum, se autem omnia splendido illo luto metiri. Debebat is scriptor non alibi edi, quam in ipsa Dania, idque luculentis, & elegantibus Typis, charta etiam optima. Hoc ex honore esset Danicæ. Ac si Typographi non sufficerent, impensis Regiis, vel Nobilitatis, aut Academiæ sumptibus fieri id conveniret. Quæro siquid horum jam fuerit decretum, vel simile aliud, fac me quamprimum certior. Jam à multis annis sic amo Saxonem, ut nihil æque exoptem, quam eum esse in plurium manibus: nec alium scio, qui medicam illi manum admovere foelicus possit, quam te Popularem ejus doctissimum, & jam à tam longo tempore, non minore iudicio, quam industria in hoc versatum. Fuit his diebus horam unam nobiscum, præstantissimus Collega tuus, Doctor Christianus Matthias: video esse virum, ut integrum, ita egregie doctum: spem fecerat redeundi ad me. Decreram autem convivio excipere, sed ex Fischero quicum ad me advenerat, cognovi temporis fuisse angustia exclusum. Non committes quin plurimum salutes meo nomine: Uti & dignum omnium Doctorum amore, Lauremburgium. Memini me coram Cluverio jam ante annos plus minus xx. conspiciere Græco-Latinam ejus Græciæ descriptionem; nunc verò nequitia illius, cui in has terras dederat deferendam, solum tabulas superesse. O factum malè! Rectè interea egerit, si laborem denuo suscipiat, non dico, utraque lingua. (Quid enim opus?) sed Latina solum ea complectendi, quæ ad tabularum illustrationem pertineant. A meorum quopiam, si clarissimus Lauremburgius hanc Provinciam detrectarit, postulatum fuit, sed quis illò melius hanc spartam ornaverit? Nec enim dubium quin tam longo temporis intervallo plurima observarit, non aliis modò, sed sibi etiam antea incognita. Vale, vir & amice egregie, nosque ama porro.

*Amstelodami, clō Ibc xxxviii.*

*iii Kal. Oâ. St. Gregoriano.*

T t 2

CCCXL



## CCCXL

Joanni Meurfio, Ger. Jo. Vossius  
S. P. D.

**F**ilius Matthæus à gravissimo morbo ut-  
cunque convaluit. Isaacus adhuc decum-  
bit, sed indies vires recuperat. Ego, conjux &  
reliqua familia recte valemus. Danica & Belgi-  
ca tua historia tandem ad finem perducta :  
quo nomine gaudeo. Deinceps ut cætera ma-  
turentur, urgere Blauwios non desistam. Tu-  
um quoque erit idem crebris facere literis.  
Sic quoque spisse satis procedet negotium ;  
id abunde es edoctus damno tuo, & ego atque  
alii id experimur quotidie. Absque hoc esset,  
jam diu habuisses quæ scripsimus de veteri  
Theologia Gentilium & Physiologia Christiana :  
sive de origine & progressu Idololatriæ,  
& ex mirandis naturæ eorumque causis huma-  
næ mentis adscensu ad Deum. Ut grande esse  
opus videas, quintum ejus (ut vulgo opera  
metimur) alphabetum jam excusum est. Su-  
perest sextum quod fore censeo supremum ;  
sed quando id absoluturus sit Typographus  
dicere non possum. Jam tres sunt hebdoma-  
des quod cessat in nostris, atque idem porro  
faciet minimum mense toto. Hoc enim ipse  
predicat ; consenseram ut Scylacem filii & id  
opus quod sub manibus me habere dixi, pau-  
lum seponeret, dummodo in tuis eo esset dili-  
gentior. Nunc mihi etiam præponit homi-  
nem Gallum, cujus Philolao sive opere de mo-  
tu terræ prælum jam fervet. Nec dici potest  
quantum nos omnes moretur Atlas ejus,  
opus multorum grandium voluminum. Pro-  
diit jam Salmasii pars prior de usuris, ac pro-  
pediem etiam alteram habebimus. Heinsius in  
Novum Testamentum jam ad Apocalypsin  
pervenit. Opinio est multum eum adjutari  
iis quæ Scaliger observarat, cujus chartas scis  
in solius Bibliothecarii esse potestate. Adhuc  
intelligo eum à vidua Erpeniana habere om-  
nia quæ ad maritum undique transmissæ  
viri doctissimi, quando is Novi Testamenti  
editionem moliebatur cum notis à flore docto-  
rum undique subministratis. Confido candore  
eo fore nostrum illum, ut ne alienum tollat in  
armum, sed suo singula transcribat auctori.  
Quamquam quid hoc nostra, dum quæ edan-  
tur talia sint ut multa etiam doceat eruditos !  
Abrumpam si addidero, triduo proximo assu-  
isse mihi senatorem Scapium convictorem  
quondam tuum, & sollicitè inquisivisse ecquid  
de te, & omni familia tua, certi haberem :  
tandem ubi intellexisset de literario nostro

commercio, vehementer illud me rogasse ut suo  
nomine plurimum te salutarem, ac pariter  
conjugem. Nec minus conjux mea & liberi  
universi salutant te ac tuos.

Amstelodami cl. Id. xxxviii.  
iii Kal. Octob. St. Greg.

Regina Medicæa conjux dum fata sinerent  
Henrici IV. perhonorifice excepta est ab urbis  
hujus Proceribus: puto pompatici illius ingres-  
sus tabulas æri incisas cum Barleanis, & ali-  
orum versibus lucem propediem usuras. Id si  
est, curabo ut exemplar habeas. Leidæ obiit  
Meermannus advocatus melioris notæ ; item  
consul Lanscothius atque alii. Omnino his  
locis terrisque vicinis acutæ febres dominan-  
tur quæ multos tollunt. Deus & nos & tuos  
diu conservet. Iterum vale.

## CCCXLI

Georgio Calixto Theologo S. P.  
Helmstadium.

**N**ON dubito, quin magnopere mixeris  
pertinax adeo silentium meum, sed  
quid faciam ? nulli scio, probare hoc possum,  
præterquam quibus perspectum sit hoc vitæ  
genus, quod nunc Amstelodami sustineo.  
Mane doceo quotidie, nisi quod privatim Sa-  
turni diebus præsum Collegio juvenum, qui se  
apud me exercent. Pomeridianis horis usque  
ad cenam interpellor à civibus, & exteris,  
non è vulgo. Si quid literularum mihi extun-  
dendum sit, id ferè sit post noctem intempe-  
stam, quo ipse tempore, & limandis vaco iis,  
quæ tradenda sunt Typographo. Et hoc ip-  
sum adeo spisse procedit, ut septennio, quo  
hic fui, nihil eorum, quæ affecta habeo, vel  
confecta, edere licuerit in lucem ; præter de  
Arte Grammatica libros, opus jam ante an-  
nos amplius triginta conscriptum. Hoc mo-  
numentum quæquale, nunc per ornatissi-  
mum Mag. Kinderlingium Philosophiæ, ut  
intelligo, Professore in Academia Julia  
destinatum, transmittere erat animus ; sed  
jam omnem suppellectilem suam miserat Ham-  
burgum. Quare per Wickfortium nostrum, id  
commodius fiet : & factum esset jam diu, ni-  
si in Galliis hæcenus fuisset ; sed intra pau-  
cos dies reducem expectamus. Excuditur  
nunc opus nostrum, de Gentilium Philosophia,  
& Physiologia Christiana. Spisse procedit,  
quia sic occupationibus avocor. Confido ta-  
men intra tres quatuor menses posse absolvi.  
Vix lucem viderit, quin mittam. Tandem  
enim

Enim quomodocumque abruptum hoc silentium, quod nulli ægrius, quam mihi: spero mihi priorum veniam apud te futuram, ac deinceps idem fore jus Sanatibus, quod fortibus. De publicis quid scribam? imo & privatis plerisque? Omnia melius ex D. Kinderlingio intelliges, teste oculato, & aurito. Et dum ista tumultuarie in chartam conjicio; semel ad funus, iterum à Nobili Sueco, mox ad aliud. Sic vivitur; sed spero propediem, me multis exsolvendum occupationibus: saltem hodie, nihil ultra licet. Salutem plurimam adscribi jussit Collega optimus D. Barlæus, qui & ipse, dum hæc scribo, compellendus fuit. Meo quoque nomine salutabis plurimum, Clarissimum, verèque tecum aurei sæculi germen D. Hornæum. De doctissimis viris, D. Conringio, & aliis adderem, nisi hoc, Dominum Kinderlingium onerare satius foret.

*Amstelodami,*  
clō lxxviii.  
 prid. Kal. Oct.

*Tuus omni officio,*

G. J. Vossius.

### COCXLII.

Joanni Fr. Gronovio, Ger. Jo. Vossius  
S. P. D.

**N**ON recordor tale quid ex ore meo profectum quale scribis, sed scio ex alijs, partim Leydæ adhuc degentibus, partim in oras jam profectis exteris, audisse me, juvenem illum qui à convivio tecum sermones istos habuit, & bonæ indolis videri, & pro ingenio illo præclaræ expectationis: solum metui, ne corrumpatur à non nemine, quo utitur familiariter. Ut te quoque sic judicare dixerim, non sit verisimile, nec verum arbitror. Quia vero de clarissimo Golio scribis, non possum reticere, de quo præter me, & ipsum, scire putò neminem; cum insidiæ illæ structæ essent filio meo Francisco, à Leydensium seu uno, seu pluribus. Non vacat jam in hoc accuratius descendere: de Vatiniano unius odio erga me, qui à multis jam annis me perditum cupiit, non graviter minus, quam verè sum conquestus. Neque ignorabam ab eo plurimum amari illum inimicum meum (mecum vero? imo tot aliorum, non paulo majorum me) verum virum esse prudentem sciebam, neque minus mei amantem arbitrabar. Atque eadem nunc quoque in opinione sum. Itaque sic convenit, ut si Amstelodamum veniret, non alibi quam apud me diverteret. Ac spo-  
ndi ego, etsi affinitate conjunctos in urbe ha-

berem, tamen non commissurum, quin ubi me honore istoc dignaretur, exemplum imitarer; & sanè is est quem ex Professorum primis, invisere semper soleam. Quamobrem ut vel hoc fidis ejus commissem auribus, non tamen persuasero mihi, hujus indicium illis facturum, qui nullam negligunt occasionem nocendi mihi, & meis. Quod ego gravatè ipsum quoque ferre censeo. Si conducibile existimes, de eo ad ipsum scribam Golium; vel ipse nomine meo saluta; & literis demonstratis exquire, quid rei sit. Comperies hominem, non eruditissimum modo; sed Batavo, vel si malis Germanico candore. Tanto magis opinio hæret adolescentem, unde istud habes, hæc protulisse, ut expiscaretur ea, quæ nesciret: vel alterum illum tam ei familiarem, imposuisse illi quo abalienaret à te, viro non malarum partium, etsi propter aliquas, quas in iis videas, virtutes, ferre scias malos. Tam familiariter quam ista non memini me de illis scribere; sed fortasse inde est, quod paulo commotior, simulac tuas accepi, ista in chartam conjeci. Quoties cogito, quam improbe mecum egerint, qui solis sibi masculam Eloquentiam, & reconditam omnem doctrinam vindicant, proletaria solum mihi, & me intelligentioribus concessa: non possum non deplorare studiorum infelicitatem, ac cerdones etiam, præ multis nostri ordinis, beatissimos putare, dum bonam mentem colant. Tu vero, mi Gronovi, ita tibi persuadeas velim, amari te à nobis plurimum, & amatum iri semper, idque ob eas virtutes, quas benignitati debes divine. Si qua in isto de quo scribis negotio opera mea utilis tibi esse possit, perferbe: Nusquam deero. Si molesti esse volent, potius quam ut noceant, omnem in me transfer culpam, quatenus possis. Nam obdurui ad ista. Tui dispar ratio: quem nolim cum ingenijs conficiari ejusmodi, dum pro virtutibus, doctrinaque, nondum promeritos adeptus es honores; ad quos in hac temporum malignitate, fortasse malorum etiam faventia optus est. Lugdunum ubi iterum excurreis, id credo deinceps frequentius futurum, dum excuduntur tua, plurimam salutem dices *mi viro* Salmasio, alteri cum Illustrissimo Grotio Europæ oculo. Ut ilia Codris omnibus rumpantur, nulla te maledicentia, ab amore divini illius hominis avertat. Matthæus, Isaacus, Gerardus meus, te plurimum salutant.

*Amstelodami,* clō lxxviii.  
 post. Kal. Octobris.



## CCCXLIII.

Claudio Salmasio, Ger. Jo. Vossius,  
S. P. D.

**I**saacus meus prope ab omni febre est immunis, interea inirmus, hodieque primum ex cubiculo in cenaculum descendit, quod ei bene vertat. Studia aliquot de die horis tractare jam cepit, & pro imbecillitate corporis aliquanto ardentius, sic ut sufflaminandus sit nobis, suadente etiam medico. Dolet admodum quod destituar Mureto ad Ethica Nicomachia. Operam dedi ut alicunde nanciscerer. Et hæc causa est cur diem unum respondere neglexerim; sed hæc quoque spes me fefellit. Philolaus de quo aliquando ad me scripseras, intra tres circiter hebdomades fuerit excusus. Id volumen, quia iisdem typis edatur ac mea, cessant in nostris: sed tanto alunt alacrius se postea perfecturos. Nec enim minus se optare quam me ut tandem perducatur ad umbilicum. Gaudeo inveniri qui operam dent ut inter eos, qui sic in literarum studiis eminent, animorum sit consensus. Solum exopto ut qui tractare hoc negotium volent, & prudentia valeant & probi sint ac benevoli. Quæ tria ut optime nollis in eo qui suadere aliquid valet, requirebat Stagirita noster optimus, idem sapiendi dicendique magister. Imprudentia fuerit si quis suscipere hanc provinciam cupiat, nec mores partium satis habeat perspectos. Jam confecisse se negotium letabitur, cum magno molimine magnas egerit nugas, meliori etiam parti plus periculi creavit. Quanto enim occultius, tanto nocebitur certius. Quæ minime dicerem, nisi ter edoctus malo meo. Jam nisi quis probus sit & benevolus, metus est ne deterioris sed amicioris commodis magis velificari gaudeat. Novennium circiter est cum collegarum duo operam mihi suam offerrent, ut cum mihi conciliarent amicum quem me scis dicere. Egi iis propterea gratias, atque adjeci, nihil mihi fore jucundius, ac si hoc perfecterint multum me iis debiturum; atque ut viderent quanti eos facerem, aiebam me omne hoc negotium illorum fidei committere, præstiturum me quæcunque illis visum: postulare solum si post tot injurias acceptas animo fuerim tam humili ac demisso, ne hoc negotium aggredi velint, nisi in isto saltem gratificare velint, ut ipsi existiment solum dicis gratia acturum aliquid, non autem bonâ fide; eoque brevi fore quod dicitur animum ad armillam; illam insistant viam, ut simulatio istæc nihil det incommodi aut mihi aut meis. Receperant se de eo cogituros, nec aliquid

moturos, nisi æque ratione habita utriusque nostri. Neque postmodo te unquam de eo compellarunt, sive id eo factum, quia eludendum minime putarent candorem meum, sive etiam displicuerit hæc diffidentia mea. Cur enim non suspicari liceat in me etiam (nam hominem me scio) desiderasse? Nece hoc animo scribo ut minus audias; qui animis vos esse velint minime alienis; sed duntaxat; ut, quod æque noris me silente, sis inter spinas calceatus. Rem magnam præstabunt qui negotium hoc component cum eo, quem ego & tot alii mecum (sed falso fortassis) credebamus amare neminem nisi qui parasitari sciat, & secundas agere, imo contemptis cæteris, ut studiorum omnium aut prope omnium principem veneretur. Quem etiam judicavimus nec supparem ferre necdum parem: quanto minus longe superiorem? Et tamen Christianum est hoc negotium, ut alii alios amemus. Quare existimo non debere te animo esse alieno ab iis qui de conciliandis vobis cogitant, dummodo ut dixi & mores alterius habeant perspectos, & si non magis æque tamen sint amantes tui. Quos inter ex iis quidem quos noverim facile principem tribuerim locum clarissimo Riveto: nam & ex sermone semper & nuper etiam ex ejus ad me Literis abunde perspexi illius erga te amorem constantissimum. Grave etiam pondus erit nobilissimi Somersdicii atque aliorum, quos nihil attinet dicere cum longe me illos melius noris. Tantum non fidei nimis habendum eis qui vel alterius imprimis vel suam pariter negotium agunt. Non tui solum amor sed etiam veneratio me compulsi, ut præter consuetudinem meam in scribendo tam longus forem: sed confido id fore tibi minime molestum. Aveo nosse quando tua ad Simplicium visuri sumus. Nec tamen nimis sollicitè id quero. Scio quo magis tua producis, hoc plura à te discere orbem Literarum. De usura Scholasticorum quos vocant plurimos habeo: sed eadem prope chorda aberrant. Aliquanto cautiore qui sæculo hoc vixere, quorum aliqui nobis; nec video tamen ut multum inde accedere tuis possit. Si quid tamen voles, tuis æque ac meis serviet commodis. Uxorem tuam uxor, imo ei tuamque vestri omnes nos & pariter affini tue salutem dicimus.

*Amstelodami, cl. Id. xxxviii.*

*iv Non. Octobr.*

CCCXLIV.

CCCXLIV.

Hugoni Grotio S. P.

*Lutetiam Paris.*

**M**inus minusque mihi, Illustrissime Domine, satisfacit Blauvius noster. Persuasi de Philolao: sed (planè præter opinionem meam) nostra de Idololatria intermitit. Jam mensē in iis cessatum. Et ait altero etiam mense opus, antequam Philolauum perduxerit ad finem. Iisdem typis excuditur, quibus mea solent. Negat autem, illam sibi esse Typorum ejusmodi copiam, ut eodem tempore utrumque Opus excudi possit. Ecce aliud quod displiceat. Jam prope sexennium est, quod postulato ipsius Meursius transmisit omnia, edita, inedita, sola excepta Historia Danica; quam postremo excudi volebat. Ille contra, ab hac orsus est, quia cæteris ejus viri vendibiliorem fore arbitrabatur. Ufusque propterea Typis majoribus, quam in meis. Et illa jam finem nacta: Existimat igitur Meursius, strenue nunc cum progredi in istis, quæ pertinent ad emendationem veterum Scriptorum, vel Antiquitatum Romanarum, Græcarumque intelligentiam. Rogavi vehementer Blauvium, ne ultra sextum annum eludere amicum meum vellet. Ille dicere, nihil minus sibi propositum: sed non ex re sua fore, si iisdem edat formis cætera, quibus Historiam Danicam: Nec me vel Meursium passurum, ut illis edantur, quibus me invito, prope enim oculos fugiant, filii mei in Scylacem notas divulgabit. Non superesse alias ac medias illas, quibus utitur in meis: sed ut has usurpet fieri non posse, nisi & Philolao, & pariter nostris finem sortitis. Proinde—& quid opus illo Proinde? Satis vides, quid hinc colligat. Atqui in meis etiamnum restant plusscula. Minimum tribus opus mensibus antequam absolvantur. Et quis spondebit nobis, spatio hoc temporis exacto, non aliud, qui ejus mos est, excogitaturum, quo Meursium eludat? Nihil dixeris Meursiana faciunt ad ea de quibus scripseram. Imo plurimum. Ut vos non iidem litis, idem ille, quantum video, erga vos erit. Esto autem ut Meursiana ordiatur. Libris de Poetica, & Originum, & tam multis, quæ Philosophiam, & Ecclesiæ Antiquitates, vel Scripturarum Interpretationem tangant, quorum compluria jam affecta, vel etiam confecta, porro cum blattis tineisque rixandum erit, si Meursiana patiar prævertere. Meursius autem ulterius moræ est impatiens. Si dicendum quod censeo, nec meorum aliquid, nec Meursii aggredie-

tur; οὐ θέμις ἰπποκρίδῃ. Quæremus uterque alium, si hic nos fastidit Alexis. Vellem erga tua saltem, alius foret, quando tantum supererminent, quantum lenta solent inter viburna cupressi. Sed quid faciamus? Homo ille privati, quam publici boni amantior, pecuniæ etiam quam honoris appetentior nihil æque ac lucrum curat. Hoc autem ait, non aliunde æquè ad se redire, quam ex Tabulis suis Geographicis. Addere poterat & Missilibus, ac similibus quæ excudit, sed sic ut Colonienſis Typographi nomen præferant. Quando igitur laterem lavarem, cum hoc homine agendo de tuis, meisve excudendis, visum mihi fuit compellare vicinum Blauwii Janſonium; quod & factum ab ornatissimo filio tuo. Ac huic quidem responsum dedit, velle se transmittere specimen Typorum, Latinorum, Græcorumque, ut prius cognoscat utrum placeant tibi. Mihi vero instanti ut id fieret quam primum, dixit, non posse, hac hyeme prælo committi. Nam præla sua edendo Atlante, & aliis vastis voluminibus sic distineri, ut res sua familiaris non ferat ulteriores impensas. Planeque persuasum habeo eum verum dicere. Magis miror tantum suscepisse quantum video; præsertim Blauwio manibus pedibusque hoc agente, ut hominem, in re non ita magna planè ad incitas redigar. Nullus tuis edendis magis idoneus esset Elzevirius Leidenſibus: non quasi sint viri, aut cives meliores, sed quia charta, & typorum bonitate vincunt. Et puto non recusarent, nisi alii in ea urbe dehortarentur; imprimis ille, qui se amicum tuum ait, nuperque ad te scripsisse. Et scripsisse etiam ex filio tuo intelligo. Quam vero amicus, melius ex illustri Barone Jacobo Skytte cognosceres, si is modo sermones de te, præſente altero, quem in cælum extollebat, habitos secum referret. Nobis quidem hic, recenti memoria, indignationis plenissimus exposuit. Nequitiam tum hominis ridebamus. Nec interea mores mutasse, clare ex multis deprehendimus. Hæc ego non referrem, nisi constaret de stomacho tuo, qui patientia plusquam Spartana, concoxeris multis partibus majora. Et scis invidiam illi, ac malignitatem, jam diu in naturam vertisse: nec alium erga alios esse, quos doctrinam cum virtute putet conjunxisse. Hoc ego, ut de aliis taceam, abunde meo malo didici: didicit Meursius, discere nunc cogitur maximus Salmaſius: sed nemo dixerit, quam ille ejus mendacia, ac calumnias contemnat. Quod ego non æque potui, cum eum conjurasse erga me viderem, cum inimicorum illis, qui toti in eo erant, ut me meosque omnibus everterent fortunis. Redeo ad edendi tua curam:

de



de qua certiora perscribam, ubi vel fratri, vel filio fuerim locutus. De Suecicis quid opus scribere quem nihil illorum fugiat? Adderem alioqui Cancellarium Oxensternium in Germaniam cogitare, ut dispiciatur de pacis negotio. Eo & iturus Comes Danus, natus ex eadem, imo iisdem, cujus filium, ante annum, vel amplius vidisti, cum Ephoro Ernstio. Sed is qui huc mittetur, major est natu illo quem vidimus. Sic mihi Nobilis Suecus retulit, ex literis, quas ab avunculo regni Suecici senatore acceperat. Putabam Collegam meum Hortensium dilaturum iter in terras exteras, propter luculentam rationem quam scripsi, ras, & ille ex Deodato cognorat. Sed longè alia ei mens. Nec miror. Bina illi Caroleorum nostratum millia, ad hoc iter sunt assignata ab Ordinibus Generalibus. Præterea fruitur stipendio nongentorum quos percipit ab urbe hac. Vides quantum profueris. Non vidit loca extera. Nunc impensis publicis prælustri titulo iter suscipiet, quæ res, & nunc honori illi futura, & postmodo memorabitur ad ingentem ejus gloriam. Deus illi gratam tribuat mentem, & tributurum confido. Ait se primò in Britanniam iturum: unde in Gallias, tum Venetias, inde prout res dederit. Sed cum longissimo tempore nihil mecum communicasset, uti neque cum Blauwio; nempe quia credo sumus occupatioribus aliis, quam ferendo sumus; tandem mihi significavit, de Angliâ dicis gratia se spargere, quo iter hoc sit occultius. Sed recta iturum in Gallias, non Lutetiam tamen, ne de eo Italia cognoscat, ex illis quibus fortasse innotuerit, si Lutetiæ videant. Nolle enim se periculum magno seni creare. Ne Venetiis quidem agere se quicquam velle per literas, nisi ex consilio illorum, qui rei sunt planè intelligentes. Si per eum literas dare vellem, nihil committendum istiusmodi, ubi festinato opus foret. Fortasse enim ne locuturum quidem tecum. Postremum hoc plane foret, præter opinionem Consulis Amplissimi Conradi Verburchii. Nam eum scio ab affine tuo optimo Reigersbergio literas petiisse commendatitias, quo gravior acceptiorque filius suus, juvenis plus minus annorum xx. esse possit. Is si ad vos venerit, scio acceptissimus fuerit. Parens enim vir est, non uno nomine laudatus sumus, & qui plurimum in hac urbe possit. Præsertim Consule Gravio, ante octiduum defuncto: Bichero in præfectos negotiationis Indiæ Orientalis relato. Ulamingio Oosthonio, Hagæ inter Delegatos hujus urbis degente, & ut arbitrator, hoc acturo, ut vivere possit vitam privatam. Video enim, & eum horum temporum esse pertæsum. Si ab Manasse nihil ac-

ceperis literarum, mirari noli. Nam mensis, & prope etiam alter est, quod morbo decubuit. Ulti & contigit Isaac meo. Eo nihil actum in ejus Scylace Caryandensi, & illo qui ante annos circiter septingentos, ex Scymno, Chio, & aliis descripsit Mæotidis periplum. Sed satis te detinui. Modum nescio scribendi, dum nunc fileo prorsus, nunc multiloquus tua moror tempora. Heroinæ conjugii salutem plurimam dicito, & filiarum optimarum. Nam filios intelligo, jam in Germania Martiales factos. Clarissimis viris, Bignonio, Cordesio, Rigaltio, & omnibus non aspernantibus me, sed si optima occasio sic ferat, salutem etiam impertias rogo.

Amstelodami  
cl. loc xxxviii.  
xiv. Octobris.

Tuus æternum,

G. J. Vossius.

### CCCXLV.

Hugoni Grotio.

Illustrissime Domine,

**M**ultum doleo, de excessu optimæ socrus tuæ, quicum memini, me non semel domi tuæ prandere, & sermones ferere non injucundos, pro temporibus illis, quibus omnia mutationem Reip. in pejus minabantur. Interea optimè scis, magis agendas esse gratias Deo, quod ei vitam concesserit tam diuturnam, ut & tempora meliora, & tot bellos conspiceret Nepotes, Nepteseque, quam dolendum, quod non ulterius ei reliquerit vitæ usuram. Leydensibus item ereptus Petrus Cunæus, magnum ejus Academiæ columen: In Zelandiam ierat, unde æger rediit domum, Collega Barlaeus: jam tertium mensem laborat quartana, metuitur ei à *μᾶστις*. Ut convalescat, non videtur idem fore qui quondam. Affixit valetudinem opere properando, quod nunc exciditur, & hoc de ingressu Reginæ Matris in urbem nostram, & honore pompæ ei exhibito. Typis prodibit Augustis, plurimis exornatum picturis. Atque hoc, quod dixi, non dissimulat apud amicos; sed multum metuo ne morbum hunc inde contraxerit, quod nimis ad animum revocaret, quæ adversus eum scripta sunt à Doct. Vedelio, & Magistro Sckokio. Hic Ultrajecto jam in Daventriensem Scholam concessit, ac opera postrema, quod vernacula scripsit lingua, minatur librum justum, quo comprobet, te quoque in castris militare Socini. Nam illa de satisfactione Christi, tantum temporum illorum gratia, quo faci-

lius

fius falleres, scripsisse: ubi illa via non processit, te, larvâ depositâ, ostendisse, quis foris, in libris de veritate religionis Christianæ. Ubi minimè sacræ Triados mysterium tradas, dicas Mosè populo tantum temporalia promittere; Christi præcepta nova esse, ac perfectiora Mosaicis; Christum dici filium Dei, quia natus è virgine, conceptus è spiritu sancto. Arbitror non defore his terris, qui respondeat, sed multum intererit, à quo id fiat. Etiam hoc pro se advocat, quod Crello non responderis; quasi non theologorum hic æque causa agatur, ac tua; quasi item jam semel acerbi Ravenspergeri maledictis (quem à Si-brando ad hæc incitatum, mihi, ex Affine, utrique eorum amicissimo, probè constat) foedè adeo exceptus, sapienter hoc illis relin-quas, qui nihil nisi quod ipsi faciunt, rectè factum putant. Sed de ipso satis: quem Voëtii esse hyperaspistem satis scire te puto, atque ab eo sua legi prius quam excudantur, fate-tur apertè: Eo Heinſius noster utitur amico: ut mirandum non sit, si disertim scribat, non te minus eruditum esse Heinſium; sed homi-nis esse hunc magis honesti. Deus meliorem largiatur mentem, & Adolescenti, & Tri-umviris, qui ejus opera tam turpiter abu-tuntur. Hortensius hac hyeme hic subsistet. Interim parabat se ad hoc, ut paratior sit ad colloquendum cum Galilæo de Galilæis co-rum, vel per internuntios, aut literas, & lo-co aliquo tuto, aut propinquo. Blauwius senior vita excessit: Filiorum, quibus cura est Typographia, alter ægrotat. Quid de Meur-sianis tandem decreverint, planè ignoro. Danicam ejus impressere historiam; at non videntur facile aggressuri ea, quæ ad vet. Scriptorum emendationem, vel Romanas, aut Græcas Antiquitates pertinent. Jan-sonius de quo scripseram, Vir est honesti no-minis: sed partium quas Contra-rémonstran-tium vocant, usque adeo studiosus, ut à pau-cis eo vincatur. De Affinis meæ junioris in Zelandia agentis, filio, si quid scripsero, Azoti is nomine, literis meis significabitur. Videtur hinc in Britanniam, inde in Gallias recta Lutetiam iturus. Nolim te amore fa-miliæ Junianæ decipi à quoquam. Alioqui hæc non scriberem; Et ut puto deinceps quoque aliquid exarandum erit. Salutant te, Conjugem lectissimam, & liberos, plurimum omnes mei.

Amstelodami,  
clō Idc xxxviii.  
27 Dec. st. N.

Tuus æternum,  
G. J. Vossius.

CCCXLVI.

Vincentio Fabricio suo, Ger. Jo. Vossius  
S. P. D.

Multum & ego, & familia mea tibi de-beamus, pro honore, quem habitum ivisti nobis, versibus tuis elegantissimis; fecisti, ut non modò viveremus in laboribus nostris, sed etiam tuis: qui quod Juriscon-sultus Scævola frustra sperabat, de Mario Ci-ceronis, Canescent sæclis innumerabilibus. Quamquam nec Marius ejus intercidit totus, quia aliqua parte vivit in illis, quæ perenna-runt: facies autem prudenter, si deinceps etiam Poeticam hanc Spartam oriaveris: sed sic ut magis te vindicent sibi sapientiæ stu-dia. Maximi quidem facio, quâ merito eru-ditis places, *Μουσα ἐοικέναι* sed præ toto Par-nasso, cum Surdæ facello, placent edita doctrinæ sapientum templa serena. In qui-bus & te, illo Themidos præcipue, assiduam esse intelligo lubens: Imo ab iis qui ad nos veniunt, refertur propediem fore, ut adle-garis in mystarum numerum: futuinæ mihi voluptati erit, quando istoc te honore autum inaudiero. Quamquam enim quod Vallæ olim in ore fuisse ferunt, Plures sint Docto-res, quam docti: Nec tamen exiguus adeo est numerus eorum, in quibus titulus non fallat. Et facilius sic ad honores muniveris viam. Quod cum hisce terris verissimum esse comperiamus, tum credo multo magis habere locum in Germania tua, sive malis nostra. Utinam tandem surere Mars desinat, qui nunc præclaris tot ingeniis incommodat. Tu interim durabis amicissime Fabrici, & ex-monito vatis tui, rebus servabis te secundis. Atque ut spissius procederet de Patria tua, nunquam Bataviæ, aut foederatæ Belgicæ, de-erunt, qui ingenium dignis cupiant orna-tum honoribus. Equidem ad hoc, operam omnem offero. Nam cum omnia ante volu-erim causa tua: nunc etiam velle omnia de-beo, postquam me obstrinxisti beneficio tuo. Vale, Optime, & Amicissime Fabrici.

Amstelodami, clō Idc xxxix.  
Prid. Non. Januarias.

U n

CCCXLVII.



## CCCXLVII.

Nobilissime Boswelle,

**P**erjucundum mihi fuit cognoscere, Reverendum Dom. Doct. Higgeum antehac sacellanum Reginae Bohemiae, nunc regio favore pro egregiis virtutibus suis, factum esse Decanum Litchfeldensis Ecclesiae. Praeclara viri ejus dotes jam duo ante lustra non fuere mihi ignota. Nunc verò magis magisque amo, postquam perspicio quantum iis accesserit incrementi. Planeque ita mihi persuadeo hunc quem scribis honorem non tam fastidium ei, quam ulterioris fore dignitatis gradum. Tantum Deus longam ei vitam concedat, quo diutissime praeclare de publico mereatur. Simfonii tui, quem aliquando mihi commendaras, candidum pectus, ei perhonesti mores magnopere mihi placent; omnino optima de eo auguror, ac cum tui tum ejus causa velim omnia. Tu modo dispice in quo porro & utilis esse possit opera nostra. Commentatio nostra de Gentili Theologia & Physiologia Christiana spise procedit, partim Typographi segnitie, partim ob occupationes meas: quae profecto tantae ut haec item literulas non licuerit exarare, nisi post noctem intempestam. Spero autem fore brevi ut te hic videamus: quo de nonnullis consilium tecum capere liceat. Sin ea felicitas non obtingat, vel primis ipse feriis excurram. Vale Nobilissime & Amicissime vir.

*Amstelodami.*  
clō lōc xxxix.

## CCCXLVIII.

V. N. Cornelio Vander-milio:

*Hagam Comitum.*

Nobilissime, & Maxime vir,

**J**AM diu quidem est, quod Blauwius Meursii Danica absolvit: sed distrahi non sivit, quia de re herciscenda, inter senioris Blauwii & suorum, haeredes, necdum convenisset. Quod si priusquam divenderentur, illis amicorum, de quibus scripserat Meursius, exemplaria traderentur, metuit ne fortasse Typographus alius nancisceretur exemplar, ac dum Blauwii in vendendo cessant, id opus celerrimè recuderet. Id perscribi ad te Blauwii voluere, quo moram hanc in optimam caperes partem. Sanè nec ipse codicem mihi destinatum urfi, ne si aliunde Typogra-

phus quis, nactus exemplar recudisset, in ea vel fraude, vel incuria, peccatum videretur. Deinceps nihil periculi futurum. Nam paucos intra dies, opus hoc publicè prostabat. Intelligo ex literis à Meursio ad te exaratis, velle, ut exemplar Cunæo ante destinatum, eo jam defuncto, Bonifacio in Italiam transmittatur. Quare & istud à Blauwii poposci, qui mortuo Cunæo sperabant, hinc unius sibi exemplaris lucrum. Me id æquum negante, haud multum adversati. Multum verò doleo, quod septimum jam annum, Meursius noster eludatur à Blauwii. Nam quicquid hactenus edidit, vel paratum habeat, se excusuros receperant grandi forma, duobus, vel pluribus voluminibus: Itaque ad eos transmissit multa ante *diversa*, item quae antea excusis addi, vel in iis mutari vellet. Nunc post molestam, & damnosam longi adeo temporis moram, quid facere in animo habeant, planè sumus incerti. Fervet nunc prælum, opere nostro, de Theologia Gentili, & Physiologia Christiana. In quo tum originem & progressum Idololatriæ explico, tum admiranda Naturæ, & eorum causas. Cumque gentiles, admiratione naturæ, eò sint abducti, ut solem, & alias naturæ partes colerent pro Diis; mihi contra propositum est, hominem à causis secundis, deducere ad causarum omniam causam. Operam dedi, ut ne adeo diffusum Argumentum, confusè tractaremus; Multa etiam adferimus aliis indicta, omnia vero planè, alia facie, quam priores. Confido intra menses quatuor, posse ad umbilicum perducì. Mitto ad te Scylacem, & Velleium filiorum meorum; Addidi utrius Exemplar alterum, ut cum historia Meursiana, ad Clarissimum Baltazarem Bonifacium, eadem opera transmittatur. Addidi & literarum aliquid, ut me adhuc vivere, & de studiis non pessimè mereri intelligat: simul etiam, in tam longo silentio, non minus amare, quam cum in scribendo essem frequentior. Vale vir Nobilissime, benèque de patria, ac literarum studiis, ac studiosis promerere, meque tui nominis cultorem ama, vel immerentem.

*Amstelodami,*  
clō lōc xxxix.  
*T. J. Voss.*

*Tuus omni officio, idque merito tuo,*

G. J. Vossius.

CCCXLIX.

Guilielmo Archiepiscopo Cantuariensi.

Reverendissime in Christo Pater, Domine illustrissime,

**N**ON leviter percellunt animum meum, quæ de Armis à Scotorum gente adversus Regem suum susceptis, non ex tua modo Epistola, sed sermone etiam intelligo prope omnium, qui vel ex Britannia huc veniunt, vel literas inde accipiunt à suis. Hoc etiam me pungit, atque urit, quod homines improbi, quorum larga semper seges fuit, eritque, causam tanti mali arcescere amant, non unde oportuit, ab iis quibus in Ecclesia nihil nisi novellum placet; ut Æolis aliis, tantæ tempestatis flabris, quibus utile bellum: Sed sacro Angliæ ordine, quasi hoc agat, ut gradibus quibusdam gens purioris tenax Evangelii (sic enim loquuntur) iterum ruat in *idolatriam* papalem. Et quo excellentiori loco quemque Deus constituit in Ecclesia sua, hoc magis tanti eum criminis agunt reum. Quamobrem satis prædicari nequit sapientissimum serenissimi Regis Caroli consilium, dum auctor est, ut quæ adversus Jesuitam Fisherum scripsisti, ea denuo edantur, sed sic ut in Frontispicio testentur nomen Auctoris. Quantum mihi inde boni promittam, haud facile dixerò. Nuper sane cum avidè multi legerint calumnias adversus te Anglico scriptis sermone, Belgiceque translatas; mirum in modum illæ frigere coeperunt, simulac ejusce gentis lingua prodiret quoque oratio tua, qua malignis hominibus, humanis quam merebantur, respondisti. Majorem etiam utilitatem ac fructum mihi spondeo, simulac edideris ea, quæ promittis; præsertim ubi Latine quoque viderint lucem, imò ut confido, etiam Gallicè & Belgice: nec etiam Scotia solum Tribunitios alit Spiritus, sed exteris etiam terris haut defunt Rebellionis flabella. Hisce nunc paucis obstitere volui occupationibus summis, quibus non premeris, sed obrueris. Nec plura nunc addam, quia metuo, ne, si ulterius sermonem producam, sine meis ad te literis veniat vir & civis optimus Griffinus Higgius. Tam malis enim temporibus malo sic virum doctissimum ac reverendissimum nominis tui & amatorem & æstimatorem laudare, quam ab aliis animi dotibus, etli & istæ egregie in eo luceant. De opere quo præsum fervere hæcenus, scribam paucos post dies; nunc ob causam quam dixi, manum de tabula cogor tollere. In precibus nostris nunquam desinam meminisse tui, gnarus quantum Ecclesiæ Catholice

præstes boni. Utinam sua satis bona intelligat.

Amstelodami, cl. Id. xxxix.  
xii Kal. Aprilis.

CCCL.

Joanni Meursio S. P.

**M**Ale me, præclare Meursi, habet, quod Blauwii fratres post patris excessum sic moras nectant in excudendis tuis; licet jam sextus sit annus, imò ut reor ultra, ex quo & parens ipse & filiorum natu maximus editionem eorum sponte promiserant. Nunc prætexunt parentis excessum cur differant. Quippe negant magni aliquid se posse ordini, nisi de exciscundo conveniret prius inter liberos qui seni numero, ex quibus duo duntaxat ætate aliis superiores rem Typographicam suis curaturi impensis, ac vel commodis vel damnis. Atqui ut audio, longe maxima hæreditatis pars consistit in iis, quæ hoc artis & mercaturæ genus spectant. Uti sunt immensa pene librorum copia tot linguarum, tam varii typi ænei, tabulæ pene innumere ex eodem ære, partim terrarum ac marium, partim illustrium virorum, herbarum, & aliorum id genus descriptionem vel figuram continentes. Equidem metuo ne tam facile conveniat inter hæredes, dum hi æstimabunt ista minoris, magno alii: nec vel inter arbitros tam facile componuntur talia. Si quidem Mercurialibus leve discrimen inter animam & nummos. Hac propter metuo ne spisse hoc negotium conventionis procedat; ac si expectandum sit donec inter eos fuerit transactum, diu tibi mihi que fieri fucus possit. Quamquam non ignorem eos dicere propediem eam rem compositum iri: nec dubium ipsimet quin longe melius res suas intelligant. Credamus igitur illis. Verum aliud ecce: negant tua se posse ordini priusquam absolverint commentationes meas de Idololatria, sive de Theologia Gentili, & Physiologia Christiana. Cur vero, inquires: videlicet quia non sufficiant sibi characteres ad tua excudenda in quibus tot Græca intercurrent, nisi vel paratus sis, ut prodeant minutis illis oculos pene suffugientibus, talibus fere, si non iisdem, ac filii mei Isaac notæ in Scylacem prodierunt: vel ego sinam ut labores mei de argumento ante memorato in annum unum alterum differantur, quod ego si perpeti velim, non similiter se animatos fore, ob certissima damna quæ eos maneant, præcipue opere jam pene ad finem perducto. Quid agamus, vir optime & amicissime? Ego qui te fratris in-



stare dilexi semper, vim illis hac parte facere non possim, vix etiam istoc si possim velim, quia jam undique vix sine populo ab ignavis occupationum mearum magnopere accuser, quod extremam imponere manum tabula nesciam. Attamen nisi aliter visum tibi fuerit, simulac mea lucem aspicient, non patiar quantum in me erit ulla tuis praevertere sed nostris; nam & hoc noscere tua interest, non poterit coronis imponi, si forte ante Solstitium, saltem non ante Kal. Junii. Hac cura prope anxiam perscribere ad te volui, quia non ignoro quam mecum fortis proprios ames, & aetatem etiam tuam vergeré cogites subinde: simul etiam metuerim, ne Blauwius forte, quem ut ad te scriberet rogavi, Mercuriali more fucum quodammodo faceret literis tuis. Tu utriusque lecta epistola melius statues quod ex re sit tua. Equidem post cessationem adeo diuturnam nunc quoque expectandum censeo, donec mea perduxerit ad umbilicum, tum etiam si idem esse velit qui fuit semper, cum alio alia credo ineunda erit via. Quamquam, quod de mulieribus conjicio, ait, id de hoc hominum genere (etiam illam melioris notae quale illud, quicum negotium nobis) merito dicere liceat, in eodem omnes videri ludo doctos, si non ad malitiam, saltem ad lucrum, cum alieno etiam dispendio. Nunc ad aliud venio. Historici operis tui nullum hactenus exemplar accepi, nedum Mylius, vel amicorum alii quibus ea à me mitti voluisti. In causa est quod quamdiu necdum inter hæredes Blauwicos est conventum, minime conducibile existiment exemplaria his terris illa in hominum manus venire, ne suspicio oboriatur, intercepti commodi ex libris divenditis. Quam vellem ne facilem adeo te præbuisse literis ad Blauwium proximis! Simulac cognovi te, iis etiam annumeratis exemplaribus quæ inter amicos his distribui cuperes, necdum accepisse XX. hominem pro jure meo increpui ac negavi pauciora debere quam XXXVI. Proinde ad te XVIII. mitti oportere. Ille num hoc habere *non oportet* temet literis tuis acquiescere, si sena mittantur exemplaria. Pertendi ego, nescire me, quid ad ipsum scripseris, sed probe ex iis, quæ ad me exarasses, perspectam habere sententiam tuam. Quocirca si non possim impetrare æquam, saltem mediam insisteret viam, nec pauciora mittat duodenis. Et ita discessi, ut facturus videretur. Quod ad Academiam attinet Leidensem, in ea non sine magno rei literaria dispendio decessit vetus collega noster Petrus Cunaus: ac paulo post ejus obitum uxore etiam consecutum. Oratione ei parentavit Vossius: versibus autem complures. Opinio multorum est, ejus in locum successurum esse Jacobum Gothofridum J. C. Dionysii filium,

Syndicum Genevensem; saltem literis Curatorum Leidenfium ei professio est oblata. Sed hesternæ die ex filio Isaaco Leidâ redeunte cognovi eos quibus is notior desperare propendendum. Sunt qui sermonem injiciant de amplissimo Simone Beaumontio, Middleburgensis prius Reip. nunc Roterodamensis Syndico, qui intermedio tempore inter Proceres ut vocant generales fœderatæ Belgicæ fuit; aiunt non abhorreere ab hoc professorio ac tranquillo vitæ genere. Sed enim vix fore arbitrator, ut in eo vocando conveniant Curatores & Consules; scis quas ille partes secutus sit, scissa ante annos viginti Reip. nostra. Jam mihi cum uno Professorum Leidenfium sermo fuit qui id fore negabat. Vides manere magnam partem malignitatem temporum, quæ te meque & tot bonos vexavit immerentes. Aristarchus sive potius exercitationibus Sacræ in N. T. quibus scis Heinium diu noctuque incumbere, vix intra menses duos vel tres juris erit publici. Utinam quoque divulgaret, quæ ejusdem argumenti elaboravit Josephus Scaliger: scis enim summum virum multum in eo desudasse; sed edere sua ausum non fuisse, quia in multis non à Beza modo, sed aliis etiam à nostris dissideret. Salmasius post excusum prius de usura volumen, nunc in alterum incumbit, in Simplicium quoque animadversiones edit. Vossius parat scribere adversus ea, quæ Salmasius scripsit in exercitationibus Plinianis ad Solinum, ubi in eo totus est ubi doceat Saccharum veterum esse à nostro diversum. Hanc Salmasii opinionem erroneam exprobravit ei Vossius in convivio multis præsentibus, ac postea quoque apud amicos eandem improbat: poposcit igitur Salmasius ut publice refelleret. Id se is facturum promisit. Cæterum recepit Vossius, se amice cum eo acturum, non ut multi nunc solent à Theologis, aut Criticis; Argumentum enim de Saccharo nihil nisi dulce exigere, sanè amarorem omnem & animi & sermonis averfari. Primus quod sciam hanc controversiam movit Joannes Menardus Ferrariensis in Epistolis medicinalibus, eumque in Paradoxis Medicis est secutus nescio an gentilis, saltem cognominis mihi Leonardus Vossius, seu ut ipse scribebat Fuchsius. Verum Salmasius novis opinionem eum argumentis stabilire est aggressus. Mitto ad te literas Gronovianas cum fasciculo in quo observatorum ejus libri. Juvenis est integræ vitæ, & ingenii acumine, doctrinaque pollens, dignus planè amore tuo, & omnium bonorum. Misit antehac ad te Epistolas Casauboni, in quibus & illa comparebunt ad te exaratas, quas hoc fine, ut ederentur, miseras mihi. Inter quatuordecim dies iturus Gronovius in Gallias. Quare si quid ei scribere voles, (velle puto,

puto, quia id præclaræ dotes ejus merentur) ad me literas mittas; quia cum sum procuraturus tuas, simul etiam quibus tibi responderit, forem missurus. Scylacem Caryandenum Isaaci filii mei tandem vides. Quod mitto exemplar unicum est, nullum in ædibus superest, alioqui alterum ad D. Stephanium addidissim, sed Blauwius non perpetitur ulla ex ædibus suis exire priusquam conventum sit inter hæredes. Et vix illud quod mitto potuit impetrare. Collegæ tuo, amplissimo Doctore Christiano Matthiæ salutem dices plurimam. Dolet quod non uti decreram una cum doctissimo Fishero conviviolo excipere licuerit. Etiam salutem imperties Dom. Laurenbergium. De Dom. Stephanio addiderim, nisi ad eum transmitterem hoc tempore exemplum literarum quas per Mercatorem sue cum nuper mittere statueram paucis post diebus, aut per alium, Germanum natione hominem doctum & ut putabam fidum. Sed metuo ne acceperit; & fortasse ne tu quidem eas quas tum scripseram. Uxor tuæ conjugii, filio, filie salutem adscribi jussit.

*Amstelodami*  
clb Idc xxxix.  
xii. Kal. Apr. St.V.

*Tuus totius,*

G. J. Vossius.

## CCCLI.

Auberto Miræo, Ger. Jo. Vossius  
S. P. D.

Multum tibi debeo, reverende atque eximie vir, pro luculento Chronici Belgici dono: quo longe plurima & me doces & doctissimum quemque. Quod ipsum de monumentis aliis tuæ dixerō industriæ; utinam vero, mox à literis tuis acceptis, quaecunque mittere *avide ego* licuisset, videlicet commentationes nostras de Historicis Latinis: in eo cum totus essem, ecce nuncius Leida adfertur, ad meliorem te vitam advocatum. Dolui vehementer studiorum vicem, de quibus hætenus præclare adeo meritis es, ac mereri porro non cessas, sed tamen suspectior paulo is nuncius erat, utcumque commercium sibi literarium tecum intercedere dicitaret; videbar mihi & in aliis vanitatem hominis comperisse, vel ut mollius dicam, nimiam credulitatem. Proinde Typographo nostro Blauwio in mandatis dedi, ut id exquireret ex Typographis Antwerpiensibus, quibuscum sibi negotium foret. Res erat facilis: sed nimis se in eo negligenter gessit. Demum ex clarissimo Plempio (id pauculos ante menses fuit)

cognosco lætiora omnia. Petii igitur ne Lovanium hinc abiret sine literis ad te meis & volumine nostro Historico. In hoc morem se gessurum promisit. At abunde mihi perspectus viri candor, etiam amor, quo complectitur utrumque nostrum. Tamen sive ab amicis, quos hic plurimos habet, sive aliis occupationibus detentus, facere neglexit. Gavissus igitur sum cum Lambertus Vossius vir ornatissimus diceret, & tecum sibi notitiam esse, nec pauca de virtutibus tuis prædicaret. Avide igitur hanc occasionem apprehendi meis te compellendi literis; sed exemplar quod mittere animus fuerat, cum vellem maxime non potui; unicum filii Matthæi habebamus, in quo nihil esset exaratum, id in morbo nupero quo ante menses paucos diutissime decubuit ei surreptum videtur. Misimus igitur ad Typographos hujus civitatis, sed nullum in ullius officina comparet, nec Leidensis ipse editor ullum præterea obtinet; tamen opera dabitur ut ab aliquo amicorum quodpiam nanciscar; nosim enim ingratus censerī. Hoc duntaxat scire te velim, urgeri me undique ad editionem novam in qua non levis erit accessio. Nunc sub manibus habeo grande opus de Theologia Gentium & Physiologia Christiana. Plura nunc nequeo, quia abiturum urget eruditissimus Vossius.

*Amstelodami* clb Idc xxxix.  
iv Kal. Aprilis.

## CCCLII.

Erycio Puteano, Ger. Jo. Vossius  
S. P.

Jucundum mihi, maxime Puteane, fuit & nuper ex clarissimo Plempio, & nunc ex doctissimo Lamberto Vossio cognoscere de prospera valetudine non tuæ modo sed familiæ universæ. Quod vero diceris cogitare de epistolarum tuarum ineditis hætenus divulgandis, id eo mihi gratius est, quod nemo paulo humanior ignoret te in venusto hoc floridoque dicendi genere, plane regnum tenere. Interea omnes tui nominis amantes vehementer hoc cupimus, ut excusis hoc opere, quod multum ad ornandam eloquentiam facturum nemo dubitat, denuo recurras ad ea, quæ si non confecta, saltem affecta habeas in Mathesi, Doctrinâ civili, Historia vel externa vel sacra: in quorum singulis valere te plurimum abunde comprobasti ingenii doctrinæque monumentis, quæ jam in omnium prope bibliothecis visuntur: nimirum nihil



hil tibi honestius, vel publico utilius esse poterit, quam si hac varietate labores tuos diffundas. Arque ita pietatis, prudentiæ, eloquentiæ, & nos & posteritatem, pabulo pascas. Hanc in scribendi libertatem meam, ut in bonam capias partem, non est animus rogare. Novimus alter alterum à pueris, ut in facilitate tua, & amicitia nostra, abunde habeam fiduciæ. Intellego quoque cum filium tuum, tum filiam itidem, par liberorum suavissimum, connubium contraxisse se dignum, planeque ex animi tui sententia, quo nomine haut secus gaudeo, ac si sanguine juncti mihi forent. Quæso hoc iis meo nomine significa, omnia me eorum nomine vellet, ac Deum rogare ut Matrimonium utrinque bene iis vertat, teque ac domum tuam nepotibus ac neptibus augeant avitæ virtutis amulis. Mitit ad te filius Isaacus Scylacem suum, quem gratum fore confido, & ob Antiquitatem Scriptoris, & ob bonam ei operam impensam ab amici filio, qui paterno exemplum te sciat æstimare.

*Amstelodami, clb Idc xxxix.  
iv. Kal. Aprilis.*

## CCCLIII.

Hugoni Grotio, *Regni Suecici ad Regem  
Christianissimum Legato.*  
Lutetiam Parisiorum.

Illustrissime Domine,

Vincencio Fabricio per Angliam in Gallias tendente, una cum Adolescente Patrio Hamburgensi, cuius studiis præest; facile perspexi, vix duos intra menses, meas tibi reddi posse literas. Nolui tamen illum sine illis dimittere, præsertim cum ipse urgeret, ut saltem minutum aliquid exararem, & istiusmodi, ubi in mora nihil foret periculi. Eo autem lubentius morem gessi, quia amavi juvenem, obanimi candorem & egregiam doctrinam, quam ex Poematis ejus, & fortasse etiam Literis jam videris. Simul illud etiam, quum me omni officiorum genere sibi demerendum putarit. Equidem & ipse etiam, siqua possim, ei bene faxim lubens; sed nunc non alio gratificari poteram, quam paucula ad te scribendo. Cæterum intra paucos dies de aliis fufius tecum loquar, & quæ magis ad nos pertineant. Nunc illud cum dolore referam, utriusque nostri amantissimum Joannem Meursium (quemadmodum ejus Collega Sorâ Danorum ad me

(scripsit) graviter adeo morbo decumbere, ut jam Medici desperare incipiant: scis calculo semper fuisse vexatum. Nunc vero etiam urinam emittit planè purulentum, ulceris in renibus, vel visceribus indicem. Ita paulatim imminuitur numerus eorum qui literas colunt. Quando me quoque Imperator meus arcessere hinc velit, scis me scire juxta cum ignarissimis, sed tamen minimè terret annus quem jam ingressus sum Climactericus. Puto nec Christiano homine indignum esse illud Bilbilici vatis, summum nec metuas diem, nec optes. Ego vero etiam optarem, nisi cura meorum tangerer, & voluptatis non parum caperem ex eo, quod mihi videar de pluribus bene mereri. Hoc quodammodo divinum videtur, ita divini planè beneficii esse agnosco.

Omnis mea domus, te, Heroinam lectissimam Uxorem tuam, & liberos plurima salute impertit.

*Amstelodami, clb Idc xxxix. xviii. Kal. Mai.  
quo die desita Legis servantes Judæos,  
Amstelodami video celebrare primum  
Azymorum.*

*Tuus æternum.*

## CCCLIV.

Georgio Ratallero Dubletio.  
Hagam Comitis

Nobilissime Amplissimeque Vir.

Acrymas non tenui, cum ex ornatissimo Heemskerchio nostro de tristissimo casu tuo cognoscerem. Nec interim mihi tam quicquam solatio fuit, quam animi tui constantia. Sic enim omnem hætenus vitam composuisti, ut quotquot te novimus, possidere credamus benè præparatum pectus ad adversa quæque subeunda. Gravis Auster te percussit: sed non ut bonæ mentis naufragium facias. Gemina Anchora jam à puero fundaris, Princeps illa Christianæ Religionis, cujus tessera est patientia. Hac intravit Christus ipse ad gloriam, ad cujus exemplum vocati sumus, nec patimur sine voluntate Dei; qui solus novit quid expediat nobis, hæc & tot alia ex chartis Apostolicis, animo occurrant tuo; quæ solidum solatium præstabunt. Nullus Medicus tam benè ægræ menti medebitur, quam celestis ille, verbo & spiritu suo. Vulnus facit, sed & Medicinam. Quare si dolor urserit vehementius, juret alloqui Deum,

Deum, nec alteram illam aspernari anchoram, & longo à priori vincitur intervallo. Præcepta inquam, & exempla, quæ omnis nobis suppeditat Historia, & Socratica Philosophia. Sæpe à Seneca, & Epicteto, ejusque Interpretibus, cordatior sum regressus. Turpe putabam, si *ὁ ἑαυτὸν*, vincerent hominem à pueritia Christo sacratum. Quicquid erit, dum dolor recens, advocandus ab ea parte, qua dolet, hoc ratio nunc efficiat: Cætera præstabit dies, quæ multum etiam potest in insipientibus. Quod ad exequias me vocas, affectum tuum video, de quo nunquam dubitavi; sed à feria quarta hebdomadis Paschalis, cum morbo confictor hætenus. Primum me vehemens tertiana afflixit: sed vix octiduum duravit; mox colici exceperere dolores, iique peracerbi; nec multo post exeruit se Nephritis, quæ dies, noctesque me cruciavit. Nunc dolor multum remisit. Virium tantum, ut etsi pedes extra ædes ponere non sustineam, tamen in Museum quasi perreptem: quique antea vel duodenis in studiis horis par eram, nunc binæ sufficere incipiunt: Interea multum metuo, ne Nephritis me, per omnem vitam comitetur, grave malum, & unâ cum Arthritide doctis perfamiliares, in senio præsertim. Sic beavit me hic annus Climactericus: id jocosius in re seria dictum judicabis; sed enim vere adversa nos beant, quia ad vitam præparant beatam. Non ultra teneo te. Nam cum has accipies, occupatus exequiis, ne his quidem legendis fortasse vacabit; sed leges cum poteris. Claudam isto Epistolam, *ὡ φιλῆλον καὶ ἀγαθόν*, cum carissimo Christi discipulo uterque recumbamus, in sinu Domini. De Velleio cras literas à Gerardo meo habebis; nunc isti simul ac tuas acceperam, volui respondere. Uxor, & omnes mei, te, focum, & Affines, mecum salutant plurimum.

cl̄o l̄oc xxxix.  
xxiii. Maii.

*Tuus æternum,*

G. J. Vossius.

CCCLV.

Joanni Skyttio.

Illustris Domine,

**A**D aures meas pervenit, sic relatum tibi esse, filium tuum in studiis quorum gratia huc miseris, plane esse socordem ac negligentem, & quod ad vitam, inutiliter pecunias absumere: ac præterea ne Erastum quidem, quem illi Ephorum dederas, ab hoc

crimine esse alienum. Hic nuncius horrendum in modum utrumque horum perculit. Filius tanto cum mœrore mihi ea retulit, ut prope à morbo ei formidarem. Nec tamen me ipsum leviter ea res affecit. Sane filius in vicinia nostra habitat, ædes vix lapidis unius jactu à meis distat, omnes perhonestè de eo sentiunt & loquuntur: ebrium nec ego nec domus meæ quisquam conspeximus. Nec vel jurato facile crediderim, fuisse unquam in lupanari, vel cum scortis gnarum leves etiam sermones agitasse. Quare illustris domine, mirificas istas suspiciones de animo tuo depone. Siquid istorum foret, Vossius tuus non ignoraret. Ad Erastum vero quod attinet, tantum abest, ut ulla in re violet pietatem, ut potius superstitione aliqua in alteram partem peccare videri possit. Interea dicere non possum, an non paullo faciant majores sumptus quam voles. Multum interest, quò pacto quis filium velit vivere. Non idem hic parentes ejusdem etiam opulentia ac dignitatis sentiunt. Hic tuum est legem præscribere juxta quam sese componant. De nullo vero æquè conqueritur filius tuus, quam quod multo carius omnia, quam alii emere cogatur. Nempe qui pannos ei dividunt aut vestes parant (& par aliorum ratio) non pretium exigunt; quale ab aliis parata solventibus pecunia, sed ut usuram forti annumerent: quippe qui spe solum solutionis vivant. Et nuper non defuit, qui credere nihil vellet ultra, nisi pro eo sponderet filius. Hæc alteri dictabam in summis calculi doloribus, qui hocce anno climacterico meo (sexagesimum enim tertium sum ingressus) excruciare me coeperunt. Plura adderem, si dolor sineret. Sed si Deus permiserit, ut iterum esse incipiam, qui antea fui, fusiis de omnibus scribam. Nunc sic habe, & vitam filii esse perhonestam, & non aspernandos in studiis, dum hic est, præcipue in universa Historia, progressus fecisse. Mihi nec seritur nec metitur. Sed officii mei putavi ut tam foedæ calumniae occurrerem. Eadem existimavi me rem facturum gratissimam, si opinionem, quæ sine dubio vehementer te pungeret, animo tuo evellerem. Deus opt. Maximus te & omnem familiam tuam diutissime prosperam ac sospitem conservet.

Aliena manu hætenus: hæc mea subscripsi.

Anno Christi,  
cl̄o l̄oc xxxix.  
xi. Kal. Jun.

*Illustrissimi nominis tui  
devotissimus cultor,*

G. J. Vossius.

CCCLV.



## CCCLVI.

Hugoni Grotio S. P.

Lutetiam Paris.

**V**erna hac tempestate, Illustrissime Domine, ingressum me scias *κλιμακτηρ* seniorum, tertium & sexagesimum, quem aiunt advenire cum periculo interitus vitæ, vel morbi gravioris: Non ut puto, præcisè, ob numeri vim, sed propter qualitates inditas naturæ. De me quidem illud dicere habeo, ex septimis quibusque, nullum non mihi morbum apportasse, præterquam sextum, hoc est ætatis meæ, secundum & quadagesimum. Credo animi ægritudinem sufficere tum ad me affligendum, divina bonitas putavit. Erat enim is annus, seculi hujus vigesimus, quo quot adversa pertulerim à malis, quam tristitia conspexerim in tot bonis, imo summis, & viris, & amicis, apud nullum minus exponi opus quam te, qui vel solus utramque feceris paginam. Sin corporis potius morbos attendero, non alius mihi annus infestior fuit Climacterico quarto, sive ætatis duodectagesimo. Nam si quicquid morborum, vita pertuli universa, in unum consuetur, vix puto æquat, unum illius anni, tam gravem, ac diuturnum morbum; quem mox excepit mors conjugis, itidem octavum & vigesimum annum agentis, Septimus Climactericus mihi attulit Arthridem, quæ & postmodo, me semel iterumque magna vi est adorta. Nunc ab quadriennio circiter, immunis fuit, credo, diætæ beneficio, & ratapotiocum, quibus hebdomade quaque uti soleo. Hoc verò senili Climactere, post quem nunc alterum sum visurus, solus vitæ, ac mortis arbiter novit, primum tertia me invasit, quem XXXV. annis proximis nulla febris corripuerat, præter unam, quam tuxor arbitrari solet profectam ab scurrili vexatione inimicissimi mihi, tibi que amici, quem cum affine convivio exceperam. Nempe annus erat seculi primus & vigesimus, quo nihil obloqui fas erat, sed Spartana concoquere sapientiâ, necessum fuit, utcumque, vel cibi, & potus reliquiis conspurcassent. Sed post longos logos, redeo ad eum, unde coeperam *κλιμακτηρ*. vix tertia desierat, dolor me occupavit colicus, quem non nisi adolescens semel eram expertus. Hinc secutum est grave nephritidos malum, à quo mihi metueram nunquam, quia nullum mali signum hactenus in saccato illo corporis humore animadverteram. Nunc vero me duabus & ultra hebdomadibus perpetuo propemodum lectulo ad-

fixit. Sunt tamen dies prope jam duodecim, quod ab eo videar mihi liber, cumque Miliis in gratiam redierim, ac vires etiam paulatim recipiam. Hoc tam amanti mei significandum putavi, ut si forte, ex fratre de morbo intelligens, dolore sis affectus, literis meis hunc animo detergeam tuo. Simul illud addo, magnum Salmasium, quem diu salvum, ac sospitem esse, non paulo majoris interest Reip. literariæ, post morbum gravissimum, nunc convalescere magis ac magis. In opere de Theologia Gentili, & Christiana Physiologia, tribus jam mensibus cessatum à Typographo. Premitur quidem, dum distinctur, editione Latina Barlaamæ commentationis, de ingressu Medicæ Reginae in urbem nostram; mox translatione Gallica, & Belgica; ac mense proximo, etiam morbo meo. De tuis cum Jansonio locutus sum. Nunc ait, nunc negat. Nihil illo lubricum magis. Anguillam aiunt ficulno constringi folio. Hinc quo pacto teneam, vix video; sed de isto, jam frater, & filius, de te scripserint. Nec enim unquam huc veniunt, quin illud, ut Jansonium ipsi compellent, commoneam, filium imprimis. Jo. Meursius periculose decumbit: scis, ut arbitrator, calculo laborasse ab adolescentia. Nunc vehementius vexatur, quam antehac unquam: nec ulcere, ut creditur, vesicæ profluere illi solet nisi purulentus humor; sic ad me Collega ejus Stephanus, (à quo novam & longè castigationem Saxonis Grammatici editionem quotidie expectamus) ante mensem, & ultra perscripsit, nec devota ejus parum metu. Vale cum omni familia diutissime.

Amstelodami,  
clō 16c xxxix.  
 prid. Non. Jun.

Tuis eternum,

G. J. Vossius

## CCCLVII.

Merico Casaubono S. P.

**P**urimum tibi debeo, Reverende & Clarissime Casaubone, quod tantum mei causâ sumseris laboris, ut ista de motibus Britannicis perferberes mihi. Licet enim non prorsus eorum ignarus forem, haud mediocriter animum juvit, ista ex te plenius pleni- usque cognoscere. Proderit quoque ad hoc mihi, ut majori de his fiducia sermonem cum nonnullis feram, qui unum hoc à Regiis putant, ut Romana reducat superstitio ac tyrannis. Sic solent beare eos, quibus religio est abire à veteris Ecclesiæ consensu. Papæ mancipia sunt, qui non juniorum somnia præjudicio

præjudicio antiquitatis vitia arbitrentur. Soli sapiunt Cathari: sunt ceteri umbræ circumvolitantes, vel si quid istis levius vaniusque. Equidem in hisce turbis assidue facio vota pro serenissimo Rege meo & reverendissimo Dom. Archiepiscopo. Nihil boni ab iis spero, qui nihil pensi habent, quod dicant vel faciant, dummodo id faciat pro novellitate. Quod ad imminutionem præbendæ annuæ, scire aveo utrum in Collegio fratrum proportionem agatur Arithmetica, ut loquuntur, an Geometrica. Nec enim æquum videtur, ut qui tanto minus, quam præsentis fructus capio, is tantumdam faciam damni. Cæteroquin si omnino sic fiat sententia, ut etiam absentes damnum tangunt, non hoc agere velim, ut præster indemnitas. Tam mihi Regia causa est curæ, ut longe majora velim propterea & velle æternum debeam. Ad neminem summationem super eo scribere in Angliam potui. Valde adversatur animo molestiam iis facessere literis meis, quos scio Regni & Ecclesiæ negotia humeris suis sustinere; sed tamen videbo an vim facere mihi possim. Cæteroquin tam facilis esse soleo, ut omnia potius perferam, quam ulli sim molestus. Interim recte fecerit is, qui nomine Amstelodamensis mercatoris pecunias meas accipit hoc tempore, quia semestre expiravit, si superiori trimestri nihil accepit, contentus sit quadraginta libris Sterlingicis loco quinquagenarum. Mitto ad te Velleum filii mei. Gratum fore confido & nostri causâ, & quia post summos viros non paucis vulneribus medicinam fecit. Hæc raptem scribebam: mediocriter nunc valeo. Nam jam altera est hebdomas quod rursum in publicum prodeò & in Lyceo iterum doceo. Toto antea mense cum morbo sum conflictus, & sat gravi; ne nunc quidem pristina vires redierunt.

Plurimum saluta lectissimam uxorem, reverendum Dominum Decanum & Collegium fratrum universum.

Amstelodami,  
clō lōc xxxix.  
prid. Kal. Quinct.  
Styl. Greg.

Tuus æternus,

G. J. Vossius.

CCCLVIII.

Ludovico Crocio S. P.

Bremam.

QUO tempore, eximie Croci, tuas priores accepi, & paulo post alteras, cum retutatione dogmatum Socini, gravi morbo decumbebam. A quo ne nunc quidem con-

valui prorsus: in tantum tamen, ut licet corpore non satis firmo, publice tamen jam iterum doceam. In morbo autem recreavit me non mediocriter, quod non deponeres memoriam, & amorem nostri, ac munere etiam testari voluisses, quanti me faceres. Eo ardentius, paulum remittente morbo, legi tua. Pretium operæ fecisti occurrendo illis, in quibus infestus ille Faustus, à veteris Ecclesiæ consensu abeundum sibi putavit. Eadem os occlusisti malevolis, qui, si quis vel digitum latum ab iis recesserit, optimum hoc vindictæ genus putant; si sparserint eos Σοκρίτων. Hoc in te quoque successurum sibi putabant. Sed in ruborem dedit nuperus ille tam bellus foetus tuus. Verum non sine horrore dico, ubi mendacii, & calumniæ rei agebantur, non aliud invenere *ἡγεμονίῃς*, quam quod dicis causâ, non ex animi tui sententia, istæ scripsisses. Sed illi ipsi, qui alio, quâ à te abirent, hoc putidius putabant. Optimus, & modestissimus quisque, utroque, ut aiunt, pollice, extollit, quod in tristi hoc Ecclesiæ Schismate, animo sis moderato, nec defugias, quo minus illud tetteris, non obscure, præclaris ingenii, doctrinæque monumentis. Si qui molestiam facessant, tuum est id insuper habere, cui conscientia, publicum bonum, Dei honor, pro amplissimo sint theatrum. Vale vir, & amice summe, ac quanto major veteris est Ecclesiæ contemptus, quantoque plures, his quidem terris, (nec enim par ubique dementia) sua omnia iudicio metiuntur, tanto magis veteris Ecclesiæ honori, recentis vero concordie studeamus; imo sic animati, tantò impensius amemus nos inter hos. Plurimam, clarissimis & optimis Collegis, salutem meo nomine dicito.

Amstelodami,  
clō lōc xxxix.  
post. Kal.  
Quinct.

Tuus omni officio,

G. J. Vossius.

CCCLIX.

Baltazari Willio, S. Theol. Doct. & Profess. S. P.

AMBIGO, clarissime & amicissime Willii, utrum magis gaudeam, quando tuas accipio literas, hominis tam amici; an impensius doleam, quando mecum cogito, sic me distringi, ut cum paria maxime facere velim, non tamen possim. Solatur illud, quod sciam, non posse te irasci tam amanti tui, jam ab illo tempore, quò primum te con-

X x



spexi Lugduni, imo erectam etiam animi tui indolem, perspicere mihi visus sum. Valeudo quotidie fit firmior, quæ menssem totum me, vel lectulo affixit, vel cubiculo conclusit. Etiam Salmasius, *id est*, qui graviter decubuit, magis, & magis sibi restituitur. Magnum in eo damnum metuebam Reipub. literariæ; ac idem mecum formidabant omnes, quos non tangit nigra loliginis succus. Pro egregio munere, non uno, quo me ornasti, gratias ago, & meo nomine, & publico, de quo bene mereri non cessas. Clarissimo Parenti, & Collegis omnibus salutem dicces plurimam.

*Amstelodami,*  
clō lōc xxxix.  
post, Kal.  
Quint.

*Tuus,*

G. J. Vossius.

# CCCLX.

Joanni Isacio Pontano.

Clarissime & Amicissime Pontane,

**A**B annis xxxv. non ita graviter ægrota-  
vi, ac omni eo tempore, quod inter  
Paschæ, & Pentecostes ferias intercessit. Ter-  
tiana primum me afflixit, mox colici dolores,  
hunc Nephritis; à quo malo, per omnem vi-  
tam fueram immunis. Quid porro futurum  
sit novit Deus. Illud scio, agere me Clima-  
cticum, quem senibus periculosum aiunt,  
non quasi ulla vis sit numerorum, sed quia  
Deus naturam sic fecit, ut ad numerum, fi-  
guram, ac pondus, cuncta exequatur. At-  
que hoc inter alia, etiam dies critici arguunt.  
Nec tamen hæc eo in me dicuntur, quasi an-  
num hunc formidam. Etsi enim septimo quo-  
que anno mihi fuerit pejus; tamen fortasse  
jam periculosum defunctus; atque ut aliter  
esset, quod præcipit Martialis, summum  
nec metuo diem, nec opto. Vix tamen vale-  
tudini eram restitutus, cùm Matthæus denuò  
incidit in morbum, meo quoque gravio-  
rem: ac ne nunc convaluit prorsus. Absque his fu-  
isset, alteruter noster, non literis modo re-  
spondisset tuis, sed etiam egisset gratias, pro  
insigni munificentia. Danica enim tua jam  
diu accepimus, & melioris quidem chartæ  
codicem, ut Typographo mandāras. Opus  
hoc plurimum tibi famæ adstruet. Jam an-  
tea quidem, eam tot ingenii, doctrinæque  
monumentis, sat magnam pararas; quibus  
vel solis, (pene singulis dixeram, nec judi-  
cium id poenitendum foret) immortalita-  
tem nominis tui jam diu promeritus es.  
Verumtamen quia maligno vivimus sæculo,

gaudeo tui, & literarum causâ, novum nunc  
tibicinem, eumque benè validum accessisse.  
Danicam Meurlii historiam necdum vide-  
ris, ea intra dies paucos distrahetur publicè.  
Hactenus soli amici, quibus donavit, exem-  
plar habent, iique perpauci. Mitto nunc ad  
te Velleium Gerardi mei; sed & Scylacem  
Isaaci: hunc incompactum, quod aliud hoc  
tempore exemplar non haberemus. Spero  
non displicituros utriusque labores. Multa  
enim pulchrè iis correctæ, observataque.  
Nostrum opus quod jam diu promisi, vix  
quartum intra mensem perducetur ad finem:  
Nam accrescit sub manibus. Et Typogra-  
phus subinde, omisiss nostris, alia excudit:  
ut ante menses duos tres, Barlæi Medicæa,  
cùm Latinâ tum Gallicâ, & Belgicâ Linguâ.

Vale Vir & Amice optime, & nos amare  
perge, qui etsi tardiores in literariis respon-  
sis videamur: nulli tamen cedimus amore  
tui, cujus pro diuturna valetudine, & vita,  
nec ego, nec liberi, vota facere cessamus.

*Amstelodami, clō lōc xxxix. x Kal. Sextiles.*

Amplissimo Brinkio, & Cll. viris, Die-  
stio, & Zevecotio salutem dicces, si otium;  
& occasio erit.

*Tuus eternum,*

G. J. Vossius.

# CCCLXI.

Reverendo & eximio Domino Isaaco  
Bargravio, S. Theol. Doctori, & Ve-  
nerabilis Canonicorum Cantuariensi-  
um Collegii Decano observando.

Reverende & eximie D. Decane,

**C**UM gratissima mihi fuerint Literæ tuæ,  
his ipsis tamen jucundior obtigit con-  
spectus charissimi filii tui; quem puellum  
me videre belle *remotus* probe recordor.  
Jam tum ex vultu ingenuo, & scitulis mori-  
bus, in futurum pulchri aliquid de eo mihi  
promittebam; & volupe est, quod non va-  
nus augur fuerim. Nunc non paulo majus  
est, quo placeat: animo, dico, recto &  
erecto. Tanto magis mihi operam esse dan-  
dam intelligo, ut ne consilii ejus, quod huc  
potissimum eum miserat, te unquam possit  
poenitere. Equidem si qua potero studia  
ejus juvare (posse autem confido) non de-  
ero tuæ petitioni, atque officio meo. Quoties  
vero vel publicis vel rebus privatis avocabor,  
certatim nunc filiorum hic, nunc alius, hoc  
ipsum implebunt. Promissa hæc non ulterius  
procudam

procudam verbis, benefacere magis, quàm largè promittere adfuetus. Sæpius posthac à me literas expecta, præsertim quoties erit, quod scire tua interesse arbitrabor. Scio enim, quàm tenerè liberos suos ament parentes: nec aliud æque desiderent, quàm dulce illud virtutis doctrinæque contubernium. Cum lectissimam uxorem & filiam (quam puellulam vidi: nunc, ut puto, maturam viro, & plenis nubilem annis) tum venerabile carissimorum & doctissimorum Fratrum Collegium, plurimum meo nomine saluta.

*Amstelodami,  
clō Ioc xxxix.  
Post. Kal. Sex-  
tiles. Stil. Greg.*

*Tuus tuorumque æternum,*

G. J. Vossius.

## CCCLXII.

Andreas de Naglowitze.

**J**AM plures sunt menses, Illustris, & Nobilissime Domine, quod commendatum nomini tuo ibam, negotium quoddam, ornatissimi, & præstantissimi, Johannis Wiikenfortii, verè Mercurialis pulli, quando ad instar Mercurii, foeliciter adeo, cum exoticarum mercium cura, sociat jucundos Musarum labores. Inque his nec vinci se patitur frater ejus Joachinus Wiikenfortius, vir Principibus multis gratissimus. Is ob prudentiam, & merita præclara, ante duos tres menses, è Galliis huc rediit; sed equestri dignitate auctus, à Rege Christianissimo. Multum vero, & ego, & præcipuè Johannes Wiikenfortius, imò tota domus Wiikenfortia obtrungitur nomini tuo Excellentissimo, pro singulari affectu, quod rem tibi commendatam, curæ tibi esse passus sis. Nam abundè perspeximus, nihil vel à te neglectum, vel Illustrissimo, nec unquam satis laudato, Principe Razevilio. Quantum vero favoris in animis peperit vestris, æquitas causæ; tantum ea odii excitavit, in animo, tum debitoris Johannis Witmakeri, qui propter æs alienum in custodia detinetur; tum fratris ejus, negotium hoc ipsum, ut fieri solet, ad animum revocantis. Uterque enim nihil nisi vindictam sperat, & spirat; atrocia etiam comminantur: Ut mirum non sit, si haut parùm, & Domini rebus, & vitæ metuat suæ, negotiorum Wiikenfortianorum administrator. Itaque Dominus ejus Johannes VViikenfortius, plurimum à me expetiit, ut alteras Excellentissimo nomini tuo literas scriberem, quibus rogarem, ut mei, & VVi-

kenfortiorum ergo, laborem suscipias scribendi ad Illustrissimum Principem Razeviliū, & Tribunal Vilnense: quo minister VViikenfortii, in solo nunc agens peregrino, tuto securèque res domini exequi possit; nec necesse habeat assiduo esse in formidine, ab improbo illo pari fratrum, quod dura, diraque comminatur. Multum etiam ad istud conferet, si simulac res ferat, decidi possit. Quam ad rem commendatio tua plurimum adfert momenti, sanè quantò celerius controversia finietur, tanto citius se noster subducere possit periculo; quod aliqui in tam vasta, & populosa urbe effugere, perdifficile est. De nobilissimo filio tuo sic habe: virtuti, & modestiæ litare, & ab optimo quoque amari, ac magni fieri: studiis etiam non segniter incumbit, ut non planè confidam satisfacturum expectationi Patris, Patriæque.

*Amstelodami  
clō Ioc xxxix.  
xii. Kal. Aug.*

*Illustris nominis tui cultor,*

G. J. Vossius.

## CCCLXIII.

Merico Casaubono.

Reverende & Clarissime D. Casaubone,

**P**ER eum ipsum, cui tradideras priorum Literarum exemplum, civem se Cantuariensem ac ædibus tibi vicinis habitare ajebat, jamdudum tuis respondi. Credo ventis contigerit adversis, ut tardius acceperis, vel fortasse, quia domo abfueris. Knysterius Amstelodamensis mercator, qui hic mihi pecuniam annumerare solet, partem mihi pecuniæ ejus perfolvit, quæ expirat mense Junio adulto: sed negat se reliquum velle perfolvere, antequam ex Anglia cognoverit si non quinquagenas saltem quadragenas Libras Sterlingicas esse numeratas illi, cui hæcenus à te numerari solent. Quæso itaque si is forte domum tuam venerit, & quadragenis acquiescat pro quinquagenis; ne quid in solvendo moræ trahatur. Scio non te in causa fuisse, cur minus acceperit, sed ipsum qui nihil mallet recipere quam non quantum solet. Sed enim non dubito, quin animum hunc mutarit, ex quo Knysterium de re tota literis prius tuis edoctus feci certiorum. Gaudeo impensè de pace reddita Britanniae. Deumque oro, nequid turbatum in posterum amplius det Novellitas. Sed scire aveo an non ab tempore pacis cessaturum sit damnum, quod in Præbenda fecimus, ac vetus sit numeranda summa. Sic requi-



rere ratio videtur, nec video quin obijci possit, præter regiam voluntatem, si forte aliter ei videatur. Reverendi D. Decani filius mihi gratus est acceptusque, qua de re abunde ad parentem pericripsi. Nec ulla in re operæ meæ parceretur, vel liberorum meorum. Diligenter etiam curabo, ut intelligat magnam apud me pondus habuisse commendationem D. Hanscombii, neque id sui modo, & D. Decani causa faciam, sed etiam reverendi D. Episcopi Eliensis, cui probare me meaque omnia & volo & debeo. Vale, dilectissime Frater, meoque nomine Uxorem optimam, & universum venerabilium Fratrum Collegium saluta.

*Amstelodami, clō Ioc xxxix.  
Post. Kal. Aug. Stylo Novo.*

*Tuus tuo merito,*

G. J. Vossius.

## CCCLXIV.

Joanni Hulsemanno *S. Theologiæ Doctori, Professori Witebergæ, S. P.*

**V**IR clarissime, quod scribam hoc tempore, vel non scribam, non fat video, usque adeo extremâ fere horâ qua ab urbe abeundum, plena propemodum domus eorum qui compellare velint. Nec tamen tam egregia ejus anima, quem mihi commendabas, fuit dimittenda sine meis ad te literis. Quamobrem ne nihil scribam, hoc scribam quod primo occurrit, nempe gratissimas mihi tuas fuisse literas, & semper jucundam ejus temporis fore memoriam, quo una in hac urbe diserebamus de illis quæ ad veritatem dogmatum & pacem Ecclesiæ pertinerent. Mitto ad te amicitie nostræ indicia quædam, liberorum labores, Scylacem Isaaci mei, Velleium cognominis filii: videbis multa in utroque scriptore feliciter correctâ. Metuo, ne tibi gravioribus studiis detento, minus integrum sit ad hæc leviora se dimittere, sed poteris istorum facere Collegarum alicui indicium, dummodo nasum habeat criticum, de quo ipse optime judicabis. Si quæras, quid agam, sub prelo est opus nostrum de Theologia gentili & Physiologia Christiana: Sive de idololatriæ gentilis origine & progressu, & naturæ mirandis, eorumque causis, & ex iis humanæ mentis adscensu ad Deum: spero autem, intra trimestre vel circiter, ad umbilicum posse perducî. Plura nunc addere non licet, sed brevi, ut confido, hanc brevitatem longioribus literis compensabo. Tu interim vir, & ami-

ce optime, perge & de publico bene, quod hæcenus facis, mereri, & amare etiam me, qui te facio maximi.

*Amstelodami,  
clō Ioc xxxix.  
vi Kal. Septemb.  
Stylo Gregoriano.  
Td. 7952.*

*Tuus omni studio,*

G. J. Vossius.

## CCCLXV.

Cl. V. Joh. Meursio. *S. P.*

**Q**UOD meliore utaris valetudine, jucundum fuit cognoscere mihi & meis omnibus. Ego quoque mediocriter nunc valeo ac pariter Uxor & Liberi, uno excepto Mattheo. Tandem responsum à fratribus Blauwii erat qui sexennium vel ultra, non dico vana te meque spe lætaverant, sed tot etiam fecerant promissa, te etiam de iis non cogitante, sponte ad tua cuncta excudenda se obtulerant. Malum factum, nec quo sese excusent inveniunt præterquam quod mors paternæ consilia sua disturbârit; significavi multum me metuere ne publice de injuria hac conqueraris. Non aliud responsum, quam id quidem in te esse, sed se sibi probe conscios esse innocentie suæ. Tentavi animum Jansonii, sed is ait nullos typos sibi otiosos intra annum fore; adeo multis se edendis distineri. Elzevirius existimat se intra menses non ita multos hac in Urbe propriam adornare velle Typographiam. Sed non arbitror illi eas opes ut tam grande opus ausit suis suscipere impensis. Fortasse tamen Patruelles Leidenses parati fuerint in hoc adjuvare. Laminam æream, cui vultus tui incisio, item alia, præcipue scripta tua, remissem nisi Blauwius uterque ab urbe abesset, ut recipere nihil licuerit. Prodiere tandem exercitationes Heinsianæ in novum Testamentum. Fore puto ut adversus eas scribat ac singula pene refellat Salmasius, nisi intercessione amicorum Heinsii sufflaminetur. Existimabat Heinsius se sic cum hoc doctissimo Burgundo agere posse, uti tecum, mecum & tot aliis solet. Sed est Salmasius omnis injuriæ gravioris impatientissimus. Hæc raptim; quia jam jam currus adscendendus erat Hagam ituro, quod bene vertat. Vale cum omni familia & ab omnibus meis salve.

*Amstelodami,  
clō Ioc xxxix.  
xxv Sept.*

*Tuus æternum,*

G. J. Vossius.

CCCLXVI.

## CCCLXVI.

V. Cl. Joanni Beverovicio *suo*, Ger. Jo. Vossius *S. P. D.*

**V**aldè me sollicitum habuit morbus tuus, de quo ex variis inaudiveram. Nunc de restituta valetudine, gratissimum attulit nuncium præstantissimus Colvius noster, atque ita magno me gaudio implevit. Nec solum lætari me puta, quia amico melius sit, & tali quidem, qui de publico benè mereri & possit, & velit: Me ipsum gaudeo liberatam auxilia de te cura. Valde enim coquebat animum meum. Nec enim ignorare potes, quanti à teneris quoque annis fecerim ingenium tuum; quo cum eximiis quibusque certares, vulgares vero animas, albis præverteres quadrigis. Hujus me iudicii poenituit nunquam, ac poenitere, ne possit, sedulo cavens, dispergendo per orbem tam præclara ingenii, doctrinæque monumenta. In his Ideam Medicinæ veteris; in qua tamen ob tam vastum argumentum, tum demum omne punctum tuleris, si iterum manum admoveris; non quidem ut cuncta quæ posses ex antiquis dicas (id enim laboris prope esset infiniti) attamen propemodum alterum tantum adtexas. Ad hoc quidem, si mei res arbitrii foret, non minorem tibi annorum numerum concederem, quam est Musarum. Nisi satius putes, ut annis Charitum numerum æques: post novennium autem, tertio prodeat idea tua, non minus consummata illo futura tempore, quam Plato esse voluit Ideas suas, vel saltem quando non finit humana imbecillitas, quam proximè ab futura, si cum aliorum industria comparetur. Vides quid de te, cui adhuc virent genua, sperare auserim. Mihi de me spem ejusmodi concipere, nefas: quando frigida senectus deinceps artus debilitabit; sanè anno hoc Climacterico, quem senum multi formidare solent, pejus valui, quam annis proximis tribus & triginta. Nam præter Tertianam, Colicus me invasit dolor, etiam quod antehac nunquam, Renum calculus vexavit hebdomade, & ultra; ubi dolor aliquantum remitteret, quæ antea avidè legeram de calculo, accuratè à te scripta, iterum in manus sumpsi: foetumque mentis tuæ consului, quia parentem ipsum coram minus possem. Jam vero tres sunt menses, quod malum id non recurrit: credo in Morboniam, unde malum attulerat pedem, rediit, me salvo ac sospite relicto; quod utinam Deus diuturnum esse sinat? Intelligo ex Colvio nostro prodiisse jam in lucem, quæ elaborasti de foeminis eruditis, quare propediem pro hoc labore, gra-

tias tibi sum acturus; nisi vel tu ab ingenio recesseris, non mittendo, vel ego ad ingenium rediero, tardius rescribendo quam velles. Quicquid erit, non te eo minus amabimus. Tuum verò tam erit mihi ignoscere, quam amici sui ignoscebant, magno Medicæ facultatis vestræ ornamento Hieronymo Cardano: qui cur negligentior fuerit à salutationibus ac Epistolari commercio, si minus nunc locus occurrit, reperies in octavo de rerum varietate, Cap. XLIII. Hujus viri exemplo excusabis me apud alios quoque amantes mei, sed hoc in me vitium, ut vocant, culpantes: quasi ego in tot occupationibus, amicorum esse in non necessariis possim, qui ne in necessariis quidem sum meus. Præterea dices iis, hoc sive vitium, sive aliter vocandum, cum primum ab solis esset occupationibus, nunc longa consuetudine, prope in naturam vertisse. Habes Epistolam verbosam, & à solo tui expressam amore. Claudam eam solemnem Tullii formulam, Valetudinem tuam cura diligenter. Et cogita hoc mecum petere, tam multos, qui adversa valetudine, ad te recurrunt; etiam illos qui te non vident, sed mecum tamen, ex utilissimis laboribus tuis, præcepta hauriunt valetudinis, vel tuendæ, vel recuperandæ. Præter morem de salutandis amicis, non adscribo. Id laboris nunc melius impositam communi amico Colvio, qui has tibi literas daturus.

*Amstelodami*

cl. loc xxxix.

post. Idus Sept.

## CCCLVII.

Hugoni Grotio.

Lutet. Par.

Illustris & amplissime Domine,

**C**UM propter urbis nundinas, Lyceo nostro hebdomadis unius feriæ forent, committere non potui, quin tam bonam occasionem amplecterer, excurrendi Hagam, partim ut inviserem amplissimum & amicissimum Georgium Ratallerum Dubletium; excessu optimæ & sanctissimæ uxoris suæ Schoterbosiiæ moestum; partim etiam, ut coram salutarem heroinam conjugem tuam; quam lætus salvam ac sospitem comperi; lætiorque audivi læta omnia referentem de te actuis. Dum hic sum, reddidit mihi à te literæ ad Isaacum meum. Ex iis video, te non accepisse fasciculum illum, quem per Bibliopolam Parisiensem miseramus. In eo inter cætera, erant literæ meæ de valetudine adversa, qua usus sum Climacterico hoc anno. Video, & alias quasdam non traditas tibi,

uti



uti neque illas Manassis Ben-Israel; sed de his jamdudum sum id arbitratus, ob quædam, quæ ex filiis cognoram. Exemplar igitur Amstelodamæ mecum attuli, ut hinc mitterem. Unarum, quas ipse scripseram, exemplar retinui, manu filii exscriptum. Mittam ubi rediero domum, modo tanti id sit. Tandem prodire Exercitationes Heinſianæ in N. T. Credo eas jam acceperis, priusquam hæ tibi literæ reddantur. Obiter pluscula lustravi; ac quanto penitius inspicio, tanto vehementius ardeo desiderio eorum quæ ante tot annos elaborasti in eisdem sacri Instrumenti libros. Utinam vero & clarissimo Salmasio pertexere detur ejusdem argumenti labores quos promisit. In iis refellere illi animus est innumera ab Heinſio dicta: imò omnia quæ de suo deprompsit penu. Facile credo, hanc contentionem, non parum detracturum nomini Heinſiano; sed partim eome solor, quod nemo ignoret, ipsum sibi hoc malum intrivisse; dum perpetuus est in tradutendis omnibus, quibus præclarum est in Repub. literaria nomen: partim ac imprimis isto, quod contentioniſ hujus bonum sperare liceat eventum; sine dubio enim, multa etiam doctissimos quosque docebit Salmasius: & fortasse etiam Heinſius hinc discet, modestius de se sentire, cæterisque suis laudibus hanc addet, ut ne tam credulus sit palpatoribus, qui cum Phœnicis, Dictatoris, Atlantis studiorum Elogiis oncrant verius, quam honorant. Sanè & Heinſius, & qui eum solum, hodie doctum aiunt (quid faciamus tam fatuis?) toti jam in fermento jacent, solum lecta præfatione Salmasii, quam præmisit libro de modo usurarum. Quamquam ego Salmasio author fuero deinceps, non tam acerbè hominem literis clarum tractandi, modo ipse etiam remittere velit de illo maledicendi studio. Indignum mihi planè videtur, sic inter se committi homines doctissimos; sed iniquum etiam majores, melioresque eo, quem me sæpius nihil attinet nominare, sic vilipendi, quasi in Doctorum grege, non nisi extremum locum cum scabiosis Grammaticis mereantur. Sed de isto nimis multa. Audio *ἀνδραγαθὸν* tuam Lutetiæ excusum iri. Gaudeo, ob Typos meliores; etsi meam, meorumve Operam Amstelodami in mendis Typographicis emendandis, probare tibi maluisssem. Verum quid de illo speremus, qui postquam sexennium, vel circiter (tamdiu est, ut exactè tempus dicere non possim) retinuit tot edita, & inedita Meursii, nunc negat se posse illa excudere, & paratum dicit, remittere universa? Estque hæc eo gravior injuria, quod non Meursius illum ambierit, sed Meursio, de alio cogitante, & hoc ad eam rem paratissimo,

ille postularit ut commendatione mea, alteri præferretur. Scripsi ex ædibus amplissimi Dubletii, qui ut te colit, & æstimat, ita amicissimam adscribi salutem petiit.

clō Idc xxxix.  
vii Kal. Octobr.

*Tuus tuo merito,*

G. J. Vossius.

## CCCLXVIII.

### Cl. Salmasio.

Nobilissime & undecunque doctissime Salmasi,

**Q**UI has ad te literas defert, patria est Suecus, nomine Joannes Granius, ephorus illustris juvenis Bielkii, qui arcta affinitate inclytæ Oxenſterniorum familiæ est innixus. Uterque apud nos studiorum causa sesquianum vel circiter vixit. Nunc Leidam se conferunt. Ac Granius quidem (nam Bielkio non is studiorum ardor quem optaremus) ut literarum & literatorum est amantissimus, ita nihil prius ducit, quam ut te videat, & compellet præcipuum literariæ fides Reip. Poscenti igitur aliquid ad te literarum, denegare id nec volui nec honeste potui. Quippe me amavit & coluit semper, quam qui maxime; & Bielkio is ejus studiis prælii à primariæ nobilitatis Sueciæ viro, dignitate Comite mihi fuit commendatus. Quamobrem non ingratum fore confido, si dum hac hieme commoratur Leidæ bis ter ei potestas fiat compellendi tui, deque studiis consulendi. Mirè cum devincies, & pariter ipsos Bielkios & Oxenſternios qui eum multum amant, ob mores optimos & singularem illustris juvenis tibi commissi curam. Tua de modo usurarum, quando aliquid mihi à meis otii est, avide lego, nec satiari queo. Ut in cæteris, ita hic quoque à te congestus doctrinarum pene omnis generis penus. Cæterum vix risum tenui, cum me præſente vir quidam bonus doctusque diceret, se librum hunc emere, non propter tam multa quæ doctissimos quosque in opere ipso doceres primus, sed ob præfationem adversus sycophantam, cujus virus retundi non ex tuo modo honore erat; sed prorsus è re publica. Magis vero magisque in fumos abijt illud de Linguâ Hellenisticâ commentum, quo sic placebat sibi & suis. Memini enim mihi amicum ejus dicere, neminem hætenus vel veterum vel juniorum fuisse, qui linguam novi instrumenti intellexerit. Idque ob Hellenisticæ Linguæ imperitiâ, cujus *διότι* ille solus sit gnarus, eoque unice idoneus ad abstrusa omnia referenda. Cum non ipse solum, sed etiam amici ejus tam stultè sapiant, hanc larvam

larvam ei detrahi interest Orbis Literati. De-  
creram aliquid addere de S. Antonii vita.  
Sed id jam à se factum retulit mihi filius  
meus Isaacus. Nec propterea quicquam  
fieri velim incommodo tuo. Cogitabis, sed  
cum aliquid otii fuerit à tuis, quæ præver-  
tere æquum est. Uxor uxorem, filia affi-  
nem tuam, filii te plurima salute impertiunt.

*Amstelodami,*  
c1o Ioc xxxix.  
Non. Octobr.

*Tuus tuo merito,*

G. J. Vossius.

## CCCLXIX.

Nobilissime Salmasi,

**A**B eo tempore quo domi me tuæ tam  
humanè comiterque & hospitio & men-  
sæ sermonisque tui epulis exceperis, nulla qui-  
dem dies intervenit, quum adversa uxoris  
valetudo fatis per se molesta, eo dolorem au-  
geret, quod tua lectissimæque conjugis & affi-  
nis tuæ præsentia hic uti speraveramus frui  
minime nobis liceret. Atque idem molestissi-  
me accidit Arlanderveniæ Domino, qui quanto-  
pere delectatus fuerit elegantissimis versiculis  
tuis, haud facile dixerim. Itaque decreverat,  
huc ubi venissetis, humanitatis officiis testari  
affectum suum. Dixerat de convivio, ad  
quod advocasset homines urbis lectissimos.  
Sed alterum quia innuebat potius quam ex-  
primebat, utrum id vasa fuerit Porcellana (ut  
vocant) melioris notæ conjugi donare tuæ;  
an aliud quippiam, non habeo dicere. Homi-  
nem tam amicum & quæ me parentis instar  
coleret, ante sex hebdomadas fatum abstulit  
nobis consanguineorum dolore magno etiam  
meo meorumque. Quod filio Isaaco Scylacis  
editionem meditantem tam benigne communi-  
caris, quæ ad hoc institutum & aliorum etiam  
Geographorum pertineant, multum profecto  
omnes, pariter tibi debemus, operamque ut  
possumus dabimus ut ne ingratos nos dicat po-  
steritas. Quæso, maxime vir, in hoc amore  
perliste. Spisse procedunt operæ in iis quæ  
scripsimus de Idololatriæ origine & progressu.  
Metuo ne multi hic ea expectent quæ Roma-  
nam propius Ecclesiam tangant. At nos fere  
contenti sumus differere de Diis Gentium.  
Interim in iis quæ syderum, elementorum &  
mixtorum corporum cultum spectent, non  
omnino perfunctorie pando, quæ juvare pos-  
sint naturalis scientiæ amantes. Nempe non  
fatis visum ex naturæ mirandis falsam refel-  
lere religionem, nisi in iisdem etiam mentem  
humanam adducere ad veri numinis cultum.  
Certior fieri desidero, an multum promove-  
rit Typographus in illis de usura; eoque in  
mandatis Isaaco meo dedi, ut ex te de isto &

aliis exquireret. Hoc libertatis illi lubens scio  
concedes, qui fores tuas non hominis, sed hu-  
manitatis esse hætenus expertus. Heroïnæ  
tuam conjugem & affinem tuam plurimam sa-  
lutamus.

*Amstelodami,* c1o Ioc xxxix.  
Id. Octobris.

G. J. Vossius

## CCCLXX.

*Viro incomparabili Claudio Salmasio*  
*Equiti, G. J. Vossius S. P. D.*

**L**Eidam se ire velle dixit mihi nobilissimus  
Eques Petrus Hoofdius, quem me hic te-  
cum prandiolo aliquando excipere commemi-  
ni. Est is præfectus trium oppidorum & Goy-  
landiæ. In Belgicis poematibus, quæ plurima  
edidit, plane regnat. Vira ac gestis Henrici  
IV. ab eo scriptis nihil tali in argumento vel  
elegantius vel prudentius dari possit. Scio  
quanti faciat viros virtute doctrinaque ex-  
cellentes, præcipue duos Europæ ocellos cla-  
rissimos, cum ad quem nunc scribo & una  
popularem atque amicum suum, Illustræm  
Grotium. Quare fore prævideo, ut pedem  
Leidæ non efferat priusquam te salutaris. No-  
lui igitur committere, quin per eum aliquid  
ad te literarum darem: si non ob aliud, sal-  
tem ut ex eo, ut viva Epistola, cognoscere possi-  
ea liceat de prospera valetudine tua tuorum-  
que, pro qua vota facit quicquid hominum  
est eruditionum. De studiis propriis nihil scri-  
bere habeo, nisi opus nostrum quod prælo  
subiecti tardius procedere ob occupationes sæ-  
pe minutas, semper densas. Exercitationes sa-  
cras & alia, quia necdum in Bibliothecam  
retuli, mensæ adhuc occupant. Ita sit, ut  
quandoque se quasi sponte in manus ingerant.  
Sed vix dicere possim, quam non sint ad gu-  
stum meum, dum vel aliena lego vel minuta,  
vel falsa. Et tamen hoc stomacho essent, ut  
omnia possem concoquere, nisi tot experi-  
mentis compertissima malignitas male adeo  
me haberet. Sed fortasse Deo visum ope-  
ra tua uti, ut modestius de se sentire, melius  
de aliis discat loqui. Quod si fiat, scio te  
quoque patatissimum fore sic errores ejus cor-  
rigere, ut honoris & amoris ergo, quantum  
licet, homini parcatur. Vale vir nobilissime  
maximèque, & meo meorumque nomine le-  
ctissimæ conjugis & optimæ affini salutem plu-  
rimam dicito.

*Amstelodami,* c1o Ioc xxxix.

Kal. Novembris, Styl.

Grog.

CCCLXXI.



CCCLXXI.

Hugoni Grotio. *Lutetiam Paris.*

Illustris Domine,

**Q**UI hæc literas defert, est Johannes Christianus Volhart, Jenensis, filius Chrutiani Volhart syndici Jenensis; Nepos Joannis Volhart, Electori Saxonico, reddituum, & sacrorum scriniorum secretarii. Mater ei Anna Schræteriana, Frederici Schræteri Comitis Palatini Cæsarei, Philosophiæ, Medicinæ, & utriusque juris Doctoris, & apud Jenenses Professoris publici: Neptis vero Joannis Schræteri, Comitis Palatini, Cæsarei Archiatri, olim Maximiliani II. Imperatoris, posteaque ex Austria, ab Joanne Frederico I. Electore Saxonico vocati Jenam: qui & ab Ferdinando I. Imp. sibi, & posteris, nobilitatis insignia est consecutus, scholæque Jenensi Academiæ nomen, ac privilegia est adeptus. Soror germana hujus Annæ Schræteræ matertera juvenis, de quo sermo, nupta est Petro Kirstenio, à quo & Arabicam esse Grammaticam editam, scire te arbitror. Ipse Joannes Christianus Volhart, scholæ classicæ spatia cemensus, præcipuè scientiæ naturali, & Medicinæ operam dedit; Idque in Academia Lipsiensi, Jenensi, VVittebergeni, & Leydensi. Cum Galeno autem junxit Chymicæ studium, uti videre est à Thesibus triplicis disputationis in Academia Jenensi, ab eo habitis. Hic à Principibus VVimariensibus literas acceperat, ad ducem Bernardum, P. M. cui commendabatur hoc sine, ut eo Medico uteretur exercitus. Jamque in viam se dederat, cum intelligit de tristissimo decessu ducis. Nob. & Amplissimus urbis hujus syndicus Guil. Borelius, eum in legatione sua, ad Remp. Bremensem, & Ser. Daniæ Regem, adsumpsit, partim ut Medicum, partim ut Secretarium, ejus præcipuè opera, in Germanicis Latine reddendis uteretur. Circiter annus est quod novi: semperque se vita, & moribus probavit: Et hac parte etiam apud me laudarunt, qui in Germaniæ cum Academiis, ac Leydensi etiam novere. Nunc is de quo tam multa dixi, Gallias cogitat, quia rebus in dulcissima Patria turbatis, novercam ibi fortunam extimescit, ignarus interea, quid futurum sit alibi terrarum: sed scis, quod senes etiam esse debent, hoc ætatis beneficio, semper esse juvenes, hoc est *senectus*. Et istic igitur fortunam tentaturus, literas accepit ab syndico Borelio, ad Illust. Legatum foederatæ Belgicæ, Dom. de Licr. Et alteras à me,

ad te, Excellentissime Domine. Quæso, si consilio, vel auxilio juvare possis, ne desis. Scio in Germaniæ hoc statu, non omnia te magis in peregrino solo posse, utcumque tam illustri scis loco constitutus, quàm minutum me hominem in tua, ac quasi mea etiam Patria inter tot notos; sed confido, facies quod possis.

*Amstelodami, clō Idc xxxix.*  
Kal. Decemb. St. Gregor.

CCCLXXII.

Hugoni Grotio. *Lutetiam Paris.*

Illustrissime Domine,

**H**odie ex filio tuo, qui Amstelodami nunc est, lætus intellexi, decretum tibi esse tam multa, magnæque, quæ parata habes excudenda, Typographis dare: eaque occasione non pauca de Blauwiis sumus collocuti: inque his, ut tam foedè, tot annos, Meursium eluserint: tandemque, nempe post septennii circiter moram, urgenti mihi promissa responderit, se de operibus ejus edendis mutasse sententiam, & paratos esse, omnia mihi remittere quæ huc, ut ederentur, misisset. Scripsi id Meursio, qui non multo post, hac vita ereptus. Quo tempore, & Hardervici excessit Isacius Pontanus. Utrumque fuisse Danici Regis historicum, puto te non ignorare. Ad Typographum ut redeam: Uterque Blauwius paratissimus est, recudere commentarios tuos, de jure pacis, & belli, sed censet filius, quod æquissimum, si tardi sibi velint, luculentam illam operis accessiorem, aliorum etiam editionem suscipere oportere. Non abibit hinc filius, quin quo animo sint cognorit. Quare de eo nunc amplius non addam, gnarus fideliter omnia, filium ad te perscripturum. In nostris de Theologia gentili, & Physiologia Christiana, perventum ad serpentium naturam, cultumque: quibus *ovis* illa de Insectis subdam; ut sic absolvam, quæ ad animalium naturam pertinent. Ante eam partem, præmissi tamen de cultu Angelorum, & Animarum: tam de natura cultuque corporum Cœlestium, Elementorum, & *et cetera*, quatenus ex mirandis eorum, ad Deum ascendimus. Ea puto, intra menses tres, summum habebis. Tum paulum strigabo, & interquiescam: sed mente ea, ut deinde alia divulgem, quæ nonnisi lineam aliquam exposcant. Placet enim consilium quod dedisti, fortasse tamen præverter, tertius memorati operis tomus;

somus; in quo agendum mihi de stirpibus. & fossilibus: ut ita totam rerum naturam absolvam; quatenus quidem sufficit instituto meo. Item de affectionibus rerum corporearum, in Deorum numerum relatis. Nam absque hac parte, mutila fuerit historia de Gentium Diis. Ac denique de symbolica Gentium Theologia; sive de simulachris, ac ritibus sacris, eorumque causis. Atque in hac demum parte, agendum mihi vides, de quaestione, quam super præcepto secundo moves. Manasses quidem arbitratur ꝑ illud nec copulativum esse, nec disjunctivum, sed paragogicum: ut sententia sit, Non facies tibi sculptile ullum, cuiuscumque illud habeat similitudinem. Hoc colligit ex eo, quia Deut. v. 7. Illud ꝑ. omittitur. Scriptum enim *לֹא יַעֲשֶׂה לָּךְ פֶּסֶל וְכָל צִלְמוֹת*, quod Avias etiam Montanus, *non facies reddidit*, Non facies tibi dolaturam omnis effigiei. Ac similiter cœpit Onkelos in Paraphrasi Chaldaea, cuius sic verba Fagius expressit. Non facies tibi imaginem, cuiuscumque similitudinis, eorum quæ sunt in caelis, &c. Chaldaice est, *לֹא יַעֲשֶׂה לָּךְ צִלְמוֹת* quod conveniens Hebræo reddas, *sculptile omnis similitudinis*. Sanè Chaldaice, *לֹא יַעֲשֶׂה* non imago modò, sed & statua, ut in Lexico suo Chaldaico reddidit Buxtorfius. Utcumque id est, videmus & Chaldaeam Paraphrastem illud ꝑ. neglexisse. Censeo itaque si nudis indistamus verbis, non interdici eo præcepto picturam, sed sculptilia duntaxat: nec intercedo quominus Judæi, sive Israelitæ potius, in vexillis suis signa habuerint animantium, ut Rabbinii annotarunt, ad Num. 11. 2. ubi de Israeliticis vexillis ac signis. Sed utcumque non exprimantur picturæ, præcepto secundum Hebræos secundo; satis aliunde liquet, & Dei picturam prohiberi, & cunctas cultus gratiæ efficitas. De his, se scripturum ad te receperat Manasses. Verum ut anticiparem paucis illis, effecit quod ne, more meo, de die in diem, differret, metuerem. Planè enim alia quam studia animo agitat, Lusitanis nihil, ob paupertatem synagogæ, Doctori suo persolventibus. Nempe si Judæis fides, (ut videntur mihi verum dicere) sese in urbem receptis, nostri illis esse familiares, negotiatio etiam sæpe communis, ut facile fuerit nostris, omnes eorum artes bonas, malas, cognoscere. Sed nostri vel ad clavum sedent, vel eos habent favitores & amicos. Quare non operosum fuit liquid periculi, vel apud nos, vel in Hispaniis etiam oboriretur, illis in luto relictis, vel profunda potius palude, emergere opera eorum, qui & his, & terris aliis plus possent. Manasses igitur Brasiliam cogitat, ut istic, fortasse quidem Docto-

rem agat; sed præcipue tamen Mercaturam exerceat. Non parum studia amat, & gloriam sitit; sed res familiaris suadet, quod dixi. Nec enim est magna in re. Et jam ab Arausionensi Principe commendatitias accepit ad negotiationis Americanæ Præfectos.

*Amstelodami, clb Id xl. Kal. Jan. sed St. V.*  
Planèque ineuntem hunc annum, & tuæ Illustri familiæ. & nostræ, tibi tuisque æternum addictissimæ, prosperum, ac foelicem exopto.

*Devotissimus dignitati tuæ,*

G. J. Vossius.

CCCLXXIV.

Lævino Warnero.

Multum te amo, doctissime Warnere, quod de nequissimo illo Sacidia me feceris certior. Nunc porro opera mihi opus est tuæ. Nempe in hoc, ut ne cesses donec ab hospita illa liber nobis remittatur; vel quod proximum eum adservandum det, vel Cl. D. Heidano, quicum hac de re sum locutus, vel Nob. & magnifico Dom. Rectori Polyandro, quem scio pro veteri inter nos amicitia, lubenter mei causa facturum quidquid poterit. Si quid juris prætere valeat in hoc pignore, hoc quoque integrum ei postea futurum. Tantum ne diutius ab ea adservetur, quæ amittere vel abalienare etiam possit. Non tam sollicitum ea me res haberet si dominus ipse forem. Nam ut nosti, est Bibliothecæ Amstelodamensis, unde à filio Isaaco datus est commodato huic nequam Judæo, ut loca quædam ex Arabico transferret, quorum usus esse possit in opere de vita & dogmatis Mahumedis. De hoc enim argumento filius, quem dixi, commentarium habet sub manibus, quem prope diem spero lucem visurum. Ipse hujus rei gratia filius Leidam erat iturus, sed id non linit gravissimus filii Gerardi morbus, metuo enim ne diem unum alterum possit supervivere. Nec medicis multum spei superstit. Tanto te scio rem curaturum promptius ac fidelius. Convenies primum D. Heidanium, virum magnæ ut doctrinæ sic pietatis. Is recepit se consilio te adjuturum, atque si opus sit conventurum supra hoc negotio & D. Rect. magnificum. & Amplif. D. Præto-rem: qui non modo in postulato tam honesto. & æquo, sed etiam amore mei, libens in hoc negotio



negotio gratificabitur nobis. Plura nunc scribere non libet, nec licet, ita tam ægritudine filii quam aliis distinear. Propediem, ut spero, gratias tibi agam, pro negotio feliciter confecto. Salutem plurimam dico illustri D. Baroni Kintzy.

Tuus,

Amstelodami, An.  
1640. Mart.

G. J. Vossius.

### CCCLXXV.

Claudio Salmasio, Ger. Jo. Vossius  
S. P. D.

**V**ehementer, ut debui, dolui, postquam cognovi ex filio meo Isaaco de excessu nobilissimi & maximi parentis tui Senatoris, quæ malis temporibus laus est optima, integerrimi, suæque commoda præcipue publico demerenti. Hoc enim constans de eo bonorum esse iudicium, sapius ex iis intellexi, quos non paulo me melius scire convenit res Gallicanas. Præclara adeo famâ decessisse tanto plus luctui tuo adferre solatii oportet, quanto minus in nostra est manu quomodo nascamur vel etiam educemur; sed neque tum cogitandum quantum & quam bonum parentem amiseris, quàm quod hoc eum ætatis præmiseris. Cum enim moderata esse conveniat vota nostra, puto non multo ulterius te ausurum à Deo nunc poscere liberis tuis parentum suorum vitam, quam ætatis ejus quâ parentem tuum Deus ad se advocavit. Hæc ut cætera melius me perspicis, ut nihil artineat ea nunc ob oculos ponere quæ sacri nos docent Doctores, vel etiam optimus quem paras, Epicteti interpretes Simplicius. Cujus quando incidit mentio non possum omittere, quin addam illud, multum me gaudere ac tibi æque & publico gratulari, quod jam ad finem perduxeris tuos de re foeneraria commentarios; planeque id confidere fore intra menses non ita multos, ut tibi quicquid bonorum doctorumque est hominum gratias etiam agat, pro Epicteto Simplicioque tam bene ingenii doctrinæque tuæ face illustrato. Plane enim ita habere magnam jam esse ejus operis expectationem. Interea maturandum verius quàm festinandum, non operis dico causa, sed tui: qui quomodo tam multis & operosis nunc sufficere possis in ea corporis imbecillitate, satis mirari minime possum: etsi ipse pro vitæ meæ genere (ni fallor) laboriosus satis. Quare sic publicum te attendere velimus omnes ut etiam respicias te & uxorem optimam & liberos parvulos: quorum non minus quàm Reip.

Literariæ interest, ut diu te fruamur sospite ac salvo. Hoc tanto facilius consequentur, quanto tu constantius malevolorum artes ac furorem perrexeris contemnere. Mea ac liberi salutem plurimam lectissimæ conjugis & optimæ affini tuæ adscribi petierunt.

Amstelodami,  
cl. Id. xl.  
3. Kal. Mart.

### CCCLXXVI.

Claudio Salmasio.

Vir illustris doctrinæque incomparabilis,

**F**acio non invitus, ut Deorum liberos, hoc est, juvenes præclaro genere natos, vel consilio vel auxilio juvem, præsertim si operam requirant meam. Nolui igitur Nobilissimo Reii literas ad te negare, quo commodiori occasione fruatur & adspectu & alloquio tuo: Juvenis est vita & moribus probatissimus, eruditionis & eruditorum amantissimus, & ante biennium vel circiter (ex quo tempore studiorum ergo in urbe hac Amstelodamenli fuit) multum mihi commendatus ab illustrissimo suo parente serenissimi Poloniæ Regis tum Legato, partim ad federatæ Belgicæ ordines, partim ad Magnæ Britannicæ ac Daniæ Reges. Huic velut Achates aliquis à parente additus est Erasmus vere *regius*; quippe vitæ inculpatissimus dignus parente egregio apud suos Theologo filius, qui & non aspernandam apud Britannos in Philosophia ac Theologia doctrinam est consecutus. Confido te facilem fore in iis admittendis. Illi vero sic humanitate utentur tua, ut non abutantur, gnari satis non esse in publica peccandum commoda. Alterum quoque est de quo aliquid scribendum putavi: Adiit mihi ante paucos dies Pastor Ecclesiæ ejus quæ in urbe hac Augustanam sequitur confessionem. Narrauit is mihi aliquando tecum collocutum Joannem Casparum Scherrenberk, qui illustrissimo Comiti à Warthen est à secretis, huic Scherrenberko te pollicitum libros quosdam te transmissurum Dresdam ad nobilissimum Dom. à Frisen Electoris Saxonici consiliarium. Hoc si factum in mandatis habebat, ut pretium vel mihi, vel tibi, vel Bibliopolæ annumeraret. Interea jam habere se aiebat tua de usuris, Epistolæ Casauboni, Petavii Rationarium temporum, Velleium filii, & orationem nostram de Historia. Quo magis me penetra in exercitationes nostras

stri, תנא, sive Graio malis nomine Theocriti à Ganda (hoc enim titulo Poemata quædam Belgicè edidit) tanto magis in mentem venit vetus illud,

Καλὸς Θεοκρίτος ὁ ῥώϊος ἀνδράπων ὄρεϊ.

Id quo publico bono deluceat magis, longam tibi à Deo vitam & valetudinem exopto, teque etiam ut hanc sedulo cures plurimum rogo.

*Amstelodami* Anno clō Ibc xxxix, vel si ab ipso natali Christi potius quam Kalendis Januariis annos putemus clō Ibc xl: qui ut felix tibi decurrat, & felicior sæpe redeat, iterum iterumque comprecor. Uxori & tuis salutem nostris verbis dico.

*Tuis,*

G. J. Vossius.

## CCCLXXVII.

Georgio Ratallero Dubletio.

Nobilissime & Amplissime Dubleti,

**R**em veteri & arctissima nostra amicitia dignissimam fecisti, quod in luctu ob excessum unicæ & ornatissimæ filię meæ solandum me putaris literis tuis: quæ non leve sane apud me pondus habuerunt, sed sic divinæ visum voluntati, ut luctui illi satis magno alterum adderet dolorem non uno nomine graviorem. Quinto enim die à funere Joannæ meæ in eundem varorum morbum (morbillos vulgo nuncupant, et si morbus sit sæpe pestilentia ipsa molestior, nec periculosus minus) incidit, deliciæ meæ tuæque, Gerardus; eumque die abstulit xvii. nempe quintæ matutinæ puncto, die xxviii Martii. O spes hominum inanes! nec enim facile dixero quantum mihi pollicitus sim ab illo ingenio cum iudicio pro ætate in literis tam exacto. Quæ cum pulcherrima putarem, magis tamen capiebar indolis bonitate, ita veritatis, sive veracitatis, ita pacis ac concordie erat studiosus, omnia domi forisque in meliorem partem interpretando, ac prout vixit, sic vivere desiit: quod magnum & conjugii solatium adfert. Multa benigne de multis prædicamus iudicio charitatis: hic non opus ex charitatis regula iudicium fieri, quia aliter de excessu iudicium ferre non licet. Omni enim tempore quo decubuit, mire patienter morbum tam gravem tulit, assidue Deum ardentissimis precibus com-

precando, nostras preces exigendo, vel ut sacri eloquii verba prælegerentur: is, qui nec parentes, nec fratres, vel sorores, nec ut arbitror quenquam, verbo aut vultu perstrinxit, deplorabat, quod non ardenti ea pietate coluisset numen, quo oportuit, sed fiduciam veniæ se repositam habere aiebat in misericordia Dei patris celestis, & merito ac intercessione sospitatoris Jesu Christi: talis ille ad extremum usque halitum. Sic ut vir perdoctus, cum nocte quadam vigilaret, fassus sibi sit lachrymas excussas, dum videt, tanto ea in ætacula meliorem se, magisque χερσινίζοντα. Verbo ut dicam, exemplo cunctis, omnium iudicio fuit, nec meliorem ego mihi, uxori, liberis adhuc superstitionibus exopto. Idemque de se prædicat matertera quondam Diamantia, nunc Nerana. Quæ fusius ad te unum perscripsi, ut qui præ cæteris dolebis mecum, idem mecum gaudeas, quod eum non amiserimus sed meliores in sedes præmiserimus. Editionem Valerii Flacci, & Censorini commendavit fratri Isaaco. Utroque enim opus absolutum. De Nobilissimi Mylii negotio meminero, hætenus nihil licuit: imo nec typographo Cornelio Blawio, qui eodem morbo amisit conjugem νεχραμένην. Vix enim tribus ei fuerat mensibus nupta. Exequiæ filii futuræ die Saturni hora prima pomeridiana. Id non addo, ut eas cohonestes (scio in tam parvis liberis, & paterna illa sollicitudine exigi non debere nec fieri posse) sed ut omnium sis gnarus. Significabis hoc ipsum Amplissimo Senatori, & cognato, ut nunc loquimur, veteri amico Davidi Rutero, ex quo consanguineorum filii facile intelligent cæteri.

Raptissime, *Amstelodami,*  
clō Ibc xl. xxviii. Martii.

*Tuus Totus,*

G. J. Vossius.

## CCCLXXVIII.

Claudio Salmasio, G. J. Vossius  
S. P. D.

**R**ecte sentis, nobilissime Salmasi, gravissimum esse hunc casum qui me affixit gemina prole amissa: in quarum una Mater, in altera ego, imo ambo in utraque multum adeo fiduciæ reponebamur. Sed sic humana sunt omnia in quibus solatio nobis divina esse voluntas debet. Huic soli acquiesco quia solus novit Deus, quid Parentibus expedierit, quid Liberis. Et magni est divini erga nos amoris argumentum, quod constanti adeo in



Deum & Christum fide abierunt. Gerardus verò tam in gravissimo morbo cordatus & patiens, tam assiduus ad Deum precibus intentus adeoque ardentibus ut omnibus tam admirationi quam exemplo foret. Non meliorem mihi vel meorum cuiquam excessum exopto. Et tute aliquid etiam illud esse fateberis, quod pulchella reliquerit ingenti doctrinaeque specimina, ut non abierit hinc, nisi pro ætula bene de publico meritis. Quare omnino sic etiam illum amisisse quam nunquam habuisse quem Deus mihi non debuit, malo. Dolet verò ex animo quod intelligam male tibi à pedibus esse; Metuo subinde ne hæc tibi proveniant à studiis immoderatis, cuius ego intemperantiæ sæpius accusor ab amantibus nostris. Non possum verò mihi persuadere esse hoc imbecillitatis, inde quod nimis ad animum revoces calumnias hominum malorum, quarum specimen, etiam ex versiculis huc transmissis, perspexi. Ringebam quidem, sed neque ridebam stultitiam minus. Et video mecum sentire optimum ac doctissimum quemque. Collocutus autem sum cum multis, tum hujus incolis civitatis, tum vicinarum etiam, & qui ab oris venirent exteris. Magis magisque sordent, quod sic tecum agant, Acheronta etiam si possunt (pii scilicet homines) moturi adversus te. Sed non mereatur ut diutius iis immerer. Cætera ex filio cognosces Isaac. Uxori optimæ & affini tuæ ac liberis à me salutem conjux adscribi voluit.

*Amstelodami, cło Ioc XL.  
ix Kal. Aprilis.*

CCCLXXIX.

Joanni Meursio Juniori S. P.

**V**alde me, mi Meursi, afflixit excessus clarissimi & summi viri, parentis tui: non me solum, sed omnes meos: Uxor mea vicem dolebat matris tuæ; filii, tuam; filia, illam sororis tuæ: Interea ut nobis, sic & vobis solatio esse debet, quod terrenam hanc vitam meliori commutavit; quod æternum vivet nominis sui fama: quod etiam in liberis vivet, te imprimis, quem paternæ virtutis ac doctrinæ æmulum fore pollicemur nobis. Eam in nobis fiduciam gignit cum ingenium, & sub tanto doctore, parente tuo, educatio, tum specimen illud doctrinæ, quod, ut paternæ adderetur Cretæ, transmisisti. De eo edendo curæ mihi erit. Sed hæcenus non licuit cum Blauwio colloqui, quia uxorem

quam vix tribus habuit mensibus, amisit, & adhuc totus luctui se dat, me quoque hisce tribus hebdomadibus, intra quas literæ mihi tuæ redditæ sunt, domi detinuit, tum obitus unice ac dilectissimæ meæ Johannæ, tum gravissimus morbus filii Gerardi: de quo parum spei posse vel diem supervivere: fiat voluntas Domini, quem interea oro, ut nobis conservet tam carum pignus, modo & nomini divino gloriosum, & nobis filioque salutare sit. Eripere mihi filiam morbilli, ut nunc vocant, morbus Epidemicus ac mire malignus: quo & filius decumbit. Huic tamen longe majus à feбри, continua & ardentissima, quam morbillis ipsis periculum est. Non potui committere, egregie & amicissime juvenis (nostri illud Isocratis *πρόπει τὸς παῖδας, ἀσπερ ἡ δύναμις, οὐτω καὶ τὸ φιλικὸν τῆς παιδείας κληρονομεῖν*) quin in summo licet dolore, & animi anxietate hæc pauca ad te exararem, præsertim rogante id Severino vestrate mercatore. Cui & monumenta tradidissem paterna, de quibus scripsisti; sed aiebat se terræ iter facturum, eoque nihil hoc tempore ad vos præter litteras posse perferre. Captabo ipse occasionem aliam nisi Blauwius mutato consilio, editioni se accingat. De omnibus colloquar tecum literis proximis, si Deus & valetudo permiserit. Ego & omnes mei matrem tuam, & liberos optimos peramanter salutamus, omniaque offerimus officia, quibus utilis his terris opera nostra esse possit. Plurimam etiam salutem dicito clarissimis viris Stephanio & Laurembergio.

*Amstelodami,  
cło Ioc XL.  
viii Kal. April.  
St. Gregor.*

*Tuus tuorumque,*

G. J. Vossius.

CCCLXXX.

Georgio Ratallero Dubletio.

Nobilissime & Amplissime Dubleti,

**J**AM ab aliquot retro annis graves & crebrae fuere Domini visitationes, ut *ἐκ παλαιῶν* cum Scriptura & Ecclesia loqui solemus. Itaque quoties cogitatio eo defertur, metuo ne hic cesset manus Domini: ac si aliquantum temporis sine gravi incommodo labatur, in lucro illud pono, & gratias ago bonitati supernæ. Quod si plane ita divina ferat voluntas, ut alia me maneat adversa, ita fore prorsus confido, ut qui vulnerat, etiam fauicio spirituale suum balsamum affundat. Nihil pium ex nobis, sed in Christo omnia possumus. Nescio ecquid audieris de nova disputandi

divia, qua sola confili Pontificii in quovis dogmate provocant nostros. Huic se opposuerat Calixtus, Theologus Confessionis Augustanæ, & quidem, si quid iudicare de his valeo, facile omnium, qui eam in Religione Christiana sententiam profitentur, doctissimus & cordatissimus. Huic respondit vetus ejus condiscipulus, Ducis Wimariensis, qui nuper vita excessit, præceptor, sed post desertos Lutheranos Abbas Pontificius: Abbatia autem sua à Sueco milite ejectus, ac inde in Bataviam profugus, ubi nunc tertium quartumve annum agit, vir doctus, & perhumanus, nec infacetus. Hunc aliquando ad me perduxere Overbequius P. M. & Joachimus Willefortius: ac sine hoc illo, ut de uno altero capite eorum, quæ inter Pontificios & nostros controversa forent, dissertaremus. Postea idem sponte etiam sua ad me venit non semel: sæpiusque de nova illa differendi arte, ut vocant, collocuti sumus. Quia vero quam insistat disputandi viam, non aliunde melius quam ex apologia ejus contra Andabatam Helmeſterensem, hoc est Georgium Calixtum, cognoscere est: eo geminum ad te exemplar ex quaternis quæ dono accepi, transmittendum putavi. Utrum tuo inserviat usui, cujus ego in talibus etiam judicium magni meritò facio: alterum clarissimo Riveto vel ipse dabis, vel per famulum mittes. Causam consilii mei, ubi otium erit, facile ex te cognosces; nempe propterea illum potissimum elegi, quia ex Theologis Foederatæ hujus Belgicæ *vestimentorum*, & controversiarum quæ nobis sunt cum Ecclesia Romana intelligentiorem scirem neminem; amicus quidem meus per vetus putat Nieuhusium toto opere *epistolæ* neſtere, cui non per omnia adſenſero; sed puto etiam istis conditionibus palæstræ quas præscribit, causam nostram superiorem fore. Et illius rei semel iterumque experimentum dissertando illum in modum cepi. Sed de istis pluribus aliquando coram: ubi & valetudo meorum, & feriæ publicæ excurrendi ad vos facient potestatem. Omnes mei te plurimum salutant.

Amstelodami, c. 10 Id. xl. pridie Idus Aprilis. Quo die si fuisset Hagæ, non commissem quin illustris legatus Suecici Joachimi Camerarii recta petissem dormitum, eique & familiæ in multa sæcula omnia esse felicia comprecatus: Nempe quia hic est dies ille, quo lucem primum Banbergæ ante annos cxi. vidit avus ejus Joachimus Camerarius, quo viro, ut ceteras ejus laudes taceam, nullus in Germania melius est meritis de literis Latinis pariter & Græcis. Ubi sponte se occasio obtulerit,

salutem plurimam & Dom. Legato, & filio, generoque dicito.

## CCCLXXXI.

Andrea Riveto, *summo & Theologo, & Amico*, G. J. Vossius S. P. D.

Grave omnino est geminum illud vulnus quod accepi: præsertim istud de filio, ea in ætate istac eruditione, ea insuper vita ac moribus, ut in illo minus desiderarem quam meipso. Sed sic quoque plurimum debeo numini, quod egregiam hanc prolem mihi donarat, vel potius commodarat. Non leve est quod monumentis suis vivet in hominum memoria: Majus, quod nomen ejus inscriptum sit vitæ melioris. Quare omnino malo, hunc datum mihi filium, quam si Deus dedisset nunquam: planèque pro eo quoque beneficio debitorem me agnoscam ac profitebor semper. Non facile autem dixero, quam mihi gratum fuerit, quod me literis tuis solandum putaris; nec Deus qui hunc tibi animum inspiravit, Epistolam tuam in me inſrugiferam esse sinet. Idem dixero de literis quas nudiustertius ad me misit *o. n. v.* Salmaſius. Cujus quando nunc mentio incidit, dissimulare non possum quam male me habeat, quod Leidensium nonnulli lolliginis succo pleni, insaniendi adversus eum finem faciant nullum. Non satis erat ubique eum traducere, nisi & nescio quem, sancto Martyri, qui Tertullianum suum doctorem vocare solet, cognominem, verum moribus, ut ex scripto apparet, valde disparem, instigare ad scribendum pro manibus, ut ipse loquitur, Cunganis? Profecto, si quoties quis à defuncto modestè dissentit, pro manibus ejus liber debeat prodire; contra quem non exuditorum immanes pro manibus libri scriptitentur? Te, meque etiam hæc maneat fortuna, nec enim possumus negare, quandoque à priorum nonnullis nos abire. Et qui aliter possumus, cum illi ipsi sæpius abierint ab iis, qui fuerant, nec consenserint semper cum illis, qui essent; ad hæc quid fieret Aristarcho, à quo sæpe adeo acerbe, & præter meritum ullum vapulat Nonnus? Non metuit ne quis scribat pro manibus Nonni? Cujus sancta anima postquam mille & ultra annis in Domino obdormivit, nec ulli gravis fuit, multorum vero mentes sacro pavit alloquio, quasi inquietata, & quantum in ipso fuit Aristarcho, velut cœlo devocata fuit ad causam Leidæ dicendam pro opera honori Christi, & Evangelii illius impensa. Num ullum talis rei exemplum habemus



habemus à longe plurimis retro sæculis? Crede mihi, optime & prudentissime Rivete, non eo hæc sine à me scribi, quod lubido me teneat obstrigillandi quemquam, nedum illum, cui male licet merito, ob doctrinam & quia collega fuerit, honorem suum debeo: sed solum hæc à me dicuntur, quod ferre non possim tantum eruditionis & candoris divortium, propter quod etiam doctissimi multi ludibrium indoctis debent. Nempe sic cum iis agitur, ut domi sint talpæ, Argi foris, imo oculatiores Argo, quippe qui videant etiam quod non est. Missi ad me his diebus versiculi virulenti in Salmasium, nempe ex eorum quos dixi officina, ut quidem ad me perscriptum, & postea sermone eorum didici qui Leida venirent. Et addunt, non hic statutam rem, sed de vi cogitari. Verum ego cassas hæc terriculas puto. Sapient magis; nec hoc boni firint. Orandus interim Deus nobis, ut meliorem hominibus mentem inspiret, ad gloriam sui nominis, & honorem ac utilitatem Reip. Literariæ, cui ab moribus istis magis magisque est contemptus, nulla literarum, magna quorundam literatorum culpa. Hanc querimoniam turis auribus vel literis committere volui apud te, cujus ut rara doctrina, ita eximia pietas ac prudentia, & erga amicos fides, nota est omnibus iis qui penitus inspexere. Vale, vir maxime, & amare nos tui nominis cultores perge; nec optimæ solum conjugii, sed si quando otium erit, etiam clarissimo affini tuo Molinæo meo nomine salutem dic plurimam, vel huic potius scribe. Jucunda enim mihi semper fuit, eritque tam eruditi doctoris mei memoria: addo & collegæ ex quo ambo in Cantuariensium canonicorum ordinem sumus adsciti.

*Amstelodami, clb lxx xxxix.*  
iii. Id. April.

#### CCCLXXXI.

*Illustriss. atque Excellentiss. Domino,  
Dom. Gabrieli Gustavo Oxenstiern.  
L. B. in Kinatho, Domino in Torsio,  
& Stureforla, &c. Regni Sueciæ Sena-  
tori, & Proregi, &c.*

Illustrissime & Excellentissime Domine,

**R**edit ad vos generosus Dom. Bielkius, juvenis bonorum amore dignus, mihi quidem non modo ob genus præclarum, majorumque virtutes, sed etiam propter indolem optimam longe semper charissimus, non modò dum Amstelodami fuit, sed postquam etiam

abiit Leidam: redit autem doctrina auctior; qua parte tamen non ausim dicere, plane expleturum vota & desideria vestra. Sed nihil impedit, quominus etiam in patria majora addat incrementa, partim legendo scribendoque, partim commercio hominis eruditi ac fidi: verum ea est vestra prudentia, ut de isto melius coram iudicio facturi sitis, quam ego vel alius his verbis. Et habebitis optimum & doctissimum Granium, qui his diebus magna cum laude supremam in utroque jure lauream est consecutus. Ex eo omnium, quæ ad studia generosi Bielkii pertinent, optime cognoscetis. Est is vir magna pietate, ac moribus optimis, idemque ea est doctrina ac facundia, ut his etiam nominibus semper mihi fuerit acceptissimus. Sane in paucos incidi gentis Sueciæ, qui paria faciant, nedum superarent. In curando vero juvene, cum præfectus à vobis fuit, summa ejus semper eluxit fides ac industria. Non facile dixerim quoties de generoso juvene mecum sit collocutus, inque studiorum ratione, qua cum informandum putavit, non possum non utroque quod dicitur pollice, institutum ejus comprobare. Tanto dignior, cujus à te, præclare heros, & à procerum aliis, ratio habeatur; siue existimabitis operam ejus in Academia, siue in Reip. negotiis patriæ utiliore fore. Interest hoc non modo ipsius doctoris Granii, sed etiam nobilitatis Sueciæ: si enim huic viro ea virtute ac doctrina post operam generoso Bielkio summa fide navatam, publice honor expendatur: præterquam quod eum admodum vobis obstringetis, futurum etiam, ut eo ad similem industriam ac fidem accendantur alii, quos nobilibus adolescentibus in terras externas mittendis præficere cogitabitis. Ut nihil jam de eo dicam, quod illo munus istoc quod imponetis, egregie sustinente (neque enim de eo dubitandum) futurum eadem ut magna ex parte ad vos redeat honor, & illi de quibus bene merebitur, illustribus proceribus, qui tam recte sibi prospexerint, gratias agant immortales. De me sic habe, illustrissime & excellentissime Domine, devotissimo me animo esse erga florentissimam gentem Suevicam; ac jam ab viginti annis, partim Leidæ, partim Amstelodami ut potui comprobasse: ac si quos mihi commendandos putabis, nunquam me commissurum, ut ullum meum officium desideretur.

Deus Opt. Max. diutissime tam illustre caput, & patriæ, ac familiæ, ac amicis sospes ac incolume conservet.

*Amstelodami,  
clb lxx xi. Id.*  
Aprilis.

*Illustrissimi nominis tui  
cultor devotissimus,*

G. J. Vossius.  
CCCLXXXII.

## CCCLXXXIII.

*Illustriss. atq; Excellentiss. Domino, Dom. Gabrieli Benedicto Oxenstiern, L. B. in Morby, Domino in Lindholmen & Rosersberg, &c. Regni Sueciæ Senatori & Thesaurario, &c.*

Illustrissime & excellentissime Domine,

**N**ON possum dicere quam grata mihi fuerint literæ ab tanto heroe ad me missæ, quæ commendasti mihi generosissimum juvenem Bielkium. Itaque cum antea eum diligere, postea etiam impensius ejus studii commodis, nec ulla in re, qua opera mea uti vellet, officium nostrum claudicavit. Nec inutiles ei fuimus; credo tamen profectus majores desiderabis. Sed enim si nobiles adolescentes omnes in studiis nervos intendant, merito & nobis gaudemus, & illis gratulamur; si fortassis majorem requiramus industriam, lætamur tamen dummodo nobis non plane perierint impensæ; & tam corruptis seculi moribus; ita se gesserint, nihil ut sit quod vitæ probitati & honesto nomini multum adversetur. Sane indole hic juvenis est perbona, planeque ita fore confido, ut deinceps in patria si studia continuet, & docti fidique hominis consiliis ea dirigat; id suppleat, quod non injuria nunc deesse videatur. Sed de isto non præbo consilio, quando optime ea sine monitore perspicis. Et melius ea exponet doctissimus Gravius, qui vir sedulam semper generosi juvenis suæ fidei commissi, curam gessit, siue studia ejus, siue vitam moreque attendamus; nec dubitandum, illustrissime Domine, quin excellentissimo nomini tuo, & procerum aliorum sit charior acceptiorque futurus, quod nusquam passus sit fidem & industriam suam desiderari; sane & in hac urbe iis qui novere, & Lugdunensi in Academia, ubi supremos in utroque jure est adeptus titulos, ab optimo & doctissimo quoque & amatur, & æstimatur: atque ita eorum judicium est, non deore tam pio candidoque, tam docto & prudenti viro, qui vel ab honore Academico, vel civili munere, consultum, & illi velint & patriæ simul, quæ multum ex eo capere poterit utilitatis: Mihi quidem id si contingat, jucundissimum erit, nec mihi duntaxat, sed aliis etiam qui studiis, & Sueciæ toti bene velint. Porro si qua in re illustrissimo nomini tuo inservire possit opera nostra, ea semper erit paratissima; nec committam, si quos nobilitatis Sueciæ adolescentes commendandos mihi putaris, quin omni eos

consilio, & auxilio juvem, dummodo sibi ipsis non desint. Nihil enim jucundius mihi, quam de studiis eorum bene mereri, qui aliquando columina futuri vel studiorum, vel regni, vel reip.

Deus Optimus Maximus perdiu te, & illustrissimam familiam tuam salvam, sospitemque conservet, bono regni Suecici, ac simul cultorum tuorum.

*Amstelodami*

*c. l. lxxl. Id.*

*April.*

*Excellentia tua devotissimus,*

G. J. Vossius.

## CCCLXXXIV.

Gerardus Vossius, Leovino Warnero

*S. P. D.*

**N**ON distulissimè respondere literis tuis, nisi ita fore existimassem, ut filius meus Isaacus Leidam hac ipsa hebdomade proficisceretur. Nunc video id non fore, nisi sequenti, & fortasse extrema. Quare significandum tibi putavimus, si vidua illa non minori pretio restituere librum Bibliothecæ Amstelodamensi vellet, & in mora periculum esse videatur; nos satius putare, ut ei id pretium annumeretur quamprimum. Sin nihil prorsus hac pauxilla mora peccabitur, posse rem in filii adventum differri. Videretur enim plane iniquum, ut ea quod publicum est detineret, nec reglutinari illud ab unguibus suis patiatur; nisi quatuor imperialibus annumeratis. Sane unus alter suffecisset solatioli causa, quia & ipsa ab homine nequissimo sit elusa. Possis colloqui cum clarissimo & amicissimo Heidano. Quicquid utriusque vestri videbitur, id utroque pollice ipse laudavero. Pecuniam simulac librum videro, refundam; vel si malis, præmittam. Gracias intesim ago vobis pro opera nostri ergo hoc in negotio insumpta. Altero etiam nomine gratias habeo, quod mihi miseris virulentos vericulos illos in virum nunquam satis laudatum Claudium Salmatium. Video inde, & ex aliis multis, Lugduni habitare cum inter tam infestos, quam si in mediis viveret Jesuitis. Utinam tandem sit insaniendi finis. Sed metuo ne id non ante sit, quam, qui tantopere nunc adversantur, æstimare satis sciant divinas ejus viri virtutes, quas, ut videt, sic suspicit orbis universus. Sed pro animis adeo exulceratis spisse admodum id procedet. Interim orandus Deus, ut iis saniores largiatur mentem: nec cessandum viris bonis aquam potius, quam oleum



oleum huic flammæ affundere. Vale, doctissime & amicissime Warnere, plurimumque meo nomine saluta illustrem Dom. Bar. Kyntzy.

*Amstelodami* cl. lxxi.

Idib. April.

#### CCCLXXXIV.

Winando Rutgerfio *S. Theologiae Doctori.*

Vir Clarissime & Amicissime,

**J**AM pene sesquiannus est quod multis conflictor adversis, nam & febri interim laboratum & arthritide, & colico dolore & calculo, ex quibus duo posteriores morbi antea mihi fuerunt ignoti. Sed & conjux ac liberi prope omnes ægrotarunt, duo ex illis erepti nobis, vel mundo potius. Filia unica & suavissimus Gerardus, cujus extant felicissime in Velleium Paterculum castigationes, ac brevi ut spero consequentur ejus Valerius Flaccus, Censorinus & alii; quæ & illi honori & Reip. Literariæ utilitati fore confido. Hæc omnia (ut taceam quædam quæ dicere nolo) non mediocriter animum meum afficiunt. Corpus interim animo, animum spe meliorum temporum sustentamus. Quod si spes ea frustrabitur, saltem non falleremur de promissis beatoris vitæ, ubi lachrymæ omnes detergebuntur. Nec tibi omnia ex voto fluere, indicant literæ tuæ, ac præterea ex optimo ac doctissimo Alberto van Filligen intelligo. Crede & hanc fortunam tuam mihi esse dolori maximo, omniaque tua causa velle accipere: neque unquam ulla occasio abis, quin te commendem & dotes tuas. Parum absuit quin voti fuisset compos factus Ultrajecti, ubi desiderabatur qui succederet in locum Mag. Reineri Philosophiæ professoris acutissimi. Pro te stabat professor alter Philosophiæ M. Segwertius, qui de meliore nota te commendarat, atque ea pro nomine & fama tua (hanc zelotes quispiam arrodebat) attulit apud proceres, quæ ex me audierat; puto confectum haberemus negotium nisi Regina Bohemica, dum hæc agimus, Palatinum quandam commendasset præceptorem antea liberorum suorum. Is igitur à primatibus prælatus, quanquam vero majus erga te erat studium meum, tamen gaudeo non penitus esse aberratum, juvenis enim est eruditus, & perhonestus. Nec fuit tamen tale quid denegandum Reginæ, exuliquidem, sed tamen Britannici Regis forori, & cujus liberi forent Pronepo-

tes Guilhelmi Arausionensis præclare adeo promeriti de his terris. Hoc facilius repulsam feres, præsertim cum nemò te eo aspirasse possit suspicari; imò quod res est, te ignarum fuisse omnium omnes sciant. Aliquid etiam per amicum tentabam Hardervici, uti & alibi. Sed nihil hæcenus potui, id est, ab multitudine competitorum: subinde etiam ab zelotis, quibus suspectum est, quicquid loca incolit, ubi clarissimus Vorstius quondam docuit. Utinam affinis tuus mecum sociaret operam suam, plus efficere mus; sane varios variis commendat locis: in his etiam Cabeliavium Amstelodamensibus nostris. Urget ut præferatur filio meo Francisco Jurisconsulto, putabam me effugisse Vatinianum ejus odium erga immerentem. Sed, ut expetior, spes me fecellit. Mihi non est animus par pari dare hostimentum. Feram ut soleo; imò patientius tanto, quanto ex corporis imbecillitate sæpius subit cogitatio, brevi Deo rationem fore reddendam vitæ anteaactæ. Vale, vir & amice summe, & cum uxore à me & uxore salve.

*Amstelodami,*

cl. lxxi.

Non Quintæ.

*Tuus æternum,*

G. J. Vossius.

#### CCCLXXXIV.

Georgio Ratallero Dubletio.

Nobilissime Amplissimeque Dubleti,

**A**B eo tempore, quo te Haga invisi charissimus meus Isaacus, prius quidem morbus diutinus me affligit, mox cum aliis fuit consistendum adversis, sane duris, sed quas patientia faceret leviores. Nempe ad omnia, ut videtur, obdurandum est mihi, donec hæc vita durabit. Aspera tam multa eripuerunt etiam mihi animum respondendi amicorum literis, tuis quoque tam amicis, cum saltem gratulari oportuisset honorem eximium. Sed tanta erat amicitie fiducia, ut facilem mihi apud te negligentiam hujus veniam fore putarem, præsertim filio meas quodammodo partes apud te fungente. Inertiores etiam reddebat, quod aiunt, gratulationes etiam feras esse gratissimas; contra quam in consolationibus usu venit, ubi dolor, qui calum jam duxerat, reficitur. Cæterum non modo opto, ut nova hæc ac summa dignitas tuæ familiæ ac toti patriæ sit salutaris; sed ita etiam fore confido, nec aliud bonorum hic judicium est. Negant omnes à multo retro annis ejusmodi dignitate digniorem electum.

Sum. Solum mirantur aliqui, tam malis temporibus, ac virtuti adversis non diutius te præteritum. Auctumnales ferie nostræ hac hebdomade cœperunt: nec abhorret ab eo animus, ad vos excurrere. Sed uxorem domi solam relinquere non sustineo: nam ut una se in viam det, id vero nihil est. Ea est corporis infirmitas; verum Junia affinis, Cassimiri vidua, hunc est Amersforti. Ea prope diem cum sorore Nærana ad nos veniet; id ubi erit, abesse domo licebit: quia sic habebit uxor, quibuscum se oblectet. In opere nostro de Theologia Gentili, ac Physica Christiana binis jam mensibus operæ typographice cessant; sed vehementer ac suo jure urgent Indicem ac Dedicationem. Hæc etiam causa erit, cur excurram; neque enim morari ultra typographos licet. Ita queruntur de damno quo eos mactio. Dignum laboris præmium hoc tempore, ab Anglia sperare non ausim. Ita pecuniis opus ad bellum id quod paratur. Ex præbenda accisæ mihi quinque libræ Sterlingiæcæ trimestribus singulis. Idem factum Canonicis cæteris, quare jam biennium citius est, quod tertio quoque mense solum viginti percipio, qui viginti quinque solebam. Sed ecce ne viginti quidem accipere hoc trimestri potui. Aiebat quæstor, quicquid parata hic foret pecunia Regi fuisse dandum: eoque expectandum mihi, dum aliæ ex agris redierint. Injurato etiam mei causa me optare credes, ut bellum componatur. Sed cum cogito animos eorum, quibuscum negotium Regi est, tum autem stabella in Anglia ipsa, item Gallia, atque utinam non his terris, vix boni quicquam sperare possum. Sed nimis me diffundo, de his & aliis prope diem plura.

Amstelodami,  
clō loc xl. xi  
Kal. 6.

Tuus totus,

G. J. Vossius.

CCCLXXXVI.

Thomæ Farnabio.

Præclare Farnabi, Vir pariter atque Amice summe,

Quod post egregia tot ingenii, doctrinæ industriæque tuæ monumenta, in otio isto non dubitaris negotium suscipere, novæ Grammaticæ concinnandæ: id quam animis vulgaribus vulgare & ipsum judicabitur, tam mihi videtur animi esse erecti, nec imperitorum opinione, sed suo quidque pretio assti-

mantis. Ac scio mecum probe consentire eos omnes qui necessitatem hujus studii intelligunt, & quanto olim in honore fuerit etiam apud principes viros. Quæ apud te referri non merentur, qui, quid hac de arte statuas, facto ipso comprobasti. Quod vero pulchram hanc operam tuam inscribere volueris nomini nostro, fecisti pro affectu tuo, quem jam ante perspexi, cum aliunde, tum ex eruditis in varios Poetas Scholiis: opera erudita, in qua cum candide laudare soleas, si qui probe alicujus loci mentem præ aliis affectui videantur; ipse etiam Achivis istis me permixtum agnovi. Gratias itaque & pro istoc habeo, & præcipue pro gratissimo munere, quod nunc mittis. Et fortasse vix alteri mittere poteris, cui labor ille foret acceptior. Operam verò dabo, ut quanti te faciam, intelligas. Quod verò potis, ut sibi discesseris à me, in bonam partem, accipiam id factum nolim. Quid enim gravatè id feram, qui toties ab eo ab aliis, & quotidie addiscendo abire à me ipso soleo? Non soleo morari quid scripserim; sed quid rectum putem, ac præfiscine hoc dixerim, gratior mihi esse veritatem, quam ipsernet sum mihi. Quare sibi me fugerit aliquid, quod postmodo mutatum velim, non sum medicus tam misericors, ut urere & secare verear illos animi mei fetus. Atque hoc conspicias, si Deus siverit, ut aliquando illi de Arte Grammatica Commentarii recedantur. Multa enim interim observavi, quæ ad oram allevi Codicis nostri; multa fors observabo; si Deus hanc mihi diuturnam esse viram volet. Crede mihi, Cl. Farnabi, nihil arte hac nostra operosius, difficileque in plurius certi aliquid consignare, nisi quis omnes veteres evoluerit cum cura, atque adeo optimos quosque Codices MSS. adierit, vel eos saltem, qui bona fide variantes Codicum lectiones annotarint. Et sic quoque in ambiguo quadam relinquentur ob tot loca corrupta à librariis imperitis, qui, quæ non intelligerent, mutare solent, magno rei literariæ dispendio. Sed septennium primum lusibus, & Grammaticæ datam, alterum septennium utrique linguæ, & Elementis Rhetorices, Poetics & Logices impendi; posteaque gravioribus studiis totos insumpsi annos quinquaginta; perque varia admodum studia, pro exiguo ingenii nostri modo me diffudi. Tanto temporis spatio, tantam reperi difficultatem in hocce nostro studio Grammatico, ut citius aliquis in Theologia, Jurisprudencia & Medicina, (non apud Anglos quidem, ubi tardè honores isti conferuntur, sed aliis etiam in terris, quas nominare nihil attinet) Pileolum consequi possit Doctoralem, uti vocant, quam



ut consummatus ille evadat Grammaticus. Tantoque gratiores & acceptiores esse omnibus bonis labores eorum debent, qui ut aliorum ea parte labores imminuant, sedulo operam dent. In iis te quoque esse, doctissime vir, gaudeo. Rideant, an ringantur, non *dygmales* modò; sed etiam, qui studium hoc leviter degustarunt, nihil pensi uterque ducamus; præsertim quando nihil est, quod invidiamus istis Suffenis, qui, quia minora studia nesciunt, eò in majoribus majores sibi videntur; cum in his etiam tanto sint minores, quanto magis humanitatis studia neglexerint. Vale, clarissime Farnabi, ac deinceps etiam amemus nos inter nos:

Amstelodami, clò lbc xl.  
prid. Kal. Sext. St. N.

G. J. Vossius.

# CCCLXXXVII.

Ludovico Crocio *Theologo* Bremensi.

Eximie & vir & amice,

**N**ihil hæcenus, ut arbitror, ad te perscripti de gemino vulnere domestico, quorum utrumque superiori mense Martio accipi. Prius Dominus ex hac vita evocavit filiam, quam haberem, unicam, jam ea ætate, qua viro maturæ judicantur, etsi nos, quodammodo septentrionis filii, non adeo calide hoc connubiale negotium terris frigidis urgeamus. Hæc res mihi permoleste accidit: solatus me interea sum voluntate Dei: eo magis quia pie adeo, uti vixerat, obdormisset. Dolorem quidem augebat quod tam reverita esset parentes, etiam complexa esset variorum linguarum, & artium scientiam, ob quam non exiguum erat laudem adeptæ apud eos, quibus innotuerat. Sed enim consolabar iterum me illo, quod pietatis tam cito haberet mercedem: & quod ad terras attinet, si bona mundi, sane nec mala ejus nosset, nec jam obnoxia sit periculo ne male nubat, vel filios nanciscatur male morigeros, ut tot alia mitam. Vix tres erant hebdomades, quod ita mecum collector: cum ecce nobis etiam adimitur filius natu minimus, mihi cognominis qui cum castigationibus edidit Velleium: ut propediem Valerius Flaccus & Censorinus, sedulo castigati consequentur: postmodo fortasse Servius, & emendationum in varios scriptores libri. Hæc ille jam præstiterat, cum necdum annum expleset primum & vigesimum. Nempe agebat climactericum tertium si septenarius numeremus. Uti & vix paucis cum mensibus excesserat Dionysius me-

us, Reidani annalium interpres, adolescens tot vulgarium linguarum, ac præter Latinam Græcamque tot Orientis linguarum intelligens. Ejus spero versionem Maimonidæi operis de Idololatria intra duos tres menses transmittam. De castigationibus in Julium Cæsarem nihil certi spondeo. Ad Gerardum & *marcelium* redeo, cujus obitus non minus quam Dionysii ante septennium magnum mihi attulit dolorem. Nam præter mores suavissimos amabam judicium, & doctrinam, qua aliis etiam ætatem vincere putabatur. Quid facerem, nisi ut me solaret eo, quod eum jure suo repetisset Dominus; nec tam amissus esset quam præmissus, nec tam ereptus nobis, qui fortasse eum brevi sequeremur, quam mundi hujus miseriis. Nihil quoque periculi nunc, ne corrumpatur à mundo, postquam illi valèdixit, & uti vixerat pie etiam in Domino obdormivit. Sane omni morbo, non fratribus modo, sed aliis etiam & quidem ætate provectis, exemplo fuit. Poteram videri jam malis defunctus, cum ipse in morbum incideret qui me lectulo aliquamdiu affixit, diutius vero detinuit domi: ita ut vix tertia sit hebdomas quod pedibus me porto meis. In adversis hisce Deus spiritu suo nos firmavit, & ut confido nos roborabit porro. Ne tibi quidem vel collegis doctissimis, ut ex literis tuis, & variorum sermone intelligo omnia ex voto procedunt. Qui lites fovere in Ecclesia malint, probare in vobis nequeunt pacis istud studium, quod socer sic in Eirenico, imo Theologorum quisque optimus, semper commendavit. At longe alia mala mihi est mens, qui vota etiam pro longiori talium vita facere soleo. Magnam partem hoc malum provenit ex antiquitatis contemptu, quam pro nobis stare certissimus sum. Sed isti *idololatriæ* nihil probant, quod non didicere à magistris suis, viris sæpe doctissimis, sed non minus errori obnoxii, quam veteres Ecclesiæ doctores, Apostolicis temporibus propiores, ac nostris (hoc enim video prope in confesso esse omnibus) pietate etiam superiores. Cumque vos acerbè adeo reprehendunt, utinam cogitarent quantopere à nobis alienent eos, qui Augustinam sequuntur confessionem. Merito enim illi objectant omnia omnium *aperta*, & tam amica alloquia, iis præcipue terris, ubi admissi nondum sumus, nihil esse, nisi dolosa aucupum cantus ad volucres decipiendas. Nam inquirunt, si in pauculis cum iis facientes ferre non possunt, sed fœdè adeo eos traducunt: quid boni expectent de iis qui distare se profitentur totis parasangis? Paulo ista liberius præter morem scripsi indignitate rei motus. Vobis interea satis esto, quod proberis vos pro batissimo cuique: quod posteritas omnis hoc

hoc studium vestrum pollice utroque commendabit: quod Deus, ut confido, magis magisque huic studio benedicet: & si minus in terris luculentam, in cœlis vobis mercedem rependet. Salutem plurimam clarissimis collegis D. Bergio, & DD. Willis dicito.

*Amstelodami,*  
clō Ioc xl.  
xx Junii.

*Tuus eternum,*  
G. J. Vossius.

Libellum mitto de reprobatione absoluta, nescio cujus auctoris, sed nuper hic editum. Anglus putatur auctor.

## CCCLXXXVIII.

Hugoni Grotio S. P.  
*Lutetiam Paris.*

Illustriss. Dom. viri undecunque maxime,

**L**iteras hæc exarabam, in Gallias iturus, Bartholo, Thoma, Casparo Bartholinis, liberis Caspari Bartholini, Philosophiæ, ac Medicinæ, dum viveret, in Academia Hafniensi Professoris, viri acutis & pereruditis ingenii, doctrinæque mōnumentis, per orbem celeberrimi. Præterea comitem se iis in viam dedit, Theodorus Fuienius, eorum quos dixi Consobrinus, natus ex Doctore Medico, amplissimi Consulis nostri, Andreæ Bicheri, Consobrino Bartholinorum. Materteram uxorem habet Olaus Wormius Medicinæ in Academia ante memorata Professor, cujus extant Fasti Danici, doctum & utile opus. Item liber de Runica, sive antiquissima Danorum literaturâ, vulgò dictâ Gothicâ. Hæc de iis qui literas perferunt, juvenibus eruditis, ac ut cenfeo, non indignis, quos ad salutationem & alloquium tui admittas. Nunc de meis loquar. Post amissam dulcissimam Joannam meam, Puellam jam nubilem, & variis artibus, ac animi dotibus instructam, filiam unicam: Post ereptum item Gerardum carissimum, in quo semper certare putavi judicium cum ingenio, pietatem cum industria (Velleium ejus vidisti, & Valerius Flaccus, ac Censorinus, fortasse item alia consequentur) in alia quoque adversa incidi, quæ non mediocriter animum premerent; ne tamen opprimerent, operam dedi quam potui. Vix tamen dubito, quin ctebrior eorum cogitatio, & uxoris mœror, aliquid etiam contulerint ad morbum, qui me lecto aliquandiu affixit, duos etiam menses detinuit domi. Ita factum ut cessarent operæ, in excudendis meis, qui-

bus prælum antea fervebat; ut item quasi intermitterem prorsus Epistolare officium. Quamquam de te, altera etiam cessationis causa erat. Nam interea temporis, semel iterumque adfuit nobilissimus genere, animoque, filius tuus Petrus, qui sæpius est cum Blauwiis collocutus, ac quorum opus foret, omnium te facturum certiore recepit: ut hac parte opera mea non valde opus foret. Nunc valetudini melius est, etsi non ut solet. Absoluti duo tomi, Theologiæ, & Physices Christianæ, jamque Indices concinnantur. Binos intra menses, te visurum opus id confido. A nostris jam, ad majora, melioraque, me confero. Legendis iis, quæ in Novum Testamentum fuisti commentatus, nequeo satiari. Aurea planè sunt quæ me, imo me longe doctiores doces. Propertianum illud leviter liceat immutare:

*Cedite Romani scriptores, cedite Græci,  
Nescio quid majus Sol opere hoc videat.*

Jamque aggressi essent Blauwii excudere, nisi responsum expectassent, num typi, ac chartæ forma placeat transmissa. Vix hæc lucem viderint, quin prælo subjecturi commentarios de Jure Belli, & Pacis; item *ἀνθολογία* tuam, & quæ alia voles. Diatriba de Antichristo paucis placet, qui quidem segreges sint ab Ecclesia Romana: usque adeo radices in animis omnium egit opinio illa de Urbis Episcopi, adversus Deum, & Christum, elatione, sæpe ut volunt, & clarissime scripturis prædicta. Sanè respiciens spatium omne ætatis antea, jam à primâ penè pueritia, recordor sententia ea personuisse pulpita, nec preces publicas sæpius fuisse conceptas sine detestatione Antichristi Romani, & rarsè turbæ. Quorundam opinio est, ut verâ diceres, non expedire, ut populus in eam opinionem veniat. Nempe non abeunt à notissimo utrique nostri, Bal. Lydio, *ἡ μάχη*, qui increpitus à me, quod inter multa verissima, quædam etiam falso impigisset Doctoribus Ecclesiæ Romanæ; ubi detentare ea quæ dixerat, *ἡ ἀπορίη* non reperit aliud, tandem eo se contulit, nullo cuiusquam penicillo satis fœde Romanam Ecclesiam posse coram populo depingi. Mihi verò præstabat opinio, veritatem non egere mendacio, & manifeste falsis, fidem etiam detrahi veris. Quod Ultrajectini Voetii de Diatribâ super cena judicium sit, cognoscere satis poteris ex Epistola juvenis ad me, quæ coram audit docente. Exemplum transmissi hac commodâ occasione: etsi fortasse res ipsa vix tanti, ut legere sustineas, videbitur. Mihi, & hæc quam proxime dixi dissertatio, & illa quam paulo antea commemoravi, &



alia mole exigua, pondere maxime, plurimum placuerunt. Nec satis mirari possum, etsi divinum ingenium tuum non ignorem quomodo in Illustrissimo illo onere, & ea salutantium multitudine, sufficias tam multis, usque plurimum indictis, tum perspicendis, tum nos, & alios docendis. Nec minus stupent alii: credo & mali, etsi dissimulent. Maximi Salmasii opus de sœnore Trapezitico, credo jam legeris. Non erit ad palatum, sive Cloppenburgianum, sive Votii. Huic opus ipsum, illi præfatio respondet; sed neque ringi delinhet sacer Exercitator; adversus quem, adeo multa asperguntur, sanè pererudita. Hæc sola nunc occurrebant.

Vale Illustrissime Domine, amicorum tuis meritis prime, & à me, & Coniuge, & omnibus meis salve.

*Amstelodami,*  
cl. l. c. xl.  
xv. Junii.

*Tui Illustrissimi nominis*

*calor,*

G. J. Vossius

CCCLXXXIX.

Ludovico Crocio Ger. Jo. Vossius

S. P. D.

Summe vir pariter & amice,

**P**AUCI sunt dies, ex quo scripsi: tamen amor non finit ut hanc etiam commodam negligam occasionem. Obversatur semper animo vitæ brevitatis, & cum tot adversis conflictatio: quæ non tacite inuunt, sed plena voce dicunt, Jesu, & sponsæ ejus amantes, dum vita divinitus conceditur, debere alios alius esse & solatio & ad durandum hortamento: quod non eorum modo sermone, sed absentes etiam literis consequimur. Magnam quidem molestiam ex eo capio, quod quæ reformatam Religionem profiteamur, tam sumus deformes, nec vel veritatis satis studiosi, vel concordie amantes satis: verum alienam culpam nemo præstiterit, satis est, nos si nostram. Quare hoc solum agamus, ut omnia agamus non amore hominum, sed Dei & Christi: quem amorem depreciant, qui negitant eum secundum gradum aliquem reprobis esse cum electis communem. Credo jam videris veteris collegæ mei Heinii ad novum Testamentum notas: fortasse & illa quæ à maximo Salmahio cum alibi tum opere de sœnore Trapezitico refelluntur. Atque (ut omnium fere expectatio est) idem suas ipse in N. T. novas edet. Verum ob parentis excessum, in Gallias ipsi proficiscendum.

Hæc res editionem annum facile, vel amplius morabitur, grande omnino opus futurum. In quo ut intelligo, comprobabit inter cætera nihil Heinio dictum boni quod aliis fuerit indictum; quicquid de suo attulerit esse falsum, sæpe etiam ridiculum. Scio te mirari, cum hæc legis; mirarer & ipse, nisi & maximo Salmasium nossem; sed tute ex opere memorato tanquam ex ungue leonem existimabis, mihi enim in toto hoc negotio nec feritur nec metitur. Optem ego ut concordibus animis eruditi omnes honori studeant divino, non suo, unde illa in loquendo scribendoque acerbitas multis. Sed enim annis permultis mire Salmasius divexatus ab illo, quem, ubi improbo, reticere malo: præsertim cum sic quoque satis intelligar. Quæso per otium librum, quem dixi, adire grave ne duxeris: uti & præfationem operis Salmasii de modis Usurarum. Hic abruptam, quia & is, qui literas feret, & vir quidam doctissimus, advenere. Salutem dices collegis doctissimis & clarissimis.

cl. l. c. xl. iii.  
Kal. Julias,

CCXC.

Maximo Viro, Francisco Gomaro.

Groningam.

Vir undecumque maxime,

**R**EDIT ad vos fratria cum filio; qua occasione volui ad Te pauca perscribere, de quibus hic inter nos locuti sumus. Video illam de filio, mirè esse sollicitam; & merito profecto, si quomodo nunc in Academicis soleat vivere juventus, cogitemus. Nec putò authoritatis satis esse in nostra hac ad compescendum adolescentem, si fortè, quod ne Deus finit, ab aliis seductus ad partem se applicuerit deteriore. Plus mihi fiducie fuerit in te, & Nobilissimo Magduello, & Genero tuo. Ingenium adolescenti foelix obtigit, & bonæ Indoles. Interim ut ætas ea, à labore proclivis est ad otium, subinde monitoris eget *epistolæ*. Qualis si obtigerit, nihil fore puto, quod magnoperè requiratur. Quod ad rerum mearum statum: spiritu suo solatur nos Deus, qui geminum rursus vulnus inflixit, unicam auferendo filiam, longè suavissimam, bonisque adeo artibus exultant; filium item ejusce ingenii, ac doctrinæ, quæ ex illius Velleio Patreulo satis relucet, ac luculentius se exerent, in Censorino, & Valerio Flacco, quos innumeris locis castigavit,

& fratri Isaac edendos reliquit. Te quoque afflixit Deus, auferendo Conjugem, quæ tibi ætate adeo profecta maximè auxilio esse poterat. Sic ubique fit voluntas Domini; qui solus novit, quid liberis suis conducatur. Gaudio interea, quod in eadem urbe, tecum vivat Gener optimus, cum similitum morum filia tua: sed quia horum jam mentio incidit, non possum reticere, quod mihi & aliis etiam, his in locis, quandoque in mentem venit. Arbitrabantur illi mecum, non malè te familiæ, ac publico consultiurum, si adhuc superstes cogitares, de Genero tuo Curatoribus Academiæ sic commendando, ut in Professorum adsciscatur numerum. Sed numerosam illi prolem esse, & quotannis glescere; nec defecato satis animo tractari sacra solent, ubi anxia rei familiaris cura ab eis advocatur. Honoris etiam accessione generosa mens accendi consuevit ad maiorem doctrinam, ac nominis claritatem. Si aliter illi consulere non possis, quid si in eum transferas professionem Hebræicæ linguæ, vel saltem ejus partem? Ut si præcepta artis Grammaticæ curiosè ac perspicuè tradat; Tu usum eorum, quod excellentius in sacris scriptoribus ostendas. Hoc vel tale quid, curæ esse velim, dum vita manet; quia ingrato vivitur sæculo, ut vix putem, si humanitas aliquid tibi contigerit, cura id Curatoribus fore, propter merita tua, licet majora quàm dicere possimus. Exemplum ex foceri familia capio. Non obolo ex publico auctior sum, propter foceri virtutes, & benefacta. Nec est, quod vel ob accessionem meorum laborum, quos totis jam 40. annis, bono publico summa tum fide subeo, melius secum iri actum existiment liberi mei. Verè nimis ille Veronensis, omnia sunt ingrata, nihil fecisse, benignè est. Primis ventis secundis in Gallias discedet Claudius Salmasius, ad familiam herciscundam; siquidem Parentis ejus oblit, senator Divionensis. Ea conditione ab Amplissimis Curatoribus dimittitur, ut redditum se promittat. Plurimum Academiæ Lugdunensem exornat, & ab eruditissimis quibusque, oraculi instar, consultitur. Equidem varia magis ac recondita ornatum doctrinæ novi neminem. Vellem autem non tam diu rei funebris argumento fuisset distentum. Mallet dedisset commentarios in Arnobium, Conciliumque Illiberitanum, & quæ de primatu Urbis Episcopi scripsit. Quamquam opus hoc, dum is in Gallia erit, à Lamerio excuderetur. Cætera nonnulli à reddito lucri videbunt. Uti & quæ commentatus est in Novum Testamentum. Magna horum pars resellet, quæ in S. Exercitationibus prodidit Heinzius: In his illa quæ

adversus Bezam differunt toto opere, propter quæ, & in Galliis esse audio, qui patrocini-um Beza suscipere volent, ferre nequeunt, quod religiose adeo sibi caveat, nequid dicat adversus R. Ecclesiæ decreta; interim nihil pensi habeat, tanto conatu oppugnare Bezam; quem cum sæpe saltem verum pervidisse negare non possit, tamen ne in istis quidem, unquam nominare dignetur. Sed falli arbitror, qui, quod non nominet, aiunt à contemptu profectum. Potius fuit inde, quod sita etiam in R. Ecclesiâ legi velit. Nam memini eum & me commovere, ut relictis controversiis sacris, ea sola tractarem, quæ ubique legèrentur. Quantula, inquit, pars est orbis, ubi Reformata obtinet religio? Literas etiam conspexi, Roma ab Holstenio, Vaticanæ Bibliothecæ Præfecto, exaratas, quibus monebatur, magis etiam, quàm in Nonni Aristarcho fecisset, cavere sibi debere, nequid in Exercitationibus offendat, si Romæ sua legi vellet. Verum quid alienus ad me animus pertinet, qui solum præstare meam soleo culpam? Vale vir summe, Affinis conjunctissime, deque me, innumerisque aliis bene merite. Uxor, & omnes mei, plurimum te salutant; ut & Nobilissim. Magduellum.

Amstelodami,

cl. Isc. xl.

xv. Augusti.

Tuis totius,

C. J. Vossius.

CCCXCI.

Claudio Salmasio, Ger. Joh. Vossius

S. P. D.

**B**ibliothecam misisti nobis, vir nobilissime, vere *ἀγαθὸς ἀγαθὸς*, pro qua munificentia tanta gratias ago, quantas possum. Plurimum verò gaudeo, non modo quod tam multa me doceas, ut & ceteros; sed etiam, quod tam illustribus ingenii doctrinæque monumentis plane triumphas de iis, qui hactenus in eo sunt, ut omne nominis decus ereptum eant. Ac quantum video, non desinent spissis mendaciis traducere. Unde etiam est commentum illud de causa itineris tui Amstelodamensis. O quanto mercentur Atridae isti, ut verum dicerent! Quamquam nec illud si foret, desinerent foliis immensis de te mendacia spirare. Imo ne quidem si persuadere possent ut eo ires, quo Meurhum fugarant. Multum me recreat, quod non revoces ista ad animum. Alioqui & ipse molestius nequitiis litas ferres. De Theolo-



go qui calumniæ tibi litem intendit, semper tale quid metui ex quo sua edi petiit. Novi ego mores talium, idque magno cum malo meo. Spero, imo confido, valido te esse stomacho, ut & hoc sis concocturus. Hoc si erit, virtutibus tuis facile superabis, quod boni omnes vident: qualium longe major est numerus quam existimares. Id quotidie video, ut ex decrecente indies fama inimici tui (qui non desinit concitare adversum te vel Acheronta ipsum, hoc est, quicquid *διαβολικὸν* amat) non obscure colligere possumus brevi deservitum id malum. Placet, quod pagella una altera Copriano occurreris. Fortasse tamen non inutile, quo jam te sponte propendere coram intellexi, si ubi Luteriam Parisiorum veneris, ostenderis quam paucæ sint lectionis qui hoc quod docuisti universo Jurisconsultorum chorò repugnare arbitramur. Tamen finem aliquem respondendi malevolis esse velim, quia id fiat cum dispendio literarum, si nimis sit diuturnum. Scis me ex parte scire, quam multa hætenus indicta observaris, quæ adhuc domi premas; non quia invidas ea publico, cujus amore scripsisti: sed quoniam qui nomini tuo invident, calumniis suis avocando, tantum valeant, ut editionem eorum morentur. Vel ob hoc ipsum si odisse nobis Christianis quempiam licet, odio sunt dignissimi, qui tantopere incommodant doctrinam studiis. Eruditissimum Crocii opus Blauwius se editurum recepit, simulac excusa erint Illustris Grotii in Novum Testamentum notæ. Hæ lucem videre possint intra tres menses, si coepto pede pergant. Nam cum demum coeperint quando Hagæ una eramus, jam quadraginta folia sive, ut vocant, biniones excederunt. Sed enim quid præter gentis tuæ humanitatem & eximiam indolem tuam impulit te, ut mihi gratias ageres, quod domo exceperim, quali non meæ potius partes sint, gratias agere quod hoc mihi honoris habitum sit. Equidem magna anni parte vel sanguine aut affinitate junctum, vel quempiam aut in dignitate constitutum, aut eruditione clarum hospitem habeo: sed dicere hoc possum, nullo sic me hospite lætatum omni mea vita, quam magni Belgæ in Galliis, magni Galli in hac Belgica, quos ego dies Creffa, ut ille loquitur, nota soleo notare, & æternum meminisse juvabit, non me duntaxat, sed omnes meos. De famula tua, quasi molestiæ aliquid crearet nobis, quæso opinionem deponere. Nihil insolens vidimus. Pro itinere Gallicano non desinet domus nostra facere vota, usque dum cognoverit vos salvos & sospites venisse in Gallias. Nec minoribus vobis prosequemur, potius credo majoribus, ubi in-

tellectum erit, vos reditum parare. O felicem & exoptatum diem, quando iterum alii alios complectemur! Uxor & mei tecum Conjugem tuam plurimum salutant.

*Amstelodami, cl<sup>o</sup> Id<sup>o</sup> xl.  
v. Kal. Septembris.*

CCCXCII.

Guilhelmo Grotio, J. C.

*Hagam Comitū.*

Clarissime vir,

PLANè dolet, quod cum tam opiparo à te convivio sim exceptus, nequidem liquerit, te frui familiarem in modum. Prope dixerim occupationibus istis tuis, quæ te inviderunt nobis, pessimè sit, nisi multum tibi attulerint lucri. Nam hoc si est, caruisse horis aliquot malo, quam damno ut fuerim amore tui. Annueravit mihi famulus tuus, mei ut aiebat, cognominis, florenos centum quinquaginta sex, stuferos quinos. Receperam ante à Matre tua, florenos duodeviginti, stuferos quindecim, in universum sint ex usura, floreni centum septuaginta quinque. Quantum sit redditus, centum florenorum in annos quindecim, quibus quotannis usuræ loco datis. Sed quod Parens tuus, me ignaro, in obligatione de semis, & quadrante, indignum erat amicitia veteri nostra. Quare recidendum, & Uxor, & Ego putavimus. Et nisi promptior tua fuisset liberalitas, amplius imminuisssem. Sed occurrebat, fuisse centenos istos ablatis ex majori longè summa Ordinibus locata, qui quantum annumerent non ignoras. Commodè igitur hoc interpretaberis, quod vel obolum, usuræ loco receperim, præsertim, cum dimidium duntaxat fuerit meum, ut retuli coram. Mitto *ἀνδρόλογον* Illustris fratris tui, & rectè facere censeo, quod malit excudi Parisiis. Nec enim Typorum venustate Blauwius noster unquam æquiparetur. Notas N. T. præter Corfellium relegit Bremius, qui priori accuratior, & in iis, quæ literaturam tangunt, eruditior: solum hoc me habet male, quod operas dividunt, usque adeo festinante Blauwio, ut citissimè hac editione defungatur. Absque illo fuisset, putasne permissurum me fuisse, ut alius operæ hoc præstaret? Sed puto eos hebdomadis singulis, excudere folia, sive Biniones decem, vel amplius. Quid hic in occupata adeo vita, possim Ego, vel Isaacus meus? Præsertim quando hic suis, illisque fratris Gerardi, qui sua ei moribundus

com-

commisit, sic premittitur, penè dixerim opprimatur. In meis, quibus prælum adhuc ferret, vix binis par foliis sum, quaque hebdomade. Loquar tamen die crastino cum Blauwio, nec opera mea, vel meorum, ubi utilis esse possit, uspiam claudicabit; non modo, quia debitor sum virtutibus, & meritis fratris tanti, sed etiam quia literis meis promissi damnas. Uxori optimæ, & Matri venerandæ, Ego, uxorque, plurimam salutem dicimus, atque ita habet, nihil familia mea esse paratius, ad commodandum tibi, tuisque.

*Amsteladami,*  
cl<sup>o</sup> l<sup>o</sup>c xl. iv.  
Kal. Septembr.

*Tuus totus,*  
G. J. Vossius.

## CCCXCIII.

Joanni Ant. Vander Linden.

Vir Clarissime,

**S**perabam pluribus nos ante abitum tuum colloqui posse, inter alia de Hesychio, ut penitus mentem tibi exponerem meam: Id melius quam literis potuissim. Sed cur compellere denuo non licuerit, sat gravis est causa, quam promissis. Quem enim magis paratus tangit uxorius, quam maritum? Jam spero prole sis auctus: aliter si est, (si sic as loqui cum illis gentium scriptoribus) facilem Ilthyiam comprecor conjugi, siue malis Junonem Lucinam.

Ad Hesychium ut redeam. Sperabam eum filii mei beneficio visurum lucem candidiorem. Nec tamen dissimulare possum, paulo id tardius fore, quia nunc totus est in Geographicis Ptolomæi conferendis & corrigendis. Imo & de Melæ Avieni Rufi, aliorumque editione cogitat. Hæc aliquid temporis auferent: ut fortasse Schotani V. Cl. editio lucem videre possit, priusquam hic satis sit paratus. Non abhorret igitur animus mittere exemplar quod petis: sed si jam editio sit in procinctu: præsertim si jam contextus partem deproperaverit typographus, sic quoque temporis mittatur, ut in notis quas subjunget operi, videat ecquid melius alteri observatum. Clarissimo Rigaltio mihi Onofandrum manu magni Scaligeri emendatum, idque ante annos viginti. Editionem alteram adornare dixerat mihi clarissimus Rutgersius, sed hæcenus nihil conspeximus. Nequid simile nunc contingat, cautio esse debet, præsertim cum non ignores scriptorem esse, qui eruditus sæpius sit consulendus. Nemo quid

rei sit te melius norit. Quare solum cognosce, quousque perducta sit egregii viri opera. Pronuntio exsequar: si enim prævertere filium possit (& posse censeo) nolim peccare in commoda publica: solum metuo, ne spisse res procedat. Jam anni triginta & amplius sunt quod clarissimus Heinsius promissit. Et multa ostendit mihi quæ observarat, verum aut valde fallor, aut editurus nunquam. De Clarissimo Schotano longe meliora spero, paucioribus, ut arbitror, distento. Quare si intellexeris ex eo, jam jam edendum nobilissimum Grammaticum, nolim in me illi quicquam commodi claudicare: sin spissum erit negotium, quid impedit, quominus tum mittatur, quando res magis calebit? Interim domus meæ usui inserviet. Illustri Salmasio epistolam tuam mittam, necdum enim abiisse reor: secus si est, Luretiam mittetur per primum tabellarium. Scripti nocte intempesta, toto enim die ex quo tuas accepi, respondendi otium fuit nullum. Schotanium salutem meo nomine, ac dicas velle me omnia ejus causa. Si otium etiam sit & occasio commoda, Collegas salute impertias: in his summis viros Mokoski, Vedelium, Pinackerum, Winsemium, Cochium. Plures non ausim nominare, ne onerem te: velut salutigerulum quendam, qui melius tempora locare potes. Et tamen si mei res judicii fuerit, dixerò non leve esse si amicis pareat, nos memores eorum esse. Quid magis decet eruditorum chorum? *Td. xxi.*

Anno cl<sup>o</sup> l<sup>o</sup>c xl.  
Pr. Kal. Septemb.

*Tuus,*

G. J. Vossius.

## CCCXCIV.

Hugoni Grotio Regni Suecici Legato, ad Christianissimum Regem.  
Lutetiam Par.

Illustrissime Domine atque Excellentissime,

**S**imulac tuos in 4 Evangelistas commentarios accepi, avidè eos legere coepi: sed in hac occupatissima vita, nunc carptim, nunc sic, ut sæpius à lautissimis, ad quas invitares, epulis avocarer. Hoc unum ex præcipuis est malis meis: quod uno die decies, imo vices interpellor, atque ita bonæ mihi horæ effluant, penè cum veteribus dixerim, mala ætate. Tandem me accedit Blauwius, paratissimum se habens ad eos excudendos. Placuit oratio. Quæ igitur ei dare testiam, quar-



quastamve partem eorum, quæ ad Matthæum annotasti: idque eo fine ut me pascere reliquis, quæ reservaram domi; simul ut viderem quid foret, quod offendere aliquem, tam maliguis temporibus posse arbitrari. Sed negavit id posse fieri; quia tria simul prela hoc operæ esset occupaturus. Quare nec alterum totum me posse retinere. Proxima erat cura, ut quam emendatissime ederentur. Dixit se domi habere Aialam, cui negotium id esset satis curæ futurum, nec sese defore huic rei: tum autem, ultimam quam artifices illi probam vocare solent, periculum iri à D. Corfelles. Negavit ille, tanto se labori parem: Eoque adscitus socius D. Bremius. Vides quam multi distineantur curæ hac, ut omnia sint correctissima. Et quæ vidi subinde, ea bonam spem faciunt, saltem pro Editione prima, ubi quam difficile sit, non aliquando ut aliquis dormitet, sapissime in editione meorum sum expertus. Etsi quid humanitus erroris obrepserit, non poterimus propterea Corfello succensere, qui ex correctione nullum percipit lucrum; sed totum hoc lubens præstat, partim amore boni publici, partim veneratione excellentissimi nominis tui. De quo mihi optime constat. Eo autem non leviter impellebatur Corfelles, quod negaret Typographus opus hoc, in quo tot Græca, & Hebræa intercurrerent, velle excudere, nisi tuo quis nomine, sponte se offerret, qui corrigendæ probæ ultimæ curam susceperet. Interea idem Corfelles, ut hodie ipse mihi retulit, metuit non parum ne satis suam operam, licet indefessam, probet: sed inquit, si qui irreperint errores, id tribui oportere nimis Typographi festinationi, tot simul prælis, uno opere distentis, sic ut sæpe uno die, senas etiam accipiat probas. Tum autem fieri quandoque, ut quæ ab eo, in margine sint correctæ, non emendentur à Typotheta. Quin ipse ei fortè non fuerit domi; (quod quandoque fieri est necesse) non expectari, donec redierit, sed Aialæ, qui ad manum, opera usi. Quid multis? Negat Corfelles, vel luculento se pretio deinceps adductum iri, ut tantum probarum, quinarum nempe, vel senarum, deinceps, uno suscipiat die corrigendum. Sufficere singulas occupato homini; præsertim quando canis, quod dicitur, fellinans, parere cæcos solet catulos. Hic equid ab eo *improvementum* dicitur, dicere non est meum. Vir interim mihi bonus videtur, etsi non *perfectus*; saltem tanti, ac merito virtutum possides, nominis amator, & cultor. Ne illud quidem dissimulandum putavi, aliquando, ut aiebat, culpam videri esse à festinatione, vel ejus quo uteretur librarii, vel etiam tot, tantisque negotiis *incommodum* autho-

ris. Exemplum unum alterumque, quod animo potissimum occurreret, afferebat. In Matthæo 1. 25. *Luc. 2.* Negationem hanc de tempore ante partum nihil affirmare; sed de tempore posteriore: multis exemplis, ab aliis est demonstratum; quibus addam locum, qui infra est: ubi rescribendum, de tempore post partum, & de tempore prioris. Ac ni fallor, sic se reposuisse aiebat. Alibi, inquit, ubi sermo de Josepho Arimathensi, manu propria, addideras, *Imitatore Samuelis*: hic ille non dubitabat, quin voluisses, *Simonis*, nempe justii illius, qui expectabat liberationem Israelis. Rectene, an secus, sic correxerit, melius scirem, si codex tuus fuisset ad manum. Hæc negabat se dicere, quasi plus sapere vellet, qui mortalium nemini plus, quam excellentissimo nomini tuo tribueret. Sed ut viderem, si fortè festinatione erret corrector, ignosci oportere, cum neque authores, dum festinant, attendere ad omnia valeant. Præterea narrabat se literis commonitum, ut si quis scrupulus incidisset, me compellaret. Id inquit planè *à Nyvalor*, quando tam longè habitans à me, non possit ire redireque intra horæ spatium: tum autem non permissurum id Typographum qui moram hanc non ferret. Postulavi igitur à Typographo, ut saltem transmitteret mihi quæ jam edidisset; ut per otium videam, ecquid offendam, quod in edendis, vel erratis debeat commoneri. Nihil tamen fiet, quin prius tuum judicium de istis cognoro. Fortasse jam videris, quæ adversus diatribam de Antichristo, scripsit Marefchius. Quorum instigatu id fecerit, facile potes cogitare. Præfatio planè est virulenta. Est is Marefchius Pastor Sylvæduensis, & ibidem Theologiam profectetur. Ut magis opus redderetur exosum, præfationem sic erat exorsus: "Nuper prodidisse opusculum de Antichristo, eo edente, qui & Crellii, & Volkeli Socinianum librum edidisset. Sed Jansonius, quia jam Blauwiis est reconciliatus, noluit sic excudere, ne prior eos læsisset, vel periculum creasse videretur. Itaque hæc Marefchius, si sua à Jansonio vellet excudi, adimere est coactus. Super duobus præcipue erit cogitandum. Unum est, quomodo filius peccati atque perditionis Caligula esse possit; cum Epistola ad Thessalonicenses utraque scripta sit, postquam Apostolus fuisset Thessalonica, ut ipse Apostolus indicat. Thessalonicam autem venerit demum anno Claudii XIII. ut ex Actis cognoscere est, cap. XVII. & tota temporis serie, quæ in iisdem Actis antecessit. Alterum est de nomine ΟΥΑΝΙΟC ubi C non potest aliud notare quam ducenta. Nam *ΟΥΑΝΙΟC* & valet quidem VI. sed in literis non habet locum, eoque in ΟΥΑΝΙΟC, nequit C haberi pro 6. Succur-

rept

rent fortasse, quibus occurrere utrique valeas; sed ut aliter esset, in argumento tam obscuro, pulchrum fuerit conjecturas suas doctis expendendas dedisse: si quid aliud præterea viderit quod magis probetur, laus ea sit publica. Tantum absit calumnia, malum diabolicum: adsit amor Christianus; qui nunc toto prope Orbe Christiano exultat, ac nusquam difficilior inventa, quam apud eos, qui inimiciter adeo veteri Ecclesie adversantur, nec quidquam, nisi novellum probant. Intellego statuisse Blauwios, diatribas illas seorsim editas, subungere Notis in IV. Evangelistas. Verum quid si dispiciatur prius, quæ inimici contra sint allaturi. Fertilis eorum seges his terris, sub duobus, vel tribus qui pariter plantant, & irrigant. Si non ante Natalem Domini, ad eas se accingere diatribas Typographus possit, fortasse sat temporis habeas dispiciendi, quid mutatum, vel additum velis; sin illo festinante, excludaris temporis angustia, possint post sex septem menses adjungere, primo solum foliolo mutato, quod additionem diatribarum testetur postmodo. Quod ad nostra attinet, jam menses sunt quini, vel plures, quod Typographus in iis cessat. Primo fuit, quod concinandi essent indices. Id satis molestum fuit negotium homini sic distracto. Ubi ego paratus fui, (id jam ante sex hebdomadas fuit) malueram progredi in tuis. Nec displicuit, quia interea paulum mihi licuit respirare, (ut cætera mittam) salutantium turba sat impedito. Tamen aiunt Blauwii, se meis etiam hac ipsa hebdomade vacaturos, ac breviori quam existimem spatio, omnia perducturos ad finem. Nam interesse sua, ut tandem opus hoc prodeat: cujus mora diuturna multum damni fecerint. Jam menses sunt aliquot, quod Toparchæ cujusdam uxor, formina cordata, opulenta, ~~am~~, mecum locuta, de Equestri honore acquirendo in Galliis marito suo. Occasio inde erat, quod non aliena esset in domo Dom. Arlanderveni. Quod ipsum tamen addo, illa ut metuo invitâ. Planè enim urfit, ut præterito prorsus, cujus id nomine exposcetur, duntaxat exquirerem, utrum, Illustris & excellentissime Domine, operâ tuâ, hoc honoris maritus possit adipisci. Id ego rogare per literas neglexi, quia alia magis animum meum occupant, quam curæ istiusmodi. Postquam tamen aurem item mihi vellit, puduit oblivionis, & negligentie; nec ultra dilatum hoc negotium duxi.

Multum interea metuos, hec frustra sit; præterea quod invitus scio, in ea dignitate constitutus, super talibus, nihil quæ ad Reip. utilitatem pertinentibus, negotii aliquid facerem, quibus debere nihil malis. Verum si ut

puto, non fuerit ex honore tuo, homini huic, Religione Pontificio, cæterum optimo, tui, tuorumque, nostri etiam amantissimo, eam quam ambit, operam præstare; proximum erit ut perscribas viam aliquam, quâ id consieri optimè possit. Id ipsi dixi; sed videbam, malle illud honoris debere, excellentiæ tuæ, quam alteri; aiebat non profecto quod minori se id pretio, ab illis quos compellares, consequi posse opinaretur, sed quia honoratius id marito sit, sibi fore arbitrabatur.

Illustrissime D. Heroine Conjugi, quam ex Zelandia jam salvam, ac sospitem appulisse confido, salutem plurimam meo, & meæ nomine dicito.

Amstelodami, die 13c xli.

v Kal. Octobr. Styl.

Gregor.

Accepi à fratre jurisconsultissimo, de Religione Christiana opus aureum, cum accessione Notarum, quæ plurimum illud illustrent, multaque etiam doctissimos docent. Etiam in perhonorificam nostri mentionem incidi: quo nomine, excellentiæ tuæ debeo plurimum, & maximas ago gratias, quod non desinas in loco tam sublimi, prosequi me affectu veteri, vel etiam majori. Vale Decus sæculi, & sic raptim scribenti, omnia prout in buccam veniunt, vel mentem potius ignosce, prout hactenus soles.

CCCCXV.

D. Guilielmo Archiepiscopo Cantuariensi.

Reverendissime in Christo Pater, Domine Illustrissime,

Accepi ab affine Junio geminum munus, auro contra non carum, quippe utrumque aureum totum, & illud, inquam, Constitutionum ac Canonum Concilii Cantuariensis ac Eboracensis, & alterum collationis inter te, tum Episcopum S. Davidis, & Jesuitam Fisherum. Utrumque me iudice, satis fuerit, saltem esse debet, calumniis retundendis, quæ adversus Ecclesiam Anglicanam, ejusque Antistites, Te imprimis, Reverendissime Domine, sparguntur à malevolis, in unum hoc præcipue intentis, ut in odium adductis primitivæ Ecclesie & Dogma-

A a a

tum



tum & Constitutionum tenacioribus, sufficiantur ocyus, qui juniorum omnia placitis metiantur. Mihi quidem utrumque opus inter *nequissima* semper erit, & tantillo tempore quo habui, non leviter usui fuit, malignioribus frænandis, modestioribus firmandis. Sane longè alii rumores differebantur, quam his libris edocemur. Vellem, redeunte ad vos affine, per eum mittere licuisset operosissimos labores meos de Deorum Rerumque Natura. Verum is aiebat, se promissis obstringi, quo minus diutius hic liceret commorari. Indices jam omnium librorum sunt concinnati; in quo non leve mihi tedium subeundum fuit. Solum opus excudi eos, quod mirè avet Typographus longioris moræ & ipse pertæsus. De cæteris meis rebus quid dicam? Pro me melius omnia referet Junius, qui vivæ erit Epistolæ loco. Interea nos non definemus vota fundere pro serenissimo Domino Rege, incolumitate tua, & Anglici Scotique Regni concordia; quod tanto faciemus impensius, quanto magis Regni utriusque motus dolemus: De quibus aliqua attingis literis tuis longè humanissimis, & ante triduum acceptis (pro quibus quas possum, & debeo, gratias ago) sed minime leviora sunt, quæ post scriptas tuas accidisse ex nunciis haud vanis intelligo. Sed nondum imminutum est brachium Domini: qui licet peccatis nostris merito sit iratus, tandem tamen spero miseretur, ac lachrymas nostras in gaudium convertet. Tempus ei præfigere non possumus: solus enim novit, quando quid expediat nobis. Attamen non diu abfore illud, magis ex divina bonitate, quam animis tantopere exulceratis sperare aulam. Ac propterea iterum iterumque Deum Opt. Max. rogo, ut errantibus, ne quid gravius dicam, mentem inspiraret largiorem. Te verò, Illustrissime Domine, Ecclesiæ Anglicanæ bono diutissime sospitem conservet.

*Amstelodami, post.  
Non. Octob. St. Greg.  
Anno clæ Iſc xl.*

*Reverendissimi & Illustrissimi tui nominis cultor æternum devotus,*

G. J. Vossius.

# CCCXCVI.

*Clarissimo Viro, Francisco Gomaro,  
Ger. Jo. Vossius S. P. D.*

JAM anni sunt triginta, quod Leidâ excur-  
rebas Dordrechtum ad rem herciscundam,  
inter hæredes Junianos. Eo tempore memini  
tibi, præsentem me, sermonem fuisse cum Re-  
verendiss. D. Compatri meo Jo. Becio de per-  
missionis natura: Tu mecum & satis diligen-  
ter de Prædestinationis objecto. Fluctuabat  
eo tempore nonnihil animus meus, in hoc  
difficili argumento. Perstitebam in ea sen-  
tentia, quàm à Præceptoribus, præcipuè so-  
cero Junio, teque acceperam; in qua etiam  
multum firmabat non indiligens B. Augu-  
stini, & Prosperi, aliorumque autoritas; sed  
imprimis aliquot sacre scripturæ loca, im-  
pensius mihi favere visa sunt sententiæ illi  
quæ prædestinatio creditur, fidè, & perseve-  
rantia prior; non prævia ejus conditio. Sic  
cùm affectus forem, non satis tamen videbam,  
quomoddò eluctarer à quibusdam, si vulgatio-  
rem de prædestinationis objecto sententiam  
sequerer. Commode sic, Deo volente, eve-  
nit ut quemadmodum dixi, Dordrechtum ve-  
nires, ac plusculos illic hæretes dies. Ibi de-  
mum mentem tuam, quàm aliqui referre po-  
tids tentarant, quam exposuerant, assequi coe-  
pi; nec postea deserui. Ita mihi visum soli-  
dè occurri istis, quæ objectari viderem, scrupulumque animo iniecerant meo. Gaudebam  
etiam, quod viderem utcumque B. Augu-  
stinus, Prosper, & qui campse sententiam profi-  
terentur, non iisdem vocabulis uterentur,  
idem tamen voluisse, nisi pugnare eos secum  
velimus: quod cur statuamus, causæ nihil vi-  
debam. Quin planè æquum censebam, ut qua-  
les nobis lectores exoptamus, tales nos præ-  
stemus, tum Junioribus tum Antiquis. In-  
terea subinde mihi, cum hominibus cruditis  
sermo de hoc argumento fuit; sed paucos re-  
peri, qui satis caperent mentem tuam, D. Wa-  
læo, & præterea uno altero exceptis. Ac pro-  
fectò metuo, ne plerique ex iis, qui proximè  
sic adversati, nondum percipiant satis, quid  
voles: magisque ex suis hypothësis judici-  
um, quam tuis ferant. Parum aliqui credi-  
bile est, illos adeò durè, asperèque acturos ad-  
versus te, cujus sententiæ non uno nomine  
mitior est, & gravioribus subnixa argumentis;  
utcumque vulgè longè aliter feratur. Eo  
laudabilior fuerit opera, si per otium fusius  
aliquanto Theses tuas diducas, vel Theſium  
singulis aliqua subdas, quæ lucem afferant.  
Omninò enim altera sententiæ non receptior  
modo,

modo, sed simplicior, iis saltem qui, ut ait ille, numero Philosophari, vel *Σολογείν* potius amant. Nam homini accuratori, si penitus rem omnem introspicere volet, non obscurum fiet, longè solidius, sic objectum statuendo, tecum occurri istis, quæ adversus illam sententiam afferebantur à doctissimo Arminio. Quamquam verò sic existimo, non levi te affectum injuria, imò eo graviore, quo ætas ingravescit magis: tamen multa censeo fratribus condonanda, propter communem servatorem Christum: qui quid nos docuerit de remittendo, neminem fugit; tu autem propter sponsam ejus, Ecclesiam, quam abundè laceram, scindi ulterius miserum sit. Malim arma converti in Romanam Ecclesiam, & illos qui sanctæ Trinitatis dogma, & Christi satisfactionem, tanto studio impugnant. Quæ omnia infinitis partibus, melius me intelligis. Et tamen perstat animus, ut aliquanto, melius non dixerò, sed aliquanto tamen, talium captui quibuscum est negotium, accommodatius, hoc tractes argumentum. Non ignoro ætatem, & occupatissimum vitæ genus; sed subactum, cum in aliis, tum præcipuè infelicitate temporum, in hoc argumento, judicium, magnopere imminuet illum laborem. Nec si Deus ad meliorem evocârit vitam, quod ut seruum sit exopto, alterum repertum in existimem, qui tuam te melius sententiam exponat. In quo quantacumque sit modestia tua, facile te mihi adensurum puto. Non defuturus Typographus, vel his locis: & omnino expedit, sciant omnes sententiam tuam non repugnare Confessioni Belgicæ: (quin & ego quidem semper istam hætenus cepi) illam potius illustrare, dogmaque acutioribus alioquin horridiusculum mitigare, ac mollire, mirandum in modum; utcumque nonnullis, vel obtusioris pectoris, vel præjudicio laborantibus, prima facie aliter videatur. Nempe non attendunt à Confessione Electionem attendi, per modum executionis, à te, ordine naturæ, per intentionis modum. Dissimulare interim non possum, quid his diebus amicus, vir doctus, dixerit de hoc negotio, non improbari, quod eam sequaris sententiam; sed quod adversantes damnes: quasi diceret, succenseri, non ob falsitatem doctrinæ, sed ob acrimoniam censuræ. Equidem scio id in Romana Ecclesia observari ut in his discrimen faciant: quomodo damnarentur in ea, qui Thomistarum damnarent opinionem, de B. Virgine in peccato originali concepta. Quomodo scis item Bulla Pontificia damnatum Michaelē Baium; non quia ejus sententia id mereretur, sed quia improbari nolent aliorum opinionem. In Baii dogmatis erat, Pelagii esse errorem, posse peccatum

vitari solis viribus Naturæ; & quædam alia hujus generis. Hoc aliorum quoque, è Pontificiis quorundam judicium est: qui tamen damnatos se cum Baio negant. Nempe quia non aliorum opinionem condemnant. Sic illam Pii V. & Gregorii XV. bullam intelligere jubent Toletus, Suarez, alii. Sed quid ista adversus te, qui non hæreticos accuses dissidentes, uti Baius, qui dissidentes aiebat, cum Pelagio hæretico sentire? Quomodo modestius poteris dissentire, quam isto modo quo scribis? Sed sic dum me diffundo, nonnihil otio abutor meo, magis tuo. Quare hic sisto. Pro summo affectu erga Juniam asinem, & prolem, ego & conjux gratias agimus, quas debemus, vel saltem quantas possumus. Pro genero tuo pauca scripseram; sed ex iis quæ scribis, facile video, nihil esse hoc tempore movendum; ne dum pro tuis adlaboras, prois alienis, & male volentibus; magisque oblis rebus tuis. Sanè quod tu metuis, id ego paucis hisce mensibus expertus sum, in negotio tam simili, ut vix ovum ovo similis esse possit. Longo tempore, magnoque molimine quædam movebam, idque ut videbatur applaudentibus, quorum ea res in manu erat. Sed in *stora* effeci quod volui: planè autem Vulpiones illi oviculam hanc (licet aliud sonet cognomen meum) *de vando* elusere. Vides ut nesciam vulpinari. Nam istorum mores, si præcissimè, operæ pepercissimè. Nunc frustra mihi multæ bonæ horæ abierunt. Verùm quid mea? Nondum mihi omnium, ut puto, dierum soles occiderunt. Dominus providebit. Cui te, tuosque, ac me etiam, meosque commendando.

*Amstelodami* cl<sup>o</sup> lxxl.  
x. Kalend. Novemb.

## CCCXCVII.

Jo. Rod. Wetstenio, Græcæ Linguae  
Professori, S. P.

**N**ON diffiteor, doctissime Wetsteni, me tertie demum Epistolæ tuæ, vel ut te video existimare, quartæ respondere: sed enim hæc querimonia tibi communis est cum plurimis, quando intra hunc sesquiannum nec decimæ eorum parti respondi, qui ad me scripsere. Itaque reposui ingentem Epistolarum vim, quibus adhuc deberem responsum. Ex primis es, cujus literas in manus ceppi, ut tandem officio satisfacerem. Nempe inter illud temporis spatium non multum licuit sol-



licito esse de hoc literarum commercio. Scire enim te velim, hoc anno meo climacterico raro me bonâ fuisse valetudine, bis etiam periculose ægrotasse: semel initio ejus, item ejus exitu. Præter alia me affligere nephritis & morbus colicus: quos morbos non perferam antea: & suaves medici jubent me optima in posterum sperare. Compluria enim exempla se nosse aiunt eorum, qui eos post climactericum, si antea nunquam, nec deinceps sint experti. Bono igitur animo sumus, mi Wettsteni, nec malo futuro, male si erit, quia nihil mali bonis. Nec illud seu malum, seu bonum dici debeat (sed bonum potius, quia bono nostro cœlestis pater immittit) in morbo meo sitit. Et uxor vehementer ægrotavit: vixdum convaluerat, in morbum incidit filia unica, literis & bonis artibus instructa. Quam Deus eripuit nobis, grande solatium nostrum, sed præcipue uxoris. Vix hebdomas erat, cum meus Gerardus, delictum illud meum, morbo arripitur. Exanthemata erant, quibus ut ante soror, ita & ipse excessit. Utrum ejus Velleium videris, nescio: reliquit & castigationes in Valerium Flaccum, ac Censorinum, quas propediem lucem puto visuras. Gravis etiam morbus Matthæum semel iterumque invasit. Is est, qui Annalium Batavicornum edidisset libros V. & intra hebdomadem alteros quinos prælo committet. Quid cætera memorem, mi Wettsteni, & miraris temerariam non negligentiam duxero, sed cessationem. Vix dicere possum quam parum processerit ob ista opus meum, quo prælum antea fervebat. Est hoc de origine Idololatriæ ac progressu, & naturæ mirandis, eorumque causis & progressu inde ad causam principem, naturæ auctorem. Brevius si malis, est de Theologia Gentili, & Physiologia Christiana; sed ecce brevissime, de natura Deorum & rerum. Valde incusor ab Typographo, quod magno ejus dispendio, tarde adeo prodeat hoc opus; magis incusaret, nisi fortunam domus meæ nosset. Spero interea, intra menses tres, quatuor, duo volumina, quorum utrumque binis constet libris, lucem esse visura; sed de rebus meis abunde. Venio nunc ad illud de quo magis nosse aves. Equidem nihil magis exoptem, quam ut Centurias Magdeburgenses edere possim, cum brevibus nostris notis. Præclarum est opus; sed est, ubi aliquid ab Centuriatoribus illis datum affectæ & anticipatæ opinioni: homines enim erant. Est ubi humanitus error obrepserit, præcipue istis, quæ dies postea docuit, at à scriptoribus antiquis, qui tum temporis nondum viderant lucem: vel ubi doctissimi homines in scriptoribus jam ante editis locum esse corruptum observarint. Plane spissum

hoc Ecclesiasticæ Historiæ negotium est, multis vel tenebricosum, vel spinis oblitum; sæpe in rebus meis afflictis scribere volui, me provinciam hanc suscepturum, quam deposcerer; sed semper reclusi, cum viderem eam rerum mearum faciem, ut nihil promittere auderem. Juvenes esse videmus, magni illius Stagyritæ est assatum. Sed senectoni mihi idem hætenus fuit animus. Veram tot incurrentibus adversis, nihil audeo polliceri. Quamobrem nihil æque exopto, quam ut alius minus negotiis distentis, viribus etiam animi corporisque florentior, hoc suscipiat negotium. Is esto, qui hoc saxum diu jam volvit, vir clarus Ludovicus Lucius: quem ex scriptis jam ante vicanos novi annos. Nulla vero libentius legi quam quæ adversus Socinianos editavit, manibus enim pedibusque obviam eundum Sectæ, usque adeo & Christi naturæ meritoque & veteris Ecclesiæ dogmatis adversanti. Ad Theses meas Theologicas quod attinet, excusæ vel potius recusæ sunt Oxoniæ; sed jamdiu est, quod & illa sunt distracta exemplaria. Quare efflagitant plurimi, ut novam procurem editionem, dissertationibus variis adjunctis, quæ necdum lucem viderunt, atque jam à me scriptæ & viris eruditissimis visæ ante annos viginti. Quid Vossius tuus de se spondeat, dum nihil illi otii est ab amicorum negotiis, præterquam nocte intempesta, qua & ipse has literas subito exaravi, ne amicissimo viro injurius viderer? Præter præstantiss. D. Lucium nomine etiam meo saluta pulchram Buxtorffii animam, magni parentis prolem præclaram.

Amstelodami,  
clō lœ xl. iv  
Kal. Novemb.  
Styl. Greg.

Tuus omni officio,

G. J. Vossius

CCCXCVIII.

Joanni Beverovicio suo G. J. Vossius  
S. P. D.

Vir Clarissime,

Scio jamdiu esse quod promiserim gratias me acturum tibi pro munere de eruditis feminis: quod magnopere me delectavit. Atque isthoc quidem quod dixi, pollicebar, priusquam eo nomine obstringerer. Nempe ut credere aliquis possit, quo celerius animum meum pascere epulis inemptis. Quicquid de isto sit, ab eo tempore, quo dono isthoc opus misisti, filii strenue: non tam oblivione ulla, quam quia arbitrarer cessare aliquan-

triper posse hoc literarium officium nostrum in tot adversis; præcipue morbo meo gemino, & conjugis, & liberorum, & ex hisce etiam mortibus suavissimi Gerardi, & pro sexu non inferioris Joannæ, unicæ filiæ meæ. Hanc taciturnitatem nostram minus te mirabitur nemo, qui scias quam alioquin etiam negligens in epistolis esse soleam. Hoc offendit non paucos: non te Clarissime & Amicissime vir, ut satis inde video, quod nihilominus mittere volueris Dordrechtum tuum; plerorumque liberorum, quos partim habeo, partim habui, natale solum, ut parentem meum mittam, quem ea in sacris doctorem habuit, & matre mea defuncta, alteris nuptiis non indecori familiæ innexuit, ut me quoque taceam, qui pueritiæ meæ studia illi debeo, & fortasse plura, quam acceperam, refundere sum conatus. Quorum ut video, ne tu quidem posteritatis pateris esse ignaram. Nempe sic stat sententia, quantum colligere possum, nullæ ut ad me, vel in publicum potius, chartæ prodeant tuæ, quæ non perhoneste meminerint veteris præceptoris: qui tamen quando tua legit, & se discipulum lubens agnoscit tuum. Atque illum affectum cognovi, ex illis etiam quæ decertata inter te, summe vir, & ~~tristis~~ Salmasium. Huic te respondere scribis, sane magis sic elucebit veritas, sed alternatio sit non altercatio, de quo plura scriberem, nisi probe mihi notum esset, quanti virum facias; quantopere etiam improbes Coprianæum & similibus scribendi morem. Vale vir præstantissime & amice, atque intra unum alterum mensem, opus nostrum de Gentili Theologia, & Christiana Physiologia expecta. Jamdiu prodiisset nisi & me valetudo mea meorumque impediisset, & typographus magnopere moraretur, qui sepositis nostris totus est in edendis quæ illustris Grotius in quatuor Evangelistas pererudite elaboravit. Spero ea ante Kal. Januarias lucem visura. Eximio Colvio, & quos alios nostri scis amantes salutem plurimam dicito.

Amstelodami c15 Ibc xl.  
post. Id. Novembris.

CCCXCIX.

Georgio Ratallero Dubletio Senatori  
supremæ curiæ.

Nobilissime, Amplissimeque vir,

Vicinum habeo indolis optimæ, honesti nominis, & ingenii industrieque minime expertem, quique adolescentior denis pluribusve annis, varia loca, præcipue Germaniam & Sueciam lustravit. Nomen illi Danieli Giot: patria Amstelodamum, unde & parentes tam ejus, quam conjugis, & hi & illi bene semper audierunt. Is subinde domum venit nostram, inque morbis liberorum meorum præ aliis plurimis fidem, amoremque, & noctu excubando, & aliis officiis comprobavit. Hac fiducia non dubitavi à me exposcere, ut quandoquidem vacaret prætura, sive Baillivatus Bevervicensis pagi, vellem se commendare tibi, quicum mihi amicitiam esse veterem ignorare non potuit, qui liberis tam familiariter uteretur. Ego vero maluissem quidpiam petere, ubi suffragio proprio aliquid sine incommodo tuo posses, quam ubi quis commendandus esset alteri: quod sæpe non possumus, (in me ipso expertus loquar) sine opera molestiore, ingratioreque. Verum cum virum honestum esse cogitarem, & parem muneri quod desiderat, non potui non despicere, ecquo juvare possum. Frontisne molliem dicam, quod negare amicis familiaribus nihil sustineam, an impudentiam, frontemque perfrictum, quod illum ad te mittam, ut auxilio vel si minus possis, consilio juves? Id mihi gratum erit, ne putet, mihi affectum duntaxat in labris natum, sed nihil interim incommodare tam occupato, & honorato velim. Videbis ipse melius, quid non sine dispendio possis. Scribo hac de re etiam, sed paucioribus, ad equitem D. Grasvinkelium: qui sine dubio non parum valet, & ut confido, prorsus etiam volet, apud Nobiliss. præstantissimumque D. Basium avunculum suum D. de Harincaspel. De his satis: præsertim quando tempora, quibus vivitur, cogitamus; nam multum metuo, ne irritum sit hoc totum negotium, ob copiam (uti reor) competitorum; quorum aliqui vel gratia, vel pecuniis possint amplius. Etsi nec Giotto animus deest, vel facultas, pro binis spondendi florenorum nostratium millibus. Sic ipse retulit mihi, cum aliquis objectaret, quid nunc obtineat. De rebus meis nihil habeo, nisi spisse procedere commentarios nostros. Dixeris nihil superesse, præter præfationem,

ap-



appendicem minutum & luculentos indices. Quæ an ipsa vix duodecim conficiant quaterniones, quantum conjecto, fateor: & addo, potuisse ista excudi, intra menses duos, sed enim præla jam defudant Grotii annotatis in N. Testamentum. Atque adeo in his edendis maurant, vel festinant potius, ut existimem, quaque hebdomade, non minus quam sex folia, (in significatione qua nostri *bellen* ex pellium voce nuncupant) excudere, plurium typothetarum opera, opere in uno occupata. Sed non mediocris hic metus meus, ut hic quoque locum sit habiturum vetus illud, quod de canis festinantis cæcis catulis dici solet. Urgeo subinde mea, sed respondent, cum sæpe eos sim moratus paratissimos, æquum videri, ut nunc moræ aliquantum ipse perferam. Et facilius sum hac parte ob causam quandam, quam me tacente etiam optime intelligis: nec alia ratio est, cur hæcenus non responderim postremis literis tuis. Cæteroquin scias nihil me præfaturum operi, nisi consulto Nob. Amplissimoque regni Anglici Oratore Boswello, cui queso quando otium erit, pl. & amicissimam meo nomine salutem dicito. Vale.

*Amstelædami* cl<sup>o</sup> Id<sup>o</sup> xl. *Tuus tuo merito,*  
Nonas Decembris.

G. J. Vossius.

CCCC.

Nobilissime Amplissimeque Dubleti,

**P**ostidie Kal. Januar. an. hujus cl<sup>o</sup> Id<sup>o</sup> xli. unde auspiciatus ordiar quam à voto? Id vero facio lubens meritoque; Deumque oro, ut tibi tuisque omnia succedant, non dico ex animi sententia (nec enim scimus quid expediat nobis) sed prout maxime Deus sensit conducibile esse animarum salutem. Hoc patris cœlestis iudicio fretus, facilius multa ut debeo perfero adversa: ac magis magisque in eam adducor sententiam, ut credam sospitatore nostrum in precatione ea quam edocuit Apostolos, non iussisse ut terrestris panis peteretur, sed cœlestis: non quasi nefas putem expetere illum, præsertim ubi defecit: sed quia existimem Christo apud Matthæum fuisse propositum animos nostros à terrestribus, de quibus usque adeo solliciti sunt, ad cœlestia attollere. Atque cursum animare debet quod promittit salvator, non si cessemus terrena exposcere, eo nos iis carituros: sed cum nobis curæ sunt cœlestia, & ista votis assiduis flagitemus, Deum sponte

nobis largiri velle, quæ ad vitam terrenam necessaria erunt. Præter ista quæ dixi, & plenius precationi dominicæ apud Evangelistam subjunguntur, & complurium sanctorum patrum auctoritatem, qui similiter sentire, & vocem ipsam *Θύσις*, quæ non alium panem signare potest, quam *Θύσις* *αἷου*, valde etiam in hac sententia firmat series ipsa precationis. Quid enim convenientius quam ut duo rogemus ista, ut bona consequamur, & simus immunes à malo? Bonum spirituale, tum finem attingit, tum viam, sive ut loquantur in scholis, media ad finem. Finis est gloria Dei, eoque poscimus ante omnia, sanctificationem nominis divini. Via complectitur hæc tria; primum, oblationem spiritus sancti, unde petimus, ut veniat ad nos regnum spiritus, & verbi divini: deinde operationem ejusdem spiritus, per quam voluntatem facimus Dei, non nostram; denique conservationem spiritus ejusdem, ac per eum perseverantiam nostri in fide & sanctimonia, quæ per panem futuræ vitæ indicantur. Obiiciant huic sententiæ adversarii, si per panem intelligamus alimoniam spiritualem, *οὐρανίαν* secundam petitionem & quartam. Sed hoc non dicerent, si cogitarent discrimen Baptismi & Eucharistiæ, ac Christum utrumque instituisse Sacramentum. Mitto alia quæ eos resellant. Ad immunitatem à malo venio, quæ respicit malum præteritum & futurum. Ad prius pertinet, ut remittantur delicta, quæ jam commissimus. At posterius, ut ne Diabolo permittatur tentatio & victoria de nobis. Ubi una erimus, paucillum super isto si vacabit dissertabimus. Equidem cum primo calamum in manus sumerem, non putabam me isthoc argumentum, & tam fuisse, ut nunc, tractaturum. Sed facilis ad amicum tantum (uno trium, quibus pro rebus humanis valde mihi placeo) & occasio scribendi offert, & argumentum. Nec negare tamen velim, fortasse me nihil fuisse scripturum, nisi Guiottus noster rogasset, ut aliquid ad aliquem exararem, quod ex re sua foret. Satis egi, eoque minus poenitet, quia sic spe video bona, quod luculentum tui & aliorum affectus indicium præbet. Bis locutus sum, & una mecum collega meus Barlaeus, cum Domino de Heemsted; is omnia prolixè pollicitus: sed volebat ut Guiottus serio secum perpenderet, num hæc conditio satis sibi conveniret, quandoquidem, si non Beverovicensem, sed alteram consequeretur, à Miropio hæcenus administratam, periculum foret, ne quandoque ad Dunkerkanos auferretur. Noster metuebat, ne hæc eo dicerentur, ut absterretur, & Olikannio, vel alii faventior foret. Interim  
ut

ut dixi, & mihi & Collegæ large promissit, & quia Collegæ memini, scias & tertium additum hodie Cabeliavium, nepotem ejus Cabeliavii de quo in Historia Borrii an. cl. l. lxxxvii. orationem inauguralem hodierno habuit die: scripsi post duodecimam nocturnam. Et scio longiores non exposcis, sive quia satis occupatus, sive quoniam quod omnes jubent, parcere me etiam valetudini meæ voles.

*Amstelodami, cl. l. Inc xli. diem quid addam?* nolo videri obliuiscus ejus quod initio Epistolæ scripsi. Quanquam si hæc culpa est dicenda, nec sic satis vitarim: nam & annum à me expressum nunc in mentem venit.

*Tuus tuo merito,*

G. J. Vossius.

Filii Matthæi alter Batavicorum Annalium tomus jam traditus est typographo; uti primus de domo Egmondana, ita hic futurus de Hannonica, & tertius de Bavarica, quartus de Burgundica. Mitto de reliquis.

CCCCI.

Hugoni Grotio.

Illustrissime Domine, vir Incomparabilis,

**P**ropè interdum est, ut adaptem mihi Cællianum istoc:

*Fulsere quondam candidi tibi soles.*

Videlicet dum mens in sano corpore sana fuit. Nunc ferè aliter est, dum vires, minus minusque solitis sufficiunt laboribus. Interea Deo gratias ago maximas, quod annis totis sexaginta, si paucos excepero morbos, qui in climactericum incidere, non corpore minus, quam animo valuerim, si deinceps pejus fuit, eò sic voluisse Deum arbitror, ut sarcinulis collectis, totum me componam, non ad exilium quidem, ut Gentiles dixeret, sed patriam, quo caput Ecclesiæ suæ ascendit. Bona tamen spes familiam meam habet, melius fore, ubi blanda Zephyri aura reduxerit nobis egelidos veris tepores: qui foras sinent exire, & ambulatiuncula discutere hunc penè dixero veterum. Id enim jam binis ternis mensibus, parum licuit, ob aera, penè assidue nebulis foedum, sane magis, quam à multis retro annis memini, non in septentrionali hac Hollandia modo, sed Australi etiam, ac vicinis Provinciis. Itaque alii, alio morbo

cubant. Tussientium vero è catarrhis crebris, ac molestis plena prope omnia. Hæc quæcumque solatiolum adferunt in morbo meo; magistamen quod non prorsus cogar libros abjicere; & non desint amici, qui alloquio reficiunt pio, & erudito. In horum numero, nunc est, optime & egregie de Ecclesia promerens, Joannes Duræus. Jam quasi hebdomas est, quod è Germania huc venit, à suis in Britanniam revocatus. Quid promoverit, ex literis ejus intelliges, quas ad te ut mitterem jussit. Plurimum autem metuo, ne in irritum cadant, quæcumque hætenus inter Lutheranos egit. Jam decennio, antequam ille hanc provinciam susceperet, nihil æque objectabant Lutherani, quam pacificatores omnes agere hanc causam malo dolo, ut nempe postquam pro fratribus agniti sint, simplicibus Lutheranis os sublinant, errores suos affricent, & numero auctiores facti *synodus* Lutheranos sedibus expellant. Atque hujus rei firmamenta adferebant partim ex veteribus exemplis, partim ex eo quod Synodus Dordrechtana, in damnanda Remonstrantium sententia, simul condemnarint Latheranam; partim etiam, quod Doctores in exilium egerit, auditorum coetus sub gravi poena interdixit. Ergo inquebant, ite ac prius componite controversias inter vos, & Remonstrantes, qui etsi in sacramentario negotio diffideant, æque ac vos, in dogmate tamen de prædestinatione propius abunt à nobis, plerique etiam plane consentiunt. Quamquam vero adventu D. Duræi, non omnino suam opinionem mutarant Lutherani: plerique tamen aliquanto melliorum de eo sententiam conceperunt, eo quod missus foret à Clero Anglicano. Nam agnoscebant, Ecclesiam, qualis sub Eduardo, Elizabetha, Jacobo, & hætenus sub Carolo fuit, seu doctrinam, seu ritus considerarent, propius secum convenire. Præterea videbant, vel rarè, vel nunquam, ab iis qui regimen, Liturgiam, & disciplinam Angliæ comprobarent, suas Ecclesias convitiis & maledictis fuisse impetitas: quod, aiebant, à maxima parte aliarum Ecclesiarum fieri solere. Sed quid animi nunc, ad ineundum cum Ecclesiis Gallicis, & Belgicis, fore putabimus, ubi cognorint, hoc agi in Britannia, ut accusatis, damnatis, ejectis omnibus, quos non longè à se abire, & omnino modestiæ, & pacis amantiores credebant, triumphant soli, quos ipsi Calvinianos, in Anglia autem Puritanos nuncupant? Equidem horreo, quando cogito quæ Londino à plurimis, sed ferè Puritanis perscribantur; præcipuè de Reverendissimo Archiepiscopo, cum in custodiam abductum, perduellionis reum. Liber etiam his terris (urbe certe dicere non possum) Latine editur hujus argumenti,



menti; precipites nimis fuisse Scotos, in abjurando Episcopatu; nec Anglos sine Hierarchia hac posse regi; sed recidenda stipendia, longe maximam partem; sufficere singulis ternas quateras, summum quinas libras sterlingas: meliores verò sufficiens in locum emulorum; in his Wrenni, Montacutii, potissimum Archiepiscopi Cantuariensis, quippe intus, & in cute (utrumque adhuc aliud simulet) Papistæ. Hoc etiam abundè comprobari, ex Opere Anglicè, adversus Jesuitam; dum Menevensis [S. Davidis] esset Episcopus, per scripto & postulato Regio, superiori anno, pluralis additis recuso. Objectatur quod de Ecclesiis Reformatis h. e. Puritanis, sinistros habuerit sermones; imò (quam hoc verè dicatur nescio) Calvinum vocarit Nebulonem. Et hæc propter, gravis instituitur querimonia, quod istoc ausit contra magnum illum Heroa, terre filius, cujus Natales satis noti sint in Britannia. Quasi non ad majores etiam dignitates evecti sint alii, qui non tam honeste nati, ac ille Noster; sed neque de Papismo quod aiunt, in animum possum inducere; cum & coram, & literis non unis, me fuerit adhortatus, ut Baroni responderem. Longè eliter etiam de eo prædicant, apud me qui maximè illi familiares. Metuo igitur, ne Papismum, ut vulgò fieri amat, vocent id omne, quod Puritanæ respiciant, utramque vel semper, vel prius saltem seculis obtinuerit in Ecclesiis Christiana. Et sanè absolvere illam ab hoc crimine possum, quæ in Synodo Cantuariensi & Eboracensi, sub utriusque Archiepiscopi præsidio, adversus Papistas, uti & Socinianos, sunt decreta anno superiori. Visa tibi arbitror. Mihi quidem exemplar, ab ipso D. Archiepiscopo transmissum fuit. Et iis quibus innotuit ejus erga me affectus, villioris me præti idcirco putant. Non soleo tamen, de ejus erga me amore quidquam jactare. Novi enim nostrorum invidiam, ac mores; sed ex Anglia venientes hoc dissuaderunt. Et in his amplissimus Dordrechtanorum Consul, in Angliam nuper Legatus, Guilhelmus Beverius, nisi is Cornelius potius, retulit non uni, quomodo, cum de variis Regni rebus, cum reverendissimo Archiepiscopo esset colloquutus, & jam utriusque curru diversam insisteret viam; miserit famulum, qui paulum insisteret curru Beverianum: tum alterum alteri occurrisset: ceterum Beverium grande quiddam expectasse; Archiepiscopum verò non aliud postulasse, quam ut amicissimo suo Ger. Jo. Vossio plurimam diceret salutem. Hoc qui audire, *maritus* factum negant. De salute quidem ex ore Consulis, ac Legati accepi, sed de cætero reticuit. Leve tamen delictum, & cui facile ignoscant,

qui sciunt, quam paucos in Batavia sit invenire, qui cum mediocri Doctrina, animum ad componendas Ecclesiæ lites adferant. Neque hæc dico, quod ad rem tantam videar idoneus: sed quia ad excusationem ejus multum valeat, quod me talem putarit. Tu quoque Illustrissime Domine, multum sermone variorum vapulas, quasi istis in Anglia Papistibus faveas. Imò Papaturientium istic gratia, de Antichristo eam fovere sententiam diceris, quam diatriba tua complexus es: scio te istac calumnia non terreri. Tamen metuo, ne & alii deinceps adversus te exurgant, & virulentum calammum stringant. Jam credo videris, & alterius Galli, sed in Gallia agentis, nec de nomine tibi ignoti Antidia-tribam. Aiunt, & Voetium quædam moliri; sed *maritus* missis, aliquid etiam dicamus de tuo in Evangelistas IV. Commentario. Is videtur intra tres hebdomadas posse absolvi. Ternis proximis excudent diatribas tuas, & Indicem, una cum erroribus commissis, quos interea temporis à te missum in sperant. Opus nostrum de Idololatriæ origine, & rerum naturæ spissè procedit, non solum culpa Typographi, qui totus in tuis defudat; sed etiam ob invaletudinem meam, quæ non permittit, ut sim qui in meis esse soleo. Et sanè si per Typographum liceret, mallet, ad menslem unum alterum, differre editionem operis nostri, in cujus Indicibus quatuor operosis, pro totidem libris, nunc occupatur Opere Typographice. Utinam verò non morbus me etiam impediret, quo minus sæpius Typographum excurrerem, & ut tua procedant, attenderem. Nunc toto mense, imò & altero, vix pedem extra domum pono. Et rarè satis consulor ab correctoribus. Jam aliquandiu est, quod quaternionem ad me misere, in quo pag. 768. ubi vidi in *αὐτοψία*, vel potius inde exscripto *αὐτοψία* pro *αὐτοψία*: Item *αὐτοψία* pro *αὐτοψία*. In postrema etiam pagina, in eodem exemplari fuit Thedotio pro Theodotio, *αὐτοψία* pro *αὐτοψία*. *Νοῦα αὐτοψία*, pro *αὐτοψία*. Hæc similiter Typotheta posuerat, nec noster ille correxerat. Vellem Brenius solus par fuisset labori, qui talium intelligentior est emendatore altero. Equidem sustuli illa quæ dixi; quia adhuc integrum erat corrigere, sed vereor, ne ejus generis multa relinquantur: satis præsidii, dum ponant, in eo quod transmissum exemplar. Quasi in iis, qui absente Authore excuduntur, non opus sit, ut Typographi pretio nulli parcant, in parando sibi homine, ad emendandum idoneo; non ea modo, quæ Typotheta peccant, sed etiam authoris Amanuensis. Quod me meaque placere maximo Salmasio scribis, gaudeo. Nempe utriusque vestri, & aliquot aliorum, qui cum doctrina vir-

virtutem & candorem, rem raram, conjungere, solari me soleo, adversus obrectationes Phœniculi, cum suo Hyperaspiste, & aliorum, qui toti ab eo pendent & in ejus gratiam, à quo laudari in scriptis exoptant, non cessant cedere te, Salmasium, & hunc homulum, qui ita scribit. Uxori heroinæ, quam salvam rediisse in Gallias lætor; & liberis tuis, meo, uxoris, & filiorum nomine salutem dicito.

*Amstelodami,*  
1641. post.  
Id. Jan.

*Tuo illustrissimo no-*  
*mini devotissimus,*

G. J. Vossius.

## CCCCII.

*Reverendo & eximio viro, D. Isaaco*  
*Barggravio, S. Theologiæ Doctori, Ve-*  
*nerabil. Canon. Cantuariensium De-*  
*cano.*

Reverende Dom. Decane,

**J**amdiu est, quod nullas ad te officii atque amoris testes literas misi. Nimirum cessare volui, donec mitterem volumina bina de Gentium sacris à Deo abducentibus, & naturæ mysteriis adducentibus in admirationem & cultum veri numinis. Nec tamen diu adeo distulisse literarium hoc officium, nisi varii rumores de Anglicanæ Ecclesiæ statu quodammodo reddidissent in nonnullis animi incertum. Sed spero, Deus definet peccatis omnium irasci, ac veritatis, ac ordinis publici amantibus faventia sua adspirabit. Ac pro isto quidem assidue ad Deum preces fundo. Opus nostrum gratum tibi fore confido; uti & symmytis universis. Fusè satis de illo scripsisse mihi videor epistola illa, quæ non uni tibi, sed toti Canonicorum inscripta Collegio. Quare ista non iterabo, sed te solum rogabo, ut exemplar hoc, quod particulatim tibi mitto, boni consulas: nec tam in eo donum attendas, quàm affectum donantis. Atque idem de Dionysii mei Maimonide dixerò. Scivi id te facturum, me non poscente; sed metuebam, ne si de eo filuisssem, non eximiæ humanitatis tuæ fiducia neglexisse viderer, sed arrogantia aliqua, quasi hoc mihi deberi putarem. Tu verò Reverende D. Decane, vel paucos intra menses alia itidem expecta. Nam vobis omnibus præclare muneris vestri satagentibus, minimè committendum mihi ex-ultimo, ut præter ea quæ publicè docendo in Illustri hoc Gymnasio Belgis præsto, aliisque huc commigrantibus, tanquam ad mercatum

bonarum artium, non etiam scribendo procudam ejusmodi, quæ florentissimis Angliæ vestræ, imo jam meæ quoque ingeniis, placere posse confidam. Nimirum in eo sum totus, ut bene merear de Ecclesiæ & Rep. literaria, non his modo terris, sed etiam exteris, Angliæ cumprimis, quæ tot jam me nominibus obstrictissimam tenet. Eadem mihi hoc consequi videor, ut orbis videat, ordinis nostri homines publicis invigilare commodis; quippe ubi in hoc tantopere etiam defudent illi ipsi, qui impediuntur variè, quominus sint præsentis.

Vale, Reverende atque eximie Domine Decane, cumque optima conjuge & liberis à me salve: præsertim salutem à me dici velim præclaræ spei filio, quem hic cum summâ voluptate vidimus coram. Utinam modò sic res ejus tulissent, ut ego illo, ille me diutius frui potuisset.

*Amstelodami,*  
Id. Jan. xli.

*Tui reverendi nominis*  
*cultor,*

G. J. Vossius.

*Paucula infra scripta ad Epist. 424. spectare*  
*Lector facile deprehendat, huc Exscriptoris*  
*incuriâ transposita.*

Denuò te compello, magne & Reverendissime Domine; quæso ignosce. Addidi exemplari ad te misso alterum tuo simillimum, ei, si sic res ferat, dandum cui imprimis debui. Pro tua prudentia, quid facto sit opus, melius me perspicies. Item duo alia vulgari ratione compacta; unum pro eo, quem oblitus fuero; nec enim dubito, quin aliquis mihi præteritus sit, dum sic propero, cujusmodi sollecissimi faciem mihi veniam fore confido, apud eximiæ adèb humanitatis virum. Alterum autem mitto pro ornatissimo viro, qui Reverendissimæ dignitati tuæ est à secretis. Nempe non minus potui vel debui, quando ab eo exoptem mihi hanc operam dari, ut curâ illius, per famulitium aliquem singulis mittantur ea exemplaria, quæ tanto numero mittuntur. Iterum reverendissime & illustrissime Domine, salve à Vossio, nomini tuo æternum obstricto.

*Libellus memorialis pro ornatissimo*  
*D. Secretario.*

Mitto exemplaria octodecim. Compacta quidem duodecim: quatuor Reverendissimo D. Episcopo Londinensi: duo duabus Academicis. Septimum D. Usserio Archiepiscopo Armachano. Octavum D. Episcopo Ciceriensi. Tria adhuc Cantuariam destinata; unum universo Canonicorum Collegio; al-

B b b

terum



terum particulatim D. Decano, & tertium Casaubono. Superest duodecimum affini meo, Francisco Junio, agenti in ædibus Arundelianis. Sex insuper sunt incompacta; unum Doctori Steward: tria Londini agentibus, D. Patricio Junio, D. Seldeno J. C. D. Th. Farnabio. Duo Oxonium mittenda, D. Rouse bibliothecario & D. Ed. Pococke, ex Syria reverso. Confido autem affinem meum D. Junium, paulò antè memoratum, modò in Urbe agat, simulatque cognòrit advecta esse exemplaria, lubentem se additurum socium in exemplaribus procurandis, si ita opus videatur.

*Inservire vicissim in omnibus  
paratissimus*

G. J. Vossius.

### CCCCIII.

*Guilielmo Boswello Equiti, & Serenissimi Regis Caroli ad Fœderatæ Belgicæ Ordines Prolegato.*

Vir Illustris, atque eximie,

**H**OC etiam nomine nunc debeo tibi quod certior me facere volueris quo loco res forent Reverendissimi Dom. Archiepiscopi optimi Mecænatis mei. Non minus obstringor ista etiam parte ipsi Dom. Archiepiscopo Cantuariensi, qui, & suis & totius Régni ac Ecclesiæ Britannicæ rebus ita perturbatis, nostri tamen cogitationem non deposuit, deque statu suo me voluit edoceri, idque per te virum eo loco constitutum, & amicum communem. Atque ego quam primum Literis tuis respondi, nisi in mentem venisset, satis fore si unam alteram hebdomadem hoc officium differrem, quo interea cognosceremus, quem exitum istorum sperare tandem liceret. Sed jam dies illi evolarunt, & æquè incertus sum ac dudum. Qui Literas subinde à Britannia hæc accipiunt, aiunt propediem fore, ut rejectis vetustatis quisquiliis, Ecclesia Anglicana adinstar Scoticæ componatur, nec vel nomen Episcopale fando audiat, solaque obtineat Apostolica, & doctrina, quam ab anno usque cl. LXVIII. sed præcipue hoc Archiepiscopo oppressam conqueruntur. Hos si audimus, non de Archiepiscopali modo dignitate, sed Archiepiscopo etiam actum sit. Deus meliora. Tu Vir illustris quod fidei habendum sit melius perspicis. Ego interim

assidue vota fundo pro serenissimo Rege Carolo Regiaque familia, ac Regno & Ecclesia, particulatim etiam pro Reverendissimo Cantuariensi Archiepiscopo. Quem quod Papistam aiunt, id ejusmodi est ut nihil à vero alienius dici posse arbitror. Scio studiosissimum semper fuisse veteris Ecclesiæ, & Anglicanæ illius, quæ Eduardicis obtinuit temporibus. Sed hoc si fuerit Papista esse, mirum à Regina Maria tam multos, quia sic saperent, ut hæreticos fuisse vivicomburio & aliter sublato. Nec excidere possunt sermones quos coram non semel habuit mecum. Iis semper adhortabatur, ut annalibus Baronii responderem, quod & non unis ad me Literis fecit. Tamen fore puto paucis diebus, ut Liber in lucem exeat latinè, quo hoc propositum sit auctori commonstrare Reverendissimum Dominum, quem dixi intus & in cute Papistam esse, atque hoc ipsum evincere conabitur locis quamplurimis operis ejus, quod cum Menevensis etiam Episcopus foret, adversus Jesuitam quendam perscriptit, & anno superiore postulato regio recudi Londini iussit. Intellego & ex viris bonis doctisque qui Librum videre, hoc exprobari vehementer Reverendissimo Præsuli, quod Calvinum vocarit nebulonem. Id factum non credam, nisi oculis locum conspexero. Ea igitur occasione invehitur in D. Præsulem quod tantum Heroa sic nuncupet is, cujus, ut ait, natales adhuc in Anglia omnibus sint cognitissimi. Ex hujusmodi non difficile est conjecturam capere de cæteris. Utrum vero in Batavia is Liber mandetur typis an alibi, Anglia puta, vel terra quapiam Belgicæ fœderatæ, ne illis quidem constitit unde hæc hausi. Quod ad commentarios nostros de Gentili Theologia & Physiologia Christiana, solum superest, ut excudatur Index Libri quarti, ac operis præfatio, dicatioque. Index intra duas erit hebdomadas absolutus. Urgebit deinde typographus cætera: cujus interest ut opus quam citissime prodeat. Ego quas potero moras nectam, diu tamen hominem querulum & lucri cupidissimum eludere non licebit. Vellem excurrere Haggam ut una de negotio hoc tecum consulerem, uti & Nob. & Ampliss. Dubletio. Sed non finit valetudo, quæ jam me tribus hebdomadis detinuit domi. Objectat Uxor quod ex quo scæva illa de Reverendissimo D. Præsule variorum Literis huc perscripta, pejus coeperim valere. Mihi tamen satis bellè videor, & proprias ferre & amicorum fortunas: sæpeque cogito fidelibus etiam adversa omnia in bonum cedere, & ut Chrysostomus pulchre Homilia quadam comprobavit, neminem lædi nisi à seipso. Sed fortasse memet non

non satis novi. Et diffiteri non possum cum primum hunc nuncium acciperem, vehementer me dolore fuisse affectum: partim quidem propter Reverendissimum Præfulem, & alios quosdam magni nominis, quorum ego & virtutem ac doctrinam & veteris Ecclesiæ amorem semper feci maximi: partim verò ac imprimis, quod Regno diu florentissimo à magna metuerim immutatione: quæ raro felix esse consuevit: nec nunc felix esse possit, si ut exoptare multos video, futura est imminutione Majestatis Regiæ, & non levi despectu Ecclesiasticæ vetustatis: quam si mei res foret arbitrii corrumpente indies Papatu toto orbe velim magis & magis triumphare. Sed spero metus nostros fore vanos, quales sæpe hominum Scholasticorum esse solent. Vale, Illustrissime & Excellentissime Vir, & cum Uxore lectissima salve ab

*Amstelodami v Kal. Feb.  
clō lōc xlii*

*eternum tibi devo-  
tissimo,*

G. J. Vossio.

## CCCCIV.

Joanni Beverovicio Senatori & Medico  
Dordrechtano S. P.

**A**N quia & ipse Palæmonis arte non pauca consignavi, Amplissime Beverovici, eo similiter sapere me putas ac nobilem illum Grammaticum Vicentinum: qui tam stulte sapiebat, ut putaret nomen solum propterea à Marone positum esse in Bucolicis, quod prælagiisset, ipsum quandoque fore judicem poematum ac poetarum.

*Non ea vis animo, nec tanta superbia nobis,  
Nec tam aversus equos Batavis sol jungit ab oris.*

Nunquam ego vel de poetis, vel de aliis summis viris, quale hoc par quod me scis dicere, judicium mihi vindicabo. Et profecto qua parte ego, & Vicentinus ille, si artem quodammodo communem exceperis, convenimus: Ille natas secum, & morituras aiebat literas. Ego vix ausim inter litteratos nomen profiteri meum. Literatorem dici sinent, qui non aliud objectant, quam quod illustris vestræ urbis proceres juvenem me Gymnasio suo præfererint. Præterea Vicentinus iste Varronem vocabat porcum: mihi cum illo omnium togatorum doctissimo bene convenit, nec minus cum nostri seculi Varrone, *τῷ πρῶτῳ* Salmasio, quem toto orbe ob-

stupefcit quicquid pene est doctorum; nec minus omnis admirabitur posteritas. Dixeris, ista *ἐστὶν ἡ ἀρετὴ τῶν σοφῶν*. Exposui judicium meum de Metonymico isthoc loquendi genere, equidem non defugerem hunc laborem, nisi certus essem, solum dicis, vel honoris gratia, hoc judicii mihi à duobus summis, & mei amantissimis præferri. Quid enim sit statuendum videtis per vos ipsi, & hoc videre vos vident omnes: vel ex literis super eo à te scriptis quilibet, non solum Vulpius tuus, viderit sententias ambas à veritatis & pacis studio tam facile posse conciliari, quam vulpes pyrum comest. De adversa cognati Roverii valetudine multum doleo, semper enim ingenium illud amavi, eaque expectavi ab eo, quæ & Reip. literariæ plurimum prodesse, & decus tum ipsi, tum familiæ, & urbi patriæ adferrent. Sed nescio quomodo fiat, ut præclara ingenia sæpe fugitania sint laboris: præsertim si fuerint in re lauta. Confido tamen compluria jam chartis commisisse, quæ si quid humanitatis illi obtinget, à fratre vel te aliove in lucem promi mereantur. Cum postremo eum Dordrecht inviserem, aiebat multa se observasse in opere nostro de arte Grammatica: quæ communicare mecum vellet. Sed tam longo tempore nullas ab eo literas accepi. Si possis ex eo elicere, quæ ista sint, vel persuadere, ut ipse transcribat, rem feceris gratissimam. Nec editione proxima obliviscar grato animo ejus meminisse, unde accepi. Scio abunde, utcumque innumeros pene errores aliorum castigari, & ab opere eo edito, alia non pauca venerint in mentem: tamen sic quoque grande me spicilegium aliis relinquere. De Cassiano sic habe, amare me eum scriptorem; sed nescire utrum sit codex bonus, & pervertus, ut operæ videatur eum à me meisve conferri: deinde multum interfit, num fuerint libri tres de incarnatione; an vero xii. de institutis renunciantium; vel xxiv. de collationibus Patrum. Primo quod opus loco dixi, omnino volupe sit conferre cum Ms°. multis adeo locis medicam manum desiderat. At posteriores commentationes Romæ ex antiquissimis codd. innumeris locis repurgatæ à viro nunquam satis laudato Petro Ciaccinio, ea editione hætenus utor: raroque omnino est ubi offendam: neque nunc tantum otii est, ut cum Ms° conferre valeam; si tamen codicem veterem venalem viderem, ære eum meo compararem, idque hoc animo ut per otium nunc hunc nunc illum locum consulerem. Ex his quid fieri velim, tu te facilius judicabis, qui, ut arbitror, scriptorem elegantissimum videris. Sed ecce vix ista scripseram, cum intervenit Isaacus meus,



elegantiarum, & variæ eruditionis mire curiosus. Is, ut audiit me literas ad te parare, de Cassiano sponte quærit, & Scriptoris ejus sibi inspiciendi, & conferendi potestatem exposcit. Quare isthoc etiam adscribendum putavi. Uxori optimæ plurimam dic salutem: simul (ne pluribus te onerem) pari optimo & charissimo Amplissimo Cos. Witto, & φιλοσοφῶν And. Colvio nostro.

Amstelodami, iv Kal.  
Febr. An. 1641.

Tuus omni officio,

Ger. Jo. Vossius.

# CCCCV.

Ludovico Crocio, *Theol. Doctori*,  
Ger. Jo. Vossius S. P. D.

JAM menses sunt aliqui, quod Londino nos Amstelodami invilit affinis meus Franciscus Junius, Francisci filius: is inter cætera retulit, jam diu esse, quod urbis vestræ Medico Doct. Timplero pecuniæ aliquantum mutuo dedit: Nec ea sibi refundatur. Eapropter literarum aliquid ad eum scripsit, quo autem vellat satis hac parte oblioso. Receperam ego me literas ejus inclusurum istis quas ad te daturus essem propediem. Ita enim fore putabam, quia raro non aliqui adolescentum, qui studiis se dederunt, hinc ad vos commeant, quorum alicui literarum hoc perferendum tradere in animo erat: sed præter opinionem contigit, ut jam longo tempore me compellarit nemo. Et credo, propter hibernam tempestatem perpauci in viam se dederunt. Accessit prius quidem morbus meus, qui me hebdomadas sex afflixit: mox pessima uxoris valetudo, quæ adhuc eam vexat, ita jacuerunt literæ prope dispretæ: ut non injuria dici possit, vix aliquid in isthoc literario genere curari negligentius, quàm quod conjunctissimis commiseris. Cæterum sat peccatum adversus charissimum affinem: qui alteras jam ad me literas dedit, quibus miratur se nihil à Doct. Timplero accipere responsi. Rogo igitur, per quempiam tuorum has tuis insertas deferri ad eum cures. Dices cur non potius hoc tabellario mandasti? Sine circuitione causam exponam. Plerisque hoc in more positum, quando per literas commonentur æris alieni, ut dissimulent, quasi acceperint nullas: ac subinde etiam scrupulus injiciatur creditori, quasi tabellarius haud probe functus sit suo munere. Nec propterea existima me aliquid odiosi imponere tibi, qui nihil ultra exigo,

quam ut literas sciam traditas esse. De causâ scriptionis pro tua prudentia facile dissimulabis, neque enim tam longi temporis cessatio (complurium sane annorum) sat fuerit ex ejus honore, neque fortassis literæ hæ ex meo, qui neutiquam habeo in mandatis, ut cum quopiam hoc negotium communicem. Ante hebdomadas plus minus quatuor transiit hac optimus doctissimisque Joannes Duræus, qui præclare admodum de te sentit, & loquitur: non item de ingrato illo zelota qui tibi ac veteribus collegis tuis tantum invidiæ, atque odii consilare his terris per literas conatus. Equidem permultum vereor, ne Duræo à suis domum revocato multorum refrigescat ardor in hoc *eigenen* negotio: non quasi ab uno hoc pendeat negotium: sed quia qui miserant eum, non tantundem poterunt deinceps, si negotium processerit in Anglia ex sententia Parlamenti inferioris: in quo prope omnes ad faciem Genevensis Ecclesiæ reformari ecclesiam malle dicuntur, quam ad formam Edvardi vi. vel Elizabethæ tempore receptam. Non desino Deum orare, ut Spiritu S. & serenissimum Regem & proceres regni gubernet, ne zelo improvido Ecclesia Catholica aliquid capiat detrimenti. Scis suum honorem Calvino, & Beza, magnis sane viris, deberi: sed & suum debere esse pretium antiquitati, & istis Ecclesiæ Doctores, qui ad antiquitatis normam, ubi à scripturis non abiret, instaurarunt Ecclesiam Anglicanam. In quibus non modo tot magni Angliæ viri fuere, sed etiam Pet. Martyr, & Martinus Bucerus, quem quanti Socer meus Junius facere soleat haud facile dixerim. Sine dubio jamdudum intellexeris de excessu summi viri, & mihi peramici Doct. Fr. Gomari: in quo maximæ virtutes: quas tamen aliquantum depreciebat zelo, & animi impotentia. Aggressus erat te quoque, summe item vir, & amice, publice refellere, sed sic ut nemini parceret. Contentus erat dicere (si vera mihi ejus discipuli referunt) novum Lutheranorum hyperaspistem. Multa propter Christum, & sponsam ejus concoquere debemus: non Spartana, sed Christiana patientia. Obiit xi. Januar. terræ mandatus xviii. ejusce mensis. Spero te progredi in iis, quæ & veritatis, & concordie causa præclare es exorsus. Minor eris multis hominibus cordatis qui te in cœlum tollunt, si sufflaminare te valent nonnulli omnia novellitate merientes. Mihi jam ad umbilicum perducti libri vi. de Theologia gentium, & Physiologia Christiana. E quatuor indicibus, jam postremus est sub prælo. Simulac excusum erit opus, è primis eris, quem participem faciam. E paucis enim

enim es, quorum pietatem doctrinamque, cum iudicio hoc tempore æstimem. Plurimam salutem clarissimo Bergio, Willioque nuncia.

*Amstelodami.* cl. Id. xli.

Non. Martii.

G. J. Vossius.

CCCCVI.

Andræ Riveto *Theologo.*

**S**I ego homo umbraticus, & qui angusto Scholastici titulo contentus semper fui, relatus unquam fuissim in numeros hominum elegantiorum, metuerem, ne tuo etiam viri ac pariter amici summi iudicio, inde expungerer jamdudum, quod toties peccem in leges eas vivendi, quas prudentiores, & ad unguem facti, exacte adeo observant. Nam ut mittam vetera (grandis enim est talium meorum Solæcismorum seges) quam rusticum plane quod nunc dicam. Miseras mihi auricolum vatem veteris in Philosophia doctoris mei, nunc etiam in Canoniconum Cantuariensium Collegio, Collegæ honoratissimi. Magni Molinæ nomen adderem, si hoc inter nos esset opus, qui taciti etiam veneramur nomen, quod orbis prædicat universus. Num vero vel auctori præclari operis, vel tibi, qui miseris literatis egi gratias ut oportuit. Non Amyclæ magis tacitæ Vossio tuo: Defensitare hæc non possum: est tamen quo me purgem. Animus erat ad pauculas hebdomadas differre officium scribendi, ac unâ tum tibi pariter, tum affini tuo, transmittere qualecunque *arsidæ* nostrum de gentili Theologia & Physiologia Christiana. Jam ad umbilicum perpemodum mihi perductum hoc opus videbatur, cum in morbum prius ego, postmodo uxor incidimus. Hebdomadas ea res multas morata est Typographum. Redii postea ad labores. Operæque ut videri poterat perfectæ, cogitare de luculentis indicibus corpi. Hæc res non exiguo mihi in tantis occupationibus labore stetit. Aliud accessit; Multa cepti desiderari in iis, quæ jam excusa. Itaque & auctarium suum singulis subjeci libris. Nunc tandem & ista typis commissa. Cum ecce à filio Isaaco intelligo (& is indicium ejus rei tibi se debere probebatur) prodisse in Galliis opus novum de Gentium Theologia. Non putavi mea in lucem protrudenda, donec isthoc vidissem. Negavit se habere Elzevirius: is qui hac in urbe degit: sed ejus causa scripsit Leidam ad

cognominem Typographum. Hesternum decimum vespere, is Elzevirius, quem hic degerat aiebat, domum meam venit, ac narrat, ut navis cum è Galliis appulsa sit, quæ Bolduci Otia Christiana, in quibus multum ad nostri operis argumentum pertinentia, inter alios libros apportaret, atque hac hebdomade me habiturum. Moras igitur neccam, ut videam, ecquid sit, quod necesse habeam, vel nova appendicula, aut præfatione, vel aliter commonere. Simulac vero perfecero, è primis eris, quibus sum officii ergo missurus. Atque idem habes de eximio affine tuo: cui non minus quam lectissimæ conjugis tuæ, meo nomine salutem dices, quando otium erit vel occasio scribendi. Gratularet præterea familiæ vestræ, si quod dictum mihi, filium esse sponsum, constaret; sed ubi certiora cognoro, hoc inter alia novarum mihi literarum argumentum esto.

*Amstelodami* cl. Id. xli.

ix. Kal. April.

*Tuus omni studio,*

Ger. Jo. Vossius.

CCCCVII.

Guilielmo Archiepiscopo Cantuariensi.

Reverendissime in Christo Pater, Domine Illustrissime,

**S**atis scribere nequeo, quam diu nocturnæ æstuet animus meus decumanis magnæ Britannicæ fluctibus, pariterque affectus mihi optimus quisque videtur; tanto magis quanto quisque genuinæ Reformationis à sermone Pontificio, ut intelligenti, ita amantior est. Et sane si tanti fluctus etiam Marpesiam caute commovere posse videantur: quomodo hic *dividit* fuerit, quem tum beneficium à Serenissimo Rege in Cantuariensi Ecclesia mihi collatum, arcè adeo Cantuariensi Archiepiscopo colligavit: tum etiam tot tantæque beneficia tua tantopere obstrinxerunt eidem. Nec solamen hic facile invenio, præterquam in voluntate Patris Cœlestis, absque cujus voluntate, nec capillus defluit nobis. Multa ille facit, multa permittit humano sæpe ingenio impervia, sed æquis semper causis subnixæ: dura quidem Carni infirmæ; sed contestante Apostolo, salutaria semper diligentibus Deum. Cujusmodi prudentiæ Christianæ præcepta nihil opus memorare illi, cui ad humanos casus semper robur & æs triplex circa pectus fuit. Hæc Spiritus sui gratia nec deinceps Dominus te, ut confido, destituet. Nos interea quotidie preces



preces ardentissimas coram Deo fundimus, ut porro te spiritu suo regat ac moderetur; & si sic voluntas ejus, quæ sola est sancta, ferat, in annos plurimos Ecclesiæ suæ servet incolumetn, Serenissimi Regis, ac universi Regni bono.

Hagæ Comitum,  
c15 Ibc xli.  
Aprilis St. Greg.

Reverendissime tue & Illu-  
strissime Dignitatis filius  
devotissimus,

G. J. Vossius.

ne graveris communicare. Beneficium com-  
feres illi qui ex Laurentium Lege, alienum  
nihil attollat in armum; sed candide suo  
quæque auctori transcribat. Vale, vir sum-  
me pariter atque amice, ac cum Uxorem  
lectissimam tum reverendum D. Decanum  
& universum venerabile fratrum Collegium  
plurimum saluta.

Amstelodami, c15 Ibc xli.  
vi. Non. Apr. St. Vet.

Tuus tuo merito,

G. J. Vossius.

# CCCCVIII.

Merico Casaubono.

Reverende & Clarissime Casaubone,

**P**ostulato id dedi filii mei Isaaci, ut Bri-  
tanniam mox & Galliam visere liceret,  
lustrareque nobiliores Academias, & Biblio-  
thecas, coram etiam compellere viros per or-  
bem illustres, quo & doctior & prudentior  
patriæ se postea sistat. Sed quod dici solet,  
pecuniam esse belli nervum, id non minus  
in studiis & itineribus capropter institutis  
locum habet. Quapropter rogo, ut dum in  
Britannia agit, (id non ita diuturnum erit,  
quando in hac senecta nihil æque desiderem  
quam ut cito reducem liceat complecti) cu-  
ra atque opera tua recipiat, quantum mihi ex  
trimetri spatio mense Decembri anni superi-  
oris, puta supra millesimum ac sexcentesi-  
mum quadagesimum cedere convenit. Sin  
jam Mercatori Londinensi Hoofdio id annu-  
meraris, illas viginti quinque libras Ster-  
lingicas percipere queat, quæ liberalitate re-  
gia meo commodo expirarunt mense Martio.  
Sive filio sive Hoofdio pretium hoc annume-  
res, perinde erit. Opus nostrum, de quo sæ-  
pius scripsi, vix ante menses bings videre  
poteris. Nam mense opus erit, priusquam  
Typographus absolverit. Inde aliquid tem-  
poris sibi vindicabit, quod nonnisi compacta  
mittere amicis exemplaria soleam. De mo-  
tibus Britannicis quid scribam, vel non scri-  
bam planè non video. Ita hic omnia augu-  
rantur alii læta, alii tristia. Deum assidue  
oro ut moderetur sic corda præcerum, ut  
omnia fiant regni & Ecclesiæ bono. De re-  
bus meis quid scribam? Si filius Cantuariam  
veniet, is (ita fore confido) pro viva  
erit Epistola. Inter alia decretum ei in  
lucem dare Ptolemæi *γεωγραφικη*. Cum variis  
jam editionibus contulit. Si quid ad eum  
scriptorem observaris, vel aliquid eo perti-  
nens ex paterna habeas Bibliotheca; rogo

# CCCCIX.

Johanni Rouse V. Cl. Ger. Jo. Vossius.

Præstantissime & Amicissime Rouse,

**H**AS qui literas desert, is Isaacus est me-  
us, filiorum natu minimus; qui ante  
biennium Periplum Scylacis Caryandensis  
cum translatione sua ac Castigationibus *τοῦ* *πλοῦ*  
Salmasio dicavit; posteaque emisit brevès in  
Trogam sive Justinum Notas; prætereaque  
parata habet alia haut pauca; in his Ptole-  
mæi *γεωγραφικη* cum variis collata Codicibus,  
Notisque à se illustrata. Quæ redux ad nos,  
si ita tulerit divina bonitas, publici juris fa-  
ciat. Nunc ei me non invito, sententia se-  
det videre Britanniam Galliamque, occasio-  
ne quidem Nuptiarum inter augusti Regis  
prolem & Principis nostri Aragonis filium  
(nam quem non capiat tam excelsum  
Principum conspectus pompæque sublimi adeo  
forti conveniens?) Sed si bene filii animum  
perspexi, non paullo magis ut doctrinæ  
pectus augeat, tot florentia utroque in regno  
lumina cernat, & quia vocalia sunt, affati-  
bus etiam pascatur; adhuc Bibliothecas lu-  
stret, oculis quantumlibet curiosis; inque  
Britannia illam imprimis toto orbe inclytam,  
cui hæcenus feliciter præes. Nunc igitur  
te clarissime ac charissime pariter, etiam at-  
que etiam pro amore nostro rogo, ut ado-  
lescentem in hoc instituto suo, consilio &  
auxilio juves; planeque hoc agas, ut quan-  
tum potes sine tuo vel publico incommodo,  
debere se tibi profiteator. Si bene animum  
filii novi, sementem seres in agello, qui non  
facile eludat spem coloni. Nec enim patie-  
tur posteros esse ignaros eorum, quorum  
opera quæ molitur exeant perfectiora. Li-  
bros quatuor de Gentium Theologia, &  
Christiana Physiologia, intra duos summum  
menses videbis. Cæteræ quæ ad me meos-  
que pertineant, nihil nunc epistolæ commi-  
teto

tere est opus, quando filius vivæ erit Epistola loco. Vale, vi præclare, & plurimam meo nomine salutem dicito magnis Viris, D.D. Accepto Fruen, Prideauxio, Samueli Fell, Thomæ Claytano, quorum affectum confido non defore filio, præsertim te proxeneta.

*Amstelodami, cl<sup>o</sup> l<sup>o</sup>c xli.  
iv. Non. April. St. Vet.*

CCCCX.

Jacobo *Archiepiscopo* Armachano.

Reverendissime in Christo Pater, Domine Illustrissime,

**M**ultum equidem debeo, quod non cesses augere & Bibliothecam nostram libris, & nos doctrina. Ut mittam quæ miseris prius, quam gratum acceptumque aureolum, sive aureum potius munus tuum de Britannicarum Ecclesiarum Antiquitatibus. In quibus ambigo, magisne mirari conveniat singularem Industriam, an summam Eruditionem, & Judicium exactum; quod etiam tum elucet, cum satius judicas judicio supersedere. Eo autem avidius hæc tua legi, quod ipsa argumenti præstantia, ac fructus mirificus, advocaret animum à cogitatione tot adversorum, quæ ab annis plusculis me circumglomerarunt; in his mortes quinque liberorum virtute doctrinaque præstantium. Atque hunc dolorem proximè auxerant motus Britanniae vestrae, imo & nostræ; de quibus multa multorum literis, vera, falsa, ad nos deferuntur. His spero benignum Numen finem daturum propediem Serenissimo Regi, & universo Regno salutarem. Quam ad rem persuasissimus sum (atque hoc quoque constans de te est judicium) ea te consilia suggerere, quæ si sequantur, quorum maxime interest, non pacatam minus, aut florentem sinus Ecclesiam habituri, quam superiorum Regum temporibus fuit. Hoc futurum, si ita caveamus Superstitionem & sordes Pontificias, ut debitum interea honos constet primis Ecclesiae seculis, nec medicina, quod dicitur, modum excedat. Hoc scio curæ fore, tot Ecclesiae patriæ amantissimis, & qui (quod bonis omnibus applaudentibus tanto cum fructu facis) peritiam antiquorum temporum cum illa proximi seculi feliciter fociarunt. Jam ad umbilicum penè perductum est opus nostrum de Gentili Theologia & Phylia Christiana. Atque hoc in causa fuit, cur diutius rescribere neglexerim: Volebam enim, ut literæ meæ hoc

comitarentur. Sed-enim, eunte in Angliam filio meo Isaaco, adolescente ob studia & mores mihi pergrato, committendum non putavi, ut proficisceretur sine literis ad eum, qui me obstringere beneficiis suis non cessat: ut vel in proxime editis Antiquitatibus tuis, cum alibi, tum ubi de Mariano Scoto. De quo quod aurem vellas, & jure tuo facis, & mihi longè gratissimum fuit. Sed neque tot domesticarum charissimorum funera, morbi aliorum, etiam uxoris, ac meus præsertim ante annum, quem tum ego *κλῆματ' ἐμὸν* habui, meum me esse siverunt. Imo neque Typographum meum, dum opere superius memorato ferveret prelum, aliud esse ei subiecturum, mihi poteram persuadere. Verum hoc potius proximarum mihi Literarum inter alia argumentum esto. Interea te, Reverendissime Præful, Deus Opt. Max. saluum ac sospitem Ecclesiae suæ conservet.

*Amstelodami,  
cl<sup>o</sup> l<sup>o</sup>c xli.  
iv. Non. Apr.  
St. Vet.*

*Reverendissimi ac illustris-  
simi Nominis tui Cul-  
tor devotissimus,*

G. J. Vossius.

CCCCXI.

Joanni Antonio *Vander Linden.*

Clarissime Vander Linden,

**N**oli existimare, quia tam longo tempore non responderim, eo minorem esse erga te affectum meum. Sed sic statue, nec valetudinem meam, nec meorum, nec adversa alia, isthoc sive, ut meus & amicorum forem. De Hesychio sic habe: tantum me expectasse, per quem tuto mitterem. Nunc juvene hoc qui à Clariss. Cocceio mihi literas reddidit, se sponte ad isthoc opus offerente, nolui ultra differre: præsertim ex quo filius Isaacus, cujus gratia diutius reservatus, in Angliam abiit, inde Gallias petiturus. Haud facile dixerim, quam utilem literariae Reip. apud Anglos operam navet, tam multis Græcis scriptoribus, tum ineditis describendis, tum jam editis cum vetustis exemplaribus conferendis. Et ut bene cum novi, nihilo magis claudicabit hac parte ejus in Galliis industria. Interea nihil impedit, quo minus clarissimus Schotanus adnotet, quæcunque sibi ex veteris amici mei Sopingii codice usui esse possint. Ubi redierit meus perscribam. Quanquam malim, si is fortasse, ut juvenes solent, tardius reditum paret, temporius Hesychium recipiam. Subinde



inde consulendi ejus occasio mihi etiam incidere solet. Semper enim hunc scriptorem literaturæ Græcicæ non librum, sed thesaurum putavi. Nihil attinet, ut arbitror, pluribus te hoc tempore distingere: feriæ instant caniculares; quibus ut spero coram te amplexari, & sermones una jucundissimos sere-re licebit. Vale Clarissime, & Amicissime Vander Lindi.

cl<sup>o</sup> Ibc xli.  
iii. Kal. Quinct.

Tuus totus,  
G. J. Vossius.

## CCCCXII.

Clarissimo Cocceio.

**A**Mavi te & æstimavi jam ab eo tem-pore, quo Brema ad me misisti primum, ut arbitror ingenii tui foetum. Quem quanti fecerit & *paragolus* Dionysius meus (utque post tot annos in ea ætatula, annorum nempe ter septenorum, Orientis linguis im-pensos) sæpius ex ipso lectis tuis audiui, & non sivit posteritatem plane ignaram esse ju-dicii sui in notis ad Maimonidem de Idolola-tria. Id opus jam ante quinquennium prodiit in lucem, sed non manus hominum, quia dum ego aliud opus molior de Theologia Gentili, & Physiologia Christiana, jacuit apud typogra-phum, expectans duntaxat, ut nostra, ob argumenti similitudinem qualem qualem, prodeant simul. Interim me mortes meo-rum, & aliorum morbi valde affligerunt, nec sivere satis officio fungi in eo, ut amico-rum literis responderem. Tam bella tamen scribendi occasione, nolui esse negligentior: etsi nondum legissem, quæ de Antichristo adversus illustrem virum observasti. Nempe paulo postquam & literas, & munus hoc ac-ceperam, intervenit amicus, vir eruditus, qui ubi in mensa conspexit dissertationem tuam, ad dies tres quatuor petiit sibi legendi fieri copiam. Nolui negare id homini amico: præ-fertim quia forem id temporis negotiis variis distentus. Sed cras ut censeo, restituet: neque enim eludet eum, qui sese dicit, legendi tua desiderio teneri. Sed cave putes, auctorem qui-cum tecum negotium est, non sentire quod scribit. Quantum novi, videt multa superstitiose geri in Papatu, & tyrannicè. Sed & aliqua in Ecclesiis aliis solet improbare, & omnia metiri imprimis doctoribus antiquis. Intellego jam respondisse iis, qui priores refutare aggressi. Sed ne *re* quidem eorum vidi vel editum, vel ineditum. Ita distrahor, ut non possim vacare iis quibus velim. Interea gratias tibi ago pro munere, atque ita habe, multum

te diligere à me, & magnopere optare, ut quale id donum, quod olim legi, multa labores. Ecclesiam & Rempub. literariam tibi planis-sime obstringes. Summis viris & Theologis Makoskio, & populari Vedelio, plurimam, ubi otium erit, salutem dicito: Et simul à Vossio tuo qui nihil æque quàm pacem & concordiam reformatæ exoptat Ecclesiæ, per-multum salve.

iii. Kal. Quinctiles  
cl<sup>o</sup> Ibc xli.

Tuus totus,

G. J. Vossius.

## CCCCXIII.

Joanni Meurfio Joannis Fil.

Eruditissime & Amicissime Meurfi,

**N**udius tertius tuas accepi literas & simul dissertationes civiles miscellaneas, longe gratissimas. Quid enim jucundius esse possit, quam magni Parentis tui non dege-neris filii videre monumenta, parentis in-quam tui, quem ego semper sic dilexi, ut fra-trem non potuerim magis. Exemplar, quod jam decreram heri, transmittam cras Nobi-lissimo Mylio, & aliis, quos præclari patris tui amantissimos putavi. Animus erat nunc longas ad te literas dare, sed jam hora ea instat, quâ abeundum mercatori Severinio, quem sine in eis ad te literis abire nefas puta-vi. Jam horas quatuor & ultra distinuit vir doctus superintendens Lippicus: quo factum ut spe exciderim omnia perscribendi, quæ vellem. Sunt ea pluscula, sed id alteris fiet literis. De Jacobo Marci solum tangam. Pu-tavi ego jam diutissime impressa esse, quæ illi & ego, & filius Isaacus, sic commendave-ramus. Quid faciam, si tanta est hominum incuria, nequid gravius, & verius dicam. Si liceret, vellem nunc scribere Clarissimo Dom. Erastio, quem intellexi jam rediisse in Academiam Soranam. Nam sero desideravi ad quædam responsum. Salutare nunc satis eos erit: uti & egregios viros D. Laurenbergium, sæpius Doct. Erastium, sæpissime Magistrum Stephanium. Unum addam, quem, ni memo-ria fallit, vidi nunquam: Is est magnus, Joannes Raw logices & eloquentiæ Professor, cujus fratrem, nunc Constantinopoli agen-tem, me aliquoties convenire memini. Nar-rabat ille mihi de Cornelio Nepote ab illo e-dito, sed etsi inquisierim, videre illum non-dum licuit, verum Bibliopola Amstelodamum spem ejus videndi fecit: idque paucas intra hebdomadas. Vale amicissime juvenis, cu-jus

jus causa ego omnia velim, & optime matri, de qua ego & uxor crebro loquimur, & quam his terris vivere optaremus, plurimam dico salutem: simul elegantissime virgini forori tuæ.

Amstelodami,  
cl. loc xli.  
xiv. Junii. St.  
No. 7475a.

Tuus eternum, & supra  
quam credere possis,

G. J. Vossius.

CCCCXIV.

Cl. Arcerio.

Eximie & Clarissime vir,

**D**IC bona fide, nonne satis diu videor tibi elusisse spem tuam? Sed ut olim Varro Satyram inscripserat, Est modus matulæ; sic ego dixerim cessationis, quam tu, ut confido, consules boni. Tandem igitur Hesychium mitto, postquam Britanniam petiit Isaacus meus; cui nihil æque in voto, quam ut ingenio industriæque tuæ plurimum eruditissimus debeat Grammaticus. Multi hactenus Scriptorem cum promiscere; sed te cum fore confido, qui spem expleas Reip. literariæ. Pluribus loquar tecum occasione alia, nam is, per quem Hesychium mitto, jam adest, & si ante vesperum abire volet, uti decretum, ultra morari non audet. Salve amicissime Arceri, & nos tui gratia omnia velle exissima.

Amstelodami,  
cl. loc xli. iii.  
Kal. Jul.

Tuus omni officio,

G. J. Vossius.

CCCCXV.

V. Cl. Stephano Stephani, *Professori Historiarum.*

Clarissime & Amicissime Stephani,

**M**ulta me in literis tuis delectarunt, præcipue quod scribis, jam totum te esse in Saxone tuo, eumque propediem visurum lucem. Bene de te opera hac mereberis; melius de patria Saxonis, tuæque; optime de

omni Repub. literaria, ac posteris universis. Semper mirificus me amor tenuit tam nobilis Scriptoris; nec mirari satis potui, eum dictionis cultum barbaris temporibus conspici in gente adeo ad Archum remota, quem frustra desideraremus iis in locis, ubi vernaculus fuisset sermo Romanus. Nec debuit Scriptor ille debere alteri salutem, quam civi suo, inque tuis, ante omnes, Stephanio, cum multis aliis nominibus, tum imprimis & separarè promerenti ob civem servatum. Quid enim aliud censeam, qui jam ante Annos XIV. ex castigationibus tuis, Heinsio mihi que (qui & illo tempore amor erga nos fuit tuus) inscriptis, imo ut tu scribere non dubitabas, dicatis, satis perspicere mihi visus fui, nihil à te profecturum, nisi ingenio tuo doctrinaque dignum, ac magna industria elaboratum. Applausum totius eruditæ cavæ jam nunc ausim tibi polliceri. Atque utinam jam reversus è Galliis foret à *pau* Salmasius; quem intra mensem vel circiter affore spero: simulac redierit, tradam ei quæ illi misisti. Interim metuiere incipio ne ea jam habuerit à filio Isaaco. Scis non alienum fuisse à moribus *vi* *mangetru*, nostri amici, ut libros grandi pretio divenderet, postquam prius exscripisset, quod in rem suam foret. Si ausus fuisset referare, non dico literas tuas, quod nefas duxerim, sed fasciculum istum in quo liber iste, contulisset cum variantibus lectionibus codicis ejus, quem à filio meo Isaaco habuit; cujus & propterea non sine præconio meminit. Utcumque est, commendabit te satis incomparabili viro hic erga ipsum affectus tuus; & si quid deesse videbitur, id supplebit nostra oratio, qui te in oculis ferimus. Henrici Canisii Lectiones varias nancisci nondum potui: nec ipse habeo; sed quando opus, utor codice, qui est in Bibliotheca Amstelodamensi. Intra sex hebdomades Leida distrahentur libri Clariss. Fran. Gomar; in cujus Bibliotheca quia sit futurus, nullus dubito. Si aliter nequeo, opera dabitur, ut inde tibi mittatur. Vellem nunc plura, sed ecce jam advenit Bibliopecta vester. Quare abruptam. Verum inquires, nihil respondes de opere tuo, quo Idololatriz originem atque progressum, atque adeo, ut Theologiam Gentilem, ita & Philologiam Christianam persequeris. Ita est, sed dicare statueram in Anglia summati viro. Nunc res illic turbata me consilii ejus anxium reddunt. Hoc unum obstat, quo minus habeas. Jam absoluti Libri IV. solaque præfatio desideratur. Interim sic habe, ex primis te fore, cui hoc affectus mei testimonium sim missurus. Plurimam salutem dico præclaris viris collegis tuis; quorum

Ccc

rum



rum uni nunc scripsissem, nisi temporis angustia excluderet.

*Amstelodami, clō Ioc xli.  
x. August. rēpē.  
Nec enim aliter nunc  
potui.*

*Tuus totus,*

G. J. Vossius.

# CCCCXVI.

Hugoni Grotio.

*Parifios.*

**C**UM gaudio intellexi ex literis filii Isaaci, ut saluus Parifios venerit, excellentiam tuam compellarit, & quod fore sciebam, acceptissimus fuerit; Clariss. Salmasium, alterum orbis literati decus, cum dolore suo non repererit, eò quod in Burgundiam abiisset. Nec dubito, quin ab eo tempore excellentiam T. compellarit sapientius: nisi forte quod factum nolim, veneratione ejus fastigii veritus sit, ne in publicum peccaret. Quamobrem licet non ignorem, alloquio neminis, reddi posse doctiorem, prudentiorem, meliorem; ab uxore tamen commonendum putavi, ut ne sine causa, & modo interpellaret: atque interea, ne paucis istis mensibus, quibus in Galliis futurus, diffuere sibi patiatur occasionem tam bellam, nec postea redituram. Tuz vero excellentiæ, curæ cum fore, usque adeo sum persuasus, ut neque id rogandum magnopere putem. Imo si peccandum est, in hanc filium partem peccare malim, quod sapius compellet, quam subrusticus pudor sineret. Et tamen non ignoro, heroicæ mentis tuæ negotia, partim Regni Suecici, imo aliorum etiam ingeniorum bono: partim Ecclesiæ Catholicæ, quam soli adspernantur vitiligatorum omniscioli, Ecclesiæ veteris contemptores, qui magis magisque cornua ubique tollunt, ob scilicet in Britannia successum, ubi meliores eorum, quos dicere nolo, meliorum se mortem expectare creduntur, sequiores vero etiam, manibus pedibusque procurare. Mihi vero de talibus, vix scribere etiam tutum.

Quid moretur editionem operis nostri, ut sic dixerim, Theologico-physici, & per te, perque ea quæ proximè dixi facile vides. Tamen, ut ultra cesserem, non finit res Typographi, cui prorsus injurius sum, nulla licet culpa mea. Jam sex menses sunt, quod opus id non insepexi, nempe quia etiam Indices jam excusi, solaque desideretur dedicatio. De eo, cui destinaram, fieri ut video nequit: utrum Clero Anglicano inscribatur, delibe-

rabo, ubi Hagam excurrero. Id intra tres erit hebdomadas: quando offerenda erit illust. Ordin. filii pars altera Annalium Batavicornum: ea erit de Comitibus, ex domo Hannonia. Quæres fortasse, cum tam diu non admorim manum operi de Theologia Gentili, quid interim moliar: nec enim cessare me existimabis. Equidem in tot adversis, utcumque forti sim animo, non longam adeo mihi vitam polliceor. Quare eorum instar, qui abitum parant, convalescere mea incipio. Hoc est, relego & edita, & plura inedita; qualium majorem longè copiam reperio, quam putabam: si vita, & valetudo siverint, plura videbis nostra, intra biennium, vel circiter, quam putares; sed si prope jam ad carceres decursum hoc vitæ curriculum, manebit eorum cura liberor, præcipuè Isaacum meum, penè dixerim delicias meas: quem iterum iterumque excellentiæ T. commendo. Heroinæ conjugii salutem dicito, imo familiæ omni, à familia mea longe inferiori, sed excellentiæ T. devotissima.

*Amstelodami,  
clō Ioc xli. post.  
Kal. Sept. St. N.*

*Illustris excellent. T.  
obsequio, servitio  
que paratissimus,*

G. J. Vossius.

# CCCCXVII.

*Amplissimo Viro, Jacobo Wittio.*

Amplissime D. Consul, Cognate eximie,

**H**OC semper conatus sum in liberis meis, ut tempora sua publico bono, Bataviæ imprimis, metirentur. Eoque sine Dionysius meus à *murgetur*, Annales Belgicos Reidani, prudentissimi scriptoris, Latinâ donavit togâ. Eumque deinceps erat continuaturus, nisi aliter visum fuisset Numini supremo. Matthæus meus ad vetera Batavorum tempora describenda se contulit. Et ante annos pauculos, quinque libros primos edidit, quibus complexus trecentorum annorum historiam; nempe omne id tempus, quo Hollandi Comitibus domo Hollandis paruerunt. Exinde totidem libros condidit, de Comitibus domo Hannoniis. Eam partem proxima hebdomade decrevit offerre Illustrissimis Hollandiæ & Westfrisiæ Ordinibus; suscepit verò hunc laborem spe illa, quam Ordines ipsi, cum superiorem partem afferret, fecerunt. Nempe ut cum Historiographi sui titulo, cum stipendio decorarent. Sanè Confessus nomine significatum non modò

modò gratum fuisse laborem; sed peti, ut historiam Gentis suæ eodem modo retexeret. Sed ut nunc tempora sunt, illa jam animo effluxerint, aliqui fortè nec studia curant, nec honorem majorum, aut Gentis hujus à tot sæculis florentissimæ. Quare planè opus est, ut in illustrissimo confesso, quidam, qui omnia suo pretio sciant æstimare, hanc operam commendent. In quo spero, facillè primos fore, qui in corona Hollandicarum urbium, jure suo primas tenent: præsertim cum id etiam futurum sit ex honore urbis, ubi meus ille, ac simul vester, natus, eductusque. Planè fore confido ut iis accenseatur, qui literarum studiis vestram etiam urbem exornarint; quod à paucis factum proximo sæculo, superioribus fortasse à nullo. Tanto impensius operam dandam intelligo, ut ne honos suis desit benè de urbe, totaque Hollandia merentibus, & si Deus siverit porro meritis, saltem nunc sic animatis, quorum voluntatem promptissimam non destituet; Inclutæ urbis vestræ favor, quem erga me & meos summum semper sum expertus. Amicus meus, quem hic habeo, vir sanè cordatissimus aiebat; nunc iis vivi temporibus, quibus procures hujusmodi munera conferre non aliis soleant, quam gratuiti honoris ergo; non qui ornare historiam Patriam velint. Et exempla promebat eorum, qui stipendio fruuntur; sed nihil minus quam historiam Bataviæ, vel veterem, vel novam cogitent. Respondi ego me nulli nostrorum Procerum facilitatem invidere; sed ita confidere, si tam benignos se præbeant erga eos, quibus decretum nihil exequi eorum quæ suscepere; non claudicaturam eorum munificentiam erga illam domum, quæ triplici jam monumento comprobavit, quantopere honori Bataviæ studeat apud Gentes externas omnes. Sanè literas habeo à primario Magnæ Britanniæ viro, qui ad me scribit, viros lectosque sibi filii Annales; talisque si opera impensa esset rebus Britannicis, fore ut grande sui laboris pretium referret. Plura adderem, nisi mallet alios, quam me, præcones esse monumentorum filii mei. Vellem autem de his scripsissem ad te prius. Metuo enim, ne has literas demùm accipias, postquam in Hagam abierint Proceres. Quod si est, necesse sit, tribus verbis per literas negotium filii iis commendari; quod alioqui melius fieret coram, dum adhuc in urbe sunt vestra. Sanè Consul Bickerus recepit, se velle crastino mane (is dies Sabbathi erit) de eo negotio agere, cum Collegis suis, quo majori animo, rem illi urgeant Hagæ; sed quid faciendum sit, quæ prudentia es, longè me perspicies melius. Uxori lectissimæ totique familiæ, à

me, uxore, & Matthæo meo, plurimam salutem dico.

*Amstelodami, clō Ioc xlii.  
xii Kal. Octob. quo Ro-  
mulum die natum fuisse,  
credidit antiquitas.*

*Dignitatis tuæ  
studiosissimus  
affinis cultor-  
que summus,*

G. J. Vossius.

# COCCXIX.

Hugoni Grotio, *Lutetiam Paris.*

Illustrissime Domine,

**G**enerosus Baro, Benedictus Skytte, relicta domi conjuge, in Gallias redit; Parentibus, uxore, amicis, Medicis etiam authoribus, qui sic arbitrantur valetudinem adversam, quam in corpore naturâ infirmo auxit bonorum liberum amissio, corrigi posse peregrinatiuncula, & mutatione aeris. Gallias terris prætulit aliis, partim quia Medicos habeat excellentiores, partim ob aëra temperatiorem, partim etiam excellentiæ tuæ causa; quam tam sibi faventem, & propitiā exoptat, quam pensavit prius: Eoque sine aliquid etiam literarum à me petiit, quo excellentiæ tuæ commendarem. Id vero facio lubens, eoque lubentius, quod & ob ingenium, doctrinamque, & genus, ac gentem, per se sciam commendatissimum. Nimirum nihil hic opus circumspicere, ex præcepto Theognidis, atque etiam Horatiano, ne mox incutiant aliena mihi commissa pudorem. Gratias excellentiæ tuæ ago immortales, pro opere immortalis, & incomparabili annotationum in quadrigam Evangelistarum: quod ex quo accepi, jam dies est quartus, avidè, sed pro occupationibus, quæ premor, coepi devotare. Ac vidè esse reconditæ eruditionis thesaurum. Utinam his epulis liceret animum magis pascere? Præterquam quod evocaretur sic mens à cogitatione tot adversorum, (quæ interim mediocriter fero, & fortasse magno animo) etiam legendis tuis, meliora possem reddere, tam multa nostra in sacris, in quibus nunc limandis aliquantum occupor. Nihil in opere, de Idololatria & naturæ mirandis superest præter præfationem, secundi voluminis, hesternaque die excudi cœpit. Inscripti Clero Anglicano; quod consilium meum gaudeo, nec excellentiæ tuæ improbari. Minus uret animum Reverendissimi Archiepiscopi, si opus, (sibi destinatum quod sciat) videat saltem Clero dici, quam si ad illustres irem Ordines



nes nostros, vel Regnum Sueciz, ut plerique erant authores. Illa adversus Reverendissimum, de quibus scribis *adv. vov. 17. vov. 18. 17. vov.* Valdè me malè habet, quod videam tam sævum animum eorum qui Doctores sunt Religionis reformatæ. Gaudeo interea quod ipse in Galliis agas. Noli enim putare, minus excellentiæ tuæ esse infestos. Quod facile intelligo ex iis quos hic habemus. Jam mihi cum nonnullis dissertandum fuit. Illi colligunt ex postrema tua diatriba, adversus Borboritam, & Frontonem, excellentiam tuam in gratiam Cardinalis Richelieu, hoc agere, ut redeant omnes ad errores Pontificios. Contra contendì, velle & excellentiam tuam, ut Romana Ecclesia reformetur; sed putare à Reformatoribus quibusdam, in his Calvino, modum esse excessum. Quemadmodum verò non sequitur, nec Italus est, nec Hispanus, ergo nec Belga, aut Gallus; itidem neque consequi non, placet illi reformatio Lutheri, minus etiam Calvinì; ergo nec placet illi reformatio ulla Romanæ Ecclesiæ; non quam Cassander, aut ante etiam Erasmus exoptabant; quamque magnam partem secuti, qui sub Edvardi VI. reformarunt Ecclesiam Anglicanam; sive hunc in modum malis, non placet reformari, ut volunt aliqui *Idiographos, & audientes*, veteris Ecclesiæ contemptores; Ergo nec eo modo, quem probant veteris Ecclesiæ gnari & amantes. Confido, me mentem tuam, in illa diatriba, melius perspexisse, quam excellentiæ tuæ inimicos juratissimos. Qui nisi in Galliis viveres! Sed nihil cætera dicere attinet: Chartæ tamen eorum, dente Theonino, vel Leonino, aut Ursino, et si quid efferatur magis, rodere & lacerare nomen non desinent. Nihil tam benè, tam verè dixeris, quin detorsuri sint aliam in mentem, alii malignitate, alii imperitia, at *Idiographos*. Jam prævideo, quid sis dicturus mihi, nempe ut in Pietate ordinum facis.

*Omnia perecepi, atque animo mecum ante peregi.*

Atque ita confido, Deumque oro, ut tanta aggressum, amore Ecclesiæ, misere scissæ, spiritu sacro firmet magis ac magis. Intellico jam Hagæ esse apud fratrem libellum illum, de quo superioribus ad me literis scripseras. Gaudeo quia inde melius excellentiæ tuæ mentem perspicere erit. Eo libentius post hebdomadam unam alteram me Hagam conferam, ut legendi istic potestas fiat. Etiam absque illo fortasse irem, cum filii causâ, idem meâ, ut colloquar cum Oratore Anglico Boswello, quo melius volumina nostra, Britannicæ Clero dicata, eo transmittantur: si tamen valetudo, vel tempestas, iter

impedient, per literas exequar; simul scribam ad fratrem Jurisconsultissimum, quem annotata illa ad consultationem Cassandri, ad diem unum aut alterum communicaturum, mecum non invitum, prorsus habeo persuasum. Nihil erit periculi, ne in manus veniat aliorum culpâ meâ. Vale, Illustrissime Domine, meum etiam Isaacum habere commendatum, quantum publica privataque sinunt. Domine conjugii, & familiæ toti, ab omnibus nobis, salutem plurimam dicit.

*Amstelodami, clō loc xli. xxviii Octobris, h. e. ipso natali Erasmi. Cujus herois memoria, pagina hac exeunte, penè ordiret novam. Nam cum quando cogito, & tempora nostra consero, Ecclesiæ miserefecit; sed distentus exiguis, distentissimum maximis, non detinebo, seu totiloquentiâ meâ, ut Cæsi dixere, seu aliter vitium hoc meum vocandum putabis.*

*Illustrissimæ excellentiæ tuæ devotissimus,*

G. J. Vossius.

CCCCXXX.

Winando Rutgerio, S. Theologiæ Doctori & Professori.

Clarissime & longe amicissime vir,

**D**UM mihi adstat ornatissimus Alb. à Velgen, non omnia solum ore promenda, aliquid etiam literis committendum putavi. Valeo, ut solent, quibus animus ad multa adversa obdurefcit; tot malis presso nova acciduntur quotidie; sed Deus, ut calamitate non una sauciat, sic oleo spiritus sui medetur. Postquam Ultrajectinæ te Academicæ commendaram, & mihi ejus scholæ professor spem fecerat, sed unus alter Zelota obstitit, & Proceres etiam judicarunt, recipiendum esse Ephorum liberorum Reginæ Bohemicæ, præsertim ea magnopere commendante. Commode cecidisse putavi, quod vir nobil. Wynenbergius, Curator Harderwicci Gymnasii me consuleret de professore novo in Philosophia. Et eo majorem spem concipiebam, quod diceret non primum commendari te à me, sed Lugduni idem fecisse affinem tuum. Gavissus sum ea propter magis etiam cum adderet, idem Winenbergius, Doctorem Cloppenburgium, quantum ex sermone colligi posset, non visum esse alienum.

Dixisse

Dixisse enim, te advocato, futurum, ut si morbo vel aliter detineretur, ipse aliquando in sacris doceas juventutem; sed spes etiam illa decollavit, alio jam arcessito. Intelligo ex D. Velgio te abitum huc parare; mallem ad munus vocatus venires: sed fortasse tamen ubi coram videre, foelicus sub manu succedet negotium. In me quidem nihil desiderabis, quod à fratre possis exigere. Etiam urbis hujus pastor Laurentius, amicus meus, te ob virtutes tuas, & mei etiam causa diligit, & paratum se ait facere in tuo negotio, quicquid possit. Vale mi amice Rutgeri, & animo esto forti, eundemque mihi à Domino exopta. Uxor uxori salutem adscribi petiit; nam ista subito in chartam conjectanti intervenit.

Anno cło Ioc xli.  
post. Kal. Novemb.

Tuus aeternum,

G. J. Vossius.

#### CCCCXXI.

*Reverende Domine Decane cæterique  
Metropolitane Cantuariensium Ec-  
clesiæ Canonici, Domini, ac fratres  
plurimum honorandi.*

JAM anni sunt duodecim, quod serenissi-  
mi Regis bonitate cooptatus sum in ho-  
noratissimum collegium vestrum, ac coram  
etiam cum ternis liberis omni à vobis comi-  
tate atque humanitate exceptus fui. Ex quo  
tempore semper animus mihi arsit cupidine,  
quomodocumque testandi posteris gratum  
erga vos affectum. Visus sum mihi nunc ali-  
quam reperisse occasionem literario hoc  
munere, tum universè dicando Clero Angli-  
cano, in quo etiam continetur egregium no-  
men vestrum; tum particulatim in secundo  
volumine vos nominatim exprimendo; tan-  
quam eos, quibus arctius jungerer. Gemi-  
num nobis institutum est: partim enim enar-  
ro originem & causas Idololatriæ: quas  
ostendo non quidem fuisse nullas, sed stul-  
tas, vel saltem erroneas; partim verò pando  
naturæ arcana, de quâ multi quidem ante  
nos tractarunt: sed nos, ut puto, sicut alio  
fine, & crebro alia atque alia scripsimus.  
Quamquam verò materies sit diffusa variæque,  
quantum tamen licuit operam dedi, ut ne  
esset æpidod & confusanea; quod pro cer-  
tissimo habere soleo *amudus* argumento.  
Sed de proposito nostro frustra hoc loco ad-  
feram plura, cum fusè satis de eo dicam in

utriusque voluminis proloquio. Solum igitur  
rogo, ut affectum hunc hominis devotissimi  
vobis boni consulatis, atque ita persuadeatis  
vobis, nulla terrarum interapedine posse fi-  
eri, ut non eo vos affectu colam, quo prose-  
quar præsentem.

Deus opt. max. universum Anglicanæ Ec-  
clesiæ Clerum, inque eo particulatim vos, Do-  
mini mei, ac fratres in Christo venerandi,  
diutissimè feliciter conservet.

Amstelodami,  
cło Ioc xl.  
9 Kal. Dec. St. V.

Reverendi ac clarissimi  
nominis vestri cultor,

G. J. Vossius.

#### CCCCXXII.

*Reverendissimo in Christo Patri, Domino  
Illustrissimo, Briano Duppa, Episcopo  
Cestrensi, Ephoro Principis Walliæ.*

Reverendissime in Christo Pater, Domine hono-  
ratissime,

S I parum responderem summorum de me  
virorum expectationi, qui assiduè à me  
aliqua efflagitant studiorum monumenta;  
plura etiam quam ut tam multis ingenio, do-  
ctrinâ, industriâ, par esse valeam, excusatione  
nulla æquè apud æquos judices possim excu-  
sari, quàm quod animus, publici ejusque gra-  
vissimi muneris, seu onere, seu honore sit di-  
strahissimus; & si quid otii superfit, id prope-  
modum omne auferat, vel rei familiaris in  
tot adversis cura, vel officiosa nimis amiceo-  
rum interpellatio. Equidem si res lautior fo-  
ret domi, fortasse me urbi subducerem, at-  
que aliquò in villam abderem, non tanquam  
Timon *modestus*, sed ut perficiendo ea quæ  
habeo affecta, amicis, posteris, Deo ipsi mel-  
lius temporis mei reddere rationem. Et ta-  
men experior quodammodo, sic etiam ani-  
mum nonnihil valere, quo intendere, posse-  
que etiam in negotiorum mole otio ea sub-  
civivo, si diurno minus, nocturno saltem non  
ineleganter dispungi. Eaque nocturnum fiducia  
aggressus sum opus arduum de Idololatriæ  
origine ac progressu, & mentis humanæ, ex  
natura adscensu ad Deum. Id vero contexui  
ex scriptura S. literatura, historia, veteri no-  
væque, & naturæ admirandis. Dicavi anti-  
stibus Ecclesiæ Anglicanæ, in quibus etiam  
illustre nomen tuum; præsertim ad Ecclesiæ  
Cicestrensis honorem accedente maximi Prin-  
cipis cura, quem tot regnorum manet fasti-  
gium. Fore tibi laborem hunc non ingra-  
tum,



tum, facile colligo ex affectu, quo me semper es prosecutus. Luculentaque ejus indicia ante annos XII. Oxonii perlenſi, cum me nullo non prolixiffimâ humanitatis genere dignareris. Eo minus rogandus es, ut quod sponte etiam facies, boni conſulas munuſculum tum meum, quod dixi, tum filii Maimonidem, utrîque Angliæ Academiæ inſcriptum, ut hoc etiam nomine tibi mitti debuiffſe videatur. Sanè ſic vellet, ſi viveret, Dionyſius meus, itineris mei Anglici comes, ac tutam etiam erga ſe humanitatem expertus coram. Deum optimum maximum rogo, ut Auguſtum Regem Carolum, ſereniſſimum Walliæ Principem totamque domum Regiam multos in annos feliciter conſervet; teque pariter, omneſque Regni Proceres, & Eccleſiæ Anglicanæ Antifiſtites, pro quibus eò ardentius preces fundo, quo magis ſciſſa multorum ſtudia video, doleoque; non quaſi Cantuarienſibus inſertus Regia benignitate hic aliquid attendam mei, ſed ſolius Regis Regniq; & in hoc Eccleſiæ amore; pro cujus concordia vel mortem appetam lubens.

Amstelodami  
clō lōc xli.  
xii Kal. Dec.  
Sryl. Vet.

Reverendissimi & illustrissi-  
mi nominis tui cultor  
devotissimus,

G. J. Voffius.

ССССXXIII.

*Magnifice atque eximie Domine Procan-  
cellarie, excellentissimi inelytæ Oxoni-  
ensis Academiae Professores, Doctores,  
ac Magistri, Domini plurimum hono-  
randi.*

**E**N vobis fortum tenellum, quem *divus Augustinus* filius meus Dionysius, paulo antequam fato concederet, enixus apud nos fuit; prope dixerim, ut Pallada Jupiter apud prisceos nationum Theologos. Sed paganicus ille Jupiter cum Minerva sua adhuc in gentibus vivit, meus non Jupiter, sed Gnatius, jam abhinc octennio vixit. Nam quadriennio, ex quo videratis coram vivere desiit in terris, qui nunc meliore vitâ fruitur in Coelis. Utinam verò hic non tam animæ istiusmodi videatur, ut neque illum parentis sui, neque parentem, si viveret, fortus illius posset supputare. Hæc quidem de vestro me iudicio spes habuit, cum filio Isaaco auctor forem, ut cum (quod ipsi utinam scriptori potius facere liquisset) undecunque doctissimis flo-

rentissimæ utriusque Academix Anglicanæ viris offerret dicaretque. Fecique hoc eo lubentius, quia scirem, si quid hoc in opere excidisset filio (& qui aliter esse possit in ætate adeo juvenili?) non ignoscendi minus, quam cognoscendi, vobis animum fore. Cogitabam simul, uti Halicarnassensis ille Dionysius ait, Apollinem in Panegyricis esse ἀσπας θεωρουμένην τῇ πηλαγῇ θεωρούμενον ἤτις λόγῳ ita mei quoque Dionysii Commentarium, quo Maimonidem studiit illustrare, sic illustratum in jubare nominis vestri, ut non scriptionis magis, quam inscriptionis causa, conspicuus notusque fiat omnibus. Nec alter filius, editor relictorum, dubitasset istoc publice testari, nisi se, studiorum gratia, regna petente extera, à me id commodius fieri posse, haut temere existimasset. Maimonidæ, & translationi ac Commentario Dionysiano addidi de penù proprio libros quatuor: æternum mihi venerando Anglicanæ Ecclesiæ Clero inscriptos. Iis ago de conflictu Theologiæ Gentilis, & Physicæ Christianæ. Ac Idololatriæ quidem originem expono ex Literatura, Historia, mundi fabrica & sacris literis. Atque ex iisdem enarro Naturæ admiranda; quibus stulti abripiuntur in cultum Naturæ, sapientes autem deducuntur in admirationem & cultum Conditoris. Si priora nostra de Historicis Latinis, aliaque, ut annos ante duodecim coram vidi lubens, locum adepta in inclyta Bibliotheca vestra; etiam quæ nunc mitto, hoc, spero, honoris ab eximia vestra humanitate consequentur. Pro istoc affectu, etiam aliis in rebus erga me testatissimo, in laudes vestras perlubens excurrem, præsertim quando raram atque omnigenam Doctrinam mirabundus mecum cogito. Verum & maxima perstringendo prodidero infantiam meam, & vestram, in os laudando, modestiam offendero. Et fortasse alius istis reservatur locus. Quare hic sistam. Solum Deum Opt. Max. rogo, ut augustum & serenissimum Regem Carolum, & illustres Regni Proceres, ac vos etiam, non de Anglia modo, sed universi orbe præclare adeo merentes, diutissime salvos ac sospites feliciter conservet.

*Amstelodami,*  
cl<sup>o</sup> Ioc xli.  
x Kal. Dec.  
St. Vet.

*Ingentis vestri nominis ad-  
mirator cultorque,*

G. J. Vossius.

CCCCXXIV.

## CCCCXXIV.

Reverendissime in Christo Pater, Domine Illustrissime,

**Q**UO magis aggravescit ætas, & fortasse adversis multis prope defatiscit: eo magis gliscit affectus iste gratum testandi animum erga tam bene de me promeritum Angliæ regnum. Ac cum magnum Magnæ Britanniæ Regem cogitarem, facile eo impulsus sum, ut non alteri Grammaticos dicarem Commentarios, quàm proli ejus Augustæ. Sic enim opinabar studia prima, primæ ætati imprimis convenire, atque etiam deberi. Atque antea etiam sic ratiocinabar mecum, quia ad historicarum professionem vocatus forem in Academiam Cantabrigiensem: facturum me non absurdè, si eidem Academiæ, & præcipue ejus Cancellario Illustrissimo Duci Buckinghamiæ, Latinorum Historicorum Historiam consecrarem. Hisce sic defunctus in eo totus eram, ut gratam mentem testarer erga Clerum Anglicanum: præcipueque cui, aut quibus potissimum deberem. Scripserat filius Dionysius, (quem Oxoniæ vidisti mecum, & cum liberorum meorum aliis tam humaniter, comiterque excepisti) is, inquam, in Maimonidem de Idololatria Latine à se redditum Commentarium scripserat. Occasione illa amicis rogantibus, eo animum adjeci, & uno quasi falce complecterer, quæ de Gentili Idololatria observassem. Spisè mihi negotium processit, multis adeo occupato; quæ ratio est, cur nunc demum Maimonides prodcat, etsi jam ab annis quatuor, imò ultra excusus. Ac tum prodiisse mallet: sed junctum exire malebat Typographus. Nunc nostri quoque operis quatuor libris absolutis, ulterius differre nec volui, nec debui: licet si Deus vitam & valetudinem concesserit, duos præterea libros addere decrèrim: ut ita integram planè habeamus, tum Theologiam Gentilem, tum Physicam Christianam. Ac de Maimonide quidem auctor filio Isaaco fuit, ut fratris *re junctis* labores offerret, dicaretque florentissimæ utrique Regni Academiæ Anglicani. In quarum altera quantum fuerit nominis tui decus, quantum etiam Reverendissimi D. Duppa, & quomodo ea doctrina ac virtus, gradum vobis fecerit, ad grandius in Ecclesia fastigium, quantum etiam honoris mihi tribueritis immerenti, apud alios potius, quàm apud Vos, memorandi fuerit locus. Quod verò ad libros quatuor à me exaratos, non per omnia quidem sed quodammodo tamen imitari volui exemplum B. Cypriani absente Episcopo Romano ad

Clerum scribentis. Utinam verò, si id de singulis expectare nimium est, saltem optimus, & doctissimus quisque è Clero hunc affectum nostrum consulat boni. Quod facient, scio, quicumque paulo penitius me, & hunc Angliæ amorem norint. Nec quia hæc nunc qualiacunque amoris mei monumenta mitto, eo me gentis humanissimæ præstantissimæque meritis ex animo exsolvi meo. Scio enim longè majora deberi, & (ut taceam heroas alios) ante omnes Augusto Regi, erga quem, non aliter quàm subditus ejus compellando, hætenus officium probavi meum; ut facillè videam, & assidue cogitem, quanto majus sit quod deinceps à me desideretur. Sed spero Deum daturum in hac etiam senectute, ut probi omnes videant, neque hæc parte me opinionem eorum elusisse. Velle quidem & conari non desinam.

Diutissimè feliciter vale, eximie Antistes, & quod hætenus facis, porro etiam me faventiæ tuæ Zephyro affare non graveris.

*Amstelodami  
elo loc xli.  
ix Kal Dec.  
Styl. Vet.*

*Reverendissimi & Illustrissimi nominis tui  
cultor devotus,*

G. J. Vossius.

## CCCCXXV.

Eduardo Pococke, Socio Collegii Corporis Christi.

Clarissime ac Amicissime Vir,

**I**N tot adversis non mediocriter mihi voluptati fuit, quod te saluum ac sospitem Constantinopoli rediisse Oxoniam intelligam: Deoque gratias pro hoc beneficio ago, cum privato nomine de amico tanto lætus, tum etiam publico; quia facile video, quantum deinceps Respublica Literaria, ac pariter Dei Ecclesia, utilitatis ex te capere possit. Si enim jam ante tria lustra tam bene potueris de studiis mereri: quid non posthac sperabimus, ex quo & ætas, & tot annorum industria, Doctrinam pariter ac judicium firmarunt? Gratulor ergo tibi, mi Pococke, gratulor Oxonio, totique Angliæ, imò literato Orbi hunc reditum tuum. De quo simulac cognovi, continuo pene hunc calamus corripui, ut affectum meum, quem coram non poteram, literis testarer. Nolui verò planè inanem esse Epistolam meam; cui idcirco adjunxi Maimonidem de Idololatria, à filio meo Dionysio (quem coram mecum vidisti Oxoniæ) Latine redditum, notisque illustratum;

item



item libros quatuor à me exaratos, de falsâ nationum Religione, humanæque mentis ex natura adscensu ad Deum: planeque confido, & τῷ μαγείῳ filii, & mei causa, grata fore hæc munuscula, præsertim cum nec Argumentum possit displicere. Vale amice πολὺ γὰρ ἔστι, ac deinceps etiam amemus nos inter nos.

*Amstelodami,*  
cło Ioc xli.  
18 Kal. Dec.

*Tuus tuo merito,*

G. J. Vossius.

CCCCXXVI.

Ricardo Steward, *Theologiæ Doctori.*

Reverende & Clarissime Vir,

**N**ON patiar interire, vel etiam flaccesce-  
re amicitiam, quæ mihi tecum jam ante annos tot in Batavia fuit, magnam partem ferruminante eam Nobilissimo Viro Georg. Ratac. Dubletio, nunc Supremæ Curiæ Hollandiæ Zelandiæque Senatore laudatissimo. Ut durate videas affectum hunc nostrum, mitto aliquod amoris *μνημόνιον*, partim de filii *μαγείῳ* penu. Ac de nostro quidem vides Paralela Theologiæ Gentilis, ac Physiæ Christianæ, si modo is titulus explet materiam operis; quo non minus cum Religione Gentium confero historiam veterem, quam Scientiam naturalem. At de penu filii est Maimonidis de Idololatria liber, Latine ab eo redditus, & uberi illustratus Commentario. Utinam hoc filio diutius frui licuisset! neque id mei magis, quam publici boni gratia exopto. Sed ferenda quæcunque immittit Deus. Solus quippe scit, quid mihi, quid expedierit filio. Nihil vero gratius mihi contingere potuerit, quam si intellexero utriusque nostri operam, tibi, tuique similibus, quales habemus paucos, nequitiam improbari. Hoc si consequar, non erit quod de malevolorum iudicio laborem. Vale, insignis Vir, pariter ac amice; ac porro nos ama ut soles.

*Amstelodami,*  
cło Ioc xli.  
vi Kal. Dec.

*Tui nominis admirator,*

G. J. Vossius.

CCCCXXVII.

Johanni Rousso.

*Bibliothecario } Collegii } Socio.*  
*Bodleiano } Orielensis }*

Vir Clarissime,

**S**CIO Stagiritam nostrum dicere, silentio diuturno amicitias dirimi; & longo tempore nullum inter nos literarium fuisse commercium. Nec propterea tamen existimo vel tantillo amorem nostrum esse imminutum, ut qui non vili lucro amicitiam meriamur, sed bono publico. In quolibet cessare in scribendo licet, ubi publicum finit, imo cum damno ejus, nimium erga amicos foremus officiosi. Sed nunc viderer mihi verè amicitiam violare, nili rumperem silentium, teque Literulis meis compellarem. Quippe & ego, & filius *ἰ μαγείῳ*, quædam juris fecimus publici, quæ operam desiderant tuam, ut permaturè inferantur Bibliothecæ, non Apollinis Vaticani, tantopere veteribus celebratæ, sed multis partibus præstantioris Oxoniensis vestræ. Ac à filio quidem est Maimonides de Idololatria Latine redditus, & uberius Notis illustratus. Quod opus frater ejus utriusque Anglicanæ Ecclesiæ dicavit. Et gratum erit, tum Argumenti causa, tum quia semper in ore habere Scriptor ejus Dionysius solet clarissimos Oxoniensis Academiæ Viros; à quibus paterni Itineris comes adeo humaniter, admodum adolescens, fuerat exceptus. Ad didi de nostro quatuor Libros de Idololatriæ origine & progressu, & ex Naturæ operibus adscensu humanæ mentis ad Deum. Non puto, vel te, Clarissime Vir, vel ex Academiæ vestræ heroibus aliquem mihi esse orandum, ut ne gravetur opus nostrum inferre celebratissimæ toto orbe Bibliothecæ Vestræ. Hoc fecistis, cum necdum Academiæ vestræ membrum forem; & nunc non idem expectem Academiæ insitus, præsertim in opere quod æternum mihi venerando totius Angliæ Clero consecrarim? Quare de hoc tam amico postulato, verbum non addam; tantummodo peto, ut plurimum meo nomine salutes summos & florentissimos Academiæ Oxoniensis Viros, præsertim eos qui ante Annos 12. me & terros filios tam proluxa humanitate exceperunt. Nomina adderem, nisi ut ejus temporis Procancellarium, & in Æde Christi Decanum, atque alios item aliquos ad sublimiorem gradum evectos esse cognovi jamdiu, ita de aliis idem confiderem, licet nihil habeam certi. Verum promitto

mitto mihi de eximia humanitate vestra, fore, ut vel tute, Vir Clarissime, vel præstantissimus Pocokus, vel alius nostri amans, certior me faciat de tot Luminibus Academiarum: de quorum conditione jucundum erit cognoscere, præterquam eorum, quos (ut fluxæ ac fragiles sunt res humanæ) magnum Numen ademerit terris; quanquam & de illis, si iusto omnia pretio æstimemus, gaudendum potius sit, postquam eos Deus ex calamitosa hac vita in sedes transtulerit beatas. Atque ut præter has, nihil magnopere mihi; ita eandem tibi sed seras exopto, quo diutissime prosis Reipublicæ Literariæ, tum Sacræ, tum Externæ.

Amstelodami,  
clō Ioc xli. vi.  
Kal. Decemb.  
St. Vet.

Tuus totus,

G. J. Vossius.

## CCCCXXVIII.

Patricio Junio, *Bibliothecario Regio.*

**D**UM, Vir eximie, prelum fervet Editione Maimonidæ de Idololatria, una cum filii mei Tæ *maagehr* Dionysii Tralatione, ac Notis; solo adducti titulo amici aliquot rogarunt, ut eadem, quæ de Gentilium Idololatria jam olim mihi observata scirent, subcivis percurrerem temporibus, & (quia metuerent, ne aliqui laboris huius fructus periret Reipublicæ literariæ) simulac possem juris facerem publici. Quæ mea facilitas est, parui illis; ac alacriter quidem sum aggressus, sed ut fieri solet, sub manu opus crevit, & cum opere molestia, ob molem occupationum, quæ me quotidie pene avocarent. Verum sic quoque non modo quid filius, sed quid ego etiam præstiterim, si quis alius, optimè iudicabis. Solum metuo, ne, non tantum tibi abs re tua otii sit, ut legere valeas, vel etiam saltuatim percurrere. Ut hoc verear, facit operis magnitudo tanta, parens ut ipse ab relegendo quæ scripsit, possit deterri. Notum illud, *Andini vatis*— *Laudato ingentia rura, Exiguum colito*: Non minus dicere possumus: Ingens laudato volumen, Exiguum legito. Sed, quicquid de nostro hoc labore futurum, boni scio consules affectum; præsertim quando utrumque opus Angliæ Clero, & Academiis dicatur. Atque ut aliter foret, rara Eruditio tua cum maximâ humanitate non fineret, ut non grata tibi foret hæc voluntas nostra bene merendi de studiis literarum. Ex literis filii Isaacii intelligo, quantopere faveris studiis adolescentis

*αλεξυζήτορος*, pro quo gratias ago, quas possum; pluraque nunc adderem, nisi ad varios adeo scribendis literis, abrumpere epistolam citius cogerer, quam vellem.

Amstelodami,  
clō Ioc xli.  
v Kal. Decem.  
Vet. Styl.

Tui nominis clarissimi  
cultor,

Ger. Jo. Vossius.

## CCCCXXIX.

Reverendissimo & Illustrissimo Jacobo  
Usserio, *Archiepiscopo Armachano,*  
*totius Hiberniæ Primate.*

Reverendissime Antistes, Dom. Illustriss.

**C**UM primò solum animus foret, scribere de gentium Diis ac Sacris, eorumque origine ac causis; postea ulterius sum proventus; rerumque naturam exponere studio fuit, sine non alio quàm ut naturæ mystis, ejus mystas facerem, qui condidit naturam. Hujus laboris nostri, quem officii ergo, summis Cleri Anglicani viris consecravi, exemplar nunc mitto, qualecunque *ἀντιδωρον* operis tui auro contra non cari, quo antiquitates Ecclesiarum Britannicarum complecteris. Adjunxi Maimonidæ simul librum de Idololatria, cum tralatione & commentario filii mei Dionysii juvenis, si fas eum à parente etiam prædicari, ingentis dum viveret & pietatis & doctrinæ. Eamque operam ille Angliæ dicare decrèrat; extincto autem, duabus Angliæ Academiis inscripsit frater ejus Isaacus; is quem ante menses paucos non vidisti duntaxat, sed etiam usque adeo humaniter excepisti, ut de tanto affectu suis in literis non gaudium modo testetur, sed penè etiam triumphet. Nunc hic in Galliis agit, ac totus est in eo, ut exscribat, quæ in bibliothecis reperit *ἀντιδωρον*. Planè confido, reducem in patriam, amantibus sui, & his, & aliis in terris, neque inglorium, neque inutilem fore: neque commissurum, ut nesciant posterì, quantum debeat summatibus Britanniarum, aut Galliarum viris. Atque hoc votum meus Deus secundet. Te simul, Reverendissime & Illustrissime Domine, diu ac feliciter conservet, ut fluctuantibus Ecclesiæ rebus pro anchora esse possis. Hoc Deum assidue precabor. Plura de aliis vellem, sed charissimæ conjugis morbus, & adversa alia non sinunt: ut mittam, quòd occasione huius operis scribendum sit varias in terras. Scis enim, quàm latè pateat Respublica Literaria; atque ut

D d d

ami-



amicitiam eorum, qui ad hanc pertinent,  
nulla dissolvant regionum spatia.

*Reverendissimi & Illustrissimi  
nominis tui cultor atque  
admirator,*

G. J. Vossius.

CCCCXXX.

Merico Casaubono.

Charissime Vir, Reverende Frater in Christo,

**T**Andem prodeunt bina familiae nostrae  
opera: unum Maimonides, cum Tra-  
lacione, & Notis Dionysii mei, cujus & An-  
nales Belgicos è Reidano Latine redditos ac-  
cepisti; alterum autem à nobis exaratum, De  
*Religione Paganica*, & triplici cum ea conflictu;  
Historiae veteris, de qua 1° libro; Scientiae na-  
turalis, de qua 2° & deinceps; Scripturae sa-  
cræ, de qua Opere universo. Dionysii mei  
laborem sacravi binis Angliæ Academiis; ubi  
ob tot S. Theologiæ Doctores, atque Lingua-  
rum Orientalium Professores, vel earundem  
bene intelligentes; plurimi erunt, qui non  
modo de monumento hoc mei, (eo, quem  
cum fratribus duobus non vidisti modò, sed  
etiam benignè adeo excepisti) benevolè ju-  
dicare poterunt, atque etiam volent. Hoc  
& laudabilis opera filii spondet mihi, & lau-  
datissimorum virorum affectus erga me, &  
meos. At labores proprios dicavi, laudis nul-  
lius indigenti Angliæ Clero; cujus Canoni-  
corum Cantuariensium Collegium pars est  
honorata. Nec propterea in generali nomi-  
ne sistendum mihi putavi; sed minimùm al-  
tero in Volumine, quod majus priori, ex-  
primere nominatim volui eos, quibus con-  
junctus arctius forem. Atque utinam af-  
fectus hic gratus sit fratribus meis Reveren-  
dis; quam studiosus est vestri animus illius,  
à quo opus hoc profisciscitur. Tria mitto ex-  
emplaria, unum inauratum, ut inferatur Bib-  
liothecæ Cantuariensi, si merebitur. Duo alia  
Venerando D. Decano, ac tibi, Collega op-  
time, & amicissime. Plura addidissim, si in  
grandibus Operibus tam munifici essent Ty-  
pographi quam deberent. Sed hoc insuffragare  
liceat in aurem, mi Casaubone, gratum fore,  
si, ubi videris, desiderari pro singulis utrius-  
que operis, vel saltem mei, exemplar ali-  
quod, mihi id quamprimum significes. Eti-  
carissimè veneant exemplaria, proprio ta-  
men ære potius mercabor, quam ut ulla in re  
patiar officium claudicare. Vides quàm fa-

miliariter tecum agam, quod optime consu-  
les. Uxorem, Reverendum D. Decanum, &  
fratres dilectos plurimum saluta.

*Amstelodami,  
cło Ioc xli.  
vi Kal. Dec.  
St. Vet.*

*Tuus eternum,*

G. J. Vossius.

CCCCXXXI.

Thomæ Farnabio.

Præclare & amice Farnabi,

*Scribimus indocti, doctique volumina passim.*

**S**Anè tam multa hodie ab imperitis edi vi-  
demus, ut si sic res procedat, & lectores  
suos, ut cœpere, porro inveniant, plane sit  
metuendum, ne Nepotibus nostris vellecundum  
sit glandibus, uti Atavorum temporibus fie-  
bat. Sed bene est quod non desint Triptolemi  
novi qui fruges obserant, inque his facile tu-  
um locum sustines, dum juventutem glandi-  
bus vesci vetas, eamque deducis ad frugiferos  
agros optimorum Latii scriptorum, ac ingenii  
doctrinaeque tuæ vomere, h. e. non perspicuo  
minus, quàm erudito stylo, facis, ut bene  
culti niteant magis & magis. Sed bellè  
de antiquis scriptoribus merendi non una  
est via. Nos eodem tendimus quo tu; sed  
aliter & indicio sunt quæ hactenus scripsimus,  
& ea quoque ostendunt quæ nunc mitto. In  
iis duo hæc præstare conor, ut pandam pri-  
cam gentium religionem, sine qua intelli-  
gi nequeunt scriptores veteres, atque ut expo-  
nam quid Plato, Aristoteles, Zeno, & Philo-  
sophorum alii, imo & Poetæ cæterique scrip-  
tores de rerum natura senserint, atque scrip-  
tis consignarint. Planè confido, hæc etiam  
per quæ illis scriptoribus à te illustratis lucem  
porro aliquam affundere studuimus, non  
displicitura præstanti ingenio tuo, qui pro  
candore, & veterum auctorum amore, nihil  
æquè exoptes quàm ut multi tecum in socie-  
tatem veniant illius gloriæ, quæ paratur il-  
lustrandis auctoribus vetustis. Eoque gratio-  
ra omnia fore persuasum habeo, quia sacrata  
à me sint non exteræ genti sed vestræ, imo  
quodammodo etiam nostræ; postquam &  
ipse serenissimi Regis beneficio Anglicano  
Clero sum insertus, ab utraque etiam Acade-  
mia, ut membrum, adscitus. Addidi de filii  
Dionysii penu Maimonidem cum ejus trala-  
tione ac notis, eumque non minus placitu-  
rum spero, quàm nostra: & affectum hunc  
augebit, quod is quoque Angliæ inscribatur.  
Quæ deinceps sum aggressurus, animi adhuc  
pendeo;

pendeo; usque adeo multa sunt quæ limare, perficereque ardet animus, modo Deus vitam concesserit, & valetudinem prosperam: quam tibi non minus quam mihi exopto. Vale.

Amstelodamj, clb Ise xli.  
iii. Kal. Decembris.

Tuus,

G. J. Vossius.

CCCCXXXII.

Andreae Colvio suo, Gerardus Joannes Vossius S. P.

**E**N Tibi, Vir atque amice eximie, pro Cassiano tuo M<sup>so</sup>. ac ob devotionem pectoris, stylique venustatem, ut quicumque editi codices conferantur, haud indigno, qualemque *Asiaticum* nostrum; de cujus argumento dicerem aliqua, nisi jam abhinc biennio, partem hic bonam vidisses, pleraque etiam excurrisses. Miraberis, scio, spisse adeo opus hoc successisse. Nolim ego omnem culpam rejicere in Typographum. Magis Ipsi in causa fuimus, vel potius Amici, & exteri salutatores, quorum indies crescit seges; sic ut nequeam (quod poteram ante annos plures) negotiorum molem subcivivi temporis otio eleganter dispungere. Africanum id fecisse proditum à Velleio, scriptore fidei non sublesta, præterquam in suis ævi rebus. Verum nobis non licet esse tam beatis. Omnino enim ut metuo, valedicendum studiis, mittendique Libri, tot annorum spatio congesti, ac mihi stantes plusquam annis millenis. Vel hoc si nimis durum, publico etiam, ac Posteris noxium, subducere me aliquò cogar; putà in villam aliquam; neque desunt, ex illis facile agentibus, atque etiam amantibus nostri, qui cum mei miseres, tum amore ducti Reip. Litterarum, villam ad tempus, vel aliud offerant, ut istic ex animi sententia, vacare possim limandis, & perficiendis tam multis, quæ nunc vix inspiciendi est otium, & me mortuo, fortasse æternum cum blattis, & tinea rixabuntur. Nec alienus ab hoc consilio forem; verum uxoris valetudo non finit, ut sic menses totos ab ea divellar: nec permittent Proceres nostri: mihi autem non est tam laeta res familiaris domi, carere ut velim, aut possim, liberali adeo professionis publicæ mercede. Vides quàm animi hæream incertus. Tu cordatissime Colvi, viam dispice, quàm me expediam. Talem mihi indicari velim, quàm neque frauder amicorum

eruditorum (quos inter locum facile tuum tueris) suavissimis alloquiis; neque Exterorum variis è terris adventantium Virorum, vel rara doctrinà, vel prælustri genere, ac dignitate præstantium, sermonibus acceptissimis, sive de studiis nostris, sive de vita & scriptis eorum sint, quos exteris in locis amo, & æstimo, sive etiam de publico rerum statu; cujus notitia quantoperè requiratur in Historiarum & Civilis scientiæ Doctore neutiquam potes ignorare. Multum autem vereor, ne utcumque omnes in te partes verſes, aut hisce universis fatearè carendum, aut quando ista prope omne tempus sibi vindicent, quod à munere publico superest; agnoscere cogaris, ne istis me defraudem, & plurimorum offensam incurram; deinceps mihi nihil legendum, scribendumque dixeris. Si ita mecum agitur, quo pacto par fueris spissis hisce duobus voluminibus, quæ mittis? Mane, istuc ibam; Nam totas noctes in utramque aurem dormio: sed quod à decima est Nocturna, ad sequentem secundam, impendo pensiculandis illis, quæ tot annis in adversaria retuli. Ac Propterea opus hoc, de Paganica Theologia, & Christiana Philosophia, poteram inscribere, Noctes Amstelodamenses. Sanè tanta est comitas, & modestia Indigenarum, & Exterorum, ut quia tum ipsi somnum capiant, mihi studia neutiquam inturbent. Atque hoc imprimis verum est hiberno tempore, quo domi se continent studiosius, frigoris causà, in quo ego ista tecum garrio, ut vel hinc videas amoris mei erga te ignem, quem neque noctis hibernæ frigus vincere potuerit. Sed Varro olim, Est modus matulæ: nobis etiam sit modus Epistolæ. De cæteris confabulandi tecum lubido erit, ubi Tibi otium erit amicos hac urbe invisendi; quod nimis raro facis. Simul tùm ferram reciprocabimus, super multis, de quibus differo in eo, quod mitto, opere, misello magis, quàm confusaneo; quippe mirè admodum vario, at non *ἀμείδιον* quod vitium habere soleo, pro certissimo *ἀπαιδεύσις* argumento. Ac scio te quoque hominem non *διολογιστικόν* modò, sed etiam *φιλοσοφικόν*, in isto juxta me sentire. Vale, vir & amice Egregie, ac meo nomine, Præter uxorem Lectissimam, saluta Consulem Wittium, cum cognata nostra Coniuge; Item Doctorem Bevervicium. Quid pluribus oneremus? Si possim, velim uni & alteri novi operis exemplar mittere, videbo quid possim.

Amstelod. clb Ise xli.  
vi. Id. Decembris.



CCCCXXXIII.

Francisco Junio Fr. P.

Londinum.

Nob. &amp; Clarissime Affinis Juni,

**T**Andem vides commentarios nostros, de Theologia gentili, & Physica Christiana; quos gratos fore confido, non Tibi modo, sed etiam Clero Anglicano, cui eos dicavi. Mitto etiam Dionysii mei Maimonidem, à fratre Isaac inscriptum duabus Angliæ Academiis. Isaacus adhuc in Galliis est; sed iter in Italiam adfestat; de quo non possum adfentire. Terrent non sumptus modò, sed etiam pericula. Spero, nihil acturum, me inconsulto; etsi videam Illustrè Grotium, iter non dissuadere. De obitu suavissimæ Cognatæ Joannæ Brunæ, jam ex sororis literis, vel filii ejus, sine dubio intellexeris. Natanus noster gravi morbo decumbit; multumque vitæ metuitur. Franciscus meus multo me, imo omnes nos, mœrore adficit. Matthæus alteram Historiæ Batavæ partem emisit, & Historiographi Batavi Titulum ab Illustribus Ordinibus Hollandiæ est adeptus. Non levis is honor. Sed de magnitudine salarii, necdum quod scimus statutum. Sunt in Proceribus qui dicant satius videri, ut quoties pars operis nova exhibetur, filio perhonestum detur honorarium cum salario, quàm ut certum sit annum: quia tam multi pecuniâ fruuntur otiosi: Exemplum capere ex Heinsio jubent, qui post scriptam Sylvæ-ducis captæ historiam, nunquam admovit manum historicæ scriptioni; sed in utramque aurem stertit securus, gratisque stipendio fruitur. Alii contra contendunt, ejus culpam non debere aliis obesse: quorum industria gemino jam pareat opere. Accepi his diebus minutam schedulam à te missam mihi: in ea (præter illud de stipendio Cantabrigiensi, à Casaubono accepto, & Hoofdio Londini annumerato) illud etiam erat, fascem Librariam missam à te Amstelodamum esse: In iis libris quosdam pro Amplissimo Doubletio emptos: Chartas item quasdam tradendas Hoofdio Londini agentis fratri, prope Remonstrantium Templum habitanti. Is apud me fuit cum altero fratre, hic itidem habitante. Verum nobis nihil hæcenus traditum; eoque opus erit perscribi per quem Nautam missi sint libri, cæteraque. Alioquin enim metuo, ne cuncta perierint

filio, Doubletio, Hoofdio. Doubletius sæpe ex me inquit, ecquid de libris certi habeamus. Quæro fac nos de Nautæ nomine certiores, deque cæteris etiam, quæ nos attinet scire. Hæc non infima saltem, si non princeps causa fuit, cur ad te scriberem. Desidero etiam scire, quomodo valeat Illustrissimus Comes Oxfordiæ, cujus, ni fallor, studiis es præfectus, & ecquid spei sit de vestra in has terras protectione. Spem enim qualem qualem conceperam ex schedula tua antedicta: Epistolam enim non videor mihi posse nominare. Agunt hæcenus mecum bini liberi fratris tui, Casimiri Junii *ὁ καλεῖται*. Franciscus tibi cognominis ingenio sic satis valet, & industria se mediocriter probat, foreque confido, ut ea quotidie capiat incrementum. Planè hoc ago, ut dignus sit & Avo, & Patruo; quorum non prænomine minus, quàm cognomine gaudet. Prodiere Illustris Grotii annotata in Novum Testamentum. Iis addidit tres Libellos cum Appendice, qua defendit, quod scripsit, Antichristi nomine, non intelligi in Scripturis Episcopum Romanum, sed Cæsarem illum, gentilem dico, Ecclesiæque Persecutorem. Hoc multos habet pessimè; qui judicant fore, ut omnes magis abhorreant à Romana Ecclesia, si Episcopum ejus esse ipsum Antichristum habeant persuasissimum. Sed qui statuunt cogitari debere de concordia orbis Christiani, exittimant, hanc opinionem esse noxiam; foreque ut non cogitetur de remedio, quia nemo cum eo ullum sibi negotium esse velit, aut ab eo boni quicquam sperare, qui sit Anti-Christus, & in hoc solo operam omnem ponat, ut ad inferos præcipitet. At meliori Ecclesiam fore loco, si non desperemus de bonitate Dei, ac confidamus posse Deum, qui non Regum modò, sed Paparum etiam corda habet in manu sua, paulatim aperire oculos & mollire corda eorum, qui & superstitione, & Tyrannide, tantoperè à primis sæculis recesserunt. Atque ut Romæ non succederet pius conatus, multum profici posse, si in Galliis succedat, ubi ingens Illorum est numerus, qui sic Romanam sequuntur Ecclesiam, ut in præcipuis, quæ nos oppugnâmus, faveant sententiæ nostræ; sed solum plus moderationis requirant à nobis, majorem etiam venerationem erga Ecclesiam veterem, quam non Parens quidem tuus, non alii multi, in Anglia præcipuè; sed multi tamen *ἰδοὺ τὸ πνεῦμα καὶ αὐτὸ λέγει*, pretio suo nesciunt æstimare. Dum hi sic discipulant, Ego, Egregie Adfinis, vota suscipiam pro Ecclesia reformata, ut eam Deus spiritu veritatis, & pacis, regat magis & magis. Et te quoque eidem numini commendo.

Vale

Vale diutissime, & quæso subinde nos literis tuis compella.

*Amstelodami,*  
cl<sup>o</sup> 10c xli. Kal.  
Decembris, St.  
Vet.

*Tuus, dum suis,*

Ger. Jo. Vossius.

CCCCXXXIV.

Danieli Heinio.

Nobilissime & summe vir,

**D**Olet rara adeo nobis esse literarum commercia, collegis veteribus, & parvo adeo diffitis locorum intervallo. Equidem silentii pertæsus, committere non potui, quin novo hoc anno ineunte, fausta omnia per Epistolam comprecarer tibi, filio, & filię, ac simul amplissimo genero tuo. Altera etiam ratio scribere me iussit, satis enim diu est quod nonnisi per filium gratias tibi egi pro munere acceptissimo eorum, quæ ad N. Instrumenti libros adnotasti. Luculentum est ingenii doctrinæque tuæ monumentum; atque utinam Deus longam tibi ætatem tribuat, ut porro in istiusmodi argumento desudet industria tua. Nec detertere debet, quod aliis simile studium sit. Sic enim comparatum est cum scripturis, ut nullius ingenio vel labore, exhaustiri possit veritas, tam profundo earum puteo contenta. Semper supererit quod discamus: ut vel sæculum vitæ nostræ adderetur. Quemadmodum adversus omni- sciolos istos sæpius in vitæ extremo dicere solet socer meus Junius. Unum opto, ut quicumque in sacra hac palæstra se exercere, & pariter alios volent, sic in ea versentur, ut tum veritati, quatenus humana finit infirmitas; tum etiam modestiæ litent, ac candori. Sed plerique hoc pati non possumus, qui, siquid alteri accesserit, decedere nobis arbitramur. Cum quo vitio, corrupto hoc sæculo, facile etiam eruditissimis obrepenti, magnis viribus decertandum censeo: ne nostrapte culpa male adeo audiat eruditio, ut quotidie cum dolore conspiciamus. Sed tristibus istis missis, redeo ad gratissimos labores tuos: in quibus dissimulare non possum, inter alia mihi fuisse illud jucundissimum, quod antiquum obitineas in tuendo Erasmo, viro optime de literarum studiis merito, nec minus de toto sanctorum patrum choro. Quem profecto mihi sæculi nostri dabunt, in quo duo hæc æque concurrant, imo si quem vel intra mille annos proximos ab harumce laudum cinio iustis prædicari posse existiment, nomen ejus edant. Quare et si hominem fuisse sci-

am, nec jurare semper in ejus sententiam velim, (quem honorem nulli hominum deferendum censeo) tamen probare eos non possum, qui tam irreverenter illum habent: parum cogitantes, quibus temporibus vixerit, quantumque omnis ei debeat posteritas. Venio nunc ad tertiam hujusce scriptionis causam. *Arndtsen* mittere volui, non quidem dignum præstantissimo ingenio tuo: sed nostri tamen ingenioli modulo non penitus, ut puto, indignum. Est id commentationum nostrarum de Theologia gentium & philosophia Christiana, in quibus, si non videar tibi & eruditissimis Collegis, operam & oleum perdidisse, erit sane, quod hunc sæctum nostrum deinceps amem vehementius. Sin secus; sed nolo male mihi ominari, potius in voto, unde orsus sum, desinam, nempe ut tibi tuisque omnia hoc anno felicia exoptem: Imo & Collegis veteribus, quibus si occasione commoda salutem meo nomine dixeris, longe id erit gratissimum. Filio nob. salutem adscribi sine dubio jussisset Isaacus meus, nisi eum Gallię haberent. Vere proximo reducem speramus.

*Amstelodami*

cl<sup>o</sup> 10c xlii.

Post. Kal.

Jan. St. N.

*Nob. & maximi nominis  
tui amantissimus,*

G. J. Vossius.

CCCCXXXV.

*P. C. Merico Causaubono, G. J. Vossius  
S. P. D.*

**Q**Uantum rationes inire valeo ejus temporis, quo navis Anglicana hinc solvebat, inter merces suas etiam deferens exemplaria complura operis nostri de Paganica Theologia & è naturæ mirandis manu- ducti- one hominis ad Deum; Jam una & altera hebdomas paullove amplius esse possit, quod tuque & Fratres venerandi acceperitis Labores nostros. Sed celerius aliquanto an tardius hi vobis redditi sint, parvi duco, præ istout ne viris doctrinæ ejus judiciiue displiceant illa, quæ in tot occupationibus summo nihilominus mihi labore stetisse nequeo diffiteri. Nec illud solum voveoque optoque ut fratribus meis placere possint, verum etiam ut Clero Angliæ universo. Nunc quia & senio & tot me adversis atteri indies video, magis magisque cogito de sarcinulis colligendis; eoque totus in eo sum, ut tam multis quæ habeo affecta, præsertim illis minoris molis, extremam admoveam manum. Et jam ali- quid



quid prælo tradere cecepi, de quo proximis literis. Filius meus Isaacus, quem in Anglia vidisti, jam è Galliis Italiam cogitat, ut varias lustrat Bibliothecas & exscribendo *Arxista*, ubi facultas dabitur, possit melius postea mereri de Republica Literaria. Quo desiderio sanè honesto ardet more juvenum qui (ut scis) quicquid volunt, vehementer volunt. Ego & filii & publici boni amore in hoc voluntati ejus non defum, sed plus prope ago quam fors nostra sinat. Impense autem rogo, ut hac parte juves quantum possis. Scis è præbenda Cantuariensi serenissimi Regis beneficio mihi duo jam trimestria deberi: unum quod superiori Septembri, alterum quod in Decembri sequenti exspiravit. Simul inde fiat quinquaginta Librarum Sterlingicarum summa. Eam refundi velim Joanni Thuiller mercatori Londinensi, istic res agenti præstantissimi beneque de me merentis Joannis Wickefortii mercatoris Amstelodamensis: à quo filio procuratur, quicquid itineri est opus. Eo minus æquum fuerit ut eum vel hic, vel in Anglia diuturniori morâ illudam. Nolim pluribus hoc negotium tibi commendare, cujus prolixam humanitatem semper sum expertus. Lectissimæ Conjugi ac Liberis, item Reverendo D. Decano & universo optimorum Clarissimorumque Fratrum Collegio plurimam à me dicito salutem.

*Amstelodami*, clō Ibc xlii. Idus Januariæ stylo Anglicano. Quo ipso die ante Annos xcvi. Heidelbergæ, natali meo solo, abolito Papatu, reformata fuit Ecclesia. Sed peccatis nostris factum, ut nec integro sæculo licuerit hoc beneficio frui.

*Tuus tuo merito,*

G. J. Vossius.

CCCCXXXVI.

Georgio Ratalero Dubletio, *Senatori.*

Nob. Amplissimeque vir,

**C**UM proxime ad te literas darem, videbar mihi de exemplaribus ceteris stare promisso intra octiduum posse. Sed spatium illud pene menstruum invasit, dum Bibliothegarum unus pergit esse, qui solet, hoc est, tricobovinator, & siquid ex Lucilio amplius dicere possumus: alter vero, quem prioris vitium correcturum putabam,

morte Parentis sui, & aliis causis fonticis, nequivit, quod volebat, aut velle saltem visus fuit. Tandem tamen, ut vides, me exsolvo, & tarditatem meam facilius excusabit, quod interea non licuerit foras prodire, sed tardipes tardipedi Deo assederim assiduus, ob malum subinde recursans; quod tamen satis leniter me subinde tractavit: à publico munere avocavit, non à Libris, & dulcibus Musarum sacris. Itaque interim limavi libellum de tribus Symbolis, & alterum de Dominico Anno, Mense, Die, Nativitatis, Baptismatis, Mortis. Metuo ne illi, qui orbi me quam urbi consulere malunt, hunc morbum, dummodo tam placidis me luminibus semper intueatur, subinde optent revire. Minus auditoribus decesserit, quam lectoribus accesserit. Ut redeam ad exemplaria, quæ mitto: est in iis unum grandi forma, quod tibi mitto: sed ea, si placet, conditione, ut quod prius habuisti, alteri cedat amicorum. Cum Hagam ad te irem; in mandatis dederam Bibliopægæ, ut à Typographo etiam peteret illa charta melioris. Non alia tradidit, quam Hagæ vidisti. Credidi igitur non fuisse promissis. Sed redux intelligo, tria quatuorque in charta Augusta impressisse. Curavi ex iis duo compingi, quorum alterum putavi non ad alium quam ad te ire oportere. Nam de Anglia vel domina juniore Principe, serum est, & ut vides, nec inauratæ paginæ: quæ lenocinia attendi solent. Possis tuum curare à famulo deferri ad Nobiliss. Archiepiscopium, qui habitat non longe, si recte recorder, à Secretario ordinum Bellimontio, apud quemdam nomine Patrem, vel ex adverso. Is Pater, ambigo, sitne Oenopola an diffusor. Quicquid est, vir tam clari nominis non fuerit obscuri domicilii. Et jamdiu illi debeo exemplar, quia melius est de me meritis, quam fortasse existimares. At mittam quod teneat multiplici promisso. Vellem ejus valetudini melius esset, sed metuo ne qui tam multa fortiter consilio & manu his terribis gessit, non sat fortiter ferat injurias, quas accepit. Mitto præterea exemplar Doctori Johnsono, item alia duobus Senatoribus, Reigersbergio, Dedelioque; ac denique unum Advocato G. Grotio, qui, qua in re bonam pro me operam navavit, non ignoras. Mattheus meus in Frisia est, unde propediem reducem exspecto. Isaacus Lugduni fuit in Galliis: ac puto, nunc vel Florentiæ esse, vel Romæ fortasse. Ait se auctores ejus itineris habere illustres Grotii & Salmasii animas. Sed Grotianam imprimis. Nam alter, quem in Burgundia invisit (ut ipse ad me scribit) diutius apud se detinere, quam ut hiberna

hiberna tempestate tam molestum iter inficeret.

*Amstelodami,*  
cl<sup>o</sup> Ioc xlii. ix.  
Kal. Febr.

*Tuus tuo merito,*

G. J. Vossius.

CCCCXXXVII.

Jacobo Corputio *Senatori, & Scabino*  
*Reip. Dordrechtanæ.*

*Dordrechtum.*

Amplissime Corputi, Affinis Coniunctissime,

**B**inas à te literas accepi, in ea brevitate prolixum spirantes affectum, præcipue in promovendo Matthæi mei negotio; quod primo etiam tibi curæ esse velim, & fore confido. Is nunc in Frisia est, nec eo, cur abierit, es ignarus. Intra triduum expecto reducem. Isaacus meus Lugduno Galliarum, in Italiam profectus: Ac puto nunc esse Florentiæ, & inde iturum Romam. Non parvo mihi stant Liberi; sed id grave non est dum illis curæ sit erudita pietas; quod hæcenus de Isaaco possum dicere. A summis Britannæ magnæ viris, præclare adeo est exceptus, ut si scribam, prope metuam, ne fidem inveniam. Idem de Galliis dixero, ubi etiam Senatoria dignitate conspici, sed quorum consanguinei istic Junianæ, non indecoræ familiæ essent innexi, invisere eum in diverforio, non gravabantur. Magni verò etiam nominis viri, opiparo convivio dignabantur. Dixeris ista, vel Parentis, vel Avi gratia esse facta. Equidem credo, & hæc aliquid valuisse. Sed tamen plus censeo potuisse, quæ sibi post Scylacem editum, post Justinum, & Geographorum aliis observata, quæ secum circumfert; in aliis etiam studiis cognatissima esse, familiari sermone comprobatur, viris non ex ima cavea. Eò lubentius habenas laxavi, ut ex magnis tot terrarum hominibus, non doctrinam minus, quam nomen augeter; spero & pietatem, quæ cæteroquin raro auctior sit per tot maria, & terras currendo. Potius gentes vitia sua affricant, quàm virtutes. Et sæpè id cogito. Solum spero profore nobis preces, quas ad Deum pro eo fundimus. Tum etiam quod ejus insatiabilis discendi cupido, animum avocabit ab insanis voluptatibus, quibus capi juvenus solet. Cum postremò, una Hagæ essemus, promisi me missurum labores meos, de paganica Theologia, & Philosophia Christiana. Tandem me promissis exsolvo, ac citius fecissem, nisi valetudo deti-

nuisset, & Bibliopegæ inertia. Geminum, ut vides, Argumentum sum complexus, quorum alterutrum fatis foret arduum; utramque ego provinciam suscepi: sed an operam sum probaturus, vel edocto, è grege Pastorum, vel invido, è numero Professorum, non est curæ Hippocliidi inquirere. Miserum est pendere à malignorum judicio. Paratus sum stare, & cadere eruditorum judicio his terris, magis exterorum, maxime posteritatis. Et interea hæc cuncta parvi puto, dum Deo rationem valeam reddere, & talenti, & temporis concessi. Puto autem id mihi faciendum propediem. Nec enim tam laboriosa, in tot adversis vita, longam finit sperare ætatem. Quam neque ulterius exoptem, quam opera nostra utilis esse possit Ecclesiæ, ac Reip. Literariæ. Uxori salutem dicito, præterea filio cum nuru, genero cum filia. Adderem de juniore filio, nisi eum, ut puto, extera adhuc haberet tellus. Longam habes Epistolam, ab homine occupatissimo. Causam, si quæras, nox erat, qua ego, omnibus iis qui de die interpellant dormientibus, Tibi mi Coniunctissime Affinis, vigilabam.

*Amstelodami,*  
cl<sup>o</sup> Ioc xlii. ix.  
Kalend. Febr.

*Tui tuorumque Aman-*  
*tissimus,*

G. J. Vossius.

CCCCXXXVIII.

Joanni Beverovicio *Senatori & Medico*  
*Dordrechtano S. P.*

**G**Audeo, vir Amplissime, Clarissimeque, non me duntaxat curæ tibi esse, sed etiam meos. Mitto igitur geminam Apocham, manu Francisci mei scriptam; sed in qua spatium reliquerit, ubi nomen quæstoris scribi possit: Uti & tempus, quo salarium hoc expiravit. Neque enim desubito poterat reperire formulam, quam sequi solet: Misissem eadem opera labores nostros, de Paganica Theologia, & Philosophia Christiana: quo in opere, ter quater minimum, tui facta nobis mentio. Quid minus poteramus, te nullam negligente occasionem, testandi amoris erga me tui? Sed nolui tantæ molis opere, onerare Tabellarium. Convenientius id fiet per Nautam, proxima hebdomade. Salmasius est primo vere rediturus in Bataviam. Sic suis ad me scribit literis. Respondit jam Libello, de Lingua Hellenistica, qui absente eo prodit iis terris; necdum tamen perlo-

submitit;



submitit; nec dicere possum, utrum Lugduni, an Lutetiae Parisiorum malit edere. Non arbitror visum illi esse responsum tuum. Satis non meminit. Mallem in editione Epistolarum mearum, pro Copriani notitie, asteriscum posuisses, vel Cyprianum scripsisses. Nolim ego crabrones suscitare, cum domi sat reperiam negotii; & malo meo abunde sum edoctus, si tales digito attigeris, omnem penè sylvam accendi. Et tamen si quid molietur feremus. *Lenit albescenti Capillus.* Non æque lacescentes procaciter ferre potuissim, quo tempore, me doctore uteris. Quamquam tum etiam injuriarum non eram impatiens prorsus. Sed nunc illa, quæ sæculi homines pro magnis ducunt, penè despiciatui habeo; etiam illa, quæ pertinent ad nominis decus. Satis decorum nomen, si illud scriptum fuerit in coelis. Nec eo segnior sum futurus, in bene merendo de Rep. Literaria. Abundè ad hoc calcaria, ac stimulos subdet; quod cum non multum superesse mihi vitæ possit, propediem ratio erit Deo reddenda talenti, quod porro etiam operam dabo, ne arguar defuisse. Optimæ Conjugi salutem dicito: uti & Colvio, præcipuo tecum in urbe Patria studiorum Ornamento.

Amstelodami, cl<sup>o</sup> Ibc xlii.  
viii. Kal. Febr.

Tuus,

G. J. Vossius.

CCCCXXXIX.

Gerardus Joannes Vossius *Nob. & Præstantissimo juveni*, Joanni Meursio, Joannis F. S. P.

**J**AM duo sunt menses, mi Meursi, quod morbo æger fuerim, ac hesternam demum die sacram cœpi concionem audire; Uxor verò plurimis mensibus domo non extulit pedem, imo vix cubiculo: Et nunc quoque, ita male se habet, ut prorsus metuam, ne vita hæc diu illi vitalis esse possit. Quid faciam in tot adversis? Nisi ut omnem in Deo meo fiduciam reponam, qui solus novit, quid expediat nobis. Interea hæc non finunt, ut possim pro amico capite, quæ velim. Nullum enim filiorum habeo domi, cujus operâ aliquid efficiam per amicos: sed majus ecce impedimentum; ut cætera mitam, filius Isaacus, prope integrum annum, partim in Anglia, partim in Gallia fuit, & jam Florentiam, Romam, aliaque Italiæ loca cogitat. Nempe ardor illi, & compellandi

summos orbis viros, & visendi Bibliothecas exteras; penè ubique totus est in exscribendis, vel ære suo comparandis MSS. hæcenus ineditis; præcipuè Græcis. Collybum proximè accepimus, prius ducentorum, iterum quingentorum florenorum. Hoc plus est, quam ex stipendio trimestris spatii percipiam. Itaque mirè sudandum mihi erit, ut hoc exsolvam. Nam scœnori non lubens accipiam. Et aliud aliter pecuniam urget: quod cognosces, huc si veneris. Quare nunquam importunius potuisti, compellare de eo, quod scribis. Animus prolixus, pro affectu eo, quò magnum Parentem sum profecutus, sed ne ipsi quidem si viveret, morem gerere possem, etiam maximè vellem. Eo æquius est; hoc te in meliorem partem interpretari. Non plus quam est, sed minus potius, me dixisse satis videbis, huc ubi veneris. Gratiæ ago, pro Catalogo Librorum, quos Patrens eximius, nec unquam sine laude nominandus, bono Literariæ Reipublicæ, vel juris publici fecit, vel edendos reliquit. Præclare de publicis mereberis, si inedita minime patiaris nimis diu cum blattis, & tineis rixari, si consilium istoc juvare valeam, saxo id libentius, quam tu operam exposcas nostram: sanè omnium Eruditorum interest, quam maximè, ut ne in tanti momenti negotio opera cesset tua. Vale Nob. & care juvenis, & non à me duntaxat, sed etiam uxore, licet ægra admodum, salve.

Amstelodami,  
cl<sup>o</sup> Ibc xlii.  
iv. Id. Febr.

Tuus ex animo æternum  
amicus.

G. J. Vossius.

CCCCXL.

*Viro Cl. Stephano Stephanio*, Ger. Jo. Vossius S. P. D.

**T**Andem à tui amantissimo Vossio, magni, ac veteris amoris, minutum novumque symbolum accipe: Libros quatuor de Theologia Paganica, & Philosophia Christiana, placituros confido. Cur, inquires? Quia confido affectui tuo, quo & me aliquem esse putas. Et si eloquendum, quod sentio, etiam confido exactissimo judicio tuo. Probe enim mihi conscius sum, permulta me attulisse, ad hoc opus, vel alia, vel aliter dicendo. De hoc nolim me submittere judicio hominum exigue lectionis; quales distinguere nesciunt, inter dicta, in dictaque nostra, & aliena. Ipsi interim sibi placent, licet nihi

hil adferant, nisi millies dictum, qua sperant latere posse, quæ exscripserint. Malim igitur tui similibus placere; quia jam ab eo tempore, quo Lugduni unâ viximus, abundè memini, quam φιλομαθής, & πολυμαθής, fores. Eoque avide desidero nosse, quid de Saxone tuo fiat. Hic scriptor, & genti tuæ multum gloriæ, & tibi æternum parabit decus. Tantùm ne moras ulterius neſte, ne & Patriæ, & propriæ gloriæ, malè conſulas. Ad me quod attinet, decrevi majora, quæ partim edidi, partim confecta, vel affecta habeo, diſſindere libellis ſeptenis, vel pluribus fortasſe; eo alacrior, ad ea grandioris molis rediturus: modò Deus mihi tribuerit vitam, & valetudinem ſecundam. Ex pluribus intelligo Clariffimum Ravium, apud vos profiteri eloquentiæ ſtudia. Quo nomine gaudeo: nec committes, quin permultam, meo nomine, illi ſalutem dicas. A fratre ejus Conſtantinopoli reduce Londinum, literas accepi; unde intellexi quantoperè deinceps de literarum ſtudiis poſſit promereri. Ingentem enim MSS. theſaurum ſecum attulit. De Clariffimo etiam Laurembergio ſcire aveo, quid moliat. Nec enim tam nobile ingenium ceſſare exiſtimem. Illum etiam plurimâ impertire ſalute, ne grave duxeris. Vale ſumme vir, & porro amemus nos inter nos.

Amſtelodami, cId Ibc xlii.  
vi. Kal. Martias. Τάχα.

## CCCCXLI.

Ludovico de Dieu *Theologo.*

Vir reverende clariffimeque,

**E**N tibi literas à Ravio, Conſtantinopoli Londinum reduce, has incluſerat literis ad me datis, uti & alteras ad Golium, quas ſeorſum mitto: nolui vero dimittere hanc tam commodam occaſionem ad te ſcribendi; & eadem mittendi Maimonidem Dionyſii mei ὁ μαθητής. Accipias tanquam exiguas naufragii tabulas. Si longiorem deus vitam ei conceſſiſſet, multa haberemus ex Talmudicis ab eo ſcriptis illuſtrata, nec pauciora pro religione Chriſtiana adverſus Judæos. Ad me quod attinet, poſt opus quadripartitum de Theologia Paganica, & Phyſiologia Chriſtiana, ante menſes pluſculos luci mandatum, magis magisque cogito ſemper ætatem adfectam, vires infirmas, atque ut nihil æque mihi deficiat, quam otium: quo permulti adeo uberi affluunt. Quare totus

ſum non tam in novis inchoandis, quam perficiendis & emendandis iis, quæ antehac ſubſecivis ſcripſi temporibus. Neque tam operam hanc ſulcepi juvenum more, ut ſcilicet clarius nomen explendeſcat, quam ut me probem Deo: cui propediem fortasſe ratio erit reddenda temporis mei. Te quoque neutiquam otioſos tranſigere dies, & muneris ratio clamat, & tot aurea ſcripta, & conſtans fama. Eo impenſius Deum rogo, ut diutiſſime te Eccleſiæ ac Reip. literariæ ſalvum ac ſoſpitem conſervet.

Amſtelodami, cId Ibc xlii.  
idibus Martiis.

Egregii tui nominis  
cultor ſummus,

G. J. Voſſius.

## CCCCXLII.

Jacobo Golio *Matheſeos & Arabicæ  
linguæ Profeſſori.*

**O**Rnatiffimus Ravius Londinum Conſtantinopoli eſt reverſus. Literis vero ex Anglia ad me exaratis, alteras addidit tibi inſcriptas, quas nunc mitto per eruditum juvenem Bloemium, niſi Romano vocabulo Florum malis dicere. Tam comoda occaſione recte atque ordine facturum me putavi; ſi ὁ μαθητής filii mei Dionyſii Maimonidem ad te mitterem. Gratum fore ſpero, imo ſcio, pro amore, quo vivum, non modo ut Præceptor diſcipulum, ſed pene, ut Patrem filium complecti ſolebas. Cum poſtremo una eſſemus, ſpem faciebas brevi excurrendi Amſtelod. ſed non licuit nobis eſſe tam felibus, ut te fruermur. Quæſo quantum potes, tandem ſac promiſſa compareant. Clariffimo & amiciffimo Voſſio plurimam ſalutem dicito, imo & veterum Collegarum aliis, ubi ſic occaſio tulerit; uxori tamen lectiſſimæ ante omnes.

Amſtelod. cId Ibc lxii.  
Prid. Id. Mart.

Tuus totus,

G. J. Voſſius.

## CCCCXLIII.

**Q**uadriennium & ultra eſt, quod in ædibus meis vidisti Maimonidem filii mei ὁ μαθητής Dionyſii, & ſimul locum quemdam, ubi honoris ergo, præceptoris ſui clariffimi meminisset. Quod non alio à me

E e e

ad.



additur fine, quam ut facilius memoriam refricem. Tam longo inde tempore latuit opusculum apud Typographum: qui ex re sua magis fore putabat, si non ante publici juris faceret, quam perducta foret ad umbilicum, quæ ipsi de argumento similis tituli, sed dissimilis multis partibus, sub manibus haberemus. Spero non ingratus erit munusculum, siue mei causa, collegæ veteris, & qui nulli cedere velim amore tui, quem sic semper amasti. Spero si ex Italia saluus ac sospes redierit filius meus Isaacus, etiam Cæsarem ejus visurum lucem. Interea quæso hoc sis opusculo contentus. Salutabis omnes amantes nostros: Sed quando se sponte offeret occasio. Lectissimæ uxori, à me & conjugæ salutem ante omnes. Id enim mea describi plane iussit. Nocte intempesta.

*Amstelod. clō Idc xlii.*  
Prid. Id. Mart.

*Tuus æternum,*

G. J. Vossius.

#### CCCCXLIV.

*Thomæ Bangio, Professore Hebraicæ  
linguæ Hafnensi S. P.*

**Q**UOD literis tuis, vir præstantissime, tam amice me compellas, humanitati tuæ magis adscribo, quam virtuti meæ, aut in Remp. literariam meritis. Quamquam famam alicujus doctrinæ non abjicio: sed sufficit, si ut in eruditis duces non sumus, ita fortasse non agmen claudamus. Dolet, quod juvare non possum illo de Cicerone relegato & revocato. Adolescentem tamen vidisse me recorder. Non parum gaudeo munere tuo de Ægyptiorum Hieroglyphicis, multa & ejus argumenti parata habeo, quæ partem operis constituent de cultu symbolico: hoc est, tertii voluminis de Theologia Paganica; cujus fortasse jam quatuor primos libros videris. Superfunt nunc illa de plantis, ac lapidibus, idem de affectionibus in deos relatis: ac denique de statuis ac simulachris aliisque religiosi cultus symbolis. Nunc tamen aliis prælum desudat, quia juvit labores istos diffindere nonnullis ad religionem nostram pertinentibus. Cujusmodi sunt de tribus symbolis, Apostolico, Athanasiano, Constantinopolitano: adhæc de annis, quibus Christus natus, baptizatus, mortuus, & alia plusscula id genus. Nempe ætatis memor sarcinulas colligo, ut solent aliò migraturi. Dunsius mihi acceptissimus est, non solum ob commendationem tuam

longe gratissimam, sed ob suave ingenium & mirum proficiendi ardorem. Quare non patiar eum in me ullum officii genus desiderare. Tam patet illi omnis bibliotheca mea, quam si arcto me sanguine contingeret. Plane persuasum habeo virtute doctrinæque aliquando patriæ & suis præsidio & ornamento fore. Si quos huic similes, commendatione tua non indignos putabis, faciam profecto, ut intelligas, quantum tui causa, & Danicæ juventutis, præstare sim paratus. Vale vir eximie, & magno animo bene de studiis mereri perge.

*Amstelod. clō Idc xlii.*  
xvi. Kal. Aprilis.

*Tuus,*

G. J. Vossius.

#### CCCCXLV.

*Joanni Thomæ Bangio S. Ling. Prof.  
in Academia regia Hafnensi S. P.*

**V**IX hora abierat, quod per famulam Dunsio nostro literas miseram ad te perferendas: cum ecce me compellat ornatissimus Erasmus Hammerus, ac quod me tum temporis fugiebat, eum se esse ait, qui literas Dunsio datas in Daniam sit delaturus. Subjeci me, id si scissem, aliquam etiam ejus facturum mentionem in Epistola, quam ad te exarassem. Adhæc ille, gratissimum sibi fore, si nunc quoque aliquid adjungerem. Non tamen putavi reposcendas literas, cum opere æque facili liceret alteras contexere. Neque enim soleo operose scribere ad amicos, sed prout quidque in buccam venit, ita illino chartis. Quæ sæpe vix aliud præstant, quam ut jubeant amicum gaudere, vel, si Græcum mavis, χαίρειν, à quo usu vetustissimo primitus το χαίρειν nomen datum fuit. Quod ad Hammerum attinet, intra hebdomadem triennium exspirarit, quod mihi eum commendares, ac pariter Ludovicum Johannis Episcopi Othoniensis filium. Sed non videntur sic res tulisse Hammeri, ut multum in urbe Amstelodamensi foret: ut qui Musarum sibi sedem Leidam esse maluerit, & Gallias etiam lustrandas putarit: Aliter animatus noster Dunsius erat, qui jam plusculis mensibus hic degit & in vicinia quidem, cui propterea nostræ semper patent fores: omnino enim juvenem diligo, ac fore spondeo, ut cum reducem licebit amplecti, nihil non sapienter ab eo factum intelligas. Nihil vel illi vel mihi jucundius, quam ut ubi domum fuerit

fuerit revocatus, afferat secum notitiam rerum variarum minime protritarum, sed quæ fugiant, ut modestissime dicam, etiam eruditorum vulgus. Nec alius erga Hammerum animus fuisset. Amo itidem ingenium ejus & probitatem. Sed alia mens iis, quibus, credo, mos ei gerendus fuit. Interea quid refert, unde doctrinam haurias, dummodo pectus ea irrigaris? Quod quin ab Hammero pulchre actum sit, nullus dubito. Neque alio hæc fine à me scribuntur, quam ut videas, me quidem omnia juvenis causa voluisse. Simul etiam longior sum, quia non injucundum est, tecum per literas confabulari. Quod porro etiam facere paratus sum seu Argumentum scribendi erit, seu secus. Amantibus enim vel de nihilo nascitur Historia.

Amstelodami,  
clō Ioc xlii.  
xiv. Kal. Apr.

Tuo nomini addictissimus,

G. J. Vossius.

#### CCCCXLVI.

*Illustrissimo Jo. Skytte Seniori, L. B. in Duderoff & Gronfio, Senat. Reg. Suec. Cancellario Academiæ Upsalensis, &c.*

Jucundum mihi fuit, illustrissime Domine, videre filium tuum Benedictum, quem ob eximias animi dotes plurimi semper feci. Majorem tamen ex ejus conspectu cepissem voluptatem, nisi narrasset de valetudine adversa: Cujus ergo terras alias peteret, Gallicas imprimis, cœli solique lætioris & medicis experientibus felices. Dabam operam, ut mederer salutaribus ac fortibus monitis. Fortasse fallor. Nec enim morbi causam, vel naturam mihi aperuit. Attamen vereri occœpi, ne quid sit, quod generosiorum ejus animum coqueret. Novi enim ab aliquot annis, pleraque altius ad animum revocare, quam ex magni Catonis præscripto oporteret. Vellem etiam magis imbibisset sortem rerum humanarum, nulli undique & usquequaque arridentem. Quod ne quidem expediret nobis, discipulis Christi, cum Magistro iturus per Angustam ad Augusta. Atque & hæc & alia, memini me miscere sermoni, qui nec illi erat ingratus. Locutus cum eo filius meus Isaacus in Galliis eumque sui itineris comitem optabat. Sed meus Italiam cogitabat ad visendas Bibliothecas toto orbe inclytas. Multa ex iis ex-

scribit hætenus inedita, quæ redux, Deo juvante, juris faciet publici. Ptolemæum quoque dabit multis partibus ab ingenio & antiquis codicibus emendatiorem. Geographica Scylacis Cariandensis cum notis suis jam ante biennium in lucem emisit. Proximè vero divulgavit opus posthumum fratris sui defuncti Dionysii. Est id Mosis Maimonidis Rabbiorum doctissimi: cuius de Idololatria dissertationem Latine reddidit & uberi Commentario illustravit. Isaacus vero, cum pluscula in hoc opusculum præfari vellet, recte se facturum putavit, si aliquid misceret de illustrissimæ domus vestræ affectu erga fratrem nunquam satis laudatum. Vellem Isaac meo paulo plenius constitisset de primogeniti, heu quondam, tui fortissimi juvenis excessu. Accuratus quædam dixisset. Sed ea fortasse ex illustrissimi Jacobi Skyttii literis aliquando dabit cognoscere. Mihi meisque perseverat voluntas, quacunque ratione licebit, testandi posteris, quanti faciamus excellentissimam domum vestram, tum aliter, tum de studiis præclare meritam & porro mereri percupidam. Egregiæ animæ illustrissimi filii tui Jacobi Skytte, suavissima mihi sæpe memoria occurrit, nec mihi duntaxat sed & conjugis & liberis. Quæso ne grave duxeris salute eum impertiri nomine omnium nostri. Proxima occasione ad eum scribere decrevi, lubentius etiam facturum, si ipse me præverterit. Nunc ad te, illustrissime domine, scribendi occasionem nolui negligere, eunte ad vos nobili Sueco Jo. Kreuttsio, qui Galliis Italiæque lustratis, anteaque annis totis apud nos literarum studiis impensis, reditum in patriam parat.

Amstelodami,  
clō Ioc xlii. iv.  
Kal. April.  
St. Novo.

Illustrissimo nomini tuo, totique inclytæ familie devotissimus,

G. J. Vossius.

#### CCCCXLVII.

*Joanni Cloppenburgio Theologo, Ger. Jo. Vossius S. P. D.*

NON mediocrem mihi dolorem attulit, clarissime Cloppenburgi, nuncius de excessu communis amici, doctissimi Collegæ tui Zevecotii. Quem virum, ut ante annos viginti circiter, primum vidi, amare genium ingeniumque illud continuo cœpi. Ne-

E e e 2

scio



scio quæ Suada, ut de Pericle olim dictum, in labris ejus sedebat, sic ut facile cæteros literatos imprimis pelliceret in amorem sui; nec mediocriter capiebar ejus versibus facili vena profluentibus. Quanta vero cum laude historias fuerit professus, nulli melius dicent, quam qui docentem audierunt: neque id nos ignorare ea, absentes licet, permittunt, quæ ad Tranquilli Julium observavit, & Observata Politica inscripsit. Recte sentis interiorem mihi cum eo amicitiam fuisse, neque unquam in Amstelodami hac urbe ponebat pedem, quin domum peteret recta & de studiis confabularemur, aliquando etiam querelas suas de nonnullis in sinum deponeret nostrum. Quod si serenior mens foret (nunc ea nubila ob valetudinem aliquandiu adversam) pangerem aliquid in gratiam amici; sed cum non magis id corporis imbecillitas, quam occupationes sinerent, cum clarissimo Collega meo Barlæo, Philosopho pariter, Poetaque eximio, super isto egi; qui cum decima nocturna de eo à me compellatus foret, postero mane versus eos misit, quos nunc vides. Nempe unus ille optimæ viduæ & eleganti adolescenti pro nobis erit duobus: præsertim quando nec valetudo fuit, ut facerem, quod vellem, & noster ille, ut nosti, in Poesi plane dominatur. Eoque nihil attineret pannum nostrum cum illius purpura componi. Atque ista de me scio facile ornatissimæ viduæ satisfaciant: dummodo tu sis facundus mentis nostræ interpres. Sanè quacunque in re vel illi vel filio possit utilis esse opera mea, nupiam sentiet eam claudicare. Pro dissertatione de baptismo pro mortuis, gratias ago. *παιδαγωγία* est quæstio, multumque deinceps etiam, ut metuo, agitanda. Nostram nunquam habui ut *Κυρία Νέαν*. Sed in alienis etiam est, quod desiderem. Tuam expendere animus est; neque enim judicium præcipitare soleo. Quod si deinceps etiam alia ejus generis de penu tuo promere voles, & ut nunc fecisti, ad dapes tuas invitari, facile me scholico illi convivio addicam, imo, pene dicam, accessero invocatus. Amplissimo Brinkio & (ne singulos nominare sit opus) universis illustribus Gymnasii vestri vel Curatoribus, vel Professoribus, si occasio se offeret, salutem meo nomine dicito, imo & clarissimi Collegæ. Utunque enim non aderat ista scribenti, tamen id velle non dubito.

Amstelodami, clb Ixcxlii.  
iv. Kal. Aprilis.

CCCCXLVIII.

Andræ Riveto S. P. D.

**N**ON decreveram, clarissime Rivete, quem mitto de tribus symbolis, libellum, seorsum in lucem dare; sed serenissima Regina Britannica cum prole Regia, & celsissimo Principe Arausionensi Friderico, cum filio Principe Gulielmo, in urbem hanc adventantibus, putavi & me debere tam læta die officium testari non modo erga celsissimos Principes, sed etiam erga Regiam Magnæ Britannicæ Majestatem. Quorum utrumque me consequi posse existimavi, si opusculum hoc regio genero dicarem. Utinam vero tibi etiam probetur hic labor noster. Quod si erit, magis quam nunc probabitur auctori; sin aliquid improbabis, quæso facias certior, neque in istac solum opella sed etiam cæteris, siue ea lucem viderint siue deinceps. In tam densis occupationibus & illa *παιδαγωγία*, nihil mirandum sit, si quid excidat. Eo soleo studiose exquirere summorum virorum judicia, ut, vel addita editis pagella aliqua, moneam lectorem, vel in editione secunda corrigam. Decrevi edere quæ scripsi de historia Dominicæ Passionis & Resurrectionis. In quibus præcipue opera desudat nostra in conciliandis scripturis, & ex literario penu conciliandis nonnullis. Utinam propius, ut Leidæ quondam, habitarem; sed votis istoc non fiet. Quare sic quoque operam dabo, ut pro modulo nec de sacris, nec externis literis male dicar meritis: scribam, quæ scio; quæ nescio, si hic minus potero, in schola dicam celesti. Pro nupero ingenii tui, doctrinæque dono, gratias ago summas. Et si porro, ut confido, imperties nobis labores tuos, propediem iterum grates agam. Deum rogo, ut nos omnes regat spiritu veritatis ac pacis, quo, quatenus humana sinit infirmitas, unum sapiamus omnes.

Amstelodami,  
clb Ixcxlii.  
post Pentecostes.

Tuus æternum,

G. J. Vossius.

CCCCXLIX.

CCCCXLIX.

Andreae Colvio S. P.

**P**Ræclare Colvi, qui hæc tradet literas, nobilis est Polonus, reformatæ Ecclesiæ filius, plurculis ab annis mihi notus, nec non ob virtutis studiorumque amorem pergratus. Is menses aliquot in urbe vestra sedem figere decrevit; velim igitur, ut auxilio & consilio juves, partim cogitando de domicilio, ubi honeste habeatur, partim etiam (quando molestum non est homini tam occupato & privatis & Ecclesiæ negotiis) paxillum confabulando. Atque utrumque horum etiam peto ab egregia Beversvici anima. Pene scripsissem super ea re etiam ad communem hunc amicum; sed quid attinet isthæc iterare, quæ ex literis hisce ipse etiam possit cognoscere? Satis es expertus nulli in literis scribendis Romanum Lentuli magis nomen convenire quam mihi. Quid mirum? absque noctibus esset nihil à me expectare deinceps possit Resp. Literaria. Nunc, quod amici de die eripiunt, de somni tempore decido. Quare propediem, ut puto, aliquid nostri conspicies: in his libellum de tribus Symbolis, Apostolico, Athanasiano, & Constantinopolitano, quod Nicenum etiam nuncupari solet, quia Nicenum comprehendit. Sed tibi, tam amico capiti, irasci si possem (cujus ne causam quidem præbuisi in pueritia, et si ea ætas valde cerea ac lubrica) nunc fane vehementer succenserem quod non sequare exemplum nostrum in bene etiam de posteris merendo. Quod neutiquam scriberem nisi quantum valeas scirem. Occupationes quod prætexas, aliquid, & nihil est; vires si eas tibi neges, alium quæras cui persuadeas. Cave igitur, ne cogar suspicari, placere tibi, ut cum gentili loquar Poeta, antiquæ sacra Vacunæ & Vacunales focos. Plurima salute impertias Consularem Wittium & affinem ejus Vivienum, ac pariter lectissimas conjugēs; ut tacam tuam, & Bevervicium meum. Abunde salutigerulum feci, quare desino.

*Amstelodami, clō Ibc xlii. eo die quo æstatem incipere non uno loco proditum Plinio.*

CCCCCL.

Georgio Ratallero Dubletio, Ger. Jo. Vossius.

**Q**uantum video, nobilissime Dubleti, de Junio, ut Hagam is veniat, spissum est negotium. Fuit his diebus mecum, sed negat se ab Oxoniensi Comite posse avelli: nec Hagæ alterutri quicquam esse negotii. Huc tamen cum Comite venturum, simulac de Regiæ Britannicæ ad nos protectione facti erint certiores. Interea Hoofdius prope impatienter urget ut sibi tradantur, quæ una cum libris fuerant transmissa. Et hoc sine tradidit mihi apocham; ut constet, suo huc ea mitti periculo. Nihilominus hoc agendum, ut *καὶνῆσα* illa qualiacunque fido tradantur homini: ut ipsi in simili negotio nobis fieri vellemus: de quo frustra ad te, in quo dubium, utrum probitas, an prudentia præcellat. Accepi literularum aliquid à filio ad te quod mitto. Ac paulo post etiam alteram accepi Epistolam, unde liqueat quincto Aprilis etiamnum fuisse Florentiæ; paucis vero diebus Romam iturum. Totos pene dies in Bibliothecis delitescit, & describendis scriptoribus Græcis hæcenus ineditis occupatur: optat se centimanum Gyan, ut eo beatus redeat domum cum *ἀνδρόν* thesauro. Nunc enim solum se non sufficere tam multis describendis, nec unum invenire Florentiæ Græcè gnarum, vel saltem cujus opera in hoc negotio justo pretio uti valeat. Quare subinde se tristibus oculis intueri multa & præclara reposita, quibus videndis profecto nulla deinceps affulgebit occasio: Retuli filii mentem matri. Illa nihilominus malit filium redire bimanum quam centimanum: qualem se negat peperisse, & tali conspecto ait, vel oculos clausuram, vel latebras quæsituram, ut solent, qui necdum ære lavantur. De studiis nostris si quæris, totus in eo sum, ut veteres relegam Chartas, atque inde seligam, quæ posse lucem ferre arbitror. Est vero tanta eorum turba, quæ jam cum blattis & tineis rixantur, ut edendis (limam enim desiderant) vix decem anni suffecerint. Longe enim eorum numerum exsuperant, quæ hæcenus in manus hominum venire passus fui. In hisce igitur ad incudem revocandis, tantum sudo, quantum finunt, qui assidue interpellant. Amplissimis viris, Reigersbergio, Dedelioque salutem plurimam.

*Amstelodami, clō Ibc xlii.  
iii. Kal. Maias.*

CCCCLI.



CCCCLI.

Georgio Ratallero Dubletio, *Senatori*  
*Cur. sup.*

Nobilissime, amplissimeque vir,

**I**ndolui vehementer, postquam ex eo, qui tuas mihi literas adferebat, intellexi de excessu optimæ adfinis tuæ: nec enim antea id cognoveram, neque tam id literæ tuæ significabant, quam huiusmodi quid innuebant; fortassis, quod aliunde malles me percipere id, de quo non scribere modo sed cogitare etiam foret permolestum. Ac sortem quidem defunctæ nemo sapiens lugebit. Quid enim certius, quam vitam hanc plus aloes habere quam mellis? Ego si multos ante annos defunctus forem, quot adversa non vidissem! Sed doleo vicem optimi & præstantissimi affinis tui: qui nescio an facile alteram ejusmodi vitæ comparem sit reperturus. Interea temporis eam quoque provinciam minus difficilem reddet; quod ni fallor, unica solum proles relicta & in re tanta. In hocce verò luctu, ut confido, eum se præstat, quem semper cognovimus: pectoris nempe bene præparati quamvis ferre fortunam. Quam ad rem vehementius etiam incitare eum debet Gentilis & affinis sui exemplum. Cujus tanto justior fuit dolor, quanto molestior multiplex adeo ac tenellæ prolis educatio; sed nulla esse tanta tristitia debet, ut animum, non dico, commoveat, sed de statu dejiciat. Frustra hæcenus studiis & sacris & externis operam dedimus, si hoc non magnam partem ex iis hausimus, quomodo medela debeat fieri animis ægrotis; imo illud etiam qua ratione consequamur, ne animus multum diuve moveatur adversis, id erit, si mens ad omnem sit eventum præmunita. Nam tela, quæ prævisa, ea vel amictu evitamus, vel levius saltem feriunt, ut dici solet: Atque ista scribenti venit in mentem, si tute, qui tam fortia verba exaras, cognosceres nunc filium dulcissimum quem ante biduum Florentia (ubi tantum temporis, partim musis conferendis, partim *exercitiis* exscribendis, impendisse nosti) salvum ac sospitem venisse Romam: literis ipsius edoctus gaudebas. Si inquam eumple nunc tristi fato excessisse audires: nonne ea res omnem illam, quam sic prædicas, sapientiam facile expectoraret? Ego mox omne tam triste abominare, eo facilius, quia omnia, ejusmodi quidem, flocci facio. Huic cogitationi pauxillum insistens, non alio animo, quam ut me ipsum excuterem (valde enim difficile est illud γὰρ οὐ συντρίβειν)

ut pugnantes videas affectus, risi & ingemui. Denique in eam mentem sum adductus, fore me non imparem fortunæ, per gratiam divini spiritus, qui non tentat supra vires. Quorsum, inquires, ista tendunt? Nempe, ut ostendam, omnia nos nobiscum antea revolvere debere, quæ valeant obtingere in hac vita; si nihil eorum, quæ metuimus, usu venit, lucro reputabimus; majores etiam Deo gratias agemus: sin secus, animo erimus præparato: sed noctuam Athenas, qui ista scribam. Mitto tibi exemplar opusculi de tribus Symbolis: quod gratum erit, ut omnia nostra. Addidi alterum, Amplissimo Reigersbergio, tertiumque affini tuo Dubletio, quem plurimum meo salutes nomine, rogo, uti & senatorem collegam, quem dixi. Mitto & alia exemplaria: sed de illis curæ futurum cognato Brunæo: in his unum cedit Doctori Johnsono, aliud equiti Zulichemio, tertium D. Riveto: quartum equiti Wickefortio: quintum consulari Conradino Burgio; sextum ipsi cognato. Vix scripseram ista, cum in mentem venit, de nob. Boswello, Dedelio, Catfio. Quare & ista tibi destinavi; sed conditione ea, ut si voles, non per tuum id famulum fiat, ut recipiant, sed per Brunæum nostrum. Tantum monendus erit, vel potius significabo, ut ipse domum veniat tuam.

*Amstelodami,*

*Id. Idc. xlii.*

Non. Quint.

*Tuus tuo merito,*

G. J. Vossius,

Cum ex literis affinis meæ Brunææ cognoscerem filium ejus ægrotare, consilium mutavi, omniaque ad te exemplaria misi. Si meliuscule valuerit, tuam poterit domum accessi, per famulum, ut levet tuum illum labore discurrendi per urbem ad exemplaria tradenda. Omnia tuæ prudentiæ committo, qui facies, prout maxime tibi erit commodum. Prænomen Domini Dinglei, imo vix nomen sciebam. Id exemplar procurabit Doct. Johnsonus, ad quem de eo scribo.

CCCCLII.

Merico Casaubono.

Reverende clarissimeque Casaubone,

**J**A M facile cum animo tuo æstimare potes, cur has ad te literas scribam, nempe quia ex beneficio Regio mihi annumerandæ sint libraræ

libræ sterlingiæ quinquaginta. Nisi forte quadraginta duntaxat; nec enim, qui tam longe absum, scire possim, ecquid nunc etiam decidi oporteat de summa. Filius meus Isaacus post visas & lustratas Gallias vel potius bibliothecas cum viris doctis, in Italiam quoque abiit. Florentiæ tribus circiter mensibus substitit, ubi imprimis eum detinuit bibliotheca Medicæ. Unde multa *avēdora* se descripsisse filius pene dixerim gloriatur. Inde Romam abiit, præsertim propter Vaticanam. Neapolin etiam accessit, ubi illam lustravit, quæ Jani Parrhasii olim fuit. Romam inde rediit, ubi etiamnum erat ante hebdomades ternas, ut ex ejus literis cognosco, sed primo die, quo æstus aliquantum remiserit, ait se Venetias iturum. Hæc sine majusculis impensis fieri non possunt. Quocirca rogo, ut cura tua citra longiusculam moram (modò ullo pacto sic res vestræ ferant ut confido) mercatori Hoofdio annumerentur pecuniæ ante memoratæ. Id ego in hoc rerum mearum statu beneficii loco sum habiturus. Quin nostra de Theologia gentili & Physiologia Christiana jamdudum acceperis, minime ambigo. Quod vero ab tam longo tempore nihil acceperim responsi, id ego nulla fieri negligentia arbitror, sed ob rerum Britannicarum statum præsentem, qui animos vestros in rebus, quæ infinitis partibus sunt majores, defixos & suspensos tenet. Quod unum valeo, id volo, nempe assiduo ut preces fundam ad Deum pro sereniss. Regis Regiæque familiæ ac universi regni incolumitate. Augusta Regina ab Amstelodamensibus nostris magnificè excepta. Qua occasione & ipse gratulari volui libello de tribus symbolis, quem idcirco dicavi juniori Arausionensium Principi, non tam ut principis inclyti filio, quam ut genero Regio. Mittam prima occasione. Multa & alia habeo editione prope parata; sed ita à mane usque ad vesperam interpellor, ut non decuplam ejus valeam, quod possem, si in prædium aliquod me abdere ad menses paucos liceret. Facimus tamen, quod valemus, cujus rei indicia & alia aliquot conspicias brevi, modo Deus vitam & valetudinem concesserit utrique nostris. Id Deum oro, si salutare nobis. Plurimam dicito salutem lectissimæ coniugi & Reverendo Domino Doctori Decano, & universo reverendorum fratrum collegio. Quia ab his xii. annis, quo una eramus, è collegio venerando, & fatum aliquos abstulit, & publica utilitas ad majora transtulit, scire aveo, quibus cum nunc fratribus hoc decus quodammodo habeam commune, & an adhuc vita fruatur optimus Dr. Angan: cujus

subinde inter allos mihi memoria occurrat.

*Amstelod.* clō lōc xlii. iii Kal. Sext. Quo die olim Londini religionis ergo combustus Rombertus Barends, Anglus, Sac. Theologiæ Doctor, cujus extat liber de Pontificum vitis. Anni nunc sunt cii.

*Tuus æternum,*

G. J. Vossius.

CCCCCLIII.

Joanni Friderico Gronovio *Hist. & Eloquentiæ Professore.*

Quas clarissimo Freinshemio literas inscripseras, confestim curavit, & nunc responsum ejus mitto. Video virum esse optimum doctissimumque, semel iterumque una fuimus, excepto quod non unà esses, cætera læti. Literas ab Isaaco meo jam binas accepi Roma, spero intra trimestre denuo affore nobis. Grotius Riveto fufius, sed una alteraque pagina Laurentio respondit. Nunc uterque responsum parat: porro Riveti illud jam excuditur ab Elzeviris. Polyænum mitto & unà Grosippum, unde colligo cogitare te adhuc de re nummaria. Utcunque ex literis tuis intelligam, quantopere distinearis, confido tamen fore brevi, ut ali-quod ejus argumenti in lucem des. Si quid ultra ex mea bibliotheca tuis possit inservire commodis, exposce. Paratior ero ad mittendum, quam tu ad petendum. De Salmasii reditu nihil certi potui cognoscere. Puto etiamnum Divione esse. Plurimam salutem doctissimis collegis dicito.

*Amstelod.* clō lōc xlii, xvii. Jun.

*Tuus totus,*

G. J. Vossius.

CCCCCLIV.

Joanni Rave, *Eloquentiæ Professore.*  
S. P.

Præclare Rave, si quis alius in adolescentia jurare in singulas Stagiritæ nostri sententias soleat, eum me fuisse commemorari. Neque hoc animi mihi tantummodo fuit septennio illo, quo sub magistris acutissimis ope-



operam dare differendi disciplinæ, & universæ sapientiæ ac prudentiæ studiis, donec tandem supremâ in illis laureâ non indignus judicaretur; sed biennio etiam post, cum Aristotelis *Ανευαυτὸς* in Leidenſi Lycœo publica auctoritate enarrarem. Quum plurculis etiam annis postea hoc animi permanſit, sed paulatim veritatis luce adactus confiteri cœpi, aliqua divini viri repertis addi, aliqua etiam melius dici posse, idque non modo in philosophia ipsa (quod in scientia naturali etiam Hypseâ cæciori clarum esse arbitror) sed in ipsa quoque *ἡθικῇ καὶ πολιτικῇ*; quibus duabus omnem differendi disciplinam veteres complectebantur. Placet igitur, quod à Plinio ad Cæcium scriptum video. 'Sum ex iis, qui mirer antiquos, non tamen, ut quidam, temporum nostrorum ingenia despicio. Tuum sane amo, & exosculor: cum ob ea, quæ aliis in studiis elaboras, tum ob reperta ista in rationis disciplina: quæ non possunt non amari ab rationis amantibus. Quod si forte ea res invidiam creat, forti hoc animo devorandum. Sin iste dissensus etiam offendit bonos, & qui aliquid possunt, istum errorem quadam arte ut corrigas elaborandum. Nempe ne publice è cathedra aliud doceas, sed sententiæ tuæ arbitrum facias orbem literatum scriptis eruditis; ita non erit, quod, qui adversantur, dicant, minus à te in cathedra impleri munia, ad quæ sis vocatus, imo erroribus imbui auditores: & paulatim tamen ex monumentis ingenii doctrinæque tuæ veritas elucebit, quibus dum undique applauditur, futurum confido, ut quos nunc maximè habeas adversos, pedibus in tuam concedant sententiam. Valde autem placet, quod hæc studia sic tractes, ut ostendas sectari te veritatem, quæ carior esse nobis debet, quam ipsi nobis sumus: & interea etiam litare te Modestæ, quæ cum ubique sectanda, tum imprimis locum habere debet iis in rebus, quæ elegantioribus ingeniis verè sint animi pabulum, non tamen istiusmodi, ut inde vel animarum salus, vel vestigalia populi dependeant. Pluribus nunc colloquerer tecum, nisi præstantissimus frater tuus, quem ob præclaram eruditionem, præsertim orientalium linguarum scientiam multum amo, pro viva sit Epistola futurus. Ex eo igitur, quicquid ad res nostras pertinebit, ubertim cognosces.

Amstelod. cl. Id. xlii.  
Pr. Kal. Quint. St.  
Gregoriano.

Tuus totus,

G. J. Vossius.

CCCCLV.

Georgio Calixto.

*Helmſtadium.*

Clarissime ac summe vir,

CUM omnis doctrina, vel divina sit vel humana, hæc ad Deum ducat, illa perducat: recte me atque ordine facturum hoc tempore putavi, si opus conderem, quo ex utroque facerem cinnum, sive ut Græci dicunt, *κυνεῖρα*: sed sic, ut præcipuè versarer circa humanam, quæ gestorum historiam & notitiam naturæ comprehendit; unde ad doctrinam divinam, illam pietatis nempe, sive Christianæ fidei, & vitæ præcepta, ascenditur. Hujusce laboris nostri, satis operosi, pro mole quidem occupationum, quibus distineor, exemplar mitto lubens meritoque. Nec ingratum fore confido. Addidi opusculum de tribus symbolis, & Maimonidem *ἡ μανειρα* filii mei Dionysii. Item panegyricum Matthæi mei illustrium Ordinum historiographi & Amstelodamensis bibliothecæ Præfecti. Pene addideram volumen ingens de Arte Grammatica; sed metuebam, velle hoc viderer, ut ejus lectione repuerasceres: vel etiam hoc agerem, ut avocarem ab labore indefesso, quo & voce & scribendo divinis vacas, veritatis pariter ac concordie assertor. Sed Grammatici illius laboris loco, alia gravioris argumenti expectata, modo Deus vitam ac valetudinem concesserit. Horneio præclaro philosopho ac Theologo plurimam à me salutem dicito.

Amstelod. cl. Id. xlii.  
xv. Kalen. Quintiles.

Tui nominis estimatissimus,

G. J. Vossius.

CCCCLVI.

*Illustri V. Joanni Skytte, Baroni, &c.*

Illustrissime Domine,

JAM spero literas acceperis, quas iv. Kal. April. dederam Nob. juveni Jo. Kreutzio. Ut denuo scribam, bella facit occasio, eunte ad vos V. clarissimo Jo. Freinshemio, quem Historiarum & eloquentiæ in Upsaliensi Academia Professore constitutum, & ante ex aliis intellexi, & nunc ex ipso audeo, gaudeoque. Atque hoc omne, præclare literarum ac literatorum Mæcenas, Tui unius est beneficium, qui & de præstantissimo Freinshemio,

Freinshemio, atque ejus familia, & de Academia patria atque adeo omni Rep. literaria pulcherrime mereri voluisti. Hæc & fidentius scribo, quia mihi & ex sermone & rot ingenii doctrinæque monumentis & aliorum etiam summorum virorum judiciis, vir hic notissimus est; dignissimus sane, quicum vel in tenebris mices, & ea ingenii elegantia, ut non facile posthabeam cuiquam; inque scriptoribus antiquis ingenio tam subactò, ut his & vicinis terris hæcenus se omnibus probarit ea in palæstra versatis. Sane multa sunt, qui prima facie quantivis pretii videntur, sed si introspicias, comperimus secundum veterem adagionem, pro thesauro carbonem. In nostro hoc contra est, qui longe plus habet in recessu quam in fronte promittat. Neque unius hoc mei judicium est. His paucis diebus locutus sum cum multis, qui uno ore omnes, ut indefessum laudant tuum studium in bene merendo de literis, ita & prudentiam extollunt in hoc viro è literatis seligendo, qui familiæ Skyttianæ, sanè illustrissimæ, si fieri potest, lucis aliquid addere porro apud posteros, & ornatissimus ipse ornamento esse, licet longè ornatissimæ, diu noctuque conabitur; & si Deus longam illi vitam ac valetudinem, quod velit, etiam poterit. Nihil attinet plura de Clariss. viro addere, qui eâ est modestiâ, ut si ista à me scribi sciret, verecundius tanto Heroi literas offerret nostras. Metueret scilicet ne ex compacto, hoc fieri suspicari posses: verum ne ille quidem scripturum me scivit, nisi cum jam nauta abitum pararet. Quæso ubi occasio erit, salutem dicito generoso filio Baroni Jacobo Skytte, volo enim ut sciat, me memorem esse sui, neque me solum, sed omnem familiam meam: à qua itidem salutem adscriberem, nisi hoc ipso mane Ultrajectum se cum aliis amicorum contulissent.

*Amstelodami,*  
clb lxxiii. iii.  
Non. Quinct.

*Illustrissima familie tue*  
*eternum devotus,*

G. J. Vossius.

CCCCLVII.

*III. Hugoni Grotio, Legato Suecico ad*  
*Regem Christianissimum.*  
*Lutetiam Paris.*

POST perlongi temporis moram, Illustrissime Domine, ad officium iterum redeo. Binas Excellentiaæ Tuæ literas accepi; quarum priores exarata, octavo die Aprilis:

iis Saberium commendabas: ac placet, tum ingenium elegans, tum varia eruditio. Allocutus est Eruditorum complures; in his etiam Cl. Rivetum. Is commendavit Illustri Comiti Rhenensi, ac tantum videtur effecisse, ut præfuturus sit ejus Liberis, ac præter victum habiturus sit centum Imperiales. Gaudet Domina Comes, se opera Domini Riveti, nactum juvenem modestum, doctum, & quidem reformatæ Religionis. Nam inquit, metuebam, ne cum maritus sit confessionis Augustanæ, quempiam præficeret Lutheranum. Sed demum Augusto mense est futurum, ut in Ædes Dominae Comitissæ, marito in castris agente, recipi possit. Nunc ea cura mordet Saberium, ne interea Lutetiam Parisiorum scribat Rivetus, & qui Ecclesiastarum, illi degunt rescribant, de quopiam incautius sibi dicto factore. Utcumque erit, nec ego, nec alii hujus urbis, patiemur eum quicquam in nobis desiderare. Altera Excellentiaæ Tuæ litera scripta fuerunt x. Maii; ex quibus intelligo tandem Excellentiaæ Tuæ traditum esse opus nostrum, de Theologia Paganica, & Scientia Naturæ. Id ego jam compactum dederam, ante menses permultos illi, qui Lutetia distribuit libros à Blauwii editos. Hic enim erat tum temporis. Simul mandabam, ut postquam in Gallias rediisset, adderet pro amico, cui dare velles, ex incompactis exemplar quodpiam, vel etiam geminum. Item filio Isaac, tum adhuc agenti Lutetia, minimum duo Exemplaria, & si plura exposceret etiam tertium, quartumve. Sed non multo post, Epistolam à filio accepi, unde intelligerem dolere illi, quod ante abitum non potuerit eos codices nancisci; quo gratum animum erga bene meritos testaretur. Quid iis Exemplaribus factum sit, exquiram ex Blauwio. Sic enim non Blauwius nunc scribendum mihi, fratrum eo, qui junior erat, paucos ante menses defuncto. Magis ea res obesset Reip. literariæ, nisi fratrem propemodum ex asse hæredem fecisset. Absque eo foret, qui superest, impar esset sumptibus faciendis tantis. Quippe ut mittam cætera, Typographia ergo, alit quotidie supra homines xl. Utrum præter compactum exemplar, etiam acceperis unum, plurave incompacta, non potui ex literis Excellentiaæ Tuæ cognoscere. Si neglectum Bibliopola, petat famulum aliquis; facile et in memoriam revocabitur, quod me præsentem, stylo aneo, in charta deletili scribebat. Probe etiam Blauwius, & famulus ejus meminere, quibuscum de eo sum locutus, ubi literas Excellentiaæ Tuæ accepi; & nullam ejus rei in iis vidi mentionem. Ea quæ scripsi proximè

Fff

Excellentiaæ



Excellentiæ Tuæ, probari valde gaudeo: Quod verò etiam laudibus extollas, planè triumpho. Quamquam nullius Suada possit esse tanta, ut quas mihi laudes tribuis, eas mihi arrogem. Ac tam lævam mentem à numine deprecor. Interea excessus iste amoris, in prædicandis meis, solatur me non parùm, cum alii sic depretiant, ut nec iustas laudes concedant. In quibus ille, qui Flando inanes glorias, satis docet, cuius sit gentis. Misi illi per amicum nostra, cum filii Maimonide. Rogatus, an nihil vellet rescribere? negavit, sui moris esse rescribere, nisi prius legisset. Bellè hæcenus. Post menssem literas accipio. Ait sibi gratos esse hos labores, uti alios nostros: Cæterum iudicium non apponere, quia non soleat iudicium ferre, nisi opere integro plectecto. Perlegerit credo ad Kalendas Græcas, ac iudicium tum expectabo; quod perscribat, an minus (dicam cum Cornico) cicum non interduim. Quæ ad N. T. adnotasti, quanto studiosius verfo, tantò magis exosculor, ac stupeo prorsus. Nihil hæcenus tale, vel tantum prodiit. Sanè inimici de iis tacere, quam vituperare illa malunt. Sed tria sunt, quibus sic eos offenderis, ut nec fullo ululam odisse pejus possit. Primum est, quod Papam negaris, illum Anti-Christum. Ac Tuæ quidem Excellentiæ propositum illud video, ut facilius coalescat Ecclesia misere adeo scissa. Illis verò hoc studium, ut quantum pote abhorreant omnes ab Ecclesia Romana, arctèque sibi adhæreant. Itaque multi existimant, expedire ut credatur Anti-Christus; nec opinionem eam evellendam animis, utcumque falsa foret. Optimè Barucephalum nosti, Dordrechtanum illum concionatorem. Nam vere id erat, si Tullii more, concionatoris utendum vocabulo. Is amice à me monitus, nè in concionibus tribueret Pontificiis, quæ nulli eorum non vehementer improbarent. Ille querere, num ego patrociniū suscipere vellem Papistarum? Respondi alia esse satis multa, quæ verè possent culpari; nec veritatem egere falsis: Nec posse eum unicum Pontificiorum producere, qui sic sensissent; me sexcentos allaturum, qui contrarium docerent. Ad incitas redactus, torvo vultu dicere, neminem posse satis fœde Romanæ Ecclesiæ doctrinam coram populo depingere, ut magis eam abominetur. Non multum abludit oratio eorum, quibuscum sum locutus Amstelodami. Cui, inquam, bono, ulterius non haberi pro Anti-Christo, quam ut plures quotidie deficiant à nobis ad Romanam Ecclesiam? Quasi non abundè eorum sit, qui hoc faciunt, rerum suarum satagentibus apud nos

Pontificiis Doctoribus; nostris plerisque omnem penè fiduciam reponentibus, partim in acerbioribus Magistratus adversus Pontificios edictis, partim in eo quod se frigide, etiam causam suam agentibus, obloqui liceat nemini. Alterum quo asciam in crura impegeris, ipsimet esse aiunt, quod omnes errores Papistarum, vel defendas, vel excuses. Magnam partem hæc eorum opinio inde originem trahit, quod Papisticum credant, eoque erroneum, quicquid non conveniat Doctoribus suis. Dicere soleo, *ἀναθεματίζω ὑμᾶς, ὡς οὐκ ἐπιστάτας*, tria distingui tempora oportere, *Conformationis*, quæ in primis sæculis, quod ad multa etiam in consecutis: *Deformationis*, quæ jam antè etiam Successorem Gregorii M. Bonifacium (intermedius enim Sabinianus solum quinque mensibus sedit) in nonnullis esse coeperat; sed seu Tyrannidem, seu superstitionem attendamus, à temporibus Hildebrandinis, magna imprimis incrementa coepit: *Reformationis*, cum & optimo, & doctissimo quoque tam Tyrannidis, quam Superstitionis pertæso undique, emendatio Ecclesiæ exposceretur, varique exulceratæ Ecclesiæ medicinam adferre conarentur. Sed plerique non sat iusto pretio antiqua tempora æstimantes: unde *αὐτὰρ αἰὶν* quadam, non ea modo rejecere, quæ à deformatis erant temporibus, sed etiam cum Apostolicis traditionibus nihil non (ut sic dicam, quando Conformationis voce uti coepi) conforme traderetur. Jure igitur Excellentia Tua negat, alba omnia linea signari oportere, quæ Reformationis Authores immutarent; cum non ea modo plerique sustulerint, quæ à deformibus erat temporibus, sed etiam, ut sic dicam, conformibus: hoc est Apostolico tempori convenientibus. Tertium cuius ergo sic bilis turgat, est isthoc, quod seditiosos dicas, qui Genevensem imprimis Ecclesiam sequuntur; & Calvinum, non dubites, ut crudelem incescere. De priori aiunt, te præcipuè tangere, tum Anglos, sive potius Britannos reformatos, tum Belgas fœderatos, & in his Amstelodamenses. Quod ad Britannos, plerorumque iudicium est, rectè fieri, quicquid hæcenus ab iis factum. Nam Regem esse desinere, qui Supremo Regi non paret; non parere autem, qui vel Papista sit, vel papizet; papizasse vero hæcenus Ecclesiam Anglicanam, mox ab excessu Henrici VIII. cum Edvardus Ecclesiam reformaret, licet iudicio eorum, qui flos Theologorum credebatur; nec suorum omnia iudicio meliri vellet, sed externam etiam opem exposceret, in hac Buceris ac Martyris; è quibus jam tum Bucerus non satisfecit Calvino: Et qui Calvino adhærent, Bucerissimum

cerisimum vocabant, si qui Calvino non consentirent; ac qui Bucero faverent, novum credebantur Papismum, quasi dicerent Calvino-papismum, vel Lutero-papismum introducere. Bucerus non poterat ferre vehementiam Calvini, quem optimè norat ex quo Argentorati una vixerant, & melius nosse didicit, ex quo Genevam revocatus. Accusare igitur ejus (quo jure melius me scias) maledicentiam maximam, & quod dissentientes non ferret, sed durè adeo, asperèque persequeretur, sic ut etiam fratricidam, uti lego, nuncuparet. Calvinus sic à magno viro increpitus respondere; hæc esse genii potius sui, quam judicii; & (ut Calvini ipsius verba, ad Bucero retineam) sic scribere, *Ut verum fatear, nulla mihi cum maximis, & plurimis vitis meis, difficilior est lucta, quam cum ista impatientia; neque certe nihil proficio, sed nondum id sum consecutus, ut bellum planè domuerim.* Hæc sanè satis modestè, si id postea consecutus. Illud verò concoquere non potuit, quod idem Bucerus, qui eum vel norat, vel nosse putabat, non veritus esset scribere; *Judicas prout amas, vel odisti; amas autem, vel odisti prout lubet.* Quod cum legisset, literas scripsit, quarum hoc initium. *Cum literæ tuæ mihi sub cænâ allatæ essent, tanto gaudio perfusus fui, ut non meminerim tribus totis mensibus, letiorem mihi horam affulsisse.* At cum eas super cænâ, utcumque percurrissem, lectio ipsa, sic fui flagellatus, ut proxima nocte irrequies semper æstuarim, nec toto post tri-duo fuerim apud meipsum, &c. Traducebant Calvini amici Bucero, quasi novum Papismum erigeret; nempe uti de tua dicunt Excellentia, interpolatum te Papismum exhibere. Bucero negat, à se hoc nomine accusari Calvinus. Sed optare tamen, ut ne causam præbeat calumniæ, dum sic mediam Excellentiam Tuam instar insillit viam. Quod cum ex cunctis ejus pateat scriptis, tum præcipuè, à forma reformationis, præscripta Hermanno Archiepiscopo Colonienſi; & illis quæ Anglicanæ Reformationis ergò scripsit. Cum vero Bucerus propius ad Romanam Ecclesiam accederet, quam Lutherus; Calvinus longius ab ea abiret, quam idem Lutherus; extra Lutheranismum, duæ ortæ Appellationes, Bucerismi, & Calvinismi: & fâtebatur Calvinus, Bucerismum esse magis tolerabilem, quam Calvinismum, si non ad obrusam Scripturæ rem exigi oporteret. Nunc Bucero pacinimum dare, se omnia metiri veritate. Sed Calvini verba audiamus. *Frustra mihi excusas, novo Papismo erigendo (quod nempe Excellentiam Tuam aiunt factitare) te non studere; sed vellem aliis omnibus, sic exploratam*

*esse puritatem tuam, ut ne suspicionis locum relinqueres. Frustra etiam id te dare operam nequid Calvinismi admisceatur. Si à Scripturâ semel deflectendum sit, non ignoro, quam sit tolerabilior Bucerismus, quam Calvinismus, &c.* Bucerismo Excellentiam Tuam magis favere, quam Calvinismo, res clamat; Atque hanc, si Scripturis non repugnet, magis tolerabilem esse Calvinismo, agnoscebat ipse Calvinus. Solum igitur quæstio oritur, An Bucerismus ei magis obversetur Calvinismo? Facile esset cuivis, hanc decidere Controversiam, nisi Scripturæ etiam possent malè intelligi à Calvino, & eum sequentibus. Puto igitur operæ esse videre, quomodo eas intellexerint Veteris Ecclesiæ Doctores. Quod si fiat, sine dubio, vicerit Bucerus. Existimo autem rem facturum non inutilem, qui ex Buceri scriptis colligere velit, quæ ad Controversa Dogmata, & Concordiam Ecclesiæ pertineant. Sed consulendæ sint Editiones illæ, quas nobis Germania produxit; non quæ ex Sententia Calvini castratæ, prodierunt Genevæ. Exempli gratia, Commentario in Psalmo II. sic habet Argentoratensis Editio Anni clō lxxix. Non possum non sanum judicium optare quibusdam, qui hoc nostro sæculo plurimos admodum turbant hoc paradoxo; sola nos fide servari. Cum viderent tamen hoc eo rapi, ac si justitiam sola animi existimatione, finirent, & bona opera secluderent. *Quæ jam illa Charitas, quæ huic malo, uno verbulo mederi dedignetur? Fide formata justificamur, aut per fidem bonorum Operum, voluntatem, ac ita justitiam consequimur. Aut fides, fundamentum, & index est justæ vitæ, ut Augustinus dicit.* Neque veris enim quisquam est offendendus, &c. Ubi pro hisce, sic habet Editio R. Stephani quæ Anno prodit clō lxxiv. nempe triennio à morte Buceri, decennio ante mortem Calvini: *Nemo gravari debet, cum videt offendi homines, quod sancti dicunt, Nor sola fide salvari; adjicere vivâ, formatâ, per dilectionem efficaci, aut quid hujusmodi. Nam qui offendamur hoc dicto, putant eos, qui illud usurpant, justitiam in inanibus animi cogitationibus collocare, bonorum operum studio tanquam frustraneo repudiato. Ut igitur ne veris quisque offendendus est, &c.* Cum vero omnia fere Buceri, sint moderatissima; tum imprimis, præfatio in Commentariis super quatuor Evangelistas, in Editione Argentoratensi Anni clō lxxx. quæ & ipsa præterita, in Editione Rob. Stephani Anni clō lxxiii. Nempe probari illa iis non possunt quibus Romana illa Ecclesia, non est Apostolica, sed Apostatica: Nec sedes Christi, sed Anti-Christi; nec vivum sed mortuum est Corpus. Doctissimus fœder Junius, cum nollet ab iis discedere,



qui censent, Romanam Ecclesiam esse Meretricem Babylonicam, & tamen statueret, in ea salvari innumera millia; aiebat esse vivum Corpus, sed ulceribus oblitum. Meretricem esse, sed adhuc sponfam Christi, vel Conjugem, quia Christus necdum illi miserit libellum repudii. Sed non eo satisfecit Genevensibus, qui illam dicerent Idololatricam, ac proinde neminem in ea salvari. Narravit mihi Doctor Antonius Thyfius aliquando cum Genevam venisset, & soceri mei nomine, multam salutem diceret D. Bezæ, illum continuo subiecisse; *Es quomodo valet charissimus frater Junius? Vir est egregie de Ecclesiis nostris meritis; quanquam in uno capite dissentiat à nobis.* Id caput erat de Ecclesia, quam Junius negabat, tam arctis limitibus concludi, ac multi volunt; sed jam metuere incipio, ne prolixitate tanta, molestius sim occupatissimo. Ad alia igitur venio. Clarissimus Rivetus responsum parat, atque id ait sibi non fore difficile. Omnibus tui, sui que scripti comparationem instituentibus fore liquidum, causam ab excellentia tua desertam. Rogare se Deum, ut dotes ingenii melius colloces, quam factum proximè. Ita ille. Cur causam desertam à tua dicat excellentia, causam non video aliam, quam quod non agas de universis, quæ fuerant objecta; quasi non dicas initio, hoc tempore non alia te velle defendere, quam quæ tuam excellentiam tangant. Respondere etiam Epistolæ tuæ parat Laurentius. Indignè fert se sic remitti ad veteres, cum Theologiæ studium sibi proprium sit, & istos, ut ait, legerit; ipseque ætate non nisi triennio, ut inquit, præcedas. Inde colligi posse quanto spatio prius huic se studio dederit, & tot laboris sui monumenta habere testes, quæ jam abhinc annis circiter xxx. diversis divulgari temporibus. Culpatur à cunctis, quod Apostatam probare velit, ex sententia partis adversæ: aiunt enim eos potius *amoxelios* esse accusandos, qui non steterunt tecum, à partibus Illustriss. D. D. Ordinum Hollandiæ. Nec tantum fiducia habet; ut ausit dicere, potiorem fuisse causam eorum, qui Remp. immutarint. Negat se controversiæ isti velle immiscere. Ac alii contra, jam immiscuisse sese, & animum suum aperuisse, qui ex partis adversæ iudicio, iudicium ipse de *amoxelios* ferat aliena. Non solet sic loqui; nec proximis turbis male de Rep. meritis fuit. Itaque Collegis tam erat exosus, quasi Proceribus parassetur. Nunc placere iis fudet; mirantur aliqui Procerum istam *usqueque*. Ait ipse non potuisse concoquere quod Amstelodamenses Ecclesiastæ dicerentur seditioni, in illo Marefii scripto. Nam in his & se nomen suum profiteri. Responsum,

sermonem tuæ excellentiæ fuisse de iis, qui tum anno fuere hujus sæculi, xix. tum item decennio post. Nihil hic magnopere ad præsentem pertinere, quia Triglandius Leidam concefferit; Smoutius sit exactus, Cloppenburgius profugerit, aliqui fato sint functi. Modestiores nunc esse adscitos, sive ea laus sit Presbyterii, sive Procerum prudentiæ. Vix habet hic quod opponat, quam illud, Quid tum? Plurimam salutem D. Conjugi, & familiæ tuæ.

Amstelodami,  
clō Idc xlii.  
xvii Junii.

Excellentiæ tuæ devotissimus,

G. J. Vossius.

# CCCCLVIII.

Hugoni Grotio, Legato Regni Suecici,  
S. P. Parisios.

**P**AUCIS diebus quum Amstelodamo me Hagam conferrem, dono ab Laurentia de accepi libellum adversus Excellentiam tuam exaratum. Ubi titulum legi, aversam paginam inspexi. Video tuis aptari ineptè Horatianum illud, de montium partu ententium, non aliquid montibus dignum, sed murem, eumque ridiculum: unde & subjicere voluit, alterum hoc ejusce varis: *Spectatum admissi risum teneatis amici? sed legendum admissi jussu erant excudi.* Verum ut videtur, monitus, jussit vocem primam deleri, quia metro repugnaret: voluit autem pro ea, reponi, *spectandam*, vel potius *lustrandam*, genere muliebri, quia, ut inquebat, ad Grotianam Epistolam respiciatur. Quasi non sic deficiat præverbium *ad*; ut integrè sit, *ad lustrandam Epistolam*. Provehor ad libellum ipsum. In aditu ipso, video lituram; sed sic ut tralucerent hæc verba, *ex familia Oxensterniana*; delere hæc voluit, quia Axelius Oxensternius, qui Leidæ studiorum gratia agit, nollet in verba sua, tanquam oracula, illini chartis, & volitare per hominum manus & ora. Nec si poenitendum hoc Nobilis juvenis iudicium sit, eo tam culpandus ille, quam qui uno ore talia ipsius auribus instillant assidue. Omnino enim hoc agi video; ut Proceribus Sueciæ displiceas, inque Legati munere sufficiatur alius Excellentie tuæ. Ulterius legere ceppi. Incido in verba illa, *citius aquam e pumice elixerim.* Pene dixissem *de meo laqueum*. Posui paulum libellum? Mox, ut sit, recipio; simul alter intervenit, qui jam

jam legerat, ostendit verba illa, *Doct. groter Pot.* Ait proverbium esse potentium largius, & more Græcanico, grandius poculum exposcentium. Etiam in bibendo, ut narrabat idem, proverbium esse incipit, *Doct. groter Pot.* sedit Jacob Laurentia, Alius referebat lectum sibi, in eodem libello, *Geortius home al te laet in School.* Ego, inquebat, potius dixerò, *Laurentia is al te broeg gelopen uyt de School.* Melius enim discere debuisse Grammatices Latine præcepta, priusquam ad sacra animum appelleret, manibus illotis. Longum sit adscribere, quid singuli rideant, aut carpant. Atque ego nec ista scripsi sine dolore. Amavi enim virum, nec prorsus exui amorem, quia primum hoc est viri *quid signum*: & fortasse ad saniores mentem redibit. Antea enim semper ostendit displicere sibi facta collegarum, atque eo nomine, minus iis gratus fuit, at gratior Proceribus; sic ut propterea, nec invidia fratrum suorum careret, multa etiam ab iis indignè pateretur. Miranti autem tam subito mutatum, respondit, sua interesse, & liberorum, ne ipse pro seditioso haberetur. Interfuisse etiam Presbyterii, ne ad unum omnes seditionis arguerentur, ac propterea se ejus defensionem suscepisse. Dixi ego, non agi de Pastoribus singulis, qui nunc Presbyterium constituant. Eos qui criminis tanti arguerentur, maximam partem vel fato concessisse, vel alibi locorum agere. Uti Triglandium Leidæ esse professorem, Smoutium, qui urbe exactus, esse Rotterodami, Cloppenburgium, qui sponte metupœnæ profugit, in Harder- viciensi Gymnasio jamdiu Theologiam docere: in locum defunctorum, eorumque quos dixi, suffectos alios, consentiente Magistratu; ad quos illud de Seditione nihil pertineat; imò ne ad Hanekopium quidem, qui cum Proceribus magis quam fratribus seditiosis faveret; eorum artibus, de mutare sit dejectus. Addidi facta quedam, quæ non posset diffiteri: etiam quæ ex ore unius post fugam percepissem. Item oggessi querimonias de fratribus, à quibus tam multa, ob concordie studium diu esset perpeffus. Ad hæc non aliud respondere, nominandos ab Excellentia tua fuisse, qui Ecclesiastarum seditionis forent rei: nec talium se patrocinium velle suscipere: nunc cum *doctus* loquaris, de Amstelodamensibus Ecclesiasticis, periculum esse, ne omnes eidem erimini involvantur. Quasi non & ipse, dum *doctus* omnes fuerit, tam fontes quantum in se, quam in fontes absolvat. Magnam interim gratiam init, ab omnibus crimini isti obnoxius; ac literas quotidie accipit ab ejus farinae hominibus, etiam ut intelligo, ex ipsa Anglia;

quibus impensè gaudet, ut propterea valde metuum, ne quem, non alium ante quam bonum virum novi, vel saltem, quam talem, ut seditiosis se non satis probaret; is deinceps totus in zelotarum partes concedat. Hoc eo justius metuo, quia in Pontificiorum quidam lectione sedulus fuit, sed ea est *aneia*, ut non satis sciat distinguere, quæ Romana Ecclesia ex primis sæculis retinuerit, quæque in ijs mutarit: Item quæ sentiant universi, & de quibus secus judicent prudentiores. Negabam quæ subinde Pontificiis objectat, ea statui ab tota Ecclesia Romana, imò à multis negari aiebam. Ille contra, quæ in Romana Ecclesia scribantur pro dogmatibus ejus Ecclesiæ habenda, quia nihil in ea nisi approbatum scribere liceret. Ego ad ista ex eodem principio colligere sententiam aliorum, qui dissentiunt, pro approbata habendam, quia horum æquè libri, cum venia superiorum, prodeant in lucem. Quæ duo cum sint *doctus*, fatendum esse, super nonnullis non conveniri, quia nihil sit autoritate ejus Ecclesiæ decisum. Non dubium vero est, quin si respondeas viro, alia atque alia objecturus sit Pontificiorum loca, potissimum illorum, qui à cordato nemine defendi posse videantur: atque isthoc sine id acturus, ut dijudicent omnes, quibuscum conciliationem quæras. Hic si provocas ad eos, qui moderatius sapiant, apud cordatos multum, apud eum nihil feceris, quia dicit istos sic loqui, ut tegant execranda dogmata: alios quos ipse adducat, candidè sententiam Ecclesiæ suæ aperire. Eti multum metuo, ne qui Laconismo gaudes, hæc fuisse adeo deducta, non absque tædio legas. Mei nihilominus officii putavi, plenius tibi virum describere, quod certius statuas, an cum eo pedem figere velis. Valde id exoptat, quia nunc se contemni putat: quod impotenter fert, quia xxx. annis fuerit Pastor; & xx. ediderit volumina; sed quæ, ut aiunt, qui Typographica è re & literaria mercatura se sustinent, à paucis emantur, aut nullis: ut non mirandum sit, si antea virum non notis, fortasse nec alii in Galliis; si rescribendo gratificari homini voles, necesse fuerit historiam notis anni xxviii. vel proximi hujusce sæculi. Mirantur aliqui è Proceribus, negari à Laurentio, quæ tum ab Ecclesiasticis acta. Nec puto, iis invitis, lucem visura, quæ ad seditionis pertinent auctores. Contigere ea biennio, priusquam Amstelodamum commigrarem, ut non possim exactè rem dicere. Duplo plura; quam nunc facio, scribere erat animus; sed dum hæc scribo, septies minimum sum interpellatus. Et jam nunc Doct. Johnsonus, Bohemiæ Reginæ Ecclesiastes, accedit: cui cum dicerem instare tempus,



tempus, qua literæ essent tradendæ Tabellario Gallicano, & addidissim eas ad te mittendas, rogavit, ut Excellentiam tuam plurimum suo nomine salutarem. Volebat, ut adderem, quomodo in Parlamento accusatus sit *in ecclesiâ*, non ipse modo, sed & Regina, quod talem foveret: sed negotium hoc prudentia quorundam esse discussum. Propediem spero me cætera scripturum.

*Amstelodami*, cl<sup>o</sup> l<sup>o</sup>c xlii. xxi Julii, Hagæ Comit<sup>is</sup>; è domo amplissimi Ratalleri Dubletii, qui & ipse petit, ut plurimum excellentiam tuam salute impetirem.

Nimia festinatione factum, ut superioribus literis, in historia peccarem, confundendo duos libellos Laurentiadæ, quos eundem intra mensem divulgavit, eadem forma, ac magnitudine. Quorum prior adversus Excellentiam tuam, perscriptus, quem jam acceperis aliunde, scio. Alter adversus foeminam, lingua Belgica, in qua illud, *negotium d<sup>ni</sup>, doch groter d<sup>er</sup> d<sup>or</sup>*. Quæ ea foemina sit, ipse in præfatione exponit. Vocat Helenam Jacobi, Platæam addit in qua Amstelodami habitet, ait lardum habere venale, post mariti excessum, nupuisse suo famulo Pontificio, & ab eo persuasum, ad Papatum defecisse. Accusat vehementer impudentiæ, quod venerabili Senatui Ecclesiastico fuerit ausa quæstiones proponere, & solutionem subitam exigere.

## CCOCLIX.

Hugoni Grotio. *Lutet. Paris.*

**M**agnopere gaudeo, Illustrissime Domine, quod, quæ ad V. T. observasti, ea à Typographo perducta sint non modò ad Pentateuchi finem, quemadmodum scribebas: sed ut ex aliis Hagæ, postea intellexi, ad Regim<sup>is</sup> libros; qua appellatione credo, etiam Samuelis libros complectebantur. Sed valde mihi molestum est, quod videam excellentiam tuam, variis impeti libellis, quod metuo, ne avocet in magno illo opere. Quanquam non desunt qui existiment fore, ut non rescribas, ne quidem Cl. Riveto. Huic studiosè id actum arbitrantur, ut nos committeret: ut qui toties advocet ad partes, quæ ante hos annos xxv. in Collegio scribebam. Quasi non aliter scribendum sit, quando cum adversario comminus congredimur; aliter quando de concordia consilium initur. Non ignoravit hoc Georgius Wicelius, qui præfatione Vix Re-

giæ ad Imperatorem Ferdinandum ait, Polemica scripta nostra tanti non facimus, quin hæc velimus, aliquanto pacatiora esse; verum tempus militiæ tunc ita postulavit, ut sentirent ii, cum quibus commissus eram, & mihi vires esse, & mea tela nocere. Puto *hæc* quintum Jacobi Laurentii jam videris, in quo tuæ ad se Epistolæ quodammodo *napoli* & *ora* *l<sup>o</sup>rris*, eadem ut arbitror ex officina, & geminum carmen Salebrii Santræ: prius utrumque Hugonii esse, satis convenit, & sponte narrarunt, qui nosse possunt. Ac tacentibus amicis, styli salebræ proderent: Idem est, qui in gratiam Heinssii, postquam audierat, Salmasium velle eum refellere, Epigramma suum sic obfignabat:

*Te duce, qui rugiet, variâ & sine dentibus irâ,  
Nesciat hæc unguis in Daniele Leo.*

Salmasius vero iis lectis, scribebat Riveto, ab Leone illo salvum fore Daniele; sed periturum Heinssium. Is Heinssius, nunc totus in eo esse dicitur, ut novam det editionem suarum in N. T. annotationum: sic mihi retulere maximè familiares. Credo corriget, de quibus sibi à Salmasio metuit: Hic utrum propediem in Bataviam sit remigraturus, non satis scio; sed satis scio, curatoribus tam longam absentiam minus probari, tantoque fore gratiorem, quanto celerius avolarit. Marefchius, ut intelligo, immane volumen eudit adversus ea quæ in Romana Ecclesiâ, nostris improbat; aliquibus rescissis, laudem mereri, vel saltem tolerari posse docuisti. Metuo ne parum cum excellentia tua agatur humaniter, hoc est, non tanquam cum doctrinarum Principe, imo vel homine doctissimo, nedum velut cum imagine Regis, qui Dei imaginem sustinet in terris. Magnos animos duo dant, & illi, & aliis similiter animatis, antiquitatis contemptus, & Calvinii admiratio; sed de priori nolunt fateri, ut ex eo capere potes, quod sic indignetur Laurentius, ob consilium salubre sibi datum ab Excellentia tua. Ait sibi hoc jam adolescenti, instillatum à Doctoribus, ut amaret veteres: quasi uterque ignoremus, quæ mens fuerit ejus Magistris. Eorum alterum, cum antiquitas objectaretur, dixisse scimus, Et nos patres foremus, si iis vixissemus temporibus. Id verè dixit, hinc sciri potest, quod tunc multa sint habita pro hæreticis, quæ nostra sustinent; ut quæ in Ætio, Vigilantio, aliisque improbat. Non quasi idcirco hæreticos censëam; sed quia existimabat ille, solius esse ætatis; ut aliquis pro veteris Ecclesiæ Doctore habeatur: nec simul *quæ* attendatur. Credo autem non inutile foret,

foret, si penitus cognita foret vita Calvini. Magnæ fuere illi vitæ, & ingenii dotes; sed & ille suos manes patiebatur: quod fateri nolunt ejus unius tanti admiratores. Abominantur Bolséciana; sed in illis etiam sunt tabulis publicis subnixa. Et apud varios homines integerrimos, pariter ac doctissimos, suppetant non pauca, quæ ejus doceant animi impotentiam, & quantopere oderit semper dissentire, à se signis audere. Hæc satius foret tegi; sed video plurimos, non tam virtutes Ducis sui sequi, quam vitia; idque magno Ecclesiæ damno: cui convenientior foret spiritus mansuetus, & majorum reverens. Quare cogitandum, an non expediret, candidam extare dissertationem de eo, quod de Calvino judicium fuerit suæ ætatis, & quantillum ab eo, & discipulis, antiquitati fuerit tributum. Quod Riveto necdum respondeas, sed illa ad N. T. perducere malis ad umbilicum, sanè gaudeo. Nihil magnopere, ut puto, festinato opus; Et fortasse præstiterit etiam conspicerè Marefciana, priusquam respondeas. Poteris credo, multos parietes unâ fidelîâ dealbare. Quicquid est, nolim sufflaminari tam utilem laborem, quem sustines, in illustrando V. T. Nondum illa vidi, sed facile possum æstimare, vel ex illis ad N. T. ubi duo præ cæteris admiror, quod nemo antehac, tam multa *ἀνατολίαν*, conciliarit: quod nullus ex humanitatis studiis plura attulerit ad sacras literas illustrandas, minusque partium studiis abreptus. Hic jam certamen gliscit de jure Magistratus in Ecclesiasticis. Defendit illud Vedula antea Geneva & Daventriæ Professor Theologiæ, nunc autem adversus eum scripsere Triglandus Leidæ Professor, & Revius, qui in Collegio regundo Festo Hommio successit. Is Festus, cum jam ante menses complures, se munere eo abdicasset, ante duas hebdomades, vel tres, ex hac vitâ excessit. Oratione ei Polyander parentavit. In Synodis, & concionibus, graviter agitur quæstio, de jure patronatus. Facilius puto, efficerent Ecclesiastæ, quod volunt, nisi cellissimus Princeps Arausionensis, & illustrissimus Brederodius, viderent, & suam hic causam agi. Negotium Angliæ magnopere me habet sollicitum; non sanè propterea, quia inde quotannis præbendæ fructum capiam; quam quia veterem amo Ecclesiam, & vicem doleam optimi Regis: pro quo assidue vota facio. Apud cordatiores res hæc suspectiores reddit Puritanos. Negant enim se videre, quid Regale Regi velint relinquere. Et nonnulli his locis metuere incipiunt, ne si illic effecerint, quod volunt, hic novifiant motus, quia animos addet foelix successus in Regno Britannico, & si res la-

boret, inde etiam auxilium expectent. Mihi vero, vivo Arausionensi, non ita multum periculi videtur his terris: quia & illius interest, & militem in manu habet. Vale, Illustrissime Domine, & cum uxore lectissima, & liberis salve; semperque dignum animum Excellentia tua, hoc malo sæculo conserva.

Amstelodami,  
cId Idc xlii.  
x Kal. Sept.

Illustrissimæ excellentiæ  
tui cultor,

G. J. Vossius.

CCCCCLX.

Joanni Frederico Gronovio, *Professori*  
Daventriensi.

Clarissime & amicissime Gronovi,

**P**roximis feriis autumnalibus partem bonam Hagæ fui, filius partem ibidem, partem in Zelandia; nunc vero in Frisiam abiit. Me vero subinde pressit valetudo mala. Præsertim hac nocte, urgentibus doloribus nephriticis, à quibus ante climactericum immunis semper fui: ac nunc tertio ab istoc anno, denuo incurfant. Dum ego filiusque domo absumus, literæ à Galliis domum meam perlatae, quas nomini inscriptas tuo judicavi ex eo, quod inclusa essent meis, ubi id petitur, ut ad te mittantur. Cæteroquin ex inscriptione vix aliquis ob characterem insolentem id dignovisset: cuius rei ericulum hic ipse feci, cum duobus, tribus ostenderem, qui Gallicis literis non assuevissent. Vix hæc æger ad te perscribo, attamen tam longam cessationem ex absentia nostra cogitans, putavi non ulteriori moræ indulgendum. Puto esse literas à senatore Saravio: secus si est, per otium ex te cognoscam. Rescribere si voles, mittam, quo jusseris: vel includam meis ad illustrem Grotium: qui tuto rem per famulitii quempiam procurabit. Theologo Dieftio, Jurisconsulto Christenio, Hendornio Philosopho, plurimam salutem dicito.

Amstelodami,  
cId Idc xlii.  
Non. Sept.

Tuus æternum,

G. J. Vossius.

CCCCCLXI.



## CCCC LXI.

Ludovico Crocio, *Theologo Bremenfi*  
S. P.

**A**Nte mensem plus minus mihi ad te, eximie Croci, opus nostrum de Theologia gentili & Physiologia Christiana: utrum acceperis, non quæram. Nam his diebus adfuit mihi quispiam qui salutem mihi ab eo diceret, cui Bremam misissem volumen antea memoratum. Nomen quærenti, negabat se scire: & solum se hoc iussum dicere ajebat, quod dixisset. Sane apertior erat circumlocutio ista, quam cum-Trojani belli scriptorem dicimus pro Homero. Nam multi præterea id bellum descripserunt. Ego autem labores nostros uni tibi in Germaniam miseram. Quare recepisse te gaudeo: ac placere confido, non quasi præclare de nostris soleam sentire: sed quia nec livor negarit, multa hic esse aliis indicta, eoque scripta mihi, non exscripta. Miscui vero & sacra profanis & profana sacris, ut utrique scholæ prodessem. Vides, cur tantopere confidam, probaturum te operam in hoc opere locatam. Ac eo impensius, scio, probabis, quia probitatis femina, dum rerum naturam tracto, inspersimus passim. Restat pars ea, quæ est de fossilibus & plantis; sed hanc nondum exaiciavi, & jam alia quædam in manus sumpsi, ut ita laborem illum insititiis aliis diffundam. Argumento fuerit opusculum hoc de tribus symbolis, quod mitto. Atque hoc item si probabis, approbatus & ipse vudicabo. Jamque prælum fervet simili libello de tempore nativitatis ac passionis dominicæ. Sane utraque quæstio, ut nosti, perplexi est negotii. Fortasse consequentur tum liber de vitæ sermonis, tum Harmonia evangelica de passionē ac resurrectione Christi, ubi duo hæc potissimum ago, ut ordinem gestorum exponam & *variosam* conciliem. Non parum hic veterum juniorumque debeo industria, sed etiam spicas quasdam legendas nobis reliquerunt. Et in tanto eorum dissensu, non minoris est iudicii, quam laboris certi aliquid consignare. Illustris Grotius arduam suscepit provinciam conciliandi Ecclesias Reformatas cum Romana, non quod se vivo multum hinc boni proventurum speret, sed quod pulcherrimum etiam putet serere arbores, quæ alteri seculo profint. Nec ignorat superstitionem & tyrannidem papalem. Sed scit innumeros esse passim ex Catholicis Romanis, præsertim in Galliis, quibus ea improbentur. Quales existimat faci-

le adduci posse ad concordiam, sed requirit idem in nostris etiam plus moderationis. Quamquam multa. Romanæ Ecclesiæ vulnera ostenderint, quædam etiam feliciter sanarint, esse tamen, ubi ipsi novum faciunt vulnus, eoque locum habeat illud Poetæ, *Excessit medicina modum*. Rectene an secus assequar ejus sententiam optime perspicies ex ejus animadversionibus in animadversiones Riveti. Quam idcirco exemplar mittere volui, fortasse quia deinceps controversia cum Grotio futura multo longius abeunte, missos facient Bremenses. Utcunque egerint, scio vos fore semper divinæ gratiæ patronos, nec eam causam deserturos, à qua stant scriptura & ecclesia vetus. Imo ut Romanam & Augustanam ecclesiam mittam, fere optimus ac doctissimus quisque eorum, qui in reformatis Ecclesiis aliquo in pretio habuerint antiquitatem, nec planè forent *ἰσορροῦντες ὁ δὲ δὴνατοι*, vel alterius sententiæ suam plane mancipassent. Salutem plurimam dicito clarissimis viris, Collegis optimis doctissimisque, Bergio, Willioque. De Neufuillio adderem, nisi id officii in se recepisset filius, qui hæc traditurus.

*Amstelod.* clb Idc xlii.  
iii. Non. Quinct.

*Tuus futurus dum  
sums,*

G. J. Vossius.

Pag. 933. Operis nostri de Idololatria pro virtutibus tuis sat jejune te laudo. Alias v. id corrigetur. Scio humanitatem tuam, quem talibus offendere non possum.

## CCCC LXII.

Hugoni Grotio, *Legato Suecico*.

*Luteriam.*

Illustrissime Domine,

**Q**UI hæc, ad Excellentissimam Tuam desert literas, Beuningius est, patria Amstelodamensis, juvenis elegantis ingenii, moribus optimis, variæ eruditionis non minus, quam juris sui curiosus: ut merito hæc urbs, de eo habeat sibi magnum aliquid polliceri. Patrem habet superstitem, urbis senatorem. Mater est soror Consularis Alberti Conradi Beurgii qui nunc Hagæ agit, in ordinum delegatorum Collegio. Avus is Beuningius fuit, qui ante annos sex septem, Consulatu gesto, magnâ cum laude excessit. Is juvenis, cum Excellentia Tuâ cuperet commendari literis meis; parui lubens, eoque lubentius, quia scirem non ingrata esse

Excel-

Excellentiæ tuæ alloquia eorum, qui virtutis via ad decus grassantur, atque iis nati sunt, qui Remp. hic sustinent, & Illustre nomen tuum amant & colant. Bellum Puritanicum hic multos habet sollicitos. Ecclesiastas quo affectus trahat, non obscure ex precibus publicis cognoscere est: horum aliqui non dubitant, Deum exposcere, ut bene ceptum Reformationis opus foeliciter procedat; Regisque ut emolliatur animus. Quæ etsi commodam mentem capiunt, tamen satis est apertum, haud aliud exoptare, quam ut Rex inani titulo sit contentus, ac novellitas doctrinæ de Antiquitate triumphet. Sed unum est in quo non satis conveniat illis, qui se Episcopis opponunt. Multi omnem regendæ Ecclesiæ potestatem penes presbyterale collegium esse volunt: Alii vero aiunt, hoc jugum gravius Episcopali. Quare contendunt, singulis id committendum Ecclesiasticis, ut secundum Dei verbum, populum doceant, & gubernent. Atque sic ab Episcopalis & Presbyteralis (sicut vocant) distincti, Independententes nuncupantur. Pimius, cujus magna adeo in Parlamento est autoritas, prioris esse sententiæ dicitur, sed multi hac parte, ei adversantur, qui cætera convenire videntur. Estque plurimorum id iudicium, utcunque infracta omni Regis potestate, & abolito Episcopatu, geminum agerent triumphum: Eos inter sese mox commissum iri; quia multi non à Presbyterii potestate minus, quam Episcoporum abhorreant. Ulterius procederem in scribendo, nisi cogitarem tarde admodum fore, quod has literas recipies. Novi enim quomodo proficiantur juvenes, qui exteras petunt Regionem. Vale, Illustrissime Domine, ac diutissime orbis bono superis. Domine coniugi plurimam dic salutem, necnon Liberis.

Amstelod. c. 10. xlii.  
Post. Non. Sept.

Excellentiæ Tuæ cultor  
devotissimus.

Ger. Jo. Vossius.

### CCCCXLIII.

Hugoni Grotio, Legato Suecico.  
Parisiis.

Illustrissime Domine,

QUI hæc literas affert, est Johannes Duns, natione Danus, juvenis eruditus, ingenio & iudicio bonus, pietate & industria nulli secundus. Sesquiannum me

doctorem hic audivit, ac privatim sæpius collocutus; eoque notior mihi & meis, quia in vicinia habitavit. Augustinam complecti Confessionem, vix necesse habeo dicere, cum Danum dixerim. Literas ad Excellentiam Tuam, non alio fine petiit, quam ut videndi & alloquendi, vel potius audiendi hoc orbis Oraculum, honestior faciliorque daretur occasio. Idem, ante mensem unum alterum; Clarissimi Collegæ Barleii filius, patri cognominis, postularat à me aliquid literarum; sed eaple hora, quâ abeundum illi, ac mox etiam mihi publice docendum foret. Spem feceram Epistolæ Brillam mittere, prius quam navim Gallicanam conscenderet. Sed partim me promissi obliuio cepit, partim alia impediunt: In his cogitationes de Matthæi mei connubio. Ejus gratia ante tres hebdomadas, Leowardiam abii. Ac post dies sex septem denuo *ad dēp* proficiscar; ut præsentia mea Nuptias condecorem. Pater sponsæ est Jurisconsultus, & Leowardienfis Reip. Consiliarius, & Scabinus. Mater filia Verrutii Syndici, dum viveret, Groningensis, ac soror ejus, quæ nupserat Schombergio, Reip. Groninganz nomine, in Collegio Ord. Generalium Delegato. Vedelius Theologiæ apud Franckeranos Professor, dum in Frisia sum, satis concessit. Moribundum cruciabat, quod terris eriperetur, priusquam potuisset Revio & Triglandio respondere. Horum uterque acerbe satis scripsit adversus scriptum ejus de Constantini Episcopatu; quo Magistratus jura circa res Ecclesiæ defendit. Collegæ defuncti mihi Franckeræ aiebant, fortasse responsum sic etiam edendum; sed deletis, quæ, ut par pari redderet hostimentum, virulentius chartis illevisset adversus Revium. Est is Revius, ut me alias scripisse arbitror, Regens Collegii Theologici, quo in numere Festo Hommio successit. Vedellii mors Collegæ Barleio flebilis non erit; à nemine enim horribilius fuit tractatus, quam ab isto. Prodit etiam nunc liber Maresii Sylvæ-ducentis Professoris adversus Voetium; qui prius Theibus Ultrajectina Academia disputatis, accusarat Sylvæ-ducentis Procures Idololatriz, quod ex Reformatis, plerique adscribi voluissent in sodalitatem B. Mariæ. Quod tamen factum erat, ut vis ejus Collegii, quæ magna, infringere nostrorum consortio. Noluerunt nostri aperte esse perjuri. Illudere maluerunt. Artificum nostrorum nescio an sis probaturus. Ubi Mareschiana videris, fortasse satius fuisset ista non in apertum proferri. Nunc ne Procures Sylvæ-ducentis in quibus, & Ill. Brederodius, Idololatriæ sint suspecti, omnibus sipariis deducis



ctis, penè nudam Venerem cum suo Marte, solis instar ostendit. Sed de isto malim, ubi Marefchiana legeris, iudicium tuum cognoscere.

*Amstelodami,*  
c1o Ibc xlii. xxiv.  
Octob. *1672.*

*Excellentiæ Tuæ ob-*  
*strictissimus,*

G. J. Vossius.

CCCCCLXIV.

*Illustri Hugoni Grotio,*  
*Lutetiam Paris.*

Illustrissime Domine,

**D**E filio Isaaco plurimum gaudeo, quod sospes Lutetiam redierit, & sic Excellentiae Tuæ placeat, ut sponte etiam in ædes recipere sis dignatus, satius etiam censeo, ut si molestiam ea res non adferet, aliquantisper commoretur. Eum domi videbit, atque audiet, cujus dicta singula pro oraculis habere debet, foris etiam notitiam summorum virorum consequetur: Bibliothecis variis fruetur. Utrobique verò erit, unde non modò doctior fiat, sed etiam prudentior. Amo innocentes Musas: sed neque me fugit, quantum decus etiam ei, qui nunquam capeisset Remp. accedat, eo, quod rerum civilium non sit penitus imperitus. Multum etiam lætor, quod eouſque produxeris annotata tua in vetus Instrumentum. In novo, censeo non inutilem fore Excellentiae tuæ (fortè jam videris) variantium lectionum Libellum, qui, in adversariis, Ludovici de la Cerda Hispani, caput constituit xci. De Blondelli opere, ita est ut scribis. Petierat doctor Rivetus, ut Blauwio commendarem. Primum refugi, eo nomine, quod putarem Episcopis adversari. Dixit secus esse, mediam insitire viam. nec Armachano Archi-episcopo displicere. Paucas solum paginas inspexi. Mea hæc sententia est, jam Apostolicis temporibus, Episcopos Presbyteris præfuisse; facile largiur non fuisse eos, dam Apostoli adhuc contingerentur Palæstinâ vel cùm primùm extra eam Ecclesiæ colligerentur. Sed tibi excrevere illæ, & Apostolorum numerus est imminutus, secùs censeo. Atque ut verum esset, quod *Salmasius* arbitrabatur, demum cœpisse circa annum centesimum, Religio foret recedere ab ea gubernandi forma, quam totius orbis Ecclesiæ comprobassent. Nigrinus non est mihi notus, sed vidi literas, quas qui scripserat, aiebat, se ex ore ejus audivisse, me superiorem Quadragesimam ex

more Romanæ Ecclesiæ observasse. Quis ei hoc persuaserit, nescio. Quanquam id verum, privatim publicèque multa me dixisse de Quadragesimæ antiquitate & usu; vehementer etiam improbasse, quod nostri homines ne quidem Passionis Dominicæ die soleant jejunare; solidè me posse evincere, semper aliud obtinuisse in Ecclesia veteri; nec tamen laudaturum, qui hoc uno nomine turbet Ecclesias nostras; posse enim quemque jejunare domi suæ, cum id non sit interdictum. De Ignatio filii, grata sunt quæ scribis; deque valetudine tuenda, quod communes, gratias Excellentiae Tuæ ago. Dominæ Conjugi, ac liberis, salutem plurimam à me, meorumque dicito.

*Amstelodami,* c1o Ibc xliii.  
vii. Id. Septembris.

CCCCCLXV.

*Andræ Riveto S. P.*

**N**Egotio filii in Frisia ex animi sententia confecto, domum redux, cum variæ mihi ab uxore literæ redderentur, nullas avidius ac majori cum voluptate legi, quam tuas, magne pariter & vir & amice. Primaque hæc mihi cura fuit ut clarissimi Blondelli chartas ad Blauwium ipse adferrem, & fidei ejus atque industriæ, quantum possem, commendarem. Feci vero id lubens, non tantum tuâ causâ, cui scio quantum debeam, vel etiam Blondelli, quem antea de solo nomine mihi cognitum, nunc merito suo inter summos seculi hujus viros repono, mihi quæ hac occasione bella innotuisse, non gaudeo solum, sed penè triumpho; sed imprimis, quia opere tam erudito, multa etiam doctissimos docebit. Eorumque in numero, non quidem doctissimorum (curtam novi supellectilem nostram) sed illorum tamen, qui eruditiores redeant à lectione hujus operis, lubens etiam profiteor nomen meum. Perjucundum mihi est laudari à laudatissimo senatore Saravio: ac tanti viri affectus vehementius ad bene merendum de studiis accendit. Sed ego jam ab anno illi multum debeo, propter benevolentiam summam, qua Isaacum meum complexus in Galliis fuit. Ipse enim hoc ad me filius semel iterumque perscripsit. Dices fortasse, hoc si tam longo tempore reſciverim, mirari te, quod hæcenus ei nullas per literas gratias egerim. Ego vero, eximie Rivete, non quidem mi-

ror

ror (quippe jam à multis annis nulla in re frequentiores committo solœcismos, quam in Epistolico hoc commercio) sed multum tamen doleo, quod parte hac non satis me iis probem, quibus maxime & vellem & deberem. Omne vero hoc malum inde potissimum proficiscitur, quod à mane ad vesp̄eram, nunc hic, nunc iste, vel operam desideret nostram, vel saltem alloquium exposcat. Sum vero ea frontis mollitiæ, ut nihil sustineam negare. Ubi igitur sic dies mihi prope mortuus est, animum subit ea cogitatio: Ergone mihi viliora erunt studia, etiam sacra, quam ars sua erat Apelli, qui, ut à Plinio accepimus, nunquam tam occupatam diem agebat, ut non lineam duceret? Continuo me in Bibliothecam proripio, ac omnium, quæ ad Epistolare negotium pertinent, securus, schedas arripio, eas ordino, & sicubi lima opus videatur, operæ non parco. Atque sic ubi non totum mihi diem periisse cognosco, suavius me ad mensam vel lectum confero. Nec eo hæc animo à me dicuntur, quasi diu scriptionem ad Amplissimum Saravium differre sit animus. Speravi hæcenus filium nobis affore ante hyemem, ut pariter ei gratias ageremus. Sed hesternæ die literas à Florentia accepi, quem jam Venetiis esse, imo inde ad nos iter capeffere arbitrabar, ut nunc vix sperem ante ver adultum, videre me cum posse. Eâ quia spe excidi (& ob Florentinæ Bibliothecæ tot *ἀνέκδοτα*, multum metuo ne diutius moretur ac dixi) statui occasione eâ ad Amplissimum Senatorem scribere, quam probabis scio. Jam sub prælo est unus alterque libellus noster, quibus excusis commodam accipiam occasionem, & eos mittendi & testandi singularem pro tanti viri merito affectum nostrum. Clariss. Spanhemium domi meæ visum mihi, scito. Nec æque doluit, quam quod vix semihorâ alloquio ejus frui liceret: Cujuscunque is consilio Leidam vocatus, bene, imo optime meritus est de Academia. Non committam, quin me quoque his terris sui sciat amantissimum; quam ex dono jam diu Genève transmissio æstimare addidici. Et aliquid amoris serenus addidit vultus, ubi coram adspexit. Eum coram me ducebat candida Hortoni anima. Quo in viro rara Societate, cum eruditione Pietas, & Prudentia conspirant. Spem fecit, verno se tempore velle in hanc urbem redire. Utinam tum tecum etiam frui liceat *τῷ πάλιν* Salmasio. Quem ante hyemem nobis affore non possum in animum inducere. Difficulter credo, quæ maxime cupio. Utinam saltem videamus cum Zephyris & hirundine primâ. Exequias ire tristis soleo. Sed fu-

neri Hellenistico lætus iusta solvam. Non dubito, quin eo ex opere multa bona hausturi simus docti pariter indoctique. Alii qui sentiant, *τέτοις καὶ δὴ καὶ μὴν ἐσθίων*. De novo labore Illustissimi Grotii primum ex te didici. Exemplar non accepi. Sed intelligo jam in urbem hanc adlatum ad alium. Imo & ubi volo, habiturum me exemplar. Tuum quoque responsum aiunt jam pene perductum esse ad umbilicum. Planeque mihi spondeo, fore ejusmodi, ut tam modestiam laudent cordati, quam doctrinam eruditi. Omnino Reip. Christianæ interest, excuti ab hominibus doctissimis, quid nos Ecclesiæ Romanæ, quid nobis illam concedere oporteat. Sed eam si provinciam suscipiat antiquitatis nescius, ne legere quidem curem. Eo impensius gaudeo, ab utrisque vestri potius, quam ab minutis istis patellariis diis hæc controversias tractari. Nescio an videris Ulmenis illius maledicentissimum ac omnis violentiæ plenissimum scriptum, quod hic adversus Grotium prodiit. Homo is docentem me audivit, ut aiunt, qui norunt. Atque aliquis qui à pluribus novit annis, mira mihi narrat de vitâ hominis antea acta. Liberalissimus est in donando quæ scripsit, sed hæcenus me ne compellavit quidem, *καὶ ἐπεὶ τὸ ἱστορικόν*. Vellem non abusus esset parte literarum tuarum, quam opusculo præmisit, quasi patrocineris tot mendaciis, quæ nihil ad Ecclesiæ negotium. Tales magis causæ obfunt quam juvant. Et video hominem fanaticum nec assis hic fieri, nec ab aliis, qui similes amant labris lactucas. Ego nē istud probarem dicendi genus, qui (quod hic promere liceat) ne in amicissimo quidem, & multis partibus ut doctiore, si modestiore, probare potui quod tam multa inspersisset, quæ nihil ad causam pertinerent? Quale illud *μετὰ ἀποστολὰς*, non quidem Ecclesiasticæ sed civilis. Vide quæ non audeam in sinum tuum effundere, nunquam id facturus (non adeo læva mens nobis) nisi putarem, hanc à veteri & sincera amicitia concedi, seu licentiam hic fieri, nec ab aliis, qui similes amant labris lactucas. Ego nē istud probarem dicendi genus, qui (quod hic promere liceat) ne in amicissimo quidem, & multis partibus ut doctiore, si modestiore, probare potui quod tam multa inspersisset, quæ nihil ad causam pertinerent? Quale illud *μετὰ ἀποστολὰς*, non quidem Ecclesiasticæ sed civilis. Vide quæ non audeam in sinum tuum effundere, nunquam id facturus (non adeo læva mens nobis) nisi putarem, hanc à veteri & sincera amicitia concedi, seu licentiam hic fieri, nec ab aliis, qui similes amant labris lactucas. Pro decretali Vigili Papæ Epistola, ac dissertatione Petri de Marca, quantas possum, gratias habeo. Futurus mihi inter itineris Frisici comes libellus. De afflicta clarissimi Præceptoris mei, conjunctissimi vero affinis tui valetudine valde doleo. Solatur vērō, quod ad tantam ætatem illum Ecclesiæ suæ concefferit divina bonitas. Nulla ætas ejus laudes conticescet, & Deus in illa die mercedem rependet. Pro voto erga filium sponsum, ac gratulatione etiam de Historiographi munere gratias ago tanto majores, quanto præ aliis multis non dico affectus tu-



us apud Batavos proceres eluxit, sed etiam fidelis se opera exeruit. Nempe non finis, ut ulla in re claudicet benevolentia tua erga me meosque. Brunæus noster tradidit mihi Blondelliana illa, quæ per eum mittebas. Et jam Blauwius accepit, qui etiam reliqua avidè expectat. Milit ad me Clariss. Mareschius quæ scripserat pro ordine Mariano Sylvæ-Ducensium. Nec quicquam video quo offendam, dum cogito, quo in statu res fuerint. Multum promotum sic quoque. Sed alter est scrupulus, an non illud sit pontificiis, quia longe alia iis mens fuit, cum primum transigerent nobiscum. Quamquam quid illud ad me, vel etiam Mareschium? Lectis istis fore spero, ut Clarissimus Voetius acquiescat. Planeque sic mihi persuadeo, Viro Doctissimo illud esse ab aliquo Sylvæ-Ducensium ferventiore. Quod non difficile fuit apud eum, qui ipse, quicquid vult, ita vehementer vult, ut non eat, sed currat. Uxori lectissimæ uxor mea salutem voluit adscribi. Sed & nomine nostro salutem, quando sponte se occasio offeret, Nob. Amplissimo que Hugenio, Dubletio, Gulelmio, Wickefortio, Doctissimo etiam Heilerichio, quem eo impensius amo, quod in amore nostro annunciando, sæculo hoc maligno, bonum se virum præstare non desinat.

*Amstelodami,*  
cId Idc xlii. iii.  
Non. Novemb.

*Æternum tuus,*

G. J. Vossius.

#### CCCCXLVI.

Andræ Riveto, *Theologo.*

Reverende Clarissimeque Vir,

**R**emitto tandem Salmasianam diatribam de Herode infanticida. Ex qua quantum profecerim, non poenitet. Atque hunc fructum non solum debeo *mihi* Salmasio, sed etiam beneficio tuo; absque quo foret, necdum conspiciere licuisset. Bene interim est, quod in libris, quos Isaacus meus è Galliis expectat, propediem comparebit. Optime id Collegæ veteri Heinio cessit, quod extra Leidam vix quisquam de hoc Salmasiano responso inaudierit. Alioquin id studiosi adolescentes efflagitarent à Bibliopolis quotidie. At isti lucripetæ quamprimum subicerent prælo; quod de se sponte his diebus quispiam fatebatur mihi. Nempe ut volent libri per hominum manus, vix ardentius est suscitabulum, quam si premi constet. Ubi Leida,

atque Haga redierit ad nos Isaacus, nihil æque volupe erit ex eo resciscere, quam ut valeant veteres amici, & quid agant, quibus scribendo etiam cura est exterorum & posteritatis. Præ cæteris volo, ut exquirat de magno senne, conjunctissimo affine tuo Molinæ; quem, post excessum clariss. Gomari, solum nunc omnium præceptorum meorum habeo superstitem. Omnia illi prospera atque fausta opto; ac pariter tibi, cui multum debeo, non solum ut Collegæ antehac quod non leve duco, sed ut mei meorumque studiosissimo, iis etiam temporibus, quibus si mihi de me credere licet, premerent innocentem. Plurimam salutem meo & uxoris nomine dicito lectissimæ conjugii tuæ.

*Amstelodami,* cId Idc xliv. x. Kal. Decemb. nempe pridie ejus diei, quo hæc Amstelodamensium civitas se fœderatis junxit partibus. Nempe crastino, quo nostræ tibi literæ reddentur, ab eo tempore completus erit annus septimus supra sexagesimum. Deus faxit ut civitas grato semper animo hoc beneficium æstimet.

*Tuus omni officio,*

G. J. Vossius.

#### CCCCXLVII.

Nobilissime Salmasi,

**V**erba B. Ambrosii sunt Epist. XV. ad Irenæum, sive lib. IV. Epist. III. ubi exponit, cur lex prohibeat ne vir muliebri stola, vel mulier virili schemate utatur. Ait vero eam legem esse naturæ subnixam. Cum enim natura nos vel mares creet, vel foeminas, ac plurimum in mutis etiam animantibus notæ sint, quibus exterius quisque sexus internoscat, naturæ eum adversari, quisquis habita alium mentiatur sexum, quàm dederit natura. Mendacium esse turpe in verbo, turpius in veste. Fœdum esse in foemina, si mentiatur sexum meliorem; fœdus in viro, si mentiatur sequiorem. Malum esse, si quis in plateis conspiciatur capillis more muliebri demissis. Pejus esse, si Clericus sic se sistat in templis; ut quando Sacerdos sacra facit bene barbatus, contra qui sacræ mensæ inservit, adstat foemineo more capillatus, aut etiam cirratus, ut pueri Romani. Ergo, inquit, pariant, ergo parturiant, qui crispant comam, sicut foeminae. Verum habeant excusationem, qui patrias usque sequuntur, sed tamen barbaros:

baros: ut Persæ, ut Gothi, ut Armenii: Major quidem est Natura, quam Patria. Si non negat gentes barbaras habere excusationem, plane ad mulierum morem intonsas; quid de iis censuisse putandum quæ minus tonsæ. Nec enim puto quisquam dixerit naturam dare capillitium, ut continuo refecetur, nec eam permittere, ut hoc tempora & aures muniamus, atque adeo, ut quantum viræ conditio & mos patrius finit, etiam decore inempto ornemus caput. Raptim scribebam, cum jam ad Gymnasium me hora vocaret. Vale.

*Tuus eternum,*

G. J. Vossius.

CCCCCLXVIII.

Claudio Salmasio S. P.

**M**ultum doleo, Nobilissime Salmasi, quoties cogito, frigescente adeo Charitate, sine qua fides est exanimis, moveri controversiam de Pilis; non quasi non hac parte etiam peccetur à multis; sed quia qui in contrarium abeunt, ipsi etiam modum excedant, dum præfinire modum student, ne aures capillis obtegantur, nedum aliqua colli pars. Profectò non pauca sunt, de quibus infinitis partibus magis erat laborandum. Sed quia in simpulo, si vera aures ad meas perlata, fluctus iis concitare visum est; non potui non gaudere, quod in eo nunc totus sis, ut malo isti, Ecclesiæ bono, medearis. Profecto non placent intonsi, quorum capilli formidant ferrum: uti usu veniebat Monachis Mesopotamiæ, Nasaræorum more *κίμας γυναικείας περιβαλλομένοις*; ut de iis locuples nobis testis est Epiphanius hæresi lxxx. quæ est Messalianorum; Ubi & ipse eos improbat. Sed non hoc in quæstione est, utrum intonsi esse debeamus: sed quam altè, vel demissè refecare oporteat capillos. Paulina urgent verba. Verum reverendo Bezae assentio, qui censet eos *κομᾶν*, qui forficem refugiunt, mulierum instar: eos verò *κείρεσθαι*, quibus capilli præciduntur: utcumque non solum tecta sit cutis, sed longius etiam diffundantur, dummodo ne excedatur *τὸ πρέπον*, quod variat pro temporibus & locis vitæque conditione. Græcorum erat Proverbium, *ἀλλ' ὃν κόμην ἔχεις*; Romani vero veteres radebant & capillos, & barbam, quod vel ex veteribus nummis conspicuum est. Servi contra alebant capillos, sed radebantur, cum pileo donarentur. Quam multæ item gentes coma-

tæ, ut pars Galliæ tuæ quæ inde nomen sortita. Item intonsi Sicambri. Et quid cæteras memorare attinet tam multas? ut omnino sicut Ambrosius ait in alenda coma, *excusationem habeant qui patrios usus sequuntur*. Nec sane qui usque ad oricillam capillos demitter, vel ulterius aliquanto, capillos alere dicendi semper. *Ἀλλ' ὅς* enim si loquamur, alimus capillos, dum forceps recessit, non mensibus modo vel hebdomadibus, aut diebus, sed etiam momentis. Uti enim crevisse, non crescere arbores videmus, ita & in capillorum furculis usu venit. Eos alimus dum ipsi nutrimur. Naturalis interim inclinatio docet, turpe esse viro si mulierum instar in lumbos demittat capillos, vel etiam nates: mulieri item fore turpe, si procedat capillis usque adeo detonsis, ut non multo ultra aures protendantur, instar adolescentum vel aliorum etiam, qui se ad vulgatiorem aulæ morem componunt. Equidem ita censeo difficile esse aliquid de tonsuræ modò gentibus cunctis præfinire. Plane enim is variat non modo pro locis ac temporibus, sed etiam pro diversâ adeo vitæ conditione. Aliud enim ætati convenit prætextatæ, aliud mediæ, aliud senili. Nec quod decet Regem vel aulicum, id etiam clericum. Nec quod militem, id mercatorem, opificem, rusticum. Tondere est ex iis *ἀποδύχονται τὸ μᾶλλον ἢ τὸ ἥϊον*, ut non qualitates modo, sed etiam actiones & passionis, sicut proditum ab Aristotele in Categoriis.

Perplacet vero, quod non de hoc solo decreris scribere argumento, utcumque multis docturus orbem literatum: sed etiam addere statueris de tonsura clericorum, ac Virginum Deo dicatarum. Video disquiri de origine hac tonsuræ. Athanasius Lib. de Virginitate, Deo sacratæ Virginis exigit *τὴν τριχὰς κεφαλῆς περιεκεκµέναν*. Sed animadverto socerum Junium ambigere num sit is liber genuinus. Et inter alia mihi scrupulum immilit, quod paulo ante legas, si virgo ob-servet eo Libro præcepta, fore ut nomen illius scribatur in Libro vitæ & inveniatur *ἐν τῷ τρίτῳ βιβλίῳ τῶ ἀγγέλου*. Quæ suspicionem injiciunt, nescio quam certam, juniorem fuisse eum scriptorem Areopagita, qui pene seculo post Athanasium vixit, quantum variis colligere indiciiis possum. Sed utcumque istoc sit, non dubitandum saltem, quin tonsura ea in usu fuerit anno quadringentesimo. Nec tamen hoc inde adstruxero cum multis, quod Hieronymus Epistola ad Augustinum quæ est xxvi. sic scribat. *Frater duos Dominum Ali-pium & dominum meum Euodium, ut nomine meo salutes, precor coronam tuam*. Vel quod Augustinus ipse Proculianum Episcopum Ep. cxlvii.



cxlvii. alloquitur hoc pacto : *Honorant nos vestri, honorant vos nostri. Per coronam nostram nos adjurant vestri; per coronam vestram vos adjurant nostri.* Possumus enim his in locis per coronam non tam intelligere tonsuram capitis vel rasuram verticis, quam *ιστορικὸς* regale sacerdotium. Aliqui etiam signari putant gaudium & gloriam: ut Philipp. iv. & Apocalyp. iii. His igitur argumentis non pugnabo, sed nonnullis saltem in locis obtinuisse horum temporibus, evincere posse videor ex istis B. Hieronymi in gravi illa obijurgatione ad Sabinianum Diaconum. *Moris est in Ægypti, & Syriæ monasteriis, ut tam Virgo, quam vidua quæ se Deo devoverint, & seculo renuntiantes, omnes delicias sæculi conculeaverint, crinem Monasteriorum Matribus offerant desecandam, non infecto postea contra voluntatem Apostoli inessuræ capite, sed ligato pariter ac velato. Nec hoc quisquam præter tondentes novit, & tonsas; nisi quod quia ab omnibus fit, pene scitur ab omnibus.*

Interea duo hic in considerationem veniunt. Prius est quod non dicit hoc ubique obtinere, sed in Ægypto & Syria: ut hinc liqueat morem fuisse particularem. Deinde item quod non ad Apostolorum provocat institutum, sed morem vocat. Quemadmodum & causas subdit non mysticas profecto ut juniores solent; sed naturales plane. Sic enim subjungit. *Hoc autem duplicem ob causam de consuetudine versum est in naturam: vel quia lavacrum non adeunt, vel quia oleum nec capite nec ore norunt, ne à parvis animalibus quæ inter cutem, & crinem, gigni solent, & concretis sordibus opprimantur.* Plerique etiam adducere tonsuram illam conantur ex Concilio Carthagenensi iv. Can. xlv. quo interdicti aiunt *ne Clericus alat comam aut barbam.* Quomodo etiam citat Gregorius, nominis ejus nonus. Sed post barbam in Gemblacensi Codice est *tondeat*, in Gandensi S. Bavonis *radat*. Utcumque de barba est, de coma convenit. Adhæc pro se adferunt B. Augustini Librum de Monachorum opere Cap. lxxx. & duobus seqq. Ac sane Calvinus etiam Institut. Lib. iv. Cap. xix. §. xxvii. scribit ex hoc Augustini opere constare, unde originem habuerit clericorum tonsura. Nempe quia illo sæculo non alii capillum alerent quam delicatuli, & elegantiarum ejusmodi studiosi, quæ virum minus decerent; eo visum mali fore exempli, si clericis illud permitteretur; eoque satius judicatum, si vel tonderentur vel raderentur, nequid effeminati præ se ferrent. Sed de rasura nihil ibi Augustinus, neque ea tum temporis exigebatur. Quid verò requirat indicant hac verba: *Quo pertinet quæso tam aperte contra Apostoli verba comari? An ita va-*

*candum est, ut nec tonsores operentur?* Et mox, *vereor in hoc vitio plura dicere, propter quosdam crinitos fratres, quorum præter hoc multa & pene omnia veneramur.* Adfert deinde hoc eorum argumentum *lucrose ridiculum*, ut vocat Augustinus: *Virum inquit, prohibuit Apostolus habere Comam.* Qui autem seipsos castraverunt propter Regnum Cælorum, jam non sunt viri. Quasi hoc vellent, proinde iis licitum mulierum instar comam nutrire. Hæc ostendere videntur, fratrū eos, quos Augustinus designat, non modo ad oricillam ulque, vel paulo ulterius demisisse capillos, sed credidisse se posse mulierum vel pene mulierum instar alere capillos. Quæ quid ad tonsuram, qualis in clericis, vel monachis, urgetur? Quare in Africa, ut puto, necdum ea obtinuerit tempore Augustini. Multi tamen vetustam adeo arbitrantur, ut originem ab ipsis arceffant Apostolis. Quod & Isidorus facit Lib. ii. de officiis clericorum Cap. IV. Atque idem censet ad exemplum fieri Nazæarorum: quasi non, qui Monachi esse incipiunt, tonderentur; tonderentur vero qui Nazæaræ esse desinerent. Nonnulli etiam qui itidem Apostolos putant tonsuræ auctores, hujusmodi se narratiuncula tuentur: Petrum cum ad Evangelium prædicandum missus foret, ab inimicis ita fuisse attonsum; sed ei benedixisse Christum: atque ita quod opprobri ergo factum erat, versum esse in honorem. Sic Germanus Episcopus Constantinopolitanus & Ceolfredus apud Bedam Historiæ Anglicæ Lib. v. Cap. xxii. Item tot sæculis junior Jacobus de Voragine in Legenda Aurea, ubi de Cathedra Petri. Quibus tanta tonsuræ placet antiquitas, allegant Dionysium Areopagitam Cap. iv. Ecclesiasticæ Hierarchiæ, ubi monachum ait, quando initiandus à sacerdote, *συνεστῆς ὑπὸ τοῦ ὁποῦ*. Id Perionius vertit, *signo crucis consignatum tonderi.* Sed puto, Dionysium hoc velle, tonsuram fieri non *συνεστῆς* sive in orbem, sed *συνεστῆς*, sive ad modum crucis: ut apud Orientales obtineret. Et sanè hujus tonsuræ *συνεστῆς* etiam in Euchoiogiis Græcorum fit mentio. Interea non ex istis ea colligitur tonsuræ antiquitas, quam multi arbitrantur: modò verum sit, quod multis argumentis alibi ostendimus, atque ante nos aliis comprobatum, Dionysium eum summum extremis B. Hieronymi temporibus vixisse. Præterea citant, ut etiam Espenæus nuncupat, *vetus Marcelli decretum.* Qui ab anno ccxiv. sedit usque ad ann. ccxix. quinquennio nempe ante Silvestrum I. Decretum id habemus apud Gratianum, Decreti part. 11. causa xx. quæst. 1. *Illud autem statuendum esse censemus, ut si in minori ætate filii monasterio oblati fuerint, vel sa-*

*crum*

*eram tonsuram, vel velamina susceperint: dignum quidem duximus, ut xv. anno à prælatis moniti verbis inquirantur, utrùm in ipso habitu permanere cupiant, an non: si verò permanere professi fuerint, ulterius panitendi locum minime amplecti possint. Si verò ad secularem habitum reverti voluerint, redendi licentia nullo modo denegetur: quia satis inutile est, ut coacta servitia Domino præstentur.* Sed hoc decretum Gratianus quidem tribuit Marcello Papæ: ac in Glossa ibidem Martino Papæ adsignatur. Et ejus temporibus magis convenire, in margine adscriptum Conciliorum editionis Bini-anzæ. Is verò Martinus post Marcellum annis claruit amplius trecentis. Nempe anno 15 clix. & proximo quinquennio.

Rasura autem multò est recentior, quàm tonsura. Pro antiquitate ejus Anicetum Papam adducunt, qui sedit Anno Dom. clxvii. usque ad ann. clxx. Is jubet capillum radi ad modum sphaeræ, quasi dicat, *sphaeræ sicutis*, non Græcorum more, *savæ sicutis*. Verùm Epistolam eam suspectam esse, nec Bellarminus diffitetur. Imò jam olim eam Cusanus apocrypham pronuntiavit, posteaque Antonius Augustinus, Lorinus, alii magno numero, quicquid contrà contendat Turrianus. Et sanè non tantam esse rasuræ antiquitatem multifariam comprobatur: inter alia eo, quòd Clemens Alexandrinus lib. iii. Pædagogi tonderi jubet, non novaculâ, quod illiberale ait, sed forfice. Atque ille de cunctis loquitur Christianis. Ac sacerdotes tangit Catholicos, quod Donatistarum morem eos radentium improbat Optatus Milevitanus contra Parmenianum. Hieronymus quoque in Ezechielem cap. xlv. ait, sacerdotes non debere comam alere, nec tamen radi. Sed ipsum audiamus: *Juxta quod dicimus, nec calvitium novaculâ esse faciendum: nec ita ad pressum tendendum caput, ut rasorum similes esse videamur, sed in tantum capillos demittendos, ut aperta sit cutis.* Et triplici hac motus auctoritate Bellarminus lib. ii. de Monachis agnoscit, rasuram primitus non obtinuisse. Et sanè non occurrit nunc quisquam, qui quingentesimum ante annum meminerit rasuræ. Atque in iis, qui de Monachis agentes solius tonsuræ faciant mentionem, etiam est Joannes Climacus in Paradisi scala, Gradu iv. Vixit ille, non an. quidem cccxl, ut Trithemius putavit: sed an. 15 lx. quemadmodum nec Bellarminus diffitetur in scriptoribus Ecclesiasticis.

Sed cum ego hæc tam multis, obliviscor mei, imò tui. Nam quid ego, nisi γλαῦκος εἰς Ἀθήνας, ac præterea, quod cujus labores mirer, eos morer? Uxori lectissimæ salutem. Spero me posse vos invisere, ubi filium re-

ducem è Galliis videro. Sed gratissimum fuerit, si prius te, & conjugem, & quos è liberis ac familia adducere præterea integrum erit, apud nos conspexero. Etiam uxor, quæ aliquanto melius valet, (vides, cur hoc addam) impensè id flagitat.

Amstelodami, Incomparabilis doctrinæ virtutemque tuarum cultor,  
clō 15c xlv.  
vii. Id. Jun.

G. J. Vossius.

# CCCCCLXIX.

Ludovico Crocio, Doct. & Prof.  
Theolog.

Clarissime & amicissime,

VEllem, uti petieram, ornatissimus Dose-  
nius me accessisset pridie quam esset abi-  
turus; sed nunc demum in urbem venit post  
semihorulam rediturus, ut mox navem ad-  
scendat. Interea, etsi nunc mecum sint hos-  
pitum nonnulli, in his nobilissimus Magduel-  
lus, militaris judicii præses in Frisia, nefas  
putavi non subito aliquot literularum exara-  
re. Gaudeo te tam multis infestis, animo  
esse bono infractoque: ac Deum oro, ut  
semper idem esse velis; stat à partibus tuis  
scriptura: stat omnis vetus Ecclesia: stat  
etiam ex reformatis optimus quisque & do-  
ctissimus. Amo consulem Doseonium, quod  
te amet, & faveat, foveatque causam opti-  
mam. Memini te literis superioribus de illu-  
stri Grotio judicium meum exposcere; de  
quo pluribus alias loquar. Nunc solum dixe-  
ro, injurios illi esse qui Pontificium esse fa-  
ctum spargunt. Arbitratur in reformatione  
à nostris facta, multa recte esse emendata,  
multa non; item, ut hic etiam locum habeat  
poetæ illud, *Excessit medicina modum.* Putat  
ea, quæ non sunt propria Ecclesiæ Romanæ,  
sed universæ, (qualia sane quæ continentur  
Canonibus Ecclesiæ universæ, codice à Ju-  
stiniano etiam Imperatore comprobato) non  
posse pro Pontificiæ Ecclesiæ propriis haberi,  
nedum ut ab Antichristo profecta censean-  
tur. Sedulo attendit, quæ semper in Ecclesia  
obtinuerint, quæ postea, alia aliis citius tar-  
diusque fuerint statuta. Ac plane censet, ut  
in Romana Ecclesia multa à multis supersti-  
tiose fiant, nec tyrannidem plurimorum Pa-  
parum probare bonus quisquam possit; ita  
quoque seu doctrinam, seu regimen Ecclesiæ,  
ac ritus spectemus, multa in nostris posse ju-  
re improbari, magis interim in iis qui Cal-  
vinum sequuntur, quam qui Augustanum  
Confessionem. Facilius enim censet inter  
Lu-



Lutheranos conventurum (præsertim tales, qualis Calixtus, præclarus sane vir) interque Pontificios, præcipue Gallos & alios, non plane Erasimum, Cassandrum, Casaubonum, Anton. de Dominis, & similes exosos: quam inter eos, qui in Calvinii verba jurarunt, & qui Romanæ Ecclesiæ placita rigidiùs duriusque quam necesse sit, interpretantur, aut qui ex particularibus Romanæ Ecclesiæ doctoribus putant de universa Ecclesia Romana statui oportere; nec sane quod negat Episcopum urbis esse Antichristum, ab alia æque causa est, quam quod videt, nullam esse spem reconciliationis, vel ejus etiam tentandæ, si hoc altè adeo animis sit inscriptum agi de conciliatione cum Antichristo, Diaboli Vicario. In cunctis vero, quæ ad hoc argumentum pertinentia exaravit, non hoc petit, ut alba omnia signemus linea: sed studium laudemus, & expendamus cuncta ad Scripturas ex primæva antiquitatis mente intellectas. Idem summus vir jam pene absolvit quæ duobus ingentibus Tomis ad difficilia Veteris Testamenti loca annotavit. Ac mox consequentur commentarii in Acta, & cætera N. Testamenti. Filium desidero videre. Nondum enim me convenit. Nulla in re operam meam desiderabit. Pro ingenii tui monumentis, quæ subinde mittis, gratias ago quantum possum.

## CCCCCLXX.

## Georgio Ratallero Dubletio.

Nobilissime & amplissime vir,

**S**emel iterumque locutus hic sum cum amplissimo Alberto Conradi Burgio, qui secundum factus Consul, ac collegas habet Pancrarium, Geelvinckium, & Gravium defuncti consulis Gravii filium dignissimum. Is Burghius retulit mihi à nemine se hæcenus compellatum de negotii filii Matthæi: sed causa jam à superioris anni consulibus approbata, velle agere, quantum possit, nec videre, cur adversari aliæ civitates valeant, cum nihil eorum hic fiat incommodo. Ait se crastino die abiturum Hagam, qui erit decimus Februarii. Id volui tibi constare: etsi sic quoque spissum vereor negotium, cum raro adeo sit domi, si is Hagæ est, qui hic fuit. Itaque jam ab aliquot annis sæpius cum frustra fuisset, non soleo accedere nisi constite-

rit, quâ horâ vacare possit, ut compellem. Id video Hagæ fieri non posse in tanta adeuntium copia, ut nulli horam certam valeat addicere: eo magis dolet, quod tam molestum negotium susceperis. Atque utinam potius sponte obviam fiat, qui nusquam minus, quam domi esse soleat. Hesterno die literas accepi à filio Venetiis, quem saluum ac sospitem gaudeo. Scribit non diu se istic hæsurum, sed intra mensem rediturum in Gallias. In sumptibus, quos facio, solatur quod sit frugi & *quidam dicit*, inque omnibus bibliothecarum pluteis ac forulis ruspandis plane *quidam dicit*. Non quidem tanquam JASONem aliquem cum vellere aureo, attamen cum multis *avenditoris*, auro contra non caris reducem me visurum confido; nisi quid mihi interea humanitus obtigerit, vel etiam carissimo isti capiti; sed ut sumptibus nonnullis mihi hoc iter Isaacii mei stat; ita majoribus connubium Matthæi, non satis sese fortunis meis metientis. Itaque decretum repetere ab illustribus Hollandiæ & West-Frisiæ Ordinibus sortem bis mille & septingentorum florenorum: quorum reditus expiret xvii. Aprilis. Puto necesse esse, ut sex hebdomadibus id Myropio significetur in ante diem quem dixi. Necdum tamen certi quicquam statui: & fortasse præstiterit reposcere pecuniam à Dordrechtano Quæstore, quandoquidem istic annos xxx. ante & ultra est collocata. Quando otium erit, tribus verbis indica, siquid in hac re scitu mihi sit opus, quod nostri similes fugere soleat. Nudius tertius mihi redditæ literæ ab Illust. Grotio ex quibus intelligo intra tres menses posse absolvi, quæ annotavit ad libros veteris Instrumenti, eos etiam, quos Hebræus Canon non agnoscit. Hinc fore, ait, ut prælum defudet istis, quæ ad Acta Apostolica, Epistolas & Apocalypsin est commentatus. Equidem exopto ut videre liceat. Sane illis in IV. Evangelistas multa me bona docuit: ac sicubi recedam, occasionem tamen accuratius meditando præbet. Imprimis desidero Apocalypseos interpretationem, quando nostri, si Hieronymum Zanchium & paucos alios excepero, cuncta ad urbis Episcopum solent referre, præter antiquorum mentem à quibus invitatus abire soleo. Et tamen non disiteor in Prophetiis posse esse, quæ antiquioribus invisæ, nos ipsa docuerit dies, optima etiam stultorum, ut aiunt, magistra. Deus te diu familiæ, Reip. & amicis conservet. Amplissimo Reigersbergio salutem dicito; item affini Nobili Dubletio, item reverendo Doctori Johnsono & si Hagæ fuerit Doct. Goffio. Huic debeo exemplar de Idololatria, quod diu misissem, nisi in mora fuisset bibliopegæ. Ante diem unum accepi compactum; sed nescio

nescio ubi degat Goffius, & gravare famulum tuum nolui.

*Amstelodami*, cl<sup>o</sup> Id<sup>o</sup> xliii.  
ix. Feb.

*Tuus totus*,  
G. J. Vossius.

CCCCLXXI.

Geo. Ratallero Dubletio.

Nobilis & Amplissime Senator,

**Q**uos ad me quadringentos misisti flores, eos hesternâ die accepi. Ac ex pecunia apud Quæstorem Dordrechtanum collocata Aprili proximo refundo. Pro cura & affectu quas debeo gratias ago. Matthæus meus, ut arbitror, intra hebdomadas duas vel præterpropter affuturus est nobis. Quod opto, ut videam, numquid in Annalibus Batavicis promoverit; omnino ex illorum est genere, quibus subinde auri sit vellenda. Ergo ubi redierit pro *εργασίας* ero. Ante triduum reddidit mihi ab Isaac literæ, quibus significat, se post duos tres dies Venetiis Mediolanum cogitare, atque inde Genevam. De Mediolano, urbe hostili, non multum adlubescit. Sed solatur, quod in huiusmodi moderari linguam sciat. Et credo, si bene novi, potius quam in periculum incideret, ea diceret, faceret, quæ ego ab animo meo non impetrarem. Amplissimo Reigerbergio salutem; uti & gemino nomine conjunctissimo affini tuo Dubletio, nec minus patrueli. Et cur non suavissimis liberis addam, præsertim natu maximo Philippo. Ubi occasio fuerit excurrendi, erit, spero, quod de profectu ejus mihi gaudeam, tibi gratuler.

*Amstelodami*,  
cl<sup>o</sup> Id<sup>o</sup> xliii.  
Non. Martiis.

*Tuus omni officio*,  
G. J. Vossius.

CCCCLXXII.

..... Borrio J. C.

**H**esternâ die, Cognatè optime, literas misi, Amplissimo Dubletio inscriptas, ecce nunc alteras, quibus Senatori Reigerbergio commendo negotium tuum. Ubi diem adscripseris, aliquid sigillo, quod impressimus, ceræ subdes. Valde exopto, ut voti tui compos fias. Quod si pluribus scri-

bendo existimabis me aliquid posse, tuum est isthoc mihi significare, qui paratior sum ad gratificandum tibi in quocunque negotio, quam tu sis futurus in poscenda opera nostra. Reddidit mihi heri literæ etiam ab focero tuo Amplissimo, cui, ut arbitror, nihil attinet hoc tempore respondere. Nam eadem reponerem, quæ tibi scribo. Plurimam autem meo nomine salutem dicito; uti & focui & conjugi & utrique adfui, nisi alterum illorum Galliæ adhuc tenent. Meus Isaac post lustratam Britanniam, Galliam, Italiam, nunc de domuitione videtur cogitare. Postremæ quas ab eo accepi literæ Venetiis scriptæ erant; sed addebat intra triduum se Mediolanum cogitare Genevam. Si Deus siverit, redibit ad nos ingenti Manuscriptorum Codicum necdum editorum supellectile instructus. Assidue pro ejus reditu vota ad Deum fundo: negotium etiam omne divino numini committo, quod solum novit quid expediat utrique nostris. Eo autem sollicitior sum, quod toties jam in liberorum flore novercam experior fortunam, si sic fas loqui Christiano. Vale, carissime Cognate.

*Amstelodami*,  
cl<sup>o</sup> Id<sup>o</sup> xliii.  
Post. Id. Mart.

*Tuus omni officio*,  
G. J. Vossius.

CCCCLXXIII.

Cl. V. Andr. Riveto *Theologo*.

Reverende ac Clarissime vir,

**M**ultum tibi, nec paulo amplius debeo Amplissimo Gothofredo de munere isto Philostorgiano. Vere misisti *ἀγαθὸν ἀγασίας*, sive enim Philostorgium attendem, multa docet, quæ absque eo esset, nesciremus: sive *ἡ πύλη* Gothofredum, licet magni semper eum fecerim, valde tamen hac opera auxit apud me existimationem suam. Ad eo multa sunt quæ non me modo & mei similes, sed longe etiam doceat doctiores. Sed quoties mecum cogito tot florentissima Galliarum ingenia, nescio, magisne doleam sortem foederatæ hujus Belgicæ, an gratuler Galliarum, quæ tot tantivis pretii laboribus beare tempora nostra, & postera simul sæcula non cessat. Belgica vero hæc num ultra duos tres laudare possit (si modo tantus eorum numerus) qui lucem adferre veteris ecclesiæ temporibus vel velint, si possint, vel possint, si velint? Atque in horum, quos nunc culpo numerum referre etiam liceat nomen meum, quamvis pro tuo erga me

H h h

amo-



amore benigne adeo de me loquaris, & scribas, etiam in nupero ingenii doctrinaeque tuae monumento, pro quo munere magnas ago gratias, atque utinam possim aliquid rependere. Sed ita distineor, ut semper metum, ne promere aliquid si velim, illud crudum adeo sit, ut non faciat ad palatum eorum, qui dapibus adfuevere exquisitis. Et tamen durat ardor ille nobis ferventissimus Ecclesiasticae Antiquitatis. Quantillum vero hoc, si ut Aspendius tibicen, mihi duntaxat canam & Musis! Id me facere negabis. Equidem facio in illis quidem, quae ad veteris Ecclesiae tempora pertinent. Quamquam in aliis etiam quantillum est, quod promoveo. Nunc sub praelo est Elzeviriano liber de vitii sermonis, falso suspectis, & variis glossatis: ubi proposui mihi, tum aperire in quam multis à puro sermone abeant hodie multi non ineruditi, tum tueri quae temere à multis culpae solent, tum lucem adferre semibarbaris superiorum seculorum scriptoribus, quorum sermo, cum allium & cepas oleat, saepius tamen grandes habet sensus, ut non videam operam ludere, si praestem, ut melius intelligantur. Interea quid ista magnopere ad ea, quae amici ab hac aetate mea exposcunt, ut aliqua saltem ex parte iis satisfacerem. Blauwio dedi excudendum libellum de anno Christi natali & emortuali. Qui licet necdum divulgatus sit, tamen jam ante menses sex septem ad finem perductus à Typothetis. Adjungere volui minutam diatribam de genere Christi. Tantummodo quinque est, ut vocant, quaternionum. Et nihil mei à Blauwio, his exceptis excusum intra quinque hos menses. Quae idcirco attuli, ut videas, nihil mea obfata doctissimo operi Blondelliano. Quid igitur, inquires, moratur? Vix Blauwius est minime malus: sed ut Mercuriales omnes solent, erepto fratre, in quem magna pars oneris recumbebat, serio dispicere solet quid sit in rem suam. Habuit autem & aliunde, quae excuderet, & quae absolvi posse existimaret, ante proximas nundinas Francofurtenses: quod de Blondellianis non ausus erat sibi promittere. Maluit igitur illa praevertere. Accessit, quod characteres Blondelliani tam minuti forent, ut brevibus & nebulosis hyemis diebus Typotheta mira cum molestia legeret, quod fere ad candelam fuit. Propterea voluit expectare dies & longiores & sereniores. Sic vero in animum inducas tuum, atque idem clarissimo Blondello persuasum velim, nunquam ab meis ullam ornatissimo ejus labori remoram fore, sed neque passurum, ut opere illo alterius, quo nunc praelum fervet, ad umbilicum perducto, post-

habeat (si quid valeam) Blondelliana cuiusquam scriptis. De magno Salmasio quod scribis, mox à Paschalibus feriis dominationem ad nos parare velle, valde me gaudio affecit. Pene dixerim, saeculum mihi videri, quod eo caremus. Funus Hellenisticum ejus, & Ossilegium legi. Placet causa Salmasiana, & in Ossilegio etiam modestia. De funere improbarem acre illud & acerbum, nisi nossem, quam crudeliter ille, quem impetit, tractare soleat omnes bene de studiis mereri cupidos, quasi honoris illud, quod aliis accedit, illi decederet. Mihi contra semper visum fuit, à nullo omnem eruditionem possideri, sed bene nobiscum agi si cum Hercule obtineamus partem decumanam. Imo hoc ipsum arbitror obtigisse nemini, ut multum is mihi demum scire videatur, qui scit, quantum nesciat. Hoc utinam omnes non chartis (uti ego nunc facio, & ille, quem me scis dicere, affolet) sed animo inscribamus penitissimo. Gratum fuit intelligere, quis ille sit, quicum disputat in Ossilegio maximus Salmasius. Nam multa erudite objicit: ut hinc affinis tui Bocharti egregiam doctrinam non obscure intelligam. Sane si istis armis non possit defendi causa linguae Hellenisticae, actum de ea & conclamatum. Bene etiam sit affini, qui Salmasiano illi scripto occasionem dedit. Abrumpam, qui & alteram me video paginam impleffe. Nisi hoc addere operae est, gemino me nomine gratias iterum tibi agere, tum pro Dissertatione tua de pace Ecclesiae, eo magis quia fuere complura unde proficerem, tum pro opera in tramittendo Philostorgio Amplissimi Gothofredi, quem non patiar deinceps expertem esse ullius, quod juris publici faciamus. Uxori lectissimae salutem.

*Amstelod. c. 10* Idc xliii.

Prid. Kal. April.

#### CCCCCLXXIV.

Merico Casaubono, Isaaci Filio.

Reverende ac clarissime vir, conjunctissime Collega,

**H**odie adfuit mihi Hoofdius, urbis hujus incola, ac significavit ut à fratre literas accepit Londino, è quibus intelligat, accepisse eum trimestre isthoc salarium, quod à mense Septembri debebatur mihi ex regia beneficentia, seque id hac ipsa hebdomade refun-

refundere mihi paratum aiebat. Sed & luculentam spem faciebat alterius trimestris, quod extremo Decembri expiravit. Ego hac occasione scribendum mihi putavi, ac gratias tibi, & universo Reverendorum fratrum collegio agendas, quod mei, longe distiti, usque adeo turbatis Angliæ rebus memores esse pergatis. Et si nuper, pro modo ingeniosi, doctrinæque nostræ, testari volui affectum erga fratres reverendos, animum istum non deponam, dum vivam. Ægre mihi est, quod tam pauca de dilectis adeo capitibus intelligam: Sed scio, peccata omnium nostri meruisse, ut tanti fiant motus in ecclesia pariter ac regno, qui non sinunt ut literaria sint commercia, sicut solent. Et tamen, ut confido, dabit Deus his quoque finem. Huc assiduo preces meæ adspirant & tot bonorum. Ætas mea, egregie vir & amice, ingravescit. Sarcinulas igitur colligo, ut potiora eorum, quæ quadraginta & amplius annorum spatio exaravi, juris fiant publici: atque id non in sacris modo, et si his imprimis, sed etiam politioribus literis & Philosophia. Quæ nunc sub manibus habeam literis proximis cognosces. Tam multa enim sunt quæ molior, ut quid primum, quid medio loco, quod postremo exsequar, equidem ne ipse quidem satis perspiciam. Uxori optimæ, Reverendo Decano, veneratorum fratrum singulis, salutem plurimam dicas, rogo.

*Amstelod. c. d. Ixc xliii.*  
Kal. Maii, Sr. vet.

*Tuus æternum & fratrum reverendorum,*

G. J. Vossius.

CCCCCLXXV.

Joanni Friderico Gronovio.

Clarissime Gronovi,

**P**Ergratum est, quod usui tibi esse possit bibliotheca mea: eo magis quia ipse uti nequeam, prout vellem, ob nimiam salutantium multitudinem. Absque noctibus foret, cum nunc male mecum agatur, pessime. Nam quid mei similibus, vel nostri potius infelicius est, quam assidue avelli à libris, quod mihi interdum decies de die contingit? Mitto autem ex iis quos poposceras Grammaticos methodicos, à Putschio editos. Habeo & Priscianum Manuscriptum, bonæ notæ, Aldinum & hoc antiquioris editionis. Quos misissem, si id velle scirem. Scis & mihi Nonium esse Manuscriptum longe optimum. Siquid locorum

voles inquiri, non gravate id fiet: mitto præterea Schotti observationes humanas. Item Leonartum Porcium Vicentinum de fertio, talentis, aliisque: Item Aquilæ & Mameramni libellos Aquilæ adjunctos, adhæc Henniffschium Mathematicum de Asse & ejus partibus; Chisletium de numismate antiquo, & Puteanum de ratione pecuniæ Romanæ; volui & videres Grepsium de siculo & talento, licet ambigerem annon id conspexisses, tum autem num usui esse posset. Paschasii Grosippi sive Scioppii Mercurium, Prisciani, Fannii, Bedæ, & Metiani opuscula addidi, quod ad eos & Vineti notas quædam Scaliger adscripsisset. Habeo & mei consanguinei Budeii de re nummaria libros duos, cum xxv. aliis libris, quos suis adjecit, sed magis ad juris scientiam quam philologiam pertinent. Mittam tamen si ita voles. Quas tanto ante literas Clarissimo Isendornio dederas, eas accepi ante biduum, cum pridie mihi reddita forent à Reigersbergio, quas dedisses ornatissimo Gerardino. Isaacus meus Lutetiam est reversus & cum illustrissimo Grotio vivit. Utrum ante hyemem sit reversurus, an ea exacta, dicere nequeo. Valde triumphat de tam multis à se descriptis, quæ adhuc *absoluta*. Salmasio ab illustribus ordinibus navis jam mittitur bellica, quæ eum referat Academia. Multum gaudeo de elegantissimi ingenii viro Vincentio Fabricio, omnino honore de quo scribis, dignissimus est. Nec hic apex fuerit sed gradus. Matthæus meus te *amandatus*, ejus conjux, quantum rationes putamus; binis tuam mensibus antevertet. Utrique facilem partum opto, & ut sæpius læta prole maritos faciant parentes. Clarissimis collegis, Duissio, Isendornio, & (quem præmisisse oportuit si tanti res foret) Christenio salutem. c. d. Ixc xliii. xxvi. Octob. mira festinatione, ob eos qui scribenti interveniunt.

CCCCCLXXVI.

Friderico Spanhemio, *Theologo.*

Eximie & Clarissime vir,

**Q**Uod coram promiseram nuper, nunc præsto. Utinam modo opusculum, quod mitto, sapiat palato tuo. Cujus ego judicium multorum instar æstimo, cæterum illi de genere & annis Christi, addidi, alterum aliquanto ante divulgatum, de tribus symbolis. Nempe ut opusculum tam minutum,

H h h 2



tum, si augeteretur, paulo fieret commendabilius. Magnam ex eo voluptatem capio, quod omnia sic Leidæ tuis personant laudibus. Sic enim intelligo ex multis, qui inde huc veniunt. Sordescere cœperant veteris Ecclesiæ tempora, quæ bellè adeo socias cum nostris. Te tibicine, non metuum, ne juvenus deinceps dispretui habeat doctores antiquos. Nec ignoro, quantum debeamus magnis viris, quos paterna & avita ætas tulit. Ac male de nobis, pejus de Ecclesia meremur, si sic eos amplexemur, ut propterea priores, præsertim primævos illos faciamus depontanos senes, ut cætera mittam damna, hoc pacto ne ingrati quidem animi crimen effugiamus. Illud quoque præclare de Academia sperare jubet, quod salvus ac sospes redierit à *mar* Salmasius. Vir undecunque magnus, ac ut in cætera historia ita Ecclesiastica, si quis alius penitus subactus. Quid non à tam nobili pare, una in urbe degenti, liceat sperare? Quocirca non definam Deum rogare, ut uterque vestri, multos in annos, letus intersit populo Batavo.

Vale, Præstantissime Spanhemi, atque ita tibi persuade, nunquam fore, ut officium meum claudicet, ubi opera nostra utilis esse possit tibi, vel tuis.

*Amstelodami*, c15 Ioc xliii.  
Post. Non. Decembris.

## CCCCCLXXXVII.

Andræ Riveto *Theologo*.

Reverende, ac Clarissime vir,

**M**inutum mitto opusculum de genere & annis Christi, in quo plus mihi insumptum laboris, quam pro mole videatur. Sed utrum operæ respondeat fructus, tui esto iudicii, quod merito maximi semper feci. Plura, & ut confido meliora hoc à me anno habuisses, nisi valetudo nunc mea, nunc conjugis obstitisset. Ingentem Salmasium ad nos salvum ac sospitem rediisse, impensè lætor, magis etiam gavifurus, si alternis dederit nobis nunc de Scholice literarum dape, nunc de veteris Ecclesiæ rebus: Quo pertinerent, quæ ad Concilium Illiberitanum commentatus fuit. Sed nimis diu cum blattis & tinceis, ut metuo rixantur. Spero hoc duce, & simul clarissimo Spanhemio, velut ab orco posse revocari ecclesiasticæ antiquitatis studium, quod post tuum à Leidensibus abitum, ac Thylii obitum, jacuit velut sepultum dispretumque. Utinam & Petitus hæc in

oras, cujus mihi quidam spem fecerat, fuisset advocatus. Sic cum iis quadrigam fecisses, quamvis paulum separatus loci intervallo. Majori ego disjunctus, lubens currum vestrum essem consecutus, uti olim triumphantium solent. Vale, vir & amice eximie, ac meo & conjugis nomine, plurimum saluta conjugem tuam; cujus frater clarissimus quo pacto valeat scire desiderem. Ergo, quando otium & occasio melior erit, aliquid scribendi ad me (non urgeo negotium, qui ipse usque adeo negligens esse soleo in literario commercio) quæso de isthoc tribus verbis adspere quippiam.

*Amstelodami*,  
c15 Ioc xliii.  
Post. Non. Decembris.

Reverendo ac clarissimo nomini tuo addicissimus,

G. J. Vossius.

## CCCCCLXXXVIII.

Georgio Ratallero Dubletio *Senatori Curie supremæ*.

Nobilis Amplissimeque vir,

**T**andem vides libellum de annis Christi: cui & diatribam præmisi de genere Christi, dicavi eum laborem urbis nostræ Consulibus. Id enim jamdiu expectabatur ab iis. Majoris aliquid molis maluissem, sed non fuit vel mea vel uxoris valetudo, quæ diu nos afflixit & adhuc detinet conjugem; operi de Vitiis Sermonis accudere animus Glossarium latino-barbarum. Quod erit tripartitum, de vocibus penitus barbaris, de barbarorum iis quæ ortum Latio debent, de latinis quidem, sed non more latinorum usurpatis. Exemplum primi generis est, burdo, pro mulo, bannus pro proscriptione. Alterius albedo pro albor, labilis pro infirmo. Tertiæ, capella, pro facello, hospes pro caupone. In singulis harumce partium prius videbo de nominibus, tum verbis, hinc particulis. Ut classes sint futuræ novenæ. Tripartito glossario subdam de iis quæ falso eruditæ etiam hominibus barbara censentur. Ac glossario quidem id propositum mihi, ut intelligantur posteriorum seculorum scriptores. Nam si res universæ Ecclesiæ, omniumque imperiorum scire volumus, intelligi opus non illos modo, qui purè castèque locuti, sed etiam labantis Latinitatis, atque adeo collapsæ auctores. Malles credo, hæc ab alio fieri, sed neque ego hoc ætatis id laboris susceperem, nisi jam olim egregiam istorum sylvam mihi parasssem. Edendo igitur illa, quæ

quæ ad barbarissimum seu solocissimum pertinerent, longius sum digressus, ne periret labor iste vel mihi, vel publico. Interea opera etiam dabitur, ut priusquam ista videant lucem, ( id vix ante semiannum erit, ita sub manibus labor crescit ) quædam in publicum prodierint, quæ ad Philosophiam vel Ecclesiæ historiam pertineant. Filius Matthæus, in eo est totus, ut tertium Annalium tomum tradat typographo, quod proxima fore hebdomade existimat. Isaacus, postquam periculose adeo Mediolani ægrotarat, sospes rediit Parisios; ubi in ædibus Illustrissimi Grotii agit. Puto, sic expedire, ut maiorem sibi & juris, & rerum civilium scientiam paret: quod vix alibi tam feliciter posset, quam ea in urbe & domo. Supereff rogem, ut singula opuscula iis per famulum procures, quibus à me mitti in frontispicio adscripsi. Potueram, & credo, debueram parcere hac in re occupationibus tuis. Sed si per tabellarium singulis misissem seorsim, scribendum fuerat singulis. Laboris istius fugienti ignosces. Vale, Nobilissime Senator, præsidium & delictum nostrum.

*Amst. c. 10 Id. xliii.*

*Post. Non. Dec.*

# CCCCCLXXIX.

Ger. Joh. Vossius, Hugoni Grotio  
S. P.

Illustrissime Domine Legate;

**G**Audeo Isaacum meum Mediolano saluum. Quamquam paulum male me habet, quod simulac vestra urbe posuerat pedem, de reditu quidem tribus me verbis fecit certior, ac per Tabellarium proximum prolixius se scripturum promissit; at ne per secundum quidem nuncium Literarum aliquid misit: ut subvereri cogar, ne Mediolano festinanti, hoc iter tam longum confecerit, quam à querquero illo morbo, vix dum depulso, corporis finiret infirmitas. Quod si, ut spero, valetudo nunc secunda ei, nolim iterum eum moretur. . . . . ndia, quo minus fruendo coram Excellentia tua, cum itineris sui fructum superaddat, cujus consequendi occasionem frustra desideret postea. Intelligo etiam Lutetiæ esse filium Amplissimi Consulis Conradi Burgii. Cui quam bene velis, abunde cognovi ex Excellentia tua ad me literis, jam ab eo tempore, cum eum commendarem, per Galias, ut credebatur, unà cum Hortensio iturum ad τὸν μαργεῖττον Galilæum de Galilæis. Quamquam verò nullus dubito quin idem sit, qui olim fuit; tamen longè fuerit iucundissimum ex tua Excellentia intelligere, quid censeas de ejus vita, studiis, atque industria. Crebro enim itare in aulam vestram, eoque frequentius quod ibidem habeat Amitinum suum Beuningium, narravit mihi hodièque Nobilis Filius tuus, Petrus Grotius: qui Patruo Guilhelmo, atque adeo penè ejus familia omni, Haga abeunte; nihil causæ vidit, cur non & ipse feriis fruatur, iisque Amitinos Reigersbergios in urbe vilitet nostra. Avide omnes bonam mentem amantes expectant, quæ ad veteris Instrumenti Libros annotasti. Cognosco jam Excellentiam tuam in tertio volumine defudare. Utinam mihi Deus longam adeo vitam concedat, ut qui illa in novum Fœdus plus oculis meis amo, etiam me pascam cæteris, citra dubium nihil nisi nectar spirantibus. Malevoli ringantur, certent porro non dictis, sed maledictis; quasi cuminum sererent, aut ocymum. Sol non invidet vespere. Et tamen vellem non tantas moras necti ab eo qui responsurus sit, illis sic habenas irarum in Ex. T. effundentibus, optimèque etiam dicta in deteriore rapientibus partem; qui nihil æquè audiunt inviti, quam quod medicina dicitur modum excessisse. Valetudo mihi ab aliquot hebdomadis, ut non pessima, ita parùm prospera, credo ab eo, quod ob diurna impedimenta non sat parcam noctibus. Interim animus nihil novi auspicari. Quorsum enim? qui tam multa sum aggressus, ut me subinde stultitiæ condemnem. Sic enim egi, quasi longissimam mihi ætatem sponderem. Sero nunc sapio. Nempe, ut olim aiebat ille, sapere incipimus plerique omnes, cum delinimus vivere. Nec tamen magnoperè id male me habet semper. Utcunque enim illa, quæ perficere non licebit, haberi debent non inchoatis; tamen præter honestam voluptatem, quam ex ea studiorum varietate cepi, hoc feci boni, quod in iis, quæ jam juris publici facta, vel effecta habeo, multa ob studiorum nexum, illustrius, saltem magis ex animi nostri sententia tractavimus, quam si in studiis, scriptisque, arctiores mihi limites præfinitissem.

Deus Opt. Max. Excellentiam Tuam, Conjugem Heroinam, ac familiam universam, diutissime salvam ac sospitem conservet.

*Amst. c. 10 Id. xliii.*

*v Id. Sextiles.*

*Illustrissime Excellentie  
Tuae Cultor devotissimus,  
G. J. Vossius.*

Con-



Consulem Flamingium Dom. ab Osthorn nudius tertius amisimus, magno cum bonorum dolore. Sustulere illum ingentes calculi dolores: propter quos sæpè mortem exoptavit, corde alioqui vegeto, ac firmo. Multum amisi in viro tam amanti domus nostræ: sed non paulò amplius est, quod in eo perdidit Resp. De faventia erga Excellentiam Tuam, scis ipse, & nunquam apud me occasionem, vel minimam neglexit testandi erga Excellentiam Tuam propensissimum affectum.

CCCCCLXXX.

*Viro Illustri Claudio Salmasio,  
G. Jo. Vossius S. P. D.*

**T**Andem igitur læta advenit dies, quæ de te, magne Vir pariterque amice, prospera fors Batavis reddidit, ac nobis. Quod bene prospereque vertat equidem verè dixerò, menses prope singulos, mihi annum vifos, dum amici te caremus, imò Batavia sole suo destituitur. Ex singulis qui è Galliis venirent, vel quibus scripisses, si occasio daretur, querere de te soleo, & adventus tui spe. Malis negantibus, te de reditu cogitare; illi contra propinquam spem facere. Absque eo esset, non tam diu siluissent literæ meæ. Multum verò gaudeo, quod interea dum abes Leidensium Doctorum numero, accesserit Clariss. Spanhemius; vir, quantum ex omnibus intelligo, dignus, quicum in tenebris mices. Quidam grande est candor hoc seculo, nigrorum hominum tam feraci. Et ad ejus laudes accedit, quod vetera Ecclesiæ tempora æstimat, quia novit; contra quam alii tam multi, quibus est moris contemnere, quod non didicerunt. Quid verò deinceps primò à te expectabimus? Est qui Colophonem de usuris malit. Alius Arnobium. Ego Concilium Illiberitanum. Amici quidam de Episcopis & Presbyteris. Illustrissimus Princeps Araulionensis de re militari veterum. Sanè hunc prævertere æquum est. Sed qui igneam ingenii tui aciem, acre judicium, omnigenam doctrinam novit, & quam multa jamdiu habeas parata ad prælum, is non dubitabit sperare gemino etiam prælo posse operam tuam desudare. Et tamen nihil ejusmodi ausim exposcere, vel etiam suadere. Quippe valetudini metuo, quam non esse ferream nuperus ostendit morbus in Galliis. Quare subinde animo illud observetur, quod sapientissimo Augusto crebro in ore esse solet,

Lentè Festinandum. Atque hoc cum tibi valetudinis causa curandum existimem, mihi longe alia de causa occini possit: puta, ne non iis, quibus tu animi dotibus instructus, festinare nimis si velim, fiat illud, quod proverbio dicitur de Cane festinante. Sane dum in Galliis distineris, quædam feci juris publici, an festinantius quam oportuit, tui esto judicii. Ea sunt quatuor de Theologia Gentili, & Physiologia Christiana. Ad hæc de tribus Symbolis, & genere atque annis Christi. Ea mitto, una cum filii Dionysii Maimonide. Primum istorum, de Paganica dico Religionem, & Naturæ scientia simulac edideram, Clarissimo olim Collegæ Heinio *avidus* (nam exercitationes illius in N. T. ab eo acceperam) L. M. Q. per adolescentem qui verbis ejus significavit, necdum se rescribere, quia non soleat judicium ferre, de iis quæ necdum legerit. Plane hoc Secreticum. Quam stulte enim de necdum visis judicia vulgo ferri solent? Sed ut ne parum humanè mecum egisse censeas, mense toto post literis mihi gratias egit: ac ut constantiam videas, addidit, velle suum etiam judicium, ubi legerit, perscribere. Necdum legisse arbitror, nec fieri postulo, quia nec tanti mea facio, ut bonas horas nostris consumat, vel obiter etiam lustret, quo vel ex ungue Leonem, quod dicitur, vel ex ungula æstimet Asinum. Hoc igitur futurum ad Kalendas Græcas. Maximas ago gratias, quod Isaacum meum tanto affectu in Galliis exceperis. Nunc Lutetiæ agere, scio te scire: Nam tribus verbis rem proxime tetigit literis ad me suis. Omnino autem in talibus eum scribendis paulo fusorem optarem. Credo existimavit, ubi huc venisses, omnia posse melius coram cognoscere. Hyeme hæc Lutetiæ eum agere permisi, quia in ædibus Illustris Legati optima ei occasio erit augendi scientiam & Jurisprudentiæ, & Civilem. Uxor mea male admodum valet, quod scis ei esse insolens. Res ea non paulum moratur studia mea, quæ satis alioqui lente procedunt, in tanta interpellantium turba. Plurimum & tibi & lectissimæ Conjugi tuæ salutem adscribi jussit. Uti & filius Matthæus, quem illustres Hollandiæ & West-Frisiæ Ordines Historicum suum creârunt, eodem pretio quo fruitur Heinisus; ut hac parte illos videas Collegas. Uxorem duxit Frisiam bono genere natam, benè educatam; quæ res mihi in plurimis adversis solatio est.

*Amstelodami, cIdo Id. xliii.  
post. Id. Decemb.*

CCCLXXXI.

## CCCCXXXI.

Nobilissime Salmasi,

**V**aldè me beasti literis tuis, præsertim qua benigne adeo sentis de laboribus meis. Utcumque enim me inferiorem laudibus tuis putem: est tamen pergratum à te laudari; non quia non putem aliquid à te dari amori, sed quia sic facilius me solor, tantum aliis odio nostri indulgentibus, ut laudes etiam iustas negent. Perjucundum mihi est legere Commentarium tuum de lingua Hellenistica; pro quo, quantas possum, gratias ago. Spero hac opera Colophonem imposueris dissertationibus tuis de hoc argumento. Quamquam Groningæ esse intelligam Scokium (Spokium nuncupant alii quod Belgis Spectrum notat) qui iis, quæ de Funere Hellenistico, & Offilegio scripsisti, repositurus est librum adversus Vespillonem. Vel inde maledicentiam hominis vides, si fortasse antea te fugerit. Sanè vulgo omnes ex iis, quæ hæcenus divulgavit, ita arbitrantur, in calumniando non minus esse impudentem illo ipso, cujus causam suscepit. Sed vide sæculi stultitiam. Sic fertur, cogitari Franekeræ de substituendo Professore Theologo in locum *fr. van der* Vedelii. De compluribus jam esse sermonem, ac in his etiam nomen esse Scokii. Spero, quamquam graves peccatis nostris poenas commeremur, nondum tamen ita exosas Deo esse Academias foederatæ Belgicæ, ut tam nobilis Sparta huic committatur. Nosse desidero, multumne affuturus sit à sententia tua, qui existimet, dum superessent Apostoli, & ab his missi, quos & ipsos Apostolorum nomine dignabantur, penes eos fuisse quandam *ἐπιστολήν* iis verò defunctis Ecclesiam vidisse, requiri, ad Schismata cavenda, ut penes Presbyterium esset quidem gubernatio Ecclesiæ: sed in hoc ipso emineret is, penes quem foret Presbyterorum *ἐπιστολή*, quique propterea singulari notione, Episcopus sit nominatus. Hoc eo scribo, quia nulli cordato placet illa *ἐπιστολή*, quæ in nostris obtinet Ecclesiis. Quæ super eo sententia fuerit foci mei Junii; quæ item necessarii ac propinqui mei Francisci Gomari, probè adhuc memini. Neuter Anglicanam Ecclesiæ gubernationem per Episcopos improbabat. Scio etiam, illam à Festo Hommio apud Anglos Theologos in Dordrechtana Synodo longè prælatam formæ regundi quæ his obtinet locis: ubi quantæ sepe in classibus contentiones sint, quanta item *ἀντιλογία*, malim ex aliis intelligas, modo curæ sit nosse, quod vix arbitror. Hoc malum magnam partem tolli posse existimo, si Pres-

byterium habeat suum *ἐπιστολήν*, cujus auctoritate multi pervicaces, præsertim homines adolescentes, typho plurimum inflati, melius compescerentur, quam in ista sit *ἐπιστολή*. Nec quia super eo iudicium tuum exposcebam, eo abstrahere animus est ab iis, quæ publico parâs, ut orbis literati desiderio satisfacias. Dabitur, spero, super eo colloquendi locus, simulac occasio erit tibi ac uxori optimæ, excurrendi ad nos: de quo nihil superioribus scripsi literis, quia & te arthriticum intelligebam, & uxor item veteri morbo laborabat. Nunc illi meliuscule est; nec ei minus jucundus erit vester adventus, quam mihi exoptatus. Cum proximæ tuæ literæ redderentur mihi, rogabat Coniux, an jam ad te scripsissem. Annui: Tum illa; Scin?, me iussu tuo, adservare duos fasciculos D. Salmasio inscriptos? Unde, inquam, illi nobis? Nescire se aiebat, nisi quod de altero ex Suecia putaret. Et jam annum esse & ultra fortasse quod accepissemus: nec tibi mitti potuisse, quod singulis te mensibus expectaremus. Ita mihi memoriam refricavit. Mitto igitur, quod ante octiduum missum oportuit; & simul literas, quas filius Isaacus Lutetiæ Parisiorum transmisit ad nos ut tibi redderentur.

*Amstelodami*, secundum Stylum Julianum post. Kal. Jan. anni huius c1610c xlv. quem tibi ego, coniux conjugii, liberi liberis, imò omnes omnibus vobis felicem ac prosperum exoptamus.

*Nobiliss. & amplitudinis  
tue cultor,*

G. J. Vossius.

## CCCCXXXII.

Nobilissime Salmasi,

**P**ene altera elapsa est hebdomas, ex quo non satisfacio expectationi tuæ. In causa, præter cætera fuit, quod demum die hesterina comparare mihi potui Arcydium. Nihil occurrebat, quod magnopere juvare possit præter illa p. 612. Mittendum tamen putavi, quia negligenter satis lustrassem. Addidi Hospinianum de Monachis, qui fusc de tonsura rasuraque. Item Altenstangii Lexicon propter scholasticos quosdam, quos advocat voce Tonsura. Etiam Galenum Westcapellum, qui aliquid habet tum in Commentario de Sacerdotio Christiano, cap. 6. fol. 72. & seq. tum in Originibus Monasticis cap. 12. p.



137, & 138. a. Præterea Collectanea Efpencæ, propter Concilia. Eorum loca index fuggeret in tonsura. Video & quædam habere Cornelium à Lapide in 1 ad Corinth. cap. 11. præcipue ad ver. 6. Sed mittere neglexi, quia nihil haberet Bellarmino & aliis indictum. At ut constaret melius, quo pacto à nostris jam occursum sit Bellarmino, nisi quæ adversus eum Junius & Sullivius Anglus scripsere, cum tarde adeo de Arcudio negotium procederet, raptim quædam de argumento istoc epistola sum complexus: vel hoc fine, ut videres, quam multa in hoc argumento me fugerent. Tanto jucundius erit proficere ex tuis, quibus orbem instruis universum. Iterum vale.

*Tuus æternum,*

G. J. Vossius.

Cum viderem cistellam plurium esse librorum capacem, ac scirem Bellarminum te habere, ejus loco volui mittere Gregorium de Valentia hominem doctum, & quem acuminis ergo Bellarmino Hieronymus Zanchius soleat præferre. Videbis & ab eo veterem cramben reponi.

### CCCCXXXIII.

II. V. Hugoni Grotio.

Illustrissime Domine Legate,

Magna cum voluptate legi, quæ reposuisti oblectatori. Eamque dissertationem tuam recudere parat Blauwius. Cæterum metuo ne alicubi, vel Amanuensis tui, vel Typographi incuria, pro *Octogesimo*, irrepsit *Octavo*. Locus est, ubi agis, de usu Bombardæ apud Venetos; unde acceperint Turcæ. Paginam exprimerem, nisi Exemplar meum Blauwius haberet. Historia sic habet.

Anno 1354. Bertholdus Monachus reperit Bombardas, sic Hieronymus Ziglerus in Illustrium virorum Historia.

Anno 1357. Lovanienses Bombardis adversus Flandros usi, eosque duodecim habuere, ac *Donderbussen* appellarunt. Sic Petrus Divæus in rebus Brabanticis.

Anno 1360. Lubecenses præparasse eas è Chronico Slavico, probat in Geldricis suis, Isaacus Pontanus. Idem Chronicon à Lindembrogio subjunctum Adamo Bremenfi.

Anno 1374. Hollandi iis usi in oppugnatione Gildemburgi, temporibus nempe

Dom. Jacobæ. Verba Chronici (quod hactenus ineditum filius Matthæus habet) sic sonat.

Anno 1378, vel 1380. Veneti primum usi, contra Genuenses, in conflictu ad fossas Clodias. Unde & Itali tum primum inventas credere.

Sanè Guido Pancirola, de Novis repertis, Lib. ii. Tit. x. sic scribit: *Tormenta illa bellica, quæ Bombardæ dicuntur, inventa fuere à Germano quodam, circa Annum Christi, 1378. Ea quæ prima usurpata fuerunt à Venetis, cum Genuensibus ad fossas Clodias confligentibus, quos bi suo conabantur subicere dominio.*

Sub Urbano Octavo, Anno 1380. repertam ait Platina.

Nempe quia Veneti, Anno 1378 & 1379. vel juxta alios 1380. usi sunt, eam tum demum repertam, uterque Italus prodidit. Interim illud extra Controverliam manet, Venetos si non Anno 1378. saltem 1380. jam usos esse. At ante Annum 1354. repertam nemo putarit, nedum tum Veneti acceperint à Germanis. Quare existimo, ubi nunc est, pro *millesimo trecentesimo Octavo* in Autographo fuisse, *millesimo trecentesimo Octogesimo*, ac sic reponi debere, cum dissertatio recudatur.

Utrum reponendus sit latius, tantum abest ut sciam, ut non arbitrer adhuc dissertationem tuam vidisse. Est hic juvenis eruditus, Discipulus Petavii, antea Minorita, qui Libellum edet de eodem Argumento; sed hic contendit Americanos esse à Phœnicibus. Nempe ut quemadmodum Carthago eorum colonia & Gades, bonaque pars Hispaniæ possessa, ita & hi Americam tempestate, vel aliter, fuerint delati. Pro se afferet, quæ de Atlantide Plato, & alia ex Aristotelis auditionibus mirandis, Diodoro Siculo, Plutarcho. Sed suam sententiam dicet; alios non nominabit, nec refellet.

### CCCCXXXIV.

Georgio Ratalero Dubletio, *Curiae Supremæ Senatori.*

Nob. Amplissimeque Dubleti,

Intelligo Nicolao Matthæi van Hulster litteram adversus Arentium (sivi Aquilium vel Arnoldum) Matthæi F. Boosch. nec aliud jam superesse, quam quod revisionem vocant; te vero in iis fore, quibus incumbet rem judicatam recognoscere. Postulatum igitur ab amico, ut vellem hoc negotium tibi commendare, quod (quod in omni te

te facere negotio constans est fama) in hac etiam controversia facere ne graveris: hoc est, ut ne molestum duceas totam causam introspicere. Litis naturam nec scio, nec laboro nosse. Sed quia postulatū hoc mihi non iniquum videretur, nolui vim facere naturæ meæ, quicquam ulli denegando. Præsertim quandoque in iis, qui hoc à me exposcerent, communis foret amicus Jurisconsultissimus Guilielmus Grotius, cujus causa omnia volo. Et fortasse ab hoc illud consilii datum vander Hultio; de quo ut inquirerem tanti non putavi. Amicas ab viro amico, clarissimo Riveto, literas accepi, quibus perhoneste iudicium fert de transmissio opusculo. Multaque adjungit de affine suo Petro Molinæo, nempe eo, quod scire averem, quid de ejus foret valetudine. Tandem ista subjungit:— Gratulor tibi reditum Ilaaci tui Lutetiam Parisiorum, quem Saravius amplissimus ad me scribit venisse opimis onustum spoliis ex illustriss. Bibliothecis, quæ postea in usum literatorum sit liberaliter sparsurus. Deum precor ut eum tibi restituat gratia sua cumulatam, & ab omni superstitionis contagio, quod in Italia, & locis similibus grassatur, plane liberum.— Huic Riveti voto plane applaudo. Interim illud de *locis similibus* leviter me ussit. Suspicio quippe eo cogitationem retulisse, quod nunc in ædibus agat Illustris Legati Suevici: scio enim probe, quam animo semper ab eo fuerit averso, simulac pedem posuit in his terris. Simulac igitur rescribendi fuerit occasio, vel potius tempus, tribus verbis hunc scrupulum eximere adnitar. Et ipse coram plenius faciet filius. Nam summum intra tres menses se nobis affore confidit. Hoc ego & uxor vovemus, & tu scio nobiscum, amice optime maxime: quem Deus ut diutissime salvum & sospitem conservet precari semper soleo, ac quasi novo hoc Anno, ex consuetudine veteri impensius mihi faciendum existimavi. Scribebam Post. Non. Jan. Sed si Grotius noster paulo lentius ambulabit, ipsis Kal. Jan. Stylo Gregor. possis recipere literas. Sed non tanti istoc ut ineunte Anno hoc votum intelligas.

*Tuus totus,*

G. J. Vossius.

CCCCCLXXXV.

V. Clarif. Joanni Frederico Gronovio,  
Ger. Jo. Vossius S. P. D.

Quam gaudeo de munere tuo, molem si libelli spectes, minuto; sin fructum, ingenti. Ita multa bona de Sestertio, obiter etiam de aliis doces vel doctissimos; in his etiam heroas illos Budæum, Hottomannum, Scaligerum, & tot alios in Reip. literaria principem obtinentes locum. Gratulor ingenio tuo; gratulor urbi vestræ, imo orbi, quando ut voce urbem, sic orbem calamo doces. Deus diutissime te conservet, præsertim seculo hoc ad barbariem non sensim eunte, sed gradum adeo præcipiti grassante. Quæ eo fidentius scribo, quia nihil periculi est, ne sermo cujusquam inflare posset, quando non minus modestiam mirari soleo quam ingenio acri acre additum iudicium, & utrique raram eruditionem, & multijugam. Utinam à publico munere amplius tibi otii sit, quo propediem frui liceat aliis etiam quæ primus docebis. Hoc vere pulchrum est, postquam multi adeo exscriptores potius quam scriptores esse coeperunt. Mitto ad te literas filii quas Lutetia Parisiorum exaravit. Simul etiam aliquid nostri, opusculum bipartitum de Genere & de Annis Christi; imo & tria addidi exemplaria, quæ, quibus tradi velim, inscriptio testabitur. Miror interdum tot bona prodire à Gymnasio vestro, cum minora quædam Academia præstent. Næc dubito, quin amplissimum urbis vestræ senatum hoc magis magisque accendat ad bene merendum de vobis; qui urbis (jam ab eo tempore illustris doctrinarum studiis, quo sinu suo fovit immortale seculi sui decus Erasimum) nomen honoremque per orbem longe lateque diffunditis ingenii ac doctrinæ monumentis. Plurimam dices salutem, tum letissimæ conjugis, tum Collegarum iis, quibus cum mihi datum coram colloqui, & quorum scriptis frui licuit. Theologo Diestio, Jurisconsulto Christenio, Philosopho Hendorio, cui significabis accepisse me jam à Doctore Fontano etiam utilissimos ejus in naturali Scientia labores.

Scribebam *Amstelodami*, Post. Kal. Janu. Stylo, quo uti vos arbitrator, Juliano, Anno partæ salutis, clxxiv. quem tibi & conjugis, imo & Clarissimis Collegis faustum & felicem precor.



CCCCCLXXXVI.

Claudio Salmasio.

Illustris Domine,

**U**TI in negotio de La-Barra feci apud Procures nostros, quod potui, ac porro etiam adlaborabo; ita & in Doctoris Bottesii de Grandi-Villa rebus velim apud Typographos quantum possim. Inter alios locutus sum cum Amstelodamensi nostro Elzevirio, qui frigidè omnia: sed postea cum convenit Isaacus meus, visus ei non penitus abhorre. Compellavi postmodo Blauwium, qui promisit, vel nullius se opera uti velle, vel hujus de quo scriperas. Sed nunc quicquam occurrere negabat, in quo transferendo aliquid Latine, Italice, Gallice sibi esse usui possit. Nam fratre defuncto, omne sibi onus incumbere Typographiæ, nec audere nimium suscipere, qui parte potius vacare malit in hac per Germaniam, & Angliam bellicâ tempestate, quæ Typographos perdat. Benignius responsum est, quod mihi narravit, conjuge suâ præsentem, Doctor Bottesius. Sed metuone (modo verba bene intellexerint) verba utrique dederit. Saltem aliter ille apud me; etiam ubi tuas illi literas ostenderam, licet omnia tua causa velit. Certiora ubi ex eo cognoro, quamprimum tefaciam certiorum. Croii liber necdum, delatus est in urbem nostram; sed cum avide de eo inquirerem, monstrarunt mihi Gomarî Scripta, & ante omnia præfationem eam, qua promittitur de Livore & Calumniis quibus sic incomparabilis Heinſius creverit. Displicent Artes plusquam Pelasgæ; & puto, nec præstantissimo Croio erunt acceptæ: quem pariter impeti non est dubitandum. Ad quem præterea hæc pertineant, quid attinet dicere? Quam vellem, ut sincera semper fide in gratiam rediretur? Verum quantillo eruditi multi distant iis quos nolo dicere! Plurimum te, uxorem, liberos, salutamus ego, uxor, Matthæus, & Isaacus meus: tuus ante omnes.

Amstelodami,  
clō Ioc xlv. xii.  
Kal. Febr.

Tuis eternum,

G. J. Vossius.

CCCCCLXXXVII.

Claudio Salmasio, Ger. Jo. Vossius.

**R** Etulit mihi multa de singulari humanitate tua Nobilissimus Blitterſwicius, Scabinus Bruxellensis, Erycii Puteani amores; petiit verò ut ad te mitterem versiculos quosdam partim Latinos, partim Gallicos. Hæc sola nunc scribendi occasio fuit, quod alioqui occupationes vix fivere, defuncto hesternæ die Jacobo Laurentio Ecclesiastæ, & qui gemino Libello illustrem Grotium impetivit, ac fortasse memineris te cum eo prandisse aliquando domi meæ. Hunc Collegam habui in cura Scholarum; quæ præcipua est in examine ante Pascha, atque iterum senis post mensibus. Filius Isaacus *ὁν δὲ* intra mensem unum alterum affuturus nobis. Literas tuas accepisse video, iisque magnopere gavisum. Hesternæ die in manus meas, nescio qua occasione, incidebant Merulæ in Ennium Commentarii, ac quidem locus iste ubi ait, plura se adferre fragmenta, quàm ab Hieronymo Columna factum. Ea se habere ex Calpurnii Pisonis libro de Continentia veterum Poetarum, viso sibi Parisiis in Cœnobio S. Victoris. Non semel, multis abhinc annis, sed frustra semper, alios de hoc opere rogavi. Nosse igitur etiamnum aveo, utrum adhuc ibi lateat, an fortè jamdudum lucem viderit. Gratum erit id ex te cognoscere: Sed imprimis quo pacto nunc valeas, & domus universa. Nec tamen rescribi velim, nisi cum non alia distinebunt. Uxor mea paulo nunc melius habet.

Amst. clō Ioc xlv.

xi. Kal. Aprilis.

CCCCCLXXXVIII.

Claudio Salmasio, Ger. Joh. Vossius,  
S. P.

**Q**Uæ hæc desert literas filius est Ludovici Crocii S. Theologiæ Doctoris, ac Professoris primarii in illustri Bremensium Gymnasio, eademque in urbe Ecclesiastæ disertissimi. Cum hoc ejus parente jam ab eo tempore, quo Dordrechtî Synodus fuit, amicitia mihi haud vulgaris intercessit. Id enim & viri eruditio & integritas mereri visa est. Quanquam non ignorarem esse complures, non optime affectos, quod in Synodo Dordrechtana,

directana, mollius aliqua interpretaretur: uti & in Calvino. Sed de isto non est nunc agendi locus. Hujus filius, quem ob probitatem, eruditionem, & quia φιλομαθής, amo, jam ante menses plures à me petiit, ut si quid ad te scribere vellem, ad se mitterem, quo literas de manu in manum tradendo occasionem haberet videndi & affandi tui. Ego promissi mei oblitus id facere neglexi. Merito igitur suis literis aurem vellit. Nec erat, quod scriberem. Quid tu? Suffecerit hoc tempore & morem gessisse adolescenti, & simul gratificaturum parenti. Quem scio ingentis nominis tui, non amatorem modo, sed admiratorem etiam cultoremque.

*Amst.* c15 Idc xlv.  
viii Kal. Aprilis.

## CCCCXXXIX.

Georgio Ratallero Dubletio, Ger. Joh. Vossius. S. P. D.

**E**Quidem, Nobilissime Dubleti, multa video, quæ me trahere Hagam & possint & debeant. Atque in his facile principatum tenent tecum, hinc conjunctissimus affinis Junius, inde illustris Boswellus, quem ego ob ingentes virtutes, ac summum nostri amorem, non solum amo & æstimo, sed etiam colo ac veneror. Ac præter vos tres viros, ardet animus videre & affari atque audire Amplissimum Reigersbergium, Rivetum, ac Johnsonum, Doctores Theologos, pluresque alios, quos referre mora sit. Sed hoc nostrum excurrendi desiderium sufflaminant plura, jurène, an injuria te arbitrum eligo. Spisse valetudo uxoris procedit, confido autem, quantum ver hoc novum adolescet, tantum incrementi ejus valetudinem capere posse. Sic antehac fere illi usu venit. Præterea Matthæi mei quinque Annalium libri sunt excusi: uti & ipsa ad Ordines præpotentes præfatio; nihil ut præter indicem restet, qui hac proximæ hebdomade poterit absolvi. Adde nunc triduum, vel circiter compingendis libris. Vides, ut medio inter Pascha & Pentecosten intervallo comitem me itineris dare possim filio. Impense enim hoc desiderat, eo quod minori verecundia opus operamque ejus commendare valeam apud senos, septenove procerum; & notiores mihi, & literarum amantiores. Nec tamen filio addixi, vel potui ob rerum incerta, præsertim uxoris valetudinem. Interim animus ab eostinere minime est alienus. Et siquid impedit, proxi-

mæ erunt feriæ Pentecostes, quibus plurium dierum feriæ futuræ. Saltem non committam, quin si Deus, & familiæ valetudo siverit, videas me ante dies caniculares exactos. Solent amantes dicere, jam annum videri, quod alter alterum non viderit. Hæc illi, ubi subinde vix unus sit mensis alterve. At scis non longe à biennio esse, quod non licuit mihi frui vestro conspectu & alloquio. Spero intra menses duos nobis affore Isaacum meum. Si non ante Hagam ivero, tanto me facilius postea in viam dabo, filiorum alterutro comite adsumto, altero apud matrem relicto, ne, siquid periculi, quod Deus avertat, absente me, oboriatur, nullus sit mas domi, qui opituletur sexui imbecilli corpore pariter atque animo.

*Amstelodami* c15 Idc xlv. Post. Paschæ: Salutem adscribi jussit Coniux. Meo etiam nomine rogo salutem impertias amantibus nostri: nec minus filiis, imprimis suavissimo Philippo: qui quantum profecerit in studiis, spero me brevi coram posse cognoscere.

## CCCCXC.

Joanni Ravio, *Arabicas literas docenti Ultrajecti.*

Clarissime Ravi,

**J**AM una & altera hebdomada est, quod expecto aliquem ex notis Ultrajectum iturum, per quem literas à Gallia tibi inscriptas procurarem. Interim & aliæ ad me literæ delatæ. Porro hac ipsa hora etiam à Tabetario fasciculus mihi traditus. Pro quo tres florenos cum dimidio uxor necesse habuit persolvere. Ne igitur diutius frustrarer expectationem tuam, recte atque ordine me facturum putavi, si universa mitterem ad quempiam Clarissimorum urbis vestræ Professorum. Elegi vero amicorum in urbe vetustissimorum, quem hoc oneris, ut de habitatione tua inquirat, tua meaque causa, non invitum suscepturum existimavi. Is est summus vir Antonius Æmilius. Tuum erit præfinire quo pacto deinceps non cogar aliis esse molestus. Cum Ultrajecti habitaret conjunctissimus adfinis meus Junius, hujus opera utebar. Nunc dispar ratio, nec aulim sæpe alios, & opera & sumtu onerare. Scire aveo quid rerum geras, & quomodo tibi primordia ista Orientalium linguarum in Ultrajectina Academia docendarum hætenus processerint.



rint. Equidem instituto tuo impense faveo. Deumque rogo, ut fortunare porro velit, cum tua, tum imprimis Reip. literariæ & Ecclesiæ causa.

*Amstelod. an. 1644.*  
ix Kal. Maias.

CCCCXCI.

Hugoni Grotio.

Illustrissime Domine Legate ;

**D**IE hesternæ hodieque Costerus, Medicus urbis nostræ, Excellentiæ Tuæ, à multis retro annis, poesi Belgica notissimus, atque idem eminentissimæ dignitatis Tuæ Cultor, convenit me, filiumque, uti & ab Uxore ejus factum, de causâ quadam, quæ Lutetiæ agenda. Petrus ab Oorschoot, in negotiatione Angolœmi se exercuit triennio apud Christophorum Gangelt. Ubi vero id tempus expirarat, quo se obstrinxerat, à Mercatore eo lis illi mota, verè quæsitis, quantum intelligo, argumentis, Mercurialium more. Petit igitur obnixè Costerus, cum Coniuge, quia se is Petrus Oorschoot, magisque ejus frater, cognatione, vel affinitate, propinquam attingit, ut si advocatus ejus, vel ipse Oorschootius, Excellentiam Tuam accesserit, consilio juvare velis. Quod officium eo gratius Deo fore arbitratur, quia & Adolelescens ille, annis minor est, quam ut suus esse possit, & matrem habet viduam perhonestam. Dum sermo mecum feritur, animadvertere visus sum, partibus adversis favere Heufdium, Mercatorem Parisiensem, qui vel frater, vel patruelis foret Heufdii, quem duxisse uxorem scirem filiam Consularis Wittii, nunc ad Suecos Legati, ex amitina Coniugis meæ natam. Aliud accessit, quod in Excellentiæ Tuæ ædibus degeret Heufdium, ex eadem familia : qui absque dubio faventior esset partibus Christophori Gangeltii. Costerus, & Uxor, sic putabant, non ita grande id esse vinculum, quod attineret Heufdios. Nam solum aliquid esse affectus ex eo posse, quod Christophorus Gangelt, quicum Petro Oorschoot negotium est ; fratrem habeat Mercatori Heufdio famulantem. Quare neque me propter eum Heufdium, qui in Tuæ est Excellentiæ familia, neque propter Heufdium, qui nostram cognatam, Corputiam, sive Wittiam, Legati Berchii privignam, duxerit uxorem, commendare, eo minus oportere. Parui igitur, atque id lubens feci, quia bene volui semper

Costero, ut optimo civi, & nunc etiam obstringor, quia (post excessum Verhœvii, Excellentiæ Tuæ civis) uxoris meæ, ut plurimum valetudinariæ, curam ei committere non dubitavi. Illustrissimæ Dominæ Coniugi, & Nobilissimæ filix, à me, Uxore, Filioque, salutem plurimam adscribo. De Nobiliss. filio Petro, nihil addo, quia vixdum hœra est, quod mecum est, ac seipsum ad Parentem velle ait scribere.

*Amstelodami,*  
cl<sup>o</sup> Id<sup>o</sup> xlv. iii.  
Non. Quint.

*Illustrissimæ Excellentie*  
*Tuæ cultor æternum,*

G. J. Vossius.

Ad filium scribere erat animus ; sed ecce qui interpellent. Fiet id die Lunæ proximo. Unum addo. Scire aveo, ecqua intercedat nœritia cum Illustrissimo Polonici Regis Legato ; Vir est doctus ; & quamquam inter Sueones, & Polonos, animus quodammodo hostilis esse solet, tamen antequam à Polonia pedem poneret, dixit, se velle amicitiam cum Excellentia Tua inire, nec id fore Rege invito. Ita ex eo coram accepi. Nam prandi cum eo, apud Bartelottum Mercatorem, meque domi invisit meæ. *Ἐπὶ πᾶσι.*

CCCCXCII.

Josepho Laurentio, *V. Clarissimo*, G. J.  
Vossius *S. P. D.*

**N**Oli putare, vel locorum, vel temporis intervallo posse non dico infringi, sed etiam imminui amorem erga te meum. Quamdiu mihi in memoria erit magnus ille Molinus, quam diu ante oculos egregia ingenii doctrinæque tuæ monumenta, & ut cuncta dicam, quamdiu artus hos spiritus regat ; firma erit amicitia nostra, quæ ex tam bono principio, Molino inquam, conflata est : nec offendere debet, quod tardius respondere amicis soleam. Id jam à lustris multis familiare mihi est malum : usque adeo, ut consuetudo pene verterit in naturam. Hoc excusationis genere cogor toties uti apud amantes mei, ut pudeat propemodum cationem eandem canere tam crebro. Interim multum temporis auferunt salutationes tam multorum, occupationes publicæ, & privatæ, valetudo aliquando mihi, longæque sæpius, ac semper pene coniugi adversa. Jam aliud etiam adjicere istis amici, qui me norunt, solent, aiunt illi, utcumque verissima sint quæ adduxerim, tamen nec postremas in causis tenere,

tenere, quod qui multa variaque sub manibus habeo, difficulter ab iis avellar, quæ publicam posse lucem ferre, vel ego, vel amici non didant. Absque his esset, egone non subinde literis meis compellarem egregiam ac pereruditam Balthassaris Bonifacii animam? Nunc (pudet dicere) nec illud scio an superfit. Postquam enim ad plures abiit Nobilissimus Cornelius Vander-Mile, qui sedulus erat in arvo illo Epistolari excolendo, non tam commoda mihi amplius occasio est exquirendi de viris Italiæ præclaris. Sed hac parte, ut confido, ero beator, ubi advenit è Galliis filius meus Isaacus, quem intra tres hebdomades, summum mensem, expecto. Agit hoc tempore in ædibus Illustrissimi Sueconum Legati Hugonis Grotii, viri de quo quicquid laudum congesseris minus erit. Multum tibi debeo quod tam amice filium exceperis, ac si rediisset, magis eundem obstringere tibi fueris paratus. Sæpius mihi per literas nunc doctrinam præstantium in Italia virorum, nunc etiam erga se, meque, affectum prædicavit. In his etiam egregia erat laus tui; sed concisus ille omnia quam vellem. Tanto impensius reducem opto, quo pendere ab ore liceat fusius omnia deducentis. Simul per illum melius exequar ea, de quibus scribis. Aggressus sum loqui de tuis cum uno altero Typographo. Nec abnuere prorsus visi. Sed aiebant se paulo frigidiores in excudendis libris, quia non æque distraherentur ac solent, idque ob grave bellum in Germania, Britanniaque, quibus nunc illud inter Danum ac Suevum accessit. Præcipue vero quærimonia erat de Germania, cuius bona pars male vastata de fame potius cogitet quam fama, aut libris. Verum de hisce, ac cæteris accuratius omnia literis proximis, ubi filius aderit. Sanctes Pagninus, juvenis optimus, mihi commendatissimus est, tum ob virtutes suas, tum quia nihil non tui causa volo, tum imprimis ob ingentem illum Pagninum, qui meritis, ac fama nominis orbem implevit universum. Equidem cum plurimum quoque illi debeant studia mea, non patiar erga nepotem gratum in me animum desiderari. Vale Clarissime & Amicissime Laurenti.

*Amstelodami, c. 10. Id. xlv.*

*iii. Non. Quintiles.*

## CCCCXCIII.

G. Blittersvicio *Sup. Senatus Geldrici Senatori.*

*Bruxellas.*

Vir Nobilissime,

**P**Ergratæ mihi literæ tuæ fuerunt, quas Leida scripseras: Eo gratiores, quod ex eis intelligerem, te cooptatum in collegium atque ordinem senatus Geldrici. Gaudeo vero tum tuo nomine, cui optima quæque opto voveoque; tum etiam patriæ causa, quæ deinceps multum etiam virtuti ac prudentiæ tuæ debebit. Cur enim non Geldriam pro patria habeam, quando parenti, avo, proavo ac aliis porro è majoribus meis, Ruremundæ contigit nasci atque educari? Quodque ad locum ubi primum hausi vitalem auram, quodque ob belli Belgici tempestates se receperunt Parentes, is vix senis me habuit primis vitæ mensibus. Exinde enim, relicto à parentibus Palatinatu, paucillis annis terram Flandriam, at plus quam sexaginta Hollandiam incolui. Ubi cum tam longo tempore mihi fuerit optime, cur non hanc alteram, vel tertiam liceat patriam nuncupare. Noli enim me tam angusti animi putare, ut quem patriæ amorem debeo, confringi patiar intra oppidum, vel unius ditionem: ac tantum abest, ut ejus poeniteat opinionis, ut parum absit, quin mundum mihi patriam dixerim, non tam ea mente qua Philosophus olim se mundanum respondit, quam longe alia, qua omnes ejusdem patriæ censemur, qui cives simus unius Rep. literariæ, quotquot cum virtute, toto terrarum orbe, sociamus studia literarum. Sic Nobilissime Blittersvici, etsi tua se profapia jactet Bruxella, tamen tu meus civis es, uti ego tuus, quia una est Sparta, literaria scilicet, nobilis sane civitas, quam uterque incolimus, ac tot nobiscum alii, non illa in Peloponnesi regione sita, sed latissime in mundo diffusa: quam videor mihi, si commodum interpretem nanciscar, Spartam Spartarum posse dicere. Hoc pacto ego non Palatinatum aut Geldriam, aut Bataviam modo patriam vocâro, sed etiam patriæ partem dixerò Brabantiam tuam, doctissimorum hominum adeo feracem, ut non sit quod aliis invideatis. Et tamen fatendum, paulo arctius Brabantis adstringi mihi Geldros meos: in quibus principem facile locum tuetur grande, & immortale literati orbis decus tuus meusque Erycius Puteanus. Viden' quam te amem, amice nobilissime, quod in mediis occupationibus otiose adeo tecum confabuler? Nec tamen minus longo sermone



sermone jam senatorem & (quod tempus majores curas exigit) recentissime ad hoc dignitatis evectum; patriæ meæ bono, morari nunc animus mihi. Tamen hoc non pretereundum mihi, utcumque literæ priores Leida transmissæ admodum fuerint gratæ acceptæque; quibus acceptis gratulari quamprimum me oportuisset: (& fecissem nisi obstitisset valetudo meorum) nihilominus valde etiam me in alteris illis exosculatum fuisse tantum amorem mei, quem undique spirant. Nobilissime & Amicissime Blittersvici, porro semper alter alterum amemus, & quantum utriusque sinent tempora epistolari officio hunc aremus amoris campum. Sic habere, vix aliud mihi literis tam elegantis, ac cordati viri jucundius esse posse. Salutem adscriberem multis, nisi maximam longe partem extra Bruxellas viverent. Hoc igitur tempore contentus ero addere, me uxoremque illi seu Veneri seu Junoni tuæ (cujus ego bellissimæ bellulam adeo imaginem hic conspexi, & multo etiam belliozem animum auguror) plurimam precari salutem, ac Deum rogare, ut sæpe vos simili vestri prole faciat parentes.

*Amstelodami,*  
clō lxx xlv. xi.  
Kal. Quint.

*Nobilissimi nominis  
tui cultor,  
G. J. Vossius.*

## CCCCXCIV.

Joanni Cocceio *Viro Clarissimo*, Ger.  
Jo. Vossius S. P. D.

Reverende ac Clarissime Cocceie,

**M**aximā voluptate affectus fui, quando intelligerem te in illustri Frisiorum Academia constitutum Theologiæ Professore. At quamquam tuo etiam nomine maximopere gauderem, eo quod te digna tibi Sparta obligasset; magis tamen publico nomine lætabar: partim videlicet quia in te concurrere viderem in aliarum etiam scientiarum doctrina, insignem Orientalium Linguarum peritiam, in qua parte non paucos novissem valde imparatos; partim etiam quod te alienissimum semper judicassem à malo, etiam sacri ordinis viris nimis familiaris, immodestia dico, quam pejus odisse oportebat quam sullo ululam. Utinam hac in re sequerentur potius exemplum magni loceri mei Junii: à quo Christianam illam lenitatem animi summopere scio omni vita fuisse commendatam, etiam postremis sermonibus, quos habuit cum præstantissimo præceptore

tuo Martinio. Equidem operam dedi semper, ut ab illa maledicendi aliis priurigne, quæ vere pestis est Ecclesiarum, immunis forem, & si non satis caverim, semper perire ea scripta malim, quibus deliquerim, quam in mei opprobrium ac posterorum damnum vivere. Magnas vero atque adeo ingentes tibi gratias ago pro illustri munere, quo ornatum ire voluisti, & me & bibliothecam meam; factum præclare, quod potissimum volueris operam ponere in operoso ac difficili Jobi volumine. In quo multa adeo etiam doctissimis hætenus negotium solent facessere. Ne dubites, quin orbis literatus semper tibi sit gratias acturus, quod toties tenebras dispellas Phœbea illa lampade ingenii & eruditionis tuæ. Deus, mi Cocceie, longam tibi vitam & valetudinem prosperam largiatur, ut diutissime similes gignas foetus, qui te meliores ad sedes translati, non desinant pro te apud posteros loqui. Vellem aliquid ad manum fuisset *avthogon*, quo possem affectum testari; sed cum id non possem hoc tempore, ne is qui tuos mihi attulit commentarios auro contra non caros, vacuus prorsus ad te rediret, nisi libellum, an libellulum dicam, de genere & annis Christi. Et tamen dubitabam, an non jam ante cuipiam dederim tibi deferendum; facile enim istiusmodi minutiarum obliviscor; sed id si factum, bene est, quod virtus doctrinaque tot tibi conciliantur amicos, quorum facile aliquis à tam bona manu accipere dignabitur. Majus vero aliquid deinceps expecta. Plurimam à me salutem dicto Collegis, summis viris, Collegis tuis ornatissimis, Maccovio, Cloppenburgio, Pynakero, Lindio, Winsemio, Schottano, ac tanto impensius, quantoque nostri amantiozem putabis.

*Amstelodami,* clō lxx xlv.  
pr. Non. Maias.

## CCCCXCV.

Ger. Jo. Vossius, Francisco Junio *suo*  
S. P. D.

Nobilissime & Ornatissime Cognate Juni,

**H**ebdomadibus duabus Hagæ fui, eoque tardius rescripti, domum enim reversus, reperi multa quæ prævertere æquum erat. Disputationes tuæ mihi admodum gratæ sunt. Pro iis gratias ago: quod & mecum facit reverendus, & tui amantissimus Hottonus. Nec displicet si nunc de suprema juris laurea cogites, dummodo titulo eo qui juventutem

ventutem inflare sæpius solet, minime de pristinâ modestia tua, præcipuo ætatis tuæ ornameto, quicquam decerpatur. Doctor eris non doctior. Gradus vocatur non apex. Valla dicere solebat majorem longè esse numerum doctorum à recto *Doctor*, quam *doctus*; nec scio an non titulus sit magis onus quam honos. Ut hic quoque habeat locum, quod de capeffentibus Remp. à Varrone dictum fuit, Onus est honos, qui sustinet Remp. Nec hæc dico ut deterream, sed ut cogites, cum honore eo quid oneris suscipias. Quod impossibilem etiam accendere ad hoc studium debet. Scis enim, assumpto Jurisconsulti titulo, profiteri te cuius de quavis re consulenti paratum respondere. Quoties igitur hoc elogio salutaris, toties in mentem veniet, quid orbi de te promittas. Quare gradus iste, ut vocant, non ut usuvenire solet, remissio rem te in studiis faciet vel inanibus gloriolis inflabit: sed facies stimulosque novos subdet, ut sis, qui videri voles. Ita mihi bene sit, suavissime Cognate & filii instar dilecte, quam ego studiis tuis per omnia bene volo. Alioqui enim ista non scripsissem; sed magnus avus, socer, & præceptor meus, item conjunctissimus affinis, & condiscipulus, parens tuus, & uxor mea suavissima & cordatissima, amita tua; non sinunt quin assidue de te, sororeque, nec minus matre optima cogitem. Hoc nunc iterum nihil æque mihi gratum fore, quam si postquam laurea juridica fueris decoratus, conjungas cum juris utriusque studio <sup>φιλοσοφίας</sup> & *φιλοσοφίας*: nempe tum linguam & historiam universæ studium; tam quæ dabunt Academia, Lyceum & Porticus, addo, & ubi iudicium erit firmatius, Potamoniam sectam, quæ familiam ducit, ubi priores prius fueris edoctus. Mallem hæc spatia antea emensas fores. Sed nunc non dispiciendum quid quandoque præstiterit; sed quid nunc ex re sit tua. Plurimam salutem dicito nobilissimo Magduello; addo & egregiæ filie, cujus suavissimæ mores nunc etiam recordatione me delectant. Item reverendo clarissimoque Theologo Marcio. Si salutigerum ex te facere velim, addam & duos Collegas Theologos & pulcras animas Tobiam Andreæ, & Altingii, quem doleo hinc abisse priusquam reverterer: Et pulcre adeo de te & propterea etiam de universa magni Junii familia merenti doctori Steinbergio. Sed præceteris saluta matrem & sororem dilectissimas mihi, ut nosti; nec tantum nomine meo id fiat, sed etiam uxoris & Isaaci mei. Et ubi occasio erit, possit & mater Dominam Schombergiam salutem plurima impertiri.

Amstelodami,  
xxiv. Maii.

CCCCXCVI.

V. Cl. Jo. Fred. Gronovio. Davent.

Clarissime &amp; Amicissime Gronovi,

**G**Ratum mihi fuit cognoscere eam tibi desponsam quæ placuit tibi & placere erit dignissima. Ut amoribus favissem tuis, si de iis mihi constitisset; ita nunc connubium fortunare cupio; atque id ut obtingat Deum ex animo rogo. Cum tuas accepissem literas, Collegæ domum accessi; sed Hagæ apud Nobiliss. Wickesfortium. erat & duas circiter hebdomadas permansit. Vix redierat, quin animum de vericulis tentarem. — Belle adeo rem egi, ut continuo addiceret. Sed cum vellem sponsæ nomen ex literis tuis significare non potui, quia eam reliqueram in mensa cubiculi, unde nescio ubi à se repositam, invenire posse famula negabat. Sed hoc leve, quando argumentum Clariss. Collegæ exposui. — Interea, nempe ante triduum domum meam venit Elzevirius Bibliopola, ac tuarum ad se literarum argumentum enarrat. Quod ad priorem earum partem, nunquam ego illas Hamburgo ad te literas accepi. Omnino diligentius in rem inquirendum. Circa idem tempus Brema ad me fasciculum misit Clariss. Crocius. Non recepi; sed delatus ad me fascis librarius qui Cabeliavio inscriptus. Ego jussi in navem referri. Inde Cabeliavio delatus; sed utrum fasciculus ad me qui missus erat, ei sit traditus, dicere non possum. Per Bidellum inquisivi; respondit intricatum ei quid, & se Bremam literas missurum ut recipiam. Hoc de Bremenli fasciculo, qui nihil ad te pertinet. De Hamburgensi tuo metuo me quis itidem fraudem fraudus sit. Omnino cogitandum, quomodo resciscere valeamus nequitiam hominis hæc agentis, qui unius sit, an habeat sociennum, nequeo dicere: nec nimis suspicioni puto indulgendum; sæpius me fefellit. Hodierno die denuo mihi sermo fuit cum Clariss. Barlæo. Distinebatur, superioribus diebus, Epithalamio in Schouterum illum, qui Leidæ uxorem antea habuit Overbeekiam. Nunc occupari se aiebat versibus destinatis Principi Bohemæ Elizabethæ, cui dicandum Opus miscellum Catzii ac Barlæi. Emblemata esse arbitror Catziana, sed Barlæi ac Westerburgii Ecclesiastæ Dordrechtani versibus Latinis facta illustriora. Et tamen video, certo aliquid præstiturum; si tribus versibus imo verbis, id tibi gratum fore significaris. Quid si scribas hoc pacto? verbo te antea fecisse indicium animi tui literis apud me, & cognosse summum virum non passurum ut ulla in re claudicare affectus suus videatur. Proinde te voluisse in antecessum gratias



gratias agere, pleniusque facturum, ubi acceperis optimi affectus indubitatum argumentum. Plenissime sicubi deinceps valeat. Nam (ut liberius tecum loquar) vix in occupationibus istis & tam lucrosis, facturum puto, nisi literulis digneris. At si hoc grave non erit, facturum non dubito, imo spondeo. Plurimam salutem dicito clarissimis Collegis, ac memento, si serum non est, quamprimum significare de nomine sponsæ, & quo titulo tua signetur professio. Puto Historiarum & Eloquentiæ; sed tamen peccare hac in re Collega nolit: Eo malim certius constare.

## CCCCXCVII.

Claudio Salmasio.

Nobilissime Vir,

**M**agnopere mihi dolet, de amissa suavissima filia, de quo nihil antea inaudieram. Et auxit dolorem, quod de alterius filie morbo eadem cognoscerem. Uxorem vero eo magis hæc res affecit, quod refricavit ei memoriam trium liberorum, quos eodem morbo amisit. Nec in his dolor stitit; mox, ut fieri solet, cogitatio subiit Corneliæ suæ, quam tristius fatum sustulisset. Deum immortalem! Quid homuli sumus, nisi bulla, vel *œnigmas* *tray*? Te constanter hæc ferre, plane persuasum habeo. Sed & conjugem supra sexum cordatam: quæ probè novit, quod Poeta vetus ait, nemini per æquor inoffensum labi currum ad candidum calcem. Imo quod Christiani scimus, ne quidem expediret nobis fluere omnia ex voto. Commentarius tuus de Cæsare virorum, & mulierum Coma, tam multa omnes docet, ut nunquam ejus poenitere possit auctorem; etiam solidè adeo, quod proposuerat, evincit, ut responsurum arbitrer neminem. Collocutus sum cum pluribus; in nullum hæc incidi, quin utroque, quod dicitur, pollice laudaret. Atque ego de isthoc citius scripsissem, nisi sperassem, coram melius id facturum, filio è Galliis reducere. Nunc ille, ut ex literis tuis intelligo, etiamnum Lutetiæ est. Ego verò putabam, jam ante duas tres hebdomadas se dedisse in viam. In quo, si fallor, quid dicam, quam videre me quam difficulter possit à Galliis avelli. Ejus causâ, quem mihi commendas, omnia faciam, quæ potero, uti debeo. Ego & uxor salvere te jubemus; totique familiæ fausta omnia precamur.

Amstelodami,  
clō lōc xlv.  
x. Kal. Sept.

Æternum tuus,

G. J. Vossius.

## CCCCXCVIII.

III. Hugoni Grotio, Legato.

Lut. Paris.

Illustrissime Domine,

**Q**UI hæc literas reddet, Lævinus Warnerus, patria Westphalus, juvenis est tum pius & probus, singulari in studiis industria, idemque in Orientalibus linguis apprime versatus: quod constans omnium de eo judicium est. Nec obscurum est ex iis, quæ in lucem emisit. In his proximè fuit, centuria Proverbiorum & Sententiarum Persicarum. Sexennio cum laude præfuit studiis Illustrum Dominorum Comitum de Chinitz, & Tettau. Omni eo tempore, gratus, acceptusque fuit, & maximo Salmasio, & Golio, Constantinoque L'Empereur; mihi etiam quoties Leidâ Amstelodamum excurreret. Nunc incredibili ardet amore adeundi Constantinopolin, partim ut penitus cognoscat arcana quæque literaturæ Orientalis: partim ut augeat prudentiam, videndo & urbes, & hominum mores. Nec difficile ei fuit, à me elicere aliquid literarum ad Excellentiam tuam; cum putaret, faciliorem sic fore sibi compellendi viam. Jam duæ sunt hebdomades; quod literas à filio Isaac accipi, unde intellegebam, post dies paucos velle se in viam dare. Id si fecit, jam ante aliquot dies, Lutetia discefferit. Eo impensius cum expectamus, quod superiori hebdomade Navis Zelandica, dum Gallias petit, tempestate periit; inque submersis, tres fuerunt adolescentes hujus urbis, probe mihi cogniti, qui studiorum causâ, in Gallias tendebant. Immane quantum Excellentiae Tuae debeo, pro beneficiis multis, in quibus nescio ecquid majoris facere me oporteat, quam erga filium Isaacum, affectum, ac benevolentiam singularem. Quantum eo nomine debeamus, nequeo effari; nec tamen de illo multa impræsentiarum scribam: malo aliarum mihi id literarum sit argumentum, postquam datum erit filium amplecti, & omnem ex eo itineris rationem coram cognoro. Multi hic sumus, qui ingenti flagremus desiderio pascendi oculos, & animum iis, quæ ad vetus Instrumentum adnotaris. Gaudeo rem eò perductam, ut nunc de solis Indicibus laboretur. Sic enim ex præstantissimo, Excellentiae Tuae fratre, intellexi. Sed nequeo satis concoquere, quod de *Ἀνθολογία*, atque aliis huc transmissis spîsè adeo negotium procedat. Interim aliquid est, quod jam cœperit Blauwius, novam editionem Operis

Operis de jure Belli, & Pacis, significavit mihi ipse, ante octiduum, & ultra. Uxor plurimam salutem Excellentie Tuae adscribi iussit, sed & Heroine Conjugi, ac Liberis nobilissimis, uterque fausta omnia comprecamur.

*Amstelodami, clō Ioc xlv. Excellentie Tuae  
Nonis Septembribus. cultor æternum.*

G. J. Vossius.

CCCCXCIX.

Hugoni Grotio.

*Lut. Paris.*

Illustrissime, & Excellentissime Domine,

**D**E reditu Isaaci mei magnopere gaudeo: hodie dies est quartus decimus, quod primum amplecti datum fuit. Ex sermonibus, quos interea commutavimus, plurimum cepi voluptatis; nec vel quantum profecerit, poenitet, vel impensæ; facile etiam video, quantum Excellentie vestræ debeam, pro honore, quem filio, ac familiæ, meo habuisti. Nec beneficium tantum, cujus & ipse è sermonibus ejus fructum percipio, unquam excidet animo cujusquam nostri. Spero me paucos intra dies, à Jurisconsultissimo Excellentie vestræ fratre, accepturum quæ ad veteris Testamenti codicem annotasti. Nunc magnas ago gratias pro eo, quod tam præclaro munere augere volueris Bibliothecam nostram. Sed ubi licuerit, Ambrosia ejus pascere animum, diu noctuque, multis partibus amplius debebo; nec desinam profiteri. Nunc pauculi dies, quibus careo, totus mihi annus videntur. Scio aliter fore animatos, qui terris hisce succo turgent lolliginis. Sed oblatrent quantum volenti; ubi multi numero, mentes & operam conjunxerint, non decuma eruditionis pars exprimitur. Deus, Excellentissime Domine, vitam & valetudinem diu conservet, terrarum, atque Ecclesiæ bono. Illustri Domina Conjugi, multam, Ego, Uxor, filii, salutem dicimus, pariterque, Nobilissimæ filiae.

*Amstelodami, Illustrissime Excellentie Tuae  
clō Ioc xlv. obstrictissimus.  
ix Kal. Novembribus.*

D.

Georgio Calixto, S. T. P.

**Q**UAE miseras, eximie Calixte, de beatitudine æterna, Transubstantiatione, Monarchia Ecclesiæ visibili, & dominicæ nativitatibus festo, ea accepi universa, & quamquam plurimum tam egregiis capiar donis, impensius tamen lætatus sum, quod divina bonitas tibi vitam, valetudinem, vires animi conservet ad tam bene de nostris posterisque temporibus promerendum. Ac idem mecum sentiunt his locis quotquot non aliam in Religione Christiana sectam sequuntur, quam sit ab utroque nostri. Illis vero qui in cuncta Romanæ Ecclesiæ placita jurarunt, eo facilius ignoscere debemus, quod hoc concordie studium omnibus satis probetur, qui à Romana Ecclesia recesserunt, sicuti ex Bucheri, & ejus facinoræ aliorum deliriis conspiciere est. Sed his bipartito commentario solide adeo occursum video, ut nihil ultra requiratur. Nescio sitne & responsum Erbermanni vindiciis hocce anno Moguntia editis. Ubi inter alia miror sectione tertia contendere te Papale tribunal tibi vindicare, tanquam judicium tuum haberi velis tanquam publicum omnium Ecclesiarum idque *iniquum*. Ac qui sic argumentari solent solos se putant canones Logicos observare in fidei negotio, ceteros circumvolitare tanquam umbras. Vidi & eo ple anno editam contra te annotationem de communione Græcorum sub una specie, ut inscriptio promittit. Ubi legi non reperi quidquam quo destruantur à re adsera de communione publica quæ sit in Ecclesiis Græcanicis & Orientalibus. Sed longa mihi esset series rerum complectenda, si ceteris id genus insisterem; nec valetudo hoc tempore sinit, quæ ab aliquo retro tempore infirmior esse coepit. Credo commonet, ut magis magisque cogitem de commigrando. Tu vero, excellentissime vir, perge cum divino auxilio strenue decurrere hoc curriculum ad quod es vocatus. Pro multis testium millibus conscientiam habes. Et applaudet omnis eorum chorus, quibus dolori est inconfutilem Christi tunicam ita misere discindi. Equidem id ingenue dixerò, quod apud alios prædicare non delino, nullius scriptis è Germania aut vicinis terris æque me capi, quam ejus ad quem nunc scribo. Conjunctissimo Collegæ tuo doctori Hornejo summo viro salutem plurimam dicas rogo. Nam & ille nobis è reliquiis aurei generis.

*Amstelodami,*

*clō Ioc xlv.*

*4 Kal. Novemb.*

*Styl. Greg.*

*K k k*

*Tuus æternum,*

G. J. Vossius.

DI.



DL

Jacobio Golio.

Clarissime vir, atque amicissime,

**F**uit his diebus mecum Samuel Costerus, vir ut ingenio ac prudentia, ita medica pariter ac melica arte pollens. Is narrabat se ad te scripsisse litteras quibus . . . . . Senatoris Stettinensis filium de meliori tibi nota commendaret. Equidem non ambigo, quin multum apud te ponderis illius habeant litteræ, præsertim quando ex priori conubio filia ejus sanguine tibi jungitur. Nihilominus ita habuit persuasum, aliquid apud te posse amorem nostri: eoque à me poposcit, ut ad te argumenti ejusdem litteras darem. Id vero lubeenter in ejus spem gratie facturum me recepi. Solum excidit nomen juvenis. Neque schedulam, in qua annotaram, potui reperire. Quid refert? Quando tibi de eo possit constare ex literis Costerianis. Solum igitur rogatu est opus, ut quantum res tue sinant, observes quid juvenis agat, ne fortasse malorum consortio corrumpatur. Consilio etiam in studiis, si opus videatur, juves. Id mihi quoque pergratum erit amicissimi Costeri gratia, cujus opera subinde utor in adversa meorum valetudine. De rebus meis nunc nihil addo, quia melius omnia cognosces ex filio Isaac: quem mihi Deus ex Anglia, Galliis, & Italia prosperum ac salvum sinit, post triennii & sex mensium peregrinationem non inutilem minus quam jucundam. Conjugi à me & mea salutem dices plurimam.

Mense Novembri,  
clō lōc xlv.

Tuis eternum,

G. J. Vossius.

DII.

Johanni Seldeno, J. C.

**E**N tibi, vir doctrina famaue maxime, sequuntur nostrum contextum ex memoria gestorum, natura rerum, & monumentis sacrarum Litterarum. Quo in opere hoc unice studuimus ut nationes, & qui proxime ab iis abirent, ab impia sua pietate abduceremus, eademque deduceremus ad veri numinis notitiam, amorem ac venerationem; ut deinde eos fax verbi divini, quod nequit natura vel historia externa, feliciter ad cultum perduceret Christianum.

Atque hoc quale quale munus eo gratius fore confido, quod magnam partem eodem pertineat præclarus tuus de Diis Syris labor; qui, ut tot alia, canesceat sæclis innumerabilibus: quemadmodum de Marci Ciceronis Mario scripsit Scævola Jurisconsultus. Adjunxi etiam Maimonidæ opus de Idololatria cum filii mei Dionysii *in præfatione* translatione ac notis. Ac neque operam istam fore ingratam, planè habeo persuasum, vel eo nomine, quod cum studiis aliis, præcipue duobus Philologiæ & Juris prudentiæ conjunxeris tot Orientis Linguas, ut hæc etiam parte sit difficile parem alterum reperire. Vale, vir summe, & tui admiratorem ac cultorem porro ama.

Amstelodami,  
clō lōc xlv.  
Kal. Dec. Sc. Vet.Præclaro tuo nomini eternum  
addicissimus,

G. J. Vossius.

DIII.

Episcopo Novæ Casæ.

Leidam.

Reverendissime, &amp; eximie vir,

**R**escripsissem de iis, quæ tetigisti literis tuis, nisi valetudo obsticisset & alia quædam. Spero id à me fieri posse propediem. Quamquam quid ego de istis ad te, & quidem degentem ea in urbe? Hoc nomine fuerit signa in sylvam? & tamen ulla in te possim gratificari, quæ omnia tua causa velim? Utcunque vero distinerer mirifice, nolui tamen cum juvenem qui tuas mihi longe acceptissimas litteras reddidit sine meis reverti. Amo enim non modo propter commendationem tuam, sed etiam propter parentem nobilissimo genere prognatum, & à Rege Bohemico olim præfectum bonis Regiis in Moravia, quicum mihi ab annis compluribus aliquis amicitie usus intercessit. Ingemisco sæpius, quoties cogito tam multos & genere & dignitate, aliquos etiam eruditione conspicuos, nunc variis adeo terris exules agere. Sed multis melius est infeliciores videri, quam ut cuncta hic fluant ex animi sententia. Salmasio te uti familiariter gaudeo. Nam quid eo viro mentis capacioris? Simulac ad eum scripsero, decrevi affectum tuum literis testari.

Jam cogor abrumpere. Vanderbergio nostro abitum necessario parapte.

Amstelodami, clō lōc xlv.  
Kal. Decemb. 1678.

Tuis eternum,

G. J. Vossius.

## DIV.

G. Ratallero Dubletio.

Nobilissime Amplissimeque Dubleti,

**H**esterno die, qui Veneris erat, puta A. D. v. Kal. Jan. planè domi meæ, in Christo obdormivit filius Franciscus, postquam apud nos tribus fuisset mensibus. Eo in lectulo cubantem, ac jam tum prope desperata valetudinis adportari, primis tenebris jusseramus; quo non corpus modo bene curaretur, sed monendo, hortando, melius instillarentur à nobis, quæ versare animo oportet, brevi deserturos has terras. Nec consilii vel operæ poenitet. Adeo negligebatur domi suæ, imo crudeliter habebatur, etsi summitteremus quotidie quibus opus, esse ægro putaremus. Non convitiis parcebatur à Xantippe illa, nisi Aleto potius dicenda; quæ & advocabat sorores, non tanquam *Σοφὴ ἀπὸ μνηστῆρος*, sed ab orco furias binas. Iraque & verberibus sævitum in decumbentem. Quod ne sæpius contingeret, addidimus ei custodem, qui diu noctuque cum illo ageret. Interim hic ne mutire quidem verbum audebat. Sed hæc fuere. Filio nunc melius est, postquam ereptus est his malis. Ac cogito mecum, fortasse Deo visum fuisse stultitiam ejus in terris punire, quo hic disceret cogitare de cœlestibus, dum locus est poenitentiae: ac ut facilius hanc mentem conciperet, voluisse per eam sic adfligere cujus infans amore, tanti moeroris causa fuisset parentibus adeo bene meritis. Mordet me nunc cura de filiola, *τῇ μνηστῆρῳ*, ne male in tali domo educetur. Sed de isto coram aliquando. Sepeliatur noster die Mercurii proximo. Tandiu differre exequias cogimur, quia Dominicum diem excepiunt duo alii feriati ob Dominicum Natalem. Totis enim diebus hic conciones habentur in Templis. Si adhuc viverem Leidæ, scio quid postulaturus à te sim, ac pariter senatore Ruterò, viro quidem carissimo, propterea quod uxorem, & liberos sanguine contingat, magis autem, quod annis prope modum quinquaginta amicitia intercesserit sine querela. Sed longum locorum intervallum, & sæviens frigus, non sinunt, quod vellem poscere, ab alterutro vestri. In te verò tertia accedit causa, quod cum uxorem non habeas, tuto abesse domo non possis, nec soleas. Interea non displiceat, si Amplissimum Ruterum omnis rei facias certorem. Spero grave non erit, si per famulum ei legendi has literas feceris potestatem.

Ita enim hoc tempore obrutor variis, ut alteras etiam Literas scribendi otii suppetat nihil.

Scribebam *Amstel.*

viii. Kal. Jan.

c15 Idc xlv.

Tuus toto animo,

Ger. Jo. Vossius.

## DV.

Nobiliss. Baroni Herbert.

*Londinum.*

**A**liquot nunc effluxere menses, Nobilissime & Generosissime Baro, quod librum tuum acceperim de Religione Gentilium, errorumque apud eos causis; idque una cum literis serenissimi Electoris & tuis. Et pro libro, & pro literis non possum non gratias agere quam maximas. Delectatus sum plurimum & Argumento, & Scriptionis genere. Vix itaque dixerim, quam avidè, quantoque cum fructu illum devorarim. Non jam animus est, ut scribam tibi, quid de hoc opere sentiam. Scio quam difficulter audire laudes tuas possis. Audiant has illi, quibuscum sæpe de hoc Scripto colloquor, cum tempus & occasio patitur, quæ nunquam non sese offert. Dum itaque sæpius lego, & relego, illos tuos Commentarios, animadverti, verum esse istud, nullam in bonis rebus esse satietatem. Inde factum est ut serius tibi respondeam, gratiasque agam maximas, quod participem me feceris lucubrationum tuarum. Nec quod sit, ubi diversum à me videatur tibi, id pretium apud me imminuit. Quum auget verius. Præterquam enim, quod nolim opiniones meas haberi, velut *κελευσμένη*: pulcherrima mihi præbatur occasio, pensiculandi ea quæ scripsi; ac vel corrigendi, vel firmandi magis. Ut mittam quod multa adhuc indicta reservavi postremo Volumini, quo agendum mihi primum de Plantis, & Fossilibus; hinc de Affectionibus in Deorum numerum relatis; postea de cultu Naturæ universalis; ac denique de cultu Symbolico mixto. Ac diu illa universa in lucem prodiiissent, nisi novis curis semper avocarer. Superest, ut sicuti meo nomine gratias ago pro tam præclara opera: illas agere etiam possit Orbis universus. Id maxime desidero, tantòque id citius futurum, quantò citius lucem aspiciet. Quod si in eo excudendo, utilis esse opera mea possit, vel hic, vel alibi, nisi in Anglia excudi satius existimabis, libentissime



simè illam offero. Vale, Illustrissime & Generosissime Baro.

Amstelodami,  
cl<sup>o</sup> Id<sup>o</sup> xlv.  
iii. Kal. Jan.

Tuus aeternum,  
G. J. Vossius.

## DVI.

Illustriss. & Sereniss. Electori Palatino.  
Londinum.

Serenissime Princeps,

Quamvis opus non fuisset, ut Serenitas vestra commendaret librum Nobilissimæ ac Generosæ Baroniæ H. de Cherbury, cum bonæ merces seipsas soleant commendare; tantum tamen voluptatis percepi ex literis Serenitatis Vestræ; ut maiorem nunquam. Itaque non possum non gratias agere immortales Serenitati Vestræ; tum quod me literis suis honoravit, tum quod me dignum censuerit, cui aliquid commendaret. Liber memorati Domini Baronis, & doctissimus est, & ea qua potui attentione illum pervolvi. Sed ad sustinendum iudicium Vestræ Serenitatis, de opere illo corrigendo, modo ab ullo corrigi possit; necesse esset, ut meipsum superarem. In eo etiam video incredibilem Serenitatis vestræ humanitatem, quod tantum mihi attribuat, meque hominem minutum usque adeo obliget. Faciam ego semper quod debeo, & quod possum; plura etiam facturus si liceret. Sed neque Serenitas vestra plura à me expetit, neque plura ego possum.

Deus, Serenissime Princeps, Serenitatem Vestram tueatur & provehat ad ea quæ desiderat.

Serenitati Vestre

Amstelodami,  
cl<sup>o</sup> Id<sup>o</sup> xlv.  
iii. Kal. Jan.

Devotissimus,  
G. J. Vossius.

## DVII.

Cl. V. Hugoni Grotio.

Illustrissime & Excellentissime Domine,

Acepi jam ante mensē quæ ad Veteris Testamenti Libros, Excellentia Vestra annotavit; Sacrarum Observationum, non Librum, sed Thesaurum. Adeo ubique

multa se offerunt, partim paucis observata, partim hactenus inedita. Juvit etiam cognoscere, quid in tanto scribentium dissensu, iudicio illo accurato maximè comprobasset. Magnopere præterea delectavit, quod ostendis, multa adeo in Veteri Interprete, quæ carpi à Novis solent, commodam capere Expositionem, planèque consentaneam contextui Hebræo, etiam ut nunc legunt Massoræthæ. Nempe scribere voluisti, non tantum concinna atque erudita brevitate; sed etiam non industria, quam plurimi, sed studio partium minori; quando alterum hoc corrumpere hoc sæpius Religionis negotium solet. Quamobrem immensum quid æternumque Excellentie Vestræ debebunt, qui seridè amant legere & intelligere Scripturas. Ac privato etiam nomine, non solum pro munere magnifico, sed quod majus puto, pro opera tam utili teneor atque obstringor. Eò impensius Deum rogo, ut Illustrissimæ Excellentie Vestræ, longam ætatem, ac optimam valetudinem largiatur; quo & illud, quod in Novi Instrumenti Libris enarrandis superest, perficias; atque adeo veteres resumas labores; non quasi desiderem, sed quia confidam Spiritum Domini plura deinceps consimilia bono publico edoctrum. Scribo hoc ed fidentius, quia planè censeo, Excellentiam Tuam, hac parte, non abire, à communi quondam Præceptore, socero meo Junio. Is aiebat, si vel annos centenos superesset, neutiquam se ingenio ullo vel industria, exhaustire posse, quæ profundo insunt Scripturarum puteo; sæpe mihi paucis ante obitum mensibus retulit, si absolvere daretur, quæ ad Bellarminum annotasset, nolle cogitationes alio adjicere, quam ad veteres suas Commentationes limandas. Sæpius istius mihi in mentem venit; nec tamen peccare desino, in procudendis novis, ac sæpe minutis, quale illud quod pauculos intra menses conspicies: Est id de Sermonis Vitiis, & Glossæmatis Latinobarbaris: opus fortasse non inutile juventuti, ad Sermonis Latini castimoniam: Aliis item ad intelligendos seculorum posteriorum Scriptores, quantivis illos pretii, sæpe interim semibarbaros. Hæcne ætati meæ conveniunt, qua eum inchoavi annum qui intra hunc ipsam, cl<sup>o</sup> Id<sup>o</sup> xlv. ætatis erit septuagesimus? Fons caputque huius mali est, quod si qualia præferrem, & fortasse parata habeo, publici juris facerem, calumnias malorum non injuria extimescerem; quando satis sum edoctus quantum velint & valeant. Accedit quod tam multa in tam variis studiorum generibus sim aggressus, ut quoties cogito de singulis, vix videam, quid primò

primò, quid deinde, in manus sumere imprimis conveniat. Interim existimo, è primis fore, Librum singularem de natura, & constitutione Poetices; duos autem de temporibus Poetarum, Græcorum & Latinorum, tum eorum qui deperiere, quam qui Libitinam effugere potuerunt; Tres verò Libros, de artis totius Poeticæ præceptis. Credo comitem addam Harmoniam Evangelicam, de Passione & Resurrectione Domini, opus jam ante annos viginti quinque laboratum. Sed postquam avidè devoravi, quæ ad Evangelistas observavit Excellentia Tua, non pauca conspexi tum quibus firmare mea possem; tum quoque propter quæ pedibus inllem in Excellentiae Tuae ire sententiam, eoque propria vineta cedere lubens. Nec siverint id mores mei, ut hoc dissimulem, ubi lucem adspiciet.

*Amstelodami, Pridie Kalen. Jan. Stylo Juliano, clō lōc xlv. quem fortunare opto, Excellentia Vestra, Heroinae Conjugi, & Nobilissimis Liberis. Quod mecum vovet Conjux & Liberi, & arte omnes, obstrictissimus Excellentia Vestra, Isaacus meus.*

## DVIII.

Joanni Seldeno J. C.

*Londinum.*

Clarissime, virorumque Eximie Seldene,

Jucundius mihi fuit, quam facile dixero, ex affine Junio, & ornatissimo Hoofdio, cognoscere de singulari erga me meosque affectu tuo, ac opera quoque eo in negotio, quod mea interesset plurimum. At longe illud jucundissimum, partim ex conjunctissimo Collega Pello, partim ex optimo Hoofdio resciscere, de felici totius negotii successu. Quare nimium quantum obstrictus sum præclaris Regni Britannici Proceribus, & eximio nomini tuo, & præstantissimo D. Sadler, atque aliis qui luculentò adeo argumento, amorem nostri, ac in me studiorum comprobarunt. Multum etiam hoc nomine debere profitentur, & Matthæus meus, Illustrum Hollandiæ & Zelandiæ Ordinum Historiographus, & filius alter (ut de tertio Juriconsulto taceam) Isaacus meus, qui non semel perhumaniter adeo à te exceptus Londini, & ante duos, tres menses, Gallia, Italiaque, triennii quasi spatio, lustratis magnos præclarosque Scriptores hæcenus ineditos, pene dixerim Thesaurum apportavit;

alios post alios juris publici facturus, bono literarum, nec sine testatione, quorum beneficio tantum potuerim in studiis & meis & liberorum. Ac eadem multo justius mens mea, quando fructus quidem hujus beneficii, magnam partem ad liberos redundat. Attamen me imprimis spectat, qui magno cum rei familiaris damno, cuncta publicis metior commodis. Itaque (si familiaris mihi paullo loqui tecum permittitur) poteram ego, si quantum pecuniarum Bibliothecæ impendi apud Illustres Hollandiæ & Westfrisiæ Ordines collocaissem, tantum inde percipere, & amplius etiam, quam ad me redit ex Britannia magnæ, magno illo, nec satis æstimando beneficio. Nempe hoc facit, ut minori molestia sumptus in studiis suseram, animoque magis defæcato limare pergam tam multa quæ habeo affecta. Quippe longè eorum excedunt numerum, quæ hæcenus emisi. Ac intra hunc annum, ut spero, complura eorum conspicias, in non uno studio tuo genere. Jam enim sub prælo sunt nonnulla. Nimirum nunquam cesso, quia semper cogito, quantillum absum à septuagenario. Semper igitur illud in mentem venit, prope diem mihi rationem esse reddendam temporis, quod divina hæcenus bonitas concessit. Tibi vero, Magne Seldene, ingentes ago gratias pro præstita opera tam pulchra, tum etiam hoc tempore opportuno; & (ut de liberis nihil repetam) facit item mecum optima Conjux, summi viri Francisci Junii proles. Et cur non illud addere liceat; Etiam qui antea celebrarent toto orbe Celebratissimam Doctrinam tuam, non minus efferunt in coelum singularem Beneficentiam ac Humanitatem, atque in me (saltem sic judicant amantes mei, quales longè plurimi) non solum collata, vel præstita hæc putare, sed omni Eruditorum Ordini his terris. Tantum mihi meisque adlaborandum magis, ut ne præsentī seculo, vel postero ingrati unquam fuisse videamur. Neque is solum animus futurus est noster erga te; sed cunctos qui tam bene de familia mea mereri voluerunt. Quæso hanc meam, meorumque mentem, ubi otium erit, significare. Ac ipse etiam, prima occasione, uni alteri significare decrevi.

*Amstelodami, Post. Kal. Jan. An. clō lōc xlv, quem tibi tuisque, & toti Regno Britannia Magnæ fortunare ex animo cupio optoque.*

*Æternum tibi tuo merito obstrictissimus,*

G. J. Vossius.  
DIX.



## DIX.

Nob. & Charissime Adfinis,

**R**eliquit terras filius Franciscus, atque, ut spero, iis miscetur, qui in illo die misericordiam magis quam iudicium pro meritis expectant. Satis placide expiravit, ac tribus mensibus, quibus domi nostra fuit, crebro vidimus, quam multum poeniteret, ac tum ipse veniam Deum rogavit, tum petiit, ut nos pro se ignoscantiam, numen assiduo postularem. Sepulturae destinatus est dies Mercurii proximus. Suffecerit igitur, si te Martis die in viam des, ut avunculus sororis filium natu maximum, tibi cognominem & magno avo, sed virtutibus immane quantum inferiorem, extremo hoc honore cohonestes. De Cognato Brunæo nihil addo, quia hæc scripturus, intellexi ex filio Matthæo esse in urbe hac Amstelodamensi: scripsi etiam ad Amplissimum Senatorem Dubletium, sed scio stulte, & inique ab eo postulatam iri, ut hoc anni tempore, se itineri accingat, qui domi non habeat Conjugem, tot suavium Liberorum interea curam gesturam. Neque poscere ausim à Senatore Ruterio, qui & ipse vix quadriennio abest ab decimo Climacterico. Nunc plura ut addam, non sinunt occupationes, sed si valetudo hoc ferat, ut excurras, erunt alia multa, de quibus differendi erit otium. Affini Brunææ, & filix plurimam salutem dicito, etiam (modo vobiscum sit) Illustrissimo Comiti Oxfordio, pro cuius assurgente Gloria, licet iniquissimis temporibus, non desinam vovere, quæ virtus ejus meretur.

Amstelodami,  
clb Idc xlv.

Tuus quantum possim,

G. J. Vossius.

## DX.

Nobilis Conjunctæque Affinis,

**T**ristem tibi nuncium apporto. Ereptus nobis est, heri vespere, filius Matthæus, postquam quatrduo circiter lectulo fuisset adfixus, & postquam biduo ante imminentis morbi nobis indicia aperuisset. Hodie est xxi. Martii; funus deducetur xxiv. hoc est proximo die Sabbathi. Itaque ego, Uxor, Nurus, & filius Isaacus, plurimum rogamus, ut quem honorem exequiis Francisci mei proximè habuisti, eo nunc cohonestare funus Matthæi nostri, ne grave ducas: neque id te solum rogo, sed etiam Cognatum

Brunæum, modo valetudo utriusque, ac res sic ferant. Perspectissima mihi est summa humanitas tua, ut hoc pluribus postulare neutiquam opus habeam. Feci etiam de isto certiozem Amplissimum Dubletium; non tamen poscendum putavi, ut denuò se huc conferret. Ne quidem id petii à charissimo Cognato Ruterio, abundè semel hoc agendo adfectum suum comprobavit. Tamen priusquam te in viam des, significabis ei de hoc dolore nostro. Scriberem ipse, sed dolor non finit, & præterea occupationes funebres. Has & similes derivare antea in Matthæum soleo. Nunc etiam hic senectæ scipio ereptus mihi. Ita ut vides longa ætas multa secum advehit mala. Sorori Brunææ salutem nostri omnium nomine dicito.

## DXI.

Joanni Sadlero S. P.

**N**ON facile dixerim, præstantissime Sadlere, quantum voluptatis ceperim ex tuis ad me literis. Neque eo id nomine duntaxat, quod me rei longè desideratissima facerent certiozem: sed etiam quod ab eo proficiscerentur, qui luculenta adeo operâ, suum erga me familiamque meam amorem, ac fidem comprobasset. Quanquam verò jam alteram Hebdomodam lectulo sum affixus, nempe ob senilem morbum; pedibus non valentibus officium facere, imo nec manu sinistra; quia tamen paulatim remitteret morbus, à quo biennio fueram immunis; dextra etiam commodè se haberet: committere non potui, quin literulis hisce, iterum, iterumque gratias agerem, & à me ac meis, pro viribus omnia grati animi officia pollicerer. Decretum erat ad minutam mentis benevolæ testationem, Exemplum eorum mittere quæ hætenus edidissim in lucem. Sed multorum nullum apud Typographos Exemplar amplius comparet, omnibus jam diu distractis. Sed in eo aliqui sunt ut reculantur. Quod ubi effectum, non differam quæ mei sunt officii. Nunc præmitto quos potui nancisci. Sunt autem isti Libri vii. de Arte Grammatica, quibus censuram exerceo in Veteres Recentés Grammaticos.

Libri vi. Oratoriarum Institutionum.

Libri iv. De Gentilium Theologia, & Physiologia Christiana, duobus Volum.

Liber de Genealogia Christi, deque Annis ejusdem, Nati, Baptizati, Mortui. Item dissertationes tres de tribus Fidei Symbolis, uno Volum.

Quæso

Quæso boni hæc consule, nec tam quid mittam, quam quo mittam animo cogita. Qui sanè erga te talis, qualis pro tuis meritis esse debet, & futurus semper. Mitto ejusdem generis quinque volumina ad amplissimum & præclarum Oliverium Sanct. Joannium. Quos gratiores fore confido, si à te acceperit, eademque operâ à me salutaris, & omnia grati animi officia promittas. Hæc ipse scripsisse ei; sed is est corporis languor, ut iterum in lectum cogar recipere. Deus qui cepit reddere valetudinem meliorem, brevi ut spero pristinam restituet.

*Amstelodami, clò lœc xlv.*  
iii. Non. Maias, Stylo  
Gregoriano.

*Aeternum tuum,*  
G. J. Vossius.

## DXII.

Cl. Salmasio.

Nobilissime, maximeque Salmasi,

**J**ucundum fuit nudius tertius, ac quartus, bona te valetudine conspiceret; ac multum gaudii accesserit, ubi ex te cognoro, lectissimam Conjugem, animæ dimidium tuæ, salvam, ac sospitem pedem in Gallis posuisse. Mitto quæ scripsi de Vitiis sermonis, & glossæmatis Latino-barbaris. Id munusculum boni consules. Addidi Minutium Baldwini, cujus præfationem, à Typographo desiderari intelligo.

*Amstelodami,*  
Non. Septemb.  
clò lœc xlv.

*Tuum æternum,*  
G. J. Vossius.

## DXIII.

Cl. Salmasio.

Eximie vir & amice,

**S**i multis exprimere velim quàm mihi jucundum fuerit, de valetudine tua cognoscere, & quid in studiis bono publico mollaris; faciam quiddam, non satis dignum veteri firmataque amicitia nostra, quæ non finit, ac in hujusmodi negotio dubitet alter, de alterius constantissimo affectu. Istoc igitur mittam, ac potius de rebus meis te faciam certior. Ac primum quomodo mihi cum Arthritide fuerit consiliandum, non illa quidem, quæ me prorsus arceret à Musarum sacris, sed ejusmodi tamen, ut domi conti-

neret, quandoquidem turpe putarem, si instar Tardipedis Dei, claudicarem foris. Ut autem videas haud nimium in me valuisse Divam malignam, quam nos Podagram vocamus, mitto ad te opus literarium de Vitiis sermonis, & glossæmatis Latino-barbaris, cujus partem non exiguam, morbi tempore, partim scripsimus, partim ex veteribus schedis digestimus. Exiguo id loco ducent qui literas aspernantur: non tu, vel alius, qui utilitatem cum difficultate conjunctam æstimabitis suo pretio. Equidem hic quoque cum Terentiano Mauro fas sit dicere:

*Fronte exile negotium,  
Es dignum pueri putes:  
Aggressus labor arduus,  
Nec tractabile pondus est.*

Quod magis judicabis, si alterum quoque volumen consequetur; sed hoc antequam lucem videat, edere animus est grande opus, de omnium disciplinarum naturâ & constitutione, earumque scriptoribus, tum antiquis, tum (modò magnopere mereantur) etiam novis. De re poetica etiam, & Poetis Latinis & Græcis, quinque libros habeo paratos. Ad hæc, tres Harmoniæ Evangelicæ, de Christi Passione, Morte, Sepultura, Resurrectione, & Ascensione in Cælum. Item opuscula varia, quæ videbis, ubi pedem posueris in ædibus nostris. Hæc adfero, ut facilius te, ubi occasio dabitur, in viam des. Etl de me aliud promittere nihil habeo, nisi facilem mensam, lectulum mollem, frontem porrectam, & quod non in infima parte putandum, colloquia, ac sermones quales amamus uterque, quoties bonus nos Deus conjunxit. Atque utinam, aliquod tum possis Typographo, ingenii, doctrinæque monumentum committere; siue de dicatione persister animus, quem scribis, siue aliquid melius in mentem venerit: scio enim nihil à te proficisci, nisi ingenio perfectum, atque elaboratum industria, planèque istiusmodi, quod non placitum sit, seculo non modo nostro, sed etiam posteris. Quo in omine desino, teque pariter, ac lectissimam uxorem (illam mihi notam virginem, notam matrem, ac ut censo etiam aviam) plurimum salvere jubeo.

*Amst. clò lœc xlv.*  
post. Non. Sept.  
Syl. Greg.

*Tuum totum,*  
G. J. Vossius.



## DXIV.

Jacobo Golio *Matheseos & Arabicæ  
Linguae Professore. Leidam.*

Eximie & amicissime Goli,

**V**ellem, cum proximè forem Leidæ, magis in animo habuisssem, vetus illud verbum, quod Cæsari Augusto, non in animo modo, sed ore etiam atque epistolis, frequens esse solet. Nam, si ut eo præcipitur, lentius festinasssem, non excidisset tecum loqui de negotio quodam, cujus curam, in me suscepam Hagæ, vel Ryswici potius, ubi non me modò, sed nobile etiam fratrum Dubletiorum par, & Boulenum Pitershoexi dominum (ut matronas præteream) convivio opiparo, exceperat amplissimus Leewius, Brillanæ urbis Prætor. Nonne affectus tam prolixus, in animum debuerat revocare, quod semel, iterumque, eidem Leewio promiseram? Sed gratissimus conspectus tuus, optimæque uxoris, & præstantium convivarum, quibus me socium addidisti, ita me abriperunt, ut ex memori priorum immemor fierem. Præsertim dum semper obversatur brevis temporis, intra quod, necesse haberem, adire, & salutare complures veterum Collegarum, & incomparabilem Salmasium, & maximum Spanhemium, non minus elegantis ingenii virum; quàm doctrinâ, facundiæque excellentem. At saltem imponere huic oportuisset, quod apud te fuerat neglectum; sed dum cogito, jamjam curram esse adscendendum, si tempori Amstelodami esse velim, nec hic magis, quàm apud te incurrit, quod ex te, Spanhemioque, quaesitum me receperam. Nempe utrum alteruter vestri non graveretur, convictorem habere, amplissimi ejus, quem dixi, Leewii filium. Adolescens est, suavissimæ indolis, ac probè educatus; sed facile videri patens præstantissimus, qui ipse in Academia Leidensi vixit diu, quanti periculi sit, eo ablegare filium usque adeo adolescentem, ac penè puerum, nisi degat sub oculis alicujus, quem ætas illa revereatur, ut debet. Rogo igitur, ut tribus verbis significes, num tibi integrum sit, optimum hunc adolescentulum recipere in convictum. De pretio, facile conyeniet. Novit enim parens, nâquam melius impendi pecunias, quàm ut liberi augeantur virtute ac doctrinâ. Quod si res tuæ non sic ferant, ut fieri id possit, proximum est, ut & mei, & imprimis amplissimi Leewii causâ, exquiras, ex præstantissimo Spanhemio, num apud eum pluribus vacet locus, ac paratus sit, adolescentem eum

admittere in numerum convictorum. Quod si ne ille quidem recipere possit, hoc tempore, dispice quaeso, ubi habitaturum hoc tempore tutissimè putes. Parens nihil æque habet in votis, quàm ut vivat apud alterutrum eorum, quos dicebam. Quo celerius super hoc responsum accepero, eo gratiores erunt literæ tuæ. Longas non expecto, novi occupationes tuas. Solum scribe; Recipere mihi, vel D. Spanhemio integrum est. Aut, Censeo rectè, huic, vel illi commissum iri. Ita postulato meo satisfacies, & ego minus injurius fuero in tua, ac publica commoda. Salutem dices suavissimæ conjugis tuæ, & summo viro Spanhemio.

*Amst. c. 13* Id. xlv.

Nonis Septemb.

## DXV.

Amplissime & Consultissime Mieropi,

**S**æpè mihi in mentem venit, eximie bonitatis, ac humanitatis tuæ, jam ab eo tempore, quo Dordrechtum me tenebat, & annua tibi cura veniret Australem, publico nomine, Hollandiam petendi. At eo jucundior esse solet illius temporis recordatio, quod postea quoque, te mihi, & meis expertus sum semper usque adeo benevolum, & amicum. Tanto fidentius ante has duas hebdomadas, cum amplissimo & integerrimo (ut cæteras laudes taceam) senatore Ratallero Dubletio accessi domum tuam; ac quia nunc, ob adversam conjugis valetudinem, excurrere non datur, per literas compello, iterumque filii mei Matthæi, quantum possum, negotium commendo; idque non tui solum causa, sed etiam, ut per te, & illustrissimum Legatum Pauwium, ad quem itidem scripsi, commendatius esse apud præstantissimorum Collegarum alios possit. Vides mihi rem curæ esse: nec miraris scio, tot ipse liberorum parens. Et cum semper nobis cordi sint carissima pignora, in hoc vitæ incerto, tam præcipue, ubi non vitæ multum superest. Nam quid aliud mihi persuadeam, postquam tam parum absum à septuagesimo, quem decimum vocant climactericum, ac sapientissimus Solon vitæ terminum judicabat, indignante quidem Mimnemo, sed non abhorrente divino Plalte, nisi quod annos denos vivacioribus superaddit. Rogo Deum, ut tu quoque vivacibus istis annumereris, & deinceps quoque belle, ut cum Poeta dicam, pedibus te portes tuis. Id facies bono familie,

liæ, & Reip. & amicorum. Ita voveo, (ac pariter mihi ipsi comprecor) æternum tibi.

cl̄o Id̄c xlv.  
v. Kal. Octob.

*Ob insignem illum af-  
fectum, & amorem  
obligatissimus,*

G. J. Vossius.

grata esse posse, Collegæ veteris, & tui amantissimi, jam ab annis propè quinquagenis. Amorem etiam tuum vicissim perspexi vel proximè, cum una apud Golium cœnaremus. Quem ego virum maximi facio, ut debeo; si meo nomine salutaveris, rem facies longè gratissimam.

*Amstelod.* cl̄o Id̄c xlv.

iv. Idus Octob.

DXVI.

*Clarissimo & Amicissimo Golio.  
Leidam.*

**A**Ltero, ex quo à vobis discesseram, die, literas ad te dedi, pro argumento sanè longiusculas. Iis te certiorē faciebam, quomodo Ampliff. Leuuius Brillanz urbis Præfectus, multum me rogarit, ut exquirem ex te & Clariss. Doct. Spanhemio, utrum filius suus habitare in ædibus alterutrius possit, quo in Academia Leidensi florentissima, ac domestico exemplo, uberiores capere possit ingenii ac doctrinæ cultum; super eo nihil hæcenus responsi accepi. Metui ne id provenerit ab occupationibus nimis, quibus distringeris. Quare rectè me facturum putavi, si memoriam refricarem. Quæso hoc age, ne expectationem Leuwii nostri diutius eludam. Lectissimæ conjugii salutem dicas.

*Amstelod.* cl̄o Id̄c xlv.  
Kal. Octob.

*Tuus,*

G. J. Vossius.

DXVII.

*Incomparabili Viro, Collegæ veteri,  
Danieli Heinio, Ger. Jo. Vossius,  
S. P. D.*

**P**roximè edidi volumen de vitii sermonis, & glossematis Latino-barbaris. Nimirum, mihi duo proposui, prius est ut pro viribus aliquid conferrem, ad barbariem profligandam; alterum ut lucis aliquid adferrem mixobarbaris illis, quæ legere est, apud superiorum seculorum scriptores. Eunte igitur ad vos Longermannō, juvene optimo, & arcto sanguine juncto communi amico nostro Gronovio, occasionem negligere nolui, mittendi exemplaris, non quia tanti putarem, ut inspiceres, sed quod existimarem, id officii mei esse, nec tibi nostra in-

DXVIII.

*Clarissimo viro, D. Ant. Æmilio.*

Clarissime, & amicissime Æmili,

**Q**UI has tibi literas tradet, vir est probus, natione Græcus, nomine Nathaneal Conopius, Presbyter, & Patriarcha Cyrilli antehac Protosyncellus: Græcè pereruditus, nec Latine ignarus, sexennio Oxonii vixit; postmodò, ob res in Angliā afflictissimas, terris nostris commendatus. Aliquot diebus apud nos fuit. Urbis nostræ Magistratus eum centum donavit Karoleis; Ecclesia Belgica sexagenis. Minus Gallica dedit; quippe ipsa in re satis tenui; ut non sic indigentibus succurrere valeat, quàm optaret. Nunc ad vos contendit, ut Urbis, Ecclesiæque liberalitate auctior redire ad suos possit. Reformatarum Ecclesiarum sententiæ favet, ac spes nostrorum hominum est, posse eum Ecclesias Græcas arctius conjungere cum nostris. Sed SS. Patres cœmendos (sine quibus parum in hoc sancto negotio præstiterit) non exiguis opus sit impensis. Quas cum sustinere per se non possit, opem flagitat alienam, nec iniquam. Cum verò posceret à me commendatitias, præ cæteris occurrissi, quem hoc onere bearem: Nempe ut ejus causam Procerum uni alteri commendes, atque adeo etiam eorum qui Ecclesiæ præfunt. Ad præstantissimum Niuportium, Urbi vestræ à secretis, scripsit, ejus causā, conjunctissimus Collega meus Barlaeus. Eo negotium hoc apud Proceres vestros facilius processurum confido. Spero in Ecclesiastico ordine, non gravatè ad hoc conferre operam suam velle, virum magnis virtutibus Arnoldum Ticmannum; quem rogo, ut à me salutes, cum ob hanc ipsam causam, tum ut videat me non esse immemorem sui. Dolet quod non melior mihi occasio sit videndi, & complectendi utrumque vestri: & eo magis dolet, quod ab annis circiter quadraginta, cum adhuc messis vestra lateret in herba, abunde prospexerim, quantum boni,



ab tam præclaris animi dotibus expectare Ecclesia & Resp. Literaria posset. Sed vos mihi non minus videmini, Ultrajectinæ adfixi glebæ, quàm ego Amstelodamensi. Interea mihi facilius venia dari debet, ob gravioriorem aliquanto ætatem. Nam paucillas intra hebdomades, ingrediar Climactericum meum decimum, ultra quem, nullum sibi computandum Solon putabat. De me quid facturum sit, sum unice securus, ut qui divinæ hoc Providentiæ committam; & ut Poeta Bilbilibus jubet; *summum nec metuas diem, nec optes*. Vale, maxime vir, pariter & amice.

cl<sup>o</sup> Iæc xlv.  
ix. Kal. No-  
vembris.

*Tuus omni officio,*

G. J. Vossius.

### DXIX.

V. Cl. Joanni Brunæo.

Middleburg.

Amplissime vir, Cognate carissime,

**L**uculentam mihi spem fecerat filius Mattheus, superiori te Majo, ac conjugem pariter affore nobis. Sed licet vix aliud æquè in votis esset, video tamen non sic res tuas tulisse. Multa erant, de quibus alloqui decrem: quorum alia ad fratris tui filium pertinerent, alia etiam ad communia studia nostra; quiddam etiam quod me quoque tangit, quia tangit filium. Jam hoc cum dico, satis intelligis, maximopere me optare, ut Zelandiæ Illustrissimi Proceres desiderium nostrum expleant de eo, quod nunquam ipsi adeo processurum putabamus; Nempe ut Historiographo suo annum assignent stipendium; exemplo Hollandiæ, quæ ubi prævisset, non se huic rei defore pollicebantur: nec ignoro quis moram injecerit justissimæ petitioni nostræ; sed postquam ille vita excessit, spero facilius hoc fore negotium; præsertim ubi semel sacra sua commovere voluerit Brunæus, vir, & amicus summus: quem utinam tam literis ad istoc possem accendere, quàm me posse confidam, si vel ad horas paucas colloqui daretur. Nullius equidem commodis obisto; sed non iniquum arbitror, ut ejus potius ratio, habeatur, qui mentem non in varias divisit curas, sed tot jam annos in eo totus est, posteris ut prodant gesta inclytarum Gentium, Hollandiæ, Zelandiæ, Westfrisiæ. *Paulum sepulchra distat inertia celata virtus*. Quid majores à suis nepotibus magis requirunt, quàm ut

ne virtus sua ignoretur? Quid dignius se nepotes egerint, quàm ut præclare de eo mereantur, qui desiderium illud majorum expleat? Vellem inclytis ac laudatissimis Proceribus vestris, ob oculos ponere possem, quàm nulli labori, imo nec impensæ parcat filius, ut veritatem in profundo Democriti puteo latitantem producere in apricum possit: Nempe totum se huic uni curæ mancipavit. Quid in alio quoque simile? Scio te ista non diffiteri. Solum opto, ut quibus commisit Deus rei patriæ curam, hoc negotium, non infra cogitationes suas putent. Ac non confido defore nobilissimum Cnutium, qui affectum mihi suum in hac re coram declaravit. Multum illi, & cunctis, quibus hoc negotium cordi erit, debebimus, si gratias agere illis liceat, pro eo quod nunc expetimus. Ego, Coniux, filii te, & tuam, & tuos plurima salute impertimus,

Amstelod. cl<sup>o</sup> Iæc xlv.  
xv. Kal. Decembris.

*Tuus æternum,*

G. J. Vossius.

### DXX.

Nobilissime, & Eximie Salsmæ,

**I**mmortales ago gratias pro immortalis divinæ mentis opera, De primatu Papæ: quod multum animum meum pascit, pascetque, ac Deum oro, ut reliqua pariter det tibi pertexere, simulque ut Patroni infallibilitatis ac omnipotentia Papalis videant, quam incertis ac putidis subnixa sit tyrannis ejus, qui sic se extulit supra conservos suos. Inquisivi sedulè, quid animi foret Proceribus, de advocando Professore Medico; sed negabant hætenus de eo sermones fuisse inter se; sed solum de Professore Botanico; quod suorum civium plurimum interesse putarent, ut peritiores haberent Pharmacopœos. Et scio sic esse; Etsi non ignorem, malle, qui non Botanicus modò gnarus sit, verùm & profiteri artem Medicam velit. Optem me super hæc colloqui posse cum Exlegato Scapio, Lugdunensis Academiæ Curatore ac Gymnasilii nostri; sed is nomine Urbis nostræ adhuc agit Hagæ Comitum, ac vix putatur affuturus ante Natalem Domini. Non desinam urgere hoc negotium, ubi fuerit reversus: Hæc parva malui raptim exarare, quàm diutius relinquere animum suspensum præstantissimi Kyperi, cujus egregia Volumina duo, de scientia naturali abundè ostendunt, quid ab eo sit expectandum Lyceo nostro, si Proceres nostri ad eum huc advocandum adjiciant

rant animum, sed nisi cum pluribus fuero collocutus, nihil certi possum rescribere. Isaacus meus plurimam iussit salutem adscribi.

Amstelodami,

cl<sup>o</sup> Ibc xlv.

xii Kal. Decemb.

Eternum tuum, tuique

Admirator & Cultor,

G. J. Vossius.

# DXXI.

*Reverendo variaeque Eruditionis Theologo*  
Jacobobo Lydio, Ger. Jo. Vossius  
S. P. D.

**T**ERNAS à te literas accepi: unas cum dono Reverendissimi Armachani, quod per mihi gratum fuit, tum propter eruditatem ad Ignatii vulgarem Editionem notas, tum propter genuini Ignatii veterem translationem. Ipsum Græcum Codicem non vidit vir summus Usserius; sed ea foelicitas reservata fuit Isaaco meo, qui Florentiæ è bibliotheca Medicea descripsit, ac primus orbi Christiano dedit, opposita è regione versione antiqua ex editione Usseriana. Non possum, Amicissime Lydi, satis exprimere, quantopere me Reverendissimus Usserius, ac imprimis filium meum, dono suo beavit: quanquam & tu quoque, in aliquam hujus beneficii veneris societatem: qui cum nobis ex Britannia apportasti, & simulac pedem in urbe patria posuisti, eum continuo misisti mihi; probe gnarus, in hujusmodi etiam negotio, locum habere, quod vulgo dici solet, bis cum dare, qui decet citò. Sed ut eo nomine laudari tu mereris, ita ego metus, ne potius castigandus tibi videar, qui nec de hoc dono rescripserim quippiam, nec ad alteras literas reposuerim quidquam. Poteram pro me adferre, tum adversam valetudinem meam, ac præcipue uxoris mire afflictam: tum mortes filiorum Francisci J.C. tum Matthæi Historiographi; sed enim aliud præterea est, quod me negligentior fecit, in postulato Reverendi & præstantissimi Roberti Bayllii. Scripseras in edendis nostris festinato opus esse: At Typographorum duorum, quibus hic utor, præsum in tantum distinebatur variis, & ingentibus voluminibus, ut uterque negaret, intra aliquot menses, quicquam mei posse excudi. Sed exinde nusquam non velle omnia agere in mee spem gratiæ. Non peccassem, si quamprimum te hujus responsi fecissem certior, sed nunquam in respon-

dendo sum tardior, quam quàm scribere non licet id quod ego & alter mallems. Ita factum, ut in totum scribendi officio supersederem; sed ante menses sex septem Blauwius exorsus est libros, quos exaravi, de omnium Artium, & Scientiarum natura, usu, ac nexu. Elzevirius autem excudere cepit librum unum de natura & constitutione Poeticæ, & tres de Arte Poetica: quibus jungentur duo, unus de Græcorum, alter de Latinorum Poetarum temporibus. Sed quoniam hæc grandibus aliorum voluminibus intermiscunt, nostra vix philyrum unam singulis hebdomadibus procedunt. Interea pollicentur, post duos summum menses, se in nostris assiduos fore. Quod si tum quoque eadem maneat mens, Reverendo, Clarissimoque Bayllio, non committam, quantum in me fuerit, quin ejus expectationi satisfaciam. Sin id serum tunc erit, ut metuo, non deerunt alia atque alia, quæ publici juris faciam: In his quinque reliqui Libri de Paganica Theologia, qui non affecti modo, sed etiam confecti, uti & tres de Harmonia Evangelica, in Argumento Dominica Passionis, Resurrectionis, & Ascensionis in Cælos. Adderem alia, sed non petisti tam Catalogum propediem, ut dicitur edendum, quam ut responderem de Editione eorum, quæ de Baptismo, & imprimis de Anabaptismo scripsi, & isti Argumento victimis. Tamen fortasse, nec ista ignorare malueris. Id enim postulat amor domus nostræ hæreditarius, jam ab annis octoginta circiter coeptus inter Avum tuum præclaræ doctrinæ virum, ac Parentem meum; postea vero continuatum, inter me, & avitui viduam, oprimamque Matrem tuam, quæ te scio non ignorare, ac stimulum esse debent, ad amorem etiam præstandum filio meo, quasi *υιοπατρι*, qui nullum in se benevoli affectus officium sine claudicare. Vellem te aliquando hic videremus. Etsi quid minuti negotii fuerit, hoc etiam impellat, quod vix apud nos es ingentem turbam MSS. etiam hæcenus ineditorum. Hoc philtro te alliciendum putavi. Neque enim ignoro, quam sis *φιλόβιβλος* & *φιλόμυθος*. Uxor & filius te plurimum salutant, salutem etiam nostro dicito nomine, optimæ forori, ac egregiis fratribus: per otium quoque Illustri viro Witio Exlegato, ac cæteris quos nominis nostri amantes imprimis scias.

Amstelodami,

cl<sup>o</sup> Ibc xlv.



## DXXII

Joanni Brunæo, J. C. V. C. Gerardus  
Jo. Vossius, S. P.

**G**Audeo, Amplissime vir, charissime cognate, quod tam te videam memorem mei, & meorum. Prout auctor fuisti, libellum micro Illustribus D. D. Zelandiæ Ordinibus offerendum. In quo tantum abest, ut mihi videar peccare, ut potius existimem me non publici minus habere rationem, quam familie mee. Nam si hac parte Proceres alii nolint terris cedere, quæ res majorum à pluribus seculis, posteris tradiderunt; nunc recte de publico mereor, si offeram eum, qui spartam eam non minus ornare velit quam possit: Imo non minus possit, quam illustres ipsi Proceres velint. Tot jam annos non dico, sed lustra, Historiæ Belgicæ, Foederatæ maxime, cura ac cogitatio distinet domum nostram, ut nemo in ea non potuerit aliquid videre supra vulgus. Nunc hic unus superest, qui ut de ejus ingenio, doctrinæque, nihil nunc dicam (puridius hoc forsitan videretur) at saltem non leve videri debet, quod tot annos non minima fuerit pars sermonum, quos de Antiquis Foederatæ, imo universæ Belgicæ rebus, potne assidue internos, in domo, ut arbitror, non profus illustrata, commutavimus. Accessit quod illiusmodi ad hoc negotium Bibliotheca sit instructa, ut nesciam equis aliis præferri debeat. Nec de exculis id solum libris dixero (quanquam, & hoc non leve putandum) sed maxime MSS. quos nescio numquam plures de Historia Belgica ineditos habeat, vel etiam compluribus annis comparare sibi possit. Quid dicam de illiis observationibus multis, quas in schedis afferamus. Non ego præter morem meum ista scribere tam prolixè, nisi putarem, id nunc à me exigi, si non publici minus quam domestici boni amans sim. Te modo curam hanc suscipe, ut Illustrissimis Proceribus Zelandiæ vestræ, pro affectu erga me & meos, & cum his etiam tibi agere gratias possim. De nobilissimo Cnutio omnia mihi respondeo, & Procerum aliis, quos in causa illi Matchei me flagit memini convenire. Ita mihi sereno vultu affectum suum testari vili sunt. Nec culpa fuit nostra, siqua velut canina scava obturbarit, qui studium hoc non aliter quam canis Nilum degustarat. Cui ramen in cæteris laudibus nihil detrachum velim. Non hoc vel moribus, vel ætati conveniat meæ. Quid ego pluri-

bus te nunc distineam, Amplissime Cognate? Ea es prudentia, ut per te videas, quid nunc factu sit opus: ea autem benevolentia atque amore, ut omnia nostri causa velis. Quod si quid præterea à me fieri posse putes, tribus verbis perscribas: sed imprimis tempus illud expectabo, ingenti cum desiderio, quo te Conjugem, & quos Liberorum una adducere visum erit, coram amplecti licebit. Plurimam omnibus vobis adscribi salutem uxor iussit; sed & Cognato Brunæo, si adhuc hospes fuerit patris sui.

Amstelodami,

cl. bc. xlvii.

## DXXIII

Winando Rutgerfio, S. Th. Doctori.

Clarissime atque Amicissime Domine Doctor,

**V**Alere te & tuos gaudeo. Valco & ipse mediocriter, melius valiturus, nisi male valeret conjux. Existimet aliquis me ad tam diuturnum malum paulatim obdurecere. Et foret fortasse, nisi pariter, & animi, & corporis dolore differciaretur; ut ferreus sim futurus, nisi dolore ejus dolcam. Interim quantum possim, dolorem tempero, tum sapientiæ præceptis, tum etiam studiorum amoenitate; quæ non sunt ut quidquam remittam de laboribus antiquis: imo nugis animum remittere, etiam innoxii, prope mihi idem videtur, ac animum amittere. Admodum mihi est ægre, quod non potuerit vel mea, vel filii opera tibi esse utilis, in conquirendis libris de quibus scribis. Studiöse illustrata sunt tabernæ librariæ, consultiq; quos oportuit; sed incassum sudavimus. Negant eos amplius apud Bibliopolas, vel Typographos reperiri. Desidero scire an habeas Petrum Tyræum Societatis Jesu Theologum, & Professore Herbipolensem; cujus duo extant libri; unus de apparitionibus omnis generis Spirituum Dei, Angelorum, Demonum, & animarum humanarum, cum appendicibus, de Spirituum imaginibus, ac cultu, ac Purgatorii veritate. Alter vero liber qui est quadripartitus, tractat de Dei in V. T. Apparitionibus & Locutionibus; tam externis, quam internis. Coloniz à Cholino est excusus Anno cl. bc. folio in quaternam plicato; paginis constat quasi quingentis. Si eo destituaris, & videre desideres non patiar, ut quicquam hac parte requiras. Si quando excurre, cujus toties jam spem fecisti, sedulo uterque lustrabimus,

lustrabimus, ecquid vel mea, vel filii Bibliotheca habeat, quod doctissimis laboribus tuis utile esse possit. Salutant te & Conjugem Uxor & Filius.

*Amstelodami,  
cl. loc. xlv.*

*Tuus ut scis sine fucore  
re majorum.*

G. J. Vossius.

DXXXIV.

Claudio Salmasio, Ger. Jo. Vossius

S. P. D.

Vir Nobilissime,

**T**Arde rescribo, nec aliter potui ob gravissimum amplissimi Schapii morbum. De eo prope fuit conclamatum: hactenus tamen convaluit, ut pedem posuerit in curia, cum maxime ejus presentia opus foret, quia de novo creando Magistratu, agendum esset. Nec tamen ea firmitas corporis, ut novo Academiæ Magnifico Rectore designato, Leidam se conferre fuerit ausus. Facile in recidivam incidisset, cui infirmatis adeo viribus, non æque par fuisset ac ante. Nudius quartus demum compellandi potestas facta. Deque præstantissimo Kypero, gratus ei sermo noster fuit. Jam antea de hoc locutus sum, cum Consularium duobus, vel tribus; sed negabant sibi constare de eo, quod putabam. Refricavi eis memoriam eorum, quæ semel iterumque acta essent, de advocando Medico & Botanico. Nec abnuere illi utiliter de eo posse cogitari; sed putabant quiddam esse, quod hoc tempore prævertere oporteat. Et hoc quale foret retulerunt. Quamquam satis id per me intelligerem. Pertinet autem ad Jurisconsulti professionem. Ac similia dicere Amplissimus Schapius, sed prolixè quædam addebat, de affectu suo erga Ornatum Kyperum. Satis vidi, non per eum staturum, quo minus, vel Leidæ, vel apud nos ejus ratio habeatur. Putavi mei numeris esse, ut tam bene affecti amorem, magis etiam accenderem. Itaque multa retuli, de Eruditione, quam ex Commemorationibus illius perspexissem: Etiam in Chymia, quam ego scientiam, sed sic, ut Antiquis etiam suis constet honos, magni semper feci. Sed enim Consul Schapius ea respondit, unde cognoscerem se non esse hujus ignarum. Ac benigne adeo dimisit, ut facile viderem, si rex alios non steterit, plurimum in eo reponi fiduciam posse. Equidem certi nihil habeo promittere, eo minus,

quia hoc habent serè urbis nostræ Proceres ut diversa eorum sint studia, ac putent præterea nihil maturandum, an festinandum dicam? Propè quasi ex Lentulorum essent familia, quales etiam Austriacos magis quam Heroas Gallos esse ferunt. De me interim ita habe, me nulli defore occasione, quin eam arripiam, ut si possim, persequam quod velles. Atque id quidem Clarissimi Kyperi causa, quem jure æstimo, tum in tuæ spem gratiæ, cujus ergo, nihil non velle debeo. De rebus meis poteram fortasse aliqua addere, quamquam minuta, ut omnia sunt mea; sed cultore tui nominis, ac penè dixerim numinis, Isaac filio, Leidam eunte, malui ex ipso omnia à te cognosci.

*Amstelodami, cl. loc. xlv.*

v. Id. Feb.

DXXXV.

Amplissime ac Conjunctissime Adfinis,

**P**utavi ob arctissimam Conjunctionem nostram, hoc mihi agendum, ut ex me potius, quam aliunde cognosceres de obitu filii mei Matthæi, quem xx. Martii morbus (maximam partem veteris erat) abstulit mihi, intra quatrimum, quo lecto adfixus fuit. Biduo jam ante, tale quid mihi præfigebat animus, cum in mensa mea referret, ut, dum assiduus est in gestis Domine Jacobæ describendis, frigore sæpius horridiusculo corripereetur. Sic res sunt humane. Mihi est animus cum bono Deo, qui tot adversa petuli, hoc quoque forti animo perferre. Et ut melius possim, amicorum me precibus commendo. Scio non defore, qui ambulant apud Illustres D. D. Ordines Historiographi Officium. Equidem non possum dicere me alterum huic muneri scire, magis idoneum fratre ejus Isaac; de quo plura dicerem nisi filius foret. Et posset ille una munus Geographi Ordinem implere, quod olim sustinuit Philippus Claverius. Solum terret quod multum mihi laboris fuerit exhauriendum, priusquam id obtingeret Matthæo nostro, ut Historiographum facerent Proceres nostri. Sed sit etiam, quod cum molestia sit. Decretum per otium de hoc agere cum Ill. & Ampliss. Wittio Cognato, quem scio ita esse animatum, ut nupiam passurus sit operam suam claudicare. Et fortasse è re fuerit, si rei istius non fuerit ignarus. Nam facile obtingeret, ut aliquis cogitationes, & molimina mea, quæ cum uno duntaxat Dubletio communicavi, ob-

turbare



turbare conetur. Hæc ergo nunc raptim adeo, ut vix sciam quid scribam. Sic undique interpellor, & tamen non dimittendus erat inanis nuncius, qui hæc hora ad vos contendit. Salutem uxori ac liberis, nec minus Amplissimo Cognato Witio.

cl. lxxvi.  
xxiv. Martii.

Tuus totus,

G. J. Vossius.

### DXXVI

*Clarissimo & Præcellentis Doctrinæ viro, Dn. M. Stephano Joannis Stephano, Serenissimi Regis Daniae Historiographo, inque Equitri ac Regia Academia Soræna, Professore Ordinario. Soram Danorum.*

Ger. Jo. Vossius S. P. D.

**T**Andem læta affulit dies, qua non dubitandum, æternæne Cimbricæ gentis decus, Saxo Grammaticus vester, Stephanus mei popularis sui beneficio, sanus, bonæque corporis habitudine, pererudito etiam Commentario auctus, illustriorque, ac verbo, ut dicam, omnino ejusmodi, qualem hactenus desideravimus, in lucem, manufque hominum elegantiorum venit. Expri- mere non possum, quam bene mihi de te ipso, de gente vestra, deque universa Republica literaria meritis videaris. Deus plurimos tibi annos largiatur, ut melius meliusque mereri posses. Quamquam tantum eff. etiam tibi, ut si vel brevi (id ne benignum nomen sit) humanitus aliquid tristius subeundum foret, sic quoque æternum, ut in te Saxo; sic tu in Saxone tuo sis victorius; nullaque dies sit deletura beneficium utriusque vestri. Si ante annum habuissem hos labores tuos, crebrius nomen tuum legeretur in opere nostro de Vitiis Sermonis: in quo videbis aliquando etiam ad partes advocari Suenonem tuum. Scio, quod mitto *Witio* impar esse tuo. Sed ut quomodo- cumque æquarem, volui addere libellos duos de symbolis, unum alterum, de genere atque annis Christi. Nihil opus rogare, ut boni consulas. Novi enim quanti me meaque omnia soleas æstimare. Nec impedio, quo minus deinceps etiam huic indulgeas errori tuo. Illud vero impensissime rogo, ut pergas erare; inque apertum proferre alios etiam rerum Danicarum Scriptores,

imo & quæ nostro sæculo, quæ feliciter, quæ secus contingere, ingenii, doctrinæque tuæ penicillo posteris prodas. Nolim tamen in hoc rogando te longo uti sermone, quia non dubito quin quotidie illud à te postulent, atque expectent, viri & Illustrissimi generis, & maxime in Dania vestra auctoritatis; quorum præcipue valere apud te voluntas debet. In studiis gravi hac ætate, præsto quantum possum: pluraque possem, si me- met corona illa adhuc cingeret octonum Liberorum, qua me beatum Leida novisti. Nunc ad meliores sedes, Deus transtulit universos, excepto Isaaco Vossio J. C. quem confido brevi multa publico daturum. Is filiorum erat natu minimus, uno dempto Gerardo, cujus Velleiuta, & alia quædam videris fortasse. Nolo tristibus illis diutius immorari. Plurima salute impertias egregios viros, & mihi caros Collegas tuos, D. Laurembergium, & D. Erasium. Addo & optimum, & cordatissimum, D. Meursium, cum filio, filiaque.

Amstelodami, xi. Jun. cl. lxxvi.

### DXXVII.

*Nob. Baroni Herbert.*

Illustrissime D. Baro.

**S**Ero rescribo ob mortes meorum; unius natu maximi filiorum Francisci, in Curia Hollandiæ & Zelandiæ Advocati; Alterius natu proximi, Matthæi, Illustrum earumdem Provinciarum Historiographi, & Amstelodamensis Reip. Bibliothecarii: cujus fortasse Annalium libros xv. videris. Itaque nunc Librorum mihi nihil, præter Isaacum, qui paucos ante menses, Ignatium genuinum edendo, bene bonis de Ecclesiæ meritis videtur. Quippe antea nonnisi Latine exstabat, idque Reverendissimi Armachani Antistitis beneficio. De præclaro opere tuo, sæpius cum Typographo sum colloctus; tardius autem responsum accepi: in causa erat, quod nunc in edendis libris sint difficiliores, propter motus Britannicos, & Germanicos. Istis enim terris immane quantum hinc librorum distrahi solet. Nunc aliter est ob causam quam referebam. Quæsi- vi tamen quantum exigerent, tuis si sumptibus prodiret. Blauwius qui mea excudere, nec semper tamen solet, paratum se post sex menses prælo committere, idque impensis suis, dummodo ipse centena exemplaria emas, & pro quoque selquisforenum Hollandicum, live

xxx. stuferos nostrates, persolvas. Sed editurus aiebat forma ac Typis quibus opus meum, de Theologia Paganica, & Philosophia Christiana, lucem videt. Ambigebat quid diceret, si Typis tam grandibus excudetur, ac tua illa præclara de Veritate, ac errorum causis. Usque adeo nunc prælum ejus distinetur multis, ac ante id, quod dixi, tempus, ordiri Editionem non possit. Interea temporis, & à te responsum expectabo, & ipse semel, iterum, ac tertio, fortasse perscribam, quid censeam de iis, ubi aliud tibi videtur. Nunc solum significo, ita me animatum esse, ut non arbitrer aliquem mortalium minus moveri ob dissensum alienum. Perplacet, quod mihi, & aliis sæpius referebat socer, summus vir Franciscus Junius: Sic ego, sic ille; eruditi viri dispiciant, quid melius ego, quid rectius perspexerit alius. Imprimis hoc propter Drusium dicebat, subinde aliquod affectui indulgentem, virum interim Hebræis literis pereruditum, & aliquid observantem, alteri invisum. Nempe aliquid singuli videmus; nemo omnia: sed quidquid singuli valeamus, in publicum proferamus, ut penes posteros judicium sit, quibus eo facilius erit delectus, quod candidius quique exposuerimus, quid nobis videatur. Sæpe veritas è Democriti puteo difficulter educitur; ut multorum manibus, atque opera opus sit. Interea quia sic poscis, non desugiam laborem perscribendi minutatim de nonnullis, ubi dissenire videamur. Et quia longioris ea res opera sit, si non unis, pluribus id literis faciam. Noli enim uspiam, ab tam illustri viro, ejus ingenii ac doctrinæ, quicquam à me desiderari. Sic planius erit, ubi mihi perferat animus, ubi aliquid à te commodius dictum putem, ubi statuam facile per se concillari, quæ pugnare videantur. Et tibi quoque hoc opere inedito, & mihi parte commentationum alterâ, corrigendi aliquid occasio dabitur. Si hic excudi velis, & id neutiquam possit fieri, ante menses sex: salvis ac sospitibus nobis, abunde temporis erit, de variis differendi per literas, quia coram non licet. Utinam vero brevi aliquid cognoscerem de Alcyoniis Britannicis. Neque id tam dico mei causa, quam amore Regni antehac florentissimi. Nec tamen peccem, ut arbitror, si minus diffitear, agi etiam ex minuto rem meam. Nam jam menses sunt quindecim, quo nihil ad me redit ex præbenda, ut vocant, Cantuariensi. Nihil gratius facere possis, quam si sic res ferant tuæ, ut commendatione tuâ, non ita spissè procedant res nostræ. Præsertim, cum rebus, licet turbatis, grande non sit ex-

solvere quod debeat, singulis enim annis, non ultra centum libras sterlingicas percipio. Noli tamen molestiam ullam facessere, ne videar in nugis nostris, tanti Herois operâ uspiam abuti: Et tamen hominibus nostris non videor indignus, cujus ratio aliqua habeatur, qui nihil nisi assidue pro Britannia bono preces fundam, & supra, quam ætas sinat, desudem, pro Rep. literaria, inque studiis omnia non tam metiar profecto commodo meo, quam Ecclesiæ Christi. Absque eo foret, multis partibus unctiores forent res nostræ. Deus Opt. Max. diutissime Te saluum ac sospitem, Illustrissime Domine, conservet.

Amstelodami,

clb Id. xvi.

Post. Id. Jun.

Illustrissima dignitatis tue  
Cultor æternum,

G. J. Vossius.

## DXXVIII.

Reverende idemque Amicissime Croci,

Quamquam in scribendo aliquanto sim negligentior; non tamen si quis è nobis hinc ad vos eat, cum sine meis ad te literis dimittere soleo. Quare & consuetudinem hanc nunc retineo, redeunte ad vos Neumanno, Juvenè, & probo, & pereruditro, & utroque nomine hominibus doctis acceptissimo, ante omnes, n. m. Salmasio: qui & aliquando eum per literas mihi commendavit. Quamobrem, confido ei nullam defore, tuum, & aliorum præstantium hominum favorem, si qua in re eum fortassis desiderabit. Audio, gaudeoque omnia apud vos jam quiescere & tranquilla, postquam abiit Doct. Combachius. Equidem hæc Alcydonia, non diuturna modo, sed perpetua vobis esse velim. Sed quoties malos, pravosque hominum mores cogito, non possum mihi aliud persuadere, quam nonnullos homines, qui nisi nocerent, morerentur, ubi qualicumque Dux obtigerit, redituros ad ingenium, velut anus ad armillum. Multum tamen bonæ sps habeo, in Procerum vestrorum prudentia; qui non sinent hujusmodi, cum urbis, atque Ecclesiæ malo, turbare, & cum ratione insanire. Edidi aliquot ante menses totum priorem de vitiiis sermonis: quo operam dedi, tum ut castigatior sit sermo, puriorque, tum etiam ut semi-barbari illi, qui post irruptiones Gothicas, atque alias, Romanum Imperium tenere, melius ab hominibus non incruditis, intelligi possint. Etsi vero sciam non ferre tua tempora, ut istis legendis vaces; volui tamen



tamen ut videres, quia indignum amicitia nostra putarem, aliquid mei prodire in lucem, cuius non facerem te participem. Cætera, quæ ad me, & alios nostri ordinis, his in locis pertinent, & præterire nunc animus est, quia melius, certiusque, ex Neumanno cognoscēs, qui viva erit Epistola. Et sanè gaudeo eum potissimum ad vos ire, cui & nostri Gymnasii, & Leidensis Lycei status est cognitissimus. Est enim mihi longe est jucundissimum, per literas colloqui tecum; tamen vel inertia quadam, vel ob assiduas occupationes, quodammodo, lætor, si in scribendo liceat esse breviori. Salutabis plurimum Clariss. D. Wittium, quem amo, & æstimo, nec ejus memoriam deponam. Deum rogo, ut utrumque Vestri, diutissimè conservet, cum familiæ, tum imprimis Ecclesiæ bono.

Amstelodami,  
clō Idc xlvī.  
Prid. Id. Jun.

Nominis tui cultor,

G. J. Vossius.

#### DXXIX.

Antonio Matthæo, J. C. Gerardus  
Vossius, S. P.

**S**Æpè mihi, summe vir, jucunda obversatur memoria ejus temporis, quo clarissimus socer tuus, atque ego, morum similitudine conjunctissimi, amicitiam colebamus, usque ad ejus extremum vitæ diem. Nec illius me temporis oblivio cepit, quo & tu atque ego, alter alterum coram amplexi sumus: cujus ego, tum doctrinam ac virtutes, amare & æstimare didici. Nec scio utrum magis, talem tibi socerum, an illi talem generum gratularer. Eo impensius gaudeo, tam bellam mihi oblatam esse occasionem, testandi affectum hunc, ab tot annis minime esse imminutum. Et qui possit? Cùm tua & eruditio insignis, & virtus eximia, quæ sola mihi amorem mereri, in nostri ordinis hominibus semper visa sunt, quantum dies accrevit, tantum doctorum judicio, testatiora sunt cunctis. Quocirca cum unico uxoris mee fratris filio, optime consultum vellem, non aliud potui in animum inducere, quam ut eum tibi de meliore nota commendarem. Quem eo gratiorem fore confido, quod & bonarum sit literarum amantissimus, & probitate ac modestia egregius, & juris studio biennio jam in Academia vacavit, quæ quondam tantopere, magno Parente tuo poterat gloriari. Sed exultavi, quod non possit Parens, & magister,

id posse apud Ultrajectinos tanto Patre natum, non minorem filium. Quocirca author, nec solus tamen fui, ut ad vos potissimum se conferret, & quæ juris studio hætenus deessent, ea suppleret de pectore tuo Papinianeo. Nec dubito, quin longe sit futurus gratissimus, non solum, quia sic erecta ejus indoles mereatur, sed quia natus sit magno sanè viro, & præclare de Ecclesiis nostris merito. Est enim Francisci Junii, nobilis viri, sed nobilioris Theologi, ex filio natu maximo Nepos; quem nunquam familiæ indecorem fore confidimus. Solum rogo, idemque facit mecum Conjux, facit Juniana omnis familia, sic illum complectaris, ut studia ejus quamplurimum tibi debeant. Vale, vir maxime, & qui amor inter socerum, & me fuit; is deinceps esto inter te, meque, atque etiam duret inter liberos nostros. Quid enim pulchrius? quàm, ut junior ille Isocrates olim ad Demonicum scribebat, *δοσπρε τ' ἰσίας, ἔτω δ' ἡ φίλια τ' πατρωνῆς κληρονομίαν.*

Amstelodami,  
clō Idc xlvī.  
Prid. Non. Jul.

Tuus æternum omni officio,

G. J. Vossius.

#### DXXX.

V. Cl. Guinando Rutgerfio, Ger. Jo.  
Vossius S. P. D.

**Q**Uod tu, uxor, generque, cum filia benè valetis, equidem gaudeo; ego mediocriter valeo, quod de uxore non possum dicere; atque ad ejus adversam valetudinem accedunt, quæ non muliebrem modò, sed & virilem constantiam possent expugnare; imprimis mortes duorum filiorum, qui ætate exsuperabant cæteros: li sunt Franciscus Jurisconsultus, & Matthæus, Ordinum Historiographus, quorum uterque intra semestrem proximum excessit. Cùm octonis liberis Amstelodamum veneram, unica nunc proles superest: utrum vero hanc etiam terræ sim daturus, an potius velit Deus, ut unus filiorum superstit, qui ubi fatalis illa hora adveniret, oculos mihi claudat, id cum Horatio dixerim, *scire nefas*: quandoquidem, ut ait idem: *Prudens futuri temporis exitum caliginosa nocte premit Deus.* Noli autem propter tot adversa putare, sic me iis premi, ut officio desim. Propè enim nihil remitto à veteri labore, licet septuagenarius: Quia tantò sum temporis avidior, quanto citius mihi ejus rationem reddendam video. Sed mihi multas bonas horas auferunt tum amici, tum qui vicinis, vel remotis

motis etiam è terris salutatum veniunt. Si tam stultè saperem, quam Plautinus ille miles, nec meo me pede metiri didicissem, poteram fortasse suaviludiis quibusdam fidem habere, qui mihi similia his conquerenti, ridiculè respondebant, Nimia est miseria, Doctum esse hominem nimis. Sed mittamus affanias. Ego propter crebros adeo visitantium accessus, non possum sic limare mea, ut eruditæ caveæ usquequaque satisfaciam. Ac propterea, sæpè recessum aliquem opto, qualis ille in quo nunc degis; absque eo esset, quod Miles sæpè incommodat: ut mihi narrat, qui tuas mihi literas reddiderunt. Mitto nunc ad te iv. Tomos operis nostri de Theologia Gentili, & Physiologia Christiana. Quatuor supersunt, qui quando lucem sunt visuri dicere nequeo. Ita multa sunt, quæ forsitan prævertent. Miraberis fortasse, cur non miserim prius, sed cum Cle- ro dicassim Anglicano, tam multa eò exemplaria mittere necesse fuit, ut non potuerim amicorum multis donare, quibus antehac soleo. Quid Amicos dico? Negavi etiam Liberis, quia nullum superesset, præter unicum, in quo novas curas annotarem. Sed postquam intellexi, tanti tibi esse nostra, ut pretio tuo emi velis, emere ipse malui, quam ut tu nummum impenderes. Præsertim cum non indignum sit homine Theologo & Philosopho argumentum, ut planè confidam, non displiciturum. Sanè à summis viris ac studiorum principibus benigna satis iudicia accepi. Operis nostri de Natura, & Nexu disciplinarum, vix octo, ut vocant quaterniones sunt excusi. Jam menses sunt aliquot quod operæ cessant: non culpâ nostrâ, sed quia scripturienti hoc sæculo variis adeo præla distineantur bonis malis. Leloyherium de Spectris non vidi; ac metuo ne idem sit ac Lu. Lavaterus, de Spectris; qui Genevæ excusus, an. clō 18xxx. apud Eustathium Vignon. Foran incideris in alicujus Jesuitæ, vel similis farinæ librum. Mos enim illis corrumpere nomina eorum, qui inter hæreticos, quodammodo familiam ducunt. In his autem Lavaterus illè, Theologus Tigrinus, Henrici Bullingeri gener; cujus scio varia videris monumenta: Et fortasse illud de Spectris. Sed hunc ab illo Leloyherio diversum putaris. Dixi, quid mihi videatur. In quo si fallor, tam pereat suspicio nostra, quam extrema faba, ut in proverbio est. Non ignoras, ut Amplissimorum Academiæ Leydenis curâ atque operâ, aliqua sit facta medicina inimicitii inter summos viros Salmasium & Heinsium. Saltem hætenus, ut ne alter in alterum posthac calarnum stringeret. Sed non multo post Gœssii Senatoris

Leidenfis (is affinis tui Heinsii gener est) liber in lucem prodit adversus Salmasium; in quo traducit magnum illud sæculi decus, ut merum Grammaticum. Cætera tacere malo. Quare metuo, ne incassum fuerit omnis Curatorum labor. Si benè Salmasium novi, non feret hoc Heinsius inultum. Sed denuò se Salmasius accinget ad impungenda, quæ is scripsit, præsertim in N. T. Osi tandem homines, in studiis excellentes, condonare multa publico possent, nec mutuo, sic dente genuino se roderent. Non modò de Rep. Literaria, sed etiam de seipsis mererentur longè melius. Nunc quid faciunt, nisi quod apud imperitos fordeant, & unâ ferè cum illis studia universa? Pluribus non detinebo, partim quia jam adsunt, qui has ad te literas deferent; partim quod nolim longus videri: præsertim postquam ipse adeo in scribendo brevis esse soles. Uxori, filio, genero, plurimam salutem dicito; imo & vos omnes salutant Conjux, & filius Isaacus; qui annum & amplius redux ex peregrinatione, Britannica, Gallica, Italica; quibus penè quadriennium infumfit, non sine studiorum incremento. Quod facilius perspicies, si aliquando excurreris. Hoc fore adulto vere proximo, spem fecere illi, qui literas has tradent. Nomina adderem, si inquisissem. Sed leve peccatum, cum liceat mihi sic eos apud te *menegelen*.

*Amstelodami*, vi. Id. Septembris.  
clō 18c xlvii.

## DXXXI.

Illustrissime atque Incomparabilis Salmasi,

**A** Quo hæc literas accepis, is est Christopherus Witotichius, Pastoris Aulici in Silesia filius, juvenis integræ vitæ, & hoc nomine acceptissimus bonis omnibus qui noverunt. Ante biennium mihi per literas commendatus fuit à Cl. V. Ludovico Crocio Theologo Bremensi. Ea in urbe biennio toto studiis operam dedit, inter cætera literis Græcis & Hebræis, item sacris; ac sub præsidio Crocii, publicè etiam in Theologicis disputavit, & ut intelligo, cum laude. Exinde Groeningam abiit, ubi biennio item præfuit studiis filii Steinbergii, ea in urbe Doctoris, ac Professoris; nec operæ filio impensæ Steinbergium pœnitet. Felicem autem se juvenis hic putaret, si etiam apud Leidenfes, similis ei posset conditio obvenire. Videtur pater in re honesta, sed plures in studiis filios educat: & in adflicto hoc Germaniæ statu,



statu, non idem potest quod olim. Optaret igitur ut filius suus succo suo in externis Academiis possit aliquantisper vivere. Equidem vix video, quomodo magnopere, non dico consilio, sed auxilio ei hac in re esse possis; sed obnixè à me petit, ut se tibi commendare vellem: & idem fecit natus ex conjugis fratre Franciscus Junius Franc. Nep. qui cum Groeninga novit familiariter, eo quod noster hic sub Steinbergio juri operam daret, & Wittichius iis adibus degeret. Hæc pluribus exposui, ne ingratum foret, si quem commendarem in negotio, ubi parum fortasse operæ tuâ possis, vel saltem non sine damno studiorum, quibus ob commodum publicum imprimis consultum volo.

cl. l. c. xlv.  
vi. Id. Septemb.

*Tuus ut sumus,*  
G. J. Vossius.

## DXXXII.

V. Cl. Justo Lyræo, Ger. Jo. Vossius.  
S. P. D.

**N**ON est nobis, V. Cl. nuper notitia, ut suam cum Menedemo nuncupat Terentianus Chremes: sed verus adeo, ut penè annos expleat Jubilei; quem Israelitis suis constitisse septies septenis annis. Quæque in adolescentia vix aliud, quam Notitia dici meruit, ea firmatori ætate, Amicitia sibi nomen vindicat; præsertim postquam amorem uterque nostrum hospitali etiam tessera ob-signavimus. Eo fidentius hoc literarum ad te exaravi, quo commendarem nobilem adolescentem Franciscum Junium, ex uxoris meæ fratrem natum. Et quomodo non grata esse ejus commendatio possit, cum tanto apud te in pretio fuerit semper magnus Avus, communis præceptor? Quod non existimo tecum dicere posse quemquam Collegarum. Quantum enim ex ætate eorum colligo, extincto demum Junio, in Leidensæ Lyceum advenerunt. Arbitror etiam aliquid tibi notitiæ intercessisse cum adolescentis parente, Joanne Casimiro Junio, viro & optimo, & doctissimo; jam ante annos LV. Condiscipulo meo, ac quinquennio post, ut arbitror, etiam tuo. Hæc vel sola poterant amorem nostri Junii conciliare apud te, sed magis illud, quod ingenio, doctrinæque valet; ac modestia est singulari; quæ ubi abest, non genus, aut proavos multum moror, ne doctrinam quidem. Hæc sæpe illi instillare soleo: sæpius etiam facturus,

nisi sic natus, sic educatus, sponte virtutis viam calcaret. Quamobrem sic planè persuasum habeo, si qua in re fortè egeat consilio, aut auxilio tuo, nunquam te ei defore, vel Juniani nominis, vel nostri etiam causâ. Ego te, uxor uxorem, imo uter utrumque vestri plurimum salvere jubemus.

Amstelodami, cl. l. c. xlv.  
vi. Id. Septembris.

## DXXXIII.

Clarissimo Joanni Sadlero.

Londinum.

Vir Eximie,

**E**GI antehac gratias pro egregio erga me affectu, nec insigni minus operæ tuæ. Denuo ago, pro meritis inde consecutis, quæ fuscè mihi exposuit ornatissimus Hoofdius; nec verbis modò enarravit, sed re ipsa comprobavit. Annumeravit enim mihi per fratrem octoginta libras sterlingicas, quas difficili adeo tempore adhuc, & fortasse desiderarem æternum, absque te fuisset. Atque idem bene sperare jussit de cætero. Tantum sibi in posterum etiam promittebat, de amore tuo, atque innato illo ardore bene faciendi omnibus, præsertim quos literarum studia commendant. Atque idem Hoofdius, apud me deprædicabat affectum summi viri, Domini Oliverii Sancti-Joannis, & cum aliis dotibus magni, tum in studiis nostris nullo inferiori Joanni Seldeno. Equidem vestrorum in me meritum magnitudinem quoties cogito, tantum esse video, ut si effari coner, cogar obmutescere, neque aliud sim facturus, nisi ut Poetæ loquuntur, *Divinitus ora mihi dentur dena, ac lingue decem*. Et tamen assidue hæc animo meo obversatur cogitatio; ut aliquo monumento, qualiscumque ingenii, ac doctrinæ nostræ id ignorare non sinam. nepotes nostros, & qui ab his sequuntur. Neque id mihi operosum erit, qui totus sum in limandis veteribus laboribus; sed hætenus ineditis, numero tam multis, ut contendere possint cum iis, quæ hætenus è nostris lucem viderunt. Interea valde animo ægrè est meo, quod non desunt, qui homulum hunc, tam amantem florentissimi quondam Regni Britannici insimulant; quasi cum magno Heroe, his terris consilia capeffam de iis, quæ ad statum regni pertineant vestri: Quasi item in Remonstrantium militem castris: liceat dicere illud Lucilianum, *Pergula Piclorum, veri nihil, omnia falsa*. Assidue preces fundo, pro

pro bono Britanniae, paceque Regis & Procerum. Nec verbum ore excidit meo, unde, qui verum amet, culpae possit. Neque unquam sacra Remonstrantium accedo, vel ab annis xxv: sed sola eorum, quorum publica sonat in Templis nostris Doctrina. Quibus cum solis mensam etiam Dominicam frequento. Nec aliter his terris dicet quisquam. Arctaque mihi familiaritas, etiam literarii commercii, cum omnibus penè Theologiae Doctoribus, in Academiis, & Illustribus Gymnasiis Belgicae foederatae. Ut satis dicere non possim, unde Opiniones adversae. Equidem foci, & Praeceptoris Francisci Junii sententiae infuso, vitamque aemulor, quantum possum, & liberis ejus exemplum ob oculos ponere non desino. Plura in re fortasse supervacua non addam: ne praeter morem id faciam, qui parcus verborum esse soleam. Salutem plurimam dicerem, à Clarissimo Viro, communi amico, Joanni Pellio; sed: ut noscere te jam arbitror, is Amstelodamense Gymnasium commutavit Bredano, ubi Philosophiam ac Mathesin docebit. Mallem hic doctissimi viri amicitia frui; nec tamen consilium ejus damnare audeo. Planè enim confido, melius illi istic fore, favore Illustrissimi Arausionensium Principis, intelligentissimi, quantum Mathesis valeat in re militari.

Amstelodami, *Tuus totus,*  
cl. lxxvi. xvi.  
Kal. Octob. G. J. Vossius.

## DXXXIV.

Merico Casaubono, Isaaci Filio,  
G. J. Vossius S. P. D.

Reverende ac Clarissime Vir,

**R**edeunte ad vos Hoofdio nostro, committendum non putavi, ut sine meis ad te literis abiret, praesertim cum tam multa mihi retulerit de affectu erga me tuo. Equidem semper de eo fui persuasissimus; sed tamen juvat hoc ex illo etiam cognoscere. De rebus meis quid scribam, aut non scribam, ipse vix video. Nam malim laetissima quaeque referre, ut communia gaudia gaudeamus. Nunc pleraque omnia tristitia. Ut de valetudine uxoris perpetuo adversa: deque mortibus duorum filiorum, unius Francisci, Jurisconsulti, alterius Mathaei illustrium Hollandiae ac Zelandiae Ordinum Historiographi, ac Praefecti Bibliothecae Amstelodamensi. Prior unicam, alter geminam prolem reliquit. Atque hujus tomus quartus jam excuditur,

quo persequitur res Comitis Jacobae Bavaræ: in qua Bavari praesse Hollandiae desierunt. Exinde etenim translatus imperium ad Burgundos, uti inde ad Austriacos. Cum autem volumen hoc constet libris quinque, solum quatuor absolvit Matthæus, quintus addetur ab unica nunc prole Isaaco J. C. quem fortasse ante quinquennium videris in Anglia. Exinde Gallias, & Italiam triennio lustravit, magno cum studiorum fructu. Vix dicere possim, quam multa optimæ notæ, hætenus *avulsa* attulerit. Quorum alia post alia lucem videbunt. Prævertet tamen Geographia Ptolomæi, quam cum variis MSS. contulit, & innumeris pene locis castigavit. Fortasse de his antehac quædam scripsi. Demum rogo, ut propediem ex te laetissima intelligam de rebus Britanniae compositis. Vale, vir eximie, & cum lectissima conjuge, plurimum à me, uxore, ac filio salve.

Amstelodami, cl. lxxvi.  
xvi. Kal. Octobris.

## DXXXV.

Cl. Viro D. Marefio. Groningam.

Reverende & Clarissime vir,

**V**aldè capior Theologia tua *ελεγκτική*, opere docto & laborioso: ut de Nepotis Chronicis judicabat Catullus, videlicet (lubet alterius vatis vericulos *παρωδῆσαι*)

Gallis ingenium, Gallis dedit ore disertum  
Sacra Thalia loqui.

Itaque quantum spissæ occupationes sinunt, valde eo me oblecto: multumque eo nomine debere me tibi fateor, quod muneris miseris, offerendum manu amicæ Hottoni, optimi virorum: spero me propediem posse *ἀντιδοῦναι* mittere: sed argumento dispar. O utinam non sic distringerer, ut sacris etiam possem manum addere extremam: quorum notitiâ ut longe vincar, haut minus tamen capior fortasse, quam præclari ordinis vestri quisquam. Crede enim mihi, eximie Marefi, vita mihi eo in jucundior, quod sic à melioribus avocer, & valetudine uxoris, & adversis multis, & assiduis undique interpellationibus. Et facile me id puto posse persuadere, qui sine dubio doles, ereptas tibi ab aliis bonas horas, quas adversus communem hostem maluisses impendere. Interea multum gaudeo, non tantum in animo tuo quicquam valuisse molestiarum, ut propterea careremus Elenctica tua Theologia, quæ incanis lege-



tur sæculis. Affinis mea Junia nunquam desinit mihi prædicare summam tuæ domus humanitatem erga se, & suos. Quo nomine gratias ego, & uxor, habemus quantas possumus. Rogo ut hunc adfectum conserves, præsertim si quid valeas, pro nobis, & optime adolescente Francisco Junio: quem ego penè parentis instar amo: non modo propter magnum avum, socerum, & præceptorem in Hebræis, ac Sacris meum; sed etiam, quia virtutis via strenue grassatur ad honorem. Plurimam salutem Conjux uxori tuæ adscribi petiit. Meo etiam nomine, si grave non erit, salutem dicito duobus Clarissimis Collegis tuis, D. Withmaro, & D. Pasori, quem gaudeo nunc etiam sacrum in ordinem adscriptum.

*Amstelodami,*  
c. 10. Id. Julii.  
viii. Kal. Febr.

*Virtutum tuarum*  
cultor,

G. J. Vossius.

#### DXXXVI.

*Viro Cl. Antonio Vander Linden,*  
G. J. Vossius.

**H**esterno die convenere me Rabbi Manasses Ben-Israel, & Isaacus Rocamora, natione Lusitanus, religione Judæus. Eorum hic biennio operam medicinæ dedit, illosque in arte vestra progressus fecit, ut confidat se non indignum suprema in hac laurea. In re tenui constitutus, putabat, ex inclytis Lyceis, illud sibi diligendum, ubi minus avare nobilissimæ artis honori pretium statueretur. Impense mihi hunc Rocamoranum commendabat Manasses, vir tui amantissimus & in quo, si unam excipias Religionem, nihil requiras. Equidem (quod de paucis, non ejus modo sectæ, sed cæteris etiam hominibus dixerò) dignum existimo, quicum vel in tenebris mices. Poscebat ille, ut literularum aliquid ad te exararem, quibus voti sui te facerem certiorum. Nihil Religionem obstare posse arbitror, quandoquidem quo tempore in urbe patria agebas Haroni Amstelodamensi, itidem Judæo, is honos à Leidensibus fuit collatus. Ac memini me ex veteri Collega *no junioris* Vossio, audire, plane in hoc negotio, haud in considerationem venire, quæ fidei sunt, sed quæ Medicæ artis; præsertim cum his, terris, Judæis etiam concedatur artem eam exercere. Valde desidero nosse, utrum animus tibi persistet, de nova editione elegantissimi scriptoris Comelii

Celsi. Equidem nullus dubito, quin tuo beneficio, meliori toga prodire, celsiori etiam in loco Celsus licet possit collocari. De Hesychio, quæso aurem velle eximio Schotano. Sæpe me ejus commonuit filius; liquidem periculum videtur, ne tam longo tempore, non redeundo unde abierat, inter aves feras incipiat numerari. Id fieri nolim, neque te sponsore tam integro, & viro, & amico, fieri æquum puto. Salutabis eum meo nomine plurimum. Ut & duo apud vos S. Theologiæ columina.

*Amstelodami,* iv. Kal. April.  
c. 10. Id. Julii.

#### DXXXVII.

*Eximio & summo Viro, Georgio Calixto,* G. J. Vossius S. P. D.

**R**edit ad vos ornatissimus Davius; per quem ante biennium accepi tum gratissimas literas tuas, tum doctissimum responsum adversus Moguntinos. Utrum gratias egerim, non possum certo dicere; factum puto. Fortasse tamen distulerim, ubi cognovi te ad Torunienſe Colloquium profectum; sed si id minus à me factum, nunc ago; eò justius, quia tua omnia, ut debeo, amo, & æstimò. Nec sanè ex Germania quidquam huc locorum defertur, quo æque capiantur meliores animæ, ac illis ex Academia Julia. Valdè multis dolet, non plus effectum esse, Torunienſi Colloquio; cujus licet culpa imprimis sit penes adversarios, plus tamen sperare liquisset; si ex nostris etiam cæteri cum animi moderationem attulissent, quam tu cum Clarissimo Bergio; sed ferè ita sit, ut quod quisque didicit retineat, sicut claudus pilam. Pauci etiam, quid Ecclesia Catholica sit, sciunt, vel cogitant. Nec facile dixerò, quantum mali det Ecclesiæ antiquitatis contemptus. Utinam vero, Sereniss. Poloniæ Regis auspiciis instaurari simile colloquium, sed eventu dissimili possit. Sæpius ejus rei spem mihi fecit Nobilis Italus; sed Poloniæ Regi per familiaris. A Britannia, ut nunc se res habet, nihil ad hoc negotium auxilii exspecto. Vellem hoc tempore, pro munere non uno, *avide* mittere potuissem; sed ut spero fiet hoc propediem. Variis enim prælūm fervet, partim in humanis, partim etiam divinis. Quando enim ætatem cogito (jam septuagesimum excessi) festinandum mihi video; si quid me vivo cupiam videre lucem. Deum Opt. Max. rogo, ut longam

longam ætatem, ad bene de Ecclesia merendum, largiatur tibi; sed & Clarissimo Horneio, & doctissimo Conringio, quibus si meo nomine salutem impertias plurimam, rem facies gratissimam.

Amstelodami, cl<sup>o</sup> 1<sup>o</sup> xlvii.  
iii. Kal. Maias Styl. Greg.

## DXXXVIII.

Cl. V. Jac. Gothofredo.

Amplissime ac summe Vir,

JAM toti sunt anni, ex quo me donasti gratissimo munere, Philoxorgium dico; qui me valde delectavit, partim quia magnam adfert lucem historię suorum temporum; partim ob ei impensos doctissimos labores tuos. Non parum itaque tibi studia mea debent, nec mea modò, sed aliorum quoque antiquitatis amantium. Hactenus pro opera, ac dono, gratias egi nullas. Præter tot adversa, adferre multa poteram, quæ me fecerint negligentiores; sed malo culpam agnoscere, & tardè officium facere, quam nunquam. Nunc verò differre ultra si velim, nullum delicto reperire mantelum possum. Bella adeo se offert scribendi occasio; eunte ad vos, inque Galliam reliquam, soceri mei, magni viri Francisci Junii, ex maximo natu filio, Nepotè optimo, & doctissimo. Rogo etiam ut ne grave ducas, de manu ejus accipere minutum *Epistolog.* Videlicet quæ de Arte Poetica, proximè in lucem dedi. Excuduntur præterea, quæ de Baptismo scripsi. Item de universis veterum studiis libri plussculi, & quædam alia quæ non ingrata fore spero. Mirari vero noli, si eodem tempore, plura distineam præla. Malo cum Aristide esse, *in illi dixeruntur*, quam *in illi scribuntur* sed ista quæ dixi, aliaque multa, multos ante annos ad umbilicum perduxì, solum superest ut edantur. Nec animus est diu ulterius differre. Convalare enim ætas jubet, cum septuagesimum excefferim. Veniam interim postulo, si non omnia faciunt ad palatum tui similia, quales sanè perpauci. Eò impensus opto, ut me porro ames, & aliquo habeas loco labores nostros. Vale, vir eximie, & maximos viros, Deodatum, & Tronchinum, quos in Batavia ante annos xxvi. cum voluptate vidi plurimum meo nomine saluta.

Amstelod. anno  
cl<sup>o</sup> 1<sup>o</sup> xlvii.  
iv. Id. Sept.

Tuus eternum,

G. J. Vossius.

## DXXXIX.

*Illustrissimo Celsissimoq;* Ludovico Duci  
Gelrix, Comiti Egmondæ & Zutphanix.

Princeps Celsissime,

SI prius fuerim obstrictus Celsitudini vestræ, quod ea dignum me censuerit, cui aliquid imperaret; certe nunc quam obstrictissimus sum, postquam video prolixam meam voluntatem, atque hanc usque adeo imbecilem; tanta excipi benevolentia, à Celsitudine vestra, non aliter, quam si quod volo, possem, & quod possem jam egissem. Utinam vero sic foret! nec incomparabilis illa humanitas Vestræ Celsitudinis, non ex benignitate tantum, sed etiam merito ex meo provenisset. Quam homulus ego mihi gratularer! Verum cum vires meæ non sustineant hoc oneris, ut exsolvere valeam, quantum vellem, & deberem: gaudeo saltem, quod vir nobilis, Mortimerus, pro solita sua humanitate indicarit Celsitudini Vestræ, utcumque mihi delit facultas, non deesse tamen desiderium, & voluntatem inserviendi Celsitudini Vestræ. Quod vero stemma attinet Celsitudinis Vestræ, summa enitar opè, ut si quis fortasse mortalium Ducale illud genus ignorat, deinceps videat, nulli illud cedere Principum in Orbe Christiano. Quo sine Comitum Egmondanorum seriem ab annis plus millenis, in Originibus suis Batavis, referet filius meus Isaacus. Hoc opus lucem conspicerè posse confido, non multo postquam ad nos reversus erit Mortimerus. Id spero brevi futurum. Puto opè ille, & consilio, non mediocriter nos juvabit. Deus Opt. Max. Celsitudini Vestræ foelicia omnia, & prospera largiatur.

Amstelod. anno  
cl<sup>o</sup> 1<sup>o</sup> xlvii. prid.  
Kal. Octob.

Celsitudini vestræ  
devotissimus,

G. J. Vossius.

DXL.



## DXL

*Celſiſſ. Principi Ludovico Duci Geldriae  
ac Juliae, Comiti Egmundae & Zut-  
phaniae.*

Celſiſſime Princeps,

**S**piſſius video procedere ſpem, quam de  
reditu paulo celeriori, feciſſe mihi viſus  
nobilis vir Dom. de Mari mortuo. Nec am-  
bigō quin ſic tulerint res Celſitudinis Veſtræ,  
ut ne reverti celerius poſſet. Dum verò is  
abest, cælator ſublimis generis veſtri, priſ-  
corumque inſignium, eò rem perduxit, ut  
nihil, quantum ſciam, ultra requiratur, quam  
præſentia ejus viri uſque adeò ſeduli, in Cel-  
ſitudinis Veſtræ negotiis, quorum non alter,  
his terris, ut opinor, intelligentior. Ego  
verò abſente eo meticuloſe rem gero. Opti-  
mè noſti, Egregie Princeps (quem non ego  
magis, ob ſublime genus veneror, quam  
propriam dotes, in his, doctrinam raram ex-  
celliſſimam comitem) quod olim dicebat  
Poeta Hiſpanus, non hujus temporis, quo tot  
annos cum gente ea bellum gerimus; ſed  
ille priſci ævi Bilbilicus vates:

*Peccant  
Secura nimum, ſollicitæque manus.*

Itaque opere illa, juxta mecum, impenſa  
illius operam deſiderant. Nec minus ille vel  
illis, vel mihi utilis fuerit aliis in negotiis ſic  
nati Principis. Quod non ſemel perſpexi,  
vel paucas ante hebdomadas, cum Hagam-  
Comitis excurrifſem, atque ocaſio foret, de  
Celſitudine Veſtra colloquendi cum aliquot  
viris in dignitate non exigua conſtitutis.  
Ages quod pro eximia prudentia expedire ju-  
dicabis. Equidem ut Illuſtriſſimum Ducem  
horum facerem certior, mei eſſe officii  
exiſtimavi: qui æternum ero

*Amſtedami,  
clō. Id. xlvii.  
 prid Non. No-  
vembriſ.*

*Celſitudinis veſtræ cultor  
devotiſſimus,*

G. J. Voſſius.

## DXLI.

*Cornelio Tollio ſuo, G. J. Voſſius  
S. P. D.*

**D**E laudibus Alexandri Mori multa à va-  
rijs intellexi, ut de eruditione ejus du-  
bitare nequeam. Ulterum vero venturus ſit,

in has oras, ſi ad profeſſionem ſacram à Pro-  
ceribus veſtris ſollicitetur, nondum dicere  
poſſum, ſed paucis diebus, vel ego, vel filius,  
ſuper eo reſcribet. De Plutarchi mente in  
Sympoſiæcon, primò gaudeo te laborare.  
Nempe nondum ſcis mores amantium, nec  
hac ætate multum noviffe attinet. Diſpar mei  
ratio, qui bis amavi. Non ſoleo ego mea  
profundere; ſed quo tempore amatoribus  
accingebar, cogebar, ne tenacior audirem,  
nunc erga famulos, nunc alios etiam libera-  
lior eſſe, quam conſueveram. Marſupium  
mihi vel apertum ſemper, ad dandum  
aliquid; vel ſaltem non aliter conſtrictum,  
quam nodo folii Porracei, ſcis iſtiusmodi fo-  
lium, quam tenue ac fragile ſit: ut nihil  
referat ſitne crumena aperta, an folio ejus-  
modi nodata; ſic proverbiale illud dictum  
etiam cepit Coelius Rodiginus lib. XXIX.  
Antiqu. Lect. cap. XVI. Nec ſanè aliter Plutar-  
chus capi poteſt. Hoc abundè diſces, ubi tam  
ſerio rem ages inter Virgines Belgicas, quam  
hactenus feciſti inter Virgines Muſas. Nob.  
& Ampliſſ. Wiinbergio, uti & Clariſſ. Doct.  
Valkenirio, plurimam à me ſalutem dicitō.

*Amſted. clō Id. xlvii.*

Non. Novembriſ.

## DXLII.

*Summo Viro Joanni Seldeno.*

*Londinum.*

Summe Vir, & cui in ipſo literarum initio  
ſic animo dictante proſiteri cogar, pluri-  
mum me debere.

**Q**UI hæc tradet, eſt is ampliſſimus Pe-  
trus Grotius, filius Illuſtriſſimi, Regi-  
næ, regnique Sueciæ ad Chriſtianiſſimum  
Regem Legati, dum viveret, Hugonis Gro-  
tius, mihi à pueritia ejus, ob præclaras animi  
dotes, longè chariſſimus, nunc Sereniſſimo  
Principi Bohemico Philippo à Conſiliis. Ac  
ſcio, hoc lubentius conſpicias, quod unde-  
cumque maximus parens, te, tuaque omnia,  
cujus ego auritus teſtis eſſe poſſim, ſemper  
fecerit maximi; etiam poſtquam avidè hau-  
ſiſſet, quæ eruditè adeo de Mari clauſo repo-  
ſueras. Nimirum ſic animi ſunt illorum,  
quod de meliore luto formatos aiunt; ut  
diſſentire inter ſe poſſint, ſalvâ amicitia:  
præſertim ubi utrinque ſtimulantur, patriæ  
commodis. Hoc igitur in Britanniam ten-  
dente, fortasſe ob Principis ſui negotia; com-  
mittere non potui, quin nuperum animi mei  
ſcētum, Commentarium videlicet de re Poe-  
tica,

tica, ad te, ut oportuit, transmitterem: Non quasi putarem, tantum tibi ab rebus tuis privatis, longèque minus à maximis Regni negotiis, otii esse, in hoc tempore, ut talibus legendis vacare ullo modo posses; sed quia tam commoda occasione, deesse non deberem officio meo erga illum, cujus erga me beneficia nossem; quæ modo Deus vitam diuturniorem concesserit, ne ingratus unquam posteris videar, publice studebo propter. Quomodo animatus porro etiam me, meaque tuæ benevolentiae commendo: ac pariter tam benignè erga me affecto, præstantissimo, & adeò benè apud omnes bonos audienti S. Joannio. Atque ad eum quoque literas exarare erat animus; cum ecce magnopere avocatur tristis nuntius, de subito excessu Clariss. Collegæ mei Gasparis Barlæi, contiguus ædibus habitantis: cujus numerosæ familiæ solandæ vix sufficio; sed faciam tamen quod possum.

Scribebam Amstelodami, post. Kal. Jan. anni hujus cto lxxviii. quem tibi, regnoque universo, foelicem exopto, uti etiam assidue Dominum Deum precor.

*Maximarum virtutum tuarum admirator, ac cultor obstrictissimus,*

G. J. Vossius.

### DXLIII

*Viro Clarissimo Frederico Spanhemio,*  
G. J. Vossius S. P. D.

D. Rector magnifice,

Quid de aliis fieri cogitem, si mihi ipsi permolestum sit, quod sæpè vel nihil, vel tardè adeo respondeam summis viris? Nec tamen mirabitur quisquam, qui sciat, quantopere, dico singulis prope horis, sed momentis penè singulis interpellor, partim ab indigenis, partim à peregrinis. Accessit nunc invaletudo aliqua; nec dolor exiguus ex obitu Clarissimi Collegæ Barlæi, quæ duo & ipsa hocce quatrinduo fecere, ut negligentior viderer. Noli tamen putare, quidquam mihi esse gratius literis tuis. Scio quippe quanto in loco Deus te constituerit; non modo si Batavam Academiam adtendam; sed imprimis si Ecclesiam universam. Atque utinam nec te diutius funebria, nec Salmasium fœnebria, vel hisce similia distineant. Hic quoque præclare, uterque de

temporibus nostris meremini; sed satis datum argumento istiusmodi. Magis profutura posteris scio, quæ similia sint à te scriptis dubiis Evangelicis. Quo labore non capior modò; sed satiare me vix possum. Hæc non scriberem, nisi accepissem, quia sic erudita tua facundia in Orando placuit, etiam alia à te exposci non valdè dissimilis argumenti. Et sanè sapiunt quos hoc argumentum tangit. Nec enim sciunt, qui tractare illud melius possint; sed enim existimo, alia aliorum vota esse, qui cogitant, sic annos ire hominis occupatissimi, æquiusque esse, ut ne pereant tot præclare in sacris observata, sed ad posteros propagentur. Verùm sermonem hunc abruptam, ne cogar audire illud, quod ipse multis occuper, longè inferioris argumenti, uti de Vitiis sermonis, de re Poetica, & similibus vix cuiquam alteri, quam adolescentiæ profuturis. Fateor, & suram præbeo, nec verbum addo. Venio potius ad Epistolam tuam, quæ de Moro fuit. Equidem putabam de eo non amplius cogitari; sic videbar mihi, non male colligere ex verbis Cl. Gronovii, qui paucis diebus nobiscum fuit. Ut cumque est, nihil hæcenus à me pro eo, vel adversus eum dictum, factumve. Senectus facit, ut quietis sim amantior, quàm ut me implicem negotio, ubi illos video dissentire, quos hæcenus non solum amo; sed etiam suspicio. Adfuit aliquot ante dies mihi filius Geberhardi Elmenhorstii, Patricii Hamburgensis, viri benè de studiis meriti. Absque dubio videris ejus Apuleium, Gennadium, Arnobium, aliaque. Coluit amicitiam mecum, & quod majoris longè faciendum, cum Josepho Scaligero, Andrea Schotto, Daniele Heimio, Jano Rutgerio, & quo non? Hujus igitur filius Bibliothecam paternam velit divendere: idque potissimum Lugduni, quia nusquam major numerus vacantium Theologiae, & Philologiae studiis. Negant id fieri sine Urbicorum Procerum consensu. Interim plurimum in eo posse, qui Inclutæ sit Academiae Rector magnificus. Poposcit igitur filius, & hæres unicus Bibliothecæ, ut vellem tribus de eo verbis ad te scribere; sperat non hoc negatum sibi iri, quandoquidem tanta patri amicitia fuisset cum summis Academiae Leidensis viris. De hoc dicere poterit Cl. Heirsius; cum cujus genero, Ego & Ille, de hac ipsa re, paucillos ante dies sumus collocti. Si quid Heimii operam in isto posse existimetur, dixit Gener se ei scripturum; sed judicabat nihil ultra adfensum tuum requiri, vel præterquam ut tribus verbis significetur, æquum tibi videri, ut hoc permittatur, ob præclara merita Elmenhorstii, præsertim cum futurum sit, bono studiose juventutis. Continet



tinet enim Bibliotheca illa multos Scriptores præclaros; ut videte est ex Catalogo, quem habet Typographus La Mair. Vale diutissime, atque salve ab eo, qui æternum colet te, ob rarissimam eruditionem, & cæteras virtutes.

*Amstelodami, cIo Ioc xlviii.*

xv. Kal. Februarias.

DXLIV.

*Clarissimo Viro, Isaaco Grutero  
S. P. D.*

**A**Ccepi unas, alterasque à te literas; quibus & tertiæ ejusdem ex parte argumenti à Colvio nostro accesserunt. Rescribo tandem, non tam quia sit quod scribam, (soleo autem, quoties nihil certi habeo, quod respondeam, scribendi officium differre) quam ne te ulterius fatigem, exarandis novis. Miraris fortasse quod dicam, non satis me scire, quid sim scripturus. At qui ita est, causas accipe. Necdum à Proceribus nostris consultatur de alio, in locum defuncti Collegæ Barlæi sufficiendo. Interea non exiguus est eorum numerus, qui id munus depolcant. Et sunt in his, qui jam publicè Philosophiam sint professi, partim in Batavia, partim extra eam. Urbs hæc tres è civibus suis habet Artium ac Philosophiæ Magistros. Nec solet, si domi parem muneri habeat, querere alium foris, nisi forte, is albis, quod dicitur, equis prævertat. Vellem constaret Proceribus, quantum in Philosophia etiam operæ ac temporis collocaris. Nunc à prosa, versaque facundia iis notus es; sed filius meus retulit mihi, quantum etiam laudis promereris, sapientiæ, & prudentiæ studiis. Noli dubitare, quin bona id fide, significaturus sim Consulibus ac Curatoribus. Et tamen in tanto tam multorum ambitu, difficile sit videre, quò maxime sint inclinaturi. Si certiora cognoro, curabo, ut quamprimum de omnibus, ex meis, vel filii literis, ea intelligas. Utinam prodesse tibi in hoc negotio possim; quod non tui modò causâ velim; sed etiam optimi, & cordatissimi Ant. Vivieni, cuius te domesticum esse scribis. Amo eum, & ælimo non tam, quia artificissima inter ejus uxorem, & meam; sed quia non alterum novi, qui cum potius in tenebris micem: ut jam mittam magnam doctrinam, majoremque ejus amorem; qualis in paucos cadit. Salutabis illum, & uxorem lectissimam. Nec diffugies salutem impertiri

raræ eruditionis virum, Colvium nostrum, cui nunc solum isthoc dicitur; de Barlæi & vita, & obitu, propediem visurum Orationem Corvini J. C. Is enim me ob invaletudinem, ac pariter Collegâ Rusio impedito, in magna auditorum corona parentavit. Vale, Mi Grutere.

*Amstelodami,*

*cIo Ioc xlviii.*

Kal. Febr.

*Tuus,*

G. J. Vossius.

DXLV.

*Clarissimo Viro Ludovico Crocio.*

Clarissime & summe Vir,

**D**IU est quod nihil ad te literarum dedi. Nimirum ingravescit ætas, nec imminuuntur labores, vel privati, vel publici. Præterea invaletudo uxoris, tardior in scribendo facit, & saluatorum nimium quantum; foeliciter aliquanto vetus Collega Heinsius, cui hoc anno, licet quadriennio me natu minori, abstinere à publicis auditionibus. Mihi non licet esse tam beato: sed neque postulavi unquam, quia censo stantem Imperatorem mori oportere. Quare nec sino claudicare munus publicum, nec quæ posteris cudo: In quibus à nobis subsidium peto. Proximè juris publici feci nonnulla de re Poetica, ex quibus libellum de natura, ac constitutione ejus artis nunc mitto, unâ cum opusculo de imitatione, & recitationibus Veterum. De artis præceptis, ad manum minimè erant. Libri de Poetis Græcis ac Latinis, propediem prælo parati erunt. Recusæ etiam viginti disputationes de Baptismo; quas dubitavi, an mitterem; quia pleræque omnes habentur in disputationibus Leidæ susceptis, ac Oxoni uno volumine recusæ. Mihi nihilominus, quia in his luculentam accessionem videbis. Et si prioribus malis esse contentus, facile reperies, qui non gravetur loci aliquid in libris suis impertire. De D. Amyraldi cum Clariss. Spanhemio contentione scire te arbitror; uti & illa Mori Genevensis Theologi, cum eodem Spanhemio. Credo jam videris Genevensis Reip. Ecclesiæ; Scholæque testimonia. Moro data adversus Spanhemium: sunt enim in urbe hac excusa. Quæ Amyraldus reposuit Spanhemio, vidi quidem apud amicum; sed in foederata hac Belgica, unicum tantum exemplar exstat, ab authore ipso transmissum. Miraberis postquam

quam videris. Non Spanhemium modò, sed Cl. Rivetum vehementer culpat, ob literas, quas ad amicos scripserat acerbius. Puto alteruter aliquid reponet; sic sæviunt Reformatæ Ecclesiæ Antifilites in inutua viscera. Nec tamen pari culpa, in dispari causa. Tuam, Vir Clariss. in respondendo modestiam non possum non utroque pollice comprobare. Vellem hac in re imitarentur exemplum tuum, qui similes tui Theologos tepidos appellant. Equidem & ipse multis partibus malim talibus annumerari, quàm Zelotis quibusdam, qui omnes suam in sententiam jurare volunt, nisi convitiis, & quovis calumniarum genere malint obrui; scilicet hoc est, *διολογῆναι*. Mihi persitat animus non degenerare, ab exemplo eorum, qui rectius præverunt; ante omnes foci mei viri nunquam satis laudati. Ac ne putes me solum hic esse ejus sententiæ, ingenuè dico, magis magisque & Proceres, & Theologos urbis laudari vestræ, qui *τῆς πόλεως* illa pertæsi, modestè malunt sapere: quod si esset in Britannia, non Iliada malorum, sed *ἡρώδης ἀγαστρίδας* haberemus. Intelligo in urbe Bremensi esse Cl. Goldasti Bibliothecam. Quod si est, non invitus, mei causa facies, vel amici hominis, qui hoc à me flagitavit, ut puero tradas describendum Manuscriptorum Catalogum, si consequi possis, quo deinde, hic qui sumus, fiamus participes. Plurimam salutem dicito, Clariss. & amiciss. Doctori Balthazari Willio, item optimo Hermanno Hildebrando. Vale, magne Vir, & amice.

Amstelodami,  
iv. Kal. Maias,  
clb lxxviii.

Tuus ut suus,

G. J. Vossius.

#### DXLVI.

*Illustrissimo & Generosissimo Erico Oxenstierna, Comiti in Zudermor, L. B. in Nimitho, Dom. in Fyholm, & Tideun, &c.*

Illustrissime & Generosissime Comes,

**R**Edeunte ad suos Gothardo Wolravio, Clarissimi Loecenii Privigno, officii mei putavi, excellentiam vestram facere certiore, quomodo in hac ætate senili, non malè valeamus, & porrò etiam animus sit, operam dare, ut Ecclesiæ proximis, & Reip. Literariis. Cujus rei geminos hosce libellos, quos mitto, argumentum esse volo: Unus est de Baptismo; alter autem de constitutione Poeticæ, cui adjeci opusculum, de imitatione, ac recitatione Veterum. Vides

me non cessare. Et brevi spero me posse alia mittere; quibus prælum nunc fervet. Omnino plus prope facio, quam possum, quia aliud mihi persuadere vix possum, quàm brevi me à summo Imperatore, vocatum iri in sedes meliores. Quo ut pertingam, in eo totus sum, ut facilius temporis rationem reddam, quod mihi divina bonitas concessit. Nunquam non animo meo, observantur Excellentie Vestre virtutes, quas miratus sum præsens, nec prædicare unquam desinam. Multum optassem, diutius frui licuisset; sed literæ sunt, quæ absentes faciunt præsentem. Quia igitur pedibus venire ad tam longè distitum non licet, à manibus præsidium petit, ad me quodammodo sistendum; scio qua humanitate es, in bonam partem interpretaberis, hunc adfectum meum erga Excellentiam Tuam: pro qua assidue vota facio, uti & Illustrissimo fratre, regni negotia apud Monasterienses, tanta cum laude tractante, atque imprimis, magno parente vestro; qui & inclytæ antea domui vestræ, & maxime potentissimo Regno, tantum fulgoris, prudentissimis suis consiliis attulit, ut promeritæ ejus laudes titulos omnes exsuperent.

Amstelodami,  
clb lxxviii.  
post. Id. Maias.

Vestra Excellentia, ac  
toti familia inclytæ  
Oxensterniæ, ad ser-  
vitia omnia paratiss-  
simus,

G. J. Vossius

#### DXLVIII.

G. J. Vossius, Samueli Sorberio suo, S. P. D.

**N**EC valetudo, nec occupationes, mihi Sorberi, sivere, ut celerius literis tuis responderem. Præterea sperabam, jam aliunde tibi satisfactum esse. Tu tamen urgere non desinis, ut facile intelligam, mei quoque officii esse, ut satisfaciam expectationi tuæ. Præter affectum mutuum hoc requirit amor meus erga avunculum tuum Samuelem Petitem, qui te sic diligit, & cui magnoperè sit obstrictus totus orbis literatus. De Cynemernis tamen, & Trapemernis, deque Syphograntis, & Trabimoris, nolim esse sollicitus; quia Morus ipse negat, hæc ex Latina Græcave lingua esse arcessita. Meministi verborum, Lib. 11. *Suspicio eam gentem (Utopiensium) à Græcis originem duxisse, propterea quod sermo illorum, cetera ferè Persicus, nonnulla Græci sermonis vestigia servet, in Urbium, ac Magistratum vocabulis.* Solum igitur Laborabimus de illis, quæ à Græco fonte

N n n



fonte derivantur, uno alterove excepto, cuius Origo manifestè Orienti debetur. Quale est *Mithra*: sic enim pro *Mythra* apud Morum rescribi debet. Deum hoc significari Morus ait. Nempe verò id lingua Persica, qua Sol sic signatur, Hesychio teste. Is verò Persis Deus, vel unicus, vel summus. Quae de re Lib. II. de Theologia Gentili cap. 9.

*Barzanes*, ex parte priori huc etiam pertinet, si, ut arbitror, fuerit ex *בַּר* bar, filius, & *זַוַּ*, sive *Zavus*, hoc est, Jupiter. Ac *Bar* etiam habes in *Bar-Jesus*, *Aëtorum* xiii. b. Item *Bar-Jona* & *Barthimæus*, & *Bartholomæus* sive *Bar-Ptolomæus* malis. *Zav* verò pro *Zlū*, idem ac *Zav*. Sed pro *זַוַּ* etiam dixere *זַוַּ*; unde hic Alexandrino Chronico, sive fastis Siculis, dicitur Pater Martis. Quem admodum igitur *Maowis* Phrygiis idem ac *זַוַּ*; sic Salentinis *Marzanes*, vel potius *Marzanes*, idem ac *zanes*. *Barzanes* igitur Jovis filius: quod nomen aptè impositum Syphograntorum Principi, quia Reges, Principesque, sunt Jovis progenies, si non naturalis, saltem, ut Alexander Magnus dicebat, adoptiva. Notum est illud Callimachi in hymnis, *Ἐκ δὲ Διὸς βασιλῆες* *Cynemernos* verò, & *Trapemernos*, non esse vocabula Græcis debita, indicant hæc verba Mori: *Primos quosque dies Cynemernos ipsorum lingua, postremos Trapemernos appellant.* Sic enim locus is legendus non uti reperio in Lovanii editione anni cō lō lxx. *Primos quosque dies Cynemernos, ipsorum postremo lingua Trapemernos appellant;* sequitur deinde, *quæ vocabula perinde sonant, ac si primifesti & sinifesti vocantur.* Poterat aliquis suspicari *Cynemernos* scribendum, quasi esset à *κυν* vocabulo, & *ινερνός*, ut ad caniculares dies respiciatur. Alterum item esse ab eodem *ινερνός*, & vocabulo *σπομῆς*, puta *χρυσισπομῆς* ut brumalis dies attendatur. Sed cessare hæc commenta debent, quando sic voces forent à Græcis, quod noluit Morus; qui alioqui non apposuisset interpretationem, *primifesti, & sinifesti.* Nec sanè explicatio ista convenit Græcicæ Origini. Neque aliter de *Syphogranti* & *Tranibori* nominibus statuendum: quod si ex Græcia essent petita, non Græcis ea vocabulis Morus explicaret. Nunc prius dicit sonare *Phylarchum*, posterius, *Protophylarchum*. Inanis igitur operæ sit, nominum istorum *ἔτυμα* vel à Græcis arcessere. At contra *Abraxas*, non à Persis, vel Oriente, est; sed planè à Græcis; nempe ex literis Græcis, ex quibus confit numerus ccc lxx. quot dies habet annus absolutus, quot etiam orbis coelestes esse tradebat Basilides hæresiarcha Alexandrinus, qui sub Adriano Imperatore vixit, seque jactabat Glauciæ esse Discipulum, qui B. Petri, Apostolorum Principis, interpres fuit. Hic Basilides aiebat, supremum orbem coelestem, sive

supremam virtutem, ex qua progeniti sunt Dii cæteri, *Abraxas* nuncupari, & hoc nomen dierum ccc lxx. numerum complecti. Ac posterius hoc verissimum esse computatio ostendit; siquidem

A	_____	valet	1
B	_____	_____	2
P	_____	_____	100
A	_____	_____	1
Σ	_____	_____	60
A	_____	_____	1
Σ	_____	_____	200

Summa 365

Meminere Irenæus Lib. I. Cap. xxiii. Epiphanius hæresi xxiv. Hieronymus Lib. I. Comment. in Amos. Augustinus, Theodoretus, & Damascenus, in iis quæ de hæreticorum fabulis ac sectis scripsere. In gemma Fulvii Ursini erat *Αβραξας*; sed sic quoque idem manet numerus, quia solum est literæ *ξ* & *α* trajectio. At apud Morum perperam est *Abraxa*, quia sic ducenti anni desint iusto dierum numero. Nunc cætera persequamur, quæ à Græcis esse res ipsa ostendit. Ordini verò literarum insistam. *Achoriorum* populus Utopiensibus dicitur oppositus. Puto rescribendum *Achororum*, *Ἀχαιοί* enim, *chori* *expers*; & *Ἀχαιοί*, *expers* *χώρας*, sive regionis; sicut igitur *Utopia*, ex *ὕψος* & *τοπος*, quia nusquam est, ut Nusquamiam fortasse possis dicere; sic populus iste, quia nulla in regione degit, verè *Ἀχαιοί* nuncupatur. Ac similiter *Ademus* Syphograntarum Princeps, cui nullus *ἄμιος*, sive populus. Aliter nempe vocem *ἄμιος* cepit Morus, quàm Sophocles, quando, teste Hesychio, ei *ἄμιος* *absens à patria*, ut sic *ἔνδομος* opponatur. *Alaopolitarum* par est ratio. Uti nusquam *Utopia*, nusquam populus *Achororum*, nusquam Rex *Ademus*, ita nusquam gens *Alaopolitarum*: quæ vox notat cives ex nullius regionis populo. Est enim conflatum ex *πλήρης* *civis*, & *ἀλα*, non quatenus *ἀλα*, idem ac *τράδς*, sed quatenus est à *πυρρὸν* & *λάδς* compositum. *Amavrotum* præcipua Utopiensium civitas, interim verò *ἀμαυρὸς* hoc est *obscura*, quippe hæcenus nulli visa, nec videri quita. *Anemonius* Poeta Laureatus, & ob lauream typho inflatus, atque, ut Maro loquitur, lingua ventosæ; sanè Homero *ἀνεμώνς*, quasi *ἀνεμώνι*, ab *ἀνεμ* *ventus*. Anydrus est flumen, ad quod sita Amauroti urbs. Uti nusquam ea urbs, quæ sic in tenebris delitescit: sic nusquam fluvius *ἀνδρὸς*, sive *aque expers*, quæ Græcis *ἰδρυς*. Nam quomodo fluvius sit, si aqua sit *expers*? *Butresce* Moro religiosi dicuntur, qui coelibatum præferant Matrimonio, à *δενουσία*, quo cultus significatur religiosus, & *βῆ* *ἐπίστατος*, ut in *βύλιμ*, *βύπαις*, & similibus. *Butresce* igitur valde religiosi. *Hylodæus* quia mera narrat mendacia, de Utopiensibus, sic dictus quasi

quasi *nugarum peritus*, vel *nugas edocius*: à *δαίω* disco, doceor, & *ἴδα* nuge; unde cum *φλυαεῖα* subinde conjungitur, & *ἴδα* idem ferè ac *φλυαεῖν*. *Nephelegetæ*, gens fuisse dicitur pro qua *Utopienses* bellum gesserint contra *Alaopolitas*. Malim autem *Nephelegetæ*; *νεφελογέτας* autem ex nube geniti, hoc est, commentitii æquè ac *Poetarum Centauri*, quos *νεφελογέται* & *νεφελογέτας* dixeris, quia ab *Ixione* ex nube genitidicuntur. Sanè *ἄνεμ* metum parentem, tum etiam *ἔγγον* sive *prolem* designat ut author *Hesychius*. *Phylarchus*, *φύλαρχος* qui & *φύλαξ*, præfectus tribus. Ut *Protophylarchus* *πρωτοφύλαχος*, tribubus præfectorum Princeps. *Polylerite* *πολύλιτ* πολλῶν λίτρων, quia λίτροι sint ac nugæ quæcumque, sive *Hytloedæus*, sive *Morus* hoc de populo narret. *Tricius Apinnius*, quem *Hytloedæus* fodalem suum vocat, non aliud nomen habere debuit, quàm tale. Nam uti ille ab *ἴδα* & *φλυαεῖα* dictus, sic hic à *trici* *apinisque*, hoc est, *ἴδα* ac *λίτροις* *Martialis* *Apophoretorum* Epigram. 1. sunt *Apina triceque*, & siquid vilis istis. *Zapolite*, qui quingentis millibus distare ab *Utopiensibus* dicuntur, potius *Zapolite* vocandi, à *πολίτης* civis & *ζα*, quod in compositione auger: sicut in *ζαῖδης*, *ζαῖς*, *ζαῖς*. Est igitur *populus civibus abundans*. Spero me istis satisfecisse petitioni tuæ. Nisi quod fortasse judicabis, subinde quædam feliciter minùs composita videri, si hoc pacto vocabulo interpretemur. Non diffiteor; sed nos non possumus præstare culpam *Mori*: sanè ne ipsa quidem vox, *Utopia* satis commode conficta. Dequo si ambigis, sponforem pro me dabo summum virum *Ivonem Villiomarum Are-moricum*, hoc est, *Josephum Scaligerum*, animadversionum in controversos *Titii* locos lib. x. cap. ix. ubi sic scribit: *Verbum Utopia, quamquam ab ornato, & docto viro, Anglo confictum, tamen Græcum non est. Et qui Utopiam Græcum putant, ii quid sit Græca componere nesciunt.* Ac memini idem à me dictum olim, in iv. *Oratoriarum* partitionum cap. 1. *Postremò* quærebas, utrum in præfatione *Mori*, cum dicitur, *Joannes Clemens, puer meus filius, an famulus* designetur. Planè famulum censeo; sic enim *Græcorum* exemplo, loqui *Romani* solent, etiam antiquissimi, quorum est, *Marci-por*, pro *Marci puero*, hoc est *servus*, similiaque, *Publi-por*, *Cai-por*, atque alia de quibus fusè dixi, *Commentariorum Rhetoricorum* lib. iv. cap. xii. §. iv. scribebam ipsis *Kalendis Januariis* ineuntis anni cId. Ioc. xliii. quem annum felicissimum tibi, studiisque tuis exopto. Atque idem precor, tum clarissimo *Riveto*, quod tu per occasionem ei significabis; tum eximio *Petito*, quem meo etiam nomine, si quando scribas, plurimum salutes rogo. Ipse id nunc facere decreveram, sed per Ta-

bellarium non licebat. Et sciebam te avidè adeo desiderare responsum nostrum, ut malis literas ad avunculum differri, quàm ut propterea injiceretur mora epistolæ ad te nostræ. Iterum vale.

*Amstelodami.*

## DLXIX.

*Nobilissimo Reverendo, & summo viro, Joanni Forbesio, Domino à Corse, S. Theologiæ Doctori eximio, inque Academia Aberdoniensi, ejusdem Professori. G. J. Vossius S. P. D.*

NON dubium est quin omnibus, veritatibus ac concordie amantibus, dolorem adferat maximum, quodd antiquæ toties repullulent hærese; quandoque etiam succrescant novæ, & olim inauditæ, nec minus veteribus illis sectis veritati adversæ & paci. Cujus rei causam esse præcipuam arbitror, quod qui animum adplicant ad legendum S. Literas, magnam id partem faciant, vel cum stulta ingenii sui fiducia, vel præjudicio ab iis profecto, quos per omnia sequi sibi proposuerint, vel ab animo haut aliter eas interpretandi, quàm iis locis, ubi degant, conducibilius videatur, ad consequendum, vel retinendum mundi bona. Quomodo adfecti parum cogitant, Scripturas non esse Scripturas, quoties alio intelliguntur spiritu, quàm sunt scriptæ. Nisi igitur de infelici eorum grege esse velimus; quemque veritatem magis amare convenit, quàm se ipsum; ac ante omnia quidem scrutandum, quid Deus dicat in verbo suo: sed ne perperam illud interpretemur, quando omnes ad errorem sumus proclives, attendere etiam debemus, non modo quid unus & alter, sed omnino quid constanter docuerit Ecclesia Dei. Quantopere enim repugnât perspicuitati Scripturæ, si ita exarata credantur, ut, ab Apostolorum excessu, ne in præcipuis quidam fidei capitibus, ipsi eas Ecclesiarum doctissimi ceperint Antistites? Quantum item adversatur bonitati Dei, & amoris erga nos, si per tot secula, ad Scripturarum intelligentiam, defuisse statuamus Spiritum Dei, viris licet pietate, & sanctimonia præcellentibus, Ecclesiæque semper commendatissimis, atque eò melioribus, quo Apostolicis propiores erant temporibus? Nec ignoro, dicta hæc nostra parùm descendere in animos multorum, quia videant etiam ad antiquitatem provocari, in causa deploratissima. Qui cogitare debebant, nisi isti hospites forent in veterum lectione,

non



non tam futilibus motum iri. Viderent enim bellos hosce provocatores, incassum jactare antiquos, præterquam apud Vetustatis nescios, qualibus seos facile sublinere posse sperant. Cæteri autem, qui historia Ecclesiæ sunt exculsi, nullo negotio cernunt opiniones eas, quas frustra venditant pro antiquis, si non heri, vel nuper natæ sint, plurimum saltem coepisse demum anteduo, tria, vel summum sex septem secula, vel non multo amplius. Ut obducere illis liceat hoc Optati Milevitani lib. 6. Quæ est ista nova, & stulta sapientia, novitatem quærere in visceribus Vetustatis? Quis verò non fateatur, præscriptione istiusmodi, multum firmari animos nostros, in genuina Scripturæ interpretatione: Validius quoque, munitiusque hæreses refelli? Quare hoc armorum genere, semper pugnatum fuit à S. Patribus: qui præcipue quidem se tuentur, Scripturæ autoritate; nec tamen prætereunt priorum temporum consensum. Hoc luce clarius est ex iis quæ differunt adversus, Marcionem, Valentinum, & his æquales: item Samosatenum, Arrium, Macedonium; nec minus Pelagium, Nestorium, Eutychem; ut præteream hæreticorum cæteros. Vellem ista adtenderent, qui terri diffuso aded, ut aiunt, Ecclesiasticæ antiquitatis oceano, propterea, veteres Theologos non legunt; & quia negligunt, nesciunt; & postquam ignorant, alpernantur; ac ne temere contemnere, vel soli nescire videantur, etiam traducendo illos, complurium animos ab iis abalienant. Tanti mali fons, caputque est, otii amor, ac laboris fuga; dum non satis cogitant, certissimum illud Aristotelis effatum in Nicomachiis, artem ac virtutem, versari circa id quod difficilius est. Et tamen difficultatem illam, de qua tantopere queruntur, multum leniat rectus studiorum ordo, & hoc omni historiæ innatum, quod delectat, & assidua ingentis boni cogitatio, quod ex historia Ecclesiæ, veterumque Theologorum lectione, ad nos redit; fidem fecerint, vel solius Magnæ Britanniæ vestræ, vel etiam nostræ, tot Theologi summi: Ante omnes *ἡρώδης* illud hominis Joannes Juellus Antistes Sarisburiensis. Quis enim è Conciliis, vel Doctoribus (quotquot primis fuere annis sexcentis) non animosius modò, sed doctius quoque, vel feliciter impugnavit adversarios? Non defuere quidem, quibus hoc disputandi genus minus probaretur; sed præstantissimi etiam Whittakeri judicio, timidiore hi fuere, quàm necesse erat. Poteram & alios subdere magno numero; semper enim Britannia abundavit Theologis, ut Scripturarum, sic antiquitatis etiam intelligentissimis; sed ut de iis plu-

ribus, brevis instituti non finit. Ad te itaque venio, eximie Forbesi, qui uti habuisti antea, quem sequeris, patrem tuum *† James Forbes*, Patricium Forbesium, Episcopum Aberdoniensem, virum undequaque doctissimum; ita ipse deinceps, in hoc antiquitatis studio Patriæ præbuis, ac cunctis amantibus rectam studiorum viam. Nihil me auribus tuis dare, indicio omnibus erit utraque hæc & Theologica, inquam, & Historica instructio tua, & ille signorum tuorum adpectus, adversus tot infesta Hæreticorum agmina. Quem equidem nescio, utrum comparare velim Phalangi Macedoniæ, an aciei Romanæ; sed huic potius, quando (quod defuisse Phalangi Polybius ostendit) copiis tuis semper erit locus, sic armorum viribus, sic scientia, atque arte instructis, ad nullum non pugna genus. Habet igitur sacra Musis adolescentia, unde melius sapiat, dum videt eos, qui sic avocant ab antiquis, sibi semitam non sapere, licet aliis monstrant viam. Habet quoque media illa, ac constans ætas, quod accendatur deinceps ad studium antiquitatis, si prius neglexit; vel si serum id putet, saltem ab alienis videre oculis adsuescat, ubi nequit suis. Habent denique etiam, in veteribus Theologis subacti, unde proficiant: Imò si ipsi pariter bene mereri de hoc studio volent, non deerit hinc exemplum, quod scribendo amulentur: quo ita magis & magis gliscat Historiæ Ecclesiasticæ honos, ac fructus. Vides ut quod nostrum sit, de laboribus tuis iudicium, non pigritum fuerit memorare; ac confido idem omnes uno ore dicturos, quorum palato antiquitas sapit. Et si vero nunquam tam feliciter agatur cum Ecclesia Dei, ut etiam boni omnes per omnia conspirent; confido tamen, etiam ex iis qui antea dissenserint, hisce tuis lectis, conventuros non paucos; saltem in illis Religionis capitibus, super quibus in sex Conciliis Universalibus, vel Africanis etiam, & Arausionensi olim convenit. In iis autem, quæ non ad fundamentum, sed structuram pertinent, non pacem minus confectet, quàm amplectar veritatem: ut qui sciam non modò, hæresis vitandam, sed etiam schisma: ac propterea licet ubique grata esse veritas debeat, aliter tamen cum fratribus, quàm Hæreticis, esse disputandum. Ultimam verò, Nobilissime ac Clarissime Forbesi, hac cruda ac viridi senectute, pertexere tibi detur, cætera hujus operis, auro magis aurei. Hoc ut contingat, rogamus omnes Dominum Deum; cui Ecclesiæ suæ causâ, curæ fore confidimus, & te & labores tuos.

*Amstelodami, 10. Kal.  
Sext. 1645.*

C L A

non tam futilibus motum iri. Viderent enim bellos hosce provocatores, incassum jactare antiquos, præterquam apud Vetustatis nefcios, qualibus seos facile sublinere posse sperant. Cæteri autem, qui historia Ecclesiæ sunt exculti, nullo negotio cernunt opiniones eas, quas frustra venditant pro antiquis, si non heri, vel nuper natæ sint, plurimum saltem coepisse demum ante duo, tria, vel summum sex septem secula, vel non multo amplius. Ut obducere illis liceat hoc Optati Milevitani lib. 6. Quæ est ista nova, & stulta sapientia, novitatem quærere in visceribus Vetustatis? Quis verò non fateatur, præscriptione istiusmodi, multum firmari animos nostros, in genuina Scripturæ interpretatione: Validius quoque, munitiusque hæreses refelli? Quare hoc armorum genere, semper pugnatum fuit à S. Patribus: qui præcipuè quidem se tuentur, Scripturæ autoritate; nec tamen prætereunt priorum temporum consensum. Hoc luce clarius est ex iis quæ differunt adversus Marcionem, Valentinum, & his æquales: item Samosatenum, Arrium, Macedonium; nec minus Pelagium, Nestorium, Eutychem; ut præteream hæreticorum cæteros. Vellem ista adtenderent, qui territi diffuso adedò, ut aiunt, Ecclesiasticæ antiquitatis oceano, propterea, veteres Theologos non legunt; & quia negligunt, nesciunt; & postquam ignorant, aspernantur; ac ne temere contemnere, vel soli nescire videantur, etiam traducendo illos, complurium animos ab iis abalienant. Tanti mali fons, caputque est, otii amor, ac laboris fuga; dùm non satis cogitant, certissimum illud Aristotelis effatum in Nicomachiis, artem ac virtutem, versari circa id quod difficilius est. Et tamen difficultatem illam, de qua tantoperè queruntur, multum leniat rectus studiorum ordo, & hoc omni historię innatum, quod delectat, & assidua ingentis boni cogitatio, quod ex historia Ecclesiæ, veterumque Theologorum lectione, ad nos redit; fidem fecerint, vel solius Magnæ Britannię vestræ, vel etiam nostræ, tot Theologi summi: Ante omnes *καρπύριον* illud hominis Joannes Juellus Antistes Sarisburiensis. Quis enim è Conciliis, vel Doctoribus (quotquot primis fuere annis sexcentis) non animosius modò, sed doctius quoque, vel felicius impugnavit adversarios? Non defuere quidem, quibus hoc disputandi genus minus probaretur; sed præstantissimi etiam Whittakeri judicio, timidiore hi fuere, quàm necesse erat. Poteram & alios subdere magno numero; semper enim Britannia abundavit Theologis, ut Scripturarum, sic antiquitatis etiam intelligentissimis; sed ut de iis plu-

ribus, brevis instituti non finit. Ad te itaque venio, eximie Forbese, qui uti habuisti antea, quem sequeris, patrem tuum *† μαχαρίτω*, Patricium Forbesium, Episcopum Aberdoniensem, virum undequaque doctissimum; ita ipse deinceps, in hoc antiquitatis studio Patriæ præbis, ac cunctis amantibus rectam studiorum viam. Nihil me auribus tuis dare, indicio omnibus erit utraque hæc & Theologica, inquam, & Historica instructio tua, & ille signorum tuorum adpectus, adversus tot infesta Hæreticorum agmina. Quem equidem nescio, utrum comparare velim Phalangi Macedonicæ, an aciei Romanæ; sed huic potius, quando (quod defuisse Phalangi Polybius ostendit) copiis tuis semper erit locus, sic armorum viribus, sic scientia, atque arte instructis, ad nullum non pugnae genus. Habet igitur sacrata Musis adolescentia, unde melius sapiat, dum videt eos, qui sic avocant ab antiquis, sibi semitam non sapere, licet aliis monstrant viam. Habet quoque media illa, ac constans ætas, quod accendatur deinceps ad studium antiquitatis, si prius neglexit; vel si serum id putet, saltem ab alienis videre oculis adfuescat, ubi nequit suis. Habent denique etiam, in veteribus Theologis subacti, unde proficiant: Imò si ipsi pariter benè mereri de hoc studio volent, non deerit hinc exemplum, quod scribendo æmulentur: quo ita magis & magis gliscat Historiæ Ecclesiasticæ honos, ac fructus. Vides ut quod nostrum sit, de laboribus tuis iudicium, non pigritum fuerit memorare; ac confido idem omnes uno ore dicturos, quorum palato antiquitas sapit. Et si vero nunquam tam feliciter agatur cum Ecclesia Dei, ut etiam boni omnes per omnia conspirent; confido tamen, etiam ex iis qui antea dissenserint, hisce tuis lectis, conventuros non paucos; saltem in illis Religionis capitibus, super quibus in sex Conciliis Universalibus, vel Africanis etiam, & Arausionensi olim convenit. In iis autem, quæ non ad fundamentum, sed structuram pertinent, non pacem minus consecret, quàm amplectar veritatem: ut qui sciam non modò, hæresis vitandam, sed etiam schisma: ac propterea licet ubique grata esse veritas debeat, aliter tamen cum fratribus, quàm Hæreticis, esse disputandum. Utinam verò, Nobilissime ac Clarissime Forbese, hac cruda ac viridi senectute, pertexere tibi detur, cætera hujus operis, auro magis aurei. Hoc ut contingat, rogamus omnes Dominum Deum; cui Ecclesiæ suæ causâ, curæ fore confidimus, & te & labores tuos.

*Amstelodami*, 10. Kal.  
Sext. 1645.

C L A



# CLARORUM VIRORUM AD V O S S I U M E P I S T O L Æ.

**Eximie Indolis Adolescenti, Gerharδο Vossio, bonis literis operam danti, in Collegio Theologico Ordinum Hollandiæ.**

S. in Christo Jesu,

**C**ommemoravit mihi, mi Vossi, filius meus, tua in se officia, & quam jucundè, & amicè secum vivas: fuit id mihi perjucundum auditu; sic sanè decet Coetaneos, & Condiscipulos. Solet hæc jucunda animorum conjunctio in juventute, postea gluten quoddam esse mutui consensus, etiam in ætate aduliore: facit hoc postea ad alendam concordiam inter eos, qui publicis functionibus, in Ecclesia, & Republica præficiuntur. Conjunctionis hujus simul & consensus, exemplum illustre fuerunt, cum alii, tum vero Basilius, & Gregorius Nazianzenus. Rogo itaq; ut exceperam hanc amicitiam, tam jucundam, & utilem, nunquam deferas, sed in ea constanter perseveres; quantumvis filio sis ætate major, & profectu longè superior. Mone igitur obsecro filium meum, ut ordine discat singularum Artium methodos; præcipuè Grammatices partes singulas sepe relegat: exerceat se loquendo, & scribendo Latine, ut congrue loqui, & scribere possit. Non negligat etiam studium Linguae Græcæ & Hebrææ suo tempore. Præcipuè ne abiciat tanquam inutilem & insuavem Librum precum; sed pietatis exercitiis vel præcipuè se oblectet; ita benedicit Deus magis ipsius studiis, & in illa valetudinis imbecillitate, illum confirmabit. Imo si aliud de eo statuisset Deus,

æquiore & promptiore animo emigrabit in vitam meliorem. Si hæc facies, mi Vossii, rem mihi gratissimam præstiteris, & vicissim de te, sicubi possim, benè mereri conabor. Vale, & saluta ex me Edvardum.

Frankeræ

11. April:

Mart. Lydius.

**II**  
*Clarissimo, & eximio Viro, D. Gerardo Vossio, Gymnasiarchæ Publico,*

*Dordracum.*

Vir clarissime,

**Q**uam pro ea quam nuper ad me misisti Rhetorica tibi debeam, non aliter intelliges, quam si simul scias quantum omnes illi tibi debent, quorum interest serio, præstantissimam artem tractare, & semel è plebeis illis nazniis abire. Etenim cum ut ubique, ita hic præcipuè, regiam calcaverit viam noster Aristoteles, camen ut nosti, non juventutem modo, sed plerosque etiam alios, detertere solet, vel obscuritas viri, vel fatalis illa, maximo ingenio *βραχυλογία*, ut paucis ad hæc sacra aditus pateret: quæ à te ita sublata esse video, ut optarim omnes qui formandis adolescentiæ studiis incumbunt, tuam illam *Εισαγωγὴν*, tanquam *οὐκὴν* quædam *ἡ μὲν δὲ τῶν ἀποκρίσεων μετὰ τὴν*, præmittere, & hinc initium sumere. Quod ut serio à me scribi scias, parvum tibi munusculum mitto: Maximum cum Alcinoο, Philosopho gravissimo: quorum alter præcipuus quæ apud Platonem sunt quæstiones, divino quodam & suavissimo dicendi genere,

B

exami-

examinat: alter Platonis, Lectorem præparat, & docet. Quam difficile sit in his studiis aliquid præstare, quæ jam prope ignavia quadam nostra sunt sepulta, non ignoras: Multo verò difficillimum est, Latinitatē ea donare, quæ simul & scientiam requirunt, & utriusque linguæ non vulgarem peritiam. Certè minus à me præstitum scio, quam optabam: tibi nihilominus & aliis eruditis hominibus, quid de hoc studio nostro videatur seriò expecto. Quare non prætermittes, quin iudicium tuum quamprimum perscribas, & ut amicum decet, candide nobiscum & libere agas. Vale præstantissime vir, & amicissimum virum Baltazarum Lydium, meis verbis salutabis, cui alterum Exemplar hoc trades; scribere enim ad eum non licebat.

*Lugd. Batavorum*  
Pridie Kal. Jan.  
1667. 13. c. vi.

*Tui observantissimus,*

Daniel Heinsius.

### III.

*Τῷ Θεῷ Δόξα.*

S. P.

**R**everende ac dilecte Dom. Frater, cum ea audacia sim usus, ut Eusebium Scaligeri à te commodato petierim, quod ne reculas quidem sed summa voluntate te facturum promittis, jam cistulam meam transmittito, atq; obtestor promptum illud studium, & egregiam animi tui alacritatem me mirifice exhilarasse, ut quæ mihi sinceri tui in me amoris insignis documentum esse possit. De meo erga te non multa dicam, nisi hoc unum quod duplici nomine eum tibi debeam; cum ob pietatem & eruditionem tuam singularem, tum ob soceri tui felicissimæ memoriæ D. D. Fr. Junii, summa in me merita, quorum ego, si unquam obliviscar, nimis fuero ingratus. Doctissimum velim me ne voces, nam honorifico illo nomine me indignissimum esse libenter agnosco; sed doctos & pios, ut decet, amo. Inclusi cistulæ meæ duo Chronica, unum illud est quod ex magno Cl. Viri Jo. Scaligeri volumine contexui, quod mihi quantum assequi possum, ipsius videtur esse: alterum est ipsius Eusebii: ut videas me non segniter libris tuis uti, quibus simulac usus fuero, non ingratus, si Deus volet, remittam. Non possum te celare utrumque à S. Scripturæ veritate, & verè magni Viri, soceri tui doctiss. verissimis Observationibus, manifeste defle-

tere in supputatione annorum à distracto Regno Salomonis, usque ad occasum Sedekie & Hierosolymorum excidium: quod profecto non possum non dolenter ferre; nam ab illo summa eruditionis viro D. Jo. Scaligero certe aliquid expectaveram; illum autem in exiguo illo temporis spatio 21 annorum metachronismo peccare, satis puto liquere, si diligenter consideretur, quomodo Spiritus Sanctus annos Regum, Judæ & Israelis inter se conferat, quod in adjuncta hac nostra Tabella, ductu præceptoris heu quondam nostri, putamus factum: Salvo tamen meliori iudicio, neque hoc arroganter à me dictum existimari velim. Videor mihi inaudisse Scaligerum aliquid scripsisse contra Paræum, quod Scriptum si habeas, velim magno ipsius volumini adjungas. Atque his jubeo te salvere, & gratiam Dom. nostri Jesu Christi tibi totique familiæ precor eo animo quo te amo, mi Frater colende & observande.

Non. Decem.  
An. 1667.

*Totus tuus, ut esse debeo,*

Jac. Florianus.

### IV.

Gerardo Vossio, Præceptor, & Affini  
suo, F. F. F. Junius, S. D.

**N**eræus, quo frater jamdudum familiarissime utitur, nuper hunc ad me deferens librum, petiit ut negotium sibi à fratre meo impositum perficerem, & hunc ad te deferri curarem: cumque pluribus, num fratri Casimiro dandus esset, percontari vellem, festinanter abiit. Ego cum hæc à fratre, non sine causa, Neræo in mandatis data esse putarem; malui potius confestim hunc ad te mittere, quam morâ meâ damni aliquid inferre. Potuisssem quidem, ulterius quid agendum esset inquirere, sed quoniam me in Gallorum, h. e. Interpellatorum familiaritatem, ita facile insinuare nolim, ulterius non processi. Quod si Casimiro mittendus est, nescio quid obstet quominus hinc eum ad se deferri voverit: Sed fortè quippiam est, quod unâ eademque operâ, ad eum deferri debet. Epistolam hanc clausissem, si animum meum, de scribendo aliquid, quod ad studiorum rationem attinet, non subivisset cogitatio; de qua hæc habe. Nos collegio Græco D. Lonsii nomen, dedimus, ex voluntate avunculi Gomari; itaque



que usque ad proximos Caniculares dies, ad Græcas potissimum literas conferemus omne nostrum studium. Hæc ad te scripsi, quod sciam te posse, consilio, aut re juvare me, & velle. Sed de his, quoniam brevi fortè cum matertera ad vos venturus sum, coram plenius agere poterimus. Sororibus si placet, meis verbis salutem plurimam dicito. Vale.

Anno 1608.

Tuus,

Fr. Junius, F.F.

V.

*Viro Clarissimo, Gerardo Joanni Vossio, amicissimam salutem.*

Sollicitum te habent Oratoriarum tuarum scio; & quis neget merito? Sed quidam impediunt, quominus operæ pergant. Et quinam isti quæso? Si ipsi quæis ea cura mandata erat. Bertius decimum octonem jam octiduum servat; misso qui peteret Typographorum servulo, respondit, differendum esse in adventum tuum, totum hoc negotium. Rectè sanè. Huic mandes, si quid rectè curatum velis. Quid si quædam adventum tuum impediunt, nòsne hic etiam editionem Libri tui differendam putabimus? Quid? Isne, qui hætenus voluit videri omnes chartas Oratoriarum solus emendasse, isne jam nihil potest, sine te? Sed ne miremur; non tu primus Doctiss. Vossii, cujus ab illo res negliguntur; fastus hominis aliena spernit, nec fortè divino viro Literata illa amplius curæ. Ad Templum sapientiæ properat, credo, & ob hoc sibi fortè placet, quod tam pulchrè mores sapientis viri exprimat. Ubi eum compello, homo fastuosus quasi me diffat, & ego non dignus, cum illo loqui, qui & convictor, & in amicitiam receptus, viri longè disparis; quæm ille fortè non nimium æstimat, imò & laticulas quærit. Sed O quam non passibus æquis incedit! Quid enim Bertius cum Baudio, infelix puer, atque impar congressus acti illi. Nec illud tantum, sed & pudorem, quis in eo requirat? dum omnia sibi licere putat, & iis quorum discipulus esse posset, superare cupit. Commodaverat Cl. Baudius ei Hermogenem, cum Longino, in octavo editum die quarta (sic enim promiserat) redditurus. Ille tibi dat; cumque ab illo requirerem, D. Vossius habet, inquit, saluta D. Bau-

dium, & simul abit. Ego indigere cum aio: Ille, curabo, ut habeas. Vale. Hæc non dico, quod tu, Chariss. Vossii, eum habeas, non; sed quod ejus non erat, quem post triduum redditurus dixerat, jam tertium mensem, & amplius detinere. Quod si autem Longinum legeris, quæso, ut ubi huc veneris, uti conferas. Etiam rogo te, Doctiss. Vir, ut locos controversos Rob. Tirii, à Lydio petas, eosque conferas, ut cum Ivone Viliom. conferre liceret. Post paucos dies perlegero. Vale & nos ama: Salutat te Vir Cl. D. Baudius, mihi amore Pater.

Anno Dionys. 1603.  
à Christo nato 1607.

Tuus,

J. Rutgersius:

VI.

*Viro Clarissimo Gerard. Joan. Vossio; Amiciss. salutem nuntio.*

Nunciatum mihi hodie est, Vir Clarissime, excessisse Josephum Scaligerum. Quo nuntio, ita consternatus sum, ut etiam nunc vix aliud mihi esse videar, quam ambulans cadaver, & ut cum Mimo dicam, sepulchri similis. Cogita, quid perdidimus amici ejus; tam invidioso enim vocabulo divinus vir suos appellabat. Cogita, quid Academia, quid universa res literaria. Ego, mi Vossii, præ cæteris, casum meum lugeo, quod plus reliquis amisisse videar. Ego Patronum perdidit, & si benè calculum pono, Parentem. Quoties me Filii nomine dignatus est? Quoties, cum publicè literarum Pater esset, etiam privatim meus dici voluit? Dirigebat studia mea, vitam emendabat, monens amicè, quandoque reprehendens, prout medicinam morbus postulabat: ut mihi verendum sit, ne postquam cum amisi, negligentius vivam. Instabat mihi, successus meos urgebat. Quid quæris? Nihil omittebat, quod in Parente desiderare posses. Et ego vicissim eum cultum singulari patrono præstebam, quo majorem nunquam à me requisivit. Itaque hoc effeci, ut ei gratissimus essem: Quidni ita existimem, quoties animo meo obversantur speciosissimæ voces, *Utinam te genuissem?* Quas & sæpius repetisse amici testari possunt; quibus præsentibus, me ostendere solitus erat, adjecto insuper Encomio satis invidioso, *Eccæ quem Posteritas vixisse sciet.* Quid quod etiam supremo judicio suo me

me persecutus est, legata Bibliothecae  
parte? Quibus verbis, paucis ante obi-  
tum diebus, me adlocutus sit, mea inter-  
esse puto, ne ignoretur. Sunt hæc, a-  
mice, Ego vobis abeo. Scito te Parentem  
amissurum. Ita enim tibi persuadere velim,  
me non minori erga te affectu vixisse, &  
visurum porro, quam is cui vitam debes.  
Et usquam operi mihi concessisset Deus, ut non  
tam verbis quam re ipsâ, offendere potuisssem,  
quanti te faciam, sed nec fortuna tua id  
desiderat, nec mea fert. Interim quod solum  
possum, imaginem vitæ meæ relinquo tibi,  
quam & rectè, & ordine facies, si imiteris,  
& præmium amicitiae nostræ habiturus es:  
Partem etiam Bibliothecula mea habebis,  
quæ te mei admonerebit. Hæc ipsa verba  
divini senis, ipsa sunt, è quibus ne pun-  
ctum quidem periisse scias; quibus lar-  
gissimas lacrymas mihi excussit; quæ  
etiam nunc oboriuntur. Itaque vale.

*Scribebam Lugduni Batarorum maestissimus, Die xxi. Januarii, qui erat Mercurii, anno m̃s Xestoniae c[on]s[ul]s c. ix. Excessit nocte, quae hanc diem praecessit, hora circiter iv.*

*.Thus*

Rutgerfius.

## VII.

*Viro Clariss.* Gerardo Joan. Vossio,  
S. D.

**E**N tibi *ῥαμάνιον* tuum, quod honori Nazrani feceras: Quod non prius miserim, tute nos excusabis, scio. Nosti enim occupationes meas, & quam festinandum sit, si ante Calend. Sexcil. absolvisse mihi certum sit, ut revera est. Quadraginta plus minus Oſterniones erunt. Vides, quam præter opinionem, excreverit Liber. Libello *ὁ μὲν ἐκυνδιουμένων οὐκ οὐδὲ δεῖται γρηγοῦν*, quem Tibi dedicatum imus, subjunctum est glossarium trium circiter foliorum, continens eas dictiones, quæ septuaginta duo uſi ſunt: Itaque Libellus ille, cui unum Oſternionem deſtinaveram, duo & dimidium occupabit. Iſidoro itidem unum deſtinaveram, at ille quatuor occupabit. Nam Oſternionem unum replebit *ἑτοιμασθέντων* quoddam ſcriptum, ſeu Canones quidam, quos dedit nobis Oraçulum illud noſtrum, Joſephus Scaliger, cujus humanitati quæ debeo, caridè in notis promam. Ita coeleſtis illa, ac divina ſublimitas, ſeſe ad hæc officia

aliquando demittit. Certè plurimum est: quod à sacro illo ore oracula petere concessum sit, non ambigua ut Phœbi olim, sed talia, quibus obloqui nemo potest. Sed nimium nos abduxit suavis. laudum divini Viri campus. Verbum non amplius addam.

Ὁ σὸς ἔξ ὅλης τῆς καρδίας,

Janus Rutgerfius.

## VIII

*Viro Clarissimo Gerardo Vossio amicissimam salutem.*

**I**terum hic sum, mi Domine, cum Sciligerio meo. Ita voco; quod ita se vocare apud me non dedignetur. Ad Editionem Libellorum meorum, magnopere hortatur Heros ille, & notata quidam promittit, hactenus propter imperitiam Arabicæ Linguae & Historiæ invisa. Quid quæris? Hæsterna die veni in ædes Illustrissimi Viri. In Musæo erat: itaque discessi. Hodie agrè ferre visus est, quod non putaverim quovis tempore aditum mihi patere. *Tunc sum, inquit, & volo sic statuas, erisque donec magnus ille 'Antoninus me à statione hac discedere jubeat.* Quid non colat, penè adoret dixeram, tantam demissionem in Viro Principe; in Viro, qui mihi numinis instar. Itaque fovebo amorem hunc, quem in celesti illo pectore, in plebeiam animam miramur. Cæterum ecce Tyrum ab Heinio tuo, & meo. Rogat ut statim perlegas, & judicium scribas. Vale.

*Thus,*

Janus Rutgerfius.

Rogo ut meâ causâ, D. Lydium adeas, rogêque an Luifino suo carere velis, item Leopardo. Pretium persolvam quodcumque tu cum illo transegeris. Non multum ultra duo florenos petet, scio; aut si petat, si tu non nimium esse judicaveris, acquiescam. Vale.

Has literas rogo, ni molestum fiet, ipsi  
Demestrio tradas.

IX.



# EPISTOLÆ.

## I X.

*Viro Clarissimo Gerardo Joanni Vossio  
S. P. D. Janus Rutgerius.*

Vir Clarissime,

**P**harnutum, cujus mentionem, cum istic essem, fecimus, si permutatione pretium non excedente, meum facere potes, velim fiat. Senecam Tragicum, cum amplissimis ipsius Junii manu scriptis commentariis, En tibi. Quod munusculum eo animi candore accipias velim, quo offertur tibi. Vitam *in pangelis* Scaligeri moliri me alias dixi Tibi. Accepi cum Legatis nostris, literas à Cl. Casaubono, in quibus multa à Thuanò *et m. v. v.* & Puteanis fratribus pollicetur, quæ isthuc spectant. Mittit nobis muneri Suetonium suum longè auctiorem, adjectis, & Beroaldi, Sabellici, Torrentii, & aliorum, commentariis nuper Lut. recensis in folio. Munus magnificum: incompactus enim xi. flor. pretium excedit. Plura non possum, etiamnum atrocissimo, & ceruissimò trucidari Galliarum Regis nuncio consternatus. Vale Vir Cl. & nos ama.

*Tibi Obligatissimus,*

*xxi. Maii elo 1622.  
Dionys. scribebam  
Lugd. Batavor.*

Rutgerius.

Josephi Scaligeri omnia Geneva in Folio eduntur, secutura mox eadem formâ Julii. Hic Josephi poemata, itémque Seneca Tragicus, cum castigationibus ejus excuduntur. Nugamenta quædam, quæ nuper fudimus, potius quàm scripsimus, En tibi; non ut legas, sed instituti mei servandi causâ, quo *res p. v. v.* meas Tibi obtrudo.

## X.

*Clarissimo Doctissimoque Viro, D. Gerardo Vossio, Gymnasiarchæ Dor-*  
*draceno.*

*Dorcht.*

**C**larissime Vir, amplexus sum benevolentiam istam in me tuam, quam amicissimis literis tuis, & insuper dono mihi gratissimo, opere nimirum Rhetorico, à te addito, quo me ornandum duxisti, abundè declarasti! Itaque tibi certò persuasum habe, totum me vicif-

sim esse tuum. Nec possim non te amare, propter insignem, quam in opere illo tuo prospicio diligentiam, & elegantem doctrinam; unâque propter pietatem, & virtutem, de quibus ex aliis, qui te norunt, audio. Opus tuum legi per intervalla. Video complexum te, eoque quidem methodicè ac perspicuè complexum, omnia illa, quæ ad Rhetoricam artem pertinent. Nec mediocriter me delectat forma sermonis, quæ usus es, puri, tersi, ac nitidi, nec diffidentis nimium, nec nimium adstricti. Denique existimo utilem te Operam, hoc labore tuo, te præstitisse studiosæ juventuti, adeoque iis etiam qui docenda juventuti præstunt, atque ideo *in pangelis*, te hujus rei gratia, sequeurum esse. Amicitia tua mihi erit gratissima; eamque ita culturum me spero, ut nihil habiturus sis, quod quantum ad fidem, ac studium animumque in amicitia mutuum attinet, culpare in me possis. Misisse jam *in pangelis* cum his literis pro munere tuo, nisi fidem suam Typographus seculisset. Oro etiam ut tarditati huic meæ in respondendo, in quam multa, ac varia me causæ, alia post alias, longa serie provenientes conneceant, ignoscas. Affinis tui Casimiri Junii doctissimi Viri amicitia valde mihi jucunda est, non solum propter eruditionem, sed etiam propter candorem & pietatem, aliâque virtutes, quas in eo deprehendo, & propter gratissimam memoriam Clarissimi, ac benè de Ecclesia Dei meriti Patris. Estque mihi dolori, quod non frequentius consuetudine ejus ob occupationes meas penè assiduas uti possim. Vale, Doctissime Vir, & me tuorum in numero habe.

*Groninga valde festinanter iv. Cal. Feb.  
ann. MDCX.*

*Tui Obsequatissimus*

Ubbo Emmius.

## XI.

*Insigni & Erudito Viro D. Gerardo Vossio, Dominicus Baudius S. P. D.*

**D**olui ex animo dolorem tuum, collectum ex obitu lectissime conjugis tuæ, sed quoniam hæc acerba calamitas non ex improvviso te oppressit, sed diu jam ante præfagentem id eventurum, nihil in medium adferam unde exulcerate mentes ad sanitatem revocari possunt. Ea tibi ubertim nascuntur domi.

Causa

Causa scriptiois impræsentiarum, est ut tuæ fidei deponam horribile secretum de nostro Rutgerio, quem invasit morbus, non, ut ille ait, qui inſputari ſolet, ſed qui homines delirantes concinnat. Varia & multiplex eſt τὸν δὲ νόσος ἰδὲ, quo tentari ſolent etiam Ἡρόδοτος μάλιστα. Complura poſſem commemorare exempla, quorum oculatus teſtis fui, & ſi quis diligenter inquirat, nulla gens hornò & annò ſecundius exuberat, quam eorum, quibus non eſt ſanum ſinciput. Nec illud dico Σαβελκιανόν, ut natio ex Chryſippi grege, ac porticu, qui ſuum ſolum imaginarium ſapientem excipiunt è numero ſtultorum; cæteros inſanire, furere, rabere omnes docent. Loquor humane, & communi more vulgi proſus, περὶ τὸν νότον & ἀπὸ τοῦ νότου ἐκ τῶν ἀνθρώπων. Eī rei multa argumenta fidem faciunt, quæ malo auribus tuis, quam chartis credere. Sed nullum præſtantius πικρὸν habeo, quam quod me, quem ἐν τοῖς ἀνθρώποις ἴσως ἡγεμόνα, imò ſupra videbatur amare, atque æſtimare, ita ludibrio habuerit, ἀπὸ τοῦ νότου ἡ ἀνθρώπων τῶν ἀνθρώπων. Rogarat me ut literas ad avunculum Prætozem mitterem, quibus ſignificarem optimo illi viro, eſſe ipſi volenti habitare mecum, cum antea, non aliam ob cauſam profeſtus eſſet Dordracum, quam ut apud parentes teſtaretur, non poſſe ſe ulterius durare in meis ædibus. Quamquam id officiū officiabat dignitati noſtræ; tamen adductus prece ejus, & amore ſuadente, non invitus eo me dimiſi. Ille quaſi triumphabundus de mea credulitate, jactitavit apud cæteros victores, ſe pulchrè mihi os ſubleviſſe. Jam enim ſibi decretum, quid eſſet factururus, nec hilum profeſturas meas litteras. Poſteà cum ex pluribus aliis iudiciis comperiſſem, non iudicium, ſed morbum eſſe, & quidem eum qui niſi principiis obveniatur, in apertam phrenitidem evadere poſſit, Hagam me contuli, ut de tota re Dominum Prætozem, certiorẽ facerem. Ille ut reſcivit, me iſthuc profeſtum, palam in menſa prædicat, iter hoc à me ſuſceptum, ut precibus exorarem avunculum, ne contubernio noſtro divelleretur. Enimverò non ferendam eſſe duxi hanc inſignitam contumeliã noſtri, & poſtrema ſortis arrogantiam. Ut eram recens ex ira, excepi eum atroci jurgio. Ille nihil ſe de nobis queri, ſed uxorem quadam ἀνθρώπων de ſe dixiſſe, quæ nullo modo animus ejus tolerare poſſet. Tandem fatigando impetravi, ut diceret objectam ſibi fuiſſe μωρολογία. or-

καὶ μάλλον ὅτι ἄν μ' ἔχον ἀνέοντα. Re penitus explorata reperi nugas meras; eſſe nec unquam per ſomnium in mentem veniſſe uxori tam monſtroſam ſuſpicionem. Per ludum, & jocum irriſit fatuam hominis amationem, qui cognatum ſuum *Franciſcum de Wit* vocare ſolet ſuas delicias, ſuum corculum, etiam in conſpectu aliorum, oſculari manum ejus, quæ proſus ridicula ſunt, & eodem tendunt, ut ſcilicet, evincant eum non eſſe incolumi capite. Sed manum tollo de tabula, invitus enim hæc ſcripſi; quæ lapidi dicta eſſe cupio. Vale, & me ama.

## XII.

*Virtutē & Doctrinā ornatiffimo Viro,  
D. Gerardo Voffio, Præceptorī meo  
in perpetuum colendo, S. P. D.*

**A** Quibus beneficium accepimus, in iis viciffim beneficia pro beneficiis referre debemus. Non omnes hoc faciunt, ac ne facere quidem poſſunt; quorundam enim res ita in arcum coacta, ut præter animum cupidum hoc præſtandi vix aliquid ultra habeant. Nec tamen hi ingrati. Non enim ii tantum ab hoc vitio alieni qui beneficia accepta ad æqualem lancem refundunt, ſed & hi qui beneficium agnoſcunt, & offerendo non quod meritum creditoris exigit, ſed quod fortuna tenuis permittit, plus ſe debere quam poſſe ingenuè fatentur. Danda ergo opera ſedula iis qui ingratitudinis notam effugere volunt, ut ſi non prioribus accenſeri, ſaltem in poſteriorum numero eſſe poſſint. Ego certè hoc ſtudi, dum me gratum T. D. probare annitor, id quod ſemper facio & debeo. Conſcius enim mihi ſum, Præceptor Reverende, quantam diligentiam erga me præſtitiſti in communicatione doctrinæ, & ad virtutem aſuefactione, nec me hoc latet quam iſtis mente recensendis, nedum re iplâ referendis impar ſum. Animo igitur reputans mecum gratorum quidem eſſe gratiam pro gratia referre, proximum autem ab his locum eos qui beneficium agnitum quoquo modo teſtantur tenere, hæſce Theſes (ut & priores meas) T. D. in debita gratitudinis ſignum offerre volui; nec me quo minus hoc auderem deterruit, quod ſint exigua ut numerum, ſic opere. Satiſ enim putavi tenuitatem meam in apertum producere, quam in crimen ingratitudinis incurrere. Quocirca



ea igitur P. R. audentiore instituto ventis vela commisi, ac Theses Metaphysicas conscripsi, DE PRIMO INCREATO DEO GLORIOSISSIMO: Ut de iis disputantes, aliquid virtutis commodum assequamur. Quod ut multum nobis *recompens* adferre adjumenti potest, in confirmanda veritate hujus Articuli DE DEO: ita plurimum ad vasorum hareticorum panurgiam & fucum detegendum. Videmus enim quantis mendacii strophis C. Vorstius conetur illudere veritati, praesertim cum ausus sit dicere, Deum sua Essentia non esse undiquaque praesentem, argumento hinc ducto, quoniam si Deus esset praesens in cloacis, in locis sordidis, commacularetur ac conspurcatur. O quantam hic hujus Viri videmus ignorantiam ac caecitatem! qui nobis corporeum quendam Deum fingit: Fortassis si Vorstius ipse conjiceretur in aliquo loco fido aut cloaca, egregie sane commacularetur, idem etiam verum putat esse de Deo, quia omnipraesens est. Exemplo sit nobis Sol, qui radios suos in omnibus locis spargit, nec tamen conspurcatur. Sed haec mitto, ne te P. R. (quem scio aliis negotiis distractissimum) amplius morer. Unum tantum hoc addo, si mihi vita superstes fuerit, plura & meliora (Deo volente) brevi, per me elaborata dabimus. En igitur P. R. amoris magni parvum *munusculum*, perpetuum gratissimi subiectissimique animi symbolum:

(*Donec quid grandius aetas*

*Postera, forsque ferat melior*)

Non dubitans quin animo laetissimo accipies, exemplo Artaxerxis Persarum Regis, qui (ut scriptum legimus) non tam donum quam donantis animum exosculatus est. Vale P. R. & si quid liberius scripsero, boni consule.

Franecker Frisiorum  
Calend. Januar. anno  
c1612 xv.

T. D. Observantis.

Francisc. Mantz.

### XIII

Clarissimo & Doctissimo Viro, D. Gerhardo Joanni Vossio, Scholae Dordrechtanae Rectori meritissimo, S. P.

Non ignorare Te arbitramur, Clarissime & Doctissime Vir, Theologiae professionem in Schola nostra illustri, ob Doctoris Hermannii Ravenspergeri, ad novam Academiam Gronin-

genslem, discessum, haecenus aliquandiu vacuam, & quasi viduam fuisse. Cum autem a Nobis, quibus Scholae cura, & administratio, ab illustri Magistratu nostro commissa est, diu multumque de alio Theologiae Professore vocando deliberatum fuerit: tandem praeter aliis, tua persona, ob insignem eruditionem, & solidam orthodoxae Theologiae scientiam, quae partim ex praecclaris ingenii tui fortibus in lucem editis, partim ex aliorum recte judicantium commendatione, nobis innotuit; digna visa fuit, quam Illustribus, ac Generosissimis Comitibus Bentheimensibus, Dominis nostris Clementissimis, de meliore nota commendaremus. Quam etiam re effectum est, ut illustres ipsorum Generositates, ex singulari, quo omnes literatos Viros complectuntur, favore, & amore, in tui ad professionem Theologiae in Schola nostra vacantem, vocationem clementer consenserint. Itaque ex voluntate praedicti Magistratus nostri, provinciam illam sanctam & honorificam, jam tibi offerimus: utque eam oblatam prompto animo suscipere, & obire non graveris, etiam atque etiam rogamus. Moveat te ad vocationem illam sequendam Dei praepotentis, cujus divina providentia ea procurata est, voluntas, quam ipse operarios in vineam suam emittere solet. Moveat te illustrium & generosissimorum Comitum Bentheimensium, bona & gratiosa erga te voluntas. Moveat te praecclarum & honorificum Senatus nostri de studiis tuis ingenique dotibus iudicium, ejusdem humanus, & benevolus in te affectus. Moveat te Scholae nostrae salus, & incolumitas, quae sine Theologiae Professore, diu consistere non potest. Moveat denique te loci hujus salubritas, & amenitas, annonaeque in eo facilitas, cum omnium rerum ad Oeconomiam necessariarum ubertate conjuncta. Quod melius autem Scholae nostrae statum, aliasque loci, & functionis circumstantias coram perspicias, & cognoscas, majorem in modum petimus, ut abjecta omni mora & cunctatione, cum praesente Tabellario, Scholae nostrae sumptibus ad nos excurrere, aut saltem primo quoque tempore, cum periculum haud exiguum in mora sit, tuum ad nos adventum accelerare non graveris. Ita enim, & de stipendio, & de aliis rebus ad professionem Theologicam pertinentibus, commodior sese offeret colloquendi tecum occasio; & ipsis studiosis abiturientibus majora allectamenta, & incitamenta,

incitamenta, ad continuandum in Scholâ nostrâ studiū sui Theologici cursum suggererentur. Nos etiam vicissim de te bene mereri studebimus, eaque humanitate & benevolentia te advenientem accipimus & amplectemur, ut neque itineris suscepti, neque amicæ conversationis nostræ te unquam poeniteat. Bene vale, Vir præstantissime, cum omnibus tuis, quibus coelestem juxta, & terrenam à Deo benedictionem animatus precamur.

Steinfurti xv. Febr.  
Juliani, anno à nato  
Christo Servat.  
nostro cto dc xv.

M. Clemens Timplerus  
pro tempore Prorector,  
nomine totius Collegii  
subscripsit. M. P.

## XIII

Viro Clarissimo Conrado Vorstio S. P.

**D**iu hætenus, Reverende ac Clarissime Vir, Schola nostra novum Theologiæ Professorem, & quidem diversis in locis quæsit. Sed nondum eundem ex animi sententia invenit & nacta est. Causa hujus rei videtur esse voluntatis in iis qui vocati sint partim inconstantia, partim perversitas; quippe qui vocationes non tam publici commodi, quam privati sui honoris & lucri amplificandi gratiâ appetunt, eademque oblatas ex pretextu causæ nescio cujus recusant & repudiant. De Vossio, quem Aulæ nostræ commendasti vocando, jam diu à Senatu nostro deliberatum fuit; sed propter suspiciones quasdam sinistras, quibus à calumniatoribus præter meritum gravatus est, hætenus consensus à reliquis Comitibus Benthemienibus impetrari non potuit. Nunc autem dissipatis ejusmodi calumniarum nebulis, præter spem & opinionem, Deo ita dirigente, in Vossii vocationem tandem illustris Magistratus noster consensit. Itaque nihil amplius restat, nisi ut is vocationem oblatam prompto animo amplectatur & sequatur, nullaque interpositâ morâ sumptibus Scholæ ad nos Steinfurtum excurrat: ut ita melius coram totum Scholæ statum, singulasque functionis & loci circumstantias, exploret & cognoscat. Quâ in re, rogo nomine Collegarum, ut ipse Scholæ nostræ causam serio & sedulo agas, bonoque illi Viro ad capeiendam illam provinciam iterque ad nos instituendum suavis sis, hortator & instigator. Nisi enim is maturè ante ferias Scholasticas ad nos

venerit, verendum est, ne malevolorum hominum obreptationibus cæterorum illustrium Comitum in vocationem ipsius consensus, interrumpatur, ac studiofis Theologiæ, qui hætenus diu Professore magno desiderio expectarunt, discodendi ex Schola nostra ansa præbeatur. Imprimis verò moneas ipsum ut iter ingressus recto tramite Steinfurtum cum præsentī Tabellario proficiat, neque vel Benthemiam vel Schüttorpium sese recipiat, antequam generosum nostrum Comitum salutaverit ac compellaverit.

Hoc enim è re Scholæ videtur fore, & ad removenda omnia obstacula appositum. Cætera divinæ providentiæ & tuæ prudentiæ committo. Bene vale, Vir præstantissime, unâ cum uxore & liberis charissimis, quibus salutem plurimam omnes Collegæ & mecum uxor mea animatus dicunt.

Tuus omni studio amicus

Steinfurti xv.  
Febr. Juliani  
anno dc xv.

& Compater,

M. Clemens Timplerus.

## XIV

Clarissimo Doctissimoque Viro Gerardo Joanni Vossio S. P.

**L**iteræ tuæ, Clarissime & Doctissime Vir, pergratæ nobis fuerunt; tum quod luculentam humani & benevoli tui erga Scholam nostram animi declarationem exprimebant; tum quod tui ad nos adventus spem non vulgarem nobis faciebant. De utroque plurimum nobis gratulamur, tibi que gratias habemus, & agimus maximas. Et quoniam ipse pro tua prudentia intelligis, vocationem illam, quæ nomine illustrium & generosissimorum Comitum Benthemienium nuper tibi oblata fuit, esse divinam, sanctam & præclaram, eamque jam Scholæ nostræ conditionem esse, ut sine maximo detrimento Theologiæ Professore diutius carere non possit; majorem in modum te per Dei gloriam & Scholæ salutem rogamus & obtestamur, ut nulla amplius morâ interpositâ cum præsentī Tabellario, sumptibus Scholæ iter ad nos instituere, nostroque voto & desiderio satisfacere non graveris. Gratissimus eris nobis omnibus atque exoptatissimus hospes; nihilque nobis erit prius & antiquius, quam ut omnibus modis de te bene mereri studeamus.

Bene



# E P I S T O L A E.

9

Bene vale, Vir præstantissime, cum tuis, & ut viva nos epistola primo quoque die exhilarēs, etiam atque etiam cura.

Steinfurti XVI.  
Martii Juliani  
Anno à nato  
Christo  
c1610cxv.

Nomine Senatus Scholastici

M. Clemens Timplerus

pro tempore Prorektor  
scripsit & subscripsit.

## XV.

Reverendo & Clarissimo Viro Domino  
Conrado Vorstio SS. Theologiæ Do-  
ctori, & Professori Goudæ, Salutem  
à Deo per Christum Jesum, Serva-  
torem Nostrum.

**E**Xtrema scholæ necessitas, Reverende & Clarissime Vir, Amice, & Compater honorande, postulavit, ut denuò tabellarius, unà cum literis Senatus nostri, ad Dn. G. Vossium fuerit mittendus, ejusque ad nos profectio omnibus modis urgenda. Jam enim ut scis, feriæ scholasticæ imminēt, & exigunt, ut novus Læctionum æstivo semestri habendarum Catalogus conficiatur: In quo nisi Theologiæ studiosi futuri Professoris, & Læctionum ab eo habendarum, spes aliqua fuerit facta: Metuendum est, ne omnes hinc discedant, & sic magnam scholæ nostræ cladem inferant. Ut igitur huic malo, quantum fieri potest, occurratur, opus esse judicavimus, ut D. Vossium, ad amplectendam vocationem oblatam, sumique ad nos adventum accelerandum, amicè hortaremur. Ac ut voti nostri, eò certius & citius, compotes fiamus; majorem in modum petimus, ut ipse pro tua prudentia, scholæ nostræ causam, ut hæcenus, ita etiam nunc, diligenter, & fideliter agere non graveris: Nominatim verò procurare, ut Dn. Vossius iter ingressus, directè per Gronaviam, Steinfurtum se recipiat. Quod si etiam is alium quemdam fidum comitem, præter Tabellarium præsentem sibi adjungere voluerit; hoc ipsi liberum relinquimus, & sumptus ei à schola omnes refundentur. De Doctore Gigante in integrum restituendo, nulla amplius spes est. Intellexi enim Generosos nostros Comites, Doctori Freidagio, Medico Osnaburgensi, hanc conditionem privatim, inscio senatu scholastico, ante aliquot septimanas obtulisse.

Utrum autem eam suscepturus sit, incertum adhuc est: & num è re Scholæ futurum sit, eum qui religione Latheranus est, & Mathematica non callet, in Professorum ordinem recipere, tibi judicandum relinquo. Quod si Dn. Freidagius, vocationem oblatam recusaverit; equidem eam Doctori potius Neuhusio, tametsi is quoque in Mathematicis non sit exercitatus, quam alii ignoto præsertim Calvinistæ rigidiori offerri cuperem. Sed neque ego, neque quisquam ex senatu nostro, quicquam operæ ad promotionem illam procurandam conferre possumus: cum Aulam Comitum Bentheimensium, minus faventem habeat. Doctor Gigas Monasterium suæ praxis medicæ sedem, & Officinam elegit. Quam ibi fortunam expecturus sit, tempus docebit. Doctor Martenus Electori Brandenburgico operam suam addixit. Quæ vero ipsius sit conditio, & quo in loco, ignoro. Quamprimum ad me scripserit, dabo operam, ut petitioni tuæ satisfaciatur. Uxor mea adhuc infirmæ & dubiæ est valetudinis. Spero tamen Deum, tandem mei, & meorum misertum, ipsi firmioris sanitatis usuram concessurum esse. De novis nihil certi habeo: nisi quod de bello, passim varii, & tristes rumores sparguntur. Benè, & feliciter vale, vir præstantissime, unà cum uxore, & Liberis charissimis: quibus omnes Collegæ mei, necnon Uxor mea, salutem plurimam adscribunt.

Steinfurti xvi. Mar-  
tii Juliani Anno à  
nato Christo c1610cxv.

Tua Reverenda dig-  
nitatis studiosissimus,

M. Clemens Timplerus Compater.

## XVI.

Clarissimo doctissimoque Viro Ger. Joanni  
Vossio S. P.

**H**Abes hic alterum Tabellarium, vir clarissime, ab illustri Schola Steinfurtensi ad te missum, ut eò te deducar, si modo animus tibi est locum saltem videre, & Spartz, quæ offertur honestissima, rationem omnem, cum annexo fructu, coram cognoscere. Ut videas, quanto tui desiderio illic flagrent, literas amici unius atque alterius, ad me datas, tibi legendas mitto; eâ lege, ut per hunc hominem retromittas, nec mihi fraudi esse permittas, tam fidenter & aperte tecum

C

hæc

hæc talia communicasse. Nisi ex aliorum relatu quadantenus te nossem, non sic agerem. Tuae prudentia erit, ne hoc quidem aperire, nisi fidissimis tuis, quidquam ad te scripseris. Nam siue vocationem illam complexurus es, siue omisurus, è tua te non minus quam mea fore videtur, ne vulgo hujus aliquid innotescat. Inaudiui aliquid de alia vocatione Leidenfi, jam aut delata tibi, aut saltem destinata. Hanc, si Steinfurtenfi præferes, quod facturum te suspicor, officii tui fuerit aperte mentem tuam nobis exponere; ut alibi sibi mature prospiciant (quod ægre jam fiet) qui priores te vocarunt. Si coram tecum agere mihi daretur, tuque fidere sermoni meo velles, fortè ut priores istos sequereris, tibi persuaderem. Nunc Deo, & tibi soli, rem committendam puto; amanter interim te rogans, ut saltem iter illuc tuum, quo vocaris, dirigere non graveris, & præsens cum præsentibus Comitibus & Professoribus, de negotio toto tractare. Sic enim plenius statuere tecum poteris, utro in loco fructuosius Domino Jesu Christo, & Ecclesiæ ejus servitutum tu speres. Deus tibi salutare consilium adspiret, & eventum largiatur suo nomini gloriosum, quem veri boni rebus aliis omnibus auferre debeat, & soleat. Vale, Vir Clarissime, hætenus quoad faciem ignote, deinceps melius, si placet, & in Domino & in facie noscende. Cras sub vesperam responsum tuum expecto.

Gouda Prædie Calendas  
Aprilis, Anni 1615.

Tuus in Christo

Conr. Vorstius

Doctör.

## XVII.

Doctissimo Viro Ger. Joanni Vossio.

**I**Ta est, ut scribis, Vir clarissime & doctissime, In utramque partem rationes non leves occurrunt, quæ in hoc ad Theologicam professionem vocationis negotio animum tuum impensè dubium & perplexum reddunt. At quoniam in literis tuis postremis non omnem plane tui ad nos adventus spem nobis adimere, sed plussculum duntaxat ad deliberandum temporis poscere videris: nostrarum partium esse duximus, non illico de vocationis illius divinæ successu desperare: sed duce Dei providentia ex parte nostra omnia tentare & agere, quæ tum ad te permovendum,

tum ad schola nostræ utilitatem promovendam conducere videntur. Quam ob causam etiam Clarissimum Virum Dn.M. Georgium Brinckhofium Logicæ Professore & Pædagogetarcham, Collegam nostrum honorandum ad te ablegare volumus; ut coram tecum de omnibus rebus ad hanc causam scitu necessariis fusè & distinctè colloquatur, omnesque tum itineris ineundi, tum vocationis amplectendæ difficultates, quantum fieri potest, removeere studeat. Ei igitur ut perinde, ac toti Senatui Scholastico, in omnibus fidem habere, ipsiusque rationibus locum dare velis, magnopere rogamus: Deum interim præpotentem votis seriis & piis invocamus, ut ipse totum hoc negotium ad sui nominis gloriam, ad Scholæ nostræ incrementum, tuamque ac tuorum omnium utilitatem ac salutem dirigere dignetur. Cujus divinæ providentiæ ac tutelæ, te quoque, Vir excellentissime, unâ cum tuis plurimum commendamus.

Steinfursi iv. Nonas  
Aprilis Juliani An-  
no Xριστογυλας  
c15 lxxv.

M. Clemens Timplerus

Prorector

Nomine totius Collegii

scripsit & subscripsit.

## XVIII.

Clarissimo, Doctissimoque Viro, D. Magistro Gerardo Vossio, Illust. Ord. Collegii Theologici Regenti dignissimo.

**S**cripsi Tibi, R. D. Compater, ante abitum meum in Walacriam, unâ cum literis publicis, quas pro Guilielmo Nicolai procuravi; simulque interrogavi, an non sufficeret, ratione muneris mei publici, chirographo proprio polliceri, sumptuum restitutionem, si filius non perseveret in studio Theologiæ: an vero publico Notarii instrumento sit opus, quale pro Nicolaide nostro misi; de quo adhuc responsum tuum expecto, ut ad feriarum istarum finem, filium meum ad vos mittam. Quanquam enim ex Walacria rediens, rumusculum quosdam subaudiui, de te sparsos, ex inconsiderato quorundam zelo: Illis tamen minimè moveor, quo minus filium meum, fidei, ac disciplinæ tuæ committere cupiam. Et tamen pro ingenuâ, & sincerâ inter nos amicitia non potui, quin te eorum, quæ de te sparguntur certiorerem redderem. Sunt inter studiosos (ut ab aliis intellexi) qui dicant



dicant se tecum contulisse, de hodiernis controversiis, teque variis argumentis propugnasse sententiam, de Electione conditionali, gratiaque universali: quin & scripto quodam, quod jam in studioforum manus pervenerit, explicuisse te sententiam tuam; Et levirum tuum D. Junium, hoc de te aperte testari inter studiosos, quam magis tibi arrideat, sententia Remonstrantium, quam nostra. Hæc tibi R. D. Compater, indicare volui, non quod hujusmodi rumoribus fidem adhibeam, (novi enim quam sint præcipitia his temporibus quorundam judicia, quam virulentæ quorundam linguæ, quam inconsideratus zelus) sed ut tanto magis caveas, ne ullam talibus calumniis, & pravis de te judiciis, occasionem præbeas, neque de his rebus conferas, nisi cum iis quos nostro pollere iudicio, & ea eruditione præditos, ut mentem, ac sententiam tuam, rectè assequi possint; Et si quid sit, in quo tibi videantur Doctores Orthodoxi non satis accuratè tetigisse, aut explicuisse veritatem, de eo iudicium tuum suspendas; donec assiduâ, & diligenti S. Scripturæ perscrutatione, affectus fueris ipsam Spiritus Sancti mentem.

Multa enim sunt in quibus, Viri etiam doctissimi, non satis attendentes phrasibus S. Scripturæ, & plusculum tribuentes Antiquitati & Autoritati Patrum, qui post Apostolorum tempora vixerunt; facile à puritate illa sermonis Apostolici desectant, & aberrant. Quod Ego quidem non ita te monitum velim; quasi diffidam industriæ tuæ, in studio veritatis constanti, & indefesso: sed ut videas, quam sis honoris tui, & existimationis apud omnes bonos, & pios studiosus. Vale mi R. D. Compater, & me tui amantissimum, mutuo amore prosequi, ne unquam desine, meamque hanc scriptionem, ut ex sincero pectore profectam, æqui bonique consule. Salutem adscribo uxori tuæ. Salutat etiam vos mea, & intra paucas hebdomadas, filium isthuc deductura, vos spero, salutabit coram.

Datum Dordr. Id.  
Aug. 1615.

Tuus tuique Observan-  
tissimus,

J. Becius.

## XIX.

*Clarissimo, doctrinæ & virtute Præstantissimo, Dn. Gerhardo Vossio Illustris. Ordin. Regenti dignissimo.*

Leydam.

S. P.

**B**enè & laudabiliter agis, Vir Clarissime, quod non tantum amicitia inter nos, recens contractæ cultores constans; sed etiam scholæ nostræ fautor adeo benevolus, ut propensam tuam voluntatem, ardensque studium, de ea benè merendi, signis non obscuris, sed luculentis declarare, & testari pergas. Commendasti mihi, & senatui nostro scholastico, D. M. Winandum Rutgersium, ut Philosophum, ita Theologum notæ non vulgaris. Illa commendatio apud illustres, & generosos Comites Bentheimenses Dominos nostros clementissimos, tantum ponderis habuit; ut nullus dubitem, si modò rogatu senatus nostri, primò quoque tempore, Steinfurtum, Scholæ nostræ visendæ causa venire voluerit: quin unanimis suffragis, professionem Theologicam, ei sint oblaturi. Ut autem ipse promptum sese præbeat ad vocationem, & iter istiusmodi suscipiendum: post Deum à cuius providentia omnia pendent, tuâ nobis operâ, & suadâ opus est. Nec dubito, cum ad scholæ nostræ negotium promovendum, ultrò tuum studium obtuleris; quin pro tua prudentia, omnia diligenter, & fideliter sis factururus: Utque id facias meo, & senatus totius nomine, etiam atque etiam peto. Ita ad priora tua Officia, magnum, & multum adjicies, & totam Scholam nostram, tibi devincies. De nova conditione, quam Leydæ consecutus es, animitus tibi gratulor, Deique benedictionem præcor. Ita enim futurum spero, ut studiis tuis major campus, ad promovenda Ecclesiæ, & Reipublicæ Literariæ commoda aperiatur.

Benè salve, & Vale Vir præstantissime, cum uxore, & Liberis carissimis, & me amare perge.

Steinfurti xxi. Julii,  
Juliani An. Xgrv-  
jovius c1c1oc xv.

Tuus omni studio,

M. Clemens Timplerus.

## XX.

FFF. Junius *Clarissimo Viro D. Gerardo Joanni Vossio, Affini conjunctissimo, precatur multijugas Domini benedictiones.*

**F**ama malum, &c. habent hoc omnes dissensiones, eodem linguis quo animos succo perfundunt: singuli ita ut sunt animati loquuntur. Ad nos hic crebriores quam optamus sinistri rumores, de Batavia vestrae turbulento statu deferuntur: Nos etsi aures nonnunquam demus, fidem non semper damus; quod imprudentiae notam evitemus. Interim esset pectoris ferrei, hac communi Ecclesiarum nostrarum calamitate non tangi, securè quietum, quasi è speculà, procellosos Christianae Reipublicae motus inspectare, & non quantum fieri potest, votis saltem & suspiriis, naufragium facientibus succurrere: Loquor ex sententia rumorum, qui indies ad nos transvolant, hi enim tales sunt, ac si res vestrae deploratae omnino jacerent, & medicae manus opem admittere amplius non possent: Unde enim in conciso, & penitus comminuto corpore, medicinam quis facere incipiat? Graviter vulnerata, corpori tamen annexa membra, remedium expectant, non autem à reliquo corpore avulsa. Mœremus & omnino vix consolabili dolore angimur, cum hæc & his ipsis alia magis tristitia auditione accipimus: Ego ad hanc rem nihil præter suspiria, & ardentes ad Deum preces afferre possum; Tu cum aliis divini Numinis sacrosanctam Majestatem timentibus viris communicato consilio, periculum facere potes, an illa per Dei gratiam, restorationis spes, integra relicta sit. Optat hoc mecum D. Teelinghius, cujus hæc de re literas vides. Pietas viri non ex te de integro me præcone; adhuc probe meministi, quid de ipso, non exiguae pietatis, eruditionis, & apud vos non minoris authoritatis vir tibi retulerit. Crede tantum ex pio pectore, non nisi sancta, & sana consilia proficisci posse; fidem scio in candore, & candorem in pietate non requires: proinde tutò, cum per otium licebit, rescribe; Omnis infidæ futilitatis suspicionem vera pietas tollit. En prior, ad communicanda Consilia provocaris. Deum Opt. Max. precor, ut vobis per spiritum suum adsit, quo Ecclesiae ipsius prodesse possitis, & uno animo, unâ operâ, in uniendis distractis

partibus versari. Saluta sororem mei amantissimam, cum tota vestra familia, & valetudinem tuam cura diligenter.

Middelb. Anno 1615.  
20. Octob.

Nihil hic quod aut te, aut muneris tui administrationem tangat, inaudivi; non est itaque quod teturbent hæc, quæ de sinistris rumoribus scripsi. Omnia enim quæ ad nos hic deferuntur, generalia admodum sunt, & incertissima.

*Tibi multis nominibus  
devotissimus,*

FFF. Junius.

## XXI.

**S**alus plurima, Reverende D. Regens Vossii. Quod serius ad te libros tuos mitto, factum diutina mea ab urbe absentia; uxor à matre avellenda erat & odi muliebres lacrymas; satis raro rident qui Ministris nubunt; cum peregre sunt, putant majorem sibi licentiam permissam; unde hoc habeant nisi ex natura non video. Nunc Dei beneficio rediit, sed non sine ploratu. Mitto quoque indicem quorundam librorum Pontificiorum, addito pretio singulorum, & simul indicem quorundam, qui à me desiderantur, ita forte absentes mutationem poterimus instituire. Si quos ex iis mihi permutare volueris, exige alios è meis. Collega iterum abest, itaque cogor me præparare concionibus & visitandis ægris. Tu Vir optime vale, & nos ut facis ama.

Vettraquino 14.  
Octobris 1616.

*Tuus tibi addictissimus,*

J. Lydius.

Cistæ huic meos vicissim includere poteris, & alios quos permutare voles. Rupertus de divino officio est inter opera Ruperti Gorionis, dum Amsterodami fui vidi exemplar Parisium, sed sum mea sorte contentus. Ritus Moscovitarum literis Moscoviticis emi, sed carius quam putaveram; nam expendi florenos 71. mihi Theodoresci Dialogos Romæ editos pro iis velis remittere, licebit tibi reservare, si abnuis, remitte librum meum Muscoviticum, cum reliquis meis quos expecto. Bucyriana mea habes omnia, nihil reservo.

XXII.



## XXH.

*Salus plurima, Clarissime D. Regens  
Vossi. Recte dixit Poeta;  
Contrabe ventis nimium secundis,  
Turgida vela.*

**N**Auta meus bene potus, quia hujus versus ignarus fuit, discedentem me non parum turbavit; vix Leiderdorpum venimus, cum navis prope eversa, tantum hausit aquæ, ut vix terram contigerimus, madidus igitur magnam viæ partem confeci pedibus; hæc Actus primi Scena prima. Tota nocte in diversorio me sub dio cubante potavit, hora tertia matutina iter confecimus declinantes pro frigore terram per omnes casus. Hæc ut rideas, scribo. Die Martis forte, crapula laborans de nulla re minus quam de protectione Leydensi cogitavit heroicus Nauta, nunc accurrit testudo, significans sibi propositum cras novam instituere volitationem, utinam melioribus avibus. Mito ad te libros tuos, addidi Valerium Maximam & Catullum Scaligeri pro D. Barlæo. Lyturgica Græca sunt Johannis Oorlars, cui eas addixi pro Dione; rogo uti D. Johanni Pythio illas ipsi curandas tradas. Discedens properante Nauta sub stragulo lecti in quo dormieram, reliqui librum quendam à D. Baudio scriptum, si placet una cum reliquis illum mitto, non est meus, sed commodato accepi ab alio, & nondum plene inspexi. Uxorem tuam, D. Meursium & Commensales tuos peramanter meo nomine salutabis. Raptim. 4. Nov. 1616. Utinam hac veniens damnum tuum relascias.

*Tui studiosissimus,*

Johannes Lydius.

## XXIII.

*Ornatissimo, Doctissimoque Viro, D. Gerhardo Vossio, Col. Hollandici, quod Leida est Regentis solertissimo.*

*Leidam.*

*S. P. in Christo,*

**S**criptum tuum, Ornatissime Vossi, tibi ita petenti cum gratiarum actione remitto: fecissem citius, nisi excipere prius quædam in usum privatim maluissem. Da igitur veniam cunctationi; Citra adulationem, dico scriptum hoc tuum ejusmodi

videri, quod unicum sufficiat convellendis iis omnibus, quos D. Walæus, reliquique levis armaturæ succenturiati milites, contra summi Magistratus in Ecclesiasticis, imperium hætenus, in aciem producere sunt ausi: Ad me quod attinet, tantum abest, ut quod autumas, ad umbilicum, opus meum perduxerim, ut jam à multis mensibus non inspexerim, quæ commentari occiperam. Causas quæ variæ sunt, jam non explico. Possem tamen brevi temporis spatio, rem expedire juvante Deo, si is qui fuit, animi esset ardor; Et per occupationes innumeras, quæ tantum non enecant me, quin & per hæc turbas, ac procellas, quæ animum de statione sua identidem deiciunt, liceret. Audio etiam Magnificum Dominum Grotium, accuratissimum de hoc argumento scriptum jam parasse: postquam loqui velle, est semet ludibrio exponere. Vix tamen abstinere, quin denuo me operi accingam, id si utile fore Republicæ Christianæ mihi persuadere queam. Fortè & meæ interest, ne penitus elinguis sim, tanto cum strepitu undique impetitus. At cûta nimis mihi suppellex est. Hæreo, an pergere, an vero figere arma debeam. Si quis, ejus magni facio judicium, properarit, facili momento, animum dubium impulerit. Tu imprimis, Vir doctissime, quem quanti faciam, quoque amore, tacito quamvis, complector, & Veneror, novit ille qui omnia. Huic te tuaque studia, Collegio cui præhs imprimis, ex animo commendo. Salveat plurimum à me conjux lectissima.

*Hæc 10. Jan. 1617.*

*Tui studiosissimus.*

J. Wrenbogaert.

## XXIV.

A. Schottus, Ger. Vossio *salutem.*

**E**quidem tibi me devinctum esse, atque obstrictum, Doctissime Vossi, dum spirabo ingenue profitear, indesque agnoscam, tuo me in ære esse, duplici nomine; cum quod Rhetoricis tuis, tam accurate conscriptis, nihil ut Neotericum viderim hætenus, melius (nihil hic gratiæ tribuo, aut auribus, sed ut debeo, candidè, sensa mentis enuntio) donaris, inaurato libello, & quidem sponte tua; tum quod eadem benignitate, animique pii inductione Basilii M. codicem calamo exaratum, veteremque, utendum miseris perlibenter,

ter, cum jam Latinam interpretationem recensuisssem, denuo tamen ἀσκητὴς illa contuli diligenter, à Capite ad calcem: Etsi ordinem sæpè mutatum in Basiliensi observassem, cujus & paginas, codici tuo (quem cum ingenti gratiarum actione, restituo, ac remitto) ad oram adscripsi; bonâ, ut spero, tuâ veniâ; Lutetiæ Græco-latina adornant editionem; Nos ἁπλοῦς juvabimus, nè frustra susceptus à me labor videatur. Codex enim perantiquus est, & probæ notæ: debeo itaque vobis, quod committere licuit, cum Cornarii Basiliensi ultima: Tibi quod ultro concesseris homini nihil tale speranti: & Rutgerio, qui index, & fautor fuit; Gevartio etiam, quia attulit, amico, debeo. Si quid aliud sacrum, (vide quid mihi sumam) in tua dilitescit Bibliotheca, vel Amicorum, quæso nobiscum communica. Sum enim in Patribus Græcis, Latinisque recensendis totus, ut hanc decet atatem, vitæque institutum. Grilli Alexandrini ἀνέκδοτα sub prælo sunt Nutiano, hoc est ἱεροκλέους ἁ. ὁ γλαυκός in Pentateuchum, sed ut lentum est omne id operarum negotium in Græcis, proximis nondum apparebunt nundinis. Quod in Rhetoricis Pet. Nunnesei, mihi quondam in Hiberia familiaris, (ut & Phrynichi Eclogas Atticorum verborum Augustæ editas, mihi duxerit inscribendas) librum laudes, ut hominis doctissimi, & de Hermogenis subtili methodo, ante Sturmium, benemeriti, scito me illius habere omnia, etiam Philosophica, ut erat etiam Philosophus excellens, græcæque doctissimus, ex ultima editione, quæ quidem typis sunt edita: si legere placet mittam, atque utinam isthic, si scholis visa sunt utilia, Typographum istic quoque reperiant, tua commendatione. Hoc te scire volebam, in eamque deferre visum qualemcumque Opellam. Vale in Dom. nosque amare, ac juvare ne desine.

Antuerpiæ, Idibus Febr. cło Ιοc xvii. quem vobis annum decurrere opto, feliciter. Strenæ vicem adjeci fasciculo Observationum nostrarum juvenilium exemplar, ut si vacat, nugas nostras, quas aliquid esse, putare videris, recensetas, doceasque. Ἐπιστολὴ πάλιν.

## XXV.

Andr. Schottus, Ger. Vossio V.C. χαίρειν.

TUÆ mihi gratæ, Doctissime Vossi, signis amoris, ac benevolentia plenæ. Perge amabo, nos amare mutuo, & literas provehere bonas, quæ & bonos efficiant, humanitatisque plenos. Sed Etymologicum tuum, cujus mihi spem fecit, imo salivam commovit Gevartius noster, fac, si nos, si te ipse amas, brevi editum videamus; ut nihil nos Fungerus, nihil nos Christianus Becmannus posthac moveat. Tua cupidissimis amplectar ulnis, quando tuis Rhetoricis legendis mirè sum affectus. Colonienfes operæ Bibliothecam illam Patrum, auctiorem parant extrudere, nostram in cæteris implorant opem; ut Antonius Hiera multa expectet à nobis, multa efflagitet. Misi jam quædam, ad Pontium Paulinum, ad Sulpitium Severum, ad Eucherium Lugdun. Episc. & alios. In Vigilio Tridentino Episc. scire avebam, è tua Bibliotheca instructissima; an Simleri editio plura, libro V. adversus Eutychen habeat, quam Georgii Cassandri, Colonienfis editio; Nam in Parisiensi operum Cassandri editione, quaternio accessit è membranæ Codicis Bibliothecæ Petri Pithœi. Nam Lipsiensis hæc editio, nescio quo anno evulgata, aucta est, à Cassandriana; hanc rursus Pithœi codex amplificat, libro extremo quinto, contra Eutychen, ut dixi. Similia si quæ observata, suggeres nobis, per mihi gratum, reique feceris literariæ. Inspiciat noster Gevartius, pace tua, Simleri Editio, an melior, an locupletior. Hoc si est, liceat bona venia vestra, mihi conferre, ut & Gelasium ibidem contra Eutychetem, quem non esse Pontif. Maximum, sed potius Gelasium Cyzicenum tradit Bellarm. Catalog. Eccles. Scriptorum. Cap. 494, & 495. In Cyprianum si quid suppetit, supedita. Nam in Tertullianum laborat Jo. Lud. de la Cerda noster; cujus vasta, sed erudita vidisti in Maronem Commentaria. Chrysostomi, aut Basilii græcæ scripta, quæ penes te sunt, fac ἐμυεσθῶν habere possim. Vide quam frontem perfricui? Tibi tuæque imputabis humanitati, quando ita largus es, imo & beneficus. Homo nimirum homini, bene merendo existit Deus. Vale, in Domino, nosque ama.

Antuerpiæ. Idib. Apr.  
lis cło Ιοc xvii.

Clarissimo



## XXVI.

*Clarissimo Eruditissimo Viro, D. Gerhardo Vossio, Professori Eloquentiæ.*

*Leidam.*

Vir Clarissime,

QUamquam ferè invitus, illis scribam quos de facie non novi; tamen facile hunc animum expugnavit amicitimus Holstenius noster; qui adeo mihi deprædicavit virtutes, & insignem eruditionem tuam, ut me amplius tenere non potuerim, quin cultum, & amorem offerrem. Unde & proximè tibi iussi dari Proclum nostrum: nunc V. Sidonium offero, quem velut obsidem, nunc nuper natæ, sed nunquam intermoriaturæ amicitia accipe, meque ama, quod mutuo facies.

*Hamburgi XVII.  
Kal. Jul. Juliani  
c10 Idcxvii.*

*Tui Studiofissimus,*

Geverhart. Elmenhortius.

## XXVII.

*Clarissimo, & Eruditissimo Viro D. Gerhardo Johanni Vossio Proregenti Colleg. Illust. Ordinum Holland.*

*Leidam.*

Vir Clarissime,

GRatias tibi habeo summas, pro The-  
sibus, & Libris communicatis, quos  
cum contulero, illibatos tibi reddam. Si  
improbum non esset, peterem Catalogum  
instruclissimæ tuæ Bibliothecæ describen-  
dum; traderes Holstenio nostro. Scio  
complures libros inter tuos esse, qui nobis,  
in nostris laboribus, mirum in modum  
poterunt prodesse. Syntagma Wouveria-  
num Holstenio transmissi, ut tibi traderet.  
Cum primùm Epistolæ prodierint, statim  
etiam ad te ibunt, ut & omnia nostra, quæ  
deinceps provulgabimus. Propter acer-  
bissimos calculi dolores, quos hætenus  
sustineo, nondum mihi licuit Theses  
tuas pervolvere; Inspeci tamen obiter,  
unum aut alterum locum, de quo proximè  
sententiam meam tibi aperiā; jam enim  
planè non vacat. Salve Vir Doctissime,  
& nobis responde.

*VIII Cal. Octobris  
c10 Idcxvii.*

*Tui Studiofissimus,*

Geverhart. Elmenhortius.

## XXVIII.

*Clarissimo & Eruditissimo Viro D. Gerhardo Johanni Vossio Proregenti Collegii Leidenfis.*

*Leidam.*

Vir Clarissime,

LIteras tuas rectè Holstenius noster  
transmisit, ex quibus, & eruditionem  
tuam, & benevolam erga me animum,  
oppidò lubens perspexi; cui in omnibus  
semper, & ubique paria faciam, quod fide  
germana tibi dico, spondeoque. De In-  
dice, grata sunt, quæ promittis. Desidero  
autem syllabum Theologicorum Libro-  
rum, cui studio, post Apuleii absolutam  
editionem, me totum mancipabo; perdu-  
camque multa (ut confido) profutura,  
veteri, & veræ Dei Ecclesiæ, cuius ger-  
manum alumnum, me in omnibus meis  
scriptis profiteor. Theses tuæ eruditionis  
diligenter perlegi, & reperi in illis multa,  
non publici saporis. Rogo, quicquid de-  
inceps provulgas, mecum communicare,  
ut velis: Ego rursum omnia minima, ma-  
xima ad te inter primos mittam. Jam in  
exordio novæ hujus conjunctionis, tibi ex-  
hibeo, Mansueti Episcopi Mediolanensis  
Epistolam elegantem, quam Jacobo Marci  
excudendam dabis. Is enim omnia nostra  
in se recepit, nec spero tibi indecorum  
erit, quod non de facie plebea, sed Sena-  
torii seminis homo, publico aliquo scripto,  
appellare te valuerit. Salve Vir Eruditis-  
sime, & me amare perge, quod mutuo  
facies. xv. Kal. Decembris Juliani c10 Idcxvii.  
Si adhuc extat penes te Exemplar Ora-  
toriarum Institut. velim id committas  
Adolescenti probo Joanni Loccenio, qui  
apud Jacobum Marci habitat, qui porro  
id rectè curabit. Illi poteris etiam tutò  
litteras tuas concredere. Iterum salve, &  
crebriter me appella.

*Tui Studiofissimus,*

Geverhart. Elmenhortius.

*Clarissimo,*

## XXIX.

*Clarissimo, & Eruditissimo Viro D. Gerhar-  
do Johanni Vossio Proregenti  
Collegii Leidenfis.*

*Leidam.*

Vir Clarissime,

**E**X quo Mansuetum tibi misi, nullas à te accepi, ut nec à Collegis tuis, Viris magnis, D. Heinsio, & Meurfio: quæ causa sit, expiscari non possum. Illud demiror, cur Adolescens, qui apud Jacobum Marci habitat, multaque, & magna mihi debet, tam obstinatè taceat. Si non est grave, statim aliquem ex tuis mitte rogatum; num Collybum, quem ante mensem ipsi, per Gasparem Vinekefort, Civem Amsterodamensem mihi, rectè accepit. Et quid de Theodulpho, Mansueto, & Gebeto sperare debeam. Magno beneficio me adicies, si postremam, ut vocant, probam semper inspexeris. Transmisi pronuper Nobiliss. D. Grotio, catalogum scriptorum Photinianorum, qui nùm ipsi reddidit, adhuc ignoro. Valde amo, & æstimo hominem, ob ingenii excellentis admirandas dotes, quibus eruditissimos, hac ætate, facilè vincit. Poteris in occasione, hunc nostrum animum illi apperire. Clarissimus Rutgersius, ante xiv. dies apud nos fuit, & negotiis ex animi sententia confectis, Hassiniam profectus est, quod D. Heinsio nunciabis. Apuleii Philosophica Jacobo Marci eis paucos dies committam; modò à te, vel Clariss. tuis Collegis, impetrare possum, ut onus corrigendi in vos suscipere velitis. Quod non tam mei, quam Apuleii causa, vos studiosè facturos, omnino mihi persuadeo. De Indice Theologicorum tuorum Librorum, iterum tibi aurem vello: si me amas, effice, ut prima occasione illum habeam. Nihil enim gratius mihi facere poteris. Salve, mi amicissime Vossii, & si nos non planè contemnis, responde properè.

*Hamburgi VI.  
Kal. Februa-  
ris Juliani  
civ. ioc xviii.*

*Tui studiosissimus,*

Geverhart. Elmenhorstius.

Ante VI. Septimanas misi eruditiss. virorum, D. Heinsio, sermonem Libanii, cuius res eis tui modestas duntaxat amonuit, in scriptum magno Rutgersio scire percipio, quid & illi factum. Iterum salve Vir præstantissime, & responde.

## XXX.

*Clarissimo Doctissimoque Viro D. Joanni  
Gerardo Vossio, Proregenti Collegii  
Illust. Ordin. Hollandiæ.*

*Leidam.*

**Q**uid hoc causæ esse dicam, Johannes Gerharde Vossii, inter doctissimos humanissime, inter humanissimos doctissime, quod nos adeo obstinatè contemnis, nec responsionis honore dignos putas. Longè aliud nobis promittebant candidissimi mores tui, & summus noster in te amor, quem abundè tibi in meis testatum feci probavique. Rogo te, aperiis nobis, paucis saltem verbis, causam tam pertinacis silentii, ne omnino de tuo affectu incerti, nobis planè persuadeamus, te hunc procum haud magni facere. Salve vir optime, præstantissimoque harum portitori, comem, & benevolum, te exhibe. Nihil mihi gratius facere poteris:

Apuleium Scaligeri, cum Catalogo librorum tuorum Theologicorum avide expecto. Nam Holsteinius nullum mihi misit: si inceperint operæ Apuleium nostrum, rogo curæ eum tibi habeas. Sicut Loccenio injunxi. Iterum salve, & responde si potes.

*Hamburgi VIII.  
Kalend. Aprilis,  
Juliani Anno  
civ. ioc xviii.*

*Tui observantissimus,*

Geverhart. Elmenhorst.

## XXXI.

L. Berchemius D. Gerardo Vossio  
S. P. D.

**N**E amicitiae jura violasse videar, vir ornatissime, has mei amoris testes literas exaravi: tua enim benevolentia & non mediocria in me collata beneficia, arcto admodum amoris vinculo, me tibi obstrinxere, quorum facile oblivisci non humani ingenii gratique animi esse judico.

Quid in hac Synodo Nationali hic Dordrecht habita actum sit satis superque ab aliis intellexisse te non dubito; hoc unicum tacere nequeo, me maxima admiratione affectum esse, cum Remonstrantes Summarum Potestatum tam exiguum rationem habere viderem, tantæque pertinaciæ (quam Constantiam vocare nefas putarem) sese, Illustrum Ordinum decretis opponere. Conscientiam suam præ-



prætexunt: faxis Deus non aliud quid lateat. Præterea quod in corona tot illustrium Theologorum Remonstrantes sibi soli sapere viderentur, illorumque iudicium tanquam adversariorum contemnerent, absurdum mihi valde videbatur, præsertim cum illi viri sanctissimi sanctissimo juramento se obstrinxissent, se ex conscientia & veritate iudicatos: Verum quam candide & blande cum Remonstrantibus hic actum sit, ex Actis Synodi brevi vulgandis evidenter patebit. Vir ornatissime, quem, Deo teste, amo, te illorum sententiæ nunquam subscripsisse scio, tæque in eo sæpius coram malevolis defendi, imo quod Synodi hujus Decretis & Canonibus assensurus sis, non dubito, & Remonstrantes (quod fortasse durius) suffragio tot præstantium Theologorum suffultus tanquam Hæreticos damnaturus sis. Quod si à te Viro tanto fiat, multum commodi & patriæ & bonæ causæ accessurum nemo dubitat. Nomini quoque ac famæ consulens provinciam quam nactus es cum honore tueri poteris. Varii hic Dordrechti rumores sparsi sunt, de Collegii regimine immutando atque alio Regente substituendo, verum vanos illos esse, illisque nullam fidem adhibendam, ex D. Rochò Vanden Honaert satis intellexi; cujus verba hic subtexam: *Quid de D. Vossio futurum sit adhuc incertum est: quod ad me attinet ego boni viri causæ favero; utinam Librum de Historia Pelagiana nunquam scripsisset! tum aliquid boni in ejus causâ adhuc sperandum fuisset, sed jam timeo.* Hæc tibi Vir optime, scribere volui si fortè tibi prodesse possent. Vale & me ama.

Die octava  
Julii, 1618.

Tuus ex animo,

Ludovicus Van Berchen.

XXXII.

Viro Clarissimo Hugoni Grotio, S. P.

Amplissime Domine,

**L**iteras tuas Prid. Cal. Sept. datas rectè accepi, cum doctissimi Vossii defensione. Gratulor Tibi toto pectore oblatum tam industrium, tam præclarum libri tui propugnatorem. Et quando Labor tuus Ecclesiæ

\* Vossii Responsionem intellige ad iudicium Hermannii Raven-sperg. de Hugonis Grotii libro contra Socinum.

Christi exantlatus pro merita gratia importuni hominis morsus sensit, gratulor tibi causam tuam à tam præstanti Patrono susceptam. Dolendum eo insaniz apud vos devotum, ut præ factionum studio tam protervè irruant quidam, ut nihil pensi habentes quid dicant, saltem odium suum & suspensiones promiant; & quid speremus porro tranquillitatis, si talibus ingenii frenæ relaxantur? Certe summâ cum voluptate & fructu legi doctissimi Viri lucubrationem, & jam istum quoque in maximis Viris porro.

Quod autem etiam publicè constare voluistis, quid ego sentirem, agnosco affectum vestrum, & quamvis sciam meo calculo nihil vobis accedere posse, gratum tamen mihi est, me inter bonos recensitum, quamvis mea scriptio tam rudis & inconcinna fuerit, ut lucem adspicere non meruerit. Consideratio autem horum qui sacra apud vos tractant, facit, ut vix quidquam sperare possim de Synodo quæ apud vos indicta, ad quam Ordines etiam Electorem nostrum ut suos Theologos eo mittat invitâre; ad eam rem designati David Pareus, Abrahamus Scultetus, Henricus Altingus & Paulus Tossanus, quantum incertum an Pareus septuagenarius valetudinis ratione, tam incommoda anni tempestate, iter illud sustinere possit.

Bohemicæ turbæ, ut in universum Imperium redundent, verendum est. Caesar magnas copias contrahit, & tamen à moderatioribus consiliis se non alienum ostendit, quâ in re nostrum habet & Saxoniæ adstipulatores, qui etiam laborem nullum defugiunt, ut Religio salva Bohemis ac libertas conservetur, & Casari sua auctoritas maneat.

Quod spem facis editionis scripti tui elaboratissimi De summarum potestatum circa sacra imperio, longè mihi gratissimum. Vellem & animum adjucces ad historiam tuam promendam, quam negare diutius non debes nobis ac posteritati. De Thuani Historia nuncio tibi, reliquæ jam sub prælo esse. Ut autem invidiam vitent Curatores, ita institutum est, quasi Exemplar ab auctore in Germaniam missum, jam promeretur. Excuditur autem Genève; qui locus tamen ob invidiam vitandam dissimulabitur.

Vale, decus nostrum.

Heidelbergæ, 25.  
Julii, 1618.

T. D. omni Studio

& Amore

G. M. Lingelsheimius.

D

XXXIII.

XXXIII.

Clarissimo Viri Domino Gerhar-  
do Johanni Vossio, S. Leida.

**I**ane vero cum cura legisti, ea quæ de Grocii libro scripsi? Utinam non cum præjudicio, aut animo calumniandi; cuius non pauca signa ubique paginarum, in tuo isto diffamatorio centunculo, deprehendere fuit; sanè cognovi plus satis, quid censeas de meo scripto, tamen nullus monuisses. Cognovisses itidem tu, quid ego de tuo, ad meum scriptum responso, statueram, atque adeo quid de eo statuam, & iudicem item alii viri clarissimi, & multo doctissimi, si mihi licuisset, per mandatum Senatus nostri Academici, cuius auctoritas pro eo, ac par est, mihi meritò sacro-sancta est, tuo responso respondere. Aliquatenus tamen intellexisti, ex Epistola mea, viro cuidam reverendo, & longè præstantissimo inscripta, typisque Baravicis, ejusdem studio descripta. Ceterum tuas litteras ad quas jam nunc respondeo, tum demum accepi, cum eas è Patria mea redux, ubi per ipsas decem & amplius septimanas egeram, in mensa positas viderem. Nempe ut scribis singula aliquid videmus, nemo omnia, neque ego tuas videre potui, cum alibi essem. Vale.

Groninga ad xx.

Decembris anni

1688.

T. S. S.

Herman. Ravensperg.

XXXIV.

Clarissimo & Doctissimo Viro, Gerhar-  
do Johanni Vossio, Proregenti Col-  
legii Illust. Ord. Hollandiæ.

Leida.

Vir Clarissime,

**A**Gellium manu illustris Scaligeri prænobilem, rectè transmisit nobis Holsteinius. Utinam etiam ejus Apuleium, per te habere potuissem? Fuisset ea res nobis longè gratissima. Audio eum in margine Novi Testamenti multa norasse, quod si forsitan in tua Bibliotheca, oro ne illud nobis invidas. Asellus noster, in asinum longè tardiore incidit, quem & repeti jussi, non sine indignatione, ut forsitan ex Luca nostro intellexisti: si D. Corvinus demum revenit, velim cum eo agas, ut Acta Concilii Chalcedonensis

prælo subjiciat; quæ sanè magno cum labore, ex antiquissimis membranis, locis infinitis emendavimus. Poterimus & alia infinita in Patribus præstare; modo bonum Typographum nacti sumus. Nam nostris sumptibus omnia edere, non est è re nostra; qui artem distrahendi omnino ignoramus. De Grocii infortunio, jam inaudieram: Et angebar intime, hominis causa, quem propter eruditionem insignem, semper amavi, & æstimaui. Voveo & animo, ut crucem suam ferat patienter, donec Deus eum liberet, à squalore & sordibus non boni carceris. Synodum finitam jam intelleximus, ex D. Heinsio: fac omnia ejus acta à te cognoscant; præsertim quo loco jam res tue sint. Sublimeo enim ne incendium Barnefeldianum te etiam afflaverit. Salve amicissime Vossi, & nobis de omnibus rescribe. Gratius mihi nihil facere poteris.

Hamburgi xvi.

Geverhart. Elmenhorstius.

Juncto 1688.

XXXV.

Clarissimo & Doctissimo Viro Gerhar-  
do Johanni Vossio Regenti Collegii  
Leidenfis.

Leida.

Vir Clarissime,

**D**E Orofii apologia, quæ observasti vera sunt, impenitèque nobis placeant. Cum librum istum publicabo, Lectorem ejus rei admonebo, quod non fiet, sine honore nominis tui.

† Ormestam, quis nobis confinxerit ignoro. Est verbum novitium, & planè nugatorium, ex Vincentii speculo & recentibus editionibus, perperam Orofio ad fictum, quod optimi avi MSS. Pa-

† Orchestam  
legis sagacis  
vir ingenii  
Fr. Juretus ad  
Symmachum  
p. 73. Cui non  
invidus accedo.

lat. Leid. & Lips. nequitiam agnoscunt. Magnas igitur nugas egerunt, qui recentior id nobis iverunt obtrusum. Commentaria in Cantica Cantorum, non sunt Orofii, sed Hanorii, sicuti jam dudum Patri Schotto scripsi. De Grocio, beasti me leto nuntio: hic enim omnia sava de eo narrabant: fac catastrophem totius tragediæ plenè à te cognoscam; ita tandem sine metu ero. Oratorias tuas rectè curavit amicissimus Holsteinius, quas scito gratissimas nobis fuisse. Non sperno beneficia quæ offers ex bibliotheca tua, compellaboque



pellaboque Holsteinium, ut hac in re, mihi manum accommodet. Cum Jacobo Marci pronuper, de nova Apuleii editione adornanda agere coepi. Nosti illum correctorem eruditum non alere, unde & pro amicitia nostra rogatum te volo, cum opus inceperit, ut tum postremam probam studiosè perlustrare velis, ne mendosè liber prodeat, quem ærumnoso labore, cum multis MSS. contuli. Si qua in re tibi vicissim inservire potero, faciam id perlubenter. Dom. Morsum tamdiu inibi fuisse, nec mihi literas misisse, pro certo signo animi, planè à me alienati, accipio. Monebis hominem, nisi planè memoriam nostri effuderit, antequam in Angliam proficiscatur, de omnibus rebus me scitorem faciat. Erit id mihi pergratum. Hæc ex recenti laniena nephritidis subæger, ad amicissimas tuas amanuensis meo dictavi; ut etiam scires me, vel in mediis tormentis, memoriam tui sanctè habere. Salve, Vir amicissime, & nos ama mutuiter.

Hamburgi, xiii. Kal.  
Febr. Juliani, An.  
c1510c XIX.

Tui studiosissimus,

Geverh. Elmenhorstius.

## XXXVI

A. Schottus Ger. Vossio *tu de græv.*

Lugd. Batav.

Vides, doctissime Vossi, hunc rerum statum, mirari ut definas, cur ego, in scribendo tam sim meticulousus, ne mea literæ obsint potius amicis, quam solatio sint in turbis. Age, de literis utrique caris duntaxat differam. Quum fratris mei Gualtheri Nepos, ad nos inviseret, seque Lugdunum cogitare, ubi juri civili det operam, affirmaret; hoc mihi sumpsi cohortante, ut ad te tribus agerem verbis. Quod in Græcis, quibus excellis, nec ego abhorreo, professionem mediteris, ad domesticas collegii curas, & Rhetorica illa tua, dono mihi misisti, narro tibi esse peries me notas aliquot in Theonis Sophistæ *αερωνδουδης*. Nollem mihi, posterisque perirent; quæque in antiquis notavi Rhetoribus; si spes est, istic Typographum reperiri posse, tua accedente lima, depromam, & in tuum sinum deponam; quæ habeo etiam Rhetorica, & Philosophica Nunneffii, etsi Valentini, hoc est Hiberi, vel Celtiberi potius. Fac

me de re omni certior, per Franc. qui has reddet, mittetque fratri meo Cos. Literas.

Et quia sacra & tractas, & abundas antiquis. Amabo si magnam illam Patrum Bibliothecam Coloniae nuper editam, inspexisti, & habes quod sit addere operæ pretium, & Catholicum; scito Appendicem adornari ab Ant. Hierat. qui nos visit. Quare si quid desideres, addique jubeas significa. Latent, fateor, multa adhuc abdita, in bibliothecis, quæ lucem avent videre atque existere. Cætera quæ de me meisque cognoscere lubet, Franc. hic noster, qui has reddet, narrabit. Reditum è Gallia Gasparis Gevartii expectamus, editis jam electorum Libris IV. nondum tamen rediit. Vale in Domino.

Antuerpiæ festo Sancti Augustini Mansueti Mediol. Episc. Epist. de fidei professione, tibi inscriptam nuper ab Elmenhorstio libens accepi, & adjungam in Append. magnæ Bibliothecæ.

## XXXVII

Clarissimo, & Doctissimo Viro Gerhardo, Johanni Vossio, Pro-regenti Collegii Leidenfis.

Leidam.

Vir Clarissime,

Remitto tibi per optimum Holsteinium nostrum, Arnobium, & Scioppij suspectas lectiones; remissurus etiam brevi, Euthymium cum Orofio tuo. Si interim poteris carere Scaligeri Agellio, rem gratam mihi feceris, si prædicto juveni eum commendaris. Pol anxie expecto, quo loco res quæ sint; ut & magnorum virorum, quos fortunæ tristioris tempestas, conturbavit graviter. Si non est grave, velim de omnibus, & Politicis, & Theologicis rebus studiosè perscribas. Erit id mihi pergratum. Salve, amicissime Vossi, & nos amare perge.

Hamburgi, xlii.  
Maii Juliani, A.C.  
c1510c XIX.

Tuus,

Elmenhorstius

## XXXVIII.

*Clarissimo, & ornatissimo Viro D. Gerhar-  
do Johanni Vossio, Regenti Col-  
legii Leidenfis.*

*Leidam.*

Vir Clarissime,

**B**ENE fit optimo, & amicissimo Holstei-  
nio nostro, qui te velut longi silentii  
somnia indormientem amica sua ammo-  
nitione excitavit, atque in viam officii, &  
scriptionis iterum reduxit. Ego licet sa-  
pius acerbissimis calculi doloribus oppres-  
sus sim, nunquam tamen committam, ut  
operam meam hac in parte desiderari  
queas. Librum tuum de diffidiis Pelagia-  
nistarum (quoniam incompactus erat)  
inspicere necdum potui. Puto eruditis-  
simum esse, ut omnia tua, quæ frementi-  
bus invidis, cum aliis tuis limatissimi ju-  
dicii scriptis canescent, sæculis innumera-  
bilibus. Massiliensis nostri Patrocinium,  
rectè suscepisti. Male-feriati homines,  
optimum virum pessimè onerant hæresi  
ipsana, de qua ne per somnium quidem  
unquam cogitavit. Baronius putat initio  
eum infectum fuisse labe hâc impurâ, sed  
postmodum ad sanio rem mentem relap-  
sum seriò errorem emendasse; cui ego ha-  
ctenus assensum accommodare non potui.  
De Mansueto, nihil est quod nobis gra-  
tias agas, multò potius ego tibi, eas re-  
ferre debeo, qui nitidè ejus editionem  
procurasti. Viri \* Magni-  
fici casum gravem vehe-  
menter doleo. Tribus ante capturam (ô  
utinam injustam!) diebus, humanissimas  
ab eo accepi literas, cum tua disputatione  
eruditissima notarum nugonis Ravensper-  
geri, qui stultè magno viro obvertit cor-  
nua. Earum literarum copiam tibi misi,  
ut videas, quàm de nobis rectè sentiat  
vir excellentissimus. Lubens ei scribe-  
rem, si scirem meas tutò ad illum per-  
venire posse. Demiror autem quòd is  
postea, adeo sui potuerit oblivisci, ut af-  
finis esset illarum rerum, quæ nonnisi pes-  
simo exitu terminantur. Rogo te obnixè  
ut tragediam illius funestæ rei mihi ex-  
plices, quo sciam, num etiam sine ca-  
pitis & fortunarum, dispendio, ex tanto  
incendio evolare poterit homo eruditissi-  
mus, & nobis propter divina dona, quæ  
consecutus est, admodum charus. Ex  
Orosii scriptis si quid habes ineditum, ro-  
go ut id communices. Non solum illius  
historiam, sed etiam de libero arbitrio,  
& quæ scripsit ad Augustinum junctim  
edam. Absolvi etiam Theodori Studitz

homil. Græcæ CC. Zonaram in Epistolas  
canonicas Veterum Patrum, & Acta con-  
cilii Chalcedonensis, quibus biennio jam  
Typographum quæro, necdum invenio.  
Vides nos in ea tempora incidisse, ubi ci-  
tius decem Nugatorii, & Novitii Libelli,  
quam unus antiquus, & bonus Author,  
emptorem reperiat. Poteram quidem meis  
sumptibus omnia ista producere, sed ar-  
tem distrahendi commodè exemplaria ig-  
noro. Si forsitan me juvare poteris, velim  
ne animus tibi desit; nos quacumque sal-  
tem conditione id fieri poterit, facile con-  
tenti erimus. Catalogum Theologicorum  
Librorum vidi lubens, in quo & mihi mul-  
tos optimæ notæ libros notavi. Salve, a-  
micissime Vossi, & si me amas, nobis de  
omnibus rebus, quamprimum responde.

Si quid me voles, poteris id vel Hol-  
steinio, vel Petro de Wittenb. & Gaspari  
Vinkefort Mercatoribus Amsterodamen-  
sibus celeberrimis, tutò inscribere. Iterum  
salve, Vir optime, & Clarissimos Viros  
DD. Heinsum & Rutgerium meis verbis  
saluta, simulq; ad scribendum incita.

*Hamburgi v. Kal.  
Nov. Gregoriani  
c15 Idc xliix.*

*Tui studiosissimus,*

*Geverh. Elmenhorst.*

## XXXIX.

*Clarissimo, & doctissimo Viro Dom. Ger-  
haro Johanni Vossio Professore Lei-  
denfi.*

*Leidam.*

Vir Clarissime,

**D**E Testamento Scaligeri, grata sunt  
quæ promittis. Utinam copia no-  
bis esset, ejus exemplaris, quod Vander-  
milius possidet! quod impenso quidem  
pretio lubens redimerem? Sed ubi loco-  
rum vivit Vir ille nobilissimus, quem to-  
ties ingeniosissimi mortalium, Baudius,  
Heinsiusque, in cœlum magnis extulerunt  
laudibus. Num & illum loceri oppressit  
calamitas miserranda, vel hosti? M. Cor-  
vino author esse debes, ut convasatis rebus  
suis, maturè sibi consulat, atque in Ger-  
mania locum sibi eligat, ubi Officinam  
Typographicam instituere possit. Ita cal-  
car nobis addet, ad illa detexenda, quæ  
jam pro desperatis sepelivimus. Erudi-  
tissimus Martinius jam certam spem sui  
adventus mihi fecerat, quem impedivit  
opus, quod molitur insanum magnum,  
*De Origine Latine Linguae*, cujus correctio-



ni omnino eum interesse oportuit. Si tibi est animus pecuniam tuam, hic apud senatum deponendi, puto me posse à Primario civitatis hujus Consule, qui mihi affinitate junctus est, impetrare, ut tuo nomine agat cum Octumviris, qui res, rationesque fisci procurant, ne gravatim eam recipiant. Poteris igitur mihi sententiam tuam plenius aperire; tum quibus conditionibus eam hic collocare possis, lubens tibi adsignificabo. Negotium Remonstrantium, partim ex literis amicorum, partim ex relationibus publicis cognovi. Nisi res citò transacta fuerint, ut has nubes coactas video, brevi datura sunt magnam tempestatem. Laudo prudentiam tuam, quod te ejusmodi turbelis non immisceas. Litem enim lis, & noxa noxam parit. Quod si Patres antiqui, qui non habitu, sed moribus, & vita, sapientiam Christianam exprimebant, jam resurgerent, & eos qui Trinitatis mysterium agnoscunt, Christumque, & Spiritum Sanctum Deum venerantur, adeo favidicè, de rebus, non merè ad salutem necessariis, digladiantes viderent, quid dicerent? aut quo non fugerent? N. \* N. benè Calvinianum, & acerrimum dogmatis de absoluto decreto

\* *Is est, opinor, Feltus Hominius.*

damnatorum assertorem, tibi in Reçtoratu successisse, cum mœrore, & cum indignatione percepi. Nunquam putassem homines acutos, adeo potuisse oblivisci suorum, ut homini modestissimo, incivilliter audacem; & optimè erudito, rusticè indoctum subrogarent. Exclamare libet

*Quo vobis mentes, rectè quæ stare solebant,  
Dementi sese flexere ruina?*

Equidem scripta umbratici hujus doctoris, quæ vidi, plena blasphemiarum, & fanaticarum opinionum cognovi, quæ nemo, nisi astrolus, vel exterrita mentis, probare possit. Peream, nisi ex unica tua Thesi, plus eruditionis hausi, quam ex istius hominis divite centone. Sed hodiè audacia, pro sapientia liceat uti: nec tam benè agitur cum genere humano, ut meliora pluribus placeant. Verùm querelam non instituo; illud dico, ut exauctoratio tua, mihi dividia fuit, ita recreavit me in solidum fortuna benignior, quæ latum campum tibi obtulit, in quo non minus vires eruditionis tuæ, quam in principe ista facultate, quam hætenus, summa cum laude obisti, exferas. Agè igitur negotium tuum, & reconditas illas artes palam profer, ut inimicis tuis oculi

doleant; atque ita omnes æqui & iniqui intelligant, te non minus benè Oratorem, quam commodum Theologum agere potuisse. Salve, mi amicissime Vossii, & nos amare perge.

Hamburgi, A.D. xiii.  
Augusti Gregoriani,  
c15 15 è xix.

Tuus

Elmenhorstius.

Testamentum Scaligeri rectè curabit Peter de Witte, Civis Amsterodamensis noti nominis, cui semper res meas soleo concredere. Iterum salve, & nobis responde.

# XL

*Clarissimo, & Doctissimo Viro Domino  
Gerhardo Johanni Vossio.*

Vir Clarissime,

**P**UTO te postremas meas, ab amicissimo Holsteinio rectè accepisse. Si me amas, effice ut sciam quam salve agas; hoc enim mihi, vel maximum erit. Apuleius noster jam in fine laborat, in quo si unum aut alterum locum, in juventute emendasti, notatu dignum, rogo ne eum mihi invideas. Video Typographum de la Maire, non usque adeo malè fragmenta veterum Poetarum edidisse. Magno beneficio me afficeret, si illi persuadere posses, ut Acta concilii Chalcedonensis, prælo subiceret. Ego lucrum non quero ex meis laboribus; sed id unum ago, ut prosum Ecclesiæ Christi, cujus interest, talia rursus produci, quo erubescant impudorati Novatores, qui ineptissima quæq, inficeto, & insipido sæculo, passim aggerunt. Scripsi antea de toto hoc negotio, ad doctissimum Holsteinium, quem non defuturum nobis probe scimus. Tertullianum D. Thyfii, an habere possim, scire velim. Quod si gravantius librum ipsum transmittere, saltè peto variantias, in quibus impetrandis, operam tuam non nobis denegabis: Sed & in alia re, tibi gravis esse cogor. Patronus meus magnus Rutgerius, dixit, in tua bibliotheca, extare Aldinum Exemplar Apologetici Tertulliani, quod avidè expetimus; ut & copiam variarum Lectionum, quas Galeno tuo olim adscripsit G. Falkemburgius. Nam & has, de facilitate tua securus, Professori Altorphiano D. Hoffmanno, viro insigniter docto, qui totum Galenum recens interpo-

labit, promissum liberaliter. Vides quantum mihi, de humanitate tua, pollicear. Salve, mi amicissime, & audaciae nostrae ignosce.

Hamburgi, A. D.  
xvii. Kalen. Januar.  
c1o 1o cxx. ra-  
prissime.

Tuus dum vita manebit,

Elmenhorstius.

### XLII.

Pio juxta, ac docto Viro, D. Gerhardo  
Johanni Vossio, S. P. conjunctissime  
Affinis.

**R**E ipsam aliquoties expertus sum, adesse tibi tantam benefaciendi vim, ut indulgentiam tuam necessitas amuletur; dum enim summa in me studia, officiaque avidissime confers, tantummodo debitum explevisse videri vis. Non feci paria, defuit enim facultas; atque eo magis cupio, ut animum mihi gratum Deus, & animo isti tempus, quam longissimum tribuat. Superfint modo solvendi tempora; reddam vicem si reposces; reddam etsi non reposces. Crebras interea prolaxaeque literas, certissima debita benevolentiae pigora, non invitus dabo; nihil metuens ne molestus tibi fuisse videar, modum in amore excedendo; neque enim periculosum est, ne sit nimium, quod esse maximum debet; & verissime amat, qui sic se amari putat, ut tedium non pertimescat. Postularem ut vicissim quid in oppido vestro, quid in finitimis agatur (solent enim notabilia quaedam incidere) perscribas; sed temporum ratio aliud suadet: scribes igitur quando, & quantum videbitur. Exsolverem nunc promissi fidem, literasque longiores, quam lubentissime ad te mitterem, nisi sollicita commodi hospitii investigatio, in tam ingenti urbe, me usque adhuc, à cognati Junii, D. Tileni, aliorumque alloquio arcuisset. Pleniores itaque literas, proximè sequenti hebdomade, expecta. Vale, & sororem mihi plurimum colendam, cum tota vestra familia, quam officiosissime saluta.

Reperim, Lutetiae,  
Anno 1620. 12.  
Augusti.

Tuus omni officio,

F. Junius, F. F.

Opportunè admodum adolescens, qui hasce meas ad vos defert literas, per aurigam neccentem moras diem adhuc unum

Lutetiae detentus fuit. Summo itaque mane cognatum Junium visurus, intellexi unà cum Rege ad expeditionem profectum. Varii hic quotidie per urbem incessunt rumores, & pro loquentium indole, turbidi, aut pacati. Credit optimus quisque labare hostes, petendaeque pacis consilia sumere, & brevi posse bellum patrari. Nuntiant contrà alii, Reginam Matrem turbas inexplicabiles minitari, vires regni intimas, molemque belli ciere, & neque astu, neque constantia, inter dubia indigere; existimo tamen, nisi me fortè in totum fallit, meum de hac gente judicium, ipsam Regiae praesentiae famam, bellum omne statim posse profligari: faxit hoc Deus Opt. Max. pacemque diu imotam, & inconcussam Regi, ac Regno Galliae largiatur. Nihil jam mihi accomodatius sit, quam ut Nobiliss. Legatus, quem discessurus compellavi, de rebus meis quid scribat cognato reduci; poteris adhuc uti operam alicujus amici, qui pariter, & me norit, & Nobiliss. Legato familiaris sit. Neque enim cuiquam, tam clarum statim ingenium est, ut possit emergere, nisi illi materia, occasio, fautor etiam, commendatorque contingat. Ad haec ut apud vos, ita & hic malignorum hominum rumoribus laceramur, tanquam pacis publicae turbatores, &c. quò magis opto, ut tantae auctoritatis, & fidei Vir, animum meum pacificum vero testimonio prosequatur. Literarum mihi reddendarum haec sit inscriptio. *Chez Mr. Piat, demeurant en la Rue St. Estienne des Grecs, vis à vis du College de Montaigu; aupres S. Genevieve: fac & sororem Diamantiam hac de re certiore. Iterum vale, 13. Augusti.*

### XLII.

Gerhardo Johanni Vossio, Viro Clariss.  
Affini conjunctissimo, S. P.

Virorum integerrime, sanctissime,

**L**icet crebrioribus literis, otium tuum negotiosum interrumpam, tamen non est quod verear, ne molestus sim tibi, cui vel orbem terrarum, non esset longum circumire meam causam. Hac itaque tui erga me amoris fiducia ductus, haec ad te secundas do literas, crebriores daturus, ubi quod scribam offeretur, imo etiam si nihil offeretur; unicum hoc debiti erga te amoris mei pignus absens dare possum; amat enim intimè, & flagrantissimè,



time, qui sic se amari putat, ut tedium non pertimescat. Nuperrimè de rebus meis literarum aliquid ad te dedi. Rex etiamnum abest, & cum Rege Nobilitas omnis; si brevi revertatur, quod plerique futurum sperant, uberrimè omnia, quæ me spectabunt, ad te perferbam. Non erit difficile: *Ἐργὰ δὲ δεύου ἡ δόξα μὴ ποτὶ μὲν.* Interim hîc clausus intra domum, alto pinguique orio, me immergo; atque omne hoc tempus intra libros, jucundissima quiete transmittito. Nam quid agam? Alienissimus sum à consortio hominum vulgò. Vin' scire quales plerique mihi videantur. *Κοινωνοὶ μὲν οὐκ ἔστιν ἡδύνη, ἔργα δὲ οὐκ ἔστιν ἡδύνη, φιλονεικίαι δὲ ἀλαφροί.* Nobilitatis, nisi me fallunt plurimorum testimonia, longè diversum ingenium est.

Celare te non possunt, quemadmodum 15. hujus mensis die convenerim D. Tilenum virum humanissimum, & pro veritate firmissimum; cumq; ei inter alia tuis verbis plurimam salutem apprecarer, subjungeremque me ignorare an ullam tui notitiam haberet, statim ipsissimis hîsce verbis responsum dedit, *Notissimus mihi est, & quidem merito suo.* His auditis, non erat cur porro ullam històriæ tuæ Pelagianæ, ut discedenti mihi in mandatis dederas, mentionem facerem. Et fortè adhuc judicium ejus super isthoc tuo scripto exquisivissem, nisi iter sibi ad Britanniam Regem habendum significasset, atque adeo jam sarcinas alligare affirmasset. Obstupui, perculsus novitate rei; cumque me videret tacitè, apud animum meum ambigere, quò hæc tam insoliti itineris usupatio spectaret; addidit ne sibi quidem causam ejus rei compertam; tantum evocari se blandè humanis Regiæ Majestatis,

\* Lancelotti Andrews.

& \* Episcopi Wintoniensis literis; Medicumq; Regium ad hoc missum, ut eo itineris comite uti posset. Quid opus est, in re tam dubia, suspicionibus multum indulgere? sufficere nobis debet, quod vir magnus, iniquissimam adversæ partis in fratres suos crudelitatem detestatur. Unde & ipse ego coram animosè satis spondentem audiui, nunquam se causæ melioris patrocinium perfidè deserturum. Proinde totius negotii exitum precibus seriis Deo Opt. Max. committamus. Interea tuam, tuorumque valetudinem, summus idem, atque optimus rerum humanarum Arbitr, gratosè promoveat. Ipse valeo; si valere est, suspensum & anxium vivere, expectantem in horas, timentemque pro capite amicissimo, quidquid accidere ho-

mini potest. Est enim suspensum, & anxium, de eo quem ardentissimè diligas, interdum nihil scire. Vereor omnia, imaginor omnia, quæque natura metuendum est, ea maxime mihi, quæ maxime abominor, fingo. Quò impenitus rogo, ut timori meo, vel per te, vel (si tutius, id judicabis) per alium consulas.

Lutetia, 18.

Tuus omnis Officio,

Septembris,

Ann. 1620.

Fr Junius, F. F.

Hagæ Comitû vivit quispiam Vansanten Collega D. Basii, & Kromvlietii, cujus unicus filius, Bokoldus Vansanten, hic Lutetia mensē unum mecum vixit, adolescens est multis experimentis eruditus, & quod rarissimum est, videtur amare bonam mentem. Italian sic satis iustravit: Me quoque in Italica lingua fideliter admodum institere cepit, & libentissimis in me instituendo, porro bonam operam navasset; nisi illum pater senex, videndi unius filii desiderio captus, à septenni peregrinatione revocasset. Neque Patrem, neque Adolescentem hunc antehac datum fuit noscere mihi; tu, antequam te inisset, ex ingenio Parentis, de adolescente ipso, conjecturam facies. Temporum ratio iussit, ut hæc scire te voluerim. Iterum vale. D. Molanus tuus quondam discipulus, spatio triduo eodem hic hospitio mecum usus est, antequam Salmurium, Bloys, Orleans, & reliquas istius tractus urbes viseret; unice vero à me petiit, ut te primis meis ad te literis, quam officiosissime salutarem. Dum omnia mihi videor, non minus breviter, quam diligenter persecutus; succurrit quod præterieram, & quidem serò; sed quamquam præposterè, reddetur tamen tribus verbis. Cum ex D. Tilenò quævissem, qualis ipse videretur iste, quem nosti, equitatus Regii Thesaurarius, in hac tantummodo verba respondit, *Quantus quantus est, Aulicus est, &c. Aulicus melior, quam Medicus est.* Scis quorsum hæc narrem. Tertio vale.

Clarissimo

## XLIII.

*Clarissimo & Eruditissimo Viro Domino  
Gerhardo Joanni Vossio, Theologo  
& Philologo eximio.*

*Leidam.*

Vir Clarissime,

**M**irari satis non possum, te Levio nuntiasse, me ad binas tuas, nihil tibi rescripisse. Testor numen divinum, me ab ipsis xv. septimanis, ne verbum, imo ne datariam quidem salutem accepisse. Unde & saepius mihi oborta suspicio, te planè memoriam nostri deposuisse: Sed bene sit Levio nostro, qui hanc mihi ademit molestiam, dum salutem, & librum tuum eruditissimum, mihi offert; qui mihi, ut omnia tua, gratissimus accidit. Lætorque plurimum tibi, favore cœlitum, iterum otium, & quietem obtigisse; quo laboribus tuis commodè, ultimam manum imponere possis. Nos etiam multa habemus, non inchoata modo, sed adfecta, quæ ob læculi fatuitatem & miseriam temporum, extrudere jam non possumus: quæ ubi meliora nobis apparuerint, posteritati non inuidebimus. Testamentum Scaligeri rectè accepi, quod cum MSS. Orphanis recipies, ubi volueris. Salve Vir doctissime, & de studiis tuis, quamprimum nobis rescribe.

*Hamb. A.D. xxv.  
Septemb. Juliam,  
1651 b c xx.*

*Tui studiosissimus,*

Geverh. Elmenhorst.

Cupio scire num Grotio, sine invidia, & reprehensione scribere possim.

## XLIV.

*Clarissimo Viro D. Gerhardo Vossio,  
fratri in Christo observando.*

*Leidam.*

Vir Clarissime,

**B**easti me luculento munere tuo; quippe non tantum utili mihi futuro, hisce in locis; sed penè necessario. Cum enim hætenus controversias omnes, de Religione, disceptandas esse crediderim, ex ejusmodi fundamentis, & principiis, quibus solidè, & securè semper, inniti posset conscientia; tamen nunc in eam necessitatem, incidere me video, ut aliunde petenda sint præsidia, quibus error revincatur, & conscientis quorundam tene-

ris, aut hesitantibus, scrupuli eximantur: Etenim his in locis nunc degere cogimur; ubi antiquitas utramque paginam facit, & omnibus licet ineptissimis, atque absurdissimis opinionibus, veluti scutum Gorgonis obtenditur, adeo ut qui eam sententiæ suæ, aut non potest, aut non curat obtendere, causa cadere; qui verò speciosè eam novit obducere, omne punctum tulisse: Et quicquid scriptura, aut recta ratio manifestè reclamare videantur, triumphare credatur. Tantum hic valet antiquitas: Unde hæc una, in omnibus, siue concionibus, siue colloquiis, veluti sacra quædam anchora est; ad quam, religatæ tenentur stupida plebis conscientia; usque adeo ut si hanc eximas Demagogorum declamationibus, animam Oratori adimere, & præter *obscuro*, nudamque larvam, in pulpito nihil relinquere, videri merito queas. Et hæc quidem cum sint hominum ingenia, necessum planè video esse, ut quo jure meritoque, opinionibus suis, antiquitatem semper prætexant, diligenter inquiratur, non ut hac ratione persuadeatur veritas, sed ut errori inveterato fulcrum suum subtrahatur. Eam ad rem, Vir Clarissime, tuam mihi Operam vehementer necessariam esse sæpenumero credidi: Etsi enim non desint, qui de singulis controversiis luculenter, ex ipsa antiquitate multa dixerint, scripserintque, tamen nescio qua ratione fiat, ut eorum autoritate, fide, & judicio, non ita fidenter stare audeam: Video sæpenumero alios, aliorum fidem sequi; & cum in antiquorum Patrum scriptis rudes sint, & hospites, eorum tamen autoritatibus veluti Laciniis quibusdam, hinc inde sine judicio avulsis, aut detruncatis, tam temerè, tam imprudenter, sua scripta interpolare, ut pudeat, pigeatque: Et hinc ferè fit, ut qui eos sequuntur, risui sese, & ludibrio, non raro propinent apud eos, qui in illis accuratè versati sunt, & ætatem ferè totam suam triverunt. De tua vero, (absit adulationis suspicio) tum fide, tum judicio in Antiquorum scriptis, adeo apud animum meum persuasus sum, ut te judice in controversiis ferè omnibus stare, & credere auisim: Quocirca vix credas, quam mihi gratum feceris, quod disputationibus tuis, de materiis aliquot, inter nos, & Pontificios controversis, me dignatus fueris. Utinam tantum in omnibus eandem operam posuisses, nominatim vero etiam in argumento, de imaginum cultu, & adoratione! Pro hac enim superstitione, summa vi, & quod dicitur, velis remisq; hic contenditur; nec mirum, incurrit



incurrit ea maximè in oculos vulgi, & Idololatriæ crassæ, Gentilibusque speciem habet, quàm à se amoliri semper student, sed irritò ferè conatu, nisi canam antiquitatem, veluti tabulam in naufragio, subinde arriperent. Et fuit non nemo nuper, qui mecum ea de re per occasionem, fortè fortuna oblatam, inter pocula pluribus egit, qui reliquorum omnium more, cum causam suam tueri non posset scripturarum Authoritatibus, ad hanc Aram confugebat, & in ea una præsidium causæ totius collocabat. Videbatur ille mihi multa dicere, ut *Θεου* suam posset *διαφυλάττειν*, quæ ab omni ratione aliena erant, & quæ tamen Antiquitatis totius unanimi consensu confirmata fuisse, firmis lateribus adseverabat: Uti inter cetera quod Gentiles omnes semper adoraverint Idola sua tanquam Deos, quibus videlicet divina virtus, personali unione unita esset, sicut naturæ divinæ humana Jesu Christi; cum tamen Lactantium expressè contrarium dicere, manifestum sit, aliosq; quamplurimos: Præceptum de Imaginibus non faciendis, fuisse ceremoniale & positivum; de Idolis verò non faciendis, morale, illud sublatum, nova lege, hoc perpetuum esse; Imaginis & Idoli distinctionem, apud Antiquissimos Patres, semper consentientibus calculis, traditam esse, & quod ex T. R. lubens etiam, & ante omnia intelligerem, Apostolos doctrinam de Imaginibus, tradidisse in Concilio Antiochæno, idque ex

† Hæc quidem apud Turrianum legere, memini. Sed statim odoratus sum, ea à Græculis, ut alia multa, fuisse conficta.

bibliotheca Origenis, † Pamphilum Martyrem descripsisse. Verba verò Canonis extare apud Turrianum. Lib. 1. pro Canonibus Apostolorum c. 25. Ne errent fideles erga Idola, sed expriment divinam humanam imaginem Dei viri, & salvatoris nostri, ac servorum ejus, ex adverso coram Idolis, & Judæis. Hæc aliaque cum ab eo affirmari, atque asseri identidem viderem, neque tamen, libri mihi ad manum essent, ex quibus illud refellere mihi aut liceret, aut etiam luberet; cum in eo causæ cardo non verteretur; non putavi tamen abs re me facturum, si à R. T. peterem obnixè, ut paucis, quid hisce de rebus sit, significare mihi non gravetur. Tanto autem fidentius id petere me posse judicabam, quod à publicis nunc oneribus vacas, & curis nullis gravioribus distraharis, & quod operæ pretium facturum sis, si hac in re, operam tuam nobis commodaveris; Quocirca etiam atq;

etiam rogo R. T. ut si quid à privatis, & fortasse melioribus curis temporis superstit; id trium horum capitulorum examini impendere velis. 1. An Ecclesia Antiqua, semper distinxerit inter Idolum & Imaginem? 2. An Gentiles crediderint Idola sua esse Deos ipsos, eosque ut Deos suos semper adoraverint? 3. An Apostoli doctrinam de Imaginibus tradiderint in Concilio Antiochæno, & an verba Canonis extant apud Turrianum; licet fabulosum alioquin, & vanum scriptorem? Unum addam, ut si plures disputationes habitæ sint sub præsidio vestro, eas per Kunerdiniam ad me transmittere non graveris. Dabo operam ne in ingratum beneficia hæc non contulisse reipsa comperturus sis; Et si fortè reduces nos ab exilio hoc tristi vobis sistat Deus, quod futurum non sine causa confido, omni officiorum genere compensem. Vale, Vir Clarissime, & perfer atque obdura; dolor hic tibi proderit olim. Dominus Jesus tibi, tuique, & quotquot bonæ causæ favent, propitius benedicat. Salveat à me D. Barlaus.

Rapissime 6. Novembris 1620.

Tuus omni Officio,

S. Episcopus.

#### XLV.

Præstantissimo Viro, D. Gerardo Joanni Vossio, Affini Conjunctissimo.

S. P.

SECUNDIS ad te literis, Conjunctissime D. Affinis, de Anglicano D. Tileni itinere, nonnihil ad te perscripti: quæ si rectè, ut spero, ad te sunt delatæ, superest ut nunc eundem Clarissimum Tilenum reducem tibi narrem. Ut reversum intellexi, inter gratantes ut debui accessi; neque gravatus est vir officiosissimus, totam rerum in Angliâ gestarum seriem fusè mihi narrare. En tibi itaque omnis negotii summam. Ad D. Tilenum, etiam Sedani agentem, impulsu D. Melvini, accessere duo Ministri Scoti exules. Nostri gentem istam Puritanam; cumque plus justo eorum in Regem querelæ, præsentè adhuc Jônsteno quopiam ardescerent; existimavit vir magnus, salubrium rationum fomentis; animos præferoces, & Zelinimietate morbosos, potius leniundos, quàm porro inflammandos; sed auribus eorum ad moderatiora consilia surdis,

dis, nihil aliud effectum est, quam ut exacerbatiores digrederentur. Non destitit interim Jonstonus, urgere D. Tilenum, ut præcipua collatiuncula istius argumenta scripto consignata sibi communicaret; quo impetrato, ad Regem Apographum transmisit, qui non indelectatus autoritate viri, & argumentorum pondere, Typis scriptum illud vulgari iussit, atque insuper desiderio videndi ejus flagrans, D. Tilenum per literas, blandè ad se evocavit, præsentemque arctissime amplexatus, gratias ei pro navata opera egit, amplissimumque obtulit stipendium, si in Angliam transigrare veller. Sed is unà hac hyemè in deliberandi spatium postulata, à Rege dimissus est, nunquam nisi me ratio prorsus fallit, sedem mutaturus. Promerem nunc hujus meæ suspicionis causas, nisi temporum ratio obstarer. Unum hoc tutius addo, virum doctum, non vanam spem animo concepissem, brevi futurum, ut non tantum sibi, sed & omnibus aliis bonæ causæ patrocinantibus, publica auctoritate, libertas quilibet imprimendi, hic Lutetiae concedatur; plurima ejus opuscula prelum postulant, quorum nonnulla mihi ostendit, animadversiones scil. in Canones Synodi Dordracenæ, Gallicum aliquod scriptum de causâ peccati, & plura similis notæ; scis quàm hoc alibi non liceat; sed ne longius à proposita narratione deflectendum sit, redeo ad incepta. Rex nihil aut parum admodum, cum D. Tileno de Remonstrantium rebus egit, contentus de Ecclesiarum suarum hierarchiâ ulterius quid ex ipso intellexisse. Episcoporum quoque non obsecrum in se favorem narrabat, multa addebar de singulari affectu; quo abeuntem persecuti sunt. Tum ego, an tui, & Historiæ tuæ nulla unquam à quoquam mentio facta sit, sedulo exquirere cœpi; Annuit ille, & præter aliorum magnifica præconia, à D. Josepho Hall, non sine summa commendatione, sibi oblatam quominus perlegeret, adversa valetudine fuisse impeditum. Intellexi ex his destitui ipsum scripto tuo; utque fidem tibi datam explerem, quid discessuro mihi in mandatis dedisses, significavi, & triduo post tuo nomine, non historiam tantum, sed & Resp. † ad Jud. Rav. † Responsionem ad Judicium Ravenſpergeri? dono obtuli; Ille utroque scripto gratissimè accepto, hospitium meum, undecimo post die, circa nonam matutinam ingressus, sollicitè admodum cœpit interrogare, quemadmodum te, ob hoc tuum scribendi genus excepiſſet:

Itaque post brevem rei gestæ narrationem, literulas tuas, quas solas 19. Sept. datas accepi, introspectiendas tradidi; quibus ille percursis, post varios sermones abiturus, hæc verba protulit. *Utrumque Affinis tui scriptum, cum maximo fructu, & summa voluptate perlegi; hoc veni tibi significaturus; & simul ac literarum aliquid ad ipsum dabis; non tantum meis verbis, plurimam ei salutem dices, sed & spondebis me suo tempore ostensurum, quàm non apud ingratum hoc suum munus collocaverit.* Digresso D. Tileno, Pomeridianum ejusdem diei tempus D. Junio, cum primum ab expeditione reverso impendi; & post mutua gratulationis officia, generalioribus, ut primum fieri assolet, & longè accersitis sermonibus, diem condidimus, cognato nunc fratris Casimiri mentionem faciente, alias sororum numerum percontante, & priores duas parentis nostri uxores, sibi visas referente, quandoque etiam de Patriæ nostræ statu nonnihil sciscitante. Septimo post primum congressum die, me unà cum aliquot Uxellodunensibus, ad prandium vocatum, magnifico lautitiarum apparatu, humanissime & splendidissime excepit. Atq. ita ne tunc quidem per importunam illiterati istius consortii præsentiam, de rebus meis quicquam egi. Interim proximæ cuiq. occasione manum injicere destinatum est, omniaque prout ceciderint, ad te perscribere. Sed jam dudum fortè ex me audire desideras, qualis mihi cognatus ille noster videatur; da veniam, Conjunctiss. Affinis, jam tale quid scripturus eram, cum præter expectationem, à proposito desistere cogor. ob præproperam Aurigæ Antuërpiani discessum. Itaque hebdomade proximè sequenti, nonnihil de rebus meis, & Agmonii † nostri, si Deus volet, ad te scribam. Nunc jubeo salvere, &c.

† H. e. Junii.

Alludit ad

nomen Hebra-

um Nadabi Agmonii, sub quo in Curopalace edendo

latere voluit Franciscus Junius Pater, Leydensis

Theologus.

Raprim. Lute-

rie An. 1620.

12. Decem.

Tuus omni Officio,

Fr. Junius F. F.



## XLVI.

*Clarissimo Doctissimoque Dn. Gerardo  
Joanni Vossio.*

Vir Clarissime,

**S**I mihi ad familiares meos scribendum foret, quâ ratione literas meas exordirer, non in ipso limine, materiæ penuriâ hæsitarem. Aut enim illis salutem nuntiarem, aut meum in illos amorem testificarer: sed neutrum impræsentia ulvenire intelligo. Nam quid Vossio cum salute, & amore Polyandri? Idem quod divitibus olim cum vocibus Clientum, manè præ foribus salutantium. Quid ergo? Num filebo? Id meritorum memoria, atque data olim fidelia præcepta vetant, eadem igitur servanda exordiendi ratio. At hæc è media Plebe, & Triviis, quæ scribo sumuntur: non mirum si à plebe Plebeja, è Triviis trivialia profiscantur. Quocirca cum sterilis mihi calamus, aliud tanto viro dignum, producere non queat, salvere te, Vir Clarissime, hoc rerum statu, multum jubeo, & Deum, ut meliori lætiorique te sæculo parcat, supplex oro, ubi sua merces pietati, laus eruditioni, & præmium concordia. Pessima enim & luctuosa hæc tempora, quo digna dicam? Tantâ ne luce? Vah, radii ejus cæcutiunt, afflueta tenebris, & eam fugere, si fugare non possunt, audentve, sedulo adlaborant. Quam misere, proh Deum immortalem! pietas, eruditio, concordia exulant: sceleribus, omnique nequitia generi applauditur; quæ natura eminere dedit ingenia, supprimuntur; Discordia, & ex ea orta Tyrannis nusquam non grassatur: sed quid ago? Æneæ regni Trojani excidium, & reliquis immitis Achillei, mala, quæ perpeffi sunt, narro. Præstat, quamvis sciam membra Epistolæ hujus inæqualia, ut me ad eam, quâ apud eruditos uti soleo clausulâ, conferam, oremque, cum aliud argumentum mihi relictum non sit, si quæ habeas, habere autem quamplurima scio, quæ studia mea promoveri queant, cupido mihi impertiaris: Nullo id præstiteris labore, quod mihi maximo foret indagandum. De meâ autem in te, Vir Clarissime, voluntate, sic velim judices, me, quæcumque postulaveris, quanquam videam, quantulus sim, & me nihil posse sentiam, tanto studio facturum, quanto tu semper, quod maximum fateor in meis rebus, cum sub regimine tuo degerem, te fuisse signifi-

casti: quod cum præstabo, animum tuum erga me imitabor, merita nunquam assequar. Etiam atque etiam cum conjuge charissimâ Vale, & moderata tua constantia fac infamet Tyrannorum injuriam.

*Roterodami, 22.  
Maj. 1621.*

*Tuus,*

Johannes Polyander.

## XLVII.

*Clarissimo Conjunctissimoque Adfini D.  
Gerardo Vossio S. P. Conjunctis-  
sime D. Adfinis.*

**G**Ratissimum Doubletii nostri adventum gratiorem tuæ ad me literæ reddiderunt, quæ cum crebriores alias prolixè spondeant, spem pariter faciunt omnino posthac futurum, ut & alias ad Reverendiss. Episcopum Wintoniensem is adjungas: de cujus summi Viri erga te, omnesque bonos benevolentia, jam nunc ad te literarum, aliquid scribit, D. Doubletius, auritus, & oculatus testis minimè vanus; mihi, tibi, publico non parum consules, si affectus integerrimi spontaneam vim ulterioribus doctæ necessitudinis officiis, fovere non desinas. Imo (si per tempora liceat) Britannos tibi tandem aliquando videndos judicarem. Sed de his aliis, certiore nuntio oblato. Nunc de rebus meis, hoc tantum habeo scribere, quod omnino futurum confidam, ut per Reverendiss. Virum, de honesta aliqua conditione, prospiciatur mihi, simulac Farnamensi Arce relicta, Londinum reversus erit. Interim tamen tuæ ad illum literæ, si advolare possint, gratissimas ei fore existimare debes. Non patitur temporis ratio plura me his annexere; Nunc naque finem facturum, D. Erpenio brevi ad vos redituro, uberioris, Deo adspirante, literas sum commissurus. Vale. Saluta sororem charissimam, & firmiter tibi persuade, me ad omnia debite gratitudinis officia paratissimum. Isidorum MS. Sandwici olim vidi: Inquiram an adhuc apud eundem Bibliopolam venalis proster, si quando eò excurrere dabitur.

*Raprim Londini  
Anno 1621. 18.  
Aug. St. Vet.*

*Tuus omni Officio,*

Fr. Junius F. E.

## XLVIII.

A Monsieur Vossius Professeur des  
Messieurs les Estats d'Hollande.

A Leide.

Monsieur,

\* In Partitio-  
nes Oratorias  
scilicet, quas  
illustrissimo  
Matthæo di-  
catat Cl.  
Vossius.

J'AY vû l'Épître \* dedi-  
catoire, que votre Affe-  
ction envers moy, vous à  
dictée; Laquelle je n'ay pû  
lire sans honte, à cause des  
excessives louanges, que  
vous m'attribués, que vous  
eussiez restraints à beaucoup moins, si  
j'avois le bien d'être mieux connu de vous.  
A cela près, il n'y peut rien estre trouvé à  
redire; Et puisque je ne me puis attri-  
buer tant d'Eloges, j'espereray qu'ils servi-  
ront, d'aiguillon à mes petits, pour y voir  
plustost, quels ils doivent s'efforcer d'  
être, qu'ils ne le pourroyent sur le patron  
de ma vie. Cependant je vivray en atten-  
te, de voir ce bel œuvre aujour, pour en  
profiter moy-même; & pour l'espoir de  
l'utilité, qu'ils en pourront tirer, par l'u-  
sage des bons preceptes, que votre rare  
erudition, & bien-veillance envers moy  
vous sçauront mieux fournir. A laquelle  
fin, je suis resolu de les mener, au premier  
jour, sous votre conduite, & les commet-  
tre à votre tutelle. Dieu veuille qu'ils y  
fassent tel profit, que cela leur serve à  
passer leur pelerinage en ce monde, avec  
moins d'inutilité pour leur Patrie, & pour  
eux mêmes. Dequoy ils devront recon-  
noître, vous avoir la principale obliga-  
tion; que je payeray pour eux, en atten-  
dant, qu'ils en soyent devenus solvables  
eux mêmes. Après cela il ne me reste,  
que vous prier de m'aimer, comme vous  
le ferés infailliblement, par

De la Haye  
ce 22. Aoust.  
1621.

Vostre tres-affectionné serviteur,

Du-Maurier.

## XLIX.

Maximo, Clarissimoque Viro, Gerardo  
Joanni Vossio.

Vir Clarissime,

QUz postremis meis ad te transmissis  
litteris, de summo Reverendi Epi-

scopi Wintoniensis, erga te  
affectu, ex relatu \* Affinis \* Fr. Junii FF.  
tui significavi; Ea nunc  
ipse comperi, & relatione, & eâ, quæ tibi  
inde nata esse potest opinione, longè ma-  
jora. Dum enim unâ cum D. Junio pro-  
fectus, ac sub ejus umbra latens, hoc ho-  
nore sum beatus, ut salutare Rev. Virum  
in Arce Farnamiae contigerit, vidi me hoc  
uno nomine gratissimum accessisse R. S.  
hospitem, quod in ædibus tuis educatus, de  
te tuoque, in R. S. amore singulari nun-  
tium ferebam. Hoc uno nomine tanta,  
ab hoc verè magnifico, & præcipuæ au-  
thoritatis viro, humanitate sum exceptus;  
ut nunquam majorem, imò vix parem in  
ullo, vel infimæ sortis mortali sim exper-  
tus, aut experturum me sperare audeam,  
scilicet pro sua magnificentia, habere quos  
vult, potest splendide, & honorificentis-  
simè, & pro singulari comitate, ac huma-  
nitate, beare quoque vult summis hono-  
ribus, omnes quos videt R. S. amantes,  
aut à viris eruditissimis, (quos facit maximi)  
grata nunciantes. Non fuit nos quam-  
diu Farnami commorabamur, aut prandi-  
um aut cœnam sumere alibi, quàm unâ  
cum R. S. in aula propria: Quin & di-  
feriè professus vir Rev. nolle se nobiscum,  
aut prandium habere, aut cœnam, qua  
non se DD. Grotii, Vossii, & Erpenii  
memorem, poculo tantorum virorum sa-  
luti dicato, probaret: subinde nos com-  
monefaciens sedulo, ut si viri esse vel-  
lemus, (verba ipsa audire te scias, vir Cla-  
riss.) exemplo suo, idem faceremus stre-  
nuè. Fuit cum præfatus V. R. semel se  
Grotium, pluries Erpenium vidisse, excla-  
marer; Ecquane unquam spes erit D. Vos-  
sium in Angliâ videndi? adderetque, velle  
se, & expetere unicè, ut dum abest Vos-  
sius, absint duo isti alii, crebro eorum  
nomina, in mensa sua saltem audire pos-  
sit. Et ut uno verbo comprehendam om-  
nia, nulla non dedit nobis vir iste Re-  
verendiss. affectus in te propensissimi in-  
dicia, quorum aliqua jam ex hisce uti  
existimo, literis percipere potuisti, alia  
proximis, siquidem occasio se offerat tuto  
transmittendi reservo: aut, si unâ cum  
Episcopo, sperare tuum in Angliam ad-  
ventum mihi liceat, præfenti præfens in-  
dicare gestio. Velim nunc exprimere pos-  
sim per literas ego, quanto animi mei  
gaudio videam ita benè tibi, & causæ tuæ  
velle virum tanta hic, & autoritate, &  
dignitate pollentem; sed dubitare non po-  
tes de affectu meo, nisi unâ dubites, de  
studio meo, quo annitar, semper talem  
me



me probare, qualis ut sim, exigunt, & natura, & recta honestatis ratio, & quæ tandem alia esse potest, vitæ benè instituendæ moderatrix. Vale, vir Clarissime, unâ cum conjugē, & liberis, & omnibus bonis.

*Dabam raptis-  
simè Londini IIII.  
Kal. Septemb.  
Cl. loc xxi.*

*Tuarum virtutum Insignium*

*Admirator & Cultor,*

G. R. Doubletius.

Puto fore, ut totam hyemem, in Anglia transigam, quod eò scribo, quò si id mihi à te favoris obtinget unquam, ut literas à te ullas habere possim aliquando, huc eas transmittas; nec sit quòd metuas, ne jam in Gallias fortè, uti constitutum erat, trajecerim. Vale, & tui reverentem ama.

L

*Præstantissimo Viro Gerardo Joanni  
Vossio, Affini conjunctissimo.*

*Conjunctissime D. Affinis;*

QUamquam recens de uxoris tuæ, sororis meæ, morbo Nuntius, sollicitum mihi animum, tristi imagine confuderit; tamen Deo Opt. Maxi. multiplices curas in gaudium vertente, de metu non queror. Quod superest, Deum Immortalem precor, ut illam tibi, unâ cum spei non dubie liberis, fortem, & hilarem diu præstet: fieri vix potest, quin ad vos jam dudum, perlata sit res, plurimorum rumoribus agitata. Trimestre & amplius est, cum Archiepiscopus Cantuariensis, inter venandum cervo imminens, ictu fallente, hominem sagitta confixit. Difficili conjecturâ non eget, quam gravi vulnere, casus tam luctuosus, & ipsius Archiepiscopi piâ mentem, & bonorum omnium animos adfluxerit. Nondum is dolor exoleverat, cum statim, non levis difficultas inde exorta, omnium aures oraque advertit, nam quatuor inter, quibus imponenda manus erat, Episcopos, aliqui ambigere cœperunt, an consecrationem hanc, humana cæde, cruentatæ manus ritè possent perpetrare: Neque deerant alii complures, qui destinatione tacitâ, in locum Archiepiscopi, summa (ut putabant) dignitate exuendi; Wintoniensem sufficerent: Wintoniense ipso multum obnitente, & nihil non obnixè pro Archiepiscopo faciente. Vidit

tandem Rex ad curam suam negotium hoc pertinere; oculosque circumferens, decem spectatissimæ Sanctitatis, ac fidei, viros elegit, qui eruditionem suam interderent, & genus quæstionis, aut non sat tritum, aut etiam inexpertum, ad liquidum perducerent. Erexerat eâ res publicam expectationem, omnis moræ impatientissimam: summisque viris hinc inde, dum Antiquæ Ecclesiæ Canones conferunt, & excutunt, in studia per aliquot dies diductis, abruptam undique gratam saluberrimi consensûs spem, timida sollicitudine non pauci augurabantur; donec Rev. Wintoniensis Episcopus, infinitam hanc sententiarum diversitatem, unico allegato Canone diremit. Clericus de quo dubitatur, an sit regularis, non est irregularis. Modestia gravitasque Rev. Viri mirificè commendavit dicti opportunitatem, præcipuè acceptam, diutinâ quasi altercatione fessis. Sententia itaque hæc, non prævaluit modò, sed omnino post tantas dissensiones sola fuit frequens. Magnam sibi tam notabili æquissima moderationis Exemplo, Vir Rev. admirationem, tam apud ipsum Regem, quàm apud omnes bonos comparavit. Monuit certè Archiepiscopum Rex, ut conservatæ gratiam dignitatis, ad unum Wintoniensem referret. In his erat curis Reverendiss. Dominus, cum tuas ei literas offerrem; quibus ille jam dudum, ut longè gratissimis respondisset, nisi priores hæc curas, ex improvviso Parliamentum excepisset, quod res quoque meas nonnihil moratur, copiâ Illustr. Comitem Arundelium conveniendi negatâ, qui jam pridem unice petiit, ut sibi operam meam integram reservarem. Brevi itaque si Deus annuat, de omnibus meis rebus te faciam certiozem. Exemplar literularum, ad virum magnum datarum, descripturus, hic me, præ temporis angustia sistere cogor. Neque necesse habeo, quicquam super hac re scribere, cum tute omnia perspicias.

*Raptim Londi-  
ni Anno 1621.  
Kal. Decemb.  
St. Ver.*

*Tuus omni Officio,*

Fr. Junius F.F.

LI

## II

Maximo Viro Dom. Gerardo Joanni  
Vossio.

Vir Clarissime,

**T**Antopere me pudet diurni mei silentii, ut hunc quoque scribere, & sic à longo errore, tandem in viam reverti, propemodum erubescam. Video enim non dari alium mihi reditum ad Officii tamdiu intermissi partes; quam per ingenium, sed turpem, supinæ negligentiae confessionem: Cui tamen veniam sat scio facile dabit tua humanitas, praesertim si consideres, esse interdum hanc non minimam officii erga amicos partem, non esse officiosum nimis; saepe enim molesta magis quam grata est, frequens illa ad viros magnos, & nunquam non seriis occupationibus intentos, scriptitatio: quasi verò futilibus ineptiis, & literis inanibus legendis otium semper suppetat iis, quibus nunquam, advolvenda Doctorum scripta, suaeque vicissim aliis tradenda Lectoribus otii, temporisve est satis. Et certe ipse etiam nunc, ita habeo pauca scripta digna, ut nisi me ad scribendum impulsisset, summum cum claritudine tua, quatenus fieri potest, colloquendi desiderium, vel hoc tempore quoque, ab hisce literis transmittendis, manum abstinuissem. Nec enim dubito, quin per D. Junium, omnia diligenter ad te perferantur, quae hic geruntur, scitu digna: uti quam, non ita pridem utraque, hic tam Oxoniensis, quam Cantabrigiensis Academia rigida censura subiecit Paræum, Bucanum, & alios: quae si nondum fortasse innotuerunt, nunc accipe. Habebat Oxonii ante menses circiter tres, aut paulo amplius, concionem Juvenis quidam Theologus, & non satis temporum, in quibus vivimus, observans; sed probus aliqui & existimationis bonae. Hic cum prius generalia quadam proposuisset, ex quibus vereri videbatur, nequid Religio reformata, ubique ferè terrarum, nunc concussa etiam in Anglia, detrimenti caperet; tandem consurgens deveniebat, ut assereret in tali casu, fas fore subditis, aut saltem inferioribus Magistratibus, etiam invito, & aliud moliente Principe, omnibus modis, atque adeo, vel armis Religionem veram, ejusque publicum exercitium tueri; addens illustrandae Theses suae causam, existimare se, Regem Galliarum, si (dum exercitui Reformatos in urbe aliqua obsidenti interest quotidie) ferro per manum subditi

caderet, justè & sine ullo mactationis crimine occisum iri. Quae verba cum ad Regem, nescio qua ratione delata essent, statim eum in vincula conjici, & captivum ad se adduci Rex jubebat; nemine dubitante quin capite lueret immoderatam linguae licentiam; sed cum examen super causa institutum esset, Juvenis hic (*Knights* nomine) credidisse se profitebatur, esse hanc communem omnium Reformatorum sententiam, atque ita se à Reformatis Doctoribus esse edoctum, citans Paræum in Commentariis in Epist. ad Rom. Bucanum in locis communibus; & Stephanum Junium Brutum, sive \* Authorem Libri, cui Titulus, Vindicta contra Tyrannos. Excusabat hoc aliquantum juvenem, in Theologia Tyro-nem, non absolvebat plura quam Authores dixerant, construentem, & hypothes

\* *Is est* Hubertus Languetus, Burgundus, Melancthonius, Thuanus, Plessæus, & alii summe charus.

inde formantem. Itaque ipso in carcere detento, censurae Academicarum postea traditi fuere praedicti Authores. Ac Oxoniensis quidem capita aliquot selecta, pro erroneis, falsis, impiis damnans, Paræi solum commentarios ad Romanos publice conflagrandos censuit, quod etiam factum, conquisitis quotquot in Officinis Bibliopolarum, & Musæis studiosorum, reperiri poterant exemplaribus. Cantabrigiensis verò etiam Bucani locos communes, & Bruti vindictas, publice flammis tradidit: Et ipsos Authores (si modo ita senatus censuit, uti senatusconsultum scripto conceptum, nondum tamen approbatum erat, cum ego id Cantabrigiae viderem) perpetuam infamiam notavit: Fueram hæc perscripturus antea, cum omnino nova essent, nisi una cum Oxoniensi Decreto (quod nunc mitto) etiam Cantabrigiense longè elegantiori forma, & multo acrioribus verbis conceptum, transmittere desiderassem. Quod tamen ne nunc quidem, post longam expectationem, editum videre contigit: Simulac haberi poterit, curabo ad te perferendum. Videbar ego in Cantabrigiensi Senatu videre pluresculum bilis, in rigidos istos Genevensis reformationis Professores; sive ea causa sit, quod Puritanorum omne nomen exosum habent; sive quod plerique ibi Remonstrantium sententiae sunt addictissimi: Fui istis tempore Comitiorum, in convivio publico splendidissimo, cui plerumque 30. Doctores Theologiae, alique Equites ac Nobiles intererant, ubi acerrime de praedestinatione, libero arbitrio, & reliquis



quis apud vos tantoperè controversis capitibus disputabatur, quibusdam Remonstrantium sententiam obnixè defendentibus, adversus Doctorem Balcanquallum, tibi jam pridem tempore Synodi Dordracenæ notum & alios: quo nomine, cum ego valde mirarer, dicebant mihi Doctorem unus & alter (quibus Episcopus Wintoniensis me per literas commendarat) dubium sibi esse, utra pars, plures in Academia haberet fautores, Remonstrantiumne, an contra-Remonstrantium. Quod in privatis colloquiis ipse postea, verum comperi in quamplurimis. Quin ipse, qui nunc est Academiae Vice-Cancellarius (magnæ hinc autoritatis nomen) remonstrantissimus est, uti & ille qui ejus rogatu Summè certè elegantissimè conceperat, & mihi jam tum in arctissimam consuetudinem admissio, privatim perlegendum dabat, rogans interim, ne antequam prodisset, exemplar exscriberem, aut cuiquam rem communicarem; quoniam incertum erat, anne isdem planè verbis unquam divulgaretur: Quod ego dum sanctè amico roganti servavi, non possum ultra quicquam hac de re tibi notum facere. Silere nequeo, quanquam gratiam ex aliorum erga te affectu nullam capto, quam Cantabrigiæ invenerim, multos Vossiani nominis amantissimos; ipsam quoque Balcanquallum, Scotum, qui synodo interfuit: Sed præcipuè Doctorem Hieronymum Bealum, Aulae Pembrokianæ Præsidentem, virum eruditissimum, quique humanitate sua, & amore in me singulari, multum me sibi obstrinxit; & voluit quoque, ut cum occasio daretur, affectus sui in te propensissimi testis apud te essem.

Porro, ne hoc quoque ignores, Rex Angliæ, quò doceat Pontificios (ita enim ego lubens mihi persuadeo) uti majore quàm consueverunt, erga Reformatos clementia, die iv. *Augusti*, literas ad senatum, & omnes per universum regnum Officiarios dedit, quibus Pontificios omnes, ubique è carcere liberari jussit, qui, quod juramentum fidelitatis, Regi præstare recusarant, magno numero per totam Angliam detinebantur captivi; Ministris præterea omnibus interdixit, ne ulla inter Pontificios & Reformatos, controversa capita, in publicis concionibus disputarent: Solis enim Episcopis, Decanis, & Doctoribus, ea in umbone attingere, si opus sit, fas esse voluit. Quæ cum multi interpretarentur, quasi Nuptiarum cum Hispaniæ Principissa contrahendarum præambula; ego tamen potius credere malo,

ex ea quam dixi causa procedere; ne si cum vulgo sentiamus, pravis suspitionibus, & perversis ominationibus, injuria fiat Regi religiosissimo, & fidei defensori. Certè disputandi licentiam paululum coarctari non est sine ratione, cum aliqui sæpè eveniat, ut argumentis adversariorum ingenue propositis, solidè respondere nequeant, qui ea moverunt, unde fit ut causæ propriæ, magis obfint quam profint. At tu hæc, pro judicii, quo polles gravitate, melius ponderare potes, quid velint, & quò tendant, quam ego scribere. Itaque desino, teque cum lætissima Coniuge, & Liberis divinæ tutelæ commendo. Vale, vir clarissime, & quo soles affectu prosequi me devotissimum, quælo ultra prosequeris.

*Tuus in Christo,*

*Londini, xvi. Aug.  
St. Ver. 1622.*

G. R. Doubletius.

Salutem plurimam, quæso D. Scriverio, D. Barlæo, D. Berchoutio, meo nomine, impertiri velis. Si Deo placet, præsens rursus vobis adero, post bimestre; interim si aliquid à te literarum videre contingat, scis quam id mihi sit futurum longè gratissimum.

## LII.

*Spectatissimo Viro, D. Gerhardo Joanni Vossio.*

Conjunctiss. D. Affinis,

**S**I per sororem Brunæam literas, quas Londino discessurus, ad te pariter, atque illam raptim dabam, rectè accepisti, omnino futurum brevi confido, ut petitioni meæ satisfactum esse gaudeam; præsertim si iis quos ad me transmitti postulaveram libris, faustum de tua, sororis, omniumque liberorum vestrorum prospera valetudine nuntium adjunxeris. Miro certè res vestras cognoscendi desiderio teneor. Nam quod sororem natu maximam attinet, ne quidem ubi terrarum vivat suspicari possum. Latere te non potest, quàm vario dubiarum opinionum æstu agiteretur animus, pro conjunctissimis sollicitus, eoque omnem mihi scrupulum, festinata scriptione eximendum, mihi esse cogitabis. Ego hic tertium jam mensem in ædibus Rev. D. Norwicensis vivo; qui summis me in hac mea conditione non penitenda honoribus

noribus dignatur. Adspiret modò Deus Opt. Max. conatibus meis, & honoratissimum totius Angliæ Marefchallum, ex gravi lapsu periculose satis decumbentem, sanitati pristinae restituat. Jamdudum boni otii partem, Grotianæ ad fidem introductioni impendissem, nisi nobile aliquod conjugandorum par, illustrissimi Comitis filiolum, ad nuptiarum suarum celebritatem advocasset; & nunc quoque cum venationi, aut equitationi nobilissima indoles intenta est, me comitem postulat. Post hebdomadas tres, quatuorve, in urbem relictis agris migrabimus; ubi si, quod spero; plusculum à talibus exercitiis vacare contingeret, efficiam, ut tibi otii mei ratio constare possit. Deum precor, ut te, uxori, liberisque, incolumem diu conservet, meq; familiæ vestræ utilem, quandoque præstet. Saluta omnes sanguinis, & amicitiae necessitudine nobis junctos.

*Raptim, Ludhami,  
in edib. Rev. Episc.  
Norwicensis, Anno  
M. D. C. XXII.  
vi. Non. Aug. Sc. ver.*

*Tuus omni Officio,*

Fr. Junius, F.F.

Rudem aliquam paterni sigilli imaginem ad me transmittas velim, plumbo vel cerâ expressam.

### LIII.

*Clarissimo, Eruditissimoque Viro, Dom.  
Gerardo Johanni Vossio, Professore  
dignissimo.*

Vir Clarissime,

Virum reverendum D. Rivetum, Collegam vestrum quem mihi Galliam petenti, bona fors, & summa viri humanitas, viæ & consiliorum ducem dederant, longè gratissimum; ut itinèri quo Bataviam repetit, accinctum videam, nec quam in perferendis literis, comiter offert operam, ambabus arripiam manibus; nec impetrare ab animo meo possum ipse, nec finit vinculum arctissimum, quò me tibi obstrictum tenes, non ad sempiternam solum acceptorum beneficiorum memoriam, sed & eorundem agnitionem frequentissimam. Uti enim is quem Principis liberalitas, latè fundorum constituit Dominum, sub eâ lege, ne unquam se accepti muneris immemorem prober, neutiquam officio suo faciat satis, si intra se, & animum suum, semper sit gratissimus, nisi etiam quotannis, oblata re, vel minimâ, auctorem

suum recognoscat: Ita & ego graviter me peccare crediderim, in sanctas officiorum leges, si simplici contentus animi gratitudine, non subinde ore quoque & calamo, summa tua in me merita, ingenuè agnoscam, & profitear. Eamque oris, & calami professionem nudam tua humanitas, pluris facit scio, quàm vulgus hominum, quicum nihil tibi unquam commune voluisti, magnos æstimat æris Thesauros. Utinam verò, dum ego, quod officium mei est, facere contendo, unâ aliquid adjungere rerum novarum, quod te oblectet, possim; aut de virorum eruditorum in Gallia (quos tibi vel fama, vel literarum commercium, vel utrumque notos fecit) lucubrationibus, & curis habeam, quod perscriberem. Verùm quia pusillum illud temporis, quod in Gallia transegi, æquè ab aula, ac eruditorum virorum consortio transegi remotus, nihil nunc tale occurrit, hæc tantummodo scribenti, ut cùm consuetus tuus erga me, & tamdiu probatus affectus, te ex D. Riveto, inter alia querere faciet, quid de me, quem secum unâ abduxerat, egerit; ipse tum quasi rogatus, respondeam, me divini numinis auxilio, hætenus sospitem, & optata valetudine fruientem, ac paria de te, familiaque tuâ omnibus votis sperantem, hoc unicè expetere, ut quæ tibi ex animo semper vovi, & voveo, propensissimi affectus officia, aliquando tibi, aut tuis (quod nunc non sunt) usui esse possint. Vale, vir clarissime, & nunquam desine amare

*Tuum, tuarum virtutum pro  
viribus Cultorem Max.*  
*Thouarci, raptim.  
die 17. Septemb.  
1623.*

G. R. Doubletium.

### LIV.

*Clarissimo Doctissimoque Viro Dom. Gerardo Joanni Vossio, Professore  
Academiæ Lugdunensis.*

*Lugd. Batav.*

S. P.

Nisi humanitatem tuam nossem, clarissime vir, excusarem literarum mearum audaciam, ad te hominem semper in literis occupatissimum, præsertim cum sine argumento veniant; nisi tu fortassis hoc pro argumento, satis magno, (quæ tua est benignitas) reputabis, quod amorem, & cultum meum, erga virtutes tuas perpetuum testentur. Certe, mi Vossio,



fi, quamvis interea temporis, ex quo tibi Lugduni valedixi, varias, & terras & maria obiverim: (fui enim & in Britannia, & in Gallia, & in Italia, redux deinde, in Germaniam excurri, in vicinam quoque nobis Poloniam) nunquam tamen fuit, ut non sæpè de eximiis virtutum tuarum meritis, ea cogitaverim, quæ illorum admiratorem religiosum, cogitare par est; sæpè etiam apud alios, quoties fuit occasio, mentionem eorum injecerim, quos partim inveni tibi insigniter velle, partim, (quod sine jactantia dixerim) tales ego de prædicatione mea feci. Quo meo erga te studio, quamvis alia desint, (ut rectè nihil quoque est aliud, quo me apud te efferre possim, aut velim) hoc fortassis mereor, ut non neges mihi in posterum, quamvis longè absenti, favorem eundem quo me præsentem nihil certè magis merentem profecutus es. Vellem nunc de studiis meis, aliquid ad te, tanquam omnis, sive sacræ, sive profanæ, literaturæ promum-condum deferre: Sed hoc forsân prudentius eo differam, cum intellexero tibi non ingratum, literis à me sollicitari: nunc satis sit veluti vadium primum tentasse. Requiris tu forsân contra à me aliquid, de hujus Academia statu. Est sanè illa si numerum Professorum putes, sic satis rectè constituta; nec desunt inter eos viri egregiè eruditi: Interea cujus fama ad externos manarit, vix habeo nominare, præter Pelargum, & Origanum, illum in Theologicis, hunc in Mathematicis, tibi sine dubio notum. Est & Neander quidam Ethices Professor, Vir optimarum literarum, nec minus Juris Civilis, & Philosophiæ practicæ, insigniter peritus, quo nullum hic tractus in latina lingua oratorem habet elegantiorum, cujus & orationes funebres, typis descriptæ extant; sed nescio an Rhenum, & Danubium transierint. In disputationibus, nemo hic magis fervet Wolfgango Crellio Theologo, cujus præmaturum ingenium (non multum enim, ut suspicor, triginta annos excessit) longum adhuc bellum omnis generis, hæreticis minatur: Aperuit nuper eodem ferè tempore, duo collegia, alterum contra Lutheranos, alterum contra Socinianos, quos vocant. Socinianorum nomen revocat mihi in mentem, Antilrotium, quem scias Racoviam, jam sub typis fervere, & fortassis ad umbilicum esse perductum: Vidi enim jam ipse, bonam illius partem. Author illius est Joannes Crellius, Wolfgango nostro nomine quidem similis, sed nulla cognatione devinctus; juvenis ferè & ipse,

mihi jam ante plurimos annos, notus in Academia altorphinæ, ubi jam tunc emicabat in illo singularis quædam ingenii acrimonia, & judicium supra ætatem, quæ tamen ille modestia planè virginali, quantum poterat, celabat, & deprimebat. Porro si quid ad me rescribere aliquando dignaberis, literas tuas mittas saltem Amsterodamum ad Remum Egbertum Episcopium, Mercatorem tibi, ut credo non ignotum: Cum illo sic constitui, ut sciat, quonam illas ad me dirigere debeat. Vale, optime Vossi, & bono Reipublicæ literariæ, quàm diutissimè feliciter vive.

Dab. Francofurti ad  
Oderam A. D. viii.  
Eid. Nov. ann. ære  
Chr. clc xxiii.

Tuob. servantissimus,

Mart. Ruarus.

LV.

A. M. Vossius.

Monfieur,

JE vous envoie cy jointe la lettre de Monf. Boswell, la longue & dangereuse maladie du quel a esté cause du retardement de vos affaires par deça. Maintenant vous entendrés de sa lettre la continuation de la bonne affection de Monf. le Baron de Brook envers les bonnes lettres, & envers votre personne: à laquelle lettre je n'adjousteray rien de ma part, si non, ce que j'ay entendu de mes propres oreilles ces peu de jours passéz de la bouche de Monf. le Baron c'est qu'il vos attend par deça avec impatience; qu'il vous assure de ce qu'avez désiré par vous lettres; que rien ne manquera de sa part, qui pourra appartenir à vostre accommodement. Monf. je vous conseille de hastier tant que vous pourrez vostre voyage envers nos quartiers: ne vos arrestez à ceste première fois à vostre famille qui pourra suivre commodement en bon temps: cependant ne vous desgagez pas entièrement de l'entretenement dont l'Université de Leyden vous a déjà pourveu, mais si tout ne vous agréé icy, ordonnez vostre voyage de la sorte, qu'y puissiez avoir seure retraicte; je ne dis pas cecy, pour vous descourager en la moindre façon, ou pour ce que je me doute aucunement de la réelle execution des promesses de Monf. le Baron (lequel est honorable en tout & par tout) mais à cause que luy est fort âgé; & pourra faillir en un moment de ceste vie, devant que les bons desirs qu'il a conceus soyent

de tout point arrestéz. Adieu Mon<sup>r</sup>. & hâtez vous de nous venir trouver, ou ne trouverez autre chose sinon les effets d'une cordiale affection.

Londres ce 15. de  
Janvier 1624. St.  
ver.

Monsieur,

De vostre tres-humble  
Serveur

Dudley Carleton.

## LVI

Doctissimo Viro Gerardo Joanni Vossio,  
S. P.

\* Epistolam  
hanc in Mis-  
cellaneis Hi-  
storicis pri-  
mum vulga-  
vimus.

INCIDI \* nuper, doctissime Vossii, dum officinas identidem pertranseo, in opus tuum de Historicis Græcis, eruditum sanè & ad meum gustum. Coëmi, dumque investigo quæ in limine Cuzæus J. C. ait de arte Historiæ à te præmissa esse, non hic repeti, negantque sibi visa. Si exit annis prioribus, jube ut Elzevirii mihi current. Narro tibi apud me collecta esse, veluti naufragii scalmos, Vet. Historicorum Græcorum fragmenta, ut Latinorum edidit & Fulvius Ursinus, ab Antonio Augustino collecta, ut nosti, & Ant. Riccobonus. Si putas istic tua operâ evulgari posse, non meo appposito nomine, (hac lege) mittam ad te per Tabellarium, cui tantum portandi perfolves laborem, præterea nihil. Rhetores adhuc antiquos collectos habeo, & nonnihil illustratos, qui & tuam implorant opem, quia Rhetorica tam excellenter simul iterumque edenda curasti, ut & de præcis Rhetoribus libellum, quem legi libenter, ut antea Tragicorum vet. Latinorum à te digestas reliquias. Macte porro, & Græcos Latinosque Scriptores, ut cepisti, illustrare, ac compingere perge feliciter. Vale. Salutat te tenebrio, qui Photium dedit Latine.

Antuerpiæ, 24. Maii 1624.

## LVII

Clarissimo Viro D. Gerardo Joanni Vossio, Eloquentiæ, & Histor. Professori, S.

ACEPI, mi Affinis, ante aliquot hebdomadas, opuscula tua, quæ ad me misisti; omnia perplacent, præsertim verò illa, quæ contra Lonigum edidisti, quæ non solum ego, sed & D. Scultetus, & doctissimus quidam Baro, ex Austria profugus, cui etiam dedi exemplar, quod mihi miseras, cum voluptate legimus: optamusque omnes, ut quemadmodum cepisti, ita pergas à vocibus, aut disputationibus scholasticis, tandem ad res venire; sunt quidem illa rei literariæ utilia, hæc verò Republicæ utiliora, licet iis, à quibus prodeunt, periculosa. Deus tamen vivit, adestque iis, qui curam populi ipsius, eorumque quos ei præfecit, habent. Placet quod tam breviter, & methodicè responderis. Nec enim susurriones isti tanti sunt, apud nos, ut in eorum gratiam, magna volumina condi necesse sit. Si duobus, aut tribus exemplaribus carere posses, velim ea ad me mitti, ut & alios, qui à me petierunt, eorundem participes faciam. A Samuele Nerano tandem literas accepi, ut & à sorore nostra Rostochio. Ingenii satis habet, ut mihi quidem videtur: Faxit Deus tantum, ut ingenio rectè utatur. Respondi iis Kal. Maii, & quidem amicè, ut inter fratres, & affines decet, rogavique ut sese tandem cum Ecclesiis nostris reconciliet. Videbo quid præstiturus sit. Utinam diem illam mihi videre liceat, qua familia paterna audiat in causa religionis, vestigia ipsius premere! Tu, quæso, me pro viribus juva, & ipsum ad idem mone. Pro pecunia numerata mulieri isti, gratias habeo. Scribit foror, me nunc aliquo modo, in ære vestro esse. Puto tamen illud perexiguum esse. Utcumque sit, conabimur satisfacere. Vale, mi affinis conjunctissime, & Uxori Liberisque, plurimam à me, Uxore, & Matertera salutem dic. Nos omnes per Dei gratiam valemus, etiam si filiola natu minor, ante aliquot hebdomadas, in summo vitæ discrimine versata fuerit, à quo tamen gratiosè eam liberavit Deus.

Raptim, Groningæ,  
17. Junii 1624.  
St. ver.

Tuus Affinis,

J. Junius.

Quas hic conclusas vides, eas rogo ad D. Lotium perferri cures.

LVIII



## LVIII.

*Translation d'une lettre du 27. de Juil.*

1624, écrite par le Sr. Guillaume Boswell (Secrétaire de Monseigneur le Garde Seau) au Sr. Dudley Carleton, Secrétaire extraordinaire du Conseil Privé de Sa Majesté de la Grand Bretagne.

Monsieur,

**I**L vous peut souvenir de ce dont je vous ay parté touchant Gerardus Vossius. Je vous prie encore ceste fois, de lui donner advis par la preniere opportunité, que le Seigneur Broock ayant resolu de fonder presentement une lecture d'histoire (ou *Civilis Scientie*) dans l'Université de Cambridge, à intention sur ma recommandation dudit Vossius, de la conférer sur sa personne. Les conditions ne seront point grandes ne difficiles; son entretien sera mille quatre cents florins par an ou davantage, & son logis franc, peut estre, en quelque College. S'il accepte le service & place, obligez le d'escire sa response à vous ou moy, à fin que je la puisse monstre à la Seigneurie qui l'attend en grande devotion, & qu'il s'assure que je feray mon mieux d'amender des termes dessus specifiez; ou luy faites sçavoir que s'il escrit, qu'il sera nécessaire qu'il face un voyage, pourveu que la Seigneurie de fraye ses dispens, en Angleterre. Je parleray à la Seigneurie de Pen assuer, & plus particulièrement de la somme. Je vous prie derechef de me faire entendre response de cet affaire avec autant d'expedition que vos occasions vous permettront, & vous m'obligerez de tant plus à demeurer,

Monsieur,

Du College de Westminster,  
le 27. de Juil.  
1624.

Votre Serviteur très-humble,

Guill. Boswell.

Je fus hier chez Burlamachi pour voir, & si je n'estois maintenant en haste sur mon partement vers Cambridge j'escris à Vossius moy-mesme, comme il y a apparence que je feray par le premier ordinaire.

## LIX.

A. M. Vossius.

Monsieur,

**A**Yant esté nagueres à Leyden en esperance de vous y pouvoir trouver, on m'a informé que vous vous estiez retiré à Dordrecht pour quelque temps; de sorte que pour ceste fois là je faillis de la commodité que je m'estois proposée de vous parler, touchant les desirs de quelques bons amis que vous avez en Angleterre, quoy qu'inconnues encor à vous, lesquels ont complotté avec my Lord Brooke, de vous proposer une honeste condition de vivre en nostre Université de Cambridge, si ainsi n'est que vous soyez déjà mieux pourveu au lieu où vous estes presentement entretenu: les particularitez de ceste proposition estants contenues en translat d'une lettre, qui m'a esté escrite sur mon dernier partement de Londres de la part de Monsieur Boswell, Secrétaire de Monseigneur le Garde Seaux d'Angleterre (homme treffçant, & admirateur ensemble de la grande doctrine qui est en vous, selon qu'il a bien peu appercevoir par vos escrits) vous en delibererez s'il vous plaist & m'envoyerez vostre response demain ou après-demain; laquelle je desire d'avoir au plustost, estant dans peu de jours pour retourner en Angleterre: vous trouverez au translat de la lettre de Monsieur Boswell son affection point dissimulée de vous rendre service; & s'il vous pluit de lui escire un petit mot sur ce sujet, je seray bien aise que d'estre porteur de vos lettres: comme aussi de vous faire tout la courtoisie qui sera en mon pouvoir, quand vous aurez occasion de vous servir de moy. Ainsi en attendant vostre response, je demeure,

Monsieur,

A la Haye ce  
10. de Sept.  
1624.

Votre serviteur très-affectionné,

Dudley Carleton, au logis de  
Monf. l'Ambass. de la Grand  
Bretagne.

## LX.

*Incomparabili Viro Dom. Gerardo Jo-  
anni Vossio.*

Vir Clarissime,

**N**isi notum me tibi, meamque tui ob-  
servantiam, abunde tibi perspectam  
scirem, esset certe quod vererer, ne om-  
nem & tui, & meorum officiorum me-  
moriā, apud me extinctam crederes.  
Adeo non me latet, quamdiu sit, quod  
nihil ad te literarum dedi. Sed nec quod  
darem fuit hactenus, imo ne nunc qui-  
dem esset, nisi ad scribendum, me com-  
pellerent infausti hic, de morbis conta-  
giosis Lugduni, & alibi in Hollandia a-  
crius grassantibus, rumores. Delatus no-  
bis hic Romæ fuit Nuncius, de morte præ-  
matura D. Erpenii, qui certe mihi rei-  
publicæ literariæ causā, fuit auditu tristis-  
simus: Nec minus alter me afflixit, de  
obitu D. Vorstii, sed postremus hic quā-  
malè me initio habuerit, cum balbutiens  
amici linguā, non nimis accuratè nomen  
illud apud me proferret, potius apud alios,  
quā apud te referam, tum ne malè o-  
minari videar ei, qui plusquam mortalium  
cuiquam boni, & precor, & auguror, tum  
ne ostentabundus credar, in iis quæ debet,  
& millies promeriti affectus, esse meus mi-  
hi indicat animus. Deus Opt. Max. quod  
temerè, & mihi, & omnibus bonis, mo-  
stissimum, perterebat rumor, in vitam  
longiorem, omnibusque bonis, sanctissi-  
mam tibi convertat, precor. Ceterum  
quanquam vix mihi, (parum adhuc ordi-  
nariæ tabellariorum protectionis, hic loci  
perito) fuerit pauca quæ vides scribendi  
tempus, & manum etiam nunc à charta  
avocet, qui hanc laturus, festinabundus  
expectat; nolo tamen ignores, interfuis-  
se me hodiernā diē, actioni, & congrega-  
tioni solemnī, & publicæ, Cardinalium,  
& sancto officio præpositorum, inquisito-  
rum generalium, quā cadaver Marci An-  
tonii de Dominis, olim Archiepiscopi Spa-  
latensis, pendente suā cum inquisitoribus  
causā, in publico carcere, ante trimestre  
circiter mortui, igne unā cum ejus scri-  
ptis cremari iussum, ad æternam ejus in-  
famiam fuit; eo quod primum apostata  
factus, posteaquam dignitatibus restitutus,  
& in gremium matris Ecclesiæ receptus,  
denuò fuerit, ad hæreses Protestantium re-  
lapsus, licet mortuus hæreticum eum esse  
ipsa neget sententia. In qua plurima sunt  
consideratu dignissima, & talia quæ velim

magno retinere potuissem, aut bona fide  
descripta consequi possem. Adlaborabo  
quantum potero, & prima occasione ad te  
dabo hac de re largius. Cardio causæ in  
eo vertitur, quod unioni inter Ecclesiam  
Catholicam Romanam, & eas quæ Pro-  
testantium dicuntur, totus studuerit. Va-  
le, plus nec charta capit, nec permittit  
tempus.

Romæ, diē 21.  
Decembris,  
1624.

*Tuus omni Affectu,*

G. R. Doubletius.

## LXI.

*Arn. Buchellius, D. Gerardo Joanni  
Vossio, Eloquentiæ in Academia Bat.  
Professori, S: P.*

Doctissime Vir,

**C**um nuper à Nepote nostro, Josepho  
Vorstio, mecum domum attulissem  
libros vestros, de Historicis Græcis, non  
tantum plurimum eorum lectione delecta-  
tus sum, sed & infinitæ lectionis memo-  
riam tuam, simul exactum de singulis ju-  
diciū, mirum in modum æstimare coepi.  
Atque ea causa est, quæ me impulit vos  
etiam vix notos, rudibus hisce, & penè  
audacibus meis literis compellare. Et ne  
hæc me fingere putes, inter legendum  
occurrerunt, quæ animi dubium facerent:  
Nempe quod cum nobilis Vir, Theod.  
Douza, Georgium Curop. de Constant.  
capta cum sua versione olim ediderit, vos  
non Georgii, sed Joannis, eidem authori  
nomen indidistis. Quod etiam dubitatis  
Julianum Imp. vulgo Apostatam dictum,  
Historicis adscribere; cum ejus Cæsares  
historiam sapere videantur, etiamsi non  
absque aculeo scripti sunt, & in Episto-  
lis ejusdem Historica plura referantur,  
atque ad historiam pertinentia, alia ab eo  
conscripta esse, verisimile sit, cum ipse  
inter Principes doctissimus, atque gloriæ  
mirum in modum appetens fuerit, multa-  
que gesserit memoria non indigna. Sed  
hæc sint, quasi præludia vobiscum amici-  
tiæ inuenda, quā sanè, omnibus modis,  
licet sim ab ambitione alienissimus, am-  
bire me fateor. Doctissimum Scrivarium,  
diu est quod expecto, sed ea spe occidisse  
videor; vereor etiam, ut ab undis Hæer-  
lemenfis, ardor in illo pristinus rerum  
nostratum mergatur, eaque in studiis so-  
litis alieniorem reddant. Gratum nihilo-  
minus



minus erit, si eidem à me salutem dicere grave non fuerit; & simul petere, quid de libris suis, apud me existentibus, fieri velit. In patriâ historiâ, quæ nuper admonebas, equidem vellem, nisi tam multa deessent, & jam tardior ætas, ab omni labore abhorreret, cogitabimus tamen, si quid ad illum adferre poterimus. Interim vos, doctissime, & diligentissime Vossi, (cui studia, & literæ quamplurimum debent) optumè, & diutissime valere, & vivere optamus.

*Trajecti in Batavis,  
calamo festinan-  
tiore, vi. Id. Jan.  
An. incunt. 1625.*

## LXII.

*Clarissimo Præstantissimoque Viro Dom.  
Gerhardo Vossio, Eloquentiæ Pro-  
fessori.*

Vir Clarissime.

**S**I à negotiis tantum otii fuisset, decreveram diebus hisce, isthuc excurrere, uti videndi tui ac salutandi desiderio & voto, frui possem; quod tamen propediem futurum confido. Interim quam dignissimâ \* Oratio tua in funere istoc Christiano Orbi funestissimo habita juri publico asserenda sub prælo versetur, visum mihi fuit, rerum mutationi, atque præsentì constitutioni consonantius fore, immutari etiam nonnihil in iis, quorum tibi ego materiam suggessi; scilicet si illud supprimitur; Regem Africæ in mandatis Legato dedisse, ut Dominum Erpenium P. M. in consiliorum societatem adsciret; sed in locum ejus substitueretur, Legatum eidem nunquam quidem sibi viso; sed ex famæ claritate, & Regis erga eum benevolentia percognito, hunc honorem dedidisse; non quod ibi scrupulus sit, quia ita ex ejus ore ipse accepi; sed quia præstabit in eo tempore ita obsecundasse, uti coram tibi aliquando exponam. Nosti enim minima etiam rerum politicarum momenta esse tenerrima. Pectoris tui candor, atque prudentia condonabit mihi, spero, libertatem, quod te audeam in opere tuo aliquis monere. Vale; vir Clarissime. Deus Opt. Max. Musas tuas diu prosperas, & nobis superstites tueatur, meque eorum

\* Orationem  
intellige in  
Tho. Erpenii  
obitum.

rogo, numero adscriptum velis, qui eadem amore summo, & veneratione prosequuntur, etenim dum vivam, futurus sum

*Hagæ Comitum  
Octob. Kalend.  
Febr. M. Dcxxv.*

*Tui nominis Amantissimus,  
atque observantissimus,*

J. Golius.

## LXIII.

*Viro Clarissimo Doctissimoque D. Ger-  
hardo Johanni Vossio, Eloquentiæ  
Professori.*

Vir Clarissime,

**E**X literis D. Gerardi Meerman, ad fratrem suum, Italici itineris mihi commitem salutem, quam mihi mittebas, quo æquum est gaudio, accepi: Et summo perè lætis intellexi, quantis indicis tandem agnoscere possis, quod ex Anglia redux sæpe præfens tibi retuli, summorum in eo regno virorum, de tua eruditione judicium. Vocat te magna Britannia Rex, quantum audio, ad Professionem Theologicam, in Academia Cantabrigienfi obeundam, oblatisque honestis admodum conditionibus, & stipendio luculento invitat ad mutandas, quibus ab infantia assuevisti cum Anglicanis, Batavas sedes. Quod si obvix huic fortunæ aurem præbes, & nos deseris, serò saltem ediscent nostri, ex exterorum judicio, virtutem sublatam in pretio habere, quam præsentem negligere se, & fortasse etiam odisse turpiter ostenderunt. Cæterum quid ex re tua sit, ut in isthac causa agas, & propria abundè suggeret prudentia, & amicorum, quos frustra freudentibus invidis, habes plurimos, docebunt consilia. Ut autem ego consulere auserim quicquam ei, qui consultorem, in omnibus optem negotiis meis, non permittit ætas, & propriæ imperitiæ conscientia. Hoc tamen liberè dixerim, ut nisi talia certò offerantur, quibus & honori tuo fiat satis, & tu cum familiâ contentus vivere semper possis, etiam extra omnem augmenti, & meliorationis spem, optare me, ut ne patiaris, lætari te ulla spe incertâ, utcumque magnâ, & speciosâ. Habent hoc Angli, quod exteros ament, & magni faciant eorum virtutes, sed quatenus nihil ad se, inde redire potest detrimenti. Cæterum vix quicquam ita arduum

um credunt, cui non sese, & suæ Nationis viros, sine exterorum subsidio sufficere existiment, prout in invidiam adversus eos, à quibus vinci se viderint: Atque hinc rari admodum, imò nulli in Academiis Anglicanis professores exteri. Nec crediderim expetere adventum tuum Cantabrigienfes Doctores, licet certus sim, de plurimorum, & præsertim D. D. Hieronymi Beali Aulae Pembrokianæ Præfidis, viri summi & eruditissimi, luculento erga te affectu; sed totum hoc negotium, nisi me conjectura fallit, à Rege est, & à propensâ Reverendissimi Wintoniensis Episcopi, in te omnesque eruditos voluntate; Ejus autem quanta sit apud Regem, & in Academia Cantabrigienfi Authoritas, unusquisque novit, & privatissimis indicis, testari ipse possem: Novi ejus favori, & benignitati esse obstrictos, qui isthic præcipui sunt Doctores, & maximo perè quidem; adeo ut dubium non sit, quin vel hoc nomine solo, gratum ipsis futurum sit, quod isti placuerit. Inaudivi hic ante biduum circiter, nescio quid incertum de Reverendissimi Episcopi morte; quæ si accidit, Vir magnus, Angliæ, & terrarum orbi, tibi que summus Mæcenas occidit: sed nihil hoc absterrebit te à commigratione, modò certa proponantur. Eo vivo plura sperare poteris, vel mortuo servabunt fidem quam dederint, & alios Deus tibi amicos suscitabit, & fautores, æstimandis pro merito tuis virtutibus pares. Non aliena ab his quæ fortasse liberius scripsi quam debueram, suadet Illustrissimus legatus, cujus quis erga te sit animus non est quod à me scire desideres: Heroem nostri bonæ mentis, & foelicissimo hoc conjugio (quo vivit fortunatus, & iterum adolescit senex) tibi uxori que tuæ affinitatis vinculo conjunctum; in cujus ædibus dum summa, & nunquam promerendâ viri humanitate victus, jam tertium ago mensem, sæpè occasio fuit gratis de te sermonibus, ostendit serio gaudere se: Vir Illustrissimus cum primùm ex me intellexit, oblatum tibi in Anglia munus, & nunc quoque cum referrem, parare me literas tibi, & certum esse, quantoperè gratum tibi futurum sit, tam amicæ prudentiæ, in tam gravi causâ consilium; quale suppeditare ipse poterat; jussit salutari te plurimùm, addiditque omnino, se Authorem tibi fore, ut si certi quid, & quod ex re, & existimatione tua esse possit, offeratur, neutiquam id respuas, majori te isthic loco fore, quàm in Patria, aut ea regione, quæ pro Patriâ hætenus tibi

fuit; æque salutari aurâ istic vesci mortales, atque in Hollandia; nec sic ultra te vexatum iri molestis, quas oblatando semper, & maledicendo, tot continuos annos, tibi creant inscii quidam, & malevoli obtrectatores. Sed ut certus primùm sis de loco honesto, & non aspernando emolumento, antequam de commigrando statuas quicquam, idem Vir Illustrissimus suadet, consilium hoc versiculo facere confirmans, & restringens: *sed non mutabis, nisi cum plurale videbis.* Hæc ego sic familiariter, & tibi quem res tangit scribo, tuæque prudentiæ committo, ut quibus hæc referri non interest, iis ut ne referantur interesse judices.

De iis quos hic Venetiis, nominis tui fama amicos tibi fecit, doleo non posse me comperta scribere. Illustrissimum Dominicum Molinum Consiliarium compellere nunquam mihi licuit, quanquam adferrem literas commendatitias, à cognato meo de Thienen, qui dum hic esset, ejus amicitia usus est familiariter. Salutavi virum per internuntium; scilicet, quia quasi de familia sum Illustrissimi Domini Legati, æquè mihi interdictum esse censetur, ejus omniumque Nobilium alloquio, ac si ipse quoque de gravibus causis legatus advenissem, periculumque esset, ne quid in Reipublicæ perniciem moliri, eamque arcanis consiliis subvertere, & in ruinam trahere, Magnus Atlas studerem. Tanta hic pro securitate cura, tam cum exteris suspecta omnia, vel minima. Cum Patre tamen Fulgentio, quanquam & ipse omnium, ferè Reipublicæ Consiliorum sit particeps, semel iterumque loquendi datam occasionem neutiquam perdidit, summo perè delectatus viri insignis colloquiis, omni humanitate plenis, & familiari de omnibus rebus tractandi libertate gratissimis. Nec apud illum ignotus vivis; sed ubi Pelagii historiam, à te editam audivit, incredibili se desiderio teneri ostendit, materiam illam admodum, inquebat, confusam, & intricatam, & viri eruditi Musæo prodeuntem, videndi & perlustrandi. Verum eò usque, quod lubens aliqui fecissem, viri desiderio satisfacere non potui. Promissis me obstrinxi, simulac Deus me Patriæ reddiderit, operam daturum, ut exemplar nanciscatur. Propediem enim, Deo adjuvante, iter in Gallias, indeque domum, suscipere cum sodalibus nostris stat sententia. Ubi non minima pars erit votorum meorum de te, tuæque familiâ, aut grata, si discesseris, ex amicis intelligere, aut te tali loco



loco reperire, qualem insignes tuæ virtutes promerentur, tibique omni affectu precatur

Veneris die  
18. Aprilis.  
1625.

Tuus in solidum,

Georgius R. Doubletius.

Salutat te officiosissimè D. Colvius, seque totum offert, si quâpiam in re usui tibi esse possit.

LXIV.

A Monsieur Vossius.

Monsieur,

C'Est pour vous advertir que vostre lettre que m'eschivistes quelques semaines passées est arrivée à la Haye moy estant au Camp. d'où estant de retour, je trouvoy que Monsieur le Baron de Broock avoit fait escrire au Maître d'hostel de la Roïne de Boheme par la main d'un des principaux Secretaires d'Etat de sa Majesté pour sonder & chercher ou estoit devenu vostre resolution de venir en Angleterre, veu qu'il n'en avoit nulle nouvelle en si long temps: & si vous aviez changé d'avis, qu'il se pourvoiroit incontinent d'un autre professeur. Monsieur, je ne scay point comment vous avez accomodé vostre fait avec Messieurs les Curateurs de vostre Université; mais j'eusse bien désiré que vous eussiez voulu escrire les lettres à Monsieur Sieur le Baron & aussi à Monsieur Boswell selon que je vous avois proposé dernièrement. Je voy qu'il vous fault refondre sans plus de delay, chose que je vous supplie de faire: car autrement on suppléera la place laquelle on vous à designée par quelque autre. Ne vous à mettez pas trop en doute, que n'avez l'accommodement que vous desirez; & si voudriez visiter nostre Angleterre, que je puisse avoir le bien de vostre compagnie sur le milieu de la semaine prochaine, que je me mets en chemin pour y aller; ou moins faites m'avoir vostre finale resolution en cest affaire, auquel si c'estoit moy à qui on proposeroit telles conditions, & que je fusse aussi capable comme est Monsieur Vossius à telle charge, je ne ferois pas tant de scrupule pour m'y accommoder. Si vous avez envie d'escrire quelque chose à moy, ou bien de venir parler sur ce sujet, diferez le pour quatre ou cinque jours; car aussi long temps

je me trouveray absent en l'armée; cependant je demeure, Monsieur,

Ala Haye ce 19.  
de May 1625.

Vostre tres fidele amy

& Serviteur,

Dudley Carleton.

Je vous escriray derechef quand je seray revenu du Camp, au je m'en va tout à cet heur; cependant je vous prie de faire vostre finale & absolue deliberation & resolution; à fin qu'à ma venue en Angleterre je puisse satisfaire à l'attente de Monsieur le Baron.

LXV.

Doctiss. Vossi,

Quamvis antea ad te scripsissem, ita ut vel teipsum, vel à te saltem literas jampridem expectarem: hanc tamen opportunitatem nactus, secundas hasce visum est exarare. Illustriss. D. Baro Broockius daturus est Academiæ Cantabrigiensi pecuniæ nostratis centum libras annuas, in stipendium historici Pralectoris: Hoc & tibi (si volueris) & successoribus tuis certum erit, ac perpetuum. Adjecit insuper (me rogante) in tuam solius gratiam, domum apud Cantabrigienses, tibi tuisque recipiendis satis amplam: pro qua viginti duæ (aut plures) libræ confimilis monete annuatim illi solvendæ. Ita ut inter summam à me commemoratam, & à D. Barone promissam, differentia sit non magna. Spartam hanc vides (si placet) tuam: eâ tamen lege, ut illam ornaturus, te huc quamprimum conseras. Te præ omnibus cupit Dominus Baro, ut cunque non desint alii non obscuri nominis viri, qui has condiciones libentissime amplecterentur. Tu ergo quod facturussis tecum quam celerrimè statuas, ac me atque ipsum adeò D. Baronem facias certiores. Dudum factum oportuit. Ille enim vix æquo fert animo, nullas se jamdudum à te accepisse literas: imò nec in tuis ad alios ullam sui factam mentionem. Ac ut ingenuè dicam, quod sentio; Conditiones oblatae sunt ejusmodi, ut vel acceptandæ jampridem essent, vel cum grati animi significatione recusandæ, non obstinato silentio rejiciendæ. Si placet veni. Sin minus rescribe, ut quid porro agendum sit Opt. D. Baro quamprimum apud se statuatur.

statuat. Vale, Vir Clarissime, meque  
confide futurum semper

*Dab. westmonasterii.  
In edibus Honoratissi-  
mi Domini Episco-  
pi Lincolnienfis. Mag.  
sigil. Angliæ custodis.  
20 Maii. A. D. 1625.*

*Dignitatis tue*

*Studiofissimum,*

W. Boswell.

# LXVI.

A. M. Vossius.

Monsieur,

**M**E voicy maintenant de retour en  
ceste place, après avoir fait plus  
long séjour au Camp que je ne pensois.  
Or si est ce que je vous prieray bien fort  
de vous vouloir trouver à la Haye de-  
main, à fin qu'ensemble nous nous puissi-  
ons resoudre finalement pour répondre à  
l'invitation que le Baron de Brooke vous  
a faite; j'ay reçu lettres tout fraîsch-  
ement de Monsieur Boswell, par lesquel-  
les je suis bien éclairé en vostre fait, &  
à cause que mon voyage en Angleterre est  
à cette heure si proche (comme de fait  
est le commencement de la semaine  
que vient:) je desire uniquement d'en  
discourir avec vous. J'espère que Madame  
votre femme se fera remise de la sorte  
qu'elle vous permettra bien de nous venir  
voir: & quant & vous je vous supplie  
de m'apporter toutes les œuvres Mathema-  
tiques de Simon Stevin en François selon  
qu'elles furent imprimées n'agueres in fo-  
lio desquelles je croy vostre libraire Elzevir  
vous sçaura bien accommoder, dont je  
payeray volontiers le prix que vous accor-  
derez avec luy. Ainsi je vous recom-  
mande ou tout-puissant, & demeure,

*A la Haye ce 28. Monsieur, vostre Tres-fidele  
de May 1625.*

*Serviteur Dudley Carleton.*

# LXVII.

*Viro Clarissimo Gerardo Vossio.*

**N**ON dubito, Vir clarissime, quin li-  
teras à me desideres; Ego verò &  
dare eas ad te volui; verum tempus mihi  
expectandum erat, dum ad locum desti-  
natum pervenirem, & res meas ordinarem.  
Primum itaque Orsoniam veni, felicis-  
sime, Deo gratias, ad Oligerum Rolacran-  
zium; Virum ut Nobilitatis antiquissimæ,  
sic virtutibus longè maximis exornatum,

& imprimis mihi addictum. Is me men-  
sem totum tenuit, benignissimèque habuit;  
nec dimisit nisi donis oneratum. Inde  
Soram me recepi, eoq; veni ad diem XXI V.  
Junii Gregoriani, cum suppellex mea  
omnis pridie adducta esset. Deo meo  
gratias ago, qui in universo itinere tam  
benigne mihi adfuit. Locus multo est  
amoenissimus; sylvâ, lacu & segetibus  
undique cinctus: itaque ambulationes præ-  
bet jucundissimas. Certe nullum domi-  
cilium Nobilitati regni sui instituendæ con-  
venientius, gratiusque Rex eligere potu-  
isset. Postridie quam advenissem, Duces  
Fridericus & Ulricus, Regis filii, qui hic  
studiorum causa commorantur, ad pran-  
dium me invitârunt; & eundem item ho-  
norem ex eo tempore sæpe mihi habuerunt.  
Quin & princeps postero die Friderici-  
burgo adveniens, ad mensam adhibuit,  
& colloquium; idque etiam hodie fecit,  
Anderschovia huc excurrens, ut cum fra-  
tribus pranderet. Adfuit mihi ante paucos  
aliquot dies ejus Concionator Aulicus,  
narravitque ipsum perquam honorifice  
de me locutum, cum hinc primum à col-  
loquio nostro primo rediisset; & amari  
me aliquo modo, inde certè conjecturam  
facere non incertam licet, quod cum ite-  
rum huc venerit iterum ad mensam suam  
& colloquium, adhibere me voluerit.  
Retulit quoque is, quem dixi, concionator,  
ipsum Regem, antequam ad castra abi-  
ret, aliquoties verba de me habuisse, quæ  
insignem benevolentiam testarentur. Et  
præterea, supra stipendium, destinatum  
mihi etiam Canonicatum, quem vacare  
primum acciderit. Item à Proceribus Reg-  
ni, penes quos, absente Rege, summa re-  
rum est potestas, magna benevolentia  
signa accepi; ita ut poenitere non debeat,  
quod novercam tam iniquam, neque mei  
quicquam amantem, cum benigna adeò  
matre commutaverim. Quis sit rerum  
tuarum status, quid vocatione Anglica  
factum, aut futurum, & an recusaveris il-  
lam, aut acceperis, scire aveo; &, si ma-  
nes, quidnam tibi ad stipendium prius ac-  
cesserit: tuum, qui Vorstio, Erpenio, mihi,  
substituti, & si quid in Academia novi ac-  
ciderit. Vale, vir amicissime, cum om-  
nibus tuis. Uxor mea te tuamque salutat  
plurimum.

*Dabam Soræ, ad di-  
em xv. Julii Juliani  
clx lxx xxv. Sa-  
lutant plurimum Do-  
mini Jacobæus, Snel-  
lius & Vorstius.*

*Tuus ex animo,*

*quem nosti,*

Johannes Meursius.  
LXVIII.



## LXVIII.

**L**iteras tuas, Vir clarissime, & amicorum præstantissime, prolixas illas, & affectum mihi tuum referentes, rectè accepi. De uxoris tuæ morbo, quem hæc nuntiant, ex animo doleo; verum istud recreavit, quod jam iterum meliusculè haberet; spero, jam convalescere. Ita opto, & Deum precor. Ego, cum uxore, ac liberis & familia universa, rectè valeo, per benigni Dei gratiam: quem supplex veneror, ut hoc mihi beneficium diuturnum esse velit. Quod nuperis meis indicaveram, nunc tibi affirmare habeo; summam me humanitatem, & in me benignitatem, in hac parte experiri, apud famulos, infimosque & medioximos. Quin & nuper Duces illustrissimi me invisere in adibus meis sunt dignati. Ipse Princeps serenissimus, ut affirmant, qui sunt intimæ apud illum admissionis, summam me benevolentia est complexus, & affectus certè clarum esse testimonium puto, quod hæcenus hic nunquam venerit, quin ad mensam advocaret. Et postremum cum hic esset, interesse etiam Lectioni voluit: Missio quodam è Nobilibus, semihora ante eum, qui hoc ipsum decrevisse nuntiaret. Non possum satis magnas gratias agere Deo, cujus ego manifestam benedictionem agnosco; quâ ut me quam diutissimè frui velit, in nominis sui sanctissimi timore, preces continenter fundo. Quod Professionem meam in dies extraordinarios tibi demandatam scribis, quo consilio illud fiat, equidem non possum capere, neque te sic accepturum existimâram; potius professionem istam totam, cum stipendio quoque toto, aut certè dimidiato, in te transferendam esse. Sed eventum expectabo; de quo ut me aliquando certior facere velis, etiam te atque etiam rogo. De Schrevelio, in locum Vorstii <sup>in</sup> *uangelis* substituto, libens sane intellexi: & imprimis de modestia tam insigni, quam non possum sat laudare. Gratulor ipsi, ut & Academiæ nostræ. Etiam communi amico, Adolpho Vorstio: & profecto est, ut scribis; nemini felicitas ista, eâ ætate, in hac nostrâ Academia unquam obtigit. Sed meretur virtus viri, & doctrina: ac favemus illi ex animo; ut meriti causa, sic & amicitia nostræ tum memoriæ parentis tribuendum aliquid fuit, quem fuisse non exiguum Academiæ ornamentum, nemo temere inficias ibit. Quæ de Golio; laudo

Juvenis præstantissimi generosum institutum: & profecto, modo vitam Deus illi largiatur, Virum patriæ aliquando magnum dabit. De Rutgersii verò morbo, tristis audio; verum illud me solatur, quod non desperare medicum item nunties: imo fore, ut non difficulter illi valetudo restituitur. Hoc ex animo ipsi precor: patriæque & amicorum, multum interesse puto, ut præclarum adeo ingenium diurnare Deus velit. In hoc desino; & salvere te, cum tua, liberisque, ex animo jubeo. Idem uxor mea facit. Salutem quoque plurimam nuntio viris clarissimis & amicissimis, Petro Cunæo, Theobaldo Schrevelio, Gilberto Jacchæo, Casp. Barlæo, Theodoro Schrevelio, & Guilielmo Noomsio vestro; cujus indolem tam præclaram, ac ad studia honestissima literarum humaniorum magno nisu assurgentem certè exosculor.

*Scribebam raptim  
Soræ, ad diem vii.  
Decembris Juliani  
cło 1500 xxv.*

*Tuus, quam nosti,*

Johannes Meursius.

## LXIX.

*Clarissimo Viro D. Gerhardo Joanni  
Vossio, in Academia Batava Historiæ  
universalis, & Græcarum Literarum  
Doctori Publico.*

*Lugdunum Batav.*

S. P.

**O**Mnia rectius, Vir Clarissime, rebus meis contulisses, si omisâ professione in Hollandiam, apud vos substituissem, atque iis me sumptibus, quibus nihil aliud, quam longinquas ac vanas spes, mercatus sum, tamdiu Lugduni tolerassem, donec tua aliorumque bonorum virorum diligentia, occasio aliqua suborta fuisset, qua me parumper, ex tot adversis attollere potuisssem. Nunc quo concilio, qua ope, acceptum sinistra destinatione damnum sarciam, non expedio. Ad veris exortum, me Athenæo Batavo redossassem, si tantum viatici in hoc sinu Baltico, corrogare fuisset. Verum quoniam citius è pumice aquam, quam ab alienis, erga seorsum à se, in Religione sentientes numum impetraveris, adhuc mihi heic torpendum desperatione est: spes quidem abundi, in comitatu lautissimorum adolescentum affulserat;

fulserat; qui præter viaticum luculentum, quoque Minerval erogassent: sed istum bolum quidam à causidicinâ latrans sibi involavit. De partibus, Græcos scriptores interpretandi Franekeræ adhuc vacuis, quid sit? Quid Cl. Gruterus, super ista re animi sit, fragmento ipsius, ad D. Lingesthemium, Epistola ante binos menses, D. Altingo ostendi; & ut tali petitioni, meo nomine, gratiam vestram intenderetis, rogavi. Utrum successurum sit, silentium vestrum dubitare non finit. Quare alia via mihi prospicite, ut securâ mentē, ac tandem ægritudinum parte exoneratâ cum Musis in gratiam redire liceat. Ingenium mille curis, atque anxietatibus oppressum, ut in stuporem demigret, metuo. Nam quamvis interdum redire ad pristina studia mediter, tot tamen acorbatibus circumfusarum necessitatum, defixus animus avocari nequit à consideratione malorum, quibus indies magis ac magis obruitur. Editioni Cornelii Nepotis, quid tragulam injecerit, nisi ipsius Typographi socordia, non extogito. Idcirco, per ego te mitissimi genit tui bonitatem rogo, atque obtestor, ut ab isto Tricone, vel ipse, vel, si non vacat, per Cl. Scrivernum nostrum, scriptum meum repetas, ac vobiscum tandiu retineatis, donec denuò à me necessariis dispositionibus elimato, alius, qui suis typis vulget, concilietur. Denique si quid respondere animus fuerit, ad D. Kirchmanum Lubecam mitte.

Rostochii Anno Doctrinæ ac virtutis tue  
Dom. xvi. Junii.  
cl. lxxvi.

admirator unicus,

Janus Gebhardus.

Salutem adscribo Pl. D. Adolfo Vossio, & lectissimo adolescenti, Francisco filio tuo.

### LXX.

Cum hic noster ad vos iret, virorum amicissimè, & amicorum præstantissime, committendum non putavi, quin te tribus saltem verbis salutarerem. Quamquam autem hyeme superiore ad te scripsissem, & responsi necdum quicquam adhas acceperim; tamen meus in te amor, quem perspectum satis habes, non permisit, ut exemplo tuo uterer. Itaque per

hunc rescribe, quis sit rerum tuarum status, & quid publici literarum boni causâ moliaris, quidve edas. Tum de Academia quoque, ejusque in præsens conditione, scire aveo; an Collegæ omnes vivant valeantque. Ego nihil hæcenus mearum lucubrationum vulgare potui, quia Typographo caremus: quem deinceps tamen habituri sumus. Ordiam autem à Solone, cujus vitam hic contexui; ut Pisistrati, cum apud vos commorarer. Inquires forte, post Plutarchum & Diogenem? Ita certe; nam non pauca post utrumque observavi, & nonnulla accuratius inquisivi; ita ut confidere auserim, non te operam damnaturum. Scripsi nuper etiam ad communem amicum, Adolphum Vossium: Saluta virum meis verbis peramanter, & responsum item pete. Saluta etiam, nisi grave est, Dominum Riverum, cujus literas, cum humanitatis plenas, tum affectus, rectè accepi; & gratias ago, quod rescribere tam benigne nobis voluerit. Experietur meam in amore, & cultu, constantiam. De Clemencello, quod rogarat, inquisivi; sed resciscere nihil potui. Denique tu quoque salve, amice longè præstantissime, à me meaque, cum lectissima matrona, uxore tua, item liberis.

Scribebam rap-  
tim Soræ, ad diem  
XI. Julii Juliani  
cl. lxxvi.

Tuus ex animo,

fide optimâ,

Johannes Meurfius.

### LXXI.

Doctissime Clarissimeque Vir,

Mutato tempore mutantur plerunque animi: reviso igitur, si quid animi tibi restet in Angliam te recipiendi. Locum nosti (Cantabrigiam) viris undequaque doctissimis humanissimisque repletum. Manus erit illustre, Historiarum & Civilis Scientiæ professio. Labor, trium aut duarum singulis septimanis prælectionum in Scholis publicis, tribus tantum annu temporibus (quos Terminos vocant) pro more Academiæ Scholasticæ eruditioni destinatis: Feriis enim & vacationibus (quæ dimidiam anni partem excedunt) nihil publicè ab Academicis, aut ab illustrissimo hujus Cathedræ fundatore D. Brookio exigetur; ita ut illud (quicquid erit) temporis pro arbitrio tuo, meditando, scriben-



scribendo, edendo aliquid, aut rem familiarem curando, totum poteris impendere. Salarium (suis temporibus certissime numerandum) erit quadringentorum aureorum annuatim. Quibus recensere possum & alios (qui fortasse occurrent) compendii modos, quibus etiam tuis, & tuorum commodis opportunè consulere possis. Etenim non potes nescire, frequentes esse in Anglia ex donatione Regis, Episcoporum aliorumque Præbendas, Canonicatus, & dignitates Ecclesiasticas (at omni animarum curâ vacuas) quibus exteri juxta ac nostrates, de Republica literariâ, & Ecclesia bene meriti honorantur. Sed non urgeo, peto tantum si conditio (quæ prius à me oblata, placuisse visa est) tibi adhuc arrideat atque pedem apud nos figere in animo habeas, ut cum primis me certissimum facias per literas: quas D. Dudleio Carletono (utriusque nostrum amicissimo) ad me mittendas cures. Et etiam quod vehementer à te rogo, ut Thesium tuarum Theologicarum (quæ impressæ apud vos publicè habentur) copiam mihi faceres: rarius enim apud nos inveniuntur: Siquid autem in his partibus velis, mihi mandes,

*Dab. Westmonast.*  
1. Aug. 1626.

*Tui amantissimo,*

Boswell.

## LXXII.

*Exemplum literarum Gulielmi Boswelli ad Dudleium Carletonum ex Anglico in Latinum versarum.*

SI rectè memini tunc cum postremum nobis sermo esset, de D. Vossio, visus mihi es hac in sententia esse, utcumq; eo tempore nec animus nec occasio ei esset conditionis in Academiâ Cantabrigiensi oblata accipiendæ, tamen, si ad sextum aut octavum mensem vacaret, fieri tamen posse eò ut inclinaret. Hactenus vacua est ea professio, idque meâ operâ, tantumque ipse mihi sumpsi libertatis (non tamen sine occulto mandato Illust. Baronis Brooke) ut iterum invitandum eò censeam, id quod tu ex literis ad eum meis perspicere potes, quas apertas ad te missas, ubi legeris, obsignare poteris, & statim mittere, urgeréque primo quoque tempore ut rescribatur: quod si ille conditionem abnuet (id quod ego haud face-

rem isthic si essem) alteri prospiciatur. Neque enim desunt multi, iique docti competitores, qui ambiant. Præter centum viginti libras Sterlinenses quas illi annuas promitto sine fraude solvendas; præter sumptuum aliquod (quod in me recipio) transvehendo ipsi, conjugi, liberis, supellectili, innui apud eum rationes, quibus ipsi liberisque in melius prospiciatur. Quàm benè Casauboni ac Molinæi liberis, aliorumque multorum prospectum sit exiguo tempore, tu mecum juxta nosti, nec ille ignorare potest. Est quod meo nomine rogatum te capiam & illum, nimirum ut mittantur ad me omnes ejus Theſes Theologicæ (quæ quidem excusæ sint) compactæ aut solutæ. Magnam autem à me inibis gratiam si primo quoque tempore mittes. Ego verò libenter vel pretium dissolvam, & quod portorii nomine impendetur, vel alios ad te mittam libros majore pecuniâ emptos, &c.

## LXXIII.

Clarissime D. Vossii,

Academia nostra Cantabrigiensis, cum non ita pridem Literas à te acceperit, doctissimas simul & humanissimas, summa cum tuorum in se officiorum testificatione, unâ cum Libro tuo nuperrimè in lucem edito, de Historicis Latinis, æquum duxit, ut te eam humanitate tuâ primitus provocantem, literis suis resalutaret: quanto magis mihi hoc ipsum munus incumbit, cum & iisdem beneficiis me unum è multis, privatim afficere, non sit designata Claritas vestra, nam & eodem tempore tum literarum, tum liber mihi redditæ sunt, benevolentia tua erga me amplissima pignora, & necessitudinis tecum initæ, cum olim Dordraci essemus, symbola non vulgaria, cujus etiam in literis istis tuis meminisse complacuit. Cùm autem nullum officium, teste Cicerone, referendâ gratiâ magis necessarium sit; Officii ergo mei esse duxi, pro istis erga me meritis, gratias debitas referre, & habere. Quod si nulla privata hæc tua erga nos merita, gratias istas postularent, est tamen quod ipse & alii studiosi etiam, tibi meritas gratias, Reipub. literariæ nomine persolvamus, ob hoc ipsum postremo elaboratum à te opus de Historicis Latinis, quod unum si non alia superessent ingenii pariter ac laboris egregia monumenta, nomen tuum posteritati meritò consecraret. Nemo enim

nim literis aut Humanioribus, aut Theologicis, aut aliis etiam disciplinis vel parum imbutus, qui non facile perspicit, quanti momenti sit Historia & Historico-rum noticia, ad omne genus literarum accurate & cognoscendum, & pertractandum. Gratulantur ergo tibi merito omnes non solum Historiæ, sed & Antiquitatis studiosi, sive *mis* *Ædæ*, sive rei Ecclesiasticæ operam navent, de utroque tuo opere, tum illo de Historicis Græcis, tum hoc de Latinis. Quibus præviis operibus sapientissimè tibi viam munis, ad illud majorum vigiliatum opus, in quo cum Magno illo Annalium Ecclesiasticorum Conditore congressurus sis. Hanc etenim te provinciam in te suscepisse audio, idque non leviter innuis, in literis Academicæ nostræ nuper datis. Opus planè & dignum, in quo lectionem tuam multiplicem, eloquentiam, linguarum peritiam, memoriam, iudicium, omnes denique animi dotes & ingenii vires exercere possis. Sperabamus aliquando, auspiciis & munificentia, Honoratissimi Mæcenatis, Baronis à Broock nostratis, te hic apud nos pedem fixurum, & in hoc studiorum genere excolendo, operam in hac nostra Academia navaturum. Sed, compedes narras, tibi à tuis injectas fuisse. Quod si nobis contigisset, ut te Academia nostra haberet & gremialem & professorem, illud certè nobis Cantabrigiensibus, longè gratissimum fuisset. Jam Dorislaum vestrum, in locum tibi destinatum suffecit illustrissimus Baro, qui in Cornelium Tacitum nuperrimè binas lectiones in Scholis publicis habuit, iisque sui tum in Historicis, tum etiam in Politicis versandis profectus, specimen egregium exhibuit. Sed ad te redeo, & præfationem operi tuo nuper præmissam, ubi operam utilissimam & bonis omnibus gratissimam posuisti, in vindicanda fama D. Junii felicitis memorie foci tui, Viri præstantissimi, & omni scientiarum genere exculcissimi, deque scientiarum principe, sacra Theologia, optimè meriti. Fecisti quod generum decuit, imò quod virum bonum, dum innocentiam tueris, dum ab injustis obtreptionibus virorum summorum, virum summum liberas. Præmitis in dicta præfatione te non hocce librum eo animo divulgasse, quasi in posterum omnis operis hujus curam deponere statuisses, sed potius, ut postquam ista jam prodierint, amicorum & iudicio in commissis, & indicio in omis-sis, facilius fruare. Ingenuitatem tuam amplector & veneror. Ego siquid forsitan in

posterum observavero, quod opus hoc tuum, aut promoveat, aut locuplet, aut in aliquibus forsitan corrigat, liberè & lubenter tibi impertiam. Idque spero te non ægrè laturum, si per otium fecerimus in Historia tua, Pelagiana, quam te aliquando limatiorem, & correctiorem editurum & optamus & speramus. Video nonnullos ex Remonstrantibus vestris, qui in Articulo de Originali Peccato & Gratia periculose admodum, ne quid gravius dicam, errant, ad tuam Historiam non raro provocare. In quibus duobus Articulis, non leviter innuit Augustinus, \* fidem Christianam <sup>\* August. de Peccat. Orig. c. 24.</sup> propriè consistere. In ista Historia contexenda præclare quidem de Ecclesia meritis es; sed optant viri apud nos tui nominis aliqui studiosissimi, ne quid præsidii, suis erroribus, isti homines ex illa Historia haberent, quod prætexant. Superest jam (Vir humanissime) ut cum Commentarios tuos de Historicis Latinis à te acceperim, *aristotelem* aliquod remittam, cum autem non habeo de meo quod rependam; en Commentarios sed alterius generis, in Epistolam D. Pauli ad Colossenses nuper hic Cantabrigiæ excusos, scriptos à D. Davenantio Collega nostro, in Synodo Dodracena, viro mihi olim dum in Academia vixit, amicissimo, & tibi non ignoto, jam merito suo evecto ad Episcopatum Sarisburiensem, quem summa cum prudentia & dignitate jam administrat. Spero non ingratum tibi futurum hoc amoris nostri pignusculum. Hocce commentarios publicè dictavit, cum in Academia nostra, Professoris Theologiæ D. Margareta Cathedram occuparet. In quam ipse sexennio ferè abhinc, longè indignior succedus sum. Habet & ille alias lucubrationes luce non indignas, quas spero aliquando lucem visuras.

Vale Vir eximie, Bonis auspiciis, & alacri animo, Spartam quam nactus es, orna. Antiquam Ecclesia Catholica fidem, mores, disciplinam, ex antiquorum monumentis erue, & à novellis veteratorum imposturis, aslere, vindica. Nos habes in hoc opere obeundo omnia tibi fausta & felicia optantes, precantes.

*Cantab. E Sid-  
neyano Coll. 15.  
Kal. Jan. Anno  
MDC XXVII.*

*Tui amantissimus,*

Samuel Wardus.

V. Cl.



## LXXIV.

V. Cl. D. Gerharδο Johanni Vossio,  
in Academia Batavorum Lugdunensi  
Professori celeberrimo. S. P.

Ludg. Batav.

**D**igressio me à vobis, Vir Clunà pariter  
omnis mei memoria, animis vestris  
excessisse videtur. Nihil enim per biennium  
literarum, quod vestram benevolentiam  
confirmaret, accepi: neque vulgare istud  
Ave saltem mihi annunciari audivi; unde  
colligere liceret volitare adhuc inter vos,  
qualemcumque nominis mei umbram.  
Agnosco indignitatem meam, neque in  
tantum arrogantia progredior, ut me  
tantis Heroibus, curæ, ac sollicitudini  
esse optem. Interim humanitati vestræ  
confidebam, credebamque me, qui obviā  
humanitate in notitiam vestram essem re-  
ceptus, tam facile ex pectoribus vestris  
non posse excidere. Affectavi quidem  
aliquoties, Bataviam, vestrique Genii cul-  
tum repetere; sed properanti toties, ma-  
num sæva fortuna iniecit, meque heic  
adeo validis compedibus religavit, ut eas,  
nisi publicè à vestris revulsus excutere ne-  
queam. Quod tua ope, atque auctoritate,  
Vir Clarissimo, commodè, atque ocuis  
conferri posset. Frenequerani enim non-  
dum, ut ferunt, Græci Interpretis locum  
suppleverunt, jamque spes venturi eò Gru-  
teri expiravit. Quare ut pro me prentes,  
etiam atque etiam rogo. Cogitavi qui-  
dem specimen mei, in Græcâ literaturâ,  
profectus, ad vos mittere. *Ælianique*  
*monacho*, à me emendatam, atque illu-  
stratam offerre; sed me miris modis, ac mo-  
ris, jam quadriennium, ludificatus est Ty-  
pographus, ut ne *adversus* meum, neque  
Librum in exemplaria alia propagatum,  
recipere ab eo hæc tunc potuerim. Cæ-  
teroque in tanta Barbariei facie, silvescit  
quoque ingenium meum, videorque mihi  
priorum annorum diligentia, compara-  
tam dicendi facultatem detrivisse. Privā-  
tim tamen Palæstram styli, quā Prorsii,  
quā Vossii heic aperui; quæ cum non pi-  
gendo juvenum numero frequentaretur,  
ausi sunt homines, supersticiosâ suspitione,  
an impotenti invidia, silentium mihi in-  
jungere, ne scilicet perorandi exercitia,  
hæreticum virus teneriorum animis inne-  
deretur. Hæcenus molestos, junctis cum  
primoribus Academicorum viribus con-  
tempsi; sed quò minus ad Rhetoris jam  
heic vactum munus adspirare, vel ausim,

vel velim, nostræ confessionis odium, &  
stipendii exilitas, pæne, (ut ita dicam)  
committibilem faciunt. Ergo adhuc illa  
spe sustentor, quā me vobis conjunctum  
iri, eorumdemq; sacrorum, ac parium volun-  
tatum nexu, gavisurum esse, mihi persuasi.  
Quantum ad votum hoc meum imple-  
dum, momenti adferre possis, partim jam  
dixi, partim ipse minimè ignoras; si modo  
gratiæ tuæ vires interponere, ac pro me  
periclitari volueris. Accipis hic poemata  
mea, quibus Chalcographum, & Patro-  
nium quem tibi libuerit, concilies velim.  
Notis meis in Népotein, quid factum sit,  
quamvis multiplici sollicitaque inquisitio-  
ne pervestigare non potui. Idcirco sive  
apud te, sive alibi delitescant, des ope-  
ram protrahantur, perque hunc *scholasticum*  
*maior* Rostochiensem ad me referantur;  
ut infinitis locis limam attineam, ac plu-  
rima scabra interpolet. In Tacitum ali-  
quid molitus sum, nempe de ejus imita-  
tione libellum, quem vestris iudiciis sub-  
jicere, Typographisque committere vel-  
lem, si esset, qui excudendum susciperet.  
Textum quoque ducentis vicibus emenda-  
torem adjungam. Sæpè me miratio  
subiit, imò quidè fidem cunctorum ex-  
cedet, tantum à Lipsio spicilegium reli-  
ctum fuisse. Cæterum impense illius scri-  
ptoris Lectione delector, & cum antiqui-  
tatem Græcam eruendæ Thucydidis dictio-  
ni tam curiose incubuisse animadvertam,  
quis mihi vitio vertat, quòd idem in Thu-  
cydide Latino tentarim? In Curtio ali-  
quid experiendi ansam quoque Raderi  
commentarii suppeditabunt. Ipse, quæ  
quæso elaborasti? Auctor esto huic Au-  
gustino Ferbero, ut tua ad nos exportet,  
ac porro consilio juvato, ut delectum in Li-  
bris coemendis habeat. Vale.

Rostochii. 26.  
Martii, 1627.

T. omni cultu & obsequio,

Janus Gebhardus.

Salutem plurimam adscribo, filiis tuis  
paternarum virtutum æmulis; necnon  
D. Vossio.

## LXXV.

Ornatiss. & Clariss. Vossii,

**L**egi præfationem quam misisti cum  
literis: illam Buckinghamiæ duci in-  
scriptam, pulcherrimo stylo, & sapien-  
ter admodum formatam. Paucula ta-  
men mihi videntur addenda, atque etiam  
paucula

paucula mutanda tam ex iudicio amici tui, & mei, Dinglii: (de quo coram tibi locutus sum:) quam meo proprio: quæ ego negotiis quibusdam nimis distentus, tibi non possum sigillatim præscribere. Ob eamque causam detineo mecum adhuc præfationem: remitto librum (opus egregium & longè doctissimum) nescius an tibi eo uti necesse fuerit, ad compilationem Indicis, quem temporis hoc intervallo perficere poteris: (si ita tibi videbitur quemadmodum ego consulo:) Quod ita mecum confidenter agis gratissimum facis: mihi videndum erit ut benemeritis omnibus quibus potero, tibi respondeam. Vale.

Hage-Comitis  
30. Maii, 1627.  
Stylo Novo.

Tui amantissimus,

Dudley Carleton.

## LXXVI

Dudleius Carletonus G. J. Vossio.

AUTOR sim D. Vossio ut captata occasione (quæ se ipsa sponte offerret) ut nonnulla inferat de fide, sollicitudine, prudentiâ & felicitate Ducis in ducendo & reducendo ex Hispania rege (tunc principis) quem unicum sibi super omnia dilectum, & heredem regnorum Ducis fidei ac curæ credidit Pater Jacobus. Nec spe falsus est. Nonnulla etiam addi possint de detectis Hispaniæ fraudibus, quæ eò tendebant, ut æternum arcerentur suis ditionibus Regis filia ejusque liberi, & Germaniæ libertas opprimeretur: quo nomine in conventu publico (quem Parlamentum vocant) Duci seriò gratulatum fuit ab universo Angliæ regno: Denique quod tantæ animi magnitudine & invictâ constantiâ serenissimo suo regi operam dat, in omnium regnorum & Rerum publicarum subrotore, prædone & hoste, videlicet Hispano oppugnando. Locus pro hisce additionibus commodissimus mihi videtur, ubi mentio fit amoris quo eum regum alter complexus est, alter complectitur.

## LXXVII

Imcomparabilis Eruditionis Viro D.  
Gerhardo Johanni Vossio, in Athenæo  
Batavo, Professori celeberrimo, S. P.

Lugd. Batav.

Quicquid spei, V. Cl. mihi facere conaris, admodum languidum, ac dubi-

um apparet. Nam quemadmodum Franequeranos; ita quoque Groningenses variis modis deludet Gruterus; ut abundè aliis subrependi materiæ, atque occasionis superfuturum sit. Et quis tunc mei longius diffici mentionem; ne dicam rationem habebit? Pari ferme distantia ego, & Pasor aberamus: nihilominus, cum mihi in hac studiorum parte, conferri non possit, in muneris delatione antepositus est, sic egregiè famam Gymnasii sui instaurant. Quantum in te est, amicorum smaragde, non cessabis D. Altingum, aliosque assidua mei memoria obtundere, ut oriente occasione, mihi nemo præferatur. Non inferiorem gloriam, scholis Belgicæ circumdaturum me confido, quam isti, qui nullâ proprii ingenii commendatione, tantum propinquorum præfationibus nituntur, & obtruduntur. Interea meo ingenio servire non licet, cui omne tempus in eo perit, ut acquiram, quomodo famem, & nuditatem defendam. Editionem tamen Taciti, cum libello de ejus imitatione dabo, atque ut unum Typographorum vestrorum, qui Lucubrationes meas, venustis literis, & concinnâ formâ, in vulgus diffundat, permoveas, rogo. Nostri in Nepotem Jodocus Hondius detinet, & si ab ejus viscatis unguibus, chartas meas citius reglutinare potuissem, fortassis haud poenitendum spicilegium jam fecissem. In eum scriptorem emendationes se plures habere affirmavit mihi Cl. Scriverius, à quo vide impetres, & quàm primum ad me mittas. De Scytala Lacedæmoniorum, siquæ insigniora notasti, admetiaris velim, ut talibus gemmis, mea magis ac magis enitescant, ac preciosiora fiant. Libro tuo de Historicis Latinis, quod ad nos non exportetur, quid factum sit, fac sciam, simulque quid, de tuis originibus Latinæ linguæ, Josepho Cl. Cunæi, aliisque sperandum habeamus, adjice. Salutatio tua Paulo Tarnovio, longè fuit acceptissima; qui se impensè incomparabilem eruditionem tuam colere, atque æstimare aiebat. Vale.

Rostochii. Anno  
Dom. viii. Junii.  
Cl. 1627.

T. perpetuo cultu

atque obsequio.

Janus Gebhardus.

Sal. pl. adscribo Cl. Vorstio, & Francisco filio tuo.

Clarissima



## LXXVIII.

*Clarissimo viro Gerhardo Vossio, Præceptoris æternum colendo, S. D.*

Quoniam nuper ad fratrem suum, misero diurnoque morbo intabescentem, à Nobilissimo Consiliario Wyngarden socero, Lugdunum adductus, te V. Cl. Lectionibus privatis impeditum salutare, non daretur occasio; decreveram postea, per literas interpretes tecum colloqui, & memoriam, quam temporum, & locorum intervallum sæpe obliterare solet, mei apud te renovare. Quod cum hæcenus distulisset, partim argumenti inopia, partim negotia, quæ tot, & tanta summo Reipublicæ literariæ bono sustines, interpellandi verecundia: commodum se offert Tuisius noster, & salute tuis verbis significatâ, animum nutantem ad scribendum impulit. Tantus enim ad voluptatem, quam ex lectione libri de Historiis Græcis, in quo tum totus eram, totumque ferè devoraveram, cepi, accessit, voluptabili hoc nuntio, incredibilis gaudii cumulus, ne jam non solum præceptorem *modicum & modicum*, admirarer unice: sed ipsum illud, non quintâ modo parte Nectaris, ut inquit ille, sed universo Caballino fonte imbutum caput amicissimè amplecti visus simi. Quandoquidem verò à Nestoreo docentis ore pendere, ut olim, mihi inviderit fatum, saltem quod concedit, eò arctius danti amplexandum. Quare divinis operibus, quæ jam aliquot summo eruditorum applausu, protulisti (ut cum Lucr. dicam) in dias humis oras, diurna, nocturnaue manu versandis, maximum absentis tui desiderium lenire conor. Ac veluti in febricitantibus observamus *ταρσὺν αἰδῆς*,

*Quo plus sint potæ, plus siviuntur aquæ.*

Non aliter affici soleo à scriptis tuis, quorum satietas me, nec frequentissimâ lectione potest capere. Itaque mitiges rogo, V. Cl. non meam solum, sed omnium quotquot amant literas, hanc *suaviter*, & da brevi quæ confecta, diu nimis retines, reliqua, non medio, neque timido, ut ait Plautus, verum ipso honore. Nec illa modo, quorum spem facis, sed & Notæ ad Eusebium de Præpar. Evang. Ut enim aliquis tandem exurgat, quim illo, parem magno Scaligero, præstet operam, optare non est tuum:

*Nam tu Poeta es prorsus, ad eam rem unicus.*

Utinam & Agellium haberemus, à te perpolitum. Promiserat quid Gifanius, & alii, nemo vero quod sciam, salutare ei perlanando manus attulit; cum tamen varia ejus loca, non solum à Criticis, sed & Medicis, & Jurisconsultis, passim correctâ, & explicata, animadverterim. Huic scholæ nuper Rector datus I. Becmannus, Musas, quæ tecum hinc discessisse videbantur, revocaturus. Id enim in oratione publicè habitâ promittebat quidam studiosus, quondam D. Becmanni discipulus. Mihi Mairio Typographo, Adriani Junii quædam typis suis edenda, quibus vitam ipse addidi, & doctorum elogia. Mississem tibi carmen, quod Nicolatus Græcè & Latine non indolens, D. Emilii discipulus, brevi tuus, & Jurisconsultorum, in nuptias meas composuit, nisi satis, superque, me magis hisce, occupationes ferias turbasse putassent. Quare, ne in publica commoda peccem, desino, & æternum Numen veneror, te dia, V. Max. & amicissime, liberis, nobis, & Reip. literariæ servet incohemem. Salutem meo nomine uxori, optimæ & nobilissimæ matronæ, & filio Johanni.

*Dindr. xii. Jun.  
cl. 1677.*

*Tuus meritisimo tuo,*

Johannes Beverwiickius.

## LXXIX.

*Clarissimo Viro D. Gerhardo Vossio, Leidenfis Academiae Professori, S. P.*

Clarissime D. Vossi,

Jam diu magno flagravi desiderio necessitudinis tecum ineundæ; & nisi inopinatus obitus D. Rutgerii intervenisset, jam pridem viam aliquam reperissem, quæ mihi aditum ad tuam amicitiam patefecisset. Is quoties hac transibat, honorificam semper tui mentionem facere, & insignem tuam eruditionem, ex præclaris tuis scriptis, jam antè mihi cognitam, ipsaque famâ, multo majorem, crebris usurpare sermonibus solebat. Certoque mihi promiserat, se amicitie inter nos instituendæ, simulac in Belgium venisset, authorem fore. Cujus rei fundamenta, utrum jecerit, nescio. Cum vero is jam fato suo functus sit, arripendam putavi occasionem, insinuandi me

me in tuam amicitiam, oblatione libelli nostri, de Funeribus Romanorum, ante biennium, & quod excurrit, recusi; quem ut tanquam monumentum, & pignus meæ erga te observantiæ, & amoris accipere velis, etiam atque etiam rogo. Commisi illum Eruditissimo juveni Johanni Christenio, qui cum duobus Nobiliss. adolescentibus studiorum gratiâ, ad vos proficiscitur, quandoquidem tota Germania, viâ militibus ita infestæ sunt, ut nostrarum Academicarum aliqua, præsertim superioris Germaniæ, hinc tuto adiri non possit. Istum juvenem cum discipulis, ac præsertim D. Winterfeldio, quem à teneris unguiculis, propter præclaram indolem, amavi, ut inter familiares tuos recipere, non dedigneris, etiam atque etiam rogo. Magno me beneficio affectum putabo, si intellexero has literas tantum ponderis, quantum scribens confidebam apud te habuisse. Nec ipsi adolescentes committent, ut æqueas nota, sibi à te jure inuri possit. Sex ipsos annos jam factum est, quod commentariorum de lingua Latina spem nobis fecisti; quibus si nondum extremam manum imposuisti, rogo te per Musarum sacra, ut illos tandem aliquando ad umbilicum perductos, in publicum emittas, & hoc quoque beneficio, Rempublicam literariam tibi devincias. Neque enim potest non esse egregium, & omnibus numeris absolutum, quod ex Officina tua exit. Vale; & Cl. D. Cunæum meis verbis, nisi grave sit, saluta.

Dabam Lubeca,  
xxii. Julii, Anno  
1627.

Vester omni studio,

Johan. Kirchmannus.

LXXX.

Clarissimo Doctissimoque Viro Domino  
Gerhardo Johanni Vossio, in Academia  
Lugduno-Batavo Professori  
publico, S. P.

Lugd. Batav.

QUI Cl. Gruteri nostri senium casus aggraver, ex literis viri docti, Heidelberga ad me exaratis percipe: Sed & Gruterus noster domi suæ latitat, nuper Breita unde gener Schmentius exclusus est, huc reversus; rusticaturus ferè, in Barneldiano fundo, quem Gener insaurat, incendio corruptum. An vero eidem, hic securo, & ab Idolomania immuni vivere liceat ambigo.

Literas vix amplius agnoscit, ita vertigini se fert obnoxium. Quæ vero nos belli procella circumfuderit, ore famæ ad vos quoque perlatum esse arbitror. Pedem portâ efferre non ausimus, quin illicò adsint, qui manus corporis velamentis injiciant. Quid si oppugnatio, & obsidio nos premiat? Me privatim etsi belli absistant incommoda, satis ærumnarum manet, quas quomodo à me depellam, nullam rationem inire possum. Magnam in vobis, te, Cunæo, Altingo, spem fixeram, quam fore irritam ex more conjicio. Consilium tamen aliud, nisi vos interea succurratis, in arenâ capiendum est; nisi si noluerò optimam ætatis partem, inertia summâ interstingui. Quippe studia mihi propulsandæ saltem inopiæ; non excutiendis ingenii viribus, aut promerendæ famæ dirigenda sunt, & in vindicandis extremis necessitatibus, tempus consumendum. Spicilegium quidem meum sub incudem revocassem, si ab unguis Harpyæ Amstelodamensis, Jodoci Hont reglutinare potuissem. Eo me istius Lentuli tædiosissimæ protelationes adigent, ut totum opusculum, à capite ad calcem diffingam, insigni accessione locupletatum. Si tu & D. Scriverius, meam paupertatem vestris copiis instruere, mei panni squalorem, purpuræ vestræ hilaritate, exornare potestis; agite, adjungite meis vestra, ut aliena luce parumper emergam, & fortunæ caliginem vestro splendore disjiciam. C.D. Cunæo obsequium, & studia commendanda: Salvere jubeo Cl. D. Adolphum Vorstium, Franc. Vossiadem. Responde quaeso brevi, & literas tuas Joanni Maire trade, qui ad August. Ferberum nostratam Bibliopolam rectè curabit: adde quid jam moliaris, in optimis literis. Vale.

Rostochii Anno  
Dom. 27. Sexcil.  
c1o Iac xxvii.

T. omni cultu & obsequio,

Janus Gebhardus.

LXXXI.

G. V.

ANSA mihi hoc tempore non præbetur alia, quam ut D. V. gratias agam & habeam, quòd dum nuper Leydæ aderam, tantâ humanitate me accipere dignabaris. Ac si verbum adhuc addere liceat, sit, ut te faciam negotiis istius memorem, quod in hac vacantia præsentis, ex humanitate tua, pro com-  
muni



muni bono sis pollicitus. D. T. rem probè tenet: scil. ut ex Historiis, tam antiquis quàm modernis, argumenta ab exemplis & testimoniis talia qualia collegerit & deprompserit, quibus tandem Regem possim, ac si ita dicam, gregem hortari, atque ad Parlamentorum usum, quo Rex & regnum *hinc inde* in eadem tandem sententia feliciter convenire possint. Causa, proh dolor, communis illud magis atque magis requirit, & expetit: quod quæso studiis tuis promovere digneris. Verendum est, quòd invasio ista in Gallia infusas causas Bohemicæ non profuerit: sed factionem Hispanicam auxerit: nec non Danorum Regem exanimaverit. Nova hodie accepimus mala ex Germania, Tillæum Albis transmigrasse flumen, atque in Holsatiam, Regis Ducatum proprium, invadisse fertur. Quem si vicerit Ducatum, Hamburgum vicerit & Albim; & tum, quod Deus avertat, actum est de ipso Rege. Nec sciam quibus hoc sit imputandum malum, nisi, post peccata, Parlamentorum in Anglia, atque inde Regis & Regni consensus consueti & laudabilis defectibus. Qua de causa, si hisce in conatibus parùm sudaveris, D. V. nec se poenituerit, nec me ingratum offenderit. Quod si facias, citò quæso, ac sedulò, ac secretò feceris, ac valeas.

Dabam Delphis  
4. Non. Augusti.  
Anno Salutis  
c1o lxxvii.

R. T. Studiofissimus,

Edw. Misselden.

## LXXXII.

Doctissime Vir,

**P**Ræbuiſti gratiſſimam anſam, & aliquamprehendere mihi jamdiu in votis fuit. Quæ impediabant duo fuere: Negotia plura quàm quibus par eſſe poſſum, & ſtylus inæqualis & barbariem ſonans: quem tamen ob male jacta in me literarum fundamenta nunquam ſatis limare potui. Compedes hoſce, non ſolum Candor tuus, ſed & Gratiſſitudo mea abruperunt. Accepi literas tuas, utinam ſcires quàm charas, cum iis ſolos amoris tui libros, æternum eruditionis tuæ, & ære perennius monumentum, de Hiſtoricis Latinis. De Græcis quos edidiſti Commentarios, apud me quidem illi ſunt, & quod non plenè perlegerim,

*Epistola hæc  
magna ſui  
parte mutila  
extat inter  
Arminianas,  
p. 727.*

me invitiffimum diſtinnit negotiorum moles. Sed quod in amorem tui me rapuit, Hiſtoria fuit Pelagiana, Hiſtoria, non magis ſæculis, quàm affectibus Theologorum pugnantium diverſis perplexa, ſeriatim tamen per ipſas laceras Eccleſias deducta, & in ipſis funeſtiſſimis Eccleſiaſticorum diſſidiis, non ſine ingenii ſimul & laboris miraculo ordinata. Ad munus tuum redeo: Gratiſque ago multiplices. Quod tam eruditum opus, tam utile, noſtrum, i. Britannicum adoptione feceris. Quod tam juſtis laudibus Academiam florentiſſimam Cantabrigiam apud aures æquiffimas, placuit celebrare. Quod me dignum voluiſti ſimul, nomine, inſcriptione, libro, literis tuis. Præcipue verò quod Buckinghamiæ Illuſtriſſimum Ducem, omni virtutum genere cultiſſimum, & mihi omnis Officii nomine obſervantiſſimum, tantis, debitis tamen laudibus, poſteris confeſcrafti. Ego jam Duci paro literas, à me (& forte primo) audiet quid calamo tuo debet. Unum rogo: noli me in lineis hiſce turbatis nimium quærere, alibi habito, rerum non verborum ſervus. Et quum Erpenius tuus & Wintonienſis meus ſatis ceſſere, ipſi meritis ſuis immortales, ſocias jungamus manus, meas licet multo breviores invenias. Pater benedictionum ſit cumulus tuus, & ego interim ſervus tibi in Chriſto, & ſi placeat nomen Amicus.

Ex Aula Regia  
Hampton. Sept.  
25. 1627.

Guil. Batbon. & Wellenſis.

## LXXXIII.

*Præſtantiſſimo Doctiſſimoque Viro D.  
Gerhardo Voſſio, utriuſque Eloquen-  
tiæ in Academia Lugduno-Batavo,  
Profeſſori digniſſimo.*

Vir præſtantiſſime, Collega obſervantiſſime.

**J**AM diu eſt, quod nihil ad te literarum dederim, non oblitus officii erga te mei, quo nullum habeo commendatius; ſed quod veritus fui, te participem facere earum rerum, quæ mihi diſplicebant quam maximè. Et quidem videbatur mihi levior eſſe ægritudo, quam ſuſtinebam ſolus. Nunc verò, quando eam felicior dies mihi ademitt, nolo eandem te diutius latere; quo ſimul præſentem rerum mearum ſtatim intelligas. Attamen cautio eſt, ne vulgatum, famâ, hoc malum,

H

nunc

nunc gravius mihi noceat, quam antea: Ideoque liceat mihi, hoc velut arcanum committere fidissimo pectori tuo; in quo spero praesidium fore honori meo.

Nostrum ab initio, duplicem mihi fuisse curam, de itinere hoc feliciter insistentem, ut inservire publico, & tuto possem, & sine privatae rei dispendio; eamque fuisse causam, cur applicerem me, ad illustrem Syria Consulem: At fateor me illius facti paulo post poenituisse. Ita aliena à me apud illum omnia, vitas, mores, & studia reperiebam; quamque in hac urbe tranquillitatem exoptabam & otium, perpetuae ferè disturbancei obnoxiam. Etenim gravis & penè continua, Consuli nostro lis fuit, modò cum suis, modò cum aliis populis, ex orbe Christiano adventis, dum in ordinem redigere nitentur, quae paulatim hic collapsa erant. Unde iudicabis facile, quam non ego laboris partem tulerim, qui rebus omnibus interesse, & velut praesens debui. Si tamen me audisset consulentem, ex quiete forsitan majorem gloriam reportasset, & ego insignem fructum. A singulis negotiis, turbam expectabam finem; sed alia ex aliis emerferunt, uti ex fluctu fluctus: ita ut pigere tandem me, & tedere istarum rerum vehementer coeperit. Aliter significatum, aliter persuasum in patria ante discessum fuerat; facilem nempe, & liberalem fore operam quae à me requiretur. At reverà permolestam, & saepe importunam comperi, ac si quis antea in locum meum suffici potuisset, omnino conditionem illam repudiasset, studiisque meis posthabuisset securitatem, & quavis commoda, quae tamen mihi nulla fuerunt. Levius mihi reddere patientia conatus fui, quod corrigere haud potui eram; donec tandem Dei Opt. Max. beneficio revixi mihi, restitutus in libertatem: nam ante dies aliquod, Dominus Consul, ob Parentis obitum, in patriam hinc discessit, pauloque ante huc alius venit, in quem onus meum commodè deposui.

Dominum Wisium maximè mutatum ab eo, qui antea fuit, omnes qui eum noverunt, mirabuntur: tantum in liberalem indolem potest honoris tueri necessitas, & seria mentis occupatio: At ex qua vereor ne res ejus familiaris, ingens detrimentum ceperit inter Turcicos Harpyias. Abiturus dignitatem consularem mihi obtulit, instititque multis, ut vices suas pro aliquo saltem tempore sustinerem, ad quod capeffendum munus, hortatus me quoque fuit illustrissimus Dominus Legatus Cor-

nelius Haga: At recusatione honoris istius, atque fortunae, commonstrandum existimavi, quàm invitus alia hactenus negotia tractaverim, praeter studia mea, neque aliter posse me aut debere veniam sperare. Quae alia etiam incommoda me remorata sint, non dubito quin antehac intellexeris; scilicet, ut paulo post quam in Syriam venimus, diri contagii labes, me omni plane consuetudine eorum prohibuerit, per quos proficere desiderabam; & postquam partis, hic subsidis, amicisque uti coeperam, quomodo aurium immensus dolor, tinnitusque perpetuus, ultra tertium mensem me affluerit, omnique intentione studio interdixerit, quantum etiam curae, molestiaeque mihi peperit adolescentis cujusdam incuria, & temeritas, qui per amicorum preces ferè invito mihi, comes obtrusus fuerat. Quaedam ex hisce malis talia fuere, ut tanquam divinitus immissa caveri non potuerint, quaedam vero prout humanae sortis erant, si initio praescivissem, evitare debueram, postmodum tamen pro arbitrio effugere non potui.

Nihilominus pro tempore, quo uti mihi licuit, satis profecisse mihi videor, & nunc favente, alia atque alia occasione, & invitante, alias quoque tractassem linguas; de Arabica quae potissimum mihi incumbit, jam ferè securus esse poteram; at deinceps spero, aliud operae pretium faciam, & quidquid est detrimenti, facile sarciam, quandoquidem partis hic studiorum commodis, quiete in posterum, & ad placitum uti licebit.

Quas quidem rationes meas, proximè exposui amplissimis Dominis Curatoribus, dissimulato tamen honoris ergò, Consulis negotio; quibus ipsi permoti, haud ægrè ferent confido, moram à me paululum prorogari, ultra praescriptum terminum: Quod haud dubium est, quin cum Academiae utilitate conjunctum erit: Nam tantilli temporis fructum, quem interea à me expectare posset, cum foenore uti spero, paulo post uberius recipiet. At de melioribus amicis meis, nonnulli urgere summòperè videntur, ut quamprimum possim, in patriam revertar, ob vacantem Cathedram Mathematicae professionis: Non potui certè hunc casum intelligere, sine maximo animi dolore, atque nunc deploro Academiae nostrae casum, quod occiderit incomparabile illud lumen, ad cujus laudes adspirare videtur ambitiosum; adscendere verò perdifficile est; ideoque licet ab adolescentia, stimulante genio, disciplinarum illud genus sectatus fui,



fui, & pro captu ingenii quoque penetra-  
vi: tum etiam in votis semper habui, ut  
pertractare, vel exercere aliquando pos-  
sem, in patriæ usum; non ausus tamen  
fui, ad ejusmodi felicitatem, hac occasio-  
ne sperare, vel animum adicere; præfer-  
tim postquam amicorum literæ, tardius  
perlatae essent, quam ut putarem me ex  
consilio eorum, hic res meas expedire pos-  
se, & ibi in tempore adesse; quamobrem  
universum negotium, divina providentiæ,  
& amicorum mihi benevolentium, pruden-  
tiæ, & arbitrio, committendum duxi; eo  
quidem animo, ut in stadio interim meo  
graviter pergerem, & quam possem ma-  
ximè reditum maturarem. At postquam  
ex postremis literis, intellexi, è patria ad  
me datis, suffragia pro me conspirare quæ-  
dam, & Dominis Curatoribus visum fuisse,  
in designando Clariss. Snellii, mei quon-  
dam Præceptoris, successore, mei quoque  
rationem habere, sententiam mutavi, om-  
nibusque modis contendendum putavi, ne  
tanto favori, summisque meis votis, ipse  
deessem. Primum quidem institueram,  
commisam mihi Spartam, quæ in hisce ini-  
itiis, nulli non tenuis, & ingloria videtur;  
amplificare atque exornare, aliarum quoq;  
linguarum orientalium accessione; sed ut  
verum fatear, revera tandem comperi,  
præposteram illam operam fore, & Rei-  
publicæ Christianæ injuriosam: Nam quid-  
quid cæteris incognitis illis linguis, studii  
impendi possit, sola Arabica sibi postulat:  
ut quæ sola continet, quidquid ferè de  
Asiæ & Africæ disciplinis, & rebus por-  
rò scire desideramus: Ita ut tanquam uni-  
versalis lingua sit, quæ à Græcæ, & La-  
tinæ doctrinæ, separari minimè possit, si  
humanam sapientiam, & memoriam tem-  
porum, quam maximè fieri potest, apud  
nos integram extare velimus; ideoque si  
excolendis exoticis linguis, novum ali-  
quem, & dignum labore fructum spero,  
video ab Arabica repetendum: Et si ad  
hujus professionem, etiam Mathematica  
mihi decernantur, viderer talentum qua-  
lecumque meum, melius posse collocare,  
& materiam nactus, jucundi, & utilissi-  
mi laboris: Nam & Arabica lingua, de  
Mathematicis Græcorum, & aliarum gen-  
tium inventis, multa suppeditare potest,  
nobis invisâ, omniumque votis desiderata,  
& ipsâ illâ contemplatione recreatus sub-  
inde animus, facilius superare omnia tæ-  
dia posset, quæ in prima tam amplæ, &  
implexæ linguæ culturâ non possunt non  
oboriri. Ex Græcorum monumentis, ut  
hoc in transitu significem, pridem nactus

fui, Apollonii Pergæi, summi Geometrae  
tres postremos Conicorum libros, de Græ-  
co in Arabicum elegantissimè translatos;  
scriptum à præcipuis quibusque Mathe-  
maticis maximi æstimatum, & frustra ha-  
ctenus conquistum; reperi alia quædam,  
& uti spero, plura propediem nanciscar  
quibus id quod paulo ante dixi, luculenter  
posset probari. Sæpissimè à dolore tem-  
perare nequivi, cogitans, præcipuam vitæ  
partem, in illo pulvere fuisse exactam, &  
præter muneris mei sortem fore, si in illo  
exercere manum, & mentem porro vel-  
lem: Videor nunc mihi hujusce felicitatis,  
modo capax sim, compos reddi posse,  
non sine Reipublicæ nostræ commodo;  
cui hisce temporibus, & in præsentis suo  
statu, maximè necessarium est, juvenitu-  
tem in ea quoque Mathematicum parte in-  
stitui, atque exerceri, quæ in bello, præ  
reliquis ferè rebus omnibus plurimum sem-  
per potuit: *Tud noli quæritur & noli noli*  
intelligo, quæ in Academiis hæctenus, in-  
iquo divortio prorsus separata, à Ma-  
thematica Encyclopædia, neglectæ fuere:  
pro modulo ingenii mei, favente eam ad-  
rem commoditate idoneâ, utriusque dis-  
ciplinæ, doctrinam profecutus, ipsaque de-  
lectatus multum fui: id si mihi porro li-  
ceret, de progressu, & operæpretio haud  
desperarem. Denique cum Arabica lin-  
guæ, aliarumque orientalium subsidia li-  
braria, quæ necessitas, & profectus, alia  
atque alia requirat, sine impensis magnis  
comparari nequeant, & Mathematica quo-  
que inventa, & Machinæ, præ reliquis  
studiis, haud leves sumptus postulent, si  
ab utriusque laboris, honesto stipendio ju-  
varer, quod tolerabilius Academiæ foret,  
quam duos Professores alere, utrumque  
fortè studium, felicius cederet in com-  
mune bonum, quam si alterutro tantum  
fungerer. Imprimis verò postquam decre-  
tum est mihi, si exorta spes ejusmodi con-  
ditionis obtinendæ affulgere perger, vi-  
rum aliquem orientalis literaturæ peritum,  
in patriam mecum perducere, meisque  
impensis ibidem alere; quod si precibus,  
& promissis, (nullis autem parcam, quæ  
ferre potero, vel potius solvere) impetra-  
vero, facile erit propitiante Divino No-  
mine, & haud multo quidem tempore,  
arcana harum literarum, publici juris face-  
re. Hæc quidem cogitationes faciunt, ut  
quod me favor, & amicorum consilia invi-  
tant, eò quoque excitatiore animo, spes  
meas extendere audeam; non quod me  
cum aliis, si qui fortè competitores sunt,  
comparare velim, aut qui facile à naturæ,

& doctrinæ dotibus multo sunt instructiores; at si ex re Academiæ, & Reip. videatur, ut ego isti muneri præficiar, ne ipse deficiam. Si tempestivè satis, ante discessum Consulis nostri, certior factus fuisset de Curatorum decreto, ita ut de libris mihi providere, & de idoneo homine modo potuissem; unà me cum illo itineri commissem, etiam si haud ex omni parte, securum mihi videbatur. Nunc id mihi operis, ut quamprimum possim, me expediam; at quia audio omnes vias esse terræ marique infestas, hostium, prædonumque injuriis; altera me cura tenet, ut quâ possum prudentiâ, ejusmodi discrimina effugiam, & partas hic literarias copias, tutò transportem. Post pauculos ab hinc menses, expectantur aliquot naves Anglicanæ, Constantinopolin appulsuræ, quæ novum ex Anglia legatum vehent, eumque qui jam suo munere est defunctus, accipient, ut eundem cum familia patriæ reddant: Sunt quidem mercatoriæ illæ naves, sed bellicæ classis in modum armatæ: illi ego potissimum occasionem immineo; neque enim similem antea sperare possum, quam obrem brevi hinc Constantinopolin concedere statui, ut doctorum hominum, quales permulti ibidem esse perhibentur consuetudine, instituta promoveam mea, & simul novam illam Romam perlustrem: in quem finem, per literas, illustriss. Dom. Legatus noster, me aliquoties ad se humanissime evocavit. Ipse quidem commendatione sua, aliisque officiis, hætenus plurimum juvit, & majora cum summo favore obtulit, si illuc venero. Hæc quidem ad latius, ut negotia, & vota mea perspecta haberes, te autem per benevolentiam, quâ me hætenus dignatus fuisti, etiam atque etiam obtestor, ne iisdem porro gratiam tuam, & patrocinium impertire graveris, in quo spem magnam, & fiduciam pono: Novi enim te autoritate doctrinæ, & virtutis tuæ eximie multum valere, apud Dom. Curatores, omnesque cordatiores viros, amicos tuos; quò juxta ceteros amicos meos effectum reddas, ne longior præter expectationem mora, quâ vitæ meæ, & harum literarum fortunæ consulendum duxi, me damno multo maximo afficiat, quod fieret, si propterea conceptæ sollicitatis spes decollaret. Quia plus satis prolixus fui, supersedebo commemoratione aliarum rerum, quæ hic contigerunt mihi, aut quæ ad statum, utriusque Imperii Turcici, & Persici, necnon Christianorum Ecclesiæ, in Asia pertinent; eas quidem, aliasque reservabo pro-

ximis literis, aut in reditum meum, quem cœlitus opto, expectoque, & felicem illum diem, quò repetere mihi licebit, fructum dulcissimæ consuetudinis tuæ: Interim toto animi affectu te complexus, me, meaque omnia, tuæ pietati, & fidei commendo, Deumque Opt. Max. supplex rogo, ut te Orbis Christiani, & Academiæ nostræ insigne decus, ad longævam ætatem incolumem servet, cum carissima Conjugæ tuæ, Liberisque tuis: Idem quoque precor, cæteris amicis omnibus, imprimis vero, conjunctissimis Collegis meis, quos unà tecum omnes officiosè saluto.

Datum Halebi in  
Syria Comagena xi.  
Kal. Sept. An. Sal.  
c10 Idc xxxvii.

Tui observantissimus,

J. Golius.

#### LXXXIV.

Clarissimo Viro D. Gerhardo Vossio,  
Historiarum Professore.

Lugdun. Batav.

Clarissime Vir, Domine & Amice honorande,

TAM mihi gratum, quam inopinatum fuit, nomen tuum conspicerem, in Instrumento publico, quod de Baptismo liberorum meorum illic, te attestante, formatum fuit. Gratias tibi ago non tantum ob operam, verum etiam, & quidem præcipuè, ob voluntatem, quam ita promptè amico veteri absenti, & non roganti impendisti. Sed nondum habeo rem ex animi sententia consecutam. Rogo igitur ut mense, & anno baptismi singulorum liberorum meorum, (ita enim petieram, & ea gratia miseram, ad adfinem meum chartam memorialem, ex Ephemeride rerum mearum domesticarum descriptam, quæ ista omnia continebat) gratificari mihi digneris. Nam quod ille existimavit sufficere, non sufficit. Nos nunc terram Canaan describimus, rem ingentis laboris; dabimusque propediem, Eusebii Pamphili, Cæsariensis, in Palæstina Episcopi librum, *μετ' τῶν παλαιῶν ἐνοικητῶν ἐν τῇ διαίτῃ γενομένη*, cum interpretatione opposita B. Hieronymi, cui ad oram adjungam vocabula hebraica, singulorum locorum, cum designatione librorum sacrorum; in quibus ea loca nominantur. Subdam præterea, (si Deus volet,) singulis paginis notas meas, ut earum præsens conspectus lectorem juvare possit. Græcæ Eusebii nunquam edita fuerunt; & scis quanto à nobis



nobis postulata, quanto promissa fuerunt. B. Hieronymi liber Latinus, ingentes habuit lacunas, quas quum ex collatione gravi contextus è regione descripti, deprehendissem, non ante quievi, quam in Bibliothecis S. Victoris, & D. Thuani erui exemplaria manuscripta, quorum ope hiatus explevi. Dici non potest, quantum is liber adjumentum allaturus sit sacrorum librorum lectoribus; nam in illis tertia fere pars continet Geographica. Sed urget Tabellarinus. Vale ergo charum Caput à

Tuo,  
Bertio.

Dat. Lut. Paris. xliii.  
Sept. An. 1627.

## LXXXV.

*Clarissimo Viro D. Gerhardo Joanni Vossio, in Academia Lugduno-Batava Professori Celeberrimo,*  
Lugdun. Batav.

S. P.

Obtrundo te, Clarissime Vir, literis, ut silentium tuum tandem expugnem; quamvis dubitem utrum ullæ mearum, ad te pervenerint, atque etiam num hæc sint perventuræ. Cingimur enim densis undique militum stationibus, & commeatum maritimum, quo nonnihil fidebamus, propemodum nobis Danus interceptit. Urbs verò hæc necessitatem recipiendi præsidii, centenis millibus Joachimicorum redemit, neque dum insidiarum metu vacat. Quid si promptitudine dandi hostis illectus, postulata perpetuet, aut vim apertam intenter? Adeo heic animis decidimus, ut etiam ad primum ordinati militis conspectum, obedientes imperata sumus facturi. De Dano tristitia, ac misera differunt, quæ quia abominor, atque in hostium capita reprecor referre Religioni duco. Nisi Deus è Machinâ me hinc abstraxerit, video in communi interitu, & pestem meam. Nemo amicorum consilio saltem ac voce juvat, nedum addit operam. Unicum ad vos ex tanto naufragio receptum, ac portum habere me posse speravi; sed cum promissa vestra non compareant, animus componendus est, ut imminens necessitatem, fortiter excipiat, cassæque speculæ renunciât. Antequam tamen arctiora nos circumfundant, Cornelii Nepotis Editionem ex liturariis meis extruo, & eis unam atque alteram septimanam isto labore me defuncturum esse confido. In-

stiti tibi, Vir Clariss. hætenus, ut mihi tuas, aliorumque conjecturas elargirere: Verum Orator fui minimè impetrabilis; unde suspicor vos conjunctionem istam defugere, ac dedignari. Ob id dare tibi amplius negotii non sustineo, ut lucubrationibus meis Typographum conciliare, neque in eventum mea præmittere ad vos audeo; quia nedum ista, quæ ante biennium, Jodoco Hondio credidi, ab ejusdem viscatæ manibus, reglutinare potui. Mi Pater, facias me ocius certiore, quid spei, de promotione mei apud vos, & de Typographo gerere debeam. Simul ac enim tuas accepero, non solum luculento in Cornelium Nepotem spicilegio, sed Analectis etiam in Æliani *παράληψιν*, maectabo penates tuos, atque paulo post me hinc ad vos subducam, ne belli incendio hauriar. Raderi commentarios in Q. Curtium, nondum videre contigit, de quibus tuum iudicium expecto. Post Latinorum Historicorum vitas, quid aggressus es? quo ingenii monumento insignire cogitas Mnesmosynes templum? Cl. Cunæus Josepho quid facit? cedere certè Heinio non debet, qui Nonno doctissimis exercitationibus solitudinem depulit, pluresque Lectores conciliavit. Non credis quanta scriptorum tuorum admiratione capiar; quanto Cunæi desiderio flagrem; ut fortunæ meæ tenuitas, obstare non possit, quin vestra mihi monumenta, studiosè comparem. Vale.

T. T.

Roßtochii A. D.

xxi. Octob.

1627. OCT. XXVI.

Janus Gebhardus.

Salutem plurimam adscribo D. Scriverio, D. Vorstio, filiis tuis, paternis vestigiis insistentibus. Literas tuas trade vestrati Johanne Maire, qui curet ad nostratem Civem; & Bibliopolam August. Ferberum.

## LXXXVI.

*Clarissimo Præstantissimoque Viro, D. Gerhardo Joanni Vossio, Eloquentiæ atque Historiarum Professori.*

Superioribus tuis, Clarissime, & Amicissime Vossii; quibus absolutum de Historicis Latinis opus tuum, cujus, & brevi exinde missurum te mihi exemplar significabas, jam ante respondisse me scio. Nunc illud ad me missum opus, curante Typographo vestro, recteque curatum accepi.

cepi. Gratias verò, hoc nomine tibi ingentes habeo, debeoque. Nam ut referam hoc tempore, in mundo non est. Suetonium interim ecce tibi, ante semestrem, & quod, excurret, minori hac formâ, typis excusum, pro munere tuo, munusculum. Est verò insignis hæc opera tua, istamque egregiè nobis exornatam Spartam dedisti, quantum ex filo operis, & eâ quâ adhuc frui licuit, inspectione subitaneâ, conicere potui. Nam mihi exinde propius, sæpiusque adeunda, ac repetenda hæc adytâ. Primo intuitu, & modo hanc, modò illam volutanti paginam, occurrit, Orosius ejusque, ut scribunt, *Ormeſta*. De qua voce, cum tuas legerem conjecturas, ut elegantes, ita doctas oppidò, animadverti editionem quæ prodiit, Maguntiz An. 1615. cum Annotationibus Fabricii, Lantii, & Notis postremò marginalibus And. Schotti, visam à te haud esse. Nam ibi Schottus in præfatione, præter cætera, hoc monet, hanc Orosii, Historiam, inscriptam olim vitiosè, & barbarè, *Ormeſiam mundi*, sive *Ormeſdam*, pro *Orcheſtram*. Ut titulum scilicet ejusmodi habuerit, *Orosii Orcheſtra mundi*: quasi in eâ, ut in Scenâ, ac Theatro quodam mundi, ac mortalium clades, ac calamitates, ob oculos propositas omnibus, ac recitatas voluerit. Et addit Schottus, ita nominandam, inscribendamque, primò vidisse in Prodicio suo Pighium. Occurrit deinde & aliud, & quod me propius respicit, illud scilicet, quod in Saxone Grammatico, de S. Gulielmo Parisiensi refert, qui in Dahiâ Abbas, obiit Cœnobii Ebretoſtrenſis. Ejus enim vita, à Discipulo ipsius descripta si penes te sit, aut ubi haberi possit, (nam ex ea verba quædam laudas) ut mihi significare haud graveris, oppidò velim. Historia quoque Mussati, & ea præsertim cujus mentionem facis, editio Veneta, si jam prodiit, & Leydæ proſtet, ejus mihi exemplar mittat Bibliopola Johannes Maire, ut moneas, rogo. Authorum præterea veterum emendationes, passim insperſas, variasque in eodem, observationes tuas prentiles ac necessarias vidi; quarum ego rerum, atque Authorum syllabum, sive indicem omisſum solummodò desideravi. Sed hæc altera tua editio, aliaque talia adjicere poterit, volente Domino: Qui & te, mi Vossii, diu salvum, ac sospitem præſtet, quò ita egregiis hujusmodi laboribus, ac lucubrationibus doctissimis, sufficere deinceps, multosque in annos valeas.

Dabdm Hardervic.  
Anno Dom. V.  
Novemb. 1627.

T. Joh. Isac. Pontanus.

## LXXXVII.

Arnold. Buchellius G. J. Vossio, Philosoph. & Historico Clarissimo.

Lugdunum.

Clarissime Doctissimeque D. Vossii, percurri pridem librum tuum, de Latinis Historicis; in quo admiratus sum inexhaustam tuam diligentiam, incredibilem patientiam, & exactum simul judicium tuum. Admiratus (inquam) sum quotidianis, & quasi perpetuis tuis occupationibus, tantum temporis vobis superesse potuisse, quod tam vasto operi sufficeret. At supra spem omnia inveni, adeo ut deficiant verba, quibus tanti laboris merita, dignè expreſſero. Vidi quam infinito studio pelagus illud Authorum ingressus fueris, quot etiam incerti nominis, & ætatis scriptores, inter tineas, & blattas delitescerent, in lucem produceris. Et penè (ut ita dicam) miseret me tui, qui tantum laboris, impenderis istis SS. Vitis legendis, quarum major pars impossibilium, ac incredibilium rerum narrationibus, ne quid dicam acerbius, occupatur. Verumtamen cum hæc, non tantum nostris hominibus, sed toto erudito orbi scripseris, oportuit sanè ad sæculi hujus mores te accommodare; At interim hoc sedulò cavisti, ne quem temerè offenderes: quod licet apud bonos æquosque Lectores, te impetraturum minimè diffidam, vereor nihilominus (ut nunc sunt hominum mores) ne omnibus, vel sic in iis satisfeceris. Sunt enim quibus Religionis velum SS. vel manifestissimis prætenditur mendacis, quod omnibus censuris superius arbitrantur. Sed ad rem venio, Vir humanissime, pauca inter legendum notavi, inter quæ, & Typographi errata, sed talia quæ veritati fucum facerent. Eorum hic specimen adjungo.

Pag. 446. De Beka ad finem; ac prætexit usque ad annum clxxvi. quo & ipse in terris morabatur.] Hic innumero erratum, & C unum omisſum, nam vixit post annum 1300, & Chronicon suum ad Johannem Episcopum perduxit; ad annum nempe 1345. teste Trithem. MS. meum ultra 1360. producit, sed ab alio quædam assuta credo. Idem Trithemius claruisse tradit, ad annum 1348. Gesnerus in Biblioth. An. 1350. Pantaleon 1340.

Pag. 814. In lucem primus protraxit, Bernardus Furmerius.] At erroribus adeo plenum, ut vix linea in toto libro sit integra:



tegra: neque sanè eo nomine illi multum debemus, cum quivis facillè in tanta copia exemplarium manuscriptorum, pessimè descriptum, lucelli tantum spe in lucem protrudere potuisset; & absque dubio, jam meliorem eum Authorem haberemus, nisi hominis ea sedulitas fuisset. Ego in tantillo libro, aliqua centena errata restitui, quæ nullo modo excusari poterant; Idque cum rursus tantum perlegissem, D. Grutero instante, ac urgente, ut Francofurtum mitterem. Quid autem denuo libro hoc factum sit, nondum intelligere potui, ut neque de Steda meo; ad quem quædam etiam notaveram: quarum Notarum, nonnullas ex Adversariis collectas, unà cum meo Exemplari, ad D. Scriverium misi.

Pag. 839. *Johannes cognomento Palæomydorus*] Videris hunc Johannem, alium facere, à Johanne de Aquâ Veteri, cujus pag. 529. memineras: cum tamen, Tempus, Patria, Scripta, Ordo conveniant, nec alium præter unum Johannem Aquæveteranum reperiam; hos unum, & eundem credo, ut & mecum Valerius Andreas, qui ante annos tres quatuorve, in lucem dedit Lovanii Bibliothecam Belicam.

Pag. 838. Authorem hujus Polyphili, indicant literæ Capitales Titulorum, quas collegi, in hunc sensum: *Poliām frater Franciscus Columna peramavit*: Ut mihi indicium fecerat, Johannes Martinus, qui hunc librum ex Italico translatus, Anno 1546. Parisiis edidit, Gesn. Veneriis apud Aldum excusum, tradit Ital. neque puto Latine extare. Benedict. Curtius ad Arresta Amorum, sic de eo scribit; *Et multis Francis Columna Parentationes in Templo Polyandrios fieri finxit, his qui ob amorem periclitati fuerint*. Idem Arresto 40. *Fuerunt etiam qui prosa vulgari, Amicas suas celebraverint, inter quos verò, doctior Franciscus Columna, cognomento Polyphilus, qui Poliām illam suam, omnium disciplinarum doctissimam interpretationem, ac omnium Artium Officinam instructissimam exornat, plurimisque Epithetis honestat.*

*Eadem.* Certè meo judicio, Thesaurum continet Antiquitatum, & Elegantiarum.] Cyriacum Anconitanum nondum vidi, sed eundem, non optimâ fide dedisse inscriptiones, at plurimas finxisse satis aperte indicat Doctiss. Ant. Augustinus, Dialogo xi. de Numis, & Antiq. inscriptionibus; eumque Annio Viterbiensi, ea in re comparat.

Pag. 827. Corius Anno 1485. Anno-

rum fuit 25. ut in Præfatione ad Ascanium Stort. Card. ipse scribit. Idemque dedit vitas Imp. Rom. à Cæsare, ad Barbarossam, sed Italicè; promittit & librum de Vitis Philosphorum, Poetarum, & Mulierum illustrium, quem nondum vidi; An ediderit nescio; Cæsares ad finem, Operi Historico adjunxit.

*Sed in Reuberi Editione libri sunt viii.* habeo & ejus operis editionem in fol. Bas. ap. Pernam Anno 1533. octo tantum libris constantem.

Pag. 799. *Rexisse Ecclesiam Rhemensem annis xxvii.* Redomenssem, scribendum, cum nullus Marbodius hoc tempore fuerit Rhemensis Episcopus; Error em etiam sequentia verba satis detegunt.

Pag. 796. *Atque omni rep.* Certè mirum videtur, Suffridum Petri tam mordicus propugnare suæ gentis fabulas, cum vir fuerit alioqui doctissimus, & judicii præterquam in patriâ Historiâ boni: hunc pertinaci animo sequuntur Furmerius & Hamconius, quos trium viros fabularum patriarum vocare soleo. Et utinam hi non suos invenissent Affeclas.

Plura attexerem, nisi vererem hisce meis nugis utiles vobis horas adimere; neque hæc alio animo quam juvandi scribo, cum sciam non omnia omnibus eodem tempore patere: neque tu, doctissime vir, aliter hæc capies. Conatum saltem videbis, etiamsi nihil alicujus momenti præstiterim. Addo tantum indiculum Authorum, quos nescio, an videris.

Scriptores varii rerum Leodiensium quos Jo. à Chappeauville, in lucem dedit Leodici 3 Tom. An. 1612. in quarto, Inter quos Harigerus Abbas Lobienfis, Anselmus Can. Leodienfis & Joannes Placentius Dominicanus; Catalogus Episcoporum Tungrensiū; Hunc inter incerti ævi Authores retulisti, sed ætatem facillè ex ipso quem apud me est libro constabit.

Petri de Blarorivo Parhisiæ infigne opus, Nanceidos in fol. vulgari Libb. vi. versibus heroicis conscriptum, impressum verò in pago Lotharingæ D. Nocalai de porta; per Petrum Jacobi Perbrum, loci Paganum An. C. 1518. non. Jan. quo die etiam ipsum Nanceianum peractum est An. 1476.

Valerandi Varami de Gestis Johanne virginis Libri iv. versibus conscripti, editi in quarto Parisi. Anno 1516. Rob. inde Stephani Anno 1529. iteravit.

Horatii Poetæ Idoraria, Poema Libb. 2. ad Nic. v. Pontif. Max. de Conspiratione Portiana in ipsum Pontificem. In membr. est apud me. Ant.

Ant. Sanderus Presbyter, edidit Anno 1624. Antw. in Quarto apud Guil. à Tongris, de scriptoribus Flandriæ Libros 3. De Gandavensibus eruditione claris Lib. 3. de Brugenfibus eruditionis fama claris Lib. 2.

Est & apud me Vita Henrici Imp. Virginei quam scripsit (ita habet Tit.) Adalboldus Traject. Epf. Mf. Vita Henrici Quarti Cæs. Aug. Ducis Bavariz vii. Paulo post, matris illius à quodam ejus temporis conscripta. MS.

Item de Imp. Equivocis Henricis. MS. Vita S. Adalberti confessoris. MS.

Sed jam satis superque tuam patientiam exercuimus, si tamen hæc vobis non ingrata, aut molesta fuisse intellexero, plura me missurum recipio, summi beneficii instar erit, si sensero me vel minimum profuisse. Vale, vir Doctissime, & me tui amantem redama; ac salve, & rem mihi gratam te facere crede, si à me salutem D. Barlæo dicere non grave fuerit.

*Trajecti calamo festinante,  
X. Kalen. Decembr.  
c1c 10c xxvii. stylo nostro.*

## LXXXVIII.

Clarissime Humanissimeque Vir,

NON oportebat gratias esse tam tardas. Sed locorum intervallis, injuriisque temporum dandum est hoc vitium, non meo animo. Aderant jam Natales *Sarnelior*, priusquam appulere ad me amoris illa tui suavissima deposita. Atque interea dum ad Doctorem Bealum (Cantabrigià jam tum absentem) ad D. Junium, adque fratrem meum (longissime diffusum) transmittendi quærentur opportunitates, aliquot menses præterfluxere. Jam tandem, repono tamen, pro libro literisque summas gratias, pro amore pectus & animum. Equidem jampridem in eo ipso quod Academia nostræ contuleras munere, reputabas meas partes inesse; sed cum & mihi separatim atque inter paucos, viderem te clarissimum hoc pignus ultro credidisse, mirum in modum cœpi de Vossiana amicitia mihimet gratulari. Et certè si Cantabrigiam te nostram invisere contigisset, (ut aliquando spes erat) non defuissent (confido) officia mihi, quibus meum erga te studium, penitissimosque adfectus commendare præsentì tibi potuissem. Verum nunc intervullæ sunt alæ mihi illorum officiorum, præterque gra-

tias, & pia vota, reliquum est nihil, quo amores meos probem tibi. Quanquam cum & Reverendissimo Antistite apud nos, tuique amantissimo dudum intellexerim, non deesse tibi progeniem, Parentis similem, bonæ literaturæ, famæque cupidam, erit fortasse aliquando (*ὁρ' ὅτι*) ut hic apud eorum aliquem possim clariùs exponere, quàm aucta in parte existimationis atque benevolentiz æternum refideas in meo pectore.

Tu, egregium decus literarum, vive diu, & benigno numine fruire, nomenque tuum, quod jamdiu fecisti, perge porro æternitati commendare. Ea affluè vota nuncupat, qui te intimis meritò adfectibus complectitur,

*Dat. in ipso Æ-  
quinoctio Verna-  
li Cantabrigiæ è  
Coll. D. Petri  
c1c 10c xxvii.*

*Æterno nexu tibi devinctus,*

Matthæus Wren.

## LXXXIX.

Eximie Vir,

QUANquam est quòd doleamus excidisse nos expectatione nostrâ, quam de adventu in Britanniam tuo conceperamus: literæ tamen tuæ minuerunt nobis illam sollicitudinem, quibus præter seipsum, nihil ad nos gratius acceptiùsve pervenire poterat. Quòd sive rerum tuarum conditio felicitati nostræ obstiterit, sive Lugdunensium tuorum affectus atq. amor, quem non mediocrem ex tuis in illam Academiam meritis esse conjicimus: Ut cunque nobis in propensitate erga nos tuâ, quàm luculenter adeò, optimus ipse tui sensus interpres, expressisti videtur acquiescendum. Academiæ itaque Britannicæ, præsertim hanc nostram, tanto apud te in honore esse summopere gratulamur. Non enim leve aliquod momentum laudibus nostris accessisse judicamus ex tanta suffragantis amplitudine. Theologi autem nostri, si jam in vivis essent, quàm mox tibi catervâtim gratias rependerent: cujus beneficio habent, quòd nec solerti Leâre, nec fideli testimonio destituti sint? Cum & integritas tua omnem assentandi suspicionem facillè summoveat, & acerrimi judicii confirmata in animis hominum opinio præstet, ne in ferendâ sententiâ deceptus videare. Atque utinam te nobis vel Fortuna non invidisset, vel Numinis potius



potius indulgisset Clementia, ut quod mutis Britannia Magistris debere se profiteretur Humanitas tua, auribus discipulorum turbæ vivā ipse voce perfolveres. Quamquam nec illi muti prorsus sunt, imò ne mortui quidem, quibus tu quotidie vitam ac vocem suppediras. Ut si rectè rationem subducamus, tuo illi in ære sint, tibi inter ceteros, atque etiam præ quam plurimis hujus Seculi Viris Eruditissimis claritatem illam quā etiamnum conspici cernuntur acceptam referant. Quod igitur in nostrorum laudibus tam copiosus fueris, & illud quidem benevolentia tuae luculentum satis indicium: quod autem insignem illam elaboratamque Ingenii tui tui sobolem (quasi Polydorum alterum) nobis servandam concredideris, hoc certissimum amoris tui *παιδείαν*, quin & arctioris cujusdam necessitudinis esse ducimus. Videris enim cum ipso fato contendere, ut nobis aliquo saltem modo prodesse valeas, & licet Scholæ, quæ te anxie cupidèque præstolata est, adesse nequeas, Bibliothecam tamen lucubrationibus tuarum ornatam velle. Agnoscimus (Eximie Vir) atque amplectimur hunc animi tui Candorem, & arrhabonem istum inter *καταμύλαια* nostra in perpetuum Authoris sui memoriam sanctissimè custodiendum curabimus. Vale feliciter.

*Cantab. data ē  
frequenti Sena-  
tu nostro, Anno  
cId lxxvii.  
Postridie Id.  
Decemb.*

*Amici tui*

*Procancellarius reliquosque  
Senatus Cantabrigiensis.*

XC.

Gulielmus Bathoniensis & Wellensis  
Cl. Vossio.

**A**liam datam mihi occasionem ad te scribendi (Vir doctissime) libenter accipio. Et certè gaudeo (etiamsi undique mole negotiorum gravatus) hanc opportunitatem mihi se obtulisse. Non diu est ex quo literas tuas gratissimas accepi unā cum Historicis Latinis à te novā vitā donatis. Ego statim acceptis libro, literisque, literas ad te dedi calamo sanè obeso & per desuetudinem titubante. Unum in tua illa pereleganti & gravissima Epistola Duci Illustrissimo nuperrimè nuncupata invitis legi, scilicet, te suavis tuorum & pollicitis Republicæ illius ani-

mi tui mutasse, & proinde cælum non mutaturum, nec accessum nunc ad nos te paraturum. Sed quod in hac re tibi placuit, mihi lex sit: Nolo sperare quod non vis. Interim Dux Buckinghamiæ (qui Deo gratias apud nos iterum salvus) amore & tuo, & tui captus omnes meditatatur vias quibus te pari honore, quo tu illum, afficiat. Remora munificentissimæ gratitudinis nulla, nisi quod prorsus nescit quid potissimum eligere debeat, in quo tibi beneficiat. Et hoc ut ego tibi scriberem in mandatis dedit. Officium (etsi difficilius scribo literas) mihi gratissimum. Nunc iterum vel hanc ob rem doleo te exuisse animum ad nos accedendi. Potuisset enim heroicis animus majora quam nunc apud vos potest. Unum restat, ut te ostendas dextrum fortunæ tuæ fabrum & prudenter excogites quid tibi factum velis: sit quale optare fas est (novi autem ni tua me fallant scripta ingenium tuum) & factum puta. Fortè deliberandum esse de re ipsa judices: Delibera: tamen hoc unum peto, ut præsentī quam fieri possit responso certiores me facias literas has ad manus tuas pervenisse. Scio enim Ducem, Candoris tui cultorem eximium, responsum expectare, quod (si fieri possit) literas hasce meas anteverteret. Quod reliquum est, preces oro effundas pro peccatrice anima.

*Decem. 22.  
1627.*

*Devotissimi tibi in communi  
Salvatore Jesu Christo,*

*Guil. Bathon. & Wellensis.*

XCL

Samuel Johnson Vossio,

**M**use Solonis sententiā (Reverende Musarum Apollo) *Ζωὸς Ὀνομαστὸς ἄρχων τῆς αἰῶνος* appellantur. Patrem habent Jovem, & quid Jove majus habetur? Patrem habent adiutorem, sic enim Jovis à juvando nomen, hæc Musarum felicitas. Foelices, nimium foelices fuissent Musæ Cantabrigienses, si adventum tuum, Clarissime Vossi, quem Academia seu Jovem veneratur, si adventum tuum & influentiam tam diu exoptatum iniqua nobis fata non invidissent. Dorislaum accepimus, O si Vossium! illum laudamus, te suspicimus. Dignus ille satis qui historiam perlegat, si non Vossius huius muneris

neri destinatus. Epistolum accepimus, quæ quidem Epistola fuit satis ampla & luculenta tui amoris tessera. Sed nobis pro amore visum est epistolum, quicquid sit, cum tunc sit, nos in bibliotheca nostra in Jacobi Scrinio memoriz sacrum conservamus. Te absentem videt, tacentem audit & amat Academia, & ita amat ut quamvis ad familiaritatem accedere multum cupit, ad amorem certè nihil possit. Sed quo me rapit commune votum & amor tui ut mei obliviscar? Quid ego tibi pro tua in me gratia Lugduni exhibita? quod mecum indigno tanti viri alloquio dignatus es colloqui, quodque longè maximum duxi in amicorum meorum albo nomen inscribere, meque tuis laudibus (sic enim jure appello) cohonestare. Utinam tam felici esse olim contingat mihi ut qui tibi jam videor, is aliquando esse possim: tum nec falso mihi testimonio adulatus erit Vossius, nec ego tanti viri indignus amicitia. Dabo operam nec vana de me prædicarit Vossius vel hoc uno nomine dignus ut sim qui Vossium prædicem.

Miratus est Seldenus (qui tamen te amat medullitus) cur librum illum omnium applausu acceptum Duci Buckinghami diceres, ego tuis verbis responsum dedi. Cancellarius est nostræ Academicæ. In titulo epistolæ aliquantulum errabas (quod vitium certè non fuit) vel ab Anglo forsitan aliquo, vel titulo Anglicè scripto deceptus. Ego Domino meo omnia fausta & felicia ex animo precor, & si vel minimam honori tuo labeculam ab immundo cuiusquam ore aspersam videro, non secus ac proprio dedecore commovebor. Vale.

*Rapim, Cantabr.  
& Bibliothec. Coll.  
Eman. Jan. 1725.*

*Tuæ humanitati in omni  
& observantia & of-  
ficio devinctus,*

Samuel Johnson.

XGIL

Guilielmus Bathonensis & Wellensis  
G. J. Vossio.

**N**ON profector (Vir Clarissime) me hisce ad tuas quas mihi tradidit Vir tui studiosissimus Dominus Carltonus, responsum dare. Sunt tantum characteres amoris mei, qui nec te negligere, nec illum sine literis novit dimittere. Quam

duobus abhinc mensibus, Majestatem Regiam, ut mihi pro officio incumbit, infausito pede sequor (iter tum faciebat Hamptoniam) rhedâ egressus torrentem non quatuor pedes latum dum transilio pede, inequali plantâ in terram sabulosam, & minus fidam incidente, nervum posteriorem tibiz dextræ (Tendonem vocant) fregi. Ab eo tempore incedo claudus: nec adhuc constat quando sim vires pristinas recuperaturus. Si quæras quorsum hæc? ut certior fias nactum te esse amicum claudum: Sed etsi nunc fractis nervis, non possum in gratiam tuam, quæ tu, quæ ego cupio, facere: quamprimum tamen vires accreverint strenuè mihi concedita peragam. Ut sic intelligas (saltem si quid possim) me ima tantum mei parte, non corde, non affectibus claudicare. Literis meis proximis meliora forsitan ad te perferentur. Quod in votis est

Marii 26.  
1628.

Amicissimi tui,

Guil. Bathon. & Wellensis.

XCIII.

Hieronymus Beale, G. J. Vossio.

**Æ**Grè ne feras, colendissime Domine Vossi, si expectatione tardius literæ ad te nostræ perveniant. In causâ erat nimis sera vestrarum traditio, quas diu ante libri etiam tui factam copiam, seorsim accepimus. Quin & alia, colendissimo vestri, Doctore Wrenin, à Rege, à Comitibus objecta est remora, mihiq; multò molestior à novis nuptiis. Tum etiam, ne clarissimus amicissimusque Dominus Dubletius non vetasse credatur, haud diffiteor vino me vetere delectari impensius, utque scias, quam studio, quam cordi mihi sit antiquitas, provectiorem ætate matronam ac propè effectam duxisse fateor. Riden' gravissime Gerarde? Hoc ipsum volebam, quia salutare est. Ut vivas Nestoris annos, ut floreat una tecum, ac per te vincat antiquitas, macte porro hilaritate ac iuventia. Et quem olim accuratissimo illo Historiæ Pelagianæ opere concinnasti tui nominis cultorem; hodieq; etiam missis elegantibus literis & libro verè aureo (Te de meo nuntio) arctius obstrictum tenes, prosequere oro novis æternisque amoribus; nec ante me deleas ex albo amicorum, quam patritiâ avitaque



avitaque veritate spretâ, in novatorum castra transfugiam. Vale literarum decus uti ex animo vult vovetque

Cantab. ex Aula  
Pemb. Apr. 2.  
An. Dom. 1628.

*Deditissimus tibi,*

Hieronymus Beale.

#### XCIV.

*Spectatissimo Viro D. Gerhardo Joanni Vossio, Affini conjunctissimo, S. P.*

*Optime & Doctissime Affinis,*

**F**ACIS ut te dignum est, quod literas meas frequentiores efflagitas, nec tamen de tam pertinaci silentio, grave quidpiam suspicaris. Non metuo itaque, ne me patientiæ tuæ illudere putes, si continui hujus silentii culpam, tibi quoque purgare parem. Non confugio ad solenne istoc genus defensionis, *Diu absui, & multos subinde menses, in secessu ruris exigens, fidis Tabellariis destitutus, &c.* Hæc si vera essent, tamen assiduitate nimia detrita in invidiam mendacii jam olim inciderunt. Mitto igitur decantatos desidiosarum mentium obtentus, & accusationem paranti, objicio vigilem operam, quam Provinciæ mihi imposita debeo. Sciunt qui hic sunt, quàm continuo hoc sexennio, vix respirare mihi detur; ita veteribus negotiis, nova quotidie adcrefcunt; ac prioribus vix dum peractis, majus indies occupationum agmen occultis nexibus extenditur. At omne negotium, inquires, alternis otii vicibus distinguitur. Verissimè id quidem, sed illæ ipsæ feriæ quas nobilissimo adolescentulo honoratissimorum parentum indulgentia facit, tanquam injectâ manu, me ab otii portu retrahunt. Neque enim patiuntur illum parentes optimi, venationibus, & aucupis animum laxare, ac reficere corpus, ut non me perpetuum comitem prodituro addant. Non hæc eo dixi, ut quasi cum venia deinceps, negligam desiderium Affinis conjunctissimi, cum quo mihi maximum vinculum, sanctionis alicujus necessitudinis esse gaudeo; sed ut missâ præteritorum querelâ, crebriores posthac literas expectes; enitar enim posthac, ut assiduitate officii literarii, cogitationes tuas quomodocumque vincam. En tibi hic marmorum Arundellianorum specimen à D. Seldeno editam. Pertur nescio quis Jesuita Gallus, edidisse opusculum de Plastica, Statuaria, & Pictura

veterum, quod ad me transmitti velim, si fortè in manus tuas incider; nam ad nos hic rari è Gallia Libri nunc deferuntur. Non exhiberem occupatissimo tibi hanc molestiam, nisi jampridem, ut ardentissimo Arundellia Comitis desiderio satisfacerem, horas aliquot subcivivas, impendere cœpisssem catalogo artificum hujus generis. Sed unde quærso D. Lucam pictorem fuisse liquet? Aut unde ortum quod Pictores, hoc patrono gloriantur? Imparties, scio, quidquid hac de re, certò statui posse cognoscere. Apochas redituum annuorum, intra paucissimas hebdomadas ad mei amantissimam sororem, Conjugem tuam, perferri curabo. Vale, & omnibus tuis, plurimam meis verbis salutem dices. Ego quantum in me erit, curabo, ut valeam, ac Deum Opt. Max. longam vitæ spatium præcabor, non ob aliud magis, quam ut me tandem aliquando, tibi, tuisque gratum exhibeam.

*Tuus omni officio,*

*Raptim, Londini,  
in ædib. Arund.  
An. 1628. Apr.  
19. St. ver.*

F. F. F. Junius.

#### XCv.

*Amicorum Opt. Max.*

**N**Uncium tam certum nactus, mercatorem Slagelosiensem, amicum meum, quiq; intra septimanam unam aut alteram ad nos revertitur, committendum non putavi, quin ad te quoq; quanquam magna temporis angustia circumscripta, literas darem. Tu vicissim da hoc amicitia nostræ, ut occasione utaris: & responsum quicquid cupias, illud ad Hermannum Pisium mitti cures, qui ad me curabit redde. Aliquantum sanè temporis est elapsum, ex quo nihil ad te scripsi: sed nec ferè ad alium quenquam, nisi ad quem necessario scribendum erat. Id tu sic interpretaberis, tanquam publica hæc tempestas, quæ in nostrum orbem seviit, amicitia hoc officium impederit. Certè amor in te meus, quem virtute ista tua singulari in animo meo accendisti, ardet ardebitque porro, igne semper inextincto; atque ut id facere possit, satis scio, tu non desines illum alere. Opto quantum possim maxime de rebus tuis sigillatim, publicisque Academia, adeoque universæ reipub. certior fieri. Nos hic, per benigni Dei immensam gratiam, sustinemus nos egregiè; quæque pridem, militum nostrorum igna-

viā, ac proditiōe fœdā, Deo ob peccata nostra nobis graviter irato, hostis cepit, nunc paulatim recuperamus. Serenissimus Rex noster cum sexaginta aut septuaginta aliquot navibus, bellicis nempe, & triremibus, aliisque è minoribus, Fimbriam insulam, vulgò Femeren appellatur, in potestatem suam redegit; & ex eā in Holsatiam objacentem factō impetu, urbes duas, Chilonium, & Ekelfortum, expugnavit; inde porrò sine dubio obviam quæque invalurus: quanquam de Chilonio quidem, qui Hafniā ad nos inveniunt, tentatum potius illud dicunt, quam occupatum. Isti tamen ii affirmant, & Rensburgum oppugnatum, adeo ut Hamburgum usque tota Holsatia regi pateat. Quidam ajunt, sed incertum, Athiam quoque, itidem insulam, occupatam. Ditsmarfi, caso ad internecionem usque præsidio hostili, sese Regi reddidere; & ut deinceps contra hostem melius se tueri possint, cum aggeribus perforatis, tum apertis emissariis, aquam undique in agros suos, quanquam cum insigni sanè detrimento, admiserunt. Sueciæ Rex nostro sese arctissimo fœdere obligavit. Miserat autumno proximo huc Legatos; & in illis generosum Baronem, Carolum Bannyrum, quem Leidæ novimus, studiorum illic causā commorantem; is me Soræ perbenigne est complexus. Vix abierant, cum Rex noster etiam suos in Sueciam mittit, Cancellarium & unum è Senatoribus Regni. Qui, excepti præter solitum permagnificè, novum fœdus pertractarunt. Et nunc iterum ab eo Legati Hafniæ adsunt. Lubecensibus, qui in Cæsarem propendebant, interdixit, ne hostile quicquam in nos cogitare unquam ausint; quod si facerent, se illorum & commercia, quæ in Suecia frequentissima exercere ipsi soleant, perditurum; & pecunias quæ ibidem ingentes illis debeantur, in fiscum redacturum esse. Quibus minis id effecit, ut nunc nuper Legatis Cæsaris, & Hispaniarum Regis, navale auxilium exigentibus, constanter illud pernegaverint: affirmantes, nullo modo se præstare isthoc posse, nisi se, urbemque suam, plane perditum ire velint. Itaque ab iis nihil nobis metuendum; quanquam sanè etiam alias portum obstruere, navibus quibusdam immerfis, regi nostro facile esset: qui id item ipsis comminatus fuit. Habet porro etiam Suecus sedecim armatorum millia, in ipsis finibus, prope urbem Gottenburgum; quæ Rex noster suis navibus trajecturus in adversam Cimbriam dicitur. Cujus incolæ adeo in Re-

gem sunt affecti, ut, si alibi impressionem aliquam faciat, statim omnes arma sua sint juncturi; idque nobis certò nuntiant, qui huc veniunt. Idem animorum affectus in Holsatia est: ita ut non dubitemus, quin, benignitate Dei adjuvante, brevi ingentem aliquam mutationem istic habituri sumus. Et prodigia præcessere, hosti, ut speramus, tristitia. In Holsatia, in Bredenbergenfi arce sanguis quodam areæ loco copiosius emanavit; nec restingui à Præfecto, quanquam injecta arena, potuit. Hadersleviæ item in arce, equi in stabulo consistentes, reperti sudore deflentes, ac spumantes. Et in adjacente Cimbria, in Urbe Ripensi, in Præfecti ejus mensa, orbes sanguine maduerunt, ac remissi, ut purgarentur, & relati ac vix appositi, iterum tantundem sanguinis, omnibus convivis illud adspectantibus & horrentibus, habuerunt. Et hæc certo evenerunt; ac referri, tanquam vera, abs te possunt. Illud quoque memoratur, & pro vero affirmatur: ad Oldburgum, itidem Cimbriæ nostræ urbem, Præfectum ejus aliquando, cum ad ambulationem prodisset, puerum in via nudum, humi positum, invenisse; quem cum tollere statim pueros præcepisset, neque id illi, quanquam post conatum multum, potuissent, tum locutum ac dixisse; quam nunc, quanquam summis viribus id annisi, puerum se humo tollere nullo modo valuissent, ita quoque Daniæ sibi subjugare plane impossibile fore. Faxit id benignus ac misericors Deus, & infestam à nobis manum tandem avertat. In Scaniā, in aere visum acre prælium navale; & tonitrua tormentorum explosorum in terra audita à spectantibus, qui scintillas quoque ignis decedentes conspexere. Et profecto, quin æstate imminente, aliquo navali, nam id solum posthæc restat, decertare debeamus, nullo modo dubitamus. Sed in Deo & iis armis, quæ hic nobis est largitus, spem repositam habemus. Instruit Rex noster classem octoginta amplius navium bellicarum, ac triremium; ad hæc Suecus, quatuordecim suas addet; idem Angli, Batavique, ut speramus, sunt facturi; sed imprimis, ut precamur, & confidimus, hosti se opponet Deus: ac nunc ejus quoque peccata respicere incipiet. In hoc voto & fiducia, finem epistolæ, quam hic satis longam habes, ad silentii antea facti justam compensationem, faciendum mihi existimò. Deum oro, ut misereatur nostri, & optatam pacem reddat: ac te mihi, longe amicissimum Caput, diutissime conservet, cum



cum Uxore, Liberisque. Vale, ac salve,  
à me, ac meâ.

*Soræ, ad diem VI.  
Aprilis Juliani,  
Clod. xlviii.  
Raptim.*

*Tuus prisca fide,*

Johan. Meursius.

Si quid edidisti, potes hac occasione ad me mittere; idem Heinsum nostrum rogo, ad quem ante paucos menses literas prolixas dedi. Nunc salutem prolixissimam illi nuntio; & ut aliquid rescribat, as suas quoque lucubrationes mittat, quando commoda est occasio, etiam atque etiam rogo. Saluto ex animo omnes veteres Collegas, quotquot sunt; nullo excepto. Amo omnes, ut solebam: etiam magis, ut solemus in absentia. Quod si Deus pacem reddat, & securum iter præstet, cum uxore, liberisque, dum ætatis vigor finit, ad vos excurram, ut semel adhuc chara capita coram complectar. O si votum hoc mihi repræsentet Deus! & repræsentabit, spero, ac confido. Iterum vale, amicissime. Vorstius, ut video, planè nostri obliviscitur; non hoc merebatur noster in ipsum & defunctum Patrem, amor: neque ab eo expectaveram. Tertium, Vale.

XCVI.

S. P. D.

Clarissime ac Reverende D. Magister Vossii,

**P**Ræterito die Sabbathi scripsit ad me cognatus meus Isaacus Lydius, te repetere Martyrologion Baronii. Profecto nesciebam tuum esse, & tardè oberans ovis septa repetiisset, nisi te monitorem habuisset; putabam me permutatione justum possessorem; credo tamen tuis verbis, nec ullius volo injustus esse hæres. Deus operi tuo in refutando Baronio benedicat, & faxit ne magno te oceano committens naufragii periculum incurras. Voluntarium mihi exilium Leydense indixi, ne ganeo deceptus frigeat focus meus. In tertio hoc matrimonio quod ante quinquennium subivi, terna prole, ex filia Angla paupercula honestissima ditatus sum. Hiñc fit ut jam emere quæ luberent non possim. Vidi apud fratrem meum nuper plurima à te edita de Historia Latina & Græca; utinam emere liceret; sed jam in re tenui sum & quos commo-

dato habere non possum, iis cogor invitus carere. Rogo ne me (pauperem licet) fastidias, sed datâ occasione invisas. Amicorum omnia erunt communia. Ego in conscribendo Martyrologio Belgico versor. Baronium tibi remitto & rogo ut nos visas.

— *habundant Di quoque casas.*

Si neglexeris ego tibi dicam, nec eris qui mihi nunc es & manebis amicus intimus.

*Raptim Vetera-  
quino xii. Julii  
Anno 1628.*

*Tuus quem à Pueris*

*nostris tibi amicum,*

Joannes Lydius.

XCVII.

V. Ornatissimo J. Gerardo Vossio  
J. Seldenus S. P. D.

Vir Amplissime,

**A**Nnus est quod ad me opus tuum de Latinis Historicis egregium sanè & eruditione refertissimum mittere dignatus es; munus gratissimum, sive Autorem (quem suspicio) sive rem ipsam spectem. A tanto viro salutari & dignum ad quem ejusmodi munus daretur existimari, mihi permagnum erat. Gratias tibi quas possum maximas ago, & citius egissem nisi cum literis marmora simul Arundelliana, quæ sub prælo calebant, cum tuas acciperem, mittere ad te destinâssem, nec prius rescribere quàm ea, quæ compensationis aliquam figuram induerent, abolverentur. Editionem, quamplurima intervenerunt; quæ ita impedire, ut superioris ætatis initium minimè anteverteret. Exemplar ad te ante mensem dedi, sarcinulis V. Cl. Joannis de Laet cum aliis in Batavianis exemplaribus, commissum. Spero te antehac accepisse. Literas tuas adjicere nequibam, neq; citius in Bataviam scribere. Veniam mihi non negabit humanitas tua. Vale, Vir Eximie, & me inter eos, obsecro, fidenter numeres qui admirandam tuam doctrinam summo opere amant & colunt.

*Londini Cal. Sept.  
M DC XXVIII.*

XCVIII.

## XCVIII.

Gulielmus Londinensis G. J. Vossio.

**B**inas literas tuas accepi, utrasque post fata Illustrissimi Ducis Buckinghamiae. Utraque tamen de illo silent. Priores putavi ideo tacuisse quia ad aures tuas tam cruenta mors non pervenisset. Sed prorsus obstupui quum secundas attulit filius etiam elingues. Quid est? Num fama defuit esse velox? Num mare non ita spatiosum, inter nos vosque tardius prae-tervolat? Num cruor, crudeli, infernali dextra effusus, & viscus famae pennas impedit? Imò accelerat sanguis, clamatque eundo. Aliud proculdubio est, prorsus aliud, quod de re tam barbara, de persona tam illustri, de fato tam subito, eligis tacere. Nolo plura, ne iterum cordis mei fontes rumpant repagula, & effundant spiritus. Mortuus est, cui ego, tuque multum debuimus.

Priores literae tuae nimium mihi ascribunt. Nec enim is sum cui aut illa debentur elogia, aut cui tu tantum debes. Ducis memoriae non minus quam nomini agnosce te debere, & sufficit. De Musis à quibus incipis, sunt certe ante omnia dulces, sed de Dominabus & Musis ipsis intelligi volo, de ancillis non item. Illae enim sunt quae Absinthium miscent, utpote non naturales Musarum pedissequae. Ipsae enim optant, eligunt alias: vi, & infelicitate temporum nunquam satis deporandae, haec obtruduntur illis.

Postiores literae post innumeratissimas laudes descendunt in charissimum pignus tuum, filium natu maximum. Quod expectavi, secundum fecit non optio mea, ubi omnes pariter ignoti; sed in memoria erat quod amicus tuus D. Dudleyus Cartotus insinuavit. Quum aliud tibi consultus visum sit, primogenitum aequè mihi charum advenisse scito, etiam non adhibitis rationibus illis, quae tamen ipsae per se abundè sunt ad suadendum.

Unum est de quo quid dicam adhuc nescio. Scribis filium tuum præter progressus in Mathesi, & Scientiâ Naturali, animum tandem appulisse ad Juris Scientiam, & in ea Baccalaurei gradum consecutum esse. Timeo ne hoc ei impedimento esse possit, quominus cooptetur in alicujus Collegii societatem, si forte per statuta id exigatur, ut non Graduatus sit tempore admissionis; spero tamen hoc

non esse omnibus Collegiis commune. Ego (quod potui) statim scripsi, & spero proximâ septimanâ tale responsum me accepturum, ut filius tuus Academiae Cantabrigiensi gratissimus hospes sit. futurus, quod postea facile poteris & à me, & à filio audire. Si nactus aliquando fuerit Societatem, necesse est ut Academiae, Collegique Statutis obtemperet, & ad gradus ultiores tardius quàm pro meritis promoveatur, si mores loci jubeant. De sumptibus abundè est quod promittis, nec minimâ mihi curâ erit, quam primum possum de iis minuendis cogitare.

Mitto tibi Theses tuas Oxonii excusas, à quarum editione utinam abstinuerint Oxonienses mei, sic vota tua meis consona sunt. Quâ fide, quâ diligentia publicas fecerint, ipse ex hoc exemplari judicare poteris, sed amore audeo dicere, fecerunt quodcumque factum. Tu tamen quod polliceris facito. Prodeat Editio tua. Et ut scias me legisse aliqua (omnia enim nondum otium erat) velim præcipuè ea quae à te juniore prodierunt, oculo hand nimis facili jam perlegas, emendâsque si fortè aliquid occurrat, quod te iudice, à veneranda, sanâque simul antiquitate deviet. Quod mihi leviter percurrenti factum videtur in Capite de Baptismo Johannis. Neque enim Patres me docuere undique idem fuisse cum Christi Baptismate. Boni consule libertatem hominis amicissimi. Et quid si aliquantulum differas editionem illam à te destinatam, donec ipse, nunc multò maturior, dicas: Eat liber hic priscissimae Antiquitatis amulus.

Consilium tuum de Baptismo, unâ cum Historia Rituum antiquorum valdè probo. Oro tamen ne omittas quod de Baronio scripsisti. Unum cave. Vides iterum libertatem meam. Nam libros quinque de antiquis Baptismi Ritibus, Ceremoniisque scripsit Josephus Vicecomes. Quod quum te latere non possit, curabis scio, ut superior sis in illo argumento. Velim enim nihil sub nomine tuo prodeat, nisi Vossio meo dignissimum, & par Historiae Pelagianae.

Redeo ad infandos dolores, quibus intus premeor ob Ducis Illustrissimi cædem, omni seculo dolendam. Parricida ille scelestissimus, Gentis & Religionis dedecus, eripuit non mihi tantum, sed & tibi charissimum caput, & (non obstantibus iis quibus eum denigravit hominum quorundam malicia) utrique & animi & corporis decus dilectum. Cælum non dubito



bito petit ille: Terrarum incola, quos Astra reliquit, nos adhuc sumus. Damna exinde tua cogita, mea infinita sunt. Pecuniam statuit tibi mittere statim à reditu: perit cum illo illa. Decevit certo certius omnia in usum filii tui paratissima habere. Non dico periisse hoc, sed quod ego possum multò minus est. Diploma Canonicatus tui in Ecclesia Cantuariensi ille à Rege serenissimo impetravit, munivissetque contra quoscumque impugnatores. Ego & hic tibi non deero, nisi potestas mihi defuerit.

Nunc accipe stigmata anni huius, mihi inauspicatissimi. Incunte Anno (quod nostri) Tendonem fregi, & adhuc incedo claudus. Successit Concio incunte Parlamento mihi tum admodum infirmo à Rege imposita, opus, (prout res nostrae se tum habuere) periculolum simul & difficile. Postea Dux Buckinghamia mihi charissimus, nescio quo fato, & cum illo ipse haud planè amico usi sumus conventu illo. Finito eo, ille miserimè est non sine Diabolo occisus. Post multa suspiria (nam verè & sine teste dolui) morbum contraxi acere, à quo vixdum convaleui. Servi quatuor variis morbis lassati, quintus à Pleuritide cæsus. Et nescio quid minatur portio anni infaufti futura. Sed Deus est cui servio, qui tecum sit gratia speciali, & cum tuis: prout precatur

*Tui Amantissimus,*

Octob. 25. 1628.

Guil. Londinensis.

# XCIX.

Clarissime Vir,

**B**inas à te accepi Literas: Alteras Cantuariæ, & alteras Lugduni datas, easq; utraq; æquè gratas, quod de felici tui icineris & progressu & fine nos reddidère certiores. Neq; opus habemus ullâ tuæ scriptiōis exultatione, quibus inter innumera quoque negotia Literas tuas legendi nullum unquam deerit otium: Quin potius gratias tibi habemus, atque ad scribendum ultro sæpius provocaremus; nisi tibi jam pridem constare debebat, eò nobis tuas fore gratiores quò fieri frequentiores. Ista de causâ si quos ex nostratibus ad vos intelligemus transituros, eos nostris comitari, & tuæ humanitati commendare haud sumus prætermittendi. Imprimis autem quem jam nunc vobiscum

commorari ipse significasti, tibi satis censuimus commendatum, si, ut est, nostrum asseruerimus Agnatum, Comitissæ Westmerlandiæ filium.

Est & aliud, in quo tuam expeto operam: Misit ad me, quo de Principe Auriaco ob captam Ducis Sylvam orbi congratulatur, suum carmen D. Casparus Barlaeus; quem, gratissimum quidem istud mihi fuisse, certiore velim reddas, viderique, quod ex omni parte foret perfectum, nisi unicus inesse videretur defectus. Dum enim plurima eaque admiranda rerum operumque illius obsidione eleganter & apprime describis Spectacula, nunc, Poetam tam ociose prætorisse Reginam Bohemiæ & Principem Auriacæ. Sunt & alii viri digni, quorum hic Honoris causâ memini, mei amici, Domini Polyander, Rivetus, Festus, Heinsius & alii quos nostri nostri amantes, quos meo nomine salvere jubeas rogo. Vale, Vir clarissime.

*Dab. Newmarket ipsa*

*Kalendis Martii Anno*

*Salutis MDCXXIX.*

*Seylo Angliæ.*

*Tui Studiosus,*

Dorchester.

C.

*Clarissimo Doctissimoque Viro Gerardo Joanni Vossio, Affini Coniunctissimo, S. P.*

**E**T tui cultus, & mei officii gratiâ, qualibet ad scribendum amplectenda est occasio: tantum abest, ut eam præterire debuerim, quam filii tui adventus ingessit. Commodum hic Londinii eram, quum Joannes noster, inopinato ad nos cum uberrimis tuis literis advolans, tantâ lætitiâ pectus meum explevit, ut solidi huius gaudiî tacitus quidam sensus, etiam nunc memorem animum pertentare non desinat. Effusissimos illos amplexus, quibus advenientem toto pectore gratulundus adstrinxi, rursus mihi ante oculos, cogitationes reponunt, & spem ungue affirmant, tui tandem aliquando hic videnti: summi certè homines, & quibus largâ benefaciendi materia, in manu est, tam prono in filium tuum favore, te demereri student. Tu quoque beneficia, in te, tuosque congesta, tam grātè interpretari soles; ut minimè dubium habeam, quin tibi sit in optatis, videre regnum sub Regum

gum indulgentissimo florentissimum, atque in eo viros tui amantissimos, & humanitatem haud tralatitiam tuis plenissime exhibentes. Altissime animo meo insedit hæc persuasio; imo jam nunc voto, & cogitatione, præsumo diem illum lætum, signandumque mihi candidissimo calculo, cum cervices tuas invadere, atque arctissimis complexibus alligare dabitur. Interpellandam video dulcedinem blandæ fpei,

— nimis obstat Rhamnusia vorisi

Quamobrem etiam vanis figurationibus, animi desiderio, ægri, atque æstuantis, valere jussis, hoc tantum spondeo, me in omnibus rebus, satis nostræ conjunctioni, amorique facturum; præsertim cum nihil rerum omnium, à te mandari mihi, aut majus, aut gratius, nihil etiam à me suscipi honestius possit, quam ut pro viribus, Johanni nostro commodem, Adolescenti singulari, nec iis tantum, quos sanguine attingit, inter propinquos amando. Ego certè tibi (repetam enim) profiteor, atque polliceor, eximium, & singulare meum studium, in omni genere officii; nec unquam dissimilem scriptis talibus dies arguerit, Divinum modò Numen faciat mecum, atque optata secundet. Quamvis autem longiores Epistolas flagites, & in nostra culpa tibi ignoscere sis paratus, in animum tamen inducere non possum, ut sim prolixior, cum occupationibus tuis, publico bono parcendum sciam. Vale, & amantissimum tui redama.

Londini in ædibus  
Arundelianis, Prædictæ  
Kalend. Mart. Anno  
M DC XXIX.

Tuus omni officio,

F. F. F. Junius.

#### CL

*Celeberrimo viro, Domino Gerardo  
Joanni Vossio, Historiarum Profes-  
sori dignissimo, S. P.*

JAM diu ad te, scriptario, mi Vossi, redux in Patriam te salutaturus; sed præ occupationibus quibusdam hætenus non licuit. Nunc tantò fufius, calidiusque. Literas ad te misi non unas, nuper è Suecia. Insuper quoque exemplar Centuriæ meæ Epistolicae, ut & orationis Sixtini Amata mihi inscriptæ. Quorum quid acceperis, scire desidero. Ego vero, quid comminiscar, nescio. Nam si fuisses nactus, nequaquam dubito, quin saltem,

vel verbulo, me certiore reddidisses. Te autem nihil planè accepisse, vix mihi persuaserim. Quippe ea cuidam ex amicis, ad te rectè transferenda tradidi: Qui si minus officio suo functus fuerit, est cur hominem redarguam, atque culpem. Si verò acceperis, nec tamen integrum tibi fuerit hætenus rescribere, nunc quæso, rescribe tandem. Non ullæ nunc locorum distantia, ut nuper, nos invicem dividunt, quominus reciproco literarum commercio, gliscat indies, magis magisque, fœdus amicitia contractæ quondam. Rogo itaque te, mi Vossi, ut quam nuper mihi ultro detulisti amicitiam, eam nunc porro rogatus, usque fovere ne grave- ris. Ardeo enim, & tecum, mi Heros, non intermorituram contrahere familiaritatem, si placet, ut cum Heinio contraxi meo, & sexcentis aliis. Nec ægrè tu quidem mihi, adstipulabere, si modò rectè candidum tuum perspectum habeo ingenium, quo nihil proclivius ad bene merendum, de melioribus ingeniis; fiat itaque animi, & adfectus, in me tui novatio, quâ totus tandem obsequio, studiisque tuis manciper. Ego meâ parte allaboro, neu unquam, te hujus initæ mecum amicitia poeniteat. Quod fugitivo tempore committo ventilandum. Tu saltem me suscipe, & ama: Parturio nunc quædam Theologica, & à professione mea aliena. Polyander noster hic judex esto. Sed non vulgabuntur, cum bono Deo, quin tibi visa. Ubi tres confecero partes, stat ad vos advolare. Tum tecum de omnibus quam fufissimè. Si Dionysius tuus; ingens illud sæculi miraculum futurum, adhuc in vivis est, dignaberis eum, meo nomine, quam cumulatifsimè salutare. Si nunc otium esset, equidem simul, & illi scriberem: sed vice proximâ. Jacobus Dickius te plurimum salvere jussit. Omnia in Suecia adhuc integra. Rex domi est, sed restaurandis viribus occupatus. Meritò bellum ille puteo comparavit. Videmus namque passim, Principes, Dominosque Terrarum, multo difficilius finire, quam inire bella. Novi hic nihil, quod non & vobis jam proculdubio perspectum. Ultimò quodnam edideris monumentum, velim eadem mihi operâ significes. Non addo plura. Tu ignosce calori nostro, & responde. Vale, mi Vossi Clarissime, & me ama.

Hagæ Comitum xii.  
Mart. Cl. 16c xxix.

Tua Dom. studiosiss.

Johan. Cabelavius  
CIL



## CII.

Amicorum Opt. Max.

Quamquam nihil magnopere haberem, quod in præsens ipse scribere, aut tu scire etiam cuperes, tamen bonam occasionem non putavi negligendam; ac vel saltem hoc testandum, vivere nos ac valere, per benigni Dei gratiam: ac de vobis eadem item sperare. De re publica hujus regni, nihil habeo; nisi quod legati utriusque partis sedulo de pace agant, quam speramus brevi nos, volente Deo, habituros: Siquidem conditiones quas initio iniquissimas adversarii proponebant, cum viderent planè à nostris magno animo recusari, omiserunt; aliasque magis gratas, obtulerunt. Videbimus quid bonus Deus, quem quotidie precamur, & in quo fiduciam nostram collocamus, nobis mox sit concessurus. De studiis meis, istud habeo, ut me videas, etiam si à Typographo destitutum, non ignaviæ tamen ideo mancipatum desedisse. Paratos itaq; habeo, *Historia Danica Libros III.* quorum prior res Christiani I. alter Johannis, ejus filii; tertius verò, Nepotis Christiani II. comprehendit. Est & Solon, sive de ejus Vita, Legibusque, liber singularis. *Denarium Pythagoricum*; sive de numerorum usque ad denarium, qualitate ac nominibus, ex Pythagoræ Doctrina; liber singularis. Gorgiaz Leontini, Antisthenis, & Alcidamanis, Orationes, quæ supersunt; & de eorum Vita, atque scriptis, liber singularis. *Regnum Atticum*; sive de Regibus Atticæ, libri III. ac seorsim *Theseus*, sive de ejus Vita, ac rebus gestis, liber singularis. Et nunc *Bibliothecam Græcam*, tanto tempore intermissam; Opus sanè operosum, arduumq; seriò urgeo. Habes mea; nunc tu tua mihi redde; tum de Scani Academiæ, publicoq; item patriæ; cui, quamquam minus bene de me merita; tamen fausta omnia precor. Vale, & salve ex animo, à me meaque, cum tuâ, omnibusque tuis. Guilielmus Noomsius tuus, quid agit, & ubi agit? Amo certè illum juvenem, ac virtutem ac doctrinam, vera via magno impetu contendentem, cum Lugduni vestra agerem. An non etiam perseverat? Spero, & opto. Si etiamnum in tuis adibus commoratur, salutem, quaeso, meis verbis plurimam dicito. Ad D<sup>nm</sup> Heinsium scripsi ante paucos menses; quare, sodes,

an acceperit: ac salutem item dicito. Iterum vale.

Rapin, Soræ, ad  
diem xii. Aprilis,  
clō 15c xxix.

Tuis,

Johannes Meursius

## CIII.

Guilielmus *Landinensis* Ger. Johan.  
Vossio suo.

Quod tam serò ad aures tuas pervenerat Stygium facinus, & fatum Ducis illustissimi, haud dubito, miror magis. Sed oculos tunc temporis portus nostros fuisse seriùs ipse reminiscor; & dolor sic amissi Ducis, necnon mutata, aut saltem mutanda (ut sperabatur) rerum facies, quæ in fragili memoria scripta erant facile deleverunt. Quod restat nunc sola patientia est, ut ferendo leviora fiant, quæ nec ferre didicit ingenuitas nec discutere facultas erat. Quiescit in pace anima, quæ terræ indignissimæ, ipsa cælo dignissima. Clarescet spero post sæculi invidiam virtus, quam deprimere non potuit rabies plusquam Scythica, denigrare tantum potuit lingua rabida. Tu age, quod spondes, & (quo solo modo gratus esse potes) nomen Ducis in se clarum, posteris clarius tradere, ne totus uno ictu infernali perisse videatur.

De filio tuo quod scribam nihil aut parum habeo. Antea significavi quam inopportunus adventus fuit. Omnia tamen, prout tum fieri potuit, molitus sum, quo nihil ei moræ esse possit, aut scrupulum injiceret, se in gentem incultam advenisse, aut in amicos dubios incidisse. Cantabrigiæ jam est, in Collegio S. Petri, & Doctori Wrenno curæ: Quæ restant, suo tempore præstabo, si potero. Et scio Wrennum, nunc Vicecancellarium Cantabrigiensem esse & filii tui amicum, & nominis tui cultorem.

Gaudeo te Thesium tuarum syllogen accepisse, & Academiam Oxoniensem, quoniam edere voluit, non penitus inemendatè edidisse. Sed de Thesibus aliquibus omittendis, nempe quia in opere Historiæ Pelagianæ, & quidem emendatiùs legantur, sicut consilium eorum non fuit, ita nec tuum norunt. Nec sub quocunque pretextu, hoc illis opinor licuisset.

K

De

De Baptismo Joh. mihi abundè est quod scribis. Et utinam licuisset ubique, aut quia illud non sperandum, utinam alicubi licuisset, aptè sententiam vetustatis exponere, sapiat illa hominibus, sive non sapiat. Sed in illa tempora mihi certè incidisse videtur Christiana philosophia, ut de ea nec loqui, nec tacere quis tutò possit. Et quàm carè libertatem illam, quàm in alia causa, non sine summo Ecclesiæ bono, usus es, redemeris facillè conjicio. Tanti tamen tibi constituisse nunc in novissimis literis primò legi. Adjicerem hic alia, sed est quod prohibet.

De Josepho Vicecomite admonui tantum, & per amorem. Et magnà me lætitiā afficit, te ita vestigia ejus premere, ut simul antecedas. Nec dolori tibi sit, labores si fortè tui spissius (ut loqueris) prodeant. Negotia publica, privata, uxor, filii, amici, aliquam tui partem vendicant, eà lege natus es, sed utinam de tua uxorisq; valetudine lætiora propediem audiam, & diu vivas ad Batavorum tuorum gloriam, & Reipub. Christianæ emolumentum. Mihi tendo ferè coaluit, ita tamen ut pristina sanitatis sit spes perexigua. Deo interim quotidianas ago gratias, quod vel sic uti crurè liceat. Literis meis per omnia responsum dedisti, præterquam quod de Baronio nihil. Nolo sic prætermittere quod summum est; tu id age, ne quid aliud impediat animadversiones illas. Ecce rogator importunus accedo, id age ut sic tandem Ecclesiæ non desit Historia sua, neve accedat quæ sua non est: si hoc velis, & breviter, potes enim, facer mihi eris Apollo. Vale.

Tuus;

Maii 10. 1629.

Guil. London.

#### CIV.

Clarissime, Doctissimèq; D. Vossi,

Nesciebam profecto, quo pacto nomen meum ad te jampridem perveniret. Ita autem pervenisse, ut egregios illos de Historicis Latinis libros (magnum existimationis tuæ, affectusq; argumentum) dono acciperem, non poteram satis mirari. Quanti verò facere donum illud, & quàm vehementer de viri optimi amicitia gratularer, per literas non multò post datas quidem D. J. Borro è familia Burlemaetriana abunde significavi. Conjunctæ erant cum illis literis & aliæ à D. D. Bealo, atq;

à fratre meo, nonnullæ etiam ad C. V. D. Georgium Dubletium. Periere autem (quantum nuper ex filio tuo intellexi) illæ literæ; sed non periere, neq; peribunt unquam, quas debeo gratiæ. Certè nec vota, quæ in illis literis nuncuparam, perire. Optabam scilicet aliquando fore, ut quia temetipso hic frui non poteramus, è filiis tuis aliquis huc in Academiam nostram transmitteretur in quo exprimere possem aliquam partem Officiorum, quibus parentem meritò, atq; ex animo prosequor. Atque hujus me voti compotem jam cum fecerit Deus, haud erit opus, ut in aliquas preces descendas, quibus ad amorem (quantum in me est) opemve ipsi præstandum animum meum excites. Multum quidem lætabor, siquid illi prodesse potero, omnesq; sedulo occasiones prensabo, ut rebus ipsius studiisque usui sim. Impresentiarum verò ille quid agat, atque ubi sit, & quam gravem subito *opem* contraxerit, narraturum opinor, qui istas desert. Illud mihi curæ est, primùm ut convalescat, dein ut Sociis Collégii Jesu talem se locum exhibeat, qualem illis, non dico à me, sed à Reverendissimis Episcopis Londinensi atq; Eliensi, vel rectius, ab Augustissimo Rege, commendari par erat. Spero autem eum assiduam (*quid dicit*) daturum operam, ut id agat, utque Clementiæ Regiæ, & Episcoporum adfectui, ut nostris omnium votis pro virili respondeat. Quod ut pergat anniti, tuum præcipue erit, pro parentis imperio, crebris subinde literis juvenem commonefacere.

Nolo te, vir summe, pluribus jam distingere, gnarus quàm multiplices tuæ occupationes sint, & meæ literæ quàm impositæ. Sed tu scio ex fide animoq; amicū æstimabis, non ex currente calamo. Salutabis igitur ex me D. Dubletium impensissimè, atque valebis, ex assiduo voto

E Collegio S. Petri  
Cantab. die dormi-  
tionis B. V. Tuis  
Georgius.  
cl. 10 c xxix.

Meritorum tuorum

verè cultoris,

Matthæi Whren.

#### CV.

Andræ Colvii Epistola ad G. Vossium,  
ex Angliā perscripta.

Vir Clarissime,

SI peccati confessio apud te culpam vel minuit, vel eluit, libens confiteor nul-

lum



lum me patrociniū diuturno meo silentio posse prætexere: sin minus, spero eam apud te mei esse opinionem, ut tarditatem scribendi potius insitæ mihi negligentia imputes, quàm aut tui, aut debiti muneris mei oblivioni. Si enim toties, quoties innumera beneficiorum tuorum recordatio & officium meum me admonent, scriberem: vereor ne & tu infelix, cui cum garula mea loquacitate conficiendum esset, & ego impudens, maioribus occupato incomptis meis verbis cerebrum excutens, jure dici possem. Nunc tamen, cum & non inutilia scribere me posse existimarem, & tutius per me quàm per alium quemvis cogniturum confiderem: putavi me non abs re facturum, si sumptâ fiduciâ te compellendi ea transcriberem quæ nosse, meo judicio tua interest. Ex quo in Angliam veni, multa vidi & audiui de quibus præstat tacere quàm judicare. Postquam Cantabrigiam appuli, multa occurrerunt de quibus impunè loqui licet; sed judicare non est meum. Id saltem dicere auiſim; — *minuit præsentia famam.* Collegia enim ista Anglicana nostratibus tantopere memorata, sunt quidem (neq; enim ego illis quidquam detractum eo) bono consilio instituta; sed, ut omnia in pejus prolabuntur, videntur mihi jam gradus doctrinæ vel honoris magis attribui tempori quàm eruditioni: quæ, nisi favore majorum subnixâ sit, tam hic quàm alibi jacet. Præcipuè si reperiat in extero, quem Angli transeuntem amant, remanentem oderunt, utpote metuentes ne aliquando, magnatis alicujus benevolentia suffultus, beneficiis illorum incubet. Et meo judicio quicumq; exteris, citra magnam invidiam sibi pollicetur hic promotionem aliquam, longè fallitur; cum omnes etiâ privatum limis oculis intueantur: & nisi instar Protei in omnes formas se mutare possit, non est quod cujusquam amicitiam expectet. Sunt tamen hic quidam quos non minus humanitas quam eruditio ornat: inter quos familiam ducunt Wrennus, hoc tempore Academiæ Procancellarius, & Collegii Petrini Præfectus: Belus aula Pembrochianæ itidem Præfectus: Criten Academiæ Orator, & Græcæ Linguae Professor, vir, si quisquam alius, eruditus, & à quo noster Aristarchus Nonni singulis ferè lectionibus vapulat. Sed nescio quo fato, ut & apud nos ita hic quoq; præclarissima ingenia maximo odio flagrant, idque ea de causa, quod partes in patria nostra inferiores amare & fovere dicuntur. Sicut & Episcopus Londinensis, eadem de causa, non minus

exosus est omnibus; sed ille, qui animus non minus habet Politicum quàm Religiosum, ipsemet Parlamento obtulit quasdam constitutiones adversus Arminianos: quid de illis futurum sit, proxima Parlamenti continuatio dijudicabit. Neque tamen hoc modo effugit suspicionem; & sunt qui proximo Parlamento, ruinam illius (absit omen) sperare audent. Sed spero ipsum auctoritate Regis, apud quem plurimum potest, faciliè illorum si non invidiam, at machinationes evasurum. Rex enim difficulter quidquam concedet populo, cum populus in gratiam Regis vix teruncium conferre velit. Atque hanc quidem suspicantur fore causam, ut cum quibascunq; Principibus (quemadmodum hic increbuit de Hispano) quales quales condiciones pacis ineat, ne subditis suis cogatur amplius esse subditus. Vidi hic recusas theses tuas, in oppido, credo, Utopiensis; sed Bibliopola mihi dixit, procurante Episcopo Londinensi excusas esse Oxonii, quare nomen civitatis immutaret; tibi forsitan, magis quàm mihi cognitum. Si tamen mihi conſpicere licet, credo ob nomen tuum, hic in Anglia suspectum, & Arminiani titulo insignitum, civitatem mutatam esse; & quod magis est adfui hic quibusdam, qui tuum cum Vorſti nomine confunderent, & mirari se dicerent tantum hæreticum tanto apud nos in loco esse. Atque hæc hæcenus: quæ quidem scripta sunt liberiori judicio quàm decet ætatem meam, & majori libertate quam convenit regno, ubi accusationibus & adulationibus omnia pervia sunt; sed ego homuncio ignoto nomine, in peregrina terra faciliè latebo inter tot homines quibus terra hæc abundat. Atque eò liberius scripsi, quia ad eum cujus autumabam interesse, & cui præter hoc pusillum etiâ animam debeo, quam libens offeram, modo voluerit opera ejus uti, cum ingenuè profiteri cogar, ab ipso habere me eatenus exultam, quatenus est. Si quid sit, quod existimes per me tutius posse procurari, tantummodò literas ad sororem mittas, & comperies me in omnibus esse

Cantab. iv. Idus  
Decembria,  
1610 c. xlii.

Tuum Usu

¶ Mancipio.

Salutabis plurimum meo nomine lectissimam tuam conjugem unâ cum tota familia.

CVI.

Salut. in Christo

Vir Spectabilissime,

Quum Literas meas novissimas darem (& parvus hoc facere cogor pro negotiis quæ urgent & premunt fatiscentem) Literæ tuæ ad me pervenerunt. Sic scilicet nostræ mutuo fontem petiere, dum neuter quid alter ageret certior factus.

Literæ illæ jam antiquæ & adhuc præ manibus, sed sine Responsione, & quod sæpius impediit volentem, idem est. Nomina illæ Sexuales præ se ferunt, & hæc 12. Cal. Feb. nec tamen adhuc Responsio parata; Credideris forsan me gelu quodam, etiam hac nimis temperata hyeme obriguille; hoc te metu ut liberem, ecce jam tandem te iterum saluto, tibi omnia exopto bona. Cum anno novo incipiat, recurraque in finem felicitas.

Prima Literarum tuarum facies gratulatur mihi Cancellariatum Oxoniæ mei, & subridet. Gaudio sit illud tibi; Academiæ salus; mihi sit scio onus incumbit, & cui nunquam par ero. Quin & his exulceratis Ecclesiæ temporibus, nec Ecclesiæ tantum (nam & sic solet punire Deus) nescio, ita me Deus amet, nescio, quid agendum sit, mihi præferim. Sed aliquid est, quod iurget, & ducentem lequor.

Illustrissimus Princeps noster, pro tenella illa ætate (Deo gratias) abunde valet. Et mihi quidem gratissimum est, quod lætitiæ illius, quasi nos ex foelicissima ipsius Nativitate merito percipimus, te quoque consortem præbeas. Vivat ille valeatq. diu, ferius tamen spero paternis succedet sceptris.

Alia sunt quæ properans cogor omittere. Sed mortem Matthiæ Martini certè eo impensius doleo, quo magis indiget Ecclesiæ æquitare illa quæ in eo viguit, & quæ spero tamen non est penitus cum illo sepulta. Penitus dico. Vereor tamen ne rarior multo sit quàm quæ deceret togam nostram. Historia illa unde profitebatur se eam hausisse, prolixè habet in se unde eam conferre possit, nisi Lectores habeat admodum iniquos. Iterum tibi eo nomine gratias ago. Nunc accinge (promissisti enim & non semel) ad historiam aliam; veteris nempe Ecclesiæ, scribendam. Mag-nopere cupio (Deo si placuerit) antequam fata mihi aperient sepulchrum, Baronium videre sub tuis telis cadentem. Nec literas

potes à me ullas expectare sine stimulo.

Et ecce quum manum Chartulæ huic eram appositurus, aliæ Literæ tuæ ad me perveniunt. Illustrissimus Legatus rediens, non redux sine te. De te certè nec pauca nec parva loquitur. Quin & gratias egi quod nomine meo te sibi cognitum charumq. habuit.

Ad negotium quod attinet. Academiæ vestræ ita collapsam esse disciplinam non sine dolore audio. Sunt hæc certè semina omnium malorum, tum in Ecclesia, tum in civili statu, quod loca educationi juvenum, in Artibus simul & Religione, olim dicata, ita laxata sint in omne quod vel maxime dedecet juventutem Christianam. Ad cædes verò, easque frequenter eventum esse, quis ferat?

Consilium quod petis libentissime darem, si (quod optas) præfens essem. Res certè magna & gravis; tibi honorifica & utilis futura; Amstelodamensibus forsitan non desiderata magis quam salutaris. Rationes quas proponis, primo intuitu firmæ videntur, & rotundæ sine offensione quas novi ullæ. Hoc unicum serio considerandum, quid Ordines vestri de consilio hoc tuo senserint, & quibus fundamentis nixi. Nam si illis transitio hæc tua parum Reipublicæ vestræ utilis censebitur, quis scit quid inde dispendi, quid periculi tibi possit accedere? Quod ex animo deprecor: Scio te cautum fore & prudentem; & spero Deum cui servis electionem tuam ita velle disponere in melius, ut illud in te assumas quod simul & licitum, & utile & honorificum sit. Quod semper erit in votis.

Amici tui &amp; rerum

12. Cal. Feb. 1630.

tuarum studiossimi,

Guil. Lond.

CVII.

Quod labores meos nomini vestro inscriptos vellem, hoccine tanti (egregie vir) ut obstrictum te mihi credas? Sane hoc & si quid potuissim majus, vestris in Reipublicam literariam meritis debebatur. Imo superbire magis videbantur vestro Patrocinio Chartæ nostræ, quam si Principem aut Magnatem aliquem ostentarent. Illum siquidem ego mihi colendum duxerim, illum ambiendum, quem vera nobilitas, virtus & eruditio supra vulgus homi-



hominum evehunt, non qui ob inanes titulos & honores merita superantes adorari se ab aliis velint. Adeo satis mihi abunde fuerat, quod coli à me virtutes tuas patere: at quòd aliquam mei rationem habere, quod amore me tuo dignari volueris, superabat hoc fere votorum ambitionem. Tu verò neque hic gradum sistis; parum hoc putas (quod tenuitati tamèn meæ nimium) nisi & aliorum mihi amorem concilies. Illud autem quo artificio præstes, abunde expertus sum Literis à Cl. viro D. de Dieu acceptis, quibus affectum ergà me singularem luculenter admodum testatur. Cujus viri favorem quanti aestimaverim non sum exprimendo. Ille est certè cuius amicitia nullius aut prætulerim aut æquaverim alterius, quam ejus qui illam mihi comparavit. Majus est equidem vestrum hoc in me beneficium quam ut rependi à me queat. Grate (quod unum possum) agnoscere & prædicare nunquam desinam

*Dum memor ipse mei, dum spiritus hos reges artus.*

Vestrum interim erga me amorem, eadem quæ excitavit bonitas vestra, extingui iterum, uti spero, non patietur. Quæcic præstantissimi D. de Dieu satisfacturas spero Literas has nostras, quas uti illi tradendas cures, rogo. Pollicitus est D. Roufius, ubi literas ab ampliss. D. Archiepiscopo Armachano (quas quotidie expectat) acceperit suas se ad te daturum. Salutem tibi plurimam dicit D. Harrisonus qui perquam humaniter me vestri causa tractavit. Salutat iridem Chillingworthius. Amant sanè te & colunt apud nos quamplurimi, eo & ipsi nomine à me plurimum amandi & colendi. Vale (clarissime vir) & quem erga me conceperis affectum, fovere pergas.

*Dignitati vestre*  
Dat. Oxon. in CCC.  
2. Martii, 1630.

*addictissimus,*

Edwardus Pococke.

# CVIII

**E**GO verò, (Clarissime Vossi) quotidie multumque gratulor mihi istas amorum nostrorum contellationes. Sed & gratias nunc quoque ex animo rependo tibi, quòd tam benignos in modos tamque candide interpretari ames exiguum illud animoq; meo plane impar, quòd in

accessu ad nos tuo præstare potui, in mearum (ut tum res erant) occupationum tumultu. Illud credas obtestor, ex omni Cantabrigiensium tuorum numero, (tuos autem fecisti plurimos) neminem te habere, qui libentius fideliusve tecum coeat sacrum hoc fœdus amicitia. Sed & Conjux mea (quòd nescire te nolo) non infrequentem facit tui mentionem, ut hominis (quantum ipsi ex aspectu gestu recte augurari erat) probissimi suavissimique, & sapius mihi precatur aliquot assiduos sodales consimiles D. Vossi. Ex illo quidem tempore, quo nobiscum adfuit, Academiam revire vix dum est datum, sed Windesore per hyemem hanc continuò hæsi. Nunc reditum illuc cum universa familia (ad dñm) meditor ante mensem, filium ibi tuum, in omni re sua, quantum poterò, curaturus. Non desunt interea scio Literæ optimi parentis ad eum, quibus in hoc lubrico ætatis, ipsi in Officii sui subinde commonefacias. Sed absens utcunque, non tamen sum passus frustra esse quas in Literis ad me tuis salutes perscripsisti. Procancellarius noster Collinus, Wardus, Bealus, Dancornus, Crizonus feci ut intelligerent, quam memor ipsorum vivas; quòd usque ut facias digne, omnium est votum. De Episcopali verò dignitate quòd inaudieras, meræ erant fabulæ. Abundè meo voto responder, quò me jamdudum in loco Deus Opt. Max. & benignissimus Rex collocarunt. Ardua illa atq; in sublimi posita concedant bonis avibus, qui meriti sunt. Vale, vir egregie colendissimeque & inter tuos perge numerare

*Eternum tuum,*  
Windesore, in Annuntiatione Domini,  
1630. Matth. Wren.

# CIX.

Vir Clarissime,

**E**tsi nihil fere haberem, quòd in præsens ipse scriberem, aut te scire velle crederem, tamèn Tabellarium tam certum nactus, non dimittere eum potui, sine literis, quanquam brevibus. Non irascor quidem tibi; (nam qui possim, adeo amico capiti, adeo à me amato?) verum doleo vehementer, quòd biennio plane toto tuarum mihi literarum alloquio carendum fuerit. Affirmo enim, nullas sane accepisse, post illas quas ante biennium dabas

dabas Id. Maiis c10 Idc xxviii. Ego tamen interim non defui amicitiae nostrae. Quæso quam uberrimis defectum supple: & fac sciam, de Academia, de Repub. quicquid novi. Vidi nuper Catalogum Bibliothecæ Rutgersianæ, plenissimæ certe librorum quorumcunque optimorum: Scribo ad communem amicum Dominum Heinsium, heredem atque venditorem, ut existimo; uti mihi hanc gratiam faciat, eximatque auctioni quos subjunxi, ac mihi vendat. Nosti id fieri interdum. Itaque si fortè se difficilem præbeat, nava mihi hic operam tuam, & impelle tua Suada, ut gratificari velit. Pretium, quod etiam ipse iudicabit, ab affine meo, Ministro Wassenariensi, statim accipiet. Nam ad eum etiam hac de re scribo. Possem expectare tempus auctionis, sed quandoquidem hominem nunc certum habeam, per quem tutò deferantur, occasione utendum puto, quæ non alias facile se exhibitura est. Qua de causâ etiam te atque etiam rogo, ne deesse hic mihi velis. Scripsi bis ad Elzevirium de quibusdam lucubrationibus meis, quarum editionem urget maximo-pere Illustrissimus Molinus; sed responsum nullum accipio; mone hominem, ne contemnat veterem amicum; & si commodum ipsi non sit, quicquam edere, saltem verbo id significet, neque ultra expectatione torqueat. Tunc habeo quod respondeam Molino; communi Mœcenati nostro: cui alias excusare me non possum. Nam is vehementer flagitat. Cum hæc scripsissem, tuæ mihi exoptatissimæ per Stephanium afferuntur; quas profecto, ut accepi, exosculabar. In ipso initio, dolorem incussit casus filii tui maximi, quem plus minus mense scribis oculis fuisse captum; sed Deo gratia, qui restituit; quanquam id ex literis tuis magis conjectura capio, quam intelligo: nam non differtè dicis. Quod Britannicum sibi iter tantopere placuerit, tum quod viros illic plurimos quoque offenderis, qui te solide amarent, tibi gratulor, mihiq; gaudeo. Libens quoque intellexi, de Critonii Petzique in me tam benigno animo. Si fortasse aliquando literas ad utrumque dabis, officia illis mea defer, mutuumque amorem nuntia. Gratulor autem imprimis de Canonicatu illo, quo donavit Rex Britanniae Serenissimus: sed nil scribis, quam ob causam, quâ occasione dederit. Fac ut sciam ex proximis tuis, quas præsentium latori ut committas, in maiorem modum rogo. Nam cum certa mittendarum literarum occasio non se semper offerat,

quotiescunq; ea datur, amplectendam esse cenleo. Amicus quidam ad me scribit, librum quendam Regi abs te dedicatum, ideoque istud tibi honorarium decrevisse. Sed tu nihil tale indicas. Merito hunc Regem docti omnibus præconiis mactent, qui ab illo in hunc modum æstimantur. Sine dubio dolent oculi animusque isti \* nostro; qui \* *Dan. Heinsio, opinor.* invidere & obtruncare nunquam desinit, apud suos.

Sed alat ille perpetuum tormentum suum; nos illi non invidemus. Scripsit ad me tributum sibi nil tale expectanti (quod credat Judæus apella) munus Historici & stipendium Scaligeri *tu parageiro*: nempe Florenos bis mille, & quadringentos: quibus si stipendium addat Bibliothecarii, & Secretarii, una cum emolumentis, effici Sexcentos alios. Tu verò scribis, datum illi munus Historici, cum stipendio florenorum annuorum septingentorum. Arsenii conatum præclarissimum, de Salmasio in Scaligeri veterem locum evocando, non possum dignè satis prædicare; utinam perficiat, cum ingenti Academiae patriæ gloria. Neque dubito, quin omnino obnoscatur noster iste, qui præ se vix alium æstimat. Sed illum Manes sui exagitant. De Casauboni literis quod mones, est id sane perquam gratum; & accipe quas ad me scripsit: Institutiones tuas Oratorias videre aveo: nam si quisquam est, qui tua æstimat, is ego sum. Golium rediisse & duplicem Professionem obtinere sanè gaudeo; neque ullum habeo dubium, eum olim non duntaxat patriæ communis nostræ, sed totius adeo avi, singulare ornamentum futurum esse. Saluta illum, nisi grave est, meis verbis; & dic, fausta ipsi omnia apprecari. Sed de Heinsio, antequam finiam, illud querere volebam, Ordinum Hollandiæ, an Generalium, sit Historicus; fac ut sciam. Vale, amicorum omnium optime maxime. Uxor quoque tibi tuæque plurimam salutem adscribit; tum & filia item tuæ. Saluto etiam V. R. Andream Rivetum; cui potes meis verbis affirmare, me in ipsius amore atque cultu, constantiam tueri. Nec Barlaam præteribo, cujus Carmen de Sylva-Ducis obsidione rectè accepi. Profecto ille vir parem se summis in hoc scribendi genere viris præstat, si non superat. Iterum Vale.

Reprim Sora  
ad diem V.  
Martii,  
c10 Idc xxx.

Tuus Fide Batava,  
Johannes Meurfius.

Quæso,



Quæro, indica locum ex Epistolis Scalligeri, in quo acerbè quiddam, & nequiter, ut mones, de me dictum: oportet inspiciam; nam Epistolas hic habeo. Laurenbergio salutem dicam, cum redierit: nunc enim abest, Hafniam profectus. Opus tuum de Hist. Lat. summa cum voluptate legi; est præclarum, id est, Tuum; quo ut optime de defunctis es meritis, ita viventium sanè studia plurimum tibi obstrinxisti. Placent quoque supra modum quæ pro Socero, Viro summo, admodum luculente dixisti. Est profecto, in tanto Historico, crassus Error; tum malignum nimis iudicium; idque in gratiam potissimum, ut verè dicis, viri illius, magni quidem, sed non candidi alienarum virtutum æstimatoris: maxime in illis, quibus, animus erectior erat, & à turpi adulatione alienior: quod & ipse sum expertus.

Sequitur in Epist. MS. Catalogus Librorum quos ex Rutgerianis poscit V. Cl. sed ut longiorem, nec Lectori ullomodo utilem omisimus.

De Noomisio tuo quærere me ex te memini, ut loci, & quid ageret; quæso fac me certior. Ad Dominum Heinsum, ut statueram, scribere in præsens haud licet, urgente admodum Mercatore, & vix me permittente, ut has finiam; itaque salutem illi meis verbis plurimam dicito. Te verò imprimis rogo, ut negotium hoc librarium des effectum. Ac si ille, quod non spero, se difficilem tibi præbeat, operam dabo, uti habeas unde, ac quocunque item pretio, saltem quatuor istos, Pappum, Apollonium, Orbasium & Diodorum Euchiontem. Facile autem vobis est recuperare, inter tot Auctiones, quæ passim habentur. Qua de causa maiorem te in modum rogo, ut huic meo desiderio satisfacias. Amicissime, vix finem impono; ita planè, dum ad te scribo, sermonem tecum ferere videor. Finiendum tamen semel. Utinam autem coram colloqui daretur, quod, ut maxime ego opto, & desidero maximo cum desiderio, tamen tempora non permittunt, obsidente adhuc vias, ac potissimum circa Embdam, milite Cæsariano. Iterum vale, Amicorum omnium primè. Sed verò de libris istis comparandis, iterum tibi aurem vello. Oro te, obsecro & obtestor, per humanitatis tuæ, & communis Amicitiae nostræ Genium, uti desiderio meo satisfacias. In penultima Epistolarum Casauboni, si illa de Viro plane eximio, Socero tuo, minus placent, dele aut muta, prout

visum fuerit tibi. Habet Heinsum quandam epistolam, scriptam circa exitum anni MDLXXVIII. quam tunc ipse mihi prælegit. In hac elogio sanè amplissimo *de margerius* Casaubonus me ornabat: & ut memini, prædicabat meam cum ipso conversationem, dum Lutetiæ commorarer; prædicabat, præter doctrinam, etiam probitatem, gravitatem, fidem, integritatem, & alia. Nescio an is eo candore illam Epistolam sit edendam exhibiturus, quo tunc mecum communicabat: quod fortasse oblitus erit. Nosti ipse ingenium hominis. Sed videbimus, & eventus nos docebit. Rursum vale, & ignosce confundenti scriptionem. Habes Epistolam prolixam, & quæ tibi affectum meum repræsentet. Vide Epistolæ huius fatum! Nondum licet finem facere, scripseram de Elzevirio, & quarundam lucubrationum mearum editione; ac nunc literas accipio, quibus præli occupationem obtendit; id est, per ambages negat, uti ego quidem interpretor. Mihi certum, nunquam illi aut istiusmodi hominum generi supplicare. Equidem contentus esse partâ hæcenus famâ possum; & deinceps mihi, ac Musis, lucubrabo: ut caneat Antigenidas. Mitto autem ad te Denarium Pythagoricum, indelibati in te affectus quaecunque monumentum apud externos posterosque; Panathenæa, cum Scrutero dividebas; hoc opusculum, tuum ex asse esse volo. Facile putô id excudet Commelinus, qui Athenas quoque meas pridem excudit: vel Læmæus quoque tuus, qui excudit tua omnia. Quod si uterque aspernatur, poteris ad me remittere, ut cum cæteris suo carceri mancipetur. Vale quartum.

*Tuus, sine ullo fuco, uti nosti,*

Johannes Meursius.

CX.

*Clarissimo Viro Vossio.*

Tibine doleat, Clarissime Vossi, non convenisse me? quin tantum potius virum pudeat tam sollicitè quævisse aut etiam desiderasse huius ordinis hominem, usque adeo intra se recedentem, atque pone se latentem, ut neque mirum sit, si tam bona hæc fortuna eum non invenerit, quem non celeberrima prius adierat fama, venisse in Angliam Ger. Jo. Vossium, quam

quam excessisset. Quod si per tempus rescivissem, jam tum me jure pernitem dixisses Ladan aut alatum Perlea; quod jam dicis: nec injuria, rapidam enim illam in transcurso festinationem meam neque sine morum censurâ memorandam præproperantiam, & ipse multoties exinde damnavi quotiesque recordor, poenitet, pudetq; Amstelodamum vestro Lugduno; Judaica Synagoga ceremonias, quas instanti tum sabbato visere gestiebam; vestris sacris necessarium denique mihi die indicto reditum benignissimo tuo invito-mento prætulisse. Quod sanè erratum, aut potius peccatum, ex parte redemissem, modò vel minima tui in Angliam adventus aura aures meas adflasset, diluissim (inquam) incivilem illam præcipitantiam, omnibusque illico relictis rebus advolassem, pennatori quam ante remigio prætervexissem: non, quod aiunt delicatuli isti manum osculatoris; verum ad pedes provolutus scientiæ illud oraculum, modestiæ miraculum veneraturus, veniam deprecaturus, tibi gratulaturus. Sed ecce prolixam tuam propeque divinam humanitatem! quæ inhumanitati meæ ultra litatum procedit, quæ offensam, quam eluctari me oportuerat, officio exceptit, neque fastidit hominem errore quidem magis quam scelere peregrinum inter cultores admittere, imo advocare. Ah! bene sit carinæ illi, quam dicis scævæ, quæ te advocavit interturbavitque mei visendi consilium. Hinc enim suavissimæ tuæ atque literatissimæ Literæ, quas ego non auro contra, amicitia arrha qua quia me præstinatum venis; ecce manus do, mancipio usq; tuus, utinam & fructu. Fidelem certè spondeo, ac utcumque in tanta cultorum tuorum familiâ me agnosco haudquaquam præ cæteris dignum, qui palum in parietem figam, sicubi tamen siquando si qua dabitur, ad omnia officia habes paratissimum. Sed quid agam interea? Quo non valet manus ibit mens tendet votum; quod bene ominatum faxit ratum Deus, tibiq; det secundam paremque Angliam nostram videndi occasionem. Interim, Salve Clarissime Vossi, & perge quod facis, amare, tui pene contra latinitatis atque amicitia cano-nias soleocissans dixissem, colentissimum; sed quoniam ita fieri jubes, meque intra familiaritatis pomeria Civem accitum vis,

Londini, *Feidio*  
Nonas Martias  
clō lōc xxx.

*Tui amantissimum,*

Tho. Farnabii.

Duo Nobilissima Academia vestrae luma Clariss. V.V.D. Heinsium & P. Scri-verium veneror, quibus à me summo cum officio, aut amoris religione dici salutem percipio.

### CXI.

**D**edi ad te, Vir clarissime, prolixas admodum literas ante triduum, aut quadriduum, quas non dubito quin acceperis, quando eas homini certo ferendas dederim. Iterum nunc ad te scribo: sed brevissime. Qui has tradit, cum Hollandiam cogitaret, videre Leidam nostram voluit, & te in ea ante omnes. Nec hoc tantum; sed & unice amicitiam tuam expectit: quæ experieris eum minime indignum esse. Est autem juris Candidatus, Ethicæque aliquamdiu Professore extra ordinem in hac Academiâ egit: nec remotus est à munere, sed removet à se ipse, studio peregrinandi, & ubique viros claros cognoscendi. Scis talem animum non posse cadere, nisi in eum qui virtutem & doctrinam, pariter amet. Facit ipse: & utramque hæcenus præclare satis est sectatus. Deprehendes, si licebit experiri. Non commendo eruditionem ejus, sed virtutem, probitatem, integritatem. Uno verbo: est cum quo in tenebris micare possis. Summa voti est, si ad menlem unum, aut sesqui, (nam diutius commorari non constituit) domo tua, & mensâ uti concedatur. Id si impetrat,

*Sublimi feriet sidera vertice;*

Oro te, Vir amicissime, si id rationes tuæ ullo modo patiuntur, fac hanc gratiam & mihi beneficium imputa. Nec ingratum aut indignum ille se est præbiturus: & me item in majorem modum obstringes. Si quem unquam talem mihi commendabis, vicissim ostendam, quanti tuam commendationem faciam. Vale, amice incomparabilis, cum Uxore, Liberisque in annos Nestoris. Uxor mea te, tuamque ex animo salvere jubet.

*Reprim, Soræ Da-*  
norum ad diem xv.  
Mart. clō lōc xxx.

*Tuus ex interiore ani-*  
mi affectu,

Joannes Meursius.

CXII.



## CXII.

*Doctissimo Viro, Gerardo Joanni Vossio,  
Affini conjunctissimo.*

Conjunctiss. Affinis,

**B**inas jam ad te dederam literas, cum tuæ mihi sunt redditæ. Priores meas cum Libris, jam olim ad vos perlatis spero: Alteras, unâ cum Doct. Wrenni Epistolâ, te pariter cum hoc præsentî scripto, accepturum arbitror; quandoquidem hodiè ad me retulit nuntium is, qui Illust. Comiti Marechallo à secretis est; cras demùm aut perendiè ingressurum iter, famulum istum Legati, Regis Britanniarum, cui secundas meas commiseram literas. Dolui quidem quod nondum ad te perlatum fuisset alterum illud fidei meæ testimonium: gavisus tamen sum, quod denuò scribendi, tutiusque ut puto, transmittendi occasio affulgeret; præsertim cum triduo abhinc, D. Casauboni literas ad te recepissem, & de iis rectè curandis, non parùm essem sollicitus. Tuis ad me literis, alias ad filium Johannem inclusas, ipsius secundo post die Cantabrigiam ad eum detuli; non quod occasio mittendi eas deesset; sed ut promissi fidem exolverem; sedulò fidelium amicorum opera uti non destiti, & quæ de vita, moribusque Johannis nostri constare poterant, sciscitari. Ibi omnes uno ore, omnia bona prædicare, & singularem ejus modestiam, ac strenuam in studiis operam extollere non desinunt. Ac fidem mihi fecerunt, non vana hæc esse, neque auribus meis tantùm data; cum etiam dum in itinere, eò atque redeo, ex ignotis, ignotus ab his non abhorrentia intellexerim. Utut verò nunc meliorum spes facta sit, nunquam tamen porrò in rationes vitæ ejus, quotiescunque occasio erit, inquirere desinam. Otiduum hodie est, quod Comes Pembrokia, subita morte extinctus est: & triduo post Mater Comitissæ Arundellii functa fato est. Unde duplex, nobilem hanc familiam luctus invasit. Initia quædam pestis hic grassaturæ, quotidie videntur deprehendi; faxit Deus, ne malum ingravescat. Da veniam, præproperæ festinationi: jam avocor; & vix otii satis relinquitur ad obsignandas literas. Saluta omnes.

Anno 1630.

17. Aprilis

St. vet.

*Tuus omni officio,*

F. F. F. Junius.

## CXIII.

*Cl. Viro G. J. Vossio, Affini conjunctiss.*

Conjunctiss. Affinis.

**L**iteras hæc Doctoris Wrenn, primâ quaque occasione ad te mitto, ne per me stetit dicatur, quominus jucundissimæ consuetudinis mutua officia scribendo excitetis. Videtur is meliora de Johanne nostro sperare, ut & Michael iste, qui Comiti nostro à sacris est; fuit hic jam nuper Cantabrigiæ, & reversus animum meum optimâ spe implevit. Aliud longè sentiunt alii: sed mihi hæcenus excurrere eò, non fuit integrum; quandoquidem post meum è Belgio adventum, præter crebra in vicinos nobis tractus itinera, longo quoque ac permolesto itinere, Comitum unâ cum liberis, in Salopiansem agrum proficiscentem, persecutus est. Dumque revertimur, diem unum in Oxoniensi urbe, ad deponendam lassitudinem, ex itinere hyberno contractam, substitimus. Ibi singularem Bibliothecarii humanitatem expertus; non sine uberrimis ad te literis abiissem, si Rever. Armachensis Episcopus, consilii sui rationem, de Mariano Scoto, per literas aperuisset: sperat tamen Dominus Rous fore, ut brevi te de Primatis Hybernæ, super ea re animo certiore faciat. Ostendit mihi etiamnum hodiè Doctoris Usherii literas, nobilissimus Eques Henricus Boucherius, in quibus Rev. Antistes dolet, sibi nihil prorsus de tuo in Britanniam adventu constitisse. Addit se Rev. Episcopum Londinensem, per literas consuluisse, an non spes aliqua relicta sit, pertrahendi te in hæc partes; & alia multa huc spectantia, quæ referre singula superfedeo. D. Seldenus, D. Boucherius, Patricius Junius, D. Boswellus, & quotquot hic sunt literati, unicè tibi commendari optant. Petrus noster scire avert, an unquam videris Theodoretum, de Vitis Sanctorum, quem MS. è Græcia advexit, fac sciamus, an te iudice prælo dignus. Alia sunt de quibus agerem, si per præcipientem, quâ urgeor, festinationem liceret. Nunc tantùm addo, nihil mihi gratius obtingere posse, quàm ut te, tuosque omnes, prosperâ uti valetudine intelligam. Vale.

*Rapim. Anno 1630.*

6. Maii, St. vet. in  
adib. Arundelianis.

*Tuus omni officio,*

F. F. F. Junius.

Literas ad te, unâ cum Libris, ad cognatos, & filios jamdudum misi; spero rectè perlatis.

L

CXIV.

## CXIV.

Amice Præstantissime,

**L**iteras tuas tam quas postridie Kalend. Maias, per Mercatorem Slaglosiensem, quam quas vi. Id. Junii per Davidem Gulielmum ad me dedisti, rectè accepi. In illis, pariter atque in istis, video affectum, & exosculor: quem ut sempiternum in me esse velis, id te rogo, etsi nullo modo dubito. In prioribus, magnas nimis gratias agis, pro re sanè non tam magnâ: sed est amor, qui exaggerat, & ex musca tibi elephantem facit; tamen abeam à vero, si id mihi majorem in modum gratum negem: item illud, quod spem facis, brevi hunc Libellum nostrum editum iri. Ubi id autem factum fuerit, mitte mihi exemplaria compacta decem, & incompacta alia totidem: pretium compactionis, & ab affine, Ecclesiastæ Wassenariensi, repetes. Mittes verò Amstelodamum, ad Joannem Janfonium: qui rectè ad me curabit. Exemplar quoque Hagam unum mittas censeo, ad Dominum Mylium, communem amicum. Dabis quoque Riveto, Cunæo, Heinsio, Vorstio, Barleæ, & Scriværo. In Italiam duo mittes, illustrissimo Molino, & Francisco Maria; in Angliam quatuor, Spelmanno, Junio, Critonio, Petæo; in Galliam, Grotio; de Salmasio, facies tuo arbitratu atque nomine: nam in illo certè viro, ut libenter diffusissimam sectionem, ac doctrinam singularem, æstimo pariter, prædicoque, sic modestiam, & candorem, merito desiderare mihi videor: ubique sedulo caveri, ne me nominet, etiam ubi deberet; taceat verò quamlibet suppresso nomine, ubicumque se occasionem nactum esse paret. Ego tamen, uti fert ingenium meum, ejus mentionem honestam pridem feci, libro de Ludis Græcorum, pag. 35. Et tuam fidem an non jure & iudicium requiro; cum tam multa ubique insculcer, collo etiam oborto adducta, loco admodum alieno? Adde quod ineptum satis, cum Solinium nobis edat, & in illum commentari proposuerit, opus totum quod cum Plinio cum auctorem contulisset, Exercitationes Plinianas dicere. Quis doctorum ad hoc tempus in hanc modum commentationem instituit? Modestiam verò itidem me desiderare jure existimo; nam si qui seorsim sentiant, hos nugari, nugæ agere, ridiculè agere, ineptè agere iudex iste sine suffragio pronuntiat; sententiæ suæ, sepe etiam minus recte,

nimis pertinax defensor. Ego nunc Historiam trium Daniæ Regum edo Hafniæ, impellentibus viris aliquot Primatibus; qui ut me ac mea, amant æstimantque, sic vulgari specimen istud operæ meæ plane cupiunt. Ubi Typographus absolverit, mittam exemplar. Probasse se tibi Ernestium nostrum, est quod gaudeam; gratiasque magnas ago, quod posueris tantum preit commendationi meæ: ego paria sum facturus, sicut amicitia nostrâ dignum putò, si quem unquam huc euntem commendabis. Mira retulit, qui has adfert, Jacobus Marci, agere nunc Amstelodami Utenbogardum, Grevinchovium, & Episcopium: ac præterea, urbis ejus magistratum Scholam quandam illustrem erigere, ac Barleum illuc ad professionem amplissimam stipendio advocasse. Sed tu nullum de his verbum: fac me, quæso, proximè certior. Doleo diffidia Patriæ, & concordiam tandem constitutam optem. Vale, amicissimum caput. Uxor mea te, tuamque salutat plurimum, Liberi, vicissim tuos: Filiam imprimis filia. Vorstii literæ gratissimæ fuerunt: atque rescriptissem ipsi, nisi Jacobus Marci noster festinatione suâ voluntatem impedisset. Fiet proximè: interim salvere malum ex animo jubeo. Salveant quoque viri alii amicissimi & clarissimi, Rivetus, Cunæus, Heinsius, Barleus, & Scrivæus; qui & ipse hæcenus in Vorstianum modum flet. Ejus quoque si potes veterum excita. Facit rem indignam amicitia nostra. Iterum vale.

Soræ, ad diem  
xxi. Junii,  
c15 l6c xxx.

Tuus ex animo,

Joannes Mearsius.

## CXV.

Salutem in Christo.

**L**iteræ tuæ tres numero (Vir Clariss.) **L**us mahus meas utraq; implevere, a quo te vel coram, vel per literas salutavi. Et pudeat, & doleo. Amor tamen tuus, quo me frui gestio, facile huic tarditati veniam dabit, præsertim quum res meæ tibi innotuerint. Literæ enim tuæ novissime datæ sunt 14. Feb. 1630. quo tempore ego minus firmâ valetudine responsum nec illis, nec prioribus potui aptare. Nam post discidium tuum, Festo Nativitatis Domini nostri instanti, etsi relapsus in febrem non contigit, nescio quomodo ta-

men



men turbata natura me iterum periclitantem vidit. Et quid per hæc potuit (cum Hilario loquor) limosi corporis gravis Anima?

Festo Paschatis sequente (quod ut nōsti incidebat hoc anno in 28 Martii) confirmatior accedentem, & ascendentem solem aspexi, & me paulatim negotiis & Aula & Ecclesiæ immiscui. Fretus tamen multo magis Deo & tempore Anni, quam propriis viribus. Exinde Festo finito, Deo sic disponente, negotia undiq; me obruebant. Certè primò non sine metu mei & meorum, sed postea sub mole illa, quā vix major mihi unquam incubuit, crevere vires, & misericordiam ampliante Deo pristinam adeptus sum valetudinem. Semper tamen excipio Tendonem fractum.

Hodie primum exui paululum negotia. Et hoc Justitio dum fruor te imprimis salutare cura fuit. Salvus itaque sis mihi charissime, & à lævo recipias quicquid adhuc amplius te & studia & familiam tuam beare possit.

Ad literas quod attinet. Primæ discessum tuum tantum repetunt, & quam carus fuisti confratribus tuis Cantuariensibus. Gratiæ ego egi nonnullis eorum quos vidisse contigit, & nomine tuo. Sic illic omnia certa, & spero tibi grata sunt. Filius tuus Johannes dum redit Londinum non multos post dies me invisebat. Claudicabat, sed paululum, & tum quoque magna spes claudicationem illam non fore diuturnam. Ab illo tempore eum non vidi, studiis spero intentum. At ubi loci nunc sit non dubito quin ipse te certior fecerit, & quam graviter Cantabrigia peste laborat. Morbus ille à vobis, militibus quibusdam redeuntibus, transmissus.

Literæ tuæ quæ his succedebant felices nunciæ fuerunt salvi & sospitis reditus tui in Patriam. Gaudio id certe magno mihi cessit, utpote cui sanitas tua, & vita in longum protracta in usum Ecclesiæ, in primis votis sit. Facile credo fuisse non paucos qui tibi reditum gratularentur, quam dispari animo ipsi viderint. Sat scio quales inter vos amicos habeant qui Potestatis Regiæ, & veteris Ecclesiæ cultores quoquomodo existunt. Si cordatioribus exemisti scrupulum, illud perbene: qui Tribunal olent ad populum refero; curet scilicet qui vult. Me non nominant Literæ illæ, sed satis intelligo, & multum rideo insaniam.

Promittis hic Institutiones Oratorias. Et eas jam accepi per manus doctissimi tui Junii. Ille ante mihi charus, charior nunc nomine tuo. Pollicitus est ille se unā cum

gratis ob libros illos doctissimos & tuos, me excusatum habiturum apud te quod tum literas non dedissem. Nunc ego iterum Baronium inculco. Nosti quid velim: Et est quod vel maxime usui sit Ecclesiæ. Induciæ vestræ cum Hispano precor aut non sint, aut sint cum bono & vestro & Ecclesiæ. Nec imprudenter caveat meo judicio, qui exinde domestica diffidia magis timent; præcipue prout Religio hodie apud vos — De Scopio vestro, & reliquis reformatæ Religionis Propudiis, quid dicam nescio, gaudeo tamen Amstelodamenses, ubi Libertatis nescio quod Asylum, in maledicum tam seeros extitisse.

Novissimæ Literæ tuæ nil aliud ferè spirant quam honorem Higgii nostri. Certè multum tibi debet Oxoniensis Academia nomine ejus, nec minimum ego, qui Higgium illum virum moderatum æquè ac doctum semper quibus potui modis promovebam. Non opus est ut scribam, ille (scio) narrabit quanto amore, maximo illo certè, si prudenti, si sancto bene est, me Oxonienses, nunc alio nomine mei, persecuti sunt, & me Cancellarium, indignum simul & nolentem elegerunt. Inter eligentes Higgius. Eum sine literis remittere ad vos me graviter pupugit, sed tum vix respirare datum. Gratiās tamen ago, & tibi & filio Francisco ob honoratum Higgium.

Quod reliquum est scias velim, etsi tempestates quæ sæculo hoc exagitant Ecclesiam sedando non sim, nolle tamen me (Deo favente) aut Causæ aut Officio deesse. Interim cuius ferè obvium est quam periculose jactantur Respublicæ, fluctuante Ecclesiæ. Ad filium tuum Johannem quod spectat, quum proxime videro (brevis id spero futurum, Deus si pro misericordia sanarit Cantabrigiam) effectum dabo quod postulas. Tu modo ut mei quotidianis in precibus memor sis obnixè rogo, ut in nomine Christi; ne dum moliantur inimici, solus sim. Vivas interim opto, valeasque ego ut sim.

*Virtutum tuarum cultor, sicut*

Julii 21.  
1630.

*sum & tui amantissimus,*

Guil. Londin.

CXVI

S. P. D.

Potuissem tibi innotescere V. Cl. commendatione summorum amicorum tuorum Hugonis Grotii & Sam. Narani, quorumque uterque benevolentia me sua dignum hactenus existimavit. Sed ego, quotiescunque singularis tuæ eruditionis mentio apud me facta est, insignem simul humanitatem tuam laudare semper audivi illos qui apud vos vixerunt, & tecum versati sunt. Itaque & me eorum numero ut ascribas, quos amore tuo dignaris, per te illud rarissimum nominis tui decus precor, quod optimis tibi in literas meritis acquisivisti. Qui sim quantoque doctrinæ studia ardore sectari soleam, ornatissimus noster Bellimontius indicare tibi poterit, qui eadem nobiscum ædes aliquandiu habitavit. Sed & ipse te videbo, si votis meis Deus immortalis annuet, & à Sextili statim mense reditum ad meos moliri per Bataviam poterò. Interea ne hoc auspiciū nostræ notitiæ sine onere ad te transeat, maximo opere tu meos conatus provehes, si Stephani Taurini de Scaturomachia librum, ante annos forte L. editum, quemq. Cluverius vester & alii sæpenumero adducunt, alicunde mihi erues, & vel ipsum, vel excerpta quæ ad rem meam faciunt, in ædes Grotianas transmittes. Quum enim Daciam antiquam aliquot annorum diligentia adornem, plurima in hoc auctore extare audio, quæ juvare me admodum possint. Et ego frustra tot Bibliothecas hucusque vel ob hanc solam causam perreptavi. Nunc ad te hæc cura redit, quem nihil eorum latere quæ ad literas faciunt publice novimus. Tu videris, an hoc officii genere obstrictiorem me tibi reddere velis, qui virtutes tuas maximamque doctrinam illo quo debui cultu nunquam non suspexi. Vale.

Lutet. Paris.  
vii. Id. Jun.  
1610 cxxx.

Clarissimi nominis tui

observantissimus,

Martinus Opitius.

CXVII

Nullus præterit dies, in quo non sæpius prudentissimi mihiq. utilissimi tui sermonis recordor, & infelicitatem meam, quod tam egregiū & divini amici, imo op-

timi patris, quem (Deus scit) super omnes mortales amo, magnifacio & admiror, colloquiis & consiliis sim orbatus. Tu enim optime D. Vossi non ignoras, quanti nostra interfit habere, quorum consilia tuto sequi possumus. Pauci certe sunt quos æquus amavit Jupiter. Alii enim, ut Cicero prudentissimus mihi narravit Magister, insipientum & indoctorum Parentum & Præceptorum præceptis sunt imbuti: Alii multitudinis stulto feruntur iudicio, quæque magistro illo erroris bona videntur, ea imitari student. Pauci tamen, siue singulari gratia Dei, vel etiam eruditorum Parentum & Præceptorum disciplina rectam tenent sapientiæ viam. Tertiū hujus ordinis amicū olim fui nactus Christophorum Heidmanum virum rarum: quem tamen statim, quum eum plusquam 60 milliaria essem sequutus, mortis amisi injuria. Eo mortuo, me utraque, quod dicitur, sede carere, mihi met ipsi videbar. Maximam enim spem in docti & pii illius viri prudentia collocaveram. Videbam namque hunc virum non solum doctrina, elegantiaq. excellere, verum etiam animi bonitate, pietate & prudentia reliquos superare. Quare etiam mihi persuadebam, hunc virum inter mortales jam non habere parem: id quod meum dolorem mediūfidiū non minuebat. At enimvero Vossius errorem meum mihi ostendit. Te enim, optime Pater, satis admirari non possum. Fateor (absit omnis adulatio, Deus autem & scientia testes mihi adsint) te Heidmano esse majorem. Neque tamen quidquam egregio illi olim viro præceptorique charissimo derogatum volo. Nam Architectus omnium gradus dedit, secundum quos unus altero ut sit major ipse voluit. Ita Deus Opt. Max. illud quod abstulisse videbatur, large rependit: cui gratias ago maximas, quod me ejusmodi animo beaverit, qui bonos viros dignoscere potest, eumque veneror, ut bonorum numerum augere velit. De itinere meo, ut aliquid scribam; scito quod primo die Julii Bituriges venerim, ubi unā cum nobiliss. meo Petro Guldensterne, qui te salvare jubet, ad festum usque Michaelis commorabor. Hæc offendi doctissimum & humanissimum Petrum Edmundum Merillium, quo utor familiariter. Hinc quando discedimus, profecturi sumus, divina favente gratia, Andegavum. Peto abs te, optime D. Vossi, ut has ad Patrem meum Literas, quando occasio sese offeret, Helmstadium mittas; & si forsan ad affinem meum Georgium Calixtum scriberes, mei istis in literis



litteris mentionem faceres; cuius rei causam aliquando tibi, bono cum Deo, coram indicabo. Vale, unā cum tuis omnibus. Conjugem tuam suavissimam meo nomine saluta, eique, sic ut ego tibi, pro singularibus in me beneficiis collatis gratias age. Liberis quoque tuis jucundissimis Fratribus ac Sororibus meis multam adscribo salutem. Vale iterum etiam atque etiam.

Dab. Biturigibus  
An. clō D c xxx.  
26 Augusti.

Tuus & tuorum,

Henricus Ernstius.

CXVIII.

S. P.

**A** Veritate non abhorret, Clarissime in rem literariam meritis Vir, quod quidam dixit, *τὸν ἐμψυμένον τὸ ἐμψυμένον* D. Nam & benemerens & opifex amabili quadam constantia eas superare solent molestias, quæ in rei absolute capienda sunt. Quare non dubito, quin tum tua, tum magnifici Domini Rectoris, cæterorumque Dominorum Professorum, nuper mihi conciliata benevolentia etiam nunc spiret & vigeat. Si enim æquabilitas ista etiam in inferiores cadit animas, sane quam absurdum foret, vel minimam de vobis, summa eruditione & virtute viris, animi mutabilitatem suspicari. At verò ut hæc sunt verissima, ita aliud quoque mihi audiendum, videlicet *ἐν αἰσθησὶ καὶ χεῖρὶ* *ἀνθρώπου τὰς αἰσθησὶ καὶ χεῖρὶ διακρίνει*. Et certè *ἐμψυμένον* quædam necessaria est, qua velut *ἐμψυμένον* semisopitus inter varia vitæ negotia favor reficiatur. Quamobrem, quoniam literæ colloqui vicem defendunt, sic statui, fore, ut facilius ex silentio supinus & negligens, quam ex tali compellatione, audax impudensve censerī possim. Ecce enim rusticiorem etiam verecundiam non evincat, & ad scribendam impellat singularis tua humanitas, atque candidissima comitas? Multum est, hominem peregrinum intueri, præclarum est ad amicam admittere colloquutionem, sed consolatione sustentare, & ad spem luculentam erigere, ejusmodi est, ut utilitæ humanitatis mensuram excedere dicendum sit. Quos exercitissimæ tuæ charitatis fructus, cum ego tam hilariter demersuerim, ut tuus, atque adeo vester sim factus, & proinde vos in aliqua rerum mearum cura retinere non tam ausim, quam debeam, haud morabor diutius rem ipsam proponere. Non

per me petat, quò minus ad vos, uno exacto mense, profectus fuerim, quod fore dixeram; quoniam enim necessaria itineri pecunia nimis lentè, & quasi guttatim datur, profectorem differre quotidie cogor. Nec verò alienam alicunde petere, dum mea mihi debetur, velim, nisi summa mihi imponatur necessitas. Quippe infinita hodie eorum qui egent multitudo est, & cavendum mihi, *μὴ τις πῶς ἀσπαρῶν*. Si quidem Spiritus Sancti ore *ἐμψυμένον* αἰ τὸν ἅλ' ἰδὼν χεῖρ' ἔργον ἀπολαύοντες. Equidem huic loco perinvitus obhæresco. Nam Hispanicum hujus oppidi præsidium Tilliano est commutatum. Quod cum multi sibi gratulentur, mihi tamen *καταδύσει* (utinam etiam *καταδύσει*) ὕπνον videtur. Omnino super priora mala religionis mox appetit. In meis oculis nunc omnia sunt iter meum, quod primo quoque tempore faciam. Interea, à te, Vir clarissime, majorem in modum peto atque contendo, ut, sic ferente facultate, in promotionis meæ opera perseveres, aliosque ad studium simile salutem pio exemplo adhortere. Nunquam apud me non stabit magni hujus beneficii gratia, imprimisque efficiam, si Deus concesserit, ut ipsi muneris me pensique fidem satis tueri animadvertatis. Non minore autem studio te rogo, ut, si quid *οὐλοῦμαι* in meis gestibus, importunis *ἐπιχλαί*, aut alibi comparuerit, Caritatis *πύγμα* *ἐνδύσει* *αὐτῶν* involvere velis. Hexæctian Scholicam vobis ostendi, non ut aliquid magni præportarem (nec enim ita sum vel exiguitatis meæ inconfcius, vel excellentiæ vestræ) sed ut aliqua significarem, non *ἀντι* me in Scholis desudasse. Palatinis autem potissimum pædagogois, ubi non pauca mihi præposterè geri visa, eandem destinavi; alios mihi ludos nec debuit esse curatio, nec potuit; utpote qui eorum *μυδῶν* æquo animo ignoraverim. Adhæc unum ferè istud ibi ago, ut doceam adolescentulos priusquam ad publicas Scholas emittantur, in inferioribus dextre esse instituendos. Qua ex *οὐλοῦμαι* rem æstimari æquum est. Jam quod attinet ad Psalmos non solum *ἐμψυμένον*, sed etiam plurimis in locis *καταδύσει* cum iis omne prope modum tempus vacuum (quod tamen per exiguum fuisse etiam hinc cognoscitur, quia septenas plerumque, aut minimum senas singulis diebus horas docui) impertivissem, totum aliquando *οὐλοῦμαι* in unicuique Apollinis templum deferre, & artificum trutinæ, quocumque ingenii periculo, imponere volui. Sed his aliisque de rebus coram agendi dabitur potestas. Vale, vir præ-

præclare, & auditorii tui commo- quam plurimis annis perenna. Honoris & observantia causa salutem adscribo magnifico Domino Rectori, Domino Polyandro, Domino Heinio, Domino Professore Hebrae Linguae, Domino Barlaeo, aliisque, denique Dominis Professoribus omni doctrinarum genere excellentissimis, quorum ut aliquanto penitorem intrare familiaritatem queam, post conitar.

Hammonæ ix.  
Kal. Augusti  
An. M DC XXX.

Clar. tuae observantiss.

Jeremias Hoelzlin.

CXIX.

S. P. D.

**E**X formidine subeundi audaciae notam quae verecundia ingenuis animis innata est, clarissime excellentissimeque vir, Domine, & amice honorande; ea mentem hanc & manum abstinuisset aetatem à te per Literas compellendo: nisi fiducia summa humanitatis tuae trepidanti calcar addidisset. De facie enim quamvis alter alteri sumus ignobiles; mihi tamen eruditionis tuae facies, ex fronte scriptorum, quibus nomen tuum aeternitati commendasti, luculenter innotuit; eoque mihi polliceor, non tantum confidentiae veniam, sed etiam huic epistolae perfacilem ad Claritudinem tuam accessum. Addam huc, quod à filio, istuc misso velut ad mercatum quendam eruditionis ac sapientiae, comitas tua erga se insignitè laudata est; quamquam vereor etiam ut parum ex merito condigne: id quod ex sermone literarum ipsius videor conjectavisse. Cum igitur Doctoris Joannis Laurebergii, amici mei singularis, commendatio de filio ad te per scripta, magni ponderis momentique fuerit, est quod magnopere mihi gratuler, potius quam ut eodem facientium struam verborum cumulum. Illud praeterire, quin maximas tibi gratias agam, non quo, nec par est; quod à filio acceptas Tragoedias meas perlegere dignatus, iudicii quoque tui copiam tam benigne fecisti. Absit, in poëtica studio mihi ut placeam; cum unico placere debeat docendi Ecclesiam Christi, sanctum & arduum munus, quod divina quadam virgula & fato sum sortitus; & in quo jam annos viginti octo defatigor. Verum juxta tamen in otio, si quod datum

& quotiescunque datum fuit, bene collocando partes viri boni implere volui, & ut implem, operam dedi; seorsum à quamplurimis, hic praesertim loci, qui cum in concionando aliquid sapiant, hoc tantum sapiunt, in doctrina humaniore, quae Ecclesiam Dei mirifice ornat, perparum. Quod si contra autem mihi aliquid bonorum & doctorum iudicio contigit, fructum equidem succidanae diligentiae tulisse maximum putabo. Candorem animi tui, ita sim salvus, exosculor; quo significasti, versus in Dramatibus non satis ubique esse rotundos, (nam sic filius retulit) sed horridulos nonnunquam. Concesserim sane volens; nec causam dissimulem, venire tales sub acumen styli, dum à lectione Taciti, maxime Tertulliani ad versificandum subinde revertor. Tum nescio quo pacto hac aetate mea, ad canos vergente magis magisque asperitas me quadam, quam rotundus labor delectat. Ut omittam per solennes in Ecclesia labores evenire, quod ferè necesse est, ut partim industriae meae, partim iudicii obtundatur acies. Denique in Athenaeo hoc Danico iudex & aestimator styli & carminis, qui censuram Romae, hoc est, in Repub. literaria tecum mereatur, omnino nobis est opus. Atque hinc adeo fit, ut meo pro consilio & remigio, sine porticulo, sine hortatore, hoc pelagus cogar navigare. Quibus argumentis si asperitatem excusare non possum, deprecor. Nam & severis rerum arbitris, ex aequo saepe & bono visum, navos quosdam in civitate tolerare; donec vel sui tadio, vel obrepente honestiore morum cultu oblitterentur. Fiat ejuscemodi quippiam in scriptis, quae vel focci vel cothurni jus affestant. In Socco Lampades ex xxv. Capite Evangelistae Matthaei ante annos aliquot dedi, Hamburgi typis excusas; Monarchicam nuper ex II. Prophetae Danielis Capite, nunc excudendam, uti in unum corpus seu volumen coeant: Misi ad filium censuram tuam fascibus submittendas; ac licet iniquum plane esse fatear, homini industrio & laborioso laborem velle addere (quid enim hoc aliud, quam bonorum ab uti patientia?) tamen, qui reges nescio quam belle cothurnatos suscepisti, admitte, obsecro humanitatem tuam, & Virgines decem, & Babylonium socco indutum Regem, vigilante & censorio ut advertas oculo, quo numero esse mereantur. Magno me beneficio tibi obstrinxeris, paratum promptumque, quibuscumque in rebus facultas aderit, tibi tuisque aliquam gratiam referendi. Deus Opt. Max. te inco-



incolumem, florentem, felicem cum omni familia conservet.

*Dabam Hafniae  
Danorum vi. Cal.  
Augusti Anno  
M DC XXX.*

*Claritudini tuae additiss.*

Bernhard. Meyerus Holsatus.

## CXX.

**M**I frater, nam quidni te sic appellem, quem ut fratrem ipse amo. Cupio scire de tuarum rerum statu; tum quid factum sit denario illo meo Pythagorico: quem quin commendatum habeas nihil dubito. Avet quoque animus scire, quid futurum Libris istis, quos petierim ex Rutgerfiana mihi auctione comparari. Edidi hic historiae meae Danicæ Libros III. operæ majoris specimen. Mitto aliquot exemplaria, tibi & amicis reliquis, quæ te distribuere velim: Riveto, Cunæo, Heinio, Vorstio, Barlæo, Scriverio, quanquam nostri nihil amplius memori. Vorstio verò etiam alterum addi cupiam, pro Avunculo Buchelio, ad quem ille rectè mittet. Literis verò ad Mylium, quas inclusi, adde exemplaria quatuor. Eundem modum rogo ut tenere velis in denario dividendo. De pugna navali serenissimi Regis nostri cum Hamburgensibus, & victoria, jam te accepisse puto. Vale cum lætissimâ Uxore, liberisque, & salve à me, meaq; & meis.

*Dab. raptim, Hafniae,  
quo nunc excurrit, ad  
diem xix. Sept.  
M DC XXX.*

*Tuus affectu*

*instar Fratris,*

Joannes Meursius.

## CXXI.

*Præstantissimo Vlamingio, S. P.*

**H**umanitas tua, Præstantissime Vlamingie, qua immerentem me superioribus diebus persecutus es, permovit me, ut simulatque Lugdunum reversus essem, primam mihi curam ducerem, tuo satisfacere postulat. Atque utinam in majoris momenti re, navare tibi operam possem! cognosceres non ingratum me, pro beneficio tuo. Sed quum ea desit occasio, proximum existimavi esse, ut saltem ex levi hac re, meum in te animum perspiceres. Quod tantò apud te feci confidentius,

quod scirem, te non rem ipsam sed animum tantum, ac benignum affectum meum æstimaturum. Historia itaque quam petieras ita se habet.

Tamberlanes (qui orientalibus Timour dicitur) Patrem habuit Torgai. Natale ei solum Chougia Bilgar pagus. Patrem ejus Torgai, alii bubulcum fuisse aiunt, alii lutorem egenum: Timour ipse cum robore corporis eximio esset, ad furta animum applicuit. Nocte quadam, cum ovem furto abstulisset, Pastor id conspicatus, sagittis duabus, una femur, altera humerum percussit. Eo ex casu cognomen Lenk, *ferrum* notat, accepit. Unde conjuncta voce Timourlenk dictus est; hinc nostri corruptè pro Timourlenk, Tamberlanem vocant. Ad historiam redeo. Tamberlanem duobus impeditum vulneribus, faciliè Pastor affecutus est, atque ad Huseinum, Huratæ Regem perduxit. Is Timourum verberibus cæsum agi in crucem jussit. Erat Regi filius Giaet Eddin parum mentis compos. Is pro Timouro intercessit; atque ut sibi donaretur, à Patre, multum abnuente, tandem impetravit: eumq; humili ex loco, ad summas dignitates perduxit. Evenit ea tempestate, ut rebellaret, qui Provinciam Sigustaen pro Rege tenebat. Missus eo cum exercitu Timourus, brevi bellum confecit. Captoq; duce ipso, omnes thesauros invasit, ac contra Dominum suum, bellum parare coepit. Cumq; eum opprimere nequicquam Rex tentaret, paulatim ita ejus crevit potentia, ut Regem Huseinum perimeret, ac filium ejus Giaet Eddin, salutis suæ Authorem, in carcerem conjiceret, ubi fame mortuus est: jurejurando enim confirmarat Timourus, nihil illi à se nocitum iri. Postea cum jam rerum potiretur Timourus; accidit ut Samarcandæ urbi Principi, errorum, atque nequam hominum magna esset turba. Ille simulatq; Timourus ab urbe discessisset, Praefectum Urbi ejecerunt, ac totam turbârunt Rempublicam. Tantaque eorum potentia erat, ut ipse eos metueret Timourus. Septies illi turbas renovârunt. Tandem cum parum proficere se videret Timourus, ad stratagemam animum convertit. Convivium ergo splendidum instituit. Eo totam hanc promiscuè turbam, summa, atq; infimæ dignitatis homines vocavit, ac singulos in suos ordines distinxit. Postea Duces, ac præcipuos eorum ad se vocavit, iisque suam manu poculum propinavit, (magni id apud orientales honoris habetur) inde purpura circumdatos, ex atrio à Ministris abduci jussit. Ille singulos extra atrium comprehensos

henſos jugularunt, donec ad noviffimum perventum fuit. Atque ea ratione ſeditioſos hos Timourus, obtruncatis ducibus reſpreſſit. Pari ratione Perſarum Rex (eſt is avus ejus, qui jam imperio præeſt) qui toto vitæ ſuæ tempore, Timouri exemplum imitandum ſibi propoſuit, ad imperium pervenit. Mos eſt, Perſis Regibus, fratrum oculos candenti ferro exurere, quo ab iis ſecuri imperare poſſint in regnum affectum. Excæcarat ea ratione, fratres ſuos omnes, Perſarum Rex, frater hujus de quo nunc nobis ſermo eſt. Hic callidior cum viſus eſſet cupidiffimus, in Parthiam profugit. Ibi cum aliquot annos egiſſet, cognoscit fratrem ſuum deſunctum, ac regnum, juſtus hæres cum deeſſet, à Satrapis regni inter ſe diviſum. Petit itaque à Parthorum Rege; quandoquidem juſtus regni hæres fit, ut auxilio ſibi eſſe in repetendo regno velit. Ille quod rem arduam, magnique videret negotii, hoc negato, argentum ei dedit, quo vi. militum millia ſcriberet. Copiis iis coactis Perſa in limites Perſiæ contendit. Erat Satraparum ex numero, vir ætate, ac prudentia magna, qui ſive quod juſtam hujus exſulis cauſam videret, ſive quod juſta portione defraudatus eſſet ipſe; ſimulatque de ejus adventu cognovit, cum eo conſpiravit. Cæterum cum tot numero eſſent Satrapæ, imenſi laboris opus fuiſſet, omnes eos bello ſuperare. Itaque quod viribus deerat, aſtu ſupplendum ſtatuit. Convivio regio inſtituto, omnes Satrapas regni invitavit. Regem exſulem in inſidiis extra urbem eſſe juſſit. Satrapæ cum adveniſſent, & mero incaleſcere cœpiſſent, famulos omnes, quorum magnam ſinguli turbam adduxerant, exire juſſerunt. Ita enim moris eſt, Principibus orientalibus, ut nolint famulos lætitiæ, atque ebrietatis ſuæ ſpeculatores. Itaque poſtquam ii diſceſſere, in luxum, atque ebrietatem ſolvuntur: interea in urbem Perſa admittitur. Is ſexcentis comitatus militibus, perſonatus in atrium introſumpit, ac ſinguli cum unum obtruncandum ſibi propoſuiſſent, brevi omnes conſiciuntur. Inde illi, ne rem qui foris excubabant famuli cognoscerent, lætis clamoribus, ac hilaritate, omnia complent. Poſtridie cum dominorum tardum à convivio diſceſſum famuli admirarentur, nihil tale opinantes, capita eorum ſudibus impoſita, ac circum faſtigium palatii exſerta vident, qua re quum Dominum ſuum deſideraret quiſque, turbas dare non auſi, domum ſuam diſceſſerunt; eaque ratione Perſa exſul regno eſt potitus.

Habes quam deſiderâras, ornatiffime Vlamingi, hiftoriam fuſius aliquanto à me perſcriptam; quia quantum venuſtatis, brevitas attuliſſet, tantum deceſſiſſet perſpicuitati. Quum ejuſmodi in rebus, quando gentium mores, incogniti ſunt, tota obſcura fit hiftoria. Salutem plurimam, parentibus tuis, ac cognato tuo Nomſio, à quo ſi videndi facultas non datur; ſaltem ut literas habere liceat, pro me impetra. Vale.

Lugd. Batav.  
vii. Kal. Octob.  
c10 Idc xxx.

Tuus omni officio,

Dionyſius Voſſius.

## CXXII.

Clariffime Vir, Fautor Popularis colende,

**I**pſum jam eſt octiduum ſolum, quum cum Advocato Fiſci Collegii heic rebus maritimis præſecti fui. Neſcio an ille vel de nomine tibi notus fit. Crappius vocatur. Multus illi mecum de te ſermo fuit, eò magis cum eum tuum erga affectum jam veterem ac Patriæ communis juſ non celâſſem. Certè eximius tui nominis ac eruditionis cultor eſt vir hic politiori eruditione non leviter tinctus. Tanti à te proſecta ſcripta facit, ut nihil fit eorum quod non in ſua Bibliotheca habeat reſpoſitum. Index eorum poſtridie ab ipſo mihi communicatus fidem fecit planiffimè. Non edita etiam in eum relata inveni: Commentaria de Lingua Latina: Hiftoriam omnis ævi ſecundum tempora digeſtam: Notas in Gelafium de Synodo Nicæna: Anonymi vitarum ſcriptores. Illa certè & ego hætenus expecto avidè: De reliquis me fugiebat. Quicquid erit non effugiet meos oculos ac manus, quamdiu fuero ſuperſtes. Ipſe autem vix quidquam me dignum adhuc cogitare poſſum. Adeo parum reſtat temporis, quod ferme omne pulveri Scholaſtico eſt impendendum, quem ſi non excutere, ſaltem ea ſparta, qua non alii ſubeſſem, in me non ſemper eidem, mutare velim. Pro re nata, ubi potes, mei memineris, enixè precor. Jam cum uxore liberique à me meaque Salve.

Tuæ eruditionis &

Dab. 19. Octob.  
1630. Horne.

humanitatis Cultor,

Abrahamus Bocſtadius.

## CXXIII.



## CXXIII.

**S**I vel unica celeberrimi tui illius calami strictura duntaxat dignatus me fuisses, vel id pro ornamento haud vulgari ducendum fuerat, Doctissime Domine; quis enim in splendidi adeo nominis gratiam non penè inolet. At quod tu insuper tam copiosè scribere, ne dicam tam familiariter confabulari cum vulgarissimo homuncione non gravis: Næ id uti carissimum incomparabilis humanitatis pati cum eruditione temperamentum indicat: Ita singularem tuum erga me affectum effusè notat. Sed enimvero cum animo reputo tot tamque gravia illa (quibus, in gubernanda Republica literaria, destineris perpetuò) negotia, totus attonitus stupeo ad illam incredibilem mentis tuæ feracitatem, quæ progignit tam multa nec defertur: Adeo tu tuis quâ voluminum quâ Epistolarum ornamentis occupas propemodum omnia tum studia, tum loca: ut mirari non cessem, quomodo in unius animo ea pateat capacitas. Quinimo in memet conversus blandius me effero, dum me alicujus fieri sentio ab eo viro, qui usu longissimo æstimatorum ingeniorum peritissimus, quasi quodam *ἀναγκαστικῶς* Privilegio non tam conicit quam divinat: Id adeo reapse experior, eni qui totus ante frigebam, divino tuo velut incitamento, jam de novo vivit penè ac spirat ingenium: si quid posthac promoveo, sisto me tibi debendi reum. Ceterum nostrum hic vitæ genus gloriosum est pariter & suave: vitam quippe hic traduco in adpectu illustrissimi Præsulis, viri non minus singulari vitæ sanctimoniâ, quam rarâ eruditione nobilissimi: Et assum à sacris: Hic inter Theologos, perpetuo interjectus, atque in sacro munere juxta ac studio totus, cogor amenissima illa humanioris literatura oblectamenta omittere, ne dicam abjurare: Oblivionem nostram nil opus argumentis amplificare, scilicet vel ex ipsa defuetudine, atque exotici sermonis perpetuo usu, cernis quam luteola fluat oratio, quem non habeat genium: Sed enimvero ita innata tua illa facilitas perspecta mihi est, uti de venia utunque nullus dubitem. Vale vir summe, & me tuæ dignitatis observantissimum amare perge. Utinam tuas luctabrationes (quibus Deus O. M. aspiret perpetuò) publico commodo diutius nolis invidere. Ita tuum nomen apud bo-

nos omnes & cordatos adeoque vel maxime in orbe hoc nostro Britannico summo est in pretio. Sed vale iterum atque iterum Vir *πολλὴν ἀνταρξίαν δίδως.*

*Datum raptissime Noctē concubia. Ex Palatio Dunelmensi xv. Kal. Novemb. Anno Redemptionis nostræ c1o 10c xxx.*

*Homo tui studiosissimus & tuarum virtutum admirator,*

Isaacus Basirius.

## CXXIV.

**S**Cripti ad te ante aliquot septimanas, Vir Clarissime, & adjunxeram alias ad amicos literas, ut & exemplaria aliquot Historiæ Danicæ. Spero recte ad manus has pervenisse. Ego illud scire aveo; tum & quid Denario meo Pythagorico sit factum: an promissam lucem videat, aut visurus sit propediem. Etiam certiore facito, quid ab Heinsio impetraveris in negotio librorum, quos parari mihi petieram ex Rutgersii Bibliotheca. Qui has adfert, est Ericus Rosencrantzius, magni Oligeri nostri, qui te in majorem modum amat, filius: adolescens est insignis, à quo magna expectamus. Petit Pater, ut amicis illis meis commendare eum vellem: quorum eam te unum mihi plurimorum instar habeam, uni tibi commendandum existimavi. Itaque, quod commodo tuo facere poteris, hic ostende, quod me, uti facis, ames, patrem existimes: qui, ut hactenus re amavit, sic deinceps etiam arctiore adfectu complectetur. Habet Ephorum, Joannem Molenium, ut doctrinâ, sic modestiâ pariter, & probitate perinsigni. Ipsa re experieris, me non temerè commendare. Vale, Amicorum princeps, cum lectissimâ uxore tuâ liberisq. Uxor mea liberique, tibi, tuæ, atque tuis plurimam salutem dicunt vero animi affectu.

*Sora, ad diem xviii. Novemb. c1o 10c xxx.*

*Tuus,*

Joannes Meurfius.

## CXXV.

**E**di ad te literas, Vir Clarissime, mense Septembri superioris anni,

M

&c

& adjunxi aliquot Historiæ Danicæ exemplaria, inter amicos tuâ operâ dividenda; quæ curata recte esse, ex literis Domini Vander-Miili, quas is xii. Novembris dedit, intellexi. Spero tibi placuisse Historiam meam: Certe hîc cum summo plausu est accepta. Nunc Ælnothum quoque edidi; & exemplar ecce tibi. Penè tanti non putabam; sed existimabam tamen, vel levissima quæque mea tibi exhibenda esse. Proxime Solonem mittam, volente Deo. Sed quid sit Denario meo Pythagorico? Si Typographus tricatur, quæso hunc ad me remitte: Ego hic curabo edendum. Semel enim nunc constitui, omnia mea in lucem dare; si non nitidè, ut solebam, & accuratè, saltem quomodo-cunque potero: potius quam ut lucubrationes meæ tenebris semper damnentur. Et id scio viros doctos multo malle, ut benigne opusculis meis hætenus judicaverunt. Perscribere ad me amici, obiisse etiam diem Swanenburgium, & non paucos reperiri, qui succedere ipsi velint. Scribe quæso, quis successerit; & si quid præterea habes, quod me scire velle putes. Bene vale, amicorum Opt. Max. & salve à me meaque cum lætissima tua uxore, liberisque; quos ex animo Deum rogo, ut divina benedictione sua cumulare deinceps velit. Mea filia tuam salutat amicissime.

*Scribebam Soræ, ad  
diem xxv. Martii  
cJo Idc xxxi.*

*Tuus sine ullo dolo,*

Johannes Meursius.

Salutant plurimum amici omnes, Rivertus, Cunæus, Vossius, Heinsius, Barlæus, Scrivèrius: tum si quos præterea nosti, quibus non ingrata est memoria mei. Exemplar Ælnothi, quod adjunxi, trade Vossio, ut is ad avunculum mittat Ultrajectum. Misisses plura; verum tanti non putabam. Fiet, cum Solonem dederò: quem existimo magis fore ad palatum cæterorum amicorum. Scribe etiam quid de libris ex Rutgerii Bibliotheca commendis, expectare posthac debeam. Iterum vale.

Magni Casauboni literarum, quas ad me dederat, exemplaria, bonâ fide descripta, ad te misi. Puto etiam accepisse. Sed quid sit editio? Fæ, si commodum est, ut sciam: nam omnino isthoc aveo. Scripsi ad te per Othonem Rosærantzium, filium viri, aut herois incomparabilis,

Oligeri: neque dubito, quin incolumis jam advenerit. Commendabam eum tibi; & fat scio, commendatum omnino habebis, sive patris ejus causâ aut meâ. Et ille quidem gratias mihi agit, uti ostendat etiam quanti te faciat. Nam prioribus ad me literis, datis ad diem xviii. Decembris anni superioris ita scribit. *Pro literis Vossio meo nomine scriptis gratias maximas ago. Spero etiam me hac occasione ætatiorem familiaritatem cum viro isto magno propediem contrahiturum.* Alteris verò, datis die vi. Martii. *Gratias iterum summas ago, cum pro aliis tuis in filium meum beneficiis, tum quod literis etiam tuis Magno isti Vossio vestro eum commendare volueris.* Si scribendum aliquid ad eum unquam existimabis, ad me mitte: ego porro rectè curabo. Tertium Vale.

### CXXVI.

*Viro Maximo Gerardo Joanni Vossio,  
Eloquentiæ Professori dignissimo.*

Vir maxime,

Quod hæreas, nec leviter statuas quicquam, in negotio certè difficili, minime miror: quod verò, à me consilium petas, mirarer merito, nisi jamdudum id mihi neutiquam novum fecisset, toties exploratus erga me amor tuus. Qui non consilium modò me consiliorum tuorum facit, sed & calculum nostrum poscere consuevit, utut iste nullius apud te ponderis esse mereatur. Et fateor profecto interdum me, liberius fortasse quam par erat, tibi sic jubenti, ubi se obtulit occasio, sententiam meam exposuisse. Nec vereor idem hic agere, nisi quod quisquam, in tam longa peregrinatione, commodi simul & incommodi, cernere valeat, id & tu quâ vales prudentiâ, optime discerneres, & (quod tecum nemo) filii tui genium, mores, indolem, virtutesque omnes, & vitia haberes perspectissima. Quantum quidem ego juvenem, miraculum præstantem novi, ea est in ipso eruditio, atque is solidioris eruditionis ardor, ut non nisi maximo cum fructu, peregrinationem istam, obire possit. Nec facile affulgebit commodior oportunitas, quam hæc ipsa, quâ citrà peculiare dispendium ullum, in comitatu virorum illustrium, quorum probitas,



bicas, & eruditio, sunt extra dubium; Gallias, Italiamque peragrarè, & Constantinopolin adire, invitatur sponte, quinimò vel beneficio adfecturus, benefactores suos, si tam amicæ petitioni obsecundaveris. At verò quousque filius tuus, in Religione fixam mentem, quousque firmum pectus gerat, adversus illecebras, quibus omnis juvenus facillimè solet, præsertim foris irretiri; & præ cæteris, ingenia, quæ cæteris præstant, sunt obnoxia: Id tu melius judicaveris, quam consultor quisquam extra ædes tuas, fuerit ille, vel prudentissimus mortalium. Ego quod non sub alio morum Magistro, quam te Patre, sit educatus hactenus, non possum non optima sperare, simul & credere: tu quousque paternæ sollicitudini aurem præbueris, & spei tuæ satisfeceris, in vitæ, & morum regimine, non potes non penitus noscere. Ego non lubens desideriis filii honestissimis, & ab ardore proculdubio generoso proficiscentibus adverser, nec dissuadere profectionem velim, imò suaserim potius, si eatenus meo iudicio fiderem, ut consilium impertiri statuissem. Id verò non statui, nec suadeo, nec dissuadeo: Atque eo quidem minus, quod intellexerim huc te potius inclinare, ut nondum eat foras filius, sed maturam magis ætatem, & quam unà cum annis offerret sortem Deus, sub oculis tuis expectet. Quod si ea tibi potius mens est, viro prudentissimo, & Patri tenerissimo, quid ego in re tanta dicam aliud, quam Deum Opt. Max. precaturum me, ut tibi & huic, cæterisque liberis tuis, in omnibus velit esse propitius, quod vovet omni adfectu

Hagæ Com.  
die 19. Feb.  
1631.

Tuus,

G. R. Doubletius.

### CXXVIII.

Clarissimo D. G. Vossie, S. D. Johannes Beverwyckius.

Sint Mæcenates, inquit ille, non deerunt Marones; At equidem si Marones forerent, credo non defuturos etiam Mæcenates. Neque vanam esse hanc fidem, vel tu V. Cl. documento esse possis, quem in celebri Academia, amplo stipendio doctorem, Attalicis conditionibus, in urbem suam pelliciunt Amstelodamenses. Videbat scilicet prudens Senatus, & verè

virtutis æstimator civitati suæ, quam in emendis, vendendisque mercimoniis, apud gentes, sub utroque sitas Phœbo, latissimam lucris affecerat, indeque rerum omnium, quæcumque universus penè orbis possidet, copia abundantem, reddiderat Atlantis ille, Pleionesque nepos; videbat inquam, deesse adhuc cum choro Musarum, Divam Palladem, quarum instructi artibus beant urbes, earumque memoriam mori vetant, Musarum Antistites. Ante Salaminiam ipsam, Neptunus obruet, quam Salaminii trophæi memoriam, inquiebat *οὐρανίου* Tullius: Verùm & hanc obruisset oblivio, nisi eam præcellentium scriptorum monumenta, æternitati consecrassent. Vixere fortes ante Agamemnona, florere urbes plurimæ, quæ omnes, ut canit Horatius,

— *Illacrymabiles*

*Urgentur, ignotæque longa*

*Nocte, carent quia vate sacro.*

Quare, an tibi hunc honorem gratuler, cujus virtutibus digna tribui præmia, cum omnibus quibus Musa cordi est, merito lætor, an verò urbi, cujus felicitati *Καλοῦντα ἰνιδνικος*, non parum dubito. Persuadet tamen singularis affectus, quo te à pueris prosequor, ut officii mei esse putarem, laudare fortunas tuas, & gratulari tibi hunc *αἰσίου* Jovis imbrem, ac debitam tantis virtutibus *Εὐδαιμονίαν*. Nec est quod miretur quisquam, te Athenas nostras, Amstelodamo mutare, cum vel ipsam Seriphon, Athenis illustriorem, reddere queat noster Themistocles. Quis sapiens abhorreret, ac non obviis ulnis, reciperet tanti thesaurum boni? quis adeo Suffenus, qui tanta munera sperneret?

*Οὐ γὰρ ἀνέβηται ἐκ τοῦν ἰερού σου ἄνευ.*

His commoditatibus diutissimè, & felicissimè fruaris, ex animo voveo, simulque gratias habeo, quod humanissimis literis, testari voluisti, acceptissimum tibi esse animum meum, ob multa merita tibi devotum. Vale, Doctor æternum colende, & Beverwickium tui observantissimum amare perge.

Dordrechtii xiv.  
Apr. clō lōc xxxi.

M 2

CXXIX.

## CXXIX.

Doctissimo Viro D. Gerardo Vossio,  
J. Crucius S. D.

Nominis tui, Vir clarissime, ac Doctrinæ, quodam quasi splendore deterritus, scribere ad te hæcenus superfedi. Sed impetravit à me has qualescunque literulas, cum mei officii ratio, tum tuæ humanitatis opinio. Quorum unum impellit, alterum invitat, ut amicitiam tuam ambiam; & benevolentia tuæ erit, si exambiam. Certe quanquam amici tibi non desint, quos plures virtus tua habet, & eruditio, qui verbis aut literis te compellant, tamen & ego venire in partem gestio, & seria tui observantia, eam à te inire gratiam, qua me, qui in affectu aliis hilum non cedo, in numerum tuorum cooptare haud dedigneris. Ita mihi semper in amore, & in pretio docti, qui insignem qua pollent, eruditionem, cum virtute eximia, sociarunt, ut non minus boni audiant & sapientes, quam literati. Equidem non possum, aut tacere quæ de te sentio, aut non sentire ea quæ de illo debeam, in quo (non blandior) omnia quæ in aliis fere singula, reperiuntur universa. Cum Poeta hoc dicam,

— potius fugientia ripas

Flumina devincas, rapidis aut ignibus obstes,

quam viri verè literati doctrinam venerari me vetes. Sed cum mihi non sit ea dicendi vis, ea copia, ut quæ de te sentio, verbis queam exprimere, longeque infra doctrinæ tuæ fastigia subsistant, quæ vel mente concipio, vel cogitatione complector, nec verba minus desint animo, quam rebus animus, prolixius ea emetiri calamo, non est consilium. Loquuntur ingenii tui monumenta, quæ nunc sæculum miratur, & sera aliquando venerabitur posteritas. Loquitur, ut alia taceam, subactum illud, & omnibus numeris absolutum opus Institutionum Oratoriarum tertium nuper editum. In quo, quis & quantus sis, non obscure prodixit; & ita sentiunt, qui melioris doctrinæ gustum ac sensum habent. Loquitur denique & indefessa tua in studiis, hac etiam ætate, *peruassio*, qua te affixum tenes libris, ut testæ suæ cochlea. Quam quoties ex relatu aliorum intelligo, stupeo subitque mirari, virum tantum, tam calide adhuc & *involuntarius* studiis suis desudare. Sed crescentem sequi-

tur cura & labor eruditionem, ut umbra corpus: nec quenquam minus de se sentire video, quam eos qui supra vulgum sapiunt: nullus quoque minus doctrina satiari, quam quibus Palladis leviter laciniam libasse, non est satis, sed in abditissima ejus adyta penetrare decretum, & ad doctrinæ *anum* eniti. Quibus omnibus accedit sollicita & perpes formandæ juventutis cura. Ita enim non assuevisti solum, sed natus es, ut libenter te impendas, sæpe etiam seriis relictis, in commoda juventutis. Etsi quæ seria magis sunt? & aut ego fallor, aut Reipublicæ accedit quicquid in istis, ab institutione conficitur, qui illi crescunt, & adsurgunt. Sed cum præceptorum fere mores, in adolescentum migrant ingenia, & ab iis mutuuntur, quod in omnem ætatem transmittunt, beatam ego illam judico juventutem, cui tua institutione, fini datum. A qua fieri non potest, quin ad magna exsurgant, & ad ampla Reipub. munera, cum laude obeunda. Jacent mehercle, etiam optima ingenia, si desint, qui excolant. Ita fecundissimi sterilescent, aut sylvescunt, sine cultura, agri. Adde illam, etiam tesqua, frugum luxuriabunt copia. Et quis dubitet in animis, culturam posse, quod in terra? sic tamen, ut quod in terris evenit, validiori aratro, ligone, marra, rastro, ad fecunditatem provocanda sit una, molliori altera, quædam ultro fecunda, levi manu colenda, dum rudioribus altera, ac non nisi per sudorem, magna promittat. Idem in ingeniis. Felix ille qui nihil negotii secum habet; at hic de se melius dici potest meruisse, qui malignitatem naturæ suæ vicit, & ad sapientiam se non perduxit, sed extraxit. Ut nulla malignitas tanta sit, quam non assidua virtutis exercitatio corrigat, & institutio: aut minus disciplina & labor in ingeniis poterit, quam in reliquis industria. Magnos sane viros, perditâ pene ac desperata adolescentiâ in patriæ salutem natos accepimus. M. Torquatum ingenii tarditas in agrum tanquam in exilium ablegaverat, hic tamen periclitantem Latino tumultu patriam, insigni triumpho restituit. L. Valerium Flaccum, quem Roma projectæ libidinis juvenem, virum omnis postea modestiæ, ac probitatis, exemplum vidit. Jam quid Q. Fabii Maximi adolescentiâ fecidius? quid vero illo sene ornatus, quid augustius Roma tulit? Q. autem Catuli juventutem deliciis & luxu diffluentem quis credidisset in patriæ aliquando Principem, exsurrecturam? Duos in uno Sylla homines fuisse



se dixeris, turpem adolescentem, & virum fortem: duos etiam in Julio Cæsare, in Vespasiano, Imperatoribus. Themistoclis vero adolescentia quid licentius? at is exinde juventutis suæ maculas, rebus strenue gestis ita eluit, ut Græcorum clarissimus extiterit, & prælio navali, Persis ad Salaminem victis, patriæ libertatis assertor fortissimus. Plurima generis hujus exempla, omnis retro ætas tulit, ut non sit desperandum instructori, si primis conatibus non respondeat eventus. Præsertim hoc sæculi contagio, & morum licentia, quam tu quoque opinor, vides & doles. Benignior Deus aspiciat,

— *Qui solus opem, qui summa medendi  
Fura tenet* —

Ille te, vir clarissime, meo voto sospitet, & Reipublicæ Literariæ diu servet incolumem. Animo interim semper, interdum & literis jungamur, quæ si obtineam, interposita & cimelia habebō. De me factum volo, & faciam ubi occasio erit. Re hoc malo ostensum, quam verbis dictum. Vale iterum, & amplius, Academiæ (ea est tua laus) ornamentum, & φίλῶν ἀντίοχος.

Delphis 6. Cal. Maii.  
MDCXXXI.

## CXXX.

Amicorum Opt. Max.

**E**Rgo Amstelodami agis? & conditione quidem adeo lauta? Ita me postremæ tuæ credere jubent. Gratulor profecto ex animo. Digna est fortunâ istâ virtus tua. De Barlæo inaudiveram jam ante de te nihil: & nil minus, fateor certè, cogitaveram. Sed an Græcas quoque Literas, uti Leidæ proferis: an Historias duntaxat? illud fac ut primis Literis scire possim: tum quis tibi in Leidensi Academiâ substitutus: insuper, quem finem illa urbium duarum controversia fortita fuerit: & quid ab utràque curiâ judicatum. Denarii mei exemplaria rectè accepi, gratiasque magnas ago pro editionis curâ. Scripseram de Literarum Casauboni editione; ac quæsieram quo in loco illa esset: sed tu planè nil rescribis. Nuper admodum, aliud agens, incidi & in istas duas: quas, si tempestivum est, curabis suo loco inseri. Quod invitas, ut excurram, vellem ut vis; sed hæc tempora non permittunt, infiden-

tibus passim vias prædonibus potius quam militibus. Quam jucundum mihi foret te videre & amplecti! sed lætitiâ hanc congressus mox tristicia, postquam discedendum foret, oppido acerbam faceret. Mihi bene est in Dania, Dei gratia; favent proceres, amant docti, nec mutare temerè velim; optem tamen, si fors ita utriusque nostrum ferat, ut corporibus jungeremur usque ad mortem individui, sicut animis juncti sumus: esset mihi id profecto omnium multo jucundissimum: sed permitto ista Deo, qui res hominum omnes ordinat; ejusque sanctæ voluntati me subicio. De Historia amici nostri, idem planè hic Doctorum est judicium. Meam verò adeo probari tibi valde gaudeo: neque dubito, quæ placere tibi potuit, eam etiam aliis placituram esse. Plura vellem, si liceret coram colloqui. O si tempus aliquando istud nobis donet Deus! quam utrique nostrum isthuc gratum foret! Vale, Vir clarissime, & amicissime, in ætatem usque Nestoris; & salve cum tuis omnibus à nobis. Refalutant Laurenburgius, & Stephanus.

Dabam Soræ ad  
diem iii. Junii,  
cIo Ioc xxxi.

Tuus fide optima,

Joannes Meursius.

## CXXXI.

**P**Udet, Vir Clarissime, omitti officii cui me tam benigne à te provocatum vel per intempestivam molestiam invigilasse oportuerat. Verum omitti ad tempus potius pudere, quam prorsus amitti pigere præstat; quia tamen video me diutini silentii rationem debere, eam paucis cape. Post illas quibus humanissimo tuo ad amicitia munia colenda atque continuanda invitamento respondi gratiasque egi, literas: cum plerique hic omnes Panico quodam terrore lymphati, convasatis querelis, quasi publico grassante incendio, aut minitante tectis ruinam terræ motu, mortalium illam scopam pestem (recentis ante quinquennium plagæ etiamdum memores) quæ anno qui jam proximè præterit, Londini metuebatur fugientes inconsulti ruerent urbem egressi; & ipse cum Nobilibus fidei meæ commissis, in Cantium intra vicesimum ab urbe lapidem secessi. Exinde quæsitam à me reverso nec inventam diu mittendi opportunitatem jam tandem nactus, salva tibi omnia sana fausta que cum sperem, tum per

per literas hanc animi significes, propria illa perque omne ævum perennia precor atque animum voveo. Impendio magis mihi lætitiæ ripas exuperaturo animo, si virtutē tuā, quā mereris optimē si volente Deo qui te usque provehat maxime, omnia tibi secunda & prospera esse intellexero. Quæ vota tua, nec minus Reipub. Literariæ nomine concepta (tacitas privati Cultus atque Honoris flammæ jam olim in intimis pectoris mei penetralibus accensas taceo) jubeat firma, fixa, ratæque esse summus ille bonorum Fautor Deus. Vale, vir præstantissime, & me, quod facis aut fallis, amantem redama, nunquam fecus merebitur

Tuus,

Tho. Farnabius.

Multum me debere video auctori Satyræ cui nomen *Dii vestram fidem*, cupioque tam honorificæ mentioni gratus esse, siquidem nossem cui deberem. Quod si tibi, Vir Clar. is nomine innotescat, hanc, quæso, apud te ineam gratiam. Quin & alteram; si quid habes ad Martialem, cujus secundam curam, & uti spero, saniores, diu cogitavi, jam apparere. Scripsi ad Cl. Heinsum, si qua possit, mihi comparet P. Scriverii epistolice quæstiones ad Janum Rutgerium; ut & Tractatum de dubiis apud Martialem locis; quorum mentionem subinde facit in Notis suis. Vale, vir clarissime.

Londino Nonis Junii,  
c. lxx xxxi.

### CXXXII.

Reverendo, Clarissimo, Doctissimoque  
Viro D. Gerardo Joanni Vossio Hi-  
storiarum Professore, S. P.

CUM postremum te, reverende, & clarissime vir, hic convenirem, inter alia beneficia, quæ mihi immerenti sponte, & benevolo animo obtulisti, memini Reverentiam tuam mihi etiam promittere emendationes quasdam, & notas, in Satyras Varronianas. Insignis tua humanitas, vir præstantissime, tam me fecit audacem, ut eas nunc à te expostulare non erubescam. Scio vix ac ne vix quidem tantum tibi à rebus gravioribus superesse otii, ut minuta hujusmodi curare, meque

voti mei compotem facere possis. Sed nihilominus rogo, ut Reverentia tua vel eas tantum emendationes, quas in numero habet, quæque accuratorem limam, curasque secundas non requirunt, mihi communicare non dedignentur. Sic amore, atque omnibus, quæcumque, à me unquam proficisci poterunt, officiis vadatum me, atque obstrictum habebis in æternum, & ad pristina in me collata beneficia, haud exiguus cumulus accesserit. Oro etiam atque obsecro, ut epistolæ illæ doctorum virorum à me descriptæ, quas Reverentia tua hinc discedens Amstelodamum secum asportavit, data occasione, ad me remittantur, quo alias iis, per otium adjungere, & Centurias aliquot colligere queam. Denique Reverentiam tuam etiam atque etiam rogo, ut eadem operâ, *avroscappon* E. pistolæ D. Ursini, in qua se filiolo auctum conqueritur, restituat. Nescio enim quo fato, hujusmodi doctorum virorum nugæ, haud aliter, quam seria me delectent. Si Reverentia tua exemplar ejus desideret, & à me describi velit, occasionem clarissimo Domino inserviendi, quanquam in re levi, & exigua, me nactum esse gaudebo, & quamprimum me id missurum recipio. Vale, vir humanissime, Domine, & amice plurimum colende. Saluta quæso à me, amicissime uxorem. Deum precor, ut te, tuamque familiam quam diutissime incolumen servet. Vale iterum, vir honorande, & me quod facis, quamvis indignum, amore tuo complecti perge.

Reverentiæ tuæ addictissimus

Lugd. Batav.  
iv. Id. Septem.  
anno 1631.

& ad omnia officia paratiss.

Jacobus Lydius B. F.

### CXXXIII.

Salutem in Christo.

L Iteras hodie tibi debeo binas: totidem enim accepi nec reddidi. Sum in hoc genere aris solvendo paulo tardior. Et certè aliquid tantum est quod possim solvere. Tanta enim mole negotiorum gravatus sum, ut aliquid sit & sæpius, quod mihi met-ipsi debeo nec solvere possum, quidni ergo & amicis aliquando? Et quod nunc in hoc scribendi officio tibi non desim, gratias ago stylo huic contractiori, qui hoc unum novit, multa paucis concludere.

Intelligo



Intelligo ex utrisque literis tuis metum injectum esse Lugdunensibus, non solum ne te amitterent, sed & ne Academiam: saltem ne Professores quosque digniores ad se allicerent Amstelodamenses. Eos autem Primores Juvenum facile sequuntur, sicut illi præmia ampliora. Et quid sine his Academia? Superest ut vel stipendia adaugeant Leidenenses, quod in bonum cedit Professoribus: Aut ut Professores Amstelodamum concedant, quod malum minatur Academiz: Quin & civitati etiam, quæ ex frequentia Studentium ditior facta, nec cupit scio lucrum dediscere. Reliqua, in tantum te spectant, cupio audire, sed quum causa finita est, & quum statio tua fixa.

Filium tuum salvum, & reducem gestio videre. Hoc bene est, sed male quod abiit me nesciente. Quid? Ut ad te, quem tanti facio, quanti spero nosti, abeat filius tuus sine me? Iterum (si quæ occasio detur) non faciet spero. Et unice probo quod tam cito remiseris. Non quasi de progressu ipsius, dum apud te dubium ullum, sed ne in Collegii statuta peccaret.

Si quæ parata habeas, nolim ut abscondas. Nostiquid sit, Lucerna sub modio. Nec erit male posita opera, si scripta illa quæ ut antiqua sunt, ita ante hoc sæculum panè antiquata, è pulvere suo extrahas, usque aliquid lucis addas. Semper tamen inculco Baronium, & eò magis quia Ecclesia (sic enim scribis) summa votorum tibi.

Fran. Junius rediit in Britanniam citius multo quam opinabar, utpote qui satis novi quo animo in Gallias profectus sit.

Attulit secum Literas ab amplissimo viro Hugone Grotio, ad me datas. Gratissimæ illæ (virum enim illum doctissimum semper agnovi) sed rescribendi otium non datur. Nota etiam mihi probitas & eruditio Junii, nec opus ut à te habeam illum commendatiorem. Scias velim, me & tui & Grotii & sui causa facturum quod possum.

Victoriæ Principis vestri gratulor. Cedat precor in gloriam Dei, & bonum Ecclesiæ. De prudentia ipsius, & virtute militum, non est apud me dubium; sed si iterum & in mari non rubro Israellem prævit nebula, date quæ sunt Cæsaris Cæsari, & quæ sunt Dei Deo.

De filio tuo iterum. Et iterum si placeat. Nam cur non & hic duplex primogeniti portio? Certè mihi curæ erit, quam diu ipse sibi. Tu eum hortare ut facis.

Et quo magis te & tua in eo conspexero, eo majori cura me eum prosecuturum spondeo. Quod reliquum, te & illum, & tuos, Deo fovendos commendo. Et quum fuerit opportunum te rogo, ut nomine meo virum illum spectatissimum Hug. Grotium, eique pro literis per Junium missis gratias agas. Hoc facto scias me

*Amicum semper tibi fore*

Novemb. 7.  
1631.

*Fidelissimum,*

Guil. London:

## CXXXIII.

*Clarissimo, & Eruditissimo Viro, Dom.  
Gerardo Johanni Vossio, Hist. &  
Lingue Græcæ Professore dignissimo.*

Vir Clarissime,

SUetonium hunc, scriptorem, ut ego quidem existimo, & tu non ignoras, longè præstantissimum, ac cura nostra, si non nitidiorem, certè non pejorem redditum, jam primum ad te mitto. Per occupationes est, quod non potuerim maturius. Animadversiones nostræ, non ita multæ, aut elaboratæ sunt; sed ejusmodi tamen, ut putem tibi homini doctissimo, & antiquitatis amantissimo, non ingratas fore. Quam malè Author hic cum optimis quibusque, à Librariis habitus sit, nemo paulò humaniorum ignorat. Hi ingeniosius alieno opere plus satis esse voluerunt, omnia immutantes, trajicientes, omittentes, pro libitu, ut visâ abundare, aut hiare quælibet. Reliqui Augustæ Historiæ scriptores minores jam sub prælo sunt. Pars eorum tertia, in qua illi sex, qui conjungi ferè solent, leguntur, carceres mordet. Eam Claudio Salmasio, viro, meo quidem judicio, consummatissimæ eruditionis, inscribere est animus, ut hac via aditum mihi ad amicitiam ejus sternerem. Præscriptio nostra ejusmodi est: *Excellentissimo Viro, Claudio Salmasio.* Quod ipsum, an pro dignitate ejus, amplius satis sit, tu non ignoras, qui eum propius nosti. Velim hac in parte, tuo consilio nos juves. Quod si feceris, facturum autem confido, beneficium hoc tuum, ut & alia in me merita, æternum, & publicè aliquando, si otium Deus, & vitam longiorem dederit, agnoscam: Specimen hoc

hoc animadversionum velim per otium evolvas, & si quid ineptum, aut alienum in iis sit, pro autoritate tua castiges. Vale, vir eruditissime, & me ama, qui te efficitur. Reverendissimus avus meus, fratres, & omnes nostri, te, tuosque omnes quam officiosissime salutant. Ad filium tuum Matthæum brevi scribam: habeo quod ejus interest non ignorare.

*Dom. vestræ dicatissimus,*

*Reprim Lugd.  
Bat. 8. Nov.  
clō Idc xxxi.*

Marcus Buxhorn-Zuerius.

### CXXXV.

*Juveni Ornatissimo, Eruditissimoque  
Dionysio Vossio.*

juvenis ornatissime, eruditissimèque,

**B**inas tuas Epistolas, alteram xxvi. Octobris, alteram x. Novembris, hoc loci accepi, nec sine letitiâ ingenti, & deprædicatione felicitatis meæ. Felix enim sum, quia Epistolis tuis dignus, ex quibus quantum me ames certus reddor. Neque ego de diligentia tua, neque tu de affectu meo, dubitabis unquam, qui tanta sumpsit incrementa, ut rumpi amplius nequeat. Ad me quod attinet, scribendo non defui, primam Hamburgo, alteram Lubecâ, duas hinc expedivi, adeo ut hæc quinta sit Epistola, quam duplicavi: quas omnes numme acceperis ignoro, sed scire maximopere avelo; facies mihi rem gratissimam, si eo de negotio perscripseris. Jam ultimæ solvunt naves, post quarum discessum, scribendi omnis deerit occasio. Itaque hanc ultimæ volui officio Epistolæ fungi. Non dubito, quin petitionem perceperis meam, & te ad iter huc suscipiendum præpares, quamobrem ejus rei mentionem ampliorem injicere supersedeo, dicam modò quod res est, tibi profuturum iter istud. Videbis Livoniam, Moscoviam, Prussiam, Sueciam, Germaniam, quarum te non poenitebit adspectus. Iter est facillimum, tempus breve, at mihi Livoniæque utile; illud quod eruditionis tuæ fieri particeps possim. Hoc quod nihil erit Liv. gloriosius, quam tam divini ingenii juvenem habuisse. Nullas admittam excusationes, nisi legitimæ fuerint, & ejus generis, adferre te nullas posse, jam tum scio. Historiam enim tuam, quam intra

breve tempus, absolutorum te scribis, versionem Priscorum similem, Typographi fidei tuto committere poteris; ita ut non opus sit, ea causa professionem differre. Sunt & alia quædam, quibus te excusare fortè posses; sed levia sunt, teque eo esse ingenio scio, ut tot flagitantium, imo ipsius Livoniæ expectationi satisfacere, quàm ea considerare malis. Omnes enim, qui hic sumus, in spem certissimam adventus tui venimus; nihilque restat aliud, quàm ut votorum compotes fiamus. Itaque claudio, & Deum veneror, ut tibi mentem ad iter proclivem, ima ex bonitate largiatur, & te sanum incolumemque huc deducat. Vale, amicorum jucundissime, & hujus tenuitatem Epistolæ, precibus meis condona. Claudio iterum, voveoque ut tu viva sis Epistola, quæ videas, quanto cum desiderio te expectaverim, quodque ad supremum diem sim futurus

*Derptæ Livonum.  
xiv. Nov. styl. vet.  
clō Idc xxxi.*

*Tuus totus,*

Jacobus Skytte.

Si huc veneris, habebis Professionem extraordinariam, in Academia hac, quam tot mensibus, quot hic manere integrum tibi fuerit, retinebis, in quacumque volueris facultate, vel honorariam, vel quacumque conditione.

### CXXXVI.

*Clarissimo Viro, D. Gerardo Joanni  
Vossio, Eloquentiæ Professori.*

Vir Clarissime,

**P**relegit mihi è Literis illustrissimi Molini, ad se scriptis, Dominus Thadæus Vicus, ferè id quod inde excerptum, vides hic tibi transmitti: ferè inquam; nec enim si conferatur cum Archetypo, in omnibus, sat scio, respondeat. Addidit, quod videam nihil, verum omisit quædam, quæ imprimis ego, dum legentem assequebar, notaveram. Uti quod verecundè admodum, & magno observantiæ testimonio, proficitur hisce ipsis literis, vir illustrissimus, non audere se jam tantoperè pro transmissio specimine tibi obstrictum, ultra esse molestum, aut importunum; ideoque poscere, ut Vicus tanquam motu proprio, nulla Molini id petentis, mentione facta, aut per se, aut per Dominum Vandermyle, aliumque prout



prout consultum judicabit, ulteriorem dicti operis perfectionem efflagitet. Quod Vicus omiserit, hic in eo quod vides apographo, certè nescio. Caterum id ego quale accepi lubens transmittō; ac ne quid fortè, in Italico Idiomate, legentem moretur, subnectam interpretationem Latinam. Quanquam verò confido supervacaneam istam operam meam fore, malo tamen in hanc partem, si peccandum est, peccare potius, ne defuisse videar quantillum, id est, laboris, aut tædii. Ergo habe.

*Tenor in Literis à D. Molino Venetiis 14. Novemb. ad Secretarium Vicum, Hagam.*

Habui à Domino Vossio compendium, in materia Archivorum, quo elegantius eruditiusve desiderari nequeat, meisque ei literis, testatum facio, quantoperè id mihi fuerit acceptum. Verum quoniam mihi scribit, non habuisse se plus temporis, quam diem unicum adimplendo isti operi, propter festinationem quæ urgebatur, rogo te procures, quo poteris me die opportunius, ut idem D. Vossius, insigni sua virtute, gratiam hanc perfectam reddat; Tractatum istum dilatando, & ampliando, præcipuè, quod attinet considerationes commodi, & incommodi, quod & in privatos, & in Principes, potest redundare, ex eo quod habeant, aut non habeant, habeantque bono, aut sequiori ordine composita Archiva: Videasque si inducas eundem D. Vossium, ad plenam operis perfectionem, quæ certè res erit pulcherrima, atque eo magis, quoniam non est, quod ego quidem sciam, ab aliis pertractata. Ex textura exigui illius specimenis, quod ad me misit, magni valoris D. Vossius, tam mihi videtur concinne ordinata, ut perfectionem, uti dixi, mereatur, &c. Subjungit postea Vicus, missum ad te iri literas à D. Molino, per D. Vandermyle. Petiit à me ut si quid cognovero, non abhorrere animum tuum ab hoc labore, id ei significem, quo latum D. Molino nuntium mittere & ipse possit. Si octiduo absolvi nequit, rogat viginti dierum horas subcivivas impendere, ne graveris, idque cum maximè erit integrum, quod & memini dum me recolo, in suis literis dicere Molinum. Ego de meo addam nihil, certus me frustra calcar additurum, sive te impellat, sive non impellat ad hoc studium, tanti viri stimulus; qualis est omnibus eruditis, & tibi præ omnibus, qui illi & præ omnibus, Molinus. Tantum rogo, ut si te operi accingas, nosse id liceat, uti satisfaciam D. Vici, & sic quoque

ipsum illustrissimi Molini desiderio. Vale, vir clarissime, cum lectissima conjuge, & erudita liberorum familia, bonisque omnibus fruire, quæ tibi precatur

*Hagæ Comitum  
xii. Decembris,  
c1o 1o c xxxi.*

*Tuus,*

G. R. Doubletius.

## CXXXVI.

*Clarissimo Viro Domino Gerardo Joanni Vossio, Professori celeberrimo.*

Vir Clarissime,

Stendit mihi in alteris illustrissimi Molini Literis, propensissimum tanti viri, erga te adfectum, & jam ante abundè tibi exploratum, is qui summoperè te colit Thadæus Vicus, & inde allatas quas vides chartas, ad te mitti postulavit, quod & ipsius, & tui causâ facio, quam lubentissimè. Molinus scire desiderat, cui nunc potissimum operi impendas mentemque manumque, & Molini vice Vicus iterum obnixè petit, festinari illud de Archivis responsum, de quo scripsi nuper. Pasquinius, quid de Veneti oratoris martyrio voluerit, difficile sit conicere, nisi ante noris Româ excessisse, mandato Senatus Veneti, Legatum qui apud Pontificem erat Pisaurum, eo quod Thadæus Barberinus, urbi Romæ à Patruo Pontifice Præfectus, & sibi, & Legatis cæterorum Principum, prætere locum tentasset, quem Legati Principibus suis, præ omnibus, uno Papa excepto, deberi de jure perpetua possessione stabilito contendebant. Cumque inde enata essent publica dissidia, & Veneti Legati veredarius armatâ manu per Thadæum immisâ, liberatus esset ex ædibus Sancti Marci, Legato inessis, in quibus ille custodiebatur, quod emptus à Thadæo crederetur, uti ipsi cederet obvius. Legatus rem omnem serenissimæ Reipublicæ nuntiavit, ac protinus mandatum accepit, domum revertendi, secutique exemplum Legati cæteri, Urbe excessere omnes, atque in Suburbanis degunt, usque dum singuli intelligant à suis, quæ sit Dominorum suorum super hac re sententia. Nunc ultra non morabor tua magis seria, quam mea sunt litera. Deum precor, ut tibi, & familiæ tuæ æternum faveat. Vale.

*Hagæ Comitum  
raptim die 22.  
Octob. 1631.*

*Tuarum virtutum Cultor  
omnibus officiis,*

G. R. Doubletius.

Memor sis rogo Grotiani quem emi mihi petieram libri. Iterum vale.

N

CXXXVII.

## CXXXVII.

*Salutem in Christo.*

**N**Udius quintus scripsi ad te, Vir clarissime. Nuncius tum & Junius tuus, & Windebankus meus. Quum literas illas ad te dedi, prorsus nihil rescivi de filio tuo, nisi quod omnia bene Cantabrigiæ. Quum ecce Literæ ab amicis meis intimis, & qui tibi filioq; optimè vovent, ad me properant. Clamant filium tuum, non otiosum tantum, sed & penè dissolutum. Deus bone, qualis mutatio, & quam inexpectata! Doleo valdè, sed tua interest, ut quam proximum rescires. Aiunt illum, amore puellæ, & famæ non satis integræ (utpote degentis in diversorio) captum esse. Si matrimonium contrahat & tale, quantus dolor! Statim in ipso Nunc literarum istarum scripsi ad illos, ut omnia facerent quæ ægrum filium tuum possint sanare, aut saltem impedire ne sic miser pereat. Societas enim quæ fruitor in Collegio Jesu, illa altera Societate perditur, & unde violam quæret nescio. Consilium dant amici, nec aliud ego, ut tu quam citissime tanquam aliud volens filium accersas, celerimum reditum promittas, sed quum in tuam, i. e. Patriam potestatem devenierit, potes alia & salubria consilia capere. Num Junius abeuns, eum non adiit? Num adiit, & nihil est suspicatus novi? Deus bone, quam malè me habet animus. A tempore quo à te redux (diu id mihi videtur) me non invisit. Quum hoc audio, jubeo literas hæc meas volare, at tu jubeas reditum filii tui, saniora spero consilia initari quum te viderit. Vale, & me ama, ut mihi molestum est hæc scribere.

Jan. 4. 1632.  
stylo nostro.

*Tibi amic.*

Guil. London.

## CXXXVIII.

*Clarissimo Viro Gerardo Vossio, Preceptori æternum observando, S. D.*

**I**N causa vestra Lugdunenses causa cecidisse V. N. focer meus ex iudiciis unus mihi reulit. At se provocare ad Ordines huic, credo & aliis, scribere civitati. Si rectè atque ordine olim virtutem vestram coluissent, & comitem tantæ eruditionis Majestatem conservassent, nunc non ne-

cessè haberent sublatam ex oculis invidere melioribus. Neque hic subsistunt, sed etiam si Dis placet, summo Heroi, & nunquam satis laudato H. Grotio, manus injicere, (ô flagitium) tentant, aliasq; civitates, seu potius istos, qui eadem viâ ad Magistratum grassati sunt, in consensum trahunt. Hi mores, hæc tempora, vix obductam cicatricem refricant acerrimi doloris, quem cepi ex obitu, heu nimis immaturo Magnanimi Blyemburgii, qui multis quidem flebilis occidit, nulli quam mihi flebilior. Jam ferè moriens me vocat, mi Beverwice, inquit, jam diu ex vultu indice animi dolentis collegi quam res meæ depositæ essent. Equidem confusus arti tuæ, & affectui, speraveram ex hoc malo me emerfurum, sed quandoquidem Deo aliter visum, ego, quo nunquam amittes amiciorem, pro tuis in me officiis, gratias habeo immortales, & filios (adstabat major natu) æternum tibi relinquo obligatos. Quid mihi, Doctor utriusq; nostrum amicissime, animi tum fuisse censes? ac quomodo ista, & istiusmodi plura audiendo temperare à lacrymis potuerim? Certè vix nunc hæc recordatio finit, præsertim hac tempestate, quæ rebus viri incomparabilis, aliquod pondus in hac saltem urbe, afferre potuisset. Qui è Magistratu heroicæ ejus virtutes colunt, ceteris ferè numero pares, gemere, virtute, prudentia, eruditione, longè superiores. Imò absque uno foret, quem nosti,

Ἡ δὲ ἀπὸ τῶν φίλων εἰς τὸν ἀναλκμαστὴν, ἔτι νόημα  
Ἰταλῶν δὲ ἐν τῇ ἐπιστολῇ

Cuncti animis & votis, fayerent rigido, veræ virtutis custodi, neque paucis probatus potius, quam multis foret.

Qui è nostris hodie, (non aderat nuper Ἰωάννης Καλῆς φιλοχρίτης) ad conventum Ordd. Præfeti videbunt, ne quid Heros ab isto detrimenti capiat. Quin & ipse mihi affirmavit, se magni facere virum magnum, & gratum sibi fore ejus adventum, si auctoritate publica, ut potuisse referebat, venire maluisset. Quis non indignetur Batavos inveniri, qui Bataviam eo cive carere velint, qui eam immortaliter illustravit gloria, æternam Patriæ, & seculi decus.

Τὴ δὲ ἵππυ καὶ τὴν ἑστὴν τὴν ἐμπειρίαν ἡμῶν.

Cum ut Zelandiam, & ultra omittam, in Gelria multos sibi faventes habeat, necnon in Frisia, inter quos affinis meus Veldnehus, qui ex collegio Ordd. gener. legatione, ad Moscoviæ Ducem functus, iterum concil-



concilio status adscriptus est. Hujus, communis foci senatoris, & meo quoq; nomine rogo (nam ibi esse ex fide dignis accepi) amicissimam ipsi salutem dicas. Plura quæ tutò literis non committuntur, utinam in sinum tuum effundere liceat! Non occiderunt omnium dierum soles. Interim vivat, rarum probitatis, & eruditionis exemplar, vivat, & æternum lætus bona tempora ducat; atque tu cum illo, V. Cl. cum Cl. Barlæo, aliisq; literarum, ac Patriæ columbinibus. Quod si amare non desinis, hunc Vossianæ Disciplina Alumnum, id quæso ne silentio testatum facere velis.

*Virtutum tuarum*

Dordrecht 12. Jan.  
c15 100 XXXII.

*cultor observant.*

**Joh. Beverwyck.**

CXXXIX.

*Viro Clarissimo, & Eruditissimo Gerard.  
Joanni Vossio. S. P.*

Nondum opinor excidit animo tuo, Vossii excellentissime, nostrum Amstelodami colloquium, cum vii. Kal. Sextil. præteriti anni, album tibi meum offerrem. Is ipse jam impensè te rogo, æquo animo feras, me his tandem literis me apud te memoriam renovare. Locum certè amplius, pudori relinquere nullum potui, qui me à scriptione, ut olim Leydæ à crebriori accessu retardaret. Satis superque, novi tuam humanitatem. Luculentam ejus erga me significationem dedisti, cum me Lugduni, adhuc hærentem, publicè disputantem, benignè audires. Nunc Germano fretus candore tuò, me immeritum, ut in amicorum numerum recipias, obnixè precor. Sanè quanta hic omnium sit expectatio de tuis laboribus, in historia Ecclesiastica, dici non potest. Majorem ego, *φίλων οἷς παρέδωκε γὰρ*, reversus excitavi. Adeo ut si liberare publicam fidem velis opere nondum integrè perfecto, *ἐπιπονομή* quodam nos beare opus sit. Ita omnium hic in te oculi coniecti sunt, ut qui solus es, quem Herois Casauboni τῷ μαγεύειν, partes adversus *ἡσυχαστῆς* Loliolitas fuscipere æquum est. Nemo enim te melius potest id præstare. Cæterum *ὁ δὲ δανεισθὼν ἔργον*, sci-to me non sine consilio Clariss. Lindenbrogii, (qui te ut plurimum salvere jubet) commentariis illustranda, τῷ Ἀγαπίῳ καὶ Βα-

Ἰλλίῳ ἀδελφεῷ καὶ βασιλεῖ, mihi proposuisse.  
 Illius ad Imperatorem Justinianum, hujus  
 ad Leonem filium. Si singularem illam tu-  
 am, quā καὶ φιλομαθείς promovere soles, be-  
 nevolentiam mihi praeſtiteris, & nonnullis  
 meam editionem, ut facile potest capacis-  
 ſimus omnis eruditionis tuus animus, or-  
 naveris, *ἐπιμαρτυροῦν* me tibi devincies: for-  
 tē in insigni illa domestica tua, aut alius  
 viri docti, Bibliotheca, quod ſcias, latet  
 manuſcriptum aliquod, aut ipſe etiam, qui  
 nihil ignoras, nihil non perlegiſti, quardam  
 monenda habes.

Certè si MS. alicujus copia mihi fieri poterit, idoneos sponsores dabo, qui me bona fide redditurum spondeant. Ignosce, Vir literatiss. Totum illud imputabis tuæ humanitati, quæ me adeo impudentem facit. Ego quidem summæ tenuitatis mihi conscius, non facile, in his studiis quid tentarem, nisi consilio amicissimi nostri Lindenbrogi id facerem, qui & Parisiensem utriusque Editionem, & excepta ex Scholiis Moschopuli in Agaperum, mecum communicavit. Descripsit ea Florentiæ, ex MS. quodam Bibliothecæ Marcianæ. Taceo gravissimas, quæ me incitant, causas, quibus obtundere animum tuum, religio est. Negare velle, & magistratus nostri, & optimorum hujus urbis virorum, de me aliquam esse spem, quem Parens jam quinto ætatis anno studiis iniciavit, ἀποπαύειν. Tentandum igitur aliquid quod & ex re mea erit, & erga literas optimas, immenae ardens studium testabitur. Μὰ τὸν Διὸς, quam ego delector studio humaniorum literarum: in quibus ætatem huc usque ferè contero. Quo nifus fundamento, animum sapientiæ præceptis compositum, & excultum, posse tandem aliquid in Ecclesia, cui me devovi, utile præstare spero. Utinam δὲ Διὸς καὶ Δαυμῶν Voffi, rivulum tuæ benevolentiae, in me derivares, quem ego tantoperè admiror, colo, veneror. Athenienses publicis execrationibus fancebant, ne quis ulli unquam viæ ignarus, indicium denegaret; tua id postulat excellens, & singularis scientia, Germanus candor præstat, ut φιλομαθῶν neminem, frustra dimittas. Sed quæso, Vir eruditissime, quo sensu dicit Agapetus, τῆμας δ', εἰ δὲ δάματ' ἀνέμιμνεν. An ut apud Terentium, neglecta jacer, ut Sophocles in Ajace accipit, pag. 106. Edit. Henr. Stephani. An quia agunt excubias, & præsidii causa, ut in Principum aulis locati sunt: τῆμας β. παύλομακ πολιτεία, & κγ. ὑπὸ τοῦ Διὸς, καὶ πατέρων βλῆμα.Θ, numquid novum hoc est vocabulum? Nihil etiam τῆμας εἶναι. Impe-

ratori ἡ πόλις τοῖς ἱερῶν ἱεροδύναμιν τριβuit. Sed quando in usu, Imper. rubri calcei? quibus etiam meretrices, & deliciores mulierculæ, utebantur. Germanicum nobis est proverbium. *Es gehort meh, zum dantz, dan ein pah? rohter schuhe.* ἡ δὲ ἄλλα alias ἱρὺβες, sunt punicei calcei; quales erant triumphalium virorum. Albanos olim Reges, puniceo pedum tegmine delictos esse, Dion. Cassius docet lib. 43.

Expone quæso de his mihi quid sentias, Vir eruditissime; nec admitte, ut frustra ad fores tuæ humanitatis, & benevolentiae accesserim. Scio te germanis, & antiquis adhuc esse moribus; neque indigere eum amicis, quem omnes docti suspiciunt. Ætatem, & ipse meam agnosco; nondum enim xx. ætatis annum sum egressus. At eleganter Thebanus noster Vates, quem jam xiii. ætatis anno, interpretabar, nec sine Doctorum voluptate legebam, φόνος ἔστι καὶ νόσος τοῦ ἀνδρός πολὺναι δαμά, καὶ ὁδὸς ἡς ἡλικίας ἐοικέντα γέρον. Eriam hoc novi, quantum à te omnis fastus absit, qui bonos non ægrè admittit. Apud te, virorum omnium Doctiss. cœpti veniam fortè impetro. Paulum seculæ distat inertiae celata virtus. Si non subtilis ingenii, diligentis tamen, καὶ φιλομαθὺς testis erit labor. Hæc in sinum gratiæ tuæ ὡς δαμνίων effundere libuit. Tui enim solius, μέγα κέλετ' ἐρῶναι. Vale eruditissime virorum nostri seculi, me totum tuum ama, & literarum, quando vacat, alloquio dignare.

Datum feliciter  
Hamburgi  
die 13c XXXII.  
XV. Kal. Februar.

Diffusissima eruditionis tuæ  
Germanarumq; virtutum  
æternus cultor,

Bernhard Damke.

Salutant te officiosè, & salvere jubent, D. Frider. Lindembrog. & parens meus, qui inter primos colit.

Vir optime, ne fortè decipiant te Tabellarii, scito nos semper pro literis hic solvere; ut non opus sit duplum illos accipere.

Si me ut spero, responsione dignatus fueris, literæ curabuntur seu reddentur Hamburgi, qui commorer apud colendiss. Parentem meum, M. Joachimum Damke, Pastorem Templi Nicolaitani.

CXL.

Salut. in Christo.

Vir Clarissime,

**A**Dmodum gratæ mihi sunt literæ tuæ, ut semper, ita nunc præcipuè. Diu enim expeti brevem, sed magis dilucidam sententiæ Godescalcianæ Expositionem, quam ullibi adhuc mihi videre contigit. Et certè lis illa de gratia & libero arbitrio eo inauspicatius mota mihi videtur, quia vix ulli, qui à primis ante S. Aug. Patribus recesserunt, tam feliciter rem aggressi sunt, ac priores illi. Nunc literæ tuæ, & chartulæ inclusæ, mihi & votis meis abunde satisfecerunt, & gratias ago. Si quæ tamen sint, quæ post uberiores disquisitionem prolixius placet scribere, mihi certe pergratissima futura sunt.

Exercitationes Grammaticæ tibi forsan (ut res tuæ sunt) necessariae editu, aliis proculdubio utiles, mihi acceptiores futuræ, nisi te à Baronio avocarent. Summopere enim cupio historiam veteris Ecclesiæ à te aut compositam, aut limatam videre: id est, à præjudiciis, & contrariarum factionum interpolationibus liberatam.

Gratulor tibi de Dionysio tuo, quod annum vix egressus vigesimum tam alta sapiat. Si Rabbi Mos. Maimonidis transferre ex Hebræo cogitat, & Author placet & Argumentum, sc. de Idololatriæ Exordiis & Progressu. De nomine cui inscribere decrevit opus tam insigne, id mihi voluptati erit, quod placet vobis. Interim carmina ejus quæ geminum implent Panegyricum, Principi Arausionensium debita, avidius perlegi, sed (ut soleo) propere nimis præ negotiis, quæ me non à studiis modo, sed & à meipso divellunt.

Et utinam hic laus Dionysii terminus esse potest Epistolæ hujus, sed Johannes id non patitur, nec literæ tuæ per Junium nostrum allatæ. De amoribus illis si antea audivisti, eò doleo magis, quod monitis tuis non dico spretis, neglectis tamen, ullam cum ea consuetudinem ulterius foveret. Si nolit uxorem, cur vult consuetudinem? Cur famam placet alere in proprium dedecus? Si extremæ dementiæ sit projicere se infra sortem suam, certe vix minoris est id agere quo magis fama frustra proscindatur sua. Negat hæc omnia audio, & spero vere. Sed vera sint illa de nuptiis, siue non, certum est & horas male collocare bonas, & æs alienum contrahere,



here, quæ duo, sola ut sint, ferenda non sunt. Hæc autem ita se habere, potes: chartula hac inclusa scire. Clausula est literarum Doctoris Belii, Collegii Jesu apud Cantabrigienses Præpositi, quas nuperrimè ad me misit. Belus Lingua vernacula scripsit, literas ejus Latinas fecit inelegantior calamus.

Junius statim à reditu & me consuluit, & Cantabrigiam petiit. Rediens inde me frustra qualivìt, ut quem negotia alibi magis detinent quam domi. Id tantum servo meo concredidit, intra triduum aut eo circiter adfuturum filium tuum. Ecce paro literas sed nimis propere scriptas, & de filio tuo nihil habent quod addant. A Junio ea spero accipies. Si bona sint, tecum gaudeo; si alia, & non pessima, potes id agere, Deo propitio, ut quum ad te venerit filius, redimatur quam queas minimo sive damno, sive periculo. Gravia certè hæc sunt, sed ad meliorem se frugem recipiet Filius, si forte (ut fertur) aberravit. Deus te diu incolumem servet tibi, tuis, & mihi

*Nominis & meriti*

Feb. 15. 1632.  
*Comp. nostro.*

*tui Cultori,*

Guil. Londin.

Hucusque filium tuum expectavi frustra. Cantabrigiâ Londinum decessit antequam ego has literas scripsi. Si alas mutuatus est quibus ad te volet bene est. Sed timeo omnia. Iterum vale.

# CXLI

*Clarissimo Viro D. G. Vossio, Hist. Professore, Jacobus Crucius S. D.*

JAM diu factum, cum ad te nihil dedi, Vir doctissime: sed nunc ecce compellor haud invitus, ad tibi scribendum, ab illo qui juvari se commendatione mea, apud te censet, & qui amari apud nos, spero & apud vos, præbuit se dignum. Adolescens est quem vides, Seminarium nostri plantæ, Scholæ discipulus, qui me juventutis suæ habuit Doctorem & Directorem ARNOLDUS VANDER-DUSSEN, gente Batavus, origine Delphensis & ex Patriciorum familia: qui indolem, animumque, ad omnem literarum ac morum elegantiam direxit, linguarum & Philosophiæ tyrocinus egregie defunctus: sed qui raras inge-

nii dotes velo modestiæ involvit. Ætas tenera adhuc (trium vix lustrorum) & liberali verecundia, qui virtutis color, se bonis omnibus commendat. Reliqua, quæ latent, elicient anni, & institutio. Mores, & judicium, virum pollicentur aptum ad altiora promoveri. Ab umbra igitur ad lucem se transfert, à pulveris situ, ad liberiores scholæ vestræ illustris auram, & à privatis subsellis ad publica. Visurus, imo collaturus cum doctis, in celebri vestro Athenæo quæ vidit, aut legit; tu visurus quoque qui humanitate & affectu in liberalia ingenia emines. Me autore se transfert, & itineris omnem fructum meis consiliis hic metietur. Tu, vir magne, benigno vultu, hunc adolescentem excipe, rege, dirige, surgentem ad magna. Jam literis amœnioribus operam daturus, tanquam solidioris doctrinæ fundamentis; ut conquisitis abunde his literarum deliciis, Astræ aliquando studia jungat pietati. Quicquid in candidatum nostrum præstitisti à parentibus haud ingratis, cum scenore referes. Ipse dignum se favore tuo, ac benevolentia (ita spondeo) præbebit; ego vero in hoc Meo beneficia accepisse fatebor, & quibuscunque potero, officiis rependam. Ex ejusmodi surculis arbores educandæ; ex uberi hac semente, messis, quæ in Rempublicam & Ecclesiam se diffundat: Tu nunc in surculum benevolentia tua rorem, parentis & mea causa. Sic vale, Vir clarissime, tuis quoque votis faventem habere Deum, si huic, quem sisto, faveris, imo habere, uti faveas.

Delphis in Museo  
nostro 12. Martii,  
M DC XXXII.

Doctissimo Barlæo Collegæ tuo, sæculi nostri Poetarum facile Principi, salutem adscribo. Sed tuæ quando tandem ad me literæ? Si teneam, quis me felicior? inferam velut gemmas Epistolari meæ telæ, quam nunc pertexo. Ponderus proculdubio & pretium eæ addituræ huic operi, prælo brevi tradendo, ut si non meo, doctorum saltem nomine, commendetur.

*Cupio, opto, exspecto,  
Porcentes ego dexteræ  
Odi, sparge rosas.*

Et ingenii tui stricturæ etiam ad nos volent, ut jucundissimam tui memoriam blandienti gaudio foveam; quod in maxima felicitatis parte numerabo; nam quantum tibi deferam lingua & stylus hærent efferre. Quod non ad gratiam dico, ita sentio

&

& candidè de viro, in omnigena rerum scientia trito, ac subactò. Iterum vale doctorum ocelle, cum lectissima tua conjuge, JUNIA, & me tui amantem ama.

## CXLI.

*Clarissimo, Præstantissimo, Eruditissimoq;  
D. Gerhardo Joanni Vossio, S.*

Clarissime & Eruditissime Vir,

**D**IU est quod te tacito affectu, & amo, & colo: ex quo videlicet, de præclarissimis tuis studiis, & scriptis, non ad pompam, sed ad usum, & emolumentum Ecclesiæ, atque Reipub. comparatis, cognovi. Amicum meum amplissimum virum Matthiam Overbequium, & discipulos meos, qui apud vos, dum hic immanes calamitates, totam Germaniam inundant, delituere; te semel atque iterum amanter, & officiosè meo nomine, salutare jussi. Et nunc ex Hermanno Conringio, ad nos reverso, tibi id haud ingratum fuisse intelligo: facere igitur aliter nequeo, quin temetipsum modo compellem, quamquam mittendi occasio præproperè, (ut hic inter hæc turbas, fieri interdum solet) oblata, vix ullum scribendi spatium concedat. Id autem tibi certò persuadeas, virtutem tuam, & meum erga affectum, quicquid hujus audaciæ est, expressisse. Et meorum quos dixi relatu, & ex tuis ipsius scriptis, haud obscurè cognovi, te magno concordia & pacis, postliminio in Ecclesiam reducendæ desiderio flagrare. Quo & quidem, uti & schismatum odio, me dies noctesque, quasi torqueri, neque volo diffiteri, neque possum. Summum autem mihi cordolium est, quod tanta sit seculi perversitas, tanta animorum in plerisq; pravitas, ut vix cuiquam de pace & concordia, verba facere tutò liceat. Ego viam me muniturum credidi; si antiquitatem Ecclesiasticam, pro mea virili excolerem, & juventuti nostræ quantà maximà possem curà commendarem, atq; ita studium ejus, apud nos propemodum collapsum, instaurarem. Quod haud paulò felicius successisset, nisi ingens, & diuturna, hæc calamitas, omnes laudabiles conatus, in herbâ quasi oppressisset. Moliri tamen non nihil volui, quamquam emoliri vix quicquam potui. Id cognosces ex tractatu de Conjugio Clericorum, quem transmittò, si cum inspicere tibi molestum non fuerit. Ego sane grandis beneficii loco habeo; si non

inspicere modo, sed etiam censere, & me; ubi opus esse videbitur, vel monere, vel docere, dignaberis. Adjunxi apparatus, ante aliquot annos, inchoatum quidem, sed nondum absolutum, cum privatis curis, tum publicis tumultibus laborem operosiorum subinde interruptentibus. Quem equidem tanti non facerem, ut à te inspiceretur, nisi quæ de concordia, quasi obiter, & aliud agendo adpersi, à te cognosci cuperem. Quâ fixi itidem expositionem Epistolæ ad Titum, haud magis aliàs præti adjeci: Proœmium quod libris Augustini, de doctrinâ Christiana, & Vincentii Lirinensis commonitorio præmissi, cujus apud me nullum reliquum est exemplum, ostendet, ut spero, & præcipuis amicis meis, & olim quoque ex auditoribus, unus Joachimus Wiche-Wordius, civis vester. Cogor hic abrumpere: Caterum si hæc ipsa non ingrata fuisse intellexero, commodiore tempore, pluribus tecum, nisi molestum est, fermocinabor. Vale, & virtuti, atq; comitati tuæ, audaciam meam imputa.

*Rapiss. in Acad.  
Juliâ, xx. Mart.  
cId Ioc xxxii.*

*Vester quantus quantus*

Georg. Calixtus.

## CXLI.

*Clarissimo Doctissimoque Viro D. Gerardo Joanni Vossio, Professore eminentissimo.*

Clarissime Vir, Amicorum meorum Alpha,

**N**isi tibi Stephanii tui memoria intercidit, agnoscis primo intuitu manum, quæ toties tibi, dum tempe vestra Leidensia incolerem, molesta fuit; imo vel etiamnum esse non desinit, licet nos immensa locorum intercapedo disjunxerit. Excitat audaciam meam, suavissima humanitatis tuæ recordatio, quæ tam luculentis erga me indicis, toto illo studiorum meorum tempore enituit. In plebeiis animis dulcedo amicorum, simul eorum facta ex oculis amolitio est, restinguitur; at mihi interjectu loci desiderium tui vehementius gliscit, ut creberrimè cogitationis alâ, ad te properem, videarque mihi consueta familiaritatis, tecum instaurare commercium. Nunc verò literarium quoddam negotium fuit, de quo tecum agerem. Vita S. Wilhelmi Abbatis Monasterii ad S. Pargletum, in Dania ab ejus quidem discipulo



pulo conscripta, sed per Laurentium Surium, in compendium redacta, extat tomo ii. de Historiis Sanctorum, a. d. vi. Aprilis. Eam ut per Amanuensem tuum describi, & per præsentem internuntium ad me transmitti cures, per genium te amicitia nostra rogo, atque obsecro. Penes me etenim est volumen Epistolarum, ejusdem Wilhelmi Abbatis, in membranâ exaratum, quod olim, Deo volente, publici juris facere constitui. Huic verò instituto non parùm inservire poterit, hoc quicquid est monumenti; imprimis verò si ad calcem libri adjungatur. Si nonnulla in Saxone nostro, post meum è Belgio discessum, quæ observationem merentur, animadvertere tibi contigit, mecum communices, etiam atque etiam abs te peto. Nam indies adorno, novam illam Saxonis editionem, quam toties coram promissi. Glossas B. Vulcanii, vel veteris alicujus scriptoris, in Martianum Capellam, ad me transmittas oro; nullus dubitans, quin intra trimestre spatium, per bonæ fidei hominem restituiam. Gratulor tibi auctos honores, cui jam liceat in majori luce positus, & Theatro illo urbium Belgicarum, divini ingenii claritatem, per omnes literati orbis angulos, etiam ad ultimum Septentrionem nostrum, longè latèque diffundere. Inter nova habeto Selandiam insulam hanc nostram a. d. xxxix. Febr. insolitis contremuisse motibus: quid portendant, novit ille qui solus omnia novit. Plura non est dubium, quin Meursius noster suppeditet. Benè feliciterque vale, optime amicorum, & me pristino affectu tuo constanter complecti dignare.

Soræ a. d. xvi. April.  
cdo Io c xxxii.

*Observantissimus tui,*

Stephanus Johannis Stephanus.

#### CXLIV. i

*Clarissimo, & Celeberrimo Viro D. Gerardo Joanni Vossio, Histor. Professori dignissimo, S. P.*

*Amsterdamum.*

Clarif. & Doctif. Vir, Collega observande,

**A**ccepi nuper, te mittente, munus à doctissimo Casaubono, cui gratias agam prima occasione. Hæc cum se offerret, pereruditum hunc juvenem Medicinæ studiosum, petii, ut tibi redderet munusculum, nuperi mei operis, quod se tibi fuisse, ut à te discat, si tanti sit, ut ab otio

tuo, aut potius à gravioribus negotiis, impetrare possis, ut in illud oculos conicias, & censeatur ubi opus erit. Quicquid sit, animum mittentis, ut soleo, boni consules. Aliud jam sub prælo Elzeviriorum, sudat lucubrationum mearum in Genesin; sed longioris operæ, quam ut post paucos menses prodire possit. Interim paro me ad migrationem, qui in eum finem, ab Illustrissimo Principe, accepi diploma, in quo significat, quid me facere, aut procurare velit, & mihi in reliquam vitam adeo liberaliter prospicit, ut ingratus sim, nisi me totum, addicam ei muneri, ad quod me vocat, & pro viribus in illud incumbam. Quoniam autem Magnus ille puer, adhuc per ætatem, & statutam imbecillior est, quam ut hoc anno possit omnino à curâ mulierum avelli; prospexit mihi de ædibus, in ipso Aulae ambitu, quæ olim fuerunt Graphiarum Junii, non procul à loco, ubi convenit supremum Consilium. Si aliquando Hagam excurras, non pertransibis nos insalutatos, Statui cum bono Deo, ad viii. Maii publicè coram Curatoribus Academiae valedicere. D. Salmasius, acceptis ab utraque parte literis salvi conductus, in procinetu est, expectaturq. ante Kalen. Maias. Conductæ sunt in usum ejus ædes capacissimæ, quæ fuerunt olim Equitum Melitensium, ubi hortum habebit spatiosum. Plura pro tempore non addam, qui jamjam Hagam me confero, ut crastina die, volente Deo SS. Cœnam administrem adhuc hac vice. Saluta quæso, meo, & uxoris meæ nomine, tuam & tuos omnes.

Lugduni Batavorum x.  
Aprilis.  
cdo Io c xxxii.

*Tibi ad omnia officia paratiss,*

Andreas Rivetus.

#### CXLV.

Vir Clarissime, Amicorum maxime,

**S**uperiore anno nihil abs te literarum accepi, præter illas quæ datæ erant iv. Id. Maii: ego tamen semel iterumque scripsi post id tempus, si non tertium, & effigiem meam nisi æri incisam: neque dubito quin acceperis. Si scires quàm mihi charæ sint tuæ literæ, & quam animum exhilarent, sæpe scriberes: ac vel unum hoc te valere. Quod ut tibi diuturnum esse opto, atque tuis item omnibus, ita etiam sæpe intelligere cupiam. Jam occasio tibi est

est mittendi literas, quoties velis, & ego ipse viam tibi indicavi: quæso utere. Mitto nunc Solonem meum, qui si tibi gratum se præstare poterit, mihi quoque eo nomine multò gratior est futurus. Quod adjunctum exemplar vides, rogo ut Barlæo tradas, & salutem à me addas. Mitto etiam tres ingenii mei fœtus; quos te rogo ut excudi illic cures, seu Typographi, sive meis etiam sumptibus, qualicunque demum modo. Cuperem quamprimum fieri, & eâ formâ atque typis quibus mea omnia olim Elzevirii excudere. Si excudi meo sumtu illa debeant, velim tantum exemplaria quingenta excudi, & hoc quæso summâ curâ provideto, ne Typographus fraudem faciat, & seorsim sibi excudat exemplaria; quod cum meo detrimento non exiguo sit futurum: & obstringes in hanc rem ipsius fidem. Postquam absoluta erunt, mittes mihi exemplaria triginta; è quibus tamen unum tibi reservabis, duo in Italiam mittes ad Molinum & Bonifacium: duo quoque Leidam mittes, ad Cunæum Heinsumque. Peto etiam abs te in majorem modum, ne graveris meâ causâ operam dare, uti prodeant hæc Opuscula emendatè, quantum ejus fieri poterit. Quo in loco sit illustris Schola vestra, aut quo nomine appellari magistratui vestro placeat, scire aveo; tum quid tu privatim agas, ac quid etiam luci destines ex tot monumentis tuis: insuper de re domestica universâ. Ea quidem mihi hæcenus quantum mensum est afflicta. Unica enim filia mea per trimestre cum gravissimo certè morbo, ac periculoso valde conflictata, postquam Dei beneficio (cui gratias summas ago, ut debeo) vix evasit, mox in tertianam incidit, quâ nunc etiam vexatur; neque sola: nam & filium itidem eodem tempore eadem invasit febris; ac præterea etiam uxor, fracta curis, (noster animus maternum & sollicitum affectum) ac vigiliis, & laboribus diuturnis à defluxione humorum, aures pariter atque dentes crudelissime infestante, majorem in modum cruciatur. Ego inter hæc, quamquam corpore Dei gratia satis sano; tamen animi excrucior. Nosti animum Mariti, nosti Patris. Sed hæc homini Christiano æquo animo sunt ferenda, & speranda meliora. Ego fero, ego spero, neque spem evertet Deus, aut confundet. O passi graviora, ac superiore anno, quod perlatum ad te puto, quidam è Collegis meis, Theologus professione &, si Deo placeat, pastor, litem mihi de Religione movit, sed coactus est desistere; adversari

sibi expertus ipsum adeo Regem nostrum serenissimum & primates Regni viros; addo Episcopos, & Theologos item alios, ac cordatos viros omnes, & prudentes extra eum quoque ordinem. Passus est estimationis suæ non exiguam jacturam. Certè istud verè dicere tibi possum, summam esse moderationem animi, & mansuetudinem eximiam, in Theologis hujus Regni: ut sunt viri si non famâ nominis clari, at virtute, & doctrinâ, & humanitate summâ excellentes: quique nihil minus amant, quàm ferociam Germanicam. Et sic Dei beneficio transiit tempestas ista, in tranquillitatem maximam commutata; è quâ illud boni habeo, quod didicerim quam sim charus omnis ordinis hominibus in hoc Regno: equidem id antea sciebam satis, sed nunc magis sum expertus. Ita nempe Deum timentibus, juxta dictum hoc Apostoli, omnia in bonum cooperantur; videoque manifestè, quod me tueatur Deus, atque pietatem meam curâ habeat. Huic deinceps me commendo: & te item, Vir Clarissime, cum uxore liberisque. Uxor mea, liberique, impræsens ægri, tuam & tuos plurima salute impertiunt.

Raptim Soræ ad  
Diem xxiv. Aprilis  
clæ Idæ xxxiæ.

Tuus vero animi affectu,

Joannes Meursius.

#### CXLVI.

Excellentissimo, Clarissimo Viro, Gerardo Joanni Vossio, S. P.

Quod denuò gravissimas occupationes tuas interpello, Vir literarum famâ celeberrime, facit scribendi opportunitas, per Elzevirium Leydensem Bibliopolam mihi oblata. Nec sane essem adeo tametsi nisi scirem maximam tuam humanitatem; quam etsi non obscure antea cognoverim, eam tamen mirificè auxisti. Ne quid præterita commemorem beneficia, quæ C. T. mihi præstitit, vel nuperrimè, Vir Excell. quanto me beasti bono: Inscitas meas literas, benignâ fronte excipis, ac respondere etiam non dedignaris. Et pro quo aternum tibi debeo, tantam in me derivasti, incomparabilis viri Hugonis Grotii, benevolentiam, ut nihil supra. Cujus vel solius gratiâ hæcenus in Patriâ hæsi. Ut postremum saltem factum de prædicoem, Vir seculorum memoriâ dignissime,



fime, ne nescias: proximis hisce diebus, cum Notas meas ad Agapetum, tam divino iudicio censendas, offerrem viro maximo, non tantum prorsus candidè, nonnulla admonebat, verum etiam ultrò non rogatus, carmen Græcum præfigebat, dignum tanto viro. Quod ego ne expetere quidem ausus fuisssem. Agapetum igitur, Vir Clar. jam absolvi, sumque jam totus in Basilio. Antehac quippe ratio studiorum meorum, ut facerem, non admittebat, qui diligentior eram in Hebraicis. Nunc cum discesserit Judæus, qui me in Rabbinicis docebat, subripio sæpius cæteris studiis tempus, idque impendo Basiliæ admonitionibus, qui Agapetum paucis diebus absolvi. Si ea etiam tibi, vir summæ eruditionis, spes est de meis studiis, ut lubenter ornare me velis tuo testimonio, five in ligatâ, five prosâ scripto, quod meis præfigatur notis Philologico-politicis, maximam tamen partem Politicis ad Agapetum, item Basilium, gratissimum, & perpetuâ colendum memoriâ beneficium præstiteris. Ut taceam quantum mihi calcar futurum sit, si & Grotio, & tibi, & Lindenbrogio, viris nostra ætate maximis, ac cum omni antiquitate comparandis, placere mea videam. Vellem herclè ita ferre tempus, ut Cl. T. legere has notas posse. Quam optarem: sic enim & meliores fierent, & emendatiores prodirent, quodque maximum, ego tanto magis erudirer. Novi E. T. genium, qui me non frustra dimitteret, ut hac in re plurimum potest. Hexastichon Grotianum sic se habet.

Ὅς ἐδίδου Ἀγαπῆς ἱερῶν ἀνάλφα  
Θεοπίσι, ἀρετικῶς διαμὰ διημοσύνῃς,  
Οὗτος γόν' Ἀγαπῆν ἔδωκε Ἀγαπῇ ἐξ αὐτοῦ  
Δάμνη πλὴν ἀχλὺν πῶσι ἀποκαθάρσας  
Ἐνισπῆς σφίσις τὴν παρὰ τοῦ πῶσι λήξας  
Ὅς νέος ἀρξάμενος οὐκ ἔπαυε διημοσύνῃς.

Multa viro maximo dictavit amor, qui tamen omnium primus, à te, Vir Clar. ortus est. In quo tam bono omine defino, obnixè rogans, velis, vir summe, me amare, id est, juvenum φιλαμαθίᾳ, quemque inter primos cultores, tot tuarum virtutum habes. Ignosce etiam, quod stans uno pede, hæc χαδίζων coactus sum, ob festinationem Elzevirii, nec limatiores literas scripserim. Vale, vir optime, inter eruditos nostri seculi præcipue, & salve à δαίμονι Grotio, Frederico Tilobrogâ, parente item meo.

Hamburgi è E. & C.T. studiosissimus Cultor,  
Museo meo,  
clō Ioc xxxii.  
decimo octavo  
Kal. 3.

Bernhard. Damke.

## CXLVIII.

Clarissimo Viro Gerardo Joanni Vossio,  
S. P.

Ignosces, Vir eruditissime, quod ab occupationibus istis tuis summis denuò obstrepere audeam. Satis impudenter fateor, cum te specto; at cum observantiam planè singularem, in te meam, quæ stimulos acerrimos suggerit, non possum non frontem non projicere. Et quamquam haud merear, ut benevolentia me aliqua complectare, humanitatem tamen, virtutem illam tibi propriam cum eximia eruditione, quam omnes admiramur, conjunctam, non meritum meum in consilium adhibebis. Utrumque horum cujus singulari splendore animos tibi eorum devincis omnium, qui eruditum esse, & humanum, quid sit sciunt, ita me fascinavit, ut omnem deposuerim pudorem. Sine dolo dico. Nulli hæc fini, nisi ut tuum propellam favorem: si spes ea non decollabit, virgulam divinam tanti haud fecerim. Quare cum aliquando vacabit, non dubito, quin humanitatis jure, mecum acturus, literarum colloquio me dignabere. Noli esse difficilis, Vir Clarissime, Clar. eruditissime, Erud. humanissimo. Numquid precari dignè satis possum? Quam avidè singulas in horas, tuum, vir optime, de proposito meo consilium, scire expectam, dici nequit. Adeo hæreo nescius, an vitam an mortem, futurus hic mereatur foetus. Si vero Agapeti putâ, & Basiliæ παρνεπικῶν editio, tua opera ornaretur, aut MS. copia fieret, bene de me actum putarem. Reipsâ me gratum præstarem, & maturè ad Dominum suum omnia redirent. Vide, vir omnium eruditissime, quid maxima facilitatis tuæ spes, apud me poscit. Παγκύριος, quam vocem in secundo capite Agap. habet, nondum me legisse memini. Æque ignoro, quid sibi Basil. Cap. 45. per tricubitalem terram ἐπὶ τὴν τετραγώνον γῆν velit, in Latina versione est, non amplius quam pedes quatuor & semissem. Nec simile quid occurrit, quod est, Cap. 54. φαιδρονίον μετ' ἀνέμων, φιλοσοφίας ἰσχυρῆς διατριβήν. Tu vir summe, qui lectionis inexhaustæ ἐμφυλῆς συνομιλίας es, erudi me quæso, & amore tuo æternum prosequere, sic ego, cultu, & observantia. De rubro pedum subtegmine, quod prioribus meis quærebam, rem puto esse satis claram. Et per ὁμοχρονίους διὰ δόματα, excubias

cubias intelligo. Paucis hisce, Vir Clarissime, desino ne patienti humanitate tua abuti videar. Dignum vero te tandem, literis me tuis iudicaturum confido. Vale, vir observantissime, & salve ab eo qui te ex animo admiratur & colit. Salutem tibi adscribi jubent, D. Lindembrogius amicus noster, summe colendus, & Parens meus, tuarum Cl. cultor.

Hamburgi,  
ex museo meo,  
cl. 17c xxxii.  
xvi. Kal. Terrii.  
In Cameterio  
D. E.C.P. Nicolai.

Additissimus voto facto,

Bernhardus Damke.

### CLVIII.

Excellentissimo, Clarissimo Viro D. Gerardo Joanni Vossio, *additissimus cultor, adscribit* Bern. Damke.  
S. P.

QUA re satis magnas, tibi, Vir Excellentiss. agam gratias? aut quid primum extollam? diffusissimamne eruditionem, qua summo cuique huius seculi palmam praeripis? an maximam humanitatem? Utrumque in te supra fidem certat. Rarum hoc saeculo sane munus. Ego ob omnia illa dona, malo T. E. admirari, colere, venerari, & tanquam in Numinis alicujus intuitu attonitus haerere, quam paupertini ingenii mei, cujus sum conscius, collutulare barbarie. Nulla vox est, quae dignè ea possit comprehendere. Nam quidquid dixero, minus id est. Haec tua est illa gloria, Vir Clariss. ut nullius laudibus crescas, nullius vituperatione minuaris. Me tamen non planè silere, pietas postulat. Et gratitudinis est, praestita beneficia agnoscere. Quod assatim apud alios, facere malo, quam T. E. in os laudare, ne in scavam suspicionem incurram. Deo, Vir omnium eruditissime, non semper inaurata cadit victima, & placet, dummodò sit casta. Tu, vir Clariss. non me, non aetatem meam videbis, qui me favore tuo indignum, libens lubensque fateor: cultum modò, & observantiam in te meam, ab omnis fuci, & doli mali alieno animo profectam, benigna fronte adspicies. Utinam me citius natum Melpomenè placido adeo vultu vidisset, ut tua dignus essem habitus amicitia. Nunc de tarditate annorum, meus in te, Vir Excellentiss. augetur cultus.

Quem quo etiam cunctis pacto testari velim, id omne est infra dignitatem tuam. Vel hoc si videam, quantoperè, Vir Clariss. de me meisque studiis sis meritis Leydæ, tanto jam temporis spatio, ultra duos & semina annos, Praeceptorem te habui, & colui: Bis cottidie licuit tua voce erudiri. Nec tamen etiam nunc, cum corpore abs te absim, aequè ac praesentem docere desinis. Literis quæ diffusissimæ, omnisque veræ eruditionis indices sunt, invisis, errantem corrigis, dubium me reddis certum, indotum erudis. Aeternum se tibi, Vir Optime, Musæ nostræ debent. Et referet grates, quoniam non possumus ipsi, ille Deus quondam, qui tua dona dedit. Nimirum adeo pauci sunt hoc saeculo, quod nisi Phœbus Pater prohibesset, brevi in barbariem præceptis ruet, quibus solida est eruditio. Pauciores qui fideliter docere alios satagant. Cum tamen ædovo, sint *μωδον δίεσθαι*, accedit & hoc, nunquam satis æstimande D. fautor, quod me, non magni pretii juvenem, ingeniosiss. eruditiss. disertiss. D. Hugoni Grotio, de meliori, quod aiunt, nota commendasti. Quem ego virum, jam à primis ætatis meæ annis, quibus se ingenii, aut diligentia vis aliqua exerere coepit, suspexi plurimum. Vivit ille extra urbem in villa, ut vocant, Dockinhufana prædio Civis Belgæ Guilian de Mohr. Statim eò ivi. Ne enim se animus meus diutius continere tum poterat, tanto munitus parario. Pergatum & volupe erat, viro summo, cum tuo, Vir Excellent. nomine salutarem, & ut fidem haberet, literas tuas legendas traderem. D. Grotius, ut est vir admodum humanus, in prandio me sibi adesse volebat, nec dimissionis veniam ab eo impetrabam. Et quod caput rei est, *ἡς ἑσπέρῃ τοῖς ἀλλοῖς λόγῳ*, (ut cætera taceam) quam liberalissimè me excipiebat. Hunc ego honorem, hanc, quæ obtigit, felicitatem tibi, vir maxime, debeo. Nec quidquam magis est in votis, quam ut aut parenti meo, aut mihi ulla se occasio offerat, qua gratum testemur animum: vel potius, cum satis digna referri gratia nequeat, ostendere saltem possimus, nos benefacta in me tua agnoscere. Ego sanè in tam boni nominis memoria libens acquiesco, & dum trium fila sororum patientur atra, T. Cl. in me, nihil tale merentem, affectum grato animo deprædico. Sed pecco in publica commoda, si te longis, Vir optime, moror. Nam & à continuis studiorum vigiliis, in tanta adhuc ætate non remittis: Et in te solo Amsterlodamensis



mensis Athenæi fama sita est, postquam ut inaudio, Clar. D. Barlæus, sublimis spiritus, & hoc sæculo facile Princeps Poeta agrotat. Deus eum pristinae valetudini restituere, & in honorem Belgii supersistere diu velit. Unum præter immortalium gratiarum actionem adhuc addam. Merito sanè aliquem studiorum nostrorum finem ponimus, ut & eo felicius in illis versari, & tanto maiorem ex jugi diligentia fructum percipere possimus. Et is cum pro diversa studiorum ratione varius sit, mihi sacrum Theologiæ studium quam maximè arridet. Non ignoro, Vir Excellentiss. quantum in eo laboris, & diligentiae collocandum sit. Mihi tamen cum benè multi adhuc anni, si Deus volet, restent, spero, me divina adjutum opera posse, continuis studiis exercitum, aliquid dignum Ecclesia præstare. Non enim mihi placet præpostera quorundam hominum diligentia, qui hæc studia, quæ ab humanitate nomen habent, at cum sapientiæ gravitate amicè conspirant, non modo non excolenda, sed ne attingenda quidem existimant, leviter, & tralaticè nescio quibus inutilibus disciplinis imbuti, ilicò pulpitem quærunt. Cujus commatis homines, non pauci apud nos dantur, qui dum multa passim ex-Postillis, ut vocant, decerpunt, concipulant, mutilant, egregiam laudem, & spolia ampla referre; imo longè optumè oleum se, & operam insumpsisse putant. Tales frequenti numero apud nos dantur Theologi. At ego cum studii hujus difficultatem video, quanta linguarum scientia, (quas me domi jam Rabbinica, & Thalmudica Judæus quidam conversus, natione Polonus, docet) quam diligens Patrum Lectio, & accurata Historiæ Ecclesiasticæ cognitio requiratur, non possum quin risu excipiam *ἀνδραγαθὸς* illos sapientes. Immobilem sæpe misellum pecus, mihi movet, ut doleam, eò dignitatem studii Theologici rediisse, ut ab indignis adeo tractetur. Et si qui sunt qui speciem quandam eruditionis veræ fingere norint, alienis ii vident oculis, & sat habent, si jurent in alterius verba: In Patribus indices saltem perquirunt, parvi facientes, quid & quomodo ab ipsis dicatur. Quæstiones plurimas inutiles crepant, & si ad verbera res perveniret, faciliè ipsi victores essent: Nam vita plurimorum; multo pejor Ethnicorum. In Historia Ecclesiastica vix pueri, & infantes sunt. In qua excolenda, quotquot adhuc bonam mentem amant, ii maxima quæque, de tua, Vir Clariss. diligentia sibi

promittunt. Nec ego unquam cesso, omnibus bonis eruditionis, & eruditorum amantibus, plurima polliceri, de immensa tua diligentia, & Remp. literariam adjuvandi prompta dexteritate. Nunc ego, vir Maxime, Orator ad te venio, tu finito exorator ut sim. Idq. per Musas, per Genium tuum, per humanitatem, atq. adeo omnia quibus jam immortale apud omnem posteritatem, tibi nomen comparasti, oro: Etiam hac in parte, pro summa tua eruditione, me erudias, quæ in excolendo studio Theologico monenda habes, imprimis quo pacto, Historia Ecclesiastica, & præsertim recentior, fideliter sit addiscenda, & unde haurienda. Non ego sum adeo ferus, & inhumanus, ut mei causa moram, velim injici continuis tuis, Vir Clariss. occupationibus, aut totam adeo Remp. literariam damnum pati. Sed si quando vacat, placet, & commodum est. T. Exc. eam mihi aliquando præstabit gratiam. Sic, vir optime, mea studia plurimum promovebis: Et ego ad extremum usque vitæ halitum, ita me Musæ ament, nunquam tanti benefacti immemor ero. Hoc est, observande D. fautor, quod volui addere. Nemo enim omnium *καμπεῖν φάος ἡμεῖς ἀπορροῦν* felicius & melius Spartam illam ornare, digniusque tueri te solo potest. Hæc ad te, Vir Excell. perscribere volui, spe plus quam decumana subnissus, fore, ut non ingrata sit tibi observantiæ meæ testificatio. Et si nimis longus dum sum, peccare videor, veniam facile impetro. Non aliter certè potui, & pietas, seu gratitudo id postulavit, *μὴ γὰρ ἐννοεῖται τὸ ἀντιπροσβῆναι τοῖς ἑταίροις τὰς χεῖρας*, ait Basilus Imp. Et humanitas tua cum eruditione incomparabili conjuncta, maximè me excusabit. Vale, Vir Clariss. cum universa familia tua; sospitet te diu ter sanctus Deus, in gratiam tuorum, & salutem Reip. literariæ. Salutant te Vir Clariss. D. Grotius, & Tiliobrogæ; Item Parens meus. Vale, vir summe, me ama, & aliis commenda. Et siquid in hisce oris curandum, aut inquirendum habes, impera, non tu propius adeo eris monendo, quam ego faciendo.

Hamburgi  
Musæo meo,  
cl. Oc xxxi.  
V. Id. Jun.

T. Excell. & Cl. voto facto  
additiss. cultor,

Bernhard. Damke.

## CXLIX.

Vir Illustrissime,

**L**iteris tuæ Id. Februarii datæ nuper ad me delatæ sunt. In quibus, quod mihi gratissimum, lego pro Amstelodamensibus pronuntiatum esse, & te ibi inauguratum. Cedant tibi in bonum omnia: Spero enim te, Numine propitio valde, Sedem, non Studia, mutasse. Stipendium altera parte majus usui erit tuis, quod paucioribus horis publice doceas, erit tibi & studiis.

Casaubonus à morte Reverendissimi Wintoniensis in meam clientelam transiit. Ego Patris nomine, & suo quæ potui feci, ut liber à curis, studiis indulgeret; quibus æque ac majoribus conatibus, (si majores sint) res domi angustiores ob stare solent. Alia & majora facturus sum quum facultas adsit, & erit opportunum. Interim gaudeo tot nominibus tibi gratum accessisse Casauboni Optatum. Si qua in re autem tibi vellat, spero mitius agit, nollem enim ut quid durius, quum tantis sit occupationibus distentus, nec vellem ut aliis quam tuis passibus, & quibus feliciter possis, progrediaris.

Armachanus certè noster Vir doctus & gravis, Librum tibi dicatum, à se scriptum, ad me misit. Gratias egi ut par erat: nam valde mihi Præsul ille ob multiplicem Doctrinam charus. Sed quum primum inspexi, nonnulla occurrebant quæ mihi raptim (prout res meæ exigunt) legenti, not ita arrisere. Præcipue vero illa S. Aug. sensus restrictio, qui venerabilem illum Patrem nec Antiquioribus in Ecclesia, nec sibi ipsi, satis constare permittit. Gratias vero tibi ago summas, quod (etsi paucis id à te factum) significare placuit in quibus necesse tibi sit à Viro tanto dissentire. Dignare obsecro, si per otium liceat, pleniori calamo, breviter tamen, ea & si quæ alia sunt describere, & ad me transmittere, in privatum tantum usum vertenda.

De amplissimo illo Viro Hu. Grotio pauca habeo. Salutes quæso virum doctissimum meis nominibus. Fac etiam ut sciat gratum mihi admodum fuisse, quod calculo ejus dignissimo, indignissimis approbatus sim, quod ex ipsius ad Casaubonum literis intellexi. Cæterum redditum ejus in patriam, fateor mihi semper fuisse inter res vix credibiles, cujuscunque demum suavis fuerit. Nec deest mihi ra-

tio, etsi non hic & nunc inferenda. Si iterum sponte Patria excedat, felix est quod eum tot Reges Principesque desiderant. Hoc uno infelicior, quod non tam, aut facile, aut tuto, eligere potest, aut eligi. Quod præ aliis non invides eum Britannia, placet id quidem, & quam utilis esse potest, non magis sciq quam agnosco. Sed ut nunc res sunt apud nos, de ea re ne cogitandum quidem.

Quod interjicis de turbis Lugdunensibus, & Capitis supplicio irrogato Homicidæ, certè non sine dolore audio hæc & similia de Academicis. Inter pessimos mores quid restat, si occidere, vel occidi, sit Academicè vivere? Felix tamen Lugdunum vestrum, quod inter tam crebras cædes, tot habet tamen Nobiles, quotidie illuc advolantes, studii & eruditionis causa, auditque Asylum Juventutis. Sed non sic olim crevere Literæ. Quod reliquum est, (nam alia me avocant) cura valetudinem, ut diu usui esse possis Ecclesiæ Christi. Ævum schismaticum dicis; nec audeo abnuere: Interim necesse est ferre, quod nec vitare potest nec corrigere. Et certè morbus adeò complicatus est, ut nescio quem potest Medicum expectare præter Deum. Authorem Salutis nostræ dum precibus sollicitas sis mei memor. Vale.

Tui Studiofissimus,

Julii 3. 1632.

Guil. Londini.

Fere inter scribendum accepi Orationem à te publicè habitam, certè doctissimam, de Utilitate Historiæ. Gratias ago maximas.

## CL.

**I**tane te, Vir Clarissime, negligere amicum, & tam bonam occasionem, quæ vix semel toto anno sese offert! Non speraram; nec profecto tu debebas. Nimis calidè ut te amo, ita Literas tuas cupio & expecto. Ægre etiam fert Uxor, nil responsi ab Uxore item tuæ se ad suas accepisse. Atqui non est quod obtendas festinationem ejus, per quem respondendum erat, qui se dies decem & septem Amstelodami substituisse, & Uxorem quoque tuam (nam te convenire haud licuit) de responso semel item, iterumque, compellasse affirmavit. Misi tibi ternas lucubratiunculas typis illic evulgandas, sive meo



meo five alieno sumptu. Admodum desiderabam scire, quid hic effecisses; nunc incertus animi pendeo. Certè cum incertitudo mittendarum literarum tanta nobis sit objecta, unam certam occasionem prætermittere nullo modo debebamus. Ego quidem minime officio defum, sed te jure hic accuso. Vide, mi amice, quid agas & quam graviter amicitiam nostram lædas, cujus munia non exeres tam fideliter ac debebas. Joannes Janfonius Bibliopola illic vester, operam mihi suam obtulit, si quid meum apud vos excusum velim. Mitto itaque *Regnum Atticum*, quod tu illi in manum trades, cum editionem volet inchoare. Interim tibi reservabis; & urgebis etiam hominem, si fortasse Lentulum aget. Vale & salve cum tuâ tuisque à me, mea, item meis.

*Raptim Soræ ad  
diem viii. Aug.  
c1o 10c xxxii.*

*Tuus sine fūco,*

Joannes Meurfius.

### CL.

**S**cripsi ad te, Vir Clarissime, ante paucos aliquot dies; & ut puto, recte Literas accepisti; nam per certum hominem misi. Responsum tuum avidè expecto, nec conceptam in te iram, ob priorem negligentiam anteponam; ac, ne Literæ deinceps errent, sicut hætenus, ecce tibi virum certum ad quem jubeas deferri, Arnoldum van Gendt Notarium Publicum in novo biscocci foro, propè Camelum, commorantem; ille Hafniam curabit, ad filium illic, Mercatorem notum mihi, & amicum; isque ad me sine morâ recte mittet, uti inter nos convenit. Nuper aderam illustri Cancellario Regio, & injectus de te sermo: æstimat te & scripta tua, neq; ego, ut confidere facile potes, sicut dignum amicitia nostrâ erat aliquid detractum iri. Idem accidit apud Casparum Brochmannum, Theologiæ Doctorem, & Professore in Academia Hafniensi. Cupiebat ille scire, quisnam Academiæ vestræ seu Gymnasium appellandum est, status foret: an futurum existimetur; uti illic aliquando facultates universæ sint docendæ, an verò mansuri sitis intra terminos facultatis Philosophiæ. Insuper & hoc quærebat, anve Eloquentiam, præter Historiam, etiam profitereris: quod si faceres haud paucos ex alumnis nostri Regis ad te commeaturos esse. Responde, quæ-

so, ad hæc quamprimum, atq; salve cum Uxore Liberisque à me, meâ atque meis:

*Raptim Soræ ad  
diem xiiii. Aug.  
c1o 10c xxxii.*

*Tuus, ut nō sī,*

Joannes Meurfius.

### CLII.

*Clarissimo V. Gerardo Joanni Vossio,  
Erycius Puteanus S. D.*

**Q**Uam familiaris sum, Clarissime Vir, tam liberè hoc ad te scriptum mitto, de principio *vox duplex*, in Orbe terrarum constituendo. Res ista ut nova, ita magna est: & lineâ tamen constitui potest. Nusquam incipere hebdomadem, quis unquam consideravit? Incipere in Circulo, quem Urbanianum appellavi, & per ipsam duxi Romam, novum pariter & magnum est. Ne homines invenirem, mare petii; mare quod ab urbe Roma, quam remotissimum esset, & sic tamen proximè accederem. Nimirum summi Antistitis autoritate opus erat, ut terminum Orientis, Occidentisque homines admitterent, & hinc septem dies numerarent. Si me amas, aut aliquid industriæ meæ tribuis, judicium tuum ad me perscribe, tam liberè quoque, quam te familiarem humanitas tua, præcipuum eruditionis ornamentum, facit.

*Lovanii, in Arce, subito, cum hic  
Tabellarius discederet. ix. Kalen.  
Septemb. c1o 10c xxxii.*

Doctissimo filio tuo nuper respondi; si redditz sunt ex literæ, benè est, & gaudeo.

### CLIII.

*S. P.*

**O**Ratio tua inauguralis, Vir Clar. quam cum literis ante aliquot menses ad me miseras, mihi salivam movit, gratulatusque denuo sum & tibi & gymnasio novello, gnarus utique nihil à tuo ingenio proficisci posse, nisi *munus* & cedro dignum. De quo munusculo tibi ingentes ago gratias, dum occasio emergat, rebus meis in tuto collocatis, te remunerandi. Jampridem autem vicem literis tuis reddidillem,

dissem, nisi lentum & anceps negotium, de quo ubertim ad te scripseram, impetum meum sufflaminasset, fidusque homo defuisset, cui Plautum tuum, cujus usura diutina tam propenso studiis meis commodandi affectu mihi concessa me tibi impense obstrinxisti. Donec nunc nuper cum familia mea ad Socerum meum Gerardum Vander Luan intervifendum huc evolavi, ubi commodum mihi obtigit oportunitas per amicum meum D. Plockium, qui in se recepit, se curaturum, ut tibi in coram bona fide testatur. Nihil autem mihi magis in votis erat, quam ut ipse te venerari gratesque agere potuissem. Sed aer inclementior compedes mihi injicit. Utinam ab occupationibus tuis tantillum temporis impetrare posses, ut uno verbo indicium faceres, te illo positum, deque Lycei vestri facie aliquid attexeres, ut liqueret ecquid speculæ relictum esset. Editionem Duficam jam illi jungere promptum non fuit, sed in aliud commodius tempus pace tua rejicere visum est. Ita aeternum valeas, Vir Clar. meque amare pergas, qui te æstimo & colo.

*Dabam Lisse in prædio Soceri xvi. Kalend. Octobris æl. 10c xxxii.* Tuus omni fide & obsequio,

Eustathius Swartius  
pro tempore Re-  
ctor Scholæ Syl-  
væ-ducenfis.

Officiosam salutem tibi familiæque tuæ à focero affinibusque meis subscribo.

## CLIV.

Clarissimo V. Ger. Jo. Vossio,  
Erycius Puteanus, S. D.

**B**enignè & eleganter, de Circulo meo judicas, Candidissime Virorum, & me obnoxium tibi, tam amicâ Epistola reddis. Equidem tuo subvectus Elogio, triumphare videor: & quia tuum impetravi, nullius jam judicium metuo. Videbis igitur propediem, dissertationem meam: videbis rem nudè nuper propositam, Theoresibus suis explicatam. Unum rogo, ut elogii tui verbis, munire mihi inventionis novitatem liceat, & clarissimum nomen tuum usurpare. Verbis inquam, in Epistola tua expressis. O aurum, O gemmæ! sed ad affectum tuum venio, quem satis æstimare non possum. Cupis

enim, & me, & mea in tuto esse, atque etiam meos. Quid igitur dicam? Hoc effice, quæso, ne aut Proceribus, aut Principi ignotus sim. Ea enim studia tracto, quæ cum nemini gravia sint, vestra potissimum debent appellari: quæ cum ab humanitate nomen habeant, nullam hostilitatem agnoscunt. Utinam vero tota belli factio, securâ tandem quiete componatur! Tractari cœptum est, Deus, pacis author adsit, & saluberrima agentibus consilia inspiraret! Corpus nomen antiquâ adhuc memoriâ colo. Patrem igitur, & filium à me salutes velim. Sed Grammaticarum Institutionum opus, quantum potes, promove: ut quantum Latina habet Lingua, & Elegancia, industriæ tuæ, & eruditioni debeamus. Mihi nunc à Vossio meo discere, suave erit. Optimum doctissimumque filium tuum Dionysium, & ad famam assurgentem, animo complector: quem hortari quoque audeo, ut cœptam translationem strenuè prosequatur; imò ut in Cæsare illustrando pergat. Cæsar est: & hoc ad laudem satis. Executiam vero Bibliothecas hic nostras, & manuscripta Exemplaria quæram. In Martiniana, satis celebri, nullum est. Si quod, imò si quæ invenero, ad te mitam. Vale, & me amare perge.

*Levanii in Arce, Postridie Kal. Octobr. æl. 10c xxxii.*

## CLV.

**L**iteras tuas, Vir Clarissime, vii. Kal. Octob. datas, heri accepi. Primæ illæ à multo tempore, cum jam quintas has tibi mittam intra hoc semestrem tantum. Impatienter, qui meus in te est adfectus, Literas abs te expectavi; & ægerrime mihi fuit, neglectam abs te occasionem per Slaglofiensem illum Mercatorem vicinum à duabus leucis, & amicis rescribendi: quæ non nisi semel se toto anno nobis exhibet ideoque jure occupanda erat: præsertim autem cum mittendum aliquid supellestilis esset. Sed hæc si jam est coempta mitti vere proximo poterit, si Deus volet per eundem, tunc de more rediturum. Proximis meis ne tamdiu Literis tuis, ob latorum incertitudinem, carere cogar, indicavi cui tradere illic debeas, nempe Arnoldo Van Gendt, Notario Publico, qui hic Hafniz filium Mercatorem habet, cum quo egi.

Ita



Ita recte posthac curabitur quicquid scribere cupiemus. Ad priores Literas meas addideram Syntagmata *Piræum, Reliqua Attica & Familias item Atticas*: ut si nemo suo vellet, meo sumptu ederentur. Maxime avebam scire quidnam illic factum, aut futurum esset: sed tu ne gry quidem indicas. Ignoras desiderium meum, vir amicissime, qui hæc præteris silentio: sed nimirum festinatio nimia in causa fuit, cur id oblivisceris; nam non dubito quin acceperis; quando Literas, quibus huc adjuncta erant, accepisti. Magis alterum me angit; quod nil item nunc significes, an acceperis eas Literas, quas Augusto Mense dedi; & addideram *Regnum Atticum*, five de *Atheniensium Regibus*, eorumque rebus gestis Libros tres. Certe nolim periisse & nec spero; nam Mercator ille per nautam fidei perspectæ misit: & te accepisse confido: sed hujus quoque mentionem tuam illam festinationem nimiam exclusisse. Quæso proxime fac sciam, & respondendi viâ indicatâ utere. Petieram abs te, ut Joanni Jonsonio traderes, qui ad excudenda mea operam mihi suam obtulit. Hic si cesser, aut sententiam forte mutet, nam responsum necdum accepi, libenter Gulielmo utar, quem commendas maximopere; verumtamen eâ Lege ut non tantum Danicam Historiam meam, sed & reliquas item lucubrationculas, quas subinde sum missurus, suis typis publicare animum inducat. Id si velit, stat sententia. Quod Historiam autem attinet; versor nunc in continuatione Saxonis, usque ad Domum Oldenburgicam, à quâ inceperam, pertexenda, & non multum (Dei Gratia) à fine abssum. Illustris Dominus Cancellarius Regius, etiamsi editâ Pontani Historiâ, operam repetere me istam voluit: quâ finitâ, quæ in domo Oldenburgica inchoavi, etiam deinceps persequar. Quæ pridem edidi de primis tribus Regibus, ea recudi à quoquam nolim, nisi ex meo exemplari, quod hic habeo à me correcto: idque ubi opus erit ad te mittam. Quæ tu nobis à te opera tam præclara polliceris, etiam atque etiam videre opto. Filii tui Dionysii instituto ex animo faveo, & hoc ipso Patris tui filium se esse ostendit, quod per ejus vestigia ad immortale nominis decus viam insistit. Utinam juvare possem; sed nil habeo quod submittam. Ante hos triginta & tres annos cum Curas Plautinas, & una cum illis Animadversiones Miscellas darem, meministi me locum quendam, ipsi Lipsio

desperatam restituere, inspiciat, si operæ erit & examinet; ac, si dignum existimabit mei nominis eâ in re meminisse, gratum erit. Locus exstat Animadvers. Miscell. Lib. 1. Cap. xiv. Quæ Uxor pro emenda supellectile meo nomine expenderit, proximis tuis indicate, ut per Mercatorem tibi mox refundam. In Patriæ meæ tot victoriis serio gaudeo, atque Deum supplex quæso venerorque ut constantem ei esse hanc felicitatem velit. Eundem rogo, ut te tuosque omnes diutissime porro servet: estque id omnium nostrum votum. Resalutant te Landenbergius & Stephanus, qui expectat avidissime quæ promittes per Mullenium,

Sora ad Diem  
iii. Novembris  
Cl. loc xxxii.

Tuus constantissime,

Joannes Meursius.

Defectum in Solone meo proximè mittam, nam petendum Hafniæ exemplar erit.

## CLVII

Optimo & Clarissimo V. Ger. Jo. Vossio,  
Erycius Puteanus, S. D.

NOS pergamus inter nos amare, O delictum meum, & plures erunt, qui suo affectu, utrumque complectentur. Doctissimo illi Amplissimoque Simoni Beaumontio, placere imprimis cupio. Adibo virum, & Literis meis, & ut minusculum simul adferam, Circulo. Tu facies, ut illæ gratæ sint: hic etiam quia aliquid à novitate pretii sumit, æstimate. Conor certe hoc nunc argumentum plenius illustrare; hanc maximè ob causam, ut Encomium, quod benignissime perscripisti, aliquo modo mereri videar. Circa Manuscriptos nihil adhuc effeci. Qui prompti esse poterant, & bonæ erant notæ, ab Amplissimo V. Joanne Woverio collecti, & in Hispaniam ad Comitem Olivaresium, nuperrimè missi sunt. Mireris hos nunc etiam Thesauros, à tam Potentibus instrui; negligi viros, qui quomodo iis sit utendum Thesanis foli intelligunt. Italiâ animosior, quæ Belgas quærit, ut Cathedræ loquantur. Ecce te occupare audeo, ut expertissimum, Fortunatum Plempium, Medicinæ Doctorem, Civem urbis vestræ, nomine meo, imo Cardinalis Bentivoli, Antistitis

Antistitis incomparabilis interpelles. Si conditio placet, primo loco docere Medicinam Bononiæ poterit; conditionem autem ex adjunctis his Bentivoli, ad amicum meum Chrylogonum Flaccium Literis intelliget. Tuâ utor Operâ, quia Plempium non novi, facies autem, ut per hunc Tabellarium, mentem Plempii intelligam. Hoc rogo, & ut amare me pergas. Vale optime, Clarissimeque Vir, & suavissimam Conjugem, Liberosque à me, mea, meis, saluta.

*Lovanii, in Arce, quam utinam aliquando videas! Postr. Eid. Novemb. clc lxx.*

## CLVIII.

*Clarissimo, Doctissimoque Viro Domino Gerardo Joanni Vossio.*

Clarissime, Doctissimeque Vir.

**L**icet summâ in expectatione, hætenus mihi fuerint Literæ tuæ, quibus nihil antiquius, nihilque jucundius duco; gratissima tamen contigit peramica salutatio, quâ me nuper in Epistolâ, ad commune amicū nostrum Meursium scriptâ dignatus es. Unde advertere potui, te nondum omnem Stephanii tui memoriam abjecisse, sed vivere adhuc in pectore tuo, igniculum quemdam propensi erga me affectus, qui tunc temporis, quum Athenæ Belgicæ studiorum causâ, me detinerent, luculentis subinde indiciis, eritescere cepit. Meum certe animum æterno amoris mancipio devinctum tibi habebis, dum animâ spirabo meâ. Vitam Wilhelmi Abbatis quod attinet, velim eam, quam primū fuerit occasio, describendam cures. Multum enim inservire mihi poterit, in contexendis Prolegomenis quæ novæ Saxonis mei editioni, præfigere animus est. Et siquid penes te fiet præterea, quo institutum meum juvare liceat, impensè peto, ne eo me fraudari patiaris. Nam per quos profecerim, olim ingenuè confitebor. Dionysio tuo meliorem, ut comperi, vitam debebunt propediem Commentarii Cæsaris. Deus conatus ipsius secundet! Primam commentariorum Linguae Latine partem, quâ etiam Remp. Literariam, beare constituisti, mecum ut datâ occasione communices, peramanter rogo. Paria facturum me spondeo, ubi aliquam paupertini ingenii fecum, dias in luminis oras procudere,

maius mihi otium concefferit. Benè Vale, Belgii decus, & dimidium animæ meæ.

*Sora ad diem iv.  
Nov. Ver. Calend.  
clc lxx.*

*T. omni affectu,*

*& officio.*

Stephanus Johannis Stephanus.

## CLIX.

*Viro Incomparabili Gerardo Johanni Vossio, S. P. D.*

**N**ihil magis studeo, Celeberrime Vossi, quàm gratias florentissimorum hominum colligere. Inter quos cum te semper eximium habuissem, & essem admiratus; sæpè mihi admota est voluntas, coram noscendi, & vultum, & virtutes tuas, quæ te jam pridem totius Orbis oculis exposuerunt. Sed dum hæreo inter cupiditatem pudoremque; dum molliora semper tempora aucupor, & exspecto, jam sesquiannus abiit, ex quo & compellare te desideravi semper, & nunquam ausus sum. Intereram, quoties Amstelodami fui, doctissimis prælectionibus tuis, eo quidem animo, ut cum abeunte congregarer, sed reipsa expertus sum, verissimè dictum à Pallade Homérica.

*— Ορασαίτω ὁ ἀνὴρ ἐν πᾶσι ἀνθρώποις  
Ἐγγιστὶ παλίδες εἰ καὶ πῶθεν ἄλλωθεν ἔλθοι.*

Nuper admodum pulcherrimæ occasione, quasi in sinum delata, ipse defui. Cum enim Amstelodami, apud virum præclarum, & tibi, ut tum cognovi, familiarissimum Johannem Vikewort diverter; sponte ille, ut est humanitatis, & candoris summus, promisit prostridie, me adsumpto, te domi tuæ videre. Verum ipse, mihi ut dixi defui; non enim res me alicujus temporis moram tunc quidem patiebantur. Nunc tandem per literas, (quæ ita pudibundæ esse solent, ut tamen frontem licentius exuant) id tandem tentandi confidentiam sumpsi, cui toties nimis molesta mihi verecundia mea intercessit. Quia tamen ne nunc quidem misissem, nisi insigni humanitate Domini Vikewortii fretus; cum hunc hominem adolescentem quidem, & nulla admodum nota commendabilem; tamen tibi traditurum mihi promississem. Cæterum, ut vel navo aliquo, me cognosceres, orationem à me Nupercumali, quo plausu recitatam ad te mitto:



mitto. Quam tamen ut cederem, ego initio infra fiduciam meam posui, nisi fuisset virorum clarissimorum hortationibus impulsus: Quos ut fortasse consilii sui nondum pigeat, me tamen jam obsequii poenitet. Sed ea ætas est, ut & commendari, & proficere queam; à te, vir maxime, summopere contendo, ut permittas mihi, insignes virtutes tuas admirari, quas intelligere nondum possum. Inter eos autem, quos favore, & amicitia dignaris, ut me colloces, si non preces meæ, at tua singularis, & toties mihi deprædicata humanitas suavissimique mores, à te impe-  
trabunt. Felicitissime Vale.

Norvici iix. Cal.  
Novembr. anno  
c1610c xxxii.

Excellentiæ tuæ

dicatissimæ,

Vincentius Fabricius.

## CLX.

Clarissimo Viro D. Gerardo Joannidæ  
Vossio, Collegii Amstelodamensis Pro-  
fessori, primario, S. P.

**T**ardiusculè præsto, quod promisi, vir clarissime; tenuit enim opinio-  
ne me mea diutius patria, quam transivi,  
& in ea, partim cognati, partim amici.  
Nunc tandem tibi mitto libros, quos de-  
signaveras, uno excepto, qui ad manum  
non erat. Tacerem de illorum pretio,  
(nec enim id parvi pendimus, quod vir  
tantus ista excutere dignaris) nisi tu pro  
tua modestia, cui gravis esse non debeo,  
alter fieri iussisses. Hamburgi

\* Hugonem  
Grotium,

\* Tæ ubi aliquoties conve-  
ni, nunquam antehac mihi  
visum, sed vidisse juvat, & in  
perpetuum juvabit, in quo verissimum de-  
prehendi, quod vulgo dici solet, omen  
nomini convenire. Utinam tandem &  
par fortuna meritis ejus responderet! Spe-  
rare juvat, uxorem ejus, quæ me præsen-  
te, in patriam reversa est, amicorum con-  
silio, atque ope, quippiam molituram,  
virtute sua dignum, ut quæ marito pri-  
mum libertatis, eadem illi tandem, & pa-  
triæ recuperanda, sit dux atque ministra.  
Nos novum hic Deo providente Regem  
nacti Uladislavum, defuncti primogeni-  
tum, secunda quæque auguramur. Te-  
nuit aliquandiu suspensam electionem al-  
tercatio, de pace inter diffidentes, de Re-  
ligione Regum sacramento firmari solita,

à qua Pontificii nonnullos, qui de Trini-  
tate sacra, minus rectè sentiant, exclusos  
volebant: sed audio veteri consuetudini,  
pleraque relicta, quadam etiam futuri  
Regis judicio, de quo bene speramus, sub-  
missa. Vale, vir clarissime, & mihi fa-  
vere perge.

Tuæ dignitatis

Dab. Dantisci A.D.  
iii. Cal. Oct. an. ære  
vulg. c1610c xxxii.

studiofissimus,

Martinus Ruarus.

## CLXI.

Salutem in Christo.

**J**unius vester, nosterque, vos & nati-  
vum solum repetit. Causa itineris est  
Comes Arundelianus, cui jam feliciter  
servit. Comes ille non genere clarior  
quam virtutibus, Legatus Regius ad Soro-  
rem Reginam Bohemæ, ad vos proffi-  
citur: tum ut ei solatio sit graviter  
amissum maritum dolenti: tum ut eam,  
si ita Deo & Regina visum fuerit, in An-  
gliam reducat. Hinc occasionem avidè  
arripiens Junius, me gaudio perfructus adit,  
& vos, desiderio prius quam ulnis ample-  
ctitur. Quæris ergo, cur Junius sine Lite-  
ris meis? Certè non est quod nihil ha-  
beam quod scribam, scribo enim (ut vi-  
des) etsi nihil: sed non infcio Junio aliis  
manibus Literas meas credidi, ut Juvenis  
hic, præclaræ certè indolis, qualem qualem  
occasionem habeat te videndi, & meo no-  
mine salutandi. Filius autem est, & natu-  
quidem maximus honoratissimè D.D.  
Francisci Windebanck, Regiæ Majestatis  
nuper Secretarii, & à Consiliis: viri ut  
alias dignissimi, ita mihi per annos trigin-  
ta & amplius amicissimi. Juvenem hunc  
eo amore quo amicos beare soles prose-  
quere, & omnia quæ nunc petenda sunt  
perfecisti. Velim etiam ut Junio gratias  
agas, quod hic amici mei filius ei curæ sit.  
Quod nec multis, nec sapius scribo, ne-  
gotia mea in causa sunt, non animus.  
Baronium tamen etiam nunc inculco, &  
scis quid magnopere velim. Hoc etiam  
habe: me omnia fecisse, & facturum,  
quæ Grotio nostro dignissimo, aut ho-  
nori sunt, aut usui esse possunt. Reliqua  
Dei sunt. Vale, & quoties Deum ado-  
ras pro me ores: sum enim

Lond. De-  
cembr. 26.  
1632.

Tibi in Christo amicissimus,

P

Guil. Lond.  
CLXII.

## CLXII.

*Clarissimo Viro D. Gerardo Vossio,  
Franco Burgerdicius S. P. D.*

**N**escio quo Literatorum hominum facto fieri solet, clarissime vir, ut magna pars Literarum, quibus absentes amici, inter se colloquuntur, tam negligenter colant; imo penitus deserant, nisi occasio officium illud suadeat, aut necessitas extorqueat. Nec scio quo colore, me culpa eximam, (ne te in locietatem traham) nisi fortè occupationes meas ostendam, quas omnes prætendere solent, cum infimulantur omisso officii; atque ita apud te album calculum merear. Si tamen ista excusatio tibi non satisfacit, delibera, quid de me statuas: nihil autem statues, quod æquo animo non feram, si mihi jus non adimas de te quoque arbitrandi ex Rhadamantis Lege.

*Ἐπεὶ πᾶσι τοῖς καὶ ἐρεῖς, δίκην δὲ δῶνα γένοιτο.*

Sed quid necesse erat, tam sollicitè *περιεργεῖν*, apud te præsertim, mi Vossi, quem & facilem veniæ esse scio, & ejusdem mecum causa socium, ut me damnare nequeas, quin teipsum quoque condemnes? quare si me audis, negligentiam hanc uterque remittamus alteri, & deinceps ita vivamus, ut amicitia fœdus, tot annorum consuetudine firmatum, inter nos non alii scribendi necessitati alligemus, nisi quam vel occasio, vel necessitas postulare videbitur. Ac me quidem primum, ut verum fatear, occasio movit, ad hoc literarum officium, quam tribus verbis exponam. Est hic apud nos Comes Polonus, supra ætatem doctus & prudens. Is ut omnia summa diligentia investigat, quæ ad Reipublicæ spectant gubernationem; ita nuper cum sermo inter nos esset, de re monetaria, & quam illa magna momenta malorum secum trahat in Rempub. si illius ratio non sit benè constituta, quæsit ex me, num quem ego authorem scirem, qui hanc rem, ejusque in Republica benè constituenda rationem exactè tradidisset. Dixi me vidisse apud te, volumen satis grande, in quo varii tractatus continerentur, qui ad rem monetariam pertinerent, sed nomina excidisse mihi, & authorum, & illius, qui volumen istud edidisset. Ideoque rogavit me summopere, ut si molestum esset, illius libri usuram ad exiguum tempus, concedere, non dedignareris titulum saltem ad me mittere; ut ubicumque pos-

set, librum illum investigaret. Ego tam prolixè tuam humanitatem, (nec tamen supra verum) prædicavi, ut speret se librum ipsum visurum; sic tamen ut sibi satisfactum esse judicaturus sit, si titulum solummodo nanciscatur. Tu igitur vide, quo me, & illustrissimum illum Comitem, tibi velis devincire modo; & utrum eligas modum, rogo te obnixè, ut statim verbo respondeas. Non dubito, quin Vinnium non ignores, post tam multas, & tam longas deliberationes, in Professorum non ordinem, sed numerum esse adscitum: & jam agitur de vocando D. Altingio, nec dubito, quin res processura sit, si ille modo velit spem Heidelbergam redeundi deponere, seseque Academiae obstringere. Intellexi opus Grammaticum, jam cudi, quod diu promisisti: ego sanè illud avidè expecto, & avidius etiam lustrabo, cum erit editum. Fac quælo sciam quousque operæ processere, atque tulerim benè. Cum totâ familiâ Vale.

## CLXIII.

*Viro Clarissimo Vossio.*

Reverende Vir, ac mihi plurimum Honorande,

**E**N tandem Literas, ne qui per annum oblitus tui meique fuerim per avum esse videar. Gratias igitur tibi reddo maximas, vir ornatissime, pro humanissimo illo hospitio tuo (quo me cohonestasse te dicam an beasse potius) Amstelodami cum essem. Equidem quoties me in ædibus D. Vossii pernoctasse, recogitat mihi animus, superbit illico. Sed & vota fundo Deo optimo maximo ut in inceptis nuper studiis tuis, Ecclesiæque paci ac commodo destinatis, feliciter & ex tuo & tuorum animo succedant omnia. Perge, vir optime, & in Ecclesiæ bonum nate, & à Deo nutrite, donisque divinissimis instructe, illudque pro viribus agas indies, quod nomen tuum ad omnem deinceps ætatem, imo & æternitatem deferat. Certe qui apud omnes Theologiæ & Literaturæ purioris antiquiorisque studiosos magni jam nominis meritis es, majoris ita es futurus. Atque apud tui amantes maxime & honorantes, inter quos sunt viri & munere & merito ipsi honoratissimi, nihil gratius agi posse credo, quàm ut è plerisque incognita illa Ecclesiæ primitivæ tempora morèque quasi *ἐν πύγῃ* describas. At cave sis quid agas. Astat acer Adversarius,



farius, Damporus nomine, nuper Londinensis Minister, jam (si Dis placet) Amstelodamensis futurus. Is multos ante hinc annos Historiæ Pelagianæ tuæ confutationem minitatus est, eamque in margine jam castigasse palam est professus. Quod si Historiam primitivorum temporum contexeris, disciplinæque nostræ (utpote simillimæ) fautor sis, nonne vapulabis à fugitivo. Quin & Tertiam da (vir inclyte) Manichæanam scilicet, qua constet se suisque similes pari cum errore insanire; sine vicio tamen, quia fato ad omnia acti. Jocari lubet cum venerabili viro. Næ, qui illum Manem, habet pro adversario. Vin à me Historiam Dampordianam, aut Characterem potius? Brevis expediam. Maximo in pretio habitus est apud suos, & in urbe, & in orbe Britannico (Puritanos dicimus) in rebus fidei, consilii, facti, temporalibus, spiritualibus, singula verba, oracula; consilia, præcepta; facta exempla sunt; Judex consiliarius (imo &) confessarius, unicus Damporus est. Papam credas alterum, Semi-Deum, Deum. At apud sanioris cerebri homines, longè audit alius. Vir superbus magis quam doctus, novitatis avidus. In Theologia (gradum licet Baccalaureatus suffuratus sit) lippus planè & cæcus. En specimen! Is est qui in pulcherrima (Deique favore) florentissima Ecclesia Anglicana, nil videt præter nævos & noxas. Det Deus illi fociisque sanam mentem, & à reprobis servet, quæ est *ἀντιπροχριστός* (Christianus oro.) Tibi (Vir ornatissime) vitam largiatur felicem ac longævam, ut diu sospes superstesque sis ad Dei gloriam, Ecclesiæ pacem, tuique & tuorum decus & solamen. Ita apprecatur & ex animo vovet,

Ex ædibus meis prope  
Templum Sancti Michaelis Cornhill Lond.  
Januarii 2<sup>æ</sup>, 1633.

Reverentiæ vestræ

honestissime cupiens,

Guiliel. Brough.

## CLXIV.

Clarissimo, & amicissimo Viro Ger.  
Jo. Vossio, E. Putcanus S. P.

Virorum Optime, & Doctissime,

**C**Hrysogonum igitur nostrum suspensum tenebo, donec de Cathedra Lovanienfi serenissima Princeps pronuntiet. Ea tamen, quantum rescire potui,

in Medicum quemdam Bredanum, videtur inclinare, à Magnis hic plerisque commendatum. Eventum expectabimus. Interea, ut affectum meum, studia, & obsequia omnia, Clarissimo Plempio offeras, rogo: quod nomen mihi in Cornelio (nescio an superstiti) æstimatum. De quatuor principiis diei, Theoresin nunc istam ad te mitto. Si judicabis oculis amplissimi, præstantissimique Beaumontii, dignam esse, fac ut Exemplar ex his unum habeat: unum Clarissimus Plempius. Adjunge & quartum, ut per eorum ambulet manus, qui curiosi, & periti sunt. Quæstio vero orta est, utri lucrari, utri amittere diem videantur, qui cum sole, an adversus solem, iter orbis terrarum conficiunt; qui recedunt in tempore, an procedunt. Tibi quid videtur? Ego lucrum Navigationi in Occidentem adscripsi. Vale, & me ama.

Lovanii in Arce, xviii. Kal.  
Februar. 1633.

Tuos omnes salvere jubeo.

## CLXV.

Domino Gerardo Joh. Vossio  
Τῷ πάλῳ, Εὐπρεπίῳ.

**Q**UAMVIS non fugiat me, V. C. quantum peccent in publica commoda, qui tuis occupationibus interestrepunt, non potui tamen, cum D. Mylius, ad vos iret, & verbo, & literis, te non salutare. Imprimis cum hac occasione, videndam tibi offerre possem, quæstionem Epistolicam, de vitæ humanæ termino; de quo utinam etiam tuum judicium, habere potuissem; velendum cum aliis, vel inter *Κοινὰ* literaria adhuc servandum. Video divinæ sapientiæ Consultos, satis sudare, antequam recondita ista planè operiant, & abstrusam in profundo veritatem eruant. Fortalsè hic videri possit, *υδρὸς δεσπῆς, ὅτις εἰσέλκει καὶ ἔξω.* Diversæ de termino isto, & *δὲς διὰ πρῶτον* discordantes sententiæ, ac singulis suar rationes, etiam *ἐν τῷ Διδῷ Νέμῳ ὁ Ἰουδῆς* adducitur. Xenophanes apud Varronem dicebat, Hominis est opinari, Dei scire. Annon idem hic usurpare liceat? Ut tu, V. C. pro recondita, & incomparabili eruditione, judicium ferres, visum hæc Clarissimo nomini tuo inscribere: & ut simul aliquod animi, grati, &

memoris, in te publicè extaret monumen-  
tum. Utinam quale debere me sentio,  
præstare possem. Non tu me, ut Seneca  
his utar, in grege Discipulorum habuisti,  
sed dignum putasti propria, & peculiari  
cura, ingeniumque latens, & pigrum,  
injecta manu extraxisti, omniaque be-  
nigne adeo in me transfudisti, ut ingra-  
tissimus essem, nisi te inter gratissimas  
necessitudines diligerem; imo velut alte-  
rum parentem amarem, colerem, & omni  
observantia, aternum prosequerem. Vale,  
Mi Doctor, & meritis tuis obstrictum  
amare perge

Rapim 2. Vossianæ Discipl. Alumnus,  
April. 1633.

Joh. Beverwyckium.

Salveant cum matre filii, è quibus  
Dionysio gratias habeo, pro Heroico  
Heroe nostro digno, referam nuper,  
ἡρώδης ἡρώδου.

#### CLXVI.

**P**AUCIS ad te scribere cogor, Vir ami-  
cissime, quia & hic nuntius inexpectatè  
sele obtulit, & festinat: parum tamen,  
quàm omnino nihil, ad te dare malui.  
De Blavio tuo, quod conjunctim Opera  
mea edere cuncta constituerit, gratum  
fuit intelligere; & ut virum in proposito  
hoc confirmes, in majorem modum rogo.  
Optarem autem excudi ea charactere ele-  
ganti, & quo fere hætenus illa sunt excu-  
sa à Typographis prioribus. Optimè certè  
meritum de te me esse existimabo, si  
in curam hanc incumbere non gravaberis.  
Queris quonam ea modo atque ordine  
digeri & edi velim; qua de re nunc  
hoc habeto. Puto lucubrationes meas  
omnes dividi posse in Tomos IV. quorum  
unus continebit mea Attica, uti nunc  
digesta mitto; alter opera historica, ter-  
tius Miscella, quartus Auctores à me pri-  
mum in lucem editos, atque Notis illu-  
stratos, & alios in quos Notas itidem aut  
Commentarios publicavi. Singuli verò  
Tomisti, quo emptori paulo magis com-  
mendare sese queant, novo etiam opere  
aliquo pluribusve augebuntur: tum & sin-  
gula opuscula emendata & auctiora mul-  
to erunt. Initium autem fieri ab Atticis  
velim. De Regibus Arbeniensium, quæso,  
aurem homini vellito, & urgeto editio-  
nem; sed de Piræo meo, Reliquiis Atticis,

& Familiis, quid futurum est? Miror de his  
nullam omnino abs te mentionem fieri.  
Quæso proximis significa. Mitto pri-  
mum folium Solonis mei, quod scribebas  
perisse. Tua quæ edis maxime videre  
aveo. Per hunc rescribe; nam non  
semper tales se occasiones nobis offerunt:  
certe tradet quicquid dederis. Uxor  
mea cum gravissimo ac periculoso quo-  
que morbo diu est conflictata, jam un-  
decimanè septimanam, nunc paulatim (Dei  
gratiâ) convalescit; ac speramus bona  
omnia. Salutem tibi atque tuæ pluri-  
mam dicit: ita & ego liberique, tibi,  
tuæ, & tuis omnibus, filia imprimis filia.

Scribebam Rapim So- Tuis prisca Fide,  
ra ad diem x. Aprilis, c1o Ioc xxxiii.

Joan. Meursæus.

Quæ jam edidi, quia apud te exstare  
ea arbitror, ut Typographo recudenda  
subministres, abs te peto; quæ non edidi,  
mox submittam: ut & ea, quæ in singu-  
lis addidi, aut emendavi. De dedica-  
tione postea cogitabo, cum tempus erit.

#### CLXVII.

Clarissimo, Humanissimoque Viro Ger.  
Jo. Vossio, Erycius Puteanus S. D.

**E**T Suadam & Musam Doctissimi filii  
tui admirati sumus. Sed ostendit ille  
ingenii dotibus, qualem Patrem habeat,  
& quid sit etiam inter doctos excellere.  
Jam in Patre filium, in filio Patrem amo,  
& me utrique ob missum munus, novo  
nexu obstrictum scribo. Etiam pignus  
vultis? has nunc urbaniani Circuli vindic-  
cias, capite, perlegite, censete. Vestras,  
singulari ratione; quia nomen Vossii, &  
judicium habent. Nautæ vestri quid  
omnino de Principio *πρωτοκριν*, & linea  
principii statuam, scire cupio. Sed quia  
per Occidentem, aperto illo novo freto  
Lemario, in Orientis Insulas navigatur,  
& alium in Moluccis Insulis diem Batavi  
inveniunt; opportunè circulo nostro uten-  
tur: non enim illud Homeri audient.

\*Ω ξειρ' ἡμε' δι' πόντον μέγ' ὑπερέλαδον;

Quæ reliqua hujus argumenti sunt, pro-  
pediem producā. Vale, Vir Clarissime,  
& amicissime, & cum tuis salve.

Lovanii in Arce, Nonis Aprilis c1o Ioc xxxiii.

Subito cum Tabellarius abiret.

CLXVIII.



## CLXVIII

Excellentissime Vir,

**E**si me eorum de grege esse profiteor, qui facilius ferunt suam in curriculo scribendi Literarum reprehendi segnitiem, quam intempestivam crebritatem accusari: tamen hoc sub temporis articulo, vel amici cujusdam mei atque illius quidem tam veteris quam cari postulatione huc impellor, vel tuâ humanitate invitos: cujus ego dum ero, memor ero. Degit jampridem in hac Urbe Wolfgangus Bacherus, Vir tanto magis mihi honorandus, quanto dignius, dum hæc Germaniæ diluvies Bellica sinebat, aut aliquam ibi religionis *deusdēslas* ferre poterant Pontificii in superiore Palatinatu septendecim *ἐκκλησιαστικῶν* inspectorem esse concionator gessit. Filium autem habet Josephum nomine annos ipsos triginta natum, quem adolescentulum non aliis modò, sed mihi quoque nominatim in Pædagogo Ambergensi erudiendum, ut potuit, diligentissime tradidit. Cujus me Discipuli adeo non poeniret, ut sæpe mirer quomodo cum paucis aliis animum contra licentiæ bellicæ cœnum atque labem tenere rectum, & tam evidenter demonstrare potuerit mentem solidè bonam, ne pessimis quidem sollicitare exemplis solere. Expulsus igitur Patria statim invenit hospitium Francofurti ad Viadrum apud Franciscum Omichium, primum illum Electoris Brandenburgici Medicum, cujus cum filios domi cum cura & fide institueret, facillimè obtinuit ut in Academicis Principis alumnis numeraretur. Exinde & Angliam visere, Serenissimi Bohemiæ Regis commendatione, potuit, & reversus, quadriennium totum vixit cum Rumpfiò, medico celeberrimo; denique in Gallia triennium jam commoratus, partim in Briegenfium Silesiæ Principum contubernio, partim in Marchionis Forciani familia hæsit. Quibus omnibus in locis & suam abundè præstitit ingenuitatem, & Medicinæ peritiam variis curandis ægrotis mirificè auxit, & morum decus tot præstantissimorum hominum usu & convictu ita cumulavit, ut Palatinatus, si quando recludatur, vix carere eo possit. Interea quoniam nihil vehementius cupit quam ut in aliqua Italiæ Academia Medicinæ studium, cui præcipuè fuit deditus,

perpolire contingat, Patrem optimum frequentibus monet literis, omnes eo perveniendi occasiones circumspiciat. Is igitur quod reputasset, quantum vestra in urbe sit opportunitatum ejusmodi, si quis despiciat; quanta item tua sit & bene meriti & optime meritori autoritas, te & meis literis & mecum impense rogat, ut si quis forte isthic illas proficisci in terras cum aliquo studiorum moderatore cupiat, filii sui mentionem facias, eundemque adeo dignum judices, cui talem conditionem tuto conciliare possis. Mihi sic nota est Juvenis istius summa & pietas & probitas, ut cum nos tres tanto beneficio tibi sis devincturus, tamen confidam eum non minus tibi esse debiturum, qui Josephi opera uti volet. Tu, Vir amplissime, gratum parenti sollicito feceris, si significaris, quid hac in re sit sperandum. Jam ut ad me veniam, nonne tibi tandem stomacho esse incipit mea ista *ὑπερβολή*? Equidem in re familiari, dum necessarios emo libros & alia quædam, nihil nisi *παραπόλις*. Ex alia parte, invidentiæ rictum, quem ipse muneris Academici susceptione distendi, meo labore vel claudere studeo vel mitigare. Præterea nuper aggressus sum Apollonium *Ἀπολλωνίου* Poetam, idq; cum secundissimo Amplissimi Domini Heinssii judicio. Est illius interpretatio Latina Hartungi, quam Notis uberioribus & nova substituta versione emendo. Quid sim emoliturus, Deo est compertum magis quam mihi. Si manuscripti mihi codices, si antiquissimi dentur libri animus mihi crescat. Sed præterea de his & aliis alibi. Vale, Vir excellentissime.

Lugd. Bat. 22. Maii Excell. & Amplis. sue  
Anno 1633.

Observantissimus.

Jeremias Hoelzlin.

## CLXIX.

Dionysio, magni Vossii filio, S. P.

Mi Dionysi,

**Q**UÆ mihi cum Parente tuo & unâ tecum intercessit familiaritas, ea ut ex animo meo deleatur, nunquam permittam; sed suavissimæ istius consuetudinis assidue memor, vestram amicitiam, semper colam, & ambibo. Idq; meritò, quod hac ratione,

ratione, nonnisi vestro in me animo, respondurus sim: cuius & nuper indicium ostendisti, quum licet necessariis curis implicitus, committere voluisti, ut me non compellato discederes; sed iterato, nec sine munere, veterem amicum salutasti: inter varios sermones, ultrò citròque habitos, cum eorum mentio incideret, quæ sub prelo habebam; ubi parata essent, transmissurum spondebam. Ut fidem liberem, ecce vobis utrumque mitto scriptum. Vos estis, qui de huiusmodi solidè judicare possitis: nam pleraque, vel linguas spectant, vel historias orientales, vel denique Theologiam. Quid vel Pater tuus, vel ipse de istis censeas, intelligere volupe erit; modo hac in parte eam ~~supponas~~ experiar, quam antehac in Parente tuo observavi. In dissertatione ad Lectorem Benjamin præmissa parum dubito, quin vestrum assensum obtenturus sim: sed magis dubito, de discursu, Danieli præmissa, ubi nonnulla, in quibus, à virorum doctorum auctoritate discedo; non ita tamen, quin id non sine ratione à me factum credam. In Medorum regno, & septuaginta hebdomadibus Danielis, præcipua discrepantia. Verum cum in iis nonnulla incerta sint, cum minori crimine, ab aliorum opinionibus discedi posse autumo. Sed de istis vos videritis. Parentes tuos cum fratribus tuis, quam officiosissimè meis verbis salutes velim. Vale, mi Dionsi, & diu vive Reip. meque ut soles redama, qui semper

Lugd. Bat. Nov.  
Maii, An. 1633.  
exactæ salutis.

Tuus ero,

Const. L'Empereur.

#### CLXX.

*Viro magno & perillustri D. D. Gerardo Vossio apud Amstelodamenses Historiarum & humanioris Literature Professore, S.*

**H**ÆC Apologetica, Vir Magne, tibi debentur, quia ab eo profecta sunt quem tu jam potes tuo tibi jure vindicare: tum ea est ingenii tui vis, ut totam eam rem, quâ de agitur, nemo penitus introspexerit, aut de ea sententiam ferre possit æquiore: præterea est auctoritas ea nominis tui, ut vel sola afferre possit, si minus assentiendi necessitatem, saltem dissentientiendi pudorem: Peto, Vir Clarissime, sententiam de ea re tuam, imo experto

animo suspenso & trementi: possum fortasse iniquus videri, qui velim aliquid de tuis temporibus & aliorum commodis derivare, ac mihi subducere: sed tu feres eum qui ducitur studio augendæ rei suæ Literariæ, quam agnoscit esse tenuem; & perges in eum esse liberalis, qui hac ipsa in virtute te quandoque imitabitur, & quod à te acceperit alteri tradet; imo eo quoque pacto (improbè dicam) tueberis tua beneficia. Cupido recte (quid ni enim verum fateor præsertim apud te) cupido inquam ita mihi blandior honesta me habet, ornandi ingenii & ea comparandi, quæ ad alios olim possint cum aliquo fructu dimanare. Nosti cui me voto addixerim rei: nempe in qua maximus & honestissimus eloquentiæ locus est: in quâ me non inficior aliquid per te profecisse: submisi enim me tibi, tuisque præceptis patientem aurem accommodavi: plura indies habiturus incrementa ubi ea melius concoxerim: vel paucula, Vir Magne, semina à te peto, unica pagella etiam dimidia contentus esse possum, imo & gloriari. Per illum candorem animi tui quem diligo, & quo, ex quo te vidi, splendidiore luci mihi videor: Per eam eruditionem quam suspicio ac veneror oro te, orat inquam te Prætor verè tuus, ut eorum eum moneas quæ in hac scriptiuncula desiderantur: desiderantur autem plurima. Agam tecum tuo genio, id est liberrimo, & maximè liberali: apage laudem, reprehensionem volo: enimvero si mea probentur tantum, mea tantum mihi manent: si reprehendor à te, præsertim fugient mala in quæ incideram; accedent bona quæ non eram affectus: ego autem non ita mihi placeo, ut possim quæsitis & præsentibus acquiescere. Cæterum V. C. mihi si reditur, quo ego non possum me autore, plurimi convolabunt & oraculum consulent Amstelodamicum: Sin minus, ego rectè digitum ad fontem intendendo, defunctus ero eo officio quod iis debeo qui de me sunt optimè meriti: Diebus adhuc 15. Deus uti reor, hinc deducet tibi plurima debentem, & omnia felicia comprecantem,

Lugd. Bat. 1633.  
Junii 18.

P. Prætorum.

Salmasius te salutat, atque uti par est, magni facit, eum inveni puerperam habentem & auctum prole. Dubito an Rhetorica ad Alexandrum sit Aristotelis: quia laxior stylus videtur repugnare.



## CLXXI.

Clarissimo Virorum, Gerharδο Joanni  
Vossio, salutem & observantiam.

ET incomparabilis eruditio tua, Gerharde Vossi, nomen omni titulo majus, & incredibilis humanitas, quam Balthazar Willius, Theol. Doctor, & Bernhardus Damke, cognatus meus, cum Francofordiæ in me inciderent, prædicare ad fatietatem se mihi posse desperant; ita in tui me admirationem pellexerunt, ut velut extra me positus, & adolescentis insuper habens pudorem, istas ad te exararem, & utramque illam tentare aggrederer. Audax facinus, fateor; sed nec infrequens iis qui literas amant, & bonam mentem; nec grave erit tibi, postquam tam arduam famæ arcem ascendere virtute tua dignum existimasti, propius à me cognosci, ut ista in te adorari dignius possit. Exspecto itaq; de uno, atque altero, Augustini, in lib. de Civitate Dei, loco, & meis emendatiunculis, severum & forte judicium tuum, quo si istæ obelo transfigi merebuntur, excusabit tamen conatum meum comitas tua; & si hac non potero, alia via, ut expediam, mihi concedere, salvo quomodo ambio unicè, favore tuo. Lib. II. Cap. XX: Die, noctuq; ludatur, bibatur, vomatur, diffuatur, saltationes undique concrepent; Theatra inhonestæ latitiæ vocibus, atque omni genere, sive crudelissima, sive turpissima voluptatis exastuent. Cod. unus Lud. Vivis, Salutationes, alter Salutationes, abraso a. Itaque prius ille videtur probare. Sed membr. MSS. quas inspexi in Bibliotheca Senatus Norici, Saltationibus. Ergo scribendum, Bibatur, vomatur, diffuatur saltationibus; undique concrepent theatra inhonestæ l. v. & diffuere saltationibus, ut Apuleio, saltatio exossa, & enervis. Plinius Paneg. c. XXXIII. Visum est spectaculum inde non enervæ, nec fluxum, nec quod animos hominum molliret, & frangeret. Cap. XXI. Omnino nullam esse Rempublicam: quoniam non esset res populi, cum tyrannus eam factione capesseret, nec ipse populus, jam populus esset, si esset injustus. Ita omnes editiones, quas vidi, Basilienfis, Genevensis, & optima omnium Parisiensis. Sed nihil puto certius, quam scribendum, cum Tyrannus eam factione capesseret. Nam factio opponitur Aristocratia, ut Tyrannis Monarchia, ut patet ex precedentibus. In Cap. XXX. Observavi plaustrum errorum doctissimi Vivis, quod etiam in omnibus editionibus repetitum. Ita Augustinus: Illic

enim tibi non Vestalis focus, non lapis Capitolinus, sed Deus unus, & verus, qui nec metas rerum, nec tempora ponet, imperium sine fine dabit. Msc. ignorat eò qui. Deinde Vives ad verba, Lapis Cap.] Jovis simulacrum in Capitolio erat lapideum; hinc per Jovem lapidem sanctissimum Romanis iusjurandum, ut etiam in proverbium cesserit. Atque nec per Jovem Lapidem jurabant Romani; sed Jovem Lapidem, & erroris dudum convictus Apulei locus, quo istud videtur probari: nec iusjurandum illud à Jove lapideo ortum, sed à formula quæ pronunciabatur ad projectum lapidem: nec Augustinus Jovem lapideum, sed Terminum intelligit, cuius pertinacia erat symbolum perennaturæ Imperii; sed ego cesso poma ad Alcino-um mittere. Tu, vir maxime, quamprimum responso tuo, me dignare, ut plausum ingenii mei sciam, nec dubita an sim, quod sum, & spondeo nunquam non futurum. Salve & optimo publico optimè vale, cum tuis.

Brem. ad Visurgim,  
prid. Non. Junias. An.  
cId Idc XXXIII.

Ampliss. famæ tuæ

cultor devotissimus.

Johan. Fredericus Gronovius.

## CLXXII.

Clarissimo & incomparabili Viro D. G. J.  
Vossio, S. P. D. Joh. Beverwyckius.

L iteras tuas merum nostri amorem spirantes legi, summa cum voluptate. Pro innumeris tuis in me beneficiis, nunquam satis gratus esse queam, quod serio magis opere, aliquando testatum faciam. Meminit tui in vita sua, Cl. Rutgerius, ac ejus temporis quo sub disciplina tua vixit, non sine gratissima tanti præceptoris memoria, sæpe ac libenter recordari solere scribit. Tuæ etiam institutioni, acceptos referens quoscumque postea ei Aula honores dedit. Ego licet nec dignitate, nec eruditione, sim cum hoc Heroe conferendus, quicquid tamen obtinemus, quod aliis non omnino displicere possit, tibi me debere, ut merito ita lubens profiteor. Et mecum omnes disciplinae tuæ alumni, qui vel ipsi aliquam eruditionem consequuti, vel eruditionem saltem, & virtutem reverentur. Reliqui non æstimandi unius assis, & calumniæ pœna digni. De Cl. Puteano quod scribis, valde me percussit, quamvis tale quid metuerem, cum legissem stateram, docte

doctè magis, quam prudenter scriptam. Accepi ab eo literas, statim jam edita, quam tamen præter morem suum non misit. Eam Catzius Haga (ubi impressam quoque nosti, nec hoc nostro melius) ex conventu ordinum, ubi cum plausu excepta, attulit, & mihi legendam tradidit. Deus bone! quàm bonus ille Belga, tam malus Politicus. Non hic ferremus, qui talia de nobis, quæ ille de Rege, de importuna Archid. legatione, & similia. Ac nisi amici omnia pro illo, est quod metumamus vicem optimi, & elegantissimi ingenii. Vocatus est Bruxellas, bis in concilio privato auditus, & ibi manere iussus, sæpius audiendus. Hoc totum est, quod huc Bruxellis scriptum esse, heri mihi retulit H. Oemius, qui Pastor Dordrechtanus, apud suos audit, sed ob amicos quos plurimos habet, nihil illi periculi fore putabat. Sibi addictissimum habet, Varambonum Archiepiscopum Casariensem Infanti à sacris, Chiffletium Medicum, qui plurimum apud Ser. Inf. possunt, & alios, sed infestum Rosam Præsidem Hispanis obnoxium, & paci ut dicitur, adversum, qui etiam causa esse putatur, cur decem jam mensibus, nullæ ex Hisp. literæ ad *sigurum* des. Infans quoque Cardinalis, qui jam in Burgundia, non minus quàm Eugenia, illi bene volunt. Deum rogo, & bene faciant, neque ob *missus* hanc gravius animadvertant, in virum candoris melle penitus imbutum. In quo omine desino, V. C. & te cum præstantissima & Nob. uxore à me, meaq. salvere jubeo.

Reptissimè 8. Julii 1633.  
expectante Tabellario.

Si quid certus de illo, tecum communicabo. Hæc quamvis pauca, quia iusseras, scribenda tamen putavi.

## CLXXIII.

*Viro maximo, & incomparabili D. Gerhardo Joanni Vossio, Professori.*

Vir maxime,

**M**irum in modum, gaudio me affecit filius tuus D. Franciscus, quod tandem aliquando te nobis adfore pro certo nuntiarit. At verò displicet simul uxori, & mihi, quod conjugis tuæ unâ tecum utrique nostrum desideratissimæ adventum, nonnisi dubie referat. Atque ita quidem, ut ipse credat potius, non venturam. Quæ-

so si id fieri potest, aliter induc, ut statuas; conducet id proculdubio, ejus valetudini mirè quàm nimium firmæ. Tradidi Secretario Veneto Thadæo Vico tui observantissimo, fasciculum, quem miseris, Literarum ad Illustrissimum Molinum. Scire desiderare se ait, an à me traditæ tibi sint, quas per Graſwinckelium misisse dicit, literæ à Pignorio, (si bene memini) Theologo Vicentino, itemque an intellexeris, id quod D. Vander-Myle significaturum se receperat; quantoperè illustrissimus Molinus de Ægyptiorum legibus & ritibus, tuum aliquid aveat videre. Præterea summo opere desiderare scire Molinum dicebat, absolute ne esset Reydanus, D. Dionysii, à Typographo, quod ego asserere non dubitabam; quandoquidem id à D. Francisco acceperam, qui simul dedicatorem communicarat, meumque super ea judicium, (quod tu quam sit tenue, nosti ipse, si quisquam alius) fratris, ut inquebat rogatu, quæſiverat. Quid dicam? mihi placent omnia, quæ à tam eleganti ingenio, prodire possint, etiam invita. Et placent etiam multò magis, postquam videre, & perspicere contigit. Si quid tamen esset, uti diversæ sunt hominum mentes, quod placeret minus, quam cætera quæ perplacent; id ego literis significare vellem, quod ex absente causam, qua motus diversum à me senserit, intelligere, eaque intellecta, me ipsum refellere non liceret. Coram ista fiunt liberius, & accipiuntur æquius. Interim nihil ego improbo, quod probavit ille, præsertim si tuus accessit probandi calculus. Vale, & tuo, unâ cum uxore, ad nos adventu bea

Hagæ-Comitis summa  
cum festinatione, die xi.  
Jul. clō 16c xxxiii.

Tuum

Ἐ γὰρ τὸς καὶ σὺς

G. R. Doubletium.

## CLXXIV.

*Viro Clarissimo, ac doctissimo Dom. Ger. Vossio, Historiarum Professori celeberrimo.*

**N**ondum mihi excidit, clarissime Vossi, quam rara in primo nostro congressu, me complexus fueris humanitate: cui accessit nuper amica salutatio, per Suecum quemdam studiosum. Indignus essem tuâ amicitia, si oblivione ista sopirem, si ingratus



gratus ista silentio præterirem. Sæpius quidem in animo mihi fuit, aliquo sive literario, sive alio signo, meum in te affectum testari, sed fateor me à te præoccupatum, & doleo. Tum tales sunt meæ literæ, ut in tantorum virorum conspectum, vix prodire audeant. Idem ergo mihi faciendum duxi, quod olim filii Jacobi, visuri faciem Præsidis Ægyptii, non sine munere accesserunt. Ecce & hic additum munus, sed literarium. Offero, inquam, tibi exemplum laboris mei, quem exantlavi, in opere Catechetico Urfini, & Paræi, non solum contrahendo, sed & complendo, ornando; adeo ut novus omnino labor videri possit, prout in præfatione monitum. Nolui tamen tantorum virorum nomina reticere, quum & meritissimi fuerint de Ecclesia, & occasione mihi hujus laboris dederint; maluique ipsis meos labores adscribere, quam mihi quicquam, quod ipsorum sit, stultè arrogare. Fateor, aliis similibus laboribus, & quidem minori cum difficultate, mihi majorem potuisse parari honorem; sed nos utilitati studiosorum, quam propriæ famæ consulere maluimus. Porro tibi hoc munusculum gratum tibi fuisse, vir magne, cognovero; faciam ut propediem habeas (quæ adhuc sub prælo est) necessariam instructionem, de ratione studii Theologici, in gratiam studiosorum nostrorum accuratam. Vale, & me sicut cœpisti, amare perge; atque ne desit mihi humanitatem tuam venerandi, ac grata mente recolendi occasio, sicubi ex usu tibi sint officia mea, pro jure amicitia impera, habebis me tibi semper obsequentissimum.

Dabam Hardervici  
An. 1633. 1<sup>o</sup> Julii.

Tua claritatis

observantissimus,

Henricus à Diest, Theo. Prof.

CLXXV.

Vir Clarissime,

**L**iteras tuas, quas postridie Kal. Jun. ad me dabas rectè accepi. Admodum invitatus sanè intellexi tantas esse occupationes tuas, ut per illas vix ex voto respondere tibi liceat. Tamen mihi imprimis potes, quia semel toto anno, ac vix iterum, cum non offerat certa se scribendi occasio, ad te literæ meæ eant: & hoc ipsum efficit, ut debeas quoque; cum non possis, quando velis: itaque nunc etiam peto,

jure meo, ut per hunc amicum meum saltem verbis quam paucissimis rescribas. *Artem Grammaticam, & Origines*, sicut & *Pœticam artem*; te jamdudum promittente; valde expecto, & à filiis *Julium Casarem, Rabbi Maimonidem & Historiam Reidani*. Quæso fac promissa appareant. Pro *Oratione* tua filique *Dionysii Panegyrico* magnas sanè gratias ago. Vidit uterque Cancellarius Regis ac Regni; vidit Dom. Roscrantzus; omnes laudant, idque in majorem modum. Operis mei de *Atbeniensium Regibus* exemplaria avidè videre velim: & impositum esse finem literæ tuæ spem fecere, quam si fallunt quæso hominem impellas, ut absolvat. Cupiam videre quoque quod futurum indicasti separatim *Piræum, Reliqua Attica & Familias*. Utinam & voti hujus compos fiam: nam expectant, & inculant quoque tacitè fidem meam, qui inscripta ea Opuscula sibi norunt. Quæso isthic operam item tuam nava. Mitto nunc quæ necessaria ad priorem operum meorum Tomum; nempe *Bibliothecam Atticam, Ceramicum Theſeumque*; & inserenda aliis lucubrationibus jam vulgatis. Addo exemplar *Solonis*, ut *Græcorum Auctorum loca*, hic Latine tantum expressa, ob penuriam typorum, Græce quoque exhibeantur: quod omnino fieri velim. Tum poematum reliquarum multo plures, quam quæ hætenus vulgatæ, adjunguntur; minimè prætermittendæ. Ipse istæc ut lubebit arbitrare. Addo effigiem æri incisam, quæ in fronte suo loco, quem putabis convenire, colloceatur. Quicquid filia tua expendit meo nomine, en remitto, gratiasq; quantas possum ago maximas. Utinam vicissim tuæ inservire mea possit: faceret libenti animo uti debet, & ut amicitia nostra suo illud jure possit, *Atticam Feriatam* meam, quæ debebat in hoc Tomo comparere, nunc omisi; nam cum eam ex *Græcia Feriata* excerpere, & seorsim exhibere, statuissem, aliud consilium cepi. Vale, vir præstantissime. Uxor mea te tuamq; liberi liberos salutant; ego seorsim Franciscum tuum, & Dionysium, & ut porro patrem imitari pergant, seriò hortor.

Raprim, Soræ, ad  
diem xx. Augusti  
clō lōc xxxiii.

Tuus sine dolo,

Joannes Meursius.

CLXXVI.

## CLXXVI

Viro Clarissimo D. Gerardo Joanni Vossio, Mæcenati optimè de se merito,  
S. P. D.

Amplissime Vir,

Quia omni prorsus abstinere circuitione, eximia illa tua ~~gens~~ semel iussit, id quod res est, promptè eloquar, facessunt mihi negotium terni Saxonis versus, lib. 2. p. 20. qui sic habent:

*Adde oculum propius, & nostras prospice Chelæ,  
Ante sacraturus, victrici lumina signo,  
Si vis præsentem tunc cognoscere Mortem.*

Horum inquam equis genuinus sensus? Et quid hoc loco chelæ! Ego certe, & ingenio, & libris destitutus, vix assequi poterò. Apud elegantissimum Poetam Rutilium lib. 1. de reditu suo, v. 183. non ita pridem legi:

*Et jam nocturnis spatium laxaverat horis,  
Phæbus Chelarum pallidior polo.*

Sed utrobique aqua mihi pendet. Te igitur nullus dubito, quin in solvendo hoc nodo, Oedipum nobis præstes. Alter ejusdem Saxonis locus, est lib. 6. mox initio, de liberalitate Cæsaris, & Africani, qui scriptores rerum suarum amplissimis muneribus profecuti. Sed nomina eorundem scriptorum scire discuperem. Quantum conjectura assequi datur, illorum unus Ennius erit. Verba autem Saxonis nostri, in hunc modum habent: Eximium exigui poematis pretium, famam quoque Cæsariana retributionis excessit. Divus siquidem Julius, victoriarum suarum toto orbe editarum scriptorem, illustratoremque municipio donare contentus extitit: sed ne Africanus quidem, in rependendis operum suorum monumentis, munificentia Danos æquavit.

Tuus,

Stephanus Johannis.

## CLXXVII.

Clarissimo Viro D. Gerardo Joanni Vossio, Mæcenati optimè de se merito,  
S. P. D.

Clarissime Vir, Amice conjunctissime,

Nihil equidem accideret mihi optatius, quam si longiori te Epistolâ, inpræ-

sens compellare liceret. Sed ferale silentium stylo meo indixit, geminati vulneris acerbitas, quod mihi hoc anno infligere, voluit summus ille, vitæ necisque Imperator ille Deus. Amisi etenim, heu! amisi & dulcissimam conjugem, octiduo post puerperium defunctam, & filiulam desideratissimam, quæ jam risu cognoscere patrem incipiebat, & unicum erat viduitatis meæ solatium. Verum non tam amisi, quam præmisi, ad æternum illud, omnibusque bonis circumfluens coelestium animarum consortium; ubi me beatæ istæ animulæ præstolantur, donec vasa colligere, & ad piorum mundum commigrare nos jussierit, cujus in manibus, sortes meæ sitæ sunt. Interim admitto consolationes, iisque animum quotidie erigo, quas & sacra nobis literæ, & humanæ conditionis recordatio, suppeditant. Quem ego casum non potui, quin in sinum tuum effunderem, quippe quem non ignorarem, æque graviter eum laturum, quam me, cujus maxime interest. Cæterum maximæ à me tibi debentur gratiæ, de divino isto, filii tui Panegyrico, quem mihi tuo nomine, tradidit suavissimus Collegarum Meursius. Cui nunc refundo longè dispar redhostimentum, Oratiunculam scilicet meam, quâ nobilissimæ juventuti, ad parandam Eloquentiam, faces subdere volui. Tuum erit benevolâ excipere mente, & me porro ut cœpisti, amare, qui æternum tibi devotus. Vale, Belgii sydus, & corculum Musarum.

Soræ, a. d. xviii Aug.  
clj loc xxxiii.

Stephanus Johan. Stephanus.

## CLXXVIII.

Clarissimo Viro Gerardo Joanni Vossio, S. D. Vincentius Fabricius.

CUM nuper suavissimè unâ fuisset, Vir Clarissime, in domo Vickewortii, constitueram, ut nosti, proximo die te invisere. Sed optimi Vickewortii humanitas, dieique sequentis convivium, desideriis meis intercessit. Equidem quoties cogito lætissimi candoris tui indicia, quàm hilariter me exceperis, quibus sermonibus, ut laudandus viderer, effeceris: toties in eam devolvor opinionem; ut quemadmodum eruditione tua nihil augustius omnes novimus, ita candore, nihil arbitretur elegan-



elegantius. Quò magis doleo, non licuisse mihi ulterius, jucunda præsentia tua frui, præsertim cum ipse invitares, & inusitata humanitate, quod flagrantissimè cupiebam, spontè exigeres. Cæterum, & alia quædam festinaverunt discessum meum. Imprimis quod Leidam rescuæ meæ essent transferendæ. Quas dum convaso, poemation hoc, quod ad te mitto, excidit. Illud autem & crudum, & tumultuarium, si legere tantum dignatus fueris, jamdudum aliquid fiet, quod voto majus sit. Eruditissimum juvenem Dionysium Vossium, filium tuum ex animo diligo, & colo. Nec quicquam contingere potest, quod illius amicitia mihi jucundius sit. Si unquam honestum est, conciliaturam exercere; heic quæso, ne defrigeas; Vir Clarissime; Affectus mei eximii, & sinceri, obsidem munusculum hoc, licet exiguum, à me habeat. Felicissimè vale, vir maxime, cum omnibus tuis.

Lugd. Bat. a. d. xxix.  
Sept. clj Ioc xxxiiii.

## CLXXIX.

Clarissimo Viro D. Gerardo Joanni Vossio, fautori meo, S. P.

Clarissime juxta, ac doctissime Vir,

**P**Eramanter rogo, ut si tibi non sit molestum, digneris examine peniorem judicare, an veræ, justæq; integritati restituerim, versus aliquot, non ita pridem in Saxone nostro mihi oblatos; imprimis fol. 4. fac. 2.

*Regum colla potentium victrici toties perdomui meorum,  
Fastus reorum turgidos exuperans potiore dextra.*

Ut constructio talis sit; Ego Gramus multoties perdomui victrici dextrâ colla potentium Regum, & multoties perdomui turgidos fastus meorum reorum, h. e. Clientum, seu meo imperio obnoxiorum, & subinde rebellantium; (Nam alioquin quid per reos suos intelligat, vix divinare possum) exuperans, (pro exuperatis) potiore dextra. Mox sequenti pagina, Sapphico extremo;

*Clarius posthac Agathum manebit  
Agnitum, &c.*

Illud Agathum, arbitror Saxonem latina incude efformasse ex Græco ἀγάθη, pro

bona fama, five virtute, vel fortitudine. Postremò versa pag. v. 3. & 4.

*Quando Suarimum exanimarui titulis abusum  
Nec meritum conciliantis sibi nomen.*

Pro conciliantis restituo conciliantem, ut respondeat, *quod Suarimum.* De his omnibus peto mihi sententiam tuam aperias, & importunitati meæ placidus ignoscas.

Observantissimus tui,

Stephanus Johan. Stephanus.

## CLXXX.

Vir Celeberrime,

**C**UM superiori proximo mense Hibrandus Vechterus, Juvenis eruditus & elegans, adductus claritate tuæ inusitatae doctrinæ Amstelrodamum iret, nomen daturus illustri vestro Gymnasio, & tuæ divinæ inhiaturus voci, non duxi meæ esse frontis tibi, tanto sapientiæ professori, literis meis obstrepere, utcumque ille, quem dixi, adolescens quantivis pretii, ter quater id ipsum à me peteret, & ipse quoque ne quid dissimulem, intimus meus animus ad aliquam notitiæ tuæ partem pervenire gestiret. Quia verò hodie, per Epistolam bene longam, idem illud officium summo à me studio postulavit, sustinui tandem, ingenuo meo pudori vim facere, & hoc literularum, ad te exarare. Est autem Vechterus noster, filius primariæ viduæ, frugi & cordatæ, nuptæ, olim consuli, municipii Damonensis, in agro Groningano. Non modo, in Scholâ, disciplinæ meæ alumnus fuit, sed & domi meo convictu usus, non pauca dedit signa, unde mihi promptum esset & morum honestatem, & ingenii alacritatem in eo animadvertere. Ego, magne Vossi, testimonii religionem, & fidem colo, neque hæc, temere, de hoc Juvene scribo: & tu ipse, ubi paulo propius ejus indolem nosces, nosces eam, sat scio, nec inertem, nec infrenuam: & cui castitas, & pietas cordi sit. His nominibus, eum impensè promotum cupio ad prædagogicam aliquam functionem, idque, à te potissimum, quæ es, Amstelrodami, auctoritate & gratiâ, in urbe, Civibus frequentissimâ, fieri posse non tam spero, quam confido. Si quid judico, dignus omnino est, cui suos quis credat liberos. Tu, vir summe, idem si

judicabis, unice lator, & non mediocriter tibi debebo. Incomparabilia tua scripta quam prorsus sint ad gustum meum, & salivam, apprimè novit noster Vechterus. Amo ea, (si quid hoc, ad te, tantum Hemmonem) & æstimo ea, etiam hoc nomine, quod, in tuâ arte Historica, tum libro de Nat. Rhetoricâ, honorifice de Magistro meo, Barth. Kekermanno, sentis & loqueris. Dantisci olim, adolescens, iplos tres annos, ei docenti, diligentem, & tantum non quotidianam, quâ publice, quâ privatim, operam dedi: libros verò ejus, ubi ille vivendi finem fecerat, ad unum omnes, novies à Cap. ad Calcem, non sine luculentâ, & insigni, puto, studiorum meorum utilitate evolvi. Hæc res facit, ut perindigne feram, si quis inclementer in ejus scripta dicat: de quibus, tu tantum, & tui, ad unguem, similes, rectè, vere, & incorruptè, pronunciare possunt. Hoc volo nescius ne sis, & huic meæ, inscribendo imprudentiæ, an impudentiæ, veniam pro tua humanitate, prolixè dare ne graveris. Sed non distinebo te à re tuâ diutius. Neque enim profecto, si quid mihi credis, minus hoc vereor, quam Venuſinus ille, metuebat longiuſculo sermone morari tempora Cæsaris.

Emble Frisiorum  
xxv. Octob. Ju-  
sani. Anno Ære  
Christiane 1632.  
Sub sermone cre-  
pusculum.

Vossiani Nominis

observantissimus,

Jacobus Henningius.

# CLXXXI.

**G**Ratas mihi tuas fuisse, nullus dubitas: neque est quod ego exprimam. Janſonii nostri tarditatem valde miror, ac fortasse amat ille Reges meos quasi sub custodia habere. Sed bene agitur, quod jam finem suum spectent: nisi sane, quod confido, jam acceperint. Neque enim Indices, ad quos pervenerat Typographus, diu adeo remorari illos possunt. Doleo contentionem inter duos hos librarios, cum vicinos, tum cognomines. Sed non aliter solent illi, quibus vita eodem quæstu toleratur. Magis autem inique fero, quod diffidii inter Heinſium & Salmasium est. Non debeat, inter viros tanti nominis. Misera cerrè & ridicula est ambitio, tum indigna quoque invidia, parem in altero honorem aut stipendium animo iniquo ferre. Quanquam de stipendio sane ut

existimo, non contenditur; nam hoc Heſtius superior. Reidani Historiam, & Judæi \* hominis \* Manassis Conciliatorem libens vidi: Ben. Israël, magis etiam quia filio Dionysio utrobique parata est gloria: Faveo ex animo, & crescentem famam gratulor. Sed quid Julius Cæsar ejus, an quiescit? altum enim in literis tuis est silentium. Pridem movisti salivam, tam præclari operis promissione. Meorum operum primum Tomum rejici in extremam hyemem, facile fero; dummodo tum ferio editio promoveatur. Quæso ne urgere cesses. Existimabam fore ut minuta illa tria Opuscula, *Piræus, Reliqua Attica, & Familia*, seorsim excuderentur: sed spes ea, uti video, me fefellit: tamen fieri optasem; liberandæ apud amicos fidei meæ quam obstrictam à biennio illi tenent. In his salve cum uxore liberisque, à me mea atque meis. Imprimis Dionysium tuum ego saluto & exhortor ad majora capeſſenda; neque enim sic incepit, ut desineret. Resalutant Laurenbergius ac Stephanus. Filia mea Corneliæ tuæ plurimam salutem dicit, & gratias agit pro navata sibi opera.

Sora ad Diem  
xxix. Novembris,  
cic idc xxxiiii.

Tuus fide Batarod,

Joannes Meursius.

# CLXXXII.

Clarissimo Viro, D. Gerardo Vossio,  
Franc. Burgerſdicius S. P. D.

**E**T si sciam te, Clarissime, atque Amicissime Vossi, tota vitâ sic esse Philosophatum, ut non tam inanis subtilitas, & recondita, atque impervestigabilis veritatis indagatio, nullum habens laboris satis dignum pretium, te caperet; quam fructus, quem in componenda vitâ, in coercendis animi affectibus, atque adeo in utrâque fortunâ moderatè ferendâ, sapientia suis cultoribus promittit, & præstat: tamen cum intellexissem te dilectissimo tuo filio Dionysio orbatum esse, putavi ad officium meum pertinere; non solum ut testarer, quam gravis mihi quoque, casus ille tuus sit; sed etiam ut conarer, qualicumque alloquio lenire dolorem, qui nunc te coquit, & versat sub pectore fixus. Sed quid scribam? aut unde ordiar? aut quo dirigam Orationem?

Quæ-



Quæcumque enim in mentem veniunt, ea tu omnia jam mente præcepisti, & multo etiam plura, haud dubie, & efficaciora; quæ si malo tuo modum non ponunt, metuo ut ulla meâ oratione possit mitigari. Sed tamen ad te redi paulisper, Mi Vossi, & momentum temporis ducite, crassam immoderati luctus caliginem, quæ tibi fortè nunc adimit, aut impedit exercitissimæ mentis usum; deprehendes certò lugere te amissum filium, non quidem sine causâ, sed fortè supra causam: aut si hoc à te impetrare non potes, da te mihi paulisper, & patere, affectum tuum disputando oppugnari, ab homine tui studiosissimo. Amisisti filium scilicet, quid? An putabas te immortalem genuisse? An quicquam contigit tuo, quod quispiam mortalium, ausit sperare non obventurum sibi? Quin non amisisti perfectò, sed præmisisti, secuturus ipse, cum Summus Imperator vocabit. Abiit ille certè, sed ex valle lacrymarum, ex sentina malorum, ex Theatro vanitatis, ex immundo mundo, in quo optima quæque, divitiæ, natales, gloria, voluptas, & quæ præterea nos homunciones stupemus, quid sunt? Vapor, fumus, umbra, nihil, aut si quid minus nihilo est. Æstima tamen hæc mundana, quanti velis, & pluris etiam quam soles; si rationem in eas, intelliges, quantum abitu suo, lucri fecit. Sperare poterit Cræsi divitias; tamen sperare tantum potuit, & quis præstitisset? At nunc quas, & quantas divitias consecutus est? Divitias *ἐπιδέσθης καὶ εἰς ἀπαυτίστους*. Quippe jam hereditatem adiit, quam neque rubigo exedere potest, neque fures, aut latrones eripere: quæ extra omnem fortunæ aleam constituta, neque Dominum suum deferere potest, neque ab illo deferri. Si Natales spectes, non jam ille, Vossii filius, non Junii Nepos, (& tamen quam honesta hæc & clara nomine?) sed Dei altissimi filius, & frater J. Christi est. Efferat se mundi Civis, & gloriam suam, celebritatemque jactet; omnia sordent, collata magnificis, istis Titulis. Principes, Reges, Imperatores, pudenda nomina sunt præ iis, quos Deus adoptavit sibi, & divinæ illius *ἰσοδοσίας*, fecit compotes. Jam voluptate quantâ fruitur! quàm nec oculus vidit nec auris; nosti cetera. At filium amisisti bonum, pium, & doctum supra ætatem. Tanto minus luctui locus est; si filium amisisses improbum, & impium erga te, impium erga Deum, nulla profecto sollicitudo, nullus luctus par esset tanto malo. Nunc verò, quid luges eum, quem certò scis cœpisse

foelicem esse, ex quo desit esse tuus? Infirmitas est, mi Vossi, aut paterni affectus violentia, animo non æquo ferre, foelicitatem obtigisse illi, qui sua observantia, maxime meritus est à te diligi. Erat sanè ille supra ætatem doctus, & quid porro pollicebatur? sed quam multa nunc intelligit? quam multa scit? quæ ante ignoravit, quæque omnes ignorabimus, quàm diu hæc vitâ fruimur, quàm tuus ille cum meliori commutavit. Præterea magnum esse debet, doloris tui levamen, quod unum è multis amisisti solummodo; in quorum singulis habes, defuncti virtutem, & eruditionem superstitem. Noli ergo vicem tuam plangere, quod unum amisisti: sed benè tecum agi potius existima, quod plures tibi relictæ sint, qui aut paria jam præstant, aut certè pollicentur. Neque vero frustra est illa cura, quod fortè quereris, quam in illo educando, atque erudiendo impendisti; jam mundo testatus est, præclaro opere, quid tibi debeat, & Patri, & Præceptoris: Et nunc idem testimonium, de tua diligentia, & fide, reddit apud Deum, cui omnes aliquando reddemus rationem, etiam liberorum nobis concessorum. Quid ergo? an prorsus te Stoicum esse jubeo? vel etiam Stoico durior, hoc est ad casum, tam funestum, *ἀναιδέντως*, aut certè *ἀνέναντον, καὶ ἀνὰ δὴ*? nihil minus. Velim sanè malum sentias, etiam ut lugeas, etiam ut desleas: sed ita ut hominem te deslere memineris, qui non potuit immortalis nasci, qui non potuit fieri immortalis, nisi moreretur. Sed jam modum Epistolæ excessi, ita me quoque affectus abripuit: ut jam libentius tibi ignoscam, si tibi paternus affectus, luctum, & desiderium ejusmodi extorqueat, quod in aliis, pro mascula tua sapientia, soles improbare. Remitto etiam tibi librum, pro cuius usu, gratias tibi ago, sanè magnas, & veniam peto, tam longæ moræ. Vale cum uxore, & familia, & hoc meum alloquium amicitia tribue.

*Dat. Lugduni  
Batavor. Kal.  
len. Novemb.  
clxxiii.*

## CLXXXIII.

*Viro Doctissimo D. Gerhardo Joanni  
Vossio Petrus Cunæus S. D.*

Vir Clarissime,

**D**E obitu filii tui, juvenis præstantissimi, & ad summas laudes evecti, aliquid ex vagis rumoribus primò, ac novissimè nunc omnia certa, ex cognati nostri, D. Barlæi literis accepi. Is casus, tam tristis, & inopinatus, quam acerbis stimulis animum paternum egerit, facile cogitare possum, cum etiam mihi ingentis doloris acerbiter attulerit, ac me vehementer commoverit. Præterquam enim quod pro necessitudine nostra, & animorum conjunctione; quicquid tibi luctuosum est, nos amicos tuos aliqua ex parte tangit; etiam illud non exiguum est, quod ad publicam sæculi causam pertinet. Qui enim prima juventutis spatia ingressus, illustribus ingenii monumentis, jam nunc promeruerat faventem omnium eruditorum existimationem, quanto majora deinceps, de se expectanda relinqueret, nemini dubium fecit. Et ille quidem gloriæ suæ, vixit satis diu: quod tibi, tuisque, esse solatio potest. Quod autem earum rerum, quas perficere, & consummare, ad literarum decus poterat; spes omnis abscissa nobis, abreptaque sit, nostrum magis, quam tuum est damnum. Sed non debent hæc apud te prædicari, qui unus omnium optimè scis, quantum amiserimus omnes. Ego inter tot officia, quæ tibi hoc tempore, repræsentat amicorum humanitas, quemadmodum penitus quiescere, aut tacere non potui, ita illud te duntaxat rogabo, ut nihil aliud ob oculos ponas, nisi luculenta illa, & præclara sapientum præcepta, quæ tute ipse in hujusmodi malis, suggerere aliis soles; uti cogites viri boni esse præbere se fato; ad hoc, nihil novi tibi accidisse, usui quædam nobis, ac nihil mancipio dari: Et pro ea ipsa exigui temporis usura, grates agendas esse Summo Deo, qui & hoc munus tibi, hucusque concessit, & alios tibi superstites adhuc servat liberos, quibus meliores optare, nec ipse posses; Cætera non addam: Et jam plus fortasse dixi, quam apud te opus fuit. Nescio an intellexeris etiam, D. Vorstii domum nunc funestam esse. Obiit enim filiulus ejus, natu maximus, ex hoc Epidemico morbo. Vale, Vir Clarissime, cum lætissima Uxore, Liberisque.

*Lugduni Batavorum. 7. Novembris 1633.*

## CLXXXIV.

*Reverendo Viro & Clarissimo, Jo. Ger.  
Vossio, S. D. Henricus Ernstius.*

**E**T si mihi nunquam dubium fuit, quin tibi essem charissimus: tamen magis id perspexi, quum Amstelodami te inviserem. Ubi mihi certe pietatem, fidem egregiamque tuam & singularem erga me voluntatem, satis abunde fecisti testatam: idque adeo, ut me tuis tuorumque perpetuum debitorem lubens agnoscam: Utinam vobis centesimam saltem ejus debiti partem solvere possim! Verum de me sic velim judices, me tibi tuisque curis semper, quoad ejus fieri potest, tanquam mihi met ipsi summo cum studio præsto futurum. Literas tuas Hugoni Grotio viro incomparabili ipse Hamburgi tradidi: ille me, quæ est humanitate, ita excepit, ut potuerim videre, commendationem tuam magni apud ipsum esse ponderis. Commemorabat mihi, se fuisse cum Serenissimo Rege nostro Christiano iv. Glucstadii, à quo peculiari propemodum humanitate, quam clementiam hodie Principum aura studiosi appellant, dimissus est: O miseri Hollandi qui estis, quod nescitis in propriis arare bovis, iisque idoneis. Rex Angliæ & S. Populusque Hamburgensis legatos ad Regem miserunt Scanderburgum, ubi Rex hybernabit, quorum *divapocæ*, ut eundem credo, in Regem ipsum xiv. Novemb. ut heic numeramus, audietur. Publium meum Syrum quod attinet, velim ut eum edendum quamprimum cures; quæ impendis ego bonâ fide restituam. Valde heic in Dania desideratur & Lubecæ etiam: Si nobilissimo Domino Guldensternio utriusque nostrum studiosissimo eum inscribes, de gratitudine ejus nolito dubitare. Tu, virorum egregiorum optime, vale unâ cum tuis omnibus in Christo Jesu.

*Dab. è prædio Regio Hal, in  
Cimbrica Cbersonefo xii.  
Novemb. 1633.*

Dn. Guldensternius te multa impertit salute, proxima occasione ipse tibi scribet. Peto abs te, amicissime amice, ut mihi respondeas, & literas ad Josan thor Lippe Mercatorem Hamburgensem mittas. Iterum vale etiam atque etiam.

## CLXXXV.



CLXXXV.

*Clarissimo Viro Gerhardo Joanni Vossio,  
Erycius Puteanus S. D.*

Clarissime vir & Amice,

**Q**UÆ scribenda erant, mulier hæc nuper indicaverit. Ego sum ut soleo; imo fileo, & quorundam sino perstreptentes sermones præterfluere. Interim ostendit mihi Clarissimus Plempius noster, judicia apud vos edita. Unum quidem infestum, & ab homine quantum video, malignæ mentis: duo reliqua, etiam à plerisque hic laudata. Ego rogare Deum pergo, ut inducias nobis donet; mutet homines, qui cæde, & sanguine delectantur. Rex noster ut potentissimus, ita optimus est, paratus à bello abstinere, si non iniquæ conditiones sunt: quemadmodum in ipsa Statera scripseram. Viderint, quibus universum negotium commissum est, quæ non iniquæ debeant haberi. De *Uno*, & *Omni*, librum nuper scripseram; sed ut me potius oblectarem, quam erudirem alios. Typographus ubi absolverit, exemplar faxo sine mora accipias. Clarissimum Barlaam, si me amas, nomine meo complecteris. Scriptionem differre adhuc cogor. Bonum nomen ero, cum fœnore officia candoris persolvam. Vale, & scribe.

*Lovanii in Arce, Prid.  
Kal. Decemb. clō Ioc xxxiii.*

*Totus tuus.*

CLXXXVI.

*Cl. Ger. Joh. Vossio.*

**I**Gnosces, Vir humanissime juxta ac doctissime, quod ignotus te compello, ac seria tua leviculo negotio interpello. Iussa Honoratiss. ac Reverendissimi Archipræsulis Cantuariensis (qui nisi immensâ occupationum mole distineretur, jampridem ad literas nuper à te acceptas respondisset) operam tuam implorandam habeo, providendo vellumine terso ac utrinque lavigato, quod & typorum impressionem ferat, & calami etiam ductum non aspernetur. Apud nos perit prorsus hujusmodi artificium, nec aliud habemus velluminis genus, quam quod librorum integumentis adhiberi solet. Apud vos hoc artificium vigere libenter credimus, atque inde Cla-

riss. Virum D. Th. Bodleium vellumen illud comparasse, ex quo constat Catalogus grandis Librorum in Bodleiana, partim excusus, partim calamo exaratus, qui publice prostat in Bibliotheca, quem fortasse notaveras, cum illic esses. Hujusmodi velluminis speciem aliquod, tres scilicet vel quatuor membranas, si apud vos sit parabilis annona, ad se ut transmittas, quamprimum commodè poteris, rogat H. Archipræsul; simulque ut significes utrum hujus mercimonii tanta apud vos sit copia, ut suffectura sit operi, quod mille fortasse membranas aut amplius desideret. Habetis hoc nomine Honoratiss. Præsulem tibi debendi reum, meque insuper eadem operâ devinxis, summum jampridem

*Raptim.  
Londino  
Decemb.  
xx. 1633.*

*Virtutum tuarum Cultorem,*

*P. Turner, Soc. Collegii Merton*

*in Acad. Oxon.*

CLXXXVII.

*Clarissimo Viro Gerardo Joanni Vossio,  
E. Puteanus S. P.*

**T**Alem amittere filium, mi Vossi, quam acerbum sit, meo affectu metior. Cogita ad me quoque, tam triste vulnus pertinere; Ita quæ tua sunt, aliena non puto. Tam variam vero doctrinam, & peritiam linguarum, in ætatem tam floridam cadere potuisse! Prælegi hic Epistolam tuam amicis meis, viris doctis, qui mecum ingemuerunt. Sed tuum est fortiter ferre hanc ærumnam, quæ necessitate suâ ducitur. Ita Deo placuit, cui obtemperare pietas jubet. Ecce ut te recreem, certè ut à dolore avertam, Amœnitatem istam mitto, de *Uno*, & sic *Omni*, scriptam. Lege quæso, & tantum mihi otii impende, ut intelligam etiam nugæ à te meas æstimari. Alterum exemplar, ut Clariss. Barlaeo, nomine meo, tradas, rogo, & amicissimam salutem nunties. Reidani Annales avidissimè expecto: in iis enim Donyfium tuum extinctum completar. Is immortalis est, & mox quoque in Bibliotheca Belgica nostri Valerii Andreæ legetur. Vale, & tibi vendica.

*Lovanii in Arce, Prid.  
Non. Febr. clō Ioc xxxiv.*

Ad Clarissimum Barlaam proximè scripturus sum.

CLXXXVII.

## CLXXXVIII.

Clarissime, Amplissime Vir,

**S**EPTIMO die, ex quo te non sine máximo dolore meo reliqui, fere Hamburgum attigi, felici atque inoffenso, Numini sint grates, itinere. Et cum milliari tantum urbe aberam, obvium habui Dominum Legatum Salvium, Bremam & ad Duces nonnullos inferioris Saxoniae pergentem. Facile illi erat avidum rerum novarum & cupidum penitus cognoscendi, quo statu res Germanicae essent, secum abdicere. Octiduum & quod excurrat illo itinere absumptum. Lustravi Episcopatus Bremensem atq. Verdensen. Quorum prior tantum Episcopum habet Principem ex Holsatia, eundemque Gustavi Regis avunculum. Inde Gluckstadium vidi. Quaestuosus ille ut Daniae Regi, sic Hamburgensibus luctuosus est. Aderat tunc Daniae Rex & unus liberorum, nomine Fridericus Christianus. Admissus ad colloquium convictibusque adhibitus sum & munitiones siquae alia visu dignae erant, spectare permissum. Vocatum illuc à Rege D. Grotium proximoque adfuturum die, rumor magis erat quam certi aliquid affirmaretur. Quare Hamburgum extemplo contendi. Hora ante adventum meum ex urbe profectus erat. Expectavi reditum jam tertium diem sed frustra. Literas quas manu mea exhibendas ad illum dedisti, in aedes ipsius deferre curavi. Dictu incredibile, quanto hoc me dolore adfecerit. Mirari satis nequeo, nihil me à fratre Jacobo literarum vidisse, doleoque sic quoque tuas, ad illustrem Parentem mihi haud missas. Quid apud Dominum Parentem praetendam quamque rationem reddam, cur nec tu nec ille mecum scripseritis, haud in promptu. Convenerat inter me & fratrem, ut proximo subsequenti Saturni die literas suas cum Tabellario Hamburgum mitteret. Quo minus mox mecum sumerem, ambiguus fratris de itinere in Gallias animus in causa fuit. Orationem fratris à filio Isaac, gnaro per quem describeretur, tibi exhibitam, correctamque & tuis adjunctam literis spero. Tabulae Chronologicae, quas in usum fratris describendas filio Matthaeo reliqui, ubi primum descriptae erint, & mihi mittantur, oro, simulque exiguus liber de Nominibus propriis Hebraicis, quem nimia festinatione reliqui. Frater Benedictus in Germania nunc

agit, in dubia spe eundi propediem in Gallias. Quod si Jacobus iter suum distulerit, acturus sum, ut quamprimum in Hollandiam revertar simulque peregrinas oras adeamus. Quod utilissimum utrique nostrum futurum reor. Nec abs re erit si eadem à Domino Parente frater flagitaverit. Concessurum spero, si me diutius operari literis voluerit; quod imprimis eum velle scio, sed nihil perinde in exteras me evocat regiones quam tui desiderium. Nunc primum vere cognosco quantum fuerit tecum vivere, cum id jam mihi negetur. Hocque vehementius tibi reddi aestuo quo magis divellor. Hac summa votorum erit, ut te coniugi, liberis, amicis orbique & sic quoque mihi supremum Numen, diu supersitem esse velit. Id precor, id voveo. Saluta dilectam conjugem atque charissimos liberos. Nihil gratius erit quam ab illis cognoscere prospera omnes frui valetudine. Et ego officii mei memor ero. Vale, meque more tuo amare perfiste qui

Amplissime Vir,

Dabam Hambur.  
22. die Apr. An.  
1634.

Sum eroque perpetuum

nominis tui cultor,

J. Skytte Junior.

## CLXXXIX.

Cl. Ger. Jo. Vossio.

Vir Amplissime,

**C**ITius ad acceptatissimas tuas respondissem, si expectassetes. Tandem fidam nactus manum, mitto Epistolam illam Clementis stylo gravem, sanctitate venerandam, & stylo & sanctitate Apostolicam. Nec divinari possum, cur Clementem hunc doctiss. Heinsius non Romanum velit esse, sed alium quendam. Ipsissimae hic leguntur sententiae, quae apud Irenaeum, Clementem Alexandrinum, Eusebium, Hieronymum, habentur; & quod antiquitati ejus imprimis faver, vix duo reperies novi Testamenti loca, eaque ex Evangelis, ex Epistolis nullum. Fateor à Populo ex conjectura repositum rubro notari minio; sed hoc abundè resarcitur ex nominibus plane Romanis illorum, qui Literas has Corinthiis detulerunt, & humilis tunc sedis Apostolica



postolicæ fuerunt legati. Quin ex illâ Constitutionum farragine aliquid astruitur, cum in quinto Libro eadem quæ hic de Phœnice narratio iisdem penè concepta verbis habeatur; arte ut conjecto sarcientium, quâ ex genuini Clementis flosculis figmento suo fidem faciant. Mitto etiam nuper editum de Veritate librum. Nobile opus si liceat ex Authore & argumento, potius quàm ex opere, iudicium ferre. Ni fallor, hic vere latet Veritas in puteo, cum non novam quam pollicetur; sed aut nullam aut abstrusissime reconditam nobis afferat. Vestrum esto iudicium. Mihi saltem nihil scienti non licet hinc sapere, sint illic limpidissimæ aquæ, at & in profundo sunt, & ἀντλῆσαι οὐ δύναται. Spero me brevi te invilurum, nec tantum amico sed eruditione ipsâ fruiturum; in te enim quasi oculis cernam lucentem veritatem illam, quæ se & facile & purè prodet. Interim si per otium liceat, Nobilitati nostræ logicanti horam unam impendas rogo, sed si opus sit non sine Virgulâ censoriâ. Qui veritati studet, non gravabitur castigari. Alterum velim exemplar Clariss. Barlæo dones (viro mihi nondum noto sed plurimum honorato) simulque petas, ut breviter iudicium suum reddat; vel si placuerit, margini apponat infirmioribus medelam. Expectamus hic Epistolarum fasciculum à Dodræctano quodam medico de Termino vitæ: unâque tractatulum verius quam Epistolam præstantissimi nostri Salmasii. Quam timeo ne malo scripserit omine! In summo enim languore vivit, vel potius moritur; illum tu habes, si quem uspiam tui amantissimum, ego vero tui simillimum. Pergas vir optime, teneriores semper fovere literarum conatus, & me âma. Vale.

Lugd. Bat. iii. Non.  
Febr. An. Domini.  
c15 l5c xxxiv.

*Tibi omni obsequio*

*devotissimus,*

Stephanus Goffe.

CXC.

*Cl. V. Ger. Vossio.*

Clarissime & Amplissime Vir,

**S**I non optatissima Doctissimi Viri amicitia abundè molestias omnes compensasset, me paulò infeliciorem sentirem

ex itinere meo Amstelodamensi: Quippe reverso vel paucas tantum horas indulget Nobilissimus meus Patronus Dominus Verius, quibus me aptarem longiori non tam itineri, quàm itineranti domo; Namque verè ἀμαρτυρία Scythæ fixam non debeo expectare sedem, adeoque si rudis & barbarus redierò, non est penè quod me culpet Literarum Patronus, quum studia lentè augescunt, etiam quæ maximè foventur, facile enecantur, quæ assiduis destituuntur subsidii. Utinque avido Literarum animo nulla elabatur hora, & si contingat Leodium rursus adire, plenius & certius Godeschalci quæ illic sunt perquiram: interim fruatur Clarissimus Vir, historiâ istâ Chapeauvilli tribus tomis distinctâ, in quâ memini me quædam alicubi legisse de Hæresi Godeschalci, quæ tamen in hac nimîâ meâ festinatione invenire & monstrare non possum. Ex paginâ verò trecentesiâ vicesimâ tomi primi certo sciet Doctiss. Vir esse quædam ejusdem manuscripta, tum in æde Lambertinâ, tum Laurentianâ Leodii: prope est ut suspicarer hunc esse alium quendam Godeschaleum, sed non licet penitus examinare; Proinde omnia in manus vestras trado; ut & ipsum me, quem credas oro,

Hagæ, 25. April.

*Dignitati vestræ*

*obsequentissimum,*

Steph. Goffe.

Si quid mihi in mandatis dare cupies, Literas ad me datas (in Castris apud Dominum Verium Anglicarum cohortium Generalem) lubentissimo animo accipiam.

CXCI.

*Cl. V. Ger. Vossio.*

Amicissime Vossi,

**D**Oleo mihi non licere per angustias temporis tecum prolixius agere: Castra me vocant; festinanter omnia agimus. Interim necesse est ut clarissimo amicissimoque mihi viro valedicam. Te cura non tantum tuorum & Reipublicæ literariæ causâ, sed & Ecclesiæ præsertim tuæ, id est, Anglicanæ. Expectant omnes Commentarios tuos de re Grammaticâ; sed adversis imputant ventis,

R

quod

quod exemplaria Angliæ destinata nondum sint transmissa. Poteris jam officio illo supersedere erga Dominum Doctorem Masoni, Principis Praefectum. Ex quo enim veni Amstelodamum, certus huc de morte ejus defertur suavicus, ejusque in locum sufficit Dominus Doctor Duppa, Decanus ædis Christi in Academia Oxoniensi, cui si liber (utpote antea tibi noto, ni fallor) poteris Librum illum Masono destinatum donare. Scias illum doctissimum esse, & te dignum. Vale.

Aprilis die 26.  
Hæge.

Totus tuus,

Stephanus Goffe.

### CXCII.

Doctissime Vossii,

**Q**uamvis Regis erga te animum ante paucos dies perscripserim, nunc tamen oblata occasione eodem defungar munere, ne forte primæ literæ non delatæ anxium te & suspensum teneant. Matæ sodes, Editionem maturæ Principi nostro dicandam. Hoc Rex non tantum boni consulit, sed videtur etiam exoptare, & quod eo sit erga te animo, optimo nostro Domino Archiepiscopo penitus deberes, nisi quod merita tua de Literis & Ecclesiâ hoc ipsum efflagitant. Scias insuper & hodie secundam de libro tuo coram Rege factam fuisse mentionem, eamque hoc pacto: Occurrebat mihi dubium ne forsitan Exterus Scriptor erraret in titulo Principi nostro plene & proprie assignando, adeoque necessum haberi Reverendum Virum Decanum Salisburiensem (is enim Principi instituendo jam præest) hæc de re consulere. Ille de Walliæ titulo scrupulum iniecit, ex eo quod ante certam ætatem non obtineatur, utpote qui ex Creatione quadam Principibus nostris addatur, & non ex jure nascendi. Proinde Reverendus ille Vir Comitum Arundelianum in consilio habuit; per quem tandem res ad Regem delata est. Qui statuit aperte ne Princeps Walliæ vocaretur, sed Princeps Magnæ Britanniæ, Dux Cornwalliæ & Comes Cestræ, &c. Et ne error aliquis obveniat, uni ex facilibus mandatum est ut statim formulam aliquam secundum Leges suas componat, quam ipse ad te transmittendam curabit per manus (uti credo) præstantissimi

Domini Boswelii. Nunc restat, ut te curâ hæc literariâ, quam celerrime emancipes, & stilum illum insigniter felicem Ecclesiæ tradas, & sacrum reddas. Scias velim literas tuas ad illustrissimum Archiepiscopum fore acceptatissimas; Sed cum negotiis gravissimis undique sit confusus, breves videtur exoptare, & tales quæ studia tua narrent potius quam gratias. Vale. Salutem tuam faxo cures, & ama

Raptim. Londini, Tui observantissimum  
Novemb. die 23.  
St. vet. 1634.

& amantissimum,

Steph. Goffe.

### CXCIII.

Cl. P. Ger. Joh. Vossio.

Vir amplissime & doctissime,

**S**i quem unquam me certe torquent iniquiores literæ, utpote quas naturâ suâ & pulchras & difficiles amare mihi licet, assequi non licet. Tot enim negotiorum undæ me obruant ut illis pro voto frui non possum; & certe (quod res est) minus carerem, si facilis & celeberrima Vossiani pectoris Bibliotheca longius abesset. Quorum aculeos infixit mihi nuperus ille cum doctissimo viro congressus? in quo non tantum plenos eruditionis fontes perspexi, sed felicem diffundendi se facilitatem. Mihi enim (ea summa vestra fuit humanitas) plane patere voluisti, in sinu vestro conclusos omnes liceret aggredi Ecclesiæ Patres. Adeoque si voti mei compos esse potuerim humanitatem erga me vestram repetito itinere ultus essem; sed cum illud improvisa rerum turba non patitur, feret doctissimus hæc literarum molestias. Ex quo redii; in Clementis Romani Epistolas nuper in Angliâ ex vetustissimo MS. exemplari editas incidi. Illas puto jamdudum ad manus vestras delatas, sin minus à me celerrime mittendas expectabis. Miram video styli simplicitatem, piam plane doctrinæ pietatem, quæ Apostolicum sapiat virum. Sed unde illud de Mose? ὃ πάλιν λέγει, Ἐγὼ δ' εἰμὶ ἀτμὶς ἀπὸ γυναικός cum nullibi in Scripturis nec suum sensum, nec verba inveniat. Et illud; ἡ γὰρ αὐτῆς, ὅτι λέγει Ταλαίπωρος οἱ δὲ ἄνθρωποι, οἱ δὲ αἰσχροὶ πλὴν ἡρώων, οἱ δὲ ἄνθρωποι πάντες ταῦτα ἠκούσαντες καὶ ἀπὸ τῆς πατρὸς ἡμῶν, καὶ ἰδὲ



ἡ δὲ γρηγορέω, καὶ ἡ δὲν ἡμῶν τῶν συνδύκων.  
 quæ etiam verba repetuntur in Secundâ  
 Epistolâ, & vocantur Περὶ ἡμῶν λόγος. Sic  
 etiam in illa Secunda (cujus tantum frag-  
 mentum habemus) duos Dialogos inter  
 Christum & Discipulos nobis exhibuit.  
 De quibus fortasse dici potest ipsum à  
 Magistro suo Petro traditione edoctum;  
 sed de Mosis & Prophetico dicto quid  
 conjectandum? An ut Junius in Notis  
 suis ex Chrysostomo Scripturas quasdam  
 pernisse? Hoc est *Remedio magis quam*  
*Morbo laborare.* Hoc ipsum observare licet  
 ab ipsis Evangelistis & Apostolis aliquando  
 factum. Matth. c. 2. 23. ὅτι Ναζαρεῖος καλε-  
 ῖσθαι. Act. c. 2. 35. Μαριὰμ ἔτι δίδου  
 ἡμῶν ἢ λαμβάνειν. Ephes. 5. 14. οὐδὲ λόγος  
 ἔργου ἢ ἡγεμονίας, &c. Sic Ignatius in E-  
 pistola ad Magnesios de Die dominico  
 περὶ τῆς ἡμέρας ἐκ τῆς πάλαι ἡμέρας τῆς ὁδοῦ.  
 Jam quo pharmaco? Responsorias pro-  
 lixiores à vobis non expecto, ne Reipub.  
 literariæ injurius essem, dum publico bono  
 detrahi horas illas necesse erit, quæ levio-  
 ribus hisce quasiunculis impenduntur.  
 Saltem unico verbulo rescribas per filium  
 qui Hagæ vivit, ut parte saltem tui fruatur  
 donec liceat ipso te. At quid interim de  
 Puritanis nostris? Certe plura indies audio  
 de illo apud vos ipsorum Coryphæo, adeo-  
 que libere dicam, me rem Cl. Vossio  
 dignam de illo in manus vestras commen-  
 dasse: nam cum sis planè non tam Ec-  
 clesiæ nostræ Filius quam Patronus, non  
 poteris rem gratam magis & Regi & ve-  
 stris Amstelodamensibus præstare quam  
 si efficias ut prudenti Magistratum cau-  
 tela statim dimittatur. Ex ipsius amicis  
 audio ipsum à Classe vestra æque ac ab  
 Hierarchiâ (ut solent dicere) nostrâ ab-  
 horrere; ipsum contra Acta publica in se  
 lata de Regno turpiter aufugisse; Ecclesi-  
 am relictam insalutatam adhuc Pastore  
 destitutam. Et cum talis sit ut Libertatis  
 Belgicæ est permittere, ut lateat, ita ami-  
 citiæ non est ut promoveatur. Spero  
 dignas vobis gratias brevi reddendas. In-  
 terim vale & bono publico vivas.

*Amplitudinis vestrae*

Hagæ  
 Decemb. 13.

*omni officio animique*

*affectu studiosissimus,*

Stephanus Goffe.

CXCIV.

Cl. V. Ger. Jo. Vossio.

Vir Clarissime,

[Iteris tuis, elapsâ septimanâ ad Re-  
 verendissimum Archiepiscopum manu  
 mea traditis, hodie ab ipsius ore hoc  
 responsum ad te properè perscribendum  
 accepi: ipsum nimirum Regi significasse  
 consilium tuum, atque Regem lubentissi-  
 mis auribus illud accepisse. Adeoque Re-  
 verendiss. noster Dominus perlustrato tuo  
 per me misso volumine suadet, ut sub una  
 Dicatione omnes septem Libri simul  
 prodeant, atque illâ ad Illustrissimum  
 Carolum Principem Walliæ, Fratre ejus  
 Duce Eboracensi hac vice prætermisso;  
 hoc notanter dixit. Et quoniam vestra  
 librorum compactura nostrâ & polior  
 est & apertior, convenientius visum est,  
 ut Liber ille quem Illustrissimo Carolo  
 missurus es, Amstelodami compingatur,  
 ne crassities (ut solet) sub nostra liga-  
 tura impeditior & inconcinrior videat-  
 ur. Vides quam peniculate res tuas  
 expendit Mæcenæ & Literarum & Ec-  
 clesiæ & noster; jam restat ut Editio-  
 nem illam matures, & si vacabit, ut sæ-  
 pius de te vel ego aliquid accipiam, ex  
 quo possim de studiorum tuorum ra-  
 tione cum amicis meis differere, atque  
 hoc ex re tua maximopere futurum spon-  
 deo. Unum insuper moneo, ne ampli-  
 us de humaniori Literatura cogites, adeo-  
 que omisâ circa Rem poeticam, & Ori-  
 ginum libros operâ, necesse est ut Theo-  
 logicis te penitus accingas. Hoc pæne  
 efflagitant Reverendissimus noster Præsul  
 & omnes eruditi. Et si consilia tua de  
 illis Theologicis quæ sub manu tenes, Re-  
 verendiss. Archiepiscopo præscribas, scio  
 (sic enim dixit) illa acceptissima fore. Nec  
 dubito quin hoc pacto tibi tuisque omnibus  
 bene consules. Me interim devotissimum  
 habes, paratissimumque fidei opera nego-  
 tiis tuis incumbere, si quæ mihi curanda  
 commiseris. Atque hoc debeo meritis illis  
 Cl. Vossii non publicis solum, sed privatis  
 erga me, quem (ut sæpe agnovit Archi-  
 episcopus) pulchro Elogio affectisti. In-  
 dignum vereor nisi quod laudes tuæ me  
 dignum facient. Vale, Vir doctissime &  
 salutis tuæ prospice.

Londini, decimo  
 die Novembris,  
 Stilo veteri.

*Totus ex animo tuus,*

Stephanus Goffe.

R 2

Brevi

Brevi accipies Literas ab ipso Archiepiscopo, quas nunt per ingentem negotiorum molem expedire non licuit. Et quoniam Liber tuus non patitur moram, hanc mihi provinciam injunxit. Literæ tuæ ad ornatiss. Franciscum Junium missæ ad me illico deferentur.

## CXCIV.

Cl. V. Ger. Jo. Vossio.

Vir Clarissime,

**N**ON dubito quin Literæ vestræ ad me datæ de Damperto jam dudum sint in manibus Reverendissimi honoratissimi que nostri Domini Cantuariensis. Atque hoc tibi debitum fuit, ut ex illis legeret quam serio & sedulo rem nostram, nec tant nostratū quam Christi agas. Hoc feci privati cujusdam amici ope, inconsulto etiam ipso Boswelio. Habet enim ille alios tibi gratias referendi modos: nam perfectis illis ad me tuis maximas egit, & pollicitus est se brevi ad te scripturum. Interim si quid habeas, ne dubites ad me dare, cogitesque in nullius manibus literas vestras deventuras, quin & inde honorem & gratias ingentes reportabis. Dampertus per biduum Hagæ fuit, nec Boswellum invisit. Quid sentis? an omnia sania? an non hoc rei indicium est? Literas dimissorias nondum habet; sed jam petit ex Angliā. Quæ hæc frans? Nam certissimum est ipsum aufugisse à grege suo: De quaestione quidem de Ceremoniis contra illum moti, expecto quotidie Literas quæ mira narrabunt. Audio ipsum ferocissime contra Genossfectionem nostram connotationem fuisse, filiumque tuum Cantabrigiensem agere hoc tulisse. Hoc si verum sit velim cum aliis quando occurrent scribas. Vobis utrisque maximas ago gratias. Chartulam hanc perfectam rogo ut comburas, illud enim de Cantuariensi tibi soli dictum velim. Iterum vale.

Tuis,

Stephanus Goffe.

Per latorem hunc literæ tuæ ad me certissime venient, sive hic, sive quod sapientius Hagæ fuero, atque per illum, ut narrabit melius, poteris singulis septimanis, cum opus fuerit, bene mittere.

## CXCVI.

Cl. Ger. Vossio S. P.

Vir Clarissime &amp; optime,

**Q**UANTUM doleo improvium filii tui discidium prolixiores literas non pati: Accedit etiam crassina concionandi cura. Utunque virum præstantissimum mihi que plane sine merito amicissimum insalutatum præterire non possum. Habes me obsequio quam intime devinctum; Utinam aliquando contingeret exprimendi facultas; Hactenus perventum non licuit ex Angliā quicquam rescire; Plurima expecto à Chariss. nostro Boswelio, qui quantum debet meritis de se & Ecclesiâ nostrâ Vossio, mihi in mandatis dedit, ut vice suâ quam possum serio agnoscerem. Forlan hoc ipse Literis suis præstitit, sic enim statuit aliquandiu Briellæ impeditus. Ex filii reditu plura velim de Nihusho Abbate intelligere. Quem provocationis suæ exitum invenit. Quid adhuc odiderit, quid agit. Et si per negotia tua liceret vehementer erudiri cupio quâ ratione, & quibus authoribus optime possem instrui adversus illud cui maxime innotuit Pontifici de Schismate nostro ab Ecclesiâ Romanâ. Sed plura nunc non licet. Hanc Seldeni nostri Diatribam quod incompactam habes, hisce temporis angustiis imputabis; Utunque quia nondum ad manus tuas pervenisse suspicabar, obsequii mei testem mitto regestibam: Omnia mea boni consulas oro. Vale!

vi. Idus Aprilis.  
c1o 16c xxiv.  
Hagæ-Comitæ.

Totus Tuus,

Stephanus Goffe.

## CXCVII.

Cl. Ger. Vossio S. P.

Vir amplissime clarissimeque,

**L**iteras has nunc ad manus meas ex Angliâ delatas statim tibi mittendas duxi, alioqui Deo volente me latorem habituræ essent post paucos dies. Ex illis quam gratum sit quod pro Ecclesiâ nostrâ moliris facile intelliges, cum is qui scribit sit Regi à sacris, & cum Archiep. nostri (ni fallor) literis ad te missis cum Comitum



tem Arundelianum huc comitatus fuerit. Sed vereor ne propter impedimentum iter diu scriptæ fuerint; videntur enim illæ, quæ ad me dantur, primis meis folis respondere; Expecto adhuc recentiores, & à viro longè potentiori; Interim ex his quædam dilces; illud imprimis ratum facit Transfugam illum nunquam in quæstionem vocatum fuisse de rebus Ecclesiasticis; sed planè desertorem fuisse militiæ suæ, quod jure nostro castrensi gravius est puniendum, sin ex partium suarum zelo voti compos fiet; fruatur suo grege Pastori simillimo vere vario (& Jacobini illius instar) maculis interstincto. Tuæ utcumque pietati, & insigni erga Matrem nostram Ecclesiam amoris, immortales debentur gratiæ. Raptim hæc. Vale, Vir optime, & me ama: quem vereor, ne diutius quam velim, habeas in his regionibus inquilinum. Nam & à Rege ipso & Archiepiscopo designatus sum Pastor Mercatorum Nostratium, qui Delphis habitant, in locum Forbesii; hoc est ingentis oneris & invidiæ. Sed Dii meliora! Hoc esset vel Amicorum contra proverbium *ἀδελφὸν σὺν*. Adeoque per totum ferè mensem Hagæ versatus fui cum Prolegato nostro ut istud onus inoffenso Rege declinarem: quod spero. Boswellius festinatò petit Angliam, sed reversurus. Tu tamen ante accipies ab ipso Literas (ut ait) debitissimas. Iterum vale.

Lugd. Batavor.  
vii. Kal. Martij.  
A. D. 1634:

*Amplitudinis Vestræ*

*studiosissimus,*

Steph. Goffe.

Ecce nunc alias accipio Literas quæ afferunt Metaphysici nostri Baronis non tam protestationem quam Literarii Belli provocationem; vix licet mihi jam percurrere. Sed Clariss. Barlæo (quæso) tradas ut viri *philantropus* veritati (quam jactat) inimicissimam advertat.

#### CXCVIII.

Cl. Ger. Joh. Vossio *S. in Christo.*

**A**ccipies hic (mihi merito charissime) unam, eandemque brevem Epistolam. In eâ tribus tuis mihi exoptatissimis Responſionem, sed qualem moles negotiorum (quæ penè opprimor) permittit,

rudem scilicet & incultam, solâ brevitate gratam, solo amore candidam: Reliqua tota una Litura sunt.

Et primis Literis tuis de Tempestate, quæ domum tuam invasit, & filium prostravit, tam meritis quam natura chariorem, consultius non respondi, ne manus meas in crudum adhuc vulnus immitterem. Spero jam cicatricem contraxit. Et tu quod decet, teque dignum est, fecisti, patienter te, & tua Deo, (qui suis, quæ optima novit, impertire solet) submittendo. Ibi enim aut acquiescendum est, aut in hac vita nullibi. Sed opera quædam filii tui si placet edere, quibus illo etiam mortuus luce fruatur, aut perfecta des nobis aut nulla.

De Novatoribus nostris apud vos quæ scribis vera sunt, quæ contra illos conaris pia, & pro Pace Ecclesiæ. Si nolint se ad pacatiora studia recipere (& certè nolunt) sint quod esse cupiunt, inter puſillos Gigantes, modo sint quod & esse, & haberi mereantur, inter doctos Sciohi, & inter prudentes Temerarii.

Literæ tuæ secundæ Causam Blaui tantum exponunt Patris, Filique, & quo consilio Twissum typis mandarit. Certè prudenter Farnabius, qui mentionem Privilegii sui fecit; sed valdè inconsultò Londinenses Typographi Privilegia sua silentio damnarunt. Unde enim Extori caveant quod nesciunt? Num Prophetas volunt Typographos esse? Sed responsum his Literis retulit diu abhinc Blaui Filius, utpote quem statim post Literas tuas acceptas, sine ulteriori processu, sumptibusve, dimisi è Curia in tui solius gratiam. Responsum putavi illud scripto melius, præcipuè cum tunc nihil mihi daretur oculi. Et video ex subsequentibus Literis tuis, fidum se fuisse narrando tibi Parentique suo quid in ea re fecerim. Gratias enim Literæ tuæ referunt, & tuas & Patris. In Literis autem tuis novissimè scriptis, non solum lego gratias mihi supra meritum repensas, sed hoc etiam, te labores tuos Grammaticos ad finem perduxisse. Gaudeo certè, & eò magis, quia semper cogito de Baronio. Librum etiam unum cum Literis misisti, tradidit mihi Goffius, qui & ante hæc Literas has ad te detulisset, si citius redire potuisset. Goffium antea non vidi, de eo, modestiâ, & doctrina ejus ab aliis, ut etiam à te ipso sapius audiui. Si pergat (nil dubito) possit pro meritis præmium & expectare & recipere.

Consi-

Consilium tuum in Editione horum Librorum, nempe ut sub nomine & auspiciis, aut Principis Walliæ aut Eboracensis, prodeant, valde probavi. Necessarium tamen duxi illud cum Serenissimo Rege Carolo communicare. Partim ut intelligat quàm memor & gratus sis pro Beneficio in te collato; partim ut sciat obsequium tuum non sibi solum, sed & suis paratissimum: præcipuè vero, ut penes illum sit eligere utri horum Principum Illustrium Liber iste tuus inscriberetur, an utrisque? Gratiòse quidem accipit Rex optimus, quod intendis. Et forte aliquando (inquit) Nomen fronte inscriptum, invitabis filium meum ad ejus Editionem, licet fortè minus seriam. Hoc verò jussit, ut tibi rescriberem; velle se ut Libri hujus dedicatio (quando ita tibi placuerit) sit Illustrissimo Walliæ Carolo. Perge nunc, & Librum hunc habeamus publici juris.

De Novatoribus iterum in his Literis scribis. Certè quod vellent turbare omnia, suum est, quod non possunt, Dei. Interim miserimè laceratur Ecclesiæ Christi facies, Corpusque; neque (Disciplinâ penitus fracta & concussa) videt ipsa Prudentia, quibus artibus vulneribus hisce possit succurri.

De Johanne tuo, doleo quod nequeas in eo illum Studiorum amorem quem desideras excitare. Sed quum res ita se habeant, aliâ aggrediendum est viâ, & sapienter meo judicio facis, si alia animo tuo agitare incipias. De reditu autem ejus in Angliam noli cogitare. Nam mensis vix præterit, quo publica fama Cantabrigiæ increbuit, illum non solum fidem dedisse mulieri illi, de quâ antea scripsi; sed cum eâ solennia matrimonii publice in facie Ecclesiæ celebrasse. Nominatur Locus Tempusque. Præpositus & Socii Collegii Jesu consilia ineunt, de alio in ejus locum, utpote sic vacantem, surrogando. Fama etiam in aures meas volat. Ego ad Ecclesiam Parochialem nominatam mitto, Registrum Matrimoniale (quò in singulis Parochiis utimur) inspiciendum curo; Nihil ibi reperitur de Solennizatione Matrimonii. Desistunt ergo ab intentione suâ Socii, nec alium eligunt. Sed vides quæ sit opinio, quæ expectatio; & si redierit filius, certo certius aliquid eveniet quod nolis. Et ut finis sit huic malo, optimè opinor consules & famæ & salutis filii tui, si ibi eum retineas, disponasq; ut ei magis congruum esse inveneris. Resignatio autem Socie-

tatis in Collegio Jesu, in forma Juris manu propriâ subscripta, si ad me mittatur, ut in manus Præpositi illius Collegii tradatur, quamprimum curabo, ut sic honestè à Collegio discedat. Aliter probabile est, illos tam diu absentem ulterius non expectaturos, sed locum ejus vacuum pronuntiaturus, quod nollem factum.

Quod reliquum est, gaudeo te vinculis morbi tui liberatum, ut possis iterum Ecclesiæ, Reipub. & Amicis inservire. Valeas. Ex animo sic optat

*Dat. ex Aedibus meis  
Lamb. Febr. 27. 1634.  
Stilo nostro.*

*Amicissimus Tibi,*

Guil. Cant.

### CXCIX.

Clarissime Vir, Amice observande,

**F**Ungens non ita pridem legatione nomine Serenissimi Regis mei ad complures in hoc occidentali tractu Europæ Principes, non postremum duxi in tantarum mole atque continuo negotiorum strepitu, virorum virtute, consilio, doctrina præstantiorum, consortio & conversatione refici ac relaxari. Id cum ubique apprime curarem, tum in fœderatis Belgii partibus, ob hominum honore & gravitate florentissimorum frequentiam atque humanitatem, singulariter mihi non prætermittendum existimaram: Tot autem & tantis obrutus impedimentis cum remissius desiderio meo obsequi coactus essem, nihil ardentius expetivi, quam vel tibi uni innotescere, tuamque amicitiam atque amorem conciliare, utpote cujus insignis prudentia ac eruditio in pluribus Europæ partibus clarissimam meruit famam. Sed cum id mihi sive urgentium mearum occupationum multitudine sive temporis inopia & brevitate ereptum sit, pro eo ac debeo graviter molesteque fero. Interim tamen cum id quod mihi non accidit, filium meum consecutum esse videam, eumque non solum semel in amorem receptum foveri abs te, sed ex intimo affectu optimis monitis dirigi & in literis juvari probè sciam, gratulandum mihi existimo: eoque magis postquam à nonnullis intellexi qua facilitate recipias, humanitate tractes, sedulitate exerceas ingenia tuæ curæ commissa. Quippe arbitror filium etiam meum majori utilitati sibi, mihi solatio, Patriæ usui posse existere, si ei, ut ex tuæ sapientiæ fonte in



sui ingenii cultum rivulum aliquem attraheret, spatium temporis longius concederetur. Nunc cum & meæ privatz rationes & præsens rerum Status exigat, ut in Poloniam quamprimum revertatur, quod illum in commercium tuarum literarum sapientieque lubens adsciveris, & in profectus ejus ita desudaveris, ut non sine insigni fructu ac emolumento tam celebris viri in bonis literis auxilia sensurus sit, eam quam possum tibi maximam habeo gratiam. Ita profecto & me in præconia laudum tuarum traxisti, & filium meum ad omne officii genus ac grati animi testificationem obligasti. Quod reliquum est vicissim mutui mei affectus declarandi occasionem exoptans, optimæ valetudinis magnæque sapientie maxima incrementa à Deo Opt. Max. tibi apprecior. Vale.

*Dabam in Suec.  
16. Maii. 1634.*

*Clar. D. Vestra*

*Studiofissimus,*

*Joan. Sawadski*

*Guber. Suecensis.*

CC.

Amicorum Opt. Max.

**Q**Uas dedisti pridie Calendas Maias nudius tertius accepi: quibus certè percussisti vehementer, dum de obitu Dionysii tui scribis. Doleo majorem in modum ereptum tibi tantum filium, mihi verò, filioque item meo, amicum rarum, orbi virum aliquando certe maximum: sed ostendere illum Deus voluit potius, quam concedere. Non solamen ullum offero quod abunde à te habes: ac largitur tibi ratio, quod daturum esset tempus. Maimoniden ejus, Cæsaremque, & Reidanum, quos promittis avide expecto: & accuso Elzevirium, qui cum ad nos commicaret te in transitu compellandum non putavit. Nollem factum. Grata mihi mentio de Noomiso nostro, sed quod queritur edi à me Bibliothecam meam Atticam, & inter nos aliter olim convenisse, fallit virum optimum, & amicissimum, hic memoria. De altero quod restat, opere nempe Bibliotheca Græca, egeramus; quam si edere etiamnum est illic animus, per me licet: ego libens acquiescam: ac si à me edi velit, gratum

erit: & Laborem quoque istum impendam Reipub. Literaria. Fac me quæso proximis tuis certiorum. Interim consilio tuo obsequutus, testandæ veteri amicitie meæque in amando ipso constantia, dedicabo ejus nomini opus sane luculentum Creticarum Antiquitatum Libros quatuor, quod secundo statim tomo comparebit. De dissidio Typographorum, sanè doleo; magis etiam quod per hoc editio meorum operum differatur. Quæso, quod promittis, urge & effcito, ut admoveat tandem manum. Jam salivam movi multis in hoc Regno eruditis, & magnatibus: itaque ne fidem meam hic destituat; ac ridendum aut fugillandum me prostituat. Regnum Atticum admodum mendosè excusum est; ut errata tibi mitto quæ Typographus tempestivè emendabit. Perlegantur quoque Græcorum Auctorum loca, quæ festinans non inspexi. Nullus dubito quin mendorum illic plaustra inveniantur. Mito nunc præfationem primo Tomo præfigendam; missurus statim quicquid ad secundum Tomum pertinebit, ubi primum inchoatum intellexero. Habe tamen operum illorum elenchum, quæ in eo comparebunt. Vale amicorum maxime. Uxor mea quam potest amantissime tuam, liberi liberos salutant, & imprimis filia filiam.

*Sora xii. Julii.  
c1610c xxxiv.*

*Æratem Taur,*

*J. Meursius.*

Adjunctas ad Spelmannum, quæso, ut primâ occasione curare velis.

CCI.

*Viro Reverendo & Clarissimo Gerardo  
Johanni Vossio, S. D. Henricus  
Ernstius.*

**I**mmaturum obitum filii tui credo prohibuisse, quo minus mihi ad meas respondere. Incredibili sanè desiderio tuas frustra hætenus expectavi: & nescio certè quo malo sydere ego ad scribendum eo; quum nunquam ab iis, à quibus velim, responsum auferre possim. Suspicio me incomptis meis literis vobis elegantie Patronis talem movere nausæam ut simulac horridum & incultum sermonem quando fastiditis, mei etiam memoriam exuatis. Verum concedere aliquid nobis inferioribus;

bus; gradus posuit Architectus omnium. Caterum tui silentii id esse causâ existimo, quod egregio isto tuo filio orbatus sis. Eheu conditionem reipublicâ literariâ! quæ tot gravibus ictibus percellitur, ac pene prosternitur, quot illustria membra amittit, ex quibus filius tuus certè non infimus. Doleo tuam vicem, doleo mestissimæ tuæ conjugis dolorem; quibus elegantissimum & divinum istud ingenium maturum videre, fructumque illum colligere non licuit. Sed sufficiat vobis, Deum vos beasse filio, cujus ingenii magnitudinem viri docti mirantur, cuiusque mortem boni omnes dolentius ferunt. Mortuus est, non interiit, vocatus est & non oborto, quod dicitur, collo tractus, ab eo ad quem omnes pii pergimus. Tum erit comprehendere mentem aliisque qui tua auctoritate nituntur, monstrare, virum pium esse immobilem & stare in quadrato. Peto abs te, Cl. Domine Vossi, pro tua in me singulari & maxima benevolentia, proque constanti nostra amicitia, ut mihi respondêas, meque certiorrem facias de libello meo, in quo Publii Mimi, quem apud te deposui, num excusus sit. Si putas id apud vos fieri hâc posse, mihi velim eum unâ cum tuis Notis remittas, tum illum heic, ubi valde desideratur, typis dabo rescribendum. Operam dabo, ut iis, quæ ad metrum faciunt, satisfacere possim. Literas tuas tradendas dare commodè potes Domino Johanni Molenio illustris & generosi Domini Oligeri Roskrantzii filii Erici apud vos comiti. Ego enim jam sum cum incomparabili isto Heroe: cujus virtutes & eruditio in hoc vertuntur, ut Deum pura mente, hoc est rejectis hujus mundi vanitatibus, colat, proximoque suo serîo inserviat. Audi factum æterna memoria dignum. Optimus hic Vir, quum per omnes gradus ad honorem & dignitatum fastigium pervenisset, illudque inter sui similes teneret, sua se sponte eo abdicavit, ut Deo suo melius servire posset. Utinam tibi vir ille familiaris esset notus! tibi dico, qui laudes ejus ad posteritatem mittere, maximè es idoneus. Plura ad te hac de re scribere non audeo, ne videar prudentiæ tuæ diffidere. Quare te rogo, ut mihi rescribas, existimans, neminem te tui amantiorem habere. Salve in Christo Jesu Amicorum optime, nobilissimamque conjugem & suavissimos liberos salvere jube.

*Dab. Rosenholmi iv. Non. Julii. 1610 xxxiv.*

Scriptâ jam epistolâ vocat me illustris noster Heros, & jubet te plurimum salvere, obnixè rogans, ut se excusatum habeas, quod ipse tibi non responderit, sed officium hoc suum mihi delegaverit: id quod jam arduis negotiis pæne obrutus præstare non potuit, proxima occasione se compensaturum pollicetur. Iterum vale etiam atque etiam.

Verum hæc infra, siquidem generosus Dominus se ipsum ad scribendum accingit. Tu velim qua es humanitate garulo amico ignoscas.

## CCII.

*Vir Celeber. Ger. Vossi, Amice desiderate.*

Optarim utique quàm non tantum privati tuis in me meosque, verum etiam publicis in rem literariam meliorem meritis, plurimum me juxta cum bonis omnibus debere, lubens profiteor; tam etiam commoditatem satis opportunam, jampridem atque in præsens etiam oblatam fuisse, qua id manu saltem, cum aliter nondum datum sit, ingenue tibi testatum facerem. Quando autem id mihi hætenus pluribus se ingerentibus impedimentis, denegatum esse fide sanctâ tibi testari possum, spero omnino, animum in te meum, quem tibi totum debere agnoscere non nequis, etiam officiis quibusvis deditum & promptum nunquam non debere me velle tibi, pauculis saltem lineolis facile me posse tibi comprobare. Ericum filium meum, qui se, magno tuo merito, totum tuum jam sapius mihi professus est, urgentibus de causis domum modo revoco, monitis rectis & solidis probè instruendum, priusquam mundo ulteriori, errore seculi præsentis violentiore, committatur, quem tamen intra pauculos menses ad vos rediturum, nolim omnino Belgio vestro valedicere, quam sapientia tua, quicquid dictare equidem ipsi sufficiam, confirmari sibi coram deprehenderit. Plurima aliàs essent, de quibus te convenire jam valde pridem gestio, verum intempestiva Tabellarii, præsentis compellatione, temporis justâ usurâ exclusus, cum summo meo desiderio satis non posse modò fieri deprehendam, opportunam utique commoditatem mihi voto continuo exoptare non desinam, quousque etiam eâ ex parte, ipsum Fatum meum, quod nullum nisi solius Dei effatum agnosco, me ex asse bearit. Interea



terea cum tuis omnibus supercœlesti nostro  
Bioscop religiose commendatus vale optime.

Ex Rosenholmiano  
meo 3. Non. Julii  
Anno 1634.

Oligerus G. Rosencrantz.

## CCIII.

ET si serius aliquantò rescribam, Vir  
Clar. & à me non una ratione ex-  
cusi possit (non ignoras opinor Capituli  
Generalis Celebratione solemnem nobis  
per statuta nostra semper esse Junium; ut &  
Novembrem mensem, eaque negotiis Ec-  
clesiæ nostræ cujuscunque generis expedi-  
endis destinata esse Capitula) eò tamen  
minus mihi de excusatione laborandum,  
quod etsi non verbis, re tamen ipsa literis  
tuis dudum jam à me satisfactum est. Si-  
mulac enim tuas accepi Kal. Maii datas,  
25. libras (quantum Londoni tum casu  
versanti mihi in promptu erat:) Peistero  
ipsi numeravi; cæteras autem 25. paucos  
post dies, Beviro Peistrii Delegato, Can-  
tuariam reversus. Sed ut signatius rem  
intelligas, scripta est apocha Peysteri 23.  
Maii; Beviri autem, 5. Jun. Reliqui si quid  
hic tibi negotii, cum superioribus meis literis  
sit omnis ejus ratio tibi exposita, tu autem  
ejus mentionem in tuis omiseris, non est  
quod hoc tempore plura super eo addam.  
Illud tamen non te celabo, Illustriss.  
Dominum Archiepiscopum (cui per sta-  
tuta nostra peculiaris Cantuariensis hu-  
jus Ecclesiæ cura commissa est, summa-  
que hic post Regem autoritas) nuper  
Archiepiscopalem Visitationem per Dele-  
gatos instituisse, multaque tum ad univer-  
sum hujus Ecclesiæ statum, tum ad singu-  
lorum Canonicorum jura pertinentia ad  
ipsum relata esse, & ab ejus cognitione  
jam pendere, quæ cum erunt judicata, ii  
quid ad te pertinebit, per me resciturus es.  
Luctum tuum ob mortem charissimi tui  
Dionysii prolixè narrabant tuæ, quem  
etsi maximum fuisse, prout à te magno  
affectu parique facundia descriptus est,  
animo concipiebam cum legerim tu-  
as, non tamen aut iniquus, aut expecta-  
tione mea major mihi visus est. Si enim  
à me, si ab aliis hic plurimis, quibus ali-  
quot duntaxat ingenii sui præludiis inno-  
tuerat, ita exceptus est tristissimus ille nun-  
cius, & multos à nobis gemitus expri-  
meret, diuturnoque doloris sensu afficeret;  
quantum tuum patris indulgentissimi, do-  
ctissimi, simul & præceptoris diligentissimi

dolorem fuisse amisso tali filio necesse fu-  
erit, facile erat conjicere. Ego sanè ita  
affectus sum, ut nisi te hominem haud  
vulgari more ad pompam & fastum lite-  
raturum, sed verè ac solide sapientem cogi-  
tasset, oneri tam grâvi ferendo parem  
fore planè desperasset. Sed noto plura  
de eo, ne vel testam Demeam, tuum do-  
lorem renovem; vel te consolando, ni-  
mium ipse mihi videar tribuere, quasi me-  
liora possim ego suggerere, quam quæ  
prompta tibi de tuo ac parata fuisset, quo-  
rumque utilitatem jam usu ipso perceperis,  
tuis ipse literis abunde testatus es. Reli-  
quum igitur est, ut de Antonino tibi re-  
spondeam. Narras te bina ejus exempla-  
ria accepisse; sed literarum, quæ cum ex-  
emplaribus ad te curanda Peistero tradita  
sunt, nullam facis mentionem, ut mini-  
me dubium sit, eas periisse. Rogabam te  
per illas (scripta autem sunt illa, si bene  
memini, circa medium Januarium:) ut  
binorum exemplarium alterum ad virum  
amplissimum, & doctissimum Dominum  
Boswellum, Regium istic Oratorem, nisi  
aliter tibi ipsi videretur, sive tuo sive meo  
nomine curares. Is ad vos jam redierit  
necne, compertum non habeo. Audio e-  
nim nuper eum hic fuisse: sed audio tan-  
tum. Non enim hæcenus accidit ut  
viderem. Jam sub prælo est, & brevi, ut  
audio, proditura secunda ejus libri editio;  
non me sane procurante, (in aliis enim  
jam pridem sum) sed Bibliopolâ, cujus im-  
pensis prima prodit, suis compendiis con-  
sultente. Valde enim, ut videtur, pri-  
mam Editionem quæstuosam expertus sit,  
cum intra paucos menses direpta sint omnia  
Exemplaria. Quod de quibusdam locis sen-  
tentiam tuam proponis, magnam in eo  
gratiam à me inivisti, qui magno redime-  
rem familiarem tibi Linguam Anglicam,  
ut plura loca comparare sine alterius ope  
potuisses. Lib. I. ubi utraque XII. editio de  
Sexto, τὸ ἀδελφικὸν καὶ ἀδελφικόν, tu conjicis;  
τὸ ἀδελφικὸν καὶ ἀδελφικόν, quasi Antoninus  
Sextum ab ingenua quadam simplicitate  
(si mentem tuam rectè capio) commenda-  
ret, quod amicorum peccata pari quadam  
cum vinolentis (qui minimè perspicaces  
hic esse solent) facilitate præteriret. Ego  
per καὶ ἀδελφικόν, eos intelligebam, quibus  
civitas & civitas vulgò in Philosophorum libris  
tribuitur, καὶ ἀδελφικόν nempe, καὶ ἀδελφικόν; atq;  
inde commendari Sextum, quod talis ac-  
tantus Philosophus ostendenda sapientia  
occasionem pro cæterorum Sophistarum,  
καὶ ἀδελφικόν more (illustre Exemplum  
apud Aulum Gellium, lib. I. cap. 2.)

qui quocunque loco quocunque tempore, Theoremata & Scita Stoica crepare solebant, minime captaret ipse; sed cum inter homines idiotas & Philosophiæ rudes versaretur, ab intempestivis ejusmodi disputationibus cautè abstineret, ne se pariter & Philosophiam ipsorum odio & contemptui temere exponeret. Quo & ista Epicteti pertinent, Wolf. edit. Cap. 68. *καὶ λέγει τὸ πολὺ ἐν ἰδιώταις ἀλλ' οὐκ ἐν φιλοσόφοις*, &c. quæ & proximo cap. repetuntur. Qualia & ex aliis plurimis multa adduci possint. Vocem autem *ἀδιόγητον*, in hunc sensum ex Laertio exponebam, ubi ex Stoicorum Sententia virtutes alias esse *ἀδιόγητους*, τὰς ἔχουσας ἢ εἶναι ἐν ἀδιόγητον, asserit; alias autem *ἀδιόγητους* ἐπ' ἔχουσας, &c. Si cui magis arridebit ut verba ista passivè accipiantur, & τὰ ἰδιώτεια, sint dogmata ipsa & opiniones Philosophorum, non ego valde repugnarim; præcipuè si exemplo non careat: Eadem autem tum fuerit Sententia. Hæc quoque super obscuro hoc loco, quæ etsi non tam satisfaciant ipsi mihi, ut pro veris & certis ausim obtrudere; haud minus tamen etiam nunc arident, quàm quod tibi obiter hoc agentis venit in mentem. Si tamen re accuratius expensâ, (quod ut facere mea causa ne graveris etiam atq. etiam te rogo) in priori sententia persisteas, tanti facio tuum iudicium, ut minime dissensus sim. Alio loco, ubi Xyl. editio pag. 155. *ἐνερgeticῶς*, reponis τὴν *ἐνερgeticῶς*; ita omnino sensus postulat. Sed, quod tu non advertisti, jam in Notis Xylander ipse monuerat, & in Versione expresserat, quod & à me factum est. p. 158. quod legitur *ἐν τῇ ἀλλοτρίᾳ μὴ εὐρίσκω, τὸ φιλοσοφικόν*, &c. corrigendum fuisse τὴν *Οὐρίαν*, videris innuere; nec tu solus ita censes. Ita enim (ut alios omittam) hunc locum edidit præstantissimus Salmasius, in Hist. Aug. pag. 77. Ego tamen adhuc *ἐν τῇ*, cum utrumque tam *Viri* quàm *Severi* nomen ab Antonino nostro (quem Catilium Severum à materno proavo nominatum testis Jul. Capitol.) ad hunc Lucium Commodum, jam imperii consortem, transire poterit. Imo vero ita rem habere li- quidò affirmare possumus, si Galeno fides, qui *ἐν τῇ ἀλλοτρίᾳ μὴ εὐρίσκω*, exerte Anton. Imperatorem, Severi nomen, quò prius appellabatur ipse, in Lucium transulisse prodit. At Galeni codices depravatos hic censet Baron. Ann. Ch. 163. §. IV. & pro *Severo*, rescribit ipse *Verum*. Cui sanè sententiæ alter Galeni locus (à Baronio tamen hic præteritus) *ἀδύνατον οὐδ' οὐκ*

*ἰδὼν βίβλιν*. non parum favere videtur, ubi Galenus cum de mutatione nominis idem dicat, Verum non Severum scriptum præferunt editi Codices. Sed quicquid hujus sit, cum non deesse viderem, quod objici possit, si quid in Antonino, non prius expensis utrinque rationibus, mutarem; expendendi autem locum fore tuum maxime opportunum, si quando Antoninus nostris Commentariis illustratus Græce prodiret in lucem; ideo in hac editione consultò prætermissa est omnis rei ejus mentio. Nam notulæ illæ, quæ nunc *ῥόμματος* *ῥόμματος* editæ sunt, vix centesima pars sunt eorum, quæ nobis in hunc divinum Scriptorem pridem jam notata sunt. Xylandrum Interpretem, virum doctissimum, optimè de literis meritum, agnosco libens. Eundem tamen in hujus Scripti versione negligentissimè vel infelicissimè versatum esse, negabit nemo qui Græcâ accuratè expensurus est, & mihi est exploratissimum. Nobis tamen Anton. legentibus, ipsum intelligere, non Interpretis errores fugillare, propositum fuit; etsi quæ inter legendum observata sunt, non ut aliis ea probarem; sed ut mihi ipsi satisfacerem; primò à me factum est. Quare, etsi iidem, qui versionis Anglicanæ, animi oblectandi causâ à me susceptæ, publicandæ authores fuerunt; iidem ut Græcam editionem adornem, valdè suadeant; agrè tamen, quantum video, præstituri sumus. Sacra enim profitentes, alia scilicet nos hic occupatos habent: inter alia, concionandi grave onus; nec otii tam felices sumus, ut ad ista divertere, utcumque gratissima & optatissima, sæpe vacet. Sed epistola modum jam excessi. Vale, Vir præstantissime, & amare perge

Cant. post. Id.  
Julii, 1634.

Tuum, quantus quantus est,

Mer. Casaubon.

Mitte quæso cum proxime scribes ad Beysterum talem Apocham, qualem jam ferè biennium est, cum misisti; ea nempe præscriptione, te ex præbenda tua ab initio ad Octob. mensem 1634. tibi debebatur, rectè ac plenè accepisse. Sed mitte eâ conditione, ut non nisi exacto Sept. eam mihi tradat, cum præter 25 libras, quæ jam tibi paratæ sunt; alteras 25. quæ tum debebuntur, acceperit. Plurimam quæso tuæ tuique à me meaque & universo nostro Collegio dic salutem.



CCIV.

*Excellentissimo, & Clarissimo Viro, D.  
Gerardo Joanni Vossio, Historiarum  
Professori solertissimo.*

**P**ostquam, Vir Clarissime, humanitate tua illectus, amicitiam tuam ambivi, memini me semel tantum ad te dedisse literas: at quod non sapius à me tibi fuerint reddita, non modo non negligentia mea, sed ne occupationi quidem tribues. Quoties enī te, vel coram vel per literas, alloqui cupio, toties pudor hūc conatum supprimit; eod quod occupationem te credam, quam ut paululum temporis amico, novo quidem, & nuper nato, sed tui amantissimo, in tanta copia amicorum, multo me digniorum, tribuere possis. Verumtamen perficere frontem malui, quam pudore diutius à tua humanitate secludi. Ne autem vacuus in tuum conspectum venire, ecce donum, quod superiori anno, non tam elaboravi, quam importunis quorundam flagitationibus, deproperans precipitavi; ut necdum ipsi mihi satisfaciat; nempe instructionem de ratione studii Theologici. Hanc si pellegeris, maxime ubi de ratione studii Hebraei, ac Linguarum Orientalium agitur, tumque mihi iudicium sincere communicaveris, feceris mihi gratissimum. Sanè in studio Hebraeo, & Linguarum cognatarum, ut inultum inde à juventute, auspiciis D. Buxtorfii, operæ locavi: ita nunc in professione experientia, eod usque provectus sum, ut auditores meos, non semel semestri, ac nuper diligentiores nonnullos, trimestri spatio, impensis ad summum, quinque in hebdomade horis, hucusque perfecim, ut textum quemlibet Hebraum, adhibitâ versione, & Lexico, facile resolvere, ac intelligere queant. Tuâ humanitate fretus, quæ tacere mallem, scribo; sperans fore, ut tuâ me amicitia digneris, meique aliquando, ubi offerretur occasio, rationem habeas, & ubi à negotiis urgentioribus dabitur respiratio, (quod tamen vix postulare, nedum expectare audeo) rescribas. Cæterum sic existimes velim, me tui non observantem modo, sed & observantissimum esse, nihilque fore tuâ amicitia majus; idque semper dabo operam, ac omnibus officiis meis efficiam, ut ita esse verè possis judicare. Deus te bono publico diu servet incolumentum.

Dab. Hardervici,  
Anno 1634. Aug.  
28. St. vet.

T. C. observantissimus;

Henr. à Dieft, Theol. Prof.

CCV.

*Eruditissimo, Clarissimoque Viro Amico  
æternum colendo, D. D. Gerardo Jo-  
anni Vossio, Isaacus Basilius S. D.*

**Q**uod ad te studiis gravissimis distentum perpetuo perturbare audeo, vir nostri seculi eruditissime, facit insignis tua illa humanitas; quâ in tuis præterpropter Quadriennium ad me datis ad hoc officii genus, cunctantem alloqui sui mandata animavit. Nempe veteri, quâ te æternum prosequor, veneratione defungi identidem gessit animus: quinimo istuc ipsum gratitudinis leges imperant; præclaris tuis monitis ac blandis præceptionibus factus erectior, meum exinde in bonis literis profectum qualemcunque, habeo tibi quod acceptum feram. Nimirum tuis hortamentis, quibus me per literas dignatus es, obsecundare totus adnitor; votorum summam complexurus si me meaque contamina, tametsi haud ea unquam futura sunt tanti tibi aliisque Reipub. literariæ Principibus, quandoque approbem seculares literas, aliquampridem abdicare habui necesse, uti in Theologica studia totus effunderer, & Augustissimæ animarum scientiæ me measque omnes Scholasticas curas devoverem unice: hinc in perorationum vernacularum provincia assiduo politiora omnia studia sensim obsolescunt: neque verò piget sic à Toga ad Pallium transgredi, sed id caufor, quo tu nil mirere si fluo luculentus, & quoties calamus agitando est, frigeam totus: imprimis si incomparabile tuum illud nomen appellandum mihi est. Emoriar, ni minore negotio putem me ad Senatum integrum literatorum posse dicere. Sed (quâ es æquitate) missis defensionibus. Ad Patres subinde divortor, Græcos imprimis, quos ut secundum sacrosanctum Scripturarum Oraculum profunde suspicio: ita, Vir summe, si aliquid tuum super his consilium, vel verbulo *adversus*, exorare liceret, omnes omnino habeam causas, te quod facio æternum venerandi. Nempe tametsi in eam rem Pedariorum Scriptorum est assatum, tamen de ordine Læctionis, de selectu, de charactere quo spuria à genuinis queant secerari, si te ducem vel verbo impetrem (cujus in eo disquisitionum genere præclarum studium, Historiæ Pelagianæ, Scriptorum veterum Catalogi, præcipua atque elaboratissima singula loquantur & orbis admiratur;) ne in sacratissima illa venerabilis Antiquitate

S 2

Pene-

Penetralia continuo involo. Tu qua es in studiosos mei ordinis incredibili pietate, meum hac in parte studium, datâ occasione, & per otium aliquando tutum adjuvare dignator. Aliquid novi ex tuis Commutationibus frequenti Doctorum hic celestimate efflagitari scito: utinam ne lucem iis, nobis autem fructum diutius invideres. Convivo illustrissimo Præsuli D. Thomæ Montono, Antistiti Dunelmensi, cujus Apologia Catholica, causa item Regia adversus Rob. Bell. de Officio Principis Latine extant. Is me sibi à sacris adoptavit, abhinc quinquennium; qui ut est rara eruditione, ita tua, quibus collustraris, scripta apud se habet. Franciscum tuum salutavi pridem, aliquotiens per literas, adeoque utroque sermonis genere, modo Latine, modo Græcè attentavi, quo aliquid literarum extunderem; sed enimvero ni meæ interciderint, ille idem. Eum ego tamen ob veterem conjunctionem deamo, adeoque meis verbis salvere perpetuo assatim cupio. Si quando syllabarum aliquot munus mihi destinās, id uti pro meo. Ita ad clarissimum D. Cunæum transmittere erit in proclivi: is quippe me meaque studia suis identidem sustentat.

Vale, studiosorum omnium Oraculum, & me juxta cum observantissimis tuis Clientibus concentrari patere. D. Opt. M. celesti suo te spiritu perpetuo impleat.

*Dar. ex Arce Aucklandiana  
in Diocesi Dunelmensi vii.  
Kal. Septem. Anno ultimi  
temporis: cl. loc xxxiv.*

CCVI.

S. P.

Clarissime &amp; Eximie Vir,

**S**istunt se tibi aliquot Suedicæ gentis adolescentæ, quorum pars ante vel domo vel mensâ meâ usâ est. Dom. illustris Skittii ex fratre Nepos, Laurentius Skytte, ingenium & ad præclara natum, doctrinâ & judicio, quam pro ætate, majori, ut ex primo congressu deprehendes; magis cum excusseris. Mensâ verò meâ usus Nobilissimus Claudius Sternskyld unâ cum Præceptore suo M. Erico Broms. Ille erectæ & verum nobilitatis decus spirantis indolis, hic studiis moribusque optimis. Omnes famâ tui exciti unice desiderant summa tua eruditione & conversatione

dulcissima frui, quam ut eis gratificari velis (quod tamen sine dispendio graviorum tuarum occupationum fiat) est quod eorum nomine peto. Illi debito id honore & redhostimento pro virili pensare insuper haud habebunt. Sed & hoc pro veteri tuo in me favore ac amore majorem in modum rogo, ut siâ gravioribus paulum otii decerpere posses, me epistola tua dignari, & quid Musæ tuæ, quæ semper egregie publico laborant, editioni pararent, mihi significare velles. Mea tibi officia iterum constabunt prompta. In præmaturo charissimi tui Dionysii obitu non possum non tibi *condolere*. Et quid ni? Cum ingenium tam eximium & illud Bataviæ decus, à quo tantæ eruditionis monumenta jam profecta, & majora, si per fata licuisset, expectanda erant, ut herba solstitialis ceciderit. Sed quia Deo anima ejus placuit, ideo properarat ejus finem qui melioris & veræ vitæ introitus. Illius voluntatem cum quotidianis precibus exposcemus, eidem utique fas est acquiescere, sed quid ego unguem in ulcere & solatia tibi quæro quæ ipse domi habes; & non solum ut pater sed etiam ut Christianus dolere scis. Deus te erigat ac te nobis & Reip. Lit. diu servet. Recensui notas meas in Curtium & auxi, quæ si tanti luci dabo in juventutis gratiam; cujus bono etiam scripsi periodum quandam imperiorum, in qua IV. Monarchiarum incrementi & decrementi causas strictim exposui, sed Wittebergæ indignè excepta est & publicata à Typographo mendis plena. Nunc verò castigatiorem edere animus esset, si diligentiorum Typographum reperire posset. Ignosce, vir magne, nugis meis, & me quod facis, ama. B.V.

Upsalæ A. D.  
ix. Septembr.  
cl. loc xxxiv.

Tui studiosiss.

Johannes Loccenius

CCVII.

Clarissimo, Præstantissimo, Eruditissimo  
que Viro D. Gerhar. Joan. Vossio, S.

Clar. præst. &amp; erudit. Vir, &amp; amice honorande,

**S**i quàm te amo, & æstimo, tam prolixas quoque possem scribere literas, prolixiores à nemine unquam accepisses. Quoniam verò, non quantum adfectus imperat, sed quantum festinatio in patriam pergents, & Hamburgum transeuntis, permittit, scribere licet; noli mirari breves



te nunc accipere. Mihi autem Leidam ad  
amicum meum Overbequium, quæ tibi  
ut spero, recte tradi faciet. Non sunt for-  
tè tanti, quæ per tantum maris, & terra  
transportentur, aut quibus lustrandis, tute  
tempus teras, nisi tamen digressioni, de  
arte nova, argumentum, & scopus ad quem  
collimavi, pretium statuam. Quo pacto  
ad scribendum, vi quasi injecta, pertractus  
fuerim, ex ipsâ intelliges. Utinam autem  
quidquid ejus est, ad Ecclesiæ tranquilla-  
tem tantopere faciat, quanto ego eam,  
quum meditarer, & commentarer, ob  
oculos positam semper habui! Quemad-  
modum enim molestissimum mihi est, si  
cum quopiam mortalium contendere co-  
gar; ita è contra nihil accidere potest gra-  
tius, quam si publicè queam prodesse, &  
vel è longinquo, & obliquè viam aliquam  
concordiæ ostendere. Utinam alii, sicut  
me, sine dubio acutiores sunt, ita quon-  
in via quam dixi reperiendâ, sint felicio-  
res. Gratulabor mihi, si me procul à ter-  
go, relictum animadvertero. Scripturis e-  
quidem juxta sensum, quem ex communi  
intelligendi modo, in sani hominis con-  
ceptu, facere natae sunt, acceptis, unani-  
mem primorum V. seculorum consensum,  
adjungo sive subjungo; ad quem nisi re-  
spicimus, nullum ego sane controversia-  
rum, vel ut rectius loquar, miseriarum no-  
strarum finem video. Non placent, qui  
ejus rationem non habent, sed suo saltem  
ingenio indulgent, & fidunt, suoque ar-  
bitratu, & judicio vetera rejiciunt, nova  
invehunt. Sed sententiam meam, si legere  
digneris, plenius perspicies; quæ eum de-  
mum, mihi me ipsi probabitur, si tibi eam  
probari cognovero. Neque minus gratum  
erit, si moneas, aut corrigas, ubi monen-  
dum aut corrigendum censueris. Quam-  
quam ego, quod hic egi, quasi aliud agen-  
do egi; obversatur animo, genus irritabi-  
le varum. Multi autem admittunt, ex  
obliquo & per ambages expetita, vel alicui  
hypothesi aptata, quæ si planè & nudè pro-  
ferrentur, rejecturi essent. Salve pluri-  
mum & vale.

Hamb. ex itinere  
rapim, vi. Eid.  
Sept. cl. lxxiv.

Tui amantissimus

& studiosissimus,

Georgius Calixtus.

CCVIII.

Litteras tuas, Vir Clarissime, & Reida-  
ni adjunctum exemplar à Mercatore  
Slagonienfi rectè accepi. In Reidano in-  
genium tui Dionysii mirè elucet. Dictio  
est tota pura, & majorem in modum ele-  
gans, quæque Tacitum felicissime represen-  
tet. Laudibus ejus memorandis alibi occa-  
sio erit, idque publice: hic si faciam, me-  
tuo ne dolorem tuum aliquatenus jam le-  
nitum, tibi refricem, ac restantem, etiam  
augeam. Grotii nostri Sophompaniam,  
quam tantopere deprædicas, admodum vi-  
dere velim; quam quod tibi dedicavit ni-  
hil fecit præter amicitia vestra antiquissi-  
mæ dignitatem. Quod meorum operum  
editionem Blavius tam diu differt, malè ani-  
mum meum habet: utinamque vel nunc  
tandem fidem liberet, inchoetque. Mitto  
interim quæ II. Tomi erant, & in illis Cre-  
tam meam, quam inscriptum ivi Noom-  
sio, veteris nostræ amicitia monumentum.  
Peto abs te ne è manibus id dimittas, an-  
tequam excudi debeat. Aristarchum tuum,  
sive de re Grammatica, Libros, expecto  
impatenter, & nunc absolutam spero. De  
Salmasio planè doleo: & non possum non  
invidiam Menapisci accusare. Stephanus  
noster jam Saxonem suum absolvit, & esta-  
te proximâ se editurum pollicetur; nunc  
est totus nuptiarum, quas contraxit iterato.  
Salutat te plurimum; uti quoque Lauren-  
bergius. Creta mea si placuerit, mox eo-  
dem quoque modo Rhodum dabo, quam  
affectam nunc adservo: tum paulatim alia  
item, quæ concepi, sublequentur; si vitam  
Deus, uti spero, & opum dederit. Tu  
quæso, quantum potes, excita Typogra-  
phum & urgere excitatum nunquam de-  
sine. Vale amice singularis, & saluta ux-  
orem tuam liberosque meo nomine, con-  
jugisque, ac meorum.

Soræ ad diem  
xxvii. Octobris,  
cl. lxxv.

Tuus sine dolo,

Joannes Meursius.

CCIX.

Præstantissimo Viro, Gerardo Joanni  
Vossio, Affini conjunctissimo.

Conjunctissime Dom. Affini,

EXprimere verbis nequeo, quàm mihi  
gratæ venerint literæ, Glossarium  
Vul-

Vulcanii, Hesychium aliosque libros, ad me pervehentes: interim quod verbis nunc assequi non possum, re ipsa, Deo dante, testabor. Hesychium tribus quatuorve ab hinc mensibus, in eum præter spem incidens, undecim flor. emeram; Vulcanii Glossariam nusquam reperiebam. Quapropter, ut de eo mihi gratulor, ita neque importunitè missus à te Hesychius, cum melioris notæ plerisque Authores, bis coemere soleam; ut & hic Londini, & in agris, ubi plerumque æstatem, transigere solemus, bibliothecam qualitercumque instructam possideam. Ingentè quid de schedis, quas ad te transmissi, sentiam fatebor: Invasit me commune hominum vitium, qui arbitrantur ea quæ ipsi cum labore scripserunt, ab aliis quoque cum voluptate legi. Nunc vero cum tute eas ubi non displicuisse tesseris, teneri non possum, quin porro urgeam, ut certiores me facias, an tuto famam periclitari possim, deque edendis iis cogitare. Vidi Jul. Cæs. Bulergeri, atque aliorum quorundam, super hac materia tractatulos; mihi tamen minime satisfacere potuerunt; requirebam in iis, nescio quid, quod an ipse assequi potuerim, iudicandum tibi relinquo. Non contemnendum commentationibus istis, adjecti auctarium, ex quo ad vos missa sunt: spes adhuc est uberius materia; prout ea se quotidie Catalogum Artificum perscripturo offerit; non obstat tamen, quominus primos istos conatus, ad periclitanda hominum iudicia divulges, per amicorum aliquem, suppresso tamen scriptoris nomine, quod non nisi tuis secundis deberi puto. Cæterum de his plenius, si tu idem sentias, Literas Stephani Goffe ad te transmittito, ex quibus Reveren. Archiepiscopi consilium, à proposito tuo diversum non esse intelliges. Det Deus ut labores tui, quemadmodum merentur, Regi nostro ac Principi adlubescant. Siquid super ea re, ad Dominum Goffe Literarum perscribas, primâ quaque occasione eas ad ipsum perferam; aut si forte ablit, in agris ad eum perferendas curabo; quod ut commodè fieri posset, ipse D. Goffe prospexit. Vivit Cantabrigiæ, in Collegio Divi Petri, amicissimus mihi, totiq; vestræ familiæ D. Johannes Francius, qui inclusas à se, ad filium tuum Johannem literas dedit. Aut Praefectum Collegii Jesu, Richardum Stearne, ac reliquos istius Collegii socios paratos esse, ut prorogetur tempus illud absentiae, quod filio tuo indulserant, si modo per ipsum filium tuum, aut per te postuletur. Siquid tibi, tuisque ulla in re gratificari

possim, nunquam expectationem tuam fallam. Precabor interim Deum Opt. Max. ut tibi, uxori tuæ, totique familiæ vitam, ac valetudinem firmam largiatur.

*Reprim in Aedibus Tuis omni officio,*  
Arundelianis Anno 1634. 15. Novemb.  
S. F. F. Junius.

CCX

Clarissimo Viro Gerardo Joanni Vossio,  
Affini conjunctissimo.

Conjunctissime Affinis,

JAm dudum, cum hic apud nos esses, quid de conscribendo Artificum catalogo in animo haberem, ex me audivisti; haud muto factum. Sed dum ei rei prolegomena quadam præmittenda putabam, observationiunculâ unâ aliquâ, plures alias quandoque eliciente, ac post se veluti trahente, excrevit opus, in iusti ferè voluminis formam. Ac novâ se quotidie materia supeditante, metuo ne in nimiam tandem exerceat molem, quicquid illud est, quod ex diversissimis Authoribus, in unum quasi corpus congesti: Interea per otium inspicies, scio, opusculum hoc à me elaboratum; ac me iudici tui scientem, quamprimum facies. D. Pettarus, atque alii quidam viri, optimi, meique amantissimi, ut edam suadent; minime tamen persuadere poterunt, nisi fortè suffragio tuo juventur. Vale, conjunctissime D. Affinis, cum sorore carissima, atque omnibus liberis.

*Reprim Londini Tuis omni officio,*  
in Aedib. Arundelian. An. 1634.  
S. F. F. Junius.

CCXI

Viro maximo Ger. Jo. Vossio, S. P. D.  
Johan. Fredericus Gronovius.

DEsiderium vestri, Vir magne, quod ipsa mora crescit, mihi in hac solitudine, incentivum fuit, ut denuo quia bella occasio erat, inficetis literis te inquietarem. Miraris solitudinem dici tantæ celebritatis locum, præsertim ibi studiis vacanti, ubi nec cogitandi, nec quiescendi spatium datur, ubi,



*Nos transeuntis risus excitat turbæ,  
Et ad cubile est Haga.*

Ego verò in media frequentia, malignum secessum colere videor, qui nec amicum, nec familiarem habeam, præter unum Heilerfichium; sed & illum districtior jam cura otioso garrui tempus concedere vetat. Ampliss. D. Senator, vir est ad amulsum factus, & omni comitate me excipit. Sermo quoque ipsius minus est tragicus, & potest securum convivam pati. Equidem nihil omitam, quod ratio mei muneris exigat, ut si quæ nobis exhibita sunt beneficia, ea perdidisse se fateantur. Sed pessimus mos est, promovere fastum, & spiritus imperitorum adolescentium, iisque in quam minutis indere contemptum Doctorum suorum: quem profecto ego optavi, eo agro desitum esse, in quem mores malos Plautinus ille mittebat, si qua possent ferendo interfieri. Ipsæ literæ sic obscurantur, & à teneris ea imbibitur opinio, potior semper pecuniæ, quam eruditionis æstimationem habendam. Scilicet cavendum est serio, ne unquam falsus sit arbiter, qui cum designare veller, *in ætæno* mortalem, ex hac nota literatorum aiebat, eum esse, quos odisse divites solent. Ex Tobia Andree cognovisse te puto, reviviscere negotium illud, Landsbergenfis Principis, cujus conficiendi spe, Cl. Altingius me Groningua excivit. Illustrissimæ Principi Matri placui, ob istorum commendationem, & unice velit me huic Provinciæ præfulcire. Sed re non amplius integra, meque jam in aliam servitutem transcripto devolvi, à me repudii omen, in heros meos, quorum animos optimus Tobias frustra, puto, tentavit. Nemo vitio mihi verter, si serio illi de me bene mereri vellent, meque dimittere, non alienum à votis meis, esse locum, ad amplam fortunam, & honorem promptum: sin honestati potius quam commodo meo velificabor. Et gratus mihi erit nexus, in quem iniquo meo tempore me casus dimisit. Illud te oratum volo, summe fautor, ne suspiceris quicquam, me cum heris meis fidem obstrinxi, fraudis contractui nostro miscuisse. Deum testor omnem ambitionem me depositam habuisse, nec vel minima cogitatione præcepisse ea, quæ nunc evenerunt eo tempore, cum conditiones ab istis mihi propositas amplecterer. Illud consilium quod à callido homine suggestum, apud te aliquando promebam, statim à dissuasui tuo abjeci, & damnavi. Et utcumq; res cadet, ipsa constantia mea demonstrabo, sincera omnia esse à me acta, quamvis multa acida, hic

& jam mihi obvenerint, & prævideam post fidelem operam, ab iis quibus maxime ea expenditur, partim nobis gratiæ, honoris nihil fore. Quod apud te solum perire cupio, & indicium esse incomparabilis fiduciæ, quam de tuo erga me affectu, concepi; & publicè nunquam diffitebor, siquidem nomen erimus posteritati non omnino oblitum. Vitam sic trudi scimus, & surgere sæpè aliquid, quod in ipsis floribus angat. Supellectilem librariam à Germania superiori recepi mense, quæ me tandem Musis reconciliabit. Mirè optem denuo, pervolutare Msc. Lucretium tuum, ut spicilegium colligam eorum, quæ in festinatissima priori collatione oculis conniventibus prætermisi. Itaq; rogo, an pati possis, ut si Lugdunum in reditu, ad vos (qui spero, post hebdomadas, aut ad summum quatuor, non differetur) transeam, à Salmasio illum repetam. Summus ille Vir, in nuperis ad me suis prolixè se excusavit, ne putarem eo animo, se librum abstulisse, quasi in scriptorem illum aliquid meditaretur, & mihi quod enotaveram, ire veller præreptum. Non queo comminisci, quæ ipsi causa fuerit huius de me suspicionis. Nam nec mihi nunc otium, ut in integro edendo, aliquod operæpretium, præstiturum sperem; & sic viros de Republ. jam benè meritos, præcipue illum, veneror, ut quidcumque ab iis discere malim, quam quæ ipse parùm certè didici alios docere. Miscellaneis meis per otium, quod breve nunc mihi, extremam manum impono. Boxhornius denuo mihi fidem fecit, se cum Janfonio de iis collocaturum. Si persuadebit gratum erit; sin jaceant, nonnunquam premantur in animo, donec mihi ipsi invisa esse cœperint. Nam ut nosti in talibus, expirante juventutis gratia, nihil ferè est, quod ipsi authores amemus. Salve plurimum, & vale cum tuis, publico bono, cui natus es, præcipuum literarum decus. Scripsi corrente calamo.

*Hagæ Comitum Eidib. Novem.  
Juliani An. clc lxxiv.*

Miscellanea mea ex consilio tuo, secui in quatuor partes, dempto etiam Titulo, Exercitorum Criticorum, & Saturæ, quæ nomina delicatas aures radebant. Singuli libri xviii. vel xx. habebunt Capita. Atq; adeo primam Sectionem, hic ad te mitto. Collegi in ea quæ sparsim ad historicos libros notaveram. Minus placebunt vulgaria nimis historica nonnulla quæ immiscui. Sed scias, viro nobili cuidam & Jurisconsulto eam destinari, & ii non capiuntur  
arida

aridâ illâ, ut vocant criticâ. Aveo cognoscere iudicium tuum, & si quid inaudivisti de optimo Fabricio; rescribe quæso duobus, aut tribus verbis, & puta familiari colloquio meo tantum temporis dari. Salve iterum & vale, præsidium nostrum. Cum obsignare has vellem, venere mihi, ab Cl. Pontano, literæ indicantes, se in mandatis dedisse filio tuo, quæ saluto, ut exemplar Epistolæ ipsius adversus Jesuitam, qui C. Croii operi edidit, mihi exhiberet; id servari usque ad reditum meum peto.

## CCXII.

**V**irum utriusque nostrum adeo amicum nactus, Vir præstantissime, nolui eum sine meis ad te literis dimittere. Scripsi anno superiore exeunte per Elzevirium, ac te accepisse puto. Nunc enixè abs te peto, ut Typographum impellas, quantum possis, nimis hæcenus cunctatum; maxime pro voto meo, & meorum in hoc Regno amicorum, ac fautorum: inter quos illustris Dom. Cancellarius jure suo primum sibi locum vendicat. Ad quem quam Præfationem nuper misi, suppressendam in præsens nuntio. Siquidem ille è re meâ esse censet, uti Regi serenissimo opera mea dedicentur: itaque consilio ejus morem, uti æquum est, geram. Insuper est in Opusculis meis Atticis, quæ in primo Tomo apparent, aliquod Othoni Skielio dedicatum: sed cum diem ille suum nunc obierit, magno cum dolore meo, nam amabat me vir iste maximopere; muta pro prudentia tua inscriptionem, & præfige nomen Goudæ Rosæcrantzii nostri, cui familias meas Atticas dedicavi; & repone Erici Rosæcrantzii nomen, ut succedat frater fratri. Quæ ad secundum Tomum pertinent, & in istis Criticarum Antiquitatum Libros IV. mittam proximè. Tu me, quæso, fac de rebus tuis omnibus, & librorum editione, certiore; tum quo loco etiam res meæ sitæ. Mitte quicquid ad me voles, uti pridem indicavi, ad Joannem Van Gandt, Mercatorem; isque ad me curabit rectè. Bene vale, ac salve, cum uxore liberisque à me, mea & meis.

*Rapim, Soræ, ad  
diem xi. Martii  
c10 Ioc xxxv.*

*Tuus constanti affectu,*

Joannes Meursius.

Præfationem ad Regem mittam tempestive.

## CCXIII.

**S**cripsi ad te, Vir Clarissime, Martio superiore, per Joannem Elichmannum, Medicinæ Doctorem, virum præstantem, & communem amicum nostrum. Nunc his paucis iterabo scriptionem, atq; eam festinatam; nam Mercator, qui has adfert, me discessus sui monet adeo in ipso puncto. Misi tibi per eundem Elichmannum Cretam meam; insuper & reliqua omnia, quæ ad Operum meorum Tomum alteram pertinebant. Monui quoque suppressendam Præfationem ad illustrem Dom. Cancellarium; quando Regi dedicanda opera mea ille censet. Indicabam & de Opusculo, Othoni Skielio dedicato; quando ille diem obierit, nunc Gaudæo Rosæcrantzio inscribendo, & Familiis item Atticis transferendis in Georgium, ejus fratrem, eodem titulo, tantum nomine commutato. Quæso, scribe, an inceperit Typographus, & quousque sit progressus: tum impelle, ut promoveat; nam id unicè est in votis Cancellario, aliisque in hoc regno, dignitatè, & doctrina, eminentibus. Tum Rex quoque meus Clementissimus discipit videre Historiam. Eapropter iterum rogo, urge Blavium, quantum potes, quod est sane non exiguum. Feceris mihi rem gratissimam, feceris doctis & amicis in hoc regno; feceris & Dominico Molino, qui desiderat vehementer: & nostri viri illius adfectum in literas, & literatos, & in me quoque inter istos. Utinam hic etiam quandoque possim tuis commodis inservire! Opera mea certè tibi prompta essent. Hic desinam, & salvere te jubeo cum lectissima uxore liberisque. Idem faciunt uxor mea liberique; tibi & tuis addictissimi.

*Scripsi admodum festinanter, Soræ ad  
diem xxiii. Aprilis  
c10 Ioc xxxv.*

*Tuus antiqua fide,*

Joannes Meursius.

Quæso ne neglexeris mihi per hunc Mercatorem nostrum respondere: nam occasio tam idonea, atq; certa, vix se mihi, toto anno semel offert. Iterum vale, & ætatem Nestoris vive. Scribe etiam, imo mitte, si quid pridem edidisti: tum si quid in præsens edis. O si liceat semel tantum singulis annis te præsentem compellere! quàm id velim. Nunc sufficere nobis debet, quod per literas illud ipsum concedatur. Cætera Deo committenda, qui nos curat, amicorum præstantissime. Vale iterum.

## CCXIV.



## CCXIV.

*Incomparabili Viro Domino Gerardo  
Joanni Vossio.*

Vir Clarissime,

**O**ffero tibi merito tuo opusculum, quod nuper in vulgus exire iussi, & inter summas occupationes per intervalla condidi, cum non liberet otari. Partim Emblemata sunt, ad quæ nihil dictum, nisi quod in confesso, ante me natum fuit, & nemo è plebe etiam ignorat. Aliter tamen quam vulgo, dixi, & proinde novum, atque indictum videbitur, quod unusquisque, quanquam Platonem, aut Aristotelem non legerit, quotidie loquitur, & sentit. Partim orationes sunt, in quibus nihil præter officii mei rationem, debes æstimare. Non passus sum diligentiam meam desiderari, cum aut occasio, aut alius, atque alius, quem ex Romana antiquitate explicandum susceperam, scriptor invitaret. Promittimus certè quæcumque non præstamus. Et hoc ad laudem mihi satis est, eâ ætate inquam magna eruditio non cadit, imo quâ magnus est, qui ad confessionem ignorantia profecit. Nunc Juvénalem meum pergo illustrare. De usu codicum tuorum, valdè mihi gratulor, & devinctum me ostendam, ubi per me licuerit, & tibi placuerit hujus hominis affectum experiri. Sed vereor ne humanitate tua abutar. Interea tamen mox libros tuos remittam, quam primum intellexero, eos à te desiderari. Opus tuum de Arte Grammatica, avidè hic omnes expectamus. Spes nuper facta brevi proditum. In tua autem manu est, vota nostra explere. Vale, Vir Incomparabilis, & me ama.

*Reptim Lugd. Clarissimo nomini tuo  
Bat. Kal. Febr.  
Cl. Id. xxxv.*

*Dicatisimus,*

Marcus Zuërius Boxhornius.

## CCXV.

*Cl. V. Ger. Vossio.*

**N**ON erit, Vir, Cl. quod de excusanda Literarum tuarum tarditate, (quod à te non semel factum est) dein-

ceps labores, cum jam exemplo te meo tueri possis, qui literis quas Octobri mense superioris anni reciperem, nunc demum respondeam. Non tamen hoc à me factum, vel imitandi tui causa, si quando res tuæ ita tulerunt, ut serius responderes; vel ut exemplo meo fultus securius in posterum fileres. *Οὐ μὲν γὰρ οὐλοῦν τὸν ἡμῶν τὴν* (ut olim Platoniarum elegantiarum simul & dogmatum decus illud ingens Synesius loquebatur) *ἐκ τῆς* hoc in me facinus admiserim, qui non in postremo felicitatis meæ loco semper posui ponamque semper, hoc mihi tecum amicitia, mutuarum Literarum commercio firmatum excultumque, jus intercedere. Dicam igitur, quod resest, mi Vossi. Quantum video, in eo satis conspirant nostrum utriusque fatum, quod vitam vivere otiosam, neutri datum est. At in eo discrimen ingens, quod tuæ omnes curæ, omnia negotia ad Literas & Musas pertinent; quorum scil. fructum percipiunt tum felicissimi Juvenes, qui te quotidie audiunt; tum qui tua laboriosissima scripta legunt per totum orbem literarium docti gravesque viri. Mea pleraque negotia quam diversi sint generis vel inde potes colligere, quod totos haud raro menses occupatissimo mihi transigere contingit, quibus tamen totis librum videre, aut certe studendi causa, non contingit. Hoc quod minus mireris, scias velim (ut alia nunc taceam) qui Residentes, (ut vocamus) sunt hujus Ecclesiæ Canonici, iis tum universis simul, tum singulis per vices agenda curandaque multa incumbere, quæ temporis haud minimam partem, quod unicuique suppetit, sibi vendicent. Superiori anno molestissimo Thesaurarii munere sum defunctus. Hoc anno sum Receptor Ecclesiæ, onere fateor, si genus ipsum laboris, & præcipue si præmia utriusque spectentur, non adeo molesto aut gravi; à Musis tamen, & otio literario non minus alieno, quam quod erat Thesaurarii. Quæ quidem de occupationibus meis eò fusiùs, non habita tuarum ratione, sunt à me nunc exposita, ut errorem, in quem te postremæ meæ induxerunt, tibi eriperem. Ita enim ex iis collegisse te aperte scribis, multò majora me sub manibus habere, quam quæ hætenus (Majoris ea certe mitto pro tuo erga me amore, quam pro eorum merito æstimata) à me præstita sunt. Magnam sane in eo, mi Vossi, amoris tui vim agnosco, tum quod talem me tibi fingis, à quo magno possint à te tuique similibus expectari,

T

pectari, tum quod, cum ita de me iudicas, ne ipse mihi desim, cohortatione tua, quantum in te est, providere satagis. Plurimum igitur amoris me tuo debere profiteor libens. Cum tamen hominis sit, meo iudicio, vani stultique eam de se opinionem excitare, quam destitutum se certo sciat, etiam atque etiam te rogo, ut quam opinionem de me temere concepisti, eam, me non spondente, imò alia omnia proficiente, & bonam copiam egerante, tibi quam potest celerrimè, avelli sinas. Jam enim dudum est, cum de meis studiis, non meâ sane, quod sciam, culpâ, sed fatis ita volentibus, actum est; & ea nunc vita est, ut si hæcenus omnia pro voto successissent, nunc tamen vel invito de-coquendum, & arenâ, quod aiunt, cedendum essent. Neque tamen spero ita vivemus unquam, ut *in una æde ædificet*, & fruges duntaxat consumere natos, quibus quam merito nobis exprobrare possit. Absit hoc à nobis, ut eò vecordiae unquam deveniamus. Si ut proximus aliis, Scriptis & lucubrationibus nostris non datur, at sunt aliae personæ quam gerimus, & professioni Sacerdotis non minus convenientia, in quibus non inutiliter ad Dei gloriam occupatum iri quicquid in nobis est industriae, confidimus. Interim si contingat, ut aliquid interdum edamus in lucem, hoc scilicet lucis horis nostris debemus totum, magisque recreationis nostræ quam laboris erit. Ad Parentis autem *in præceptis & adiutorio* edenda quod hortaris, res factu facilis esset, nec à me tam diu dilata, si ea essent ejusmodi, vel quæ perfecta æstimari mererentur, vel saltem ita effecta, ut sine Authoris injuria publicari possent. Horum cum neutrum sit, & eorum quæ præcipua sunt, non sine summo labore ad perfectionem aliquam perducere possint, & argumenti sint à meis studiis, id est sacris, alieni, (quales sunt operosissimæ in Polybium animadversiones, amplissimi de re Vestiarum Commentarii, &c.) quid aliud iis præstare possim, quam ut dum vivam ipse, fideliter à me integra illibataque conserventur; & post obitum, sacrae publicæ alicujus Bibliothecæ custodiæ fideique committantur, non video. Cætera si quæ sunt, qui minore opere indigent, ut publico parentur (ut sunt fortasse Notæ in Epistol. ad Atticum, & alia nonnulla id genus) aut quæcunque sunt argumenti Theologici seu Ecclesiastici, quæ ulla mea quantacunque opera five perfici, five quocunque modo ad publicam utilitatem disponi poterunt; in his operam

nostram publico non defuturam, si Deus vitam nobis & otium, quæ sufficiant, audeo tibi promittere. Quamquam ut verum fatear, nupera quædam Calamitas studia mea vehementer afflixit, ex qua vereor ne longum sit, priusquam se integre recolligant. Obiit enim ante mensem unum aut alterum omnium meorum amicorum, quibuscum familiaritas mihi & de literis frequens communicatio hic intercedebat, longè doctissimus Augustinus Lindellius, postquam Herefordiensi Diocæsi, cujus erat Episcopus, annum vix integrum, sanctitate & integritate vitæ præful, etiam si olim vixisset, admirandus, præfuisset. Vix est ut tantam eruditionem in tanta modestiâ, tanta obscuritate (et si jam pridem toto hoc regno celeberrimæ famæ fuerit) latere potuisse quisquam credat, hoc præsertim sæculo, quo scribendi cacoethes plerisque homines, qui aliquid sciant, tam impotenter transversos agit. Nullum genus est eruditionis, in quo non ita excelleret, ut tota vita nihil aliud egisse videretur. Nullus liber antiquus aut recens, Latinus, Græcus aut Hebraicus; nullus ferè Gallicus, Italicus aut Hispanicus, qui quidem alicujus momenti fuerit, quem notum non haberet, totumque ita excussisset, ut pro re nata suam de eo sententiam apud amicos doctè pariter ac copiosè proferre non posset. Hic ante quatuordecim plus minus annos, cum libellum quem contra patrii nominis infamatores edideram, legisset & probasset, antea sibi penitus ignotum ita complexi cepit, ut deinceps non aliter de me sollicitus esset, quam si propiori aliquo naturæ vinculo ipsi conjunctissimus fuisset. Nullum officii genus est, quo mihi commodare potuit, quod inexpertum reliquerit. Nam & studia mea quæ consulendo læpissime, quæ docendo non rarè adjuvavit; & fortunas meas aliquando tenues non ipse modò sponte sua liberalitate sublevavit, sed & ab aliis ut sublevarentur, sua apud magnos viros autoritate, nunquam à me ne minimo quidem verbo sollicitatus, effecit: Ille denique fuit, qui benignissimum Dominum ac Patronum, nuper Episcopum Londinensem, nunc Cantuariensem Archiepiscopum (in tanto dignitatis fastigio meritis quam loco longè celsiorem) primus mihi conciliavit; ut omnia propè ipsi debeam, tanquam fortunæ meæ fabro & architecto præcipuo, quæcumque mihi felicia postea contigerunt. Sed ut ad studia redeam, assiduus hic mihi *impedimentum* erat, & temporis acti  
severus



severus exactor, pensis etiam interdum impositis quæ pro ratione five virium mearum, five otii & temporis, maxime congrua judicaret. Paucos ante mortem annos, totus in eo fuerat, ut Græcorum veteris Ecclesiæ Scriptorum Scripta quædam *ἀνέκδοτα*, magno ære non ita pridem è diversis Europæ Asiæque locis comparata & huc allata, quam emendatissima cum Latina Interpretatione in lucem emitteret. Me quoque (magis id quidem amori erga me suo indulgens, quam humeris meis confusus) ad partem tam gloriosi propositi vocârat, mandatâ mihi veteris Græci codicis, qui Commentationes in partem Psalmorum, Chrysostomo vulgò adscriptas continet, Interpretatione. Quæ quidem eò facilius à me suscepta, quod dies ad perficiendum data, nec alia conditione imposita quam si per alias occasiones liceret. Alia quippe erant plura, seu majoris ea momenti, seu quod acceptiora futura essent, prælo designata, priusquam harum usus esset. Neque jam quicquam restabat, quam ut Typographus primo quoque tempore ad opus accingeretur, cum supremum diem obiit Præsul Illustrissimus. Sed Deo laus, quod ille superstes, diuque sit superstes oro, quo vivente nunquam Patroño caritura: sunt in Anglia meliores literæ; cujus potissimum auspiciis, & prudentissima administratione, ut eò perductum negotium illud, quo perductum diximus, cum Præsul Illustriss. obiit, omnes hic agnoscimus; ita & in cura providentiaque ejus, nulli non pari negotio omniumque hætenus difficultatum feliciter victrici, spes nobis non exigua, tot conatus & labores, ob intempestivam præcipui instrumenti jacturam, incassum non futuros. Sed vereor ne qui modo pertinax silentium excusandum habebam, idem nunc importuna prolixitatis crimen incurrerim; adeo hoc quoque verum illud experior, quam sit illud in omni re difficile, ut ne quid nimis. Ad literas igitur tuas redeo, etsi jam pertæsus prolixitatis, ne in tanta sermonis redundantia, me tibi non respondisse queri possis. Grotium & Salmasium, incomparabiles Heroas, quod in tuis memoras, rem fecisse mihi gratissimam. Etsi enim vitæ eam rationem inire, ut inter eruditos nomen profiteri meum possim, non datum est, in eo tamen non leve solatium, quo supra vulgus non parum assurgere mihi videor, quod viros verè doctos affectu (sed & judicio fortasse) non vulgari colo, eorumque incolumitatem in maxima parte felicitatis

meæ pono. Sed ô sæculi infamiam, summum illum virum, desultoria vitæ incommodis tamdiu jactari, & incertis sedibus errare! Dignum certè virum, de cuius virtutis possessione omnes Europæ reges & régna, si scaperent, haud paulo majori contentione inter se decertarent, quam olim urbes illæ Græciæ de Homeri umbra. Sed nimirum tanti stant ei Libertas, & Veri amor, quæ non pauciores ubique fere inimicos, quam Eruditio & divinum Ingenium admiratores illi peperere. Sed quando, ut ait ille, nondum omnium dierum Soles occidere, non est quod desperemus res ejus aliquando tranquilliore loco fore. Filium tuum Johannem reducem, ut & Opus Grammaticum, quod promittis, (illum corporis, istud ingenii tui foetum in utroque te complexurus) & libens videbo, & avidus expecto.

De re tuâ pecuniariâ, serum me tibi scribere; scribam tamen; 24 nempe die Mensis Octobris ultimo elapsi 50 libras, quæ tibi debebantur, Pesteri Delegato Cantuariensi, persolutas esse: alteras autem 50 libras (quod jam magis tempestivum me tibi scribere:) si interim te priores illas accepisse (quod semper observandum tibi est) vel verbo significaveris, intra paucas septimanas tibi paratas fore. Res tuæ reliquæ omnes, prout feret occasio, mihi semper erunt curæ. Sed hortense illud negotium tuum (quando & Successoris tui res ad te pertinere rectè judicas) adhuc pendet & sub iudice lis est. Quando erit aliquid constitutum, quod brevi speramus, omnia per me plene resciturus es. Vale, Vir præstantissime, & amare perge

Cantuar. viii.  
Kal. Mart.  
1635. Stilo  
ver.

*Tui tuorumque omnium*

*merito tuo amantissimum,*

Mer. Casaubonum.

CCXVI.

Cl. Ger. Joh. Vossio *Salutem & Officia.*

IN votis quidem erat, Vir clarissime, te ante abitum Illustrissimi Comitis Lescinii in Angliam, videre; verum quia partim promotione quæ hac die fiet, distractus, partim rebus itineri parandis, id facere nequeo, per hæc mihi tecum esse agendum existimavi. Totum negotium

in tuis literis versatur, quibus instructi Angliam petere volumus. Magnum te in illa insula, collati à Regibus honores testantur. Illustrissimo Comiti satis erit, si tuis ibidem amicis significaveris, magnum literatorum æstimatorem eum esse. Utramque Academiam videbimus, in utraque aliquot septimanas consumpturi. Te parario viri magni innotescant, quorum tamen & ego non paucos amicos habeo. Addere non oberit, si videbitur, Parentem ipsius unicum in Polonia Reformata Religionis patronum esse, prout Princeps Radzivilius in Lithuania, prudentissimum & literatissimum inter Palatinos haberi, & quod ad rem facere maxime videtur, in magno apud Serenissimum Magnæ Britanniae Regem favore, quem multis literis testatum fecit. Ipsi Comitis dotes ex aliorum forte relatione nosti. Sed quid ego multis in his te, Vir clarissime, turbo: sufficit petisse, ut literas nobis ante diem Jovis vel Veneris submittantur Lugdunum. Hospitium nobis est in Pappengraff apud Dominum de la Rue. De favore erga nos tuo nihil dubitamus, quem ut continuare erga me præsertim velis, observanter peto. Vale, Vir clarissime

Lugduni 15. Maii ipso  
die promotionis meae in  
Medicina Doctorem.

T.C. addictissimo,

Johanne Jonstono.

# CCXVII.

Præstantissimo viro Domino Gerardo  
Johanni Vossio, Affini Conjunctis-  
simo.

Conjunctissime Adfinis,

Vides hic auctarium non poenitendum, (nisi me fallunt amici, quorum hac in parte judicium desideravi) opusculi illius, quod olim ad te transmissi; quodque propediem typis committendum, ultimis tuis literis indicasti. Amicos dico, non Seldenum, Petrum, Oughtredum, qui priora approbaverant; sed fratres Wrenni, quorum alter nunc est Episcopus Herefordiensis, in magna apud Regem gratia, alter verò Decanus Windsorienfis. Ambo certè in omnibus ostendunt, quam benè tibi, mihiq; velint. Tertiū libri caput ultimum, quod rationem picturas dijudicandi pertractat, nonnihil reconcinnavi, ac porro quid in singulis corporis humani membris, verè pulchrum olim

judicaverint adjeci; quemadmodum & caput tuum de Statuarum materia; quoniam ea res quoque, ab hac rectè judicandi scientia, non videtur aliena: subdubitavi aliquamdiu, an septimum caput Libri tertiū cum hac, quam nunc vides, appendicula, peculiari quodam titulo vindicem, inscriberem; ac picturam veterem statim exciperet vindex, sive de ratione picturas dijudicandi. Tu facies quod consultius judicabis; aut in duo opuscula dispenses, aut conjunges. Mihi certè, si Regi nostro inscribatur opusculum, omnia conjungi debere, atque in unum volumen componi videntur debere. Miraberis fortè, nimiam hanc levem Tyrocinii fiduciam, nolisque me adeò temerè periculum famæ adire. Ego quoque, ab hac arrogantioris ausi, ut mihi quidem videbatur, temeritate, alienior eram; donec suavisit, ac penè persuasit, Rev. Episcopus Herefordiensis; qui lecta hac, quam nunc transmittit, parte, multis asseveranter urisit dubium ac tergiversantem, constare sibi dicens, quàm acceptum Regi, Proceribus Regni, omnibus denique futurum sit opusculum. Dignabitur profectò Rex noster, inquit, hoc tuum scriptum inspicere, pro eo quo artes hæc profequitur adfectu; nunquam quicquam gratius ei obtingit, quàm si post regni curas, offeratur aliquod antiquæ artis specimen, quo oculos, animumque pascat. Quinimò nuperrimè adhuc, dum tuas schedas percurro, inquit, adfui Regi super antiquorum eximia arte, nonnulla sciscitanti; atque ei spem feci, visurum brevi opusculum aliquod, suppresso tamen tuo nomine, cum cura elaboratum. Respondi non tanti mihi videri tumultuariū hoc opusculum, quod inexpectato ferè excidit majus opus, Catalogum nempe Artificum, molienti: daturum operam, ut majus hoc opus, tanti patrocinii gloriam magis mereatur. Ad hæc Rev. Vir, tanto magis hac in re, consilio meo obsequeris; quandoquidem spero fore, ut Serenissimus Rex, pro navata strenuè opera, animos tibi addat, ad reliqua pari industriâ profsequenda. Unum tantum in hisce tuis lucubrationibus requiritur, inquit, Rex noster inquit, ac Proceres Regni, multique alii ingenuarum artium amantes, Latine quidem intelligunt, Græcè non item. Minus gratum hoc nomine futurum erit opusculum, nisi Græcam passim Interpretationem adjicias. Multis super eâ re mecum egit. Non repetam singula. Video certè Typographo, mihi, publico, non inutilem fore hanc



hanc operam: si quid ex hac re commodi obtigerit, amicis qui hanc mihi operam non denegabunt, debere putabo. Quædam talia sunt, ut à filiis tuis, Isaac, atque Gerardo, fortè ad probandum Græcæ Linguae tyrocinium transferri possint; ubi major aliqua emphasis lateret, nemo melius exprimere ea posset, quam Adfinis noster Næranus; sed is gravioribus fortè curis distinctetur; pertentabis animum, si impetrari posse putabis. Utcumque tamen, vel precibus, vel pretio invenendus erit aliquis, qui id præstet. Refundam quicquid impenderis; nolim enim nostras has qualescumque curas, minus gratas esse, ob leves aliquas impensas. Typographus quoque, si quid ea res editionem differat, moram hanc æquo animo feret, quoniam sic denique fiet, ut exemplaria magis distrahantur. Ad quod etiam conducet, si quàm minima, ac portabili (ut loquuntur) formâ, minimèque sumptuosè excudatur; ne quem pretium ab emendo deterreat. Cum primum has de pictura observationes congererem, quin etiam cum eas ad vos transmitterem, nihil minus quàm de editione cogitabam; unde etiam evenit, ut de interpretandis Græcorum Authorum locis, minimè laboraverim; putaveram majori operi reservanda esse hæc, quasi prolegomena; sed quoniam præter opinionem in iusti operis formam excreverunt, est nescio quid, quod mihi suadet, famam hoc opusculo præsentare, donec reliqua prodeant. Sunt multa loca ex Authoribus Græcis, quæ nudam tantum rei gestæ Historiam, aut Apophthegma aliquod, aut aliquid simile continent, ea Latine tantum imprimi velim, ne in nimiam molem excreseat opus. Reliqua loca Græca, quæ Emphasis quamdam habent, ac in ipsa phrasi præcepta quædam continent artis, integra servari velim, adjecta interpretatione; aut si Latine tantum videntur imprimenda, optem nihilominus, ut Græca verba quæ vim aliquam habent, ad oram adijciantur, quo peritis pariter, atque imperitis Græcæ Linguae satisfiat. Dabis veniam pluribus, præter amorem meum verbis: non leviter animum meum tangit hæc cura. Quicquid posthac, Deo volente, adornabo, ipse semper hac cura defungar; neque amicis meis negotium amplius faceßam. Certiorem quoque fecisti me Clarissimum Claudium Salmasium, unice optare specimen aliquod statuæ paliatæ, chlamydæ, habitus Epheborum, & similibus; jam ante per D. Boswellum, ipse Salmasius tale quid petierat; quineti-

am Gallicum aliquod ipsius Salmasii scriptum penè me est, quo à Boswello peti, ut hoc à Comite Arundellæ impetraret: placet Comiti propositum, ac mecum re communicata, desiderio Clarissimi Viri, quamprimum satisfieri volebat. Negabam partem illam antiquæ eruditionis, quæ versatur circa rem vestitiariam, ita mihi perspectam; ut pictori, quod exemplar potissimum exscribere debeat, præmonstrare ausim: Compellaturum interim D. Seldenum, ac Patricium Junium; eos enim in hac re magis fortè versatos, pictori commodius statuas delineandas assignare posse. Placuit Illustrissimo Comiti ratio consilii mei. Confestim itaque ad Junium advolavi, ostensâque Cl. Salmasii manu, quam non iniqua vir Magnus postularet docui. Rogavi ut conveniret D. Seldenum, atque ad Ædes Arundellianas, comitante Seldeno accederet: gratissimum id fore Comiti, si inspectis monumentis antiquioribus, Artifici quid delineandum videretur, ostenderent. Recepit facturum Junius; nec tamen venit; acceptis deinde tuis literis, iterum interpellavi, atque illam tuarum literarum partem, quæ id urget, prælegi: Respondit, se non immemorem fuisse promissi; sed nunquam in D. Seldenum, variis negotiis civilibus distentum, eoque raro se domi continentem, incidere potuisse: daturum operam, ut ubi primum compellare datum erit, unâ cum ipso advolet. Quatuor aut quinque sunt hebdomadæ, ex quo venturum recepit, & nihil interim fit; neque possum adsequi conjecturâ, quid tantulam rem moretur. Non desinam tamen eniti, ut tandem aliquid fiat. Nisi fortè inveniat amicum aliquem Cl. Salmasius, qui in Britanniam fortè excurrans, ex ipsius sententiâ, quæ delineandâ sunt ostendat. Si quis talis offeratur, & me, & Artificem non imperitum, ad omnia officia paratissimos experietur. Imo si fortè dum in agris sum, talem aliquem appulisse intellexero, Londinium statim excurrâ, neque operam meam requiri in re tantulâ patiar. Jamdudum ad te literas dedi, quibus te Cantabrigiâ reversus, de rebus Joannis nostri certiorem feci. Responsum exspecto, quod postremæ literæ tuæ, brevi promittere videntur. Etenim ex quo literas ad te, Cantabrigiâ reversus dedi, tuas quoque, cum literis Johannis nostri accepi. Sed is parçè admodum, atque obscure res suas tangit, adeo ut vix conjecturâ, quid sibi velit, adsequi possim. Varii hic atque incerti, de matrimonio ejus

eius rumores: ille nihil super ea re aperte: aliquid tamen videtur innuere voluisse; dedita tamen rursus opera præterisse. Sunt adhuc penes me literæ ejus ad quamdam Prudentiam Greene; hanc illam esse putant; nolui compellere eam, cum essem Cantabrigiæ, nisi prius exploratum haberem animum tuum. Hoc illud est, quod ultimis meis literis, sedulo à te petii, ne me patereris ignorare, quo loco illa mihi esset habenda. Rev. Episcopus Herefordiensis, facile agnoscendam non putat, nisi prius plenius quid constiterit. Aliquantulum igitur adhuc differo Cantabrigiense iter, sperans fore, ut ad priores literas meas respondeas, & ad me transmittas Schedulam, in quâ Joh. propriâ manu perscripserit, quanam sint illa, quæ dilectæ tribui velit. Ego utar in omnibus consilio Reverendi Episcopi Herefordiensis, quem Academicarum Artium callentissimum, vestrique amantissimum quotidie experior. Hæc sunt potissima, quæ raptim ad te scribenda putavi. Interim hunc animi mei dubium, etiamnum motum de instituenda dedicatione alios celabis: nisi fortè & ipse putaveris, non inconsulte me facturum, si consilium Herefordiensis Episcopi amplectar. A quo consilio si non abhorrebis, cura sciam te, me, meaque, unico tantum verbo Archiepiscopo commendasse; quod magnum addet animum, timide alioquin tantam rem aggressuro. Scis quantum apud Regem nostrum, valeat vir merito eminentissimus. Precor interim Deum Optimum Maximum ut te, tuosque, publico, mihi incolumes servet. Vale.

Raptim. In adibus  
Arundelianis, anno  
Domini, 1635. Cal.  
April. stylo vetere.

Tuus omni officia,

F F F. Junius.

Continuatam hanc opusculo meo appendicem, ita raptim exscripsi, ac prope ranter misi, ut ne quidem eam potuerim perlegere, antequam Reverendo Episcopo legendam præberem; imo ne quidem otium fuit percurrendi, postquam reverendus Vir eam restituit, propterea quod statim videbatur ad te mittenda; maluissem alioqui Græcam Interpretationem, locis suis ex consilio Episcopi passim adjicere, ac primò quidem consilium erat, quamprimum hoc facere; sed subibat animum cogitatio, posse Typographum falli, in voluminis formâ, ac Typorum modo eligendo; nisi ante Cal. Maias, totius operis

conspectus, certiore consilii rationem suggeret. Nunc aliquâ ex parte, animo meo satisfecisse mihi videor, & quemadmodum hæc prorsus videbantur addenda, ita nunc verbum non amplius addam. Unum hoc iterum rogo, ne patiaris propter leves aliquas impensas spem meam imminui. Inveniendus est aliquis, aut precibus, aut pretio, &c. Grati animi testimonium nunquam requires, sat scio. Etenim ut ut non accesserit, officii hujus gratia, tibi tamen obstrictum me esse semper agnoscam. Iterum vale, & me amare perge.

# CCXVIII.

**H**Aud abs re facturum me existimavi, Vir clarissime, si te quoque tot annis, tot beneficiis mihi conjunctissimum, brevi epistolio, sed intra præcordia nato, compellarem. Enimvero tanta sunt tua de me, tamque præclara merita ut cui plus eo nomine debere possim, velimve, sciam neminem. Cætera verò longe antistat ingens illud nec mea unquam memoria excessurum beneficium: quod filiorum meorum, non unum, non duos, sed trinos, pignora mihi charissima ad optimarum rerum scientiam, quâ neque majus aliud, neque præstabilius, non incitatis modo, quo solo obstringi æternum poteram; sed duxeris etiam, traxerisque; ne sic quidem innato tibi bene merendi studio satisfactum ratus, nisi & simul informator fores. Quod quantum sit, rem ex vero æstimantes, etiam me tacente, narrant cuncti. Sincerum tuum in me meosque affectum, & alia hujusmodi, quæ deteri prædicando nullus abnuerit, ne modum epistolæ excessisse, vel solum id egisse videar, libens & consultò prætermitto. Ego saltem omnium, dum superstes fuero, recordabor; sin, occasionem nactus, officia esse mea aliquid judicaro: non negligam actu promptus esse, benefactaque benefactis reponere. Interea sic me animatum credas velim: Filium Benedictum, Britannia jam decedentem marèq, transmissurum ubi ad vos appulerit, ut complectaris foveâsq, facile te exoratum iri confido, si cogitare tibi subierit, quam ipsi semper cultus fueris, quamque prolixè ei operam navare, cupereque jamdudum ceperis. Vellem is tuo consortio longum frui, adeoque te Doctorem habere posset; sed quia necessum est in patriam



patriam, sesquianno haud visam, regrediatur, infelicem hac parte esse oportebit. Habes Laurentium, excitatæ indolis ingenique, quem doctrina affecisse, tibi honorificum, mihiq; & compluribus aliis futurum est, quam maximè jucundum. Adeo non veremur, ne ab materie devinciendi ulterius familiam nostram destituaris. Quid mihi hac legatione præstitum, quanquam memorare possem, tamen filio optime relatu quoque, supervacuum videretur. Hoc saltem profiteri licebit; nihil omnium secus quam optaram evenisse. Jam in eo sum, ut hinc discedam; Belgicis navibus, uti spero, transfretaturus. Deus te bono literarum, tuoque decori incolumem servet, & senectâ atate, quam scio expetis, dignetur. Vale.

*Virtutum & Eruditionis*

*Calendis Maii,  
cib c xxxv.*

*tua admirantor &*

*Cultor perpetuus,*

Jo. Skytte, Senior.

CCXIX.

*Spectatissimo Viro D. Gerardo Joanni  
Vossio, Affini conjunctissimo.*

*Conjunctissime Domine Affinis,*

**L**iteræ tuæ in quibus, librorum à te missorum mentio fiebat nonnisi decimo postquam allatæ essent die, ad me perlatae sunt. Fasciculum librarium, tali nota insignitum, qualem inscriptio literarum tuarum fasciculo tributum testabatur, nullum invenire potui. Aliquoties ad portum advolans, & cum inquisitoribus illis, qui in portibus regia vestigalia curant, prece & pretio contendi, ut talem mihi fasciculum demonstrarent. Omnes pernegabant, quicquam sibi, de tali aliquo fasciculo constare. Subit tamen mœstum animum cogitatio, adeundum mihi esse Dominum Dell, qui Archiepiscopo à secretis est; sperans fore, ut ex ipso intelligerem, an & quâ ratione fasciculum sibi inscriptum nactus esset. Narrat ille miserum utriusque fasciculi casum: ac casu ferè libros à se recuperatos, atque ex orci sancibus ereptos. Ipse fortè super ea re ad te prescripserit. Utcumque tamen tres tantum adhuc ab ipso libros recepi.

Unum inauratum, quod tuo nomine tradidi primogenito Comitis Nepoti; duo reliqua exemplaria, Cantuariam misi, ut postulabas. Spem tamen facit Dellius, duo adhuc recuperari posse, quæ Cantabrigiam, te monente, mitti debent. Quumque ostensa ea literarum tuarum parte, inauratum unum, quod Bibliothecæ Cantabrigienfi deberetur, quæcumque ratione inveniendum esse urgerem, etiam hoc spondit: scire enim se affirmabat, ubi Londini in *The High Commission Court*, ut vocant, duo exemplaria delitescant, quæ fortè inter diripientium manus, ad aliquem ibi pervenerunt, quorum unum inauratum esse arbitrat; plura se invenire non posse contendebat. Biduum tamen nunc est, ex quo nihil etiamnum de exemplaribus istis resciscere potui. Misi heri vesperi ad ipsum: respondit peregrè profectum hominem istum, intra biduum aut triduum rediturum. Et mihi hoc ipso die rus abeundum: mensem unum atque alterum in Surriâ loco quodam xxii. millia ab urbe hac transigemus. Literas itaque tuas, una cum meis, ad Doctorem Richardum Sterne, Præfectum Collegii Jesu, amico fideli committo, qui eas cum libris (si fortè restituantur) Cantabrigiam mittat. Alioqui literas ad Præfectum dare nondum statui. Quod si libros recuperari non potuissè intellexero; literis hisce meis, tuisque, quas fido amico tradidi, alias addam, quibus eum de jactura librorum certiore faciam. Sed spero non fore opus. Utcumque tamen nullum mihi exemplar relictum fuit, & si fuisset, Episcopo Herefordiensi tuo, meoque nomine lubens tradidissè. Spero acceperis prolixas literas meas, in quibus Herefordiensis Episcopi memini; dolerem sanè si literæ istæ unâ cum auctario non poenitendo, calci opusculi nostri de picturâ adjiciendo, ad manus tuas non pervenissent.

Non tanto me dignor honore, quam habuit mihi clarissimus Grotius: olim avidè amplexus fuissè optatam conditionem; nunc operam meam addixi familiæ Arundellianæ, cui jam dudum, ut scis, adsuevi; & in quâ, ut forte omnia non placeant, plura tamen placeant; vitæ genus quod varias interdum recreationes, severioribus curis interponit, satis indoli meæ congruens experior. Totus jam sum in persequendis iis, quæ de picturâ ceppi. Primò per otium in vernaculam nostram linguam, ea quæ Latine dedi transfero; Quin etiam hortatu multorum, in hoc regno

regno Britannicè idem conabor. Nolim enim alium quemquam, mentis meæ non ulque adeo gnarum, opus hoc interpolare; meæ industriæ hac in parte magis fido. Urgent admodum artifices, & quotquot artes illas delicatas amant, imminet deinde cura majoris operis; spondeo, ut scis, Catalogum Artificum. Non patiar quantum in me erit, fidem meam requiri. Horum nihil amplius possim, si novum vitæ genus amplectar. Plura sunt, quæ afferre possem; sed hæc præcipua: excusabis itaque non sine debita gratiarum actione; nunc intra horam unam, atque alteram conscendendi nobis equi. Ad ipsum clarissimum D. Legatum scribere non possum.

Menses circiter tres sunt, ex quo literas ad sororem, amicissimo mihi D. Roberto Van Voerst, sculptori eximio, iter ad vos instituenti, traditurus eram; impedit Rex tum temporis iter ejus: & stipendio annuo mille florenorum detinet eum, additis insuper quadringentis flor. conducendæ domui. Adolescens est optimus, biduum modò aut triduum apud vos diversetur. Experiemini non indignum amicitia vestra hospitem, atque abundè gratum. Quid ab eo expectem, ut apud vos meo rogatu faciat, in iis ad sororem literis perscripsi, quas ipse adferet. Ubi venerit, de omnibus, quæ opusculum illud meum spectant, certiorum ipsum facies, horulam unam, atque alteram lucraberis; quoniam ipse ad me perscribet, illa quæ tibi aliqui perscribenda fortè essent.

Cantabrigiam intra festum Nativitatis Christi, ac præsens hoc tempus bis excurri. Quumque post extremum reditum, deprehendissem, crescere quotidie rumores, multosque qui avidè societati inhiabant, malis eam artibus petere. Reverendissimum quoque Archiepiscopum, multum laborasse, ut inhiaberet dño tria mandata Regia, quæ obtendebantur ab iis, qui Aulicorum quorundam favore, tale quid à Rege obtinuerant, dum impudenter satis affirmabant vacare jam locum. Quum denique instaret Præfectus Collegii totius societatis nomine, ut societatem resignarem, & liberam iis electionem relinquerem, priusquam indignus aliquis obtruderetur: geminas Præfecti super ea re literas habeo; nolui Collegio injurius esse, diutius tergiversando; sed ex consilio Reverendi Episcopi Herefordiensis, Magistri Hall, qui tum temporis hic Londinii erat, ante dies decem, quàm literas tuas acceperam, Collegio jus feci subrogandi

quem vellent: in locum filii tui. Grate id acceptum. Nescio quid nunc moliantur. Neque mea porro interest. Multa tamen sunt, de quibus, filius longè aliter apud te, quàm hic rem se habere deprehendo. Longum esset singula perscribere. Georgius Stearne, cui librorum curam reliquerat, negat se ita subito negotium hoc de libris conficere posse, quoniam plures libros, aliqui quibus pecunias debebat, utendos sumpserant, nescio, an in pignus: Et eorum aliqui Cantabrigiæ nunc non sunt; expectandum itaque aiebat, usque dum reversi essent: Spondet Præfectus Collegii operam suam; & in meis ad ipsum literis postulavi, ut me absente mitteret eos ad Jonam Peysterum, qui eos recepit ad vos transmissurum. Ex dividendis ejus receperam, cum ultimo Cantabrigiæ essem 35 libras, 18 s. 6 d. quam totam summam, gnaris, Præfecto, ac sociis expendi in eos, qui certam pecuniæ sibi debitæ rationem reddere poterant, aut ostensa manu filii, qua se iis obstrinxerat, aut testibus fide dignis adhibitis. Si unquam revértatur filius, videbit quid sit actum, neque improbare poterit. Præfectus, ac reliqui socii, authores erant; atque ipse etiam eò inclinabam; ne quam in Academia sinistri rumoris occasionem, cuiquam præberem. Non sufficit tamen hæc summa. Circa festum Michaelis, Cantabrigiam iterum excurrendum mihi erit, ut porrò quinque, aut sex libras recipiam, quæ porro dividendis acceperunt. Præsentiam meam requirunt, quia annumerari pecunia ista non potest, nisi in libro, qui acta Collegii continet, propria manu pecuniam à me receptam esse subsignem. Accessione ista ad dividendas facta, spero fore ut bonum nomen, existimetur filius tuus. Non intermittam, quin videas, si libet, Præfecti, ac societatis testimonium, hæc sic gesta. Utcumque mihi sic prospiciam, ut filio tuo, faxit modò Deus, ut reducem videre liceat, in omnibus possim satisfacere. Vale, & me amare perge.

Londini in adibus  
Arundellianis, anno  
1635. 22. Maii sty-  
lo veteri.

Tuus omni officio,

F F F. Junius.

Excidit de utensilibus, quod primo adventu Cantabrigiam deprehendi, omnia jam à matre Prudentiæ, in domum suam translata; fortè ne debitores in ea involarent, ut commodissime interpreter: non



non putavi inquirendum, quoniam significaveras, voluisse filium, ut auferret quidquid ei in suppellectile placeret, libris ac picturâ exceptis: quin etiam libri periclitabantur; nisi persolutum ex dividendis fuisset iis qui licem ei intentaverant, ut jam olim ad te perscripsi, quibus cum persolutum esset, quod debebatur, etiam aliis qui modestius egerant, & minus importuni fuerant, quod justum erat videbatur tribuendum.

CCXX.

*Illustrissimis Ordinibus, &c.*

Domini mei Clementissimi,

**S**Tatum rerum mearum illustrissimæ vestræ Dominationi per supplicem hunc libellum declaro. Is autem ita se habet. Cum Grajugena Dei gratia, sanctissimæ memoriæ Cyrilli Patriarchæ Constantinopolitani, prius fuisset domesticus, atque Capellanus, ante ejus obitum ab ipso commendatus, in Angliam veni, studendi gratia, ubi benigne, & humaniter acceptus, sex annos integros mansi, progressibus in Theologia, & Latina Lingua satis magnis factis. Verum adhuc desiderio studendi veni Leidam, ubi jam annum & dimidium mansi: expertus sum ibi, benevolentiam, & benignitatem eruditissimorum virorum, certè secundum Evangelium Christi, Christianissimorum: quorum beneficiis, & munificentia libros orthodoxos, ad propagandam in patria mea Religionem, & Evangelium Christi mihi comparavi. Verum jam tempus instat, ad Ecclesiam Constantinopolitanam redire, cujus membrum sum, & libros istos mecum habeo, satis oneris, & ponderis. Pro quorum portoriis, & navigiis, magni sumptus mihi faciendi sunt, qui vires meas excedunt, quandoquidem, & iter satis longum est: ideoque sciens vestram pietatem, liberalitatem, & clementiam, ad vestras Excellentias, cum hoc libello supplex accedo; ut vestram liberalitatem, conferre dignemini, quemadmodum & Illust. & Piet. Ordinis fecere, ut in gratiarum actione, quam hic agere debeo, similiterque vestram benignitatem annumerem; ejusdem enim Pietatis & Religionis estis. Ad me verò quod attinet, hic & in patria mea, non immemor ero, vestrorum beneficiorum, & prædicator prom-

ptissimus, ut Deum optimum oro, ut vobis omnibus semper benedicat, & omnem abundantiam concedat, ut & hic honorem, & laudes, piis hominibus debitis consequamini, & in futurum cœlestem gloriam; quod faxit Deus optimus maximus suâ gratiâ & misericordiâ.

† Is est Nath.

Nathanael † Conopius.

Conopius Cretenfis, qui Batavis pollicitus erat se Calvinî Institutionem in Græcum sermonem versurum, idque in gentis suæ usum.

CCXXI.

**E**Quidem scribendi ad te nullam occasionem omitto, Vir clarissime, neque cello etiam molestus esse. Nam quantumvis sponte tua te facturum quidvis credam, quia tamen mora meo desiderio nimis longa est, nequeo non per amicos ad te iter capientes, etiam currentem ultro porro impellere. Quæso, itaque fac quod facis, lentulosque illos excita; siquidem pro uno duos, ut intelligo, nunc posthac sim habiturus. Utinam nunc tandem incipiant; & duobus, quod promittis, prælis opus ceptum urgeant. Nisi faciant; & cunctari etiam diutius velint, libros decem Historiæ Danicæ, quibus tracto eos Reges, qui familiam Oldenburgicam præcessere, hic seorsim dare cogar. Scripsi nuper per Soranum quendam civem; quæso, ut per hunc respondeas, atque certum de negotio toto facias. Qui has meas ad te affert, est egregia tum virtute, tum doctrina, Fredericus Andreæ, antea, ut puto, notus, cum adesset Roscrantzio: nunc illustris Dominus Cancellarius Regius suo filio Ephorum dedit; cui rogare, ut benè, quantum possis, facias, est id hominis illam tuam maximam humanitatem ignorantis. Sophompanæas Grotii, est excellens plane opus; tui verò de Grammaticâ Arte libri cæteris in eo genere longè præstant: nec invenio, quod cum illis jure comparare queam. Ex Præfatione Grotii, uno & altero loco, video te de Poeticâ edidisse. Quod cum necdum ad me miseris, amicitia nostræ jure, & fiducia, abs te peto. In opere meo de Creta, lib. III. cap. V. post verba Dionis, libro XLV. quæ sunt de Libertate, ab Antonio restituta, *imperare decrevimus*, adde. Et apud ipsum Ciceronem, Philipp. II. *At quam caeca avaritia est? nuper fixa tabula est, quæ civitates locupletis-*

U

fima

*finæ Cretenſium veſtigalibus liberantur: ſta-  
tuiturque, ne, poſt Marcum Brutum Pro-  
conſulem, ſit Creta provincia. Tu mentis es  
compos? tu non conſtringendus? An Caſa-  
ris decreto Creta poſt M. Bruti decretum po-  
tuit liberari, cum Creta nihil ad Brutum,  
vivo Caſare, pertineret? Iterum, lib. IV.  
cap. XII ubi de Meſomede ago, poſt,  
Muſicus Poeta agnoſcitur: adde, Vide quæ  
de eo Suidas in Meſomede. & Julius Capi-  
tolinus, in Antonino Pio. Illud porro, ſi  
licebit, cupiam ex te intelligere, ecquid  
operis iſtius dedicatio Noomſio noſtro gra-  
ta fuerit. Mone candidè, mutaturum, ſi  
diſpliceat. In hoc deſino, tèque uxorem  
liberòſque plurimum ſalvere jubeo: quod  
& mea, ac mei faciunt.*

*Sora ad diem,  
XXIII. Junii,  
cIo Io c XXXV.*

*Tuus antiquo affectu,*

Johannes Meurfius.

## CCXXII.

*Clariffimo Viro D. Gerhardo Joanni  
Voffio, Eloquentiæ Profeſſori digniſ-  
ſimo.*

**N**On tam gratus eſt ros cœleſtis hortu-  
lo meo, atque mihi ſunt literæ tuæ,  
vir excellentiſſime, amice ſumme, quas  
ex longo intervallo, abs te cupidiffime ac-  
cepi; plenæ doctrinæ, & bonæ mentis,  
in qua radiat pietas, & candor. Neque  
ego, neque Collegæ mei redhoſtimentum  
norunt, beneficentiæ tuæ exercitæ in eos  
quos commendavimus. Utinam tandem  
aliquando, inveniamus, aut ſaltem illi,  
qui jam ſe vobis totos debent, Heilerſigius,  
& Gronovius noſter, juvenes ambo bonæ  
ſpei. Vidimus hiſce diebus, commenta-  
rios tuos de re Grammatica editos, opus ra-  
rum & immenſi laboris dignum quod in ce-  
dro ſcribatur; & ex Cabelavio viro elegan-  
tis ingenii, accepimus, nunc quoque ſub  
prælo eſſe Lexicon Etymologicum, quod  
jam tempore Synodi Dordrechtanæ me-  
ditabar: cui operi ex animo favemus,  
idque nimiopere expetimus. Martinus no-  
ſter, & *Marſellus*, Lexicon ſuum ante obi-  
tum, nonnihil emendavit, & auxit, in  
ſpem editionis ſecundæ. Filix ipſius ſu-  
perſtites, plurima te ſalute impertiunt, &  
pro amicitia, quam pater defunctus te-  
cum coluit, conſilium abs te petunt. Nol-  
lent enim ſibi laborem patris perire, inter-  
tineas, & blattas; ſiquidem cum Typogra-

pho, honeſtis & æquis conditionibus  
tranſigi poſſet. Germania noſtra con-  
tinuis bellis attrita, è proximo nullam ſpem  
facit iterandæ editionis, quod Typographi  
plerique ad incitas redacti, hæredibus  
Martinii, vix præmium laboris promittunt.  
Si apud Amſtelodamenſes Janſonios, aut  
alios florentiores Typographos, aliquid  
foret ſperabile, tuam cum primis opem,  
fiducia paternæ amicitia implorarent. Vi-  
de, vir maxime, quam audacter, abutun-  
tur benignitate tua, quod ne mihi veritas  
vitio, amanter peto. Malui enim in  
hanc partem peccare, mihiſque notam  
inurere, quam Orphanſtanti viri, quali-  
cunque hoc officio deeſſe. Edo nunc  
S. Theologiæ libros quatuor auditoribus  
meis, ante annos aliquot dictatos, ut de-  
inceps ſcriptionis tantæ ſuperſedeant, ru-  
des quidem illos, at ſuaſu amicorum, de-  
ſtinatos in uſus Tyronum. Profuerunt mi-  
hi Theſes tuæ Theologicæ, & Hiſtoricæ,  
quas creberrimè laudo, & hiſtoria Pela-  
giana, ad cujus inſtar vellem omnes par-  
tes Theologiæ noſtræ, ab ultima antiqui-  
tate, ad ætatem noſtram, ſcitè pruden-  
terque repetitas. Quod quidem opus à  
nemine, quam abſte, vir maxime, rectius  
elaborari poſſet. In Academia Julia vivit  
D. Georgius Calixtus, vir, in parte qui-  
dem Lutheranorum; ſed pereruditus, æ-  
quus, modeſtus, & candidus, qui edita  
nuper parte Theologiæ moralis, cum di-  
greſſione de arte nova Nihuiſi, Veronii,  
aliorumque Pontificiorum, mihi ſalivam  
movit, & ſpem injectit reparandæ doctri-  
næ, altercationibus ultimi ſæculi nimis la-  
befactatæ, & implicatæ: ſi modò plures,  
cum bono Deo, in hanc rem conſpira-  
rent. Evolvit is ſerè omnem antiquita-  
tem ſacram, adhibito lumine analytico, quò  
dialecticæ, & ſophiſticæ diſputationes, à  
neceſſariis vinculis etiam certis, ſapienter  
diſſeparantur: quarum confuſio lumini-  
bus cœleſtis veri hætenus obſtruxit. Ob-  
ſtant quidem non pauci nycticoraces, qui  
ferale carmen dicere, bonorumque ſtudia  
traducere non deſinunt: ſed & horum  
crocitationes Deus facile compeſcet, & in  
columbinos gemitus vertet. D. Polyander,  
& D. Heiniſius, Epigrammatis ſuis opuscu-  
lum meum condecorarunt. Si ſerunt oc-  
cupationes, ego, quæ non inverecundius  
forte peto, ſtudium conatumque meum  
calculo tuo approbari velim. Intra men-  
ſem proximum imponam, Deo dante,  
Colophonem. Quartum Alphabetum jam  
typis excubitur. Primus liber agit, de  
naturâ, & conſtitutione ſacræ Theologiæ,  
ubi



ubi de illius principio, scriptura sacra : alter de summo hominis bono, & ultimo fine, alterna beatitudine, ubi definiuntur quædam hypotheses, de animæ immortalitate, de statu illius separata, de resurrectione carnis, de fine mundi, deque ultimo iudicio. Tertius de subiecto nempe homine, quatenus civis Dei, capax illius regni, & æternæ salutis; ubi de illius ortu, & statibus, adeoque de Deo, de creatione, de hominis lapsu. Quartus de principis æternæ salutis, nempe gratia paternæ miserationis, fraternæ redemptionis, & supernæ, sanctæque vocationis; deque mediis quibus æterna salus obtinetur, externis, Verbo Dei, Sacramentis, Ministerioque sacro: interno, nempe fide ejusdemque consequentibus, unionem cum Deo, justificationem, sanctificationem, bonisque operibus, horumque statu, Libertate Christiana, & Exercitio, Christiana Militia, & precatione; cujus fructus, est pax conscientiæ, quæ est vitæ æternæ initium. Hæc est Theologiæ meæ *ægypti*. Si intellexero, piis, & doctis non displicere, quantum & alios edam, quibus describo sacra Theologiæ partem propriam, quæ continet officia Christiana, tum hieratica, tum politica, tum scholastica, tum denique oconomica. Vides quam familiariter tecum agam, amicorum oculissime, & pro candore tuo facile agnoscis. Abrumpo, & hemiolum responsum expecto. Bene vale, Vir doctissime, & salve, cum charitatibus tuis à me meisque æternum.

Dat. Bremae, æ  
re nobis usita-  
te c. 10 c. xxxv.  
Prid. Cal. Julias.

*Qui virtutes, doctrinam,*

*& in Remp. Literariam.*

*Merita tua æstimat,*

*Teque colit,*

Ludovicus Crocius.

D. Bergius, & D. Willius, plurima te salute vicissim impertiunt, atque diu bene agere, & gaudere jubent, viri tui juxta mecum amantissimi.

CCXXIII.

Quas à te postremas accepi IV. Id. Oct. datas, redditæ sunt illæ mihi circa medium Novembris; nec multis interjectis diebus 50 libras quantum tibi ad id tem-

poris debebatur, Peystero tuo *ἀντίποι* numeravi, & cum pecunia responsum ad tuas, ut memini, satis amplum dedi. Quare ut pristina non regeram, scito me haud multo post, communicatis ipsi quas in eum finem scripseras ad me literis, de Horto controverso cum B. nostro egisse, idque quo candidius secum agi intelligeret, privatim primò; quod valde ipsi gratum fuit. Non enim quantum video, publicæ sive Collegii, sive quorumcunque cognitioni causam suam libenter commissurus est, unde & bonitati ejus quantum confidat, potes conjicere. Nisi fallor, unicum hoc illi refugium superest, ut literis suis ad te sive querulis sive blandis (*Τῶν δ' αὖτις τῶν τε περὶ τὸν*, vel inter primos *ἐν πρώτοις*) aliquid à te eliciet, quod vel ad obtinendum consensum tuum, vel ad amolendam ulteriorem rei disquisitionem faciat. Tui erit iudicii quid responsurus sis. Sed cave ne quid ad te detrimenti rediturum inde putes, si in proposito perfliteris. Serio enim id à me cavebitur, & ut res nunc sunt, ne minima quidem metuendi causa. Nam ad Præbendarias tuas rationes quod attinet, cum binæ tibi conditiones initio propositæ fuerint, quarum alteram ea conditione amplexus es, ut alterius, si quando ita malle, jus tibi servares integrum; si (quod ego suadere aliquando memini) optionis hujus pro te nata arbitrium, aliqua voluntatis tuæ significatione per literas mihi promississes; valde fallor, aut & novæ conditionis non poenitendos fructus hoc anno, me Thesaurario, percepisses, & ad primam redire (quandocunque velles) liberum tibi fuisset. Quod ed à me dicitur, non ut te consilii tui poeniteat, sed quo magis intelligas non admodum tibi cujusquam gratia opus esse, ut in his securus remanere possis, quas nunc obtines. Atque hæc quidem hæcenus. Mitto ad te bina exemplaria non ineleganter (ut sunt hîc nostri Bibliopegæ plerique hujus artificii (valde imperiti) compacta Libri hîc nuper editi. Est autem Marci Aurelii Antonini, Rom. illius Imperatoris nunquam satis laudati, *De Vita sua* (ut vulgo vocant) in Linguam Anglicam versio. Dubito an liber sit tibi unquam visus: non enim opinor alioquin inter Historicos tuos Græcos poenitus omisisses. Quanquam revera inter illos, nisi per publicum errorem, nullus illi locus. Est enim liber non historicus, sed philosophicus purus putus, & planè divinus: neque de Vitâ suâ, verus illi titulus, sed *τῶν εἰς τὰς ἀρετὰς*, quod longè aliud est, &

ex intima Philosophia Platonica exponendum, ut paucis in notis ad librum iudicatum est. Misi bina exemplaria, ut si tibi videretur, alterum ad virum amplissimum & doctissimum D. Boswellum, Regium apud vos Oratorem, sive tuo sive meo nomine curares. Sane hic tanto studio excepta est hæc versio, ut quamvis adhuc musteus propè sit liber, & à prælo calens, jam tamen de secunda editione cogitare incipiant. Etsi tu Anglicam non intelligas, non dubitavi tamen aliquem tibi istic amicū vel Anglum vel qui Anglicæ Linguae non sit imperitus, cui novus liber minus sit futurus non ingratus. Vale, & ocyus (ut Hortense negotium à me expeditiū curetur) rescribere meum esto.

Lond. v. Idus Jan.

Tuus,

M. Casaubonus.

#### CCXXIV.

Clarissimo Viro, Gerardo Joanni Vossio,  
Petrus Cunæus S. D.

Vir Clarissime,

**A**Nte paucos dies, cum me D. Barlaeus, cognatus meus, invitasset, constitutionem ad vos excurrere, ac tibi gratias coram agere, pro libris tuis de arte Grammatica, quos ex munere tuo accepi: cæterum mox casus aliquis inopinatus me hic detinuit, fecisse, ut per literas, præstare cogar hoc quicquid est officii. Utique si, quisquis grate munus accepit, jam gratiam retulit, exiguum est, quod aut ego debeam tibi amplius, aut tu à me desideres. Etenim nihil quidquam mihi, à multo jam tempore, accidit jucundius. Sed quia longè satius est, re, quam verbis, aut sola mente respondere officia, angit cruciatque me, inertiae meae conscientia, quod in publicos usus nihil evulgem; neque sit unde pari dare hostimentum tibi queam. Ego dum opus illud hic illic inspicio, plurima reperio, quæ majoris operæ, curæque sublimioris sint, quam promittit Titulus. Quod autem Aristarchum, noluisse te inscribere ais, in eo *viperula* tuam agnosco. Certe primum librum sine intermissione perlegi, cum summa admiratione, & percurram evolvamque sapius. Adeo ubique ingens ubertas, lectissimarum observationum, & reconditæ cujusdam doctrinæ illic est. Ex

cæteris quos ordine perlegere nondum potui, illud tamen summam didici, haud satis me latine scire, multaque esse, quæ male dudum percepi. Quæsi in his sollicitè, an aliquid de recto usu particulæ, *citra*, traditum extaret, sed non inveni. Pertinet autem ea investigatio, ad Jurisconsultorum controversiam, quæ oritur ex verbis Diocletiani, & Maximiani in *L. Transigere* 18. Codic. de transactionibus. Quippe Cujacius lib. 6. observat. cap. 11. & lib. 19. cap. 39. Item Goveanus lib. 1. Variarum Lectionum, cap. 30. atque alii plures, statuunt voce ea, exceptionem significari, ut de nullis criminibus publicis, quæ sanguinis penam non ingerunt, transigere liceat, præterquam de falsi crimine. Brissonius autem lib. 3. de verborum significat. in voce *citra*, & in lib. singulari, ad *L. Jul. de Adulter.* & Ravardus lib. 4. Var. Lect. cap. 6. Omnino negant Idoneos Scriptores Latinos, ea voce sic usos unquam fuisse, idque passim ex legibus etiam nostris, atque ex aliis constitutionibus ipsius Diocletiani, & Maximiani, quæ sunt in eodem codice, ostendunt. Quare vocem eam pro *sine* accipiunt, ut ex ipsa illa lege nemo de criminibus, quæ sanguinis pena carent, transigere possit, quin ex transactione illa, in crimen falsi incidat, planè & sine falsi crimine transigi de his nequeat. Disceptatio hæc omnis ex usu ejus vocis pendet. Et certè, nisi ex norma latini sermonis vox *citra*, exceptionem, quandoque denotet, & pro, *præterquam*, accipi possit, falsa est Cujacii & Goveani opinio. Nam exemplum quod ex *L. unica*. Cap. de re uxore. Act. 9. accedit. 13. circa finem adfertur, non multum ad rem facit, cum is locus extet in novissimis constitutionibus Justiniani, qui ex seculi vitio, sæpè loquitur barbarè, nec illam secutus est latinæ linguæ puritatem, quæ superfecit adhuc Diocletiani, & Maximiani tempore. Si propediem ad vos venero, cupio ex te intelligere, quid sentias, Vir clarissime, quem Latinitatis habeo Authorem optimum certissimumque. Vale, & uxorem tuam, liberosque saluta.

Lugd. Bat. vi.

Julii. 1635.

#### CCXXV.



CCXXV.

*Clarissimo, Ornatissimoque Viro, D. Magistro Gerardo Vossio Historiæ Professori celeberrimo, S. P.*

Reverende D. Professor Vossi,

**R**everfus domum, obrutus sum Ecclesiasticis ac Scholasticis negotiis; me absente, pestis hic cepit grassari, visitandi fuerunt ægri, legata Ecclesiæ accipienda, Apochæ scribendæ, & alia quæ res tempusque exigunt. Unus Discipulorum meorum peste correptus. Est is filii nostri Balivii Wassenhoyii, qui filiam ante octiduum sepelivit, & tres jam habet cum morte luctantes. Deus illius misereatur, ac fœlicem largiatur catastrophem. Excusabis ergo silentium tenax, non pertinax. Mitto filio tuo Johanni, Merulæ Ennium, pro Colutho Aldino, quem exspecto cum responso ipsius, an velit me mihi servare Macrobiū, cujus loco, (si velit) remittam ipsi, utramque partem Homerī. Si remiserit codicem Egmondanum, & Worperum, MS. remittam Euripidem, cum Authoribus Historiæ Augustæ, quos duos solos habeo; nam Coluthum remitto. Scripsi Guilielmo Blawio, ut præmia Scholastica mittat, nam unum destinatum filio Balivii ægro, qui expetit ante mortem, si possit videre, fortè impressio illa aliquid boni causaretur. Roga itaque filium, ut Blawium urgeat, ut ad me libros mittat. Causam habes. Hagæ Comitum emi duobus Imperialibus, Historiam Herreræ Occidentalis Indiæ, à D. Barlæo versam, roga an non sit nimium. Mittat mihi filius tuus Coluthum meum, cum Papiæ, ac Maio, ac rescribat, an Macrobiū mihi pro Homero velit relinquere, sin minus, cum reliquis ad septa redibit. Heri quod nunc occurrit in Servio legi, *septa non septa*, esse scribendum, quod à sæpe adverbio derivetur. Ego ex te scire velim, rectène, an malè. Deus mihi testis, quam avidè desiderem legere censuram tuorum veterum Grammaticorum, hanc solum mihi fac gratiam, ut mihi significes, quo pretio Blawius tibi vendat; sic possem ad te pecuniam, pro compacto exemplari mittere, & tu pro me, quasi pro te emere, hæc pia, & mihi utilis futura esset fraus. Pro Corollario addo, me inter libros meos invenisse Q. Mariū Corradum de Lingua Latina lib. 12. Venetiis excusum, apud Andream Valvasorem 1569. Is an unquam

tibi visus sit nescio; videtur mihi plus quàm vulgo sapere; si cum expetas, pro filiū Macrobio, aut Euripide, fac me certiore. Hæc furtim inter scholæ murmura scripsi. Vale, & ut soles, nos ama.

Raptim 2 Kal.  
Nov. an. 1635.  
Veteragino.

*Tui observantissimus,*

Johannes Lydius.

Copias Epistolarum D. Fr. Junii; prima vice mittam, defuit describendi tempus.

CCXXVI.

*Doctrina & pietate eximio Viro, D. Gerardo Vossio, Professori dignissimo.*

Vir Doctissime, & amande Dom. Vossi,

**N**untium immaturæ dissolutionis Dionysii tui antea intellectum, proximè D. Franciscus mihi ex ordine tristi retulit tristissimus. Non enim sine præcipua animi ægitudine, casus ejusmodi recenseri, vel audiri potuit. Equidem ea obstrictum necessitudine, & iis meritis obligarum me tenes, ut non propriis familiæ miseris differar magis, quàm tuarum sensu conturber. Luctum ergo mihi hoc renovavit, Leonardī ante biennium amissi, & tuæ causæ tristitiæ quàm addidit plurimum propter filium omnibus affatim cumulatū dotibus. Arduum & rarum est, ætatem doctrinæ antevenire, rariùs fama, & scriptis illam celebrare. In illo utrumque sic eminebat, ut vix pater tanto filio dignissimus alterutrum quoque exoptatius videre potuisset. Sed fuerit hoc divinum, benigni erga te animi testimonium. Brevem tamen locupletis possessionis usuram gratè potius recordare, quàm te ejus avulsione impatienter lacerari. Nec primum, nec unicum, nec gravissimum tibi hoc soli contigit. Deus revocavit donationem suam, tum cum modo, & ratione merorem experiri vult. Etsi itaque res coacta, ingentem videatur molestiam aspergere, & humanitùs alteri, in alterum sæpè criminationis immodestiam extundere soleat. Prudens nihilominus, semper refugit ab omni specie impatientiæ; quanto magis Christiana mens fortiter illa tolerat, quæ Deus extra propositum nostrum immittit, pro plenissimo Domini jure, quod in homines habet. Hæc ego non scribo, amice intime, tanquam si dubitem, te corculi eruditæ familiæ tuæ extinctionem, non moderate ferre,

re, atque indignando potius exagitare: sed quasi in summo sensu mœstitiæ, luctus & squaloris tui, non aliud inveniam remedium, quàm quod in cœlesti consolatione, & profundissima æternæ providentiæ meditatione, conquiescat. Abiit tuus Dionysius, & vitam innocentem felici exitu, in Christo servatore nostro clausit, memoriam nominis suavem cognatis relinquens, & Rheidani annales Latine legentibus, admirationem purissimæ dictionis, expromptique judicii afficiens. Donum istud ultimum retinebo semper, ac æstimabo plurimum animo meo, quem conjunctionis nostræ antiquitas, & literaria tua munificentia totum occupat, fortunâ cupiditati meæ resistente ad remunerandum. Vale præstantissime amicorum, & gratuitam affectionem amoris erga me tui, fidenter conserva. Tuam conjugem, mea peramanter salutat, atque hanc calamitatem, communibus exemplis, præterire jubet. Tamdiu enim variis mileriis in hac vita affligemur, quamdiu volet is, qui nisi hæc pati nos vellet, fieri non permetteret. Illius clementiæ vias nostras commendo, & vos iterum, atque iterum, cum tota domo salvere jubeo.

Hagæ Comitum  
16 Nov. 1635.

Tuus, ut dñi nosti,

L. Casembroot.

## CCXXVII.

*Salutem in Christo.*

**S**Trena sint Literæ hæc (Vir clarissime) quam Calendis hinc Januarii mitto more & fide antiquis. Tres ni fallor apud me sunt Literæ tuæ & omnes gratissimæ, pro tribus unam reddat vel ipsa inurbanitas. Nec tamen inurbanitas adeo me gravat quàm negotium; nec tam illam affecto quàm hoc premor. Veniam dabit scio humanitas tua singularis, amico nimium extra se viventi.

Ad Literas tuas quod attinet, lego in secundis tibi à Dello significatum (jussi enim ut scriberet ipse tum occupator) opus vestrum Grammaticum egregium quidem & quod supra vulgaria sapit, de manu meâ in optimæ spei Principis transiisse. Quod tibi gratum fore spondere mihi ausus sum, etiamsi literis supervenientibus de ea re siluisses. Sed quid princeps? Illud enim putò adhuc audivisti. Quum post mentem

mentio Archiepiscopi coram ipso facta est, novi, inquit tenerulus, sed quando mihi alium allaturus est librum? Spero futurum ut tam libri sit tenax, quàm afferentis memor.

In his etiam lego me unam Epistolam tuam non legisse, imo ne vidisse quidem. Intercidit enim, sic scribis, incuria eorum quibus dederas, fortè præmissa est in Sueciam quo non sum secuturus. Huic ut respondeam non expectas.

Si Sternius meus, sic enim est, rationem tibi reddidit gratam rerum Cantabrigienarium, fecit quod se decuit & mihi pergratum fuit. Nolui enim tibi deesse, quia sibi defuit filius tuus. Spero nunc meliora, referet ab Indiis quò advocati fscalis dignitate ornatus abiit. Det Deus ut se te dignum gerat.

Quod de Scipionis Gentilis filio, nepote Alberici scribis, mihi grata sunt omnia. Commendatus etiam venit à doctissimo amico meo Joan. Seldeno. Et valuissent apud me facile nota vestra & Seldeni, quin & vel nomen Alberici mihi virtutibus suis abundè noti, si quidquam in ea re potuisssem. Sed aditus qui olim patuit nostris, jam in rem suam & literariam attentionibus multo obstructior est. Nec possum ea præstare, quæ facultas si daretur mihi in summis notis semper fuere: Erigere scilicet afflictos & bene merentium, inter quos Albericus non infimus fuit, etiam seros nepotes fovere.

Auctum dignitate Legati Suecici Hugonem nostrum Grotium jam antea audivi & simul gavisus sum, non ita quando revocatum apud nos sparsum fuit. Sed invidiæ tuba cecinit illud, & quamprimum audivi famam mentitam læticia auctior rediit. Literis etiam suis è Gallia me decoravit, sic enim de doctissimo illo viro sentio cui opto summa. Tragœdias & Poemata alia quæ ille dicaverit tibi, tu mihi dedisti, optatissime ad manus meas pervenerunt. Pauca legi, utinam otium daretur ut reliqua possim.

De expeditione vestra una cum Gallo prima ætate suscepta vere scribis & graviter. Nolo ea de re quidquam adjicere præter hoc unum superasse vos (Gallos dicam an Belgas nescio) in urbe Tirlinensium directâ irruptionem illam plus quàm barbaram Gothorum & Vandalorum, de qua & everfis omnibus sacris toties & tam funestè conquestus est suo tempore S. Augustinus.

Restant Literæ tuæ tertiæ. Nec illæ sine dono me petunt. Cum illis enim moram ingratam nectentibus Typographis circa Dionysiana vestra & tua alterius filii tui

Mat.



Matthæi nempe factum suscepi. Et certe multum me afficit videre Patrem in filio, Gerardum in Matthæo. Ita iudicium & dictio nec de fide dubito seniore in juniore adornarunt. Quæ interspersæ sunt parum cum Regum Imperio convenientia Apologiam una secum ferunt. Scripta ea esse in & sub Regimine alio, ubi populus ut alios mores, ita & alias leges postulat. Nec Proceres vestri satis honori suo consulunt, si non juvenem de illis tam egregie meritum, ut Stipendio, ita & Titulo ornent. Crescat hic in solamen tibi, & uberrime in sinum tuum refundat spes in Dionysio amissas. Et quotquot alia tibi cordi sunt, cum anno feliciter currente & revertente, omnia tibi vovet

*Dat. ex Aedibus  
nostris Lambeth.  
Kal. Jan. 1636.*

*Amicus tuus studiosiss.*

W. Cant.

## CCXXVIII.

ET si semel iterumque, ad te scripsi, Vir clarissime, tamen hanc occasionem negligendam non putavi. Primis Literis commisi quæ in Cretâ suis locis inferenda cupiebam; tum & alia scribebam, quæ ad operum meorum editionem pertinebant: quam ut porro urgere velis, etiam nunc in majorem modum rogo; ac confido, semel tandem, post promissa multiplicia eam inchoatam esse. Si id fieri commode queat, Tomo historico primum locum dari velim: quem transmittam, volente Deo, primo vere; simul aliquem certum hominem, cui committere tuto possim, nactus fuero. Qui has adfert est Jonsonii minister; & se rediturum dicit circa proximum Paschatis festum; itaq; & huic trades si curatum quicquam voles. Quæso autem, uti scribas mihi quidvis quod putabis scitu non ingratum fore de Leidenfis Academiæ ac Gymnasii vestri statu. Audio Salmasium in Galliam se recepisse, forte nunquam rediturum. Ego quidem sic existimo: siquidem familiam & supellectilem universum secum adduxit:

*Hoc libacum velis, & magno mercetur Asridæ.*

O te, meque, ter felices, quorum animos transversos non ambitio ulla capit aut invidia. Tu quid novi jam moliris? Nam non cessas, satis scio. Ubi libri de Poetica, ubi filii tui Cæsar, & quæ alia exspectamus. Hodie natalem celebros septimum &

quingagesimum per benigni Dei gratiam; utinam ut præsentem te adesse opto, ita votum tu repræsentare posses: magnus mihi ad lætitiæ cumulus accessurus esset: sed quam frustra sunt hæc verba, tam hoc animo meo dolet, quod non liceat te frui. Itaque iterum te rogo in Epistolæ hoc fine, ne committas, ut hunc ad me redeuntem vacuum abs te dimittas. Vale diu, amicorum præstantissime, cum uxore liberisque. Ego, mea ac mei annum hunc felicem vobis apprecamur.

*Scribebam raptim  
Soræ a. d. vi. Jan.  
cl. lce xxxvi.*

*Tuus antiquæ fide,*

Joannes Meursius.

Illud quoque monitum velim, ut effigies in conveniente loco Tomi primi collocetur. Iterum vale.

## CCXXIX.

*Viro incomparabili Gerharδο Johanni  
Vossio, S. D. Vincentius Fabricius.*

Jacobus Pauli, venustate morum, rareque eruditione insignis, dum ad vos proficiscitur, pariter ad amicitiam tuam, Vir maxime, viam adfectat. Quæ si ipsi contingere potest, quod spero, non id tam mea commendatione fieri arbitror, quam quod ipse eximiis, animi, ac morum ornamentis instructus, favorem summorum hominum meretur. Si tamen ipsi precibus meis inductus, aliquid peculiaris amicitiae tribueris, facies pro solita indulgentia tua, tot beneficiis mihi nota. Cæterum ipse hoc quasi benevolentiae pignore accepto, omnia luculentiora coram, prope diem cum bono Deo expectabo. Imprimis velim, si qua in re possis, eas quas agitat amicus noster, consiliorum rationes à te adjuvari. Cum enim civilis juris cognitionem accuratam habeat, eam aliis cum aliquo subsidio sumptuum ac emolumento impartiri cupit. De cætero is est, qui plura eruditionis documenta, coram daturus sit, quam à me, in Epistola poni possunt. Te domumque tuam, inter illas ut audio, civitatum vestrarum strages, omnia salva esse spero. Deumque precor, ut à tam insigni capite, totque beneficiis mihi nota familia, omnem procul luem, ac calamitatem, abesse jubeat. Quam universam plurimum salvere jubeo; imprimis Matthæum nostrum, cujus Annales jam arbitror

tror prodiisse, & vos omnes, opto esse incolumes, donec coram, illam amicitiae vestrae dulcedinem, tantoperè dilatam, resumere liceat.

Hamburgi pridie Kal.  
Aprilis loc xxxvi.

## CCXXX.

**A**Nte triduum ad te scripsi, Vir clarissime, per Petrum Vilhadum juvenem doctum & modestum: nunc nec hanc occasionem negligendam existimavi. Ac Vilhadum sat acceptum tibi fore nullus dubito. De rebus meis iterum urgeo. Aegre fero spei meae, quasi illudi. Jam triennium suspensor, & de die in diem differor. Ipse filius Literis superiore anno datis, ad diem xvii. Julii statim se editionem incepturum promittebat; & hac hyeme eousque perducturum, uti causa nihil foret, cur Typographo Hafniensi Danicam historiam darem; sed admoneor ab amico, Literis ad me ante duos menses scriptis Amstelodamo, necdum adnotam manum esse. Et profecto facit res haec, ut ulterioris morae impatiens fiam: itaque semel tandem dicat, quidnam facere constituerit, ut consilium ipse quoque aliud capiam. Si excudere opera mea destitabit, ob impenfam, per me licet, non magnopere laboro. Quamquam enim volupe videre foret, opera mea junctim edita, non invitum curam hanc deponam tamen, & posteritati tradam; semel ea divulgata, satis habens. In hoc casu cupiam remitti mihi per hunc nostrum Mercatorem, quae non edita pridem mihi, nisi forte hac seorsum ob minorem illic sumptum sit libentius excusurus; quod ut uno fieri volumine possit commodissime, & in formâ (ut loquuntur vulgo) folii; ita non ingratum erit. Quod si neque istud volent, obsecro, quod dixi facito, & remitte per hunc nostrum: etiam ex ære laminam, in qua sculpta effigies. Nunc est commoda occasio atque certa, quam te rogo ne praetermittendam putes, negligasve. De Creta mea illud quoque abs te peto, ut significes an ostenderis eam Noomisio; & inscriptio an placuerit. Erit mihi intellectu istud gratum, ut propositum dedicandi vel retineam vel mutem. De Rep. si quid habes, fac me item certiorum. Vale & salve à me, mea atque meis, cum tua & tuis divissime.

Sorae ad diem  
xxii. Aprilis  
elo loc xxxvi.

Tuus antiqua fide,

Joannes Meursius.

## CCXXXI.

Clarissimo Viro D. Gerardo Joanni Vossio, Affini conjunctissimo.

Conjunctissime Affinis,

**M**ercator ille Gemmarius, cui tuas ad me literas commiseras, feritis eas ad me detulit; eo quod metu contagionis, vestrales naves, hic aliquamdiu portum ingredi vetabantur; neque eas exonerare licebat, nisi post certum aliquod praestituti temporis spatium. Utcumque tamen gratulor mihi, quod tandem aliquando, expectatas diu schedas videre contigerit; quamquam doleam, quod ob hasce nugas, tuis quae imprimenda erant scriptis, mora aliqua sit injecta. Nolim factum. Dum cursum lustris, in unum atque alterum tantum incidi errorem Typographicum. Pag. 44 in verbis Statii leg. *Myroni*. Pag. 101. in verbis Plinii, leg. *Harpocratem*. Quamvis metuo, ne meus magis hic error, quam Typographi fuerit; fieri enim potest, ut Harpocratonis nomen, cujus Lexicon in hoc ipso cap. toties citatur, pro Harpocrate exciderit. Gaudeo alioqui, tam diligentibus Typothetis rem commissam. Videris urgere Epistolam dedicatariam, quam nunc praecipiti festinatione, qualitercumque elaboratam, Rever. Episcopo Nordovicensi ostendi, qui lustratis schedis hisce, suadere perstitit, ut Regi nostro Opusculum inscriberem; probavi, rogavi, ut Archiepiscopum Cantuariensem, super ea re consuleret; etiam hac in parte, desiderio meo plenissime satisfecit Vir humanissimus, ac tui amantissimus; retulitque mihi hac ipsa vespere, Archiepiscopum non modò non improbare consilium, sed favere conatibus hisce meis, paratumque porro fore, causam meam apud Regem agere. Expertus es quam prolixè Vir magnus iis soleat indulgere, quibus bene vult. Ceterum de his aliàs uberius: Nunc quod reliquum est persequar. Insolens est hoc mihi scribendi genus: nescio quo ore tale quid aggredi ausus fuerim: adhibe, quaeso, iudicii tui limam, in iis quae non satis commodè se videbuntur habere. Ingravescit hic quotidie contagio; quamprimum igitur cras summo mane secedendum nobis est, aestatem hanc in agris, fortè etiam magnam hyemis partem transacturi. Jamdudum scripsi commodissime, ac minori cum periculo, ad me transmitti posse exemplaria, si Abrahamus Van Bartham, fascem librorum



rum commendet, Mercatori Anglo; Roterodami hic agit, M<sup>r</sup>. Quarles. Is quoniam Comitis negotia, in talibus curat, etiam hanc curam, quæ familiam Arundellianam tangit, in se suscipiet. Magnum est quod nunc peto, nulla tamen ratione tibi, tuisque fraudi futurum. Quidquid expenderis lubens refundam, simul ac de sumptuum summa certiore me feceris. Tam aliena est hæc gens ab omni commercio cum iis locis, quæ contagionis suspicione laborant, ut certus sim, me nunquam impetraturum ab ea, in qua vivo familia, ut liceat libros compingendos Londinium mittere; neque auderem Regi, aliisque Proceribus Regni, libros ibi compactos exhibere, si vel minimum ingravescat lues. Apud vos jam deferbuit, spero, malum; & post quaecumque temporis intervallum, tutius putant Britanni nostri, libros alterius cæli, ac soli, tractari posse. Debebitur Regi exemplar melioris notæ; Carolo Principi, Principi Electori, fratrique ejus, Comiti Arundellia, ac filiis Archiepiscopo Cantuariensi, Episcopo Londinensi, Nordovicensi, Lincolnensi, plerisque Proceribus regni, & quibusdam Aulicis. Longum esset enumerare singulos. Facile est conjicere quam multorum gratia peregrino homini, aut captanda, aut tuenda sit. Pudet me certe tam importuna audacia, neque ullo jure videor mihi hoc exigere, nisi quoddam prona benevolentis animi facilitate, quam semper paratissime mihi exhibuisti, in spem adducor: credere adhuc debes, me prima quaque occasione lubenti, ac grato animo refuturum quidquid impenderis. Debebuntur adhuc exemplaria compacta tibi ac tuæ familiæ, Affini Narano, Avunculo Gomaro, Cl. Grotio, Salmasio, Barlæo, Doubletio, Heemskere qui scripta ad vos detulit, & quibus consultum porro videbitur. Quamquam ego lubens impositum scriptum, tantorum virorum oculis si fas esset subtraxerim. Quod titulum spectat, omnem rem arbitrii vestri facio: bene factum judicabo, quicquid feceris; cum tibi, ac Typographo talium rerum sit major usus. Titulum quoque dedicatoris Epistolæ præmittendum omisi, non quidem consulto, sed quoniam scriptio nem hanc ferius inchoatam, in multam noctem produxissim, oculis in eam quam jamjam literis hisce involvere parabam dedicationem coniectis, titulum fortè desideravi. Magni Monarchæ tituli non sunt ambigui. Et hærenti per cognatum Franciscum succurret D. Boswellus. Quantum Gerardo, atque Isaac, pro operâ strenuè

navatâ debeam ipsi propediem, Deo Opt. Max. nobis vitam, atque animum largiente, experientur. Vale, conjunctissime Affinis, ac meis verbis sorori carissima, atque omnibus tuis salutem plurimam dicito.

*Reprim in Edib.*

*Arundellianis Am.*

1636. 12. Maii.

*Tuus omni officio,*

FFF. Junius

CCXXXII.

*Salutem in Christo.*

Dignissime Voss,

**L**iteras accepi tuas. Datæ sunt ad 8. Calend. Junias. Literæ pregnantess erant. Nam ex illis semel apertis prodire Literæ Calendrinianæ Regium nomen perferentes & petentes manum. Quas priores misit nescio. Has sicut impenitus consideratis & ille pro se & tu pro illo in manus Regias dedi.

Rex serenissimus ut vidit quo tendebant Literæ tradidit eas Secretario Domino Joanni Coco, à quo puto responsum potest Calendrinus expectare. Mihi enim nullum dedit Rex, nec ad me pertinet in rebus ad Monilia & Pecunias spectantibus responsa dare. Hoc tamen tibi ausum dicere, nisi admodum falsa mihi memoria nimis labilis suggerat, Calendrinus parum candide se gessit, in negotio de Monilium localiumque Regionum restitutione. Nec hoc mihi tantum visum est, sed & aliis & summis quidem Regni Proceribus. Sed audio nunc fere superatas esse illas difficultates, & si ita res sit gaudeo. Sin aliter, non habeo quo te amplius detineam. Nam quo in loco res Burlamachianæ jam sunt, ego planè nescio. Scio quod scribis Calendrinum in Bataviam profectum ad expediendum Regium negotium. Si ille interim operam det ad impediendum sub nescio quali prætextu (sicut nonnulli apud nos prudentes augurantur) quid est quod ego illi in gratiam præstare possim? Spero meliora de persona & familia, tam bene de te merente. Et si quid possim pro Calendrino, nihil prætermittam, ne occasionem ipsam, semel si constiterit sedulam illum Regio negotio navare operam. Hoc quamprimum volui te scire Literas Calendrinianas in manus Regias pervenisse. Vale.

*Ex Adibus meis*

*Lamb. Fun. 9. Ss.*

*nostrò, 1636.*

*Sic jubet tibi amicissimus;*

W. Cant.

CCXXXIII.

X

## CCXXXIII.

**C**UM Soranus iste Civis, Vir & amice præstantissime, ad te iret, sine meis eum Literis dimittendum non putavi. Tuas scriptas iii. Non. Jun. recte accepi: sed non mea, quæ omnino expectabam. Quia vero nunc Typographus serio editionem inchoare velle dixit, libet saltem hâc vice etiam fidem ejus, quam jam toties fefellit, experiri. Itaque expecto specimen, quod promisit: & ut porro sine dolo certa omnia exequatur, valde cupio. Mitto in eundem finem reliqua, ad Cretam quædam, suis locis inferenda, quod ut per amanuensem tuum cures, etiam atque etiam rogo. Filii annales legi; nec mirari satis possum, aut iudicii in ætate juvenili gravitatem, aut styli quoque majestatem, Historiæ parem. Faveo nascenti famæ, quantum quicquam, & applaudo: pergat sic cum bono Deo, magnum aliquando virum Patriæ daturus suæ. Tibi gratulor talem filium, & ut diu conservet summum eum numen velit opto ac voveo. Pestem invalescere doleo, sed incolumem te tuosque servaturum esse Deum confido; utq; faciat ex animo precor; neque ego id duntaxat, verum mea quoque & mei, qui vos omnes ex interiore animo salutamus.

*Reptim Soræ ad  
diem xxviii. Jun.  
clio lxx. xxxvi.*

*Tuus antiqua fide,*

Joannes Meursius.

De Patriæ rebus fac me quæso certior. Pestis Leidæ denuo grassari dicitur. Arlander-venit Domino, nisi grave est, multam à me salutem; dicito etiam Barlæo nostro, Viro non è multis & amico veteri. Ubi videro Typographum serio manum operum editioni admove, mittam Danicam Historiam. Dum cunctatur Civis noster, commodum se offert nobis Joannes David Zurmérius; itaque utendum ejus opera existimavi, hominis imprimis fidi, & utrique nostrum amici. Iterum salve, atque vale, amicorum optime maxime.

## CCXXXIV.

*Vir Clarissime,*

**Q**UI has adfert est Petrus Wilhadus egregius Juvenis virtute & eruditione. Commendatum tibi cupio pro veteri nostra amicitia: paucis tamen, quia mul-

tis non est opus, & seipsum satis tibi commendabit ubi videris, & cognoveris. Vixit aliquot jam annos in Clarissimi Brochmanni, SS. Theologiæ Doctoris & Professoris in Academiâ Hafniensi, maximi amici mei contubernio, & hoc ipsum magæ commendationis instar puto. Honestis Parentibus honestè natus & educatus, operam studiis jam navavit prædicandam: porro ea & virtutem ante omnia colere certus. Te observat inter eruditos maxime & amari abs te petit. Quæso facito, ac facturum satis scio, vel virtutis tuæ causâ, & humanitatis etiam, quâ honesta quæque ingenia sponte tua tibi quovis genere officiorum prosequenda arbitraris. Non hic falles expectationem nostram, nec virtutem tuam desereres. Post nonnullam mansionem etiam Lugdunum cogitat: quod si quando est petiturus, Heinisio eum, ac Cunæo, & id meis quoque verbis commendato. Mea opera quo sint loco, & Typographus an inceperit semel tandem fidem datam liberare, ac quousque sit progressus, fac occasione primâ scire possim. Valde velim justo meo desiderio aliquando satisfieri. Vale amicorum princeps, cum uxore liberisque diutissime. Uxor mea te, tuamq; filia filiam plurimum salvere jubent.

*Soræ ad diem  
xix. Octobris,  
clio lxx. xxxv.*

*Tuus fide antiqua,*

Joannes Meursius.

Has scripseram anno ut vides superiore, sed dilatas propter ingruentem illo tempore Pestilentiam, nunc demum mitto: siquidem qui eas ferret meo hic consilio usus, iter suum ab eandem causam distulit. Iterum rogo, ut me primâ quæque occasione rerum mearum certiorum facere velis. Si procrastinare pergit, cogar Danicam Historiam nostro huic Typographo tradere. Quod si animus excudendi post dilationem triennii etiam abierit, redeant ad me quæ pridem misi, nisi forte illa excudere sola malit, quod vel sic non improbavero. Si excudere opera nolit, statim effigiem remitte, poterisque commodissime per Jansonium, qui ad famulum curabit Hafniæ res suas agentem. Iterum vale, Vir clarissime, at nos amare constanter perge.

*Soræ ad diem xix.  
Apr. clio lxx. xxxvi.*

Adjunctas rogo uti statim Leidam cures per nautam deferri.

## CCXXXV.



CCXXXV.

*Reverendo, Clarissimo, Doctissimoque Vi-  
ro, D. Gerardo Joanni Vossio, Histo-  
riarum Professori, S. P.*

Vir Clar. Dom. & amice plur. observande,

**D**Omum reversus prospero satis, per Dei gratiam, itinere, memoriaque repetens promissum filio Isaaco Hannonis Periplum, nihil prius habui, quam ut, quod receperam me facturum, præstarem; fidemque meam liberarem, necnon literato filii tui desiderio, quadantenus satisfacerem, mittendo exemplar Latinum juxta atque Græcum, illud quidem ex Interpretatione Conradi Gesneri, hoc verò ex Basiliensi quod anno MDXXXIII. prodit, exemplari exscriptum manu, Patris mei *fratris*. Notæ ad Varronis Satyras, alia occasione ad vos, si Deus volet, perferentur. Interim gratias, quas possum, habeo maximas pro insigni erga me immerentem, humanitate, ac benevolentia, tot ac tantis beneficiis, jamdudum comprobata, quibus remunerandis etsi me longe imparem sentiam, adeoque ratio accepti, atque expensæ hæcenus, haudquaquam inter nos conveniat, remunerabo te tamen grato animo. Sanè voluntatem emetiar tibi abundè. Vale, Vir humanissime, cum tota familia, cui, atque imprimis uxori, multam à me salutem, ut dicas oro. Dominus Deus verus ille *Auspicatus*, quam diutissime vos omnes incolumes conserve, ad Ecclesiæ, Patriæque salutem, atque ornamentum.

Dordraci propri-  
die Kal. Junii,  
1634 loc. xxxiv.

*R. T. observantissimus,*

Jacobus Lydius.

CCXXXVI.

*Viro maximo Ger. Jo. Vossio, Johan.  
Fredericus Gronovius salutem & ob-  
servantiam.*

**S**anctius est mihi otium tuum, quam ut tralatitia salutatione id interpellem. Quia tamen aliquid de Salmasio, scribi pateras, quod alios scire nollem, certè solus scire iussus eram, his exaravi. Reverendo D. Riveto, gratissima fuit tua salutatio, atque hanc à me, tibi vicem reddi voluit. Is de Salmasio hæc mihi. Emiffarii Pontificis,

rursus variis ipsum pollicitationibus tentarunt, ut ad mutandam Religionem ipsum adducerent. Sed ille omnibus spretis, paravit ea quæ essent itineri: in quo non leve fuit, quod vix ullis rationibus, uxor expugnari potuit, ut reditum ad has terras pararet. Itaque tandem ipse constituerat, reverti solus, ne quid Domini Curatores, in fide ipsius desiderarent. Sed novum ecce de transverso, quod nos omnes in maximum metum conjecit. Princeps Condæus amplissimam ipsi in Gallia dignitatem, cum lautissimo salario, obtulit hac conditione, si aliam simulare vellet Religionem. Cum ille solita constantia id refuteret, commotior paulo Princeps secessit alio, ac stantem reliquit: mox reversus; sed si Rex id tibi det in Gallia stipendium, quod Lugduni accipis, eademque lege, & libertate, numquid habes rationis Patriæ te negandi? Ille rursus proponere fidem datam, obligatamque apud D. Curatores, quam infirmare nec fas esset, nec se, ut frangat, ulla spe, aut præmio proposito, adductum iri. Iratus plane Princeps, insulatum reliquit, ac postero die, per quemdam ex amicis, ipsi significari fecit, ni ille ultro maneret, atque acciperet conditionem, quam posterius ipsi obtulisset, fore ut Decreto Regis Christianissimi, Gallia egredi prohiberetur. Quæ res vehementem ipsi, omnibusque ejus amicis attulit perturbationem, adeo ut ipse, Pater Catholicus, & uxor, quæ tantopere antea repugnauerat, unum hoc jam optabile habeant, liberum pedem patriæ efferre, & huc reverti. Hæc ex Epistola ipsius ad Rivetum, quam ipse mihi prælegebat, & Gallicè scriptam interpretabatur. Hujus enim consilium in re crepera expetebat; neque enim dubitabat, si illud Regis edictum conficeretur, res ipsius ad incitas redactum iri, certè *non* dicendum esse isti majorum simplicitati, cujus in Regnis non licet dicere nomen, vestri libertatem vocant. Hæc forte non grata tibi, sed nec mihi ipsi scribenti, opto ut in vino, & aqua scripta sint; ut vovere solent, qui infaustos nuntios habent de amoribus suis, Poetæ. Vidi nuper Cl. Graswinkelii nostri observata ad Sallustii bellum Catilinarium, affecta ferè, & quantum permittunt alia negotia, quæ nunc ipsi imposita sunt, propediem absolvenda. Quamquam merè politica sint, ipseque abhorreat, à severa Critica; gratum fore tamen sibi testatus est, si velut in Epistolam conjicerem, quæ animadversione digna haberem, quæ ipsius operi adderetur, ut ne hac in parte id manum esset.

Existimo iuvare me posse, scripto codice tuo, quem aliquando offerebas mihi, & peto ut appareat promissum, occasione commoda. Neque enim properandum est, antequam nactus fidum fueris hominem cui thesaurum istum credere velis. At Coleri editionem & notas petii à filio tuo. Eum quæso cura, ut prima occasione habeamus. Neque enim vidit eam antehac Grafwinkelius. Vale Clarissime Virorum, & me ama.

*Hage raptim, iii. Eid. Jun.  
Anno cło 16c xxxvi.*

Heinsii Epistola contra Balzacam coepit excudi.

## CCXXXVII.

Clarissimo Viro Gerardo Joanni Vossio,  
Aubertus Miræus S. P. D.

Vir Clarissime,

**A** Multis retrò annis, ingenii vestri monumenta, vidi, & legi. Audaciam nunc sumo ad te scribendi, quod de tua singulari humanitate, nuper communis quidam amicus, multa coram prædicavit. Sed & exemplar unum, Chronici nostri Belgici, unà cum Typo veteris Galliarum Belgicæ, & viarum in ea militarium transmittito: ut si tanti sint, cum otio percurras, & libere censeas. Ego certè iudicium vestrum plurimi faciam, & magni id beneficii loco habebō. Post pauculos enim menses, meditator alteram Chronici nostri Editionem: ideoque libens audiam illius iudicium, qui de tot Historicis, & Chronographis, publicam sententiam tulit. Et verò diu est, quod exemplar vestri Libri, de Historicis Latinis, hic quæro, nec venale reperio. Velim itaque meo sumptu exemplar unum Antuerpiam, ad me mitti; & quicquid expenderis promptè refundam. Si quid porro sit, in quo ego hic aut alibi, vicissim tibi gratificari queam, operam omnem meam libens offero, & rogo ut de tuis studiis, ac scriptionibus, præsertim Historicis, quibus ab ineunte ætate mirifice capior, subinde certior me reddas. Vale.

*Raptim Antwerp. Cl. D. Vestrae Studiofissimus,  
iv. Idus Novembr.  
Cło 16c xxxvi.*

Aubertus Miræus.

## CCXXXVIII.

Gerardo Johanni Vossio, Viro maximo S. D. Johan. Fredericus Gronovius.

**C**UM in eo essem ut elegantissimis fili tui literis, responderem, nec opianti, humanissimæ tuæ, supervenerunt; adeo grata mihi; ut sacro eas osculo adorarem, simul manum agnovi. Sallustii omnes rectè mihi redditi sunt, & nunc quoque bene pudicèque asservantur. Quid ego inde profecerim, non sine prædicatione tuæ benignitatis, testabor fortè aliquando publicè, si tamen perrupero carceres, quibus nunc undique, & undique ne prodeam, nescio quæ iniqua fortuna me circumvenit. Nosti, non infœcundos prorsus, nos esse nugarum, si in obsequentem materiam incidimus. Cl. Salmasius, cum cura dicendus, nunc tandem bona fide, propediem adfuturus expectatur. Si mandatum Dominorum Curatorum, quo ipsum revocabant, venisset in manus ejus, antequam solvit è Galliis, Ampliss. Legatus ab Hemstede, non ultra nunc absentem desideraremus. Incidit etiam consilia Principis Condæi, & aliorum magna Salmasii cum lubentia, imminens Galliarum status, unde horribiles afferuntur nuntii, vobis proculdubio certiores. Itaque etsi dimiserint eum, nec ullo nunc suffamine istiusmodi inhibeatur, nonnihil terrent tamen pericula itinerum, quæ ubi nūminis clementia, prudentiaque sua evitandi rationem iniverit, nihil erit propius, quam ut divinum, & exoptatissimum Heroem hic amplectamur. De Benthemio lator oppido esse tibi in manibus, quo necessitates ejus subleventur. Est enim ille haud dubiè non indoctus, ceterum modestis moribus, inculpatæ vitæ juvenis: Parente natus valde honesto, proboque, & de Bremensi Schola egregiè merito, qui plurimos eo beneficii genere jovit, quo tu nunc ejus filium. Quo magis dignus est, ut paternæ bonitatis, velut redhostimentum cernat, & ipse benè moratus, de quo confirmari nunquam te commendationis tuæ pudorem habiturum, ut quidem hominem confirmare oportet. Quare ultrò meas preces, cum illius conjungo, ut de erudito, pudenti, & fortè Ecclesiæ Dei, olim profuturo juvene, quemadmodum soles, bene mereri velis. Miscella nostra, Papinianaque,



naque, quantum ab aliis studiis respirare licet, quorum & locus hic, & rationes meae me admonent, ingenti cumulo ad-  
aucta hic sunt. Sed edendi quicquam nunc  
omnis spes mihi decollavit, postquam in  
Galliis, Salmasius licet valde adnitus, ut  
nunc ibi agitur, nihil impetrare potuit,  
& non ita pridem nova perfidia L. mihi  
illuserunt. Interim monstra librorum  
quotidie prodeunt, & ingenti cum gratia  
excipiuntur eorum, qui quidem præter ti-  
tulum, & præfationem nihil legunt; Cæ-  
terum soli faciunt, ut gaudeat, qui scri-  
psit. Sed heu! alia major infelicitas  
mea, quis hic Bibliothecam tuam mihi  
reddidit? Ego quidem etsi prolixus bene-  
ficiorum interpres sum, & agnovi semper  
magnitudinem tuorum erga me merito-  
rum, tamen cum maximè inopia ipsa me  
docet, quantum sit, Vossianæ Bibliothecæ  
usu liberali perfrui. Promittebat nuper  
filius tuus Statii Gryphianum exemplar  
alicunde se nancisci posse. Id nollem  
cum oblivioni tradidisse. Meus hic sum-  
ptus sit, ut & pro altero Colinei: operam  
mutuam imo maiorem ipse, imo omnes  
è gente vestra (ita de me meriti estis)  
gratissimo libentique imperetis. Junii de  
pictura veterum, an absolutum sit, aveo  
scire. Eset fortè ubi is liber usui mihi esse  
posset, in Statanis meis. Magnus Rive-  
tus te peramanter *avocavit*. Ampliss.  
Grafwinkelius rusticatur, vel potius in  
rure vero, barbaroque, bellum gerit cum  
Seldeno, pro libertate maris. Verum est,  
cum iussu Illustriss. Dominorum Ordi-  
num id opus meditari: atque ipse adeo  
hisce oculis diploma vidi. Vale decus  
nostrum, & literarum præcipuum, & sal-  
ve cum sanctissima Matrona tua, filiis, fi-  
liabus, familia.

Haga, die 20<sup>te</sup>, uti jusseras, ad diem  
10. Kal. Septembris, Anno Christi  
1636.

Vidisti proculdubio librum nuper edi-  
tum in emulationem magni Charonen-  
sis: vidisti & non doles malè sentire de bo-  
nis, qui sic scriptum contemnit.

CCXXXIX.

Insignissime & Clarissime Vir,

Quin aliquam mei rationem (recorda-  
tionem saltem) & adhuc habeas du-  
bitare non fuit ille, quem ante annos jam

aliquam multos erga me professus es amor.  
Nihil certe gratius in patriam reverso  
potest accidere, quàm ut eum etiamnum  
non defecisse intelligam. Si rationem ex-  
acti in Syria temporis ut reddam (quod  
jure poteris) expectes, vereor ne mihi ex-  
pediendo impar prorsus fuerim. In Lingua  
Arabica exercitior paulo si redierim; si  
cenui Librorum Arabicorum suppellectile  
ditatus, quid hic tanti ut melioribus studiis  
tot horas (ne annos dicam) ademisse non  
pudeat & poeniteat, nisi in his plus pro-  
fecissem? Si tanto oneri pares essent hu-  
meri mei, sunt penes me Proverbiorum  
Arab. antiquorum sex Chiliades, quas au-  
dacter dicam in lucem edi è re literaria  
esset. Est & historia quædam compendi-  
osa à Creatione ad annum Hegiræ ultra  
600. Saracenica isti Erpeniana & Rili  
elegantia & iudicio (si quid ego censeam)  
longe præferenda, cui in Linguam Lati-  
nam transferenda nil tenuitas me mea de-  
terrere, libenter me accingerem. Sequi  
possent & alia. Et fieri forsitan potest,  
Deo volente, vitamque & otium conce-  
dente, aliquid si tu quem studiorum me-  
orum fautorem & arbitrum elegerim, cal-  
culo & præceptis tuis animos addideris.  
Plurimum certe vigoris à candore & mo-  
ritis tuis receptura sunt studia mea penè  
languescentia. Vale, magnæ literarum  
Antistes, & me amare perge.

Oxon. in C. C. G.  
Decemb. 5. 1636.

Dignitatis tuæ

addictissimus,

Edwardus Pococke.

CCXL.

Etum mihi nuntium postremæ tuæ  
attulere; scilicet, Typographum jam  
semel tandem manum operi admovisse;  
verum de Constantia dubio, quando eum  
discederet Joannes David, nil omnino li-  
terarum ad me dederis. Credo, quia pu-  
debat scribere, ab incæpto destitisse, ma-  
luisti nihil scribere. Quod si ita sese ha-  
ber, merito desidero in eo homine probi-  
tatem; nec à levitatis vitio exculare il-  
lum possim, ne quid gravius pronun-  
tiem. Certe neque probus quisquam,  
fideique suæ observans, aliter queat.  
Itane me ludibrio, nam hoc dicendum,  
annos quatuor haberi? Reddat potius  
lucubrationes meas, quæ ipsius mala fi-  
de nimis diu sunt suppressæ. Pater, in-  
quies, potius culpandus erat, nec diffite-  
or:

or: sed profecto ego metuo, ne quid filius per vestigia Patris ire animum inducat suum. Quæso itaque & obtestor, per finceram tot annorum amicitiam, per eximiam illam tuam probitatem, ne me ultra derideri patiaris. Mitto tandem, si quid forte hominem exstimulare istud possit, Historiam Danicam, quam præverti, cæteris sepositis omnibus, maxime velim; nec cessari, antequam ad finem duxerit. Poteest autem illud facere, si promoverit diligenter, intra sex aut septem Menses. Eapropter Tomi Historici partes duas esse volui, uti suo Typothetæ singula committi possint. Ita autem edi cupiam, uti primus iste Tomus etiam seorsum vendi cuivis possit, Historiæ magis quam Philologię amanti; quod ni faciat, fore sciat ut alius sic excudat. Cupio autem, sicut dixi, maxime editionem maturari. Nam si istic etiam antiquum obtinere velit, sciatur mihi *αὐτοψαφον* esse; & hic edere, de superiorum quoque voluntate, planè item constitutum. In Athenis meis Batavis, cum ad me perventum erit, rogo, ut Catalogo meorum Operum ad hunc modum, quem præscripsi, exhibere ne graveris. Idem abs te fieri in tuis velim; & adungi, quæ post illud tempus plurima juris publici fecisti. Amicorum optime maxime, à te postulo enixè, amicitia nostræ jurè, urge hominem, quantum queas; tum mortalitatem nostrum utriusque, quibus ætas jam in senectutem vergit, animo reputare velis; tum pergratum mihi fore, si priusquam vitæ excedam, consummatam Lucubrationum mearum editionem contueri concedatur. Utinam hoc votum mihi bonus Deus repræsentet. Absolvi Historicus Tomus potest, si nimirum operas Typographus sic partiatur, ad id tempus, quo Joannes David noster ad nos reversurus erit:isque exemplaria, mittenda mihi, secum non invitus deferret, suis sarcinis inclusa. Instat Blavio, ne spem meam hanc destituat: poterit culpam præcedentis tarditatis aliquatenus isto modo emendare. Etiam tamen atque etiam abste peto, ac per omnia amicitia nostræ sacra te compello, uti tuâ mihi fide universam rem exponas, quo te cunque modo habeat: ac, si denuo inchoatam editionem, quod hic animus auguratur, intermiserit, maximopere contendo, uti omnia quæ commisi tuæ fidei, mox restituenda mihi per Davidem nostrum proxima æstate cures: is suscipiet haud gravatè, & curabit bonâ fide. Ego verò, si me Blavius porro etiam fastidiet, aut inveni-

am mihi alium, aut non paullo illo rectius adservabo. Itaque permittas cave, ut deinceps meâ ipse patientiâ, quæ plus nimio est læsa, abutatur. Utinam vanus esset metus, quem concepi; certè valdè illud velim. Sed persuasum mihi habeo, si omisit inchoata, ut existimo, illum operum meorum editionem promississe, non ut ederet, at vicino, cum quo malè admodum conveniebat, ut subtraheret. Nam & ille, ut meministi, operam suam per id tempus offerebat: ac profecto longè meliore fide, quam expertus jure laudo, præstitisset: nec injuria poenitet, quod ab ipso me abduci passus fuerim. Equidem tibi nihil imputo, qui propensum in utrumque nostrum animum habuisti, & ab eo Lucubrationes meas evulgari voluisti, sed multiplicem adeo dilationem, tot mendaciis excusatam, meritò iniquè fero. Vel nunc demum bona agere fide statuat, & incipiat semel seriò, ac continuet; nec priusquam Colophonem imposuerit, conquiescat: & præterita condonabo. Inchoari autem cupiam, ut jam dixi, ab Historiarum Tomo: quem cur classem ducere velim, causam habeo, quam tu facile, pro prudentia illa tua, divinabis. Cum absolverit, mitte statim aliquot mihi exemplaria, quibus Regis Procerumque desiderio satisfaciam. Nam vix credas, quanta sit operis illius expectatio; tum privatim meâ quoque refert plurimum, ut editio maximopere maturetur. Da hic operam: meque ac mea, quo affectu consuevisti, porro etiam complectere. Vale, Vir eximie, diutissimè; ac salve plurimum, cum uxore liberisque, à me, meâ, atque meis. Laurenburgius & Stephanus plurimam salutem reddunt.

*Reprim, Soræ, ad  
diem xx. Decemb.  
c1o loc xxxvi.*

*Tuus, antiquâ fide,*

Joannes Meursius.

Si quis possit studiosus reperi, qui in Danicam Historiam Indicem accuratum scriberet, esset ea res Lectori acceptissima, uti nosti, & Typographo non inutilis. N. B. Præfationem, ad illustrem Dominum Cancellarium, Christianum Frisium, cupio antiquatam, & illius loco poni hanc ad Regem, quam præfixi Historiæ Danicæ libris quinque prioribus.

*Vire*



## CCXLI

*Viro Maximo Domino Ger. Jo. Vossio.  
Johannes Fred. Gronovius Salu-  
tem & Observantiam.*

MUltis testarer apud te, Vir ma-  
xime, gravissimum dolorum me-  
um, quo affectus sum, simul accepi, va-  
letudinem tuam tentatam esse: nisi gau-  
derem nunc intemperantius, postquam  
pristinās vires, sanitatemque recuperavisse,  
omniaque in melius mutata intellexi.  
Cujus rei causa ex animo tibi gratulor,  
precorque Deum Opt. Max. ut hoc sit  
propriū bonum, & talis Nestoreos an-  
nos continues, pergasque ingentia merita  
tua cumulare, docereque nos, quā ali-  
unde, aut ex alio discere non possumus.  
Ego per numinis gratiam, adhuc bene me  
habui, nec de solito fervore studiorum,  
quicquam remisi. Quod narro tibi, quia  
omnem sectam, rationemque, vitæ meæ,  
non secus ac sollicito Patri filius, Ephe-  
meridas, approbare gestio: qui ea præ-  
cipue de causâ magnorum Virorum noti-  
tiam, familiaritatemque appeti; ut sub  
his quasi censoribus agerem, ac volupta-  
tum illecebras, quæ in hac ætate, bonis  
etiam immodestius interdum effervescent,  
fallerem, aut metu aliquo continerem.  
Nescio an in proximis meis significaverim  
tibi, tradidisse mihi summum Virum And.  
Rivetum, Isa. Casauboni Epistolas, magna  
pietate collectas, ut editionem earum cu-  
rare haberem. Eæ nunc ceptæ sunt præ-  
lodari, opus anxie expectatum, plurimis-  
que identidem reconditæ eruditionis em-  
blematis vermiculatum. Quod si unquam  
cum incomparabili Viro commercium li-  
terarum institui, aut aliunde quod ha-  
bes, quo amplius ornatusque id possit  
reddi; & nos optamus, & tuæ humani-  
tatis est, nec nobis, nec publico laten-  
tes ejusmodi Thesauri invideri. Eæ  
quoque occasione, cum jam omnis mihi  
spes decollasset, his in regionibus quæ-  
que edendi, subita alia occasio affulsit Sea-  
tianam diatriben emittendi è Vestæ pe-  
netralibus. Uterque liber absolutus erit,  
ante proximas nundinas, si Deus velit.  
Qua in re unicum molestissime fero,  
quod nec censore, nec aliis subsidiis  
in manu Salmasii, exactior ante editionem,  
fieri poterit labor noster. Jam enim duo  
menses abierunt, ex quo, nihil de illo  
auditur, precesque ad Deum allegamus,

ut decus illud incomparabile, Leydenſi  
Academiæ reddat. Te aliquando roga-  
veram, ut videres, an aliquid opis, ad-  
ferre posses deploratissimo loco, in Lib. III.  
Silv. Carm. II. quod est Propempticon  
Metii. *Sint quibus exploret rupes gravis;  
arte Molochus.* Nisi autem tu, aut ille hoc  
faciatis, vix erit, ut spes ulla superet. Et  
promiseras sanè: sed multiplicia negotia  
tua, catenatæque occupationes, ne urge-  
rem, me prohibuerunt. Nunc repeto pro-  
missum, rogoque uti unius horulæ spati-  
um, isti cogitationi impendas. Quod &  
perpetua humanitas tua, studiumque bene-  
merendi sponderet. Et quia utcumque nunc  
cuncteris, olim in Originibus tuis, deside-  
ratissimo opere, de voce *Molochus*, ali-  
quid dicendum est, quantum est; ut in  
divotissimi tui cultoris gratiam id anticipes.  
Salustios tuos remittam, simul habebō,  
enī tutō & sine sumptu tuo, eos tradere  
possum. Haveo nunc inspicere Dan-  
queii de Orthographia, veteris novique  
Latini Librum; & Claudianum ex Edit.  
Stephani Claverii. Illum certo scio tua  
in Bibliotheca esse: hunc arbitror. Multa  
enim ad hunc scriptorem notavimus, mul-  
ta emendavimus, aliter, quam in Rap.  
Sealiger, & sua Barthius, immiscuimus-  
que Stadianis nostris. Sed nescio an quæ-  
dam à Claverio sint occupata. Vehemen-  
ter itaque rogo, ut eos prima quaque oc-  
casionē per amicum, aut si non oveni-  
ret, per rhedarios ad me mittas. Brevis mō-  
ra erit, dum utar: & salvos puerosque re-  
cipies. Potuissē alterum petere ab ami-  
eo nostro S. quem nosti. Sed ille absen-  
tium amicorum, non tempore aliquo, sed  
torpore, & ignavia, pæne dixeram, sed  
apud te, prorsus incuriosus est. Inclusas  
ad Hardervicensē Tabellarios, haud gra-  
vatim, per tuas curabis. Vale, præcipu-  
um decus seculi nostri, & salve cum le-  
cissima Matrona tua, filiis, filiabus, omni  
denique familia, meque ama.

*Hæc comitis. xii. Kalend. Januarii, Anno  
Clod. cxxxvii. quem felicissimum tibi;  
tuisque, incipere, & decurrere, à Deo Opt.  
Max. precor.*

*Tui Observantissimus,*

Johannes Fred. Gronovius.

Jam clauseram Epistolam, ut latori  
traderem, cum ecce commodum, hæc oc-  
cassio obvenit libros tuos mittendi. Atq;  
en quatuor Salustios: Nunc Silium Giun-  
tis adhuc servo. Pro Statio Colinei, præ-  
tium

tium filio tuo Gerardo debeo. Libellum Gretseri etiam meum; adhuc penes te esse credo. Sed hujus nunc non usus, ut illorum, quos petii, & iterum peto, ut mittas quamprimum.

## CCXLII.

S. in Christo.

Vir Clarissime,

**L**iteræ tuæ (prout semper sunt) mihi gratissimæ fuerunt. Recepi eas per anni ferè abhinc spatium, sed ut libere dicam quod veritas postulat, majora negotia quolibet ferè momento animum satis ad hoc officium propensum plane ad alia avocant.

In illis gratularis huic Regno, mihi quod jus iustrandi Academiæ Præsulibus Cantuariensibus ab antiquis temporibus debitum revocavi. Opus sane arduum & revocare quod diu intermissum, & exercere quod semper invisum. Sed quum misericordia Dei atque optimi Regis iustitia potestas visitandi Academiæ mihi & meis multis retro annis debita jam de novo decreta sit, dabo operam & spero non inutilem ut Academiæ floreat & ut Academici moribus cultiores, doctrinâ politiores, Religione primævis temporibus conformiores evadant. Et ut ab ineuntibus studiis ea principia imbibant, quæ & Dei cultum & Ecclesiæ pacem, & Academiarum honorem promoveant. Nec quicquam verius est quàm illud quod scribis humana instituta omnia, etiam optima, facile per incuriam in pejus vergere. Quid igitur sit, quum malitia nonnullorum qui inordinata tantum amant, aliorum incuriæ superadditur?

Gossius hic interfuit diu à receptis literis vestris, sed adeo occupatum me invenit expectatione adventus Regis & Regina, ut vacuum eum remittere necesse fuit. Gradum tantum Professoris in Theologia obtinuit rogatu (jussu i.e.) Frederici Principis Electoris Palatini, qui una cum Rege Oxoniam petiit. Præco est Gossius ille virtutum tuarum; nec immerito, sensit enim & fatetur quantum tibi devinctus sit, dum Amstelodami Musis inservit.

De Calendrino nolo ego plura, & quod aperte satis in scriptis tuis video, tu forte de illo pauciora, si quæ mihi & tibi quoque innotuissent. Nolo tamen ut illud ullo

modo molestiam tibi creare possit. Soleo enim ego quæ ab amicis tui simillimis in gratiam alicujus tertiæ personæ scripta sunt facere si possim & iusta sint, sed deliberare si suspecta. Ignoscas quæso moram harum literarum, & quando iterum placuerit scribere, sperabo me posse, tu autem semper puta me velle multo citius responsum dare. Vale, & dum quotidie Deum colis, sis, quæso, memor in orationibus

Dar. ex Adibus

Amici tui perquam fidelis,

Lambert. Junii.

1637.

W. Cant.

Oro ut Globos terrestrem & cælestem magnitudine ampliori, Topographia aliisque descriptionibus eruditè delineatos, & pro more undique aptatos, placeat tibi emere & ad me mittere. Vir iste mercator nobilis & mihi perquam gratus Job Harbye pretium tibi solvet. Solum cupio opera vestra, uti ne fraudem patiatur in re illi non satis nota.

## CCXLIII.

**P**aucis scribo, Vir & amice summe, quia opprimor; tuas tradidit Joannes David, in quibus bona de Typographo hæcenus tricone maximo mihi nuntias. Faxit Deus, ut promissa semel tandem exequatur; accepi etiam specimen Historiæ Danicæ, quod per Elzevirium ad me mittebas. Utinam tam sedulo pergat, quam est hæcenus cunctatus; scribo ad eum, postuloque ut quæ forte excusa erant, ei tradat, qui has affert. Tu negotium, quæso, urge pro adfectu in me tuo. Ernstius apud te fuit, utinam mecum & amplecti ex intervallo tantum amicum licuisset, sed hoc voti est, nec speramus ultra quicquam. Fiat Domini voluntas, in quâ est acquiescendum, ac si nobis, ut videtur, non licebit, filiis aliquando dabitur per benigni Dei gratiam, ad quos amicitia nostra hæreditate devolvetur. Opus tuum de Idololatriæ origine & progressu utinam videam, sicut etiam Maimonidem filii tui parvuli. Poteris commode ad me mittere per hunc Mercatorem nostrum Slogosiensem, qui negotiorum causa ad vos excurrit, si decennio minor mihi ætas esset aut nos iter tam longinquum non disjungeret, una item, uti, ante vitæ finem, adhuc semel te complecterer, nunc oportet ut



ut ponamus cogitationem istam, & nos Deo permittamus. A Salmasio jam reduce mirum est nil nobis dari. Heinſii in Novum Testamentum Notas, quarum specimen Elzevirius hic ostendit, avidissime exspectamus. Miſit mihi Historiam obſidionis Sylva-ducis, sexto ab editione ejus anno: idem mihi in mittenda Historia Danica faciendum esse cenſeo. Nempe hoc est recte amicitiam colere, & amicum æſtimare; cujus deſiderio ab ipſo initio ſatisfactum oportebat. Tu & ego non ſic agimus, ac prohibeat præſes amicitia Deus, qui conſanxit corda noſtra. Is nos ſervet diutiſſime. Uxor Liberique mei te & tuam atque tuos plurima ſalute imperant; Reſalutant officioſe Laurenbergius & Stephanus.

Rapim, Soror ad  
diem xviii. Maii.  
clo Jac xxxvii.

Tuus, conſtanti affectu,

Joannes Meurius.

## CCXLIV.

**L**iteras tuas, Vir præſtantiffimo, rectè accepi, hæc ipſa hora. Gratum mihi maximopere fuit videre Commentarium de re Grammatica, quem non dubito famæ tuæ reſponſurum: legam ubi compactus erit. Summæ ſane mihi voluptati fuit, cum viderem. Idem dixerim de Sophompaneæ Groſii, cui & ingenii hunc foetum gratuler, & honorem ſplendide Legationis. Faxit Deus ut fruatur diutiſſime: quod ex animo illi opto. De meorum operum editione adeo lenta fieri haud poteſt certe quin commovear: ſiquidem ut acrius promoveatur, non exiguum eſt cur velim. Queſo urge ut facturum te conſido, & ſi poteſ paula certiora ſcribe per hunc, qui hæc tibi adfert: qui quandoquidem feſtinat finem nunc imponere cogor. De Rep. tecum ſentio, Deum Opt. Max. rogo uti porro fortunare eam velit. Vale diutiſſime cum Uxore Liberisque quibus ego, Uxor, mei plurimam ſalutem dicimus.

Sora Danorum ad diem vii. Junii,  
clo Jac xxxvii.

Quæ in dedicationibus mutare velui, queſo uti obſerventur, & imprimis ut Typographus, quantum potuerit, maturer; nam Historiæ Danicæ Libros decem quibus totum Pontani opus retractare juſſus

fui, ſugitant hic optimates atque docti; metueque ſi nunciari veſtri pergant, ne extendi apud nos ſuperiores mei velint; quod & aliquod detrimentum Blavio ſit allaturum; ſic enixè etiam rogatum cupio ne neceſſitatem mihi hanc imponat. Iterum Vale, mi Voſſi, animæ dimidium meæ. Præſationem ad illuſtrem Dominum Cancellarium, quanto Regi ſereniſſimo opus dedicandum erit concerpere poteris.

Tuus,

Joannes Meurius.

## CCXLV.

Oratorum Summe, Philoſophorum maxime, Belgicæ Varro,

**O**peribus tuis velut læchare, & neſtare dulciſſimo quotidie recreor: nam quæ ſcribantur à te cuncta, ritum ſapiunt ſalem, ac te referunt. Hac ſapientia, faciendia, artibus optimis latius inſtructus, ne deſpicias noſtra, quæ ſi mutila inveneris, huius, & nec ſatis excuſa, ea dele, reſeca. Si laudaveris conatus noſtros, gaudebo nimis, quia à te omniſcio, licet falſo merui laudari. Summe doleo quod unum exemplar non mittam, nam unum ſolum habui pro meo uſu. Ita avari ſunt Typographi, qui ſolum ſibi omnia aſſumunt. Amicus noſter D. Fontanus indicabit. Vale ergo bonarum artium ſpecimen, Plinius, aut \*Lucius ipſe meus, me- \*ſ. Lucilius. que amare perge.

Ex Muſeo noſtro  
1636. die vero 2.  
April. Amſtel.

Te reverenter colis;

Zacutus Luſitanius, M.D.

## CCXLVI.

S. P.

Vir Excellentiffime,

**H**unc Joh. Ludovicum in urbem veſtram miſi negotiorum cauſa. Ei ut utrumque librum Logicum tradas rogare veritus eſſem, ſi ſciſſem illis te diutius uti velle, aut præ aliorum mole negotiorum poſſe. Apollonium filio tuo reſtitui: cujus mihi vehementer probatur eruditio; quamvis videatur alicubi ad emendandum

Y

Scylacis

Scylacis contextum, aut potius *vaudia* esse calidior. Utilissima sane illius est opera. Quæ ego in ora exemplaris mei *Antiquitatum*, in aliquot ipsi dieculas concessissem ut immatura invitor, concessissem tamen tui respectu, nisi ille accipere reculasset. Equidem nunquam negabo tantum me tibi debere quantum nulli. Mearum in Rhodium illum lucubrationum edendarum spes nunc est certior. Nam Dominus Le Maire edendas suscepit; utinam in proposito perseveret! Oblata mihi nuper est Harderwikenfis Professio Græcæ Linguae & Logicæ, quam quo minus acceperim per meum stetit *voluntatem*. Indignabatur enim stipendii, & minoris quidem stipendii solutionem tardam, atque adeo annuam. Tu nihilominus vides opus esse ut illa *manus* aliquando regustem, & me ad quidvis parem. Vale, Vir præclarissime, & meis verbis saluta nobilissimam tuam Matronam, & filios filiasque.

Lugd. Bat.  
a 5. Septem-  
bris, Anno  
1637.

Tui observantissimus,

Jeremias Hoelzlin.

#### CCXLVII.

Clarissimo & Doctissimo Viro, D. Gerhardo Joanni Vossio; Johannes Elichmannus S. P. D.

EX vulnere, quod in communis amici immaturo funere sensit, Stapeliorum familia; ego quoque haud eximium dolorem cepi; tum quod *non parvum* raram in schola nostra, diligentiam, & ingenuitatem, adamarem magnopere, tum etiam ob incommodum, quod exinde circumvenit amplissimam Th... Nec dubito quin ad te hujus damni sensus pervenerit quoque imprimis. Novi enim quam calido affectu, & non sine singulari judicio, is tuam nobilissimam Polymathiam prosequeretur constantissime; novi etiam, & mecum novit literatus orbis, quam impensè tu amare studeas, ac fovere, literarum, atque artium cultum, atque cultores, & de nostro *manuscriptis* præsertim. Faciet aliquando ut spero, fidem, opus illud Posthumum, si ut fecisti *manuscriptis*; ita nunc pergas *opere*. Et facit quidem tua *eis non manuscriptorum* pietatis apud me opinio, ut æquiore animo feram, quod ut non acciderit, no-

stris lacrymis, nunquam possumus efficere; solatium etiam percipio, cum animo volo perennaturam amici memoriam, cuius posthumum fortuna manet, tam nobilis tutelæ. Licet autem ego præter amorem rerum cum nostrarum, tum etiam elegantioris Scholæ publicarum, quod aliquid momenti ad earum curam, & ornatum possit asferre, penes me vix inveniam; molitus sum tamen, nonnihil ad ornatum, jam dictæ editionis, ut Authoris desiderio aliquo modo obsequerer. Ea res te habeat arbitrum nunc oportet, ac moderatorem; ideoque rogo, ni molestum sit, aliquo responso mihi edices, quod faciendum videbitur. Dixeram *non parvum* me in volumine aliquo Arabico, inter legendum deprehendisse, ex Græcorum traditione de Thalete narrari quiddam aliter, quàm apud Laertium, præcipue quod scripta, quorum Author dicitur C. Th... Ille tunc statim impellere, darem operam, ut & inde aliquid, novæ lucis suæ editioni accederet; quod promisi futurum, si præterea quoque se offerrent, quæ varietatem eam, illustriorem possent reddere, & contra Laertii auctoritatem, majus aliquod pondus adderent, novæ Antithesi. Cessit autem ea res ex voto. Nam inveni in iis, quæ Arabes à Græcis habent, inter alia ad istum scopum, insignem indicem omnium scriptorum Aristotelis, quem in Tr. de vita, morte, & testamento Aristotelis, secutus sententiam Andronici Rhodii, ponit Ptolomæus ille, qui summus Philologus Peripateticus sua ætate. Laudatur Longino, uti refert Porphyrius in vitâ Plotini. Istum indicem animus erat inferere vitæ Th... ex Arab. Interpretamentis petita; quia Aristoteli tribuit pleraque scripta, quæ apud Laertium dicuntur esse Th... Et sic illorum sententiam egregie firmat, qui aliunde persuasi, apud Laertium in Catalogum scriptorum Th... multa temere intrusa, ibique redundare statuunt. De his volui *non parvum*, paulò antequam nobis ereptus esset te rogare, num placeret, ut hic unus aut alter denuò Typis Arabicis, cum Vers. Lat. imprimeretur, qui operi possit præfigi, post textum Laertii. Sed fata hoc judicium in te devolverunt, in quo si cessandum statuas, parcam operæ quæ restat; paratus aliàs amici communis manibus fidem servare integram. De variis lectionibus ex tribus diversis Manuscriptis Vaticanis, spem quoque mihi fecerunt Holstenius, & Dormatius, uti ex hujus (quo Leidæ sum usus familiarissime) literis



literis addictis cognovit quoque, *δ μαγεϊτης*. verum quia tandem silent ad meas monitorias, spem quoque illam incipio amittere. Amicitia uti video, vitium Romæ facile contrahit. Ceterum molestus adhuc ero, si petam, quod vix absque verecundia cogito. Verum dabis veniam, spero, pro solita humanitate. Accepit à me mutuo *δ μαγεϊτης* noster, duos Libellos Joannis Lalemantii, alterum com. in lib. De Diebus criticis Galeni, Lyon 1560. 4°. Alterum, De Varia Anni Ratione, Ibidem, 1571. 8°. Vellem commoda occasione moneri parentem *τῷ μαγεϊτης* libros istos mihi esse restituendos, mutuo concessos à sesqui-anno. A D. Salmasio literas postremum accepti datas Calend. Decembris è portu Diepenfi, in quibus conqueritur, se toto bimestri ibi frustra transitam operiri. Ejus familia omnis cum tota suppellectili, hic jam fuit in tertium mensem. Comitari eam non potuit, ob naufragium vehementissimum, quod ipse & uxor passi sunt adeo, ut maluerint, relicta ventis familiâ litus repetere, & secundiorum navigationem expectare. Hoc consilium malè cessit hætenus, & quidem cum majore incommodo, quia nihil è nave secum sumplerant, earum rerum, quæ quotidie sunt ad commoditatem vitæ necessaria. Ignosce, Vir clarissime, quod tam multis te fatigam, aut distineam. Unum adhuc addam, quod omnium est maximè cordi, me nimirum uti debeo, suspicere te, ac colere, ob celebratissimam virtutem, atque eruditionem, quæ famam intermortuam nunquam sinent; optare etiam quamplurimum, ut possint hujus observantiæ testes, tibi dare officia, quæ grata habeas. Ea interim dicabo, præstiturus, ubi jusseris. Vale, Vir Doctissime.

Dabam Leide Cal.  
II. Januarii, 1637.

## CCXLVIII.

Clarissimo Viro D. Gerardo Joanni  
Vossio, Affini Conjunctissimo.

Conjunctissime Affinis,

Octo menses atque amplius, in agris transegimus, dum pestis Londinii grassatur; tantaque iis, qui hic in nobili aliquâ familiâ vivunt, & Nobilium liberos curant, cautela opus est, ut nihil cum

Londinio, aut Londinienfibus commercii habere possint. Excusabis itaque, quod nullas hætenus literas ad vos dederim. Pridiè antequam in agros secederemus, die 13. aut 14. (si bene memini) mensis Maii, dedicationem misi: neque leviter gavisus sum quod eam ad manus tuas rectè perlatam, ex literis tuis V. Cal. Quint. datis intellexi; augebat hoc meum gaudium propinqua, quam feceras, spes videndi tractatulum de pictura: scribebas enim, intra duas hebdomadas absolvi tum potuisse. Quorundam certè expectationem obviâ credulitate plusquam nunc factum voluissim fovi: non desinunt enim quidam, quotidiano ferè convitio, promissi fidem efflagitare: sed juxta mecum ferant necesse est quod aliter se habere non potest. Ne quidem vacaverat adhuc, cum Epistolam dedicatariam transmitterem, xiv. quaterniones percurrere; leviter tantum inspexeram, & unum atque alterum errorem (si bene memini) annotaveram. Nunc per otium tribus hisce hebdomadis, quibus hic Londinii sum, perlustravi, atque alios quosdam errores Typographicos annotavi, eosque tibi misi: serius fortè quàm voluisses, sed citius non potui propter diutinam absentiam. Metuunt plerique, ne malè per hyemem repressa contagio, rursus ineunte vere, ingravescat; statuit itaque Comes Arund. Nepotulos suos intra hebdomadam unam, atque alteram, in remotiora quædam loca ablegare. Viderit summus rerum humanarum arbiter. Nihil mihi interim gratius obtingit, quàm ut lato de vobis nuntio, aliquando perfrui detur, usquedum idonea gratum animum testandi tempora affluant. Quum cogitarem cui rectè literularum aliquid ad vos commissurus essem, obtulit sese vir humanissimus Dominus Hermannus Mylius, qui spondit se Amstelodamo rescripturum, si quid ad me perscribi velles. Si otium tibi non erit, libentissimè faciet vir humanissimus, quod facturum recepit. Cantuariensi Archiepiscopo pro me, meaque, per literas, quas ipsi tradere possim, commendabis; neque enim obscura proni favoris indicia, hætenus exhibuit immerenti: confido plus exhibentur gratiæ habitura, quæ, te commendante, mea enim interest, ut tanto antistiti probentur qualescumque labores mei, priusquam eos Regiæ Majestati offeram. Subinde literas ad me scribit Prudentia, quibus ut tibi unice commendari cupit, ita subveniri sibi angustia rei familiaris misère laboranti postulat. Ego nihil ad

hæc respondi, quoniam nullas adhuc Joannis nostri, neque tuas literas vidi, quæ me instruant, quatenus ei subsidium ferendum sit. Non deero afflictæ, si certior me feceris, quid consultum judices. Nihil non faciam pro viribus. Universæ familiæ tuæ plurimam meis verbis salutem dices. Vale.

Rapim in A-  
dibus Arandel-  
liani, An. 1637.  
18. Febr.

Tuus omni Officio,

F F F. Junius.

## CCXLIX.

*Viro Maximo Domino Gerardo Jo-  
hanni Vossio: Jo. Fred. Gronov.  
salutem & observantiam.*

Vir Summe,

Cum præstantissimus Christenius no-  
ster advenisset, sub ipsum articulum  
temporis, quo perficiebatur Libellus meus,  
non potui eum dimittere, sine exemplari,  
quod tibi perferret. Id tu quidem acci-  
pies, ut profectum ab homine observan-  
tissimo tui, quodque siquidem legere  
dignatus fueris, lima tua exornetur: non  
quasi ego dignum judicem, ut eruditissi-  
mos oculos tuos subeat. Fortasse habebit  
interdum Gerhardus tuus, quo se delectet;  
atque utinam tam doctæ pueritiæ satis-  
facere potuissim. Illud fortè non opus  
est, ut addam, quum legeritis, & errores  
meos notaveritis, gratissimum futurum  
mihi, si de omnibus simpliciter monear.  
Nostis enim ingenuitatem, & quædam  
meam; & is vester erga me est amor, ut ab  
derisu, & reprehensione malignorum, ve-  
stris monitis, & amica reprehensione, se-  
curum præstare non sitis gravaturi. Su-  
perest ut aurem tibi vellam, Vir amicissi-  
me, de Epistolis II. Casauboni ad Meur-  
sum, tum de MSS. Ovidii, aut excerptis  
potius eorum, quæ cum hic esses, mihi  
promiseratis, tuque puerque tuus. Vale,  
& salve, cum lætissima matrona tua,  
filiis, filiabus, totaque domo: & ama-  
tissimos nostros, ut effectui impari ignoscas.

Hæc rapim, ad  
diem xviii. Calen-  
Jul. ann. Christi,  
et 10 c xxxvii.

Tuo Nomini devotissimus,

Johan. Fred. Gronovius.

GCL.

*Cl. Viro, D. Gerardo Joanni Vossio.*

Clarissime & Excellentissime Vir,

Soleo mihi sæpenumero revocare in  
mentem gratissimam temporis illius  
memoriam, quo eruditissimos sermones  
tuos coram excipere, teque ipsum exem-  
plar omnis honestæ vitæ intueri mihi li-  
cebat. Atque ideo majori cum voluptate re-  
colo, quod tanti boni magnitudinem (non  
ut plerique solent) tum demum intellexi  
cum amiseram, sed tum maxime capie-  
bam, cum maxime eo fruebar. Sed  
quantum tunc gratulabar mihi de con-  
suetudine tua; tanti nunc impensius doleo  
quod non solum conspectu tuo caream,  
verumetiam ne per literas quidem quibus  
absentium amicorum animi refoveri so-  
lent, tecum colloquar. Et mihi quidem  
maxime id conveniebat, fateor, ut te  
primus compellarem; sed primum gra-  
vissimis occupationibus tuis, quibus non  
præsentem solum, sed etiam futuro seculo  
prodesse conaris, obstrepere literis meis  
vix audebam; deinde etiam reputando  
tenuitatem, tum ingenii, tum styli mei,  
metuebam subire iudicium ejus viri, cui  
nihil nisi limatum & exquisitum placeret.  
Sed tandem vicit fiducia humanitatis &  
moderationis tuæ, qua futurum spero, ut  
me etiam balbutientem libenter audias:  
deinde vicit etiam præsentis necessitas, ne  
charissimum fratrem meum in Hollan-  
diam abeuntem sine meis ad te literis di-  
mitterem, quem ego tibi quam commen-  
datissimum esse cupio. Etsi enim ille eo  
animo propositum iter ingrediatur, ut in  
re militari, cujus peritiâ quemvis Christiani  
Orbis populum provocare possitis, juveni-  
lem ætatem suam exercere valeat: tamen  
id multum momenti ad incipiendum &  
perficiendum Deo volente hoc studium  
afferet illi, si eum tutelâ ac patrocinio  
tuo dignum existimaveris. Quapropter  
ita eum tibi commendo, ut quicquid re-  
sistet in te amoris erga me, id omne in eo  
amando atque fovendo ostendas. Reddet  
paria huic tuæ bonitati primum quidem  
Deus, deinde nos omnes, qui jampridem  
unicè id conamur exprimere, quantum  
tibi pro summis tuis erga nos meritis de-  
bere nos sentiamus. Vale, Vir clarissime,  
Deum ter optimum maximum enixè ve-  
neror.



neror, ut te quam diutissime conseruet, ad gloriam nominis sui & bonorum omnium emolumentum.

Dabam Opolie,  
dies 4, Aug.  
anno 1637.

Clarissima Domin. tua

ad quævis officia

paratissimus,

Georgius Sluheck, de Conari  
Capitan. Pilsnensis.

## CCLI.

Clarissimo Doctissimoque Viro Gerhardo  
Johanni Vossio, Mæcenati meo co-  
lendo.

Clarissime ac Doctissime Vir, Mæcenas ætatem  
colende,

Quemadmodum nulli quondam, ad ora-  
culorum adyta, aut Deorum immor-  
talium pulvinaria, obstructus erat aditus,  
qui modò serium, sincerum, debitoque  
numinis cultu, compositum adferret ani-  
mum: ita & omnibus, ad augustissimum  
illum sapientia tua Tripoda, liberum pa-  
tere accessum, & testari potest studiosæ  
juventuti, potissima pars, quæ agmine  
facto, ad te consulendum in dies, in ho-  
ras, confluit, doctior à te semper rediens;  
& ego expertus sum sapius, quem nun-  
quam non voti compotem, juxta ac salu-  
berrimis consiliis abundè instructum, so-  
litus es à tuo colloquio dimittere. Quæ  
tua facilitas, rarum in nostri sæculi doctis  
bonum, me novis his ausis animavit, ut  
magnis meis in patria fautoribus, speci-  
men aliquod diligentia, propediem exhi-  
biturus, tuam operam in partes mihi ac-  
cerendam, non dubitaverim. Ut itaque  
verba conferam in compendium, consti-  
tui, Deo adjuva, hibernis his mensibus,  
labori non reprehendendo, vim omnem  
ingenii impendere. Nempe cum animad-  
verterim, quæcunque uspiam typis divul-  
gata sunt, nobilissimi illius historici, Saxo-  
nis Grammatici, exemplaria non solum  
innumeris mendis scaterere, quæ properan-  
tem Lectorem faciliè effugiunt; sed &  
locis nonnullis dubiis, ac parum integris  
undique sectis obrita esse, quæ ipsi historiae  
obscuritatem haud exiguum offundunt;  
impetum cepi Augiæ hoc stabulum per-  
purgandi, & notas quasdam tam historicas,  
quam censorias in libros ejusdem omnes

ac singulos procudendi: amoris in pa-  
triam arcano potius jussu, quam ostenta-  
tionis gratiâ. Sed quia simul perspectum  
habeam, tuis auspiciis hanc rem optimè  
geri posse, eâ quâ par est, submissa animi  
mente, abs te contendo, digneris mecum  
lubens, volensque, communicare, si quæ vel  
ipsum habeas, ad Saxonem nostrum (quod  
tuum esse solet, in emedullandis melioris  
notæ scriptoribus, acumen,) jamdudum  
annotata, vel ab aliis Criticis scias esse ob-  
servata. Quinimò si hæc te exorare non  
liceat, (quomodo mihi tamen persuadeo)  
velim mihi subinde petenti, ex instructissi-  
ma Bibliotheca tua, suppedites bonorum  
Authorum monumenta, quæ scilicet ali-  
quid ad institutum meum faciant; im-  
primis Achillem Gasserum, Boceri cujus-  
dam annotationes, in Reges Daniæ, &  
similes. Præbe te mihi, quæso, benevo-  
lum, magne Doctor, conatibus meis fave,  
& exangui fronti ignosce.

Observantissimus tui,

tibique addictissimus,

Stephanus Johannides Stephanius,  
Hafnienfis Danus.

## CCLII.

Clarissime atque Excellentissime Vir,

Rumpendum tandem erit silentium,  
neque tamen & illud excusare ve-  
lim, quin potius deprecetur ut à te veniam;  
quid enim dicam, aut quam excusatio-  
nem adferam tam diuturni silentii mei?  
Occupator eram, defuit scribendi occasio,  
vel materia. Scilicet ulla esse potuit tan-  
ta cura: difficile literarum commercium:  
aut destitutus unquam esse possum, quid ad  
te scribam, ad te inquam, Vir incompara-  
bilis? Si nihil enim aliud, nisi tua erga me  
eximia merita propensum illum animum,  
summam qua me complectebaris benevo-  
lentiam, commemorem; an non satis am-  
pla & opulenta scribendi materia? quod  
si nunc meum tibi gratias referendi studi-  
um, & promptissimam voluntatem testari  
velim; videnturne hæc vel longissimis  
literis posse comprehendere? Sane, si quid  
est, quod juxta excusationis loco adferri  
mereatur; verecundia erit, quæ me sæpius  
ad te scribere incipientem deterrebat. Ni-  
mirum, grave mihi admodum videbatur  
ad te scribere, à quo Latini Sermonis  
magna

magna quondam hauseram incrementa, ejus nunc jam pridem usum posthabui. Sic hærebam, atque à meipso diffidebam; sed vicit tandem officii necessitudo, vicit amor tui; cessit & ipsa verecundia pudori: pudebat nempe tanto te tempore exigere à me scribendi officium, non tamen adhuc exegisse. Accessit hortator vehemens, tui, unà mecum, uti debet, amantissimus Germanus meus, quem ego, patria limina deserentem, hac una re beatum judico, ac prope invideo quod te conspecturus brevi amplexurusque sit; jamq; mihi intueri videor illam tuam humanitatem, illos amores, quos illi exhibiturus es. Dabis igitur veniam, siue quod tam diu cessatum à me sit, siue quod nunc audenter nimis te laceffam literis. De me omnia, quæ voles ex fratre meo cognoscas; unum hoc ex me velim scias, neminem esse cui plus, libentiusque quam tibi, debeam: nihil esse, quod me magis sollicitum habeat; quam ut intelligas, in quem beneficia contuleris, cui operam tuam, cui tot labores impenderes. De te autem tuisque qui valeas, quid agas aut potius quid tibi profuturum pares, ex tuis potissimum literis scire cupio. Hic finem facerem, sed venit in mentem, quod nos anno proxime elapso mirè omnes exercuit. Id ut tibi perscribam, vel ipsa me cogit scribendi ad te dulcedo. Judæorum genus adeo diffudit se per universum hoc Regnum Poloniæ, ejusque provincias, ut omnes pene infederit urbes, oppida, villas, hac maxima in finitima Germania, bellorum tempestate. Tanta hæc multitudo, fieri non potest, quin multorum offendant animos, Mercatorum imprimis & Subditorum, qui Judæis subesse ægre ferunt, quibus eorum operæ & Nobilibus locari solent. Inde odia immortalia, perpetuæ de illis querelæ. Sed imprimis frequens est, quod reos defæcant cædis infantium Christianorum. Crimen, sæpe nimis, quia impune licet, objectum, nescio an unquam satis fuerit probatum. Proximo hoc anno Lublini, inventus à matre diu quæsitus puerulus, aquis submersus dexterâ aure præcisâ, venitq; omnibus acui apertis tenui; atque adeo supremo Regni nostri Tribunalitio Lublinensi judicio oblatum est: cunctorum mox animos ingens adversus Judæos suspicio pervadit; hinc sine mora capti, quos violentissimæ præsumptiones urgebant, tormentisque tam diu quæsit, ut unus eorum vi doloris superatus, paucos post dies obierit; cæteri tandem, quia fateri renuebant, dimissi: fecisse tamen Judæos immane hoc

homicidium publica fama est. Accusatos, convictos, damnatosq; ob idem hoc crimen Tridenti Judæos scripsisse commemini Sabellicum, ex eoq; refert in Annalibus suis Dlugissus noster, quin & in vestro Belgio, nisi me fallit memoria, accidisse, prodit Historia. Mirum ni nocentes sunt, quos tanta toto orbe premit invidia, fama accusat. Odione dicam Christiani sanguinis tantum eos patrare facinus; an quia forte opus ad remedia habent, aut ad sua sacra, siue denique ad Magicas artes, quibus plerique impense delectantur? An dicam impleri maledictionem illam Moysi? Deut. 28. *Omni tempore calumniam sustinentes.* Tu quid de toto hoc negotio sentias, aut sentiendum putes, rogo plene me doceas: tum enim judicium in utramvis partem lubens sequar. Sed vide, quo proventus sum voluptate tecum loquendi. Ergo jam vale, mi suavissime Vossi, meque amare perge; tum si quid in hac Epistola mea vel rude vel inconditum (vereor ne omnia) teneras & insuetas talibus aures tuas offenderit, corrige, cæterum mihi ignoscas precor. Iterum vale.

Tui observantissimus,

Dabam ex Rure meo  
paterno Klickoviz.  
Præd. Kal. Aug. Ann.  
Sal. MDCXXXVII.

Chr. Slupcius de Conary.

Secr. Ser. R. Poloniæ.

### CCLIII.

*Viro incomparabili Gerhardo Joanni Vossio, in Amstelred. Gymnasio Professori celeberrimo.*

Vir incomparabilis,

Post tot, tantaque tua in me officia, puto ambitiosum non esse, si amoris tui liberalitatem, inter amicos, lætissima prædicatione circumferam. Id quod facio libentissimè, & frequenter, quoties incido in homines, honestarum artium, modestæque pietatis amantes. Cæterum cum tam uberem, & penè immensam eruditionem ingenio complexus sis, nihil tamen in laudibus tuis, commemoro frequentius, quam sanctissimos illos, & defæcatos mores, amoremque Religionis purissimæ, & innocentis. De qua quoties judicandum est, animum imperturbatum, sine fastu omni, sine pugnandi libidine semper affers. Hæc tamen idcirco non scribo, quasi tu non potius virtute tua, quam meis laudibus



laudibus censeris velis: sed ut ostendam, quibus rebus motus, familiaris iste meus, qui has tibi reddit, ad noticiam tuam pervenire cupiat. Ordinatus est studia nobilissimorum juvenum, quos sui mores, & contubernium, mihi fecit amicissimos. Eos si benignè admiseris, non tam te, id mea commendatione motum, facere arbitrabor, quàm quod in humanitate, semper tuos mores tenere soles. Porro de rebus meis prolixius dicitur in *Regum adloquio*. Leidenfes frigore tactos, ipse coram sensi, & nuper amicus monuit. Quid causæ sit, facile suspicor. Habe summam culpæ meæ: semper sordidum esse putavi mutuis adulationibus atteri. Maxime tamen insidiatur existimationi meæ: & *Nova nugacissimus*, & fumo suo turgenis. Quod mirum videri non debet, cum ingenti supercilio etiam viros maximos ad censuram vocet: adeo post emissas aliquot tumentes declamatiunculas sibi bellus videtur. Si vixero, non tam paribus nugis hominem, quàm solida studiorum, & cordata severitate obruam. Idquæ jam ago sedulo. Sed abeant ista: fida Vossiorum, & prisce integritatis amicitia, mille fricatorum, gloriolorumque mortalium, simulatis blanditiis, mihi contra cara non est. Felicitissime vale, & salve cum universa familia, Vir maxime, meque amare perge, quæ meorum votorum summa est.

Col. Agrip. xvii. Sept.  
An. c1610c xxxvii.

Tuus,

Vincentius Fabricius.

#### CCLIV.

*Letiſſimo Domino Doctori Gerardo Vossio, Historiarum Professore longè eminentissimo, Varroni verius nominando.*

CUM nomen tuum toto terrarum orbe celeberrimum ad unguem contempler, parum abest quin obstupescam; merite enim capere nequeo, unde tantos scientiarum omnium thesauros exhaurias, doctrinâ, facundiâ, & omniſciâ eruditione refertissimos, quos in publicum mortalium usum quotidie depromis. Nos milites pusilli, sub vexillo fecundissimo solertis ingenii tui stipendium facimus, scripta tua eruditissima venerantes. Ergo fortissimus Antesignanus, rudia hæc, & inermia ne despicias: Imò corrigas rogo. Scio quam sis rara indole præditus, & quam rectissime

de omnibus sentias, amoreque genuino studiosos prosequaris, & maxime me, qui autoritate tua, scripta tua tuetur, munit, ac defendit, lege lib. 3. in com. hist. 47. Ad aras solertissimi ingenii tui, hæc prolegomena appendo, ut prætium quod ex se non habent inde possint demereri. Vale ergo Belgicus Varro, & Zacutum tuum, te amantem, redama.

Amst. 1637. die  
vero Septemb. 3.

*Te veneratur*

Zacutus Lusitanus, M. D.

Non possum remittere priora folia; hanc præfatiunculam lege, & parce meo tardo ingenio, quod ut aliud naturale agens, ultra metas activitatis suæ agere non potest:

#### CCLV.

*Clarissimo, Doctissimoque Viro, D. Gerardo Johan. Vossio.*

Clarissime Vir, Amice fidelis gratiâ conjunctis.

QUEM in Daniam quotannis, Janſonius vester Librorum vendendorum causâ solet ablegare, exoptatissimo me beavit nuntio, quum sub initium præteriti veris, apud nos consueta exerceret commercia. Spem etenim fecit mihi non exiguam fore, ut tu Saxonis nostri edendi curam in te suscipere velles, tuaque suadâ Typographorum vestratum quempiam eò adducere constitueres, qui nitidissimis Typis, augustiore formâ, & prorsus ex voto meo, florentissimum hunc scriptorem procuderet, ac divulgaret. Quod si his verbis ipsius indubitata constare fides debeat, & si tuo me rogatu, tam largis implevit promissis; uberrimæ profectò tibi debentur gratiæ, non tam à me, cujus honori ac famæ tantopere faves, quàm à bonis omnibus ac doctis, qui desiderium Saxonis nostri hæctenus ægerrimè tulerunt. Biennium certè jam integrum est, quod incomparabilis ille Historicus, debito per me nitori restitutus, faventem Typographi alicujus operam frustra imploravit: quid igitur suavius, quid jucundius, quid auditu gratius unquam accidere mihi potuit, quam te talem, tantumque virum, diligenter enaturum, ut divinus hic author, splendidior, & ornatio, dias in luminis oras exeat? Edoceas me, quæſo, primâ quaque occasione, quid sperare habeam, & cuiam Saxonem

xonem excudendum tutò committere liceat. Quod me artinet, nullam planè laboris mercedem aliam posulo, quam ut viginti, aut summum triginta exemplaria Typographus mihi impertiat, usprimum licem viderit nova editio. Post Saxonem editum, proximam sibi curam vindicabit Quinctilianus; in cuius duodecim Institutionum Oratoriarum, totidem Commentariorum libros panè affectos habeo. Sed quia animadverti te in libris de arte Grammatica, parte ultimâ pag. 202. ad partes vocare membranas quâdam MS. Quinctiliani, quæ olim Joachimi Camerarii fuerunt; omnibus abs te precibus concesso, ut variantes Lectiones ex codice isto excerptas mecum benevole communices, & si quid insuper ad mantum sit subsidii, eâ quâ soles humanitate, suppedites. Id quod ego olim beneficium grato animo ingenue profitebor. Præterea quoniam frontem jam apud te deponere ceppi, per amorem istum quo me complecteris, rogo, atque obsecro, ut libros hosce omnes, & singulos, quorum in adjunctâ schedulâ, notatos vides titulos, per filios tuos, vel in Auctione quâdam, vel si in Bibliopoliis reperiantur, meam in gratiam, quocumque tandem pretio, isthic coëmas; nullus debicans, quin quicquid meo nomine argenti expolueris, eâ quâ par est cupiditas, tibi restituum. Ceterum licet mihi iure amicitiz nostræ tecum expostulare, quod clarissimo viro, & communi amico nostro, D. Mourio, tot subinde variorum opera, recens edita, transmiseris, me præterito, quæm non minus, in inamam familiaritatem admittere dignatus es? Habet à te Reidanum filii tui, & pueri, habet alerius Annales Hollandicos, habet tuas Institutiones Grammaticas, Franc. Junii de Pictura veterum libros, & quid non? Nobis non licet esse tam beatus? Verum emenda, quæso te; nisi Malas meas iratas habere tibi cupias. Imprimis fac tractatum tuum, de Historicis Latinis, juxta ac libros de arte Grammatica, quamprimum à te habeam, quibus vehementer indigeo, finem scribendi faciam, ubi unum, alterumve proposuero. Locus est Saxonis, me iudice, valde corruptus, qui extat Hist. Danicæ lib. vii pag. Edit. Francofurtensis 123.

*En pia progenies iracibus concurrere celis  
Ausâ peris, sudo prognati sanguine fratres  
Illata sibi cade ruit.*

Ubi quid *Sudus Sanguis* significet, non satis intelligo. Ego *Socio* legerem; nisi mox sequeretur: *Existiale malum socio Stygo fu-*

*nere visent.* Tu mihi sis Apollo. Deinde edoceas me rogo, quænam sit *Insula Lachmiorum*, vel *Lachmiorum*, capus meminit Valerius Maximus, lib. viii cap. xiii. Exemplum extern. vii. sub finem. Ejus etenim mentio apud Geographos nulla, quod sciam, occurrat. Vale, decus Belgii, & deliciae literati orbis, & cum omnibus, quæ circa te sunt, æternum salve.

Sora a. d. xviii.  
Septemb. Anno  
cristo cxxxvii.

*Tuus omni*

*affectu & officio,*

Stephanus Johan. Stephanus,

Quas hæc adjunctæ literas, velim per te rectè curenur, Viden' os hominis?

OCLVI

D. Doctori Getardo Vossio, Philosophorum oculo, & in Academia inclita Amstelodamensi humanarum Literarum Professori celeberrimo, viroque omnis Literature cultissimo.

**M**iraberis, Vir solertissime, quænam me capiat fiducia tuam sic meis literis compellendi & amplitudinem & magnificentiam. Certè selectissimæ virtutes tuæ unâ cum candidissimis moribus conjunctæ id efficiunt, & aliz animi & corporis dotes ita te omnibus amabilem præbent, ut non aliud abs te contendam, quam ut me in amicorum tibi archissimè conjunctorum album adscribi patiaris, qui te non solum diligam, verum & unice observem. His fretus, tuâq; in studiosos humanitate confusus has tandem ad te dare decrevi, quas comitabitur liber meus pusillus, rudis & tenuis, cui novato nomine de Praxi Medica Admiranda titulum dedi: licet enim Medicus re & opere non sis; in arduis tamen medicinz clivis emedullandis te versatissimum esse, & putavi, & puto: nam ingenii acumine polles, elegantî facundia, & rerum omnium cognitione es præditus, ita ut non solum celeberrima Amstelodamensis Civitas, illustre Lyceum Leydense, sed Europa tota, imò universus orbis te omniscium vocet, tua amplectatur opera, Lemnisco ornanda, dignissima Cedro, eaque plenissimis, ut aiunt, tibiis jactet, & prædicetur. Quare, Zacuti, tuarum laudum acerrimi propugnatoris, licet ignoti, tui tamen



tamen amantissimi, libellum inermem ne despicias: nec enim Dii croco infecti semper cinnamoma eructant, sed pulsem in casa furnaria, Reges rapam in tugurioto, & ipsæ Gratiæ fraga, myrtillosve sæpe in montibus, & sylvis prodelicatis epulis comederunt. Quare illius errores mentis tuæ sagacissimæ limæ solerti castiga: id enim feram libentissimè. Hanc curam si non molesto animo pro me sumeris, habebis Zacutum tuum tuarum laudum vocalissimum præconem, atque omni tempore memoriæ tuæ clarissimæ non ingratum. Quocirca si quid est, quod tui causâ me valere existimes, impera, exequar enim libentissimè. Vive ergo diu cum dilectissima familia tua, & ita videas filios tanta prole beatos, ut ii tanquam novelli olivarum, usque ad quartam generationem in circuitu mensæ tuæ adesse queant. Vale ergo, Vir omniscie, nostri quoque gloria seculi. Ex Musæo nostro.

Ex Musæo nostro  
Amstelod.

*Te amat, colit, observat*

D. Zacutus Lusitanus.

# CCLVII.

Quamquam bis jam ad te scripserim, tamen nec hunc Mercatorem Slaglofensem sine meis ad te Literis dimittere potui: per quem uti ne graveris respondere etiam te atque etiam rogo. Opus tuum de Idololatria Gentium, ut Velleium Scylacemque, & Batavicos Annales filiorum maxime videre aveo. Pro navatâ mihi operâ, apud Typographum cunctatorem, gratias, quantas possum, ago; & enixè abs te peto, ut pro amicitia nostrâ, hominem urgere pergas; quod facturum te confido. Quæso, effice uti operas partiatur, alterumq; Typothetam etiam abhibere velit; in quem finem Historicum Tomum in duas partes separavi; ita meo, & multorum in hoc regno Procerum, desiderio satisfaciet. Simul autem editio absoluta fuerit, velim Hagam exemplaria duo mittas: unum Mylio, alterum Riveto; tria Leidam, Heinio, Cunæo & Vorstio: unum tibi vindicabis: cætera viginti minimum, aut, si potes, etiam quatuor, statim huc ad me curabis. Poteris id commodissime per Ludovicum Elzevirium; quem deinceps apud vos commoraturum, libens sanè ex illo ipso intellexi. Sæpe nobis ejus opera, ad curandas Literas nostras, usui erit. Misit nu-

per ad me Typographus, duo exemplaria primi tantum ternionis, cum certe plures expectarem, & progressum longius existimarem: sed causam affert, satis frivolum, nec sufficientem sâne. At placebit, si deinceps quod prolixè pollicetur, culpam suam, maturanda gnaviter editione, emendaverit. Quæ interea folia excusa erunt, quando nunc tam bona occasio sese offert, quæso mitte, ut quid expectare habeam, scire possim. Vale, Vir, & amice magnæ Uxorem tuam, quam convalescere speramus, liberosque ego, uxor, liberique ex interiore animo salutamus.

Rapim, Soræ, ad  
diem xii. Octobr.  
cfo lcc xxxvii.

*Tuus, constanti affectu,*

Joannes Meursius.

Si ad Dominum Rivetum aliquando es scripturus, quæso, Viro, quem omnino magni facio, plurimam salutem nunties; & constantem, etiam in silentio, affectum meum: tum hoc munus literarium qualecunque meis verbis itidem pollicearis. Iterum vale.

Est hic vir quidam doctus, penes quem sunt libri aliquot Manuscripti Græci, quos ut amplissimo magistratui urbis vestræ, ad Ornamentum Bibliothecæ illic publicæ, cui præfectus filius tuus, venales offerrem, à me petiit: neque ego id negare homini amicissimo potui. Sunt autem isti uno volumine comprehensi:

1. *Athenæi Παισι μνημονεύων.*  
*Bitonis Κατανομαὶ πολλῶν τῶν ὀνόματων, καὶ ὑποκειμένων.*  
*Heronis Συναγωγὴ τῶν ἀποδείξεων, καὶ συμμετρήσεων.*  
*Heronis Γεωμετρικὰ Βασανισμῶν.*  
*Apollodori Πολυτοκμή.*
2. *Bitonis Μουσίου.*  
*Julii Africani ἑσθλ.*  
*Heronis Alexandrini Βασανισμῶν.* Idem liber cum superiore, nisi quod figuræ variant: ideoq; nonnullius plane pretii. Hos indicat quadringentis Florenis Hollandicis.
3. *Libanii Epistola,* plus minus trecentæ, trecentis Florenis.
4. *Callisthenes de Vita Alexandri,* Scriptor ævi medii, centum Florenis. Et hæc quidem exemplaria sunt in folio perscripta, ut loquuntur. Quæ sequuntur verò in Quarto.
5. *Nicephorus Imp. Παισι τῶν μαθηματικῶν καὶ φυσικῶν.* Florenis centum. Et hi quidem sunt in charta omnes scripti; qui sequitur verò in membrana.

5. *Melchior Monachus, Theol. p. 1000; in d. 1000.*  
Quem Latine vertit, ediditque Nicolaus Petreus Corcyraeus, Venetiis, An. 1552. iisdem Florenis centum.

Quæro iuva, quantum potes, commendatione tuâ, ut hos libros emere Magistratus velit: poteruntque ex editione eorum filii tui nominis famam augere, & posteritatem etiam magis sibi obligare. Si huc animum inclinabit Magistratus, poterit pecuniam mittere per Johannem Davidem vestrum, & Libros per eundem accipere. Tertium vale; & effectum, quantum potes, istud dato.

6. His præmissis à me additur *Theodori Metochitæ*, cuius partem pridem edidi, *Historiæ Corpus universum*, ingens volumen, in folio, quod Florenis quadringentis comparare Magistratus sibi potest.

7. Ac præterea *Andrææ Cratenfis Archiepiscopi, Homiliæ XX.* Florenis ducentis quinquaginta.

Si fortasse grave erit emere non viles Libros, impetra, cui libet filiorum, liberam legationem, qui eos videat, & me simul. Certe gratior advenire mihi hospes nullus possit. O quam illum sim ardentem complexurus. Atque utinam teipsum, amicorum opt. maxime, si quo loco est Hamburgum, Amstelodamum vestrum esset, non tamdiu distulisses ad te excurrere: quem videre & complecti, si id liceat, adhuc semel ante summum diem optem. Sed hoc voti est; quod quis scit an unquam effectum nobis dare Deus velit. Interim ei te ex animo commendando, ac tuos omnes, ego atque mei omnes. Quartum salve, ac vale.

Si Librorum forte horum nimium videatur pretium, quod non puto, nosti ipse nullum aliud libris Manuscriptis, esse, quam id quod possessor statuit.

## CCLVIII.

Clarissimo D. Vossio, D. & amico plurimum honorando.

Clarif. Vir, & amice peculiariter mihi honor.

**A** iunt aliqui, in luctum sat gravem te, cum iis qui tibi carissimi, conjectum diebus hæc proximis. Si ita est, & ipse equidem unâ lugeo. Ex quo enim benevolentiam erga me tuam, quoties te acce-

do, imò etiam aliàs experior affarim; non potest non mihi tua tuorumque, ut prosperitas esse gaudio, ita cordolium ciere calamitas, præsertim tanta. Quod ipsum saltem, quin verbo tibi perscriberem, continere me nunc non potui: Solari te coner insuper; sed vereor, ne sic ad animum tibi revocans casum tristissimum, irritum potius vulnus, addeò recens. Quicquid sit, ferendum tamen esse denique æquo animo, quod infectum reddi nequit, Magistri sapientiz, tibi haudquaquam ignoti, docere nos solent. Deum rogo, ut mœrorem hunc tuum, & honoratissimæ domus tuæ totius compensare aliàs gaudiis, ac felicitate hic & æternum dignetur.

Hælemi, xxxi. Jan.  
MDC XXXIII.

Cl. D. V. Servus,

Bartoldus Nihufius.

## CCLIX.

**L** iteræ tuæ, quibus diem non adscripseras, Vir clarissime, heri demum mihi traditæ. Narras casum verè tristem & deplorandum filiz majoris tuæ, in quâ, præter pietatem ac virtutes jam cæteras alia tot tam præclara currebant. Ego, uxor liberique indoluius ex animo, ac vix lacrymas tenuimus, qui patèrnum & maternum ipsi quoque affectum gerimus. Ac tu quidem, ut Vir plenus Christianâ sapientiâ, ideoque animo ad quævis firmo consolatione haud egēs; verum mater pro infirmitate sexus & teneriore animo quin discrucietur gravius fieri nullo modo potest. Sed oportet cogitare tot & tantis dotibus ornata virginem quantas nullam in antiquitate tota, necdum nostro istoc seculo habuisse, credi potest terræ quæ non capiebat tam illustre decus suum, Deum creptum voluisse, & in cælo cui vere debatur collocatum. Ad negotium meum transeo. Video Typographum & iterum cunctatum esse; & propositum mutasse. Utinam perseveraret semel tandem & absolverit inchoatum: ut id Regi serenissimo ac Senatui exhibere post tam longam expectationem possim. Urge quæso, quod te facere scio, virum: neque desine compellare. Video præfationem quinque priorum Librorum, quæ est ad Regem, item alteram ad Lectorem, rum elenchum item Operum quæ priore isto Tomo continentur, & effigiem quoque meam prætermisam. Haud speraverim, negligentia aut oblivione



oblivione factum sed dilatione tantum qua differri talia solent, & post cætera absoluta demum excudi. Ubi absolutus fuerit primus Tomus, quæso cures ad me mitti exemplaria viginti; quædam aliis meo nomine distribuito Leidæ & Hagæ amicis, quorum nomina scio me in literis superioribus perscripisse: imprimis verò, quod vel me tacente debes, tibi unum retineto. Filio tuo Isaaco quantas possum gratias ago pro Asconio: etiam tibi qui mittendi illi auctor. Vivite ac Valete omnes, tu Uxor Liberique, & salvere à me, mea, atque meis interiore animo quem addictum vobis universis scitis.

*Raptim, Soræ ad  
diem xxi. Maii.  
Cl. loc xxxviii.*

*Tuus ac tuorum*

*constantis Affectu,*

Joannes Meursius.

## CCLX.

Vir Nobilissime & Amicissime,

**B**inas tuas quas dedisti xxvi. die Martii item xvi. Maii recte accepi. Doleo sane vehementer, quod Historica mea opera Blaviis non acceperis. Petenda tibi sunt per communem amicum virum Gerardum Vossium quem rogarem ut exemplar ad te mitteret, idque nunc effectum spero. Cum acceperis otiumque ad legendum nactus eris, ut de eo judicare ne graveris etiam atque etiam velim. Quando verò tres priores Libros meos de familia Oldenburgicæ primis Regibus placuisse tibi memini, etiam istos minime displicituros esse, spero. Certe optem: nam abs te probari eos magni fecerim, qui iudicium tuum æstimo. Bonifacii constantem affectum planè osculor, amo virum, æstimoque quantum quisquam seu insigne Italiæ suæ ornamentum: cuperemque operis mei itidem exemplar mittere, si id commodè fieri posset. In Cunæi morte indolui. Magnam Academiæ jacturam fecit, & amicum ego amisi non è multis. Ipse quoque per hanc hyemem pessimè habui. Vexabat Nephritis, ut excernerem calculos plures: accedebat novum ulcus quod per totum quadrimestre sanguine, & pure manavit: etiam tertiana febris eaque duplex: insuper magna lassitudo, dejectio virium & appetitus. Sed nunc Dei Opt. Max. singulari beneficio omnia hæc mala evasi; is me porro quamdiu videbitur

servet sanum, ut interservire ipsi etiam ultra possim in vocatione mea, ac cætera vita. Idem tibi ex animo precor & in eo voto finio. Uxor mea Liberique tibi, tuæ, atque tuis officiose se commendant.

*Soræ ad diem xxix. Tui observantissimus,  
Maii. Cl. loc xxxix.*

Joannes Meursius.

Si exemplar commode ad Bonifacium mitti posse existimabis, pete à Vossio illud ut ad te transmittat quod Cunæo jam defuncto destinaveram.

## CCLXI.

*Clarissimo, & Celeberrimo Viro D. Gerardo Jo. Vossio, Historiarum Professore dignissimo S. P.*

*Amstelodamum.*

*Cl. Doctiss. & Celeber. Vir, amice Coniunctissime.*

**N**ON possum, nec debeo, nostrum Heilerfigium ad vos abeuntem dimittere, sine literis meis. Quamvis enim talis sit, qui meos sensus norit, & quomodo erga te & tuos sim affectus, testari possit; nolui tamen id ejus verbis committere, sine speciali Syngrapha. Non libenter obductam familiæ tuæ cicatricem refrico: id tamen coram Deo, apud te debeo profiteri, vulnus illud tuum, me graviter affecisse, & mali non ignarum; tibi & lectissimæ uxori tuæ, unâ cum mea, seridè condoluisse; sed qui te novi non Philosophiâ tantum, sed Christiana etiam sententia, & opera, non dubitavi quin consilio Dei acquiesceres, & manum ejus osculareris, vel percutientem. Id te fecisse & forti animo casum hunc tulisse, significavit nuper mihi amicus noster, nobiliss. Salmasius, qui hic aliquot dies, sui nobis usuram fecit, totus in Usuris describendis, & distinguendis, in quibus tale specimen edidit omnigenæ eruditionis, & diffusissimæ lectionis, ut qui, nonnullorum arte secus de eo senserant, nihil vulgare deinceps à tali ingenio expectent: in quo nec tu falsus fuisti, nec pro eo qui est in te candore, unquam dissimulasti, quam tibi displicerent sequiora illorum judicia, qui ei raram & exquisitam eruditionem derogarent. Quantum tibi deferat, testis esse possum, ex iis quos unâ de te contulimus sermonibus, in quibus id

Z 2

interea

interea enumerabat, quæ sibi infelicia accidissent, quod eo tempore Leidam venisset, quo Clariss. Vossius emigraverat, cujus communicatione & consortio frueretur. Sed ita Deus sedes, & habitationes nostras determinat, ut nullibi simus, ubi nobis nihil sit desiderandum, donec sedes illas incolamus, in quibus Deus est, omnia in omnibus. Ei te, tuosque omnes, ex animo commendo; & reliqua de quibus apud te libenter garrirem, nostro Heilensio committo, reque cum tuis, à me, & mea, salvere, plurimum cupio.

Haga-Comitis. Po-  
sterid. Kal. April.  
c1o Ioc xxxviii.

Tuus ut suus omni

Studio & affectu,

Andreas Rivetus.

Novi, quam benè velis affini meo Molinzo, ideo existimavi tibi gratissimum fore, si significem eum adhuc athleticè valere, Dei beneficio, quamvis septuagenarius sit, & auctum esse numerosâ prole, superstitibus ex secunda uxore, quinque liberis impuberibus. Addam Samuelem Peticum, qui tibi ex scriptis notus est, conditionem à Franekerensibus oblatam, in locum Bogermanni acceptasse, & venturum proximo Augusto.

## CCLXII.

*Extrait de la Lettre envoyée à Monsieur Vossius, par Freinshemius, en date 11. Julii. Juliani 1638.*

**T**Acito, ipse ut spero, locum aliquem assignabis in Bibliotheca tua. Tum cum libebit introspicere, infinitum devinctis homines tui studiosos; si quæ minus rectè vel commodè se habent, annotes, atque moneas. Est enim præ manibus alia major editio, quam multorum annorum opere, atque labore paratis subsidiis, tendimus fieri ornatissimam. Institutum nostrum probavimus, & alibi viris magnis, quorum ille Grotius jam misit aliquot, suspicionum, atque emendationum, in Authorem paginas: eas nos inferemus locis suis, cum fide, & gratitudine. Non dubitamus autem, quin tibi, dum scriptorem istum tractas, egregia notarum ejusmodi, messis succreverit. Ad quam annonam dividendam, si nobis dispensatoribus uti placet, aliqua fortè peccabimus,

per imperitiam, aut levem aliquam culpam, sed tamen dolus aberit. Idem te rogatum puta de Curtio. Quamquam enim ejus Notæ, jam aliquatenus sint progressæ, ut vides ex pagellis, quas censuræ tuæ subicio, multa tamen adhuc inferi poterunt sequentibus: sed & indici, qui, ut poteris animadvertere, multa reservantur, quæ vulgo commentariis adsparguntur: ne dicam omnia posse subijci etiam absoluto jam operi. Eum Authorem edo, sumptibus Viri Nobilis, atque docti, Joachimi Wicfortii, civis vestri. Utque jam sentias, quam obnoxia sit excellens humanitas impudentibus desideriis, audeo rogare, ut fasciculum ei inscriptum, reddi cures; mercedem quæ expendenda erit, ipse libenter, aut solvet, aut restituet; molestiam non conciliarem tibi, si certam aliquam occasionem nosses, quâ admittendas ei literas uti liceret. Est & alia causa, quam & ipsam non dissimulo: ut nimirum viro illi, qui fortassis, oblata hac occasione, consilio tuo uti cupiet, suadeas quod ad Authorem eum rectè atque ordine perornandum pertinere, arbitraberis. Atque ut summatim instituti nostri ordinem teneas, post notas has, subijcietur ipsa Curtii Historia; capitibus, atque versiculis, distincta, cum adnotatione, similium locorum, ad Taciti ferè formam. Inde priorum Librorum qui perierunt vicem scribam, stylo, atque genio, quantum poterit Curtiano: quem interjecto tempore, tum occasione notarum penitus meditor, & inter ipsam textus editionem sæpius relego, aliquanto familiarem mihi reddere potero. Totum opus Index finiet, quem præcedet variarum Lectionum Libellus. Ad decus simul, & explicationem locorum aliquot illustrium, accedunt rerum variarum simulacra, Typis aeneis expressa. Ita hanc editionem censemus fore omnibus aliis, quæ quidem hæcenus processerunt, longè ornatior, locupletior, commodior, atque utilior. Sunt autem quæ ob stare possent ex mole operis, (nam si ita pergamus, duo volumina implebit) sumptuum gravitas, & mora paulò longior. Cum enim id nobis in votis sit, ut edere possimus hos Authores, ad usum hominum quam accommodatissimos: Temper conamur ut quicquid ab aliis in eos observatum est, si tamen aliquid momenti adferre judicamus, suo loco, atque ordine inseramus, idque quo longius sit ab invidia, ipsius ferè Authoris verbis. Jam autem scripserunt in Curtium; Popma, Loccenius, Acidalius, Glarea-

nus,



nus, Modius, sed verbosissime Raderus, cujus ex prolixis commentariis, quamquam recido, (ut ex ipsa collatione, cum vacabit, cognosces) quantum possum; non tamen evado, quin magna accessione, Notas meas onerem. Tamen si Wicfortio nimis prolixum fore videbitur id opus, reliqua, dum tempori monear, impensius detumere jubebo.

## CCLXIII.

Gerhardo Joanni Vossio τῷ πνεύματι  
Johannes Fredericus Gronovius  
*Salutem & observantiam.*

**L**Uctus ille vester, Vir maxime, tristissimus, & inopinatus, omnes quidem ubi auditus est, mirifice affecit, me verò prorsus exanimavit. Quare et si magno-perè cupiebam, quia non voce possem, & planctu, literis saltem, adesse complorationi vestræ: tamen adhuc sive me, sive te respicerem, refugit animus, nec huic scriptioni vacare permisit. Sciebam ὅτι ἡμεῖς ἑστέ te esse, & in acerbissimo hoc vulnere, veterem cicatricem rescindi. Sciebam amisisse te puellam obsequentissimam, probatissimam suis, quæ simulacrum erat paternæ maternæque virtutis, ingenii, morum: unde dulcis illa spes nepotum proximior, & hoc avidior. Nec leto tristius leti genus ignorabam venisse ante diem, haut fato, ut veteres loquebantur. Quare ausus non sum admonere te, dum

— Stat pectore demens luctus,  
Et admoto latrant præcordia tactu.

Nunc tandem Religio mihi officio deesse diutius: & parandum fuit alloquium, sive mavis, lacrymæ cum amici, quem Parentis instar veneror, cujus liberos amore, & studiis ut æquales, fratres, sorores, ingenio, doctrina, & spe, ut majores amplector, lacrymis miscendæ. Cur tamen lacrymæ modo? Vir es magnus, bonus, Christianus, in hac palæstra, qua Deus ascetas suos castigat, ab ineunte ævo exercitatissimus: ad hæc venerabilibus annis, & multa hujuscemodi exempla legisti, vidisti, cognovisti. Quare non debes aptare tibi vulgaria ista, quibus exulceratae mentes, ad sanitatem revocantur; sed ab ipso casu sumere animos, & ab iis quæ maximè cruciant, & faciem subdunt

dolori, petere solatia. Nam quoniam amas illum, qui se vult solum amari, qui jubet Parentibus, conjugibus, liberis, dicere, non novi vos; imo odi vos; quoniam non vulgarem in modum, ipse ab illo Zelote amaris; non debes mirari, sicut eripit tibi, quæ inter carissima etiam bene compositis affectibus reputantur, quæ aliqua parte amorem tuum, qui sursum vocatur, terræ alligabant. Nec enim parvo constat, mortalibus vera sapientia, aut amor summi boni, sine magnis documentis habetur. Quod verò præmisisti imaginem tuam, virginem, unicum pietatis, pudicitæ, modestæ elegantæ exemplar, quid aliud est, quam petiisse à te Deum has suorum munerum primitias, quasi in sacrificium, quantum humanitus provideri poterat, mundum, sanctum, inviolatum, purgatum, & regnitum agni immaculati sanguine: quod velut sponsor, & vas esset aliquis, secururæ olim tuæ in eadem beata loca professionis. In quo, quod tibi, spei tuæ, mundo ereptum, id servatori ejus, & castissimo Cœlitum choro acquisitum est. Ipsa vero fors mortis, seu ut magis ex formula sacramenti nostri loquar, ipse commeatus, quo summus ei arbiter hujus militiæ vacationem dedit, est ille quidem illatabilis, lugubris, & præfestinus, si hominem roges; nequaquam verò deplorandus, si roges eum, vel ipsam potius, quæ semper ita se gessit, ut eam modo horam felicem arbitraretur, ut huc solum adspiraret. Quid enim luctuosum, per quod ad læticiam solidam transitur? ad peccati immunitatem, quod solum illatabile, flebile, miserum in nobis? Neque tamen metum, aut cruciatus, aut tabem lentam, vivi sepulturam cadaveris, non mortem denique ipsam sensit: sed uno ictu, levi corporis vulnere, momento æternam animæ sanitatem redemit, & spiritum semper in hoc paratum, non flens, repugnans, vix appellata Creatori suo reddidit. Quomodo autem præpropere, & ante diem, (ut pueriliter, & stultè Pagani loquebantur) venit, quod ad voluntatem Dei, & mandatum, & præstitutum rebus volvendis, ordinem evenit? Vivit ergo illa purissima, & beata anima, pulchri corporis aliquandiu hospes, & tuum amorem ab se, ad id quod solum amabile est, revocat; jamque haud dubium amplius curæ vestræ testimonium, coram omnibus sanctis perhibet, quod à Deo acceptos, Deo servetis, veri divini & æterni amoris data in antecessum, & supposita pignori futuræ vestræ ascens.

alcentionis, abiit non invita, non impa-  
rata, non gemens, & tum cum cito ab-  
solutis stipendiis evocata, missionem me-  
ruit. Nihil ergo hic lugendum ; sed ado-  
randa voluntas *dei*, quæ cum tot  
præstantium pignorum tibi numerum lar-  
gita sit, eam tecum rationem duxit, ut  
fecunditatem, felicitatemque conjugii  
tui, inter coelum, & terram partireris.  
Omitto nunc de incerto humanarum re-  
rum, de varietate discriminum, & ipsius  
bonæ fortunæ insidiis, de conditione com-  
muni : omitto omnia illa, quæ ex literis  
*tu*, contra jacturas tales, præfidia  
comparantur. Nempe has cùm unus  
optimè omnium calleas, semper tamen sa-  
cras habuisti potiores, & hinc demùm fa-  
lubria *eduxit*. Nec ignoro omnium ho-  
rum te quoque meminisse ; sed quia loquax  
res dolor est, videtur, & hanc solatiis ne-  
cessitatem imponere, ut similiter sint, &  
sepe nota nimis repetant. Deus Opt.  
Max. animum tuum erigat, honorandum  
senium vegetet, & quod cenferi queat,  
abruptum Liberorum tuorum, qui præ-  
iverunt, annis id in tuis, in gravissimæ  
Matronæ tuæ, in fratrum, & sororis su-  
perfluum augeat. Vale Vir *Silvianus*  
& hoc officium meum, ut à pietate pro-  
fectum interpretare.

Haga-Comitis, Idib. Februar. Anno  
e[re] 156 XXXVIII.

Grafwinkelius : *id est*, & egregius Heilerfichius, salutant te officiosè, dolent cum dolente, & in mei alloqui cupiunt venire partem. Inclusas, ni grave est, jubebis ad Hardervicenos Nantas deferri.

CCLXIV.

*Clarissimo Viro, Gerhardo Johanni  
Vossio, Professori Celeberrimo.*

Vir Clarissime,

**E**A mea felicitas fuit, ut quantum apud te possem, non raro etiam in amicis meis experirer. Quos cum ea comitate excipias, qua me soles, illi, quod tuæ humanitatis est, mecum beneficium interpretantur. Utrum huiusmodi homines errent, an verò rectè sentiant, id explorare, quæ mea ambitio est, non lubet. Si quis tamen hodie vivit, quem amari à te valde velim, is omnino est Jacobus

Seertlingius, qui has tibi tradit. Is in eadem  
mecum urbe natus, hic apud Ubios ita me-  
cum vixit, ut nihil possit dici conjunctius.  
Unus sanè fuit, qui ægritudinem animi  
mei leniret, & hoc in loco molestissimo,  
vivendi tædium suavi contubernio solaretur.  
Cum enim omnes in hac civitate,  
magis fatui sint, quàm fabrorum betæ,  
idque ab ineunte ætate addiscant, ut crasse  
& loquantur, & sentiant, nitorem om-  
nem, à verbis pariter, & judicio ar-  
ceant: apud hunc unicum, cordatè sapere  
licuit. Adderem alia, sed nescio, quo-  
modo hominis familiaris, semper sus-  
pectæ laudes sunt. Nosti invisum morem  
quorundam, qui alios Alcæos faciunt, ut  
ipsi Mimnermi videantur. Unum dicam;  
justæ sanæque indolis est, & rectè judicat.  
Quod in omni laude palmarium esse, tu  
me sàpe, Vir Optime, & Candidissime,  
docuisti. Excute solum, in manus sùme,  
attrecta, & miraberis ineptam sollicitudi-  
nem meam, qui aliunde causas, cur  
Seertlingium ames, conferam, cùm ipse  
domi plures habeat. Vir incomparabilis,  
fœlicissimè Vale.

Colonia Agrippinae  
Propria. Kal. Apr. An.  
c13 13c xxxviii.

*Tuus ex affe,*

# Vincentius Fabricius.

CCLXV.

*Clarissimo Viro, D. Gerhardo Joan.  
Vossio, Eloquentiæ & Historiæ Pro-  
fessori Celeberrimo.*

**D**E obitu filia tua, Vir Excellentissime, & summe, virginis ornatissimæ, sex Linguarum perita, aliisque virtutibus supra sexum, & ætatem suam decoratæ, mihi renuntiatum est. Quem ego casum familia tua, non sine maximo dolore, ac *vulnere*, accepi. Digna enim illa erat, quæ Parentibus honoratissimis gaudium pareret, & familiam augetet. Verum supremo Imperatori aliter visum, qui eam iussit subito, à statione sua discedere, ne seculi plures molestias devorare nobiscum cogeretur, qui in horas cupimus dissolvi & esse cum Christo. Eapropter sancto pectusculo, ne sanè sollicitatem invidemus; sed illud processisse in locum omnibus piis communem, in quem serius, ocus sequemur, omnino statuamus. Uxorem lectissimam, cum filio pristinam valetudinem jampridem



recuperasse spero, quam utrique, tecum firmam, & perpetuam, ex animo precor. Pro Theſium tuarum Theologicarum Theſauro, mihi dono dato, immortales agō gratias; pro quibus licet *ioſſom*, dare nequeam; tamen qualdam meas olim in Auguſtanam Confeſſionem, à me diſputatas mitto, quas tanquam ſignum nexus mei, in quodam Bibliothecæ tuæ angulo reponere, ſiquidem id mereantur, haud graveris. Qui verò harum lator eſt, juvenis eſt Linguarum Orientalium amantiffimus; qui jam in Græcis, Hebraicis, Chaldaicis, & Syriacis, mediocriter profecit, ac Rabbinos legere cœpit. Quæ de cauſa etiam tibi ſiſti voluit, ut auctoritate tua Linguarum Profeſſoribus, in Academia Leidenſi, D. D. L' Empereur, D. Golio, & D. Ludovico de Dieu, commendatus, in penetralia Orientis, ſeſe facilius ingerere; & Arabicæ cum primis Linguae notitiam ſibi, tantis Ducibus, atque Magiſtris, comparare poſſit. Quod illius propoſitum non potui non probare, & illius amore, hanc tibi faceſſere moleſtiam. Des hoc, amabo te, amicitia noſtra, quod toties, tamque audacter, ſanctiſſima tua ſtudia interpello. Antequam claudam, de ſycophantarum quorundam morſibus, apud te queri cogor, qui ſyntagma meum, clauſa & palam, inceſſunt tanquam Photinianum, & Socinianum, à quorum hominum erroribus ita abhorreo, ut à veneno præſentiſſimo Chriſtianæ Religionis. Calumnia Author eſt Flockenius, diſcipulus quidam olim meus, quem tibi; Vir ſumme, & Polyandro noſtro unicè commendaveram, quem me propter variè ornaſtis, juviſtis. Is, is hanc mihi nunc rependit gratiam. Sed Deus qui innocentia mea teſtis eſt, veritati patrocinaſtur, & vitiligatores confunder. Ignosce, quod hanc animi mei agnitudinem, in ſinum tuum effundere audeo; & cum charis tuis longum, ac bene vale, & ſalve.

Dat. Brema Anno.  
c1615c2xxviii.  
18. April. juxta ve-  
terem formulam.

Excellentia tua

Devotiſſimus,

Ludovicus Crœcius.

CCLXVI.

Reverendo, & Maximo Viro, Gerharδο  
Jo. Voſſio, Canonico Cantuarienſi  
Salutem & obſervantiam.

Vir Maxime,

Quam prolixè nuperam tuam, tuaque domus benignitatem interpreter, quoſque grates debere velim tibi præſenti, ſignificare paucis literis, ſi cupiam, nihil agam aliud, quàm ut infantia mea quæram exemplum. Animus meus, qui ſi tibi notus non eſſet, nec tanta me eſſet gratia dignatus, æternum meminerit. Nunc ut ad te ſcriberem, non tam factum eſt, quod tua ſtudia, & arcum otium morari neceſſe ſit, quàm uti ſatisficiam petitioni ejus, qui has fert; quod etſi faciam lubentiſſimè, tamen quia mea erga te obſervantiæ potiorem ſemper rationem duco, in ejusmodi officiis, præmium me ferre exiſtimo urbana frontis. Illi ergo, nomen Joannes Cornerus; juvenis eſt, & doctrina, & omni virtutum genere cumulatiſſimus, ex diſciplina optimi, & erudiſſimi Berneggeri. Venit in has regiones comes, cuiusdam genere, & dignitate Comitis, ut ſtudia ejus ordinaret: cæterum quoniam iſte, neſcio quo animi morbo, nihil minus curat, quàm ſtudia, & militia ſe dedit, proſus inhoneſtiſſimè hætenus ab illo, Cornerus noſter habitus eſt. Eo magis, quod eum domo longè abſentem norit, vix alias rationes inire poſſe, ut ſtædum ſervitium eſſugiat. Illaque ergo ei præcipua cauſa ſalutandi tui fuerit; ut quem virum ex fama, & ſcriptis veneratur ut qui maximè, ejus videnti honorem habeat: tamen & ſic petiit ſtudia ſua commendari, ut ſic ubi locare eum poſſes, ubi inſervire aliis, & illa ſua ſtudia promovere poſſet, velis hominis fortuna meliore digni memor eſſe. Scimus autem iſtiusmodi occaſiones, ſæpè ad te deſerri. Hoc promitto tibi, nunquam fore, ſi tale quid evenierit, ut te hujus commendationis pœnitere poſſit. Talem ſe, opinor, probabit ipſe tibi. Nam mihi quoque gratiſſimum fieri hoc pactum, adjungere non audeo, qui tantos fructus, benevolentia tua percepti, ut majores à nemine optare poſſim. Vale.

Tua Dignitatis Obſervantiſſimus,

Johannes Freder. Gronovius.

Hagæ ad diem iii. Eid. April. An. c1615c2xxviii.

Hod

Hoc quoque scito; Satageus ille Ultrajectinus, de quo narraveram tibi; scripsit Epistolam furiosam ad ~~theod. vossii~~ Theologum, qui hic in aula agit: in qua ineptissime iudicat, de nupero scripto Salmasii, à se, ut ipse fatetur nondum visi. Rogat ut persuadeat summo Viro, ne dedignetur opinionem suam, aut revocare, aut valde mollire in secunda parte: quod ni fiat, minatur ab omnibus J.C. & Demagogis, velut signo dato scripta in contrarium. Nicol. Heinsius nuper hic fuit, & valde conquestus est de silentio Isaaci tui. Eum saluto, & gravissimam matronam tuam, filiosque & filiam, mera parentum vota, & gaudia. Iterum vale. Scripsi raptissime expectante latore.

## CCLXVII.

*Clarissimo, Doctissimoque Viro Domino  
Gerhardo Johanni Vossio, Fautori  
meo.*

Clarissime Vir, Fautor, & Amice, fidelissimâ gratiâ  
Coniunctissime,

Saxonem meum Grammaticum, nil nisi faventem expectare Typographum, ultimis ad te Literis meis significavi, quas Mercatori cuidam nostrati, ad vos proficiscenti, superioris anni Autumno, me disse memini. Vehementer scire discupio, num apud vos reperiatur propitius, & velut è machinâ Jupiter, qui florentissimi huius scriptoris, editionem in se suscipere dignetur. Cuius rei te diligentem spero indagatorem fore, imò suasorem, & impulsorem. Et si quid tuâ ope, atque consilio efficere poteris, quæso te, per hunc ipsum internuntium certiore me facias. Interea verò dum latâ spe solor, atque sustento animum meum, sententias quasdam, ex Quintiliani institutionibus Oratoris excerptas, ad te transmittito: enixè ab te contendens, ut si bono publico id fieri posse existimes, Typographo alicui des quamprimum imprimendas. Ego laboris nullam postulo mercedem aliam quam viginti, aut summum triginta exemplaria. Pervelim autem typis nitidissimis, & quidem majusculis, quicquid hoc est oppellæ, prodeat & formâ portabili; quâ ferè solent lucem aspicere hæc studiorum minutia. Imprimis te per amicitiam nostram oro, atque obsecro, ut totum hunc libellum, à capite ad calcem sedulò perlegas, videas

que ne quid sit, quod existimationem meam lædat, aut nomini meo maculam aspergat: & simul des operam, ut voto nostro satisfiat, hoc est, ut præsens hic Tabellarius, propediem ~~ad vossii~~ redux, ad nos aliquot exemplaria referat. Hac in parte, rem feceris mihi longè gratissimam, quam ego vicissim, omni studiorum genere demereri conabor. Tractatum tuum de Idololatriæ origine, juxta ac filii tui Scylacem, & Velleium Paterculum, avidè desidero. Vale, Vir præstantissimi Belgii decus, deliciæ Musarum, & me solito amore, ac favore prosequere.

*Sore a. d. xiv. Maii, Observantissimus tui,  
cdo Id c xxxviii.*

Steph. Johan. Stephanius.

## CCLXVIII.

*Gerardo Johanni Vossio, Excellentissimo Viro, Steph. Joh. Steph. S. P. D.*

Clarissime Vir, corculum Musarum, deliciæ & decus Reipublicæ Literariæ.

L iteras tuas Amstelodami xvi. Calend. Aprilis scriptas, tandem accepi, ad diem Maii xx. stylo vetere. Eas statim ad os & pectus appressi; cum intimo voto, ut te tam charum mihi caput, eundem in modum complecti possem. Nullum sanè verbum, in istis literis fuit, non plenum humanitatis, officii, benevolentia. Et non sine summa voluptate sentio vivere, etiamnum in animo tuo, scintillas veteris erga me amoris tui: quas utinam nulla unquam extinguat dies! Quod me attinet, non possum non tam impensè amantem me redamare, quamdiu animâ spirabo meâ. Summo equidem honori mihi erit, & apud vivos & posteros, innotuisse me tanto viro, cui divina scripta æternam circumdederunt famam. Affectus quoque tui, luculentum hoc est indicium, quod Saxonis mei editionem, tam esse tibi curæ, & cordi esse patiaris; quâ tamen nunc ego te libero sollicitudine. Generosus etenim Præses noster, cui Deus æternum benedicat, sumptus se hanc in rem liberaliter suppeditaturum promisit. Itaque propediem ferrum ejus, quod dicitur, in igne erit, præloque committam, ut primùm chartæ tantum comparaverit sibi Typographus, quantum toti opèri excudendo sufficiat. Utinam foelicibus prodeat



deat auspiciis! Fiduciâ etiam amicitia nostrâ, nuper ad te transmissi, Florilegium Sententiarum M. Fabii Quintiliani, quas ut Elzevirius, vel La Maire tuo, excludendas, maturè tradas, si modò digna sunt istâ minutia, quæ lucem aspiciant, omnibus abs te precibus contendo. Si tergiversentur illi, quomodo vix mihi persuadeo, agetum per Lauremburgicum nostrum Autographum meum restituas. Tractatum tuum de Historicis Latinis, juxta ac Institutiones Grammaticas, quælo te, ornatâ veste munitas Bibliotheca meâ, quæ avidè eos libros desiderat, transcribas. Rara etenim hic prostant exemplaria; Sed vide hominem exanguis frontis! Si pecco, fiduciâ amicitia nostrâ pecco. Librum tuum de Idololatriâ origine, adhuc sub prælo sudare intellexi, ex literis tuis, ad Cl. Dom. Meursium, Collegam meum dilectissimum. Ubi Lucem viderit, unâ cum Scylacæ & Velleio Paterculo, filiorum tuorum, mecum etiam exemplar communices, etiam atque etiam rogo. De obitu filia tuæ dulcissimæ, vel potius de funesto illo, quo periit, casu, posteaquam mihi renunciatum est, sanè quàm pro eo ac debui, graviter molestèque tuli; sed patienter ferendum est quod mutari non potest, & imprimis divinæ voluntati acquiescendum. Ego huic rei diutius immorari nolo, ne refricem dolorem tuum, & domesticum vulnus, sat inopinatum. Pauca hæc volante calamo exaranda duxi, ne *ἀνυπόστατον* planè ad vos veniret Collega noster suavissimus D. Lauremburgius. Amicissimam salutem ascribo uxori tuæ, & filiis.

Soræ, ad diem  
xxiv. Maii. sty-  
lo vet. 1638.

Tui observantissimus,

Steph. Johan. Stephanius.

# CCLXIX.

Viro Maximo, Gerhardo Joanni Voffio, Johannes Fredericus Gronovius salutem & observantiam.

Post longum silentium, alloqui statui te, Vir clarissime, non quasi de observantia mea, sine isto officii genere, minus certum te arbitrarer: sed quia post aliquot dierum nimiam contentionem, ociari hodie, & salutare amicos constitueram. Scelus esset me ex consuetudine tua silendi, de sanctissimo verissimoque amore tuo erga me malè suspicari: cujus ea

habeo, sensique *παινήσων*, ut five studia mea, five vitæ rationes inspiciam, tantum tibi acceptum feram, quanto nunquam paria tecum, aut cum tuis facere quivero. Nec de meo in te animo ambigere te posse puto, quin ingratissimum bipedum me esse existimes, quod in tam probos mores, tam simplex, & venerandum senium non cadit. De meis nunc studiis pauca: quæ quidem tota in civili jure occupantur, quando hoc urgebant cognati, & hanc mihi unicam anchoram restare providebam. Itaque libris tuis rarò, nec nisi ex intervallo utor: nec enim unquam adeo in istud mare immergar, ut dulcium ante omnia Musarum, quas tanta ambitione procatus sum obliviscar. Epistolarum Casauboni opus ipsum absolutum est; in appendice nunc hæremus, cui si per me staret, non per moras Typographi, jamdudum Colophonem addidissemus: cupio enim nimis molestissimo labore levare, quum immenso temporis dispendio, fructu præ lectoribus quibuscumque exiguo, gloria ut in alieno opere nulla, hætenus exantlavimus. Ad Meursium *ὡς ἔδωκεν*, scripseram rogaveramque, ut à Casaubono ad se scriptas nobiscum communicaret. Eæ literæ missæ ad Cracovium Agentem Ordinum, integrum annum in Daniâ peregrinata, vix tandem ad destinatas manus pervenerunt. Interea cum tua comitate, Epistolas illas summi viri accepissemus, ante duos fere menses respondit Meursius, easdemque in fasciculum collectas, una misit. Egi igitur gratias illi, ut exemplar diatribæ Elzevirius, uti poterat, curandum Soram dedi. Sed quoniam horum quoque fides suspecta sit mihi (certè cum Brema ad Salmasium scripisssem, usus officio Bibliopola, qui meas ad illos miserat, responsum detinuerunt semestrem integrum, & detinuissent diutius, aut perdidissent, nisi ipse in has oras profectus poposcissem) has scripsi, & alia via, si potest, per Blauwium velim quamprimum mitti; idque ut per filiorum aliquem mihi effectum dares, rogare ausus sum. Reverendus Rivetus sub incude habet Apologiam pro beata Virgine, in duas tributam partes: quarum prior historiam, quatenus vera sciri potest, & commentitiam de vita ejus persequitur. Posterior de cultu ejus ager. Heilerschichtus Burræ est cum Domina Principe, & illustrissimo Discipulo suo. Uxorem tuam, sanctissimam Matronam, & liberos omnes saluto officiosissime. Ad Isaacum scribam propediem. Est enim penes me Justinus, quem ille Peiraredo Comitem dederat;

A a

cuni

cum fecnore conjecturarum ejus. Vale,  
Vir *Zicupidatus*, & me ama.

Haga, ad diem, Prid.  
Calend. Sextil. Anno  
clō 10 c xxxviii.

## CCLXX.

Clarissimo Viro Gerhardo Johanni Vossio S. P.

Vir Clarissime,

**C**urtium ad te mitto, & in eum meas notas, de quibus ut ingenuè fatear, judicium Poetæ in partes vocare liceat:

*Sunt bona, sunt quaedam mediocria, sunt mala plura,*

*Qui legis hinc, aliter non fit, amice, liber.*

In re ardua, etiam citra operis effectum, honestus conatus, bonis haut improbari solet. Si Deus vitam & vires dederit, quod nunc minus limatum, ut iterata editio, (modo eam sperare liceat) ac dies posterior, prioris magister faciat, operam dabo. Libelli quidem mei indignè ab homine, cætarum rerum omnium, nisi lucri incurioso habiti sunt, ita ut pudeat me editionis. Omnia scitent mendis. Et aliquem ex malignitate inseruisse credidissem, nisi hominis (Jacobum Marci à me significari scis) supinam negligentiam perspectam haberem. Altera editio *viv. 317.* emendatior & acutior prodibit. Ut autem summæ tuæ eruditioni semper asurgo, ita tuum de notis meis in Curtium expecto judicium, cui lubens acquiescam. Ut aliquid in Curtium commentarer, post alios, Superiorum jussa, & hujus loci juvenum desiderium urserunt; quorum etiam captui, non eruditis hæc scripsi. Quid tuæ Musæ, jam nobis parent, unice scire aveo. Si me responso dignaberis, harum lator Daniel Jonæ juvenis eruditus, ex fide curabit. Vale, virorum eruditissime, & me amare perge.

Upsalæ, a. d.  
xvii. Augusti,  
clō 10 c xxxviii.

*Tibi addictus,*

Johannes Loccenius.

## CCLXXI.

Admodum Reverendo Viro Gerhardo Vossio Ecclesiæ Cantuariensis Canonico, & Chronologiæ in Amstelred. Gymnasio Professori.

Clarissime Vir,

**N**on opinor excidisse tibi preces meas, quas pro amico meo, viro spectabili & summè erudito, nuper interposui, de Literis, ad Grotium incomparabilem, amicū tuum, tuo nomine perferendis. Arbitratur ille hac ratione, viam sibi muniri posse, ad amicitiam summi viri, qui præter mortales cæteros plurimum tibi desert. Nisi scirem memoriam tuam bene faciendi tenacissimam esse, plura conjungerem ad impetrandum ab humanitate tua hoc officium. Nam & de doctrina, & cæteris virtutibus familiaris mei, differerem aliqua, & quam nos ambos, tibi devincturus sis, ostenderem. Sed sufficit tui te promissi admonere, quod nicles evanescere; quandoquidem deferere mores tuos non potes. Multum augebis beneficium tuum, Vir maxime, si id sine mora præstiteris. Cum enim itineris ratio ipsum festinare jubeat, omnia quæ tardare illud possunt noxia erunt. Felicissimè vale, Vir incomparabilis, & meæ confidentiæ ignosce.

Ultrajecti 29.  
Augusti, 1638.

*Tuus omni studio,*

Vincentius Fabricius.

## CCLXXII.

Venerandissime Vir,

**S**i negligentiam officii mei excusare apud te coepero, vereor ne rationes meæ omnes quæ te ab his illiceratissimis hætenus liberarunt, unica illa ratione maximorum tuorum erga me meritorum vincantur. Quamquam enim fatear me pepercisse summis occupationibus, quibus dies noctesque jugiter obrueris; æquissimo dolori, cui ob amissam incomparabilem filiam parentis affectu indulges: non tamen debuissim te mea gratitudine, infinita hac cunctatione fraudare. Interea id tibi interposita fide spondere possum affectum, gratamque memoriam quam  
style



ſtylo aut non expreſſi aut uſquequaque non potui, animo verbiſque hætenus fuiſſe proſecutum, atque impoſterum novis incrementis aucturum. Humaniffima enim tua, triennii quaſi, converſatio, liberri- mus ad tua omnia acceſſus, & quod ma- xime veneror, diligens eruditiffimæ in- formatio, omnes gratitudinis ſpecies me excogitare experiri jubet. Ut ſi ego grata mentis tantum teſtimonium dare poſſem, quantum tu ſummi affectus, Apollineo tuo iudicio, quo me ut audio coram aliis ornas: Prædicarem me felicem quod condignas gratias referre ſcirem, quemadmodum te digniſſimum qui ita multorum gratias me- reare. Vulnus, clariſſime Vir, quod tibi filia lætiſſimæ mors inſiſxit, & quidem variis nominibus nimis grave, hac episto- la non refricarem, niſi & deſunctæ magnæ virtutes & tuus amor à me quoque teſtem aliquem doloris exigerent. Nam quemad- modum ipſa propter tot in ea virtutes, qui- bus omnibus notabilis atque exemplar erat, merito à me laudari debet: ita tu privato nomine proſecto mereris ut acerbiffimum hunc caſum tanquam immaturum in ſinu tuo deſeam. Sed quid ego tam glorioſam memoriam exili hac charta, quæ dignas laudes non capit, proſequar; cui ſi par eſſem maximum æternitatis monumentum vellem erigere? quid te in memoriam gra- viſſimi luctus reducam, cui præſtaret ut ſo- latio adhiberem & tanto dolori paria? Re- verentia mea erga mortuam hanc recor- dationem ejus expreſſit. Sublimis tuus ani- mus tam ſapientiæ præceptis quam altero domeſtico caſu antea inſtructus mea ſo- latio tanquam minora ſupprimat. Quineti- am domi præter tot egregios filios filiam ſolatio habes, ex qua id adhuc ſperare po- tes quod graviſſimus caſus, humanus tamen tibi in altera præripuit, cui quoque ego opto, ut ſorori virtutibus par, fato felicior ſit. Porro quæ hucusque tuis tanquam me- is exolvi, ea nunc verè meis dabo, quo ſi calculo tuo facta mea probaveris, perſua- deam mihi nihil me egiſſe aut deinceps acturum cui non ſua ratio conſtet. Vitam quam per annum quietam in patria vixi placuit tandem hac peregrinatione muta- re, ut & ſtudia hæc velut cote acuantur, & ætas his laboribus ad majores præparetur. Poſt Angliam ubi jam trieſtre tranſegi propediem Gallias inviſam, & illis tuum Grotium; tuum malo dicere, quanquam & patriæ meæ ſit, quia mihi de ejus bene- volentia veſtræ amicitia nomine promit- tam. Potes etiam tu data occasione tua commendatione eandem pro me parare:

ſi modo hac mea petitione tantum à te qui plura quoque ſoles amicis indulgere, poſſum impetrare. Ex Gallis dein quem locum meæ peregrinationi ulterius deſti- nem certius cognosces, cum nihil tam fla- granter cupiam quam habere te & con- ſcium & rectorem eorum quæ à me lauda- biliter ſuſcipiantur. Poſtremum, Vir cla- riſſime, tu ne deſinas eadem conſtantia qua ego te venerari, tuo viciffim affectu me complecti, ne aut ego hoc deſideratiſ- ſimo paratoque amoris præmio fruſtrer, aut tu videaris meum cultum non putare tanti. Vale.

Tuus, tuique

Lond. xx. Dec.  
c10 DC XXXVIII.

obſervantiſſimus,

Laurentius Skytte.

## CCLXXIII.

Affectus in te meus ex Arte Historica tua genitus, primævos emiſit vagitus in Patria; nutritus eſt Romæ ex opere iti- dem tuo de Historicis Græcis; grandior demum factus eſt in Hiſpania ex altero quod in lucem dedisti de Historicis Latinis. Tandem nunc properat in ſinum tuum, evolaretque antea, ut hoc qualecunque obſequii, & venerationis ſpecimen præbe- ret affiduis laboribus tuis, floridiori Doctrina, & eruditione multijuga referret. Sed vacuis manibus non eſt auſus properare. At quamvis propria ad hoc temporis non poſſit afferre, aliena tibi tamen dare non reformidat: à præſationibus, quas ad Le- ctōres ſumma humanitate, & modeſtia tua in veſtibulo operis ejuſdem de Historicis Latinis præfixiſti, invitatus. Mitto tibi igitur quatuor antiquos Chronologos, ſcilicet Herempertum Longobardum, Lupum Pro- teſpatham, Anonymum Caſſinenſem, & Falconem Beneventanum ab Antonio Car- racciolo Clerico Regulari Viro Ill. & om- nibus numeris abſoluto in lucem emiſſos: & Epitomen orientalis & occidentalis Bi- bliothecæ, hoc eſt, Elenchum Scriptorum ferè omnium, qui de novo Orbe historicè ſcripſerunt uſque ad annum M DC XXIX. Hiſpano Idiomate pro tempore conſarci- natum ab Antonio de Leon excellentis in- genii Viro, & in rerum Indicarum notitia, eruditione magna ornato: quam plane præſtat in multis quidem operibus, quæ ſi lucem aſpicient, argumentorum, materi- arumque novitate, ac excellentia, omni- bus

bus certe probabuntur, auctoritateq; apud omnes valebunt; ac ætatem nostram ornabunt profecto, Indicasque regiones, & res oculis omnium aperient. Sed ejus potissimum doctrina, & multijuga Lectio in Bibliotheca & de Scriptoribus Indiarum elucet; quæ adhuc inedita, ducenta & amplius folia complectitur. In ea enim quid egregie scriptum docet, quid falsè rejicit, quid apocryphe monet, & omnia demum in sani judicii sui tutrina expendit. Quod pariter egregie quidem, & peracurate agit singulari ingenii acrimonia, Ibericorum Literatorum decus, & Amicorum suorum delictum V. C. Thomas Tomagus de Vargas Toletanus Historiographus Regius Castellæ, & Indiarum primarius in MS. Catalogo propediem edendo, quem de Scriptoribus Hispanis materno idiomate exaravit.

Chronologi igitur prædicti, & qui in præcitata Epitome orientalis, & occidentalis Bibliothecæ (quique modo sint) recensentur, tui exercitus Latinorum Historicorum signa augere poterunt. Augebunt & ducenti ferè Historici Latini, & Græci aliqui, à me inter legendum observati, quos in schedas relatos habeo; tibi; eos polliceor, & dabo si Appendicem novam, vel secundam cogitas editionem. Quamq; multi, & major ferè eorum pars cum vestibus aliis, quàm propriis nominibus inducti, imò & omni alio prorsus, siue ornatu, siue notitia, etiam temporis in quo peculiariter florere, destituti. Ita enim extra proprium solum, imò in extraneo, jam Latinam Linguam non minus quam omnem aliam, quæ materna non sit minus amante, nudi, & vagantes sunt à me deprehenfi. Patriam, si post septennem peregrinationem quam ago cum Illustriss. & Reverendiss. D. D. Laurentio Campesio Senogallienfè Episcopo, & Comite Sereniss. D. N. Domini Urbani Papæ VIII, & Sanctæ sedis Apostolicæ in his Hispaniarum Regnis cum potestate Legati de Latere Nuncio, cui à secretis famulantes undevigesimum jam annum calcamus, incolumiter nobis repetere D. O. M. concedet; fortunâ si non comptos, ac perornatos, saltem non adeo nudos eos tibi proferam, nec desperandum, comites alios sibi adscituros. Utinam & majores symbolas vigiliis tuis conferre valerem, non renuerem quidem; sed me summa hilaritate id facturum compertum habere potes. Is est amor in te meus; inque maxime proficuos labores tuos de Republica Literaria, sed summo loco de Historica bene merentes,

cui faciem addidisti diligentia, & eruditione tua, imò oculos efformasti. Utinam cetera opera tua, scilicet, Partitiones & Institutiones Oratorias; de Rhetoricis Græcis, itémque de Latinis, de Historicis antiquis; de Anonymis Vitarum Scriptoribus; & res gestas omnis ævi abs te digestas mihi videre contigisset; in omnibus summam doctrinam tuam contemplari mihi licuisset; & fortè symbolulas aliquas conferre non desperassem; id profecto minimè præteribo, si ullo unquam tempore ad manus meas devenient.

Vitam & miracula Sancti Demetrii Martyris Thessalonicensis Græciæ Procos. ego scripturus, ut habebis ex adjuncto folio typis dato, undeque monumenta ad opus conquiro. Inter ceteros autores, qui hucusque mihi in manus inciderunt, unus Demetrius est Chrysoloras, Thessalonicensis, ut conjicio ex Panegyrico ab eodem scripto, in magnum hunc Martyrem, ejusque unguentum. Sed quo tempore floruerit, quod summopere noscere cupio, me latet adhuc. Septem alios reliquit Panegyricos, siue Homilias, ut ex codicibus Vaticano, & Regio in Bibliotheca Monasterii S. Laurentii in Escoriali apparet; suntque de Transfiguratione D. N. Jesu, &c. De sancto ejus sepulchro; in sanctam Resurrectionem; in Annunciationem Deiparæ, & semper V. Mariæ; in Dormitionem ejus; de Domini nostri nativitate; & gratiarum actio ad sanctissimam Deiparam. In Regio autem codice additur alius sub nomine ipsius ad Pulicem, quem exscribendum curavi. Addo insuper Indicem Manuscriptorum Græcorum & Latinorum de Sancto prædicto apud me, vel re ipsa, vel notitia tenuis existentium; teque perenixe rogo, ut si quid de Demetrio Chrysolora præfato innotuerit, & ubi ceteri qui desunt Autores reperiri possent; & an fortè aliquis istic in Græcis codicibus Bibliothecæ Theodori Doula, quos secum è Græciâ advexit Georgius frater ejus latet, mihi indicare ne graveris. Officia enim quæcumq; tua in his, summi beneficii loco adscribam. Spero equidem, ac consequar, ut te de me optime meritum esse jure læteris, officiaq; tua in hominem nullo non tempore memorem, gratiaque referendæ studiosum sentias.

Sanctæ Syncreticæ vitam quam Divus Athanasius Episcopus Alexandrinus scripsit, & Baronius in suis Annotationibus ad Martyrologium Romanum sub die v. Januarii, deperditum non sine gravi totius orbis Christiani jactura deplorabat, in renas-



bris jacentem à blattis & tineis subtraxi, ac describendum curavi è Græco Codice Regio, adeo perverſto, ut jure credatur annis mille ſenior, & forte ætatis ipſuſmet Autoris. Dignum Athanaſio opus, & verè genuinum ejus, ut tu in Græcis eruditiffimus ſpero cognosces. Et typus vitæ aſceticæ, & norma ad perfectionis viam. Delituit hucusque ſub nomine vitæ Sanctæ Theclæ. Titulus enim operis ejusdem corruptus erat, & in limine ejus, & in Indice Bibliothecæ Regiæ prædictæ, quæm Guiljelmus Lindanus eques Ruremondensis legerat, & tali pacto de eo notitiam attulerat Baranſio, qui poſtea ex iis in Annotationibus ſuis ad Martyrologium Romanum ſub die xxiii. Septembris aſſeruit Divum Athanaſium S. Theclæ vitam ſcripſiſſe, ut ad eandem vitam Sanctæ Syncreticæ fuſius demonſtro in Prolegomenis meis, quibus, & notis eam exorno, & propediem publici juris faciam. Folia communia quatuordecim Græcus textus complectitur, totidem Latino factus à Davide Colvillo Sooto, omnia denique erunt quadraginta plus minus. Onus eam excudendi ſi Typographus aliquis in ſe ſuſcipere vellet, libenter illi traderem, ſi pecuniz aliquæ ſummam, & exemplarium certum numerum inter amicos dividendum conferat; quam tamen pecuniam non accipiam, ſed tot libros quot eorum pretium conventæ ſummam implebit. De his ſi cum Typographo amico, ſive Lugduni Batavorum, ſive Amſtelodami, ſive alibi tractari poſſet, & ſcire quicquid in hoc certo ſtabilireliceret, me tibi devinctiſſimum ſaſſurum pro comperto habeas. Iis enim intellectis quid expediet conſtituam. Fortè B. Antonii quoque vitam dabo, eodem Divo Athanaſio Autore, & priſtino genuinoque; nitori, ac ſplendori reſtitutum; unde nonnulla ei erepta & fraudata liquido conſtabit ex collatione ejusdem vitæ, quam David Hoefſcheliuſ è Codice Boico edidit anno M DC XI; cum quatuor antiquiſſimis exemplaribus Bibliothecæ Regiæ Monafterii prædicti, quorum unus non ſolum ætatis illius, ſed peculiari ipſuſmet Athanaſii ſcriptione, vel ſaltem ejus Amanuſenſis exaratus, ut pie memoriæ Antonius Mauritiuſ Monachus Hieronimyſianuſ, eruditus, & cordatiſſimuſ vir, æreſſiſſimo neceſſitudinis vinculo mihi conjunctuſ, eidem Regiæ Bibliothecæ Præfectuſ, ac Monafterii prior, ex clariſſim. ſpectatiſſimorumque virorum in iis autoritate, optinabatur. Modestiæ enim ſummæ B. Athanaſii tribuimur, autoris nomen in inſcriptione deſiderari, cujuſ in aliis tribus

honorificentiffimo ſanctitatis titulo mentio habetur. Sed quia legi lib. 4. c. xiii. de Hiſtoricis Græcis, te in dubium revocare opus hoc genuinum eſſe B. Athanaſii, ego (humanitate tua fretuſ, quod perenixe abſte flagito) deſperare non audeo te probaturum mihi a parte, quibus ſententia tua nitatur rationibus; ut ſi quando vita hæc per me edatur, ut dixi, eas producere poſſim, dum neceſſario mihi de his aliqua libanda erunt. Interim te etiam atque etiam oro, ut neminem atque me habere credas, vel firmioris in te animi, vel præclarioris in te benevolentie; quæ etiam ad præſtantis ingenii adoleſcentem D. Mattheum, catolique filioſ tuos jam nunc prolatare incipit; eamque quibuſcunque potero officiis, ac ſtudiis illis ſemper probabo, & quia virtutibus illoſ perornatoſ audio, & quia tuos. Ratio enim hæc tantummodo ad illoſ per diligendoſ me ſemper alliceret; facietque, qui ab omnibus in oculis ferantur. Ea ornamentorum eſt præſtantis animi tui yis; ea laborum, ac vigiliarum tuarum apud philaretoſ autoritaſ. Salvare igitur ipſoſ meo nomine jube, & cura, ut perpetuo eorum unicuique, ut tibiſmetipſi, me addiſſimuſ credant. D. O. M. tibi cum renati anni principio perennes, felicitateſ auſpicari, & ea poſſidenda, ac tenenda concedat; quæ tuo, familiæ tuæ, publicæ rei literariæ, & amicorum tuorum commodo, ornamento, & jucunditati, vitam tuam adeo incolumem, longevam, ac in utroque homine beatam efficiat, ut nulla magis. Ita optat, ita vovet intimo cordis affectu ex merito, & Juſticia.

Mantue Carpe-  
tanorum, v. Id.  
Jan. MDCXXXIX.

Servus tuuſ ſtudioſiſſimuſ,

Laurentiuſ Cocciuſ.

#### CCLXXIV.

Eximio Viro Gerhardo Joanni Voſſio,  
Hiſtoriarum Profeſſori digniſſimo.

Vir Incomparabiliſ,

Poematum meorum exemplar ad te mitto; ineptiſſimuſ libelluſ, & qui de authoriſ infelicitate prolixè teſtatur. Agnoſceſ te, cum de rebus omnibus incorruptè, & divinum in modum, judicare ſoleaſ, de me ſaltem parum accurataſ habere ſententiaſ dixiſſe. Quæ enim ipſe tecum ſentire, aliſque magnificè de meiſ ſtudiſ

studiis promittere consuevisti, in hoc opusculo planè nulla apparent. Nunquam ineptè æstimare ingenia soles; utique, in me uno falsus es. Itaque opinor jam nolle, perfectam editionem, cujus me prope modum suppedere cœpit; & jam te laboris sumpti, dum hæcenus, maximo studio editionem promoveo, quemadmodum me consilii pœnitet. Sed memineris ad hebetudinem ingenii mei, accessisse, fortunæ vitæque varietatem. Quæ me tot annos hinc inde jactatum, & alia omnia diu potius conantem, si qui essent, ardoris poetici igniculos bona fide colligere vetuit. Diversis enim agitationibus dispersi, antequam solida aliqua flamma fieret, evanuerunt. Atque hoc quoque narratis amicis tuis, ut non tam in judicando deceptum, quam tantam meam calamitatem prospicere non potuisse sentiant. Animadverto quoque præterea, quam propè absim à peccato, qui aliqua opusculi parte, clarissimo nomini tuo inscripta, quasi vili quadam commissione, obsolescere te audio. Sed vulnerata jam causa, non alibi præsentius remedium, quam in incomparabili tua æquanimitate invenero. Vale, Vir maxime, & summam tuam benevolentiam mihi perpetuam esse patere.

Ultraj. x Kal.

Januar. Anni

clo lxxix.

Quem tibi &

clarissimæ familiæ tuæ, feliciter evenire opto, voveoque.

Tui obsequensissimus,

Vincentius Fabricius.

CCLXXV.

Virò maximo Gerhardo Johan. Vossio,  
Johannes Freder. Gronovius S.P.D.

**E**N tibi, Vir venerande, observationes nostras, hoc est, vitrea fracta, & somniorum interpretamenta. Quarum etsi ea est indoles, ut exerserit potius domo tua, & tot oculos, auresque eruditas subterfugerent: tamen quia id posse desperant, veniunt ultro, & plausum suum, sive benignus is sit, sive Eumolpianus, & solitus aspiciantur. Addè quod bona pars muneris tui est, & luculentissimæ Bibliothecæ debetur: absque qua fuisset, nunquam ad eas, Kal. ñap, adspirassemus. Si beneficium optimè intelligit, qui dedit, te ergo nemo venior arbiter, utrum nos prudenter an secus, eo sumus usi. Sane majore ingenio,

doctrinæque, ac ego homines, quales vel adolescentes tui, majora erueri potuissent. Neque tamen spernenda omnino sunt levæ, & aliquam laudem nanciscitur, qui ea colligit, etiam ideo, quod illi se dignis intenti hæc lubentius prætereunt, certè non subtiliter consèctantur. Vidisti olim aliquas; sed accessit nunc nova vestis, & descriptio tota immutata est; multa quoque superflua recisa: brevitati quippe in proponendis singulis studuimus, ut gratiam quæ ipsis deerat, ubertate, & copia mererentur. At non potuit abhiberi omnibus, ea meditationis, ut sic dicam, coctura, & maturitas, quam in nonnullis pro captu, & modulo nostro apparere putamus, cum præsertim liber tertius inopinanti, dum operæ exercentur, seligendus, & dirigendus fuerit. Hos morbos vitæque, ex edito Ediliū palam recte apud te pronuntio: ut siquidem indignum censeatur munus hoc quod offerretur tibi, sine fraude tamen ac simpliciter egisse videamur; si placuerit, id bonitati magis tuæ, quam ipsius merito acceptum feramus. Vale, ac salve, Vir maxime, cum gravissima Matrona, uxore tua, liberisque, & me amare perge.

Dabam Hagæ, a. d. xiii. Kal.

Feb. clo lxxix.

CCLXXVI.

Salutem in Christo.

Vir eximie,

**B**Inas à te accepi Literas. Diu hæserunt apud me quasi mutum & nihil respondentem. Harum priores ad me datæ sunt pridie Kalend. Octob. 1637. Posteriores vero 12. Kalend. Augusti, 1638. Puderet me certe tanti silentii tali amico, nisi satis tibi nimium mihi nota essent intestina pericula (pene jam bella) quibus laboramus. Causa horum malorum è scandalo accepto, sed non dato, prorupit, sed cum gravi scandalo dato Religioni reformatæ, quæ apud multos Scotorum (in tenebris illiteratorum illiberaliter versantes) didicit contra Regem suum arma sumere & assumpta defendere. Spero meliora, sed vix habeo quod promittam.

Nolo particularia Literarum vestrarum examinare, non solum quia non datur otium, sed quia negotia cum tempore ut plurimum aut variantur aut finiantur. Præcipue



cipue possit tam longa intervalla, quibus necessitate pene cogente prorsus filui. Spero tamen uxorem tuam, è longo illo quem meministi morbo liberatam.

Quod verò nunc me impellit te Vir literatissime & otia tua si quæ habes interpellare hoc est: Voluit Rex serenissimus (i. e. apud me iussit) ut scripta quædam mea non tamen sub nomine meo tunc edita contra Fisherum Jesuitam iterum prelo & sub nomine proprio committerem. Interim scripsit contra illa mea Jesuita A. C. Fisherus ipse, an alius nescio. Multa impediunt quo minus illi possem responderè; præcipue verò multiplicitas negotiorum quibus quotide fatigatus & qualibet fere horulâ avocatus fui, me penitus ineptum reddidit huic operi. Sed institit Rex serenissimus; ego obtempero; & sine læsione octavi præcepti temporis quædam fragmenta furatus sum, & lucubrationes meas quales quales sint perfecti, & in lucem edidi. Noli te hoc ignorare, & libellum tibi misissem nisi quod Anglico idiomate conscriptum tibi prorsus inutilem fore putarem. Sed audio ita quibusdam hic placuisse, ut in te suscipiant è malo Anglico bonum Latinum facere, saltem quod ad Phrasin attinet. Nam aliter quid poterit à me jam senex & per annos totos duodecim ad minimum à libris literisque avulsus expectari. Quamprimum liber iste meus utcumque imperfectus Latine loqui didicerit, tibi exemplar mittam, & acerrimo iudicii tui acumini subdam, libentius à te amico auditurus in quibus erravi, quam ab inimicis apud quos utriusque factionis scio decretum esse non parere. Vivas, valeasque, & me, ut soles, ames, & contra malevolos Orationibus tuis quoties coram Altari Dei & Christi nostri sis devolutus, tutum præstes

*Dat. ex Aedib.  
Lambethan. pri-  
die Calen. Mart.  
1639.*

*Tibi tuusq; amicissimus,*

W. Cant.

# OCLXXVII

*Excellentissimo Viro Ger. Jo. Vossio,  
Stephanus Joh. Stephanus S. P. D.*

**Q**UOD binis jam literis tuis nihil planè responsi loco reposuerim, veniam à te magis exposcere, quam excusationem aliquant, intermissò officio prætexere pa-

ratus sum. Imprimis tibi, maxime Viro- rum, uberrimas debeo gratias, de singula- ri diligentia tua, quam in Saxone meo ist- hic edendo hætenus adhibuisse, te postre- mis tuis significasti. Demirari satis nequeo, quo facto fiat, quod florentissimus hic scri- ptor, Typographorum vestratum favorem, quem tantopere ambit, nondum exorare potuerit: præsertim tua commendatione accedente, quæ nihil non persuadere ipsi meritò debuisset. Hac itaque spe fallus, ac fraudatus, consilium cepi, vel te ipso suatore, & Authore, Magnates hujus regni subinde sollicitare, ut honestum propo- situm meum, sua munificentia juvent, ac provehant. Quæ res etiam moram nonnul- lam injicit expectationi, Doctorum viro- rum, quorum in animis spem satis amplam, de meis in tantum Historicum notis, ac observationibus, jamdudum concitavi; pro- derit tamen, plurimumque momenti ad- fert, ad atigenda, & accuratius expenden- da, conjectanea nostra, quæ nondum ulti- mam receperunt manum. Florilegio meo Fabiano quid contigerit, edoceas me ve- llim. Si & hac in parte, operam suam mihi denegaverint Typographi, fac ad me re- deat, primâ quaque occasione. Meæ post- hæc lucubrationes, quas non paucas affe- ctas habeo, longum, imò ultimum vale, Belgio vestro, se dicturas cum indigna- tione minantur. Opus tuum de Gentium Theologia, & Christianorum Physiologia, prorsus absolutum jam esse, ut nullus du- bito, ita exemplum ejus avidè desidero. Tuum est me voti dammare, fidemque tu- am apud me liberare, quam antehac non semel ultro dedisti. Cl. D. Meursius noster, prohi dolor! ad desperationem usq; Me- dicorum decumbit. Stillecidio urinz labo- rat, quod plurimum puris admixtum ha- bet. Ulcus in vesica enatum hæriolantur. Deus Opt. Max. pristina sanitati restituat, diuque nobis, incolumem, florentemque servet optimum hunc virum, & de Re- publica literaria tam præclare meritum! In quo voto finio, teque charum caput, di- vine protectioni seriò commendatum sal- vere jubeo, atque ex animo exopto. Offi- ciosissimis te verbis ut resalutarem, roga- runt virorum par incomparabile, D. D. Christianus Matthias, & Johannes Lauren- bergius; hic famâ eruditionis, & longâ fa- miliaritate tibi notus, ille inter ornamen- ta sæculi numerandus, & recentioris tibi amicitia vinculo conjunctus. Vale, decus Belgii. De cætero, ut propensum illum affectum in me tuum, quem tot tamque luculentis indicis expertus sum, perpetu- um,

um, atque constantem conserves rogo, atque obsecro.

Soræ, a. d. v. Mart.  
clo Ioc XXXIX.

*Observantissimus tui,*

Steph. Joh. Stephanus.

### CCLXXVIII.

*Viro Celeberrimo D. GerharDO Joanni Vossio, Historiarum Professore S. P.*

*Amsterdam.*

UT feliciter cum bono Deo ad meos redii; ea, sedulo mecum ruminare cœpi, quæ & commissa accepissem, & quorum me maxime recordari deceret. Tu, Vir Clarissime, tuæ dicta, & facta, cum primis obveniebant. Nempe qui me humaniore benevolentia, te accepisset, vix meminisse quemquam poteram. Singula percensere nihil attinet. Hoc saltem profiteor, tantum tibi obstrictum me agnoscere; ut vehementer viribus meis diffidam, finitæ ullæ aliquando in me reperiendæ, quibus utcumque grati animi signum dare valeam. Si quas tamen Deus suffecerit, tibi tuisque lubens, meritoque dico. Cæterum Clariss. nostris D. D. Buxtorfio, & Lucio, salutem tuo nomine diligenter (ut par erat) nuntiavi: quorum ille jamdudum aliquas tibi destinasse se, significabat. Isti autem alteri, maxima tecum communicandi, injecta est cupiditas. Itaque à me postulavit, te ut ipsius nomine peramanter, ac officiose resalutarem. Tum quodnam tuum de Historia Ecclesiastica propositum roga rem. Narravi enim illi, quæ tecum de Centuriis Magdeburgensibus collocutus fuerim. Inter alia; tibi hucusque latuisse, eas Basileæ, operâ ipsius D. Lucii, reculas, ac tribus Tomis distinctas produisse. Tibi item animi fuisse, tuis cum notis easdem emittere; postea eam curam certis de causis deposuisse. Porro, tibi etiam indicasse; ipsum D. Lucium, reliquas Centurias addere constituisse; meque ad hoc, quæ ex Antonini tertia parte haberi potuerint, excerpta illi tradidisse. Hortatus itaque me est, ut de hoc ipsius instituto denuo ad te scriberem; ac quodnam esset tuum ea de re consilium expeterem. Nam seculum illud decimum quartum, in quo desiere Centuriatores, adeo jejenum à nobis deprehensum est, ut post Occam, vix secundum inveniamus, ex quo, quæ Ecclesiasticam doctrinam concernunt excerpamus. Novimus Wiclefi

esse ea tempora: verum cum ne in ipsa quidem Angliâ, quidquam nuper de illo, five indagare, five corrolare quiverim; quid deinceps speremus incertum est. Relatum fuit tibi terrarum, à præclaræ eruditionis Theologo; Anglum aliquem, qui hodieque in vivis, universam Wiclefi historiam conscripisse, sed vernaculâ, neque tamen illum hætenus, abs Typographis, editionem impetrare potuisse. Quod si Clariss. Vir, tuas aliquas notas, in dictas illas Centurias, aut concinnatas habeas, aut concinnare velles; equidem non solum rem præstares omnibus historiæ Ecclesiasticæ studiosis gratissimam; quippe, qui norunt, quantum tibi, tum in Theologia, tum Historiâ, universa Respublica Christiana, ac literaria, tuo merito deferat: sed & si illasdem ad nos permittere tibi videretur, omnino daturi essemus operam, ut Appendicis in modum, fideliter præcedentibus tomis annecterentur. Præter ista, percipere etiam ex te optârim: ubi, & quando, & quo ordine, in lucem prodierint, Excellentiss. D. Salmasii, de Ecclesiis Suburbicariis libri? Nam ab eo tempore, quo mihi Heroem illum, ejusque scripta tantopere commendasti; sedulo investigare utrumque, sæpe. Alterum processit. Nam Lugduni Batavorum, alloquium, aut potius colloquium, ad unam atque alteram horam, summa ejus humanitas mihi indulgit. Inde desiderium operum ipsius multo intensius me incessit. Lugduni frustratus aliis, quam quæ ibidem impressa essent, (ut Lib. de usuris) pro cæteris, Luterianum sum remissus, ubi primitus procusa fuissent. Eo postquam venissem, De Ecclesiis Suburbicariis, præter Eucharistici ad Sirmondum, nil aut exhibere, aut indicare poterant. In hoc Eucharistico; deprehendo mentionem Epistolæ, ad amicum, Censuræ, & aliorum, quorum nunc memoriam non recordor: libro autem ad amicum amisso, revidere nequeo. Itaque nisi suggeras editionis cujusque locum, & Typographum; ubi inquiram? Invitus posthac carebo istis. Nostris omnino omnibus, & Bibliopolis, & aliis magnum Salmasii nomen inauditum: nisi uni, qui recenter Lugduno vestro rediit. Tandem obnixè rogo, Clariss. D. Barlæum, vicinum tuum, haud gravatim meo nomine plurima salute impertias: ejus præsepe Christi, abs te mihi indigitatum, tandem Hagæ Com. inveni. Magis nunc cupio, & alia ejusdem inspicere opera. Illud præfertim, quod deprædicas Grammaticæ tuæ, lib. I. cap. 3. fine. Nescio tamen, Typisne descri-



descriptus, & publicatus, huc usque fuerit. Saluto familiam tuam dilectissimam, ac nominatim in eâ, D. D. Matthæum, & Gerhardum, (si probè recordor nomen) filios tuos; quibus mea officia promptissima offero. Si tamen quid reliquum habeam, quod tibi, tuisque offeram, ac non verius debeam; sum enim, maneoque,

*Basil. nonis Mar. Tibi, Vir celeberrime,  
elo. 15c xxxix,*

*tuisque cultu, ac officio,*

*additissimus,*

Joan. Rodolphus Wettstein. B.

CCLXXIX.

*Viro Clarissimo Gerharδο Joanni Vossio, in Academia Lugduno-Batava Professore dignissimo S. P.*

**J**AM vit es, mi optime Clarissimeque Vossii, qui rogatus à me, ut ad illustrationem Idoli Vandalorum, quod illis eripiti vestige, Trigla dictum, locum mihi & verba Eustachii, qui ad manus non est, suggereres, quod si Dianam etiam Triglam nuncupatam, ut volunt, asseruerit; tu non modò Eustachium, sed & plures adducis, qui Dianam Tricipitem describunt. Quibus, (ut sunt hæc litera nostre humaniores dico, inexhaustas propendunt, ut eruditionis, ita & disquisitionis) addi, & alii idem dicentes possunt, & inter Græcos Aristophanes, & Lucianus, & præter etiam hos, Burdigalensis Ausonius, qui in Ternario suo, versum Maronis sic expressit.

*Tergemina est Hecate, tria virginis ora  
Diane.*

Sed quod erat præcipuè in questione, Triglam etiam Dianam appellatam non dicunt. Et ut redeam ad Eustachium, ejusque verba que adducis, nec ille his Triglam Dianam nuncupatam ait, sed sacrum fuisse Diane Triglam plicem, qui Latinis Mullus appellatur. Cur autem illi sacer fuit? An ut vult Charilides à te laudatus, quia Trigla, sive Mullus Hecate delectabatur? Et iterum quid delectabatur? An quia apud inferos, quod Brasimus ha-

bet, Hecate cœna vilibus piscibus, ut erant Menides, Triglaque, perficiebatur? At Erasine doctissime, Triglanè sive Mullus, adeo tibi vilis, qui, teste, apud Macrobiū nostrum, Sammonico, septem millibus nummū Romæ divendebatur? Quod autem Athenis locus fuerit, Trigla dictus, & inibi Hecate simulacrum, cum inscriptione *Hecate Triglabene*, hic an *Hecate Mullo Minerva*; an ut legisse videtur Erasmus, *Hecate Triglatina* reddendum, ecquis docebit? Jam quas adducis notationes, & quod simile aliquid sonet, Trigla cum *Tewdry* & *Trigone*, quis illa ut vera eryma probabit? Sed mitto hæc hæud fortasse magis expedienda nobis, quam Grammaticis ille, qui cum omnes solvere posset, ut refert Suetonius, questiones, unum difficile expediebat nomen. Interim clarum certumque esto, amari à me Vossium, & id ut mutuo fiat, porro semperque optare. Hæc ad egregium illud doctumque responsum tuum, super quaesito de loco Eustachii meo; sed Latènice & delectulo: nam ad Musas, Musæumque respicere, quomodo in afflictiissima hac valetudine possem?

*Harderwic, 23. Mart. 1639.*

T. Joh. Iacobs Pontanus.

CCLXXX.

*Clarissimo Viro Gerharδο Vossio Ecclesie Cantuariensis Canonico, & in Amstelredami Gymnasio Professore dignissimo.*

Vir Clarissime,

**P**opularis meus Seerclingius, quem aliquando adduxi ad te, quique Colonia quædam à me chartulas tibi attulit, eum ad vos iret; denuo per me redire in memoriam pristinae benevolentia tuae voluit. Arbitratur ille profuturum me ipsi, ad colligendam gratiam tuam; teque putat multum conferre posse, ad id negotium de quo Gronovius scripsit. Meministi fortasse, quæ aliquando tibi dixerim, de moribus, & indole conjunctissimi sodalis: pro quo procurare nullum beneficium poteris, quod non ego ad meas utilitates pertinere existimem. Exiguū hoc fortassis momentum est, apud alios, qui amicos, atque ignotos perinde

habent. Tu verò, vir iudicii pristini retinentissimus, desciscere à veteri benignitate non potes. Vale, foelicissimè cum omni familia.

Haga, vii. Kal.  
April. Anno  
elo 1633.

Devotissimus Tuus,  
Vincentius Fabricius.

## CCLXXXI.

Clarissimo Viro D. Gerhardo Joanni Vossio, Historiarum Profess. digniss.

Clarissime Domine,

SEsquiannus est ferè, cum ad exemplar Libri recens in Hispania excusi, de nescio quibus sanctorum reliquiis, aliisque antiquis monumentis, misit Laurentius Cocchus, Vir humanissimus, qui Senogallensi Episcopo, Pontificio Nuntio à secretis est; alterumque addidit Exemplar, ad D. T. destinandum; sed non prius quam literas adjungendas dedisset. Eas tandem à paucis diebus accepi, siue oblitio obrepserat, seu quæ illum avocarant curæ. Eâ nunc utor occasione, D. T. salutandi, offerendique ei obsequium meum. Notus Opinor, Dominationi tuæ, fuit Heribertus Rosweyds. Et vastum opus, de sanctorum vitis, meditatur, collegeratque jam plurima, nihil adhuc digesserat, cum eum mors, anno ætatis 60. oppressit. Ne frustra ei labor susceptus esset, adjeci ad ea, quæ congesserat, ordinanda animum. Chaos est vastum, præsertim ob mediæ ævi barbariem. Eluctor quæ possum. Sub prælo mihi jam Januarius iudat, qui duos tomos haud sanè temnes, complectetur. Lucem sæpenumero mihi doctissimus tuus, de Historicis commentarius, præbet. Audieram eum recudi, avidèque id expetebam: præsertim, quod pleraque vitas, posse se certo authori tribuere, D. T. pollicetur. Optem id profectò, & lubens quos observare auctores suggeram. Vitarum vetusta probataque exemplaria MSS. quæ dominationi tuæ sint ad manum, non vulgo trita, si indicarit, beneficium agnoscam, & lubens quo licebit, obsequio munerabor. Vale Vir Clarissime.

Amsterdam 20.  
April. 1639.

Clarissime D. T.

seruus in Christo,

Joannes Bollandus,

à Societate Jesu.

## CCLXXXII.

LIteras tuas, & adjunctum filii Isaaci Scylacem, rectè accepi, Vir amicissimè. Laudo profectum, & gratias ago. Plura ab ingenio isto, & doctrinâ, jure exspecto. Næ tu admodum beatus, cui ita in liberis quoque summus Deus benedixit. Blavii tricas, dudum expertus; & nunc animo prævidebam: adeoque nihil mihi præter expectationem hic contingit; quanquam tamen spem conceperam, fore, ut servaret fidem semel tandem, quam tamdiu fessellisset. Nunc quod restat, saltem absolutis tuis, quod futurum ad Solstitium, aut Calendas Junii, scribis, animum inducat pergere; aut, si porro etiam me ludos faciat, vide, an cum alio, quod ipse suggeris, tractare possis, de ineditis edendis, siue singulis seorsim, siue junctim universis. Habeo etiam inter alia Antiquitatum Laconicarum libros quatuor, & de Regibus Lacædamoniorum, à primo usque L. librum singularem. Forte alter Jansonius, sicut opus de Atheniensium Regibus pridem excudit, neque ista detrectabit. Explorare viri animum per occasionem poteris, ac me certiore facere. Blavio verò, illud ut denunties velim, ni deinceps graviter in excudendis meis pergat, me injuriam ulturum esse; & Moltkenio Historiam Danicam recudendam traditurum, cum Auctario rerum Friderici Primi interregni atque Christiani III. tum & curaturum ei privilegium, quo in Regnum hoc importari Blavii editio prohibeatur. Itaque seriò secum reputet, quid hic sibi faciendum esse putet. Ego certe non diutius sum passurus me deludi etiam porro, neque patientiam meam ultra lædi. A Vossio heri accepi literas, & Orationem in Cunzi obitum, itaque accusare desino. Quas adjunxi ad Gronovium, ut curare, cum occasio erit, velis, valde rogo. Valetudo per hanc hyemem admodum mihi mala fuit. Divexabat me Nephritis, calculosque aliquot excrevi: postea ulcus in sinistro rene erupit, quod per totum quadrimestre pure & sanguine manavit. Accedebat febris tertiana duplex: insuper magna lassitudo, defectio virium, & appetitus. Sed nunc Dei beneficio singulari, omnia hæc mala evasi; qui me porro ut conservet, supplex peto. Idem tibi ac tuis omnibus, ab eodem seriò precor. Vale, amicorum maxime,



maxime, cum uxore liberisque. Mea & mei, plurimam salutem nunciant.

*Rapim, Sorae, Kal. Constante tuus,*  
Junii c1o Idc xxxix.

Joannes Meursius.

## CCLXXXIII.

*Viro maximo & reverendo Gerardo*  
Jo. Vossio, Jo. Fredericus Gronovius S. P. D.

CUM aliquandiu hic egissem, Vir magne, incidi fortuito in Bibliopolam; qui Theses tuas Theologicas olim recudit. Ego, ut jusserant filii tui, exposulare cum eo, quod non exemplaria plura in Bataviam mitteret, constare cum lucro suo & studiis doctorum hominum, qui magno ejus libri copiam redimerent. Ille unicum tantum ex omni numero restare sibi aiebat, egisseque ideo cum Typographo, ut propediem editio repeteretur. Ut vero me audiit domui tuæ familiarium esse, exultabat, prensansque manum meam ne ipsi beneficium negarem, orabat, promississe te olim cum hic esses aiebat sibi secundas curas, & non parvum augmentum operis. Jam esse tempus, ut promissi admonearis. In quo literis suis meas petebat adjungi, & tanto certius egregeriam ejus voluntatem tibi nuntiari. Visum id fore non ingratum tibi, ideo libens parvi homini bono, testis & index ferii illius desiderii, si modo tibi otium veteres tuas delicias retractandi. Vix certe ullum scriptum tuum in Anglia notius est, & majore cum gustu plausuque legitur. Et designabit ipse puto hominem Londini, ad quem tuto schedas tuas mittere possis. Nos ex hac Insula jam incipimus pedem movere. Vidimus hic multos Thesauros, sed inter aquas Tantalii, frui enim desultoria hac vita non permisit. Tarde ad eos accessus peregrinis pater, quem posse tamen patientia multa pauci exemplo nostro didicere. Ipsa Bibliotheca Bodleiana tot Statutorum cassibus adversus externos munita est, ut duas integras hebdomadas hic exegerim, antequam tractare ullum MS. Codicem mihi licuerit. Nec licuisset unquam (adeo sæpe obstat nobis pudor noster) absque V. C. Patricio Junio fuisset, cui soli debetur, si quid studia nostra hic adjuva sunt. Interim respondimus futilissime, cujus pater, quantum in ipso fu-

it, nihil reliquit, quò minus stuporem suum, incitiam, malignitatem publicaret. Cum itaque tam male seipsum traduxerit, nos tantum Judicis vice functi sumus, & involucris quibusdam, quibus vix tamen latere posset, nudum evolvimus. Forte is libellus in Gallia edetur, una cum textu Silvarum. Codices Arundellianos, quos ad Rivetum *non nunc* destinaram, ut vobis redderentur, curatos rectè puto. Tuam de Idololatria Veterum Commentationem & Gerhardi Vellejū avidè videre gestio. Nos cras discessuri hinc Cantabrigiam sumus; inde Londinum, ac cis dies paucissimos in Galliam *non nisi* transfretabimus. Vale, Vir summe, & salve cum uxore & liberis lectissimis.

*Scripti rapim Oxon. prid. non. Sextil.*  
*Stylo vestrate Anno c1o Idc xxxix.*

Nomen Bibliopolæ est Guiliel. Webbius.

## CCLXXXIV.

*Viro Clarissimo Domino Gerardo Joanni*  
Vossio, *Historiarum Professori Cele-*  
*berrimo.*

Clariss. Vir, Patrohe, & amice Colendissime,

DIU inter nos siluimus; vicissitudine inquam literarum, non autem animorum *sedulo*, atque affectu benevolo. Id tu quidem ex omnibus iis, quas ad communem amicum nostrum, Dominum Laurentium, crebro scribere soleo, affatim intelligere potuisti. Nunquam enim in illis, tui gratissimam memoriam intermisi, neque omittere etiamnum cogito, quoad vixero. Ita totus in pectore meo hæres defixus, ut vel tedeat, vel pudeat etiam, nullum mihi superare argumentum, te condigne demerendi. Tristissima etiam tempora, me huc usque ita exercitum tenuerunt, ut unde vitam sustentarem, vix invenirem: prout & meis aliquot ad Laurentium nostrum scriptis, satis superque tibi constare arbitror. Obvuli nuper Domino Henrico Laurentio, Parentis mei *ad puerum*, Chronologiam sacram, quam apud nos typis edi voluit. Sed cum in Germania, tam misera sit ratio Typographica rei, hac tempestate, in animum induxit, apud vos illam in lucem producere. Quo nomine mihi valde gratulatus sum. Meministi, Vir Clarissime, te antehac desiderium tuum, hujus libri, mihi

mihî in literis explicasse. Nunc igitur illius compos factus es. Maluisssem quidem apud nos, edi potuissse, eo fini, ut ipse prelo presssem, ac mendas præcaverem. Quare cum res nunc aliter ferat, oratum te velim, mi amantissime Domine Vossi, ut manibus paternis hanc gratiam facere ne dedigneris, atque operis Typographice, interdum sicubi usus fuerit, succurras. Argumentum hoc scio, tuum esse. Proinde planissime persuasus sum, laborem hunc Patris tibi fore gratissimum. Nosti quem adversarium, dum in vivis fuit, in spinosa hac materia habueris, qui scilicet nimium tibi placere solitus fuit, planctusque ut tu alibi loqueris, idcirco, & antea, vehemens alieni nominis insectator. Utinam superviveret, & Pareanum hoc opusculum videre posset? non quod placiturum credam, sed ne in aliis quoque dona Dei despiceret. Tu quæso *Erythraeum* te præbe, ac si quid perperam scriptum offendes, tuæ prudentiæ velo contegas. Quam libertatem lubens tibi transmitto. Spero viris doctis hunc laborem probatum iri, quo præsertim Historiæ suam majestatem, masculè assertum ivit, fideique Christianæ, non ex profanis, ac Gentilibus Scriptoribus, suum suum constabilivit. De cæteris abundè scripsi ad Dominum Laurentium, ex quo rerum mearum statum intelliges. Sensi animo liberalem *Erythraeum* vestratum: & Deum laudo. Interim spes melior apud nos nulla adhuc dum affulget: sub quâ tantum non lentè conficimur. Mihî quidem in senectâ hac ætate, nihil duras, vel acerbus, unquam accidit, quam sub paupertate ingemiscere, cui aditus nunquam fuit. Eoque sæpiusculè sit, ut me vitæ hujus peradeat. Sentio tamen altissimi benedictionem; quâ largiter me sustento. Vale, Clarissime Vir, meque amare, ac juvare perge.

Hanovia, Anno  
1639, ad diem  
24. Junii.

Tui studiosissimus,

Ph. Pareus.

CCLXXXV.

Cl. V. Ger. Vossio.

Clarissime Vir,

Operis mei de Primordiis Britannicarum Ecclesiarum, simulatque summa manus ipsi imposita fuerat, atque à prelo exierat, aliquot exemplaria in Hol-

landiam transmissi, illic inter præcipuos amicos meos distribuenda, in quo numero, quum te tuis meritis habeam, ac per hocce multos annos habuerim; negotium illi dedi, Cui hanc provinciam demandavi, ut tibi quoque unum ex iis curaret exhiberi. Totam ferè Historiam Pelagianam ipsi intexui, idque quâ potui diligentia & fide, ubi fortasse invenies, quæ aliquantum te juvare possint, si quando alteram Operis tui editionem adornaveris: quod spero te facturum, & Marianum Scotum quoque cujus in \* Libro meo commotam videbis expectationem, aliquando prelo commissurum, atque publico donaturum. Misi simul & De Scriptoribus Hiberniæ, qui eodem tempore prodierunt, D. Jacobi Warai, libros duos, quia tibi non ingratos futuros illos augurabar. Ego quamquam vergente jam ætate, atq; in ingressu senectæ, integra tamen ac vegeta valetudine (Deo laus) perfruor: idemque de te ominor ac opto; & rem ita se habere ex literis tuis lætus intelligam. Vale Clarissime Vir, ac Deo commendatus esto.

\* Pag. 736.

† De quibus  
ibid. p. 972.

Dublini, die 1. Aug. Tui amantissimus,  
MDCXXXIX.

Jac. Usserius Armachan.

CCLXXXVI.

Clarissimo Viro D. Gerharðo Joanni  
Vossio Historiæ Professori.

Maxime virorum Vossi, decus & lumen seculi  
nostri,

SUB initium veris elapsi, ministro cuidam Jansonii vestri dominationem paranti, aliquid ad te literarum dedi, quibus daturus silentio meo excusationem qualemcumque prætexere conatus sum, & simul de singulari diligentia tua, quam in Saxone meo isthic edendo hæcenus adhibuisti, gratias egi maximas. Vix ille abierat, ecce, mox à te literæ, seu verius exemplum literarum, quas ante semestrem, & amplius, rectè commodumque acceperam. Animadverti antiquius hoc duplè esse; quam & posteriores à te haberem perscriptas iii. Kalen. Octob. ejusdem ferè argumenti, cujus erant illæ, Prid. Id. Junias exarata. Attamen exosculatus sum vehementer luculentum adeo propensi in me affectus indicium, quod malueris me gemina



gemina beare Epistola, licet rescripta, quam me prorsus carere unâ. Nunc vero consueta illâ ad te scribendi materiâ omisâ, nempe de Saxone nostro, cujus apud vos edendi omnem plane spem decollasse video; non possum non in finem tuum novam deponere sollicitudinem, quam animo meo afferre cepit Typographorum vestrorum lenta nimis mora in excudendo Florilegio nostro Fabiano; quod ultimam jamdudum manum recepisse omnino speraveram. Haud equidem difficeor, in diem hic fervere praela scriptis Clarissimorum Virorum, quæ Reipublicæ literariæ summopere interest, ut maturè lucem aspiciant: verum quam brevi aliquot horarum spatio absolvi possent istæ minutæ nostræ, quæ vix quatuor, aut summum quinque, chartæ plagulas excedunt? Proinde te per amorem illum, & favorem, quibus me, jam multis ab annis prosecutus es, rogo, atque obsecro, ut negotium istud seriò, seduloque etiamnum urgeas, & quantum in te erit, procures, ut civis ille noster, qui has ad te perfert, libellum hunc Typis elegantioribus exscriptum, ad nos redux secum referat. Sin autem, nollem isthoc loci diutius hære; quum fixa ster animo sententia, aliam quercum, ut in proverbio est, concutere, & demum experiri, quid Danica praela valeant. Caterum quod mea nunc studia attinet, totus sum in limandis, ac perpoliendis notis meis in Saxonem: qui Deo volente, circa ver adultum sequentis anni, lucem videbit. De statim rerum nostrarum, nihil alioquin est scitu dignum. Clarissimus Meursius noster, utcumque convaleuit: sed vereor, ne hæreat lateri arundo; utinam non lethalis! Te quoque æstivis hiæc mensibus sebricillam infestasse sando comperi: verum lætiora nos propediem audituros confidimus. Opus tuum de Gentilium Idololatria, & Christianorum Physiologia, avidè expectamus. Noli quæso te, exemplari me defraudare, sicut antea, abs te factum, jure conqueri possum. Filium etiam tuum, qui Scylacem nuper edidit exores velim, ut exemplar mecum communicet. Erit aliquando, cum paria vobiscum faciamus. Dominus D. Christianus Matthias, eminentissimus ætatis nostræ Theologus, Collega huc usque meus conjunctissimus, brevi vobis aderit, eo fine ut apud vos in posterum, sedem fortunarum suarum, ac domicilium figat. Dignus est omnium favore, & patrocinio. Vale feliciter, ac plurimum salve, He-

ros incomparabilis, & me constanter ama.

*Sorae, v. Id. Augusti, Tui observantissimus,*  
Cl. Isc xxix.

Stephanus Johannis Stephatius.

## CCLXXXVII.

*Viro docto, & incomparabili Domino,  
Docturi Gerhårdo Johanni Vossio.*

NON dubito, Clarissime, & Celeberrime Vir, fautor plurimum honorande, quin rumor de obitu Patris mei, ad excellentiam vestram fuerit allatus. Quare dolore, & tristitia, me affectum judicabis facile. Hoc etiam, Vir celeberrime, te angere, mihi non absque re persuasum habeo. Primum propter jacturam rei literariæ, (quam lugent omnes Musæ, Gratiæque omnes) cui tu solus nunc servator existis. Secundo propter sincerè ante annos xl. inicitæ amicitie fœdus, quod fati invisum, à morte jam interruptum videtur. Ego igitur abs te peto, Clarissime Vir, prosequaris tali amore, Meursium filium, quasi Patrem prosequutus es; ut in statu tristiori, hoc solatium mihi superfit, Vossium benevolum habere; & profecto me repulsam laturum non confido: quandoquidem aqua & justa sit petitio. Actus funebris habitus est, die viii. Octobris, more Magnatum, & Equitum ordinis hominum. Diem etiam obiit magnus Cancellarius, Christianus Fris, Patris mei amicus singularis. Celeberrime Vir, fautor plurimum, videtur mihi blavius, in excudendis Historiis tardus admodum fuisse, sed jam sane in cæteris lucubrationibus, quæ ad secundum totum operum pertinent, tardior. Intellexi autem ex tua Epistola, nuper per Sartorem nostrum accepta, quod lucubrationes excudendas, velles remittere, quod si ille Typographus nolit inceptis finem imponere facias quæso. Et hæc de re me certiorem reddas, Vir summe, maximopere rogo. Huic Epistolæ, incomparabilis Vossi, adjunctam invenies dissertationem, contra Anonymum, qui falsò conatur Majestatem debitam Reipublicæ serenissimæ Venetorum, de bono titulo, & jure Insulæ Cretæ, atque Cypri adimere. Quod autem Specimen meum, antequam praelo subiciatur, quæso corrigas, & in illo

illo delenda deleas, & inferenda inferas: spero etenim mihiq; persuasum habeo, hoc in negotio, me consilio tuo, & iudicio uti posse, propter amorem erga patrem meum, etsi mortuum, tamen vestigia cordi tuo perpetuo impressa. Vale, Vir summe, fulcrum rei literariæ, ornamentum patriæ, &c.

Datum Soræ, æn.  
clō b c xxxix.  
die xvi. Octobr.

Tuus omni Cultu,

& Observantiâ,

Joannes Meursius Filius.

### CCLXXXVIII.

*Viro Incomparabili & Maximo, Gerardo Joanni Vossio, Salutem & officia paratissima.*

Incomparabilis & maxime Vossi, Eruditionis numen mihi venerandum,

**E**Cquid habeo, quod referre possim, quo liceret mihi esse grato? Pro maximis erga me beneficiis tuis, nihil habeo, quamquam quædam velim, vel si hoc admittis, parum daturus, qui multa conceperam. Quid illud quæso est? Totus ego. Nescio, quomodo me carius vendam, qui sic inducere debitum queam. Sic mihi feliciter cedit mea solutio. Neque maxima tua benevolentia, humanitas eadem tua, summe Vir, dubitare me sinit, utrum sic tibi satis solvendo sim, qui nihil mihi relictum vides, quo ultra respondere possem. Habes itaque me, & mea omnia, quem me si insolutum acceperis, nunquam putabo scelicius magna mihi redemisse. Quanquam aliis jacturam fecisse videri queas, qui tam ineleganti homine beneficia maxima, sic dicam, vendideris, posthæc cautius mercaturam esse instituendam. Quibus ego quidem non habeo quid respondeam, nisi quod videam Deos quoque non satis cautè mercari, quibus sæpè pro maximis votis rei farre & polenta satisfaciunt, & sic olim religiosi essent, qui ab iis aurum, argentum, magistratus, viatorias, triumphos, sex consulatus, Pontificatum, innumera trophæa, summa omnia in spem gratiæ acceperant.

Atque utinam, sicut per ista, quibus decori sumus, vultus lineamenta, qualis intra animus sit, deprehendi sæpe potest, sic etiam per hæc manus impedimenta effluere posset, qui intra me regnat, gratus

animus: de cætero nollem esse majorem in modum sollicitus, maxime apud te, incomparabilis Vossi, qui, *Quantum lenta solent inter viburna cupressi*, sic Philosophos inter emines omnes, alioque genio, ingenia judicare, & discernere didicisti. Non fucus hic aliquid fecerit, & quæsitæ sub lingua verba quæ fundum in animo non habeant, non pressa manus, non dextrum prehensum genu, & si demissus quid imitatur facilis imponere levitas; alia tua bonæ probæque mentis argumenta sunt, quæ mihi apud te enotavi, quæ non afferro, ne docere velle videar. Fratrem quoque, eadem operâ, dum me respiceret, cogitare & agnoscere cœpisti, iussisti præsentem me, ut inquirerent in ejus Cornelium Nepotem, Sleusingæ, vel Erfurti prostantem, quod ut fieret tacitus precatus sum. Cui frater meus ita de recto stylo dissertationem præfixit, ut quod sæpè testatur, tuo ore loqui malit quam suo, ut non tam Augusti Buchneri magni profecto Witebergæ viri, Præceptoris nostri Discipulum agnoscas, quam ex tua exisse domo, scholæque videri queat. Non pœnitebit spero, operâ, quam recognoscendo admiratori tuo impendes, cum non minus impurorum hominum, maximi aliquando viri, & qui veritatem eruditionis supergrediuntur, scripta de se judicia repetere legendo debeant, quanto rectius peccabis, si quid ex altera parte docti ubique de te viri sentiant, non gravaberis agnoscere. Inter quos quidem nescio, an frater meus, non suo quodam jure sit reponendus, qui non gratis quidem hæc scripsisse putat, si tu, maxime vir, suum de te sensum non intelligas, cum bene sciat, non semper dari occasiones summis viris, ut quid minus aliqui de se Dii sentiant, intelligere ordine possint, & si dentur, malle evitare, ne in suam gloriam cupidi videantur; ut possim præterea fratri esse testis, nunquam ipsi spem mutui amoris tui, ne nunc quidem, etiam si intime desideret, esse factam, ut eò minus causam habere queas aspernandi, cum nihil adulationi scripserit, iudicio, & hinc amoris omnia. Quæ propterea pro fratre afferro, quod tres annos natu major me sit, & hoc meæ ætatis, quam ago juventute, Erfurti scripserat, & ante quasi biennium, eodem sensu in discursu suo, de sacra eloquentia Rostochii impresso, ubique scilicet maxima cum tui admiratione loquitur. Quo scelicius spero posthæc frater in tuam gratiam illabetur, si vel semel quis, vel qualis sit aspietetur. Hæc perorare pro fratre volui, eò confidentius



confidentius, quia cum, sicut præpostera hic fortuna luserit, ex me agnoscere incepisti, quod verso ordine debuisset. Hic autem qui literas offert, sub peregrina specie non parum tegit, & est Anhaltinorum Principum Consiliarius, qui ut haberet occasionem tui colloqui, secum has sumpsit, de quo plura scriberem nisi vetasset. Frater certe ejus sub Veranglio, generalis auditor est, suntque Francofurti ad Oderam oriundi, mei contrerranei.

Pro me autem, summe Vossi, maximeperè rogo, ut quia animus adhuc est, Constantinopolin abire, navibus in principio Septembris, Octobris, stylo veteri discessuris, ornare me tuis ad Pocockium, quod facile erit, literis, & velut commendare velis; ego dabo ubique operam, ut non indignus tua maxima amicitia videri queam. Prolixissime vale, incomparabilis maximeque Vossi, et si mereo, vel licet non mereo, quia vis me ama.

*Totus tuus quantus quantus*

M. Christianus Rave.

CCLXXXIX.

*Viro undequaque maximo, Gerardo Joanni Voilio, Cantuariensis Ecclesie Canonico, & Historie sacre Professori.*

Poenitet me jamdudum fidei, quam discedenti dabam, Vir maxime, fore ut intra octiduum ad te redirent, duo isthac quæ nunc mitto, insignis tui Idololatriæ operis volumina. Nec enim licuit interea percurrere, nedum accuratè legere universa. Ubi reliqua quoque absolverit Typographus, iteratâ lectione, si Deus vitam dederit, animum explebo. Caterum uti jusseras, indicavi locis aliquot, quæ legenti obiter, occurrere Typographi errata, aut festinantis calami *meædula*. Porro cum inciderim in locum de anno Ægyptiaco, qui est pag. 209. Et geminam quam habeo Hori Apollinini editionem inspicerem, inveni, ut si alterutrâ sit usus Petavius, versionesque tantum inspexerit, mirum non sit si negaverit, lib. 2. cap. 89. reperiri quod ex illo capite Scalliger allegaverat. Sed cum non sit verisimile, virum tantum versionibus in materia controversa contentum fuisse; neque ad Contextum Græcum voluisse recurrere,

probabili mihi conjecturâ duci videor, ut credam usum eadem Editione Græcâ qualiscumque illa sit, quam in versione sua secutus est Bernardinus Trebatius Vincentinus, uti Trebatium Interpres Galus. Caruisse enim illa videtur libri secundi capitibus II. *Τὸ ἀσπὶς ῥόκκον*. Et V. *πῶς πολὺν σίμα*. Et XXIII. *Πῶς μὲλλον*. Et *ἔργον*. Atque inde factum, ut qui quærebatur locus, octogesimum sextum caput, non octogesimum nonum illic occuparet. Prodidit Trebatius Horum latinè, ac Chünrado Pentingero dedicavit, anno 1313. Istam autem, quam ego Græcam, cum Latina Interpretatione Trebatii habeo, in Octavo expressisse se ad Aldinum exemplar, curante Angelo Argonenfi, testatur Typographus Petrus Vidovæus, sub scuto Basiliensi, Parisiis scilicet anno 1521. quanquam postremum hoc, de loco, & tempore editionis certo asserere non amsim, probabili tantum nixus conjectura, deest quippe folium unum meo exemplari. In hac ipsa ergo Editione Græcus Contextus, habet ista tria capita supra recensita; Latinus non habet, uti nec Gallico-Latinus, qui Parisiis prodit, anno 1574. ex Officina Galesti à Prato, & Joannis Ruellii; nisi quod hic sub Appendicis titulo, ad veterem codicem tria illa cum octo aliis capitibus sit reperire. Typographi autem isti Parisienses anno 1574. dolosè suppresso Trebatii nomine, tum primum quas dabant prodire versiones lectori persuasum voluerint, cum tamen Latinam Trebatii darent. Hæc monenda duxi, ut scires quid fefellerit Petavium, interea nequitiam excusandum, quod non proxima saltem capitula percurrere vacare voluerit. Erat & coram sermo nobis de Lapide porcino, seu Piedra de Puerco, qualem quod hinc discedens affini meo ..... à me restituere, non fueris gravatus, habeo gratias. Tanta virtutis lapidi poterat locus fuisse non incommode, pag. 1087. Curaboque ut intelligas quid sentierit de eo, dum viveret Elichmannus, ubi rescivero sub Appendicis, vel Addendorum nomine animum tibi esse aliqua adhuc calci operis attexere. Id si statuas, deliberes velim an & horum quæ sequuntur, operæ fuerit meminisse.

Pag. 676. Ubi de aquis in lapides crescentibus sermo est, locum meretur Wookevium seu Ocheium, antrum in Mendippiis collibus Minerariis prope urbem Welles, quam eundem cum Bathoniensi fortitur Episcopum, in Agro Somersensi Angliæ situm. Mentionem ejus obiter

in Belgis habet Cambdenus, cum accolae non minora de eo somnia narrare ait, quam de Sybillino commentis sint Itali. Somnia equidem sua de utroque narrantes, audiri & ipse utriusque accolae: sed & pererravi utrumque, & obstupui fatetor, ad stupendam naturam in hoc Anglico opere cum comitante Heemskerckio nostro, Scirias lapideas innumeras, ex aqua intra montanae stillicidio, sua capere incrementa, ad oculum simul & contactum cernerem: hic postes integros ex concretis aquae guttulis, longo temporis lapsu sic efformatos, ut ad summam altitudinem concavam montis sustinerent, hic figuras lapideas varias, ac multiplices, uno loco pendulas, altero in alterum fucrescentes, ac paulatim sibi mutuo quasi procedentes obviam conspicerem, taliaque viderem, quae magno nolim non vidisse. Maximam autem stillicidii, quod nunquam cessat, & de tribus binas nobis faculas extinxerat, partem rivuli abripiunt, per diversos fractus, uno omnes antri ostis effluentes, ortique ab insigni fontis scaturigine, quae non minus dimidio ab ingressu milliarii Anglico meta nobis erat, istius subterranei erroris. Mea nunc quoque me narrare somnia crederes, nisi me nosset. Atque haec nisi sufficerent, ac nimia jam essent, poteram singularia quaedam tum temporis non inuicunda visu observanti, ex meo itinerario adiacere. Caterum habet & Gallia, in Agro Turonensi, antrum huic non omnino absumile, quod cellam guttulatam dicunt, seu *la Gave Gouttiere*, sed longe magis admirandae mihi videtur, & fictis, & lapidescentia huius Anglicani. Ad pag. 748. Et sagittae & fulminis, uno eodemque vocabulo Italis, *Sagitta*, Anglis *Shafts* dicuntur, idque non poetice, sed usitato, & plebeio quoque loquendi modo. Ad pag. 762. Memoratu dignus est, seu conitatus, seu fulminis ictus, qui ante annos sex septem, prope Middelharuise, & Sommersdicium, claudo gressum restituit, arbores radiceis erutas, in altum sustulit, & in vicina pomaria, ultra sepes, arboreisque altiores alias trajecit, & molendini in frustra dispersa vela, inspectantibus pluribus, trans amplum illud maris an fluvii istius ostium, ita diripuit ut in adversam oram coniecisset intervallo duorum ad minimum Italicorum Milliarium. Uti haec omnia mihi paulo postquam accidissent, ipso illo in loco, narrarint, & partim demonstrarunt, accola fide dignissimi.

Quod Pag. 837. Principis Condzi nulla fiat mentio, est XIII. mense nati, & tamen

sententia supremi Parlamenti Regii, extra natalium dubium constituti nihil miror.

Pag. 838. Aegyptios hominem mysticum cicada picta expressisse, ait Horus Apollo, lib. 2. cap. 55. quod non ore canat, sed *da tis paxos pbyrjyova*. Pertinet illud ad ea quae coram disceptabamus nuper.

Pag. 1041. Talpis cutem detrahi, ut appareant oculi, non est opus, cum satis conspici sint etiam in vivis, quod non semel exploravi ipse.

Pag. 1045. aut alioquin pag. 2137. Adduci potuisset nec *Δαίμων*, id quod de Simia Christum Legislatorem verum esse demonstrante, non miraculo simile, sed verè miraculum; modo verum, ex relatione, & literis Anglici apud Mogolem Legati Thomae Rouvi, adhuc puto superstitis, narrat Purchasius eo; quem coram ante annos aliquot ostendisse me tibi memini loco.

Pag. 1162. Pergamenorum spectaculo annuo, aut melius, Pag. 1196. Atticae legi adjungi potuissent, Anglorum *Cock-Pits*, seu creberrimae apud Anglos pugnae Gallorum, in amphitheatris quoque adhuc extructis, exhiberi solitae, uti & tauros, ursoque inter se & canibus quoque committere publice consueverunt, dilco etiam jacto certare, & luctas singulis diebus festis, & quotannis coram supremo urbis Londinensis Magistratu, praepositis victori praeiis exercere iidem solent, circa campos *Wootton-fields* dictos. Quae omnia cum bellicae virtutis, & disciplinae sint argumenta, in honorem Nationis obiter attingi possent; Textus tamen quam Appendixi convenientiora putem. Tuo interim iudicio, permittens singula, finem imponiam, longiori, & fortasse non sine tadio legende tibi Epistola. Vale, Vir maxime, cum lectissima conjugē, & praestantissimis liberis.

Flaga-Comitis  
duodecimo Ob.  
1639.

Tuus in aeternum,

Georgius R. Doubletius.

CCXC.



CCXC.

*Clarissimo, & Incomparabili Viro, Domino Doctori Gerardo Vossio.*

Vir Incomparabilis, Magne Vossi,

**I**terum ad te scribere, me inter alia, præcipue observantia compellit. Etsi mihi nullum sit dubium, quin ad manus tuas, Literæ ab Elzevirio tibi tradendæ rectè pervenerint: tamen etiam adhuc sedulo abs te petiturus sum, remittantur omnes, ineunte vere, piæ memoriæ patris mei, lucubrationes, unâ cum ad eas pertinentibus Epistolis dedicatoriis; exceptâ autem Cretâ, illam excudendam quælo tradas, Elzevirius, quibus hæc de re jam scripsi; quare non dubito, quin excudendum hoc Cretæ opus in se susciperent. Ideoque nunc curam in erratis Typographicis, tibi soli committo, ac te facturum, si Meursii tui memor sis, persuasum mihi habeo, absque repulsâ. Causa autem, celeberrime Vir, cur ita Cretam urgeo, est hæc, cum etenim in dissertatione mea, sapius Cretæ patris mei, mentionem faciam. Sed hæc ut se habent, quæso solummodo responsione, data occasione, mihi digneris, ac certiore facias de iudicio tuo, super dissertationem meam; utrum, ut luci publicæ exponetur, digna fuerit.

*Dabam Soræ Danorum ad diem xii. Januarii, anno 1640. Cujus auspiciū felix, feliciorē progressum, felicissimum exitum tibi, uxori tuæ, ac liberis, omnes ex animo precamur.*

*Tuus omni Cultu & Observantiâ,*

*Johannes Meursius Filius.*

CCXCI.

*Excellentissimo Viro, Domino Gerardo Joanni Vossio, S. P. D.*

**E**xcessum Matthiæ Berneggeri foci mei amantissimi, merito inter primos ejus amicos, significandum tibi duxi, excellentissime Vossi. Quippe & prolixi affectus, observantiæque, quâ te constantissime prosequutus est, ipsi præ cæteris conscius fui; & documentorum quibus, amorem tuum, in illum vicissim declarasti.

Nihil dabo conjunctioni nostræ; sed profecto amisisti amicum, quotquot ipsi in deliciis fuistis, qualem optare haud paulo facilius est, quam reperire. Ego in tanta jactura literaria, negotia pro solatis accipio, cum maxime Curtio perornando intentus: in quem supplementi mei specimen, tibi non ineptum esse visum, Vicoforti nostri literis compertum habeo. Id nuncium me liberavit à metu reliquorum judiciorum. Nec enim vereor, ut cuiquam displiceat, quod tibi tantæ eruditionis, tamque subacti iudicii viro placuit. Quamquam sanè, neque sperem magnum assensum, tumultuario opusculo, neque aliam ejus infamiam deprecor, præterquam ut vetere supplemento deterius habeatur. Vale, Vir excellentissime, cum eruditissimo filio, & quam socero meo dum vivebat, benevolentiam præstitisti, quum mereri videbor, in me transfunde; tantam amicitiam si non pari dignitate, certè fide non minori culturum.

*Dabam Argentorari, ad diem v. Cal. Mart. 1640.*

*Excellentiss. Fama*

*Doctrinæque tuæ*

*Candidus Aestimato Cultorque,*

*J. Freinshemius.*

CCXCII.

Excellentissime Vir,

**Q**uam verum sit Comici illud, *Veritas odium parit*, experimur quotidie, qui illius constante professione plurimos in nos concitamus: à quibus clam & palam impugnamur, nunc ut Pelagiani, nunc ut Arminiani, nunc ut Sociniani; cum ab omni partium studio alieni unam veritatem omnibus hominum opinionibus & affectibus antiquiorem censeamus. Ingrati quidam discipuli calcibus nos suis petunt & tantum non conculcant, tanquam jurati hostes GRATIÆ UNIVERSALIS, qualem omnibus sufficientem in Christo offerre Syntagmate meo doceo. Id Belgis quibusdam vestris displicuit, quorum Academicis præjudiciis, hi facti sunt ferociiores & in nos iniquiores. P. Polyander, vir alioquin candidus & nobis amicus, jam plane silet, ut nesciam an sibi amor nostri constet. Emuli nostri artibus suis effervent, ut Combussius quidam è Schola Castellana huc vocatus sit, qui unguis est

C c

est

est in vulneribus nostris, quæ consolidare deberet. Verum ita sibi Suffenus est, ut tum hic, tum alibi non benignè de scriptis D. Bergii, D. Willii & meis iudicet & parti adversæ, à qua vocatus sit, apertè velificetur. Nos solatur causa, iustitia & conscientia. In ære sum doctissimi filii tui, qui triumphum classicum Trompii vestri dono mihi miserat per amicum, qui, eo mihi in limine ædium mearum exhibito, ἀπαλές ἐξήνευ. Doleo autem nimis quod neque ἀντιδωγὸν nunc ad manum mihi sit, neque humanitas mea viro optimo innotuerit, adeoque barbarus illi videri possim jure meritisimo. Excusa nos, amato utrique. Sed & quæ in Docenium, filium Consularem, pronuper contulistis, ut ille non prolixè satis prædicare potest, ita nos vobis obnoxios æternum faciunt. Qui has tradit, auditor noster est brevi huc rediturus, cui tuto tradi possunt, si quas ad nos dare velis. D. Calixtus Professor Helmeftadenfis, peculiari nunc libro à suis impugnatur, quod concordia sit studiosior, quam morosi Stentores, quibus classicum è suggestis suis canere prolubium est. Sic impulsus sumus utrinque à domesticis fidei, quibus pacis censores sumus. Adeo sedit animis plurimum illud:

*Nulla salus paci: bellum te poscimus omnes.*

Claudo & salutem cum officiis Cl. T. Scytte à D. Bergio utroque Willio & me.

Bremæ prid.  
Non. Maii,  
Anno 1640.

*Clariss. Vestra*

*devotissimus Servus,*

L. Crocius.

### CCXCIII.

*Clarissimo, & Doctissimo Viro D. Gerardo Joanni Vossio, Historiarum & Chronologiae, Professore celeberrimo.*

Clarissime & celeberrime Vir, olim Collega, semper Amice,

**N**ON possum verbis exprimere, quam fuerim commotus, quando præstantissimus Dubletius, mihi per occasionem communicavit, quas à te acceperat literas, super iterata illa tam paucis diebus probatione, qua Deus patientiam tuam, & lectionissimæ Matronæ uxoris tuæ, voluit non quidem sua causa experiri, qui vos intime

novit, sed aliis in exemplum exhibere. Et certè opus fuit vobis, speciali gratia spiritus divini, ut hanc jacturam lucro deputaretis, præsertim iis quos Deus ad se recepit, hujus sæculi incommodis, & corruptelis exemptos, & Cælo exceptos. Taceo unicæ quæ supererat puellæ carentiam: sed qualis fuit juvenis ille, qui in ea ætatula poterat, quæ pauci attingunt, post multorum annorum labores? At non quamdiu, sed quam benè vitam hanc duxerit, cogitasti; & quam felicem finem Deus laboribus ejus imposuerit. Et certè, hoc præsertim corruptissimo sæculi statu, admiranda sunt quæ de ejus victoria narras. Cur enim hoc nomine, non indigitarem, beatum illum excessum, & fidem illam ac constantiam, cujus ad extremum usque vitæ halitum edidit testimonia? Beati estis, tali filio cælorum cive, qui in terra, sui memoriam tam suavem, omnibus bonis, & doctis reliquit? Beati qui quæ humanitus vobis accidunt, divinæ Providentiæ, adscribitis, & in ea acquiescitis; siquid possunt, amicorum συμπόλαι, si καὶ φίλοι οἱ ἀντιδωγὸν ἑωρῶντες ἔσθ' ὅλον, tot sunt qui vobiscum lugent amici, quot sunt, quibus non ignotus erat maximæ spei juvenis; sed quem spes melior non fefellit, quem etiam non lugetis, quomodo lugent ii qui spem non habent. Prævit, sequemur ad nos non rediturum, qui ad eum tendimus, id est ad Deum. Det tibi, Vir clarissime, in iis qui supersunt gaudia diuturniora, eosque benedictionibus suis, coram oculis tuis cumulet, teque iis diutissime conservet, cum lectissima uxore, quam tecum cum mea, saluto officiosissime, cum reliqua familia. Vale.

Hagæ Comitæ,  
postrid. Kal. Apr.  
clō ΙοϞϞΙ.

*Tuus omni*

*officio & affectu,*

Andreas Rivetus.

### CCXCIV.

*Viro Incomparabili Domino Doctori, Gerardo Joanni Vossio.*

**L**iteræ tuæ, Vir celeberrime, cum dolore nostrum augerent, ex tuo, quem non minus domesticum nobis, Paterna conjunctio effecit; è vestigio tibi responderi mandabant: Ne à fidelissimis amicis destitutus, cum solatium non potes expectare



expectare videreris *οὐκ ἐπιδοξάζειν*. Ipse enim nosti, simplex quidem, & vulgare, sed unicum esse nostrum, adversus mala omnia præsidium; voluntatem Dei; quæ nulum à Christianis patitur murmur, quia quod inflixit, non malum vulnus est. Quippe quo firmitas, & constantia, imo ipsa animæ valetudo, ac sanitas quæritur. Nos quidem cum Patrem, caput amiserimus, sic firmè, veluti naturale est, extabuiamus. Et tamen resumimus spiritum, tanquam furculos edituri, postquam cladem maximam fortuna fecit. Tibi membrum aliquod abreptum, quamquam charissimum, si nihil aliud, leviorē præ nobis dolorem, esse patietur. Cumque orphani nos paululum erigamur, quid tanto viro defuerit, cui solidum est omne Christianum robur; & in hac causâ, viridique senectute, virenti palmæ non absimile. Sed hæcenus quidem; ne quod dici solet, Sus Minervam. Quod dissertationem meam spectat; si præter spem Blauvius manum non admovisset, Elzevirius eam tradi peto, qui non hanc modo, sed & Cretam ipsam, absque omni morâ edituros, polliciti sunt. Quicquid fuerit (nam & Cretam non videor sic urgere nunc debere) quæso, ut dissertationunculam, cum Elzevirius mitti impressa valeat, quos proximè speramus. Paucarum pagellarum est, jacturæ, aut impensæ illius, quæ ob exilitatem vix æstimari possit. Alias, præter Cretam omnes Parentis lucubrationes, quotquot fuerint, remitti peto; hoc enim regno, excudi facilius curabo. Spero autem antequam de Cretâ quicquam fiat, me literas à te recepturum; quibus me certiorē facies, an Parentis dedicatoria, ad Franciscum Molinum annexa sit. De quibus omnibus, porro te etiam atque etiam rogatum volo, Vir maxime, ut molestiam imputare fidei, ac benevolentiae tuæ cupias; mihiq; ad omne genus, tam officiorum, quam literariæ laudis faciem præbere, imo ut rectius dicam, calcar addere. Potes enim, potesque. Mater, soror, tui, tuorumque causâ, sollicitæ ac prorsus anxie salutem tibi dicunt plurimam, & decumbenti filio, meliora omnia per me, & mecum simul apprecantur. Vale, decus unicum ævi nostri, nostræ domus præsidium.

Dat. Soræ, a. d.  
xii. Aprilis, An.  
1640.

Tuus omni cultu

& observantia,

Joan. Meursius Filius.

Hæc scripsi, etenim dubito, num Epistola mea per Hambürgensem nuntium missa, tradita sit.

CCXCV.

*Viro Illustri, Excellentissimæque Gerardo Joanni Vossio, Rhetori ac Polyhistori dignissimo, Salutem plurimam ac debitam observantiam.*

Illustris ac Excellentissime Vossii,

**T**uis Literis plurimum me debere, iis quas in Angliam abituro gratiose communicabas, meis ex Anglia ad T. Exc. datis literis, libentissimè agnovi, veluti hæc agnitione, partem grati animi monstrassem. Illustriss. quoque Hugo Grotius earum causâ me Parisiis honorabat. Constantinopoli quoque, hic inquam, ubi jam decem ferè menses, cum Cl. Pocokio tuo dego non ingratus, earum, quas non viderat, nomine sum susceptus. Ita ut gratias agere maximas debeam, pro istis tuis in me benevolentiae tesseriis, adeo utilibus in meam rem. Et eo ipso me veluti aliquem tuorum ascitum commendasti, ut ingratus sim, nisi singularem, & ut feliciter credam, paternam quandam curam deprædicem. Gritudinis causa impræsentiarum, hoc ex animo suadeo tuæ Exc. ut aliquem tuorum filiorum, Isaacum, vel Gerardum, navi Hollandicâ, vel si ista desit, Anglicâ, quæ in initio Augusti, vel ad finem Julii ex Douvrâ solvit, & Generalis vocatur, quod totius Societatis Turcicæ Mercatores, merces suas imponunt, huc mittas, ubi maximum pro eruditione orientali commodum facere queat, cum & hic librorum sit copia, emendique potestas satis magna, licet pretia cara sint; & si quis Græcas visitare Ecclesias velit, quæ hic in Oriente sunt, queat manuscriptâ quardam reperire, quæ præsentī pecuniâ redimat. Vivendi ratio, filio tuo foret facilis; cum Illustriss. confederati Belgii Residens D. Cobs, vel mihi biennii mensam, domumque, & hospitium liberale promiserit, quodque recepissē, nisi quardam alia me interceptissent, Pocokius scilicet, & Anglicus Legatus. Quod quum mihi fecerit peregrino, quid tuo non faciet filio, cui multis nominibus, Belgium quoque ipsum debet esse obstrictum? Et nullius hic quoque æstimatur adesse tabulæ, cum omnes Legati cogantur hic splendide, & liberaliter vivere, veluti versantes in oculis Turcarum, qui ex splendore externo, gratiam suam favoremque inclinant, cum Legatis honorificum sit, splendidos secum habere domesticos, nobilesq; quo ipso modo

C c 2

modo

modo P. Golius, per quatuordecim menses, gratis vixit, in ædibus Cornelii Hagæ, & ego ipse si magis ducerer deliciis, quam studiis, vel decennium hic commorari queam. Perfidem verò, cum Dei aspirante gratiâ, intra mensem, vel aliquanto ultra, peturus sum, consilio meo ea inde reportaturus, quæ per propriam diligentiam potero, cui interdum pecunia desit, sed nunquam constans firmusque, & quadratus animus, quò aliquid certè reportabimus, aliisque viam, quam ex nostra Religione nemo studiosorum ingressus est, aut doctorum virorum monstravit, inveniam unde & nostra Respublica literaria ditari queat, cum indignum sit, Mercatoriam Rempublicam, ex Oriente suos advehere Thesaurus, nobis inde nihil, aut parum divitiarum venire. Id quod quemadmodum ferre nequeo, ita spero, me cum filio tuo Isaac posse, nostris doctis viris, oculos aperire; ut sciant non minus tibi, quam Mercatoribus Orientem esse petendum, cujus scientias, historialque, & millena eruditionis genera, non melius spernimus, quam illi nostras ignorant, quibus ut optima quoque nostra ex animo optamus, ita plurima nostra, ex illorum reliquiis lucem sine dubio magnam accipient. Quod verò id hæcenus factum non est, non defectu librorum scientiarumque sit, sed quod docti nostri, adeo diligenter Orientem non investigant, ut Mercatores, magno mehercule nostro damno, & ignominia. Concedes itaque, Excell. Vossi, ut cujuscumque ex præclaris filiis tuis animus cupidine has videndi oras ducatur, eum permittas suis votis, neque in itinere plus periculi est, quam domi, magnoque in mari, quam parvo, id quod prohi dolor! Filiorum subita mors ostendit. Et hic Constantinopoli pericula tanta non sunt, quanta vulgo credunt, & ab his spargitur, qui peregrinationibus suis, ex periculis commentis ordinibus majorem adstruere gloriam, & admirationem contendunt, quilibet ingeniis, & nunquam delectatus sum, & nunquam credidi. Quot hic per decennium, imo per vicennium vivunt, qui tale quid non sentere? Uniuscujusque prudentia, post divinam providentiam omnibus his, quæ accidere queunt præveniet. Quod itaque P. Golius, Pocokius, Greefius, & is quem commendasti, Christianus Ravius hic aut fuere, aut sumus, ut Dalm, aliosque taceam, hoc amorem filio tuo, facile concitabit, maximè cum ex Golio, Pocokioque conjecerit, quantum eruditionis hic comparari queat. Quod si vero Pro-

lomæum prius edere velit, amarem ut eum Græco-Arabicè magis, quam Græco-Latinè ederet, pluribus ad eum perscriptis de causis. Utinam vestri Amstelodamenses, aliquot juvenes mitterent, alerentque in diversissimis Orientis partibus, ut duo aut tres conjunctim omnia inquirerent; quoniam impossibile est, ut unus aliquid singularis perficiat, quod semper miror melius intelligere Mercatores, quam Doctos. Hic vale, Excellentiss. & Illustriss. Vossi, & me ama.

Constantinopoli  
13. Apr. 1640.

T. Exc. observantissimus,

Christianus Ravius.

# CCXCVI.

Viro incomparabili, D. Doctori Gerardo Joanni Vossio.

NON potui, Vir amplissime, datâ occasione, quin literarum aliquid, iterum ad te darem: & iis favorem tuum mihi conciliarem. Vir summe, utinam jam mihi ferè desiderio tabescenti, paterna monumenta transmitti possent, si tibi forsitan occasio sit denegata, quæso Ludovico Elzevirio, qui ea omnia, ut rectè ad me perveniant, operam dabit. Dissertationunculam meam pari desiderio expecto; in cujus frontispicio, hanc imaginem præponi benevole etiam volo: te magne Vossi, rogo, propter charitatem, & amorem tuum, quo semper candidè Patrem meum prosecutus es, sit tibi de dissertationiculâ edendâ cura. Quod adeo urgeo, quæso, mihi ignoscas; nam in causa est peregrinatio mea, quam, volente Deo, hoc autumno, vel futuro vere ad ultimum, instituere cupio. Dissertationuncule meæ triginta exemplaria benè compacta inauratis foliis, tradas quæso meo nomine, illustri Domino, Cornelio Vander Mylen, qui curabit, ut Venetis, inter Patricios, & Senatores, distribuantur. Vale, decus avi nostri, nostræ domus præsidium. Mater mea, & soror, tibi, cuiusque per me, salutem plurimam officiosè annuntiant.

Scribham Soræ  
Danorum, a. d. iv.  
Jun. An. cl. lxxi.

Tuus omni cultu,

& observantiâ,

Joannes Meursius filius,

CCXCVII.



CCXCVII.

*Clarissimo, & Doctissimo Viro, D. D. Gerardo Joanni Vossio, Historiarum & Eloquentiæ Professori eximio. Salutem ab Authore salutis.*

Clarissime & Doctissime Vir, Literatorum decus.

**D.** Laurentius nuper Amstelodamo rediit, post salutem mihi impertitam tuo nomine, (de qua officiosa salutatione mihi summè gratulor,) retulit, & inter alia, te cupidum esse scire, quæ observavi circa Echonem illam admirandam, Romæ extra portam Capenam, hodie D. Laurentii vocatam. Cum meum unicum studium sit, benè mereri de literis, & præcipuè de literatis, (inter quos te ut Coryphæum, & Antistitem veneror, & amplector) nolui deesse hac in re, tam exigua, imò gratularer mihi, & laudi ducerem, si sapius (de ejusmodi rebus interpellatus) vobis possem inservire, opella mea, & talento exili. De

Echone ergo illa, hæc habere, quæ *Ann. 1614.* ipse observavi. Extra portam

D. Laurentii, in via Appia extat, Cæciliæ Metellæ sepulchrum, seu potius Turris, Sphæricâ extructa figurâ, vulgus hodiè Caput Bovis nominat, scilicet à Boum Capitibus, quæ circumcirca exsculpta spectantur. Hujus Mausolei muri, crassitudinem habent 50. meorum pedum, ut ipse dimensus sum. Exterior structura est ex solidis quadratis lapidibus, interior ex lateribus constat. Prope hanc Turrim, audiui memorabilem illam Echonem, quæ quaternis vicibus successive, sine interpellatione, perfectè, & particulatim repetit omnia verba, quæ pronunciantur, nempe totam dictionem, sententiam, vel versum integrum; cum inclamarem, *Arma viris que cano, Trojæ qui primus ab oris,* repetiit quater istum versum integrum: eo loci unde procedit sonitus, extant 4. muri, seu arcus potius, unus post alium, à se invicem paulo disjuncti. Ultra illas quaternas vices, seu clamores, audivimus quidem sonitum, & murmur, sed imperfectum. Observavi & Lutetia

*Anno 1602.* Parisiorum, in horto Regio Arcis Luparæ, similem ferè Echonem; Contre une muraille de la hauteur de 10. ou 12. pieds, en un coin du jardin est une Echo, laquelle refère parfaitement, un long ordre des paroles, quand on chante, ou crie. Exempli gratia, *Si cest pour mon pucelage:* Omnia hæc verba uno sonitu,

simul exprimebat aliquoties. Longe alia est Echo illa, quam audiui, 2. Leucis Lutetia distantem, nempe in Pago Charenton, illam enim audiui ipse, Quatorze fois repeter les paroles, distinctement & clairement, Lesquelles se finissent, & abaissent, petit à petit, dont est referé grandement, *ben, ben,* comme la voix & complainte, d'un qui meurt. Hæc Echo admirationem quidem meretur, ob toties repetitum unum verbum (si enim clameris, Jan, nihil aliud respondebit quam Jan, Jan,) sed versus integros, integrè, & sæpe etiam recitat. Talis est & illa Echo, quam Cardanus lib. 18. *Ticini.* de Subtilitate, testatur vocem reddere decies & ter. De tali etiam loquitur Lucretius;

*Sex etiam ac septem, loca vidi reddere voces, Unam eam faceres.*

Ejusmodi Echonis mentionem facit & Plinius, lib. 36. cap. 13. quæ fuit Olympis, & Athenis, diciturque fuisse Heptaphonem; idem tradit Plutar. lib. de Garrulitate, & refert rem quasi admirabilem. Colophonis loco addam, verba Boissardi, quæ habentur prima parte Typographiæ Romanæ, de supradicta illa Echone: *Ad indices collas, in quo Mausoleum Cæciliæ Metellæ situm, si quis integrum versum heroicum pronunciet, Echo admiranda eundem reddet, integrum, & articulatum sapius. Ego Virgilianum illud primum Aeneidos distinctè repeti, octoties integrum audiui, & postea confusè aliquoties. Nusquam gentium ejusmodi Echo auditur, quæ ideo tanto dicitur excitata artificio, ut in funera hujus Cæciliæ, Plorantium ejulatus, Exclamationes, & planctus funebres, in immensum multiplicarentur. Et Franciscus Schottus, eadem ferè refert, in suo itineraio de hac Echone.*

Hicce, Vir Clarissime, te Deo Opt. Max. commendo, unâ cum familia.

Harderolæ,  
8. Jul. 1646.

*Tui observantissimus,*

Ernestus Brinck.

CCXCVIII.

*Cl. V. Ger. Vossio.*

Clarissime & doctissime Vir,

**E**cce hic habes summaria vitæ hucusq; præteritæ Reverendissimi Archiepiscopi Cantuariensis: cui Nestores annos optare omnes cordati debent.

Int

In Collegio Sancti Johannis Oxonii enutritus, in quo optimam sui memoriam posuit; auxit enim illud ipsum Collegium, tum ædificiis splendidis, tum redditibus duplo amplius quam prius.

Oxoniensem Academiam, cui præest ut Cancellarius, decoravit multis beneficiis; primo privilegiis firmioribus quam antehac: locupletavit Bibliothecam publicam, rarioribus Manuscriptis codicibus in omni genere Linguarum & Artium, ab extremis Orbis finibus petitis, Indicis, Arabicis, Persicis, Græcis, Hebraicis, Latinis.

In Academia propriis sumptibus Lecturam Arabicam fundavit, & annuo stipendio honoravit.

Universæ Ecclesiæ quanta testimonia Curæ, Pietatis & Providentiæ addidit!

Corruptiones præcipuè Simoniacos corrigendo, doctos & pios commendando, fovendo omnes qui eruditione & ingenio valent.

Collapsam Ecclesiæ Anglicanæ disciplinam restaurando, ad primam primorum Reformatorum scopum perducendo, Ecclesiæ paci & securitati per nuperam Nationalem Synodum optime & provide consuluit.

Ecclesiæ Paulinæ Londinensis per totam terrarum orbem celeberrimæ magnitudine columnas contra ruinam apposuit, curavit reparari splendidissime.

Succurrit quotidie innumeris pauperioris sortis hominibus; qui litibus vexantur facilem ipsis præbens aurem, & operam, curam & consilium.

A latere Serenissimi Regis adstat fidissimus Consiliarius, honoris Gentis avidus, Consiliis incorruptus, sincerus, cordatus.

In juventute semper ingenii acumine celebris, summus & acutus Philosophus, postea demum Concionator sedulus, & doctus: scriptor eruditus contra Pontificios, de præcipuis Fidei capitibus & corruptionis Pontificiæ columnis. Teste lib. ab ipso edito judicio omnium doctissimo, & antiquitatis puræ propugnaculo.

Collegii Joannensis primò Socius deinde Praefes. Demum quod concionibus erat celebris & frequens, concionator Regius & Capellanus (ut loquuntur) domesticis. Decanus Glocestriæ brevi factus; à Glocestria promotus in Episcopatum S. Davidis; & inde Bathoniensis & Wellensis Ecclesiæ præfuit Episcopus, & inde ad sedem Londinensem evectus, & inde propter vitam inculpabilem, singularem integritatem, & rerum Ecclesiasticarum experientiam, Metropolitanus totius Angliæ, sedem Cantua-

riæ jam occupat, & in bonum totius reformatæ Ecclesiæ diu occupet, votis ardentibus contendo ad Deum.

Vale, Vir doctissime, vix errare potes nimia Hyperbole, omni Rhetoricâ major est summus Archiepiscopus; in hoc inter multa felicior, quod te nactus est amicum, & clientem. Me quæso caloi Catalogi amicorum adicere dignare.

Ex Aula Seren.  
Reginæ Bohem.  
Hæc comitis  
August. An.  
salutis Christi.  
MDC. XXXX.

Tuus in omni

observantia &

officio Amicus,

Samsonus Johnsonus.

### CCXCIX.

Memorand. de Reverendissimo in Christo Patre Guilielmo Domino Archiepiscopo Cantuariensi totius Angliæ Primæ & Metropolitano: Serenissimo Magnæ Britannia Regi Carolo & SS. Consiliis, Academia Oxoniensis Cancellario, &c.

1. **P**ROfectum in Philosophicis & Theologicis studiis debet Collegio D. Johannis in Academia Oxoniensi; ubi postquam alia cum publica in Academia tum privata in Collegio munera, perpetua cum laude sustinisset: à Collegii Sociis (quibus ex plurimorum annorum necessitudine & experientia abunde perspecta esset ejus Prudentia, Probitas, Doctrina) in Præpositum Collegii electus, non tam præesse, quam prodesse illi voluit.

2. Vacante supremo magistratu Academiae (qui non nisi Magnatibus & meritissimis defertur) Defertur autem ipsa seipsam ejus custodiæ & clientelæ commisit; Academico Senatu in Academiae Cancellarium ipsum eligente; quod quanto beneficio, atque gloriæ Academiae atque rei literariæ universum versum est, appareat ex ejusdem Privilegiis stabilitis, auctis: legibus & Statutis in ordinem usumque digestis, &c. Ut respublica Literaria in illa unica Academia suos numeros implevisse videatur. Ratio tam accurata in admittendis, instruendis, exercendis, promovendis, moderandis, &c. studiosis; & negotiis Academicis omne genus administrandis, &c. ex ejus voto & dire-



directione in illa habetur. Vide Statuta Acad. Oxon. impressa Oxon. 1638.

3. Religionis Orthodoxæ, atque uniformitatis in cultu divino, per Ecclesiam Anglicanam, ex legibus & constitutionibus Patriæ; moribus antiquis & probatis: adeoque regula & mente (qua queat assequi) primorum Reformationum illius Ecclesiæ, acerrimus assertor: ab omni confusione, immunditie, profanatione Sacrorum, &c. abhorrens. Utque major reverentia sacris concilietur, ordinis Ecclesiastici atque Facultatum, quibus honestius, & liberalius se sustentent, quâ justè poterit, vindex & promotor studiosissimus.

4. In Theatro Theologico sive cominùs certandum cum adversariis, sive concionandum è Cathedra promptissimus, æque ac nervosus & strenuus. Quo etiam loco habet Jesuitarum & Romanensium superstructiones stramineas & superstitionem; juxta ac aliorum (Socinianorum, &c.) in re religiosa, dogmata & deliria pernicioſa, nemini constare non poterit, cui cæpitare non lubet; ex operibus ejus publice impressis.

5. Templum Divi Pauli Londini (opus ingens, &c.) ab ætate suâ æque ac incuria temporum non leviter passum, ejus consiliis & auspicio reparari inceptum, propediem (in maximum & urbis illius & Ecclesiæ Anglicanæ ornamentum) pristinum suum decus & splendorem recuperaturum.

6. Ardor ejus sumptusque immensi in conquiendis Orientalium Scriptorum Monumentis, publico & æterno usui in Academia Oxon. destinatis. Ubi etiam liberalitate & sumptibus propriis jam amplo atque annuo Salario dotavit Professore, qui Linguis illis studiisque propagandis omnino insudet. Vide Epistolam D. Joh. Seldeni præmissam ejus de Successoribus ad leges Ebræorum, &c.

7. Mira in precibus divinis, Consiliis Regis, Foris Justitiæ (quibus aut præesse aut interesse illi incumbit) assiduitate & zelo: ab omni largitione atque corruptione (quod nemo non fatetur de ipso) alienissimus.

8. Virtus invidiâ carere non potest, &c.

CCC.

Cl. V. Ger. Vossio, Salutem in Christo.

**A**nnus elapsus est (Vir eximie) à quo Literæ priores vestræ (sed quibus re-

sponsum non dedi) ad me pervenerunt. Sed annus occupatissimus fuit, & in quo vix libere spirare, ne dum scribere potui. Regis in partes Regni Boreales discessus: negotia quæ eo absente mihi aliisque incubuerunt: pacificatio illic sancita, sed vereor an satis tuta: à reditu Regis Consilia inita: Parliamentum indictum, conventum & dissolutum, negotiis Regis & Regni non compositis: statim à soluto Parlamento seditiosa & furiosa in me, & domum meam, hominum malè feriatum & conditionis infimæ Insurrectio, quingentis ad minimum domum meam horâ noctis mediâ obsidentibus, sed Deo gratias frustra: Convocatio sive Synodus Nationalis sequuta est ut (si fieri posset) res Ecclesiæ turbas non darent, nec Religio (ut ubique gentium solet) pallium fieret. Interim apud nos omnia arma sonant. Et inter hæc quæ me, & animum meum pacis cupientissimum pessimè habuerunt, quæ potui de literis tuis, utcumque semper mihi gratissimis cogitare?

Sed omittis quæ me distinuerint, & manum à tabula, gratias tibi summas ago, quod memor mei Literas misisti. Junius charissimus attulit tuas, meas etiam refert; sic enim decreveram, sed abiit literis meis nondum transcriptis. Breviares sunt quam aut res postulant aut quæ tam diuturnum silentium possunt expiare. Sed non ignoras (idipsum enim lego in tuis) quantas turbas, & quam malas nobis hic in Angliâ res Scoticæ dederunt: furiosi novatores quo tendunt scio, quò pervenire dabitur novit Deus, & jam Angliam armati invaserunt. De his autem nec vacat nec placet scribere, ne quid fellis Chartulas meas migraret, quum video ubique, & apud externos etiam, nomen meum, famamque, illorum virulentis calamis, laceratam & fœdatam undique.

Redeo itaque ad privata. Et certè doleo annum tuum Climactericum tam malè te multasse. Sed non eripuit cum sanitate vitam, nec diu detinebit spero revertentem sanitatem. Et (quod impensius opto) Deus dabit solatium pro malis illis quibuscunque quæ annus iste tibi parum faustus intulit.

Mitto per Junium Librum meum superioris anno editum, sed Idiomate Anglicano. Promisi fateor editionem Latinam me tibi antehac missurum. Nec falsus sum in hoc, sed deceptus. Vir enim satis doctus, & cui satis otii est, hoc in se suscepit, & ut apertè tecum agam perfecit: Sed quum paulo penitus inspexi, vidi non pauca in quibus sensum, plurima in quibus stylum non

non est assequutus. Et melius multò duxi suppressere Translationem, quæ nec me, nec mea loqueretur, quam talem edere, unde exteri omnes, quibus Lingua Anglicana non satis nota est, me quidem, sed speculo male fido, intuerentur. Si corrigi poterit potes adhuc expectare, sed vereor transferentis socordiam magis quam calamum; cum hoc libro meo Canones mitto novissima Synodo constitutos, quibus videre potes me nec Ecclesiam nec veterem Ecclesiæ tramitem deseruisse. Reliqua, sicut & te ipsum Deo, & gratiæ ejus commendando, effragitoque ut temporibus hisce quibus tam subdole, tam violenter res nostræ undique petuntur, velis jugi oratione Deum & Salvatorem nostrum fatigare, ut incolumem servet servum suum, &

*Dat. ex Aedib.  
meis Lambeth.  
Aug. 31. 1640.*

*Tibi (Vir doctissime)*

*amicissimum,*

Will. Cant.

## CCCL.

*Clarissimo, Doctissimoque Viro D. Gerardo Joanni Vossio, Artium & Philosophiæ Doctori celeberrimo.*

Clarissime & celeberrime Vir, Amice honorande,

**N**Udius tertius interfui funeri, & parvæ, Antonii Thyssii, in Academia Doctiss. duobus Theologis orba, in tantillo temporis spatio. Spes aliqua affulget, D. Bisterfeldium, qui ad defuncti D. Walzi professionem vocatus est, affuturum circa ver proximum. Nisi jactura tanta brevi resarciatur, & Academiæ de celebri etiam J. C. & Philosopho provideatur, frigebunt studia, & vicini ad se florem studiosorum pertrahent. Cum ibi essem exiit in lucem, novus affinis mei Molinæi foetus, quem Decano, & Capitulo Cantuariensi placuit dedicare. Mitto hodie exemplaria Cantuariam operâ D. Boswelli. Unum tibi retinui, qui inter eos es allectus, & affinis mei in Canonicatu Collega. Accipies igitur illud à me, nomine Authoris, qui erga nomen tuum, non minus affectus est, quam tu erga illum, quod ei etiam nuper testatus sum. Cellissimus Princeps cum filio crastina die, huc Groningam versus tendit, ob causam tibi notam. Ego interim hic quiesco, ubi si opera mea tibi, aut tuis esset

necessaria, eam vobis libenter impenderem. Heri tumultatus fuit D. Bouchortius, cujus locum in Concilio ordinum Generalium implebit D. Aerlenius. D. Salmasius tandem appulit Diepam, post agitationem periculosissimam, dierum octodecim, in quorum quarto amisit filiam majorem natu, quæ in corpore imbecillo, ferre non potuit tantam concussionem. Rhotomagi aliquamdiu egit, apud Senatorem Sarravium, virum doctissimum, & doctorum amantissimum, ac tandem Lutetiam Parisiorum pervenit. Boxhornius sub prelo habet, librum de Trapeziticis, an hic tollerentur tantum, vel approbentur? Audio eum satis modestè rem illam tractare, quia eum vestigia terrent. Hæc habui quæ pro tempore, & raptim, ad te scriberem, quæ boni consules, & me amare perges, qui tibi & tuis, omnia prospera voveo. Vale.

*Rapt. Hag. Com.  
xv. Kal. Dec.  
c1o 1641.*

*Tui studiosissimus,*

Andreas Rivetus.

## CCCII.

*Excellentissimo, & Clarissimo Viro D. Gerardo Joanni Vossio, Athenæi Amstelodamensis Professore celeberrimo, cum debita honoris præfatione S. P.*

**D**UÆ sunt causæ, Vir undequaque clarissime, quæ me ad hoc quicquid est literarum ad te exarandum impellunt. Una quidem humanitas tuæ, & singularis, cujus utriusque amœnus radius, me quoque calfecit non ita pridem, dum non tantum colloquio minimè penitendo, sed & ejusdem eximio condimento, vini scilicet nectarei tecum alternato haustu, seorsim me dignatus es; pro qua utraque beneficentia, quantas possum maximas etiamnum tibi gratias ago. Altera est D. Professoris Hoelzlini, & affinis mei nunquam non veneranda mihi auctoritas, qui me ad hanc scriptionis aleam ipse quoque instinxit, his & similibus verbis; Heus tu, qui semel hortatu meo, virum tantum, tam amicum, coram auctus es compellare, cur non etiam per literas tandem? Quod si ego amicitiam ejus tanti aestimare debeo, tu multo magis favorem ejus, hoc præsertim rerum tuarum tam flebili statu, conciliare tibi necesse habes. Sic illo me monente, meus ipse me porro monuit



huit animus, quantam rerum mearum, non ita pridem fecerim jacturam, quantis fatorum fluctibus, infœlix ego sim volutatus. Quid enim non patitur is, qui in Dynkerkanas istas Harpyias incidit? Cuius tamen cladis, oblivionem potius, quam memoriam optavi sapiculè; sed hanc invito subinde refricant, non tam pecuniæ, & sarcinarum jactura, quam cicatrices illæ post vulnèra in pectore meo, tum accepta, etiamnum residuæ. Postquam enim prædones illi nos debellassent, nostramque navim, post cruentum satis, & novem horis continuis durantem conflictum, tormentorum ictibus plusquam ducentis, jam pessum, dedissent vulturum instar, uti solent, advolantes, omnia ex hoc naufragio, nobis reliqua surripere, nec ipsam interulam, nedum vestem reliquere: dumque ego sic partim reluctor, partim precibus ab eis impetrare conor, ut vel interiorum tunicam, pudoris gratiâ non raperent, perditissimus quidam nebulo, furibundus in me irruens, me non tantum nudavit penitus, sed & pectus meum unguibus suis uncis, sic dilaniavit, ut sanguis inde largiter efflueret. Taceo nunc cætera, ne & mihi non minus ac tibi, velut crambe quadam bis cocta, molestus sim. Ad has igitur redactus incitas, tantisque studiorum meorum viduatus subsidii, ad te V. C. tanquam ad naufragii huius hospitaticem tabulam, me convertito, rogans efflictim (quod & coram feci) ut si quam peregrinandi studiorum causâ, pro digno aliquo stipendio, cum Mercatorum filiis, vel id genus, aliam nôris commoditatem ea me languentem beare, & hoc modo studiis meis succurrere ne dedigneris. Satis credo Palatinorum exulum plorabilem sortem, quæ me quoque premit, jam ultra quindecim annos perspectam habes, pleurosque nimirum, imo fere omnes, non suis, sed aliorum subsidii, & facultatibus adjutos, ex hoc communis sibi calamitatis Oceano emergere, & sustentari. Ad pulverem tamen pædagogicum mallet non revolvi denuo, quippe qui tot annos jam in eo sudaverim, idque cum studiorum meorum damno, vix reparabili; sed si quæ essent, jam robustiora paululum ingenia, & quæ manum ferulæ subduxissent, eis ego me comitem, & ductorem optarem præfici. Nec enim me lateat, multos cordatos & haud infimæ fortis Parentes, in huiusmodi filiorum suorum cura, ad te, tanquam ad proram & puppim consiliorum se recipere. Quod si talis, te dirigente, conditio obtingeret, efficerem ego, ut

ut nec me susceptæ provinciæ, nec te commendationis tuæ, unquam peniteret. Peragravi Germaniam, jam aliquoties, in Gallia totum biennium Clarissimus Molinaus me habuit auditorem, ac mare decies ingressus, Daniam Borusciam, ipsam denique vastam perlustravi Poloniam, & jam Angliæ, seu, ne imprudens committam sollicitudinem, Magnæ Britannię obeundæ propinquus eram, ni lamentabilis ille, & horrendus calus me repressisset. Tantis denique (quod citra omnem dixerim jactantiam) asperimortum itinerum reciprocis ambagibus, sum volutatus, ut in his Tyro quispiam, & qui nido suo nondum evolavit, me duce, & Achate, ad huiusmodi profectioes, non infœliciter, spero, usus esset. Talem porro ut ambiam conditionem, aurem mihi subinde vellit, Domini Professoris, & affinis mei, jam per aliquammodum temporis afflicta satis, & nimis quam incerta valetudo, quæ quidem cum tam male habet, etiamnum, ut munere suo publico, ultra sex hebdomadas, jam intermisso, pedem domo efferre, nondum valeat. Cui Apollonio suo, eo jam progressus est, ut quomodocunque res cadat, modo sic pergat Typotheta, totum opus sub finem mensis Januarii, commodè absolvi possit. Amplissimisque Curatoribus, paulo post illud tempus, hic adfuturis, insinuari. Nimirum octo circiter folia, ut appellant, tantum restant imprimenda, jam omnibus, præfatione & indice exceptis, à me descriptis. Cæterum Deus Opt. Max. cuius iudicio tot pericula, & labores exantlavi hætenus, me ipse tandem, spero, respiciet. Meam interim vult exercere patientiam, meque ad se precandi studium tanto magis excitare. Sed ne te morer diutius, en tibi pagellas illas, vel potius commentationes in Genesin Molinianas, omnes quidem quas toto illo biennio dictavit: quas gratâ manu, quæso accipe, iisque quantumlibet utere. Verum, totus iste tractatus, post tot alia Theologica, viri huius & satis famigerabilia scripta, ipse quoque in lucem tandem prodibit. Ego nunc in eo sum, ut hoc ipse per literas, ex eo velim cognoscere, eademque opera commendatitias illas literas, & alia id genus testimonia, quibus me tum dignatus est quæque ego cum cæteris huiusmodi chartis, hostium & durioris metu captivitatibus, in mare tum proiecti, recuperem. Et quamvis satis ille habeat commendationis, quem virtus sua commendat, hoc tamen ævo, sic comparatum est, ut literis





## CCCIV.

*Gratiam & Pacem à Deo Patri, & à  
Domino nostro Jesu Christo. Amen.*

**P**eroptassem Reverendi admodum Doctissimique viri, fieri potuisset, ut ipse coram, hæc apposita deliberationum capita, vestris Reverentis obtulisset. Sed quamvis multis, magnisque adducar argumentis, ut id expetam, pluribus tamen, & longè multo majoribus retrahor, à conatu, quo id effectum dari posset. Revocor enim in Magnam Britanniam, maximisque precibus à me contendunt amici, ut nullibi nec ullam ob causam, me detineri patiar, donec eò pervenero: quoniam ibi omnino insperatam, & exoptatissimam, rei bene gerendæ ansam, mihi offerri autumant: meque per omnia sacra adjurant, ne tantæ occasione deesse velim. Ergo illorum vocationi nunc obtemperandum erit, ita ut simul debitus erga Dignitates vestras respectus non intermittatur. Spero igitur vos in optimam partem accepturos hanc affectus mei erga Ecclesias vestras propensi testificationem, quâ honorem suffragii in re tanta, quæ omnes concernit Evangelicos, vobis delatum volui. Et ne forsan istud quod in Appendice, de Confessionum particularium usu, non legitimo, dicitur aliqua cum sermonis libertate, sit vobis offensionis, velim ut rectè mentem meam de eo percipiat; atque causam cur ita loquutus sim intelligatis. Constat haud dubie vestris prudentis complures esse libros in Ecclesia Lutherana Symbolicos, præter Augustanam Confessionem, de cujus etiam exemplaribus variatis, & invariatis, ac horum autoritate non parùm disceptatur. Nostis Catechismos, Majorem, Minoremque Lutheri, Articulos Smalcaldicos, & Catechesin Hutteri, in superiori Saxonia, & alibi Symboli loco esse; nostis & ibi, & aliis in locis, aut formulam concordiæ Jacob-Andreasianam, aut cum ea particulares formulas, qualis Confessio est Wirtembergica, aut corpus doctrinæ Jul. aut corpus doctrinæ Philippi, &c. instar Canonis haberi; si non primarii, saltem paulò plusquam secundarii. Has tot Confessionum distinctas formulas, (quamvis & inter ipsos Lutheranos, per sæpe acres pariant, suis de opinionibus concertationes, & nobiscum, in opere quæsitæ reconciliationis, non paucas afferant remoras, & difficultates.) facile tamen omnes ad-

mitto: ut extent, & quantum possunt, valeant, si modo unum absit, quod omnino intolerabile videtur, & nihilominus ubique locorum ferè invaluit: nempe quod eousque attollant, atque extendant plerique suarum Confessionum loquendi formulas, ut iis tam suos ipsorum Doctores Academicos, quam aliarum Ecclesiarum Pastores, ita circumscriptos & limitatos velint, ut nec sibi suisque in prophetando ullam libertatem, ultra præcisos Confessionum terminos concedant, nec cum exteris pacificè agant, aut amicitia Christianæ jura observent cum ullis, nisi cum iis, qui in ipsorum verba jurare parati sint. Hinc est quod mihi de Confessionum fine, atque usu legitimo, cum Ham-burgensibus, cum Lubecensibus, cumque D. Bulchero Helmestadiensium Professorum Censore, (quod scilicet, ex præscripta formula non semper loquantur) & aliis quibusdam præsertim Lutheranis disceptanti, illud quod in Appendice dicitur de abusu Confessionum, in mentem venerit: ut ab errore quo, & privatam suam, & publicam quantum in se est, omnium Evangelicorum pacem, impediunt, & interturbant, revocentur.

Hoc igitur quod Lutheranis, qui vocularum quarundam aucupio delectantur, dictum est; nolim à vobis, aliter quam à me prolatum est, accipi; quoniam existimo, Confessiones publicas, non solum utiles, sed etiam necessarias Ecclesiis esse; necessarias esse dico, non tantum ut extent, in veritatis Evangelicæ testimonium, adversus Pontificiorum, & aliorum graves errores, humanasque traditiones, quibus conscientias credentium sub jugum cæcæ obedientiæ, mittere conantur; sed etiam ut confessionem fraternam initio Reformationis inter pios veri Dei cultores, in fundamento puræ Religionis, antea constitutam porro confirmet. Ac proinde utiles quoque posthac fore judico, ad communem Ecclesiæ cuiusque sententiam, in præcipuis doctrinæ capitibus agnoscendam, & ad concordiam inter eos qui dissidiis non necessariis distraherentur, promovendam. Haudquam igitur oportet eas abolere, aut floci fieri; sed tamen nec ita usurpari, ut loquendi formulæ iis comprehensæ, vel in aliarum Ecclesiarum, vel in Prophetiæ libertatis, vel in Concordiæ religiøsæ, vel in Communionis Christianæ, vel Conscientiæ scrupulosioris præjudicium adhibeantur. Ideoque, observandum erit, me Lutheranis in memoriam revocare voluisse ipsorum confessiones esse scripta humana,

quibus illaqueare conscientias minime convenit. Nullus enim tenetur ulla humanorum verborum formulas, aliter admittere quàm quatenus agnoscit sibi permiffum fore, bonâ cum illorum pace, quorum causâ id facit, illas ita interpretari, ut cum fidei analogia, sibi in Dei verbo revelata, possit eas conciliare: quod si permittatur, tum etiam si verba nova, atque priscis inaudita, (qualia tamen, nollem temerè à quoquam usurpari:) in confessionibus humanis, inveniantur, & possit ea quispiam, aliquali adhibitâ interpretatione sano sensu accipere; iudico illum pacis causâ, id tutò facere posse; imò & debere potius, quam ut otiosa certamina, de phrasibus & loquendi modis exciter; ex quibus lites, maledicentiam, invidiam, & suspiciones malas oriri dicit Apostolus. Atque hoc illud est, quod ego in meis, cum Sueciæ, & Daniæ Theologis, agere, pro mea in Christo libertate volui, quando phrasès Lutheranas, de orali manducatione, deque omni præsentia Corporis Christi, me certo sensu admittere posse professus sum; atque ita interpretatus sum, ut fidei analogiæ mihi revelatæ, non repugnarent in conceptu meo, quamvis eas nec approbarem, nec iis me teneri vellem, nec promiscuè adhibendas esse censerem; hoc tamen aliqui ex nostris, non rectè attendentes, meam hanc parrhesiam, animo non satis æquo, ferre videntur; putant enim agnitæ in Ecclesiis veritati, hac ratione aliquid derogari; à qua sententia ego ingenuè fateor me alienum esse, cum sciam non his, aut illis, loquendi modis, sed in rebus ac sententiis, sensuque verborum, analogiæ fidei consentaneis, veritatem consistere; nec unius hominis particularem, & certo sensu limitatam, phrasèos hujus, aut illius acceptionem, præjudicium ullum asserre posse, omnibus Ecclesiarum Confessionibus, quæ mentem Reformatorum manifestè produnt. Nec denique meæ qualicumque phrasèos, licet incommodioris admissione, Orthodoxiam labefactari posse, quamdiu in præparatoris tanti operis solummodo versamur. Etenim hoc jam præcipuè agitur, ut ad Tractatus ordinatos, constantes & universales, amicabiliter intendendos, de mediis, modoque procedendi, in concordia rectè constituenda, perducantur affectus illorum, qui hæcenus maximam studi sui partem collocarunt, in clamoribus, & insanis verborum pugnis; à quibus ut tandem abducantur, & ad res ipsas pertrahantur, mihi non videbatur inconsultum, hoc

pactò agere: præsertim cum hoc agens, nihil præter veritatem sensus mei profiteram. Jam autem si quis velit à mea interpretatione dissentire, faciliè id permittam, dummodo id fiat pacificè; & nolit propter ejusmodi opinionum diversitatem, omnia Christianæ Communionis vincula dissolvere, quod, proh dolor, inter multos, nimis sæpe fieri solet hodie!

Hæc paulo fufius apud vos edidiero, Reverendi in Christo fratres, quoniam non sum nescius, quantum possint aliqui, in præjudiciis, aut aliorum animis instillandis aut apud multitudinem fovendis: nec ignoro, quantis obnoxium sit suspitionibus, & sinistris imperitorum interpretationis, hoc quod præ manibus habeo negotium. Conor itaque hac ratione, huic mederi malo: atque ideo à vestris pietatibus efflagitabo, ne faciliè aliud de nostro instituto apprehendatis, præter illud, quod re ipsa præ se fert. Stamus enim in conspectu Domini, qui judicabit propediem secreta cordium. Nolite igitur ante tempus, de proximo iudicium ferre, aut ex invidiosis conjecturis, præpostere à quibusdam hausta iudicia temerè admittere: sed ex hisce de nobis judicate. Libenter enim, quicquid de re tota statueris, excipiemus: quando in nobis communicare non gravatè volueris: quod rogo etiam ut faciatis: quo mens vestra, iis quorum intererit eam intelligere, patefiat ad multorum ædificationem. Valete.

*Dabam Amstelædami,  
Jan. 27, anno 1641.*

# CCCV.

Vir Clarissime, Fautor & Amice summa Observantia  
honotande,

**N**On voluntate mea vel incuria, sed inopia Tabellariorum, qui hac anni tempestate rarius iter faciunt, distuli in hunc usque diem respondere literis tuis; quæ certe voluptati mihi fuerunt, cum tot annis cognitam erga me benevolentiam, quantaque sollicitudine rei Literariæ prospectam esse cupias, abunde testarentur. Utinam verò talis nobis Collega contingeret, qualem hæc tempora, postiori doctrina parum propitia, desiderant! Ita enim est, Vir clarissime, ut scribis, videmus barbariem ubique locorum magno impetu ingruere, cum multis in locis præsertim in Germania propter assiduas bellorum clades studia



studia Literarum paulatim interdicant, & in his quoque provinciis hic studiorum ordo à plerisque observetur, ut postquam discentes vix prima elementa perceperunt, statim ad superiores disciplinas animum adiciant, nullis vel exiguis linguarum ac solidioris Literaturæ adminiculis instructi. Quod vitium etiam in hac Schola experimur, dum plurimi ex Classibus promoti, quia aliunde adveniunt confestim sacra Theologiæ & Jurisprudentiæ invadant, nec in illis studiorum gradus fieri patiuntur, ut legitimo ordine proficiant; sed cum vix prima quatuor folia alicujus compendii perlegerunt, in disputationum campum profligunt; inque eo exercitio aliquot mensibus exactis, ad Sacerdotium vel Præturam viam affectant. Huic incommodo ut apud nos ex parte obviam eatur, summis votis expetimus virum eruditum, qui studiosæ juventuti ad elegantiorum ingenii cultum viam præcat. Hanc operam de Gronovio nobis pollicemur, adducti egregii animi dotibus, quibus apud multos commendabilem se fecit. Ideoque unice id agimus, ut eum consequamur. Professio ipsi est decreta, nostrique Proceres mihi significarunt in stipendio nihil fore difficultatis, sibi que curæ fore, ut honestissime hic excipiat. Jussu illorum ad Gronovium jam scripsi, eumque sedulo hortatus sum, ne hanc occasionem, non omni die obviam, temere prætermittat. Eum quidem in Italia nunc esse cum discipulis suis, sed reditum eorum circa Ver proximum Amstelodami expectari, intellexi. Multum faceret ad rem, si clarissimus Dominus Vossius eo quoque nomine paucis ad Gronovium scriberet. Literæ possent curari per matrem istorum juvenum quibus est præfectus. Habitat illa ad fossiam Cæsaris, uti vocant (*tegen over Schout Wlas*, vocatur, *Jouffrow Gerarts*) præstabis nobis rem gratissimam, siquidem de hoc negotio sumus valde solliciti: metumus enim, ne ineptus aliquis magistellus, qui per fautores suos potentes hanc provinciam ambit, nobis obrudatur, si forte Gronovius illam suscipere recuset. Hic finem facio, cum ad alia jam avocer, nec te ulterius interpellare deceat. Clarissimus Dominus Dieftius, nosterque Ifendoornius amicissimam salutem per me tibi nuntiari volunt. Vale, Vir eximie, cum universa familia, quam perofficiose saluto, & me amore tuo porro persequere.

Dabam Dronovio III. Cal. Feb.  
Gregoriani An. d. 1622.

Clarissimum Dominum Barlaam officiosissime saluto.

*Celeberrimo tuo nomini*

*toto pectore devotus*

Joës Christienus

CCCVI

S. P.

Vir Excellentissime, Clarissime, Celeberrime,

EX Literis superiori mense raptim ad te perscriptis, statum rerum nostrarum satis luctuosum non dubito quin perceperis; quæ, quo loco nunc sint, paucis accipe. Postquam affinis meus ultimum naturæ jam persolvisset debitum, de honesta ejusdem sepultura præcipue fuimus solliciti: dumque ei sic anxii quarimus sepulchrum, amplissimus Paets, Reipublicæ hujus Exconsul, præter omnem spem ultro se obtulit, huncque defunctum nostrum suo quod hic habet in Templo S. Pancratii, sepulchro donavit. Quod tamen ne ille in totum haberet gratis, nescio cujus vel negligentia vel invidia factum sit, ut tardius paulo sumus ad locum destinatum deduceremus, unde xii. florenorum multa viduæ fuit imposta. Poetæ suo Rhodio, *Junij* noster, quinto demum ante obitum dñe, cum jam gravissime decumberet, manum ultimam imposuit, nec durante morbo, nisi sex diebus novissimis, lecto fuit affixus, atque sic moriendo studuit, & studendo mortuus est. Nec absque providentia Dei singulari contigit, ut ego, qui nil minus sperabam, per hoc tempus adessem, meamque ipsi qualem qualem commodarem operam. Absque me enim fuisset suum hoc opus, cui tot annis jam insudaverat, necdum, imò fortè nunquam ad hunc umbilicum perduxisset. Unde mihi sæpe gratulor ipsemet, quod Deus me dignum habuerit, qui non tantum huic tanquam affini, sed & præceptoris meo olim fidelissimo *vi* vicem, quamvis, quod fateor, non *loquor*, hoc modo rependerem. Quod tamen citra omnem dictum volo jactantiam, cum id solum mihi datum fuerit negotii, ut quæ ille scripsisset intricatius, ego describerem, autorum scripta, quæ ipse præ nimia corporis imbecillitate, non *val* bat amplius inspicere, prælegerem, Indicem colligerem, Errata denique quæ commisset Typographus, emendarem.

Simu-

Simulac igitur hoc opus lucem aspexit publicam, tu Vir Excellentissime, primus es inter ceteros, omniumque dignissimus, cui unum muneris loco mitteremus exemplar. Quin & ipse author hoc donum tibi jam pridem, tanquam suo non solum fautori & amico meritissimo, sed & horum laborum uni non è multis, & ~~claro~~ Judici, jam pridem destinaverat. Tu illud quæso, vultu dignare benevolo, charamque defuncti hujus, cui tu vivo nunquam non fuisti charissimus, habe memoriam. Nec dubito, quin, si adhuc vixisset, ad vos ipse hoc onustus munusculo, transisset, tibi que coram obtulisset. Meum verò erat, hoc ejus loco præstare officium, sed dum amita mea tam in recenti adhuc est luctu, nolui eam tam diu solam relinquere. Boni igitur & optimi consule hunc illius Libri latorem, patria Silesium, Consul apud suos amplissimi filium, hujus Academiæ civem non postremum, mihi quoque amicissimum; isque jam pridem hunc ambivit honorem, ut te aliquando videre, tuoque humanitatis radio, qua licet, illustrari queat. Quem tu scio repulsam pati non patieris; ceterum opus jam toties nominatum, D. D. Curatoribus, eo ipso die quo Rectorem nobis crearent magnificum, & in Curia congregati essent, auctoris & viduæ nomine insinuavi, qui quidem illud tam benigno & liberali respexerunt oculo, ut viduæ CL florenos pro oblatione, & supra hos CCCC alios, in stipendium annum & quo ad dies vitæ frueretur, decernerent. Equidem multi hic sunt, qui hanc munificentiam mirentur, vel potius invidiant, dictitantes, nulli unquam hujusmodi viduæ tam largiter prospectum esse. Quibus ego respondere soleo, nullam forsitan hæcenus fuisse, quæ tali beneficentia magis indigeret. Me quod attinet, penes eam hic tantisper morabor, donec illustris Domina de Donaw ex Gallis Hagam advenerit, quam quidem instante mense Martio sperant illic affuturam esse. Quæ quandoquidem Virum desiderat, qui ipsi sit ab epistolis, mihi que hæc provincia jam pridem oblata sit, suscipere eam est animus. Tu verò si quod consilium possis impertiri salubrius, ne, quæso, detrecta. Etiam atque etiam vale, V. E. ~~meum~~, & me tibi commendatum habe.

Lugduni Batavor.  
viii. Kal. Martias  
c1616.

Honori & famæ

tue deditissimus,

Georgius Andreas Richter.

Vos & omnes officiose saluta mea amicta; à me quoque salvetur omnes.

# CCCVII.

Clarissimo, & Doctissimo viro Domino  
Gerardo Joanni Vossio, *Historiarum & Chronologiae Professori celeberrimo* S. P.

Clarissime & Eximie Vir, & mihi plurimum honorande,

Sufficiebat mihi quod ex Doctiss. juvene filio tuo, certus fueram factus, reditas fuisse tibi literas meas, cum opusculo affinis mei, neque quid ultra expectabam, cum Ampliss. Dubletius, tuas mihi attulit, ex omni parte gratissimas, nisi quod de tua, & lectissimæ uxoris tuæ adversa valetudine, addisco primum, sed cum lenitivo melioris sortis, quæ priores tuas, & publicæ rei literariæ, utilissimas curas, non amplius remorabitur. Exoptatissimus est ubique hic labor tuus, & Galli nostri inter alios, ejus publicationem impatientius expectant. Det Deus, ut intra paucos dies, fiant votis compotes. De Bolducii Oggio, ut appellat, Christiano, egeram cum filio tuo, eique librum ostenderam, in Bibliopolio Elzevirii, putabamque ad te fuisse delatum. Sunt nonnulla quæ censuram tuam merentur. Totius operis scopus est, ut ostendat, ab ipsis mundi primordiis, per omnes ætates, oblatas fuisse Deo placetas, figuras Sacramenti Eucharistiæ, etiam in Orgiis, & Bacchanalibus, & in eum finem multa colligit ex gentilium sacris. Ordine Capucinus est, Natione Gallus, homo Octogenarius, qui etiam scripsit libros, de Ecclesia ante legem. Magnus Salmasius ex quo Lutetiam venit, variis calamitatibus fuit impetitus. Socrum amisit, Uxorem habuit tam graviter laborantem, ut quatuor continuis diebus, iterata sanguinis missione opus fuerit. Variè etiam fuit tentatus, ne ad nos rediret, nec se potest penitus extricare, quamvis ei steteredundum animus. Sperat saluum conductum, aut potius dimissionem, ex publicatione Libri, de Primatu, qui sub prælo sudat, & vires acquirit eundo. Mittit subinde ad Typographos, materiam novam, quam ei subministrant regiz membranz. Reliquit tibi Librum nostri Croii, de Versionibus antiquis, ut aliquem ex Typographis vestris excites, qui illum typis



typis describeret. Nuper accepi literas ab Authore, qui ferè desperat de editione, his in locis, petitque, ut si obtineri non possit, ad eum remittatur scriptum. Rogo ut me certiore facias, an aliquid sit sperandum. Idem Author mihi significat, se opus Heinſii in N. Testam. ad examen revocasse, animadvertisse innumera Authoris *opâlium*, & Bezam defendisse. Primam partem absolviſſe, quam miſſurus sit Genèvam, nisi sit hic qui excudere velit. Vir doctus est, & in linguis ad id necessariis apprime versatus. Postquam à te responsum accepero, ad eum rescribam. Opus esset festinato, quia Celsissimus Princeps, voluit ut unicum suum in Angliam comitaretur, nec satis scio, an mihi tempus superpetet, nuptiis mei filii interesse, quæ Leydæ celebrari debent nono Aprilis. Hæc res inopinato nobis accidit, cum miſſus est Buram, & Leydæ apud amicum vicinum, viduæ Burgesdikæ diverteret, invitatus fuit ad cœnam, cum hospite suo, ubi cum vidisset puellam octodecennem, defuncti Collegæ filiam, in eam vota sua convertit, & communicato mecum consilio, cum viderem eum eousque processisse, ut protestaretur se non posse dimoveri, sciremque puellam, honestis parentibus ortam, & mediocres esse facultates, annui, quandoquidem ille, xxxvii. ætatis annum attigit, & amici ex Gallia, ab initio mihi suavisent, ut occasione data, eum huic jugo alligarem, quod felix faustumque sit, Deum precor, & ab amicis, qualis es inter primos, peto, ut vota sua meis jungant; qui etiam tibi, & tuis omnia prospera voveo, & si voluerit Deus me in Angliam deducere, fac ut mihi significetur, si quid in re tua, aut tuorum, possum, habebis me promptum, & paratissimum. Salutem plurimam D. uxori, à me, & mea. Vale.

Hæc Comiti.  
xxvi. Martii.  
c15 l5c xlii.

Tibi addiſſimus, & ad  
omnia officia paratissimus.

Andreas Rivetus.

CCCVIII.

Clarissime Vir,

**N**ON mihi excedit benevolentia & summa humanitas tua quam mihi domi tuæ non uno testimonio probasti. De qua si hætenus filii gratias agere per literas, temporî, amicis & continuis amico-

rum visitationibus imputabis, in quibus tuum tamen nomen semper nobis sacrum fuit, eritque mihi quamdiu spirabo. Nec prætermisi animum tuum in Patriam nostram summis (ut potui) viribus deprædicare, non solum Illustrissimis Regni Proceribus ubi ad eorum colloquium fui admissus, præsertim summis in Republica nostra Viris Domino Comiti de la Gardie, Regni Marſcho & magno Cancellario, qui eruditionem tuam summam & piam maximi merito tuo faciunt; verum etiam omnibus bonis, quibus ingens ac divina tua virtus satis nota, mihiq; nupſam tacenda. Literas quas Hamburgo filio tuo Viro Clarissimo Iſaaco destinavi, jam (ut opinione metior) acceperat: Optarem per literas ejus continuationem amicitie nostræ intelligere. Amicorum visitationes, tum iter de loco ad locum inveniendi amicos & cognatos mihi adhuc ad silentii veniam suffragabuntur. Quamprimum hic amoris mei error aliquam mihi requiem indulserit, locabo eam honori & reverentia eorum, qui mihi in Belgio doctrinæ & honestæ conversationis duces exſistere. Præteritis diebus Academiam nostram invisi reperi, inter alios Loccenium Bhemiumque viros tibi addiſſimos. Loccenius varia sub manibus habet, imprimis tres libros Antiquitatum Sueo-Gothicarum; in quos conferre constitui quicquid habet patria antiquorum institutorum, laudisque. Parat etiam translationem legum Suecicarum eamque bono Esthonorum, Livonorum & Ingriorum. Cæteri pro sua quisque professione varia ediderunt & adhuc sub prælo habent. Eorum tamen nunc memoratone abſtineo. Quoad publicæ exercitiæ & diligentiam docentium & discipulorum, vix dicere possum, quanta hic mutatio, quamq; gnaviter bonæ menti litent. Numeravi, ut cæteros taceam, præſentes una disputatione à nobilium filiis nostræ nationis 97, & quotidie plures accedunt. Adeo ut vel ex hoc ego conjiciam, Mulas extorres sedibus prioribus in septentrionem migrare & hic tantisper sedem figere dum alibi Mars detonerit. Sed ignosces mihi, virorum eruditissimè, si amore Patriæ meæ ejusque incrementis abductus de studiis aliter forte judico, quam tenuitatem meam decet. Video otia hæc & pretia etiam esse literis qualia in pacatissima Republica sub optimo Magistratu poni solent. Neque in aliis rebus divinæ benevolentia indicia latent. Nunquam hætenus tanta fodinarum copia, tantæque in iis divitiæ repertæ sunt, atque præteritis

teritis annis effoderunt. Quibus jam in omnibus hujus Regni Provinciis succenturiantur officina fabrorum, ut non dicam amnes sed rivos excoli hic videas & elaborandis metallis adhiberi. Provida hic ut ubique fuit rerum natura quæ maximis metalli rupibus adposuit sylvarum densitatem & aquarum mira profluvia, utpote sine quibus neque solvi neque procudi metalla potuissent. De hisce ultra quam volui scribo, sed non ut debui. Taceo tamen, hoc confidentia virtutis tuæ, quæ nihil in me contempsit, illud vero ex contemplatione rerum in patriâ ejus speciem adhuc in animo gero, eamque invitus in chartam conjicio.

Vale Virorum mihi maxime, & me optimæ honestissimæque tuæ familiæ officiosè commenda.

Holmiæ ix. Apr. Claritatis Tue  
Anno 1641.

*Filiali affectu*

*observans,*

Haraldus Appelboom.

#### CCCLIX.

Gerardo Jo. Vossio, *Viro summo*, Ludovicus Crocius S. P. D.

CHRISTOPHERO Timplero inscriptas à F. Junio affini tuo literas Rudgero fratri illius, Reip. nostræ Physico, homini Zelotas nostros in omni occasione in nos extimulanti actutum tradi curavi; qui non sibi, sed fratri ante quinquennium defuncto datas aiebat. Impetravi tamen responsum, quod hic inclusum accipies. E morbo gravi te iterum eluctatum gaudeo, & affimilem in modum ut honoratissima uxor tua morbi sui reliquias edomet & vincat, Deum sospitatorem obnixè precor. Zelotæ nostri Acheronta movent, ut canderem, veritatem & concordie studium nobis extorqueant: sed vanas scimus sine viribus iras. Virtus enim invicta omnem pravum affectum sui ipsius agnoscit ultorem. Res agitur putidis calumniis domi forisque. Colliguntur hinc inde suffragia Academiæ & Classium vestrarum, quibus à plebe minores habeamur ac prope inauditi per provincias vestras passivus damnemur. Hoc seculum est! Quid aga-

mus? Nil conscire sibi, hic murus ahenus esto. Detonant in nos omnia pulpita, omnes cathedræ vestræ, siquidem fama vera est. Sed nec bona, nec mala fama nos à Christo avellere debet. Duræus, Vir eximius, in Angliam profectus, ne iota quidem ad nos perscripsit, ex quo hinc discessit. Miramur tam longum viri silentium, ac veremur ne quid illi vel in via vel in regno contigerit finistri. Capita rerum hæcenus in negotio *isomus* ab ipso gestarum à Lutheranis cupidè quaruntur ac leguntur. Domino Calixto exemplaria aliquot misi & aliis istarum partium. Sciret Deus moderata ingenia quæ veritatem simul amant & pacem. Audio naves in exteras regiones de Anglia solventes in porta diligenter excuti, ne quid literarum transvehant, quibus creperis regni status exteris intempestivius reveletur. Triste est quod de Parlamenti inferioris sensu scribis. An enim una Genevensis Ecclesiæ facies præ omnibus placet? An hæc est illud Apostolicæ Ecclesiæ *agris* *supra*, sine omni macula, sine ruga; cæteræ omnes imbubinatæ? Magni sanè Viri; Calvinus, Beza, alii, & de populo Dei seculo præterito præclarè meriti; sed Petrus Martyr & Martinus Bucer istis nihilo sunt inferiores. Fatebuntur ipsi illi, quos modestius de se sentire novimus, quam infruniti quidam eorum admiratores, quibus omnis pia Antiquitas præ illis sordet. D. Gomarum è vivis excessisse dudum acceperamus, cujus immoderatum & improvidum Zelum jampridem frenâssem, siquidem id è publica re judicavissem. Malo bonas horas aliis tribuere, & quicquid in me iniquius dictum scriptumque fuit, amore pacis publicæ concoquere. Horret enim animus intestinas fratrum & Symmystrarum lites. Nunc Antipapismum sub incudem revoco & Antilocinismum. Si Typographi vestri fortean sint adeundi, velim, siquidem integrum est, edoceri, an sit qui libellos quosdam nostros Typis suis exscribat. Nam æmuli nos forsitan ita devenustarunt, ut deinceps nemo suam nobis collocet operam. Theologiam Gentium & Physiologiam Christianam, opera eruditissima ad indices usque jam Typis exscripta, ut primum ad Colophonem perducta fuerint, cupidissime expectamus. Deum ex animo veneror, ut prospera valetudine & aquila senectâ te, Vir summe, beet, quâ hæc & alia plurima recondita eruditionis monumenta à manu tua habeat & admiretur posteritas.

Salutem



Salutem plurimam officiosissime scribo tibi, favior maxime, matronæ honorandissimæ & filiis eruditissimis à D. D. Bergio, Willio & me quoque. Bene valet & salve æternum, o maximum Decus nostrum.

Breme x. Kal. Apr. Anno æræ nostræ c1o 10c xli.

CCCX.

D. Gerhardo Jo. Vossio *res. n. v.*  
S. P. D. Ludovicus Crocius.

**E** Sectatoribus nostris, Vir maxime, fores tuarum Charitum nunc pulsat doctissimus Juvenis Daniel Succius Anghaldinus, Hebræis, Chaldaeis, Græcis Latinisque literis mediocriter excultus, & ad prædicationem Evangelii Christi præparatus, osor litium & Epicuræ morum licentiæ, quæ hoc ævi passivitas dominatur. Is voluit in transitu uberimos doctrinæ & pietatis tuæ latices coram degustare, eorumque adspersione fragrantior per Belgium vestrum ad Britannos & Gallos abire, ea fieri, ut patriæ tandem aliquando redditus debita cum prudentia partem reipub. Christianæ gubernare posset. Id propter, me parano, *ostendit* à manu tua sperat ac petit obnixè, quibus summis in Anglia viris, Academicarum & Ecclesiarum aliquot præfulibus innotesceret, ac sua Officia qualiacunque & servitia literaria offerret. Virtutes edecumate, quibus hic ingenium radiat, omnium honorum favorem merentur. Præfuit quibusdam liberis Baronibus domi meæ tanta cum laude & dexterritate, ut eum habeam inter eos, qui sunt intimæ admissionis & magnæ spei. Judicio valet, & antiquitatem rursari incipit, ut in dogmatibus venetur Catholicum consensum. Hortaberis eum, ut hoc tramite pergat & privas seculi opiniones & novellitates constanter evitet. De rebus nostris nihil dico, quoniam eas callet hic noster & candida vobis voce enarrabit, siquidem id ferunt vestra severiora studia. Monumenta, quæ ad umbilicum à vobis perducta sub prelo nuper fervebant, spero brevi manibus nostris versatum iri, ut ex iis nostra locupletemus. Deum veneror cum Collegis meis D. Bergio & D. Millio, ut Nestoris triseclæ ætatem, eamque firmam tibi, Vir maxime, elargiatur, ut elucubra-

ta opera & omnigena eruditione referta, quibus armaria tua sunt expolita, felicissimo obstetricatu tuo omnia in lucem edantur. In hoc voto finio, salutis perennitates universæ familiæ tuæ calidè apprecatus.

Brem. Kal. Maii An. c1o 10c xli.

CCCXI.

Celeberrime & Amplissime Vir,

**A** Deptus certissimam occasionem per hunc studiosum Gothofridum Kretschmarum, iterum ad te scribere non omittendum illud, sed faciendum mihi putavi. Tum etiam progressum Dissertationis meæ exquirere: Quam quidem, etsi paratam spero, tamen dubito. Ideoque nunc abs te peto, responsione me digneris, ac hac de re certiores facias, quam celerrimè. Clarissime Vir, Typographus ille Lugdunensis Jacobus Marci, certè non præstat se erga me, honestum, probum aut sincerum Virum, sed mendacem & nebulonem. Et profecto, si ille Jacobus Marci Dissertationem meam brevi temporis spatio non absolverit, hoc in regno excudi curabo. Sed tunc faciam ad Lectorem præfatiunculam, in qua Jacobum Marci (causis meis iustis adhibitis) ut hominem mendacem & nebulonem, apud omnes declarabo. Quæso maximopere, Jacobo Marci hæc epistola ad perlegendum detur. Clarissime Vir, Patrone Patris instar colende, exemplaria quadam Dissertationum mearum tibi etiam transmittito, quæ pro arbitrio tuo inter amicos dividere velis, obnixè peto. Præterea etiam habeo sub prælo Typographi nostri tractatum de Tybiis: cujus exemplaria data alia occasione quoque accepturus es. Vale ac vive diu tuis & patriæ.

Scribebam Soræ  
Danorum ad diem  
6. Maii An.  
c1o 10c xli.

Tuus omni cultu

& observantia,

Johannes Meursius Filius.

E c CCCXII

## CCCXII.

Domino Gerharδο Jo. Vossio, eruditi  
Orbis Principi, Ludovicus Crocius  
S. P. D.

Virorum & Patronorum maxime,

**V**Aletudinis gratia à Principe sua Vir reverendus Henr. Thumelejerus Superintendens Ecclesiarum Lippiacensium, olim discipulus meus, concionator facundissimus, sed hemiplegia in suggestu lingua & memoria privatus, in Belgium vestrum missus, per me voluit adspectu & alloquio tuo, tanquam Numinis cuiusdam propitii, vel ad momentum recreari. Id ut ambirem, nimio opere & efficitur à me expetiit. Si gratissimæ meditationes tuæ, quibus publico litas, ferunt, patere, amabo, ut, quod tanto affectu quæsierit, impetret. Filium habet probioris notæ, quem, si commodè fieri posset, præficeret puerulis quibusdam informandis pietate & literis, de quo forsitan in Academia quadam Belgica bono civi commendando ipse coram laborabit. Ea re calamum hic suffragamini. Affinis meus Hagam nuper profectus, literas meas nuper in transitu Claritudini tuæ haud dubie tradidit. Professor est Oratoriæ & Poeseos in Academia Castellana, & fratrem Juris professorem in Academia Sedanensi, nunc Hagæ rerum Principis sui causa commorantem invisit. Res Anglicanæ non levius quam Germanicæ animum afficiunt meum. Dicta Ratisbonensis causam Palatini, turbato Angliæ statu, minus feliciter tractabit. Sed *nam in yvian Quir. natus.* Salutem scribo honoratissimæ Matronæ, Uxori tuæ & familiæ universæ, virorum maxime. Bene & jugiter vale, Salve.

Breme, 3 Idus Maii Anno eræ  
nostræ. c10 100 xxi.

## CCCXIII.

D. Gerharδο D. Vossio, τῷ πρίνυ,  
L. Crocius S. P. D.

Virorum maxime,

**M**ore nostro Juvenes literatos ad vos iter suscipientes & immensum eruditionis vestræ pelagus admirantes literis meis fores vestras pultare jubeo, quæ mea est confidentia. Eapropter ignoscetis si in

publica simul & privata tua commoda ita pecco. Neque enim aliter possum, quando discipulis meis multum inde emolumentum cupientes, ut gratè fatentur, servire cupio. Nunc sisto Henricum Oldenburgium, Collegæ quondam mei in hac Schola filium, in Academiam Ultrajectinam abeuntem, ex quo cognoscetis quam male nobiscum agatur ab Rectore novo, Johanne Combaisio, qui publica hodie disputatione Syntagma meum propter assertam universalem gratiam allegatis verbis meis in Thesibus suis ut Heterodoxum & Huterianum traduxit & sugillavit, non sine magno multorum offendiculo. Collega meus D. Bergius, qui Excellentiam vestram mecum officiosissime salutatur, partes nostras contra eum piè simul & cordatè egit; sed furdo narratur fabula: quoniam Palladio suo, absoluto Reprobationis decreto, ex quo omnes, qui non sunt singulariter electi, nulla prorsus ratione damnationem evitare possint. Quid ad hæc dicent Lutherani ad contestationem Ecclesiarum Evangelicarum toties à piis Majoribus nostris provocati, si videant nos viperinis moribus invicem confici, & gratiam universalem omni modo negari, qua conciones Evangelicas enervari ad ravim usque inculcant? Moderata docendi ratio sordet huic seculo, & *seculi* multis bonis utrinque improbata plerisque allubescit. Conscientiam liberabimus, quantum possumus, & patientiam deinceps omnibus malis, Deo juvante, opponemus. Acta Alenconiensis hæc diebus à D. Thesefaito Parisiensi Theologo, Viro moderato, accepi, quibus causa Testartii & Admiraldi cognita & definita fuit. Vobis ea haud dubie nota sunt. Quid verò de iis videatur, velim mecum amiciter communicari. Utinam Buceros, Junios & his similes Theologos haberemus redivivos, viros sapientia & charitate maxima præditos; nã aliter sentirent quam proletarii, aut etiam *ἀδελφοί* quidam novitii. Sunt nunc multi in vulneribus Ecclesiæ ungues. Sed quid quiritor? Claudio, avocatus laboribus Officii. Bene vale, Vir maxime, & salve *αυτοῖς*.

Breme. ii. Kal. Jun. An. c10 100 xxi.

## CCCXIV.



## CCCXIV.

*Doctissimo & Paternæ Laudis æmulo  
Adolescenti Il. Vossio, J. Pyrædedus, S.*

**T***Ι* *καρτερὸν τὸ δὲ ἐννοεῖται.* Liceat enim mihi cantatissimo illo versiculo te affari, doctif. adolescens, dum in animo reputo, quam benignè quam honorificè à Patre tuo, non jam dicam quod universo orbe celeberrimum est, clarissimo & doctissimo sed virorum optimo exceptus sim, quot insuper à te & fratre, heu quondam tuo! charitatis officiis cunctulatus, non possum me *ἀφαιστῆς* crimine, quod ego fecidissimum semper duxi, nisi ex parte exolvere; quod animo tamen meo non insedisse penitus Deum verè testor. Præterquam enim quod hac in parte non omnino mihi defui, datis ad filium meum sapè literis, quibus illi haud maxime in mandatis dabam, ut aut vos præsens verbis meis salutaret, aut saltem per internuncios salutem deferri curaret, etiam illud in causa fuit, quod didiceram duas aut tres Epistolas, quas ad clariss. & nobiliss. V. Constant. Huggenum dederam, interceptas fuisse, aut interciddisse, & cum iis plurimas ad Statium & Tacitum emendationes, quas per eundem nobiliss. V. tecum & Gronovio mihi per te amicissimo communicatas volebam. Accidit insuper ut dilata, præter spem, in longum tempus, quam in hanc urbem institeram protectione, eadem opera scribendi ad te tempus protulerim. Sed tam pudendæ moræ pudorem auxit Clariss. Salmasii tam optatus nobis adventus, quam vobis gravis illius discēssus. Ab eo didici de Patre tuo quæ me statim summâ lætitiâ perfudere, quam augebant reliqua de vobis, nisi subito turbasset & absterfisset fere omnem de fratris tui acerbato fato facta mentio, qui cum Patri chariss. fratri tibi amantissimo, toti familiæ vestræ, universo denique literatorum ordini æternum lugendus occiderit, nulli tamen flebilior quam mihi. Quæ si fata virum! sed in tanto luctu & negotiorum quibus obvolvor & involveris, nihil à me jam expectes, quo aut desiderium illius vestrum, aut meum solari possim. Illud enim in tanta clade verè expertus sum, Parvi dolores loquuntur, magni tacent. Quod ut maxime vellem *εἰς βουλόμην τὸν αὐτόν*, tempus fortè & verba quæ præpedit dolor, nec mihi satis in expedito sunt, me deficerent. Itaq; ad lætiora, dilata in aliud tempus tam gravis casus memoria, desle-

ctam. Nam quid, obsecro, iucundius aut honorificentius à Clariss. Salmasio audire porui, quàm te exquisitissimis tuis ad Justinum notis æternum mihi nomen adstruxisse, nullo tamen aut perexiguo meo merito? Potes certe tu sine ullo famæ tuæ damno & intertrimento, quæ tecum nata per te in immensum crescit aliquid mihi de tua lucē impertire, idem faciens ut qui lumen de lumine accenderit; vereor tamen ne apud eos qui me penitus norunt, tantum affectui tuo dedisse, quantum veritati detraxisse videaris. *Ὅμοι τὸν διδῶν, ἢ μὴ ἀδιδῶναι ἴσται.* Nescio enim, ex animo dico, pudore an lætitiâ suffusus sim, dum me quoque principibus permixtum agnovi. An obsecro te tanti erant observatiuncula illæ, quæ mihi Amstelodamo Lugdunum naviganti *ἡν ἀπεργάζοντο* inter Nautarum & Vectorum strepitus notatæ erant, ut me tot titulorum & elogiorum mole fortè an invidia oneraret. Hac quidem parte legis illius immemor quæ prætia rerum ex affectu æstimari vetat. Sed paucis tam parvo famæ posteritatis constitit, quam mihi, qui quod ab ingenio meo aut doctrina sperare non poteram, à commendatione tua tam facile, tam præclare impetraverim. Quod nescio an tibi acceptum & inter beneficia referre debeam, qui me è tenebris eruere, & sic melius latentem in tantam lucem producere conaris. Etenim aut tibi tantæ ignoti hæcenus hominis laudationis invidia sustinenda est, aut mihi contra anteaactæ vitæ institutum & virium mearum conscientiam adnendum est, ne tu temerè aut nimia charitate hæc de me prædicasse videaris. Unde autem id consequi possim non video, nisi ad pueritiæ studia quæ mihi satis feliciter cesserant, recurrendum, aut de novo triginta annorum miserè in summis ferè calamitatibus, aut agrorum cultura deperdita tempora resarcienda sint; quod ut vellem maxime & per negotia liceret, atas jam fessa & ingravescens, totque insuper adversis fracta, in tanta præsertim ingeniorum vilitate, non fineret; nisi igniculis quibusdam gloriæ, cuius apud bonos, non leve præmium est, succenderer, quos aut tu cum patre & fratre tuo, aut Gronovius noster mihi è Batavia discedenti subdidisti. Quamvis enim ruri delitescere & unius memet dominum fecisse latebræ, unica mihi cura esset: quamvis omni libraria suppellectile destitutus essem, quam fratri juniore, abjecto omni instrumento artis clausaque taberna tradideram, ut tamen Gronovio, qui tum Statium excolebat

satisfacerem, cepi etiamnum fallendo labori Poetam illum in manus, in quo aut emendavi aut notavi non pauca, quæ serò ad Ampliss. & longe Clarissim. Virum Sarravium Senatorem Paris. misi, tam ipsius gratia quam Gronovii, quem Lutetiam venturum ab ipso Sarravio per literas didiceram. Quo factum est, ut cum tantisper hic Gronovius commoratus esset & Sarravius paulo post cum delectis è Senatu Parisiens. Senatoribus, Rothomagum juri provinciam dicendo à Rege missus esset, ego interim utroque exciderim brevique postea Gronovium Massilia solvisse tum peragratam Gallia, & Venetias profectum esse, per Literas ejusdem Sarravii ad Salmasium didicerim. Post exactum autem Stadium quum unicum penes me Tacitum ex reliquis libri haberem, ausus sum etiam quædam in tantum Authorem, post tot tantorumque virorum, quorum scripta omnino, nomine fere, mihi ignota erant, cujus postremi conatus *unavocipula* quædam ad te missilem, nisi quotidie messis sub falce cresceret, brevi omnia missurus ad te; & quia hæc & alia in lucem edere amicis & magnis viris impellentibus animus est, gratissimum facies si quæ ad illum observatz tibi aut Doctiss. Patri tuo, eorum me participem esse velis, ut aliquatenus te retaliare possim. Habebis interea summarium eorum, quæ ad Stadium elucubravi. Etiam quædam olim mihi puero notata ad Lucanum addidi, quia à Salmasio spes nobis injecta est te nobis illum certissimum daturum propediem. Quo successu tenuem hunc laborem susceperim tuum erit judicium; interim meliora à te expecto, ipse meliora à te monitus daturus. Utrumque candidus imperti, aut his utere mecum, tam bene quam tibi pararis, modo ne in publicum prodeant quæ ad Stadium pertinent, quem brevi editurus sum, & ad vos missurus. Cum autem hæc scriberem, opportunè reddita mihi est Clariss. Huggenn honorifica & amica pariter Epistola, ad quem protinus rescripti, & in eodem falce & sub eodem involucri omnia quæ ad te pertinent obsignavi, eumque oravi, ut postquam ea aut percurrisset aut exscribi curasset, ad te perferri curaret; vicissimque si quid ad me rescripturus esset, per eum illorum mihi copia fuerit, quod ut certius & citius procurari possit, obsecro te ut non contentus ea via, uti velis opportunitate negotiatoris Bergeracensis, qui Amstelodami agit nomine Villepontus, qui quicquid à te venerit Burdegalam deferen-

dum ad Henricum Boudeüyns, quæ illius est humanitas & affectus erga me curabit. Adjecissem his quædam Epigrammata à me nuper effusa potius quam elaborata, nisi ea fere jam sub prælo essent, & te tanta mole ineptiarum obruerè vererer. Satis in præsentia harum veniam impetrare. Sed jam finem faciam, postquam Chariss. Patri tuo, lectissima Matronæ Matri tuæ mihi summopere colendis, totique adeo sanctissima familie tuæ prospera omnia ex animo voverim. Vale tu, atque iterum vale, merito tuo mihi amicissime Adolescent, meque tui tuorumque observantissimum porro quod facis amare perge.

*Dat. Lutetia xii. Cal. Maias,*  
Salutis nobis per Christum  
parte, 1641.

## CCXV.

Præstantissime Vossi, & quia religiosum me Cultorem tui non aspemaris numero amicorum adscribere, eoque nomine censere, Amice summe,

Sollicitè mihi anquirenti qua usus opportunitate responderem ad priores quas ad me dedisti Literas pr. Kal. Sextiles cix. idc. xli. ecce altera à te scripta quidam Kal. Decemb. mihi verò reddita Kal. Maiis superveniunt. Tantum moræ desiderii nostrum mutuis, (ut etiam de meis hinc ad te missis suspicari datur) post omen sum mare non ita magnum creat tantilla intercapedo terræ, xx. sc. à Londino miliarium. Tanquam verò parum foret me nihil tale meritum literarum tuarum humanitate dignari, pergit propensa tua benignitas, jam ante satis obligatum, irremunerabili librorum beneficio ulterius mancipare, quos ab ingeniis vegetis, iudiciis solide teris profectos, ab amicissima manu quam semper admiratus exosculabar missos, nisi venerer, dispeream male, mortalium omnium stupidissimus, ingratusissimus. Ut enim de exactissima Maimonide editione eruditissimi filii tui translatione notisque exornata taceam: (quis enim juvenis ad literas nati & formati, jamque *maqueire*, merita verbis consequi velit, aquare valeat?) quàm altè atque ex ipsis adeo reconditissimæ Scientiæ archivis, Theologiæ Gentilis & Philosophiæ Christianæ (tanquam Nili ex Goyome & Lunæ montibus per Zaire & Zambre lacus, Abyssinos populos, Nubias regiones, Æthiopiam, Ægyptum, septena dein ostia in Mediteraneum



raneum deflui) originem & progressum ex Antiquitatis rupibus & ruderibus, per Theologorum scita, Philosophorum placita, Poetarum mysteria, Historicorum factos & fidem ad nos deducis; omnigenâ fretus eruditione, Linguarum cognitione penitissimâ, ingenii vena mascula, iudicii acie heroicâ, methodi luce plane divinâ. Sed unde mihi hunc calculum? Homini à Musis averso, quarum castra Academica adulescens olim deserui, nomenque dedi ad Colonias Martias? atque inibi florem ætatis diu exercui: Terra tandem mariq; per Galliam, Hispaniam, Hiberniam jactatum me paupertas impulit audax in hoc pistrinum, docere coactum antequam didicissem, redegitque dura Dea ut necesse haberem ad studia per fastidium relicta me recipere. Ubi nec inutiles nec planè ingloria defunctus opera *Strophæorum* & *æneidæ* emensus, *Antiquitatum* jam sperare cepti. Sed & hujus spei incisus est nervus, exorto apud nos dissidio usque ad arma civilia; quorum furorem avertat precor Deus, qui te, Vir clarissime, mihiq; charissime, tuos tuaq; tueatur. Ita vovet

*Merito tuo,*

*Ex agro Cantiano,  
græd. Kal. Quinti-  
lis, 1641.*

*voto meo tuus,*

Tho. Farnabius.

### CCCXVI.

Excellentissime, Clarissime, Doctissimeque Domine  
Vossi, amice fidelissimâ gratiâ conjunctissime,

**A**B excessu communis amici nostri Clariss. Domini Meursii *in pectore* tanta exercuit animum meum consternatio, ut in unico isto viro omnium ferè amicorum me fecisse jacturam putaverim. Id causâ fuit, quod & tui quædam quasi temporaria me inceserit oblivio; quam consueta literarum misiculatione in præsens abstergendam duxi. Te etenim ex omni amicorum numero, quos Belgium mihi conciliavit, solum me reliquum fecit *in dædæ nysæ*. In primis nemo illic mortaliū præter te nunc est; cui debent aliquid studia mea, posteaquam heu! amisi chariss. caput D. Johannem Isacium Pontanum, etiam *in dædæ nysæ*. Nisi si etiamnum in pectore Cl. Scriverii nostri, amoris erga me pristini vivat scintilla. Nam de Heinii affectu vereor ne certi aliquid sperare mihi liceat; quippe quem verijus animi hominem & in amicitia in-

constantem esse perhibent. Utut sit, ipsius benevolentiam tantopere non ambio, modo tu me favore, quo soles, prosequi non desinas. Salmasio equidem, Viro celeberrimo, & sæculi nostri Varroni, innotescere vehementer discuperem; si idoneus mihi pararius & proxenera obtingeret, qui animos nostros mutui amoris vinculo conjungeret, aut saltem ad amicitiam ipsius facilem mihi aditum pararet. Huic rei cum neminem te aptiorem sciam, peramanter rogo, imò omnibus abs te precibus contendendo, ut fidelem hac in parte operam mihi præstes, & quacunque poteris ratione (poteris autem plurimis) tanti viri favorem & benevolentiam conciliare mihiq; comparare studeas. Ut vero ipse, fortasse ardui, hujus negotii initium facerem & velut fundamentum ponerem, literas Salmasio inscriptas exhibendas duxi; quas velim prima quoque occasione Lugdunum Batavorum, per bonæ fidei internuntium, ad Salmasium perferendas cures; verum non sine adjunctis tuis literis, quæ nostris gratiam pariant & auctoritatem. Epistolio meo comitem dedi Simplicii Commentarium in Epictetum, manu Clariss. Meursii ad exemplar Manuscriptum diligenter emendatum, quem ipsi fore gratissimum confido. Ceterum nullus dubito, quin lucem aspexerit Tractatus tuus de Origine Idololatriæ. Si ita est, obsecro te istius libri unico saltem exemplari me bene atq; impertias. Quinimò nisi grave tibi nimis sit, majorem in modum abs te peto, ut Henrici Canisii Antiquas Lectiones, quocunque tandem prærio, isthic cœmere, & huic Bibliotheo nostro dominationem paranti committere digneris; cui in mandatis dedi, ut meo nomine solveret quicquid petieris. Vehementer enim indigeo istius libri usu. Quod me attinet, totum nunc habet Saxo meus; quam tandem aliquando post tam diu frustratam multorum expectationem publici juris facere constitui, Deo juvante & vitam ac valetudinem clementer suppeditante. Vale, Vir eminentissime, & me, ut soles, ama.

*Sorae v. Id. Junii,  
clō 10 c xli.*

*Tui observantiss.*

Steph. Johān. Stephanus.

## CCCXVII.

Nescio sane, Vir celeberrime & amicorum maxime, an Dantiscanus ad vos iturus certaminum nostrorum initia proculdubio exhibuit, in quæ coniectum à malefico & ingrato discipulo. Nos stamus pro Gratia universali ac sufficiente, quam cum speciali Electionis gratia nihil pugnare existimamus. Nisi illam asseramus, non videmus quomodo Evangelium satis plenè docere & justitiam Dei damnantibus eos, qui non credunt in Christum, tueri possimus. Sed sunt qui hanc doctrinam dicunt putidam & humani cerebri figmentum. Mirum, inter Theologos Christianos esse, qui secius quam Jurisconsulti de favoribus humanis, de favore divino sentiant. Illos enim prudentes juris ampliandos censent. Nunc iterum exemplar mitto Thesium nostrarum, si prius forsitan non sit redditum. Synodus Synod. Hollandica nuper Rotodami coacta de Liticula Scholæ nostræ ad Senatum simul & nos scribere non dubitavit, & nobis impropere hæreses antiquitus damnatas, Sabellianismum, Photinianismum, Pelagianismum, Socinianismum, imo Sadduceismum & Atheismum; de quibus ne per febrim unquam somniavimus. Respondebimus consilio senatu, qui hoc ipso die nos in Curiam vocat, ut de hac re deliberaretur, & quod controversiosum est prudenter sopiretur: quod ut fiat, Deum veneror. Vorstius & Glaneus harum latores, vivarum instar epistolarum erunt, & statum nostrum vobis prolixè exponent. Quapropter ego nolo latius. Bene vale, Virorum maxime & salve à nobis *avvoini*.

Brem. xxiii. Sex-  
til. c13 Ioc xli.  
secundum veterem  
formulam.

Clar. Tue

observantissimus,

J. Crocius.

## CCCXVIII.

Vir clarissime, Domine observande,

Jamdudum gestit animus aliquid ad te literarum dare, quibus significarem, quanti faciam, quod tibi innotuerim. Merebatur id summa humanitas tua, qui per varios amicos meos sæpius me salu-

tari, benevolentiamq; mihi tuam declarari volueris. Impellebat me admiratio eruditionis tuæ. Ei proposito exequendo, quæ hætenus defuit, nunc data est occasio. Neque enim debuit, sine literarum familiariori alloquio, te adire libellus hic, qui his diebus ex Musæo meo erupit: quem, quæso, ita recipias, ut ab æstimatore tui profectum, receptum ita judices, ut nec veritati amicum, si forte, officere, nec ea, ubi non affecutus fuerit, carere permittas. Certè enim tuum est in hoc negotio veritatem clarissimam facere, qui eam & prophanz & ecclesiasticæ Historiæ cognitionem, sacrarumque literarum peritiam, itaque subactum judicium habes, ut melius quàm quivis alius ea de re disserere possis. Meum certè nihil nisi voluntatem sacras Literas illustrandi consensumque cum orthodoxa Ecclesia laudari, aut potius probari volo. Magnus, ut aiunt, est vir ille, cujus sententia à nostra dissidet. Quem tamen non possum mihi persuadere serio id spectasse, quod quidam volunt, ut Papa non sit Antichristus. Potius est, ut credam, voluisse ipsum ostendere, quo loco is, tanquam Antichristus, habendus sit, qui nihilo melioribus encomiis in S. Literis afficiatur, quàm quibus Caius aut quivis alius Impius, Idololatra, Tyrannus, Impostor, affici potuerint. Si tamen alia mens ipsius est, *ἡτοι αὐτὸν πῶς ἀλῆθειαν*. Ego cum magno isto viro litigare non volui, quod quovis tempore mihi licebat, quid in istis sacris textibus dici putarem, exponere visum est. Si alius aliter judicat, præstare non possum. Comparet dicta, Lector, & verum vincat. Tu verò, Vir clarissime, si me iudicii tui certiore feceris, maximo me affeceris beneficio. Vale & bono Literarum perenna.

Clar. Tue

observantissimus,

Johannes Coccejus.

Dab. d. 11. Jun.  
1641.

## CCCXIX.

Eminentissime Vir, Amice maxime,

CUM ad vos rediturus esset amicissimus noster Fontanus Medicus, qui per aliquot dies nos Daventriæ dignatus est præsentia sua, dimittere eum



eum nolui sine Literis meis ad te, quem ego perpetua Observantia mihi colendum summi, & cujus memoriam non nisi cum vita deponam. Ejus affectus mei testimonium perhibebit hic noster, qui has ad te defert, eademque opera renunciabit, quanto cum honore, cum & præsens adesset noster Ifendornius, sermo nobis fuerit de clarissimo Domino Vossio, non sine ingeminatione illius voti, ut is diu nobis sit superstes. Utinam vero, Vir clarissime, occupationes tuas, quas promovendis Literis perpetuo impendis, aliaque curæ domesticæ tantum otii tibi concederent, ut ad exemplum Fontani excursionem aliqua in hæc oras, suavissimoque amicorum alloquio ac hospitalitate, mentem aliquatenus reficeret; foret id nobis supra quam dici potest acceptum. Optamus id quidem vehementer; sed si respicimus incommoda ingravescentis ætatis, voto isto potiri vix licebit. Spero autem me circa Nundinas Amstelodamenses, si Deus volet, in vestram urbem venturum, tunc & te videbo, coramque jucundum os oculosque suaviabor. Interea summo cum desiderio expectamus Literas à Gronovio, vel potius eum ipsum, ut subeat apud nos Professionem, ad quam illum vota & studia nostra jampridem destinaverunt. In suis, quas ante tres menses ab eo accepi, valde miseratur jacturam nostrarum Literarum quibus statum & conditionem hujus Professionis pluribus perscripseram; ideoque jam in alium id munus collatum esse existimat. Respondi autem, rem adhuc esse integram, nostraque intercessione effectum, ut Proceres nostri, reditum illius se expectaturos, promiserint, modo certiores reddamur, ipsum hanc vocationem suscepturum. Postquam redux factus fuerit in Hollandiam, sine dubio te compellabit, antequam ad nos scribat, vel ipsum se sistat. Rogo itaque, Vir clarissime, ut rei Literariæ hoc officium præstes, optimoque Gronovio calcar addas, ne ulterius tergiversetur, oblatam hanc felicitatem, quam multi concupiverunt, pauci verò sunt adepti, serio amplecti. Experietur sane, rebus ac studiis suis hac ratione optime consuli, multumque præsidii in amicorum benevolentia hic sibi repositum esse. De Professione Trajectina necdum aliquid certi est statutum. Deliberant adhuc à quorum suffragio res pendet. Fervor iste, quo pridem ferebantur ad tertium Juris Professore vocandum, videtur frigore aliquo contactus. Interim nostra sorte hic contenti vivimus, si non æquè splen-

dida, certè non minus quieta, & studiis nostris accommoda. Nostrum quondam spectrum nocturnum Trajecti jam moratur. Si is favorem illum, quo nonnulli è primariis in nos propensi videbantur, poterit imminuere, sine dubio ostendet se ea in re non alium quàm à multis bonis viris, quos arrodere consuevit, hætenus est cognitus. Nisi molestum tibi est, Vir clarissime, data occasione uti me insinues in gratiam clarissimi Domini Lyræi, summo opere rogo. Eam quippe commendationem mihi multum utilitatis allaturam certo scio. Deus Optimus Maximus te, Vir clarissime, cum tota familia benignissime protegat.

*Dabam devotissimo  
affectu Daventrie  
Idibus August. ann.  
cdo lxx.*

*Tua Eminentia*

*Omni Fide & Officio*

*additissimus,*

*J. Christenius.*

CCCXX.

**P**Lacuit, Vir maxime, harum latori, prælustis Proconsulis Dantiscani ab Hobten filii præfecto, in Academiam Leidensem profecturo in conspectum tuum me venire parario, ex quo didicerat omnibus bonis adhuc à me missis fores Musarum tuarum fuisse apertas. Patere igitur Virorum amicissime, ut & hic experietur id nos ex vero sibi testatum fuisse. Concerationum Scholasticarum, in quas nos Zelotarum quorundam importunitas conjecit, ~~amantissimè~~ quoddam mitto, ut intelligas in quo nunc versemur pulvere. Synodus Sudhollandica Roterdami nuper celebrata, ut & Professores Leidenenses pessimè de nobis informati videntur: quippe qui literis suis tum ad Magistratum nostrum, tum ad Collegium Scholasticum & Ecclesiasticum datis deplorant quod Schola & Ecclesia hæresibus variis contaminetur, quæ hic fuerit prælustis officina Veritatis & Orthodoxias. Putant enim hic foveri Sabelianismum, Pelagianismum, Semipelagianismum, Photinianismum, Sadduceismum, Atheismum. Vix Monstra horribiliora Orcus habet, quàm apud nos stabulari credunt optimi illi viri. Nimirum quos dogma de universali & sufficienti gratia non poterat de ponte dejicere, illi tor ab antiqua

tiqua Ecclesia damnatis hæresibus erant gravandi. Miror vestros tam præcipientes fuisse, ut se ad æmulorum nostrorum prava desideria rebus nostris immiscuerint & præjudiciis suis gravare voluerint. Spero Deum & Magistratum illius Ministrum remedium inventurum tanto malo & morbo. Precibus & Consilio nos juvabis, ne causam bonam malè agendo perdamus. Bene vale, & salve *avanti* à D. Bergio, D. Willio & me, Virorum optime, maxime.

R. D. T.

*Brem. Aug. 4.  
clo 15 exli. se-  
dum veterem  
formulam.*

Observantissimus,

L. Crocius.

## CCCXXI.

Vir celeberrime, Domine &amp; Fautor observande,

**P**Lus tibi debeo, quod me Literis tuis manu tua scriptis dignatus es, quam si per Amanuensẽ nitidius, ut ais, scriptæ essent. Nec meas ego nitore quam affectu æstimari epistolas malim. Candidæ mihi quàm politæ magis placent. Si ita est, ut scribis, illustrem Virum H. G. esse Authorem Commentarii locorum de Antichristo, isque ita sentit, ut is Commentarius præ se ferre videtur; doleo sanè ipsius vicem; & hoc mihi restat dicere quod solent Rabini non absurdè *לית מרחק*. Ego verò de Authore ita scripseram, non quod omninò ambigerem, quis esset, aut quasi ignorarem, magnos etiam viros labi posse, & eorum plerumque magnos lapsus esse; sed quod ad illum ipsum virum illustrem hoc scripseris, vel saltem illa mente, quæ omnis Ecclesiæ Reformatae sententiam uno iæu tollit, scripsisse nollem, idque illo viro indignum, atque eum scopum, quem indigebat Epistola mea longè minùs absurdum judicabam. Mihi verò dolet, (ita æstimo eruditionem tanti Viri) accidisse, ut, qua in re laudatorem ipsum me habiturum confidebam, si quid conatus essem, in ea haberem adversarium. Nam si quis putet, ea me causa delatum esse ad hanc descriptionem, ut me componerem magno Viro, is me ignorat planissime. Utinam voluisset ingenium suum veritati accommodare! Quàm exactè, quàm eruditè, quàm ornate, quàm copiosè, ac perspicuè idem argumentum, contractis clarissimis Scripturarum testimoniis, Prophetarumque comparatis vaticiniis, phrasibus enucleatis, ænigmatibus solutis, additâ luce Historia-

rum, gravi & solido interposito de singulis rebus iudicio potuisset illustrare! Quàm gestirem in illis confertissima doctrina Commentariis habitare, quæ imaginor ab ipso proditura fuisse, si verum quæreret! Nunc rei indignitas miseris nobis & pueris, qui alioqui tantos viros vix contra contueri audemus, vocem extorquet. Quod si videt, multa superstitionis ac tyrannicè geri in Papatu (quæ certè tot ac tanta sunt, ut animus pius non possit non cohorescere) suadebitne nobis, ut redeamus ad illud regnum Superstitionis & Tyrannidis? Et annon videt, Superstitionem & Tyrannidem capitales Antichristi notas esse? Si quid verò etiam in aliis Ecclesiis non probat (nec miror: sunt enim variz Ecclesiæ quædam plus, quædam minus de Antichristi doctrina & moribus trahentes) hæcine illas sanandi commoda ratio erat, ut persuaderet nobis, Papatum ut Antichristianum non damnari sacris Literis, in quo tamen multa superstitionis & tyrannicè fiunt; ut scilicet ad illum tanquam funderatis exemplar redigantur & reformentur. Metitur omnia Doctoribus antiquis. Potes nos (Vir excellentissime) omnium optime erudire, quantum deferendum sit Doctoribus vel antiquissimis extra Scripturam loquentibus; & an hodiernus Papatus cum antiquis illis verè Doctoribus, non seductoribus consentiat. Hoc tamen, quod de Antichristo nos docet, scio, quod nec veterum Doctorum sit sententia, nec Pontificiorum. Sed quo dilabor? Neque enim tecum, Vir excellentissime, mihi agendum est, tanquam cum ipso advocato: qui tibi, ut rerum harum gnarissimo & locupleti arbitro conatum & studium meum, ut aliis piis & doctis Viris, vehementer cupio probari, qui alias non perfunctorius laborum meorum sat tenuium laudator es. Qua fiducia audeo à te contendere, ut & consilium meum (qui non tam in H. G. illustri Viro, adversarium legi, quam occasionem datam de iisdem rebus, de quibus ille dixit, & pro Conscientia & pro Officio dicendi, non omisi) benignè interpreteris, lapsus meos ac defectus humaniter feras & indices. Quod porrò me ad similia veteribus elaboranda exstimulas, pro lege accipio: & in eo sum, prout cura mihi demandata efflagitat, quantumq; labores quotidiani permittunt, totus. Ferri tamen audeo tibi, Vir eximie, non mediocriter studium aliquando nostrum hebetari temporum, an hominum iniquitate. Quò enim multum laborasse, toruisse se noctes & dies, collegisse, scripsisse, descripsisse,



descripisse, si perfecta cum blattis tineisque certare debent? Nihil ego magis cum officio meo atque scopo studiorum conjunctum invenio, quam sedula meditatione Scripturæ sententiam ex genio linguæ illustrare. In istiusmodi genere aliquid nonnunquam nascitur apud me, quo ut mihi ipsi proficisse, ita me rudioribus prodesse posse videor. Inter ista est Jobus meus. Sed exerior hic tantam editorum (qui respuunt quicquid non statim sortem cum centesima redditurum est) morositatem, dum à Typographis (sunt autem qui dimidium impenfarum pro copia sua vellent subire) rogantur, ut mihi videar à Midis istis stultis & ingratis operam meam ut indignam lucē & oculis hominum ignominia notatam domum referre: quod indignum & intolerabile est. Si sic pergitur, pereunt studia & tandem nihil nisi fabulæ & cantilenæ legentur. Vide quo me abducatur humanitas tua. Ita enim te abutor, ut mihi jam videar *improbus*. Quod aliquando vix effugimus, quum lubenter scribimus & tempus, ut mihi nunc, conceditur. Convictor enim meus Eques Polonus, qui his Literis aditum ad tuam comitatem quærere voluit, in tempore me de itinere suo admonuit. Sed hic abrumpo, Vir eximie, teque divinæ curæ commendo. Vale, & me ama.

Scribēbam die 18.  
Octob. 1641.

Cl. T. Observantissimus,

J. Cocceius.

CCCXXII.

Excellentissime Domine,

**V**ereor ne Literarum à me officium requiras, quod pro summis tuis in me meritis jam sæpe misissem, nisi usque ad meum ex Italia distulisset reditum, cujus forsitan celeritatem miraberis. Istis itaque literis complectere placuit, me salvum & sospitem huc ex Italia rediisse, felicissimumque finem meæ imposuisse peregrinationi, sic quidem ut ego qui ingredi illam diffidebam, semper magis adversos rerum exitus metuens, quam sperans secundos, animadvertam summam Dei ter Opt. Max. in me conservando clementiam. Multas casus me tibi varietates, itineris incommoda, quæ optabiles in experiendo fuerunt minime, nihil attinet exponere, quoniam confido securam illarum recordationem, tandem jucundam allaturam

delectationem. Quid tantarum gentium, nationum, linguarumque varietatibus delectabilius? Helvetos, Grisones populos more humanæ cupidinis vidi non minimis difficultatibus emensus Alpes perennis nivibus obrutas, illas cum ascenderem insolentia itineris interdum timebam, nam omnia natura opere velut atque consulto præceps. Basiliam quoque tetigi, unde Argentoratum proficiscebam, ibi inveni D. Freinshemium. Is plurimam salutem tibi, excellentissime Domine, iussit nuntiari. Ejus Viri ingenium, à multis admiratum, Argentorares non magni faciunt, sicuti ab iis, qui quotidie simul ibi cum illo vivunt habeo. De toto statu meo si scire cupias, quid hic nunc post reditum agam, quam longum meum discessum à patria, & à te futurum putem, ex istis intelligere poteris; me fere adhuc per tres menses hic commoraturum, si mihi id esse emolumento sciam. Exercitia tam animi quam corporis, quæque me digna putem interdum tracto. Dilectum tuum filium Dominum Isaacum sæpissime in viso, & gaudeo illam ipsam converlandi cum illo facultatem obvenisse hic mihi rursus, quæ Amsterodami. Quod superest etiam atque etiam rogo, ne meo nomine dilectissimam tuam conjugem, & filios tuos charissimos graveris salutare. Celeritati mearum Literarum ut indulgeas, utque me inter tuos ames ad meam Observantiam. Vale.

Datum Lutetia

Parisiarum die

xiii. Septembris.

cl. Io. c. xli.

*Aeternum tuum,*

*qui excellentiss. Nomini tui*

*omnia Officia deserv.*

Ernestus Johannes Creutz.

CCCXXIII.

Clarissimo & incomparabili Viro Domino  
Gerardo Joanni Vossio Salutem &  
Observantiam, D. D. Godefridus  
Cretschmarus.

**D**A veniam, Vir Clarissime, si etiam nunc mihi gratulor, ac pio quodam animo deprædico summam illam virtutem tuam & humanitatem, qua me non ita pridem accipere dignatus es, hominem ignotum & parum à se commendabilem,

F f

nili

nisi forsan vel cultu tui, & observantiae professione, vel Literis Meursianis quas exhibui. Quamquam non magis istis ascribo, quam virtuti tuae, quippe quae tam generosa est, ut neminem bonum ab aditu excludat, admittat omnes, si non hominum, saltem humanitatis causa, ne non semper optimus sis. Rara bonitas in tam illustri dignitatis ac famae fastigio, quo tua te Virtus & Doctrinae meritum eminare voluit, sed quo rarior, eo majori laude dignior haberi meretur. Quamquam satius duco silentii Religione venerari, quam exiguissimae scriptiois conatu deterere: ea enim magnitudine animi es, ut malis te Virum bonum esse quam dici, ac propensius facere quam audire praecleara. Quae incredibilis tua bonitas in eam me libertatem excitat & fiduciam, ut non solum gratias, sed majus etiam beneficium tibi me debere velim. Panegyricum enim sermonem, quem ante biennium, cum adhuc Sorae viverem, meritis ac memoriae clarissimi Viri Domini Johannis Meursii consecravi, ea qua decet reverentia ad te defero; defero autem non sui, non Autoris, sed humanitatis vestrae, sed argumenti, id est, Meursii fiducia securus. Accipe, Vir summe, & si quid exorare me pateris in honorem Meursii tui, lege & cense; illud cuiusvis est, hoc iudicium requirit, & imprimis tuum, cujus tanta me & omne literarum nomen incessit observantia atque auctoritas, ut omnibus me compendiose probatum iri existimem, si tibi me prius, & nominis tui patrocinio probavero. Da veniam, clarissime Domine, & si quid vel pravi erit, vel ambigui, pro libera iudicii tui auctoritate, & quo teneris gratificandi hominibus studio, mone & corrige, admonitio tua tam grata mihi erit quam honorifica ac salutaris; inter eos enim sum, qui à vobis moneri partem laudis putant & eruditionis. Non possum equidem non vereri, ne aut ignarus videar virtutis vestrae ac dignitatis, aut oblitus meae cum modestiae tum tenuitatis, quod tam exiguum pietatis erga Praeceptorem documentum iudicio submittam tuo, & quod majus nomen est, tempora tua morari audeam, quae non nisi publico literarum bono destinantur; sed solatium habeo humanitatem & praecellentem animi tui moderationem, quae tam magnanima est, ut etiam publice prodesse putet, si quos ipsa ornare possit aut juvare plurimum. Accedit praeterea Meursii nomen, quod facile mihi veniam à te impetrabit, qui tam bonus quam doctus es, & bene de ingeniis mereri non

alia causa velis quam quatenus Viro bono dignum est. Vale, gloriosum seculi decus, decusque nostrum, & libertatem hancce meam, si non alio nomine, saltem pietatis professione, & fiducia erga te meae vel proba vel excusa. Deus te conservet tam semper felicem, quam semper cognovimus optimum & benignum.

Ex Museo meo Lugduni Batav.  
16. Cal. Octobris An. 1641.

## CCCXXIV.

Vir Praestantissime,

**N**ON eram tanti, quem amicissimus Collega meus D. Lindanus tibi commendaret, & in notitiam benevolentiamque vestram insinuaret. Jam vel hoc nomine Hesychii editio allubescit, quod tantam rem mihi *est* *desiderat* confecerit. Tu enim eruditorum eximie & tanti in orbe literato nominis & meriti prolixè omnia polliceris, quod mihi sperare improbum fuisset, nisi *in philologia* *se* innotuisset. Hesychium autem tarde & cunctanter, hortantibus Collegis amicis D.D. Lindano & Cocceio apprehendi, vergente quidem huc & trahente prona mea voluntate, rapiente autem necessitate penè rei ob publicam utilitatem & ad exornationem muneris suscepti; at repellebat conscientia tenuitatis, quae optaret tanto Grammatico doctorem operam admoventi. Ceterum, quod intelligo de eruditissimo Viro, filio vestro, eum cogitare de hac re, id me tantum reprimat, quantum tua pollicita impellunt. Itaque velim scire, quanti temporis res sit & quanta lubentia. Si enim magnopere velit & in propinquo spes exitus sit, resiliere me praestabit & locum cedere meliori. Sin autem, fervidè urgebo *non exhorreo* *non impudè*, fretus vestra tam benigna pollicitatione, simulque aliorum insignium virorum, qui Symbola conferre ultro etiam promiserunt. Tui autem, Vir maxime, exemplaris cujus usus erit, significabimus, & post brevissimi temporis usuram, fide optima, remitemus. Plura hoc tempore, incumbens aliis & tabellario festinante, non addo: proximis prolixior ero, nisi offendendi metus inhibeat. Publica à Domino Lindano intelliges. Vale, & nos ab his initiis amare perge. Salutem autem plurimam Domino Barlaeo, Viro summo, praeter tuos,



tuos, & inter eos Clarissimum Ifacium, quem tibi & Reipublicæ Literariæ Deus velit diurnare.

*Raptim ad diem  
xvi. Kal. Octob.  
Jul.*

*Tuus &c.*

Christ. Schotanus.

G. L. Profess.

CCCXXV.

Clarissime Virorum,

**S**ummò cum gaudio accepi ab his, qui Amstelodamo veniunt, prospera te frui valetudine, quam bono publico propriam tibi faxit, Deum veneror. Misi nuper Exercitationem de Calculo, in cuius pag. 44. si inspexeris verba tua, non verba has querere, aut cineres, ut inquit ille, videbis, sed quæ dicere vetat ingenuus pudor. De Nobilissimo Salmasio diu est, quod audio, venturum, mallem feliciter advenisse. Non turpe puto talis Viri dextra cecidisse, honorificum vero, amica. Ego post responsionem illam ad vernacula deflexi, quibus prælum hic sudat. Meditor & de Tabæ quid, ac Hydrope, quale dedi de Calculo. Tu, cum aliud vix possis, conatum proba, & discendi desiderium, quod ipse instillasti. Consulis filia cras nubit Capitori, qui foceri favore Senatoris Dordrechtani munus jam biduum obit, antequam (ut Christiana Charitate credere par est) implevit sponsi. Mallem tibi uni & soli adesse, quam turbæ nuptiali. Sed vel absens nobis aderis, & si quid ad salutem hoc, non omittetur tuæ spumans patera. Vale, Vir magne, & salve ab eo qui semper fui, sum & ero

*Nomini tuo æternum*

*grato animo devotissimus,*

Joh. Beverovicus.

Nobilissimæ Uxori tuæ & eximiis filiis amicissimè S. D.

*Dordrecht præd. Kal.  
Octobr. clæ 1641.*

CCCXXVI.

S. P.

Vir Clarissime & Celeberrime, Amice conjunctissime,

**H**AS Literas trado D. Junio filio D. Junii olim Parisiis apud proceres nostros magni nominis. Matrem habet matronam honestissimam, quæ hunc suum filium amicorum consilio huc misit militatum, jussitque ut occasione data saluaret posteros nostri Junii & sanguis. Statuit igitur hoc exequi apud vos, & memoriam renovare stirpis communis. Scripsit ad me Saravus Senator Vir doctissimus & doctorum amator, se vidisse Pandectas, sic enim loquitur, Doctissimi Vossii de Idololatria, & mirari quod sine præfatione emissæ fuerint. Causam ei aperui in mea responsione: Vidi hic in transcurso libellum Annotatorum in Cassandri Consultationem, cujus usuram obtinui spatio bihorii. Si prostaret eum cum otio expenderem. Mira item mihi videntur quæ à tali Viro Papatui conceduntur. In miserrimos seculorum fines incidimus. Deus meliora! Quem tibi & tuis, Vir Clarissime, propitium & in omnibus faventem adprecor. Vale.

*Tuus & tuorum*

*Raptim x. Nov. 1641.*

*omni officio & affectu,*

Andreas Rivetus.

CCCXXVII.

**D**IU sane est, Virorum & Amicorum maxime, quod nequicquam colloquimur. Matthias noster Mœsum ituriens, postremæ vicem fecit Epistolæ. Cura valetudinis vestræ & amor calamum me jubent corripere, quo te lacebam: Quæ nos intemperies hominorum aliquot infrunitorum agitet, ex publica credo, fama nostri. Quum enim dogma de Universalis ac sufficiente gratia illis non videretur sat virium habere ad defamandum nos in Belgio vestro, & apud amicos alios in Academiis & aulis Principum, affinxerunt nobis hæreses nefandas, Sabellianismum, Photinianismum, Pelagianismum, & nescio quid non. A Synodis vestris ea de re moniti sumus, quibus ante menses

F f 2

aliquot

aliquot nos excusavimus. Earum Depu-  
tatos nunc Haga congregatos rem arbi-  
trari audimus. Utinam feliciter! Hæreses  
& Schismata, quæ dividunt Ecclesiam, a-  
versamur. Veritatem antiquitus & à ma-  
joribus veluti per manus traditam vene-  
ramur, & consensum Catholicum omni-  
um Orthodoxorum inde à tempore Apo-  
stolorum sequimur. De salute vestra cu-  
pio fieri certior. Vale, Vir amicissime,  
& salve *navord.*

Brem. 24. Novembris  
cl. loc. xlii. secundum  
veterem formulam.

Clarit. T.

omnis officio & affectu,

Lud. Crocius.

### CCCXXVIII.

#### Salutem & Observantiam.

**F**ateor, clarissime Vir, verecundiam  
in me desiderari posse, quod ineptis  
hæcæ literarum formulis gravissimas occu-  
pationes tuas interpellare audeam; sed so-  
larium habeo virtutem tuam & excellen-  
tiam, quæ, quanquam maxima, ita ta-  
men ab humanitate temperatur, ut possim  
ex quacunque occasione animum erga te  
meum profiteri. Quod tantò nunc facio  
lubentius, quantò aut majora beneficia tibi  
me debere agnosco, aut expectare quoti-  
die videor ab incredibili benignitate tua,  
quæ, ut nemini bono interclusa est, ita  
propense in eum devertit, à quo & col-  
te intelligis & observari. Nuperius episto-  
lam ad te dedi, Vir incomparabilis, si-  
mulque Panegyricam orationem, quam  
Præceptor olim meo Cl. V. Domino Jo-  
hanni Meursio conscripsi, ut extaret lev-  
densis aliquod animi & pietatis meæ ar-  
gumentum; utrumque cum despiciere pos-  
ses, admisisse te intelligo & quod huma-  
nus nomen est, perlegisse; non quod tanti  
erat, sed ut ostenderes tam judicare te  
posse maxima, quam in minimis probare  
conatum & navatam operam. Patere,  
Clarissime Domine, agnoscere me & ad-  
mirari summam hanc bonitatem tuam, &  
ab eadem illa polliceri mihi aut testimo-  
nium iudicii tui, aut fructum benevolæ ad-  
monitionis, ambigisse fortasse sed utiliter.  
Quemadmodum enim sol quodcunque  
tangit, non illustrat modo, sed accendit;  
ita splendor nominis tui tam excitabit in-  
genium meum, quam fovebit, ut in spem

ac frugem feliciter exurgat, & conari ali-  
quando velit, quod tu ad exemplum admi-  
rationis potes. Da veniam arrogantiae  
meæ ac credulitati; non hoc ago, ut eli-  
ciam literas à te publicitus occupatissimo,  
quanquam ad aliquam mei sive cominen-  
tationem, sive excitationem, nihil hono-  
rificentius contingere mihi posse persua-  
deo; sed ut profitear eo me nomine tibi  
plurimum debere, & observantiae testifica-  
tione, necnon admiratione tuæ virtutis, id  
aliquando intendere, ut beneficium re-  
ferre videar voluisse. Vides animum me-  
um, Princeps literarum, quem non plus ex  
scriptione mea quam ex meritis tuis aesti-  
ma, & quem semel admisisti æternum tibi  
devinctum patere. Quo in nomine vi-  
vere ac valere te exoptat.

Lugd. Batav. d.  
2. Dec. An. 1641.

T. Godefr. Cretschmarus.

### CCCXXIX.

#### S. P. & Observantiam.

Excellentissime Vossii, Fautor & Amice Venerande,

**C**onstantinopoli rediit factus, quod ibi  
literis intellexissem optimum & cla-  
rissimum Filium tuum Isaacum hic in An-  
glia esse, sperabam hic invenire, & aliquod  
optimæ notæ Manuscriptum Arabicum ex  
Bibliotheca mea Orientali, quam per Dei  
gratiam satis magnam reportavi, donare  
decreveram, sed abitu in Galliam meum  
reditum præverterat. Nunc quod intelli-  
gam reditus mei famam in Belgio sparsam,  
non possum facere, quin amicis & fauto-  
ribus eundem indicem, quique certe pluri-  
bus nominibus obstrictus sum, nam hac ad  
Magnatem me recommendabas, & Illu-  
strissimus Grotius eo me nomine amavit,  
ut plurima ab eo prona erga me volunta-  
tis signa retulerim. Quod si itaque filius  
tuus Isaacus meum ad vos adventum præ-  
vertat ex Gallia reditu, quem ipsi fau-  
tissimum voveo, ut tam præclari filii sum-  
mis virtutibus quasi reviviscas Pater, licet  
nunquam mori ipse queas, hoc rogo, ut  
meo nomine salutes, & postquam Cata-  
logum meæ Bibliothecæ perlegerit, quem-  
cunque librum usui desiderabit, non dene-  
gatum iri meo nomine rogo promit-  
tas. Quadringentorum Manuscriptorum  
Græcorum, Ebræorum, Arabicorum,  
Persicorum, Turcicorum, Russici &  
Armenii Catalogum penes Leidenenses  
imprimi



imprimi credo. Clariss. ac Doctiss. Filium Matthæum Amicum meum colendum salutabis, ipsumque Gerhardum præstantissimum Juvenem, quos vos Deum rogo ut sanos propediem & florentissimos reperiam. Grätias autem ago ingentes etiamnum pro veteri illo literarum tuarum beneficio, rogoque tibi persuadeas non apud decororem ea deposuisse. B. V.

Londini ex Coll. à Tui Nominis  
Gresham. 21. Jan.  
St. V. 1642.

Observantissimo,

Christiano Ravio.

Inclusas rogo literas Cl. Golio transmitti, ni grave, jubeas, ita novo beneficio me obstringes. *Eppau.*

CCCXXX.

S. P.

**E**tsi, Clarissime Domine Vossii, religio mihi sit, gravissimas illas publici boni causæ à Cl. T. susceptas occupationes in tempestivis interpellationibus ullo modo turbare; cum tamen ex illo, quem prætorito autumnò cum Cl. T. habebam, discursu non obscuris indicis deprehenderim, eam de negotiis literariis, & imprimis Chronologicis animi sensu hanc gravatim explicare; idcirco cum id negotium mihi datum sit ab amico quodam, ut tuam, Vir Clarissime, sententiam super una atque altera Controversia Chronolog. perquirerem, quæso te per omnia literarum sacra, ne id in sequiorem partem rapias, sed audaciæ huic meæ pro summa humanitate tua ignoscas. Primum de quo informari desiderat amicus prædictus, hoc est; Quanam vi rationes solidæ contra vulgatam Æram Christianam pugnent, quo minus eandem factam rectam retineamus: Quorum unam, si rectè memini, Cl. T. tunc temporis ex Josepho adducebat, sed (quæ est vacillantis memoriæ meæ infelicitas) planè istius argumenti summa mihi excidit, & si fallor, remittebat me Cl. T. ad quandam Tractatum à se editum, in quo planius mentem suam hac de re explicasse se, assererat; quem vellem, nisi molestum esset, una cum ratione prædicta per literas exoptatas denuo mihi in memoriam revocari. Porro etiam edoceri expetit, quod Cl. Dr. Vossius sentiat de

magno illo numero quem invenit Joseph. Scaliger (à quo vocatur magna Periodus Juliana) ex tribus Cyclis confecto, Luna, Solis, & Indiæ Rom. anne illa firmo talo subsistat, nec ne? De hisce, ut quamprimum fieri potest, Cl. T. mihi rescribere dignetur, submisit rogo. Et cum semel de benevolentia tua, Venerande senex, optima quæque animo conceperim, proinde obnixè insto, ut insuper quoque Auctores quosdam insignes, qui de Particulis tam Græcæ quàm Latinæ Linguae ex professo aliquid prodiderunt mihi indices, quarum collatione Hebræas aliqua ex parte collustrare liceat. Vale, Vir Excellentissime, & importunitati meæ hominis peregrini quidem, attamen Excellentie tuæ observantissimi ignosce.

Lugd. Batav. An. vulgata Æra Christi.  
cl. lxxxiij. d. 14.  
Februarii.

M. Johan. Michaelis,

Straelsund. Pomeraniæ.

E Museo meo qui est apud Bibliopolam nomine Pieter Hercules prope Templum D. Petri.

CCCXXXI.

**Q**uam libenter & quam sæpe (Vir amplissime, doctissime & plurimum dilecte) de te & vicino tuo Domino Barleco cogito, ipso mihi sum conscius, non conabor tibi literis exponere. Superioribus diebus cum vos honoris causa viderem, quos vehementer observo, casu accidit ut in tua mensa sermo oriretur, de iis rebus de quibus vos tam Philosophice quam Theologice solerter differentes audiebam cum summa delectatione: te quidem de tormentis futuri seculi, an satius sit miseris omnino non esse, quam pœnas sub quibus sunt, sustinere; illum autem de Animæ essentia, perfectione & virtute. Si tunc tota in toto corpore, & tota in qualibet parte; de quibus mihi ingenio vix mediocri instructo, otio certe nunquam abundanti, adversa etiam per annos multos modo valetudine, modo fortuna vexato, liceat cum vestra bona venia paucis quid sentiam subscribere: Ut sic absens tacitus vobiscum loquar, & leniatur sic desiderium meum, quod facere me nolo credatis expectatione literarum aut responsonum vestrarum, quæ etsi me incredibiliter delectarent; ego tamen vos mea causa à gravioribus studiis ad nugas revocari nolo: Satis me habere

habere putabo, si & meas tibi esse redditas, & tibi vicinoque tuo, ut cupimus esse intellexero, sententiam vestram pluribus (quando favente Deo rediero Amstelod.) auditurus, ei que acquieturus, qui non ignorem vobis ab omni cura expeditis, ingenioque florentibus, quotidianum esse cum libris usum, & cum omni doctrina, utpote in ista luce viventibus Batava, summa omnium virtutum ingeniorumque præstantia, seminibusque eloquentiæ & reconditoris intelligentiæ referta. Accedo ergo primum ad miseros istos in quibus, quæ erudit nos natura, inveniri tormenta hæc sunt.

Invidia, de qua Poeta ait, Siculos non invenisse Tyrannos tormentum majus. Dolorem, omnes sciunt quam grave sit malum, cum scilicet quem Tristitiam dicimus. Desiderium præterea Narcissi fabula, & alia experimenta testantur quantum habeat mali. Metu denique multos esse mortuos non est rarum meminisse. Sed quis quæso invidus unquam fuit, qui non ipsam invidiam ornaverit. Desiderium celebrant Poetæ, quasi nullus alius sit amantium fructus. Mœstos tenebras, & omnia quæ malum augeant quærere quotidie experimur. Malum fugiunt Meticulosi, sed ipsum timorem adamant. Hæc si vera sint, vide num hi miseri velint esse sine his poenis? Et si non velint his cedere, cur eos credat aliquis malle non esse, quam istas sustinere? Omnis porro Spirituum poena voluntaria est, & non potest (quoniam à Voluntate proficiscitur) non volui; & si voluit ipsa miseria, potestne credi eos malle non esse, quam hanc pati? Constat enim multa proverbialiter dicta esse, ad exprimendam poenæ gravitatem. Tormenta & Cruciatu qui in futuro seculo animabus impiorum parati sunt, tantos esse ut præstet omnino non esse in ipsa Theologia videtur indubitatum: sic enim Christus suo ore enunciavit, Melius fuisse proditori, ut natus non fuisset ille homo. Tormenta etiam futuri seculi agnoscit Philosophia ipsa; neque si his quæ præsens vita patitur compares, Ludicra nostra hæc præiis, flores, rosas & delicias, ipsa Philosophia jurare dubitaverit. Novit enim animæ, post hanc vitam, potentiam, cum ea quam in materia habet, non pati proportionem. Novit affectus quos hic colligit, illic ad proportionem status & existentie excreturos. Novit itaque in immensum & bona & mala non per Hyperbolen sed ipsa re augenda. Verum cum hæc omnia doceat nos Philosophia, huc usque tamen attingit, ut melius illis non

fuisse censeat. Quod si hoc certum sit in Theologia, ex iis quæ naturam superant contigisse putandum videtur. Cum hoc iudicium (quod melius fuerit illis non esse) vel ex natura rei vel ex opinione personarum, sit pensitandum. Personas duas video examinandas, ipsum illum qui poenis irretitus manet, & prudentem aliquem qui rem humanitatis existimet. Priorem poenas suas fovere iisque delectari ostendimus. Prudentis iudicium non tam certum esse, sed falli posse videtur. Si naturam consulam; quid quæso facit aliquid alio melius in Natura? Seu in qua ratione Melioratio est consideranda? Melioratio haud dubio est in ratione Entis; Et illud melius est in ratione Entis, quod plus de Ente habet. Et potest quæso quis dubitare, num id quod est, & quantum homo est, & plus quam homo est, & ita plus quam homo est, ut comparatio inter ipsum & hominem nulla maneat, plus habeat de Ente, quam nihil, quam quod non existit. Præterea quid respondebimus eis qui docent, omnes actus nostros ab ipsa aternitate, catenatis à causarum necessitate passibus, usque ad ipsum liberi arbitrii exercitium alligatos & perductos? Videbitur Deus tot hominum Myriadum Myriadas, æternis horrendis & ineffabilibus poenis ante omne ævum addixisse gratis, viam munivisse, gressus coegisse, fatalem poenam perstruxisse? Quæ si ita sint, quorsum post hæc cum gemitu fundemus preces? Quorsum per aspera exercitia carnem domabimus? Quorsum solitudinem & extentum ad futura animum, vel ipsi colimus, vel aliis ad colendum commendabimus? Sed excrevit calamus. Hæc sunt illa varia in utramvis partem quæ colloqui & exercitationis gratia exciderunt, donec te videro, ut de tuo promptuario sumantur, &c. Quod ad ista attinet quæ à Domino Barlaam accepi de anima, ego cum Ang. lib. 6. de Trin. 6. existimo totam animam in toto esse corpore, & totam esse in qualibet ejus parte. Sed nisi me in hoc destituat memoria mea, memini didicisse me secundum triplicem divisionem esse triplicem totalitatem. Est totum quod dividitur in partes quantitativas, totum aliud quod dividitur in partes rationis & essentiae. Est & tertium potentiale totum, quod dividitur in partes virtutis. Prima hæc totalitas quantitativa non convenit animæ nec per se nec per accidens. Secunda totalitas convenit, & sic anima tota secundum totalitatem Perfectionis & Essentiae est in toto corpore & qualibet corporis parte. Sicut Albedo tota recte dicitur



dicitur esse in tota superficie & tota in qualibet ejus parte, si totalitatem speciei & essentiae intelligimus. Sed si de totalitate quantitativa mentio fiat, quam albedo per accidens habet, non erit tota albedo in qualibet superficiem parte: neque si totalitatem Virtutis notemus; cum magis possit movere visum ad albedo, quæ est in tota superficie quam quæ est in aliqua ejus particula. Sicut anima non est tota secundum totalitatem Virtutis in qualibet corporis parte, sed secundum visum in Oculo, secundum auditum in Aure, &c. Et licet sit tota in qualibet parte, non tamen eodem modo compartitur ad partes, & ad totum: cum ad totum primò & per se respiciat tanquam ad propriam & proportionatam perfectibile: ad partes autem per posterius, secundum quod partes habent ordinem ad totum. Porro anima cum unitur corpori, non ut motor tantum, sed ut forma non mediante aliquo Corpore, necesse est sit in toto & in qualibet parte, cum sit forma substantialis quæ est perfectio totius, sicut & cuilibet partis, non vero accidentaliter, ut forma domus posita in compositione & ordine, quæ est toti domui non tamen dat esse singulis partibus. Quomodo autem potentia animæ distinguuntur, quem habeant ad invicem ordinem: Utrum una potentia ex alia oriatur; & utrum omnes potentia animæ remaneant in ea post mortem; & denique sit ne alia forma præter intellectivum in homine animam; hæc & alia ejusmodi Domino Barlæo viro eruditissimo cum his quæ raptim de Anima scripsi relinquo. De rebus meis nihil scribo; sed me tibi Dominoque Barlæo totum, salutemque meam quam serio possum commendans. Negotii administrandi rationem singulari vestra sapientia permitto in Domino. Literas inclusas Domino Johanni Nebstero reddendas, cures, vehementer oro, cui me multum debere & plurimum devinctum esse profiteor, ejusque officium tam benignum ab excelsio quodam animo liberalique profectum libenter amplector. Etsi interim, ulli privato etiam nobilissimo esse oneri nunquam cogitavi; quod si compensare meis officiis non potero, memoria tuebor, & prosequar laudibus, quamdiu vita fruor, apud omnes, ipsumque serenissimum Regem Reginamque: ut ex optima saltem voluntate qua boni omnes & sapientes Viri meriri beneficia consueverunt, aliquam sibi relata esse gratiam existimet. *Δὲν ἔλας ὁ κύριος πρὸς τὸν Νεβστερόν, ὅτι πολλὰς καὶ ἀγαθὰς ἡ πόλις, ἡ καὶ τῶν ἀλλοτρίων*

*μὴ ἐκ ἐμπροσθεν ἀλλὰ ἡκούσας ἐν ἀμεταμέλει ἐξήκοντος καὶ ἑνὸς μηνὸς ἀπὸ τοῦ κύριου ἐν τῇ ἐλας. Δὲν ἔλας ἐν τῇ πόλει τῇ ἡμέρᾳ.* Vale, Vir ornatissime, & me tuæ humanitatis summae semper memorem, sicut & dignitatis tuæ studiosum valde, amplectere; Dominisque Barlæo & Nebstero meis verbis salutem plurimam, quem accerses, &c. Iterum vale à tui amantissimo

Archib. Cassellius,

Hag. 19. M. 1644.

CCCXXXII

*Celeberrimo Viro Domino Johanni Gerhardo Vossio, ἑνὶ ἀγαθῷ.*

TOT annorum V. C. intervallo ad te redeunt à me literæ, quarum importuna inveniuntati propensius in me favor tuus veniam largietur. Desiderii sanè mei necessitas id postulavit, cui explendo, non inoratus mihi sis. Ac Deos non sine precibus adimus. Anni V. C. non pauci effluxere, ex quo tum liberalioribus literis, tum Jurisprudentiæ Sacris sedulo incubui, cui fini Academiæ plures florentissimas maturo consilio elegeram. Nunc è peregrinationibus Galliarum ac Germaniarum demum in patriam redux, parente optimo, (in quo spes opesque meæ omnes sitæ erant) supremi Numinis arbitrio ad plures evocato, quid inceptem, ac ubi gentium certam sedem figam, incertus sum. Frequens hic eorum seges est, qui se eruditos jactant, titulisque sed meris ac inanibus splendent. Opulentiores atque impudentiores priori loco sunt. Ego, dum lenior mihi benigniorque aura adspiret, fortunæ ac temporis cedere constitui. Quamobrem V. C. si lautioris apud vos sortis quispiam doctrinæ morumque præfectum filio quæreret, non invitum id mihi oneris imponi paterer. Nec quidquam, quod jure deceat, in me desideratum iri confido. Dari condiciones ejusmodi scio. Verum uti non exiguum harum est discrimen, sic avidè sine dubio ambiuntur: Si spes aliqua mihi fieret, expectato volarem citius. Præsentia enim in hoc promotionis genere potissimum requiritur. Rogo per tuum te Genium V. C. beneficium hoc ei præstes, quem satis ubere benevolentia prosequi antehac solebas. Neque in ingratum conferes, neque pœnitebit, hunc hominem commendasse cui iteratus tui visus alloquiumque

animum

animum addent, ut inter dubios fortunæ fluctus de rebus suis melius speret. Vale V. C. ætatem mihi colende, Reipublicæ tuisque diu superstes, delitescentes affectus in me scintillas excitata, meque responso dignare. Dionysium filium plurimum salvere jubeo.

Hamburgi A.D.  
clō ICS XLII,  
xv. Febr.

C. V. addictiss. studiosiss.

Bernhardus Damke.

### CCCXXXIII

Reverende & Excellentissime Vir,

**A**ccepi nuper illa quæ ad me misisti munera. Quo nomine & hunc animum & me debere tibi fateor. De quibus aliisque pluribus, ut spero, sum scripturus, cum ordine perlegero. Nosti enim qui & ipse aliquando maxima cum laude inter nos versatus es, quam hoc tempore, ex instituto Academiae, quo & recensendi studiosi, & alia nonnulla peragenda sunt, ab octavo Februarii ad primum sequentis septimanae, distrahi soleam. De affectu meo & observantia si quærit, nemo nescit, quomodo de te scripturæ tuæ judicare soleam. Quo magis demonstrandi sunt, qui Versus quosdam, quos in maledicum, qui de faciundia aliorum judicare solet, conscripsi, de te scriptis, tibi aliisque persuasurum: quod amici jam non semel indicaverunt nobis: cum id ne in mentem quidem venisse nobis sciam. Homo, de quo cogitabam, natione Batavus, aliquandiu Professor tandem ludo literario præfectus est, in qua cura expiravit. Qui non magis fortasse tibi, cum privatum de omnibus sententiam ferret, quam aliis pepercit. Simile est, quod cum nemo olim magis Rhetorica tua, non semel nec eodem modo edita, commendaret aliis, ea à me perstringi, non quidem forte crediderunt ipsi, persuasum tamen tibi distrahendis inter nos animis nonnulli voluerunt: quo nihil diabolicum magis, nihil magis hodie usitatum. Cum de *Loyola* quodam egerim, qui de autoribus antiquis petulanter ac sinistre judicat; quod à te factum non memini, quem ob eruditionem singularem semper veneratus sum, qui sum ac futurus semper sum.

Lugd. Bat. An.  
clō ICS XLII,  
Febr. xvii.

Reverentia tua devotiss.

Daniel Heinsius.

### CCCXXXIV.

Clarissimo Doctissimoque Viro Ger. Joh. Vossio, Gaspar Scioppius S. P. D.

Clarissime & Præstantissime Vir,

**N**ihil planè dubito, quin ornatissimi Juvenes Justus Riccovartius & Cornelius Vuerchovius, qui me per familiariter hic usi sunt, satis tibi confirmarint, quantas tuas excellentes ingenii animique dotes faciam, quantumque ætati nostræ de lumine tanto gratulandum putem. Quo minus mihi nunc laborandum intelligo, ut ambitiosa mei erga te amoris ac studii professione tuam mihi mutuam voluntatem conciliem. Missis igitur ambagibus pro amico te in partem voco negotii, in quo cum consilii & prudentiæ tuæ vires maxima cum laude tua experiri, tum ab omni Republica, inprimisque à Batavis tuis magnam & solidam gratiam me iudice inire poteris. Id cuiusmodi sit, ex Italica Relatione, quam unam mitto, intelliges. Galileus *in parva* pro veteri, quæ mecum ei intercodebat, amicitia mihi curæ esse cupiebat; ut relictis *inveni* sui experimentum caperetur, idque tanto impendius, quanto gratus ei fuit, quod Piervectum disciplinæ ejus alumnus in contubernium meum adscivissem, propterque spectatam ejus fidem & singularem in omni genere virtutem omnium meorum bonorum heredem fecissem. Is jam triennium apud me fecit, & usque eo mihi se probare pergit, ut eum in senectutis meæ præsidium coelo demissum statim. Caterum verba non invenio, quibus divini ingenii ejus vim satis dignè prædicem. Nam quicquid dixerò, minus erit. Promittit ille quidem in hoc Patavino Athenæo Juris civilis interpretationem, in qua tam cumulate omnibus satisfacit, ut in hoc uno studio videatur quoddam quasi tabernaculum vite suæ collocasse. At illum sui propemodum pœniter ac piget, cui necessitas incumbat ista professione vitam tolerandi, quam genio suo magnopere alienam ac modo non adversam experitur, cum sit maxime *invenit* pectusque cuiusque modi artibus instructum gerat, quarum una quavis victum aliis satis lautum ex se præbere posset. Si suis ea fata auspiciis vitam ducere permitterent, illa quodcunque Mathematicarum disciplinarum genus & Philosophiam liberam nulliusque Magistri verbis addictam profiteri

ac



ac docere alios impendio præoptaret, satis quippe sibi conficius, posse se non verbis doctisq. dictis auditores pascere (quamvis nec ab istis non satis sit paratus) sed res nemini unquam nec visas, nec auditas, omnemque humanam admirationem exhausturas manuum & oculorum sensibus subicere, quas magni principes, satis scio, ut videre possent, impenso pretio depecisci nihil dubitarent. Ego quidem, cui tam admiranda oculis & manibus usurpare contigit, planissimè mihi persuadeo, si Pythagoras, Plato & Aristoteles, in terris nunc existent, nec suum illud discendi studium abjecissent, nihil eis prius futurum, quam ut ad veri istius Philosophi acroasin certatim convolarent. Madaurensis autem Philosophus, nisi omnia me fallunt, non jam Hippiam, sed Pieruccium floriloquio suo dignam censeret, ejusque *πικρολογεῖν* distinctè explicanda ingenium delassare mallet. Tanta tamen hominis est modestia, ut istas ingenii ejus divitias nemo nisi diu multumque eo usus possit animadvertere. His accedit quod ego palmarium ducò, quoque nomine plus hominem amo, ardens divinarum literarum amor, & mirificum S. Scripturæ studium, unde sibi mentem scientia augeri, sensusque ad boni ac mali discrimen exercitatos fieri gaudet (quod Apostolus perfectorum esse testatur) ne ipsum fallant animi vasa sub vulpe latentes (quales ab Alphonso meo de Vargas descriptos vidisti) neve inveniatur *ὁ πρὸς τὸν ἀνδρὶν ἐκείνῳ καὶ ἀνδρὶν ἐκείνῳ πρὸς τὸν ἀνδρὶν ἐκείνῳ*. Hunc ergo talem virum tibi nunc concilio, ejusque demerendi occasionem tibi offero : quam tanto avidius arrepturum te arbitror, quanto plus Batavorum publice privatimque interest, ipsis non interciderè fructum illum, quem eis Galilæus ex invento suo augurabatur. Si ergo istic sint, qui rem tantam cordi habeant, sive per te, sive per P. Fulgentium Servitum Reip. Venetæ Consiliarium, seu denique per quos visum eis fuerit, cum Pieruccio transigere poterunt; quem studii, quod Galilæus erga nomen Batavum singulare profitebatur, heredem esse præstabo, sicut etiam fide mea tibi recipio ac polliceor, futurum ut ex rebus ipsis homini omnium gratissimo operam te navasse intelligas, nec minimum mihi velut amicitia vestra interpreti ac parario debere nolis.

De me ipso meisque consiliis, studiis & actionibus alias te certiore faciam, nunc in antecessum hoc tantum narro, me jam Exegeſi seu *Prophetia Scripturæ* (quam

S. Petrus vocat) plus quingenta folia explevisse, ea ipsa Clave ad aperienda ejus mysteria usum, quam idem Apostolus nobis reliquit, vix tamen à quoquam adhuc intellectam. Prophetæ scilicet præter mandata de credendis & faciendis (quæ Isai. 45. *Justitia & Recta*, Johan. 16. *Omnis veritas* dicuntur) & an *Secreta* seu Ventura (Amos 3. 7.) sive Christi & Ecclesiæ passionēs ac glorias cum singularum temporibus exquisiverunt & scrutati sunt, & à Christi spiritu sibi revelatas nobis ministrarunt (1 Pet. 1. 10, 11.) & dies istos annunciarunt tempora refrigerii & restitutionis omnium; sive adventum Christi antecessuros (Act. 3. 20, 21, 24.) ut scrutando Scripturas scire possemus, quæ primi temporis seu diluculi passionēs & gloriæ, quæ mediæ diei passio seu tribulatio magna à multis Pseudochristis & ab uno Antichristo sine ulla externæ gloriæ parte, quæ horæ novissimæ (postquam tempus non erit amplius) præsentī sæculo veniente Patre futuri sæculi (Apoc. 10. 7. Isai. 9. 6. Heb. 2. 5, 8.) sine ulla passione gloriæ futuræ essent. Ista trium temporum unius diei 12 horarum sicut & triduanæ mortis Ecclesiæ, vel 40 horarum eventa, comparatis inter se Scripturarum locis lucidissimè exposui: quæ ut minori negotio intelligi queant, omnemque altercandi occasionem omnibus præcidar, quatuor libellos, istis indicibus seu titulis jam confectos habeo.

1. Fons sapientiæ intento digito monstratus, hoc est, Eclogæ ex S. Scriptura & Sanctis Patribus de S. Scripturæ studio, ejusque studii necessitate, utilitate adjumentis & temporibus.

2. Clavis Scientiæ ad aperienda regni cælorum mysteria propediem consummanda, hoc est, specimen Exegeſeos Prophetica in Psal. 45.

3. Annunciatio regni Christi ac populi Christiani in orbem terræ futurum usque ad novissimum annorum & expeditionem Gog & internecionem ejus.

4. Systema artis Prophetandi, continens ejus artis finem, officia, materiam subjectam & instrumenta, exemplo Galeni in *Systemate artis Medicæ*.

Vix autem sperare audeo, fore ut quicquam istorum in Italia edendi venia mihi detur, non quod quicquam in eis vel decretis Romanæ Ecclesiæ de fide, vel bonis moribus adverteretur, sed quod mores Curia Romanæ omnes Ecclesiæ leges jam olim in potestatem suam perduxerint, nec jam cuiquam fas sit quicquam tale dicere aut

scribere, quale ipsi Pontifices in D. Bernardo, Brigitta & Catharina Senensi non modo verè rectèque dictum fassi sunt, sed etiam pro saluberrimo fidelium dogmate religiose observari voluerunt; quicquid autem hujus edi contigerit, ad te quamprimum curabitur perferendum, cujus ego me discipulum perhiberi minime erubescam, quæque à me proficiuntur, ea iudicio tuo stare aut cadere facile patiar. Deus te, Vir Clariss. publico Literarum bono diu vitalem servet ac prosperet.

*Patav. ad diem 20. Febr. 1642.*

CCCXXXV.

S. P.

Clarissime & Doctissime Vir, Collega & amice  
conjunctissime,

**E**Xpectavi tempus quo prodiret meus Apologeticus, ut gratias tibi agerem pro elegantissima & amica Epistola tua, simulque ad nonnulla responderem quorum in ea memineras. Videbis Libellum meum non in D. Grotium sed in illius votum, quod à te perfectum non dubito. In quo certe ipse quasi D. Grotium, nec talem inveni qualem olim & non ita pridem existimavi. Quis enim ab eo tantum virulentiae, & tam odiosas digressiones expectasset? Coegit me ut veritatem & innocentiam tuerer, acius aliquanto quam voluisssem ei respondere, spero tamen te ipsum judicaturum, neque me modestiae & gravitatis munere & aetate mea dignae limites transgressum fuisse, nec potuisse aliter agere quam feci, nisi nostram causam proderet voluisssem. Quod spectat Suevum illum, nihil mihi est cum illo commune, cujus ab initio culpavi petulantiam, nec dissimulavi in Epistola quam à me extorsit ejus importunitas, cum mihi plane ignotus esset, quantum à candore & modestia recessisset. Cum autem abusus sit particula meae Epistolae in sua illa investiva, non potui etiam quin lectorem meum moneam quantum illius agendi modum improbarem. De cetero libenter submitto scriptum hoc meum iudicio tuo, postquam collatione cum adversario scripto facta, utrumque expendis. Misi nudius tertius ad D. Corneilium folium unum operis Blondeliani cum duabus Epistolis ad te & eum scriptis; spero te accepisse. Aliud folium miseram antea ad

Blavium, à quo nondum accepi responsum. Hæc duo folia multa habent notatu digna, circa potestatem ordinationis, in quibus etiam nonnihil habet de Novato, Ichyra, Zachæo, contra sententiam D. Grotii. Amicus noster nobiliss. Salmasius, expectabat partum uxoris propinquum, ut ad nos rediret. Nunc existimo omne impedimentum fore sublatum, postquam Cardinalis eminentiss. fuit; nihilque amplius eum remoraturum. Accepit per diligentiam filii tui, qui eam descripsit Florentiae, exemplar Expeditionis in Alanos per Arianum, in quo dicit se mira habere de Militia Romana, & quæ ad eam spectant. Ab eadem opera expectare Urbicium, ut opus Principi nostro promissum, his adjumentis instructus possit absolvere. Ejus Hellenisticus nunc, post absolutum meum Apologeticum, diligentius procedat. Significaveram Ampliss. Saravio, quæ in literis ad me tuis, de eo habebantur. Ille quanti te, & tua omnia faciat, non posse se verbis exprimere dicit. Expectaturum reditum filii tui, ut illum rursus amplectatur, & ab eo audiat quantos ex Italia thesauros sit allaturus. Interim semper urget apud me, ut te inducam ad ea promenda quæ habes de Antiquitatibus Ecclesiasticis. Si quid ad Blondellum rescribere velis, meam offero operam, in literis tuis curandis, ejusque & meo nomine à te peto, ut opus illud Typographo subinde commendes, & ut emendatè prodeat hortaris. Princeps noster affligitur chiragra & podagra, quæ curis hodierni temporis addita, eum macerant, reipublicæ tamen huic, etiam ad multos annos, necessarium. Deus eum nobis servabit, quem tuis omnibus faventem & propitium precor. Vale, Vir amicissime.

*Haga-Comitis, Tibi addictissimus*  
x. Kal. Febr.  
finiente anno  
clo 1642.

*& ad omnia officia*

*paratissimus,*

Andreas Rivetus.

CCCXXXVI.



## CCCXXXVI.

Præstantissime &amp; Clarissime Vir, \*

CUMulatè me beasses vel solis Literis tuis, ex quibus & valere te & nostri memorem adhuc esse percepi. Non enim celare debeo quanta & in felicitatis & in gloriæ parte ponam à tali Viro amari. Jam verò adjunctum munus, quibus verbis prædicabo? Istum primo Maimonidis tractatum, Latine redditum, notisque eruditissimis illustratum à tanto tanti Patris Filio, Dionysio Vossio. Quam stupendi ingenii & industriæ Juvene? qui antequam eo ætatis pervenerat, quo qui bonas Literas vel primoribus labiis delibaverint, satis properasse videantur, totam absolverat *ἡλικιωπαιδείαν*, nec quicquam quod hominibus scire datum, intactum reliquerat. Quam illi ex voto cessasse videatur, qui tam sciendi avidus fuit, quod nobis minime, ut præmature è terris, in quibusdum peregrinamur, qui plurimum norunt, ex parte tantum sciunt, in cœlestem patriam transferretur, ubi & scientia & beatitudine *ἡλικιωπαιδεία* fieret. Huic annexum mirandum illud opus tuum de falsa Nationum Religione, humanæque mentis ex natura ascensu ad Deum, quo & filii *μαργετῶν* & tuæ simul gloriæ magis quam Mausoleo vel superba Pyramidis mole exstructa consuluisti, & quam pene supra humanæ naturæ terminos ipse scientiæ gloria ascenderis, ostendisti: Opus (ut illa C. Plinii de Avunculi sui Hist. Nat. cui merito debeantur adscribam) diffusum, eruditum, nec minus varium, quàm ipsa natura; quò cum omnes studiosos tibi mirum in modum devinctos reddideris, tum me, singulari præ cæteris beneficio devinctissimum, cui per tot annos à literis & libris politionibus exulanti, in hoc uno Bibliothecam instructissimam aperuisti, ut nulla sit alia volumina conquirendi necessitas. Quia & ne vel hic Thesaurus ullo, qui nullo contra carus fuisset, mihi pretio redimendus esset, munere tuo cavisti. Dum igitur donum & donantis simul affectum perpendo, quas tibi gratias debeam scio, quas referam nescio. Tibi vero, utriusque beneficii *Ἀντὶν ἐν μαργετῶν ἀντίδοτον ἀμείβω*. Quod ad studia nostra, magis turbata sunt, quam ut aliquam eorum rationem tibi reddam. Nescio an plantis Arabicis faveat Cœli nostri temperies. Quod si Deus otium & vitam concesserit, dabo forsân operam, ut lucem videant, vel Editio in saltem parentur, libri sex am-

plissimi Viri Hugonis Grotii de Veritate Religionis Christianæ in Linguam Arabicam versi: uti & Catechismus brevior, & Articuli Ecclesiæ nostræ. Certe quam maxime è re Christianorum in partibus Orientalibus, crassissimis ignorantie tenebris misère demersorum, esset, ut hujusmodi libri illis communicarentur, unde quid credere se profitentur, haurire & ipsi possent, & alios docere. Ahis, è contra, si qua operæ pretium viderentur, è Lingua Arabica in Latinum sermonem transferendis manum admovere non pigebit, si à te discere liceat, quò præcipue modo, studiis nostris vel Arabicis vel Rabbincis Respublica literaria, vel tantillum, juvari poterit. Vale, summe Vir, & favere perge

Oxon. è C. C. C.  
VI. Id. Aprilis,  
1642.

Sincere atque ex animo,

Te colenti,

Edwardo Pococke.

## CCCXXXVII.

Clarissime Domine,

EX diserto Vossianæ Familiz penu, & quantum librorum accepimus, quinque numero Volumina, pondere Bibliothecam: spectantibus deauratam, inspectantibus auream! Longè fecundiorum te Jove Ethnico celebramus, Minervæ non solum Patrem, sed Avum; dum & libros in lucem edis, & patrizantem in libris conscribendis Filium. Cerebri ac spinæ medullam vel hinc cernimus continuam, quod ex vase utroque sobolem germanam suscepisti; ex altero scientiam, ex altero tam scientem. Filius ille tuus Dionysius, priusquam fato concessit, tibi fatum enixus est, cui concedat fatum. Maimonidem bis ille fidissimus transtulit, verbo & sensu; novi Idiomatis Januæ clavim aptando Commentarii. Postquam ipsum Deus in vitam beatiorem transtulit, huc etiam transtulisti Monumentum ejus in vitam Musarum. Verum quod vivet in scriniis nostris, ac multo pollice versabitur, illud minimum est. Nam ex Musis Oxoniensibus, quas ille non solum scriptionis auxit beneficio, sed Inscriptionis titulo decoravit, unâ cum æternitate honorem & amplexus reportabit. Indignum esset liberalibus ingenis sub eodem quo ingressa Frontispicio non posse regredi charitatem, omniaque honoris vestigia nos adversum spectare at nulla retrorsum; vivet itaque tam in pectore quam in oculis;

lis; aliorum scripta legemus; judicabimus; illius diligemus, offeremus laudibus. Talia si meruit Filius, quod Seminarium doctrinae rigavit ingenui flumine, quid meruisti Pater, qui exundasti in universum Cleri Anglicani hortum? Nam in fronte quatuor tuorum voluminum inscriptionem praefigis, Clero Anglicano; amplam quidem, sed inscriptorum praestantiae angustam. Libros ab omnibus legi dignos, ornare si velles iustae mensurae titulo, non Literarum genti, sed omnium gentium Literatis dicere debuisses. Verum hac in re singularem tuam agnoscimus dilectionem. Cum enim unicus tu extraneorum omnium praeter unum alterum ab orbe toto selectus fueris, & in primariae nostratis Ecclesiae sodalitium adoptatus, mutui honoris ergo, confratribus huc in gremium illud thesauri conijcis, quod lati orbis fructu debetur. Nemo in toga nostra perstare jam potest indoctus, nisi perstet etiam inhumanus, ac ea nolit perlegere quae ad ipsum humane mittuntur. Nam ex promptuario tuo haurire datur omne genus Eruditionis, Artes, Historiam, Philosophiam, Theologiam. Dum in isto quem vocas Gentilis Theologiae & Christianae Physices conflictu, Dei speculationem & creaturis erueret proponis, a naturae cultu Idololatrio vindicare, discernere, elevare, disponere, prima facie promittis non solum veram scientiam mundi, sed mundum scientiae. Elaborata haec mysteria suspicemus vehementius, nisi tuo prodirent nomine: admirationem operis mergit Autoris excellentia; in sylva quercum, in Oceano Balanam non miramur, nec in Vossio magna, quia nihil is proferit minus maximis. Proinde cum satis laudet, qui dicit te similem tui, nos reliqua praeconia mole gratiarum supplebimus, similia haec tui incrementa inferemus donorum registro, reponemus cum Sociis in Bodleiana, ubi Classsem Vossianam fulgidis protendent foliis, & aemulatione accendent Heroas calami. Custodi te sanum, fervet te Deus felicem, nos te fore vivacem curabimus.

Ex dono nostra  
Convocationis,  
Masi 24.

Eximii tuis meritis

charissime devincta,

Oxonienfis Academia.

# CCCCXXXVIII.

Amplissime, clarissime Vir,

Opportunè admodum advenit hodie ad me D. Ravius, cujus Literas ad me misisti, ut & harum mearum ad te vicissim lator esset. Maximas tibi habeo gratias, quod praeclearo munere laborum praeclearissimi filii tui & pangeitru, Juvenis longiori vita digni, beare me volueris. Nec dissimulare possum, inter ceteras ejus praeclearas doctissimasque Annotationes, vel maxime oblectasse me, quod Servatoris nostri aeternam divinitatem fideliter tueatur, eumque Angelum illum foederis fuisse asserat, qui nomine Jehovae insignitus cum Patribus egit. Vivat nomen ejus inter eruditos, dum Sol & Luna splendebunt. Te autem, Vir doctissime, qui jam orbem nostrum tot luculentis operibus illustrasti, & plura non minoris eruditionis & utilitatis affecta habes, de valetudine conqueri doleo. Opto menti tuae, vegetae adhuc & doctrinae onustae, validum vegetumque corpus, quo quos parturis foetus eniti scelerit atque ex animi sententia queas, unde Reipublicae literariae splendor novus nascatur. Ravius noster ex Oriente redit Persicae, ac praesertim Turcicae Linguae peritissimus, quam promptissime hic cum suo, quem adduxit Arabe Christiano loquentem non sine admiratione audivi. Gratulor ipsi ac Reipublicae literariae quam exinde splendidiorem iri redditum spero. Sospitet labores ejus Deus Optimus Maximus, qui ut & optima tua studia secundet, atque valetudinem tuam firmet, etiam atque etiam rogo.

Datum Lugd. Bar.  
25. Martii, 1642.

Reverentia tuae

studiofissimus,

Ludovicus de Dieu.

# CCCCXXXIX.

Venerande Vir,

Mitto serius quam voluisssem filio tuo salarium utriusque anni, quod non sine difficultate obtinui, praesertim posterioris. Obiciebatur enim non amplius eum Hagae vacare causis agendis, ideoque causam cessare. Utinam in majoribus ostendere liceat memorem me gratumque esse tuorum beneficiorum, quae & olim in me



me contulisti, quæque non desinis cumulare indies novis. Nescio certè quibus verbis tibi gratias habeam, non tantum pro tam insigni munere, quod me in ruborem dedit, sed & quod in eo non semel honorificè nominis mei meminisse dignatus es. Monstravit Colvius locum de vitæ termino. Ego omnia à capite ad calcem diligenter perlegam, videborque in ejus lectione à te ipso, ut olim, erudiri, & ab ore docentis pendere. Tu certè cum paucis potes, quod ego cum multis conor. Prodit brevi Thesaurus insalubrium nostra lingua, cum tabellis æneis, & versibus D. Catlii, qualis editus est, ac jam quintum Amstelodami edetur Thesaurus salubrium. Munus parum te dignum, ex nomine tamen, & hoc animo tuis rependendum. Decrevi tum vernaculis valedicere, & redire ad magis seria. Quamvis ista tantum habeam pro occupatæ mentis diviticulis, & quæ nonnihil Bibliothecæ affricent. Miror in responsione mea, te movere Coprianicam vocem. Ego etiam ea usus, sed nullo quinquam lædendi animo. Neque ullam causam offensionis video. Tu perge, Vir reverende, de Republica literaria optime mereri, & me, ut soles, amare, qui sum & ero,

*Innumeris meritis tuis*

*æternum devinctus,*

*& devotus,*

Joh. Beverovicus.

Salutat te DD. Colvius & Corputius, qui etiam causæ cum Consulari Wittio favit, cum jam nummos astu recepissem. Uxor mea puerperio (quod nonum erit) vicina, tibi, optimæ conjugii, & liberis omnia fausta mecum precatur.

CCCXL.

S. P.

Celeberrime & Clarissime Vir, Collega & Amice observande,

Post repetitas gratias pro munere doctissimarum lucubrationum tuarum, quas mihi nomine tuo dedit amplissimus Dubletius: Reddo nunc *χαλκία ἀπὸ χαρτίου* Animadversiones meas in Viri magni An-

notata ad Consultationem G. Cassandri. Quid memoverit ut onus illud susciperem in præfatione videbis, nec spero improbabis agendi modum, nec modestiam desiderabis, quam observare conatus sum, cum mihi res sit cum adversario cujus dignitatem colo, & eruditionem admiror. Sed cum veritas magis nobis esse cordi debeat, quam deferere non possumus oppugnatam ab iis qui ejus assertores esse debuerant, eam, prout debui, & semper observaturus sum, præferam omnibus quæ alias laudanda agnosco in præstantissimis aliquin ingeniis. Nec te judicem & censorem rejiciam, sed potius appellabo, si tibi vacet oculos in hanc lucubratiunculam conjicere. Marefius suas ad appendicem vindicias, commisit Typographo, & qui malè exceptus fuit, vix abstinebit à retaliationē. Audio eminentissimum Cardinalem, præfente Cardinale Mazarino, graviter increpasse Millerium & Veronum pro Hæreticis scriptis & concionibus. Videbimus, si Deus vitam prorogaverit, quo tandem istiusmodi conatus perducentur. Opto tibi & tuis omnibus omnia fausta & prospera.

Haga-Comitis,  
7. April. 1642.

Tuus omni Officio

& Affectu,

Andreas Rivetus.

Filius tuus vidit Salmasium Divionem, ei-que dedit unum exemplar Annotatorum, quorum habebat quatuor in Italiam deferenda, Salmasius promittit se post Pascha venturum Lutetiam & omnia dispositurum ut redeat ad nos. Absolvit opus suum satis spissum de Lingua Hellenistica, quod brevi ad Typographum missurus est.

CCCXLI.

Clarissime atque eruditissime Vir,

ÆGrè mihi accidit nuper, quod ornatissimus Ravius sine meis ad te literis dimittendus esset; siquidem discessurum se ipso demum discessus momento indicaret. Exinde optimi parentis, jam plus quam octuagenarii valetudo, & alia atque alia sæpius mihi, ut forte ad te scribere volui, inopinanti remoram iniecerunt. Quapropter per veterem tuam erga me, quam de novo comprobasti, benevolentiam

volentiam rogo, ne prætermisſi Officii culpam velis imputatam affectui erga te meo; quippe quo te pro ſummis meritis tuis ſummopere diligo & obſervo. Inprimis verò, cum tam mirificè me affecerint, certantibus inter ſe lætitia & mœrore, literarium quod miſiſti munus, comiteſque literæ tuæ. Nam cum tua tuorumque, quàm privatim & publice proſiteri viſum fuit, amicitia exultarem, tum præſtantiffimi filii tui *maſſe* poſthumus foetus me graviter commovit. Non potuit enim non refricari priſtinum vulnus, ab immaturatione ejus morte mihi inſiſctum, cum præfixum chariſſimum illud nomen, & extrema, quæ in terris reliquit, cœleſtis animi veſtigia conſpexi. Alias per ſe nunquam non ob animum verſatur ille dies, quo poſtremum hic adfuit mihi. Nam cum ſupra ætatem ſapuiſſet ſemper, tunc quidem tantum cœleſtis Sapientia ſpirabant ejus dicta, & quæ communicaret mihi, cogitata atque inſtituta vitæ, ut jam in cœlitum ordinem tranſcriptus videretur. Ut autem paulo poſt vitæ id ipſum meæ, & omnium, qui norant, delictum ereptum intellexi, majus mihi, qui forte tunc iniqua valetudine conſiſtēbar, vitæ tædium obreſcit. Nec ſecus, quam ſi de proximis unus fuiſſem, uti verò affectu eram, ſolatio opus habebam, qui te conſolari deberem. Nolo autem redintegrare tibi luctum, præſertim cum deſuerim leniendo: ſed occaſione ita ferente non potui non, quod ubique facio & facturus ſum, dum vivam, intimum teſtari amorem, quo Dyonifiſium tuum vivum complexus fui, & deſuncti memoriam colo. Leve fuit, equidem fateor, quicquid à me potuit in illum proſiciri: & quàmvis permagna contigerunt aliunde, nihil tamen exiſtimo fuiſſe, ut non majora meruerit & virtus & eruditio ejus. Cum itaque amanti nihil jucundius nihilque optatius ſit quam redamari, ſicuti volupe mihi fuit, ab illo, dum in vivis eſſet, viciffim diligi: ita gratiſſimum mihi accidit, veſtri etiam amoris erga me teſtificatione id ipſum approbari. Cui quidem atque humanitati veſtræ acceptum fero, quicquid hac parte laudis gratiæ aut lætitiæ mihi acceſſit; maximæque pro eo, uti & gratiſſimo dono, gratias ago. Quamprimum, volente Deo, iſtuc venero, nihil mihi prius erit, quàm ut te ſalutem, & ſincerum animi mei affectum coram quoque teſter. Maxime autem beaveris me, ſi ſubinde etiam domi meæ conſpectu tui, & dulciſſimi conſortii parte aliqua frui poſſim. Interim, Celeberrime Vir,

& tibi & lætiſſimæ conjugi liberique tuis plurimam ſalutem dico, atque omnem felicitatem præcor; pro me enixurus ſedulo, ut amicitiam quæ & olim inita inter nos, & nunc renovata fuit, quibuſcunque poſſum ſtudiis colam. Vale, & amantem tui ama.

Dabam Lugd.  
Bat. xv. April.  
c10 l0c XLII.

Clar. tuæ Totus devinctus,  
atque ad omnia officia  
paratiſſimus,

Jacobus Golius.

### CCCXLII.

Maxime Voſſi,

ETiamſi intra anni decurſum nihil ad meas reſponderis diverſis occaſionibus ſcriptas literulas, quibus vel amicos, vel res noſtras pietati tuæ à multis jam annis commendare conſuevi: tamen ſolenne meum obſervaturus Mularum tuarum fores pultare haud deſino, etiam atque etiam rogans ne feſtiviſſimos obdas peſſulos meque deinceps habeas pro excluſiſſimo. Non ita tetricus es, ſat ſcio, tot jam exemplis antehac edoſtus. Idpropter pium ac modeſtum juvenem Georgium Huldericum Wenningium Archipalatinum nunc mitto, iturum in Bataviam & Angliam, ut Eccleſiarum ſtatum coram penitus cognoscat & reverſus cum prudentia operam ſuam populo Dei collocet. Is vivæ inſtar epiſtolæ res noſtras explicabit, ſiquidem eum audire lubet & vacat. Olores univerſalis gratiæ etiamnum ſcripta noſtra ſollicitant. Neſcio an videris, quæ D. Triglandius in Syntagma meum nuper commentatus ſit. Miratus ſum viro colliuiſſe ipſiſſima Syntagmatis verba exagitare & cum aliorum placitis, imo & Pelagii erroribus confundere, ubi de univerſali gratia cum Orthodoxa antiquitate & Catholica Eccleſia diſſero. Præjudicium cauſæ noſtræ peperit, quam tamen bonis me approbaturum conſido. Ubi Diſſertationes meæ exegeticæ & apologeticæ ad umbilicum perductæ fuerint, id quod propediem futurum ſpero, eas cenſuræ tuæ ſubmittam. Interea gratiæ verbi Dei commendo te, Vir maxime, *maxime*.

Brem. xx. April. veteris  
c10 l0c XLII.

Excellentiæ tuæ

Devotiſſimus,

L. Crocius.

### CCCXLIII.



CCCXLIII.

Summo Viro, Gerhardo Joh. Vossio  
S. P. D. Joh. Ravius.

**E**ST utique permagni affectus, nec, uti modestia tibi dictavit, minutum, sed quod reapse exerior, probum justumque Symbolum, quod ad me destinasti. Qui enim inter meritos de Arte Logica me referre tantus ipse vir aggressus es, quid facis aliud, quam ut nomen meum consecres? Ego autem qui mereri primum volo, & hæcenus fui incertus, an aliqua me via sic etiam duxerit, ne prorsus eam à bonis desertus, post tot obrectatores meos te primum invenio laudatorem: Principem utique & summum Virum, quemque unum non reverear omnibus opponere. Cui si primum placuero, facile bonis probatum me confidam. Ego quoque ut debeo tibi jam à pueritia mea, & Magistrum te mihi publice præstitisti, ut erudis me ac doces quotidie, ita non possum vel hoc ipso non agnoscere beneficium tuum, qui in Arte Logica studium atque operam meam confirmas. Ita enim undique pressus sum calumniis & malevolorum insultibus, ut jam ante annos tres ipsos omnem spem atque animum abieci; Quid enim facerem unus adversus tot multos? Quod tam disparibus armis? Loco iniquo? Ubi sola autoritas, nulla ratio placet. Ubi omnis conatus nixusque, contumacia ipsa virtus sibi exitio erat. Tacui ergo hæcenus, & ista equidem lege, ut sciscitantibus etiam Collegis, ne sententiam ausus fuero proloqui. Ad pedes abieci ultro, deserui; tantum ut ne fraudi esset veritati patrocinium. Itaque evenit ut quæ conculcanda projecerim, servata sint jam omnia. Utcunque enim demandata mihi Professio Logica, tamen ista evanuit conditio, ne novarem. Dimidium ergo nunc Soræ licet, ut alibi liceant omnia. Quæ ipsa tamen ex veteri documento intra spem metumque comprehensa sunt. Ego quoque si alter ille perditis rebus mereri potuit gratias, quod de Republica non desperasset, possum ostendere similiter aliquot parvos bonæ indolis ac virtutis igniculos. Et credo utique non aberratum me à favore illorum, in quorum potestate sita apud nos est libertas literarum, si primum audeant ipsi credere. Qui enim istis coloribus depictus sum, quibus male-nominati homines aliaque omnia

obsceni omnis solent, non possum sic mea ultro virtute renidere, nisi magnorum virorum judiciis ante omnia sublevatus. Quapropter, mi Domine, si vel à te, quod longè credo facillimum, vel ab aliis impertrare possis, ut honestè de me sentiant, ut jubeant velint me hanc Philosophiæ ancillulam pudicè ac liberaliter Dominæ suæ erudire, absolveres beneficium, & quam mereri volentem habes, benè merentem ipse efficeres. Quanquam non ansum hæc plura à te petere, qui jam satis in me munificus extitisti. Quod scias, omnia mea, ut video, intercepta mihi, hoc munusculo restituiisti omnia. Quicquid enim sani bonique est in multis illis, ut libellus titulo promittit, quæ ab aliis Logicis non tradita sint de forma Enunciationum & Syllogismorum simplicium, id omne meum est. Et admiror Nihufii mentem, quare ille veteranus tanta ambitione annixus sit, ut esset inter Philosophos *τῶν ἀρχαίων λόγων*. Præcipue cum etiam juvenis scrinia compilare non reveritus sit. Non me convitari, ex istis collige. Nunquam Nihufio venisse in mentem de Forma hac enunciandi (*Id, quod est homo, est id, quod est animal.*) nisi post illa quæ anno c<sup>lo</sup> d<sup>ni</sup> c<sup>lo</sup> xxxviii. iv. Kal. April. edideram, quæque statim eodem anno Colonia Agrippinæ in Bibliopolis visa mihi Nobilissimus Conradus Labun, Eques Pomeranus, recens tum à contubernio, ipse homo doctissimus, rescripsit. Non alia afferre eum, quàm ex editis odorari potuerit, & ideo illum in multis falli, quia rationem principiorum nondum viderit; quorum ergo præscripta ratio est, hæc dexterrimè tenere; quorum autem occasio se non præbuit, hæc statim corrumpere. Istam à se constitutam formam Enunciandi [*aliquid, quod est homo, est aliquid quod est animal*] esse quidem apud imperitos, quod interpolat rem domini, apud doctos, judicium. Nihil enim aliud dictum, nihil factum, nisi quod factum. Istam quoque constitutam formam enunciandi à nemine aut inveniri aut asseri potuisse, nisi qui ex suis cunctis principiis eam eduxerit, in quæ ille adhuc impingit. Ex ista forma enunciandi multa sequi infallibiliter, quæ ipsi adhuc non videntur. Quæ de causâ? quia illa pars principii, ex qua derivantur, adhuc latet. Ideoque illum in forma enunciandi & ejus primis principiis parcam, in forma Syllogismi fermè omnem esse. Quæ causâ? Scilicet constituta forma enunciandi, omnes errores in Syllogismis, qui

qui illi debebantur, dissipati erant. Illum tantum Appendicem demonstrationis edidisse à me in fine libri istius promissam, discipulis necessariam, mediocriter doctis superfluum, & à quocunque etiam homine expectatam. Hæc summa duntaxat capita sunt. Taceo modos loquendi, five non evitados & alias recentes ac meos, five etiam de industria leviter inflexos, reapse *tautis*. Dolum statim in principio deprehensum habui. Quæ quæso *ἀπορρον* illa hujus libelli, & præcipue istarum pollicitationum, de forma enunciandi & Syllogismorum? Sanè ut in Modalibus autor ipse itaque à me laudatus est, qui primus recentiorum ostenderit, ad Prædicatum modos pertinere, ut partem Termini: ita negare non potest, formam enunciandi, ex qua istud fluit, sibi tum ignotam, imo aliam fuisse. Nam qui veram Copulam non habet, veterem autem malam Copulam avellit à Prædicato cujus pars erat, & pro vera copula substituit, ille erravit in tota forma enunciandi, tam in Terminis quam in Terminorum connexionem. Demere enim Termino, & ex parte materiali facere formalem adeoque copulam, est offendere in universum formæ logicæ fundamentum. Totam ergo formam enunciandi immutavit, ut etiam manifestissimum est, minime defendit. Imo, quid in causa fuit, quod cum anno c13 10c xxxiii. Horneius illum refelleret ex Copula, ab eo tempore nihil ex Copula, hoc est, ex forma enunciandi responderit. Ego autem sequente statim anno aggressus sum Horneium, & ex vera enunciandi forma, tum à me primum multo studio & pro maximis convitiis reperta, defendi Nihusium. Ita quidem, ut Horneius admiratus sit, quomodo id in mentem venerit, quod aliam Copulam præter consuetam exigere, & alio igitur fundamento, niti coeperim. Unde ipsius hoc pulchrum exstabat consilium, ad Henricum Rhanium J. U. D. & Professore, tum Collegam meum, pro se quidem non male initum, ut in herbis istas disputationes opprimerent; longè enim alia ex iis principiis sequutura, quàm quæ apparent. Hæc ego tum frequentissimis Collegiis, in Academia florentissima M. DC. studiosorum publicè ac privatim agitare. Undequaque ad omnes Academias delapsa, sententia mea, nec in Anglia neque Tubingenfibus incognita, locis maxime diffitis. Tabulas producere possum & homines; sed causam videamus, quæ Nihusium confidentem in iusto voto

suo reddiderit. Claritas nominis sui, obscuritas mea, aut ætas, juvenis tum xxiv annorum. Quomodo me opportunum vidit ad omnes injurias facile ferendas. Sed istarum rerum quicquid sit, patiar, ut coepi, & suffecerit mihi conscientia & fructus in publicum. Non enim necesse est, quarere quibus autoribus literæ beatæ ac felices sint, dum sint modo. Et potest ille à Deo missus esse, ut vel autoritate sua adjuvet verum, quod ea sola hætenus pressum est, vel nisi gratus exstiterit, etiam materia nominis mei fiat. Id enim certum est, utcumque ego tacuero, posteritas non tacebit. Dum vestra me judicia nostris Mecænatibus, in has Logicorum, ut putant, calumnias minime otiosis, antiqua fide & bona, quod aiunt, de nota commendarint.

Tu autem, fortunate Senex, ignosce homini sic in tot tantisque negotiis tuis strepenti, & existima hæc talia esse *τὰς ἀνδρῶν ὀμύην*, & non tam disertum me à calamitate, quam loquacem factum. Tibi quidem parvum semen verborum ad me, in tantam usque segetem excrevit, ab homine minime Philosopho, quia non syllabas modo, sed ne verba quidem numerare aut appendere coepi, sed fundere. Non videbor prætexere causam miserabilem, si quemadmodum ad tantum virum hætenus scribere non sim ausus, jam ante nosti. Et profecto video sæpe ineptos homines ambire vestram gratiam, & negotium scribendo facessere; nec unquam hætenus in me reperi, quod dignum esset tantorum virorum personis. Nunc vestra me benevolentia, ut solet inperatis fieri in gaudiis, ne temperare quidem permittit, & ex contrariis admodum causis idem fermè novum crimen pecco. Bene sit Hemerodromo, qui me non finire, sed abrumperere jubet. Vale optime, & fratrem & me tibi asserere ac vendicare, si merebimur.

*Sora Dan. viii. Id. Maii c13 10c xlii.*

#### CCCXLIV.

*Reverendo & Incomparabili Viro  
Gerhardo Jo. Vossio, Jo. Fredericus  
Gronovius S. P. D.*

*Reverende & maxime Vir,*

**J**amdudum argumentum non unarum ad te Literarum habui, cum de aliis rebus tum quod Libros interdum ex Bibliotheca



otheca tua desiderarem, sed quia desideria ista fere momentanea sunt & serum est quod non fit statim, paupertate mea plerumque me involvo. Ad graviorem autem scribendi materiam, præterquam quod tibi non valde vacare scio, me quoque tardior efficit, quod in duplici hac professione publice sustinenda privatisque habendis Scholis tantum invenio quod agam quotidie, ut facile alias cogitationes cessatum demittam. Eo autem laboro vitii, ut nihil eorum, ex quibus qualemcumque fructum manare putem debere, negligenter agere possim aut perfunctorie; ita fit ut delassatus in iis quæ revera occupare nos haud erat tanti ad alia meliora osciter & minime sufficiam. Jacent ergo illa quæ multa moliebar, immo festinabam, & jacebunt aliquandiu, dum non nisi fastidiose & ex intervallo tangere licet. Sed tanto credo fient maturiora. De cætero hæc quidem solitudo vehementer me delectat. Amamur, colimur, audimur frequenter satis pro numero, qui hic est studiosorum; nemo obtrestat, æmulatur nemo. Itaque nulla de re, quæ animum torqueat solliciti in diem vivimus. Isaacum tuum valere & rem bene gerere spero & cognoscere haveo. Item quid fiat iis, quæ sub prælo habebas. Inclusas rogo ut haud gravatim tradi cures Cl. Freinshemio qui me magna affecit injuria, quod adventum suum in vestram urbem celatum me habuit. Commode enim per ferias Pentecostes ad vos excurrere potuissem & hebdomadem illam, quæ alias magis Bacchanalium quam festi more hic agitur & acta est, siccius saniusque apud vos ponere. Vale Vir maxime & gravissimam Matronam tuam, filium Matthæum & Huswedelium, nisi grave est, à me saluta.

*Daventriae postrid. Eid. Jun. & c. 10 Id. XLII.*

Pascasium Grosippum & Polyænum Casauboni desiderabam his diebus; si iis egere paululum potes, rogo ut ad me mittas. Leviter chartæ rejiculæ involuti tradi possunt Tabellario Daventrienfi in de War-mœstraet in den Issel in de blinde Man, destinati ad me domi D. Christenii qui te observanter salutat.

CCCXLV.

*Clarissimo Viro Gerhardo Jo. Vossio.*

Optime, Clarissime, & Amicissime Vir,

**D**lutius quidem filui, non amoris defectu, sed temporum vitio, hominumque, qui nihil literis, aut amoris nostro concedunt. Hic sanè à literis ortus est, & ab iis artibus, quibus quieti non factiosi, eruditi non ambiciosi sumus, in suo uterque munere occupati, ut bene de omnibus mereamur. Ego certè, quod tu præstas, conari me profiteor & post quadraginta duorum annorum publicas continuasque dissertationes, audienti me juventuti, vocem ingeniumque impendo. Omne quidem sic Scriptorum genus attigi; ausus, amœnitatis causâ, etiam Censorini de die Natali librum explicare: quo deinde argumento, ad curiosam temporum doctrinam, converti stylum, & plurima hætenus non observata, produxi. Cum alios docerem, discere ipse potui, quæ ratione tempora omnia, ex tempore computarentur. Specimen aliquod in meo libro, de Bissexto est: qui adjunctam dierum Diorthosin habet. De Circulo Urbaniano nihil jam dico: totus enim editus adhuc non est: nihil de Olympiadicis, quæ limam expectant. Amici de Nundinis jam quoque molesti sunt: quas distuli, ut tabulam prius expenderem Nundinalem, in Gruteri inscriptionibus, Pag. cxxxvi. Torquent me Circuli isti abrupti, & numeri: an ad Lunam referendi? Si quid in te opis est, si quid in amicis, fac juver, gratiamque à me uberem expecta. Theatrum nunc adorno heroicum, sive Elogia Imperatorum Austriacorum, Ducum Burgundiarum, Regum Hispaniarum, sed ex illis utrisque stirpem trahentium; ad alios deinde Principes, exemplo Jovii, (cujus olim Musæum perlustravi) operam translaturus. Jucundum sit, Viris etiam locum Doctis, & Amicis dare. Statui verò & imagines, à meliore manu addere, & his auxiliis opus commendare: quæ si ulli libro, Elogiis certè conveniunt. Ut Scriptionis formam videas, geminum hoc specimen mitto, Albertum inquam, & Fredericum. Burgundiæ Duces unâ Orchestrâ absolvi, mox etiam transmittendos. Exemplaria enim à Typographo quotidie expecto. Sed quid audio? In Aulo Gellio te esse? Laudo consilium. Hic ille scriptor est, quia magnam Anti-

H h

quitatis

quiritatis partem noctibus suis illustrat, varius, Latinus, accuratus. Quantum, O Musa, damnum! Librum viii. intercidiſſe! Quantum bonum, ſuppleri poſſe! Vide etiam an Caput ultimum Libri xx. præſatio operis totius fuerit potiùs quam conſuſio, ut nunc habetur. Pluſcula obſervabam nuper, cum ſelecta totius voluminis huius capita publicè explicarem: ſi tempeſtivum ſit, mittere velim, & meam quoque Symbolam, ut ita dicam conferre. Tu me ama, & ad me ſcribe; ut intelligam amari me; ſilentium autem hætenus meum, pro delicto non cenſeri. Sic nunc toto animo te complector, qui totus,

*Levanis in arce re- Tuus ſum & ero ſemper,*  
gia iii. Kal. Septemb.  
clo loc XLII.

Erycius Puteanus.

Hanc utinam aliquando videas, quem admodum Anna Romeria Clariffima Matrona nuper vidit! Det mihi hæc, priuſquam moriar, gaudia Bonus Deus. Vale.

Mi Voſſi.

Licetne addere? Temporum hominumque vitium, in principio Epistolæ huius accuſo. Sed unus hic potiffimum eſt, totus malus, ac perverſus; dives tamen, & instrumentis nequitie abundè inſtruetus; qui (ô nefas) Epistolæ meas, & ad me miſſas, fraude intercipere, & referare, elegantiam, & ingeniolum facinus putârit. Depreheſus tandem, accuſatus, convictus, evadere poenam potuit; adhuc mihi, & amicis meis timendus. Tantum nummi poſſunt, qui ſcelere gubernantur. Magis mireris, ſi narrem omnia. Fecit hic igitur, ut quia amicorum nomina occultanda erant, de Anagramatiſmo Theoreſin ſcriberem: quæ parata eſt, ut in lucem veniat, ad te ſic quoque tranſmittenda. Si igitur Raſelramium leges, quem notare velim, intelliges. Sed de hoc homine aliàs. Quomodo & literas, ſed alieno ingenio, attingat, Viri docti indignentur. Iterum Vale, & me ſemper ama.

CCCXLVI.

D. G. V. S. P.

Celeberrime Vir, & amice integerrime,

**L**iteras, quas prid. Id. Maii ad me dederas, reverſus domum inveni. Iſque avidè perlectis magno perſuſus ſum gau-

dio; quod non tantum veterem & indelebilem amico licet abſenti in me favorem permanere, ex dono literis conjuncto perciperem; ſed reiſpâ quoque ex utriusque filii tui ſcriptis experirer, tuum in me aſſectum hæreditario jure in poſteros tuos propagari. Ne quid jam de utilitate & fruſtu dicam, quem multiplicem ex munere literario iſto perſentiſco, & porro ulteriori Lectione hauriam. Sunt juniores, qui eadem cum filio tuo Dionyſio tentant, eademque conati fuere. Quis tamen ignorat, quid diſtent æra Lupinis? Dionyſius i *ungetis* ea præſtitit, quæ non facile quis imitetur: cum Maimonidæ verba & phraſin latiniffimè & tanta fidelitate expreſſit, ut conſignificationes (liceat ita cum Philoſophis audacius loqui) etiam non prætermiſerit. Id quam ſit arduum in orientalium ſcriptis occidentali quadam lingua exprimendis norint, qui id ſæpius aggreſſi fuere. Præterea nobis omnibus abundè ſuam probavit *maguſtar*, in doctiffimis, quas ſingulis paragraphis ſubjecit, notis. Fratris ſui veſtigia premit filius tuus Iſaacus, quod vel ſola ad Lectorem præſatio oſtendit; adeoque ſpem facit, fore ut quæ frater ad meliores occupationes ſe recipiens perficere nequivit, ipſe tandem omnibus literatis exhibeat. Quò non parum conducit iter ad Italos Judæos ſuſceptum; quos eruditione præcellere, indicio ſunt tot præclara volumina ibidem excuſa. Imo quum eò Græci, Syri, Perſæ, Arabes ſe conferre non raro ſoleant, quid D. Iſaaco deerit, quin in iſto ſtudio ad eruditionis culmen alcendat? D. O. M. eum faciat reducem; quo parentes gaudio delibatos reddat; nobiſque omnibus ſua dona impertiatur. Cæterum volui quidem *dividuo* remittere; verum præ avaritiâ Typographorum nequeo; qui in Orientalibus excudendis remiſſiores ſunt. Atamen, Deo volente, intra menſes tres debitum exſolvam. Interea Patrem Jeſu Chriſti veneror, ut tibi tuiſque omnia ſecundet, & una cum lectiſſima tua, ab uxore mea & eo ſalvebis qui eſt

*Lugd. Bat. 14. Kal. Dignitatis veſtræ*  
Maii Anno *parræ*  
ſalutis, 1642.

*obſervantiſſ. & amantiſſ.*

C. L' Empereur.

CCCXLVII.



## CCCXLVII.

*Χαίρετε & χαίρετε.*

Clarissime & humanissime Vir, Domine & amice plurimum honorande,

**S**I vales cum suavissima conjuge & liberis tuis gaudeo. Quum adolescens hic istuc iturus esset, mihi que id significaret, aliquid ad te dandum censui literarum; etsi vix otii mihi ad scribendum satis concedunt labores, quibus vix eram ferundis. Neque dubitabam, quin tibi studium hoc meum quaecunque gratum esset facturum; quippe cujus in me benevolentiam pridem perspexerim. Nec est tamen magnopere quod scribam. De rebus enim nostris hic ipse adolescens te docebit. De vestris certior fieri per vos cupio. Te oro si per occupationes tuas licet, perscribas ad me aliquando, Publii Syri mimos quando filius tuus edet. Mea studia & conatus quod attinet, Valerium Probum de Notis Romanorum ad Jansonium edendum misi; Notas & observationes meas ad eum, optarem ut tu, praestantissime Vir, antequam publicentur, videres & emendares: quo certe nihil mihi hac vice incidere possit gratius. Bibliopolam rogavi, ut tibi meo nomine det exemplum Catalogi Bibliothecae Medicae. Peto abs te boni consulas, neque spernas proflus; etsi industria & diligentia nullam in partem cum vestratibus, rei literariae proceres, mea conferri possunt. Quae ratio, quod aliis magnis viris mittere ea non ausus sum. Tu spero, mea qualia qualia sunt, vel mea causa non plane abicies: quod te rogo, & me de erroribus in notis meis ad Valerium Probum paternè admoneas. Vale & me tui amantissimum contra amare perge.

*Dabex Arc. Sorana. Id. Maii  
elo 1662.11.*

*T. C. de Jorgis.*

Henricus Ernstius.

## CCCXLVIII.

*Summo Viro Gerhardo Joh. Vossio  
S. P. D. Johannes Ravius.*

**D**Udum mecum delibero, an hoc quidquid est chartarum ad te mittam. Nam ut legas, nec necesse nec volupe est, nisi quod jacturam facias temporis optimasque horas tam male colloques. Ut au-

tem ex iis, tanquam exemplo quodam, judicium eruditionis meae capias, nulli hominum aequè incommodum est, quam mihi meo enim me indicio instar foricis prodiderim. Quapropter, mi Domine, si ulla alia de causa in conspectum tuum venire patior hos foetus meos, nisi boni animi, & mediocris industriae, interque continentissimos docendi labores otii reddendi gratia, procul adhuc ab omni virtute me existimato, cujus tamen primordia & mediator quotidie & exerceo. Et ignoscas ipse conatus meo, si intellexeris, quam impium sit, altissima pace istaque crudissima simul viridique senectute communis omnium Patris tacere velle beneficium Dei. Quancquam derisus satis fuerim hoc regno, quod de magno Climacterico predicare multa cupiam, cum apud se moris atque instituti non sit, istos annos observare. Ita ipsi plus aequo ridiculi erant! Mihi non tam annus, quem ipsum nec sibi homo nec usque adeo naturae debet, quam Dei gratia ostento erat. Et cum Regnorum mutationes, praesentes ubique turbas, machinationes aliaque confidero, videor mihi gravissimis ex causis ad hanc pietatem excitatus esse. De me ac nomine meo sollicitus non sum; non enim existimo homines nobis, quam actiones, aut actionum summas bonamque in iis mentem spectanda, &c. Confiteor tamen, gratissimum & mihi fuisse, si aliter gratulari licuisset. .... autem quantum fatale mihi existerit, aegrotare ad ipsius editionem. Cum enim initium sic satis procederet, & jam morbi vis ingravesceret quotidie, ego tamen nollem desistere, pervicit malum. Absolveram nihilominus ferme ultimas laudes Academicarum nostrarum. Interea fama malum toto Regno exierat, quemadmodum contra rationem status & privilegia Nobilitatis dixissem. Alii qui speciosius me obruere cogitabant, febri imputare, & quod Sorae non potuerim edere, itaque domi me non fuisse. Eratque tam gravis & acerba proflus invidia, ut latere debuerim per biennium, donec furor iste poneret. Redit itaque xv. Aprilis, ad quem tentanda erat editio, sed redit simul valetudo; & de vita mea desperant omnes. Itaque cetera non licet ex Schedis ne exscribere, nisi aliqua ultima eaque incomposita. Maturandum tamen erat, quod & tempus idoneum & virum nactus essem, opprimendis penitus calumniis. Quapropter existimabam satis esse, partem, eamque fore meliorem relinqui, quam deesse bonarum hominum existimationi,

H h 2

mationi, quam profecto mihi tutiorem esse iudico omni alia fortuna. Atque ita de statu nostræ Ecclesiæ, de conditis ubique locis sacris, totisque urbibus & propugnaculis, de modo imprimis tenendæ pacis, de pace ipsa, & aliarum gentium spe atque expectatione anxia, nemo quicquam legat, etiamsi dicta sunt omnia & perscripta omnia. Quod quidem cum alii deprehenderint, quia causas nesciunt, vituperabunt. Quamque & plura longè metuerim. Omnino enim & lapsus subinde fui, & oneri cessi, & indulgi mihi, nec semper intendi animum, nonnunquam fatigatus, & tanquam inclinans. Quod quidem in magnis viris opprobrio non est, quibus alia & multa & maxima incumbunt; mihi autem prorsus turpitudini est; quia hoc cum magnis viris non pecco. In quo tamen (vide ingeniosam hominum socordiam!) hoc mihi excitavi ultro solatii, quod quivis non videat immodulata poemata iudex. Et certe agnoscis istius juvenilis exemplum ambitionis, quod melius dicere voluerim, quam poteram. Itaque nihil amplius assero ad excusationem, quam bene veterem ignavorum querelam, quod ad meliora sibi omne quondam in juventute præsidium defuerit. Defuit tamen, ut mire video, quamplurimum ab aliis, nec minimum a meipso. Nunc enim vir ista errare incipio, quæ juvenis cum laude poteram. Et vides ubique ista. In illis equidem Commentatiunculis ad Milciadem, Cæsarem, Livium; proletaria valde sunt, & quorum me statim poenitet & revera pudet, quamprimum scripsi. Video me voluisse, deprehendo lapsum, sæpe de emendatione cogito, sæpe de non amplius conando. Sed istæ disceptationes meæ tandem in ista stulticia desinunt, quod putem, nomen & gloriam hominis spectari, non ejus fructum in Rempublicam. Sive autem ista ~~vestigia~~ quedam, sive arrogantia ipsa est, confiteor tibi, mi Domine, non licere mihi, quæ sic edam, considerare. Qui enim publicè bis, privatim per tres quatuor horas quotidie doceo, variisque admodum & studiis & ingenius & profectibus impeditus sum, memorie usque adeo infirmæ, ut mea ipsius præcepta logica, stans in cathedra & heri interpretatus, reminisci non possim, valetudine plerumque adversa, & post vexatus undique calamitiis, malisque amicis; non possum meliora edere. Et profecto hæc talia pro editis, nec habeo nec agnosco, neque quisquam extraneus facile ac-

cipiet. Tantum pro usu & manu ductione Juventutis sunt, ut jactis quibuldam fundamentis cætera à nobis superstruantur. Ego enim existimo & vos ipsos longè majorem ubique gentium in literas fructum laturos, si alii vobis idoneos Auditores Lectoresque pararent. Oculis enim initiis ipsos teneris capite, quis Viator erit? Itaque existimo tam necessarium esse habere Philoponos, quam Varrones. Necessarium, inquam, non salutare aut gloriosum. Et hæc est altera pro me scripta defensio, quæ sic iterum parata est, quasi prorsus ea opus sit. Tu autem, maxime Vir, qua per virtutem simul & gloriam in minorum gentium patres modestia & comitate es, fave ceptis atque animo meo, & existima me in literis adorare, potius Occidentem quam Orientem Solam, nec unquam ingratum fore adversus te, istud nostri seculi, omniumque lumina & oculos accendens, sydus. Deus modo te nostro Hemisphærio diuturnum porro & saluum præstet. V. B.

Sora, Id. Maii,  
clæ lxx xlii

## CCCXLIX.

Χαίρον τῷ τῷ Διδάκτῳ τῷ Χέλσῳ Ἰνσῶ.

Clariss. & Præstantiss. Vir, Dom. mi & Amice honoratissime.

QUIA constat ἀναγνώσας τῷ τῷ Χέλσῳ διπλῶς, non dubitavi Præst. Tuam per ingenii monumenta satis cognitam, hisce literis audacius affari. Mitto quoddam ~~μικτὴν~~ meum ~~χρονολογικὴν~~ nuper editum, idque censuræ tuæ, quoad fieri potest, subijcio; quæ quo acrior fuerit, ac rationibus pollentior, hoc futura mihi est gratior, & ad scopum veritatis tuendum, vel contingendum obtinendumque conducibilior. Non equidem inficior, hoc mihi studium à multis jam annis ita cordi fuisse, ut nec ingenii (si quid in me est) laureolam quasi-erim, nec commodis meis servierim. Unica meta fuit Christi Salvatoris nostri gloria & Ecclesiæ decus. Quicquid assecutus sum, divinæ id acceptum fero gratiæ. Assecutus autem mihi, si quid videre possum, videor tantum, ut omnium qui alijus sunt nominis in hoc genere scriptorum, quos legi, calculos ad normam iudicii revocare, erroresque singulorum deprehendere possum. Veruntamen ne meo fortè



forte iudicio falsus temere in publicum prodire, ac mea proferrem immaturus, in animum induxi aliorum hominum doctiorum explorare iudicia, atque audire sententias. Contradicentes nonnullos habere habui; sed auctoritatibus ac opinionibus magis pugnantes, quam certis rationibus. Quumq; animadverterem, magnos quosdam hodie scriptores, velut defatigatos in novis subinde cudendis mundi Epochis, pericodum istam pridem à Jos. Scaligero excogitatam amplecti, quippe quæ Cyclos ubique promptos, & in his quoque (si Musis placet) Indictionum Romanarum in annis mundi methodum repræsentet; pertusus ego jam pridem vani hujus Pagnii, cepi tandem de canonibus iudicii Chronologici, & legibus generalis ac veræ mundi Æræ serio cogitare. Has igitur simpliciter breviterque consignatas benevolæ Lectori publicè offero, ut, quid in iis jure desideretur amplius, cognoscam, & deinceps vel adjungam vel corrigam; aut, si me id pia fata votabunt, aliis me doctioribus ac tanto negotio perfungendo dignioribus expolienda relinquam. Libet ex iis unam considerare. Nimirum veram hanc esse regulam, nemo negaverit: Ex Sacre Scripturæ testimoniis fundamentaliter extrui oportere sacrum hunc Orbis creati computum; sed iis recte ad rem accommodatis: e. g. Queritur ad quem mundi annum referenda sit Exodus, seu Quoto M. anno filii Israël ex Ægypto duce Mose migrarint? Non te fugit, quanta hic Chronologistarum sit discrepantia. Judæi quidem in suis parvis Chronicis exprimunt annum mundi 2448. quamvis æræ suæ universali (qua numerant usque ad æram Christianorum annos integros saltem 3760.) minime coherentem. Sed nostrorum Chronologorum hætenus nemo fuit, quin plures numeraverit annos; donec tandem ante annos 17. (Anno & 25.) prædicit Philip. Lansberg. Gasanus, qui in sua sacra Chronologia annos 2448½ numerat, quod & Judæos ait agnoscere. Tamen idem Gasanus à justis illius anni M. Cyclis procul aberrat, propter reliquarum suæ Chronologiæ partium inconvenientiam. Exinde queritur, quamdiu in Ægypto commorati sunt filii Israël? Respondet Moyses in Ex. 12. v. 40. annos 430. habitasse eos in Ægypto. Hosce jam annos si quis à descensu Patr. Jacobi in Ægyptum velit denumerare, actum egerit cum Gilb. Genebrardo Theologo Parisiensi, cumque Reimaro Urlo Ditmarso Mathem. Galæreo. Neque enim ultra 210. annos

ab illo descensu ad hunc solennem excessum elapsi fuerunt, ut verus calculus arguit. Quum itaque reliqui 220 anni altius ordiendi sint, quero unde? Plerique omnes hodie eos petunt à 79 anno ætatis Abrahæ à Charis discedente. Qui sic? quia ibi primum (inquiunt) accepit promissionem seminis. Itan' ergo nulla promissio facta ei ex Ure patria evocato? Nulla (aiunt) nisi terra quondam hereditario jure possidenda. Eho nonne hæc est promissio? Quare ergo terra hereditatem pollicebatur, annon ille simul promittebat semen? Et qui semen, nonne & Christum semen illud Benedictionis complectebatur. Hæc nempe statim illa *significatio de dudu de Xristo*, de qua Paulus Gal. 3. v. 16. quæ annis 430 ante legem datam facta est, ipso tempore Abrahæ vocati, non ex Haran, sed ex Ure Chald. Gen. 15. v. 7. atque assumpti è regione trans flumen, Josue 24. v. 3. priusquam habitaret in Haran sive Charis. Sic enim Vocationem hanc (unam, non geminam) cum verbo promissionis (quæ velut anima est Vocationis) conjunctam describit B. Lucas in Actis 7. v. 2, 3, 4. Et Apostolus ad Hebræos c. 11. v. 8. Per fidem vocatus Abr. auscultavit Deo, abando in locum, quem accepturus erat in hereditatem, & exivit nesciens quo. Jam si per fidem vocatus exiit, utique habuit promissionem, tamquam materiam fidei circa quam sive objectum. In omnibus hisce testimoniis, Vocatio illa & egressio atque obediencia Abrahæ astringitur ad primam ex Ure migrationem; nusquam v. ad discessionem ex Haran. Sequitur ergo illos 430. annos *et migrationis illi illi Israel, et migrationis illi* 79. Annum 21 de Xristo, dicitur 21 de multis autem (ut est in Græcis Bibliis) à prima illa vocatione Abra, ex Ure & primum suscepta inde peregrinatione ordiendos esse; minime v. quinquennio post, à profectioe ex Haran. Alias forent tunc annis 425. Sic in Lib. Judicum anni servitutis accommodandi & includendi sunt legitimorum Judicum annis. Item in Historiis Regum Judæ & Israël magna requiritur diligentia & *delectio* in collatione annorum Successionis rectè instituenda, ne inter regna & alia inconvenientia admittantur: quæ in re plerique omnes hallucinantur. Sic in multis aliis, de quibus suo loco.

Ante octennium edidi Prodromum quendam Chronologicum de veritate & certitudine Æræ Christianæ, necnon de numero Paschatum Ministerii Christiani. Illum

Illud verò ego nollem editum propter plurimas mendas in eo residuas, quas non sine magna molestia tollere ac mea manu corrigere me oportuit in iis exemplariis, quæ amicis hinc inde communicavi. Vix unum mihi restat, idque variè interpolatum, si quæ se occasio det ejus denuo e-dendi.

Paschata Ministerii Christi numero  
saltem tria, quorum uni tantum primo  
Christus solenniter celebrando interfuit  
anno *Æ. C.* 32. ætatis 31. (30. videlicet  
completo, excurrentibus diebus 110. Cy-  
clis *Lunæ* 14. Solis 13. Bissextili *Juliano*  
19. *Exodico* 359. *Mundano* 967. die 13.  
*Apr. f. i.* A secundo, quod à *Judæis* per-  
actum est 4. *Apr. f. 7.* *Lunæ* 16. (quum  
ex *Lege* debuisset pridie, feriâ 6. cele-  
brari) absuit, ut patet ex *Collatione* *Tex-  
tûs Joh. 6. & 7. cap. v. 1, 8, 30. anno Æ. C.*  
33. ætatis 32. annis elapsis; 31. & diebus  
insuper 100.

Tertium denique fatale Pascha, secundum Legem, celebrandum erat die 26. Mart. (quæ fuit Lun. 15. à primâ *edam*) f. 6. & prid. f. 5. macandus & comedendus fuerat Agnus Pasch. quod & à Christo discipulisque ejus factum. Verum obstitit traditio veterum, ne scilicet Paschatos celebratio Sabbato ordinario anteferretur, ac favit hac in parte instituto Seniorum, Pontificum & Scribarum, ut nempe Dominum Jesum abolerent ac tollerent ante Festum, Mart. 26. v. 5. Anno Æ. C. 34. stat. C. 33.

Festum autem illud *Azymorum*, Joh. 5. quod attinet, pro Paschate non habendum esse planè sentio. 1. Quia *hebræo* quoties Pascha significat, habet præfixum sibi articulum *hebræo* hic desideratur. Sic distinguitur etiam in Bibliis Græcis, Exod. 23. v. 15. & 16. Item Ex. 34. vers. 18. *hebræo* *Azymorum* *observas*. Festum illud Azymorum observes. At Vers. 22. sic *hebræo* *Septimanarum feriaberis* mihi initium messis triticeæ. Et si enim cum articulo & usurpatur de Festo Tabernaculorum, *Joh. 7.* manet tamen hæc observatio, ut sine Art. non usurpetur de Fest. Pasch.

2. Quia Evangel. Johannes, qui ultimum scripsit, hoc sibi propositum habuit, teste Irenzo, ut conderet quot Paschata Ministerio Christi tribuenda sint. Jam verò non nisi tria tandem commemorat: I. Joh. 2. vers. 13, &c. Ejusdem prateritio mentio fit Joh. 4. vers. 45. II. Instantis mentio fit, Joh. 6. vers. 4. presentis aut

præteriti nusquam, nisi implicite, sit mer-  
itio, vel potius vestigium extat, Joh. 7.  
vers. 12. Non enim ad hoc Pascha II.  
venit Christus, neque Hierosolymam a-  
scendit ante Festum Judæorum Scenope-  
gie. Interea loci continet se in Galilæa,  
nec vult in Judæa versari: quod in ipso  
culpant & fratres & cognati ejus, Joh. 7.  
vers. 3, 4, 5. Requiritur Judæi, vers. 11,  
12. Occidere eum cogitarant, vers. 25.  
III. Indicatur Joh. 11. vers. 55. & dein-  
ceps sequentibus cap. describitur, nec mi-  
nus è reliquis Evangelistis.

3. Quia sic ordine sequuntur Festa apud Evangelistam commemorata; Primum *ה' יצאנו ממצרים* Joh. 2. Cujus memoria bis renovatur, Joh. 4. vers. 45. Deinde mox subjungitur, Joh. 5. vers. 1. *ה' יצאנו ממצרים*, Festum Judaeorum, videlicet illud quod designatur, Exodi 23. vers. 16. Festum Hebdomadum sive Pentecoste. Hinc sequitur Joh. 7. Festum Judaeorum *ה' יצאנו ממצרים*, de quo Christus, *ה' יצאנו ממצרים* sic *ה' יצאנו ממצרים*, q. d. Ego qui non ascendi proximè *ה' יצאנו ממצרים* *ה' יצאנו ממצרים* (Joh. 6. vers. 4.) *ה' יצאנו ממצרים* *ה' יצאנו ממצרים* sic *ה' יצאנו ממצרים*, idem ego ne nunc quidem ad hoc festum Scenopegiorum ascendo. Et videtur Christus in hoc festum, quod erat complementum ceterorum, ipsius Paschatis festi (à quo abfuerat) honorem hoc pacto usurpatione Articuli, velut de industriâ conferre velle.

4. Quia Christus ipse Luc. 13. vers. 6, 7. trium duntaxat annorum indicinam facit sub parabola ficus. Item vers. 32. Ecce (inquit) ejicio dæmonia, & sanationes facio hodie & cras, & tertia die consummabor. Itaque tria tandem fuerunt Christi operantis Paschata, tribus annis incompletis. Nam quod Vinitor, Luc. 13. vers. 8. etiam quartum annum sterili ficui indulgeri postulat, ad subsequens Apostolorum tempus prædicationemque pertinere videtur.

5. Festum istud Joh. 5. non fuisse Pascha, sed potius Pentecosten, probatur autoritate cum veterum, tum recentiorum; ut puta Ignatii, Irenæi, Hieronymi, Epiphaniï, Chrysostomi, Augustini, Cyrilli, Eusebii, Cassiodori, Orosii, Theophylacti, Petri Lombardi, Guillermi, Bedæ, Hospiniani, Maurolyci, Panvinii, Lucæ Oslandri, Erasmi, Maldonati, Pererii, &c. Denique D. Cramerii, qui in Germ. suis Bibl. ad Margin. capituli S. Johan. ascriptis Perfingitfest.

## Maldonatus



Maldonatus ex illis Domini verbis. Joh. 4. vers. 35. *Οὐχ ὑμεῖς λέγετε, ὅτι τὸ πλεονεκτήειν ἐστὶν, καὶ ὁ θεὸς δεικνύει ἐργαταί, negat secundum Pascha rectè statui posse; censet enim proverbiale esse dicendi gentis Judæis usurpatum de frugibus serotinis. Nam quoties mense Nisan, vel Ijar, propter an malam quandam aëris constitutionem, nondum ita maturuissent fruges, ut meti possent, dicebant, superesse adhuc anno vertenti absolvendo menses quatuor, intra quos (aiebant) satis maturescent fruges, & metentur; atque adeo tempus esse expectandum. Hæc Christus ad spiritua- lem Evangelii segetem, messemque trans- ferens, inquit, ἰδὲ λέγω ὑμῖν, ἐπὶ τῇ σελήνῃ τῇ ἐκτῇ. καὶ θύρεσσιν αὐτῶν ἔσται ἡ πόλις. Instabat nempe messis altera triticea, quo tempore Christus hæc ad discipulos loquebatur, mense Ijar decurren- te, ubi peracto primo Paschate, ex Judæo in Galilæam revertens per Samariam tran- saret (Johan. 4. vers. 3, 4.) ante Festum Pentecostes. Inde ergo paulò post. rediit Hierosolymas ad Festum Hebdomadarum, de quo Joh. 5. vers. 1. Videatur etiam Sa- muel Petitus in Eclogis Chronologicis, c. 12. Et Gerh. Mercator, qui quatuor annos statuit, nihilominus in præfatione suæ Harmoniæ, Tametsi (inquit) vete- res omnes, tres tantum annos posuerint. Quæ cum ita sint, relinquitur omnino il- lud Festum, Johan. 5. minime Pascha fuisse, adeoque tria tantummodo Paschata ministerii numeranda esse.*

Sed desino jamjam pluribus tibi nego- tium facessere legendis, quæ alteri reservabo occasionem, siquidem T. P. suis me vicissim literis beare non dedignabitur. *Ἐπιπλάττει ἐν τῷ Χριστῷ ἀναστάντι ἐν νεκροῖς, καὶ ἡμεῖς πᾶσι ἀνα- στήσομεν ἐν ἐσχάτῃ ἡμέρᾳ.*

*Dabam Stralsundi ex Museo meo propriid. Festi Resurrectionis Dominicæ. An. A. C. 1644. a Pass. C. 1608. Estque hic præ- sens dies 6. Id. seu 8. April. juxta meum computum a rebus conditis 2000676. h. e. anni 5477. & d. 202. Ex his nimirum colligat T. P. quem statuam primum re- rum conditarum diem. Eum nempe quem a Egyptiis quondam (teste Plur. in Osiride) ἐφεστῆσαντες τῷ ἱερεῖ, ὡς καὶ οὐκ ἔστιν ἡμεῖς, ὁμ- λέγουσιν. ΓΑΤΕΤ 'Η 'ΑΛΗΘΕΙΑ.*

T. P. & Humanitatis studiosissimus,

Andreas Helvigius R. Sch.

CCCL

*Clarissimo & Celeberrimo Viro Domino*  
Gerhardo Vossio, Jacobus Gotho-  
fredus S.

**E**T si me dudum in tui amorem perti-  
nax tuum meliores literas juvandi stu-  
dium, collectæque inde famæ celebritas;  
quam alii alioquin sæpe merentur, alii ha-  
bent, pertraxerit, nondum tamen op-  
portuna sese mihi hæcenus interpellandi  
tui occasio obtulisse videbatur: sed com-  
modum nuper accidit, ut cum Reipublicæ  
nostræ nomine Divionem Legatus issem,  
in Salmasium nostrum *τὸν πάλαι* prope Bel-  
nam inciderem: Ibi statim, atque inter  
primores sermones, jucundissima tui me-  
moriam habita: deque operibus tuis hæcenus  
præclare editis utriusque judicia concinere;  
mox & in id convenire Historiæ potissi-  
mum Ecclesiasticæ illustrandæ studium tibi,  
neque alii temere melius deinceps impin-  
gendum, eamque gratissimam laborum  
tuorum summam metamque imposturam  
esse oportere. Id quod abs te impetratum  
tam enixe cupio, quam in hoc studii ge-  
nere *ἀμυνίαν* meam subinde oblectare so-  
leo; cujus rei exiguum ad te specimen  
propediem mittere jam olim constitueram,  
eamque primum scribendi ad te materiam  
mihi seposueram. Sed enim cursoriâ hæc  
prævertere nunc visum in gratiam orna-  
tissimi & doctissimi Viri D. Henrici Alers,  
ad vos proxime ni fallor recursum. Ita  
credas mihi velim, vir clarissime, non te-  
mere hospite ullo gratiore multos annos  
hæc ufos nos, quàm eo ipso. Ita publicè  
is hæc morum elegantia, eo animi candore,  
hisce ingenii dotibus, hic egit, ut probor-  
um primorum quorumvis affectum ani-  
mamque sibi conciliarit. Uno tantum  
infelix, quod spes ejus privatas, libera-  
lesque operas eventus aliquà eluserit;  
Trippii, inquam, egregii cæteroquin ju-  
venis, dispar in literas quibus excolendus  
traditus fuerat, saltem ne inter idiotas ha-  
beretur, affectus; eâ re liberioris vitæ stu-  
dium, custode remoto. Id summam ad  
te perferri operæ putavi, ne alioquin al-  
terutrus fama sui dissidio laboraret, vel  
aliunde causas ejus maligna interpretatio  
arcesseret, præ illa quam verissime nunc  
perstrinxi: quæ ubi semel tibi comperta,  
hac fide mea, explorataque fuerit, ad  
alios, ubi opus propagandam spero cu-  
pioque. Publice enim interest opinari eo-  
rum

rum qui ad magna nati sunt, existimationem ad nos pertinere, ne aliqua sui parte unquam per furtivos labascere queat. Rem verò te candoreque tuo dignam feceris, si hæc apud matrem Juvenis propinquosque extuleris: Eademque me tibi devinxis, si Alerfium, cui ego factum cupio, commendatione tuâ juveris: simul & responso bearis. Interea dum Philostorgium tibi submitto, in amicorum tuorum censum referri cupio. Vale Vir Cl. & Celeber. annos multos.

Dabam Kal. Junii 1642. Genevæ.

## CCCLI

*Viro incomparabili Gerardo Johanni Vossio, Samuel Petitus S. P. D.*

Quamquam non sim nescius, Vir summe, quam religiose adiri debeas, ne in publica commoda peccetur, tamen mei esse putavi officii, beneficiis tuis in Samuelem Sorberium meum è sorore nepotem provocatus, testatum tibi facere quantum tibi debeam, vel eo maxime, quod meus Sorberius me à te amari perscripsit, quod cum unice velim, facile mihi persuaderi passus sum: Bea me igitur tuo amore, & certus esto te à me omni observantiæ genere coli, meque omnia tua causa velle: certè quicquid imperaveris, à me impetrabis. Vale, Vir maxime.

Nemauri Nonis Sextilibus anni  
Dionysiani clo Idc xlii.

## CCCLII

*Clarissimo Viro Ger. Jo. Vossio,  
J. Roufius S. P. D.*

Amplissime Vir, doctissime Amice,

Fato quodam meo fieri videtur, ut cui plus debeam, illi fere minus persolvam. Id cum in aliis vitæ meæ actionibus non semel adverti, tum nusquam magis (quod sciam) quam literis amicorum respondendo, ubi cessator intolerabilis vix unquam ad diem solvo. Causari possem fortasse occupationes, quibus in munere meo fungendo distineor; verum ejusmodi excusationes ut quotidianæ nimis & jejunæ, ita amicitia nostra prorsus indignæ. Ut enim cujusvis generis impedimenta ob-

tendam, leve quidem esset unum vel alterum officiosum vocabulum in Epistolam conjicere, præsertim ad Heroem Ger. Jo. Vossium, qui me toties nec merentem non solum literis tuis humanitate plenissimis provocavit, sed & libris eruditione consummatissima refertis à se compositis iterum atque iterum donavit. Vides, Amplissime Vir, quam tecum agam ingenue, me sisto ipse propriæ negligentiae reum, cum non aliud habeam quo me apud te honestè purgem. Literas tuas cum librorum fasciculis, quos mihi, doctissimo Pococko, & Bodleyanæ nostræ dono misisti, accepi, post unum vel alterum mensem quàm à te datæ, de quibus, ut & aliis reconditæ & stupendæ eruditionis tuæ operibus mihi antea donatis, immortales gratias ago. Illos verò quos Bodleianæ destinâras, Reverendissimo D. Procancellario, astantibus Collegiorum præfectis, eaque fere horâ quâ mihi à Tabellario allati, tuo nomine in manus tradidi. Neque opus sciscitari, quo vultu quove animo ab illis accepti: nempe ut ancile de cælo delapsum, sive ut reliquias sacras certatim contrectant & suspiciunt. Humanitatem & eruditionem Doctoris prædicant, de *Arndts* reponendo aliqui cogitant. In hoc autem omnes consentiunt, ut in solenni Ordinum Academicorum conventu, gratiæ per literas Academiæ nomine (qui honos apud nos maximus) tibi decernantur. Postremò mihi injunctum (quod & alias ipse sponte fecissem) primo quoque tempore locum illis in Armario Bodleiano nobilissimum assignare, nomen verò Cl. Vossii in Registro Magno cum aliis Heroibus in perpetuam rei memoriam inscribere.

Doctissimum filium tuum Isaacum, quem superiori anno cum filio D. Heinssii mihi per literas commendasti nondum vidi. Audio eum cum Legato Christianissimi Regis, (id quod & literis mihi ipse significavit) in Galliam trajecisse. Si in reditu nondum abiecit consilium Oxonium invisendi, dabo operam ut intelligat quanti & quam chara familiæ Vossianæ apud nos memoria. Valemus hic omnes per Dei gratiam amici tui quos Oxoniæ cognovisti. Reverendissimus Prideauxius Episcopus Vigornienfis, Academiæ Procancellarius, nunc brevi Cathedram Theologicam relicturus; Archiater Claytonus, vir bonus & summe doctus qui de te & honorifice & sentit & loquitur; D. Fellius Professor Margaretæ, cum tu hic esses, nunc verò Ædis Christi Decanus; D. Fruinus Collegii



legii Magdalenenfis Præfes frater tuus, Ecclesiæ Glocestrenfis Decanus, & alii qui te officiosissime salutant. Ignoscas clarissime Vir festinanti calamo, dabitur occasio brevi iterum scribendi. Interim vale & habe in numero cultorum tuorum,

Oxon. 17. Kal. Jul. 1642. Sr.  
Vat. *Observantissimum Tui,*

Jo. Roufium,

*Acad. Oxon. Bibliothecar.*

## CCCLIII.

Clarissime & Præstantissime Vir,

**J**AM quatuor sunt menses, cum literas ad te dedi, unâ cum Synopsi Systematis mei, quo artem prophetandi, evangelizandi vel prædicandi sum exsecutus. Cum autem tanto tempore nullum à te responsum acceperim, aut meas aut quas rescriptisti intercidiisse suspicor. Et quoniam illustrissimus Alexander Syncleticus, domo Cyprius, ex nobilissima Roncasiorum Comitum familia, primarius in hoc Athenæo Antecessor, me certiores fecit, filium suum Aloysium ad nos nunc professionem parare sub Auriaci Principis militia adolescentiæ rudimenta positurum, visum mihi est istam tui literis iterum salutandi occasionem non amittere. Una igitur cum istis accipies priorum exemplum, quodque mihi humanitas sua spondet, nos quamprimum certiores facies, quid animi sit Batavis suis, cum ex te quæ Pierruccius à se expectari jubet cognoverint. Is salutem tibi amoris ac studii plenissime per me nunciat: cujus si familiaris usus tibi contigisset, sat scio, non me quicquam amicitie magis, quam veritati, in laudibus ejus prædicandis tribuisse fatereris.

Ego etiamnum hic hæere necesse habeo, mirifice gestiens. Alpes transvolare, ut aliquo in loco, ubi libertas æqua sit omnibus, vulgandis lucubrationibus meis vacare possim. Dux Mantuanus pro vetigalibus, quæ ex Monteferrato capere solebam, cum ea ministri ejus plures annos in ærarium ejus intulissent, tandem mihi Feudum Cavadoro (vulgo Cavatorre) cum Marchionis appellatione in Monteferrato transcripsit, ut id cui velim vendendi potestatem habeam. Cessit mihi quoque fundum optimum maximum Goδιο vel Goito finitimum, à flumine Min-

cii ad Veronenses usque fines pertinentem, qui tantum complectitur spatium, ut eum equo vestitus non nisi decem horis circuire possit. Solum ejus est uberrimum & rerum omnium præterquam salis & olei feracissimum, quod Marchiones Piscariæ fundi dominos, cum familia centum capitum alere solebat, fuitque postea bene diu Mantuanorum Ducum delicia, cum præsertim venationis, aucupii & piscatus maxima sit ibi commoditas: etsi nunc & pleraque agri Mantuani post diuturnum bellum ibi versatum fundus est satis incultus & sylvestris: quem tamen Pieruccius, qui superiore anno possidere eum nomine meo coepit, uno triennio affirmat tam fructuose coli posse, ut videatur non minus quatuor Ducatonum millibus annuis redditurus. Sed Marchionatus nihil domino assert emolumenti, adeoque non tam facile oratorem inveniet, nisi quem præter jurisdictionem in subjectos & venationem, cujus multiplex ibi est commoditas, Palatium amplissimum Principe non indignum alliciat, si præsertim æstates in loco satis edito, unde in mare Ligusticum prospectus patet, jucunde exigere gaudeat. Istorum venditione cum pecuniæ aliquantum redegero, non erit, opinor, quod ultra me cis Alpes detineat. Cum quid ejus ex sententia transactum fuerit, egoque de loco, qui senectæ meæ sedes sit, constitutum habuero, curæ mihi erit, ut ne quid rerum mearum diutius ignorem. Te interea, Vir præstantissime, prospere valere beneque rem privatam & publicam gerere opto & auguror.

Patavio ad diem  
3 Julii 1642.

*Tui observantiss.*

Gaspar Scioppius.

## CCCLIV.

**S**isto tibi, maxime Vossi, Academiarum Rostochiensis Oratorem, D. Laurentium Bodocum Polonum, qui Belgicæ vestræ vult eloquentiam suam innotescere. Commendatus fuit D. Bergio, *apud nos à D. Jeremia Elborough Pastore Ecclesiæ Huggle-Hamburgensis*; sed, hoc satis functo, literas mihi resignandas exhibuit, ut, me parario, tuas auderet pultare fores. Ad innumera beneficia, quæ tibi debeo, amicorum principi, hoc jam dignare coaddere, ut generosus animus intelligat, preces meas apud te pondus habere.

bere. Inclinare videtur ad partes nostrarum Ecclesiarum. Hortatus sum eum, ne se mancipet partibus, sed verum è solis Scripturis & Orthodoxa eruat Antiquitate. Nos in eodem hæremus luto, & ob amorem pacis & conciliandæ Ecclesiarum concordie domi forisque vapulamur. Præter D. Hug. Grotii, & D. Riveti collationes incidi hisce diebus in ea, quæ D. Revius cum D. Vedelio acrius disputat de potestate Magistratus in rebus Ecclesiasticis, & quæ de Adoratione Christi, qua Mediatoris, in Academia Ultrajectina disceptantur. Si hæc non avocabunt vestratum animos à nobis ad sua, quid tandem de nobis omnibus fiet? Theologia gentilis cum commentario in Symbola me cogunt ingratum mori. Nihil enim à me expectari potest, quo tanta munera minima ex parte penssem. Nautæ cuidam nostrati commisi Dissertationes nostras & Declarationem D. Hermannii Hildebrandi, Collegæ mei, ut ad pedes tuos deponat. Si quando vacabit, limis saltem inspicere, ut videas quibus de rebus male feriati quidam nobiscum litigent; & sicubi animadvertas me à janua veritatis aberrare, in viam revoces. Vera enim docenti, lubens cedo. Bene vale, virorum & amicorum maxime, & vive quam longissimè Deo, Reipublice, nobis.

Brem. Kal.  
Sept. Juliani  
c1610 c111.

Tui observantissimus,

L. Crocius.

CCCLV.

Salve, Princeps Ingenii ac Doctrina  
Gerarde Johannes Vossi,

Quem non suo nomine magis quam hoc elogio compellare debeo, cum primum compellare audeo. Nemini me adulari vel natura patitur, vel conditio adigit: sed Germano more sensuque testor, à te expectari, quæ hoc tempore, inter summa etiam ingenia, à nemine expectantur. Præstitisti enim ea quæ hæcenus nemo præstitit. Singularis Providentia Dei te in curas incomparabiles excitavit: id quod serio existimo, & sæpe pro tua incolumitate vota facio; quippe qui nihil habeam, quod me à veneratione tui abstrahere possit, sicut interdum malignitate sæculi videmus accidere apud eos,

qui nec beneficia cœli æstimare, neque officia humanitatis exercere didicerunt. Esto hoc argumentum ingenue simplicitatis, quod cum calamo statim cogitationes animi huic chartæ se infundunt, postquam scribendi ad te consilium amicissimus noster Freinsheimius instauravit apud me confirmavitque. Nam Velleium istum, ad tantum Virum, nisi fors testandæ observantiæ, mittere tanti non putassem. Verum, ut audio, non minor quam eruditio, & humanitas tua, quæ vel venia vel favore meam hanc scriptionem dignabitur, spero. Dens te servet, Vir Illustris.

Scribebam Ar- Illustri tuo nomini dicatissimus,  
gentorati 1642.  
9. Septemb.

Jo. Henricus Boeclerus.

CCCLVI.

D. G. V. S. P.

Vir Celeberrime,

Harum exarandarum occasio sese obtulit ex itinere Johannis Ramyghii; Viri sane, si quisquam in isto ordine, longè doctissimus. Quem à multis annis novi familiariter, & quia in literis humanioribus erat versatissimus, favore prosecutus sum. Per plures annos nepoti meo ex affine in ædibus meis præfuit; ibique suam mihi probavit diligentiam, indocendo dexteritatem, probitatem, pietatem ac fidelitatem. Adeoque nihil in ipso desideratur, quod ad perficiendum virum bonum requiritur; vel in eo exoptamus, qui Scholæ alicui præficiendus est. Quocirca cum Conrectorem virum huc vocaverint N. & A. Curatores, hunc de meliori nota tibi commendare non sum veritus: ut qui de ipsius dotibus certus essem. Id certissimè scio, si vestræ Scholæ præficiatur, me optimam initurum gratiam apud omnes, qui me eo quidpiam contulisse noverint. Ipse satis ex colloquio, me nihil favori dare, experieris. Itaque ejus promotioni faveas, peto; ut quandoquidem dignus est, Conrectoris munus nancisci queat. Porro munusculum literarium mitto; in quo an aliquid præstiterim, ex Epistola præfixa cognosces. Quod de Salmasio ibidem scripsi magnam mihi crearit invidiam dicam, an inimicitiam. Quid agas? difficile est placere omnibus. Nosti indolem meam, omnibus placere studeo; imprimis viris probis, doctis ac piis.



piis. Sed coram brevi fortassis plura.  
Hic subsisto, tibi ex animo tuisque bene  
precatus: atque permaneo

Lugd. Bat. 13. Jul. *Amplitudinis tuæ*

An. partæ salutis  
1642.

*observantissimus,*

Constantinus L' Empereur.

## CCCLVII.

**F**ilios meos, Vir Clarissime, ætate quidem impares, studiis vero pares in gymnasium vestrum missurus, tibi eos potissimum commendo, cujus amicitiam uti mihi semper utilem ita & honorificam expertus sum. Quare etsi magnorum tibi beneficiorum debitor sum, hoc tamen pro colophone flagitare audeo, ut in meorum studia digneris inspicere.

Extremum hunc, Vir summe, mihi concede laborem. Quibus Libris opus sit ad audiendas tuas cum fructu Lectiones, quæso indices, & quo pacto se ad eas præparare valeant; uno verbo ut absolvam, methodum ipsis studiorum præscribere, si volueris, spero eos dicto audientes fore, me certe; satis jam devinctum in æternum porro devincies. Hoc meum est consilium ut antequam ad jurisprudentiam accedant humanioribus studiis non perfunditorie imbuantur, præcipue vero in arte oratoria & cognitione historiarum, quæ tibi meritissimo mandata est provincia. Hac in parte, te manu-ductore haud parum præstituros confido, si avum si patruium cogitabunt, neque unquam commissuros ut à literis, quibus familia nostra se in clientelam dedit, dicantur alieni. Vale Virorum & eruditorum decus, & eam qua me semper profecutus es benevolentiam filiis quoque impertire ne graveris.

Hagæ-Comitis  
xix. Sept. 1642.

*Celebritati nominis*

*tui addictissimus,*

Guilhelmus Grotius.

## CCCLVIII.

S. P.

Clarissime & doctissime Vir, collega & amice  
conjunctissime,

**E**X reditu nostri Heilersieg comperi quam benigne & amice cum eo & aliis de me fueris collocutus, & memoriam mei apud alios es testatus, quo nomine non solum in hac occasione, sed in aliis multis plurimum tibi debeo. Clariss. & Rever. David Blondellus scripto tibi brevi significavit gratitudinem suam, pro ea opera quam ei impendisti in opere suo commendando D. Blavio, qui ejus Editionem suscepit & specimen ad me misit. Per D. Spanhemium, qui heri nobis adfuit accepi folia quæ ad te mitto, ut ea tradas Typographo aliis jungenda. Quæ reliqua sunt brevi sequentur. Additionem huic Epistolæ conclusam jubebis suo loco reponi, & D. Blavio meis verbis salutem dices, urgebisque ut properet & ad me mittat folia quæ singulis septimanis excidentur, ut ea auctori mittam qui, si quæ menda irrepant, ea notabit. Amici quidam ad me miserunt Epistolam Vigilii de quinque capitulis à P. de Marca editam cum sua dissertatione, in qua multum laborat ut Pontificem illum ab inconstantiæ nota liberet. Mitto ad te unum exemplar ex duobus quæ accepi, quod levidense munus ab animo tibi addictiss. accipies Saravius Senator qui unum ad me misit de te sentit & loquitur tanquam de Viro hoc nostro seculo eruditissimo & à quo nihil prodit nisi tersum & exactum. Rogat per. me ut doctissimas lucubrationes non finas diu doctorum hominum gaudia morari, præsertim quæ ad Antiquitatem Ecclesiasticam pertinent. Expecto novum laborem à D. Grotio, qui examini meo opponit, ut quidem ille ait, postea quieturus, Votum pro pace Ecclesiastica adversus Riverum & alios irreconciliabiles: Ego, si Deus dederit eum excipiam cum solita modestia & si possim majori. Nosti quo in statu sunt res Sedanenses; Princeps sua ipsius confessione reus intercessionem Celsiss. nostri Principis salva vita elabitur, ea tamen lege ut Rex novum præfectum Sedanum mittat cum decem cohortibus, nec loci Domino & ejus familiz ibidem habitandi potestas fiat. In Religionis negotiis nihil mutabitur. Noster Molinæus paulatim declinans ex morbo continuo eo adspirat ubi

nulla mutatio. Constitui Deo dante ad vos excurrere, sed hucusque impedimenta mihi fuerunt obiecta, etiam nunc expectanda mihi est D. Spanhemii inauguratio; postquam, si Deus dederit, te & tuos ibi sum salutaturus & cum Typographo acturus. D. Salmasius serio promittit se ad nos venturum ante hyemem. Misit ad Elzevirios librum de Græca Lingua & ejus variis Dialectis & de Hellenistica. Bisterfeldius adhuc detinetur à Principe Transilvano nec spes est eum facile inde iri ereptum. De alio erit cogitandum. Rogo ut occasione data certiore me facias te hunc fasciculum accepisse & in eo contenta. Salveasque interim & semper à me & à mea cum Domina Coniuge & Liberis tuis, inter quos gratulor D. Matthæo, quod re ipsa aliquid pro eo fuerit præstitum, ut deinceps alacrius operi insistat. Deus tibi alterum reducem sistat auctum omni eruditionis genere sanum & sospitem.

*Hage-Comitis Tuis omni officio & affectu,*  
3. Octob. 1642.

Andreas Rivetus.

CCCLIX.

Clarissime & præstantissime Vir,

**N**ON dici potest, quam grata mihi fuerint literæ tuæ, quas Creutchio & Freinshemio ad me perferendas tradidisti. Et cum in iisdem plenissime referas, quæ semper fuerit ac etiamnum sit animi tui in me & filios propensio, vix ac ne vix quidem lucis hujus usurâ dignus existimarer, nisi eandem summo observantiæ cultu prosequendam mihi judicarem; potissimum verò hoc nomine, quod & filium Benedictum in Galliam proficiscentem salutaribus monitis & exemplis instructum dimiseris, & filio tuo Isaaco sine dubio suator & autor exstiteris, ut in præfatione sua R. Moïsis Maimonidæ de Idololatria libro apposita & mei & filiorum mentionem faceret præclarissimam, ipseque promittas, te præclariora tuæ in nos omnes voluntatis in posterum & ad omnem posteritatis memoriam spectantia editurum documenta. Quibus quidem officiorum generibus te nobis vehementer devincies, ut omni tempore parati simus & de te tuisque bene sentire, & optime mereri. Freinshemius cum præter literas meas evocatorias, commendatione testimonioque

tuo instructus ad nos ante perpaucos menses venerit, talemque se in omnium conspectu 25. die præterlapsi mensis Aug. exhibuerit, qualem monumenta ejus in publicam lucem antehac emissæ eum declarant, ingenio scilicet acerrimo & omni eruditionis genere refertissimo, non dubitabis, quin eundem singulari amore firmus complexuri. Imò verò cum tot in eo conspiciantur multiplicis scientiæ ornamenta, vere profiteri possum, Academicam Upsalensem adventus illius felicitate mirifice recreatam. Et cum iis dotibus jam sit cumulatus, ut multorum in re literaria tenuitati & ariditati facile possit consulere, procurabimus, Deo juvante, ne eum professionis in Sueciam susceptæ pœniteat. Quantum tibi debere cupiat filius Jacobus, literis ad te datis ostendet. Benedictus, quem Deus præpotens hesternæ luce salvum & incolumem nobis omnibus restituit, & felicissima quæque domui tuæ & tibi longissimum diuturnioris vitæ curriculum comprecatur. Vale omnium literatorum decus singulare.

*Fenecopiæ Australium Gothorum 4. Oct.*  
Anno 1642.

*Tibi tuisque & obligatiss.*

*& addictissimus,*

Johannes Skytte.

CCCLX.

Clarissime & eruditissime Vir,

**I**Saacus filius tuus juvenis virtutis spectata, & supra ætatem probitatis antiquæ Italiam perlustrans animi & studiorum causa, me Lucam humanissime adivit. Thyrsio voluptatis decumanæ meum pectus percussit admirantis, susipientis indolem tantam. Tibi gratulor, mihi gaudeo, te tanto filio, me tantâ lætitiâ auctum, tui ipsius vivam imaginem in eo intuentem, quem tibi deprecor incolumem superstitemque ad annos Nestoreos. Hospitalitatis nostræ mutuam tesseram literariam agnovit, quam in Cimeliarchio sacrariove servo. Mea illi antiqua vota indicavi de recudenda Polymachia, & Amalthea etiam aucta emendataque. Pararium mihi ascivi in meis schediis interpolandis, si per te liceat, postliminio patriæ restitutum. Interim quæ obsequii in eum signa præ me tuli, eadem tu in me candidioris animi argumenta agnosce; & ignosce, si meritis vestris paria facere per meas opes non licuit.



licit. Et quia meæ nugæ canoræ tantam lucem literatorum ferre nequeunt, calculum, oro, suspende, clientem patronus defende, & quid Critici sentiant de Amalthea, veluti Jovis suffragium, tuam opperier Crisim. Deus te, tuæque fortunet æternum.

Luce. Kal. Nov.  
c1o Idc XLII.

*Tibi addictissimus,*

Josephus Laurentius.

Responsione si me dignabere, eam Gulielmō Bartilotto per Lucam Donatum ad Balchassarem de Judicibus Bibliopolam Lucensem curabis tradendam quam primum.

CCCLXI.

S. P.

**N**AUx culpa, Vir maxime & amicissime, dissertationum mearum sarcina, perditis duobus fasciculis, unā cum adjunctis Literis, huc rediit. Excussus enim fatetur, se ædes D. Cabeliavii, ad quas sarcinam amicis Leidenfibus & Hagienfibus destinatam deponere jussus erat, invenire non potuisse. Quippe quas mutaverat, me infcio, cui notum eum non procul à nobilissimo Domino Grootehufen habitare. Inde factum ut cum indignatione repetierit, navique suæ reddiderit. Id scire te volui, ne fides D. Cabeliavii, communis amici nostri, fieret suspecta. Doleo autem vehementer, quod Dissertationes illæ meæ neq; vobis neque aliis amicis fuerint exhibitæ. Mitigassent forsan iram quorundam fratrum, qui utramque Synodum Hollandicam iterum concitarunt, ut tum ad Magistratum, tum ad Ministerium hujus loci de periculis doctrina de Universali gratia à nobis asserta veritati & Ecclesiæ Christianæ imminetibus denuo scripserint, quamvis stylo paulo leniore, quam anno 1641. nisi quod jam etiam deputatos Synodicos reliquarum provinciarum in consensum adversum nos attraxerint. Idem queritur etiam extra Provincias Belgicas in Helvetia, Galliis & alibi, ex consilio D. Altingii, qui pro Opinionibus Piscatoris, præceptoris olim sui, tanquam pro aris & focis pugnare videtur. Quid tandem de nobis fiet? An hæc doctrina tantopere in Belgio foetet? An Ecclesia Christi ministros Belgas

deinceps habebit perpetuos Censores & fidei Dictatores? D. Spanhemium, novellum Leidenfium Theologum audimus rigorem Allobrogicum in prælectionibus suis ad Vaticanā V. T. de Christo strenuè inculcare. Sic gratiam, pacem & misericordiam, imo reditum in patriam speramus & ambimus? O miseriam! Ignosces, Vir candidissime, dolore meo & favore tuo me meosque constanter complectaris. Duo mihi filii sunt sacre Theologiæ destinati, quos Philologiæ causa vellem aliquantisper in Belgio vestro pedem figere, quippe quod hac parte excellit, si patronos inibidem invenirent, qui paedagogias commodas eis ad minuendum sumptus procurarent. Pietatem ac Modestiam spondeo. Consilium verò tuum hac in re obnoxie peto. Alter in Hebræis, Chaldeis & Syris mediocriter exercitatus est, & jam attingit Arabicas literas. Alter, præter Philosophiam, Græcas, Latinas & Hebræas Literas, *διολογικὰ* tractat. Si quid in me vicissim superest, quod Excellentie tuæ gratum sit, id tam paratum tibi, quam paratissimum credat. Calamum sisto. Bene vale, Vir excellentissime, & salve *marini*.

Brem.  $\frac{1}{2}$  Jan. c1o Idc XLIII. Quem cum pluribus subsecuturus vobis prosperum decurrere animatus precor.

*Excellentiæ tuæ devotissimus,*

L. Crocius.

CCCLXII.

Joacimus Matt. J. C. fil.

S. P. D.

**S**Alve & tu mihi tandem aliquando, Optime & maxime Virorum, Vossi, jamdudum honorate, sed nondum salute. Aliis enim hæcenus eam concessi felicitatem, ut si non coram, saltem per literas tecum colloquerentur, & virtutem inde suam, atque eruditionem augerent. Ego tanto Viro negotium facessere, & meliores aliquot ipsi horas perdere nolui. Ac sic perrexissem, nisi admodum nuper Gothofridus noster Cretsmarus Juvenis elegantis Ingenii, nec proletariæ Eruditionis, ex Gallia redux, quam è Belgio adierat, inter alia à me rogatus mihi tuam erga Germanos meos Humanitatem, quæ

que tibi proprius perhibetur, Candorem oppidò prædicasset. Forſitan & illè tibi, quem abſens colit, veneratur, æſtimat, nondum excidit, ſed locum adhuc obtinet tuos inter cultores non poſtremum. Ejuſmodi inter nos ſermone habito, occaſione ſcribendi inſuper à probò & modeſto Viro Juveni Joanne Selfſchio Germ. cujus opera his in locis Janſonius veſter in vendendis Libris uſus eſt, oblata, diutius infelix eſſe nolui. Venio igitur ad te literatorum hodie Dictator, levidenſi aliquo munere (ſine eo enim accedere, religioni mihi duxi) quod ut benevole accipias etiam contendo à te. Etiamque tædet alloqui mei quo olim Danorum Regem ſapientem & comem honoravi, exemplum offerendum eſſe tam comto Capiti in viliori Charta, cum reliqua omnia quæ nitebant, jamdudum diſtributa ſint; ſed tu animum offerentis trutinabis, non ſcripti veſtem. Quod ſi hac ratione tibi, Vir clariffime, filiſque tuis doctiſſimis innotelcere potis eſſem, ſicuti jam *H. Grotio* *D. Heimſio*, *Aug. Bucknero* immortalibus undiquaque nominibus innotui, horam proſecto qua has ad te exaravi, ponerem inter feliciffimas. Sæpe quidem optavi illam mihi diem illuſcere, quâ mundi ocellum Amſtelodamum adire, teque in eo miraculum convenire poſſem; verùm cum res meæ miſerrima illa bellorum continuatione incredibilem in modum attritæ ſint, hæcenus me fruſtra illud optare animadverti. Si autem Deus mihi per te aliquem illic loci Mæcenatem impoſterum excitaret, grato animo beneficium ac ſtudium illud agnoſcerem, & perpetuis laudibus proſequerer. Priuſquam has literas finiam, tibi Philologo excellentiſſimo, aliquod pro bellariis ex penu literario apponi Problema, non ſpero moleſtum futurum. Hoſpes meus Simon Paul. Anatom. & Botan. Prof. hæc in Acad. ſolertiſſimus, nuper ex Epistoſta Hippocratis ad S. P. Q. Abderitanum ΠΑΒΑΟΥΤ ΑΝΑΛΗΨΙΝ deprompſit ac ſeſe nondum à quopiam Criticorum, quid ſibi ipſa veller, edoceri potuiſſe, cum ne quidem P. Caſtellanus Medicus doctiſſ. in Syntagmate de Feſtis Græcorum quicquam de illo Feſto ſibi lectum ſcriptitet. Cum mihi pro ea, quæ cum Viro illo optimo intercedit familiaritate, poteſtas fieret de hoc loco meum exponendi, Literatorum infimi, judicium, diligenter expenſo loco, adverti eum talem eſſe, qui citra ullum detrimentum ignorari poſſit. Et facile conceſſerim neminem illorum quos ille de Hip-

pocratici loci intellectu percontatus eſt, rationem reddere potuiſſe: cum mea ſententia privata illa fuerit ſolemnitas quæ ipſo Hippocratis tempore vix pluribus in Græcia, quam Cois Civibus nota fuerit, ab iſſique peculiarem ob cauſam celebrata. Quod enim ſi aliquem Italum aut Gallum, imo, ex ipſa hac Siolandia aliquot miliariſibus Hafnia remotum hoſpitem ad *Χωαγίας* Amakeranam, quæ plurimum quotannis in vico ad unum miliare hinc diſtante in Bacchanaliorum ſtultitia peragitur, invitarem, an conſiceret quid rei indicato in loco peragendum ſpectandumque eſſet. Suspenditur ab Agricolis, quos è Belgio hæc viciniæ olim commiſſaſſe aiunt (nomen enim Belgarum hodieque retinent) ad funiculum anſer, cui collum ſebo & ſmegmate quam poteſt fieri pinguiſſime inungitur. Illic incitatis equis periculum faciunt ruricolæ, an pedibus ſuſpenſæ avis collum curſu illo veloci apprehendentes poſſint avellere, quod cum ob glabram illam, Nervis, Oſſibus, Cutique firmiter concretam cervicem, plerumque fruſtra ab iſſ tentetur, equiti illi pro epinicio riſum pro anſerino capite avulſo, probe adipe illitas manus deportant. Si tu Vir. Clar. aliqua de VIRGÆ iſtius aſſumptione ejusque feſto nos pro immenſa tua lectionis & antiquitatis notitia docere poteris erit illud longe nobis gratiſſimum. Vale, Vir candide, & adſuturum cum illo qui has adferet Joachimum de cætero tuum futurum Epistoſtio aliquo exhilara. Ego hocce meum obſidem impoſterum obſervantiæ cultuſque in te mei fiſto.

*Scrib. Hafn. xvii. Calen. Janu. ann. ſerv. humano generi dati c15 loc XLIII.*

## CCCLXIII

Clariffime & celeberrime Vir,

**R** Eddidit mihi ampliff. Dubletius munus tuum auro mihi carius, nodos te vindice digniſſimos. Ego pro ratione temporis celeriter percurri pleraque, eadem poſtea cum otio expenſurus: ſed tamen ex ea lectione agnoſco me multa didiciſſe, vel quæ neſciebam, vel quæ non ita accuratè noveram. Methodus qua uſus es exacta & facilis Lectorem allicit, perſpicuitas ubique elucet, variorum autorum opiniones exactè ad trutinam revocantur, & quæ maxime probari debeant, ita aſſeruntur & confirmantur, ut nihil ſuperſit quod



quod desideremus, nisi ut porro in talibus pergas de Ecclesia & Repub. literaria bene mereri, & antiquitatem illam illustrare, quam maximi facere debemus. Gratias autem tibi summas ago; quod me inter alios amicos hoc munere beare volueris. Nobiliss. Salmasium salutavi Leidæ, adhuc claudicantem ex pedum infirmitate, post labores maris, quibus addita fuit podagra. Promittit se ad nos venturum cum primum convalescit. Eum hortatus sum quantum potui, quod etiam fecerunt amici Parisienses, ut neglectis parum utilibus controversiis, & vitilitationibus, deinceps se traderet seriis illis in quibus plurimum potest, & ex quorum tractatione major utilitas, in bonum Ecclesiæ, sperari potest, & laudabilior fama expectari, quod nos ab illo impetraturos confido. De Cl. Petito non magna spes affulget, præsertim si quod Sorberius ad me scripsit, periculum sit ne in Marasimum incidat, ad quem prævertendum coactus est, sepositis aliquantulum studiis rusticari. Deplorandum erit si quæ cum maximo sumptu & labore collegit in Josephum imperfecta maneant. Quod de optimo Affine meo Molinæo petis, dabo operam ut situm tuam in eo expleam. Otimestre totum in suscepta peregrinatione ad Alvernenses impendit, cujus temporis maximam partem transegit in loco qui dicitur S. Meon, ubi sunt acidulæ quas medici judicaverant aptæ pellendis Symptomatibus quibus vexabatur. D. Grassus Reipub. Lugdunensis expertissimus Medicus, propria sponte per dispositos equos eum invisit, dies quinque continuos cum eo egit, ut morbi naturam detegeret, & quibuldam quæ secum attulerat pretiosis medicamentis eum donavit; nec quicquam ab eo præter preces & benedictionem postulavit. Non planè fuerunt inutiles aquæ, quæ tamen morbi inveterati pertinaciam vincere non potuerunt, sed utcumque imminuerunt. Itaque Maringam veniens ad Elaveram, ubi est Ecclesiola reformatorum, ibidem concionem habuit, & navigiolum conscendens in Ligerim descendit Blesas versus, ubi aliquot dies apud generum suum quævit. Exinde ad filium profectus Castellodunum in Agro Carnotensi, aquas quas secum asportaverat sumpsit per dies quindecim, & ibidem habita Concione & distributa Eucharistia, cum totius Ecclesiæ admiratione, Lutetiam Parisiorum venit, ubi à veteri grege cum maximo gaudio fuit exceptus Carentoni ad Matronam, & post duas Hebdomadas, quibus cum

familia ab amicis fuit exceptus lautissime, duobus florenorum millibus ab Ecclesia acceptis, (quæ ei etiam Schedam tradidit, quæ spondet, si in Acad. & Eccles. Sedanensi deficiant ordinaria professorum & pastorum stipendia, omnia ex ærario Parisiensis Ecclesiæ quamdiu vixerit, ei refundenda fore) Sedanum rediit, unde nudiustertius literas habuimus à filia ejus quam hic vidisti, quæ prosperum ejus adventum, cum totius Ecclesiæ lætitia nobis narrat, additque medicos conjectare, si nihil aliud accadat, posse eum adhuc integrum decennium in eo statu durare. Itaque illa ad nos reditum meditat. Habes historiolum in qua libentius tecum excurri, quod sciam te ex affectu de talibus inquirere, quem amicum semper testatus es & propensum in optimum illum Dei servum. Gratulor tibi reditum Isaacii tui Lutetiam Parisiorum, quem Saravius ampliss. ad me scribit venisse opimis onustum spoliis ex illustr. Bibliothecis, quæ postea in usum literatorum sit liberaliter sparsurus. Deum precor ut eum tibi restituat gratia sua cumulatam, & ab omni superstitionis contagio quod in Italia & locis similibus grassatur planè liberum. Tibi insuper, Vir Clariss. & D. uxori tuæ, valetudinem firmam & prospera omnia exopto, quod mecum facit uxor mea, quæ vobis plurimam salutem dicit.

*Vale Haga-Com. xv.  
Kal. Jan. cjo ipe xliii.  
Quæ vobis cum toto  
anno brevi inchoatur  
ro, felicissim. precor.*

*Clariss. & celeberrimo*

*Nomini tuo addictissim.*

*Andreas Rivetus.*

Ausimne à te petere ut D. J. Blauvio aurem vellas, qui tamdiu cessat ab opere Blondeliano? Non potest causare defectum copiarum quam vocant, quam adhuc habet satis uberem. Efficit hac sua perendinatione, ut autor etiam cesset, quasi de foetus sui obstetricatione desperans. Vocarunt eum Lutetiam illustres quidam Viri, qui eum sumptibus suis alunt, ut studiis illis vacet à quibus avocabatur, per ordinariam Ministerii Functionem. Pauca supersunt capita ad priorem illam partem, quæ si Blavius aliquot folia mittat, intra paucorum dierum spatium absolvet. Interea Choppini in libris de Politia Ecclesiastica errores non paucos nec leves annotavit, in Mæcenatum suorum gratiam. Milleterius tandem quod faciebat fecit, & Pontificiis se adjunxit, factus exinde Redemptor Vestigialium.

CCCLXIV.

## CCCLXIV.

S. P.

Clarissime & celeberrime Vir, amice, Collega conjunctissime.

Misit ad me Gothofredus Syndicus Genevensis ante bimestre, quatuor exemplaria Philostorgii sui. Sed Literæ quibus mihi indicabat amicos quibus ea destinaverat, in via perierant. Scripsi ergo & petii ut mihi significaret quid de exemplaribus factum vellet. Te, Vir Cl. inter alios nominavit, cui unum destinaverat, quod nunc ad te mitto, & simul peto ut te accepisse significes. Misi ad te inter primos tertiam lucubratiunculam meam de pace Ecclesiæ. Non dubito quin nauta eam domum tuam detulerit, quamvis de ea nihil quicquam ex te audiverim. Spem mihi fecit Blavius brevi scriptum aliquot tuum absolutum iri, & se postea nostri Blondelli opus curaturum. Multum eum devincies, si aliquando Typographum hortari digneris, ne deinceps sit cessator. D. Salmasius promittit se post festum Paschatis iter ad nos inchoaturum. Interim emisit Funus Hellenisticum, quod erit eristicum. Sed non potuit ab eo proposito dimoveri. Is adversus quem Offilegium scripsit est Sam. Bochartus meus affinis, occasione colloqui habiti Rothomagi apud ampliss. Saravium. Non probat quod quæ privatim inter eos transacta fuerant, eliminaverit. Plura pro tempore non addo ne seria tua remorer. Tibi & tuis omnia fulta precor.

Tuus omni affectu

Heg. Com.  
24 Martii,  
1643.

& officio,

Andreas Rivetus.

## CCCLXV.

Resocillârunt animum meum Literæ tuæ, maxime Vossi, quas Dozenius noster felici manu mihi 2<sup>o</sup> Jun. exhibuit, quod veterem mei amorem spirarent ac niveum candorem, ob quem te literatus orbis mecum admiratur ac colit. Eodem momento cum tuis accipiebam optimi D. Calixti eruditissimam Commentationem de Bono perfecte summo five æterna beatitudine suspensam ad aram beatæ memoriæ Georgii Ducis Lunenburgici; quæ, ut & antehac, Georgii Cassandri de Com-

munionem sub utraque dialogo & annexis, Βικλοδικίδιον meum locupletavit. Is in concordia Ecclesiasticæ studio sibi constat adversus exserta capita Orci galea quantumvis munita Sycophantarum, ut præfationes horum Libellorum canora voce attestantur. Judicium tuum de illustrissimo Grotio mihi apprimè arridet. Interpretatio tamen dictorum præcipuorum de Antichristo à diversis jam examinata, mihi non satisfacit. Ego Romanum Episcopum, qualis jam diu est & infallibilem se scripturarum interpretem & Hildebrandinum ..... conscientiarum, totiusque Christi Ecclesiæ ostentat, eo loco habeo, quo Casaubonus noster & nro olim in exercitationibus doctissimis ad Annales Baronii. Etsi enim non sit maximus ille Antichristus, qui paulo ante ultimum ac decretorium hujus mundi diem, tyrannidem suam in Sanctos Dei exercebit, ut D. Zanchius meo animo rectè in Miscellaneis suis judicavit: tamen magnus videtur: quo hodieque in domo Dei vix major est, siquidem eum cum hierarchia sua integrè consideremus. Non tamen dubium est, quin pii quidam Urbis Episcopi fuerint & porro esse possint, qui mysterium illud iniquitatis abominentur. Vapulat eruditissimus Grotius tam à Lutheranis quibusdam, quàm à nostratibus hoc nomine, quod in partem Pontificiam, quàm Evangelicam non paulò promior videatur. Classicum belli sacri, adversus eum ab omnibus Lutheranis suscipiendi decantatum à Johanne Peysterto Ulmenfi ..... scater maledicentia. Laurentius vester satis calidè in eum scribit. D. Rivetus acutè quidem, sed, ut mihi videtur, moderatiùs. Utinam tandem aliquando disceremus omnes, quæ veræ Christi Ecclesiæ sit nota, unitas videlicet, quam declarant mutua officia charitatis à Christo nobis tantopere commendatæ. Collegarum quidam hujus notæ obliviscuntur, dum hujus studium nobis vertunt in notam hæreseos. Et vestri frigidam more fabrorum ferrariorum nonnunquam suffundunt & litium favillas sponte sua emorturas redaccendunt. Nam non sine pacis nostræ impedimento ejecta quædam in Belgicam Linguam vasa invulgata sub titulo Hoornste Sorghe, continens Epistolam ad Magistratum nostrum directam, in qua horrendæ hæreses, Sabellii, Photini, & aliorum nobis impropèrantur: sed & Synodici Nordhollandici Deputati nova Epistola, in qua repetunt, ad quæ antehac respondimus, tanquam gladio ignem nostrum



hostium iteratò fodiunt, & Æmulos nostros, quamvis præter intentionem, animant. Concordiam illi quidem suadent, sed quia hypotheles quasdam nostras cum reformatà Ecclesia pugnare putant, bellum propè sopitum & patientia nostra depugnatum, facile instaurabunt. Recordor nunc ejus quod D. Rivetus alicubi ad D. Grotium testatur de Confessione quædam T. Claritatis qua Ecclesiis Belgicis satisfactum sit. An illa edita est? Quæ & ubi? Vellem sane eam videre, si forsan illa ad redintegrandam Concordiam nostram faceret! Si ea ad manum est, ne quæso, eam nobis invide. Nihil enim antiquius nobis est, quam magnorum virorum exemplo veritatem juxta ac pacem colere. Pro voluntate in me filiumque meum hodie degentem Leidæ, quantam possum ac debeo gratiam habeo. Est ille quidem Linguarum Orientalium & Medicinarum studiosus, sed paulo quàm vellem verecundior. In occasione Excellentie tuæ ferviet mecum. Tempore exclusus, claudò, teque cum amoribus tuis salvere jubeo.

Brem. rapt. 21 Jun.  
12 Jul.

Excellentiæ

tuæ devotissimus,

L. Crocius.

Inclusæ per famulum, quæso curentur & audaciæ meæ ignoscetur.

# CCCLXVI.

Clarissime, maximeque Vir,

**P**erpetua mihi est agendarum gratiarum apud te necessitas, sive meum fratrem, vere alterum me, sive meipsum intueor. Qua enim benevolentia illum sis complexus, non opus est referre ad te, & quem mihi animum ostenderis, alibi dicendum erit, cum licere mihi rectius & prolixè potest non immemorem esse. Nunc quidem cum præter opinionem redire ad suos Elzevirius instituit, pauca eaque incondita necessario mihi ad te perscribenda sunt, ne prorsus negligere humanam voluntatem tuam videar. Librum tuum de Symbolis Ecclesiæ & cupidissime & non uno cum fructu pervolvi. Præter enim operis argumentum alia quoque pro meis usibus excepi. Scilicet quæcunque de forma & caractere Symbolico sparsa per totum sunt librum, transtuli in Commentarios meos de Brevitate. Quam materiam ad-

miror veteribus ipsis adeo relictam. Neque enim mihi contigit aliquem Græcorum Latinorumque Authorem offendere, qui istam persecutus sit Ideam. Primum igitur est, quod à te peto, ut si absque molestia tua fieri possit, mihi aliquas erigere veluti Hermas velis, & succurrere aliqua submonitione ad istud opus. Video enim per totum Oratoris opus fusam esse hanc dicendi formam. Et laborem incipio intelligere, quo plura mihi nunc demum adminicula paro. Instituo enim Anathemæ Authorum, & in minima resolvo, quæ toto opere continebantur: More Concordantiarum, ut vocant. Ciceronis ergo Rhetorica, Asconium, Photium, Agellium, sic habeo dissectos; ultimusque mihi hætenus existit Demetrius: quem pro bono juventutis editum ante omnes cupio. Causas allegare non opus est apud te; modum formamque describere necesse est, ut tuo judicio labor meus probari Elzevirius possit. Quia enim spes mihi facta ab ejus filio, non possum deesse studiis Tironum, & defungi libenter incepto velim. Contuli autem Victorii & Morelli editiones. In capita distinxì, ex ipsius auctoris instituto & more, in versus autem sive Periodos ex editione Victorii. Indicem fere absolutum, quem spero non inutilem fore. Præterea aliquid Notarum adjicio; quod quaecumque sit, existimavi non prætermittendum esse. Victorii & Caselii Commentationes justo mihi videntur prolixiores, alterius sane bona fide excerptas. Tabulæ quoque illæ Cyllenii, non necessariae. De Autore Victorii & tuum judicium præscripturus sum. Hæc sunt propositi mei. Mitto autem initium Notarum mearum & Indicis, ut æstimare possis, an aliquid digni sit publica. Et sane utrumque sic descriptum est, velut Canis ex Nilo bibere dicitur & fugere. Elzevirius enim properat, ego pessime habeo, ita ut Disputationem publicam habere non potuerim, etiamsi jam datum erat signum. Quapropter oro à te, ut speres etiam meliora, quam nunc ex Schedis meis excerpta sunt. Sero enim mittenda erant necessario, ut confirmari possunt ii, qui sumptum facere debent. Unicum addo. Hieroclis nescio quantus amator factus sim; nescio an plura habeantur, quam in Aurea, de Providentia, & quæ existant in sermonibus Stobæi. Et incepti eum pari modo *avertam*. Ignosce Domine, quod tam audacter de his talibus ad te scribo. Ego enim existimo in eruditione vos pro Oraculis nobis publice constitutos. Eaque

K k

utinam

utinam aut consulere aut sequi etiam velint plerique, non utique tam multum & malorum librorum. Vale Domine. Ego enim propter valetudinem scribere plura non possum, quam salutem fratris mei. Vale, inquam vale.

*Tui nominis*

Soræ 28. Jan.  
1643.

*cultor perpetuus,*

Joh. Ravius.

## CCCLXVII.

Clarissime & Celeberrime Vir,

CUM juvenis hic, qui per hoc caniculare otium visurus vestram Bataviam est, à me petisset, ut transiturum Civitatem vestram orbis, qua commercii aditur, emporium, tuæ celebritati commendarem; istud officii honestissimo Juveni negare non potui. Inprimis cum præter Philosophiæ studium, in quo lauream adeptus est, eloquentiæ quoque flagranti desiderio teneatur, cujus veram imaginem nostro seculo repræsentas. Quod elogium cum omnis gens, quæ literarum cultu non destituitur, tuo ingenio, tuæ famæ tribuat, recte judicabis, si à me per adulationem effusum non existimes. Hoc enim vitii in istos quam rarissime cadere solet qui libertatem, in qua nati sunt, servilibus probis non deficiant, & si quod animo tenent, professione veritatis emuniunt. Ego certe illo tempore quo filius vester Mathæus V. Cl. apud nos in amoribus erat, sæpe colloquium vestrum exoptavi, sed præproperum iter, etiam inter imbres ac naturæ inclementias, quæ festinationem intempestivam tardare debuissent, illam felicitatem mihi invidit. Quam tamen ipsam nisi faci lex prohibeat, melior aliquando dies dabit. Interea Juveni huic accessum velim facias, ut, quod omnis eloquentiæ cultor admiratorque merito optare possit, desiderium suum meæ saltem commendationis interventu expleat. Bene vale Clariss. & Celeberr. Vir.

Franc. vii. Eid. Aug.  
1643.

*Amicus tui*

*observantiss.*

P. Winssemio.

Historiæ meæ libri 7. in folio hic excudentur, quam ubi expressa fuerit, curabo ut inter primos V. Cl. habeas. Mathæo filio multam à me salutem.

## CCCLXVIII.

Summo Virgo, D. Gerardo Joanni Vossio, Joannes J. F. Schildius Bre. mensis S. D.

VIX mihi bona sua satis intelligere videntur, quibus divina quadam virgula excellentium virorum voluntates conciliantur. Nam si priscorum, quos nunquam vidimus, non libros solum, verum etiam imagines conquirimus, quid iis fortunatius esse potest, qui vivorum gratia, & amicitia florent, qui non admirantur solum homines admiratione dignissimos, sed vident, alloquuntur, consulunt, completuntur? Sane refert Plinius secundus Gaditanum quendam, Titi Livii nomine gloriaque commotum, ad visendum eum ab ultimo terrarum orbe venisse, statimque, ut viderat, abiisse. Tanti putabat Barbarus, etiam vultum celeberrimi viri cognovisse. Ac ne longius hæc arcessam, me quoque insitum illud mortalibus studium, magna & inusitata noscendi, in hæc Provincias excivit. Non est quod ipse me differam. Ardeo cupiditate incredibili, neque ut ego arbitror, reprehendenda, ut humanitatis ac benevolentiae tuæ sensum alliciam, quæ sola propemodum mercede in Belgium profectus mihi videor. Nihil præstantius, nihil amabilius, nihil quod impellat magis homines ad suscipiendum, quam virtutis magnitudo. Adde, ad virtutem si inusitata eruditionis Gloria accedat, incredibilem quandam hominum admirationem accedere. Diu te, Vir maxime, eo loco consentiens hominum existimatio collocavit, quo multis seculis vix alium. Jamdudum nomen tuum iisdem, quibus Lingua Romana, spatiis pervagatur. Meruit hoc singularis, ac prope divina quædam virtus tua; meruere tot immortalis ingenii monumenta, quot peregisti volumina,

*Hæc quæ secula, posterique possint  
Arpinis quoque comparare chartis.*

Ut taceam ex filiis honorem, quorum duos, ni fallor, immatura mors abstulit, non minus ob egregias animi dotes tibi charos, quam quod filii fuere. Non est autem verendum, ne assentatiuncula quadam aucupari tuam gratiam videar, cum, quicquid de te dixerò, omne infra dignitatem tuam fuerit. Equidem Cl. Virum Ludovicum Crocium non sine grata animi memoria



moria recordor, cujus commendatio maximo nobis apud te adjumento & ornamento fuit. Ei lubens debeo, quod cum mense Maio istuc ad te adiremus, integram ferè horam doctissimis sermonibus nobiscum transegiſti. Nihil ibi audiſſe me, niſi profuturum, memini, nihil didiciſſe, quod neſcire rectius fuerit. Ut omittam, quàm tu omnia iſta mira in ſermone, mira etiàm in ore ipſo vultuque ſuavitate, conderis, planè inſtar Homericì Neſtoris, cui

— μέγας γὰρ λόγος πᾶσι δίδωσι.

Itaque illa hoſula, quantum admirationem animi mei, tantum auxit deſiderium. Exinde ſcribere ad te ſæpe conantem deteruit pudor meus, & tenuitatis meæ conſcientia. Quid enim? Annon ipſi noſtræ modeſtiæ vim facimus, cum te tot diverſis functionibus diſtictum impeditumque literarum inſuper alloquio fatigamus? Annon ipſum me pudeat mei, quod homo adoleſcens, nulla vel ingenii vel doctrinæ laude commendabilis, ad incomparabilem Heroa Voſſium ſcripturiam? Oneravit iſta triſtis de inſualetudine tua nunciuſ, de qua ipſe Cl. Crocui filio, amico meo perſcribebas. Qui hercle nunciu� graviffimo me dolore confudit, cum mihi non unus homo ſed literæ ipſæ, omneſque bonæ artes in uno homine ſummum periculum adire viderentur. Nam qui voluptatibus dediti, quaſi in diem vivunt, vivendi cauſas quotidie finiunt: qui verò poſteros cogitant, & æternitatem laboribus ſuis ſibi devinciunt, hiſ nulla mors non repentina eſt, ut quæ ſemper inchoatum aliquid abrumpat. Enimvero jam ante perculerat me præſatio in partem quandam Theologiæ gentiliuſ, diſcuſſiſſimi illuſ operis, nec minus varii, quam eſt ipſa natura. Sed, quæ Dei Opt. Max. fuit indulgentia, hæcenus ſeculo noſtro ſervatuſ, teque & domum & literas ſuſtentat; ſperamus etiam porro ſuſtentaturum. Nihil enim tam certum eſt ex hiſ, quæ timentur, ut non certius fit, formidata ſubſidere. Quamobrem ſpe metum temperabimus; præſertim quando nihil ſcævum iſtinc allatuſ meminimus. Non morabor te diutius. Quod ſi ad me quoque, velut rivi ex illo benigniſſimæ naturæ tuæ fonte decurrant, nã ego creſcam & exultabo, nã ego non dicam aliud mihi, quam numen adſuiſſe. Offero tibi exiguum obſervantiæ meæ pignuſ, avi mei oblectamenta Metrica, quibus ille, tanquam ocio quodam literato, intervalla negotioruſ diſpungebat. Aliud, te dignuſ, munuſ haud invenio. Ipſum me, ſi alicu-

juſ precii putas, totum tene, habe, poſſideque. Impendam me tibi, ſi poſcas; impendam, etſi non poſceſ. Vale.

Lugd. Bat. cId Idc xi.iii.

xviii. Kal. Septembris

## CCCLXIX.

Ampliſſime Vir, Reipub. literariæ Princeps, Doctor, & Fautor plurimuſ honorande,

**N**ON temere illi aſſentior, qui principibus placere viris, non ultimam laudem eſſe cecinit, cum ex iis ſibi quiſque, prout virtutiſ & induſtriæ capax ſit, magnum decuſ addere & conciliare arbitretur. Quo nomine ſi ulluſ ſibi blandiri audit, mihi imprimis illam laudem & felicitatem gratulari poſſum; cui, dum ex fortuna majoruſ meoruſ, iniquior ſors obigit, ſummuſ & inſtar principuſ hominuſ, pietate & favore ita compenſata eſt, ut ea nunc lætuſ vivam. Non enim ſolum ex illuſtriſſimi Heroiſ piuſ benigniſſimiſque manibuſ, corporiſ pabuluſ ſuppetit, ſed & animi incrementiſ, ad bonæ mentis & eruditioniſ metam contendo: id quoniam ductuſ & auſpicio tuo fiat, ſerio triumpho, & palmarium duco, cum te nunc, ipſiuſ Reipub. literariæ principem, non Batavica tantuſ Regnuſ & Regionuſ vicinaruſ, variæ Eruditioniſ præclara ingenia agnoſcunt; verum etiam diſſita illa ſeptentrionaliſ plaga, chariſſima patria mea, Muſaruſ ſuaruſ præſidem, inſtar magni Apolliniſ merito veneratur. Et quiſ tandem Orbis Chriſtiani anguluſ eſt, in quo non nomen Voſſii, pro ſapientia legitur, & colitur? Vera hæc eſt lauſ, quæ mihi ex tanti principiſ favore deſcendit, eademque ad vitam beatam ſufficeret, niſi quod præter voluntatem in fortunis meiſ non ſit, quo tantuſ favorem tantaque merita tua remunerare poſſem. Super-eſt, ut pro ſingulari benevolentia tua & humanitate, qua omneſ amplecteriſ, imprimis Suecoſ, tantam meam voluntatem, gratiſſimuſque animuſ, magiſ quam remunerandi vires, reſpicere veliſ. Non ego ignoro, quo animo beneficia tanta celebrem, coram præſentibuſ ſemper, & ſi fieri aliquando poteſt, coram toto orbe, quotidie verò coram Deo, remuneratore omniuſ beneficioruſ optimo & largiſſimo; imprimis ex prædicatione mea, patria hoc totuſ ſibi acceptuſ referet, ponduſque hoc nomine, reliquiſ, in

suam prolem, meritis, addidisse te existimabit. Non exprimo nunc pluribus, vel industriam & fidem, quas informationi meae collocas vel favorem, quo saluti meae & successui, commendatione tua, de meliori nota, apud bonos quosque consulis; ne forte dum virtutes tuas & merita vivis coloribus depingere conarer, turpis adulationis suspensionem incurrerem indignam, quae de me omnibusque candidioris ingenii hominibus susciperetur. Haud tamen & ita quicquid in me plane paterno animo contuleris, apud alios, silentio praeteribo, quam potius assidua praedicatione meritorum tuorum, gratissimo animo celebrabo, omnia quae in bonae mentis & eruditionis cultum ingessisti. Deus amplitudinem vestram diu sospitem conservet, & corporis vires, tanti tui incomparabilis animi facultatibus, pares largiatur, mihi, charissimae patriae, & toti omnino orbi, ornamento & bono: ad hanc voluntatem ingerat, quae voluntatem meam, magis quam remunerandi magnorum beneficiorum vires, respicere velit.

*Dabam ex Museo  
meo, quod Amstelodami est  
17  
Octobris, Anno  
1643.*

*Amplitudinis vestrae,  
omni cultu & veneratione  
dicatissimus,  
A. Wallwick.*

## CCCLXX.

Vir Reverendissime,

**E**N Epistolas ab Avunculo meo Samuele Petito, qui eo est in me affectu ut tanquam collata sibi ducat quae mihi contulisti humanitatis officia. Vadem ego illum accersivi assiduam bonique nominis, ne quid tibi perire possit beneficiorum, & ne in posterum te pigeat benevolentia nos ornare, qua nihil exoptamus ambitiosius; quod enim magis ornamentum accedere potest nobis *visus* *habetur* *quasi*, quibus negatum est nos tollere ingenio & eruditione, quam si viris utroque pollentibus aeternitatemque famae consecutis non solum noti sed charissimus. Hae certe non ultima laus erit, sed quod ego potissimum spectro, favor ille tuus addet mihi animos ad bonam mentem, ad quam nemo non debet contendere. Vale igitur & favere perge, Vir Reverendissime,

*Hagae-Comi-  
tis xxv. Aug.  
cl. Id. xliii.*

*Tui observantissimo  
additissimoque,  
Samueli Sorberio.*

Clarissimum filium tuum Matthaeum plurimum meo nomine salutatum velim.

Amico cuidam meo eadem nunc ob sunt Lutetiae quae mihi nuper obfuerant, prospiciendum illi esset de honesto quodam loco, qua in re pergratum mihi faceres, necnon, scio, Domino Grotio, cui una mecum innotuerat. Iterum vale.

## CCCLXXI.

Praestantissime Vir,

**S**chedas hasce reperi, quas mitto, ut stem promissis, non quia dignas iudico, ut eas legas, aut eas tibi usui fore existimem. Locutus etiam sum viduae p. m. Vander-Merii, super arcanis Papatus, quae penes eum deposita fuisse putas. Illa mihi promisit se inquisitionem ea Delfis (ubi Manuscripta apud filiam adservantur) & secum allaturam quae simulac mihi tradita fuerint, transmittam.

Salutavi D. Voetium tuo nomine, illud ipsi gratissimum fuisse animadverti; qui de te summa cum laude locutus; praesertim quod antiquitatis arcana penes te hoc in seculo propemodum suo adserventur, & summa cum constantia propugnentur, praesertim contra Dogmata F. Socini, quod a D. Grotio non ita fieri dolemus: quem volubilem esse quis non animadvertit? habent profecto suos nazvos praecleara ingenia. Adfuit nobis D. Heinsius nuperrime, qui illustrissimi Salmasii adventum nullo carmine celebrabit. Rogum funeris Hellenistici Hyperaspistes ejus Schoockius preparat. Et profecto magnum incendium. D. Voetius habebit etiam qui causam ejus agent contra D. Cartesium. Scripsit ante paucos dies ad me illustrissima & doctissima Elizabetha, Bohemiae princeps: dolet & ridet doctos ita digladiari; & ita contemptui exponi una cum eruditis ipsam scientiam. Theologis hoc quasi proprium antehac creditum fuit. Sed & Critici & Grammatici de lana caprina bellum excitare noverunt. Nolo autem hanc camerinam movere, praesertim apud te quem pacificum semper agnovi. Salutat te communis noster Beverovicus, qui summo cum desiderio epistolas tuas expectabit, super anno climacterico: quia jam novum opus epistolarum quaestionum parat. Ignea enim haec ingenia a scribendo vix se temperare possunt. Ego Ecclesiam meam pro Epistola habere gaudeo. Vale, Vir Clarissime, cum tota familia.

*Dordrecht 10  
Sept. 1643.*

*Tuus omni obsequio,  
Andreas Colvius.  
Vidi*



Vidi apud D. D. Arminium scripta quædam de Arte Magneſia, quæ ſi meis ſumptibus tranſcribi poſſent, faceret mihi magnus Barlæus inſignem gratiam. Sed hæc vix ab eo petere auderem. Quocirca ejus de Magnete philoſophicas quæſtiones expectanda nobis erunt. Interim ſalutabis peramanter Virum celeberrimum meis verbis.

## CCCLXXII.

Virorum maxime Voſſi, & Amicorum,

**H**ei! lachrymas, quibus Bergii fatum defleo, ſemivivus in ſinum tuum effundo, ut excuſem *exceſſus* meam, qua nondum me delendi reum profeſſus ſum tibi pro divino opere, Gentilium Theologia & tribus Symbolis, quod te tui ſimilem, hoc eſt, *myſticſmum* oſtendit. Efficit illud ut tibi ingratus moriar. Nullum enim redhoſtimentum tanto dono dignum à me eſt ſperabile, à quo nil niſi humiles myricæ. Deum obnoxie veneror, ut te nobis & Reipublicæ Chriſtianæ ſuperſitare ac diurnare velit. Æmuli noſtri ne defuncto quidem hic parcunt, ſed varias de eo ſpargunt calumnias, quas præſatione diſſertationum mearum abſtergo, ut propediem, ut ſpero videbis. Saniores Gentilium olim ſapiebant rectius, quorum vox erat

*Poſcitur in vivis livor, poſt fata quieſcis.*

Item,

*Pugna ſuum finem, cum jacet hoſtis habet.*

Quamquam hic vir nemini erat inimicus. Sed nobis, quoad ſumus, pugnandum eſt pro veritate, juſtitia, pace. Hæc enim lege ad Chriſti commilitium vocati ſumus. Et ut pia olim anima canebat,

*Nunquam bella piis, nunquam certamina deſunt,*

*Et qui cum certat mens pia ſemper habet.*

Hæc raptim. Salutem tibi ſcribo, Vir ſumme, & familiæ à Collega D. Willio ſuperſtite & me, cum officiis & gratiis pro honore mihi immerenti in Theologia veſtra delato.

Brem. xiii.  
Cal. Sept.  
cio jcc xlii.

*Tuus, omni officio & affectu,*

L. Crocius.

## CCCLXXII.

*Ed. 1717.*

**A**nte trimeſtre, maxime Voſſi, ſarcinulam librorum nauta quidam noſtras ad pedes tuos deponere juſſus, unà cum duobus ſaſciculis, quorum alter tibi, alter D. Heinſio cum adjunctis literulis inſcribebatur, aliisſque amicis: Sarcinulam, interveniente quodam ſtudiis noſtris non ſatis propitio, à nauta iſto ad nos reportatam video, ſed abſque adjunctis literis & prædictis ſaſciculis: Ubi verò hæreant, neſcio. Hæc propter peramanter peto, ut in proxima occaſione me doceas, an cum literis Dyoderadem Diſſertationum mearum & orthodoxam delarationem D. Hildebrandi, Collegæ mei, acceperis, necne: & ſi quid in his deſideres, nos liberè moneas. Sumus enim dociles. In locum D. Bergii, conjunctiſſimi quondam Collegæ mei, plebs noſtra vocavit D. Crellium, D. Pezelii ex filia nepotem, affinem meum, virum doctiſſimum, antehac in Academia Viadrina Profeſſorem Theologum, ſed rigidum Piſentorianorum placitorum aſſertorem & Bergianæ moderationi contrarium. Hic proculdubio præſentia ſua à ſollibus noſtris inflatus Camerarium denuo movebit, niſi Deus ſingulari gratia alium ei animum inſpiraverit. Summum Virum, D. Hugonem Grotium ad Pontificiorum caſtra jam tranſiſſe, publica fert fama & eoſpe excidiſſe gratia regni Suecici, quod ob mutatam Religionem ei non fidat. Dolerem ſanè, ſi id factum. Quid hujus ſit, vos rectius ſciveritis. Theologia veſtra gentilis & phyſiologia Chriſtiana, divinum opus, quotidie palcat animum meum. Vivit in eo Voſſius noſter & æternat, quem cum univerſa familia ſoſpitem perpetim ſalvere jubeo, eique ſum

Bremæ V. Cal. Dec.  
ver. cio lxx xlii.

*Devotiſſimus,*

Lud. Crocius.

## CCCLXXIV.

Clariffime Vir,

**I**ntroductio ad Medicinam indigentam, quàm vernaculo ſermone ſcriptam nuper ad te miſi, nunc Latino excuditur, brevi mittenda. Addo Encomium Medici-

na

nae longè auctius, celeberrimo nomini tuo consecrabunt: necnon Epistolicas Quaestiones, cum responsis nobilissimae Virginum Annae Mariae à Schurman, multis D. Heinsii, pluribus D. Salmasii, & aliorum. Quare rogo & tuum ibi nomen legi ne graveris. Quod eo lubentius te facturum confido, quoniam intellexi simile quid te meditatum, mihi quae aliquam epistolam destinasse, sive de annis climactericis, materia, ut mihi quidem videtur, plane dubia & incerta, sive alio quovis argumento. In eo mihi gratificari, ut velis, vehementer abs te peto. Nec serò, etiam post unum aut alterum mensem, veniet. Vale, mi Doctor aeternum observande, & studiis meis favere perge.

*Dordrecht, Meritis tuis aeternum obstrictus,*  
11. Cal. Jun.  
c. 16c. xliii.

Joh. Beverovicus.

## CCCLXXV.

Vir clarissime,

**L**ibellus hicce, quem transmittito, lucem videre vix aulus est; fuerunt enim, qui suppressendum eum esse dicerent, quod pessime consultum foret Religioni Christianae, si ejusmodi de Christo opiniones vulgarentur. Certè Theologica facultas religioni habuit, ut testimoniò aliquo librum munirent. Cordatior fuit Dominus L'Empereur qui quod pretii, lubens volensque praestitit. Sed hæc coram malo. Dominum Salmasium brevi rediturum, constans nunc omnium vox est; sin moretur diutius, locum forsàn apud multos inveniat, quod Dominum Heinsium Hagæ Comitum dixisse intelligo, honorarium Professorum verius onerarium vocari posse. Dominus Spanhemius suos hic habet admiratores; sed nec defunt, qui ipsi invidiant: planè diversa hominum experitur judicia. Inventus est nuper vir doctissimus, qui in magna copia (sermo fuit de facundia Spahemii) maximam sæpe reperiri inopiam, dixit. Alii alia dictitant, quæ ubi Amsterodamum venero, audacius promam. Vale, Vir Clarissime, & studiis meis favere perge. Dominus Baro salutatur Clarit. T. quam potest officiosissime; idem rogat obsecratque, ne, si quando Lugdunum veniat alio quam suo uti velit hospitio.

Anno 1643.  
20. Julii.

*Claritati tuae devotissimus,*

Levinus Warnerus.

## CCCLXXVI.

Vir doctissime, amicissime,

**O**lim ad te Literas non mitto, non defidia, non oblivione tui, sed longis & assiduis peregrinationibus impeditus. Annis superioribus Germaniae partem non exiguum lustravi; post (quasi antea non vidissem) in Italiam contendi. Secuti sunt itinera duo Hibernica, brevia quidem illa, sed incommoda, & nisi insignium amicorum quorundam conciliatio & convictus molestias repensasset, maxime poenitenda. Nunc demum lares colo Londinenses meos. En tibi rationem silentii illius cui tamdiu indormivi. Causas ex alto non peto, nec circuitu ago. Impræsentiarum si quæris quid agam, scito pauca at bella minantem vivere nec recte nec suaviter. Non utique quod à fortunæ subsidii imparatus sim, sed quod positus in querulo & moroso corporis statu, gravibusque ac diutinis languoribus (duntaxat calculi vellicationibus quæ me indies premunt) lassus & conquassatus, etsi victus alioquin parci ac restrictioris, *Οὐχὶ ζῶν, ἀσθενῶν ἀλλὰ θανάτῳ παραπῶν ἐμμενῶ παρασπῶν ζῶ μακρὸν θανάτῳ τὸ μὴ ἀποθανῆν σφοδρῶς.* Accessit cumulus his malis mors Straffordiae Comitum eximii Mecænatis mei, Regnorum trium exempli ac convicii, extincti magna bonorum sapientiumque civium penuria, alienissimo Reipublicæ tempore, ac majore ingrata patriæ quam suo damno. Loquor liberius fateor quam pro conditione temporum ac rerum nostrarum, ergo hæc soli commissa tibi celare memento: Ac tacitus nostras intra se fige querelas. *ἢ πάντα μὲν δι' ταῦτα.*

Commendo qui has Literas reddet tibi Isaacum Vossium ex Gerardi filius. Juvenis probus est, & modestus, ingenium habet non publici examinis, amatque bonas literas ac bonam mentem. Eum tu, pro insigni humanitate tua, quam ego olim adeo prolixè expertus sum, complectèris: dum in vestra celeberrima civitate commorandi animum habuerit, ornabis commodabisque, & cum abeundi consilium formaverit, faustis votis prosequeris. Ita veteribus tuis erga me officiis ac studiis novum pondus accedet. De cætero (urget enim nec me longius evagari finit) cum primum commode potueris, de salute tua velim me certiore facias, & quid eruditi vestrates novi moliantur, quid tu imprimis, ex cujus scriptis nil lego nisi profuturum, nil discō quod nescisse



nescisse rectius & utilius fuerit. Ignosce, Vir amice, quod officium istud tamdiu debitum tam sero tamque parum cumulate reddo, & si potes, pristinam tuam erga me voluntatem conserva.

Londini Prid. Amicitia ac humanitati tue  
Cal. Sept.

devotissimus,

Joannes Priceus.

## CCCLXXVII.

*Incomparabili Viro, Gerardo Jo. Vossio,  
Johannes Fredericus Gronovius  
S. P. D.*

Q UOD sapius Author fuisti mihi, Vir maxime, ut quæ de Sestertiis, ab doctissimis viris perperam tradita mihi viderentur, in unam aliquam dissertationem conjicerem; id tentatum non semel, semper autem hæcenus per occupationes intervenientes abruptum; his tandem feriis, & summo studio sum aggressus, & pro capto meo, non infeliciter perfecti. Dedi cum primis operam, ut rem sententiamque meam, ita dilucidè proponerem, ut non possit ab ullo, mediocriter docto, paulò attentius legi, quin intelligatur: iis deinde rationibus, ac autoritatibus munirem, ut neminem contradicendum, qui intellexerit, liceat sperare. Atque hoc eo magis, quod deprehendi ex scriptis divini Salmasii nostri, cum nusquam hanc materiem expresso tractet, quæcumque tamen obiter, aut explicat, aut corrigit, cum sæpe non conveniant illis, quæ alii tradiderunt, nostra cum ratione ubique ad amissum consentire. Curabo fortassis; imò constitutum est omnino curare, ut circa paucas tempestates hæc edantur, quæ concepimus: non prolixum est hoc quicquid est scripti, trium putà, aut quatuor phylarum. Authores quibuscum res est mihi, sunt Budæus, Georg. Agricola, Hotmannus, Scaliger, Paschasius Grossippus. Hos diligenter legi, & expendi. Cæterum Agricola, & Hotmannus, citant quemdam Portium, qui eodem ferè tempore, cum Budæo scripserit: habeo Libellum Matthæi Hosti, de numerandi ratione emendata, in qua suam historiam rei nummarie allegat: ni fallor etiam, Eric. Pureanus aliquid hujusmodi edidit, & P. Ciacconius. Hos quos non vidi non-

dum, videre tamen, si fieri posset, nimis quàm cupèrem: eaque de causa oro, quos eorum Bibliotheca tua servat, eos ad me commodato transmittere quamprimum ne graveris. Valde etiam indigeo Grammaticorum opere Putschiano: nam cum eorum loca quædam examinanda sint, id hæcenus, nisi ex ipsis verbis, quæ allegant Authores mei, facere nequivi. Collega noster Cl. Isendornius in Hollandia est, ei dederam in mandatis, ut Grammaticos hos, & Andrea Schotti observationes humanas, meo nomine à te peteret. Eo enim indigeo propter Livium, quem à nobis recensitum, & plurimis locis saniores futurum Elzevirii sub prælo habent. Nunc quod commodò fiat tuo, ejus adventum expectare te nolum, sed prima quaque occasione, designatos libros, aut quorum eorum tibi copia est, mitteres. Vides quàm simpliciter humanissimis verbis tuis credam, quibus aliquoties, adversum te, adeo audacem me esse jussisti. Vale, & salve, vir incomparabilis, cum gravissima matrona tua, Liberisque & Nuru. Annon addendum erit propediem, Nepote, vel Nepte? Et quomodo rem gerit, i. v. v. Matthæus? Mea uxor (gratias Deo) intumuit admodum, & ut spero, intra tres menses, tres erimus. Iterum valere, & me amate.

Daventræ, ad diem III. Eid.

Octobr. anno cl. lxx. xliii.

Isaacus autem ubi, & quàm benè agit? sed & quæ spes, de Salmasii reditu?

## CCCLXXVIII.

*Admodum Reverendo, & Incomparabili Viro, Gerardo Johan. Vossio,  
Canonico Catuariensi, salutem & ob-  
servantiam.*

Reverende & Maxime Vir,

A CCEPI lepidissimum Epithalamium, disertissimi Poetarum Collegæ tui, inque eo magnum beneficium, quod non auctori magis, quàm tibi debeo, cuius interventu, & delensifica facundia id impetratum est. Nec minuit ejus pretium, quod seriùs, & post expectationem representatum est, triduo nempe, post peractas nuptias; quia nullam hic vestram culpam esse scio, & ipse statim editione facta

facta curavi, ut temporis illud damnum relarciretur. Integer igitur est tanti applausus honor, integra vobis apud me gratia, tibi præcipue, cujus ingentibus erga me meritis, ingentem accessionem faciam, tam diligenti tua opera, lubens profiteor. Agnosco imprimis candorem tuum, quod adeo sollicitè me doces mollia verba, quæ me apud occupatissimum, & quibus delinimentis soleat ambiri, haud ignorantem voti compot. Quibus quod opus non habui, tuæ adscribo solertia, paratus alioquin accuratissimis precibus, emere bona tanti Vatis omina, si citius tuæ mihi reddita fuissent. Nunc unâ cum optimis versibus accipe malos, nisi tamen ingenii largitor, Amor, homini non Poetæ, qualem esse authorem, æque ac me ipsum novi, brevem poetandi prosperè calorem subjecerit. Sed istos maneat, vel Eumolpi plausus, siccum haud interdum: quod autem præcipuum est, dies jam noctesque sunt duodecim, quod cum uxore vixi: nunquam autem credidissem ante, tam perditè amare me posse; nec gratiarum satis persolvere possum supremo illi *ἀντιμωρῶν*, qui tam amabilem mihi conjugem adjunxit. Intueor suavissimos mores, jucundum obsequium, pudorem, & castitatem singularem, peritiam rei familiaris, frugalitatem sine confinio sordium, animos sine superbia, modestiam in cultu & vestitu, studium soli marito placendi *ἡ ἀλαυνυδία*, ut sic loquar, odiumque sordalitorum etiam muliebrium, & fucilis garrulitatis, omnia denique quæ ego, in tua gravissima Matrona (genus nobile excipio; id quoque tamen honestissimum est) paucisque aliis ad hoc exemplum semper, & admiratus sum, & contingere mihi in mea exoptavi. Atque hæc ipso flore juventutis, & non minima corporis gratia, dote etiam honesta, sed longè uberiori spæ hereditatis, siquidem superstites erimus, commendari adeo me adfuit, ut indies magis non *ἐμπόλητος*, sed prorsus *ἐμπόλητος* reddar. Audeo hoc apud te confiteri virum & optimum, & *οὐλοσέων*, sine metu ludibrii, quo laudantis impatientia traducitur. Fasciculum Epistolarum perissem nobis doleo: malo tamen perissem, quàm malè redditum esse. Inerat unâ ad *τὴν ἐπιτολήν* quam commiseram homini soli consilio deliciarum mearum: & utramque incidere nolebam in manus eorum, quos licet proximos hic mihi, hætenus iustis de causis celatos ejus negotii habueram. Ideo ad te potius direxeram, præterito illo, qui plerumque, quæ ad me veniunt Ham-

burgo, quæque à me eodem commeant recipit. De filio Isaaco nihil adjecisse te miror, cui per hanc peregrinationem eandem, quam fratri sollicitudinem præsto, precorquæ ut salvus, multis cum egregiis monumentis, ad vos salvos redeat. Scire itaque aveo ubi nunc sit, quosque de eo ultimos acceperis nuntios. Rogo etiam, ut ex tomis antiquarum lectionum Canisii, illum in quo Aldhelmi carmen de laudibus virginitatis ad me mittas. Mira petitio, inquis, post zonam nuper solutam pactasque nuptias istum librum velle legere. Sed literarum negotium hic ago: contuli enim libellum istum cum MS. in Anglia bonæ notæ: inde omnes suppleri lacunas, multa etiam corrupta restitui. Eam opellam recognoscere libet; quamvis nec mirum, si ut intelligere discam, mea bona, cupio Encomium legere ejus rei, quæ non ita pridem in prædam mihi cessit. Vale, Vir incomparabilis, & ut divinæ clementiæ, quæ senium tibi vegetum concessit, quamque ut diutissime concedat, oro, vivendi tenore te accommodes, interdum ride, ac hilaritate curas tempera.

Daventræ,  
ad diem vii.  
Cal. Febr.

Merito dedissimus,

devotissimusque tibi,

Johannes Freder. Gronovius;

Collegæ mei te vicissim humanissime, & observanter salutant. Ego quoque omni cum reverentia, Matronam tuam, & nobilissimum Junium tuum. Ad Cl. Barlæum de eodem oleo scripsi.

CCCLXXIX.

Incomparabili Viro Gerhardo Joanni Vossio, Johan. Freder. Gronovius  
S. P. D.

Audaciz meæ castigationem, & merebar, & metuebam, tanto munere Bibliothecæ tuæ impetrato, Vir maxime, tu benignitate tuæ etiam, ut modesta videretur petitio mea, effecisti. Rectè igitur & in tempore accepi utrumque fasciculum; gratias egissem citius, nisi una, quomodo beneficio tuo fuerim usus, cognoscere te voluissem. Et nunc igitur id facio lubens privatim, & publicè fecisse gaudeo, in commentario quam mitto, Pag. 85. & 23: de Sestertijs: atque hoc unum

fortassis



fortassis in Opusculo, cætera exspectatione tua inferiori, credo, tibi probabitur. Nihilominus rogo, obsecroque, ut vacuum aliquam horam nactus, lectione tua digneris, etsi quidem emendationem recipit, nec una litura satis absolvitur universum, in quibus excidisse videbimur, comiter moneas. Quid enim mirum, ubi tot errorum diverticula, summi viri vitare non potuerunt; ibi me quoque interdum à vera via aberrasse? quodque in illis in eam revocandis præstiti studium, id ab aliis, te præsertim, qui præter cæteros, & præcipue potes, me exspectare? Hoc effecisse me spero, ut nonnulli è turba eruditiorum, qui hæc legerint, in Veteris rei Nummarie summis enuntiandis, attentius, & consideratius sint locuturi: quod si illud accedit, ut aliquis ex vobis literarum rei Principibus, meo conatu incitatus, præcipuam quæstionem, doctius, & accuratius explicet, non minus id gratum erit, quam si ipse rem acu tetigisse judicabor. Erant nonnulla, quibus non inutiliter, opinor, plures paginas produxissem: sed quia inter edendum natis, & operarum instantia, & labores ordinariæ functionis, otiosius expendendi (in quo raro mihi satisfacio) spatium denegabant, in aliam occasionem, ea reservavi. Libros per occasionem remittam, aut si citius indigebis, ut quosque petes. Illud scire velim, consterne tibi, uter prior Budæus, an Portius sua publicarint: Nam neuter alterius meminit, & primus videri vult observasse, decies sesterrium, decies centena millia, nummum significare: item sesterria, non nummum esse unum, sed pecuniam seu collectionem mille nummum. Ego Budæo primum adscripsi, quem legeram; post, altero inspecto, dubitare cœpi. Isaaci tui fortuna non delector minus, quam si ipsi mihi contigisset; Deumque precor, ut sospes ad vos hospites cum Thesauris suis redeat, & tam doctam, sapientemque peregrinationem, summo cum literarum emolumento, & æterna (qualis tamen ante est) Vossii nominis gloria seculis commendet. Petri Fabri semestribus aliquando uti velim, si lubet, & carere potes. Adjeci tuo exemplaria tria incompacta, quorum unum Matthæus tuus, ad se recipiet, alterum Amplissimo Hoofdio, tertium Cl. Corvino, quod commodo fiat tuo, trades, cum officiosissima salutatione. Velim cognoscere, satisne tibi Latine videamur dicere *Locum* Authoris, quod Galli appellant, *un passage*, & vulgo receperunt omnes: *Locus Ciceronis*, &c. *correctus*; &

similibus; etenim cœpi & hic hæsitare. Unum rogo fortassis nimium familiariter, ut si legeris Libellum, & aliqua probaveris, verbo scribas, non sine aliquo fructu publico editum: Id autem peto, non vanæ ambitionis causa (à qua procul absum, & sic nunquam me ita frontem perfricuisse, ut hoc peterem) sed ut visò hoc testimonio, gaudeant illi, qui sumptum editioni præstiterunt, Curatores nostri. Eadem causa admisi, in fronte Operis triatum illum, post maximos Viros, &c. cujus me sanè pudet; sed hoc illice fuerunt invitandi ad nummos. Vale, & salve, Vir incomparabilis, cum gravissima Matrona tua, Liberisque, à quibus auctam tibi domum feliciter, & auguror, & opto.

*Daventria: Postrid. Eid. Decembris.*

Cl. Barlæo proximè scribam, & mittam exemplar una cum observationibus, quas promisi ipsi, necdum habet. Collegæ mei Dieftius, Christenius, Isendornius, te plurimum salutant.

## CCCLXXX.

Vir admodum reverende & Princeps Historicorum nostri Seculi,

SUMMAS T. R. gratias ago pro dono utriusque scripti tui pereruditi atque elaborati. Prius in quo de Christi genere annisque accuratè discussis, evolvere incipi. Quamvis cum tussi lenili interdum confister, non tamen ea sicca est, atque adeo aspera, ut pulmonem meum nimium quatiat, vimque molestam mihi aliquando pituitam pectore meo expellendi impediat. Qua vi munitus, utrumque munus meum; Academicum scilicet, atque Ecclesiasticum fortiter ac constanter etiamnum præsto. Quo nomine quamplurimi amici mei probitate atque ingenuitate tibi similes, mihi & coram & per literas familiares suas tecum gratulantur. Pro qua amica gratulatione, sicuti me tibi tuisque, ita me illis illorumque liberis ac propinquis summo perè devinctum esse lubens agnosco. Epithalamii in nuptias unicæ filiae meæ cum Johanne Pollione Edamensis Ecclesiæ quondam Pastore ante annos viginti septem connubio junctæ à T. R. conscripti, probe memini, illudque aliis carminibus tuis in Doctoratus mei Theologici honorem compositis adjungere decrevi, nec non cæteris versibus intimorum amicorum

meorum, tam veterum, quam recentiorum: sed priusquam illud faciam, ea de re privatum tecum, oblata occasione, colloquar, & cum eximio vate ac vicino tuo D. Barlæo, qui nuperrimè suo quoque epithalamio nuptias nepotis mei Johannis Pollionis condecoravit. Jussi nepotem meum nunc civem vestrum, ut amicitiam vobiscum inchoatam, quibuscunque poterit rationibus, foveat. Unum exopto, ut quanta, tum propter te, tum propter Conjugem tuam vultum ac mores magni Patris sui representantem, liberos vestros complectar benevolentia, aliquando ipsis reipsa demonstrare possim. Uxor mea te tuamque officiosissime resalutat, ac mecum precatur Deum Opt. Max. ut sanctis lucubrationibus tuis à cælo cumulatissime benedicat.

Dat. Leidam  
27. Decemb.  
1643.

T. R. addictissimus,

Joh. Polyander à Kerckhoven.

#### CCCLXXXI.

Vir Celeberrime,

**A**ccepi præstantissimum munus tuum, quod eo mihi commendabilius est, quia id à manu tua habeo. Fecisti sane, ut cujus eruditioni omnia summa hætenus tribui, ejus etiam humanitatem ac benevolentiam deprecicare debeam. Serius verò vices scribendi ad te occupandas censui, ut spatium haberem lucubrationes tuas evolvendi, quæ diffusam lectionem, raram eruditionem, & subactissimum judicium, adeoque characterem tuum ubique referunt. Gratulor mihi cæteroquin, quod pleraque quæ de Genealogicis Controversiis, & Anno Natalitio in dubiis meis annotaveram, suffragio tuo comprobari videam. Quod ipsum non parum me in eâ, in quâ hætenus fui, sententiâ confirmat: Dissertationem tuam de tribus Symbolis summa cum voluptate etiam excussi, ubi ea nos docet, quæ nondum animadversa à viris etiam eruditissimis fuere. Nosti verò ipse melius omnibus, in argumentis id genus varia occurrere, in quibus licet *improbo*, propter multa veterum dicta, in quibus non usquequaque sibi constant. Antiquitatis studium meritò à te commendatur, & eruditis omnibus commendatum esse debet, modò summa semper primæ antiquitatis habeatur ratio, & ad eam revocentur secula omnia sequiora. Quod & tibi ita videri certus sum. No-

bilissimum Salmasium reducem habemus, & ab ipso habebimus propediem varia Opera eximia, quæ affecta hætenus reditum Authoris, & ultimam manum expectarunt. Nihil nisi magnum & inusitatum ab utroque vestrum nobis & orbi literario polliceri debemus. Vale, Vir Celeberrime, & me ingentem eruditionem tuam suspicere, & Vossiano nomini, cujus summa ubique meritò Claritudo est, devotissimum esse persuasum habe. Scripti *ad te.*

Lugd. Batav. Id. T. omni cultu & officio,  
Jan. cl. loc XLIV.

Freder. Spanhemius.

#### CCCLXXXII.

**E**Lige sis, Vossi Amplissime, socordizne hoc silentii imputatum velis an occupationibus quarum in perpetuo me rotata & conflictata versari scis cum Politicorum, tum Aulicorum, item & præcipuè Militarium. Quidquid sit, fatale fuit, Barlæum, semel mihi elapsum, denuo inter nos commear, ne quid à me literarum traderetur, nisi tam amica manu. His omiſſis, gratiam habeo & referre velim, de munusculo imprimis grato; docto denique & præstanti, ut sunt tua; sine fucodiam, supra seculum omnia & ejusmodi, ut cum esse tu quidem desieris, paucis animus sufficiet talia aggrediendi, nemini vires exequendi. Perculisti me vero, mi Amice, adversa valetudine quacum te tres totos menses conflictatum nuncias. Absit, absit ingenti animo ægre ut sit in hoc tugurio! Neque vero deſici te pateris, qui in ipſo corporis languore tantæ rei manum mentemque adjeceris. Macte, mi ſenex, hoc vigore & ſtando quidem tu, id eſt hoc agendo quod agis mori deſtina. Differ autem hoc & protolle, quantum pote, ſi Patriam, ſi tuos, & in his me amas, qui te integerrimo affectu;

Haga-Com.Non. Feb. Tuus,  
cl. loc XLIV.

C. Hugenius.

Narrabam hodie Barlæo epigrammatica mihi hac nocte excidiſſe, quorum numeros non verba, tenerem. Occurrit unum commode quod eum ad ætatis fluxum & ſenii quaſi *terminum* ſpectet; ecce hic adſcribo, ut vel rideas, ſi tanti eſt, quæ in incendium



cendum hoc nostrum properè lusimus.  
Barlaeus secum portat.

In Clepsydam.

*Verto vitram? versæ redeunt ad munia stillæ:  
Quisquis heri liquor hac transiit, hic hodie  
est.*

*Dicite, quæis summo jam descendantibus ævi  
Monte parit primas ultima bruma nives.  
Vespillo non esuriat, si fata senectæ  
Clepsydam dederint vertere cuique suæ?*

CCCLXXXIII.

Vir Præstantissime,

**P**OSTquam D. Warnerus, unà cum pristini favoris testimonio, à te donum eximium mihi obtulisset; iter meditabar ad amicos Amstelodamenses, quibuscum, partim meo, partim aliorum nomine, expedienda erant negotia. Verum aliis curis iter remorantibus tandem læso pede impeditus, consilium mutare necesse habui: adeoque quam ore gratiarum actionem cogitabam, scripto consignare fas fuit. Siquidem limatum & eruditum scriptum tam multa me docuit, docetque, ut merito ingratus habear, nūd apertè fatear, & saltem gratitudinem polliceor. Jam demum verò agnosco, doctum eum demum censerī, in quo omnium scientiarum generā est invenire; unam atque alteram scientiam, licet exactissimam, non perficere eruditum virum. Quam se mutuo provehunt disciplinæ, si in una mente unam sedem fixerint; & ibidem de gloria certent! Sed quia rarò fit, rarò huiusmodi orbis lumina conspiciuntur, qualia Scaliger, Salmasius, Vossius alique paucissimi; quorum scripta ubi lego, & relego, cum summa voluptate, maximam percipio utilitatem, neque etiam satius me unquam tenet istorum librorum, qui abundantia sua, semper nova præbent fercula, quæ famem exasperant. *Aristoteles*, spero, initio ætatis accipies, at dissimillium muneri, quo me beasti; dissimillimum inquam valore & materia ipsa; quippe in quo Judæorum Leges forenses novo codice, puta, secundo cum Romanis confero: Humi serpens, & mediocribus insudans, cum nonnisi summa meditemini, interim eo animos sumo, quod vobis etiam placeam, meaque grata esse & fore confidam. Vale amicorum decus, & salvebis cum tua dilecta liberis-

que à nobis omnibus, imprimis ab eo qui permanet

*Lugd. Bat. 5. Kal. Virtutum & eruditionis  
Mart. a. peractæ  
Salutis 1644.*

tua Admirator,

C. L'Empereur.

CCCLXXXIV.

Salve Vir Clarissime & Præstantissime,

**E**T si multo gratissimæ mihi fuerunt literæ tuæ, quas Nonis Novemb. anni 1642. datas mense demum Augusto anni superioris accepi, rescribere tamen adhuc distuli, partim quod non esset, de quo scribendum videretur, partim quod Isaaci tui, vel nostri potius, literas expectabam, quibus me de itineris sui processu exituque certiore faceret. Sed quoniam ille nostri omnino oblitus videtur, *Aio* certe locuto litare, quomodo Liphius noster aiebat, parum pensi habet, nolui hanc tui salutandi occasionem amittere, quam mihi offert nobilissimus & literarum amantiss. Juvenis, Eques Danus, qui has tibi reddet, vivæque Epistolæ fidem de præsentī vitæ meæ statu distinctius omnia narrabit. Ipse quid rerum geras aut moliaris, scire quidem studeo, recteque omnia esse magna cum voluptate accipiam; nec tamen propterea te ullam temporis partem seriis tuis subtractam mihi expensam ferri postulo, cum satis mihi sit, ex Isaaci literis de vobis quæ velim cognoscere. Tū fac ne cessare eum patiaris, utque illis Pervigiliis verbis subinde aures ei personent,

*Perdidi vocem tacendo, nec me Phæbus respicit.*

*Sic Amyclas cum tacerent, perdidit silentium.*

Pieruccius noster, Pandectarum publicus jam Interpres, utrique vestrum plenissimam amoris & officii salutem verbis suis adscribi petiit, quos & ego ex sententia rem gerere ac valere precor ac voveo.

*Paravis ad diem Tui amantiss. & observantiss.  
12. Mart. 1644.*

Gaspar Scioppius.

L I 2

CCCLXXXV.

CCCLXXXV.

S. P.

**C**onstitueram equidem, Vir longè clarissime maximeque, literis meis nunquam tibi molestus esse; ut tamen nunc tandem aliquando veniam polliceri mihi ausim apud te, facit eximius tuus erga me favor, quam ne apud illos nostros quidem dissimulasti qui in transcurso tantum te salutarunt. Tum vero officii mei esse iudico saltem semel manu & scripto testari, me esse inter singularis doctrinæ ac virtutis tuæ admiratores ac cultores non unum è multis. Id quod uti tibi persuadeas, est profecto quod etiam te atque etiam rogem. Ejus rectius testandi ergò nunc mitto quæ elapso anno edidi historici argumenti. In quo genere quoniam te primum æstimo, tuæ censuræ unice omnia submitto. Haud diffiteor procul à meo munere & vitæ genere, (ut qui totus praxi Medica occuper) esse quicquid istuc est studiorum, sed protractus sum invitatus in hanc scenam, ab iis qui novis artibus clarissimæ veritati nebulam objicere in laude collocant. Calixtus noster longam tibi vitam ac vegetam senectutem juxta mecum precatur: mitique per me voluit tibi disputationes quas proxime habuit de Transubstantiatione & visibili Ecclesiæ Monarchia, quas totidem ejusdem argumenti haud multo post sequentur. Haud dubito non ingratum fore munusculum hoc profectum ab homine ut tui studiosissimo, ita ejusdem tecum in sacris negotiis sententiæ, hoc est, animi Ecclesiasticæ concordia cupidi, cujus (proh dolor!) hodie sunt paucissimi. Vale Vir optime & maxime, & me porro benevolentia prosequere.

Helmstadii.

cl<sup>o</sup> loc xlv.

17 Martii.

Tui Cultor,

Herm. Conringius.

CCCLXXXVI.

Clarissime Vir, Amice &amp; Fautor exoptatissime,

**D**issertationem tuam geminam, de Genealogia & tempore Nativitatis & Passionis Christi, à te donatam mihi, gratissima manu ac mente accepi: & ut legi, miratus sum summam in Antiquitate experientiam, ac Nestoris annos tanto auctori precatus sum, ut ex tanta experientia complures ejusmodi tractatus, in Ecclesiæ commodum, protruderentur.

Quàm vellem de nonnullis istius dissertationis tecum conferre, nisi molestum tibi esset: Sed accipe hæc pauca. Quæ de Panthere affers, non parum me erudivere. Est inter Judæos liber Blasphemus, Sopher-Tholedoth Jesu inscriptus, quem olim descriptum habui, sed D. Buxtorfio concessi, eo quod publicationem ejusdem cum Notis promitteret: in illo, memini me à D. Buxtorfio audire, Petri filium ex adulterio Mariæ fingi Jesum; hinc suspicabar Petri nomen esse *מרת*, pro *מרת*, quum soleant Dagesh in Nun resolvere alicubi Chaldæi: Buxtorfius affert nomen *מרת* in Lexico Chald-Rabb-Thalמודico, ibique allegat eundem libellum *מרת*: sed apud neminem ex Scriptoribus Christianis illud nomen inveniri scribit, quam apud Damascenum; id quod video, ex Dissertatione tua, aliter se habere, quum & Epiphanius, & Origenes, hoc habeat. Porro, in assignanda causa Festi Natalis Christi, constituti in Decembrem, miror à te non fuisse additas duas alias, quas observavi. Prima est ex Joh. iii. 30. Illum oportet crescere, me vero minui. Verba sunt Johannis Baptistæ, de Christo. Hinc Johannis Baptistæ Festum in Solstitium æstivum, quo incipiunt decrescere dies, Nativitatis Christi in hybernium, quo crescere, constitutum videri possit: ut insinuat alicubi Prudentius, si recte memini. Altera est, quia mense Decembri celebrabatur Festum Matris Deorum; cui surrogatum Festum nati filii Dei; idque pia, ut loquuntur, fraude; quam & tu ipse alicubi insinuas, de Christi mense dieque natali, Thesi III. Hæc nunc sufficiant, ne te ceteroqui satis occupatum obruam. Cæterum

Qui has tibi offeret, doctissimus Juvenis, Polonus est, Rutgerus Hermannides, olim meus Convictor, nuper in Gallia magnis rebus adbibitus, nisi mors Richelii intercessisset. Philosphiæ ille ac Theologiæ hætenus operam dedit, quidque profecerit in sermonis elegantia, tu ipse rectius judicare poteris. Patriam hoc rerum statu repetere vix audeat: & sunt, qui tantum ingenium hic detinendum, atq; majoribus aptandum, judicant. Id vero, si fieri debeat, scio, nullum se in Hollandia certiorrem atq; promptiorem commendatorem aut promotorem inventurum, Clarissimo Vossio. Hoc igitur nomine eundem tibi commendare volui, ut sive Pædagogia aliqua inter Mercatores vestrates, (aut Proceres aut alios) requiratur, sive Rector Scholæ, aut Professor alicubi petatur, sive quocumque



quocunque alio modo, eum commendes, quo vel sumptus studiorum continuandum tolerare, vel talentum creditum rectè locare possit. Non dubito, ingenium huius Juvenis ipsum tibi placiturum, vel nemine commendante. Quocirca confisus humanitate & benevolentia tua, abrumpo; & ut me amare pergas etiam atque etiam rogo. Vale. Deus te diu nobis incolumem præstet.

*Dabam Daven-  
triae An. 1644.  
vi. Idus Aprilis.*

*T. Cl. observantissimus,*

Henricus à Dieft.

Iusseram Janſonium tibi offerre meo nomine Theologiam Biblicam, nuper à me editam. Eam si necdum acceperis, procurabit, qui has tibi offerret, Rutgerus Hermannides.

## CCCLXXXVII.

*Excellentissime Domine,*

**N**Ostræ antiquæ familiaritatis tesseram bonis avibus, sub auspiciis magni Molini olim initæ, fractam deprecans coram tuo Isaaco filio Luca, Juvenis eruditione modestiaque singulari eam interpolandam curavi, eique ad te literas mittendas tradidi, quarum responsionem adhuc desidero. Juvenem illum tui vivam imaginem præ se ferentem, eâ, quâ potui, humanitate sum prosequutus, quem iterum Lucam petiturum summis votis operiebar. Sed spe frustratus, en iterum ad te literas exaro amoris, & observantiæ in te meæ testes locupletissimos. Te semper veluti numen literarum colui, tuæque typis edita exosculor, veneror. Rhetoricam, Grammaticamque tantum habui; si quid præterea in lucem editum, cura ad nos perferendum.

Hujus Epistolæ lator erit Sanctes Pagninus adolescens indolis præstantia, natalium splendore, modestiæ dote præclarus, nepos magni illius Sanctis Pagnini Sacrae Scripturæ interpretis, ubique terrarum notissimi. Istam petit urbem, negotiis operam navaturus. O quam vellem hunc tibi de meliori nota commendatum! Tuo patrocinio, clientelæ tuorum filiorum trado, addico. Hic à patriâ non degenerabit claritate, & probitate. Huic, obsecro, responsionem, literasque tradas ad me: illæ non aberrabunt. Operum tuorum Indicem mitte, vel si quid habes levi ma-

nu promulgatum illi tradè; tua enim mihi aurum coronarium, tuæ literæ ad me exarata in Cimeliarchio repositæ servantur. Te numen & lumen passim deprædico. Quare te obsecro, ut tui Cultorem benignus respicias, tuis responsis digneris.

Amaltheam Onomasticam jam diu in lucem edidi; bonis avibus? ignoro. Tuum de ea judicium opperior, quod semper in me benignissimum sensi in Polymathia, quam auctam, & Amaltheam etiam, ex unis geminas factas video. Quid si per te ibi typis recuderentur? Sublimi ferirem sydera vertice. D. Isaacum filium, si ibi tecum, meo nomine salvere jube. Ille saltem mihi tuo nomine rescribat. Tibi denuo ex animo commendo Pagninum, meque tuo patrocinio singulari. Deus te fortunet ad Pylios annos.

*Luca Non. Eruditionis probitæque  
Apr. 1644.*

*tua ex asse mancipium,*

Josephus Laurentius.

## CCCLXXXVIII.

*Incomparabili Viro Gerardo Joh. Vossio, Jonannes Fredericus Gronovius S. P. D.*

**A**Ccepi, Virorum maxime, redhostimentum ingens pro munere exiguo totque nominibus debito, ut omnem muneris gratiam dudum perdiderit: accepi nihilo minoris pretii epistolam, non qualem mereor, sed planè qualem desiderabam, & aliquid amplius. Si expectasti ut ex gratiarum actione mea magnitudinem uberis tuæ & prodigæ humanitatis æstima- res, oportet te falli: neque enim studio meo & cupiditati faciendi eam quam amplissimam verbis sufficio: sed quandoquidem optimus es, animum, ita me Deus, optimum facile interpretaberis. Collegæ debita cum reverentia lætitiæque acceperunt aureum munus tuum, meque gratias ingentes agere suo nomine iusserunt; id quod etiam coram faciet Clar. Christenius cis paucos dies, siquidem has, quemadmodum promisit, cras profectura uxor ejus portatura est. Libros nondum remitto, quia per studiorum varietatem nondum illis usus sum satis; neque tamen in moræ ero, si te aut omnibus aut aliquo ex iis indigere te significaveris. Gratissimæ fuerunt

runt literæ Isaac tui, sed miror nihil eum cogitare de reditu; certè ne verbo quidem spem de eo propinquam facit; itaque &, quibus respondi, quasi Lutetiam iturum inscripsi. Fasciculum ad Crocium nostrum pridem destinatum, quia non habeo, cui commendem, denuo te respicere fidemque tuam interponere necesse habui. Quia enim interdum ad eum scribis, offerri tibi occasiones puto, aut facile resciscere per tuos lubet, si Nautæ Bremenenses adsint, quibus committatur. Ad des igitur hos tuis erga utrumque nostrum meritis, nisi grave est. Vale, Vir incomparabilis, & salve à me meaque cum tua & gente & animo Junia, totaque domo.

Daventriae ad diem x. Kal. April. clō Idc XLIV.

Si scirem ubi nunc ageret Franciscus Junius V. Cl. affinis tuus, libenter ad eum exemplar mitterem, & memoriam ei humanitatis, qua Londinii sibi me devinxit, confiterer.

CCCLXXXIX.

S. P.

Vir Clarissime & Doctissime, Amice & Collega observande,

PETIIT à me D. Rosayus ut ei ad te viam aperirem. Vir est elegantis ingenii, promotus Doctor Medicus, in Mathematicis & aliis Philosophiæ partibus bene versatus. Quid quærat vel optet, ipse tibi exponet. Si possis eum in suo proposito juvare, non conferes beneficium in ingratum aut indignum. Scripsi ad D. Calaubonum, eique gratias egi pro munere, quod ipsius nomine à te accepi. Nunc tibi & D. Matthæo filio tuo gratias ago maximas pro tertia parte Historiæ, quam mihi, ipsius nomine, reddidit D. Senator Dubletius. Aduit mihi hodie Doctor Forbesius autor Lucubrationis cuius primam partem tibi communicavit Elzevirius. Ipse Amstelrodamum se confert, ut cum Typographis agat; habet enim tertiam partem absolutam. Te inter primos salutaturus est, & dignum iudicabis tua admissione & benevolentia. Affinis meus Molinæus adhuc cum diuturno illo morbo conflictatur; subinde tamen aliquas Conciones habet, cum ea iudicii lima, quæ nihil redolet morbi. Misit huc Philosophiam suam, id est,

præter Logicam, Physicam & Ethicam, eadem Methodo brevi & perspicua. Expectamus hic D. Salmasium, cum Epistola de Coma, quæ valde comata est, quia cum promississet unum folium, excrevit ad octodecim vel vigintri. Reliqua ipse tibi indicabit. Nos hic valemus, Deo gratia, tibi que & tuis omnia fausta expetimus.

Rep. v. Id. Maia. Tuus omni affectu & officio,  
clō Idc XLIV.

Andreas Rivetus.

CCCCXC.

Eupantus Tylibertucio \* suo, \*Tylibertucius,  
avide hætenus expectato & est Blüreswye.  
expetito, S.

TAndem igitur ades! Gaudeo & lætor vehementer. De dignitate Senatoria intellexeram, quam & tibi & Dominae Conjugi, totique familiæ quam solenniter tam candide gratulor, plurimum profecto & ipse in hoc honore tuo consecutus. Indigebam & apud Sicambros nostros amico, indigebam Tylibertucio, qui & ingenii & eruditionis & prudentiæ ornamentis splendens literarum, quasi in nocte jacentium, fortunam illustraret. Non adhuc pretium suum apud gentem, sive Mercurio sive Marti deditam, ingenuæ Artes invenere. Atque ego cum in historia Patriæ occupari potuissem, neglectus sum. Jam quid præstem? Consenui: nisi post Imperatores Austriacos, quos absolvere nunc statui, Duces quoque Geldriæ representem. Te expecto, ut uberiores de omnibus sermonem instituam: imo ut audiam tuis tot Amicos verbis loqui qui honorem genio tuo, & sic meo habuerunt. Sed quid ais? † Verultham  
† Verultha  
est Walther.  
gravi Morbo affligi vehementer doleo, nostra, Literarum & reipublicæ causa. Servet Deus Virum, qui in exemplum veræ bonitatis humanitatis & elegantie natus est; ille meus, ille tuus, ille bonorum omnium. Votis locus est, quæ summum Numen ut spero, audiet; & magnum nobis Pacis conficiendæ momentum corroborabit. Cæterum res meæ, ut solent; valetudo pro ætate, studiâ pro valetudine. Bivium tamen vitæ humane paratur ut publici juris fiat. Aphorismi Politici partem rursus lectionum atque dissertationum constituunt: quod opus, nisi fallor, decumanum erit, & decumanis quoque typis dignum.

Quid



Quid etiam? Imperatores in manu sunt una quidem opera Fredericus & Maximilianus, ut reliqui deinde Carolo adjungantur. Hæc Angellistini Epistola te vel maxime spectat, & quasi ad te directæ. Mitti sibi optimus eam parentius cupiebat. Mitto sed ut à te accipiat, cum uberrimo salutis voto. Arcis negotium quod in se suscepit, hac occasione commendo. Te rogo ut cum venies, conferre utrumque Diploma literasque Regias à sanctiore Ærario confirmatas, velis. Sic nunc te complector toto animo & latum felicemque esse jubeo, latam Domini quæ tam feliciter te recepit. Salveat Eubila noster: tu salve, vale, iterumque vale.

*Lovanii in Arce 3. Eid. April. cl. Idc XLIV.*

Siquid de *Mentalco* \* certi, quælo sciam. Stemma ejus apud Eubilam videris, hic te exemplar expectat. Remitto fasciculum, Caramveli inscriptum, is enim in Germaniam jam Abbas profectus est.

*Lovanii in Arce Eidib. April. cl. Idc XLIV.*

O tristem optimi Verulthæ & nimis repentinum casum! In uno malo plura mala. Sed unum tamen maximum; quia qui dignissimus longiori erat vita, sic nobis & Regi & Reipublicæ ereptus. Hæret & mihi animus, hæret calamus, & quasi obstupescit. Idcirco quæ scribenda erant differo vel etiam ut in sermonem conjiciantur. Ergo nec de Arce jam dico, nec de altera petitione, quam non unis jam literis Hamirefio commendavi. Mentalcus & suas partes exequetur. Te videre & complecti cupio. Vale.

*xvii. Cal. Maias cl. Idc XLIV.*

Ab Aheno alterum jam fasciculum accepi, in quo præter tabulas Geographicas imago D. Vossii erat vere pulchra & venerabilis, in pretio habenda mihi & honore, sed tu nimis in me effusus es & propemodum liberalitate peccas: bene rursus meritorius: si gratum me esse fiveris. Erat quidem in Epistola fasciculus, & sic tamen loqui vel maxime videbaris, ego potius qui nunc scribo mutus sum quia munus nullum mitto. Veni, veni, ut dare possim.

CCCXCI

V. Cl. Gerardo Joanni Vossio  
Janus Vlitius S.

Immemor profecto omnis beneficentiæ & benevolentiae tuæ fuisset, Virorum decus, quæ etiam puerum me totum tibi devinxisti; si non isthac saltem occasione memoriam studioque tuo, quo omnes vel mediocriter ~~valeremus~~ prosequutus semper es, me insinuarem. Aut si id nimium audacis est, mandata exhibeo. Fasciculum isthunc à Cognato Blittersvicio Bruxellæ mihi commissum, ab Affine tuo Fr. Junio, quem Antuerpiæ, dum Arondellium Comitem resalutatam ibam, & jamdudum in domitione nostra ex Anglia familiarem habere contigit, salutem plurimam tibi, tuæ, tuique. Parem à Puteano Heroe, quocum aliquandiu Lovanii otium egi, quod regioni isti intensissimus calor indixerat. Ibi dum essem, de reditu Isaaci tui (at quanti Viri!) rumor increbuit, quem faustum illi omnes fovebamus, quanti interesse censebamus. Vivat dignus pater filius; & dignissimus, qui vivat, pater. Ego interim rei domesticæ insudo; Uxorem, Senatoris Hesselii filiam, duxi; apud quem commoramur. Quo mandata tua, si qua pro jure, quod summum in me habes, imperas, ut dirigeres, scire hoc te volui. Vale, Decus meum, & quo olim cepisti favore, prosequi porro ut digneris rogo. *de m. x.*

*Datum pridie Idus Sextilis, Hæge. cl. Idc XLIV.*

Quas addo, Daventuriam ad communem nostrum amicum deferendas, quia discesserat hinc tabellarius, ne grave sit curare.

CCCXCII

Amplissime Domine,

Inclusas Alosto ad me misit Guilhelmus Hefius, ut ad Amplissimam Dominationem tuam destinarem. Nuper scripsit ad me Madrito D. Laurentius Cocchi Italus, aliquot Nunciorum Papæ in ista Aula Secretarius, percunctatusque est quid iis literis sit factum, quas ante annum alterumve Domino Vossio inscriptas, mihi tradi unâ cum libro Hispanico curarat.

rat. Si otium esset eruditissimo Viro, ut paucis ei rescriberet, rem mihi gratissimam faceret; vereor enim ne, ut est genius Itatorum, se vel ab eo contemptum, vel à me delusum existimet. Vale, Vir amplissime, eique & à me & obsequia omnia defer, & salutem plurimam precare.

Amstelredam. vi. Junii 1644. Ampliss. Dominationis tue

Humillimus Clientis,

Johan. Bollandus.

### CCCXCIII.

Clarissime & eximie Vir, Domine & Amice plurimum honorande,

**L**iteras tuas, unà cum adjuncto Librorum tuorum eruditissimorum dono, scriptas xv. Kal. Quint. anno cō iō c xlii. hoc demum anno iv. Kal. April. accepi. Miror, ubi tam diu delituerint; nec ipse minus, sine dubio, miraberis. Ante annum & quod excurrit, proficiscebatur ad vos quidam meorum familiarium, Mauritius Bonerus. Ei nonnulla ad te perferenda tradideram, quæ an reddiderit, nondum me docuit. Credo literis ejus idem contigisse, quod tuis; & forte adhuc è lacubulo alicunde advolaturas. Pro munere autem illo tuo, si quantas meretur, aut quam acceptum fuit, tantæ agendæ sint gratiæ, fateor mihi verba defore. Imprimis verò animi tui candorem & moderationem cum summa eruditione conjunctam veneror. Has tibi reddet nobilissimus juvenis Johannes Christianus à Boineburg, dignus sane, quem tuâ benevolentia complectaris. Hyemem quæ præterit, apud nos hic exegit, commendatus quidem à serenissimo Principe Ernesto Saxonie Ducis, sed à suâ ipsius virtute & discendi cupiditate longè commendatior. Quali latratu artifex novus, qui à nobis ad partes transit, & apud vos hodie degit, me infestat, non potes ignorare. Sed feci ei potestatem latrandi, quantum & quamdiu libuerit. Moguntia: pari rabie in me nuper insurrexere: quibus tamen respondebitur, ut veritas vindicetur. Prodebunt etiam hæc æstate, si Deus annuat, Exercitationes de visibili Ecclesiastica Monarchia, Transubstantiatione, Sacrificio, Pontificiis oppositæ. Tenuia sunt quæ his adjunxi; inspicies

si vacat. Deus te diu servet incolumem bono publico. Vale.

Tui amantissimus

Ex Acad. Julia quæ est Helmstad. x. Kal. Jun. cō iō c xlii.

& observantissimus,

Georg. Calixtus.

### CCCXCIV.

Vir maxime,

**N**æ malum nomen sum, qui tamdiu sum in ære tuo, necdum me à nexu libero. Præclara ingenii tui monumenta me totum tibi obstringunt, ut nihil dicam de humanitate, qua filium meum adolescentulum illotum, tam arctè complexeris. In prima occasione tentabo an officio meo satisfacere possim. Emersi hisce diebus per Dei gratiam è gravi & periculoso morbo. Pituita enim cerebrum meum ita pertinaciter occupaverat, ut per menses aliquot à suggestu Ecclesiastico me excluderet, defluens ad asperam Arteriam & cannas pulmonarias, unde raucedo, in senibus vix sanabilis, oborta fuit; quam tamen per Dei gratiam dieta & pharmacis hac vice absterfi. Ignosces, Vir summe, quod meritis tuis non respondeam, ex quo plurima disco. Jam commendo Henricum Thalemejerum, Theologiæ studiosum, Lippiatum, qui venerandæ caniciee tuæ manus exoculari & salutigerulus esse amat. Hoc volui. Bene vale & salve, amicorum & virorum, quos suspicio, maxime.

Excell. tuæ studiosissimus,

Brem. 1. Jun. cō iō c xlii.

Ludov. Crocius.

### CCCXCV.

Vir Clarissime,

**E**X quo humanissimis pariter ac doctissimis colloquiis me dignatus es, varius me & infelix casus volvit ac revolvit. Invalescens enim, qui jam à multis mensibus inceperat, parentis mei morbo, vix Flandriam, habitationis locum, pedibus calcaveram, quin illico reducem me in Hollandia non exoptant modo, sed & quam maxima festinatione revocant. Et ut



ut quamplurimum malum unum premit aliud, ita funestum illud, de desperata parentis optimi valetudine, nuncium, alio multo tristiori comitatum ad aures meas pervenit, nempe eum miseram hanc vitam beata morte commutasse. Qui quamvis ultimus Christianorum & exoptatissimus sit terminus, ut qui animam è miserrimo huius corporis ergastulo demigrantem, sperata beatitudinis possessione beat, dici tamen non potest quanto hoc ipsum mœrore animum meum percussit; præsertim cum oculos in fratres sororesque converterem, parvulos adhuc, qui pio pariter ac solerti patre orbi, variis rerum casibus subiecti, & diluvio declinantis orbis obiecti videntur. Hac in causa sunt, V. Clar. quod promissis meis de mittenda Ecclesiarum Zelandicarum *εὐχαριστία* ad Ecclesias Anglicanas, hæcenus non satisfecerim. Verum tristissima animi fluctuatione utcunque pacatâ, ubique sollicitè inquisivi, ut quod addixeram effectum darem. Quod nunc præsto. Si quid hic est præterea in quo opera mea aliquid tibi commodum afferre queat, felicem me prædicavero, si literis hoc indicaveris. Porro, summopere mihi & Ecclesiis nostris gratulor, quod & tu V. Clar. super intricata de pilis controversia sententiam tuam aperire voveris, utinam id aliquanto prolixius factum fuisset. Sed non video quomodo Cl. D. Salmassius p. 25. f. tantam alendis comis licentiam concedat, cum ipse ore mihi dixerit, intonsos capillos, vel intonsis similes virorum naturæ prorsus contrarios esse, quum sane (ut dicebat) gestari non possint efflui, sed necessario, foeminarum instar, sollicitè repurgari, religari & variis nodis vinciri debeant, quod viros utique non decet. Hac de re tecum Vir Cl. præsens, si occasio ferret, libenter sermones miscerem, ut & de aliis nonnullis, quod in aliud tempus differre cogit necessitas. Sed gravissimas tuas, quibus Ecclesiæ & Reipubl. bono implicatus es, curas, literis prolixioribus interrompere religio mihi est, eoque finem facio, summum numen supplex orans ut te, Vir Clar. Ecclesiæ suæ & orbi literato diu servet incolumem.

Dabam Ardenburgi  
17. Aug. Æra Chr.  
1644

*Illustriss. nomini*

*tuo dicatissimus,*

Daniel Gravius.

CCCXCVI.

Gerardo Johanni Vossio, V. Clariss. &  
Eruditiss. D. Joseph. Laurentius  
S. P. D.

Totus in læticiam diffusus frontem exporrexì, cum tuas tamdiu exoptatas vidi, legi, relegi, spirantes adhuc antiquum in me amorem, Lethæis nunquam delectandum aquis, vel locorum longinqua intercapedine. Te enim semper ut literarii cœli solem colui, tuum filium suspexi, tuæ scripta Palatino cimeliarcho non indigna tanquam sacrosancta cum veneratione pertracto; sed vix unum atque alterum exemplar in nostra urbe, adeo rara, quia præclara. Ego Rhetoricam contractam, Oratorias Institutiones, & Grammaticam, & nihil præterea habeo, aveo tamen reliqua typis tradita nosse, quæ curabo ad me perferenda. De recudenda Polymathia cum Opusculis Philologicis, item Amalthæa cum auctario multo ad trientem usque, adeo ut opus ferme in duplum excreverit, imprimendum in folio, ut dicitur, utrumque te obsecro pro eâ, quæ inter nos maxima intercedit familiaritas, ut urgeas, instes, omnem moveas lapidem pro amico tam charo, qui se suæque tibi nexa mancipioque devovit. D. Isaacus si rediit (ut spero) incolumis, à me plurimum salveat, quem sequestrem voveo inter me & Typographum, cum quo agat sedulo, serio peragat, meque certiore reddat per eundem Pagninum, quem tibi de meliore nota commendavi. Si quid in Italici oris scire cupis, aut habere, me tibi Jovi Mercurium cense, qui statim tabellis alatis nunciabit, aut asportabit, quæ tibi in votis. De D. Balthasare Bonifacio mihi amiciss. nihil mihi certi, per proximum Tabellarium aliquid scribam. Heinsius, Farnabius, adhuc in vivis? Literatorum proceres ibi & alibi agentes nosse percipio. Italia nostra destituta luminibus jacet in tenebris. A tuo filio de hoc certior, oculato teste fies. Mihi vivere cupiens & amicis sexagenarius ad coronidem perduxì publica stipendia, rude jam donandus, emeritum meritis, sed non recepturus, quæ est publica horum temporum calamitas. Literis aliquando te compellabo, (ah ne dedignere) respondeat D. Isaacus, ut tibi parcas bono publico valde laboranti. Me tibi commendatum ex corde amantem redama. Ita Deus

M m

to

te tuaque fortunet, felicitateque maectet  
æterna. Vale.

*Lucæ Id. Aug. c. 13 l. 3 c. 11 v.*

## CCCXCVII.

S. P.

**B**iennium est & semestire, cum binas  
tuas literas grata manu & mente ac-  
cepi, viva certè Vossianæ humanitatis &  
nivei candoris exemplaria. Etenim ex  
iis intellexi commendaticias meas, quas  
optimi juvenes Dunsius & Erasmus  
Hammelius tibi meo nomine tradide-  
runt, plurimum ponderis apud tuam  
humanitatem habuisse. Hunc affectum  
in me & meos gratissima mente, uti par  
& æquum est, complector; ac voveo vi-  
cissim datum iri mihi occasionem de te  
tulisse bene merendi. Hocce mutuum ac  
meritum gratificandi tibi studium auxit  
donum illud eximium, quod humanissi-  
marum literarum velut benignum quod-  
dam auctarium esse voluisti. Posthumum  
scriptum indigito à filio tuo charissimo  
b. m. DIONYSIO VOSSIO elaboratum  
maximè cum ingenii & eruditionis laude.  
Ego illud inter rara meæ Professionis *num-  
era* numero. In eo non unum Musarum  
certamen iniri jucundo quodam oculorum  
spectaculo observare licet. Interpretes *i un-  
guentis* ætate minor grandævo Mosi Mai-  
monidæ (sit venia Homérico & Virgilia-  
no Patronymico in Prosa) autori scripti  
Rabbinioci de Idololatria, viro magnæ au-  
thoritatis & celebritatis apud Rabbinos  
& Christianos Ebraicæ Linguae æstimator-  
es haut cedit. Imo quo magis præstat  
puritas Linguae Latine Rabbiniſmi farra-  
gini, eò laudabilior est interpretatio ipso  
textu. In Commentariis verò tres Linguae  
cardinales certant de Primatu. Agmen  
ducit Rabbinicæ Antiquitatis peritia, &  
Ebraicæ Literaturæ cognitio ætate juvenis  
unum & viginti annos nati major, atque  
veteranos in admirationem rapit. It co-  
mes Græca & Latina, notisque grande  
decus & lumen addit. Etiam Ecclesiasti-  
cæ antiquitatis radius subinde Lectoris ocu-  
los ferit. Hæc omnia in Drusii monu-  
mentis & aliis id genus paucis comparent.  
Aulim affirmare, si, postquam ex eph-  
ebis excessit, tanta dexteritate Codices  
Rabbinorum evolvere potuerit, atque eru-  
ditis Commentariis illustrare; quod ætate

grandior redivivus Drusius audiisset, si  
coceptam horum studiorum telam pertexere  
ipsi fuisset propositum: sed aliter visum  
sapientissimo Deo, humanarum rerum mo-  
deratori summo, cuius opera & judicia  
quia nobis sunt abyssus, ideò sola venera-  
tione metiri ac complecti ea obligamur.  
Ut autem debitam animi gratitudinem ali-  
quo indicio adprobare tuæ humanitati:  
ecce prodit de paupertinâ musei mei sup-  
pellectile gemina Exercitatio antiquitatis  
literariæ, si non tuo muneri dignitate par,  
saltem ob mittentis affectum & gratifican-  
di studium, haut ingrata, uti spero, tibi  
futura. Claudet epistolam, qui eam ex-  
hibet, Nicolaus Matthiæ juvenis ab eru-  
ditione, modestia, vitæ integritate, aliis-  
que virtutibus commendatissimus, quem  
ut tuo amore & favore in posterum com-  
plecti velis, salutaribus studiorum consiliis  
sublevare, atq; peregrino patrocinari haut  
grave ducas, inter maxima publicarum ac  
privatarum occupationum gravamina, qui-  
bus te in dies, imò horas districtum teneri  
novi, præsentis scriptionis votum & sum-  
ma est. Raram tuam humanitatem erga  
se literis ad me scriptis oppido deprædi-  
vit Dunsius, adeo ut aditum ad tu-  
as Musas subinde sibi patere gratus agnos-  
ceret. Quod si præsentem, qui in poste-  
rum à tuo ore pendere constituit, simili  
benevolentia dignum judicaveris, præ-  
ero collati hujus in Nicolaum nostrum  
favorabilis beneficii te haut pœnitebit, &  
parens honoratus Regiæ hujus Metropolis  
civis maximopere demereri conabitur,  
apud me verò ejus memoria erit semper-  
na. Vale, Vir summe, summoque studio  
bene de literis ac literatis mereri perge.

*Hammæ Kal. Oct.  
c. 13 l. 3 c. 11 v.*

*Tui nomini addictiss.*

Tho. Jo. Bangius, M. S.

## CCCXCVIII.

Clarissime & Celeberrime Vir, Amice & olim Colle-  
ga conjunctissime,

**N**ON possum pro nostra amicitia quin  
tibi gratuler felicem reditum Isaacii  
tui, quem in transcurso tantum vidi, &  
velut fulgetrum. Occupati fuimus tum in  
S. Cœnæ præparatoriis; quæsi eum sub  
vesperam diei dominicæ apud Senatorem  
Dubletium, apud quem existimabam eum  
divertisse: qui mihi significavit hospitio  
materteræ fuisse usum, & abiisse paulo  
ante



ante Leydam, ubi expectabatur à D. Salmasio qui conquestus est se prateritum fuisse. Causam satis conjeci, quod à me ipso intellexerit recenter, morbum illum qui tibi duos abstulit filios, filias ejus binas intra paucorum dierum spatium letho dedisse. Sed id resarciri facile poterit per literarum commercium, missis, si quos habet pro illo, fasciculis. Cum autem ad te redierit auctus divite suppellectile intus & extra, spero eum deinceps tuo consilio; & amicorum flagitationibus concessurum, ut publici juris faciat nonnulla, quorum editione doctos & pios sibi devinciet; præsertim si Ignatii Epistolas quas habet pleniores ex Manuscripto Florentino nobis communicet. Qua de re paucis apud eum egi, monitus ab ampliss. Sarravio, qui id enixe petierat. Samuel Bochartus affinis meus per literas suas testatus est, quantum debeat filio tuo, qui ipsius causa à via tantopere deflexerit, ut Cadomi eum inviseret, qui ex communicatione cum eo non dubitat quin patris vestigia sit sequuturus. Narrabit etiam tibi quid molietur vir ille doctus, & quæ ipsi fuerint objecta impedimenta ne quod susceperat peregerit, aut isthic peragere spes aliqua superfit, ubi tyrannis etiam in bonas literas sævit, erit à nobis juvandus in parturitione foetus utilissimi. Tentabimus [nempe quia Cl. Viri L'Empereur & Golius possent emendationi præesse.] J. le Maire, quod se facturum suscepit D. Salmasius. Si minus succedat videndum erit, an commodè Amsterodami cudi poterit opus tam varium & tot Linguarum Characteribus aspersum. Tu cum filio poteris juvare & nobis consilio præire. Hic expectamus brevi nostros bellatores, & intra biduum Gynecæum, qui hætenus per semestrem solitarii viximus. Causam intellexi à D. Dubletio, cur spe nostra frustrati fuerimus qui te expectabamus, ut hic in amplexus tuos veniret filius. Firmet Deus valetudinem tuam, & D. uxoris tuæ, efficiatque ut diu filii superstitibus senectutem vestram solentur, & pulchra prole beent, tam corporis quam animi. Affinis Molinæus semper cum veteri morbo conflictatur, ita ut tamen supersint vires quibus die & nocte perambulet; & subinde conciones habeat elegantes & efficacissimas. Ego & uxor valemus (Deo gratia) vobisque omnia prospera volumus. Vale.

*Tibi & tuis  
additissimus,*

Hagæ-Comitis  
xiii. Octobr.  
c10 10 c xlv.

Andreas Rivetus.

CCCXCIX.

Clarissime Vir,

**M**itto legenda, tum quæ disputanda brevibus proposuit Canonicus, tum quæ edidi per Moguntinum quendam: qui tamen menda reliquit satis multa. In Latino opusculo prodidi quæ vulgo hic terrarum sunt incognita. Placetne perlustrare, ac mihi dein reddere? Necdum enim suppetit mihi exemplar aliud. Ambiunt ut video, tuum contra me iudicium & evulgaturi quidem. Per me tibi licet quod lubet. Hoc tamen scio neminem posse quidquam definire contra me solide, qui non audierit me penitus, postquam objectionibus impeti cœpi ab iis, qui, ut candide eloquor, pugnare contendunt, quæ non pugnant, & sequi evidenter, quæ non sequuntur: ac profecto nostrorum omnium sententia, res ita habet, ut scribit Petavius in schedula, hisce inserta. Prudenter Lutheranus, libris editis clarus, non ita pridem, epistola quadam ad me; malle se audire partem utramque, quam iudicem agere. Sapiat item piscator, qui ante ictum sapit. Id est, per quem tibi creatur molestia, rectius ille curaret res magis necessarias. Ego non vacillo; tuiturus matrem facile; qui tela conjiciuntur in eam non fortiora quam est juncus. Hæc animo scribo candido, atque in te tuosque amicissimo. Utinam gratus reapse esse possim de benevolentia, quam à tot jam annis, indignus ego expertus insigniter. Salve, Vir optime, mihi que omnibus modis honorande.

xxvi. Octobris  
c10 10c xlv.

Bartoldus Nihufius.

CD.

Clarissimo & Venerando D. D. Ger. Jo.  
Vossio, Joh. Smith S. P. D.

**T**AM prolixa, Vir Clariss. humanitate Commentarium de Batavorum oppido scriptoremque ejus antehac complexus es, ut ille à Typographica fornace calens ante alios ad te merito properat, cujus beneficio quoque & opera lucem videt. Si nunc æquè, atque nuper expectationem sui apud te sustinet, & tuetur, est quod mihi gratuler & de aliorum iudiciis securus serio cogitem de excutiendo suppellectile antiquaria. D. Blauwium multis negotiis distrahi

M m 2

distrahi sentio, eadem tamen qua exemplaria ad Bibliopolas mittit opera, mihi amicisque vacabit spero, imprimis ad externos, in exemplari quod doctissimo Sam. Bocharto, Reformatæ Cadomensis (Caen vocant) Ecclesiæ Pastori inscribo qui nobis omnium gentium origines, ex Cap. Genes. X & Orientalium Linguarum monumentis recludit, & altero quod D. H. Grotio quanquam ignotus, cum Literis destino, illius opera quam in Batavica Republicæ antiquitate describenda posuit, meretur, ut qui illum duce[m] sequimur, illi nostra quoque probemus. Si tamen res apud Blauwium secus cedat, prius exemplar D. Riveto commendabo, super altero te consulere cogar. Interea bene vale, Vir Clarissime, publico rei Literariæ bono. & fave.

*Scrib. Noviomagi xxiii.  
Greg. A. cō p c xlii.*

**CDI.**

*Incomparabili Viro Gerhardo Joanni  
Vossio, Johanne Fredericus Grono-  
vius S. P. D.*

**A**Nte paucos dies scripsi ad te unas, Vir maxime, easque ad amicum misi, ut tibi traderet. Si tamen moratus esset, præbante occasionem politissimo illo juvene, qui has adfert, non committerem, ut ipse in mora essem mihi, sed *ex Mæne* *ad* de eodem argumento te interpellare constitui. De festertis, quod suaseras, diatribam habemus paratam, & ornatam, sic ut aliqua secunda, cum spe lucem videre possit. Budæi, Hotmanni, Agriolæ, Scaligeri, Grospippi, virorum longè eruditissimorum plurima *magisquæ*, ea modestia, qua par est deteximus: Nostram sententiam dilucidè exposuimus, & argumentis tantum non apodicticis adstruximus. Libellus erit sex aut septem philyrarum: & consenserunt amplissimi curatores nostri, ut sumptibus iis, quibus Theses describuntur, impensæ impressionis adscriberetur. Itaque nunc in eo sum, ut extremam manum imponam: nam ni properem, liber fiet grandis; Ita quotidiana plura subnascuntur. Cæterum præter illos, quos nominavi, quosque vidi, scripserunt, ni fallor, de re nummaria, Portius, Matt. Hostius, P. Ciacconius, Erycius etiam, ni fallor, Puteanus. Quamquam eos magis descripsisse ex illis putem

lua, aut de reducendis veterum summis, ad nostræ pecuniæ summas, sollicitos fuisse, quàm quippiam attulisse novi, aut inquisivisse in formulas veterum: tamen videre eos gessit animus, antequam nostra edantur. Eos igitur, si servat Bibliotheca tua, commodato ad paucos dies petii: ipsum quoque Grosippum: non enim satisfacio mihi, in legendis denuo, & considerandis eorum sententiis, cum quibus mihi res est; præsertim cum brevi corrigere nostra omnibus permissurus sim. Petieram præterea Grammaticorum corpus, & Schotti Observationes Lutschianas. Quod commodò fiat tuo; repeto illam petitionem, & ut sine mora, siquidem potest, compotem me facies voti, per primos Tabellarios; nam sumptum hunc lubenter faciam, dummodò, uti desideratis potiar. Vale, Vir incomparabilis, & salve cum gravissima Matrona, omnibusque tuis.

*Deventriae a. d. xii.  
Kal. Nov. ciō dō c xlv.*

Fabricius noster, ab Episcopo Lubecenſi  
Duce Holſtariæ; ad Conſiliorum munus eſt  
evocatus: cujus honoris, fortunæque cau-  
ſâ ex animo gaudeo.

CDIL

*Clarissimo & doctissimo Viro D. Gerardo  
Jo. Vossio, Amico charissimo, S. P.*

**A** Ccipe, Vir clarissime, promissam dissertationem de consensu doctrinæ Augustini de Gratia Dei, cum perpetua Catholice Ecclesiæ Doctrina. Quæ dissertatione inspecta, facile perspicies, tui dilectionem, & doctrinæ tuæ reverentiam & exultationis tuæ curam, etiam tunc cum te de facie non nossem, tantum apud me valuisse, ut nisi muneris diviniæ impositi necessitas me impulisset, non fuero palam daturus hanc (licet mitem & benignam & cum honoris tui Præfatione conjunctam) significationem disensionis meæ ab eo quod abs te profectum esset. Tametsi persuasum habeo, & jam ex diuturna consuetudine comperisse mihi videor te non ægre ferre, si quisquam, sincero veritatis studio, & recta ratione suffultus, seorsum abs te aliquid se sentire amice & modestè profiteatur. Et te ita esse animo affectum confido, ut malis *εὐ τὰ ἰδία διασπῆναι*

६४



ὁπὶ σωτηρίας τῆς ἀληθείας, absit enim à nobis Christianis ut in hoc φιλαληθείας officio nos ab Ethnicis anteverti sinamus. Laudatur Princeps Apostolorum quod alterius postmodum nati Apostoli justam reprehensionem non spreverit. Nec minus audientis celebratur *ἡμνοῖς*, quàm monentis *ὑποψία*. Homines sumus & mutua ope sublevamur. Amicam justì monelam psalter suaveolentis & refocillantis olei loco habuit. Tu mihi in legendis nostris, ut pari libertate ac benevolentia fidem te præstes monitorem, & amicum censorem, etiam atque etiam rogo. Vale, Vir humanissime, amice charissime, & quod facis nos ama.

Amst. 17. Jan.  
1645.

Tibi addictissimus,

Joannes Forbescius, à Corfè.

## CDIII.

Clarissime & eximie Vir, Domine & Amice magnopere honorande,

**R**aræ sunt occasiones ad vos scribendi vel mittendi, nec mihi commodiores alia sese offerunt, quàm si forte ex auditoribus nostris unus & alter ad vos iter instituant. Literæ quæ variantibus Tabulariis per diversa loca transeunt, inter vicissitudines plerumque pereunt. Hæc igitur occasione per eum, qui hæc offert, oblata, si nihil aliud, saltem te, quem ex animo amo & æstimo, salutare volui. Adjunxi nuperum meum maledicis Moguntinorum vindictis oppositum Responsum: de quo quæ tua sit sententia si candidè & libere me docueris, magno me affeceris beneficio. Discordiam & odia mutua Christianorum doleo, imo detestor: & concordia aliquam viam invenire discupio. Interim fieri potest, ut aberrem, & scopum parum dextre feriam. Sed aliorum judicia & correctiones lubens audiam & admittam, neminis autem lubentius & avidius, quàm à te profectas, quem multiplici & perfectâ eruditione pollere, & pari concordia desiderio teneri certus sum. E nostris nonnulli quod primæ & priscae antiquitatis in constituendâ religione rationem haberi volo, damnant: alii, quod rem per colloquia tentari suadeo, improbant; neque desunt qui omnem conatum, curam & spem instaurandæ concordia rectius abjici quàm suscipi censeant. Quod meditatur & molitur serenissimus Poloniæ Rex, opus est planè pium, Regium & Christianum,

nec tamen desunt, qui dehortentur nostros, ne controversias in colloquium deduci patiantur. Magis propemodum turbant & terrent, quæ in Anglia aguntur, quorum nihilominus propter locorum intervalla & itinerum difficultates rara & tenuis ad nos dimanat notitia. Angit sanè animum, tranquillitatis aurati, quæ ex iis locis adspirare coeperat, & nos in spem malicia crexerat, in diram & truculentam tempestatem conversam esse: Hyems, quæ exacta est, nobis propter viciniam & transitum exercituum inquieta fuit & turbulenta: idque adeo est causa, quod responsum contra Moguntinos nondum integrè prodierit. **DEUS** Ecclesiæ suæ & tantopere afflictæ Germaniæ tandem misereatur, teque, Vir eximie, bono publico incolumem servet diutissime. Officiose te salutatum cupit clarissimus Collega meus D. Horneus. Vale.

Ex Acad. Julia.  
v. Kal. Apr.  
clæ 1645.

Vester quantus quantus

usus manuscriptus,

Georgius Calixtus.

## CDIV.

S. P.

Clarissime & eximie Vir, Domine & Amice magnopere honorande,

**N**escio an nuperas meas, quibus exentiplam Responsi Moguntinis oppositi junxeram, acceperis. Non est autem alia scribendi vel mittendi opportunitas, quàm per Juvenes studiosos, qui hinc ad vos commigrant, quibus volupe est aliquid ad te ferre, quo facilius tui compellandi fiat copia. Equidem tua tempora salutationibus & alloquiis deteri, nefas propemodum esse existimo. Tantum enim egregio publico decedit, quantum iis decerpitur, ut ex multis tuis præclaris scriptis, & insigniter ex ultimo illo *monitione* de Idololatria, magni laboris & diffusissime Lectionis opere, est intelligere. Deus tibi vitam diu servet, & valetudinem firmiter, ut & hoc ipsum & similia plura perficias. Scio tamen eâ te esse humanitate, quàm omnes, qui à te ad nos veniunt, prædicant, ut ingenuos & literarum cupidos tuique celeberrimi nominis studiosos Juvenes adiu non prohibeas; quorum proinde votis, qui ex meis familiaribus vel auditoribus

per

per me conciliari sibi eum cupiunt, nec ego deesse debeo. Inter eos est, qui hanc offert, Augustus Bussi, recti animi adolescens, optimi parentis, olim in mea patria Cancellarii bene meriti filius, cui pietatis, virtutis & optimarum disciplinarum studiis nihil est antiquius. Talibus quamvis aliis pareas, quum me tamen pararium sibi deposceret, hanc deproperare malui, quam operam denegare, vel vacuum dimittere. Salve & vale diu & feliciter, bono publico.

Ex Acad. Juliâ.  
vi. Id. Aprilis  
c1010c xlv.

Vester quantus quantus,

Georgius Calixtus.

### GDV.

Clarissime Domine Professor,

**E**N tibi donum Reverendissimi D. Ufserii Archiepiscopi Armachani, quod jamjam discessuro ipse quoque Oxonio abcedens ad te perferendum tradidit: opus inter *παυσανίας* hæc & plusquam Civilia bella mediumque armorum strepitum natum, fato adeo adverso, ut vixdum editum incendio, quo ante annum præterpropter oppidum correptum fuit, penè totum conflagrarit. Sed dimidia exemplarium pars commodum paulò ante ex ædibus Typographi alio translata ignem evitavit. Atque ita ille Ignatius nunc flammarum, ut olim ferarum rabiem omnino effugere non valuit. Tarditatis autem meæ (utpote cui ex Anglia reduci jam quarta septimana labitur) culpam aut excusarem aut deprecarer rationibus, quæ mihi suppetunt, compluribus, nisi metuerem, ne non satis summæ humanitati & æquitati tuæ tribuere ac confidere tibi viderer, quod crimen ita plane detestor, ut priori isti tarditatis vitio sive culpæ affinis esse multo malim, quam ut huic obnoxius habear. Sed vel hæc ipsa effutendo vereor ut satis utrique nostrum consulam tua negotia studiaque interturbando, meoque qualicumque otio abutendo. Itaque manum tollam de tabula, ubi tibi, Uxori lectissimæ, filiisque eruditissimis plurimam salutem impertitus fuero. Valete ergo & vivite diu felices atque incolumes patriæ, familiæ, mihi.

Dordraci Kalend. Reveren. Tuæ observantiss.  
Jun. c1010c xlv. & addictissimus,

Jacobus Lydius.

### CDVI.

Illustri & Incomparabili Viro,  
Gér. Jo. Voisio S. P.

Illustris & Incomparabilis Vir, sol, & sal ævi nostri, Decus præsentium, Exemplum Posterorum.

**D**Efunctus, ut nosti, mihi in peregrinis versanti, Anslonius, exterrita mea studia, quæ propter gravissimas Patriæ clades, per biennium retro externorum beneficio, sustentata fuerunt, & porro debent: quapropter te, Maxime Vir, etiam atque etiam rogo, ut inusitata, ævo nostro tua benevolentia, humanitate, & comitate, studia mea fove-re, & promovere velis, quæ certè promoveris, si viris Illustribus commendaveris; ut Hofdio, & aliis, tibi sine numero notis: ut illorum beneficio, & quantulumcumque munificentia, quæ optimè cœpi, emoliri queam: utque turbata Anslonii obitu, Musæ animentur Amicorum certitudine, omnisque generis difficultates, & procellas, per Orientem, foeliciter illorum favore, propellere queam. Alterum quo mea studia promoveris, & tibi devinctissima reddideris, si à societate Indica, literas commendatitias ad Ind. Orient. Rectores procuraveris: cum enim Persidem petere omnino debeam, ubi excolendis Persicæ Amœnitatis floribus, aliquamdiu subsistendum erit: gratum & tutius erit Indicæ societatis patrocinio frui: Offerri illi quoque mea qualicumque possunt studia, in remotissimis illis equidem Provinciis; non est dubium, quin omnis generis indigeant opera. Max. Vir, si huic necessitati meæ obstetricatus fueris, me foelicem, & ad tua, tuorumque imperia promptissimum reddideris. Res equidem est digna commendatione, & promotione; ut scilicet illa studia, quibus Arabes tot annos floruerunt, tandem etiam Christianis innotescant Europæis. Quantum licuit per improbos labores, & adversos casus, in hoc studiorum campo, futuros, eluctari animus est, modo tu, & alii, animum favore tuo addideris. Non dubito, quin è re mea acturus sis, pro tuo in me favore, quid possis, non quidem quàm mereor; sed quàm totum terrarum orbem demereri studes. Quæ hic geruntur; ex præsentī literarum latore, summo mihi amico, Mercatore Amstelodamensi, Byzantii florentissimo uberius cognosces; etiam quæ de nostris sentiant, externæ nationis doctissimis studiis. Mercator no-

ster



ster est virtute rarissima præditus, quem ideo si amaveris, doctioribus, prout quidem natura fictus, & factus esse videtur, faventorem reddideris. Mirantur Proceres hujus Imperii, aliorum regnorum Legati, quænam causa esse possit, quare Illi Ordines huc denuò Legatum mittere torpescant: alii eos huic amicitiae indignari, alii parum sua de gloria sollicitos, interpretantur: factum mihi nunquam videtur, si factum nunquam probatum, & si probatum nunquam probandum; Gentis gloriam armis ubique claram, literis, & omnibus artificibus locupletem, unius ignavia obscurari. Satiùs certè erat, ignotum esse, quàm ignobilem: actiones multæ perversæ; imo ne fingi quidem possunt: Doctioribus Græcæ Ecclesiæ infidiatur, exilium minatur. Hinc lamentationes, & querimonie Græcorum, qui aliud non crepant in sermonibus; nisi Belgarum Ministros, Ecclesiæ Græcæ exitio huc missos, ut qui præter pietatis normam, & Ecclesiæ formam, Turcarum potentia ære Ecclesiæ Græcæ effuso, Græcis miseris, atque invitis, Patriarchas impiè obtrudunt: prout nuper factum, ubi 100000 Imp. in Turcas effusis, incerto populo, & reclamante, obtrusus fuit: hinc debitis Ecclesiæ Græcorum oppressa; miseri vexati. Plura ex Mercatore senties, Viro certè ingenio dulcissimo, Ital. Hisp. Turcicæque peritissimo, doctis additissimo, quem quo majori honore, & amore prosecutus fueris, quod certè pro usitata tibi, tuisque, humanitate facies, tanto tibi tuis mihi omnibusque doctis, faventorem reddideris: ille equidem est unus, qui hic mihi pecuniolam, liberatissime mutuo dare solet: Mihi perplacuit Mercatoris modestum, & omni doctorum favore, laudeque dignum ingenium, quique si tibi, Maxime Vir, tuisque operam præstare poterit, promptum deprehendes; meaque animi studia, quæ tibi, tuisque quamdiu vixero debeo, semper offero, tu illis cum tuis ne abuti quidem poteris. Mihi enim nullum gratius fieri potest officium, quàm si amicis officium facerem, proinde cum tuis liberrimè imperare licet, imperata lubenti animo exequar. Et sine dubio multis doctis gratum præstare poterò officium, pro ea quæ mihi, cum Græcorum, Muhammetanorumque intercedit doctissimis familiaritate, ut facile quicquid hic extat, per me impetrari possit. Hic literarum limites sisto, Vir Maxime, etiam

atque etiam rogans, ut me cum tuis amare pergas, habebis certè semper qui te coluit, colet, & suspiciet, tuis tuorumque nutibus

D. Byzantii  
7. Maii An.  
45.

Addictissimum,

G. Gentium.

## CDVII

S. Clarissime Doctissimeque Vir,

**Q**ui tibi literas hæc affert, Nepos \* est ex sorore viri religiosissimi doctissimique Lucæ Holstenii, Romæ nunc degentis: cujus solius nomine, eo juvenem hunc favore dubio procul prosequeris, ut commendatitia aliorum opus non habeat. Quamvis etiam sine meis literis hinc discedere potuisset, magnopere tamen eas à me desideravit, majus inde sibi augmentum benevolentiae tuæ persuadens. Dabis igitur hoc communibus studiis, dabis juvenis bonæ mentis amantissimi propriis meritis, ut mea adjutus intercessione obtineat, quod suapte ingenio, ubi adnitus fuerit, impetrare potest. Vale.

\* Fuit is Petrus Lambecius.

Hamburgi xxiv.

Tuus,

Anno Christi

1610. 10. c. xlv.

Fridericus Lindenbrogius.

## CDVIII

Illustris Domine,

**A**N acciperis literas, quibus aliquoties observantiam erga te meam testatus sum, nescio; neque responsum efflagito, gnarus tuarum occupationum, quæ publico debentur. Sed repeto tamen nunc quoque id quod dixi officium, fretus tua æquitate, quam videor mihi absens etiam tanquam apud præsentem perspexisse. Adeo non sum alias cupidus creandi magnorum Virorum curis molestiam, ut ardentissimos quoque affectus, quibus in venerationem eximiarum virtutum & doctrinarum feror, potius intra animum & pias voces contineam, quam more seculi ambitiosius satagam promulgare. Sed quia semel cepi te per literas venerari, vel ob hoc ipsum in eo genere officii perseverandum duco, ne parum constanti proposito, quod semel destina-  
navi, videar suscepisse. Accessit nova causa,  
ex

ex sermone cuiusdam studiosi, qui à Vobis ad nos pervectus tuo nomine me salutavit; adjecitque te scripturum fuisse, si temporis ratio tulisset, in causa Filii, à quo in notis Velleianis dissentirem. Præterea nihil explicare poterat de tua mente. Itaque me ambiguum reddidit ac pæne sollicitum, si quid forte mihi excidisset, quod tibi displiceret. Sed cogitanti diligenter nihil occurrit, quod à veneratione, quæ tibi, ab æstimo, quod Filio tuo debetur, alienum esset. Honorifice aliquoties laudari filium, five potius laudes ejus filio meo majores nominatim agnovi. De cætero, vix est ut dissentire meminerim in re alicujus momenti: interdum sustinui assensum, non quod parum probarem felicissimas ejus emendationes, sed quod in hoc genere ~~maximè~~ omnimodam certitudinem vix dari crederem. Fuerit forte, ubi meam quoque sententiam attulerim: sed absque omni proposito contentionis, quod sancte testor: quippe qui nihil magis semper solitus sum execrari, quam altercationes literarios quæ hodie in genus quoddam tralatitii moris transmigrarunt. Editio Velleiana filii tui adeo certe mihi placuit, ut omissurus fuerim omne consilium edendi ejus Auctoris, nisi aliam propositi formam, uti per se apparet, destinaissem. Maximopere itaque rogo, ut me certiore faciat, si quid desideratis, reperieris eandem, quam hactenus fovi, mentem, venerandis tuis meritis, Vir summe, & æstimandis filiorum doctrinis, Germano candore fideque deditam. Vale, incomparabilis Domine, & mihi fave.

Dat. Argent. Illustri nomini tuo devotus,  
3. Aug. 1645.

Jo. Hen. Boeclerus.

#### CDIX.

Carolus Ludovicus Dei gratia, Comes  
Palatinus Rheni, S. Romani Imperii  
Archidapifer & Princeps Elector,  
Dux Bavaria, &c.

Salutem & Benevolentiam nostram,  
Reverende & Doctissime, Nobis sincerè dilecte. Petiit à Nobis nobilissimus & generosus, tam prosapia quam literis & armis clarus Baro Herbertus de Cherbury, ut librum quendam à se scriptum, de Religione Gentilium, Errorumque apud

eos Causis, in quo multa allègat loca, ex tuo libro, de Origine & progressu Idololatriæ extracta, tibi commendarem. Quà in re ideo libentius ipsi gratificari placuit, tam quod dictus ipse liber te aliquo modo respicit, quam quod omnia in eo contenta tuo judicio submittit. Argumentum (prout ab illo tractandum suscipitur) adeo novum est, ut accuratam mereatur disquisitionem. Te igitur valde rogamus, ut præfatum Librum diligenter perlegere, & quicquid visum fuerit in eo corrigere, explicare aut amplificare ne graveris. In quo Nobis gratissimum feceris, tum etiam ipsi supradicto Domino Baroni, ut qui eximiam tuam doctrinam cum primis suspiciat, tuoque frui favore multum desideret. Nos igitur hoc Nobis ab amicitia tuâ promittentes, te bene valere, & de propensissimo nostro in te affectu te certum esse cupimus.

Dab. Londini  
14. Aug. Anno  
1645.

Amicus tuus benevolus,

Carolus Ludovicus.

#### CDX.

Reverendo, & Doctissimo Viro, Domino  
Gerardo Joanni Vossio.

Reverende, & Doctissime Vir,

Opus hoc à me concinnatum, sed ex tuo præcipue Libro, De Origine, & progressu Idololatriæ, descriptum; tibi cum primis subjiciendum curavi, quem facile Authorum hujus sæculi Coryphæum agnoverim. Sed & id quoque me permovet, quod alicubi, à te discrepans, an in errore meo, vel tuo evenit, haud illicò dixerim. Ut fateri tamen necesse sit, homini senio laboranti, & calamitatibus publicis afflicto, plurima excidere posse, quæ accuratiorem normam desiderant. Tu igitur, Vir præstantissime, ubi ita visum fuerit, corrige, emenda, explica; sed & pro humanitate tua, adice, auge, amplia. Quum enim à te præsertim perfectum sit opus, tuâ interest etiam, ut numeris omnibus absolutum prodeat. Providentiam quidem Universalem, summum Dei attributum semper agnovi; ejus (obscuris scilicet) vestigiis in ipsa Gentium Religione insisto. Neque obstitit, quod Ecclesiæ Patres, (Egregii scilicet Authores) sæpè contra Gentiles invehantur. Plurima enim ficta, & falsa, & inania; ut in eorum Religione deprehendi queant, eundem



eundem tamen Deum Opt. Max. ac Nostrum, ex eadem virtute coluerunt. Præmium bonis, Pœnam malis etiam post hanc vitam statuētes. An inde verò salutem æternam consequi possint Gentiles, viderint alii: nihil enim hic decerno; sed eousque saltem, Providentiam Divinam Universalem, pertigisse contendo. Ceterum hæc ex operis contextu peti mallet. Unà cum hisce, literas serenissimi Principis Electoris accipies; quibus ad ea, quæ à D. Tuâ peto, exequenda hortatur. Tu benè quidem Vale, Vir Doctissime, & rem literariam eruditissimis tuis lucubrationibus promove.

*Dabam edibus  
meis prope West-  
Monasterium 1/2  
Augusti 1645.*

*D. Tuæ addictissimus,*

Herbert de Cherbury.

Librum nostrum hic simul accipies; in quo vitis Amanuensis facile, (uti spero) condonabis.

## CDXI.

*Clarissimo & Spectatissimo Viro Domino  
Gerardo Johanni Vossio Eustathius  
Suartius S. P. D.*

**R**eligioni mihi fuit, Vir Cl. ac Venerande, Waesburgium nostrum velis remisque ad vos evolantem post silentium diuturnum absq. meis literis constantis mei & religiosi in te affectus cultusq. indicibus dimittere. Quam impense te semper æstimarem ob eminentes ingenii tui dotes & luculenta oppidò in Rempub. literariam merita, quibus præclaras disciplinas feliciter tot annorum decursu illustrasti, quæque per totum eruditum orbem diffudisti, non ~~omnibus~~ <sup>his</sup> omnibus bonis palam fecisti, idque ego quoque apud alios profiteri malo, quam laudes tuas culpa ingenii mei deterere. Vel nuperrimus, ut innumeros alios silentio premam, fœtus tuus, ~~tuæ opes~~ <sup>tuæ opes</sup> te acclamantibus eruditus, nitidus exasciatus ita salivam mihi movit, ut spem certam inde conceperim, nos propediem absolutissimis tuis quoque Originum libris iri beatum, quorum spem jampridem nobis in operibus tuis cedrinis præluxisti; in qua palæstrâ Incomparabilem Virum, Cl. Salmasium, cui olim Luretiæ innotueram, cum opus illud de Ecclesiis Urbicar. & Suburb. contra Sirmondum moliretur, feliciter quoque defudasse, recondita ejus eruditio nobis fidem facit. Deus omnis boni fons & dator vobis

totius eruditionis Duumviris vires animi corporisque integras præstet. Ad me quod attinet, ego verò jam nunc totus nova editione Curtii adornanda in hoc otio liberali post tot spinosos & ærumnolos labores juventuti impenso, distineor, publici juris facturus, quæ olim & nunc in cultissimum istum Auctorem mihi observata, in quo me non adeo indiligenter fuisse, operamque & oleum in eo perpoliando non penitus perditurum, editio quamvis accuratissima doctissimi Freinsheimii sponder, meque inflammat. Idcirco te etiam atque etiam oro quæsoque Vir Clariss. conatibus meis impigrè subvenias, comiterque impetias, quo meliorem ac tersiorem fieri Curtium posse autumes. Modii editionis mihi copiam facere digneris, aliarumque veterum, quas habes, ut & Gualteri Paraphraseos Poeticæ, quæ omnia post collatum contextum, cui cis paucos dies manum admovere gestio, optima fide ad te illibata remittam, de prædicaturus publico præconio tuum literas juvandi ardorem, propensumque in me affectum. Unum superat, Vir observande, quod resciscere aveo, sandone aut reapse compertum habeas, prodiisse nuper Parisiis, ut mihi ante aliquot menses amicus quidam se ibi vidisse prostantem affirmavit, novam editionem Curtii cum Commentariis, nisi forte, ut didici in Commentario in Silium, Dausqueii, qui promittere inibi videtur. Vale, Vir clarissime, ex animi sententia, cum honoratissima conjuge, quam à nobis officiosè salvere jube, & doctissimos filios tuos, meque amare perge,

*Dab. Ultrajecti  
prid. Id. Octobr.  
clō Jōc xlv.*

*Nominis tui celeberrimi*

*Religiosum Cultorem,*

Eustathium Suartium.

## CDXII.

*Viro Amplissimo Gerardo Joanni Vossio,  
Guntherus Henricus Plathnerus Ge-  
rus, D. Consil. Saxon. S. P. D.*

**L**Egi, Amplissime Vossi, plerasque lucubrationes tuas, quibus eruditum hoc seculum illustrare dignatus es; legi, quam, atque ex illis, magnam, & utilitatem, & voluptatem percepi. Diu enim jam factum est, quod ingenti tenebar desiderio, Theologiam Gentilium, à Viro aliquo tui simili, ex veterum scriptis deductam videre. Nam quæ de Mimisi Dia-

N n

bolica

bolica, Cacozelia Gentium, Theologia Philosophica, Viri doctissimi haecenus ediderunt, egregia quidem sunt, sed nescio quomodo ad finem explendam, non sufficiant. Tu verò magnis nos invitas poculis, & vel *αὐδανῶν* jubes; quod lubentius facimus, quia ex eruditissimis tuis horreis, non tantum,

*Bellorophontei promittitur humor equi.*

sed etiam suavissimum Philosophiae merum, Divino Theologiae Nectare permixtum, adeo ut omne mihi punctum tullisse videaris; qui tanta dulcia tot utilibus miscuisti. Elegantissimi porro Libelli tui, de genere, anno, & mense Nativitatis, & passionis, Salvificatoris, & D. Nostri Jesu Christi, non potuerunt me non magno perfundere gaudio, tum quod undique Vossiana i. e. Doctissima quæque spirent; tum quod eandem tractantem materiam, in multis confirmarint, in multis quoque juverint. Postquam enim Illustrissimus Wilhelmus Dux Saxoniae, me non tantum in Consiliariorum Aulicorum, sed etiam Assessorum supremi Consistorii Ecclesiastici, album recepit, ab officio meo non alienum fore duxi, si ex Philologicis; vel ad ipsam *τὴν διαιρέσιν τῶν λόγων*, vel beatorum Patrum monumenta, congestis observationibus Historiam sacram Domini nostri Jesu Christi, horis subcisivis per-texterem.

Quod igitur Natatoriam qui expetunt, facere solent, ut antequam verticosis se committant fluminibus, vada tentent; idem mihi faciendum censui. Exercitationem nempe de Vaticinio Jacobi, Gen. xlix. sub ficto Phabetrani Nomine, in publicum ideo praemisi; ut Doctorum judicia, de hoc Descriptionis genere experirer. Etsi autem non desint, qui Theatricum illud *σπαρὶς καὶ κλέψης*, acclamitent: Verum quia mihi maxime verendum, ne isti amoris affectu minus *φιλαλήδους* judicent, ad te Amplissime Vossi, hominem quem mihi fama humanissimum, scripta eruditissimum demonstrant; ignotus licet ad ignotum venio, tuoque exactissimo judicio submitto exercitatiunculam istam, ex qua tanquam ex ungue de toto *πνευματικῶν*, (hoc enim titulo Historiam illam sacram insignire fert animus) systemate judicare poteris; multo perè rogans, ut & audaciae meae ignoscere, & vel inter ultimae admissionis amicos, eum numerare sustineas, qui te ob edecumatam eruditionem semper fert in oculis. Quod si porro quid de conatibus nostris sentias, certiore me reddere

dignatus fueris, profecto me non tantum tibi reddes amicissimum, sed omnibus quoque meis officiis efficiam, ut ista esse verè judicare possis. Vale, Amplissime Vossi, & ut tibi, tuis, bonoque publico diu valeas, cura.

Vimar. x. Kal. Nov.  
An. clc lxx.

Vossio addictissimus,

G. Plathnerus.

### CDXIII.

*Viro summe Eruditionis, Clarissimoque,  
Gerardo Johanni Vossio S. P.*

Nullus dubito, Vir Maxime, rectè tibi tradita quæ fratris mei curæ commiseram, de Germanicorum corporum habitu, simulque Programmata quædam Academica. Erat tum consilium propediem, literis te adire, non tamen nisi edito majoris nonnihil molis libello. Verum illa spes decollavit, quam de edendo opere conceperam, præ multitudine negotiorum, quæ mihi partim ars mea, partim Magistratus pepererunt imperato. Ne itaque nimis silentio peccem, visum fuit saltem has chartas transmittere, donec cætera lucem videant. Inter hæc, quas adolescens Nobilis Theses heic proposuit disputandas, ex Scholæ more, cum primis optarim, abs te severo judicio expendi: ac quidem ipsius mei causâ; utpote qui urgeor hoc argumentum in illam quæ propozita est sententiam latius diductum publicare; quod tamen ego haud ausim, nisi benigna doctiorum censura invitet. Programmata à memet ipso sunt profecta, leviora tamen, neque nisi ad adolescentum fortassis captum; ut etiam hæc cum aliis meis sacris, in unum Opusculum haud competant jungi. Ipse tu quid suadeas, Vir Maxime, utinam liceat intelligere! Etenim tua mihi sententia pro plurimis est. Librum meum de sanguinis generatione, ac motu naturali, altera editione apud vos, recoctum dabit frater, qui si haud displicuerit, gaudebo. Calixtus noster navatâ tam præclara Ecclesiæ operâ, id impetravit, ut qui haecenus fuit Semi-papista, nunc Semi-calvinista audiat Zelotarum Ordini. Quam virulenter illum sit infectatus Jesuita Erbermannus in Irenico, quod vocat Catholicum, fortè jam vidisti; ejusdem novas *Διαλέξεις*, indubiè dabunt nobis Nundinæ Francofurtenses. Omnibus



bus illis voculis generosum contemptum, innocentia fretus, Calixtus opponit. Erbmanno tamen fortè aliquid regeret. Vide quam sit misera conditio eorum, qui tranquillandæ Ecclesiæ dant operam. Quam veremur, ne etiam te, ab ejus argumenti scriptis, absterreant mores hi seculi nostri, pari omnium animorum immoderatione infesti? & tamen heic quidem, istis tuis nihil est desideratius. Neque enim facile expresserim, quanti etiam in hac doctrinæ parte faciant te, cum alii, tum Calixtus, & Horneus Nostates. Uterque illorum, juxta mecum te, summe Virorum, salvere, atque valere jubet plurimum.

*Tua doctrina cultor,*

Herman. Conringius.

## CDXIV.

*Clarissimo Doctissimoque Viro Domino  
Gerardo Joanni Vossio.*

*Præstantissime, Colendissimeque Domine,*

**L**iteras tuas, quas mihi curavit Excel-  
lentissimus vester Orator, accepi.  
Ex quibus intelligo, te perlegisse Lucubrationes meas, de Gent. Religione, Errorumque apud eos causis; neque displicuisse tibi, vel Opus, vel scriptionis genus. Tuum judicium tamen circa ea, quæ inter nos controvertuntur, desidero. Eoque magis quod tumultuaria opera, (mediis bellorum intestinorum cladibus) apud Castrum meum de Montgomery (ubi per biennium commorabar) scribenti, in errores dilabi proclive fuit. Sed & errare tecum minus probrosum esset aliquando, quam rectè cum aliis sentire. Is enim es, Vir Magne, ut Authoritatem tibi ipsi, etiam in argumento quovis conciliare possis. Sicubi tamen aliquid à me rectè animadversum esse arbitraris, id pro ingenuitate tua significa: quò ita reliqua omnia expungam, quæ in te redundant, prodeatque tandem in lucem meus qualiscunque Liber. A te porrò, Vir Optime, scire vellem, pretium quod Typographus, pro impressione libri exigat, ut Nummos ita pro valore tibi transmittam. Cum enim haud ab aliis, quam idoneis Lectoribus evolvi vellem librum, eum sumptibus meis excudam. Utinam mihi per valetudinem, & negotia, liceret vere proximo, Bataviam tuam invisere, ut dulcif-

simo alloquio tuo fruerer, & circa dubia, quæ occurrunt, sententiam tuam exposcerem! Multa quidem in hoc argumento, expleri vellem, cum fieri nequeat, quin ut plurima desint, quæ ad rem totam illustrandam faciant. Sed ea præsertim quæ circa quinque Articulos nostros Cathol. proferri possint equidem expiationum genera varia, quæ in remedia criminum, excogitabant; sive vafri, sive inepti sacerdotes, à nullo adhuc satis tractata esse, pro dignitate argumenti puto. Circa hæc omnia igitur, responsum tuum cum bona venia expecto. Benè vale, magnum literarum Decus, & Ornamentum, Meque si placet, ama.

*Dabam adibus  
meis Westmon.*

*Jan. 1<sup>o</sup> 1671.*

*Tuus æternum,*

Herbert.

Quod operam tuam, mihi commodare, in libro meo excudendo, polliceris, gratias quàm maximas tibi ago. Serenissimus Princeps Electoralis, mihi monstravit literas tuas, quibus me summo honore cumulas; quo nomine me tibi devinctum esse scias.

## CDXV.

*Clarissimo Eruditissimoque Viro  
Gerardo Joanni Vossio.*

**H**ÆC est semperque fuit magnorum Virorum fors, & calamitas, ut etiam si maximè velint, talem nec possint latere, nec immunitatem consequi, ab officiosis venerantium molestiis. Felices ter & amplius, inquis, quos irrupta tenet cum Musis suis copula; nec ulla divellunt è tam jucundis amplexibus ingrata Clientum Consortia. Cuperes, proculdubio; cuperes, si fata sinerent, circumvolitantes umbras, levesque populos dispellere, & quàm ardenti studio optares, perpetua tranquillitate, nullisque violanda interpellationibus inaccessus perfrui, credo equidem, eruditissime Vossi,

*— Sed te decor iste quod optas*

*Esse vetat, votoque tuo, tua forma repugnat.*

En igitur ego inter tot procos, novus tuarum virtutum, inexhaustæque eruditionis cultor accedo, tam tibi nunc ignotus, quàm tu universo Orbi literario notissimus;

mus; nunc inquam, Vir Clarissime, quondam enim per biennium, auditor tuus, dum in Academia Lugdunensi, Sulpitii Severi sacram historiam enarrares, à te dilectus, & suavi colloquio sepius honoratus fui. Ab eo tempore in Galliam nostram redux, totum me foro dedi, donec valetudini, & indoli meae indulgens, iussi Scichum, Mævium, & Semproniam res suas sibi habere, & me in Ciceronis, Senecæ, Virgilii, Scaligeri, & Vossii dulcissimos ac nimis abditos sinus recepi. Ita est certe abhinc aliquot annis singula tua scripta & miror, & verso nocturnâ diurnaque manu; & dum recentissime hæreo poeticis tuis institutionibus, repente quasi in bicipiti somniassem Parnasso, Poeta fio, effluuntque nobis hi otii nostri, Præceptorumque tuorum informes fœtus, pro quibus, si quod superesset in Musæo tuo exemplar Historiæ Pelagianæ, illud omnibus votis efflagitarem, non tam meo, quam Bocharti nostri, quam multorum Doctorum nomine: Sic eruditissime Vossi, vilissimo rete, Aureum Tripodem piscarer, & crepundia, Orbisque nostri quisquillas, Eois mercibus commutarem. Sed O pudor, quam te violò, & tua jura resolvo! Indoctus nihil unquam de te meritus, vix notus, gravissima tua studia summe importunis Epistolis interrompo, delicatissime auribus obstrepò rauco cantu, nec veniam, quam solam tamen vix sperare debueram, sed præmia posco. Ignosce tam effræni audaciæ, quam nobis fecit, & olim perspecta singularis tua humanitas, & incuria, aut egestas, quotquot sunt Librariorum, non dicam, in hac nostra Cadomeni Academia, sed & Rothomagi, & Lutetiis; omnium quippe summâ cum curâ excussæ sunt officinæ, nec in ulla repertus aureus iste liber tuus, quem si suppliciter petentibus concesseris, habebis tunc pro tanto munere, debendi reum, tibi, devotissimum me, qui jam propter incomparabilem tuam doctrinam sum & ero in æternum.

Cadomi 18.  
Kal. Dec.

Tui Observantissimus,

D. Brieux.

Si quid dignaberis ad nos vel mittere, vel scribere, illud si placet, fidei & curæ, committes Domini Adriani Fyk Delfis nunc degentis,

In suprema Mediomatricum Curia quondam Senatoris.

CDXVI.

Clarissima Viro Domino Gerardo Joanni Vossio, apud Amst. Professori celeberrimo S. P.

Clarissime Vir, fautor mihi plurimum colende,

CUM tuæ submitterentur mihi nuper Dantisæ literæ, eademque & vitæ mihi tuæ, & affectus erga me amici, existerent testes desideratissimæ: animum dicere, vix olim (si Plutarchus vera narrat) majus gaudium Alexandro Magno accidisse, ex nuntio, quod redivivus factus esset Homerus; ac mihi tui causâ submesto tum accidit ex eo, quod superesse te, mihi que haud leviter etiam favere intelligerem. Nam ita me propriidem amicorum quorundam literæ occuparant, ut Vossium inter mortales esse desuisse, persuasus essem. Igitur ubi sic ex adverso, & manus, & mens tua mihi comparuit, superstitis, atque optimè precantis; quid potui potius, vel debui etiam, quam exultare, atque in futurum quoque benè tibi vicissim apprecari. Ac Magno quidem Alexandro illi, gaudium, quod dixi, exstitit, ob gloriæ privatæ spem, vanam illam, & inanem. Mihi dum Vossium superesse video, spes adfirmatur publici boni, reique communis literariæ: quam si quisquam graviter, gnaviterque promotum ivit; ipse certe hoc præstitit, idemque proponi locupletissime est præstiturus; dum vita eum dignetur Deus. Minime me de expectatione hac dubitare sinunt, quæ præfari, in gravissimis diatribis illis de tribus Symbolis, & Christi genealogia. Quarum nomine, & gratias ago multò maximas, & ut sarcinulas (quod minutaris) colligere amplius pergas, publicoque exponere nihil differas, opto. Hostinenti loco an esse ex me possit, quod nuper de Pauli ..... expromsi, equidem ambigo. Interim quod voluntatis est propensæ, testari ita volui; cum præsertim & Ornatissimus ..... Et literæ tuæ mihi affatim attestentur ne ~~nonnullarum~~ istiusmodi mea displicere tibi. Quod si quid de Pauli isto loco succurrit, quod submoneas, de exquisitissimis observationibus tuis, gratissimum profecto accidet. Cum tempore sequentur alia forte, quæ affecta apud me hæctenus latitant aliqua, nescio, an à Commentatoribus, ac prorsus etiam quædam antehac præterita, Quod valedicturiens requiris, ut amemus nos mutui, ego cum cultu



cultu etiam nominis tui perpetui memor observabo; tanto etiam ad nomen numero sexagenario ipse accedens, quanto tu, cum Dei beneficio nunc excedis. Compleat in te verò, Vir Maxime, Deus Opt. Max. atque superexaugeat etiam, quod vitæ mortalis summum esse dicitur; neque id finat in te obtinere locum, quod animum auferat. Quæ nisi vim nimiam, vel corporis etiam respectu, mihi pridem intulisset, sanè vel coram te etiam, Vir faventissime, venerarer; Patronis præsertim magnis quibusdam in Belgium vestrum me invitantibus. Sed si in terris visuri unquam nos non sumus, conjunger nos certè cælum in beata visione, ad quam per labores, sudores, vigiliæque nostras hinc enitumur, reddituri Deo, otii, negotiique nostri rationem, atque isthic demum defuturi *proven en uipus, q' d' is airly uant*. B. V.

*Lisne Polonorum*  
An. MDCXLVI.  
x. Cal. Febr.

*Celeberr. Nominis tui*

*Cultor perpetuus,*

Georg. Vechnerus.

## CDXVII.

*Clarissimo Viro Domino Gerardo Joanni Vossio Professori Historico.*

Clarissime Domine,

**I**ncidi hic fortean in carmina quædam non omnino inveniusta, composita ab Anglo generoso in Beat. Mem. Clarissimum virum D. Hugonem Grotium: & licet ferè idem sonant, Illada post Homerum, & Epitaphia post Barlaam vestrum, velle conscribere: duxi tamen me operæ pretium facturum, si ea qualiacunque tandem sint, velim exscribere, & amicis Dom. Grotii Viri nunquam satis laudati, vel mittere, vel ostendere. Non quod sit mihi in animo Poëtastrum hunc cum D. Barlaeo velle committere; absit! Sed tantum ut D. V. & alii apud Belgas Doctissimi Viri intelligant, Gentem nostram universam (quæ modo callet literas) ejus mentem hæc carmina satis, opinor, exprimunt, cum reliqua literatorum per Orbem cæterva, quasi pacto, & fœdere inito, amice conspirare, in hoc scilicet, quod extra aleam dubitationis apud posteros habebitur: nempe D. Hug. Grotium illustrissimum fuisse Heroa; usque ad stuporem ferè & miraculum doctum, simul & sapientem,

omni laude majorem, universa tam divinarum, quàm humanarum omnium literarum supellectile cumulatifsimè instructum. Non opus est pluribus, imo nec omnino istis, præsertim in literis ad D. V. conscriptis. Gratias habeo D. V. ob officia, & beneficia mihi immeritò in ædibus vestris collata, cum nuper veteris amicitie recolendæ gratiâ, D. V. inviserem Amstelodami.

Deum Opt. Max. quaeso, quod quotidie facis, obnixifsimè supplex obtestari non desinas; ut pacem, & pietatem, ab Ecclesia, & Regno (olim florentissimis) apud Anglos, jam ferè exules factas, tandem aliquando utrique in integrum restituere, propitius dignaretur: in hisce piis votis, multos habet D. V. Collegas comprecantes, & inter eos, servulum D. V. omni obsequio obstrictum

E. Duncomium.

*Bruxellis in ædibus Domini Henrici Devie*  
Angli Legati. Febr. 2. in festo Purificationis. 1646.

## CDXVIII.

Vir Clarissime,

**E**tsi pro veteri necessitudine atque amicitia quæ tibi olim cum parente utroque intercessit non exigua & quam jure quasi hæreditario ad me aliquatenus devolutam jactare soleo, nihil optatius mihi accidere possèt quàm si de re aliqua Theologica, Historica aut Philologica sententiam tuam interdum exquirerem; attamen tibi penitus literis involuto negotiorumque mole districtissimo, ne dicam obruto, novam subinde te interpellando molestiam creare hæcenus mihi fuit religio. Nihilominus ut id quod ante cavi sedulo, nunc tandem committere, audeam fecit doctorum virorum, quos mihi in Anglia amicos paravi postulatio, cui ut morem generem, æquum fuit. Nescis, Vir eruditissime, quàm te regni istius viri literati, & imprimis illi qui in eruditorum choro funem ducunt, uti in ipsis Musarum Gratiarumque manibus doctum & eductum, omnigenæque antiquitatis promum-condum venerentur ac suspiciant. Eorum complures (inter quos nunc D. Rob. Baylius Deputatus Scoticus imprimis mihi nominandus) rogant te & obsecrant oppidò quam obnixè, ut opus illud tuum adversus errores Anabaptisticos (quod affectum habes, quodque

quodque oculis obiter lustrare, cum te Amstelodami officiosè salutaret, sibi datum fuisse D. Bayliis amicis denarravit) quam fieri poterit ocyssimè in lucem edere digneris. Si verò ad omnia perpoliendā non suppetat otium, illam partem quæ de Pædobaptismo tractat publico uti non inideas. Existimant enim, nec abs re hac rerum tempestate perquam necessarium esse ut id scriptum Anglorum manibus teratur, utpote apud quos errores isti Anabaptistici (ut alios penè innumeros præteream) Ecclesiæ faciem miserè deturparunt. Dabis ergo hoc, uti spero, virorum pietate & doctrina conspicuorum iustis precibus, dabis Ecclesiæ Regnoque Anglicano, dabis veritati utroque quasi cornu nunc inibi laboranti. Ego verò, Vir doctissime, per quem vota sua ad te deferri voluerunt, meum quoque ipsorum votis votum adjungo, Deumque oro ut otium ac valetudinem tibi largiatur ad ea perficienda quibus de omnibus Christi Ecclesiis bene mereri poteris. Vale cum uxore lectissima totaque familia, quibus plurimam salutem impertit

Dord. 22. Feb.  
1646.

C. T. deditissimus

Jacobus Lydius

CDXIX.

S. P.

SEmel atque iterum tuis, Clarissime Vossi, rescripti. Anno superiore, hæc ipsa anni tempestate, nostris vid. Francofurtum descendentibus, per ornatissimos duos studiosos Tigurinos, (Lavaterum alterum) Dissertationes VII. vel VIII. Cl. D. D. Buxtorfi nostri, misi; quarum unam atque alteram D. Cappello placuit arroderere. Nempe, prævidit is, Revelationibus suis arcani punctationis ambos quod aiunt oculos, effossum iri, sic si pergat noster ille. Verum, ex vindiciis, quas modoque mitto, iudicium, Cl. V. facies, quibus præfidiis uterque ad suum opus accesserit. Si, quod sperare jubet, cum bono Deo, de Punctorum origine processerit; curabo maturè tibi quoque perferatur. Puto enim non ingrati accidere (etiāsi diu nullis responsis ejus abs te factus sim certior) si sic gratam, tuæ in me olim exercitæ humanitatis memoriam, integram meo animo perstare, utcunque confester.

Quando enim de meo id facere adhuc dum nequeo, spero, quod in nostra saltem terra obnatum fuerit, si mea ad te pertingat opera, tantisper meam penuriam suppleturum, maxime cum ad eam nondum maturitatem assurgere mea messis potuerit. Nolo autem te, Vir Cl. ignorare, diu multumque me desiderare ac optando quætere illum de merito Christi Scriptorem, cujus in præfatione lib. de Satisfactione Amplissimi Viri Hugonis Grotii, meministi. Desii tamen mirari, cur id à maximi ingenii Viro, cum eundem hæreticum oppugnaret acerrimè ac solidissimè, prætermisum: Cur abs te non suppletum, quod gemina præstare, facili negotio, & proximè ad sententiam summi Viri, poterat? Desii, inquam, mirari, ex quo nostrorum Theologorum certamina vidi & expertus sum, quæ imprimis apud nos (Polano olim præcinente) hodieque vigent; sic tamen ut, Dei gratia, nullæ inde turbæ. Expertus vero ista sum, quando Cl. D. Lucio nostro D. M. succedere iussus, vindicias controversiæ de Causa meritoria Justificationis, ab eodem mihi delegatæ, suscipere, aliquorum consilio & instinctu, sive debui, sive etiam volui ac tentavi. Oppugnavit enim illum gravissimus ac doctissimus pariter Anglorum Theologus, D. Thomas Gatakerus, ac iis quidem argumentorum plerumque præfidiis, quibus ego verba reponi posse cernebam, aut verius offucias: paucissima verò alia, quæ rem tangerent, minus refutarent. Tua, in eâ lite, autoritas, V. Cl. me non parum intricavit, quod sic d. l. ad Lect. præfatus es. Cum duo nobis pepereris Christus, impunitatem & præmium, illud satisfactioni, hoc merito Christi distinctè tribuis vetus Ecclesia, Mox: Satisfactio consistit in peccatorum tralatione: Meritum in perfectissimæ obedientiæ pro nobis præstita imputatione. Nam, quod ad prius, distinctionis illius, in Patrum scriptis nullum invenio vestigium; sed meritum & satisfactionem Christi promiscuè usurpare videntur: unde frequens meritum mortis ipsius appellatur. Quamquam fateor, hæc distingui ex accurata eruditione sic posse: planè uti explicas Resp. ad Ravensp. c. i. p. 3. Itaque si quæ vetustatis loca tibi observata sint: denovo id rogo, illa mihi suggerere ne graveris. Posterius, quod ad alterum lemma, candido eget Interprete. Neque enim satisfactio videtur Peccatorum tralatio; sed hæc, velut effectum, sequitur ad illam. Alterum verò, si de imputatione loquitur Obsequentia PRO NOBIS, h. e. loco nostro

parta:



*partē*: quemadmodum vulgo nunc scribunt, *imputari nobis alteram hanc satisfactionem Christi partem*: (esse namque eam geminam, alteram pro pœna, alteram pro obedientia.) Fateor nullum me in Sacris Literis hujus Opinionis deprehendisse fundamentum. Atque ea quidem sententia, si sic grassari pergat, uti hactenus; brevi (mea conjectura) nobis novam Theologiam refinget. Nam, ab imputatione obedientiæ progrediuntur, ad vicariam illius præstationem: inde ad satisfactionem; inde ad sacerdotium. Tum, ut veri speciem magis obtineat, nobis imputari, faciliusque obtrudant, aiunt; nostrā vice præstitam à Christo, quā homo fuit, seu secundum humanam naturam. Qui perniciosus error, prope abest quin meritum Christi funditus nobis evertat. Video D. Paræum mature sat valuisse occurrere gliscenti malo, Epistola ad S. Comitum Witgenstenium, in ultima Edit. Explicat. Catech. Palat. à Philippo vulgarā. Sed & à D. Gomar, nupera editione Operum, excussam illam video, parum (si liberè licet) solidē. Maluissē, vindicasset is (Gomar.) Elencticam suam Disp. de Mat. & Form. Justificationis: quam doctē castigavit illi, cujus suprā mentionem feceram, Theologus Anglus. Plerosque omnes modernos videre videor ad illud impingere; *sola satisfactione passiva* (sic enim catē distinguunt ab Activa, sicut pariter, de Obedientia & Justitia loquuntur, cujus Script. vel Ecclesiæ auctoritate, nescio:) *Nobis remitti peccata*: &

tantum peccata remitti, non item concedi vel tribui gloriam ac beatitudinem. Ego verò certus sum, neque Script. S. talia docere, neque talia dogmata constare posse cum fidei principiis; neque in eam sententiam ituros, quotquot Ampl. V.

Cap. VIII. extremum te satisf. probant: vel ei saltem non contradicunt, quod est in universa Ecclesia receptum, Christi sanctitate & innocentia nostram contegi impuritatem, culpamque ac pœnam deleri, &c. Summa, *Justum esse mortuum pro injustis*, 2 Cor. V. 21. 1 Pet. III. 18. Jam, dum novis & puriori antiquitati inauditis distinctionibus illis invehunt, & satisfactionem (dicto modo) duplicem sic partiuntur, ut altera quidem valeat pro culpa, altera pro pœna; vel altera pro debito pœnæ, altera pro debito obedientiæ; vel altera pro redemptione à malo, altera

pro acquisitione bonorum: vel (nondum enim certi sunt quod horum teneant) altera pro vita æterna privativè, altera pro eadem positivè considerata, &c. (taceo plura:) Non satis est sibi hæc somniare, ni & spissis libris propalent, & insciis tyronibus sedulo instillent, eo quod putent, actum esse de Legē & Evangelio, Satisfactione & Merito Christi, (quæ tamen perpetuo confundunt) nisi strictè observetur ea discriminatio: scilicet, Passionem & Mortem Christi *solum* valere ad remissionem peccatorum tantum; quia scriptum sit, *si peccaveris morte morieris*. Itemque, activam obedientiam *solum* valere ad jus vitæ æternæ promerendum, secundum illud: *Fac hoc & vives*. Hinc miræ phrasēs. Imputari nobis meritum; & Christi quidem ipsius meritum; adeo ut nobis non minus atque Christo debeatur vita æterna; adeoque Jure experiri peccatoribus nobiscum Deo liceat. Mira profectò Gratia, quod jure deposcitur & expostulatione obtinetur! Si hoc est *Evangelium*; de re nihil dicam, jam in nomine adhuc hæsit. Verum quid ego hæc ad te? Ut studia nostra nonnihil, V. Cl. cernas, & juves. Nam ea quæ suprā attigi, intricant & impediunt. Unde maximopere peto, ut explicatius nonnulla ad me perscribere digneris: Quibus si addideris conciliationem eorum quæ Disp. de Pecc. Orig. cont. Pelag. par. 2. antith. 4. nomine Catholicorum proposuisti, cum dictis à Chamiero, eodem nomine Panstrat. Cathol. To. 3. lib. 1. cap. 4. Sect. 7. Theodoret. in Cap. V. 12. ad Rom. imò Augustin. cont. adversar. Leg. & Prophet. lib. 1. cap. 16. To. 6. Oper. col. m. 599. nihil posset accidere operatius. Certus sum, sine Script. S. obambulare utramque phrasin: *Imputari nobis à Deo primum peccatum Adam: & imputari nobis Christi meritum*, Obedientiam, Justitiam. Non nego horum vel alterutrum: sed sanè & Script. S. convenienti sensu intelligo; quem nescio an assequantur, qui putant, rationem imputationis peccati primi esse, arduissimam nostri cum Adamo conjunctionem, quippe patre, capite & radice totius generis humani. Hæc si militaret ratio, nil fingi potest, cur non perinde alia omnia, post primum illud, imputentur nobis peccata: quando non desit esse Pater, Caput, Radix, inde à Lapsum. Sic pariter falluntur, (nisi ego valde fallor) qui fundamentum imputationis Justitiæ, ponunt Vicariam Legis per Christum impletionem; quā, nos redemptos à Legis perfectæ observatione aiunt. (Palan. Lucius Macc.)

Macc.) Certe nihil aliud credo Ampliss. Virum abstinuisset ab illa tractatione de Merito, præter istam disceptationem quam in Apologetico, sibi inter Tilenum & Molinæum auditam scribit. Si quid enim judicare valeo (novi autem meam tenuitatem) non minus nostri Theologi castigandi veniunt, quam refutandus hæreticus, ob negatum Christi Meritum. Et quid durius est, datis principiis plerorumque modernorum, maxime illo (Christum, *qua Homo est*, meruisse) dubito, an solidè ullatenus hæreticus possit convinci. De his tamen tuum V. Cl. iudicium subactissimum, quod iterum iterumque peto, expecto; quod sciam, & in his te posse plurimum, & Antiquitatis premere vestigia fortiter. Opto autem te, commune Studiorum columen, Deus Opt. Max. Ecclesiæ Scholæque suæ diuturnum indulgeat sospitem. Salut. plur. quæso, Cl. D. Barlæo, tuoque F. D. Mattheo, cum Officiis paratiss. nomine

*Dab. Basilea Frid. Tui V. Cl. Studios.*  
Non. Mart. Sc. Ver.  
c1616 xlvj.

Joh. Rad. Weststein.

### CDXX.

**O** Brutus sum abs te, maxime Vossi, mole beneficiorum, quibus filium meum hodie unicum, quum in Belgica vestra degeret, affatim ornaſti, neque video qui ſim ſolvendo, juxta cum illo. Quod redhoſtore nequimus, id perpetuæ & grata recolemus memoria, & Dominus è celo remunerabitur. Germania noſtra inteſtiniſ bellis diſſociata, exteris abſ in prædam. Dicta Monafterienſis & Onabrugenſis etiamnum eſt in ancipiti. Pax ſi coeat & cum Hiſpano Gallis conveniat, Provinciæ veſtræ dabuntur in dotem Regiæ filiæ, ut fama eſt, non ſine maxima rerum veſtrarum, fortassis & noſtrarum, converſione. Colloquium Turonenſe in Pruſſia diſfluxit præter votum noſtratum D. Bergii & D. Calixti, qui concordiam Eccleſiarum calidè ac ſincèrè quæſiverunt. De infallibili Controverſiarum judice, quem pars Pontificia Pontificem Romanum ſtatuèrunt, noſtris enixè repugnantibus, conveniri non potuit. Atque ita, quantum ſcimus, re infectâ diſceſſum & domum itum eſt. Audio ſpiſſum opus contra univerſalem Gratiã D. Amiraldi Salmurienſis Theologi à D. Spanhemio

in Academia veſtra opponi. Quid verò eſt quod de hoc argumento tantopere inter nos digladiemur? Quasi Dei gratia nimis ampla eſſe poſſit, quæ ipſo cælo amplior eſt. Harum ſator Adolphus Pulekenius Medicinæ ſtudioſus, Medicis in Academia Leidenſi amat commendari. Quod ſi abſ te obtineat, pergratum erit. Bene vale, Vir maxime & amiciffime, cum amoribus tuis, & ſalve jugiter.

*Brem. 5. Mart. Greg. Omnigenæ doctriinæ*  
c1616 xlvj.

*& virtutis tuæ,*

*Admirator & Cultor,*

L. Crocius.

### CDXXI.

S. P.

Clariffime & doctiffime Domine Collega & amice integerrime.

**Q**UO ipſo tempore accepi exoptatiſſimum ingenii Iſaaci tui foetum, eodem triſte nuntium mihi allatum fuit, de inexpectato obitu Matthei tui; in quo non tua tantum & familiæ tuæ, ſed etiam Reipub. Batavæ & Literariæ gravis jactura, me graviter affecit. Doleo certè tam paucis annis, tot nobiliſſima ingenia nobis fuiſſe erepta, & te tantum virum in plerisque culturâ te dignâ fuiſſe privatum, & penè orbem redditum. Sed id me ſolatur, quod non ſolum ſis Philoſophus ſententia, ſed etiam fortiſſimus opera, & in talibus ita exercitatus, ut quos oſtenderunt terris tantum fata, nec ultra eſſe ſiverunt, Deo cujus erant ſine murmure reddideris. Eum precor ex animo, ut Iſaacum tuum ſuperſtitem diu ſervet, vivat coram illo, & tibi in omnibus ſuccedat, non degener filius, ſitque tibi & afflictiſſimæ matri ſolatio, toto vitæ veſtræ tempore. Hac ipſa hora monuit me filius meus ſe Amſterodamum, ab amico invitatum, proficiſci. Quod pluribus feciſſem, tribus verbis ago feſtinatè, juſſique ut præſentia ſua ſuppleret, tibiſque & D. Uxori, à me & mea quæ non ignara mali, vobis conſolet, omnia officia & ſervitia deferret.

*Hagæ-Comitis*  
ix. Aprilis,  
c1616 xlvj.

*Tibi addiſtiſſimus,*

Andreas Rivetus.

CDXXII.



CDXXII.

Summo Viro, Gerardo Joanni Vossio,  
S. P. D. Fridericus Spanhemius.

**E**Ruditissimum munus tuum accepi cum gaudio, & non parum me tibi obnoxium profiteor, quod me non publicè tantum cum aliis, sed & privatim tibi obstringere volueris. Ego omnia tua cum summa voluptate, & fructu pari lego; & ingentem eruditionem tuam, non miror tantum, sed etiam colo. Mitto ad te *Asiæ* aliquod, Exercitationes nostras, de gratia universali, quas mihi expressit *Asiæ* hominis, qui non tam in me, quam in Academiam nostram invasit: si dogmata minus tibi probentur, aut valde fallor, aut probabis *Asiæ* eorum, quæ docemus, & deprehendes illum, quocum commissus, docere *Asiæ*, & quæ se invicem pervertunt. Ausim etiam à te contendere, Vir celeberrime, ut causam cum causâ conferre, & aliquot horas nobis indulgere velis. Judicium tuum expecto, cui plurimum tribuere soleo. Non dubito quin istam Theologorum *Asiæ* deplores. Idem me tecum facere, persuasissimum habeo; & quanvis de bonitate causæ certus sim, infelicitati tamen mea imputo, quod ingratis meis, in certamen istud litigiosum pertractus fui. Vale, Vir summe, cum clarissimis filiis, & me nominis vestri gloriæ dicatissimum amare perge. Scripsi raptissimo calamo.

Lugd. Batav. xx. Mart.  
cl. loc. XLVI.

CDXXIII.

Reverende & Clarissime Vir,

**N**uper cum ad nos Heidanus noster rediisset, maximo cum animi dolore, tuum intellexi. Ereptum nempe filium tibi charissimum, qui ætate ea esset, ut quæ maxime optares, expectare ab eo posses. Ego candide ac bonâ fide testor, quæ amicis eveniunt, evenire & mihi. Cum interim non dubitem, quin magno, quin composito ac forti animo ferenda ea esse ac toleranda scias quæ, præside Monarcha illo maximo summoque homuncionibus his miseris objiciantur nobis, quibus idem, cum eidem videbitur, expectandum est;

ne de eo quidem dubitare possem, quin à te tibi quam à me fortiora suppeditari possint remedia, quæ quotidie in usum tuum promas: cui hæc jampridem animo infixæ sedent; postquam toties præsertim cum adversis jam commissus es; sed & aliis constantiæ jam toties exemplum fuisti. Hæc obiter, cum ad vos quidam properaret juvenis, qui ut verbo se commendarem tibi petiit. Neque jam compareret, cui & Rutgersii, quam vides, vitam, & ab ipso conscriptam, & à genero meo hic editam, tradidissem. Reverende & Clarissime Vir vale, & nos, qui te veneramur, ama.

Lugd. Bat. Ann. Nominis tui observantiss.  
cl. loc. XLVI.  
Aprilis xviii. Daniel Heinhus.

CDXXVI.

Salutem & incolumitatem perpetuam!

**T**Andem me Saxone suo dignatur Stephanus noster. Bonum factum, inquit, summe virorum. Fateor ingenue, in amicitiam nostram non parum deliquisse me, quod tamdiu defraudaverim te novello: hoc ingenii nostri fecti, cujus tibi primum exemplar jure merito debebatur. Sed hanc moram imputes velim Batavis tuis, quorum verum elogium extat lib. xxx. Livi GENS INIQUIS REGUM TEMPORIBUS IMMINENS. Illi etenim perfidis Suecis supparasitantes, dulcissimam patriam nostram iis involvere calamitatibus, quæ omnibus bonis omnem de amicis bene merendi alacritatem prorsus excusere. Illi mare hætenus infestum reddiderunt, imò maria omnia. Illi vias omnes & aditus, qui antehac negotioribus nostris ad vos paruerunt, suis armis excluderunt. Sed JUSTUS JEHOVAH JUDEX. Vereor ne grave fatum impendeat Belgis, qui contritionem Joseph nihil pensi habuerunt, sed ex injusta prædâ sibi exiguum lucelli quæziverunt, de quo non tertius gaudebit hæres. Verum quorsum ista *Asiæ*? Te potissimum alloquor, ad te orationem converto, quem triennium est, quum alloquutus sum. Peramanter rogo, si quid emendatione dignum in Notis hisce animadverteris, candidus ut impertias. Erunt, cum bono Deo, curæ secundæ meliores. Totus nunc

O o

in

in eo sum, ut Historiam Christiani III. Danorum incliti Regis, post Beatum Meursium, ad finem perducam. Editurus sum & alia rerum Danicarum monumenta, quae propediem, *si sibi*, lucem videbunt. De tua valetudine, quam non adeo prosperam, utpote septuagenarii senis, esse inaudiui, vehementer sollicitus sum. Deus te incolumem praestet, Vir incomparabilis, egregio Reipub. literarum bono, in annos Nestoricos! Salutem tibi plurimam ascribit D. Laurenbergius noster & D. Ernstius.

*Saxae, vixit die xxv. April.*  
Anno Messiae Regis aeterni  
cl. bc XLVI.

*Tui observantissimus,*

Stephanus Johannis Stephanus.

### CDXXV.

Clarissime Domine,

**E** Lapsis jam aliquot septimanis ex quo te per literas salutavi, & aliquod responsum frustra expectavi, subit suspicari literas meas, nescio cuius culpa, haud fideliter tibi traditas fuisse, aut (quod absit) valetudine non satis integrā te frui. Alioquin negotii ipsius gravitatem aliquid literarum a te exorturam fuisse vix mihi dubium est. Est autem negotium de quo scripseram ejusmodi. D. Rob. Baylius Scotus ante biennium hac iter faciens, ut fortassis meministi, ex officio te Amstelodami salutavit, & opus scriptumque palato ejus admodum aridens, obiter apud te oculis suis lustravit, quod hac rerum tempestate in lucem prodire unico optat, & cum eo viri pii, probi, docti; existimantes cum Ecclesiae Christi ubivis, tum imprimis in Anglia cum Anabaptisticis Erroribus confligenti, te utilissimam operam navaturum. Est enim opus, quod designabat contra Anabaptistas adornatum, & ut ejus editio maturetur te per me quam obnixè rogari voluerunt, & quidnam impetrare potuerim avidè cognoscere desiderant. Quod si forte ad integrum opus edendum tempus virescere minus suppetant, eam partem saltem quae de Pseudobaptismo disserit, ut publici juris facias obsecrant. Ad haec aliaque complura perficienda, ut Deus te, Vir Reverende ac doctissime, quam diutissime sospitem incolumemque conservet orans, vel brevissimum a te tuis (quibus juxta cum uxore lectissima sa-

lutem plurimam impertior) responsum ut feram summopere desidero, quo amicorum desiderio atque expectationi aliquatenus satisfieri possit.

*Dordrecht xxv. Maii* Reverentiae tuae  
cl. bc XLVI.

*observantissimus,*

Jacobus Lydius.

### CDXXVI.

Clarissimo Viro D. Gerardo Joanni Vossio, Professore Historico.

Vir Clarissime plurimumque Reverende,

**L** iterarum tuarum amoris, ac benevolentiae significationibus refertus, mihi sanè fuerunt oppidè quàm gratissima. Illud tamen animum meum, in doloris sensum rapuit, ubi verè *μυάγχαλα χόλουται*, tristis duorum filiorum fati mentione contempsi; quo magis Deum rogo, ut filium superstitem (quem magis ex virtutum, doctrinaeque fama, imò & monumentis, quam ex vultu novi) D. Isaacum Vossium quàm diutissime incolumem conservet, ad senectutis tuae fulcimentum, & oblectamentum. Equidem, nisi te, ad casus istiusmodi adversos, forti constantique animo excipiendos divinarum, humanarumque literarum praesidio, beneficioque probe munitum, mihi planè persuasum; perspetumque fuisset; jamdudum officii mei esse duxissem, molestitudinem quae animum tuum pervellere potuit, literis meis, quae poteram, evellere. De Baptismo, & Anabaptismo, commentationes tuas, etsi nunquam non tempestivas fore arbitrer; tamen nunc vel maximè fore, si eo quo scripsi tempore, lucem aspiciant; ut credam, faciunt amici cujusdam mei, qui Rev. D. Baylio, familiariter utitur, ex Anglia datae, ad me nuper literarum. Ceterum quemadmodum salivam mihi moverunt scripta varia, quae memorasti, ad praelum parata, ita non mediocriter me affecit Manuscriptorum quos peregrinando filius collegit, Librorum mentio. Quod autem, amicissime Domine, velle te scribis, ac desiderare meum adventum, utique egometipse id nimis quàm velim. Nihil enim animo meo objici potest magis *λαμπρόν*, quàm istud ipsum quod proposuisti illicium, praesertim ubi pristinam, & avitam amicitiam una atque eadem opera,



operâ, refarcire, atque statuminare dabitur. Simulac Deus otium mihi fecerit, grallatorio, ne dicam, Pegaseo gradu, ad vos advolabo. Interim salutem plurimam, tibi juxta, atque Uxori lectissimam, filioque D. Isaac impertio. Salutant vos quoque fratres mei, sororesque quotquot hic degunt. Vale, Vir Doctissime, & me quod facis, amare perge.

*Dordrecht Idib.  
Sextil. clō Ioc xlvj.*

*Reverentia tuâ*

*observantissimus,*

Jacobus Lydius.

CDXXXVII.

*Summo & Excellentissimo Viro, Domino  
Gerardo Joanni Vossio, & πρῶτον  
Professori Historico.*

**N**Euumanus noster, Virorum & Amicorum maxime Vossi, redux à vobis, Epistola exhibita, cum eruditissimis Commentariis tuis, de Vitiis sermonis, me mirificè affecit, quod humanitatem, ac benevolentiam tuam, non satis prædicare posset. Sed & munus transmissum, ipso tacente, egregium affectum in me tum esse voce proclamat. Verè & sine fuco affirmo, nullas tuis chariores mihi literas ab amicis dari, quibus tanquam divino Nectare, & Ambrosia, quando languo, reficior, quando suavissimum, & candidissimum spiritum tuum ex iis haurio. Debendi reum me tibi, quod sum fateor. Nihil enim à me proficisci posse scio, quo dignam aliquam remunerationem faciam. Pro incolumitatē tua, tuorumque Deo litare interim haud cessabo. Alcyonia nobis sunt, singulari Dei beneficio concessa, ab habitu Combachii. Turbarent si possint, quidam balatrones, si quis fibulam à prudentia Magistratus restrictam fortasse luxaret. Non desunt enim, qui vestros sollicitent, ut in nos caninam exercent facundiam. Scripsi dissertatiunculam, de sopiendis Ecclesiæ dissidiis, anno nuper præterito, quæ à quodam Polono, Torunium ad suos missa fuit, quum Colloquium Charitativum, quod vocant, auctoritate regia institueretur: in quo Pontificii, nostris parum charitatis, Lutherani vero etiam minùs ostenderunt. D. Calixtus vir egregius, & ad concordiam pronus, à suis pessimè ibidem habitus fuit. Mo-

guntini Jesuitæ in eundem faviunt. Neque Nihusius vetus, nisi fallor, discipulus ei parcat, qui mirum concordie modum, nupero scripto, apud vos, ut suspicor, edito excogitavit, quo tergiversantem; aut succumbentem damnat, ad panem, & aquam. De quo, quid sentias, candide, quæso, ut soles, mecum communica. Cogor calamum sistere, quia Glaucus, juvenis probus, & non indoctus, harum lator festinat. Benè vale, & salve, Vir summe, πρῶτον, à D. Willio & me, qui sum

*Bremæ 1<sup>o</sup> Sext. Eruditionis ac virtutum  
clō Ioc xlvj.*

*tuarum Æstimator,*

*& Cultor quoad sum,*

Ludovicus Crocius.

CDXXXVIII.

*Celeberrimo Viro Domino Gerardo  
Johanni Vossio Historiæ Professori.*

*Reverende, Clarissime, ac Celeberrime Vir,*

**I**TA semper apud me reputavi, faciendum esse mihi contrarium ejus, quod facit D. Voetius, dum affectibus suis obtemperat, si quid benè factum velim. Ea causa me movit, ut cum Tribunal suum iniquum inchoarit, alloquio ad Clarissimos, & Celeberrimos Belgii Professores, Ego præsentem meam Apologiam, maluerim per Apostrophen, ad illos claudere: & cum illustrem vestram Scholam (quæ in te, Celeberrime Domine, & egregio Barlæo, plus splendoris fundit, quam Novella Voetii Academia per se, & mille sibi similes possit unquam sperare) in sua compellatione prætermiserit; Ego putaverim etiam illius judicio me, meaque esse subijcienda; ut saltem apud plures meam contestem innocentiam, quam ille voluit eligere, apud quos me calumniarentur. Te igitur rogo, Doctissime Virorum, ut æqui bonique consulas, quod graviora tua studia his naniis interpellem. Spero brevi me daturum solidiora, & utiliora Ecclesiæ: sed neq. fama in ea fuit negligenda. Perge benè velle mihi, qui revera sum, & manebo in ævum,

*Groningæ 1<sup>o</sup> Aug. 1646. Tibi ad omnia obsequia paratiss.*

*Sam. Marefius.*

Qo 2

CDXXXIX.

## CDXXIX.

Viro Incomparabili Gerardo

Joanni Vossio, S. P.

Vir Incomparabilis,

**M**agnorum hominum famam, ita semper veneratus sum, ut singula quæ ostendunt favoris signa, singula honoris testimonia esse credam; nam ut onerosa res est, Viro jam dudum, ad celebritatis fastigium evecto, crebras multorum compellationes, gratulantium vota, longos sermones, & cætera pretiosi temporis dispendia ferre: ita vilioribus ingeniis, plausibilis honor est; quantillum in usurpanda patientia, ac humanitatis occasionem duci. Neque ignorare potes, Vir Excellentissime, quæ me causa, in hunc sermonem egerit; cum non ita pridem ad te venerim, Ignotus, Peregrinus, ac Hospes, ut Virum sapientiæ & doctrinæ gloriâ latè per terras notum, coram adspicerem, obfirmaremque ita gratiori argumento fidem, antea solum ex fama, & admiratione suspensam. Tum expertus abundè sum, omnia in te ad raræ cuiusdam virtutis, ac humanitatis modum esse composita, neque te sollicita ambitione, aut gravi supercilio, longas ac inanes honorum prærogas, à gratulantibus exquirere; sed simplici insonitque affectu, quod in homine, præsertim magno, pulcherrimum est, tuorum animos ad spontanea officia, commendandamque iustiore encomio, virtutis tuæ præstium incitare. Memoria enim teneo quod à te audiivi, cum dices: numquid externi quicquam in me vides? Quod sanè rarum est in magna fama; sed eò illustrius quò censentur internæ animi dotes, omnibus aliis externi solendoris, & fortunæ ludibriis præstare. Verùm tuam modestiam irritare nolo. Vir Celeberrime, quod si auderem, jam tuæ laudes, utramque in Epistola paginam facerent; sed quoniam & melior, & honestior, semper est virtutis apud alias aures commendatio, apud te hæc omitto; contentus non ignorare, quale de tanto homine iudicium ferri debeat. Ignosce præterea facienti, quod ipse permiseras, cum juberet uti frui tua facilitate, quæ lubitum esset; scribendi libertatem intelligo, quam si officiosam magis, quam molestam interpreteris, luculentissimum habeo, & bonitatis tuæ, & non repudiati obsequii mei argumen-

tum. Literas ad illustrissimum Salmasium, cum prima occasione ipsemet perferam, ut etiam vigore tuæ commendationis, in cognoscendo illo literarum miraculo, ingens meum desiderium quodammodo possit acquiescere. Cogitavi tum quidem Lugdunum; sed alius me casus, huc appulit, ubi Illustr. Banerius, stationem per hyemem elegit. Vale æternum, Vir Amplissime, quem perenni famæ, jamdudum literarum gloriâ assignavit. Vale, & cogita me virtutem tuam non his caducis verbis; sed pectore magis, & æterna, tacitaque mentis Religione venerari, cum magna quæquæ laudum merita, animo justius, quàm oratione soleant censer.

Dabam Ultra. T. Devotissimus Cultor,

jecti 1. Sept.

1646.

Emund. Figrelus S. Gothus.

## CDXXX.

Gerardo Joanni Vossio,

Clausius Salmasius.

Clarissime, &amp; Celeberrime Vir,

**H**agam profecturus, & cum jam essem in procinctu tuas accepi: quod erit mihi pro excusatione tarditatis in respondendo. Gaudeo te cum dilectissimo filio valere; sed Lædissima Uxoris morbus me sollicitat, ac tuo pro illa minus sana dolore doleo. Deum precor, ut citò liberetur. Istomalo, tuque eo metu, in quo nunc es propter illam. Te non cessare tamen æternum victoris scriptis posteritatem demereri, latus etiam accepi. Bonum factum quoque, quod si puerulus Matthæi tui Annales excudantur, & quod eorum series, ut egregie potest, ita etiam vult Isaacus tuus pertexere, serio tibi, illique gratulor. Vellem ut velles de Provincia Historiæ, ei ab ordinibus Hollandiæ mandanda. Nemo hac tempestate id melius posset præstare, quàm ipse: & saxo omni occasione, ita esse intelligent illi Procerum, quibus notus sum. Non multi illi sunt, non enim sum ambiciosus, neque pluribus innotescere cupio: præcipuè Magnatibus, qui quos putant se inferiores valde despiciunt; ita eos non admodum ipse suspicio. Sed nostris qui fortasse aliquid volent in meam gratiam, ut etiam in hac causa vobis sint suffragatores, instabo. Mitto tibi Librum alterum Verini de Transubstantiatione. Dubitavi diu an mitterem, quia contra Grøtium eum scriptum accepisti.



cepisti. Quoniam omnes volunt me Verinum esse, quam verè, viderint; non credidi te diversam orbitam secare à communi sententia. Malicia tota vergit adversus Pontificios, & Lutheranos. Et velim scire, quid tu, & Haacus tuus de eo sentiat. Uxor mecum vos officiosissime salutat. Te, Uxorem, & filium. Vale.

Lejdæ Idib. Septemb. clō Idc xlv.

## CDXXXI.

**P**ulsat hodie, amicorum maxime, fores Charitum Musarumque tuarum Burchardus Cnippingius nostras, salutigerulus tui Crocii, qui eruditissimos labores ingenii tui æstimat & admiratur. Quærit ille in Belgio vestro Pædagogiam honestam, quæ, si te paratio, ipsi obtingat, tuus erit homo. Patre natus est virò bono, Scholæ nostræ Collega. Sin, agnosceret tamen cum observantia affectum. Ad-

\* Is est Joh. Lud. Wolzogenius, postea Fausti Socini affecta haud indoctus.

fuit mihi non ita pridem quidam à Wolzogen profectus in Poloniam, qui spem mihi fecit Historiæ Ecclesiasticæ de Mysterio sacro-sanctæ Trinitatis, manu tua conscriptæ & edendæ in morem Historiæ Pelagianæ. Imple spem nostram & votum, si potes, & matura. De posteritate ut es meritissimus, ita meritis tuis hanc coronidem impones. Sic vive, virorum summe, & Crocium tuum redamare, quod facis perge. D. Willius, Collega meus plurima te & tuos juxta mecum impertit salute.

Reprim. Brema XIX. Octobris. clō Idc xlv.

devotissimus,

Ludovicus Crocius.

## CDXXXII.

*Viro maximo, Incomparabili D. Joh. Gerardo Vossio Theologiæ Doctori Samuel Sorberius S. P. D.*

**E**N Epistolas, Vir summe, quas ad me misit & ad te scribit Egidius Gaillardus nobilis quidam Gallus, qui à cæstris Pontificiorum ad nostra alia transit, & edito libro pietatem & doctrinam suam

probavit. Illi nuper venit in mentem nescio quid circa Nestorium, quasi perperam in Ephesina Synodo fuerit livore Cyrilli hæreseos insinulatus damnatusq; eaque de re edidit librum, cui titulus est *De Supposito*, cujus verò, ut puto, copiam sibi fecit optimus reverendusque Curcellanus. Efflagitat autem Gaillardus, ut à te responsum, ut & à Salmasio Spanhemioque extorqueam. Sed imprimis à te, cujus æquitatem & subactissimum in expendendis veterum dogmatis judicium novit. Si quid igitur ad illum, vel ad me quibus mentem tuam significes, literarum per Curcellanum nostrum scribas, gratissimum feceris, & quò tibi devincias Virum nobilissimum. Tu vale, Senex venerandissime, seculi nostri decus primum, cum tuis omnibus, quibus salutem queso plurimam meo nomine dices.

Lugd. Baro, in Nov. clō Idc xlv.

Audio Joh. Crocium in eadem sententia esse in qua Gaillardus noster.

clō Idc xlv.

## CDXXXIII.

Clarissime & Celeberrime Vir,

**N**isi cognita orbi humanitas tua esset, haudquaquam ignotus, gravissimas occupationes tuas, intempestivis literis, interpellare ausus essem. Ea mihi & spem fecit discendi à te, quod docere solus potes, & pudorem qui cum peregrinitate mea conjunctum esse debebat, ademit. Quæstio his diebus apud nos mota fuit, de vera origine vulgarium Arithmetices notarum, quas Ziphras vocant, 1. 2. 3. & varie ea res agitata. Sed de Antiquitate, & qua occasione, apud nos in Europa, quibusque temporibus, usurpari primum ceperint nemo quicquam. Additum & hoc, rationem non apparere, cur apud Latinos V. quinque, L. quinquaginta notet. Recondita penes te omnis Antiquitatis cognitio, hæc aliis ferè inaccessa, facillime expedit. Quod si gravissima negotia tua patiantur, ut vel tribus verbis, mentem tuam, Domino Richterò harum latori aperias, felicem me arbitror, & maximo beneficio affectum. Brevem me eadem nominis tui reverentia facit. Deus te, incomparabile seculi nostri decus, sospitet.

Leida ex ædibus Spanhemianis. Id. Dec. clō Idc xlv.

Cl. nominis tui

Calor addictiss.

Georgius Horri.  
CDXXXIV.

## CDXXXIV.

*Viro summo D. Gerhardo Joanni Vossio, Χαίρειν ἐν Κυρίῳ.*

Clarissime & humanissime Vir, D. & Amice plurimum honorande.

**C**UM Cretzmarus noster, isthuc transiturum se diceret, sine meis eum literis ad te, amicum meum singularem, venire nolui: etsi nihil ferè erat, quod ad te scriberem, qui meis nunquam responderes; & inanibus te literis non magnoperè delectari existimabam. Nisi tu eas fortè, non prorsus inanes judicas, quæ benevolentiam, & officii habent significationem. Ego quidem mihi conscius sum, mei in te animi; quem suscepi, ex quo tuum perspexi. Te quoque amicitiam meam non omnino adspernari, non quidem è tuis, quas nullas ad me dedisti, sed ex amicorum salutationibus intelligo. Simus inter nos hoc perpetuo animo, mi Vossi, & quod pauci serio faciunt, sincerè amemus; etiam quod uterque nostrum cupit, de juventute bonarum artium studiosa, suo quisque loco, porro benè mereri studeamus. Ego id, quoad consequi, per tenuitatem meam possum, facere non desinam. Argumento tibi erit libellus Anonymi Scriptoris, quem notis meis illustrare conatus sum, quemque superioribus mensibus edidi, in usum eorum, qui Historiarum tractant studia. Tibi mitto, ut & videas, & lectione ejus te oblectes, existimesque ecquid in eo dignum à me præstitum, operâ, & sumptu. Vale, quam optime, & salve.

*Ex Academia Sorana Prid. Non. April.  
cId Idc XLVII.*

Si Pub. Syri mimos, quos aliquando fidei tuæ commisi, mihi remitteres, rem profectò faceres te dignam, & mihi carissimam.

*Tui studiosissimus,*

Henricus Ernestus.

## CDXXXV.

*Viro summo, Gerhardo Joanni Vossio, Seculi Ornamento S. P. D.*

**Q**Uanquam, Vir summe, mirari possis, quod ego, homo ignotus, & ex Pomeraniæ oris id ad te ausim: credo tamen me excusari posse, vel una ista fiducia, quâ præsentem olim veneratus sum, & loquentem audiui. Res quidem tanti momenti non est, ut hac scriptione forsan, interpellare debeam tuos labores, & gravissima studia: quia verò ad alium ire non licebat, à quo erudirer, condonaturum te spero importunitati meæ. Et ne multis te remorer, Vir Magne, statim in limite scribam, quid te velim. Notum est, quàm hodiè nimium insaniat turba Chymicorum, circa laudes Medicinarum, quæ ex Metallis, & Mineralibus petuntur. His ut fidem adstruant, Argumentum sumunt maximè ab antiquitate, & quidem Ægyptiorum: à quibus Mineralia, & Metalla, ob præclaras in Medicina dotes, ac vires, in numerum Deorum relata, & tanquam Deos, ac Numina quædam culta fuisse, magno hiatu clamant, ac testantur. Memini hanc in rem, de cultu fossilium, in Theologiæ Gentilis ad Lib. iii. & iv. præfatione, quædam moneri; atque alibi in libris istis tradi; Paganos multis rebus, unde insigne aliquid commodum ipsi sensissent, divinos nonnunquam honores tribuisse; sed hæc parùm facere ad notitiam Theologiæ Gentilis; ad symbolicam tamen plurimum conferre. Quia ut constat, & allium, & porrum, & capræ, inter numina accipiebantur; ob utilitatem scilicet, quam hæc talia præstabant hominibus. An autem tale quid, Metallis, ac Mineralibus præsertim, ob hanc causam, quam nominari contigerit, difficile est sine gravi aliquo Authore affirmare. Nec cordato unquam homini hoc in mentem credo venire posse, uti id sentiat, aut credat. Quis enim tam graviter desipiat, ut quia Solis vires maximè conspicuæ sint in sole terrestri, hoc est auro; huic ob id Metallo, nomen ab ipso inditum esse velit, & religiosè postea tanquam numen, ab Ægyptiis adoratum? Quis item Martis, Veneris, Jovis, Saturni, Lunæ nomina, nostri Ferro, Argento, Stanno, Plumbo, Cupro, Mercurio tribuat, ob Naturæ, & Virium cognitionem? Quod hodie Chymici faciunt; quo jure, & quibus fundamentis,



mentis, ipsi viderint. Quas tantoperè vires jactant, de illis puto parum constituisse Antiquis; nec ipsis hodie Chymicis quicquam certi de illis constat. Interim multa infruñti oblateralant, de auro potabili, de auri anima, & tinctura, de cæterorum Metallorum, & Mineralium extractis, Essentiis, Spiritibus, & Tincturis, de quibus ne somniasse quidem credo Ægyptios. Alios quidem usus Metallorum, non negaverim. De Chymicorum verò nugis, an certi aliquid ex Antiquitate adstrui possit, à te, Vir summe, erudiri velim, & quidem si dignus videar, uno vel altero verbo, ego tam grande beneficium, si non alio, saltem observantia, & pietatis in Præceptorem redhòstimento, submisè, ac devotè, compensare studebo. Vale, & diu vive bono Reipub. literariæ.

Dab. Sæterni 5. Maii 1547.

*Magnific. T. observantissimus,*

Georgius Kirstenius Med. D.  
& Professor Regius.

CDXXXVI.

*Viro Incomparabili, Gerardo  
Joanni Vossio.*

Celeberrime Vossi,

Quas nuper pagellas Sulpicianas, per doctissimum Richterum, misi, eas à te pari humanitatis affectu, ac cætera, exceptas fuisse, cum gaudio intellexi. Gratiarum pro tanta in opus nostrum agere nunquam possum: debebo semper. Nunc quoniam paulatim, ex Historia Veteris Testamenti, ubi pedè magis inoffenso pergere licuit, ad amplissimos Historiæ exoticæ campos pervenimus, & nobis Imperium Græcorum, Judæisque formidati Syriæ Reges, tum Romani dicendi erunt; quantum humanitatem tuam fas est, oro, & obtestor, ut Lectionis tuæ, & historiæ fontes nobis pandas, ac quæ videntur impertias. Imprimis quod Historiam Arrianam spectat, in qua noster cum cura, & apparatu majori versatus videtur, nescio an pari ubique fide, & absque ira ac odio. Eam igitur, Celeberrime Vossi, commendatam tibi præ cæteris habe, & quicquid videris dignum observatione tua, fac tibi debeamus. De vita Martini, & Monachorum Orientalium, nosti quid deside-

rem. Ea vel omnino sine decenti notarum veste, publicanda erunt: vel tu succurrere, & inopiam sublevare tua copia debes. Occurrunt ibi multa Antiquitatis Ecclesiasticæ monumenta, de Monachorum prima origine, habitatione, institutis, vestitu, victu, & quantum posteriores, ab antiqua illa severitate, declinarint ad socordiam. Quæ omnia requirunt tantam antiquitatis illius peritiam, quantum in te solo, seculum nostrum agnoscit, & veneratur. Sed ego & prioribus tui in Sulpitium affectus documentis, & optima, quam Richterum fecit, spe incitatus, polliceor nobis, Sulpitium tua opera insigniter illustratum. Interea vale, Vir seculi nostri Maxime, & me, cætera omnibus, affectu in te, & cultu nemini inferiorem, amare, & ornare perge.

Leide xviii. Maii  
cl. lxxvii.

*Clar. Nominis Tui,*

*Cultor addictissimus,*

G. Horn.

CDXXXVII.

*Viro Excellentissimo, Gerardo  
Joanni Vossio.*

Pancis lineis prolixam *synopsis*, signaturus, tuique sic florentis status nuncio brevi gavisorus, faventissime Vossi, subjicio acri tuo judicio, & candido, geminam exercitationem: alterà undequaque doctissimum Junium vindicatum, & ab acerbiorè censura maximi Josephi Scaligeri, omnino non male, sed veritatis per studio. Etenim viri summi eximias, & ingenii vastissimi opes, ut numero plurimas, ita pondere gravissimas, ex animo veneror. Eadem est penè controversia literaria, quam hic duo, Doctissimus Joan. Buxtorfius, & ingeniosissimus, atque eruditissimus Ludovicus Capellus, ventitant. Sed hæc melius publica loquuntur scripta. Porro passus sum meis manibus extorqueri sponsalia, quæ si Excellentissimus Vir, vel oculo emissitio, saltem lustrare dignatus fuerit, & probaverit; conabor efficere, ut mixtus hic severitate ingenii à Musis tristioribus, respirantis, Lusus, lucem à vestratibus Typis sit mutuaturus: sin minus, mihi etiam displiceat. Tuam igitur Celeberrimo Typographo Janfonio sententiam super hac lucubratiuncula (uti super

super aliis de literis Antidiluvianis Adami, Sethi, Enochi, Noachi, &c. item de literis Hieroglyphicis Aegyptiorum, quæ tibi muneri missa sunt) si indicare haud grave duxeris, sempiterna erit apud me hujus beneficii memoria. Quod si haud nossem insignem tuam humanitatem, & candorem, quem optima anima, Meursius, mihi sæpe deprædicavit, & te legendi, & me scribendi liberarem labore: quem tantæ nunc publicæ occupationes circumstant, ut Lictores olim, Consulem Romanum. Quod si suaseris in aliis, quæ domi peperi, foris vestendis, & nutricandis, haud ero in posterum difficilis. Metuo saltem genio loci: nihil ne inquam, abmoros ungues sapiat, ex angulo insularis septentrionis venire putatur. Sed festinantius hæc, quam oporteret, ad virum tam eximium, & celeberrimum; quem plurimum salvere jubet

Hannæ  
ii Junii  
1647.

Thomas Jo. Bangius,  
Acad. Hannensi. P.T.  
Rector M.S.

illa centum quinquaginta florenos, quotannis apud suos esset lucratus. Ea res urit graviter Curatorem, qui legendas mihi exhibuit ejus literas, & suo cum labore, lulum esse indignissime fert. Magna enim, nec digna Gronovio levitas, postquam prius tum literis, tum coram conditionem accepisset, jam quasi cum pueris esset negotium, spernere omnia, & flocci habere. Viderit ne hoc aliquando se offendat. Verum desinam ipsi male ominari. Fuit item hic Isendornius, & professionem adeptus est. Excusavit se de literis; ac scriptas aiebat, priusquam cum Curatoribus Zuthphanz esset locutus, & à nebulone dimittis, quam oportebat, retentas. Vale Vir incomparabilis, & æternum mihi suspicendo, atque amare perge tibi devotissimum. Salutem adscribo plurimam ornatissimæ Conjugi, ut & clarissimo filio, ac instar omnium, Isaac.

Harlevisci. xi. Kal. Septemb. clæ 1647.  
Styl. Juliano.

CDXXXIX.

Clarissimo Viro, Gerardo Joanni Vossio.

Illustri & summo Viro, Gerardo Jo.  
Vossio, Cornehus Tollius S. P. D.

SI quidem in me grati animi, & officiorum mentis est, quod sanè quamplurimum, Vir incomparabilis; illud omne exposcunt tibi mementa tua erga me, & cumulatissima beneficia. Defero etiam grates omnes, officia omnia, operam, & laborem meum, & quod maxime possum, memoriam non obliterandam. Sed nolo pietatem meam hic multis jactare; cum ego quanti te faciam, semperque fecerim, qualem item me à te fieri abunde cognovim; ipse mihi sim testis. Mitto dicatorem Epistolam, ad Curatores nostræ Academicæ, ut ex te intelligam, Vir summe, anne aliquid in ea me, ut meum fefellit. Scio enim quam sit magnum, dare quid in manus hominum, sæpe Viriligatorum; ac facile persuadere mihi possum, non solum mecum sepissime, sed etiam tecum tractanda, quæ placere omnibus, necnon tibi, velim. Rogo igitur obnixè, ut quid de illa sentias, quam cognoscere. Ero enim in edenda confidentissimus, si illuc judicium tuum, & autoritas accesserit. D. Gronovius nudius tertius, vocationem sui remisit Nobilissimo Winbergio, cum

Litteræ ex Anglia nuperrimè ad me datæ, tristia omnia nuntiant. Exercitus enim Partharum, qui maximam partem constat ex Anabaptistis, jam rerum potitur, Regemque captivum detinet; nec minus Presbyterianorum (uti eos appellare Angli assolent) quam Episcoporum, Ecclesiastico regimini, bellum indixisse videtur. Independentibus, qui idem agunt, haud segniter, auxilium ferentibus; adeo ut duabus partibus infelicitè contendentibus, tertia jam palmam præcipuisse judicari possit. Nunc certe redeo in memoriam, Vocum asperimarum quorundam in Anglia Virorum, non imi subellii, & cætera Piorum, & Doctorum, pacem (tanquam consiliis ipsorum inimicam) cum Rege, procul esse jubentium. Quæ utique sicuti tunc Aures meas raserunt, cum eas audire contigit, ita nunc me conturbant vehementius, animique mei serenitatem obducunt. Miserrima Anglia! Miserrima Ecclesia! cui suppetias ferre quemadmodum non est cuiusvis, ita Deo acceptissimum fore nemo sanus dubitet. Tui, Vir Doctissime, auxilium quod præstare potes, ne denega, & quod jamdudum Viri docti ac probi desiderant; Opus illud contra Anabaptistas, saltem quatenus

Pædo



Pædobaptismum asserit, fac quæso lucem aspiciat. Etenim amici tui, meique idipsum rursus efflagitant, hoc te afflictæ Angliæ daturum sperantes. Sperâram mihi hac ætate tempus, locumque, datum iri coram, de hisce, aliisq; sermones ferendi. Sed spei jam successit *actio*. Rogo, ut quid de libri editione, amicis promittere possim; ubi per occupationes licebit, mihi indicare non dedigneris. Interim vale, Vir clarissime atque humanissime, & me, (quod facis) amore ac favore tuo amplecti perge. Uxorem lectissimam filiumque D. Isaacum salvere jubeo.

Dordr. iii. Id.  
Sept. 1647.

R. T. observantissimus,

Jacobus Lydius.

## CDXL

Clarissimo, Doctissimoque Viro, D. Gerardo Joanni Vossio.

Reverende admodum, clarissime & doctissime Vir,  
Avuncule ætatem honorande,

Complures jam misi literas, quas non ingratas fuisse scio, modò bona fide sint traditæ omnes. Dubium quodammodo me facit, quod unâ tantum à clarissimo Cognato, binas verò à Matre exaratas, viderim hæcenus, licet per quatuor menses, jam in Gallia fuerim, aut saltem id spatium effluerit, ex quo vobis ultimùm precatus sum, Vale. Prospera omnes uti valetudine spero: ut utamini hoc instanti, & compluribus annis, Deum continuis precibus oro. Quod si certior me faceret clariss. Cognatus, acceperitne nostras, acceperitne illa ampliss. D. Saravii, multum sanè mihi gratularer. De Manuscriptis, qui hic in Bibliotheca publica sunt, jam scripsi; quod si opera nostra in conferendo uno, vel altero, ei utilis esse possit,

*Libenter hoc & omne militabitur  
Bellum in tue spem gratiæ.*

Ampliss. D. Gothofredus, creberrimam tui mentionem facit, ut & Clar. D. Tronchinus, hospes meus; uterque verò multum te præ aliis omnibus æstimat. Ampliss. Gothofredus aliquoties me jam convenit, & se accedentem excipit perquam humaniter: non habet hic alium quempiam discendi jura avidum; quæ res facit, ut

tantò me amet impensius. Optarem, ut bono viro melius conveniret cum uxore, quæ ab ipso separatam, ob quas nescio rixas; vitam agit. Opus Institutionum Poeticarum, necdum hic vidi: Pudet me quocienscunque, ipsum sine libro tuo convenire necesse habeo. Dabis veniam huic nostræ temeritati, qui exemplar illi dandum, dedimus alii; nec te ita id in sequiorem partem, interpretatum putem, ut aliud ejus loco, mihi submittere nolis: humanitas enim tua, ac singularis erga me amor facit, ut propediem me id accepturum putem. Typographus Elzevirius, dubio procul hic quem habebit Librarium, cum quo ei sit negotium, ad quem id facillè mitti possit. Sed nolim pluribus te detinere. Inclusi hic literas ad reverendum D. Hottonum, & Matrem, quæ expensa, pro omnibus literis reddet. Interim tibi, clarissime D. Avuncule, Amitæ, ac D. Cognato carissimis, instantem hunc, & sequentes complures annos felicissimos precor; Deumque rogo, ut Te, Amitam & Cognatum, quam diutissimè servet incolumes. Idem se tibi precari ex animo scribere jussit D. Tronchinus.

Dab. Genev.  
v. Kal. Dec.  
St. Juliano,  
cl. Dec. xlvii.

Ampliss. & clariss. nom. sui

observantiss. Cognatus!

Franc. Junius, F. N.

## CDXLI

Viro incomparabili Gerardo Jo. Vossio,  
Vincentius Fabricius S. P. D.

NON patitur candor tuus, & eximia erga me benevolentia, prolixè apud te de me deprædicare, quot nominibus, & quantoperè, tibi, tuisque devinctus sim. Postremâ profectò Epistola tua, ejusmodi fuit, ut etiam si absque cæteris tuis beneficiis foret, planè certius ipse possim de paterno tuo in me affectu, quem pluris æstimo, quàm quicquid satis indulgens fortuna hæcenus suggestit. Id unice Deum precor, ut tanti Viri amicitia, ac amore dignus inveniar, quem Reipub. literariæ maximè interest, præter cæteros mortales, in vegeta illa senectute, diutissime esse superstitem. Isaaci filii crescenti gloriæ, ex animo faveo, gaudeoque quod tam dignè sustineat onus, quod humeris ejus incumbit; ut nempe tam parentibus sanctissimis,

P p

quam

quam bono publico, fratres repraesentet, iacturaeque tantas compenset. Uti hactenus consuetudine plane fraterna convincti viximus; ita spero illam inter nos animorum conjunctionem aeternam fore. Nec puto aspernari ipsum veterem amicum, quem tenuitas primò ingenii, aliaque adversa, mox Reip. negotia, à literarum gloria arcuerunt. Nunquam tamen ulla negotia ita me occupant, ut non meminerim benevolentiae vestrae, aut mihi tempus deesse patiar, ad diligenter evolvendos incomparabilis ingenii tui foetus, quos profecta quidem, sed fecundissima illa senectus quotidie parit: in quibus profectò nihil senile est, præter admirabilem, iudicandi, & scribendi maturitatem. Ista unica mihi voluptas in posterum supererit, implicito tot negotiis, & à pristinis meis amoenitatibus, per mille divortia miserrimè distracto. Filio Viri Cl. Manassis Ben-Israel, libenter affectum meum, luculenta aliqua opera fuisset testatus, si uterque in molliora, & oportuniora tempora incidissemus. Sed ipso coram accuratius omnia edisaret. Uxori matronae laudatissima, ut à me, meaque, officiosissimam nunties salutem, observanter oro. Uxor mea illam uti matrem colit, & veneratur, hactenus sibi ignotam, sed ex institutione mea, gnarissima illius erga me inusitata benevolentiae. Ego dum vivo, me clientem tuum, tuæque familiae profitebor. Deus vos servet optimè volentes, omnique exoptata foelicitate perfruentes.

Gedani propriè Kal. Dec. 1647.

### CDXLII.

*Reverendo admodum, Clarissimoq; Viro,  
D. Gerardo Joanni Vossio, Historiarum ac Politices Professore.*

Reverende admodum, Clarissime & Doctissime Vir,  
Avuncule plurimum honorande,

**B**ina hodie sunt hebdomades, quod literas ad præstantissimum filium, cognatum carissimum, Geneva miserim. Hospitem hic habeo, Reverendum D. Tronchinum, virum singularis pietatis, ac modestiae, summum verò tui æstimatorem. Amplissimo Gothofredo, tuæ fuerunt acceptissimæ; cum quod ex iis rectè ad te delatum suum Philostorgium cognoverit, tum vero, quod opus Institutionum Poe-

ticarum ei mittis. Lutetiae Parisiorum cum adhuc hærerem, sapissimè inquisivi, nunt eo jam misisset Exemplaria Elzevirius, ab Mercatoribus, & Librariis, emissam enim aliud loco ejus, quod ampliss. D. Cromon filio natu maximo dedi, cum Hagæ essem tam liberaliter ab amplissimo parente exceptus. Simulac Genevam veni, id ipsum etiam sedulò curavimus: sed non invento ullo exemplari, literas nudas amplissimo Gothofredo tradidi, spem ei faciens, proxima occasione id te missurum. Multum mihi gratulabor, si miserit huc ad Typographum quædam exemplaria Elzevirius, ut unum mihi emere queam, D. Gothofredo dandum. Bis me jam invisit Vir summus, atque ad se venienti humanissimè quidvis offert. De editione corporis Juris Civilis, ac Codicis Theodosiani, cum locupleti ejus commentario, ad præstantissimum cognatum jam scripsi. Inveni hic in Bibliotheca publica, quatuor vel quinque Manuscriptos, qui videbantur satis antiqui. Hi sunt Juvenalis, Ovidii Metamorphosis; quædam Ciceronis; quædam Senecæ Philosophi, & Nonius Marcellus. Quod si opera nostra, hic præstantissimo cognato in conferendo utilis esse possit, unico verbo id significare non gravabitur; ego in me nihil patiar desiderari. Salutem officiosissimam quæso, carissimis Amitæ & Cognato impertiri ne sit molestum. Avidissimè verò exemplar aliquod expectabo. Facile verò pro amore erga me tuo, audaciaz nostræ dabis veniam, quod exemplar illud D. Gothofredo dandum, D. Cromon donaverim.

Dabam Geneva viii. Id. Decemb.  
St. Julian. c. 1647.

Officiosissimam salutem adscribi tibi jussit Reverend. D. Tronchinus.

Clarissimo nomini tuo

æternum devotissim,

Franc. Junius, F. N.

### CDXLIII.

*Celeberrimo & Clarissimo Viro, D. Gerardo Joanni Vossio.*

Celeberrime Vir,

**A**d tuas quas mihi reddidit, Junius vester, bene doctus & moratus Juvenis,



nis, quem ideo quoque animo complector, nondum respondisse me scio, neq; adhuc respondurus eram, ob non redditum adhuc commentarium de Poetica, nisi fontica quædam eò causa me nunc adigeret; candoris quoque tui fiducia fretum. Nullus dubito, Vir de literis, & literatis meritisime, quin Reverendi & Clarissimi Viri, Alexandri Mori, Pastoris, & Professoris in hac Ecclesia & Academia celeberrimi, fama, meritumque tibi innoverit; tum ex aliis, tum ex eo quoque, quod jam in Belgium quoque ad professionem Theologicam invitatur. Et is tamen, ut summæ virtutis comes invidia esse solet, jam ab aliquot annis ab æmulis, non una ratione laceffitur, lancinatur: quorum impetus feliciter semper non elusit, sed elisit, doctrinæ partim sanctitate, partim morum innocentia. Neque dum tamen confectam rem video: novum ecce, horrendumque crimen impingi audio, & blasphemiam in spiritum sanctum. Quo quidem nuntio, totum me cohorruisse fateor, protinusque de innocentia ejus tutanda cogitare coepi: nam etsi calumnias illas, ex Orci faucibus erutas ipse, quæ valet integritatis fiducia, quibus ingenii dotibus, nemo melius quam ipse diluere possit, & magnifice diruere; non potui tamen, quia amici mei summi, imò Ecclesiæ nostræ hac parte res geritur, mihi temperare, quin *Cymbelæ* meæ testimonium, in candidissimum sinum tuum effunderem, simul & vicem apud te seridè dolerem, temporum horum iniquissimorum; quibus pax Ecclesiæ indies, magis magisque turbatur. Certò enim scias velim, Vir candidissime, pacisque studiosissime, agnovisse me in Moro nostro, doctrinam constanter sinceram, sobriam, & à variis quæstionibus abhorrentem, vitam inculpata, mores candidos, ingenuos, ab omni fūco alienos, cum charitatis ardore vivo. O si Deus nobis ubique benè multos ad hanc formulam, & characterem factos sufficeret! Certè paci Ecclesiarum optumè consultum esset, quæ nihil habitura esset vel insidiarum, vel aucupii. Sed quid facias iis, qui procul ab ira, & studio, bona fide nunquam abesse possunt? sensit ut modo dixi, Morus noster quorundam ex hoc ordine insidias: qui ideo propter nonnulla doctrinæ capita, antehac ipsi litem moverunt, quæ cessare visa, posteaquam is publicè certissimis argumentis præbitis, nulli suspicionis nebula locum reliquit. De Spiritu Sancto, nemini adhuc male feriato in mentem venit, ut dicam, scribere: imò hoc

ipsum doctrinæ caput, sæpius pro concione ad populum tractavit felicissime, & summam cum Orthodoxia: etiam cum anno Symbolum quod dicitur Apostolorum tractaret. Ad summum, adeone stipites esse nos hic, adeone Ecclesiasticos hic nostros, Ecclesiæ curam abdicasse, qui hujusmodi erroribus, culpæque affinem tolerare, in animum inducerent suum, neque tolerare modò, sed etiam operose retinere, quoties vocatio aliqua, ut aliàs Londino; ita novissime Lugduno Galliarum contigit? Velut merito suo nobis charissimum, decessoribusq; suis summis dignissimum: cui & ideo triplex eodem tempore munus impactum, Ecclesiæ, Professoris ac Rectoris: quibus omnibus, tam gnaviter, tam sincere defungitur, ut si singula tantum incumbere. Quare oro te, Vir omnium humanissime, juxta nobiscum in hanc sollicitudinis partem, venire velis, quo inculpatissimo viro, sua constet apud vos fama, & existimatio: præjudicioque hoc etiam meo juvare laborantem apud vos digneris: sequentur propediem publicæ Literæ & testimonia in eandem rem. Feceris ipse hac in re, negotium dignum nomine tuo, verè Christiano: feceris mihi rem longè gratissimam, quasi mihi exhibitam: Ego vicem referam tibi, tuisque, ubi ubi poterero. Vale, Vir summe, meque amaro perge.

*Tuus ad omnia studia,*

Jacobus Gothofredus, J. C.

& Ex-Consul.

CDXLIV.

*Clarissimo Viro Gerardo Joanni Vossio,  
Professori Historico.*

Clarissime Domine,

**N**ON una mihi ad te scribendi causa est; primum enim se offert tristissimus Domini Barlei obitus; in quo viro omnis literatura magnam fecit jacturam; ideoque communem meum cum aliis mœrorem, tibi potissimum honoratissimo ejus Collegæ, testandum duxi. Deinde petiit à me ante aliquot menses Typographus Baertius, ut ad te transmitterem Poemata aliqua Belgica fratris *fratris*, quod jam primum facio. Quia Epistolam Joannis hæcenus frustra expectatam nunc primum Roterodamo accepi, addidi expli-

cationem Capitis LIII. Esaie, & ultimi Proverbiorum, ubi de foemina forti agitur, itemque hymnos aliquot veteres, ab eodem Belgico nostro versos. Quæ omnia si mereri videntur, ut in publicum prodeant, iudicio tuo permitto, & potestatis tuæ facio. Si aut tu, aut filius fortè Hagam brevi excurritis, gratissimum mihi erit, de valetudine tua, & uxoris optimæ edoceri. Interea si quid est, in quo opera mea tibi possit esse usui, confidenter impetra. Vale.

*Celebritati nominis*

*Reprim Hagæ  
xv. Jan. 1643.*

*tui addictissimus,*

Gulielmus Grotius.

# CDXLV.

*Clarissimo & celeberrimo Viro, Gerardo Joanni Vossio, Cl. Salmasius.*

**A**ccepi nuper Londino, Vir celeberrime, literas à Seldeno nostro, cum quibus, & has simul inclusas reperi, quæ filio Isaacò inscriptæ sunt. Resignatas vides; quia ita mandavit Seldenus, ut si prædictus Isaacus in his oris amplius non esset, eas aperirem, quia ad rem meam, quod in his scriptum est pertinet. De filio tuo doctissimo, velim scire an adhuc hæreat *Monasterii*. Audio res turbatas esse, inter Reginam & Parlamentum. Si quid habes de his certi, gratum feceris, si vel tribus verbis scribas. Terribilem Britannia magnæ tragediam, omnes jam sciunt, mirantur, & detestantur. Tanta me tenet indignatio, & dolor, ut plura de eo non possim. Jam nostri sunt certissimi Regum occisores, quod Jesuitis solis antea objiciebatur. Deus tales terris pestes avertat. Meam ad Tollium, quæso te ut curas. Vale, & me ama.

*Leide viii. Feb. cl. lxx. xxi.*

# CDXLVI.

*Clarissimo, doctissimoque Viro, D. Gerardo Jo. Vossio, Historiarum Professori celeberrimo.*

Reverende admodum, Clarissime & doctissime Vir, Avancule ætatem honorande.

**C**omplures jam misimus literas, quarum aliquas rectè delatas esse, exinde mihi constat, quod mater, & Clariss. D. Hattonus, jam ad quasdam mihi responderint. Id unicum hic mihi in votis est; ut vel unis saltem literis dispositionis tuæ, ac charissimæ Amitæ, cognatique præstantissimi, certior fieri possem. Nec dubito quin id jam diu fuisset factum, si vel morbus tuis annuus (quanquam sperem hoc anno te ab eo fuisse liberum) vel cognati fortè absentia, non fuissent impedimento. Amplissimi Godofredi librum indies expecto, quia non dubito te Elzevirio Amstelodamensi, in mandatis dedisse, ut ejus rei curam gereret, sed quominus hætenus acceperim, hyberno tempori ascribo. Invisit me hesternio die Reveren. D. Alexander Morus, Theologiæ Professor, hujusque Academiæ Rector, iussitque scribere, nihil optare se magis, quam occasionem testandi observantiam, & affectum, quibus te, & carissimum cognatum prosequitur. Geneva adhuc per mensem unum aut alterum morabor; vix enim, & ne vix quidem ausim discedere, nisi prius traditis amplissimo D. Godofredo Institutionibus tuis, idque eò magis quod celeberrimam earum mentionem faciat. Non addam plura; quia tempus instat, quo Tabellario discedendum est. Deum rogo, ut te, carissimam Amitam, & præstantissimum Amicum, quam diutissime servet incolumes.

*Rever. & amplissimi*

*Dab. Gen. xps. Kal.*

*nominis tui,*

*Mat. S. Jul. de collat. xxi.*

*cl. lxx. xxi.*

*Observ. affinis filius,*

Franciscus Junius, F. N.

# CDXLVII.

*Celeberrimo Viro, Gerardo Joanni Vossio, S. P. D. Fredericus Spanhemius.*

**D**ilata fuit negotii, quod mihi commendaveras expeditio, quamvis non defuerim officio, nec Academia, in ea apud



apud amplissimum Magistratum nostrum promovendo. Non cessavi tamen in eo urgendo, nec destiti, donec res confieret ex voto. Integrum itaque erit heredibus Cl. Elmenhorstii auctione publica bibliothecam *in manus* hic distrahere. Quod tibi significandum duxi. Philippica cuiusdam in me à Moro ex mera æruginis scriptæ, evulgationem, vobis curæ esse audio; cui speciosum pacis nomen præscripsit, ut & panegyrici potius, quam *oratoris*. Quamvis verò nihil tale ab iis expectarim, quos semper sincero animo colui; & iteratis juramentis Morus coram Magistratu, & Procëribus Genevensibus, testatus fuerit, se de me, haudquaquam in ista oratione cogitasse; demonstrare tamen possum, non exiguam ejus partem, in me unum destinatam esse. Quod suo loco, ad hanc necessitatem mei defendendi adactus, profiteri cogar, & me publicè purgare, quia publicè traducor. Videbit etiam Lector, quid de incomparabili isto Heroe judicandum sit, quia Cicerone, dubio procul didicit singulis propemodum pagellis, pædagogica affectatione Græca, suæ orationi miscere, & versus. Quod quàm ex regulis artis fiat, nemo te melius novit. Qui etiam testimonia illa Genevensibus extorta fuerint, & quibus artibus, quamvis ex fide mihi narrandum erit; qui ejus rei documenta complura evidentiissima habeo; à primariis dignitatis, in Republica & Ecclesia Genevensi viris. Constabit inde omnibus, qui ab hoc Heroe in hoc negotio actum fuerit. Nec dubito Genevenses ægerime lauros, literas suas, & suorum Ministrorum evulgari. Publicè etiam narranda erit historia, qui & alibi, & Geneva vixerit, ut constet omnibus, quid de eo judicari debeat. Nec hic verebor, ad acta, & conscientiam Genevensium ipsorum provocare. Et quamvis mei haudquaquam meminerit, Geneva in Testimoniis istorum petitione, non quidem amore mei, sed ne paterer repulsam, haudquaquam tamen permittere debeo, me eo nomine apud multos, & à multis traduci, qualia ex odio, vel invidia, ex de homine isto dixerint, quæ aliena sunt à candore, & veritate. Nec ob certum id genus *versus*, & emendicata elogia, à scriptore profecta (qui nihil aliud se cupere dixit, quàm ut inflatis velis eum in Hollandiam propellere, ulla ratione posset) sententiam muto; sed constantissimè, & verissimè profiteor; cum & heterodoxia Salnuriensis, & ambitiosi, ac turbulenti, & inquisiti

ingenii, si ullum mortalium, merito à me accusatum fuisse, Cl. Viri etiam & Bornius non patientur se eruentari, & famam suam proscindi. Scio quos habeas Panegyristas, & quibus de causis. Ego meà me innocentia includo, donec cogar publicè laesus, publicè etiam famam meam tueri. Ut me potissimum male habet, illorum opera negotium istud vel commendari, vel urgeri, quos ego toto animo semper suspexi. Eo te loco semper cum Cl. filio, fuisse sincerè, & verè testari possum. Eventum Deo committo, qui & Mori, & meum animum novit, & quid in tota hac causa actum fuerit utrinque. Ille & *Kapitelmeister* est, & iudex aliquando erit. Nihil à me officii, vel studii in nobilissimo Viro, qui hoc negotium primus novit, mihi conciliando, prætermisum fuisse, & gaudeo, & gaudebo semper. Vale, Vir celeberrime, cum Cl. filio, utti Mori summè studioso.

*Scripti rapidissimo calamo Lugd. Bat. xxiii. Mart. clj. De xlviii.*

Quanti Godofredi elogii facienda sint, & multis demonstrare possum, & probare ea ex mera obliquine erga me proficisci, cujus causæ ipsi partim honorifice sunt. Nobiliss. Salnuriensis, professus est, haudquaquam suo vel consilio, vel operâ, ista omnia evulgari. In viros itaque consilii istius auctores, inquirendum nobis erit.

## CDXLVIII.

*Celeberrimo Viro D. Gerardo Joanni Vossio, Historiarum Professore.*

*Reverende admodum, Clarissime, & Doctissime Vir, Avuncule ætatem honorande,*

Res sunt Hebdomades, quod literas tuas, & carissimi cognati, suis inclusas mihi misit Reverendus D. Hattonus; exosculatus eas sum sæpius, ac lectum diem notavi, quo non alius mihi Geneva affuisse jucundior; siquidem ex iis, & prosperam tuam, carissimæ Amitæ, ac suavissimi Cognati valetudinem, non tantum licuit intelligere, sed & pristinum illum vestrum erga me affectum, qui sanè ad omnia obsequia, obligatum jam ante multo semper reddit alacriorem; ita ut ubicumque, & quodcumque gratum animum testandi se obtulerit occasio, nunquam officium meum claudicare passurus sim. De laboribus tuis quod scribis, gaudeo

deo equidem, quod nunquam desinas bene velle mereri de posteris; sed & ignosces mihi, si dolere me ex parte dicam, quod tot simul suscipias labores, quibus ferendis, an par sit quisquam alius dubito. Cogito nempe ingravescentem aetatem tuam, quae sane jam aliquam requiem, suo jure sibi poscere videtur. De Institutionibus tuis poeticis amplissimo Gothofredo tradendis, nihil scribis; unde conjectare ausim, Elzevirio ejus rei curam demandatam a te esse: scribam primo die Mercurii, ea de re ad Elzevrios Parisienses, ad quos proculdubio, Amstelodamensis noster, jam diu puto, quid literarum exararit. Non ausim sane Geneva discedere, priusquam amplissimo Gothofredo suum dederim. Doleo sane summi Viri vicem, qui uxorem habet, quae quotiescunque ferè lubet, ab eo divertit, eumque res suas sibi habere jubet. Interdum huic mulieris furori, à Collegio Ecclesiastico (Consistorium vocant) obviam itur. Interim officiosissimam salutem tibi jussit adscribi, ut & reverendus Tronchinus, Cl. Deodatus. Clariss. Morus, qui maximo hic in pretio est. Scripsit ad ipsum illustris Salmasius, cogitare vos de eo Amstelodamum vocando. Tradidit mihi nuper Oratiunculam aliquam D. Salmasio tradendam, & quidem mihi, quia conquerebatur, siquid tale mitteret, id ab aliis plerumque detentum iri; siquidem ut favitores, ita & malevolos, ac invidos, hic magno numero habet Vir optimus. Obsignavi igitur sigillo meo, meaq; manu, ejus rogatu inscriptionem addidi. Tradet vobis fasciculum istum, Mercator quidam Amstelodamensis, Dompfeler, cujus filius hic mecum, ædes Reverendi Tronchini habitat, qui aliis à se ad Patrem missis, fasciculum istum involvit. Deum rogo, ut te, cariss. Amitam, accognatum suavissimum, quam diutissime servet incolumes.

*Rever. & ampliss.*

Dabam Genev. iii. nomina tui, observantiss.  
Kal. April. Sc. Jul.  
c168c XLVIII.

Franciscus Junius. F.N.

CDXLIX.

*Viro celeberrimo D. Gerardo Joanni Vossio, Historiarum Professore dignissimo.*

*Vir Clarissime,*

**L**iterarum raritatem non oblivio aliqua tui fecit, sed quia aliis plerumque negotiis occupatus, non existimabam fidem amicitiae nostrae, istis tantum nitè oportere. Sapius tamen affectus, & studiorum tuorum, quae mihi olim declarasti memor, laudum tuarum hic praconium feci. Testimonium & velut vadem hujus affectus filium habebis, quem 12. annorum & animi, & ingenii viribus, secundum vota mea, pulchre efflorescentem, charissimum & vitæ, & familiae nostrae pignus; ad vos mittere destinavi: Ille, Vir amplissime, cum venerit; si per horulae spatium, quotidie erudito colloquio tuo dignatus fueris, ampliori me debito devinxe- ris; suavit enim hoc mihi, cum amoenitas urbis vestrae, Literarum decus, hominum, & nationis illius elegantia, & lepos, tum praecipue fiducia humanitatis, & amoris tui, in me, meosque. Expressit id nulla alia necessitas; neque inopia Literarum & Literatorum, quorum sub hac demum Regina, spero pulcherrimam messem futuram: ut ad *Graduum* illum Patrem *Mortem*, *Apollinem* adjunctum iri praesidem nostris arvis, leto augurio ominemur. Vale lumen literati Orbis, & me pari affectu benevolentiae per literas tuas dignare. Salutabis ex me charissimos filios tuos, quorum nunquam apud me memoria intercidet.

*Tui observantissimus,*

Dab. Lincopie Ann.  
Christ. M DC XLIX.  
v. die Februar.

Jacobus Skytte.

CDL.

*Viro clarissimo, Praestantissimo D. Gerardo Johannidæ Vossio, Historiographo celeberrimo, S. P. D. Andreas Essenius.*

*Vir clarissime, literarum, & seculi nostri decus praestantissimum.*

**L**ibrum celeberrimi viri Hugonis Grotii adversus Socinum, pro fide Catholica, de Satisfactione nostri Jesu Christi exaratum



aratum, rectè virorum insigniter doctorum calculo comprobatum, docuisti jam pridem in responsione ad Judicium Hermannii Ravenspergeri de eodem opere. Utinam ab illo tempore pari studio, tum Papismi tyrannidem, tum Socinianismi effrenem licentiam vitasset, refutasset, compescisset, Vir celeberrimus! Jam nobis serò post illius excessum; at serò potius quam nunquam: & per me tandem (multorum tamen hortatu inductum) at per me potius, quam per neminem, tot annos desertum opus suscipiendum fuit. Nequaquam isto (ingenue enim quod res est fateor) omnigenæ eruditionis apparatu; indubitatis tamen, uti confido, SS. literarum testimoniis, genuinis eorum vindiciis, firmisque rationibus, ubi opus, è naturâ petitis. Exemplum hujus scripti tibi, tum in multis aliis, tum speciatim in hoc ipso labore insigni magistro, prorsus debitum, quo par est animi affectu, ac reverentia L.M.Q. mitto, offero. Certè scriptis tuis quàm plurimis, multijuga eruditione referatissimis, quibus hac etiam ætate, non minus vegetâ quàm grandi, strenuam operam impendis, in re literaria, & antiquitatibus communis dudum factus es Magister. In magnis tenebris fides tam fulgidum, in ambiguis ducem peritissimum, meritò nobis gratulamur: sed mihi speciatim in hoc opere, propter doctissimam Grotiano Tractatu, præfixam præfationem, & laudatam pro illo responsionem, quibus non parum me hic adjutum serò confiteor. Unum tamen, de singulari tua humanitate, certò mihi persuasus, hic commemorare audebo, ubi sicut à Grotio, ita etiam à te in alia concedendum putavi; sed tam humili verecundiâ, quàm vel à filio juvene requiras. In negotio liberationis nostræ, Deum non esse considerandum, ut partem offensam, non ut creditorem, non ut judicem superiori subiectum; sed ut Rectorem, & quidem summum planè assentior: neque enim illis, quâ tabulis, jus puniendi competit; isti autem competit quidem, sed non præter legis formulam. At quaeritur, qualis sit Dei in isto negotio actus? Actum esse jurisdictionis Reçtori competentem necessum est: Legis abrogationem ac derogationem, omnino vobiscum nego: Legis autem *ἐν δόλῳ* strictam executionem, prout noxa caput sequitur, & nostra poena infinita, ob infinitam Dei maiestatem, Legis transgressionem læsam, in obligatione erat, pariter rejicio. De dispensatione, an interpretatione *ἐκ τῆς ἀρχῆς* manet controversia. Illam hic non ag-

nosco: dispensatur de lege, cum persona alicui permittitur, quod alii istius ordinis per legem prohibentur, aut res aliqua similiter ab obligatione tollitur. Sic dispensatio desinente Grotio, est actus superioris, quo legis manentis obligatio circa quasdam personas, aut res tollitur. Sicut Derogatio est partialis abrogatio: sic dispensatio est objectiva quædam derogatio, quæ id quod per legem alias obligaretur, ab obligatione eximitur, cæterum lege ipsa manente integrâ. Porro ut lege non existente non committitur peccatum: *ὅτι ἡ ἀναρχία οὐκ ἔστιν ἀρχή*; sic facta dispensatione non est peccatum, quod alias futurum erat peccatum, ut conjugium inter Liberos *νεφέληδες*, ablatio opum Ægyptiarum ab Israelitis facta, &c. At fideles non simpliciter impunè auferunt peccata sua, quasi peccata non essent, quæ esset dispensatio, ratione personarum; nec certa quædam peccata, quæ esset dispensatio ratione rerum: sed poenas dederunt æquivalentes, optimaque proportionem, peccatis suis respondentem, per sponsores conjunctissimum. Ita nos absolute lege soluti non sumus, nec à legis vinculo relaxati, *ὅτι οὐκ ἔστιν ἀναρχία οὐκ ἔστιν ἀρχή*, *ἡ δὲ ἀναρχία ἀρχή*, 2<sup>a</sup> Cor. v. 13. Sic non solum *ὁμοῦ* & *ἕτερου* *ἡ δὲ τῆς ἀρχῆς ἀρχή*, ἀλλὰ *ὁμοῦ* *ἡ δὲ τῆς ἀρχῆς ἀρχή*, Rom. iii. 31. *ὅτι οὐκ ἔστιν ἀναρχία οὐκ ἔστιν ἀρχή*, Rom. viii. 4. *καὶ τὰς ἀρχὰς* *ἡ δὲ τῆς ἀρχῆς ἀρχή*, Rom. x. 4. *ἐκ τῆς ἀρχῆς ἀρχή* qualemcumque adhibere cuiusvis est; ea vero quæ legis in puniendo executionem spectat, solius Rectoris est: quaeritur autem de liberatione nostri, à poena, per poenam succedaneam *ἐκ τῆς ἀρχῆς ἀρχή*. Hujusmodi interpretatione Deus in Evangelio declarat, poena secundi Adami, nos præstari immunes, justitiâ ipsius constituti justos; sicut ex primi Adami reatu juxta legem (verbis tamen synecdochicè acceptis) omnes reatum infinitum contraximus; sic per legem, nos erantibus obnoxii: at satisfactionem per nos in propriâ personâ necessario præstandam non expressit Lex; per sponsores faciendum non excludit: sed neque admissibile pronuntiat, *ὅτι οὐκ ἔστιν ἀναρχία οὐκ ἔστιν ἀρχή*. In Evangelio est, *ἐκ τῆς ἀρχῆς ἀρχή*, *ἡ δὲ τῆς ἀρχῆς ἀρχή*; sic *ἐκ τῆς ἀρχῆς ἀρχή* admissus est sponsor, & ob solutionem illam poenalem, quæ *ἐκ τῆς ἀρχῆς ἀρχή* videbatur recusanda, saltem erat recusabilis, nos liberati sumus à poena. Tractatio ista poenæ non est quidem formaliter actus interpretationis, sed est actus iudicii, secundum jus *ἐκ τῆς ἀρχῆς ἀρχή* interpretatione (quæ nobis Evangelio expressa est) mollium, atque

atque ea ratione relaxatum. Confer so-  
des laudatæ responsionis tuæ paginam 78.  
cuius nostra pag. 459. Ignosce, Vir præ-  
stantissime, ut calamo libero, sic animo  
stupendæ eruditionis tuæ, & lucubrationum  
accuratissimarum observantissimo scriben-  
ti. Ignosce iterum interpellanti, dum  
convalescas tua (ut nuper loquebaris) cedro  
dignissima, & antiquæ veritatis, ac ve-  
ræ antiquitatis studiosis desideratissima.  
Hoc denique munusculum, maximæ obser-  
vantiaæ exiguum monumentum, pronus ac-  
cipe. Sicubi à veritate aberro, benigne  
in viam reducere discipulum, utinam va-  
caret, ac liberet! Deus Optimus Maximus  
te seculi nostri decus, & validum Reipub-  
licæ Literariæ columnen, quam diutissime  
incolumem nobis servet.

*Datum in Neder-Langbroeck, xiv. Cal. Mart. an-  
na vulgaris æræ Christianæ ccl. lxxix.*

## CDLL

## A Mademoiselle Vossius

Mademoiselle,

à Amsterdam.

S'il étoit des afflictions, comme des far-  
deaux, qui se trouvent plus légers,  
quand plus de personnes les soutiennent;  
celle dont il a plu à Dieu de vous visiter, en  
retirant à soy feu Monsieur Vossius votre  
Mary, ne vous devoit point être fort pe-  
sante; puisque s'intéressent en votre perte,  
tous ceux qui ont eu l'honneur de le con-  
noître, & qui ont profité de ses travaux.  
Je me sens obligé de devoir, & d'affection,  
de me professer de ce nombre; recon-  
noissant qu'en sa mort, les bonnes Lettres  
ont perdu une grand lumière, le public  
un rare ornement, vous un bon Mary, &  
moy un bon Ami. Cependant & à vous,  
Mademoiselle, & à nous tous, ne reste,  
que de metre le doigt sur la bouche, &  
d'aquiescer, en la bonne volonté de celui,  
qui est le souverain Arbitre de la vie, &  
de la mort. Nous n'entrons en ce monde  
que pour en sortir; en tous les contrats  
de Mariage, il se parle de la mort; pour ce  
que le Ciel, qui fait les Mariages, se re-  
serve le droit de les dissoudre; & vous  
n'avez point perdu votre Mary, mais seu-  
lement, il est allé le premier au rendes-  
vous general de tous les enfans de Dieu:  
Car ayant vescu comme il a fait, de la vie  
des Gens de bien, il est mort de la mort  
des justes; & ayant si bien fait profiter les

talents, que le Souverain Maître luy avoit  
departi, il est maintenant reçu en la joie  
de son Seigneur. Et outre cette com-  
mune consolation des Chrestiens, que  
*Bien heureux sont ceux qui meurent au Seigneur.*  
Vous en devez tirer une particuliere, de ce  
qu'il est mort ancien, & rassasié de jours,  
vous laissant un fils heritier de son nom,  
& de son Erudition, & s'étant acquis par  
ses doctes labeurs tres utiles au public, &  
à l'Eglise de Dieu, une reputation immor-  
telles. Aussi ne doute je point, que la sa-  
gesse, & la resolution, avec la quelle il s'est  
composé de longue main à ce depart,  
n'ait fait d'assez fortes impressions sur  
votre Esprit, pour l'admettre avec moins  
de perturbation. Vous n'avez garde en  
cette occurrence, de parler comme une  
femme mal sage, ainsi que faisoit celle de  
Job, étant fille d'un si excellent Pere, que  
Dieu vous avoit donné, veufve dun tel  
Mary, qu'il vient de vous retirer, & Mere  
d'un tel fils, qu'il vous a conservé, d'un  
plus grand nombre d'enfans, pour être vô-  
tre Benjamin, & le Baston de votre  
vieillesse. Veuille ce Pere de toute mise-  
ricorde essuier vos larmes par la main  
de sa grace; je l'en supplie de tous mes  
vœux, & vous de croire, que comme je  
cheriray, tant que je vivray, la memoire  
de M. Vossius, aussi demeurerai je sans  
varier, & à Mr. votre Fils, du quel je  
 plains l'absence en cette occasion :

Mademoiselle, Votre tres humble,

*A Groningue ce 26. Mars. 1649.  
5. Avril.*

Des Marets.

## DCLII.

*Clarissimo Viro Ilaaco Vossio Historio-  
grapho dignissimo.*

Clarissime, &amp; incomparabili Vir,

Cum ante octiduum Groningham pro-  
fectus sit præstantissimus D. Junius,  
& ea de causa tuis respondere non potuerit,  
mei officii esse duxi, de iis certiore te  
reddere, quæ per literas quasivisti. Quod  
igitur ad Bibliothecam v. p. Sixtini  
attinet, primum habe. Eam hodie lustra-  
vi, & quidem ex præstantissimis constare  
scriptoribus comperi, interque alios Manu-  
scriptos inveni, *Priscianum Grammaticum*  
in Pergameno antiquiss. *Senecam Tragicum*  
uti & *Philosophi Epistolæ*, itidem in Perga-  
meno.



meno. Adhæc *commentaria Græca Anonymi in Aristotelem* nitidissime descripta, aliosque Manuscriptos codices multos, quorum catalogum post octiduum forte transmittam. Plurimos quoque authores vidi tam Græcos, quam Latinos, qui à Grutero aut emendati, aut cum Manuscriptis collati erant. Interrogavi denique, utrum venales essent libri, sed quoniam de vero hærede Sixtini nondum constat, & hinc de iis litigatur, divendi minime possunt. Valde solliciti sunt Proceres nostri Amstelodamenses, deacquirendo aliquo viro erudito, & digno, qui in locum præstantissimi parentis tui succedat.

Interea tamen ad eam professionem, valde commendari audio Davidem Blondellum, quem aiunt Historiæ Ecclesiasticæ esse peritissimum. Alii Procerum animos putant eò inclinare, ut muneris id, Rectori Junio committant. Sed nihil de his, ante reditum tuum futurum, alii tecum existimant. Ad Professionem Theologicam in Leidenfî Academia, ob D. Spanhemii obitum vacuam, à Riveto commendari dicitur Bochartus. Ante octiduum, per filium illustis Salmasii, ad te misimus diatribam quamdam Samuelis Petiti, nunc primum à Sorbiero editam. Editus quoque nuper est libellus Boxhornii, de jure Majestatis Regiæ, ejusdemque responsio, ad calumnias Anonymi, sed eum tibi comparare operæ pretium non videbatur, quia parum laudis, eo labore apud doctos meruit. Ad finem jam vergit frateris mei Palæphatus, quem ubi absolutus fuerit transmittam, & si quid interim novi edatur, addam. Vale, celeberrime Vir, & me ama.

Amstelodami,  
3. Julii,  
cło 16 c xlii.

Præclarissimo tuo nomini

æternum devotissimus,

Alexander Tollius.

### CDLIII.

Clarissimo Viro Francisco Junio Leydam honorifice vocato S. P.

† Literas hæc  
à Putianis fra-  
tribus habuit  
Cl. Vossius,  
Salmasio teste  
in Epistolis p.  
149.

† Vir Clarissime,

Nihil videmur præter officium nostrum facturum; si quod ante decennium tentavimus, idem nunc denud, Literis hîsc, quasi

succedaneis, aliquando iteremus: hoc est ut te, (quod absque incommodo tuo fiat) in Academiam Leydenfem, ad primarium Theologicæ Professionis munus capessendum evocemus. Fiduciam petitioni nostræ tribuit, Scholæ hujus herbescentis (cui nos Curatores dati) ac doctrinæ cum primis sacræ promovendæ cupiditas; tum verò obvia ista humanitas tua, piis ac doctis omnibus perspectissima. De qua, ut omnia nobis promittere audeamus, literarum tuarum ruminatio facit; quibus ante decennium illud (quod diximus) prolixè, cumulatè, que, ad priores nostras rescripsisti: quas etiamnum (uti meritum est earum) in Tab. .... nostris conditas asservamus. Summa conditionis, quam deferimus, hæc est; ut (& ex rei ipsius dignitate, & tua) principem in Lycæo hoc nostro, in sacrarum Literarum professione ordinem ducas, atque obtineas: Collegam habiturus M. Lucam Trelcatium (quem honoris causâ nominamus) Virum literatissimum, juxta ac modestissimum; proque eo munere, decreto publico, octingentorum Caroliorum nostratium (quos Florenos vocant) mercedem annuam ordinariam in stipendium, tibi constitutam esse scito: (cujus ita apud nos ratio constare solet, ut ex ærario Academico de summâ, quâ convenit, singulis trimestribus, quadrans deductus, in partem rei solutæ Professoribus procedat.) Viatici præterea loco Daleros duccenos, qui tibi recens advenienti, quamprimum à Quæstore publico ultro representabuntur. Dispice, Vir clarissime, quantum incrementi, ac præsidii Lycæo huic nostro sis allaturus; quantum subsidii Bataviæ Ecclesiæ, ac veræ pietatis cultoribus; quantum denique tibi ipsi solidi honoris & gratiæ. Nos verò à nominis tui splendore lucem mutuaturi, & doctrinæ tuæ plurimum debebimus. Et ut alii debere in posterum velint, grata animorum significatione, omnibusque officiis, quâ privatim, quâ publicè, ex parte nostra studiosissimè adnitemur. Tux comitatus fuerit, per Tabellionem hunc Academicum (hujus solius rei causâ isthuc ad vos ablegatum) quamprimum nobis, super hoc negotio, quidquid constitutum habueris, ex animi tui sententiâ, libere ac planissime perscribere, sine circuitione inquam, more Majorum: nec in Lycæo hoc nostro (si tibi placuerit hæc conditio) Theologicæ Disciplinæ Candidatos tuæ eruditionis desiderio pati oblanguere diutius. Deus te quam diutissimè incolumem sibi, atque

Ecclesiaz conseruet. Vale, Vir Cla-  
rissime.

Lugduni Bat.  
anno Christi  
xix. Augusti,  
cl. lo xci.

Ex Decreto Curatorum

& Consulum

J. van Hont.

CDLIV.

Clarissimo Viro Jano Grutero, J. V.  
Doctori dignissimo. S.

**R**ara quidem inter nos Literæ, Vir doctissime, tum intervallo magno locorum, tum hominum injuria. Sed quid agamus? Manebit tamen conjunctio animorum, studiorumque integra, quam tuæ suaves Literæ, admodum confirmarunt. De Seneca, quod plura polliceris, operam bene locatam puto: etiam meminisse nos interdum oportet illius, manum de Tabula. Plautus multa quidem adhuc habet vindicæ digna: & Camerarii in eum operam dilaudant certè docti: si religiosè lectionem veterem (nisi quid manifesto ~~errore~~ videris) servabis, illud equidem malo, quàm ut conjecturis agatur. Nam est in conjecturis nescio quis malus genius, quo allubescunt Authoribus, primo illo aditu, sed in pericula conjiciunt eos plurimum. Grave est ex alea conjecturæ subire iudicii alieni aleam. Epistolas ad Atticum attingi brevitate mea: mallet, & longius & clarius: sed alio me vocant alia, nec me decet, in hoc genere valde curiosum esse. Commulcium à commulcando ut dicitur, non iniquè fero: sed illud magis placet. Videtur enim Tullius, de toto illo concursu bonorum dicere, in quo primas Cato occupavit, & fuit ~~exemplum~~ *exemplum* *hominis*. Accessit Hortensius, &c. Epistola 13. Lectiones alias reticui, eo quod non placet aliena distringere: eadem simplicitate ago, qua viri boni, qui promercaleis res suas proponunt, alienas intactas sinunt. Hotomanni lectionem probare non possum, quia alius sermo est, quod mihi satis principio illius notæ videbar observasse: ideoque aliena est, iudicio meo, ab hoc loco rei nummarie metaphora. Fabæ ego quidem opponi malo ~~analogiam~~, & ita sibi constare argumentum. De rebus prolatis, quod scripsi, puto, me ita scripsisse, ut

principium ostenderim, cætera non excluderim, quæ ad ceremoniam illam accesserunt: Nam locutionem dico, ab solenni ritu profectam esse. Ut autem locus sit illustrior (cogis me obsoleta repetere) Legationem liberam à Cæsare Tullius postulaverat Epist. 13. Eiusdem libri 14. sed non ante Liberalia legari voluerat, Epist. 5. quo die, Tullius fugiens tumultum, legatione usus est, ut reprehendit Atticus, Epist. 10. Erat enim biduo post parricidium, ut vocabant. De hoc die sentit Tullius, quum ait, *ante res prolatis*. Bina autem Liberalia, multi fuisse putant malè. Hæc liberalia verò, non à Libero Patre Baccho, sed à Libero Deo dicebantur, qui virorum semini præerat, ut Libera semini mulierum. Author mihi Augustinus, lib. 4. de civitate Dei, cap. 11. & lib. 6. cap. 9. his Liberalibus Togæ dabantur pueris xvi. Calen. April. & per totum oppidum, sedebant sacerdotes Liberi hedera coronatæ anus, cum libis, & foculo, pro emptore sacrificantes, ait Varro, l. 5. de L. L. Sed quid ago? *γλῶσσιν εἰς ἀδελφούς*. Ego quoque manum de Tabula. Et te salvere jubeo cum filiola tua.

Lugd. Batav.  
Cal. Aprilibus,  
1595.

Tuum,

Fr. Junius.

CDLV.

Francisco Junio, F. F.

**I**ncolumem te isthuc pervenisse, Franciscæ fili, gaudeo, & oro Dominum prout iter secundavit, sic etiam studiorum tuorum secundet cursum. Cursum dico, non quod te putem currere, quum à tergo multorum subsidis, sed quod velim te id facere, & quod Deo, & mihi debeas. Nihil à te mihi gratius potest accidere, quàm si te studentem videro, & in iis literis, quæ te ornare, & publicum juvare possunt, provehentem; si feceris, me uteris, dum vivo, bono, & favente Patre: si non feceris, (avertat Deus) meam offensam scito, non fore tibi adjumento. Exsuscita illam tuam animulam, & postpositis nuciis, & jocis, (quibus adhuc indulxisti plus satis) arripe libros, & ad studia rapere, ut puerum virtutis amantem decet. Deum time; Præceptores cole, cum bonis versare, abstine amatorum consuetudine, & in eo totus



totus esto, dum me habes superstitem, ut hæc commoda bene occupes; quasi Deus ex hac vita me evocaverit, essent te momento fugitura. Nos tibi omnes salutem dicimus.

Lugd. Batav.  
die Dominico  
xxviii. April.  
1602.

Tuus Pater,

Fr. Junius.

## CDLVI

Gerardo Joanni Vossio V. C.

Lugd. Bat.

**P**udore suffusus sum, cum literas tuas vidi, illas ad exemplum candoris & elegantiae scriptas. Tanti fecisti PUTEANUM, ut quem in Scholarum primo quasi pulvere noveras, adhuc amicum censes. Si pectoris mei adyta lustras, talis fui semper: & quemadmodum olim suavissimam vivacissimamque ingenii tui indolem, rapiente velut naturâ, puer dilexi, ita postquam ad aliquem nominis gradum veni, clarissimam doctrinæ tuæ famam venerari non desii. Quantum me, bone Deus (ut reliqua jam taceam) ultimi de Historicis Græcis libri ceperunt! Tam felici industriâ usus es, ut quicquid à veteri ævo Græcia sudavit, ignorare jam docti indoctique desinant, quos omnes unus docuisti. Quæ divitiæ! quæ delicia! Nihil tam abditum, quod non legeris; tam dubium, quod non expenderis; tam obscurum, quod non illustrâris. Sed si hac destinati laboris pars est, possumus tuo unius ingenio contenti esse, & omnis porro ævi Historiam accuratam in compendium serie collectam expectare. Imperfectum est, & sæpe hiulcum, quicquid in hoc genere hactenus vidi. Sive tuo igitur nomine; sive hominum commodo gloriam metiaris, æternus es; cuiusque nulla Scriptorum Græcorum memoria erit, quam tuam ventura sæcula involvant. Ante amem igitur, an te æstimem, vides: causas dixi: inhumanus, indoctus, barbarus sim, nisi amem. Sed ut ad literas tuas redeam, eæ velut flammæ quædam sunt, & magis magisque ardentem jamdiu animum corripunt. Ignem amorem esse etiam illum honestum, nunc sentio; claudii aut constringi nequit; sed nec impediri. Nihil intervallum locorum potest, præsentibus sumus: nil belli diffidium, amici sumus, & amoris causas à publicâ irâ removemus. Studia nostra Humanitatis sunt, & ad

pacem ac tranquillitatem diriguntur: admonemur homines nos esse, ut à furore & feritate absumus. Pugnent alii, sive verbis sive armis, imò armorum loco verba habeant: mihi jucundum semper erit, Virtutem Doctrinamque, ubi eminent, colere; uni vicio & ignorantie infestum esse. Dabit Deus publicis ærumnis aliquando finem, ut quemadmodum amor noster nullâ temporis injuriâ impediri potest, ita in quiete rerum, plenos liberosque amicitie fructus capiamus. Atque ita est: unus tibi è tam vasto numero reliquus sum, qui spretis tot vitæ diverticulis, tot vitæ bonæ mentis scopulis, Musæ & Palladi adhæsi, honestam famam vivendo divitiis præferens. Producere igitur stilo ingenium ausus sum, & quasi humo me tollere, quia primus ille Literarum bonique nominis amor exstingui non potuit. Tandem tuo unius exemplo excitari vehementius corpi, quam felicibus ad immortalitatem pennis videbam eniti. Redibant in mentem studiorum incunabula, & pueriles æmulationes. Relegebam sermones, lusus, jocos; & tanquam familiariter amari adhuc posset, aperire continuo affectum studii. Tu qui in aliis superas, hic quoque victoriam tibi vindicasti. Prior scribis, & ad perennem amicitiam invitas: quam à me flagitantem non esse, doleo. Crede candori meo, ita se rem habere, quemadmodum initio dixi. Pudore suffusus sum, cum literas tuas vidi; felicior nescio, quia amorem tuum intellexi: an infelicio, quia sero indicare meum coactus sum. Bene est: juncti animis sumus. Tuæ benevolentie fuit, stringere hunc nodum: meæ constantie erit, id agere, ne unquam dissolvatur. Vale.

Loc. in Arce, xv. Cal.  
Orob. cl. 136. xxiv.

## CDLVII

Gerardo Joanni Vossio, V. C.

Lugd. Bat.

**L**ibera tandem aliquando humanitatis nobis officia erunt, decumana belli severitate impedita. Patet enim jam tabellariis iter, quod affectui meo nunquam clausum fuit. Homo non essem, nisi te amarem; à Literis & honestis artibus alienus, nisi singularem doctrinam tuam & excellentem ingenii vim etiam tacitis suspicerem. Mirum etiam in modum accendit animum meum nupera illa epistola tua, amantius

amantiis nescio, an eruditius exornata, an etiam modestius. Qui hoc agis, ut mente complectaris optima, adhuc ignorare videris, quantum tibi docti omnes tribuant. Magnus es, qui docere omnes potuisti. Ejusmodi libri tui sunt, de Historicis Latinis incredibili industria scripti; nequid jam de Græcis dicam, quos omnes tibi obstrictos habes. Laudo, imò summopere admiror utrumque hoc opus. In altero enim totam exhaustisse Antiquitatem videris; in altero veteribus adjunxisti novos, claris obscuris nonnullos; sed ut illustrares simul omnes. Pulchrum mercede facinus, neminem prætermisum esse. Quisquis enim Historiam attigit, bene de genere humano meritis est; & quia aliquam rebus lucem dedit, luce ipse dignus erat. Inter sordes & fumum nonne gemmam interdum invenias? Ad famam satis erat, eminentes scriptores, tanquam lucida quædam sidera reconferre: sed ut amplius publicæ utilitati daret, viliores etiam calamos pulcherrimo & semper victuro Volumine complexus es, nequid deinceps omnino in Historia nesciremus. Juvat profecto & illos, ut sic dicam, capite censos intueri, hæcenus utiles, quia ingenium occupant. In tenebris tenuis etiam lumen veram aliquam imaginem distinguere: & quis est, qui non malit luscus esse quam cæcus? Non potuit igitur diligentia tua in vitium excedere; nemini supervacua, nisi nuperam ævum, & Monasteria omnia, in quibus Literæ conservatæ sunt, fastidiamus. Quid mihi verò doctissimus ille labor tuus profuerit, publicè in Commentariis meis Insucriis, quibus Irruptiones Barbarorum in Italiam illustro, profitebor. Historicum, & simul Interpretem egi: Ita enim videbar & purius narrare, quæ cadente Imperio Romano gesta sunt; & facilius explicare, quæ, ut sæcula illa, plus noctis quam diei habuere. Prope diem, ut spero, mittam ad te opus, sed tanquam ad Censorem suum. Nam qui omnem examinasti Historiam, meam etiam emendare poteris. Nunc illam de S. FLAVIA DOMITILLA Observatiunculam vide, & Clarissimo simul HEINSIO ostende: ad quem mox & literas & exemplar missurus sum. Nuperas verò meas ab ARCERIO an-aceperis nescio. Summum crimen putem, in tanti viri affectum silencio peccare. Partitiones Oratorias non Batavicus tantum scholis, sed omnibus omnium provinciarum dignas judicio. Faxo & hinc Eloquentiæ præcæ specimen sibi filii mei

proponant. Vale, & me amare perge. Hem, CHRISTOPHORUM CALENIUM video Avunculum tuum magnum fuisse: sed CALENII Venlonenses sunt: an igitur & Patriæ nexu jungimur? Iterum vale.

Levanti, in Arce, XIII. Cal.  
Junii, cl. ioc. xxix.

## CDLVIII.

Jacobus Armachanus, Gerharδο  
Johanni Vossio, Viro Cl. Salutem.

PERvenerunt in manus meas abhinc amplius annis XIII. Johannis Latini de Pelagianis & Semi-pelagianis Commentarii: quibus eorum originem & progressum usque ad tempora Johannis Papæ, qui Severino successit, studiosè diligenterque est persecutus. Delectatus scriptoris genere, ab anno in quo ille desit ducto principio, proximorum temporum Historiam adjeci: ex Lugdunensis Ecclesiæ scriptis & Flodoardo, majore ex parte, eam contexens; de meo vero (illius, quem suscepi continuandum, exemplo) *nihil adferens nisi ordinem*. Vix dum autem ista abolveram, cum Historia tua Pelagiana prodiret, & curâ & vigiliis elaborata: in cujus parte extremâ, ea fere omnia occupata à te comperi, quæ ego tumultuariâ operâ in Adversaria mea conjeceram. Itaque tum quidem *per te* illud *de ysaia* abjeci penitus: verum ubi obtulissent sese mihi postea alia ad *Gottschalei* causam pertinentia, quæ in nostri utriusque Collectaneis desiderari videbam; antè exorsa retexere placuit, & ad priorem illum centonem etiam ista attexere *imprudens*. Quæ, cujusmodicunque sint, ad te allegare visum fuit: si cui fortè usui, in novâ Historiæ tuæ editione adornandâ, esse poterint. Ea tu, ut ab homine existimationis tuæ cupidissimo profecta, æquo ac libenti animo accipies. Vale.

Dublini, V. Calend. Julias:  
anno æræ nostræ Christianæ  
M. DC. XXXI.

## CDLIX.



## CDLIX.

Clarissimo Gerhardo Joanni Vossio.

**A** Coepi, Vir Eximie, Literas tuas; quibus dum amorem quo te prosequor, ex leviori saltem muneris indicio, rectè quidem colligis, nobilissimum tuum pectus instar fertilioris alicujus agri aperis, qui plus multo adferat quàm acceperit. Addeò munusculum nuper tibi à me oblatum extollis, ut quo te merito meo exsolvere studebas, eo me tuo totum implices, & beneficium longè majus reddere videaris, cum te debere aliquid mihi profiteris. Utcunque verò aliqua inter nos in Gotteschalci Historiâ oboritur differentia; gaudeo tamen, & tibi ex animo gratulor, nos, (quod ais) in eo, quod rei caput est, consensire: uterque dum B. Augustini sententiam amplectimur. Quam sive Gotteschalcus per omnia fuerit secutus, sive aliquando exceßerit, nolim ego multum contendere: modò (quod libenter audio) nobis ipsis cum Augustino conveniat, cujus sententiam in causâ Gotteschalci tuendam susceperat Remigius. Qui verò dariores sunt, vel fuerunt, Augustini interpretes, nunquam mihi placuerunt: minimèque omnium inertes illi *ἐν δυνάμει λόγου κήρυκες*, qui faciunt agendo, ut nihil agamus, & homines sponte suâ ignavos ipsis quoque truncis reddunt stupidiores: quum divinus ille gratiæ Philip. 2. præco, ex eo ipso quòd Deus 12, 13. is sit qui efficiat in nobis *ἐν δυνάμει λόγου κήρυκες*, contrarium planè deducat *ἀνέμω* studendum idcirco, ut cum timore & tremore salutem nostram operemur. Quippe quòd verendum sit, si ab Religione officii hic declinaverimus, &, vel nihil agendo, vel malè agendo, eum à cujus *ἐκείνη* illa quam habemus volendi & faciendi potestas tota pendet, irricaverimus; ne Deus ita à nobis successus jure suo nobiscum agat, atque nos desertus deferat, & novas ad volendum & agendum vires (absque quibus, ipsi nos ipsos lapsos erigere nequeamus) ultra non impertiat.

De Mariano nostro, qui factum ut mutus omnino ad vos venerit, amantissimo utriusque nostrum D. Ludovico de Dieu rationem reddidi. Mens verò quæ nunc est mihi, tum erat eadem: nempe ut, si cut tuâ operâ ita etiam sub tuo nomine, integer prodiret Marianus. Integrum verò in unico Cottonianæ Bibliothecæ

exemplari repperi: si tamen integrum. Postrema enim pars Chronici, à Dionysianæ 222 anno 900. usque ad finem (quam inde descriptam totam seorsim ad te miseram) integrior in Sichardi editione legitur: cui siquid desit, ex tuo supplendum erit exemplari; quòd illud Gemblacenſe esse suspicor, ex quo novam <sup>Miræus, in</sup> Mariani editionem promisit <sup>Sigeberti</sup> nobis Miræus, quam non præstitit. Nactus sum & alia tria <sup>ann. 854.</sup> exemplaria, in quibus Anglicanum Florentii Chronicon cum Universali Mariani hoc Wigornienſis quidam Monachus Regis Stephani temporibus commiscuerat. Ex eorum uno, Florentium (vel potius Marianum) suum edidit nobilissimus D. Guilielmus Howardus de Naworth, Thomæ Norfolciensis Ducis filius. Duo alia apud Oxonienses vidi; in Bodleianâ unum, in Collegii Corporis Christi Bibliothecâ alterum: quorum utrumque præter Proemia, integrum librum secundum habuit, qui à primo aberat.

Initio Cottoniani codicis verba ista præfixa inveni, *Meum nomen, ut dignum, Cronica Cronicarum: cum præ illis seruo verba Evangelistarum.* Nulla enim Cronica conservat diem Mensis Solaris Resurrectionis Christi, juxta historiam Evangelii, nisi ista sola. Sequebantur deinde, tanquam ipsius Mariani, Tabellæ illæ Chronologicæ quas in apographi mei principio descriptas vides: quæ commodius, ni fallor, ad calcem operis essent rejiciendæ. Earum aliquot in Bodleiano quoque habentur codice (qui à Consolium Indiculo incipit;) & in altero, Collegii Corporis Christi, plures; Romanorum Episcoporum Catalogo usque ad Eugenium III. perducto, cui aliâ adscripti erant manu, *ann. 8. mens. 4. die 20.* quòd Argumento est, Eugeni tempore illud fuisse exaratum. Ut autem intelligas, quibus in locis Cottonianum libri *primi* & *terti* Chronicon à vulgato differat: Florentium Wigornienſem nunc ad te mitto, quem Francisci Quarlesii operâ (qui mihi tum erat ab Epistolis, vir ob sacrationem Poësin apud Anglos suos non incelebris) cum illo conferendum curavi; ad annum usque Domini DCCCC. Dionysianum, à quo quaternio prius missus initium duxit. Ubi quæ lineis subeis ductis sunt notata, à Cottoniano exemplari absint, & ex Florentii Annalibus à Wigornienſi de quò dixi Monacho sunt hæc intexta.

Mitto simul & Epitomen à Roberto Lotharingo Herefordenſi Episcopo, eodem quo Marianus mortem obiit anno, concinnatam:

cinnatam: cujus in quarto de Pontificibus libro Gulielmus Malmesburienſis ita meminit: Erat tunc temporis monachus Marianus apud Magontiam inclufus, qui longo ſolitudinis orio Chronographo ſeruatam diſſonantiam cyclo- rum Dionyſii Exigui contra Evangelicam veritatem, vel primus vel ſolus animadvertit. Itaque ab initio ſæculi annos ſingulos recenſens, 22. annos, qui circulo deerant, ſuperaddidit; magnam & diſſuſſimam Chroni- cam facere adorſus. Eum librum Robertus miratus unico, æmulatus miſiſce, Angliæ in- vebendum curavit. Denique captus Mariani ingenio, quicquid ille largius dixerat, in æſtum contrahens deſloravit, adeo ſplendide, ut magis valere videatur deſloratio quàm in- gentis illius voluminis diſſuſio.

Ad calcem huius Epitomes in Cottonia- no codice appendix adjecta, ab altero Bodleianæ Bibliothecæ aberat: quam vel eo nomine negligendam non putabam, quòd magnæ illius Periodi Julianæ, cujus uſum magno Scaligero acceptum referimus, prima veſtigia in eâ deprehenderim. De magnis Cyclis Appendicem non diſſi- milem ad finem libri primi ipſius Mariani in Collegii Corporis Chriſti Manuſcripto appoſitam inveni: quam hic inclufam mitto; alia quoque de Mariani patriâ & variis editionibus Collectanea miſſurus ſi- militer, ſi ad Editionis tuæ ornatum aliquid inde acceſſurum à te intellexero. Deus laboribus tuis benedicat: & omnia tua ſtu- dia in honorem gratiæ ſux, Eccleſiæ bonum atque Reipublicæ Chriſtiænæ ver- tat emolumentum. Vale, Vir Clariffime; & ſi quæ ſunt alia, ex latore harum Lite- rarum D. Freyo fuſius intellige.

Dublini, anno Tuae Dignitatis ſtudioſiſſimus,  
MDCXXXII.

4. Id. Jun.

Jac. Uſſerius Armachanus

CDLX.

Clariffimo Gerardo Johanni Voſſio.

Ignofceſ, Vir Humaniffime juxta ac Doctiffime, quòd ignotus te compello ac ſeria tua leviculo negotio interpello. Juſſu Honoratiſſimi & Reverendiſſimi Archipreſulis Cantuarienſis (qui niſi im- menſa occupationum mole diſtineretur, jampridem ad Literas nuper à te acceptas reſpondiſſet) operam tuam implorandam habeo in providendo vellumine terſo ac utrinque lavigato, quod & Typorum im-

preſſionem ferat, & calami etiam ducturi non aſpernetur. Apud nos perit proſuſ hujusmodi Artificium, nec aliud habemus velluminis genus, quam quod librorum in- tegumentis adhiberi ſolet. Apud vos hoc artiſcium vigere libenter credimus, atque inde Clariffimum Virum Dominum Th. Bodleium vellumen illud comparafſe, ex quo conſtat Catalogus grandis Librorum in Bodleianâ, partim excuſus, partim calamo exaratus, qui publicè proſtat in Bibliotheca, quem fortaſſe notaveras, cum illic eſſes. Hujusmodi velluminis ſpecimen aliquod, tres ſcilicet vel quatuor membranas, ſi apud vos ſit parabilis annona, ad ſe ut tranſmittas, quamprimum commodè poteris, rogat Honoratiſſimus Archipreſul; ſimulque ut ſignifices utrum hujus mercimonii tanta apud vos ſit copia, ut ſuffectura ſit operi, quod mille fortaſſe membranas, aut am- plius deſideret. Habetis hoc nomine Ho- noratiſſimum Preſulem tibi debendi reum, meque inſuper eadem operâ devinxeris, ſummum jampridem

Raptim. Lon-  
dino Decem-  
bris xx. 1633.

Virtutum tuarum Cultorem

P. Turner, Soc. Collegii  
Merton in Academia Oxon.

CDLXI.

Cl. V. Gerardo Voſſio.

Quæ populum ſcire, uti nunc ſunt res noſtræ par erat, ex Epiftola quam non uni tuo, Vir Clariffime, inſcribere au- ſus eram, nota ſunt: quæ ſapientes, ex iſta ſi vacat, ſeductus accipies. Quum Grammaticam Scholis apud nos Ediçto imperatam omnes propemodum docti at- que indocti clamarent alii curtam, pro- lixam alii, hi methodum, illi materiam in- cularent, Daneſius quidam Epitomen Grammaticæ edidit: hanc Haineus (quem Miſum ego, quia Gallis Haine odium ſonat, agnomino) apud Archiepiſcopum Can- tuarienſem, Episcopum Ciceltrenſem, alios mancam clamat, ſuam ex regia Daneſiana conſutam promovere ſtudet; res ad Regiam Majeſtatem deſertur, cujus mandato evocatus ego huic operi de- ſignor: quod à me abſolutum Rex ad proceres qui illi à Sacris Conſiliis deman- dat, hi ad Scholarchas tres & his adjectum Haineum, pernicioſo credo conſilio, ne & hic novas res moliri arguerentur qui mihi



mihi autores. Plura cum publicus tum privatus super recenti vulnere ex obitu dilectissimi filii adicere non permittit dolor. Si quid erit, quo, vel consulendo, vel monendo, aut etiam, si promerebitur, cohortando, me beare dignata fuerit nota mihi dudum prolixa tua humanitas; faciam ne apud ingratum aut immemorem pereat illud beneficium, verum trabali fixum clavo stet apud eum, qui te meritissime semper coluit, religiosissime usque coler, est eritque Tuus,

Londini, Maii No-  
vis anno Domini  
MDCXII.

*Tbo. Farnabius.*

Ego jam per quinquennium secessi in rus meum ad vicesimum ab urbe lapidem. Londinum subinde viso. Si quid ad me voles, tradet mihi Asluerus Regemorterus, alumnus quondam meus, qui Lugduni studuit, suscepitque gradum Doctoris Med. Habitat is Londini, in Vico qui vocatur *Time street*.

CDLXII.

*S. & Obs.*

Quod dulcisonos audientibus concensus evenire solet, Vir longè celeberrime, idem mihi suavissimo tuo colloquio Amstel. dimisso nuper accidisse fatendum. Ut enim illi exoptata in auribus circumferunt vocis sonum: sic mihi non auribus tantum obversatur, sed etiam penitus pectori infixus, hæret & hærebit, quamdiu sanguis in venis caluerit, sermonis tui, quo me dignatus es, lepos pariter & candor. O dulces & frugiferas dapes, quibus tunc frui datum fuit! Hominis grati, piorumque monitorum audientis vix responderem officio, nisi has ipsas & obsequiosâ mente exoscularer &

in succum sanguineum meum, quoad vires in hac nostrâ infirmitate tulerint, convertere studerem. Non ergo temporis senectus nec loci longinquitas, nec rei ipsius difficultas æquè ac à multis neglectus hoc apud me, (ut cum bono Deo spero) efficiant, ut ejus amorem studiumque menti meæ vel excutiant vel exosum redant. Fruantur alii suo iudicio, ego & quid sanis istiusmodi debeatur consiliis & quantum ex rei illius studio hauriatur utilitatis, per Dei gratiam non sum ignarus. Qamprimum igitur per alia, quibus etiamnum distrahor, licuerit ad amcenissimos & aquæ vivæ uberrimos antiquitatis fontes degustandos me conferam: cumque multum mihi ad hanc rem adjumenti adferre possit eminentia tua, si efficiat apud Cl. Dominum Franciscum Junium, ut interdum unius atque alterius auctoris antiquioris usus ex Bibliothecâ Arundeliânâ studiis meis concedatur; ne in hoc mihi desit obnixè rogo. Ipse quidem benevolentiam dicti Dn. Junii præfens hic ambivi, & mentione tuæ eminentiæ benevolentiaque mihi exhibitæ exambivi; quin tamen largiorem illius fructum sim sensurus; si recommendatore insuper te apud eum uti mihi daretur nullus dubito: ego inter eminentiæ tuæ cultores animo non facile ulli secundus, & Deum venerans, ut eadem superstite rempub. literariam quam diutissime frui ac gaudere, clementer largiatur. Vale Literatorum ocelle, meque tua prosequi benevolentia perge.

*Deb. Londi-  
ni 12. Julii  
c1612.*

*Celeberrimæ Tuæ Eminentia*

*Observantissimus,*

*Daniel Sachsius.*

P. S. Si Theses tuæ antehac editæ et nunc prostant venales, quæso te eminentissime Vir, indices exhibitori præsentium ubi, ut exemplar earum accipere possim.

*FINIS.*

*ERRATA*

## ERRATA sic emendabit Benignus Lector.

Pagina 1. Columna 2. Nafforius, pag. 3. col. 1. pro LXII. reponere XLII. p. 10. c. 1. pro I. V. reponere If. Foffum. p. 15. c. 1. Alcinus. p. 31. c. 1. pro *Obato* lege *Achatis*. p. 45. c. 2. *admodum*. p. 54. c. 3. Antefifo. p. 56. c. 1. Cicetrienfis. p. 58. c. 1. Cicetrienfis. p. 59. c. 1. Burhilli. p. 69. c. 1. Cicetrienfis. p. 70. c. 2. pro *Cui* reponere *Qui*. p. 77. c. 2. Slupefikium. Sic etiam lege ubicunque nomen Ifud in his Epiftolis Invenies. p. 84. c. 1. Auderius Mauerius. pag. 85. c. 2. Confilis. p. 86. c. 2. Scholafico male fentire. Ibidem. Id eo. p. 89. c. 2. Grenvillo. p. 95. c. 1. *Alanus*. p. 100. c. 2. Lihocomi. p. 101. c. 1. Davidi de Willem. Ibid. c. 2. Hofferio. p. 102. c. 2. Hagam. p. 105. c. 2. Herce. p. 113. c. 1. *admirum*. c. 2. *pauperty*. p. 114. c. 2. pro *quis* reponere *quis*. p. 127. col. 2. Londinum. p. 181. c. 2. pro *Hoellus* forte reponendum *Hoelclim*. Ibid. Curatorum. Ibid. provinciam. p. 186. c. 2. Archiepifcopo Armichano. p. 188. c. 1. pro *M. Scriptis*, reponere MS. p. 190. c. 1. Radzivili. p. 193. c. 2. pro *Dutaca* lege *Doufiaca*. Ibid. Doufiaca. p. 194. c. 2. produffe. p. 195. c. 1. lectione. p. 199. c. 1. Junio Philargyio. Ibid. Phranza. p. 200. c. 2. Blacu. p. 202. c. 1. reponere *Anar. Rivois S. P.* p. 206. c. 2. fumtus. p. 210. c. 1. Hagam. p. 214. c. 2. Hufonem. p. 216. c. 2. de Wilkm. p. 217. c. 1. Skytlio. p. 221. c. 1. *salutis*. Ibid. c. 2. Joanni. Ibid. Semiebio. p. 222. c. 1. pro *monere* reponere *mones*. p. 232. c. 1. Sorigianis. p. 239. c. 2. Scytthiam. p. 241. c. 2. Ti lobroga. p. 257. c. 2. *admirum*. p. 252. c. 2. Regis. p. 253. c. 1. Goudansem. p. 258. c. 2. Grotli. p. 265. c. 1. Bis Rykwaert. p. 230. c. 1. Vander Myllo. p. 416. c. 1. Sorana. p. 454. c. 2. cogor. p. 446. c. 2. Ecclesia. p. 441. c. 1. Langermanno. p. 426. c. 2. unum aut alterum. p. 291. c. 2. aut contemptum. c. 2. haredum.

## In Clarorum Virorum ad VOSSIIUM Epistolis.

Pagina 14. Columna 1. pro Grilli reponere Cyrilli. pag. 1. col. 14. pro V. reponere viro. Ibid. Elmenhorftius. p. 23. c. 1. Anti-Grotium. Ibid. c. 2. Altorphina. p. 31. c. 1. A Londres. p. 35. c. 1. paré. Ibid. neceffaire. p. 36. c. 1. mortuum. p. 49. c. 1. Commentaria. p. 66. c. 2. Wren. Ibid. c. 1. puto legendum esse *Burlamachiana*. p. 67. c. 1. Creighton. p. 104. c. 2. diverfar. p. 121. c. 1. pro *Equis* reponendum puto *Epifcopus*. p. 191. c. 2. Galeotti di Prato. p. 192. c. 2. pro *Kewi* legendum *ceffio Rov.* p. 196. c. 1. *Greefi* reponere *Gravini*. p. 210. c. 2. pro *Teftreftano* lege *Mefirezani*. p. 211. c. 1. I. Peyraredus. p. 222. c. 2. Aug. p. 226. c. 2. procedit. p. 229. c. 2. Milleterium. p. 232. c. 2. *Amis*. p. 240. c. 1. Nemaufi. p. 244. c. 2. Polymathia. p. 245. c. 2. *Stalozidra*. p. 20. c. 2. Petro de Witte. p. 100. c. 2. vitare potes. p. 280. c. 1. Joh. Rod. p. 276. c. 1. *De Bieku*, in *Suprema Medicinaria curia quondam Senator*. Ita lege, & dele quæ habentur in infima parte columnæ. p. 276. c. 1. *post degenis* appo. e punctum. p. 276. c. 2. attestentur nec. P. 268. c. 2. pro *Lufcbianas* vide an legendum fit *Hannus*. p. 272. c. 2. an errore.

Cetera Lectoris Judio permittimus.



